

ঐ.সি.জি.এল.এল. বায় প্রতিষ্ঠিত

# বিশ্বকবি

সচিত্র মাসিকপত্র

চতুর্দশ বর্ষ - প্রথম খণ্ড

আষাঢ়—অগ্রহায়ণ, ১৩৩৩

সম্পাদক—রায় শ্রীজলধর সেন বাহাদুর

প্রকাশক—

শ্রীমদামল্যপাঠ্যশ্রীমৎ—

২০৩।১।১, কর্ণওয়ালিস্ স্ট্রীট, কলিকাতা

# ভারতবর্ষ

## সুচিপত্র

চতুর্দশ বর্ষ—প্রথম খণ্ড—আষাঢ়—অগ্রহায়ণ, ১৩৩৩

### বিষয়ানুসারে বর্ণানুক্রমিক

অক্ষয়ানন্দের পাগড়ান্ন ( রসায়ন-বিজ্ঞান )—শ্রী আশীষের ঘটক	৩২০	চরকা প্রচলনে নারীজাতির কর্তব্য ( আলোচনা )—	
অখই ভলে সাতার-খেলা ( গল্প )—শ্রী হেমেন্দ্রকুমার রায়	১০১১	শ্রী নগেন্দ্রনাথ চট্টোপাধ্যায়	৩২৩
অজপ-রতন ( নাট্য )—শ্রী মনমথ রায় এম-এ	৮৪১	চিত্তোর ( ভ্রমণ বৃত্তান্ত )—শ্রী বসন্তকুমার চট্টোপাধ্যায় এম এ	৭১১
অর্ঘ্য ( চিত্র )—শ্রী সুধীরচন্দ্র খাঙ্গার	৭৪৮	ছাত্র-বাহ্য ( বাগ্যানীতি )—শ্রী রমেশচন্দ্র রায় এম-এম-এস	৪৫
আদি ও মসি ( কবিতা )—শ্রী কুমুদরঞ্জন মল্লিক বি-এ	৩৮৬	অনু ( গল্প )—শ্রী মণিক ভট্টাচাৰ্য্য বি-এ, বি টি	১৩৮
আপমনী—আশীষ ( কবিতা )—শ্রী যোগেশচন্দ্র চৌধুরী		অমবেবু ( জীবন-কথা )—শ্রী চরিত্রক মুখোপাধ্যায় ডাক্তার	৫১২
এম এ, বি এল, বি-সি এস	৩৬৮	অঙ্গুরাচর ( গল্প )—শ্রী সুধীন্দ্রনাথ মুখোপাধ্যায় বি এ	১০০১
আতঙ্ক-নিগ্রহ ( আলোচনা )—শ্রী মনোরঞ্জন মৈত্রের সি আই-ই	২০৫	জার্জানী ( বিবরণ )—শ্রী নরেন্দ্রদেব	১৫৭, ৩৩১, ৬০৪, ৬১২
আন্তর্জাতিক মুদ্রা-বিনিময় ( অর্থনীতি )—শ্রী অনাথবন্ধু বসু		জাবালি ( মজা )—পরশুরাম	৬৫১
এম এ, এফ-আর-ই-এস	২৩২	জিনগণ্ড ( চিকিৎসা-বিজ্ঞান )—শ্রী মনমথ রায় এম-এ, বি-এ	৩১৭
আমিনা বিবির আত্মকথা ( গল্প )—রায় শ্রী যতীন্দ্রমোহন		জীবনের মিত্র স্রোতে ( গল্প )—শ্রী ভূপতি চৌধুরী	৪৬১
সিংহ বাহাদুর	৩১৩	তক্ষিলা ( ভ্রমণ )—শ্রী নরেন্দ্রচন্দ্র সেনগুপ্ত বি-এ	৬২২, ৭৬০, ২৫৪
ইয়োরোপের পত্র ( ভ্রমণ-বৃত্তান্ত )—শ্রী মনীন্দ্রলাল বসু		তিন অঙ্ক ( গল্প )—শ্রী হেমেন্দ্রকুমার রায়	৩৮৮
এম-এ বার-এট-ল	৭৭৮	দরদী ( কবিতা )—বন্দে আলী মির	৩৫৭
উড়ো চিঠি ( বড় গল্প )—শ্রী অক্ষয়কামা দেবী	৫৬০	দাক্ষিণাত্য ( ভ্রমণ বৃত্তান্ত )—শ্রী মনোমোহন মুখোপাধ্যায় বি-ই	৩৫৫
উৎকল-অভিযান ও দুর্গ-বিরোধ ( ইতিহাস )—শ্রী হরিচরণ বসু	১০৩১	দিক্‌পুল ( উপভাস )—শ্রী চন্দ্রেন্দ্রনাথ মুখোপাধ্যায়	১৮২, ৩৫১, ৫৪১, ৬২৫, ৮৩৩, ২২২
উপভাস-কলেজ ( গল্প )—শ্রী প্রভাতকুমার মুখোপাধ্যায়		দিকি ( চিত্র )—শ্রী সুধীরচন্দ্র খাঙ্গার	৬০০
বি-এ, বার-এট-ল	২২০	দুর্গামঙ্গল ( সা হত্য )—অধ্যাপক শ্রী হরিহর শাস্ত্রী	৭২২
উপরি' পাওনা ( গল্প )—শ্রী রামকৃষ্ণ চট্টোপাধ্যায়	৮৭২	দুর্গেশনন্দিনীর দুর্গতি ( মজা )—শ্রী কেদারনাথ বন্দ্যোপাধ্যায়	৬৭৭
কবির মেয়ে ( সমালোচনা ) মহামহোপাধ্যায় শ্রী গুরুপ্রসাদ		দেববন্ধুর ব্রত ( আলোচনা )—শ্রী কালিদাস রায় কবিশেখর বি-এ	২০১
শাস্ত্রী সি-আই-ই	২৪৫	দেবের কথা	৫৪২
একজামিনের পর ( ভ্রমণ-কাহিনী )—		দল ( উপভাস )—শ্রী সঞ্জয়কুমারী বন্দ্যোপাধ্যায়	১৭, ৩৭২, ৩২৭
শ্রী মিত্রমোহন মুখোপাধ্যায়	৩৪২		৬০০, ৭৭১, ২৪২
গুরাটার সাইকেল যোট ( শিল্প )—শ্রী চন্দ্রমণি ঘটক	৩২১	বিভূক্তলাল সখের বৎকিতিক ( জীবন-কথা )—শ্রী হরিশ্চন্দ্র দাঁড়	১১২
ক টিপণ্ড ( চিকিৎসা শাস্ত্র )—শ্রী মনমথ রায় এম-এ, বি-এল	১০০৪	নারীর পথে ( কবিতা )—শ্রী চারুশঙ্কর বন্দ্যোপাধ্যায়	১৪৫
কয়েকটি কারবাগী তথ্য ( রস বাস )—শ্রী গরিপদ মহলানবীশ	১০১২	নিখিল-প্রবাহ ( বৈদ্যেশিকী )—শ্রী হেমেন্দ্র চট্টোপাধ্যায়	১২৪, ২২১, ৫২৩, ৬৩৭, ৮৭৪, ১০২২
কমির দাতা কর্ণ ( ব্যঙ্গ কবিতা )—শ্রী নন্দ শর্মা	৩২৫	নিরুদ্দেশের বাতী ( কবিতা )—শ্রী বীণাপাণি রায়	৩৭৬
কবিতা ও কুহুম ( কবিতা )—শ্রী হেমচন্দ্র বাগচী	২২	নির্ভুতি রাতের একতারা ( কবিতা )—শ্রী হরিধন মিত্র	২১০
কবির আত্মতরিতা ( আলোচনা )—অধ্যাপক শ্রী ককবিহারী		পুথের কাহিনী ( গল্প )—শ্রী নিকুপমা দেবী	৭২৩
গুপ্ত এম-এ	২৬৬	পুথের মেয়ে ( উপভাস )—শ্রী প্রভাবতী দেবী সর্গদেবী	৩১৮, ৭৩৭, ২১১
কালাহাসি ( কবিতা )—শ্রী হেমেন্দ্রকুমার চট্টোপাধ্যায়	১৭৪	পদ্মভক্ত হৃদয়ধন ( ভ্রমণ বৃত্তান্ত )—শ্রী নরেন্দ্রচন্দ্র ভূঁই	৮২৭
কে তোকে চিনিতে পারে? ( কবিতা )—শ্রী অচ্যুতকুমার সেনগুপ্ত	১৫১	পল্লীরাণী ( গল্প )—শ্রী সুধীন্দ্রনাথ মুখোপাধ্যায় বি-এ	৪৮৮
কোঙ্গির কলাকল্ম ( ভ্রমণ-কাহিনী )—শ্রী কেদারনাথ বন্দ্যোপাধ্যায়	২০৮	পাঁকের কুল ( গল্প )—শ্রী হেমেন্দ্রলাল রায়	৮১৪
ধবরের স্রাগ ( মজা )—শ্রী কপিলম	৭০৪	পাকাবেধা ( গল্প )—শ্রী নির্মল দেব	৫২৭
ধারবার কাহিনী ( ভ্রমণ-বৃত্তান্ত )—শ্রী রমাকান্ত হালদার বি-এসসি	৫৩৪	পায়সীকরণের পায়সী ( মর্মন )—শ্রী অশোকনাথ চট্টোপাধ্যায়	৩০৪
খেল-বাঠ' ( রহস্য )—শ্রী রসরাজ বর্মা	৩৫৮	পাহাড়পুরের গুপ ( ভ্রমণ )—রায় শ্রী মনমথ সেন বাহাদুর	৮২৪
দোখানী-বন্দনা ( কবিতা )—শ্রী কুমুদরঞ্জন মল্লিক বি-এ	৭৭৭		
প্রায়স্কুলিয়া ( ভ্রমণ-বৃত্তান্ত )—শ্রী গুরুপ্রসাদ মিত্র মুর্ত্যুকী	২২২		

পুরাতনী ( ইতিবৃত্ত )—শ্রীহরিহর শেঠ	২০, ২৭০, ৪৪৭, ৬৭৯, ৯৬৯	বর্ণাঙ্কন ধর্ম এবং ভারতবর্ষের অধোগতি ( আলোচনা )—শ্রীবসন্তকুমার	৩, ৫০১
পুস্তক পরিচয়	৩৪৮, ৫৫৭, ৭২৬	চট্টোপাধ্যায় এম-এ	
প্রকৃতি-বিজ্ঞান ( বিজ্ঞান )—অধ্যাপক শ্রী অধিনীকুমার ভট্টাচার্য	এম-এ ৩৮৭	বর্ণাঙ্কন ধর্ম ও ভারতের অধোগতি ( আলোচনা )—	
প্রবেশপত্র	৩৫১, ৯০৪	শ্রী প্রসন্নকুমার সমাদ্দার	৩৪৫
প্রণয় ( চিত্র )—শ্রী হরীশ্চন্দ্রনাথ খাঙ্গার	৭৯২	বর্তমান ত্রিবাঙ্গুর ( বিবরণ )—শ্রী হরেন্দ্রকৃষ্ণ বন্দ্যোপাধ্যায় বি-এ	৯০
প্রথম বাঙ্গালী	৭০৯	বর্ষ বোধন ( কবিতা )—কবিনেখর শ্রী নগেন্দ্রনাথ সোম কবিভূষণ	২০০
প্রথম বঙ্গালী ( আলোচনা )—শ্রী বিমলাকান্ত রায়	২২৫	বাকী-বাঙ্গলা ( গল্প )—শ্রী নির্মল দেব	১০৪৯
প্রবাসী ( গল্প )—শ্রী হুংখাংকিলাশ রায় চৌধুরী	৬৬০	বাজে কথা ( আলোচনা )—অধ্যাপক শ্রী নগেন্দ্রনাথ মিত্র এম এ	৭৪৫
প্রার্থনা ( কবিতা )—গুরুশ্রী	৫৫০	বিক্রমাদিত্য ভট্টাচার্য ( নন্দা )—শ্রী হেমন্ত চট্টোপাধ্যায়	১০১৬
ভাই ফোটা ( চিত্র )—শ্রী রংধারী দত্ত	১০৪৫	বিচারের অধিকার ( গল্প )—শ্রী রমাদাস হালদার বি-এসসি	২৮০
ভারতবর্ষের কৃষির উন্নতি হইল না কেন? ( আলোচনা )—		বিদ্ভাট ( গল্প )—শ্রী সত্যভূষণ সেন	৭২৫
শ্রীনিহারচন্দ্র চৌধুরী এম-আর-এ-এস	১০০৬	ব্যথার পূজা ( উপন্যাস )—শ্রী হরীশ্চন্দ্র বন্দ্যোপাধ্যায়	৬৯, ২৩১, ৪৪১, ৬০৫, ৭৪৯, ৯৩৬
ভারতের লোকসংখ্যা বনাম ভারত ( আলোচনা )—অধ্যাপক		ব্রহ্ম-প্রবাসের চিত্র ( চিত্রাবলী )—শ্রী গণেশচন্দ্র বৈত্র বি-এসসি	৭৫
শ্রী বীরেন্দ্রনাথ সেনগুপ্ত এম-এ, বি-এল	৫১২	ব্রাহ্মণ ( গল্প )—শ্রী পূর্ণচন্দ্র ঘোষ	৩০১
ভারতের স্থাপত্য-শিল্প ( ঐতিহাসিক )—এককলিত্রিউটিভ ইঞ্জিনিয়ার	১৪২	শরৎ ( কবিতা )—শ্রী কুমুদরঞ্জন মল্লিক বি-এ	৫২৬
ভূমিকম্প ( গল্প )—শ্রী বীরেন্দ্রনাথ বন্দ্যোপাধ্যায় এম-এ, বি-এল	১৪৬	শান্ত ( গল্প )—শ্রী শচীন্দ্রনাথ রায় এম-এ	১০৩০
ভৌম শিল্প ( কবিতা )—শ্রী বীরেন্দ্রনাথ দত্ত	৬৯৪	শিল্পের শিক্ষানবীশি ( শিল্প-বিজ্ঞান )—শ্রী হরেন্দ্রনাথ সোম	
মধুলক ( চিত্র )—শ্রী হরীশ্চন্দ্রনাথ খাঙ্গার	৬৮৭	এম-আই-ই-ই	৯১৬
মর্নের মত ( গল্প )—শ্রী রেণু দেবী	১১৪	শিশুদের বক্তৃৎ রোপ ( চিত্রিত্ব-শাস্ত্র )—অধ্যাপক মেচর সি, বি,	
মুন্সের মতন ( কবিতা )—শ্রী মলিনীমোহন চট্টোপাধ্যায়	৫৮৪	প্রণ অর্পুটেক, এম-ডি, এম-আর সি-পি ( লন্ডন), আই-এম-এস	১০০৭
মরমলিংহেঙ্গের মহিলা কৃষ্টিবাস ( জীবন-কথা )—শ্রী সত্যকুমার দে	২২৭, ৪০১	শুভ-বিবাহ ( গাথা )—শ্রী হরেন্দ্র দেব	৭৫৪
মহাত্মীর কথা ( জন্ম-বৃত্তান্ত )—শ্রী হরীশ্চন্দ্র বন্দ্যোপাধ্যায়	৮৫২	শুধন ( কবিতা )—শ্রী মলিনীমোহন চট্টোপাধ্যায়	৭৪
মিলন সুপিনা ( উপন্যাস )—শ্রী নরেশচন্দ্র সেনগুপ্ত এম এ ডি এল	৩১, ২২১, ৩১৩, ৫৫৫	শোক-সংবাদ	৩৬৩, ৭২৪, ১০৫১
মিশর ( ইতিবৃত্ত )—অধ্যাপক শ্রী হরেন্দ্রনাথ দত্ত এম-এ,		শ্রীকৃষ্ণ ( সমালোচনা )—মহামহোপাধ্যায় শ্রী চরপ্রসাদ	
পি-এইচ-ডি	৩৭	শান্তী সি-আই-ই	৩২৮
মুক্তিপত্র ( আলোচনী )—শ্রী সত্যচন্দ্র দাস গুপ্ত	৬৭১	সঙ্গীত ও বঙ্গলিপি—শ্রী মলিনীকুমার রায়	৩২০
মুক্তিযুদ্ধ ( জয় কাহিনী )—শ্রী হরেন্দ্রনাথ মিত্র মুন্সীকী	২৪২, ৪১৩	সঙ্গীত—শ্রী অতুলপ্রসাদ সেন ও শ্রী মতী সাগনা দেবী	২৯১, ৭৭০
মৌচিকের কান্নার যাত্রা ( জয় বৃত্তান্ত )—শ্রী দৌরীন্দ্রমোহন		সমাধি ( গল্প )—শ্রী নির্মল দেব	১০৩
মুখোপাধ্যায় বি-এল	১৭৫, ৫৮৫, ৯২৪	সরলা ( গল্প )—শ্রী পূর্ণচন্দ্র ঘোষ	২০০
মুক্তকরনী ( সমালোচনা )—অধ্যাপক শ্রী পূর্ণচন্দ্র লাল সাহা এম-এ	৩২০, ৫১৪	সহর ( কাব্য )—শ্রী রাধাচরণ চক্রবর্তী	৮১৩
মহীন্দ্রনাথ ও সঙ্গীত ( আলোচনা )—শ্রী মলিনীকুমার রায়	৮৬	সাংগো বঙ্গবন্দ ( দর্শন )—অধ্যাপক শ্রী বীন্দ্রনাথকুমার মজুমদার এম-এ	১২৮, ৩৬৫, ৭২৭, ১০৫৩
মসকীর্তন ( আলোচনা )—অধ্যাপক শ্রী নগেন্দ্রনাথ মিত্র এম-এ	৩৭৭	সাময়িকী	১২৮, ৩৬৫, ৭২৭, ১০৫৩
মসকীর্তন ( দর্শন )—শ্রী মলিনীকুমার বসু এম-এ	২১৭	সাহিত্য-সংবাদ	২০০, ৩৭৬, ৫৫২, ৭২৮, ৯০৪, ১০৫৩
মাতাপালন ( রূপক )—শ্রী মানিক ভট্টাচার্য বি-এ, বি-টি	৮৮০	সীতারামের শিলালিপি ( প্রবৃত্ত )—শ্রী বিজয়নাথ সরকার	
মামুলক ( কবিতা )—শ্রী দেবীন্দ্রনাথ বন্দ্যোপাধ্যায়	৩৮	বি-এ, সি-ই	৩১৮
মাতৃশাসন পদ্ধতি ( মাতৃনীতি )—শ্রী সত্যগোপাল রায় এম-এ	৪১	মহাভালা ( গান )—শ্রী বীরেন্দ্রনাথ ঠাকুর	১
মোঁচ ( গল্প )—শ্রী সত্যচন্দ্র সেন	৫২২	মুর হারা ( কবিতা )—শ্রী শীলাপাণি রায়	১০৪৮
মোঁচাইগাওঁ ই গুন্সর খেঁরাম ( সমালোচনা )—শ্রী গিরীন্দ্রনাথ বসু	১৫৩	সেতালের শিক ( মাতৃ মঙ্গল )—শ্রী নির্মলা দেবী	৩৪
লক্ষ্মীরা ( কথোনির্ঘোষ )—মুখোপাধ্যায় এম এ	৫৭	শরৎলিপি—শ্রী গায়ত্রী দেবী	৩৪৫
লাখটা ( নাটক )—শ্রী দৌরীন্দ্রমোহন মুখোপাধ্যায় বি-এল	৪৬১	হাটকেন ( উপন্যাস )—দার বন্দ্যোপাধ্যায়	৪৯, ২৩৪, ২৮৩
বংশীধারী ( কবিতা )—শ্রী শচীন্দ্রনাথ চট্টোপাধ্যায়	১০১৫	হিমালয় ( কবিতা )—শ্রী বীন্দ্রনাথমোহন বাগচি বি-এ	১৬১, ২২০, ৬১৯, ৮৫০
		হিমালয়ের পত্র ( জয়-বৃত্তান্ত )—শ্রী শচীন্দ্রনাথ চট্টোপাধ্যায়	
		এ-এম-এ-ই, এম-আর-এ-এস ( লন্ডন )	১২৫

# চিত্র-সূচি

আবৃত্তি—১৩৩৩

ব্যাঙেল পিঙ্কি	...	২৩
ব্যাঙেল পিঙ্কির ভিতরের দৃশ্য	...	২৪
এই হিন্দু মন্দির ... হইয়াছিল	...	২৫
চন্দ্রনগরের পুরাতন পিঙ্কি	...	২৬
পাথরি কেরি ও তাঁহার হিন্দু পণ্ডিত	...	২৭
শ্রীরামপুরের পুরাতন উপাসনা-মন্দির	...	২৮
কলিকাতার সেন্টজন পিঙ্কি	...	৩০
মিলন মন্দির	...	৩৫
বুড়ং ঘটা	...	৩৬
ভায়ের ঘণ্টাকৃতি প্যাগোডা	...	৩৬
থায়েরটে মন্দির সর্পাকৃতি প্যাগোডা	...	৩৬
মাল্লানগরের অতুলনীর প্যাগোডা	...	৩৭
পাভাড়ের উপর ৭১৬ প্যাগোডা	...	৩৭
পেগানের আনন্দ প্যাগোডা	...	৩৮
সেংরে কনু বইন প্যাগোডা	...	৩৮
টোরাটে রবার কেব্রের একটি দৃশ্য	...	৩৯
ভিক্টোরিয়া পার্ক, মিউজিয়াম সহরের দৃশ্য	...	৪০
ব্রহ্মরাজ খিব প্রতিষ্ঠিত মঠ, প্রায়ের সাধারণ দৃশ্য	...	৪১
মেমিও রাজপথের দৃশ্য টাঙ্গু সহরের দৃশ্য	...	৪২
মেমিও লাট প্রাসাদ, লাট-প্রাসাদ - রেঙ্গুন	...	৪৩
নঙ ডগী প্যাগোডা, সেন্টপল বিজ্ঞান	...	৪৪
টাঙ্গু প্যাগোডা, বৌদ্ধ ভিক্ষুপণের আশ্রম	...	৪৫
মডেল স্কুল ও টেম্পেল কলেজ—ত্রিবাঙ্কুর	...	৪৭
ত্রিবাঙ্কুর মগরাজার আর্ট কলেজ	...	৪৮
ত্রিব কুয়ের স্বর্গীয় মগরাজ	...	১০১
ত্রিবাঙ্কুর মহারাণী	...	১০৩
সুংপুল দেওয়ান শ্রীমুকুট সিংহ সিংহ-আই	...	১০৪
ত্রিবাঙ্কুরের মানচিত্র	...	১০৫
উদী মঠ পথে	...	১১৫
বিষ্ণু প্রাসাদ	...	১১৬
অনন্তের কোলে—মাজীর চটা	...	১১৭
বরুকের দপরে—শ্রীমুকুট শরৎচন্দ্র	...	১২৮
বরুকের নদী	...	১২৯
বদরী ধাম	...	১৩০
সিরিসকটে অলকানন্দ	...	১৩১
ভুবানের দৃশ্য	...	১৩৩
দড়ির কোলা	...	১৩৫
বদরী-পথে চড়াই	...	১৩৭
প্রকৃত শিক্ষা	...	১৫০
অজিতান ক'নে, কুম্বসাজে ব্রুকবার্গের বধু	...	১৫৭
ট্যাটপোর্টের গ্রাম্য জায়াপ পরিবার, ওয়ার্মের পিঙ্কি সংলগ্ন বাজার	...	১৫৮
রাইনের মজুর, বিবাহের শ্রী ত উপহার	...	১৫৯
বাভেরীয়ার বিচিত্র পোষাক পরা মেয়ের দল	...	১৬০
কুম্বসাজে উৎসবে সজ্জিত কুম্বকরমণীর দল	...	১৬১
বর্ট-ধর্মের দীক্ষা	...	১৬১

কুম্বসাজের গৃহীণীর নিত্যকর্ম	...	১৬২
রাইনের মজুরের জায়াপ পরিবারের মাচ	...	১৬২
কুম্বসাজে বাসিনীর খড়ের বস্ত্র বোনা	...	১৬৩
বাভেরীয়ার পার্শ্বতা কুম্বক পরিবার	...	১৬৩
ছ টি সুলের মেয়ে, কুম্বসাজের তরুণী	...	১৬৪
শিরভুবা জায়াপ-ভবনী	...	১৬৫
কুম্বসাজে বাসিনীর কুম্বসাজের কুম্বক সম্পত্তি	...	১৬৬
শালটেনবার্গের স্বর্ণী বিজ্ঞান, বর্কোৎসবে বিচিত্র	...	১৬৭
রবিবারের পোষাক, পুণ্য আশ্রমের মজুরমণীর দল	...	১৬৮
প্রায়ের মন্দির	...	১৭১
রাইন গ্রামের দৃশ্য, প্রায়ের স্বর্ণী ভলার	...	১৭০
বাভেরীয়ার বরুণ	...	১৭১
সাইকেল বিহারী, রাইন নদী-তীর	...	১৭২
কুম্বসাজে বিবাহ উৎসব	...	১৭৩
রাওয়ালপিণ্ডি হাড়িবার উৎসব	...	১৭৫
মারী ও কোলাসার পথে, ট্রেট	...	১৭৬
বিলামভাট	...	১৭৭
কোলাসার বিলামের উপর পুল	...	১৭৮
উরির পর পাহাড় ধসা	...	১৭৮
পাহাড় পথে জল লওয়া, রাওয়ালপিণ্ডি সহরের দৃশ্য	...	১৭৯
রঘুনাথস্বামী মন্দির—রাওয়ালপিণ্ডি, গড়হি ডাকবাংলা	...	১৮০
গড়হি ওপরে হাড়িবার গ্রাম, উরির বাজার	...	১৮১
উরি—ডাকবাংলা	...	১৮২
উরি—ধসা পথ, ডোমেল	...	১৮৩
ওপিনালার উপর পুল	...	১৮৪
শ্রীনগরে পৌঁছানো, শ্রীনগর বাজার	...	১৮৬
চেনারাম হাটস্ বোটে পৌঁছানো	...	১৮৭
চেনার নালা	...	১৮৮
ম্যাপ	...	১৮৯
আন্তনব দৃশ্য	...	১৯৪
কুকুর গোরেনা	...	১৯৫
স্বর্ণ: সির সিঁড়ি, অসুস্থ উপস্থিত বৃদ্ধি, কুম্বসাজে হরিণ	...	১৯৬
কাগিনার্মত নৃত্যশালা, বিজ্ঞানরের বিজ্ঞান ব্যবস্থা	...	১৯৭
র্যাডিও সাহায্যে ছবি তোলা	...	১৯৭
কুম্বসাজে মজুরমণীর	...	১৯৯

## • বহুবর্ণ চিত্র

স্বামী বিবেকানন্দ ( প্রচ্ছদপট )	
রংগের রাণী	ঐতৃপ্ত-আশা
বসন্তের সজ্জা	সানসা

## প্রাবণ—১৩৩৩

মুর্শিদাবাদ - জাফরগঞ্জ - নির্জাকরের সমাধি	...	২৪২
নির্জাকরের বাটীর দরওয়াজা,	...	২৪৩
সিরাজউদ্দৌলার হত্যার স্থান	...	২৪৩
নির্জাকরের দরবার-গৃহ, জগৎশেষের বাটীর ভগ্নাবশেষ	...	২৪৪
সতী-চৌরী, কাটবার মসজিদের সমুদ্র	...	২৪৫

কাটরার মনভিত্তিক উপাসনা-গৃহ, তোপখানা—	২৪৬	হুলত্যা হুম্মিতা নারী ড্রিঙ্গিংয়ে বসে চরকা কাটছেন	...
কনক রত্ন, কনক রত্নের অসাধারণ মেদিনা	২৪৭	রাজা প্রমদানাথ রায় বাহাদুর	...
প্রাচীন সঙ্গ... মঞ্জিল, নিজেই কেতা	২৪৮	কুমার বিভবেন্দ্রনাথ রায়	...
বর্তমান নবাবের নুতন ... সমুদ্রভাগ	২৪৯	নিয়াইচরণ বহু	...
হাজার হাজার প্যাংলস	২৪৯	নারী শিক্ষা-মন্দির... চন্দননগর	...
নবাবের... মিক	২৫০		
সিরাজউদ্দৌলার... মেদিনা	২৫১	বহুবর্ণ চিত্র	
ঘড়ী-ঘর	২৫২	রাজা রাজেন্দ্রলাল মিত্র সি-আই-ই (প্রজ্ঞাপট)	...
মুর্শিদাবাদ... হাইতেছে	২৫৩	বিষ বীণারবে বিষজন মোহিছে	...
ইসলামবাদী	২৫৪	প্রার্থনা	...
চকের নিকটস্থ ত্রিপুরা পরজা	২৫৫	শ্রীমন্দির সর্ব্ব	...
সৈন্যের... মসজিদ	২৫৬	ব্যথা	...
হাজার... মসজিদ	২৫৭		
টৌক মসজিদ	২৫৮	ভাদ্র,—১৩৩৩	
মুর্শিদাবাদ... সমুদ্রভাগ	২৫৯	রোসনীবাগ—মুজাউফীন মসজিদ বাঁর সমাধি-গৃহ	...
বাঙ্গালীর ভাষা—‘এক্সট্রাট্রা’	২৬০	রোসনীবাগ—গণেশের মন্দির	...
বে দিন... মসজিদ	২৬১	বড়নগরের ভাগীরথী-বকে আমাদের তরঙ্গী	...
সেকালের ডাকবাড়ী ও ঘোড়ার গাড়ী	২৬২	বড়নগর... শিবমন্দির	...
সেকালের... সমনাসমন	২৬৩	বড়নগর ভাগীরথী-তীরে একটি শিবমন্দির	...
সেকালের... গাড়ী	২৬৪	বড়নগর ঠাকুরবাড়ী	...
অভিনব কাঠ, নুতন রকমের টেমিকোন	২৬৫	বড়নগর শ্রীমন্দির	...
লুকার... কীর্ষি	২৬৬	বড়নগর—রাজরাজেশ্বরী মসজিদ	...
বৃহত্তম তারকা	২৬৭	বড়নগর—নাড়ুগোপালের বাড়ী ও শিবমন্দির	...
অভিনব বোলা	২৬৮	বড়নগর... মদন গোপাল	...
চোহারা সাদু	২৬৯	রাজা রামকৃষ্ণের লক্ষ্মী আসন	...
বাইনাইকুল ভৌতা	২৭০	রাণী শুবানী... মন্দির	...
টট আংখ আয়েদের ককিন	২৭১	রাণী শুবানীর... মন্দির	...
হাতের টিপ	২৭২	গোড়বাড়ী... ভাগ	...
কলের ঘারা... বোতল প্যাক	২৭৩	দয়ামণী কালী	...
বৎসর বয়সে... ঘোড়	২৭৪	সাপুর বাগ... পার্শ্ব, সাপুর বাগ... মন্দির	...
ঘোড়ার গাড়ি সুখের	২৭৫	কিরীটেবরীর... শ্রীমন্দির	...
অভিনব আবাস	২৭৬	কিরীটেবরীর বর্তমান গৃহ	...
জনমানবহীন বরকরীপ	৩০০	প্রাচীন কলিকাতা	...
ভাঙার পীথের অভিনব ব্যবহার	৩০১	কাটম হাউসের... স্মৃতিস্তম্ভ হাইকোর্ট	...
বাতেরীয়ার প্রাচীন নারী	৩০২	শ্রেসিডেন্সী জেনারেল ইমপাতাল	...
রাইটগা, শব ব'ত্র	৩০৩	পুরাতন রাইটার্স বিল্ডিং	...
ধাত্রীবিজ্ঞান... করছে, কুলের মেয়েরা	৩০৪	অক্ষয়পহতার পুরাতন স্মৃতিস্তম্ভ	...
সৈন্য পরিদর্শন, ভার্সিটির ডাক্তারানা	৩০৫	পুরাতন কোর্ট উই লরম হর্শ, ডালহাউসী ইনস্টিটিউট	...
বালিনের লাইপ্ জিয়ার ট্রাসে, চিত্রাঙ্কন	৩০৬	লাটসাহেবের বাড়ী	...
প্রাণীগর পুষ্করণ দিনে, বালিন সহরের দৃশ্য	৩০৭	কোর্ট উইলরম হর্শ—পলাশি গেট	...
সুগের ছাত্রগণ, ছুটির ঘটনা, ধাত্রী বিজ্ঞানের ছাত্রীরা	৩০৮	বর্তমান রাইটার্স বিল্ডিং	...
ভার্সিটি জননী, গির্জার পথে	৩০৯	এইখানে... ঘটনাস্থল	...
কলেজের উৎসবে, খোলা মাঠে পড়া	৩১০	টাউনহল	...
পরিচ্ছন্নতার পরিচয়, ঘোটে বসে পড়া	৩১১	অক্ষয়পহতার পর, হর্শের... দৃশ্য	...
লাইপ্ জিয়ার মেলায়, শিশু ও শিল্পীর হল	৩১২	অষ্টারলিন মনুয়েট	...
সভা গৃহের সম্মুখে, বালিনের... চৌমাথা	৩১৩	কোর্ট... ব্যারাক	...
লাইপ্ জিয়ার মেলায়	৩১৪	জেনারেল পোর্ট আপিস	...
বাগীরের পথে, ভার্সিটির কাঁচের কারখানা	৩১৫	ভোজনের পর	...
খেলার খাতা	৩১৬	রথ চাত্রের পাঠশালা	...
বাগীচী নারীরা টেকিতে বাম ভাজছেন	৩১৭	গির্জার পথে, লোহা ঢালাই... হচ্ছে	...
বেবুর্চী-নারী টেকিতে চড়ে শূভপথ দিয়ে যাচ্ছেন	৩১৮	চুকটের কারখানার ডামাক পাতার পাট	...
পশ্চিমে নারীরা বাঁতা ঘোরায়ছেন	৩১৯	বালিনের... কেরি	...

বেতের চেয়ার তৈরি হচ্ছে, বেত শুকিয়ে নেওয়া হচ্ছে	...	৫০৭
বেতের চেয়ারের কারখানা, শিকানবীশ.....হচ্ছে,	...	৫০৮
দীর্ঘকাল.....হচ্ছে ভাষিক.....হচ্ছে	...	৫০৯
পাঁচট মেয়ে.....যেহিঁতেছে	...	৫১০
তৈরী পনীর.....হচ্ছে আর্দ্রাণ চাষী.....বাড়ী	...	৫১১
বিছাতিক.....হচ্ছে	...	৫১২
চালস্ হক্	...	৫১৩
ব্যায়াম এবং ক্রীড়া আয়ু বৃদ্ধি করে	...	৫১৪
মোটর বাড়ী অভিনব বেশ, কুস্তম বীষর	...	৫১৫
এক্সিডেন্ট বাঁচাইবার উপায়	...	৫১৬
য়েসলাইন এং গাড়ী ইত্যাদির মডেল	...	৫১৭
লম্বা জিরাফ, বহুস্ত নির্মিত নৌকা	...	৫১৮
সাত সন্তানের মান চিত্র, একাকী সাত সন্তান ভ্রমণ,	...	৫১৯
একহাতে ১০টি বস	...	৫২০
সার্কাসওয়ালার কেরামতি, উপযুক্ত পোষাক পরিচ্ছদ	...	৫২১
নির্ভরনে চিত্র করা	...	৫২২
ভিজা পর্দা ট.সাইয়া ঘর ঠাণ্ডা রাখা	...	৫২৩

বহু বর্ণ চিত্র

ডাক্তার রামদাস পেম ( প্রচ্ছদপট )

দোঁটানা	...	৬১৩
অবলম্বন	...	৬১৪
লক্ষণ	...	৬১৫
রাস	...	৬১৬

আশ্বিন,—১৩৩৩

আমাদের হাউস বোট শিকারা	...	৬১৭
কাম্বুজী বাড়ী বিলাসের তীরে ঘাট ও বাড়ী	...	৬১৮
বিলাস, চেনার-নালা	...	৬১৯
শঙ্করাচাৰ্য পৰ্বত-পিথর হইতে বিলাসের গতি-দৃশ্য	...	৬২০
ডাল হুব—কয়লান	...	৬২১
ডাল হুব—শাসমান কেত	...	৬২২
ডাল হুব—গাগরি বস, কাম্বুজী নারীর ধান কোটা	...	৬২৩
চেনার-বাগ, কাম্বুজী	...	৬২৪
উলার হুব	...	৬২৫
শঙ্করাচাৰ্য পাঠাড, ছিনগর—প্রাসাদ	...	৬২৬
বিলাসের বৃক পক্ষম সেতু	...	৬২৭
কাম্বুজীর সাধারণ গৃহের নমুনা	...	৬২৮
ড্রেসডেন শহর নুরেমবার্গ শহরের বাজার	...	৬২৯
বালিনের সেতিংস ব্যাক	...	৬৩০
চাষীদের 'বর কবে' তহাবের সঙ্গী এবং সহচরীরা	...	৬৩১
আঁশের কাপড় বোনা গাছের আঁশ চাড়ানো	...	৬৩২
• মিঠিক শহরের এক অংশ, বীথোভেনের জন্মস্থান 'বন' শহর	...	৬৩৩
শ্রীকৃষ্ণের স্মৃতিস্তম্ভ তাম্রী তরুণী	...	৬৩৪
ক্রাক কোর্ট শহরের একদিক	...	৬৩৫
টুংসব দিনের বাসকেরা টুংসব-প্রাসাদে নৃত্যাভিনয়বিদগণ	...	৬৩৬
আঁশের পাঁজ, কবি শীলারের বাসগৃহ	...	৬৩৭
উটেবর্গের প্রাচীন উল্ল শহর	...	৬৩৮
আঁশের গরিপীয়ার, পাণ্ডুঘাট	...	৬৩৯
নির্ভরের .....হচ্ছে, নংপো, বৃষ্টির পর	...	৬৪০

বাজারের দিনে, পাইলের মধ্যে	...	৬৪১
ছুইধারে.....নদী, নদীর আর একটা দৃশ্য	...	৬৪২
বাগানের মধ্যে—বৃষ্টির পর, পথের ধারে.....কুটির	...	৬৪৩
বাজারের দিনে .....মোকান	...	৬৪৪
কাউলিন হাউস, শিলং মোটর স্টেশন	...	৬৪৫
মোটর স্টেশন, বাজার	...	৬৪৬
বাজারের পথে, কুটির, পথের ধারে	...	৬৪৭
আমাতুলার প্রসিদ্ধ মোকান, লাক্ষের দৃশ্য	...	৬৪৮
নদীর শেষ পরিণাম, পুলিশ বাজার	...	৬৪৯
পাহাড়ের মাঝে. ওয়ার্ড সেক—শিলং	...	৬৫০
প্যারেডেও দৃশ্য, পার্বত্য নদী	...	৬৫১
টেলিগ্রাফ আঁপস, প্রকৃতির কোলে	...	৬৫২
কবির পলী, পর্বতের 'প্রাকৃতিক দৃশ্য	...	৬৫৩
খাসরানের .....প্রতিযোগিতা, উপত্যকার মাঝে	...	৬৫৪
বাজারের দৃশ্য	...	৬৫৫
হুগলী নদী	...	৬৫৬
হেট্টিংস্ ঘাট	...	৬৫৭
জন্মস্থান মন্দির—মাহেশ	...	৬৫৮
বারাংপুর পার্ক হইতে শ্রীরামপুর	...	৬৫৯
দিনেম র সতর্কতার বাটী শ্রীরামপুরের নির্ভা	...	৬৬০
শ্রীরামপুর কলেজ, ডাক্তার কেবির সমাধিস্থল	...	৬৬১
নিখারনী - কাম্বুজী মন্দির, নিমাই তীর্থের ঘাট	...	৬৬২
শ্রী শ্রী নিমাই মন্দির কালী	...	৬৬৩
চাপুনানীর মাঠ সন্নতি প্রাসাদ	...	৬৬৪
সন্নতি প্রাসাদের শেষ চিত্র	...	৬৬৫
শ্রী শ্রী অন্নপূর্ণার মন্দির	...	৬৬৬
কর্ডোন সন্নতি	...	৬৬৭
মধুলু	...	৬৬৮
ওয়ার্ডার সাইকেল বোট	...	৬৬৯
আমেরিকার প্রথম বৈজ্ঞানিক	...	৬৭০
প্রাচীন শিলালিপি	...	৬৭১
ডাকে নি বহু বস্তু	...	৬৭২
ডেড্ লেটার আঁপিসে সজ্জিত মালপত্রের নিলাম	...	৬৭৩
ডেড্ লেটার আঁপিসে নির্ভিক বস্তুর সমাবেশ	...	৬৭৪
ডেড্ লেটার আঁপিসে সজ্জিত 'পার্শেল	...	৬৭৫
দীর্ঘকালের নিস্তা স্থান, দীর্ঘকালী গোস্ ক্রীড়ক	...	৬৭৬
নকুই বৎসর বৎস শিকারী পালোগান নারা,	...	৬৭৭
অন্তনব ঢাল, অভিনব ট্যাঙ্ক মোটর	...	৬৭৮
মাগার কেরামতি, কলের পরপোষ	...	৬৭৯
প্রাগ্ ঐতিহাসিক যুগের তালুক	...	৬৮০
কবিরাঙ্গ বাসিনীভূষণ রায়	...	৬৮১

বহু বর্ণ চিত্র

সার তারকনাথ পালিত ( প্রচ্ছদপট )	...	৬৮২
যশোনা তুলসী	...	৬৮৩
"আকুগ হইয়া বনে বনে ঘুরি... কাম্বুজী যুগ সম—"	...	৬৮৪
তুলসী দ্বাস	...	৬৮৫
বড়	...	৬৮৬

কার্তিক,—১৩৩৩

অর্ধা	...	৬৮৭
তক্ষণিলার মানচিত্র	...	৬৮৮
পাহাড়োপরিহ টেরিসাই প্রাম	...	৬৮৯

তাম্রালাল এক দৃষ্ট	...	৭৬০	রে নারকী বসরাজ	...	৮১১
মিউজিয়ামের মনোমার্গত-গৃহ	...	৭৬৪	বৎস আমি ঐতিহ্য হইয়াছি	...	৮১২
আলেকজান্ডারের আক্রমণ-পথ	...	৭৬৬	নূর নদীর.....তুপ	...	৮১৪
উইগোরমেরার হৃদ	...	৭৭৮	নূর নদীর.....তুপ নূর নদীর.....প্রাকার	...	৮১৫
আম্বেল সাইড	...	৭৭৯	পাহাড়পুর তুপের দৃষ্ট	...	৮১৬
গ্রাসমেরার হৃদ	...	৭৮০	মধ্যভাগের.....প্রাকার মধ্যভাগের বেটনী প্রাকার	...	৮১৭
ডোভ কটেজ	...	৭৮১	উত্তর দিকের মতপের সমুদ্রতাপ	...	৮১৮
খিচল মেরার হৃদ	...	৭৮২	উত্তর মতপ.....খনকপণ	...	৮১৮
কৈসউইক	...	৭৮৩	ঐযুক্ত রাখালদাস বন্দ্যোপাধ্যায়	...	৮১৯
হনিটোর পাস	...	৭৮৪			
ডেভিলস এল্ড্রবা	...	৭৮৫			
কৈসউইক—বড় রাস্তা, লক্ লোমন	...	৭৮৬			
সন্ধ্যায় ডির.....গুয়াটার	...	৭৮৭			
গ্রাসমেরার উপত্যকা, কবি ওয়ার্ডসওয়ার্থ	...	৭৮৮	ব্রহ্মবাক্য উপাধ্যায় ( প্রচ্ছদপট )		
ডেভিল কটেজ—বাগান, রিডাল মাণ্ট	...	৭৮৯	করণা		
বসবার ঘর, ওয়ার্ডসওয়ার্থের সমাধিক্ষেত্র	...	৭৯০	বিরহী শিব		
ওয়ার্ডসওয়ার্থের শয়ন-গৃহ, পাঠাগার	...	৭৯১	ভগ্ন মন্দির		
প্রণাম	...	৭৯২	গায়ের পেজেট		
দিদি	...	৮০			
পদত্বে বাতা আরম্ভ	...	৮২৮			
ভাটায় খাল জলশূন্য	...	৮২৯			
আলোকঘর	...	৮৩০			
বনের ভিত্ত পথ	...	৮৩১	কুলিয়া	...	৯২৯
কৃপিলমুনির আশ্রম	...	৮৩২	কুলিয়া—কৃষ্ণিবাসের ভিটা	...	৯৩০
ধনলাট দর্শনের বাড়ী	...	৮৩৩	কুলিয়া—কৃষ্ণিবাস স্মৃতিস্তম্ভ	...	৯৩১
মানচিত্র	...	৮৩৪	কুলিয়া.....চি'কুত স্থান	...	৯৩২
চ্যাপম্যান্স এলেক্সী	...	৮৩২	কুলিয়া কৃষ্ণিবাস স্মৃতি-বিভাগ	...	৯৩৩
হাফিওরে হা'স লাইব্রেরী বাজার—মহুরী	...	৮৩০	মানচিত্র	...	৯৩৫
চালিতাল রোড	...	৮৩৪	বীরনগরের ধ্বংসাবশেষ	...	৯৩৫
চালিতাল হোটেল	...	৮৩৫	শিরকাপ—উত্তর.....কতকাংশ	...	৯৩৬
চিরতুঘর	...	৮৩৬	শিরকাপ নগরের ধ্বংসাবশেষ	...	৯৩৭
কুলুরীর পথে	...	৮৩৭	শিরকাপ—আংশিক নস্রা	...	৯৩৮
কুলুরীর বাজার, কেওয়াল পরেট	...	৮৩৮	শিরকাপ—ধ্বংসক ঙ্গলবিশিষ্ট তুপ	...	৯৩৯
পিকচার গ্যালেরি, ল্যাণ্ডোরের সাধারণ দৃষ্ট	...	৮৩৯	শিরকাপ—প্রাণেশের নস্রা	...	৯৪০
ল্যাণ্ডোর হসিপাতালের পথে, ছাপিতেলী দ্বাব	...	৮৪০	শিরমুখ—খনিজ প্রাচীরংশ	...	৯৪১
"ম'স" জলপ্রপাত, করলা-বিক্রেতা	...	৮৪১	বিভিন্ন ধরনের পাথনি	...	৯৪২
বারলোপের পথে	...	৮৪২	ধর্মরাজিকা তুপ	...	৯৪৩
মল.....মহুরী	...	৮৪৩	ধর্মরাজিকা তুপের নস্রা	...	৯৪৪
লেখক—ঐযুক্ত বন্দ্যোপাধ্যায়	...	৮৪৪	রেনেলের প্রস্ত হুগলী নদীর নস্রা	...	৯৪০
ভিডিও লিফটে উৎপন্ন বৃক, লাক দিবার সময়ের ছবি	...	৮৪৪	পুরাতন চন্দননগর	...	৯৪১
আশুবা উল্লুক, আশুবা মাসুখ	...	৮৪৫	একটি পুরাতন নীলকুঠি	...	৯৪২
অভিনব মাসুখ, হেনরী ম.ম্বোল্ট	...	৮৪৬	বগের তলায় ঘাট—চু'চুড়া	...	৯৪৩
পরগোকগুড.....তালেন্যাটিনো, কেইনার ত্রিঙ্গ	...	৮৪৭	ওলন্দাজের সময় চু'চুড়া	...	৯৪৪
সঙ্গরপ্রকারী মিস্ ক্রে'ড হান্ড্রি	...	৮৪৭	পুরাতন গির্জা ও হুগলী কলেজ	...	৯৪৫
নিউইয়র্কের সেকোজ অট্টালিকা	...	৮৪৭	হুগলী কলেজ ( ১৮৫৪ )	...	৯৪৫
অক্সফোর্ড.....হকি ম্যাচ, মূর্তন খেলা	...	৮৪৯	মহেশ্বর.....বিলা	...	৯৪৬
জীবালি	...	৮৮১	হাজি মহম্মদ মহসীন	...	৯৪৭
রে রে রে রে—	...	৮৮৪	অক্ষয়চন্দ্র সরকার	...	৯৪৮
রে রে রে রে	...	৮৮৫	ভূবর বৃথোপাধ্যায়	...	৯৪৯
আবার নৃত্য শুরু করিলেন	...	৮৮৬	চু'চুড়ার পৌরবারিক	...	৯৪৯
আবার নৃত্য শুরু করিলেন	...	৮৮৭	ভূবরবাবুর বাড়ী—চু'চুড়া	...	৯৪৯

বহুবর্ণ চিত্র

অগ্রহারণ,—১৩৩৩

টিকেটারের.....নক্সা	...	৯৮১	৮০ কিট.....পিচকারী, উচ্চমান.....অভ্যাস	...	১০২৬
ইমানবাড়া—হুগলী	...	৯৮২	বোল্ডর.....অভ্যাস, অভিনব চেরার	...	১০২৭
হুগলীর.....দৃশ্য	...	৯৮৩	আকনব পাটিল, চল্লোলোকে নাট্যিকল কুঞ্জ	...	১০২৮
পুরাতন ব্যাণ্ডেল	...	৯৮৪	চল্লোলোকের কটোগ্রাফ	...	১০২৮
হুগলীর মাল্লর—বংশবাটী	...	৯৮৫	হাতীর দস্ত চিকিৎসা, বানরের ব্যাণ্ডেল বাঁধা	...	১০২৯
ত্রিবেণী ঘাট	...	৯৮৬	বায়ু মিশ্রিত.....সাঁক, পকেট-হাতা, নতুন ডুবুরি পোবাক	...	১০৩০
জাকর খাঁ মাজার মসজিদ	...	৯৮৭	ইন্সপাতের.....নিকোপ, একাই একশো, রুমালের কল	...	১০৩১
বিলাস বন্ধে	...	৯৮৮	শস্ত্র কাটা ও ছাঁটা কল, উত্তম মোটর বোট	...	১০৩২
কান্দীর নারীর নৌ-বাহন	...	৯৮৯	আদীথরী ঘটক	...	১০৩১
বিলাস ঘাটে ধান কোটা	...	৯৯০			
চেনার মালা	...	৯৯১			
কান্দীর মহারাজের শবযাত্রা ( ১ )	...	৯৯২			
কান্দীর মহারাজের শবযাত্রা ( ২ )	...	১০০০	৮সার গুরুদাস বন্দ্যোপাধ্যায় ( প্রজ্ঞদপট )		
বিবাক্ত ধূমের কৃত্রিম প্রদর্শনী	...	১০২৩	সোরা-হারা		
বিবাক্ত ধূমের ব্যবহার	...	১০২৩	মেহ		
বিবাক্ত - গ্যাস প্রতিরোধক বর্ন, বর্ন ও রৌপ্যপদক প্রাপ্ত গাভী	...	১০২৪	ককি অবতার		
কারার ত্রিপেডের...মানচিত্র, কারার-সিগ্ণালের...সঙ্কেত	...	১০২৫	সচকিতা		
অগ্নিকাণ্ডের খবর শোনা—	...	১০২৫			

বহুবর্ণ চিত্র







# ଜୀବଜୀବ



ଆସାତ୍, ୧୩୩୩

ପ୍ରଥମ ଖଣ୍ଡ

ଚତୁର୍ଦ୍ଦଶ ବର୍ଷ

ପ୍ରଥମ ମଂଥା

## ଧୂପ-ଡୋଳା

ତ୍ରୋଲାର ବୀନା ଆଲାର ଧାରା ଧାରକ  
କୋରୋ ଧୁନି, କୋରୋ ଧୁନି, କୋରୋ ଧୁନିନା ଯେ ।

ଆଲାର ଧାର ଆହାରି ଉଠି ଧାରକ,  
ଗୋଧନ କୋରା କହିତ ଧାରକ ଧାରକ କୋରା କୋରା,  
ତ୍ରୋଲାର ଧାରା ଧାରା ଧାରା ବିଷୟ କୋରାଧାର  
ଆଲାର ଧାର ଧାରାଧାରା ଧାରକ ନାଲ ନାଲ ।

ହେ ଧାରାଧାରୀ ତ୍ରୋଲାର ଧାରାଧାର  
ଧାରାଧାରା ଧାରାଧାରା ଧାରାଧାରା ଧାରାଧାରା;  
ତ୍ରୋଲାର ଧାରୀ କୋରୋ ଧୁନି କୋରୋ ଧୁନିନା ଯେ ॥

ଧର୍ମାଦିନୁ ତବ କଲ୍ୟାଣକି,  
 ମାଧବ ମାତେ ଦୁର୍ଲ୍ଲଭା ମଧ୍ୟ ହୃଦୟ ଅଧୀରୀନା ।  
 ତୋମାର ମୁଖ ଧ୍ୟାନରାଜ୍ୟକୁଳାୟ,  
 ତୋମାର ମୁଖ ମାତାକାଳୀୟ ଏକନ-ସିନ୍ଧୁରାୟ,  
 ତୋ ମୁଖ ଚାହିଁ ଧର୍ମିତେ ଚାହିଁ ତୋମାର-ଦୁର୍ଲ୍ଲଭାମାତା  
 ପ୍ରକୃଷ୍ଟାଦିତ ଦୁର୍ଲ୍ଲଭ-ମାତା ଧର୍ମକାରେବ ମାତେ;  
 କାହାଣୀ ବେବ ଚନ୍ଦ୍ରମ୍ବର ମାତେ,  
 ଧର୍ମକାରେ ଆତ୍ମା ଧର୍ମକାରେ କାରେ, ଧର୍ମକାରେ ମାତେ ମାତା ।  
 ତୋମାର ବନ୍ଦୀ କାହାଣୀ ଧୃତି, କାହାଣୀ ଧୃତିନୀୟା ଯେ ॥

୧୫ ମାର୍ଚ୍ଚ ୧୯୧୨

ଶ୍ରୀ ବିବିଧାମୟରାଜୁ



# বর্ণাশ্রম-ধর্ম এবং ভারতবর্ষের অধোগতি

শ্রীবসন্তকুন্ডার চট্টোপাধ্যায়, এম-এ

বর্ণাশ্রম-ধর্ম হিন্দু জাতির উপকার করিয়াছে না অনিষ্ট করিয়াছে, এ বিষয়ে চিন্তাশীল ব্যক্তিদের মধ্যে মতভেদ দেখা যায়। ১৩৩২ সালের অগ্রহায়ণ মাসের প্রবাসীতে শ্রীযুক্ত রবীন্দ্রনাথ ঠাকুর মহাশয়ের "শুদ্র-ধর্ম" নামক একটি প্রবন্ধ প্রকাশিত হইয়াছিল। এই প্রবন্ধে রবীন্দ্রনাথ বর্ণাশ্রম-ধর্মের বিরুদ্ধে কয়েকটি গুরুতর অভিযোগ আনয়ন করিয়াছেন। যাহারা বর্ণাশ্রম-ধর্মের বিবোধী তাঁহাদের মধ্যে প্রতিভাবলে এবং চিন্তাশীলতায় রবীন্দ্রনাথ সর্ব শ্রেষ্ঠ। এ উক্ত প্রবন্ধে রবীন্দ্রনাথ বর্ণাশ্রম-ধর্মের প্রতিকূলে যে সকল যুক্তি প্রয়োগ করিয়াছেন, সেগুলির বিস্তারিত ভাবে আলোচনা করিতে ইচ্ছা করি। বিষয়টির গুরুত্ব অপ্রিয় বেনী। হিন্দুর আচার-বাহার, ধর্ম কর্ম সকলই বর্ণাশ্রম-ধর্মের উপর প্রতিষ্ঠিত। হিন্দুর জীবনের প্রতি মুহূর্তে কি কর্তব্য, তাহা শাস্ত্রে নির্দিষ্ট আছে; এবং সে সকল শাস্ত্রবিধান বর্ণাশ্রম-ধর্মের উপর প্রতিষ্ঠিত। এ উক্ত বর্ণাশ্রম-ধর্ম রূপ ব্যবস্থাকে হিন্দু-সমাজ-সৌধের ভিত্তি বনিলে কিছুমান অস্বাভাবিক হয় না। কিন্তু তিন সহস্র বৎসর ধরিয়া হিন্দুধর্ম এবং হিন্দু-সমাজ বর্ণাশ্রম-ধর্ম রূপ ভিত্তি অবলম্বন করিয়া দাঁড়াইয়া আছে। যদি বর্ণাশ্রম-ধর্ম পরিত্যাগ করিতে হয়, তাহা হইলে আমাদের ধর্ম ও সমাজের আমূল পরিবর্তন অবশ্যস্বাভাবিক। এ উক্ত গভীর চিন্তার সচিব, ধার ২ সংঘত ভাবে এ বিষয়ে আলোচনা করা কর্তব্য।

বর্ণাশ্রম-ধর্ম সম্বন্ধে রবীন্দ্রনাথের প্রধান আপত্তি এই যে ইহা বংশগত! পিতা শাস্ত্রবাহসায়ী হইলে পুত্রকেও যে শাস্ত্রবাহসায়ী হইতে হইবে, ইহা তিনি যুক্তিসঙ্গত মনে করেন না। শাস্ত্র-চর্চা করিবার উক্ত বা ধর্ম জীবন যাপন করিবার উক্ত যেরূপ শক্তি ও সাধনার প্রয়োজন, পুত্রের সেরূপ শক্তি ও সাধনা যদি না থাকে, তাহা হইলে পুত্রকে পিতার তায় জীবন যাপন করাইবার চেষ্টা রবীন্দ্রনাথের মতে অনর্থক,— শুধু অনর্থক নহে, অনিষ্টকর। তাই রবীন্দ্রনাথ বলিয়াছেন,

"যে সকল কাজ বাহ্য অভ্যাসের নয়, বা বুদ্ধিমূলক বিশেষ ক্ষমতার দ্বারাই সাধিত হইতে পারে, তা' ব্যক্তিগত না হ'য়ে বংশগত হ'তেই পারে না।" কিন্তু এই সিদ্ধান্তে উপনীত হইয়া রবীন্দ্রনাথ একটি সর্ববাদিসম্মত সত্যকে অগ্রাহ্য করিয়াছেন। সে সত্যটি এই যে পুত্রের মন ও বুদ্ধি পিতা-মাতার অমুরূপ হয়। পিতা-মাতার যেরূপ মতিগতি, পুত্র সেইরূপ স্বাভাবিক মতিগতি লইয়াই জন্মগ্রহণ করে। একই প্রকারের মতিগতি যদি পিতা, মাতা, পিতামহ, প্রপিতামহ, মাতামহ, পমাতামহ প্রভৃতি পুরুষপুরুষগণের মধ্যে বর্তমান থাকে, তাহা হইলে পুত্রের তদমুরূপ মতিগতি হইবার সম্ভাবনা আরও বেশী। পুত্র পিতামাতাকে যেভাবে জীবন যাপন করিতে দেখে, নিজের সেইভাবে জীবন যাপন করিবার প্রবৃত্তি হয়। এই সকল কারণে যদি পুত্রের শৈশব হইতে পিতামাতা যত্নপূর্বক নিজ বিদ্যাবুদ্ধি এবং আচার বাবহার পুত্রকে শিক্ষা দিতে চেষ্টা করেন, তাহা হইলে তাঁহাদের কৃতকাঙ্গ হইবার সম্ভাবনা খুব বেশী। কে কি ভাবে জীবন যাপন করিবে তাহা প্রথম হইতে স্থির করিয়া তদমুরূপ শিক্ষা-দীক্ষার ব্যবস্থা করাই সমীচীন। যাহার যেরূপ ইচ্ছা সে সেইভাবে জীবন যাপন করুক, এরূপ ব্যবস্থা সমাজের পক্ষে কল্যাণকর হইতে পারে না।

এই গেল সাধারণ বুদ্ধির কথা। আধুনিক সৌজাত-বিজ্ঞান (Eugenics) সম্বন্ধে যাহারা আলোচনা করিয়াছেন, তাঁহারাও বলেন যে, বংশের মধ্য দিয়া বুদ্ধিবৃত্তির বিশেষ লক্ষণগুলি সঞ্চারিত হইতে দেখা যায়। সম্ভাবনের যে কেবল বাহ্য আকৃতি পিতামাতার অমুরূপ হয় তাহা নহে, তাহার আন্তরিক বৃত্তিগুলিও পিতামাতার অমুরূপ হয়। অধিকন্তু পুরুষপুরুষগণের মধ্যে যদি একপ্রকার বুদ্ধিবৃত্তির অনুলীলন অধিক পরিমাণে হইয়া থাকে, তাহা হইলে সম্ভাবনের সেইরূপ বিশেষ বুদ্ধির স্বাভাবিক আবির্ভাব হইবার সম্ভাবনা বেশী। এরূপ হইবার কারণ মোটামুটি এই ভাবে নির্দেশ করা যাইতে

পারে যে, মানবদেহ অসংখ্য অণুকোষ দ্বারা গঠিত। আমরা যে সকল কার্য্য করি বা চিন্তা করি, সেইরূপ প্রত্যেক কার্য্য ও চিন্তার ছাপ প্রতি অণুকোষের উপর পড়ে। যে বীজ হইতে পত্রের জন্ম হয় তাহার মধ্যে এই অণুকোষ বিদ্যমান। একত্র সন্তানের বাহু আকৃতি এবং আন্তরিক প্রবৃত্তি সকল পিতামাতার অনুরূপ হয়। সৌজাত্যবিজ্ঞানবিদগণ বহুক্লেত্র এই সকল তত্ত্ব পরীক্ষা করিয়া ইহাদের যথার্থ্য সপ্রমাণ করিয়াছেন। হিন্দুর বংশগত বর্ণাশ্রম-ধর্ম এই সকল বিজ্ঞান-সম্মত সত্যের উপর প্রতিষ্ঠিত বলিয়া মনে হয়। বংশ এবং পারিপার্শ্বিক অবস্থা—heredity and environment—এই দুইটি জিনিসের উপর সন্তানের চরিত্রের বিশেষত্ব নির্ভর করে। এই সত্যও বর্ণাশ্রম-ধর্ম বংশগত পরিবার পক্ষে অনুকূল। পিতামাতা যদি যথার্থ ব্রাহ্মণ হন এবং নির্ভর সহিত ধর্ম-জীবন ধারণ করেন, তাহা হইলে সন্তানের শাস্ত্র স্বভাব, আত্মসংযম, আত্মত্যাগ বুদ্ধি প্রভৃতি গুণাবলি সম্ভাব্য হইবার যথেষ্ট সম্ভাবনা। শৈশবে হইতে যে পারিপার্শ্বিক অবস্থার মধ্যে পালিত হয়, তাহার প্রভাবে এই সকল গুণাবলি পুষ্টি লাভ করে;—তাহার পিতামাতার জীবনে শাস্তি, ধর্মানুরাগ, ঈশ্বরনিষ্ঠা প্রভৃতি দেখিয়া সেও এই সকলের অনুকরণ করিতে চেষ্টা করে। কারণ শৈশবে অনুকরণ-স্পৃহা অতিশয় বলবর্তী থাকে। পুত্রের মধ্যে ব্রাহ্মণোচিত গুণাবলি যাহাতে সৃষ্টিলাভ করে, পিতা দৃষ্টান্ত এবং উপদেশ দ্বারা সে বিষয়ে যত্নবান হইবেন এইরূপ আশা করা যায়। পিতা যেরূপ অনুরাগের সহিত নিজ জীবনের সাধনা পুত্রকে অভ্যস্ত করাইতে চেষ্টা করিবেন, অত্রের পক্ষে ততদূর অনুরাগ স্বাভাবিক নহে। এই সকল কারণে বোধ হয় যে, যে সকল কাজ “বুদ্ধিমূলক বিশেষ ক্ষমতা দ্বারা সাধিত হইতে পারে” সেইগুলিও বংশগত হওয়া উচিত। যথার্থ ব্রাহ্মণ হইতে হইলে দুইটি জিনিসের প্রয়োজন—শক্তি ও সাধনা। এ কথা রবীন্দ্রনাথও উক্ত প্রবন্ধে বলিয়াছেন,—“ব্রাহ্মণের যে সাধনা আন্তরিক তা’র জন্মে ব্যক্তিগত শক্তি ও সাধনার দরকার।” আমরা পূর্বে দেখাইতে চেষ্টা করিয়াছি যে, বংশ বা heredityর প্রভাবে এইরূপ ব্যক্তিগত শক্তির আবির্ভাব হওয়া খুবই সম্ভব; এবং পারিপার্শ্বিক অবস্থা বা environmentএর প্রভাব এইরূপ সাধনার অনুকূল।

•ইহা সত্য যে কোনও কোনও স্থলে পুত্রের স্বভাব

পিতামাতার স্বভাব হইতে ভিন্ন প্রকৃতির হইতে দেখা যায়। কিন্তু এগুলি নিয়মের ব্যতিক্রম। সাধারণ নিয়ম এই যে পুত্রের স্বভাব পিতামাতার স্বভাবের অনুরূপ হইবে। সামাজিক ব্যবস্থা সাধারণ নিয়মের উপর প্রতিষ্ঠিত করা সমীচীন। ছই একস্থলে নিয়মের ব্যতিক্রম হইলে এই সামাজিক ব্যবস্থা সুফল প্রসব করিতে না পারে, কিন্তু অধিকাংশ স্থলে সাধারণ নিয়ম অনুসারে সামাজিক ব্যবস্থায় যে সুফল পাওয়া যাইবে, তাহা যথেষ্ট মূল্যবান। ছই চারি স্থলে সুফল না ফিলিলে সামাজিক ব্যবস্থা উঠাইয়া দেওয়া উচিত নহে।

রবীন্দ্রনাথ বলিয়াছেন, “আসল জিনিসটি ম’রে যাওয়াতে আচারগুলি অর্থহীন বোঝা হ’য়ে উঠে’ জীবন-পথের বিষয় ঘটায়।” কিন্তু কাজ-বংশগত হইলে যে আসল জিনিসটি মরিয়া যাইবার সম্ভাবনা কম, তথা আমরা পূর্বে দেখাইতে চেষ্টা করিয়াছি। বিবাহ অনিয়মিত হইলে বিভিন্ন স্বভাবযুক্ত বংশের মিশ্রণের ফলে প্রত্যেক বংশের স্বতন্ত্র বিশেষত্ব মল্লীভূত বা বিলুপ্ত হইবার সম্ভাবনা বেশী; এবং অবিচ্ছিন্ন বংশাবলীর মধ্য দিয়া অনুরূপ চর্চার ফলে “আসল জিনিসটি” সমধিক প্রাণময় এবং তেজস্বী হইবার সম্ভাবনাই অধিক। বংশপরম্পরা ধরিয়া যে সাধনা চাওয়া আসিয়াছে, সেই সাধনা বাহাতে সম্ভাব থাকে, মানবের এইরূপ চেষ্টা হওয়া স্বাভাবিক। যেখানে বাহির হইতে দেখিয়া মনে হয় যে ধর্মের প্রাণ নাই, সেখানেও যে আচারের কোন মূল্য নাই এবং তৎক্ষণাত তাহা পরিত্যাগ করা উচিত—ইহা সমীচীন মনে হয় না। অনেক সময় প্রাণশক্তি সুপ্ত থাকে, পরে অনুকূল অবস্থায় তাহা জাগ্রত হইয়া উঠে। জলময় ব্যক্তিকে যখন জল হইতে তোলা হয়, তখন মনে হয়, তাহার প্রাণ নাই। কৃত্রিম নিঃশ্বাস বহাইবার জন্ত তাহার গাত তুলিয়া নামান হয়; এই ভাবে ক্রমশঃ স্বাভাবিক ভাবে নিঃশ্বাস প্রস্থান প্রবাহিত হয়। সেইরূপ, যেখানে ধর্মের প্রাণ নাই বলিয়া মনে হয়, সেখানেও আচার পালন পরিবার ফলে প্রকৃত ধর্মভাব আবির্ভূত হইতে পারে।\* ঠৈফবেরা যে বলেন নাম করিলেই মুক্তি হইবে, আর কিছুই প্রয়োজন

\* তাই মহর্ষি মনু বলিয়াছেন “আচার প্রভবো ধর্মঃ”—আচার পালন করিলে ধর্মভাব আবির্ভূত হয়।

নাই, তাহার মধ্যেও এই সত্য নিহিত আছে। নাম করিয়া গেলে ভক্তি আসিবে, ভক্তি হইলে মুক্তি হইবে। হিন্দু মুসলমান প্রভৃতি প্রায় সকল ধর্মেই প্রত্যহ নির্দিষ্ট সময়ে নির্দিষ্ট বাক্য উচ্চারণ করিয়া ঈশ্বরের নিকট প্রার্থনা করিবার নিয়ম আছে। হয়ত নির্দিষ্ট সময়ে মনে যথেষ্ট ভক্তির উদয় হইল না; তথাপি প্রত্যহ নির্দিষ্ট সময়ে যে প্রার্থনা করিবার কোন ফল নাই তাহা বলা যায় না। রবিবাবুর কথাতেই বলা যায়,

সংসার-যবে মন কেড়ে গয়  
জাগে না যখন প্রাণ,  
তখনও হে দেব প্রণমি তোমায়,  
গাহি বসে তব গান।  
অস্তুর্যমী ক্ষম সে আমার  
শৃঙ্খল মনের বৃথা উপহার  
দুস্পৃহীন পূজা আয়োজন  
প্রকৃতিবহীন প্রাণ।

বীজকে বক্ষা করিবার জন্য ভূমির বেক্রম প্রয়োজন, সাধনকে রক্ষা করিবার জন্য আচারের ঠিক সেইরূপ প্রয়োজন। তুঁটটি শুক কঠিন এবং ককশ বটে, কিন্তু সেই কারণে কেহ যদি তুঁট ফেলিয়া দেন, তাহা হইলে তুঁট হইতে নতন বৃক্ষের উৎপত্তি হয় না। সাধনা বস্তুটি অতি শুষ্ক এবং কোমল, নিরাবরণ অবস্থায় সংসারে প্রচলিত করিবার চেষ্টা করিলে তাহা অচিরে শুকায় যাইবে। তাহাকে বাঁচাইতে হইলে, তাহাকে প্রাণবান এবং সফল করিতে হইলে, আচার অনুষ্ঠানের প্রয়োজন। আচারশালকে অর্থহীন বোঝা হ'লে জীবনপথের বিষ ঘটাতে রবীন্দ্রনাথ দেখিয়াছেন; তিনি কি ইহাও দেখেন নাই যে, অনেক স্থলে বাহু আচার পরিত্যাগ করিতে সাধনার প্রাণ শুক হইয়া গিয়াছে? রোমান ক্যাথলিকদের অনেক আচার প্রোটেষ্ট্যান্টেরা পরিত্যাগ করিয়াছেন; সেই সঙ্গে ধর্মের প্রভাবও কি প্রোটেষ্ট্যান্টদের মধ্যে শিথিল হইয়া যায় নাই? মধ্যযুগে খৃষ্টানধর্মযাজকদের মধ্যে St Francis of Assisiর জায় বার্থ সাধুপুরুষ অনেক দেখা যাইত। আজকাল প্রোটেষ্ট্যান্টদের মধ্যে তত বেশী দেখা যায় না। গির্জায় সমবেত শ্রোতৃমণ্ডলীর মধ্যে ধর্মতাবের অভাবের দরুণ অনেক ধর্মযাজক অনুযোগ করিয়া থাকেন। তাহার তুলনায় আমাদের তীর্থস্থানে নিরক্ষর দরিদ্র

রমণীর মুখে যে পবিত্র ভাব, যে ভগবন্তক্তির আকুলতা দেখা যায়, তাহা কি সমধিক স্পৃহনীয় নহে? এক স্থানে আচার বর্জন, অপর স্থানে আচার রক্ষা। উভয়ের ফলের পার্থক্য দেখিয়া সুধিগণ বিচার করিবেন কোনটি ভাল। রবীন্দ্রনাথ বলিয়াছেন, “যে শুচিবায়ুগ্রস্ত মেয়ে কপায় কপায় স্নান ক'রতে চোটে, সে নিজের চেয়ে অনেক ভাল লোককে বাহু শুচিতার ওজনে ঘৃণাভাজন মনে ক'রতে দ্বিধা বোধ করে না।” সত্য কথা। এখানে “স্নান করা ভাল” এই আচারের অপব্যবহার হইয়াছে। কিন্তু আচারটি কি খারাপ? মেয়েটির বুদ্ধি কম, ঘৃণা করিবার প্রবৃত্তি প্রবল, তাহ এই ভাল নিয়মটি সে খারাপ ভাবে দেখিয়াছে। সব ভাল নিয়মেরই অপব্যবহার হইতে পারে। ঈশ্বরের নামেরও ত অপব্যবহার হইয়া থাকে; কিন্তু সেজন্য কি ঈশ্বরের নাম পরিত্যাগ করা উচিত? দেখিতে হইবে নিয়মটি ভাল কি না; এই নিয়মের যে ভাল ফল হইয়াছে তাহার গুরুত্ব অধিক, না যে খারাপ ফল হইয়াছে তাহার গুরুত্ব অধিক? অনেক নিরপেক্ষ সমালোচকের মতে পারিষ্কৃত্য পরিচ্ছন্নতার দরিদ্র হিন্দুরা অপর জাতির দরিদ্র লোক অপেক্ষা শ্রেষ্ঠ। Is India Civilized এই পুস্তকে Sir John Woodroffe বলিয়াছেন, “প্রত্যহ স্নান করিবে এবং দোতবস্ত্র পরিধান করিবে” এই নিয়মটি ভারতবর্ষের নিকট যুরোপের শিক্ষা করা উচিত। শরীর পরিষ্কার রাখিবে, মন পবিত্র রাখিবে, হিন্দুধর্মে এই দুইটি উপদেশই দিয়াছে। ইহার ফলে দেহ ও মন উভয়ই শুদ্ধ হইবার সম্ভাবনা। যাহারা কেবল দেহকে পবিত্র করিয়া রাখে, তাহারাও একটা ভাল কাজ করে। তাহারা যদি অল্প অপরিচ্ছন্ন ব্যক্তিকে ঘৃণা করে তাহা হইলে একটা অন্তায় কাজ করে, কিন্তু এ অন্তায় কাজের কারণ শাস্ত্রের উপদেশ নহে; ইহার কারণ তাহার মনে ঘৃণা নামে একটি ভ্রষ্ট প্রবৃত্তি আছে। সে যদি শুচিবায়ুগ্রস্ত না হইত, তাহা হইলেও অল্প কারণে ভাল লোককে ঘৃণা করিত। আচার বংশগত হইলে যে এইরূপ ঘৃণার উদ্ভেদ হইবার সম্ভাবনা বেশী থাকিবে, এরূপ মনে করিবার কোনও কারণ দেখা যায় না; রবীন্দ্রনাথও কোনও কারণ দেখান নাই। সকল ধর্মেই সমগ্র অনুশাসনের কিয়দংশ সহজ, কিয়দংশ কঠিন। কঠিন অংশ অপেক্ষা সহজ অংশ যে বেশীর ভাগ লোক পালন করিবে তাহা স্বাভাবিক। কঠিন অংশ বাদ দিয়া

সহজ অংশ পালন করা—উভয় অংশ পালন না করা অপেক্ষা ধারাপ নহে। যাহাও একরূপ করিবে তাহাদের অধিকাংশের মনে যে দস্ত ও ঘৃণার উদ্বেক হইবে তাহা নহে। খুব অল্প সংখ্যকের মনেই হইবে। এই ক্রফলের জন্তু ধর্মামুশাসন যে পরিমাণে দায়ী, ধর্মামুশাসনটি তাহা অপেক্ষা অনেক অধিক পরিমাণে সফল প্রসব করিয়া থাকে।

পাছে আচারকে লোকে অত্যধিক আদর করে এবং উপায়কে উদ্দেশ্য বলিয়া ভ্রম করে, এজন্ত হিন্দুধর্মশাস্ত্র যথেষ্ট সাবধান হইয়াছে। সাধনার পথে সাহায্য করে বলিয়াই আচার প্রয়োজনীয়, সাধনা সিদ্ধ হইলে আর আচারের প্রয়োজন থাকে না,—এ কথা হিন্দুধর্মে খুব স্পষ্ট ভাবে বলা হইয়াছে। ব্রহ্মচর্যা আশ্রমে আচারের সবচেয়ে কড়াকড়ি, গার্হস্থ্য আশ্রমে ততদূর নহে, বানপ্রস্থ আশ্রমে অনেকটা শিথিল, সন্ন্যাস আশ্রমে প্রায় কিছুই নাই। সাধনার পথে লোকে যেমন অগ্রসর হয়, আচারের বাধন সেই পরিমাণে খুলিয়া দেওয়া হয়। হিন্দুর আরাধা মহাদেব শ্মশানে থাকেন, সর্বদে ছাট মাথেন, গলায় সাপ জড়ান। শুচিবায়-গ্রন্থ মেয়েও যে এ কথা জানে না তাহা নহে। আচারহীন সাধু সন্ন্যাসীকে সেও ভক্তি করে। তবে যে কোথাও ভাল লোককে অত্যন্ত ভাবে ঘৃণা করে, তাহা বড়ই চমকের বিষয়। সে যাহাতে একরূপ না করে, সজন্তু হিন্দুধর্ম যথেষ্ট সতর্কতা অবলম্বন করিয়াছে। বোধ হয় একরূপ সর্কার্ণতা অপর ধর্ম অপেক্ষা হিন্দুধর্মে কম। শুনিয়াছি বিলাতে যদি কেহ ধুতি পরিয়া পথে হাঁটে, লোকে তাহাকে পাগল কবিয়া দেয়। ইংলেণ্ডে প্রথমে তিনি ছাতা লইয়া পথে হাঁটিয়াছিলেন, তাঁহাকে অনেক নিগ্রহ সহ করিতে হইয়াছিল। এইরূপ দল বাধা সর্কার্ণতার উগ্র অত্যাচার আমাদের দেশে কম বলিয়াই মনে হয়।

যে সকল কাজ বুদ্ধিমূলক, কেবল সেই সকল কাজ বংশগত করিতে যে রবীন্দ্রনাথ আপত্তি করেন, তাহা নহে; যে সকল কাজ কেবল পারীৱিক চেষ্টার উপর নির্ভর করে, সেই সকল কাজও বংশানুক্রমিক করিতে রবীন্দ্রনাথ আপত্তি করেন। এজন্ত রবীন্দ্রনাথ বলিয়াছেন, “বংশানুক্রমে হাঁড়ি তৈরি করা, বা ঘানির তেল বের করা, বা উচ্চতর বর্ণের দাত্যবৃত্তি করা কঠিন নয়,—বরং তাতে মন যতই মরে যায় কাজ ততই সহজ হ’য়ে আসে। এই সকল হাতের কাজেরও

নূতনতর উৎকর্ষ সাধন করিতে গেলে চিন্তা চাই। বংশানুক্রমে স্বধর্ম পালন ক’রিতে গিয়ে তাঁর উপযুক্ত চিন্তাও বাকী থাকে না, মানুষ কেবল যন্ত্র হ’য়ে, একই কর্মের পুনরাবৃত্তি করিতে থাকে। যাই হোক আর ভারতে বিশুদ্ধ ভাবে স্বধর্মে টিকে আছে কেবল শূদ্রেরা।” শূদ্রেরা তাদের অসন্তোষ নাই। এই জন্তেই ভারতবর্ষের নিম্নে জীর্ণ দেশফেরা ইংরেজ গৃহিণীর মুখে অনেকবার শুনেছি স্বদেশে এসে ভারতবর্ষের চাঁবনের অভাব তা’রা বড় বেশী অনুভব করে।” হাঁড়ি তৈরি করা, তেল বের করা প্রভৃতি দরিদ্রের উপ-জীবিকাকে রবীন্দ্রনাথ যতটা হীন বলিয়া মনে করিয়াছেন, বাস্তবিক চাহারা ততটা হীন নহে। দরিদ্রের জীবিকা অবলম্বন কবিলেও মানুষ যদি সৎপথে থাকে, ঈশ্বর-চিন্তা করে, তাহা হইলে তাহার জীবন সার্থক হয়। চাকুরি ওকালতী প্রভৃতি তথাকথিত ভদ্রজনোচিত বৃত্তি অপেক্ষা দরিদ্রের জীবিকা অধিক অনিষ্টকর বা লজ্জাজনক নয়। আধুনিক শিক্ষিত বাঙ্গালী তাহা ভুলিয়াছিল বলিয়াই তাহার এত দুর্গতি।

বাস্তবিক পক্ষে তথাকথিত ভদ্রবৃত্তিতে মনের যেকোন অধোগতি হয় একঘেয়ে হাঁড়ি তৈরি করা, তেল বের করা বা চরকা কাটাতে সেরূপ অধোগতি হয় না। হাঁড়ি তৈরি করা, তেল বের করার সময় শরীরের একঘেয়ে পরিশ্রম হয় বটে, কিন্তু মন মুক্ত থাকে। “চাকুরি ওকালতি প্রভৃতিতে মনের দাসত্ব প্রায় অনিবার্য। দেহের দাসত্ব অপেক্ষা মনের দাসত্ব অধিকতর শোচনীয়। মনের দাসত্ব হইলে কোন্ কাজ করা উচিত আমরা তাহার বিচার করি না, যে কাজ করিলে প্রভু খুসী হইবেন সেই কাজ করিতে স্বাভাবিক প্রবৃত্তি হয়। তখন আয়সম্মানবোধ থাকে না; চাটুকারণতা, পরনিন্দা, প্রবঞ্চনা, পরের সর্বনাশ করিতেও মানুষ কুণ্ঠিত হয় না। কুমার, তেলি, কামার, তাঁতীদের হৃদয় অনেকটা সরল থাকে। রবীন্দ্রনাথ বলিয়াছেন যে, বংশগত জাতিভেদের ফলে মানুষ কেবল যন্ত্র হ’য়ে একই কর্মের পুনরাবৃত্তি করিতে থাকে। কিন্তু ইহা কি সত্য নহে যে, যুরোপের শ্রমজীবী অপেক্ষা আমাদের শ্রমজীবীদের মধ্যে ধর্মভাব বেশী? স্বরণ হয়, পণ্ডিত শিবনাথশাস্ত্রী মহাশয় ইংলেণ্ডের একটি শ্রমজীবীকে জিজ্ঞাসা করিয়াছিলেন, “তুমি যিওথুটের বিষয় কি জান?” সে বলিয়াছিল, “তাহার নখর কত?”—



অর্থাৎ যিশুখৃষ্ট কত নব্বয়ের কুলি ? আনাদের শ্রমজীবীগণ ধর্মবিষয়ে এতদূর উদাসীন নহে। ইংলণ্ডে বংশগত জাতিভেদ নাই, আমাদের আছে। অতএব জাতিভেদ বংশগত হইলে যে শ্রমজীবীদের বেশী অবনতি হইবে ইহা ঠিক নহে। শ্রীযুক্ত ব্রজেননাথ শীল মহাশয় বলিয়াছেন যে, আমাদের দেশের দরিদ্র লোকেরা অন্য দেশের দরিদ্র লোক অপেক্ষা শাস্ত, সংযত এবং ধর্মবিষয়ে উন্নত। ইহা অবশ্য আমরা স্বীকার করি যে পাশ্চাত্য দেশের সাধারণ লোক আমাদের দেশের সাধারণ লোক অপেক্ষা বেশী লেখাপড়া জানে। কিন্তু বেশী লেখাপড়া শিখিলেই যে মনোবৃত্তিসকল বেশী উন্নত হয়, তাহা নহে। আমাদের দেশের নিরক্ষর লোকদের মনের ভাব অন্য দেশের লেখাপড়া-জানা লোকদের মনের ভাব অপেক্ষা হীন নহে। পাশ্চাত্যদেশের অধিকাংশ লোকের ধারণা এই যে, বেশী টাকা রোজগার করা এবং সুখ স্বচ্ছন্দতা ও বিলাসভোগই জীবনের উদ্দেশ্য। আমাদের দেশের নিরক্ষর লোকেরাও জানে যে, এসকল জীবনের উদ্দেশ্য হইতে পারে না, কারণ এসকল চিরকাল ভোগ করিতে পারা যায় না। ঈশ্বরকে লাভ করিলে যে সুখ হয় তাহা চিরস্থায়ী; অতএব ঈশ্বরীলাভই জীবনের প্রকৃত উদ্দেশ্য। রামায়ণ এবং মহাভারতের শিক্ষাপ্রদ গল্প, ঈশ্বরের দয়া, সৎশাস্ত্রমতী, পাপিব সুখসম্পদের অনিত্যতা, জীবনের প্রকৃত উদ্দেশ্য, এসকল কথা আমাদের দেশের দরিদ্র নিরক্ষর সকলের অজ্ঞাধিক পরিমাণে জানে। যাত্রা, কথকতা, সাধুসন্ন্যাসী এবং ব্রাহ্মণ পণ্ডিতদের উপদেশ, ভিখারী, বৈষ্ণব এবং বাউলের গান, এই সকল উপায়ে ধর্মের বড় বড় তত্ত্বগুলি দরিদ্র ও নিরক্ষরের হৃদয়ে গভীর ভাবে প্রবেশ করিয়াছে। কৃষক গান শুনিয়াছে

মন ভূমি কৃষি কাজ জান না।

এমন মানব জমিন রইল পাতিত—

আবাদ করলে ফলত সোণা।

কলু শুনিয়াছে

মা আমায় ঘুরাবি কত

কলুর চোখ ঢাকা বলদের মত।

এই সকল গানের পদ অনেক শ্রোতার মন ঈশ্বরের দিকে “মোড় ফিরাইয়া” দিয়াছে।

রবীন্দ্রনাথ বলিয়াছেন, “এই সকল কাজেও নূতনতর

উৎকর্ষ সাধন করতে গেলে চিন্তা চাই।” তাঁহার উদ্দেশ্য এই যে বংশগত ভাবে একই রকম কাজ করিয়া আমাদের শিল্পীদের চিন্তের অবনতি হইয়াছে; এজন্য তাহারা শিল্পের নূতন উৎকর্ষ সাধন করিতে পারে নাহ। কিন্তু প্রাচীন ভারতে সকল প্রকার শিল্পবিদ্যা যে সবিধে উন্নতি লাভ করিয়াছিল, তাহা একপ্রকার সর্ববাদিসম্মত। এবং প্রাচীন ভারতে বংশগত ভাবেই শিল্পচর্চা হইত। অতএব বংশগত ভাবে শিল্পচর্চা করিলে যে শিল্পের উন্নতি হইতে পারে না, ইহা যথার্থ নহে। আজকাল ভারতে শিল্পের অবনতি হইয়াছে সত্য; কিন্তু তাহার কারণ প্রতিকূল রাজনৈতিক অবস্থা; বংশগত শিল্পচর্চা তাহার কারণ নহে। কার্পাস, পশম, রেশম, কাষ্ঠ, ধাতু প্রভৃতির উৎকৃষ্ট শিল্পকার্যের জন্ম ভারত অতীত কাল হইতে বিখ্যাত। ভুবনেশ্বর, কোনারক এবং মাদুরার মন্দির, অজন্তা এবং এলোরার চিত্র, আজমীরের বিগ্রহরাজ-নির্মিত বিশ্ববিদ্যালয়, এ সকল ষাহাদের কাঙ্ক্ষি, তাহারা বংশগত ভাবেই শিল্পচর্চা করিয়াছিল। গভীর চিন্তাশীল এবং স্বদেশের ঐকান্তিক উন্নতিকামী ভূদেব মুখোপাধ্যায় মহাশয়ের মতে জাতিভেদ-প্রথা প্রাচীন ভারতের শিল্পে উৎকর্ষলাভের পথে বাধা দেয় নাই, সমায়ক হইয়াছিল। তিনি বলিয়াছেন, “জাতিভেদ প্রচলিত থাকায় ভারতবর্ষের সমুদায় শিল্পকার্য বহু পূর্বকাল হইতে অপারসাম উৎকর্ষ লাভ করিয়াছে এবং সমস্ত পৃথিবীতে উহা তুলনারহিত হইয়াছে।” (সামাজিক প্রবন্ধ ১০৪ পৃঃ) পাশ্চাত্যদেশে বিবিধ দ্রব্য প্রস্তুত প্রণালীতে অনেক “নূতনতর উৎকর্ষ” হইয়াছে সত্য, কিন্তু সেই সকল উৎকর্ষে মানবজাতির কতদূর উপকার সাধিত হইয়াছে, তাহা বিবেচনা করিবার বিষয়। কারণ এই সকল “নূতনতর উৎকর্ষ” কলকারখানার উপযোগী; কলকারখানাতে খুব দ্রুতভাবে দ্রব্য প্রস্তুত হয় বটে, কিন্তু কারখানায় কায়া করিলে মানুষ কলের মত হইয়া যায়, উচ্চ মনোভাব তাহার হৃদয়ে স্থান পায় না, পারিবারিক সংস্পর্শ হইতে বিচূত হইয়া সে নানা প্রলোভনে পতিত হয়; এবং পাশ্চাত্যদেশে সমুদায় দ্রব্য প্রস্তুত করিবার ফলে আমাদের স্তায় অনেক দেশের দরিদ্র লোকদের জীবিকার পথ বন্ধ হইয়া গিয়াছে। এত সকল কারণে কলের নূতন উৎকর্ষ বাস্তবিক বাঞ্ছনীয় কি না, অনেক চিন্তাশীল ব্যক্তি তাহাতে সন্দেহ প্রকাশ করিয়া থাকেন।

আমাদের দেশে কামার, কুমার, তেলীরা বংশগত ভাবে একই কাজ করে। বলিয়া যন্ত্রের মত হইয়া যায়—ইহা রবীন্দ্রনাথ মনে করেন। কিন্তু বাস্তবিক পক্ষে তাহার বিপরীত অবস্থাই ঘটয়া থাকে। কলকারখানায় কয়েক বৎসর কাজ করিলেই মানুষ কলের একটি অঙ্গের জায় হইয়া যায়। কারণ, কল-কারখানাতে শ্রমজীবীকে কলের ভৃত্যের জায় কাম করিতে হয়। গৃহস্থে সেরূপ নহে। সেখানে শ্রমজীবী প্রভুর জায়, এবং যন্ত্রগুলি তাহার সম্পূর্ণ অধীন। ইহাই স্বাভাবিক। এবং এই স্বাভাবিক ভাবে কাজ হইলে বংশপরম্পরাতেও শ্রমজীবীর অবনতি হয় না। কলের অস্বাভাবিক পদ্ধতিতে অল্প দিনেই তাহাদের অবনতি হয়। এক্ষেত্রে কাজ করিলেই যে মনের অবনতি হয়, ইহা কুসংস্কার মাত্র।

রবীন্দ্রনাথ বলিয়াছেন, “আজ ভারতে বিস্তৃত ভাবে স্বধর্মে টিকে আছে কেবল শূদ্রেরা।” কিন্তু ইহা সত্য নহে। ভারতের অধিকাংশ লোক কৃষিজীবী। কৃষি বৈশ্বের কাজ। কৃষি এবং ব্যবসাতে বৈশ্বধর্ম এখনও উচ্ছিন্ন হয় নাই। পরাধীন জাতির ক্ষাত্রধর্ম বিনষ্ট হইবে, ইহা বিচিত্র নহে। বাকী ব্রাহ্মণ। দেশ পরাধীন হইলে ব্রাহ্মণের স্বধর্মে টিকিয়া থাকা খুব কঠিন। ব্রাহ্মণের রাজদত্ত বৃত্তি এখন বন্ধ। পরাধীনতার ফলে দেশের অতিরিক্ত ঝাঁক পড়িয়াছে ইংরাজি শিক্ষার উপর; সংস্কৃত শিক্ষার বারপরনাই অনাদর হইয়াছে। ইহাতেও ব্রাহ্মণের জীবিকা সংগ্রহ করা দুর্লভ হইয়াছে। বিজাতীয় শিক্ষার ফলে শিক্ষিত লোকদের মধ্যে ধর্মকর্মে আস্তা অত্যন্ত শিথিল হইয়াছে। তাহাতেও ব্রাহ্মণের জীবিকা বন্ধ। যে সকল জীবিকা অবলম্বন করিলে ব্রাহ্মণের বর্ণাশ্রমায়ুযায়ী কর্তব্যপালন সহজ হইত, সে সকল জীবিকা প্রায় বন্ধ হওয়াতে, ব্রাহ্মণকে অপর সকল জীবিকা গ্রহণ করিতে হইয়াছে; তাহার ফলে ব্রাহ্মণের নিজধর্ম পালন করা কঠিন হইয়াছে। তথাপি এখনও দেশে প্রকৃত ব্রাহ্মণ আছেন,—নিলাভ, পরোপকারী, ঈশ্বরে নির্ভরশীল, দারিদ্র্যব্রতধারী ব্রাহ্মণ। দেশের সুগভীর ওদাসীত্ব সঙ্কেত, শিক্ষিত লোকের নিম্ন বিক্রমবাহন সহ্য করিয়াও, অবিচলিত ধৈর্যের সহিত এখনও যে কয়েকজন ব্রাহ্মণ প্রাণপণে প্রাচীন আদর্শ ধরিয়া রাখিয়াছেন, ইহা তাহাদের মহত্বের পরিচায়ক এবং প্রাচীন আদর্শের গৌরবের বিষয়

সন্দেহ নাই। ভারতে যদি আবার কখনও সুদিন কিরিয়া আসে, পাশ্চাত্য সভ্যতার অভ্যাগ্রে আলোকের মোহ কাটাইয়া আবার যদি ভারতবাসী প্রদীপের স্নিগ্ধ আলোকে নিজের ঘরের জিনিসের যথার্থ আদর কপিতে শিখে, তাহা হইলে যে অল্পসংখ্যক ব্রাহ্মণ আজিকার দুদিনে দৈন্তের অন্ধকার এবং বিক্রমের শিলাবর্ষণ সহ্য করিয়া বুকের রক্ত দিয়া প্রাচীন ভারতের আদর্শ বাচাইয়া রাখিতেছেন তাহাদের কথা স্বর্ণাক্ষরে লিখিত হইবে। মহাত্মা গান্ধী, পাশ্চাত্য সভ্যতার বিরোধী তাহা সত্য; কিন্তু তিনি যে স্বদেশের ক্রটি নির্মমভাৱে উদ্ঘাটিত করিয়া যাহা সত্য মনে করেন নির্ভীক ভাবে তাহা প্রচার করেন, ইহা সর্বজনবিদিত। তিনি বলিয়াছেন, I have not a shadow of doubt that Hinduism owes it all to the great traditions that the Brahmins have left for Hinduism. They have left a legacy for India which every Indian, no matter to what Varna he may belong, owes a deep debt of gratitude. Having studied the history of almost every religion in the world it is my settled conviction that there is no other class in the world that has accepted poverty and self-effacement as its lot. • • • Even in this black age, travelling throughout the length and breadth of India, I notice that the Brahmins take the first place in self-sacrifice and self-effacement. • • • I wish to confess too that the Brahmins together with the rest of us have suffered a fall. They have set before India voluntarily and deliberately the highest standard which a human mind is capable of conceiving, and they must not be surprised if the Indian world exacts that standard from them. The Brahmins have declared themselves, and ought to remain the custodians of the purity of our life.

Mahatma Gandhi's speech in Madras at the Seabeach on the 8th April 1921.

অনুবাদ :—আমার বিন্দুমাত্র সন্দেহ নাই যে হিন্দুধর্মের যাহা কিছু ভাল সে সকলেরই কারণ ব্রাহ্মণগণের গৌরবময় কাঙ্ক্ষিকলাপ। ব্রাহ্মণেরা যে সকল সম্পত্তি রাখিয়া গিয়াছেন, তাহার জন্ত বর্ণ নিবিশেষে প্রত্যেক হিন্দুর গভীর ভাবে কৃতজ্ঞতা উচিত। পৃথিবীর প্রায় সকল ধর্মের ইতিহাস অধ্যয়ন করিয়া ইহা আমার স্থির বিশ্বাস হইয়াছে যে, পৃথিবীর আর কোন শ্রেণীর লোক দারিদ্র্য এবং স্বার্থোৎসর্গ নিজ ভাগা খলিয়া বরণ করিয়া লয় নাই। \* \* \* এমন কি বর্তমান অবস্থার দিনে সমগ্র ভারতবর্ষ ভ্রমণ করিয়া আমি লক্ষ্য করিয়া দেখিয়াছি যে, স্বার্থোৎসর্গ এবং স্বার্থবিলোপ বিষয়ে ব্রাহ্মণেরা শ্রেষ্ঠ স্থান অধিকার করে। \* \* \* ইহাও আমি স্বীকার করিতে ইচ্ছা করি যে, আমাদের অন্ত সকলের দ্বারা ব্রাহ্মণদেরও পতন হইয়াছে। তাহার ইচ্ছাপূর্বক এবং গভীর চিন্তার পর ভারতের সমুদ্রে এমন এক আদর্শ স্থাপন করিয়াছেন, যাহা অপেক্ষা উচ্চতর আদর্শ মানব-মন করণা করিতে পারে না। অতএব ভারতের লোকেরা যদি তাহাদের নিকট সেই আদর্শ অনুযায়ী আচরণ প্রত্যাপন করে, তাহা হইলে তাহাদের আশঙ্কা হইতে চলিবে না। ব্রাহ্মণেরা ব্রহ্মদেব জীবনের পবিত্রতার রক্ষক বলিয়া নিউজিগকে ঘোষণা করিয়াছেন, তাহাদের তাহাই হওয়া উচিত।—চই প্রায় ১৯১১ তারিখে মাদ্রাজনগরে সমুদ্রতটে মহাত্মা গান্ধীর বক্তৃতা।

সম্পূর্ণ নিরপেক্ষ ভাবে সভা নির্ণয় করিবার চেষ্টা মহাত্মাজির জাবনের মূলমন্ত্র। বর্ণাশ্রমধর্ম স্ববর্ণাশ্রিত-কাল হইতে বংশগত। ব্রাহ্মণদের যে গৌরবময় কাঙ্ক্ষিক-কাহিনী মহাত্মাজি মুক্তকণ্ঠে ঘোষণা করিয়াছেন, তাহা বংশগত বর্ণাশ্রমধর্মের সময় সম্ভব হইয়াছিল। ব্রাহ্মণদের যে অবনতির কথা তিনি বলিয়াছেন, তাহার কারণ বংশগত বর্ণাশ্রমধর্ম নহে; কারণ, তাহা হইলে ওই সহস্র বৎসর ধরিয়া ব্রাহ্মণ তাহার মহত্ব অক্ষুণ্ণ রাখিতে পারিত না। সে অবনতি আধুনিক এবং তাহার কারণ প্রতিকূল রাজনৈতিক অবস্থা।

ভারত-প্রত্যাগত ইংরেজ মহিলাব নিকট ভারতের চাকরদের প্রশংসা শুনিয়া রবীন্দ্রনাথ লজ্জিত হইয়াছেন; বলিয়াছেন, বংশানুক্রমে চাকর থাকিয়া তাহারা মহাশয়-বজ্রিত হইয়াছে, নীরবে লাথি-ঝাঁটা সহ্য করে, তাই প্রভুদের এত

ভাল লাগে। এ সম্বন্ধে প্রথম বক্তব্য এই যে, বোধ হয় ইংরেজ মহিলা ভারতের চাকরদের লাথি ঝাঁটা সহ্য করিবার ক্ষমতা লক্ষ্য করিয়া তাহাদের প্রশংসা করেন নাই—তাহারা বিশ্বাসী, কর্তব্যপরায়ণ, কষ্টসঙ্কীর্ণ—এই সকল কথাই বোধ হয় মনে করিয়া বলিয়াছিলেন। দ্বিতীয়তঃ, ইংরেজের ভৃত্য সচরাচর মুসলমান হয়, বর্ণাশ্রমধর্মী হিন্দু হয় না। সাংঘাই (Shanghai) সহরে একজন শিখ পুলিশ চানাইদিগকে অত্যন্ত ভাবে তাড়না করিয়াছিল, আমেরিকার Nation পত্রে তাহার বিবরণ পড়িয়া রবীন্দ্রনাথ ক্ষুব্ধ হইয়াছেন এবং অনুমান করিয়াছেন যে, আমাদের শূদ্ররা বংশানুক্রমিক শূদ্র বলিয়া এইরূপ গণিত কার্য করিতে দ্বিধা বোধ করে না। রবীন্দ্রনাথ বিশ্বাস হইয়াছেন যে, শিখদের বর্ণাশ্রমধর্ম নাই। অতএব বংশানুক্রমে শূদ্রত্ব করিয়া শিখদের এরূপ প্রবৃত্তি হইয়াছে, এ কথা বলা যায় না। বিদেশী বেতনভুক্ত সেনা বা পুলিশের লোক (mercenaries) প্রায়ই অত্যাচারী হয়, ইতিহাসে তাহার বহু নিদর্শন আছে,—ইহাও তাহার অপর একটি নিদর্শন। ইহার জন্ত বর্ণাশ্রমধর্মকে দায়ী করা যায় না। হংকঙের (Hong Kong)এর যে পাঞ্জাবী পুলিশ রবীন্দ্রনাথের চক্ষের সম্মুখে একজন চানাইকে লাঞ্ছনা করিয়াছিল, সে শিখ কিনা রবীন্দ্রনাথ তাহা বলেন নাই। খুব সম্ভব সেও শিখ। কারণ, এই সকল অক্ষুণ্ণ শিখ পুলিশই (প্রায় অবসর-প্রাপ্ত সৈনিকেরা) গিয়া থাকে। ইহার জন্তও বর্ণাশ্রমধর্মকে দায়ী করা যায় না। আর এ সকল দৃষ্টান্ত ক্ষাত্রধর্মের অপব্যবহার—শূদ্রধর্মের নহে। সেনা বা পুলিশ কাজ করা ক্ষত্রিয়ের কাজ,—শূদ্র নহে। “পরিচয়ানুকং কর্ম শূদ্রস্তাপি স্বভাবজং”—পরিচয়ী শূদ্রের কাজ, শাসন-করা শূদ্রের কাজ নহে। ইংরেজ সৈনিক বা পুলিশ যে মনোবৃত্তি লইয়া ভারতবাসীর উপর অত্যাচার করে, শিখ পুলিশ সেইরূপ মনোবৃত্তি লইয়া চানাইদের উপর অত্যাচার করে,—শিখ পুলিশ এবং তাহার প্রভু ইংরেজ যে ভিন্ন জাতীয় তাহা অবাস্তুর প্রশংসা মাত্র। তাহারা বেতনভুক্ত হইয়া বিদেশে পুলিশ বা সৈনিকের কর্ম করিতে যায়, তাহাদের মনোভাব অস্বাভাবিক ভাবে বিকৃত হওয়া যায়। তাহাদের মনোভাব দেখিয়া দেশের সাধারণ লোকদের মনোভাব নির্ণয় করা উচিত নহে। আমাদের দেশের সাধারণ লোকদের মধ্যে হিংস্রতার অপর দেশে সাধারণ

লোকদের অপেক্ষা কম। আমাদের দেশের সাধারণ লোক অল্প সকল দেশের সাধারণ লোক অপেক্ষা বেশী অভদ্র নহে। এ বিষয়ে শিবনাথ শাস্ত্রী এবং ব্রজেননাথ শীল মহাশয়দের মত পূর্বে উক্ত হইয়াছে। মহাশয় গান্ধি এ বিষয়ে পূর্বোক্ত বক্তৃতায় বলিয়াছেন,—I ask you to accept the testimony given by Sir Thomas Munro, and I confirm that testimony, that the masses of India are really more cultured than any in the world. অনুবাদ :—“স্বর টমাস মনরো যে সাক্ষ্য দিয়াছেন, আমি তাহা আপনাদিগকে গ্রহণ করিতে বলি, —এবং আমি সে সাক্ষ্য সমর্থন করি যে ভারতের জনসাধারণ পৃথিবীর অপর সকল দেশের জনসাধারণ অপেক্ষা অধিকতর সভ্য।” ভূদেব মুখোপাধ্যায় মহাশয় বলিয়াছেন, “ব্রাহ্মণেরা হিন্দুসমাজকে শাস্ত্রের দিকে লওয়াইয়া ইহাকে পৃথিবীর মধ্যে সর্বাপেক্ষা ধর্মভীরু এবং শাস্ত্রশীল সমাজ কবিয়া তুলিয়াছেন।” সামাজিক প্রবন্ধ ৩৭ পৃ: ) ভূদেববাবু পুনশ্চ বলিয়াছেন, “একজন বহুদর্শী ইংরেজের সহিত এই বিষয়ে আমার কথোপকথন হইয়াছিল। তিনি বলিলেন, ‘যদি ছোট লোক হইয়া জন্মিতে হয় তবে ভারতবর্ষের ছোট লোক হওয়াই ভাল। অপর সকল সমাজের ছোট লোকেরা পশুভাবাপন্ন, তাহাদের সহিত তুলনায় ইহারা দিবাভাবাপন্ন।’ (সামাজিক প্রবন্ধ) রাজা রামমোহন রায় বলিয়াছেন :—From a careful survey and observation of the people and inhabitants of various parts of the country and in every condition of life, I am of opinion that the peasants or villagers who reside at a distance from large towns and head stations and courts of law are as innocent, temperate and moral in their conduct as the people of any country whatsoever. &c.

(Quoted in Mr. P. N. Bose's National Education and Modern Progress. p. 41).

অনুবাদ :—“দেশের বিভিন্ন স্থানের এবং বিভিন্ন অবস্থার লোকদিগকে পর্যবেক্ষণ করিয়া আমার এই ধারণা জন্মিয়াছে যে, যে সকল কৃষক এবং গ্রামবাসী নগর এবং

বিচারালয় হইতে দূরে বাস করে, তাহারা যে কোনও দেশের লোক অপেক্ষা কম নির্দোষ, সংযত এবং উন্নত-চরিত্র নহে।” এই সকল বিচক্ষণ ব্যক্তির মত হইতে প্রতীতি হইবে যে, ববীন্দ্রনাথ যে বলিয়াছেন যে, আমাদের দেশে শূদ্রেরা বংশানুক্রমিক শূদ্র বলিয়া নিরীহ লোকদের উপর হুঁদাস্ত এবং অত্যাচারী হইয়া উঠিয়াছে, তাহা যথার্থ নহে।

গীতার “স্বধর্মে নিধনং শ্রেয়ো পরধর্মো ভয়াবহঃ” এই বাক্যটি ববীন্দ্রনাথ কয়েকবার উদ্ধৃত করিয়াছেন। কোথাও বা বাক্যটিকে “স্বধর্মে হননং শ্রেয়” এই ভাবে বিকৃত করিয়াছেন। ববীন্দ্রনাথ বলেন যে, বাক্যটিরও তাৎপর্য এই দাঁড়ায় যে, “ধর্ম অমুশাসনের যে অংশটুকু অন্ধভাবে পালন করা যায়, তাই প্রাণপণে পালন করতে হবে, তা’র কোন প্রয়োজন থাকে আর নাহি থাকে।” ব্রাহ্মণ, ক্ষত্রিয়, বৈশ্য, শূদ্র—এই চারি বর্ণ শাস্ত্রানুসৃত নিয়ম পালন করিবে, ইহা তা’র উক্ত-বাক্যটির উদ্দেশ্য। অর্থাৎ মদ্যে বিশেষ কিছু জটিলতা নাই। এত সহজ অর্থাৎ সকলে গ্রহণ করিয়া থাকেন। ব্রাহ্মণ, ক্ষত্রিয়, বৈশ্য, শূদ্র—ইহাদের কোনও বর্ণের কাজ কি সমাজে অপ্রয়োজনীয়? ব্রাহ্মণের কাজ সমাজকে সংস্কার দেওয়া, নিজে ধার্মিক হওয়া, এবং সাধারণের মধ্যে ধর্মভাব বিস্তার করা। ক্ষত্রিয়ের কাজ সমাজকে শত্রুর হাত হইতে রক্ষা করা, অত্যাচার বিরুদ্ধে যুদ্ধ করা। বৈশ্যের কাজ কৃষি বাণিজ্য, শূদ্রের কাজ পরিচর্যা। প্রত্যেক বর্ণের কাজই সমাজে প্রয়োজনীয়। ববীন্দ্রনাথ যে বলিয়াছেন ‘প্রয়োজন থাকে বা না থাকে করতে হবে’ এ কথা কেমন করিয়া উঠে? দৃষ্টান্ত স্বরূপ ববীন্দ্রনাথ বলিয়াছেন, চীন ও জাপান যদি যুরোপের বিরুদ্ধে সংগ্রাম ঘোষণা করে, তাহা হইলে ভারতবাসী হংকংয়ের ভৃত্য হইয়া চীন ও জাপানের সহিত যুদ্ধ করিবে, কারণ ভারতবাসী কেবল শিথিয়াছে,—“শূদ্রের বস্ত্র যুগের দীক্ষা”—স্বধর্মে হননং শ্রেয়ঃ; স্বধর্মে নিধনং শ্রেয়ঃ। কিন্তু যুদ্ধ করা হইলে শূদ্রের দীক্ষা নয়, ক্ষত্রিয়ের দীক্ষা; বেতনভুক সৈনিক হইয়া যুদ্ধ করাও ক্ষত্রিয়ের কাজ, শূদ্রের নহে। আরও এক কথা শাস্ত্র ক্ষত্রিয়কে ত্যজ যুদ্ধ করিতে বলিয়াছে, অত্যাচার যুদ্ধ করিতে বলে নাই—ধর্ম্যাৎ হি যুদ্ধাৎ শ্রেয়োহুত্মং ক্ষত্রিয়স্ত ন বিদ্যতে। সকলেই জানেন যে, হিন্দুশাস্ত্র বরাবর বলিয়াছে যে, যুদ্ধক্ষেত্রেও ত্যজ,

ধর্ম, দয়া, ক্ষমা এ সকল পরিত্যাগ করিবে না। এই সকল শাস্ত্রোপদেশ যে ক্ষত্রিয়রা পালন করিত না, তাহা নহে। প্রত্যুত যুদ্ধের সুময় ও হিন্দুবীর এই সকল গুণাবলির যথেষ্ট পীরচয় দিয়াছেন; তাহা দেখিয়া বৈদেশিকগণ আশ্চর্যান্বিত হইয়াছেন। রাণা কুম্ভ মালব এবং গুর্জরের মিলিত সৈন্যকে পরাস্ত করিয়া মালবরাজ মামুদকে বন্দী করিয়া চিত্তোরে আনিয়া উপটোকুন দিয়া ছাড়িয়া দিয়াছিলেন, এই কথা উল্লেখ করিয়া Todd বলিয়াছেন, Such is the character of the Hindu: a mixture of arrogance, political blindness, pride and generosity. To spare a prostrate foe is the creed of the Hindu cavalier, and he carries all such maxims to excess.

অনুবাদ:—“হিন্দুর চরিত্র এইরূপ: দর্প, রাজনৈতিক অন্ধতা, অহঙ্কার এবং দয়ার সংমিশ্রণ। পরাস্ত শত্রুকে ক্ষমা করা হিন্দুর ধর্ম, এবং সে এই সকল ধর্মমতকে অতিরিক্ত মাত্রায় অনুবর্তন করে।” রবীন্দ্রনাথ যে কল্পনা করিয়াছেন যে, শাস্ত্রে হিন্দুর বর্ণাশ্রমকে যুদ্ধ করিতে বলিয়াছে বলিয়া হিন্দু অন্ধভাবে যুদ্ধ করিতে শিখিয়াছে, ত্রায়-অত্রায় বিচার করে না, হতা বার্থ নহে। চীন ও জাপান যুরোপের সহিত যুদ্ধ করিলে হয় ত বেতনভুক সৈনিক হিংরাজের ইচ্ছা লড়াই করিতে পারে, কিন্তু বর্ণাশ্রমধর্মের অনুশাসন তাহার কারণ নহে; তাহার কারণ, সকল দেশেই এমন লোক পাওয়া যায়, যাহারা বেতন পাইলে প্রভুর আজ্ঞা পালন করিবে, সে আজ্ঞা ত্রায় বা অত্রায় তাহা বিচার করিবে না। বিগত যুরোপীয় মহাসমরে বেতনভুক মুসলমান সৈন্য হিংরাজের ও ফরাসীর হইয়া তুর্কীর বিপক্ষে লড়াই করিয়াছিল—ইহা সকলেই জানে। মুসলমানদের মধ্যে ত জাতিভেদ নাই, তবে এমন হইল কেন? আজ যদি হিন্দুদের জাতিভেদ উঠিয়া যায়, তাহা হইলেই কি হিংরাজ ভারতবর্ষ হইতে বেতনভুক সৈন্য লইয়া যাহার বিরুদ্ধে যুদ্ধ করিতে পারিবে না?

স্বধর্ম নিধনঃ শ্রেয়ঃ—কথাটিতে খারাপ কিছুই নাই। নিজের ধর্ম, নিজের কর্তব্য পালন করিবে, তাহাতে প্রায় যার তাহাও স্বীকার। হিংরাজিতে যাহাকে বলে

to die at the post of duty—মহুও এই কথাই বলিয়াছেন,

ন সৌদম্ভপি ধর্মে ননো ধর্মে নিবেশয়েৎ। ৪।১৭১

“কষ্ট এবং অভাবে পড়িলেও শাস্ত্রনির্দিষ্ট ধর্মপথ কখনও পরিত্যাগ করিবে না।” এই ধরণের কথা Ruskinএর লেখাতেও আছে। তাহার Unto this last হইতে একটু উদ্ধৃত করিয়া দিতেছি।

Five great intellectual professions, relating to daily necessities of life, have hitherto existed,—three exist necessarily in every civilized nation :

- The Soldier's profession is to defend it,
  - The Pastor's, to teach it,
  - The Physician's, to keep it in health,
  - The Lawyer's to enforce justice in it.
  - The Merchant's, to provide for it,
- And the duty of all these men is, on due occasion to die for it,

“On due occasion”, namely,

- The soldier, rather than leave his post in battle,
- The Physician, rather than leave his post in plague,
- The Pastor, rather than teach falsehood,
- The Lawyer, rather than countenance injustice.

For, truly, the man who does not know when to die, does not know how to live.

ধর্ম :—পাঁচ শ্রেণীর বুদ্ধিজীবী আছে,

সৈনিক,—	তাহার কাজ সমাজকে রক্ষা করা
ধর্মযাজক,	শিক্ষা দেওয়া
চিকিৎসক,	সুস্থ রাখা.
আইন ব্যবসায়ী	সমাজে সুবিচার প্রতিষ্ঠা করা
বণিক	সমাজের প্রয়োজনীয় দ্রব্য সরবরাহ করা।

এই সকল লোকের কর্তব্য হইতেছে প্রয়োজন হইলে কর্তব্য সাধনের জন্ত প্রাণত্যাগ করা,—

প্রয়োজন হইলে,—অর্থাৎ

সৈনিকের, যুদ্ধক্ষেত্র হইতে পলায়ন না করিয়া,  
চিকিৎসকের, ব্যাধির স্থান পরিত্যাগ না করিয়া,  
ধন্য যাজকের, মিথ্যা শিক্ষা না দিয়া,  
আইনবাবসায়ীর, অবিচারে প্রশয় না দিয়া,

—কারণ যে মানুষ যথোপযুক্ত সময়ে প্রাণত্যাগ করিতে জানে না, সে বাঁচিতেও জানে না।

Ruskin এখানে সমাজের বিভিন্ন শ্রেণীর মধ্যে যে কর্তব্যের আদর্শ তুলিয়া ধরিয়াছেন, গীতার “স্বধর্মে নিধনং শ্রেয়ঃ” সেই আদর্শ প্রচার করিতেছে।

যাহার যে খুসী বৃত্তি অবলম্বন করিলে যে সমাজের কল্যাণ হয় না, এবং কে কোন্ বৃত্তি অবলম্বন করিবে তাহা ঠিক করিয়া সেই মত শিক্ষার ব্যবস্থা করিলে যে সমাজ নীচুগতি উন্নতির পথে অগ্রসর হইবে, ইহাও রাষ্ট্রিকের মত। এ বিষয়ে তিনি Political Economy of Art প্রবন্ধে লিখিয়াছেন :—National law has hitherto been only judicial ; contented, that is, with an endeavour to prevent and punish violence and crime ; but as we advance in our social knowledge we shall endeavour to make our government paternal as well as judicial ; that is, to establish such laws and authorities as may at once direct us in our occupations, protect us against our follies and visit us in our distress.

অনুবাদ :—এ পরামর্শ আইন কেবলমাত্র বিচার করিয়াছে,—অর্থাৎ সমাজে উপদ্রব এবং পাপে বাধা দিয়া এবং দণ্ড নিয়ন্ত্রণ সম্বন্ধে আছে। কিন্তু আমাদের সামাজিক জ্ঞান বড় বাড়িলে, এত সামাজিক শাসন পারিবারিক শাসনের অনুরূপ হইবে। একপ আইন এবং ব্যবস্থা প্রণয়ন করিতে হইবে, যাহা আমাদের জীবিকার পথ নির্দেশ করিবে, মূর্খতার ছাত্ত হইতে আমাদের গণকে রক্ষা করিবে এবং বিপদের সময় আমাদের সাহায্য করিবে।

পুনশ্চ রাষ্ট্রিক বলিয়াছেন,—the notion of Dis-

cipline and Interference lies at the root of all human progress or power ;—the “Let Alone” principle is, in all things which man has to do with, the principle of Death” [ The Political Economy of Art ] অনুবাদ :—মানবের সকল প্রকার উন্নতি ও শক্তির মূলে নিয়ম এবং শাসন বর্তমান থাকে। মানবসংক্রান্ত সকল বিষয়েই স্বৈচ্ছাচার হইতেছে মৃত্যুর পথ।

রাষ্ট্রিকের মতে, কে কোন্ বৃত্তি অবলম্বন করিবে, তাহা শৈশবেই পরীক্ষা করিয়া স্থির করা উচিত ; এবং তদনুযায়ী তাহাকে শিক্ষা দেওয়া উচিত। রাষ্ট্রিক যাহা পরামর্শ করিয়া স্থির করিতে বলিয়াছেন, হিন্দুশাস্ত্র তাহা জন্ম দ্বারা নির্দিষ্ট করিয়া গ্রহণ করিয়াছে। আমরা পূর্বে দেখাইয়াছি যে, পিতামহা এবং পুত্রপুরুষদের মধ্যে যেরূপ প্রবৃত্তি বেশী প্রবল ছিল, সমাজের সেইরূপ প্রবৃত্তি সহজাত হইবার সম্ভাবনা অধিক, এবং তৈশব হইতে সে যেরূপ পারিপার্শ্বিক অবস্থার মধ্যে পালিত হয়, তাহার প্রভাব সেই সম্পদ প্রবৃত্তির অধিক ক্ষুদ্র লোক করিবার পক্ষে অল্পকাল। একটি শিশু বড় হইয়া কোন্ বৃত্তির উপযোগী হইবে—পরক্ষা দ্বারা তাহা নির্ণয় করা অনেক সময় কঠিন হয়। জন্ম এবং পারিপার্শ্বিক অবস্থা (heredity and environment) প্রকৃতি যেরূপ নির্ভুল ভাবে তাহা নির্দেশ করিয়া দেয়, পরামর্শ দ্বারা সেইরূপ নির্ভুল নির্বাচন সম্ভব নহে। হিন্দুশাস্ত্রে প্রকৃতির একপ আচরণের যুক্তিসঙ্গত কারণও নির্দেশ করা হইয়াছে। সে কারণ হইতেছে পূর্বকৃত কন্মফল ; যাহার যেরূপ কর্মফল, যেরূপ প্রবৃত্তি, সে তাহার অনুরূপ অবস্থার মধ্যে জন্মগ্ৰহণ করে। জন্ম একটা অচেতুক ঘটনা নহে। পৃথিবীতে অচেতুক ঘটনা কিছুই ঘটে না। একজন ঠংরেজ লেখক বলিয়াছেন ; Birth is no more an accident than the delivery of a letter to the person whose address is written on the envelope. “পত্রের উপর যাহার ঠিকানা লেখা থাকে তাহার নিকট পত্র পৌঁছান যেমন দৈবদান ব্যাপার নহে, জন্মও সেইরূপ দৈবদান ব্যাপার নহে।” আর এক বিষয়ে রাষ্ট্রিকের প্রস্তাব অপেক্ষা বণাশ্রমধর্ম শ্রেষ্ঠ সমাজে কতকগুলি অত্যাশ্রমিক কাহ্ন আছে ; সেই

সাধারণতঃ হীন কাজ বলিয়া বিবেচিত হয়। মানবকৃত কোন ব্যবস্থা দ্বারা সমাজের কতকগুলি লোককে হীনবৃত্তি অবলম্বন করিতে বাধ্য করিলে, অসন্তোষ উৎপন্ন হইবেই,— সে ব্যবস্থা যতই উৎকৃষ্ট হউক। কিন্তু হিন্দুধর্মের ব্যবস্থাতে সেরূপ অসন্তোষ উৎপন্ন হয় না। কারণ, হিন্দু বিশ্বাস করে যে, সে পূর্বজন্মকৃত কর্মের ফলে যে অবস্থার মধ্যে জন্মগ্রহণ করিয়াছে, তাহাবানের ইচ্ছা যে সে তদনুরূপ বৃত্তি গ্রহণ করিবে। বাস্তবিক সহস্র সহস্র বৎসর ধরিয়া নিম্নশ্রেণীর হিন্দুরা এইরূপ বিশ্বাসে সম্বৃষ্ট চিত্তে নিজ নিজ কর্তব্য করিয়া আসিতেছে। অথচ ইহাতে যে তাহাদের নৈতিক অবনতি হইয়াছে, তাহা বলা যায় না। কারণ, Sir Thomas Munro এবং মহাত্মা গান্ধীর মতে The masses of India are more cultured than any in the world.—“ভারতের জনসাধারণ পৃথিবীর অন্য সকল দেশের জনসাধারণ অপেক্ষা অধিক সভ্য।” পিতৃমাতৃভক্তি, দাম্পত্য প্রেম, সম্মানবোধ, অহিংসা, ঈশ্বরভক্তি—এই সকল উৎকৃষ্ট মনোবৃত্তি অল্প জাতির অপেক্ষা হিন্দুর মধ্যে প্রবলতর। হীন বৃত্তি সম্বন্ধে যে নৈতিক অবনতি হয় না, তাহাব কারণ এই যে হিন্দু লোকেরাও জানে যে তাহাদের নির্দিষ্ট বৃত্তি পালন করিয়াই তাহাবানের যাত্রা উদ্দেশ্য—ঈশ্বরভক্ত, সোভা সাধন করিতে পারে। কারণ ঈশ্বর সমদর্শী,—কোন বৃত্তিকে তিনি হীন চক্ষু দেখেন না। যে কার্গাই হউক, ঈশ্বরের স্নিহার্থে করা যাইতেছে, এইরূপ মনে করিয়া করিলে, মনের অবনতি হয় না, প্রত্যুত চিত্ত শুদ্ধ হয়।

যতঃ প্রবৃত্তির্ভূতানঃ যেন সর্বিমদং ততঃ।

• স্বকর্মণা তমলচা সিদ্ধিং বিলতি মানবঃ ॥

“গাভা হইতে প্রাণীদের উৎপত্তি, যিনি বিশুদ্ধভাবে ব্যাপ্ত হইয়া অবস্থান করিতেছেন, নিজ কর্ম দ্বারা তাঁহাকে পূজা করিলে মানব সিদ্ধি লাভ করে।” শৃদ যখন অল্প বর্ষের পরিচর্যা করিব তখন ভাবিবে, সকলেই ত ভগবান হইতে উৎপন্ন, আমি এই পরিচর্যা ভগবানেরই করিতেছি— ইহা ত লজ্জার বিষয় নহে, সৌভাগ্যের বিষয়; দুঃখের বিষয় নহে, আনন্দের বিষয়। এইরূপ মনোবৃত্তি লইয়া কাজ করিলে চিত্তের অবনতি হয় না। রামকৃষ্ণ পরমহংসদেব স্বহস্তে পাথরখানা পরিষ্কার করিয়াছেন, মহাত্মা গান্ধী এই কার্য করিতে গর্ব অনুভব করেন। হিন্দুর সমাজতন্ত্রের মর্মকথা

ইহারা অনুভব করিয়াছেন বলিয়াই ইহারা এরূপ আচরণ করিয়াছেন। পশ্চাত্য সমাজের নিম্ন শ্রেণীর মধ্যে এরূপ ভাব দেখা যায় না। তাহারা ভাবে,—অঞ্জুর পরিচর্যা করা লজ্জাকর—আমার অল্প কিছু বড় কাজ করিবার সুযোগ নাই বলিয়াই এরূপ করিতেছি। বড় লোকেরা পরিশ্রম না করিয়াও কত রকম সুখভোগ করিতেছে, আমি এত কষ্ট করিয়াও কত কষ্টে দিনপাত করিতেছি। এইরূপ মনোভাব হইলে, অসন্তোষ ও মানসিক অবনতি অনিবার্য।

কিন্তু হিন্দুধর্ম হিন্দুকে অতরূপ ভাবিতে শিখাইয়াছে। সে বলে—

প্রাতরুপায় সারাস্তং সায়নাবস্থা প্রাততঃ।

সং কবোমি জগন্মাতস্তদেব পূজনং তব

সকাল হইতে সন্ধ্যা পর্যন্ত এবং সন্ধ্যা হইতে সকাল পর্যন্ত যাত্রা করি, হে জগন্মাতঃ, সে সকলই তোমার পূজা।

দেবেণ চৈতন্য মায়াদিদেব

শ্রীকান্ত বিষ্ণো ভবদাজ্ঞয়েব।

প্রাতঃ সমুথায় তব প্রিয়ার্গং

সংসারযাত্রামনুবর্তয়িষ্যে ॥

হে দেবেণ, চৈতন্যময়, হে আদিদেব, লক্ষ্মীকান্ত, বিষ্ণো, তোমরা আজ্ঞাতেই প্রাতঃকালে গাত্ৰোথান করিয়া তোমার প্রিয়সাধন করিবার জন্য সংসার যাত্রা নির্বাহ করিব।

অন্ডায় কার্য করিবার সময় এরূপ মনোভাব লইয়া করা যায় না; কিন্তু খুব দরিদ্র ব্যক্তিরও নিজ জীবিকার অনুরূপ কর্ম করিবার সময় এইরূপ মনোভাব লইয়া করা সম্ভব। এই সকল শাস্ত্রোপদেশ কেবল পণ্ডিতের মধ্যে আবদ্ধ থাকে না। যাত্রা, গান, শ্রমকতার মধ্য দিয়া এই সকল মূল্যবান তত্ত্ব নিরক্ষর দরিদ্রের মধ্যেও প্রচারিত হইয়াছে। এজন্য নিম্নশ্রেণীর মধ্যেও ধর্মভাবের অভাব হয় নাই। তাহাদের মধ্য হইতেও অনেক সাধু মহাত্মার আবির্ভাব হইয়াছে।

যে সকল সমাজে এরূপ ধর্মানুশাসন নাই, যেখানে নিম্নশ্রেণীর লোকেরা বাধ্য হইয়া হীনবৃত্তি অবলম্বন করে, সেখানে অসন্তোষ, ঈর্ষা, বিদ্বেহ অনিবার্য। সেখানে সামাজিক শান্তি হ্রাসিত। রবীন্দ্রনাথ তাহা স্বীকার

করিয়াছেন। এই প্রবন্ধেই তিনি বলিয়াছেন, “বাধ্য হ’য়ে কাজ করা অপমানকর।” “রাজশাসনে যদি পাকা করা হ’ত তাহ’লেও তার মধ্যে দাসত্বের অবমাননা থাকত এবং ভিতরে ভিতরে বিদ্রোহের চেষ্টা কখনই থামত না।” “ধর্মের খাতিরে হীনতা স্বীকার করাও মধ্যে তা’র একটা আত্মপ্রসাদ আছে” “আমাদের দেশে বৃত্তিভেদকে ধর্ম-শাসনের অন্তর্গত ক’রে দেওয়াতে এরকম অসন্তোষ এবং বিপ্লবচেষ্টার গোড়া নষ্ট ক’রে দেওয়া হয়েছে।” “তাতে মানুষকে শাস্ত করে” “ধর্ম আমাদের দেশে ব্রাহ্মণ শূদ্র সকলকেই কিছু না কিছু তাগের পরামর্শ দিয়েছে।” কিন্তু এসকল সত্ত্বেও তিনি বৃত্তি বিষয়ে ধর্মশাসনের অত্যন্ত বিরোধী। তিনি আশঙ্কা করেন—এইরূপ ধর্মশাসনের ফলে আচারের চাপে আধ্যাত্মিকতার প্রাণ বহির্গত হয়, এবং নিম্ন শ্রেণীর লোকেরা সুবিধা পাইলেই দুর্বলের উপর অত্যাচার করে। আমরা যুক্তির দ্বারা প্রমাণ করিতে চেষ্টা করিয়াছি যে, এরূপ হইবার কান কাবণ নাই; এবং অভিজ্ঞ ও নিরপেক্ষ ব্যক্তিদের সাক্ষ্য দ্বারা দেখাইতে চেষ্টা করিয়াছি যে, প্রকৃতপক্ষে এরূপ হয় নাই।

ভারতবর্ষে কত দিন ধরিয়া বর্ণাশ্রমধর্ম প্রচলিত আছে, সে বিষয়ে যথেষ্ট সংশয় আছে। উপনিষদে ইহার স্পষ্ট উল্লেখ আছে। উপনিষদে যে অধ্যায় ৩০০০ বৎসর পূর্ব-কার, ইহাতে কাহানও বোধ হয় সন্দেহ নাই। প্রাচীন-পন্থীদের মতে জাতিভেদ ৩০০০ বৎসরের অনেক বেশী দিন ভারতবর্ষে প্রচলিত আছে। কিন্তু জাতিভেদ যে ৩০০০ বৎসর ধরিয়া প্রচলিত আছে, তাহাতে বোধ হয় কেহই সন্দেহ করেন না। ভারতের এই তিন সহস্র বৎসরের ইতিহাস সবটাই লজ্জাকর নহে। অতীত ইতিহাসে গৌরব করিবার বিষয় হিন্দুর যথেষ্ট ছিল। উপনিষদ, বড়দর্শন, রামায়ণ, মহাভারত, শ্রীমদ্ভগবত, অদ্বৈতীয়া, —কালিদাস, ভবভূতি, আর্ষভট্ট, শঙ্করাচার্য্য, রামানুজ, তুলসীদাস, শ্রীচৈতন্য—কোনাবক, ভুবনেশ্বর, এলোরা, অজন্তা, তাঞ্জোর, মাতুরা,—অতীত ভারতের কয়েকটিমাত্র উজ্জ্বল নিদর্শন। ভারতের মুসলমান অধিকারের পূর্বে অন্ততঃ ২৩০০ বৎসর—বংশগত বর্ণাশ্রমধর্ম সত্ত্বেও ধর্ম, দর্শন, কাব্য, গণিত, জ্যোতিষ, আবুর্কেদ, বিজ্ঞান, চিত্রবিদ্যা, ভাস্কর্য্য, স্থাপত্য, বয়ন-প্রভৃতি বিবিধ বিদ্যা এবং শিল্পে ভারতবর্ষ যে বিশেষ

উৎকর্ষ লাভ করিয়াছিল, নিরপেক্ষ ঐতিহাসিকগণ ইহা এক-বাক্যে স্বীকার করিয়াছেন। ধর্ম, দর্শন ও কাব্যে তাহারা এতদূর উন্নতি লাভ করিয়াছিল যে, পৃথিবীর কোন যুগে কোন দেশ তাহা ছাড়াইয়া যাইতে পারে, নাই। এই সকল বিদ্যা এবং শিল্পের বংশগত ভাবেই চর্চা করা হইয়াছিল। হিন্দু মনে করে—বংশগতভাবে চর্চা হইয়াছিল বলিয়াই এত উন্নতি হইয়াছিল। যে সকল কারণে সে এইরূপ মনে করে, এই প্রবন্ধের পূর্বভাগে তাহার উল্লেখ করা হইয়াছে। কিন্তু বংশগত ভাবে বিদ্যা ও শিল্প-চর্চার ফলে উন্নতি হইয়াছিল—কেহ যদি ইহা স্বীকার না-ও করেন, তাঁহাকে অন্ততঃ এটুকু স্বীকার করিতে হইবে, যে, বংশগত ভাবে বিদ্যা এবং শিল্প-চর্চা হওয়াতে ঐ সকল বিষয়ে উন্নতি লাভের পক্ষে বিশেষ বোন অন্তরায় উপস্থিত হয় নাই। কারণ অন্তরায় হইলে ভারত এত শীঘ্র এত উন্নতি লাভ করিতে পারিত না।

এরূপ একটা কথা প্রায় গুনিতে পাওয়া যায় যে, জাতিভেদ প্রথা আছে বলিয়াই হিন্দুজাতির অবনতি হইয়াছে। যাহারা এরূপ কথা বলেন, তাঁহারা যে বিশেষ রূপে বিবেচনা করিয়া বলেন, তাহা মনে হয় না। কারণ, একটু বিবেচনা করিলে দেখিতে পাওয়া যাইবে যে, পৃথিবীর অপর সকল জাতির তুলনায় হিন্দুজাতির বেশী অবনতি হইয়াছে, একথা বলা যায় না। বাবিলনিয়া, কার্ণেল, মিশর ও ফিনিশিয়াতে যে সকল সভ্যতা বিকসিত হইয়াছিল, আজ সে সভ্যতা কোথায়? বহু যত্নে মৃত্তিকাস্তরের নিম্ন হইতে খনন করিয়া তাহার যে সকল অংশ নিদর্শন পাওয়া গিয়াছে, বাহুদরে তাহা দেখিতে পাওয়া যায় মাত্র। তাহাদের সমসাময়িক, অথবা তাহাদের অপেক্ষাও প্রাচীন, হিন্দুর সভ্যতা এখনও ভূপৃষ্ঠ হইতে বিলুপ্ত হয় নাই। তিন চারি সহস্র বৎসর পূর্বে সিন্ধুদের গায়ে দাঁড়াইয়া আয়াক্ষবিগণ যে বেদমন্ত্র গান করিয়াছিলেন, আজিও হিমালয় হইতে কল্যা কুমারিকা পর্যন্ত, সহস্র সহস্র মন্দিরে এবং বিখালয়ে সে মন্ত্রাভের ধ্বনি গুনিতে পাওয়া যায়; প্রাতে এবং সন্ধ্যায় লক্ষ লক্ষ ব্রাহ্মণ সেই সকল মন্ত্র উচ্চারণ করিয়া সঙ্কীর্ণ উপাসনা করেন; উপনয়ন এবং বিবাহাদি সংস্কারে সেই সকল মন্ত্র উচ্চারিত হয়। দুই সহস্র বৎসর পূর্বে আশ্রমের পর্ণকূটরে বসিয়া প্রাচীন হিন্দু ভগবন্তের সঙ্ক



যে সকল মহীয়ান সত্য উপলব্ধি করিয়াছিল, ইংলণ্ড জার্মানি ও ফ্রান্সের মনীষিগণ আজিও বিশ্ববিখ্যুত চিন্তে তাহার অনুশীলন করিতেছেন। বিজ্ঞানের অত্যাগ্র আলোকচ্ছটায় জগতের আর সকল ধর্ম সঙ্কুচিত হইয়া উঠিয়াছে, কেবল হিন্দুধর্ম হয় নাই; সেই যেন ঈশ্বর স্মিতবদনে বিজ্ঞানকে বলিতেছে,—বৎস, চরম সত্য নির্ণয় করিতে এখনও দেবী আছে। পরাধীন হইবার পরও ভারতবর্ষে আধ্যাত্মিক চর্চা এবং প্রকৃত মহন্যাত্ম বিলুপ্ত হয় নাই। তাহার প্রমাণ শ্রীচৈতন্য, তুলসীদাস, কবীর, নানক, রামকৃষ্ণ পরমহংস, বিবেকানন্দ, মহাত্মা গান্ধী। ভারতবর্ষ পরাধীন হইয়াছে সত্য, কিন্তু পৃথিবীর আর কোনও জাতি কি হিন্দু অপেক্ষা অধিক দিন স্বাধীনতা রক্ষা করিতে সমর্থ হইয়াছে? এতদিন স্বাধীনতা রক্ষা করিবার কথা, আর কোনও জাতি হিন্দু জাতির স্থায় এত দিন নিজ বিশিষ্টতা রক্ষা করিতে পারে না। যে ইংলণ্ড আর পৃথিবীর সর্বপ্রধান শক্তি বলিয়া পরিচিত, তাহাদের ইতিহাস আলোচনা করুন। পৃথিবীর প্রথম পরাক্রান্তে যে জাতি ইংলণ্ডে বাস করিত, সে জাতি অ্যাক্সন কোথায়? Saxonরা আসিয়া ইংলণ্ডে অধিকার করিবার পর তাহারা ক্রমশঃ অস্তিত্ব হইয়াছে, কিংবা Saxonদের সহিত মিশিয়া গিয়াছে। সেই Saxon জাতিই বা কত দিন নিজ বিশিষ্টতা রক্ষা করিতে পারিল? তাহারা প্রথমে Daneদের দ্বারা, পরে Normanদের নিকট বিজিত হইল এবং ক্রমশঃ Normanদের সহিত মিশিয়া গেল। দেড় হাজার বৎসরের মধ্যে ইংলণ্ডে চারবার বিজিত হইল এবং দুইটি জাতির স্বতন্ত্র অস্তিত্ব বিলুপ্ত হইল। যুরোপের অন্যান্য জাতির ইতিহাস আলোচনা করিলেও এইরূপ অবস্থাই দেখিতে পাওয়া যায়। বিটনদের, গ্রীকদের, রোমানদের, গ্রীকদের যে ধর্ম ছিল, সে ধর্ম এখন কোথায়? হিন্দু জাতি ২৫০০ বৎসর ধরিয়া স্বাধীন ছিল, ৩৪ সহস্র বৎসর ধরিয়া নিজ স্বাতন্ত্র্য এবং নিজ ধর্ম রক্ষা করিয়াছে, সুতরাং অপর সকল জাতির ইতিহাসের তুলনায় ভারতের ইতিহাস অধিকতর লক্ষ্যজনক নহে। মহামতি Todd লিখিয়াছেন,—

What nation on earth would have maintained the semblance of civilization, the

spirit or the customs of their forefathers, during so many centuries of overwhelming oppression but one of such singular characters as the Rajpoots? ... How did the Britons at once sink under the Romans, and in vain strive to save their groves, their Druids or their altars of Bal from destruction! To the Saxons they alike succumbed; they, again, to the Danes; and this heterogenous to the Normans. Empire was lost or gained by a single battle, and the laws and religion of the conquered merged in those of the conquerors. Contrast with these the Rajpoots: not an iota of their religious and customs have they lost through many a foot of land. [Annals of Mewar, Chapter V]

ভূদেববাবু লিখিয়াছেন, “কোনও সমাজ অল্প কর্তৃক বিজিত হইলেই সে তাহাকে অপকৃষ্ট বলিতে হয়, তাহা নহে। মুখ স্পার্টায়েরা পণ্ডিত এথিনীয়দিগকে জয় করিয়াছিল, অসভ্য ম্যাকিডোনিয়েরা গ্রীকদিগকে অধীন করিয়াছিল, বহু আত্মীয়েরাও সুসভ্য চীনাঁয়দিগকে পরাজয় করিয়াছিল, অসভ্য বর্করজাতিয়েরা রোম সাম্রাজ্যকে বিধ্বস্ত করিয়াছিল, পাণ্ডু পালোপজীবী আহমেদা সুসমৃদ্ধ আসাম দেশ অধিকার করিয়াছিল। যে যুদ্ধে হারে সে হীন, এটা গোয়ালের কথা, বিচক্ষণ লোকের কথা নয়।” (সামাজিক প্রবন্ধ ৩৫—৩৬ পৃঃ) “ভারতবর্ষ পরাধীন কেন?” এই প্রবন্ধে বঙ্কিমচন্দ্র লিখিয়াছেন,—“আরবদেশীয়রা এক প্রকার দিগ্বিজয়ী, যখন যে দেশ আক্রমণ করিয়াছে তখনই সেই দেশ জয় করিয়া পৃথিবীতে অতুল সাম্রাজ্য স্থাপন করিয়াছিল। তাহারা কেবল দুই দেশ হইতে পরাজিত হইয়া বাহিষ্কৃত হয়। পশ্চিমে ফ্রান্স, পূর্বে ভারতবর্ষ। আরবেরা মিশর ও সিরিয়দেশ মহম্মদের মৃত্যুর পর ছয়বৎসর মধ্যে, পারশ্ব দশ বৎসরে, আফ্রিকা ও স্পেন এক এক বৎসরে, তুর্কস্থান আট বৎসরে সম্পূর্ণ অধিকার করে। কিন্তু তাহারা ভারতবর্ষ জয়ের জন্য তিনশত বৎসর ধরিয়া যত্ন করিয়াও ভারতবর্ষ হস্তগত করিতে পারে নাই।” পুনশ্চ

U. J. P. L.  
Acc. No. Date

বহুমুখী বলিয়াছেন, “যখন কোন প্রাচীন দেশের নিকটে নবঅভ্যুদয়বিশিষ্ট এবং বিজয়াভিলাষী জাতি অবস্থান করে, তখন প্রাচীনজাতি প্রায় নবীনের প্রভুত্বাধীন হইয়া যায়। এইরূপ সর্বাঙ্গকারী বিজয়াভিলাষী জাতি - প্রাচীন যুবোপে রোমকেরা, এশিয়ায় আরব্বা এবং তুরকীয়েরা। যে যে জাতি ইহাদিগের সংস্রবে আসিয়াছে তাহারাষ্ট পরাভূত হইয়া ইহাদের অধীন হইয়াছে। কিন্তু তন্মধ্যে হিন্দুরা যতদূর দুর্ভেদ্য হইয়াছিল এতদূর আর কোন জাতিই হয় নাই। আরবাগণ কর্তৃক যত অল্পকাল মধ্যে মিশর, উত্তর আফ্রিকা, স্পেন, পারশ্ব, তুরস্ক এবং কাবুলরাজ্য উচ্ছিন্ন হইয়াছিল, তাহা পূর্বেই কথিত হইয়াছে। তদপেক্ষা সুবিখ্যাত কতিপয় সাম্রাজ্যের উদাহরণ দেওয়া যাইতে পারে। রোমকেরা পঞ্চম ২০০ খৃষ্ট পূর্বাব্দে গ্রীস আক্রমণ করে। তদবদি ৫২ বৎসর মধ্যে ঐ রাজ্য একেবারে নিঃশেষে নিচ্ছিত হয়। সুবিখ্যাত কার্থেজ রাজ্য ২৬৫ খৃঃ পূর্বাব্দে প্রথম রোমকদের সহিত সংগ্রামে প্রবৃত্ত হয়। ১৪৬ খৃঃ পূর্বাব্দে অর্থাৎ ১০ বৎসর মধ্যে সেই রাজ্য রোমকগণ কর্তৃক ধ্বংসিত হয়। পূর্বরোমক বা গ্রীস সাম্রাজ্য পঞ্চদশ শতাব্দীর প্রথমভাগে তুরকীয়গণ কর্তৃক আক্রান্ত হইয়া ১৪৫৩ খৃঃ অব্দে অর্থাৎ পঞ্চাশৎ বৎসর মধ্যে তুরকী দ্বিতীয় মহম্মদের হস্তে বিলুপ্ত হয়। পশ্চিম রোমক—যাহার নাম অগ্গাপি জগতে বীরদর্পের পতাকাঙ্করূপে :—তাহাষ্ট ৪৮৬ খৃঃ অব্দে উত্তরীয় বর্বর জাতি কর্তৃক প্রথম আক্রান্ত হইয়া ৪৭৬ খৃঃ অব্দে অর্থাৎ প্রথম বর্বরবিপ্লবের ১২০ বৎসর মধ্যে ধ্বংসপ্রাপ্ত হয়। ভারতবর্ষ ৬৬৪ খৃঃ অব্দে আরব্বা মুসলমানগণ কর্তৃক প্রথম আক্রান্ত হয়। তদন্থ হইতে ৫২৯ বৎসর পরে শাহাবুদ্দিন বোরী কর্তৃক উত্তর ভারত অধিকৃত হয়। শাহাবুদ্দিন বা তাহার অনুচরেরা আরব্বা জাতীয় ছিলেন না। আরব্বোরা যেরূপ বিফল-যত্ন হইয়াছিল গজনীনগরাদিষ্টা তা তুরকীয়েরা তদ্রূপ। যাহারা পৃথ্বীরাজ, জয়চন্দ্র এবং সেনরাজ্য প্রভৃতি হইতে উত্তর ভারত অপহরণ করে তাহারা পাঠান বা আফগান। পাঠানেরা কখনই আরব্বা বা তুরকীবংশীয়দিগের গ্রাম সমৃদ্ধিসম্পন্ন বা প্রতাপাশ্রিত নহে। তাহারা কেবল পূর্বগত

আরব্বা এবং তুরকীয়দের সূচিত কার্য সম্পন্ন করিয়াছিল। আরব্বা তুরকী এবং পাঠান এই তিন জাতির যত্ন-পারম্পর্যে সাদ্ধি পাঁচশত বৎসরে ভারতবর্ষের স্বাধীনতা বিলুপ্ত হয়।”—বিবিধ প্রবন্ধ—ভারতবর্ষ পরাধীন কেন ?

আমার একরূপ বলিবার উদ্দেশ্য নহে যে, হিন্দু জাতির কোন দোষ নাই, ইহাদের সব ভাল। হিন্দু জাতির মধ্যে যে পরিমাণে স্বার্থ, দলাদলি, নিকৃৎম প্রভৃতি প্রবেশ লাভ করিয়াছে, সে পরিমাণে তাহাদের জাতীয় উন্নতির বাধা পড়িয়াছে। সে সকল দোষ উঠাইয়া দিন এবং তাহার স্থানে নিঃস্বার্থপরতা, ঐক্য, অধাবসায় প্রভৃতি সঞ্চারিত করা হউক। জাতিভেদ প্রভৃতি সামাজিক ব্যবস্থার মধ্যে ঘণা, অস্পৃশ্যতা প্রভৃতি যে সকল দুর্নীতি স্থান পাইয়াছে, সে সকল উঠাইয়া দেওয়া হউক। কিন্তু একটা বিষয়ে সাবধান হওয়া উচিত। মনে রাখিতে হইবে যে, মাছুষের যৌবন যেমন চিরদিন থাকে না, কালক্রমে জরা বা বৃদ্ধিকা আসে, একটা জাতিরও অবস্থা সেইরূপ চিরদিন সমান থাকে না, কালের প্রভাবে তাহার কখনও উন্নতি কখনও অবনতি হয়। অবনতি হইয়াছে বলিয়াই যে তাহার সামাজিক ব্যবস্থা সব খারাপ একরূপ সিদ্ধান্ত করা উচিত নহে। পরাধীন জাতির পক্ষে বিজেতার অধুকরণ অনেকটা স্বাভাবিক। সে মনে করে বিজেতার আচার ব্যবহার বাস্তব কিছু সব ভাল। সে বিজেতার অধুকরণ বেশ পরিদান করিতে ইচ্ছা করে, মাছুষের অনাদর করিয়া বিজেতার ভাষার আদর করে, ধন্য এবং সমাজ বিষয়েও বিজেতার অধুকরণ করে। তাহার সমাজের ব্যবস্থাগুলি যদি বিজেতার সমাজে না থাকে সে মনে করে সেগুলি বড় খারাপ, সেগুলি নাহ বলিয়াই বিজেতগণ উন্নতি লাভ করিয়াছে, সেগুলি আছে বলিয়াই তাহাদের পরাধীনতা ঘটিয়াছে। এইরূপ নিকৃত দৃষ্টিতে ভাল ব্যবস্থাগুলিও খারাপ বলিয়া মনে হয়। বর্ণাশ্রমধর্ম হিন্দুসমাজকে যে স্বদেশীর শাস্তি দিয়াছে, আজ আমরা তাহার মূল্য বুঝিতে পারিতেছি না; যখন তাহাইব তখন বুঝিব কি অমূল্য রত্ন তাহাইয়াছি।



দ্বন্দ্ব

শ্রীসরোজকুমারী বন্দ্যোপাধ্যায়

২৭

লীলার পীড়া দিন-দিন দ্রুতগতিতে বাড়িয়া উঠিতেছিল। তিন জরি দিন পরে ডাক্তার পরীক্ষা করিয়া বলিলেন, ডবল নিউমোনিয়া—ডাক্তারের আশা অতি অল্প, কি হয় বলা যায় না।

মিঃ রায়ের আনন্দময় ভবনে শোক ও আতঙ্কের ছায়া দিন দিন ঘনীভূত হইয়া উঠিতেছিল, লীলার জীবনের আশঙ্কায় সকলের চিত্তই কাতর ও সংশ্ল, দুর্ভাবনায় ও ভ্রুশ্চিন্দ্রায় মিসেস রায়ের দুর্গন্ধ ও উদ্ধত প্রকৃতি পযাস্ত পরিবর্তিত হইয়া গিয়াছে। তিনি লীলার ঘরে বেশিক্ষণ থাকিতে পারিতেন না, নিজের ঘরেও শান্তি ছিল না; ঘণ্টায় ঘণ্টায় কেবল নসদের নিকট হইতে তাহার সংবাদ লইয়া অধীর ভাবে তাহার সময় কাটিত। বীণাও অত্যন্ত উদ্বিগ্ন চিত্তে সর্স্করণ তাহার তদ্বাবধান করিত।

বাড়ির চাকর-দাসীরা তাহার জন্ত উৎকণ্ঠিত ও স্নিয়মাণ; তাহারা তাহার র্ণবপদ কাটিয়া যাইবার জন্ত সর্স্করণ প্রার্থনা ও নানা দেবস্থানে মানসিক করিয়া বেড়াইতেছিল।

কাস্ত তাহার অতি প্রিয় পরের চর্চা, ও কলহ-বিবাদ ভুলিয়া, দিন-রাত্রি লীলার বিছানার পাশে পড়িয়া থাকিত।

নর্সেরা বিস্তর চেষ্টা করিয়াও তাহাকে সে ঘর হইতে বাহির করিতে পারিতেন না।

কিন্তু লীলার অসুখে যে সর্স্করণ মনে আঘাত পাইয়াছিল, তাহাকে সে সমস্ত গোপন করিয়া প্রতিদিনের মতই সহজ ভাবে তাহার সমস্ত কাজ-কর্ম বজায় রাখিয়া বেড়াইতে হইত।

সে কিরণ। সে প্রতিদিন নিয়মিত ভাবে বীণার নিকট হইতে লীলার সংবাদ জানিয়া যাইত। যে উৎকণ্ঠা ও আশঙ্কায় তাহার মন অশান্ত ও ব্যাকুল হইয়া উঠিয়াছিল, বাহ্যিক ভাবে তাহা কিছুই প্রকাশ পাইত না। বীণা নিশ্চয় মনে জানিত, লীলার অসুখের ছলে কিরণ তাহারই জন্ত এ বাড়ীতে আসে।

অবশেষে এক দিন লীলার জীবনের সঙ্কট মুহূর্ত আসিয়া উপস্থিত হইল। বাড়ীতে সকলেই সেদিন কি একটা অতিক্রম আশঙ্কায় উদ্বিগ্ন,—কখন কি হয়, কখন কি শুনিতে হয়, এইরূপ একটা ভীত-উৎকণ্ঠিত ভাব। সকলে নিঃশব্দে চলা-ফেরা করিতেছে,—জোরে কথাটি কহিবারও সাহস কাহারও ছিল না।

১৭

কিরণ সেদিন সব ভুলিয়া সকাল হইতে রাত্রি পর্যন্ত অনাহারে একাসনে কাটাইয়া দিল। লীলার জীবনের কোন আশা ছিল না, তবু সে এ কথা কিছুতেই মনে আনিতে পারিতেছিল না। লীলার মৃত্যু! অসম্ভব! এ কথা ভাবিতে গেলে একটা তীব্র বেদনা তাহার অস্তরে ঝড়ের মত ঠেলিয়া গজিয়া উঠিতেছিল।

সমস্ত দিন একই ভাবে কাটিল। দিন-ভোরের কঠোর পরিশ্রম ও অক্লান্ত যুদ্ধের পর রাত্রি নয়টার সময় ডাক্তারেরা প্রকাশ করিলেন—তাহার সঙ্গট কাটিয়া গিয়াছে; এ যাত্রা সে বাঁচিয়া যাইবে।

স্বস্তির একটা নিঃশ্বাস ফেলিয়া ক্ষান্ত আঁচলে চোখের জল মুছিতে মুছিতে কিরণকে সে সংবাদ দিয়া আনিল। কিরণকে সে বড় ভাল বাসিত।

নিঃশব্দে কিরণের নয়ন হইতে ও বড় বড় ফোঁটায় অশ্রু করিয়া পড়িতেছিল। গভীর কৃতজ্ঞতায় ও পারিপূর্ণ শান্তিতে সে যুক্তকরে আকাশের দিকে চাহিয়া রহিল।

দাঘ চল্লিশ দিনের পর লীলা প্রথম চোখ মেলিয়া চাহিল। প্রথমে তাহার কিছুই মনে পড়িল না,— শুধু সে বিশ্বাসের মত চাহিয়া নর্সদের অচেনা মুখ ও গুহের সাজ-সজ্জা দেখিতেছিল। একবার সে ক্ষণকণ্ঠে ডাকিল, কিরণ!

নিঃশব্দে নর্স আসিয়া তাহার সামনে দাড়াইল; কিরণকে, তাহা সে জানে না; জানিলেও, ডাক্তারের বিশেষ নিষেধ, রোগীর ঘরে নর্স ছাড়া আর কেহ যাত্নে পারিবে না। সে শুধু লীলাকে কথা বলিতে নিষেধ করিয়া গির হইয়া থাকিতে অমরোধ করিল। লীলাও গভীর ক্রান্তিতে আবার তখনি ঘুমাইয়া পড়িল।

ইহার পর হইতে অন্ধতন্ত্রাবস্থায় লীলা প্রায়ই দেখিত,—সেদিনের রাত্রির সেই বিভ্রম কক্ষ, মৃত স্তম্ভিত আলোক, তাহার সেই ক্রম-শব্দ্যার পাশে কিরণের সেই উদ্বেগ কাতর অবিচল স্থির গম্ভীর মুখ! লীলাদ শত দোষ সঙ্কেও তাহার প্রতি কিরণের কি প্রবল স্নেহ; তাহাকে একটু সুস্থ রাখিতে, একটু আরামে রাখিতে তাহার কি একাগ্র প্রয়াস!

ধীরে ধীরে লীলা যতই সুস্থ হইতে লাগিল, ততই তাহার মনে কিরণকে দেখিবার ইচ্ছা অনিবার্য হইয়া উঠিতেছিল। তাহার মনে হইত, যেন তাহাদের বিচ্ছেদের পর এক বৎসর অতীত হইয়া গিয়াছে!

আর একজনের কথা মনে হইলে সে চঞ্চল হইয়া উঠিত। বেচারি অরণ! সে হয় ত তাহার এ অসুখের কথা জানেও না! এত দিন তাহাকে না দেখিয়া সে হয় ত তাহাকে আর সব মেয়েদের মতই চঞ্চল ও খামখেয়ালি ভাবিতেছে! সে না গেলে অরণের যে সবই নষ্ট হইয়া যাইবে! সে ছাড়া আর কে তাহাকে জীবন্ত ও উৎকর্ষ করিবার জন্ত প্রাণপণ চেষ্টা করিবে!

অরণের কথা মনে পড়িলেই লীলা ভাবনায় উত্তেজিত হইয়া উঠিত; সে নিজের মনে জোর করিয়া বলিত, আমায় বাচতেই হবে; আমি কখনো মরবো না! যে ফান্স আমি আপন্থু কঁবেছি, আমি না বাঁচলে সে কাজ শেষ কবে কে? এই ইচ্ছার প্রাবল্য ও মনের শক্তি তাহার তুলন্য ক্রম শরীরে তড়িতের মত শক্তি সঞ্চার করিত, দিন দিন তাহার উন্নতি দ্রুত হইতে লাগিল।

লীলার পীড়ার সময় আর এক জন অত্যন্ত উৎকর্ষ হইয়াছিলেন। বাহিরে মনেও ভাব প্রকাশ করা মিঃ রায়ের প্রকৃতিবিরুদ্ধ। তিনি এত দূরনা বাহ্যিক শাস্ত্রভাবের গ্রহণ করিয়াছিলেন। তবু তাহার মুখের চিত্রা ও বেদনার ছায়া স্পষ্টই দেখা যাইত। কামাপ্ত হইতে আসিয়া তিনি দন্টার পব বন্টা নারদে লীলার শিয়রে বসিয়া থাকিতেন।

‘তুমি আমাদের বড় ভাবিয়ে তুলেছিলে’ লীলা সাবিলে একদিন সকালে মিঃ রায় তাহার বিছানায় বসিয়া তাহার শরণ গ্রহণ করিয়া বলিলেন, ‘তোমার জন্ত যে ভাবনা হয়েছিল! বা হোক এরা খুব শীঘ্র শীঘ্র সেরে উঠবে, কেমন? আমি শীঘ্রই টুব দিতে বেরোব। ফিরে এসে যেন দেখতে পাই, তুমি গায়ে বেশ বলা পেয়েছ! তখন একটা পাটি নেওয়া যাবে। তোমার অসুখের সময় যে সব বন্ধ বান্ধব সন্দেহা গোঁড় খবর নেওয়া, দেখা-শোনা কবেছেন, তাঁদের সব তুমি সে দিন নিজে আদর অভ্যর্থনা করবে—কি বলা?’

লীলা এ কথায় বিশেষ চুপ্সি পাঠল না, বরং সে একটু ব্যাকুল ভাবে জিজ্ঞাসা করিল, আবার তুমি এর মধ্যে বাঁচবে যাবে? কি যে তোমার এত কাজ, আমি তো কিছু বুঝতে পারি না। তা কবে যাবে? কিরতেই বা কতদিন লাগবে তোমার?

মিঃ রায় একটু হাসিয়া তাহার উৎকর্ষ মুখের দিকে, চাহিলেন, বলিলেন, কেন বলা ত, এ গোঁজ হচ্ছে?

লীলা বলিল, তুমি হাসছ; সত্যি বলছি—তুমি চলে গেলে বাড়ীতে একটুও ভাল লাগে না আমার। বল—কত দিনে ফিরবে?

মিঃ রায়ের চক্ষু সজল হইয়া উঠিল। তিনি লীলার পাণ্ডুর গাল দুটি টিপিয়া হাসিয়া বলিলেন, কিছু ভেবো না! আমি যত শীঘ্র পারি, আমার এই ছোট্ট মা-টির কাছে ফিরে আসবো। আমিই কি তোমায় একলা ফেলে বেশি দিন থাকিতে পারি?

লীলা তার কোন উত্তর করিল না। সে ক্রান্ত ভাবে চোখ বুজিয়া তাহার কাঁধে মাথা রাখিয়া পড়িয়া রহিল। মিঃ রায় ধীরে তাহার মাথায় হাত বুলাইতে লাগিলেন।

কিছুক্ষণ পরে লীলা বলিল, বাবা, কিরণকে আজ সন্ধ্যার সময় একবার পাঠিয়ে দেবে? ডাক্তার এখনো আমার খাল-খাল একলা থাকতে বলে। আমি যদি আদ যণ্টা তার সঙ্গে দুটো একটা কথা বলি, তাতে আমার এমন কি ক্ষতি হবে বল ত?

মিঃ রায় কিছুক্ষণ ভাবিয়া বলিলেন, কি দরকার তোমার তাকে লিপি? তুমি এখনো বড় ছক্কন কি না, তেঁত ডাক্তার—

লীলা বাধা দিয়া ব্যগ্রভাবে বলিল, না বাবা, না, আমি নিজে একবার তাকে দেখতে চাই। আমার গোটা কতক কথা বলবার আছে।

সে দুই তাকে তাহার দলী জড়াইয়া ধরিয়া বলিল, তুমি একবারটি তাকে আদ যণ্টার জন্ত পাঠিয়ে দেবে বল? দেখো তুমি—আমার তাতে কিছুই ক্ষতি হবে না। দেবে তো? বল!

ঐ আবদার নাশ্চরণ কারবার ক্ষমতা জঙ্গসাহেবের ছিল না। তিনি বলিলেন, আচ্ছা; আচ্ছা; যদি সন্ধ্যাবেলা ক্লাবে গিয়ে তার দেখা পাই তাহলে পাঠিয়ে দেব! কিন্তু মনে রেখো—বেশি বকতে পারে না, আবদার!

২৮

সন্ধ্যার সময় একী বসিয়া লীলা কিরণের জন্ত অপেক্ষা করিতেছিল। তাহার মুখ তখনো একেবারে রক্তশূণ্য, সাদা। প্রচুর কক্ষ কালো চুল ছুইটি বিছুরি করিয়া মাথার দুই ধারে জড়ানো। কেশ, পাণ্ডুবর্ণ মুখে চোখ দুটি যেন অসম্ভব বড় দেখাইতেছিল।

সন্ধ্যা উত্তীর্ণ হইলে কিরণ সেখানে প্রবেশ করিল। সেই মাত্র বিলিয়ার্ড টেবিলে মিঃ রায়ের কাছে লীলার কথা শুনিয়া সে আর এক মুহূর্তও বিলম্ব করে নাই।

মিঃ রায় বলিলেন, লীলা একবার তোমার সঙ্গে দেখা করতে চায়। তোমার যদি বিশেষ অসুবিধা না হয়, তা হলে বাড়ী যাবার সময় তার সঙ্গে একবার দেখা করে যেও।

অসুবিধা! কিরণের মন সেই মুহূর্তে লীলার কাছে ছুটিয়া যাবার জন্ত উন্মুখ হইয়া উঠিল। এই আছ্যানটির জন্ত সে আজ কত দিন হতে ভবিত, পিপাসিত হৃদয়ে প্রতীক্ষা করিয়া রহিয়াছে।

সে খেলা ফেলিয়া সর্বিনয়ে বলিল, আমি এখনি তার কাছে যেতে চাই! যাব কি?

মিঃ রায় হাসিয়া বলিলেন—এই দেখ; এত তাড়া কিসের? ছুটনেই সমান দাস্তবাগীশ! তোমার সুবিধামত এক সময় গেলের হবে! সে জন্ত নিজের কাজকর্ম বা আমোদ-আহ্লাদ নষ্ট করা কেন?

আমার এখন কোন কাজ নেই; আর তাকে স্তম্ভ অবস্থায় দেখতে পাওয়ার চেয়ে আমার কাছে আর অন্য কিছু আনন্দের বিষয় থাকতে পারে না।

কিরণ আর দাঁড়াইল না। নিঃশব্দে নামিয়া আসিয়া বাহির হইয়া পড়িল। তাহার ভয় ছিল—বাণী জানিতে পারিলেই, তখন তাহার সঙ্গে বাড়ী যাইবার আবদার জুড়িয়া বসিবে।

রোগীর ঘরের শেড-ঢাকা স্তিমিত আলোয় কিরণ সেই রাতের প্রায় দুই মাস পরে লীলাকে দেখিল,—যেন একটি ঝটিকা-ভাঙিত ফুলের মত। শীর্ণ মুখ; তবু সেই মুখে তাহার মনের অদম্য শক্তি ও তেজ পুষ্কের মতই অব্যাহত।

আজ আর তাহার কোন সাজসজ্জা ছিল না। তবু কিরণ মুগ্ধনেত্রে তাহার দিকে চাহিয়া ভাবিল—কি সুন্দর!

সে প্রথমে কোন কথা বলিতে পারিল না; শুধু নিঃশব্দে তাহার ক্ষীণ শুভ্র ছাতখানি ধরিয়া পাশে বসিল। তাহার এত কথা বলিবার ছিল, কতদিনকার কত বিষয় বলিবার জন্ত মনে সঞ্চিত হইয়াছিল যে, সে সময় সে কোন কথাই বলিতে পারিল না।

লীলা খুব সহজ ভাবেই তাহার অভ্যর্থনা করিল। তাহার ব্যবহারে বা কথায় কোনো সঙ্কোচ বা কুণ্ঠা ছিল না।

সে বলিল—তুমি জান না—একটু জ্ঞান হবার পরই তোমায় দেখবার জন্ত আমি কত ব্যস্ত হয়েছিলুম! কত দিন তোমায় ডেকেছি—ওরা কেউ আমার কথা শুনতো না—আজ বাবাকে কত করে বলায় তিনি তোমায় পাঠিয়ে দিলেন।

কিরণ কোন কথা বলিল না—কেবল লীলার মুখের দিকে অনিমেষ দৃষ্টিতে চাহিয়া রহিল।

তুমি কথা বলছো না কেন? ভাবছো—বেশি বকলে আমার অসুখ হবে? তা নয়; আমি ত এখন বেশ ভালই আছি; খালি দুর্বল বলে চলা-ফেরা করতে পারি না; তুমিও আমার জন্ত খুব ব্যস্ত হয়েছিলে কিরণ?

লীলার কক্ষ চুলগুলি কপালের উপর হইতে সরাইয়া দিতে দিতে কিরণ সম্মুখে বলিল,—সে কথা কি আবার জিজ্ঞেস করতে হয় লীলা? কি করে যে আমার এ সব দিনগুলো কেটেছে, সে তোমায় বলে বোঝাতে পারবো না।

লালা খ্রীত হইয়া প্রশন্নমুখে বলিল, সে আমি সব জানি। তোমার মত আমাকে আর কেউ এত ভালবাসে না,—এক বাবা ছাড়া আর কেউ নয়; তোমার কাছে কত কথাই যে আমার শোনবার আছে; বুকেছ ত—কি বলছি আমি? বেচারী অরুণের কপাটাই শোনবার জন্ত আমি ছাবো ব্যস্ত হয়ে উঠেছিলুম! সে ভাল আছে ত? আমার না দেখে সে কি ভাবছে?

সে ভালই আছে! তোমার জন্ত সে মনে মনে অত্যন্ত ব্যস্ত হয়ে রয়েছে। আমি তাকে বলেছি—বাণা তার ছোট বোনের অগুণের জন্ত বাড়ী ছেড়ে আসতে পারে না। সে তাই বিশ্বাস করে নিশ্চিন্ত মনে আছে।

আহা! বেচারী! কি মন্দ ভাগ্য নিয়েই সে এসেছে! তার কথা মনে হলে আমার যে কি কষ্ট হয়, সে তোমায় আর কি বোলবো! কত বড় মতং জীবনটা কি ভাবে নষ্ট হয়ে গেল! কি করে যে তার এই অবশিষ্ট দীর্ঘ জীবনটা কাটবে, আমি তাই ভাবি! তুমি যে ঠিক আমারি মত তাকে ভালবাস, আর তার বার্থ জীবনের দুঃখের কথা আমার মতই মনে দিয়ে অনুভব কর, এটা যে আমার কত ভাল লাগে। মানুষের দুঃখ কষ্ট মানুষ হয়ে বুঝবে না, কিম্বা

বুঝতে চায় না, এরকম হৃদয়হীন লোকেদের আমি'ছ চক্ষে দেখতে পারি না।

কিরণের মন তখন লীলার জন্ত ব্যস্ত, মানব-প্রকৃতির তথা আলোচনার দিকে তাহার মোটেই লক্ষ্য ছিল না। সে নিজের মনের আবেগে পূর্ণ হইয়া লীলার হুই হাত নিজের হাতের মধ্যে লইয়া স্তব্ধ হইয়া বসিয়া রহিল।

লীলা আপন মনেই বলিতে লাগিল,—আমার এপন নিজেকে কি একলাই মনে হচ্ছে! আরো কত দিনে যে গায়ে একটু বল পাবো, বাইরে যেতে পারবো, তা কিছু বুঝতে পারছি না। দিন রাত একলা থেকে থেকে আর ভাল লাগে না। সর্বদাই মনে হয়, এ সময় যদি আমার একজন সঙ্গী কেউ থাকতো!

কিরণ তাহার ভাবে-লনা দীপ্ত হুই চোখ লীলার মুখের দিকে স্থির করিয়া রাখিল।—আমায় যদি বিশ্বাস হয়, তা হলে আমাকে তোমার সমস্ত সুখ-দুঃখের সঙ্গী বলে গ্রহণ করতে পারবো! তাহার মনের সমস্ত কথা সে তাহার সেই দীপ্ত দৃষ্টির মধ্য দিয়া বুঝাইতে চাহিতেছিল।

লীলা কিম্ব তাহার কথা বা সে দৃষ্টির মর্ম বুঝিল না। সে ভাবিল, কিরণ তাহাদের অখণ্ড বন্ধুত্বের কথাই বলিতেছে। সে মুগ্ধ হইয়া বলিল, তুমি চিবিদিনই আমার প্রতি এত সদয়! কত অবাধ্যতা কবোঁ, কত দোষ করেছি তোমার কাছে, যখন মনে হয়, তখন ভাবি, আমি তোমার এত স্নেহ পাবার উপযুক্ত নই! তোমার বন্ধুত্ব পৃথিবীর মধ্যে আমার কাছে অমূল্য।

কিরণ ডাকিল—‘লীলা’!

সে স্নেহে চমকিয়া লীলা তাহার উচ্চাস বন্ধ করিয়া কিরণের মুখের দিকে চাহিল। তাহার উত্তেজিত মুখ ও জ্বলন্ত দৃষ্টি দেখিয়া লীলা নিজেও অবাক হইয়া গেল।

কিরণ বলিল,—তুমি কি কোন দিনই আমার কথা বুঝবে না লীলা? দেখছো না আমি তোমাকে কত ভালবাসি! কেন শুধু বন্ধুত্ব বলে ভুল করছো? আর কি করে এ কথা তোমাকে বোঝাব বল?

লীলা পাংশুমুখে স্তব্ধ হইয়া চাহিয়া রহিল। এ কথা যে সে কল্পনায়ও মনে আনিতে পারে না! এ কি অসম্ভব কথা আজ সে শুনিতোছে।

কিরণ বলিল, এখনো বোঝ নি? কত দিন কত

ভাবে তোমায় এ কথা জানাতে চেয়েছি, কিন্তু তুমি কোন দিনই বুঝতে চাওনি! আমিও ভেবেছিলুম, যত দিন নিজ হতে না বুঝবে, তত দিন এ বিষয়ে কথা বলবার কোন দরকার হইবে না। কিন্তু আর যে আমি চেপে রাখতে পারছি না লিলি? আজ তিন চার মাস দূরে থেকে আমার মনের ভাব আমি বেশ বুঝেছি। তুমি জানো না লিলি, আমি তোমায় কত ভালবাসি। তোমায় ছেড়ে থাকা আমার পক্ষে সম্পূর্ণ অসম্ভব।

এবার আর বুঝিতে লীলার ভুল হইল না! কিরণের আবেগে উচ্ছ্বসিত আনন্দিম মুখ ও অমুরাগ-দীপ্ত দৃষ্টির সম্মুখে সে প্রথমটা সংজ্ঞাশূন্য মত নিস্পন্দ হইয়া গেল। পর মুহূর্তেই সে কাঁপিতে কাঁপিতে বিজ্ঞানার উপর লুটাইয়া পড়িল। তাহার তর্কল দেহে এ উদ্বেজন সহ্য হইল না। তাহার মাথা হইতে পা পর্যন্ত ধর ধর করিয়া কাঁপিতে লাগিল।

কিরণ ক্রমে নিজের মনের উচ্ছ্বাস দমন করিয়া শান্ত হইবার চেষ্টা করিতেছিল। লীলার অবস্থা দেখিয়া সে অত্যন্ত বিচলিত হইয়া পড়িল। লীলার কম্পন তখনো পামে নাই। কিরণ ধীরে ধীরে তাহার পিঠে হাত বুলাইতে লাগিল, মাপ করো লিলি! আজ তোমাকে এ কথা বলা আমার উচিত হয় নি! আমার আরো অপেক্ষা করা উচিত ছিল! এখন তুমি এ কথা ভুলে যাও! ভাল কবে সেবে উঠিলে, তখন আবার এ বিষয়ে আলোচনা করা যাবে। শুধু এইটুকু জেনে রাখো—আমি তোমারই! আমার জীবন নিজের তুমি যা ইচ্ছা করতে পারো! যত দিন জীবন থাকবে—আমি তোমার।

লীলা কিন্তু কোন কথা শুনিল না; বিহ্বলের মত অবশ ভাবে বিজ্ঞানায় পড়িয়া রহিল।

যেমন শত বৎসরের অন্ধকার গৃহে একটি দীপ-শলাকা জ্বলাইলে তাহার সমস্ত অন্ধকার দূর হইয়া যায়, কিরণের একটি স্পষ্ট কথায় তেমনি লীলা তাহার এত দিনের অজ্ঞাত মনোভাব স্পষ্ট রূপে বুঝিয়া ভয়ে বিষয়ে মুগ্ধমান হইয়া রহিল।

আজ সে বুঝিল, সেও কিরণকে ভালবাসে। কিন্তু হায়! এখন—এখন যে অনেক বিলম্ব হইয়া গিয়াছে! এখন বুঝিয়া আর ফল কি?

একটু প্রকৃতিস্থ হইয়া লীলা নিজের হৃদয়ের দিকে চাহিল। কি অপূর্ব আনন্দে, কি তীব্র বেদনায় তাহার সমস্ত চিত্ত উদ্বেলিত হইয়া উঠিতেছে!

কত দিন কত ভাবে কিরণ তাহাকে এ কথা বুঝাইতে চাহিয়াছে! আজ একে একে সেই সব কথা তাহার মনে পড়িতে লাগিল! কেন সে বুঝিল না—কেন সে জানিল না? যখন সময় ছিল, তখন কেন সে বোঝে নাই! আর আজ? আজ যে অনেক বিলম্ব হইয়া গিয়াছে! আজ বুঝিয়া ফল কি?

কিরণকে হারাষ্টয়া কেন যে সে জীবনের সমস্ত সুখ-শান্তি হারাষ্টয়াছিল, কেন যে তাহার মন নিশি-দিন কিরণের জন্ত কাঁদিয়া ফিরিত, এত দিন পরে সে আজ তাহা স্পষ্ট অনুভব করিল! মানুষে এমন অন্ধ হইয়া থাকিতে পারে? আজ সে বুঝিল, কিরণ তাহার অস্তু-বাহির জড়িয়া রহিয়াছে—সেখানে আর কাহারও স্থান নাই! কিছ হায়! এত বিলম্ব! এখন যে অনেক বিলম্ব হইয়া গিয়াছে—আর বুঝিয়া ফল কি?

যে কিরণকে সে নারীর প্রেমে অনাসক্ত ও অজ্ঞেয় বলিয়া জানিত, সে তাহারই একান্ত অমুরক্ত! সংসারে তাহাকে করুণায়, শক্তিতে, স্নেহে, বীরত্বে অসাধারণ বলিয়া তাহার দৃঢ় বিশ্বাস ছিল, সেই তাহার বন্ধু, সখা—তাহার চির-নির্ভরস্থল কিরণ—সে তাহাকেই ভালবাসিয়া, তাহাদের মধ্যে বয়সের তারতম্যের প্রভেদ ঘুচাইয়া, তাহাকে অন্তরের মধ্যে প্রতিষ্ঠা করিয়াছে? কেন সে বুঝিল না, কেন সে জানিল না—জানিলে কি সে কখনো অরণের কাছে যাইত?

লীলার মনে পড়িল, এক দিন সে গাহিয়াছিল, 'যদি তুমি প্রাচীন হতে, হে বন্ধু! আমি আমার যৌবন বিসর্জন দিতাম, যাহাতে তোমার বয়সের পার্থক্য আমাকে তোমা হইতে দূরে না রাখিতে পারে।' সেদিনও কিরণ এই গান শুনিয়া কি অমুরাগ-বিহ্বল চিত্তে তাহাকে তাহার মনের কথা জানাইতে চাহিয়াছিল! সে দিন লীলা কিছুই বোঝে নাই! ভবিষ্যতে যে এ গান তাহারই জীবনে সত্য হইবে, তাহাকে জানিত?

লীলা বিবেক-বুদ্ধি ও কর্তব্য-জ্ঞানের তাড়নায় মগ্ন হইয়া হৃদয়ে নীরবে অশ্রু বিসর্জন করিতেছিল।

তাহার জীবনের এই আনন্দময় স্বর্গের দ্বার সে নিজের

হাতে চিরদিনের মত রুদ্ধ করিয়াছে! প্রেম, আশা, আনন্দ, সবই জীবন হইতে চিরবিদায় দিয়া তাহাকে এখন কঠোর কঠবোর পথই বরণ করিয়া লইতে হইবে! অন্ধ অসহায় অরণ! তাহার দুঃখময় জীবনের প্রতি করুণা ও মমতায় স্বেচ্ছায় লীলা তাহাকে গ্রহণ করিয়াছে! তাহার কাছে সে প্রতিজ্ঞায় আবদ্ধ—তাহাকে ভাগ করিবার কোন উপায় নাই!

যে সত্য এত দিন তাহার অজ্ঞাত ছিল, তাহা চিরদিনই অজ্ঞাত রহিল না কেন? লীলার সুপ্ত হৃদয়কে জাগ্রত করিয়া তাহাকে চিরদিনের মত দুঃখ ও নিরাশায় ভাসাইতে কেনই বা আজ সে সত্য আত্মপ্রকাশ করিল? সে এখন কি করিবে? কিরণকেই বা কেমন করিয়া এত বড় আঘাত সে দিবে?

লীলা কোন দিকে কিছু কূল-কিনারা পাইল না, কেবল বিদীর্ণ অনয়ে কাঁদিতে লাগিল।

তাহার এই কল্পিত ও নিস্তক ভাব দেখিয়া কিস্তি কিরণের মনে আশার সঞ্চার হইতেছিল। সে তাহার হাত ছুটি ধরিয়া বলিল,—আমি জানি, তুমি কোন দিন অরণকে ভালবাস নি, তুমি নিজেকে ভুল বুঝেছিলে, নিজের মন তুমি জানতে না, তুমি আমাকে শুধু ভালবাস! আমারই তুমি! আমার কাছ থেকে কেউ তোমায় নিয়ে যেতে পারবে না! লীলা! মুখ তোল! আমার দিকে ফিরে চাও!

লীলার এই উভয়-সঙ্কটের অবস্থা তাহার হৃদয়স্বয়ং সাক্ষ্য দিতেছিল। সে মুখ তুলিতে পারিল না, দুই হাতে মুখ ঢাকিয়া কাঁপিতে লাগিল। সে বুঝিতেছিল, তাহার অন্তর কত দুর্বল। কিরণের চিরপ্রিয় সুন্দর মুখের দিকে চাহিলে সে বুঝি আর তাহার প্রতিজ্ঞা বজায় রাখিতে পারিবে না।

শান্ত নীরব সঙ্কায় তাহারা দুইজনে কতক্ষণ এমনি নীরবে কাটাইল। মাঠ হইতে প্রত্যাগত ধেমুদলের ঘণ্টার শব্দ ও কুলায়-প্রত্যাগত পাখীদের সেদিনের বিদায়-

শ্রীতির কলতান কেবল মধো মধো চারিদিকের নিস্তকতা ভঙ্গ করিতেছিল।

কতক্ষণ পরে কিরণ চুপি চুপি ডাকিল—‘লীলা!’

‘কি—বল?’

‘একবার বল—‘তোমায় ভালবাসি।’ একটবার শুধু— একটবার বল’!

লীলা বাণবিদ্ধের মত আবার বিচ্যামায় লুটাইয়া পড়িল। ‘কিরণ! এটা কি হাসি-তামাসার মত তুচ্ছ কথা?’ সে আর কিছু বলিতে পারিল না। বলিবারই বা তাহার কি আছে? অরণকে সে ছাড়িতে পারে না। কিরণের এই অগাধ প্রেম ও বিশ্বাসে পূর্ণ হৃদয়কেই বা সে কিরূপে এত বড় আঘাত দিবে? নিজের দুঃখ ভুলিয়া কিরণের জন্তই তাহার প্রাণ কাঁদিতেছিল। কিরণ তাহা বুঝিয়া দৃষ্ট হইল।

তখন সে তাহাকে শান্ত করিবার জন্য গল্প করিতে লাগিল। অরণের কথা তুলিয়া সে লীলাকে জানাইল, অরণ তাহার অদর্শনে অত্যন্ত কাঁতব ও উদ্বেগ হইয়া আছে। সে লীলার স্থান গ্রহণ করিয়া প্রতি দিনই তাহার পাণ্ডুলিপি তাহাকে পড়িয়া শোনায়ে। আজকাল সে আর বড় একটা বাহিরে বেড়াইতে যায় না,—দিনের বেলা সর্বক্ষণ তাহাবই কাছে কাছে থাকে!

অরণের কথা উঠিলে লীলা বালিশ হইতে মুখ তুলিয়া চাহিল। অত্যন্ত লজ্জিত ও অরণ রাগে রঞ্জিত সে মুখ! সে কিরণের চোখের দিকে না চাহিয়াই অরণের সম্বন্ধে কথা বলিতে উদ্বৃত্ত হইল।

তখন নর্স আসিয়া জানাইল—কিরণের বিদায় লটবার সময় হইয়াছে। প্রথম দিনে এত বেশি কথা বলা উচিত নয়।

কিরণ সেদিনের মত বিদায় লইয়া স্বপ্নাভিত্তির মত গাড়িতে গিয়া উঠিল। নর্স অগুরাগে তাহার চক্ষু তখন জ্বলিতেছিল।

(ক্রমশঃ)



# পুরাতনী

শ্রীহরিহর শেঠ

( ১ )

ভারতে খ্রীষ্টধর্মের অভ্যুদয়

ভারতে খ্রীষ্ট-ধর্মাবলম্বিগণ সর্ব-প্রথম কোন সময়ে আগমন করেন, তাহা ঠিকমত নির্ধারিত করা যায় না। বহুদূর জানা যায়, দক্ষিণ ভারতের মালাবার উপকূলে খ্রীষ্টানদের সর্ব-প্রথম অভ্যুদয় হয়। আরমবীষদের ইতিহাস আলোচনা করিয়া জানা যায়, তাঁহারাষ্ট প্রথম ঐ প্রদেশে আগমন করেন। ভারতে আগত প্রথম যে উল্লেখযোগ্য খ্রীষ্টান

প্রদেশে শিউথান নামে একজন দেশীয় রাজা রাজত্ব করিতেছিলেন, সেই সময় তিনি মালাবার উপকূলে আগমন করেন। (১) অতঃপর একজন ঐতিহাসিক থমাসের ভারত-আগমন-কাল ২০১ খ্রীষ্টাব্দ বলিয়াছেন। তিনি এশিয়ক্ হইতে খ্রীষ্টধর্ম সম্বন্ধে বক্তৃতা করিবার উদ্দেশ্যে এইরূপে ভারতে আসেন। এই এশিয়ক্ প্রদেশেই যিশু-



ব্যাণ্ডেল গির্জা—বাল্লার সর্বাপেক্ষা প্রাচীন খ্রীষ্টান উপাসনাগার

চাপুক্রমের নাম পাওয়া যায়, তিনি খ্রীষ্টের প্রেরিত শিষ্য থমাস (Apostle Thomas)। ইনি সেন্ট টমাস নামেই বিখ্যাত প্রসিদ্ধ ছিলেন। তাস্কোডিগামার ভারতে আগমনের ঠিক ৭১০ বৎসর পূর্বে ৭৮০ খ্রীষ্টাব্দে যখন ক্রানগানোর

খ্রীষ্টের অনুগামীগণ প্রথম নিজেদের খ্রীষ্টান নাম ধারণ করেন। ইহার পূর্বে এবেনাস্ (Abenus) নামক এক

(১) History of the Armenians in India.

আইরিশ মিশনারি লক্ষা দ্বীপে আসিয়াছিলেন বলিয়া জানা যায়। (২)

প্রথম ইয়োরোপীয় যিনি ভারতে আগমন করেন, তাঁহার নাম সিল্যাক্স (Sylax)। ভারতে খ্রীষ্টধর্ম প্রচারের প্রথম চেষ্টা হইবার সহস্রাধিক বৎসর পূর্বে তিনি এদেশে আসিয়াছিলেন। তাঁহার ধর্ম প্রচার সম্পর্কে কোন কথাই উল্লেখ দৃষ্ট হয় না। (৩) থমাস্ ভারতের যে যে স্থানে গিয়াছিলেন, তথায় বহু সংখ্যক দেশীয়কে খ্রীষ্টধর্মে দীক্ষিত করিয়াছিলেন। দক্ষিণাত্যের কেরামণ্ডলে তাঁহার কেন্দ্রস্থান ছিল।

এবুসিনিয়ার খ্রীষ্টানামুচর বহু দিন ভারতবর্ষে থাকিয়া দক্ষিণ ভারতে প্রচারকার্যে নিযুক্ত ছিলেন এবং বহু হিন্দুকে খ্রীষ্টধর্মে দীক্ষিত করিয়াছিলেন ও অনেকগুলি উপাসনাগার নিৰ্মাণ করিয়াছিলেন। (৪)

মালাবারের মালিয়াপুর নামক স্থানে সেন্ট্ টমাস্ দ্বারা প্রথমে একটি দিৱীয় গির্জা প্রতিষ্ঠিত হইয়াছিল। কথিত আছে, তথাকার রাজা প্রথমে এ কার্যে বাধা প্রদান করেন, কিন্তু তিনি দৈববলে রাজার শৈৱতা জয় করেন। ইনি তথাকার ব্রাহ্মণদের অত্যাচার হইতে হিন্দুদের রক্ষা করিবার জন্ত বিশেষ চেষ্টিত হন। কলে ব্রাহ্মণদের দ্বারা



ব্যাণ্ডেল গির্জার ভিতরের দৃশ্য

সেন্ট্ টমাসের পূর্বেও ভারতে খ্রীষ্টান ছিল। প্যান্টোনাস (Pantonus) নামক এক শ্রদ্ধাম্পদ ব্যক্তি তাঁহার বহু পূর্বে ভারতে আসিয়া খ্রীষ্টান দেখিয়াছিলেন এবং তাহাদের নিকট হিব্রু ভাষায় লিখিত একখানা খ্রীষ্টীয় ধর্মগ্রন্থ দেখিয়াছিলেন। ফ্রুমেন্টাস (Frumentus) নামক একজন

তিনি হত হন। কথিত আছে, সেই সময় তিনি তাঁহার স্বত্বিচ্ছ চিরস্থায়ী রাখিবার জন্ত এক ছোট পর্বতের কঠিন পাশাণময় বক্ষে নিজ পদাঙ্ক রাখিয়া যান। উহার মাপ লম্বা হোল ঠক। উহা এখনও বিদ্যমান আছে।

পোর্টুগিজরা ১৪৯৮ খ্রীষ্টাব্দে ভারতে আসিয়া সেন্ট্

(২) The History of India and of the British Empire in the East Vol. 1 by E. H. Nolan Ph. D. LL. D.

(৩) The Good Old days of Honourable John

(৪) Promotion of Learning in India by European Settlers. And

The History of India and The British Empire

টমাসের খৃষ্টান নামে নিজেদের পরিচয় প্রদান করেন। তাঁহারা সেই সময় এ দেশে বহু খৃষ্টান দেখিয়া আশ্চর্য্যাক্ত হন। বোড়শ শতাব্দীর প্রথমে মালবারে খৃষ্টানদের প্রাচুর্য্য বিশেষভাবে প্রতিষ্ঠিত হয়। কথিত আছে, সেন্ট টমাস দক্ষিণ ভারতে মোট ৩৩০০ খৃষ্টান উপাসনাগার নিৰ্ম্মাণ করাইয়াছিলেন। পোর্টুগালের রাজা তৃতীয় জনের আদেশে, অনুসন্ধান দ্বারা মালিয়াপুরে একটি ভয় ভয়ালয়ের মধ্যে সেন্ট টমাসের লমাধি আবিষ্কৃত হয়। তথায় কতকগুলি

কঙ্কালাদি পাওয়া যায়। উহা গোয়া নগরীতে লইয়া যাওয়া, তাহার স্মৃতি রক্ষার্থে যে মন্দির নিৰ্ম্মিত হয়, তথায় বক্ষিত হয়। (৫)

বঙ্গের আরম্ভের আগমন বহুকাল পূর্বেই হইয়াছিল। জব চারনক কলিকাতায় আসিবার ১০ বৎসর পূর্বে, তাহার স্মরণার্থে বসবাস করিয়াছিল। ১৭২৪

খৃষ্টাব্দে নিৰ্ম্মিত বর্তমান আরম্ভের গির্জার পূর্বদিকে প্রায় এক শত গজ দক্ষিণে একটি কাঠ নিৰ্ম্মিত ছোট উপাসনাগারে তাঁহারা ভজন করিতেন। (৬)

ব্যঙ্গলায় মধ্যে সম্রাটের পুরাতন খৃষ্ট দর্শনোপাসনার মন্দির হুগলীর ব্যাণ্ডেল চার্চ (৭)। ১৫৬৮ খৃষ্টাব্দে (৮) পোর্টুগীজদের বাঙ্গলায় আগমনের পর, গোড়ের রাজার প্রীতি, উপাসনাস্থের পাদরি ডি ক্রুজ (De Cruz) এর

অনুরোধে বাদশা শাহজহান ৭৭৭ একর নিষ্কর ভূমি পোর্টুগীজদিগের গির্জা নিৰ্ম্মাণার্থে দান করিয়াছিলেন। এই গির্জা ১৫৯৯ খৃষ্টাব্দে রাণী এলিজাবেথের সময়, অর্থাৎ যে বৎসর ইস্ট ইণ্ডিয়া কোম্পানি প্রতিষ্ঠার অনুমতি দত্ত হয়, সেই বৎসর প্রথম নিৰ্ম্মিত হয়। পরে মোগল কর্তৃক হুগলী আক্রমণের সময়, সম্ভবতঃ ১৬৩১ খৃষ্টাব্দে উহা বিধ্বস্ত হয় এবং ১৬৬০ খৃষ্টাব্দে মিঃ সোতোর (Mr. Soto) দ্বারা উহা পুনর্নিৰ্ম্মিত হয়। বাঙ্গলায়



এই হিন্দু মন্দিরটি ইস্ট উপাসনাগারে পরিণত করা হইয়াছিল—শ্রীশ্যামপুর

ইয়োৰোপীয় নিৰ্ম্মিত অট্টালিকার মধ্যেও ইহাই প্রথম। (১) Notes on the Right bank of the Hooghly নামক নিবন্ধের লেখক বলিয়াছেন, আরম্ভেরই ১৬৯৫ খৃষ্টাব্দে প্রথম চুঁচুড়ায় গির্জা নিৰ্ম্মাণ করেন। এ কথা ঠিক নহে। ওলন্দাজদের নিৰ্ম্মিত একটি অষ্টভুজ গির্জা এখনও চুঁচুড়ায় বিদ্যমান আছে।

কলিকাতায় প্রথম যে গির্জার উল্লেখ পাওয়া যায়, উহা ১৬৮৯ খৃষ্টাব্দে ভার্জার্ক কলিকাতায় আসিবার পর আগষ্টিনিয়ান সম্প্রদায়ভুক্ত খৃষ্টানদের দ্বারা ১০ বিঘা ভূমির উপর খড় ও মাদুর দ্বারা নিৰ্ম্মিত হইয়াছিল। সে সময়ে হুগলী ও অন্যান্য স্থানে এই সম্প্রদায়ের বহু খৃষ্টান অবস্থান

(৫) Cassell's Illustrated History of India Vol. II, by James Grant.

(৬) Job Charnock the founder of Calcutta and the Armenian Controversy.—The Calcutta Review 1915.

(৭) Calcutta Review, Vol. IV, 1845

(৮) কেহ কেহ বলেন ১৫৩৭ খৃষ্টাব্দ।

(৯) The Portuguese in North India—The Calcutta Review, Vol. V. 1846.

করিতেন। তৎপরে টেঞ্চ (Mrs. Terch) নাম্নী এক মহিলা ১৭০০ টাকা ব্যয়ে, একটি ইষ্টক নিশ্চিত গির্জা প্রস্তুত করেন। (১০) অষ্টাদশ শতাব্দীর প্রথমে সেন্ট্‌ গ্যান্‌ নামে যে গির্জার উল্লেখ পাওয়া যায়, উহাই উক্ত উপাসনা মন্দির কি না জানি না। উহা বর্তমান রাইটার্স বিল্ডিংয়ের পশ্চিম পুরাতন ছুর্গের পূর্বে ছিল।

কলিকাতায় ইংরাজদিগের কৃষ্টি প্রতিষ্ঠিত চইবার অব্যবহিত পরে ১৭০৯ খৃষ্টাব্দে, একটি বৃহদায়তন সুন্দর চূড়া-

মুরশিদাবাদের সিংহাসনে ক্লাইব, কর্তৃক নব অধিষ্ঠিত নবাব পয় বৎসর এই মুদ্রা প্রদান করেন। উহার প্রায় ত্রিশ বৎসর পরে রাজা নবকৃষ্ণ প্রদত্ত ৩০০০ পাউণ্ড মূল্যের জমীর উপর উক্ত টাকা এবং লটারি ও অন্তরূপে সংগৃহীত টাকা হইতে এক গির্জা গঠিত হয়। উহাই সেন্ট্‌ জন্‌ চার্চ নামে অভিহিত। ইহার নিশ্চারণ কার্য ১৭৮৬ খৃষ্টাব্দে সমাধা হয়। উহাই তৎকালে রাজকীয় উপাসনা মন্দির ছিল। 'গভর্ণর ও উচ্চপদস্থ ব্যক্তিবর্গের জন্ম স্বতন্ত্র মথমল নিশ্চিত আসবাব



চন্দননগরের পুরাতন গির্জা ১৭২০ খৃষ্টাব্দে নিশ্চিত

বিশিষ্ট গির্জা প্রস্তুত হয়। উহা ব্যবসায়ীদের প্রদত্ত চাঁদা ও বোর্ট অব্‌ ডিরেক্টরের ১০০০ পাউণ্ড চাঁদায় নিশ্চিত হয়। অষ্টাদশ বৎসর পরে ১৭৩৭ খৃষ্টাব্দের ভূমিকম্পে উহা ভূপতিত হয়। এই ঘটনার ত্রয়োদশ বৎসর পরে কোম্পানির আদেশে উহা পুনর্নির্মিত হয়, কিন্তু ১৭৫৬ খৃষ্টাব্দে সিরাজের গোলায় পুনরায় ধরাশায়ী হয়। কোম্পানির তদানিন্তন অট্টালিকা-সমূহের ভালিকায় উহার মূল্য ধরা ছিল ৫০০০ পাউণ্ড।

ঐতিহ্যের দ্বারা উহা সজ্জিত থাকিত। এই ভজনালয়-প্রাক্ষণে কলিকাতা নগরীর প্রতিষ্ঠাতা ও বচাণকের সমাধি আছে। (১১) কলিকাতার সেন্ট পল্‌ ক্যাথিড্রাল্‌ বহু কাল পরে ১৮৩৯ খৃষ্টাব্দে পাঁচ লক্ষ মুদ্রা ব্যয়ে নিশ্চিত হয়।

অষ্টাদশ শতাব্দীর প্রথমার্শে এ দেশে বহু সম্প্রদায়ভুক্ত খৃষ্টান আসিয়া বসতি করিয়াছিলেন। ডেনমার্কের রাজা ৪র্থ ফ্রেডরিক কর্তৃক ১৭০৫ খৃষ্টাব্দে ভারতে প্রথম

(১০) The Portuguese in North India—The Calcutta Review, Vol. V. 1846.

(১১) Life and Times of Carey, Marshman and Ward, Vol. I.

প্রোটেষ্ট্যান্ট মিশনারি প্রেরিত হয়। যে ব্যক্তি প্রথম আইসেন তাঁহার নাম জিগেনবাল্গ (Ziegenbalg)। তিনি প্রথম কয়েম্বোলের ট্রাণকোয়েবার নামক দিনেয়ার উপনিবেশে আগমন করেন। ১৭১৪ খৃষ্টাব্দে একজন ভারতীয়কে খৃষ্টান করিয়া তিনি ইয়োরোপে প্রত্যাবর্তন

দরবারে এই সম্প্রদায়ের বিশেষ প্রভাব ছিল। আকবরের অনুমতি লইয়া লাহোরে তাঁহার একটি গির্জা নির্মাণ করিয়াছিলেন। কিন্তু পরে শাহজহানের আদেশে উহা ভাঙ্গিয়া দেওয়া হয়। (১৩) অষ্টাদশ শতাব্দীর মধ্যভাগেও চন্দননগরে জেসুটদের প্রাভুত্ব ছিল এবং উহাদের একটি

গির্জাও ছিল। ইহার পূর্বে চন্দননগরের দুর্গ মধ্যে সেন্ট লুই নামে একটি দুর্গ ছিল। ১৭২৩ খৃষ্টাব্দে তিব্বত মিশনের রোমান ক্যাথলিক যাজকগণের প্রতিষ্ঠিত একটি গির্জা এখনও গঙ্গার ধারে দেখিতে পাওয়া যায়।

• প্রথম প্রোটেষ্ট্যান্ট মিশনারি, যিনি বাঙ্গালায় আগমন করেন, তাঁহার নাম কিন্‌জার (John Zachariah Kiernander) 'Kiernandr the Swede' নামেও তাঁহাকে উল্লিখিত হইতে দেখা যায়। ইনি প্রসিদ্ধ মিশনারি কেরির ৩৫ বৎসর পূর্বে, ১৭৫৮ খৃষ্টাব্দে কলিকাতার সরকারি যাজক-রূপে আগমন করেন। (১৪) ক্লাক্ (Mr. Clarke) নামক একজন প্রসিদ্ধ মিশনারি এই সময় আসিয়া-ছিলেন। কলিকাতার প্রথম প্রোটেষ্ট্যান্ট বিশপ মিড্‌লটন্ (Thomas Fanshawe Middleton D. D.) তৎপরে আগমন করেন।

বঙ্গ দেশীয় খ্রীষ্টান।

উনবিংশ শতাব্দীর আরম্ভের সহিত বাঙ্গালায় দেশীয় লোকেদের মধ্যে খৃষ্টধর্ম-গ্রহণের কথা জানা যায়। তৎপূর্বে এখানে ধর্মাস্তর গ্রহণের কোন উল্লেখ দেখা যায় না।

(১৩) The Portuguese in north India—The Calcutta Review, Vol. V, 1840.

(১৪) Life and Times of Carey, Marshman and Ward, Vol.—1.



পাদরি কেরি ও তাঁহার হিন্দু পণ্ডিত

করেন। (১২) ইংলণ্ড হইতে ভারতে, মিশনারি পাঠাইবার জন্য সরকার প্রথম উদ্যোগী হন মিঃ উইলবারফোর্স্ (Mr. Wilberforce)। লওলা কড়ক গঠিত জেসুট সম্প্রদায়ের জেভিয়ার্ (Mork Francis Navier) প্রথম ভারতে আসিয়া জেসুট মিশন্ প্রতিষ্ঠা করেন। প্রথম নোগল

(১২) Life and Times of Carey, Marshman and Ward Vol. 1.

প্রথম যে বাঙ্গালী হিন্দু খৃষ্ট-ধর্মে দীক্ষিত হন, তাঁহার নাম কৃষ্ণ পাল। সে ব্যক্তি শ্রীরামপুরের অধিবাসী; জাতিতে সূত্রধর। ১৮০০ খৃষ্টাব্দের ২৮শে ডিসেম্বর রবিবার প্রাতঃকালে শ্রীরামপুরের গভর্নর এবং বহু পর্তুগীজ, ইংরাজ ও হিন্দু মুসলমানের সমক্ষে জাহ্নবীতীরে একটি ঘাটে নির্ঝিল্লি এই ধর্মাস্ত্রের গ্রহণ কার্য সম্পন্ন হয়। মিঃ কেরি এই কার্যের প্রণয় উদ্যোগী ছিলেন। গঙ্গাতীরে এই দীক্ষা কার্য সাধিত হওয়ার পাছে কেহ মনে কবেন, গঙ্গার পবিত্রতা মনে করিয়াই এই স্থান মনোনীত হইয়াছে, সেই কারণে কেরি সাহেব জনতাকে সঙ্কোচন করিয়া তখনই বলিয়াছিলেন, গঙ্গার পবিত্রতা তাঁহারা স্বীকার কবেন না, উহার জলকে সাধারণ জল বলিয়াই তাঁহারা জানেন। ঐ দিন বৈকালে অভিব্যক্তি কার্য সম্পন্ন হয়। এই সমস্ত কার্যই বাঙ্গালী ভাষায় সমুষ্ঠিত হইয়াছিল। এ কার্যে বাঙ্গালী ভাষার ব্যবহার ইহাই প্রথম। কৃষ্ণের স্ত্রী কস্তা এবং গোলোক নামক আর এক ব্যক্তিও এই সঙ্গে ধর্মাস্ত্রের গ্রহণ করেন।

এই ব্যাপারে শ্রীরামপুরে জলস্থল পড়িয়া যায়। পরদিন প্রাতে প্রায় দুই সহস্র লোক কৃষ্ণ ও গোলোকের বাটীর সম্মুখে উপস্থিত হইয়া, উহাদের ধর্মিয়া ম্যাজিস্ট্রেটের নিকট লইয়া যায়। উহাদের নামে কোন অভিযোগ ছিল না। ম্যাজিস্ট্রেট তাহাদের কার্যের বরণ প্রশংসা করিয়া জনতাকে বিক্ষিপ্ত হইতে আদেশ করেন। সাবদানতাব জন্ত স্থানীয় গভর্নর—কৃষ্ণ, গোলোক ও মিশনারিদের বাটীতে পাহারার ব্যবস্থা করেন।

পর বৎসর জয়মণি নামক কৃষ্ণের এক শ্যালিকা এবং গোলোকের স্ত্রী কমল ধর্মাস্ত্রের গ্রহণ করেন। তৎপরে ১৮০২ খৃষ্টাব্দের প্রথম দিবসের পাতাশ্রয় সিংহ নামক একজন বাইট বৎসর বয়স বৃদ্ধ কায়স্থ খৃষ্ট-ধর্ম গ্রহণ করেন। পর ১৮০৩ আর তিন জন কায়স্থ ও একজন কুলীন ব্রাহ্মণ সম্মান প্ৰাপ্ত হন। তন্মধ্যে শ্যামদাস নামক এক ব্যক্তি ধর্মাস্ত্রের গ্রহণের কয়েক মাস পরে তাঁহার বাড়ীতে আত্মীয় স্বজনদের সহিত দেপা করিতে গাইলে, তথায় তাঁহাকে হত্যা করা হয়। ভাগবৎ নামক কোন লোক খৃষ্ট-ধর্ম গ্রহণ করিলে, তাহার স্ত্রী স্বামীর ধর্মত্যাগের দিন

গ্রহণ করিবার সম্পূর্ণ ইচ্ছা সবেও স্ত্রী তাহাতে স্বীকৃত হইত না। এই সময় সুন্দরবনের অস্তর্গত দেহাটা নামক স্থানের কৃষ্ণপ্রসাদ নামক এক ব্রাহ্মণ যুগল খৃষ্ট-ধর্মে দীক্ষিত হন। তিনি নিজ উপনীত পরিত্যাগ করিয়া উহা পদদলিত করেন। এই উপবীত হস্তে লইয়া শ্রীরামপুরের প্রসিদ্ধ মিশনারি ওয়ার্ড সাহেবেরে বলিয়াছিলেন,—“হুতাপেক্ষা মূল্যবান স্মৃতিচিহ্ন রোমের কোন ধর্ম-মন্দিরেও নাই।”

প্রথম দেশীয় খৃষ্টানদের মধ্যে বিবাহ ১৮০৩ খৃষ্টাব্দে শ্রীরামপুরেই সম্পন্ন হয়। উক্ত ব্রাহ্মণ-বংশোদ্ভব খৃষ্টান কৃষ্ণপ্রসাদের সহিত সূত্রধর-বংশোদ্ভব কৃষ্ণের কস্তা 'খৃষ্ট ধর্মমতে' বিবাহ হয়। কেরি, মালমান ও ওয়ার্ডের তত্ত্বাবধানে একটি বৃকতলে এই কার্য নিৰ্বাহ হয়। বিবাহ



শ্রীরামপুরের পূর্বাতন দিনেমার উপাসনা-মন্দির

সম্বন্ধীয় অনুষ্ঠান সমস্ত বঙ্গভাষায় সম্পন্ন হয়। বব কনা যথার্থি এগুমেন্ট পত্র প্রাক্কবিত করেন এবং সমবেত মিশনারিগণ সাক্ষী স্বরূপ তাহাতে সহি করেন। বিবাহ উপলক্ষে কৃষ্ণের বাটীতে যে সাক্ষা-ভোজ হয়, তাহা দেশীয় প্রথাতেই ব্যবস্থিত হইয়াছিল এবং পাদবিরা এই উপলক্ষেই দেশীয় পুস্তানের বাটীতে প্রথম ভোজন করেন।

এই বিবাহ কার্য নির্ঝিল্লি সম্পন্ন হইলেও আটনের চক্ষে হঠাৎ সারবত্তা সম্বন্ধে মিশনারিদের বিশেষ সন্দেহ ছিল। অর্ধ শতাব্দী পরে ১৮৫২ খৃষ্টাব্দে এইরূপ বিবাহ 'আটন-সঙ্কট' বলিয়া গবর্নমেন্ট কর্তৃক স্থিরাঙ্কৃত হয়।


শ্রীরামপুরেই প্রথম দেশীয় খৃষ্টানের গোর হয়। খৃষ্টান পদ্ধতিতে যে ব্যক্তির প্রথম সমাধি দেওয়া হয়, তাহার নাম গোকুল দাস। এই লোকটি যত্নের মাত্র কয়েক

গোর দেওয়া হয়, গোকুলের মৃত্যুর মাত্র চারি দিন পূর্বে শ্রীরামপুরের মধ্যে গোরস্থানের জন্ত এই স্থান খরিদ করা হয়। গোরের জন্ত শবাধাণটি কৃষ্ণ নিজ বায়ে খেত মসলিন্ দ্বারা সজ্জিত করিয়া দিয়াছিল। (১৫)

• হিন্দুদের খৃষ্টান কবা বিষয় মিশনারিরা শীঘ্রই যথেষ্ট সফলতা লাভ করিয়াছিলেন। এই সাফল্য দেখিয়া কোম্পানী কলৌবাটে একদল প্রতিনিধি পাঠাইয়া কোম্পানীর নামে ৫০০ টাকা পূজা দিয়াছিলেন। (১৬)

তাঁহার সংখ্যা পাওয়া যায় না। এই যুগে মুসলমানদের খৃষ্টান হওয়ার কথা উল্লেখ পাওয়া যায় না। যতদূর জানা যায়, যশোচর হইতে তিন জন মুসলমান খ্রীষ্ট ধর্ম বিষয় সবিশেষ জানিবার জন্ত শ্রীরামপুরে আসিয়াছিলেন।

বঙ্গদেশে দেশীয় লোককে খৃষ্টান কবা বিষয়ে এবং খৃষ্ট-ধর্ম প্রচারের ইতিহাস আলোচনা করিতে রেভারেন্ড কোরি, মার্শম্যান ও ওয়ার্ডের নাম প্রথম আসিয়া পড়ে। কোরি ১৭৯৩ এবং মার্শম্যান ও ওয়ার্ড ১৭৯৯ খৃষ্টাব্দে



বঙ্গদেশে দেশীয় লোককে খৃষ্টান কবা বিষয়ে এবং খৃষ্ট-ধর্ম প্রচারের ইতিহাস আলোচনা করিতে রেভারেন্ড কোরি, মার্শম্যান ও ওয়ার্ডের নাম প্রথম আসিয়া পড়ে।

প্রথম আরম্ভ হইতে ক্রিষ্টীয় বৎসরের মধ্যে বাঙ্গালার মোট কত হিন্দু খৃষ্ট-ধর্ম গ্রহণ করেন, তাহা বলা যায় না; তবে দেশীয় খৃষ্টানের সংখ্যা উত্তরোত্তর ক্রমেই বৃদ্ধি হইতে থাকে। ১৮২৩ খৃষ্টাব্দে কলিকাতার খৃষ্টানের সংখ্যা মোট ১৩১৩৮ ছিল। তন্মধ্যে দেশীয় খৃষ্টান কতগুলি ছিল,

(১৫) Life and Times of Carey, Marshman and Ward Vol. 1. বাঙ্গালার প্রথম দেশীয় খৃষ্টানদের সম্বন্ধে এই গ্রন্থ হইতে সবিশেষ তথ্য সংগ্রহ করিয়াছি।


(১৬) Life and Times of Carey, Marshman and Ward Vol. 1.

বাঙ্গালায় আগমন করেন। হেনরি মার্টিন নামক আর একজন প্রসিক মিশনারি ছিলেন। শ্রীরামপুর ইহাদের প্রধান ক্যাম্পেট হইলেও, ধর্ম-প্রচারের জন্ত তাঁহারা বহু স্থানে বাইয়া বহু চেষ্টা ও পরিশ্রম করিয়াছেন। বিশেষ অধাবসায় সহকারে তাঁহারা বাঙ্গালা ও অন্যান্য দেশীয় ভাষা শিক্ষা করিয়াছেন এবং গ্রন্থাদি তর্জমা করিয়াছেন ও লিখিয়াছেন। তাঁহারা শুধু লিখিয়া ক্ষান্ত হন নাই, বহু অর্থ ব্যয় করিয়া সে সময়ে ছাপাখানা প্রতিষ্ঠিত করিয়াছেন ও গ্রন্থ প্রকাশ করিয়াছেন। দেশীয় লোকদের শ্রবণার্থ তাঁহারাই বাঙ্গালা ভাষায় বাইবেলের বহুতা প্রথম আরম্ভ

করেন। কলিকাতায় বৌবাজারে যে স্থানে এক্ষণে গির্জা আছে, ১৮০৬ খৃষ্টাব্দে ৭২৫০ টাকা মূল্যে ঐ জমি খণ্ড ক্রয় করিয়া কলিকাতা দিবার জন্ত তাঁহারা উহাতে একটি বাঙ্গালা নির্মিত করেন। পরে ৩২০০ পাউণ্ড ব্যয়ে গির্জা প্রস্তুত হয় এবং ১৮০৯ খৃষ্টাব্দের ১লা জানুয়ারি ডাক্তার কেবিকর্তৃক উহার দ্বাবোদ্বাটন হয়।

তাঁহাদের উদ্দেশ্যের মূলে যাহাই থাকুক, আঙ্গিকার বাঙ্গালা ভাষা ও সাহিত্যের এই বিকৃতির মূলে যে তাঁহাদের চেষ্টা ও পরিশ্রম বিশেষভাবে নিহিত আছে, ইহা অস্বীকার

ত্বেনেছা ব্যাকরণের পাণ্ডুলিপি অগ্নিসং হওয়ায় তাঁহারা অধিক ক্ষতি বোধ করিয়াছিলেন। (১৭) বঙ্গ ভাষার প্রথম সংবাদপত্র “সমাচার দর্পণ” কেবিকর্তৃক মার্শম্যানের উত্তোগে শেসোক্ত ব্যক্তির সম্পাদকতায় ১৮১৮ খৃষ্টাব্দে প্রথম প্রকাশিত হয়। (১৮) দেশীয় বাঙ্গালীশালিকাদের মধ্যে শিক্ষা বিস্তার বিষয়ে তাঁহারা অসাধারণ চেষ্টা করিয়াছিলেন। তাঁহাদের আগমনের পর বিংশ পঁচিশ বৎসরের মধ্যে কলিকাতা হইতে ৩০ মহলের মধ্যে তাঁহারা ১০ টি বঙ্গ অধিক বিদ্যালয় প্রতিষ্ঠিত করিয়াছিলেন।



শ্রীরামপুর

শ্রীরামপুরে এই বাড়ীতে কেবিকর্তৃক, মার্শম্যান ওয়ার্ড, হেনরি মার্টিন প্রভৃতি মিশনারীগণ

উপাসনা ও পদার্থাদির চক্র মিলিত হইতেন।

করিবার উপায় নাই। ডাক্তার কেবিকর্তৃক দ্বারা ১৮০১ খৃষ্টাব্দে বিপুল অর্থ ব্যয়ে নিউটেটোমেটের বাঙ্গালা অনুবাদ প্রকাশিত হয়। ২০০০ খণ্ড প্রকাশ করিতে মোট ব্যয় হইয়াছিল ৬১২ পাউণ্ড। তাঁহাদের দ্বারা প্রতিষ্ঠিত শ্রীরামপুরের ছাপাখানা ১৮১২ খৃষ্টাব্দের ১১ই মার্চ ভঙ্গসাৎ হইয়া প্রায় ৭০০০ পাউণ্ড ক্ষতি হয়। কিন্তু ইহার সচিত

মিঃ ওয়ার্ডের চেষ্টায় ১৮২৫ খৃষ্টাব্দে এক শ্রীরামপুর ও পার্শ্ববর্তী স্থানসমূহে অনেকগুলি মেয়েদের জন্য বিদ্যালয় প্রতিষ্ঠিত হয়। মোট কথা—বাঙ্গালায় খৃষ্টীয় প্রচারোদ্দেশ্যে শ্রীরাম

(১৭) Life and Times of Carey, Marshman and Ward, Vol. I.

(১৮) Bengali Literature in the Nineteenth Century  
যে “দিকদর্শন”কে বাঙ্গালার প্রথম সাময়িক পত্র বলিয়াছেন। বেঙ্গল গভর্নমেন্টের দ্বারা প্রকাশিত বাঙ্গালা সাময়িক পত্রের তালিকা পৃথক পৃথক



পুরের এই তিন জন মিশনারীদের মত তত্ত্ব কাগরও নাম জ্ঞানিতে পাওয়া যায় না। এই প্রসঙ্গে একটি কথা বলিলে বোধ হয় অপ্রাসঙ্গিক হইবে না। ভারতে সর্বপ্রথম যে পুস্তক ছাপা হয়, তাহা খ্রীষ্ট-ধর্ম বিষয়ক একখানি পুস্তক। উহা দক্ষিণ ভারতে মুদ্রিত হইয়া প্রকাশিত হয়। ১৭১১ খৃষ্টাব্দে অর্থাৎ হুগলীতে মুদ্রাঙ্কন প্রতিষ্ঠার

প্রায় ৩৭ বৎসর পূর্বে মিশনারীদের দ্বারা প্রথম মাদ্রাজে মুদ্রাঙ্কন স্থাপিত হয়। (১৯) অষ্টাদশ শতাব্দীর প্রারম্ভেও খ্রীষ্ট-ধর্ম বিষয়ক কতিপয় গ্রন্থের বঙ্গানুবাদ হইয়াছিল বলিয়া জানা যায়।

(১৯) Promotion of Learning in India by European Settlers.

## মিলন-পূর্ণিমা

শ্রীনরেশচন্দ্র সেনগুপ্ত এম-এ, ডি-এল

(১৯)

নিতারঞ্জনের সেবাসঙ্গ হইতে নিরাশ হইয়া ফিরিয়া সৌরীন ফির করিল, সে মনঃস্বস্তে গিয়া স্বতন্ত্র ভাবে কাহা আশ্রয় করিবে। সে সেবাসঙ্গ অফিসে স্থানিয়াছিল, চট্রগ্রামে একটা স্বল্প প্রতিষ্ঠানের চেষ্ঠা চলিতেছে এবং ময়মনসিংহেও নিতারঞ্জনের দল খুব প্রচলিত। অনেক ভাবিয়া চিন্তিয়া সে এই দুই স্থানের মধ্যে ময়মনসিংহ বাছিয়া বসিল।

ময়মনসিংহে গিয়া সে প্রথমে একটা সভা করিয়া বড় গা করিল। তার পর তাহা কয়েকটি বন্ধু মিলিয়া বাড়ী বাড়ী ঘুরিয়া সহানুভূতি সংগ্রহ করিল। সৌরীনের মধ্যে তার উদ্দেশ্য ও অভিসন্ধির কথা জ্ঞানিয়া অনেকেই তাহাকে সাবুদান করিলেন এবং কেহ কেহ অর্গসাধ্যাও করিলেন।

প্রচণ্ড উৎসাহের সাহিত্য কয়েকটি কম্বা হইয়া সৌরীন সেবাসঙ্গলী স্থাপন করিল। একজন ভদ্রলোক সেবাসঙ্গলীর জন্ত তাঁর একখানা বাড়ী ছাড়িয়া দিলেন। সেখানে বসিয়া ধীরে ধীরে পরম উৎসাহে সৌরীন কাজের সূত্রপাত করিয়া গেল।

ময়মনসিংহ সহস্রের উপকণ্ঠবর্তী তিনটি গ্রামে তিনটি অবৈতনিক বিদ্যালয় প্রতিষ্ঠিত করিয়া সৌরীন ও সেবাসঙ্গলীর অন্ত্যন্ত সভা পণ্যায়ক্রমে গিয়া সেই সব পাঠশালার পড়াইতে লাগিল। ক্রমে পাঠশালার শ্রীবৃদ্ধি হইল, ছাত্রসংখ্যা বাড়িয়া চলিল, সৌরীন উৎফুল্ল হইল।

পাঠশালা প্রতিষ্ঠায় শিক্ষালয় কাহা ছাড়া সৌরীনের আর একটা বড় উদ্দেশ্য ছিল। এই পাঠশালা উপর্যুক্ত গ্রামে গাইয়া গ্রামবাসী নোকদিগের দৃষ্টিত পরিচিত করিল, তাহাদের সঙ্গে প্রস্তুত হইয়া, তাদের জীবনের প্রকৃত অভাব ও ক্রটির দৃষ্টিত সাফল্য সহজে পরিচয় লাভ করিলে - হঠাৎ ছিল সৌরীনের প্রধান উদ্দেশ্য - সে উদ্দেশ্য অনেক পরিমাণে সিদ্ধ হইল।

এক বৎসর পাঠশালার কাজ করিয়া সৌরীন যে আভিজ্ঞতা লাভ করিল, তাহা করে সৌরীন লোকাল বোর্ডের সাহায্যে গ্রামে ইদারা কাটা হইয়া জনাভাব দূর করিল, ঔষধ বিতরণ এবং চিকিৎসা ও শুশ্রূষার ব্যবস্থা করিয়া লোকের স্বাস্থ্যরক্ষায় সহায়তা করিল। একবার ভ্রমণ ওলাউটার মড়ক দেখন জারিদিকে জালিয়া উঠিল, তখন এ তিনটি গ্রাম প্রায় সম্পূর্ণরূপে রক্ষা পাইল। কারণ সেই সময় সেবাসঙ্গলী গ্রামবাসীদের প্রত্যেককে সর্ববিধ সাবধানতা অবলম্বন করার উপদেশ দিল। তার পর প্রত্যেক গ্রামে মণ্ডলীর ছয়জন সভ্যের ও প্রবধানে যবকদের দ্বারা দল বাধিয়া বাড়ী বাড়ী ঘুরিয়া সবার উপর তাহারা নজর রাখিতে লাগিল, — কেহ কোনও রকমে যাহাতে সাবধানতার বিধি লঙ্ঘন করিতে না পারে। এই রকম কাজ করিয়া দুই বৎসরে তাহারা স্থানীয় লোকের প্রভূত হিতসাধন করিল।

এই কষ্টসাধ্য কার্যে সৌরীনের অর্থবল খালি হইয়া আসিল, তার আশ্রমবাসীর সংখ্যা তন্মানক কম হইয়া গেল। তখন সৌরীনকেও তার মণ্ডলীর কাজ ছাড়িয়া চাঁদা সংগ্রহে নিযুক্ত হইতে হইল। ইহাতে সময় ও শক্তির যথেষ্ট অপচয় হইল, কিন্তু আশারূপ ফল লাভ হইল না। অতি কষ্টে কোনও মতে কাজ চলিতে লাগিল। বাড়ী বাড়ী মুষ্টিভিক্ষা সংগ্রহ করিয়া আশ্রমবাসীদের কোনও মতে গ্রাসাচ্ছাদনের ব্যবস্থা হয়। সেবাকার্য সমাক্রমে পরিচালন করিবার উপায় হয় না।

অমানুষিক পরিশ্রম করিয়া দ্বারে দ্বারে সকল মান বিসর্জন করিয়া ভিক্ষা মাগিয়া সৌরীন তৃতীয় বৎসর কাণ্ডা চালাইল। তার কার্যের প্রসার কতকটা সঙ্কুচিত করিয়া ফেলিতে হইল। সে আশা করিয়াছিল যে, তিনটি গ্রাম হইতে তার কাজ চড়াইয়া ক্রমে অল্প গ্রামে সংক্রামিত হইয়া পড়িবে। কিন্তু সে দেখিতে পাইল, কাজে ঠিক উল্টা দাঁড়াইল। প্রথম বৌকে লোকে তাহাকে অনেকটা সাহায্য করিয়াছিল। কিছু বৌক কাটিয়া গেলে, তাদের সাহায্যের আকাঙ্ক্ষা কমিয়া আসিল—তার কাজ ক্রমশঃ সঙ্কুচিত হইয়া আসিল।

যখন চাঁদার টাকায় আর কাজ চলে না, তখন সৌরীন ভাবিয়া এক উপায় বিচা করিল। সে ভাবিল যে, সে যে কাজ করিতেছে, লোকে তাহা বিশেষ অন্তর্ভব করিতে পারিতেছে না। তিনটি নিভৃত পল্লীর নিত্যস্থ অদন্ত শ্রমজীবীদের ভিতর সে সামান্ত একটু স্নানিমা, সামান্ত একটু আনন্দ ও সামান্ত একটু স্বচ্ছন্দতা আনিয়াছে মাত্র। কাজ করিতে গিয়া সে দেখিয়াছে যে, এতটুকু স্বচ্ছন্দতা অর্জন করিতে তার কি বিপুল চেষ্টা, অধাবসায় ও অর্পণায় করিতে হইয়াছে। কিন্তু যারা কোনও দিন এত প্রচণ্ড শ্রমসাধ্য কার্য করে নাই, তাদের কাছে এ কাজের প্রকাশ্য দেখাইবার তার কোনও আয়োজন নাই। যে দিক দিয়া এ কাজ খুব বড়, সে দিকটা বড় গভীর লোকের কাছে প্রকাশ করিয়া বলা তার কার্য নয়। এ কাজের ভিতর যে তার কর্মীদের প্রকাণ্ড ত্যাগ ও অধাবসায় আছে, অশেষ ক্ষুদ্র বিষয়ের সঙ্গে অক্লান্ত সংগ্রামে যে সাহস ও শৌচের পরিচয় আছে, সে কথা সৌরীন নিজেও কোনও দিন প্রকাশ করিয়া বলে নাই, তার দলের কাহাকেও বলিতে দেয় নাই।

সে বিবেচনা করিয়া দেখিল যে, এখন পর্য্যন্ত সে এমন কোনও একটা খুব দৃষ্টমান বড় কাজ করিয়া উঠিতে পারে নাই, যাহা লোকে সাদা চোখে দেখিতে পারে। ছুই বৎসর ধরিয়া উপদেশ দিয়া, বার বার নিজে লোককে বুঝাইয়া নিবৃত্ত করিয়া, সে এক গ্রামের মুচিদের ইহা বুঝাইয়াছে যে তাদের পানীয় জল যে ইঁদারা হইতে তারা আনে, তাব পাশে বনিয়া কাপড় কাটা রা অল্প কোনও নোংরা কাজ করা বিপদসঙ্কুল। এখন তারা ইঁদারা হইতে তফাতে বসিয়া সে সব কাজ করে এবং বাকীর ভিতরও নোংরা জল প্রস্তুত যথাসম্ভব দূরে রাখে। এ তো, আঙুল দিয়া দেখাইবার মত একটা জিনিস নয়, আর লোকের চক্ষে একটা বড় কাজ বলিয়া দাঁড় করাইবার মত কিছু নয়। এমনি ছোট ছোট কাজ সে অনেক করিয়াছে, কিন্তু তার কোনটাই বিশেষ চমক লাগাইয়া দিবার মত নয়—লোকের কাছে একটা বড় কাজ বনিয়া দেখাইবার মত কিছুই নয়। আর ছোট ছোট কাজকে রঙ্গ চড়াইয়া চটকদার করিয়া লোকের সম্মুখে উপস্থিত করিবার বিত্তা বা আকাঙ্ক্ষা তার ছিল না। কাজেই লোকে যে তার কাজটা খুব বড় করিয়া দেখিয়া মুক্ত-হস্তে অর্পণসাহায্য করে না, সে কিছু আশ্চর্য্য নয়। যদি সে ক্রমে এমন একটা কিছু করিয়া তুলিতে পারে, যাতে সবাই বুঝিতে পারিবে যে সত্য সত্য সে একটা প্রকাণ্ড লোকহিতের স্বরূপাত করিয়াছে, তখন তারা তাহাকে সাহায্য করিতে অগ্রসর হইবে।

সে ভাবিতে বসিল—কি উপায়ে এমন একটা কিছু করা যায়, যাব হিতকারিতা লোকে সহজে বুঝিতে পারিবে। একটা কথা সে অনেক দিন হইতেই ভাবিতেছিল, কিন্তু সে সবকিছু বিশেষ কিছু করিয়া উঠিতে পারে নাই। একটি গ্রামে প্রায় চল্লিশ ঘর মুচি বাস করে—তাদের চরদেহের অন্ত নাই। তারা তেল, বাজায়, কেউ কেউ সস্তা চটি জুতা বানায়, আর বেলীর ভাগ লোকে ভিক্ষা করিয়া খায়। সে দেখিতে পাইল যে, নয়মনসিহ নগরে কলিকাতা হইতে অনেক জুতার আমদানী হয়; একটু শিখা ও সংযতকন এবং মূলধনের সহায়তা পাইলেই, এই মুচিরাই এ সমস্ত জুতা তৈয়ার করিতে পারে। তাহাতে তাহারা বেশ স্বচ্ছন্দে পাইয়া বাঁচিতে পারে। আর একটি গ্রামে যে সকল জোলা বাস করে, তাহাদের সমবায়-বন্ধ করিয়া কাজে লাগাইতে

পারিলে, তারা অল্পবয়সের কষ্ট পায় না। কোনও রকম উন্নত যন্ত্রপাতির সাহায্য না লইয়াও তারা বেশ স্বচ্ছন্দে জীবিকা অর্জন করিতে পারে। কিন্তু তাদের অভাব ঘটে না, কেন না, প্রথমতঃ, তারা মহাজনের কাছে ঋণগ্রস্ত। দ্বিতীয়তঃ, তাদের এমন মূলধন নাই যে, তারা সমস্তকণ কাজ করিতে পারে। তৃতীয়তঃ, কাপড় তৈয়ার হইলেই তাদের বেচিবীর চেষ্টা বাহির হইতে হয় এবং নিতান্ত অভাবের দায়ে অল্প দামে বেচিতে হয়।

সে স্থির করিয়াছিল যে, উভয় স্থলেই অনায়াসে গ্রামবাসীদের অবস্থার পরিবর্তন হইতে পারে। যদি এই শুমজীবীরা মিলিয়া এমন একটা সমবায় বা কো-অপারেটিভ সোসাইটি গঠন করিতে পারে, যাহা তাহাদিগকে আর্থিক অনুসাবে কাঁচা মাল সরবরাহ করিবে এবং মাল প্রস্তুত হইয়া মাত্র তাহা কিনিয়া লইয়া বাজারে বিক্রয় করিবে, তবে ইহারা সারা বৎসর ভাল কাজ করিয়া পরম সুখে বাস করিতে পারে। এই স্থির করিয়া, সে তিন বৎসর ধরিয়া কো-অপারেটিভ ডিপার্টমেন্টের কর্মচারীদের সহায়তায় ইহাদের ভিতর সেই প্রকার সমবায় গঠন করিবার চেষ্টা করিয়াছে। কিন্তু তিন বৎসরের চেষ্টায়ও সে ইহাদিগকে পরস্পরের সঙ্গে মিলিত করিয়া উঠিতে পারে নাই। কো-অপারেটিভ সোসাইটি করিবার জন্য যে শিক্ষা ও মনোভাবের প্রয়োজন, তাহা গড়িয়া তুলিতে আবশ্যিক অনেক দিন লাগিবে, এই স্থির করিয়া সে নিরাশভাবে এই চেষ্টা ছাড়িয়া দিয়া, অল্প দিন দিয়া ইহাদের ভিতরসাপনে নিমুক্ত হইয়াছে।

এখন তার মনে হইল যে, এই কাজই তাব কষ্টব্য। এ কাজ যদি সে ভাল রকম গাড়িয়া তুলিতে পারে, তবে লোকের চোখে ইহার উপকারিতা অনায়াসে প্রকাশ হইবে। আর তাহাতে ইহাদের খুব বৃহৎ হিতসাধন করা হইবে। কেন না, ইহাতে ক্ষুধিত, দারিদ্র গ্রামবাসীর পেটে অন্ন পড়িবে, এবং সমবায় গঠনের সঙ্গে সঙ্গে তাহাদের নৈতিক উন্নতি হইবে। কিন্তু বর্তমান অবস্থায় কো-অপারেটিভ সোসাইটি গঠন করা অসম্ভব। সোসাইটি না গড়িয়া ঠিক সমবায়-সঙ্ঘের প্রণালীতে যদি ইহাদের দ্বারা কাজ করান যায়, তবে এই প্রক্রিয়ায় ক্রমে এমন এংটা ব্যৱস্থা করা যাইবে, যাহা অনায়াসে একটা সমবায়মণ্ডলীর রূপে পরিণত করা যাইতে পারিবে।

সে স্থির করিল যে, সেবামণ্ডলী হইতে সে শ্রমিকদিগকে কাঁচামাল ও যন্ত্রপাতি সরবরাহ করিবে, ও যারা কাজ জানে না, তাহাদিগকে কাজ শিখাইবে। কাপড় এবং জুতা তৈয়ার হইলে সেবামণ্ডলী তাহা তৎক্ষণাত্ নগদ মূল্যে কিনিয়া লইয়া নিজেরা দোকান করিয়া ময়মনসিংহের বাজারে বিক্রয় করিবে। সে হিসাব করিয়া দেখিল যে, ইহাতে দশ হাজার টাকা মূলধন হইলে লাভের সহিত কাজ করা যাইবে। লাভের টাকায় সেবামণ্ডলীর সব কাজ অনায়াসে চলিবে। প্রথমে হিসাব করিয়া সে দমিয়া গেল। এখন সেবামণ্ডলীর নিতা ভিক্ষা তত্ত্বকার অবস্থা। দ্বারে দ্বারে ভিক্ষা করিয়া দশ টাকা তুলিতে গলদ্বন্দ্ব হইতে হয়, দশ হাজার টাকা সে পাইবে কোথায় ?

কিন্তু ভাবিয়া চিন্তিয়া সে সঙ্কল্প স্থির করিল। সে কিছুদিনের জন্য নিজ গ্রামে গেল। সেখানে তার বখা-সকল বিক্রয় করিয়া সে আট হাজার টাকা সংগ্রহ করিয়া ফিরিল। আট হাজার টাকা লইয়াই সে কাজ আশ্রয় করিল।

গ্রামে গ্রামে ঘুরিয়া সে অনেকগুলি তাঁতি জোলা এবং মুচি কারিগর সংগ্রহ করিয়া, তাহাদিগের সঙ্গে যথারীতি চুক্তি করিল। প্রত্যেকেব ঋণ পরিশোধ করিয়া কাঁচামাল সরবরাহ করিল; এবং প্রত্যেকের কাছে যে তৈয়ারী মাল ছিল, তাহা সংগ্রহ করিয়া ময়মনসিংহে দোকান খুলিল। ছই চার দিনের মধ্যেই কপাটা জানাজানি হইয়া গেল। সহরের অনেক ভদ্রলোক সেবামণ্ডলীর দোকানে আসিয়া কাপড় ও জুতা কিনিতে লাগিলেন। সৌরীন দেখিয়া তৃপ্ত হইল যে, প্রথম সপ্তাহেই তার প্রায় সাতশ' টাকার মাল বিক্রয় হইয়া গেল।

( ১৮ )

চার বৎসর পরে দেবাদুন হইতে বেখা পাটনায় আসিয়া চাকরী লইল। সে এখানে চারশ' টাকা মাহিনা পায়; শিক্ষাদানে তার কৃতিত্বের খ্যাতি জন্মিয়াছে।

বেখা বেশ মোটা মাহিনা পায়। তাহা হইতে সে তার মাকে মাসে পঞ্চাশ টাকা পাঠায়। নিজে সে খরচ করে অত্যন্ত কম। সে বোডিং এ থাকে,—মেয়েদের চেয়ে

তার খরচ অতি সামান্যই বেশী। তার কাপড়-চোপড়ের খরচ কিছুই নাই, গয়না সে পরে না, কেবল হাতে ক'গাছা চুড়ী বই তার কোনও গয়নাই নাই। আর সব টাকা সে ব্যাঙ্কে জমা রাখে। সে টাকায় সে সহজে হাত দেয় না।

রেখার সঙ্গেই বোর্ডিং থাকিত আর একটা শিক্ষয়িত্রী। তার নাম লীলাবাই, জাতিতে মারাঠি, কিন্তু কলিকাতায় শিক্ষিতা এবং সর্ব বিষয়েই সে বাঙ্গালীর মেয়েরই মত। লীলা দুইশত টাকা মাহিনা পায়,—তার সবই সে আপনার জন্ত খরচ করে। তার মত কাপড়-চোপড় গয়নাপত্র স্কুলের কোনও লোকের নাই। লালার সঙ্গে রেখার অল্প দিনেই বেশ সদ্ভাব জন্মিয়া গিয়াছিল।

এক দিন রেখা বোর্ডিংএর বাগানে বাসিয়া ছিল, ছুটি মেয়ে তার সঙ্গে এমন ভাবে হাস্য পরিহাস ও খেলাধুলা করিতেছিল যে, তারা যেন তার অস্তিত্ব বন্ধু—ছাত্রী নয়।

প্রেমদেবী বলিল, “বেখাদি, সুচারিতা আজ এত হাসছে কেন জানেন?”

সুচারিতা খুব চট্টয়া বলিল, “না দেখুনও না, আমি কিছু হাসছি না; আমি রোজ হাসি।”

রেখা বলিল, “রোজ হাস আর আজ হাসছো না, তারও তো একটা কারণ থাকে চাই? কি বল প্রেমদেবী?”

প্রেম। হাঁ রেখা দি, সত্যি ওর—

সুচ। প্রেমদেবী খবরদার, মিথো করে বা' তা' বলে না আমার নামে। আর আমি তোমাকে কোনও দিন কিছু বলি যদি তবে—

রেখা হাসিয়া বলিল, “তুমি তা' হ'লে আজ কিছু ব'লেছো ওকে। সে কথাটা যদি ও বলে তবে তা' মিথো হ'বে কেমন করে সুচি?”

সু। না দেখুন, রেখাদি, ওর, কথা মিথো।

রে। বা রে, কথা ও বলেই না তো মিথো হ'ল কেমন করে? তা প্রেমদেবী, বদনাম যদি হ'য়েই গেল তবে ব'লেই ফেল না—তা' সে সত্যিই হোক আর মিথোই হ'ক।

“না, দেখুন, তবে আমি চলেম,” সুচারিতা উঠিতে গেল। রেখা তার হাত ধরিয়া বসাইল এবং সুচারিতাকে

কোণের উপর টানিয়া লইল। প্রেমদেবী ইতিমধ্যে বলিয়া ফেলিল, “সামনের রবিবার সুচারিতার বিয়ে, কাল ওকে নিতে আসবে।”

রেখা সুচারিতার মাথাটা বুকের কাছে চাপিয়া ধরিয়া, তার মাথায় হাত বুলাইতে বুলাতে বলিল, “তাই এত পাগলামি হ'চ্ছিল। তা' বেশ। বেশ। আমার কাছে ব'লতে লজ্জা কি সুচি, আমি যে তো'র দিদি। তা' তোমার বর কি করেন?”

সুচারিতা চক্ষু নত করিয়া রহিল।

প্রেমদেবী বলিল, “বর ভয়ানক ভাল ছেলে,—এম-এ'তে ফার্স্ট হয়ে এবার কিনাস্স পরীক্ষা দিয়েছে।”

কথাটা ছাঁৎ করিয়া রেখার জ্বাপত্তের ভিতরে যেন ছেঁকা দিয়া দিল। রেখা চমকাইয়া উঠিল—তার মুখখানা, এক মুহূর্তে সাদা হইয়া উঠিল। এখনই সে কোনও মতে আত্মসংবরণ করিয়া বলিল, “তা বেশ।” আর কোনও কথা বলিতে পারিল না।

অনেকক্ষণ চুপ করিয়া থাকিয়া শেষে সে বলিল, “তবে তুমি আর আসি না সুচি?”

সুচারিতা মাথা নাচু করিয়া বাড় নাড়িল। তার মুখে লজ্জার লালিমার ভিতর দিয়া আনন্দ যেন ফুটিয়া বাহির হইতেছিল।

রেখা সুচারিতার মুখখানা তুলিয়া ধরিয়া একটা দীর্ঘ-নিশ্বাস সে কিছুতেই রোধ করিতে পারিল না।

অনেকক্ষণ বন্ধ দৃষ্টি হইয়া সে'র মুখের দিকে চাঞ্চল্য থাকিয়া সে সম্পূর্ণ অস্বমনস্ক ভাবে বলিল, “তা হ'লে তো'র বৃদ্ধি দিল্মা যেতে হ'বে?”

সুচারিতা বলিল “জানি না।”

রেখা বলিল, “বেশ দিদি, আশীর্বাদ করি সুখী হও।” বলিতে বলিতে তার গলা তার হইয়া আসিল। দুই ফোঁটা জল তার চোখের কোলে চক্ চক্ করিতে লাগিল। রেখা মুখ ফিরাইয়া চলিয়া গেল।

রেখা আপনার ঘরে আসিয়া নদীর ধানের জানালা'র পাশে বাসিল। শূন্য উদাস দৃষ্টিতে সে নদীর পরপারে শূন্যের দিকে চাঞ্চিয়া রহিল। তার মনের ভিতর প্রকাণ্ড ঝড় বহিয়া গেল, দুই চক্ষু বাহিয়া অবিবর্ত প্রবাহ ধরিয়া গেল, সে চক্ষু মুছবার কোনও চেষ্টা করিল না। যোগ

বছরের. কচি মেয়ে স্ফটিকের মুখের ভিতর যে উদ্বেলিত আনন্দের ছায়া আজ সে দেখিমাছে, সেই আনন্দ, সেই আশা এক দিন তার অস্তরের দুই কূল ছাপাইয়া গিয়াছিল। হঠাৎ দারুণ প্রলয়ের সূর্য্য আসিয়া নিমেষে সে আনন্দ-সাগর ভাঙিয়া লইয়া হৃদয়টাকে মরুভূমি করিয়া দিয়া গেল। সেই দিন মনে পড়িল; মনে পড়িল, সে দিন হইতে সে মরুভূমি তার প্রাণের ভিতর তাব প্রচণ্ড তৃষ্ণা লইয়া জলিয়া মরিতেছে,—জীবনে তাহাতে এক ফোঁটা জল পড়িবে না।

সে পাঁচ বৎসরের কথা। কিন্তু পাঁচ বছরে তো তার অস্তরের সে ক্ষত একটুও পুরাতন হয় নাই। সামান্য একটা বাহিরের পরদার আড়ালে সে আঘাত যে এখনও কত তার বেদনায় টন্ টন্ করিতেছে, তাহা সে আজও অনুভব করিল।

যখন সে সৌরীনের ছাড়াইয়া গিয়াছিল, তখন সে মুখে ঘাই বলুক, তার ভিতর সব চেয়ে প্রবল মনোবৃত্তি ছিল—অভিমান। সৌরীন যে কেবল কস্তুরের দণ্ডে তাহাকে বিবাহ করিয়া বন্ধনকে বরণ করিতে হইতেছে, এ কথায় তার অস্তরের সকল দর্প সংহত হইয়া হীব দীপ্তিতে জ্বলিয়া উঠিয়াছিল। তাই সে তাহাকে ছাড়াইয়া আসিয়াছিল।

যখন সে দূর দেবাদানে চলিয়া গেল, তখন তার দর্পের তেজ নরম হইয়া আসিল। তখন সে তার মনের কাণ্ডাই এই বলিয়া চাপিয়া রাখিয়াছিল যে, সে সৌরীনের একটা মস্ত উপকার করিয়া আসিয়াছে—তার মস্তকের প্রতিষ্ঠার পথ বাধামুক্ত করিয়া দিয়াছে। এ চিন্তায় সে কতকটা শান্তি পাইল; কিন্তু তখন সঙ্গে সঙ্গে তার সমস্ত অস্তর সৌরীনের একান্ত ভাবে কামনা করিতে লাগিল। যে স্পর্শ সে কোনও দিন পাইবে না, যে আলিঙ্গন তার বহুদূরে চলিয়া গিয়াছে, যে সম্ভাষণ সে আর শুনিবে না, তারই জন্ত তার অস্তর পিপাসিত হইয়া উঠিল। যতদিন তার সৌরীনের সঙ্গে ও তার ভালবাসা লাভ করিবার সৌভাগ্য হইয়াছিল, সে সব দিনের প্রত্যেকটি খুঁটিয়া খুঁটিয়া সে মনের ভিতর পুনরাবৃত্তি করিয়া গেল। প্রত্যেকটি প্রণয়-সম্ভাষণে সে নূতন করিয়া পুলকিত হইল, প্রত্যেকটি চুষনের স্বতি তার রক্তের ভিতর নৃত্যোৎসব লাগাইয়া

দিল। সৌরীনের মুখের তরু কথামুখির পুনরাবৃত্তি করিয়া সে আনন্দ লাভ করিত, তার আদর্শ জীবন নিয়মিত করিবার সংকল্প করিত। সৌরীনের বীরমূর্ত্তি, তার চরিত্র-গৌরব, তার অশেষ সৌন্দর্য্য ধ্যান করিয়া সে স্বর্গস্থ লাভ করিত। এই নীরব তপস্যায় তার মনের ভিতর হইতে অভিমান ও অনুযোগের শেষ কণাটুকু পর্য্যন্ত ভস্ম হইয়া বিলুপ্ত হইয়া গেল—বিশুদ্ধ মলিমা-শূন্য প্রেমে তার সমস্ত সত্তা আগাগোড়া ভরপুর হইয়া গেল।

সে চলিয়া আসিবার সময় সৌরীনের সঙ্গে কোনও রকম যোগ রাখিয়া আসে নাই। সৌরীন যাতে তার ঠিকানা পর্য্যন্ত জানিতে না পারে, সেজন্য সে যত্ন করিয়াছিল। সেজন্য মাঝে মাঝে তার ভয়ানক আপশোষ হইত। মনে হইত যে, সংযোগের সূত্র যদি সে রাখিয়া আসিত, তবে হয় তো সৌরীন শ্রুত দিন আবার ফিরিয়া আসিত। কে জানে, সৌরীনও হয় তো তাহাকে হারাইয়া তাকে এমনি ভালবাসিতেছে, তার জন্ত এমনি হাহাকার করিতেছে! কিন্তু সব চেয়ে বেশী অনুতাপ হইত তার এই ভাবিয়া যে, সে সৌরীনের সংবাদ জানিবার কোনও উপায়ই হাতে রাখিয়া আসে নাই। তার অস্তরের মরুভূমির দারুণ জ্বালা শান্ত করিবার জন্ত তার প্রেমাস্পদের একটুকু সংবাদ পাইবার উপায়ও সে হাতে রাখিয়া আসে নাই।

প্রথমে রেখা ভাবিয়াছিল যে, সৌরীনের কার্য-কলাপের সংবাদ সে খবরের কাগজে জানিতে পারিবে। দিনের পর দিন, মাসের পর মাস, সে বাঙ্গালা দেশের খবরের কাগজ তন্ন তন্ন করিয়া পড়িয়াও সৌরীনের কোনও সংবাদই যখন পাইল না, তখন সে হতাশ হইয়া পড়িল। তখন তার মনে পড়িল যে, সৌরীন কোনও দিনই খবরের কাগজে নাম বাহির করা পছন্দ করে না। নিতান্তরূপের দল যে কাগজে নাম বাহির করিবার জন্ত বাস্তব, সেজন্য সে তাহাদিগকে কতবার দিক্কার দিয়াছে। সুতরাং সৌরীনের নাম যে খবরের কাগজে উঠিবে, এ আশা করাই তার অন্তর হইয়াছে। এদিক সেদিক পত্র লিখিয়া চেষ্টা করিয়াও সে কিছু জানিতে পারিল না। তখন সে কাঁদিয়া ভাসাইল। কত আশঙ্কায় তার মন কাঁপিয়া উঠিল—কিন্তু সে কিছুই করিতে পারিল না।

আজ পাঁচ বৎসর সে সৌরীনকে ছাড়িয়াছে—পাঁচ বছরের পুরাতন স্মৃতি ছাড়া তার আর কোনও স্মরণ নাই। সে স্মৃতি তাঁকে থাকিয়া থাকিয়া দারুণ আঘাত দেয়—কোনও সাহসনা দিতে পারে না। কিন্তু সেই পাঁচ বছরের পুরাতন প্রেম তার অন্তর যে অপূর্ণ কোমলতায় ভরিয়া দিয়াছিল, তাহা এই ধ্যান ও স্মৃতিপূজা আরও সুকুমার করিয়া তুলিয়াছিল। তাই রেখার হৃদয় তার ছাত্রীদের দিকে অশেষ স্নেহসম্ভার লইয়া প্রবাহিত হইত—সে প্রত্যেক ছাত্রীকে প্রাণ দিয়া ভালবাসিত।

সেই সব পুরাতন স্মৃতি, সেই নষ্ট স্বর্গ তার মনের ভিতর আজ আবার তোলাপাড় করিতে লাগিল। আর সে অবাধে কাঁদিতে লাগিল। যখন লীলা ঘরে প্রবেশ করিল, তখন রেখা জানিতে পারিল না, তখনও সে কাঁদিতেছিল।

লীলা তার গলা জড়াইয়া ধরিয়া বলিল, “কি হ’য়েছে ভাই, কাঁদছো কেন?”

রেখা শুধু বলিল, “অদৃষ্ট, ভাই।” লীলা বিন্দু কথা বলিয়া তাহাকে স্থির করিতে চেষ্টা করিল, রেখা চক্ষু মুছিয়া গম্ভীর হইয়া কিছুক্ষণ বসিয়া রহিল। অনেকক্ষণ চুপ করিয়া থাকিয়া রেখা বলিল, “দেখ ভাই, স্কুলে মেয়ে পড়াবার কাজের মত এমন হতভাগ্য কাজ আর নেই।”

“কেন ভাই এ কথা বলছো?”

“কেন? তোমার কোনও দিন মনে হয় না?”

“না, আমি তো বেশ সুখে আছি মনে করি।”

“কিন্তু একটুও কষ্ট হয় না তোমার ভাবতে? এই যে প্রতি বছর একদল মেয়ে আমাদের হাতে আসে—ছ’বছর আমার কাছে থাকে তারা—তার পর চলে যায়, আর তাদের সঙ্গে দেখা-শোনাও হয় না। এ ছ’বছর তাদের উপর প্রাণের ভালবাসা উজাড় করে চলে দিচ্ছি—কিন্তু ছ’বছরের পর সে কোথায় যায়—কিছু মনে থাকে না। আমাদেরও বোধ হয় থাকতে পারে না।”

লীলা একটু গম্ভীর হইয়া বলিল, “তা এই তো সংসারের নিয়ম। মায়ের কোলে যে মেয়ে আসে, সেও তো চিরদিন থাকে না। কেউ মরে যায়, কেউ বা বিয়ে হ’য়ে চলে

যায়—অরা তাদের সংসার, তাদের ছেলে মেয়ে নিয়ে থাকে, মায়ের খোঁজ ক’জনে নেয়।”

“কিসের সঙ্গে কিসের তুলনা ক’রছিস ভাই! মা যে মেয়ে পেয়েই সার্থক হ’য়ে যায়, তাকে এতটুকু থেকে এত বড় ক’রে তোলে, তার চেয়ে আর আনন্দ আছে? তার পর যখন তার বিয়ে হয়, তখন মেয়ের চেয়ে মায়ের আনন্দ কি কম? যদি ভাল বরে পড়ে? কিন্তু আমাদের কি? ঠিক ছ’ বছরের স্নেহ-সম্বন্ধ, তার পর তার কি হয় না হয় তাও জানি না। এ যেন একটি মায়ের বৎসরে পঞ্চাশটি করে মেয়ে হ’য়ে ঠিক ছ’বছর অন্তর তাদের সবগুলি নিঃশেষে মরে যাওয়া। বছর বছর এমনি হ’চ্ছে আমার। প্রথম যে বছর আমার ক্লাশের মেয়েরা পাশ করে’ চলে গেল, তখন আমার ভয়ানক কান্না পাচ্ছিল। তার পর বছর বছরই যখন এরা যায়, আমার যে কষ্ট হয় কি বলবো।”

“এ কষ্ট থাকবে না ভাই, ক্রমে সরে যাবে। আর ছ দশ বছর গেলে, মেয়েরা আসবে-যাবে তা’ তুমি টেরও পাবে না।”

“তা হয় তো হ’বে। কিন্তু তার মানে কি? তার মানে এই যে, প্রাণের ভিতর আর তখন স্নেহের এক ফোঁটাও অবশিষ্ট থাকবে না। তুমি হয় তো ভাই বুঝতেই পারছো না—আমার কি দুঃখ। তোমার মা আছেন, ভাই-বোন আছে, তোমার বিয়ে হ’বে ছ’দিন বাদে, তোমার স্নেহের হাতার আশ্রয় আছে—আমার, আমার এই মেয়েগুলি ছাড়া যে ভালবাসবার মত কিছুই নেই, কেউ নেই।”

রেখার চক্ষু জলে ভরিয়া উঠিল। লীলা তার মনের কথা বুঝিল না। প্রেমে বঞ্চিত স্নেহ-বুকু হৃদয় তার এই অন্তরায়ী নিত্য-পরিবর্তনশীল সংসারনে আর তৃপ্ত হইতে পারিতেছিল না। তার স্নেহ একটা স্বামী আশ্রয়ের জন্ত ব্যাকুল হইয়া উঠিয়াছিল।

রেখা তার ক্লাশের মেয়েদের মায়ের মত স্নেহ দিয়া সম্বন্ধনা করিত। যে ছ’ট বৎসর তারা তাহার কাছে পড়িত, সে ছ’ট বছর তাহাদের মত সে চারিদিক দিয়া স্নেহের প্রস্রবণে ডুবাঁইয়া রাখিত। মেয়েরাও সে স্নেহের প্রতিদান দিতে ক্রটি করিত না, কিন্তু রেখার ভালবাসার

ভারতবর্ষ



অতুপ-অশা

শিলা—ঐশ্বক অশোককুমার সেন

Bharatvarsha Halftone & Printing, Works.





আকুল আবেদন তাদের অন্তরে পৌঁছাইত না। হুমুয়ার শিশু তারা, যখন কুল ছাড়িয়া যাইত তখন তাদের স্থায়ী স্নেহ-বন্ধনের আবেষ্টনের ভিতর তারা 'রৈখাদি'র জন্ত কোনও একটা বিশিষ্ট স্থান রাখিতে পারিত না। যখনই মেয়েরা নীরব নমস্কারে তার কাছে বিদায় লইয়া গিয়াছে, তখনই রেখার প্রাণ হাহাকার করিয়া উঠিয়াছে। কিন্তু তার মনের এই বিরাট শূন্যতা, তার স্নেহের এই নিশ্চয়ম ব্যর্থতার সে কোনও দিন এত অভিজুত হয় নাই, যেমন সে আজ হইল। এই স্মৃতির তা মেয়েটিকে রৈখা বড় বেশী ভালবাসিয়াছিল। সে যে চলিল তাহাতে তার ভয়ানক দুঃখ হইতেছিল। সে যে হাসিমুখে জীবনের চরম আনন্দ বরণ করিতে চলিয়াছে,

তাহাতে যেন রেখার অভিমানে আঘাত পড়িল,—কি জানি কেন, তার অন্তরে একটা বিশেষ ব্যথার সৃষ্টি করিল। সঙ্গে সঙ্গে Finance Departmentএর কথা তার মনের ভিতর তার পাঁচ বছরের পুরাতন ব্যর্থতা ও বেদনা জাগিয়া উঠিল। রেখা তাই আজ অনেকক্ষণ ধরিয়া কাঁদিল। কাঁদিয়া কাঁদিয়া সে এই সত্যটা আবিষ্কার করিল যে, তার হৃদয় আর এই অস্থায়ী স্নেহ-বন্ধনে তৃপ্তি লাভ করিতেছে না,—তার স্নেহের একটা স্থায়ী আশ্রয় চাই। তার হৃদয়ের দিবার সম্পদ এত আছে,—সারাজীবন ভরিয়া ছই হাতে তাহা কুড়াইয়া লইবে এমন একজন কেউ চাই।

[ ক্রমশঃ ]

## বিবিধ-প্রসঙ্গ

### মিশর

অধ্যাপক শ্রীতুপেন্দ্রনাথ দত্ত এম-এ, পিএইচ-ডি

মিশর প্রাচীন কাল হইতে ইয়োরোপীয়দের দ্বারা "ইজিপ্ত" নামে অভিহিত হইয়া আসিতেছে। কিন্তু প্রাচ্যে বাইবেলে উল্লিখিত হামের বংশধর মসুরেইসের নাম হইতে ইহার নামকরণ হইয়াছে। আমরাও এই বংশধর বংশধরী হইয়া ইজিপ্তকে বঙ্গভাষায় মিশর বলিয়া অভিহিত করিব।

মিশর প্রথমে স্বাধীন ছিল, তৎপর হিকসস (Hyksos) নামক একটি মাধ্যম জাতির দ্বারা বিজিত ও অধিকৃত হয়। হিকসসেরা পাঁচশত বৎসর রাজত্বের পর বিক্রোহী মিশরীদের দ্বারা তৎদেশ হইতে বিতাড়িত হয়; এবং পরবর্তী সময়ে পারস্ত সম্রাট কামবস (Cambyses) দ্বারা অধিকৃত হয়। পারস্তের পতনের সঙ্গে সঙ্গে মাকিডোনিয়ার যুরবর আলেক্সান্ডার ইহা বিজয় করেন ও তাহার সেনাপতি টলেমি (Ptolemy) এই স্থলে মাকিডোনিয় রাজ্য স্থাপন করেন। ইহার নিজেদের মধ্যেই বিবাহাদি করিত, মিশর তাহাদের উপনিবেশ মাত্র ছিল। ইহার পর ক্রিয়োপাট্রার সময় রোমানেরা এই দেশ বিজয় করে এবং তাহাদের নিকট হইতে শেষে আরবেরা ইহা বিজয় করিয়া উপনিবেশ স্থাপন করে। আরব-বিজয়ের ফলে মিশরের লোকের জীবনের আমূল পরিবর্তন সংঘটিত হয়—তাহারা সর্ববিধে আরবীভূত হয়। এই সকল কারণে বর্তমান কালের মুসলমান-মিশরীরা নিজেদের

আরব-বংশোদ্ভব বলিয়া পরিচয় দেয়। ইহার পর ককেশাস পর্বত-সন্নিকটবর্তী সিরকাসিয়া নামক স্থানের দাস যোদ্ধাদের দ্বারা এদেশ বিজিত ও শাসিত হয়। মিশরে এই সিরকাসিয়ানরা (Circassians) মামেলুক নামে অভিহিত হইত। ইহারও কালে ওসমানলি তুর্কদের দ্বারা বিজিত ও শেষে বিনষ্ট হয়। তুর্কি অভিজাতবর্গই আজ পর্যন্ত মিশর শাসন করিতেছে, যদিচ আরবী পাশার বিক্রোহের পর হইতে তুর্কি উপনিবেশিকেরা নিজেদের মিশরী বলিয়া পরিচয় দিতেছে এবং বর্তমান সময়ের জাতীয় ভাবের প্রাধান্তে সর্ববর্ণের লোকেরা নিজেদের 'মিশরী' বলিতেছে।

মিশরী জাতির ভাগ্যপটে এবশ্বকাবে ঘন ঘনও আমূল পরিবর্তনের ফলে ও সংমিশ্রণে নানা জাতীয় লোকের (racial elements) তৎদেশে উদ্ভব হইয়াছে। তৎসঙ্গে সে দেশের বর্তমানের অধিবাসীদের মধ্যে জীবাকৃতির (racial type) ঐক্য লক্ষিত হয় না। এই দেশে আরবী-ভাবী মুসলমানের মধ্যে উত্তর-ইয়োরোপীয় জাতির লক্ষণাক্রান্ত পুরুষ ও নিগ্রোর লক্ষণাক্রান্ত পুরুষ উভয়ই প্রাপ্ত হওয়া যায়। কাহারও মতে (১) বর্তমান মিশরীদের মধ্যে

অর্ধেক রক্ত আরবজাতি হইতে আগত। আবার অনেকের মতে মিশরীদের নিয়ন্তরে ও গ্রামে প্রাচীন মিশরীয় জাতির অস্তিত্ব লক্ষ্য করা যায়। বিজ্ঞানীরা রক্ত সহরের লোকের মধ্যে প্রাপ্ত হওয়া যায়। কোন মিশরী পণ্ডিতের মুখে শ্রবণ করিয়াছি যে, তিনি অনুমান করেন যে, মিশরীদের মধ্যে শতকরা ৬০ অংশ প্রাচীন জাতির রক্তোত্ত্ব, কিন্তু কোন মিশরীই এ কথা স্বীকার করিবে না; তাহারা সকলেই আরব বলিয়া নিজেদের পরিচয় দিবে! এ বিষয়ে তাহাদের মনস্তত্ত্ব আমাদের দেশের মুসলমানদের জ্ঞান! মিশরীদের বাহ্যিক লক্ষণাদি নিরীক্ষণ করিলে অনুমান করা যায় যে, বেশীর ভাগ লোক প্রাচীন হামিতদের বংশধর। তাহাদের মুখের ও মস্তকের গঠন, নিগ্রোর মত কৌকড়া চুল, মলিন শ্বেতবর্ণ হইতে ক্রামবর্ণ পাত্তের রং, প্রভৃতির প্রাচীন ক্যারোর সময়ের প্রস্তরের স্থপতি-কাষ্যে খোদিত তৎদেশীয়দের প্রাতিমূর্ত্তির সহিত মিল দেখা যায়। এই জন্তই অনেকেই বলেন যে, অজস্র বিপ্লব সত্ত্বেও উক্ত দেশের জল বায়ুর মধ্যে থাকিয়াও মিশরের প্রাচীন অধিবাসীরা আজ পর্যন্ত নিজেদের অস্তিত্ব রক্ষা করিয়া আসিতেছে। বর্তমানের ফেলাহিন-গণ ( কৃষক ) প্রাচীন ক্যারোর যুগের কৃষকেরই বংশধর। (২)

আর যে সব আরব মিশরে বসবাস করিতেছে, তাহারা যাবাবর অবস্থায় আজ পর্যন্ত মরুভূমিতে বাস করিতেছে। তাহাদের আকৃতিই আরব রক্তের পরিচয় প্রদান করে। তৎপর বাকী থাকে কোপ্তরা ( copts )। ইহারা মুসলমান বিজয়ের পূর্বের দুইটি মিশরীদের অবশিষ্ট অংশ। ইহাদের উৎপত্তির বিষয়ে মতভেদ আছে। কেহ কেহ ইহাদের প্রাচীন মিশরীদের বংশধর বলিতে চাহেন, কেহ বা নির্মিত জাতি বলেন। ইহাদের মধ্যে কেহ কেহ বাহ্যিক আকৃতিতে দক্ষিণ ইয়োরাপীয়দের জ্ঞান।

একদম প্রমাণ হইতেছে, এখানকার প্রাচীন অধিবাসীদের শারীরিক লক্ষণ কি প্রকারের ছিল। পূর্বে উল্লিখিত হইয়াছে, মিশরের অধিবাসীদের বৃহৎ হামিত জাতির অন্তর্গত বলিয়া পণ্ডিতেরা গণ্য করেন। প্রাচীন মিশরের জনশ্রুতি অনুসারে তাহারা পুস্ত ( Put ) নামক স্থান হইতে আগত। মিশরীয় প্রত্নতত্ত্ববিদেরা বলেন, পুস্ত মিশরের দক্ষিণে কোনস্থানে অবস্থিত ছিল—হয় সোমালী দেশে, না হয় দক্ষিণ আরব দেশে, না হয় উত্তর দেশে ব্যাপিয়া একটি দেশে। সেইস ( Sayce ) (৩) বলেন, মিশরীরা পুস্তের লোক। ইহারা আরব হইতে আফ্রিকার আগত হয়। তিনি সেমিত ও হামিতদের এক বংশোদ্ভব বলিয়া স্বীকার করেন। কিন্তু ব্রুগ্‌স ( Brugsch ) (৪) হারিস তালপত্র ( Harris papyrus ) পড়িয়া হির সিদ্ধান্ত উপনীত হইয়াছেন যে, পুস্তদেশ আফ্রিকার; বোধ হয় মিয়সহরমস ( Myosormos karnak ) হইতে আরম্ভ করিয়া

উত্তর হইতে দক্ষিণ পর্যন্ত পার্শ্বতা পল্লব-সকল তীরভূমি। এই সিদ্ধান্ত কারণের মন্দিরে প্রাপ্ত ভৌগোলিক তালিকা দৃষ্টে দৃঢ়ীভূত হইয়াছে। ইহাতেই পুস্ত যে আফ্রিকার, তাহা স্থিরীকৃত হইয়াছে। নাবিল ( Naville ), (৫) ডেইর-এল-বাহারির আধুনিক জুর্গ হইতে খনিত পুস্তের প্রাচীরের ভগ্নাবশেষ দ্রব্য-সমূহের বিষয় বিচার করিবার কালে কহিয়াছেন “এইসব ভগ্নাবশেষগুলি ক্ষুদ্র হইলেও ইহার দ্বারা পুস্তদেশের স্বরূপ নির্ধারিত হয়। পুস্তের আফ্রিকান লক্ষণ প্রতিনিয়ত স্পষ্টরূপে স্থিরীকৃত হইতেছে। আবার মুলার (৬) পুস্তের অধিবাসীদের লক্ষণ বিষয়ে সঠিক সংবাদ দেন। সারসি বলেন ইহা দ্বারা তাহাদের বর্তমানের সোমালীলাও-কুলবন্তী অধিবাসীদের সহিত সম্পর্ক স্থাপিত হয়। তিনি পুস্ত অধিবাসীদের তথাকথিত ককেসীয় জাতির আফ্রিকান শাখার অন্তর্গত বলেন। আর ইহারা মিশরের সহিত এক বংশোদ্ভব। ডেইর-এল-বাহারি প্রস্তরের খোদিত পুস্তের রাজার আকৃতি মিশরী রাজাদের জ্ঞান লম্বা ছুঁচোলা ( long pointed ) দাড়ী, হস্তে বুয়েরাং ( কেপনাঙ্গ ), ও দক্ষিণ পদে অনেকগুলি মল ( ring )-পরা আকৃতিবিশিষ্ট এতদ্ব্যতীত তাহার মুখের গঠনে হামিতের লক্ষণ প্রকাশিত। অল্প দিকে, নৃতত্ত্ববিদেরা বলেন, আফ্রিকার এই স্থলের অধিবাসীরা—সোমালী হাবসি প্রভৃতি) হামিত জাতির অন্তর্গত। এই জন্তই অনুমান হয় যে প্রাচীন মিশরীরা হামিত মূলজাতি ( race ) সম্পর্কীয় ছিল।

কিন্তু বর্তমান সময়ে যে সব ঐক্য-সত্য আবিষ্কৃত হইয়াছে, তাহারা পুরাতন সংস্কারগুলি পরিবর্তিত হইয়াছে। একদম দেখা গিয়াছে যে, পুস্ত দেশ নিববের জনশ্রুতি অতি পুরাতন হইলে,—মিশর দেশও প্রাচীন প্রস্তর যুগ, নূতন প্রস্তর যুগ প্রভৃতি সম্ভাব্য স্তরের মধ্যে দিয়া অস্তিত্ব হইয়াছে। এই নব আবিষ্কারীদের নাম ফিন্ডার্স পেট্রি ( Finders Petrie ), টনি ইংবেক; আর ডি, মরগান ( D. Morgan ); ইনি ফরাসী। ইহারা উক্ত মিত্তদের আবিষ্কার উপর প্রত্যক্ষভাবে মত প্রকাশ করিয়া এই সিদ্ধান্ত উপনীত হইয়াছেন যে, মিশরে দুইটা মূলজাতি বসবাস করিয়াছে। ইহারা মধ্যে একটি আফ্রিকার আদিম অংশটি এসিয়া হইতে আগত। এই শ্বেতবর্ণের ক্যারোদের সত্যতার বাহক-স্বরূপ ছিল। ইহারা প্রথমোক্ত আদিম ও অন্ত্য জাতিকে জয় করিয়াছিল। আবিয়ডস ( Abydos ) নাকাডা ( Naqada ) ও বালাসের ( Ballas ) আবিষ্কারসমূহ এই অস্তিত্বকে আরও দৃঢ়ীভূত করিয়াছে। নাকাডাতে ইংরেজ আবিষ্কার একটি বৃহৎ সমাধি-স্থল বাহির করিয়াছেন। তাহার অস্তিত্বের দ্রব্যাদি দর্শনে অনুমিত হয় যে তাহা ক্যারো-সত্যতা হইতে পৃথক। এই সমাধিটি নবপ্রস্তর-যুগের সত্যতার অন্তর্গত। ইহাতে কতকগুলি

৩। Deniker—The Races of man, পৃ ৪৩৫।

৪। Sayce—Races of the old Testament, ch. v, 1891.

৫। Brugsch—Die Altägyptische volkertafeln—fifth congress of orientologists, 1880.

৬। Griffith—Egypt Exploration Fund, Archaeological Report, 1895. ৭। Miller Asien und Europa nach Altägyptischen Deukmadern. 1892.

পিতৃদের দ্রব্য ছিল। কবরগুলি ঐ যুগের ইয়োরোপীয় কবরের দ্যায় অর্থাৎ শবদের হাঁটুগেড়ে বসান ছিল। পেট্রি অনুমান করেন, যে জাতি এই বৃহৎ সমাধিগুলি আধারা গিয়াছে, তাহারা একটি নতুন জাতি। এই জন্ত ইনি এই জাতিকে "নবজাতি" (New race) বলিয়া নামকরণ করিয়াছেন। তাহার মতে এই জাতি খৃষ্টপূর্ব ৩৩০০—৩৫০০ বৎসর সময়ে অর্থাৎ প্রাচীন ও মধ্যযুগের মিশরের সাম্রাজ্যের সময়ের মধ্যে আসিয়া মিশর-বিজয়ান্তর হয় তখ'কার অধিবাসীদের বিনষ্ট করিয়া না হয় দুরীভূত করিয়া থেবাইড (Thebaid) অধিকার করিয়াছিল। তিনি, দক্ষিণ মিশরে (Upper Egypt) এই যুগে মিশরীয় দ্রব্যের উপস্থিতির অভাবে অনুমান করেন যে, এই "নব-জাতির" রাজত্ব ষতিন শতাব্দী পর্যন্ত ছিল। এই নবজাতি দৈবিক মূলজাতীয় ছিল বলিয়া নির্দ্বারিত হইয়াছে। পেট্রি ইহাদের কেরোটিক (Skull) পরীক্ষা করিয়া এই সিদ্ধান্তে উপনীত হইয়াছেন। এই নব-জাতির কেরোটিকে ফেদার্ব দ্বারা পরীক্ষিত রকনিয়ার (Rokniar) skullএর সহিত তুলনা করা হইয়াছিল; এবং ফলস্বরূপ দৃষ্ট হয় যে, প্রথমোক্তগুলি সকল মিশরী skull হইতে capacityতে (ভিতর-কার পরিমাণে) ও নাকের index হইতে বিভিন্ন এবং অল্পপক্ষে আলজিরিয়ার বর্তমান skull সমূহ রকনিয়ার প্রাচীন খুলির সদৃশ; অতএব তাহারা লিবীয় (Libyan) জাতীয় বলিয়া গণ্য হইতে পারে। ডি মরগান (১) কিস্ত্র নাকাডার আবিষ্কারের আলোচনা করিয়া পেট্রি হইতে বিভিন্ন মতে উপনীত হইয়াছেন। তিনি বলেন "নব জাতিকে" "পুরাতন জাতি" (Old race) বলা উচিত। কারণ ইহারাই মিশরের আদিম অধিবাসী এবং যথার্থ মিশরীদের (ফ্যারোর জাতির) আগমনের পূর্বের জাতি। অল্পপক্ষে ভিডেমান (৮) (Wielemann) বলেন যে নাকাডা যুগের ক্রিসাকাও ও ধর্মবিশ্বাস পরবর্তী মিশরীদের মধ্যে প্রচলিত ছিল; সেই জন্ত তিনি নাকাডার জাতি (পেট্রির 'নবজাতি' ও মরগানের 'পুরাতন জাতি') ঐতিহাসিক মিশরীয় জাতি হইতে বিভিন্ন—এই মত গ্রহণ করিতে পারেন না। সারগি, (২) কবরের প্রমাণ, লিখন-প্রণালী প্রভৃতি পরীক্ষা করিয়া বলেন, এই সকল অনুষ্ঠান, যাহা আমরা তখাকথিত আদিম অধিবাসীদের মধ্যে দর্শন করি, তাহা ঐতিহাসিক মিশরীয় সভ্যতার প্রারম্ভ—ইহা এই আদিম অধিবাসীরা ( যাহারা লিবীয় জাতি ) ক্রমশঃ অভিব্যক্ত করে ও নিজদের উৎপত্তির চিহ্ন পশ্চাতে অতিক্রমে রাখিয়া যায়। অর্থাৎ এই আদিম অধিবাসীরাই পরে ঐতিহাসিক জাতি রূপে অভিব্যক্ত হয়। তৎপর তিনি বলেন যে, মিশরীয় ভাষাও আফ্রিকা হইতে উৎপত্তির পরিচায়ক। ম্যাসপেরো (Maspero) সেইসু প্রভৃতি মিশরীয় ভাষাকে (সেমিতিক) ভাষা-সম্পর্কীয় বলেন; কারণ তাহাদের মতে সেমিতিক ও হামিতিক

ভাষাধর একমূল-সম্মত। সেইসু প্রভৃতি যাহারা প্রাচীন মিশরীয়দের আরবাগত বলেন, তাহারা কিস্ত্র আরবে হামিতভাষার কোন চিহ্ন আবিষ্কার করিতে অক্ষম। অল্পদিকে আফ্রিকার সাহারা হইতে মরোক্কো পর্যন্ত হামিত ভাষার একটি বিশাল শৃঙ্খল বর্তমান রহিয়াছে। এই জন্তই সারগি বলেন, আফ্রিকা ছাড়িয়া আরবে কি প্রকারে হামিতদের উৎপত্তি সম্ভব?

নাকাডা skull সমূহ, যাহা পেট্রি ইয়োরোপে আনয়ন করিয়াছিলেন, তাহা টমসন ও থেন (Thomson and Thane) দ্বারা পরীক্ষিত হয়; ফলস্বরূপ তাহারা বলেন, "এই খুলীসকল ছোট অথচ লম্বাকার, নাক ছোট ও বেকান। এই skull সমূহে গোল্যান্ড জাতির সহিত সাদৃশ্য নাই, কিন্তু আলজিরিয়ারদের সহিত মেলে। ইহা লিবীয়জাতি মূলক, মিশরী নহে।" (১০)

অল্প পক্ষে ডি, মরগান দ্বারা এল-আমরা হইতে আনীত Skull সকল ফুকে (Fouquet) (১১) দ্বারা পরীক্ষিত হয়। এই এগারটি খুলির মধ্যে দশটি লম্বাকৃতি ও একটি মধ্যমাকৃতি (৭৫, ৫৫ Index)। এই শেষোক্তটিকে তিনি "মিশরীয়" বলেন, আর বাকীগুলিকে এসিয়াগত বলেন। সারাইনফুর্থ (১২) (Schweinfurth) বিশ্বাস করেন যে, মরগান ও পেট্রি আবিষ্কৃত Skulls মধ্যে মূল জাতীয় প্রভেদ রহিয়াছে। এই জন্ত তিনি হামিতদের আরব হইতে আমদানী করিতে চাহেন; আর অল্প জাতিটিকে মুহা মিশরীয় সভ্যতা ও লিখন-প্রণালী সমেত মেসোপোটামিয়া উপত্যকা হইতে আনয়ন করিতে চাহেন।

সারগি কিস্ত্র বলেন ফুকের পরীক্ষা দৃষ্টি করিয়া ইহার সহিত ফ্যারোর যুগের মিশরীয় Skull সমূহের সহিত আশ্চর্য্য হন, এবং সেই সঙ্গে ইহাদের অল্প ভূমধ্যসাগরীয় জাতিসমূহের সহিত সাদৃশ্য রহিয়াছে দেখিয়া তিনি আশ্চর্য্যবোধ করেন। এক কথায় তিনি যাহাকে Euratican species নাম দিয়াছেন, ইহারা তাহারই অন্তর্গত। তৎপর তিনি (১৩) বলেন, average cephalic Indexএর (মাথার Indexএর গড়পড়তার) বিভিন্নতা দেখিয়া দুইটা জাতি সৃষ্টি করা ভুল গণনা। তিনি মাথার গানের উপর বেশী জোর দেন। কারণ, তাহার মতে একপ্রকারের মাথার গান মাপেতে ও Indexএ বিভিন্ন হইতে পারে।

পেট্রি আনীত skullগুলির মাথার indices ৬৫—৮০ পর্যন্ত, বেশীর ভাগ ৭০—৭৫ সংখ্যার পড়ে। মাথার Capacity ১১০০ c-c—১৫০০ c-c পর্যন্ত; নাকের index ৫৩.৭। ইহার দ্বারা ইহার

১০। Naqada and Ballas পৃ: ৫১—৫০।

১১। ডি, মরগান দ্রষ্টব্য।

১২। Über den Ursprung der Aegypter" Ver. Berlin S. F. Anth 19 June, 189 Fi.

১৩। The Mediterranean Race, পৃ: ১০৪।

১। De-Morgan—Recherches sur les origines de l'Egypt (পৃ: ১৩) ৮। ডি, মরগান দ্রষ্টব্য। ৯। The Mediterranean Race, পৃ ১০০।

dolichoid (dolichocephaland mesocephal)—mesorrhive অর্থাৎ লম্বাকৃত মাথা মধ্যমাকৃত নাক লক্ষণাক্রান্ত বলিয়া গণ্য হইবে। পূর্বে একে বলিয়াছি যে হামিতদের মধ্যে এই জাতীয় উপাদান প্রাপ্ত হওয়া যায়। ভূমধ্যসাগরীয় জাতিসমূহ মধ্যে অনেকেই এই লক্ষণাক্রান্ত। সারগি নিজে যে সব মিশরীয় skulls মাপ করিয়াছেন তাহাদের Cranial capacity গড়ে ১,৪৪৫-c-c ; ডি. ব্লাসিও ( De Blasio ) (১৪) আরও অনেক Skulls মাপিয়াছেন। তিনি average দিতেছেন, ১,৩১৫-৫ যাহা পেট্রির “নবজাতির” সহিত মিলে। আর কুকের skullগুলিকে সারগি, ellipsoid, pentagonoid, ovoid লক্ষণাক্রান্ত বলিয়াছেন। পেট্রির skullএতেও তিনি এই লক্ষণ নিরীক্ষণ করেন।

এই সব পরীক্ষা করিয়া সারগি বলেন, অতীত কালের করোটী সমূহের ( Skulls ) সহিত ঐতিহাসিক কালের করোটীর তুলনা করিয়া উভয়েই এক গঠন-সাদৃশ্য ব্যক্ত করে, এই জন্ত ইহাদের এক মূল জাতীয় বলিয়া গণ্য করতে হইবে ; আর ডেইর-এল-বাহারির রাজকীয় মমিসমূহ ( mummies ) পরীক্ষা করিয়া দেখিয়াছেন যে তাহারাও ellipsoidal, pentagonal, ও beloid গঠন ব্যক্ত করে। এই সব কারণে তাঁহার বিশ্বাস যে আদিম অধিবাসীদের সহিত ঐতিহাসিক মিশরীয়দের মূল-জাতিগত প্রভেদ নাই। উভয়েই ভূমধ্যসাগরীয় জাতি ও আফ্রিকার উদ্ভূত। (১৫)

আবার ইংরেজ পণ্ডিত C. D. Fawcett (১৬) নাকাদা করোটীর biometric পরীক্ষা করিয়া বলেন যে “ঐতিহাসিক যুগের অতীত কালের মিশরীয়দের প্রতিনিধিস্বরূপ নাকাদা করোটী পরীক্ষা করিয়া তাহাদের এক প্রকারের ( homogeneous ) বলিয়া প্রতীত হয়। কোন কোন লক্ষণে এই করোটীসমূহ অল্প হইতে প্রাচীন বা নিম্নশ্রেণীর ( primitive or inferior ), অল্প বিবরে তাহারা আধুনিক। কতক লক্ষণে তাহারা নিগ্রোদের সদৃশ, আর কতক লক্ষণে তাহারা ইয়োয়োরোপীয়দের সদৃশ। বেক্টর ভাগ নাকাদা, দিবান ও বহু কণ্টদের মাথার গঠনের সৌসাদৃশ্য দেখিয়া মনে হয় কেহ যেন সেই একটা জাতিকেই ৮০০০ বৎসরের ব্যবধানের পর পরীক্ষা করিতেছে। আবার Oetteking (১৭) পুরাতন মিশরীয়দের মাথার index ৭৩.৭ দিতেছেন। আর বর্তমান মিশরীয়দের শারীরিক নৃ-তত্ত্ব হিসাবে ইহা নিরূপিত হইয়াছে যে খারগা ( Kharga ) Oasis (১৮) এর লোকদের মস্তক লম্বাকৃতি ও নাক মধ্যমাকৃতি ; মাথার index ৭৪.৪ ও নাকের index ৭৬.৬ ( ৭৭.০ ), শরীরের দৈর্ঘ্য

১৬৩.৮ ( ১৬৪.০ ) সেন্টিমিটার। হার্ডলিকা ( Hrdlicka ) ইহাদের মাপিয়াছেন। আর এমিল স্মিডট (১৯) ( Emil Schmidt ) বর্তমান মিশরীয়দের মাথার index ৭৬.৬ ( ৭৭.০ ) দিতেছেন। আবার গুটীর মিশরীয়দের ( যাহাদের কণ্ট বলে dechantre ) তাহাদের (২০) মাথার index ৭৬.৬ দিতেছেন।

এই বিভিন্ন লোক দ্বারা গৃহীত প্রাচীন, ঐতিহাসিক ও বর্তমান মিশরীয়দের শারীরিক মাপ পর্যবেক্ষণ করিয়া ইহাই অস্বীকার হয় যে, মিশরের অতীতের ও বর্তমানের অধিবাসীরা এক মূল জাতি সমুদ্ভূত। মাথার মাপের indexএর ব্যতিক্রম পৃথক্য বাহা উপরে ধৃত হইয়াছে তাহা বিভিন্নতার সীমার মধ্যেই ( range of variation ) পড়া সম্ভব।

### উত্তর-পূর্ব আফ্রিকা

মিশরের নিম্নে নিউবিয়া আবিসিনিয়া, শোমালিলাও প্রভৃতি দেশসমূহ রহিয়াছে। এই ভূখণ্ডকে হাবসিদের দেশ বলিয়া অভিহিত করা হয়। পূর্বে যে সব আফ্রিকার কৃককার ক্রীতদাসসমূহ ভাবতে আনীত হইত, তাহারা এই সব স্থলের অধিবাসী ছিল। ভারতবর্ষে তাহাদের হাবসী ও সিদ্দি বলা হয়। তাহারা নিগ্রো নয়। “হাবেসি” শব্দ আরবী ভাষা-সমুদ্ভূত, অর্থ—মিশ্রিত। পশ্চিম এশিয়াতে অর্থাৎ মুসলমান দেশসমূহে আফ্রিকার কৃককার দাসেরা হাবেসি বলিয়া অভিহিত হয়। প্রাচীন কালে নিউবিয়া বা শূবা এবং বর্তমানের আবিসিনিয়াকে এথিওপিয়া ( Ethiopia ) বলিত। ইহার অর্থ কৃককারের দেশ। হোমার তাঁহার “ইলিয়াডে ও গ্রীক ঐতিহাসিক হেরোডোটাস তাঁহার পুস্তকে কৃককার এথিওপিয়ানদের উল্লেখ করিয়াছেন। হেরোডোটাস এথিওপিয়ান জাতির যে লক্ষণ বর্ণনা করিয়া গিয়াছেন, তাহাদের বর্তমান বংশধরদের প্রতিও তাঁহা প্রযুক্ত হয়। তাঁহার বর্ণনার প্রাপ্ত হওয়া যায় যে এথিওপিয়েরা কৃককার, মাথার চুল কৌকড়া, ঘোঁড়া ও মাংসপ্রিয়। বর্তমানেও এ স্থলের অধিবাসীদের স্বরূপ তৎপ্রকার।

এই স্থলের উত্তরভাগে বেজারা ( Bejas ) বা নিউবিয়ানেরা বাস করে। ইহাদের বিভিন্ন কৌমেরা ( tribes ), যথা বেজারা বিসহারিন, হামরান, হাডেনদোয়া, হালেলা প্রভৃতি একটির পর একটি করিয়া লোহিত সমুদ্র ও নীলনদীর মধ্যস্থানে প্রথম জলপ্রপাত হইতে আবিসিনিয় উচ্চভূমি পর্যন্ত ভূখণ্ডে বাস করে।

কতকগুলি বেজা কৌমেরা যথা : আবাবদেরা ( জনসংখ্যার প্রায় বিশ হাজার ) যাহারা দক্ষিণ মিশরে বাস করে, বেণি-আমেররা যাহারা পূর্বে কতকটা স্থায়ীভাবে বাস করে ও পশ্চিমের জালিনেরা অনেকাংশে আরবী ভাবাপন্ন হইয়াছে, বসিচ এখনও হামিতিক ভাষা ব্যবহার করে। আবার ইহাদেরই পার্শ্বে সেমিটিক ভাবাপন্ন আরবী-ভাষী এথিওপিয়

- ১৪। Lavarieta umanenell Egitto Aulico 1893.  
 ১৫। “The mediterranean Race.”  
 ১৬। C. D. Fawcett in Biometrika vol 1 Oct 1901 to Aug 1902 “Variation and correlation of the Human skulls” পৃঃ ৪০৪—৪০৫।  
 ১৭। Martin—Lehrbuch der Anthropologieতে উদ্ধৃত।  
 ১৮। Martinএ উদ্ধৃত।

- ১৯। ঐ।  
 ২০। Deniker এ উদ্ধৃত।

কৌমেরা বাস করিতেছে, যথা হাবারেরা ও হাসানিয়েরা, যাহারা বাস্তুদের উচ্চভূমিতে বসবাস করে ও আবুরক্ ও হুজিরেরা বুনীলের দক্ষিণে বাস করিতেছে। (২১)

ইহার পরে আসে আবিসিনিয়া। ইহা বিভিন্ন ভাবাবলম্বী ঐতিহাসিক কৌমের সম্ভার সম্বন্ধে স্থাপিত একটি প্রিটীয় স্টেট। আরবেরা এই বিভিন্ন প্রিটীয় জাতিসমূহের রাজনীতিক সম্বন্ধে সংযুক্ত স্টেটকে যুগ্ম সহিত "হাবেসি" (মিশ্রিত) বলিয়া অভিহিত করিত। "হাবেসি" শব্দের ল্যাটিন-রূপান্তরে এই দেশের বর্তমান নাম হইয়াছে। খৃষ্টীয় ষষ্ঠ জগতে এই স্থলের ধর্মশাস্ত্রীকে "এথিওপিয়ান চার্চ" বলা হয়। আবিসিনিয়ার মধ্যে আমহারিংগা ভাষা (আমহার ও গডজামে যাহা প্রাচীন আমহারিংগা ভাষা হইতে উদ্ভূত তাহা) জুমাই হ্রদের পশ্চিমে ও সোয়ার দক্ষিণে এবং হাওয়্যাসের উৎপত্তি স্থলের মধ্যবর্তী স্থানে কথিত হয়। ডেনিকার বলেন আবিসিনিয়ার অধিবাসীদের নিম্নস্তর আগাও (Agaw) জাতি (যাহারা এথিওপিয় লক্ষণাক্রান্ত ও হামিটিক ভাষী তাহাদের) দ্বারা পুষ্ট হইয়াছে; কিন্তু উচ্চশ্রেণী সমূহ বিশেষভাবে সেমিটিক ভাবাপন্ন। (২২)

আবিসিনিয়ার দক্ষিণে গাল্লা বা ওরোমাজাতি বাস করে। ইহাদের ডেনিকার খাটি এথিওপিয় জাতি বলেন। ইহাদের পূর্বে সোমালিজাতি বাস করে। তাহারা সমুদ্রতীরবর্তী স্থান যথা জিবুটি অস্তরীপ হইতে আজ-ফিদ্ধার সমতলভূমি পর্যন্ত স্থলে বসবাস করে। গাল্লাদের উত্তরে আবিসিনিয়া ও সমুদ্রতীরের মধ্যে (জিবুটি অস্তরীপ হইতে হানফিলা উপসাগর পর্যন্ত) আফার বা ডানাকিল জাতি বাস করে। ইহারা বেশীর ভাগ ওয়ক-তাজুরা নামক ফরাসী উপনিবেশের অধিবাসী। শারীরিক লক্ষণে ইহারা সোমালীদের স্তায়, কিন্তু কমবেশী আরবী স্তম্ভাপন্ন। ডানাকিল জাতির উত্তরে সাহোজাতি বাস করে। ইহাদের নাকি আগাও জাতির সীহিত সাদৃশ্য আছে। ইহারা মাসোয়া নামক স্থানের দক্ষিণে থাকে, আর উত্তরে বিভিন্ন এথিওপিয় কৌমেরা (যাহাদের সমষ্টিভাবে মাসোয়ান (Massowans) বলা হয় তাহারা) বাস করে। (২৩)

এই স্থলে বক্তব্য যে ডেনিকার যাহাদের এথিওপিয়ান জাতির অন্তর্গত বলিয়াছেন, তাহারা আজকালকার নৃতত্ত্ববিদদের বিভাগানুসারে হামিটিক মূলজীবজাতির অন্তর্গত, এ কথা প্রথমেই উল্লিখিত হইয়াছে। ইহাদের কেহ কেহ আরবী ভাষা-ভাষী ও আরবী-ভাবাপন্ন হইলেও জাতি হিসাবে হামিটিক।

২০. Hartmann—"Die Bedjah" Zeitschrift. f. Ethnologie vol. xi, 1849, P 11 and Virehow Z. F. vo x. 18 and 8 vol x. 18 and 8; Denikar—Bull soc, Antho Paris 1880 p 594. ২১। Deriker—The Races of Man পৃ ৪৩৬।

২২। Revil, La vallee du Darrar, Paris 1882; Sanlethi—Bull Soc Anth Paris 1893 p 4 and 9

শারীরিক লক্ষণে এথিওপিয় বা উত্তরপূর্বের হামিটেরা দীর্ঘাক্র। ২০ জন আবিসিনিয়েরা মাপেতে ১,৬৬৯ মিলিমিটার, ৩৫ ডিনাকিলেরা ১,৬৭০ মি, মি লম্বা। গাত্রবর্ণে Brown বা চকোলেট রংয়ের উপর রক্তমাভা লক্ষণাক্রান্ত। মাথার গঠন dechantre গৃহীত মাপানুসারে লম্বা indices হইতেছে ৭৫.৭ (=৭৬.০) হইতে ৭৪.১ পর্যন্ত। ইহাদের চুল নিগ্রো চুলের স্তায় কৌকড়া, লম্বা মুখাকৃতি, নাক সরু, এবং কাহারও বা সিধা ও কাহারও বেকান (Convex)। ইহাদের শরীরের গঠন পাতলা; পায়ের ও হাতের কবজি শক্ত; লম্বা ও স্নায়ু বিশিষ্ট হস্তপদ (বিশেষতঃ হস্তের অগ্রভাগ) চওড়া কাঁধ ও শরীরের সমভাগটা প্রাচীন মিশরী প্রতিমূর্তির মতন ত্রিকোণ ভাগে গঠিত। শারীরিক গঠন হিসাবে ইহারা স্কন্দর জাতি।

এই ভূখণ্ডের জাতি সমূহের শারীরিক মাপের তালিকা নিম্নে প্রদত্ত হইল। ডেনিকার নিম্নলিখিত তালিকা দিতেছেন—শরীরের দৈর্ঘ্য হিসাবে ২৫ বেঙ্গা ১,৭০৪ মিলিমিটার উচ্চ; ৫৬ সোমালি ১,৭১৭ মি, মি। মাথার মাপের index এ ৩৫ ডানাকিল ৭৪.৬। সোমালি পুরুষদের স্কন্ধের দৈর্ঘ্য ২০.০ সেন্টিমিটার (মার্টিনে স্তম্ভব্য)। টাকার, মাইয়ার ও সেলিগমান নিউবিয়ানদের শরীরের দৈর্ঘ্য পুরুষদের স্তম্ভ ১৭৩.৫ ও স্ত্রীলোকের ১৫৭.২ সেন্টিমিটার দিতেছেন। হস্তের দৈর্ঘ্য হিসাবে আমহার পুরুষ আবিসিনিয়েরা ৪৪.৫ সেন্টিমিটার ও সোমালিয়া ৫৫.০ (মার্টিন স্তম্ভব্য) ইহাতে আমরা দেখিতে পাই যে এই স্থলের কতিপয় জাতি যথা বেঙ্গা, সোমালি, নিউবিয়ানেরা শারীরিক দৈর্ঘ্যে অত্যন্ত লম্বা পুরুষ; ও মাথার গঠনে তাহারা লম্বাকৃতি।

## রাষ্ট্রীয় শাসন-পদ্ধতি

শ্রীনৃত্যগোপাল রুদ্র এম-এ

ইংলণ্ডীয় শাসন-পদ্ধতি

(৩)

দেখা যাইতেছে, ইংলণ্ডীয় শাসন-পদ্ধতির মূলস্তম্ভ-স্বরূপ কতিপয় প্রধান প্রধান দলিল টুরার্ট-বংশীয় নৃপতিগণের আমলে সম্পাদিত হইয়াছিল। টিউডর-বংশীয় ও টুরার্ট-বংশীয় রাজগণের আমলেই পাল্লামেন্টের বিশেষ পরিবর্তন সংঘটিত হয়। বিশেষতঃ এই সময়েই হাউস অফ লর্ডস্ ও হাউস অফ কমন্স্ পাল্লামেন্টের এই দুই বিভাগ ক্রমে ক্রমে বর্তমান আকার ধারণ করিয়াছে। প্রথমতঃ রাজক সম্প্রদায়ের ও ভূম্যধিকারী সম্প্রদায়ের অন্তর্ভুক্ত যে সমুদায় লর্ড রাজ-আহ্বান প্রাপ্ত হইতেন, তাহারা হাউস অফ লর্ডস্ বিভাগে যোগ দান করিতেন। যে সকল লর্ডকে আহ্বান করা নৃপতি সত্ত্ব মনে করিতেন, তাহারা হাউস অফ লর্ডস্ বিভাগে যোগ দান করিতেন। অতঃপর ক্রমে ক্রমে এইরূপ ঘটিতে লাগিল, যে লর্ড

একবার পার্লামেন্টে আহূত হইতেন, তিনি চিরকালই রাজ-আহ্বান প্রাপ্ত হইতেন ; এবং তাঁহার মৃত্যুর পর তাঁহার জ্যেষ্ঠ পুত্র তাঁহার স্থলে আহূত হইতেন । যাজক সম্প্রদায়স্থ বিশিষ্ট ব্যক্তিগণ অর্থাৎ আর্চ-বিশপ-বিশপ ও এবটগণ আহূত হইতেন । ক্রমে ক্রমে ভূম্যধিকারি সম্প্রদায়স্থ লর্ডগণের ক্ষমতা বৃদ্ধি পাইতে থাকে । টিউডর আমলের আরম্ভে হাউস অফ্ কমনস্ বিভাগে প্রায় তিনশত সভ্য ছিলেন । ক্রমে ক্রমে সভ্যসংখ্যা বৃদ্ধি করা হইতে থাকে । সভ্যসংখ্যা বৃদ্ধি করার জন্য ইংলণ্ডের সহিত ওয়েলস্ প্রদেশ যোগ করা হয় ।

যাহা হউক, এই সময়ে পার্লামেন্টের যথেষ্ট উন্নতি সংঘটিত হইলেও পার্লামেন্টের উপর টিউডর ও ষ্টুয়ার্ট-বংশীয় রাজগণের প্রকৃত ক্ষমতা ছিল । নৃপতিগণ আবশ্যকস্থলে পার্লামেন্টকে বাদ দিয়া প্রিভি কাউন্সিলের নামমাত্র অনুমতি লইয়া Proclamation বা ঘোষণাপত্র সমূহ জারি করিতেন, এবং সেই সকল ঘোষণাপত্র আইনের তুল্য বলিয়া বিবেচিত হইত । কখন কখন আইন রচনা করিবার ক্ষমতাও তাঁহারা দাবি করিতেন । এই সময়ের শাসনকার্য পরিচালনের একটি বিশেষত্ব আছে ; টিউডর ও ষ্টুয়ার্ট আমলে কাউন্সিলের দ্বারা শাসনকার্য নিৰ্বাহিত হইতে থাকে । এই সকল কাউন্সিলের মধ্যে প্রিভি কাউন্সিল সর্ব-প্রধান ; পার্লামেন্ট, কাউন্সিলে বিয়ট জনসম্মত থাকায় নৃপতি কতিপয় ভাষ্যকে বাছিয়া লইতেন । পার্লামেন্টের সভ্যগণই প্রিভি কাউন্সিলের সভ্য হইতেন বটে, কিন্তু পার্লামেন্টের নিকট তাঁহাদের কোন দায়িত্ব থাকিত না । প্রথমতঃ এই কাউন্সিল হইতে নৃপতি উপদেশ গ্রহণ করিতেন ; কিন্তু প্রথম দুইজন ষ্টুয়ার্ট নৃপতির আমল হইতে এই কাউন্সিল সমুদায় শাসনকার্যই পর্ষ্যবেক্ষণ করিতেন । প্রকৃত পক্ষে তাহাই নৃপতির প্রতিনিধি-স্বরূপ ছিল । সমুদায় শাসন-কার্যই কাউন্সিল পরিদর্শন করিত, এবং ঘোষণাপত্র ও আদেশসমূহ বাহির করিত । এই কাউন্সিলই সর্বশ্রেষ্ঠ বিচারালয় ভাবে পরিগণিত হইত । তৎকালে ইংলণ্ডের ইহার সভাপতি থাকিতেন । এই প্রিভি কাউন্সিল হইতে যন্ত্রান্ত কতিপয় কাউন্সিলের উদ্ভব হইয়াছিল ।

এই স্থলে ক্যাবিনেট বা মন্ত্রিসভার কথা উল্লেখ প্রয়োজন । কৃত্রিম ভাবে গোপনে রাজকীয় কার্য সম্পাদনের সুবিধা হইয়া থাকে । হস্তর সভার এই সুবিধা থাকে না । বহুসংখ্যক সভ্যের একতা রক্ষা করিয়া দ্বার কার্য সম্পাদন করা দুষ্কর হইয়া থাকে । এই কারণেই প্রিভি কাউন্সিলের উৎপত্তি । ক্রমশঃ প্রিভি কাউন্সিলও বৃহত্তর আকার ধারণ করিতে থাকে । এই হেতু প্রিভি কাউন্সিল হইতে আরও একটি কৃত্রিম সভার সৃষ্টি হইল, এবং কালে এই কৃত্রিম সভাই ইংলণ্ডীয় শাসন-পদ্ধতির কেন্দ্রস্থল হইয়া পড়িল । এই কৃত্রিম সভাই ক্যাবিনেট বা মন্ত্রিসভা । দ্বিতীয় চার্লসের আমল হইতেই এই ক্যাবিনেটের উৎপত্তির সূত্রপাত । তৃতীয় উইলিয়মের রাজত্বকালে হইগ্ ও টোরি এই দুই রাজনৈতিক দলের লোকই ক্যাবিনেটে স্থান পাইতেন । তৎপরে উইলিয়ম হইগ্গনের মধ্য হইতে বিশিষ্ট লোক লইয়া ক্যাবিনেট গঠন করেন । হ্যানোভার বংশের প্রথম রাজা প্রথম জর্জের

রাজত্বকালে বর্তমান ক্যাবিনেট প্রথার উদ্ভব হয় । নৃপতি নিজে ইংরাজি জানিতেন না, এবং ইংলণ্ডীয় রাজনীতি বিধিগণে তিনি অনভিজ্ঞ ছিলেন । এই হেতু ওয়ালপোলের হস্তেই তিনি সমুদায় ভার অর্পণ করিতেন । ওয়ালপোলই ইংলণ্ডের প্রথম প্রধান মন্ত্রী, বলিয়া পরিগণিত হইতে পারেন । অষ্টাদশ শতাব্দীর শেষে ক্যাবিনেটের দ্বারা শাসন-বিষয়ক নিরীক্ষিত প্রধাসকল সংস্থাপিত হইয়া পড়িল ;—ক্যাবিনেটের সভ্যগণ হাউস অফ্ লর্ডস্ অথবা হাউস অফ্ কমনস্‌সের সভ্য হইতেন ; একবিধ রাজনৈতিক মত তাঁহারা অবশ্যই অবলম্বন করিবেন । হাউস অফ্ কমনস্‌সের অধিকাংশ সভ্যের মত তাঁহাদের অনুকূলে থাকি চাই । হাউস অফ্ কমনস্‌সের নিকট তাঁহাদের একযোগে দায়িত্ব থাকিবে ; অর্থাৎ যদি কোন একজন মন্ত্রীর অভিমত হাউস অফ্ কমনস্‌সের নিকট অমান্য হয়, তাহা হইলে তাঁহারা সকলেই এককালে পদত্যাগ করিবেন ; এবং তাঁহারা সকলেই প্রধান মন্ত্রীর অধীনে থাকিবেন । এই সকল বিষয়ই আধুনিক ক্যাবিনেট-গভর্নমেন্টের মূলমন্ত্র স্বরূপ । বিপ্লব জার্মান যুদ্ধের সময় ক্যাবিনেটের কিছু পরিবর্তন সাধিত হইয়াছিল । তিনজন বা চারজন সভ্যের দ্বারা একটা কৃত্রিম সময়-ক্যাবিনেট সংগঠিত হইয়াছিল । যুদ্ধের সময় বিভিন্ন রাজনৈতিক দলের মতবৈধ সমূহ পরিত্যক্ত হইয়াছিল ; এবং সকল-দলের লোক লইয়াই সভ্য গঠিত হইয়াছিল ।

ইংলণ্ডীয় শাসনপদ্ধতি বলিলে আমরা কি বুঝিব, এক্ষণে দেখা যাউক । কোনও একপানি নির্দিষ্ট দলিল পাঠে ইংলণ্ডের শাসন-পদ্ধতি অবগত হওয়া যায় না । বহু পৃথক পৃথক উপকরণের দ্বারা এই শাসন-পদ্ধতি গঠিত হইয়াছে । প্রথমতঃ দেখা যায় কতকগুলি আইনের দ্বারা এই শাসন-পদ্ধতি স্বীকৃত আকার পরিগ্রহ করিয়াছে ; The Bill of Rights, the Act of Settlement, the 'Habeas Corpus' Acts, The Libel Act, the Reform Acts, the Septennial and Quinquennial Acts, the Elections Acts, the Parliament Act of 1911 প্রভৃতি আইন উল্লেখযোগ্য । দ্বিতীয়তঃ Magna Charta এবং the Petition of Right,—এই দুইটা দলিল উক্ত শাসন-পদ্ধতির সর্বপ্রধান মূলস্তম্ভ স্বরূপ । এতদ্বারা শাসন-ব্যাপারের পদ্ধতিসমূহ বিবৃত হইয়াছে । তৃতীয়তঃ, কতকগুলি লিখিত ও অলিখিত সাধারণ আইনের বিষয় রহিয়াছে । চতুর্থতঃ, ব্রিটিশ গভর্নমেন্টের সহিত সংশ্লিষ্ট বহুসংখ্যক সন্ধি ও আন্তর্জাতিক এগ্রিমেন্টসমূহ রহিয়াছে । এতৎসমুদায় ব্যতীত শাসনপদ্ধতি-সংক্রান্ত বহু প্রথা ক্রমে ক্রমে অস্তিত্ব লাভ করিয়াছে ; তৎসমুদায় লিখিত আইনে পরিণত হয় নাই ।

যাহা হউক, পার্লামেন্টে অবস্থিত রাজাই গ্রেটব্রিটেনের আইন-প্রণয়ন বিষয়ক সর্বপ্রধান কর্তা । ইংলণ্ডের, হাউস অফ্ লর্ডস্ ও হাউস অফ্ কমনস্, এই তিনই হইল ইংলণ্ডের শাসন-পদ্ধতির মূর্তি । ইংলণ্ডের কর্তৃক পার্লামেন্ট আহূত হইয়া থাকে । পার্লামেন্ট-বিসিবার অন্ততঃ বিংশতি দিবস পূর্বে প্রিভি কাউন্সিলের পরামর্শ অনুসারে নৃপতি সভ্যগণকে আহ্বান করিয়া থাকেন । পার্লামেন্টের

প্রাক্তন দুইটা বিভাগ সম্বন্ধে এক্ষণে বিশেষ বিশেষ কথা বিবৃত হইতেছে। হাউস অব লর্ডসের উৎপত্তি হইতে বর্তমান কাল পর্যন্ত বিশেষ কোন পরিবর্তন ঘটে নাই। পাঁচ শ্রেণীর সভ্য এই বিভাগে স্থান পাইয়া থাকেন :— ১। রাজবংশজাত প্রিন্স সকল। ২। পুরুষানুক্রমে ক্ষমতাপ্রাপ্ত লর্ডগণ। ৩। স্কটিশ লর্ডগণ। ৪। আইরিস লর্ডগণ। ৫। স্বকীয় পদগৌরবে বাহারা লর্ড হইয়াছেন, তাহারা। এই শ্রেণীকৃত লর্ডগণ পুরুষানুক্রমে অধিকার ভোগ করেন নাই। এই সমুদায় লর্ড আবার দুই প্রকারের আছেন ; ( ক ) আইনজ্ঞ লর্ডগণ, ( খ ) রাজক সম্প্রদায় লর্ডগণ। হাউস অফ লর্ডস ইংলণ্ডে আপীলসংক্রান্ত চরম বিচারালয় ; এই হেতু সর্বপ্রধান আইনজ্ঞগণকে লর্ডগণে উন্নীত করিয়া এখানে স্থান দেওয়া হইয়া থাকে। আর আধুনিক কালে রাজক-সম্প্রদায় লর্ড বালিলে আর্চবিষ্টপণ ও ইংলণ্ডের চার্চের কতিপয় বিশপগণকে বৃদ্ধিতে হইবে। সভ্যগণ অবশ্য একশিংশতি বা তদধিক বর্ষ বয়স্ক হইবেন। বদ্মাইস বা দেউলিয়াগণকে হাউস অফ লর্ডসে স্থান দেওয়া হয় না।

গ্রেটব্রিটেন ও আয়ারল্যান্ডের জেলা, নগর, ও ইউনিভার্সিটি সকল হইতে হাউস অব কমন্সের সভ্যসমুদায় নির্বাচিত হইয়া থাকেন। নির্বাচনকারী ভোটারগণ-সংক্রান্ত নিয়মসমূহ অতীব জটিল। বর্তমান কালে ১৯১৮ সালের the Representation of the People Act দ্বারা নির্বাচন বিষয়ক নিয়মসমূহ স্থিরীকৃত হইয়া থাকে। এই আইনের দ্বারা লক্ষ ভোটারের সংখ্যা বৃদ্ধি করা হইয়াছে। এই আইনের দ্বারা ইংলণ্ডে সর্বপ্রথমে রমণীগণ ভোটার অধিকার প্রাপ্ত হইয়াছেন। নির্বাচনকারী পুরুষগণ অন্ততঃ একশিংশতি বর্ষ বয়স্ক হইবেন এবং নির্বাচনকারিণী রমণীগণ অন্ততঃ ত্রিশ বর্ষ বয়স্ক হইবেন। বিদেশী পুর্জাক, দেউলিয়া, পাগল, বদ্মাইস, বোকা ও অজ্ঞবয়স্ক ব্যক্তিগণের ভোট প্রদানের অধিকার নাই। লর্ডগণেরও ভোট নাই। হাউস অফ কমন্সের যে সমুদায় সভ্য বেতনভোগী নহেন, তাহারা বার্ষিক চারিশত পাউণ্ড করিয়া পাইয়া থাকেন। হাউস অফ লর্ডসের সভ্যগণ বেতনভোগী নহেন। নূতন পার্লামেন্ট বালিলে বৃদ্ধিতে হইবে নূতন হাউস অফ কমন্স গঠিত হইল। পার্লামেন্ট ভঙ্গ করা বালিলে বৃদ্ধিতে হইবে হাউস অফ কমন্স ভাঙিয়া ফেলা হইল এবং পুনরায় নূতন ভোট গ্রহণ করা হইবে। এম, পি ( মেম্বর অফ পার্লামেন্ট ) বালিলে হাউস অফ কমন্সের মেম্বরগণকে বৃদ্ধায়। হাউস অফ লর্ডসের সভ্যগণ ভোটের দ্বারা নির্বাচিত হইয়েন না। ইংলণ্ডের পার্লামেন্ট আহ্বান করেন এবং ভঙ্গ করেন। গ্রেটব্রিটেন ও আয়ারল্যান্ডের চ্যান্সেলরগণ রিটার্নিং অফিসারগণের উপর নির্বাচনের হুকুম জারি করেন, এবং তৎসমুদায় অফিসার ১৮৭১ সালের ব্যালট স্ট্রাক্ট অনুসারে নির্বাচন ব্যাপার সম্পাদন করেন। উক্ত অফিসারগণই নির্বাচনের তারিখ ও স্থান নির্দেশ করিয়া নোটিশ দেন। নির্বাচনের দিনে প্রার্থীগণের নামোচ্চারণ হয় ; এবং যদি মাত্র একজন প্রার্থী থাকেন, তাহা হইলে তিনি নির্বাচিত হইলেন এইরূপ ঘোষিত হয়। যদি

একাধিক প্রার্থী থাকেন, তাহা হইলে ভোটের দিবস নিরূপিত হয়। গোপনে ব্যালটের দ্বারা ভোট সম্পাদিত হয়। নির্বাচনের ধরচা সচরাচর অত্যধিক পরিমাণে হইয়া থাকে। প্রার্থী যে দলের অন্তর্ভুক্ত, কখন কখন সেই দলের টাকা হইতে ঐ ধরচা দেওয়া হয়। কিন্তু অধিকাংশ সময়ই প্রার্থী নিজের সেই ব্যয়ভার বহন করেন। তাই বলিয়া তিনি বেশী পরিমাণ ধরচা করিয়া তাহার ভোট সংগ্রহের সুবিধা করিয়া লইতে পারেন না। ব্যালট স্ট্রাক্ট ও ১৮৮৩ সালের The Corrupt and Illegal Practices Act-এর দ্বারা ঘুষের প্রথা এবং ভোটারগণের উপর অন্ত্য প্রস্তাব বিস্তার বতদূর সম্ভব নিবারিত হইয়াছে। ১৯১১ সাল পর্যন্ত পার্লামেন্টের স্থিতিকাল খুব বেশী হইলে সাত বৎসর পর্যন্ত নিরূপিত ছিল ; ১৯১১ সালের পার্লামেন্ট স্ট্রাক্ট অনুসারে পাঁচ বৎসর সময় নির্দিষ্ট হইয়াছে। পার্লামেন্টের কার্যসমূহ নির্বাহকল্পে বহু কমিটি গঠিত হইয়া থাকে। পার্লামেন্ট হাউস লন্ডনের ওয়েস্টমিনষ্টারে অবস্থিত। পার্লামেন্ট, খুলিবার সময় বিশেষভাবে আদর-কায়দা পালিত হইয়া থাকে। সভ্যগণ প্রথমতঃ তাহাদিগের নিজেদের হাউসে একত্র হইয়া থাকেন। অতঃপর সাধারণ সম্প্রদায়ের সভ্যগণ হাউস অফ লর্ডসে গমন করেন। তথায় লর্ড চ্যান্সেলর তাহাদিগকে একজন Speaker বা বক্তা নিয়োগ করিতে বলেন। তাহারা বক্তা নির্বাচন করিয়া লর্ডগণের নিকট প্রত্যাগমন করেন এবং সেখানে ইংলণ্ডের লর্ড চ্যান্সেলরের দ্বারা বক্তার নিয়োগ অনুমোদন করিয়া লন। তার পর সাধারণ সম্প্রদায়ের প্রাচীন কাল হইতে লক্ষ অধিকারগুলি স্বীকৃত হইয়া থাকে, এবং তৎপরের উক্ত সম্প্রদায়ের সভ্যগণ নিজেদের হাউসে গমন করিয়া থাকেন। অতঃপর শপথ গৃহীত হয়। পরদিবস নৃপতি বক্তৃতা করেন। এই বক্তৃতার পর পার্লামেন্টের প্রকৃত কার্য আরম্ভ হয়। স্পিকার, সার্জেন্ট অ্যাট আর্ম্‌স্, চ্যাপ্লেন প্রভৃতি হাউস অফ কমন্সের প্রধান কর্ম করেন। পূর্বকালে হাউস অফ কমন্স কেবল দরখাস্তই করিত, এবং একজন বক্তার দ্বারা তাহাদিগের দরখাস্ত করা হইত। এই কারণে—এই বক্তানিয়োগ-প্রথা বরাবর চলিয়া আসিতেছে। কোন বহুদলী সভ্যই এই পদে নির্বাচিত হইয়া থাকেন। তিনি ঐ হাউসের সভাপতি হইয়েন, নিয়ম কাশুনের ব্যাখ্যা করেন, যাহা স্থিরীকৃত হইল তাহা ঘোষণা করেন, যাহা আদেশ দেওয়া হইবে তাহা নির্ধারণ করেন এবং সভ্যগণকে অনেক বিষয়েই পরামর্শ দিয়া থাকেন।

১৯১১ সালের পার্লামেন্ট আইন অনুসারে সর্বপ্রকার আইন প্রণয়ন বিষয়ে হাউস অফ কমন্সই সর্বপ্রধান ; বিশেষতঃ রাজস্ব সংক্রান্ত আইন প্রণয়ন বিষয়ে এই হাউসই সর্বসর্বা। হাউস অফ কমন্সের কার্যসমূহ সম্পাদনের যে সমুদায় নিয়ম আছে, তাহা অতীব জটিল। সাধারণ সভ্যেরা মোটামুটি নিয়মগুলি মাত্র জানিয়া রাখেন। বিশেষভাবে জানিতে হইলে 'বক্তার' পরামর্শ গ্রহণ করিতে হয়। বক্তাই সমুদায় কার্য শৃঙ্খলাবদ্ধ করিয়া দেন ; কেহ অসম্মত বলিতেছেন এইরূপ বোধ হইলে তিনি তাহার বক্তৃতা বন্ধ করিয়া দিতে পারেন। কোন একটা

আলোচনা বন্ধ করিবারও নিয়মাবলী রহিয়াছে। বাহা হটক, হাউস অফ লর্ডসেও এতাদৃশ নিয়ম সমুদায় রহিয়াছে। প্রত্যেক হাউসের সভ্যগণেরই কতিপয় অধিকার আছে। প্রধান প্রধান অধিকারগুলি নিম্নে বর্ণিত হইতেছে (১) মেম্বরগণকে প্রেরণ করিতে পারা যায় না। সেসনের সময় ব্যাপিরা এবং সেসনের পূর্বে ও পরে চলিণ দিবস ধরিয়া তাঁহারা এই অধিকার ভোগ করেন। (২) বক্তৃতার স্বাধীনতা; অর্থাৎ পার্লামেন্টে তাঁহারা যে বক্তৃতা করিবেন তাহার জন্ত পার্লামেন্ট ব্যতীত অন্য কোথাও তাঁহাদের দায়িত্ব থাকিবে না। (৩) ইংলণ্ডের নিকট হাইবার অধিকার। লর্ডগণ ব্যক্তিগত ভাবে এবং সাধারণ সম্প্রদায়ের সভ্যগণ একযোগে এই ক্ষমতা উপভোগ করেন। সভ্যগণকে জুরির কার্য করিতে হয় না; তবে সাক্ষ্য দিতে হয়। হাউস অফ লর্ডসের কোন সভ্য রাজদ্রোহ বা বদমাইসির মোকদ্দমায় পড়িলে হাউস অফ লর্ডসেই তাঁহার বিচার হইবে। দেওয়ানী মোকদ্দমায় তাঁহারা প্রেরণ হইতে পারেন না। আরও নানা প্রকার সুবিধা ও অধিকার তাঁহারা ভোগ করেন।

মন্ত্রিসভার কথা ইতিপূর্বেই উল্লেখ করা হইয়াছে। এই মন্ত্রিসভাই আইন প্রণয়নের ক্ষমতা ও শাসন-কার্য নির্বাহের ক্ষমতা পরিচালনা করেন। রাজনৈতিক বিষয়ে যে দল প্রবল থাকে, সেই দলের লোক লইয়াই এই মন্ত্রিসভা গঠিত হয়। উক্ত হাউসের সভ্যই মন্ত্রিসভায় স্থান পান। প্রধান মন্ত্রী এই মন্ত্রিসভার কর্তা। সাধারণ সম্প্রদায়ের আস্থা যতকাল তাঁহার উপর থাকে, ততকাল তিনি এই পদে থাকেন। বাহা হটক, মন্ত্রিসভা গঠনের প্রথা এই প্রকার:— হাউস অফ কমন্সে যে দল প্রবল থাকে, তাহার নেতাকে ইংলণ্ডের ডাকিয়া পাঠান, এবং তাঁহাকেই মন্ত্রিসভা গঠন করিতে বলেন। যদি সেই নেতা বিবেচনা করেন যে, তাঁহার গঠিত মন্ত্রিসভায় হাউস অফ কমন্সের আস্থা থাকিবে, তাহা হইলে তৎক্ষণাৎ তিনি তাঁহার নিজদলের লোক হইতে মন্ত্রিসভা গঠন করিতে আরম্ভ করেন; অবশ্য তিনি সেই দলের প্রধান লোক গুলিকেই বাছিয়া লন। তাঁহাদের দ্বারা দলের কতকু কি উপকার হইয়াছে, তাঁহাদের বক্তৃতা করিবার ক্ষমতা কিরূপ, এবং ভবিষ্যতে প্রয়োজনীয় মন্ত্রিসমূহের পদে তাঁহারা কার্য করিতে পারিবেন কি না, এই সকল বিষয় বিবেচনা করিয়াই তিনি লোক পছন্দ করেন। বাহা হটককে তিনি উপযুক্ত বিবেচনা করেন, তাঁহাদের নাম তিনি নৃপতির হস্তে প্রদান করেন। তাহা হইলেই তাঁহাদেরকে নিযুক্ত করা হইয়া গেল। মন্ত্রিসভায় যে যে মন্ত্রিপদ থাকে, সময়ে সময়ে তাহার পরিবর্তনও ঘটিয়া থাকে। ভার্য্যণ যুদ্ধের পূর্বে নিয়োজিত মন্ত্রিসমূহ ছিলেন:—প্রধান মন্ত্রী (তিনি সচরাচর রাজকোষের প্রধান লর্ড) প্রধান বিচারপতি, রাজকোষের কর্তা, পাঁচজন স্টেট সেক্রেটারী (স্বদেশীয় ব্যাপারের স্টেট সেক্রেটারী, বৈদেশিক ব্যাপারের স্টেট সেক্রেটারী, উপনিবেশসমূহের স্টেট সেক্রেটারী, যুদ্ধের স্টেট সেক্রেটারী ও ভারতের স্টেট সেক্রেটারী), লর্ড প্রিন্সিপাল, কাউন্সিলের সভাপতি, নৌবলের প্রধান লর্ড, স্থানীয় শাসন-সমিতির সভাপতি, শিকার-সমিতির

সভাপতি, ল্যান্ডাউয়ের চ্যান্সেলর, কার্য-সম্পাদন সমিতির সভাপতি, পোর্টমাটোর জেনারেল, স্ট্রটলণ্ডের সেক্রেটারী এবং আয়ারলণ্ডের প্রধান সেক্রেটারী। এই উনবিংশটি মন্ত্রীর সম্মিলনে মন্ত্রিসভা গঠিত। তবে, প্রধান মন্ত্রী তাঁহার বিবেচনা অনুসারে মন্ত্রিপদ বৃদ্ধি করিতেও পারেন, আবার কমাইতেও পারেন। বিগত যুদ্ধের সময় মন্ত্রিসভা বৃহত্তর বলিয়া বোধ হওয়ার, পাঁচজন মন্ত্রীর সম্মিলনে একটা ক্ষুদ্রতর সময়-মন্ত্রিসভা গঠিত হইয়াছিল। যুদ্ধ শেষ হওয়ার পরে ১৯১৮ সালেও সময়-মন্ত্রিসভা চলিয়াছিল। প্রথমতঃ হাউস অফ কমন্স মন্ত্রিসভার আনুগত্য করিতেছিল। অতঃপর হাউস অফ কমন্সের সহিত মন্ত্রিসভার মতবৈধ ঘটিতে লাগিল। বাহা হটক, প্রধান মন্ত্রী সেই সময়-মন্ত্রিসভা শেষ করিয়া কেলা সঙ্গত মনে করিলেন, এবং পুরাতন প্রথায় একটা নূতন মন্ত্রিসভা গঠিত হইল। কোন বিষয়ে প্রস্তাব করিতে হইলে সেই বিষয় যে মন্ত্রীর হস্তে রহিয়াছে, তিনিই তদ্বিষয়ে প্রস্তাব করিয়া থাকেন; কিন্তু সেই প্রস্তাবের জন্ত মন্ত্রিসভা একযোগে দায়ী। বাস্তবিক পক্ষে হাউস অফ কমন্সের নিকট মন্ত্রিসভা সম্পূর্ণভাবে দায়িত্ব রাখিয়া থাকে, এবং মন্ত্রিসভার হাত দিয়াই হাউস অফ কমন্স সমুদায় বিষয়ে আধিপত্য করিয়া থাকে; কিন্তু এই মন্ত্রিসভার ক্ষমতাসমূহ আইনের দ্বারা স্বীকৃত নহে। আইনের দিক দিয়া দেখিলে গেলে, এই মন্ত্রিসভার সভ্যগণ প্রিন্সিপাল কাউন্সিলের সভ্য ব্যতীত আর কিছুই নহেন। ১৯০৫ সালে প্রধান মন্ত্রীর পদ আইনের দ্বারা স্বীকৃত হইয়াছে। প্রধান মন্ত্রীর পদের বেতন নাই। তবে তিনি একটা বেতনের পদ গ্রহণ করেন; সাধারণতঃ First Lord of the Treasury রূপে তিনি কার্য করেন। মন্ত্রিসভার কাৰ্য্যালয়ী গোপনে সম্পাদিত হইয়া থাকে। বিগত যুদ্ধের পূর্বে এই মন্ত্রিসভায় যে সকল মিটিং হইত, তৎসমুদায়ের কার্য-বিবরণ রাখা হইত না। যুদ্ধের পর হইতে কার্য-বিবরণ রক্ষা করা হইয়া থাকে; এবং বাহিরের লোকদিগের সহিতও অনেক বিষয়ে পরামর্শ করা হইয়া থাকে।

বাহা হটক, মন্ত্রিসভার হস্তে সকল বিষয়ের ক্ষমতা থাকিলেও, হাউস অফ লর্ডস চরম বিচারালয় হইলেও, এবং হাউস অফ কমন্স মন্ত্রিসভাকে নিজের আধিপত্যধীন রাখিলেও, স্মরণ রাখিতে হইবে যে, ইংলণ্ডেরই তৎসমুদায়ের শীর্ষস্থানীয়; তাঁহার নামেই সমুদায় শাসন-কার্য সম্পাদন করা হইয়া থাকে। আর বিচার বিষয়েও তিনিই সকল বিচারের মূলস্বরূপ, বিচারালয়সমূহে তাঁহার নামেই সব বিচার করা হইয়া থাকে। তাঁহারই শাসনকার্য নির্বাহক ক্ষমতা মন্ত্রিসভার হাত দিয়া পরিচালনা করা হইয়া থাকে; এবং বিচার বিষয়ক ক্ষমতা বিচারালয়সমূহের মধ্য দিয়া পরিচালিত হইয়া থাকে। বাস্তবিক পক্ষে নৃপতির নামে যে সমুদায় ক্ষমতা রহিয়াছে এবং তৎসমুদায় কার্যও যেভাবে পরিচালিত করা হইয়া থাকে, এই বিষয়ের সম্যক আলোচনা করিলেই, ইংলণ্ডের শাসন-পদ্ধতি বুঝিতে পারা যাইবে। দেখিতে গেলে ইংলণ্ডের ইচ্ছাতেই পার্লামেন্টের অস্তিত্ব। তিনিই সভ্যগণকে আহ্বান করিয়া থাকেন; আবার ইচ্ছা করিলে তিনি পার্লামেন্ট



ভঙ্গ করিয়া দিতে পারেন। তিনি যোগা প্রভৃতি জারি করিতে পারেন; কিন্তু কাৰ্য্যতঃ তাঁহার মন্ত্রিসমূহের পরামর্শ অনুসারেই এই সমুদায় কাৰ্য্য সম্পাদিত হইয়া থাকে; আর এই মন্ত্রিগণের সমষ্টিই মন্ত্রিসভা, সুতরাং সকল বিষয়েই মন্ত্রিসভার আধিপত্য রহিয়াছে বলিতে হইবে। নৃপতির অসংখ্য কাৰ্য্য-নির্বাহক ক্ষমতা রহিয়াছে, আইন-সকল কাৰ্য্যে পরিণত হইতেছে কি না তৎপ্রতি তিনিই লক্ষ্য রাখিবেন। বড় বড় পদগুলিতে লোক নিযুক্ত করা তাঁহারই কাৰ্য্য। জঙ্গ প্রভৃতি কয়েকটা বড় বড় পদের কথা বাদ দিলে, অবশিষ্ট সব কর্মচারীকেই তিনি সরাসরি দিতে পারেন। ব্যয় বিষয়ক ক্ষমতাও তাঁহারই হস্তে। অপরাধীকে তিনি ইচ্ছা করিলে ক্ষমাও করিতে পারেন। তিনিই লর্ড সমুদায় সৃষ্টি করেন, এবং সম্মানের উপাধিসমূহ প্রদান করেন; মুদ্রা প্রস্তুত করার আদেশও তিনিই দিয়া থাকেন। স্নো-সৈন্তের এবং ক্রুসপথের সৈন্তের তিনিই সর্কপ্রধান সেনাপতি। তিনিই রাজ্যের প্রতিনিধিরূপে অস্ত্র দেশীয় রাজগণের সহিত প্রয়োজনানুরূপ ব্যবহার করিয়া থাকেন। দূতসমূহ তাঁহার দ্বারা নিয়োজিত হইয়া থাকেন। তিনি চার্চসমূহের কর্তা; কিন্তু কাৰ্য্যতঃ মন্ত্রিসভা নৃপতির এই সমুদায় কাৰ্য্যের অস্ত্র দায়ী। ইংলণ্ডের শাসন-পদ্ধতির একটা মূল মন্ত্র এই যে রাজা কর্তৃক কোন প্রকার অস্ত্রায় কাৰ্য্য আচরিত হইতে পারে না। এই কথাই তাৎপৰ্য্য এই যে, ইংলণ্ডের নামে যে সমুদায় কাৰ্য্যই কৃত হইক না, মন্ত্রিগণ সব কাৰ্য্যের নিমিত্তই দায়ী থাকিবেন। বর্তমানকালে দেখিতে গেলে রাজার সর্কপেক্ষ শ্রেষ্ঠ অধিকার এই রহিয়াছে যে, তাঁহার সহিত পরামর্শ না করিয়া কিছুই করা হইবে না। বাস্তবিক পক্ষে এই অধিকারের খুবই মূল্য রহিয়াছে; রাজার ব্যক্তিত্বের প্রভাব বহু কাৰ্য্যের উপরই ঘটতে পারে। রাজ্য-সংক্রান্ত বাপার লক্ষ্যে তাঁহার মন্ত্রিসমূহের সহিত তিনি আলোচনা করিতে পারেন এবং যথি প্রয়োজন বোধ করেন, তাহা হইলে তাঁহাদিগকে পরামর্শ বা উৎসাহ প্রদান করিতে পারেন, অথবা সতর্ক করিয়া দিতে পারেন।

### ছাত্র-স্বাস্থ্য

• শ্রীমেশচন্দ্র রায়, এল্-এম্-এস্

১৯১৬ খৃষ্টাব্দের গোড়ার হঠাৎ মনে হইল—আমাদের দেশের ছাত্রেরাই ভগ্নস্বাস্থ্য, না জগতের সর্বত্রই এই অবস্থা? এবং সেই সঙ্গে মনে প্রাণ উঠিল—আমাদের দেশের ছাত্রেরা কাহার সম্পত্তি—ক্ষমা করিবেন, ছাত্রেরা জীবিত ও প্রাণশক্তি বহল হইলেও, কখনো এ ভাবেই আমার মনে উঠিয়াছিল! একরূপ চিন্তা অকারণে বা অকস্মাৎ আমার হৃদয় অধিকার করে নাই—অর্থাৎ খোস খেয়ালের বশে ঐরূপ চিন্তা করি নাই—পাঁচ রকম দেখিয়া গুনিয়া পতীর মনোবেদনার বশবর্তী হইয়াই ঐরূপ হৃদয়বনার পড়িয়াছিলাম। আমি আমার স্বর্গদত্ত পিতামহ বা

মাতামহ কাহাকেও দেখি নাই; তবে পিতামহের অস্তিমশব্যের একখানি অস্পষ্ট আলোক-চিত্র দেখিয়া বুঝিয়াছিলাম যে, মরণও তাঁহার বিরাট মেহের পরিমা লুপ্ত হয় নাই। তাহার পরে আমার পরমারাধ্য স্বর্গীয় পিতৃদেব ৮কৃষ্ণচন্দ্র রায় মহাশয় বিশালকায় না হইলেও বিপুল-বক্ষঃ ও পুষ্ট অস্থিবিশিষ্ট দেহধারী ছিলেন। ক্রমাগত ৪৫ বৎসর কাল ডাক্তার-বিটিজ বা মধুমহ নামক কালরোগে ভুগিয়াও, প্রায় ৭৫ বৎসর বয়সে, রক্ত-আমাশয় ব্যারামে, হঠাৎ দেহত্যাগ করেন। অর্থাৎ আমাশয়ের স্ব'য় একটা আকস্মিক দুর্ঘটনা না ঘটিলে, তিনি আরো বেশী দিন জীবিত থাকিতেন। তাঁহার চক্ষের দৃষ্টি অতীব সুন্দর ছিল তিনি মৃত্যুর ৪৫ দিন পূর্বে পর্যন্ত অক্রান্ত ভাবে সাহিত্য-সেবা করিয়াছিলেন। তাঁহার পুত্র আমি—না তাঁহার মত দেহ, না তাঁহার মত স্বাস্থ্য পাইরাছি। আবার আমার পুত্র, এই বয়সেই (২২ বৎসর বয়সে) চলমাধারী ও ডিসপেপসিয়াগ্রস্ত—বেচারী শুধু নিয়মিত ব্যায়ামের কলে, আজ দাঁড়াইয়া আছে। এই যে চার পুরুষের স্বাস্থ্যের হিসাব দিলাম, ইহা হইতে বেশ স্পষ্ট বুঝা যাইতেছে যে, এক এক পুরুষ আমাদিগের পত হইতেছেন, আর স্বাস্থ্য ও আয়ু হিসাবে আমরা যেন ধাপে ধাপে নামিয়া যাইতেছি! এই কথাটি যে শুধু আমারই বংশে প্রযোজ্য, তাহা নহে। কালান্বিত, ম্যালেরিয়াগ্রস্ত পল্লীগামবাসীদের কথা বলিতে পারি না; সহরবাসী সকল হিন্দু মধ্যবিত্ত স্ত্রীলোকের বংশেই, এই একই কথা—জাতি বিষয়ে আমরা ক্রমশঃই স্বাস্থ্যে, আয়ুতে, সহিকুতার, কর্মক্ষমতায়—যে বিষয়ে ভাবি, সকল বিষয়েই ধ্বংসের মুখে যাইতেছি। আশা করি, মুসলমান ভ্রাতাদিগের সংসারে এই ভয়াবহ দৃশ্য পরিদৃষ্ট হয় না।

এই যে ধাপে ধাপে আমাদিগের দুর্গতি ঘটতেছে, এই কথা সত্য কি মিথ্যা, কতকটা এই কথাটি প্রমাণ করিবার জন্যই, আমি ১৯১৬ খৃষ্টাব্দে প্রায় ১০০০ ছাত্রের স্বাস্থ্য স্বয়ং চারমাস পরিশ্রম করিয়া, নির্ণয় করি। নির্ণয়ের ফল অতীব শোচনীয়। আমাদের দেশের বালকেরা ইংলণ্ড ও আমেরিকবাসী বালকদের অপেক্ষা নিকৃষ্ট। বাঁহারা এতৎ সম্বন্ধে সকল কথা জানিতে চাহেন, বাঁহারা অনুগ্রহ করিয়া কলিকাতা বিশ্ববিদ্যালয়ের বিগত কমিশনের রিপোর্টের ছাদশ খণ্ডে তাহা পাইবেন। উক্ত শোচনীয় ফলাফলের প্রতি বিশ্ববিদ্যালয়ের কমিশনের দৃষ্টি আকর্ষণ করিয়াছিলাম। তৎকালে "ভারতবর্ষ", "অমৃতবাজার", "ইন্ডিয়ান মেডিক্যাল গেজেট", "নায়ক" প্রভৃতি সংবাদপত্রেও তথ্যগুলি প্রকাশিত হইয়াছিল। কিন্তু এই বিষয়ে খুব কম লোকেই মন দিয়াছে।

আমার আন্দোলন বুঝায় বার :নাই। আমার আন্দোলনের কলে আজ বিশ্ববিদ্যালয়, বেঙ্গল হেল্‌থ্ ডিপার্টমেন্ট, কোন কোন মিউনিসিপ্যালিটি ও জেলাবোর্ড এ দিকে দৃষ্টি দিতেছেন—ছাত্র-স্বাস্থ্য পরীক্ষা করিতেছেন। আমি ছাত্র-পরীক্ষাকালীন কয়েকটি মূল সূত্র ধরিয়া কাজ করিয়াছিলাম; বর্তমান কর্মীরা "লেফাকা ছুয়ন্ত" রাখার মত কাণ্ড করিতেছেন; কয়েকজনে ছাত্রদিগের স্বাস্থ্য পরীক্ষা করিতেছেন। বাঁহারা আজ কলেজে পড়েন, তাঁহারা আর ২১০ বৎসর পরে যখন সংসারী হইবেন, তখন তাঁহাদিগের মেহের কথা



বলিতে হয় ; কিন্তু ইংরাজের রাজস্ব ছাত্রদিগের উপরে যে রূপ কড়া ও বিধমর দৃষ্টি এবং ট্র্যাপিকার সার্টিফিকেট, হটেল প্রভৃতির নীপপাল এত দূর যে, আমরা তাহাদেরই চাপে অবশ হইয়া পড়িতেছি। সে সকল কাহিনীর উল্লেখমাত্র করিবার অধিকার আমাদের আছে—প্রতিকার করিবার ক্ষমতা নাই।

কর্তব্য নির্ধারণ করিতে হইলে, একযোগে অনেক দিকে দৃষ্টি রাখিয়া এবং নিম্নোক্ত চারি পক্ষীয় লোকের সহযোগিতা সফল করিয়া, তদুপায় উপায় নির্ধারণ করিতে হইবে। সেই পক্ষগণ এই :-

- (১) সরকার বা গবর্ণমেন্ট পক্ষ।
- (২) বিশ্ববিদ্যালয় পক্ষ।
- (৩) সমাজ।
- (৪) ডিষ্ট্রিক্ট বোর্ড বা মিউনিসিপ্যালিটি পক্ষ।

আজ আমরা আমাদের স্বকীয় সকল সামাজিক প্রতিষ্ঠানকে ধ্বংস করিয়াছি। কায়েই, এখন ইংরাজের প্রতিষ্ঠানগুলিকে আশ্রয় করা ছাড়া আমাদের উপায় নাই। আমাদের সমাজ নাই, আর সে দেবচরিত্র, সর্বভ্যাগী একনিষ্ঠ শিক্ষার সাধক নাই, আর শিক্ষার মধ্যাদা নাই, আদর্শ নৈতিক চরিত্রের গৌরব নাই ; নাই সমাজের বন্দোবস্ত, নাই শিক্ষকগণকে নিশ্চিন্ত মনে বিভ্রাটচর্চা করিবার সুযোগ দান—নাই পরলতা, নাই সম্মান। অত্যন্ত নিরাশার পড়িয়াই, এত দুঃখের কাহিনী বলিয়া ফেলিলাম।

অপন ছেলেরা লেখাপড়া শেখে—বাপ-মা শিখান বলিয়া। বাপ-মা ছেলেরা লেখাপড়া শিখান জ্ঞানবান ও ধাঙ্গিক এবং পরহিতক্রমী হইবে বলিয়া নয়, ভবিষ্যতে ছেলেরা ছ'পরস্যা উপার্জন করিয়া সুখে থাকিবে বলিয়া—তাহাতে সমাজের কিছু সুবিধা অসুবিধা থাকে তাহা মৃতপ্রায় সমাজ বুঝুক। তবেই কথাটা দাঁড়াইল এত যে—লেখাপড়া শিখানর উদ্দেশ্য, একমাত্র উদ্দেশ্য—গাড়ী খোড়া চড়িবার সুবিধা লাভ করিবার জন্ত—অর্থোপার্জনের জন্ত।

আদর্শটা এত খাটো বলিয়াই—যেখানে শিক্ষা মিলিবে বর্তমান যুগের শিক্ষার্থীগণকে তাহাদেরই দ্বারস্থ হইবার প্রয়োজন হয় ; অর্থাৎ যে-যে বিভাগে শিক্ষা করিলে, ইংরাজের দ্বারে হাত পাতিয়া “ভদ্রানু ভিক্ষাং দেহি” বলিয়া দাঁড়াইয়া, তার স্বরে চীৎকার করতে হয়—সেই বিভাগে লিপে। কায়েই—ইংরাজের স্কুল কলেজ ও বিশ্ববিদ্যালয়ই আমাদের পরম ও চরম গতি। সেটা গতি কি অগতি করিয়াছে তাহা এখন আমরা বেশ বুঝিতেছি। কায়েই আমাদের উপায় নির্ধারণ করিতে হইলে, ছাত্রদিগকে দুই দলে বিভাগ করিয়া লইতে হইবে—বিশ্ববিদ্যালয়ের ছাত্র ও জাতীয় বিদ্যালয়ের ছাত্র।

আজ হঠাৎ আবার “জাতীয়” বিদ্যালয়ের কথা তুলিতেছি কেন ? সে যুগের অনেক রকম-কর ত হইয়া গিয়াছে। আমার কেন'র উত্তর এই যে, ইংরাজী নাম পাণ্টাইয়া, অথচ বোল-আনা ইংরাজীর অনুকরণে, ছাত্র ইংরাজী বিদ্যালয়কে জাতীয় বিদ্যালয় বলিতেছি না ; আমরা বলিবার উদ্দেশ্য—দেশের লোকের বোল-আনা কর্তৃক, দেশের

জল-হাওয়া ও সমাজ ও ধর্ম্মানুসারে যে যে বিভাগের ছিল বা গঠিত হইবে, সেইগুলিকেই জাতীয় বিদ্যালয় বলিতে চাই। যতদিন সরকারি বিদ্যালয় না হইবে, সহস্র তথাকথিত মুখস-পরা ইংরাজী ধরণের স্বদেশী বিদ্যালয়েও ততদিন কিছুই করিতে পারিবে না। অথচ, শিক্ষাটা জাতীয়ভাবে না হইলে আর আমাদের ভদ্রতা নাই। তাই বলিতেছিলাম যে, বিশ্ববিদ্যালয়-শ্রেণিক ও জাতীয় শিক্ষালয়ভুক্ত—মোটামুটি এইভাবে ছাত্রগণকে দল বিভক্ত করিয়া না লইলে কোনও কাণ্ড করা যাইবে না। আমার কল্প বুদ্ধিতে এই আসে যে, গবর্ণমেন্ট ও বিশ্ববিদ্যালয় মামুলি ইউনিভার্সিটির উচ্চশিক্ষা যেমন দিতেছেন তাহাই দিন, কারণ, চাকুরী-জীবীরা তাহাকে আশ্রয় করিতে বাধ্য হইবে। বাকি যাবতীয় ছাত্রকে লইয়া মোটামুটিভাবে শিক্ষা দিবার জাতীয় ব্যবস্থা হউক। তৎক্ষণাৎ ডিষ্ট্রিক্ট বোর্ড প্রভৃতি স্থানীয় প্রতিষ্ঠানগুলি এবং দেশের গণ্যমান্ত লোকেরা তার লউন। কিন্তু এ দেশের ছাত্রদিগের চুলের মুঠি বেরুপ ও কায়েমীভাবে গবর্ণমেন্ট স্বহস্তে রাখিয়াছেন, তাহাতে অন্ততঃ প্রথম প্রথম গবর্ণমেন্টের সহযোগিতা ভিন্ন জাতীয় শিক্ষার মূল পত্তন করিবার উদ্দেশ্য সিদ্ধ হইবে না।

যাহা হউক—ছাত্রগণকে, শিক্ষার লক্ষ্য হিসাবে, দুই ভাগে বিভক্ত করিয়া দেওয়ার সময় আসিয়াছে। এবং ছাত্রগণের সংখ্যক হইবার সময়ও আসিয়াছে। অর্থাৎ একযোটে, ছাত্রগণকে নিজ নিজ প্রাপ্য দাবী করিতে হইবে এবং একযোটে দেশের লোককে ছাত্রদিগের বিষয়ে ঝোল আনা অবহিত হইতে হইবে। আমাদের জাতি হিসাবে, শিক্ষার আদর্শকে বড় করিতে হইবে, জাতি হিসাবে শিক্ষাকাণ্ডে মনো-যোগী হইতে হইবে ; সরকারের উপরে মাদার দিয়া শ্রোতে গা ভাসাইলে আর চলিবে না। বাস্তবায় একটা প্রবাদ-বচন আছে—যা'র বিয়ে তার মনে নাই, পাড়াপড়মীর ঘুম নেই। ছাত্রেরা শিক্ষার জন্ত ব্যস্ত—কিন্তু কি শিখিবে, কতটুকু শিখিবে, কি ভাবে শিখিবে—সে কথা তাহারা ভাবে না—যেহেতু কেহ ত আমাদেরকে নিজ নিজ স্বার্থ বিষয়ে ভাবিবার অবসরও দেয় নাই! আবার আমাদের দেশের অভিত্যাকেরাও এতটাই দাসমনোবৃত্তি-সম্পন্ন হইয়াছেন যে, তাহারাও তাহাদের পুত্রকন্যাগণের শিক্ষার ভার তাহাদের মনিব ইংরাজের হস্তে তুলিয়া দিয়া নিশ্চিন্ত আছেন। তাই আজ এ দেশের মেয়েরাও মাতৃত্ব শিশুত্ব না শিখিয়া হিষ্টি লজিকে সুপণ্ডিতা হইয়া, অকালে হয় কল্পকাল বা স্তম্ভিকার প্রাণ হারান। সেই কারণেই, এ দেশের ছেলেরা বি-এ, এম-এ পাশ করিয়াও ঢাক ঢোল বাজাইয়া বর সাজির বিবাহ করিতে যাইতে লজ্জাবোধ করে না।

তাই উপায় হিসাবে আবার বলি—এ দেশের লোকেরা সর্বপ্রথমে জাগুন—তাহারা জাগিয়া একযোটে সরকার ও বিশ্ববিদ্যালয়ের সঙ্গে শিক্ষা বিষয়ে রকম করুন—যে, বাস্তব তথাকথিত উচ্চ শিক্ষার শিক্ষিত হইতে চাহে, তাহারা তাহাই করুক—বাকী শতকরা ৯০ জন ছাত্র বাহাতে মানুষ হইয়া সংসারে বেড়াইতে পারে এমনভাবে মোটামুটি শিক্ষালাভ করুন। আমি চাই না যে, কেরাগী সৃষ্টিকারী হুঁ হুল-

কাইনাল পরীক্ষাই আমাদের আদর্শ হউক। আমাদের কায আমাদেরকেই করিতে হইবে—নিজের বোঝা নিজেই বহিতে হইবে—অপরের স্বন্ধে তাহা তুলিয়া দিলে চলিবে কেন? এই ভাবে ও এই হিসাবে, শিক্ষাকে জাতীয়তা ভাবে ভূষিত করিতে হইবে। এই হইল আমাদের প্রথম কায। অর্থাৎ বাঙ্গালীজাতি যদি তাহার ভবিষ্যৎ বংশধরগণকে মানুষ করিতে চাহে, তবে বাঙ্গালীর প্রথম কর্তব্য—প্রত্যেক বাঙ্গালীরই কর্তব্য—যাহাতে শিক্ষাকাণ্ডে আমাদের বোল আনা কথা বলিবার অধিকার থাকে, তাহাই করা।

যে দিনে আমরা, শিক্ষিত অশিক্ষিত সমস্ত বাঙ্গালীই, দেশের শিক্ষাকাণ্ডে অবহিত হইব, সেই দিনেই আমরা ছাত্রগণকে বেশ বুঝিতেও দিতে পারিব যে তাহারা আমাদের ভবিষ্যতের আশা ভরসা—আমাদের সর্বস্ব ধন। এ ভাব জাগাইতেই হইবে। এখানকার মত ভাব রাখিলে—ছাত্ররা শিক্ষককে মানিবে না, শিক্ষকও ছাত্রকে স্রীতির নজরে দেখিবেন না—ছাত্ররাও অভিভাবককে মানিবে না। এখনো সময় আছে—আমাদের বাঙ্গালীগণকে আমাদেরকেই বুকে তুলিয়া লইতেই হইবে।

আমাদের দ্বিতীয় কর্তব্য—যদি কখনো সে সুদিন আসে—ছাত্র ও তাহাদিগের শিক্ষা সম্বন্ধে সকলে মিলিয়া একযোগে যথাবিধি ব্যবস্থা করা। যাহাতে ছাত্রেরা দেহে বলিষ্ঠ, জ্ঞানে গরীষ্ঠ ও নৈতিক বলে সমুন্নত হয়—সকলে মিলিয়া সে ব্যবস্থা করিয়া জাতীয় শিক্ষার ব্যবস্থা করিতে পারিব।

কিন্তু যতদিন সে সুদিন না আসে—যতদিন গবর্ণমেন্ট বঙ্গমুষ্টিতে ছাত্রগণকে আকর্ষণ করিয়া রাখেন—ততদিন আমাদের কর্তব্য কি? এবার তাহাই কতকটা আভাষে বলিব।

আমাদের দেশে এখন সবচেয়ে বড় অশ্রাব জ্ঞানের অশ্রাব। তাহার পরে—স্বাভাবিকতার অশ্রাব—তাহার পরে স্বাস্থ্যের (দৈহিক ও নৈতিক) অশ্রাব। এই তিনটি অশ্রাব মোচন না করিতে পারিলে, জাতিহিসাবে ভবিষ্যৎ অত্যন্ত অন্ধকার। জ্ঞানের অশ্রাব দূর করিবার উপায় নির্দেশ আমাদের করিয়াছি—কায করা কত দিনে সম্ভবপর হইবে, তাহা ভগবানই জানেন—কারণ, সকলই কাল-সাপেক্ষ। স্বাভাবিক শিক্ষা কতকটা জাতীয় শিক্ষার মুখাপেক্ষী। যদি দেশের ছেলেরা চাকুরী-স্রীতি, বিলাসিতা ও বিদেশী মোহ কতকটা নষ্ট করা যায়, তাহারা মোড় ফিরিবে—আপনার পায়ে আপনি ভর দিয়া দাঁড়াইতে শিখিবে। যে শিক্ষা ছাত্রগণকে আকর্ষণ করে না, যে শিক্ষা লালসা ও বাসনার উচ্চন বোগায়, যে শিক্ষার মন প্রবল ও একটানা বেগে শুধু বহিমুখীই হয়, সে শিক্ষা পরমুখাপেক্ষী ছাড়া আর কিছুই করিতে পারে না। ইহার উন্টা দিকে শ্রোত বহাইতে হইলে, জাতীয় শিক্ষার প্রবর্তনা একান্তই প্রয়োজন। কিন্তু সে কত দূর?

কিন্তু এই নিরাশাময় মহানিশায় কিছু খন্ডোৎ-আলো দেখা যাইতেছে। আমরা এমন একটা কায করিতে পারি, বাহার জন্ত কাহারও অনুগ্রহ বা সাহায্য আমাদের প্রয়োজন হয় না। সেটি—

স্বাস্থ্যপূর্ণ দেহ গঠন। আমি পূর্বেই বলিয়াছি যে স্বাস্থ্যহিসাবে আমরা ক্রমশঃই ধ্বংসের মুখে অগ্রসর হইতেছি। স্বাস্থ্যরক্ষা কতকটা ব্যক্তিগত চেষ্টা সাপেক্ষ, কতকটা রাজসাহায্য সাপেক্ষ। দেশের জল নিকাশের ব্যবস্থা, সুপেয়ের ব্যবস্থা, জল কাটান, হাজা মজা নদী কাটান প্রভৃতি ব্যয় ও সময় সাধ্য কাযগুলির জন্ত আমাদেরকে 'গবর্ণমেন্টের মুখাপেক্ষী হইতেই হইবে। কিন্তু নিজ দেহকে বলিষ্ঠ ও সুস্থ রাখিতে শুধু আমার ব্যক্তিগত চেষ্টাই যথেষ্ট। আমি এই চেষ্টার কথাই বলিতেছি। ১৯১৬ খৃষ্টাব্দে যখন ৬ হইতে ১৬ বৎসর বয়স্ক এক সহস্র কলিকাতার বাঙ্গালী ছাত্রদিগের স্বাস্থ্য পরীক্ষা করি, তখন বুঝিয়াছিলাম যে, আমাদের দেশের পুরুষ ছাত্রেরা বিলাতের পুরুষ ছাত্র এবং মার্কিনদেশীয় মেয়ে ছাত্রীদের অপেক্ষা স্বাস্থ্যে হীন! এ বড় লজ্জার কথা—এ লজ্জা দূর করিতেই হইবে।

এ লজ্জা দূর করিবার একমাত্র উপায়—রীতিমত ব্যায়াম-চর্চা করা। আমার পিসামহাশয় পঠদর্শায় বড়িবা-বেহালা হইতে নিত্য হেরার স্কুলে যাতায়াত করিতেন। কয়েক বৎসর পূর্বে, এই বাঙ্গালা দেশেই বড়লোকের ছেলেরা কুস্তি ও লাঠি খেলা শিখিতেন। আর আঙুল সে সকল ঘুচিয়া গিয়াছে। আমরা মেয়েলী চংটাতে গ্রহণ করাই প্রেরণ মনে করিতেছি। আমরা বেশ-ভুয়ার, চুল কাটার, চলনে বলনে, পলার আঙুরাজের ভঙ্গীতে সকল বিষয়েই মেয়েলীমানার দিকে চলিয়া পড়িতেছি। যুবকেরা তাস দাবা ও গালগল্প এবং বালকেরা লুডো ক্যারম্ প্রভৃতি কুড়ুমি-খেলায় মাতিয়া আছে। একপ করিলে আর চলিবে না!

সস্তরগ, ডন-বেঠক, ডায়েল - মুত্তর'জাঙা, কুস্তি, লাঠিখেলা, বক্সিং জা—জ্যুৎসু-দৌড়ান, লাকান, কপাটি পাটিখেলা প্রভৃতি কোনটাই অর্থব্যয় নাই বলিলেও হয়—কাজেই ওগুলো ছোটলোকের কসরতের অন্তর্ভুক্ত হইয়া পড়িয়াছে। কুটবল, লনটেনিস, হকি, ব্যাডমিন্টন—এ সকল খেলার বড়মামুষি দেখান যায়—কানেই বর্তমান সময় যুবকদিগের ঐ দিকেই ঝাঁক বেগী। কিন্তু যতলোক কুটবল খেলা দেখে বা রাতদিন কুটবল খেলার কথা মনে—তাহার এক সহস্রাংশ লোকও ত সে খেলা খেলে না! আর যে জাতীয় তরুণদিগের আনন্দধ্বনি "হিপ্ হিপ্ হরে," হইয়া পড়িয়াছে সে জাতি আশ্রয় না আশ্রয়িত? যে জাতি পলী ছাড়িয়া সহরেই বাস করিতে ভালবাসে, যে জাতি মাতৃভাষা ত্যাগ করিয়া পিতামাতাকে ইংরাজীতে পত্র লেখে, বাহার দেশী ভাষা, বেশ, ব্যবহার এমন কি আনন্দধ্বনিও তুলিয়া যাইতেছে—সে জাতি—সে ছাত্রজাতি—আজ কোন মুখে চলিয়াছে তাহাও কি বলিয়া দিতে হইবে?

ছাত্রদিগের অপরাধ কি? তাহাদের পিতৃ-পিতামহ অতি দীন আদর্শে তাহাদিগকে শিক্ষা দান করিবার ব্যবস্থা করেন—হীন বার্ঘের ও ভোগের পথে ঠেলিয়া দেন; তাহাদের সমাজ আজ নীরব; তাহাদের দেশ আজ বিলাতীর বিলাস-লালসায় বোল আনা মাতিয়া উঠিয়াছে; তাহাদের শিক্ষা আজ সর্বতোভাবে বহিমুখী—আজ তাহারা আশ্রয় হর কিসের জোরে?

কিন্তু তাহা বলিয়া নিশ্চিত থাকিলে ত চলিবে না! হাত্মনিকে  
ব ব হিত চিন্তা করিতেই হইবে—কেহই তাহাদিগের হইয়া থাকিবে না,  
কেহই তাহাদিগের বাহ্যি পড়িয়া দিবে না, কেহই তাহাদিগকে “মানুষ”  
করিবার পথে ঠেলিয়া দিবে না। আজ যদিও বা “ছাত্র” বোধে কেহ  
দূর করিয়া তাহাদিগকে হিতোপদেশ দেন—ছাত্রের স্মরণ রাখিবেন যে,  
আর ছুটার বৎসর পরে, যখন তাহারা সংসারে প্রবেশ করিবেন, তখন  
তাহাদিগের পূর্বকৃত কর্মের বোঝা আপনাকে বহিতে হইবে—তখন  
একটু সহানুভূতি পূচক “আহা”ও কেহ বলিবে না। আজ যে ভয় বাহ্য  
রূপ শীর্ণ দেহ, দুর্বল চক্ষু বা বন্ধোবেশ লইয়া লেখাপড়া করা  
চলিতেছে—সংসারে চুকিয়া, ছেলে-পুলেদের ব্যারাম পীড়া, নিজের  
দৈহিক দুর্বলতা প্রভৃতি যখন চাপিয়া ধরিবে,—আজি ঠাপানি, কাল  
করকোশ,—এই সকলে সংসারে যখন “জের-বার” হইবে—তখন কেহই  
স্তিরিয়া তাকাইবে না। তখন অনুতাপ আসিবে—“কেন সময়  
ধাকিতে শরীরটাকে শোধরাইবার ব্যবস্থা করি নাই—কেন  
দেহটাকে কর্ণঠ করি নাই”—ইত্যাকার নিফল রোদনই তখন সার  
হইবে!

তাই বলিতেছি যে ছাত্রগণ, আজ এই মুহূর্ত হইতেই নিজ নিজ  
দেবতা স্মরণ করিয়া পপথ করুন—“আজ হইতেই দেহের প্রতি যত্ন  
করিব—আজ হইতেই এই দেহকে কর্ণঠ করিব।” কারণ, স্মরণ  
রাখিবেন যে, যতক্ষণ গরম, ততক্ষণ আদর। সুধুই কি তাই? “বলং  
বলং অহবলং”—যতক্ষণ নিজে চেঁচা না করিবেন, ততক্ষণ কোন কাষই  
কেহ করিয়া মাথা কিনিবে না। তাহা ছাড়া, আরো একটা কথা  
আছে—সে কথাটা আমরা যে কেন ভুলিয়া যাই তাহা জানি না। এই  
দেহ—এই দুর্লভ মনুস্বদেহ—ঈশ্বরবানের মন্দির। শীর্ণ, ভগ্ন,  
পুণ্ডিরিকার মন্দিরে ঈশ্বরবানকে অতি বড় মুখও রাখে না। এই দেহকে  
কায়েই দৃঢ় ও কর্ণঠ করিতেই হইবে। সুধু যে কটি রোজগারের

জন্ত গায়ের বল চাই, তাহা নহে—সুস্থ ও বলিষ্ঠ দেহ হইলে, সে ব্যক্তির  
মনও দৃঢ় হয়। বাহার শরীর দুর্বল ও রোগগ্রস্ত তাহারই মন দুর্বল।  
কায়েই দেহ সুস্থ ও সবল থাকিলে, মনও সবল হয়—অর্থাৎ, সংযম  
করিবার ক্ষমতা বাড়ে। প্রায়ই দেখা যায় যে, রুগ্ন ব্যক্তির অত্যাচারী  
ও অসংযমী। এই জন্ত মনের উপরে আধিপত্য করিবার জন্তও—  
বড়রিপুকে দমন করিবার জন্তও—প্রকৃত ব্রহ্মচর্য্য অবলম্বনের জন্তও দেহকে  
সুস্থ ও সবল করা চাই—“নারমাস্ত্বা বলহানের লভ্যঃ”—এই জন্তই এই  
কবি বাক্য বর্ণে বর্ণে সত্য। ধর্মগ্রন্থ পাঠ করিয়া, তপ জপ করিয়া,  
ব্রহ্মাকে যে সে লাভ করিতে পারে না—কারণ ছাদ দেখিলে ছাদে  
উঠার কাব হয় না—সিঁড়ি চাই। সেই সিঁড়ি হইতেছে—শরীর গঠন,  
মনকে তৈয়ারি করা। সেই জন্তই আবার বলি—বাল্মীকীর যের  
ছেলেয়া বাল্মীকীর চিরকালের সামগ্রী—ধর্মকে আশ্রয় কর। ধর্মকে  
আশ্রয় করিতে হইলে, মনকে গড়িতে হইবে; মনকে গড়িতে হইলে,  
শরীরকে গড়িতে হইবে।

কায়েই, আমরা বেশ বুঝিলাম যে, যদি আমরা ভবিষ্যতে সংসারে  
সুখে বিচরণ করিতে চাই, তাহা হইলেও আমাদের প্রথম ও প্রধান  
কর্তব্য শরীরকে তৈয়ারি করা; আর যদি আমরা যুগযুগান্তরের সাধনা  
করা হিন্দুর বাহ্যিক পথে চলিতে চাই—তাহা হইলেও দেহকে গড়িয়া  
তুলিতেই হইবে! দেহকে গড়িয়া তুলিতে হইলে ধন চাই না—মন  
চাই। মানুষ হইতে হইলে তাহার জন্ত সাধনা করিতে হইবে—সে  
সাধনা দেহকে লইয়া। আজ হইতে, প্রত্যেক ঘরে ঘরে ছাত্রেরা নিরমিত  
ভাবে ব্যারাম চর্চার মন দাও—এ জাতির ভবিষ্যৎ অতীব উজ্জ্বল হইবে!  
ব্যারাম সম্বন্ধে নিয়ম কাহুন লইয়া আমি সময় ক্ষেপ করিব না—আমি  
“বারবার বলিয়াছি—আবার বলিতেছি—এবং যতদিন জীবিত থাকিব  
ততদিনই বলিব—হে বাল্মীকী, তোমার ভবিষ্যৎ তোমার বাহর উপরে  
নির্ভর করিতেছে।

## হাইফেন

### চারু বন্দ্যোপাধ্যায়

বিলোপ যখন ব্যস্ত হইয়া মৃদুলায় সঙ্গে সাক্ষাৎ করিবার জন্ত  
ছুটিয়া আসিতেছিলো তখন অনন্ত নিশ্চিত হইয়া ছিলো না।  
সে তাহার মটো করিয়া লইয়াছিলো—Strike the iron  
while it is hot! লোহার মতন কঠিন মৃদুলায় মন  
অন্তরতাপে তপ্ত থাকিতে থাকিতে তাহাকে নিজের  
ইচ্ছানুযায়ী গঠন দিয়া লইতে হইবে। এই উদ্দেশ্য মনে  
রাখিয়া অনন্ত কোর্ট হইতে বিপ্রহর বেলাতেই কিরিয়া  
বাড়ীতে আসিলো। আত্মতা জিজ্ঞাসা করিলো—এতো  
সন্ধ্যা-সকাল চলে এলে যে?

অনন্ত মনের হাসি মুখে চাপিয়া গম্ভীর হইয়া বলিলো—  
শরীরটা বেশ ভালো নেই।

অনন্ত স্ত্রীর দৃষ্টি এড়াইয়া একবার মৃদুলায় কাছে যাইবার  
সুযোগের জন্ত ব্যস্ত হইয়া মনের মধ্যে ছটকট করিতে  
লাগিলো; যতোই বিলম্ব হইয়া যাইতেছিলো ততোই সে  
অস্বস্তি অনুভব করিতেছিলো। অবশেষে তিনটার সময়  
তাহার সুযোগ মিলিলো; আত্মতা ভিত্তোরিয়া ক্রসের  
অ্যানা লর্ড, উপস্থান পড়িতে পড়িতে ঘুমাইয়া পড়িলো।  
স্ত্রী নিজের অচেতন হইয়াছে দেখিয়াই অনন্ত স্তম্ভিত হইয়া

টিপিয়া টিপিয়া সেই ঘর হইতে বাহির হইয়া মল্লের অন্তঃপুরে গিয়া উপস্থিত হইলো। সে মৃৎলার ঘরের সম্মুখে আসিয়া দ্বার-লঙ্ঘিত পর্দার এপার হইতে ডাকিলো—বৌদিদি, ঘুমুচ্ছেন নাকি ?

মৃৎলা ঘুমাইতেছিলো না। সে বিলোপের আগমনের প্রতীকার অধীর হইয়া মুহূর্ত্ত গণিতেছিলো এবং অশ্রুধারায় তাহার মুখ প্রাবিত হইতেছিলো। সে বসিয়া বসিয়া ভাবিতেছিলো মল্লর কবে তাহাকে ভালোবাসার কি কথা বলিয়াছে, কবে কেমন করিয়া তাহাকে আদর করিয়াছে, কবে তাহার দৃষ্টিটি পত্নীর দিকে প্রণয়বেশে রঙীন হইয়া তাকাইয়াছে ! এই সমস্তের সহিত তাহার পরবর্ত্তী পরিবর্ত্তন কিছুতেই মৃৎলা খাপ খাওয়াইতে পারিতেছিলো না। সে কিছুতেই বুঝিতে পারিতেছিলো না যে মানুষ কি এতো শীঘ্র পরিবর্ত্তিত হইয়া যাইতে পারে, অথবা নিজের প্রকৃত প্রকৃতি প্রচ্ছন্ন রাখিয়া অমন একাগ্র তন্ময় প্রণয়ের অভিনয় ও ভাণ করিতে পারে ? অনন্ত 'বৌদিদি' বলিয়া ডাকিতেই তাহার চিন্তার বাধা পড়িলো, সে চমকিয়া উঠিলো, মনে করিলো বিলোপ আসিয়াছে বুঝি। সে তাড়াতাড়ি উঠিতে যাইতেছিলো ; কিন্তু পর মুহূর্ত্তেই 'ঘুমুচ্ছেন নাকি ?' প্রশ্নের চং ও স্বর শুনিয়াই সে বুঝিতে পারিলো যে প্রশ্নকর্ত্তা বিলোপ নহে, অনন্ত। তাহার ঘরা করিবার প্রবৃত্তি তিরোহিত হইয়া গেলো। প্রথমে সে মনে করিলো সে সাড়া দিবে না, অনন্ত তাহাকে ঘুমন্ত মনে করিয়া ফিরিয়া যাইবে। কিন্তু অনন্ত আবার যখন গলা-খাঁখারি দিয়া ডাকিলো—“বৌদিদি! এখনো ঘুমুচ্ছেন ?” তখন সে আর সাড়া না দিয়া থাকিতে পারিলো না, সাড়া না দিলে অসভ্যতা করা হইবে বলিয়াই সে সাড়া দিলো—“না ঘুমুই নি, যাচ্ছি.....” মৃৎলা চোখ মুখ মুছিয়া প্রকৃতিস্থ হইবার চেষ্টা করিতে করিতে বাহির হইয়া আসিলো।

অনন্ত মৃৎলার মুখের দিকে চাহিয়াই বুঝিতে পারিলো যে সে কাঁদিতেছিলো এবং কেনো যে কাঁদিতেছিলো তাহা অনুমান করিতেও তাহার ক্ষণমাত্র বিলম্ব হইলো না। সে মৃৎলাকে বলিলো—বৌদিদি, চোখের উপর রাগ করে' ভূঁয়ে ভাত খেয়ে লাভ কি ? শঠে শঠ্যং সমাচরেৎ ! এ তো আমাদের শাস্ত্রেরই স্ববচন ! মানুষকে মানুষে সম্পর্ক তো আরনার মুখ দেখা, যে যেমন মুখভঙ্গী করবে সে তেমনি

পাণ্টা জবাব পাবে। মল্ল-বাবু যে-রকম আচরণ করছেন, “আপনিও ঠিক অম্নি করুন দেখি, তা হলেই মল্ল-বাবু ছদিনেই সায়ন্তা হয়ে যাবেন, টিট হয়ে যাবেন। আপনি ঠুকে দেখান তো যে আপনি আমার অল্পরাগিণী হয়েছেন, এম্নি দেখবেন যে ঠুর এমন হিংসা হবে-যে উনি আপনাকে চোখের আড় কর্তে পারবেন না। আমি আপনাকে যেদিন দেখেছি সেইদিনই আমার মনপ্রাণ আপনাকে সমর্পণ করেছি। আপনি আমাকে যা বলবেন আমি তাই করবো। আজ বিকালবেলা চলুন না নিজের চোখে মল্ল-বাবুর কীর্তি দেখে আসবেন—শ্রেয়সীর বাড়ীর কাছে আপনি গাড়ীতে বসে' থাকবেন, আর মল্ল বাবু সেই বাড়ীতে চুকবেন আপনি স্বচক্ষে দেখবেন.....”

মৃৎলা অবাক হইয়া অনন্তর সমস্ত কথা শুনিতেছিলো এবং তাহার মনের উপর দিয়া বিরুদ্ধ চিন্তার ঝড় বহিয়া যাইতেছিলো—কণিকের ভ্রূ একবার তাহার মনে হইলো রবি-বাবুর মানভঞ্জন গল্পের নায়িকা গিরিবারার মতন সেও কি স্বামীর অনাচারের প্রতিহিংসা অশাস্তি করিয়া লইবে ? অমনি তাহার সর্ক দেহমন সঙ্কচিত হইয়া অন্তচিতার ভয়ে ও ঘৃণায় বলিয়া উঠিলো—ছি ! অনন্তর প্রস্তাবে তাহার সহিত গিয়া স্বামীর কুচরিত্রের চাক্ষুষ প্রমাণ সংগ্রহ করিতেও একবার ঈর্ষং ইচ্ছা মনের মধ্যে উঁকি মারিতেই তাহার মনে হইলো যে ব্যক্তি নিজের মুখে পত্নীর সম্মুখে প্রণয় প্রকাশ করিতে পারে তাহাকে বিশ্বাস করিয়া একাকিনী তাহার সহিত বাড়ী ছাড়িয়া যাওয়া নিরাপদ নহে। এই কথা মনে হইতেই মৃৎলা গম্ভীর ভাবে “না” বলিয়া ঘরের মধ্যে চলিয়া যাইবার উপক্রম করিলো।

মৃৎলাকে পলায়নোদ্ভত দেখিয়াই অনন্ত আশ্চর্য হইয়া সামনে কুঁকিয়া খপ্ করিয়া মৃৎলার হাত চাপিয়া ধরিয়া একটু নিজের দিকে আকর্ষণ করিয়া বলিলো—বৌদিদি, আপনি চলে' যাবেন না, আমি আপনাকে এমন ভালো বেসে ফেলেছি যে তেমন ভালোবাসা কখনো কেউ কাউকে বাসে নি.....

মৃৎলা দৃষ্টি হইতে অগ্নিময়ী জ্বালা অনন্তর মুখের উপর হানিয়া দৃষ্ট কর্তে বলিলো—হাত ছাড়ুন, অসভ্য বর্ষের মতন ব্যবহার করবেন না.....

অনন্ত মৃৎলার হাত চাপিয়া ধরিয়া বলিলো—আপনি

আমার হাত থেকে বা মন থেকে কিছুতেই ছাড়িয়ে যেতে পারবেন না—

‘প্রাণের শৃঙ্খল দিয়েছি প্রাণেতে

দেখি কে খুলিতে পারে।’

এমন সময় বিলোপ সিঁড়ি হইতে দালানে উঠিয়াই দেখিতে পাইলো অনন্ত মৃহলার হাত ধরিয়া কোমল স্বরে প্রণয়সূচক কবিত্ব করিতেছে! সে এই ব্যাপার দেখিয়াই স্তম্ভিত হইয়া দাঁড়াইয়া পড়িলো—তাহার হৃদয়-মন্দিরের দেবীপ্রতিমা যেনো বিধর্মীর অত্যাচারে চূর্ণ অপবিজ্ঞ হইয়া পড়িলো! পাছে মৃহলার দাম্পত্যজীবনে ঈষৎ কলঙ্ককালিমার রেখাপাত হয় এই ভয়ে সে নিজের প্রাণপূর্ণ প্রণয় লইয়া কখনো তাহার সম্মুখে আসিতে সাহস করে না, আর সেই মৃহলা কিনা পবনকণ্ঠের হাত ধরিয়া প্রণয় নিবেদন নিকট হইয়া অপ্রতিবাদে গুণিত্তেছে! বিলোপের সমস্ত অস্তর ব্যাধিত পীড়িত লজ্জিত হইয়া হায় হায় করিয়া উঠিলো! এক মুহূর্ত্ত সে স্তব্ধ হইয়া এতো কথা ভাবিয়া লইয়াই স্থির করিলো এখানে তাহার দাঁড়াইয়া এই অদর্শনীয় ব্যাপার দেখা ও অশ্রাব্য কথা শোনা উচিত নয়; তাহার অতিক্রম আগমন উহাদের দুজনের কেউ জানিবার পক্ষেই তাহাকে পলায়ন করিতে হইবে, নতুবা মৃহলা লজ্জা পাইবে! খানিক পরে সে নীচে হইতেই ডাক দিয়া মৃহলাকে সতর্ক করিয়া উপরে আসিবে।

বিলোপের আগমন মৃহলা ও অনন্ত টের পায় নাই; একে বিলোপ পায়ের শব্দ করিয়া চলা অসভ্যতা মনে করে বলিয়া সস্তর্পণে সমস্ত পা পাতিয়া চলে এবং পায়ের ডগার উপর মাত্র ভর দিয়া সিঁড়িতে উঠে, তাতে আবার তাহার কুতার তলা রবারের; কাজেই তাহার আগমন নিঃশব্দ পদদ্বারা হইয়াছিলো।

অনন্তর কবিত্ব গুনিয়া মৃহলার সর্কাক ক্রোধে জ্বলিত-ছিলো; কিন্তু সে একবার চেষ্টা করিয়াই বুঝিয়াছিলো অনন্তর বক্তৃতা হইতে মুক্তিলাভের জন্ত বল প্রকাশ করিয়া কোনো ফল হইবে না; চীৎকার করিয়া চাকর-দাসীদের ডাকিয়া জড়ো করিতেও তাহার অপমান বোধ হইতেছিলো; তখন সে নিজের সতীকৃত্তেজ এবং অনন্তর মনুষ্য ও ভব্যতার উপর নির্ভর করিয়াই আপনাকে

মোচন করিবার চেষ্টা করিতে লাগিলো; সে দৃষ্ট স্বরে বলিলো—আপনাকে এতোদিন ভদ্রলোক বলে জান্তাম...

এই কথা বলিতে বলিতে মৃহলার মনে হইলো তাহার চাকর-দাসীদের কেউ তাহার এই ছরবস্থা দেখিতেছে না তো! এই কথা মনে হইতেই সে মুখ ফিরাইয়াই দেখিলো বিলোপ চোরের মতন সঙ্কুচিত ভাবে সিঁড়ি দিয়া নামিয়া পলাইবার উপক্রম করিতেছে। বিলোপকে পলায়নোত্তর দেখিয়াই মৃহলা বুকিতে পারিলো বিলোপ কী ভুল করিয়া সেখানে আসিয়াও কোনো সাড়া না দিয়া পলায়ন করিতেছে! বিলোপ যে মনে করিয়াছে মৃহলা দ্বিচারিণী ইহাতে সে ব্যাধিত ও লজ্জিত হইলেও সেই সময় বিলোপকে দেখিয়া তাহার সাহসও হইলো এবং সে সাহায্যের সম্ভাবনা দেখিয়া মনে বিশেষ আশ্বাসও অনুভব করিলো।

বিলোপ সিঁড়ির এক ধাপ নামিয়াই যেই গুনিলো যে মৃহলা রুট স্বরে অনন্তকে ভৎসনা করিয়া বলিলো—“আপনাকে এতোদিন ভদ্রলোক বলে জান্তাম.....” অমনি তাহার চিত্ত চম্কাইয়া উঠিলো; সে ভাবিলো—তাহা হইলে আমি যাহা সন্দেহ করিয়াছিলাম তাহা তো মিথ্যা! অমনি তাহার হৃদয়-মন্দিরের চিত্তপীঠের উপর দেবীপ্রতিমা পুনঃ প্রতিষ্ঠিত হইয়া স্বমহিমায় উদ্ভাস্বর হইয়া উঠিলো। তাহার এখন কি কর্তব্য স্থির করিয়া লইবার জন্ত সে পিছন দিকে মুখ ফিরাইতেই মৃহলার দৃষ্টির সহিত দৃষ্টি সন্মিলিত হইলো; সে দেখিলো মৃহলার মদীন ভয়-ব্যাকুল মুখ সতীমহিমায় জ্বলজ্বল করিতেছে!

বিলোপের দৃষ্টির সঙ্গে নিজের দৃষ্টি সন্মিলিত হইয়া মাত্র মৃহলা আগ্রহের সহিত তাহাকে ডাকিয়া বলিলো—দাদা, এই বাদরটার হাত থেকে আমাকে উদ্ধার করুন!...

বিলোপ সিঁড়ির ছই ধাপ নামিয়াছিলো। সে ফিরিয়া এক লাফে ছই ধাপ ডিঙাইয়া দালানে উঠিলো এবং ক্রতপদে অনন্তর দিকে অগ্রসর হইতে হইতে অবকৃত্ত ক্রোধে দাঁতে দাঁত চাপিয়া রুঢ় ব্যঙ্গের স্বরে জিজ্ঞাসা করিলো—এই বাদরটি কোন্ পশুশালায়?

মৃহলার ও বিলোপের কথার আঘাতে চকিত হইয়া অনন্ত মুখ ফিরাইয়াই বিলোপকে দেখিলো—লজ্জা-চণ্ডা কৃষ্ণকার জোরান হনহন করিয়া তাহার দিকে আসিতেছে!

ভয়ে তাহার মুখ শুকাইয়া গেলো! মৃহলার বিবাহের পর এই অল্প করদিনের মধ্যে বিলোপ মাত্র একবার তাহাদের বাড়ীতে সন্ধ্যার পর আসিয়াছিলো, তাও অতি অল্পকালের জন্য; তাই অনন্ত কখনো বিলোপকে দেখে নাই এবং তাহাকে চিনিতো না।

বিলোপের প্রবেশের উত্তরে মৃহলা বিরক্ত স্বরে বলিলো— ইনি এই পাশের বাড়ীটাকেই পশুশালায় পরিণত করেছেন!

বিলোপের আবির্ভাবে অনন্তর মুখ ভয়ে শুকাইয়া গেলো সে শুধু মুখে হাসিবার চেষ্টা করিয়া বলিলো— স্বীলোকের প্রত্যাৎপন্নমতিত্ব অসাধারণ! বেই ধরা পড়ে গেছে আর অমনি হয়ে পড়লেন পরম সত্য! কিন্তু এই সতীপণা আমার তো আর জানতে বাকী.....

বিলোপের বহুশ্রুতির এক 'ঘৃষি অনন্তর মুখের উপর পড়িয়া তাহার বাকরোধ করিয়া দিলো এবং বিলোপকে দেখিয়া অনন্ত যে একটুও ভয় পায় নাই তাহাই দেখাইবার জন্য সে মৃহলার হাত ছাড়ে নাই; কিন্তু বিলোপের ঘৃষির ধাক্কার সে ঠিকরাইতে ঠিকরাইতে দূরে গিয়া কোনো মতে টাল সামলাইয়া দাঁড়াইলো, কখন যে কেমন করিয়া তাহার মুষ্টি শিথিল হইয়া মৃহলার হাত ছাড়িয়া গিয়াছিলো তাহা সে জানিতেও পারিলো না। তাহার মাথা ঝিমঝিম করিতেছিলো, দৃষ্টি অন্ধকারাচ্ছন্ন হইয়া পড়িয়াছিলো; সে সামলাইয়া কোনো কথা বলিবার পূর্বেই বিলোপ তাহার ঘাড় ধরিয়া এক ধাক্কার চৌকাঠ ডিঙাইয়া তাহাকে তাহার বাড়ীর মধ্যে চালান করিয়া দিয়া বলিলো— কেবল যদি এই চৌকাঠ কোনোদিন ডিঙিয়েছো তো তোমাকে আশ্রয় রাখবো না।

অনন্ত ঠিকরাইতে ঠিকরাইতে নিজের বাড়ীর মধ্যে গিয়া ধামিতে পারার পূর্বেই বিলোপ সশব্দে ধড়াস করিয়া উত্তর বাড়ীর মধ্যবর্তী দরজা বন্ধ করিয়া ছড়কা লাগাইয়া দিলো।

অনন্তকে তাহার বাড়ীর মধ্যে চালান করিয়া দিয়া বিলোপ যেই ঘুরিয়া মৃহলার মুখের দিকে তাকাইলো, অমনি মৃহলা স্বামীর প্রতি অভিমানে, বিলোপের প্রতি কৃতজ্ঞতার, অনন্তর কুৎসিত আচরণে অপমানিত হওয়ার কোভে এবং বিপদ হইতে মুক্ত হওয়ার আশ্বাসে পূর্ণ হইয়া কাঁদিয়া ফেলিলো, এবং তাড়াতাড়ি বস্ত্রাকল দিয়া মুখ ঢাকিলো।

'বিলোপ মৃহলার ক্রন্দন দেখিয়া ব্যথিত হইয়া বিরক্তি-মিশ্র অনুযোগের স্বরে বলিলো—এমন বানর-প্রকৃতি লোকের সঙ্গে মলয় সংশ্রব রাখে কেনো আর এদের প্রশ্রয়ই বা দেয় কেনো!

মৃহলা বিলোপের সমবেদনার সাক্ষ্য পাইয়া চোখের জল মুছিতে মুছিতে বলিলো—আজকাল গুর এই রকম সব লোকের সঙ্গেই বন্ধুত্ব হয়েছে! আমার মান-মর্যাদার দিকে দেখবার অবসর তাঁর আর নেই। তাই আপনাকে ডেকে পাঠিয়েছিলাম, আমাকে এই নরক-যন্ত্রণা থেকে উদ্ধার করতে হবে.....

বিলোপ বলিলো—তার জন্তে আর ভাবনা কি? আমি এখনই একটা ছুতোর মিস্ত্রী ডেকে এনে ছ-বাড়ীর মাঝখানের দরজাটার কাঠ দিয়ে জু আঁটিয়ে দিচ্ছি। আর মলয়কে বলে'.....

ইতিমধ্যে মৃহলা সম্বৃত হয়ে স্থির গম্ভীর স্বরে বলিলো— আমি এ বাড়ীতে আর থাকবো না, থাকতে পারবো না, এখানে বাস করা আমার পক্ষে অসম্ভব হয়ে উঠেছে।.....

বিলোপ অবাক হইয়া মৃহলার মুখের দিকে তাকাইয়া রহিলো! মৃহলা বলিতে লাগিলো—আমি বাবার কাছে পুরীতে যাবো। আপনি আজ এখনই যদি আমাকে নিয়ে যেতে পারেন তো ভালো হয়; আপনিই ঘটকালি করে আমার বিয়ে দিয়েছিলেন!.....

মৃহলার কষ্টস্বরের প্রচ্ছন্ন মুহু তিরস্কার বিলোপ বুঝিতে পারিয়া আশ্চর্য হইয়া ভাবিতে লাগিলো নিশ্চয় মৃহলা ও মলয়ের মধ্যে কোনো দাম্পত্য কলহ হইয়া থাকিবে এবং সে সম্বন্ধে শাস্ত্রবচনে তাহার বিশেষ বিশ্বাস ছিলো বলিয়া সে স্থির করিয়া লইলো যে বহুবারে লঘুক্রিয়া হইয়া শীঘ্রই ব্যাপারটার নিষ্পত্তি হইয়া যাইবে। তাই সে মৃহলার তিরস্কারে কৌতুক অনুভব করিয়া হাসিয়া বলিলো— ঘটকালি করে' বিয়ে দিয়েছিলাম আমি, 'আমিই আবার মালিন্দী মকদ্দমায় আপোষ নিষ্পত্তি করে' দেবো! আমি চিরকাল আপনার ছুজনের মধ্যে মিলন-সাধন হাইকেন হয়ে থাকবো!

মৃহলা বিলোপের রসিকতার হাসিতে পারিলো না; মুখ কালো করিয়া থাকিয়াই লুপ্তস্বরে বলিলো—আপনি



নির্থে যেতে যদি না পারেন তা হলে আমাকে একলাই যেতে হবে।

বিলোপ মৃহলার দৃঢ়তা দেখিয়া চিন্তিত হইয়া উঠিলো; সেও গম্ভীর হইয়া বলিলো—আচ্ছা, আমিই নিয়ে যাবো! কিন্তু গাড়ী তো সেই রাত ৮টার সময়.....

মৃহলা পুনরায় দৃঢ় স্বরে বলিলো—গাড়ী যখনই ছাড়ুক, আমি এ বাড়ী থেকে এখনই বেরুবো, টেনে গিয়ে বসে থাকুবো, তবু এ বাড়ীতে থাকতে পারুবো না। আপনি সঙ্গে যান ভালো, নয় তো আমি একলাই যাবো।.....

মৃহলার কেবলই মনে হইতেছিলো পাঁচটার সময় মিলয় আপিস হইতে বাড়ীতে ফিরিয়া নিবারণের সঙ্গে শ্রেয়সীর বাড়ীতে যাইবে। বারবনিতার গৃহে স্বামীর অভিসার মৃহলা কিছুতেই দেখিতে পারিবে না। তাই সে বিলোপকে আপনার দৃঢ় স্বরের শেষ কথা শুনাইয়া দিয়া তাহাকে কোনো কথা বলিবার অবকাশ না দিয়াই নিজের চাকরকে উচ্চ কণ্ঠে ডাকিয়া বলিলো—বন্দী!... একখানা গাড়ী কি ট্যাক্সি চট করে ডেকে নিয়ে এসো তো.....

বিলোপ মৃহলাকে নীরব হইতে দেখিয়া বলিলো—তা হলে আমি একবার বাসায় গিয়ে আমার জামা কাপড়.....

মৃহলা বলিলো—টেনে যাবার পথে নিয়ে নেবেন, অথবা পুরীতে গিয়ে আমি কিনে আনিয়া দেবো.....

এই দৃঢ়তার পর বিলোপের বক্তব্য আর কিছুই থাকিলো না।

ভৃত্য আসিয়া সংবাদ দিলো—ট্যাক্সি আসিয়েছে।

মৃহলা ভৃত্যকে বলিলো—ঐ ঘরে একটা ব্যাগ আর বিছানা বাধা আছে, গাড়ীতে তুলে দাও.....

বিলোপ বুঝিলো মৃহলা যাত্রার জন্য প্রস্তুত হইয়াই ছিলো। সে কেবলই ভাবিতেছিলো একবার কোনো-রকমে মলয়ের সঙ্গে সাক্ষাৎ করিয়া ব্যাপার কি জানিতে পারিলে ভালো হইতো। তাই সে সময় কাটাইবার জন্য জিজ্ঞাসা করিলো—ব্যাপারটা কি হয়েছে আমাকে যদি বলতেন.....

মৃহলা সিঁড়িতে নামিতে নামিতে বলিলো—পুরীতে গিয়ে সব বলবো। এখন বলতে পারুবো না।

বিলোপ অগত্যা মৃহলার অনুসরণ করিলো।

মৃহলার ভৃত্য ঘরের ভিতর হইতে জিজ্ঞাসা করিলো—মাইজী, খাবারের বাস্‌বুঁর জলের কুঁজাভি যাবে?

বিলোপ যদি সঙ্গে যায় তাহা হইলে তাহার আহােরের জন্য মৃহলা লুচি তরকারী তৈয়ারী করিয়া রাখিয়াছিলো। ভৃত্যের প্রশ্নের উত্তরে মৃহলা বলিলো—হ্যাঁ; এক জায়গায় যা আছে সব নিয়ে আয়.....

মিনিট পাঁচেক পরেই মৃহলা ও বিলোপকে লইয়া মোটর-গাড়ী উদ্যোগ হইয়া ছুটিয়া চলিতে লাগিলো।

সাড়ে চারটার সময় মলয় বাড়ীতে ফিরিয়া আসিয়া মৃহলাকে খুঁজিলো। কিন্তু কোথাও তাহাকে দেখিতে না পাইয়া অথবা তাহার অবস্থানের কোন চিহ্ন না দেখিয়া সে ভৃত্যকে জিজ্ঞাসা করিল—হাঁ রে, তোর মাইজী কোথায়?

ভৃত্য তাহাকে সংবাদ দিলো—মাইজী বিলোপবাবুর সাথে বেরিয়ে গিয়েছেন।

মলয় মনে করিলো মৃহলা বারোঘোপে যাইতে চাহিয়া ছিলো এবং সে লইয়া যাইতে পারিবে না বলিয়া মৃহলা হয়তো বিলোপকে ডাকাইয়া আনিয়া বারোঘোপে গিয়াছে। মৃহলা যে নিজের চিন্তাবিনোদনের ব্যবস্থা নিজেই করিয়া লইয়াছে ইহাতে সে সুখীও হইলো এবং সে যে মৃহলার অনুরোধ রক্ষা করিতে পারে নাই ও মৃহলাকে নিজের ইচ্ছা পূর্ণ করিবার জন্য অপরের সাহায্য প্রার্থনা করিতে হইয়াছে ইহাতে সে দুঃখিতও হইলো।

মলয় দেখিলো খাবার ঘরে তাহার জলখাবার ঢাকা রহিয়াছে। সে সেই খাবার খাইয়া, নিবারণকে সঙ্গে লইয়া শ্রেয়সীর বাড়ীতে গিয়া ফটকের কাছে উপস্থিত হইতেই ছারবানু রুক স্বরে বলিয়া উঠিলো—নেই বাবু নেই, বাইজীকা সাথ মুলাকাং নেহি হোগা!

মলয় ছারবানের হুকাবে দমিয়া না গিয়া বাড়ীর দালানে উঠিয়া বলিলো—আমরা তো আর জৌর করে দেখা করতে যাচ্ছি না। তুমি শুধু বাইজীকে গিয়ে খবর দিয়ে এসো যে মলয়-বাবু এসেছে।

ছারবানু গম্ভীর স্বরে জিজ্ঞাসা করিলো—কোন্ বাবু? মালাই-বাবু?

মলয়ের নিজের নামটার হিন্দুস্থানী উচ্চারণে কবিশ্বের রাজ্য হইতে ঔদরিক রাজ্যে অর্থাভ্রমপ্রাপ্তি ঘটতে দেখিয়া

অত্যন্ত হাসি পাইলো; সে হাসি চাপিয়া বলিলো—হাঁ, মালাই বাবু বললেই হবে। আর তুমি যে কষ্ট করে' আমার নামটা বয়ে নিয়ে যাবে তার জন্তে তুমি কিছু মালাই খেয়ো... ..

মলয় ষারবান্জীর হাতে পাঁচটি টাকা গুঁজিয়া দিলো।

হাতের মুঠার মধ্যে অনেকগুলি টাকার সমাগম অসুভব করিয়া শ্রীল শ্রীবুদ্ধ হনুমান্‌প্রসাদ চৌবে মহারাজ খুসী হইয়া নিজের টুলটা মলয়ের কাছে রাখিয়া সন্ধ্যার সহিত বলিলো—আপু বৈঠিয়ে বাবু, বৈঠিয়ে।

তাহার পর সে মলয়ের সঙ্গীকেও কিছু একটা বসিতে দেওয়া উচিত বিবেচনা করিয়া ব্যস্ত হইয়া চারিদিকে চক্কু সঞ্চালিত করিতে লাগিলো।

মলয় তাহার উদ্দেশ্য বুঝিতে পারিয়া বলিলো—থাক, আমাদের দরকার নেই, তুমি খবরটা দাও গে—মলয়-বাবু...

ষারবান্জী যাইতে যাইতে মলয়কে আশ্বাস দিয়া বলিয়া গেলো—হাঁ, হাঁ, ইয়াদ হুয়, মালাই-বাবু.....

ষারবান্‌ চলিয়া যাওয়ার সঙ্গে-সঙ্গেই মলয় নিবারণকে বলিলো—চলো আমরা ওর পিছন-পিছন যাই... যদি দেখা করতে না পার...তার চেয়ে আমরা একেবারে গিয়ে উপস্থিত হই...তুমি তো একদিন এসেছিলে, পথ দেখিয়ে নিয়ে যেতে পারবে?

নিবারণ ঘাড় নাড়িয়া বলিলো—তা পারবো.....

“তবে চলো” বলিয়া মলয় ষারবান্‌ যে পথে বাড়ীর ভিতর গিয়াছে দেখিয়াছিলো সেই পথে অগ্রসর হইতে লাগিলো।

সিঁড়ির কাছে উপনীত হইয়াই দেখিলো শ্রেয়সী তাহার স্বস্ত্র অবশুর্ভন নাথায় তুলিয়া দিতে দিতে ব্যস্ত-সমস্ত হইয়া ক্ষতপদে রূপ-তরঙ্গের ত্রায় সিঁড়ি দিয়া অবতরণ করিতেছে। সে সিঁড়ির উপরে থাকিতেই মলয়কে দেখিয়াই আবেগভরা স্বরে বলিয়া উঠিলো—দাদা, তুমি এই নরককুণ্ডে কেনো এসেছো?

মলয় তৎক্ষণাৎ বলিলো—আমার পঞ্চদশ বোনটিকে ফিরিয়ে নিয়ে গিয়ে তার স্বাধিকারে প্রতিষ্ঠিত করে' দিতে.....

শ্রেয়সী ছুটিয়া নামিয়া আসিয়া মলয়ের পারের কাছে উপুড় হইয়া কাঁদিয়া ফেলিলো এবং কাঁদিতে কাঁদিতে বলিলো—দাদা, তুমি আমার গুরু বন্ধু, তোমার পারের ধুলো নেবারও আমার আর ক্ষমতা নেই। নইলে

তোমার পা ছুঁয়ে বলতাম আমি বড় হুঃখে অসহ্য কষ্ট পেয়ে এই পথে এসেছি। আমার এই মাতৃভক্ত স্বামী যখন কিছুতেই তার পত্নীকে রক্ষা করবার সাহস সঞ্চয় করতে পারলে না, তখন নিরুপায় হয়েই.....

মলয় ব্যথিত হইয়া বলিলেন—আনি রমা আনি, নিবারণ তার ভুল বুঝে প্রায়শ্চিত্ত করেছে; সে তোমাকে খুঁজে খুঁজে যে-সব জায়গায় বেড়িয়েছে তাতে তার মিথ্যা কলঙ্কে দেশ ছেয়ে গেছে; তার মাও তাকে স্মরণ করেন। তুমি ফিরে চলো.....

শ্রেয়সী মাটিতে মলয়ের পারের কাছে বসিয়া থাকিয়াই বলিলো—তুমি যদি আদেশ করো তবে...

‘মলয় দৃঢ় অঞ্চ মমত্বময় স্বরে বলিলো—হ্যাঁ আমি বলছি, আমি জামিন হচ্ছি, তোমার পত্নীর মর্যাদা কখনো ক্ষুণ্ণ হবে না, নিবারণ...

শ্রেয়সী চোখ মুছিতে মুছিতে উঠিয়া দাড়াইয়া বলিলো—তোমার আদেশ আমার শিরোধার্য্য। এই জন্তে তুমি এলে কেনো? একখানা চিঠি লিখে দিলেই তো হতো...

মলয় আশ্চর্য্য হইয়া বলিলো—আমি তো তোমাকে দুখানা চিঠি লিখেছিলাম, তার জবাব না পেয়েই তো.....

শ্রেয়সী ঘাড় নাড়িয়া বলিলো—আমি তো একখানা চিঠিও পাইনি।.....তুমি বসতে পারো এমন গুচি স্থান বন্ধ আসন এ বাড়িতে একখানাও নেই...তোমাকে ঠাঁড় করিয়ে রেখেই বিদায় দিচ্ছি। তোমার এই পারের ধুলো দিয়ে আমার জীবনের সমস্ত পাপ ঘসে' দূর করে' দিয়ে আজ থেকে আমি আবার পবিত্র হবো...

মলয় বলিলো—তোমাকে না নিয়ে তো আমরা বিদায় হবো না.....

শ্রেয়সী বিব্রত কাতর হইয়া বলিলো—কিন্তু ধিয়েটার-ওলাদের সঙ্গে যে আমার কন্ট্রাক্টের চুক্তি লেখাপড়া করা আছে.....

মলয় বলিলো—তা থাক। যদি তাদের বলে' করে' চুক্তি থেকে অব্যাহতি দেওয়াতে পারি তো ভালোই, না হয় তো তুমি তোমার চুক্তির মেয়াদ পর্য্যন্ত নিবারণের বাসা থেকেই.....

শ্রেয়সী মাথা নত করিয়া মুহূর্তকাল চিন্তা করিলো, একবার অপাঙ্গে নিবারণের স্নান উৎসুক মৌন সুধের

দিকে তাকাইলো; তার পর দীর্ঘনিশ্বাস ফেলিয়া বলিলো—  
তবে চলো . কিন্তু আমাকে গলায়ান করিরে নিয়ে য়েয়োঁ ..

এতো শীঘ্র যে মলয় শ্রেয়সীকে সংপথে প্রত্যাবর্তন  
করাইতে সক্ষম হইবে তাহা সে বা নিবারণ কেহই ভাবে  
নাই; সফলতাক আনন্দে উভয়ের মুখই উজ্জ্বল হইয়া  
উঠিলো। তাহারা গাড়ীতে চড়িতে চলিলো।

গাড়ীর পা-দানীতে পা দিয়া গাড়ীতে উঠিলার সময়  
শ্রেয়সী বাড়ীটার দিকে একবার ফিরিয়া দেখিয়া দীর্ঘ-  
নিশ্বাস ফেলিয়া মলয়কে বলিলো— বাড়ীর জিনিস পত্তরগুলো  
নিষ্কাশ করিয়ে বাড়ীভাড়া আর চাকর-দাসীদের মাইনে  
চুকিয়ে যা বাচবে গরিব-ছঃখীদের বিলিয়ে দিয়ো। •

মলয়ও শ্রেয়সীর অভ্যস্ত বিলাসের জীবনকে পশ্চাতে  
ফেলিয়া যাইবার বেদনার ব্যথিত হইয়া কোমল স্বরে বলিলো  
—তোমার ইচ্ছা অনুসারেই সব করা যাবে.....

শ্রেয়সী সিঁড়ির নীচেই মলয়ের পায়ে কাছ বসিয়া  
পড়িয়াছিলো বলিয়া দ্বারবান্জী হুম্মান প্রসাদ সিঁড়ি হইতে  
আর নামিবার সুবিধা পায় নাই; সে শ্রেয়সীকে মলয়ের  
সম্মুখে ভূনুষ্ঠিত হইয়া রোদন করিতে দেখিয়া আশ্চর্য হইয়া  
নির্ভাছিলো; বিশ্বরে তাহার ছই চক্ষু বিস্ফারিত হইয়া  
উঠিয়াছিলো এবং ময়ূরের পেশমের মতন উর্কে ছড়াইয়া  
চওড়া করিয়া তোলা গোকজোড়া ঘন ঘন কম্পিত হইতে-  
ছিলো! শ্রেয়সী যে বেশে নীচে নামিয়া আসিয়াছিলো সেই  
কামান্ত সাধারণ বেশেই গৃহত্যাগ করিয়া গেলো, কোনো  
প্রসাধন প্রারিপাটোর দিকে ক্রক্ষেপ মাত্র করিলো না,  
ইহাতেই তাহার বিশ্বয়ের অন্ত রহিলো না।

মলয় যখন শ্রেয়সীকে নিবারণের বাসায় রাখিয়া তাহাকে  
সাম্বনা করিয়া নিজের বাড়ীতে ফিরিয়া আসিতে পারিলো  
তখন রাত্রি ১০টা। তখনও মৃহলা বাড়ীতে ফিরিয়া আসে  
নাই দেখিয়া মলয় একটু চিন্তিত হইলো, আবার বিলোপের  
সঙ্গে গিয়াছে বলিয়া ব্যস্ত হইলো না; সে ভাবিতে  
লাগিলো মৃহলারা যদি বায়োঙ্কোপে গিয়া থাকিতো তাহা  
হইলে তো নরটার মধ্যেই ফিরিয়া আসিতো; পথে গাড়ীতে  
আসিতে কোনো দুর্ঘটনা ঘটে নাই তো? এই আশঙ্কা মনে  
উদয় হইতেই মলয় তাহার ভৃত্যকে ডাকিয়া জিজ্ঞাসা  
করিলো—তোমার মাইজী কোথায় গেছেন কিছু বলে' যান নি?

ভৃত্য বলিলো—না; আমাকে শুধু বললেন একটা গাড়ী

কি ট্যাক্সি ডাকিয়ে আন; আমি ট্যাক্সি ডাকিয়ে আনে  
দিলাম; তার পর হামাকে বললেন—করে ব্যাগ বিছানা  
আছে, গাড়ীতে চড়িয়ে দে....

মলয় আশ্চর্য ও উৎসুক হইয়া জিজ্ঞাসা করিলো—ব্যাগ  
বিছানা নিয়ে গেছে?

ভৃত্য বলিলো—আজ্ঞে; হামি জিগিস করলাম যে  
খাবার বাকস্ আর জলের কুঁজাতি কি দিবো? তিনি  
বললেন—হাঁ, এক জায়গাসে যো আছে সভ নিয়ে আইসো....

মলয় নিশ্চিন্ত হইলো; ব্যাগ বিছানা খাবার জল লইয়া  
যখন গিয়াছে তখন কোথাও দূরে গিয়াছে; রাত্রে ফিরিতেও  
পারে, নাও পারে। অতএব সে মৃহলার প্রত্যাগমনের  
প্রতীক্ষা করিয়া না থাকিয়া ভৃত্যকে বলিলো—ঠাকুরকে  
খেতে দিতে বল....

মলয় নিশ্চিন্ত হইলেও তাহার মন কৌতূহলে পীড়িত  
হইতে লাগিলো মৃহলা তাহাকে না বলিয়া কোথায় যাইতে  
পারে? সে তাহাকে বায়োঙ্কোপে লইয়া যায় নাই বলিয়া  
বোধ হয় অভিমানে মৃহলা তাহাকে চিন্তিত করিবার এই  
ফন্দি করিয়াছে! কিন্তু সে তো একটুও চিন্তিত হইলো না  
যখন সে জানিতে পারিয়াছে বিলোপকে সঙ্গে করিয়া সে  
গিয়াছে! মৃহলার উদ্দেশ্য বিফল হইয়া গিয়াছে মনে করিয়া  
মলয় মনে মনে হাসিতে লাগিলো।

বিলোপ মৃহলাকে লইয়া হাবড়া টেসনে গিয়াও স্থির  
হইতে পারিতেছিলো না, তাহাদের গৃহত্যাগের সংবাদ  
মলয়কে জানাইবার জন্য তাহার মন চঞ্চল ব্যস্ত হইয়া  
উঠিয়াছিলো, সে অশ্রুতি বোধ করিতেছিলো। সে মৃহলাকে  
দ্বিতীয় শ্রেণীর যাত্রিনী মহিলাদের বিশ্রামকক্ষে বসাইয়া  
জিনিষপত্র তাহার কাছে রাখিয়া মলয়ের সন্ধান করিতে  
গেলো। সে টেসন হইতে টেলিফোন করিয়া জানিলো মলয়  
তখনও বাড়ীতে ফিরিয়া আসে নাই এবং সে তাহার  
আপিসেও নাই। বিলোপ মৃহলার বিশ্রামকক্ষের দ্বারপ্রান্তে  
ফিরিয়া গিয়া দাঁড়াইয়া চারিদিকে তাকাইয়া খুঁজিতে  
লাগিলো যদি কোনো চেনা লোককে দেখিতে পায় তাহা  
হইলে তাহাকে দিয়া মলয়কে সংবাদ দিবার চেষ্টা করিবে।  
অনুকণ অপেক্ষা করার পরেই তাহার মনে হইলো অনেকক্ষণ  
অতিবাহিত হইয়া গিয়াছে; আবার সে টেলিফোন  
করিলো; শুনিলা মলয় বাড়ীতে আসিয়াছিলো, কিন্তু

আসিয়াই বাহির হইয়া গিয়াছে! বিলোপের মন এই সুযোগটি হারাইয়া হার হার করিয়া উঠিলো; সে নিজের নির্বুদ্ধিতাকে শত বিকার দিতে দিতে মলয়ের ভৃত্যকে জানাইয়া রাখিলো—আটটার আগেই যদি বাবু বাড়ীতে ফিরিয়া আসেন তবে যেনো তাহাকে সে খবর দেয় যে তিনি যেনো তৎক্ষণাৎ হাবড়া ট্রেনে আসেন। এই সংবাদ মলয়ের ভৃত্য মলয়কে বলিতে পারে নাই, কারণ সে যখন মাইক্রো গৃহত্যাগের বর্ণনা সবিস্তারে করিতেছিলো তখন তাহার বাক্য সমাপ্ত করিতে না দিয়াই তাহার প্রভু তাহাকে আদেশ করিয়াছিলো “ঠাকুরকে খেতে দিতে বল।” এই আদেশ পালন করিতে গিয়া বিলোপের আদেশ পালন করা তাহার ঘটিয়া উঠে নাই; এবং তাহার প্রভুকে বিলোপ আটটার আগে হাবড়া ট্রেনে যাইতে বলিয়াছিলো, সেই সময় অনেকক্ষণ উত্তীর্ণ হইয়া গিয়াছে, এক্ষণে সে অসময়ে ঐ সংবাদ দেওয়ার কোনো বিশেষ আবশ্যিকতা যে আছে তাহা উপলব্ধি করিতে পারে নাই।

বিলোপ মৃহলার বিশ্রামকক্ষের সম্মুখে চঞ্চল ভাবে পদচারণা করিতে করিতে প্রতিমুহূর্ত্তে আশা করিতে লাগিলো এইবার হয় তো মলয় আসিবে এবং সে স্বামী-স্ত্রীর মিলন ঘটাইয়া দিয়া মুক্তি লাভ করিতে পারিবে।

সন্ধ্যা উত্তীর্ণ হইয়া গেলো। ট্রেন আলোকমালার উদ্ভাসিত হইয়া উঠিয়াছে। মৃহলা বিশ্রাম কক্ষের দ্বারোপাশ্বে আসিয়া পদচারী বিলোপকে বলিলো—ট্রেনের সময় হয় নি? দেখুন, ট্রেন ফেল করিয়ে দেবেন না।

বিলোপ থম্কিয়া দাঁড়াইয়া মৃহলার দিকে ফিরিয়া মৃহলা হস্ত করিয়া বলিলো—ভয় নেই, ট্রেন ফেল হবে না; এখনো দেরী আছে; আমি বার্থ্ রিজার্ভ করে এসেছি……

মৃহলা আবার বিশ্রামকক্ষের মধ্যে আপনার অনন্ত হর্জাবনার তলায় ডুবিয়া গেলো।

ট্রেনের সময় ক্রমশঃই অগ্রসর হইয়া আসিতে লাগিলো; বিলোপের ব্যস্ততা ততো বাড়িতে লাগিলো। যাহাকে সে ভালোবাসে সেই শ্রিয়তমা রমণীকে লইয়া একাকী সে স্বদূর দেশে যাইবে! মৃহলা তাহার মনের ভাব হয় তো জানে, হয় তো বা জানে না; কিন্তু তাহার উপর উহার আস্থা তাহাকে মুগ্ধ চঞ্চল করিয়া তুলিয়াছিলো; কিন্তু মৃহলা

বদ্ধপত্নী হইলেও তাহার স্বামীর জ্ঞাতসারে তাহার সম্বন্ধি-ক্রমে মৃহলাকে তাহার পিত্রালয়ে রাখিতে যাইবার গুরু দায়িত্ব সে কতকটা নিরুদ্ভিগ্ন ভাবেই গ্রহণ করিতে পারিতো; যদিও মলয় তাহার অন্তরঙ্গ বন্ধু, এবং মলয় তাহাকে সম্পূর্ণ বিশ্বাসও করে, তথাপি সে তাহার অজ্ঞাতসারে তাহার স্ত্রীকে লইয়া দূর দেশে গ্রহণ করিতে বিশেষ অস্বস্তি অনুভব করিতেছিলো; যদি সে মৃহলাকে ভালো না বাসিতো তাহা হইলে হয় তো তাহার মন এতো চঞ্চল হইতো না; কিন্তু তাহার ভালোবাসা তাহাকে নিশ্চিন্ত হইতে দিতেছিলো না, তাহার আত্মবিশ্বাস শিথিল করিয়া দিতেছিলো।

গাড়ী ছাড়িবার সময় যখন আসন্ন হইয়া আসিলো এবং মলয় তখনও আসিয়া পৌঁছিলো না, তখন বিলোপ মলয়কে সমস্ত সংবাদ জানাইয়া এক দীর্ঘ টেলিগ্রাম করিলো; তাহার মর্ম্ম এই যে মৃহলার আছানে সে মলয়ের বাড়ীতে গিয়াই দেখিলো যে পাশের বাড়ীর ভাড়াটিয়া এক পুরুষ পুঙ্খ মৃহলাকে আক্রমণ করিয়াছে ও মৃহলা উহাকে ভৎসনা করিতে করিতে আত্মমোচনের চেষ্টা করিতেছে; বিলোপ সেই লোকটাকে তাহার বাড়ীতে তাড়াইয়া মৃহলাকে মুক্ত করিয়া দিতেই মৃহলা গৃহত্যাগ করিয়া পুরী যাইতে উঠিয়া হইলো; কাজেই বাধ্য হইয়া সে সন্ধে চলিয়াছে।

মলয় আচারাদি করিয়া যখন শয়ন করিয়াছে তখন সে এই টেলিগ্রাম পাইলো। অনন্তর আচরণের পরিচয় পাইয়া সে আশ্চর্য হইয়া গেলো এবং ক্রোধে সে অধীর হইয়া ঘর হইতে বাহির হইয়া পড়িলো; তাহার হৃদয় বাসনা হইতে লাগিলো অনন্তকে ঘুম ভাঙাইয়া ডাকিয়া আছা করিয়া পিটিয়া শিক্ষা দিয়া দেয়; কিছুক্ষণ অস্থির চরণে সঞ্চরণ করিতে করিতে তাহার মনে হইলো—বিলোপ তাহাকে অমনি ছাড়িয়া দিবার পাত্র নয়, সেই উহাকে শিক্ষা দিয়া গিয়াছে নিশ্চয়। এই কথা মনে হইতে তাহার মন অনেকটা স্থির হইলো। তখন আবার তাহার মনে পড়িলো শ্রেয়সী তাহাকে বলিয়াছে সে তাহার একখানা চিঠিও পার নাই; অথচ দুখানা চিঠিই ডাকে দিবার ভার লইয়াছিলো অনন্ত! অনন্তর কোনো সমতানী মৎলব ছিলো বলিয়া দারুণ সন্দেহে মলয়ের মন পূর্ণ হইয়া উঠিলো। সে হুশিয়ার মনস্ত রাত্রি ভালো করিয়া ঘুমাইতে পারিলো না। (ক্রমশঃ)

# লক্ষ্মীরা

এক দৃশ্য সম্পূর্ণ কথানাট্য

মন্মথ রায় এম-এ

চন্দনদত্ত ।

—এই তার অতিথিদের অভ্যর্থনা-কক্ষ ।

অদিত্তি ।

—অথচ আজ আমি এই প্রাসাদের সম্মুখ দিয়েই কতবারই না যাতায়াত করেছি !...আমার মনেই হয় নি, আমি ধারণাই কর্তে পারি নি যে এ প্রাসাদ রাজপ্রাসাদ না হয়ে...

চন্দনদত্ত ।

—কোন বারবিলাসিনীর প্রণয়ের পণ্যশালা হতে পারে !

অদিত্তি ।

—আমি ভেবেছিলাম এ রাজপ্রাসাদ !

চন্দনদত্ত ।

—শিদেশী সকলেই এমনি ভুল করেছে । রাজপ্রাসাদের চাইতেও এ প্রাসাদ সুন্দর । এ প্রাসাদ অনুপম ।...এই প্রাসাদ দেখে রাজার হিংসা হওয়াতে...রাজা রাজপ্রাসাদ ছেড়ে এই প্রাসাদেই দিবস যামিনীর অধিকাংশ সময় অতিবাহন করেন !

অদিত্তি ।

...রাজকার্য্য ?

চন্দনদত্ত ।

—এই সুন্দরীর চরণপদ্মে অর্থ্যাদান । রাজার ধর্ম্ম অর্থ্য কাম মোক্ষ এই সুন্দরী ।

অদিত্তি ।

—পৃথিবী সুন্দর হ'ত, আরো সুন্দর হ'ত, ...সংসার সার্থক হ'ত, যদি এই প্রেম বিবাহের ফুলটি হয়ে ফুটে উঠত !

চন্দনদত্ত ।

...পৃথিবী সুন্দর হয় নি, আরো কুৎসিত হয়েছিল, সংসার অসার্থক হ'ল...যেদিন এই প্রেম বিবাহের বন্ধনে

কারাবদ্ধ হ'ল !”—এই নারী এ কথা মর্মে মর্মে অনুভব করে ! তার নিজের মুখেই শুনেছি সে যুগে যুগে মানবের প্রেমসী প্রিয়া, ...কিন্তু...পত্নী নয় । সে কথা যাক !... তোমার স্বামী কি ঘুমিয়েই আছেন ?

অদিত্তি ।

—হাঁ, ঘুমিয়েই রয়েছেন ।.. কেন, লক্ষ্মীরা দেবীর কি দর্শনদানের সময় উপস্থিত ?

চন্দনদত্ত ।

—না, এখনো সে প্রাসাদে ফিরে আসে নি । সে যখন ফিরবে, রাজপথ জয়-ঘণ্টায় মুখরিত হবে । সে প্রত্যহ রাজার সঙ্গে বৈকালে নদীবক্ষে নৌকা-বিহারে যেয়ে থাকে । ঐ...প্রাসাদ-শীর্ষেও প্রদীপ জ্বলে উঠল !...ঐ সন্ধ্যাদীপের আলোতে প্রাসাদগাত্রে লক্ষ্মীরা বল্মলু কচ্ছে !...জানো, এই লক্ষ্মীর প্রাসাদ হ'তেই এর অধীশ্বরীর নাম লক্ষ্মীরা দেবী ?

অদিত্তি ।

—শীরা আজ আমি এই প্রথম দেখলুম !...

চন্দনদত্ত !

—অদিত্তি ! তুমি আর দাঁড়িয়ে থেকে না । তুমি তোমার রুগ্ন স্বামীকে সারাটি দিন পিঠে বহন ক'রে ক্লাস্ত হয়ে পড়েছ ! ঝোলাটি না হয় এখন নামাও...

অদিত্তি ।

...না !...তাতে তিনি জেগে উঠতে পারেন !...এখন আর অনর্থক জাগাবো না । জাগলেই তাঁর আশ্রন জ্বলে উঠবে...ব্যথাটা আজ বেশী বলছিলেন, আজ সারাটি দিন বড়ই যত্না ভোগ করেছেন ।

চন্দনদত্ত ।

—কিন্তু তোমারো বিশ্রাম আবশ্যিক ভগিনি ।

অদিতি ।

...উনি ঘুমো'চ্ছেন !...আমার এত ভালো লাগছে !...  
ঘুমের মধ্যে ঠাঁর আর কোন ব্যথা বোধ নেই !...শুধু এই  
শান্তিটুকু উনি পান সেই জন্তই আমি কত কামনা করি !...  
ঠাঁর এই শান্তিতে আমার মনে হচ্ছে আমিই যেন ঘুমিয়ে  
পড়েছি !...আমার আর এতটুকু অবসাদ নেই !...আমি  
যেন স্বপ্ন দেখছি লক্ষ্মীরা দেবী ঠাঁকে গ্রহণ করেছেন !...  
ঠাঁর ঘুমন্ত মুখে কি হাসি ফুটে উঠেছে ?...আমার এত  
ভালো লাগছে !

চন্দনদত্ত ।

.. ঘুমিয়ে থাকি ভালো !...স্বপ্ন দেখা আরো ভালো !...  
আমার ঘুম হয় না !...কতকাল স্বপ্ন দেখি না !...তোমার  
স্বামীর সর্কাজে কুষ্ঠ...গলিত কুষ্ঠ, যা ..পূঁজ !...আমারো  
মনে অমনি জ্বালা !...কিন্তু, আমার চোখে ঘুম নেই !

অদিতি ।

...আমিও সারাটি দিন সারাটি রাত্রি প্রায় চেয়েই  
থাকি !...চেয়ে না থাকলে মাছি পোকাদি দৌরাছ্যা হতে  
ঠাঁকে রক্ষা কর্তে পারি না ! হাঁ, আমি ঠাঁর পানে চেয়ে  
চেয়ে রাত কাটাই !...সে আমার বেশ লাগে...আমি ঠাঁর  
ঘুম মনে মনে প্রাণে প্রাণে অনুভব করি !...উনি তা  
পারেন না। ঘুম যে সুন্দর ; সে কি ঘুমিয়ে অনুভব  
করা যায় ?

চন্দনদত্ত ।

গুরুদেব যখন তোমাদের ভার আমার হাতে আজ  
সঁপে দিলেন, তখন তোমার পরিচয়ে বলেছিলেন তুমি দেবী।  
আমি আজ সাক্ষাৎ দেবী দর্শন করলুম !

অদিতি ।

না, আমি দেবী নই। আমিও ঠাঁরই মন্ব-শিষ্যা।...  
আপনি আমার গুরুভ্রাতা।...দেবীই যদি হ'তুম, তবে কি  
উনি এত কষ্ট পান ?...তাই যদি হ'তুম, তবে আমার মনের  
চকুতে ঠাঁর যে রূপ-টি দেখে আমি মুগ্ধ, সেই রূপ-টি ঠাঁর  
দেহে ফুটিয়ে বলতুম দেখ তুমি কত সুন্দর !...লক্ষ্মীরা  
দেবীকে দেখে উনি পাগল হয়েছেন, আমার-দেওয়া ঠাঁর সে  
রূপ দেখলে ঠাঁ লক্ষ্মীরা দেবীই আজকে ঠাঁর জন্ত আমারি  
মতো পাগল হ'তেন !...হাঁ, . হ'তেন, আমি জোর গলাতেই  
সে কথা বলতে পারি।...না, না, আমি দেবী নই। দেবী

বলে কি ছয়ারে ছয়ারে ভিক্ষা ক'রে, দানীযুক্তি ক'রে,  
কোন দিন না খেয়ে, কোন দিন শুধু জল খেয়ে লক্ষ্মীরা  
দেবীর দর্শনী শত স্বর্ণমুদ্রা সংগ্রহ কর্তে হয় ?

চন্দনদত্ত ।

তুমি আমাকে ভাবিয়ে তুলেছ...বড়ই ভাবিয়ে তুলেছ।  
...আমার বড় ভয় হচ্ছে !...আমি শুধু প্রার্থনা করছি,  
তোমার স্বামীর খেয়াল চরিতার্থের জন্ত তোমার এই  
দেহ পাত সফল হোক...সার্থক হোক...

অদিতি ।

ঠাঁর খেয়াল !...কিন্তু খেয়াল তো আমারো কম নয় !  
শত স্বর্ণমুদ্রা ঠাঁকে লক্ষ্মীরা দেবীর চরণে দর্শনী দিতে হবে  
...সে তো আমার আঁচলেই বাধা রয়েছে !...এলেই খুলে  
দেব !...কিন্তু, তারপর কি দেখব !...দেখব, উনি রোগ-  
যন্ত্রণা কুলে গেছেন ! মনের আনন্দে লক্ষ্মীরা দেবীর গান  
গুনছেন ! ঠাঁর নৃত্য দেখছেন ! একটি রাত্রির জন্ত  
আমার ঐ দরিদ্র-নারায়ণ রাজরাজেশ্বরীর সেবা পাচ্ছেন !...  
আনন্দে ঠাঁর চোখ দুটি উজ্জল হয়ে উঠবে !...আর আমি ?  
.. আমি.. আমি চুরি ক'বে আমার দেবতার সেই আর্তি  
দেখব !

চন্দনদত্ত ।

...কিন্তু অদিতি ! আমার বড় ভয় হচ্ছে !...ভয়বান  
তোমার এই অপূর্ণ সেবা, অতৃপ্ত নিষ্ঠা চমৎকৃত করন।

অদিতি ।

আপনি বার বার ঐ সেবা আর নিষ্ঠার কথা বলে  
আমাকে অবাক করছেন !...শুধুনা ! আপনি এই বয়সেই  
সংসার-বিরাগী হয়ে ভালো কবেন নি ! আপনি বিবাহ কর্তে,  
আমারি মতো আর একটি নারী সেবা ক'রে সুখী হ'ত,  
ভালোবেসে দত্ত হ'ত। সেই যে আনন্দ দান, সে যে  
আপনার কম পুণ্য হ'ত না ঠাকুর !

চন্দনদত্ত ।

আমার কথা থাক অদিতি !...হাঁ, সে থাক।...তুমি  
শত স্বর্ণমুদ্রা সংগ্রহ করেছ বললে। কিন্তু, লক্ষ্মীরা দেবীর  
দর্শনী এক শত এক স্বর্ণমুদ্রা।

অদিতি ।

সে কি !...তবে উপায় ?...আমি যে শত স্বর্ণমুদ্রা  
কথাই শুনেছিলুম !

চন্দনদত্ত ।

তবে সে তুমি ভুল শুনেছ ।

অদিতি ।

...স্বর্কনাশ !

চন্দনদত্ত ।

...কিন্তু আমি সে কথা ভাবছিনে !...আমি ভাবছি—

অদিতি ।

—বেশ, আমি এক শত এক স্বর্ণমুদ্রাই দেব । আমি আর এক স্বর্ণমুদ্রা এখন নিয়ে আসছি...হাঁ, আমি আন্তে পাবি...সেই সজ্জাকরের কণায় আমি তখন স্নানত হইনি,...  
•••এখন হব ।...আপনি দয়া করে এখানে অপেক্ষা করুন, আমি যথাশীঘ্র ফিরে আসব । সেই সজ্জাকর আমাকে এক স্বর্ণমুদ্রা দেবে...

চন্দনদত্ত ।

শোন অদিতি—

অদিতি ।

না, আর কোন কথা নয় ।

চন্দনদত্ত ।

...চলে গেল !...পতিভক্তির ঐ গজাকে গোমুখীতে রুদ্ধ করা দেবতারও অসাধ্য ।...পৃথিবী ধন্য হোক... সংসার পৃথিবী হোক...সমাজ শিক্ষা লাভ করুক !...কিন্তু, কী আশা ঐ নারীর !...অথবা...হুঁশা ?...লক্ষ স্বর্ণমুদ্রা দর্শনী দিলেও সেই যৌবন-মদ-মত্তা লক্ষ্মীহীরা ঐ কুষ্ঠরোগীকে দর্শন দান করবে না ।...আমি তাকে চিনি, জানি ।...কিন্তু তবু গুরুর আদেশ—,...ঐ...তার জয়বন্টার জয়ধ্বনি বাতাসে ভেসে আসছে !...ঐ.. ঐ...সে !...পাশে রাজা !...ঐ...রাজা সোপানপথে দ্বিতলে বিশ্রাম কর্কে উঠে গেলেন !.. সে একা এখানে আসছে...কত দিন পরে আজ তাকে দেখছি !...আজ্ঞো তাঁর ঐ রূপছবি আমাকে মুগ্ধ করেছে ! কি অপরূপ ঐ রূপ ?—কিন্তু, কিন্তু, আজ তার মুখখানি অর্ধ অবশুষ্ঠনে আবৃত কেন ?...না, না,...মুখের ঐ অবশুষ্ঠন উন্মোচন কর দেবী !

লক্ষ্মীহীরা ।

—জানি, এ স্পর্ক শুধু এক তোমারি হ'তে পারে ।...কিন্তু, হে সন্ন্যাসীপ্রবর ! হে যোগেশ্বর ! স্মন্দরীর মুখপদ্ম-দর্শন সন্ন্যাসের কোন্ স্তর ? যোগের কোন্ অঙ্গ ?

চন্দনদত্ত ।

তুমি আমাকে ডেকে পাঠিয়েছিলে.....

লক্ষ্মীহীরা ।

কিন্তু...সে আজ নয়...•••

চন্দনদত্ত ।

আমি সে দিন না এসে আজ এলুম !

লক্ষ্মীহীরা ।

আজ আর তোমাকে আমার কোন প্রয়োজন নেই !

চন্দনদত্ত ।

•কিন্তু তোমাকে আজ আমার প্রয়োজন আছে !

লক্ষ্মীহীরা ।

শোন ! আমি তোমার উপদেশ শুনব না । আলাপ কর্তে পার, কিন্তু, দোহাই তোমার, উপদেশ দিও না ।

চন্দনদত্ত ।

—...এসো, গল্প করি...

লক্ষ্মীহীরা ।

সে মন্দ হবে না, কিন্তু, সাবধান...নীতিমূলক গল্প কছ বুলেই, আমি শপথ করে বলছি...উপর হ'তে রাজাকে নীচে আনিয়ে, তোমারি চোখের সম্মুখে, হুইজনে একপায়ে সুরাপান করে...মাতাল হব !...হাঁ...!

চন্দনদত্ত ।

আমি তাতে কিছুমাত্র বিস্মিত হব না ।...কিন্তু, তোমার স্বরে সে উচ্ছ্বাস কই ? তোমার চোখে মুখে অবসাদের আভাস পাচ্ছি !...কেন ?...কুশলে আছ তো ?

লক্ষ্মীহীরা ।

.....অর্থাৎ..... দোকানদারি কেমন চলছে, এই কথা তো ?...

চন্দনদত্ত ।

দোকানদারি !

লক্ষ্মীহীরা ।

সাধুভাষায়, গণিকাবৃত্তি ।

চন্দনদত্ত ।

—তাতে তোমার জয়জয়কার ! ঐ লক্ষ্মীহীরা তার অলস বিজ্ঞাপন, আর উপরে প্রতীকমান রান্না তার জয়-নিশান !...কিন্তু, আমি তো সে কথা জিজ্ঞাসা করি নি ! আমি তোমার কুশল প্রশ্ন করেছিলুম !

লক্ষ্মীরা ।

গণিকার জন্ত অতখানি দরদ কি সংসার-বিরাগী সাধুর  
শোভা পায় ?

চন্দনদত্ত ।

ভেবে দেখ...একদিন তুমি আমার...একান্তই আমার  
ছিলে! তোমার আশা, তোমার সখা, তোমার দেহমনের  
সকল সম্পদ আমার অধিকারে ছিল! পুরোহিত অগ্নি  
সাক্ষা রেখে ঘোষণা করেছিল আমি স্বামী, তুমি স্ত্রী!

লক্ষ্মীরা ।

...মানুষ তখনো সভ্য হয় নি। অসভ্যদের মধ্যেই  
'স্ত্রী' পুরুষের সম্পত্তিরূপে পরিগণিত হয়েছিল।...বিবাহের  
অনুষ্ঠান পুরুষের সেই সম্পত্তি-লাভ ঘোষণা কর্তৃক। বর্তমান  
কালে বিবাহ আদিমযুগের সেই অসভ্য প্রথার স্মৃতি।

চন্দনদত্ত ।

...তবু ভালো, সেই স্মৃতিটুকুও বিস্মৃত হও নি!

লক্ষ্মীরা ।

—না, তা হইনি বটে!...এ স্মৃতিটুকুর মূল্য আছে।  
ঐ স্মৃতিটুকু আছে বলেই আজ পরিমাণ কর্তে পারি যুগ হ'তে  
যুগান্তরে আমরা কতখানি এগিয়ে চলেছি!...কিন্তু আমি  
আর পারছি নে, বড়ই ক্লান্ত মনে হচ্ছে।...বাইরে জ্যোৎস্না  
উঠেছে,...এই জ্যোৎস্নায় আমার পদ্ম-কুঞ্জ স্নিগ্ধ শান্তিতে  
লুটিয়ে পড়েছে!...যাবে ?

চন্দনদত্ত ।

না।

লক্ষ্মীরা ।

কোন আবেদন আছে ?

চন্দনদত্ত ।

আছে।

লক্ষ্মীরা ।

মিবেদন কর...

চন্দনদত্ত ।

এক হতভাগ্য তোমার রূপ দেখে মোহান্ত হয়েছে।

লক্ষ্মীরা ।

—লক্ষ্মীর রূপ দেখে লক্ষ হতভাগ্য কামান্ত হয়েছে!

চন্দনদত্ত ।

লক্ষ্মীরা ।

...উন্মত্ততা ? না...বিকার ? না...আত্মহত্যার জন্ত  
সামান্যে ছুরিকা গ্রহণ ?...কি ?

চন্দনদত্ত ।

তুমি তা শুনলে শিউরে উঠবে!

লক্ষ্মীরা ।

...কি ?...বিষভক্ষণ ? না...জলে ঝপ্পা প্রদান ?

চন্দনদত্ত ।

সে কুষ্ঠ রোগী। গলিত কুষ্ঠ! সর্কাদে ঘা, পূঁজ!

লক্ষ্মীরা ।

—হাঁ..., বিশেষত্ব আছে বটে!...তা আমাকে কি  
কর্তে হবে ?

চন্দনদত্ত ।

তুমি ঐ হতভাগ্যকে গ্রহণ করে তাকে আদরে আলিঙ্গনে  
অভিষিক্ত করবে।

লক্ষ্মীরা ।

হাঃ হাঃ হাঃ!

চন্দনদত্ত ।

কল্পনা কর এ সেই আদিম অসভ্য যুগ। মানুষ তখন  
কামকে জয় কর্তে শেখে নি। মনে কর আমি স্বামী,  
তুমি আমার স্ত্রী। আমার সর্কাদে ঐ গলিত কুষ্ঠ হয়েছে...।  
—নারী!...তখন ?

লক্ষ্মীরা ।

হাঃ হাঃ হাঃ!

চন্দনদত্ত ।

ও অট্টহাস্ত শ্রুতানেই শোভা পায় নারী! যখন  
শ্রুতানে ঘুরে বেড়াই, তখন আমি নিজেই ঐরূপ অট্টহাস্তে  
শৃগাল শকুনিকে চমকিত করে মরার মাথার খুলি কেড়ে  
নি!...সে যাক!...মণিমালিনীকে মনে পড়ে ?

লক্ষ্মীরা ।

একদিন সে আমার প্রতিবন্ধিনী ছিল বটে! হাঁ, যোগ্যা  
প্রতিবন্ধিনীই ছিল!

চন্দনদত্ত ।

রাজা তাকে কি ভালোই না বেসেছিল! সেই প্রেমের  
কৌলতে কত কবি কত কাব্যই না রচনা করেছে!



লক্ষহীরা।

আমরা রয়েছি খলেই তো কবি রা বেঁচে আছে ?

চন্দনদত্ত।

একদিন রাত্রে আলিঙ্গনকালে লক্ষ্য করল তার প্রিয়তমা সেই প্রেমসীর কপোলের চর্ম কুঞ্চিত...

লক্ষহীরা।

চন্দনদত্ত ! তারপর ?

চন্দনদত্ত।

তার পরদিনই লোল-চর্ম মণিমালিনীর সকল মণিমাণিক্য অধীর করে নগরীর আর একটি কুটীরে লক্ষহীরা জলে উঠল।...সেই হতে তুমি “লক্ষ-হীরা !”

লক্ষহীরা।

চন্দনদত্ত ! আমার সুরা-পানের সময় এসেছে...আমাকে ক্ষমা কর...

চন্দনদত্ত।

কিছুদিন পর, আমি স্বপ্নে ঘুরে বেড়াচ্ছি, দেখলুম একটি গলিত শব নিয়ে শৃগাল আর শকুনিতে কি নিদারুণ যুদ্ধ। সহসা মমে পড়ে গেল তোমাদের নিয়ে মানুষে মানুষে যুগে যুগে এমনি লড়াই-ই হয়েছে বটে !...যাক... খোঁজ নিয়ে পরে জানতে পারলুম...মণিমালিনী...

লক্ষহীরা।

সুরা ! সুরা ! সুরা আনো, পেয়লা আনো !

চন্দনদত্ত।

শুনলুম বারবিলাসিনী বারবনিতা মণিমালিনীর শবদাহের জন্তু নগরীর লক্ষ নাগরিকের একটি নাগরও মোহর্ষ বা কামর্ষ হয় নি !

লক্ষহীরা।

চন্দনদত্ত ! চন্দনদত্ত !

চন্দনদত্ত।

সত্যি !...হাঁ..., কোন কুষ্ঠরোগীও না !

লক্ষহীরা।

[ চক্ষু মুদিত করিয়া শিহরিয়া উঠিয়া আর্তনাদ করিয়া উঠিলেন... ] উঃ উঃ.....[ সহসা ] হাঃ হাঃ হাঃ...আমি কি মাতাল হয়েছি ! আমি কি পাগল !...এ যে স্বপ্ন !... হঃস্বপ্ন ! [ কপালের ঘাম মুছিয়া ]...কে তুমি ?

চন্দনদত্ত।

আমি চন্দনদত্ত। আমি তোমার সেই আদিম অসভ্য যুগের স্বামী।

লক্ষহীরা।

—সে যুগের স্বামীরা স্ত্রী নিয়ে কি কর্ত ?

চন্দনদত্ত।

—সম্পত্তি রূপে পরম আদরে রক্ষা কর্ত। ইন্দ্রিয় লাগসা চরিতার্থ কর্ত। সভ্যতাকে এগিয়ে দেওয়ার জন্ত, মানবের জন্ম-যাত্রায় সৈন্ত সরবরাহ কর্তার জন্ত বংশবৃদ্ধি কর্ত, বংশরক্ষা কর্ত। ভালোবাস্তো। জীবনযাত্রার বিষ এবং মধু, সুখ এবং দুঃখ সমভাগে ভাগ করে নিয়ে জীবন-যাত্রাকে সহজ সরল সুন্দর সার্থক কর্ত। পরস্পরে, পরস্পরের অক্ষমতার দিনে, পরস্পরকে সাহায্য কর্ত, সেবা কর্ত, শুশ্রূষা কর্ত, লালন পালন ভরণ পোষণ কর্ত। জরতে, বার্ধক্যে, এবং মৃত্যুতেও কেউ কাউকে পরিত্যাগ কর্ত না। তাদের শবদেহ সংকার কর্তেও লোকের অভাব হ'ত না। মৃত্যুর পরও, তাদের জন্ত, মর্ত্যে, চোখের জল পড়তো !

লক্ষহীরা।

উপদেশ ! উপদেশ ! !...তুমি আমাকে তোমার সহপদেশ শোনাচ্ছ ! আমি আমার শপথ রক্ষা কর্ত। আমি এখন আমার মদের ভাগুরীকে ডাকব...

চন্দনদত্ত।

—কণেক অপেক্ষা কর...।...শোন নারী, একদিন তুমি কামদেবের মন্দিরে আলুলাসিতা-কুম্বলা হয়ে বেদীমূলে প্রণাম করছিলে ! পাশেই ছিলুম আমি। যুগ্মনেত্রে আমি তোমার সেই কৃষ্ণ কেশদাম দর্শন করছিলুম।

লক্ষহীরা।

—সে তো প্রণাম নয়...সে আমার কৃষ্ণ কেশদামের বিজ্ঞাপন।...আমরা যে ঐ ছলেই কাঁদ' পাতি !...কিন্তু সেদিনের কথা আমার বেশ মনে আছে।

চন্দনদত্ত।

কেন ?

লক্ষহীরা।

তুমি আমার পাশে ছিলে আমি জানতুম না। প্রণাম করছি, এমন সময় পাশে এক অক্ষুট আর্তনাদ শুনলুম।

আমি চমকে উঠে, তাকাতেই তোমাকে দেখলুম !... ভাবলুম  
আর্তনাদ স্বাভাবিক। তবু, এক সূযোগে তোমাকে তার  
কারণ জিজ্ঞাসা করলুম। তুমি কিন্তু কারণ বললে না!

চন্দনদত্ত।

হাঁ, বলিনি। কিন্তু, আজ কি বলব ?

লক্ষ্মীরা।

বল.....

চন্দনদত্ত।

...না; থাক।

লক্ষ্মীরা।

আমার লতাকুঞ্জে চাকরদত্ত এক মর্মর বর্না প্রতিষ্ঠা  
করেছে। এই জ্যোৎস্না রাত্রে সেই বর্নার নৃত্য ইন্দ্রজালের  
সৃষ্টি করে। স্বপ্ন-মধুর সেই দৃশ্য!... যাবে ?

চন্দনদত্ত।

—না।... আমি তোমার পরিণাম ভাবছি।

লক্ষ্মীরা।

আবার পরিণামের কথা ?... না, আমি রাজাকে ডাকি...  
সুরা আর পানপাত্র আনুক !

চন্দনদত্ত।

যে মুহূর্তে রাজা এই কক্ষে পদার্পণ কর্কেন সেই  
মুহূর্তে.....

লক্ষ্মীরা।

হাঁ, সেই মুহূর্তে... ?

চন্দনদত্ত।

আমি সেদিন কেন আর্তনাদ করে উঠেছিলুম, তার  
কারণ বলব !

লক্ষ্মীরা।

সে তো বেশ ভালো কথা !... এই, কে আছিল !...  
রাজাকে ডেকে আন...

চন্দনদত্ত।

যে মুহূর্তে রাজা এই কক্ষে পদার্পণ কর্কেন সেই মুহূর্তে  
আমি বলব...

লক্ষ্মীরা।

বেশ, তখনো না হয় বলো, এখনো না হয় একবার  
বলো !... ওগো, বলো না তুমি !... কি বলবে তুমি  
রাজার কাছে ?

চন্দনদত্ত।...

—বল "দেবী ! তোমার ঐ অর্ক-অবগুণন উন্মোচন,  
কর।"

লক্ষ্মীরা।

—ও হো—হো— ! [ আর্তনাদ করিয়া কোঁচে গুটাইয়া  
পড়িলেন। ]

চন্দনদত্ত।

ভয় নেই !... তোমার অসভ্যগুণের সেই স্বামী তোমাকে  
হাত ধরে... যেখানে জরামৃত্যুর ভয়ে মানুষ কেঁপে ওঠে না,  
যেখানে লোলচর্মের বা তোমার ঐ অর্ক-অবগুণন-অস্তরালে  
লুকায়িত সেই এক শুষ্ক শুষ্ক কেশের জন্ত আশঙ্কা নেই  
উদ্বেগ নেই, ... আমি তোমাকে আমার সেই সংসারশ্রমে নিয়ে  
যাব। তুমি আমার পুনর্ভূ বধু হবে। আমার বধুকে  
অবগুণন দিয়ে- তার শুষ্ক কেশ স্নিকিয়ে রাখতে হবে না।  
সংসারে কেশ যত শুষ্ক হয়, প্রেম তত শুষ্ক হয়। তোমার  
ঐ শুষ্ক কেশ-শুষ্ক, তোমার সঙ্গে আমার পরিচয় যে কত  
দীর্ঘকালের... তারই সুপ্রাচীন সাক্ষী। হে আমার ষুগ-  
ষুগান্তব্যাপী প্রেমের স্মারক-চিহ্ন !... ভয় কি ? ফোঁত খে...

লক্ষ্মীরা।

আমার হাত ধর... ! আমার নিয়ে চল...

চন্দনদত্ত।

—কিন্তু, তার পূর্বে তোমাকে দিয়ে দাম্পত্য প্রেমের  
আর একটি আদর্শ প্রতিষ্ঠা করে রেখে যেতে চাই।  
পতিভক্তি যে কত উচ্চে উঠতে পারে যদি তা দেখতে চাও,  
দেখতে চাও..., তবে, আমার সেই অমুরোধটি রক্ষা কর...

লক্ষ্মীরা।

বল... শীঘ্র বল...। তুমি যা বলবে... আমি তা-ই করব।  
তুমি আমার নিয়ে চল... তুমি আমার নিয়ে চল...

চন্দনদত্ত।

—নিয়ে যাব, আজই, এই রাত্রিতেই !... কিন্তু তার  
পূর্বে তোমাকে সেই কুষ্ঠ রোগীর সর্ক কামনা পূর্ণ কর্তে  
হবে...

লক্ষ্মীরা।

তাতে কার কি লাভ ?

চন্দনদত্ত ।

সংসারের লাভ! সংসারাপ্রমে... পতিভক্তির এক আদর্শ প্রতিষ্ঠা!

লক্ষহীরা ।

সে তুমি ভালো জানো। কিন্তু দেহমনের এই দোকান-দারি হ'তে আমাকে মুক্তি দাও, মুক্তি দাও। সাজ সজ্জা ক'রে, মুখে রং মেখে, গুল কেশগুচ্ছ অবগুণ্ঠনে ঢেকে ঢেকে আমি এত ক্লান্ত, এত শ্রান্ত...যে...আমি তাই মদ ধরেছি! কোথায় তোমার সেই কুষ্ঠরোগী? শেষ কর..ইতি কর। আঃ...তার পর মুক্ত জীবন! তোমার সেই শাস্ত্রসিদ্ধ সংসার! সেখানে আবার আমি সেই বধু টি! যৌকন গেল, তীতে কি বা এল গেল! স্বামি! প্রভু! প্রিয়!... সত্যি?...আমার যে আর বিলম্ব সহ্য হচ্ছে না। কোথায় তোমার সেই কুষ্ঠ-রোগী? আমি আমার বিলাস কক্ষেই চলকুম...তুমি তাকে সেখানে পাঠিয়ে দাও!...হাঁ শেষ হোক, ইতি হোক।—তুমি এইখানেই আমার জন্ত অপেক্ষা কর... যেমন যুগে যুগে ক'রে এসেছ! আমি ফিরে এলে তোমার চরণ ছুখানি এগিয়ে দিয়ে...হাত ছুখানি বাড়িয়ে দিয়ে...

চন্দনদত্ত ।

চলে গেল মনে হচ্ছে রাত্রি-শেষে চন্দ্রমা অস্ত গেল। তার পরই কি নবজীবনের প্রভাত-সূর্য উঠবে!...ও কে আসে?...অদিতি?...হাঁ, অদিতি।—অদিতি! ভগিনি! সার্থক তোমার স্বামিসেবা! সার্থক তোমার নিষ্ঠা!... লক্ষহীরা তোমার স্বামীকে গ্রহণ কর্তে সম্মত হয়েছেন... কিন্তু, এ কি!

অদিতি ।

কি ভদ্র ?

চন্দনদত্ত ।

তোমার কেশপাশ কই? তুমি মুণ্ডিত-মস্তক কেন ভগিনি ?

অদিতি ।

সজ্জাকর কালই বলেছিল...কিন্তু হাত দিয়েও তো ওঁর পা ধরে তৃপ্তি পেতুম না, পাখা দিয়ে বাতাস ক'রেও আশ মিটতো না! ওঁর পা ধরে মাথার চুল দিয়ে পা মুছে দিয়েছি, মুখে চোখে বাতাস করেছি! তাই সজ্জাকরের স্বর্ণমুদ্রার প্রস্বোভনেও আমি তুলি নি!...কিন্তু আজ এল আমার সব

চাইতে বড় পরীক্ষা! সে পরীক্ষাতে উত্তীর্ণ হ'লে এলুম!... এই আমার হাতে সজ্জাকরের স্বর্ণমুদ্রা...!

চন্দনদত্ত ।

আজ যদি সত্যযুগ হ'ত, তবে তোমার ঐ মুণ্ডিত মস্তকে স্বর্ণ হ'তে পুষ্প-বৃষ্টি হ'ত! কিন্তু, সে যাক!...আর বিলম্ব নয়...দর্শনী সে নেবে না...সে তার বিলাস কক্ষে তোমার স্বামীর প্রতীক্ষা করছে।...ঐ সোপান-পথ দিয়ে উঠে নির্ভয়ে তোমার স্বামীকে সেখানে রেখে এস...

অদিতি ।

ওগো! জাগো! জাগো!

...জাগো-গো, জাগো!

চন্দনদত্ত ।

সবাই চলে গেল! পড়ে রইলুম আমি! সে সত্যই বলেছে যুগে যুগে আমি তার জন্ত এমনি করেই প্রতীক্ষা করেছি! আজ আমার সেই প্রতীক্ষার অবসান হবে! ...অদিতি! দেবি! তুমিই আজ আমাদের এই নব জীবনের প্রতিষ্ঠা করেছ! তোমার পাতিব্রতের ভিত্তির উপর লক্ষহীরার নূতন সংসার গড়ে উঠুক...যুগে যুগে সাতা সাবিত্রীব মত তোমার জয়গান হোক...কে!...তুমি!

লক্ষহীরা ।

হাঁ, আমি। জয়গান হবে কার ?

চন্দনদত্ত ।

জয়গান হবে সতীর!...জয়গান হবে তোমার...তুমি রাজরাজেশ্বরী হয়েও অদিতির অলৌকিক পাতিব্রতকে জয়-মণ্ডিত করেছ তাঁর কুষ্ঠরোগাক্রান্ত স্বামীকে আলিঙ্গন দিয়ে...

লক্ষহীরা ।

না...না...না ..

চন্দনদত্ত ।

সে কি!

লক্ষহীরা ।

এই বা কি! সঙ্গে তার স্ত্রী! স্ত্রী নিজে দেহপাত ক'রে স্বর্ণমুদ্রা সংগ্রহ করেছে তার স্বামীর কামপ্রবৃত্তি চরিতার্থ করতে! এই তোমাদের সতী? এই 'সংসারের আদর্শ'? ...তুমি সরে দাঁড়াও—তুমি চলে যাও...আমি বসি করব!.. রাজা কোথায়? সুরা কই? পেয়ালা আনো...চালো!



## সেকালের-শিক্ষা

শ্রীনির্মলা দেবী

আমার লেখা, সেকালের গৃহিনীদিগের গৃহস্থালী, ও রোগ-চিকিৎসার ব্যবস্থাগুলি "ভারতবর্ষে" স্থান পাইয়া প্রকাশ হওয়াতে অনেকে আমার উৎসাহ দিয়াছেন। এ সকল আলোচনার মধ্যে আমার কৃতিত্ব কিছুই নাই,—যাঁহাদের চরণতলে এই সব ব্যবস্থা শিক্ষা ও শ্রবণ করিয়াছি, তাঁহাদেরই শিক্ষা মত অশিক্ষিতা বঙ্গবধু আমি আবার সেই সেকালের শিক্ষা ও সভ্যতার কথা আপনাদের জানাইতে সাহস করিলাম। আমি এ কথা পূর্বেও বলিয়াছি, এখনও বলিতেছি, সেকাল বলিয়া আমার কথা সেই থনা লীলাবতী, গার্গীষুগেরও নয়, বৌদ্ধযুগের পূর্বের কি পরের কথাও নয়। আমাদের ঠাকুরনাতা ও দিদিমাতা প্রভৃতির সময়ের ৬০৭০ বৎসরের প্রাচীনাদের কথাই বলিতেছি। আজকাল আমাদের মধ্যে উচ্চশিক্ষিতার সংখ্যা দিন দিন বৃদ্ধি পাইতেছে। প্রায় প্রত্যেক সহরেই, একাধিক বালিকা স্কুল আছে, কলিকাতার ত কথাই নাই। যেমন এখনকার মেয়েদের তুলনায় আমরা অশিক্ষিতা, তেমনই আমাদের সেকালের প্রাচীনাদের মধ্যে, কাহারও বা অক্ষর-পরিচয় পর্যাস্ত ছিল না; যদি বা তাঁহারা অতি কষ্টে একটু আধটু রামায়ণ মহাভারত পড়িতে পারিতেন, তবুও একালের তুলনায় তাঁহাদের অশিক্ষিতাই বলা যায়। কিন্তু তাহা সবেও তাঁহাদের শিক্ষার ব্যবস্থা,

দূরদর্শিতা, সভ্যতা, এখনকার শিক্ষিতা মহিলাদের অপেক্ষা কম ছিল বলিয়া বোধ হয় না। দিগ্গাম্বিনী প্রধান গুণ বিনয়, নম্রতা, ভাব্যতা ইত্যাদি। এখনকার ইংরাজী বাংলা প্রভৃতি লেখাপড়া শিক্ষার গুণে, উল্লিখিত গুণগুলি, সেকালের নিরক্ষরা প্রাচীনাদের অপেক্ষা আমাদের বৃদ্ধি পাইয়াছে কি? বরং মনে হয়, এ 'গুণগুলি তাঁহাদেরই বেশী ছিল। এই থেকেই মনে হয়, এ সমস্ত শিক্ষার সাধনা বি-এ, এম-এ পাশের উপর নির্ভর করে না, বংশ ও পিতা মাতার স্বভাব ও শিক্ষার ব্যবস্থায় বিনয়, নম্রতা, ভাব্যতা, সততা শিক্ষা হয়। যদি প্রাচীনাদের উপযুক্ত পুত্র-কন্যাগণ পিতা মাতাকে ভক্তি করিতে ও তাঁহাদের উপদেশ পালনে তৎপর হন, তবে আবার তাঁহাদের পুত্র-কন্যারা উক্ত শিক্ষা অনুযায়ী চলিতে শিক্ষাও করেন, বুড়ো বুড়ীর কথা অগ্রাহ্য করিবার শক্তিও তাঁহাদের থাকে না। যদি বা স্বভাব ও বয়সদোষে একটু আধটু ব্যতিক্রম দেখা যায়, অল্প বয়সেই স্বধরাইবার সুযোগও পিতা মাতা পান। গৃহের শিক্ষাই আসল শিক্ষা; আর বালক-বালিকার কোমল অন্তরে যাহা গাঁথা হয়, বয়সেও তার প্রভাব কম থাকে না। আমাদের বাল্যকালে পৃষ্ঠান মিসনরী টিচারেরা এটিকেট শিক্ষা দিতেন,—দেখ মেয়েয়া, মাননীয় কেহ স্কুলে আসিলে তৎক্ষণাৎ বেঞ্চ ছাড়িয়া উঠিয়া

তাঁহাকে সম্মান করিবে, হাসি পাইলে মুখে হাত দিয়া উচ্চ হাসি নিবারণ করিবে, কাহাকেও দেখাইয়া অপর সহচরীর কানে কানে কোনও কথা ফিস্ ফিস্ করিয়া বলিও না; সে মনে করিবে, তাহার নামেই বলিতেছ ইত্যাদি। এখন কথা এই, তাঁহারা আমাদের মঙ্গলের জন্তই শিক্ষা দিতেন, তাঁহারা সকলেই শিক্ষিতা (অর্থাৎ ম্যাট্রিকুলেশন, আই-এ পাশ); কিন্তু আমাদের ঘরেও নিরক্ষরা প্রাচীনাঙ্গদের নিকট উহারই অনুরূপ শিক্ষা পাইতাম। ইহা হইতেই সেকালের সভ্যতার, ধারা পাওয়া যায়, তাঁহাদের শিক্ষা ও ভব্যতার দু'একটা উদাহরণ দিতে চেষ্টা করিলাম। অবশ্য বালক ও বালিকার শিক্ষার ভিন্ন ভিন্ন ব্যবস্থা। বালিকাকে কলে স্বস্তুরালয়ে যাইয়া পরের মন যোগাইতে হয়; যাহাতে বংশের সুনাম ও নিজের প্রশংসা অর্জন করিতে পারে, সেইরূপ শিক্ষার ব্যবস্থাই সেকালের গৃহিণীরা করিতেন। আমরা উপদেশ পাইতাম,— কোনও পূজনীয় সন্মানার্থ লোকের আগমনকালে উচ্চ জায়গায় (বা চৌকি খাট, চেয়ার ইত্যাদি) যদি বসিয়া থাক, তৎক্ষণাৎ নামিয়া তাঁহাকে আসন দিবে, ও পদধূলি লইয়া প্রণাম করিবে। স্থান কাল ও শুরু-বিশেষে অঞ্চল দিয়া স্থান মার্জনা করিয়া আসন পাতিবার শিক্ষা পাইতাম, গলায় অঞ্চল দিয়াও প্রণাম করিতে হইবে। আবার যখন নববধূবেশে স্বস্তুরালয়ে ঘর করিতে যাইবে, সেখানে খাণ্ডী নন্দ, ও বড় যায়ের অনুমতি ব্যতীত যে কোনও আগন্তুক অতিথি, ও আত্মীয়ের সহিত কথা না বলিয়া অবশুষ্ঠনে মুখ ঢাকিয়া মৌন থাকিও; তবে তাঁহাদের উপযুক্ত আসন, জল, পান ইত্যাদি দিতে ক্রটি করিও না। যদি শুরুজন অন্তায়ও বলেন বৃদ্ধিতে পার, তবুও প্রতিবাদ করিবে না। বাল্যকালে, তাঁহারা ভয় দেখাইয়া নীতি শিক্ষা দিতেন। আহার-কালে পা ছড়াইয়া বসিও না, দূরদেশে বিবাহ হইবে; থালা নাড়িও না, স্বামীর সহিত ঝগড়া হইবে; পা নাচাইও না, অলক্ষণ; গা ছলাইও না; উচ্চহাস্য করিও না; উচ্চস্বরে কথা বলিও না, গলা মোটা হইবে; পান খাইও না, তোতলা হইবে। আহারের পর বসিয়া আঁচাইবে, ধীরে ধীরে কুলকুচা করিবে (পাছে কাহারও গায়ে ছিটা লাগে)। প্রাতঃকালে বাসিযুথ না ধুইয়া দস্ত পরিষ্কার না করিয়া

জলখাবার খাইতে পাইবে না। ভাল কড়িয়া মাথায় ও গায়ে তেল মাখিয়া স্নান করো, নাভিদেশে পায়ের তলায় নখের মাথায় তেল দাও, ইত্যাদি। কলা বোয়ের মত অবশুষ্ঠন কেহই এখন পছন্দ করেন না, নববধূরাও সকলের সহিত কথাবার্তাও বলেন, এখনকার গৃহিণীরাও ইহাতে তত দোষ মনে করেন না। ঘোমটা টানা এখন হাসির কথা হইয়া দাঁড়াইতেছে (বিশেষ সহরে)। কিন্তু একটু বিবেচনা করিয়া দেখিলে বৃদ্ধিতে পারিবেন, কেন, সেকালের দূরদর্শী বুদ্ধিমতী গৃহিণীরা বধূকে অবশুষ্ঠনের অন্তরালে রাখিতে বাধ্য হইতেন। এ প্রথা হইতেও তাঁহাদের মঙ্গল কামনা ও ভব্যতা শিক্ষার প্রতি অনুরাগ দেখিতে পাইবেন। কথাটা একটু বুঝাইতে চেষ্টা করিতেছি। সহর কলিকাতার কথা একটু স্বতন্ত্র, এখানে এমন স্থান অধিকাংশ আছে যে বাটীর পাশে অপর বাটীর লোকের বিপদেও অনেকে নিশ্চিন্ত থাকিতে পারেন;—কিন্তু অন্তান্ত সহরে, বিশেষ পল্লীগ্রামে, কাহারও বাটীতে নববধূর আগমনে, বিশেষ করিয়া তাহারই রূপ-বর্ণনা ও গুণ-আলোচনাই সকল সময় চলিতে দেখা যায়। সে অবস্থায়, সংসার-অনভিজ্ঞা বালিকা বধূ, কাহাকে কেমন সম্মান প্রদর্শন করিবে, কে কি চরিত্রের লোক তাহা বুঝিও না; হয় ত বা কি বলিতে কি বলিয়া ফেলিবে, কাহাকেও বা স্তায়া প্রাপ্য আদর, সম্মান সহকারে কথা বলিতে পারিবে কি না, অথবা একদেশ হইতে আগতা বধূ অন্ত দেশের আচার-ব্যবহার সম্বন্ধে কি বলিয়া বসিবে; তাহাতে বধূর নিন্দার প্রসারটা বৃদ্ধিই পাইবে; হয় ত বা বালিকা-সুলভ চপলতার কোন হাসির কথাই উচ্চহাস্য করিয়া ফেলিবে। ইহা অপেক্ষা অবশুষ্ঠনের অন্তরালে বধূকে তাঁহারা নিরাপদে রাখাই শ্রেয় মনে করিতেন। ধোপানী, নাপিতনী, কাহারও বাটীর আগন্তুক দাসীর সহিতও কথা বলা নিষেধ ছিল। এই শ্রেণীর স্ত্রীলোকদেরই এ-বাড়ী ও-বাড়ী ঘুরিয়া নিন্দা প্রচারের সুবিধা বেশী। এখন বলুন দেখি, এ ব্যবস্থাগুলি, তাঁহারা কি মন্দ করিতেন? অবশ্য পরে বধূরা দুই তিন পুত্র কন্তার জননী হইলে অনেকের সহিত কথা কহিবার অনুমতি ও সুবিধা পাইতেন। ইহাও সুব্যবস্থা—কেন না নববধূর আগমন-কালে, প্রথম প্রথমই নবাগতার নিন্দা সুখ্যাতিটা বেশী প্রচার হইতে থাকে; পুরাতনে সে সব আলোচনা অধিক থাকে না। প্রথম

আসিয়া যে সৌভাগ্যবতী বধু প্রতিবেশীর সুখ্যাতি অর্জনে সমর্থ হয়, তাহার সম্বন্ধে সকলেরই একটা ভাল ধারণা থাকিয়া যায় ; তারপর বেশী আঁটাআঁটা না করিলেও চলে। আমরা বাল্যে শিক্ষা পাইতাম, খণ্ডরালয়ে প্রাতঃকালে উঠিয়া শয্যাভ্যাগ-কালে স্বামীকে প্রণাম করিয়া গৃহের বাহিরে আসিবে,—এবং খণ্ডর, স্বাণ্ডি ও গৃহ-দেবতাকে প্রণাম করিবে। পুরাতন দাসী একটু মুখরা হয় ; যদি সে-রকম দাসী তোমায় কোন কথা বলে, ও তিরস্কারও করে, তবু দাসী মাত্র ভাবিয়া তাহার কথার প্রতিবাদ করিতে যাইও না। ইহাদের নিকটে অনেকে বধুর দোষ-গুণ শুনিতে পায়। পুরুষ চাকর, ও পাচকের সঙ্গেও কথা বলা নিষেধ ছিল। সেকালের গৃহিণীদের ভাব্যতা সভ্যতা ত ছিলই, আর বিনয়, নম্রতা এই সব গুণগুলি আমাদের অপেক্ষা তাঁহাদেরই বেশী ছিল বলিয়া মনে হয়। এ কথা বলিলাম, ইহা হইতে যেন কেহ না মনে করেন যে, আমি বলিতে চাহিতেছি—সেকালে সকলেরই এই গুণগুলি ছিল, একালের শিক্ষিতা মেয়েদের কাহারও এ গুণ নাই। আমার বলিবার উদ্দেশ্য এই, একালে অনেক বিদ্যা অর্জন করিয়াও আমাদের মধ্যে সকলের যে গুণ থাকে না, সেই গুণ, নিরক্ষরা কিম্বা অক্ষর-মাত্র-পরিচয়-জ্ঞানবিশিষ্টা প্রাচীনারা অনেকেই সহজে আয়ত্ত করিয়াছিলেন। এখন অনেক মেয়ে নির্ভীকতা, স্পষ্টবাদিতা দেখাইতে গিয়া খণ্ডরবাটীর অপ্রিয় হন। “আমি কাহাকেও ভয় করি না” এ ভাবটী এখন অনেক স্থলে দেখা যায়। সেকালের প্রাচীনারা এইটী পছন্দ করিতেন না। এই বিংশ শতাব্দীর এটিকেটের তুলনায় সেকালের সভ্যতা ও শিক্ষা খাপ না খাইলেও, তাঁহাদের অসভ্য বলা যায় না। তাঁহাদের স্মৃতিশক্তি কিরূপ ছিল বিবেচনা করুন। এখন প্রত্যেক গৃহেই বাংলা লেখাপড়া-জানা মহিলা আছেনই। ঘরে পাঁজী থাকিলে, কোন দিন কি তিথি, কি বার, পড়িয়া দেখিলেই জানিতে পারেন ; কিন্তু তখন ত সকলে পড়িতেও পারিতেন না ; এক দিন কোন তিথি জানিয়া, বরাবর ঠিক মুখে মুখে হিসাব রাখিতেন, আবার তিথির ত্রাস বৃদ্ধির জন্ত জিজ্ঞাসা করিয়া করিয়া ঠিক রাখিতে চেষ্টা পাইতেন। আবার কোন তিথিতে কি খাওয়া উচিত কি অসুচিত, বিদ্বান পুরুষ

পারিতেন। তা ছাড়া সংসারের খুঁটা, নাটী, তুক, তাক, কোন পূজার কয়খানি নৈবেদ্য, বিবাহের সময়ে দেশ-ভেদে, গোত্র-ভেদে ভিন্ন ভিন্ন আচার-ব্যবহার, সমস্ত খুবই তাঁহাদের নিকট পাইবেন। এখনকার গৃহিণীদেরও এই সব বিষয়ে এখনও সেই অশীতিবর্ষীয় প্রাচীনাদের নিকট ব্যবস্থা লইতে ছুটিতে হয়।

সংসার চালানোর মিতবান্ধিতা ও খুঁটা নাটী বিষয়ে এবং কোন মাসে, কি বারে, কি তিথিতে কি কি আহার করিতে নাই, একেবারে যে ঠিক রাখা কত দূর কঠিন-কাজ, এখনকার অনেকে তাহা বুঝিতে পারেন না। আমাদের একে মনে থাকে না, আর যদিই বা থাকে, ও সব অবহেলার যোগাই মনে করি। এখন অনেক সুধী বিদ্বান পণ্ডিত, শাস্ত্রকার, ডাক্তার, বৈদ্য, আমাদের সেই প্রাচীনকালের আচার-বিচারে শত সাবধানতা, শরীরের পক্ষে উপকারী বলিয়া নূতন করিয়া ঘোষণা করিতেছেন। এই যে ফাস্তন, চৈত্র মাসে নিমপাতা খাওয়া খুবই উপকারী, ইহা ত তাঁহারা অনেকদিন পূর্বেই জানিতেন, আর পুঁখী পাঁজী না দেখিয়াই ব্যবস্থা দিতেন। বলিতে শুনিয়াছি, জৈষ্ঠ মাসে বেল খাইও না, বসন্তের প্রকোপ যে সময় বৃদ্ধি প্রাপ্ত হয় ; কক্কা, উচ্ছে খাও। আমার পিতৃভ্রাতৃ মুর্সিদাবাদ জেলায় বরাবর বসন্ত রোগটী অত্যন্ত জেলা অপেক্ষা বেশীই হইয়া থাকে ; ওলাউঠাও খুব বেশী। ৩০ ত্রিশ বৎসর পূর্বে আমার বৃদ্ধা ঠাকুরমাতা, বসন্তের সময় হরিতকীর আঁটি আমাদের সকলের হাতে বাধিয়া দিতেন। তা ছাড়া ঐ সময়ে আমাদের সকলের অঞ্চলে এক টুকরা কপূর বাধিয়া, সেইটী মধ্যে মধ্যে আঘ্রাণ লইবার হুকুম করিতেন। ভাতের সঙ্গে তিন চারিখানি লেবুর ফালি সকলকে খাইতে দিতেন ;—এখনকার বিচক্ষণ ডাক্তারেরাও এ ব্যবস্থার শুভফল স্বীকার করেন। পূর্বেও বলিয়াছি, এখনও বলি, তাঁহারা শুধু গৃহস্থালী গুছাইয়াই নিশ্চিন্ত থাকিতেন না, গো-সেবা, ছোট রকম তরি-তরকারীর বাগানের দিকেও তাঁহাদের দৃষ্টি পতিত হইত। আমাদের একটা পাতিলেবুর গাছ ছিল ; তাহাতে কিছুদিন একটা ফল কিম্বা লেবু হইতে দেখি নাই। আমার ঠাকুরমাতা অনেকদিন দেখিয়া একদিন চাকরকে দিয়া, গাছের লম্বা লম্বা ডগ্গুলি কাটাইলেন।

অসংখ্য ইটের টুকরা (টিল) কাপড়ের পাড় দিয়া শজ্জ করিয়া বাধিয়া গাছের ডালে ডালে ঝুলাইয়া বাধিয়া দিলেন। তাহাদের ভাণ্ডে গাছটা খানিক মুইয়া পড়িল। তাহার এই কাজে সকলেই হাসিতে লাগিলেন। আশ্চর্যের বিষয়— ছয়মাসের মধ্যে গাছটা একেবারে ফুলে ভর্তি হইয়া গেল, এবং সেই লেবু গাছে বার মাসই লেবু ফলিতে লাগিল।

সেকালের গৃহিনীরা যে এখনকার গৃহিনীদের অপেক্ষা কষ্টসহিষ্ণু ও পরিশ্রমী ছিলেন, সে কথা একবার বলিয়াছি। আমার মনে হয়, আমাদের এখনকার মেয়েদের তুলনায় তাহাদের মেধা, স্মৃতিশক্তি ও বেশী ছিল। আমরা এখন যতই ইংরাজী বাংলা বিজ্ঞান পারদর্শী ও শিক্ষিতা হই না কেন, তবু মনে হয় বিচার ক্ষমতা জ্ঞান-বুদ্ধি বুদ্ধি পাইলেও তাহাদের মত সংসারের সব বিষয় মনে রাখিয়া নানারূপ ব্যবস্থা করিতে পারি কই।

আমরা সেকালের গৃহিনীদের তুলনায় মুখস্থ-বিজ্ঞান অধিক শিক্ষিতা হইতে পারি, কিন্তু তাহাদের সময় ভাণ্ডার লেখাপড়া শিক্ষার সুবিধা ও রীতি পদ্ধতি ছিল না বলিয়াই তাহারা বেশী লেখাপড়া জানিতেন না। আমরা শিক্ষালাভ করিলেও ভগ্নস্বাস্থ্য ও নানা জটিল রোগে ভুগিয়া কার্যকরী শক্তি হারাইয়া ফেলি, এবং অল্পেই বিরক্ত হইয়া নানা ক্রমে পতিত হই। আরও, অল্পবয়সে অনেকগুলি সন্তানের মাতা হইয়া সাংসারিক বুদ্ধি ও গৃহস্থালী গুহাইবার ক্ষমতাও থাকে না। অভিজ্ঞা গৃহিনীদের পরামর্শ ও বোধ হয় অন্তরের সহিত সকলে গ্রহণ করিতে পারেন না। তাহাদের গৃহস্থালীর বন্দোবস্ত, রোগের নানাবিধ টোটকা-টুটকা ঔষধ, উদ্ভিদবিজ্ঞান পুঁথি না পড়িয়াই সে বিষয়ে সহজ জ্ঞান, গো-সেবা দেব-সেবা, অতিথি-বৎসলতা, ভবাতা, শিক্ষা ইত্যাদির কথা শুনিতে ও দেখিলে কি স্বতই মনে হয় না যে তাহারা শিক্ষিতা, না আমরা বেশী শিক্ষিতা? সেকালের গৃহিনীদের নামে আরও একটা অমুযোগ এখন শুনিতে পাই। তাহারা নাকি স্ত্রী পুরুষের অবাধ মিলন দেখিলেই “বেহায়া” আখ্যা দিয়া তাহা নিবারণের চেষ্টা করিতেন। এখন দেখা যাক, কথাটা কি? সত্য বটে, একালের স্ত্রী সর্বসমক্ষে স্বামীর সম্মুখে বসিয়া হারমোনিয়াম বাজাইয়া গান করা ৩০।৪০ বৎসর পূর্বেও হিন্দুগৃহে স্বপ্নের অগোচর ছিল। দিনমানে ও সন্ধ্যাকালে,

স্বামীর সহিত দেখা-সাক্ষাৎও কঠিন ছিল, এ কথা স্বীকার করিতে হইবে; কিন্তু তাহার ভিতর লবই দোষের ছিল, ইহা বলা যায় না; তখনকার পদ্ধতি, প্রতিবেশীদের নিন্দা ভয় ইত্যাদি পারিপার্শ্বিক অবস্থা বিবেচনা করিলে তাহাদের তত দোষ দেওয়া যায় না। গৃহের বধুর নিন্দা শুনিতে কাহারও ভাল লাগে না। এখনকার অবাধ-মিলনে যে ভালবাসা, প্রেম, শ্রদ্ধা স্বামী-স্ত্রীর মধ্যে স্থাপিত হয়, তখনকার সেই নিরঞ্জন রাজিতে অবশুষ্ঠনবতী বেপথুমতী বধু দীপহস্তে ধীরে ধীরে অভিসারিকারূপে তীত চকিত দৃষ্টি মেলিয়া সাবধানে স্বামীর সন্নিধানে গমন করিলেও, প্রেম, শ্রদ্ধার অভাব ঘটত না;—দিনমানে সদাসর্বদা নববধু স্বামীর সহিত মিলিত থাকিলে ননপ্রণয়ের মধুর মোহ, বেশী দিন থাকিতে পারে না। স্বলভ অপেক্ষা দুর্লভ দ্রব্যেই লোকের আকাঙ্ক্ষা বেশী হয়। গোপন জিনিসের মোহময় মাদকতা বেশী, এ কথা বিশ্ববিখ্যাত কবি রবীন্দ্রনাথ, তাহার বিখ্যাত পুস্তক “চোখের বাগিচা”তে মহেন্দ্র ও আশার দিবারাত্রি অবাধ মিলনকালে, ক্রমশঃ অস্বস্তি ও তৃতীয় মানুষের আকাঙ্ক্ষার কথা বুঝাইয়া দিয়াছেন। এই যে সমস্ত দিন দুইটা উন্মুখ অন্তর পরস্পর পরস্পরের আশা-কামনায় কাটাইয়া ঈপ্সিত মিলন যে কত সুখের, কত আনন্দের, তাহা আমাদের কালে দেখিতে না পাইলেও বুঝিতে পারি। এমন কথা আমি বলিতে চাহিতেছি না, এবং যেন কেহ মনে না করেন, সেকালে স্বামী-স্ত্রীর মধ্যে যে ভাব ছিল, এখন তাহা হয় না। না, এ কথা বলিবার উদ্দেশ্য তাহা নহে। তবে সেকালের গৃহিনীদের ইহাতে তত দোষ না ধরাই আমার কথা। কেহ কেহ এই হইতে এবং আরও নানা কারণে, তখনকার খাণ্ডিরা বউকাটকী ছিলেন, এ অপবাদও দেন। এ কথা বলি, ভাল আর মন্দ, এই কথাটা ও জিনিসটা সর্বকালে, সর্বযুগেই আছে; সেকালেও যেমন “দজ্জাল” খাণ্ডিও ছিলেন, আবার মাতৃসমাও ছিলেন, অমুসন্ধান করিলে তাহার ভূরি ভূরি দৃষ্টান্ত পাওয়া যায়। কিছু কষ্ট না পাইলে কথার কথায় কেবোসিনে পুড়িয়া মরা পদ্ধতিটা আজ কাল প্রচলিত প্রথার মত দাঁড়াইত না। তবে একালের মেয়েরা যে অসহিষ্ণু, এই পুড়ে-মরা ব্যাপার হইতে তাহাও বুঝা যায়। সর্বশেষে আমার নিবেদন, কোন ভগিনী ও পাঠকবর্গ যেন না মনে

করেন যে, আমি সকালের শিক্ষা, ও সভ্যতা লইয়া যে সামান্য কথা তুলিয়াছি, ইহাতে একালের মেয়েদের নিন্দা করিতেছি। না, তাহা আমি করিতে বলি নাই। বরঞ্চ এই কথা জানাইতে গৌরব অনুভব করিতেছি যে, একালে ষাঁহারা নানারূপ শিক্ষার নিজেদের জ্ঞান বুদ্ধির সুবিধা পান, তাঁহাদের বিনয়, নম্রতা, উদারতা, সভ্যতা, প্রভৃতি গুণগুলি থাকুক কিছুমাত্র আশ্চর্য্যের কথা নহে, বরং ইহার বিপরীত।

ভাব দেখিলে মুখস্থ বিজ্ঞা ও শিক্ষার দোষের কথা স্বতঃই মনে উৎপন্ন হইতে পারে। কিন্তু নিরক্ষরা বা কোনও স্থলে অক্ষরমাত্র পরিচয়-জানা, প্রাচীনা গৃহিণীদিগের উচ্চ শিক্ষার অক্ষরমাত্র জ্ঞান, সহজ বুদ্ধি, মেধা, স্বতিশক্তি সভ্যতা, ভব্যতার বিষয় অনুধাবনপূর্ব্বক ভাবিয়া দেখিলে, তাঁহাদেরই বংশের কথা বধু আমরা, আমাদের সকলেরই কি গৌরব বোধ হইতে পারে না ?

## রামকৃষ্ণ

### শ্রীগৌরীচরণ বন্দ্যোপাধ্যায়

( ১ )

হে রামকৃষ্ণ পরমহংস  
মুগ্ধ ভারত এসেছে আজ,  
ঢালিতে তোমার পুত চরণে  
স্নিগ্ধ-ভক্তি-কুসুম-লাজ ।  
তোমার উজল মূর্ত্তি-আলোকে  
দীপ্তি উঠিছে ফুটি'  
পুল্লিত যত সুপ্তির ঘোর  
পরশে তাহার টুটি  
শিক্ষা তোমার শিষ্য যেদিন  
কুটাল সাগর-তীরে  
স্তব্ধ বিশ্ব, হীরক কিরীট  
শোভিল ভারত-শিরে  
জ্ঞানের পুণ্য-নিব্বার-ধারায়  
রচিলে স্বর্গ মর্ত্ত্য-মার  
ধন্য ধরনী বন্ধি তোমাতে  
ধন্য ভূমিও তে রাজরাজ ।

( ২ )

নবীন যুগের হে গুরু সাধক,  
বিশ্ব প্রণত তোমার দ্বারে  
সদীত তব বন্ধারে আজি  
মহামানবের হৃদয় তারে,—  
উঠেছিল যাহা এক দিন হেথা  
শাক্য-কণ্ঠে করণ সুরে  
উঠেছিল পুনঃ শঙ্কর গানে  
গম্ভীর তানে অগংগুড়ে  
উঠিল যে গান নিমাই-কণ্ঠে  
ভৃগু করিয়া সবার মন্দ্র,  
সিক্ত ধরনী মুক্তি গাথায়

( ৩ )

ভারতেরু সেই দূর প্রান্তকনে  
উঠেছিল যত মধুর সুর  
শত লাঞ্ছনা অত্যাচারের  
বহিঁ শিখায় গেছিল দূর,  
কোন্ সে সুদূর প্রান্তক হ'তে  
উদিলে হে দেব, ভারতে দীন,  
পুনাত্তে আবার মধুর ছলে  
তুলে নিলে তব মুরজ বীণ ।  
উদ্ভাসি তব কণ্ঠে মধুর  
মিনার-মঠের সামাগান  
গীতোপনিষদ্-ধ্বংস-বুদ্ধ  
একই গাথায় বেদ কোরাণ ।  
কঠিন চক্রহ দর্শন যত  
প্রাঞ্জল করি তোমার তুলি  
ব্যাস-পাতঞ্জল-গোতম-কনাদ  
জৈমিনী-কপিল দেখাল খুলি ।  
দধিবেশ্বর মন্দির তলে  
স্নিগ্ধ পঞ্চবটার-মূলে  
শিখালে নবীন যুগের ধর্ম্ম  
চির-পবিত্র জাক্বী-কূলে !

( ৪ )

হে রামকৃষ্ণ পরমহংস  
বিনয় ভারত দৃষ্ট আজ  
ভক্তি-অর্ঘ্য-নীপ্ত-রাগ



## ব্যথার পূজা

শ্রীস্বধীরচন্দ্র বন্দ্যোপাধ্যায়

১

অগ্রহায়ণ মাস। তখন রাত্রি ১১টা কি আরও বেশী হইবে। চারিদিক নিম্নস্থ। মাঝে মাঝে কেবল ঝিঁঝিঁ পোকা তার সেই চির-পুরাতন একঘেয়ে তারত্বের স্রোতের স্রোত মীলাইয়া কাঁদিতেছে না গাহিতেছে কে জানে! খড়দহ ঝাড়ুজোপাড়ার একটা ভাঙ্গা ইট-বার-করা একতলা পুরানো বাড়ীর দরজায় যা দিতে দিতে একটা লোক নিম্নস্থের ডাকিল—“কলি, ও কলি!” চতুঃপার্শ্বে গাছ-গাছড়া, লতার পাতায়, ঢাকা ঠাসাঠাসি অন্ধকারের মধ্যে জোনাকী পোকাকার হাট বসিয়াছে।

দরজাটার গায়ে একটা ভাঙ্গা রক। দেয়ালে কতকগুলো ঘুঁটে দেওয়া আছে। তাহার একটু উঁচুতে একটা এক হাত-প্রমাণ ভাঙ্গা জানালা, আধখানা ভেজানো এবং বাকীটা একটা ছেঁড়া চট দিয়া ঢাকা হইয়াছে। তাহার ভিতর দিয়া বাহির হইতেছিল একটা ক্ষীণ আলোক-রেখা ও মৃদুকণ্ঠের করুণ সুর।

যে ডাকিতেছিল তার আপাদমস্তক ঢাকা দেওয়া ছিল স্রোতখানা চেক শালে। লোকটার বয়স বেশী নয়, মাত্র ২২।২৩ বৎসর হইবে, তবে তার চেহারাটা তাহাকে তার বয়স হইতে অনেকখানি আগাইয়া লইয়া গিয়াছে। ভিতরে কাহারো সাড়া না পাইয়া সে বিরক্ত ভাবে হুই দরজার ফাটলে মুখ লাগাইয়া অপেক্ষাকৃত উচ্চকণ্ঠে ডাকিল—ও কুলীন পিসি! শুনতে পাচ্চ না?

ভিতর হইতে স্ত্রীকণ্ঠে কে জিজ্ঞাসা করিল—কে?

আমি ধীরে, দরজা খোল।

একটা প্রদীপ হস্তে একজন বিধবা আসিয়া দরজা খুলিয়া দিয়া জিজ্ঞাসা করিল, কি রে ধীর এত রাত্রে? লোকটা দরজার ভিতর প্রবেশ করিয়া বলিল, হ্যাঁ—মাধু-খুড়ো মল্লেনপুর গেছে কলির সঙ্গে পাত্র ঠিক করতে। আজ রাত্রে ফিরবে না, বরং ২।১ দিন দেবীও হতে পারে। তাই আমার খবর দিতে বলে গেছে।

বৃদ্ধা কহিল—তা দাদা রাত্তিরে না গিয়ে কাল সকালেও ত যেতে পারতো।

ধীর বাধা দিয়া কহিল, ওগো না-না—খুড়ো সন্ধ্যাবেলায়ই গেছে। খবরটা আমার দিতে বলেছিল সকাল সকাল—তা আর আমি পেয়ে উঠিনি। হরির মার স্রোত বিকারে দাঁড়িয়েছে কি না, তাই ডাক্তারকে ডাকতে শুকচরে গিচ্ছলুম।

“আহা বুড়ী আছে বলে’ তাদের সংসারটা বজায় আছে রে! বুড়ী এখন ভালয় ভালয় এ যাত্রা রক্ষে পেলে হয়! হ্যাঁ পাত্র কোথায় বলছিলি?”

পাত্র হচ্ছে মল্লেনপুরের জমিদার জগদীশ মুখুজ্যে। সম্প্রতি তার বউ মারা গেছে। আজ বিকেলে নোড়-তলার আমরা যখন বসে আছি, তখন কথায় কথায় কলির বিয়ের কথা উঠতেই, শিরোমণি কাকা এই সঙ্কল্পের কথা বলেন।—জান ত, কাকা হচ্ছে তাদের কুলপুরোহিত। বাবু আবার আজ কালের মধ্যেই মহালে চলে যাবেন কি না, তাই মাধু-খুড়ো আজই শিরোমণি কাকাকে সঙ্গে নিয়ে গেল।

বৃদ্ধা একটা নিশ্বাস ফেলিয়া কহিলেন—পাত্রের বয়স কত?

ধীর একটা ঢোক গিলিয়া বলিল, হ্যাঁ বামুণের পাত্রের আবার বয়সের একটা হিসেব-নিকেশ আছে না কি? ও ৪০।৫০ কিছুতেই বাধে না পিসি! কাঠামটা দাঁড়িয়ে থাক। পর্যাস্ত—

বৃদ্ধা বাধা দিয়া কহিল—তবু ত তার একটা বয়স আছে।

—তা আর এমন কি—ধর না ৫০।৫৫ হ’তে পারে। তবে এ বিয়ে যদি হয় পিসি, কলির খুব বরাত-জোর বলতে হ’বে। বুঝি কলি, একেবারে জমিদার-গিন্নী। তখন আমাদের তুই চিনতে পারলে হয়।

১৫।১৬ বছরের মেয়েটা ছিন্ন লেপখানা গায়ে অড়াইয়া তক্তার উপরে বসিয়া একটা উঁচু কাঠের উপর স্থাপিত

প্রদীপের আলোকে কি একখানা বই পড়িতেছিল। হঠাৎ সে হাসিবার ভঙ্গীতে মুখ তুলিয়া কহিল, সাক্ষ...এইবার তোমরা নিশ্চিত হলে ধীরুদা.....কলি একেবারে জমিদার-গিন্নী! তোমার খেয়াল মেটাবার পরসার জন্য আর কারকে আলাতন হতে হবে না! সে ভারটা আমিই নেব।

দেখছ পিসি, কলির কথা শুনছ! আমার পরসার জোগাবেন উনি!—কেন রে?

কলি ওরকে কল্যাণী হাসিয়া কহিল—বাঃ রে, তুমি আমার এতখানি উপকার করছ, আর আমি তোমার কিছুই করব না বুঝি?

ধীরু ক্র কুঞ্চিত করিয়া কল্যাণীর দিকে চাহিয়া কহিল—তার মানে?

কল্যাণী তেমনি হাসিয়া কহিল—তার মানে হচ্ছে যে সকালে তোমার পিসী পুকুর-পাড়ে ঠাড়িয়ে হরি ভট্টাচার কাছে কেঁদে বলছিলেন যে, ধীরের আলায় অস্থির হয়েছি। যে টাকা কয়টা ছিল, সে তা নয়ছয় করে উড়িয়ে দিল। মুখে আগুন ওর লেখাপড়া শেখায়। কোথায় ছ পরসার রোজগার করবে তা নয়—

ধীরু বাধা দিয়া ক্রুদ্ধস্বরে বলিল, আমি উড়িয়ে দিয়েছি? এই কথা বলেছে পিসি?—আচ্ছা দেখছি, ভছিয়ে দিতে হবে কিন্তু। ওঃ, আমার না হলে সে কি এমনি পাড়ায়-পাড়ায় মিপ্যা নিন্দা করে বেড়াতে পারত?—আবার বলা হয় আঁতুড় থেকে মানুষ করেছি। ও সবাই সমান!

কল্যাণী মৃহহাস্তে বলিল, বাঃ গো, লোকের বল্লই বুঝি বড় দোষের হয়? বেটাছেলে রোজগার করবে না কিছু না—কেবল এ-আজ্ঞায়, সে আজ্ঞায় ঘুরে বেড়াবে, কার কি হল, এই সব বাজে কাজে—

বাধা দিয়া ধীরু কহিল, হ্যাঁ, —হ্যাঁরে!—ধীরে আজ্ঞা দেয়, নেশা করে, চোর, জোচ্চোর, বদমাইস—তাকে আর তোরা বাড়ীতে ঢুকতে দিস না—বাস্—তাহলেই ত হ'ল? আমিও আর আসছি না—ছম দাম শব্দ করিয়া খটাস করিয়া দরজা খুলিয়া ধীরু একেবারে রাস্তায় আসিয়া পড়িল। পশ্চাতে উচ্চ হাসির সঙ্গে কল্যাণীর স্বর ভাসিয়া আসিল, ও ধীরুদা শোন, যেও না—সব মিপ্যা কথা;—কিন্তু ধীরেন সে কথা কাণে না তুলিয়া ছেলেদের দম দেওয়া কলেব গাড়ীর মত আঁকিয়া বাঁকিয়া আপনার মনে চলিয়া গেল।

দিগ্বরী কহিলেন, কেন ওকে রাগাস্ কলি। একে ও অজিমানী, হয় ত রাগ করে আর আসবে না।

কল্যাণী মৃহহাস্তে কহিল, হ্যাঁ আসবে না আবার!

মা বলিলেন—যা দরজা বন্ধ করে আর!, কল্যাণী দরজা বন্ধ করিয়া আসিলে তাহার মা বলিলেন—আজ আর পড়ে না! আলো নিবিয়ে শুয়ে পড়।

কল্যাণী ছেঁড়া রামায়ণখানার পাতাগুলি যথাস্থানে সন্নিবেশিত করিয়া বিছানায় শুইয়া পড়িল। তাহার মনে হইল কেন সে ধীরুকে সে কথা বলিল! যদি সত্যই ধীরুদা আর তাহাদের বাড়ী না আসে! তা কি ধীরুদা পারে? আমার কথায় সে রাগ করে না। কিন্তু কেন?—এই কেনর মীমাংসা কল্যাণীর মনের মধ্যে উকি মারিতেই কল্যাণী লজ্জায় তাড়াতাড়ি সে প্রসঙ্গ চাপা দিল ও শেষে ঘুমাইয়া পড়িল।

ধীরু ঘোষেদের পুকুর ধার দিয়া অন্তমনস্কভাবে চলিয়াছে। একটা লোক অন্ধকার ভেদ করিয়া হন্ হন্ করিয়া তাহার পাশ কাটাইয়া যাইতেই সে জিজ্ঞাসী করিল—কে?

লোকটা কহিল, “আমি হরি বাগ্দী!”

“হরে?—এত রাত্রে এদিকে কোথায় চলেছিস্ রে?”

আর দাদাঠাকুর—অদেট! মতেটা মরে গেছে।

ধীরু বিস্মিত কণ্ঠে কহিল, সে কি রে! কখন? ছপুয়েও দেখে এসেছি একটু ভাল—এরি মধ্যে—বলিছ কি রে?

হ্যাঁ, বিকেলের দিকটার ভেদবমি কমে গেল; কিন্তু ছট্ফটানি বাড়তে লাগল। তারপর কাতরাতে কাতরাতে বাস্—হয়ে গেল!

তাই ত! বেচারার ত কেউ নেই-ও আর! তা' হল—কি করব দাদাঠাকুর, হাতেও একটা পরসার নেই—আর এত রাত্রে কাউকে জোটাতেও পারছি না—ধাকধাক মধ্যে আমি আর ভজা ব্যাটা!

সে ত কাশা!...তাকে দিয়ে কি হবে?

কি আর করি...তাকেই মড়ার কাছে বসিয়ে রেখে আমি লোক খুঁজতে বেরিয়েছি! মরেছে বলে কি আর তার গতি না করলে চলে, তুমিই বল না দাদাঠাকুর!

ধীরু অন্তমনস্ক ভাবে কহিল, “না—তা কি করে চলে?”

তা দেখ না—যত্নর কাছে গেলাম, সে বলে—তার পরিবার পোয়াতী, সে যাবে না। নিধে হাড়িকে ডেকে ডেকে গলা ভাঙ্গলাম, তার মা বেরিয়ে বলে, সে নেশা করে পড়ে আছে। কি করি বল ত দাদাঠাকুর! নেহাৎ একসঙ্গে নেশাটা আশটা করতুম বলে কি না, তাই তার গতিটা করলে—

ধীর বাধা দিয়া কহিল, হ্যারে, তোদের দলের আর কেউই এল না!

“না দাদাঠাকুর, কেবল রাখালের ভাই সোমরা যাবে বলেছে।

তা হলে ধর তুই, সোমরা আর আমি এই তিনজনে মিলে নিতে পারব না রে?—খুব পারা যাবে কি বলিস?

হরি বিস্মিত কণ্ঠে কহিল, বল কি, তুমি যাবে কি দাদাঠাকুর। কাওয়ার মড়া—ভেতে বাগ্দী—তুমি হলে বামুণ—

ধীর বাধা দিয়া কহিল, নে থাম্—গঙ্গা নাইলেই ত সব শুদ্ধ। তাতে আবার কি?

মাথা নাড়িয়া হরি কহিল, তুমি কি ক্লেপেছ দাদাঠাকুর! সে ~~হি~~ হয়! কাল তাহলে গায়ে তোমায় একঘরে করবে।

ধীর বিরক্ত ভাবে কহিল, তুই চুপ কর না বাপু, সে হয় না হয় আমি বুঝব! এখন কাঠের জোগাড় করা যায় কি করে?

কাঠের ছুঁখু কি দাদাঠাকুর! তার দরজায় এখনও ঘোষেদের আমগাছের চেলা চিপি দেওয়া রয়েছে। একটা ছেড়ে দশটা মড়া পোড়াও না। আর কাট চেলাই করবার দাম ঘোষেদের কাছে মতের পাওনা আছে।

চল তাহলে, আর দেরী করে কাজ নেই...বাড়ীতে একবার...না থাক্গে—চল!

কোন উত্তরের প্রতীক্ষা না করিয়া ধীর দ্রুতগতিতে চলিল, বিস্ময়বিমুগ্ধ হরিবাগ্দী তাহার অনুসরণ করিল।

২

যাহারা বিশ্বের অবজ্ঞাত, পরিত্যক্ত, ভগবান যেন বাছিয়া বাছিয়া তাহাদের প্রাণগুলোকে পাথরের মত শক্ত করিয়া দিয়্য সকলের অবজ্ঞা, অশ্রদ্ধা সহ করিবার দুর্জয় ক্ষমতা প্রদান করেন। আরও আশ্চর্য্য এই যে, জগতের কাছে এত

নির্মমতা পাইয়াও এই পাষণ প্রাণই নিজের বক্ষ নিংড়াইয়া, জগতের উপর স্নেহের মন্দাকিনী বহাইয়া দিয়া যায়!

ধীর ছেলেটি সেই দলের। ছেলেবেলায় মা বাপ হারাইয়া দাদাদের অভিভাবকতার গণ্ডীর ভিতর সে যখন একঘেমে জীবনটার মধ্যে কোন সার্থকতা খুঁজিয়া পাইল না, তখন সে নিজেকে ভিন্ন পথে চালিত করিল। এই ছন্নছড়া জীবনটার মধ্যেই রূপ-শব্দ-গন্ধ-রস-স্পর্শের অনুভূতি পাইতে চেষ্টা করিল। লোকে বলিল, “ভবঘুরে”, “লক্ষ্মীছাড়া”, “হতভা-া” আরও কত কি; কিন্তু কোন প্লেব-বিজ্ঞপই এই খেয়ালের একটানা স্রোতে ভাসমান জীবন-তরণীখানাকে কুলে ভিড়াইতে পারিল না। লালনা, পীড়ন, আত্মীয়-অনাত্মীয় সকলের মুখের “ছি ছি” “ঘণা” অপরিপাক্যভাবে খরচ হইলেও ধীর কিন্তু কোনই পরিবর্তন লক্ষিত হইল না। তাহাকে দেখিলে এখন কেহ বলিতে পারিবে না যে, এই ছেলেটিই এক দিন ক্লাসের মধ্যে সবচেয়ে ভাল ছেলে ছিল, বরাবর পরীক্ষায় প্রথম পুরস্কার পাইয়া আসিয়াছে। তাহার ধীর, নম্র স্বভাবে সে সকলকে মুগ্ধ করিয়াছে। সে বালকে আর এ-যুবাতে আজ কত প্রভেদ; কোন দিন যে কোন সামঞ্জস্য ছিল—এ কথা অতিবড় মনস্তত্ত্ববিদও আজ বলিতে পারিবে না!

নাথু পালের শ্মশানঘাটে বসিয়া মতি কাওয়ার শব্দহাস্তে ধীর আজ এই কথাটাই ভাবিতোছিল, সংসারে কেহ কখন চিরদিন বাঁচিয়া থাকে না; তখন কেন মানুষ আপনার আপনার করিয়া মরে? কেনই বা নিজেকে লইয়া এতখানি বিব্রত হয়!—এই ত! কাল যে দেহটার ভিতর একটু প্রাণের সাড়া ছিল, তখনো মানুষ বলে যা'কে সন্মোদন করা চলত, আজ তার জীবন-চিহ্ন জগৎ থেকে মুছে গেল! এতকাল যে প্রাণটা আশা-আকাঙ্ক্ষায় জড়িত থেকে একটা দেহকে আশ্রয় করে মায়া, মমতা, ভালবাসা নিয়ে তার ভিতর লুকিয়ে ছিল, এতকালের বসবাস একদিনে ভেঙ্গে দিয়ে দেহটাকে ফেলে সে কোথায় পালিয়ে গেল! তখন চিতার আশ্রয় নিভিয়া আসিতেছে।

ধীর উঠিয়া কলসী করিয়া গঙ্গার জল আনিয়া চিতার উপর ঢালিয়া দিল। হরি বাগ্দী ও সমরু যাহারা ধীরর সঙ্গে আসিয়াছিল তাহারা মদ খাইয়া গায়ের ব্যথা মারিতে বহুকণ চলিয়া গিয়াছে, কেবল ধীর দাহ শেষ না হওয়া

পর্যন্ত অপেক্ষা করিতেছিল। আহা, বেচারী নিঃসহায় মতি কাওরা! কলেরা রোগে মরেছে বলে কেউ তার কাছে এলো না, ছুঁলে না, দাহ করলে না! অথচ এই মতি যতদিন বেঁচে ছিল, সে লোকের এমনি বিপদে ছুটিয়া গিয়া বুক দিয়া পড়িত! রাত্রির আঁধার, দুর্ঘোষ কোনও দিনই তাকে তার কর্তব্য থেকে নিবৃত্ত করতে পারেনি।

আর আজ!—কেহ তার নামটাও আর মুখে আনিবে না। এই ত মানুষ,—আর এই তার জীবনের পরিণাম! ধীর হঠাৎ যেন নিজেকে বড়ই নিঃসঙ্গ ভাবিয়া একবার পশ্চাৎ দিকে চাহিয়া দেখিল সেই স্থানটা, যেখানে মতিকে সে দাহ করিয়াছে। কোথায় সে? তার স্মৃতি যে শুধু দগ্ধ, অর্ধ-দগ্ধ কয়েকখানা কাষ্ঠখণ্ডে ও একটা ভগ্ন মৃত্তকায় সজে জড়াইয়া রহিয়া জীবনকে পরিহাস করিতেছে মাত্র! একটা দীর্ঘ-নিশ্বাস ফেলিয়া ধীরে সেস্থান ত্যাগ করিয়া ধীরে ধীরে এক নির্জন ঘাটের পাড়ে অশ্রুমনস্কভাবে নামিয়া পড়িল।

আজ চতুর্দশীর গঙ্গা। জোয়ার মা জাহ্নবীর বুকখানাকে কানায় কানায় ফুলাইয়া তুলিয়াছে। উদাস চেউগুলি একের পর আর একটা স্তবকে স্তবকে গঙ্গীরভাবে গড়াইয়া চলিয়াছে, একটা উদ্গাদনা লইয়া। কিসের এ আকুলতা? ধীরে যন্ত্রচালিতের মত এক পা, দুই-পা করিয়া গঙ্গার নামিল। বুপ বুপ করিয়া কয়েকটা ডুব দিয়া কোঁচার কাপড়ে মাথা এবং গা মুছিতে মুছিতে বাড়ী ফিরিল। তাহার হই চকু রক্তবর্ণ, মাথার চুলগুলি কক, মুখখানা শুক, বিবর্ণ।

বাড়ীতে ঢুকিতেই পিসিমা দয়াদেবী চীৎকার করিয়া বলিলেন, হাঁসের ধীরে! তোর আলায় কি গলায় দড়ি দেব রে?

ধীরে বিস্মিতভাবে কহিল, কেন পিসি, আমি কি করেছি?

দয়াদেবী কপাল চাপড়াইয়া কহিলেন,—আমার মাথা আর মুণ্ড করেছ।

ধীরে উদ্ভ্রান্তভাবে কহিল, তাই নাকি।—যাক্ গে, তুমি এখন একখানা কাপড় দেবে আমার পরতে।...না এই ভিজে কাপড়েই থাকতে হবে?

বায়ুণের ছেলে হয়ে কি না তুই শেষে কাওয়ার মড়া পুড়িয়ে এলি? সারা রাত বসে আমি ভেবে মরছি, তোর কি প্রাণে একটুও দয়া মারা নেই! দেবু বলেছে তোকে বাড়ী থেকে বিদেয় করে দেবে!

শেষ করিয়া বাড়ীতে ঢুকিয়া ধীরকে দেখিয়া বিজ্ঞপকর্মে কহিলেন, এই যে পিসী, রাত কাটিয়ে তোমার গোপাল ফিরে এসেছেন দেখছি!

দয়াদেবী চুপ করিয়া রহিলেন। দেবেন ধীরকে কহিল, শোনহে, ছোটবাবু, আমি বড় কস্তাকেও কাল বলেছি, দিন দিন তুমি যে রকম বেড়ে উঠছ তাতে এ বাড়ীতে তোমার আর যাবগা হবে না।

ধীর কহিল, তার মানে? বলেই হল আর কি? কোথায় যাবো?

দেবেন বাক্যদের মত জ্বলিয়া উঠিল। ধীরের মুখের কাছে হাত পাকাইয়া কহিল, কথার ওপর কথা! জুতিয়ে মুখ ছিঁড়ে দেব তা! জানিস্? স্বপ্ন দেখাতে এসেছে... বেরো এখনি বাড়ী থেকে, নইলে—দেবেন ধীরের দিকে ক্রুদ্ধভাবে অঙ্গসর হইতেই দয়াদেবী তাড়াতাড়ি তা'র সম্মুখে আসিয়া উভয় হস্তে দেবেনের হাত দুখানি ধরিয়া মিনতিভরা কর্মে কহিলেন, আতা, কুরিস্ কি দেবু—

মেজবৌ সত্যাবালা এতক্ষণ দরজার পাশে দাঁড়াইয়া ছিল, এবার ঘাড় বাঁকাইয়া স্বামীকে কহিল, 'দেখলে ক'রায়ের মেজাজ, শুনলে ত কথা! আমরা ত পরের মেয়ে—তোমার ভাইকে দেখতে পারি না, তোমাদের ঘর ভাঙতে এসেছি,— এখন ভাই কেমন দাদার মান রাখলে? বেশ হয়েছে!

সত্যাবালা কথা শুনিয়া ধীর তাহার নত মুখখানি ঈষৎ তুলিয়া ক্র-কৃষ্ণিত দৃষ্টিতে সত্যাবালা দিকে চাহিতে, সত্যাবালা ক্রুদ্ধকর্মে কহিল, কটমট করে চাইছ যে, মারবে না কি?

দয়াদেবী হঃধিতভাবে কহিলেন, তুমি খাম না মেজ-বৌমা।

সত্যাবালা তীক্ষ্ণকর্মে কহিল, খামব কেন পিসী, হয়েছে যদি, ভাল করেই তা'হলে হ'ক! চিরদিন যে তোমার ছোট ভাইপো সকলকে হেনস্তা করে বুক ফুলিয়ে বেড়াবেন— কেন বল ত? এবার একটা হেস্ত-নেস্ত হয়ে যাক্।

এ সব কি কথা বউ-মা?

দেবেন কহিল, হ্যাঁ পিসী, মেজ-বউএর সঙ্গে যখন কাকুর বনে না, তখন যে ঘর আলাদা হলেই ভাল! আমি একটু শান্তি চাই! রোজ রোজ আমার আর সজ্ব হয় না। আমি দাদাকেও বলেছি যে আমি আলাদা থাকবো।

দয়াদেবী গম্ভীরকণ্ঠে কহিলেন, সেটা কি ভাল হবে দেবু? সংসারে কোথায় না ঝগড়া-ঝাঁটা হয়। বড়গাছেই কেঁচু ঝড় লাগে ফেঁদাবা। আর লোকেই বা কি বলবে! মূল্যে বাপ মরতে পাঁচ বছরও গেল না, ভায়ে ভায়ে আলাদা হয়ে সংসারটা নষ্ট করলে—

দেবেন বাধা দিয়া কহিল, লোকের যা' খুসী তা' মলুক, আমার গায়ে ফোঁকা পড়বে না! তোমরাও বল ম পরিবারের কথা শোনে, আরও যা ইচ্ছা তাই বল! আমি ও রাজেলের মুখও দেখবো না, একটা কুনা কড়িও দাব ন্যু • ওর যা' খুসী করুক।

দয়াদেবী আর কোন কথা কহিলেন না, হৃৎপিণ্ডভিত্তিতে দেবু দিকে চাহিয়া বহিলেন মাত্র। এমন সময় ডাচ ভ্রাতা রাজেন্দ্র আনিয় কহিল, কি হে দেবু, কালবেলা এত চেঁচামেচি কিসের?

সত্যবালা অন্তরালে সরিয়া গেল।

দেবেন হাত নাড়িয়া কহিল, দেখ না, পিনা দীক্ষণ যে আমার সঙ্গে ঝগড়া করতে এসেছেন।

দয়াদেবী রাগত্বরে কহিলেন, কথাটা কি ঠিক ল দেবু?

দেবেন রুক্ষস্ববে বলিল, না আমার সবটী অন্ডায়। আমার আনায় রেহাই দাও না বাপু! আমি কারুর সঙ্গে হিংস্র থাকব না, থাকব না, থাকব না।

দয়াদেবী তীক্ষ্ণকণ্ঠে কহিলেন, সে ভয় আমাকে কথাক্ষিস্ কি .রে? আমি কি তোদের বাড়ী চাবটী মতের পিত্তোশে পড়ে আছি? আমার যা সংস্থান আছে— তার না থাকলেও একটা পেট কানীতে ভিক্ষে মাগলেও লে যাবে! তোর মা আবাগী যদি ঐ শত্রুরকে আমার দায় ফেলে দিয়ে না মরত তবে আমি আজ তোদের বাড়ীর টী কামড়ে থাকব কেন? দয়াদেবীর বৃকের কাছে একটা ক্রন্দন ঠেলিয়া উঠিয়া কণ্ঠ রুদ্ধ করিয়া দিল। আঁচলে ক মুছিয়া দাঁকুর দিকে চাহিয়া রুদ্ধকণ্ঠে কহিলেন, দেখু ওভাগা, যদি বেগা পিত্তি তোর থাকে, যদি মানুষ হোস্, এর একদণ্ড থাকিস্ না এখানে। যেখানে ছ' চোখ যায় লে যা। তুই ব্যাটাছেলে, একটা পেটের ভাবনা কি!— আমার যা অদৃষ্টে আছে তাই হবে—চক্ষু মুছিতে মুছিতে দয়াদেবী গৃহান্তরে চলিয়া গেলেন।

দেবেন একটু মৃত হাসিয়া রাজেন্দ্রনাথের দিকে ফিরিয়া মাথা দোলাইতে দোলাইতে কহিল, দেখলে দাদা ব্যাপারটা, শুনলে পিসীর কথা! এমন কি সহ করা যায়, না সহ করা উচিত?

রাজেন্দ্রনাথ বিমর্ষ ভাবে জিজ্ঞাসা করিল, আজ আবার কি হ'ল?

দেবেন তা'র দক্ষিণ হস্ত প্রসারিত করিয়া নাচাইতে নাচাইতে কহিল, কি না হচ্ছে কবে? সংসারের খবর ত কিছু রাখ না, সে সব তোমার দরকারও নেই। যাক্ সে সব কথা, রোজ রোজ আর আমার এত বঁকাবকি ভাল লাগে না। পারব না আমি এত হাস্যামা পোছাতে, আমার কি দায়।—প্রত্যাহারের অপেক্ষা না করিয়া দেবেন সিঁড়ি বাহিয়া খট্ খট্ শব্দে উপরে চড়িয়া গেল, থামের অন্তরাল হইতে সত্যবালাও তাহার অনুসরণ করিল।

বৃক্ষের উচ্চশিবে আবোহণ করিয়া হঠাৎ দৃষ্টি নত করিলে প্রাণটা যেমন আতঙ্কে শিহরিয়া ওঠে, দেহটার ভিতর কিম্ কিম্ কবে, রাজেন্দ্রনাথের অবস্থাও তদ্রূপ হইল। বৃকের উপরে বসিয়া পড়িয়া সম্মুখে পূজার দালানের দিকে চাহিয়া ভাবিতে লাগিল অতীতের কত কথা!

এই ব্রাহ্মণ-প্রধান খড়দহ গ্রামের মধ্যে তাহাদের পিতা ৬চন্দ্রকান্ত তর্কালঙ্কার মহাশয়ই ছিলেন সর্ববিষয়ে অগ্রগণ্য;—বিদ্যায়, সম্মানে সে অঞ্চলে তাঁহার সমকক্ষ কেহই ছিল না। একদিন এই বাটার প্রাক্ষণে দোল, তর্গোৎসব, জগদ্ধাত্রী পূজা, সত্যনারায়ণের সিন্নি প্রভৃতি মাসিক কার্যা উপলক্ষে কত লোক প্রসাদ পাইয়াছে; এই চণ্ডী-মণ্ডপের দাওয়ায় বসিয়া প্রাতঃকালে কত ব্রাহ্মণ-বালক চাঁৎকার করিয়া কলাপ, মুক্তবোধ, দর্শন, ত্রায় প্রভৃতি শাস্ত্র আলোচনা করিয়া যে বিদ্যাপীঠ মুখরিত করিত, আজ সেই স্থানগুলি গদাই মালা, নবীন খানসামা, ছিদ্দাম রাখাল প্রভৃতি লোক দ্বারা অধিকৃত। পাঠ-মন্দির ছাগল-কুকুরের থাকিবার স্থান, ঠাকুরদালানে বাছড় ও চামচিকা আশ্রয় গ্রহণ করিয়াছে! সাক্ষীগোপাল শালগ্রামশিলা সমস্ত দিনের পর সন্ধ্যাকালে কয়েকখানি বাতাসার ভোগে তুষ্ট থাকিয়া তাঁহার পাষণ প্রাণের জাগ্রত পরিচয় দিতেছেন—কালের কি আশ্চর্য্য পরিবর্তন!

রুষ্ট রাজেন্দ্রনাথের দৃষ্টি ধীরে ধীরে মুখের দিকে পড়িতেই তাঁহার গা জলিয়া উঠিল। ওই হতভাগাই যত অনিষ্টের মূল। সে যদি ভবঘুরে না হয়ে, সংসারের কোন কাজে লাগিত, অন্ততঃ দেবুর ও মেজবউএর মন যোগাইয়া চলিত—তা হইলেও কথা ছিল। তা নয়, মুখে মুখে জবাব, কারকে কেয়ার নাই, রাত কাটাইয়া ইয়ারকি দিয়া ঘুরিয়া বেড়ানোই তাহার কাজ। এ অত্যাচার তাহার সহ্য করিবে কে? রাজেন্দ্রনাথ তীব্র কণ্ঠে কহিল, কোথায় ছিলি কাল সারারাত?

ধীরে নির্ঝিকার কণ্ঠে কহিল, শশানে—

কারণ?

মতি কাওরা কলেরা হয়ে মরেছে কি না—

বাধা দিয়া রাজেন্দ্রনাথ কহিল, আর তুই হতভাগা বুঝি তার সংকার করে এলি? বাসুণের ছেলে হয়ে হাড়ি, ডোম, কাওরার মড়া পুড়িয়ে আজকাল বুঝি মুন্সেফরাসের কাজ হচ্ছে?

ঈশ্বর হাসিয়া মুখ নীচু করিয়া ধীরে কহিল, মড়ার আবার জাত কি দাদা? আর নাইলেই ত সব শুক!

তোমার শাস্ত্রে! তুই মস্ত বড় পণ্ডিত হয়েছিস্ কি না? গুণের মধ্যে ত কথায় কথায় তর্ক করা, আর দিন রাত ইয়ারকি দিয়ে বেড়ান! ঘর-সংসারের একটা কাজ দেখা নেই, কি করে ছু'পয়সা আনতে পারবি সে চেষ্টা নেই—কে তোকে আজন্ম এমন করে বসিয়ে খাওয়াবে? আজ শুন্লি ত মেজবাবুর কথা, এখন বেড়া ঘুরে পথে পথে...আমি কি করব? রাজেন্দ্রনাথ মুখ গম্ভীর করিয়া বহির্কাটীর দিকে চলিল।

ধীরে পশ্চাৎ হইতে ডাকিল—বড় দা' শোন...

রাজেন্দ্রনাথ তাহার দিকে দৃষ্টি না ফিরাইয়াই কহিল—  
শুনে আর কি করব—আমার কিছু সাধ্য নেই। তোমার হয়ে ত দেবুর সঙ্গে আমি ঝগড়া করতে পারি না।

ধীরে সেই ধানে দাঁড়াইয়া ভাবিতে চেষ্টা করিল, কেন এমন হইল? তার অপবাদটা কোথায়? কিন্তু একটার পর একটা গ্রন্থি খুলিতে গিয়া দেখিল যে স্ত্রীটা এমন বিকীর্ন হইল ভাবে পাক খাইয়া গিয়াছে যে, তাহা হইতে উদ্ধারের আর কোন উপায়ই নাই। মাথা নাচু করিয়া ধীরে ধীরে বাড়ীর বাহির হইয়া গেল। (ক্রমশঃ)

## শৃঙ্খল

শ্রীমানলিনীমোহন চট্টোপাধ্যায়

কেন গো দিয়াছ মোদে এমন শৃঙ্খল?  
তোমারি সৃজিত বিশ্ব আনন্দ-সঙ্গমে  
ছুটিয়াছে, মোরে কেন করেছ অচল?  
আমি যে কুটিতে চাই বিশ্বের মরমে  
নির্ম্মল বাসনারূপে, প্রেমের নয়নে  
আমি যে জলিতে চাই চঞ্চল আবেশে  
চকিত দৃষ্টির মত, বিরহ-বেদনে

আমি যে জাগিতে চাই বেদনার রসে  
অভিহিত অক্ষয় মতন! বল নাপ  
আমারে দিয়াছ কেন এমন শৃঙ্খল!  
আমি যে জাগিতে চাই জীবনের রাত  
তব সাপে, সাধিবীর বিশ্বের মঙ্গল  
আমি যে কুটিতে চাই করুণা স্বরূপে,  
নীচের অদয়মন ভবি চূপে চূপে!

## ব্রহ্ম-প্রবাসের চিত্র

শ্রীগণেশচন্দ্র মৈত্র, বি-এসসি

ব্রহ্ম-প্রবাসের চিত্রগুলির সম্বন্ধে বিস্তৃত বিবরণ লিপিবদ্ধ আমার 'ব্রহ্ম-প্রবাসের চিত্র'কে চিত্র হিসাবে গ্রহণ করিলেই করিতে গেলে প্রবন্ধ অত্যন্ত দীর্ঘ হইয়া পড়ে; সেইজন্য কুতর্গ হইব।


চিত্রে প্রদর্শিত ঘণ্টার ব্যাস প্রায় ৪ ফিট ও উচ্চতা ৭ ফিট এবং ওজনও প্রায় ২০২৫ মণ। এখানকার অধিবাসীদের বিশ্বাস যে, কোন বিদেশী এই ঘণ্টা একবার বাজাইয়া স্বদেশে ফিরিয়া গেলেও তাঁহাকে এখানে অন্ততঃ আর একবার আসিতেই হইবে। এই কিম্বদন্তীর ব্যথার্ণা সম্বন্ধে রীতিমত প্রমাণাদি না থাকিলেও, কয়েকটা স্থলে আমি ইহা লক্ষ্য করিয়াছি যে, কোনও কোনও ভদ্রলোক এ দেশের সহিত সমস্ত সম্বন্ধ ত্যাগ করিয়া দেশে ফিরিয়া গিয়াও ২১০ বৎসরের মধ্যে পুনরায় এখানে আসিয়াছেন;—বলা বাহুল্য আমি অসুদক্ষানে জানিয়াছি যে তাঁহারা এই ঘণ্টা বাজাইয়াছিলেন।

এ দেশটাকে যে Land of Pagodas বা প্যাগোডার দেশ বলে, তাহা পাঠক-মণ্ডলীকে পূর্বেই জানাইয়াছি। নিম্ন প্রকাশিত ব্রহ্মদেশের বিভিন্ন স্থানের কর্তব্য দিখাত প্যাগোডার চিত্র হইতে তাহার কতকটা আভাব পাওয়া যাইতে পারে। শুনা যায় এখানে এমন কোনও গ্রাম নাই যেখানে অন্ততঃ একটি প্যাগোডাও নাই। বড় বড় সহর মাত্রই বহুসংখ্যক প্যাগোডা

The Great Bell—Shwe Dagon Pagoda

( সোয়ে ডাগন প্যাগোডা-মধ্যস্থ বৃহৎ ঘণ্টা )

স্থানে স্থানে সামান্য মস্তকা মাত্র প্রকাশ করিয়া, আমি আছে; তন্মধ্যে পেগানের প্যাগোডার সংখ্যাই নাকি গুলি প্রদর্শনের দিকেই অধিক দৃষ্টি দিয়াছি; সুতরাং সর্বোচ্চ।




Bell Pagoda—Bhamo (ভামোর বন্টাকৃতি প্যাগোডা)




The Serpent Pagoda—Thayetmyo. (থায়েটমিওর সর্পাকৃতি প্যাগোডা)






The Incomparab'le Pagoda—Mandalay

•• The Incomparab'le pagoda—Mandalay. ( মাদালয়ের অভুলনীয় প্যাগোডা )




Kuthodaw (716) Pagodas from the Hill — Mandalay

Kuthodaw ( 716 ) pagoda from the hill—Mandalay. ( পাহাড়ের উপর ৭১৬টি প্যাগোডা—মাদালয় )



Ananda pagoda—Pagan ( পেগানের আনন্দ প্যাগোডা )

আনন্দ বুদ্ধদেবের একজন খুব বড় শিষ্য ছিলেন; তাঁহারই নাম-অনুযায়ী এই প্যাগোডার নামকরণ হইয়াছে  
 স্মৃতিতে পাওয়া যায়।



Shwe Phon Buin pagoda—Pajundang. ( সোয়ে ফন বুন প্যাগোডা—পজুন্ডং ) ]:

ব্রহ্মভাষায় সোম্বে অর্থে সুবর্ণ, ফন্ অর্থে গৌরব এবং বুইন্ অর্থে উন্মুক্ত করা। যুক্তভাবে ইহার অর্থ সুবর্ণময় গৌরবের পথ-উন্মুক্তকারী। পালিভাষায় সোম্বে অর্থে মহান্ (Sublime) ফন্ অর্থে গ্লী (glory); সংযুক্ত অর্থে মহান্ দ্বারা মহান্ গ্লী প্রচারিত হয়। সাধারণতঃ কোনও রাজা তাঁহার রাজ্যাভিষেকের সময় অথবা কোনও অপ্রত্যাশিত ধন লাভের পর এই সুব প্যাগোডা নির্মাণ করাইয়া দিতেন, এইরূপ প্রবাদ শুনা যায়। কাজেই এই প্যাগোডার নামের চাইটি অর্থ করা যাইতে পারে;—প্যাগোডা-নির্মাতার গৌরব-প্রকাশকারী অথবা সেই মহান্ বৌদ্ধধর্মের গৌরব প্রচারকারী।

সভ্যতার অঙ্গ মোটরকার হইতে আরম্ভ করিয়া, ওয়াটার প্রফ, কোমরের বেল্ট, মোজার গার্ডার প্রভৃতি নিত্য ব্যবহার্য্য দ্রব্য, এমন কি রোগশয্যায় আইন্ ব্যাগ, হট ওয়াটার ব্যাগ প্রভৃতি, সকল বিষয়েই আজকাল রবারের সমধিক প্রয়োজন। মধ্যে রবারের বাজার নরম হইয়া যাওয়ার বাগানগুলির তাদৃশ যত্ন ছিল না, এখন হঠাৎ ইহার মূল্যবৃদ্ধি হওয়ায় আবার পূর্ণোচ্চমে এখানে রবারের চাষ চলিতেছে এবং বাগানগুলিও নূতন শ্রী ধারণ করিয়াছে।

ভিক্টোরিয়া পার্কটি রেঙ্গুনের চিড়িয়াখানার (Zoological



A Scene on the Twante Rubber Estate

(টোয়ান্টে রবার ক্ষেত্রের একটা দৃশ্য)

ব্রহ্মদেশ মানয় রাজ্যের ঞায় রবার উৎপাদনের প্রধান কেন্দ্র বলিয়া খ্যাত। এখানে বহুসংখ্যক রবারের ক্ষেত আছে। রবারের ক্ষেত একটি দেখিবার জিনিষ। সারি সারি শ্রেণীবদ্ধ রবার গাছগুলির শোভা অতি সুন্দর। রবার বর্তমান যুগের একটি লাভজনক ব্যবসায়। পৃথিবীর প্রায় সর্বত্রই ইহার প্রচলন এবং বাণিজ্য পণ্য হিসাবে ইহার প্রয়োজনীয়তা আজকাল বিশেষ উল্লেখযোগ্য। আধুনিক

Gardens) অভ্যন্তরে। বেড়াইবার এমন সুন্দর ও মনোরম পার্ক ড় একটা দেখা যায় না। ছুঃখের বিষয় পার্কটি চিড়িয়াখানার ভিতরে অবস্থিত হওয়ায় প্রবেশের মূল্য দুই আনা না দিলে আর এ সুবিধাটুকু উপভোগ করিবার উপায় নাই।



Victoria Park—Rangoon ( ভিক্টোরিয়া পার্ক— রেঙ্গুন )



Myingyan—Upper Burma. ( মিইঙ্গান সহরের দৃশ্য )



King Theebaw's Monastery - Mandalay


King Theebaw's Monastery—Manda'ay. ( ব্রহ্মরাজ থিব প্রতিষ্ঠিত মঠ—মান্দালয় )




প্রোমের সাধারণ দৃশ্য



Maymyo Street Scene. ( মেমিও রাস্তাপথের দৃশ্য )



Toungoc. ( টাঙ্গু সহরের দৃশ্য )



Maymyo Government House. ( মেমিও লাট-প্রাসাদ )


বাক্সালার লাটবাহাদুরের গ্রীষ্মাবাস যেমন দাঙ্কলিংএ, ব্রহ্মের লাটবাহাদুরের গ্রীষ্মাবাসও সেইরূপ মেমিওতে ; কারণ মেমিও সহবটি পাহাড়ের উপর, কাজেই শীত প্রধান ।



Government House—Rangoon. ( লাটপ্রাসাদ—রঙ্গুন )

নঙ্ ড জী অর্থে জ্যেষ্ঠ ভ্রাতা। দুই বা ততোধিক প্যাগোডা একই স্থানে পাশাপাশি নির্মিত হইলে, যেটি সর্বপ্রথম নির্মিত হয়, তাহাকে ইহারা “নঙ্ ড জী” আখ্যা দিয়া থাকে। এই প্যাগোডাটি বৃহৎ সোয়ে ড্যাগন

কর্তৃষ্টি এই তিনটি চিহ্ন (relics) আনয়ন করিয়া এই স্মৃহৎ বিবিধ কারুকার্য-শোভিত বহুমূল্য প্যাগোডা নির্মাণ করাইয়া দেন। ইতিহাসে কিন্তু মহারাজ অশোকের রাজত্ব-কালে এদেশে বৌদ্ধধর্মের বহুল প্রচার সাধিত হওয়া এবং




Naung Daw Gyi Pagoda—Rangoon. (নঙ্ ড জী প্যাগোডা, রেঙ্গুন)

প্যাগোডা-অঙ্গনে অবস্থিত এবং ইহা সোয়ে ড্যাগনের পূর্বে নির্মিত হইয়াছিল বলিয়াই নঙ্ ড-জী নামে অভিহিত। প্রবাদ আছে যে ভারতের উড়িষ্যা প্রদেশবাসী “তাপুসা” ও ফলিকা” (Tapussa and Phalika) নামক দুই জন ধনী ব্যবসায়ী ব্রহ্ম-দেশাভিমুখে আগমনকালে পশ্চিমঘো বুদ্ধদেবের সাক্ষাৎ লাভ করেন এবং তাঁহার নব প্রচারিত ধর্মে অমুপ্রাণিত হইয়া বুদ্ধদেবের আদেশানুসারে এদেশে বৌদ্ধধর্ম প্রচার করিতে থাকেন। তাঁহারাই বুদ্ধদেবের দেহত্যাগের পর সেই মহাপুরুষের কেশরাশি, জ্ঞানদন্ত




St. Paul's Institute—Rangoon. (সেন্ট পল বিদ্যালয়—রেঙ্গুন)





Toungoo pagoda ( টাঙ্গু প্যাগোডা )



Hpoongyi Kyaung—Pazundaung. ( বেঙ্গল ভিক্ষুগণের আশ্রম—পঙ্কনডং )

প্রায় শতাধিক বৎসর পূর্বে ব্রহ্মাধিপতি আলম্ পায়ার ( Alamng Paya ) সময়ে এই প্যাগোডা নির্মিত হওয়ার কথা জানা যায়। সমগ্র ব্রহ্মদেশের মধ্যে এরূপ প্যাগোডা আর দ্বিতীয় নাই। এই প্যাগোডার চূড়ায় একটা সুবর্ণময় বল আছে এবং তাহা এত মণিমানিক্য-খচিত যে ঐ বলটি নির্মাণ করিতে নাকি ৫৪০০,০০০ চূড়ায় লক্ষ টাকা ব্যয় হইয়াছিল।

চ্যাং এ দেশের বিশেষত্ব। এখানে বৌদ্ধ ভিক্ষুগণ বাস করেন। ধর্মপ্রাণ ব্রহ্মবাসীগণ কোন্ অতীত যুগ হইতে, যাহারা ধর্মজীবন অবলম্বন করেন তাঁহাদের কল্প আশ্রম : নির্মাণ করিয়া দিয়া আসিতেছেন। এই আশ্রমগুলিকে চ্যাং বলা হয়। ব্রহ্মদেশের প্রধান বিশেষত্ব এই যে এদেশ-বাসী নর নারীগণের মধ্যে কেহই একেবারে নিরক্ষর নহেন।

ইহার প্রধান কারণ এই সব চ্যাং। ইহা গৌণভাবে বাধ্যতা-মূলক প্রাথমিক শিক্ষার স্থল। প্রতি ব্রহ্ম বালক-বালিকা নিকটবর্তী চ্যাংএ বৌদ্ধ শ্রমণদিগের নিকট শিক্ষা লাভ করে। আর ইহাই বোধ হয় এই বৌদ্ধ ধর্মাবাসের সর্বোচ্চ দান। এই চ্যাংএর অধিবাসী বৌদ্ধ সন্ন্যাসীগণ স্বদেশবাসীর আতিথেয়তার উপর নির্ভর করিয়াই জীবন যাপন করেন এবং ব্রহ্মবাসীরাও সর্বান্তঃকরণে তাঁহাদের গৃহজাত উৎকৃষ্ট খাদ্যসম্ভার এই সব ফুজিদের উপহার দিয়া আপনাদের ধন্য মনে করেন। উদ্যার অরুণালোকের সঙ্গে সঙ্গে কোনও ব্রহ্মপল্লীর নিকটে প্রায় প্রত্যাহই দেখিতে পাওয়া যায় যে, সারি সারি হরিদ্রা-বসন-পরিহিত ব্রহ্ম ফুজিবৃন্দ আপন আপন ভিক্ষাভাণ্ড হস্তে চলিয়াছেন। এই দৃশ্য আমাদের নয়নসমক্ষে : কোন্ এক অতীত বৌদ্ধযুগের শ্রমণ শ্রমণিদের স্মৃতি জাগাইয়া দেয়।

## রবীন্দ্রনাথ ও সঙ্গীত\*

শ্রীদিলীপকুমার রায়

You can not look upon a great man however imperfectly without gaining something by his contact... Carlyle.

চৈত্রের নির্মল প্রভাত। বেলা নটা। আশে পাশে গাছপালার মধ্যে শিহরণের মর্ম্মরশব্দের সঙ্গে প্রভাতের রূপালি রৌদ্রালোক-স্নাত গাছের সবুজ রূপ এক বিচিত্র বারতা বহন করে আনছিল।

রবীন্দ্রনাথ হঠাৎ সামনের অশ্বখ গাছের দিকে তাকিয়ে বললেন : “আমি একজন মহা কুড়ে লোক তে। তবে সেটা কি রকম কুড়িমি জানো? মুটে মজুরের সারাদিন খেটে খুটে অজস্র নিদ্রার জড়তার কুড়িমি নয়। আমার হচ্ছে বাদশাহী কুড়িমি—rich কুড়িমি।” বলে অলস ভাবে আরামকেদারাটিতে হেলান দিয়ে তাঁর স্নিগ্ধ দৃষ্টিতে বাইরের দিকে তাকিয়ে রইলেন।

একটু পরে বললেন : “অথচ আমাকে যে পরিমাণ খাটতে হ’য়েছে সেটা অনেক সময়ে আমার নিজেরই বিশ্বাস হয় না হে। সৃষ্টির এটা একটা বিচিত্র অসঙ্গতি-দোষ। যার বেটা ভালো লাগে না তাকে দিয়েই বিধাতা সেটা চুটিয়ে করিয়ে নেন, নয় কি?”

একটা ভৈরবী গাইলাম। “বাবুল মোরা নইয়ার ছুটা যায়।” বললাম : “গানটি বরোদার ফৈয়াস খাঁর কাছে শেখা— লক্ষ্মীয়ের নবাব ওয়াজিদ আলি শাকে যখন ইংরাজরাজ সিংহাসনচ্যুত ক’রে গত শতাব্দীর শেষভাগে মেটেবুরুজে পাঠিয়ে দেয় তখন তিনি ঠুংরি ভৈরবীতে এই করুণ গানটি রচনা ক’রে গেয়েছিলেন।” গানটির ভাবার্থ : “পিতা আমার সবই যেতে বসেছে, তাই এখন ডুলি নিয়ে এসো আমি চিরপরিচিত যা-কিছু তাদের কাছ থেকে বিদায় নিই।”

\* গত ১৭ই মার্চ তারিখে আলিপুরে রবীন্দ্রনাথের সঙ্গে এই আলোচনা হয়। মাসখানেক পরে কবিবরকে এ রিপোর্টটি শো নাই ও তিনি অনুমোদন করেন যে তাঁর বক্তব্যের প্রতি স্মৃতিচারণই করা হ’য়েছে ও এ আলোচনা আমি প্রকাশ করতে পারি।

কবির গানটি শুনে ঋনিক চূপ করে বললেন :

“আচ্ছা দেখ, তোমাকে একটা কথা শিখাসা, করি। যে ভৈরবীটি তুমি গাইলে সেটার ধারা হচ্ছে অজস্র বিস্তারের—বিকাশের। অর্থাৎ একটা রাগিনী সম্বন্ধে তোমার ঋ-কিছু কল্বার আছে তার—সবটা না হোক—অনেকখানি তুমি নিজের কল্পনা ও ধ্যান অনুসারে ফুট করে তুললে। কিন্তু এই ভৈরবীকে অল্প একটা বিশেষ ভাবেও দেখা যেতে পারে। যেমন দেখ ভৈরবী ঠাটের ও গঠনপ্রকৃতির একটা নির্দিষ্ট রস থাকলেও তার সমগ্র রূপটিকে বাদ দিয়েও আমরা তার বিশেষ বিশেষ রূপের উপরই দৃষ্টি রেখে সেই সেই রসকে ফুটিয়ে তুলতে পারি। যেমন দেখ ঐ অশ্বখ গাছ আর ঐ দেখ পাশের বটগাছ। প্রতি গাছই উদ্ভিদের পর্যায়ে পড়ে বটে কিন্তু তা সত্ত্বেও কি বলা চলে না যে উদ্ভিদের সংজ্ঞার মধ্যে পড়া সত্ত্বেও অশ্বখ গাছের এক বিশেষ রূপ ও বটগাছের এক বিশেষ রূপ? তেমনি ভৈরবীর মধ্যে ভৈরবীর একটা বিশেষ রস থাকলেও নানা গায়ক নানা গানে সে রসের কমবেশি এদিক ওদিক করতেই পারেন। নয় কি?”

আমি বললাম : “তা ত বটেই। ধরুন না কেন, রূপদের খান্নাজের মধ্যে খান্নাজের যে বিশেষ রসটি বিশেষ ভাবে ফুটে ওঠে ঠুংরিখ খান্নাজের মধ্যে সে রসটি ঠিক সেভাবে ফুটে উঠতে পারে না। অল্প একটা রস দেখা দেয়।”

কবির বললেন : “আচ্ছা বেশ। কিন্তু গাইয়েরা কোনও গান বিশেষ রাগিনীতে গাইবার সময়ে তার কোনও বিশেষ বিকাশটির দিকে কি এ ভাবে দৃষ্টি রাখেন? অর্থাৎ প্রতি ভৈরবীতেই ভৈরবীর রূপটি সমগ্রভাবে ফুটিয়ে না তুলেও তার একটা বিশেষ রূপ ফুটিয়ে তোলা যায় এ কথা কি তাঁরা সজাগ ভাবে উপলব্ধি করেন?”

আমি বললাম : “সজাগভাবে করেন কি না জানি না।—তাঁদের সে শিক্ষা ও বিশ্লেষণের ক্ষমতা বোধ হয় নেই। কিন্তু তবু বড় গুণী সব ভৈরবীই এক রকম ভাবে গান না। টপ্পায় “নজরা দিলবাহার” এক রকম ভাবে গান ও ঠুংরিতে “বাজুবন্দা খুলি খুলি যায়” অল্প ভাবে গান। কাজেই আপনি যে-কথাটার উপর জোর দিচ্ছেন সেটার প্রয়োজনীয়তা তাঁরা যে কিছুই জানেন না তা নয়।”

কবির খুসি হ’য়ে বললেন : “তাহ’লেই হ’ল। এই সম্পর্কে দুচারটে কথা আমি তোমাকে বলতে চাই। শোন। তুমি হিন্দুস্থানী সঙ্গীতের ভবিষ্যৎ সম্বন্ধে কাল যে প্রবন্ধটি পড়ছিলে তার মধ্যে একটা কথা তুমি ঠিক ধ’রেছ। অর্থাৎ প্রতি বড় আর্টের মধ্যে একটা অনন্তসম্ভাবিতা বা inevitability আছে। সঙ্গীতের ক্ষেত্রেও তাই। আমি যে কথাটা তুললাম সেটার আলোচনা করতে করতে এ কথাটা বোধ হয় বেশি ক’রে বোঝাতে পারব।

“ব্যাপারটা কি জান? আর্ট মানেই হচ্ছে সীমার মধ্যে একটা অসীম সৌন্দর্যের পরশ দেওয়া। যে-মুহূর্তে অশরীরীকে শরীরী হ’তে হয় সে-মুহূর্তে তাকে সীমাকে স্বীকার করতেই হয়। তানালাপ সম্বলিত গানেও গায়ক এ সীমাকে অস্বীকার করেন না ব’লেই ভৈরবীতে ভৈরবীর একটা বিশেষ রূপ ফুটে উঠতে পেরেছে যেটা খান্নাজের বিশেষ রূপটির চেয়ে পৃথক। এটা বোঝা সহজ। কিন্তু এখন আমি চাই প্রতি রাগের বৈশিষ্ট্যটিকে আরও individuality দিতে। অর্থাৎ আমি বলতে চাই এই কথা যে প্রতি রাগের বৈশিষ্ট্যটি এমনভাবে সংহত করা যেতে পারে যাতে করে ঐ রাগে রচিত পৃথক-পৃথক গানে তার রাগটির গুটিকয়েক পৃথক পৃথক রস আমাদের মনে একটা নির্দিষ্ট তৃপ্তি দিতে পারে। যেমন ধর, ভৈরবীকে এমন ভাবে গাওয়া যায় যাতে ক’রে তার মধ্যে মিনাতর কাছাকাছি একটা ভাবই বিশেষ ক’রে ফুটে উঠবে। আবার অল্প একটা বিশেষ কাঠামে ঐ ভৈরবীই হয়ত বৈরাগ্যের একটা আবেদন জানাবে। কিম্বা হয়ত বিরহব্যথার ভাব জাগাবে। এখন ধর দশটা ভৈরবীর মধ্য দিয়ে ভৈরবীর এই রকম দশটি ভাব মুক্ত করে তুলে ধরা যেতে পারে। \* কিন্তু প্রতি ভৈরবী গাইবার সময়ে গায়কের দেখতে হবে সে ঐ দশটির মধ্যে কোনটি প্রকাশ করতে চাইছে। কারণ কোনও একটি বিশেষ ভৈরবী গানের মধ্যে যে বিশেষ ভাবটি প্রকাশ করা গুণীর উদ্দেশ্য সে ভৈরবীটির মধ্যে অল্প নয়টির একটা ভাবও

\* আমি ফরোগাড়ে একবার এই কথা লিখেছিলাম। তার উত্তরে একজন গতানুগতিক গুস্তাদিপন্থী চটে গিয়েছিলেন যে আমি হিন্দু সঙ্গীতের কিছুই জানি না ব’লেই এমন হাস্যকর কথা বলতে সাহসী হয়েছি, যেহেতু প্রতি রাগের রস একটির বেশি হ’তেই পারে না। এখন হাস্যাস্পদ কে তা সাধারণের বিচার্য।

প্রকাশ করবার চেষ্টা করলে আর্টের ঐ inevitability নীতি-টির ব্যত্যয় ঘটবেই ঘটবে। এই কথাটা গায়কের মনে রাখা দরকার। এটা কঠিন। এবং কঠিন বলেই ওস্তাদের দেড় ঘণ্টা ধরে রাগটির সমস্ত রূপ প্রকাশ করতে বেশী উৎসাহী হয়ে পড়েন। তোমাকে যদি দেড় ঘণ্টা সময় দেই তাহলে তুমি ভৈরবীর মধ্যে হয় ত নানা সৌন্দর্য দেখাতে পারবে। কিন্তু যদি তোমাকে বলি দশমিনিটের মধ্যে ভৈরবীর শুধু একটা facet বা বিশেষ আবেদন—ধর অনুরোধের কাছাকাছি একটা ভাব—ফুটিয়ে তোল দেখি; কিন্তু দেখো অনুরোধের আবেদনের মধ্যে যেন ভৈরবীর বৈরাগ্যের আবেদন এনো না। তখনই দেখবে ওস্তাদ প্রভু মহা বিপদে পড়ে যাবেন।

এটা হচ্ছে এক শ্রেণীর গানের বাণী। এর একটা বিশেষ মূল্য আছে। কেন না কানাড়া গাইতে বললেই যে সব সময় গুণীকে কানাড়ার আপাদমস্তক বর্ণনা শুরু করতে হবে তার কোনও মানে নেই। একজন গুণী বলতে পারেন আমি অমুক কানাড়া গানের মধ্য দিয়ে কানাড়ার উদাস ভাবটিই শুধু ফুটিয়ে তুলব। অথচ সে এই কথা বলবামাত্র কানাড়াকে আরও সীমাবদ্ধ করল। কিন্তু বলেছিই ত যে সীমাকে স্বীকার করা আর্টের ফুটে-ওঠার একটা প্রধান সর্ভ। কেউ যদি কানাড়ার এ বিশেষ রূপটি গুনে বলেন বেশ হ'ল কিন্তু আমার এতে তৃপ্তি হ'ল না আমি আরও চাই—তাহলে সেটা কিরকম হ'ল জান? ধর, গল্প বলতে বলতে আমি শেষ করলাম শেষে হতাশ রাজপুত্র যখন হতাশার চরম সীমায় পৌঁছেছেন তখন একদিন সন্ধ্যাবেলা হঠাৎ তাঁর ব্যক্তিগত রাজকন্ঠকে দেখতে পেয়ে তিনি মুচ্ছিত হয়ে পড়ে গেলেন। এতে কয়েকজন শ্রোতা মহা উৎকণ্ঠায় জিজ্ঞাসা করে বসলেন: 'তার পরে কি হ'ল? তার পর বিয়ে হ'ল ত?' আমি তাহলে তাঁদের বলতে পারি যে তার পরে কি হ'ল আমি বলতে চাই না। কিন্তু এ কথায় তাঁরা খুসী হলেন না। যদি আমি এই রকম কথা বলে শেষ করতাম: 'তার পর পুরুত এল বাণি বাজল দীপালোকিত কক্ষে রাজকুমার সোণার কাটি দিয়ে জিয়োনে রাজকন্ঠার পাণিগ্রহণ করলেন, তাহলে সোঁদনকার গল্পে হয় ত পুরোক্ত শ্রোতৃবৃন্দ হাঁফ ছেড়ে বলতেন: "আঃ, ধাচলাম, এই ত চাই। কিন্তু আপনার সোঁদনকার গল্পটার

মধ্যে এ সম্পূর্ণতার রস পাই নি।" গল্পের শ্রোতার এরকম আপত্তি যেমন ক্রায়সঙ্গত নয়, গানের শ্রোতার প্রতি গানেই তানালাপের অজস্রতা না-পাওয়ার দরুণ আপত্তি করাও তেমনি যুক্তিসঙ্গত নয়।

আমি তারপর আমার "হিন্দুস্থানী সঙ্গীতের ভবিষ্যৎ" শীর্ষক প্রবন্ধটির বাকী অংশটুকু পড়ে শোনালাম। \* তাতে আমি একজায়গায় লিখেছিলাম এই কথা যে আমাদের উচ্চ-সঙ্গীতের বর্তমান অধঃপতনের কারণ এ নয় যে ইংরাজরাজ মোগলরাজের মতন সঙ্গীতের পৃষ্ঠপোষকতা করেন না বা সাধারণে উচ্চসঙ্গীতের মূল্য সম্বন্ধে যথেষ্ট সচেতন নন। তার কারণ এই যে আমাদের সঙ্গীত বর্তমান সময়ে যুগধর্ম মেনে চলে নি। অর্থাৎ এককথায় উচ্চ সঙ্গীত কখনই আর সে মামুলি ধারায় বিকাশ লাভ করতে পারে না। তাকে একটা নবজন্ম দিতেই হবে।

কবির বললেন: "তুমি কথাটা ঠিক বলেছ। কেবল এখনকার যুগধর্ম বলতে তুমি কি বোঝ সেটা যথেষ্ট ব্যাখ্যা করে দাওনি। আজকালকার যুগধর্ম মানে হচ্ছে যেটা undifferentiated ছিল সেটা differentiated করা ব্যক্তিত্বের দানের সাহায্যে। ধর বিদ্যাসাগরী আমলে রামের রাজ্যাভিষেক ও সীতার বনবাসে মূলতঃ একই ঠাট বজায় ছিল। অর্থাৎ রামকে রাজপদে প্রতিষ্ঠিত হইয়া অপ্রতিহত প্রভাবে রাজ্যাশাসন ও প্রজাপালন করতে হয়েছিল এই ধরনের একটা ভাষা। কিন্তু বঙ্কিমের আবির্ভাবের সঙ্গে সঙ্গেই এ মামুলি শব্দের গর্জনের ধারা লোপ পেল ও সে স্থলে এল কি না, প্রতি ব্যক্তির মধ্য দিয়ে তার ব্যক্তিত্বের বিকাশের ফলে একটা সাহিত্য গড়ে ওঠা। সে ধারা আজ আরও বিকাশ পেয়েছে। তাই শরৎবাবু বঙ্কিমেরই এই ধারা নিয়েছেন কিন্তু তিনি বঙ্কিমী ঠাট বজায় রাখেন নি; নিজের মতন লিখে গেছেন। এইরকম করেই প্রতি মাহুষের ব্যক্তিত্বের মধ্য দিয়ে সাহিত্যের এক একটা দিকের উপলব্ধি ফুটে ওঠে এবং যুগে যুগে এই সব নানাব্যক্তির আত্মপ্রকাশের সমষ্টির ধারায় নামই যুগধর্ম।" †

\* বঙ্গবাণী, জ্যৈষ্ঠ, ১৩৩৩ খ্রষ্টাব্দ।

† হার্বার্ট স্পেন্সারের "Progress" শীর্ষক প্রবন্ধে তিনি এই কথাটিই বিশদ করে বলেছেন। তিনি ঐ প্রবন্ধে বহু দৃষ্টান্ত

আমি বললাম : “তাহ’লে tradition জিনিষটির মধ্যে  
• কি কোনও সত্য নেই ?”

কবিবর বললেন : “আছে বই কি ? ব্যক্তিত্বের  
• বিকাশকে সত্য ব’লে স্বীকার করার মানে কি tradition-  
এর ভিতরকার সত্যটিকে অস্বীকার করা ? Tradition  
হচ্ছে আসলে মাটি । কিন্তু সে মাটি যখন জীবকে আবদ্ধ না  
ক’রে আশ্রয় স্বরূপ হ’য়ে ওঠে, তখনই তা বন্ধন না হয়ে সত্য  
হ’য়ে ওঠে ।”

আমি বললাম : “তার মানে ?”

কবিবর বললেন : “কেমন জান ? যেমন নদী ও  
তার ছই তীর । তীরের কাজ কি ? না, নদীর শক্তিকে  
সংহত ক’রে তাকে গতিশক্তি দেওয়া । এখানে তুমি  
বলতে পার না যে নদীর ছই তীর তার অবাধ স্বাধীনতাকে  
ব্যাহত ক’রে একটা অসত্যতারই পরিপোষণ করছে ।  
কারণ এই ছই তীরের জন্মই নদী—নদী । নইলে তা  
বন্ধ জলাশয় হ’য়ে পড়’ত । সেই রকম, Tradition হচ্ছে  
প্রতি জাতির মধ্য দিয়ে গুটিকতক সত্যের প্রকাশের  
আশ্রয় । মানুষ তার সৃষ্টিলীলায় দেখেছে যে তার ক্ষুরণের  
আনন্দ পাবার উপায়ের গুটিকতক বিধি ব্যবস্থা আছে ।  
তার মনের প্রকৃতিই এ সব বিধি ব্যবস্থার সৃষ্টি ক’রেছে ।  
তাই এ সব নিয়ম বা ধর্মকে নৈমিত্তিক (accidental)  
বা সাময়িক বলা চলে না । বলা চলে না যে যেহেতু গৃহ  
আমাদের প্রকৃতি হ’তে বিচ্ছিন্ন করে সেহেতু গৃহ অসত্য,  
বন জঙ্গলই সত্য ।”

আমি বললাম : “কিন্তু traditionএর অত্যাচার  
সম্পর্কে—”

কবিবর : “প্রতি জীবন্ত traditionএর মধ্যে যথেষ্ট  
elasticity থাকেই থাকে । তা যদি না থাকত  
তাহ’লে tradition নদীতীরের মতন নদীর গতিকে সহজ  
না ক’রে নদীর মোহানায় ‘ব’দ্বীপের মতনই শ্রোতরুদ্ধকর  
হ’য়ে দাঁড়াত । মানুষ এ সত্যটি অনেক সময়ে ভুলে গিয়ে

দিয়ে দেখিয়েছেন যে মানুষ সভ্যতার প্রতি বিকাশই সাক্ষ্য দেয় যে  
progressএর অর্থ differentiation বা change from the  
homogeneous to the heterogeneous. তিনি উদাহরণ দিয়ে  
দেখিয়েছেন যে একথা শুধু বৈজ্ঞানিক সত্যকে খাটে তাই নয় শিল্প,  
সাহিত্য, ভাষা, সঙ্গীত প্রভৃতি সমস্ত মানসিক সৃষ্টি সত্যকেও প্রযোজ্য ।

traditionএর কঙ্কালকেই বড় ক’রে দেখে থাকে । অর্থাৎ  
traditionএর মধ্যে সত্য যেটুকু সেটুকুর সুবিধে না নিয়ে  
তার বন্ধনকেই একান্তভাবে স্বীকার ক’রে বসে । সেই  
সব সময়ে প্রতিভার অভ্যুদয় দরকার হ’য়ে পড়ে ও তিনি  
এসে traditionএর মধ্যে যা জড়তারই পরিপোষণ তাকে  
ভেঙেচুরে দিয়ে জীবনীশক্তির শ্রোত বহান—তার সৃষ্টির  
• গঙ্গোত্রী দিয়ে । কিন্তু অনেক traditionএর প্রাণশক্তিহীন  
জাড়াকে তিনি দূর ক’রে থাকেন ব’লেই বলা চলে না যে  
তিনি তার নিত্য-নূতন সৃষ্টির দ্বারা মানুষের যুগসঞ্চারী  
traditionএর ভিতরকার গভীর সত্যটাও অস্বীকার ক’রে  
বসেন । কারণ tradition হচ্ছে বস্তুত মানুষের আনন্দ  
প্রেরণা পাবার ও নিজেকে প্রকাশ ক’রে তুলে ধরবার  
উপযোগী পরীক্ষিত নিয়মকানুন বা ধর্মের সমষ্টি । তাই  
তাকে একদম অস্বীকার করলে যা সৃষ্টি হয় সেটা খাপ-  
ছাড়াই হ’য়ে ওঠে, সত্য হয় না । বস্তুতঃ যিনি প্রকৃত  
কলাবিৎ তিনি বিধাতার কাছ থেকে সেই সহজ অন্তর্দৃষ্টি  
ও সহজ অনুভূতির (intuition) আলোর বর নিয়েই  
আসেন যার আলোয় তিনি এক মুহূর্তে দেখতে পান প্রতি  
• traditionএর কতটুকু সত্য ও চিরস্থান ও কতটুকু নির্জীব  
ও সাময়িক ।”

ব’লে একটু থেমে বলতে লাগলেন : “এখন গানের  
প্রসঙ্গে ফিরে আসা যাক । আমি গানের মধ্যে অনেক  
সময়ে কি চাই জান ? আমি বলি বেশ, খাষাজের সমগ্র  
রূপটি আমার জানা আছে—সেটা ত তুমি আমাকে অনেক-  
বার শুনিয়েছ—এখন এসো আমাকে খাষাজের একটা  
বিশেষ রূপ দাও । অর্থাৎ খাষাজের traditionকে আমি  
অস্বীকার করি না কিন্তু তবু খাষাজের মধ্যেই তার একটা  
নতুন বিকাশ কামনা করি । যদি একটি ছোট গানেও  
আমি খাষাজের এ বিশেষ রূপটি পূর্ণভাবে পাই তাহ’লে  
আমার মন একটা পরম খুসিতে ভ’রে উঠবে ও সে গানটি  
অনেকবার শুনেও ক্লান্তি বোধ করব না । কারণ সেটা  
একটা সত্য প্রকাশ হ’ল । আমি বলি হে গুণী তুমি তোমার  
মধ্য দিয়ে গানকে প্রকাশ কোরো না গানের মধ্য দিয়ে  
তোমাকেই প্রকাশ কর । তাহ’লেই তোমার গান সত্য হবে ।  
কারণ এক প্রত্যেকে যদি নিজের নিজের মধ্য দিয়ে সঙ্গীতের  
নানান দিক ও মুখ প্রকাশ ক’রে তুলে ধরতে পারে তাহলেই

তার সমষ্টি জাতীয় শিল্পের ধারার একটা বৃহৎ রূপ দেখাতে পারে। একটু আগেই তুমি বলছিলেন না যে আমাদের আজকের উচ্চসঙ্গীত আজকাল নিশ্চয় প্রাণহীন হ'য়ে প'ড়েছে, যেজন্য শরৎ চাটুয্যে মহাশয় তোমার কাছে কোনও ওস্তাদের গান শুন্তে যাবার আগে শঙ্কাকুলচিত্তে জিজ্ঞাসা ক'রেছিলেন যে তিনি গান আরম্ভ করলে ধামেন কি না? এর কারণ কি জানো? কারণ এই যে আমাদের আজকের গাইয়েরা স্রষ্টা শিল্পী (creative artists) নন। আমি নিশ্চয় ক'রে বলতে পারি যে তানসেন তাঁর দরবারী কানাড়ায় কানাড়ায় যে একটা বিশেষ মূর্তি দিতে পেরেছিলেন তাঁর বংশধরগণ সে রূপের Spiritটি ধরতে পারেন নি। তাই তাঁরা অভ্যাসবশে প্রতি রাগের ঠাট ও নিয়মকানুন জেনে ও তাকেই একান্তভাবে মেনে রাগটি বজায় রেখে অনন্তকাল ধ'রে গান গাওয়াকেই তাঁদের কৃতিত্বের চরম মানদণ্ড ব'লে মনে ক'রে বসেন। তাঁরা এটা করেন যে এটা শক্ত তা ব'লে নয়। তাঁরা এটা করেন শুধু এই জন্তে যে এটা অপেক্ষাকৃত সহজ। কারণ এজন্য অভ্যাসের ধাঁজে চললেই হয়, অপরিচিত পথের সন্ধান নেবার দরকার হয় না; এবং জানই ত অভ্যাস বশে কোনও কাজ কত সহজ হ'য়ে যায়। তাই অনন্তকাল সময় না নিয়েও প্রতি গানে রাগের একটা সমাহিত সৌন্দর্য বিকাশ করতে পারা চের কঠিন। সেটা পারেন কেবল তাঁরা যারা স্রষ্টা শিল্পী, অর্থাৎ যারা অঙ্ক অঙ্ককারক মাত্র নন। স্রষ্টা শিল্পী সীমার মধ্যেই তুমার মহিমা উজ্জ্বল ক'রে তুলে ধরেন। অঙ্ক অঙ্ককারকেরা করতে পারে শুধু তাঁর ধাতকে নকল—তাঁর সে সহজ অনুভূতির তারা ধার ধারে না। কারণ একটা গানের ঠিক Spiritটি যে কি সেটা বুঝে সেই Spiritটি বিশেষ ভাবে ফুটিয়ে তুলতে পারা কল্পনা ও সত্য অন্তর্দৃষ্টির উপর নির্ভর করে—যে-রকম লোক আমাদের ওস্তাদের মধ্যে আশা করা আজ বিড়ম্বনা। এককথায় আজ তারা creative artist নয় ব'লেই আমাদের সঙ্গীত এখন চলৎশক্তিহীন হ'য়ে প'ড়েছে। দেখ না কেন গত কয়েক শতাব্দীতে আমাদের মধ্যে সঙ্গীতে নতুন কোনও বিকাশই হয় নি, এক ভজনে ছাড়া। ভজনে যে হ'য়েছিল তার কারণ সেটার উদ্ভব হ'য়েছিল ঠিক স্থান হ'তে।\* ব'লে কবিবর নিজের হৃদয়ের দিকে নির্দেশ করলেন।

আমি বললাম : “এ সম্বন্ধে আমার কেবল একটা মাত্র বলবার কথা আছে যা নিয়ে ইতিপূর্বে আপনার সঙ্গে আমার মতভেদ হ'য়েছে এবং সে আলোচনা প্রকাশিতও হ'য়েছে।\* তাই সে-সব যুক্তির পুনরুত্থাপন আজ আর করবার ইচ্ছে নেই। কেবল আজ আপনারই একটা বিশেষ গান আপনাকে গেয়ে শুনিতে দেখতে চাই আপনি এখনও আপনার সেই পূর্বমতটিই সত্য মনে করেন কি না। আমি এ গানটি গেয়ে শুনিতে আপনাকে সাধ্যমত এইটে দেখাবার প্রয়াস পাব'যে প্রতি গানের individuality বজায় রাখবার একমাত্র পন্থা তার সুরের কাটামটিকে অনড় অর্চন ক'রে গাওয়া নয়, তার উপায় হচ্ছে—শুণী সে সুরটিকে যে ভাবে গ্রহণ করেন সেই ভাবেই নিজের মতন ক'রে তাকে প্রকাশ করা। বস্তুতঃ আপনার রচনাকে মানুষ কখনই ঠিক আপনার মতন গ্রহণ করতে পারে না। রোমাঁ রোমাঁ আমার একটা চিঠিতে বড় সত্যি কথা লিখেছিলেন যে একজন কখনই অপরের চিন্তা বা আর্ট ছব্ব ধরতে পারে না; তা থেকে সে নিজের যতটুকু আবশ্যিক ততটুকু গ্রহণ করে—দরকার হ'লে সেটা সৃষ্টি করে নেয়—ও বাকিটুকু বর্জন করে।” †

“যাক, এখন গানটির প্রসঙ্গে আসা যাক। গানটি হচ্ছে আপনার ‘শেষবর্ষের’ ‘হে ক্ষণিকের অতিথি’। শেষবর্ষে অভিনয়ে গানটি যখন কোরাসে শুনেছিলাম তখন এক দিক দিয়ে যেমন সুরের রচনাভঙ্গীটি আমার ভাল লেগেছিল, অপর দিক দিয়ে তেমনি আমাকে একটু নিরাশ হ'তেই হ'য়েছিল যে সে গাওয়ার ধরণে এ গানটিকে যথেষ্ট সঙ্গীত ক'রে তোলা হয় নি। তাই আমি নিজে গানটি একটু নিজের মতন ক'রে গেয়ে থাকি যে ভঙ্গী অনেক সঙ্গীতানুরাগীকেও আনন্দ দিয়ে থাকে, যদিও সম্ভবতঃ আপনার মতাবলম্বীদের কাটাছাঁটা ভাবে গাওয়ার ধরণই বেশি ভাল লাগবে। এ মতভেদের আশু মীমাংসা বোধ হয় সম্ভব নয়, এক সময়ের

\* বঙ্গবাণী, জ্যেষ্ঠ, ১৩৩২, রবীন্দ্রনাথ, সাহিত্য, সঙ্গীত শিবক প্রবন্ধ শ্রেণী।

† Je suis trop certain que personne ne comprend vraiment l'art et la pensée d'un autre. Il en prend ce qui lui convient, ce qu'il veut d'avance (au besoin même il l'invente) et il laisse le reste. চিঠির তারিখ—৩১.৭.২২

বিচারেই তা হ'তে পারে। তাই আমি বলি এই কথা যে বেশ, আপনার হুবহু সুরটা আপনারা বজায় রাখুন, আমরাও আমাদের নিজের মতামুসারে গানটি নিজের মতন ক'রে গাইতে থাকি। আমার মনে হয় যে এ স্বাধীনতা আমাদের থাকা উচিত—যখন কেউই জোর ক'রে বলতে পারে না যে আপনারাই ঠিক আমরাই ভ্রান্ত। অবশ্য আপনার-দেওয়া সুরের বদল সদল করতে যাবার বিপদ আছে একথা আমি মানি। কিন্তু একধার উত্তর আমি ইতিপূর্বে দিয়েছি যে বিপদের সম্ভাবনা আছে এ যুক্তি-বলে কোনও আদর্শকে ছোট মনে করা চলে না। আমি মানি যে প্রতি রচনার interpretationএর একটা সীমা থাকেই থাকে যেটা লঙ্ঘন করলে তার রসের ব্যত্যয় ঘটে। কিন্তু মুষ্কিল এই যে কোথায় যে এ সীমানা টানতে হবে সেটা নির্ভর করতে পারে—এক গুণীর সহজ রসবোধের ক্ষমতার ও সূক্ষ্ম সৌষ্ঠবজ্ঞানের ওজনের ওপর—আপনার নির্দেশ বা আপত্তির ওপর নয়।”

বলে আমি ‘হে ক্ষণিকের অতিথি’ গানটি নিজের মতন ক'রে গাইলাম—অবশ্য কবিবরের সুরের কাঠামটি বজায় রেখে। গানটি শেষ হ'লে বললাম : “এখন আমি আপনার অকপট মত চাই গানটির রসের এতে হার্নি হ'ল কি না। নিন্দা করলে আমি ব্যথা পাব মনে করবেন না, কেন না আপনার সুরের ওপর হস্তক্ষেপ করা যে আপনার ভাল লাগবে না এটা আর যাই হোক না কেন অস্বাভাবিক যে নয় এটা নিশ্চিত। তাই আপনার অনুমোদন না পেলে আমি আপনাকে দোষ দেব না বা মর্সাহতও বোধ করব না। কেবল আজ আমি জানতে চাই এই কথাটি যে আমার ও অনেক সঙ্গীতানুরাগীর কানে যখন এ-ভাবে গাওয়া আপনার চণ্ডে গাওয়ার চেয়ে বেশি ভাল লাগে তখন কেমন ক'রে আপনিই বা জোর ক'রে বলতে পারেন যে গায়ককে তা সবেও তার সত্য অনুভূতির কণ্ঠরোধ ক'রে হুবহু আপনার সুরের পদাঙ্কই অনুসরণ করতে হবে?” \*

\* রোমাঁ রোলাঁ পুর্বোক্ত পত্রে আর একস্থলে বড় সূক্ষ্ম লিখেছিলেন : “ললিতকলার মানে এ নয় যে প্রচীতাঁর নিজের ভাবরস হুবহু অপনকে গলাধঃকরণ করিয়ে দেবেন। প্রচীতাঁ সৃষ্টি করেন—বপন করার জন্তে। সব সৃষ্টিই যেন একটা এসবের কাজ ; প্রতি আগে থেকে জানতে পারে না কি রকম সন্তান জন্মগ্রহণ

কবিবর বললেন : “ঠিক তা আমি কখনও বলি না। প্রতি গানের সুরভঙ্গীর মধ্যে একটা elasticity আছে এ কথা কোন্ কলাবিৎ না জানেন? তোমার মুখে আমার এ গানটি আমার আজ সত্যিই খুব ভাল লেগেছে, কিন্তু সেটা এই জন্তে যে তুমি আমার সুরভঙ্গীর সেই elasticity-টুকুর সীমাটি লঙ্ঘন কর নি। অবশ্য কোথায় ও কেমন ক'রে যে সীমা লঙ্ঘন করা হয় তা আগে থেকে বলা যায় না মানি। কিন্তু প্রতি গান শোনবামাত্র বোঝা যায় সে গানে সীমাটি লঙ্ঘন করা হ'ল কি না। ঢাকার এবার আমি এক জমিদারের স্ত্রীর মুখে আমারই ছ একটা গান হিন্দুস্থানী চণ্ডে গাইতে শুন্লাম যা আমার ভারি চমৎকার লাগল। কই, সে ক্ষেত্রে আমি ত জোর ক'রে বলিনি যে না, তাকে গানগুলি হুবহু আমার চণ্ডেই গাইতে হবে? আমি অস্তায় আবদার করবই বা কেন?”

আমি বললাম : এ ভরসা আপনার কাছ থেকে পেয়ে একটু আশ্বস্ত হ'লাম। কিন্তু আপনার সঙ্গে এ আংশিক নিষ্পত্তির নজীর যে আপনার সুরের মাছিমায়া অনুকরণ-পন্থীদের মনের উপর বিশেষ প্রভাব বিস্তার করবে এতটা আশা করার দুঃসাহস আর যারই থাকুক না কেন আমার যে নেই এটা নিশ্চিত।

অবশ্য মতভেদ স্বাভাবিক। কিন্তু—মাফ করবেন—এঁরা আমাকে ভ্রান্ত প্রমাণ করবার জন্তে যে-সব যুক্তির সাহায্য নেন সে-সব খুব সুযুক্তি বলে বোধ হয় না। এঁরা বলেন যে যেহেতু সুরটি আপনার দেওয়া সে-হেতু অপরের তাতে হস্তক্ষেপ করার কোনও অধিকারই থাকতে পারে না। এ কথাটা আমার নিতান্তই arbitrary মনে হয়, অথচ তাঁরা একে এতই স্বতঃসিদ্ধ গোছের মনে ক'রে থাকেন যে তাঁদের বলতে ইচ্ছে হয় যে মানুষের অভিজ্ঞতা বহুবার ঠেকে শিখেছে যে আজ কোনও-কিছু স্বতঃসিদ্ধ বলে মনে হচ্ছে বলেই বলা চলে না যে স্বতঃসিদ্ধ সেটা সত্য। বিজ্ঞানের নিত্য নূতন খিণ্ডির উত্থান পতনের ইতিহাস ধারা একটু ভেবে দেখেছেন তাঁরা একথা জানেন।

করবে। সে যার শুধু জীবনের বীজ ছড়িয়ে।” (On n'écrit pas une œuvre. d'art, On ne crée pas pour imposer sa pensée On creep oural semer !)

অনেক প্রব scientific axiom ও Euclidian postulatesও আজ ধ'সে পড়ছে। কিন্তু যেটা সবচেয়ে বেশী আক্ষেপজনক সেটা হচ্ছে এই যে তাঁরা ভুল উপমা প্রয়োগ দ্বারা এ রকম একটা অপরীক্ষিত axiomকে চিরন্তন সত্য ব'লে প্রমাণ করবার প্রাণপণ প্রয়াস পেয়ে থাকেন। সাধারণ লোক এ রকম পছা অবলম্বন করলে অবশ্য তাতে ক্ষুব্ধ হবার বিশেষ কারণ থাকত না। কিন্তু আশ্চর্য্য হ'তে হয় যখন অবনীন্দ্রনাথের মতন লোকও এ রকম স্বচ্ছ ভুল উপমা দিয়ে প্রতিপাত্ত বিষয়টি প্রমাণ করতে যান। তিনি একদিন অম্লানবদনে আমাকে এমন কথাও বলেছিলেন যে আপনার গান যদি কোনও গায়ক ইচ্ছামতন বদলে সদলে গাইবার অধিকার দাবী ক'রে বসেন তাহ'লে ত যে-কোনও অসম্ভব লোক তাঁর ছবির আঙুল ছোট ক'রে নেবারও অধিকার দাবী ক'রে বসতে পারে? আমি উত্তরে বলতে চাই যে এরূপ উপমা দিয়ে প্রতিপাত্ত বিষয়টিকে স্বতঃসিদ্ধ প্রমাণ করতে যাওয়ার মতন বিড়ম্বনা জগতে কমই আছে। যেখানে মূল বক্তব্যটি স্বীকৃত কেবল সেখানেই উপমার সার্থকতা, কেননা সেখানে উপমা বক্তব্যটিকে স্ফুটতর ক'রে তোলবার সহায়তা ক'রে থাকে। কিন্তু সেখানে গোড়ায়ই মতান্তর সেখানে উপমা কোনোমতেই যুক্তির স্থান অধিকার ক'রে বসতে পারে না। সুতরাং আমি বলতে চাই যে সাহিত্য বা চিত্রকলার উপমা এখানে অবাস্তব। আসল কথা স্রষ্টার সৃষ্টির ভিন্ন ভিন্ন interpre-

tationএর স্বাধীনতা থাকা সমর্থনীয় ও বাহনীয় কি না।”

কবির বললেন: “এ স্বাধীনতা আমি 'কখনও অস্বীকার করি না। ছামলেটের আজ একশ' এক' রকমের interpretationএর চলতি হ'য়েছে। কিন্তু কে বলতে পারে এটা সৃষ্ট নয়? আর সৃষ্ট নয় বললেই বা কোন interpretationটি যে সত্য তা কে নির্দেশ ক'রে দেবে? আমি কেবল বলতে চাই—যে প্রতি গানের বিশেষ রূপটি সম্বন্ধে একটু আন্তরিকভাবে ভাবো, ও এক শ্রেণীর সঙ্গীতের আদর্শ অল্প শ্রেণীর সঙ্গীতের স্বন্ধে চাপিয়ে না। অবশ্য ভাবলেই যে প্রতি গায়ক এটা ধরতে পারবেন তা বলা যায় না। তবে এ সমস্যার অল্প কোনও সমাধানও যখন দেখা যাচ্ছে না তখন অনিচ্ছাসহেও ত গুণীকে কমবেশি স্বাধীনতা দিতেই হবে—বিশেষতঃ যখন ললিতকলার মধ্যে সঙ্গীত এ বিষয়ে একটু বেশি রকম অসহায়। কেমন জান? ধর কাব্য বা চিত্র বা ভাস্কর্য্য। এদের স্থিরতাকে স্থায়ী করা যায়। কিন্তু সঙ্গীত ত তা নয়। তাকে যে প্রতি মুহূর্তে নির্ভর করতে হয়, গুণীর গুণপন্য উপর। তাই সঙ্গীতকারের স্বরচিত গানকে গায়কের হাতে সঁপে দেওয়া যেন মেয়েকে জামাইয়ের হাতে সঁপে দিয়ে বলার মতন যে 'বাপু হে আমার এ আদরের ধনটিকে আমিই জন্ম দিয়েছি বটে কিন্তু এখন থেকে এর ভার একেবারে তোমার— একে সুখে রাখ সুখে থাকবে, দুঃখ দাও দুঃখ পাবে'।”

## কবিতা ও কুসুম


শ্রীহেমচন্দ্র বাগচী

কুসুমে যেমন তুমি পরিপূর্ণ, রস ঢল-ঢল  
প্রস্ফুট লাবণ্যভার অপিয়াছ একটি নিমেষে ;  
পল্লবে যেমন তুমি চিরদিন পেলব, বিমল  
শ্রামল সন্নেহ বাণী দিয়ে গেছ সুমধুর হেসে ;  
তেমনি কোমলস্পর্শে সঙ্গীবনী সুধা দাও চালি'  
মধুর কবিতা প্রাণে ; ভরি' দাও নব অর্ঘ্য ডালি ।  
অশোক-অমৃত-মন্ড্রে পরিণত প্রাণদান দিয়া  
সযত্নে ফাঁসে তোলে ভাবময়ী কবিতার হিয়া ।

হে চিরসুন্দর, কবি, ক্রান্তপ্রজ্ঞ, সৃজন-বিধাতা !  
কুসুমে যেমন তুমি দিলে প্রাণ, দৃশ্যরূপরাশি  
ভাষার তেমনি আজি হও তুমি নবপ্রাণদাতা ;  
বিচ্ছুরিত বিভাজালে বিভাসিয়া তোলো তার হাসি  
কুসুমে যেমন দিলে নব বর্ণ, নব মধুধারা ;—  
কবিতায় দাও প্রেম, নব রূপ, ব'ধা-বন্ধ-হারা ।  
কবিতা-কুসুমে হো'ক ধীরে ধীরে প্রাণ-বিনিময়  
তুমি যে কাঙ্ক্ষিবে জানি, তারি মাঝে অমর আলয় ।



ভারতবর্ষ



বসন্তের সজ্জা

শিল্পী—শ্রীযুক্ত দেবীপ্রসাদ রায় চৌধুরী

Bharatvarsha Halftone & Printing Works. f



## বর্তমান ত্রিবাঙ্কুর

শ্রীহরেন্দ্রকৃষ্ণ বন্দ্যোপাধ্যায়, বি-এ

### সংক্ষিপ্ত ইতিহাস

ভারত উপদ্বীপের দক্ষিণ-পশ্চিম সীমান্তে ত্রিবাঙ্কুর রাজ্য। মালয়ী ভাষায় ইহাকে 'তিরুনিতাম্কুর' বলা হয়। কুমারিকা অক্ষরীপকে শূদ্র ধরিয়া ইহাকে একটা বিষমবাহু ত্রিভুজ বলা যাইতে পারে। ইহার উত্তরে কোচিনরাজ্য ও ব্রিটিশ কোম্বাটোর জেলা; পূর্বে—ব্রিটিশ মাদুরা ও তিরুবিলাী জেলা; দক্ষিণ এবং পশ্চিমে—ভারতমহাসাগর। উত্তর দক্ষিণে দৈর্ঘ্য—১৭৪ মাইল; পূর্বপশ্চিমে প্রস্থ—৭৫ মাইল; ক্ষেত্রফল—৭,৬২৫ বর্গমাইল। অর্ধেকেরও বেশী জায়গা পাহাড় পর্বত ও বনজঙ্গলে পরিপূর্ণ। সেগুন, আবলুশ, কাঠাল ও অত্যাণ্ড বিবিধ বাহাদুরী কাষ্ঠ এখানে প্রচুর পরিমাণে জন্মে। ত্রিবাঙ্কুরের অধিবাসী আমার জনৈক বন্ধু এক দিন বলিয়াছিলেন যে, আমাদের বাংলাদেশের অপেক্ষা তথাকার ফলগুলি আকারে অনেক বড় হয়। এক একটা কাঠাল দুইজন লোকের কমে তোলা যায় না। হস্তী, বাঘ, বৃষ, চিতাবাঘ প্রভৃতি বন্য জন্তু যথেষ্ট দেখিতে পাওয়া যায়। মাঘ হইতে আষাঢ় মাস পর্য্যন্ত গরম খুব বেশী। ভাত, মাছ, আটা প্রভৃতি অধিবাসীদের প্রধান খাদ্য।

প্রাচীন ইতিহাস মাত্রই কিংবদন্তীর উপর নির্ভর করে। তবে, ইহা সুনিশ্চিত যে, ত্রিবাঙ্কুরের রাজ-পরিবার ইতিহাস-প্রসিদ্ধ চেরবংশ-সম্ভূত। যিঃ স্মাথ ত্রিবাঙ্কুর সম্বন্ধে লিখিয়াছেন—

"The Kerala or Chera kingdom included the Malabar District with the modern Cochin and Travancore States, and sometimes extended eastwards." P. 144

"The Chera or Kerala territory consisted in the main of the rugged region of the Western Ghats to the South of the Chandra-giri river, which falls in the sea not far from

Mangalore, and forms the boundary between the peoples who severally speak Tulu and Malayalam." P. 206.

Little is known about the details of the mediaeval history of the Chera kingdom, which was subject to the more powerful members of the Chola dynasty. The conquest was the first military operation on a large scale undertaken in the reign of Rajaraja Chola, about A. D. 990 The kingdom ordinarily included greater part of the modern Travancore State. Village assemblies exercise extensive powers, as in the Chola territory. The Kollam or Malabar era of A. D. 824-5, as commonly used in inscriptions seems to mark the date of the foundation of Kollam or Quilon." P. 215.

The immediate cause of the ( Carnatic ) war was Tippoo's attack on Travancore, a state in alliance with and under the protection of the Company. On December 29, 1789 he assailed the 'lines of Travancore,' a rampart covering thirty miles of the northern frontier of the state, and suffered a repulse owing to a sudden panic among his troops. P 559.

The strangest event during Lord Minto's term of office was the mad rebellion in Travancore organized by the Diwan or minister, Velu Tampi. The country had

been shockingly misgoverned, and constant disputes had existed between the minister and the Resident concerning the administration and the arrears of payment for the subsidiary force. In December 1808 the minister, who felt much aggrieved at certain measures taken by the Resident, made a furious attack on the House of that officer, who barely escaped with his life. Velu Tampi then issued a violent proclamation calling on the inhabitants to defend caste and the Hindu religion, which elicited an eager response from the Nayers. 'The whole country rose like one man. Their religious susceptibilities were touched, which in a conservative country like Travancore is like smoking in a powder magazine'. An officer and about thirty European soldiers of H. M. 12th Regiment were foully murdered, an incident which induced Thornton to echo an opinion that in turpitude and moral degradation the people of the State transcend every nation upon the face of the earth. That severe judgment is not justified by the later history of the State, which is now, and has been for many years, exceptionally well administered. The rebellion, of course, never had any chance of success and was soon suppressed. The minister committed suicide and his brother who deservedly hanged for his active share in the murder of the soldiers.' (History of India by Mr. Smith.) P. 615.

সারমর্ম—কেরল বা চের রাজ্য ত্রিবাঙ্কুর, মালাবার জেলা ও কোচিন রাজ্য পর্যন্ত বিস্তৃত ছিল। ভাষা সাধারণতঃ তুল ও মালয়ালাম ছিল। ১১০ খৃষ্টাব্দে রাজা-

রাজ্য চোল বর্তমান ত্রিবাঙ্কুরের অধিকাংশ জয় করিয়াছিলেন। গ্রাম্য পঞ্চায়তদের যথেষ্ট প্রতিপত্তি ও কার্যদক্ষতা দেখা যাইত। 'কোল্লম্' বা মালাবার অঙ্গ হইতে 'কুইলন' নামক স্থানের উৎপত্তির তারিখ নির্ণয় করা যাইতে পারে। ১৭৮৯ খৃষ্টাব্দে টিপুসুলতানের সহিত বৃটিশ গবর্নমেন্টের যুদ্ধ হয়, তাহার অব্যবহিত কারণ টিপু ত্রিবাঙ্কুর আক্রমণ। তখন হইতেই ত্রিবাঙ্কুর বৃটিশগবর্নমেন্টের মিত্ররাজ্য। ১৮০৮-৯ খৃষ্টাব্দে লর্ড মিন্টোর সময়ে ত্রিবাঙ্কুরে ভীষণ বিদ্রোহ আরম্ভ হয়। ইংরাজ প্রতিনিধি এবং দেশী শাসনকর্তার মধ্যে নানা কারণেই মনোমালিঞ্জির সৃষ্টি হইয়াছিল। বৃটিশ গবর্নমেন্টের তদ্রত্য সৈন্যবাহিনীর খরচ যোগাইতে জনসাধারণ অসম্মত হইল। দেওয়ান বেলু তাম্পীর অধীনে সুসংবদ্ধ হইয়া তাহারা বিদ্রোহ ঘোষণা করিল। প্রথম অবস্থায় তাহারা জয়লাভই করিয়াছিল। কিন্তু শেষ রক্ষা করিতে পারিল না। কোম্পানীর পশুশক্তির নিকট পরাজিত হইল। বেলু তাম্পী আত্মহত্যা করিল এবং তাহার ভাই ফাঁসী কাঠে ঝুলিল।

মহারাজা মার্ত্তণ্ডবর্মা (১৮২৯—৫৮ খৃঃ) ক্ষুদ্র ক্ষুদ্র রাজত্ববর্গকে পরাজিত করিয়া সমগ্র ত্রিবাঙ্কুরে একাধিপত্য স্থাপন করিয়াছিলেন। ইনিই বর্তমান ত্রিবাঙ্কুরের স্থাপয়িতা। রাজধানী ত্রিবাঙ্কুরের কয়েক মাইল উত্তরে আজিঙ্কো নামক স্থানে ইংরাজেরা সর্বপ্রথম উপনিবেশ স্থাপন করে এবং ১৬৮৪ খৃষ্টাব্দে তথায় একটা কারখানা-গৃহ নির্মাণ করিয়াছিল। অষ্টাদশ শতাব্দীর কর্ণাটক ও মহীশূর যুদ্ধে ত্রিবাঙ্কুর ইষ্টইণ্ডিয়া কোম্পানীর যথেষ্ট সাহায্য করিয়াছিল বলিয়া ১৭৮৪ খৃষ্টাব্দের সন্ধির সময় ত্রিবাঙ্কুরের নামও যুক্ত ছিল। টিপুসুলতানকে বাধা দিবার জন্ত ১৭৮৮ খৃঃ ত্রিবাঙ্কুর ও ইষ্টইণ্ডিয়া কোম্পানীর মধ্যে একটা সাধারণ চুক্তিপত্র হয়। কিন্তু পরে ১৭৯৫ খৃষ্টাব্দে যথাযথভাবে সন্ধিপত্র স্বাক্ষরিত হইয়াছিল। সেই সন্ধির সর্বমতে বৈদেশিক আক্রমণ হইতে ত্রিবাঙ্কুরকে রক্ষা করিতে কোম্পানী প্রতিশ্রুতি দেন। ১৮০৫ খৃষ্টাব্দে গুনরায় সন্ধির সর্ব অমুসারে বাৎসরিক ৮ লক্ষ টাকা নজরানা ত্রিবাঙ্কুর সরকার বৃটিশ গবর্নমেন্টকে দিয়া থাকেন।

(Report on the Administration of Travancore, 1924—25.)

মহামাত্ত 'শ্রীপদ্মনাভ' দাস ভাষ্কিপাল রামবর্মা কুলশেখর কীরিতপতি মাদ্রী শুলতান মহারাজা রাজারাম রাজা বাহাছর সমসেরজাঙ ত্রিবাঙ্কুর মহারাজ ১৯১২ খৃঃ ৭ই নভেম্বরে জন্মগ্রহণ করিয়াছেন এবং ১৯২৪ খৃষ্টাব্দের ১লা সেপ্টেম্বরে তারিখে তিনি 'মসনদ' প্রাপ্ত হইয়াছেন। মহারাজা প্রাপ্তবয়স্ক না হওয়া পর্যন্ত মহামাত্তা 'শ্রীপদ্মনাভসেবিনী ভাষ্কিধর্মবন্ধিনী রাজরাজেশ্বরী' মহারানী সেধু লক্ষ্মীবাই প্রতিনিধিরূপে রাজকার্য পরিচালনা করিবেন। মহারাজার অভিনন্দনের জন্ত ১৯টি তোপধ্বনির ব্যবস্থা আছে। মসলিবার প্রদেশের রীতি অনুসারে ত্রিবাঙ্কুর রাজ-পরিবারে মাতৃস্বত্বেই জাতাধিকার জন্মিয়া থাকে। Marumakka-thayam Law অনুসারে রাজ্যের উত্তরাধিকারী নির্ণীত হয়।

### রাজকার্য পরিচালনার ব্যবস্থা

মহারানীর নামে এবং শাসনাধীনেই রাজকার্য পরিচালিত হইয়া থাকে। প্রধান মন্ত্রীকে 'দেওয়ান' বলা হয়। শাসনকার্যের সুবিধার জন্ত বৃটিশ ভারতের আদর্শানুযায়ী পৃথক পৃথক বিভাগ গঠিত হইয়াছে। আইনের পরিবর্তন, পরিবর্দ্ধন এবং নূতন আইন তৈরীর জন্ত একটি আইন-পরিষৎ আছে। ১৮৮৮ খৃষ্টাব্দে উহার সৃষ্টি হয়। ১৯২১ খৃষ্টাব্দে উক্ত পরিষদের একটু সংস্কার করা হইয়াছে। নূতন নিয়মানুসারে পরিষদের মোট সভ্যসংখ্যা—৫০ জন; তন্মধ্যে ২৮ জন জনসাধারণ দ্বারা নির্বাচিত, ও ২২জন সরকারের দ্বারা মনোনীত। শেষোক্ত ২২জনের মধ্যেও মাত্র ১৫ জন সরকারী কর্মচারী থাকিতে পারেন। দেওয়ানই পরিষদের সভাপতি। দেওয়ানের অনুপস্থিতিতে তাঁহার প্রতিনিধিরূপে সরকারী বা বেসরকারী যে কোন যোগ্য ব্যক্তি সভাপতির আসন গ্রহণ করিতে পারেন। বাৎসরিক আয়ব্যয়ের খসড়া মতামত প্রকাশ করিবার এবং প্রসাদি জিজ্ঞাসা করিবার অধিকার সভ্যদের আছে। নির্বাচিত ২৮ জনের মধ্যে ১ জন ত্রিবাঙ্কুরের নগরপালদের সভা (Municipality) হইতে, ২২ জন—৩০টি তালুক ও যাকি ১৮টি মিউনিসিপ্যালিটি হইতে, ১ জন জমিদার পক্ষ হইতে, ১ জন পেনসন প্রাপ্ত সৈন্যদের মধ্য হইতে, ১ জন—কৃষক সম্প্রদায় হইতে ও অবশিষ্ট ২জন—ব্যবসায়ীদের

পক্ষ হইতে নির্বাচিত হইয়া থাকেন। ষাঁহাদের ভূমির খাজনা বাৎসরিক ৫ টাকার নীচে নয়, মিউনিসিপ্যালিটির এলাকাধীন ষাঁহাদের জমির কর ৩ টাকার কম নয় (ত্রিবাঙ্কুরমহরে ১), যে সব ব্যবসায়ীর আয়ের উপরে মাণ্ডল (Income tax) দিতে হয়, যেসব 'গ্র্যাডুয়েট' সরকারের অনুমোদিত কলেজ হইতে উপাধি লাভ করিয়াছেন, নাম্নার সৈন্যবাহিনীর যে কোন অবসর প্রাপ্ত ব্যক্তি অথবা মহারাজার নৌবল বা স্থলবলের অন্তর্ভুক্ত যে কোন ব্যক্তি ত্রিবাঙ্কুরে অবস্থান কালে—সভ্যপদ প্রার্থীদের নির্বাচনে ভোট দিতে পারেন। ২১ বৎসরের কম বয়স্ক বা বিকৃত-মস্তিষ্ক কোন ব্যক্তি ভোট দিতে পারিবে না। নির্বাচনে এবং সভ্যপদে স্ত্রীপুরুষের সম্পূর্ণ সমান অধিকার।

ভূতপূর্ব মহারাজ স্বতঃপ্রবৃত্ত হইয়া ১৯০৪ খৃষ্টাব্দে একটি রাষ্ট্রীয় পরিষদ স্থাপন করিয়াছিলেন। এই রাষ্ট্রীয় পরিষদের ভিতর দিয়া এক দিকে যেমন সাধারণ প্রজারা তাঁহাদের অভাব অভিযোগ নিজেই সরকারের নিকট নিবেদন করিতে পারে, তেমনি, অপর দিকে সরকারও জনসাধারণের প্রকৃত মনোভাব জানিবার ও যুক্তি-পরামর্শ লাভ করিবার সুযোগ পাইয়া থাকেন। এই সভার নাম—'শ্রীমূলম পপুলার এ্যাসেম্বলী।' ইহার মোট সভ্য সংখ্যা ৪০০। প্রথম বৎসর সভ্যগণ সরকার কর্তৃক মনোনীত হইয়াছিলেন—কিন্তু পরবর্তী বৎসর হইতে নিম্নলিখিতরূপে সভ্য নির্বাচিত হইয়া থাকে।—

ষাঁহার ভূমির খাজনা বাৎসরিক ৫ টাকার অন্যান, ষাঁহার বাৎসরিক আয় ২০০০ টাকার কম নহে, এবং যে সব 'গ্র্যাডুয়েট' অন্ততঃ ১০ বৎসর কাল নিজ তালুকে বাস করিয়া অভিজ্ঞতা লাভ করিয়াছেন—কেবলমাত্র তাঁহারাই উক্ত পরিষদের সভ্যপদপ্রার্থীদের ভোট দিতে পারেন।

শাসন-কার্যের সুবিধার জন্ত রাজ্যটি ৩০টি তালুকে বিভক্ত হইয়াছে। কোন কোন বিশেষ তালুকের অধিবাসী-দিগকে একাধিক সভ্য নির্বাচনের ক্ষমতা দেওয়া হইয়াছে। ৩০টি তালুক হইতে সর্বশুদ্ধ ৪৩ জন সভ্য নির্বাচিত হইয়া থাকেন। সাধারণতঃ নভেম্বর মাসে

তহসীলদারের ( তালুকের প্রধান শাসনকর্তা ) তত্ত্বাবধানে নির্বাচনকার্য্য নির্বাহ হইয়া থাকে। বাকি সভ্যগণের মধ্যে ১৯টি মিউনিসিপালিটি হইতে ১৯ জন, কৃষক-সম্প্রদায় হইতে ৪ জন, ব্যবসায়ী-সমিতি হইতে ৭জন, ও জমিদার-পক্ষ হইতে ৪ জন নির্বাচিত হইয়া থাকেন। অবশিষ্ট ২৩ জন মাত্র সরকার কর্তৃক মনোনীত হইয়া থাকেন। সভাতে যে-কোন দুইটি বিষয় উত্থাপনের জন্ত প্রত্যেক সভ্যকেই অধিকার দেওয়া হইয়াছে। বর্তমানে, বৎসরে একবার মাত্র ( সাধারণতঃ ফেব্রুয়ারী মাসে ) উক্ত সভার অধিবেশন হইয়া থাকে। নির্বাচিত বা মনোনীত হইবার পরই সভ্যগণ স্ব স্ব প্রস্তাব ও প্রস্তাদি স্থানীয় পেশকারের মারফতে দেওয়ানের নিকট প্রেরণ করেন। যথাসময়ে দেওয়ান সভা আহ্বান করেন। দেওয়ানের অভিভাষণ পাঠ শেষ হইলে যথারীতি সভার কার্য্য আরম্ভ হয়। সভ্যগণ স্ব স্ব বিজ্ঞাপিত বিষয়ে বক্তৃতা দেন ও প্রস্তাদি করিয়া থাকেন; এবং দেওয়ানই সরকারের পক্ষ হইতে এ সবের উত্তর দিয়া থাকেন।

রাজস্ব আদায়ের সুবিধার জন্ত রাজ্যটিকে ৪ ভাগে বিভক্ত করা হইয়াছে। দেবীকুলম্, বিভাগের প্রধান কর্মচারীকে 'কমিশনার' বলা হয়। এ ছাড়া অল্প তিনটি বিভাগের প্রধান কর্মচারীকে দেওয়ান-পেশকার বলা হয়। ইহারা সকলেই নিজের নিজের এলাকায় জুমি-রাজস্ব ও আয়-কর বিভাগের সর্বপ্রধান কর্মচারী। তাঁহারা প্রত্যেকেই বৃটিশ-ভারতের জেলা-ম্যাজিষ্ট্রেটের সমান ক্ষমতাপন্ন। প্রত্যেক বিভাগই কতিপয় তালুকে বিভক্ত এবং প্রতি তালুকের অন্তর্ভুক্ত অনেক 'পকুধি' বা 'পঞ্চায়েত' আছে। পকুধির প্রধান 'কর্মচারীকে 'প্রোবেধিকর' বলা হয়। সর্বমুদ্রে ৪৩২টি পকুধি আছে।

### লোকসংখ্যা ও সাধারণ লক্ষণ

১৯২১ খৃষ্টাব্দের আদমশুমারী অনুসারে ত্রিবাঙ্কুরের লোকসংখ্যা ৪০,০৬,০৬২ ( পুঃ ২০,৩২,৫৫৩; স্ত্রীঃ ১৯,৭৩, ৫০৯ )। লোকসংখ্যা ১৯১১ সালের অপেক্ষা শতকরা ১৬.৮ বৃদ্ধি পাইয়াছে। হিন্দুধর্মই প্রধান।

গত বৎসর ত্রিবাঙ্কুর ভ্রমণকালে মহাত্মা গান্ধী

জাতিহিসাবে লোকসংখ্যার যে তালিকা দিয়াছেন তাহা নিয়ে দেওয়া গেল :—

জাতি	সংখ্যা
ব্রাহ্মণ	৬০,০০০
অস্তান্ত উচ্চজাতির হিন্দু	৭,৮৫,০০০
অস্পৃশ্য হিন্দু	১৭,০০,০০০
খৃষ্টিয়ান	১১,৭২,৯৩৪
মুসলমান	২,৭০,৪৭৩
এ্যানিমিস্ট	১২,৬৩৭
অস্তান্ত ধর্মের লোক	৩৪৯

মোট ৪০,০১,৩৯৩ জন

গত দশ বৎসরে শতকরা হিন্দু ১১.৩, মুসলমান ১৯.৪, এবং খৃষ্টান ২৯.৮ বৃদ্ধি পাইয়াছে। ঐ সময়ের মধ্যে শিক্ষায় ত্রিবাঙ্কুরবাসীরা নিম্নলিখিত রূপ অগ্রসর হইয়াছে—

পাঁচ বৎসরের শিশুদিগকে বাদ দিয়া

হাজার করা

১৯১১

১৯২১

সাঃ শিক্ষায়, ইংরাজী শিক্ষায় সাঃ শিক্ষায়, ইং শিক্ষায়

ব্যক্তি	১৯১১	১৯২১
পুরুষ	১৫০	২৪১
স্ত্রী	৮	১৩
মোট	২৪৮	৩০০
পুরুষ	২৪৮	২১
স্ত্রী	৫০	১৫০
মোট	২	৫

### বাৎসরিক আয় ব্যয়ের সাধারণ হিসাব নিকাশ

ভূতপূর্ব দেওয়ান বাহাদুর ত্রিযুক্ত টি রাঘবিয়া ১৯২৫ খৃষ্টাব্দের ১৪ই মে পর্য্যন্ত রাজকার্য্য সুপরিচালিত করিয়া ছিলেন এবং ২৩শে জুন হইতে বর্তমান দেওয়ান মিঃ এম্, ই, ওয়াটস্ মহারাণী কর্তৃক নিযুক্ত হইয়াছেন।

১৯২৪-২৫ খৃষ্টাব্দের সরকারী বিবরণ অনুসারে ত্রিবাঙ্কুরের মোট আয়—২৮৫,৪২,১২৬ টাকা; মোট ব্যয়—২০১,২২,৫৫৩ টাকা; ফাজিল—৮৪,১৯,৫৭৩ টাকা। আলোচ্য বর্ষের ফাজিল টাকা হইতে পূর্ববর্তী বৎসরের ফাজিল টাকা ও এবারের অতিরিক্ত ব্যয় ( কুইলন ত্রিবাঙ্কুর রেললাইন নির্মাণের জন্ত ৪,৩২০ টাকা এবং কোচিন পোতাশ্রয় নির্মাণের জন্ত ৭৮,০৩৪ টাকা ) মোট ৭৫৫,৬৯৭৫ টাকা বাদ দিলে দেখা যায়, পূর্ববর্তী বৎসর অপেক্ষা


৮,৬২,৫৯৮ টাকা বেশী আয় হইয়াছে। ত্রিবাঙ্কুরের বাৎসরিক আয় ও ব্যয় ক্রমেই বৃদ্ধি পাইতেছে। আয়-ব্যয় সমভাবে বৃদ্ধি পাইতেছে বলিয়া ইহা অনুমান করা যায় যে সরকারের ধনভাণ্ডার পূর্ণ করিবার জন্তই আয় বৃদ্ধি করা হইতেছে না। অতিরিক্ত আয়টা দেশের ও দেশের কাজেই ব্যয় হইতেছে। আয় বৃদ্ধির মোটামুটি কতকগুলি কারণ নিম্নে দেওয়া গেল। ব্যয়ের তালিকায়ও দেখা যায় যে বৃটিশ গবর্ণমেন্টের মত কেবলমাত্র সৈন্ত ও পুলিশ বিভাগের জন্ত সমগ্র আয়ের বেশী অর্ধেক টাকা ব্যয় করা হয় নাই। শিক্ষা ও স্বাস্থ্য বিভাগেও টাকার

৩। বনবিভাগে মোট ৭৩, ৯৪৩ টাকা আয় বৃদ্ধি পাইয়াছে। ইহার কারণ সেপ্তন কার্ণের রপ্তানী খুব বেশী হইয়াছে।

৪। ডাক বিভাগের আয় বৃদ্ধি হইবার কারণ এই যে শিক্ষাবিস্তারের সঙ্গে সঙ্গে সাধারণ চিঠি পত্রের ব্যবহার অধিক হইয়াছে এবং মামলা মোকদ্দমাও বৃদ্ধি পাইয়াছে।

৫। কলেজে ছাত্রসংখ্যা বৃদ্ধি পাইয়াছে। ছাত্র-বেতন বাবৎ শিক্ষাবিভাগের আয় সামান্য বৃদ্ধি পাইয়াছে।

নিম্নলিখিত কয়েকটা বিভাগে আবার ব্যয় বৃদ্ধি পাইয়াছে—



মডেল স্কুল ও ট্রেনিং কলেজ—ত্রিবাঙ্কুর

রূপণতা করা হয় নাই এবং এ সব জনহিতকর ব্যাপারে নূতন ট্যাক্স বসাইবারও প্রস্তাব করা হয় নাই।

১। আয়কর বিভাগে মোট ২,৪৩,৯৭৯ টাকা বৃদ্ধি পাইয়াছে। তাহার মোটামুটি কারণ এই যে বন্দোবস্ত ভাল থাকায় প্রায় সমুদায় টাকাই আদায় হইয়াছে। অতীত বৎসরে অনেক বাকী থাকিত।

২। আবগারী দোকানের সংখ্যা কমাইয়া দেওয়া সম্বন্ধে মোট আয় ৩,১০,৬৮৮ টাকা বৃদ্ধি পাইয়াছে। ইহার প্রধান কারণ এই যে, সরকার হইতে বাজেয়াপ্ত দোকানগুলি অত্যন্ত উচ্চহারে নীলাম-বিক্রী হইয়াছে।

১। লবণের শুল্ক কমাইয়া দেওয়াতে লবণবিভাগে মোট ৬,৫৩,০৯৭ টাকা আয় কমিয়া গিয়াছে, কিন্তু ব্যয় ৮,৩০৭ বাড়িয়াছে।

২। স্বাস্থ্য, শিক্ষা, কৃষি ও পুর্নিক্লাগে বৎসরক্রমে ৬৬,৮১১ টাকা, ১,৯৬,৫২৬ টাকা, ৩,৩৯,৩৩৯ টাকা ও ১১,৩৪০ টাকা ব্যয় বৃদ্ধি পাইয়াছে।

পাঠকবর্গ লক্ষ্য করিবেন যে আমরা বৃটিশ ভারতে যে সব ব্যয় কমাইতে বা বাড়াইতে চেষ্টা করিতেছি, ত্রিবাঙ্কুরে কার্যতঃ তাহাই হইতেছে। শুধু আবগারী বিভাগটির অসামঞ্জস্য আছে। এই দৃশ্য ব্যবসারে ত্রিবাঙ্কুরের আয়

বৎসরের পর বৎসর বাড়িয়াই চলিয়াছে। শিক্ষাবিভাগের অতিরিক্ত ব্যয়টী নিম্নলিখিত রূপে বিভাগ করা হইয়াছে—

	টাকা
( ১ ) কলেজ	৬২,০৭৬
( ২ ) ইংরাজী স্কুল	৪১,৬৩৮
( ৩ ) দেশী ভাষার স্কুল	৩৬,২৩৫
( ৪ ) বিবিধ	৫৫,৪৮৭

কলেজের শিক্ষায় বেশী ব্যয় হইবার প্রধান কারণ এই যে, মহারাজার কলেজকে বিজ্ঞান ও কলা দুই পৃথক শাখায় বিভক্ত করা হইয়াছে।

ত্রিবাঙ্কুরে যত লবণ দরকার হয়, তার অধিকাংশই দেশী কারখানায় প্রস্তুত হয় এবং বাকী অংশ ত্রিনিবেল্লী ও বোম্বাই হইতে আমদানী হইয়া পাকে।

কৃষি-প্রধান ভারতবর্ষে ভূসম্পত্তির যথাসম্ভব পরিষ্কার আইন থাকা বাঞ্ছনীয়। অনেক ধনী ব্যক্তি সুযোগ পাইলেই জমি ক্রয় করিয়া থাকেন; কারণ ভূসম্পত্তি সহজে নষ্ট হইতে পারে না। পূর্বেই বলা হইয়াছে যে, ত্রিবাঙ্কুরে জঙ্গল পরিপূর্ণ অনেক পতিত জমি আছে। বৎসরের পর বৎসর জঙ্গল পরিষ্কার করিয়া অনেক স্থান চাষ আবাদে উপযুক্ত করা হইতেছে। সুবিধাজনক মনে করিলে কৃষকেরা তথায় বসবাসও করিতে পারে। এইরূপ বন জঙ্গল-পরিপূর্ণ স্থান সরকার অতি অল্পমূল্যে প্রজার নিকট বিক্রয়ও করিয়া থাকেন। ১৯২৪ খৃষ্টাব্দে অধিকাংশ বেসরকারী মতোর মতানুসারে একটি নূতন আইন তৈরী করা হইয়াছে ইহাতে পতিত জমির কতকাংশ গরীব চাষীর ব্যবহারের জন্য নির্দিষ্ট করা হইয়াছে; কতকাংশ, যুদ্ধে আহত হইয় যে সব সৈন্য অক্ষয়ণ্য হয়, তাহাদের ভরণপোষণের জন্য নির্ধারিত হইয়াছে; এবং অবশিষ্টাংশ সরকারের খাসে রাখা হইয়াছে।

উপনিবেশ স্থাপন বিধির ৬নং সর্ভ অনুসারে সমগ্র ত্রিবাঙ্কুরে মোট ১৪টি সমিতি স্থাপিত হইয়াছে। দেওয়ান-পেশকার বা কমিশনার স্ব স্ব বিভাগের অধীন সমিতিগুলির সভাপতি এবং কৃষি ও মৎস্য-বিভাগের তত্ত্বাবধায়কগণ অথবা তাহাদের প্রতিনিধিরা এবং বন-বিভাগের প্রধান কর্মচারী ঐ সমিতি গুলির সরকারী সভ্য নির্বাচিত হইয়া থাকেন।

দরিদ্র জনসাধারণের উপকারার্থ নূতন আইন দ্বারা

সাক্ষা বাজারগুলির শুদ্ধ রহিত করা হইয়াছে। যে সব বাজার ইতিপূর্বে কোন ব্যক্তি-বিশেষের নিকট ইজারা ছিল, কেবলমাত্র তাহাতেই বর্তমানে শুদ্ধ আদায় করা হয়। বৎসরকাল মধ্যে পূর্বে ইজারার মাদ শেখ হইলে, নূতন ইজারা আর দেওয়া হইবে না। ১৯২৩ খৃষ্টাব্দের জলপ্লাবনে ত্রিবাঙ্কুরের ভীষণ ক্ষতি করিয়াছে। ইতিপূর্বে কখনও এরূপ বন্যা হইয়াছে বলিয়া কেহ বলিতে পারে না। বন্যার প্রপীড়িত প্রজাদের সাহায্যার্থ এবং রেললাইন ও রাস্তাঘাট মেরামত করিবার জন্য সরকার হইতেও প্রতি বৎসর যথেষ্ট টাকা ব্যয় করা হইতেছে।

### কৃষি-বিভাগ

কৃষি-বিভাগের উদ্ভোগের শ্রীবৃদ্ধি হইতেছে। বৈজ্ঞানিক গবেষণা এবং পরীক্ষা খুব জোরে চলিতেছে। কৃষির উপযোগী মাটি, সার এবং ষাণ্ড অনেক আবিষ্কৃত ও পরীক্ষিত হইয়াছে। ত্রিবাঙ্কুরে চিনি প্রস্তুত করিবার জন্যও যথেষ্ট চেষ্টা চলিতেছে। এই উদ্দেশ্যে নারিকেল, তাল প্রভৃতির সারোদ্ধার করিয়া পরীক্ষা করা হইতেছে। উদ্ভিদের বিবিধ মারাত্মক ব্যাধি ও শত্রু নিবারণের জন্য গভীর গবেষণার পর অনেকটা কৃতকার্যতা দেখা যাইতেছে। কোন কোন গাছে দাঁড়র মত এক প্রকার চর্মরোগ দেখা যায়। চাষ করিবার সময় মাটি বেশ করিয়া পোড়াইয়া তা পর পরীক্ষিত সার প্রভৃতি দেওয়া হইলে এ রোগের ভয় থাকে না। ফুলের কুঁড়িতে অনেক রোগ জন্মিতে দেখা যায়। ফ্রান্স দেশীয় 'বোর্দো' সুরা রজন বা ধূনার সহিত মিশাইয়া বৃক্ষাদির উপর ছিটাইয়া দিলে এ রোগ আর বিস্তার লাভ করিতে পারে না। কোন কোন বৃক্ষের গোড়া হইতে অনবরত রস নির্গত হয়। ঐ ব্যাধিগ্রস্ত স্থান কাটিয়া তাহাতে গরম আলকাতরা লাগাইয়া দিলে বেশ ফল পাওয়া যায়। বহুবিধ উদ্ভিদের তন্তু হইতে দড়ি, সূতা, বাস প্রভৃতি প্রস্তুত করা হইতেছে।

ধান, নারিকেল, লক্ষা, এবং বিবিধ প্রকার তুলা ত্রিবাঙ্কুরের প্রধান উৎপন্ন দ্রব্য। উৎকৃষ্ট বীজ, সার এবং যন্ত্রাদি যাচাতে কৃষকেরা সহজে পাঠিতে পারে, তজ্জন্য সরকার বিশেষ বন্দোবস্ত করিয়াছেন। উৎকৃষ্ট গরু সরবরাহ করিবার জন্য সরকারী গো-শালা খোলা হইয়াছে। মধুমক্ষিকা,




মৎস্য ও কুকুটাদি পালনের জন্ত পৃথক পৃথক যৌথ কার্খবার প্রতিষ্ঠিত হইয়াছে। সরকারও প্রত্যক্ষ এবং অপ্রত্যক্ষ ভাবে ব্যবসায়ীদিগকে যথাসম্ভব সাহায্য করিতেছেন। সরকারী পশুচিকিৎসা ও কৃষি-বিদ্যালয় হইতে প্রতি বৎসর যথোপযুক্ত ছাত্র পরীক্ষোত্তীর্ণ হইয়া কৃষিকার্যের উন্নতি বিধানে যত্নবান হইয়াছেন।

### শিল্প বিভাগ

বিবিধ বৃক্ষ, ছাল ও ফল হইতে নানাপ্রকার আটা, তৈল, রং, ছাপিবার কালি, বার্নীস প্রভৃতি প্রস্তুত করিবার জন্ত বিশেষজ্ঞরা নিযুক্ত হইয়াছেন। রাসায়নিক উপায়ে

পরিদর্শকও নিযুক্ত আছেন। মহারাজার কলেজের রসায়ন শাস্ত্রাধ্যাপক ডাঃ মৌদগীল স্থানীয় গাছগাছড়া হইতে চারি প্রকার উৎকৃষ্ট তৈল আবিষ্কার করিয়াছেন; এবং আদা হইতে শীত্ৰই অল্প একপ্রকার তৈল আবিষ্কার করিবেন বলিয়া আশ্বাস দিয়াছেন।

মৃৎপাত্র প্রস্তুত, চিনি সংস্কার, দিয়ারশলাই প্রস্তুত প্রভৃতির বড় বড় কারখানা প্রতিষ্ঠিত হইয়াছে। ত্রিবাঙ্কুরের বালিশের ও মশারীর ঝালর প্রভৃতির ব্যবসায় একসময়ে খুব প্রসিদ্ধি লাভ করিয়াছিল। বিলাতে পর্য্যন্ত এ সব মাল রপ্তানি হইত। কিন্তু বৃটিশ সরকার আমদানী মালের উপর শতকরা ৩০ টাকা শুদ্ধ বসানোর দরুণ মন্দা পড়িয়া গেল।



ত্রিবাঙ্কুর--মহারাজার আর্ট কলেজ

প্রস্তুত আদার নির্যাসের ব্যবসায় ইতিমধ্যেই খুব উন্নতি লাভ করিয়াছে। চামড়া পাকা করা ও রং করার কারখানাগুলিও সু প্রতিষ্ঠিত হইয়াছে। নাগেরকৈল ও পল্লীয়াদী নামক স্থানে বেসরকারী চামড়ার ব্যবসায় দুইটা বেশ প্রসিদ্ধি লাভ করিয়াছে।

শূতা-কাটা ও কাপড়-বুনা শিক্ষা দিবার জন্ত স্থানে স্থানে বিশেষজ্ঞরা নিযুক্ত হইয়াছেন। গ্রামে গ্রামে বয়ন-বিদ্যালয়গুলি যথারীতি পরিদর্শনের জন্ত উপযুক্ত সংখ্যক

গৃহশিল্পের উন্নতির জন্ত সরকার একটি নূতন খসড়া প্রস্তুত করিয়াছেন। নিকেলের বাসন তৈয়ার, সোণারূপার কারুকার্য, সেলাই, ছাতার লেইস, রেশম বুনা, জরীর কাজ ও অন্যান্য চিকণ কাজ শিক্ষা দিবার জন্ত উপযুক্ত সংখ্যক বিদ্যালয় স্থাপনের চেষ্টা চলিয়াছে। ইতিমধ্যেই নাগেরকৈলে "দি এস, এম্, আর, ভি, শিলাগার" নামক একটি বিদ্যালয় স্থাপিত হইয়াছে; ত্রিবাঙ্কুরে "দি শ্রী মূলম্ শিল্পবিদ্যালয়" প্রতিষ্ঠিত হইয়াছে। ইহাতে রাজমিস্ত্রী ও ছুতারের কাজ

শিক্ষা দেওয়া হয়। ত্রিবাঙ্গামের শিল্প কলেজে ছবি আঁকা, হাতীর দাঁতের কাজ প্রভৃতি শিক্ষা দেওয়া হইয়া থাকে। 'কুইলনে'র ছুতারমিস্ত্রীর কাজ শিক্ষা দিবার বিদ্যালয়টি প্রসিদ্ধ। এল্লোপের সরকারী বাণিজ্য-শিক্ষালয় হইতে প্রতি বৎসর অনেক কৃতবিদ্য ব্যক্তি বাহির হইতেছেন। বর্তমানে সর্বশুদ্ধ ৬৬টি শিল্পবিদ্যালয় প্রতিষ্ঠিত হইয়াছে। এতদ্ভিন্ন সরকারী ব্যয়ে সংবাদ-সংগ্রহ-সভা ও শিল্প-ঋণ-দান-সমিতি প্রতিষ্ঠিত হইয়াছে। শিল্প-বিভাগের কার্যকারিতা সঙ্ক্ষে জনসাধারণকে শিক্ষা দিবার জন্ত সময় সময় পুস্তিকা প্রভৃতি প্রচারিত হইয়া থাকে। এই বিভাগে গত বৎসর মোট ১,৪০,৭২০ টাকা ব্যয় হইয়াছে; এবং তন্মধ্যে মাত্র ২১,৩৯৬ টাকা আয় স্বরূপ পাওয়া গিয়াছে। অর্থাৎ প্রজাদের মঙ্গলার্থ আয়ের প্রায় ৭গুণ বেশী টাকা সরকারী তহবিল হইতে দেওয়া হইয়াছে।

### ব্যবসা-বাণিজ্য

ব্যবসা-বাণিজ্যের উন্নতির জন্ত একটা সমিতি গঠিত হইয়াছে। ইহাতে সরকারী ও বেসরকারী সদস্য আছেন। স্থানীয় লোকেরা যৌথকারবার এবং সমবায়-সমিতির উপকারিতা বেশ বৃদ্ধিতে পারিয়াছে। অধুনা ১২৫টি যৌথকারবার এবং ১০০২টি সমবায়-সমিতি কাজ করিতেছে। ত্রিবাঙ্গুরে চামড়া, চিনি, লবণ, প্রভৃতির মোট ১৫০টি ভান্ডার কারখানা আছে। 'চা' ও 'রবারে'র চাষ করিবার জন্ত দুইটা সুগঠিত যৌথকারবার সম্প্রতি খোলা হইয়াছে। এল্লীপী, কুইলন, ত্রিবাঙ্গাম এবং কুলাচল—এই চারিটা পোতাশ্রয় ও বন্দর অতি প্রসিদ্ধ।

পূর্ত-বিভাগের কাজও প্রশংসার যোগ্য। ইতিমধ্যেই অনেকগুলি নূতন রাস্তা তৈরী হইয়াছে; এবং কৃষিকার্যের সুবিধার জন্ত খাল, কূপ প্রভৃতি খনন করা হইয়াছে। ডাক-বিভাগের কাজও বেশ সুন্দররূপ চলিতেছে। বর্তমানে ২৪১টি ডাকঘর ও ৩৬৪টি চিঠির বাস আছে। তন্মধ্যে ৬টি পোষ্টাফিসে সেভিংস-ব্যাঙ্কের নিয়মে জনসাধারণের টাকা গচ্ছিত রাখিবার ব্যবস্থা আছে।

### নগরপালগণের সভা ( Municipality )

ত্রিবাঙ্গুরে মোট ১২টি স্বয়ং-শাসিত নগর আছে। প্রত্যেক সহরেই নগরপালদের সভায় যথেষ্ট পরিমাণে

বেসরকারী সদস্য আছেন। সদস্যদের মোট সংখ্যা ৩০৮ জন; ইহাদের মধ্যে ২৫৩ জনই বেসরকারী সদস্য। ত্রিবাঙ্গাম ব্যতীত সর্বত্র বেসরকারী সদস্যই সভাপতির আসন গ্রহণ করিয়া থাকেন। নাগেরকৈলের মিউনিসিপালিটির পক্ষ হইতে চারিজন স্ত্রীলোককে মাতৃ-মঙ্গল ও শিশু-মঙ্গল বিষয়ে পারদর্শিতা লাভ করিবার জন্ত ত্রিবাঙ্গামের "বালকবালিকা হাসপাতালে" পাঠান হইয়াছে। প্রত্যেক মিউনিসিপালিটির অধীনে উপযুক্ত সংখ্যক প্রাথমিক বিদ্যালয় স্থাপিত হইয়াছে। মেয়েদের শিক্ষার বিশেষ বন্দোবস্তও আছে। সরকার হইতে এ পর্যন্ত মোট ২২টি হাসপাতাল এবং ৩৩টি ডাক্তারগানা স্থাপিত হইয়াছে। পাগল বা সংক্রামক রোগীর জন্ত পৃথক চিকিৎসালয় প্রতিষ্ঠিত হইয়াছে। এতদ্ভিন্ন ৯২টি সরকারী-সাহায্য-প্রাপ্ত আয়ুর্বেদ-বিদ্যালয় আছে।

### শিক্ষা-বিভাগ

১৯২৫ খৃষ্টাব্দে মহারাজার কলেজ মাস্কাজ বিশ্ববিদ্যালয়ের অন্তর্ভুক্ত হইয়াছে। এখন হইতে বি-এ ক্লাস পর্যন্ত বিজ্ঞান ও সাহিত্য উভয়ই উক্ত কলেজে পড়ান হইবে। মুসলমান অধিবাসীদের সুবিধার জন্ত স্থানীয় ভাষার ৬টি 'অতিরিক্ত প্রাথমিক বিদ্যালয়' বিশেষভাবে স্থাপিত হইয়াছে। দুই বেলা স্কুল বসাইবার নিয়ম অনেক স্থানেই প্রচলিত করা হইয়াছে। ইহাতে বেশ সুফল পাওয়া যাইতেছে। নিম্নে বিদ্যালয় ও ছাত্রসংখ্যার একটা তালিকা দেওয়া গেল :—

	সরকারী	বেসরকারী	সরকারের সঙ্ক রহিত	মোট
	সংখ্যা	সংখ্যা	সংখ্যা	সংখ্যা
বিদ্যালয় সংখ্যা	১০৮৬	২১০৮	২৬৫	৩৪৫৯
ছাত্র সংখ্যা	২২৭৫৪১	১১৬৫০০	২৬২৮১	৩৬০৩২২

এই হিসাব হইতে দেখা যায় যে, প্রতি ১'৯ বর্গমাইলে বা প্রতি ১০০৫ জন অধিবাসীর মধ্যে একটা স্কুল স্থাপিত হইয়াছে, প্রতি ২'২০ বর্গমাইল বা প্রতি ১১৫৮ জন অধিবাসীর মধ্যে একটা করিয়া সরকারের অনুমোদিত স্কুল আছে, এবং মোট লোকসংখ্যার শতকরা ১১'৩৫ জন অনুমোদিত স্কুলে পড়িতেছে। ইহাও দেখা যাইতেছে যে, ছাত্রদের মধ্যে শতকরা ৪৮'৩ জন খাস সরকারী স্কুলে আছে এবং শতকরা ৫১'৬ অন্যান্য অনুমোদিত স্কুলে স্থান পাইয়াছে। পীড়ামিড তালুকের একটা পকুধী এবং দেবী-

কুলমের ৭টি পক্ষী বাতীত সর্বত্রই অন্ততঃ একটা সরকারের অনুমোদিত স্কুল আছে। কেবলমাত্র অনুমোদিত বিদ্যালয়গুলির মোট ছাত্র সংখ্যা ৪,৭১,০২৩ জন। তাহাদের মধ্যে কোন্ বিদ্যালয়ে কত ছাত্র বর্তমানে আছে, নিয়ে তাহা দেখান হইতেছে—

কলেজ	২,৫০৩
ইংরাজী স্কুল	৪৪,৬৯০
দেশীভাষার স্কুল	৪,২১,৩০৭
বিশেষ স্কুল	২,৫২৩

মোট ৪,৭১,০২৩ ছাত্র



• ত্রিবাঙ্কুরের স্বর্গীয় মহারাজ—উপাসনার পরিচ্ছদে

মোট অধিবাসীর শতকরা ১৫ জন যদি প্রাথমিক শিক্ষার উপযুক্ত ছেলে মেয়ে বলিয়া ধরা যায়, তবে দেখা যায়,

মোটামুটি হিসাবে শতকরা ৬৪.৫ জন প্রাথমিক বিদ্যালয়ে অধ্যয়ন করিয়া থাকে।

১৯২৫ সালের রিপোর্ট অনুসারে শিক্ষাবিভাগের মোট ব্যয় ৩৭,১৮,০১৩ অর্থাৎ ত্রিবাঙ্কুরের বাৎসরিক মোট ব্যয়ের শতকরা ২০.১ অংশ।

এতদ্ব্যতীত বেসরকারী অন্যান্য শিক্ষালয়ের সাহায্যার্থেও সরকার হইতে যথেষ্ট অর্থ ব্যয়িত হইয়া থাকে। বর্তমানে 'ল'কলেজ, আয়ুর্বেদ কলেজ, শিল্প ও ব্যবসায় বিদ্যালয়, ফরেস্ট স্কুল, সার্ভে স্কুল, কৃষি বিদ্যালয়, কঞ্চল তৈরীর স্কুল, কার্পেট বুন শিক্ষালয় প্রভৃতি ১৮টি সরকারী শিক্ষালয়

আছে। তা'ছাড়া সাহায্য-প্রাপ্ত আয়ুর্বেদ কলেজ, সংস্কৃত-কলেজ, শিল্পাগার প্রভৃতিও যথেষ্ট আছে। এ সবেের জন্ম গত বৎসর মোট ব্যয় ১,১১,০৯৪ টাকা হইয়াছে। আবার, সাধারণ পুস্তকাগার, পাঠাগার, যাহুঘর, চিড়িয়াখানা, সংস্কৃত ও মালয়ী ভাষা শিক্ষার জন্ম বিশেষ বিদ্যালয়, শিক্ষালয় মেরামত প্রভৃতির জন্মও বাৎসরিক অনেক টাকা ব্যয় হয়। এইরূপে সমগ্র ব্যয় একত্র হিসাব করিলে ত্রিবাঙ্কুরের মোট ব্যয়ের শতকরা ২১.৬ অংশ শুধু জন-সাধারণের শিক্ষার জন্মই ব্যয়িত হইয়া থাকে বলা যায়। ইহাতে দেখা যায়, গড়ে প্রতি অধিবাসীর শিক্ষার জন্ম মোটামুটি হিসাবে ৬/৫ ব্যয় করা হয়। কিন্তু, বৃটিশ ভারতে প্রতি অধিবাসীর জন্ম প্রতি টাকার মাত্র ০.০৫ অংশ ব্যয়িত হইয়া থাকে। অন্যান্য স্থানের সঙ্গে তুলনা করিয়া শিক্ষা বিষয়ে ত্রিবাঙ্কুরের অবস্থা দেখান হইতেছে—

প্রদেশ বা দেশীরাজ্য পাঁচ বৎসরের কম বয়স্ক শিশুদিগকে বাদ দিয়া হাজার করা—

	ব্যক্তি	পুরুষ	স্ত্রী
ত্রিবাঙ্কুর	২৭৯	৫৮০	১৭১
ব্রহ্মদেশ	৩১৭	৫১০	১১২

	ব্যক্তি	পুরুষ	স্ত্রী
কোচিন	২১৪	৩১৭	১১৫
বরদা	১৪৬	২৪০	৪৪
কুর্গ	১৪৪	—	—
দিল্লী	১১২	—	—
{ আজমির	১১৩	১৮৫	২৬
{ মাড়োয়ার			
বাংলা	১০৪	১৮৮	২১
{ অন্যান্য প্রদেশ			
{ ও দেশীরাজ্য		একশতেরও কম	

( আদম সুমারী ১৯২১ )

পুরুষ ও নারী শিক্ষিতের সংখ্যা একত্র হিসাব করিলে সমগ্র ভারতবর্ষে ও ব্রহ্ম দেশের ভিতর ত্রিবাঙ্কুরের স্থান দ্বিতীয় ; কিন্তু কেবল নারীশিক্ষার বা উচ্চশিক্ষিতের সংখ্যা ধরিলে ত্রিবাঙ্কুরই প্রথম স্থান অধিকার করিবে।

শিক্ষা বিভাগের জন্ত উন্নত দেশী রাজ্যগুলির মধ্যে কে কিরূপ ব্যয় করিতেছেন তাহা নিম্নে প্রদর্শিত হইল :—

রাজ্য রাজস্ব শিক্ষার জন্ত মোট ব্যয়। প্রাথমিক শিক্ষার জন্ত ব্যয়।

	লক্ষ	লক্ষ	লক্ষ
ত্রিবাঙ্কুর	২,৮৬	৪০	২১
কোচিন	৬২	১০	৫ ৩৩
মহীশূর	৩৪৪	৪৪	১৩
বরদা	২১১	৩০	১৭
বোধপুৰ	১২৫	২১৪	১৪

মোটামুটি হিসাবে দেখা যায়, যে দেশে প্রাথমিক শিক্ষার জন্ত যত বেশী টাকা ব্যয় করা হয়, সে দেশ তত বেশী পরিমাণে শিক্ষাবিস্তারে অগ্রসর হইতেছে।

প্রত্যেক বিভাগে উপযুক্ত ছাত্র-ছাত্রীদের জন্ত বিশেষ বৃত্তির ব্যবস্থা আছে। অপ্রাপ্ত-বয়স্ক বালক-বালিকারা অনেক সময় না বুঝিয়া অপরাধ করিয়া থাকে। তাহাদের চরিত্র সংশোধনের জন্ত এবং দেখাপড়া শিক্ষার জন্ত একটা সরকারী সংশোধক স্কুল স্থাপিত হইয়াছে। এই বিদ্যালয়টার প্রতি বিশেষ যত্ন লওয়া হইতেছে এবং সফলও পাওয়া

হইতেছে। অনাথ শিশুদের ভরণ পোষণ ও শিক্ষার জন্ত যথোপযুক্ত ব্যবস্থা করা হইতেছে।

১৯২৫ খৃষ্টাব্দের রিপোর্ট অনুসারে সরকারের অঙ্গ-মোদিত সর্বমুদ্র ৪২৭টা বালিকা বিদ্যালয়ে মোট ছাত্রীসংখ্যা ১,৬৩,৫৬২। নীচে বিশেষ ভাবে দেখান হইল :—

পরিচালনার ব্যবস্থা	বিদ্যালয়ের সংখ্যা	ছাত্রীসংখ্যা
সরকারী	২৩২	৭৫,৬৫০
সাহায্যপ্রাপ্ত	২৭০	৮২,৬৫৩
সাহায্য অপ্রাপ্ত	৯	৫,২৫৯
মোট	৪৪১	১,৬৩,৫৬২

তন্মধ্যে কলেজে—২২৪ জন, ইংরাজী স্কুলে ৮,৪১৮ জন, স্থানীয় ভাষার স্কুলে—১,৫৩, ৮১৫ জন এবং বিশেষ স্কুলে— ১,১০৫ জন ছাত্রী পড়িতেছে। প্রতি ১৭ জন শিক্ষিত অধিবাসীর মধ্যে ১২ জন পুরুষ ও ৫ জন স্ত্রীলোক পাওয়া যায়। স্ত্রীশিক্ষার উন্নতির সঙ্গে সঙ্গে ত্রিবাঙ্কুরে নারীর সম্মান ও গৌরব বৃদ্ধি পাইয়াছে। রাষ্ট্র-পরিষদেও সভা নির্বাচনে বর্তমানে স্ত্রী-পুরুষের সম্পূর্ণ সমান অধিকার।

### পূজা ও দান বিভাগ

বর্তমান দেওয়ান মিঃ ওয়াটস্ এ্যাঙ্কলো-ইণ্ডিয়ান খৃষ্টান। তিনি জীবনের অধিকাংশ সময় বিদেশেই কাটাইয়াছেন ; বিদেশী আচার ব্যবহারেই অভ্যস্ত। তাহা হইলেও রাজকার্য্য পরিচালনে তিনি একজন যোগ্য ব্যক্তি, সন্দেহ নাই।

গত বৎসর বিধব্যা মিঃ ওয়াটস্কে দেওয়ান পদে নিযুক্ত করার সঙ্গে সঙ্গে জনমতের প্রতি শ্রদ্ধা দেখাইবার জন্ত পূজা বিভাগ ও তৎসংলগ্ন দান বিভাগটা সম্পূর্ণ স্বতন্ত্র করা হইয়াছে। ইতিপূর্বে ইহাও দেওয়ানের তত্ত্বাবধানে পরিচালিত হইত। এখন হইতে উক্ত বিভাগের প্রধান কর্মচারী নিজের কার্য্যকলাপের জন্ত স্বয়ং মহারানীর নিকট দায়ী থাকিবেন। বর্তমানে ২৯টা পূজাবাড়া সম্পূর্ণ সরকারী অর্থে পরিচালিত হইতেছে। পূর্বাতন অনেক দেবমন্দিরের সংস্কার করা হইতেছে। এ ছাড়া স্কুদ-বুহং আরও ১৪৬০টা পূজাবাড়া অল্পাধিক সরকারী সাহায্য পাইয়া থাকে। গত বৎসর এই বিভাগে মোট ১৬,১৩,৯২৪ টাকা ব্যয় হইয়াছে এবং দান বিভাগে মোট ৩৩২৭১০ টাকা ব্যয় হইয়াছে।

বিবিধ

‘নাগার’ সৈন্তবাহিনীতে বর্তমানে ১৪৭১ জন সৈনিক আছে। এই সৈন্তবাহিনীর পদাতিক সৈন্ত ছইটী ব্যাটেলিয়নে বিভক্ত। ‘অখারোহী’ সৈন্তের একজন ইউরোপীয়ান Commissioned officer আছেন। গোলন্দাজ সৈন্তের মধ্যে একজন এবং পদাতিক সৈন্তের মধ্যে ৬৫ জন ভারতীয় Commissioned officer আছেন। ২০ঃ গজ পাল্লা-  
 বিশিষ্ট মার্টিনী-হেনরী-রাইফেল্ মাত্র সাধারণ সৈনিকেরা ব্যবহার করিতে পারে। অস্ত্রশস্ত্র ও গোলাবাক্সদের ব্যবসায়ের জন্তু সমগ্র ত্রিবাঙ্কুরে সাধারণ প্রজারা বাৎসরিক অল্পাধিক একশত পাল্ পাইয়া থাকে মাত্র।

ত্রিবাঙ্কুর রাজ্যের মুদ্রাবিভাগে গত বৎসর বৃটিশ ভারতের ২২, ৩৩৪ টাকা মূল্যের স্থানীয় বিবিধ মুদ্রা তৈরী হইয়াছে।

সমগ্র ত্রিবাঙ্কুরে সরকারী ‘গেজেট’ ছাড়া ৫২খানি দৈনিক ও সাপ্তাহিক কাগজ এবং ৭৯খানি মাসিক পত্রিকা আছে। তন্মধ্যে ৬০খানি মালয়ী, ৩৮খানি ইংরাজী মালয়ী ১৯খানি ইংরাজী, ৯খানি তামিল, এবং ৩খানি ইংরাজী-মালয়ী- তামিল ভাষায় প্রকাশিত হইয়া থাকে। মালয়ী ও সংস্কৃত ভাষায় হস্তলিখিত বহু প্রাচীন পুঁথি প্রতি বৎসর প্রকাশিত হইতেছে। ত্রিবাঙ্কুরে সরকারী ব্যয়ে জনসাধারণের জন্তু একটা সুদৃশ্য গ্রন্থাগার স্থাপিত হইয়াছে। জনসাধারণকে মিতব্যয়িতা ও সঞ্চয়ের উপকারিতা শিক্ষা দিবার জন্তু একটা আদর্শ জীবন-বীমা অফিস্ সরকার হইতে খোলা হইয়াছে। বন্য পশু ও বন্য বৃক্ষ রক্ষার জন্তু একটা নূতন আইন তৈরী হইয়াছে। এখান হইতে বিশেষ অনুমতি না

লইয়া কেহ কোন বন্য জন্তু শিকার করিতে পারিবে না।

মহাত্মা গান্ধী রাজপরিবারের অনাড়ম্বরতা সম্বন্ধে লিখিয়াছেন—

“মহারানীকে হঠাৎ দেখিয়া আমি এক অনির্কচনীয় আনন্দে আত্মগত হইয়াছিলাম। সামান্য গৃহস্থ-বধূরাও



ত্রিবাঙ্কুরের মহারানী ( বাচ-প্রতিনিধি )

আজকাল মূল্যবান বসন-ভূষণে অলঙ্কৃত হইয়া থাকেন ( বিশেষ ভাবে কোন লোকের সঙ্গে দেখা করিবার সময় )। আমি ভাবিয়াছিলাম মহারানীকে কত কি হীরকরত-

শোভিত বেশভূষায় সুসজ্জিত দেখিব। বিশ্বয়ের সহিত চাহিয়া দেখিলাম কি না সামান্য একখানা মোটা ধান কাপড় পরিয়া মহারানী আমার সঙ্গে দেখা করিতে আসিয়াছেন। বিশেষ লক্ষ্য করিবার পর দেখিলাম তাঁহার গলদেশে একটা 'মঙ্গলমালা' মাত্র শোভা পাইতেছে। গৃহসজ্জাও তদনুরূপ আবিলাতশূন্য। নেহাৎ সাদাসিধা রকমের কয়েকখানা আসবাবপত্র ভিন্ন অল্প কিছুই দেখিতে পাইলাম না। ছোট মহারানী দেখু পার্কীতীবাই (রানীমা) ও নাবালক মহারাজ শ্রীমান চিত্তিরনলকেও সর্বপ্রকার



ভূতপূর্ব দেওয়ান শ্রীযুক্ত টি, রাওবিয়া, সি-এস-আই

কৃত্রিমতা-বর্জিত দেখিলাম। তাঁহাদের স্বাভাবিক স্বাস্থ্য ও সুগঠিত দেহ আমার বেশ প্রীতিদায়ক হইয়াছিল। বলিতে কি, তাঁহাদের অনাড়ম্বরতার আতিশয্য আমার হিংসার বস্তু হইয়াছে।”

এত সব বর্ণনা দ্বারাও তাঁহার মনের আনন্দ সম্পূর্ণ প্রকাশ করিতে না পারিয়াই যেন অবশেষে তিনি বলিয়াছেন—  
“The reader must pardon this minute description of the Travancore Royalty. It has a lesson for us all. The Royal simplicity

was so natural because it was in keeping with the whole of the surroundings. I must own that I have fallen in love with the women of Malabar.”—“Travancore and its Ruler” by M. Gandhi

যে স্থানের অধিবাসীদের অনাড়ম্বরতা ও সারল্য মহাত্মা গান্ধীকে পর্যাপ্ত মুগ্ধ করিতে পারে, তাহার তুলনা দ্বিতীয় নাই, ইহা সহজেই অনুমেয়। মিঃ স্মিথ লিখিয়াছেন—  
“The country and people of Travancore are the most interesting in all India on many accounts.” এ সম্বন্ধে অল্প কিছু বলা অনাবশ্যক।

### উপসংহার

ত্রিভাস্করের অভাব এখনও যথেষ্ট আছে। সমাজ-সমস্যা গুরুতর হইয়া উঠিয়াছে। গোড়া হিন্দুরা পরিবর্তন মাত্রকেই ভয় করেন। আবার, অস্পষ্ট জাতিসমূহ সংস্কারের জন্ত উঠিয়া পাড়িয়া উঠিয়াছে। এ বিষয়ে লোকের স্বাধীন মত সংগ্রহ করিবার জন্ত সরকার পক্ষ হইতে যথেষ্ট চেষ্টা হইতেছে। সাম্প্রদায়িক ভাব যাহাতে অঙ্কুরেই বিনষ্ট হয়, তাহার ব্যবস্থা করা হইয়াছে।

বেকার-সমস্যা ত্রিভাস্করে ভীষণ আকার ধারণ করিয়াছে। শিক্ষিত যুবকেরা কর্মক্ষেত্রের অভাবে অনাহারে মর্মেতে বসিয়াছে। এই গুরুতর সমস্যার কথঞ্চিৎ সমাধানের জন্ত বিশেষভাবে উত্তর-ত্রিভাস্করে রেল লাইন শীঘ্রই খোলা হইতেছে। সরকার বৃষ্টিতে পারিয়াছেন যে, শিক্ষা-প্রণালীর আমূল পরিবর্তন না করিলে শিক্ষিত সম্প্রদায়ের বেকার-সমস্যার সমাধান কোন দিনই হইবে না। তাই কার্যকরী শিক্ষার প্রতি বিশেষ মনোযোগ দেওয়া হইয়াছে। এ সম্বন্ধে সেদিন দেওয়ান বলিয়াছেন—

“A variety of reasons has led to the unemployment problem being inextricably mixed up with the educational question. I am not surprised. As the administration of the State became more highly organised and more complex from year to year, the need for public servants in many capacities grew

rapidly. University degrees and school certificates became the only means of testing fitness for Government employment ; and the whole current of our youth set towards the institutions where such qualifications could

largest employers of educated labour in Travancore. In so far as there are Government posts available the Government will continue to distribute them and will continue to afford equality of opportunity

to every son of the soil. A change must and will come over the outlook of our people once they have manfully faced the cold hard fact of the struggle for existence. Meantime the Government will leave nothing undone to narrow the margin of unemployment. A progressive railway policy and electric and water supply schemes will open up fresh avenues of useful service." Address of the Dewan, Travancore, 1926 p. 1.

দেশী ব্যবসা-বাণিজ্যের উন্নতির জন্ত প্রজাকে প্রত্যক্ষ ও অপ্রত্যক্ষভাবে সরকার যথেষ্ট সাহায্য করিতেছেন। অল্প দিনের মধ্যেই এ বিভাগে আশামুরূপ ফল ফলিতে আরম্ভ করিয়াছে। এ সম্বন্ধে মিঃ



ত্রিবাঙ্কুরের মানচিত্র

procured. Hence our swollen colleges, our multiplicity of schools. Hence this spectre of unemployment. There is no getting away from the fact that the Government are the

ওয়াটস্ বলিয়াছেন—

"The growth in the value and volume of imports and exports indicates prosperity which is reflected in the increase of revenue

under 'Income Tax,' 'Stamps,' and 'Customs'. The strong revival of the rubber market and the recent high rise of pepper and lemon grass oil have benefited a large section of the population. The State-aided Bank of Travancore Ltd., with a capital of Rs. 30,00,000, was registered on the 18th December 1925." Address of the Dewan, Travancore, 1926, p. 6.

মহারাজার আদেশ অনুসারে গত বৎসর হইতে দেব-মন্দিরে পশুবলি রহিত হইয়াছে। ইহাতে মহারাজার মাতৃ-স্মরণের পরিচয় পাওয়া যায়। তাঁহার রাজ্যে কোথাও এখন ধর্মের নামে প্রাণহত্যা হয় না।

ত্রিবাঙ্কুরের একটা বিশেষত্ব এই যে, প্রত্যেক বিভাগই স্বদেশী ব্যক্তি দ্বারা সুপরিচালিত হইয়া আসিতেছে। এত সব উন্নতির মূল কারণ যে ভূতপূর্ব দেশী দেওয়ান বাহাদুর শ্রীযুত টি, রাঘবীয়া, ইহা নিঃসন্দেহে বলা যায়। ভারতীয়দের কার্যদক্ষতায় বাহাদুরের সন্দেহ আছে, তাঁহা-দিগকে ত্রিবাঙ্কুরের ইতিহাস পাঠ করিতে অনুরোধ করি।

আবগারি বিভাগ হইতে ত্রিবাঙ্কুরের যথেষ্ট আয় হয়। মহাশয় ইহার খুব নিন্দা করিয়াছেন। তিনি এ কথাও বলিয়াছেন যে, খৃষ্টান অধিবাসীরাই বেশী মাদক দ্রব্য

ব্যবহার করিয়া থাকে। আশার কথা এই যে, এ কলঙ্ক দূর করিবার জন্য সরকার স্বয়ং বিশেষ ভাবে অগ্রসর হইয়াছেন। দেওয়ানের অভিভাষণে আবগারি বিভাগ সম্বন্ধে লিখিত হইয়াছে :—

"As you (members of the Council) are aware, advantage was taken of the renewal of the biennial contracts for 1100 or 1 to make a substantial reduction in the number of country liquor shops. The total number of shops opened under the new contracts is 1,915 against 2,015 in the previous year. The independent shop system in the case of toddy now obtains in all the taluks of the State except Devicolam where there is no manufacture or sale of toddy. The sale of arrack or toddy to minors and of arrack to adult women has been prohibited from the 1st Chingam 1102. The department has been active in putting down illicit traffic as can be judged from the larger number of cases detected and the growth in the percentage of convictions." Address of the Dewan, Travancore, 1926, P.6

## সমাধিস্থ

### শ্রীনির্মল দেব

অনেক দিন পরে দেশে ফিরিয়া যেখানে-সেখানে গুনিতে লাগিলাম—গৌর মল্লিকের বাগানে কে-একজন সন্ন্যাসী আসিয়া সমাধিস্থ হইয়া আছেন।

এই গৌর মল্লিক লোকটি না কি এক সময়ে কলিকাতার একজন প্রসিদ্ধ ধনী ছিলেন। তা'র পর উচ্চ-শ্রমতার সূর্য্যবর্ত্তে পড়িয়া তাঁহার সে অগাধ ঐশ্বর্য্য এক দিন দুর্দশার অতল তলে তলাইয়া অদৃশ হইয়া গিয়াছিল। আজ এই বন-জঙ্গলে ভরা, পোড়ো বাগানের মালিক যে কে, গ্রামের

কেহই তাহা জানে না; কিন্তু তবু এই বাগানটি নির্দেশ করিতে হইলেই, সেই গৌর মল্লিকের নামটি কেহ কোনো দিন বিস্মৃত হয় না। এই চির-স্মৃত মানুষটিকে প্রত্যক্ষ দেখার সৌভাগ্য আমার কোনো দিন হয় নাই; কিন্তু তাঁহার এই অতীত প্রমোদ-কাননটি আমার বাল্যের স্মৃতির সহিত একান্ত ভাবে জড়াইয়া আছে! ছেলেবেলায় কত দিন পাঁচিল ডিঙাইয়া এই বাগান হইতে পাকা পেয়ারা, কাঁচা গোলাপজাম পাড়িয়া আনিয়া বিজয়-গর্ভ অন্বেষণ করিয়াছি,



কত কনকনে শীতের রাতে এই বাগানের খেজুর-গাছ উঠিয়া রসের পূর্ণ-কলসু নামাইয়া আনিয়া সগোরবে বন্ধুদের বিতরণ করিয়াছি, কত শুক্ল-গভীর নিশীথে এই বাগানের ফুল চুরি করিয়া আনিয়া মা-সরস্বতীর চরণে ভক্তিভরে পুষ্পাঞ্জলি দিয়া একজামিনে পাশের বর প্রার্থনা করিয়াছি! আমার কৈশোরের কত অত্যাচার, কত উপদ্রব এই বিগত-শ্রী বাগানের গাছের শাখায় শাখায়, পাতায়-পাতায় আঁকা আছে! প্রথম-জীবনের সেই উল্লু-উদ্দাম দিনগুলো এই বাগানের মালিকেরই মত আজ সুদূর অতীতের কালো অন্ধকারে ঝাপসা হইয়া মিলাইয়া গিয়াছে! তখন শুনিতাম, এই বাগানে তাঁহার এক পেয়ারের রক্ষিতা বাস করে। কত দিন কত চেষ্টা করিয়াও এই নারীকে একবার দেখার অকারণ কোতূহল মিটাইতে পারি মাই। কেবলমাত্র একটি দিন—এক প্রচণ্ড ঝড়ের সন্ধ্যায়—এই বাগানের পাশের রাস্তা দিয়া উর্দ্ধ্বাসে বাড়ীর পানে ছুটিতে-ছুটিতে উপরে দ্বিতলের জানালার গরাদেয় গাল্টি রাখিয়া সে হতভাগিনীকে স্নান-মুখে দাঁড়াইয়া থাকিতে দেখিয়াছিলাম! সেই একটি দিন মাত্র, আর কোনো দিন তাহাকে দেখিতে পাই নাই! .....তা'র পর কত বৎসর চলিয়া গিয়াছে,—সেই পরিত্যক্ত বাড়ীর সে জানালা আজ ভীর্ণ হইয়া খসিয়া পড়িয়া গিয়াছে, সেই ফুলের-আল্পনা-আঁকা গোলাপ বেলায় গাছগুলি শুকাইয়া গিয়া অতীত সম্পদের মুক সাক্ষী স্বরূপ দাঁড়াইয়া আছে, কেয়ারির ফাঁকে-ফাঁকে সেই মশ্বর-নিশ্চিত ময় নারী-মূর্তিগুলি শৈবালে আচ্ছন্ন হইয়া হেলিয়া রহিয়াছে! আমার জীবনেও তা'র পর কত আসিয়াছে, কত গিয়াছে, কত ভাঙ্গিয়াছে, কত গড়িয়াছে! কিন্তু সেই এক দিন এক উদ্দাস্ত ঝড়ের সন্ধ্যায় এক কুলত্যাগিনী ঘৃণিতা নারীর সেই আচম্কা দেখা বেদনা-বিহ্বল মুখখানি আমার চক্ষের সম্মুখে আজও ঠিক তেমনি করিয়াই জাগিয়া আছে!

আজ এত দিন পরে দেশে ফিরিয়া তাই যখন সেই গৌর মল্লিকের বাগানে এক সমাধিস্থ সন্ন্যাসীর কথা যা'র তা'র কাছে শুনিতে লাগিলাম, তখন পরম বিজ্ঞের মত মনে মনে লিলাম—এ মজা মন্দ নয়! একে সন্ন্যাসী, তা'র সমাধিস্থ, গ'র আবার সেই গৌর মল্লিকের বাগানে!—এ একটা কাকো বজ্রকবী না হইয়া যায় না! কিন্তু মানব-চরিত্রের একটা অদ্ভুত বিশেষণ এই যে, যেখানে যত সংশয়,

কোতূহলও সেখানে তত বেশী। তাই ঠিক করিলাম—এমন মজা ছাড়িলে চলিবে না!

বিকালে সুধীর আসিতেই বলিলাম—“ওহে চলো, তোমাদের সমাধিস্থ সন্ন্যাসী জীবটিকে একবার দর্শন ক'রে আসা যাক!”

সুধীর একেবারেই সোজাশুজি বলিয়া ফেলিল—“না, তোমার সেখানে যাওয়া হবে না!”

আমি জিজ্ঞাসা করিলাম—“কেন?”

সুধীর বলিল—“না, তুমি যে সেখানে গিয়ে তাঁ'কে বিজ্ঞপ ক'রবে, তা' হবে না। তুমি যে চিরকালই নাস্তিক!”

আমি হাসিয়া বলিলাম—“আজ্ঞা, আমি প্রতিজ্ঞা ক'রছি—কিছু বলবো না, শুধু দূর থেকে চুপটি ক'রে দাঁড়িয়ে দেখবো ব্যাপারখানা কি!”

সুধীর তবু সন্দিগ্ধ চিন্তে বলিল—“আচ্ছা চলো, কিন্তু যা' বললে মনে থাকে যেন,—সেখানে গিয়ে যেন ভুলে যেয়ো না!”

সুধীরের সঙ্গে চলিলাম গৌর মল্লিকের পোড়ো বাগানে।

\* \* \* \* \*

অনেকখানি পথ চলিয়া, চাল-কল ছাড়াইয়া, শ্মশান পার হইয়া, গ্রামের উত্তর প্রান্তে ভাঙ্গা ফটকের ভিতর দিয়া বাগানের মধ্যে প্রবেশ করিলাম। নিরালা-নির্জন নদীতীরে অতীতের সেই ফুলে-ফলে-ভরা সুন্দর বাগানটি আজ বিগত-যৌবনা রূপজীবিনীর দেহের মত রুক্ষ, ভাষণ! সেই ভাঙ্গা বাড়ীটার পানে চাহিয়া কত কথাই না মনে পড়িতে লাগিল! এক দিন যাহার সজ্জিত বিলাস-কক্ষে উন্নত ভোগের বাতি সারা-রাত নিনিমেঘে জলিয়াও নিভিতে চাহিত না, যে উৎসব-মুখর ঘরের মশ্বর-মেজ কত ঠালাময়ী তরুণীর আবেশ-বিহ্বল চরণ-চুষনে এক দিন পুলকিত হইয়া উঠিত, কত চঞ্চল চোখের চাহনি, কত তরল হাসির উচ্ছ্বাস, কত গোলাপী ওড়নার শিথিল অঞ্চল-প্রান্ত যাহার বাতাসকে এক দিন মাতাল করিয়া তুলিত,—আজ সেখান শুধু মৃত্যুর মত একটা বিরাট-গভীর শুক্লতা যেন হাঁ করিয়া দাঁড়াইয়া আছে!

সুধীরকে বলিলাম—“কই হে, তোমার সন্ন্যাসী-ঠাকুর কোথা?”

সুধীর বলিল—“বাগানের শেষে সেই চাঁপা গাছ-তলায়।”

সুধীরের সঙ্গে চাঁপা-গাছটার কাছে আসিয়া দাঁড়াইলাম। তখন সেখানে কেহ বড় একটা ছিল না, সারা দিন ধরিয়া সন্ন্যাসী-দর্শনে পুণ্যের ঝুলি বোঝাই করিয়া সন্ধ্যা-বেলা যে-যাহার ঘরে ফিরিয়া গিয়াছে। মনে করিয়াছিলাম, এক ভয়ঙ্কর, দীর্ঘ-জটাজুট-শোভিত, লোটা-চিমটা-পরিবৃত, উলঙ্গ-প্রায় মানব-মূর্তিকে উইয়ের চিপির মত খাড়া হইয়া বসিয়া থাকিতে দেখিব। কিন্তু দেখিলাম, এক সাধারণ মানুষেরই মত মানুষ। পরণে তাহার এক মোটা আধ-ময়লা ধুতি, গায়ে একখানা সূতি চাদর। সেই চাদরের ভিতরে হাত দুইটা জোড় করিয়া কোলের উপরে রাখিয়া মুদিত নয়নে নিশ্চল-নিষ্পন্দ দেহে লোকটা বসিয়া আছে। উপরের গাছ হইতে খসিয়া পড়িয়া ছ-একটা চাঁপা-ফুলের শীর্ণ পাপড়ি তাহার গায়ে ও মাথার রুক্ষ বিপর্যস্ত চুলের উপরে ছড়াইয়া আছে। অনেকক্ষণ তীক্ষ্ণ দৃষ্টিতে লোকটার দিকে চাহিয়া রহিলাম, কিন্তু সন্ন্যাসিত্বের একটুও বিজ্ঞাপন কোথাও ধরিতে পারিলাম না। মনে মনে হাসিয়া বলিলাম—লোকটা খুব ওস্তাদ! ও বুঝিয়াছে যে, অবিরত ঠকিয়া-ঠকিয়া লোটা-চিমটা, জটাজুটে লোকের আজকাল আর তেমন শ্রদ্ধা নাই, তাই ও এক নূতন ফন্দি আঁটিয়াছে! সাধারণ বেশ-ভূষায় চোখ বুজিয়া চুপ করিয়া মহা-যোগীর স্থায় বসিয়া থাকিয়া লোকের ভক্তি ও সেই সঙ্গে সঙ্গে ছ-পয়সা কামাইবে!

কিন্তু তাহার আনত মুখটার দিকে চাহিতেই কেমন-বেন একটু থমকিয়া গেলাম! ঝড়ের রাতের প্রভাতের মত তাহার সারা মুখখানার উপর কেবল যেন ছিঁড়ে-যাওয়া, ভেঙ্গে-পড়া, উড়ে-যাওয়ার চিহ্ন আঁকা! মনে হইতে লাগিল, যেন তাহার ওই মূহু-স্পন্দিত বুকখানার মধ্যে একটা রুদ্ধ-ভীষণ আশ্বেয়-গিরি ঘুমাইয়া আছে,—কে জানে সেখান কি দাহ, কি জ্বালা গোপনে তরঙ্গায়িত হইয়া উঠিতেছে!

সুধীর আমার পাশে পরম ভক্তিভরে চুপ করিয়া দাঁড়াইয়া ছিল। তাহাকে চুপি-চুপি জিজ্ঞাসা করিলাম—“হ্যাঁ হে, লোকটার ইতিহাস কিছু জানো?”

সুধীর বলিল—“না, কেউই তা জানে না, কবে-যে উনি এখানে এসেছেন, তা’ও কেউ বলতে পারে না। এক দিন

ওই শিবমন্দিরে পূজা দিতে এসে গোপালের-মা একে প্রথম দেখতে পান।”

চলিয়া না আসিয়া দাঁড়াইয়া রহিলাম,—ঠিক করিলাম, দেখি, লোকটা কতক্ষণ এইভাবে বসিয়া থাকে!

দিনান্তের শেষ আভাটুকু সাঁঝের আকাশ হইতে ধীরে-ধীরে মুছিয়া গেল। বাছড়ের ঝাঁক নদীর এপার হইতে ওপারে উড়িয়া গেল, কন্দ-চঞ্চল দিনের ব্যস্ত কোলাহল ক্রমে-ক্রমে ক্ষীণ হইয়া আসিতে লাগিল। আমি ঠিক তেমনই ভাবে চুপ করিয়া দাঁড়াইয়া রহিলাম।

নিকটে শিব-মন্দিরে সন্ধ্যারতির কাঁসর বাজিয়া উঠিল। সেই শব্দে লোকটা চোখ খুলিয়া জোড়-করা হাত দু’টা কপালে ঠেকাইয়া উঠিয়া দাঁড়াইয়া পাশে শ্মশানের দিকে চাহিয়া দেখিল। সেখান একটা সত্ত্ব-প্রজ্বালিত চিতা হইতে ধূসর ধূম-রাশি উর্দ্ধপানে কুণ্ডলায়িত হইয়া উঠিতেছিল। খানিকক্ষণ অনিমেঘ নয়নে সেই দীপ্ত চিতার পানে চাহিয়া থাকিয়া একটা চাঁপা দাঁর্ঘস্থাস ফেলিয়া মুখ ফিরাইতেই আমার দিকে তাহার দৃষ্টি পড়িল। সেই স্তব্ধ-নির্জ্বল জ্বলনের মাঝে আসন্ন অন্ধকারে আমায় অমন করিয়া দাঁড়াইয়া থাকিতে দেখিয়া সন্ন্যাসী বোধ হয় খুব আশ্চর্য হইয়া গেল। আমার সম্মুখে আগাইয়া আসিয়া ক্ষণকাল আমায় নিরীক্ষণ করিয়া দেখিয়া বেশ ভদ্র, বিনীত ভাবে বলিল—“আমার কাছে কি তোমার কোনো দরকার আছে ভাই?”

আমি কিছুই চিন্তা না করিয়া মুকুবিঘ্ননা চালে বলিলাম—“না, বিশেষ কিছুই নয়, তবে হ্যাঁ, আপনার সঙ্গে নিরিবিলিতে ছ’-চারটে কথা কইতে পারলে মন্দ হয় না।”

মনে মনে কি ভাবিয়া সন্ন্যাসী বলিল—“বেশ ত, যে-কোনো দিন একটু গভীর রাতে যদি আসতে পারো, তা’-হলে বেশ হয়। রাত্রে আমি ওই বাড়ীতে থাকি।” এই বলিয়া সন্ন্যাসী সেই জাঁর্ণ দ্বিতল বাড়ীটা দেখাইল। মুহূর্তের জগ্ন থামিয়া সন্ন্যাসী আবার বলিল—“কিন্তু ভাই, আমার একান্ত অনুরোধ—তুমি একলা এসো, রাত্রে আমি বেশী লোকের সঙ্গে সহিতে পারি না।”

আমি আর অনর্থক কথা না বাড়াইয়া “আচ্ছা” বলিয়া তাহার ভদ্রতার প্রতিদানে একটা নমস্কার করিয়া সুধীরের সঙ্গে চলিয়া আসিলাম। খানিকটা আসিয়া একবার

পিছন ফিরিয়া দেখিলাম—সন্ন্যাসী মন্ত্র-চালিতের মত ধীর-পদক্ষেপে সেই পোড়ো বাড়ীটার মধ্যে প্রবেশ করিতেছে।

\* \* \* \* \*

আজ্ঞা মারিয়া, গাল-গল্প শেষ করিয়া রাত্রি এগারোটার সময় শুইতে গেলাম। ঘুমাইতে চেষ্টা করিলাম, কিন্তু নাছোড়বান্দা ঘুম আজ কিছুতেই কাছে ঘেসিতে চাহিল না! কেবলই মনে হইতে লাগিল—গভীর রাতে সেই বাড়ীতে গেলে সন্ন্যাসীর সঙ্গে দেখা হইবে। আমার বুকের মধ্যে যে একটা ডানপিটে সৃষ্টিছাড়া মানুষ আজন্মকাল হুঁহুড়ি করিয়া বেড়াইতেছে,—যাহাকে কোনো দিন সামলাইতে পারিলাম না,—সে আমার কেবলই ঠেলা দিতে লাগিল। বিনিদ্র নয়নে চুপ করিয়া বিছানায় পড়িয়া রহিলাম, ঠিক করিলাম—অরো স্থানিকটা রাত্রি হইলেই উঠিয়া পড়িব।

বারোটা বাজিয়া গেল, তখনও শুইয়া রহিলাম। ঢং করিয়া একটা বাজিতেই উঠিয়া দাঁড়াইলাম।

নিকষ-বন নিশীথ রাতে চলিয়াছি নির্জন গ্রাম্য-পথ বাহিয়া—জানি না কোন্ অদম্য আকর্ষণে! চতুর্দিক স্তব্ধ নীরব, কোথাও একটু সাড়া নাই, কোনো শব্দ নাই! মাথার উপরে কেবল ওই নিশাচর তারাগুলি নিনিমেষ নয়নে চুপটি করিয়া বসিয়া আছে।

ভাঙ্গা ফটক দিয়া গৌর মল্লিকের বাগানে ঢুকিলাম। কি একটা জানোয়ার আমার গা ঘেসিয়া শ্মশানের দিকে ছুটিয়া পলাইল। অন্ধকারে কিছুই দেখিতে পাইতেছি না। অতি সস্তর্পণে পা ফেলিয়া জঙ্গলের ভিতর দিয়া সেই বাড়ীটার দিকে চলিলাম। উপরে দ্বিতলের একটা ঘরে একটা ক্ষীণ আলোর রেখা দেখিতে পাইলাম। অন্ধকারে হাতড়াইয়া, সেই আলো লক্ষ্য করিয়া, ভাঙ্গা সিঁড়ি দিয়া আস্তে-আস্তে উপরে উঠিলাম। ঘরে প্রবেশ করিয়া দেখিলাম—একটা বেড়ীর তেলের প্রদীপ মিট-মিট করিয়া জ্বলিতেছে, আর তাহারই সম্মুখে ধূলি-ধূমরিত মেজেয় একটা ছেঁড়া কবলের উপরে গেকিয়া কাপড় পরিয়া সেই সন্ন্যাসী চুপ করিয়া বসিয়া আছে,—পাশে একখানা গীতা খোলা রহিয়াছে। ঘরের দেওয়ালের চূণ-সুরকী সব খসিয়া গিয়া জীর্ণ ইঁটগুলি মড়ার মাথার মত ওষ্ঠহীন দাঁত মেলিয়া রহিয়াছে। দরজা-জানালা-গুলি ভাঙ্গিয়া কোথায় অদৃশ্য হইয়া গিয়াছে, ছাতের

ফড়ি-বরগাগুলো যেন এই ধর্মঘটে তাহাদের সঙ্গে যোগ দিয়া হেলিয়া পড়িয়া অদৃশ্য হইবার সুযোগ খুঁজিতেছে! এমনি একটা ভয়ঙ্কর ঘরে এই নিবিড়-নির্জন রাতে ওই রহস্য-ময় মানুষটাকে এমন করিয়া তন্ময় হইয়া বসিয়া থাকিতে দেখিয়া মনটা কেমন-যেন একরকম বিস্ময়ে ভরিয়া উঠিল।

আমার পারের শব্দে মুখ ফিরাইয়া আমার দেখিয়া সন্ন্যাসী বলিল—“এস ভাই! এত রাত্রিরে তুমি এসেছো! আমি ভাবিনি তুমি আজ আসবে।” এই বলিয়া একটু সরিয়া কবলের উপরে আমার বসিবার স্থান করিয়া দিল।

আমি তাহার পাশে বসিয়া বলিলাম—“আমি আজ না এসে থাকতে পারলুম না। আমার বড় জানতে ইচ্ছে হ’চ্ছে!”

সন্ন্যাসী স্নেহাঙ্গু কণ্ঠে বলিল—“কি জানতে চাও ভাই?”

আমি অসঙ্কোচে বলিলাম—“এই জন-মানবহীন জঙ্গলের মধ্যে এই ভূতুড়ে বাড়ীতে কী আকর্ষণ আপনাকে টেনে এনেছে? এ বাড়ীর ইতিহাস বোধ হয় আপনি জানেন না!”

আমার কথায় সন্ন্যাসী যেন একটু চমকিয়া উঠিয়া বলিল—“জানি।”

আমি বলিলাম—“সব জেনে-শুনে আপনি এসেছেন!”

সন্ন্যাসী একটুখানি হাসিল,—সে-হাসি যেন অনেক-দিনের-অনেক-অশ্রু-বাপ্প-জমা মেঘের সজল বর্ষণ! সন্ন্যাসী বলিল—“এই ঘরখানি যে আমার জীবনের মহাতীর্থ! এর চেয়ে বড় তীর্থ তো আমার কোথাও নেই,—স্বর্গেও নয়,—ঈশ্বরের চরণেও নয়!”

আমি তাহার কথার কোনো অর্থই খুঁজিয়া পাইলাম না। যে-ঘর একদিন ঐশ্বর্য্য-দৃশ্য ধনীর স্থূল ভোগের লীলাক্ষেত্র ছিল, যেখানে একমাত্র হৃদাস্ত লালসা ছাড়া আর কোনো জিনিসের সাধনা কোনো দিন হয় নাই,—সে-ঘর কি করিয়া যে এক স্থবির ভোগ-বিরাগী সন্ন্যাসীর মহাতীর্থ হইতে পারে, তাহা বুঝিতেই পারিলাম না। তাই কিছু না বলিয়া আমি জিজ্ঞাসু চক্ষে তাহার মুখের দিকে চাহিয়া রহিলাম।

সন্ন্যাসী বলিল—“তুমি বিয়ে ক’রেছ?”

আমি বলিলাম—“না।”

সন্ন্যাসী জিজ্ঞাসা করিল—“জীবনে কোনো দিন কোনো

নারাকে যথাযথই ভালোবেসেছ—হাসি যেমন ক'রে কান্নাকে ভালোবাসে ?”

এ কথার উত্তরে সহজে স্পষ্ট ভাবে “হ্যাঁ” বলিতে পারিলাম না, “না” শব্দটাও মুখ দিয়া বাহির হইতে চাহিল না। একটু চুপ করিয়া থাকিয়া ইতস্ততঃ করিয়া বলিলাম—  
“ঠিক—বোধ হয়—নয়।”

মুহূর্ত্ত কাল চুপ করিয়া সন্ন্যাসী চোখ-ছ'টা বুজিয়া বুকের মধ্যে কি যেন অমুভব করিয়া লইল। তা'র পর হঠাৎ আমার কাঁধের উপর একখানি হাত রাখিয়া বলিল—“কিন্তু আমি বেসেছিলুম! শুধু, ভালোবেসেছিলুম নয়—ছ'-পায়ে খেঁতলে সে ভালোবাসার লক্ষ অপমান ক'রেছিলুম! তাই সে আজ আমার সারা জগৎ ঘিরে অক্ষয়-অমর হ'য়ে আছে! অপমানের পূর্ণ অর্থ্য দিয়া পূজা ক'রেছিলুম, তাই আমার সে পূজা আমার ভালোবাসার দেবতার চরণে গিয়ে পৌঁচেছে!”—অবরুদ্ধ অশ্রুর ভারে সন্ন্যাসীর গলাটা ভারী হইয়া আসিল।

খানিক খামিয়া নিজেকে সামলাইয়া লইয়া সে আবার বলিতে লাগিল :—“যখন আমার বিয়ে হ'য়েছিল, তখন আমার বয়স তেইশ বছর। তা'র আগে কোনো দিন আমার প্রাণের চোখ দিয়া কোনো নারীর পানে চাইনি! সেই এক দিন দীপালোকিত উৎসব-রাতে সপ্ত-আয়তন-কলহাস্ত-কুহরিত ছান্না-তলায় লাল চেলীর নীচে ছ'খানি লজ্জা-কম্পিত কালো চোখের কুণ্ঠিত-আনত দৃষ্টির সঙ্গে যখন আমার গুণ্ড-দৃষ্টি হ'লো, তখন কী নিবিড়-মৌন মহিমা যে সেই স্নিগ্ধ-করণ দৃষ্টি হ'তে ঝ'রে প'ড়ছিলো, ভাষায় তা'র কণামাত্রও কোনো দিন প্রকাশ ক'রতে পারবো না! এই নিঃসঙ্গ জীবনের কত নিদ্রাহারা রাতে শয্যা ছেড়ে উঠে ওপরে অন্ধকার আকাশের পানে চেয়ে মনে মনে বিধাতার উদ্দেশে ব'লেছি—ভগবান, এই জীবনই যদি মানুষের শেষ না হয়, যদি পর-জন্ম ব'লে কোনো জিনিস তোমার সৃষ্টিতে থাকে, তা'-হ'লে আর কিছু চাই না দয়াময়,—একটিবার—শুধু আর একটিবার—তুলসীর মূলে সন্ধ্যা-প্রদীপের মুহূ-কম্পিত শিখাটির মত, লাল চেলীর নীচে সেই ছ'খানি কালো চোখের সেই সলজ্জ চকিত চাহনি তেমনি ক'রে আমার দেখতে দাও!—সাধ যে আমার মেটেনি!

“বালর-ব্রাতের ভোরের বেলা যখন নির্জন ঘরে শুধু

আমরা ছ'জনে,—পাশে চেয়ে দেখলুম তা'র আনন্দ-বিহ্বল মূর্ত্তিখানি! কণ্ঠের মধ্যে যেন নিখিল-জগতের সমস্ত ছন্দ, সমস্ত সুর এক ক'রে আমি ডাকলুম—‘লীনা!’ সে আমার কাছে স'রে এসে আমার বুকের ওপরে তা'র উচ্ছ্বসিত বুকখানি এলিয়ে দিয়ে, আমার গালের ওপরে তা'র লজ্জারক্ত গালটি রেখে আবেগ-কম্পিত কণ্ঠে ব'ললে—‘আমি ম'রে গেলে তুমি আবার বিয়ে ক'রবে ?’—ছ'টো তপ্ত অশ্রুর বড়-বড় ফোঁটা তা'র বিহ্বল চোখ থেকে আমার গালের ওপর গড়িয়ে প'ড়লো! আমি শিউরে উঠলুম! এই বাসর-ঘরে হাসির দেওয়ালোর মাঝে কেন যে সে তা'র মরণের কথা ভাবছে, জীবনের প্রভাতেই কেন যে সন্ধ্যার কথা তা'র মনে প'ড়ছে,—তা' কিছুতেই বুঝতে পারলুম না! আজ পর্যন্ত কত ভেবেও সে দিন তা'র অন্তরের এই অকারণ আশঙ্কার কোনো কারণই আমি খুঁজে পাইনি!

“তা'র পর পাঁচ-পাঁচটি বছর ধ'রে আমার এই আল্লা জীবনটাকে কী প্রেম, কী সেবা, কী যত্ন দিয়ে যে সে ছেয়ে রেখেছিল—একটু কণামাত্রও ফাঁক-কোথাও রাখেনি! আজ যখন পেছন ফিরে জীবনের সেই-সব হারানো দিন-গুলোর কথা ভাবি, তখন মনে হয় যেন সে-সব সত্য নয়, বাস্তব নয়!—আমার জীবনে যেন সে-দিন কখনও আসেনি, সে-সব যেন একটা স্বপ্ন—সুখস্বপ্ন,—একটা নিদ্রা-বিরল রাত্রির ক'টি অলস মুহূর্ত্তের জন্ত তা'রা এসেছিলো এক দিন আমার যুগ্ম জীবনে—যৌবনের কল্প-লোক থেকে! কত জন্ম-জন্মান্তরের অপরাধে অমন পরিপূর্ণ সুখ আমার জীবনে এসেছিল—জানি না! আজ কেবলই ভগবানকে বলি—ভগবান, মানুষকে যত দুঃখ দিতে পারো দিও, কিন্তু পরিপূর্ণ সুখ—অতো বড় অভিশাপ—তা'কে কখনও দিও না! অপূর্ণ রেখে তা'র সুখকে বেঁচে থাকতে দিও, পূর্ণ ক'রে তা'কে অমন নিষ্ঠুর ভাবে মেরে ফেলো না!

“মুহূর্ত্তকে পেয়েছিলুম! যা' জগতে কেউ পার না—তা'ই আমি পেয়েছিলুম! তাই সে আমার আকাঙ্ক্ষার ধন না হ'য়ে, অবসাদের বোঝা হয়ে উঠলো! তা'র পর কি ক'রে যে প্রতি দিনের প্রতি মুহূর্ত্তে অসময়ে, অকারণে, অযথা ভাবে তা'র কচি প্রাণটির মাঝখানটিতে ষা দিতে লাগলুম, সে-সব কথা আর তোমায় ব'লবো না তাই! এক দিন বাগান থেকে নিজের হাতে একটি করবী ফুল তুলে

এনে সে হাসি-মুখে আমার জামার বোতামে আটকে দিতে এলো, আমি তা'কে রুচ ভাবে ঠেলে দিয়ে ব'ললুম—'যাও, আমার এখন কাজ আছে, অতো গ্রাকামী করবার সময় আমার নেই!' লোহার সিন্দুকে হীরে জহরৎ ভরা র'য়েছে, কোনো দিন তা'কে প'রতে দেখিনি। এক দিন তা'কে ব'ললুম—'গয়নাগুলো কি তোমার শ'য়ে চাপাবার ভুলে হ'য়েছে?' সে আমার রুচ কথা কাণে না তুলে ছেলে-মানুষের মতন হেসে ব'ললে—'হ্যাঁগা, ভগবানের-দেওয়া রূপের চেয়ে কি মেয়েমানুষের আর-কিছু বড় রূপ আছে? গয়না রূপকে বাড়ায় না, ঢেকেই রাখে!' আমি তা'র এ নিরীহ-সরল কথার উত্তরে বিষ ছড়িয়ে ব'ললুম—'ভদ্র-সংসারে অতো রূপের দেমাক ভালো নয়, রূপ খুব দামে বিকোর তা'দেরই যা'রা—! এমনি-একটা জঘন্ত-কদর্যি কথা আমার মুখে শুনে—সে কোনো দিন ভাবতে পারে নি। তাই কেমন-ধেন ধমকে গিয়ে আহতা হরিণীর মতন একটা মুহূর্ত আমার হিংস্র মুখের দিকে কাতর চোখে চেয়ে সে ক্লান্ত চরণে আস্তে আস্তে আমার কাছ থেকে চ'লে গেল। সেই দিনের পর আর কোনো দিন তা'কে হাস্তে দেখিনি।

তা'র পর হঠাৎ এক দিন কাউকে কিছু না ব'লে, তা'র কোনো বন্দোবস্ত না ক'রে, তা'কে একলা ফেলে, ভারতবর্ষ ছেড়ে সোজা চ'লে গেলুম বিলেতে—ব্যারিষ্টারী প'ড়তে। তা'র পর কোনো দিন তা'কে একখানা চিঠি পর্যন্ত লিখিনি। তা'র খবর জানবার কোনো ব্যগ্রতাই আমার ছিল না, তবে নায়েব-গোমস্তার চিঠিতে মাঝে-মাঝে তা'র খবর আমার কাণে পৌঁছতো।

পুরো পাঁচটি বছর ক'লকাতায় আমার সেই প্রকাণ্ড অট্টালিকার একটি কোণে সে দুঃখিনী চোখের জলে ভেসে নীরবে, নিঃশব্দে কাটিয়েছে। যে বাড়ীতে আমার ঘরের-লক্ষ্মী রূপে তা'কে বরণ ক'বে এনেছিলুম, যে-বাড়ীতে তা'কে আঘাতের পর আঘাত ক'রে জর্জরিত ক'রে-ছিলুম, যে-বাড়ীতে তা'কে অসহায় ফেলে বিলেতে পাঠিয়ে-ছিলুম, সে-বাড়ী ছেড়ে সে কোথাও যায়নি, সে-বাড়ীর মাটি কামড়েই সে প'ড়ে ছিলো!

এক দিন নায়েবের চিঠি পেলাম—লীনা হঠাৎ এক দিন রাত্রে ঘর ছেড়ে চ'লে গেছে—কোথায় গেছে কেউ জানে না। সেদিন বিলেতে প্রচণ্ড শীতের স্তূপীকৃত তুষার গ'লে

বসন্তের প্রথম রোদ্‌ দেখা দিয়েছে, তরুণ-তরুণীর দল ছনিবার উচ্চাসে হাইড পার্কে ছুটোছুটি ক'রে বেড়াচ্ছে, পাইন্-এ কচি পাতা গজাচ্ছে, চেরীর কল ধ'রেছে,—দিকে দিকে জাগরণের সাড়া! আমি তখন যৌবনের নেশার মাতাল হ'য়ে ভর-আবেশে ভেসে চ'লেছি! তা'র মাঝে লীনার এ অতি-নগণ্য খবরটা আমার কাণেই পৌঁছোলো না। কোথায় কোন্ সুদূর সাগর-পারে কে-একটা অবমানিতা, নির্ঘাতিতা, স্বামী-পরিত্যক্তা নারী কেন যে সংসারের আকাশ হ'বে ধ'সে গিয়ে দিশাহারা অঁধারে পাড়ি দিলে,—সে-সব তুচ্ছ কথা ভেবে মাথা ঘামাবার ফুরসৎ তখন আমার ছিল না!

আরও কিছুদিন এমনিভাবে কাটলো, লীনার কথা একেবারেই ভুলে গেছি!—কিন্তু আমার স্বপ্নের মাঝখানে যা'র সোণার আসন বিধাতা পেতে রেখেছেন, আমার নিভৃত অন্তর-দেউলে যা'র পূজার পঞ্চ-প্রদীপ নিনিমেঘে জ্বলছে, আমার পরমাঙ্গার নাদ-লোকে যা'র সন্ধ্যারতির শব্দ-ঘণ্টা অবিরত ধ্বনিত হ'চ্ছে,—আমার সাধ্য কি আমার কাছ থেকে তা'কে ঠেলে দিই! এক দিন রাত্রে ঘুমিয়ে স্বপ্ন দেখলুম—লীনাকে! সেই এক দিন বিয়ের রাতে সম্প্রদান সভায় হোমানলের দীপ্ত আলোর আবেগ-কম্পিত হাতে তা'র গৌর সৌমন্তে আয়তির গৌরব-রেখা এঁকে দিয়ে, তার সেই সিন্দুর-রাগ-রঞ্জিত রক্তাভ মুখখানি যে-রূপে দেখেছিলুম,—ঠিক সেই সত্ত্ব-বধুরূপেই সুদূর প্রবাসে সে আমার স্বপ্নে দেখা দিলে! চট্ ক'রে ঘুমটা ভেঙ্গে গেল, বৃকের ভেতরটা তখন কি-যেন এক সব-হারানোর ব্যথায় ভেঙ্গে গুঁড়িয়ে যাচ্ছে! অভিবূতের মতন বিছানার ওপর উঠে ব'সলুম!—দূরে ওয়েষ্টমিনস্টারে বিগ্‌ বেল্ ঘণ্টাটার ঢং ঢং ক'রে ছুঁটো বাজলো। বাকি রাতটা তেমনি খাড়া হ'য়েই চুপ ক'রে বসে রইলুম!.....

পরের মেলেই দেশে ফিরলুম। ক'লকাতায় পৌঁছে বাড়ীর মুখে গেলুম। সদর-দরজার চৌকাটে পা দিয়েই একবার তড়িৎ-স্পৃষ্টের মতন চ'মকে উঠে ধ'মকে দাঁড়ালুম! তা'র পর—দুঃখের পরশ-মণিকে আমার বৃকের মাঝখানটার একবার ভালো ক'রে ছুঁইয়ে নিতে শুক চক্ষে আমার শোবার ঘরে ঢুকলুম—সেই ঘরে, যে-ঘরে তা'কে ছুঁ-হাতে জড়িয়ে ধ'রে জেগে-ঘুমিয়ে ফুলশয্যার রাত

কাটিয়েছি!—যে-ঘরে তা'র সেই উথলে-ওঠা রূপের সম্বন্ধে কুৎসিত ইঙ্গিত ক'রেছি! তা'র বড় ছবিখানার সামনে দাঁড়িয়ে মনে-মনে বললুম—‘দেবি, ক্ষমা চাইবার কোনো পথ আমি রাখিনি, তবু জানি আমি ক্ষমা চাইবার আগেই তুমি আমার ক্ষমা ক'বেবে!’

‘তা'র পর বাড়ী থেকে সোজা বেরিয়ে প'ড়লুম! আর কোনো দিন সে-বাড়ীতে ঢুকিনি,—এ-জীবনে আর কোনো দিন ঢুকবো না। তা'রপর কত—কত বছর ধ'রে ভারতবর্ষের এক প্রান্ত থেকে আর এক প্রান্ত পর্যন্ত তা'কে খুঁজে খুঁজে ফিরিছি! যৌবন প্রৌঢ়ত্বে গিয়ে প'ড়লো, প্রৌঢ়ত্ব আজ বার্দ্ধক্যের সীমান্তে এসে পৌঁছেছে!...একদিন আচম্কা শুনলুম সে এই বাগানে স্বর্গীয় গৌর মল্লিকের—’

ধানিকটা ধামিরা ভাঙ্গা জানালার ভিতর দিয়া বাহিরের

ধম্ধমে অন্ধকাবের পানে চাহিয়া সন্ন্যাসী বেন যুগের ঘোরে বলিতে লাগিল—‘এই ঘরে সে তার নখর দেখে ত্যাগ ক'রেছিলো! এর বাতাসের স্তরে স্তরে তা'র কত দিনের কত বুকভাঙ্গা দীর্ঘশ্বাস জমাট হ'য়ে আছে! সে যে কত বড় সতী ছিল, কেউ জানে না—ভগবানও জানেন না! কিন্তু আমি জানি,—তা'র রক্তের প্রতি অণু-পরমাণুতে লক্ষ সীতা, কোটি সাবিত্রীর রক্তধারা মেশানো ছিল! সেই চির-সতী স্ত্রী আমার, সেই অভিমানিনী লীনা আমার,—উঃ! কী আশুনে পলে পলে জ্বলে, পুড়ে, ছাই হ'য়ে—!’

হঠাৎ দাঁড়াইয়া উঠিয়া উর্দ্ধে আকাশের পানে দু'টি ব্যুগ-বাকুল বাহু প্রসারিত করিয়া কম্পিত কর্ণে সন্ন্যাসী বলিয়া উঠিল—‘না—না—এসো লীনা, ও মিথ্যা স্বর্গ ছেড়ে দিয়ে, এসো—আমার এই বৃকের স্বর্গে নেমে এসো—!’

## দ্বিজেন্দ্রলাল সম্বন্ধে যৎকিঞ্চিৎ

শ্রীস্বরজিৎ দাশ

কবির দ্বিজেন্দ্রলালের প্রথম কর্ম-জীবনের এমন দু' একটি কথা আমি জানি, যা' অনেকে জানেন না। আজ তাঁ'র তিরোধান দিনে সে কথা স্মরণ করছি।

কবি মেটেলমেন্ট অফিসার হয়ে মেদিনীপুর সুজামুঠায় আসেন। সুজামুঠা পরগণা বর্দ্ধমান মহারাজের জমিদারী। বর্দ্ধমান ষ্টেট তখন কোর্টস্ অব্ ওয়ার্ডসে ছিল। সাব-ডেপুটি হরিনারায়ণ বন্দোপাধ্যায় সে সময় সুজামুঠার ম্যানেজার ছিলেন। আমার বাবা ছিলেন সেখানকার চেরিটেবল্ ডিসুপেন্সরীর ডাক্তার। আর কবির স্বগ্রামবাসী রামগোপাল মুখোপাধ্যায় সাব-রেজিষ্ট্রার ছিলেন। এই সব একান্ত অ-কবিদের নিয়ে সস্ত-বিলাত প্রত্যাগত কবি দুধের পিপাসা ঘোলে মেটাতেন। সে আজ প্রায় পঁয়ত্রিশ বছর আগেকার কথা। আমার বয়স তখন বারো-তেরো বছর হবে।

কবিরের থাকবার ঝাঙলা ছিল বড় একটা দীঘির উত্তর পাড়ে। দীঘির চা'র পাড়ে বকুল গাছের সারি; মাঝে মাঝে এক একটা বট গাছ।

কবি তখন জীবন যাপন করতেন খাঁটি সাহেবী ধরণে। তাঁ'র ভাষায় বলতে গেলে তিনি তখন—ফরাসী ধরণে কাসতেন, বিলাতি ধরণে হাসতেন। ‘পা ফাঁক করে’ সিগারেট খেতে বড় ভালোবাসতেন।

কবি সেই ঝাঙলার পূর্বদিকের বারাণ্ডায় দক্ষিণ-মুখে হয়ে কখন ইঞ্জিচেয়ারে শুয়ে কাগজ পড়তেন, কখন হার্মোনিয়াম্ বাজাতেন।

কবি ছোটো ছোটো ছেলেপুলেদের বড় ভালোবাসতেন। পাড়াগাঁয়ের ছেলেরা তাঁ'র সামনে এগুতে সাহস পৈতো না। দূরে দাঁড়িয়ে সাহেব দেখত। তিনি তা'দের ডেকে ছবি দিতেন। আমার একটি দেড় বছরের বোন ছিল। কবি তাঁকে কোলে করতেন চাইতেন—সে সাহেব দেখে ঘাবড়ে যেত। শেষে এক দিন ধুতি পরে আসতে, সে কোলে এল। তিনি হেসে বলতেন—‘ও আমাকে বিলেতি বাদর মনে করেছে।’ ‘আমরা ছেড়েছি ধুতি ও চাদর; ছাট্‌কোট পরে’ সেজেছি বিলেতি বাদর।’

কে জানে এই কবিতাটির কল্পনা এই ঘটনার তাঁ'র মনে উদ্ভিত হয়েছিল কি না।

এক মাসকাবারে তিনি মাইনে পাওয়ার পর ঘর থেকে ছ'শ টাকার নোট চুরি গেল। কবি খানসামা বাবুটি মেথর লবাইকে ধমকালেন, তবু তা'র কোনো কিনারা হ'ল না। শেষে কিছু দিন পরে এক দিন হারমোনিয়াম বাজাতে গিয়ে দেখলেন, সেই ছ'শ টাকার নোট হারমোনিয়ামের ভিতরে আছে। তখন তিনি অমৃতপ্ত হ'য়ে সবাইকে ডেকে দেখালেন। বৈষয়িক লোক হ'লে ভুল প্রকাশ করা আহম্মকি মনে করে চেপে যেতেন। কবি এই করেই কাস্ত হলেন না। তা'দের বৃথা দোষী করেছেন বলে প্রত্যেককে এক এক মাসের মাইনে দিয়ে নিজেকে দণ্ডিত করে শাস্তি পেলেন। এতে তাঁর স্মরণপরায়ণতার কত দূর পরিচয় পাওয়া যাচ্ছে। এই ঘটনাটি কবির ম্যাথর ভাগবত ঘড়াইর মুখে শুনেছি। সে এখনও জীবিত আছে।

কবিকে কার্য-ব্যপদেশে প্রায়ই মফঃস্বলে যেতে হ'ত। কবি-পত্নীর সখ হ'ল—~~দিন~~ মফঃস্বলে দেখবেন। রাজবাড়ীর হাতী চড়ে কবি ও কবিপত্নী চলেন। সেটা চৈত্র কি বৈশাখ মাস হবে। এই গরমে মাঠে মাঠে ছ'মাইল রাস্তা গিয়ে বেলা বারোটায় পৌছলেন। ক্যাম্প। ক্যাম্পের চাপরাসী বৈষ্ণনাথ মাইতি ছ'টি ডাব কেটে এনে তাঁ'দের সামনে ধুলে। তৃষ্ণার্ত কবি-দম্পতি তা'র এই সেবাপরায়ণতার ভারি খুসি হলেন। কবি তা'কে ছ' টাকা বকসিস্ দিলেন। কবিপত্নী বললেন—এমন কষ্টে যে এতখানি আরাম দিলে, তা'র বকসিস্ ছ'টাকা ?”

কবি তৎক্ষণাৎ তা'কে চা'র টাকা বকসিস্ দিলেন।

কবি প্রায় চব্বিশ ঘণ্টাই সাহেব সেজে থাকতেন, কবিপত্নী বাসায় শাড়ী পরতেন, বৈকালে বেড়াবার সময় গাউন্ পরে বেরোতেন। কবি খেতেন বাবুটির রান্না; কবিপত্নী খানা খেতেন না। তাঁর জন্ম একজন বামুন ছিলেন। যতটা মনে হয়—তাঁ'র নাম রাম ছিল। বুড়া বাবুটির নাম মনে নাই। কবি-দম্পতি এইভাবে জীবন যাপন করতেন। তাঁরা এখন বেঁচে থাকলে বলতে পারা যেতো—“বুড়ী ছিল পরম বৈষ্ণব বুড়া ছিল শাক্ত।”

যা কিছু বীরস্বাঙ্গক, যা কিছু তেজস্বিতার পরিচায়ক, তাই ছিল কবির প্রিয়। আমাদের এক ছোকরা চাকর

ছিল, কবি আমার বাবাকে বলতেন—“ডাক্তার বাবু, কষ্টি-পাথর কোঁদা আপনার চাকর ছোকরাকে দেখলে ইচ্ছা হয়, ওর সঙ্গে শরীরটা বদলাই।”

একদিন কবি ও কবিপত্নী বেড়াতে বেরিয়ে দেখলেন, পথে একটা লোক কাঠ চেলা করছে। কবি একটু দাঁড়িয়ে দেখলেন। শেষে তা'র হাত থেকে কুড়ুল নিয়ে খানিকটা কাঠ চেলা করে ফেললেন। কবিপত্নী তো হেসেই খুন।

কবি কুম্ভ-কোমল হলেও বঙ্গ-কঠোর ছিলেন। একবার তাঁর এক জন চাপরাসীকে সেখানকার সর্বম্যানেজার অন্তায় রূপে অপমান করেন। তা'তে কবি নিজেকে অপমানিত বোধ করে, চাপরাসীর পক্ষ সমর্থন করেন। শেষে বেগতিক দেখে ম্যানেজারবাবু নিজে বাঙলার এসে মুকুন্ডআনার ভাব দেখিয়ে মিটিয়ে ফেলেন।

তখন মাত্র কবির ছ'খানা বই বেরিয়েছে—“আর্য্যগাথা” আর “একঘরে”। কবি ছ'খানা বইই বাবাকে দিয়েছিলেন। ‘একঘরে’র এই কবিতাটি আমি মুখস্ত করে ফেলেছিলাম।—

“বিলাত থেকে ফিরে এসে হরিদাস রায়,

মুড়িয়ে মাথা ঢেলে ঘোল,

ধরলেন আবার মাছের ঝোল ;—ইত্যাদি।

কবির সাধারণ আলাপেও কবিত্ব প্রকাশ পেতো। কবির স্বদেশবাসী রামগোপালবাবুর ছেলে মেয়েরা ছেলেবেলা দেখতে খুব সুন্দর থাকত, বড় হলে বিক্রী হয়ে যেতো। আর কবির শ্রালক শ্রালিকাদের ছেলেবেলা তেমন ভাল দেখাত না, বড় হ'লে চেহারা খুলত। কবি রহস্য করে বলতেন—“মেয়ে মানুষ ছ'রকম থাকে ; কুকুর-বিয়ালী আর ময়ূর-বিয়ালী।”

কবি হারমোনিয়াম আর বেহালা বাজাতে পারতেন। আমার যতদূর মনে হয়—তবলা বাজাতেও যেন তাঁকে দেখেছি। কিছু দিন একজন ওস্তাদ রেখে সেতার শিক্ষা করছিলেন। ওস্তাদ কোথায় যেন দূরে থাকতো, প্রতি রবিবার এসে তাঁকে শেখাতো। কবি এমন সঁদাশয় ছিলেন—অনেক সময় সাক্ষ্য বৈঠকে বেহালা বাজিয়ে নেচে গান করতেন। কবির গীতস্পৃহা এত বলবতী ছিল যে, সামান্ত যাত্রা গান কীর্তন মনোযোগী হয়ে শুনতেন। যাত্রার কথা বলতে গিয়ে একটা কথা মনে হ'ল। একবার রাজবাড়ীতে ভবতারণ পাহাড়ীর যাত্রা হচ্ছে—“জীমন্তের মশান”। কার একটা

ছোট ছেলে উপরের রেলিং পার হয়ে কার্নিসের উপর এসে দাঁড়িয়েছে ; তাই দেখে নীচে থেকে একজন “পড়ল পড়ল” করে চৈচিয়ে উঠেছে। ভূমিকম্প বাড়ী পড়ছে মনে করে সকলে দৌড়ে বেরিয়ে যেতে লাগল। তা’তে যাত্রা ওয়ালাদের বেহালা কার পায়ের চাপে ভেঙে গেল। কবি চুঃখিত হয়ে বললেন—“কার পায়ের চাপে ভেঙেছে যখন কেউ দেখেনি, তখন হয়ত আমার পায়ের চাপেও ভাঙতে পারে।” এই বলে দাম দেবার জন্ত বিশেষ জেদ করতে লাগলেন ; তাঁ’রা তা’ নিলেন না।

আগেই বলেছি যে দীঘির চার পাড়ে বকুল গাছ আছে। কবির বাঙলার পাশেই একটা বড় বকুল গাছ ছিল। ছিল কেন, এখনও আছে। কবিপত্নী রোজ সকালে ফুল কুড়িয়ে তা’র তলায় বসে মালা গাঁথতেন। এক দিন এক ছড়া মালা গাঁথতে কবির গলায় পরিয়ে দিলে, কবি বলেছিলেন—

“এক আমার বিজয় মালা ?”

তা’র পর কবি একটা গান বেঁধে ফেললেন—

“আমি সারা সকালটি বসে বসে

এই সাধের মালাটি গাঁথছি।”

সেদিন সন্ধ্যায় ঘটনাটি বলে’ আমার বাবাকে গানটা গেয়ে শোনালেন। এই গানটি কবি উত্তরকালে সাজাহান

নাটুকে দিয়েছেন। কাব্য জিনিসটা একেবারে কল্পিত নয়। কবির জীবনের এবং পারিপার্শ্বিক বাস্তব ঘটনার প্রতিচ্ছায়া। •

এবার কবির আর একটি মহত্বের কথা উল্লেখ করে আমার কথা শেষ করব। কবির একবার খুব জ্বর হয়। বাবা তাঁকে আরোগ্য করেন। কবি পুনঃ পুনঃ পীড়াপীড়ি করেও বাবাকে টাকা গছাতে না পেরে নিরস্ত হ’লেন। বাবা মনে করলেন গোল মিটে গেল। কিন্তু তা’র কিছু দিন পরে কবি কলকাতা থেকে ফিরে এসে একথানা “প্রাকৃটিস” বাবাকে উপহার দেন। তা’তে কবির নিজ হাতের লেখা আছে—Presented to Babu Kailash Ch<sup>o</sup> Das Gupta with D. L. Roy’s Compliment

সে বইখানা আমি খুব যত্ন করে রেখেছি—যতদিন বাঁচবো রাখবো।

যখনই আমি স্মৃতিমুঠায় যাই, কবির আবাস-স্থানটি দেখে আসি। সে বাঙলা আর নাই। সে বকুল গাছটি, সেই দীঘিটি, আমি শ্রদ্ধার চক্ষে দেখি। আমি মনে করি, প্রত্যেক সাহিত্য-সেবীরই সেটি শ্রদ্ধায়। আমি কবি-পুত্র শ্রীযুক্ত দিনীপকুমারকে অমুরোধ করছি; তিনি তাঁর পিতা-মাতার স্মৃতি-জড়ানো স্থানটি একবার প্রত্যক্ষ করে আসুন।

## মনের মত

### শ্রীরেবা দেবী

ছপূর বেলা, মুখুযোদের বাড়ীতে কোন সাদা-শফ নেই, ঘুম-পাড়ানী বুড়ী বাড়ীর ছেলে-বুড় বকলকেই নিজের কবলে এনেছে, কেবল একজন মেয়ে বাদ পড়ে গিয়েছে। অনিতা নিজের ঘরে জোরে সেলাইয়ের কলটা চালিয়ে দিলে,—এক নিশ্বাসে হাতের কাজ সাজ করে সে যেন হাঁপ ছেড়ে বাঁচল।

ফাল্গুন মাসের মাঝামাঝি ; তবে শীতটা একেবারে যায় নি। অনিতা একবার দিদিমার মহলের দিকে দৃষ্টিপাত করলে। রোদে পা ছড়িয়ে দিয়ে তিনি দিবা আরামে নাসিকা গর্জনের সঙ্গে সঙ্গে জানিয়ে দিচ্ছেন যে, এ পৃথিবীর সঙ্গে তাঁর কোন সম্বন্ধ নেই। রান্নাঘরের দাওয়ার উপর রাধু ঝির পাঁচ বছরের ছেলেটা হাঁ করে শুয়ে আছে। মাত্র ছেড়ে সে যে মেজের উপর পড়ে আছে, এটা বোঝবার

ক্ষমতাটা বুঝি তখন তার ছিল না। গ্রামের একটা ঘেও কুকুর কুয়োতলায় কুণ্ডলী পাকিয়ে নিদ্রাদেবীর আরাধনায় মগ্ন। এদিকে সোণালী বেড়ালটা খাবার ঘরে একটা আসনের উপর নিজের বেশ সুব্যবস্থাই করে নিয়েছে।

অনিতার মনে হল, সে যেন রূপকথার কোন এক ঘুমন্ত পুরীতে এসে পড়েছে,—এই নিস্তরক, নিষুম বাড়ীটা যেন রাক্ষসীর মত তাকে গিলতে আসছে।

আস্তে আস্তে সে তার মাসিমার সন্ধানে বেরুল। তাঁর শোবার ঘর খালি দেখে অনিতা বুঝলে যে, তিনি এ বাড়ীতেই নেই,—তিনি এতক্ষণে নিশ্চয় তাঁর সহৈবর বাড়ী, তাসের আড্ডায় জমে গিয়েছেন।

বিরক্ত হয়ে অনিতা খিড়কির দোর দিয়ে বেরিয়ে



পড়ল। অনেকখানি জমির উপর তাদের বাড়ীটা,—চার ধারে নানা রকম ফল-ফুলের গাছ। সে একটা শিউলি গাছের তলায় অ্যুশ্রয় নিলে। এখানেও মানুষের কোন চিহ্ন নেই; তবে ত'একটা জাগ্রত প্রাণী তার নজরে পড়ল। দূরে ঐ গোধাল-ঘরের সামনে কালো ভাগলপুরী গাভীটা নিশ্চিন্ত মনে জাবর কাটছে; আর তার কাছেই দাঁড়িয়ে আছে তার ক'দিনের বাছুরটা। পাতার খড়্ খড়্ শব্দে বেশ বোঝা যায় যে, কাটবিড়ালীরা এবার তাদের আহারের অন্বেষণে বেরিয়েছে।

অনিতা ধীরে ধীরে তার জামার ভিতর থেকে একখানা চিঠি বের করলে। চিঠিখানার অবস্থা দেখে মনে হয়, খুব কম করে বার দশেক সেটা পড়া হয়েছে। চিঠিটা আসছে তার বন্ধু সুধার কাছ থেকে। সে লিখেছে :—

“ভাই অনু,

তুই যে একেবারে ডুব দিলি, তোর হ'ল কি? পাড়াগাঁ লাগছে কেমন? আর একটা মাস থাকতিস্ যদি, তা হলে আমরা সব একসঙ্গে কলেজ-ষ্টুডেন্ট হয়ে যেতাম। সত্যি বলছি ভাই, তোকে না হলে মোটেই জন্ম না। আমাদের ক্লাশে অনেক নতুন মেয়ে এসেছে। তবে তারা আমাদের দলের মধ্যে কখনই ঢুকতে পারে না। আর ছাই দলই বা কাকে বলি—আমাদের দল তিই এখন আমাদের ছেড়ে বনবাসে গিয়েছে। ত'মাস হতে চল—তুই একখানাও চিঠি দিলি না। প্রথমে রাগ কবে ভেবেছিলাম, চিঠিই লিখব না। তার পর ভেবে দেখলাম, এতে তোর কিছু হবে না, আমারই লোকসান্, তাই আবার কলম ধরেছি। যাক্, এতে কোন জোর নেই,—তুই যদি মনে কবে নিজের খবরটা মাঝে মাঝে দিস তো সে আমার পরম ভাগি।

এবার কলেজের ক'একটা খবর দিই। আমাদের ইতিহাসের প্রোফেসরটি একটা দেখবার জিনিস। ওঃ, কি তার বাহার! এই লুটিয়ে কোঁচা,—গায়ের প্রায় গরদ কি তসরের পাঞ্জাবি। আমরা তার নাম রেখেছি “জমিদারের জামাইবাবু।”

ও ভাই, এক দিন কি বিপদে পড়েছিলাম—কি আর বলি! কেন যে মরতে হীল-তোলা জুতো পায়ে দিয়েছিলাম, তা সে আমিই জানি। সিঁড়ি দিয়ে উঠতে যাচ্ছি, ওমা এক পায়ের হীল গেল খুলে,—আমার চোখের সামনে দিয়ে সেটা

গড়াতে গড়াতে একেবারে নীচে গিয়ে পড়ল,—আমি একে-বারে হাঁ হয়ে গেলাম। ঠিক সেই সময় জামাইবাবু বেরিয়ে এলেন। হঠাৎ খটাং করে একটা জুতোর হীল তাঁর বাড়ে এসে পড়াতে তিনি তো একেবারে অবাক! কি ভাগি মোটা হেমাঙ্গিনীটা সিঁড়ি দিয়ে সেই মুহূর্তে নামছিল, তাই আমি রক্ষা পেলাম। যেই না ওকে দেখা, অম্নি আমি তার পিছনে সোরে গেলাম। জামাইবাবু উপর দিকে চেয়ে মুটুকুকেই দেখতে পেলেন,—ঠিক ভেবে নিলেন, এ তারই জুতোর হীল। ওঃ, কি বাঁচনটাই বেঁচেছি! আর কখনও হীল-দেওয়া জুতো পরব না এটা ঠিক।

আর এক দিন ভাই, এই বাঁদর স্নেহটার জালায় এই রকম আর একটা বিপদে পড়তে হয়েছিল। জানিস্ তো ভাই, একটু চাটনী না হলে আমার ভাত মোটেই রোচে না, তাতে আবার স্কুলের ভাত। সেদিন চাটনীটা সব ফুরিয়ে গিয়েছিল, তাই স্নেহ বাড়ী থেকে এনে দেবে বলেছিল। যেই ভাই হিঁ হিঁব ক্লাশে ঢুকতে যাব,—ও বাঁদরটা ঠিক তখনই আমার হাতে আচারের বোতলটা তুলে দিলে। আর কি ভাই আমি লোভ সামলাতে পারি? বাইরে দাঁড়িয়েই একটা আমের কুচো মুখে দিলেম। স্নেহ অম্নি ক্লাশ থেকে বেরিয়ে এসে বলে—‘ভিতরে আয়, জামাইবাবু এখনও আসেন নি।’ আমার এক হাতে আচারের বোতল, আর এক হাতে আমের টুকরো,—যেই না এ অবস্থায় ক্লাশে ঢোকা, ওমা চেয়ে দেখি—প্রোফেসর মশায় দিবিা চেয়ারের উপর বসে আছেন। প্রথমটা আমি একেবারে হতভম্ব হয়ে গেলাম। তার পর কোন দিকে না চেয়ে একেবারে দে ছুট। সোজা গিয়ে প্রিন্সিপ্যালকে বললাম যে, আমি হিঁ হিঁ ছেড়ে দেব। তা' তিনি কিছুতেই গুলেন না, আবার আমায় ক্লাশে গিয়ে বসতে হ'ল। এবার একেবারে পিছনে গিয়ে বসলাম। তাতেও কি কিছু হয়? হুটু লোকটা ঘাড় উঁচু ক'রে ক'রে আমার দিকে চায় আর হাসে।

আরও অনেক খবর আছে। তোর যদি চিঠি পাই তবে আবার জানাব। তা' না হলে এ সব রইল।

হ্যাঁ, একটা কথা বলতে ভুলে গিয়েছি কনকের সেই খোকা দাদাকে মনে আছে? সেই যে ব্যক্তি টেনিস খেলা, ঘোড়ায় চড়া, মোটর হাঁকান থেকে আরম্ভ করে পিয়ানো বাজিয়ে গানও করতে পারে? ইলা গুলি না কি

তাকে বিয়ে করবার জন্তে একেবারে পাগল। তাঁর পিছনে সে এমন লেগেছে যে বেচারী ভদ্রলোক না কি শীঘ্র কোলকাতা ছেড়ে কোথায় পালাচ্ছেন। ছিঃ, মেয়েগুলোর কি একেবারে লজ্জা নেই? এ সব “লভে পড়া” মেয়েদের জালায় আমাদেরও নাম খারাপ হয়। ছিঃ ছিঃ, এমন নির্লজ্জের মত একটা পুরুষের পিছনে ছোট্টাছুটি করার চেয়ে গলায় দড়ি দিয়ে মরা ভাল নয় কি?

আজ এখানেই শেষ করা যাক। যে হাতের লেখা,—পড়তে পারলে হয়। লক্ষ্মীটি ভাই, যত শীঘ্র পারিস চিঠির উত্তরটা দিস,—আমি তোমার চিঠির আশায় পথ চেয়ে রইলুম ইতি—

তোমার সু”

অনিতা চিঠিটা শেষ করে আবার যথা স্থানে রেখে দিলে। কত সুখ-হুঃখের কথা ঠিক আলো-ছায়ার মত তার মনের মধ্যে খেলে গেল। মাকে তার মনে নাই, তার বাপই তার সর্বস্ব ছিল। ঠিক ম্যাট্রিক দেবার এক মাস আগে হার্ট ফেলিয়রে তার পিতার মৃত্যু হয়। অনিতা একেবারে অসহায় হয়ে পড়ল। এক দিদিমা আর এক বিধবা মাসি ভিন্ন তার তিন কুলে কেউ ছিল না। এই ছুটি বিধবা জন্মাবধি গ্রামেই বাস করতেন,—তাঁরা কিছুতেই নিজের ভিটা ছেড়ে অনিতাকে নিয়ে কোলকাতায় থাকতে রাজী হলেন না। নিরুপায় হয়ে অনিতাকেই তাদের কাছে পাঠাবার বন্দোবস্ত করা হল। কোলকাতার বসবাস উঠিয়ে দিয়ে অনিতা তার অল্প-পরিচিত দিদিমা ও মাসিমার কাছে চলে গেল।

আজ প্রায় ছয় মাস হ’ল অনিতা দিদিমার কাছে আছে। এত দিনে পল্লীগ্রামের চাল-চলন তার একটু দোরস্ত হয়ে এসেছিল। সুখার চিঠি পেয়ে অবধি কিন্তু অনিতার আর একদণ্ড এখানে থাকবার ইচ্ছা করছিল না। মনে হচ্ছিল, সব ছেড়ে দিয়ে কোলকাতায় পালিয়ে যাব। সেখানে সে অনায়াসে একটা বোর্ডিং-এ থেকে পড়া-শুনা করতে পারে। এ কথা আজ সে দিদিমার কাছে তুলেছিল। তিনি কিন্তু সে কথায় একেবারে কাণ দেন নি। বেশী পীড়াপীড়ি করাতে তিনি বিরক্ত হয়ে বলেছিলেন—“আমার চোন্দপুরুষের মধ্যে কেউ কখন ইঙ্কুলে থাকে নি,—সেই অনাচারীদের মধ্যে আমি তোমায় বেতে দিতে পারব না, আমি মোলে যা খুসী তাই

ধোর।” এর উপর আর কথা বলা চলে না,—অনিতা মুক্তির আশা ছেড়ে দিলে।

অনেকরূপ গাছতলায় বসে সে নিজের ভবিষ্যৎ জীবন সম্বন্ধে চিন্তা করলে। সে বেশ ভাল করেই বুঝেছিল যে, এখান থেকে ছাড়া পাবার তার কোন উপায় নেই। তার বিয়ের বয়স পেরিয়ে গিয়েছে বলে তার দিদিমা আর মাসিমা ভরানক ব্যস্ত হয়ে পড়েছেন,—তার জন্তে তাঁদের লোক-সমাজে মাথা কাটা যাচ্ছে। তাকে বিয়ে করতেই হবে এবং সেটা যত শীঘ্র হয় ততই ভাল। অনেক করে সে তার মনকে বোঝালে; কিন্তু তার বাঁকা মন কিছুতেই সন্তুষ্ট চাইল না। চির জীবন কি তার এই পল্লীগ্রামেই কেটে যাবে? এ কথাটা সে কিছুতেই মানতে চাচ্ছিল না।

রোদ পড়ে এসেছে দেখে অনিতা ভিতরে যাবার চেষ্টা করছিল, এমন সময় দেখে যে, একজন ভদ্রলোক তাদের বাগানের ভিতর দিয়ে এগিয়ে আসছে। তাকে দেখেই বৃদ্ধ বল্লেন—“হ্যাঁ মা, এটা কি অল্পপূর্ণা দেবীর বাড়ী? আমি তাঁর নাত্নীর জন্তে একটা সখ্যক এনেছি।” ফস্ করে অনিতা বলে ফেলল—“তাঁর নাত্নীর বিয়ে হয়ে গিয়েছে।” বৃদ্ধ একটু আশ্চর্য হয়ে বল্লেন—“ও মা, কবে হল? কৈ আমরা তো কিছু শুনি নি? শশী বিশ্বাস সেদিন আমাদের গ্রামে গিয়েছিল। তাঁ সে ত অল্পপূর্ণা দেবীর নাম করে বলে কি যে, তাঁর নাত্নীর বিয়ের বয়স হয়েছে, তার জন্তে যেন একটা পান্তর খুঁজে দেওয়া হয়। আমি এত দিনে ভাল সখ্যক পেয়েছি, তাই তাঁকে বলতে এলাম। তা তাঁর নাত্নীর বিয়ে হয়ে গিয়েছে? যাক, ভালই হ’ল, আইবুড় মেয়ে যত শীঘ্র বাড়ী থেকে বিদেয় হয় ততই ভাল।” অনিতা আর বেশী কিছু বল্ল না, বৃদ্ধও আবার অনেক দূর যেতে হবে বলে একটা গরুর গাড়ীর সন্ধানে চলে গেলেন। অনিতা ধানিক চূপ কবে পথের দিকে চেয়ে রইল; তার পর বৃদ্ধকে যখন আর দেখা গেল না, তখন সে ধীরে ধীরে বাড়ীর ভিতর চলে গেল।

মাসিমা বাড়ী এসে খবর দিলেন, আজ তাঁর সহইএর জামাই কোলকাতা থেকে আসবে; তাই রাতে তাঁদের ওখানেই খাওয়া। মাসিমার সহই বাঁড়ুঘো-গিন্নি লোক ভাল; সকলেরই সঙ্গে তাঁর ভাব। তাঁর বড় মেয়ে সরসীর স্বগুরবাড়ী কোলকাতায়; তার স্বামী নরেন সেখানেই

কাজ করে। সরসীর শরীর খারাপ বলে সে কিছু দিন ল বাপের বাড়ী এসেছে। সরির বরের বিষয়ে অনিতা অনেক কথা শুনেছিল বুটে, তবে তাকে এক দিনও দেখে নি।

সন্ধ্যা হতে আর দেরি নেই,—মাসিমা ঘর থেকে বেরিয়ে দেখেন, তখনও অনিতা রোয়াকে বসে সোণালীর সঙ্গে খেলা করছে। তিনি একটু বিরক্ত হয়ে বলেন—“ও কি হচ্ছে অহু? বেলা গেল যে, কাপড়চোপড় ছাড়বে না? মানুষ খেতে বলেছে বলে কি একেবারে খাবার মুখেই যেতে হয়? যাও—কাপড় ছেড়ে ফেল গে। আর দেখ, একটু ভাল করে ~~সে~~। অনেক তো কাপড় আছে,—বেছে বেছে কি যে সব বুড়র মত সাদা কাপড় বার কর, তার ঠিক নেই”

তার পর একটু সুর নরম করে বলেন—“ওঠ মা, অমন করে বেড়াল ঘাঁটিস নি বাবু, দেখলে গা কেমন করে। যা বাছা যা, ঝপ করে সেরে নে।” অনিতা সোণালীকে কোল থেকে নামিয়ে বলে—“মাসিমা, আমার জন্ম তুমি দাঁড়িও না, তুমি বেরিয়ে পড়, আমি এখন সব সেরে নিচ্ছি, আজ আমার মাথাটা বড় ধরেছে, আমি একটু তাল-বনের দিকে বেড়িয়ে বড় মাসিমার ওখানে সন্ধ্যার আগেই গিয়ে পৌঁছব।”

মাসিমার তখন সেই ওখানে যাবার জন্তে প্রাণ হাঁপাচ্ছে, একবার নিজের মনেই বলেন—“কোলকাতার মেয়েদের ঐ এক রোগ—মাথা ধরা! আমাদের ত বাপু মরবার বয়স হল, মাথা ধরা কাকে বলে তা জানিই না।” কথা শেষ হবার আগেই তিনি বাড়ীর বার হয়ে গেলেন।

অনিতার আজ মাথা ধরার কারণ ছিল। সে আজ দুপুরে যে কাজটা করে ফেলেছে, তার জন্তে তার অনেক ভোগ আছে, সে বেশ স্পষ্টই বুঝতে পারলে। সরসীদের ওখানে যাবার তার কোনই ইচ্ছা ছিল না, কিন্তু না গেলেও নয়। সে চিন্তিত ভাবে কাপড় ছাড়তে গেল। সাদা কাপড় দেখলে মাসিমা চোটে যাবেন, হয়ত সব লোকের সামনেই তাকে বকতে শুরু করে দেবেন, তাই সে নটকানে ছোপান একটা কাপড় পরে বেরিয়ে পড়ল।

সূর্য্য তখনও একেবারে অস্ত যায় নি। পশ্চিম আকাশ-টাকে কে যেন একরাশ আবীর ঢেলে রঞ্জিয়ে দিয়েছে। সবুজ ঘাসের মধ্যে দিয়ে যে বাঁকা পথটা এঁকে বঁকে চলেছে, সেইটা ধরে অনিতা তালবনের ভিতর ঢুকল। মাথার উপর দিয়ে ধবধবে সাদা বকগুলো উড়ে যাচ্ছে একেবারে

ঝাঁকে ঝাঁকে। দূরে গ্রামের ঐ নির্জন পথে কোন রাখাল ছেলের বাঁশীর কঙ্কণ স্বর এই ফান্তনের গন্ধ-ভরা সন্ধ্যা-বাতাসকে পাগল করে কেঁদে কেঁদে মিশিয়ে যাচ্ছে কোন্ শূন্তের মাঝে!

অনিতা ধীরে ধীরে একটা গাছের নীচে এসে বসল। কত এলোমেলো ভাবনা তার মনকে একেবারে গ্রেপ্তার করে ফেলে। এমন সময় মনে হল, কারা যেন এইদিকেই আসছে। তাদের দামী সিগারেটের গন্ধ তাদের আগমনের বাঁশী জানিয়ে দিচ্ছে। এদের মধ্যে একজন যে সরির বর, সে বিষয়ে কোনই সন্দেহ ছিল না। অনিতা একবার ভাবলে পালায়। কিন্তু পালাতে গেলে এদের সামনে দিয়ে যেতে হবে। তার চেয়ে বরং গাছের আড়ালে লুকিয়ে বসে থাকা ভাল। তারা নিশ্চয় এখন চলে যাবে। তারা সরে গেলেই সে ঐ ঘোষেদের আমবাগানের মধ্যে দিয়ে বড় মাসিমার ওখানে চলে যাবে। তাদের যাবার কিন্তু কোন লক্ষণ দেখা গেল না, বরং তারই অতি নিকটে আর এক সারি তালগাছের আড়ালে তারা নিজের আসন গাড়লে।

অনিতা মহা বিপদে পড়ল,—পলায়নের কোন আশা নেই। তারা যতক্ষণ থাকবে, তাকেও ততক্ষণ বসে থাকতে হবে। ভয়ে তার নিশ্বাস ফেলতেও সাহস হল না। সে একেবারে জড়সড় হয়ে এক পাশে চুপ করে বসে রইল।

দু’জন লোকের মধ্যে একজন বলে—“ওহে, এখানে কি নটকানের গাছটা আছে না কি? আমি যেন নটকানের গন্ধ পাচ্ছি।”

ভয়ে অনিতার নিশ্বাস বন্ধ হয়ে যাবার যোগাড় হল; এইবার যদি ধরা পড়ে! এর চেয়ে এদের সামনে দিয়ে চলে যাওয়াও যে ছিল ভাল!

অপর লোকটি একটু হেসে বলে—“দূর পাগল, এখানে আবার নটকানের গাছ কোথায়? এখানে বেশীর ভাগই তো তাল গাছ, এর নামই যে তালবন।”

সরির বরটা কি বোকা, কলকাতার মানুষ বলে কি তাল গাছও চেনে না? অনিতার হাসি পেল। লোকটি কিন্তু নাছোড়বান্দা, সে আবার বলে—“গাছ থাকুক বা না থাকুক, আমি কিন্তু নটকানের গন্ধ পাচ্ছি।” পুরুষ মানুষের এত নাক? সরির সৌখীন বরের জালায় যে অস্থির!

অপর লোকটি বলে—“বোধ হয় এদিক দিয়ে কেউ

নটকান নিয়ে গিয়েছে, তারই গন্ধ বাতাসে রয়ে গিয়েছে।”

“হবে।”

তার পর সে আবার বললে—“আঃ, এই নটকানের গন্ধটা আমার বড় ভাল লাগে,—কত কথা যে মনে পড়ে! সত্যি, এ গন্ধটা আমায় একেবারে পাগল করে তোলে।”

“কি কথা মনে পড়ে শুনি?”

“ও, সে অনেক কথা।”

“আরে বল না ছাই শুনি।”

খানিক বাদে সরির বর বললে—“জানিস, এই নটকানের গন্ধ পেলেই আমার মনের মধ্যে একটি মেয়ের ছবি জেগে ওঠে—”

অনিতা অন্য় জেনেও সরির বরের কথাগুলো শোনবার জন্তে কাণ খাড়া করে রইল।

—তার রংটা খুব সাফ নয়, এই উজ্জল শ্রামবর্ণ হবে। কি জানি কেন নটকানের সঙ্গে আমার খুব ফর্সা রং ভাল লাগে না। তার চোখ দুটো বেশ ভাসা-ভাসা; তবে সব থেকে ভাল তার মিষ্টি মুখের হাসিটি। বেশ ছিপছিপে দোহারা চেহারা—মোটামুঠো আমি ত’চক্ষে দেখতে পারি না, তবে একেবারে খুব রোগাও ভাল না,—বেশ গোল-গোল গড়ন, আর তার মাথায় একরাশ চুল। মেয়েদের এই চুলের মধ্যে যে কতখানি সৌন্দর্য লুকান থাকে, তা বলা যায় না। আমার মনে হয়, আমি মানুষ বাদ দিয়ে শুধু একরাশ কালো কঁকড়া চুলকে ভালবাসতে পারি।”

বন্ধু তার কথায় বাধা দিয়ে বললে—“আরে থাম থাম, একেবারে অত কবিত্ব করিস নি, আমার এই মোটা বুদ্ধিতে তত ভার সহাবে না। দাঁড়া কতদূর গিয়েছিস—মেয়েটির মাথায় গাদা গাদা চুল আছে, তার পর?”

“থাম, তুই অমন ভাবে বলিসনি,—সব মাটি হয়ে যাবে। তার মাথায় একরাশ চুল একেবারে পিঠ ছাপিয়ে পড়েছে। ভাঙ্গা ভাঙ্গা চুলের গুচ্ছগুলো তার গালে কপালে সারাক্ষণই খেলা করছে, আর তার কপালে জল-জল করছে একটা বড় সিঁদুরের টিপ। এই নটকানের মূহু গন্ধ নিয়ে সে যখন সরল সহজ গতিতে কাছ দিয়ে চলে যাবে, তখন মনে হবে—”

বাস্তব হয়ে বন্ধু বলে উঠল—“যথেষ্ট হয়েছে, এবার কান্দ হও। এসব রাত-দিন কবিতা পড়বার ফল।

আজিকালকার এই কাজের দিনে নটকানের শাড়ী পরে কেউ তোমার মন ভোলাতে আসবে না। গৃহিণীরা কাজের ভিড়ে ওসব কবিত্ব করবার সময়ই পান না।”

“আরে বোকা, এ সব যে হবার নয় তা কি আমি জানি না? না, আমি আমার জীব মধ্যে এসব খুঁজতে যাব? জী তো হল আটপৌরে ভিনিস,—এটা হ’ল আমার মানস প্রতিমা, এ মনেই থাকে।”

অনিতার বলতে ইচ্ছা করছিল—“মানস-প্রতিমার সঙ্গে জীব কি কোন্ মিল হবার উপায় নেই? এ দুটোকে কোন রকমে জোড়া তাড়া দিয়েও কি এক করা যায় না?—” বন্ধু দাঁড়িয়ে উঠে কাপড় ঝাড়তে ঝাড়তে বললে—“আচ্ছা, আপাততঃ তোমার মানস-প্রতিমা তোমার মনেই থাক, এখন বাড়ী যাওয়া যাক চল।” দুই বন্ধুতে বাঁড়ুযোদের বাড়ীর দিকে চলে গেল।

খিড়কির দোর দিয়ে অনিতা বাঁড়ুযোদের বাড়ী ঢুকল। রান্নাঘরের দিকটা একেবারে খালি। কেবল এক কোণায় মতিঝি উবু হয়ে বসে কলাপাতা ধুচ্ছিল। সে তাড়াতাড়ি মতিকে অল্প কাজে পাঠিয়ে দিয়ে, নিজেই পাতা ধুতে আরম্ভ করে দিলে। কিছুক্ষণ পরে তার মাসিমা আর সরির মা সেদিকে এসে অনিতাকে দেখে একেবারে অবাক। মাসিমা গালে হাত দিয়ে হর করে বললেন—“ও হরি, এখানে বসে পাতা ধোয়া হচ্ছে? আমরা ভেবে মরি—মেয়ে এখনও বাড়ী এল না কেন। এই মাসির ভজাকে লঠন নিয়ে তালবনে যেতে বলব তাব’ছিলুম, তা এসে একটু খবর দিতে হয়—”

সরির মা একটু এগিয়ে এসে বললেন—“হ্যাঁ রে অম্ম, তোকে কি আমি পাতা ধুতেই ডেকেছি না কি? পাড়ার সব বৌ-ঝিতে মিলে ওপরের ঘরে কত হাসি-ঠাট্টা করছে, আর তুই সেই অবধি একা বসে পাতা ধুচ্ছিস? যা মা, উপরে যা, সরি সেই অবধি অম্ম অম্ম করে হেদিয়ে গেল। মতিটাকে বললাম পাতা কটা ধুয়ে দিতে, তা সে নিশ্চয় পান-দোকান নাম করে পালিয়েছে—! এই মাগীগুলোকে নিয়ে আর পারি নে বাবু।”

অনিতা তাড়াতাড়ি বলে উঠল—“না, বড় মাসিমা, মতির দোষ নেই, আমিই ওকে ছুটি দিয়েছি। “উপরে যাবার আগে তাব’ছি, খাবার জায়গাগুলো করে দিয়ে যাই।”

“না, তোকে ওসব করতে হ’বে না। এমন মেয়েও তো

কোথাও দেখি নি। কোথায় একটু আমোদ-আহ্লাদ করবে,—না, কেবল কাজ আর কাজ। আমরা বুড়ীরা সব রয়েছি কি করতে ?”

“না বড় মাসিমা, আমাকে করতে দাও, তোমরা গল্প করতে যাও। চিরকালই কি তোমরা খাটবে না কি ? আমি এক দণ্ডের মধ্যে সব সেরে নিচ্ছি। বাইরের ঐ বসবার ঘরেই তো খাওয়ান হবে ? সেইখানেই পাতা সাজাইগে যাই।” অমু জায়গার বন্দোবস্ত করতে চলে গেল।

সরির মা স্নেহে অনুর দিকে চেয়ে বলেন—“সই, অনুর মত মেয়ে বাপু দেখা যায় না,—ও যার হাতে পড়বে লক্ষ্মী তার ঘরে বাধা থাকবে।”

• মাসিমা ক্ষুদ্র একটি নিশ্বাস ফেলে বলেন—“ও যে কার হাতে পড়বে আমার এখন তাই ভাবনা। পেটে তো কাউকে ধরিনি আমি—এক রকম ঐ সব চিন্তে থেকে রেহাই পেয়েছিলাম। এখন আবার ঐ মেয়েটা এসেছে। যা হোক করে ওর একটা উপায় করে দিতে হবে তো ? আপন বলতে ওর আর ~~ক~~ আছে বল ? আমাদের ছই মায়ে ঝিয়ের সময় তো হয়ে এল,—কখন আছি কখন নেই। এই বেলা যদি ওকে কার হাতে দিয়ে দিতে পারি, তবেই নিশ্চিন্দ। ওর কপালে কি আছে তা ভগবানই জানেন।”

যার সম্বন্ধে এই আলোচনা চলছিল, সে তখন এক-মনে খুঁরি গেলাস সাজাচ্ছিল। খানিক পরে সরির ছোট ভাই রমু এসে বলে—“এই যে অনুদি, ঘরে পাণ আছে ? জামাই বাবু যে পাণ পাণ করে অস্থির হচ্ছেন।”

“ঘরে পাণ থাকবে না কেন ? একটু দাঁড়া আমি এখুনি এনে দিচ্ছি।”

ভাঁড়ার খুলে পাণ আনতে বেশ একটু সময় গেল। ফিরে এসে অনু দেখে, রমু তো নেই, উল্টে মেজেতে খানিকটা রস ছুড়ান। রসগোল্লার হাঁড়ির দিকে লক্ষ্য করে দেখে, তার মধ্যে থেকে কতকগুলো রসগোল্লা বেশ বেমালুম উবে গিয়েছে। পাণের থালা নামিয়ে রেখে সে আবার কাজে মন দিলে। খানির পরে কার পাণের শব্দ শোনা গেল। অনু পিছনে না ফিরেই বলে—“এই বাঁদর ছেলে, পাণের নাম করে রসগোল্লা চুরি করে পালান হয়েছে ?” তার পর ফিরে দেখে সামনে দাঁড়িয়ে আছে একজন নিতান্ত অপরিচিত ভদ্রলোক। ইনিই যে সরির বর তাতে আর

কোন সন্দেহ নেই। অনিতা প্রথমটা অপ্রস্তুত হয়ে কি করবে বুঝতে পারলে না। তার পর তখুনি নিজেকে সামলে নিয়ে বলে—“জামাই বাবু বুঝি ? এই দেখুন না রমুর কাণ্ড, আমাকে পাণ আনতে পাঠিয়ে নিজে বেশ রসগোল্লার সন্ধ্যাবহার করে রেখেছে।”

সরির বর একটু হেসে বলে—“রমুটা তো ভারি ছুট্টু হয়েছে।”

• “আর বলেন কেন ? সারাদিন যে কি দস্তিপনা করে বেড়ায়, তার ঠিক নেই।” দুজনেই হাসতে লাগল। তার পর অনু বলে—“শেষে পাণের জন্তে নিজেকেই আসতে হ’ল ? একটা চাকর পাঠিয়ে দিলেই হ’ত।”

“কাউকে ওদিকে দেখতে পাওয়া গেল না।”

“সত্যি—চাকরগুলো যে সব কোথা পালিয়েছে ! আপনি দুদিনের জন্তে এসেছেন, তাও তেমন যত্ন হচ্ছে না। সত্যি—এটা আমাদের বড় অন্তায়।”

“এতে অবজ্ঞাটা কোনখানে হল ?”

“লজ্জার খাতিরে আপনি এখন তো ও-সব বলবেনই। দেখবেন, কোলকাতা গিয়ে পাড়ারগায়ের মেয়েদের নিন্দে করবেন না যেন।”

• “নিদের তো কিছু দেখছি না।” নরেন একবার অনিতার দিকে চকিতে চেয়ে দেখলে। সে দৃষ্টিতে প্রশংসা বেশ স্পষ্ট করেই লেখা ছিল।

“পাণ নিন।”

অনিতা পাণের থালা এগিয়ে দিয়ে যাবার মত লব করছে দেখে নরেন বলে—“আপনার সঙ্গে আমার সম্পর্কটা কি ?”

“সম্পর্কটা বেশ মধুর,—সরি আমার বোন হয়। আমার আর আপনি বলতে হবে না,—সরি আমার থেকে বয়সে বড়।”

“তোমাকে কি বলে ডাকব ?”

অনিতা বর থেকে বেরিয়ে যেতে যেতে বলে—“সরি যা বলে ডাকে তাই বলে ডাকবেন।”

“সেটা কি ?” ঘরের বাইরে থেকে শুধু একটি কথা শোনা গেল—“অমু।”

রাত্রে বাড়ী এসে অনু নিজের খাটটা জানলার কাছে টেনে নিয়ে শুয়ে পড়ল। টাদের আলো চোখের উপর

পড়াতে ঘুমের ব্যাধাত হচ্ছিল, তবুও সে খাটখানা সরালে না। চোখের উপর হাত রেখে সে ঘুমবার চেষ্টা করছিল, এমন সময় দূর থেকে মনে হ'ল কে যেন গান গাচ্ছে। প্রথমটা গানের কথাগুলো ভাল শোনা যাচ্ছিল না। পরে একটা পরিচিত গানের কথা ভেসে এল—“আজ মনে মোর যে সুর বাজে কেউ তা শোনে নাই কি? একলা প্রাণের কথা নিয়ে একলা এদিন যায় যে!” আঃ! সরির বরের কি সব গুণই আছে? পৃথিবীতে এক-একজন কি স্বামীভাগ্য নিয়েই না জন্মায়!

সেদিন সকালে বারাণসীর বসে অনিতা পাণ সাজছে, এমন সময় রমু এসে সংবাদ দিলে যে, আজ ছপুর্নে পাণ সাজতে তাদের ওখানে অনিতাকে যেতে হ'বে, তার মা বলে পাঠিয়েছে। অনিতার রমুর কাছ থেকে অনেক কথা জানবার ইচ্ছা ছিল, কিন্তু রমু তাঁর বক্তব্য শেষ করে তখনই কোথায় উধাও হয়ে গেল। কুলগাছ-তলায় গেলে তাকে দেখতে পাওয়া গেলেও যেতে পারত।

ছপুর্ন বেলা খেয়ে অনিতা সরসীদের বাড়ী যাবার জন্তে প্রস্তুত হল। তার মাসিমা তখন বারাণসীর বসে ভেঁতুল কাটছিলেন। তিনি অনিতাকে যেতে দেখে বল্লেন—“অনু, ঘোষেদের আম-বাগানের মধ্যে দিয়ে যেও, রাস্তায় এ সময় ছোঁড়াগুলো বজ্র ছটোপাটি করে।” তার পর অনিতার দিকে একবার চেয়ে বল্লেন—“ও কি, ভিজ়ে চুলগুলো অমন করে পৌঁটলা পাকিয়েছ কেন? চুলগুলো যে সব যাবে! একে তো মাথায় তেলের নাম নেই!” অনিতা হেসে বল্লেন—“মাথায় রোজ এক পো' করে তেল দিই—তাও হয় না?” “হ্যাঁ, দাও বৈ কি? এক কোঁটা পড়ে তো যথেষ্ট।” তার পর অমুর মুখের দিকে চেয়ে বল্লেন—“একটা পাণ মুখে দে না, কি যে মেমেদের মত সাদা ধ্বংসবে দাঁত, দেখতে ভাল লাগে না।” অনিতা হাসতে হাসতে একটা পাণ মুখে দিয়ে বেরিয়ে পড়ল।

আমবাগানের মধ্যে দিয়ে সে বরাবরই যাওয়া-আসা করে,—এ জায়গাটা তার বড়ই প্রিয়। খানিক দূর গিয়ে সে দেখে যে, একটা বড়-ওপড়ান গাছের গুঁড়ির উপর বসে সরির বর নিশ্চিন্ত মনে সিগারেট খাচ্ছে। তাকে দেখেই সে সিগারেট ফেলে দিয়ে উঠে দাঁড়াল। একটু হেসে সে বল্লেন—“কোথা যাওয়া হচ্ছে?”

“এই আশনাদেরই ওখানে।”

“এ সময় যে? গান তো বিকেলে হবে।”

“মাহুঘের গান শোনা ভিন্ন আর কোন কাজ থাকতে পারে না বুঝি?”

“তা থাকবে না কেন? তবে তুমি কি সত্যি কাজ করতে যাচ্ছ?”

“কেন, বিশ্বাস হয় না? আপনার স্ত্রীই বুঝি এক কাজের লোক?”

“তা কি আমি বলছি? তুমি কেন এমন গায়ে প'ড়ে ঝগড়া করছ?”

“এখন তো সব দোষ আমারই হবে। জানেন, আমি ঠিক করেছিলাম—সরিকে আপনার মনের মত সাজিয়ে দেব, কিন্তু আপনি যদি শুধু শুধু আমার সঙ্গে লাগেন তো কখনই দেব না।”

“না—না, মাপ কর, অত বড় শাস্তিটা একেবারে দিও না। আচ্ছা এখন বল তো তাঁকে কি রকম সাজাবে?”

“এখন কেন বলব? রাত্রে তো দেখতেই পাবেন।”

“তবু এখন একবার শুনে রাখি ভাল। যদি তুমি আমার পছন্দটা ঠিক না বুঝে থাক, আমি এই বেলা শুধু দিতে পারি।”

“আমায় আর শোধ্রাতে হবে না, আমি ঠিক জুনি। বলব? আচ্ছা বলুন তো, আপনার নটকানের গন্ধটা কেমন লাগে?”

“ছি: অনু, তুমি লুকিয়ে আমাদের কথা শুনে নিয়েছ? এটা কিন্তু তোমার অন্তায় হয়েছে।”

অনু কিছুমাত্র লজ্জিত না হয়ে বল্লেন—“আমার কি দোষ,—আমি তো আর ইচ্ছে করে শুনি নি। আমি আগে থেকে সেখানে বসে ছিলাম। আপনাদের প্রাইভেটলি যদি কিছু বলবার ছিল, তো ভাল করে দেখে নিলেন না কেন? শুনুন, অত ভয় পাবেন না, আমি সরিকে একটি কথাও বলি নি,—বলবও না।”

“আচ্ছা, তুমিই সেদিন নটকানের কাপড় পরে বসে ছিলে?” নরেন একবার অনিতার খোলা চুলের দিকে চাইলে। স্ত্রীলোকের চুল সখঞ্জে নরেনের মতটা মনে পড়ে যেতে লজ্জায় অনিতার মুখখানা রাঙা হয়ে গেল। সে

তাড়াতাড়ি বলে—“আমি এবার পালাই—অনেক দেরি হয়ে গেল।”

নরেন তাকে ধরে রাখবার চেষ্টা করলে না—কেবল যতদূর দেখা গেল, সে একদৃষ্টে অনিতার দিকে চেয়ে রইল।

ছপুরে অনিতা একটা বই নিয়ে শোবার চেষ্টা দেখছে, এমন সময় বাইরে থেকে কে হাঁকলে—“মা সরস্বতী বাড়ী আছ ?”

অনিতার মাসিমা তাড়াতাড়ি বেরিয়ে এসে বলেন—“এই যে আশুন, ভিতরে আশুন।”

আগন্তকের গলা পেয়েই অনিতা বুঝেছিল, এ শশি বিশ্বাস ছাড়া আর কেউ নয়। সে নিশ্চয় তারই সন্ধকে কিছু বলতে এসেছে। অনিতা যা সন্দেহ করেছিল, তাই ঠিক হ'ল। অনেকবার হেঁচো, কেসে শশি বিশ্বাস যা বলেন, তার মর্ম এই যে, মিথ্যা কথা বলে সরস্বতী দেবীরই বাড়ীর একজন অন্নুর একটি ভাল পাত্র হাতছাড়া করে দিয়েছে। অনেক বিবেচনার পর চ'জনে মিলে ঠিক করলেন যে, রাধু বি ছাড়া এ কাণ্ড আর কারুর নয়। সরস্বতী দেবী ক্ষুব্ধ হয়ে বলে উঠলেন—“ঠিক ঠিক, এ নিশ্চয় রাধুর কাণ্ড, ঘুম টুমে খেয়েছে বোধ হয়। আশুক না মাগী,—তাকে কোঁটয়ে বিদেয় করে তবে ছাড়ব। যার শীল তারই নোড়া, তারই ভাঙ্গে দাঁতের গোড়া। আমাদেরই খেয়ে-পরে মানুষ হলি, আর আমাদেরই সঙ্গে এই বাধ সাধা। কলি কাল কি না ?”

এরপর মিষ্টিমুখ করে শশি বিশ্বাস বিদায় হলেন। তাকে বেরুতে দেখে অনিতা ঘর থেকে বেরিয়ে এল; আস্তে আস্তে মাসিমার কাছে নিজের অপরাধ স্বীকার করলে। অনিতার কথায় মাসিমা একেবারে গালে হাত দিয়ে বসলেন—“ও মা, এমন করে শক্রতা করতে হয় ? আমরা তোমার কি করেছি অন্নু ? এই বড় বয়সে কোথায় একটু হরিনাম করতে করতে চোখ বুজব, না কেবলই আমাদের সংসারের মধ্যে জড়িয়ে রাখবি ? আর-জন্মে তুই আমাদের কে ছিলি যে, এ জন্মে শাস্তিতে মরতেও দিবি নি ? এমন স্বার্থপর কবে থেকে হলি অন্নু ? আমাদের মান অপমানের দিকে কি একবারও চেয়ে দেখতে নেই ?”

অশ্রুপূর্ণ কণ্ঠে অনিতা বলে—“মাসিমা আর বোলো না,—আমি সত্যি তোমাদের প্রতি অন্তায় করেছি। আমি এত দিন কেবল নিজেরই বিষয় ভাবছিলাম; তোমাদের দিক দিয়ে দেখি নি। আমি আজ তোমার কাছে

প্রতিজ্ঞা করছি—তুমি যাকে বিয়ে করতে বলবে, তাকেই করব, আর একটিও আপত্তি তুলব না।” অনিতা চোখের জল সামলাতে না পেরে তাড়াতাড়ি নিজের ঘরে চলে গেল।

বিকেল বেলা, একটু খোলা হাওয়ার আশায়, আম-বাগানের পাশ দিয়ে যে ছোট মাঠটি গিয়েছে, সেইখানে একটা বকুল গাছের নীচে অনিতা এসে বসল। অনেক কথাই আজ তার মনে পড়ল। সে সব স্মৃতি যত শীঘ্র মন থেকে মুছে যায়, ততই ভাল। তা না হলে, সে মাসিমার কাছে যে কাজ করতে স্বীকার হয়েছে, সে কাজ করা তার পক্ষে অসম্ভব হবে। সে কিছুতেই বুঝতে পারলে না—এখনকার মেয়েরা কি করে অচেনা, অজানা লোকের হাতে নিজেকে সমর্পণ করে, সেই বা কেন পারছে না ? হঠাৎ সরির কথা তার মনে পড়ল—সেও তো বিয়ের আগে নরেনকে দেখে নি; শুভদৃষ্টির সময় প্রথম সে যখন তাকে দেখলে, তখনই যে সে তাকে স্বামী বলে বরণ করে নিলে, এটা কিছু আশ্চর্য নয়। কিন্তু সকলেরই কি সরির মত ভাগা ? তার অন্তরের মধ্যে যে বেদনাটা চাপা ছিল, সেটা এবার রূপ ধরে অশ্রু হয়ে ঝরে পড়ল।

একটি মনুষ্য-মূর্তি যে তারই দিকে এগিয়ে আসছে, সেটা অনিতা একেবারে টের পায় নি। সে যখন অতি নিকটে এসে বলে—“ওঃ, তুমি ? আমি ভাবলাম, বনদেবী-টেবী হবে।” তখন অনিতা চোখ তুলে তার দিকে চাইলে,—তার চোখের জল তখনও শুকায় নি। বৃষ্টির পর ফুলের মধ্যে যেমন ছ' এক ফোঁটা জল রয়ে যায়, অনিতারও চোখের কোণে জলের রেখা ঠিক সেইরূপ স্পষ্ট হয়ে ফুটে উঠল। নরেনের মুখের হাসি মুহূর্তের মধ্যে মিলিয়ে গেল। সে একটু ঝুঁকে পড়ে ব্যথিত কণ্ঠে জিজ্ঞেস করলে—“অন্নু কঁাদছ ? কি হয়েছে তোমার ?”

“বিশেষ কিছু নয়।” অন্নু হাসবার চেষ্টা করলে,—সে হাসি কান্নার চেয়েও করুণ।

“তোমাকে প্রণয় করবার অধিকার আমার নেই। তবে যদি কোন কাজে আসতে পারি, তো বন্ধু মনে করে নিঃসঙ্কোচে আঞ্জা কর।” নরেনের কথায় অনিতার চোখ জলে ভরে এল। সে তার কাছ থেকে সেটা লুকোবার আশায় চোখ নামালে।

“অন্নু, আমার খুব বিশ্বাস, তুমি বিশেষ রকম একটা আঘাত পেয়েছ, তা না হলে এমন করে কঁাদতে না।”

“আমার কাঁদবার কারণ শুনলে আপনি হাসবেন।”

“সেটা পরীক্ষা করেই দেখ।”

“সত্যি বলছি, এমন কিছুই নয়।” তার পর একটু থেমে বলে—“আমি এই মাত্র মাসিমাকে বলে এলাম যে, তিনি যার সঙ্গে আমার বিয়ে দেবেন আমি তাকেই বিয়ে করব,—সে কানাই হোক বা খোঁড়াই হোক। ও কি? এমন গম্ভীর হলেন কেন? হাসছেন না যে বড়?”

“এর মধ্যে হাসবার তো কিছু দেখছি না।”

“আপনি তা’ হলে আমারই মত বোকা। এই সারা গ্রামে এমন একটিও লোক পাবেন না, যে এর মধ্যে কাঁদবার কারণ দেখতে পাবে।”

নরেন চুপ করে রইল,—মনে হল, কি যেন ভাবছে। অনিতা একটু হেসে বলে—“আচ্ছা, বলুন তো, যদি আমার কেউ দেখতে আসে, তো আমার কি কি পরীক্ষা দিতে হবে? ভিজ্ঞে পায়ে ছাপ নেবে? হাত ধুইয়ে দেখবে রংটা আসল কি নকল?”

“খামো, আমার এ সব কথা শুনতে একটুও ভাল লাগে না।”

“রাগ করছেন কেন? এ ত কিছু নতুন নয়! আপনি না হয় কোলকাতার মানুষ, তাই সরিকে এসব পরীক্ষা দিতে হয় নি,—সকলের তো আর তা’ হয় না।” তার পর নরেন কোন উত্তর দিল না দেখে অনিতা বলে—“সন্ধ্যা হয়ে এল, বাড়ী যাওয়া যাক।” সে উঠে দাঁড়াল, হাসবার কথা চেষ্টা করে বলে—“আজ আমার নিজের উপর এত ঘৃণা হচ্ছে,—আমি এত দিন জানতাম না যে, কথা দিয়ে কথা রাখবার মত সাহস আমার নেই।” সে দ্রুতপদে বাগান দিয়ে বেরিয়ে গেল।

সারা রাত কেঁদে কাটাবার পর সকালবেলা মাথার যন্ত্রণায় সে বিছানা থেকে উঠতে পারলে না। তার চোখ মুখ লাল দেখে মাসিমা, জ্বরের আশঙ্কায় তাকে দু’দিন শুইয়ে রাখলেন।

পরদিন দুপুরে অনিতা সরির সঙ্গে দেখা করতে বেরল। বাড়ী থেকে একটু দূরে যেতেই পুঁটির সাক্ষাৎ মিলল। পুঁটি বিশেষ মুখরা মেয়ে, তার উপর সে অনিতাকে দু’চক্ষে দেখতে পারত না। সে একটু মুখ টিপে হেসে বলে—“কি গো, বিরহিনীর মত কোথা যাওয়া হচ্ছে?” পুঁটির কথা বলবার ধরণটা অনিতার মোটেই ভাল লাগল না,—সে কোন উত্তর

না দিয়ে এগিয়ে চলল। পুঁটি কিন্তু খাম্বার মেয়ে নয়, সেও এগিয়ে গিয়ে হেসে বলে—“কি চলানটা চলানি ভাই! বিজয় বাবু চলে গিয়েছে বলে একেবারে দু’দিন বিছানা থেকে উঠতেই পারলি না? লোকের বর বিদেশে গেলেও তুমি কেউ এমন করে না।” পুঁটির কথার কোন মানে না বুঝতে পেরে অনিতা বিরক্ত হয়ে বলে—“সকাল থেকে কি বাজে কথা বকতে আরম্ভ করেছ; সর, আমি যাই।”

“যাও না, আমি কি তোমায় ধরে রেখেছি? আমরা গরীব মানুষ, তোমাদের মত বড়লোকের সঙ্গে কথা বলবার যোগ্য নই, তা কি আর আমি জানি না? বড়লোকের সবই সোভা পায়। আমরা যদি আজ এ কলেঙ্কারীটা করতাম, তা’ হলে গাঁয়ের আর পাঁচজনায় এসে এক গালে চুণ আর এক গালে কালি মাখিয়ে একেবারে দূর করে দিত।”

অনিতার এবার সত্যি রাগ হল। পুঁটির সব কথা সে বুঝতে পারলে না বটে, তবে এটা সে স্পষ্ট বুঝলে যে, তাকে কোন একটা অস্ত্রায় কাজের জন্তে দোষী করা হচ্ছে। পথে দাঁড়িয়ে পুঁটির সঙ্গে এসব বিষয় আলোচনা করবার ইচ্ছা তার মোটেই ছিল না; তাই সে কিছু না বলে বাড়ীর দিকে চলে গেল। যেতে যেতে সে শুনলে পুঁটি বলে—“ঈশ, চলল দেখ না, যেন মহারাণী,—সকলে যখন শুণের কথা শুনে, তখন গ্রাম ছেড়ে পালাতে হবে।”

সন্ধ্যা বেলা অনিতা সরসীদের বাড়ী গিয়ে দেখে, সরি ছাতে বসে আছে। তার মুখ দেখে মনে হ’ল, তার কি একটা হয়েছে। খানিক বাজে কথার পর সরসী বলে—“ভাই অম্ম, তোর নামে একটা কথা শুনলাম, তুই যদি রাগ না করিস তো বলি।”

“রাগ করব কেন? বলই না কি শুনেছি?”

“লক্ষীছাড়া পুঁটিটা ভাই তোর নামে যা’ তা বলে বেড়াচ্ছে। তুই না কি ভাই রোজ লুকিয়ে লুকিয়ে আম-বাগানে বিজয় বাবুর সঙ্গে দেখা করতিস? ওই পেঁচা-মুখো মেয়েটা না কি সব দেখেছে। আজ দুপুরে এই নিয়ে সে ঘোঁট করতে এসেছিল, আমি দু’ ধমকে তাকে ভাগিয়ে দিয়েছি।”

শরীরের সব রক্ত যেন এক ঝলকে অনিতার মুখে এসে পড়ল। ধীরে ধীরে সে জিজ্ঞেস করলে—“বিজয় বাবু কে?”

“বিজয় বাবু এঁরই এক বন্ধু।”

“তাকে তো আমি দেখি নি।”



“দেখলি, আমি ঠিক জানি এর ভিতর এক বাণী কড়িও সত্যি নেই। পুঁটিটার মত মিথ্যাবাদী ছনিয়ার ছ’টো নেই, পরনিন্দা পেলে ও আর কিছু চায় না।” সরি একটি আরামের নিশ্বাস ফেলে।

“দাঁড়া ভাই, পুঁটির সব দোষ নয়, আম-বাগানে যেতে-আসতে ছ’ একবার তোর বরের সঙ্গে দেখা হয়,—ও হয় ত তাকেই বিজয় বাবু বলে ভুল করেছে।”

“কি বলি অমু, এঁর সঙ্গে তোর আলাপ হয়েছে? ওমা লোকটা কি ঠাকা! এই কাল রাত্রে সরি আমায় বলা হচ্ছে—‘তুমি এত অমু অমু কর, কিন্তু কৈ আমার সঙ্গে তো আলাপ করিয়ে দিলে না।’ আমার অত মনে ছিল না যে তুই ঠুকে দেখিস্ নি,—এঁর কথাতে সেটা মনে পড়ল। তাই এঁনাকে বলেছিলাম, আজ যেন সকাল সকাল বাড়ী আসেন,—তোর সঙ্গে পরিচয়টা করিয়ে দেব। এই এল বলে। আচ্ছা লোক যা হোক—এত রঙ্গও জানেন।”

সরির কথা শেষ হবার আগেই সিঁড়িতে পায়ের শব্দ শোনা গেল—“ঐ যে আসছেন।” সরসী মাথার কাপড়টা তাড়াতাড়ি টেনে দিলে। নবেন ছাতে পৌঁছবার আগেই অনিতা একটু বাঙ্গ করে বলে—“কি নরেন বাবু, আমায় না কি আপনি চেনেন না?” মুখের কথা আর বের হল না,—অনিতা একজন নিতান্ত অপরিচিত লোকের দিকে স্তম্ভিত হয়ে চেয়ে রইল।

এর পর অনিতা বাড়ী থেকে বের হওয়া একেবারে ছেড়ে দিলে। সকলেই তাকে নিয়ে আলোচনা করে। কেউ মেয়ের দোষ দেয়; কেউ বা আবার বলে, এতে অনিতার দোষ নেই। তবে বিজয় তো বরাবর জান্ত যে, অনিতা তাকে নরেন বলে ভুল করেছে? তবুও যখন সে তার এ ভুল ভাঙ্গায় নি, তখন ধরে নিতে হবে—তার কোন কু-অভিসন্ধি ছিল।

বাড়ীর বাগানটাই এখন অনিতার বেড়াবার এক মাত্র স্থান। বাগানের এক কোণে কতকগুলো গোলাপ ফুলের গাছ ছিল। আজকাল আর বড় তাদের যত্ন হয় না, তবুও গরীবের মেয়ের মত অনাদরে মানুষ হয়েও তারা বেশ বেড়ে উঠেছে। সেইখানেই অনিতা প্রায়ই বসে থাকত। সন্ধ্যা নামতে, অনিতা ভিতরে যাবার উত্তোষ করছে, এমন সময় বিজয় তার কাছে এসে বলে—“অনিতা একটু বস, তোমার সঙ্গে অনেক

কথা আছে।” সহসা এমন স্থানে বিজয়কে দেখে তার মুখ দিয়ে একটিও কথা বের হল না।

বিজয় বলে—“আমি প্রথম থেকেই জান্তাম, তুমি আমার নরেন বলে ভুল করেছ। সেদিন তোমাকে প্রথম দেখে মনে হয়েছিল, হঠাৎ ভগবান বুঝি আমার প্রতি বিশেষ দয়া করে আমার মানস-প্রতিমাকে রূপ দিয়ে আমার তৃপ্তির জন্ত পাঠিয়েছেন। তার পর তুমি আমার সঙ্গে না জেনে যে সম্পর্কটা পাতালে, সেটা উপেক্ষা করবার মত ক্ষমতা আমার ছিল না। আমি বুঝেছিলাম, তোমার সঙ্গ পেতে হলে এ ছলনাটা রাখতেই হবে। আমি এখন বুঝছি—এ কাজটা করা কতদূর অন্তায় হয়েছে। ছ’দিন হল আমি কোলকাতায় গিয়েছিলাম, আজ এসে আমি সব শুনলাম। আমারই দোষে লোকে তোমার নামে যা’ তা’ বলতে সাহস পেয়েছে,—” বিজয়ের গলার স্বরটা ভেঙ্গে গেল। একটু পরে নিজেকে সামলে নিয়ে আবার সে বলতে শুরু করলে—“আমি যখন বুঝলাম, তোমাকে না হ’লে আমার আর এক দিনও চলবে না, তখনই আমি বাড়ী গেলাম। ছোট বেলা থেকে মার আশীর্বাদ না নিয়ে আমি কোন কাজে হাত দিই নি। তাই আমার জীবনের এত বড় ব্যাপারটা তাঁকে না বলে থাকতে পারলাম না। তাঁর আশীর্বাদ মাথায় নিয়ে এইমাত্র এখানে এসে পৌঁছেছি। এসেই যা শুনলাম, তাতে আরও স্পষ্ট করে মনে হচ্ছে, আমি কোন অংশে তোমার উপযুক্ত নই। তোমাকে আর সকলের হাত থেকে রক্ষা করা দূরে থাক, আমিই তোমার অপমানের কারণ হয়ে দাঁড়িয়েছি। তোমার মাসিমার সঙ্গে দেখা করলাম, তাঁকে সব কথা খুলে বললাম। তিনি নিজস্বভাবে আমার মাপ করেছেন। তোমার প্রতি যে অন্তায়টা করেছি, সেটার জন্তে ক্ষমা চাইবার সাহস হ’ত না, যদি না মাসিমার কাছে একটা কথা শুনতাম—”

গম্ভীর হবার কথা চেষ্টা করে অনিতা বলে—“মাসিমা আমার নামে কি বানিয়ে বলেছেন শুনি?”

“মাসিমা বলেন যে, লোকে যখন আমার নিন্দে করে, তখন না কি তুমি বলেছিলে যে তুমি নিজের বদনামের জন্ত হুঃখিত নও, কেবল আমার নিন্দে তোমার অসহ। এ কথাটা কি মাসিমা বানিয়ে বলেছেন?”

“আমি মাসিমাকে বিশেষ করে যা’ বলেছি, মাসিমার

কখনও উচিত হয় নি থাকে-তাকে বলে বেড়ান।” অনিতা বিজয়ের দিকে পিছন ফিরে দাঁড়াল। বিজয় জোর করে তাকে নিজের দিকে ঘুরিয়ে নিয়ে বলে—“কে বলে সতী সাবিত্রীর যুগ চলে গিয়েছে?”

বাসি-বিয়ের কনের বেশে অনিতা যখন তার স্বামীর বাড়ী নামূল, তখন তার মনে হল, এত দিনের অপেক্ষা তার সার্থক হয়েছে। যে সৌম্য-মূর্তি বিধবা নারী তাকে “ঘরের লক্ষ্মী” বলে নিজের কাছে টেনে নিলেন, তাঁকে দেখেই অনিতা বুঝেছিল, স্বামীর মনের মত হতে হলে এঁরই ছায়ার জীবন গঠন করতে হবে।

ফুলশয্যার দিন অনিতার ননদেরা তাকে মনের মত সাজিয়ে ড্রসিং রুমে নিয়ে বসালে। এমন সময় অনিতা শুন্তে পেলে পাশের ঘরে কে বলছে—“খোকাদাদা যে শেষে এমন বিয়ে করবে, আমি তা’ স্বপ্নেও ভাবি নি। কত মেয়েই না তাকে বিয়ে করবার জন্তে পাগল হয়েছিল,—তা কাউকেই আর পছন্দ হ’ল না। এর চেয়ে আমার মনে হয়, ইলার সঙ্গে হলেও ভাল হ’ত। ও একটা তবু মানুষের মত মানুষ। আমার খুব বিশ্বাস, খোকাদা কোন এক অরক্ষণীয় মেয়েকে উদ্ধার করে এনেছে। বিয়ে-খার সম্বন্ধে এ সব “কুইকসোটসম” আমার মোটেই ভাল লাগে না।”

স্বরটা অনিতার পরিচিত। সে হাসিমুখে এই মেয়েটির আগমনের প্রতীক্ষায় রইল। যে মেয়েটি এতক্ষণ উঁচু গলায় এ সব মস্তব্য প্রচার করছিল, সে এইবার মুখ অন্ধকার করে ঘরে ঢুকলো; কিন্তু কনেকে ঘরে দেখেই সে হঠাৎ দাঁড়িয়ে গেল। তার পর এক লাফে মনের উল্লাসে অন্ধুকে জড়িয়ে ধরে কনক বলে উঠলো—“ওমা তুই! আমি এতক্ষণ যুধা কতই না বক্ বক্ করলাম। কোথা থেকে যে কি হয়, কিছুই বলা যায় না। তুই যে শেষে আমার বোদিদি হবি, এ আমি কোন দিনই ভাবি নি।

রাত্রে অনিতা স্বামীকে বলে—“দেখ, আজ সকালে একটা সুখবর পেলাম। আমি একেবারে শুধু হাতে তোমার কাছে আসি নি,—বাবা আমার জন্তে কিছু টাকা রেখে গিয়েছেন।”

“তাতে তোমার এত বেশী কি লাভ হ’ল?”

“আমার আবার লাভ কিসের? তবে তোমার যদি কোন কাশে লাগে—”

বাধা দিয়ে বিজয় বলে—“তুমি কি মনে কর তোমার টাকা আমি নেব?”

“কেন? আমার টাকা নিলে তোমার লাভ বাবে না কি?”

“লাভ না হোক, মান বাবে।”

“ঈব, মান অপমানের জ্ঞানটা যে বস্ত্র টনটনে দেখছি। আচ্ছা, আমার টাকা নিও না, আমি নিজেই সেটা সব খরচ করব।”

“তা বৈ কি? তুমি ওর থেকে এক পরসাতো নিতে পাবে না। তোমার যা দরকার—আমার টাকা থেকে কিনবে।”

“অতগুলো টাকা তবে কি হবে?”

“কেন, তোমার যে-কোন চ্যারিটিতে ইচ্ছা দিয়ে দাঁড়।”

“তবুও ব্যবহার করতে দেবে না?”

“না, তুমি যখন আমার স্ত্রী, তখন তোমার সব অভাব আমি পূর্ণ করব।”

“বাবা, ঢের ঢের অহঙ্কারী লোক দেখেছি, কিন্তু তোমার জুড়ি পাওয়া যাবে না।”

“সে তুমি যাই বল, তোমাকে আমার উপর সম্পূর্ণ ভাবে নির্ভর করতে হবে, এটা ভুল না যেন!” অনিতার বলবার ইচ্ছা ছিল—“এর চেয়ে সুখের বিষয় আমার নেই।” তবে আজকালকার এই নারী-স্বাধীনতার যুগে কথাটা মুখ দিয়ে বেরিয়েও বেরুল না।

এক এক লাফে ছুটো করে সিঁড়ি পায় হয়ে বিজয় যখন প্রায় তার মার ঘাড়ের উপর পড়ছিল, তখনই তার বড় বোন সুনন্দিনীর মোটর গাড়ী বারাণ্ডায় এসে দাঁড়াল। সুনন্দিনী বিজয়কে দেখে বলে—“খোকা, তোর হাতে ওটা কি রে?”

“ওঃ—এটা? ও একটা পার্শেল।” লজ্জিত ভাবে বিজয় মাথা চুলকে এদিক ওদিক চাইলে। তার দিদি হেসে বলে—“আর লুকচ্ছিস কেন? বুকতে পেরেছি—বৌয়ের জন্তে নিজের পছন্দমত কাপড় কিনে নিয়ে যাওয়া হচ্ছে।” মানে-ঝিয়ে হাসতে হাসতে উপরে চলে গেলেন।

বিজয় নিজের ঘরে ঢুকতেই নটকানের মৃদু-গন্ধ-মাখা একটা হালকা বাতাস তার মুখে এসে পড়ল। দূরের একটা চেয়ারে অনিতা বসে ছিল; পরনে তার একখানা নটকানের শাড়ী। বিজয়কে দেখে সে বলে—“কি গো? মনের মত সাজ হয়েছে?” বিজয় তার দিকে একবার চাইলে; তার পর একটু হেসে বলে—“শুধু সাজটা কেন? তোমার আগাগোড়াই আমার মনের মত।”

## হিমালয়ের পত্র

শ্রী শ্রীশচন্দ্র চট্টোপাধ্যায় এ-এম-এ-সি, এম-আর-এ-এস ( লণ্ডন )

বদরীনাথ ধাম, ৫ই জুন, ১৯২৪ সাল।  
তরল যৌশীমঠে আপনার পত্র পেয়েছিলাম। আজ আমি বদরীনাথে। এখানে তিন দিন থাকবো। সমুদ্রতীর হ'তে কেদার এবং বদরী যথাক্রমে ১১,৭৫৩ এবং ১০,২৮৪ ফিট উঁচু। আগে কেদার থেকে বদরী যাবার জন্য বরফের মধ্য দিয়ে একটি সংক্ষিপ্ত রাস্তা ছিলো। তিন দিনে যাওয়া যেতো। পাহাড় ভেঙ্গে পড়াতে সে পথ বন্ধ হয়েছে। ফলতঃ যে রাস্তায় আমরা কেদারে গিচ্ছলাম, তাতে ১৫ ক্রোশ নেমে এসে, নালা থেকে উত্তর-পূর্বগামী রাস্তায় ৫০ ক্রোশ চড়াই-উংরাই অতিক্রম করে বদরীনাথে এসেছি। এই পঞ্চাশ ক্রোশের মধ্যে প্রসিদ্ধ উখীমঠ ও যৌশীমঠ আছে। উখীমঠ নালা থেকে দু' ক্রোশ। মনে করুন, পূবে-পশ্চিমে দুটি পাহাড় আছে, সামনা-সামনি। উভয়ের পায়ের কাছে, অনেক নীচে, নদী। পূর্বদিকের শৃঙ্গটার উপরে উখীমঠ এবং পশ্চিমের পাহাড়ের গায়ে শুপ্তকাশী আর নালা চটি। কেদারনাথ থেকে আপনাকে যে চিঠি লিখেছিলাম, তাতে আমি শুপ্তকাশীর এবং অত্রভেদী পাহাড় দুটির বর্ণনা করেছি। শীতকালের আট মাস কেদার এবং বদরী বরফে চাপা থাকে। অধিবাসীরা গৃহপালিত পশু নিয়ে নিম্নদেশে গমন করেন।

মহাত্মা শঙ্করাচার্য্য কেদার, বদরী, উখীমঠ এবং যৌশীমঠ প্রতিষ্ঠা করেছিলেন। অষ্টম শতকের শেষভাগে বৌদ্ধ ধর্মের বিন্দু থেকে হিন্দু ধর্মকে রক্ষা করতে শঙ্কর আবির্ভূত হ'ন। শঙ্কর-বিজয় প্রভৃতি গ্রন্থে তার ইতিহাস পাওয়া যায়। ভারতের "চার ধামে" তিনি চারটি মঠ স্থাপিত করেন, ধর্ম-প্রচারের কেন্দ্রস্বরূপ। সেতুবন্ধে সিঙ্গিরী মঠ, পুরীধামে গোবর্দ্ধন, ঝারকায় শারদা এবং হিমালয়ে যৌশীমঠ। উখীমঠও তাঁর স্থাপিত। Lhasa and its Mysteries নামক পুস্তকে লাসার ছবি দেখেছিলাম—অনন্ত হিমালয়ের চিরতুহিন গাঙ্গে তাসের খেলাঘরের

আকৃতি বাড়ীঘরের মধ্যে প্রধান লামা মহোদয়ের সুরহৎ আবাস। নালা এবং শুপ্তকাশী হ'তে ওপারের উখীমঠ অনেকটা সে রকম দেখতে। মন্দিরের উঁচু প্রাকার ঘিরে ছোটো ছোটো বাড়ী। নালা থেকে আমরা উংরাই পথে নামলাম, সেতুর সাহায্যে নদী অতিক্রম করলাম এবং খাড়া



উখীমঠ পথে

চড়াই পথে উখীমঠে উঠলাম। সহরে প্রবেশ করবার মুখে প্রায় সমতল ক্ষুদ্র উপত্যকা দেখা যায়। তার মাঝে সেকালের মোহাস্ত বা রাওয়াল মহারাজদের সমাধি আছে। নিকটে সেকালের জলাধার। তার তটদেশে নক্সা-খোদা পাষণ-প্রাচীর। উখাজীর মঠ সমচতুষ্কোণ; এবং পাষণ

প্রাকার ও সিংহদ্বারে ঘেরা। প্রাঙ্গণে দুটি মন্দির আছে। একটি মাঝারি, অপরটি ছোটো। প্রথমটি প্রাচীন কালের বলে মনে হ'ল। ছোটোটির চারপাশে দালান এবং উঠান। দেয়ালে যক্ষ, ষারপাল, কৃষ্ণ, রাধা, গণপতি প্রভৃতির মূর্তি উৎকীর্ণ। সুন্দর মূর্তি। বৈষ্ণব যুগের ছাপ। পঞ্চ পাণ্ডবের মূর্তিও আছে। প্রাঙ্গণের চারধারে বারাগুণ্ডা ও কক্ষ। তথায় রাওয়াল মহারাজের গদী, কার্ঘ্য-গৃহ এবং যাত্রী থাকবার কুটুরী। সেগুলি প্রাঙ্গণ হ'তে হাত দুই উপরে



বিষ্ণু-প্রয়াগ


হ'বে; কিন্তু পাশের রাস্তার উপরে অস্তুতঃ পনের হাত। দূর থেকে কক্ষগুলোকে একটি ভূর্গের প্রাকারের শিরোভাগ বলে মনে হয়। শীর্ষদেশে একরূপ কক্ষ সমেত পাষাণ প্রাকারের মধ্যবর্তী সিংহদ্বারটি বৃহৎ, কারুকার্য-খচিত ও চিত্র-বিচিত্রিত। সাধী স্তূপের উত্তর তোরণের উপরে কতকগুলো গজরাজ lintel বা তোরণ-শীর্ষ ধরে আছে দেখেছিলাম। এই দ্বারের উপরে লাল ও কালো রঙের গজরাজের bracket বা বন্ধনী আছে। তবে সে কালো উৎকীর্ণের নাম।

মন্দিরে হস্তীর বন্ধনীগুলি আমার দৃষ্টি বিশেষ কোরে আকর্ষণ করেছিলো। শুধু এখানে কেন, ভারতবর্ষ ও ব্রহ্মদেশের নানা মন্দির ও প্রাসাদের স্থাপত্যে গজরাজের প্রতিপত্তি দেখা যায়। এতই সুন্দর সেগুলি যে রক্ষ, যক্ষ, পশুপক্ষীর ভাস্কর্য্য তাদের কাছে গ্লান হয়ে যায়। প্রাচীন যুগ হ'তে হস্তী আমাদের কাছে বরণীয়। সাড়ে ছয় হাজার বছর আগে মিশরের প্রথম নরপতি মেনেসের (Menes) জন্মস্থানে হস্তীদন্তে-নির্মিত রাজার মূর্তি পাওয়া গেছে। সে সময়কার রাণীদের গজদ্রব্য ও গহনার কোটা, চিরুণী, দর্পণের হাতল, বাণ্যযন্ত্র প্রভৃতি হাতার দাঁতে তৈরী হ'ত। ইরাক দেশে নীমরুদ (Nimroud) এর চিবিতে ষ্ঠ: জন্মের হাজার বছর আগেকার ফিনিসীয়ানদের কৃত হাতীর দাঁতের কাজ পাওয়া গেছে। সলোমনের সিংহাসন তদ্বারা তৈরী হয়েছিলো। গ্রীকেরা হস্তীদন্তের আদর করতেন। সোণা আর হাতীর দাঁত মিলিয়ে অনেক সময়ে গ্রীকেরা তাঁদের দেবতার মূর্তি গড়তেন। শরীরের যে সব অংশ অনাবৃত রাখা যায়, সে গুলি হাতীর দাঁতে, আর পরিধেয় প্রভৃতি সোণায় তৈরী হ'ত। হস্তীদন্তের পাণ্ডু রঙে দেবদেহের ষ্ঠেতিমার চমৎকার অনুকরণ হ'ত। এ সকল মূর্তিবে গ্রীকেরা "স্বর্ণেত" মূর্তি ( ইংরাজীতে Chryselephantine ) ব'লত। ওলিম্পিয়াতে শিল্পী ফিদিয়াস (Pheidias) কৃত জেউস (Jeus) বা ষ্ঠো: পিতা দেবতার এবং আথেন্সে আথেনী পার্থেনস্ (Athen Parthenos) বা কুমাৰী আথেনী দেবার একরূপ ছটা মূর্তি ইতিহাস-প্রসিদ্ধ। গ্রীকেরা বাণ্যযন্ত্র, চেয়ার, টেবিল, তৈজসাদি হস্তীদন্তে নির্মাণ করতেন। রোমাণ, বার্জ-জাস্টাইন এবং অন্যান্য পাশ্চাত্য জাতিও তৎকরণে বিমুগ্ধ ছিলেন না।

ভারতে কিন্তু হাতীরা লাগলো প্রধানতঃ দেবতার কাজে। বিদেশী শিল্পীরা বলেন, ভারতবর্ষের মন্দির এবং প্রাসাদের স্থাপত্যের তক্ষণ-শিল্পে গজরাজের যেকোন অঙ্কিত, প্রাণবন্ত ভাব ফুটেছে, পৃথিবীর অন্ততঃ সেরূপ দেখা যায় না। কি বানরের সঙ্গে বৃক্ষশাখা নিয়ে খেলা করবার কালে, কি বৃক্ষাবস্থায়, তার সহজ সরল স্বচ্ছন্দ গতির ভাব দেখলে বিশ্বর জন্মে। পাষাণের বোধি-ক্রম তলে বুদ্ধদেব সমাধি-মগ্ন। পর্বতপ্রমাণ ক্যাপা হাতী এনে মার তাঁকে সংহার করবার জন্ত লেগিয়ে দিলো। তাঁকে সংহার না করে হস্তীবদ্ধ জাহ্ন

পেতে তাঁর পদতলে বসে পূজা করছে। ধর্মপ্রাণ ভারত-শিল্পী তাঁর ভাবার্থে হাতীর যে ভক্তি-ভাবটা ফুটিয়েছেন, তা হেলেন রাজ্যের রাজকুমারীর নথ বন্ধে আর বিলোল কটাক্ষে সজ্জ্বপন হইনি। প্রাচীন ভারতের স্থাপত্য-শিল্পে হস্তীর অধিকার পূর্ণ মাত্রায় ছিলো ; মুসলমান যুগে মন্দিরাদি ধ্বংস হবার সঙ্গে সঙ্গে তাদের অনেকের অস্তিত্ব লোপ পেয়েছে। বেহারে প্রায় আড়াই হাজার বছরের লোমশ মুনির গুহাতে চলন্ত হাতীর শ্রেণী উৎকীর্ণ আছে। গুহার গঠন দেখলে মনে হয়, কাঠের বাড়ীর অঙ্করণে তৈরী। • বোম্বাইএর এলিফ্যান্টা এবং দক্ষিণ ভারতের কতকগুলো গুহা-মন্দির দেখেও তাই মনে হয়। কাঠের বাড়ীতেও হাতী খোদা হ'ত। মথুরার অশোকস্তম্ভে, সাক্ষির উত্তর তোরণে, শীর্ষভাগে, ভরুং এবং অমরাবতী স্তূপের পাবাণ-বেষ্টনীতে, ভুবনেশ্বর, এলোরা এবং কাঁলির গিরি গহ্বরে, মহাবল্লীপুরের রপে, মাদুরাতে, শ্রাম ও যবদ্বীপে, রাজস্থানের মন্দির-প্রাসাদে সর্বত্র গজরাজ বিদ্যমান। মহীশূরের হালবেদ মন্দিরে উৎকীর্ণ বিরাট শোভাযাত্রায় হাতী শুঁড় ছলিয়ে যেন উল্লাসের সঙ্গে গান গেয়ে চলেছেন,—যদি হাতীর পক্ষে বৃংহিতরবে রেখাব সুরে গান গাওয়াটা সম্ভব হয় ! অজস্র হস্তীশৃংখের চিত্র আছে। রামায়ণে, মহাভারতে, পুরাণে হস্তী নরনারায়ণের সহচর। কমলা কমলাসনে উপবিষ্টা—হস্তী-যুগল স্বর্ণ-কলসে গন্ধোদক নিয়ে তাঁর শিরে ঢালছেন। গোকুলে বংশিদারী করিনীকপিণী নবনারীর পৃষ্ঠে গমন করছেন। করী-রূপে বুদ্ধ মহামায়ার গর্ভে প্রবেশ করে জন্মগ্রহণ করেন। Col. Simmএর Embassy to Ava নামক ছাপা পুস্তকে পড়েছিলাম—ইংরাজদের সঙ্গে ব্রহ্মরাজের যুদ্ধ বেধেছিলো “শ্বেত হস্তী” নিয়ে। ব্রহ্মরাজ হাতী ফিরে পাবার আশায় ইংরাজকে প্রচুর অর্থ দিতে স্বীকৃত ছিলেন। তাঁর অন্তান্ত “শ্বেত হস্তীদের” শুভাধিষ্ঠানের জন্ত নরপতি “চ্যাং” বা মন্দির এবং দাসদাসী নিযুক্ত করেছিলেন। হস্তী মহাশয়দের হীরা-মুক্তার গহনা, বেনারসী চেলী এবং কাম্বারি শাল ছিলো। গন্ধ বারিতে তাঁদের স্নান করানো, মালাচন্দন পরানো, সকাল-সন্ধ্যা ভোগ দেওয়া এবং স্তম্ভরৌদের কণ্ঠে গান শোনানো, এবং “পোয়ে” নাচ দেখানো হ'ত। এ থেকে ইংরাজীতে white elephant পোষার খরচায় প্রবাদ সৃষ্ট হয়েছে। “শ্বেত হস্তী” অবশ্য বিশেষ

কোনো ভিন্ন জাতের হাতী নয়—এ কথাটা বলা দরকার। ভারতবাসীদের মধ্যে কারো কারো আর সকলের মত শ্রাম বর্ণ, কালো চুল, কালো চোখ না হয়ে ইয়োরোপীয়-সুলভ শ্বেতবর্ণ, পিঙ্গল কেশ আর কটা চোখ হয়। এরকম বৈচিত্র্যের কারণ হচ্ছে শরীরের রঙের ভিন্ন সমাবেশ। এরকম লোককে albino বা সাদাটে বলা হয়। হাতীদের



অনন্তের কোলে—যাত্রীর চটী

মধ্যে ছ'একটা বিধাতার বিচিত্র বিধানের ফলে সাধারণ কালো রঙ না পেয়ে albino বা সাদাটে রঙ নিয়ে জন্মান, তারাই হয়ে যায় বর্মী আর শ্রামীদের পূজিত শ্বেত-হস্তী।

মন্দিরের কথা শেষ হ'ল। উদ্বীমঠও গুপ্তকালীর মত সমৃদ্ধিশালী। ডাকঘর, ডাক্তারখানা, দোকান ও বসত-বাড়ী অনেকগুলি। একটি দোকানে আমি Leader এবং Bengalee সংবাদপত্র দেখেছিলাম। সহরে কিন্তু জলের অভাব। ক্ষীণা ঝরণা হতে কুণ্ডে জল পড়ছে ; লোকের তীড় সেখানে। গুপ্তকালীর বিশ্বনাথ মন্দিরের গোমুখী জলধারায় আধ মিনিটে একটি জালা ভরে ওঠে কিন্তু ! উদ্বীমঠে যে

প্রশস্ত ঘরখানি অর্থাৎ 'বাংলায়' আমরা ছিলাম, সেটি অস্ত্রান্ত  
বাড়ীঘর, দোকান হ'তে অনেক উঁচু পাহাড়ের উপরে তৈরী।  
আর তার চারদিকে ফাঁকা, আর তার নীচে মুদীর দোকান।  
একাদশীর পারণের জন্ত সেখানে আমরা ছুদিন থাকি।  
অনেক নীচে নেমে আমাদের স্নান করতে এবং জল নিয়ে  
উপরে যেতে হ'ত। সেই বাংলার দ্বিতলের জানালা হ'তে  
উত্তর-পশ্চিম কোণে অনন্ত-তুষার-কিরীটিনী কেদার-শৃঙ্গ  
দৃষ্টিগোচর হয়। বাইশ হাজার ফিট উঁচু! মেঘের কোলে  
তুষারমালার অনির্কচনীয় শোভা,—লঘু শুভ্র মেঘখণ্ডগুলি



বরফের উপরে—শ্রীবৃক্ক শরৎচন্দ্র ( বেচাচন্দ্র )

নীল আকাশে ভেসে ভেসে কেদারের ক্রোড়ে গিরে ঘুমিয়ে  
পড়ে—আমি জানালার ধারে বসে বসে দেখতাম। আর  
ভাবতাম, পুণ্য-নিশ্চন্দ্রিনী মন্দাকিনী সেই হিমধামে জন্মগ্রহণ  
করে, কেদার ও হরিদ্বার প্রাবিত ও সঞ্জীবিত করে, সাগরের  
উদ্দেশে ছুটেছেন—এবং কতকাল পরে ওই লঘু শুভ্র মেঘ-  
খণ্ডাকারে ফিরে এসে পুনরায় হিমধামের হিরণ্য-গর্ভে  
বিলীন হচ্ছেন।

এই পথে অনেকবার জলের কষ্ট পেয়েছি। বিশেষতঃ

চৌপাতা চটীতে। চৌপাতাতে সকল যাত্রীকে ধামতে হয়—  
তুঙ্গনাথে যাবার জন্ত। যারা আগে শৌছাতে পারেন, তারা  
জলের সুবিধা করে নিতে পারেন। চটী থেকে দুয়ে,  
মাঠের মাঝখানে, বৃদ বৃদ করে জল উঠছে—জনতা ঠেলে  
জল নিতে হয়। কাঠ ফাটা রোদ। ঘন ঘন ভৃঙ্গা পায়।  
আর মাছির উৎপাত। চৌপাতা থেকে একটি সক্র, ছুর্গম  
চড়াই পথ তুঙ্গনাথে গেছে। অস্ত্র রাস্তাটি বদরিকার দিকে।  
সেটাও চড়াই; ও বনজঙ্গলের মধ্যে।

আবার গুতীর অরণ্যে পড়লাম, ঘনোন্নত পাদপরাজি।  
ওক, আথরোট, বাদাম, শাল, মেহগিনি, আবলুস, হকিতকী,  
তিস্তাউ, পলাশ, পিয়াল, ঞ্চগোধ, জায়ফল—ঠেলাঠেলি  
করে আকাশে ওঠবার চেষ্টা করছে। ঘন-সন্নিবিষ্ট  
বেতসীলতার মধ্যে দোহুলামান ভুঁই চাঁপা ফুল। আলো-  
ছায়ার লুকোচুরি খেলা। রং-বেরঙের পাতাগুলি। আবার  
সেই পার্শ্বীয় গান—বনস্পতির মর্ম্মর ও নির্করের ঝঝর  
কাহিনী। হিমারণ্যে এ সময়ে বসন্ত কাল। বনে বনে  
“ফাণ্ডন” লেগেছে। বসন্তের অনিল, বসন্তের রঙান আলো।  
আবার সেই “বরাস” ( Rhododendron ) গাছের  
সারি \*—করবীর পাতার মত সূচল পাতা গুলোর  
সঙ্গে পলাশের মত ঘোর লাল ফুলগুলি ছড়োমুড়ি করছে।  
বক্র সঙ্কীর্ণ, নির্কজন বাঁধি-পথ অবলম্বনে আমি একা ‘জঙ্গল’  
চটীতে যাচ্ছি। আশ্চর্য্য জিনিস দেখলাম। প্রকৃতির  
বিরচিত পাষণের সেতুবন্ধ। আজ পর্য্যন্ত আমি কোনো  
পাহাড় থেকে উৎরাই পথে নেমে এসে, আবার চড়াই পথে  
অন্ত পাহাড়ে গেছি। পরন্ত এক স্থানে দেখলাম, হাবড়ার  
পুলের চেয়ে কিছু বেশী চওড়া একটি পাহাড়ের সেতুর উপর  
দিয়ে আমাদের পথটি অস্ত্র শৃঙ্গে গেছে। পরীক্ষা করে  
দেখলাম মানুষের রচিত সেতু নয়। ভূকম্পনের ফলে সে  
যুগে ধরিত্রী যখন ওলট-পালট হয়েছিলো,—এবং হিমালয়  
সাগর-গর্ভ হ'তে সরাসরি আকাশ-মণ্ডল স্পর্শ করতে  
উঠেছিলেন—রোষাক গিরিরাজ শীতল হ'লে, সঙ্কোচনের  
ফলে,—সে সময়ে ধরিত্রীর সমতল ভূভাগের অবস্থার বিপর্য্যয়

\* ইংরাজীতে একে এক বিরাশী সিকার ওজনের অর্ধাংশ দেওয়া  
হয়েছে rhododendron; কথটা গ্রীক, মানে হচ্ছে “গোলাপ-  
ক্রম,” পাহাড়ী-হিন্দী ভাষায় “বরাস” বলে।

এবং এতদ্বিধ “সেতুর” উদ্ভব হয়েছিলো, Syncline এবং Anticline এর মধ্যভাগে। ভূতত্ত্ববিদেরা সেই সেতুকে Fault বলেন। উক্তর ব্রহ্মে শাণরাজ্যে পৃথিবীর অষ্টম আশ্চর্য্য। গোটেয়িক সেতুর নীচে ওরূপ Fault আমি দেখেছি। ১ শতকোটি বর্ষ পূর্বেকার সেই ভূকম্পনের প্রভাবে হয় ত এই “সেতুটির” সৃষ্টি হয়ে থাকবে। সেই সেতুর উপর দিয়ে আজ আমরা পারাপার হচ্ছি। আমাদের ডাইনে ও বামে গভীর খদ, আর সম্মুখে পশ্চাতে পর্বতমালা। চারিদিকে “নানামৃগগণ্যকীর্ণা মৃক্ষশর্দূল সেবিতাং নিষ্কুজমান শকুনি ঝিল্লিকাগণ নাদিতাং” নিবিড় অরণ্যানি।

তখন প্রায় সন্ধ্যা; আমি জঙ্গল-চটীর পাহাড়-জঙ্গল থেকে মণ্ডল-চটীতে নেমে এলাম। সমতল উপত্যকা। বিস্তৃত কৃষিক্ষেত্রের মধ্যস্থলে কয়খানি চালাঘর ও দোকান। পাশে স্বচ্ছতোয়া সুরধনী উপলখণ্ডের মধ্য দিয়ে চঞ্চল চরণে ধাবমান। তীরে শস্তশ্রামল কৃষিক্ষেত্র, আল-দেওয়া। ক্ষেত্রের পশ্চাতে জঙ্গলচটীর পাহাড় ও জঙ্গল। ওকগাছ-গুলির শীর্ষ দেশে অস্তাচলগামী রবির স্বর্ণাভ কিরণ প্রতিফলিত হয়েছে। পাহাড়ের কোলে, ওকের ছায়াতলে, ডটি তাঁবু দেখলাম। বিশ্রামান্তে সেখানে গেলাম। সরকারি পুস্ত-বিভাগের এমিষ্টান্ট ইঞ্জিনীয়ার (Mr. E. M. Crew) ক্রু সাহেবের তাঁবু। তাঁর সঙ্গে সাক্ষাৎ করলাম। সাহেব আমার পরিচয় জানতে চাইলেন। বললাম যে আমিও তাঁর মত ইঞ্জিনীয়ার। সাহেব মিষ্ট-ভাষী। নানা কথা আমাকে বল্লেন। স্থানীয় রাস্তার হ্রবস্থার কথা তাদের মধ্যে একটি। “এবছরের বজেটে মাত্র ত্রিশ হাজার টাকা চার-শো মাইল রাস্তার সংস্কার কার্যো দেওয়া হয়েছে। তাতে কি করে রাস্তা ভালো রাখা যায়? সুতরাং, আপনি যা বলেছেন, রাস্তার অবস্থা শোচনীয়। কয়টা পুল অব্যবহার্য্য হয়েছে। ফলে যাত্রীদের অসুবিধা। দুর্ঘটনাও ঘটেছে।”

হিমালয়ের খবর পেলাম। অদূরে তামার পাহাড় আছে। সীসা, প্লেট, মার্কেল এবং অত্রের পাহাড় আমি দেখে এসেছি। জঙ্গলে বাঘ, ভালুক, হরিণ, মহিষ প্রভৃতি আছে। সাহেব শিকার করেছেন। বাঘ ও হরিণের চামড়া দেখালেন। সম্প্রতি একটি নেকড়ে দুজন পাহাড়ীর প্রাণসংহার করেছিলো। তিনি তাহাকে বধ করেন।

আমাকে Pioneer পড়তে দিলেন। কুলীর ডাক বসিয়ে সংবাদপত্র ও রসদ আনাতে হয়। প্রাতে আমাকে মঠ চটীতে যেতে বল্লেন। এগার মাইল। সেখানে প্রচুর শাক সবজী ও ফল ফুল মেলে।

চাঁপান কালে বল্লাম “এই যাত্রায় আমার মানস সরোবর ও কৈলাসে যাবার ইচ্ছা আছে। আপনার সেখানকার



বরফের নদী

অভিজ্ঞতা আছে কি?” তিনি বল্লেন, বদ্রী অথবা যোশীমঠ থেকে ‘মানা’ অথবা ‘নীতি’ সঙ্কট দিয়ে কৈলাসে যেতে হয়। গিরি সঙ্কটের ৫০ মাইল মাত্র তাঁর অধীনে। তিনি কৈলাসে যান নি। তাকালকোট পর্য্যন্ত গেছেন। দূরস্ত শীত ওই বরফের রাজ্যে। চামড়ার পোষাক ছাড়া বৃকে গরম জলের বোতল রেখে দিতে হবে। তত্রাচ শীত লাগবে। কৈলাসের পথে এক স্থানে উনিশ হাজার ফিট উঁচু গিরিসঙ্কট অতিক্রম করতে হয়। পথ দুর্গম। তবে, স্থান-বিশেষে সমতল উপত্যকা, কৃষিক্ষেত্র এবং পার্কতা সহর আছে। “গাইড” পাওয়া যাবে। তিনি আমাকে উৎসাহ দিলেন এবং দুখানি সুপারিশ-পত্র লিখে দিলেন। একখানি চম্পা

সহরের মোড়ল মহাশয়কে, আর একখানি যোশীমঠে তাঁর সহকারী ওভারসিয়র বাবুকে।

পরম আনন্দে সে রাত্রে গাওয়া ঘী-এ ভাজা, অত্যাৎকৃষ্ট আটার গরম গরম খাস্তা লুচি, আলুর দম, কুমড়া ও পাপর-ভাজা, আচার, চাটনী এবং চিনি খেলাম। আহাশ্বাসে সেই টাদের আলোয়, নদীর সৈকতে, বৃহৎ পাথরের উপরে পা ছড়িয়ে অনেকক্ষণ ধরে বসে শুগশুগ করে অনেকগুলো গান করলাম। বিছানায় শুয়ে কিন্তু ঘুম আসে না, এতো



বদরী ধাম

উৎসাহ আমার! কৈলাস যাত্রা এবং চিঠির কথা কিন্তু সঙ্গীদের কাউকে বলিনি। বাধা পাবো তাহলে।

ভোরে কাক কোকিল ডাকবার আগে মঠ চতীতে যাত্রা এবং অগ্রাণ্ড যাত্রীদের পৌঁছাবার অনেক আগে সেখানে পৌঁছানো, বেলা নটায়। আমি বাই পদব্রজে, সঙ্গীরা ঝাঁপানে অথবা ডাঙীতে চেপে আসেন। মধ্যে লালসাজা অতিক্রম করলাম। সেখানে অলকানন্দার উপরে বৃহৎ Suspension bridge বা লোহার কোলানো পুল আছে। তিনটি রাস্তা। একটিতে কেদারে যাওয়া যায় এবং আমরা

তা ধরে এলাম। একটিতে আমরা বদরিকা যাচ্ছি। অপরটি পুল পেরিয়ে দক্ষিণ-পূর্ব মুখে রামনগর রেল ষ্টেশনে গেছে। বাড়ী ফেরবার সময় আমরা সে পথে রামনগর যাই। এখানে অলকানন্দার জল কর্দমাক্ত। মঠ চতীতে ঝরণা আছে; তা থেকে জলসরবরাহ হয়। কয়েকটা বাগান দেখলাম। ক্ষেতে ধান, তামাক, মূলা ও পেঁয়াজকলি জন্মেছে। বাগানে আম, কাঁঠাল, পেয়ারা ও কলাগাছ। মোচা ও কলা ফলেছে। গোলাপ ও মতিয়া বেল ফুল দেখলাম। একটি বাগানের মধ্যে গেলাম। দোতালা একটি বাড়ী আছে। গৃহস্থানী তখন ক্ষেতে। গিন্নি এলেন। নাকে বৃহৎ নথ, ময়লা কাপড়। তিন আনায় দশটা পাকা কলা, এক আনায় ছটো মোচা, এবং পেঁয়াজকলি, কুমড়া, লাউ, মূলা, লেবু কিনলাম। মূলা ও পেঁয়াজকলি বাগান থেকে তুলে এবং মোচা গাছ থেকে পেড়ে দিলো। একটি যুবতী মেয়ে ছিলো। সুন্দরী মেয়ে। তার হাতে মুখে ঘা—উপদেশের মত।

ঝরণার জলে স্নান, পরিতোষ পূর্নক আহার, দুখটাকাল বিশ্রাম ও সরবতি লেবু ও মিছরির সরবৎ পানাস্তে অপরাহ্নে যাত্রা করা গেলো। নদীর ধারে রাস্তা। মাইলখানেক গিয়ে পরে পরে ছটা সেতু। ক্রু-সাহেবের কথা মত একটি সেতু সংস্কারভাবে অব্যবহার্য্য বটে। তার পরে বিরল-বৃক্ষ লোহার পাহাড়ের উপরে ময়ূণ রাস্তা। লোহার পাথরের নমুনা দিয়েছি। সেতুর অদূরে দুটি ঝরণা আছে। উভয়ের মধ্যে একটি “পাকদণ্ডী” বা ছোট পথ প্রায় খাড়া ভাবে শিথরে উঠেছে। সে পথে গেলে অন্ততঃ আধ মাইল রাস্তা কম হ'বে। সঙ্গীরা পিছনে। অগ্রগামী যাত্রীরা পাকদণ্ডীতে গেলেন না। একটি পাহাড়ী বালক সে পথে উঠছিলো, আমি তার অসুসরণ করলাম। উঠে বুঝলাম—বাঙালীর পক্ষে পথটা অতীব বিপদসঙ্কুল। পুস্তকে আছে এলিজা তার হারানো ছেলেকে আনবার জন্য গাছের শিকড় ধরে “রকী” পর্বতের উপরে ঈগলের বাসায় গিছলো। নামবার সময় ছেলেকে বুকে বেঁধে গড়িয়ে পড়া। এ পাহাড়ও তাদৃশ। প্রতি পদে হড়কাবার ভয়। অতি সস্তর্পণে অর্ধেক পথ উঠলাম। নীচে তাকাতে আমার মাথা ঘুরে গেলো। বুক ধড়াস ধড়াস করতে ও পা কাঁপতে লাগলো। অনেক নীচে নদী। আমি যেখানে আছি সেখানে থেকে



হড়কে গেলে, গড়িয়ে বিশ হাত যেতে হবে না, পাহাড়ের কাণী থেকে, ডিলের মত, টুপ করে তিনশ হাত নীচে নদীতে পড়ে যাবো। পাহাড়ে ঠেস দিয়ে বসে পড়লাম এবং উচ্চৈঃস্বরে ছোকরাকে ডাকলাম। নীচে নামতে বেশী ভয়। তার সাণীষ্যে উপরের রাস্তায় উঠি।

পিপুল চটীর পথে। নির্কাপিত আগ্নেয়গিরির ভস্মাচ্ছাদিত, কৃষ্ণপৃষ্ঠ উপত্যকা। গৈরিক নিঃশ্রাব জমে গিয়ে পাথর হয়েছে। নমুনা নিয়েছি; ধারা পরীক্ষা করতে ইচ্ছা করেন তাঁদের দেখাবো। বৃক্ষ নাই, লতা নাই; একপ্রকার কণ্টকাকীর্ণ লতাগুল্ম, আর শিয়াল কাঁটা। যে দিকেই তাকাই—একেবারে নেড়া, খাড়া, আকাশচুম্বী



গিরিসঙ্কটে অলকানন্দ

বিরাট পাহাড়। শৃঙ্গে-শৃঙ্গে চেউ-খেলিয়ে আকাশে মিশেছে। কঠিন, ধূসর-কালো পাষাণের চেউ। নরকঙ্কালের কোটর চোখের মত বিশাল পর্বত গুহা গাঁ-গাঁ করছে। সুদীর্ঘ ফাটল। বহু নিম্নে খরস্রোতা। গিরিসঙ্কটের বায়ুপথে অবিশ্রান্ত রেলগাড়ির মত গড়্ গড়্ শব্দ আসছে। সে শব্দ নদীর গর্জনের। নদীর পাষাণময়ী তলদেশ বড়ই উঁচু নীচু এবং তার বক্ষদেশে রাশিকৃত জগদল পাথর। উদ্দাম প্রবাহের ও উত্তাল পাষাণের সংঘাতের ফলে একরূপ গড়্ গড়্ শব্দ। কাল এ সময়ে আমি বনস্পতির ছায়াশীতল ক্রোড়ে ছিলাম। আজ দানবের শ্মশানভূমে।

মাত্রাজ হতে মহীশূর হয়ে বোম্বাই যাবার পথে বহু প্রাচীন Archæan যুগের পূর্ব-ঘাট পর্বত দেখেছিলাম; শাখাপ্রশাখাঙ্গীন ফলীমনসার জঙ্গলসমাকীর্ণ। তৎপরে দাক্ষিণাত্য উপত্যকার কোলার প্রদেশে উঠি। উপত্যকাটি আগ্নেয়গিরির নিঃশ্রাব (Basaltic lava, হতে উদ্ভূত। সেখানে কিন্তু কাঁটা গাছ পর্য্যন্ত নাই; কেবল কালো কালো অঙ্গারের কর্কশ, কঠিন পাহাড়। সোণার খনি দেখবার কালে সেই পাহাড়ের গর্ভে চার হাজার ফিট—এবং ভারত মহাসাগরের নীচে একহাজার ফিট নেমেছিলাম। সেখানকার পাথরও আগ্নেয়গিরির অঙ্গার-সম্ভূত, এবং ছাইরঙা (Quartzite) এবং সোণা-মেশানো। রেঙ্গুনের ৫০০ মাইল উত্তর পূর্ব কোণে আলোন (alon) নামে মৃত একটি আগ্নেয়গিরির মুখবিবর আছে। তিন মাইল পরিধির হ্রদের মত দেখায়। পিপুল চটীর পথের গিরি-গর্ভের মুখের পাঁশুটে রং সেই বিবরের রংএর মত। আমার দৃঢ় বিশ্বাস পিপুল উপত্যকাটি অগ্ন্যুৎপাতের পরিণাম। কিন্তু সে কথা উল্লেখ কোথাও আছে কি না জানি না। যদি বলেন, তার অত কাছের মঠ চটাতে কলাগাছ হয় কি প্রকারে? ঠিক সেই প্রকারে যে প্রকারে কোলারের কাছে বাঙ্গালোরে অত ফল-ফুলের

আধিকা। কোলারের দশক্রোশ দূরে মহাবি বাম্বীকির তপোবন ও লব কুশের জন্মস্থান দেখে এসেছিলাম। সে স্থানও উল্লেখ। আলোনের উপকণ্ঠবস্তী Shewb. প্রদেশে ধান উৎপন্ন হয়। একরূপ উর্বরতার বৈজ্ঞানিক কারণ আছে। তাই বলতে গেলে, ভূ-তত্ত্বের আলোচনা কবতে হয়। সন্ধ্যার পরে পিপুল চটীতে পৌঁছলাম। পিপুল চটীকে সহর বলা চলে একরূপ জনবহুল স্থান। সেখানে রাত্রি যাপন করে পর দিন প্রভাতে গুরুড়-গঙ্গা যাত্রা করলাম। পথের দৃশ্য মনোরম। কোথাও কিংখাবের মত শ্রামল, ঈষৎ সমতল কৃষিক্ষেত্র

কোথাও নগরায় দৈত্যের আকৃতি পাষণ্ড স্তূপ। উর্ধ্বে তুষারের মেখলা। নিম্নে অলকানন্দা। বীণ এবং ডমরু লয়ে একদল নর্তক-নর্তকী যাচ্ছিলো। আমার অমুরোধে নৃত্য-গীত করলো। আট আনা বকমিস এবং ছেলেদের মিছরি ও কিসমিস দিলাম। ছুচ, স্নতো চেয়েছিলো। গরুড়-গঙ্গা একটি নিৰ্ব্বরের নামাস্তর। তাঁরে দোকান-পাট এবং দেবালয় আছে। গরুড়-গঙ্গায় যাত্রীরা স্নান করবার কালে ডুব দিয়ে হুড়ী তুলে থাকেন। প্রবাদ, সর্পদষ্ট ব্যক্তির ক্রতস্থানে সেই হুড়ী ঘষে দিলে রোগী আরোগ্য লাভ করে। গরুড়-গঙ্গার ছয় ক্রোশ দূরে যোশীমঠ। চড়াই পথ। যোশীমঠের কথা অনেক শুনেছিলাম। এখন স্বচক্ষে দেখলাম। সহরে একতলা ও দ্বিতলা কোঠা অনেকগুলি। বাড়ীর নীচের তলায় দোকান। থানা, পোষ্ট এবং টেলিগ্রাফ অফিস, ডাক বাংলো, দাতব্য চিকিৎসাগার, হাসপাতাল এবং অশুধ, বট ও অশ্রুগাছ। হিমালয়ের এ প্রদেশের সহর বললে এই বুঝতে হবে যে, আঁকাবাঁকা, অসমতল, অপ্রশস্ত রাস্তার হুধারে তিন চারশ'খানা কাঁচা-পাকা ইমারত। একধারের বাড়ীগুলো রাস্তার পাশে নীচু জায়গায়; অশ্রু ধারের গুলো রাস্তার উপরে। যোশীমঠের বাড়ীগুলো মাঝারি এবং ছোটো। পাথরের দেয়াল, কাঠের বারান্দা, প্লেটের অথবা খোলার চালু ছাদ। আর বাড়ীগুলো ঘেঁসা-ঘেঁসি। মেঝে প্রধানতঃ গোবর-মাটির,—দরজা, জানালা, বারান্দায় রং নাই। কলতঃ পাঁচ বছরের বাড়ীকেও পুরানো দেখায়। সহরের রাস্তা অতিক্রম ক'রে হাত দুই চওড়া একটা ঝরণা, বাঁধানো ড্রেনের মত, রাস্তার ও-পাশে গভীর খদের দিকে ছুটেছে। সহরবাসী সে জলে কাপড় কাচে এবং বাসন মাছে। রাস্তার ডান দিকে একটি দোতারা বাড়ীর উপরের ঘরে আমাদের থাকবার স্থান হয়। তার নীচে বাড়ীগুলোর মুদীর দোকান। দোকানে চাল, ডাল, আটা, আলু থেকে আর্শি চিক্রণী পর্যন্ত পাওয়া যায়। রাস্তার বামে চালু পাহাড়ের নিম্ন ভূমি সেখানে হরপার্কটী, গণেশ এবং নরসিং দেবের মন্দির। শৈব ও বৈষ্ণব ধর্মের এখানে সমান প্রভাব। উভয় সম্প্রদায়ের লোক এখানে আছেন। তাঁদের মধ্যে সদ্ভাব আছে। দক্ষিণ ভারতের কাঞ্চী ধামের অবস্থা কিন্তু বিপরীত। সহরের এক অংশে শিব-কাঞ্চী, অপর অংশে বিষ্ণু-কাঞ্চী। শুনেছিলাম, এ দলের আখড়ার

লোক ওদলের আখড়ায় যেতে পারেন না। যোশীমঠের প্রধান মন্দিরের চার দিকে পাথরে-বাঁধানো প্রাঙ্গণ এবং দোতারা, চকমিলানো বারান্দার সঙ্গে ছোটো ছোটো কুঠুরী আছে। সিংহ-দ্বারের মাথায় গুপ্ত-যুগের চৈত্য বাতায়নের মত দেখলাম। একটি ক্ষুদ্র মন্দিরের গঠনও চৈত্যের মত। মন্দিরগুলির প্রাচীনতার ইহা অকাটা প্রমাণ। পাথরের সোপান দিয়ে মন্দিরের প্রাঙ্গণে নামবার বাঁ দিকে একটি পাকা ঘর আছে। সে ঘরের মধ্যে পাথরের দেয়াল দিয়ে বাঁধানো একটি ঝরণা আছে। 'যাত্রীরা সেখানে স্নানাদি করেন। কপালে সিঁদুরের টিপ এবং কাছা দিয়ে ঞ্জুর-ছড়ী খাড়ী-পরা হুষ্ঠা-পুষ্ঠা একটি মরাঠী তরুণী আধমণি তামার হাণ্ডাতে জল ভরছিলেন। তিনি বল্লেন যে তিনি স্বামী পুত্র লয়ে যোশীমঠে বাস করেন। স্বামীর দোকান আছে। যোশীমঠের মন্দির ও বাড়ীগুলিতে প্রাচীনতার ছাপ দেখা যায়। সহকারী রাওয়াল মহাশয়ের সঙ্গে সাক্ষাৎ করলাম। মঠে শঙ্কর-যুগের পুঁথি ও অমুশাসন আছে। তবে সেগুলি দেখতে অথবা তাদের সম্বন্ধে তথ্য সংগ্রহ করতে পারলাম না। পুঁথির অমুবাদ এবং তালিকা প্রস্তুত হয়েছে কি না তাও জানা গেল না। জৈসলমের হুর্গের গোপাল-মন্দিরে শিকলে-ঝোলানো একটি পেটিকা দেখেছিলাম। তন্মধ্যে হাজার বছরের পুরানো জৈনগ্রন্থ আছে। বৎসরান্তে তাদের বের করে পূজা করা হয়। সাধারণে তাদের দেখতে অথবা নফল নিতে পান না। যোশীমঠের গ্রন্থাগারেও সাধারণের অধিকার নাই।

আহারান্তে সাহেবের সুপারিশ-পত্র নিয়ে ওভারসিয়র বাবু আনন্দস্বরূপের বাসায় গেলাম। তিনি আমাকে সাহায্য করবেন বল্লেন, এবং ভারত-ধর্ম-মহামণ্ডলের মঠাধ্যক্ষ মহাশয়ের সঙ্গে পরিচয় করিয়ে দিতে সহর-প্রান্তে তাঁর মঠে নিয়ে গেলেন। মঠটা মনোরম নির্জ্জন স্থানে অবস্থিত। প্রাঙ্গণে শত সহস্র গোলাপ ফুটেছে। অধ্যক্ষ মহাশয় হিন্দী এবং অল্প ইংরাজী কথা কহিতে পারেন। বল্লেন, তিনি হুবার কৈলাসে গেছেন। নীতিপাশ এখনো বরফে ঢাকা। মাসখানেক পরে খোলা হ'বে। ভূটিয়া ব্যাপারীরা লবণাদি বাণিজ্য-সস্তার, ঘোড়া, ছাগল, চমরী, তাঁবু এবং ক্ষুদ্র লয়ে সে সময়ে তিব্বতে যাত্রা করবেন। তাঁদের সঙ্গে গেলে আমার বিপদের আশঙ্কা থাকবে না। তাঁদের সঙ্গেই

আমার যাবার ব্যবস্থা করতে হ'বে। তবে, তাঁরা কৈলাসে যাবেন না। লাসা ঠাণ্ডার পথ থেকে ৫১৬ দিন লাগে কৈলাসে যেতে। আমার সঙ্গে যে দোভাষী কাণ্ডীওলা আমার মাল পত্র নিয়ে যাবে, সে-ই আমাকে মানস সরোবর ও কৈলাস পবিত্র করে আলমোড়ায় পৌঁছিয়ে দেবে। হিসাব করে দেখলাম, দু'মাস সময় লাগবে এবং গরীবানা চালে থাকলে তিনশ' টাকা খরচ হ'বে। ব্যাপারীদের সঙ্গে ছেড়ে যেদিন কৈলাস মুখে যাবো, পনের দিনের খোরাক—রুটী, গুড় ও মাখন—সঙ্গে নিতে হ'বে। শুভরাত্রে থাকতে হ'বে। পথে তিব্বতী পোশাক তৈরী করতে হবে। ৫০১৬ টাকা লাগবে। আমার ইচ্ছা, লাসা হ'য়ে দার্জিলিং-এর পথে বাড়ী ফিরি। টাকা কুরিয়ে গেলে ভিক্ষা করে খাবো, তথাপি যাবো। তিনি বলেন—সেখানে যাবার ছাড়পত্র পাওয়া একরূপ অসম্ভব। তবে তিনি ব্যাপারীদের প্রধানকে চেষ্টা করে দেখতে অনুরোধ করবেন—লামা বা সাধু সাজিয়ে যদি আমাকে পাঠানো যায়। এ রকম সাধু সেখানে গেছে। সেখানে সাধুরা পূজার্ন। লাসা থেকে দার্জিলিং যাবার

পথের বিষয় তিনি কিছু জানেন না। আমাকে সন্ধান নিতে এবং ব্যবস্থা করতে হ'বে। স্থির হ'ল, আমি তাঁর আশ্রমে থাকবো এবং যাত্রার আয়োজন করবো। আমি সেখানে কিছু দিন থাকলে তাঁরও উপকার হ'বে। মঠের একটি নতুন বাড়ী তৈরী হ'চ্ছে। স্থানীয় ঠিকাদার কাজ শুরু করে গোলমাল করছেন। কাজ বন্ধ আছে। আমি বাড়ীটা আরম্ভ করাবো। সন্ন্যাসী-বরের নাম ও ঠিকানা—নন্দদা স্বামী হঠাতাগী; ভারত-ধর্ম-মহামণ্ডল, যোশীমঠ, গাড়োয়াল জেলা। যদি কেউ বদরীর পথে কৈলাস যাবার ইচ্ছা করেন, উক্ত ঠিকানায় তাঁর সঙ্গে

পত্র বিনিময় করতে পারেন, তিনি সাহায্য করতে পারেন।

যোশীমঠ হ'তে খাড়া উৎরাই পথে বিষ্ণু-প্রয়াগে নামলাম। লাঠির সাহায্যে অতি সাবধানে নামতে হ'ল, পাছে টাল সামলাতে না পেরে গড়িয়ে পড়ি। বিষ্ণু-প্রয়াগে অলকানন্দা ও বিষ্ণুগঙ্গার সঙ্গম হয়েছে। ঝোলানো লোহার পুল দিয়ে পেরোতে হ'ল। সঙ্গমে সাবধানে স্নান করলাম, শীতবস্ত্রে গা ঢাকলাম এবং পূজার্থে মন্দিরে গেলাম। ছোটো মন্দিরটা সঙ্গমের ঠিক উপরে এবং পাহাড়ের গায়ে। বিষ্ণুপ্রয়াগ থেকে দশ ক্রোশ চড়াই পথে বদরিকা যেতে



তুষারের দৃশ্য

হয়। এ পথের দৃশ্য অতি মনোরম ও বিচিত্র। অলকানন্দা তির্থাগারুতি গিরিসঙ্কটের মধ্য দিয়ে এঁকে বেঁকে আছড়ে পড়ে সফেদ তরঙ্গ ছড়িয়ে ছুটেছে—খাড়া, উঁচু, উল্লুনের ঝিকের মত শীর্ষ, শত সহস্র শৃঙ্গগুলি রেখাকাণ্ডে তাকে আগলে ধরে দাঁড়িয়ে। উন্মাদিনী নির্ঝরিনী সঙ্কে নদী-বন্ধে ঝাঁপিয়ে পড়ছে। জলপ্রপাতের উপরকার সেতু দিয়ে যাত্রী চলছে। সঙ্গমের ঘূর্ণায়মান ফেনিল আবর্তে সূর্যাবিশ্ব প্রতিফলিত হয়ে রামধনুর বিচিত্র বর্ণ-সমাবেশ করেছে। হিমুমান-চটী বদ্রীনাথের তোরণ স্বরূপ। পবননন্দন ছারী হ'য়ে দণ্ডায়মান। তার পরে গঙ্গামাদন-চটী। লক্ষণকে

বাঁচাবার জন্তু তিনি সেখান থেকে বিশলাকরণী সহ গন্ধমাদন শৃঙ্গ তুলে নিয়ে যান। চটী জঙ্গলের মধ্যে। একজন পাহাড়ী চটীতে ভাল্লুকের পিস্ত বেচতে এনেছিলো, বলে ১০০ সের। দোকানী—মধু, ভূর্জপত্র, চমরীর লেজ বা চামর, হরিণ, ভাল্লুক ও বাঘের চামড়া বিক্রীর জন্তু রেখেছে। পুরাকালে বশিষ্ঠাদি মহর্ষিরা যে ক্ষৌমবস্ত্র পরিধান করতেন, সেরূপ বস্ত্রের চলন হিমালয়ের নিভৃত প্রদেশে অত্যাপি বর্তমান—পাহাড়ীদের মধ্যে। তার নাম “ভাঙ্গেলা”। ভাং অর্থ সিদ্ধি গাছের ছাল হ’তে তৈরী হয়, নাম সেজন্তু ভাঙ্গেলা। ৪১০ টাকায় একখানা কাপড় কিনলাম। শ্রীনগরের মুখুজ্জ মহাশয় আমাকে ভাঙ্গেলার সন্ধান দিয়েছিলেন।

গন্ধমাদনের স্মৃতি আমি ভুলতে পারবো না। নীলাভ ধূসর পর্কতমালার ক্রোড়ে নীলবরণা স্রোতস্বিনী। অলকানন্দার অশ্রাস্ত কলগানের সঙ্গে বনম্পতির মন্বরতান। দার্বজটাধারী বট। তার পাষণময় তলদেশের শৈবালময় শিলা পৃষ্ঠে, পাকা বট ফল প’ড়ে আছে কতো পাখী এসে বটফল ঠুকরে খেয়ে ফেলে রেখে গেছে। বনফুল, গৌরীফল, শ্বেত গোলাপ, কামিনী ও চামেলীর অফুরন্ত জঙ্গল—স্থানটি সুগন্ধে ভুর ভুর করছে। ফুলের গন্ধে আকুল নির্জন সেই বন-বীথিকার মহাক্রম তলে যেখানে লীলাময়ী প্রকৃতি-বাণী আলো আঁধারের ইন্ধুজাল সৃষ্টি করেছেন, সে স্বপ্ন-রাজ্যে আমি অনেকক্ষণ দাঁড়িয়ে রইলাম।

সেখানকার শোভা বাড়িয়ে তুলেছিলেন একজন সন্ন্যাসিনী। অলকানন্দার বিজন পুলিনে, বিহগকৃজন-মুখরিত নিবিড় কাননে, দূরগত গিরি-নির্ঝরিণী যেখানে ফেণায়মান জলপ্রপাত রূপে অলকানন্দার কল্লোলে মিশেছে—শীকর-সম্পৃক্ত তরুতলে, পাষণ-চত্বরের কোলে, বনফুলে আলুলায়িত কেশসম্ভার সুসজ্জিত ক’রে, চামেলীর মালা গাঁথছিলেন তিনি। পরনে লাল গেরুয়া, গলায় রুদ্রাক্ষের মালা; সহাস, সৌম্য, প্রশান্ত, পবিত্র মুরতি। কপোলে বিভূতি মাথা। স্বামীকে হারিয়ে আনন্দময়ী নারায়ণের সেবায় জীবন উৎসর্গ করেছেন। তিনি আমাদের সহযাত্রী। সাধারণতঃ ঝাঁপানে চেপে যান। তীর্থক্ষেত্রে বছবার তাঁকে মুক্ত হস্তে অর্থ বিতরণ করতে দেখেছি।

তুষারের রাজ্যে উঠছি। শীত করছে। খাড়া পাহাড়ের গা কেটে রাস্তা বের করা যেখানে সম্ভবপর হয়নি, সেখানে

সেতুর সাহায্যে নদীর ওপারে গিয়ে অল্প পাহাড়ের গা দিয়ে আবার উপরে উঠতে হয়। মনে কিরুন, গিরি সঙ্কটের বাঁ পাশ থেকে সেতু দিয়ে ডান পাশে গেলাম। একটুখানি গিয়েই একসঙ্গে নদী ও পাহাড়ের বাঁক, ডান দিকে। নদীর একশ হাত উপরে, পাহাড়ের গায়ে সঙ্কীর্ণ রাস্তায় আমরা চলেছি, এমন সময়ে নদী ও রাস্তা ডাইনে বেকে গেল। বাঁকের মুখে নদী আমাদের সামনে পড়ল; তার পরে বামে। এবং নদী যখন সামনে তার ঠিক ওপারে, অনেকটা তাঁর ভূমির পিছনে, অত্র একটি পাহাড়ে দেখা গেলো, নদীতীর হ’তে তিনশ’ হাত উপরে পাহাড়টার গায়ে ঘুরন্ত সিঁড়ির মত পাক দেওয়া রাস্তা উঠেছে। আমাদের এই বাঁক থেকে বাঁ দিকে নদী রেখে, অন্ধ-বৃত্তাকারে অনেকটা গিয়ে, চড়াই পথে, সেই পাকের মুখে উঠতে হ’বে। আবার সেই কোণ থেকেও নদী ডাইনে বেকে গেলো। এরকম ভাবে ঘন ঘন এঁকে বেকে আমরা অনেকবার এসেছি। যখন নীচে ছিলাম পাহাড়ের মাথায় বরফ দেখেছি—কালো পাহাড়ের এখানে ওখানে ঘন চূণ ছড়ানো। ওপরে ওঠার কালে তুষারগুলি ক্রমশঃ আমাদের নিকটে, পরিশেষে একেবারে পাশে এলো। নদী জমে গেছে দেখলাম; বরফের নীচে জলের স্রোত। ক্রমে আমরা তুষার মাড়িয়ে চললাম। এক ইঞ্চি পুরু, ভিজে দোবরা চিনিব মত তুষার প’ড়ে। রং কিন্তু ধবধবে সাদা নয়—অতি অল্প লালচে ভাবের। বিধম চড়াই ভেঙ্গে ওঠার দরুণ আমার বেশী শীত করিনি। ঝাঁপা ঝাঁপানে অথবা দাণ্ডীতে বসে আসছিলেন, তাঁরা কন্ডল গায়ে দিয়েছেন।

কেদারে হিমালয় বিরাট, বিশাল, গম্ভীর—লক্ষ কোটি বর্ষব্যাপী ধ্যান-নিমগ্ন মহাদেবের মত। শৃঙ্গগুলি বদরিকার পথের শৃঙ্গগুলির মত ঘন ঘন এবং আ-ফোটা পদ্ম-কলির মত ছুঁচালো নয়। সেখানে এক শৃঙ্গ হ’তে অত্র শৃঙ্গে যেতে সময় লাগে। নদী সহস্র ফিট নীচে, গিরিসঙ্কট বেশী চওড়া। সেখানে চিল মানুষের নীচে ওড়ে। সেখানকার তুষার এখানকার তুষারের চেয়ে পুরু; এবং অনেকখানি জায়গা জুড়ে পড়ে থাকে। ত্রিশ হাত চওড়া বরফের নদী অতিক্রম করে গেছি। বড় বড় গুহা, বড় বড় জলপ্রপাত দেখেছি। কেদারনাথ—কেদারা চৌতাল সঙ্গীতের মত উর্দাত্ত গম্ভীর। সুরধনী মন্দাকিনী—সঙ্গীত-ছন্দের গুরু গুরু মেঘমন্দ্রে তাঁর সামগানের সঙ্গে তাল দিচ্ছে। নীহার-ফোটা মৃদঙ্গ

বাজাচ্ছে। অস্থায়ী, অস্থায়ী, সঞ্চায়ী শেষ করে কেদার আভোগ ধরেছেন।.....

বদরীনাথ—খেয়ালের মত। পরের পর ছুঁচাল অকুরন্ত শৃঙ্গগুলি যেন কলকল ছলছল অলকানন্দার অবিশ্রান্ত গিটিকিরী। এগ্নানকার দ্রুত-লয়-দৃশ্য দর্শনে মানব হৃদয়ে দ্রুতগতি স্পন্দন ও কম্পন আসে বিশাল কেদারের গান্ধীর্যোর অমুভূতি-প্রসূতি আত্মহারা সমাধির ভাব আনে না।

ঝড়-বৃষ্টি মাথায় করে কেদারে যাচ্ছি—তঠাৎ একটা



দড়ির ঝোলা

বাকের মুখে দেখলাম—বাইশ হাজার ফিট কেদার-শৃঙ্গের পাদপ্রান্তে নীলকণ্ঠ কেদার মন্দির! নীল মেঘের আকৃতি পাষাণের দেবালয়। একেবারে এগার হাজার ফিট খাড়া বরফের স্তূপের নাচে মন্দির দেখা গেলো—অশ্রু বাড়ীর চিহ্ন মাত্র দেখতে পেলাম না—যা দেখতে চোখ সরাতে হবে! এক নিমেষে চোখের এক পলকে দুটা দৃশ্য দেখলাম—শৃঙ্গ ও মন্দির। হনস্তের গানে ডুবে গেলাম। কালও আমি, ঠিক সেই রকম একটা বাকের মুখে গিয়ে অকস্মাৎ বদরী-

নাথ দেবলাম। কিন্তু বসত-বাড়ীগুলোর মাঝে মন্দিরের কলস। চোখ নামিয়ে মন্দির খুঁজে নিতে হ'ল। যেহেতু, মন্দির ও বাড়ীগুলি উপত্যকার নীচে এবং আমি যেখানে দাঁড়িয়ে তার চাইতে নীচু জায়গায়। মন্দিরের পিছনে কেদারের শৃঙ্গ বিশাল শৃঙ্গ নাই। আশ্রা দুর্গের সমন্বয় থেকে তাজমহল দেখবার কালে আবেশে যে রকম বিভোর হয়েছিলাম, সে রকম বিভোর হয়েছিলাম অসীম কেদারের কোলে অথও অব্যয় দেবালয় দেখে। কেদার হচ্ছে ধূর্জটীর ধ্রুপদ সঙ্গীত, আর তাজমহল শাহাজাদীর লক্ষ্মী-চুংরী।

এখন বদরীনাথের কথা একটু বলা যাক। এক মাইল দীর্ঘ এবং আধ মাইল প্রস্থ উপত্যকার তিন দিক জুড়ে, ঘোড়ার খুরের মত বক্রাকারে, পাঁচ ছয় হাজার ফিট উঁচু কয়টা শৃঙ্গ। শৃঙ্গগুলি বরফে ঢাকা। উপত্যকার বৃকে অলকানন্দা। এবং তার দক্ষিণ তীরে ৬ বদরীনাথ ধাম। সহরে ৩০০ খানা একতল, দ্বিতল বাড়ী। পাথরের বাড়ী। কাঠের ছাদ প্লেটে ঢাকা। বারাণ্ডা নেই। পূর্বে বণিত পাহাড়ের বাক থেকে নীচে নেমে অলকানন্দার ছোটো সেতু পার হলাম এবং সন্ধ্যার প্রাকালে সহরে পৌঁছলাম।

ধূলা পায়ে মন্দিরে গমন এবং দেব-দর্শন। তখন মহা সমারোহে আরতি হচ্ছিলো। চতুর্ভূজ নারায়ণের সুন্দর মূর্তি। কালো পাথরের। গায়ে বহুমূল্য অলঙ্কার। হীরক-খচিত মুকুট। কেদারে পাণ্ডার সঙ্গে দেবদর্শন করেছিলাম। এখানে কিন্তু পাণ্ডাদের যাত্রী লয়ে মন্দিরে যাবার অধিকার নেই।

আমাদের চোঁটাটি দ্বিতল। দরজার পাশে, পাথরে লেখা আছে ;—

৬ কালীচরণ দাস তন্ত্র পত্নী নিস্তারিণী দাসী

তন্ত্র পুত্র

শ্রীপারীমোহন দাস তন্ত্র পত্নী শ্রীমতী হরমতি দাসী

তন্ত্র পুত্র

শ্রীমানিকলাল দাস তন্ত্র পত্নী শ্রীমতী নন্দরানী দাসী

ঠিকানা ২৩১ নং আম পোস্টা কলিকাতা।

আমাদের পাণ্ডা রামপ্রসাদ সূর্যাপ্রসাদ লক্ষণভাইএর প্রতিনিধি আমাদের প্রত্যেককে একটি করে লেপ দিলেন

ও ঘরে আশ্রয় রাখলেন। শীতে হাত পা যেন বেকে যাচ্ছিলো। পাণ্ডা ঠাকুর রাতে দেবতার প্রসাদ পাঠালেন। ভূর্জপত্রের আতপ চালের ভাত, আটার ডালপুরী, ময়দার লুচি, মালপো, পাপর ভাজা, বেসমের লাড্ডু, আলুর ঝোল, আলু চচ্চড়ী, উচ্ছে ভাজা, ঝাল-দিয়ে ঢেঁড়শ, আম তেল, আমড়ার আচার, কুমড়ার মোরঝা, লেবুর আচার এবং আলুর পকোড়ী। অনেক দিন সেই একঘেয়ে ভাত-ডাল-আলু-কুমড়া-রুটী লুচি খাবার পর আজ রাজভোগ খেয়ে প্রাণ জুড়ালো।

সকালে হাত মুখ ধুয়ে তপ্ত কুণ্ডে স্নান করতে গেলাম। তপ্ত কুণ্ডে মানে গরম জলের ঝরণা। মন্দির এবং অলকানন্দার মধ্যে এই ঝরণা এবং একটি ছোটো এবং অগভীর কুণ্ড আছে—পাকা ছাদের নীচে। ঝরণা থেকে কুটস্ত জল কুণ্ডে পড়ে। মন্দিরের সিংহদ্বার থেকে ত্রিশ ধাপ নেমে কুণ্ডে গেলাম। জল অত্যন্ত গরম। ঠিক তার পাশে আর একটি গরম জলের ঝরণা আছে,—পাহাড়ের গা থেকে চাতালের উপরে জল পড়ছে। সেখানে কুণ্ড নাই। আর পাঁচ ধাপ নেমে সেখানে গেলাম—এবং আরও বিশ ধাপ নেমে অলকানন্দা থেকে বালতি করে বরফ জল এনে গরম জলে মিশিয়ে স্নান করলাম। ঝরণার জল ঢেকে প্রথমে মিষ্ট পরে কষা লাগলো। এই গরম জল থাকার দরুণ যাত্রীদের অনেক সুবিধা হয়। হাত মুখ ধোবার জন্তু সকলে এ জল বাসায় নিয়ে যায়।

বর্দ্বীনাথের মন্দির আধুনিক কালের। গর্ভ-মন্দিরের উপরে নেপালী ধরণের কাঠের ছাদের মত বিমানের উপরে সোণার কলস। জগমোহনের উপরে মোগল-ধরণের পাথরের গম্বুজ। সিংহদ্বারে এবং অন্তান্ত অংশে মোগল এবং রাজপুত স্থাপত্যকলার প্রভাব।

নানা দেশের যাত্রী এসেছে। বুড়া বুড়ীই অধিক। তামিল, মরাঠা, পঞ্জাবী, শিখ, সিন্ধী ও গুজরাটীদের সঙ্গে আধা-বয়সী রমণী ও ছোট ছেলেমেয়ে এসেছে। কেউ কেউ কচি ছেলে এনেছেন। একটি শিখ বালিকা পদব্রজে এসেছে। সুন্দর ও প্রফুল্ল মুখখানি, টানা চোখ। আমার সঙ্গে অনেক কথা কয়। এমন মিষ্ট কথা! চসমা চোখে, “রিষ্টওয়ান” হাতে ভাটিয়া শেঠনী এসেছেন। দাণ্ডীতে বসে যান। ভ্রমণ-কাহিনী লেখেন। সঙ্গে ছরবীণ থাকে। খুব

ধনী তাঁরা। তাঁদের দলটির জন্তু চটীতে ভালো স্থান পাওয়া শক্ত। একজন উড়েনী ঐতিহারিণী এসেছেন। ছেঁড়া পুটলি ও বাশের লাঠি সম্বল। কঙ্কালসার দেহ। পায়ে গোদ। একটুখানি হাঁটেন এবং মাথা থেকে পুটলি নামিয়ে রাস্তায় রেখে জিরোন। আর ক্লীণ কঠে প্রাণ ভরে বলেন “কেদারনাথ বর্দ্বীনাথাল কি জয়।” ভিক্ষা হয় ত কোনো ঝিন জোটে, কোনো দিন অনাহার!

ডান পায়ে হাঁটু পর্যন্ত কাটা একজন ভিক্ষুক হুহাতে লাঠি ধরে এক পায়ে আসেন। অন্ধ পদব্রজে আসছেন। কেদার থেকে রামবাড়া নামবার পথে একজন হিন্দুস্থানী বৃদ্ধা বার বার মাথা টলে বসে পড়ছিলেন। তাঁর সঙ্গীও বৃদ্ধ। সহধর্মিণীকে সাহায্য করতে অক্ষম। অ্যামার অনুরোধে আমার কাঁধে ভর দিয়ে বৃদ্ধা রামবাড়া চটীতে এলেন। সেদিন অপরাহ্নে যোশীমঠ থেকে বিষ্ণু-প্রয়াগে নামছি। সঙ্গীরা এগিয়ে গেছেন। আমি সেদিন সকলের পিছনে—কৈলাস যাবার ব্যবস্থা করতে দেবী হয়ে যাওয়ার দরুন। পথে প্রোঢ়া বাঙালী রমণী অজ্ঞান হয়ে পড়ে আছেন দেখলাম। পাহাড়ীর দ্বারা জল আনিয়ে তাঁর চেতনা ফিরিয়ে আনলাম। পকেটে কিচমিচ, বাদাম, খেজুর ও মিছরি ছিলো। খাওয়ালাম।

পূর্ববঙ্গের কয়জন দরিদ্র স্ত্রী-পুরুষ এক দিন রাতে চটীর বাইরে কয়ল পেতে শুয়েছিলেন। তাঁরা রাসদ কিনতে পারবেন না শুনে মুদী চটীর মধ্যে তাঁদের আশ্রয় দেয়নি। খুব শীত। তাঁদের জামা নাই। দোকানীকে বলে কয়ে আমাদের নীচের তলায় তাঁদের স্থান করে দিলাম এবং আহায্যের ব্যবস্থা করে দিলাম। যুবতী স্ত্রীটির অসুখ করেছে। নরুদা ওষুধ দিলাম। তাঁরা একবেলা খেয়ে নারায়ণ দর্শনে চলেছেন। নবদ্বীপের একজন বাবাজী আট দশজন বৈষ্ণবী নিয়ে—হরিদ্বার থেকে আমাদের সঙ্গে যাত্রা করেছিলেন। বহুকাল পরে, গুপ্তকাশীতে, তাঁদের দলের দুজনকে—প্রোঢ়া পিসি এবং যুবতী ভাইব্বী “বুড়ী”কে—দেখলাম। সঙ্গীরা কেউ ঝগড়া করে আলাদা যাচ্ছেন, অর্থাভাবে এবং পথের কঠে কেউ কেউ ফিরে গেছেন। এঁদেরও সম্বল কম। অনেক যাত্রীদের পৌছাবার আগে আমি চটীতে যাই, এবং আমাদের, ও দুর্ভল, নিঃসহায়, সঙ্গীদের জন্তু জায়গা দখল করে রাখি। তাতে তাঁদের

কিছু সাহায্য করা হয় এবং তাঁদের আশীর্বাদে আমার সুখ, শান্তি, আনন্দ হয়—প্রাণে নব বলের সঞ্চার হয়। বিশেষ রমণীয় স্থান না হ'লে পশ্চিমধ্যে আমি বসি না.. একদমে পাঁচ ফ্রোশ হেঁটে আসি। সেদিন প্রদোষে প্রকৃতির নিকুঞ্জ কাননে, সুনীল অলকানন্দার তীরে উপল-খণ্ডের উপরে শুয়ে, উর্ধ্বে অন্তাচলগামা দিনমণির সিন্দূর-রাগে রঞ্জিত হিমাদ্রির তুব্বারের টোপরের দিকে চেয়ে, নদী কল্লোলের আকর্ষণে, শান্ত সমীরের লক্ষ্যলনে, ঘুমিয়ে পড়েছিলাম। আমার মা এবং অন্তাত্ম সঙ্গীরা ঘাট চটীতে আমি যাবার আগে গিচ্ছিলেন। তাঁদের খাবার একটু



বদরী-পথে চড়াই

পরেই আমি যাই এবং দেখি, খাবার আসবার যাত্রাতে চটী পূর্ণ। আমাদের দলকে পেয়ে চটী-রক্ষক দরিদ্র হিন্দুস্থানী-দিগকে জোর করে সরিয়ে দিচ্ছে। দুজন বাঙালী বৃদ্ধা শুয়ে ছিলেন—আমাদের রাধবাব জায়গা করবার ক্ষমতা তাদের থাকে দেওয়া হ'ল। একজন কেঁদে উঠলেন। আর বাঙালীকে, স্বজাতিকে, ধিকার দিয়ে বললেন. “বাঙালীর চেয়ে খোঁটারা ভালো। তাদের দয়ামায়া আছে। আমাদের

জায়গা করে দিয়েছিলো।” আমাদের শিক্ষিত, সম্ভ্রান্ত, অর্থশালী, সঙ্গী মহাশয় পরম আনন্দে বসলেন।

দরিদ্রদের শুধু চোখ রাড়িয়েই তিনি নিরস্ত হ'লেন না, মারবার উত্তোষ করলেন। আমি তাঁদের থামাই।

বাঙালী মেয়েদের মধ্যে অনেকের শিক্ষা ও স্বাস্থ্যের অভাব আছে। তার প্রকৃষ্ট প্রমাণ পেয়েছি বদরী-যাত্রায়। এ “বেণে” (এদিকে তাঁকে “মাসি” বলে সোহাগ করা আছে), ও “জেলে”, “মেড়ো মাগীগুলো মোট-মাথায় ছপু রোদে ধিক্রির মত হাঁটছে দেখো, ওদের আর কি—ছাতু ধেরে দিন কাটাবে, চান করবার বালাই নেই” “গতোর বয় না” (অথচ ঝাঁপানে যাচ্ছেন),—খালি নাকি-সুর, পর-নিন্দা, পর-চর্চা, সদা আরামের চেষ্টা, আর প্রলয়ঙ্করী অল্প পয়সার অকথা দেমাক! গাড়োয়ালের মেয়েরা দুক্রোশ চড়াই ভেঙ্গে একজন জল তুলছে—প্রশান্ত বদন, হাসিমাখা,—বিশ্রাম করতেই সময় পায় না, পরনিন্দা করবে কখন!

যতগুলি সাধু দেখলাম, তাঁদের মধ্যে হৃদয়কে দেখে যথার্থ ভক্তি হয়। একজন মধ্য-ভারতের লোক। পাগলাব মত। প্রতিনিয়ত ভগবানের নাম করছেন। অপরের বাড়ী গজাম জেলায়। তিনি খুব কম কথা ক'ন এবং কেউ কথা কইলে সংক্ষেপে উত্তর দেন। স্বেচ্ছায় কেউ তাঁকে খেতে দিলে একবারকার খাবার মত খাবার নেন। পয়সা নেন না।

কেদার-বদরী পরিক্রম করলাম। নিদ্রার ঘোরে স্বপ্নে আমি হিমালয়ের শোভা দেখি,—অলকানন্দার তীরে গগনস্পর্শী মহাস্র হিম-শৃঙ্গের পাষণ-প্রাকার,—অলকানন্দার অশ্রান্ত সঙ্গীত। সে সঙ্গীতের বিরাম নাই। হরিদ্বার ছেড়ে পর্যাস্ত রাত্রি-দিন নদীর কল্লোল শুনছি। হিমালয়ে শুধু গান, আর আলো, আর হাওয়া, আর বরফ। গন্ধ-মাদনের বিজ্ঞন অরণ্যে মালা হাতে সন্ন্যাসিনীর পবিত্র মূর্তি আমি বিস্মৃত হবো না—অলকানন্দা-মন্ডাকিনীর মিষ্টি জল আমি বিস্মৃত হ'বো না—আর আমাদের ঝাঁপান ও কাণ্ডীওলাদের সরল হাসি ও মধুর বচন আমি কখনো তুলতে পারবো না। যাত্রী-কাঁধে পাহাড়ে ওঠে; থামলে কোনো প্রশ্ন করলে—খালি হাসে।

## জয়

### শ্রীমানিক ভট্টাচার্য্য বি-এ, বি-টি

স্বদল-পরিবৃত রায়বাহাদুর নরেন্দ্রনাথ তাঁহার সুসজ্জিত বৈঠকখানায় সমাসীন। দ্বিতল গৃহ বৈজ্ঞাতিক আলোকে উদ্ভাসিত; মাথার উপর বিজলী-বাজনী অবিশ্রান্ত ঘুরিয়া সকলের গ্রীষ্মতাপ দূর করিতেছে ও পুষ্পাধারে রক্ষিত সুন্দর সুগন্ধি পুষ্পের গন্ধ গৃহ মধ্যে বিকীর্ণ করিতেছে। বারান্দায় টবের উপর নানা জাতীয় গাছ শৃঙ্খলা ও পারিপাট্যের সহিত সজ্জিত। সসুখের পরিচ্ছন্ন রক্তাভ রাজপথ তৃণ-শ্রামল প্রান্তরের কঞ্চলগ্ন হইয়া শ্রামল বসনের রক্তবর্ণ প্রান্তের মত শোভা পাইতেছে। প্রান্তরের পরবস্তী শাস্ত নদীর পরপারের শ্রামল তরুশ্রেণীর শিরে সন্ধ্যার অন্ধকার কুটিয়া উঠিয়াছে।

গণেশ। বড় বাবু, এবার আর চুপ করে থাকলে চলবে না। রীতিমত তোড়ফোড় চাই। এবারকার কার্যাসাধন-মণ্ডলীতে আর ওদলের একটি লোককে ঢুকতে দেওয়া হবে না।

রাইচরণ। তা যদি চাও, সঞ্জীবের ঠ্যাং দুখানা খোঁড়া করে দাও—বাস্।

শিবনাথ। অতি উত্তম প্রস্তাব। কিন্তু ঠ্যাং ভাঙ্গার চেয়ে তার জিভ কেটে দেওয়া হোক।

গণেশ। তার মানে?

শিবনাথ। জিভ দিয়েই ও বেণী অনথ করেছে। গেল বছরই তো রাইচরণের এক বিবে জমী সবাইকে বলে কয়ে গোচারণের জন্তু দেওয়ালে তবে ছাড়লে। সেই থেকেই তো রাইচরণের রাগ।

রাইচরণ। আপনি কি বলতে চান, তার জন্তু রাগ না করে তাকে সন্দেহ খেতে দিতে হবে?

নরেন্দ্র। থামো দিকি—ঝগড়া থামাও। এ দল ও দল কিছু নেই; আসল কথা সঞ্জীবকে নিয়ে। ও ভেতরে আসতে পেলে নিজের দল গড়তে একটুও দেবী হবে না।

গণেশ। আপনি থাকতে ও মাথা তুলবে—এ কথা—

নরেন্দ্র। আঃ, থাম তো গণেশ—বাজে বোকা না। সে কি পারে আর আমি কি পারি, তা তোমার চেয়ে বোধ হয় আমি বেশী জানি। শোন—তাকে দলে পেলে সব কাজ সোজা হয়ে আসে—যদি সে আমাদের প্রস্তাবে রাজী হয়। যদি না হয়, যেমন করে হোক তাকে বাধা দিতেই হবে। সে না থাকলে আর কেউ আপত্তি তুলতে সাহস করবে না।

গণেশ। তবে যাতে ভাল হয় তাই করুন। আমার হাতে যত লোক আছে—সব আপনারই জানবেন।

এক কন্সচারী আসিয়া একখানি খামে-বন্ধ-করা পত্র নরেন্দ্রের হাতে দিল।

নরেন্দ্র। এখন কর্তব্যের মীমাংসা হয়ে যাবে। সকালে তাকে সব কথা জানিয়ে পত্র দিয়াছিলাম—এই তার উত্তর। (মনে মনে পত্র পাঠ)—“নরেন্দ্র, বন্ধুত্ব আমাদের আমরণ বাঁচিয়া থাকিবে; কিন্তু তাহা শুধু তোমাব ও আমার;— কার্যাসাধন-মণ্ডলীর মধ্যে তাহার স্থান নাই।

তোমার প্রস্তাব আমার কাছে শুধু অগ্রাহ্য নহে—  
অশ্রাব্য। ‘ সঞ্জীব।’

(প্রকাশে)—সঞ্জীব রাজী নয়। লিখেছে, এ প্রস্তাব তার কাছে শুধু অগ্রাহ্য নয়—অশ্রাব্য। অশ্রাব্য! কি আশ্চর্য!

শিবনাথ ব্যতীত সকলে। উঃ কি আশ্চর্য্য! কি অহঙ্কার!

গণেশ। ওর অহঙ্কার ভাঙতেই হবে।

হীরালাল। যে মুখে ও এ কথা বলেছে, সেই মুখে যদি বড় বাবুর কাছে apology চায়, তবেই ওর রক্ষে; নইলে ওর হৃদশার একশেষ করতে হবে।

পান্নালাল। যে হাতে ও-কথা লিখেছে সেই হাত খোঁড়া করে যদি ও বড় বাবুর কাছে ক্ষমা চায়, তবেই ওর বাঁচোয়া।



নরেন্দ্র । শিবনাথ খুড়ো, হঠাৎ উঠলেন যে ?

শিবনাথ । ( যাইতে যাইতে ) আর সহ কস্তে পারলাম না বাবাজী । এদের আক্ষালম যদিও বা সহ কস্তে পারতাম—তোমার মৌনভাব সহ্য না ।

নরেন্দ্র । সঞ্জীবের অহঙ্কারে যদি কেউ স্বাধীন মত প্রকাশ করে, আমি তাতে বাধা দিতে যাই কেন ?

শিবনাথ । এতই যদি তোমার স্বাধীন মতের উপর শ্রদ্ধা, তবে সঞ্জীবকে তার স্বাধীন মত নিয়ে কেন থাকতে দিচ্ছ না, তা তো বুঝতে পারি নে । যাক্গে বাবা—ও সব কথা যেতে দাও । আমি আদার ব্যাপারী—জাহাজের খবরে কি দরকার আমার ! যদি বেফাঁস্ কিছু বলে থাকি, বৃড়ো বলে মাপ কোরো । রোজ তোমার এখানকার চা ও আফিংয়ের লোভে কর্ণেঞ্জিরের যতদূর উন্নতি করবার তাঁ করেছি । আর নয় বাবা—আজ থেকে বিদায় ।

[ শিবনাথের প্রস্থান ।

রাইচরণ । আসেন তো বাবুর বাড়ীতে ছবেলা চা মারতে—এদিকে বুলি খুব লম্বা । কি বলবে—বড় বাবু একটু খাতির করেন ওকে—

গণেশ । বড় বাবুর এ সব ছুধ কলা দিয়ে সাপ পোষা । শিব চক্রান্তি নিশ্চয় সঞ্জীবের কাছে গিয়ে এসব কথা বলবে ।

নরেন্দ্র ( বিরক্ত হইয়া ) । আচ্ছা, লোকের কুৎসা ছাড়া তোমাদের কি আর কোন কাজ নেই ? সকলে খারাপ আর তোমরাই খুব সাধু—এই কথাটা কি আমাকে বোঝাতে চাও ?

সকলে চকিত হইয়া স্তব্ধ হইয়া গেল ।

গণেশ ( বহুক্ষণ পবে ) । তাহলে বড় বাবু আমাদের কর্তব্য কি বলে দিন । আপনি যা করবেন আমরা তারই পেছনে আছি জানবেন ।

নরেন্দ্র । আজ বড় শাস্ত আছে—উঠি । কাল পরামর্শ শেষ করে ফেলা যাবে ।

সকলে উঠিয়া গেল । নরেন্দ্র নিজে আলো ও পাখা বন্ধ করিয়া দিতে, শুভ্র পুষ্পরাশির মত বিমল জ্যোৎস্না বারান্দা ও গৃহতল মুহূর্ত্তে ভরিয়া দিল । বাহিরের স্নিগ্ধ উচ্ছ্বসিত পবন কক্ষ-মধ্যে হিলোল তুলিয়া প্রবেশ করিল ।

সম্মুখের জ্যোৎস্না-প্লাবিত রাজপথ, প্রাস্তর, ও নদীবক্ষঃ গৃহের পানে মমতাভরা দৃষ্টিতে চাহিতেছিল ।

নরেন্দ্র নির্ঝাঁকু হইয়া বহুক্ষণ বাহিরের পানে চাহিয়া রহিল ।

( ২ )

অপরাজু । কয়েকখানি সুদৃশ্য পরিচ্ছন্ন কুটার । পিছনে ফল ও ফুলের বাগান । সম্মুখস্থ কুটারখানির সম্মুখে কিঞ্চিৎ মুক্ত স্থান গৃহস্বামীর নিজ-হস্তে সুন্দর ভাবে ঘেরা । কুটার মনো জনকয়েক যুবক কথোপকথনে নিমগ্ন ।

মিহির । কার্য্যসাধন-মণ্ডলীতে আপনি তাহলে থাকবেন না ?

সঞ্জীব । আচ্ছা মিহির, আমরা কাজ করি কেন ?

মিহির । আমাদের আদর্শ বজায় থাকবে, তাই ।

সঞ্জীব । আমাদের আদর্শ কি ?

মিহির । দেশের অভাব দূর করা ।

সঞ্জীব । নরেন্দ্র এবার নিজে সে ভার নিয়েছে । সকলকে বলেছে, যদি আমাকে তারা বর্জন করে, তাহলে দেশহিতকর সকল কাজ সে সানন্দে করবে ।

নিখিল । আর আপনি এই ভাবে তার পথ স্বেচ্ছায় পরিষ্কার করে দেবেন ?

সঞ্জীব । তার পথ পরিষ্কার করে দিচ্চিনে, পরিষ্কার কচ্চি দেশের উন্নতির পথ । সে যদি এ কাজে হাত দেয়—আমার হাত দেবার কোন প্রয়োজন হবে না । আমার চেয়ে ঢের ভালরূপে সে এসব কাজ সম্পন্ন কর্তে পারবে ।

মিহির । তিনি যে কথা রাখবেন তার প্রমাণ কি ?

সঞ্জীব । আমি তাকে খুব ভাল জানি মিহির । আমরা যে আবালোর বন্ধু । কথার নড়চড় করবার লোক সে নয় ।

শিশির । আপনার তিনি বন্ধু, অথচ আপনাকে বাদ দিতে পারলে তিনি বাঁচেন কেন ?

সঞ্জীব । এ শুধু আমার ওপর তার অভিমান । বন্ধুত্বের চেয়ে আমার মতকে আমি বড় করে দেখুচি, এই তার ছুঃখ ।

শিশির । তিনিও কি তাই দেখুচেন না ?

সঞ্জীব । সে আমার ডাকে, আমি যাই না ; আমি তো তাকে ডাকি নি ।

মিহির । ডাকলে কি আসতেন ?

সঞ্জীব । নিশ্চয় ।

মিহির । তবে কেন ডাকেন না ?

সঞ্জীব। তার মতকেও আমি তার মতন শ্রদ্ধা করি। আমার খাতিরে সৈ নিজের মত বদলাবে, তা আমি চাই না। আমাদের বিরোধ কোন্‌ খানে জান তো? সাধারণ নিরক্ষর লোকদের সে ঘৃণা করে। আমি তাদের গড়ে তুলতে চাই। তাদের সে কোন সুবিধা দিতে রাজী নয়। আমি তাদের সব সুবিধা দিয়ে, তাদের চোখ মুখ ফুটিয়ে দিতে চাই।

মিহির, শিশির ইত্যাদি। আমরাও তাহলে এবার মণ্ডলীর বাধ্য থাকব না।

সঞ্জীব। তাহলে তোমরা আমার বিরুদ্ধে বিদ্রোহ করবে—আমায় দেশসেবা থেকে বঞ্চিত করবে। আজ আমার আদর্শ নরেন্দ্র গ্রহণ করেছে। তোমরা আমার দক্ষিণ হস্ত। তার সঙ্গে তোমরা থাকলে আমার পরিপূর্ণ ভাবেই থাকা হবে।

নীরদ। একটা কথা কিন্তু ভুলে যাচ্ছেন—এতে যে আপনার অপমান হবে?

সঞ্জীব। আমার নিজের সম্মানের চেয়ে আমার আদর্শের সম্মানই আমি বড় বলে মনে করি। তোমরাও তাই মনে করলে আমি সুখী হব।

সকলে গাঢ়স্বরে। আপনার আদেশ মতই আমরা চলব।

সঞ্জীবকে প্রণাম করিয়া সকলে ভারাক্রান্ত হৃদয়ে ধীরে ধীরে উঠিয়া গেল।

( ৩ )

সন্ধ্যার প্রাক্কাল। উৎসব-শোভায় সজ্জিত কক্ষে বিজয়োৎফুল্ল দলবল সহ নরেন্দ্র উপবিষ্ট। দুই জন মুকুট গায়ক আসিয়াছেন—শীতলই গান আরম্ভ হইবে।

হীরালাল। আজ একটা শোভাযাত্রা বার করলে হয় না? ও-পাড়াটা একবার বেশ করে ঘুরে আসা যায়।

রাইচরণ। তা মন্দ হয় না। ব্যাপারটা কি রকম চলছে একবার দেখে আসা যায়—দেখানোও হয়।

গণেশ। বড় বাবু বলেন তো সে ব্যবস্থা এখনি করে ফেলা যায়।

নরেন্দ্র। না, তাতে আর দরকার নেই। বড় বাড়াবাড়ি হয়।

হীরালাল। কিন্তু এরকম victory আর হয় না—একেবারে, যাকে বলে, Complete—

গণেশ। তা নয় ত কি! শেষটা বাছাধনকে মানে মানে সরে দাঁড়াতে হ'ল। এর চেয়ে আর অপমান কি হতে পারে!

নরেন্দ্র। তার এ অপমানের জন্ত সে নিজেই দায়ী। তাকে দলে নেবার জন্ত কম চেষ্টা করেছি। চিঠি লিখেছি,—তার পর নিজে তার বাড়ী গিয়ে তাকে সেধেছি। তবু সেই এক উত্তর—কোন সর্ভে আমি তোমার দলে যেতে রাজী নই। তাই না আমার রোক্‌ চাপল—যেমন করে হোক্‌ ওকে সরাতেই হবে।

গণেশ। কথায় বলে—‘অতি দর্পে হতা লক্ষা’—হ'লও তাই। ‘সঞ্জীব বড় কাজের লোক, সঞ্জীব বড় ভাল’—সবারই মুখে এই কথা। এখন?

নরেন্দ্র। গণেশ, নয়ানপুরে একটা পুকুর সব আগে দিতেই হবে। যখন কথা দিইছি তখন তা রাখতে হবে! কালই লোক লাগিয়ে দাও।

গণেশ। যে আছে—তাই হবে।

হীরালাল। নয়ানপুরে এরি মধ্যে না কি ছ' একটা কলেরা দেখা দিয়েছে।

রাইচরণ। বড় ২১টা নয় -৬'দশটা এরি মধ্যে সাবাড় হয়েছে। সেদিন দেখি ২৪ জন শিষ্য নিয়ে বাবু যাচ্ছেন নয়ানপুরে ‘শ্রাবা’ করতে। এখন ঐ সব কাজই থাকল। যত পারে এবার শ্রাবা করুন।

সন্ধ্যা নামিল। আলোকমালা জলিয়া উঠিল। বাহিরে চন্দ্রকিরণ লতায়, পাতায়, তৃণে, প্রাস্তরে ও রাজপথে ঝরিতে লাগিল।

গায়ক গৃহমধ্যে উৎসব-গীতির উদ্যোগ করিতে লাগিল।

নরেন্দ্র বাহিরে আসিয়া বসিল।

গণেশ ( নিকটে আসিয়া )—বড়বাবু, আপনার শরীর কি আজ ভাল নেই? কেমন যেন দেখাচ্ছে।

নরেন্দ্র। তা দেখাক্‌ গণেশ; আমার একটু চুপ করে একা বসতে দাও দিকি।

সহসা দূর হইতে বহুকণ্ঠে সম্মিলিত গীতিধ্বনি ভাসিয়া আসিল।

নরেন্দ্র। ( চমকিয়া ) এ কি গণেশ?





গণেশ । ( ভাল করিয়া শুনিয়া )—সংকীর্তন আস্ছে বলে মনে হচ্ছে ।

নরেন্দ্র । এই যে মোড়ের মাথায় এসে পৌঁছাল । এবার স্পষ্ট শোনা যাচ্ছে ।

কীর্তনের ভাষা শুনা যাইতে লাগিল :—

হরিনাম বিনা ভবে গতি আর নাই রে ।

সংসারে সব অসার হরিনাম সার রে ॥

গণেশ । কেউ মারা-টারা গেল না কি ?—কি জানি ।

নরেন্দ্র । ওই যে মোড়ের মাথায় ভিড় জমে গেল ।

গণেশ, গানটা একটু থামাতে বল ত ; আর দৌড়ে একবার জ্বেনে এস ত—ব্যাপার কি ।

গান থামিল । গণেশ খোঁজ লইতে ছুটিয়া গেল ।

নরেন্দ্র উৎকণ্ঠিত ভাবে সেই দিকে চাহিয়া রহিল ।

গণেশ । ( উদ্ধ্বাসে ফিরিয়া আসিয়া )—বড়বাবু !—

নরেন্দ্র 'সোছেগে —কি, ব্যাপার কি ?

গণেশ । সঞ্জীব মারা গেছে । নয়ানপুরে গিয়ে কনেরা হয়েছিল । চারিদিক থেকে দলে দলে লোক আস্ছে তাকে দেখতে ঐ দেখুন —এসে পড়ল ।

নরেন্দ্র ( ক্ষণেক স্তব্ধ থাকিয়া উদ্ভ্রান্তভাবে ) । এঁটা, সঞ্জীব মারা গেছে !

নরেন্দ্র খালি পায়ে, খালি গায়ে ব্যস্তভাবে নীচে নামিয়া আসিয়া দেউড়ির সম্মুখে দাঁড়াইল ।

দিবস কুরায় গেছে, ডুবে গেছে রবি রে ।

চারিদিক ঘিরে স্তব্ধ গভীর আঁধার রে ॥

গাহিতে গাহিতে কীর্তনীয়ারা অগ্রসর হইয়া আসিল । পশ্চাতে শিশির, মিহির, নিখিল ও শিবনাথ সঞ্জীবের পুষ্পমালা-সজ্জিত শবদেহ বহিয়া চলিল ।

নরেন্দ্র অবাক হইয়া চাহিয়া রহিল । মনের মধ্যে প্রশ্ন জাগিতে লাগিল—কাতার বিরুদ্ধে সে ষড়যন্ত্র করিয়াছিল, আর কেনই বা করিয়াছিল ?

জ্যোৎস্না যেন স্নান হইয়া আকাশে ফিরিয়া গেল । রাজপথ, প্রাস্তব, নদী, আপনার অট্টালিকা—সব যেন মুহূর্তে মিলাইল । মনে হইল—এসব কোথাও ছিল না, কোন দিন ছিল না ;—সব মিথ্যা, সব মায়া !—

গানের সুরে চমক ভাঙ্গিল । শববাহীরা একটু দূরে চলিয়া গিয়াছে ; সেখান হইতে শুনা যাইতেছে :—

সম্মুখেতে মহাসিদ্ধু গরজে ভীষণ রে ।

হরিনাম ভেদা তাহে কেবলি সম্বল রে ॥

নিঃশব্দ ফেলিয়া নরেন্দ্র সেই অবস্থায় একাকী—দূর হইতে শবদেহের অনুসরণ করিল ।

## হিমালয়

### শ্রীমতান্দ্রমোহন বাগচী বি-এ

২

বারেক আমায়ে তুমি দেখা দিয়ে আজ  
ভাঙিলে সকল গর্ভ হে রাজাদিরাজ,  
সৃষ্টি-পিতামহ-ভীষ্ম ওগো হিমাচল !  
দিনে দিনে তিলে তিলে আপনা বিহ্বল ।  
রচিছিমু মনে মনে যে দম্ভ-নিলয়,  
কঠিন কটাক্ষে তব লভি' তা বিলয়  
মুহূর্তে মিশেছে ওই চরণের তলে,  
চরণ-ধূলার মত, আজি পুণ্যফলে !  
কি আনন্দ ! ক্ষুদ্র আমি, লঘু আমি আজ,  
মুক্ত আমি তব স্পর্শে হে নগাদিরাজ !  
এ কি হর্ষ ! আজি মোর ভারমুক্ত প্রাণ  
স্বদূরের যাত্রাপথে বিহ্বল সমান  
লভিল অপূর্ব গতি ! তুচ্ছতা তাহার  
সত্যরূপে আজি তার শ্রেষ্ঠ পুরস্কার ।

আমায়ে করিয়া ক্ষুদ্র, ওগো হিমরাজ !  
সত্যকার বড় তুমি করিয়াছ আজ,  
হে দেব, হে হিমালয় ! অহঙ্কারে গড়া  
অসত্যের আবরণ, কলঙ্ক-পসরা  
নিজ হাতে কাড়ি' লয়ে করিয়াছ দান  
সুযোগ্য শিষ্যের মূর্তি মঙ্গল মহান ;  
প্রেম দিয়া অগৌরবে করিয়াছ জয়,  
মাতৈঃ-অভয়-মস্ত্রে হরিয়াছ ভয়  
ছর্ব্বলের চিন্ত হ'তে, লভি সঙ্গ তব  
সকল রিক্ততা মোর স্বর্ণ অভিনব  
স্পর্শমণি স্পর্শে যথা ; লঘু বাষ্পরাশি  
তোমার শীতল স্পর্শে দ্রব হয়ে আসি'  
হুই বিন্দু আঁখিজলে পরিণত আজ,  
হে মোর কঠিন-কাস্ত, হে অচলরাজ !

## ভারতের স্বাধীনতা-শিক্ষা

( প্রতিবাদ )

একজিকিউটিভ ইঞ্জিনিয়ার

শ্রীযুক্ত শ্রীশচন্দ্র চট্টোপাধ্যায় মহাশয় ভারতীয় স্বাধীনতা-শিক্ষার পুনঃ প্রচলন মানসে বন্ধপত্রিকার হইয়া তৎসম্বন্ধে আবেদন আন্দোলন করিতেছেন। ইতিপূর্বে কোনও বাঙালী এ বিষয়ে তাঁহার মত উৎসাহ প্রকাশ করিয়াছেন কিনা আমি জানি না। বরেন্দ্রী শিক্ষার কবল হইতে দেশীয় শিক্ষাকে রক্ষা করিতে হইলে আমাদের চেতনা এবং আত্মমর্যাদা-জ্ঞান আনয়ন করা সর্বোচ্চ কৰ্তব্য। তৎক্ষণাৎ নানা বাধা-বিঘ্নের মধ্য দিয়া বিবিধ উদ্যোগ অনুষ্ঠান করিতে হইবে। শ্রীশ বাবুর উচ্ছ্বাস-আশ্রয় সকলে সমবেত হইয়া সেইরূপ একটি অনুষ্ঠান করি। শ্রীশ বাবু তাঁহার মহতী আকাঙ্ক্ষাকে কি প্রকারে কাষো পরিণত করতে সক্ষম করিয়াছেন, তাঁহার কৌশল ও প্রণালী আমি বিশদ ভাবে অবগত আছি।

গত ছোষ্ঠ মাসের 'ভারতবর্ষ' বিবিধ প্রসঙ্গে জনৈক ইঞ্জিনিয়ার শ্রীশচন্দ্রের বিরুদ্ধ সমালোচনা এবং তাঁহাকে কয়েকটা প্রশ্ন করিয়াছেন। তাঁহার প্রশ্নের উত্তর দেওয়া আমি কৰ্তব্য মনে করি।

শ্রীশচন্দ্রের কাব্যকলাপে অথবা বাংলা ও ইংরাজীতে লিখিত প্রবন্ধে "হজুগের" বিন্দুমাত্র আভাস পাই নাই। তিনি প্রকৃতই একজন কবী। তবে তাঁহার কবিত্ব একাকী তাঁহার দ্বারা সম্পন্ন হওয়া সম্ভবপর নহে। সে কাষো সন্দর্ভাবরণের সহযোগিতা সন্দেহাত্মকভাবে অপরিহার্য। সেগুলি বক্তৃতা দান ও প্রবন্ধ প্রকাশের প্রয়োজন আছে। আমিও ভারতীয় স্বাধীনতা-শিক্ষার অনুরাগী। সে বিষয়ে কিঞ্চিৎ অধ্যয়ন ও অনুশীলন করিয়াছি। কিন্তু শ্রীশ বাবুর একাগ্রতা, ঐশ্বরিকতা, দেশহিতৈষিতা, স্বীয় স্বার্থ-বিসর্জন করিয়া অর্থে-সামর্থ্যে অপরের উপকার করিবার আকলতা এবং তাঁহার পার্শ্বতা, অভিজ্ঞতা এবং সংগঠন-শক্তির উচ্চ প্রশংসা না করিয়া থাকিতে পারি না। অশেষবিধ বাধা-বিঘ্ন অতিক্রম করিয়া, সংগঠিত আপদ-অস্থিবিধা ভোগ করিয়া এবং বর্ণনাতীত কষ্ট সহ্য করিয়া—সেমল-মেরের মরুভূমে ৯৮ মাইল পদযাত্রা পমন করিয়া—সমগ্র ভারতবর্ষ ও ব্রহ্মদেশ তিনি পঞ্চদশ বর্ষ ধরিয়া পধ্যতন করিয়াছেন; এবং তাঁহার সঙ্কল্প সিদ্ধ করিবার উপকরণ সংগ্রহ করিয়া আনিয়াছেন। শুধু পুস্তক পাঠে তাঁহার পিপাসা মিটে নাই। মাত্র অধ্যয়নে এবং দেশ ভ্রমণে তিনি তৃপ্ত হইয়েন নাই। রাজপুতানায় বাস করিয়া ভারতীয় শিক্ষার নির্দেশ অনুসারে গৃহ নির্মাণ করিবার কৌশল তিনি শিখিয়া আসিয়াছেন।

শ্রীশচন্দ্রকে কেন্দ্র করিয়া তাঁহার এই তথাকথিত "হজুগে" যাঁহার যোগদান করিয়াছেন, তাঁহারা রবীন্দ্রনাথ, জগদীশচন্দ্র, অবনীন্দ্রনাথ, গগনেন্দ্রনাথ, অর্ধেন্দ্রকুমার এবং পবলিক ওয়ার্কস ডিপার্টমেন্টের অন্তর

সেক্রেটারী, কলিকাতা কর্পোরেশনের চীফ ইঞ্জিনিয়ার, গভর্নমেন্ট আর্ট স্কুলের প্রিন্সিপাল এবং গভর্নমেন্টের কনসাল্টিং আর্কিটেক্ট এবং দেশের অস্তুতম নেতা শ্রী হরি সিং পৌর এবং বোম্বাইএর যমুনালাস দ্বারকাদাস মহোদয়ের মত কবী। লর্ড লিটন এবং স্বর্গীয় দেশবন্ধু চিত্তরঞ্জন শ্রীশচন্দ্রকে উৎসাহিত করিয়া তাঁহার প্রাণে নব বলের সঞ্চার করিয়াছেন। লেখক মহাশয় হয় ত ইউনিভার্সিটি ইনস্টিটিউটের বৈঠকে উপস্থিত ছিলেন না। থাকিলে তিনি দেখিতে পাইতেন যে, শ্রীশ "চিত্র শিল্পী, বিজ্ঞানবিদ এবং সাধারণে এই বৈঠকে" যোগদান করেন নাই। প্রথমতঃ এই পুনরুদ্ধার ব্যাপারটিতে ইনস্টিটিউটের হাত ছিল না [ইনস্টিটিউটের কর্তৃপক্ষেরা শ্রীশ বাবুকে স্বতন্ত্রভাবে বক্তৃতা দিবার তত্ত্ব অনুরোধ করিয়াছেন।]; ইঞ্জিনিয়ার এসোসিয়েশন তদীয় কাব্যনিকাহক সভামণ্ডলীর অবিসংবাদী সমর্থনে—এই বৈঠকের অনুষ্ঠান করেন। দলে দলে ইঞ্জিনিয়ার আসিয়াছিলেন—শিবপুর কলেজের ছাত্রপ্রিয় সুপণ্ডিত অধ্যাপক শ্রীশ মহাশয়ের নেতৃত্বে কলেজের ছাত্রেরা আমায়-ছিলেন, পবলিক ওয়ার্কসের, কর্পোরেশনের এবং অস্তুত সরকারী এবং বেসরকারী নিম্ন এবং উচ্চ পদস্থ পুস্তকবিদ এবং শ্রীযুক্ত সি, কে, সরকারের মত সুপণ্ডিত-বিজ্ঞান-বিশারদ সেই সভায় সমাসীন ছিলেন। মিষ্টার পার্সি ব্রাউন এবং কনসাল্টিং আর্কিটেক্ট কেয়ার সাহেব কাষাবশতঃ আসিতে পারেন নাই। তৎক্ষণাৎ প্রকাশ করিয়া তাঁহারা পত্র লিখিয়াছেন; এবং মিউনিসিপ্যাল গেজেটে সেই মুঞ্চকরী বক্তৃতা পাঠান্তে তাঁহাদের আন্তরিক প্রীতি, সহানুভূতি এবং সমর্থনের কথা জ্ঞাপন করিয়াছেন। পত্রগুলি আমি দেখিয়াছি। ব্রাউন সাহেব লিখিয়াছেন তিনি শ্রীশ বাবুকে সর্বপ্রকারে সাহায্য করিতে প্রস্তুত আছেন। লাটসাহেবের সেক্রেটারী লিখিয়াছেন, লর্ড লিটন তাঁহার ইনস্টিটিউটের বক্তৃতা মিউনিসিপ্যাল গেজেটে পড়িয়া অত্যন্ত প্রীত হইয়াছেন। শ্রীযুক্ত জে, সি, বানার্জী সেই সভায় সভাপতি ছিলেন। তিনি বহুদলী, বিচক্ষণ এবং সুদক্ষ ব্যবসায়ী। শ্রীশ বাবুর ব্যবস্থাটা "উদ্ভাস কল্পনা" কি না, তাঁহার বিচার করিবার তিনি সর্বোপেক্ষ উপযুক্ত পাত্র।

"চিত্র শিল্পী এবং বিজ্ঞানবিদের কথা"। শ্রদ্ধেয় লেখক মহাশয় কি বলিতে চাহেন যে, কলেজে-পাশ-করা ইঞ্জিনিয়ার বাতীত এ বিষয়ে সম্ভব্য প্রকাশ করিবার অধিকার অপরের নাই? ভারত-গৌরব অবনীন্দ্রের বিশ্বপ্রসারিত তীক্ষ্ণ দৃষ্টি অথবা জগদীশের তপস্বালঙ্ক বিজ্ঞানবাদ, লেখকের মতে স্বাধীনতা বিজ্ঞান-মন্দিরের রহস্য-দ্বার উদঘাটিত করিতে

অথবা প্রস্তাবগুলি কার্যকরী হইবে কি না বিবেচনা করিয়া মত প্রকাশ করিতে অসমর্থ? স্থাপত্য-কলার সঙ্গে যে চিত্র ও সঙ্গীত-বিজ্ঞান আছে, বন্ধন আছে! তিনি কি তাহা কাটাইতে চান? তিনি একবার অবনীন্দ্রের চিত্রশালার স্থাপত্যকলা দেখিয়া আসুন। তিনি বহু-বিজ্ঞান-শাস্ত্র এবং আচার্যের আবাস-ভবন পর্যবেক্ষণ করিয়া আসুন। আচার্যের সৌন্দর্য পরিকল্পনা করিবার এবং হিন্দু রীতিতে রমণীয়-বিচিত্র উদ্ভাস রচনা করিবার এবং দেশীয় ধরণে কক্ষ সুসজ্জিত করিবার অদ্ভুত শক্তি প্রদান করিতে পারিবেন। আচার্য্য বহু এবং তাহার সহধর্মিণী শ্রীশিবাবুকে দুইটি বাটার "ডিজাইন" করিতে দিবেন বলিয়াছেন। তাহার ব্যবস্থা হইতেছে: শ্রীশিবাবু তত্ত্বাবধানে শাস্ত্রনিকেতনে রবীন্দ্রনাথের আবাস-ভবন নির্মিত হইতেছে। তাহার তত্ত্বাবধানে বিরচিত আট লক্ষ টাকা মূল্যের প্রাসাদতুল্য বিশাল ভবনের আলোক-চিত্র প্রকাশিত করিয়া "ভারতবর্ষ" দেশবাসীর কৃতজ্ঞতাভাজন হইয়াছেন। ইণ্ডিয়ান ওরিয়েন্টাল আর্ট সোসাইটির সহকারী সভাপতি এবং "রূপম্" পত্রিকার বিশ্বশ্রুত সম্পাদক, শিল্পী অর্ধেন্দুকুমার একজন প্যাতনামা এটর্নী। শ্রীশিবাবুর প্রবন্ধ পাঠাচ্ছে তিনি লিখিয়াছেন— "প্রত্যেক ভারতবাসী যিনি civic architecture এর সংকল্পের প্রকাশ করেন, লোকের সৃষ্টিস্থিত ও প্রশংসনীয় প্রস্তাবগুলির মতে কাণ্ড করাইবেন।" City Architect Hathancay সাহেব শ্রীশিবাবুকে উৎসাহিত করিয়াছেন।

বহুকাল হইতে আমরা দেশের শিল্প পরিচালনা করিয়া বিদেশী স্থাপত্য-কলার আরাধনা করিতেছি। বিদেশী ধরণ-ধারণ এবং Slave mentality আমাদের অস্থি-মজ্জায় মিশিয়া আছে। আমাদের শিক্ষা-দীক্ষা, আমাদের ধ্যান ধারণা সকলই বিদেশী প্রণালীতে ওঠে-প্রোত। আমরা নূতন কিছু ভাবিতে পারি না—বৃহৎ কিছু কল্পনা করিতে পারি না। মিউনিসিপ্যালিটির পূর্ক-বিভাগও সেই ভাবে প্রতিষ্ঠিত হইয়াছে। সহরে দেশীয় স্থাপত্যের প্রতিষ্ঠান করিতে হইলে, মিউনিসিপ্যাল আইনের "আমূল পরিবর্তন" করা না হোক, কিছু অদল-বদল করা আবশ্যিক। শ্রীশিবাবু তাহাই বলিয়াছেন। তাহার প্রত্যেক প্রস্তাব যুক্তিপূর্ণ অথচ বিশেষ আয়াসসাধ্য নহে। অত্যধিক ব্যয়-সাধ্যও নহে। তিনি বলিয়াছেন—জল, ড্রেজ বিভাগের মত ভারত স্থাপত্যের একটি নূতন বিভাগ স্থাপন করিতে হইবে। প্রথমতঃ অনাডম্বর থাকবে; এবং ব্যবসার দিকে লক্ষ্য রাখিয়া। ক্রমে ক্রমে ব্যবসায়ে লাভ হইলে, এবং প্রণালীটা সদয়ক্রম ও কাব্যকরী হইলে, সেই আপাততঃ ক্ষুদ্রাকৃতি ভারতীয় স্থাপত্য বিভাগটা বিশাল মহীরুহে পরিবর্তিত হইবে। সমালোচকের উল্লিখিত "মাল মশলা বিক্রয়ের জন্ত দোকান খোলা," "বিশাগীয় বিজ্ঞানসমূহের মারফত সাধারণকে ভারতীয় স্থাপত্য-বিজ্ঞান শিক্ষা" প্রদান, "পুস্তকালয়" "কারখানা" প্রভৃতি বাপা প্রশাখার সৃষ্টি হইবে—তখন। ইহার মধ্যে আরবা উপস্থানের কথা কি আছে? স্থাপতি যখন নগরের পরিকল্পনা করেন, তখন দুই শত বৎসর পরে নগরের কিরূপ পরিণতি হইবে, তাহার হিসাব করিয়া কাণ্ড

করেন। মহীশূরের ভূতপূর্ক চীক ইঞ্জিনীয়ার এবং দেওয়ান শুর বিবেচকের অদ্ভুত কার্যকারিতার সঙ্গে শ্রীশিবাবু যখন বক্তৃতা করিয়াছিলেন, তখন তিনি বাস্তবিকর তপোবন—অবনী গ্রামের টেলিফোন দেপার্টমেন্টে, সুদূর অরণ্যের মধ্যে দীনতম পল্লীগ্রামের কিরূপ উৎকর্ষ-সাধন করিয়াছেন ওই ভূতপূর্ক ইঞ্জিনীয়ার। ভারতের এক আদর্শ পল্লীগ্রাম শ্রীশিবাবু দেখিয়া আসিয়াছেন—মহীশূরের গণ্ডগ্রামে। আমরা Geddes এর বক্তৃতা শুনিয়াছি এবং তাহার গ্রন্থ পাঠ করিয়াছি। কী বিরূপ "উদ্ভাস কল্পনার" ব্যাপার! ইয়োরোপ আমেরিকার অনেক মিউনিসিপ্যালিটিতে শ্রীশিবাবুর কল্পিত ভারতের ভাবী মিউনিসিপ্যালিটিগুলির অপেক্ষা বহু গুণে বৃহত্তর অনুষ্ঠান আছে। মিউনিসিপ্যালিটি নাগরিকদের প্রশাসনীয় সকল দ্রব্যই উৎপাদন এবং সরবরাহ এবং তৎসম্বন্ধে বিভাগ সৃষ্টি করিতে পারেন। হোটেল, পিয়েটার হইতে রেলওয়ে পর্যন্ত। স্বাস্থ্যসেবা তাহার মূলমন্ত্র। সম্পতি ত্রিচিনা-পল্লীর মিউনিসিপ্যালিটির কর্তৃপক্ষেরা মিউনিসিপ্যাল বিজ্ঞানালয়ের প্রত্যেক ছাত্রকে বাস্তবিক শিপাইবার নিয়ম জারি করিয়াছেন। শ্রীশিবাবুর উদ্ভাস—ভারতবর্ষের বৃহত্তর মহরগুলিতে Municipal School of Arts and Crafts খোলা হোক। এপরে কতকটা সেরূপ ভাবে কাণ্ড করা হয়। ভারতের এপরে শিল্পের এত উন্নতি। কলিকাতা মিউনিসিপ্যালিটির আয় অল্প নহে। তাহার চতুর্থাংশ আয় হইলে আমেরিকার পল্লীগ্রামে এতদধিক বিলাস প্রাপ্ত হইত। সাহিত্য, কাব্য, ইতিহাস, বিজ্ঞান ও চিত্রকলাতে ভগতের মাঝে বাঙালীর উচ্চ আনন্দ আছে। কিন্তু Mohaswath এ বাস্তবী ইঞ্জিনীয়ারের উদ্ভাবিত একটি formula পর্যন্ত নাই, আবিষ্কারের কথা দূরে থাকুক। নিত্যন্ত গতানুগতিক ভাবেই আমরা জীবনযাত্রা নিব্বাহ করিতে চাই; এতটুকু পরিবর্তন সহ্য করিতে পারি না। শ্রীশিবাবু আমাদের জাতিকে, আমাদের অত্যাচার-প্রপীড়িত দেশকে জাগরিত, উত্তোলিত এবং "হুজুগ" ছাড়িয়া কল্পে নিয়োজিত করিতে চাছেন।

মহামতি চাভেল প্রমুখ স্বাধীনগণী ভারতের স্থাপত্যের উদ্ধার-কল্পে প্রাণপণে চেষ্টা করিয়াছেন। কিন্তু তাহারা তাদৃশ কৃতকাণ্ডা করেন নাই। "রাতারাতি" ফললাভ না হইলেও, চাভেল যে ডেড প্রবাহিত করিয়া দিয়াছেন, মৃতপ্রায় ভারতবর্ষকে তাহা কালক্রমে সঞ্জীবিত করিয়া তুলিবে। একরূপ কাণ্ডের ফল এক দিনে পাওয়া যায় না। বৃহৎ কাণ্ড করিতে হইলে বৃহৎ অনুষ্ঠান করিতে হয়—এবং তাহা সিদ্ধ হইতে সময় লাগে। সমালোচকের বিদ্রূপ মত "কল্পতরু"ই হইতে হইবে। তবে কপোরেশন তাহার ব্যবস্থামত কাণ্ড করিতে সাহসী অথবা সমর্থ হইবেন কি না, সে কথা স্বতন্ত্র।

এ বিষয়ে প্রথমেই একটি কমিটি নিযুক্ত করিবার প্রস্তাব শ্রীশিবাবু করিয়াছেন। কমিটি শ্রীশিবাবুর প্রস্তাবগুলির মধ্যে যে কয়টা যুক্তযুক্ত বোধ করিবেন গ্রহণ করিবেন, নতুবা অল্প উপায় উদ্ভাবন করিবেন। মোটের উপর নিশ্চেষ্ট হইয়া বাসিয়া থাকি চলে না। স্বায়ত্ত ব্যয়ের ব্যবস্থা করিবেন তাহারা। একখানি ঘর এবং জন কয়েক কর্মচারী লইয়াই

কার্য আরম্ভ করা যায়। ঐ নূতন স্থপতি বিভাগকে ক্ষমতা দেওয়ার জন্ত নূতন আইন প্রবর্তন করা হোক। আইন নাই; আইন হইতে কতক্ষণ। বিভাগটি বিল্ডিং ডিপার্টমেন্টের অধীনে তাহার শাখা বলিয়া পরিগণিত হোক। তাহার ব্যয়ভার সাধারণ বিল্ডিং ডিপার্টমেন্টকে বহন করিতে হইবে। তজ্জন্ত সহরবাসীদের উপরে স্বতন্ত্র কর স্থাপন করিবার হয় ত প্রয়োজন হইবে না। আবশ্যিক হইলে বিধিমত উপায়েও কর সংগ্রহ করা যায়। সে সম্বন্ধে শ্রীশ বাবু উত্তম পরামর্শ দিয়াছেন। সহরবাসীর গৃহ নির্মাণ কার্যের "ঠিকা" লইলে মিউনিসিপ্যালিটির অর্থ লাভ হইবে। তাহা হইতে, ক্রমশঃ অল্প প্রস্তাবগুলির মত কার্য করা সাধারণ হইবে। কেবলমাত্র হিন্দুর স্থাপত্যের পরিপুষ্টির জন্ত এই স্থাপত্য বিভাগ সৃষ্টি হইবে না। মুসলমান স্থাপত্যেরও ইহাতে সমান অধিকার থাকিবে।

করদাতৃগণ "মিউনিসিপ্যালিটিকে ব্যবসায়ের আচ্ছাদিত করিতে দিলে" তাঁহারা নিজেরাই লাভবান হইবেন। তাঁহাদের অর্থ ঘুরিয়া ফিরিয়া তাঁহাদের নিকটে আসিবে। জেমসেদপুরে টাটা মলের দোকান পুলিশ কুলি মজুরদের বিক্রয় করিতেছেন। জেমসেদপুরের টাটা টাটারই থাকিবে; বিদেশী তাহাতে হস্তক্ষেপ করিতে পারিবেন না। মিউনিসিপ্যালিটি "ঠিকা" লইলে বিদেশী ঠিকাদারেরা প্রতিযোগিতায় একপক্ষীয় ভাবে দাঁড়াইতে পারিবেন না। হিন্দু মুসলমানের অর্থ হিন্দু মুসলমানেরই থাকিবে। ইহাকেই বলে স্বরাজ্য। সাধারণ বাঙ্গালী "বিল্ডিং ব্যবসায়ীদের তাহাতে গলা টিপিয়া মারা" হইবে না। পৃথিবীর কুত্রাপি কোনও বিশিষ্ট ব্যবসায়ী সেই ব্যবসাতে আত্ম পথান্ত একাধিপত্য লাভ করেন নাই; এক্ষেত্রেও তাহা হইবে না। Ford car এর দিনে অল্প গাড়ীও বিক্রীত হইতেছে। কয়েকপাশা বাড়ী ঠিকা লইতে আপত্তি কি? Sanction এর এবং বাটী নির্মাণ করিবার সময় অতরহ গাঁথুনি ভাঙ্গিবার হাঙ্গামা পোহাইতে হইবে না। ভাঙ্গিয়া অনেকেই মিউনিসিপ্যালিটিকে বাটী প্রস্তুত করিবার "ঠিকা" দিবেন।

ভারত স্থাপত্যের হিতৈষী বন্ধু (L. Architect মহাশয় উপযুক্ত সহকারীর এবং সহানুভূতির অভাবে সহরে দেশী ধরনের ইमारত প্রস্তুত করাইতে পারিতেছেন না, শ্রীশ বাবুকে এ কথা বলিয়াছেন। তাঁহার অভিযোগের কথা তিনি পত্রস্থ করিয়াছেন। তাঁহার অধীনে উক্ত রূপে নূতন বিভাগ অনুষ্ঠিত হইলে, তাঁহার অভিলাষ মত কার্য করিবার সুবিধা হইবে। শ্রীশ বাবু কুত্রাপি এ কথা বলেন নাই যে, মিউনিসিপ্যালিটির বর্তমান ইঞ্জিনীয়ারদের পদচ্যুত করিয়া বড়োদা জয়পুর হইতে লোক আনয়ন করিতে হইবে। তিনি বলেন—উক্ত ইঞ্জিনীয়ার মহাশয়েরা মিউনিসিপ্যালিটির স্থাপত্য বিভাগে হইতে ভারত-স্থাপত্য শিক্ষা লাভ করুন—নাও নবম তের নদী পার হইয়া বৃদ্ধ ইংরাজ সেনাপতি ভারতবর্ষে আসিয়া যেমন হিন্দুস্থানী পরীক্ষা পাশ করেন। এরূপ উত্তম আছে বলিয়াই ইংরাজ আজ ভুবনাবধি। আমরা শুধু পরচর্চা করিতেই জানি। আর সংকাষ্যে বাধা দিবার জন্ত দল পাকাইতে পারি। শ্রীশ বাবু বলেন, বর্তমান ইঞ্জিনীয়ার মহাশয়েরা

মনে'মোহন বাবুর মত, কলিকাতায় থাকিয়াই দেশী ভাবের বাটী নির্মাণ করিতে শিখুন—অক্লেশে তাহা পারিবেন—এবং, তাঁহাদের সম্মুখে আদর্শ গঠন করিবার জন্ত জয়পুর বড়োদা হইতে প্রয়োজন মত ইঞ্জিনীয়ার এবং আর্কিটেক্ট আনাইয়া Chief Architect এর অধীনে, প্রস্তাবিত বিভাগে কার্য করানো হোক। একই ইঞ্জিনীয়ার হিন্দু ও মুসলমান স্থাপত্য অনুযায়ী বাটী নির্মাণ করিতে পারিবেন। কয়েক বৎসর পরে, স্থানীয় লোকেরা যখন পাকা হইবেন, তখন বড়োদা রাজপুতানা হইতে ইঞ্জিনীয়ার আনাইতে হইবে না। তিনি যখন বড়োদার গিয়াছিলেন, তখন কলাভবনের পরীক্ষায় উত্তীর্ণ একজন বাঙ্গালী যুবক তাঁহার কাছে ছুঃপ প্রকাশ করিয়াছিলেন যে, কলিকাতার ছেলে হইয়া কলিকাতায় তিনি চাকরী পাইলেন না। শ্রীশ বাবু বলিয়াছেন যে, জয়পুর বড়োদা বোম্বাই এর শিল্প-বিদ্যালয়ের পাশ-করা বাঙ্গালী ছাত্রদের কলিকাতায় পবালক ওয়ার্কস বিভাগে এবং মিউনিসিপ্যালিটিতে চাকরী দেওয়া হোক।

বাংলার সঙ্গে পাপ খাওয়াইয়া দেশীয় স্থাপত্য বিধান করিবার সম্বন্ধে সমালোচক মহাশয় সন্দেহ প্রকাশ করিয়াছেন। আমরা বলি সেক্ষেপ বাটী করা সম্ভব। যেমন রবীন্দ্রনাথের নূতন আবাস-ভবন "উত্তরারণ।" বাংলাদেশের অনুকুল বাটীর পরিকল্পনাও শ্রীশ বাবু করিয়াছেন। এই স্থলে বলা আবশ্যিক, চন্দ্রাবারী বাঙ্গালী মসজিদীবা এবং উদয়পুরের উগ্রকান্ত্রয়ের আকারে-প্রকারে যেরূপ পার্থক্য আছে, উভয় দেশের স্থাপত্য-শিল্পে সেক্ষেপ অধিক প্রভেদ থাকিবে না। বাংলার প্রাচীন স্থাপত্য-শিল্পের প্রভাব উত্তর-ভারত এবং রাজপুতানায় বিজ্ঞমান। এ সম্বন্ধে পরে আলোচ্য। ঘোড়া হইলে চাবুকের জন্ত আটকাইবে না। সারা ভারতের সঙ্গে স্থাপত্যের আদান প্রদান বাংলায় থাকিবে—কিন্তু সাদিক স্থাপত্যের সঙ্গে নহে। অর্থাৎ আমরা নিজেদের সপ্তম রক্ষা করি—বিদেশের সঙ্গে আদান প্রদান পরে হইবে।

দেশী ভাবের গৃহ নির্মাণের পরচ সম্বন্ধে করপোরেশনের চীফ ইঞ্জিনীয়ার এবং পাবলিক ওয়ার্কসের একজনিক উচ্চ ইঞ্জিনীয়ার মহাশয়েরা অনুকুল মন্তব্য প্রকাশ করিয়াছেন। আমরাও বিশ্বাস, অতিরিক্ত ব্যয় হইবে না। নৌবাজার স্ট্রিটের "গিনি হাটস" এবং বাড়াবারী মহাশয়দের বাটী নির্মাণ করিতে যে পরিমাণে পরচ হইয়াছে, তদপেক্ষা কম পরচে দেশী ভাবের অতি প্রিয়দর্শন অট্টালিকা হইতে পারিবে। দশ হাজার টাকাতো দেশী এবং হৃদয় বাটী করানো যায়। শ্রীশ বাবু এ কাব্যে অভিজ্ঞ। এবং তিনি একপ ভাবের বাটী কলিকাতায় ও মফস্বলে নির্মাণ করাইতেছেন। হুতরাং তাঁহার মতের মূল্য সর্বাপেক্ষা অধিক।

সমালোচক মহাশয় লিখিয়াছেন "ভারতীয় স্থপতির কতকগুলি অঙ্গ বিশেষের আয়তন এরূপ যে তাহা বসাইতে গেলে হয় রাজপথ হইতে অনেকপাশি জমি ছাড়িতে হইবে, নতবা মিউনিসিপ্যালিটিকে জমি দখলের বাবদে অনেক 'ফি' দিতে হইবে।" কথাটা বুঝিতে পারিলাম না। রাজপথ হইতে অনেকখানি জমি ছাড়িতে হইবে কেন? সমালোচক মহাশয় গুণ ভাদের "ভারতবর্ষে" স্থাপত্য-শিল্প-বিষয়ক প্রবন্ধে শ্রীশ বাবুর



রচিত আট লক্ষ টাকার ইমারত দেখুন। রাস্তা হইতে এক ইঞ্চি জমী ছাড়িতে হয় নাই। যদিই বা ছাড়িতে হয়, তাহাতে ক্ষতি কি? ইংরাজী ধরণের বাটতে কি জমী ছাড়া হয় নাই? Writers' Building এবং Govt. Science Collegeএ কি প্রচুর জমী রাজপথ হইতে ছাড়া হয় নাই? আর দেশী বাড়ীর ঝরোকা ও কার্নিস করপোরেশনের জমীর উপর তুলিয়া থাকিবে বলিয়া সমালোচক মহাশয় “ফির” ভয়ে ভীত হইয়াছেন। কিন্তু সেন্ট গ্যালিয়াস্তিনিউএর শত সহস্র বারান্দাগুলি কি করপোরেশনের জমী দখল করে নাই? করপোরেশন দেশী ধরণের বাটীর পক্ষে উক্ত “ফি” ছাড়িয়া দিতে পারেন। তদ্বারা বাটাওয়াল দেশী ধরণের বাটা নির্মাণ করাইতে প্রলুব্ধ হইবেন।

Bombay Architectural Associationএর রিপোর্টে আছে, বোম্বাই মিউনিসিপ্যালিটি এবং ইম্প্রভমেন্ট ট্রষ্ট এবং পোর্ট ট্রষ্ট দেশী ধরণের বাটা নির্মাণে উৎসাহিত করিবার জন্ত “ছাড়-ছোড়” মঞ্জুর করিয়াছেন। তাঁহাদের দৃষ্টান্তে ভারতের অন্যান্য মিউনিসিপ্যালিটিরাও তদ্রূপ ব্যবস্থা করিতে পারেন।

শ্রীশচন্দ্র যে নকশাগুলি ছাপাইয়াছেন, তাহাদের বাতায়ন ও দ্বারগুলি বৃহৎ আকারের। বাটীর মধ্যে প্রচুর আলোক, বাতাস এবং স্বাস্থ্য

রক্ষার ব্যবস্থা আছে। গবাক্ণও দিতে হইবে - দেশী ছাপ আনয়নের জন্ত। তাহার আলোচনা করিবার স্থানের অভাব। তিনি বলেন নই যে কলিকাতার সমস্ত রাস্তাগুলিই উজ্জয়িনীর গলির মত অল্প-পরিসরহীক। কোটিলোর কাল হইতে সহরে রাজপথ, রাজপথ, গজপথের ব্যবস্থা নিরস্তিত। সহরে রাজপথ এবং গলিপথ উভয়ই থাকিবে। আর সকলালিতে মোটর চলিতে পারে না। জয়পুরের রাজপথ সেন্ট্রাল গ্যাভিনিউ অপেক্ষা বিস্তৃত; তাহার পার্শ্ববর্তী বাটাগুলি জয়পুর সহরকে ভূবন-প্রসিদ্ধ করিয়া তুলিয়াছে। বড়বাজারের গলির মধ্যে যাইলে আতঙ্ক উপস্থিত হয়, কিন্তু উজ্জয়িনীর বক্র সঙ্কীর্ণ পাবাগ পথে দাঁড়াইলে আতঙ্কহারা হইতে হয়।

শ্রীশচন্দ্র হিন্দু স্থাপত্যের উপরে অযথা পক্ষপাতী নহেন। হিন্দু মুসলমানের মিলন তিনি আকাঙ্ক্ষা করেন। হিন্দু মুসলমানের মিলন ভারত স্থাপত্যের পূর্ণ বিকাশ হইয়াছে। হিন্দুর গৃহে তিনি মুসলমান গম্বুজ দিয়াছেন। খাঁটি হিন্দু ভাবের “ডিজাইন”ও করিয়াছেন। সমালোচক মহাশয় কটাক্ষপাত করিয়াছেন যে শ্রীশচন্দ্র Saracenic আদর্শে বাটীর ডিজাইন করেন নাই। গত ২৪শে এপ্রিলের মিউনিসিপ্যাল গেজেটে তিনি শ্রীশ বাবুর পরিকল্পিত Indo-Saracenic Styleএ বৃহৎ অট্টালিকার চিত্র দেখিবেন।

## নান্দুর-পথে

### শ্রীতারাক্ষর বন্দ্যোপাধ্যায়

কতদূর কতদূর                      মধুগীতি ভরপুর  
পীরিতি-সাগীর-তীরে মধুর নান্দুর !  
প্রথর ভান্নুর করে                      রবি-তপ্ত এ প্রান্তরে  
ঝঙ্কত কতদূরে ব্রজবেণু সুর !  
ওগো, আর কতদূর !

আবরিয়া দিক-রেখা                      বনরাজি লীলা-লেখা  
ওই কি যেতেছে দেখা প্রেম-পূত পুর !  
কিশলয়ে শোভাময়                      দোলে তরুশিরচয়  
সঙ্কতে বুঝি বা কয়—হেথায় নান্দুর ।  
ওগো, আর কতদূর !

“রাখাল, জান কি তুমি                      চণ্ডীদাসের ভূমি  
মধুপুর নান্দুর আর কতদূর ?”

রাখাল কহিল হেসে                      “এসেছ পথের শেষে,  
চণ্ডীদাসের দেশে—এই ত নান্দুর ।  
ওগো, আর নহে দূর ॥”  
‘শোন ভাই, শোন ভাই— এখানে কি শোনা যায়  
প্রাণগলা মনভোলা মধুঢালা সুর !’  
কহিল সে ‘শুনি নাই’                      প্রাণ করে হায় হায়  
দেবীহারা বেদীকার পারা এ নান্দুর ।  
ওগো, এসে এতদূর !  
রাখাল চলিয়া যায়                      এ কি সুর ! ও কি গায়  
‘সই কেবা শুনাইল শ্রামনাম সুর !’  
কাণের ভিতর দিয়া                      পশিয়া ভরিছে হিয়া  
গীতিহারা নয় এ যে গীতিভরা পুর ॥  
ওগো এসেছি নান্দুর—  
ওই—ওই সেই সুর ॥

## ভূমিকম্প

শ্রীগিরীন্দ্রনাথ গঙ্গোপাধ্যায় এম-এ, বি-এল্

১

[ এক জমিদার শেখরের নববিবাহিতা স্ত্রী বিমলা । প্রকাণ্ড বাগী,—দাস-দাসী, আসবাব-সরঞ্জামের অভাব নাই । কিন্তু জ্ঞাব হৃদয়ের দান-প্রতিদানের । এত বড় বাড়ী, এই লাস-আয়োজন, বিমলার কাছে যেন মস্ত উপহাস লিয়া মনে হয় । শেখর তাহার অসীম প্রেমের প্রতিদান না পাইয়া ক্ষুণ্ণ, কিন্তু ধীর, সচিবু চিন্তে সে অপেক্ষা করিয়া আছে ।

দ্বিতলের বারান্দার রেলিংএর ওপর হেলান দিয়া বিমলা দাঁড়াইয়া আছে । সন্ধ্যা আকাশে নবীন মেঘ সঞ্চিত হইয়া উঠিতেছিল । তাহার আর্দ্র শীতল বায়ু আসিয়া বিমলার দেহে লাগিতেছিল, কিন্তু মনকে শাস্ত করিতে পারিতেছিল না । পাশে দাঁড়ের উপর ময়না শেখরের স্নেহের ডাক 'বিমলা' নাম ধারণার আওড়াইয়া বিমলার বিরক্তির উদ্বেক করিতেছিল ।

বিমলা । ( সক্রোধে পাখার ডাকের পুনরাবৃত্তি করিয়া )  
বিমলা—বিমলা—বিমলা । পোড়া পাখীর আর অণু ডাক নেই ! একটা ঠাকুর-দেবতার নামও যদি বলতে পারত ! ও-ডাক আমার কাণে কঠিন বিদ্রূপের মত লাগে !  
( উচ্চৈঃস্বরে ) ঝি—ও ঝি !

( ঝির প্রবেশ )

ঝি । কি মা ?

বিমলা । শুনতে পাচ্ছিস না—পাখীটা চীৎকার ক'রে মরছে ? ও আমার নাম ডাকে কেন ? কে আমি

ঝি । তুমি যে বাড়ীর কর্তা মা, তাই ও তোমার নাম ডাকতে শিখেছে ।

বিমলা । কর্তা না ছাই ! ও-যেন আমার নাম এমন করে একশ' বার ডাকে না ।

ঝি । ও কি আমার মানা শুনবে মা ? ও ত মানুষ নয়, ও যে পাখী । ও যে নিজের মনেই গাবে,—মানুষ ওকে

শাসন করবে কি করে ?

ঝি । শাসন করতে না পারিস ওকে বিদেয় করে দে ! চাইনে আমার এমন পাখী !

ঝি । বিদেয় কেমন ক'রে করব মা ! ওর ওই ডাকের জন্তেই ত ও বাবুর সবচেয়ে আদরের পাখী ; ওকে বিদেয় করতে তিনি দেবেন কেন ?

ঝি । দেখু ঝি, তুই আমার মুখের ওপর অমন ক'রে জবাব করিস নে বলছি । বিদেয় ওকে করতেই হবে । ও যদি বিদেয় না হয়, ত' আমি এই বাড়ী থেকে বিদেয় হব । দেখি কাব কদর বেশী—আমার, না ওই লক্ষ্মীছাড়া পাখীটার ?

( বাগির হঠতে শেখরের প্রবেশ । ঝির প্রশ্নান )

শেখর । ( জোর করিয়া হাসিয়া ) বিমলা, রাগ করবার দরকার নেই । তুমি কি সত্যিই চাও যে ও-পাখীটা না থাকে ?

ঝি । হাঁ আমি তাই চাই । কাণের কাছে, আমার নাম দিবারাত্র এমন করে ভেড়ুচান আমি শুনতে চাই নে । ওকে যদি রাখতে চাও ত' আমাকে বিদেয় কর ।

শেখর । ওকে আমি ভালবাসি বটে, কিন্তু তোমার চেয়ে নয়—ওর ওই স্নেহের ডাকের জন্তেই বিমলা । আসল যেখানে পাওয়া গেল না, সেখানে তার নামই যে মস্ত বড় । কিন্তু তোমার আর ওই পাখীটার যদি একসঙ্গে থাকে না সম্ভব হয়, ত' ওকেই যেতে হবে । আমিই ওকে বিদেয় করছি ।

( শেখর পাখীর দাঁড় নামাইয়া পাখীকে খুলিয়া উড়াইয়া দিল । পাখী খানিকটা ঝটপট করিয়া আসিয়া শেখরের হাতের উপর বসিল । )

শেখর । ( ছুই চোখ আর্দ্র ) তবু যেতে চায় না,—ও ত' মানুষ নয় । ওরে আমার স্নেহের পাখী, আজ আর তোর

কিছুতেই থাকি চলবে না ; আজ ওই মুক্ত অবাধ আকাশের মাঝখানে তোকে বিদেয় দিলাম। যদি কোন স্নেহ কোনও দিন পেয়ে থাকিস; তাকে তোর হুই পায়ে দলে দিয়ে উড়ে যা অবাধ নীলিমায়।

( বলিয়া হুই হাতে জোর করিয়া পাখীকে উড়াইয়া দিল। পাখী উড়িয়া গেল )

বি। ওকে তুমি উড়িয়ে দিতে পারলে ত !

শে। হাঁ পারলাম বৈ কি !

বি। তুমি ওকে ভালবাসতে

শে। বাসতাম।

বি। তবু উড়িয়ে দিলে ?

শে। তবুও উড়িয়ে দিলাম বিমলা। বড় লাভের ভরসায় এমনি কত ছোট ক্ষতি স্বীকার করতে হয়। রাস্তা তৈরী করা দেখেছ বিমলা ? কত ইট ভেঙ্গে, কত পাথর চুরমার করে, তাকে কত নিশ্চয় ভাবে পিটিয়ে রাস্তা তৈরী হোল, কবে কোন্ প্রার্থিত জনের আসার অপেক্ষায়—

বি। তোমার চোখে ও কিসের তীব্র আলো ?

শে। দেখতে পেয়েছ ? বোধ হয় মনের আগুনের একটা রেখা-মাত্র।

বি। ওকে দেখে আমার ভয় কচ্ছে যে!

শে। ( হাসিয়া ) ভয় নেই বিমলা, চোখের জলে অমন আলো কতবার নিভে গিয়েছে !

বি। তুমি কি সব কথা বলছ, আমার বড় ভয় হচ্ছে। তুমি আমাকেও ঐ পাখীর মত মুক্তি দাও—দিন-কতকের মতও। তোমার পায়ে পড়ি।

শে। দোবো।

বি। কবে ?

শে। কালই ; তোমার দাদাকে তার করে দিই গে— তিনি কালই এসে তোমাকে নিয়ে যাবেন।

বি। তাই ভাল, তাই ভাল।

( শেখরের প্রস্থান )

২

( বাহিরের ঘর। শেখর তাহার শ্যালক অমূল্যকে টেলিগ্রাম পাঠাইয়া চুপ্ করিয়া বসিয়া আছে। এমন সময় বন্ধু অমর আসিল। )

শেখর। বোস ভাই।

অমর। ( বসিয়া ) তোমার মুখটা বড় গম্ভীর !

শেখর। গম্ভীর না কি ? তাই যদি হ'য়ে থাকে ত'ওর অপরাধ বড় নেই। জীবনে হাসবার সুযোগ পাওয়া যায় কমই।

অ। নতুন কোনও গৃহ-বিবাদ না কি ?

শে। নতুন নয়। পুরাতনের পুনরাবৃত্তি। তাবু, একবার পশ্চিম ঘুরে আসি। কালই বোধ হয় বেরোবো।

অ। পশ্চিম ? কতদূর ?

( এমন সময় চঞ্চল-চিত্তে বিমলা পর্দার পাশে আসিয়া দাঁড়াইল। )

শেখর। ঠিক নেই। কাশী, এলাহাবাদ, দিল্লী, আগ্রা,— ইচ্ছা হয় ত' আরও। এমন কি উত্তর দক্ষিণও হয়ত' বাদ না যেতে পারে।

অ। ফিরবে কবে ?

শে। ঠিক নেই।

অ। তোমার স্ত্রী ?

শে। তিনি কাল বাপের বাড়ী যাচ্ছেন।

অ। ( সহসা গম্ভীর হইয়া ) শেখর, এ সব তুমি কচ্ছ কি ?

শে। ( হাসিয়া ) তুমিও যে ভীষণ গম্ভীর হ'য়ে উঠলে, অমর ! দেশ-ভ্রমণে যাওয়াও কি একটা বড় বিচিত্র জিনিষ হোল ? হাতে কাজ নেই, ঘুরেই আসি না !

অ। কিন্তু, এ ত' সখ করে যাবার মত বোধ হ'চ্ছে না।

শে। সখ ক'রেই হোক, আর প্রয়োজনেই হোক, দেশ-ভ্রমণের উদ্দেশ্য থেকে যায় একই,—সেটা হ'চ্ছে মনকে ভালোনা। আমার এই ঘরের চেয়ে মন যদি বিদেশে ভাল থাকে, ত' বিদেশই যে তার কাছে ঘরের চেয়ে বড় হোল।

অ। ( দীর্ঘনিঃশ্বাস ফেলিয়া ) আমি সবই জানি শেখর, তবুও আমার মন যে হুঃখ পাচ্ছে !

শে। দেখ অমর, মানুষের প্রতি ভগবানের যত বিচিত্র দান আছে, সব চেয়ে বড় তার মন। পৃথিবীর ধূলো-মাটি— ময়লার ছাপ যদি তাতে পড়ল, তাদের মলিনতা যদি মনে সংক্রামিত হোল, তা হ'লেই যে মানুষের সব-চেয়ে বড় ক্ষতি ! সে ক্ষতির পূরণ ত' আর কোন লাভের দ্বারাই হবে না। আমি সেই ক্ষতির হাত থেকে বাচতে চাই, তার জন্তে যা

কিছুর দরকার তা' আমাকে করতেই হবে। পরীক্ষা ভাল, কিন্তু ক্রমাগতই যদি পরীক্ষা চলতে থাকে, ত পরীক্ষার্থীর পক্ষে সে যে বিষম হ'য়ে ওঠে! মাঝে মাঝে তাকে দম না নিতে দিলে, শেষ পর্যন্ত পরীক্ষা দেবার লোকেরই যে অভাব হয়ে উঠবে।

অ। এ অতি করুণ।

শে। দোহাই তোমার—এর সম্বন্ধে বিশেষ মনোযোগ ধরে, একে আরও করুণ করে তুলো না। কঠোরের চরে করুণ অসহ।

অ। তা হ'লে যাওয়াই ঠিক ?

শে। হাঁ ভাই, কালই।

অ। আমি আজ আসি ভাই। বাইরের ওই মেঘের মত আমারও মনটা থমথমে হ'য়ে আসছে। ভাল লাগছে না কিছু।

শে। ( হাসিয়া ) এসো।

৩

( সেইদিন সন্ধ্যা। অমরের স্ত্রী অরুণা—বিমলার বন্ধু, অমরের নিকট সংবাদ পাইয়া বিমলার সতিত দেখা করিতে আসিয়াছে। )

অরুণা। তুমি না কি কাল কলকাতায় যাবে বোন ?

বিমলা। হাঁ।

অ। হঠাৎ ?

বি। ইচ্ছে হ'ল একবার বাপ মা ভাইদের দেখে আসি।

অ। এই ত সে-দিন মোটে এসেছ বোন! এত ঘন-ঘন গেলে যে নিজের ঘরে গোলযোগ হবে!

বি। নিজের ঘর? সে কি? বাপ-মা ভাই-বোনের চেয়ে নিজের আর কে আছে?

অ। কি যে বল তার ঠিক নেই। বাপ-মা, তাঁরা দেবতা ( বলিয়া অরুণা দুই হাত মাথায় ঠেকাইল ), কিন্তু যে লোকটির হাতে ঈশ্বর সাক্ষা করে তাঁরা তোমাকে তুলে দিলেন, মেয়ে-মানুষের সেই যে হোল একমাত্র। সে কথা ভুলে গেলে মেয়ে-মানুষের যে বড় অনর্থ বোন।

বি। ( অরুণার মুখের দিকে চাহিয়া ) তোমার দুই চোখ লাল কেন দিদি, মুখ শুকনো।

অ। ( সমজ্জ ) কাল রাত্রে ভাল ঘুম হয়নি বোন,

কলকাতা থেকে উনি আমার জন্তে একটা নতুন হার তৈরী ক'রে এনেছেন, সেই উপহারের আনন্দে কাল অনেক রাত কাটলো ছুজনে জেগে।

বি। আশ্চর্য্য কথা। হারের উপহারের আমোদে রাত কাটলো জেগে? কই আমার ত' কত হার আছে, তার জন্তে ত' এক দিনও জাগতে হয় নি। হারের মধ্যে কি এত আমোদ পাওয়া যায়, যে আবার রাত জাগতে যাবো?

অ। সে ত' হারের আমোদ নয় বোন,—সে আনন্দ যে হারকে উপলক্ষ্য করে জেগে উঠল।

বি। সে আবার কি কথা?

অ। সে কথা যে নারী না জানে, তার লাজনার অবধি নেই বোন। সেই আনন্দ যে নর-নারীকে আশ্রয় ক'বে রক্ত-কমলের মত ফুটে না উঠল, তাদের জীবনই যে নীরস হ'য়ে গেল। তখন তাদের আর স্থিতি রৈল না, প্রতিষ্ঠা রৈল না,—তখন তারা এই পৃথিবীতে উদ্দেশ্য-হীন গোলক-ধাঁধার মত ঘুরেই মরল। সেই সোণার কমল যে মানুষের অফুরন্ত আনন্দের খনি, সেই ত' রোজকার ছোট-খাট তুচ্ছ ঘটনাকে উজ্জ্বল করে। সেই ত' রাতের পর রাত চোখ থেকে ঘুমকে তাড়ায় বোন।

বি। কি যে হেঁয়ালির ছন্দে কথা কও দিদি! এ না কি আবার সত্যি?

অ। সত্যি,—সত্যি বোন। তোমার চেয়ে সত্যি, আমার চেয়ে সত্যি। তোমার-আমার মত কত কোটি লোক, কত লক্ষ বৎসর এলো গেল, কিন্তু এ সত্যি হ'য়ে রৈল অক্ষয়!

বি। আমি ত' কিছুই বুঝতে পারি নে!

অ। নারী-জন্ম যখন নিয়েছ, তখন এক দিন বুঝতেই হবে। আমি শুধু এই আশীর্বাদটুকু করি, যেন সেই দিনটি অচিরে আসে।

বি। কেমন করে আসবে দিদি?

অ। কারুর বা আসে সহজে, আর কারুর আসে হঠাৎ এক দিনে, এক মুহূর্ত্তে, মস্ত বড় ছঃখে, মস্ত বড় পরীক্ষায় পড়ে। কুমিকম্প দেখেছ বোন,—কেমন করে, এক মুহূর্ত্তে সে মাটির জায়গায় জল এ'ন দেয়, জলের জায়গায় মাটি? ঠিক তেমনি। তখন দেখবে যে পাহাড় কেটে জল বেরিয়ে একেবারে চারি দিক ভাসিয়ে দিয়ে গেল—আর থৈ পাওয়া

যায় না। তখন দেখবে যে আনন্দে সমস্ত মনটা নিমেষে ভরে গেল, এবং আর একটি লোক দিবারাত্র তোমার মনের সঙ্গী হ'য়ে রইল—আর ( হাসিয়া ) তখন এমন করে রোজ রোজ বাপের বাড়ী যেতে ইচ্ছে হবে না—বরং কেউ নিতে এলে তাকে ফিরিয়ে দেবার অছিলে খুঁজবে। আর তখন মনে পড়বে এই দিদিটিকে। ( সহসা বড়ির দিকে চাহিয়া ) যাই বোন, রাত হোল, ঔর খাবার সময় হয়েছে।

বি। দিদি, তোমার কথাগুলো বেশ লাগছে। আর একটু বসতে পারবে না? আজকে না হয় বামুন ঠাকুরই ঔকে খাওয়াবে!

অ। ( জিভ কাটিয়া ) ছি বোন, তা কি হয়। খাবার সময়টিতে আমি না থাকলে কি চলে? ভাল-মন্দ কি খাওয়াবে বামুন-ঠাকুর তার কি ঠিক আছে? আমারই বা মন মানবে কেন? আজ আসি বোন।

( প্রস্থান )

৪

( রাত্রি দশটা বাজিয়া গিয়াছে। শেখর বাহিরের ঘর হইতে তখনও আসে নাই। প্রকৃতির তাণ্ডবলীলা সুরু হইয়াছে,—যেমন ঝড়, তেমনি বৃষ্টি, তেমনি বিদ্যুৎ। ইহারই মধ্যে বিমলা নিজের ঘরে একাকী—আজ যেন বড় অসহায় বোধ হইতেছে। )

বি। অরুণাদিদির কথা শুনে আজ মনটা কেমন করে উঠল। মিথ্যে কথা, বানানো কথা।—তাই কি? কি নিয়ে সে এমনি করে রাতের পর রাত জাগে—কেমন করে ভাল লাগে? ভালই যদি না লাগে ত' জেগে থাকে কেমন করে? একটুও বসতে পারলে না—পাছে তাঁর ভাল খাওয়া না হয়। আমার অসহায় পর্যাঙ্ক রাখলে না। রোজ ত' খাওয়া আছেই—এক দিন একটু ভাল-মন্দ কি এসে যেতো?

( খানিকটা চুপ করিয়া রহিল )

এসে-যেতো নিশ্চয়ই, তা নইলে সে কিছুতেই রইল না। এত টান? অথচ আমি কাল ঔকে ছেড়ে স্বচ্ছন্দে চলে যাচ্ছি—উনিও শুনলাম আগ্রা দিল্লী চলে যাবেন! আচ্ছা, আগ্রা দিল্লী—এত দূর কেন—আমার ওপর রাগ করে?

না—রাগ তিনি আমার ওপর কোনও দিন করেন না। আমি কত রাগ করি, কিন্তু তিনি কখনও একটা উচু কথা পর্যাঙ্ক বলেন নি। এ আমাকে বলতেই হবে। অত সাধের

পাখী তাঁর, তাকে স্বচ্ছন্দে ছেড়ে দিলেন আমার জন্তে। তার পর থেকে তাঁর মনটা ভাব হ'য়ে রয়েছে—এ আমিও বুঝতে পারছি। তার পর থেকে এ-দিকে আর আসেন নি। আমি যাব বলাতে তিনি একটুও বাধা দিলেন না।

( চোখের জল মুছিয়া ) আচ্ছা, দিলেন না কেন? এত ভাল? তিনি যদি 'না' বলতেন, তা হ'লে কি আমি যেতে পারতাম?

না—আমি যাব না। দেশ-বিদেশ ঘুরতে গিয়ে যদি শরীর খারাপ হয়ে পড়ে? এ কথাটা আমার এতক্ষণ মনে হয়নি! তাই ত', একে দুর্বল শরীর!

( আবার চোখের জল মুছিল ) অরুণাদিদি, একটুবার পর্যাঙ্ক খাওয়ার কাছে থাকা বাদ দিতে পার না,—আর আমি কোনও দিনই ত' থাকি নে! চোখে এত জল আসচে কেন? এসব কথা আগে কোনও দিন মনে হয়নি ও!

আজ কি আর আসবেন না? এই একলা হৃদয়ের রাত্রি—ভয় করছে যে। তিনি যদি এসে জোর করে বলে যে, বিমলা তোমার যাওয়া হবে না—তা হ'লে? উঃ, ও হ'লে বেঁচে যাই, বেঁচে যাই।

( এমন সময় দিগন্ত আলোকিত করিয়া বিদ্যুৎ চমকিয়া উঠিল। )

উঃ—কি আলো! ভয় করছে যে—কোনও দিন ত' এমন ভয় করে নি। পোড়া চোখে ঘুমও নেই।

পাখীটা যদি না উড়িয়ে দিতে বলতাম ত' তাঁর এত হৃৎ হোত না! আমার দোষ হ'য়েছে, অপরাধ হ'য়েছে। তুমি এসো—আমাকে বকো, বলো আমার দোষ! তবু তুমি এসো—এসো!

( এমন সময় বাহিরের ঘরে বন্দুকের শব্দ হইল। )

বিমলা। বন্দুকের আওয়াজ—বাহিরের ঘরে? কি কাণ্ড হোল, কি কাণ্ড হোল! ওঃ, আমি কি করি? ওরে অভাগিনী—

( বিমলা ছুটিয়া বাহিরের ঘরে গিয়া দেখিল জানালার কাছে শেখর বন্দুক লইয়া দাঁড়াইয়া আছে। আশে পাশে বন্দুকের ধোঁয়া। শেখরের মুখে কঠিন দৃঢ় সঙ্কল্প। বিমলা ছুটিয়া গিয়া হুই হাতে শেখরকে জড়াইয়া ধরিল। )

শেখর ( জ্বলে )। ছাড় ছাড়—বন্দুক গাদা আছে—নাড়িও না বিমলা—গুলি ছুটে যাবে।

বিমলা। যাক্! লাগুক আমার বুকে। বন্দুক তুমি কাকে মারলে? তোমার কিছু হয়নি?

শেখর। না বিমলা। ছাড়, এ ভয়ানক অস্ত্র।

( বিমলা আঃ বলিয়া মেজেতে গিয়া বসিল। তার চোখে ভয়-চকিত উদ্ভাস্ত দৃষ্টি। শেখর আকাশের দিকে বন্দুক ছুড়িয়া দিয়া, বন্দুক রাখিয়া দিল। বিমলা তাহাকে আবার জড়াইয়া ধরিল। )

বিমলা। এবার আমি কিছুতেই ছাড়বো না।

( শেখর বিমলাকে আপনার বাহু-বন্ধনের মধ্যে লইয়া, একটা নৌচে গিয়া বসিল। )

শেখর। ভয় পেয়েছ বিমলা, কাঁপছ যে?

বিমলা। তুমি কাকে গুলি করছিলে?

শেখর। সেই পাখীটাকে।

বি। কোন্ পাখী?

শে। সেই যাকে সকালে উড়িয়ে দিয়েছিলাম তোমার কথায়। সে তার স্নেহের বন্ধন ত' কাটাতে পারে নি; আশে পাশে উড়ে বেড়াচ্ছিল। সেই তাকে, বিমলা। যে অবোধ পাখী মনে করে স্নেহই সব চেয়ে বড়, তার ভুল ভাবিয়ে দিচ্ছিলাম—স্মার যেন সে স্নেহের টানে এমন করে ঘুরে না মরে।

বি। ( শেখরের চোখের দিকে চাহিয়া ) তোমার চোখে আবার সেই আলো, যা বিছাতের চেয়ে কড়া! ওতে আমার বড় ভয় করে। ওগো—তুমি এত নিষ্ঠুর হ'লে কেন? তুমি কি জান না যে সেই পাখীর জন্তে আমারও মন সমস্ত দিন কেঁদেছে? ( শেখরের বুকে মুখ লুকাইয়া কাঁদিতে লাগিল। )

( হুইজনে খানিকক্ষণ চুপ্ করিয়া রহিল। )

শে। যাও—শোও গে।

বি। ( শেখরকে আরও জড়াইয়া ধরিয়া ) না—আমি আর তোমাকে ছেড়ে কোথাও যাব না।

শে। কাল, বাপের বাড়ীতে?

( বিমলা কোনও উত্তর না দিয়া কাঁদিতে লাগিল। )

( শেখর বিমলার মুখ আলোতে ধরিয়া অনেকক্ষণ দেখিল। তার পর কহিল। )

শে। বিমলা তোমার চোখ আজ আশ্চর্য্য শাস্ত, সুন্দর; তোমার মুখ আজ অপক্লম! বিমলা!

বি। কি?

শে। এমনি তোমাকেই আমি এত দিন ধরে চেয়ে এসেছিলাম!

বি। ( বুকে মুখ লুকাইয়া ) আমার পাপকে ক্ষমা করে' আজকের আমাকে গ্রহণ করো, দেবতা অঁমার!

( এমন সময় জানালার ভিতর দিয়া ময়না উড়িয়া আসিয়া তাহাদের সংবদ্ধ হাতের উপর বসিল। )

শে। ( উচ্চৈঃস্বরে ) এসেছে—এসেছে বিমলা! আজ আমাদের স্নেহের পাখী, আমাদের অপক্লম আনন্দের ক্ষণে আনন্দেরই দূত হ'য়ে ফিরে এলো। আজ আমাদের মিলনকে সার্থক করলে পাখী! ওরে আমার পাখী! ভাল লাগলো না তোর নীলাকাশ, অবাধ অসীম মুক্তি! তাই আবার ফিরে এলি এই প্রেমের অগ্রদূত হ'য়ে! ( বিমলার কপোলে চুষন করিয়া ) বিমলা, আজ এই দূত যে প্রেমের অপার বারতা নিয়ে এলো, তাকে, এসো, আমরা আনন্দের সঙ্গে, সন্তুষ্টের সঙ্গে গ্রহণ করি।

( বিমলা শেখরের পায়ে গড় হইয়া প্রণাম করিল। শেখর তাহাকে আপনার আলিঙ্গন বদ্ধ করিল। )

বিমলা। ( চোখ মুছিয়া ) আজই অক্লগাদিদি বলছিল ভূমিকম্পের কথা—যা পাহাড় ফাটিয়ে জল বার করে! আজ হ'ল সেই ভূমিকম্প আমার জীবনে— উঃ বড় দুঃখের, কিন্তু অপক্লম—অপক্লম!

( তাহার পর দিন সকালে বিমলার বড় ভাই অমূল্য আসিল। শেখরের সহিত অমূল্য বাহির বাড়ী হইতে আসিয়া ডাকিল—বিমলা, বিমলা! বিমলা হাশুমুখে আসিয়া দাদাকে প্রণাম করিল। )

অমূল্য। হঠাৎ তোদের টেলিগ্রাম পেয়ে আমরা ত' ভেবেই অস্থির। ভাবলাম, এ আবার কি ব্যাপার। কি ভাবনাচ যে হ'য়েছিল আমাদের। ভাল আছিস্ ত?

( শেখর চলিয়া গেল )

বিমলা। ( সলজ্জ ) আছি।

অমূল্য। তবে হঠাৎ টেলিগ্রাম করলি যে!

বিমলা। ( হাসিয়া ) তোমাদের সকলকে দেখবার ইচ্ছে হ'লো, তাই।

অমূল্য। বুকেছি, ঝগড়া টগড়া হ'য়েছিল বুঝি। তুই

যেন কি ! যাক্ এ-বারটা ঘুরে এসে আর এত ঘন ঘন ভাল করে পোলাও-টোলাও খাবার যোগাড় করগে যা,'  
যাবার ইচ্ছে করো না বোন। শেখরের যে অসুবিধা হয়। আর আমি একটা তার করে দিই গে যে তোরা সব ভাল  
কোন টেনে যাবি—বিকেলের টেনেই যাওয়া যাক্—কি বল ? আছিস। কেমন ?

বিমলা মাটির দিকে চাহিয়া চুপ করিয়া রহিল।

বিমলা। ( হাসিয়া ) আমি চলুম—নিজের হাতে

• অমূল্য। কি বলিস ?

তোমার খাবার তৈরী করবো।

বিমলা। ( ধীরে ধীরে সজ্জ ভাবে ) এবার আর

( প্রস্থান )

যাওয়ার সুবিধে হবে না দাদা।

( শাঁক বাজাইতে বাজাইতে অরুণার প্রবেশ। )

( নেপথ্যে অরুণা শাঁক বাজাইয়া উঠিল )

বিমলা। তুমি যেন কি অরুণাদিদি ! লজ্জা করে না ?

অমূল্য। ও কি ?

অরুণা। লজ্জা কার কাছে করবি বোন, ও কি

বিমলা। না, ও কিছু নয়। এবারটা থাক দাদা। শরীর টরীর সব তেমন ভাল নেই।

লুকোনো যায় ? ওর আলো যে মুখে-চোখে খেলে ! কি  
হক কথাই না বলেছিলাম ! চব্বিশ-ঘণ্টা যেতে না যেতে

• অমূল্য। ( স্মিতমুখে ) তা বেশ। এই ত' ভাল কথা।

সেই দাদাকে অছিল ক'রে ফেরাতে হ'লো। শাঁক এখন

শুনে সুখী হোলাম। তুই এক কাজ কর দিকিনি ; খুব

বাজাব না ত' আর কবে বাজাবো বোন ?

## কে মোরে চিনিতে পারে ?

শ্রীঅচিন্ত্যকুমার মেনগুপ্ত

কে মোরে চিনিতে পারে ?

কে মোরে চিনিবে,

দারুণ বিশ্বয়ে

আজি আমি স্নিগ্ধস্রোতা

কে আমার পরিচয় দিবে

ভয়ে ভয়ে

তটিনীর ক্ষীণ প্রাণধারা,

শেষ করি ?

দেখি চেয়ে,

বাজাইয়া চলি একতারা

রহস্ত-শরীরী

চলিয়াছি ধৈর্যে

শ্রামলী পল্লার মৈত্রে

রাত্রিদিন

কোটি সূর্য্য-অগ্নি-নৃত্য বেগে,

মেঘর, মৃদুল

আদিহীন অস্তহীন

দুর্দর্শ আবেগে

নাচন দোহল ;

অন্ধকারে

ছন্দে ছন্দে বন্ধহীন আনন্দ-পসরা

চলি গান গেয়ে ;

ঢেকেছে আমারে।

বিচ্ছুরিয়া, সঞ্জীবিয়া জরা ;

কাল আমি প্রলয়-ভালা

কে সেথায় বাতি জ্বালাইয়া

বাজনার পিপাসায়

দিয়ে করতালি

আলোকের মূর্ছনা রচিয়া

আমার প্রাণের দীপ কাঁপে,

মরণের প্রেমে অমুরাগী

দেখাবে আপনি

নিভে যায়

ভৈরবী বৈরাগী

চিহ্নহীন দুর্গম সরণি !

ক্ষণে ক্ষণে,

উল্লাসে উচ্ছ্বাসে মাতি

কে বোঝাবে কোথা যেতে চাই,

সৃষ্টির দুর্মদ প্রভঞ্নে

মরণের গান গাঁথি' গাঁথি'

কোথা আছে এ পথের শেষ,

উড়ে উড়ে চলিয়াছি আমি

সারাবেলা।

কোথা ঠাই

দিনযামী ;

• এ কী খেলা

কত দূরে আছে মোর দেশ !

এর মাঝে দুটি দণ্ড কোথা পাব

হুনিবার

কাহারে শুধাই ?

নিরাল নির্জনে

হুরস্ত আমার !

কারে চাই ? তারে কোথা পাই ?

নিজেরে দেখিব একমনে।

আমি শিখা উদ্ধীর্ণ অধির,  
 উর্দ্ধগ, অস্থির !  
 আমি জানি, এ রহস্য-তিমিরের মাঝে  
 গোপনে বিরাজে  
 স্নেহমান একটি প্রদীপশিখা,  
 অন্ধকারে আবরিত একখানি  
 গোপন লিপিকা ;  
 কিন্তু হায়, কোথা তার লেখা  
 কোন্‌ খানে কতদূরে ?  
 তাই যে সূদূরে  
 দলে দলে নীহারিকা  
 আদিগৌন সৃষ্টির পশ্চাতে  
 কাঁদে একসাথে  
 প্রসব-বাথায়,  
 কেহ হতে চায়  
 দীপ্ত সূর্য্য, কেহ চন্দ্র, কেহ তারা গ্রহ,  
 অহরহ  
 তাহাদের প্রকাশ-ক্রন্দন  
 অমুকুণ  
 হানে মোর মন,  
 ঘুচাইতে ক্রন্দসীর  
 রহস্য-রাত্রির  
 অসহ-বন্ধন !  
 আমি ভ্রণ,  
 জলিতেছে সৃষ্টির আগুন  
 প্রাণ-অস্তরালে ;  
 কে মোর আড়ালে  
 হাহাকারে  
 বারে বারে  
 রক্ত-অস্থি-শিরায়-শিরায়  
 তীর প্রত্যাশায়  
 ভাকিতেছে, খোল হার,  
 খোল ওগো হার,  
 আমারে ফুটিতে দাও,  
 প্রদীপ জ্বালাও !  
 অন্ধকার, হায় অন্ধকার,...

কোথা হার, খুঁজে নাহি পাই,  
 কোথা দীপ, কাহারে জ্বালাই !  
 কে আমার ভগবান  
 এমন করিয়া কাঁদে  
 নির্ভুর আফ্লাদে  
 কোথা তার মিলিবে সন্ধান,  
 কেমনে ফুটাব তারে ?  
 তাই হাহাকারে  
 ঘুরে মরি আমি  
 প্রফুটন-কামী  
 চিনিতে ও চিনাতে আমারে  
 দেবতারে ।  
 তাই সারা নিশি যাপি  
 হই পানী,  
 বুজুক্ষায় পঙ্ক করে পান  
 মোর ভগবান ।  
 যারা করে অপমান  
 দেয় শিরে কলঙ্ককল্যাণ,  
 তারা ভুল করে,—  
 সেধায় নহে ত মোর পরিচয় ;  
 যে ঈশ্বরে  
 হানে তারা অবজায়  
 আনন্দ-প্রভায়  
 সে ঈশ্বর রমণীয় করিয়াছে  
 গগন-আলয় ।  
 তাই এই আকাশের তলে  
 দুই চক্ষু ভরি তুলি অশ্রুজলে,—  
 আমার বাহিরে যাহা আছে  
 তার পাছে  
 কত দূরে  
 গোপন অঙ্কুরে  
 আমার সত্য সে আমি  
 অন্তর্ধামী  
 কোথায় করিছে ধ্যান একমনে  
 সঙ্গোপনে ।

আমি নর  
 জঘন্ত বর্ষর  
 হিংসায় পেপয়  
 লালসা-জর্জর  
 ভয়ঙ্কর  
 ক্রুর বিষধর ;  
 এত দৃপ্ত, তবুও নখর,  
 তাই ত' সুন্দর ।  
 তাই,  
 যাহা পাই, সকলি হারাই,  
 ছড়াইয়া যাই  
 ছরস্তু সদাই ;  
 যাহা কিছু করেছি সঞ্চয়  
 তার মাঝে পাই না যে পরিচয়,  
 তাই করি ক্ষয়  
 নির্লজ্জ নিফল যাহা কিছু রয়  
 ভার হয়ে ;  
 সৃষ্টি-শ্রোতস্বতী চলে বয়ে,  
 তাই রিক্ত সেজে  
 তরঙ্গে তরঙ্গে তার চলি বেজে বেজে ।  
 মোর মাঝে কি বারতা  
 বহিয়া এনেছি আমি  
 মৃত্যু-অমুগামী—  
 জানি না সে কথা,  
 জানিতে চাহি না ।  
 শুধু যাই বাজাইয়া জীবনের বীণা  
 বর্তমান হতে ভবিষ্যতে,  
 নব পথে পথে  
 লক্ষ্যভারা ;  
 ভাঙি সব বন্ধনের কারা  
 তবু বন্দী অপরূপ কারাগারে  
 রহস্য-পাথারে ।  
 অহরহ সুরে সুরে মস্ত হয়ে রই  
 নব নব কবিতায়,  
 আজ মোর বীণাখানি ধূলাতে লুটায়,  
 কাল তারে বুকে তুলে লই!



# রোবাইয়াৎ-ই-ওমর খৈয়াম \*

( সমালোচনা )

শ্রীগিরিজাকুমার বসু

চিরদিন অরণের যোগ্য কোরে, সুন্দর ধরণে, সুন্দর বরণে, সুন্দর  
আবরণে, বন্ধুবর নরেন্দ্র দেবের এই বই বের কোরেছেন গুরুদাস  
চট্টোপাধ্যায় এণ্ড সন্স। এমন বই এর চেয়ে মনোহর কোরে আর কোনো  
দিন বাঙলা দেশে প্রকাশিত হোয়েছিল বোলে আমার জানা নেই।

বইটির অন্তরের সৌন্দর্য্যও রসপিপাসু বিশেষজ্ঞরা মুগ্ধ হবেন।  
ভূব প্রধানতঃ ওমর খইয়ামের, বিদেশী ভাষায় হোয়েছিল তার প্রচার,  
তার থেকে বাঙলায় হোলো তার রূপান্তর ও প্রকাশ। এর আগেও  
রোবাইয়াতের বহু অনুবাদ হোয়েছে; কিন্তু এক সুন্দর কাবিত্ব  
ঘোষের অনুবাদ ছাড়া আর কোনোটিই উল্লেখযোগ্য নয়।

গঠন-প্রণালীর ও ভাবের বাহনের নিরবচ্ছিন্ন সমতা এবং মন-  
দৃষ্টির পীড়াদায়ক হোতে পারে; এই কারণে শ্রীনরেন্দ্র দেব বিবিধ ছন্দে  
তার ভাষাকে গতি দিয়েছেন—এতে যে কাবোর লীলা বিচিত্র ও  
বিস্মোহিনী হোয়েছে, তা বিনা বিধায় বলা যায়। এই বৈচিত্র্য অক্ষম  
হাতের অপটুতায় বার বার বাধা পেতো; কিন্তু শ্রীনরেন্দ্র দেব তার  
যাহু লেখনীর স্পর্শে, তার ভাষার মহিমময় ঐশ্বর্য্যে, তার কবিত্বের  
নৈপুণ্যে ওমরের রোবাইয়াৎকে একেবারে বুকের পরতে পরতেই  
গেঁথে দিয়েছেন—সাকৌকে আমাদের আলিঙ্গনের মধ্যে ধরে দিয়েছেন।

\*আগেও পড়েছি এবং শুনেছি—এই বইয়ের ভূমিকা থেকেও  
জানলাম—রোবাইয়াৎ না কি দশন-শাস্ত্রে ভরা—বেদ উপনিষদের সঙ্গে  
তার অনেক মিলব্য না কি মিলে যায়। আমি অজ্ঞতাংশতঃ দশন-শাস্ত্রের  
ব্যাপারটা ঠিক উপলব্ধি কোরতে পারি নি। তবে প্রেমের এই অমর  
কাব্যকে আমি ললাটে স্পর্শ কোরেছি, হৃদয়ে ধারণ কোরেছি। ওঠে  
চুপন কোরেছি।

ওমর বোলছেন, জীবন সার্থক হয় কেবল দুটিমাত্র ব্যাপারে—  
আনন্দ ও রস। সেই আনন্দের শ্রেষ্ঠ হোলো প্রেম—সেই রসের সার  
হোলো দ্রাক্ষারস। ওমর বোলছেন, বাধা মেনো না, নিষেধ মেনো না—  
ভবিষ্যতের ক্রকুটির বিভীষিকা যারা দেখায়, তাদের কথা খাণ্ড কোরো  
না; ভালোবাসো, সুধু ভালোবাসো। অতীতের ভাবনা ভেবো না,  
এই প্রকৃতির মাঝে থেকে তার স্মৃতির ধারা থেকে বঞ্চিত হোয়ো না।  
কাল যদি চিরনিদ্রাই আসে, তখন যে সব ফুরিয়ে যাবে। তুমি রস  
পরিবেষণ করো, আর আমি তা উপভোগ করি—আর সব চুলোয় যাক।

দাও পিয়লা, প্রিয়া আমার,  
পূর্ণ ক'রে এই অধরে,  
যাক অতীতের অনুতাপ আর  
ভবিষ্যতের ভাবনা ম'রে !  
কাল কি হবে—ভাববো কেন  
আজ ব'সে লো তাই,  
তার আগে সই এখন থেকে  
চ'লেই যদি যাই—  
—বিচিত্র নয় তত !

ফুরিয়ে যাওয়া অনংগ্য দিন নিকরদ্বিষ্ট যত—  
তার স্মৃতিরই কোন্ অতীতের প্রায়  
মিশিয়ে যাবো হায়।

( রোবাইয়াৎ—শ্রীনরেন্দ্রদেব—২২ )

কিন্তু—

দেবতা মানব নিয়ে মিছে আর হোয়োনো বিহ্বল,  
তর্ক তুলে প্রতিদিন স্বর্গ মর্ত্য বিচারে কি ফল ?  
কালের সমস্তা যত কালে হোক লয়,  
জীবনে যেটুকু আজো র'য়েছে সময়,  
হুয়া-সংবাহিনী সখী—উচ্ছ্বসিত বক্ষতলে যার  
যৌবনের যুগল আধার,  
বোড়ি তার ক্ষীণ কটি চপল ভঙ্গীতে  
ডুবে যাও মিলন-সঙ্গীতে। ( রোবাইয়াৎ—এ-৯৪ )

রোবাইয়াতের আগাগোড়া বসুবার কথাই এই :—যে প্রেমিক সে  
দুনিয়াকে অগ্রাণ্ড ক'রে, দেশকাল তুচ্ছ ক'রে, কালের লিখন অবজ্ঞা  
ক'রে কেবলই ভালোবাসবে, কেবলই রসধারায় তৃপ্ত দূর কোর্বে,  
অরসিকের অবহেলাকে অবজ্ঞা ক'রে নিভৃত কাল যাপন কোর্বে শুধু  
প্রাণধারণের সামান্য উপকরণ সঞ্চয় কোরে, কাবোর আমোদে, তার  
রস-সংবাহিনী সখীকে সামনে নিয়ে, তার পরিবেষণ করা সুখায় ওঠ  
আর্জ কোরে—প্রেমিকের পরম তৃপ্তির এই চরম আকাঙ্ক্ষা; সে আর  
কিছু চায় না, আর কাউকে চায় না।

\* শ্রীনরেন্দ্র দেব প্রণীত ও মেসার্স গুরুদাস চট্টোপাধ্যায় এণ্ড সন্স কর্তৃক প্রকাশিত; মূল্য চার টাকা।

এইখানে এই তরুতলে,  
তোমার আমার কুতুহলে  
এ জীবনের যে-কটা দিন কাটিয়ে যাবো গিরে,  
সঙ্গে রবে সুরার পাত্র,  
অল্প কিছু আহার মাত্র,  
আর একখানি ছন্দ-মধুর কাব্য হাতে নিয়ে ;  
ধাক্বে ভূমি আমার পাশে,  
গাইবে সখী প্রেমোচ্ছ্বাসে,  
মরুর মাঝে স্বপ্ন-স্বপ্ন ক'রবে বিরচন,  
গহন কানন হবে লো সেই নন্দনেরই বন ।

( রোবাইয়াৎ—নরেন্দ্রদেব—১০ )

Fitzgeraldএর ছিল শুধু "a Book of Verse" (একখানি কাব্য) ।  
যথার্থ রস-নিপুণ কবি, 'ছন্দ-মধুর' বিশেষণটি সংযুক্ত কোরে ওস্তাদ  
ভাবকের বাহাদুরী দেখিয়েছেন। যেখানে ড্রাকাসব, সাকীর স্তব,  
প্রেমের বৈভব, সেখানে এমন কবিতা, যার শব্দে বা পাঠে অমৃত বসণ  
না হয়, যার ছন্দোভঙ্গ হয়েছে, চোলবে না—একেবারেই চোলবে  
না—তাতে সমস্ত ললিত আবহাওয়ার যাত্রটুকু নষ্ট হয়ে যাবে - সেখানে  
শুধু একখানি কাব্য, তা সে যেমনই হোক কোনোমতেই প্রবেশ  
কোর্তে পাবে না, সেখানে যে কাব্যের ধ্বনিত অস্তর সাড়া দেবে  
তা হওয়া চাই 'ছন্দ মধুর' ; সুন্দর সংযোগ !

বহু স্থানেই এই রকম মনোজ্ঞ সমাবেশ আছে। অনুবাদ যে কত  
চমৎকার হয়েছে তা Fitzgeraldএর সঙ্গে মিলিয়ে দেখলেই বোঝা  
যাবে। কিন্তু অনুবাদ ইংরাজীর অনুরূপ হয়েছে বোলে এ জিনিষকে  
আমি খাটো কোর্তে চাই না। বাংলার নমনীয় ম-লীল ভাষার গুণে,  
শ্রীনরেন্দ্র দেবের সেই ভাষার নিপুণ বিশ্বাস ও প্রশংসনীয় অধিকারের  
ফলে, এই বাঙলার রূপান্তরিত রোবাইয়াৎ প্রভাবিত হয়েছে।  
ইংরাজী ও বাঙলা পদগুলি তুলনা কোরে যিনি দেখবেন, তিনিই এই  
উক্তির যথার্থ্য সথকে নিঃসন্দেহ হবেন :—

'Tis all a Chequer-board of Nights and Days  
Where Destiny with Men for Pieces plays ;  
Hither and thither moves, and mates, and slays,  
And one by one back in the Closet lays.

( Fitzgerald Quartrain 24—XLIX )

( First Edition )

রাত্রি আর দিনে আঁকা ছ'রঙের সাদা কালো ছকে  
চল্লির আনন্দ-ভরা অকুরান প্রাণের পুলকে  
নিয়তির চলে পাশা গেলা—

দু'টির বদলে নিয়ে অগণিত মানুষের মেলা !  
এ ঘরে ও-ঘরে ক'রে যোরে ঘুঁটি ছকে আঁকা ফাঁদে ;  
কখনও বা চিকে এসে হেসে জোড় বাঁধে,

কেউ মরে, মারে কেউ দানে-দানে আড়ি,  
খেলা-শেলে একে-একে ফিরে আসে বাড়ী !

( রোবাইয়াৎ—নরেন্দ্র দেব-৫১ )

কিথা—

And that inverted Bowl we call the Sky,  
Whereunder crawling Coop't we live and die,  
Lift not thy hands to It for help—for It  
Rolls impotently on as Thou or I.

( Ibid—LII )

উপুড়-করা পাত্রটা ওই,

আকাশ মোরা ব'লছি বা'কে,

যার নীচেতেই কু'কড়ে বেঁচে।

আঁকড়ে ধরি মরণটাকে,

হাত পেতে কেউ ওর কাছেতে

হোয়ে না আর মিশো হীন,

তোমার আমার মতই ওটা

অক্ষমতায় পড়ু দীন ।

( রোবাইয়াৎ—নরেন্দ্র দেব-৫৪ )

সমস্ত বইপানিতেই এই রকম—যে গ্রন্থকার ও প্রকাশকদের মনোবৃত্ত  
চেষ্টায় ওমরের এই অপূর্ব সুন্দর সংস্করণ বাঙলার বেকুলো, তাঁরা  
বাণী-অনুরাগী মাতেরই কৃতজ্ঞতার পাত্র ।

এই চিরন্তন প্রেমের কাব্যপানিকে প্রেমিক কবির মোহিনী লেখনী  
সত্যই প্রাণারাম করেছে। তব্ব বা দর্শন বোপ্‌বার মত মস্তিষ্ক  
আমার নেই। আমি জানি—প্রেমিকার প্রমাণের সঙ্গে মিলিত  
হবার আকাঙ্ক্ষাই হোলো ড্রাক্সা, অধর হে'লো তার পান-পাত্র, চূষন  
হোলো ড্রাক্সাস। যুগে যুগে সৃষ্টির আরম্ভ থেকে প্রেমিক তার  
প্রিয়তমার কাছ থেকে এই রসই যাচ'ণা কোরে এসেছে। সে সর্বভাগী—  
কেবল ওই তার সাধনা। ত্রিলোকের ঐশ্বর্য তার কাছে চার, রাজা  
বাদশা তার গণনার মধ্যেই নয়। সে তাই বোলছে—

হ'তেম যদি বাদশা আমি,

এর চেয়ে কি সুখের হ'তো !

তোমার রূপের এই যে আলো

চাঁদের চেয়ে উজল কতো !

এই যে আদর, এই যে সোহাগ,

অযাচিত পাচ্ছি তোমার,

অমর করা এই যে চুমা

তুলনা এর কোথায় আর ?

( রোবাইয়াৎ—নরেন্দ্র দেব - ২৩৪ )

এর ভিতর দর্শনশাস্ত্র থাকে তো থাক—কিন্তু প্রেমের বস্তায় সে  
ভেসেই যাবে।

ওমর পরকাল মান্তেন না ; কিন্তু তাঁর মনে নিশ্চয়ই সাকীকে মৃত্যুহীন করবার দুর্ব্বার আগ্রহ ছিল। একজন ইংরাজ কবি বোলেছেন যে, তিনি তাঁর প্রণয়িনীর নাম সাগর-পুলিনে লিখেছিলেন ; কিন্তু তরঙ্গস্পর্শে তা তখনি মুছে যায় ; দ্বিতীয় বারের লিখনেরও ঐ দশা হয়। কবি বোলেছেন—তাকে যেন সমুদ্র-তরঙ্গ স্পর্শা কোরে বোললে 'মত্ত মানব ! নর্ষ্যকে অমর করার চেষ্টা বৃথা'। কবি তখন তাঁর প্রণয়িনীকে উদ্দেশ্য কোরে বোললেন "যা কিছু নগণ্য তুচ্ছ, তা ধূলিলীন হোক, কিন্তু তোমার যশোভাতি তোমায় চিরন্তন কোর্বে, আমি তোমার নামে এমন কাব্য লিখবো যা তোমার গুণকে অমরত্ব দেবে, আর ছালোকে তোমার মহিমময় নাম চিরাক্তিত রাগ্বে—যেখানে, মৃত্যু সমস্ত জগৎকে জয় কোর্লেও আমাদের প্রেম থাকবে, আবার সঞ্জীবিত হবে :—

\* \* "Let baser things devise  
To die in dust, but you shall live by fame :  
My verse your virtues rare shall eternize,  
And in the heavens write your glorious name,  
Where, when as Death shall all the world subdue  
Our love shall live, and later life renew."

পরকাল না মানলেও, কে বোলতে পারে ওমরের মনে এমন কোনো কল্পনা জাগে নি যে, আর সব ধ্বংস হোলেও, তাঁর সাকীর যেন ক্ষয় না হয় ! তাঁর যে এই অরসিক অপ্রেমিক, বিধি-নিষেধ পীড়িত এই জগতের পরিবর্তে নূতন জগৎ গড়বার ইচ্ছা প্রাণে ছিল :—

তুমি আমি প্রিয়তমে,  
নিয়তির সাপে  
ঘড় করি' যদি আজ  
মিলি হাতে-হাতে,  
পারিতাম ধরিবারে  
সৃজনের ভুল,  
উৎপাটন করি' এই  
বিশ্বের সমূল,

চূর্ণ করি ফেলি' তা'রে  
ধূলি-কণাবৎ  
গড়িতাম মনোমত্ত  
নূতন জগৎ !

( রোবাইয়াৎ—নরেন্দ্র দেব—৭৫ )

এই সাকীর গান শ্রীনরেন্দ্র দেব যে বাঙলায় গেয়েছেন, এ যোগ্যই হোয়েছে। কেন না যে কবি, সেই কেবল নারীর হৃদয়-ব্যাপারের প্রকাশ-কুশলী। আমিও ইংরাজ কবির সঙ্গে বলি—যে এত দিন ধ'রে কবি-প্রাণ আন্দোলিত কোরেছে, তার উদ্দেশ্যে মরমের পানপাত্র পূর্ণ কর !—

Drink to her who long  
Hath waked the poet's sigh,  
The girl who gave to song  
What gold could never buy.  
Oh ! woman's heart was made  
For minstrel hands alone ;  
By other fingers played  
It yields not half the tone.  
Then here's to her who long  
Hath waked the poet's sigh,  
The girl who gave to song  
What gold could never buy.

শ্রীনরেন্দ্র দেবের লেখনী জয়যুক্ত হোক, জগতের শ্রেষ্ঠ কবির নাম বুকে ধ'রে তাঁর যে কাব্য আমাদের হৃদয় হরণ কোরেছে, তা বাঙলা ভাষা ও বাঙালীর সম্পদ বোলে যেন আমরা স্বীকার কোর্তে না ভুলি।

কবির হৃদে হৃদ মিলিয়ে যাকে ভালোবাসি, তাকে বোলতে ইচ্ছে কোর্ছে —

মত্ত পরাণ মিলন যাচে,  
স্বর্গ নরক পায়ের কাছে  
তুচ্ছ হয়ে লুটায় যে তার রাগি !

( রোবাইয়াৎ—নরেন্দ্র দেব—২৮২ )

# জার্মানী

শ্রীনরেন্দ্র দেব

জাতিগত সমাজগত ও প্রকৃতিগত বৈশিষ্ট্যের বিবিধ বৈচিত্র্য যেমন জার্মানীতে দেখতে পাওয়া যায়, এমনটি আর কোথাও নেই। জার্মানীর অধিবাসীদের সম্বন্ধে জানতে হ'লে সর্বাগ্রে স্মরণ রাখতে হবে যে, এ জাতটা নানা জাতের সংমিশ্রণে গড়ে উঠেছে; এবং যে সকল জাতি আজ একত্র মিলিত হ'য়ে জার্মান জাতি বলে জগতে পরিচিত হয়েছে, তাদের প্রত্যেকেরই স্বতন্ত্র ইতিহাস, কুলকাহিনী, আচার, ব্যবহার, রীতি, নীতি, ভাষা ও শিক্ষা বিদ্যমান ছিল এবং

দুইটি বৃহৎ বিভাগের মধ্যে ফেলতে পারা যায়। উত্তর জার্মানী ও দক্ষিণ জার্মানী। উত্তর জার্মানী সমুদ্র-তীর পর্যন্ত বিস্তৃত বিশাল সমতল ভূমি; কিন্তু দক্ষিণ জার্মানী ঠিক পার্শ্বত্যা প্রদেশ না হ'লেও অসমতল উচ্চ ভূমি, পশ্চিমে আর্ডেনেস্ ও ভোস্‌জেস্ পর্বত শ্রেণী থেকে শুরু করে সমস্ত জার্মান ভূখণ্ড অতিক্রম করে একেবারে পূর্বে বহিমীয়া ও আর্ট্রিমার সীমান্ত পর্যন্ত বিস্তৃত হয়েছে। জার্মানীর উচ্চভূমি অংশ গ'য়েছে রাইনগ্যাণ্ডের প্লেট



প্রকৃত শিক্ষা। ( প্রকৃতির সম্বন্ধে প্রকৃত শিক্ষালাভ হবে বলে জার্মানরা নদীতীরে অরণ্যের মধ্যে ছেলেদের শিক্ষার ব্যবস্থা করেছে। )


এখনও আছে। সুতরাং সংক্ষেপে জার্মানীর বর্ণনা ক'রতে হলে তাদের সম্বন্ধে কেবল সেই কথাটুকুই বলা চলতে পারে যেটা তাদের এই সম্মিলিত মহাজাতির জীবন ও চরিত্রের এবং বিশেষ ক'রে কেবল রাষ্ট্র সম্পর্কীয় ব্যাপারের সঙ্গ ঘনিষ্ঠভাবে সংযুক্ত। জার্মান মহাজাতির স্তম্ভ-স্বরূপ যে-কটি খণ্ড জাতি তাদেরই বিভাগ বিষয়ে একটু বিশদ ভাবে বলা বিধেয়।

ভৌগোলিক সংগঠনের দিক দিয়ে জার্মানীকে প্রথমতঃ


পর্বত-মালা থেকে ওয়েস্টারওয়াল্ড্, হেনসরুক্, কাওলুস্, থুরিঙ্গীলন, হারজ্ পর্বত, হারজ্‌গেবারজ্ বা শ্বাল্মনী ও বহিমীয়ার মধ্যবর্তী ওরপাহাড্, রীশেনগেবারজ্ বা জার্মেন্ট পাহাড় যেটি প্রাণীয়ান সাইলেনীয়ার মধ্যে অবস্থিত এবং তৎসংলগ্ন উচ্চ উপত্যকা ভূমি যাবত্‌দিকে ওডেন্‌ওয়াল্ড্ ব্র্যাক্ ফরেস্ট্ বা ক্লফবন এবং বাভেরীয় ও আষ্টীয় আল্পস পর্বতের অপরাংশ। কিন্তু জার্মানীর সর্বাপেক্ষা উচ্চ পর্বত-চূড়া 'স্নীকোপে' যেটি জার্মেন্ট্ পর্বতমালার একটি অংশ তার



সজ্জায়ান ক'নে।



কৃতম সাজে 'বরকেবার্গের' বসু




গুমার্মের পিঙ্ক। সংলগ্ন বাজার। ( গুমার্ম জার্মানির একটি ষাট'ন মহর। এই গুমার্মের



ষ্টাইগাটের গ্রাম্য আর্শাগণ পরিবার। ( যবিবার ছুটির দিনে পিঙ্কার  
পোষাকে সকলে মুসজ্জিত হয়েছে। )



বিবাহের ক্রীতি উপহার ( কস্তার পিতা মেয়েকে একটি ভাল পর দিয়েছেন । )



রাইনের মজুর । ( ধূমপান করতে করতে বিজ্ঞাপন পড়ছে )

উচ্চতা মাত্র ৫২৬০ ফিট! এই পার্বত্য ভূভাগের প্রধান বিশেষত্ব হচ্ছে একাধিক বিস্তৃত অরণ্যানী।

জার্মানীর উত্তর বিভাগের সমতল প্রদেশের বিশেষত্ব হচ্ছে, অসংখ্য হ্রদ-তড়াগ-বিশিষ্ট ভূখণ্ড। এই অংশেই হলষ্টাইন, মেক্লেম্বার্গ, পমীরেণিয়া ও পূর্ব প্রাণিয়া। এ অঞ্চলের অধিকাংশ প্রদেশ যেমন কৃষিপ্রধান, তেমনি অর্ধিত ভূমিও পড়ে রয়েছে অনেক। এই অঞ্চলেই মূরেদের বাসভূমি; বালুকাময় সমতল-ক্ষেত্র এবং অফুরন্ত অরণ্য-সম্পদ—ঠিক যেমন দক্ষিণেও আছে!

বহন করবার মত অবস্থায় আপনাকে প্রসারিত করে দিয়েছে আট্টিয়া, হাজেরী ও রুমেনীয়ার! উত্তর প্রদেশের হ্রদগুলির পরিচয় পূর্বেই দিয়েছি। দক্ষিণে কলটান্জ হ্রদ। এই বৃহৎ হ্রদটিতে জার্মানীর আংশিক অধিকার আছে,— সম্পূর্ণ মালিকান স্বত্ব আর নেই। বাভেরীয়ার একাধিক রমণীয় হ্রদ—আলী বর্গ মাইল পর্যন্ত আকার থেকে আরম্ভ করে ক্ষুদ্র ডোবার মতো হ্রদও আছে। ছোট ছোট হ্রদের সংখ্যাও খুব বেশী ব্লাক ফরেস্টের পার্বত্য ভূখণ্ডে। এই হ্রদগুলির আশের পাশের প্রাকৃতিক দৃশ্য একেবারে চিত্র-



বাভেরীয়ার বিচিত্র পোষাক পরা মেয়েদের দল।

জার্মানিকে নদীবহুল দেশও বলা যেতে পারে। বড় বড় নদ ও বহু ক্ষুদ্র ক্ষুদ্র নদী এর চারিদিকে বেষ্টিত করে আছে বলে জলপথে জার্মানীর প্রায় সর্বত্রই যাওয়া যায়। ব্যবসা-বাণিজ্যের দিক দিয়ে জার্মানীর উন্নতির একটা প্রধান কারণ এই নদীপথের সুবিধা। সমস্ত বড় বড় নদ নদীগুলিই উত্তরাভিমুখী—রাইন, বেসার্দ, এল্‌ব্‌ এ তিনটিই উত্তর সমুদ্রে গিয়ে পড়ছে; এবং ওদার ও ভিষ্টুলা বাল্টিক সমুদ্রকে আশ্রয় করেছে! দানীয়ু নদের উৎপত্তি জার্মানীর 'ক্লেভার' গর্ভে হলেও এবং কেবলমাত্র জার্মান রাজ্যেরই বহু শাখা-নদীর দ্বারা পরিপুষ্ট হলেও দানীয়ু বাণিজ্যতরী

করের তুলিকায় আঁকা রঙীন ছবির মতো! অসংখ্য ঝর্ণা ও পান্ডত্য উৎসও জার্মানীর একটা সম্পদের মধ্যে গণ্য!

উত্তর সমুদ্র-তীরের সন্নিকটে ও বাল্টিক সাগরে কতকগুলি ক্ষুদ্রায়তন দ্বীপ আছে। তন্মধ্যে কতকগুলি এত ক্ষুদ্র যে সে সকল দ্বীপে মানুষের বসবাস নেই। সর্বাপেক্ষা বড় দ্বীপটির নাম 'রুগেন'। এটি হেলিগোল্যান্ড, নর্ডার্ন, জুয়িট্ট, বোর্কুম প্রভৃতি অন্যান্য দ্বীপের ছায় ছুটি কাটিয়ে আসবার পক্ষে খুবই জনপ্রিয় হয়ে উঠেছে।

উত্তর ও দক্ষিণ জার্মানীর উভয় বিভাগের মধ্যে লেখা ও কথা ভাষায় যতখানি প্রভেদ দেখতে পাওয়া যায়, তাদের



আচার ব্যবহার ও রীতিনীতি, আদব কায়দা এমন কি অনেকে হয় ত জানেন না যে ইংলণ্ডেও স্বয়ং ও ইংরেজদের চিন্তাধারার মধ্যেও ততখানি পার্থক্যই লক্ষ্য হয়। মধ্যের এমনি বিপুল পার্থক্য আছে; এমন কি খাস ইংলণ্ডে




কৃষ্ণারণোর ( Black Forest ) উৎসববেশে সুসজ্জিতা কৃষ্ণ রমণীর দল



খৃষ্ট-ধর্মের দীক্ষা। ( Baptisement )

(পিতামাতা আত্মীয় ও বন্ধুবান্ধবগণ মিলিত হ'য়ে মিছিল ক'রে শিশুকে গির্জায় নিয়ে যায়।)

উত্তর অধিবাসী ও  
দক্ষিণ অধিবাসী  
ইংরেজদের মধ্যেও  
এতখানি পার্থক্যই  
দেখতে পাওয়া যায়।  
ভাষার পার্থক্য হিসাবে  
নীচের জার্মানীর  
উচ্চারণ-ভঙ্গী যেমন  
একটু কোমল মিষ্ট ও  
শান্ত, উপরের  
জার্মানীর তেমনিই  
তীক্ষ্ণ তীব্র ও সতেজ।  
অথচ আশ্চর্যের বিষয়  
এই যে বর্তমান যুগের  
শ্রেষ্ঠতর জার্মান সাধু-  
ভাষার জন্ম যে উত্তর-  
খণ্ডে, সেইখানেই  
আবার নিকৃষ্টতর  
জার্মান চলতি ভাষারও




বৃষ্কারণ্যবাসী গৃহিণীদের নিত্যকর্ম! (এরা প্রতি দিন অধিকাংশ সময়  
বৃষিক্ষেত্রে চাষবাসের কাজে সাহায্য করে।)



রীচেনহলের রাস্তার অধিবাসীদের নৃত্য, ( বাভেরীয়ার মধ্যে রীচেনহল স্থানীয়  
স্থান, বনোবিখ্যাত। এখানে, মনকেই বায়ু পরিবর্তন কর্তৃক আসেন। )

জন্মস্থান। এই ভাষার নাম  
প্লাট্‌ডয়েশ্ (Plattdeutsch)  
এবং এই ভাষার ফ্রীট্‌জ রয়টার  
(Fritz Reuter) মেক্‌লেন্  
বোর্গোন্ (Meck'enburger)  
প্রভৃতি সাহিত্যিকগণের রচনাবলি  
জার্মান সাহিত্যে অমর হয়ে  
আছে।

উত্তর জার্মানীই সর্বাপেক্ষা  
প্রাচীনত্বের দাবী করে, কারণ দক্ষিণ  
জার্মানীতে উত্তরের অধিবাসীরা  
গিয়ে প্রথম বসবাস শুরু করেছিল।  
ইতিহাস-বর্ণিত নানা বিভিন্ন জার্মান  
উপজাতির মধ্যে কেবলমাত্র  
স্বাধীনতাপ্রিয় শ্বাবেনরাই সমস্ত  
প্রদেশ অধিকার করে আছে।  
এদের এই প্রদেশটি একটু উত্তর



মায় পাকিত্য কৃষক পরিবার



কুমারগণ্যবাসিনীদের খড়ের দড়ী বোনা।

পশ্চিম কোণে রাইন নদী ও হারজ পর্বতের মাঝখানে। কঠোর পরিশ্রমী দুর্ভাগ্য ফ্রিগিয়ানরা ওল্ডেনবার্গের তটভূমি ও প্লেন উইগের উত্তর পশ্চিম অঞ্চলে এবং উত্তর সাগরের একাধিক দ্বীপপুঞ্জে বসবাস করে।



ছ'টি ইন্দুলের নেয়ে (জার্মানিতে মেয়ের গাড়ীর চেয়ে হেঁটে ইন্দুল যাওয়াই পছন্দ করে।)

এরা কখনও এদের এই বাসস্থান ছেড়ে অল্প কোথাও যাননি। পুরাতন বাসভূমি আঁকড়ে যুগযুগান্তকাল যদি কেউ পড়ে থাকে ত' সে এরা। তার পর 'ফ্রাঙ্ক'দের উল্লেখ করা যেতে পারে। এরা রাইনের নীচের দিক থেকে মাঝামাঝি পর্যন্ত ছড়িয়ে আছে। জার্মানির যে পূর্বাংশকে শ্লাভ'দের দেশ বলে, সেখানে নানা বিভিন্ন জার্মান উপজাতির সমাবেশ হয়েছে। তাদের মধ্যেও প্রধান হচ্ছে আবার সেই সাক্সন ও ফ্রাঙ্করা। 'খুরিঙ্গিয়ান' বলে আর একটা শাখাকেও এই প্রধানদের দলে ফেলা যায়।

সেই আদিম যুগের প্রাচীন জার্মান জাতির বৈশিষ্ট্য যদি কিছু আজও কোথাও খুঁজে পাওয়া যায় তো সে ওই

নিম্নশ্রেণীর সাক্সনদের মধ্যেই দেখতে পাওয়া যায়। সেই রেশমী চুল, সেই ফর্সা চেহারা, সেই নীল আঁধি তারা, এ সব যত দক্ষিণে এগিয়ে যাওয়া যায় ততই ক্রমশঃ যেন মিলিয়ে গিয়ে চখের সামনে ভেসে আসে স্বেয়াবীয়া ও বাভেরীয়ার সেই বাদামী চেহারা, দীর্ঘকায়, লম্বা সঙ্কীর্ণ মুখ; কিন্তু জার্মান গঠনের বিশেষত্ব বর্জিত নয়! উত্তর পশ্চিম ও দক্ষিণ পূর্ব অঞ্চলে এই ধরনের চেহারাই খুব বেশী দেখতে পাওয়া যায়। আবার দক্ষিণ পশ্চিম ও উত্তর পূর্ব অঞ্চলের 'শ্লাভ' প্রদেশে বেঁটে চেহারা ও চওড়া মুখ লোকই বেশী দেখতে পাওয়া যায়।

এদের স্বভাব ও প্রকৃতি সম্বন্ধে এখানে একটু বল যেতে পারে। নিম্নশ্রেণীর সাক্সন বা কেবল দুর্ভাগ্য ও স্বাধীন চরিত্রের লোক। একটু ভারি ক্রোধ গোছের চেহারা। বেশ



কৃষ্ণাঙ্গের তরুণী

গম্ভীর প্রকৃতি। চট্ট ক'রে কাছে ঘেঁসতে পারে যায় না। কখনই তারা কারুর সঙ্গে ঘেঁচে আলাপ করে না। অপরিচিতকে তারা যেন একটু সন্দেহ ও অবিশ্বাসের চোখে দেখে। তাদের চরিত্রে সেই পুরাকালের কাঁড় প্রকৃতি

এখনও বেশ প্রবল আছে। নিজের অধিকার সম্বন্ধে তারা সর্বদাই বেশ প্রবল ভাবে সজাগ। জায়সত্ত্ব দাবী তারা কিছুতেই ছাড়তে চায় না; কাজে কাজেই তাদের স্বভাব




শিরভূষা। (কুমারগোর কুমারীদের টুপীর মাথা লাল কুঁটি  
খাঁটা থাকে এবং বিবাহিতাদের কালো)

একটু মান্লামাজ হ'য়ে  
পড়েছে। তাদের  
প্রকৃতি বেশ প্রকুল  
উজ্জ্বল লবুহাস্রময় নয়,  
কারণ তাদের দেশের  
প্রাকৃতিক অবস্থা তার  
বিরোধী। সেই মেঘা-  
বৃত্ত আকাশ ও ঘন  
কুয়াসাজ্জয় বাতাস  
তাদের স্বভাবতই  
মিরমাণ ও অপ্রসন্ন  
করে তুলেছে। জীবন  
তাদের একেবারেই  
গগুময়, কোথাও এত-  
টুকু কাব্যের ছায়া-  
মাত্র নেই। তবে

একটা ছলভ জিনিস তাদের মধ্যে আছে; সেটা হচ্ছে  
তাদের ব্যঙ্গ বিক্রম ও পরিহাসের রহস্যলাপ। তারা  
ভাবের ছগাল নয় বটে, কিন্তু জনে জনে প্রকৃত কন্দবীর।  
এদের মধ্যে কত পরিব্রাজক ও কত বৈজ্ঞানিক জন্মগ্রহণ  
করেছে!—কিন্তু কাব্য ও কলা-বিজ্ঞান কাছে এরা কেউ  
ঘেঁদতেই চায় না।

পূর্বেই বলেছি ফ্রিশিয়ানরা একটু কষ্টসহিষ্ণু। তারা  
দেহে ও মনে খুব দৃঢ় হয়ে উঠতে পেরেছে। তাদের  
আচার ব্যবহার সম্বন্ধে তারা একটু বেশী রকম গোঁড়া।  
পাড়া-প্রতিবেশীদের সঙ্গে তারা বড় একটা মেশে না।  
আন্তর্জাতিক বিবাহের তারা খুবই পক্ষপাতী। এক একটা  
গ্রামে দেখতে পাওয়া যায় যে তারা সকলেই প্রায়ই  
পরস্পরের আত্মীয়! এরাও কাব্য ও শিল্পের কোনও ধার  
ধাবে না, এমন কি গানবাজনার সুর পর্যন্ত তারা পছন্দ  
করে না!


আরও উত্তরে এল্ভ নদী যেখানে পশ্চিমের প্রাচীন  
জাতিভূমিকে 'শ্লাভ' প্রদেশ থেকে পৃথক করে রেখেছে,  
এই 'শ্লাভ' অংশ যে স্ক্যান্ডিনেভিয়া ও অ্যান্টিক জার্মান উপজাতির  
দ্বারাই পরিপূর্ণ ও তাদেরই সভ্যতার প্রভাবে সুসভ্য হ'য়ে  
উঠেছে, এ কথাটা ভুলে গেলে চলবে না! এই পূর্বাংশেই



জার্মান জননী। (সন্তান-সন্ততিদের খাবার খাওয়াচ্ছেন ও সেই সঙ্গে উপদেশ ও শিক্ষা দিচ্ছেন)



বুকারা কুবক বাল্পতি



কুকানিনি বড়ির নাজে




শার্লটেনবার্গের অরণ্য-বিদ্যালয়। ( অনেক অল্প বালিকা এই অরণ্য আশ্রমে  
শিক্ষা দ্বারা হ'য়ে হত স্বাঃ ১৫ বিরে পেয়েছে। )



ধর্মোৎসবের মিছিল



পূর্ব প্রাশিয়ায় মজুরের দল ।



রবিবারের পোষাক । ( এই লম্বা লাল টুপি পরা তাহের ক্যাশান )



প্রশীয় বীরগণের জন্মভূমি। বর্তমান জার্মান জাতির সকল শাখার মধ্যে সর্বাপেক্ষা সজীব ও তেজস্বী জাত এই অঞ্চলেই দেখতে পাওয়া যায়। 'শ্লাভ' উৎস থেকে এদের উৎপত্তি হলেও বর্ণিক লিথুয়ানীয়ান জাতির সঙ্গে এদের ঘনিষ্ঠ আত্মীয়তা দেখতে পাওয়া যায়।



প্রমোদোৎসব।

(বাগিনের নূতন ক্যাথিড্রাল গির্জা সংলগ্ন এই মনোহর উদানে অসংখ্য

জার্মান নরনারী তাদের অবসর যাপন করে।)

মোটের উপর প্রশীয়ানরা শক্তিমান গুণশালী এবং ধৈর্য্য ও সহিষ্ণুতার অধিকারী। তবে 'গলেদের' মতো তাদের সে করুণাশক্তি নেই; সে জীবনের প্রতিপলে আনন্দের সঞ্জীবনী লীলা-চাপল্য নেই, যেমন রাইনল্যান্ডের

অধিবাসীদের মধ্যে দেখতে পাওয়া যায়! খোয়াবীয়ানদের উচ্চ শিক্ষা ও জ্ঞানের উৎকর্ষের সে স্বল্প অনুপ্রেরণাও তাদের মধ্যে দেখতে পাওয়া যায় না! জার্মানীর বর্তমান সভ্যতা-বিস্তার ও জাগতিক উন্নতি-পথের পথপ্রদর্শক মন্ত্রদাতা গুরুই হচ্ছে এরা। বিধিনিয়মের অমুকুল যে যে বিষয় এবং যা এই বিধি-নিয়মের মধ্যে সুনিয়ন্ত্রিত হ'লেই উন্নত ও সুসম্পূর্ণ হ'য়ে ওঠে, সে বিষয়ের পরিচালনায় প্রশীয়ানদের মতো উপযুক্ত জাত আর জগতে নেই ব'লেও চলে! প্রকৃতপক্ষে তাদের শক্তি সামর্থ্য যা কিছু তা হাতে-কলমের কাজের মধ্যেই প্রকাশ পায়, স্ফূর্তি পায়! তারা কাজের স্বপ্নে বিভোর হ'য়ে করুনার তাজমহল গড়তে পারে না।

রাজনৈতিক ব্যাপারে এরা তেমন মাথা-ঘামায় না বটে, কিন্তু নিজেদের মিউনিসিপ্যাল ব্যবস্থা এমন সুচারুরূপে সংগঠিত করেছে যে, জগতের কোনও দেশে এমন সুনিয়ন্ত্রিত মিউনিসিপ্যাল গভর্নমেন্ট দেখতে পাওয়া যায় না। জার্মানীর ব্যবসায় সংক্রান্ত কৃতকার্যতা ও শিল্প সিদ্ধির মূলে এই প্রশীয়ানদের মাথা ও অদম্য উৎসাহ বিদ্যমান। বর্তমান জার্মানীর জীবনের গতি নিয়ামক প্রকৃত পক্ষে ধরতে গেলে এই প্রশীয়ানরাই! এদের অস্তিত্ব জার্মানীতে না থাকলে জার্মানীর অবস্থা যে আজ অগ্নি রূপ হ'তো, এ কথা বেশ জোর করেই বলা চলে। আধুনিক গণতন্ত্রের নেতাও এই প্রশীয়ান জাতি। এদের বিপুল শক্তিকে অগ্রাহ্য ক'রে

জার্মানীর বেঁচে থাকা অসম্ভব। কাজে কাজেই এদের নেতৃত্বের অনুসরণ করা ছাড়া জার্মানীর গত্যস্তর নেই। মধ্য-জার্মানীর প্রধান জাত হচ্ছে ফ্র্যাঙ্ক ও খুরী-দিয়ানরা। সমস্ত জার্মান জাতির মধ্যে সব চেয়ে স্ফূর্তিবাহু



গ্রামের ঝড়গা-ভায়ায় ।



রাউন্ড গ্রামের পৃষ্ঠ

কার্যাতৎপর সর্বশক্তিমান সজীব জাত হচ্ছে এই ফ্র্যাঙ্করা! এরা কাব্যমোদী ও কল্পনা-কুশল। শিল্পকলা ও সূক্ষ্ম সৌন্দর্য্যতত্ত্ব সম্বন্ধে এদের বিশেষ অহুরাগ দেখতে পাওয়া যায়। এরা ভারি মিশুক ও মজলিসী—সহজেই এদের সঙ্গে ঘনিষ্ঠতা ক'রতে পারা যায়। খুরীজিয়ানরাও খুব আশুদে লোক। এদের মধ্যে প্রাণশক্তির প্রাচুর্য্য ও কাজকর্মে সবিশেষ উৎসাহ দেখতে পাওয়া যায়। এরা একটু ভাবপ্রবণ জাত। গীতবাণের একান্ত অহুরক্ত! অপরিচিতদের সঙ্গে এরা অতি ভদ্র ব্যবহার করে। এদের মতো এমন সহজে সঙ্কট হবার সঙ্গুণ অন্ত কোনও জাতির মধ্যে দেখা যায় না।

দোষের মধ্যে এদের আত্ম-নির্ভরতা ও স্বাভাবিক রক্ষা করবার প্রয়াস বড় কম। বাইরের যে কোনও প্রবল প্রভাবে এরা সহজেই অভিভূত হয়ে পড়ে। কিন্তু আবার এদের মত অধ্যবসায়ী ও পরিশ্রমীও খুব কম দেখতে পাওয়া যায়।

দক্ষিণে আলেমান্না বা খোয়া-বীয়ানরা ও বাভেরীয়ানরা প্রধান। বেনেড ও উর্টেমবার্গ প্রদেশে খোয়াবীয়ানরা বাস করে। পূর্বাঞ্চলের প্লাভ্দের মতো এই শ্রামবর্ণ খোয়া-বীয়ানদের মধ্যে বেশ একটু কেলটিক প্রভাব দেখতে পাওয়া যায়। এদের স্বভাব বেশ মধুর। এরা খুব ধীর প্রকৃতির এবং জ্ঞান বুদ্ধি ও শিক্ষার উৎকর্ষের দিক দিয়ে এরা জার্মানীরা অপার সব জাতকে ছাপিয়ে গেছে।

ভাভেরীয়ানরা খুব চতুর, তীক্ষ্ণবুদ্ধি-সম্পন্ন এবং সব বিষয়ে বিশেষ সাবধানী জাত। জার্মানীর অপার সকল জাতের চেয়ে এদের একটা একটা ব্যক্তিগত বিশেষত্ব খুব বেশী আছে। হুঃসাহসের কাজ করতে এরা মোটেই পশ্চাত্পদ হয় না। চট করে এরা কারুর সঙ্গে বন্ধুত্ব ক'রতে চায় না বটে; কিন্তু এদের ঠিক অমিশুকও বলা চলে না। একটু আত্মসর্বস্ব ভাব এদের মধ্যে আছে বটে,

কিন্তু ধর্ম্মভাব ও স্বজাতি-প্রেম এদের মতো আর কারুরই তেমন প্রবল নয়।

বিগত মহাযুদ্ধের আগে জার্মান সাম্রাজ্যের আয়তন ছিল প্রায় ছ'লক্ষ আট হাজার সাতশ' আশী বর্গমাইল এবং লোকসংখ্যা ছিল প্রায় ছয় কোটি আশী লক্ষ। কিন্তু যুদ্ধের পর ভার্সেল্ সন্ধিসন্ধি অনুসারে জার্মান সাম্রাজ্য বিভক্ত হয়ে পড়ায় এদের আয়তন উপস্থিত প্রায় সাতাশ হাজার বর্গ মাইল কমে গেছে, এবং লোকসংখ্যাও সেই অনুপাতে কমে গিয়েছে প্রায় পঁয়ষট্টি লক্ষ! সুতরাং বর্তমান জার্মান সাম্রাজ্যের আয়তন দাঁড়িয়েছে এক কোটি একাশী লক্ষ



ভাভেরীয়ান বরবধু। (প্রাচীন বিবাহ পরিচ্ছদে।)

সাতশ' আশী বর্গ মাইল এবং লোকসংখ্যা ছ'কোটির কিছু বেশী।

১৯১৮ সালের আগে পর্যন্ত জার্মান সাম্রাজ্য ছিল পঁচিশটি সম্মিলিত প্রদেশের সমষ্টি। তার মধ্যে চারটি পৃথক রাজ্যও সংযুক্ত ছিল—প্রশীয়, শ্বাব্বনৌ, ভাভেরীয়ান ও উর্টেমবার্গ! আলসেস্ লোরেন্ প্রদেশটিও তখন জার্মানীর সাম্রাজ্যভুক্ত ছিল। কিন্তু বিগত মহাযুদ্ধের পর জার্মানীতে যে প্রজাবিদ্রোহ প্রকলিত হ'য়ে উঠেছিল, তার ফলে জার্মানীর সমস্ত রাজস্ববর্গ সিংহাসনচ্যুত হ'তে বাধ্য হ'য়েছেন এবং রাজতন্ত্রের পরিবর্তে সেখানে সর্বত্রই প্রজাতন্ত্র প্রতিষ্ঠিত হয়েছে। অথচ তারা পূর্বের সেই একাধিক



রাইন নদী-তীর।



সাইকেলে বিহারিণী। ( তুরেশ্ব, মেয়ে। কলম্বলে পোষাক পরেও  
অন্যমনে বাইকে চড়ে যায়। )

সম্মিলিত প্রদেশের সমষ্টিগত ব্যবস্থার কোনও পরিবর্তন করেনি, কেবল গণতন্ত্রের নিয়ম অনুসারে সেগুলির শাসন-কাপারের ঈষৎ সংস্কার ক'রে নিয়েছে মাত্র। উপস্থিত যে বিধি ব্যবস্থার প্রচলন তারা সেখানে করেছে সেইটেই হচ্ছে জগতের মধ্যে শ্রেষ্ঠ ও আদর্শ গণতন্ত্রের ব্যবস্থা। তবে কার্যতঃ এ ব্যবস্থায় কাঁ রকম সুফল পাওয়া যায় সেটা এখনও প্রমাণ-সাপেক্ষ।

পূর্বের পঁচিশটি প্রদেশ উপস্থিত অদল বদল হয়ে দাঁড়িয়েছে মাত্র আঠারোটিকে—আনহাল্ট, বাডেন,

থুৎ থুৎ দেশে বিভক্ত ছিল। এবং সেই সময়েই তাদের মধ্যে নিজেদের পৃথক পৃথক অস্তিত্ব ও বৈশিষ্ট্য বজায় রাখবার যে একটা প্রবল আগ্রহ ছিল, সে ভাবটা উপস্থিত এদের মধ্য থেকে অনেক কমে গেলেও এখনও একেবারে বিদূরিত হয় নি। এখনও এরা সাম্রাজ্যের কল্যাণের চেয়ে স্ব স্ব জন্মভূমির কল্যাণের দিকে অধিক সজাগ! নিজেদের ছোট ছোট দেশগুলিকে তারা যেমন প্রাণ দিয়ে ভালবাসে, সমগ্র জার্মান সাম্রাজ্যকে তারা ঠিক সে চক্ষে দেখে না! জার্মান কবিরা অধিকাংশই তাদের স্বদেশ-প্রেমমূলক



কৃষ্ণপর্ণ্যে বিবাহ-উৎসব। ( মেয়েদের মাথার মুকুটগুলি জড়ব্য )

বাভেরীয়া, ব্রাম্বুর্ক, ব্রেসেন, হামবার্গ, হেস্, লীপ, লুবেক্, মেকেলেনবার্গ শোয়েবার্গ, মেক্লেমবার্গ ষ্ট্রেলিট্জ, ওল্ডেনবার্গ, প্রুশীয়া; স্যাক্সনা, সার্ডমবার্গ লিপ্, থুরাঙ্গিয়া, ওয়ালডেক্, ও উর্টেমবার্গ।

আগে জার্মানীর আধিবাসীদের মধ্যে প্রোটেষ্ট্যান্ট ছিল প্রায় শতকরা ৬২ জন, রোমান ক্যাথলিক ছিল শতকরা ৩৭ জন, আর যুক্তদী ছিল শতকরা ১ জন। কিন্তু আলশেস্ লোরেন্ আর পোলিশ অংশ ধীরে ধীরে যাবার পর এখন প্রোটেষ্ট্যান্ট সংখ্যাই বেশী হয়ে পড়েছে। তারা এখন শতকরা প্রায় ৬৫ জন!

একটা অথু সাম্রাজ্যে পরিণত হবার আগে জার্মানী

কবিতায় কেবল নিজেদের ছোট ছোট জন্মভূমির প্রশংসায় মুগ্ধ হ'য়ে উঠেছে! সমস্ত জার্মান সাম্রাজ্যকে নিজের স্বদেশ বলে দেখবার মতো প্রসারিত উদার দৃষ্টি তাদের অন্তরে এখনও উন্মীলিত হয়নি। পিতৃভূমি (Fatherland) ব'লে তারা সমগ্র জার্মানীকে অভিহিত না করে নিজেদের ছোট ছোট জন্মপ্রদেশগুলিকেই বলে।

বর্তমান জার্মানীর পত্তন হ'য়েছিল ধরতে গেলে সেই ১৮৭০ সালের ফরাসী যুদ্ধের পর। এই যুদ্ধের অব্যবহিত পরেই জার্মানীর ব্যবসায়-বাণিজ্যের প্রভূত উন্নতি আরম্ভ হ'য়েছিল। গত বিশ বৎসরের মধ্যে জার্মান রাজ্যের প্রায় সকল প্রদেশেই একটা সংস্কারের বন্ডা বহে গেছে। সমস্ত

গুলোট পালোট হ'য়ে প্রাচীন সহর ও পুরাকালের নগর সব ভেঙে পুনর্গঠন শুরু হয়েছিল। তিনশত কোটি টাকা তারা এই দেশের উন্নতির জন্য ব্যয় ক'রতে নামায় তাদের চাষবাস ও কলকারখানার কাজ এমন একটা সুযোগ পেয়ে গেল যে দেখতে দেখতে স্বপ্নের মতো জার্মানী জগতের সর্বশ্রেষ্ঠ ব্যবসায়ী বলে পরিচিত হ'য়ে গেল।

প্রায় অর্ধশতাব্দী-কাল ধরে দেশের শিক্ষা-বিস্তারের

দিকে, অর্থকরী বিদ্যালয়ভেদে দিকে এবং বিশেষ করে বিজ্ঞান শিক্ষা ও বৈজ্ঞানিক গবেষণার প্রতি লক্ষ্য রাখার ফলে জার্মানীতে গত বিশ বৎসরের মধ্যে যে অসংখ্য কারু-কর্মী রাসায়নিক শিল্পী ও বৈজ্ঞানিকের উদ্ভব হয়েছে—তাই আজ জার্মানীর অসংখ্য কলকারখানার সুযোগ্য পরিচালক !

(ক্রমশঃ)

## কান্নাহাসি

শ্রীহেমন্তকুমার চট্টোপাধ্যায়

আমি ব'সে আছি, আকাশের পানে চাই—  
দূর দিগন্তে কোথাও সীমানা নাই,  
ঘন কুয়াসার অবগুণ্ঠনে ঢাকা ;  
সন্ধ্যারোদ্র মেঘের অন্তঃপুরে  
বাহিরে আসিতে মরিতেছে মাথা খুঁড়ে,  
ক্ষীণ আলো দীন ব্যথার ম্লানিমা মাথা।

অন্ধ আকাশ নিঃসীম ভাষাধীন,  
দিবসের আলো ধীরে হয়ে আসে ক্ষীণ,  
ধরণী লুকাল অন্ধকারের মাঝে ;

আমি একা বসে তমিস্রা উপকূলে  
নিখিলের ব্যথা মোর বুকে ওঠে তুলে  
চিত্তে এক বাধিত রাগিনী বাজে  
ধরা যেন চায় ফেলিতে এ আবরণ  
ঘন হয় পাশ, দৃঢ় হয় বন্ধন,  
ক্ষীণ দাঁপালোকে মরে গৃহকোণে ঘুরে !

মানবের ব্যথা মূঢ় এ আলোর মতো  
শুধু হয় গৃহ-বাণ্যনে প্রতিহত,  
নিবিড় হতেছে বন্ধ অন্তঃপুরে।

বেদনা-আঘাত আমার চিত্তে লাগে,  
অসীম শূন্যে মুক্তির দিশা মাগে,  
অন্ধকারেতে হয় শুধু দিশাহারা।

ক্রন্দন বুকে উছলি ভাঙ্গিয়া পড়ে  
আঁধার বিধে তট খুঁজে খুঁজে মরে,  
এ মুক শূন্যে কে দিবে কাহারে সাড়া।

মানব যেন রে নীড়হারা ভীকু পাখী  
নিজেরে তুলায় মুদিয়া আপন আঁধি,  
আশ্রয়হীন ভাবে আছে আশ্রয় !

হায় অসহায় কে খুলিবে তোর দ্বার—  
যে দিকে তাকাস বন্ধ এ কারাগার  
বন্দী, কে দিবে মুক্তির পরিচয় ?  
নিশার আঁধার নিবিড় হইয়া আসে  
মানব চিত্ত শিহরি কাঁপিছে ত্রাসে  
জানে না যাহারে তারে আশ্রয় মানে,  
অকূল, আঁধার, ছিঁড়েছে তরীর পাল,  
ভাবিছে অজানা নাবিক ধরেছে হাল  
সভয় স্তব্ধ, তারি বন্দনা গানে।

কাটিল কুয়াশা তারকা আলোক জ্বলে,  
দশমীর চাঁদ হাসে গগনের ভালে,  
অসীম আকাশে মেঘের চিহ্ন নাহি ;  
হাসিয়া উঠিল ভীকু মানবের মন  
কোথা বন্ধন, কোথায় বা গৃহ-কোণ,  
কোথা ভাঙ্গা তরী, কে আনিল তরী বাহি ?  
অসীম শূন্য বিস্তার সীমাধীন—  
দ্বিধা-ধীন মনে ব্যথা কোথা হ'ল লীন  
কারা-শৃঙ্খল কোথায় পড়িল টুটে !  
মুক্তপক্ষ পাখীরা অবাধে উড়ে  
প্লাবিয়া গগন ভরা হৃদয়ের সুরে  
কত না শক্তি ক্ষাণ সে পক্ষপুটে।  
হৃদয়ের সাথে হৃদয় আসিয়া মেলে  
শূন্য আকাশে সঙ্গীত-সুধা ঢেলে ;  
কোথা ম্লানি, কোথা কুয়াশার ম্লানিতা—  
আনন্দ শুধু অক্ষয় হয়ে রয়  
বাধা নাই, নাই ব্যথা বন্ধন ভয়  
অসীম আকাশ, উড়িবার অধীরতা !

## মোটরে কাশ্মীর-যাত্রা

শ্রীসৌরেন্দ্রমোহন মুখোপাধ্যায় বি-এল

৭

রাওয়ালপিণ্ডি পৌঁছে আমাদের প্রধান কাজ হলো, গাড়ী হুথানি এন্, ডি, রাধাকিষণ কোম্পানির ওয়ার্কশপে দেওয়া। কোথাও কোনো জু আল্গা, বা, কল্কজা কোথাও টিলা হলো কি না, তা ঠিকঠাক করা আর ব্রেকে কোনো খুঁৎ না থাকে—এই সব পরখ করা। কারণ, এবার সুদীর্ঘ পাহাড়-পথে পাড়ি! পাহাড়ের বাঁক, গোড়েন পথ,—ব্রেক যদি একটু বিগড়ায়, তাহলে গাড়ীশুদ্ধ সকলের প্রাণ নিয়ে

হলো। অথচ গাড়ী যথাসম্ভব হাল্কা করাই সঙ্গত আর নিরাপদ! কাজেই একখানি পৃথক্ গাড়ী ভাড়া করা হলো এন্, ডি, রাধাকিষণ কোম্পানির কাছে। রাওয়ালপিণ্ডি থেকে শ্রীনগর অবধি সে গাড়ীর ভাড়া পড়লো ২০ নব্বই টাকা। স্থির হলো, নেহাৎ প্রয়োজনীয় আসবাব ছাড়া, বিছানা-পত্র বাসন-কোসন প্রভৃতির মোট সেই ভাড়া-গাড়ীতে যাবে। ছেলের সঙ্গে একটি পাচক ব্রান্ধণও




রাওয়ালপিণ্ডি ছাড়িবার উদ্ভোগ

টানাটানি ঘটতে পারে। কাজেই এখান থেকে শ্রীনগর-যাত্রী মাত্রেরই গাড়ীর অঙ্গবাগ-পর্যবেক্ষণ একটা প্রধান লক্ষ্য হওয়া উচিত। সত্ত্ব কাচিয়ে নেবার জন্ত রজক ডাকিয়ে তার কাছে সব কাপড়-চোপড় পাঠানো হলো। এখান থেকে ছেলেরা আমাদের সহযাত্রী হবে—তাদের সঙ্গেও মোট-ঘাট আছে বিস্তর। বড় ট্রাক প্রভৃতি অনেক

ট্রেনে এসেছিল—সে আর আমাদের সাথে নেপালী বয়,—এরাও ছুঁজনে এই মোটঘাটের সঙ্গে সেই গাড়ীতে যাবে। গোটা-চারেক ভারী ট্রাক নিয়ে শেষে সমস্তা বাধলো! রাধাকিষণ কোম্পানির ভারবাহী প্রকাণ্ড লরি ভোরেই শ্রীনগর যাত্রা করছিল—ভারী ট্রাক ক'টা সেই লরিতে চাপানো হবে, স্থির হলো। এ-সবের মীমাংসা সেরে

সারাদিনটা গোছগাছ করতেই কেটে গেল। রাধাকিষণ তিনি নাছোড়বন্দা...আমাদের কোনো প্রতিবাদে ক্রক্ষেপও কোম্পানির অংশীদার এম্, কে, শেঠী মহাশয় আমাদের করলেন না। শেঠী-সাহেব পঞ্জাব বিশ্ববিদ্যালয়ের এম, এ ;



মারী ও কেহলাব পথে

সুখ-স্বচ্ছন্দোর দিকে এমন মনোযোগী হলেন যে তাঁর তাঁর ভদ্রতা, তাঁর আতিথেয়তা অপূর্ণ।  
খাতিবেব ঘটায় আমরা অপ্রতিভ হয়ে পড়ছিলাম! কিন্তু বৈকালে তিনি বললেন,—চলুন বাবো! কং কানি ভালে





আমরা বললুম, এই দীর্ঘ পাড়ির পর রাত্রি জাগা ঠিক হবে না। আবার সামনে এই দীর্ঘ পাড়ি পড়ে আছে! তখন তিনি ছাড়ান্ দেন।

তার কাছে শুনলুম, রাওয়ালপিণ্ডি থেকে ১৫ মাইল উত্তরে অর্থাৎ মোটরে তিন-চার ঘণ্টার পথে তক্ষশিলা..... দেখবো না? এই তক্ষশিলা ছিল স্বর্ধাবংশীয় ভারতের পত্র তক্ষের রাজধানী। জন্মেজয় রাজার সর্পযজ্ঞও এইখানে

পেশোয়ার হিন্দু আমলের পুরুষপুর। সবজাগিন এইখানে রাজা জয়পালকে পরাস্ত করেন। তার কিছু দূরে সিদ্ধনদের ওপারে শুনলুম, প্রাচীন গান্ধার রাজ্য। মনটা চন্মন্ করে উঠলো! ভারতের একেবারে সীমান্তে এসে পড়েছি! প্রাচীন গোরবের দীলাভূমিশুলি এত কাছে, হাতের নাগালে বললেই চলে! এই পঞ্জাব হলো মহাভারতের দীলাক্ষেত্র! মহাভারতের মদ্র, শিবিরাজ্য, রামায়ণের কেকয়—সব এই



ঝিলামভ্যালি রোড

হয়েছিল। তাছাড়া ঐতিহাসিক যুগের বহু প্রাচীন শিলালিপি, ইমারতের ধ্বংস-স্তূপ আবিষ্কৃত হয়েছে! দেখার লোভ প্রবল হলেও আমরা বললুম, আমাদের লক্ষ্য এখন ত্রীনগর, সেখানে যেতে পথের উপর যা-কিছু দেখবার থাকবে, দেখে যাবো—আপাততঃ অচল পথে কোনো কিছু দেখবার থাকলেও দ্বারে পড়েই সে লোভ সঙ্ঘরণ করতে হবে। ফেরবার মুখে তক্ষশিলা, পেশোয়ার প্রভৃতি দেখে যাবার বাসনা আছে।

পঞ্জাবেই। শতদ্রু আর বিপাশা (বিহাস) নদীর উত্তরে অবস্থিত ভূখণ্ড ছিল কেকয় রাজ্য। রাজগির কেকয় রাজ্যের রাজধানী। রাজগির এখনো বর্তমান আছে; প্রাচীন সমৃদ্ধির কক্ষালের মত। চন্দ্রভাগা (চেনাব) আর ইরাবতীর (রাভী) মধ্যবর্তী প্রদেশ ছিল সেকালের মদ্র দেশ; আর বিতস্তার (ঝিলাম) তীরবর্তী প্রদেশ ছিল শিবিরাজ্য।

সন্ধ্যার পূর্বক্ৰণে মোটরে চড়ে রাওয়ালপিণ্ডি দর্শনে বেরিয়ে পড়া গেল। শেঠী মহাশয় সখের সাথী হলেন;

ওখানকার নানা জায়গা দেখিয়ে দিলেন। রঘুনাথজীর মন্দির; রাওয়ালপিণ্ডি খুব প্রাচীন সহর নয়; তবে মন্দির  
বিখ্যাত টোপি পার্ক...মানুষের হাতে গড়া নয়—প্রকৃতির ক্যান্টনমেন্ট। সিটি আর ক্যান্টনমেন্টের মাঝে ছোট  
বুকে আপনি জেগে উঠেছে তার অপূর্ণ শোভা আর একটি নদীর ব্যবধান—নদীটির নাম লেহ। প্রাচীন হিন্দু



কোহালা—ঝিলামের উপর পুল।—এপারে ব্রিটিশরাজ্য, ওপারে কাশ্মীর-ষ্টেট

ঐশ্বর্য নিয়ে। 'টোপি' কথাটি কোথা থেকে এলো? কেউ কেউ বলেন, টোপি স্থূপের অপভ্রংশ। হতে পারে, কারণ পার্কটি বেশ উচ্চ ভূখণ্ডের উপর অবস্থিত।

নগর গজীপুর বা গজনীপুরের উপর এই ক্যান্টনমেন্টে স্থষ্টি। গজীপুর ছিল ভটি-রাজাদের রাজধানী। মোগল আমলে রাওয়ালপিণ্ডির নাম ছিল ফতেপুর বাওরী। প



উন্নির পর—পাহাড় ধ্বসা। কুলিরা পথ সাফ করছে

বকর-সর্দার বাণ্ডা খাঁ রাওয়ালপিণ্ডির পতন করেন। এই রাওয়ালপিণ্ডিতে কাবুলের নির্বাসিত আমীর শাহ সূজা তাঁর ভাই শাহ জামানের সঙ্গে এসে আশ্রয় নেন। ১৮৪৯ খৃষ্টাব্দে শিখ-সর্দার ছতুর সিং ও শের সিং গুজরাট-যুদ্ধের পর ব্রিটিশের হাতে আত্ম-সমর্পণ করেন। সীমান্ত-রক্ষা-কল্পে ব্রিটিশ গভর্নমেন্ট রাওয়ালপিণ্ডিকে প্রকাশ্যে মিলিটারী ক্যাম্পমেন্টে পরিণত করেছেন।


রাওয়ালপিণ্ডি থেকে ন' মাইল দূরে মঙ্গল পাশ। এইখানে ব্রিটিশ সৈন্যধ্যক্ষ জেনারেল জন-নিকলসনের স্মৃতি-রক্ষার্থে একটি স্তম্ভ ও জলের ঝর্ণা তৈরী করা হয়েছে। জন নিকলসন

১৮৫৭ খৃষ্টাব্দে দিল্লী-অবরোধের সময় নিহত হন।

রাওয়ালপিণ্ডির পার্কগুলি, ম্যাশি গেট, রঘুনাথজীর মন্দির, ইসলামিয়া কলেজ ও হোস্টেল, ওমা মসজিদ পড়তি


দেখবার জিনিষ। তাছাড়া এখানে পথ ঘাট চমৎকার— সে কথা আগেই বলেছি।

১৪ই সেপ্টেম্বর বেলা আটটায় স্নানাহার সেরে আমরা রাওয়ালপিণ্ডি ত্যাগ করলুম। প্রশস্ত পথ। রেলোয়ে ব্রিজের



পাহাড় পথে জল লওয়া

তলা দিয়ে সোজা উত্তর-মুখে চললুম। দুধারে প্রশস্ত ক্ষেত, সামনে বহুদূরে পাহাড়ের প্রাচীর। পাঁচ-সাত মাইল আসার পর দেখি, পাহাড় আপনার শরীর এমনি বিসর্পিত করে



রাওয়ালপিণ্ডি সহরের দৃশ্য

পড়ে আছে যে দেখলে মনে হয়, ঐখানেই বুঝি পথের শেষ! সরে-সরে যান—যেন লোভ দেখিয়ে আমাদের নিজের কবলে ভারতবর্ষের সীমারেখা চেপে ঠাঁড়িয়ে আছে ঐ দীঘল পুরোপুরি আকর্ষণ করে নিয়ে চলেছে! পাহাড়ের গায়ে



রঘুনাথজীর মন্দির—রাওয়ালপিণ্ডি

পাহাড়ের শ্রেণী। এত উচু, মনে হয়, ওধার থেকে এধারে পথের চিহ্নমাত্র অনুভব করা যাচ্ছিল না। আর তা যাচ্ছিল অস্বরীক্ষ-পথ দিয়ে কোনো খেচরেরও বুঝি কোন কালে না বলে মনটা কেমন ছম্ছম্ করছিল,—না জানি, কি আসার সম্ভাবনা হবে না! গাড়ী যত এগোয়, পাহাড়ও তত হুর্গম পথ পাবো পাহাড় উত্তীর্ণ হতে! রাওয়ালপিণ্ডি থেকে



গড়হি ডাকবাংলা

১৩ মাইল দূরে পথ একটু চড়াই—একটু উচুতে যে উঠছি, তা বোঝা গেল। ১৭ মাইলে বরাকো—এখানে পথটা হ্রস্ব করে বাঁয়ে বেঁকে পড়েছে। শেষের চার মাইল গাছের

ছায়ায় স্নিগ্ধ শ্রামল।

বরাকোতে তিনখানি

গাড়ীর জন্ত টোল দিতে

হলো ৩৮/০, অর্থাৎ

গাড়ী-পিছু ২৮/০ করে।

টোল যাত্রীদেরই দিতে

হয়। টোল-ষ্টেশনের ধারে

চায়ের দোকান—গরীব

সরাই-খানার মত। তার

সামনে ধূলিধূসর কাষ্ঠ-

ফলকে লেখা আছে—

“Welcome. Tea-

Shop Very clean”.



গড়ি ওপারে হাতিয়ান গ্রাম

বরাকোর বাঁয়ে বেঁকে একেবারে পাহাড়ের গায়ে উপর উঠলুম। ডাইনে উচু পাহাড়ের প্রাচীর, তার পায়ের তলায় পথ, আর বাঁদিকে ২০০০ ফাঁট গভীর গহ্বর;

মাইল পরে পাহাড়ের উপর ছত্তর গ্রাম। ছত্তরে নানা ফল-ফুলের মনোহর বাগান আছে। ছত্তরে বিশ্রাম-বাসের ব্যবস্থাও থাকা। এখান থেকে আবার চড়াই—ঠিক কোমর-

বন্দের মত পথ ঘুরে ঘুরে উঠেছে। আরো চার মাইল পরে অর্থাৎ রাওয়ালপিণ্ডি থেকে তেইশ মাইল দূরে একটা নদী পেলুম, নদীর নাম শৈলগা। নদীর উপর পুল আছে—নিরাপদে সে পুল পার হয়ে আবার চড়াই। দস্তুরমত উচু পথে উঠতে লাগলুম; ইংরাজী S হরফের মত বাঁকা পথ। গোটাচারেক বাঁক পার হয়ে চেয়ে দেখি, প্রায় চার-পাঁচ তলা উচু পথে উঠে পড়েছি!

এইখান থেকে পথের ধারে পাইন গাছের শ্রেণী নজরে পড়তে লাগলো। গাড়ী থামিয়ে এঞ্জিনে জল নেওয়া হলো। পাহাড়ের গা ফেটে মাঝে মাঝে ঝরণা ঝরেছে—কোথাও বা পাইপ দিয়ে ঐ ঝরণার জলকে সরু ধারে বহাবার চেষ্টা করা হয়েছে—লোকে যাতে এই জল সংগ্রহ করে ব্যবহার করতে

পারে! পাইপের মুখে বাগতি পেতে যত-ধুশী জল নাও। জল নেওয়া হলে গাড়ী চললো। পথ ক্রমে যত উচুতে উঠেছে, বিভীষিকার মধ্যে তার গোপন সৌন্দর্য্য-মাধুরীও ততই ফুটে



উরির বাজার

গহ্বরের ওপারে পাহাড় আর পাহাড়...ছোট বড় মাঝারি পাহাড়—যেন নগাধিরাজের ধনী-গৃহস্থ আর গরীব প্রজার দল সপরিবারে বাস করছে! দৃশ্যে বৈচিত্র্য খুব।

বেকছে! পথের একধার উঁচু পাহাড়ে ঘেরা—অপর দিকে চীর গাছের ঘন জঙ্গল। এই চীর গাছের নির্ঘাস থেকেই চীরপিণ্ড তেল তৈরী হয়। আমাদের এখানে যেমন তাল বা খেজুর গাছের গলার কাছটায় খানিক ছাল কেটে ভাঁড় বেঁধে তাল-খেজুরের রস সংগ্রহ করে, চীর গাছের গায়ে মাঝে মাঝে কেটে তেমনি সুরু তার দ্বিগুণ ছোট ছোট মাটির গ্লাস বেঁধে দেছে—সেই সব গ্লাসে নির্ঘাস সংগৃহীত হয়। চীরের কি ঘন জঙ্গল, অথচ থাকে-থাকে কে যেন গাছগুলিকে সাজিয়ে পুঁতেছে! বিলাতী-ঝাউয়ের মত গাছগুলি দেখতে—পাতার গাঢ় সবুজ রঙে বাহার যা খুলেছে, চমৎকার!

অবশেষে ট্রেট বলে এক জায়গায় এসে পৌঁছলুম। রাওয়ালপিণ্ড থেকে ট্রেট সাতাশ মাইল। ট্রেটে ডাক বাংলা আছে; তার উপর বরাকোর মত চায়ের দোকান তিন-চার-খানি। সামনে লেখা আছে,—  
Your Refreshment Room  
—to the left. ডাহিনেও তাই। দোকানগুলির দেওয়াল মাটির—মাহুশ-ভোর উঁচু। পাহাড়ের গায়ে লাল-নীল-হলদে হরেক রঙের ফুলের গাছ—তাছাড়া ডালিম গাছের ঝাড়। কোনো ঝাড় ডালিমের লাল ফুলে আলো হয়ে রয়েছে, আবার কোনো ঝাড়ে খোলো-খোলো ডালিম ফলেছে। বাংলার সেই মিঠে ছড়াটা মনে পড়ছিল, “ডালিম-গাছে ভোতা পাখী”...কিন্তু ভোতা পাখীর দর্শন মিললো না! একটু পরেই দেখি, একটা পাহাড়ের মাথা এমন উঁচু—যে সেদিকে বাড় ফিরিয়ে চাইলে মাথা ঘুরে যায়! তিন-তলা, চারতলা পাহাড়ের বুকে বিস্তর আবাদ-ক্ষেত, লোকের বসতি! পাহাড়ের গায়ে ছাগল চরছে। প্রকাণ্ড ছাগল .. গায়ের রঙ পাণ্ডটে আর কপালের উপর মস্ত বঁকা শিং। আকারে রামছাগলের মত আর বেশ দৃষ্ট-পুষ্ট! এ জায়গার নাম শ্রনিব্যাঙ্ক। শ্রনিব্যাঙ্ক হলো ৬০৫০ ফুট উঁচু—এখানে একটা মদের ভাঁটা আছে (Brewery)। শ্রনিব্যাঙ্কে টোল দিতে হলো ৪ চার টাকা। যারা

ম্যারিতে যাবে, এ টোল তাদের দিতেই হবে। যারা ম্যারিতে থাকবে না, ম্যারি পেরিয়ে আরো এগিয়ে যাবে, তারা রসিদ দেখিয়ে ম্যারিতে এ টাকা ফেরত পায়। বরাকো থেকে এই যে পাহাড়ের বুকের উপরকার পথ দিয়ে চলেছি, এ পথের নাম হলো বিলাম-ভ্যালি রোড। এই পথ রক্ষা করার জন্তই যাত্রীদের কাছ থেকে টোল সংগ্রহ করা হয়। যেখানে টোল দিলুম, সেখানে এক কাশ্মীরী মুসলমান বসে সারেকী বাজাচ্ছিল। পাহাড়ের উপর, এমন জায়গা, আর তার সেই মিঠে সুর... আমাদের একেবারে বিমুগ্ধ করে তুললে! খানিক অপেক্ষা করে তার সুর উপভোগ করে গেলাম। এগারোটার শ্রনিব্যাঙ্ক পার হলুম। শ্রনিব্যাঙ্কের দেড় মাইল পরে নারি। নারি সব-চেয়ে উঁচু পাহাড়ের উপর; ৭০০০



উরি—ডাকবাংলা

ফিট উঁচু। নারি ক্যান্টনমেন্ট মস্ত সহর—হাট, বাজার, বিলাতী দোকান, ফোজের ছাউনি, চার্চ, হোটেল, সিনেমা-হাউস, অভাব কিছু নেই! ম্যারিতে পৌঁছলুম, ঠিক বেলা দুপুরে। ম্যারি পঞ্জাব গবর্নমেন্টের গ্রীষ্মাবাস; তাছাড়া ফোজের মস্ত ছাউনি। এখানে রৌদ্রের তাপ প্রচণ্ড হলেও কষ্ট হচ্ছিল না। ম্যারিতে এসে দেখি, যে-সব পাহাড় বনজঙ্গল আমাদের মাথার বহু উপরে প্রায় আকাশের গায়ে গিয়ে ঠেকছিল, সেগুলো আমাদের কত নীচে যে নেমে পড়েছে! চীর গাছের জঙ্গল, পাইনের শ্রেণী—আর ঘোরা-বঁকী পথ, নীচে খাদ এত গভীর—সে যেন পৃথিবীর বুকখানা ফেটে পাতালের কোন্ বিরাট গহ্বর প্রচণ্ড ক্রোধ নিয়ে

হাঁ করে পড়ে আছে! দেখলে শুধু চক্ষু স্থির যাবো! তার পর পাহাড়ও কি অমন একটা! পাহাড়ের পর  
নয়, মাথা অবধি ঘুরে যায়! যদি গাড়ী একটু পাহাড়, তার পর পাহাড়! সংখ্যা নেই! আতঙ্ক হলো এই  
বেসামাল হয়; ড্রাইভার যদি একটু অল্পমনস্ক হয়, তা হলে ভেবে যে, এত পাহাড় পার হয়ে কোথায় সেই ভূস্বর্গ কাশ্মীরের



উরি—ধরসা পথ

গাড়ীওক কোথায় কত নীচে যে গিয়ে পড়বো,—কারো রাজধানী শ্রীনগর—সেখানে পৌঁছানো কি আর সম্ভব হবে!  
হাড়-পাঁজরার চিহ্ন থাকবে না, গাড়ীসমেত গুঁড়িয়ে ধুলো হয়ে অথচ পেছবার কথা মনে হলেও গা শিটরে ওঠে! এই সাত



ডোমেল—অদূরে কিষণগঙ্গা নদীর তীরে বিষ্ণুমন্দির

হাজার ফিট উঁচু পাহাড় থেকে গড়ানে বাঁকা পথে নামতে হবে! গা শিউরাবার কথাই! এ পথে ছর্ষটনাও খুবই হয়! এলাহাবাদে ললিত বাবুর কাছে এবং রাওয়ালপিণ্ডিতে শেঠী সাহেবের কাছে শুনেছিলুম, ড্রাইভারের গৌয়ার্তুমি বা বেহঁসিয়ারিতে কিছা গাড়ীর কলকজাটিলে হয়ে কত গাড়ী কত লরি অমন কত লোকজন-মালপত্রসমেত যে পাহাড় থেকে গড়িয়ে পড়ে নিশ্চিহ্ন হয়ে গেছে, তার আর সংখ্যা নেই! তাছাড়া উন্টো-মুখ থেকে ছ-ছ হাওয়ার গতিতে মোটর আসছে! কোথায় কোন্ বাঁকের মুখে হর্ণ না দিয়েই একদম সামনে পড়লো—এমনও হয়। এ-পথে একটা জিনিষের দিকে হঁশিয়ার হয়ে চললে কতক

তারপর ঝর্ণার জলে হাত-মুখ ধুয়ে ১২-৫৫ মিনিটে আবার গাড়ী ছাড়লুম। ম্যারী থেকে দশ মাইল পরে দেওয়ালী—দেওয়ালী ২৫০০ ফিট উঁচু। ৭০০০ ফিট থেকে একেবারে ২৫০০ ফিটে নামা—যে নেমেছে, সেই জানে, আতঙ্কের সঙ্গে আমোদ এতে কতখানি! সামনে-পিছনে আশেপাশে সবুজ জঙ্গল আর পাহাড়ের দৃশ্য আগাগোড়া রমণীয়। এইখান থেকে আবার উঁচুতে ওঠা। যাকে বলে Zigzagging, এ পথে তাই। গাছের ছায়া নেই—পাহাড়ের পথ একে-বেঁকে পাহাড়ের গা ঘেঁষে চলেছে। দেওয়ালী থেকে প্রায় আট মাইল পরে ঝিলামের সঙ্গে দেখা হলো। ছধারে উঁচু পাহাড়—মাঝখানে বড় বড়

শিলা-পাথরে গতি প্রতিহত হয়ে নাতিশ্রান্ত স্রোতবিনী বিপুল স্রোতে নেমে নেমে চলেছে। সে-স্রোতে কাঠ ভেসে আসছে—পঞ্জাবে ঝিলাম ষ্টেশনের কাছে যেমন দেখে-ছিলুম। বেলা ছটোর কোহালার এসে পৌঁছলুম। কোহালার বাঁ দিকে পাহাড়ের কাঁধে ডাকবাংলা, পোস্ট অফিস—ডাহিনে ঝিলাম নদী সগর্জনে শিলাস্তূপে তরঙ্গের আঘাত দিতে দিতে বয়ে চলেছে। কোহালা হলো ব্রিটিশ রাজ্যের সীমানা।



ওপিনালার উপর পুল

নিরাপদ—সামনের পথে ধুলোর ঘূর্ণীচক্র দেখলে বুঝতে হবে, আগে গাড়ী আছে। সেই বুঝে হর্ণ দিয়ে সতর্কভাবে গাড়ী চালানো চাই, না হলে বিপদের আশঙ্কা। কাজেই আতঙ্ক হওয়ার ক্রটি ছিল না।

ম্যারি থেকে পথ আবার নামতে শুরু হলো। সে কি নামা—বাঁকের পর বাঁক পার হয়ে নেমে চলেছি তো নেমেই চলেছি! ভাগ্যে গাড়ীর নামা, তাই রক্ষা! মানুষকে এমন ছুটে নামতে হলে কখন হয়তো বেদম হয়ে উন্টে ঠিকরে পড়তো! সে পথ-নামার ভঙ্গী খুবই রোমাঞ্চকর ব্যাপার! নেমে-নেমে একটা পাহাড়ের ঝর্ণার ধারে বেলা সাড়ে বারোটায় গাড়ী দাঁড় করিয়ে লুচি-তরকারী কল-মূলে টিকিন সারা হলো।


কোহালার মস্ত পুল ঝিলামের ওপারের পাহাড়কে আঁকড়ে ধরেছে—কোহালার ওপার থেকেই কাশ্মীর-রাজ্য। এখানেও টোল দিতে হলো। এখানে পেট্রোল পাওয়া যায়। আমরা পেট্রোল নিলুম—তার পর বেলা ২-৫৪ মিনিটে পুলের উপর উঠলুম। পুল পার হয়ে বেলা ২।৫৬ মিনিটে কাশ্মীরের হিন্দুরাজ্যে পদার্পণ করলুম। হিন্দুরাজ্য! নিমেষে প্রাচীন পুরাণ-ইতিহাসের পৃষ্ঠাগুলো যেন চোখের সামনে অলঙ্কৃত করে উঠলো।

ঝিলাম এতক্ষণ ছিল আমাদের ডাইনে—এবার আমরা এলুম ডাইনে, ঝিলাম বাঁদিকে পড়লো। কাশ্মীর রাজ্যে প্রবেশ করবা মাত্র গাড়ীর ড্রাইভারদের নাম .আর



গাড়ীর নম্বর একজন কর্মচারী note করে নিলেন। এঁর আফিস-ঘরটা ঠিক পুলের প্রান্তে; পাকা ঘর। পথের ধারে লেখা আছে, Beware of Boulders. লেখা দেখেই গা ছমছমিয়ে উঠলো। এতক্ষণ যে পথ দিয়ে এলুম, সেখানে উঁচুতে ঝুলন্ত পাথর পাহাড়ের গায়ে দেখেছি বটে— কিন্তু সে পথে পথিককে সতর্ক করার জন্য কোনো লেখা ফলক দেখিনি। এখন অকস্মাৎ লেখা দেখে মনে হলো, এ পথের ঝুলন্ত পাথর তাহলে একদম অচঞ্চল নন— তাঁর গড়িয়ে পড়ার অভ্যাস তাহলে রীতিমত আছে! নাহলে হুঁশিয়ার করার দরুণ এ ফলক থাকবে কেন? এ পথে

কোহালার বারো মাইল পরে ছলাই। ছলাইয়ে ঝিলামের দিকে পাহাড়ের গায়ে ঝুলন্ত ডাকবাংলাখানি দেখতে যেন ছবির মত! লেডি রিপন এই বাংলায় কিছুদিন বাস করেছিলেন; তিনি এর নাম দেন Honeymoon Cottage. Honeymoon-স্বাপনের পক্ষে এ কটেজ—এ যেনকোনু কল্পনায় গড়া মাম্বাপুরা! এখানকার পথ পাহাড়ের গা কেটে তৈরী। অল্প বৃষ্টি হলে প্রায়ই পাহাড় ধসে পড়ে! ছলাই থেকে পথ ঘুরে ঘুরে গেছে— কখনো নেমে ঝিলামের জলের কাছে গিয়েছে, আবার হঠাৎ বনভঙ্গলের মধ্যে অদৃশ্য হয়ে বহু উর্দ্ধে অমন আট-দশ তলার সমান



### শ্রীনগরে পৌঁছানো

প্রায় পাঁচ মাইল আসার পর এক টানেল পার হলুম— তাছাড়া ছোটখাট কয়েকটি পুলও পার হতে হলো। এ পাহাড় থেকে ও পাহাড়, মাঝখানে গভীর খাদ—এই পুল ছাড়া পাব করার উপায়ও নেই। মাঝে মাঝে দেখলুম, পুরানো পুল ভেঙ্গে পড়ে গেছে, তার কাছে নূতন পুল তৈরী হয়েছে অর্গাৎ পাহাড়ের উন্নত অবস্থার আর ঐ খাদ, গহ্বর, নদী—এ যেন প্রকৃতির খেয়ালেব মতই দাঁড়িয়ে আছে। দরদ জানে না, মমতার ধার ধারে না—যখন খুশী খেলার ছলে ভেঙ্গে ধসে পড়লেই হলো—তাতে মানুষ বা গাড়া চাপা পড়ুক বা তাদের অদৃষ্টে যাই ঘটুক!

উঁচুতে উঠে গেছে! ছলাই থেকে প্রায় দশ মাইল দূরে ডোমেল। ডোমেল ২১৭১ ফিট উঁচু। এখানেও ডাকবাংলা এবং পোস্ট অফিস আছে। বেলা ৪।১৫ মিনিটে আমরা ডোমেনে পৌঁছলুম। ডোমেনে ঝিলামের সঙ্গে কিষণগঙ্গা ও কোন্হার নদী মিশেছে; বায়ে চমৎকার পুল। সেই পুল পার হয়ে বাঁদিকে যে পথ, সে পথ গেছে গ্রাবটাবাদ— সিধে পথ শ্রীনগরে গেছে। পুলের অদূবে কিষণগঙ্গা নদীর তীরে বিষ্ণু-মন্দির; তার পিছনে এক প্রাচীন শিখ-কেলা আছে। ডোমেনে কাষ্টম অফিস। এখানে টোল দিতে হলো—তার পরে সরকারী খাতায় আমাদের

নাম-ধাম, কোথায় যাচ্ছি, কতদিন থাকবো, সঙ্গে বন্দুক আছে কি না, কার্টরিজ আছে কত, এই সব পরিচয় লিখিয়ে, বন্দুকের লাইসেন্স দেখিয়ে পাঁচটার আবার গাড়ী ছাড়া হলো। আঁকা-বাঁকা পথে কখনো উপরে উঠি, কখনো নীচে নামি—এইভাবে খানিক এসে এক সুন্দর ঝর্ণা দেখলুম। ঝর্ণার নাম যশকুল। বেলা পড়ে আসছিল—বেলা ৫।২০ মিনিটে পৌঁছলুম গড়হি। গড়হির ডাকবাংলাখানি একেবারে পাহাড়ের গায়ে। পথের বাঁ দিকে ঝিলাম। ঝিলাম এখানে বেশ প্রশস্ত হয়েছে। গড়হির ওপারে পাহাড়ের ধারে হাতিয়ান্ গ্রাম; হাতিয়ান্ কাশ্মীর ষ্টেটের অন্তর্ভুক্ত। ওপারে নদীর ধারে কাশ্মীরী রমণীরা এই সন্ধ্যার পূর্বে স্নান করছিলেন,—অস্তগামী সূর্যের কিরণচ্ছটা, আর তাঁদের অঙ্গে ঐ ছুঁ-আলতার রং, বাহার বা খুলেছিল...নদীর জলে যেন কমলের মালা ভাসছে! যেমন রূপশ্রী, তেমনি দেহের গড়ন—সুডোল, সুঠাম, নাক-মুখ-চোখ একেবারে নিখুঁত! নদীর তীরে ঘাগরা খুলে রেখে 'সৌন্দর্যের নগ্ন আবরণে তাঁরা জলে নাম-ছিলেন এমন অসঙ্কোচে যে, দেখলে অবাক হতে হয়! তীর-পথে লোক চলেছে—সেদিকে লক্ষ্যমাত্র নেই!

গড়হির ডাকবাংলাটি খুব প্রশস্ত—বারো-চৌদ্দটা কামরা, বহু বাথরুম—তাছাড়া যুরোপীয় ও কাশ্মীরী খানার বন্দোবস্ত আছে। রাত্রির মত এইখানেই আস্থানা পাতবো স্থির করে গাড়ী রাখার ব্যবস্থা করলুম। হিন্দু কিচেনে কাশ্মীরী খানার ফরমাশ দেওয়া গেল। তারপর গরম জলে স্নান সেরে আহারাদি করে শয়ন করা গেল।

ভোরে ঘুম ভাঙতেই কাশ্মীরী খানা ও টিফিনের ফরমাশ করলুম। আগের রাত্রে খুব বৃষ্টি বজ্রাঘাত হয়ে গেছিলো। ভোর থেকেই এমন শীত পড়লো যে গরম গেঞ্জি, ভায়েরা সার্ট, গরম কোট, ওভার কোট, এমন কি মাফলার পর্যন্ত বার করতে হলো। তারপর তাড়াতাড়ি স্নানাহার সারবার পালা!

হিন্দু-কিচেনে খাওয়ার বন্দোবস্ত খুব ভালো। লোকজন সামনে বসে যত্ন করে খাওয়ায়। কি চাই? যত খুশী খাও! কেলনার বা যুরোপীয় আদর্শের বাঁধা-দরা গোণা রকম খাওয়ানো নয়। ডাল, রুটী আর মাংস—এ তিনটি রান্নাও ভারী পরিপাটি।

আহারাদি সেরে বেলা ঠিক আটটার গড়হি ছাড়লুম। গড়হিতে একটি ঠাকুর-বাড়ী আছে; সেখানেও যাত্রীদের বাসের ও আহারের ব্যবস্থা আছে।

গড়হির একটু আগে ঝিলামের উপর কোলা পুল। নদীর অপর পারে একটা পুরানো দুর্গের ধ্বংস-স্তূপ পড়ে আছে। শিখদের সঙ্গে এখানে পাহাড়ীদের এক যুদ্ধ হয়েছিল




শ্রীনগর—বাজার

সেকালে। পাথর ছুঁড়ে পাহাড়ীরা বহু শিখকে জখম করে।

গড়হি থেকে ষোল মাইল পরে চেনারি। চেনারিতে একটি বড় ঝর্ণা আছে। এখানে পথ বহুবার ধ্বংসে ভেঙে গেছে, এবং বারবার সরকারকে সে পথ সাফ করিয়ে নতুন পথ তৈরী করতে হয়েছে। পথ সর্কক্ষণ পর্যবেক্ষণ করার জন্ত বহু কর্মচারী মজুৎ আছে। যেখানে ভাঙছে বা ধ্বংসে পড়ছে, সেখানে অমনি লোক লাগছে পথ মেরামত করতে।

চেনারির আঠারো মাইল দূরে উরি। উরির দৃশ্য-সৌন্দর্যের আর তুলনা নেই। চারিদিকে উঁচু-উঁচু পাহাড়...এর পাশ দিয়ে

ওর গা ঘেষে সে-সব পাহাড় ঘুরে এসে নদীর তীরে বাজারের সামনে দাঁড়ালুম। বেলা তখন দশটা। ডানদিকে বাজার; বাজারের অপরদিকে সুদৃশ্য ডাকবাংলা। এখানে সাদা কাক দেখলুম। তাছাড়া দেখি, উরিতে বহু মোটর আর লরি ভিড় করে দাঁড়িয়ে আছে। মেল-ভ্যানের একজন কর্মচারী আমাদের জানালেন, আগের রাত্রে বৃষ্টি হওয়ায় পাহাড় ধসে সামনের পথ বন্ধ হয়ে গেছে—প্রায় ছ'ঘণ্টা অপেক্ষা করতে হবে—তবে পথ সাফ হবে। তখন গাড়ী থেকে নেমে চারধারে বেড়ানো গেল। বাজারে ঢুকে আপেল, নাশপাতি, আখুরোট, বাদাম প্রচুর কিনলুম। আখুরোট ছ' আনা চার আনা করে শ'।



চেনার বাগ হাউস বোটে পৌঁছানো

খোলা এমন নরম—সে আঙুলে টিপে ধরলেই ভেঙ্গে যায়!; এগুলোকে বলে কাগুজা আখুরোট, কি তার স্বাদ—তেলা গন্ধ মোটে নেই!

দেড় ঘণ্টা পরে পথ সাফ হয়েছে শুনে আবার অগ্রসর হলাম। পথ তখনো সাফ হচ্ছে। সম্ভবপূর্ণে সে জায়গা পার হয়ে আবার গাড়ীর গতির বেগ বাড়িয়ে দেওয়া হলো। পথ একই রকম...সেই ওঠা আর নামা, নামা আর ওঠা! উরির পর ঝিলামের শরীর আবার শীর্ণ হয়েছে। দূরে পীর-পাঞ্জাল পাহাড়ের দীর্ঘ শ্রেণী। উরি থেকে প্রায়

সাত মাইল দূরে পথের ধারে এক ভাঙ্গা মন্দির—মন্দিরটার নাম ব্রাহ্মী। ব্রাহ্মী-কুটীর নয় তো? মন্দিরের পর থেকে পথ একটু সমতল হয়েছে। এর একটু আগেই রামপুরের ইলেকট্রিক পাওয়ার-হাউস। এখান থেকে শ্রীনগর অবধি ইলেকট্রিকের তার গেছে কাঠের ঢাকার মধ্য দিয়ে। এখানে একটি চমৎকার পুল পার হলাম। পুলের নীচে মস্ত ঝর্ণা বয়ে চলেছে; নাম ওপিনালা। একটি জীর্ণ মন্দির দেখলুম, ভনিয়ার মন্দির। মন্দিরের ছ' মাইল আগে নৌশেরা গ্রাম। নৌশেরার তিন মাইল আগে থেকে ঝিলামের অঙ্গ আবার প্রশস্ত হয়েছে। সামনের পাহাড়ের শ্রেণী ক্রমে লুপ্ত

হয়ে এলো। শুধু কাশ্মীরের উত্তরে হিমালয়ের একটা অংশ নাজা পর্বত (২৬৯০০ ফিট উঁচু) আর হরমুখ শৃঙ্গ (১৬৯০০ ফিট উঁচু) মাথায় তুমার কিরীট পরে দাঁড়িয়ে আছে! সূর্যের কিরণ শুভ্র তুষারের উপর পড়ে তার রংটাকে কতক ঘোলাটে মেটে গোছ করে তুলেছে! হঠাৎ দেখলে মনে হয়, যেন পাহাড়ের মাথায় কে অজস্র হুন ছড়িয়ে রেখেছে! মাঝে মাঝে কাশ্মীরী বস্তী। বস্তী পার হবার পর ছধারের পাহাড়ের কপাট যেন কে খুলে দিলে! সামনে সমতল প্রান্তর—সবুজ তৃণলতায় সমাচ্ছন্ন! শস্যের প্রাচুর্যের আর সীমা নেই! ক্রমে বারামুলায় পৌঁছলুম। বারামুলায় বহু লোকের বাস। ঝিলামের বুক ক'খানা হাউস-বোট দেখা গেল; তার পর ফলের বাগান। পথের ছধারে অসংখ্য বাগান...আপেল-নাশপাতির ভারে গাছের ডাল একেবারে স্তম্ভ পড়েছে! এমন লোভ

হচ্ছিল...বাগানে ঢুকে পড়ে সেই ভাঙ্গা পাকা ফল পেড়ে খাবার জন্ত! ডাইনে পথের ধারে কাঠফলক, তাতে লেখা Way to Gulmarg. ডানদিকে তুষার-মণ্ডিত গুলমার্গ পর্বতও দেখা গেল।

বারামুলা থেকে পথের ছধারে পপলার গাছের শ্রেণী। গাছগুলি সোজা সুপুরি গাছের মত উঠে গেছে—মাথার কাছে ঝাঁকড়া পাতার গোছা...ঘেঁষাঘেঁষি ঠাসাঠাসি পথের ছধারে এই গাছ যেন সুদীর্ঘ পাঁচিল তুলে দাঁড়িয়ে আছে। পথে চেনার গাছের দেখা মিললো। গাছগুলি আমাদের বট-অশ্বথের

মত। পাতাগুলি বড় বড়, আঙুরের পাতার মত দেখতে।

এই চেনার গাছ পারস্ত থেকে আমদানি। বাদশাহ জাহাঙ্গীর এই গাছ কাশ্মীরে আমদানি করেন। ব্রিটিশ গবর্নমেন্ট লাহোরে এই গাছ পুঁতিয়েছিলেন, কিন্তু লাহোরের মাটিতে এ গাছ গজালো না! কাশ্মীরেই এই গাছের প্রাচুর্য, তা'ও বারামুলা থেকে! বারামুলা থেকে বায়ে পথ গেছে সোপুর। সোপুর থেকে উলার হুদে যেতে হয়। বারামুলা থেকে প্রায় ১৭ মাইল পরে পাটন গ্রাম। পাটনে বড় বড় মাঠ চেনার গাছে ঘেরা। মাঠে তরুণী কাশ্মীরী রমণীরা ঝড়ি হাতে কেউ কাঠি-কুটো গাছের ভাঙ্গা ডালপালা কুড়োচ্ছে, কেউ বা রোদ্রে-দেওয়া ঘুঁটের তদ্বির করছে! পরণে রঙীন ষাগরা আর রূপের প্রভাঙ্গ দেহের গড়নে ঐ মুক্ত প্রান্তরে যেন কোন্ পরী-রাজ্যের বিচিত্র স্বপ্নকাহিনীর আভাস জাগিয়ে তুলেছে! কাশ্মীরী নারীর রূপের খ্যাতি ভুবন-জোড়া...সে খ্যাতির মধ্যে এতটুকু অতুক্তি নেই! এই সব গরিব কাঠ-কুড়ুনির মেয়েরা কোনো রাজার সিংহাসনে বসলে সিংহাসন তাদের রূপের দীপ্তিতে উজ্জ্বল হয়ে ওঠে! তারা ডাগর চোখ তুলে ব্রীড়াহীন অসঙ্কোচ দৃষ্টিতে আমাদের গাড়ীর পানে মাঝে মাঝে চেয়ে চেয়ে দেখছিল। তাদের দেখে রবীন্দ্রনাথের কবিতার ছন্দে মন থেকে প্রশ্ন জাগছিল,...

কোন্ কাননের ফুল,

ভূমি কোন্ গগনের তারা!

প্রান্তর-বুকে এই রূপ সুষমা কবির চিত্রকরের কল্পনার ঝর্ণা বইয়ে দেয়!

পাটন থেকে ১৮ মাইল পরে শ্রীনগর। শ্রীনগরের সীমান্ন এসে দেখি, সামনে ঝিলাম, হুঁধারে পথ ছুখানি হাতের মত ডাহিনে আর বায়ে বিস্তারিত রয়েছে। কোন্ দিকে যাবো, প্রশ্ন করবো বলে গাড়ী থামানো হলো। অমনি দলে দলে লোক এসে ছেকে ধরলে। রবিবাবুর সেই কবিতা মনে পড়ছিল—লাগিল পাণ্ডা নিমেষে প্রাণটা করিল কণ্ঠাগত! লোকগুলো কত আশাই যে দিতে লাগলো—হাউসবোট দেবে, হোটেল দেবে ইত্যাদি। আমরা জানালুম, রাওয়ালপিণ্ডির এন্, ডি, রাধাকিষণ কোম্পানির অফিসে আমরা যেতে চাই।

একটা ছোকরা গাড়ীর ফুটবোর্ডে চট করে বসে পড়লো; বললে, —আমি পৌঁছে দেবো, জী হজুর।

তাকেই গাইড করে গাড়ী ছাড়লুম।

ডান দিকে বেকেই শ্রীনগরের বাজার। বাজার পার হয়ে বায়ে আমীরা কাদাল বা ফাষ্ট প্রিজ। এই পুল পার হয়ে শ্রীনগরে প্রবেশ করলুম। পুল থেকে বা দিকে নদীর গায়ে মহারাজার প্রাসাদ দেখা গেল। কাদাল অর্থে পুল। ঝিলামের উপর এই শ্রীনগরে সাতটি পুল আছে।



চেনার নালা

অচিরে এন্, ডি, রাধাকিষণের অফিসে এসে পৌঁছলুম। পরিচয় পাবা মাত্র তাঁদের এক কর্মচারী গাড়ীর সঙ্গে এসে আমাদের চেনার-বাগে নিয়ে গেলেন। চেনার বাগের মধ্যে চেনার নালা। এই চেনার নালায় আমাদের জন্তু ছুখানি হাউসবোট তাঁরা ঠিক করে রেখে ছিলেন। একটির নাম Cutty Shark, অপরটির নাম Vishnu Vavan. ছুখানি হাউস-বোটের সঙ্গে ছুখানি কিচেন-বোট এবং



চক্ষু হইতে ঝরঝর করিয়া অশ্রু ঝরিয়া পড়িল। এই নিত্য-সেবিত গৃহ-দেবতাকে সন্ধ্যা প্রদীপ দেওয়ার আজ শেষ দিন! কাল প্রাতে এই কল্যাণ-পুত্র আশ্রয়, বহু সাধের খণ্ডরের ভিটা ছাড়িয়া যাইতে হইবে।

বন্ধাঞ্চলে চক্ষু মুছিয়া সরমা মনে মনে বলিল, “হে মা তুলসী, শীঘ্র যেন তোমার রূপায় স্বামী নিয়ে আবার এ বাড়ীতে ফিরে আসতে পারি।”

অর্থার্জনের অল্প কোনো উপায় করিতে না পারিয়া অনেক ভাবিলা চিন্তিয়া অবশেষে রমাপদ তাহাদের বাস গৃহটি মাসিক কুড়ি টাকায় ভাড়া দিবার ব্যবস্থা করিয়া নিজেদের বাসের জন্ত একটি ক্ষুদ্র গৃহ আট টাকায় ভাড়া লইয়াছিল। এইরূপে অজ্জিত মাসিক বার টাকার দ্বারা আর কিছু না হউক একান্ত অনাহার হইতে ত’ পরিত্রাণ পাওয়া যাইবে! রসনার পরিতৃপ্তি না হউক, জঠরের ক্ষুধা নিবৃত্তি ত’ কোনো প্রকারে হইবে!

সমস্ত দিন রমাপদ, সরমা এবং বিণ্ডিয়া, তিনজনে মিলিয়া, দ্রব্যাদি গুছাইতে বাস্ত ছিল; অপরাহ্নে রমাপদ বিণ্ডিয়াকে লইয়া নুতন গৃহ ধুইয়া মুছিয়া পরিষ্কৃত করিতে গিয়াছে। পরদিন বৈকালে ভাড়াটিয়াকে এ গৃহ ছাড়িয়া দিতে হইবে।

সুকালস ভাবে সরমা তুলসীতলায় বসিয়া রহিল। সমস্ত দিন পূর্ণোত্তমে কাজ করিয়া, এখন যেন সহসা তাহার দেহ হইতে শক্তি, এবং মন হইতে উৎসাহ, নিঃশেষে বাহির হইয়া গিয়াছিল। সে বসিয়া বসিয়া চতুর্দিকে চাহিয়া দেখিতে লাগিল; শুধু সামর্থ্য নহে—উঠবার প্রবৃত্তি পর্যন্ত যেন তাহার ছিল না।

দেহ-মনে সরমা দুর্বল নহে। শস্তর-শাস্ত্রীর মৃত্যু, স্বামীর দারিদ্র্য, সংসারের দুঃখ-দৈন্ত সে যেমন করিয়া বহন করিতেছিল, সতের বৎসর বয়সের অতি অল্প মেয়েই তেমন করিয়া পারে। কিন্তু চিরদিনের কার্যক্রম শক্তিশালী স্নায়ু পক্ষাঘাত রোগে যেমন কোনো এক মুহূর্তে অকস্মাৎ নির্জীব হইয়া যায়, তাহার চিরাত্যস্ত সাহস এবং ধৈর্য্য সহসা আজ তাহাকে ঠিক সেইরূপে পরিত্যাগ করিবার উপক্রম করিল। যে সংসারের স্নখ-দুঃখের সহিত সে এত দিন হাসিয়া কাঁদিয়া বেড়াইয়াছে, যাহার বক্ষঃমাঝে আশ্রয়-নীড় বাঁধিয়া সে দিনের পর দিন কাটাইয়া দিয়াছে, সহসা আজ স্নানায়মান

সন্ধ্যার কুহকজালের মধ্যে কেমন করিয়া তাহার একান্ত নিরাশ্রয়নীয়তা উপলব্ধি করিয়া সে একেবারে ভাবিয়া পড়িল। মনে হইল শুক উদাস গৃহের এই পরিপূর্ণ সন্ধিহীনতা যেন আসন্ন ভবিষ্যতের অশুভ ছায়াপাত, তাহার নির্ভরহীন নিরবলম্ব জীবনের অভিশূচনা। অন্ধকারে মানুষ যেমন দুই হাতে আশ্রয় খুঁজিয়া বেড়ায় সরমা সেইরূপ ব্যাকুলভাবে চতুর্দিকে সহায় অন্বেষণ করিতে লাগিল, কিন্তু কাহাকেও খুঁজিয়া পাইল না—এমন কি তাহার স্বামীকে পর্যাস্ত নহে! তখন অধীর ভাবে সে নিজের এই বিপর্যাস্ত অবস্থা সম্বরণ করিতে উদ্বৃত হইল। কিন্তু নিমজ্জমান ব্যক্তি যেমন ভাসিবার জন্ত যতই ব্যগ্র হইয়া উঠে ততই ডুবিতে থাকে, বিলীয়মান শক্তিকে পুনর্জীবিত করিতে গিয়া সে তেমনি ততই শক্তি হারাইতে লাগিল।

সদর দ্বারে কড়া নাড়ার শব্দ পাইয়া সরমা উঠিয়া দাঁড়াইল। অবচ্ছিন্ন বহির্জগতের এইটুকু মাত্র সাড়া পাইয়া সে তাহার অপহৃত শক্তি অনেকটা ফিরিয়া পাইল। তাড়াতাড়ি একটা হাত-লণ্ঠন জালিয়া দ্বারের নিকট উপস্থিত হইয়া, বিশেষ প্রয়োজন না থাকিলেও, সে মূহুর্তে জিজ্ঞাসা করিল, “কে?”

চাপা গলায় বাহিরে উত্তর হইল, “সে।”

সরমা দ্বার খুলিয়া দিয়া একটু সরিয়া দাঁড়াইল।

রমাপদ প্রবেশ করিয়া অর্গল লাগাইয়া দিল; তাহার পর বারান্ডার উপস্থিত হইয়া স্ত্রীর বিম্বল গম্ভীর মুক্তি লক্ষ্য করিয়া বলিল, “কি? ভয় করছিল না কি সরমা?”

“করছিল।”

“ভূতের?”

ধীরে ধীরে মাথা নাড়িয়া সরমা বলিল, “না; ভবিষ্যতের।” তাহার পর স্বামীর বৃকের কাছে সরিয়া আসিয়া দুই হস্তের মধ্যে তাহার দুই হস্ত গ্রহণ করিয়া উৎসুক ভাবে জিজ্ঞাসা করিল, “আচ্ছা, ভবিষ্যতে আমাদের সংসার ঠিক চলবে বলে তোমার মনে হয়?”

এই অপ্রত্যাশিত আকস্মিক প্রশ্নে বিস্মিত হইয়া রমাপদ বলিল, “হঠাৎ, এ কথা তোমার কেন মনে হল বল ত?”

রমাপদের চস্তদ্বয়ে মূছ চাপ দিয়া সরমা বলিল, “তাঁ জিজ্ঞাসা করছি! বল না, চলবে?”

এ বিষয়ে রমাপদই এ পর্যাস্ত সরমার নিকট হইতে যাহ

কিছু আশা এবং আশ্বাস পাইয়া আসিয়াছে—আজ সহসা সরমাকে এরূপ দুর্বল দেখিয়া সে তাহার শীর্ণ সাহসকে তাড়না দিয়া বলিল, “চলবে না ত’ কি হবে? নিশ্চয়ই চলবে।” তাহার পর সরমার স্বক্কে নাম হস্ত স্থাপন করিয়া স্নিগ্ধস্বরে বলিল, “তাছাড়া চালাবার তোমার যা অদ্ভুত শক্তি আছে, না চলে ত’ উপায় নেই।”

ঈষৎ আবেগের সহিত মাথা নাড়িয়া সরমা বলিল, “না, না, আমার একটুও শক্তি নেই! তা’ যদি থাকত তা হ’লে আমি কখনই তোমাকে এ বাড়ী ছেড়ে অল্প বাড়ী যেতে দিতাম না।”

“তা দিচ্ছই বা কেন? এ বাড়ী ছেড়ে যেতে তোমার এতই যদি কষ্ট হয়, তা হলে না হয়—”

রমাপদর অসমাপ্ত বাক্য অনুসরণ করিয়া সরমা বলিল, “তা হলে না হয়,—কি?”

“তা হলে না হয় যাওয়া বন্ধ করে দিই।”

একমুহূর্ত চিন্তা করিয়া সরমা বলিল, “না, তা’ হয় না। তা’হলে খাওয়াও বন্ধ করে দিতে হয়।”

কথাটা শ্রুতিকটু হইলেও এত বেশী সত্য যে রমাপদর মুখ দিয়া কোনও উত্তর বাহির হইল না। স্বামী স্ত্রী উভয়ে ক্ষণকাল নির্ঝাক হইয়া দাড়াইয়া রহিল।

সরমাই মৌন ভঙ্গ করিল; বলিল, “আচ্ছা, আবার কত দিনে এ বাড়ীতে ফিরে আসা যাবে বলে মনে হয়?”

এ কঠিন প্রশ্নের উত্তর রমাপদ অতি সহজে দিল; বলিল, “বছরখানেকের মধ্যে নিশ্চয়ই। কিন্তু এ বাড়ীতেই যে ফিরে আসতে হবে তার কি মানে আছে সরো? এ বাড়ী ভাড়াই রেখে আমার এর চেয়ে ভাল বাড়ীতেও ত যেতে পারি।”

সরমা ব্যস্ত হইয়া বলিল, “না, না, তা হবে না। এহ বাড়ীতেই ফিরে আসতে হবে; প্রথম যে দিন আসবার মত অবস্থা হবে সেই দিনই।”

সরমার এই অত্যধিক আগ্রহে ও পক্ষপাতিতায় বিস্মিত হইয়া রমাপদ বলিল, “আচ্ছা, তা না হয় এসো। কিন্তু এ বাড়ীতে ফিরে আসবার জন্তে তুমি এতটা ব্যস্ত হচ্ছ কেন?”

রমাপদর প্রশ্নে সরমার মুখ পাংশু হইয়া গেল। একবার মনে করিল কিছু বলিবে না; কিন্তু যে কথা তাহার

কণ্ঠদেশে আটকাইয়া শ্বাসরোধ করিতেছিল, তাহা না বলিয়াও থাকিতে পারিল না; চকিত নেত্রে রমাপদর প্রতি দৃষ্টিপাত করিয়া ভীতি-বিহ্বল স্বরে বলিল, “তুমি এর মধ্যে ভুলে গিয়েছ? এ বাড়ী ছেড়ে যেতে মা যে আমাকে মানা করে গিয়েছেন।”

এক মুহূর্ত চিন্তা করিয়া রমাপদ বলিল, “এ বাড়ী ছেড়ে যেতে ত’ মানা করেন নি;—আমাকে ছেড়ে যেতে মানা করেছেন।”

রমাপদর ওষ্ঠাদরে অঙ্গুলী দিয়া দুইবার ধীরে ধীরে আঘাত করিয়া সরমা বলিল, “ও-সব যা’ তা’ কথা মুখে আনতে নেই! বাড়ী ছেড়ে যেতেও মানা করেছিলেন।” তাহার পর সহসা তাহার দুই চক্ষু কৌতুক-হাস্তের মূছ-প্রভায় চিক্ চিক্ করিয়া উঠিল; বলিল, “এক দিন অবশ্য তোমাকে ছেড়ে যাব। কিন্তু সে কবে জান?”

পরিধান-ছলে সবম্বা যে-কথা বলিবার উপক্রম করিতেছে, তাহা বুঝিতে পারিয়া রমাপদ কৃত্রিম রোষ প্রকাশ করিয়া বলিল, “খবরদার! ও-সব যা’ তা’ কথা মুখে আনবে ত—”

রমাপদ একটা কঠিন দিবা দিল।

• বিমূঢ় ভাবে এক মুহূর্ত নিঃশব্দে চাহিয়া থাকিয়া অপ্রসন্ন মুখে সরমা বলিল, “দেখ দেখি কি অন্তায়! কথাটা বলতে পর্যাপ্ত দিনে না, ফটু করে একটা দিবা দিয়ে দিলে!” তাহার পর বাগ্রভাবে বলতে লাগিল, “আমি ত’ আর সত্যি-সত্যিই সে কথা বলতে যাচ্ছিলাম না—আমি বলতে যাচ্ছিলাম অল্প কথা। আমি বরং বলতে যাচ্ছিলাম যে প্রাণ থাকতে তোমাকে ছেড়ে যাব না!”

সরমার নিরুপায় বিপন্ন অবস্থা দেখিয়া রমাপদ মনে-মনে অতিশয় পুলকিত হইয়া প্রকাশে গম্ভীরমুখে বলিল, “এখন আর ও-সব কৈফিয়ৎ দিলে কি হবে? এক দিন ছেড়ে যাবে সে কথা স্পষ্ট করে বলেছ ত!”

“কথুনো আমি সে কথা বলিনি।” বলিয়া সরমা কপট ক্রোধের সহিত প্রস্থান করিল।

রাত্রে গৃহকর্মাঙ্কে সরমা তাহার শয়ন-কক্ষে প্রবেশ করিয়া দেখিল—রমাপদ শয্যায় পাশ ফিরিয়া শুইয়া আছে। নিকটে আসিয়া তাহার দেহ স্পর্শ করিয়া সে মূহূর্তে জিজ্ঞাসা করিল, “বুঝিয়েছ না কি?”

রমাপদ পাশ ফিরিয়া বলিল, “না, কেন?”

“একটু ছাদে যাবে ? ভারী চমৎকার জ্যোৎস্না উঠেছে !”

“চল যাই। আমিও সেই কথাই ভাবছিলাম।”

রমাপদ সত্যই সে কথা ভাবিতেছিল; কিন্তু ছাদে যাওয়ার কথা সে যত না ভাবিতেছিল, ছাদে না যাওয়ার কথা বোধ হয় ততোধিক ভাবিতেছিল। জ্যোৎস্না রাতে অবকাশকালে স্বামীর সহিত ছাদে বসিয়া জ্যোৎস্না উপভোগ করিয়া সরমা অপরিসীম আনন্দ এবং তৃপ্তি পাইত। পশ্চিম দিকের আলিসার নিকট হইতে অদূর প্রবাহিত জাহ্নবীর কিয়দংশ দেখা যায়,—সরমা যখনই ছাদে যাইত সেই স্থানটি অধিকার করিয়া বসিত। আজ তাহার সেই অতিপ্রিয় স্থানটিতে উপস্থিত হইয়া আনন্দের পরিবর্তে সে যাহা পাইবে তাহার কথা মনে করিয়া রমাপদ নিজের আগ্রহ সত্ত্বেও, ছাদে না যাওয়াই বাঞ্ছনীয় বলিয়া মনে করিতেছিল। কিন্তু সরমা নিজে যখন সে বিষয়ে অহুরোধ করিল তখন অগত্যা বলিতেই হইল, ‘চল যাই।’

নিঃশব্দে দাঁড়াইয়া প্রকৃতি শুভ্র জ্যোৎস্নার তরল ধারায় স্নান করিতেছিল। রমাপদ এবং সরমা ছাদে আসিয়া তাহাদের নির্দিষ্ট স্থানে পাশাপাশি উপবেশন করিল। অদূরে নববর্ষার অর্ধক্ষীত নদা স্বপ্নরাজ্যে অপরিস্ফুট দৃশ্যের মত বহিয়া চলিয়াছিল; সরমা গ্রীবা বাকাইয়া একবার মুহূর্তের জন্ত দেখিয়া লইয়া মুখ ফিরাইয়া বসিল। বহুক্ষণ উভয়ে পাশাপাশি বসিয়া রছিল, কিন্তু কেহও কোনো কথা কহিল না। উভয়েই মনে করিতেছিল একটা কিছু কথা আরম্ভ করিলে ভাল হয়, কিন্তু সাধু হইতেছিল না; পাছে বাক্য-সংযোগে পরস্পরের অন্তরের নিগূঢ় বেদনা পরস্পরের নিকট ব্যক্ত হইয়া পড়ে। উভয়েই নিজ নিজ মানসিক অবস্থা উভয়ের নিকট হইতে লুকাইবার চেষ্টা করিতেছিল। ছঃখ স্বীকারের মধ্যেও বোধ হয় একটা স্বতন্ত্র ছঃখ এবং গ্লানি আছে।

পাশের বাড়ীর বাগানে একঝাড় হেনা ফুটিয়াছিল। তাহার গুরু গুরু অলস-মস্থর বায়ুতে ঘনভূত হইয়া অবস্থান করিতেছিল। ক্রমশঃ মধ্য-গগন হইতে চন্দ্র পশ্চিম দিকে চলিয়া পড়িল। রজনীর গভীরতায় চতুর্দিক থম্ থম্ করিতে লাগিল।

সরমার দিকে চাহিয়া রমাপদ মৃদুস্বরে বলিল, “এবার যাবে ?”

শিথিল নিস্তেজ মনকে কতকটা সম্বৃত করিয়া লইয়া কম্পিতকণ্ঠে সরমা বলিল, “চল।”

নীচে নামিয়া আসিয়াও উভয়ের মধ্যে বিশেষ কোনো কথাবার্তা হইল না। শয্যা গ্রহণ করিয়া উভয়ে বহুক্ষণ পর্যন্ত নিঃশব্দে জাগিয়া রহিল। প্রত্যেকেই বুঝিতে পারিতেছিল যে অপরে জাগিয়া আছে, কিন্তু তথাপি কেহও কাহারো সহিত কথা বলিতে পারিল না। মিশন স্কুলের ঘড়ীতে টং টং করিয়া ঘন-ঘন ঘণ্টা এবং অর্ধঘণ্টা বাজিতে লাগিল। অবশেষে উভয়ে যখন ধীরে ধীরে অজ্ঞাতসারে ঘুমাইয়া পড়িল তখন প্রভাত হইতে মাত্র ঘণ্টা দু-এক বিলম্ব ছিল।

[ ১২ ]

ঘুম ভাঙিয়া রমাপদ চাহিয়া দেখিল দীপ্ত সূর্য্যকরে সমস্ত ঘর ভরিয়া গিয়াছে। ক্র কুঞ্চিত করিয়া সে বিমূঢ়ভাবে শয্যার উপর উঠিয়া বসিল; তাহার পর পর-মুহূর্তে যখন মনে পড়িল যে বেলা নয়টার মধ্যে নূতন গৃহে যাত্রা করিতে হইবে, তখন সে তাড়াতাড়ি বাহিরে আসিয়া দাঁড়াইল। সরমা তখন কোমরে আঁচল জড়াইয়া সবেগে বাকি কায়া সমাধা করিতেছিল। তাহার শাস্ত-অচপল মুখমণ্ডলে পূর্ব্বরাত্রের বিহ্বলতার আর কোনো চিহ্ন বর্তমান ছিল না। রমাপদকে দেখিয়া সরমার মুখে-চক্ষে স্বাভাবিক মিষ্ট হাস্য ফুটিয়া উঠিল।

“ঘুম ভাঙল ?”

“তা’ ত ভাঙল। কিন্তু তুমি ত’ দেখছি সমস্ত রাতই জেগে ছিলে।”

মৃদুহাসের সহিত সরমা বলিল, “আর তুমি ?”

“আমি —, দেখতেই পাচ্ছি, এত বেলা পর্যন্ত দিবিয়া ঘুমিয়ে উঠলাম।”

সরমার শাস্তমুখে সুমিষ্ট হাস্য হাস্য ফুটিয়া উঠিল। “তবে কি করে দেখলে যে আমি সমস্ত রাত জেগেছিলাম ?”

পত্নীর বাক্চাতুর্য্যে পরাজিত হইয়া রমাপদ হাসিতে হাসিতে বলিল, “তা বটে।” তাহার পর চতুর্দিকে দৃষ্টিপাত করিয়া বলিল, “সবই ত’ দেখছি শুঁড়িয়ে ফেলেছ। বাকি আর কিছু আছে না কি ?”

সরমা সহাস্রমুখে বলিল, “বাকি শুধু তুমি আছ।”

বিস্ময়-বিস্ফারিত নেত্রে রমাপদ বলিল, “কি সর্বনাশ, আমাকেও একটা বাক্স পেঁটার মধ্যে ভরে ‘নিত্যে চাও না কি ?”

স্বামীর আশঙ্কার অভিনবভেদে পুলকিত হইয়া সরমা থিল



খিল করিয়া হাসিয়া উঠিল। বলিল, “সে ভয় যদি থাকে তা হলে শীঘ্র নিজেকে তয়ের হয়ে নাও।”

“তুমি যে রকম বাধাবাধি আরম্ভ করেছ, সে ভয় যথেষ্ট আছে।” বলিয়া রমাপদ হাসিতে হাসিতে প্রশ্ন করিল।

স্কুলের ঘড়ীতে আটটা বাজিয়া গেল।

সরমা ব্যস্ত হইয়া ডাকিল, “বিশ্বনাথ! অ, বিশ্বনাথ!”

বিশ্বনাথ উপস্থিত হইয়া বলিল, “কি মায়জী?”

“এই কলসীটা ভাল করে ধুয়ে গঙ্গা থেকে এক কলসী জল এনে মাঝের ঘরে মধ্য-খানে রাখ; আর একটা ভাল দেখে আমার ডাল তাতে দিয়ে দাও। বুঝলে?”

“হাঁ মায়জী, বুঝলে।” বলিয়া সরমা-প্রদত্ত মৃন্ময় ঘট লইয়া বিশ্বনাথ প্রশ্ন করিল।

যথা সময়ে স্বামীর সহিত ঘট প্রণাম করিয়া সরমা গাড়ীতে গিয়া উঠিল। অনিচ্ছাসত্ত্বেও একটা রুদ্ধশ্বাস ধীরে ধীরে বাহির হইয়া গেল—বহু যত্নেও সে তাহা রোধ করিতে পারিল না।

নূতন গৃহে আসিয়া সরমা চতুর্দিক ঘুরিয়া ঘুরিয়া দেখিয়া বেড়াইতে লাগিল। ভিতরে দুইটি ছোট পাকা ঘর এবং বাহিরে একটি খাপরার নৈঠকখানা; তাহা ছাড়া রান্না ভাঁড়ার স্বতন্ত্র। ইহাই বাড়ী।

রমাপদ বলিল, “কেমন? পছন্দ হল?”

সরমা ঘাড় নাড়িয়া বলিল, “হাঁ, হয়েছে। তুমি বলেছিলে কষ্ট হবে; কিছু কষ্ট হবে না।”

রমাপদ মুহূ হাসিয়া বলিল, “কষ্টের মানে যদি সুখ হয় তা হলে অল্প কষ্ট হবে না।”

সরমা রমাপদের প্রতি সহাস্ত্র দৃষ্টিপাত করিয়া বলিল, “না, সত্যিই কোনো কষ্ট হবে না। এর চেয়ে বেশী আমাদের দরকার কি?”

সরমার কথা শুনিয়া মুহূ হাসিয়া রমাপদ বলিল, “কিন্তু এর চেয়ে আর কমও যেন আমাদের দরকার না হয়।”

সরমা বলিল, “ভগবান করুন তা যেন না হয়। কিন্তু আমার মনে হয় ইচ্ছা করলে আমরা আরো-কিছু কমাতে পারি।”

“কি করে? তোমার খাওয়া বন্ধ করে দিয়ে?”

সরমা হাসিয়া বলিল, “না, না, তা’ কেন? চাকর ছাড়িয়ে

দিয়ে। ললিতবাবুরা তা’ একজন চাকর খুঁজছেন—আমছে মাস থেকে বিশ্ণুকে ললিতবাবুদের বাড়ীতে রাখিয়ে দাও না।”

রমাপদ এক মুহূর্ত চিন্তা করিয়া গম্ভীরমুখে বলিল, “তা’ মন্দ নয়। একেবারে বেকার বসে দুবেলা অন্ন ধ্বংস করছি—তবু একটু খেতে খাওয়া যাবে।”

বিস্মিত স্বরে সরমা বলিল, “তুমি খাটবে? কেন, কোন্‌ ছেপে?”

“তবে কে খাটবে? তুমি?”

“নিশ্চয়ই!”

“বাসন-মাজা, কাপড়-কাচা,—এ সব করবে তুমি?”

“হ্যাঁ, গো, হ্যাঁ, সব করব। এ সব কাজ যত কঠিন মনে কর তত কঠিন নয়।”

রমাপদ বলিল, “আচ্ছা, কঠিন না হয় না-ই হ’ল; কিন্তু তিন চার মাস পরে যখন বাধা হয়ে তোমার কাজ করা বন্ধ করতে হবে, তখন কি হবে?”

সরমার মুখমণ্ডল আরম্ভ হইয়া উঠিল; সে নতনেত্রে মুহূ-স্বরে বলিল, “তখন তা’ বিশ্বনার বউ আসবে ঠিক হয়ে আছে।”

“কিন্তু বিশ্বনার বউ তা’ তোমাকে দেখবে,—আর—আর—” রমাপদের মুখ কোতুক-হাস্তে ভাস্বর হইয়া উঠিল। সরমার কাণের অত্যন্ত কাছে মুখ লইয়া গিয়া চাপা গলায় বলিল, “—আর তোমার খোকাকে নেবে!”

নিমেষের জন্ত স্বামীর প্রতি আরম্ভ মুখ তুলিয়া সরমা মুহূস্বরে বলিল, “তুমি ভারী ছষ্টু!”

রমাপদ সরমার প্রতি সপ্রেম দৃষ্টিপাত করিয়া নিঃশব্দে হাসিতে লাগিল। তাহার পর বলিল, “তোমার খোকা বললে যদি তোমার এতই আপত্তি হয় তা হলে না হয় এবার থেকে আমার খোকা বলব! তা হলে তা’ আর আমাকে ছষ্টু বলবে না?”

এবার সরমা কোনো কথা বলিল না, একবার মাত্র রমাপদের প্রতি চকিত দৃষ্টিপাত করিয়া নতনেত্রে মুহূ-মুহূ হাসিতে লাগিল। সম্ভান সম্ভবের এই অনাবৃত আলোচনায় সলজ্জ-হর্ষের স্মৃষ্টি ধারায় তাহার হৃদয় আগ্রুত হইয়া গেল! স্বামী-কণ্ঠনিঃসৃত খোকা শব্দের অনমুভূতপূর্ব উত্তেজনার সহিত ভ্রূণ স্পন্দন মিলিত হইয়া আসন্ন মাতৃস্বের করুণা-প্রভাষ তাহার আরম্ভ-নত মুখমণ্ডল অপূর্ব শোভা ধারণ করিল।


# নিখিল-প্রবাহ

শ্রীহেমন্ত চট্টোপাধ্যায়

অভিনব দৃশ্য ৪—

রাত্রিকালে ঘাসের এবং অন্যান্য নানা লতাপাতা ইত্যাদির উপর শিশির পড়ে—এ কথা আমরা সকলেই জানি। কিন্তু এই সকল শিশির-বিন্দু লতাপাতা ইত্যাদির উপর পড়িয়া কি মনোহর দৃশ্যের সৃষ্টি করে,

বেনটলি নামক এক ভূজলোক ক্যামেরার সাহায্যে বিবিধ জব্যাদি এবং লতাপাতার উপর শিশির-বিন্দুর সৃষ্ট কতকগুলি চমৎকার জব্যো ছবি তুলিয়াছেন। ছবিগুলি দেখিলেই বুঝিতে পারিবেন দৃশ্যগুলি কি চমৎকার!



তাহা আমরা অনেকেই জানি না। ঘাসের উপর শিশির-বিন্দু ঝলমল করে—দেখিতে ঠিক যেন মুক্তা! কিন্তু অনুবীক্ষণের ভিতর দিয়া এই সকল শিশির-বিন্দু যে কি চমৎকার দেখিতে হয়, তাহা যে না দেখিয়াছে, সে কিছুতেই উপলব্ধি করিতে পারিবে না।



বিজ্ঞান বলে যে লতাপাতার শীতল উষ্ণতা স্পর্শে বায়ুর বাষ্প জল-বিন্দু হইয়া যায়—অনেক ক্ষেত্রে পাঁচ পাতার ভিতরের জলই পাতার মধ্যে দিয়া বাহির হইয়া পাতার উষ্ণতা বিন্দু আকারে অবস্থান করে। দারুণ গ্রীষ্মে এই প্রকারে ঘর্ম বাহির হইয়া

অভিনব দৃশ্য

আসিয়া গাছপালাকে বাঁচায়। রাত্রিকালে যখন আর বেশী জলের দরকার হয় না, তখন গাছপালার ভিতরের জল বাহির হইয়া আসে এবং রোদ উঠিলে বাষ্পাকারে আকাশে মিশিয়া যায়।

• অনেক দেশের লোকের বিশ্বাস যে শিশির-বিন্দুর দ্বারা সকাল বেলায় মুখ ধোত করিলে সৌন্দর্য্য বৃদ্ধি হয়। অনেক দেশে শিশির প্রচুর পরিমাণে পড়ে এবং কেবল মুখ ধোওয়া কেন—তাহা দিয়া ইচ্ছা করিলে মনও করা যায়।

ত্রীলোকটি নিহত হইবার পূর্বে ঘরের মধ্যে যে ধস্তা-ধস্তি হইয়াছিল তাহার যথেষ্ট চিহ্ন ছিল—কিন্তু খুনিকে ধরা যায়, এমন কোন চিহ্ন



সেখানে ছিল না। এই প্রকার রহস্যময় ব্যাপাবে পুলিশের পাকা গোয়েন্দায় সাহায্য দরকার; কিন্তু বালিন পুলিশ এইরূপ অনেক স্থানে মানুষ গোয়েন্দার সাহায্য না লইয়া কুকুর গোয়েন্দার সাহায্য লইয়া থাকে। বালিন পুলিশের প্রায় ১০০টি শিক্ষিত কুকুর গোয়েন্দা আছে। আলোচ্য ঘটনায় এই গোয়েন্দাদের শ্রেষ্ঠ গোয়েন্দা কুকুর

হেক্সিকে নিযুক্ত করা হয়। প্রথমে সে লাস এবং তাহার বস্তাদি পরীক্ষা করিল, তাহার পর তাহার সামনে দশজন সন্দেহে-পূত ব্যক্তিকে দাঁড় করান হইল। হেক্সি এক একজন করিয়া যখন ষষ্ঠম ব্যক্তির কাছে আসিল, তখন সে ষষ্ঠম ব্যক্তিকে ভাল করিয়া দেখিল, তাহার পর তাহার ঘাড় লক্ষ্যইয়া উঠিয়া কামড় দিবার উপক্রম করিল—অনেক কষ্টে তাহাকে ধামাইয়া রাখা হইল।



### কুকুর-গোয়েন্দা ৪—

বালিন সহরে একবার এক বাড়ীতে কীট নিহত ত্রীলোকের লাস পাওয়া যায়।

কুকুর-গোয়েন্দা

সেই অষ্টম ব্যক্তি তাহার অপরাধ স্বীকার করিতে বাধ্য হইল।

এই গোয়েন্দা কুকুরেরা এই প্রকারে অনেক রহস্য খোলসা করিয়া দেয়। একবার আর একটি কুকুর বহু রাত্তা অতিক্রম করিয়া, কতকগুলি বাড়ীর ছাত উপকাইয়া অবশেষে অপরাধীকে ধরাইয়া দেয়।

শিশুকাল হইতেই তাহাদিগকে এই সকল কার্য শিক্ষাদান আরম্ভ করা হয়। শিক্ষা দিবার সময় চাবুক ব্যবহার বা ধমকানো একেবারেই হয় না। অতি মিষ্ট ব্যবহার এবং মিষ্ট কথা দ্বারা কুকুরদের চোর এবং অজ্ঞাত অপরাধী ধরিতে পারগ করিয়া তোলা হয়। গোয়েন্দা কুকুরদিগকে পাছে চাঁ, সঁতার দেওয়া, দেওয়াল লঙ্ঘন করা ইত্যাদি নানা প্রকার বিপত্তা শিখান হয়। এই কুকুরদের প্রত্যহ চারখন্টা করিয়া, পন্টনের মত, প্যারেড অর্থাৎ কুচ-কাওয়াজ শিক্ষা দেওয়া হয়।

### স্বয়ং-ক্রিয় সিঁড়ি ৪—

চলন্ত গাড়ী হইতে নামিতে গিয়া প্রায়ই অনেক দুর্ঘটনা হয়। গাড়ীর দুয়ার হইতে রাত্তা অনেকখানি নীচে বলিয়াই এই দুর্ঘটনা বেশী হয়। আমেরিকার শিকাগো সহরে এক প্রকার নতুন ধরণের সিঁড়ি অনেক গাড়ীতে ব্যবহৃত হইতেছে। এই সিঁড়ি গাড়ীর নীচে লুকান থাকে—গাড়ীর দুয়ারে পা-পোষের মত একটি ইম্পাতের পাত পাত




স্বয়ং-ক্রিয় সিঁড়ি

আছে। দুয়ার দিয়া বাহির হইবার সময় এই পাতে পায়ের চাপ পড়িবামাত্র সিঁড়িখানি বাহির হইয়া আসে—এই সিঁড়িতে পা দিয়া নির্ভয়ে রাত্তায় নামা যায়। ইম্পাতের পাতের উপর হইতে পায়ের চাপ সরিয়া যাইবামাত্র সিঁড়িটি আবার দুয়ারের তলায় চলিয়া যায়।

### অদ্ভুত উপস্থিত-বুদ্ধি ৪—

ডিক্ রিয়ান্ নামক একজন বিখ্যাত মোটর পৌড়ানেওয়াল। একবার মোটর রেস দিবার সময়, হঠাৎ তার মোটরে আগুন ধরিয়া যায়। রাত্তার পাশেই একটি হ্রদ ছিল, ডিক্ রাত্তার রেলিং ভাঙ্গিয়া মোটর-



### অদ্ভুত উপস্থিত-বুদ্ধি

থানাকে সেই হ্রদের মধ্যে চালাইয়া দিল—এবং মোটর জলে পড়িবামাত্র সে সামান্য একটু অঁচড় খাইয়া মোটর হইতে বাহির হইয়া পড়িল। বুদ্ধি করিয়া এই ভাবে জলে না পড়িতে পারিলে ডিক্ আগুনের হাত হইতে রক্ষা পাইত কি না সন্দেহ।

### সুদ্রুতম হরিণ ৪—

সিংহলে এক প্রকার অতি ক্ষুদ্রকায় হরিণ পাওয়া গিয়াছে। এই হরিণগুলি দেখিতে ছুঁচার মতন তবে ছুঁচা অপেক্ষা কিছু বড়। ইহার



সুদ্রুতম হরিণ

বড় হরিণের মত দেখিতে সুন্দর নয়। ইহাদের পা দেখিলে মনে হয় যেন সরু সরু কাঠি কোনো রকমে দেহের সঙ্গে লাগাইয়া দেওয়া হইয়াছে। সিংহলে এই অদ্ভুত হরিণের নাম "গোটোন" অর্থাৎ

ছটা হরিণ। ছবিতে যে দুটি হরিণ দেখা যাইতেছে—কয়েক মাস পূর্বে সিংহল হইতে উহাদের বোষ্টন সহরে আনয়ন করা হইয়াছে। উহাদের তিনটি পথে মারা যায়।

### •• কাচনির্মিত নৃত্যশালা ৪—

ফ্রান্স দেশের এক সমুদ্রতীরবর্তী সহরে একটি কাচ-নির্মিত নৃত্যশালা আছে। ইহার আশেপাশে বা উপরে কোথাও বাতি নাই—

ইত্যাদির পর শিশুরা খুব ক্লান্ত হয়—তখন তাহাদের বিশ্রামের নিতান্ত প্রয়োজন। স্কুল-ঘরের বেকিগুলিকে এই সময় উন্টাইয়া দেওয়া হয়—এবং বেকির চার পারায় ৪টি .ছকের সাহায্যে জাহাজের নাবিকদের মতন দোলা বিজানা (hammock) টাঙ্গাইয়া দেওয়া হয়। এই প্রকার বিশ্রামলাভের ফলে দেখা গিয়াছে যে শিশু ছাত্রদের স্বাস্থ্য খুব ভাল হয়। লেখা এবং পড়া—ছুইই তাহারা মনোযোগ দিয়া করিতে পারে।



কাচনির্মিত নৃত্যশালা

নৃত্যকালে যতই কু আলোর দরকার, তাতা কাচের মেঝের নীচে হইতে আনে। কাচের মেঝের নীচে বৈজ্ঞানিক আলো বসান আছে। যখন নৃত্য চলিতে থাকে, তখন দূর হইতে তাহার দৃশ্য বড় সুন্দর হয়। ছবি দেখিলে নৃত্যের সামান্য পরিচয় পাওয়া যাইবে।

### বিজ্ঞানসম্মত বিশ্রামের ব্যবস্থা ৪—

বিলাতের এক শিশু-বিদ্যালয়ে শিশুদের জন্য বৈকালে বিশ্রাম করিবার চমৎকার এক ব্যবস্থা আছে। বিদ্যালয়ের পাঠ এবং ক্রীড়া

একজন স্কচ, বৈজ্ঞানিক এই পরীক্ষা করিয়াছেন। তিনি একটা ঘর হইতে সামান্য দূরে অন্য একটা ঘরে একটা মুখের "motions" অর্থাৎ "নড়ন চড়ন"এর ছবি প্রেরণ করিতে সমর্থ হইয়াছেন। র্যাডিওর সাহায্যেই ইহা সম্ভবপর হইয়াছে। র্যাডিও-প্রেরিত ছবিটির সহিত আদত বা মূল মুখছবির একেবারেই কোন প্রকার মিল নাই। র্যাডিও-ছবিখানি একটি কক্ষালের মুখ বলিয়া মনে হয়। চোখ দুইটির এবং মুখের স্থানে কাল কাল চিহ্ন আছে—তাহাতে ছবিটিকে কোন কিছু


### র্যাডিও-সাহায্যে

#### ছবি তোলা ৪—

বর্তমান যুগে "র্যাডিওর" সাহায্যে জগতে নান' প্রকার অসাধ্য সাধন হইতেছে। যেতারের সাহায্যে পাঁচ-হাজার মাইল দূরে সংবাদের আদান-প্রদান প্রায় সহজসাধ্য হইয়া আসিয়াছে। আর কিছুকালের মধ্যেই ইহা টেলিগ্রাফের মত নিত্য-নৈমিত্তিক ব্যাপার হইয়া দাঁড়াইবে। বর্তমান সময়ে র্যাডিওর সাহায্যে দূর হইতে ফটো তুলিবার চেষ্টা চলিতেছে। এই চেষ্টা সামান্য পরিমাণে সাফল্য লাভ করিয়াছে। G. L Baird নামক



বিদ্যালয়ের বিশ্রাম-ব্যবস্থা



র্যাডিও-সাহায্যে ছবি তোলা

• মুখের ছবি বলিয়া বুঝিতে পারা যায়। ইতি-

পূর্বে আর কেহ চলন্ত কোন জব্যের এমন বদ্ ছবিও তুলিতে সমর্থ হন নাই।

র্যাডিও-প্রেরিত এই ছবিখানি দেখিলে হাসি পায়। কিন্তু যদি চিন্তা করিয়া দেখা যায় যে, আর কোন বৈজ্ঞানিক এই কার্যে এতখানি সাফল্য লাভ করেন নাই—এবং এই প্রণালীতে কাণ্ড হইতে হইতে অবশেষে র্যাডিও-প্রেরিত ছবি মূল ছবির একেবারে হুবহু অনুকৃতি

হইবে—তখন আশ্চর্য না হইয়া পারা যায় না। এই বৈজ্ঞানিক television অর্থাৎ বহুদূর হইতে কেমন করিয়া একজন লোক আর একজনের মুখ দেখিতে পাইবে, তাহারও চেষ্টা করিতেছেন। অবশ্য এই কার্যে এখন পর্যন্ত কোন প্রকার উল্লেখযোগ্য ফল পাওয়া যায় নাই। র্যাডিও-প্রেরিত ছবিখানি এতৎসহ মুদ্রিত হইল—ইহা দেখিলে কতকার্যতীর নামান্তর পরিচয় পাওয়া যাইবে।

## সাময়িকী

'ভারতবর্ষ' আজ চতুর্দশ বৎসরে পদার্পণ করিল। বিগত ত্রয়োদশ বৎসর যাহার কৃপায় 'ভারতবর্ষ' বঙ্গ-সাহিত্যের সেবা করিয়া আসিয়াছে, সর্বপ্রথমে সেই সর্বসিদ্ধিদাতা শ্রীভগবানের চরণে প্রণাম করিতেছি। তাহার পর, 'ভারতবর্ষ'র যিনি প্রতিষ্ঠাতা, সেই অমর সাহিত্যিক দ্বিজেন্দ্রলালের নাম পরম শ্রদ্ধা-ভরে স্মরণ করিতেছি। এই ত্রয়োদশ বৎসর যে সমস্ত লেখক-লেখিকার অল্পগ্রহ ও সহানুভূতিতে 'ভারতবর্ষ' তাহার উদ্দেশ্য সাধনে অবহিত হইতে পারিতেছে, যে সকল পাঠক-পাঠিকা আমাদের উৎসাহ দান করিয়াছেন, তাহাদের নিকট আমাদের আন্তরিক শ্রদ্ধা ও কৃতজ্ঞতা নিবেদন করিতেছি। 'ভারতবর্ষ'র সেবার আমরা বড় চেষ্টা-সামর্থ্য নিয়োজিত করিতে কোন দিন ক্রটি করি নাই; বর্তমান বৎসরেও আমরা বাস্তবে আমাদের স্নানিদ্ধি পূর্ণা অনুসরণ করিতে পারি, তাহার জন্ত ভগবানের কৃপা ভিক্ষা করিতেছি।

নববর্ষের এই প্রথম সংখ্যায় যাহার প্রতিষ্ঠিত 'ভারতবর্ষ'র প্রচ্ছদপট সুশোভিত করিল, তাহার নাম পৃথিবী-বিখ্যাত, তাহার অবদান ভারতবর্ষের কেন, সমস্ত পৃথিবীর অমূল্য সম্পদ। বাঙ্গালা দেশ ধন্য যে, স্বামী বিবেকানন্দের স্মরণ তেজস্বী, মনস্বী পুরুষকে এই দেশেরই একজন, এই বঙ্গ-জননী একজন সুসন্ধান বলিয়া জগতের সম্মুখে গলা করিতে পারে। আজ দেশের দুদিনে যদ স্বামী বিবেকানন্দ বাচিয়া থাকিতেন, তাহা হইলে বাঙ্গালা দেশের ঐতিহাস সোনার অক্ষরে লিপিবদ্ধ হইত। তাহার প্রদর্শিত পন্থা গ্রহণ করিয়া তাহার অর্পিত শিষ্যগণ যে ত্যাগের, যে সেবার আদর্শ দেখাইতেছেন, তাহাতে সেই পুরুষ-প্রধানের নাম চির-স্মরণীয় হইয়া থাকিবে। আজ আমরা সেই অসন্ত-প্রতিভার আধার, কর্মযোগী, নর-নারায়ণের শ্রেষ্ঠ সেবকের প্রতিকৃতি প্রকাশিত করিয়া সেই মহাত্মার প্রতি আমাদের অকৃত্রিম শ্রদ্ধা নিবেদন করিলাম।

বিষকবি রবীন্দ্রনাথ সেবার ইউরোপ-ভ্রমণ সময়ে অকস্মাৎ অসুস্থ হওয়ায় পূর্ক-নির্দিষ্ট অনুষ্ঠানগুলি অসমাপ্ত রাখিয়াই ইটালী পরিত্যাগ করিয়া দেশে আসিতে বাধ্য হইয়াছিলেন। ইটালীর পণ্ডিতবর্গ ও কবিব অকৃত্রিম বন্ধুগণের যে ইহ তে আশা-ভঙ্গ হইয়াছিল, কবির সে কথা কিছুতেই ভুলিতে পারেন নাই। তাই, কয়েকদিন হইল তিনি পুনরায় ইটালীতে গমন করিয়াছেন। বিশ্বদূত সংবাদ দিয়াছেন যে, রবীন্দ্রনাথ ইটালীতে সমস্তই অভিনন্দিত হইতেছেন; নানা-স্থানের ঋষিবাসিগণ সাগ্রহে তাহার শুভাগমন প্রতীক্ষা করিতেছে। বিশ্ব-ভারতীর দরবারে আমাদের রবীন্দ্রনাথের এই সমাদর দেখিয়া আমরা পুলকিত হইতেছি; আর ভাবিতেছি, কি আগ্রহ এই বৃদ্ধের! কি একাগ্রতা এই মহাপুরুষকে অনুপ্রাণিত করিতেছে! যে বাঙ্গালী পঞ্চাশ বৎসর বয়স অতিক্রম করিলেই স্থবির হইয়া স্থাবরই প্রাপ্ত হয়, সেই বাঙ্গালীই একজন বিশ্বের দরবারে তাহার বাণী শুনাইবার জন্ত অধীর হইয়া, সাত সমুদ্র তের নদীর পারে নিভয়ে গমন গমন করিতেছেন। বাঙ্গালী কি এ আদর্শ অনুসরণ করিবে না?

হিন্দু মুসলমানের অভিনয় এখন কলিকাতা ত্যাগ করিয়া মফস্বলে চলিতেছে। অভিনয়টা কিছু এক তরফা হইতেছে; মুসলমান গুণ্ডারা হিন্দুর মন্দিরাদি ও মূর্তির অবমাননা করিতেছে, আর হিন্দুরা সেই সংবাদ দেশ বিদেশের পবরের কাগজে ছাপাইয়া দিয়া বসিয়া আছে। সরকার বাহাদুর বলিতেছেন, পবরের কাগজওয়ালারা তিলকে তাল করিয়া মনাস্তর আরও বাড়াইতেছে। বা সামান্ত কিছু হইতেছে, তাহা লইয়া বাড়াবাড়ি না করিয়া, একটু সহিয়া গেলেই দুদিনে সব ঠাড়া হইয়া যাইবে। এ উপদেশ অমূল্য; ইহা স্থপীল ও সুবোধ বালকের মত প্রতিপালন করাই নাবালক হিন্দুর অবশ্য কর্তব্য।

কলিকাতা সহরে দ্বাভা মিটিয়াছে বটে, কিন্তু হাজামা মিটে নাই। সে হাজামাও বড় সহজ নহে। ধর্ম গেল, কর্ম গেল, এখন রহিলেন শুধু ঢাক। এই ঢাকের বাস্ত লইয়াই গোল বাধিয়াছে। মুসলমান বলিতেছেন, মসজিদের সম্মুখ দিয়া ঢাক ঢোল বাজাইয়া শোভাযাত্রা হিন্দু করিতে পারিবে না, তাহারা কখনও এমন কুকর্ম করেও নাই; এখন কুচক্রীদিগের পরামর্শে মসজিদের পবিত্রতা গাঙ্গীর্ঘ্য নষ্ট করিবার জন্ত হিন্দুরা মসজিদের সম্মুখ দিয়া ঢাক ঢোল বাজাইয়া শোভাযাত্রা চালাইবার জিদ ধরিয়াছে; মুসলমানের জান কবুল, তাহারা কখনও ঢাক বাজাইতে দিবে না। এই ভয়ে জড়সড় হইয়া কলিকাতার পুলিশ সেদিন শ্রীশ্রীরাজরাজেশ্বরীর বিসর্জনের শোভাযাত্রা পূর্বে ছাড়-প্রাপ্ত পথে যাইতে দিতে অস্বীকার করেন; হিন্দুরাও, সেই পথেই শোভাযাত্রা না যাইতে দিলে মাঝে বিসর্জনই দিবেন না বলিয়া যরের দেবীকে আবার বাহির হইতে ধরে তুলিয়াছেন। সরকার বলিতেছেন, বেশ ত, দেবী আর কয়েকদিন সেবাই পান না, মুসলমানের ঈদ চুকিয়া যাক, তাহার পর দেবীর বিসর্জনের ব্যবস্থা করা যাইবে। একটু ক্ষমা-বেলা (give and take) না করলে কি চলে? তথাপি!

এ ত গেল রাজ রাজেশ্বরীর কথা। দারজিলিং হইতে শ্রীল শ্রীকৃষ্ণ লাট বাহাছুর এক রোবকারী জারী করিয়া কলিকাতার রাজপথে হিন্দুর শোভাযাত্রার ব্যবস্থা করিয়া দিয়াছেন। লাটসাহেব বলিয়াছেন, চিৎপুর রোডের সু-প্রসিদ্ধ নাখোদা মসজিদের সম্মুখ দিয়া কোন সময়েই কোন শোভাযাত্রা বাজনা বাজাইয়া যাইতে পারিবে না; আর আর যে-সব মসজিদ আছে, তাহাতে কোন্ কোন্ সময়ে উপাসনা হয়, তাহা স্থির করিয়া জানিয়া সেই-সেই সময়ে বাজনা বন্ধ করিয়া শোভাযাত্রা চালাইতে হইবে। এই আদেশে হিন্দুরা গুম্ব হইয়াছেন; তাহারা বলেন, আগাগোড়া বাজনা বাজাইয়া তাহারা আবহমানকাল রাজপথ দিয়া চলিয়াছেন, কোথাও বাজনা বন্ধ করেন নাই; সুতরাং এ আদেশে তাহাদের অধিকার লোপ হইল। এ কথাই কোন অর্থই নাই। যারা এতদিন দয়া করিয়া অধিকার বহাল রাখিয়াছিলেন, তাহারা দয়া করিয়া সে অধিকার বন্ধ করিলেন। ভিক্ষকের আবার অধিকারের দাবী!!

আমরা বলি, এই যে বাজনা বাজাইয়া শোভাযাত্রা, বলিতে গেলে, এক রকম বন্ধই হইল, ইহাতে ভালই হইল। কলিকাতার অলিতে-গলিতে মসজিদ, আর পাঁচ ওয়াক্ত নমাজ আছেই। সুতরাং বাজনা বন্ধই হইল। বড়লোক হিন্দুর কথা বলিতেছি না, মধ্যবিত্ত ভদ্রলোকের গৃহিণীরা আর বড়-মানুষের দেখানেপি ছেলের বিয়েতে গোরার বাজনা, রহমতুল্লাহ ব্যাণ্ড, ব্যাগ-পাইপ, ঢাক-ঢোল, সানাই, রোমনচৌকীর বাহানা ধরিতে পারিবেন না, কারণ বাজনা বাজাইয়া শোভাযাত্রা যে এক রকম বন্ধই হইল। সুতরাং মধ্যবিত্ত ভদ্রলোকদের একটা বড় খরচ কমিয়া গেল। এজন্ত তাহারা সদাশয় মুসলমান-নেতৃবৃন্দ তথা

গবর্ণমেন্টের বহুত খোসনামী করিতে বাধ্য। তবে একটা কথা আছে। এই যে সব মুসলমান বাজনার বিবাহ, বিসর্জন প্রভৃতির শোভা-যাত্রায় বাজনা বাজাইয়া গ্রাসাচ্ছাদন নির্বাহ করিতেছিলেন, তাহাদের উপায় কি হইবে? বোধ হয় করিম রহিমের দল সে ব্যবস্থাও করিবেন; সরকারকে বলিয়া এই সকল বেকার ভদ্রলোককে কলিকাতা পুলিশের পাহারাওয়ালার অনাগ্রাসেই করিয়া দিতে পারিবেন; কারণ, অহুসঙ্কানে জানিতে পারা গিয়াছে যে কলিকাতার মুসলমান পাহারা-ওয়ালার সংখ্যা অতি কম থাকতেই বিগত দুই দফা দাঙ্গা ঘটতে পারিয়াছিল। অধিক সংখ্যক মুসলমানের নিয়োগে সে আশঙ্কা দূর হইবে। আর এই সকল বেকার বাও ও ব্যাগ-পাইপওয়ালাদের মধ্যে যাহারা কোন রকমে উর্দু বা ইংরাজীতে (বাঙ্গালা অন্ধরে মছে) নাম সহি করিতে পারেন, তাহাদিগকে ম্পেক্, ডেপুটী, সবডেপুটী, সব্ রেজিষ্ট্রার, কাউন্সিল ও মিউনিসিপালের সদস্য পদে বাহাল করিলেই বেকার সমস্রাও মিটিয়া যাইবে এবং আমরা নিঃসন্দেহে বলিতে পারি হিন্দু-মুসলমানে গোলযোগও শেষ হইয়া যাইবে। কারণ যাহা লইয়া গোলযোগ, তাহারই যে মীমাংসার পথ আমরা দেখাইয়া দিলাম!



কেদারনাথ মজুমদার

ময়মনসিংহের গৌরব, বাঙ্গালা-সাহিত্যের অকৃত্রিম সেবক, আজীবন সাহিত্য-চর্চা-নিরত, 'সৌরভ' পত্রের সম্পাদক, বহু গ্রন্থ-লেখক কেদারনাথ মজুমদার আর ইহজগতে নাই। এই সেদিনও কলিকাতার রাজপথে কেদারের সঙ্গে দেখা হইল; কেদার বলিলেন "দাদা, বাড়ী চলিলাম।" তখন ত বুঝি নাই, কেদারনাথ নিত্যধামে যাইবার কথা বলিয়া শেষ বিদায় গ্রহণ করিলেন। তাহার পরই ময়মনসিংহে যাইয়া কেদারনাথ আত্মীয়-বন্ধু-বান্ধবকে শোক-সাগরে ভাসাইয়া অনন্তধামে চলিয়া গেলেন। কেদারনাথের মৃত্যুতে আমরা জাত-বিয়োগ-শোক পাইলাম—এ শোকের সাধনা নাই।

## বর্ষ-বোধন

কবিশেখর শ্রীনগেন্দ্রনাথ সোম কবিভূষণ

যে রূপ দেখায়েছিলে বৈশাখে সুন্দর,  
রক্তিম মদির-রাশি নিদাঘ অরুণে ;  
ছায়াঘন আশ্রয়ন-কুঞ্জ মনোহর,  
ঝঙ্কারি বিহগ গীতি সুকঠ তরুণে !  
হে বর্ষ ! বিগত সেই অসীম উল্লাস,  
সঙ্কার আরতি সম দেবতা দেউলে !  
গেল যে শিশির অশ্বে মুগ্ধ মধুমাগ,  
রাঙাইয়া যাত্রাপথ অশোকের ফুলে !  
আন সে সুখের দিন সৌর-করোজ্জ্বল,  
গ্রহ-তারাময়ী নিশি চন্দ্রমাশালিনী ;  
হেমাভ মঞ্জরী বৃকে মধুভরা ফল,  
নলিনীর মৃদুহাসি-চঞ্চলা দামিনী !  
অনন্ত সৌন্দর্য্যে ভব বিশ্বের বিকাশ,  
ভূতলে পাতালে স্বর্গে জ্যোতিঃ পরকাশ !

## সাহিত্য-সংবাদ

নব-প্রকাশিত পুস্তকাবলী


রসরাজ শ্রীযুক্ত অমৃতলাল বসু প্রণীত রসরচনা 'কৌতুক-যৌতুক' মূল্য ২।	শ্রীযুক্ত অমৃতলাল সোম প্রণীত মাইকেল মধুসূদনের
শ্রীযুক্ত অপরেশচন্দ্র মুখোপাধ্যায় প্রণীত ষ্টার থিয়েটারে অভিনীত	ক্যাপটীন্স পেড্রের বঙ্গভূবাদ মূল্য—৫।
নূতন নাটক 'শ্রীকৃষ্ণ' মূল্য—১৫।	শ্রীযুক্ত নীলকমল সেন প্রণীত 'পূর্ণাপ্রেম' মূল্য—১৫।
শ্রীযুক্ত বিধুভূষণ বসু প্রণীত 'দীপালীর বাজী' মূল্য—১।	শ্রীযুক্ত বিধুভূষণ শুট্টাচাষ্য প্রণীত হাওড়া হুগলীর
শ্রীযুক্ত গিরিশচন্দ্র চক্রবর্তী প্রণীত নাটক 'লছমী' মূল্য—১।	ইতিহাস ১ম খণ্ড মূল্য—২।
রায় নিবারণচন্দ্র দাসগুপ্ত বাহাদুর প্রণীত "স্মৃতিপথে" বা	শ্রীযুক্ত রমেশচন্দ্র ঘোষপ্রসাদ প্রণীত রাজার জাতি, বা
বঙ্গের নব জাতীয়তার অর্ধ শতাব্দী মূল্য—২।	কার্য জাতির ইতিহাস মূল্য—২।

*Publisher*—Sudhanshusekhar Chatterjea.  
of Messrs. Gurudas Chatterjea & Sons,  
201, Cornwallis Street, CALCUTTA.



*Printer*—Narendranath Kunar,  
The Bharatvarsha Printing Works,  
203-1-1, Cornwallis Street, CALCUTTA.







# জরতরঙ্গ



শ্রাবণ, ১৩৩৩

প্রথম খণ্ড

চতুর্দশ বর্ষ

দ্বিতীয় সংখ্যা

## দেশবন্ধুর ব্রত

( বৎসবাস্তে স্মৃতি-তর্পণ )

শ্রীকালিদাস রায় কবিশেখর বি-এ

বিরাট মনের বিরাট সৃষ্টি—বিরাট জীবনের বিরাট অনুষ্ঠান-মাত্রই অজর ও অমর। তাহা রূপে, রসে, ভাবে, গৌরবে প্রাণশক্তিতে ও সৃজনীশক্তিতে বহুধা বিতত হইয়া বহু শতাব্দী ধরিয়া ক্রিয়াশীল থাকে। বস্তু-জগতে তাহা অনেক সময় ধরিত্রীর ভূষণের রূপ ধারণ করে—কিন্তু মনোজগৎকে তাহা ভাঙিয়া গড়ে। ঐ বিরাট অনুষ্ঠানের যতটুকু আকারে, গঠনে, গুরুত্বে, ও শ্রীমোষ্ঠবে প্রকট—জনসাধারণ জ্ঞাতসারে ততটুকু বুঝে, চের বেশী তারা অজ্ঞাতসারে পায়। কবি, শিল্পী, রসিক ও ভাবুকগণ তাহার রসময় ও ভাবময় স্বরূপটী পান। কিন্তু তাহাতেও উহার সার্থকতার পরিমাণবোধ নিঃশেষিত হয় না। দার্শনিক ও ঐতিহাসিকগণ দেখেন তাহার প্রাণশক্তি, সৃজনীশক্তি বহু শাখায় প্রবাহিত হইয়া দেশে ও কালে—দূর ভবিষ্যতে ব্যাপ্ত হইয়া জাতীয় জীবনকে কিরূপে, ভাঙিয়া গড়িতেছে—দেশের ইতিহাসের গতি-

প্রকৃতি ও সমাজদেহের নাড়ী-ধাতুকে কিরূপে বিবর্তিত করিতেছে।

মোগল ভারতের বিরাট অনুষ্ঠান,— প্রেমিক সম্রাটের বিরাট উৎসর্গ মর্ম্মর-রূপ ধরিয়া তাজমহলের সৃষ্টি করিয়াছে। তিন শতাব্দী ধরিয়া উহা ধরার রম্য ভূষণ স্বরূপ বিরাজ করিতেছে। উহাতে পর্য্যটক, পরিব্রাজক, প্রেমিক, রসিক ও শিল্পী স্ব-স্ব আদর্শের চরিতার্থতা দেখিয়া আনন্দ পান। কিন্তু উহাতেই উহার সার্থকতা পরিচ্ছিন্ন নয়। তাহার রসরূপ, স্বপ্নরূপ কবির লেখনীকে, চিত্রকরের তুলিকাকে ও ভাস্করের ছেদনীকে যুগে যুগে নব নব সৌন্দর্য্য-সৃষ্টিতে প্রণোদিত করিতেছে। শিল্পীর মনে ভাবময় আদর্শরূপে বিরাজ করিয়া তাহাকে শুধু দ্রষ্টা মাত্র নহে, স্রষ্টাও করিয়া তুলিয়াছে। তাহাতেও বিরাট অনুষ্ঠানের বিরাট পরিমেয় হইয়া উঠিল না।

সম্রাট-কবি এই তাজমহল গঠনের জন্ত যে দূরদূরান্ত, দেশদেশান্তর হইতে সহস্র সহস্র শিল্পীকে একত্র করিয়াছিলেন, তাঁহারা সকলেই এক একজন ধীমান বা বিটপাল ছিলেন না। কয়েকজন শ্রেষ্ঠ শিল্পীর অধীনে অসংখ্য কারুকার আদেশ পালন করিত। ফলে এই বহু-বর্ষব্যাপী অগুষ্ঠানটি কেবলমাত্র তাজমহল সৃষ্টি করে নাই, সহস্র সহস্র শিল্পীকেও সৃষ্টি করিয়া দেশে দেশে প্রেরণ করিয়া শিল্পজগতে একটা যুগান্তর আনিয়াছে। তাজমহল একটি বিরাট বিশ্ববিদ্যালয়,—মোগলযুগের নালন্দা।

এইরূপ একটি বিশ্ববিদ্যালয় চিত্তরঞ্জনের বৈচিত্র্যময় কর্মধন, রসনিবিড়, ভাবসংহত বিরাট জীবন। ইহা বাঙালীর চিত্তকে ভাঙিয়া গড়িয়াছে। এক দিন চিত্তরঞ্জন কলিকাতা বিশ্ববিদ্যালয় ভাঙিতে গিয়াছিলেন,—ভাঙা হয় নাই,—ভালই হইয়াছে; কারণ তাহাতে মন্দের সঙ্গে অনেক ভালও বিধ্বস্ত হইত। চাপ-বলে তিনি যাহা করিতে পারিতেন, তপোবলে তাহা হইতে চের বেশী করিয়াছেন। তাঁহার জীবন-রূপ বিদ্যাপীঠের ছাত্র হইতে হইলে ঐ নিম্নতর বিদ্যাপীঠও চাই। তাঁহার জীবন-বিদ্যালয়, আমাদের শিক্ষার যাহা কিছু অসংস্কৃত, অমার্জিত, বিকৃত, শূদ্রভাবাপন্ন,—হীন ও বিজাতীয়—সে সমস্তকে পরিষ্কৃত, মার্জিত, পবিত্র ও আমাদের শিক্ষাকে সম্পূর্ণ করিয়াছে। উভয় শিক্ষায়তন পরিপূরক-পরিপূর্য্য সম্বন্ধে আবদ্ধ। তাই আজ মনে হয় চিত্তে বাণীর আসনপদ্ম বিকাশের জন্ত দেশবন্ধুর জীবন-স্বার্থের কিরণ চাই—নতুবা মনোমুগ্ধাল কেবল মরালের পদভারেই মূল্ক হইয়া নীরতলেই মগ্ন রহিবে। সমগ্র বিনিয়োগ না জানিলে শরভারাক্রান্ত তুণ কেবল মেরুদণ্ডকে মূল্কই করিবে। এই বিনিয়োগ বিদ্যাশিক্ষার ক্ষেত্র চিত্তরঞ্জনের জীবন-বিদ্যালয়। “নায়মাত্মা প্রবচনেন লভ্যঃ ন মেধয়া ন বহুনা শ্রুতেন।” মেধা, বিদ্যাবুদ্ধি, বহুশ্রুত ও প্রবচনে লাভ কি, যদি আত্মশক্তি লাভই না ঘটে? আত্মা ত “বলহীনেন লভ্যঃ” নয়। চিত্তরঞ্জনের জীবন এই আত্মশক্তি লাভের ব্রহ্ম-বিদ্যাশ্রম। জাতীয় শিক্ষায়তন তিনি গড়িয়া যাইতে পারেন নাই—এ কথা স্থূল-দশারাই বলিবে। বিজ্ঞেরা জানেন তাঁহার জীবনই সেই শিক্ষায়তন। তাঁহার জীবনের ব্রতটিকে বিশ্লেষণ করিলেই এ উক্তির যথার্থ্য প্রমাণিত হইবে।

চিত্তরঞ্জন ছিলেন ত্যাগী, দানবীর। কিন্তু তাঁহার উৎসর্গে এমনি একটা বৈশিষ্ট্য আছে যে, এ বিষয়ে কাহারও সহিত তাঁহার তুলনা চলে না। তাঁহার উৎসর্গ-ধর্মকে বিশ্লেষণ করিলে আমরা লক্ষ্য করি :—

(১) তাঁহার যশোলোভ ছিল না, অপযশকেও তিনি ভয় করিতেন না। তাঁহার অধিকাংশ দানই গোপনে সম্পাদিত।

(২) পিতৃঋণ-ভার-মূল্ক-স্বন্ধে সংসারক্ষেত্রে প্রবেশ করেন—তিনি যাহা কিছু উপার্জন করিয়াছেন, তাহার সমস্তই তাঁহার স্বেপার্জিত।

(৩) এই আকর্ষ ভোগমগ্নতার যুগে তিনি সৌভাগ্যের সমস্ত লোভনাস্বাদন লাভ করিয়াও সর্বস্ব বর্জিত করেন।

(৪) ইয়োরাপীয় শিক্ষা দীক্ষা তাঁহার দান-ধর্মের প্রকৃতিকে পাশ্চাত্যভাবাপন্ন করে নাই।

(৫) দানে তিনি বে-হিসাবী ছিলেন, টাকার গুণিয় দান করিতেন না—দানের হিসাব রাখিতেন না—নিঃস্বন্দ হইয়াও দান করিতেন—ঋণ করিয়াও দান করিতেন। দানে মাত্রাজ্ঞান, পৌরুষাপর্যাবোধ বা যোগ্যযোগ্য বিচার কিছুই ছিল না।

(৬) প্রার্থীর প্রার্থনার আংশিক পূরণ করিয়াই তৃপ্ত হইতেন না।

(৭) জাতি-ধর্ম-বর্ণ-নির্কিংশে দান করিতেন।

(৮) বিনাসর্ত্তে বিনা বাধ্যবাধতায় দান করিতেন—গ্রহীতা কোনরূপে লজ্জা বা সঙ্কোচবোধ না করে সেদিকে তাঁহার দৃষ্টি ছিল।

(৯) উদারতার দ্বারা চরিত্র সংশোধনের উদ্দেশ্যে ও সংপ্রবৃত্তি উদ্বোধনের আশায় অতিবড় পাবণ্ডকেও আশ্রয় দান করিতেন।

(১০) সম্মানগণকে সমগ্র ঐশ্বর্য্য হইতে বঞ্চিত করিয়া গিয়াছেন। সম্মানবৎসল পিতার পক্ষে ইহা নিশ্চয় আত্মোৎসর্গ।

(১১) দান করিতে পাইলেই আনন্দ অমৃতভর করিতেন—দানান্তে স্বগায়ানন্দে হৃদয় ভরিয়া উঠিয় জীবনীশক্তি বর্দ্ধিত হইয়া যাইত।

(১২) কোন দৈবা-শক্তির প্রত্যাদেশে বা কো-

দৈবীশক্তি-সম্পন্ন নরদেবতার অনিবার্য প্রভাবেই তিনি সর্বস্ব ত্যাগ করেন নাই।

(১৩) দানের জন্ত তাঁহার কৃতজ্ঞতার দাবী ছিল না—অকৃতজ্ঞতার জন্ত কখনো আক্ষেপ করেন নাই—কে কি সাহায্য পাইয়াছে তাহা তাঁহার মনেও থাকিত না।

অর্থাৎ তিনি নিঃস্বল হইয়া ঋণ করিয়াও জাতিধর্ম নির্বিশেষে, বিনা সর্ভে, বিনা চুক্তিতে, বিনা যুক্তিতে, প্রতিদান, কৃতজ্ঞতা, যশ বা প্রতিষ্ঠার প্রত্যাশা না করিয়া, প্রাণপ্রিয় সম্বানকে ও পরিজনগণকে বঞ্চিত করিয়া, সম্পূর্ণ স্বোপার্জিত ধন নির্বিশেষে, প্রফুল্ল চিত্তে, লীলাচ্ছলে দান করিয়াছেন। স্বচ্ছাশোধ্য পিতৃঋণ পরিশোধে মহৎ জীবনের আরম্ভ, বিশ্বের ঋণ পরিশোধ করিতেই যেন তাঁহার জীবন। তাঁহার দান ও উৎসর্গ পাশ্চাত্যভাবাপন্ন ছিল না—দৈবীশক্তি বা গুরুমন্ত্রের প্রত্যাদেশে তাঁহার ত্যাগলিপ্সা জন্মে নাই। উদার প্রেমে মুক্তহস্তে তিনি আনন্দের সহিত বিত্তের বিনিময় করিয়া গিয়াছেন।

কেবল করুণায় বিগলিত হইয়াই তিনি দান করেন নাই। দয়ালু, প্রার্থীকে দান করেন বটে, কিন্তু নিজেকেও একেবারে বঞ্চিত করেন না। অপরের দুঃখ নিবৃত্তি অপেক্ষা আপনার অন্তরের কারুণ্যগত বেদনা-নিবৃত্তির দিকেই তাঁহাদের অধিকতর দৃষ্টি থাকে। সেই বেদনার গাঢ়তার অল্পপাতে দানেরও পরিমাণ নির্দিষ্ট হয়। দয়ালু হৃদয়ের সংসারযাত্রায় ইহা অবশ্য-করণীয় ব্যয়—মায়ামুক্ত মহাপুরুষের ইহা বিধিনির্দিষ্ট অর্থদণ্ড। দুঃখরাজের চরণে রাজভক্ত প্রজা এ রাজস্ব দিতে বাধ্য। এ দানের অন্তরাল অর্থের প্রতি মমতার অভাব নাই।

চিত্তরঞ্জন পুণ্য সঞ্চয়ের জন্তও দান করেন নাই। যাহারা পুণ্যালোভে দান করেন, তাঁহাদের ত্যাগও এক প্রকারের ভোগ—তবে এ ভোগ দেহের নয়,—আত্মার; এর পুরস্কার শুধু যশ নয়,—সরস পুণ্য। নিস্পৃহ চিত্তরঞ্জনের পুণ্যফলেও লোভ ছিল না। প্রকৃত বৈষ্ণবের মতই তিনি বলিতে পারিতেন—“ধর্মার্থকামমোক্ষ” কিছুই আমি চাহি না—আমি চাই “পুরুষার্থ-শিরোমণি প্রেম মহাধন।” চিত্তরঞ্জনের দানের লক্ষী ছিল করুণা—কিন্তু তাঁহার দানসত্ত্বের অল্পপূর্ণা ছিল অর্থে নিস্পৃহতা। দেশবন্ধুর এই অর্থে নিস্পৃহতা—আত্মপ্রসাদ, স্বর্গীয় সুখ-লালসা বা পুণ্যপিপাসা হইতেও

উচ্চতর সাধনাস্তরের প্রেরণা—করুণা হইতেও গরীয়সী। ভক্তমালের সনাতন,—“যে ধনে ধনী হইয়া মণিরেও মণি গণনা করেন নাই”, তাহারি ধানিক তিনি পাইয়াছিলেন। ইহা সেই তপোলভ্য নিকামতারই অভিব্যক্তি, যে নিকামতার সঙ্গে শকুন্তলাকে বিদায় দিবার সময়, মহর্ষি কথ বলিয়াছিলেন,—“জাতো মমায়ান্ বিশদঃ প্রকামং প্রত্যর্পিতস্তাস ইবাস্তরাশ্বা।” চিত্তরঞ্জন তাঁহার দানকে গচ্ছিত-ধন-প্রত্যর্পণ-স্বরূপ মনে করিতেন।

নিস্পৃহ চিত্তরঞ্জন শেষে বুঝিলেন—অর্থে মানবের চরম কল্যাণ সাধিত হইতে পারে না—উহা দানেরও যোগ্য নহে—আদানেরও যোগ্য নয়। কিন্তু উৎসর্গই ষাহার সংসারশ্রমের মূল বন্ধন, তিনি উৎসর্গ না করিয়া থাকিবেন কি করিয়া? তাই যাহা কিছু অসার তাহাকে দানের অযোগ্য ভাবিয়া যাত্রা কিছু মানব-জীবনের সার, পবিত্র ও অমর, তাহাই দান করিতে লাগিলেন। রঘু যখন বিশ্বজিৎ যজ্ঞে সর্বস্ব দক্ষিণা দান করিলেন, তখন নিঃস্ব রঘুর দ্বারে এলেন প্রার্থী হইয়া কোৎস। রাজপ্রাসাদে একখানিও তৈজসপত্র নাই, তাই যুৎপাত্রে রঘু অর্ঘ্য সাজাইয়া আনিলেন—সেই যুৎপাত্রের অর্ঘ্যই রঘুর সর্বশ্রেষ্ঠ দান।

নিঃস্ব দেশবন্ধু আত্মার দানসত্র খুলিলেন—তিনি দান করিলেন দেহমনের সকল সুখ—নিদ্রা-সুখ—অশন-সুখ—বসন-সুখ। উৎসর্গ করিলেন—নেত্র, শ্রুতি, রসনা, কণ্ঠ, অঞ্জলি, হৃদী বাহু—এক কথায় সমগ্র দেহ। সমর্পণ করিলেন, তাঁহার শক্তি-ভক্তি; ধ্যান-স্বপ্ন, চিন্তা-চেষ্টা, শিক্ষা-দীক্ষা, সমগ্র সত্তা—ইহ-জীবনের সর্বস্ব। বিরাট পুরুষের সবই বিরাট। এই বিরাট উৎসর্গেই চিত্ত-শিক্ষায়তন গঠিত।

ধর্ম-বিশ্বাসে তিনি ছিলেন আদর্শ হিন্দু—হিন্দুধর্মের অন্তরাত্মার শাশ্বত প্রকৃতিরই সন্ধান পাইয়া, তিনি তাঁহার নখচুল চর্ম বা খোলস লইয়াই ব্যস্ত ছিলেন না। তাঁহার মতে কয়েকটি আচার, অমুষ্ঠান, সংস্কার বা রীতিপদ্ধতিতেই ধর্ম পর্যাবসিত নহে। ব্রাহ্মধর্মের নীরস জায়শাস্ত্রও তাঁহাকে তৃপ্ত করে নাই। বহিরঙ্গের শুদ্ধি অপেক্ষা চিত্ত-শুদ্ধিকেই তিনি বড় মনে করিতেন। তিনি জানিতেন,—“ষো বৈ ভূমা তৎস্বং নাম্নে স্বধমন্তি।” সহস্র তুচ্ছতা ক্ষুদ্রতার

মধ্যে তিনি ভূমাধনের সন্ধান করিয়াছেন—ঠাঁহার কাব্যে ও জীবনে এই সন্ধানই মূলমন্ত্র । এই অমৃতধনের সন্ধান করিতে ঠাঁহাকে শুদ্ধাশুদ্ধি, উৎকর্ষাপকর্ষ বিচার না করিয়াই এমন অনেক ক্ষেত্রে যাইয়া পড়িতে হইয়াছে—যেখান হইতে ঋতস্বর সত্যরক্ষিত ব্যক্তি ছাড়া অল্প কাহারো উদ্ধার নাই ।

তিনি জানিতেন “রসো বৈ সঃ”—তাই রসবজ্জিত কোন উপাসনাই ঠাঁহাকে তৃপ্ত করে নাই । আদর্শ হিন্দু মনের হৃদয় মুমুকুতা ঠাঁহার সমস্ত সাধনাকে নিয়ন্ত্রিত করিয়াছে—এই মুমুকুতাই ঠাঁহাকে দেশের মুক্তির জন্ত অস্থির করিয়াছিল ।

সব ও রজোশুণের অপূর্ক মিলনে ঠাঁহার আদর্শ ভৌমকান্ত ধীরোদাত্ত জীবন গঠিত । একেবারে—

True to the kindred points of heaven and home.

শঙ্কগদায়, দীপক এবং মল্লারে ।

সন্ধ্যারাগে চন্দ্রিকাতেও রক্তজবা কল্লারে ।

অপূর্ক মিলন ঘটয়াছিল ঠাঁহার জীবনে । বিদ্যাসাগর, বঙ্কিমচন্দ্র ও বিবেকানন্দের আদর্শ বাঙালীর স্বপ্ন মূর্ত হইয়াছিল চিত্তরঞ্জন । জ্ঞান-কর্ম-ভক্তির অপূর্ক সংহতি— চিত্তবৃত্তির সর্কাস্তান পূর্ণোৎকর্ষ ঠাঁহাকে যুগাবতার— জাতীয় জীবন-গঠনের প্রজাপতি—জাতীয় যুগে একাধারে হোতা, উদগাতা ও ব্রহ্মা করিয়া তুলিয়াছে । পরস্পর-বিরোধী ভাব ও বৃত্তিনিচয়ের একরূপ অপরূপ সামঞ্জস্য এ যুগে অল্প কোন জীবনে দৃষ্ট হয় না ।

নিম্পৃহ চিত্তরঞ্জন নিজ ব্রতে, সাধনায় ও তপশ্রায় এমন তদগত ছিলেন যে, ঐহিকতার বা দৈহিকতার প্রতি ঠাঁহার কোন মমতাই ছিল না । জানিতেন,—“কর্মণ্যোবাধিকারস্ত মা ফলেষু কদাচন ।” তাই যোগক্ষেমের জন্ত চিন্তা করেন নাই—জানিতেন “যোগক্ষেমাং বহাম্যহং” যিনি বলিয়াছেন, তিনি সতত যোগযুক্তগণকে প্রবঞ্চনা করেন নাই ।

“স্বধর্ম্মে নিধনং শ্রেয়ঃ পরধর্ম্মোভয়াবহঃ” এই মন্ত্রের প্রকৃত মর্ম্ম তিনি বুঝিতেন । জাতীয় স্বাতন্ত্র্যবোধ ব্যতীত স্বধর্ম্ম পালন হইতে পারে না । সেজন্ত তিনি নিধনও বরণ করিয়াছেন, তবু পরধর্ম্মের সহিত সন্ধি করেন নাই । তাই

বলি, দেশবন্ধু যদি হিন্দু নহেন—তবে কি স্মার্ত রঘুনন্দন ষাঁহাদের উপাস্ত্র দেবতা, বল্লাল সেনই ষাঁহাদের চিত্তলোকে সত্রাট, ঠাঁহারাই প্রকৃত হিন্দু ?

তিনি ছিলেন প্রকৃত বৈষ্ণব—‘ভৃগাদপি সুনীচ, তয়োদি সচিষ্ণু, অমানিনে মানদ ।’ অহিংসায় রতি ছিল । না কীর্তনে মতি ছিল—বৈষ্ণবের ক্ষমা তিতিকা ঠাঁহার ছিল,—রঘুনাথের মত সর্কস্ব ত্যাগ করিয়াছিলেন । এই জন্ত কেবল ঠাঁহাকে প্রকৃত বৈষ্ণব বলিতেছি না । ঠাঁহা বৈষ্ণবতা কেবলমাত্র ভাবাবেশে, প্রেমাশ্রপাতে ও রসমগ্নতা পর্যাবসিত হয় নাই । শ্রামের মুরলীরব ঠাঁহাকে চক্ষ করিয়াছিল—এই চিরশ্রামবঙ্গদেশে তিনি সৌমাশ্রামে ভৌমরূপ দেখিয়াছিলেন—এই শ্রামদেশই শ্রাম বেশ ধরি ঠাঁহাকে আহ্বান করিয়াছিল । চণ্ডীদাসের রাধার মত তিনি অভিসারেই ছুটিয়াছেন—কলঙ্কের পশরা মাথায় লইয়া এই অভিসার-পথ শ্রাবণধারায় পিচ্ছিল, কণ্টকময়, তমসাচ্ছ অহিসঙ্কুল, কিস্ত অন্তলক্ষা, শ্রামগতপ্রাণ, আশ্রম মিলনাগ্রহ তাহাতে বিন্দুমাত্র বিচলিত হয় নাই । এই প্রেমের জন্ত আশ্রমবিলোপ—এই যে তদীয়তার মদীয়তা বিসর্জন,—এই যে অটকতব অহৈতুক স্ত্রীতি—ইহা দেশবন্ধুকে প্রকৃত বৈষ্ণব নামের যোগ্য করিয়াছে । এক দি বাঙালীর চিত্তই ব্রজভূমি গড়িয়াছিল, আজ আবা বাঙালীর ‘চিত্তই’ নবব্রজভূমি গড়িয়া গেল । চিত্তরঞ্জে ধর্ম্মজীবন গোড়বঙ্গে নবচৈতন্তচরিতামৃত । উহা চিত্তবিদ্যাপীঠের ধর্ম্মতত্ত্ব । চিত্তরঞ্জন ধর্ম্মকে কর্ম্মের মধ্যে জীবন্ত করিয়া জীবনের সাধনায় সম্পূর্ণাঙ্গ করিয়া যেমন ধর্ম্মগুরু, কাব্যের সহিত সাধনার যোগ সাধ করিয়া এবং স্বপ্নকে সত্য রূপ দান করিয়া তেমনি সাহিত্যগুরু ।

চিত্তরঞ্জন ছিলেন কবি, বঙ্গদেশের প্রাচীন ভক্ত কবিগণের নিকট ঠাঁহার রসদীক্ষা । স্বাভাবিক সহৃদয়ত ও সাধকতার প্রতি ঠাঁহার লক্ষ্য ছিল । সেজন্ত চাতুর্য্য অপেক্ষা মাধুর্য্যের প্রতিই ঠাঁহার অধিকতর লোভ ছিল । ঠাঁহা কাব্য ‘বিলাস কলাসুকুতুহল’ চরিতার্থ করিবে না । তিনি নুতন কোন ভাবধারা, রচনাভঙ্গী বা রসবিলাসের প্রবর্তক নহেন । কিন্তু তিনি ত শুধু কাব্যরচনা করেন নাই—তিনি নিজেই ছিলেন পরীরী কাব্য, মুক্তিমান ছন্দোমাধুর্য্য

ঐহার চিন্তা, চেষ্টা, স্বপ্ন, জাগরণ, হাশ্ব, দৃষ্টিগতি, ঐহার প্রতি রক্তকণা ছিল কবিভ্রময়। ছন্দে বলিতে গেলে বলিতে হয় :—

- ভক্তরসিক চিত্র তোমার সজীব চিত্র তারুণ্যে  
জীবন তোমার কাব্য-সরস রামায়ণের কারুণ্যে।  
অশ্রু প্রাবৃত কাব্য মরণ জিনেছে সে মেঘদূতেও,  
কায়মনোবাক্যে কশ্মে কবি অমর কবি মৃত্যুতেও।  
তোমার জীবন কাব্যখানি ভারতবাণীর কণ্ঠহার,  
স্বর্গারোহণ সর্গটি তার অস্ত্রে চরম চমৎকার।

এ যে সজোজাগ্রতদের জীবন-উষার নবীন বেদ

- মুক্তি বোধন সূক্তে ভরা এর প্রতি ভাগ পরিচ্ছেদ।  
জীবনে যাহা অভিব্যক্ত হইয়াছে—রচনায় যাহা পরিষ্কৃত  
হইয়াছে, তাহা যদি সামান্যই হয়—তিনি জীবনে যে সৃষ্টির  
প্রেরণা দিয়াছেন তাহা অসামান্য। মরণেও তিনি  
বঙ্গভারতীর ভাণ্ডারকে অশ্রুমৌক্তিকে পূর্ণ করিয়া গিয়াছেন।  
প্রাচীন উদয়ন কথার ত্রায় ঐহার কথা যুগে যুগে নবনব  
কাব্যের জন্ম দান করিবে।

জীবনের সমগ্র লীলা ও স্বপ্ন বৈচিত্র্যকে একত্র করিয়া  
বিচার করিলে ঐহার ত্রায় শ্রেষ্ঠ কবি জগতেও দুর্লভ।  
তিনি কবিভ্রের অভিনয় করিতে জন্মান নাই। যে ধ্যানমগ্ন,  
ভাবমগ্ন মুহূর্ত্তগুলি কবি-জীবনে মাঝে মাঝে প্রবুদ্ধ হয় মাত্র,  
সেই মুহূর্ত্তগুলি নিরন্ধ্র নিরস্তুরাল ভাবে ঘনাত্ম হইয়া  
ঐহার আয়ুষ্কাল রচনা করিয়াছে। তিনি ছিলেন কাব্য-  
সরসতার বহিষ্চর রূপময় মূর্ত্তি। তাই ঐহার জীবন মরণের  
অপূর্ন মহাকাব্য 'চিত্তবিদ্যাপীঠের' অধিতব্য করিয়া রাখিয়া  
গিয়াছেন।

নদী যেমন এক কূল ভাঙে অথ কূল গড়ে—তিনিও  
তেমনি রাষ্ট্রনীতির এক দিক ভাঙিয়া অথ দিক গড়িয়াছেন।  
স্বরাজ প্রাপ্তির বাধাগুলিকে যেমন একহাতে ভাঙিতে  
চাহিয়াছেন—অন্যহাতে তেমনি ঐ স্বরাজলাভের উপযুক্ত  
জীবন ও মন গড়িয়া গিয়াছেন। সংবাদপত্রে, প্রবন্ধে,  
বক্তৃতায়, নির্বাচন-ছন্দে, উপদেশে, আদেশে, অমুরোধে,  
সেবারত্রে, নেতৃত্বে, চুক্তিতে, নানা ভাবে নানা রূপে ঐহার  
সৃজনশক্তি জাতীয় জীবন গঠনে সহায়তা করিয়াছে।

চিত্তরঞ্জনই প্রথম জাতীয় আন্দোলনের নগর-সঙ্কীর্ণনকে  
নগর ছাড়িয়া পল্লীর পথে পথে লইয়া যান মৃদঙ্গ-নির্নাদে

সবার সৃষ্টি ভাঙাইয়া। সরকারের ছয়ারে সারাদিন কড়া  
না নাড়িয়া তিনি মাটির খাঁটা মালিকদের দ্বারে দ্বারেই  
করাঘাত করিয়াছেন। নগরের সহিত পল্লীর নুতন করিয়া  
যোগসূত্র বাধিয়া দিয়াছেন। বাঙলা দেশ নগর-সর্বস্ব  
নহে, উহা পল্লীসংহতি—এ কথা তিনি বুঝিয়াছিলেন। সেজন্য  
ঐহার রাজনীতি-চর্চা বিলাতীর অমুকরণ মাত্র নহে—উহা  
বাঙালীর নিজস্ব প্রজানীতি চর্চা।

আগেকার দেশপ্ৰীতি জাতীয় জীবনের অঙ্গীভূত ছিল  
না—কঠোর ব্রতে উহা সত্য-রূপও ধরে নাই। উহা ছিল  
বাক্-সর্বস্ব, নানা ভঙ্গীর অভিনয় মাত্র,—রসনা ও লেখনীর  
বিলাস, অবসর-কাল বিনোদের জন্ত শুধু যুক্তির খেলা, যশ  
উপার্জনের প্রক্রিয়া এবং তর্কশাস্ত্র ও সাহিত্যলঙ্কারের অঙ্গ  
স্বরূপ। দেশবন্ধু দেশপ্ৰীতির বাস্তব রূপকে প্রথম চিন্ময় রূপ  
দিলেন,—যাহা বিলাসমাত্র ছিল তাহাকে কুধাতৃষ্ণার মত  
স্বাভাবিক জীবন-ধর্ম করিয়া তুলিলেন। খেলাকে কশ্মের  
ঘশ্মে গলাইয়া দিলেন। যশ অর্জনের প্রয়াসকে অযশ সছ  
করিবার ক্ষমতায় পরিণত করিলেন—আর যাহা ছিল  
সাহিত্যের অলঙ্কার তাহা হইল কারার শৃঙ্খল। আর  
যাহারা দেশপ্ৰীতির অভিনয় করিয়া করতালির সাধুবাদ  
লাভ করিত—তাহাদের কাহারো দাড়ী, কাহারো পরচুলা,  
কাহারো জটা, কাহারো রাজবেশ ধরিয়া টান দিয়া তাহাদের  
কদম্বা রঙমাখা সঙসাজা, তৃষ্ণারজনক মূর্ত্তি প্রকাশ করিয়া  
দিলেন। সব ভূয়ো ভণ্ডামি ফাঁকী ঝুঁটো জাল যেখানে যা  
ছিল, ধরা পড়িয়া গেল।

এক হিসাবে পূর্বের আন্দোলনকে রাজনীতি বলা যাইতে  
পারে ; কারণ উহা রাজার দ্বারাই নীত হইত। রাজাই ছিলেন  
সে সকলের প্রবর্ত্তক—প্রজার অস্তর হইতে উহা উঠিত না।  
সরকারের বেত্রাঘাত অথবা বিলাতী কাগজের লেখনীর  
আঘাতে উহার জন্ম হইত। বাংলা বিভাগ হইতে  
জালিয়ানাভাগ পর্য্যন্ত একই প্রথা। এ আন্দোলন তত দিনই  
চলিত, যত দিন না সরকার পিঠে হাত বুলাইয়া দিতেন ;  
অথবা যত দিন না রসনা ক্লাস্ত হইয়া পড়িত। বাহিরের  
উত্তেজনার অপেক্ষা না করিয়া অস্তর হইতে মনুষ্যত্বের সর্বস্বাধীন  
অধিকার লাভের জন্ত যে আন্দোলন—দেশবন্ধুই তাহার প্রথম  
প্রবর্ত্তন করিয়াছেন। এ আন্দোলন সাময়িক নহে, ইহা  
জাতীয় জীবনের চিরসহচর। প্রকৃত দেশাত্মবোধের প্রেরণায়

মুক্তির আকাঙ্ক্ষার জাতীয় স্বাভাবিকবোধের উদ্দীপনায় যে আন্দোলন, তাহা আত্মার প্রতি মুহূর্তের সাধনা—তাহা জীবনের তপস্যা—তাহাতে বিশ্রাম নাই—ক্রমভঙ্গ নাই—সঙ্কীর্ণ নাই—সর্ব নাই। চিত্তরঞ্জনের দেশাত্মবোধের সাধনা মানবতার সম্পূর্ণ মর্যাদা লাভের জন্ত তপস্যা, দাস জীবনের সুবিধা ও স্বাচ্ছন্দ্যবুদ্ধির জন্ত সাময়িক আন্দোলন মাত্র নহে। যিনি শয়নে স্বপনে আহারে বিহারে সর্বদাই অঙ্গে শৃঙ্খলভার অনুভব করিতেন, তাঁহার সাধনাকে রাজনীতিক আন্দোলন মাত্র বলিলে মানবাত্মার দৈবী প্রেরণারই অমর্যাদা করা হইবে। তিনি জানিতেন ভিক্ষায়, শাঠ্যে বা ভয় প্রদর্শনে ঐহিক ঋদ্ধির বৃদ্ধি হইতে পারে, স্বরাজসিদ্ধি মিলিবে না।

তিনি জানিতেন, “স্বরাজ শুরু আত্মা হতেই আত্মাতে; তাই শক্তি চাই, মসীর বলে অসির বলে পেশীর বলে মুক্তি নাই।” তাই তিনি স্বরাজ চাহিয়াছেন স্বজাতিরই কাছে। তিনি স্বরাজ ভিক্ষা করিয়াছেন দেশের লোকের কাছে। পররাজ হাতে তুলিয়া স্বরাজ দিতে পারে না—স্বরাজ দেশের লোকের মনেই জগাবস্থায় রহিয়াছে। দেশের লোক সমবেত শক্তি দিয়া ত্যাগ ও সংঘের সাহায্যে তাহাকে পরিপুষ্ট ও সম্পূর্ণ করিয়া তুলুক—ইহাই দেশের কাছে ভিক্ষা। সরকারের কাছে প্রার্থনা,—তাঁহারা যেন আসন্ন-জন্মা জাতককে কংস বা হেরোদের চক্ষে না দেখেন।

কেহ কেহ বলেন—চিত্তরঞ্জনের স্বরাজ সাধনার পথটি ঠিক নহে। কিন্তু স্বয়ং ভগবান না বলিয়া দিলে কোনটি ঠিক পথ তাহা ধরা যে কঠিন তাহা কেহই ভাবিয়া দেখে না। ঠিক পথটি কি জানিতে হইলে বেঠিক পথগুলি কি তাহাও জানিবার প্রয়োজন আছে। বেঠিক পথের সংখ্যা পরীক্ষার দ্বারা যত কমিয়া আসিবে, ঠিক পথের সন্ধান ততই নিকটবর্তী হইবে। ইহাকেই বলে ‘তৎ—ন’ ‘তৎ—ন’ সন্ধান। তৎ—ন, তৎ—ন, নেতি—নেতি করিতে করিতেই ‘তদন্ত্রে’ পৌছান যাইবে। দেবতার প্রত্যাদেশ না পাইলে এই প্রথা ছাড়া গত্যন্তর কি? সে যত ভুলই করুক ‘টিকিমুণ্ডে চড়িয়া’ তার যত ভুলই করুক, মৃগাদ্রব্য সেই একদিন পাইবে যে মৃগয়ার বাহির হইয়াছে। “ন রত্নমন্নিষ্যতি মৃগ্যতে হি তৎ”। ইহা ছাড়া স্বরাজলাভের পথটি তাঁহার ভুল হইতে পারে, কিন্তু স্বরাজলাভের হৃদম আকাঙ্ক্ষায় ও মুক্তির জন্ত সর্বস্বত্যাগাত্মিক তপস্যায় ত আর ভুল নাই।

মুক্তিকে যাহারা তপস্যালভ্যা মনে করেন, তাঁহারা এই তপস্যাকে নিফল মনে করিতে পারেন না। প্রাণের যে ব্যাকুলতম মুমুকুতা—দেশবন্ধু দেশের চিন্তে জাগাইয়া দিয়াছেন—তাহা ত ভ্রান্ত নহে—অসত্য নহে—স্বপ্ন বা মতিভ্রম নহে এবং ইহা ব্যর্থ হইবারও নয়। তাঁহার চেষ্টায়, চিন্তায় ও কার্যপ্রণালীতে যতই ভ্রান্তি থাকুক, তিনি সাধনার মন্ত্র দিয়াছেন ও দৌন্দিত্যগণের অনুসরণীয় করিয়া গিয়াছেন,—পথিকগণকে উৎসাহ দীপনা ও অমুপ্রাণনার সহিত যথেষ্ট পাথের দিয়া গিয়াছেন—প্রত্যাসন্ন স্বরাজের ভার বহন করিবার যোগ্য শক্তি তিনি বাহুতে বাহুতে সঞ্চারিত করিয়া গিয়াছেন।

শত্রুপক্ষ জিজ্ঞাসা করে, তাঁর আন্দোলনে কি লাভ হইয়াছে? দেশবন্ধুকে পরাজিত করিবার জন্ত রাজপুরুষ-গণের উৎকর্ষা ও প্রাণপণ চেষ্টা, বিদেশী সংবাদপত্রের অস্বাভাবিক উত্তেজনা ও দেশের লোকের অপূর্ব জয়োল্লাস হইতে বোঝা উচিত—কি লাভ হইয়াছে দেশবন্ধুর বিজয়ে। কিন্তু চিত্তের সাধনার ফল চিত্তলোকেই খুঁজিতে হইবে। বাঙালীর চিন্তে আত্মবল, আত্মপ্রত্যয়, নির্ভীকতা ও আত্মস্বাভাবিক বোধ ও মুক্তির আকাঙ্ক্ষা কি বাড়িয়া যায় নাই? শূদ্রভাব, জড়তা, অবিশ্বাস, গতানুগতিকতা, অমূলক সঙ্কোচ ও ভয় কি অনেকটা দূর হয় নাই? বাঙালী বাক্য অপেক্ষা কর্মকে বড় মনে করিতে, ঐক্য ও সংহতির মূল্য বুঝিতে, ব্রতের জন্ত আত্মোৎসর্গ করিতে, আদর্শের জন্ত স্বার্থবলি দিতে—রাজপ্রসাদের প্রলোভন জয় করিতে—সংঘের ইচ্ছার শাসনে আপনার ব্যক্তিগত ইচ্ছাকে বশীভূত করিতে—সত্যের জন্ত পারিবারিক জীবনকে পর্যাস্ত বিপন্ন করিতে—আপনাদের জাতীয় অধিকার ও মনুষ্যত্বের দাবী বুঝিতে ও সাম্প্রদায়িক শৃঙ্খলার মূল্য বুঝিতে শিখিয়াছে। বাঙালী যাহা পাইয়াছে তাহা তাহার ওজঃ তেজঃ রস ও রক্তে, জীবনের অঙ্গীভূত হইয়া গিয়াছে—পৃথক করিয়া তাহা দেখান যায় না।

স্বরাজ মিলে নাই বটে,—কিন্তু দেশবন্ধু স্বরাজের পথে আমাদের মনকে অনেকটা আগাইয়া দিয়াছেন। যদি কখনো স্বরাজের সরোজ ফুটে, তবে তাহা অনন্তশয়নে শায়িত চিত্তরঞ্জনের নাভিমূণ্ডেই ফুটিবে।

চিত্তরঞ্জন চিত্তলোকের সম্রাট হইলেন কিসে? কেবল



কি ত্যাগ বলে ? তাঁহার অদ্বিতীয় ধীশক্তি, ভূয়োদর্শন, নেতৃত্ব করিবার ও সম্প্রদায় গঠন-পরিচালন করিবার ক্ষমতা, বাক্পটুতা ও যুক্তিপরিপূর্ণতা, অসাম্প্রদায়িক উদারতা, অক্ষুণ্ণ সত্যনিষ্ঠা, তেজস্বিতা, ওজস্বিতা ও মনস্বিতা, সংযম, ক্ষমা, তিতিক্ষা, ধৈর্য্য, হৃৎখ বিপদে অবিচলতা, অধাবসায় সবই তাঁহার অসাধারণ ছিল। প্রভুত্ব তাঁর লোভ ছিল না—তাই প্রভুত্ব তাঁহাকে গুণযুক্ত হইয়া বরণ করিয়াছিল। তিনি যে হাল একবার ধরিতেন—তুমুল তুফানেও তাহা ছাড়িতেন না। তিনি ছিলেন সবার পথের সার্থী—রথের রথী হইয়া নেতৃত্ব করেন নাই। বাতায়নে বসিয়া তিনি আদেশ দিতেন নী—সকল অভিযানে তিনি থাকিতেন সবার আগে—প্রথম আঘাত লইতেন নিজে বুক পাতিয়া। তিনি “জাতির হরকের হারপরা,” খেতাবের তাজপরা প্রতিনিধি ছিলেন না,—লোহার শিকলপরা, কাঁটার মুকুট পরা ধর্মগুরু ছিলেন। Chillon কারাগারকে Bounivard যেমন তাঁর্থে পরিণত করিয়া ছিলেন,—দেবত্রত যেমন ধাবরের প্রাঙ্গণকে পুণ্যক্ষেত্র করিয়াছিলেন—তেমনি তিনি কারার নরকে স্বর্গ করিয়া গিয়াছেন। একমাত্র প্রাণপ্রিয় পুত্রকেও কারাচণ্ডীর পাষাণবেদীতে অর্পণ করিয়া গিয়াছেন। চিরকলুষ-কলঙ্কিত হৃৎকতিপুঞ্জের আশ্রয়ভূমি কারা যেন পতিতপাবনের চরণ স্পর্শে শতযুগের পুঞ্জীভূত পাপ হইতে কিছুদিনের জন্ত মুক্ত হইল। শাক্যসিংহের সহিত বঙ্গ বিনিময় করিয়া পশুবধ-কিনাঙ্কিত-হৃদয় কিরাত যেন দিব্যবিভূতি লাভ করিল।

সুভদ্রার সারথ্যে একবার পার্থ জয়ী হইয়াছিলেন। বাসন্তীদেবী অভিমত-জননী ঞায়ই এই নবীন পার্থকে সহায়তা করিয়াছিলেন ; তিনি স্বামীর কেবল মাত্র সহধর্মিণী ছিলেন না—মৈত্রেশ্বরী ঞায় সহধর্মিণী, সহকর্মিণী ও সহ-মর্মিণী ছিলেন। দেশবন্ধুর দিগ্বিজয় আপন সংসার হইতেই শুরু হইয়াছিল।

‘ভোগবতীর’ কূলে বলিরাজের আধিপত্য ত্যাগ করিয়া

তাঁহার বৈতরণীর কূলে নুতন সিংহাসনের জন্ত প্রচ্ছন্ন লোভও ছিল না। এইরূপ অসংখ্য কারণে চিত্তরঞ্জন জনচিত্তেশ্বর হইয়াছিলেন। জনমতের বক্রিণ পুতুল সহজে তাঁহাকে সিংহাসনে বসিতে দেয় নাই। জনসংঘ মতামত সম্বন্ধে বড়ই চঞ্চলমতি ও অবিবেচক এ অপবাদ, এ পরিবাদ প্রবাদের রূপ ধারণ করিয়াছে। কিন্তু জনসংঘ যখন বছবার প্রবঞ্চিত হইয়া অভিজ্ঞতা লাভ করিয়া আপনাদের ভাগ্যকে —আপনাদের হৃদয়-মনকে নিঃসংশয়ে, নিঃসঙ্কোচে একজনের হস্তে সমর্পণ করে, তখন সে অশেষবিধ পরীক্ষা করিয়াই লয়। তাহাদের মহত্ব-বোধের আদর্শের চরম সীমায় কোন মহাপুরুষ আসন পাতিয়া বসিলে, তাঁর সমক্ষে তাহাদের অবনত হইয়া পড়া ছাড়া গত্যন্তর নাই। সে মহাপুরুষের নিদেশমত সর্বক্ষেত্রে চলিবার সাহস ও শক্তি তাহাদের না থাকিতে পারে, তবু তাহাদের চিত্তে ভক্তির গভীরতা আদর্শের তুঙ্গতার সমানুপাতেই জন্মিবে। অক্ষম যাহারা তাহারা শক্তির অভাবের জন্ত আপনাদিগকেই ধিক্কার দিবে ; কিন্তু পৃষ্ঠা করিতে ছাড়িবে না। বাংলার জনমণ্ডলী চিত্তরঞ্জনকে স্বার্থের প্রেরণায় নেতৃত্ব দেয় নাই—প্রেমের প্রেরণায় বন্ধ বলিয়া, ভক্তির প্রেরণায় গুরু বলিয়া বরণ করিয়াছিল। ধর্মগুরু যে ভাবে অসংখ্য ভক্ত ও শিষ্য লাভ করেন, দেশবন্ধুও সেইভাবে অসংখ্য মনের নায়ক লাভ করিয়াছেন।

বিশ্বোদ্ভাসক সূর্যালোক জীব-মাংসপিণ্ডে নয়নের উদ্বেদন করিয়াছে—মহাসমুদ্রের গর্জন সেই পিষ্ট পিণ্ডে ক্রতির বিকাশ সাধন করিয়াছে—দেশবন্ধু বিরাট উৎসর্জন—তাঁহার মহাতপস্তার দীপ্তিই কি ব্যর্থ হইতে পারে ?

এই জাতি যতই জড় অসাড় হউক—বহুযুগের অন্ধকূপের পঙ্কচিমে জ্ঞানগোচর যতই বিলুপ্ত হোক—উদ্ধোধকের ছনিবার শক্তির প্রভাবে সে জাগ্রত হইবেই—শ্মশানেও যাহা জীবন জাগায়—পাষণেও যাহা চৈতন্য জাগায়, জীবদেহেই কি তাহার প্রভাব পরাস্ত হইবে ?

## কোষ্ঠীর ফলাফল

শ্রীকেদারনাথ বন্দ্যোপাধ্যায়

৫১

ধর্মশালায় উপস্থিত হইলাম। মাতুলের বর্ণনাটাকে মূর্ত-রূপে সম্মুখে পাইয়া, বিস্মিত ভাবে ঘরের বাহিরে থামিয়া পড়িলাম। সকালের সেই যুবকদ্বয় বেদানা ছাড়াইতেছিল। বাবুটি আমার দিকে চাহিয়া যেন সঙ্কোচ-চঞ্চল হইয়া পড়িলেন।

“সঙ্কোচের কোন কারণ নাই—আমি আপনার মত একজন” বলিয়া, ঘরে ঢুকিয়া পড়িলাম।

“আমি বড় দুর্বল, সহসা দাঁড়িয়ে উঠতে পারি না” বলিতে বলিতে বাবুটি দুই হাত তুলিয়া নমস্কার করিলেন ও বসিতে দিবার একটা-কিছুর জন্ত—ঘরের এদিক ওদিক চাহিতেই, আমি তাঁর শয্যায় বসিয়া পড়িলাম।

মুখে একটু হাসির রেখা টানিয়া তিনি বলিলেন—  
“দেখুন দিকি—এঁরা আমাকে গাছতলা থেকে তুলে এনে বেদানা খাওয়াবার তরে বাস্তব;—আমি কি করে মুখে তুলবো! আমার তরে এ ঐশ্বর্যের আয়োজন ক’রবেন না,—আমার”—এই পর্য্যন্ত বলিয়াই সহসা তাঁহার মুখ বিবর্ণ হইয়া গেল। নত নমনে বুকে হাত বুলাইতে লাগিলেন।

বুলিলাম—কোনো গোপন স্থানে তাড়া আঘাত করিতেছে।  
বলিলাম—“আপনাকে দেখে কে না বুঝবে আপনি পীড়িত; শুটা এখন তো ঐশ্বর্য্য নয়—আপনার ঐশ্বর্য্য। ওর সঙ্গে এখন তো জন্ত কোনো ভাব মিশতেই পারে না। ঐশ্বর্য্য হলে কি মৃৎপাত্র উপস্থিত হ’ত,—ও যে ওর সব অহঙ্কার ছেড়ে—মাগের বুক থেকে স্নেহ-সরস হয়ে আসছে।”

তিনি মিনিট খানেক অবাক হয়ে আমার মুখের ওপর চেয়ে থেকে, শেষ একটি নিশ্বাস ফেলে যেন আবিষ্ট ভাবে বললেন—“দয়াময় তাঁর কৃপার মধ্য দিয়ে ধীরে ধীরে আমাকে নিয়ে চলেছেন। রোগ না হলে কত বড় অভাগ্য নিয়েই আমাকে যেতে হ’ত!—কমা করবেন,—আপনি কে?”

“আমি একজন অতি সাধারণ লোক,—অন্ন কয়েক

দিনের জন্ত এখানে এসেছি। জয়হরির কাছে আপনার অন্তরের কথা শুনে দেখতে এলাম।”

আবার তিনি আমার মুখে একদৃষ্টে চেয়ে সিক্ত কণ্ঠে বললেন—“আমাকে দেখতে এসেছেন! পথের জিনিস ছিলাম,—ঘর পেয়ে,—জদয় পেয়ে—আজ আবার বাঁচতে ইচ্ছা হয়!” এই বলে একটা হতাশের নিশ্বাস ফেলে ধীরে ধীরে বুকে হাত ঘষতে লাগলেন,—যেন যন্ত্রণা বোধ করছেন।

বলিলাম—“এত হতাশ হচ্ছেন কেন”,—আপনি সত্বরই ভাল হয়ে উঠবেন। আজ আর বেশী কথা কয়ে কাজ নেই,—একটু বিশ্রাম করুন।”

তিনি একটু সামলে বললেন—“এখন আমি ভাল আছি, এই সময় যতটুকু পারি বলি। আপনারা আমার শেখ সহায়—আপনাদের আর কবে পাব’!”

তিনি বাধার অবকাশ না দিয়া বলিয়া চলিলেন,—“প্রায় তিন বৎসর আমি ভয়ানক অজীর্ণে দিন দিন জীর্ণ হচ্ছিলাম। এখানে আসার তৃতীয় দিনেই আমি নিজেই রোগমুক্ত অনুভব করলাম। অতবড় অজীর্ণ—যা আমাকে প্রতিনিয়ত ক্ষয় করে’ এই অবস্থায় এনেছে, তা যে কোন্ অলৌকিক শক্তি-সংঘাতে সরে গেল, বলতে পারি না! পাণ্ডাজি—যিনি আমাকে আশ্রয় দিয়েছিলেন, তাঁকে আমি বারবার বলেছিলাম,—“আমি একেবারেই নিঃশ্ব, বাবার মন্দিরে পড়ে থাকতে এসেছি।”—বলা সত্ত্বেও তিনি আমাকে স্থান দেন; আর আমার রুগ্নাবস্থায় যা আহার ছিল—এক পয়সার সাবু আর এক পয়সার মিছরি, জলে সিক্ত করে ছইবারে খাওয়া—তাও তিনি দেন। এখন জানছি—তিনি আমার কথা বিশ্বাস করেন নি। আমি যে আশাধীন নিঃশ্ব তা বুঝতে পারেন নি;—আমার যে ভবিষ্যৎও নেই তা তিনি কি করে বুঝবেন! ভেবেছিলেন—পত্র লিখে টাকা

আনিয়ে নেবে,—তীর্থের ঋণ কোনো বাঙ্গালী ভদ্রলোক রাখেন না। যাক্—পূর্বে জল সাবুও আমার হজম হচ্ছিল না, ক্ষুধা একেবারেই ছিল না। এখানে আসার পর ক্লেশমুক্তি আর তার সঙ্গে সঙ্গে প্রবল ক্ষুধা—আমার মস্ত বিপদ হয়ে দেখা দিলে। আমি ক্ষুধার জ্বালায় অত্যন্ত কাতর হ'তে লাগলুম,—পাথর খেলেও বোধ করি হজম হ'ত! কিন্তু সেই এক পয়সার সাবু খেয়েই থাকতে লাগলুম। আমি নিজেকে এতা জানি—আমি কপর্দকশূণ্ড নিক্রপায়,—যা পাচ্ছি তা আমার ভিক্ষায়। নিঃস্বের ক্ষুধা যে উপদ্রবেরই নামান্তর! আমি ক্ষুধার কথা কি করে বলবো,—কা'কে বলবো, আমার কোন্ অধিকার আছে! কি করি—ক্ষুধার তীর জ্বালায় তিন দিন ছটফট করেছি,—নিকটে একটা নদী নাই যে অঞ্জলি পুরে আকণ্ঠ জল খাই।

“একটা কুকুর সেই গলিতে ঘুবে বেড়ায়,—আমার মত ককাল ব'য়ে। যাত্রীদের খাওয়াবশিষ্ট সামনে পড়লেও খেতে পার না,—সে যে রুগ্ন, দুর্বল! ক্ষুধার জ্বালায় সে ছুটে যায় কিন্তু অল্প কুকুর দেখলে এগুতে পারে না! তার সামর্থ্যের সঙ্গে যাবার দাবীও সে হারিয়েছে! তখন সে হতাশ বিষন্ন মুখে কৃষ্ণাতলায় গিয়ে কাদাজল খেয়ে, আমারি দেলের পাশে এসে শুয়ে পড়ে। সে রূপও হারিয়েছে—কেউ তার দিকে চেয়েও দেখে না। এমনি করেই কি মারতে হয় প্রভু!

“চতুর্থ দিনের বৈকাল পর্য্যন্ত সে-ই আমার মনটাকে দখল করে—অনমনস্ক করে রাখলে। কিন্তু আর তো পারি না! প্রাণ বলে উঠলো—“বাবা তিন চারখানা দেলের পরেই তুমি রয়েছ, এই দেল ক'খানা কি তোমারো দৃষ্টির অন্তরায় হ'ল! তবে আর কে দেখবে! আমি—পেলে খাই, ও যে পেয়েও খেতে পাচ্ছে না ঠাকুর!”

“সামনের বট-গাছটার ছ'তিনটে চিলের বাস ছিল,—বাচ্ছা হয়েছিল। তাদের মায়েরা এক একবার এসে বাচ্ছাদের কিছু খাইয়ে যাচ্ছে,—দেখতে লাগলুম। মনে হল,—আজ চারদিন ক্ষুধায় মরছি—মা তুমি কোথায়! আকাশের দিকে চাইলুম। শূন্য হ'তে একটা চিলের পা' থেকে একটা কি খসে—কুকুরটির মুখের কাছে পড়লো। চেয়ে দেখি—ছ'খানা লুচি! নিমেষে চারদিক দেখে নিয়ে সে তাড়াতাড়ি খেতে লাগলো। ঠিক অনুভব

করতে লাগলুম—যেন আমিই খাচ্ছি! ভারি তৃপ্তি বোধ হচ্ছিল। এখন আর তো আমি মানুষ নই,—আমি তার মতই ক্ষুধা-পীড়িত প্রাণী। আমার কাছে আর তফাৎ ছিল না,—শেষ পর্য্যন্ত যেন না থাকে। এই মানুষের খোলটাই আমাকে অভিমান দিয়ে বড় কষ্ট দিয়েছে, বড় বঞ্চনা করেছে। ভদ্র মধ্যবিত্তের মত দুঃখী আর সহিষ্ণু ছনিয়ায় নেই,—তার বেশ, তার শিক্ষা, তার ব্যবহার—তার সত্যকে চেপে মেরেছে। এই আবরণ সে আমরণ বহন ক'রে আত্মসম্মানের দাসত্ব ক'রে চলেছে—তার কাছে সে জোড়হাত। সে আত্মমর্গ্যাদার মুখচেয়ে মৃত্যু স্বীকার করে,—সত্যের মর্গ্যাদা রাখতে পারে না।

“তখন ঘুমের আমার বড় দরকার, তাহ'লে ক্ষুধার জ্বালাকে কিছুক্ষণ ফাঁকি দিতে পারি—কিন্তু তা হয় না। সন্ধ্যা হয়ে এসেছিল, তাবলুম এই তৃপ্তিটা নিয়ে শুয়ে পড়িগে—ঘুম আসতে পারে। বরে ঢুকতে গিয়ে মাথা ঘুরে পড়ে যাচ্ছিলুম; পেছন থেকে কে আমার হাত ধরে ধীরে ধীরে সামলে গুইয়ে দিলে। চেয়ে দেখি স্ত্রীলোক,—এদের বাড়ী ছধ দেয়,—আমার দিকে বিষন্ন-করণ দৃষ্টিতে চেয়ে আছে। বললে ‘তোমার শরীরে যে কিছু নেই! তোমার হাতটা ধরতে আমার মনে হ'ল এ কি মানুষের হাত! বড় ভয়ও হ'ল। তুমি ছধ খাও না কেন! তোমাকে ছধ খেতে হবে।’ আমার মস্তে যেন মায়ের কথার সাড়া এল,—আমার চোখের সামনে মাতৃমূর্তি দেখলুম—আমাকে ছধ খেতে আদেশ করছেন। কোথায় গেল আত্মাভিমান! সত্য সহজেই বুক ছেড়ে মুখে বেরিয়ে এল—“মা, ছধ আমি কোথায় পাব,—আমার ত পয়সা নেই!” এই বলার সঙ্গে সঙ্গেই এতদিনের আত্মাভিমানের মড়চে-ধরা ধর্ম্মটা খস করে খসে পড়ে গেল—আমি যেন তার দস্ত-কর্কশ ধ্বনিটা পর্য্যন্ত শুনতে পেলুম।

“তিনি কেবল বললেন (ক্ষমা ক'রবেন, আমি তাঁকে তিনিই ব'লব) “আমার ছেলেরা ছধ খেয়ে যা বাঁচে তাই আমি বেচি। এখন একটু খাও—খেতে হবে।” এই বলে আমাকে আধসের-টাক্ ছধ খাইয়ে বললেন “আমি এই সময় বোজ খাইয়ে যাব।” তিনিই আমাকে এত দিন বাঁচিয়ে রেখেছেন। কিন্তু আমার ক্ষুধার পক্ষে তা কিছুই নয়—ক্ষুধা ছিল তার সাতশুণ। ছবেলা ছটি ভাত পাবার তরে

ছটফট করেছি। গত দু'দিন থেকে prostration এসেছে। আর দাঁড়াতে বসতে পারছি না। আমার বোধ হয়—”

জয়হরি ঘরের বাহিরে দাঁড়াইয়া চোখ মুছিতেছিল—সহসা দ্রুত ঘরে ঢুকিয়া বেদানার খুরিখানা লইয়া “আগে এই কটা খেয়ে ফেলুন তো” বলিয়া নিজে হাতে করিয়া তাহার মুখে দিতে লাগিল। “সবগুলো খাওয়া চাই” বলিয়া একটি ছোকরার হাতে খুরীখানা দিয়া আবার দ্রুত বাহির হইয়া গেল।

“যদি আঠার দিন আগে এই ভাইটি দিতেন!” বলিয়া একটি দীর্ঘনিঃশ্বাস ফেলিলেন। পরে বলিলেন “ঔর কথা রক্ষা না করলে আমার ওপারেও রক্ষা নাই। আমি এখন সব স্পষ্ট বুঝতে পারছি। সকালে গাছতলায় অসহায় প্রাণটা যখন ‘গেলুম গো’ করে উঠেছিল, ঠিক সেই মুহূর্তে ওই ভাইটির প্রাণও “গেলুম গো” বলে প্রতিধ্বনি পাঠিয়েছিল।”

বলিলাম “আপনাকে বড় বেশী কথা কওয়াচ্ছ—নিশ্চয়ই কষ্ট হচ্ছে,—আরও অবসন্ন হয়ে পড়বেন,—থাক্।”

“নীচবে বৎসর চলে গেছে,—কতকাল কথা কইনি। নিঃশ্বকে দেখলে সবাই সরে যায়, আলাপে ভয় পায়। কারুর দোষ নেই, অভাব যে বড় ভয়ের জিনিস। তার উপর আমি পীড়িত। মানুষ আনন্দ চায়—শান্তি খোঁজে, অভাবের স্মৃতিটাও যে ও-ছটিকে নষ্ট করে। তাই কথার পথ বন্ধ করে দেখার পথ খুলে রেখেছিলুম। প্রকৃতি আমাকে তাঁর সকল দ্বার খুলে দিচ্ছেলেন। আজ আমার চারদিকে উন্মুক্ত হৃদয়—আমাকে কথা কইতে দিন।”

( ৫২ )

সিঁড়িতে লোক উঠিবার শব্দ হইল। পবে শুনিলাম জয়হরি বলিতেছে—“এই ঘর।” দ্বারের দিকে চাহিতেই দেখি ছাট্-কোট-পরা সৌম্যদর্শন একটি ভদ্রলোক—প্রায় প্রবীণ। পূর্বেও দেখিয়াছি—ইনি এখানকার নামা ডাক্তার। পশ্চাতে জয়হরি।

ঘরে ঢুকিয়া জয়হরি মুস্থিলে পড়িয়া গেল—কোথায় তাঁতাকে বসাইবে। তিনি বুদ্ধিতে পারিয়া সহাস্তে বলিলেন “বাস্ত হ'চ্ছ কেন, এটা ত তোমার বাড়ী নয়,—আর আমিও ত বাঙালী—রোগীর বিছানাই আমাদের বরাসন।”

রোগীকে আর নির্দেশ করিয়া দেখাইয়া দিতে হইল না। তিনি স্বয়ং গিয়া তাঁহার পার্শ্বে বসিয়া পড়িলেন। মিনিট কয়েক রোগীর দিকে নির্ঝক নির্নিমেঘ চাহিয়া রহিলেন, পরে তাঁহাকে প্রশ্ন করিয়া যাহা যাহা জানিবার তাহা শুনিয়া লইলেন।

জয়হরি চুপচাপ দাঁড়াইয়া ছিল, হঠাৎ বলিয়া উঠিল, “হার্টটা ভাল করে দেখতে হবে ডাক্তার বাবু। উনি বলছিলেন Prostration set in করেছে। আপনার তো এই সব পনের মিনিট হয়েছে।

আমি অবাক হইয়া বিরক্তভাবে তাহার দিকে চাহিলাম,—তার এই অভদ্র ইঞ্জিতটায় সর্বাক জলিয়া গেল।

ডাক্তার বাবু সেটা বোধকরি লক্ষ্য করিয়াছিলেন। তাহার দিকে চাহিয়া সহাস্তে বলিলেন “পরীক্ষা করব বই কি! আমাকে ত এক ঘণ্টা থাকতেই হবে—তুমি ত তার আগে ছেড়ে দেবে না।”

শুনিয়া আশ্চর্য হইয়া চাহিয়া রহিলাম মাত্র।

ডাক্তার বাবু ধীরভাবে পরীক্ষা করিয়া জয়হরিকে বলিলেন “ওটা prostration নয়। বেশী রকমের weakness বটে—অন্য কোনও গোলমাল নেই। উনি যখন নিজেই বলছেন আর অনুভবও করছেন ঔর আসল অমুখ সরে গেছে...খুব সম্ভবও তাই! এখন ঔকে দেখবার ভার তোমার রইল। আমি কেবল সুবিধামত এক একবার খবর নিয়ে যাব।”

জয়হরি বলিল, “আমি কি দেখব! আপনি ওয়দ দেখবেন না?”

ডাক্তার বাবু বলিলেন “ওষুধের আবশ্যক নেই। ঔকে দেওয়া চাই—সকালে আধসের দুধ, বেলা এগারটার মধ্যে মাছের ঝোল আর ভাত, বৈকালে আধসের দুধ আর রাত নটার মধ্যে মাছের ঝোল ভাত। এখন এক সপ্তাহ নিয়মিত এই চলবে। এ সপ্তাহটা উঠে হেঁটে বেড়ান নয়—পড়ে গেলে ভয়ের কারণ আছে। এই সব তুমি দেখবে—তোমার ভার—কেমন!”

জয়হরি বলিল “যে আছে, সে আমি পারব। কিন্তু আপনারও রোজ আসা চাই।”

ডাক্তার বলিলেন, “সে ত' বলেছি,—কিন্তু আমার কাজ করবে কখন?”

জয়হরি হাত জোড় করিয়া খুব বিনয়ের সহিত বলিল  
“আপনি যখন বলেন।”

ডাক্তার বাবু বলিলেন “কিন্তু এঁকে দেখবার ভার  
নিলে যে।”

জয়হরি চিন্তিত ভাবে বলিল, “ভোরে গেলে হয় না?  
আপনি যা বলেন!”

ডাক্তার বাবু গম্ভীর ভাবে বলিলেন “তবে এ কয়টা দিন  
থাক—ইনি সেয়ে উঠুন। তার পর কিন্তু—”

সে উত্তেজিত কণ্ঠে বলিল, “যে আজ্ঞে—সে আর বলতে  
হবে না,—এখানে আমার ত আর অণু কোনও  
কাঁচ নেই।”

“বেশ—সেই কথাই ভাল, এখন ঠাঁর জন্তে যে একটু  
গরম দুধ দরকার।”

“এই বে” বলিয়াই জয়হরি দ্রুত বাহির হইয়া গেল।

আমি বিমূঢ়বৎ উভয়ের কথোপকথন শুনিতেছিলাম;  
কিছু বুঝিতে না পারিয়া কেবল উৎকর্ষা বাড়িতেছিলাম।

ডাক্তার বাবু আমার দিকে চাহিয়া জিজ্ঞাসা করিলেন,  
“এ ছোকরাটি কে মশাই,—আপনার কেউ?”

“কেন বলুন দেখি, আমি ঠাঁর দাদাবাবু।”

“নাঃ—বেশ লোক! খাড়া warrant কথাটা শোনাই  
ছিল—এই দেখলুম। বলে—‘দাদার বড় অস্থখ, আপনাকে  
এখনি যেতে হবে, তা নী ত অসহায় ব্রাহ্মণ বিদেশে মারা  
যাবেন—ঠাঁর স্ত্রীপুত্রও আছে।’ বললুম—‘তুজন লোক  
অনেকক্ষণ থেকে বসে আছেন, আগে ঠাঁদের রুগী দেখে  
আসি। সন্ধ্যাব পূর্বে ফিরতে পারি ত যাব—ঠিকানা রেখে  
যান;—তানাত কাল সকালে।’

“বলে—‘সে হবে না ডাক্তারবাবু—আমাদের দরকার  
আপনি বুঝতে পারছেন না।’ বললুম—‘ঠাঁদেরও ত  
দরকার—তানাত কেউ কি আসে,—না পয়সা দেয়!’  
তাতে বলে ‘আপনার সে ভয় নেই ডাক্তার বাবু—আমি এক  
পয়সাও দেব না। ঠাঁদের পয়সা আছে—ওরা অণু ডাক্তার  
নিয়ে যেতে পারবে।’

“যুক্তিটা যেমন সুন্দর তেমনই লাভের...। ভাবলুম—  
মাথার গোলমাল আছে,—হাঁকিয়ে দিই। কিন্তু বড় ক্লান্ত  
হয়ে এসে বসেছিলাম—উঠতে ইচ্ছা করছিল না,—কথাগুলো  
মন্দও লাগছিল না,—একটু চলুক না—এই হিসেবে বললুম,

‘পয়সা দেবে না, যারা পয়সা দেবে তাদের অণু ডাক্তারের  
কাছে পাঠাবে—তুমি খুব লোক ত?’ তখন কাতর হয়ে  
বললে, ‘আমি মুখখু লোক—তাই আমার কথাটা আপনি  
বুঝতে পারছেন না ডাক্তার বাবু, আমি কি বললে আপনি  
বুঝবেন তা যে আমি জানি না। যে পয়সা দিতে পারে না  
সে কি কিছুই দেয় না ডাক্তার বাবু!’ এই বলে ছেলে মানুষের  
মত কেঁদে ফেললে। এই বার আমি মুঞ্চিলে পড়লুম।  
বললুম ‘ও কি হে, তুমি জোষান পুরুষ মানুষ, তুমি—’  
আমাকে শেষ করতে না দিয়ে হাত জোড় করে বললে,  
“ইঁাতা আমি খুব পাবি,—রাঁধতে, জল তুলতে, বাসন  
মাজতে, যা বলবেন আমি রোজ এসে করে যাব—আপনি  
কিন্তু দয়া করে চলুন।’ আমার পরিবার বোধকরি পাশের  
কামরা থেকে সব শুনছিলেন, তিনি দোরটা খুলতেই ঠাঁর  
দিকে চেয়ে বললে, ‘আপনি একবার বলুন ত মা, আমাদের  
বড় বিপদ—তা উনি বুঝতে পারছেন না।’ তিনি চোখ  
মুছতে মুছতে বললেন, ‘উনি যাবেন বই কি—একুনি  
যাবেন, তুমি যতক্ষণ ইচ্ছে রেখো।’

‘আমি এক ঘণ্টার বেশী রাখব না মা।’

‘তাই রেখো, কিন্তু কাল আমাকে ডেকে খবর দিয়ে  
যেও—তোমার দাদা কেমন থাকেন!’ এ কথাও বলে  
দিলেন, ‘ঠাঁর সব কথাই বুঝতে একটু দেবী হয়—তুমি কিছু  
মনে কোরো না বাবা।’ তার পর অনেক কথা!

“আমার আটচল্লিশ বছর বয়সে এমন একটি লোক  
দেখি নি—এরা সব কিছু করতে পারে, আবার অপরকেও  
সব কিছু করতে পারে—পাগলের সঙ্গে এদের এই প্রভেদ।  
ভাল কথা—(রোগীর দিকে চাহিয়া) উনি আপনার কি  
রকম ভাই,—সহোদর?”

বাবুটি চক্ষু বুজিয়া বুকে হাত দিয়া ঘষিতেছিলেন, সেই  
অবস্থাতেই বলিলেন, “সহোদর ভাইএর স্নেহের সঙ্গে অজ্ঞাতে  
দেনা-পাওনার একটা দাবী থাকে—এঁর কেবল সেইটে  
নেই, অন্ততঃ পাওনার পরওয়া নেই। দীনেস্ত্র ছিলেন  
আমার সহোদর ভাই—ভগবান আমার বই পড়া ধারণাগুলোর  
ব্যর্থতা বুঝিয়ে দিতে তাকেই আবার মিলিয়ে দিলেন।”

ডাক্তারবাবু সহসা বলিয়া উঠিলেন—“তা হ’তে পারে,  
কিন্তু বুকে অত’ হাত বোলাচ্ছেন কেন? আমি কয়েকবার  
লক্ষ্য করলুম,—এটা কি অভ্যাস?”

“না ডাক্তারবাবু—অভ্যাস নয়। তিন বৎসরের ভাবনা চিন্তার তপস্বাসে আশা-আকাঙ্ক্ষাগুলো পুরে, জীবনটাকে মরুভূমি করে দিয়েছে। চখে জল এলে একটু শান্তি পাই,— শুকিয়ে গেছে, সে আর আসে না! হৃদয়টা কিন্তু বাইরে এসে আত্মপ্রকাশ করতে চায়,—পারে না, আমাকে যন্ত্রণা দেয়। এই রকম করে’ সামলাই।”

ডাক্তারবাবু তন্ময়বৎ গুণিত্তেছিলেন,—তাঁর একটা নিশ্বাস পড়িল। বলিলেন—“আপনার নামটা পর্য্যন্ত জিজ্ঞাসা করা হয়নি। আপনার কিছু কিছু আমার শোনা দরকার বলে মনে হয়। আপনি দেখছি শিক্ষিত লোক, ডাক্তারকে সাহায্য করবার মত’ যেটুকু দরকার আপনি তা বোঝেন—”

বাবুটি বলিলেন—“বোঝাবুঝির শক্তি বোধ হয় না যে আর আমার আছে। বারা এখানে উপস্থিত, তাঁদের কাছে আমার কোনো সঙ্কেচ বা বাধা বোধ করবার মত’ কিছুই নেই। তিন বৎসর প্রকাশের পথ না পেয়ে বারা আমাকে জীর্ণ করেছে’ আর আমার মধ্যেই জীর্ণ হয়েছে, তারা মুক্ত হলে, আমি একটু হালকা হয়ে আরাম পেতে পারি।”

জয়হরি এক বাটা গরম দুধ লইয়া আসিল, এবং ডাক্তার-বাবুকে বলিল—“এক ঘণ্টা হয়েছে—তা জানেন? আর দেৱী করবেন না।”

“হ্যাঁ—এই উঠলুম বলে। একটা দরকারী কথা শুনে নিয়েই যাচ্ছি।”

“মাকে কিছু বলবেন—আমি এক ঘণ্টার বেশী থাকতে বলিনি, আপনিই দেৱী করেছেন।”

আমি কেবল দেখিতে আর গুণিত্তে ছিলাম। সবটাই আমার কাছে আশ্চর্য্যবৎ ঠেকিতেছিল। রোগীর শয্যায় একখানা Wordsworth পড়িয়া ছিল, তাগাই নাড়াচাড়া করিতেছিলাম ও ভাবিত্তেছিলাম—এই Wordsworthই জয়হরির কাছে মাইনের স্কুলের পণ্ডিত মহাশয়ের ভবিষ্যৎ উন্নতির উপায় স্বরূপে Word-book হইয়া থাকিবে! রোগীর সম্বন্ধে কিছু জানিবার উৎসুক্য যে না বোধ করিতে ছিলাম এমন নহে। কিন্তু পরিচয় জিজ্ঞাসার লজ্জাকর পরাজয়ে, সে প্রলোভন—আপনার মধ্যেই সঙ্কুচিত হইয়া পড়িয়াছিল। ডাক্তারবাবু প্রশ্নটা তুলিয়া আমাকে উৎকর্ণ করিয়া দিলেন।

ডাক্তার বাবুকে লক্ষ্য করিয়া জয়হরি বলিল—“তবে তামাক সাজি।”

ডাক্তারবাবু সহাস্তে বলিলেন—“ও কাজটার কথা তো হয়নি;—আমি তামাক খাইনা।”

জয়হরি আশ্চর্য্য হইয়া বলিল—“আপনি তামাক খান না! তবে আপনার call ( ডাক্ ) কি করে হয়! যে ডাক্তার তামাক খান—তাঁকেই তো লোক খোঁজে,—নাড়ী টিপেই গাড়ীতে পা বাড়াতে পারেন না। হৃদয় পাওয়া যায়।”

ডাক্তারবাবু হো হো করিয়া হাসিয়া বলিলেন—“জয়হরির যুক্তিগুলি যেমন নূতন তেমনি অকাটা! দেখছি ওঁদের গ্রামে আমার অন্ন হ’ত না!”

জয়হরি ছিল গুড়কের যম; তবে মাতুলের মত তোয়াজী ছিল না,—ভালমন্দ বাচিত না। তার টানে টানে ধুমাবতী মূর্ত্তিমতী হইতেন, কুমাশার সৃষ্টি হইত! চাকরটা খুঁজিতে গিয়া দেখিতে পাইত না, ফিরিয়া আসিয়া রিপোর্ট দিত,—“বাবু ঘরে নাই!” সে আমার সামনে তামাক খাইত না, অথচ কি করিয়া যে বাঁচিয়া ছিল, সেটাও আমার একটা চিন্তার বিষয় ছিল। তাই দিনের মধ্যে পাঁচ সাতবার সিগারেটের টিন্টা আমাকে বৈঠকখানায় তুলিয়া বাইতে হইত।

ডাক্তারবাবু যেন একটু বাস্ত ভাব দেখাইয়া বলিলেন—“হ্যাঁ—এইবার সংক্ষেপে বলে ফেলুন তো—রোগটা দেখা দেবার কিছু পূর্বে থেকে;—যা আপনি নিজের উল্লেখযোগ্য মনে করেন।”

তিনি বলিলেন—“না ডাক্তারবাবু, আমার সে সব আর আসবে না। আপনারা আমার দৈবলক্ষ্য শেষ আশ্রয়, আপনাদের কাছে আমি যতটুকু পারি বলে বাই,—তাতে আমি শান্তি পাব। তবে আমার জীবনের কোনো কথাটার মূল্য আর আমার কাছে নাই। তারা কেবল—নিদ্রার ছঃস্বপ্ন আর জাগ্রত অবস্থায় সাজা। যা আমার জীবনটাকে সংক্ষেপ করে দিলে—তা আমি সংক্ষেপেই বলে যাব। তার অনেক কথাই ডাক্তারবাবুর কাছে আসবে না, কিন্তু না বললেও আপনাদের রহস্যের মধ্যে রেখে যেতে হবে,— তাই বলা। আমাদের বাড়ী ছিল খিদিরপুরে। বাবা শামাণ্ড গা করি করতেন। তাঁর জীবনের একমাত্র প্রশংসা

ছিল আমাদের দুই ভাইকে উচ্চ শিক্ষা দেওয়া। মায়ের দেখা দিলে রক্তপিত্ত।—তিনি দ্রুত অপটু হয়ে পড়ায়, আমি বি-এ পাস করার পরই আমার বিবাহ দেওয়া হয়। এম-এ পড়তে পড়তে ল-স্নের জন্ত প্রস্তুত হতে লাগলুম। এই আমার অতিরিক্ত পরিশ্রমের আরম্ভ।

“আমিও এম-এ পাস হলাম, মাও দেহত্যাগ করে রোগমুক্ত হলেন। বাবা এ আঘাত সহ্য করতে পারলেন না,—তিন মাসের মধ্যেই হৃদরোগে মারা গেলেন। আমাকে বল সঞ্চয় করতে হল। দুইটি প্রাইভেট্ টিউসনি স্বীকার করে ল-টা দিলুম,—পাস হলাম। আমার “অনাথ” তখন হয়েছে, মাস সাতেক পরে “মলিনা”ও হল। পত্নীর খাটুনির অস্ত্র নাই। ছোট ভাই দীনেন কিস্তি দিন দিন কেমন নীরব হয়ে এল,—নিভৃত খুঁজে বেড়ায়,—একান্তে থাকে! আমার পথদে’ হাঁটে না—কি বাইরে কি অস্তরে!

“অবস্থার এই আকস্মিক পরিবর্তনেও আমার আশা আকাঙ্ক্ষা আমাকে ঠেলে নিয়ে ছুটছিল,—দানেন কিস্তি হাল্ ছেড়ে দিলে! উৎসাহের মধ্যে তার রইলো—তার বৌদিদিকে সাহায্য করাটা। দু’বছর সম্পূর্ণ করে’ বি-এ আর দিলে না,—পড়া ছেড়ে দিলে। কারণ জিজ্ঞাসা করলে বলে—‘কি হবে, পড়া তো হয়েছে, সবই এক কথা! তার চেয়ে কি’র (ice’র) টাকায় আপনি একটা ঝি রেখে দিন—অনাথের’বড় অবস্থা হচ্ছে!’

“এখন তাদের কে দেখছে ভাই! কেউ আছে কি নেই তাও তো জানিনা!” উদাস মুহূ কণ্ঠে এই কয়টি কথা উচ্চারণ করিয়া বৃকে হাত বুলাইতে লাগলেন।

সামলাইয়া বলিলেন—“দীনেন্দ্রকে অনেক বোঝালুম,—কিছুতে উৎসাহিত করতে পারলুম না। সে বললে—“আচ্ছা—একবার দিন কতক ঘুরে আসি,—বাংলা দেশটা দেখে নি। শুধু বয়েব মধ্যে দিয়ে দেখলে আর তারপর জীবনটা টাকা রোজগারে উৎসর্গ করলে কেবল পেছিয়েই পড়া হয়,—জন্মটা বিফল হয়ে যায়। ফল কথা—তরুণ বয়সের আঘাতগুলো তাকে উৎসাহিত করে দিয়েছিল,—সে ভগবানের মুখে আশ্রয় বা আরাম খুঁজছিল। আমি মনে মনে হাসলুম—কারণ দুর্বলেরাই ওই আশ্রয় খোঁজে;—ব্যথাও বোধ করলুম,—বাধা দিলুম না।

“মাস চারেক পরে সে জ্বর নিয়ে ফিরে এলো। আমার

প্রাণটা দমে গেল। সে হেসে বললে—“ও কিছু নয়, পাঁচ জায়গায় ঘুরে ঘুরে হয়েছে। কণ্ঠে ক্লান্তিতে বিপদে তাঁর রূপা চাক্ষুব করেছি, তার বাড়া লাভ আর কি আছে,—শান্তি বোধ করেছি।” ইত্যাদি।

“এ সব বকে কি! শুনে আমার ভয় হল—মাথা খারাপ হ’ল নাকি! যাক্, আমি ল-টা পাস ক’রে আলিপুর কোর্টে বেকতে আরম্ভ করলুম, সেও শয্যা নিলে। ডাক্তারেরা বললেন—খাইসিসের সূচনা। তাঁরা যা যা বললেন তাই করলুম,—শেষ বাড়ী বাধা দিয়ে সমুদ্রের ধারে গিয়ে রইলুম। যা ঘটবার তাই ঘটলো। ভাই গেল, বাড়ী গেল,—সর্বস্বাস্ত্র হয়ে আবার প্র্যাক্টিস্ আরম্ভ করলুম। তাতে চলে যাচ্ছিল। এইবার নিজের অজীর্ণ দেখা দিলে, অল্পদিনেই অপটু করে ফেললে। ডাক্তারেরা বললেন—সত্তর পশ্চিমে গিয়ে কোনো ভাল জায়গায় থাকা চাই—অন্ততঃ তিন মাস। হাতে মাত্র তিনশত টাকা জমে ছিল। অর্ধেক স্ত্রীর হাতে দিয়ে তাঁকে তাঁর পিত্রালয়ে রেখে অর্ধেক নিজে নিয়ে বেরিয়ে পড়লুম,—সে প্রায় তিন বছর পৃথক্ কথায়। সে টাকায় কোনো প্রকারে পাঁচ মাস চালিয়ে ছিলাম;—তার পর আমাকে যে অবস্থায় পেয়েছেন সেই অবস্থায় কেটেছে। কোথাও রোগের উপশম হয় নাই। কি কি ভাবে কেটেছে—সে অনেক কথা। ছুটি পয়সার অভাবে আজ নয় মাস কাকুর সংবাদ নিতে পারিনি! এ শরীর নিয়ে ফিরেই বা ফল কি, যাবই বা কোথায়? শ্বশুর বাড়ীর অবস্থা ভাল নয়। তখন আমি বহু দূরেও—টুণ্ডুলায়। তারপর—‘এখানে এসেছি’ বললে ঠিক বলা হল না,—‘এখানে আনলেন।’

“কোথায় কি ভাবে আর কেমন করে’ যে এই দীর্ঘ দিন কেটেছে, সেটা আমার নিজের কাছেই রহস্যময়। এত বড় অসম্ভব সম্ভব হওয়া আমি এখন নিজেই বিশ্বাস করতে বা মনে করতে পারি না। এই মাত্র স্মরণ আছে—চিন্তা, দৈন্ত, অনশন, অনিয়ম, অনিদ্রা, অনিশ্চিতের উপর নির্ভর ও নির্বাহ, যথা তথা যাপন, শরীর নিগ্রহ,—এরা আমাকে রোগের যন্ত্রণা আর স্ত্রী-পুত্রের চিন্তা থেকে কোথায় সরিয়ে আড়াল করে’ রেখেছিল!—সকলকেই বন্ধু ভাবে পেয়েছিলাম!

“আমার শিক্ষাই আমাকে সব চেয়ে ভুগিয়েছে। নিজের

জ্ঞান বুদ্ধি ও বিচার শক্তিকে অস্বীকার করে, সহজে ঈশ্বরকে স্বীকার করে নিতে পারিনি। দীনেঞ্জ বলেছিল—“একটা ভুল না হয় করলেন,—তাতে বড় বেশী ঠকতে হবে না।” আমার অহঙ্কার কিন্তু তাতে সায় দেয়নি,—শিক্ষিতের কাছে সেটা যে আত্মপ্রবঞ্চনা,—সে যে প্রমাণ চায়! কিন্তু আড়াই বছরের বৈচিত্র্যময় অবস্থা আমাকে কতই দুঃস্থ সমস্তা আর সঙ্কটের ভেতর দিয়ে টেনে এনেছে—বিচার বুদ্ধির মধ্যে যার সমাধান নেই! কাঁধাতকই বা তাদের accident বলে’ মন শান্তি পায়! কিছু বুঝতে না পেরে নিজের বিঘ্নাবুদ্ধি শেষ লজ্জায় মাথা হুইয়েছে! দেখুন,—কি অবস্থায় যে মৃত্যু বলে’ জিনিসটাকে পাওয়া যায় বলতে পারি না। আমি কতবারই সে সীমা অতিক্রম করে’ গিয়েছি বলে’ মনে হয়।”

ডাক্তার বাবু বাধা দিয়া বলিলেন—“আপনার নামটি শোনা হয় নি।”

“গণেন্দ্র বন্দ্যোপাধ্যায়।”

ডাক্তার বাবু পুনরায় বলিলেন—“দেখুন গণেন্দ্রবাবু, আমি ডাক্তার, আমার উচিত আপনাকে বিশ্রাম দেওয়া; আপনার মত একজন শিক্ষিত ভদ্রলোকের, কপর্দকশূণ্ড অবস্থায় ও রুগ্ন শরীরে, অপরিচিত অবলম্বনে প্রবাসে আড়াই বছর কাটানই একটা অত্যাশ্চর্য ব্যাপার! সে শোনবার ইচ্ছা আমাদের স্বাভাবিক। কিন্তু আজ নয়—আগে আপনি একটু সুস্থ হয়ে উঠুন। আজ কেবল একটি মাত্র কথা শুনে উঠবো,—টুণ্ডুলা থেকে বৈদ্যনাথ অল্প পথ নয়—এলেন কি উপায়ে? সেখানে ছিলেনই বা কোথায়?”

“এ ব্যাপারটার মধ্যে তেমন বিস্ময়কর কিছুই নেই। আর উপায় বা উপায় চিন্তা আমাকে কোনো দিনই নিজেকে করতে হয় নি,—কারণ সেটা সেই পারে যার কোনো একটা কিছুর উপর দাড়িয়ে ভাববার ভিত আছে। একটু আগে থেকেই বলতে হয়। এটোয়া খুব স্বাস্থ্যকর স্থান; কেবল স্থান আর আমাকে কতটুকু সাহায্য করবে! কোন’ প্রকারে কিছুদিন কাটিয়ে কোনো কল পেলুম না। কি করি,—কোথায় যাই! নিত্য ইষ্টেনে এসে উদাস ভাবে ট্রেনের যাতায়াত দেখি, আর কত কি ভাবি। গার্ডেরা বোধ হয় লক্ষ্য করতো। সম অবস্থাই সববেদনা আনে। একজন গার্ড একদিন নিজে এসে আমার সঙ্গে

আলাপ করলেন,—খুব মধুর ও করুণ তাঁর কথাগুলি! একজন খাঁটি ইংরেজ—আমাকে ডেকে এমন ভাবে কথা কচ্ছেন! আমি আশ্চর্য হয়ে গেলুম। আমি কেন নিত্য উদাস ভাবে দাঁড়িয়ে থাকি,—এর পশ্চাতে কোনো কঠিন আঘাত আছে কি? তাঁর দ্বারা যদি সামান্য সাহায্যও সম্ভব হয় তো তা বলতে আমি যেন সঙ্কোচ বোধ না করি। ইত্যাদি। এ কি!

“বহুদিন পরে আমার বেদনাতুর হৃদয়ে সহসা কে যেন শীতল প্রলেপ দিলে। আমি আমার এখনকার অবস্থা ও মনোভাব তাঁর কাছে একটুও গোপন করতে পারলুম না,—তারা সহজ পথ পেয়ে বোরয়ে গেল,—সে যেন আত্মায় আত্মায় কোলাকুলি! তিনি বললেন—“টুণ্ডুলায় অনেক বাঙ্গালী বাবু থাকেন—রেলের কাজ করেন; চল সেখানে তোমাকে পৌঁছে দি। কষ্ট হবে না,—স্থানও স্বাস্থ্যকর।” তাঁর সঙ্গে টুণ্ডুলায় চলে এলুম। ইষ্টেনে পৌঁছে—তিনি আমাকে সঙ্গে করে কেলনার কোম্পানির হোটেলে ঢুকে আমার জলসাবুর ও আর যা যা দরকার হবে তার ব্যবস্থা করে—তাঁর নিজের নামে বিল করতে বলে দিলেন। তার পর আমার করমর্দন করে বললেন—“তুমি কেন হতাশ হচ্ছ বন্ধু—তোমার ত সবই রয়েছে,—তুমি সেরে যাবে। আচ্ছা—আবার দেখা হবে”,—বলেই—ট্রেনে উঠে ফ্লাগ দেখালেন। ট্রেন চলে গেল। আমার যেন স্বপ্ন ভাঙলো! ট্রেনখানা চলার সঙ্গে আমার হৃদয়টাতে টান পড়তে লাগলো,—আমার যে কতখানি ওর সঙ্গে চলেছে!

“সবে তিন সপ্তাহ হল—গার্ড সাহেবের পত্নী বিয়োগ হয়েছিল। হৃদয়ের শূণ্য স্থানটা কিছু দিয়েই তিনি পূর্ণ করতে পারছিলেন না, বেদনা-ব্যাকুল হয়ে বেড়াচ্ছিলেন,—কোনো কিছুই তাঁকে স্বস্তি দিচ্ছিল না। নিজের দুঃখকষ্ট—অপরের দুঃখকষ্ট মোচনে কমে,—তাগের মাধুরী তৃপ্তি দেয়। তাঁর শোকাক্ত হৃদয় আমার মুখে প্রতিচ্ছবি পেয়ে সববেদনায় আকৃষ্ট হয়ে থাকবে। তা ছাড়া আমি তো এই আকস্মিক ঘটনার অন্ত কারণ খুঁজে পাই না।

\* \* \* \*

“অনেকগুলি বাঙ্গালী বাবু এখানকার রেলের কাজ করেন। অনেকেরি দিনরাত পালা করে খাটুনি। কোম্পানির দেওয়া কোয়ার্টারে স্ত্রীপুত্র নিয়ে থাকেন। যারা একক



তারা ৩৪ জনে মেস্ করে একটি কোয়ার্টারে কাটান। শুধু খাটুনি আর খাওয়া নিয়ে মানুষের থাকা কঠিন যদি আনন্দের অবকাশ না থাকে। সেটা তাঁরা করে নিয়েছেন। তাঁদের থিয়েটার, কনসার্ট দুই-ই আছে আর তাতে খুব উৎসাহও আছে।

“ধারা স্ত্রীপুত্র নিয়ে থাকেন—তাঁদের কোয়ার্টারে স্থান পাওয়া সম্ভবই ছিল না। আর মেসে গান বাজনা অভিনয়ের মধ্যে আমার মত পীড়িত অকর্মণ্যের থাকা কোনো পক্ষেই সুবিধার নয়। ওয়েটিং রুমে রাত্রে বেলে ফিরিঙ্গী কস্ম-চারিদের অবিরাম আসা যাওয়া, আড্ডা দেওয়া ইত্যাদি। যাই কোথা। শীতবস্ত্র নেই,—একটু হাওয়ার আড়ালও পাই না। কখনো প্লাটফর্মের বেঞ্চে শুই, আবার উঠে এদিক ওদিক বেড়াই—না নিদ্রা, না স্বস্তি। এই ভাবে তিন দিন কাটলো, আরো দুর্বল হয়ে পড়লুম, মাথা ঘুরতে লাগলো। যা একটু আশায় আলো ধরে বুঝছিলুম সেটুকু নিবে গেল। সেই দিন ভগবানের শরণ নিলুম—মানুষের শেষ অবলম্বন! দীনে বন্দেছিল ‘বড় বেশী ঠকতে হবে না।’

“শরীর মন তখন চিন্তা চেষ্টার বাইরে গিয়ে পড়েছে, আমি পরের জিনিসের মত একখানা বেঞ্চে পড়ে রইলুম। ক্লান্ত দুর্বলদেহে সংজ্ঞা ছিল না। ঘণ্টার শব্দে আর লোকের গোলমালে ঘুম ভাঙলো। দেখি চার ঘণ্টা কেটে গেছে, একটু স্বাচ্ছন্দ্য এসেছে। এক্সপ্রেস আগের ইন্টেন্সন ছেড়েছে, তাই যাত্রীদের এত চাঞ্চল্য। আমি যে বেঞ্চি-খানিতে ছিলাম—তাব আশে পাশে আর সামনে সম্মুখ একটি বাঙ্গালী বাবু ছ’সাতটি ছেলেমেয়ে আর অনেকগুলি পোর্টলা পুঁটলি ট্রুক নিয়ে বাস্তু,—কুলিরা ঘিরে দাঁড়িয়েছে। একটি ৩৪ বছরের ছেলে—বেঞ্চির ওপর, আমার পাশেই এসে একটা বল আর একটা কমলানেবু নিয়ে একমনে খেলছে। এত গোলমালে তার কোনো দিকেই নজর নেই। গাড়ী যত নিকট হ’তে লাগলো—চাঞ্চল্যও সেই পরিমাণে বাড়তে লাগলো। কুলিরা বাবুটিকে বললে—“বাবুজি গাড়ী আজ বহুৎ লেট্ হায়—আধা ঘণ্টাসে উপর,—যাস্তি ঠারোগা নেহি, জল্দি ঠিক্ ঠাক্ করলেনা।” বাবুটি আরো বাস্তু হয়ে পড়লেন। গাড়ী ইন্টেন্সনে না দাঁড়াতেই চারজন কুলি মোট্ নিয়ে ছুটলো, বাবুটি স্ত্রীপুত্রাদি নিয়ে অনুসরণ করলেন।

“আমি সেইদিকেই চেয়েছিলুম। ছ তিনবার ঘোরা-ঘুরির পর কুলিদের তাড়ায় একখান মধ্যম শ্রেণীর গাড়ীতে তাঁরা উঠে পড়লেন, তারাও তাড়াতাড়ি মোটমাটগুলি নাবিয়ে দিলে,—প্রথম ঘণ্টার ঘাও পোড়লো। আমি একটা নিশ্বাস ফেলে যেন বাঁচলুম। তখন চোখ ফিরিয়ে দেখি সেই ৩৪ বছরের ছেলেটি তখনো তার বল আর কমলা লেবু নিয়ে নিশ্চিন্তে খেলছে। কি সর্বনাশ—গাড়ী যে এখনি ছাড়বে! বললুম “খোকা তুমি যাবে না?” তার চট্কা ভাঙলো, এদিক ওদিক দেখে, নেবে পড়ে “বাবা-বাবা,” করে উঠলো। আমার সামর্থ্য নেই—তাকে কোলে করে ছুটে গিয়ে দিয়ে আসি। তবু উঠে পড়লুম—তার হাত ধরে গাড়ীর দিকে চললুম,—দ্বিতীয় ঘণ্টাও দিলে। প্রাণটা শিউরে উঠলো। যতটা পারি দ্রুত চললুম। আমার ডাক সে গোলমালে তাঁদের কাছে পৌঁচছিলনা। আমরা যখন ছ হাত তফাতে তখন গাড়ীতে মোসন দিলে।

“আমি এখনো জানিনা কি করে সেই ছেলেকে তুলে নিয়ে গাড়ীর মধ্যে ঢুকে পড়েছিলুম। দোরের সামনে মার একহাত স্থান ছিল—আর সব মোটমাটে ভরা। তাঁরা তখনো তাই নিয়ে বিব্রত। আমি থর্ থর্ করে কাঁপছিলুম—অন্ধকার দেখে সেই মোটের উপরেই ঘুরে পড়ি। আশ্চর্য—বাহরে পড়িনি! যখন কথা কইতে পারলুম—তখন এক ইন্টেন্সন পার হয়ে এসেছি। তার পর যা স্বাভাবিক—কৃতজ্ঞতা প্রকাশ প্রভৃতি। আমি বললাম,—“এখন আমাকে আগের ইন্টেন্সনে নাবিয়ে দিন, আমার টিকিট নেই;—একটু সাহায্য করলেই হবে—বড় দুর্বল বোধ করছি।”

“তবে! এ অবস্থায়!—সেখানে কি আপনার কেউ আছেন, না—টুঞ্জায় ফিরে যাবেন?”

একটু হেসে বললুম—“আমার সব ইন্টেন্সনই সমান,—সব লোকই আপনার লোক।”

ভদ্রলোকটি আমার অবস্থাটা বোধ হয় কতকটা অনুমান করে সহানুভূতির স্বরে বললেন—“যদি বাধা না থাকে তো জানতে পারি কি কোথায় গেলে আপনার সুবিধা হয়, বা কোথায় যাবার আপনার ইচ্ছা!”

“না,—কোনো বাধাই আর আমার নাই; সুবিধার চিন্তাও আমি ত্যাগ করেছি। তবে আজ ছ’দিন মাঝে

মাঝে মনে হ'য়েছে—শেষটা বৈশ্বনাথের আশ্রয়ে গিয়ে পড়তে পারলে যেন নিশ্চিন্ত হই,—তিনি যা হয় করুন। আর পারছিনা।”

বাবুটা বাধা দিয়ে সাগ্রহে বলে উঠলেন—“মাপ করবেন, আমি রেলওয়ে এজেন্ট আপিসে কাজ করি, পাস নিয়ে সস্ত্রীক বৃন্দাবনে গিয়েছিলুম, বাড়ী ফিরছি। আর হু'জনের আসবার কথা ছিল—তঁারা আসতে পারেন নি। এতে আমার এক পয়সার খরচ নেই। আপনি অমত না করলে আমরা বড়ই শান্তি অনুভব করবো। তবে আপনার শীতবস্ত্রাদি বোধ হয় টুঙলায়”—

“না,—যা আমার গায়ে আছে এই আমার সব। তবে—ছোট একটা ক্যান্সিসের ব্যাগে সামান্য দু'একটা জিনিস ছিল,—সে গেলে কোনো ক্ষতিই নেই।” বাবুটা তাঁর স্ত্রীর দিকে চাইতেই তিনি তাড়াতাড়ি উঠে তাঁদের মোটগুলির পাশ থেকে একটি ক্যান্সিসের ব্যাগ তুলে তাঁর স্বামীর হাতে দিতেই তিনি সেটি আমার দিকে এগিয়ে দিয়ে বললেন—“এইটিই আপনার নয় তো? কুলিরা আমাদের পুঁটলি পাটলার সঙ্গে এটিও এনে ফেলেছে—ট্রেন ছাড়বার পর দেখতে পেলুম! তাই আলাদা করে রাখা হয়েছে।”

“আমি একটু হাসলুম, বললুম—“হ্যাঁ—আমারি বটে। ভগবানের ব্যবস্থা এগিয়ে চলে, তিনি এখনো আমার খবর রাখছেন।” একটা নিশ্বাসও পড়লো। যাক,—তার পর তিনি আমাকে যশেডি ইস্টেসনে নাবিয়ে দিলেন। পাণ্ডারা যাত্রী ভেবে বিরেছিল, তাদের একজনকে বললেন—“তুমি এঁকে সঙ্গে করে নিয়ে গিয়ে থাকবার ব্যবস্থা করে দিও—কষ্ট না হয়। ওঁকে কোন বিষয়ে পেড়াপিড়ি কোরো না—একটু দেখো।” তার পর আমার নিষেধ সত্ত্বেও তার হাতে কিছু দেন,—কত তা জানি না। তার নামটিও জেনে নেন। কখন কখন কখন দিয়েছিলেন তা আমি জানতে পারি নি।

“এই ভাবে আমার বৈশ্বনাথের আশ্রয়ে আসা বা আমাকে তাঁর নিয়ে আসা।”

আমরা নির্ঝাঁক-বিশ্বয়ে গুনিতেছিলাম। তেমনি অধিক ছইয়া তাঁতাকে দেখিতে লাগিলাম, কাহারো মুখে কথা কুটিল না।

গণেন বাবুই বললেন—“যাক,—এখন কেবল একটি

কথা নিবিড় হয়ে আজ কদিন প্রাণের মধ্যে জেগেছে, সেই আমাকে স্ত্রীপুলের কাছে অপরাধী করে রেখে নিয়ে চলল। সে ব্যথার তরুণ নেই যে রেখে যাব।”

একটি ছোট নিশ্বাস পড়ল; তিনি চোখ বুজলেন। মিনিটখানেক নীরবে কাটবার পর তিনি বললেন “আর আমার বলবার কিছু নেই ডাক্তার বাবু।”

ডাক্তার বাবু নির্ঝাঁক গুনিতেছিলেন, বললেন, “কিন্তু আমার যে কিছু বলবার আছে গণেন বাবু।”

তিনি ধীরে ধীরে চাহিলেন।

ডাক্তার বাবু বললেন—“আপনি নিজেই অনুভব করেছেন—আপনার রোগ সেরে গেছে। তার চেয়ে বড় প্রমাণ ডাক্তারের হাতে নেই। এখন কেবল স্ত্রী পুলের কাছে অপরাধী থেকে যাওয়াটাই আপনাকে বাধা দিচ্ছে, এটাও রোগমুক্তির অন্তিম লক্ষণ—রোগে ও আশা কমই থাকে। আপনি সেরে গেছেন। আপনার কাছে আমার বিশেষ অনুরোধ—আপনি ও রূপা চিন্তাটা মন থেকে দূর করে দিন—ওইটাই আপনার prostratio: এর কারণ। আমি আশা করি এক সপ্তাহেই আপনি বল পাবেন।” পরে জয়হরির দিকে চাহিয়া বললেন, “এখন এঁকে দেখা শোনা আর সমস্ত মত খাওয়াবার ভার তোমার।”

জয়হরি সোৎসাহে বলিল—“সে আপনি দেখবেন আমি কি রকম খাওয়াই। আমি যেমন করে পারি—”

এইবার আমাকে বাধা ছইয়া কথা কহিতে ছইল। বলিলাম, “ডাক্তার বাবু, আহারের ওজন বোধটা জয়হরির খুবই কম। উনি যা করবেন ভাল ভেবেই করবেন বটে কিন্তু গণেন বাবু তা সহিতে পারবেন কি না সন্দেহ।”

“তাই নাকি হে!”

“আজ্ঞে বিদেশে তেমন সুবিধে নেই, তবুও ভাল যা পাব যেমন করে হোক—তা দেখে নেবেন ওঁর কাছেই গুনবেন।”

“সর্বনাশ!—তবে আর কাকে?” বলিয়া ডাক্তার বাবু সেই যুবকদ্বয়ের দিকে চাহিলেন।

জয়হরি কাতরভাবে বলিল, “আপনি বিশ্বাস করছেন না কেন ডাক্তার বাবু—আমি আপনার ওখান থেকেও ত' আনতে পারি—কম খাওয়াব কেন? উনি যাতে শীগগির শীগগির বল পান—মাংস, হালুয়া”

গণেন বাবুর মুখে হাসি দেখা দিল, তিনি বলিলেন, “ঔর কথা আমি ঠেলতে পারব না ডাক্তার বাবু, ঔকে আপনি ঠিক করে বুঝিয়ে বলে দিন।”

ডাক্তারবাবু বলিলেন, “এখন এক সপ্তাহ মাগুর মাছের ঝোল আর পুরাতন চালের ভাত ছবার খাবেন, আর ছবার আধসের করে ছধ। সুবিধা হয় ত ফলের মধ্যে বেদানা আর নেবু—ব্যাঙ্গ। বুঝলে!”

“আজ্ঞে হ্যাঁ, তা বুঝেছি, কিন্তু—”

“এখন এক সপ্তাহ কিন্তু টিন্দ নয়।”

সেই যুবকদ্বয় বলিল, “আপনি নিশ্চিত হোন, আমরা তিনজন রইলুম, কোন রকম অনিয়ম কি অসুবিধা হবে না।”

“বেশ, তবে এখন উঠতে পারি জয়হরি!”

“আমি ত আপনাকে কখন উঠতে বলেছিলুম! আপনি তামাকের স্বাদ পেলে দেখছি ভোর হয়ে যেত। আমি কিন্তু মার কাছে মুখ দেখাতে পারব না।”

“না না—কাল তোমার যাওয়াই চাই। গণেনবাবুকে খাইয়েই যেও। আমি অপেক্ষা করব। ওইখানেই কাল থাকবে, আর যদি কিছু কাজ থাকে,—বুঝলে!”

পরে ছ এক কথার পর ডাক্তার বাবু উঠিলেন, আমিও উঠিলাম।

নামিয়া দেখি জয়হরি আমাদের পূর্কেই নীচে নামিয়া অপেক্ষা করিতেছে! ডাক্তার বাবুকে সকাতির জিজ্ঞাসা

করিল, “ঠিক করে বলুন, কোনও ভয় নেই ত, ঔর ছেলে মেয়ে আছে ডাক্তারবাবু!”

“রোগের জন্তে ত ভয় নেই, ভয় কেবল তোমার জন্তে। মঙ্গল ইচ্ছা আর পেট এ ছটো যে এক জিনিস নয় সেইটে মনে রাখলে ভয়ের কোনও কারণই নেই।” এই বলিয়া হাসিতে হাসিতে তিনি গাড়ীতে উঠিলেন।

রাস্তার ওপারেই আমাদের আস্তানা; আমরাও বাসায় পৌঁছিলাম।

জয়হরি জিজ্ঞাসা করিল “ডাক্তারবাবু কি বললেন বুঝতে পারলুম না।”

বলিলাম, “গণেনবাবুকে খাওয়ানো সম্বন্ধে খুব সাবধান হতে বললেন। যা ব্যবস্থা করে গেলেন ঠিক সেইটেই করা চাই। অণু কিছু দেওয়া না হয়।”

বাণেশ্বর আসিয়া জয়হরিকে সংবাদ দিল, “সব হয়ে গেছে—মা ডাকছেন।” সে ভিতরে চলিয়া গেল।

দেখিতেছি ক্রমে আমি সাংখ্যের উষ্টায় দাঁড়াইয়া গেলাম। জগতে অনেক জিনিসই দিন রাতের মত আসে—চাহিতে হয় না,—ভাবনাটাও তাগাদেরই একজন। আজ কিন্তু শরীর মন দুই-ই অবসন্ন হইয়াছিল। আমার অজ্ঞাতেই ভাবনার বাহিরে গিয়া পড়িল। ইতিপূর্বে ভাবিতাম আমার ভবিষ্যৎ বলিয়া যাহা ছিল তাহা চুকাইয়া ফেলিয়াছি, এখন কেবল স্রোতাধীন থাকা,—“রয়েছে দীপ না আছে শিখা”—আজ তাহাতে সন্দেহ আসিয়া গেল। (ক্রমশঃ)

## রস-তত্ত্ব

শ্রী অনিলকুমার বসু এম-এ

সন ১৩৩১ সালের কার্তিক মাসের ‘ভারতবর্ষে’ মাননীয় অধ্যাপক শ্রীধরেন্দ্রনাথ মিত্র, এম্-এ মহাশয়ের ‘রস-তত্ত্ব’ শীর্ষক একটি জ্ঞানগর্ভ ও চিন্তাকর্ষক দার্শনিক প্রবন্ধ বাহির হয়। কিন্তু রচনার যেরূপ মৌলিকতার পরিচয় আছে এবং সত্যসাক্ষ্যে সম্বন্ধে যে নূতন তত্ত্বকথা বলা হইয়াছে, তদনুরূপ তাহার কোনও আলোচনা এতাবৎ বাহির হয় নাই বলিয়া, আজিকার এই আলোচনার আমি কয়েকটি কথা বলিতে প্রস্তুত হইয়াছি। ভারতবর্ষের পাঠক-পাঠিকাগণ অবগত

আছেন, পরেশবাবু কর্তৃক উহার একটা আলোচনা বাহির হইয়াছিল; কিন্তু মূল প্রবন্ধ ও সমালোচনা পাশাপাশি রাখিয়া পড়িলে দেখা যায়, সমালোচক লেখকের প্রধান বক্তব্য বিষয় লইয়া বিশেষ কিছুই আলোচনা করেন নাই। বর্তমান প্রবন্ধে উক্ত সমালোচনা সম্বন্ধে আমি কোনও কিছু বলিব না। মূল প্রবন্ধই আমার আলোচ্য বিষয়।

এ কথা প্রথমে স্বীকার করিতেই হইবে, জটিল ও ছরুহ দার্শনিক তথা সরল ও সরস ভাষায় লিখিতে অধ্যাপক

মহাশয় অধিতীয়। তাঁহার দার্শনিক প্রবন্ধগুলি এই নিমিত্তই পরম উপভোগের সামগ্রী হয়। সুতরাং সমালোচক যিনিই হউন না কেন, অধ্যাপক মহাশয়ের ভাষা ও লিখিবার ভঙ্গীর উপর তাঁহার বলিবার যে কিছুই থাকিতে পারে না, এ কথা না বলিলেও চলে। তবে মূল বক্তব্য লইয়া তাঁহার সহিত আমার দুই এক স্থানে মতভেদ আছে; তাহাই আমি এই আলোচনায় লিপিবদ্ধ করিতে প্রবৃত্ত হইলাম।

প্রবন্ধের মূল কথাগুলি প্রথমে সংক্ষেপে বলিয়া রাখি। আমাদের মনের মধ্যে দুইটি প্রবাহ বহিতেছে—একটি জ্ঞান-প্রবাহ ও অপরটি রস-প্রবাহ। ঠিকো আমরা যে রসের কথা বলিয়া থাকি, তাহা ইন্দ্রিয়গ্রাহ্য; সাহিত্যে যে রসের কথা বলি, তাহা ইন্দ্রিয়গ্রাহ্য নহে—মনের দ্বারা গ্রহণীয়। রস-প্রবাহ জ্ঞান-প্রবাহ হইতে স্বতন্ত্র। ইহাদের মধ্যে কার্য-কারণ ভাবও কল্পনা করা চলে না। রস ও জ্ঞান যে মনের পৃথক বৃত্তি, তাহা দেখাইবার নিমিত্ত আধুনিক মনোবিজ্ঞানবিদগণেরও মতের উল্লেখ করা হইয়াছে। Knowledge ও Feeling চিত্তের দুইটি পৃথক ধর্ম। জ্ঞান বস্তু-গুণ-পরিচায়ক এবং Feeling অথবা অনুভূতি সুখ-দুঃখ-লক্ষণ। এই অনুভূতির দ্বারাই রসের আন্বাদন হয়। জ্ঞান ও বিচারের দ্বারা যতক্ষণ আমরা বস্তুর গুণ বিশ্লেষণ করি, ততক্ষণ আমরা রসের কোনই সন্ধান পাই না। কিন্তু এইরূপ করিতে করিতে কখন সেই জিনিষের মধ্যে একটি চাখিয়া দেখিলাম, আর অমনি প্রাণে রস-ধারার সঞ্চারণ হইল। পরিশেষে জ্ঞানের উপর নিন্দাবাদ করিয়া প্রবন্ধ শেষ করা হইয়াছে। রস শুধু প্রাণে আকাজক্ষা জাগায় না; ইহা আত্মাতে এক অপূর্ণ উপলক্ষি আনাইয়া দেয়। জ্ঞান যেখানে ব্যাহত, রস সেখানে সমর্থ। বিচার, বিশ্লেষণ অধিকদূর অগ্রসর হইতে পারে না; অতীন্দ্রিয় অতিজাগতিক কোনও বিষয় সম্বন্ধে মন ধারণা করিতে পারে না। সুতরাং শেষকালে নেতিবাদে আসিয়া দাঁড়াইতে হয়। কিন্তু রসের নিষেকে যখন মন সরস হয়, তখন তাহার অনুভূতির পরিধি অনেক দূর বিস্তৃত হয়। দার্শনিক যেখানে পরাস্ত হইয়া ফিরিয়া আসেন,—কবি, শিল্পী ও ভক্ত সেখানে দিব্যশক্তি-বলে প্রবেশ করেন।

এক্ষণে দেখা যাইতেছে, প্রবন্ধে লেখক মহাশয় একটা জ্ঞানতত্ত্বের (Theory of Knowledge) অবতারণা

করিয়াছেন। দর্শন, তথা সমস্ত বিজ্ঞানশাস্ত্রের উদ্দেশ্য সত্য নিরূপণ অথবা সত্য উপলক্ষি করা। এই সত্য উপলক্ষি চিত্তের কোন্ বৃত্তির দ্বারা সাধিত হয়, তৎ সম্বন্ধে যথেষ্ট মতভেদ দৃষ্ট হয়। সে সমস্ত মতের আলোচনা করা আমাদের উদ্দেশ্য নহে; আমরা শুধু দেখিব, লেখক মহাশয়ের এতৎ সম্বন্ধে মত কি ও তাহা কতদূর সঙ্গত।

মনের যে বৃত্তির দ্বারা আমরা বিচার ও বিশ্লেষণ করি, জ্ঞান অর্থে তাহাই বুঝিতে হইবে—সুতরাং ইহাকে আমরা Intellect অথবা Understanding বলিব। চিত্তের যে বৃত্তি দ্বারা চরম সত্যের দর্শন লাভ হয়, তাহাকে 'রস' বলা হইয়াছে। অনুভূতি (Feeling) দ্বারা এই রসের আন্বাদন হয়।

বিচার ও বিশ্লেষণ দ্বারা যে চরম সত্যের সাক্ষাৎ লাভ হয় না, এ কথা খুবই সত্য এবং এ সম্বন্ধে লেখকের সহিত আমার মতবৈধন্য নাই। এই তকজাল-বিস্তারক বৈশ্লেষিক বুদ্ধিবৃত্তির উপর নিন্দাবাদ শুধু যে ভারতীয় ঋষিগণই করিয়াছেন, তাহা নহে; পরন্তু পাশ্চাত্য বহু দার্শনিকও দেখাইয়াছেন, এই Intellect অথবা Understanding চরম সত্যে উপনীত হইতে একেবারে অসমর্থ। 'নৈষা তর্কেণ মতিরাপনেয়া', 'নামমায়া প্রবচনেন লভ্যঃ ন মেধয়া ন বহুনা শ্রুতেন' এ সব আমাদের দেশের পুরাতন ঋষিবাক্য। সেন্ট বার্নার্ড (St. Bernard), এক্‌হার্ট (Eckhart) প্রমুখ পাশ্চাত্য Mysticগণ এই কথারই পুনরুক্তি করিয়াছেন। আদর্শবাদী কান্টের (Kant) 'Antinomies of the Understanding' সুবিদিত; এবং তাঁহারই অনুসরণ করিয়া Bradley তাঁহার Appearance and Reality গ্রন্থে বৈশ্লেষিক বুদ্ধি বৃত্তির অক্ষমতা দেখাইয়াছেন। বের্গসন (Bergson) Intuitionএর পক্ষ লইয়া Intellectএর বিস্তার নিন্দাবাদ করিয়াছেন।

এক্ষণে প্রশ্ন হইতেছে—আলোচ্য প্রবন্ধ হইতে লেখক মহাশয়কে আমরা Mystic বলিব, অথবা জ্ঞানবিরোধী (Anti-Intellectualist) Bergsonian বলিব? একটু প্রশ্ন করিলে দেখা যাইবে—Mysticগণ এবং জ্ঞানবিরোধী Bergson Intellectএর সম্বন্ধে যে সকল দোষ দেখাইয়া Intuitionism প্রচার করিয়াছেন, লেখক সেরূপ কোনও কথা বলেন নাই। বুদ্ধিবৃত্তিকে নির্বাসনে

দিয়া এক রহস্যময় সত্যের উপলব্ধি করা যায়, অথবা বুদ্ধিবৃত্তি নিয়ত পরিবর্তনশীল Realityকে বিকৃত করিয়া এক মিথ্যা জড়জগতের সৃষ্টি করে—এ সকল কোন মতই প্রবন্ধে নাই। রসের সীমা যে বুদ্ধি-বৃত্তির সীমাকে অতিক্রম করিয়া আরও অধিক দূর অবধি বিস্তৃত, এই কথাই এ প্রবন্ধে আছে।

তবে কি লেখক মহাশয়কে আমরা Kantian বলিব? Plato, Aristotle, Spinoza ইহারাও বিচারশীল Intellect অপেক্ষা সত্যদর্শনলাভে সমর্থ আর এক উচ্চতর বৃত্তির কথাই উল্লেখ করিয়াছেন। জার্মান দার্শনিক Hegelও Understanding অপেক্ষা Reasonকে বড় বলিয়াছেন। অধ্যাপক মহাশয়ের মতকে উহাদের মতের সহিত সমশ্রেণীভুক্ত করা যায় কি না? উত্তরে বলিতে হয়—না; এবং এইখানেই লেখক মহাশয়ের সহিত আমি একমত হইতে পারিলাম না। Plato, Aristotle এবং Spinoza, ইহাদের Intuition জ্ঞানাতিরিক্ত হইলেও জ্ঞান হইতে অভিন্ন নয়; উহা জ্ঞানেরই চরম পরিণতি। যাহা কিছু সাধারণ বুদ্ধির অগম্য তাহাই, বুদ্ধির পরিণতি যে Intuition, তাহা দ্বারা পাওয়া যায়—এই কথাই ঠিক। Understanding দ্বারাই চিন্তে জ্ঞানের সঞ্চারণ হয়। সুতরাং যাহা কিছু সাধাৰণ জ্ঞানের উপরে তাহা ঐ Understandingএরই চরম পরিণতি দ্বারা পাওয়া যাইবে—ইহা স্বাভাবিক।

শ্রদ্ধাম্পদ অধ্যাপক মহাশয় বলিতেছেন—“জ্ঞান যেখানে ব্যাহত, রস সেখানে সমর্থ, অথবা রসনিষিক্ত মনের পরিধি জ্ঞান অপেক্ষা অনেকদূর বিস্তৃত।” ইহার অর্থ এই হয় যে, Intellect যাহা জানাইতে পারে না, রস তাহা জানায়। ইহার উত্তরে আমরা বলি—রসকে জ্ঞানের সাধন বলা যায় না। যাহার কাজ আনন্দ দান করা—তাহা অতীন্দ্রিয় অতিজাগতিকের বার্তা কিরূপে বহন করিয়া আনিবে? আর তাহাই যদি পারে, তাহা হইলে তাকে “জ্ঞান হইতে স্বতন্ত্র” এরূপ কথা বলা অসুচিত। আনন্দ জ্ঞানেরই পরিণতি—এই কথা বলা আরও যুক্তিসঙ্গত হইবে। বর্তমান সমালোচনার আমার এই ছইটী প্রধান বক্তব্য; সুতরাং ইহাদের একটু বিস্তৃত আলোচনা আবশ্যিক।

উপনিষদে ব্রহ্মকে চিদানন্দ বলা হইয়াছে। ব্রহ্ম চিদানন্দ

অথবা বিজ্ঞানধন। তিনি পরিপূর্ণ জ্ঞান এবং সেই জন্তই তিনি আনন্দ। পরিপূর্ণ জ্ঞান এবং আনন্দ একই কথা। তাই ব্রহ্মকে কখনও বা আনন্দময় বলা হয়। সুতরাং আনন্দ পরিপূর্ণ জ্ঞানের লক্ষণ স্বরূপ। আমাদের প্রাণের আনন্দ হইতে আমরা জানিতে পারি—আমরা সত্যের সন্ধান পাইয়াছি; সেইজন্ত উপনিষদে সত্যম্ এবং আনন্দম্ একই কথা। জগতের শ্রেষ্ঠ কবিতা পড়িয়া যদি কিছু না বুঝি, তবে আনন্দও কিছুই পাই না। যখন উহার অর্থ সম্যক উপলব্ধি করি, তখন আনন্দও পাই। গণিত-বিজ্ঞানবিৎ নিউটন যখন মাধ্যাকর্ষণী শক্তি আবিষ্কার করিলেন, এবং Archimedes যখন জলের Specific gravity আবিষ্কার করিয়া, ‘Eureka’ ‘Eureka’ বলিয়া চীৎকার করিয়া দৌড়াইতে লাগিলেন, তখন তাহাদের প্রাণে যে আনন্দের রসধারা প্রবাহিত হইয়াছিল, উহা সম্যক জ্ঞানেরই পরিণত ফলস্বরূপ আনন্দ।

শ্রদ্ধাম্পদ লেখক মহাশয় বলিতেছেন—রস হইতেই আনন্দ আসে, রস না থাকিলে আনন্দ থাকিত না। তাহাই যদি হইল, তবে আবার তাহা হইতে অতীন্দ্রিয় অতিজাগতিকের (Metaphysical) জ্ঞান কিরূপে সম্ভব? এরূপ কথা বলায় ‘অধ্যাপক মহাশয়ের Theory of Knowledgeএ দ্বিধ দোষ (Dualism in Theory of Knowledge) আসিয়া পড়ে—চিন্তে এক বৃত্তি আছে, যাহা শুদ্ধ, নীরস, অসম্পূর্ণ জ্ঞান জন্মায়; এবং আর এক “স্বতন্ত্র” বৃত্তি আছে, যাহা দ্বারা অতিজাগতিকের সরস আনন্দময় জ্ঞান হয়। অধ্যাপক মহাশয় হস্তত বলিবেন “রসের বিজ্ঞাপনী শক্তি আছে, অথবা রস জ্ঞানের সাধন এমন কথা আমি বলি নাই; প্রাণে রস থাকার নিমিত্ত নীরস জ্ঞান সরস হয়, এই কথাই বলিয়াছি।” তাহার উত্তরে আমি বলি যে, তাহা হইলে “জ্ঞান যেখানে ব্যাহত, রস সেখানে সমর্থ...অতীন্দ্রিয় অতিজাগতিক বিষয় সম্বন্ধে মন ধারণা করিতে পারে না... কিন্তু রসের নিষেকে যে মন সরস হইয়াছে, তাহার অসুভূতির পরিধি অনেক অধিক। দার্শনিক যেখানে পরাস্ত হইয়া ফিরিয়া আসেন, কবি, শিল্পী ও ভক্ত সেখানে দিব্যশক্তি বলে প্রবেশ করে’ এ সকল কথা পরিহার করা উচিত; কারণ এস্থলে রসের অতীন্দ্রিয় সম্বন্ধে (metaphysical) বিজ্ঞাপনী শক্তি আছে এই কথা সূচিত হইতেছে।

‘দার্শনিক যেখানে পরাস্ত হইয়া ফিরিয়া আসেন, কবি, শিল্পী ও ভক্ত সেখানে দিব্যশক্তির বলে প্রবেশ করিতে পারেন’ এম্বলে শ্রদ্ধাস্পদ অধ্যাপক মহাশয়ের কবি, শিল্পী ও ভক্তের উপর পক্ষপাতিত্ব প্রমাণিত হইতেছে ; কারণ তিনি কবি, শিল্পী ও ভক্তকে দিলেন ‘দিব্যশক্তি’ এবং গরীব দার্শনিককে Intuition হইতে বঞ্চিত করিলেন। আমরা বলি, একমাত্র দার্শনিকই এই দিব্যশক্তির ( Intuition ) অধিকারী ; এবং কবি, শিল্পী ও ভক্তকে চরম সত্যের উপলব্ধি করিতে হইলে, তাঁহাদিগকে দার্শনিক কবি, দার্শনিক শিল্পী ও দার্শনিক ভক্ত হইতে হইবে। জ্ঞানকে ফাঁকি দিয়া সত্য জ্ঞান যাহ—ইহা আমার মন বিশ্বাস করিতে চাহিতেছে না। লেখক মহাশয় বলিতেছেন ‘জ্ঞানী দেখেন ব্রহ্ম অশব্দ, অস্পর্শ, অরূপ আবছায়া মাত্র এবং বাধ্য হইয়া অজ্ঞেয়তাবাদে আসিয়া উপনীত হন’। ইহারও উত্তরে আমরা ঐ একই কথা বলি। দার্শনিক যখন Intellectএর গন্তীর মধ্যে থাকেন, তখন তাঁহার সম্বন্ধে এ সকল কথা ঠিক। কিন্তু তিনি যখন আমার পূর্ববর্ণিত Intuitionএ আসিয়া উপনীত

হন, তখন তিনি সত্যের সম্পূর্ণ বিগ্রহ দেখিয়া আনন্দে আত্মহারা হন। একমাত্র দার্শনিকই এই আনন্দের অধিকারী। “জ্ঞানী গঙ্গার মোহানা ধুঁজিতে গিয়া বরফে আড়ষ্ট হইয়া পড়েন। কঙ্করোপলের আঘাতে ক্ষত-বিক্ষত হইয়া ফিরিয়া আসেন ; কিন্তু ভাবুক ব্যক্তি গঙ্গার শীকর-শীতল বাতাস খাইয়া গঙ্গাজল অঞ্জলি ভরিয়া পান করিয়া তৃপ্ত হইয়েন”—আমরা বলি এই শীকর-শীতল বাতাস খাইবার ও গঙ্গাজল অঞ্জলি ভরিয়া পান করিবার অধিকারী ‘ভাবুক’ ব্যক্তি নহেন, তৃষিত, কঙ্করোপলে ক্ষত-বিক্ষত জ্ঞানী।

মূল প্রবন্ধ সম্বন্ধে আমার যাগ বলিবার ছিল, বলিলাম। পরিশেষে আমার নিবেদন এই যে, আমার মতামত যদি কোথাও ভ্রান্ত হয়, শ্রদ্ধাস্পদ লেখক মহাশয় তাহা সংশোধন করিয়া দিবেন। আর আমার আলোচনা দুই এক স্থলে বিকৃত হইলেও, আশা করি, তিনি তাহাতে কষ্ট হইবেন না। কারণ সত্যপিপাসু দার্শনিকগণ সকল মতবাদকেই সাদরে অভ্যর্থনা করেন।

## হিমালয়

### শ্রীযতীন্দ্রমোহন বাগচী বি-এ

১  
মৌন তুমি, তাই এরা এত মিথ্যা কহে !  
জানে তব রুদ্রপাণি বহু নাহি বহে  
দস্ত দিতে দর্পিতেরে ! তুমি সংজ্ঞাহারা  
পাষণ প্রস্তর শিলা, অন্ধকার কারা !  
জীবের জীবনধারা—নির্ঝরিনী নদী  
যে বক্ষে লভিয়া জন্ম নিত্য নিরবধি  
করণা অমৃতসুগ্ধে বহুধা খাঁচায়,  
তাহারে বাধিবে এরা জড়ত্ব খাঁচায় !  
অনন্ত রত্নে খনি নিত্য যার দান,  
সে হ’ল নির্জীব নিঃশ্ব—অহল্যা পাষণ !  
যোগী তুমি মৌনবাক্—এরা চাহে কথা,  
সমাধি যে ভিত্তিহীনবর্ষর-বারতা !  
দেবাত্মা কহে না কথা, মগ্ন সৃষ্টিকাজে—  
বাড়িছে মিথ্যার ধূলা তাই বিশ্বমাঝে !

২  
শঙ্কর করেন বাস সমুচ্চ কৈলাসে,  
জগন্মাতা—জন্ম তাঁর শৈলরাজ বাসে  
মেনকা মাগের কোলে ! স্পর্ধা ত অল্প না !  
কার্যাকৌব কবিদের অলৌক কল্পনা।  
সেই সত্য, এরা যারে সত্য বলি মানে  
আপন সঙ্কীর্ণ ছুটি দৃষ্টিমাঝখানে ;  
তদিনের বিজ্ঞানের তথ্যে রাখে বাধা  
বিশ্বের বিধানবাক্তা না মানিয়া বাধা  
অস্তরের দিক্ হ’তে ; আত্মায় প্রলাপ  
তর্কলের সৃষ্টি বলি দেয় অভিলাপ ;  
অর্গছাড়া নিরর্থক সকলি বিশ্বের,  
নিখিল গৌরব বাধা যাহাতে নিঃশ্বের।  
সেই শিক্ষা শ্রেষ্ঠ যার যত আশ্রয়ালন,  
বাকী সব মিথ্যা মান, ভীকর স্বপন !



প্রার্থনা

শিল্পী—মহম্মদ আবদার-রহমান চ্‌তাই

Bharatvarsha Halftone & Printing Works.







## মিলন-পূর্ণিমা

ডাক্তার শ্রীনরেশচন্দ্র সেন এম-এ, ডি-এল্

( ১৯ )

রেখা প্রিন্সিপ্যালকে বলিয়া, খুব ছোট ছোট মেয়েদের ক্লাশে পড়াইবার ভার চাছিল। তার পাইয়া সে আনন্দিত হইল। সে ভাবিল যে এই ছোট মেয়েরা তাকে দুই বছরেই ছাড়িয়া যাইতে পারিবে না। আট নয় বৎসব করিয়া অন্ততঃ তারা থাকিবে। তা' ছাড়া ছোট ছোট মেয়েদের সঙ্গে কথা কহিয়া, খেলিয়া, তাদের সব ছোট ছোট কান্না-হাসি, খেলা-ধুলায় যোগ দিয়া, সে মনের ভিতর এমন একটা অপূর্ব আনন্দের সন্ধান পাইল যে, সে আপনি অবাক হইয়া গেল। তার ছাব্বিশ বছরের ঘোঁ-নেব তলায় যে তৃষিত মাতৃহৃদয় লুকাইয়া ছিল, সে এখন ঝাড়া পাইয়া জাগিয়া উঠিল,— সে আকুল ভাবে শিশুদের কাছে আত্মসমর্পণ কবিল।

এই ছোট মেয়েদের পড়াশুনার চেহারা ফিরিয়া গেল। স্কুল-গৃহ একটা খেলাঘর হইয়া দাঁড়াইল—আর রেখা তাদের খেলার সাথী। বড় কেউ যদি তাদের খেলায় যোগ দেয়, তাহে শিশুদের যে আনন্দ, তাহা বলিবার নয়। তাহারা গর্কে ফুলিয়া উঠিল। এই খেলার ভিতর দিয়া রেখা যে তাদের কোন ফাঁকে কেমন করিয়া অনেকটা খেথাপড়া শিখাইয়া দিল, তাহা তারা ভাল করিয়া বুঝিতেই পারিল না। রেখা যখন কাহাকেও কোনও একটা জিনিষ পড়িতে বলিত, তখন সে চেয়ারে বসিয়া বেঞ্চের কাছে দাঁড়ান

মেয়েকে পড়িতে ছুকুম করিত না। হয় সে উঠিয়া সেই মেয়ের কাছে যাইত, না হয় সে মেয়েকে কাছে ডাকিয়া লইত। কোলের ভিতর টানিয়া লইয়া শিশুর সেই কোমল মস্তক গালের সঙ্গে মুখ লাগাইয়া সে তাকে পড়িতে বলিত। শিশু আনন্দের নেশায় মগন হইয়া পড়িয়া যাইত। ক্লাশের আর সবাই ছটফট করিত, কখন রেখা তাহাদের ডাকিবে!

এক একটা মেয়ে বড় বোকা। অল্প শিক্ষিত্রীরা তাদের গালাগালি দেন বা অগ্রাহ করেন। রেখা তাদের কোলে টানিয়া লইয়া তার সঙ্গে আলাপ করিত। খুঁটিয়া খুঁটিয়া সে তার মনের সন্ধান লইত। তার ব্যর্থতার ব্যথায় রেখার নিজের প্রাণ কাঁদিয়া উঠিত। ঠিক কোন-খানে তার বাধিতেছে সেই কথাটা আবিষ্কার করিবার জন্ত সে উঠিয়া পড়িয়া লাগিত। আর তাহার সন্ধান পাইয়া সে ঠিক সেইখান হইতে তার শিক্ষা আরম্ভ করিত। আর সে এমন করিয়া স্নেহ ও উৎসাহ দিয়া মেয়েটির অন্তর ভরিয়া দিত যে, তার চরিত্র একদম বদলাইয়া যাইত। সে শিখিবার জন্ত ব্যাকুল হইত, শিখিবার শক্তি পাইত।

রেখাকে এ মেয়েরাও আর সবার মত রেখাদি' বলিত। কিন্তু রেখা তাদের বলিল, তাকে মাসিমা বলিতে হইবে। সকলে তাহাকে মাসিমা করিয়া লইল। “মাসিমা”র ভিতর

যে “মা”টুকু ছিল, তার মাধুর্য্যেই তার অন্তরে অপূর্ণ সুখা বর্ষণ করিত।

রেখার জীবনে এখন আর কোনও কাজ ছিল না। স্কুলে ও বোর্ডিং-এ সে এই মেয়েদের ভিতর ডুবিয়ে তন্নয়ন হইয়া থাকিত—তার আর কোনও কাজ বা মন বসাইবার আর কোনও বিষয় ছিল না। কেবল মাঝে মাঝে সে মনে করিত সৌরানের কথা। সে কোথায়? কি করিতেছে? রেখার কথা তার একবারও মনে পড়ে কি না সে কথা ভাবিত। কিন্তু কোনও মতেই সে সৌরানের কোনও সন্ধান পাইল না।

সুচরিতার বিবাহ পাটনায়ই হইল। রেখার তাতে নিমন্ত্রণ হইয়াছিল। সেখানে গিয়া সে প্রসঙ্গক্রমে শুনিতে পাইল যে, দেশবিখ্যাত বাগ্মী নিত্যরঞ্জন বাবু এ বিবাহে আসিয়াছেন। বরটি না কি নিত্যরঞ্জনের খুড়তুত ভাই। অনেক পুরাতন কথা মনে উঠিল। নিত্যরঞ্জনের উপর তার অনেক দিনকার পুরাতন আক্রোশ ছিল; কেন না, নিত্যরঞ্জন ছিল সৌরানের প্রতিদ্বন্দ্বী এবং রেখার বিরুদ্ধাচারী। সে পুরাতন বিরাগ পূর্ণমাত্রায় জলিয়া উঠিল। সে দেখিতে পাইল, নিমন্ত্রিত সমস্ত মেয়েছেলের দল আকুল হইয়া নিত্যরঞ্জনের স্মৃষ্টি একবার দেখিবার জগু ছুটিয়া গেল। জানালার কাছে ভিড় ঠেলিয়া ছুঁচও প্রবেশ করিতে পারে না। ইহাতে রেখা প্রাণের ভিতর দারুণ জ্বালা অনুভব করিল।

কিন্তু তার সমস্ত বিরোধ ছাপাইয়া উঠিল তার কৌতূহল। নিত্যরঞ্জন সৌরানের যত বড় শত্রু হোক, সে যত ভুল ও নগণ্য হোক, সে সৌরানের আত্মীয় ও সৌরানের খবর রাখে। তার কাছে সৌরানের খবর লওয়া যায় কিরূপে? সে ছটফট করিতে লাগিল।

বিবাহ হইয়া বরকন্ঠা যখন বাড়ীর ভিতর আসিল, রেখা তখন বরের সঙ্গে আলাপ করিল। প্রসঙ্গক্রমে সে জিজ্ঞাসা করিল, “আপনি সৌরীন বাবুকে চেনেন?” জিজ্ঞাসা করিয়াই সে বকের ভিতর দারুণ আন্দোলন অনুভব করিল। কি জানি এ কি বলিবে ভাবিয়া তার অন্তর কাঁপিতে লাগিল—যদি সৌরানের কোনও অমঙ্গল সংবাদ পায় তাই ভাবিয়া সে ব্যাকুল হইল।

বর বলিল, “কোন্ সৌরীন বাবু?”

তখন রেখার মনের ভিতর একটা নিদারুণ কোভ জলিয়া উঠিল। সৌরীনকে যে এ চেনে না—বাকলা দেশের কোনও লোক যে সেই ত্যাগী মহাত্মাকে চেনে না—এ কথা তার অবিশ্বাস্ত বলিয়া মনে হইল। আর কিছু না হউক, বিশ্ববিদ্যালয়ের একজন কৃতী ছাত্র বলিয়া তেঁা সবাই তাকে চেনে,—যে Finance Departmentএর চাকরীর জগু এ ব্যক্তি লালারিত, সে চাকরী পাইয়া যে ছাড়িয়া দিয়াছে, তাকে তো অন্ততঃ চেনে। সুতরাং “কোন্ সৌরীন?” এ প্রশ্নের ভিতর রেখা একটা স্পর্ধাভরা অবজ্ঞার ছায়াপাত লক্ষ্য করিল—এ নিত্যরঞ্জনের ভাইয়ের যোগ্য বটে!

রেখা বলিল, “না, আপনি বোধ হয় তাঁকে চেনেন না,— তিনি আপনার পাঁচ ছ’ বছরের সিনিয়র,—আমাদের এক বছর আগে পাশ ক’রেছিলেন।”

বর বলিল, “ও সৌরীন-দা, তাঁকে চিনবো না কেন?”

রেখা বাঁচিল,—বরের উপর তার শ্রদ্ধা বাড়িয়া গেল। সে জিজ্ঞাসা করিল, “তিনি কোথায় আছেন বলতে পারেন কি?”

“না; সাত আট বছর হ’ল তাঁর সঙ্গে আমার দেখা হয় নি। দু বছর আগে তিনি গ্রামে এসে তাঁর সম্পত্তি বেচে গিয়েছেন শুনেছি। আমি তখন দেশে ছিলাম না।”

“সম্পত্তি বেচেছেন? কেন?”

“তা জানি না। বোধ হয় কিছু ব্যবসা করবেন। তা ছাড়া, গুনলাম, দেনা-পত্তরও না কি তাঁর হ’য়েছে। আপনি তাঁকে চেনেন?”

রেখা কষ্টে বলিল, “কলেজে থাকতে তাঁর সঙ্গে সামান্য আলাপ ছিল।” আর কথা বলিতে তার সাহস হইল না। তার বুক ফাটিবার উপক্রম হইতেছিল। দারুণ উৎকর্ষা ও আবেগে তার প্রাণ অস্থির হইয়া পড়িয়াছিল।

সমস্ত রাত্রি দারুণ উৎকর্ষায় কাটাইয়া, অনেক ভাবিয়া চিন্তিয়া, রেখা নিত্যরঞ্জনের কাছে চিঠি লিখিয়া তাহার সাক্ষাৎ প্রার্থনা করিল। চিঠি পাইয়াই নিত্যরঞ্জন ছুটিয়া আসিল।

রেখা তার অন্তরের সব বিরুদ্ধতা কষ্টে দমন করিয়া বিশেষ সৌজন্যের সহিত জিজ্ঞাসা করিল, “আপনাকে বড় কষ্ট দিলাম। অনেক দিন হ’ল আপনার বছর কোনও

খবর জানতে পারি নি। কাল শুনলাম, তিনি না কি তাঁর সব সম্পত্তি বেচে ফেলেছেন। কেন হঠাৎ এমন ক'রলেন, আর তিনি কোথায় কি ক'রছেন, সেটা জানবার জন্ত আপনাকে কষ্ট দিয়েছি। আপনি নিশ্চয় তাঁর খবর জানেন।”

নিত্যরঞ্জন অত্যন্ত বিনীত ভাবে বলিল, “আপনি যে আমাকে কি লজ্জা দিলেন, তা' আমি ব'লতে পারি না। সৌরীনের খবর আমার রাখা অত্যন্ত কর্তব্য; কিন্তু অমৃতপু হ'য়ে স্বীকার করছি যে, সে খবর আমি এত দিন মোটেই রাখি নি। আমার এ ক্রটির কোনও ক্ষমা নেই। তা' আমি এবার গিয়ে সর্বাগ্রে সমস্ত সংবাদ নিয়ে তার পর আপনাকে জানাব।”

“তিনি কি ক'রছেন বলে আপনার মনে হয়?”

“আমি কিছুই ব'লতে পারছি না। এ কথা আজ আপনার কাছে বলতে হ'চ্ছে যে কত লজ্জার সঙ্গে, তা' কি বলবো।”

রেখার প্রাণ এ কথায় যে সব দারুণ আশঙ্কায় ভরিয়া উঠিল, সেগুলিকে স্পষ্ট করিয়া অমৃতপু করিতেও রেখার ভয় হইতেছিল। এত দিন তবে সে মূর্খের মত সুধু চোখ বুজিয়া স্বপ্ন দেখিতেছিল। সে সৌরীনের উপর অভিমান করিয়া মাঝে মাঝে কাঁদিয়াছে, কিন্তু বেশীর ভাগ সময় সে এই ভাবিয়া তৃপ্তি লাভ করিয়াছে যে, সৌরীনকে সে বাধ্যকৃত করিয়া যে মহেশ্বরের পথে ছাড়িয়া দিয়া আসিয়াছে, সে পথে সে পায় পায় অগ্রসর হইয়া হয় তো এত দিনে বিরাট কোনও কৰ্ম করিয়া, নিজের অক্ষয় গৌরব প্রতিষ্ঠার ভিত্তি স্থাপন করিয়াছে। সে স্বপ্ন এত মিথ্যা, যে, নিত্যরঞ্জনের মত বন্ধুও সৌরীনের কোনও খবরই রাখে না। তা' ছাড়া, এমন বিপন্ন সে হইয়াছে যে, তার পৈতৃক সম্পত্তি সমস্ত বিক্রয় করিতে হইয়াছে। আর রেখা যে এত দিন ধরিয়া তার বেতনের প্রায় সমস্ত টাকা সঞ্চয় করিয়া আসিয়াছে—সেই সব সৌরীনের হাতে সমর্পণ করিয়া তার মহৎ কার্যের সাহায্য করিবে বলিয়া। তার ব্যাঙ্কে আজ পোনেরো হাজার টাকা, আর সৌরীনকে বিপন্ন হইয়া তার ভদ্রাসন শুদ্ধ করিয়া সম্পত্তি বিক্রয় করিতে হইয়াছে!—এ সব রেখার দায়, সেই তো এমন করিয়া সৌরীনকে ছাড়িয়া দিয়াছে যে, সৌরীন তার ঠিকানা পর্যন্ত জানিতে পারে নাই।

হয় তো সে ঠিকানা জানিতে চেষ্টা করিয়াছে, কিন্তু পারে নাই। তাই তার এত বিপদের ভিতর সে রেখাকে কিছুই জানায় নাই।

নিত্যরঞ্জন চলিয়া গেলে, রেখা আকুল হইয়া কাঁদিতে লাগিল। সৌরীনের সংবাদ জানিবার জন্ত সে এত ব্যগ্রতা অমৃতপু করিল যে, সে চূপ করিয়া বসিয়া থাকিতে পারিল না। ঘরের এক পাশ হইতে আর এক পাশে ছুটাছুটি করিতে লাগিল। নানা রকম অদ্ভুত উপায় তার মনে হইতে লাগিল, কিন্তু কোনওটাতেই কোনও ফল হইবে মনে হইল না। অনেকক্ষণ অনবরত ছুটাছুটি করিয়া শেষে ক্লান্ত হইয়া সে শুইয়া পড়িল।

( ২০ )

লীলা ঠিক করিল, নিত্যরঞ্জন রেখার পুরাতন প্রণয়ী। অনেক দিন বিচ্ছেদের পর দেখা হইয়াছে, তাই রেখা এমন ব্যথিত হইয়াছে। সে আস্তে আস্তে রেখার মাথার কাছে বসিয়া, তার মাথায় হাত বুলাইতে বুলাইতে বলিল, “তুমি এমন বিচলিত হ'চ্ছ কেন ভাই? কিসের দুঃখ তোমার?”

এ সহানুভূতির কথায় রেখার দুই চক্ষু বাহিয়া জল গড়াইয়া পড়িল। সে অনেকক্ষণ মুখ লুকাইয়া কাঁদিয়া শেষে বলিল, “আমার দুঃখ লোকের কাছে বলবার নয়।”

“আমার কাছেও নয়?”

রেখা অনেকক্ষণ ভাবিয়া বলিল, “না ভাই, এ কারো কাছে বলবার নয়। কি বলবো? কেউ তো এ বুঝবে না। আমি একজনকে ভালবাসতাম, সে আমাকে বোধ হয় ভালবাসতো। আমাদের বিয়ে হ'ল না, দুজনে দুদিকে ছিটকে পড়লাম। এ কথা শুনে লোকে এক-আধটু আহা উছ করতে পারে। কিন্তু সঙ্গে সঙ্গে সবাই ভাববে যে, এ তো সর্বদাই হ'চ্ছে—এর জন্ত এতটা বাড়াবাড়ি কেন? কেন না, এর তলায় যে সব বড় বড় কথা আছে, সে কথা তো লোককে বুঝান যাবে না।”

“তিনি কি অল্প কাউকে বিয়ে ক'রেছেন?”

কথাটার রেখার অন্তর যেন একটু শিহরিয়া উঠিল। কিন্তু সে জোরের সহিত বলিল, “না, সে অসম্ভব—তিনি তেমন হাঙ্গা লোক নন।”

“তবে তুমি ওঁকে বিয়ে কর না কেন?”

“সেই জন্তই তো বলছি ভাই। আমার কণা কেউ

না। এ কথা কাউকে বলবার জো নেই। বিধাতার এই বিধান লীলা, আমরা দুজন দুজনকে প্রাণ দিয়ে ভালবাসবো, অথচ আমাদের মিলন হ'বে না।”

লীলা বলিল, “সত্যিই তোমার কথা বঝতে পারলাম না। তোমাদের বিয়ের অন্তরায়টা কি?”

“সে কথা শুনলে তুমি হাসবে। অন্তরায় শুধু এই যে, তাঁর অন্তরটা প্রকাশ, আমার হৃদয়ের ক্ষুদ্র আধারে সে ধরে না।”

রেখাকে স্নেহালিঙ্গনে বেষ্টন করিয়া ধরিয়া লীলা স্নেহে বলিল, “আমাকে সব কথা খুলে বলবে না ভাই? তোমার কথাগুলো যে হেঁয়ালীর মত শোনাচ্ছে।”

রেখা কাঁদিয়া বলিল, “না ভাই, ক্ষমা করো। তাঁর ভালবাসা পেয়ে আমি ধন্ত হ'য়েছি—তাঁর বিরাট অন্তর তিনি আমার কাছেই শুধু খুলে দেখিয়েছেন। আমি তাঁর গোপন কথা অন্বেষণে কাছে বলে তাঁর সে মহত্বের অপমান করবো না। আর কেউ তো তাঁকে আমার মত বঝবে না।”

“কিন্তু আমি বঝবো, তুমি বল আমায়।”

“না ভাই, এ ব্যথা আমার গোপন সম্পদ, তোমার মত বন্ধুকেও এ বলবার জো নেই। তা ছাড়া, গুছিয়ে বলতে আমি পারবোও না। আমি যা জেনেছি তাঁর বেশীর ভাগ আমার অন্তরের সম্পর্কিত অনুভূতি মাত্র; তা কথায় গুছিয়ে বলতে গেলে এত ভুল হয় তো হ'বে যে তুমি ভুল বঝবে।”

“আচ্ছা, একটা কথা বল, বিয়েটা ভাঙলে কে? তিনি না তুমি?”

“আমিই ভেঙেছি লীলা। আর সেজন্য আমার শুধু চঃখ নেই তা নয়। এতবড় ত্যাগ করতে পেরেছি বলে আমার বেশ গর্ষ হয়।”

ইহার কিছু দিন পরে নিত্যরঞ্জন রেখাকে জানাইল, সে এখন পর্য্যন্তও সৌরীনের কোনও সংবাদ পায় নাই। সে নানা দিকে অনুসন্ধান করিতেছে। সব কাজ ছাড়িয়া সে তাহার সন্ধান জানিয়া রেখাকে জানাইবে।

ইহার দুই মাস পরে রেখা নিত্যরঞ্জনের আর এক চিঠি পাইল। তাহাতে সে লিখিল, সৌরীন মহম্মনসিংহে কিছু দিন পূর্বে জুতা ও কাপড়ের দোকান করিয়াছিল। সে দোকানের বাবদে অনেক দেনাপত্র হওয়ায় সে কোথায় পলাইয়াছে, তাঁর সন্ধান কেহ জানে না। তাঁর নামে অনেক টাকার ডিক্রী লইয়া মহাজনেরা সন্ধান করিতেছে।

এ পত্র পড়িয়া রেখা একেবারে বসিয়া পড়িল। এই কি তবে তাঁর সর্বস্ব ত্যাগের ফল—এই সৌরীনের মহৎ ত্যাগ-ব্রতের পরিসমাপ্তি! এই কি সেই দেবতা, যাকে সে অন্তরে স্থাপন করিয়া দিনরাত শ্রদ্ধার অর্ঘ্য দিয়া পূজা করিয়াছে! রেখাকে বিবাহ করিলে জীবন সার্থক হইবে না বলিয়া যে রেখার কাছে মুক্তি লইয়া গেল, সে কি না তাঁর পর একখানা কাপড়ের দোকান ফাঁদিয়া ব্যবসা করিতে বসিল, আর তাঁর পর মহাজনদের ঠকাইয়া পলাইল!

কিন্তু তখনি তাঁর মনে হইল, ইহা অসম্ভব। রেখাকে না হয় সৌরীন অশ্রদ্ধায় ছাড়িতে পারে। কিন্তু সে তো কাপড়ের দোকান করিবার জন্য Finance Departmentএর বড় চাকরী ছাড়িয়া দেয় নাই। আর শ্রাণ গেলেও তাঁর মত মহাপ্রাণ যুবক কখনও কাহাকেও ঠকাইতে পারে না। নিত্যরঞ্জন সব খবর পায় নাই। হয় তো সৌরীন অর্ধকষ্টে বিপন্ন হইয়া মারা গিয়াছে, হয় তো সে বিপদে কেহ তাহাকে সাহায্য করে নাই। রেখার এত টাকা যার জন্য জন্ম রহিয়াছে, সে যদি অনাহারে, কষ্টে প্রাণত্যাগ করিয়া থাকে, তবে রেখার চঃখ রাখিবার যে ঠাই থাকিবে না।

ভাবিয়া চিন্তিয়া রেখা তাঁর কর্তব্য স্থির করিল। ক্রমে তাঁর মনে সন্দেহ রহিল না যে, সৌরীন ঋণজালে জড়িত হইয়া কষ্টে প্রাণত্যাগ করিয়াছে। রেখা তো তাঁর জীবিত-কালে কিছুই করিতে পারিল না, এখন অন্ততঃ তাঁর কলঙ্ক মোচন করিয়া তাঁর কর্তব্য পালন করিবে।

( ক্রমশঃ )

## প্রথম বাঙ্গালী •

### শ্রীহিমাংশুবালা ভাটুড়ী

- |   |  |
|---|--|
| ১। হাইকোর্টের জজ প্রথম-বাঙ্গালী<br>রমা প্রসাদ রায়  | ১৭। ইংরাজী কবিতায় বশিষ্ঠিনী হন প্রথম বাঙ্গালী মহিলা<br>তরু দত্ত   |
| ২। হাইকোর্টের চীফ জাস্টিস প্রথম বাঙ্গালী<br>শ্রী রমেশচন্দ্র মিত্র   | ১৮। পদার্থ-বিজ্ঞানে কৃতিত্ব লাভ করেন প্রথম বাঙ্গালী<br>আচার্য্য শ্রী জগদীশচন্দ্র বসু                           |
| ৩। হাইকোর্টের আই-সি-এস (অস্থায়ী) জজ প্রথম বাঙ্গালী<br>বিহারীলাল গুপ্ত  | ১৯। বিলাতে লর্ড সভার সভ্য প্রথম বাঙ্গালী<br>লর্ড সিংহ  |
| ৪। এরোপেনে উঠেন প্রথম বাঙ্গালী রমণী<br>রানী মৃগালিনী  | ২০। পাশ্চাত্য চিকিৎসা-শাস্ত্রে প্রথম বাঙ্গালী<br>মধুসূদন গুপ্ত   |
| ৫। হাইকোর্টের আই-সি-এস (স্থায়ী) জজ প্রথম বাঙ্গালী<br>শ্রী বসন্তকুমার মল্লিক                                    | ২১। ভারতের বাহিরে নাট্যকলার কৃতিত্ব দেখান প্রথম বাঙ্গালী<br>নিরঞ্জন পাল ও সীতা দেবী                            |
| ৬। শ্রী উপাধি পান প্রথম বাঙ্গালী<br>শ্রী রাধাকান্ত দেব বাহাদুর  | ২২। ইণ্ডিয়ান স্প্রাশনাল কংগ্রেসের মহিলা সভা প্রথম বাঙ্গালী মহিলা<br>স্বর্ণকুমারী দেবী                         |
| ৭। ডিস্টিসনাল কমিশনার প্রথম বাঙ্গালী<br>রমেশচন্দ্র দত্ত   | ২৩। মিলিটারী কাইনানসিয়াল অ্যাড্‌ভাইসার প্রথম বাঙ্গালী<br>শ্রী ভূপেন্দ্রনাথ মিত্র                              |
| ৮। সার্জন জেনারেল প্রথম বাঙ্গালী (অস্থায়ী) কর্ণেল<br>মহম্মদনাথ সৌধুরী আই-এম-এস                                 | ২৪। ইংরাজী কাব্য লেখক প্রথম বাঙ্গালী<br>মাইকেল মধুসূদন দত্ত  |
| ৯। মুন্সেফ হইত হাইকোর্টের জজ প্রথম বাঙ্গালী<br>শ্রী প্রমদারঞ্জন বন্দ্যোপাধ্যায়                                 | ২৫। রেভিনিউ বোর্ডের প্রথম বাঙ্গালী মেম্বর<br>শ্রী কৃষ্ণগোবিন্দ গুপ্ত   |
| ১০। পোর্ট্‌ এণ্ড টেলিগ্রাফের অ্যাসিস্ট্যান্ট ডিরেক্টর জেনারেল<br>প্রথম বাঙ্গালী—শ্রী রাধিকানোহন লাহিড়ী বাহাদুর | ২৬। আধুনিক যুগের দয়ার সাগর প্রথম বাঙ্গালী<br>ঈশ্বরচন্দ্র বিজ্ঞানসাগর  |
| ১১। অ্যাকাউন্ট্যান্ট জেনারেল প্রথম বাঙ্গালী<br>মহম্মদনাথ ভট্টাচার্য্য   | ২৭। ট্রান্‌ডিং কাউন্সিল হন প্রথম বাঙ্গালী<br>শ্রী সত্যেন্দ্রপ্রসন্ন সিংহ                                       |
| ১২। অ্যাডভোকেট জেনারেল প্রথম বাঙ্গালী<br>শ্রী সত্যেন্দ্রপ্রসন্ন সিংহ  | ২৮। পাশ্চাত্য রসায়ন শাস্ত্রে কৃতিত্ব লাভ করেন প্রথম বাঙ্গালী<br>শ্রী প্রফুল্লচন্দ্র রায়                      |
| ১৩। ফুটবল খেলার কৃতিত্ব লাভ করেন প্রথম বাঙ্গালী<br>শিব ভাটুড়ী ও বিজয় ভাটুড়ী                                  | ২৯। ভারতে দার্শনিক কবি প্রথম বাঙ্গালী<br>রবীন্দ্রনাথ ঠাকুর   |
| ১৪। ইণ্ডিয়া কাউন্সিলের মেম্বর প্রথম বাঙ্গালী<br>শ্রী কৃষ্ণগোবিন্দ গুপ্ত  | ৩০। আধুনিক যুগের ত্যাগের আদর্শ দৃষ্টান্ত প্রথম বাঙ্গালী<br>দেশবন্ধু চিত্তরঞ্জন দাস                             |
| ১৫। স্বরাজ্য নীতির প্রধান প্রবর্তক প্রথম বাঙ্গালী<br>দেশবন্ধু চিত্তরঞ্জন দাস                                    | ৩১। ভারতে সর্বশ্রেষ্ঠ ঔপন্যাসিক প্রথম বাঙ্গালী<br>বঙ্কিমচন্দ্র চট্টোপাধ্যায়                                   |
| ১৬। আবার সেক্রেটারী অব স্টেট প্রথম বাঙ্গালী<br>শ্রী সত্যেন্দ্রপ্রসন্ন সিংহ                                      | ৩২। অধ্যবসায় দ্বারা সামান্য চাকুরী হইতে চরম উন্নতির আদর্শ দৃষ্টান্ত<br>প্রথম বাঙ্গালী—শ্রী ভূপেন্দ্রনাথ মিত্র |

\* এই তালিকায় একাংশিত মহোদয়গণের আলোক-চিত্র সংগ্রহের চেষ্টা হইতেছে। 'ভারতবর্ষের পাঠক-পাঠিকাগণ এই সংগ্রহ-কার্যে সহায়তা করিলে কৃতজ্ঞ হইব।—ভারতবর্ষ-সম্পাদক।

- ৩৩। কেমব্রিজে শ্রিধ প্রাইজ পান প্রথম বাঙ্গালী  
ভূপতি সেন
- ৩৪। লণ্ডন বিশ্ববিদ্যালয়ের ডি-এসসি প্রথম বাঙ্গালী  
শ্রী জগদীশচন্দ্র বসু
- ৩৫। ইন্ডিয়ান স্ট্রাশনাল কংগ্রেসের প্রথম বাঙ্গালী মহিলা সভানেত্রী  
সরোজিনী নাইডু
- ৩৬। পোস্ট্ এণ্ড টেলিগ্রাফের ডিরেক্টর জেনারেল প্রথম বাঙ্গালী  
জ্ঞানেন্দ্রপ্রসন্ন রায়
- ৩৭। বিলাতের ক্যাভিনেটের সভ্য প্রথম বাঙ্গালী  
লর্ড সিংহ
- ৩৮। চীফ এঞ্জিনিয়ার প্রথম বাঙ্গালী  
রাজেশ্বর মিত্র
- ৩৯। চীফ সেক্রেটারী প্রথম বাঙ্গালী  
শ্রী অতুলচন্দ্র চট্টোপাধ্যায়
- ৪০। ইম্পিরিয়াল সার্ভিসে নাইট উপাধি পান প্রথম বাঙ্গালী  
শ্রী বসন্তকুমার মল্লিক আই-সি-এস
- ৪১। ভারতীয় চিকিৎসা বিভাগের কর্নেল প্রথম বাঙ্গালী  
কে, পি, গুপ্ত
- ৪২। তিব্বত ভ্রমণকারী প্রথম বাঙ্গালী  
রাজা রামমোহন রায়
- ৪৩। ডেপুটি কমিশনার অব পুলিশ প্রথম বাঙ্গালী  
রায় পূর্ণচন্দ্র লাহিড়ী বাহাদুর
- ৪৪। ভারতের বাহিরে প্রথম হিন্দুধর্ম প্রচারক বাঙ্গালী  
শ্রী বিবেকানন্দ
- ৪৫। ভারতে ইংরাজী শিক্ষা প্রচলনের সমর্থক প্রথম বাঙ্গালী  
রাজা রামমোহন রায়
- ৪৬। স্ট্রানিটারী কমিশনার প্রথম বাঙ্গালী  
কর্নেল কে, পি, গুপ্ত
- ৪৭। ব্যারিষ্টারী পরীক্ষায় প্রথম স্থান অধিকার করেন প্রথম বাঙ্গালী  
নৃপেন্দ্রনাথ সরকার
- ৪৮। বিশ্ববিদ্যালয়ের স্ট্রাইস-চ্যান্সেলার প্রথম বাঙ্গালী  
শ্রী গুরুদাস বন্দ্যোপাধ্যায়
- ৪৯। কিংস কাউন্সেল হন প্রথম বাঙ্গালী  
শ্রী সত্যেন্দ্রপ্রসন্ন সিংহ
- ৫০। ভারতের বাহিরে প্রথম বাঙ্গালী বাগ্মী  
কেশবচন্দ্র সেন
- ৫১। সম্মানে আই-সি-এস পদত্যাগ করেন প্রথম বাঙ্গালী  
সুভাষচন্দ্র বসু
- ৫২। ভারতের বাহিরে পাশ্চাত্য চিত্রকলার কৃতিত্ব লাভ করেন  
প্রথম বাঙ্গালী—শশিকান্ত হেব
- ৫৩। ভারতের বাহিরে সৈনিক বিভাগে কৃতিত্ব লাভ করেন  
প্রথম বাঙ্গালী—কর্নেল হরেশ বিশ্বাস
- ৫৪। ভারতের বাহিরে প্রাচ্য গীত বাঞ্ছা সুখ্যাতি অর্জন করেন  
প্রথম বাঙ্গালী মহিলা—সত্যবালা দেবী
- ৫৫। প্রাচ্য চিত্রকলার প্রবর্তক প্রথম বাঙ্গালী  
অবনীন্দ্রনাথ ঠাকুর
- ৫৬। গভর্নর প্রথম বাঙ্গালী  
লর্ড সিংহ
- ৫৭। নোবেল প্রাইজ পান প্রথম বাঙ্গালী  
রবীন্দ্রনাথ ঠাকুর
- ৫৮। কংগ্রেসের সভাপতি প্রথম বাঙ্গালী  
উমেশচন্দ্র বন্দ্যোপাধ্যায়
- ৫৯। বেলুনে উঠেন প্রথম বাঙ্গালী  
রামচন্দ্র বন্দ্যোপাধ্যায়
- ৬০। ব্যারিষ্টারী পাশ করেন প্রথম বাঙ্গালী  
জ্ঞানেন্দ্রমোহন ঠাকুর
- ৬১। আই-সি-এস, পরীক্ষায় শীর্ষস্থানীয় হন প্রথম বাঙ্গালী  
শ্রী অতুলচন্দ্র চট্টোপাধ্যায়
- ৬২। বড়লাটের একজিকিউটিভ কাউন্সিলের সভ্য প্রথম বাঙ্গালী  
শ্রী সত্যেন্দ্রপ্রসন্ন সিংহ
- ৬৩। কেমব্রিজ বিশ্ববিদ্যালয়ের প্রথম বাঙ্গালী  
র্যাংলার আনন্দমোহন বসু
- ৬৪। লর্ড উপাধি পান প্রথম বাঙ্গালী  
লর্ড সিংহ
- ৬৫। আই-সি-এস পরীক্ষা পাশ করেন প্রথম বাঙ্গালী  
সত্যেন্দ্রনাথ ঠাকুর
- ৬৬। রয়েল সোসাইটির সদস্য প্রথম বাঙ্গালী  
শ্রী জগদীশচন্দ্র বসু এফ-আর-এস

অনুসন্ধান যতদূর জানিতে ও সংগ্রহ করিতে পারিলাম, তাহাই  
লিপিবদ্ধ করিলাম; অম-প্রমাণ অবশ্যই থাকিতে পারে। শেষোক্ত  
দশটি নাম ইতঃপূর্বে পত্রান্তরে প্রকাশিত হইয়াছিল।

## ময়মনসিংহের মহিলা-কৃতিবাস

শ্রীচন্দ্রকুমার দে

বনে অনেক সময় এমন ফুল ফুটে, রাজ্যোত্থানেও যাহার তুলনা মিলে না। কিন্তু সে বনফুলের সৌরভ কেহ উপলব্ধি করিতে, কিম্বা সে সৌন্দর্য্য কেহ ভোগ করিতে পারে না। বনের ফুল বনে ফুটে, বনেই শুকায়। চন্দ্রাবতী এইরূপ একটি বনফুল। ময়মনসিংহের “নল খাগড়ার বন” আলোকিত করিয়া, এক সময়ে এই সুরভি কুমুম কুটিয়াছিল।

বহু দিন পূর্বে এই পাণ্ডব-বর্জিত দেশের কোনও অজ্ঞাতনামা পল্লীতে বসিয়া একজন মহিলা কবি রামায়ণ রচনা করিয়াছিলেন—এ কথা ভাবিতে গেলেও প্রাণ আনন্দরসে ভরিয়া উঠে। বাস্তবিক সে দিনের কথা ময়মনসিংহের পক্ষে অতীব গৌরবের কথা। শুধু রামায়ণ নহে—কবি চন্দ্রাবতী নানাবিধ মেয়েলী সঙ্গীত, ছড়া ইত্যাদি রচনা করিয়া, অল্প বয়সে কবি-প্রসিদ্ধি লাভ করিয়াছিলেন।

যাহার কবিতা লোকের প্রাণের মধ্যে, মনের মধ্যে সর্বদা প্রিয়জনের স্মৃতির আয় স্মরিয়া ফিরিয়া ভাসিয়া বেড়ায়,—ছোট-বড় নাই, স্থান-অস্থান নাই, ঘাটে-মাঠে, যেখানে-সেখানে যাহার সঙ্গীত সর্বদা মানুষের মুখে মুখে ফেরে, তিনিই সাধারণের প্রাণের কবি। চন্দ্রাবতী পূর্ব-ময়মনসিংহের সর্ব-সাধারণের প্রাণের কবি ছিলেন। বহু দিন হইতে শুনিয়া আসিতেছি—সেই অপূর্ব মন-প্রাণ-মাতান সঙ্গীত। মাঠে কৃষক-শিশুর মুখে, অঙ্গনে কুল-কামিনীর মুখে, ঘাটে-বাটে, যেখানে-সেখানে, মন্দিরে, প্রাস্তরে, বিজনে, পুলিনে সেই সঙ্গীত—বিবাহে, উপনয়নে, অন্নপ্রাশনে, ব্রতে, পূজায় সেই সঙ্গীত স্মরিয়া স্মরিয়া কাণে আসিয়া বাজে—মরমের ভিতর প্রবেশ করে। সেই সঙ্গীতের মুহূর্ত্তে শেষ চরণটিতে মহিলা-কবির স্মৃতিটি আনিয়া দেয়। প্রায়ই শুনি ‘চন্দ্রাবতী ভণে’ ‘চন্দ্রাবতী গায়’। শ্রাবণের মেঘভরা আকাশ-তলে ভরা নদীতে যখন বাইকগণ সাঁঝের নৌকা সারি দিয়া বাহিয়া যায়—তখন শুনি সেই

চন্দ্রাবতীর গান। বিবাহে কুলকামিনীগণ নববধূকে স্নান করাইতে—জল ভরণে যাইতেছে—সেই চন্দ্রাবতীর গান। তার পর স্নানের সঙ্গীত—ক্ষৌরকার বরকে কামাইবে তাহার সঙ্গীত—বর-বধূর পাশা খেলা—সে কত রকম!

এখন দেখা যাক—এই চন্দ্রাবতী কে? শতাব্দীর পর শতাব্দী যাইতেছে—আজও যাহার গান, যাহার ছড়ায় মানুষ এমন ভাববিভোর হইয়া রহিয়াছে—তিনি কে? ময়মনসিংহের জন্ম তিনি এমন কি করিয়াছেন যে, আজও তাঁহার নাম স্মরণ করিয়া কৃতজ্ঞ ময়মনসিংহবাসী তাঁহার চরণোদ্দেশে পুষ্পাঞ্জলি দিতেছেন? আজও ময়মনসিংহের ক্রিয়াকাণ্ড, উৎসব-সকলে চন্দ্রাবতী-স্মৃতি বিজড়িত। সমস্ত পূর্ব-ময়মনসিংহ প্রাবিত করিয়া চন্দ্রাবতীর গান। সেখানে আনিয়া দেয় পৃথিবীর অপ্ৰাপ্য বস্তু—শীতল করে তাপিত প্রাণ।

চন্দ্রাবতী দ্বিজ বংশীদাসের একমাত্র কন্যা—কল্পবৃক্ষের সুধাফল। চন্দ্রাবতীর পিতার পরিচয় অনাবশ্যক। ইনি প্রাচীন সাহিত্যের একটি সম্মানিত রত্নাসনের অধিকারী। প্রসিদ্ধ মনসা-ভাসান রচকগণের মধ্যে তিনি অশ্রুতম শ্রেষ্ঠ কবি। বংশীবদন কিশোরগঞ্জ মহকুমার পাতুয়ারী গ্রামে জন্ম গ্রহণ করেন। তিনি যে একজন প্রসিদ্ধ কবি ছিলেন, শুধু তাহাই নহে; মনসা-মঙ্গলের একজন প্রসিদ্ধ গায়কও ছিলেন। প্রবাদ আছে—তাঁহার গান শুনিয়া ভাটয়ার নদী উজ্জান বহিত—বনের পশুরা মুগ্ধ হইয়া পড়িত,—শাখের পাখীরা কাকলী বন্ধ করিত। কিন্তু এই হতভাগ্য দেশ এই প্রতিভাসম্পন্ন মহাপুরুষের অন্ন-সংস্থান করিয়া দিতে পারিত না। কবি ভাসান গাহিয়া অতি কষ্টে জীবিকার্জন করিতেন। চন্দ্রাবতী স্বীয় রামায়ণে তাঁহাদের বংশ পরিচয়ের সঙ্গে সঙ্গে তাঁহাদের পারিবারিক ছঃখকাহিনী অক্ষর অক্ষরে লিখিয়া গিয়াছেন।

১৪৯৭ শকে অর্থাৎ ১৫৭৫ খৃঃ দ্বিজ বংশীর মনসা-মঙ্গলের রচনা শেষ হয়। বংশীদাস—বুন্দাবন, লোচন-

দাসের সমসাময়িক কবি। এই পদ্মপুরাণে কবি চন্দ্রাবতীর অনেক ভণিতা দৃষ্ট হয়। পুরাণ রচনার কল্পা পিতার দক্ষিণ হস্ত স্বরূপা ছিলেন। দেখা যায়, ১৫৫০ হইতে ১৫৭৫ খৃঃ মধ্যে চন্দ্রাবতী জন্মগ্রহণ করেন। চন্দ্রাবতী স্বীয় রামায়ণের প্রারম্ভে বংশ-পরিচয় এইরূপ দিয়াছেন—

ভট্টাচার্য্য বংশে জন্ম অঞ্জনা ঘড়নী  
বীশের পালায় ঘড় ছনের ছাউনী  
ঘট বসাইয়া সদা পূজে মনসায়  
কোপ করি সেই হেতু লক্ষ্মী ছেড়ে যায়

\* \* \* \*

দ্বিজ বংশীপুত্র হইল মনসার বরে  
ভাসান গাহিয়া যিনি বিখ্যাত সংসারে  
ঘড়ে নাই ধান চাল চালে নাই ছানি  
আকর ভেদিয়া পড়ে উচ্ছিন্নার পানি  
চালকড়ি যাহা পান মনসার বরে  
ভাসান গাহিয়া পিতা বেড়ান নগরে

\* \* \*

বাড়াতে দরিদ্র জালা কষ্টের কাহিনী  
তার ঘড়ে জন্ম লৈল চন্দ্রা অভাগিনী

বন্দনার চন্দ্রাবতী লিখিয়াছেন—

সুলোচনা মাতা কহুম দ্বিজবংশী পিতা  
যার কাছে শুনিয়াছি পুরাণের কথা  
মনসা দেবীরে বন্দি করি কর যোর  
যাচার প্রসাদে হইল সর্ব্ব দুঃখ হর  
ব্রহ্মপুত্র নদ বন্দি সর্ব্বদেবময়  
যার জলে স্নানে নাহি পুনজন্ম হয়

\* \* \*

নিধিমতে প্রণাম করি সকলের পায়  
পিতার আদেশে চন্দ্রা রামায়ণ গায়।

চন্দ্রাবতী তাঁহার আত্মজীবনী সম্বন্ধে স্বীয় বিরচিত রামায়ণে কোন কথার উল্লেখ করেন নাই। তাঁহার জীবনের ইতিবৃত্ত কি? কি কারণে পিতা তরুণী কল্পাকে রামায়ণ রচনার উপদেশ দিয়াছিলেন, তৎসম্বন্ধে কবি নিজেকে কিছু লিখিয়া যান নাই। নয়ানচাঁদ ঘোষ নামক এক প্রাচীন পল্লীকবি মধুরাক্ষরী ভাষায় চন্দ্রাবতীর জীবনের এক

অবলম্বন করিয়া মন্দিলা-কবির জীবনের সংক্ষিপ্ত পরিচয় প্রদান করিব।

নয়ানচাঁদের কাব্যের প্রারম্ভ—

“চারকোণা পুঙ্খবীর পারে চাম্পা নাগেশ্বর  
ডাল ভাল পুষ্প তোল কে তুমি নাগর  
আমার বাড়ী তোমার বাড়ী ঐ না নদীর পার  
কি কারণে তোল কল্পা লো মালতীর হার”

চন্দ্রাবতী পিতার জন্ম পুষ্প চয়নে আসিয়াছিলেন। উচ্চ-শাখায় স্ত্রীকে স্ত্রীকে চাম্পা ফুল ফুটয়া রহিয়াছিল। সাজি হস্তে চন্দ্রাবতী সেই ফুলগুলির পানে চাহিয়া চাহিয়া দেখিতেছিলেন। দৈবাৎ সেই পথ দিয়া যাইতেছিলেন প্রতিবাসী জয়ানন্দ। চন্দ্রাবতী ব্যর্থ মনোরথে ফিরিয়া যাইবার উপক্রম করিতেছিলেন। জয়ানন্দ অগ্রসর হইয়া ফুল সমেত চাম্পাশাখা নত করিয়া ধরিলেন, চন্দ্রাবতী ফুল তুলিতে লাগিলেন। ফুল তোলা শেষ হইল; সঙ্গে সঙ্গে সেই নির্ঝিকার-হৃদয়া যোগ-শাস্ত্র তপস্চারিণীর মনের মধ্যে, সাংসারিক প্রেমের সুখ দুঃখের একটা আকস্মিক লহরী বিদ্যাতের মত খেলাইয়া গেল। চন্দ্রাবতী ফুল তুলিয়া লইয়া বাড়ী চলিয়া গেলেন। জয়ানন্দও তিন্ন পথ ধরিয়া চলিয়া গেলেন। কেহ কাহাকেও নিজ মনের ভাব বুঝিতে দিলেন না। কেবল তাঁহাদের উদাস দৃষ্টি ও অলস পাদবিক্ষেপ-প্রণালী দেখিয়া কতক বুঝিল ঐ আঁকাবাঁকা গ্রাম্য পথ, আর কতক বুঝিল পথিপার্শ্বস্থ মুক তরুলতা।

কল্পা অরক্ষণীয়া হইয়া উঠিয়াছে দেখিয়া পিতা বংশীদাস চিন্তিত হইলেন। চন্দ্রাবতী পরমা সুন্দরী। বয়সে তরুণ হইলেও তিনি অল্পকাল মধ্যেই কবি-প্রসিদ্ধি লাভ করিয়াছিলেন। এ অবস্থায় তাঁহার অনন্তসাধারণ রূপগুণের ব্যাখ্যা শুনিয়া বহু সজ্জাস্ত্র যুবক তাঁহার পাণিগ্রহণে উৎসুক ছিলেন। কিন্তু চন্দ্রার প্রাণের দেবতা সেই জয়ানন্দ। সেদিনকার মিলনোগ্রানে সেই অযাচিত সাহায্যকারীর প্রতি কৃতজ্ঞতায় তাঁহার মনপ্রাণ ভরিয়া উঠিয়াছিল। চন্দ্রাবতী তাঁহার হৃদয় দেবতার পদে সমস্ত জীবন-যৌবন উৎসর্গ করিয়া বসিয়াছিলেন।

বিবাহের কথাবার্তা একরূপ স্থির হইয়া গেল। এমন সময় এক বিষম অনর্থ ঘটিল। অলক্ষ্য হইতে নিদারুণ



প্রেমে আত্মবিক্রম করিয়া ধর্মাস্তর গ্রহণ করিল। সে বুঝিল না—কি অমূল্য রত্নই না সে হেলায় হারাইল !!!

অদৃষ্টের এই ঘাত-প্রতিঘাতে চন্দ্রাবতীর কোমল হৃদয়টি ভাঙিয়া পড়িল। তিনি বহু দিন পরে মন স্থির করিয়া শিবপূজায় মনোনিবেশ করিলেন। কত্না মেহময় পিতার চরণে দুইটি প্রার্থনা জানাইলেন। একটি শিবমন্দির স্থাপন—অন্যটি তাঁহার চিরকুমারী থাকিবার বাসনা। কত্নাবৎসল পিতা উভয় প্রার্থনাই পূর্ণ করিলেন—সেই সঙ্গে দুহিতাকে সংসারের সুখ-দুঃখের অনিত্যতা বুঝাইয়া দিলেন। পাছে অল্প চিন্তায় চন্দ্রাবতীর তরুণ হৃদয়ে কোনও ভাবান্তর ঘটে, সেই জন্য বংশীদাস কত্নাকে অবসর কালে রামায়ণ লিখিতে আদেশ করিলেন। চন্দ্রাবতী কায়মনো-বাক্যে শিবপূজা করিতেন, ও অবসর কালে রামায়ণ লিখিতেন।

ইতোমধ্যে আর এক দুর্ঘটনা ঘটিল। চির-অনুতপ্ত চন্দ্রাবতীর সেই প্রণয়ী যুবক তৃদানলে পুড়িয়া পুড়িয়া দুর্বিবাহ জীবনভার সহ্য করিতে না পারিয়া চন্দ্রাবতীর নিকট একখানা পত্র লিখিয়া তাঁহার সাহায্য কামনা করিল। চন্দ্রাবতী পিতাকে সমস্ত জানাইলেন। পিতা অসম্মতি প্রকাশ করিয়া বলিলেন, তুমি যে :দেবতার পূজায় মন দিয়াছ, তাঁহারই পূজা কর। অল্প কামনা হৃদয়ে স্থান দিও না। চন্দ্রাবতী একখানা পত্র লিখিয়া যুবককে সাহসনা করিলেন। এবং সর্বদুঃখহারী ভগবান শিবের চরণে মনপ্রাণ সমর্পণ করিতে উপদেশ দিলেন।

অনুতপ্ত যুবক পত্র পাঠ করিয়া তৎক্ষণাৎ চন্দ্রাবতীর স্থাপিত শিবমন্দিরের পানে ছুটিয়া চলিল। চন্দ্রাবতী তখন শিবারাধনায় তন্ময়; মন্দিরের দ্বার ভিতর হইতে রুদ্ধ। হতভাগ্য যুবক আসিয়াছিল চন্দ্রাবতীর কাছে দীক্ষা লইতে—অনুতপ্ত দুর্বিবাহ জীবন প্রভুপদে উৎসর্গ করিতে—কিন্তু পারিল না। চন্দ্রাবতীকে ডাকিতেও সাহস হইল না। অঙ্গনের ভিতর সন্ধ্যামালতীর ফুল ফুটিয়াছিল; তারই দ্বারা কবাটের উপর চারিছত্র কবিতা লিখিয়া চন্দ্রাবতীর নিকট, বসুন্ধরার নিকট শেষ বিদায় প্রার্থনা করিল।

পূজাশেষে চন্দ্রাবতী দ্বার খুলিয়া বাহির হইলেন। আবার যখন দ্বার রুদ্ধ করেন, তখন সেই কবিতা পাঠ করিলেন। পাঠ করিয়াই বুঝিলেন—দেব-মন্দির কলঙ্কিত হইয়াছে।

চন্দ্রাবতী জল আনিতে নদীতে গেলেন। যাইয়া দেখিলেন, সব শেষ—অনুতপ্ত যুবক তাঁহার নিকট হইতে জন্মের শোধ বিদায় লইয়া নদীশ্রোতে জীবন-শ্রোত মিলাইয়া দিয়াছে।

বনকুল শুকাইয়া উঠিল। তার পর এক দিন শিবপূজার সময় সহসা তাঁহার প্রাণবায়ু মহাশূন্যে মিলাইয়া গেল। হতভাগ্য ময়মনসিংহ সেদিন অকালে যে মহারত্ন হারাইয়াছিল, আর তাহা ফিরিয়া পাইল না।

যদিও চন্দ্রাবতী তাঁহার জীবন-কাহিনী সম্বন্ধে তৎকৃত রামায়ণের বন্দনায় কোন কথা বাক্য করেন নাই, তথাপি নিম্ন-দ্রুত দুইটি পদ দ্বারা নয়ানটাদের বর্ণিত চন্দ্রাবতীর জীবন-কাব্যের সমর্থন করা যাইতে পারে—

“বাড়াতে দরিদ্র জালা কষ্টের কাহিনী—

তার ঘাড় জন্ম লৈল চন্দ্রা অভাগিনী

প্রথম ছত্রটিতে দেখা যায়, চন্দ্রাবতী আজীবন পিতার গলগ্রহ হইয়া, তাঁহার দরিদ্র জীবন ভারাক্রান্ত করিয়া তুলিয়া-ছিলেন। শেষ ছত্রে “চন্দ্রা অভাগিনী” এই একটি মাত্র কথায় সেই আজন্ম-দুঃখিনী মহিলা-কবি যে জীবনের শ্রেষ্ঠ সুখে বঞ্চিত ছিলেন, আমরা তাহার আভাস পাইতেছি। অল্প বয়সে সেই যোগশাস্ত্র মনস্বিনী, হৃদয়ের মর্ম্মস্থদ দুঃখভার চাপিয়া রাখিতে, অশ্রুকে নিরুদ্ধ করিতে—সুন্দর রূপে অভ্যস্ত হইয়াছিলেন। তাঁহার নিকট আড়ম্বরপূর্ণ জীবন-কাহিনীর আশা আমরা একেবারেই করিতে পারি না।

(চন্দ্রাবতীর রামায়ণ)

চন্দ্রাবতীর সম্পূর্ণ রামায়ণ সংগৃহীত হয় নাই। মাঝে মাঝে খণ্ডিত ভাবে যাহা পাওয়া গিয়াছে, আমরা তাহাই লইয়া আলোচনা করিব। ইহা কতিপয় মেয়েলী সঙ্গীতের সমষ্টিমাত্র। ময়মনসিংহের স্ত্রীলোকেরা বিবাহ-উৎসবে সূর্য্যাত্রাদি উপলক্ষে ইহা সুরে গান করিয়া থাকেন। ইহার ভাষা পল্লীতটিনীর মত মৃদুমধুর-গামিনী অথচ সতেজ কবিত্বপূর্ণ। কবিতাগুলির সারল্য ও অনাড়ম্বর মাধুর্য্য শ্রোতার মনকে অল্পেই অভিভূত করিয়া তোলে। ইহাতে কোনও অবাস্তর কথা নাই, বাহুল্য বর্ণনা নাই। সরল সংক্ষিপ্ত কথায় রামায়ণের প্রত্যেকটি ঘটনাচিত্র কবি নিপুণ হস্তে আঁকিয়া দেখাইয়াছেন। অথচ তাহা এত উজ্জল, এত সুন্দর, এত করুণ, এত মর্ম্মস্পর্শী যে, শরতের মুহূর্ত্ত জ্যোৎস্নার মত নিজে ফুটিয়া উঠুক গিরিশৃঙ্গ হইতে সমুদ্রে

তদদেশ-পর্যন্ত কোথায় কি আছে, চক্ষে অঙ্গুলি দিয়া দেখাইয়া দেয়।

চন্দ্রাবতীর সম্পূর্ণ রামায়ণের আলোচনার আমাদের স্থানাভাব। তাহার প্রয়োজনও নাই। অন্তান্ত প্রচলিত রামায়ণ হইতে, এই মহিলা রামায়ণের যেটুকু নূতনত্ব ও বিশেষত্ব, আমরা তাহাই লইয়া আলোচনা করিব।

প্রচলিত কৃত্তিবাসী রামায়ণের মত এই রামায়ণ সরল মিত্রাক্ষরে লিখিত। কেবল সুরে গীত হয় বলিয়া রচনায় একটুকু বৈলক্ষণ্য আছে। প্রায় প্রত্যেক ছত্রের মধ্যভাগে অথবা শেষভাগে গো লো রে প্রভৃতি বাহুল্য শব্দ পাওয়া যায়। সম্ভবত তাহা সঙ্গীত-সৌকার্যার্থে। এই সকল শব্দ তুলিয়া দিলে, সরল পয়ার ছন্দই অবশিষ্ট থাকে।

আদিকাণ্ড—এই কাণ্ডের অনেকাংশ পাওয়া যায় নাই। যাহা পাওয়া গিয়াছে, তন্মধ্যে রামচন্দ্রাদির জন্মে কোনও নূতনত্ব, বিশেষত্ব নাই। তাহা সর্বাংশে প্রচলিত অন্তান্ত রামায়ণেরই অনুরূপ। কিন্তু সীতার জন্ম ও নাম করণ সম্বন্ধে একরূপ আকাশ-পাতাল প্রভেদ। আমরা তাহাই লইয়া আলোচনা করিব।

সীতার জন্ম—পূর্বে সূচনা। রাবণ রাজা দিগ্বিজয়ে বহির্গত হইয়া প্রথমেই স্বর্গের দুয়ারে গিয়া হানা দিলেন। রাক্ষস সেনার প্রচণ্ড দাপটে স্বর্গের মনঃশিলা কাঁপিয়া উঠিল। ভয়ে দেবতারা স্বর্গ ছাড়িয়া পলাইয়া গেলেন।

তখন রাজা পারিজাত বৃক্ষ ছিল গো নন্দন কাননে

ডালে মূলে উপারিয়া গো লইল রাবণে

ঐরাবত হাতী লৈল গো উচ্চৈশ্রবা ঘোড়া

লইল পুষ্পক রথ গো শূন্তে দেয় ত উড়া

মনিমুক্তা লৈল কত গো না যায় গনন।

ঝাড়িয়া মুছিয়া লৈল গো ভাণ্ডারের ধন।\*

তার পর সেই রাক্ষস-সৈন্তের দুর্জয় অভিযান মর্ত্যভূমি অভিমুখে অগ্রসর হইল। মর্ত্যের রাজগণ অবনত মস্তকে রাবণ রাজার বশ্বতা স্বীকার করিলেন। ভাণ্ডারের ধনরাশি বিজেতা রাক্ষস-রাজের চরণে ঢালিয়া দিয়া অব্যাহতি পাইলেন। এইরূপে অস্তরীকবাসী, পাতালবাসী, নাগ, যক্ষ সকলে বিনাযুদ্ধে পরিহার মাগিয়া রাক্ষসরাজের পদে শরণ লইল।

এইবার অরণ্যবাসী মুনিগণের পালা। মুনিগণের

মধ্যে কেহ কোপীন, কেহ কমণ্ডলু দিয়া রাজকর হইতে অব্যাহতি পাইলেন। এ-ও সম্বল যাহাদের ছিল না তাঁহারা কুশাগ্রে চিরিয়া বৃকের রক্ত রাজকর স্বরূপ প্রদান করিলেন। রাবণ সেই যোগ-সম্বল নিরৌহ মুনিগণের রক্ত বৃদ্ধ কোটাধ ভরিয়া লঙ্কার প্রত্যাভর্তন করিলেন।

রাক্ষসরাজ মুনি-রক্তপূর্ণ রক্তকোটা মন্দোদরীর হস্তে প্রদান করিয়া কহিলেন, ইহাতে তীর বিষ আছে। এ বিষে দেবতারও প্রাণ নষ্ট হইবে।

“সতত আমার বৈরী যত দেবগণ  
অমর হইয়াছে তারা অমৃতকারণ—  
ইন্দ্র-যমে আনিয়াছি লঙ্কার বাঙ্কিয়া  
সবারে মারিব এই বিষ খাওয়াইয়া।”

রাণী মুনি-রক্ত-পূর্ণ, রক্ত-কোটা যত্ন-পূর্বক ঘরে তুলিয়া রাখিলেন।

এইরূপে স্বর্গ, মর্ত্য, পাতাল জয় করিয়া রাজা নিঃশঙ্ক মনে রাজত্ব করিতে লাগিলেন। কুবের হইল ভাণ্ডারী— একাদশ রুদ্র দেহরক্ষক—দ্বাদশ আদিত্য ছত্রধর—পবনের হাতে চামর।

বরুণ আসিয়া রাজার চরণ পাখালে

লঙ্কাপুরা পা'রা দেয় শমন কোটালে”

চিরযৌবনা দেব-গন্ধর্ক-কণ্ঠা সহ রাজা, দিনরাত অশোক-কাননে বিহার করেন। এই অভিমানে রাণী মন্দোদরী—

“যে বিষ খাইলে মরে দেবতা অমর  
আমি কেন নাহি খাই সেই কালজর”

প্রাণঘাতী বিষ ভাবিয়া রাণী মুনির রক্ত পান করিলেন।

“দৈবের নিরক্ষক কভু না যায় খণ্ডানি

বিষ খাইয়া গর্ভবতী হইলেন রাণী ;

দশ মাস দশ দিন অস্ত্রে রাণী এক আশ্চর্য্য ডিম্ব প্রসব করিলেন। এই ডিম্ব প্রসূত হওয়া মাত্র রাজ্য জুড়িয়া প্রবল ভূমিকম্প হইল। কনক লঙ্কার বিরাট প্রাসাদ সকলের স্বর্ণ চূড়া স্তব্ধ কলস ও পতাকা সহ ভুলুষ্ঠিত হইল।

সমুদ্র-জল সকল্লোলে উচ্ছ্বসিত হইয়া উঠিল। লঙ্কার পাহাড়ে আগুন দেখা দিল; সিংহাসনের উপরে সিতল ও ধ্বজদণ্ড সহ ভূতলে লুটাইয়া পড়িল। রাবণ চিন্তিত হইয়া রাক্ষস জ্যোতির্কিদগণকে ডাকিয়া আনিলেন। তাহারা

গুণিয়া বলিল—এই ডিম্ব হইতে যে কন্তা জন্মগ্রহণ করিবে,  
সে-রাক্ষস-বংশের-নিধন স্বরূপা হইবে—

“আর এক কথা শুন রাক্ষসের পতি—  
কন্তার লাগিয়া বংশে না জলিবে বাতি।”

তখন—

“কেহ বলে কাট ডিম্ব কেহ বলে ভাজ  
অনলে পুড়াইয়া কেহ বলে কর সাজ।

এই সংবাদে অস্ত্রপূরে রাণীর মন কঁদিয়া উঠিল।  
হাজার হউক মায়ের প্রাণ। রাণী রাজাকে অনুরোধ  
জানাইলেন—

“না ভাজ না পুড় ডিম্ব গো মোর মাথা খাও  
যদি নাহি রাখ ডিম্ব সায়রে ভাসাও ॥

তখন রাণীর অনুরোধে—

“সোনার কটরা মধ্যে রূপার খিল দিয়া  
সায়রে ভাসাইল ডিম্ব ভবাণী স্মরিয়া ॥

প্রায় ছয়মাস পর—

ঘনাইয়া আসিল সন্ধ্যা রবি বৈসে পাটে—  
এমন সময়ে লাগল ডিম্ব জনক ধ্বীর ঘাটে,—

মিথিলা নগরে এক দরিদ্র জেলে-দম্পতি বাস করিত।  
“জাল বায় মাছ ধরে ঘাটে দেয় থেয়া”। এ ছাড়া তাহাদের  
জীবিকা-নির্কর্ষ্যের আর কোনও উপায় ছিল না। অতি কষ্টে  
তাহারা দুঃখের দিনগুলি গুণিয়া গুণিয়া কাটাইতেছিল।

পিকনে কাপড় নাই পেটে নাই ভাত

রাত্র দিবা কান্দে সতা শিরে দিয়া হাত ;

এক দিন মাধব জাল ফেলিয়া সেই রত্ন-কোটা তুলিয়া  
ঘরে আনিল। সতা দেবতার দান ভাবিয়া, ধূপ ধূনা  
জালিয়া, ধাত্ত-দুর্কা দ্বারা সকাল-বিকাল সেই কোটার পূজা  
করিতে লাগিল। ছোট-খাট করিয়া সেই কোটার গায়  
পাঁচটি সিন্দুরের ফোঁটা আঁকিয়া দিল।

আশ্চর্যের বিষয়, সেই দিন হইতে সতার সকল প্রকার  
দুঃখ দারিদ্র্যের অবসান হইয়া গেল। সতাকে এখন আর  
মুহুরের বাঁপি মাথায় পাড়ায় পাড়ায় ঘুরিতে হয় না।

এক দিন সতা স্বপ্ন দেখিল, সহসা যেন চাঁদের আলোতে  
তাহার নবনির্মিত ঘরখানি ঝলমল হইয়া উঠিয়াছে। আর  
সেই কোটা হইতে এক আশ্চর্য্য রূপসী বালিকা বাহির  
হইয়া সতার গলা জড়াইয়া ধরিয়া বলিতেছে—

“বাপ মোর জনকরাজা গো রাণী মোর মাও

কালুকা বিষাগে লইয়া রাণীর কাছে যাও

পূর্ণিমার চাঁদের মত সেই রূপসী কন্তা এই বলিয়া  
আবার কোটার মধ্যে প্রবেশ করিল। পর দিন সকালে  
সেই রত্ন-কোটা অঞ্চলে বাঁধিয়া সতা মিথিলা রাজভবনে  
পাটরাণীর শয়ন-মন্দিরের দ্বারে গিয়া দাঁড়াইল।

রাণী সতার কাছে সেই আশ্চর্য্য স্বপ্নের কথা শুনিয়া  
রত্ন-কোটা হাত পাতিয়া লইলেন, পরিবর্তে—

“গজমতি হার এক পইড়ায় সতার গলে,

\* \* \* \*

ধামায় মাপিয়া দিলা রত্নাদি কাঞ্চন

কিন্তু সতা যোড়হাতে বলিল, আমি ‘জন্ম-কাজালিনী—ধন-রত্ন  
কিছুই চাই না—তবে এক মিনতি—

“সপ্ন যদি সত্য হয় কন্তা জন্ম হইতে—

আমার নামেতে কন্তার নাম রাইখ সীতে”

সীতার নামকরণ। শুভ দিনে শুভক্ষণে রাজর্ষি জনকের  
ঘর আলোকিত করিয়া ডিম্ব হইতে এক কন্তা-রত্ন ভূমিষ্ঠ  
হইল।

“সর্ব-সুলক্ষণা কন্তা লক্ষ্মী স্বরূপিনী—

মিথিলা নগরে উঠে জয় জয়ধ্বনি।

দেবের মন্দিরে কঁাসর ঘণ্টা বাজিয়া উঠিল। কুললনাগণের  
হলাহলিতে মিথিলায় আকাশ ভরিয়া গেল। স্বর্গে মর্ত্যে  
আনন্দ ধরে না—

“হইল লক্ষ্মীর জন্ম মিথিলাভবনে

যথাসময়ে তখন—

“সতার নামেতে কন্তার নাম রাখে সীতা—

চন্দ্রাবতী কহে কন্তা ভুবন বন্দিতা ;

রাম বনবাস। তার পর হরধর্মুর্ভঙ্গ, রামের রাজ্যাভিষেক,  
বিবাহাদি উৎসবে বিশেষ কেমনও নূতনত্ব বা বিশেষত্ব নাই।  
তবে বনবিদ্যার মাত্র দুই একটি স্থান আমরা উদ্ধৃত  
করিয়া দেখাইব।

কাল অভিষেক, আজ অধিবাস। নগরীতে আনন্দ  
ধরে না। পুরনারীগণের মঙ্গল-গীত ও হলুধ্বনিতে  
অযোধ্যায় আকাশ-বাতাস ভরিয়া উঠিতেছিল। ঘরে ঘরে  
পুষ্প-পল্লবের মালা। আম্রসার শোভিত তীর্থ-জলভরা পূর্ণ

কুম্ভ। রাজপথের ছই ধারে রোপিত রস্তাতরু সকলে  
বিচিত্র পতাকা সকল উড়িতেছে। আর

“চালে চালে উড়িতেছে নেতের নিশান।”

তপ্তকাঞ্চন-বরাঙ্গী পুরনারীগণ পুষ্পস্তবক হস্তে ইতস্ততঃ  
ছুটাছুটি করিতেছেন। অযোধ্যার মধ্যে যে ব্যক্তি সর্বাপেক্ষা  
দীন, তাহারও পর্ণকুটীরখানি আজ পরিষ্কার-পরিচ্ছন্ন—  
পুষ্পমালায় শোভিত, উবার আলোকে বলমল—হুঃখ-দৈন্তের  
করণ হাসিটির মত শোভা পাইতেছে। রাজ্যবাসিনিগণ  
কাল নিশীথে যুবরাজের মঙ্গল-কামনায় সরযু-তরঙ্গে যে  
মঙ্গল-দীপ ভাসাইয়াছিলেন, দিবসের কূলে আসিয়াও তাহা  
নিভে নাই—জলজ নক্ষত্রের মত চেউয়ের উপর ডুবিয়া  
ভাসিয়া শোভা পাইতেছে।

ঝঙ্কা নাই, মেঘ নাই—অকস্মাৎ অযোধ্যার রাজ-  
প্রাসাদ-শিরে এ কি বজ্রাঘাত! সকলের মুখে হায় কি হইল  
শব্দ। এত আনন্দ, এত নৃত্যগীত, বাদিত্র,—সহসা সব  
নিয়তির নির্গম অটুহাসির সঙ্গে সঙ্গে নাগরিকগণের  
হাহাকারে পর্য্যবসিত হইয়া গেল। কৈকেয়ী জটা-বকুল  
লইয়া রামের সম্মুখে আসিয়া দাঁড়াইলেন। রাজ্যের  
প্রিয়দর্শন যুবরাজ রাজকীয় বসন-ভূষণ ত্যজ হইতে খুলিয়া,  
ধীরে ধীরে জটা-বকুল পরিধান করিলেন। এই দৃশ্য  
দেখিয়া নগরমধ্যে হাহাকার পড়িয়া গেল।

কুক্ষণে পোহাইল আজ অযোধ্যায় নিশি

কৈকয়ীকে গালি দেয় বলিয়া রাঙ্গনী

পার্শ্বে দাঁড়াইয়া সীতা—হার-কেয়ুর-কুণ্ডলাদিশোভিতা—  
রত্নপুষ্পমালঙ্কতা রাজবধু—কৈকেয়ীর নিকট হইতে  
একখানা বকুল-বসন চাহিয়া লইলেন। সেই মর্ম্মহৃদ দৃশ্য  
দেখিয়া পুরবাসিগণ—

“হায় হায় বলিয়া কেউ শিরে কর হানে ;

মূর্ছিত হইয়া কেউ পড়ে ধরাসনে

এই স্থানে আর একটি করুণ দৃশ্য। এক কান্ধালিনী বহু  
আশায় বুক বাধিয়া অযোধ্যার রাজপ্রাসাদের দ্বারে আসিয়া  
দাঁড়াইয়াছিল। আসিয়া দেখে এই সর্বনাশ! সীতা ধীরে  
ধীরে অঙ্গের রত্নালঙ্কার খুলিয়া কান্ধালিনীকে দিতে গেলেন।

“কান্ধালিনী ধরি কহে সীতার চরণ

পদছায়া দেহ দেবি! না চাই ভূষণ।”

ভিখারিনী চক্ষের জলে সীতার অলঙ্কার-রঞ্জিত পদবর্ণ ধইয়া

দিয়া চলিয়া গেল। বকুল-বসনা রাজবধু, কৈকেয়ীর  
পদধূলি মাথায় করিয়া পাটরাণীর শয়ন-মন্দিরে উপস্থিত  
হইলেন।

সীতার চম্পক-কোমল করস্পর্শে কৌশল্যা চেতনা  
পাইয়া উঠিলেন। তখনই আবার বকুল-বসনা পুত্রবধুকে  
দেখিয়া মূর্ছিত হইয়া পড়িলেন। সীতা সঙ্ঘতহারা  
পাটরাণীর পদধূলি মাথায় লইয়া—স্মৃতিত্রাদি শ্মশুড়ীসহ  
পুরমহিলাগণের বন্দনা করিয়া উর্ম্মিলার কাছে গেলেন।

উর্ম্মিলার নিকট বিদায় লইতে সীতা বলিতেছেন—

“দেবের দেবতা রৈল স্বপুত্র-শ্মশুড়ী।

আমি গেলে দেইখা তুমি অযোধ্যা নগরী ॥

আমি গেলে দেইখা তুমি দাসদাসীগণে।

আমি গেলে দেইখা তুমি কান্ধাল-ব্রাহ্মণ ॥”

এই স্থানে প্রচলিত অশ্রুত রামায়ণের সীতা অপেক্ষা  
চন্দ্রাবতীর সীতায় একটু বিশেষত্ব সূচিত হইতেছে।  
কৃষ্ণবাসাদির সীতা স্বামী ধ্যান—স্বামী জ্ঞান—স্বামীই সব—  
স্বামীই স্ত্রীলোকের একমাত্র আরাধা দেবতা—স্বামী-সেবাই  
স্ত্রীলোকের একমাত্র ধর্ম ও কর্ম—সুতরাং আমি স্বামী  
সঙ্গে বনে যাইবেন বলিয়া নিজেই স্বরাগ্নিতা হইয়া বনে  
যাত্রার উদ্যোগ করিতেছেন। স্বপুত্র-শ্মশুড়ী কিম্বা অযোধ্যা-  
বাসীর কোন চিন্তা তৎকালীন কৃষ্ণবাসাদির সীতার মনে  
উদ্ভিত হয় নাই। এই স্থানে সীতার ত্যাগ, আত্মসংযম,  
বৈরাগ্য, বনবাস-ক্লেশ স্পৃহা নিতান্ত পতিনিমিত্তক বলিয়া  
আমরা তাঁহার চরিত্রে যে সন্দেহটুকু করিবার অবকাশ  
পাইতাম, চন্দ্রাবতী তাহা রুদ্ধ করিয়া দিয়াছেন। এইটুকু  
প্রভেদের কারণ,—পুরুষ কবিগণ স্ত্রী চরিত্রে আঁকিতে গিয়া  
পুরুষের প্রতি স্ত্রী জাতির ষতটুকু কর্তব্য, তাহাই নির্দেশ  
করিয়াছেন। কিন্তু চন্দ্রাবতী নারী। যে মহতী সেবাপরায়ণতা-  
গুণে রমণী বিশ্বজননী রূপে পরিকীর্ষিতা, চন্দ্রাবতী সেই  
নারীর কর্তব্য আরও একটু তলাইয়া বুঝিতে চেষ্টা  
পাইয়াছেন। তাই তাঁহার চক্ষে অযোধ্যার পশু পক্ষী  
পর্য্যন্ত বাদ যায় নাই। বিদায়কালে চন্দ্রাবতীর সীতা,  
উর্ম্মিলার কাছে অযোধ্যার প্রতি তাঁহার কর্তব্য-ভার সমর্পণ  
করিয়া যাইতেছেন।

চন্দ্রাবতীর উর্ম্মিলা—এই স্থানে বহু উর্ম্মিলার কথা।  
নয়নে পলক নাই, অশ্রুও নাই—মুখে বাক্য নাই—সেই

চিরমৌনী রাজবধু সীতাদেবীর সমর্পিত ভার নীরবে গ্রহণ করিলেন। ত্যাগেই তাঁহার শাস্তি—হুঃখেই তাঁহার অভিক্রটি—সংযমেই তাঁহার স্মৃতি। উর্শ্বিলা যেন পরের কর্তব্যভার গ্রহণ করিতেই সংসারে জন্মগ্রহণ করিয়াছেন। আমাদের বিশ্বাস—গৃহে বধু উর্শ্বিলা না থাকিলে, সীতার বনবাস-সৌভাগ্য ঘটত কি না সন্দেহ। উর্শ্বিলা সীতার বনযাত্রার পথস্বরূপ। শুধু তাই নয়—কুশ-কণ্টকাকীর্ণ বনপথের উপর দিয়া উর্শ্বিলা সীতার জন্ত বুক পাতিয়া দিয়াছিলেন। কিন্তু তাঁহার সকল কর্মই নীরবে। বিশ্ব-সাহিত্যে এমন মুক চিত্র কোন কালের কোন কবি স্মৃতিক্রমে পারিয়াছেন কি না সন্দেহ। এই উর্শ্বিলা-চিত্র অঙ্কনেই কবি-গুরু সর্কাপেক্ষা বিশেষত্ব। সীতার সহস্র সহস্র অভিনব সংস্করণ বাহির হইয়াছে, কিন্তু এ পর্য্যন্ত উর্শ্বিলার দ্বিতীয় সংস্করণ বাহির হইতে দেখিলাম না। সীতা বনে গিয়া বনবাসিনী—উর্শ্বিলা রাজভবনে থাকিয়াও বনচারিণী। বিশ্ববিজয়ী মহাকাব্য নানাবিধ রসের উৎস্বরূপ। তন্মধ্যে সীতা করুণ-রসের নির্বর-ধারা। কিন্তু উর্শ্বিলা সমস্তখানি রামায়ণ-নিংড়ানো শেষ এক ফোঁটা প্রেমাক্ষ। কবি-গুরু এই মুক রাজবধুর কথা বেশী কিছু বলেন নাই। তাহার কারণ—উর্শ্বিলার প্রতি উপেক্ষা নহে—অথবা সীতার অশ্রুজলে উর্শ্বিলা ভাসিয়াও যান নাই। আমাদের বিশ্বাস কেবলমাত্র সীতার সমর্পিত ভার গ্রহণের জন্তই উর্শ্বিলার সৃষ্টি। তাই যখনই তিনি উর্শ্বিলার কথা বলিতে গিয়াছেন, আবেগে তাঁহার কণ্ঠ রুদ্ধ হইয়া গিয়াছে। হুঃখের বিষয়, আধুনিক অনেক পালা গায়ক ও নাটকে গীতাভিনয়ে এই মুক চিত্রটিকে অতিমাত্র মুখরা করিয়া তোলা হইতেছে। সৌভাগ্যের বিষয়, আমাদের মহিলা-কবি এই মুক রাজবধুর চিরন্তন মৌন ব্রতটা ভঙ্গ করেন নাই।

“কেউ করে হায় হায় কেউ হানে বুক।

উর্শ্বিলা চাহিয়া আছে সীতাদেবীর মুখ” ॥

বন-বিদায়—ইহার পর পৌরজনবর্গের নিকট বিদায় লইয়া জটা-বন্ধল-পরিহিত যুবরাজ রথের উপর উঠিয়া বসিলেন। এক পাশে দিব্য ধনুক হস্তে সহচর লক্ষ্মণ, আর এক পাশে বন্ধল-বসনা, শঙ্খালঙ্কতা, সিন্দূর-বিন্দুশোভিতা সীতাদেবী। রথ অযোধ্যাবাসীর বুকের উপর দিয়া সরষুর পরপারে চলিয়া গেল। হাট ভাঙিলে লোক যেমন যে যার ঘরের দিকে ছুটিয়া যায়, অযোধ্যাবাসিগণ তেমনি রামশূভ্র অযোধ্যা ছাড়িয়া চলিয়া যাইতে লাগিল। কেউ বা সরষুর পরপারে কুটীর বান্ধিয়া যুবরাজের পুনরাগমনের প্রতীক্ষায় রহিল। কেউ বা রথের পানে চাহিয়া চাহিয়া বহুদূর চলিয়া গেল। কেউ বা পথে আছাড় খাইয়া মূর্ছিত হইল। অযোধ্যায় আজ গ্রন্থোদয় চন্দ্রগ্রহণ। আর সে গ্রহণ হুচার দণ্ডের জন্ত নহে—ইহার ভোগ কাল পূর্ণ চৌদ্দ বৎসর।

পথে—গুরু চণ্ডালের সঙ্গে সখ্যতা সম্বন্ধযুক্ত কোনও ভণিতা চন্দ্রাবতীর রামায়ণে উদ্ধার পায় নাই। বনপথে চিত্রকূট গিরিশিখরে ভরত-মিলন। এই ব্যাপারে বিশেষ কোনও নূতনত্ব নাই। তবে এইমাত্র প্রভেদ—তপঃ-প্রভাবশালী মহামুনি ভরত্বাজের যোগ-বলে চিত্রকূট পর্বত দ্বিতীয় অমরাবতীতে পরিণত হইয়া কৃষ্টিবাসী রামায়ণে যে অপূর্ব শোভা ধারণ করিয়াছে, ঐজ্জ্বলিক করম্পর্শে যেন অলকার বৈভবরাশি চিত্রকূট গিরিশৃঙ্গে আসিয়া উপস্থিত হইয়াছে—সেই মণি-মুক্তা-সমুচ্ছল মহারাজপ্রাসাদ, চর্য্য চোষা লেহু পেষ, সুরধামের অমৃত, রত্নখচিত গজদন্তের পালঙ্ক, তদুপরি অনন্ত-বসন্ত-যৌবনা গন্ধর্ব্ব-সুবতী—এ সমস্ত আমরা চন্দ্রাবতীর রামায়ণে দেখিতে পাইতেছি না। এখানে দীন যোগী ভরত্বাজের অতিথি-সেবার উপকরণ অতি সামান্ত—বনের ফল আর ঝরণার জল। (ক্রমশঃ)

# হাইকেন

## চারু বন্দ্যোপাধ্যায়

মলয় বিবিধ চিন্তায় বিক্লিষ্ট হইয়া সমস্ত রাত্রি অনিদ্রায় অতিবাহিত করিয়া প্রভাতে স্থির করিলো অনন্তকে বিলোপ যা শাস্তি দিবার তাহা তো দিয়াছে, কিন্তু তাই বলিয়া সে যদি অনন্তকে কোনো শাস্তিই না দেয় তাহা হইলে সে যে স্বামী-কর্তব্য হইতে ব্রষ্ট হইয়া প্রতাবায়গ্ৰস্ত হইবে; অতএব অনন্তকে তাহারও কিছু শাস্তি দেওয়া নিতান্তই উচিত। এই সঙ্কল্প স্থির হইতেই সে অনন্তর সঙ্গে সাক্ষাতের জন্ত ব্যস্ত হইয়া উঠিলো। সে অনন্তকে কিরূপে কি শাস্তি দিবে কিছুই স্থির না করিয়াই অনন্তকে ডাকিয়া একবার তাহার সহিত মুখোমুখি করিয়া দাঁড়াইয়া তাহার কাছে কৈফিয়ৎ তলব করিবার জন্ত উভয়ের বাড়ীর মধ্যস্থিত কপাটের খিল খুলিয়া ফেলিলো। সে দেখিলো দরজার কপাট ওপার হইতেও বন্ধ করা আছে। সে বাহির হইতে ঘুরিয়া যে অনন্তর বাড়ীতে যাইতে পারে এ কথা তাহার তখন মনে হইলো না, তাহার কারণ সে আগে থাকিতেই স্থির করিয়া লইয়াছিলো যে অনন্তকে যে শাস্তি দিবে তাহা সে গোপনেই দিবে—তাহার স্ত্রীর কাছে ও উভয়ের চাকর-দাসীদের সম্মুখে তাহার অপমান সে প্রকাশ হইতে দিবে না, কারণ তাহাতে তাহার নিজের পত্নী মৃগলারও অপমান জড়িত হইয়া আছে। কপাট বন্ধ আছে দেখিয়া মলয় দরজায় জোরে জোরে ঘা দিতে দিতে ডাকিতে লাগিলো—মিষ্টার রয়! মিষ্টার রয়!

আহুতি দরজা খুলিয়া হাসিমুখে বলিলো—সুপ্রভাত মিষ্টার চ্যাটার্জি! এতো সকালেই মিসেস্ চ্যাটার্জির আঁচলের গাঁঠছড়া ছাড়িয়ে যে উঠে পড়েছেন!

আহুতির রসিকতা মলয়ের ভালো লাগিলো না। সে বলিলো—মিসেস চ্যাটার্জি বাড়ীতে নেই, কাল সন্ধ্যাবেলাই তিনি পুরী চলে' গেছেন।.....

আহুতি হাসিতে হাসিতে বলিলো—ও! তাইতে মিষ্টার রয়ও কাল সন্ধ্যাবেলা অতো তাড়াতাড়ি করে' রওনা হলেন

দার্জিলিঙে—বললেন এক বন্ধুর সঙ্গে দেখা করতে হবে! একজন বলে' গেলেন যাচ্ছেন দক্ষিণে আর একজন বলে' গেলেন যাচ্ছেন উত্তরে! হয় তো তাঁদের পূর্ব থেকেই পরামর্শ ঠিক'ছিলো যে তাঁরা মিলিত হবেন পশ্চিমে! মিষ্টার রয়ের বন্ধুটি যে কে এখন বুঝতে পারছি!

এই বলিয়া আহুতি খিলখিল করিয়া হাসিয়া উঠিলো।

মৃগলার চরিত্রের উপর আহুতির কলঙ্কারোপের ইঙ্গিতে মলয়ের আপাদমস্তক ক্রোধে জ্বলিয়া উঠিলো; অনন্তকে নাগাল না পাইয়া তাহারও উপরের ক্রোধ গিয়া পড়িলো আহুতির উপরে। তৎক্ষণাৎ তাহার মনের উপর দিয়া তড়িৎগতিতে এই চিন্তা বহিয়া গেলো যে এই ব্যাপিকা রমণী ইঙ্গিতে মৃগলার চরিত্রে যে কলঙ্ক আরোপ করিতেছে সেই কলঙ্কের কালী উহার চরিত্রে লেপন করিয়া দিতে সে ইচ্ছা করিলেই পারে; এবং উহাকে কলঙ্কিত করিলে অনন্তকেও অপমানিত করিয়া তাহার কৃতকর্মের উপযুক্ত শাস্তি দেওয়া হইবে; কিন্তু উহাকে কলঙ্কলিপ্ত করিতে গেলে সেও তো সেই কালীতে কলঙ্কিত হইয়া যাইবে! তখনই সে ইহাও স্থির করিলো যে সে কেবল মাত্র আহুতিকে তাহার নিকটে বশুতা স্বীকার করাইয়া সেই লজ্জার পসরা তাহার মাথায় চাপাইয়া দিয়া তাহাকে উপেক্ষা ও ত্যাগ করিবে, সে নিজের শুচিতার হানি করিয়া মৃগলার কাছে বিশ্বাস-ঘাতকতার অপরাধ কিছুতেই করিবে না। এই স্থির করিয়া মলয় হাসিবার চেষ্টা করিতে করিতে বলিলো—আজ আমাদের দুজনেরই যখন জোড়ভঙ্গ হয়ে গেছে তখন আমরাই যুগলমিলন করবো—মুখ বদলানো হবে!

এই কথা বলিয়াই কলুষ-স্পর্শের লজ্জার ও মানিতে মলয়ের মুখ কালো হইয়া উঠিলো, তাহার দেহ ও মন নোংরা সামগ্রী স্পর্শের ভয়ে সঙ্কুচিত হইয়া উঠিলো।

মলয়ের ভাবান্তর দেখিয়া আহুতি প্রসন্ন সরল হান্তের সহিত সহজ ভাবেই বলিলো—আপনি এখনো নিতান্তই

ছেলেমানুষ আছেন দেখছি। একটু ফ্লাট্ করতে গিয়েও এতো লজ্জা! আপনি তো দুপুরবেলা আপিসে যাবেন? আপনি আপিস থেকে এলে আমি আসবো.....না হয় আপনি বিকালে আমার সঙ্গেই চা খাবেন. দুপুরবেলাও আমার বাড়ী থেকেই খেয়ে আপিস যাবেন ..

মলয় স্থির করিয়াছিলো সে আজ আপিস কামাই করিয়া আছতিকে লইয়া সমস্ত দিন যাপন করিবে এবং সমস্ত দিনের সহবাসের সুযোগে কোনে অবকাশে আছতির দুর্বলতা উপলক্ষ্য করিয়া তাহাকে কলঙ্কিত প্রতিপন্ন করিয়া পরিহার করিবে। কিন্তু আছতির কথা পরে সে আর বলিতে পারিলো না যে সে আজ আপিস কামাই করিবে তাহাকে লইয়া সমস্ত দিন যাপন করিবার জন্ত; সে কুণ্ঠিত ভাবে বলিলো—না, আমার বামুন রয়েছে সেই আপিসে যাবার আগে রাগা করে' দেবে.....

তখন আছতি বলিলো—তবে আমার বাড়ীতে চা খাবার নিমন্ত্রণ রইলো আপনার...আমি এখন স্নান করতে যাই, স্নান করতে বেলা হলে আমার মাথা ধরে...

আছতি চলিয়া গেলো। মলয়ের মনে হইলো সে যেনো আপনার কাছেই অত্যন্ত ক্ষুদ্র সামান্য হইয়া গেছে।

মলয় আপিসে সমস্ত দিন নিতান্ত অস্বস্তি ভোগ করিয়া বাড়ীতে ফিরিলো; অনন্তকে অপমানের প্রতিশোধ দিবার ইচ্ছা, আছতির আত্মদানের ষোলো-আনা সম্ভাবনার উন্মাদনা এবং মৃদুলাকে অপরাধী হইবার আশঙ্কা ও নিজের ধর্মবুদ্ধির সঙ্কোচ তাহাকে বিরুদ্ধ আবেগে বিভ্রত করিয়া তুলিয়াছিলো। সে বাড়ীতে পা দিবার সঙ্গে-সঙ্গেই তাহার ভৃত্য তাহাকে সংবাদ দিলো—ও-বাড়ীর মেম-সাহেব তিন বার এসে আপনার খোঁজ করে' গেছেন! আপনি এলেই তাঁকে খবর দিতে বলেছেন.....

মলয়ের বুকের রক্তপ্রবাহ চনচন করিয়া উঠিলো, আছতির এই আগ্রহ তাহার রক্তে আশ্বিন ধরাইয়া দিলো! সে ভৃত্যকে কিছু না বলিয়া সিঁড়ি দিয়া উপরে উঠিতে লাগিলো।

মলয় সিঁড়ির উপরের ধাপে পা দিয়াই দেখিলো আছতি বারান্দা দিয়া সেই দিকে আসিতেছে; মলয়কে দেখিয়াই সে ঈষৎ হাসিলো। অমনি মলয়ের মনে হইলো আছতি তাহার সহিত মিলনোৎসুক বাসকসজ্জা নাগ্নিকা—সে

অভিগারিকা! আছতি আপনাকে কামনা-হতাশনে আছতি দিবার জন্ত প্রস্তুত হইয়া আছে, মলয় এখন একবার স্বস্তি-বাচন করিয়া সঙ্কল্প করিলেই হয়! মলয়ের মুখ কামনার উত্তাপে ও লজ্জার আবেশে লোহিতাভ প্রদীপ্ত হইয়া উঠিলো।

আছতি মলয়কে দেখিয়া হাসিয়া বলিলো—উঃ কতো দেবী করে' এলেন আপনি! আমি তিন তিনবার এসে খোঁজ করে' গেছি আপনার! নিন, শীগুগির করে' হাত মুখ ধুয়ে আসুন, আমি চায়ের জল ঠোঁতে চড়িয়ে রেখে এসেছি...

মলয়ের মনে হইলো এমন আগ্রহভরে মৃদুলা তো তাহার জন্ত কখনো অপেক্ষা করিয়া থাকে নাই! নবানুরাগের আবেগে তাহার কণ্ঠ যেনো রুদ্ধ হইয়া উঠিয়াছিলো; সে ক্ষীণ কণ্ঠে বলিলো—আপনি চলুন, আমি এখন আসছি...

আছতি শীলাভঙ্গীর সহিত ধসিয়া-পড়া আঁচলখানি কাঁধে তুলিয়া গ্রীবা দুলাইয়া ফিরিয়া চলিয়া গেলো, মলয় লোলুপ দৃষ্টিতে তাহার দিকে চাহিয়া রহিলো; সে যে প্রতিহিংসার জন্ত আছতিকে অপমানিত করিবার সঙ্কল্প করিয়াছিলো তাহা আর তাহার মনে ছিলো না, এক পাপের উপলক্ষ্যে প্রশ্রয় প্রাপ্ত বৃহত্তর পাপের নেশায় তাহার চিত্ত আচ্ছন্ন অভিভূত হইয়া উঠিতেছিলো।

মলয় কাপড়-ছাড়া ও হাতমুখ-ধোওয়ার কথা তুলিয়া গিয়া নিজের ঘরে গিয়া একখানা চেয়ারের উপর বসিয়া পড়িলো। সে ভাবিতে লাগিলো—তাহার এই আচরণ কি সঙ্গত হইতেছে? পরের ঘরে আশ্বিন লাগাইতে গিয়া তাহার নিজের ঘরে আশ্বিন লাগিয়া যাইবে না তো? যদি মৃদুলা জানিতে পারে? তাহাকে বলিবো তাহার নামে অপবাদ রটনার প্রতিহিংসা সাধনের জন্তই আমি এরূপ করিয়াছি। কিন্তু যে উদ্দেশ্যেই অনুষ্ঠিত হোক, পাপ তো সকল অবস্থাতেই পাপ! তা আমি তো নিজে চেষ্টা করিয়া কাহাকেও পাপে প্রলুব্ধ করিতেছি না, কেহ যদি স্বৈচ্ছায় উপযাচক হইয়া পাপাচরণ করিতে প্রবৃত্ত হয় তবে আমি তাহাকে কেমন করিয়া নিবারণ করিবো? কিন্তু আমিই তো সেই পাপের উত্তরসাধক হইতে যাইতেছি, আমি প্রতিনিবৃত্ত হইলে তো উহার পাপে প্রবৃত্ত হইবার আর সম্ভ্রতি সম্ভাবনা থাকে না! কিন্তু উহারা যে মৃদুলাকে

অপমান করিয়াছে তাহার প্রতিবিধান হইবে কিম্বা ? আর বাহাতেই হউক পাপাঙ্কুঠানে হইবে না নিশ্চয়। মৃগলাকে অপমান হইতে রক্ষা করিতে গিয়া তাহাকে পুনর্বার অপমান করা তাহার পক্ষে তো নিতান্তই গহিত কৰ্ম হইবে ?.....

“বেশ লোক তো আপনি ! এখনো কাপড় চোপড় ছাড়েন নি ! আহা কাস্তা-বিরহ-বিধুর বিপ্রযুক্ত কবি !”

মলয় আহতির কথায় চম্কাইয়া মুখ ফিরাইয়া দেখিলো আহতি একটা কাঠের ট্রের উপর দুই পেয়লা উষ্ণ ধূমায়িত চা ও দুই প্লেট সিঙাড়া-কচুরী ও মিষ্টান্ন রাখিয়া দুই হাতে ট্রের দুই প্রান্তের আংটা ধরিয়া ঘরে প্রবেশ করিতেছে। আহতিকে সেইরূপ ভাবে আসিতে দেখিয়া মলয় ব্যস্ত হইয়া দাঁড়াইয়া উঠিয়া বলিলো—আপনি আবার কষ্ট করে' বয়ে নিয়ে এলেন কেনো ? আমিই তো যেতাম.....

আহতি টেবিলের উপর ট্রে নামাইয়া হাসিয়া মাথা হুলুইয়া বলিলো—কিন্তু কখন ?...যান শীগগির কাপড় ছেড়ে হাতমুখ ধুয়ে আসুন। ভাবকের পাল্লায় পড়ে' আমি যে বুলুক্ষায় মারা যেতে বসেছি তার দিকে হুঁশ আছে ?

মলয় ব্যস্ত হইয়া ঘর হইতে বাহিরে যাইতে যাইতে বলিয়া গেলো—আমি পাঁচ মিনিটের মধ্যে আসছি.....

কাপড় ছাড়িতে ছাড়িতে ও হাতমুখ ধুইতে ধুইতে মলয় ভাবিতেছিলো আহতির এতো আগ্রহের অর্থ কি ? তাহার উদ্দেশ্য তাহার কথার ফাঁক দিয়া মলয়ের কাছে সুস্পষ্ট হইয়া দেখা দিতে লাগিলো—আহতি তাহাকে বিপ্রযুক্ত কবি বলিয়াছে, কিন্তু যেখান হইতে ঐ কথাটি ধার-করা সেই মেঘদূতে আছে “বিপ্রযুক্তঃ স কামী !” সে বুলুক্ষায় মারা যাইতে বসিয়াছে ! মলয় আহতিকে অতি সহজ শিকার বলিয়া ধারণা করিয়া এক দিকে উৎফুল্ল হইলো আবার ক্ষুণ্ণ হইলো—এতো সহজে যে পরাজয় স্বীকার করিবে তাহাকে জয় করার পৌরুষই বা কোথায় আর আনন্দই বা কোথায় !

মলয় আহতির নিকট সম্বর ক্রতপদে ফিরিয়া আসিলো। এবং দুইজনে এক টেবিলে বসিয়া আহার করিতে প্রবৃত্ত হইলো।

আহতি খাইতে খাইতে বলিলো—আজ আপনাকে কোথাও যেতে দিচ্ছি না ; নতুন কি লিখেছেন আমার সব শোনাতে হবে।

মলয় কুষ্ঠা কাটাইয়া হাসিবার চেষ্টা করিয়া বলিলো—ছকুম-বন্দার হাজির আছে।

আহতি গ্রীবা ঝাঁকাইয়া মৃগ হাসিয়া আবার আহারে প্রবৃত্ত হইলো। মলয় একবার নিবারণের বাসায় যাইবে মনে করিয়াছিলো, কিন্তু সে ঐ সমস্ত ত্যাগ করিয়া ভাব-বেশের চং করিয়া বলিলো—আজ সমস্ত দিন কেবল এই পদটাই মনের মধ্যে গুঞ্জন করে' ফিরছে—

“কি জানি কি ঘুমঘোরে

কি চোখে দেখেছি তোরে,

এ জনমে বুঝি ওরে

ভুলিবো না আর !”

আহতি কৌতুকভরা হাসিমুখে বলিলো—কোনো কথা বেশী পেয়ে বসা ভালো নয় ! শেষে চাকুবাবুর গল্পের “ভেক-বদনী ধনী” পেয়ে বসার মতন হৃদশা ঘটবে !

আহতির এই বিক্রমে মলয়ের মুখ অপ্রতিভ হইয়া গেলো। সে মাথা নত করিয়া আহারে মনোনিবেশ করিলো।

মলয়ের মনটা বিকল্প চিন্তায় ও আবেগে এমন সংকুচিত হইয়া উঠিয়াছিলো যে সে আর কথা বলিতে পারিতেছিলো না ; আহতিই মাঝে মাঝে এক একটা কথা বলিতে লাগিলো, কিন্তু মলয়ের বাক্যালাপে উৎসাহ না থাকতে তাহারও আলাপ তেমন জমিতেছিলো না। অবশেষে মলয়ের আহার সমাপ্ত হইলে আহতি বলিলো—এইবার চলুন বিছানায়... ভালো হয়ে বসে' আপনার লেখা শুন্তে হবে।

মলয়ের মুখ আরক্তিম হইয়া উঠিলো ; তাহার মনে পড়িয়া গেলো অল্প দিন আগেই ঐ বিছানাতেই আহতি তাহার কোলে মাথা রাখিয়া শুইয়া তাহার গল্প পড়া শুনিয়াছিলো, এবং সঙ্গে সঙ্গে তাহার ইহাও মনে পড়িলো যে মৃগলা আসিয়া তাহাদের তদবস্থ দেখিয়া ফেলিয়াছিলো। লজ্জার সঙ্কোচে ও কামনার আবেগে মলয়ের মুখ আরক্তিম হইয়া উঠিলো। সেদিন আহতি যে তাহার কোলে মাথা রাখিয়া শুইয়াছিলো তাহার জন্ম সে মোটেই দায়ী ছিলো না, কেবল সে রূঢ় ভাবে একজন মহিলার আচরণের প্রতিবাদ না করিয়া সহ্য করিয়াছিলো ; কিন্তু এই কথা সে যে তাহার স্বীর নিকট উল্লেখ করে নাই, তাহাতেই ঐ



ব্যাপারটার সঙ্গে একটা গোপনতার প্রয়াস জড়াইয়া গিয়াছিলো; যেখানে গোপনতা সেখানেই রহস্য; তাই আজ তাহার মনের ভাবান্তর আশ্রয় করিয়া সেই রহস্য ঘনীভূত হইয়া তাহাকে অভিভূত করিয়া তুলিলো।

মলয় বিছানার গিয়া বসিবার আগেই আছতি তাহার বিছানার উঠিয়া ছুটা বালিস উপরি উপরি রাখিয়া আধ-শোণ্ডা রকমে বসিয়া মলয়কে বলিলো—কোথায় আপনার খাতা-পত্ৰ, নিয়ে আসুন...৩...

মলয় আবেগ-কম্পিত চরণে খাতা লইয়া আছতি হইতে যথাসম্ভব দূরে আড়ষ্ট হইয়া বসিলো।

আছতি একটু নড়িয়া শুইয়া হাত দিয়া বিছানার একটি স্থান নির্দেশ করিয়া বলিলো—এইখানে কাছে সরে' এসে ভালো হয়ে বসুন...আমি তো আর আপনার সেকলে ভাদ্রবো না যে আমাকে ছুঁলে নাইতে হবে!

মলয়ের বুকের মধ্যে রক্ত উদ্দাম হইয়া নাচ শুরু করিলো, তাহার নিশ্বাস ঘন ঘন জ্বরে জ্বরে বহিতে লাগিলো। সে সরিয়া এক রকম আছতির কোলের কাছে গিয়া বসিলো।

আছতি বলিলো- নিন, এইবার আরম্ভ করুন...

মলয় পড়িতে আরম্ভ করিলো। কিন্তু পড়িতে তাহার গলা কাঁপিয়া যায়, কণ্ঠ রুদ্ধ হইয়া আসে, কপাল কর্ণমূল উত্তপ্ত হইয়া উঠে। সে কষ্ট ও চেষ্টা করিয়া অল্প একটুকু পড়িয়া আর পারিলো না, একটা খাপছাড়া জামগায় কথার মাঝখানেই খাতা বন্ধ করিয়া চুপ করিয়া বসিলো।

আছতি তাহার ভাবাবেগ দেখিয়া বলিলো—পড়তে ভালো লাগছে না, তবে থাক। আপনি একটু বেড়িয়ে আসুনগে.....

এই বলিয়া আছতি খাট হইতে মাটিতে নামিয়া পড়িলো।

আছতি চলিয়া যায় দেখিয়া মলয় একেবারে আত্মহারা হইয়া থপ্ করিয়া তাহার হাত চাপিয়া ধরিলো ও বাষ্পভরা গাঢ় স্বরে অতি অক্ষুট ভাবে বলিলো—তুমি রাতে এসো, আমি দরজাটা খোলা রাখবো.....

আছতি কিছুমাত্র বিশ্বয় বা বিরক্তি প্রকাশ না করিয়া পূর্ববৎ স্নিগ্ধ মধুর ভাবে একটু হাসিয়া লীলাভঙ্গীর সহিত ঘাড় ছলাইয়া মাথা নাড়িয়া বলিলো—আপনি কি ভুলে গেলেন যে মদন অনেকদিন হলো ভস্ম হয়ে অনঙ্গ হয়ে গেছে!

তাহার পর সে ধীরে ধীরে মলয়ের হাত হইতে আপনার হাত মুক্ত করিয়া লইয়া ঘর হইতে মলয় পদে বাহির হইয়া চলিলো, যাইতে যাইতে একবার মুখ ফিরাইয়া মলয়কে দেখিলো, মলয় দেখিলো আছতির মুখে প্রসন্ন স্নিগ্ধ হাস্য তখনো বিরাজ করিতেছে! মলয়ের ইচ্ছা করিলো সে ছুটিয়া গিয়া আছতিকে বাহুপাশে বন্দী করিয়া ফিরাইয়া লইয়া আসে; কিন্তু তাহার মুখের ঐ হাসি স্নিগ্ধ শাস্ত হইলেও তাহার সঙ্গে একটু যেনো ককণা বিক্রম নিবেদিত মিশ্রিত হইয়া ছিলো, তাহার জন্ত মলয়ের ইচ্ছাকে কার্যে পরিণত করিতে সাহসে কুলাইলো না। মলয়ও আছতির পিছনে পিছনে ধরধর-কম্পিত পদে ঘর হইতে বারান্দায় বাহির হইয়া গিয়া দাঁড়াইলো; যখন সে দেখিলো আছতি বাস্তবিকই চলিয়া যাইতেছে তখন সে আবার ব্যাকুল স্বরে আছতিকে তুমি বলিয়া সম্বোধন করিয়াই বলিলো—বলে' যাও তুমি রাতে আসবে.....

আছতি নিজের বাড়ীতে যাইবার দরজার চৌকাঠ পার হইতে হইতে হাসি-মুখ ফিরাইয়া মাথা ছলাইয়া শাস্ত অস্বীকার জানাইয়া অদৃশ্য হইয়া গেলো—শ্রিৎ-দেওয়া কপাট আপনি ফিরিয়া আসিয়া বন্ধ হইয়া গেলো, মলয় আছতির সঙ্গে সঙ্গে তাহার বাড়ীতে যাইবে বলিয়া তাড়াতাড়ি দরজা খুলিতে গেলো, দেখিলো আছতি দরজায় খিল দিয়া বন্ধ করিয়া গিয়াছে! মলয় সেই রুদ্ধ দ্বারের এপারে আড়ষ্ট হইয়া দাঁড়াইয়া উত্তেজিত কামনার আগুনে দগ্ধ হইতে লাগিলো; যে পাপ-বাসনাকে সে প্রসন্ন দিয়াছিলো পরকে শাস্তি দিবার জন্ত তাহা প্রচণ্ড রূপে তাহাকেই শাস্তি দিতে লাগিলো। শত্রু নির্যাতন করিবার যে কুৎসিত অস্ত্র সে নির্বাচন করিয়াছিলো তাহা এখন ফিরিয়া আসিয়া তাহাকেই নির্যাতন করিতেছে!

মলয় কোথাও বাহির হইতে পারিলো না, তাহার কেবলই মনে হইতে লাগিলো আছতি যদি ফিরিয়া আসে! তাহার কেবলই এই ছরাশা মনে উদয় হইতে লাগিলো আছতি আসিবে—সে আসিবেই।

এই ছরাশায় মলয় সমস্ত রাত্রি এক নিমেঘের জন্তও ঘুমাইতে পারিলো না, প্রতিক্ষণেই তাহার মনে হইতে লাগিলো এইবার আছতি আসিবে! সে আছতির আগমনের প্রতীক্ষায় ভালো করিয়া শুইয়া থাকিতেও পারিতেছিলো

না, অল্পক্ষণ শুইয়া থাকার পরই তাহার মনে হইতেছিলো অনেকক্ষণ অপেক্ষা করা হইয়াছে, এইবার আছতি হয়তো আসিতেছে; অমনি সে বিছানা ছাড়িয়া উঠিয়া গিয়া দুই বাড়ীর মাকের দরজা চোরের মতন স্তম্ভপূর্ণে টানিয়া দেখিতেছিলো উহা আছতি খুলিয়া দিয়াছে কি না; যতো-বারই সে দেখিলো ততোবারই দেখিলো দরজা নিশ্চয়ম ভাবে বন্ধ! রাত্রি যতো গভীর হইতে লাগিলো তাহার অস্থিরতা ও অধৈর্য্য ততো বাড়িয়া চলিলো। কিন্তু বৃথাই সে ঘর ও বাহির এবং বাহির ও ঘর করিয়া ছটফট করিয়া বেড়াইলো, অবরুদ্ধ-হৃদয় কপাট কিছুতেই খুলিলো না।

ক্রমে কলকাতার পথে জাগরণের সাড়া শোনা যাইতে লাগিলো—ধাঙড়েরা কোলাহল করিতে করিতে পথ কাঁট দিতেছে, ময়লা-ফেলা গাড়ী ঘট্যাং-ঘট্যাং শব্দ করিয়া আবর্জনা কুড়াইয়া চলিয়াছে, রাস্তায় জল ছিটানো হইতেছে; পাড়ারই যত ঘোষ মাছের দালাল, রোজ হাবড়া টেসনে মাছ আনিতে ও ফিরিবার পথে গল্পাঙ্গান করিয়া আসিতে যায়, ও পথ চলিবার সময় কৃষ্ণের শতনাম আবৃত্তি করে; মলয় আজও তাহার কর্কশ কণ্ঠের আবৃত্তি শুনিতে পাইলো—

“কৃষ্ণ যবে জন্ম নিলা দৈবকী-উদরে।

স্বর্ণ হতে দেবগণ পুষ্পবৃষ্টি করে ॥”

পাড়ার রামকৃষ্ণ-আশ্রমের সন্ন্যাসীরা একধেয়ে সুরে গানের কেবলমাত্র একটি পদ রোজ ঘট্যাং খানেক ধরিয়া উদ্দাম ভাবে আবৃত্তি করিয়া লোকের মনে ধর্ম্মভাবের বিপরীত বিবিধ ভাবসঞ্চার করে, আজও তাহারা তারস্বরে চাঁৎকার আরম্ভ করিয়াছে “দেখ রে আমার কেমন মা?” ক্রমে টীকে-ওয়ালার নিদ্রালস নাকি সুর পথে বাহির হইলো— চাঁই টীকে-এঁ.....! তাহার দোহারের মতন অপর একজন ফেরিওয়ালা তীক্ষ্ণস্বরে ডাকিয়া উঠিলো—চাঁই তিলকুটো চন্দ্রপুলি! ইহাদের সঙ্গে কাক ও চড়াই-পাখীর কলরব, ট্রামগাড়ীর ঠংঠং, মোটরের ভেঁপু মিলিয়া একটা অশান্ত দানবীর কাণ্ড বাধাইয়া তুলিলো।

যখন সকাল ফর্সা হইয়া গেলো তখন মলয় নিশ্চিত বুদ্ধিতে পারিলো আছতি কিছুতেই আসিলো না, সে যাহা বলিয়া গিয়াছিলো কার্যোও তাহা পালন করিলো। এই দিবালোকে তাহার নিষ্ফল প্রতীক্ষা তাহাকে অত্যন্ত লজ্জা দিলো, সে আপনার কাছেও নিতান্ত ছোটো হইয়া গেলো,

সে নিজের কাছে অপরাধী হইয়া কুষ্ঠার সহিত তাড়াতাড়ি ঘরে গিয়া লুকাইলো।

মলয়ের প্রভাতেই স্নান করা অভ্যাস। সে সমস্ত রাত্রি জাগরণের ও পাপ-বাসনা মনের মধ্যে পোষণের স্মৃতি কথঞ্চিৎ ধুইয়া ফেলিয়া আসিয়া যখন ভাবিতেছিলো এখন সে কি করিবে, তখন হঠাৎ তাহার পশ্চাতে আছতির আহ্বান শুনিয়া সে চমকিত হইয়া মুখ ফিরাইলো; দেখিলো, কাল যেনো সে কোনো অনাচার করে নাই এমনি প্রশান্ত স্মিতমুখে আছতি বলিতেছে—আপনার স্নান হয়ে গেছে? আসুন তবে চা খাবেন।

আবার চা! মলয় ব্যস্ত ও বিব্রত হইয়া তাড়াতাড়ি বলিলো—আমাকে মাফ করবেন, আমাকে এখনই একবার নিবারণের বাড়ীতে যেতে হবে, তার ওখানেই চা খাবো...

এই কথা বলিতে বলিতেই মলয় আনুলা হইতে চাদর টানিয়া কাঁধে ফেলিয়া চটি ছাড়িয়া এক জোড়া আলবার্ট স্লিপারের মধ্যে পা ভরিয়াই দ্রুতপদে ঘর হইতে প্রস্থান করিলো, আছতির সামনে দাঁড়াইয়া তাহাকে মুখ দেখাইতে তাহার যেনো মাথা কাটা যাইতেছিলো। সে যে অভব্যের মতন আছতি তাহার ঘরে দাঁড়াইয়া থাকিতেও চলিয়া আসিলো সেদিকে তাহার খেয়াল রহিলো না, আছতি এখন তাহার কাছে ভয়ঙ্কর লজ্জা ও আত্মগানির রূপ ধরিয়া দেখা দিয়াছে।

মলয় পথে বাহির হইয়া পড়িয়া দ্রুতপদে অনেকখানি পথ হাঁটিবার পর অনেকখানি প্রকৃতিস্থ হইলো এবং সঙ্কল্প করিলো আজই সে রাত্রে গাড়ীতে পুরী রওনা হইয়া যাইবে এবং মৃহলার প্রেম-হর্গে গিয়া আশ্রয় লইয়া পাপ-প্রলোভনের আক্রমণ হইতে আত্মরক্ষা করিবে গত দিবসের নিজের লজ্জাকর আচরণের কথা সে ভুলিতে চাহিলেও ভুলিতে পারিতেছিলো না, তাহার অন্তরঙ্গাণ্ডি নিরস্তর তাহার সঙ্গে সঙ্গে ধিক্কার দিয়া ফিরিতে লাগিলো সে বুদ্ধিতে পারিলো পাপ-চিন্তাই কি ভয়ানক! পাপে শাস্তি পাপ দ্বারা দিবার সঙ্কল্প করাতাই তাহার এতোদূর শোচনীয় অধঃপতন ঘটয়াছে!

মলয় হুঁচলিতে লাগিলো; সে আছতিকে বলিয়া আসিয়াছিলো যে সে নিবারণের বাড়ী যাইবে; কিন্তু ঐ কথা হঠাৎ বলিয়া ফেলিবার পূর্বে মূহূর্ত্তেও সেখানে যাইবা

কোনো সঙ্কল্প তাহার মনের মধ্যে ছিলো না; এবং এখন সে নিবারণের বাড়ীতে যাইবে বলিয়া বাহির হইয়াছে বলিয়াই সেই দিকেই অশ্রুমনস্কভাবে চলিয়াছিলো, নানান চিন্তায় আকুল চিত্ত গস্তব্য পথের দিকে লক্ষ্য না রাখিলেও সে নিবারণের গৃহ-দ্বারে গিয়া উপনীত হইলো।

নিবারণের গৃহদ্বারে উপনীত হইয়া মল্লয়ের চৈতন্য হইলো যে সে নিবারণের বাড়ীর সম্মুখে আসিয়া উপস্থিত হইয়াছে। তখন তাহার মনে পড়িলো যে এই বাড়ীতে শ্রেয়সী আছে, যে একদিন তাহাকে তাহার বাড়ীতে উপস্থিত দেখিয়া বলিয়াছিলো—দাদা, তুমি পবিত্র নির্মল শুচি! তুমি এই নরককুণ্ডে কেনো এসেছো! এখানে এমন একটু শুচি স্থান বা আসন নেই যেখানে বা যাতে তোমাকে বসতে দিতে পারি।” সেই পতিতা পাতকিনী এখন মুক্তিলাভ

করিয়া পাতিত্রতোর পূতজীবনে পুনঃপ্রতিষ্ঠিত হইয়াছে, সে এখন অহল্যা দ্রৌপদী কুন্তী প্রভৃতি প্রাতঃস্মরণীয়া সতীদিগের সমকক্ষ; তাহার পুণ্য গৃহস্থালির মধ্যে তাহার কলুষ-কলঙ্কিত চিত্ত ও চরিত্র লইয়া প্রবেশের অধিকার সে হারাইয়াছে, তাহাকে সাধ্বী প্রেমময়ী পত্নী যুহলার প্রেম-মন্দাকিনীতে অবগাহন করিয়া পবিত্র হইতে হইবে; যতোদিন সে তাহা হইতে না পারিতেছে ততোদিন সে পতিত অশ্মশ্রু।

মল্ল তাড়াতাড়ি নিবারণের বাড়ীর সম্মুখ হইতে প্রত্যাবর্তন করিলো; একবার সে মুখ ফিরাইয়া দেখিলো কেহ তাহাকে দ্বারপ্রান্ত হইতে ফিরিয়া আসিতে দেখিলো কি না।

( আগামীবারে সমাপ্য )

## আন্তর্জাতিক মুদ্রা-বিনিময়

( Foreign Exchange )

শ্রীঅনাথবন্ধু দত্ত, এম-এ, এফ-আর-ই-এস্

যে উপায় দ্বারা আন্তর্জাতিক দেনা-পাওনার পরিশোধ হয়, তাহার নাম করেন এক্সচেঞ্জ। বিভিন্ন দেশের মধ্যে যে বাণিজ্য হয়, তাহার দেনা-পাওনা অনেক সময় আমদানী-রপ্তানীতে কাটাকাটি ( Cancel ) হইয়া যায়। আমদানী-রপ্তানীর অদল-বদল পরিষ্কার রূপে বুদ্ধিবার জন্ত একটা উদাহরণ দেখা যাউক।

ধরা যাউক, ইংলণ্ড ও ভারতবর্ষের মধ্যে ব্যবসা চলিতেছে। উভয় দেশের মুদ্রাই “টাকা” ধরিয়া লইলাম। উদাহরণটা সরল করিবার জন্ত ব্যবসার কন্মকর্ত্তা রূপে মোট চারিজন লোককে স্বীকার করা হইল; ও আমদানী রপ্তানী মূল্য সমান অর্থাৎ ১০০০ হিসাবে ধরা হইল। ভারতবর্ষ হইতে “ক” ইংলণ্ডে “খ” এর নিকট ১০০০ মূল্যের গম রপ্তানী করিয়াছে। ইংলণ্ড হইতে “গ” ভারতবর্ষের “ঘ” এর নিকট ১০০০ মূল্যের বস্ত্র রপ্তানী করিয়াছে। আমাদের হাটবাজারের ক্রয়-বিক্রয়ের প্রচলিত রীতি অনুযায়ী এই

দেনা-পাওনার মীমাংসা করিতে হইলে, ইংরাজ খ ভারতবাসী ক-এর নিকট গমের মূল্য বাবদ ১০০০ নগদ পাঠাইয়া দিবে; ও ভারতবাসী ঘ ইংরাজ গ-এর নিকট বস্ত্রের মূল্য বাবদ ১০০০ পাঠাইয়া দিয়া দেনা শোধ করিবে। কিন্তু তলাইয়া দেখিলে স্পষ্টই বুঝা যায় যে, বর্তমান ক্ষেত্রে ইংলণ্ডে ও ভারতবর্ষে; উভয় দেশেই পাওনাদার ও দেনাদার উভয়ই রহিয়াছে; এবং এই জন্তই ভারতবর্ষ হইতে ইংলণ্ডে ও ইংলণ্ড হইতে ভারতবর্ষে নগদ টাকার আমদানী-রপ্তানী না করিয়া হস্তী দ্বারা অতি সহজে দেনা-পাওনার হিসাব-নিকাশ হইতে পারে। ধরা যাউক, ভারতবাসী ক ইংরাজ খ-কে পাওনাদার করিয়া ১০০০ মূল্যের এক হস্তী কাটিল। ভারতবাসী ঘ ইংলণ্ডের গ-এর নিকট হইতে বস্ত্র আমদানী করিয়াছে,—তাহার ১০০০ পরিশোধ করিতে হইবে। সে ক-এর হস্তী ক্রয় করিয়া ইংলণ্ডে তাহার পাওনাদার গ-এর নিকট পাঠাইয়া দিল। গ যথাকালে ক-এর লিখিত হস্তী তাহার স্বদেশবাসী খ-এর

নিকট উপস্থিত করিয়া ১০০ সংগ্রহ করিল। এ ক্ষেত্রে দেখা যাইতেছে যে, দেশ হইতে দেশান্তরে কোন মুদ্রাই প্রেরিত

হইল না, অথচ দেনা-পাওনা নির্বিঘ্নে চুকিয়া গেল। ব্যাপারটা নিম্নে অঙ্কিত টেবুল হইতে আরও বিশদরূপে বুঝা যাইবে :—

ভারতবর্ষ		ইংলণ্ড	
ক	ঘ	খ	গ
ইংলণ্ডে গম রপ্তানী করিয়াছে	ইংলণ্ড হইতে বস্ত্র আমদানী করিয়াছে	ভারতবর্ষ হইতে গম আমদানী করিয়াছে	ভারতবর্ষে বস্ত্র রপ্তানী করিয়াছে
ক খ-এর উপর হস্তী কাটিল	ঘ ক-এর হস্তী ক্রয় করিয়া গ এর নিকট পাঠাইল	খ ক-এর হস্তীর টাকা দিল	গ ক-এর হস্তীর টাকা আদায় করিল

প্রকৃত ব্যবসা-ক্ষেত্রে আমাদের মনগড়া উদাহরণটির মত সঠিক কিছু হয় এরূপ কেহ যেন মনে না করেন। বিভিন্ন দেশের মুদ্রা বিভিন্ন; আমদানীকারক ও রপ্তানীকারক-গণের মধ্যে আমাদের উদাহরণটির মত পরস্পর চেনা-শোনা অসম্ভব; আর ব্যবসা হয় শতশত সহস্র সহস্র লোকের মধ্যে ও দশ বিশটা দেশ লইয়া। ইহা ব্যতীত বাণিজ্যের দেনা-পাওনার হিসাব আমাদের উদাহরণের মত সহজ, সরল ও সমান কখনই হইতে পারে না। আন্তর্জাতিক বাণিজ্যের দেনা পাওনা হস্তীর (Bills of Exchange) দ্বারা ই মিটিয়া থাকে। সোণা বা রূপার আমদানি বা রপ্তানী বড় একটা হয় না। যখন এরূপ হয় তখন বৃদ্ধিতে হইবে হস্তী দ্বারা দেনা-পাওনার কতকটা মিটিয়া গিয়া বাকী ধাতু মুদ্রা দ্বারা পরিশোধ হইতেছে বা ধাতুগুলি সাধারণভাবে অন্যান্য দ্রব্যের মত আমদানী বা রপ্তানী হইতেছে।

বিনিময়ের সমতা

( Par of Exchange )

বিভিন্ন দেশের মুদ্রা বিভিন্ন প্রকারের। মুদ্রা বিভিন্ন হইলেও যখন উহা একই ধাতু দ্বারা নির্মিত হয়, তখন উভয় দেশের মুদ্রার মধ্যে একটা বিনিময়ের সমতা সম্ভব। কিরূপে মুদ্রা নির্মিত হইবে, এ বিষয়ে প্রত্যেক দেশেই বিভিন্ন আইন (Mint Law) আছে। প্রত্যেক দেশেই মুদ্রার কতটা খাঁটা ধাতু (সোণা বা রূপা) থাকিবে এবং কতটা খাদ (সাধারণতঃ তামা) মিশান হইবে, আইন তাহা নির্দিষ্ট করিয়া দেয়। যখন বিভিন্ন রাষ্ট্রের মুদ্রা একই ধাতু দ্বারা

প্রস্তুত হয়, তখন উক্ত দেশসমূহের টাঁকশাল সংক্রান্ত আইন ধরিয়া বিনিময়ের সমতা বাহির করিতে হয়। যতদিন পর্যন্ত ছই বা ততোধিক দেশের মধ্যে এই টাঁকশাল আইনের পরিবর্তন না হয়, ততদিন উক্ত দেশসমূহের মধ্যে বিনিময়ের সমতারও হ্রাস-বৃদ্ধি হয় না—একই থাকে।

ইংলণ্ডের আইন মতে সত্ত্বরের সোণার  $\frac{3}{4}$  ভাগ খাঁটা ও  $\frac{1}{4}$  ভাগ খাদ। একটা সত্ত্বরেণ বা গিনিতে ৭২৮৮ গ্রাম সোণা আছে। এই সোণার ১১ অংশ খাঁটা সোণা এবং ১ অংশ তামা।

ফরাসী আইন অনুযায়ী এক কিলোগ্রাম (১০০০ গ্রাম) সোণা হইতে ৩১০০ ফ্র্যাঙ্ক মুদ্রা নির্মিত হয়। এই এক কিলোগ্রাম সোণার ৯ ভাগ খাঁটা সোণা ও ১ ভাগ খাদ বা তামা। প্রকৃত প্রস্তাবে ফরাসীদেশে কোন সোণার ফ্র্যাঙ্ক নাই। রৌপ্য মুদ্রাই সেখানে চলিতেছে। কিন্তু ইংলণ্ড ও ফরাসীদেশের মুদ্রার বিনিময়ের সমতা নির্ধারণ করিতে হইলে, উভয় দেশের আইন অনুযায়ী স্বর্ণমুদ্রার যে সমতা, তাহাই নির্ণয় করিতে হইবে।

বিলাতী সত্ত্বরের সহিত ফরাসী ফ্র্যাঙ্কের বিনিময়ের সমতা এইরূপে “শুল্ক নিয়ম” দ্বারা বাহির করিতে হইবে।

কত ফ্র্যাঙ্ক ?	=	১ সত্ত্বরেণ
১ সত্ত্বরেণ	=	৭২৮৮ গ্রাম স্বর্ণ (খাদ সহিত)
১২ গ্রাম স্বর্ণ	=	১১ গ্রাম স্বর্ণ (খাঁটা খাদ সহিত)

৯০০ গ্রাম

$$= ৩১০০ ফ্র্যাঙ্ক$$

• খাঁটা স্বর্ণ •

$$\frac{৭.৯৮৮ \times ১১ \times ৩১০০}{১২ \times ৯০০}$$

$$= ২৫'২২'১৫$$

অর্থাৎ ১ সত্ভরেণ ২৫'২২'১৫ ফ্র্যাঙ্ক।

ঠিক এইভাবেই আমেরিকার ডলারের সহিত ইংলণ্ডের সত্ভরেণের বিনিময়ে সমতা বাহির করিতে হয় যথা :—

কত ডলার ? = ১ সত্ভরেণ

১ সত্ভরেণ = ১২৩'২৭৪ গ্রেণ স্বর্ণ (খাদ সহিত)

১২ গ্রেণ স্বর্ণ

= ১১ গ্রেণ স্বর্ণ ( খাঁটা )

( খাদ সহিত )

২৩২'২ গ্রেণ স্বর্ণ ( খাঁটা ) = ১০ ডলার

$$\frac{১২৩২৭৪ \times ১১ \times ১০}{১২ \times ২৩২'২} = ৪'৮'৬৬৫ ডলার$$

অর্থাৎ ১ সত্ভরেণ—৪'৮'৬৬৫ ডলার

এইরূপে বিনিময়ের সমতা বাহির করিলে নিম্নলিখিত দেশগুলির সহিত সত্ভরেণ মুদ্রার সম্বন্ধ দাঁড়ায়—

১ সত্ভরেণ — ২০'৪২৯ মার্ক ( জার্মানি, যুদ্ধের পূর্বে )

” = ১২'১০৭ ফ্লোরিন ( নেদারল্যান্ডস্ )

” — ২৪'০২ ক্রোন ( অস্ট্রিয়া, যুদ্ধের পূর্বে )

” — ১৮'১৫৯৮২ ক্রোনার ( ডেনমার্ক্

সুইডেন, নরওয়ে )

বিগত মহামুদ্রে অনেক দেশের নিয়ম কানুন ও অবস্থার এত ওলট পালট হইয়া গিয়াছে যে, জার্মানি ও অস্ট্রিয়া প্রভৃতি দেশের সহিত এখন আর Mint Par বা বিনিময়ের সমতা বলিয়া কিছু নাই বলিলেই চলে; সংবাদপত্রের পাঠক মাত্রেই তাহা অবগত আছেন।

এখন প্রশ্ন হইতেছে যে, এই বিনিময়ের সমতা জানিয়া লাভ কি? আন্তর্জাতিক ব্যবসায় এই আইনগত বিনিময়ের সমতার হারে কিছু দেনা-পাওনার হিসাব নিকাশ হয় না। তাহা না হইলেও আন্তর্জাতিক মুদ্রা-বিনিময়ে ইহার আবশ্যিকতা কিছু কম নহে। আন্তর্জাতিক ব্যবসায় হস্তীর ক্রয়-বিক্রয় একটা বড় কথা। যিনি মাল রপ্তানী করিতেছেন, তিনি হস্তীর বিক্রেতা—অর্থাৎ তিনি তাঁহার বিদেশী পাওনা-দারের উপর হস্তী কাটিয়া, তাহার বিক্রয় দ্বারা নিজের দ্রব্যের মূল্য সংগ্রহ করিবেন। এই হস্তী যদি বিদেশের মুদ্রায় কাটা হইয়া থাকে ( drawn in foreign currency ), আর বিক্রয় করিতে গিয়া যদি তিনি দেখিতে পান যে, বিনিময়ে তিনি স্বদেশীয় মুদ্রা ( local currency ) সংখ্যায় কম পাইতেছেন ( অবশ্য বিনিময়ের সমতার হিসাবে ), তখনই প্রশ্ন উঠিবে—হস্তী বিক্রয় অপেক্ষা উহা বিদেশে পাঠাইয়া পাওনাদারের নিকট হইতে স্বর্ণমুদ্রা আমদানী করা লাভজনক কি না? অবশ্য ইহাতে কতকটা ঝঞ্ঝাট ও অতিরিক্ত খরচ আছে; কিন্তু তাহা সত্ত্বেও উহা হস্তী বিক্রয় অপেক্ষা লাভজনক হইলে তাহাই করিতে হয়। যখন উভয় দেশের মধ্যে একটা বিনিময়ের সমতা থাকে, তখন ঐ দেশগুলির মধ্যে প্রকৃত মুদ্রা বিনিময়ের হার ( actual rate of exchange ) সাধারণতঃ একটা গন্তীর উপরে বা নীচে উঠিতে বা নামিতে পারে না। মুদ্রা বিনিময়ের হারের সহিত বিনিময়ের সমতার হারের বেশী তফাৎ হইলে, অবস্থানুযায়ী কখন স্বর্ণ রপ্তানী বা আমদানী হইয়া থাকে। আন্তর্জাতিক ব্যবসায় যখন কয়েকটি দেশের মধ্যে স্বর্ণ আমদানী বা রপ্তানীর প্রয়োজন সূচক অবস্থা উপস্থিত হয়, তখন ঐ সকল দেশের বাণিজ্য-ধারা ক্রমে ক্রমে একটা নূতন গতি প্রাপ্ত হইয়া থাকে; এবং নূতন গতি হইতেই আবার স্বর্ণের আমদানী বা রপ্তানী থামিয়া যায়।

# মুর্শিদাবাদ

শ্রীস্বজননাথ মিত্র মুস্তোফী

( আলোক-চিত্র—শ্রীযুক্ত ললিতা প্রসাদ দত্ত এম-আর-এ-এস এবং লেখক কর্তৃক গৃহীত )

মুসলমান আমলের বঙ্গের চতুর্থ রাজধানী মুর্শিদাবাদের নাম বাল্যকাল হইতে ইতিহাসে পাঠ করিয়া আসিতেছি। মুর্শিদাবাদ সহরের ও উহার উপকণ্ঠের দর্শনযোগ্য প্রাচীন কীর্তিগুলি দেখিবার বাসনা বহুকাল হইতে পোষণ করিয়া আসিতেছিলাম। গত ১৯২১ খৃষ্টাব্দের ৪ঠা জুন তারিখে মুর্শিদাবাদে যাইয়া এক দিনের মধ্যে মুর্শিদাবাদ সহরের ও

মুর্শিদাবাদের নবাব সাহেবের সেক্রেটারী প্রমথবাবু আমার পরিচিত ( তাঁহার সহিত ক্রমাগত কয়েক দিবস দেখা করিয়া অবশেষে ইহা স্থির করা গেল যে, আমরা তাঁহার মুর্শিদাবাদের খালি বাসা-বাটীতে থাকিব এবং নিজ ব্যয়ে আহালাদির ব্যবস্থা করিয়া লইব,—তাঁহার ভৃত্য আমাদের প্রয়োজন-মত সাহায্য করিবে। থাকিবার স্থান ঠিক করিয়া, যাওয়ার আয়োজনে নিযুক্ত হইলাম। এবার ললিতা দাদাই একমাত্র সঙ্গী হইলেন।

২রা এপ্রেল হইতে ইষ্টারের বন্ধ আরম্ভ। আমরা তৎপূর্বদিন অর্থাৎ ১লা এপ্রেল বৃহস্পতিবার রাত্রে লালগোলাঘাটপারী ট্রেনে শিয়ালদহ স্টেশন হইতে যাত্রা করিলাম। ট্রেনে অত্যন্ত ভীড় হইয়াছিল, চারি দিনের ছুটি পাইয়া বহু আবাসী বাটী খাইতেছিলেন। ২১০ এন সহযাত্রীর চেঁচায় মৌভাগ্যক্রমে আমাদের কামরায় বেশী ভীড় হইতে পারে নাই। যথাসময়ে শিয়ালদহ হইতে ট্রেন ছাড়িল। দমদমা, বারাকপুর, কাচড়াপাড়া, রাণাঘাট, বীরনগর (উলা), কৃষ্ণনগর, পলাশী, ও বহরমপুর প্রভৃতি স্টেশন অতিক্রম করিয়া পরদিন তৃতীয়ে মুর্শিদাবাদ স্টেশনে ট্রেন হইতে অবতরণ করিলাম। তখনও প্রভাত হইতে বিলম্ব ছিল।

রমজানের "রোজার" উল্ল প্রভৃতি আহার সমাপন করিতে হয় বলিয়া এ দেশের মুসলমান মুটে ও গাড়োয়ান কোচোয়ান কেহই স্টেশনে উপস্থিত ছিল না। এ কারণ যাত্রীদিগকে জিনিসপত্র লইয়া স্টেশনে বাসিয়া থাকিতে হইল। আমরা উভয়ে স্টেশনের বাহিরে আসিয়া দেখিলাম যে একখানি মাত্র ক্রহাম গাড়ী দাঁড়াইয়া আছে। জিজ্ঞাসা করিয়া জানিলাম যে উহা নবাব সাহেবের গাড়ী এবং উহা নবাব সাহেবের একাউন্ট্যান্ট বাবু আমাদের



মুর্শিদাবাদ—জাকরগঞ্জ। মকবর—মির্জাফরের কবরশোভিত সমাধি


উহার উপকণ্ঠের কতকগুলি প্রাচীন কীর্তি দেখিয়া আসিয়াছিলাম। কিন্তু সেবার তাড়াতাড়িতে ভাল করিয়া দেখা হয় নাই বলিয়া আর একবার ভাল করিয়া দেখিবার ইচ্ছা হইতেছিল এবং তৎক্ষণ মনোযোগ অর্জন করিতেছিলাম। এবার ১৯০৬ খৃষ্টাব্দের এপ্রেল মাসের শেষে ইষ্টারের বন্ধে সেই মনোযোগ উপস্থিত হইল।

জঙ্গ পাঠাইয়া দিয়াছেন। আমরা তখন গাড়ীতে ক্রয্যানি উঠাইয়া লইয়া যাত্রা করিলাম। জেলখানার নিকট দিয়া অগ্রসর হইয়া প্রথমে নবাব সাহেবের অতি বিপুল আশ্রয়ালের দক্ষিণ-পশ্চিম পার্শ্ব দিয়া সামান্য দূর যাইয়া উক্ত আশ্রয়ালের উত্তর দিকে অবস্থিত একটি দিতল বাটার সম্মুখে উপস্থিত হইলাম। ইহাই

সেক্রেটারীমহাশয়ের খালি বাসা-বাড়ী। বাটীর রক্ষক দ্বারা খুলিয়া দিয়া আমাদের দ্বিতলের একটি প্রশস্ত ঘরে লইয়া গেল। তখনও প্রভাত হইতে :। ঘণ্টা বিলম্ব থাকায় কোচোয়ানকে বলিয়া দিলাম যে, আমরা ৬টার সময় বাহির হইব, সেই সময় যেন সে গাড়ী লইয়া আসে।

২রা এপ্রেল প্রাতে ৬টার সময় গাড়ী আসিয়া উপস্থিত হইলে, আমরা জলযোগাদি শেষ করিয়া বর্তমান নবাব বাটী বা নিজামৎ কিল্লার দক্ষিণ দিক হইতে উহার পূর্ব দিক বেঠন করিয়া উত্তর দিকে চলিলাম। যাইবার সময় নিজামৎ কিল্লার পূর্বদিকে দ্বিত মনিবেগুমের চৌক মসজিদ ও নবাব সুলতান মাহমুদ গাঁর ত্রিপলিয়া দরওয়াজা দেখিয়া গেলাম; নিজামৎ কিল্লার বর্ণনা-স্থলে ইহাদের বিষয় বিবৃত হইবে।

নিজামৎ কিল্লা ছাড়িয়া ক্রমে আমরা জাফরগঞ্জ প্রবেশ করিলাম। নবাব মিজাফরের নামানুসারে এই স্থানের নাম জাফরগঞ্জ হইয়াছে। ইহা মুর্শিদাবাদ সহর ও নদীপুরের মধ্যস্থলে অবস্থিত। ৭টার সময় সদর রাস্তার পূর্বদিকে অবস্থিত জাফরগঞ্জ মকবরা বা নিজামৎ মকবরা নামক মুর্শিদাবাদের নবাব-বংশীয়দিগের কবরস্থানে আসিলাম। কবরস্থানটি পরিষ্কার পরিচ্ছন্ন ও চতুর্দিকে প্রাচীর-বেষ্টিত। পশ্চিম



মুর্শিদাবাদ—জাফরগঞ্জ। মিজাফরের বাটীর দরওয়াজা



মুর্শিদাবাদ—জাফরগঞ্জ। সিরাজউদ্দৌলার হত্যার স্থান

দিকের সদর দ্বার দিয়া কবরস্থানে প্রবেশ করিতে হয়। দ্বারের দুই পার্শ্বে প্রকোষ্ঠ আছে, উহাতে লোকজন থাকে। এই বাটীর মধ্যে সম্মুখের উঠানে উন্মুক্ত আকাশতলে সারি সারি শান-বাধান কবর আছে। কোন কোন কবরের উপরে চারি পার্শ্বে কৃষ্ণবর্ণ প্রস্তরের পাড় বা ধারি বসান আছে। দক্ষিণ দিকের কবরের সারির কিঞ্চিৎ পূর্বদিকে ইতিহাস-বিশ্রুত কীর্তিমান ও স্বদেশদ্রোহী নবাব মিজাফরের কবর আছে। কবরটি শাদা-সিধা, কিন্তু ইহার উপরিভাগে চতুঃপাশ্বে কাল পাথরের পাড় বসান আছে। নবাব মীরকাশিমের পতনের পরে

ইংরাজদিগের দ্বারা মির্জাকর  
দ্বিতীয়বার নবাব নিযুক্ত হইলে  
কলিকাতায় ইংরাজদিগের ক্রমাগত  
পাণ্ডার ভাগাদার দুর্ভাবনার  
উহার মৃত্যুর দিন দ্রুত ঘনাইয়া  
আসে; এবং ১৭৬৫ খৃষ্টাব্দের  
জানুয়ারী মাসে উহার কলক-  
কালিমা-লিপ্ত জীবনের অবসান  
হয়। এই স্থানের সকল কবরে  
প্রস্তর-কলকে মৃত ব্যক্তির নাম  
এবং জন্ম ও মৃত্যুর তারিখ  
ইংরাজী ও ফারসী ভাষায় লিপিত  
আছে। এই স্থানে বর্তমান  
নবাবদিগের পূর্ব পুরুষ হুমায়ূন  
খান কবর আছে। উঠানের  
উত্তর দিকে একটি খক ঘেরা  
স্থানে বেগমদিগের কবর আছে,

তপায় নবাব মির্জাকরের সহধর্মিণী সৌক মসজিদ নির্মাণে মনিবেগমের  
এবং অন্তান্ত নবাবদিগের বেগমগণের কবর আছে। এই কবর  
স্থানের পশ্চিমের সদর রাস্তার পশ্চিমে তিন-সুদজ-বিশিষ্ট একটি বড়



মুর্শিদাবাদ—জানকরণজ। মির্জাকরের দরবার-গৃহ

মসজিদ আছে। মসজিদটি পূর্বদারী, উহার প্রতি দেয় নাই বলিয়া  
বোধ হইল।

এই মকবর চাড়াইয়া :কিয়ৎদূর উত্তর দিকে যাউলে সদর রাস্তার



মুর্শিদাবাদ—মহিনাপুর। জগৎশেষদিগের প্রাচীন বাটার ভগ্নাবশেষ



পশ্চিম পার্শ্বে নবাব মির্জাফরের বাটার ধ্বংসাবশেষ আছে। ইহাকে জাফরগঞ্জের নবাব-বাটা বলা হয়। এই বাটাতে প্রবেশ করিতে হইলে নহবৎখানা-শোভিত একটি সুউচ্চ দ্বিতল দরওয়াজার ভিতর দিয়া যাইতে হয়। দরওয়াজার দুই পার্শ্বে রক্ষীগের থাকিবার জন্য কয়েকটি দ্বিতল প্রকোষ্ঠ আছে। দরওয়াজার মধ্যস্থ খিলান এরূপ উচ্চ যে অত্যুচ্চ হস্তী-পৃষ্ঠে আরোহণ করিয়া ইহার মধ্য দিয়া অনায়াসে যাওয়া যায়। মির্জাফরের বাটাতে এই প্রকারের আর একটি দরওয়াজা পশ্চিম দিকে ছিল। তাহার ভগ্নাবশেষ গতবারে দেখিয়াছিলাম; কিন্তু এবার তাহার কোন চিহ্ন দেখিলাম না। মির্জাফর নবাবী মসনদে আরোহণ করিবার পূর্বে জাফরগঞ্জের এই বাটাতে বাস করিতেন। বিশ্বাসঘাতকদের নামস্থান বলিয়া ইহাকে নিমকহারামী দেউড়ী কহে।

পূর্বোক্ত দরওয়াজা দিয়া ভিতরে প্রবেশ পূর্বক ডাইন দিকের পথ ধরিয়া যাইলে সম্মুখে একটি বৃহৎ একতলা হলঘর বা চাঁদনীর স্থায় ঘর

আছে। এই ঘরের প্রশস্ত সোপান-শ্রেণীর দুই পার্শ্বে দুইটি চাকাযুক্ত সিংহের বদনমণ্ডল-শোভিত ক্ষুদ্র কামান আছে। কামান দুইটির উপরে ঢালাই-করা ইংরাজী অক্ষরে লিখিত আছে যে, উহাদিগের জন্মস্থান বার্মিংহাম। নিঁড়ি দিয়া উঠিয়া উক্ত ঘরে প্রবেশ করিলে দেখা



মুর্শিদাবাদ—মহিনাপুর। সতীদাহের স্থান—সতী-চৌরী



মুর্শিদাবাদ—কাটরা মসজিদের সম্মুখ। ডাইন দিকের প্রকোষ্ঠের নীচে মুর্শিদ কুলির কবর আছে।

যায় যে, অনেকগুলি ছোট কাড়-লঠন টাকান আছে। ঘরটি দেখিতে একটি বড় বৈঠকখানার স্থায়। ১৯২১ খৃষ্টাব্দে এই ঘরটিকে বৈঠকখানা রূপে ব্যবহৃত হইতে দেখিয়াছিলাম। এবার আসিয়া ইহার সাজসজ্জা দেখিয়া বোধ হইল যে, ইহা বৈঠকখানা ও ইমামবাড়ী উভয়রূপেই ব্যবহৃত হইতেছে। এই গৃহটি বঙ্গীয় গবর্ণমেন্টের পূর্ভবিভাগ কর্তৃক সংরক্ষিত।


এই গৃহের পার্শ্বে একটি পুরাতন দ্বিতল বাটা আছে। উহার পূর্ব পার্শ্বের একটি প্রাচীর-বেষ্টিত ছোট বাগিচার উত্তর-পূর্ব কোণার দিকে একটি ক্ষুদ্র নিম গাছ আছে। এই স্থানে পূর্বে একটি প্রকোষ্ঠ ছিল। পলাশীর যুদ্ধক্ষেত্রে পরাজিত হইবার

পরে পলায়মান নবাব সিরাজদ্দৌলাকে ধরিয়৷ আনিয়া এই প্রকোষ্ঠে বন্দী করিয়া রাখা হইয়াছিল। এই প্রকোষ্ঠ মধ্যে মির্জাফরের নিষ্ঠুর পুত্র মিরণের অশুমতিক্রমে ১৭৫৭ খৃষ্টাব্দের ৩রা জুলাই মহম্মদীবেগ বার বার তরবারির আঘাত দ্বারা সিরাজদ্দৌলাকে হত্যা করিয়াছিল। মহম্মদীবেগকে তরবারি হস্তে প্রবেশ করিতে দেখিয়া সিরাজ কহিয়াছিলেন “ইহারা কি

তন্মধ্যে ৪টি খাম দরবার-হলের পূর্ব ও পশ্চিম দিকের দ্বিতল প্রকোষ্ঠদ্বয়ের সম্মুখ বা দক্ষিণ দিকে অবস্থিত। বাকী ৪টি খাম মধ্যস্থলের হলঘরের বা দরদালানের দক্ষিণ দিকে অবস্থিত। মধ্যস্থলের ৪টি খামের পশ্চাতে বা উত্তরে যে দরদালান আছে, তাহার পশ্চাতে আর একটি দরদালান আছে। তাহার পশ্চাতে আর একটি দরদালান এবং তাহার

পশ্চাতে একটি দালান আছে। এই গুলির উপরের ছাদ পড়িয়া গিয়াছে, এবং ইহাদিগের পূর্ব ও পশ্চিম পার্শ্বে পূর্বোক্ত দ্বিতল প্রকোষ্ঠগুলি আছে। এক দিকের প্রকোষ্ঠের ছাদ আছে, অপর দিকের ছাদ নাই। গৃহের দেওয়ালের এক স্থানে দস্তার পাতের উপর লিখিত আছে যে, ১৯১৪ খৃষ্টাব্দে বঙ্গীয় গবর্ণমেন্টের পূর্ব-বিভাগ কর্তৃক ইহা সংরক্ষিত ও সংরক্ষিত হইয়াছে। এই গৃহের সম্মুখস্থ উঠানের পশ্চিম দিকে একমারি একতলা ঘর শুধুই পড়িয়া আছে।

এই বাটতে পলাশী-যুদ্ধের পূর্বে ওয়াটস সাহেব পর্দানর্শান জ্বালোকের



মুর্শিদাবাদ—কাটরার:নসরজিদেদর উপাদান-গৃহ

আমাকে রাজ্যের কোন নিজন স্থানে অতি দীন অবস্থায় রাখিয়া থাকিতে দিতেও অসম্মত ?”

এই স্থান হইতে কিরিয়া পুনরায় পূর্ববর্ণিত সদর দরওয়াজার নিকটে আসিলে পূর্ব-পশ্চিমে দীর্ঘ আর একটি পথ দেখিতে পাওয়া যায়। এই পথ ধরিয়া পশ্চিম দিকে যাইলে বাম দিকে মির্জাফরবংশীয়দিগের আবাসবাটী এবং ভগ্ন অট্টালিকা আছে। উক্ত পথ ধরিয়া আর কিয়ৎদূর

পশ্চিম দিকে যাইলে একটি জনমানবহীন অপরূহ মহলে উপস্থিত হওয়া যায়। ১৯১২ খৃষ্টাব্দে যখন ইষ্টকের মূল্য অত্যন্ত বাড়িয়া গিয়াছিল, তখন দেখিয়াছিলাম যে, এই মহলের উঠানের দক্ষিণ দিকের বাটীগুলি লোক লাগাইয়া ভাঙ্গিয়া ফেলা হইতেছিল। এবার দেখিলাম যে সেই বাটীগুলির ভগ্ন দেওয়ালের কতকংশ এখনও দণ্ডায়মান আছে।

এই মহলের উঠানের উত্তর দিকে মির্জাফরের পুত্র-শোভিত বৃহৎ দেওয়ানখানা বা দরবার-গৃহের ছাদবিহীন ভগ্নাবশেষ দণ্ডায়মান আছে। এই গৃহের সম্মুখভাগ দক্ষিণ দিকে। সম্মুখে বিস্তৃত সোপান-শ্রেণী; তাহার উত্তরে পোলা রোয়াক, ও রোয়াকের মধ্যস্থলে একটি বড় চৌবাচ্চা আছে। এই রোয়াকের পশ্চাতে বা উপরে ৮টি বৃহৎ গোল খাম আছে।

এখানে রক্তদার পাকিতে আরোহণ করিয়া আগমন করিয়া নিশাস-যাতক মির্জাফরের সহিত শেষ মধ্যস্থ করিয়াছিলেন।

অতঃপর আমরা জাফরগঞ্জের নবাববাটী ত্যাগ করিয়া মহিনাপুরে জগৎ শেঠের বাটীর দরসাবশেষ দেখিতে চলিলাম। এই নবাববাটীর কিয়ৎদূরে রাস্তার পূর্ব পার্শ্বে মহিনাপুর পুলিশের থানা আছে। উহা অতিক্রম করিয়া নসরপুর রাজবাটীর পশ্চিম দিকের সদর রাস্তা ধরিয়া



মুর্শিদাবাদ—তোপখানা। মুর্শিদাবাদকোলা তোপ।

উত্তর দিকে চলিলাম। রাস্তার পার্শ্বেই সুবিস্তীর্ণ সোপান-শ্রেণী-শোভিত বৃহৎ রাজবাটি রহিয়াছে, উহার সম্মুখে শাক্তীরা পাহারা দিতেছে। এই রাজবাটিতে এক্ষণে এডমণ্ড বার্ক-বর্ণিত অত্যাচারী দেবীসিংহের বর্তমান বংশধরগণ বাস করেন। রাজবাটিটি এই বংশের কীর্তিচাঁদ ১৮৪০ খৃষ্টাব্দে নিৰ্মাণ করেন।

### মহিমাপুর—জগৎ-শেষের বাটি

এই স্থান অতিক্রম করিয়া কিয়ৎদূর উত্তর দিকে যাইলে রাস্তার পূর্ব পাশে জগৎ শেষের বর্তমান বংশধরদিগের সুবিস্তৃত দ্বিতল বাটি ও একটি নব-নির্মিত বৃহৎ জৈন মন্দির আছে। জৈন মন্দিরের উত্তর পার্শ্বে কতকগুলি পুরাতন কষ্টিপাথর সাজিত আছে। ১৯২১ খৃষ্টাব্দে এখানে আসিয়া দেখিয়া-ছিলাম যে, ইহা স্থানে একটি টিনে এইরূপ লিখিত ছিল যে, এই কষ্টি পাথরগুলি বিক্রয়ের জন্ত আছে। দেখিয়া দোধ হইল যে জগৎশেষের বর্তমান বংশধরদিগের অবস্থা পুরোপেক্ষা কম হইলেও, ইহারা একেবারে নিঃশব্দ নহেন। ১৮৯৭ খৃষ্টাব্দের ভূমিকম্পে ভাগ্যবশতী তীরস্থ প্রাচীন সৌধ ভাঙ্গিয়া গেলে, জগৎশেষবংশীয়গণ এই স্থানে নূতন বাটি ও দেবালয় নিৰ্মাণ করিয়াছেন।



মুর্শিদাবাদ—কদম রংনের অভ্যন্তরীণ মৌদনা।

এই বাটি ছাড়াইয়া কিয়ৎদূর উত্তর দিকে যাইলে রাস্তার পশ্চিম পার্শ্বে জগৎশেষদিগের প্রাচীন ত্র্যম্বক বাটির ভগ্নাবশেষ ও আত্মবাগিচা বিস্তীর্ণ ভূমি খণ্ডের উপর দণ্ডায়মান আছে। ইহা জগৎশেষের বাটির পূর্বে কয়েক শত বিঘা ভূমি জুড়িয়া ছিল,—ইহার অনেকাংশ এক্ষণে



মুর্শিদাবাদ—কদম রংল

ভাগস্বত্ব-গত্রে নীল হইয়াছে। এখনও সে বিস্তীর্ণ ভূমিখণ্ড জুড়িয়া অট্টালিকাগুলি যে পঙ্গবশেষ আছে, তাহা দেখিয়া বুঝা যায় যে, বহুদূর জুড়িয়া জগৎশেষের প্রাসাদ, দেবালয়, বহির্বাটি, গদী ও অন্তরমহল অবস্থিত ছিল। গত বারে আসিয়া দেখিয়াছিলাম যে, পুরাতন বাটির ভিত্তি পর্যন্ত জুড়িয়া ইষ্টক তুলিয়া লওয়া হইতেছে। এবার দেখিলাম যে সে সকল স্থানে গভীর খাত বিদ্যমান আছে। শেষদিগের প্রাচীন বাটির বাম দিকে একটি দেওয়াল দণ্ডায়মান আছে, উহাতে সিন্দুর লিপি একটি বৃহৎ চন্দ্রমানের মূর্তি উৎকীর্ণ আছে। ইহার উত্তর-পশ্চিম দিকে শেষ হরকচাঁদ কর্তৃক ১৮০১ খৃষ্টাব্দে নিৰ্মিত এনামেলকরা ইষ্টক-যুক্ত শ্ৰীগোপালজীউর মন্দির ছিল। উহা ১৮৯৭ খৃষ্টাব্দের ভূমিকম্পে ভাঙ্গিয়া যাওয়ার পরে উহার ভগ্ন দেওয়াল, মেঝে এবং রোয়াক মাত্র অবশিষ্ট আছে। জগৎশেষ হরকচাঁদ ১৭৮২ খৃষ্টাব্দের নিকটবর্তী কোন সময়ে জৈন ধর্মের পরিবর্তে বৈষ্ণব ধর্ম গ্রহণ করিয়া এই স্থানে গোবিন্দজীউ নামক কৃষ্ণমূর্তির প্রতিষ্ঠা করেন। সেই

হইতে এতদংশীর্ণগণ বৈক্য-ধর্মাবলম্বী হইয়াছেন। ইহারই অতি পাতলা ও ছোট। ইমারতগুলির গাঁথনি সুরক্ষী, উত্তর পশ্চিমে সুখমহাল ও রংমহলের দেওয়াল। একটি খোয়া ও চূণ দ্বারা করা হইয়াছে। গাঁথনি আজিও বজ্রের খেতবর্ণের বৃহৎ চৌবাচ্চা, ভগ্ন গৃহের দেওয়াল ও দক্ষিণ পশ্চিমে স্তায় মজবুত আছে। মাটির ভিত্তর হইতে অতি গভীর পাকা



বনিয়াদ গাঁথিয়া তোলা হইয়াছিল। এক্ষণে জগৎশেঠের প্রাচীন ভিটার জনমানব নাই, শুধু বনজঙ্গলের মধ্যে অসংখ্য হনুমান বাস করিতেছে। তাহারা মানুষকে ভয় করে না। জগৎশেঠদিগের “জগদ্বিশ্রাম” নামক বাগানবাড়ী ও টাঁকশাল ভাগীরথীর পশ্চিম পারে ছিল।

জগৎশেঠদিগের মহিমাপুরের প্রাচীন বাটীতে এককালে নানা ঐতিহাসিক ঘটনা সংঘটিত হইয়াছিল। আলীবন্দী খাঁর নবাবীর সময় মহারাষ্ট্রা বগরী মুসলমান অধিনায়ক মীর হাবিব মুরশিদাবাদের উপকণ্ঠ লুণ্ঠন-কালে জগৎশেঠের এই বাটী হইতে বহু ধন-রত্ন লুণ্ঠন করিয়া লহা গিয়াছিল। এই

মুর্শিদাবাদ—প্রাচীন সদর দেওয়ানী আদালত—বর্তমান মসজিদ

জল যাইবার সুগভীর পাকা নালা প্রভৃতি এবং ঠাকুরবাটীর হানে পলাশী যুদ্ধে। তখন দিবস পরে ওয়াটস্ এবং ওয়াল্ড সাহেব পশ্চিমে বৈঠকখানার ধ্বংসাবশেষ জঙ্গলের মধ্যে ইতস্ততঃ বিক্ষিপ্ত হইয়া রাজা রায়চুল্লভের ও মিজাফরের সহিত সাক্ষাৎ করিয়াছিলেন। আছে। পূর্বোক্ত হনুমান-মূর্তির দক্ষিণ পশ্চিম দিকে মাটির নীচে করেকটি খিলান-করা দ্বারবিশিষ্ট একটি গৃহ অর্ধপ্রোথিত অবস্থায় আছে। ইহার দক্ষিণ-পশ্চিম কোণায় একটি ইষ্টক-নির্মিত ইন্দার। এখনও অস্ত্র ও মজবুত অবস্থায় আছে। এই ইন্দারার ব্যাস ১৪ ফিট; ভূমি হইতে ৩০ ফিট নীচে ইহার জল আছে। কিন্তু বহু দিন ব্যবহৃত না হওয়ায় ইহার জল অত্যন্ত অপরিষ্কার হইয়া আছে। এই স্থান হইতে পশ্চিম দিকে ভাগীরথী-তীরে যাইতে কতকগুলি প্রাচীন আশ্রয় আছে। এই স্থানে জগৎশেঠের গদী ছিল। একটি পাকা-গাঁথনি-যুক্ত ইমারতের অতি বৃহৎ ভগ্নাবশেষ ঐরাবতের স্তায় ভাগীরথীর জলে অর্ধ-নিমগ্ন হইয়া পড়িয়া আছে। গতবারে আসিয়া জগৎশেঠের বাটীর একটি ভগ্ন দেওয়ালের কানিসের উপরে নীলবর্ণের এনামেল-করা ইষ্টক দেখিয়াছিলাম। সম্ভবতঃ ঐ ইষ্টকগুলি গোড়ের ধ্বংস-স্থ প হইতে আনীত; কারণ ঐরূপ ইষ্টক গোড়ে দেখিয়াছি; এবং গোড়েরই ইষ্টক ও প্রস্তরাদি দ্বারা মুর্শিদাবাদ ও মালদহ প্রভৃতির অনেক বাটী নির্মিত হইয়াছিল—ইহা ঐতিহাসিকগণ লিপিবদ্ধ করিয়া গিয়াছেন। যাহা হউক, এবার সে এনামেল-করা ইষ্টকের চিহ্ন পর্য্যন্ত দেখিলাম না। জগৎশেঠের পুরাতন বাটীর ইষ্টকগুলি



মুর্শিদাবাদ—নিগ্রাম কিল্লা—দক্ষিণ দরওয়াজা

উক্ত যুদ্ধের পূর্বে ইংরাজদিগকে যে অর্থ দিবার কথাবার্তা হইয়াছিল, তৎসম্বন্ধে উপযুক্ত ব্যবস্থা করাই এই সাক্ষাতের উদ্দেশ্য ছিল। এই স্থানেই ১৭৫৭ খৃষ্টাব্দের ২৯ জুন তারিখে ক্লাইব, ওয়াটস, ক্রাকটন, মির্জাকরের নিষ্ঠুর উমিচাঁদ যখন উপস্থিত ছিলেন, সেই সময় ক্লাইব—উমিচাঁদের সহিত পলাশী যুদ্ধের পূর্বে যে কোন প্রকার সর্ভ হইয়াছিল, তাহা অস্বীকার করেন। ইহার ফলে উমিচাঁদ ভয় হ্রদয়ে এই স্থান ত্যাগ করেন।

ওয়ালস সাহেব (History of Murshidabad District by Major J. H. Tull Walsh I. M. S. 1902) লিপিবদ্ধ করিয়াছেন যে, এই শেঠগণ রাজপুত্রবংশ-সম্বৃত। ( কলিকাতার ওসওয়াল জাতীয় কোম কোম মাড়ওয়ারীর মিকট ওমিয়াছি যে জগৎশেঠগণ ওসওয়াল জাতীয় জৈন। ইহাদিগের কৌলিক উপাধি গেলড়া। ওমিয়া নগরের রাজপুত্র ক্ষত্রিয়গণ জৈন ধর্ম গ্রহণ করিয়া “ওসওয়াল” নামে বিদিত হন। ) ইহাদিগের আদি বাসস্থান যোধপুরের নিকটস্থ নগর নামক স্থানে ছিল। অহুমান ১৬৯৫ খৃষ্টাব্দে এই বংশের প্রতিষ্ঠাতা হিরানন্দ শা পাটনার আগমন পূর্বক অর্থোপার্জন করেন। মাণিকচাঁদ নামক তাঁহার এক পুত্র বঙ্গের তদানীন্তন রাজধানী ঢাকায় অনস্থান করিতেন।



মুর্শিদাবাদ—নিজামৎ কিল্লা।—বর্তমান নবাবের নূতন প্রাসাদের সম্মুখভাগ।

করেন। ১৭১৫ খৃষ্টাব্দে বাদশাহ ফরকশিয়র তাঁহাকে “শেঠ” উপাধি প্রদান করেন। ১৭২২ খৃষ্টাব্দে তাঁহার মৃত্যু হইলে তৎপুত্র ফতেচাঁদ ভারতবর্ষের মধ্যে সর্বাপেক্ষা ধনী ব্যক্তি বলিয়া বিদিত হইলেন এবং ১৭২৪ খৃষ্টাব্দে বাদশাহ মহম্মদশাহের নিকট হইতে “জগৎশেঠ” উপাধি লাভ করেন। এইরূপ একটি জনশ্রুতি আছে যে, নবাব মুর্শিদকুলী খাঁর দৌহিত্র নবাব সরফরাজ খাঁ যখন মুর্শিদাবাদের নবাবী আসনে উপবিষ্ট ছিলেন, সেই সময় তিনি ফতেচাঁদ জগৎশেঠের অনিন্দ্যহৃন্দরী পুত্রবধুকে দেখিবার প্রবল বাসনা করিয়াছিলেন। ইহাতে ফতেচাঁদ নবাব আলীবর্দী খাঁর সহিত বড়বন্দ করিতে বাধ্য হইয়াছিলেন। তাহার ফলে সরফরাজকে সিংহাসন ও জীবন হারাইতে হইয়াছিল। জগৎশেঠদিগের এত অধিক ধন ছিল যে, তাঁহারা ইচ্ছা করিলে স্থতীয় নিকটে ভাগীরথীর বিস্তৃত মোহানায় রৌপ্যমুদ্রা ঢালিয়া দিয়া উক্ত মোহানা বন্ধ করিয়া দিতে পারিতেন—এইরূপ একটি প্রবাদ আছে। এই সময় শেঠদিগের প্রায় ১৫০,০০০,০০০ টাকা

ছিল। ফতেচাঁদের মৃত্যুর পরে তাঁহার জ্যেষ্ঠ পুত্র মাধব রায় “জগৎশেঠ” উপাধি প্রাপ্ত হন ও তাঁহার দ্বিতীয় পুত্রের পুত্র স্বরূপচাঁদ “রাজা” উপাধি প্রাপ্ত হন। ইংরাজদিগের সহিত নবাব মীরকাশিমের যুদ্ধে হইলে ১৭৬৩ খৃষ্টাব্দে তদীয় সেনাপতি মহম্মদ তকী খাঁ জগৎশেঠ মাধবরায়কে এবং রাজা স্বরূপচাঁদকে বন্দী করিয়া মুক্তেরে লইয়া গিয়াছিলেন। তখন-তঁাহাদিগকে দুর্গের বুরুজ হইতে গঙ্গার জলে নিক্ষেপ করিয়া হত্যা করা হইয়াছিল। ইহার পর হইতে ইংরাজদিগের শাসন কালে জগৎশেঠবংশীয়দিগের প্রভাব প্রতিপত্তি কমিতে আরম্ভ হয়। নবাবী আমলে মীরকাশিমের সময় পর্যন্ত জগৎশেঠবংশীয়গণ রাজনৈতিক চক্রান্তসমূহে যে প্রধান নায়কের অংশ গ্রহণ করিতেন, তাহা ঐতিহাসিক মতেই অবগত আছেন।

নামক স্থানে নবাব মুর্শিদকুলী খাঁর প্রাসাদ ছিল। কেহ কেহ বলেন যে, মুর্শিদাবাদের নাম প্রথমে কুলুড়িয়া পরে মুকহুদাবাদ ও সর্বশেষে মুর্শিদকুলী খাঁর নাম অনুসারে মুর্শিদাবাদ হইয়াছিল। মুর্শিদকুলী খাঁ ১৭০৩ খৃষ্টাব্দে ঢাকা হইতে এই স্থানে রাজধানী উঠাইয়া আনিয়া তিন বৎসর পরে নিজ নামানুসারে ইহার নামকরণ করেন।

বেলা ৯টার সময় আমরা ই, বি, রেল লাইন পার হইয়া নগরোপকণ্ঠের বনাকীর্ণ নির্জন পথ ধরিয়া কাটরা মসজিদ দেখিতে পূর্ব দিকে চলিলাম। রাস্তাটি কাঁচা, অসমান এবং অপ্রশস্ত হওয়ার অতি কষ্টে গাড়ী চলিতে লাগিল,—ভয় হইতে লাগিল বৃষ্টি গাড়ী উণ্টাইয়া যাইবে। এই নির্জন পথের বাম পার্শ্বে এক স্থানে পূর্ব-পশ্চিমে দীর্ঘ একটি পুকুর আছে। উহার গভীর গাভে অতি সামান্য জল আছে।



মুর্শিদাবাদ নিজামৎ কিল্লা।—নবাবের নূতন প্রাসাদের দক্ষিণ দিক।

জগৎশেঠের প্রাচীন ভিটার কিয়ৎদূর উত্তর দিকে ভাগীরথী-তীরে যেখানে একদে বহু বাবলা গাছ ও বন জঙ্গল হইয়া আছে, ঐ স্থানকে “সতী চৌরা” কহে। ঐ স্থানে সতীদাহ হইয়াছিল। এখানে পিতলের চূড়া-শোভিত একটি বৃহৎ গোলাকার মন্দির ছিল। উহা কয়েক বৎসর পূর্বে ভাগীরথী-গর্ভে লীন হইয়াছে।


সতীদাহের স্থান দেখিয়া আমরা ফিরিয়া চলিলাম। অতঃপর আমরা নবাব-বাটা বা নিজামৎ কিল্লার পূর্বদিকে অবস্থিত কুলুড়িয়া নামক স্থানে পশ্চিমার্শ্বে যাহু সাহেবের ইমামবাড়ার একতলা নগণ্য কোঠা ঘর ও অপর পার্শ্বে বনের মধ্যে অবস্থিত তিন-গুহজ-শোভিত একটি প্রাচীন বড় মসজিদ দেখিলাম। কথিত আছে যে, কুলুড়িয়া

পুকুরের উত্তর পাড়ে একটি এক-গুহজ-বিশিষ্ট প্রাচীন মসজিদ আছে। উহার চারিদিকে চারিটি দ্বার আছে, কিন্তু উপরে বড় বড় অক্ষয় ও বড় গাছ হইয়াছে এবং গুহজটি ভাঙ্গিয়া পড়িয়া গিয়াছে।

এই স্থান হইতে অল্পদূর অগ্রসর হইয়া আমরা বৃহৎ কাটরা মসজিদের পার্শ্বে উপস্থিত হইলাম। ১৯২১ খৃষ্টাব্দে যখন এখানে আসিয়া ছিলাম, তখন এই স্থানে কয়েকটি চালা ঘরে রাশিকৃত পিরাজ বিকৃত হইতে দেখিয়াছিলাম,—এবার তাহা দেখিলাম না। যে ভূমিখণ্ডে উপর কাটরা মসজিদের বাটা দণ্ডায়মান আছে, উহার মাপ পূর্ব-পশ্চিমে প্রায় ১৮০।৯০ ফিট, এবং উত্তর-দক্ষিণে প্রায় ১৬৬ ফিট। মসজিদটি উ ভূমিখণ্ডের উপর অবস্থিত। ইহার সদর দরওয়াজা পূর্ব দিকে

প্রস্তর-মণ্ডিত ১৫টি সোপান দিয়া দরওয়াজার ঘরে উঠিতে হয়। এই ঘরের নীচে একটি প্রকোষ্ঠ আছে; তথায় মুসলমান ধর্মে দীক্ষিত ব্রাহ্মণ বংশাবতংশ করতলব খাঁ ওয়ফে নবাব মুর্শিদকুলী খাঁর কবর আছে। ইঁহারই আমলে ইঁহার কর্মচারী নাজির আহম্মদ ও সৈয়দ রেজা খাঁ বাকী রাজশ্বের জন্ত জমিদারদিগের উপর যে অমানুষিক অত্যাচার করিত, তাহার বিবরণ “রিয়াজে” ও ষ্ট্রয়ার্ট সাহেবের ইতিহাসে লিপিবদ্ধ আছে। ইঁহারই আমলে জমিদারদিগকে তেকাঠায় পদদ্বয় দ্বারা খুলাইয়া বেত্রাঘাত, গ্রীষ্মকালে রৌদ্রে দাঁড় করাইয়া রাখা, শীতকালে শীতল জলের প্রক্ষেপ দেওয়া হইত। বিঠা ও আবর্জনাপূর্ণ পুত্তিগন্ধময় “বেকুঠ” বা “বেহেস্ত” নামক খাতে উহাদিগকে হাত ও পা বাধিয়া নিক্ষেপ করা

নহবৎখানা আছে। ভিতরে প্রবেশ করিলেই সম্মুখে বিস্তৃত উঠান আছে। উঠানের উত্তর ও দক্ষিণ দিকে ১৮টি করিয়া ছোট ঘর পরস্পরের সহিত সংলগ্ন ছিল এবং প্রত্যেকের উপরে একটি করিয়া গুম্বজ ছিল। এই ঘরগুলির মধ্যে কতক ভাঙ্গিয়া গিয়াছে, কতক আজিও অর্ধভগ্ন অবস্থায় দণ্ডায়মান আছে। উঠানের পশ্চিম দিকে ঐরূপ গুম্বজবিশিষ্ট ১৩টি ছোট ঘর আছে। উঠানের পূর্ব দিকের মধ্যস্থলে পূর্বোক্ত দরওয়াজা এবং তাহার উত্তর ও দক্ষিণ পার্শ্বে ৫টি করিয়া মোট ১০টি পূর্বোক্তরূপ গুম্বজবিশিষ্ট ছোট ঘর আছে। এই ঘরগুলির প্রত্যেকের সম্মুখদেশে ৩টি করিয়া দ্বার আছে। তন্মধ্যে মধ্যের দ্বারটি পার্শ্বের দুইটি অপেক্ষা অপেক্ষাকৃত বড়। এই ছোট ঘরগুলিতে মুসাফির ও ফকিরগণ থাকিতে পাইত। প্রকাশ আছে যে, এখানে ৭০০ কোরাণ পাঠকের স্থান হইত।



মসজিদবাটীর উঠানের মধ্যস্থলে উত্তর-দক্ষিণে দীর্ঘ ৫ গুম্বজবিশিষ্ট একটি বড় মসজিদ আছে। দুইটি গুম্বজ একেবারে ভাঙ্গিয়া গিয়াছে, বাকী ৩টি অর্ধভগ্ন অবস্থায় আছে। মধ্যের গুম্বজটি সর্বাপেক্ষা বড়। অর্ধভগ্ন গুম্বজ তিনটির উপরিভাগে সবুজ বর্ণের এনামেল-করা চ্যাপটা গটির স্থায় মুন্সয় চুড়া শোভা পাইতেছে। মসজিদের গুম্বজগুলি ১৮২৭ খৃষ্টাব্দের ভূমিকম্পে ভাঙ্গিয়া গিয়াছে। মসজিদের সম্মুখে অর্থাৎ পূর্বদিকে ৫টি বড় দ্বার আছে। তন্মধ্যে মধ্যের দ্বারটি সর্বাপেক্ষা বৃহৎ। ইহার উপরিভাগে প্রস্তর-ফলকে ফার্সি ভাষায় লিপিত আছে যে, ১২২৩ খৃষ্টাব্দে ইহা নিশ্চিত হয়, এবং “আরবের মহম্মদ উভয় জগতের গৌরব, যে তাহার দ্বারের ধূলি কণা নহে তাহার শিরে ধূলি বধিত হউক।” দ্বারগুলির চৌকাঠ কাল পাথরের। সম্ভবতঃ এগুলি গোড়ের কোন প্রাচীন কীর্তি হইতে খুলিয়া আনা হইয়াছিল। মসজিদের পূর্ব দিকের দেওয়ালের বহির্দেশে কাণিশের নীচে একসারি লৌহ বলয় বা কড়া আছে। উহাতে প্রয়োজনানুসারে পর্দা বা চন্দ্রাতপ টাঙ্গান হইত। মসজিদের অভ্যস্তরের মাপ উত্তর-দক্ষিণে প্রায় ১৮ ফিট × পূর্ব-পশ্চিমে প্রায় ২৭ ফিট। দেওয়ালের স্থূলতা প্রায় ৬ ফিট। মসজিদাভ্যস্তরে পশ্চিম দিকের দেওয়ালের মধ্যস্থলে যে উপাসনার প্রধান মিম্বর বা কুলুঙ্গীটি আছে, উহার উপরিভাগে একটি কুম্ববর্ণ প্রস্তর ফলকে সম্ভবতঃ কোরাণের বয়েত লিখিত আছে। এই মসজিদবাটীর সদর দরওয়াজা হইতে মসজিদে বা উপাসনালয়ে যাইবার জন্ত উঠানের মধ্য দিয়া কাল পাথরের ৩ ফিট প্রশস্ত একটি পথ আছে।

মুর্শিদাবাদ—নিজামৎ কিল্লা।—সিরাজ উদৌলার ইমামবাড়ার মেদীনা হইত। কখন তাহাদিগের ঢিলা পায়জামার মধ্যে বিড়াল ছাড়িয়া দেওয়া হইত; এবং কখন লবণ মিশ্রিত গো বা মেঘদুগ্ধ পান করাইয়া তাহাদের উদরাময়ের সৃষ্টি করা হইত। মুর্শিদকুলী খাঁ মুসলমানদিগের নিকট পীরের স্থায় সম্মানিত।

মুর্শিদকুলীর কবরটি অতি সাধারণ। কবরের উপর দিয়া ধর্ম-বিধাসীগণ পদরজ দিয়া যাইবে বলিয়া তিনি মৃত্যুর পূর্বে এই স্থান খাঁয় সমাধির জন্ত নির্দেশ করিয়াছিলেন।

পূর্বোক্ত সোপানভ্রমণী দিয়া দরওয়াজার মধ্যে প্রবেশ করিয়া দেখিলাম যে, দরওয়াজার ভিতর দিকে ৫টি ফোকর বা দ্বারের পিলান আছে। তন্মধ্যে মধ্যেরটি সর্বাপেক্ষা বড়। দরওয়াজার উপরে দ্বিতলে

স্থানীয় লোকে কহিয়া থাকে যে, এই মসজিদবাটীর উঠানের নীচে পূর্বে খিলান-করা ঘর ছিল—তাহা এক্ষণে বসিয়া গিয়াছে। উঠান বসিয়া গিয়াছে কি না বুঝিতে পারিলাম না; কিন্তু মসজিদবাটীর পশ্চিম দিক যে বসিয়া গিয়াছে তাহা দেখিয়া বুঝা যায়। মসজিদবাটীর বহির্দেশে উত্তর-পশ্চিম ও দক্ষিণ-পশ্চিম কোণার দিকে দুইটি ৬০.৬ ফিট উচ্চ অষ্ট-কোণ মিনার আছে। তন্মধ্যে দক্ষিণ পশ্চিম দিকেরটির অবস্থা আজিও কথঞ্চিৎ ভাল আছে। ইহার উপরে উঠিতে হইলে ৬২টি সিঁড়ি ভাঙ্গিয়া (নিখিল বাবুর “মুর্শিদাবাদ কাহিনীতে” ৬৭ সিঁড়ি লিখিত আছে।)

উঠিতে হয়। ইহার উপর হইতে চতুর্দিকের বহু দূর পর্যন্ত দৃশ্য দেখিতে পাওয়া যায়। কেহ কেহ বলেন যে মক্কার কোন মসজিদের অনুকরণে কাটরার এই মসজিদ নির্মিত হইয়াছিল।

মুর্শিদকুলী খাঁ ১১৩২ হিজরায়—১৭২৫ খৃষ্টাব্দে যুত্মাযুখে পতিত হন। তৎপূর্বে ১১৩৭ হিজরায়—১৭২৩ খৃষ্টাব্দে তিনি এই মসজিদ নির্মাণ করাইয়াছিলেন। ইহা কাটরা বা গঞ্জের মধ্যস্থ মসজিদ বলিয়া ইহার নাম “কাঠরা মসজিদ” হইয়াছে। এখানে এক্ষণে প্রতি সপ্তাহে দুইবার ছোট হাট হয়।

কথিত আছে যে, মুর্শিদকুলী খাঁ এই মসজিদ নির্মাণের ভার মোরাদ ফরাস নামক এক ব্যক্তির উপর অর্পণ করেন। মোরাদ সর্ভ করিয়া লইয়াছিল যে ৬ মাস কালের মধ্যে সে মসজিদ নির্মাণ করিয়া দিবে, কিন্তু তাহার কোন কার্যো কেহ হস্তক্ষেপ করিতে পারিবে না। পাবণ্ড মোরাদ জমিদারদিগের নিকট হইতে মিস্ত্রী, ছুতার, মজুর ও কারিকর প্রভৃতি বেগার ধরিয়া, হিন্দুর মন্দির ও আবাস গৃহাদি ধ্বংস করতঃ উহার মাল মসলা দ্বারা এই মসজিদ নির্মাণ করাইয়াছিল। হিন্দুর দেবালয়ের ইষ্টকের পরিবর্তে নূতন ইষ্টক দিতে চাহিলেও তাহা গৃহীত হয় নাই। মুর্শিদাবাদ হইতে ৪৫ দিনের পথ পর্যন্ত নদীতীরে কোন স্থানে মোরাদের অনুচরবর্গ হিন্দুর দেবালয় অস্তগ্ন রাখে নাই। “তারিখ বাঙ্গালার” ইহার বিবরণ আছে। বর্তমান কালের এদেশীয় ঐতিহাসিকগণ কেহ কেহ মন্দিরাদি ভাঙ্গার কথা অবিশ্বাস করিয়া থাকেন। ইহাতে অবিশ্বাসের কিছুই নাই। সম্ভবতঃ মোরাদানুচরগণ কিরীটেংরীর কোন ক্ষতি করে নাই, কারণ উহা বাদশাহের ফার্মাণ দ্বারা রক্ষিত ছিল। কাটরা মসজিদের সন্নিকটে কয়েক জন মুসলমানের খড়্গা ঘর আছে। মসজিদটি পবর্নমেটের পূর্ব বিভাগ কর্তৃক সংস্কৃত ও সংরক্ষিত।

কাটরা মসজিদের কিঞ্চিৎ দূরে পশ্চিম দিকে ফৌতি বা ফুট মসজিদ আছে। সরফরাজখাঁ ইহার নির্মাণ আরম্ভ করেন, কিন্তু সম্পূর্ণ করিতে পারেন নাই। ইহা নিজামৎ কিল্লা হইতে ৩ মাইল দূরে অবস্থিত। ইহার ৫টি গুম্বজের মধ্যে ২টি আছে।

এই স্থান হইতে আমরা তোপখানা ও গোবরা নালা অভিমুখে চলিলাম। কাটরা মসজিদের অদূরে দক্ষিণ-পূর্ব দিকে এই দুইটি অবস্থিত। মুর্শিদকুলী খাঁ মুর্শিদাবাদ নগরের পূর্ব প্রান্তে এই স্থানে একটি দুর্গ নির্মাণের চেষ্টা করিয়াছিলেন। এই স্থানে ভাগীরথীর যে শাখা প্রবাহিত ছিল, উহারই কোন স্থান গোবরানালা ও কোন স্থান ভাগীরথ বিল বলিয়া বিদিত। মুর্শিদকুলী খাঁ ঢাকা ও বঙ্গের অস্তান্ত স্থান হইতে তোপ, বন্দুক ও অস্ত্র শস্ত্র আনিয়া এই তোপখানা প্রতিষ্ঠিত করেন। এই দিক দিয়াই রাজধানীর পূর্ব দিকের প্রবেশ-পথ। তোপখানার পূর্ব দিকে পূর্বোক্ত গোবরা নালা বা কাঠরা খিল নামক সুপ্রশস্ত খাগ অবস্থিত; ইহার স্থানে স্থানে গ্রীষ্মকালে সামান্ত জল থাকে। এই খালের অদূরে একটি বৃহৎ অশ্বখ গাছ আছে। উহার কাণ্ডের মধ্যে একটি অতি বৃহৎ লৌহ কামান প্রবিষ্ট থাকিয়া ভূমি হইতে ৪ ফিট উচ্চে শৃঙ্খলিত হইয়াছে। এক কালে এই কামানটি লইয়া যাইবার সময়

ইহার ঢাকা এই স্থানে কর্দমে প্রোথিত হইয়া যায়। কলে কামানটি পরিত্যক্ত হয়। তৎপরে এই স্থানে এই অশ্বখ বৃক্ষটি জন্মিয়া কামানটিকে ধীর অঙ্গে ধারণ করতঃ ক্রমশঃ উহাকে শৃঙ্খলিত তুলিয়া লইয়াছে। কামানটি ১৭১০ ফিট দীর্ঘ। ইহার বেটন তিন হস্তের অধিক, মুখের বেড় ১ হস্তের অধিক এবং রঞ্জিত ঘরের ব্যাস ১৫ ইঞ্চি। ইহার অঙ্গে কয়েকটি লৌহ-নির্মিত বড় বলর বা কড়া লাগান আছে। ইহার নাম “জাহান কোষা তোপ” অর্থাৎ ইহা জগজ্জরী। ইহার গায়ে ৯টি পিতলের পাতে ফার্সি অক্ষরে কতকগুলি লিপি আছে। তন্মধ্যে ৩টি অশ্বখবৃক্ষের কাণ্ডের মধ্যে



মুর্শিদাবাদ—নিজামৎ কিল্লা।—ঘড়ী ঘর

লুকায়িত হইয়াছে। এই সকল লিপি হইতে জানা যায় যে, ইহা শাহজাহাঁ বাদশাহের রাজত্ব কালে যৎকালে (বঙ্গবীর মহারাজা প্রতাপাদিত্যের সর্বনাশকারী) ইসলাম খাঁ বঙ্গের সুবেদার রূপে ঢাকার থাকিতেন, তৎকালে জাহাঙ্গীর নগরের (অর্থাৎ ঢাকার) দারোগা সের মহম্মদের অধীনে হরবল্লভ দাসের তত্ত্বাবধানে জনার্দীন নামক জনৈক কর্তৃকার দ্বারা ১০৭৪ হিজরি ১১ই জমাদিরমসানি (১৬৩৭ খৃষ্টাব্দে) তারিখে এই কামানটি নির্মিত হয়। ইহার ওজন ২১২ মণ। ইহাকে প্রত্যেক বা দাগিতে ২৮ সের ব্যক্ত দাগে। ইহার উপরে নবাব ইসলাম খাঁ এই কামানের প্রশংসাবলী ফার্সি অক্ষরে লিখিত আছে। যে দেশে হিন্দু বাঙ্গালী কর্তৃকার সামান্ত সূচ হইতে একপ তোপ তৈয়ার করি



পারিত, সে দেশ বিলাতি দ্রব্য আমদানীর পর হইতে প্রায় কর্ণকার-শুল্ক হইয়া পড়িয়াছে। কামান তৈয়ার করা দূরের কথা—অনেকে কাযান চক্ষে পর্য্যন্ত দেখে নাই। কামানটি এক্ষণে দেবত লাভ করিয়াছে,—সিন্দুর-লিপ্ত হইয়া পূজিত হইতেছে। এই তোপের সন্নিকটে একটি মুসলমান পরী ও অভ্যন্ত বন দ্রুতল আছে।

অতঃপর আমরা কদমরহুল বা কদমসরিক দেখিতে চলিলাম। ইহা কাটরা মসজিদের প্রায় সিকি মাইল দক্ষিণ দিকে অবস্থিত। কথিত আছে যে নবাব মির্জাকরের প্রধান খোজা নবাব নাজরি ইহা ১৭৮২ খৃষ্টাব্দে নির্মাণ করেন। এই বাটার সদর দ্বার পশ্চিম দিকে। বাটার

পৌত্তলিক নহে; কিন্তু এখানে ও গৌড়ে দেখিলাম যে, ইহার পাদপদ্ম পূজা করিয়া থাকে। কদমরহুলের বাটীতে চূণকাম হওয়ার উহা দেখিতে অতি স্থম্বী হইয়াছে।

গৌড়ে যাইয়া শুনিয়াছিলাম যে, তথাকার কাল কলিপাথরের কদমরহুল নবাব সিরাজদ্দৌলা মুর্শিদাবাদে আনিয়া রাখিয়াছিলেন। পরে নবাব মির্জাকর উহা পুনরায় গৌড়ে ফেরত পাঠাইয়া দেন। সিরাজ গৌড়ের কদমরহুল কোন্ স্থানে আনিয়া রাখিয়াছিলেন, তাহা জানিতে পারি নাই।

কদমরহুল দেখিয়া আমরা মবারক মঞ্জিল বা হমায়ুন মঞ্জিল দেখিতে



মুর্শিদাবাদ—পূর্ববাগ।—আলিবর্দী ও সিরাজউদ্দৌলার কবর-শোভিত গৃহ। মধোর দরজার ভিতর দিয়া সিরাজের কবর দেখা যাইতেছে।


মধ্যে প্রবেশ করিলে দেখা যায় যে, সম্মুখে উত্তর-দক্ষিণে দীর্ঘ একটি উঠান আছে। উহার বিভিন্ন স্থানে কয়েকটি কবর এবং মধ্যস্থলে একটি পানীয় জলের ইন্দ্রা আছে। উঠানের উত্তর দিকে একটি প্রাচীর-বেষ্টিত উচ্চ মহল আছে। এই মহলের মধ্যস্থলে যে উঠান আছে, উহার পশ্চিম দিকে একটি মসজিদ আছে। মসজিদের চারি কোণায় চারিটি মিনার আছে। এই উঠানের পূর্ব দিকে একটি একতলা ঘর আছে। উহা ইমামবাড়া বলিয়া অভিহিত হয়। উঠানের উত্তর দিকে একটি এক-স্তম্ভ-বিশিষ্ট ঘর আছে। উহার চারি কোণায় চারিটি মিনার আছে। এই ঘরের মধ্যে একটি বেদীর উপরে যেত প্রস্তরে খোদিত একটি পদচিহ্ন আছে। ওয়ালস্ লিপিবদ্ধ করিয়াছেন যে, এই কদমরহুলটি বসন্ত আলি খাঁ নামক এক ব্যক্তি দিয়াছিল। ইহা ছাড়া এক জোড়া কটা বর্ণের বেলে পাথরের পদচিহ্নও আছে। মুসলমানগণ কহিয়া থাকে যে, তাহা

চলিলাম। নবাব মির্জাকরের অন্ততম পুত্র নবাব মবারকদ্দৌলা এবং নবাব হমায়ুন ঝার নামানুসারে এই দুইটি নামকরণ হইয়াছে। এই মঞ্জিল বা বাগান-বাড়ী মতিঝিল হইতে অল্প দূরে উহার পূর্ব দিকে অবস্থিত। সম্মুখ দিকে বারান্দা ও স্তম্ভশোভিত একটি একতলা বড় দালান আছে। ইহারই অদূরে স্তম্ভশোভিত একটি উচ্চ বাটা আছে। উহা দেখিতে কতকটা কলিকাতার নিমতলা স্ট্রীটের ডাফ কলেজের (বর্তমান ঘোড়াবাগান পুলিশ কোর্টের) বাটার স্তায়। উহা ইংরাজের আমলে নির্মিত। এককালে এই স্থানে ইংরাজ আমলের নিজামৎ আদালত ও সদর দেওয়ানী আদালত অবস্থিত ছিল। ১৮৩১ খৃষ্টাব্দে নবাব হমায়ুন ঝা বাটীসহ এই জমি ধরিদ করিয়া এখানে বাগান-বাটা নির্মাণ করেন। ওয়ালস্ লিপিবদ্ধ করিয়াছেন যে, এই স্থানে পূর্বে বঙ্গের সুবেদারদিগের অভিষেকের জন্য কৃকপ্রস্তরের মসনদ ছিল। প্রস্তর-নির্মিত এই মসনদ

বা বড় জলচৌকিটি কলিকাতার ভিক্টোরিয়া মেমোরিয়ালে অনেকই দেখিয়া থাকিবেন। মসনদটি সা সূজা কর্তৃক নির্মিত। ইহা ক্রমে বঙ্গের চারিটি রাজধানীতে স্থানান্তরিত হইয়াছে; যথা—রাজমহল হইতে ঢাকা, ঢাকা হইতে মুর্শিদাবাদ ও মুর্শিদাবাদ হইতে কলিকাতা। বর্তমান কালে এই স্থানটি জনশূন্য ও নির্জন; গৃহগুলি পতিত ভূমিখণ্ডের মধ্যে অযত্নে দণ্ডায়মান আছে।

অতঃপর আমরা মতিঝিল দেখিতে চলিলাম। মতিঝিলের পূর্ব দিকের ছায়া-নীতল রাস্তায় আমাদের গাড়ী দাঁড়াইল। কোথাও জনশ্রাবী নাই। রৌদ্রাধিক্যের জন্ত কোথাও পক্ষীর শব্দ পর্যন্ত শুনা

চারি কোণায় মিনার আছে। মতিঝিলের মধ্যস্থ ভূমিখণ্ডে নবাব আলীবর্দীর জামাতা নওয়াজেস মহম্মদ খাঁ ১৭৪৩ খৃষ্টাব্দে কয়েকটি ইমারত, একটি মসজিদ এবং সত্ৰী-দালান নামক একটি প্রাসাদ নির্মাণ করেন। ষ্টুয়ার্ট সাহেব লিপিবদ্ধ করিয়াছেন যে, এই স্থানের বৃহৎ প্রাসাদ গোড়ের ধ্বংস-স্বপ্ন হইতে সংগৃহীত কৃকর্ষণের কষ্টপ্রসূয়ের স্তম্ভাদি দ্বারা অলঙ্কৃত ছিল। এক্ষণে এই স্থানে সত্ৰী-দালানের ভিতমাত্র অবশিষ্ট আছে, ও নওয়াজেসের সময়ের প্রাচীন মসজিদ, নবাব মিরজাফর কর্তৃক ১৭৫৮ খৃষ্টাব্দে নির্মিত একটি বারঘারী এবং প্রাচীন নগরতোরণের ধ্বংসাবশেষ আছে। এতদ্ব্যতীত একটি দ্বারবিহীন গৃহের ভগ্নাবশেষ



মুর্শিদাবাদ—নিজামৎ কিল্লা।—ইমামবাড়া

যাইতেছে না। চতুর্দিক নিস্তরু—রৌদ্র কাঁকা করিতেছে। নিজামৎ কিল্লা বা নবাব-বাটা হইতে ১১০ মাইল দূরে দক্ষিণ-পূর্ব দিকে মতিঝিল অবস্থিত। এই সরোবরের আকৃতি ঘোড়ার কুরের স্তায়, কিন্তু আমরা যে স্থানে দাঁড়াইয়া আছি, এই স্থান হইতে দেখিলে বোধ হয় যেন ইহা উত্তর-দক্ষিণে দীর্ঘ। কেহ কেহ অনুমান করেন যে, ইহা পূর্বে ভাগীরথীর খাত ছিল। উক্ত পরিত্যক্ত খাত কাটাওয়া যিলে পরিণত করা হইয়াছিল। ইহার জলের উপরিভাগে ঘন পদ্মবনের মধ্যে জলপিপি ও পানকোড়ি মহানন্দে জলকেলি করিয়া বেড়াইতেছে। এই স্থান হইতে যিলের অপূর্ণ পারে অর্থাৎ পশ্চিম পারে ইংরাজ আমলের একটি একতলা কোঠা ঘর আছে। শুনিলাম যে, উহা ইংরাজদিগের একটি পুরাতন কুঠার ঘর। যিলের উত্তর প্রান্তে একটি তিন-গুণ্ড-বিশিষ্ট বড় মসজিদ আছে। উহার

আছে। উহা ৬৫ ফিট দীর্ঘ, ২৩ ফিট প্রশস্ত এবং ১২ ফিট উচ্চ। অজ্ঞ লোকের বিশ্বাস যে, ইহার মধ্যে ধনদৌলত লুকায়িত আছে। কিন্তু উহার সন্ধান করিতে গেলে জীবন সঙ্কটাপন্ন হয়। নওয়াজেসের মৃত্যুর পরে তদীয় রূপসী বিধবা পত্নী যেসেটা বেগম এই স্থানে বাস করিতেন। পরে নবাব সিরাজদ্দৌলা যেসেটাকে এই স্থান হইতে বিদূরিত করিয়া তাঁহার ধনদৌলত আত্মদাতা করেন। ১৭৬৩ খৃষ্টাব্দে এই স্থানে নবাব মীরকাশিমের সৈন্যগণ ইংরাজ সৈন্য দ্বারা আক্রান্ত ও বিধ্বস্ত হইয়াছিল। ওয়ালস্ লিপিবদ্ধ করিয়াছেন যে, এই স্থানে যেসেটা বেগমের ত্যক্ত প্রাসাদে ১৭৬৫ খৃষ্টাব্দে ইংরাজদিগের বোর্ড অব রেভিনিউ আপিস ছিল। ১৭৬৬ খৃষ্টাব্দের মে মাসে এই স্থানে নবাব নাজিম উদ্দৌলার মসনদে বসাইয়া তাঁহার দক্ষিণ দিকে চত্বর কাইব দেওয়ানরু

উপবেশন পূর্বেক ইষ্ট ইতিয়া কোম্পানীর প্রথম পুণ্যাহ সম্পন্ন করিয়াছিলেন।

মতিঝিলের পূর্বেতীরে বৈষ্ণবদিগের তীর্থ কৌমারপাড়া বা কুমারপুর অবস্থিত। ষষ্ঠীয় শতাব্দীর শেষ ভাগে জীব গোলামীর শিষ্য হরিপ্রিয়া বৃন্দাবন হইতে এই স্থানে আসিয়া ৮ রাধামাধব বিগ্রহ ও অতিথিশালা প্রতিষ্ঠিত করেন। প্রাচীন মন্দির ভাঙ্গিয়া গাইবার পরে নব-নির্মিত মন্দিরে বিগ্রহ অবস্থান করিতেছেন। এখানে স্নান-যাত্রা উপলক্ষে মেলা হয়। কথিত আছে যে নবাব আলীবন্দীর ভ্রাতৃপুত্র ও জামাতা নওয়াজেস মহম্মদ খাঁ যখন মতিঝিলের পূর্বেতীরে প্রাসাদ নির্মাণ করিয়া বাস করেন, সেই সময় ৮ রাধামাধবের মন্দিরের শব্দ ষণ্টা শব্দে অত্যন্ত বিরক্ত হন। তিনি এই স্থান হইতে বৈষ্ণব মোহাস্তকে বিদূরিত কবিবার জন্ত ইহার নিকটে মুসলমানের খানা পাঠাইয়া দেন। উক্ত খানার আশ্রয় খুলিয়া সকলে দেখে যে, খানার পরিবর্তে তথায় যুঁই ফুলের মালা রহিয়াছে। মোহাস্তের তপঃ প্রভাবে ইহা সম্ভবপর



মুর্শিদাবাদ—নিজামৎ কিল্লা।—চকের নিকটস্থ ত্রিপলিয়া দরওয়াজা

হইয়াছে বুলিয়া নওয়াজেস ঝিলের চারিদিকের ঘাটে মংস্ত ও পক্ষী বধ নিষেধ করিয়া দেন। এই স্থানের বর্তমান মোস্তাফা ঘোষবংশীয় বঙ্গ কায়স্থ।

বেলা অধিক হওয়ায় নবাব সাহেবের গাড়ীর ঘোটক এবং আমরা ক্ষুৎ পিপাসায় ও পরিশ্রমে কাতর হইয়া পূর্বেক্ত বাসার প্রত্যাবর্তন করিলাম। নবাবের কোচোয়ান বৈকালে ২১০ টার সময় আবার গাড়ী আনিবে বলিয়া বিদায় লইল। এক্ষণে বেলা ১১ টা অতীত হইয়াছে। বাসার ভৃত্যকে রন্ধনের আয়োজন করিয়া রাখিবার জন্ত প্রাতঃকালেই অর্থ দিয়া রাখিয়াছিলাম। সে সকল আয়োজন সুন্দররূপে সম্পন্ন করিয়া রাখিয়াছে; কিন্তু পরিশ্রান্ত দেখে এত বেলায় রন্ধন করে কে? এত বেলায় বাঙ্গালীর খাওয়া ভাওয়া ভিন্ন অল্প কিছুই ভাল লাগিবে না। অবশেষে ভৃত্যের সাহায্যে ললিতাদাদা দুইটি ভাতে ভাত চড়াইয়া দিলেন। খাঁটি গব্য ঘৃত সহ মুগের ডাল ভাতে ও আলুভাতে ভাত এবং

খাঁটি দুধ দ্বারা আহার সম্পন্ন করা হইবে, ইহাই সাব্যস্ত হইল। ভাত চড়াইয়া দিয়া আমরা নিকটস্থ গঙ্গার ঘাটে স্নান সমাপন করিতে গেলাম। ফিরিয়া আসিয়া আহার সমাপন করিয়া শয্যা গ্রহণ করিলাম।

বেলা ৩টা হইল, কিন্তু নবাব সাহেবের গাড়ীর দর্শনলাভ ঘটিয়া উঠিল না। তখন অগত্যা সন্নিকটস্থ ভাড়াটীয়া গাড়ীর আশ্রয় লইয়া এই দিন বৈকালের জন্ত ও পরের দুইদিনের জন্ত গাড়ীভাড়া এক সঙ্গে ফুরান করিয়াছিলাম। অতঃপর বেলা অনুমান ৩১০ টার সময় আমরা ভাগীরথীর পূর্ব পারে অবস্থিত মুর্শিদাবাদ সহরের বাকী দ্রষ্টব্য স্থানগুলি দেখিতে চলিলাম। এই সকল দ্রষ্টব্য স্থানের অবস্থান অনুসারে তাহাদিগের বর্ণনা করা যাইতেছে।

যথেষ্ট রোদ্দ আছে এবং ফটোগ্রাফ লইবার সুবিধা হইবে বলিয়া বেলা ৩১০ টার সময় আমরা প্রথমেই বর্তমান নবাব-বাটী বা নিজামৎ কিল্লা দেখিতে চলিলাম। এই স্থানে ও ইহার পূর্ব দিকস্থ কুলুড়িয়া নামক স্থানে নবাব মুর্শিদকুলী খাঁ সর্ব প্রথম ইমারত ও প্রাসাদাদি নির্মাণ করিয়াছিলেন। নিজামৎ কিল্লার দক্ষিণ দিকস্থ “দক্ষিণ দরওয়াজা” দিয়া আমরা নবাব-বাটীর এলাকার মধ্যে প্রবেশ করিলাম। এই দরওয়াজাটি দ্বিতল। ইহার দুই পাশে শাস্ত্রিগণের থাকিবার জন্ত প্রকোষ্ঠ আছে। দরওয়াজা ছাড়াইয়া ভাগীরথীর পাড়ের উপরের রাস্তা দিয়া উত্তর দিকে যাইতে দেখা যায় যে, ডাইন দিকে নবাবের পুষ্পোত্তান ও বাটী আছে, এবং বাম দিকে ভাগীরথীর একটি ঢালু স্থানের ঘাটের দক্ষিণ পাশে একটি অতি সুশী তিন-শুষ্ক-শোভিত ছোট মসজিদ আছে। এই স্থানে রাস্তার দুই পাশে দুইটি কাল পাথরের স্তম্ভ আছে। ইহাদের শিখর দেশে পক্ষ বিস্তার করিয়া—যেন উড়িতে উদ্ভূত এইরূপ—দুইটি খেত প্যারাবত বা পক্ষী শোভা


পাইতেছে। এই স্তম্ভ দুইটি অতিক্রম করিয়া যাইতে রাস্তার পূর্ব পাশে নবাবের নূতন প্রাসাদ (New Palace) আছে। ইহার সম্মুখভাগে বাগির জমাটের উপর নানা প্রকার লতা ও পুষ্পাদি উৎকীর্ণ আছে। প্রাসাদটি শুভ্র বর্ণের। ইহার সম্মুখে ও পাশে ফুলবাগান আছে। ফুলবাগানের পশ্চিমে লালবর্ণের রাস্তা ও রাস্তার পশ্চিমে বাড়ীর খাতের মধ্যে ভাগীরথী প্রবাহিত হইতেছে। এই স্থানে নূতন প্রাসাদের সম্মুখে ভাগীরথীর পাড়ের ঠিক উপরে চতুর্দিক খোলা একটি অতি সুশী হাওয়াখানা বা বায়ু সেবনের ঘর আছে। হাওয়াখানার উত্তর দিকে ভাগীরথীর ধারে একটি অতি সুন্দর ইষ্টক দ্বারা বাধান ঘাট আছে; এবং ঘাটের উপরের রাস্তার দুই পাশে পূর্বেক্ত রূপ যেত পক্ষী-শোভিত দুইটি মণ্ডল কাল পাথরের (marble) স্তম্ভ আছে। এই স্তম্ভ দুইটি ছাড়াইয়া ভাগীরথীর পাড়ের উপরের পথ ধরিয়া উত্তর দিকে যাইতে রাস্তার পূর্বপার্শ্বে নকল পাহাড়

ও ঝিলাদি দ্বারা শোভিত নবাবের বিস্তৃত প্রমোদ-উদ্যান আছে। ইহারই সন্নিকটে ভাগীরথী-তীরে বাইবার জঙ্গ রাস্তার নীচে দিয়া একটি সুড়ঙ্গের স্তার পথ আছে। ইহা ছাড়াইয়া উত্তর দিকে যাইতে রাস্তার বাম বা পশ্চিম পার্শ্বে ভাগীরথীর পাড়ের উপরে একটি সুন্দর তিন গুচ্ছ-বৃক্ষ হরিজ্ঞাধর্ষের ছোট মসজিদ আছে; এবং রাস্তার ডাইন বা পূর্ব পার্শ্বে বিখ্যাত “হাজার ছয়ারী” বা “আরনা মহল” বা “প্রাসাদ” (Palace) বা “বড়কোঠা” অবস্থিত আছে।

হাজার ছয়ারী অর্থাৎ প্যালেসটি ইটালীয় ধরণে নিৰ্মিত একটি বৃহৎ জিতল বাটা। ইহা নবাব হুমায়ুন ঝার সময় নিৰ্মিত হয়। বেঙ্গল ইঞ্জিনিয়ার কোরের জেনেরেল ডানকান ম্যাকলিয়ড ইহার মজা প্রস্তুত করিয়াছিলেন; এবং তাঁহারই নির্দেশ অনুসারে, তাঁহারই তত্ত্বাবধানে ইহা নিৰ্মিত হয়। ১৮২৯ খৃষ্টাব্দে (ওয়ালস সাহেবের মতে ১৮২৮ খৃষ্টাব্দে) ইহার বনিয়াদের পত্তন করা হয় এবং ১৮৩৭ খৃষ্টাব্দে ইহার নিৰ্মাণ-কার্য শেষ হয়। ইহার সম্মুখভাগ উত্তর দিকে এবং এই দিকে দ্বিতলে উঠিবার ভঙ্গ ভূমি হইতে অতি প্রশস্ত ও একতলা সমান উচ্চ সোপানশ্রেণী (Grand Staircase) আছে। প্রাসাদের উপরে একটি গুচ্ছ আছে। উহা এরূপ বৃহৎ বাটার পক্ষে অতি ক্ষুদ্র ও বেমানান হইয়াছে। ভাল করিয়া লক্ষ্য করিয়া না দেখিলে গুচ্ছ আছে বলিয়াই বোধ হয় না। এই বাটা নিৰ্মাণ করিতে ১৭ লক্ষ মুদ্রা ব্যয় হইয়াছিল।

হাজার ছয়ারীর নীচের তলায় তেঁয়াখানা, শেলেখানা (অস্ত্র শস্ত রাখিবার ঘর) ও দপ্তরখানা (record room) আছে। শেলেখানাটি এই প্রাসাদের পশ্চিমাংশে অবস্থিত। এখানে নানা প্রকার প্রাচীন ও অদ্বিতীয় অস্ত্র, যথা—তরবারি, বঙ্গম, ছোরা, কামান ও বন্দুক প্রভৃতি আছে। ওয়ালস লিপিবদ্ধ করিয়াছেন যে, এখানে কারুকার্য-বিমণ্ডিত পিত্তল-নিৰ্মিত চাকাওয়াল একটি কামান ছিল, উহা ৩ ফিট দীর্ঘ। ইহা দুই সের ওজনের গোলা নিক্ষেপ করিতে সমর্থ। কামানটির মুখ মনুষ্যের বদনমণ্ডলের স্তায়, কিন্তু চোয়াল দুইটি কুস্তীরের চোয়ালের স্তায় এবং কর্ণ দুইটি খাড়া হইয়া থাকিত। ইহার গাত্রে নানা প্রকার কারুকার্য খচিত ছিল। ইহার উপরিভাগের মধ্যস্থলে যে লিপি ছিল, উহাতে “জয়কালী” শব্দ ও মহারাজা কৃষ্ণচন্দ্রের নাম লিপিত ছিল। ইহার উপরের খোদাই কার্য রূপরাম চট্টোপাধ্যায় সম্পন্ন করিয়াছিলেন। কিশোরদাস কর্ণকার এই কামান নিৰ্মাণ করিয়াছিলেন। কামানটি মহারাজা কৃষ্ণচন্দ্রের ছিল। পলাশী যুদ্ধের পর ইহা নিজামত শেলেখানায় স্থান প্রাপ্ত হয়। এই মূল্যবান কামানটি দেখিবার সৌভাগ্য আমাদের হয় নাই। নীচের তলায়, উপরের তলায় উঠিবার সিঁড়ির নিকটে কুস্তীর ও অস্ত্রাস্ত্র করেকটি মৃত জন্ত (Stuffed) সজ্জিত আছে।

এইখানে সিঁড়ির সন্নিকটে একটি বেঞ্চির উপরে একখণ্ড অতি সুন্দর বংশ-দণ্ড রক্ষিত আছে, ইহার বেড় প্রায় ২ ফিট ১ ইঞ্চি। এরূপ মোটা বংশ-দণ্ড পূর্বে কখনও দেখি নাই। হাজার-ছয়ারীর দ্বিতলে বৃহৎ দরবার-কক্ষ, ভোজন-কক্ষ, বিলিয়ার্ড-কক্ষ ও বিশিষ্ট :অতিথি-অভ্যাগত দিগের জঙ্গ শয়ন-কক্ষ প্রভৃতি আছে। দ্বিতলের বিভিন্ন কক্ষে বহু প্রাচীন ও মূল্যবান চিত্র, হস্তীদন্ত-নিৰ্মিত পালক ও পুস্তলিকাদি এবং বিলাসের সাজ-সজ্জা আছে। কক্ষগুলির তলদেশে মূল্যবান প্রস্তরমণ্ডিত। প্রত্যেকটি একেঁঠ বিভিন্ন ভাবে ও বিভিন্ন প্রকারের মূল্যবান আসবাব-পত্র দ্বারা সুসজ্জিত। দ্বিতলের দরবার-ঘরের উপরেই এই প্রাসাদের



মুর্শিদাবাদ—টেননের নিকটস্থ বেগম মসজিদ

গুচ্ছটি অবস্থিত। উক্ত গুচ্ছ ৬৩ ফিট উচ্চ ও উহার পার্শ্বে আলোক-প্রবেশের জঙ্গ কাচ আচ্ছাদিত পথ (sky light) আছে। গুচ্ছের নিম্নে ৪টি লোহার শিকল হইতে একটি মোটা লোহার শিকল নামিয়া আসিয়াছে। উহাতে একটি বেতবর্ণের বেলোয়ারি কাঠের বৃহৎ ঝাড় বুলিতেছে। উহার ১০১টি ডাল আছে। এই বৃহৎ দরবার-গৃহের চারি কোণার চারিটি খিলান-করা প্রকোষ্ঠের স্তায় স্থান আছে। ঐগুলির মধ্যে এক একটি প্রস্তর-মূর্তি আছে। এই ঘরে মধ্যমল-মণ্ডিত একটি বৃহৎ সিংহাসন আছে। দ্বিতলের বৃহৎ ভোজন-কক্ষটির মাপ ১৫০ ফিট x ২৭ ফিট। এই প্রাসাদের জিতলে নাচঘর (ball' room), পাঠাগার, চিনামাটির আসবাব-পত্র ও দ্রব্যাদি রাখিবার ঘর এবং

শয়নাগারসমূহ আছে। নাচঘরটি পূর্বোক্ত ভোজন কক্ষের স্মায় বৃহৎ। উহার মাপ ১৮৯ ফিট x ২৭ ফিট।

এই প্রাসাদের কতকগুলি ছুপ্রাপ্য ও প্রাচীন অস্ত্র, দলিল-পত্র, কোরাণাদি পুস্তক, মূল্যবান আসবাব-পত্র ও চিত্রাদি কলিকাতার ভিক্টোরিয়া মেমোরিয়ালে রাখা হইয়াছে। ঐগুলি আর কখন এখানে ফিরিয়া আসিবে কি না কে জানে। এখানে মুর্শিদাবাদের নবাবদের নানাপ্রকার চিত্র (water-colour and oil-painting) আছে। একটি চিত্রে দেখিলাম যে, একজন নবাব (বোধ হয় হুমায়ুন বা) ও তাহার একজন পেট-মোটা কাম ইংরাজী ভাঁড়ের পোষাকে সজ্জিত



মুর্শিদাবাদ—নিজামৎ কিছা।—হাজার-ছয়ারী বা প্যালেসের উত্তর পশ্চিমের মসজিদ

হইয়া দণ্ডায়মান আছেন। শুনিলাম যে, এই ঔদরিক ব্যস্তটি প্রতিবারে ২৬ সের আত্যা উদরস্থ করিতে পারিতেন। এই সময়েই বোধ হয় নবাবগণ “নবাবের আদনে” পুষিতেন। এই হাজার-ছয়ারি প্রাসাদটি পক্ষিদিগের পরিচ্ছন্ন রাখিতে নবাব সাহেবকে অনেকগুলি লোক নিযুক্ত রাখিতে হইয়াছে। ইহার “হাজার ছয়ারী” নাম অসার্থক নহে। কারণ, ইহার দরওয়াজা ও জানালাগুলি গণনা করিলে, তাহাদিগের মোট সংখ্যা হাজার বা হাজারের কাছাকাছি হইবে। প্রাসাদটি পূর্ব-পশ্চিমে দীর্ঘ ও হরিজাত। শুনিলাম যে, এই প্রাসাদটি এক্ষণে ইংরাজ সরকারের সম্পত্তি,—নবাব সাহেব ব্যবহার করিতে পান না।

হাজার-ছয়ারীর সম্মুখে অর্থাৎ উত্তর দিকে বিস্তৃত প্রাঙ্গণ আছে। এই প্রাঙ্গণের পশ্চিমাংশের মধ্যস্থলে চতুর্দিকে বারান্দা-বেষ্টিত একটি সুশী একতলা চতুষ্কোণ গৃহ আছে। ইহার নাম মেদীনা। এই স্থানে নবাব সিরাজদ্দৌলা কর্তৃক নির্মিত যে বৃহৎ ইমামবাড়া ছিল, এই মেদীনাটি উহারই অন্তর্গত ছিল। অধুনা-লুপ্ত উক্ত ইমামবাড়া নির্মাণ কালে কেবলমাত্র মুসলমান কারিকর নিযুক্ত করা হইয়াছিল—ইহা স্বজাতি-প্রীতির একটি নিদর্শন। নির্মাণ-কার্য আরম্ভের প্রথম দিন সিরাজদ্দৌলা স্বয়ং ইষ্টক ও চূণ সুরকী বহন করিয়া আনিয়া স্বহস্তে ইহার বনিয়াদ পত্তন করিয়াছিলেন। উক্ত ইমামবাড়ার মধ্যস্থলে এই মেদীনাটি ছিল। যে ভূমিখণ্ডের উপরে ইহা অবস্থিত, উহার মাটি ৬ ফিট গভীর করিয়া খুঁড়িয়া ফেলিয়া সেই খাত মক্কা হইতে আনিত মাটির দ্বারা পরিপূর্ণ করা হইয়াছিল। উক্ত ইমামবাড়ার পূর্ব দিকের পশ্চিম-দ্বারী ঘরে মজলিস হইত এবং পশ্চিম দিকের পূর্ব-দ্বারী প্রকোষ্ঠগুলিতে ইমামদিগের কবরের স্বর্ণ, রৌপ্য, কাচ ও কাষ্ঠ নির্মিত জবাব বা নকল ছিল। এই অংশে মহরমের সময় অহোরাত্র কোরাণ পাঠ হইত। ১৮৪২ খৃষ্টাব্দে উক্ত ইমামবাড়ায় অগ্নি লাগিয়া উহার কতকাংশ পুড়িয়া যায়। পুনরায় ১৮৪৬ খৃষ্টাব্দের ২৩ ডিসেম্বর তারিখে রাত্রি দুই প্রহরের সময় নবাবের প্রাসাদে সাহেবদিগের ভোজ উপলক্ষে যখন বাজী পোড়ান হইতেছিল, সেই সময় উক্ত ইমামবাড়ায় অগ্নি লাগিয়া এই মেদীনাটি ব্যতীত উহার সকল অংশ পুড়িয়া ধ্বংস প্রাপ্ত হয়। সেই মেদীনাটি আজও সুসংস্কৃত অবস্থায় আছে।

মেদীনার কিয়ৎদূর পূর্ব দিকে একটি বৃহৎ তোপ আছে। উহার নাম “বাচ্চাওয়ালী তোপ”; অর্থাৎ ইহার শব্দ এরূপ ভীষণ যে, সেই শব্দে গর্ভবতী স্ত্রীলোকের গর্ভপাত হইয়া থাকে। ইহা ১৫ ফিট দীর্ঘ। সহরের উপকণ্ঠ হইতে ইহাকে এই স্থানে আনিয়া রাখা হইয়াছে। ইহা খৃষ্টীয় দ্বাদশ হইতে চতুর্দশ শতাব্দীর মধ্যে নির্মিত বলিয়া অনুমিত হয়।

এই তোপের পূর্ব দিকে ইষ্টক-নির্মিত উচ্চ চিমনির স্মায় দেখিতে একটি ঘড়ী-ঘর (clock-tower) আছে। উহাতে একটি ঘড়ী শোভা পাইতেছে। মেদীনা, বাচ্চাওয়ালী তোপ ও ঘড়ী-ঘর একই সারিতে অবস্থিত।

ইহাদিগের উত্তর দিকে পূর্ব-পশ্চিমে দীর্ঘ নূতন ইমামবাড়ার বৃহৎ বাটী বর্তমান আছে। সিরাজদ্দৌলা কর্তৃক নির্মিত ইমামবাড়া পুড়িয়া যাইবার পরে এই নূতন ইমামবাড়াটি ১৭৯৭-৮ খৃষ্টাব্দে দেওয়ান সৈয়দ সাদিক আলি খাঁর তত্ত্বাবধানে নির্মিত হইয়াছে। যে স্থানে সিরাজ কর্তৃক নির্মিত ইমামবাড়া ছিল, তাহার কিঞ্চিৎ উত্তর দিকে বর্তমান

ইমামবাড়া নির্মিত হইয়াছে। ইহা নির্মাণ করিতে ৬ লক্ষ মুদ্রা ব্যয় হইয়াছে। নির্মাণ শেষ হইলে রাজমিস্ত্রী ও মজুরদিগকে ছোট বড় নির্বিশেষে শাল পারিতোষিক দেওয়া হইয়াছিল। সমগ্র বঙ্গদেশ মধ্যে ইহাই সর্বাপেক্ষা বৃহৎ ইমামবাড়া। ইহা চতুষ্কোণ। ইহার দৈর্ঘ্য ৬৮০ ফিট। ইহা তিনটি মহলে বিভক্ত। মধ্যের মহলে ইহার মেদীনা অবস্থিত। এই বৃহৎ ইমামবাড়ার অনেকগুলি বেলায়ি কাঁচের ঝাড় আছে। বাটীটি দ্বিতল, কিন্তু দ্বিতলে উঠিয়া দেখিতে পাই নাই। এই সকল স্থানে আসিলে মুসলমানদিগের নানাবিধ বাধা নিষেধ মানিয়া চলিতে হয়। হিন্দুর অনেক জিনিস যেমন তথাকথিত হীন জাতির সংস্পর্শে কলুষিত হয়, সেইরূপ জাতিভেদহীন মুসলমানদিগেরও কোন কোন জিনিসে হিন্দুর সংস্পর্শ নিষিদ্ধ। অতএব সংস্পর্শ দোষটি শুধু হিন্দুর মধ্যেই আবদ্ধ নাই। ইমামবাড়ার উত্তর দিকে নহবৎ-শোভিত প্রধান প্রবেশদ্বার আছে। ইমামবাড়াটি বঙ্গ, বিহার ও উড়িষ্যার শেষ নবাব নাজিম মনসুর আলির সময় নির্মিত। ইনি নবাব হুমায়ুন খান পুত্র। ইমামবাড়ার পশ্চিম দিকে ভাগীরথীর পাড়ের উপরে একটা হিন্দু মন্দির ছিল। গুয়ালস সাহেব লিপিবদ্ধ করিয়াছেন যে, উহা ভাঙ্গিয়া ফেলিয়া, উহার স্থানে একটা দ্বিতল মসজিদ নির্মিত হয়; এবং উক্ত মন্দিরের পরিবর্তে ইচ্ছাগঞ্জ আর একটা হিন্দু মন্দির প্রস্তুত করিয়া দেওয়া হয়। ইমামবাড়ার পশ্চিম দিকে নিজামৎ কিল্লার একটা দ্বার আছে। তদায় দ্বারের পার্শ্বে প্রহরীদিগের থাকিবার ঘর আছে।

হাজার দুয়ারীর পূর্বে দিকে নিজামৎ কিল্লার আর একটা দ্বিতল নহবৎ-শোভিত দরওয়াজা আছে। উহার নাম চৌক দরওয়াজা বা ত্রিপলিয়া নহবৎখানা। ইহাই নিজামৎ কিল্লার পূর্বে দিকের প্রবেশদ্বার। ইহা নবাব সরফরাজ খাঁর পিতা নবাব সুলতান মহম্মদ খাঁ কর্তৃক ১৭০৫ হইতে ১৭০৯ খৃষ্টাব্দের মধ্যে নির্মিত। এই দরওয়াজাটি চকে অবস্থিত বলিয়া ইহাকে চৌক দরওয়াজা কহে। এক্ষণে বৃহৎ দরওয়াজা বঙ্গদেশে অতি বিরল।

এই দরওয়াজার দক্ষিণ-পশ্চিম দিকে একটা সুন্দর মসজিদ আছে। উহার নাম চৌক মসজিদ। চকের বাজারের মধ্যে অবস্থিত থাকায় ইহার উক্ত রূপ নামকরণ হইয়াছে। ইহা হাজার-দুয়ারীর দক্ষিণ-পূর্বে দিকে অবস্থিত। যেখানে এই মসজিদ আছে, ঐ স্থানে পূর্বে নবাব মুর্শিদকুলী খাঁর চেহেল মেতুন বা চল্লিশটি স্তম্ভযুক্ত প্রাসাদ বা বারদুয়ারী বা দরবার-গৃহ ছিল। নবাব মিজানুদ্দৌলার সহধর্মিণী মণিবেনম ১৭৬৭ খৃষ্টাব্দে এই মসজিদটি নির্মাণ করেন। সদর রাস্তার

পশ্চিম দিকে মসজিদটি অবস্থিত। ইহার দ্বিতল দরওয়াজার দুই পার্শ্বে দুইটি অশুভ মিনার আছে। দরওয়াজার আলিঙ্গার উপরে এক সারি পিতলের চূড়া সূর্য-কিরণে ঝকঝক করিতেছে। পূর্বে দিকের দরওয়াজার মধ্যস্থ সিঁড়ি দিয়া মসজিদ-বাটীর পাথর-বাধান উচ্চ উঠানে উঠিতে হয়। সম্মুখে উঠানের মধ্যে একটা পাথর দ্বারা বাধান চৌবাচ্চা আছে। উঠানটি পাথর দিয়া মোড়া। উঠানের পশ্চিম দিকে সপ্ত-গুহজ-শোভিত মসজিদ আছে। উহার দুই পার্শ্বে দুইটি উচ্চ মিনার আছে। মিনার দুইটির ও মসজিদের গুহজগুলির উপরে চাকচিক্যময় পিতলের চূড়া শোভা পাইতেছে। মধ্যস্থলের গুহজটি সর্বাপেক্ষা বড়। ইহার দুই পার্শ্বে গুহজগুলি ক্রমশঃ ছোট হইয়া গিয়াছে। পূর্বে উঠানের দুই পার্শ্বে দুইটি একতলা ঘর আছে। উহাদের প্রত্যেকের সম্মুখ ভাগে তিনটি করিয়া ফোকর বা দ্বারের



মুর্শিদাবাদ—চৌক মসজিদ

খিলান আছে। মসজিদটি নিত্য ব্যবহৃত হয় এবং পরিষ্কার পরিচ্ছন্ন।

এই গুলিই নিজামৎ কিল্লার প্রধান দর্শন-সৌন্দর্য সামগ্ৰী। নবাব মিজানুদ্দৌলার শেষকালে মনসুরগঞ্জ প্রাসাদ ত্যাগ করিয়া এই নিজামৎ কিল্লাতে আসিয়া বাস করিয়াছিলেন। নিজামৎ কিল্লার বহির্দেশে, বর্তমান ইমামবাড়ার উত্তর দিকে চূড়াবিহীন একটি মাত্র গুহজ-শোভিত মাদ্রাসার দ্বিতল অট্টালিকা আছে। এতদ্ব্যতীত উত্তর দিকে আরও কতকগুলি দ্বিতল অট্টালিকা ও মসজিদাদি আছে।

মুর্শিদাবাদ রেল স্টেশনের কর্মচারীদিগের আবাস বাটীর (Railway Quarters) সন্নিকটে উত্তর দিকে প্রাচীর-বেষ্টিত চূর্ণকাম-করা একটি ছাদবিহীন ছোট কবর আছে। ইহা নবাব মুর্শিদকুলী খাঁর দৌহিত্র বিলাসী নবাব সরফরাজ খাঁর কবর। কবরের প্রস্তর-কলকে লেখা আছে—“Nawab Sarfaraz Khan Bahadur, grandson

of Nawab Moorshid Coli Khan. Died in 1740 A. D." এই কবরটি পূর্ববিভাগ কর্তৃক সংস্কৃত ও সংরক্ষিত। মুর্শিদাবাদের নবাবদিগের একমাত্র সরফরাজ রণক্ষেত্রে জীবন বিসর্জন দিয়াছিলেন। হাজি আহম্মদ, রায় রাইয়্যা আলমচাঁদ প্রভৃতি সরফরাজকে সিংহাসনচ্যুত করিতে আলীবন্দী খাঁর সহিত ষড়যন্ত্র করিলে, সরফরাজ রণক্ষেত্রে অগ্রসর হন। কথিত আছে যে, ইতিপূর্বে সরফরাজ জগৎশেঠের সুলতানী পুত্রবধুর রূপের কথা শুনিয়া তাহাকে অশ্রুতঃ একবার দেখিবার জন্ত জিদ ধরিয়া বনিয়াছিলেন। তিনি এই যুগিত প্রস্তাব জগৎশেঠের সম্মুখে উপস্থিত করিতে কুণ্ঠিত হইলেন নাই। তিনি জগৎশেঠের পুত্রবধুকে স্বীয় প্রাসাদে আনাইয়া তাহার রূপ-সুখা পান করিয়া তাহাকে স্পর্শ না করিয়াই ফেরৎ পাঠাইয়া দেন। ইহার ফলে উক্ত পুত্রবধু পরিত্যক্ত হয় এবং জগৎশেঠ সরফরাজের পরম শত্রু হন।

যাহা হউক গিরিয়ার রণক্ষেত্রে রাত্রিকালে অত্রিক্ত অবস্থায়



মুর্শিদাবাদ—খুসবাগ।—আলীবন্দী ও সিরাজের গোরস্থানের মসজিদ। সম্মুখ ভাগ

খালি বা নাগিনীবাগ কহে। এই স্থানে সরফরাজের যে প্রাসাদ ছিল, তাহার কোন চিহ্ন নাই। তাহার বিখ্যাত পার্শ্বের বিজয় সিংহ তাহার জন্ত রণক্ষেত্রে প্রাণ বিসর্জন দিলে, বিজয় সিংহের নবম বর্ষ বয়স্ক পুত্র জালিম সিংহ পিতৃদেহ রক্ষা করিতে অগ্রসর হইল। জালিমকে যখন আলীবন্দীর সৈন্যগণ আক্রমণ করিতে উদ্ভূত হইয়াছে, সেই সময় আলীবন্দী তথায় উপস্থিত হইয়া বীর বালকের প্রাণ রক্ষা করেন। দেশের অতীব দুর্ভাগ্য বলিয়া জালিমের স্মায় বীর বালক এ যুগে হিন্দুদিগের মধ্যে বিরল হইয়া আসিয়াছে। গ্রামে গ্রামে ব্যাঘ্রাম চর্চার আখড়ার পরিবর্তে এক্ষণে সখের খিয়েটারের দল বসিয়া গিয়াছে।

কি কথায় কি কথা আসিয়া পড়িল! যাহা বলিতে ছিলাম—সরফরাজ যুদ্ধক্ষেত্রে প্রাণ হারাইলে তাহার বিখ্যাত মাহত সকলের অলক্ষ্যে তাহার মৃতদেহ হস্তী-পৃষ্ঠে উঠাইয়া লইয়া গভীর রাত্রে মুর্শিদাবাদে

আসিয়া উপস্থিত হইল। সেই রাত্রেই গোপনে সরফরাজের শব এই স্থানে সমাহিত করা হইয়াছিল।

সরফরাজের নগণ্য কবরের কিয়ৎদূর উত্তর দিকে রেল লাইনের পশ্চিম পার্শ্বে আমবাগানের মধ্যে একটি অল্পে রক্ষিত প্রাচীন মসজিদ আছে। উহা উত্তর-দক্ষিণে দীর্ঘ। মসজিদের উপরে ৩টি গুম্বজ আছে। গুম্বজগুলির উপরিভাগে সবুজবর্ণের এনামেল করা মূর্ছয় চ্যাপ্টা কলসের স্মায় চূড়া আছে। এই এনামেল-করা চূড়াগুলি কাটির মসজিদের চূড়ার স্মায়। মসজিদের উত্তর ও দক্ষিণ দিকে একটি করিয়া দ্বার আছে এবং ইহার সম্মুখে অর্থাৎ পূর্ব দিকে প্রস্তরের চৌকাঠ আঁটা তিনটি বৃহৎ দ্বার আছে। প্রস্তরের চৌকাঠ কয়টি গৌড়ের ধ্বংস-স্তুপ হইতে সংগৃহীত বলিয়া মনে হয়। এই দ্বার কয়টির বহির্ভাগে উপরে খিলান-করা গোল আচ্ছাদনের স্মায় আছে। মসজিদের অভ্যন্তরে পশ্চিমের দেওয়ালের মধ্যে তিনটি মিম্বর বা কুলুঙ্গী আছে। তন্মধ্যে মধ্যেরটি সর্বাপেক্ষা বড়। মসজিদের ভিতরের মাপ উত্তর দক্ষিণে প্রায় ৫৭ ফিট এবং পূর্ব-পশ্চিমে প্রায় ১৩ ফিট। ইহার দেওয়াল প্রায় ৩৫ ফিট স্থূল। মসজিদের পূর্ব দিকের দেওয়ালের বহির্ভাগে তিনটি কাল পাথরের স্মৃতি-ফলক আছে। মসজিদটির নাম বেগম মসজিদ। কেহ বলেন যে ইহা নবাব সরফরাজ খাঁর মাতা কর্তৃক নির্মিত। অপর কাহারও মতে ইহা তাহার বেগম কর্তৃক নির্মিত। ইহা ১৭১৯ ইষ্টাব্দে নির্মিত। যে স্থানে সরফরাজের কবর এবং এই মসজিদটি আছে, উহা একটি আমবাগান। এই স্থানকে নাখতা খালি বা ল্যাংটা

খালি বা নাগিনীবাগ কহে। এই স্থানে সরফরাজের যে প্রাসাদ ছিল, তাহার কোন চিহ্ন নাই।

রেল স্টেশন হইতে কিঞ্চিৎ দূরে উত্তর-পশ্চিম দিকে, ও নিজামৎ কিলার কিয়ৎদূর উত্তর দিকে প্রাচীর ও রেলিং দ্বারা ঘেরা একটি অতি বিস্তৃত ভূমিখণ্ডে নবাব সাহেবের স্মৃৎস্ম আস্তাবল আছে। এই ভূমিখণ্ডে কয়েকটি বড় বাড়ী আছে। এই স্থানে হস্তী, উষ্ট্র, ঘোটক ও গাড়ী থাকে। এক্ষণে বৃহৎ আস্তাবল পূর্বে অস্ত বৃত্তাপি দেখি নাই। নবাবী কাণ্ডই আলাহিদা রকমের।

এই আস্তাবলের পশ্চিম দিকের সদর রাস্তা দিয়া সহরের লালবাগ নামক অঞ্চল অতিক্রম করিয়া চলিলাম। আমরা ভাগীরথীর পরপারে অবস্থিত খুসবাগে নবাব আলীবন্দী ও সিরাজদৌলার কবর দেখিতে যাইতেছি। পথে ভাগীরথীর পূর্ব পাড়ে অশ্বখ-ছায়া-শীতল একটি

খেয়াঘাট আছে। উহার সন্নিকটে একটি মিষ্টানের দোকান আছে। ১৯২১ খৃষ্টাব্দের ৪ঠা জুন তারিখে মধ্যাহ্ন কালে আমরা এই খেয়াঘাটে পার হইয়া নদী-সৈকতের সন্ধান দিয়া পত্রভ্রজে খুসবাগে গিয়াছিলাম। এবার তাহা না করিয়া আমরা গাড়ী করিয়া খুসবাগের সম্মুখস্থ পারঘাটার যাইতেছি। ক্রমে ভাগীরথী-তীরের পথ ছাড়িয়া একটি পল্লীর ভিতর দিয়া চলিলাম। পল্লী অতিক্রম করিয়া পুনরায় ভাগীরথী-তীরের নিকট দিয়া যাইতে দেখিলাম যে, পথের পশ্চিম পার্শ্বে ভাগীরথী তীরে একটি বড় মসজিদ আছে। মসজিদটি তিন-গুণ্ড-বিশিষ্ট, ও উহার পূর্বদিকে তিনটি দ্বার আছে।

এই মসজিদ ছাড়াইয়া আমরা যে স্থান দিয়া চলিলাম, উহা নির্জন, জনমানবহীন। এইখানে ভাগীরথীর একটি পারঘাটা আছে। উহার নাম আমানিগঞ্জের ঘাট। লোকে গ্রীষ্মকালে এই ঘাটে যান বাহনাদি সহ হাঁটিয়া ভাগীরথী পার হইয়া থাকে। এই ঘাটে জলের গভীরতা ৩ ফিটের অধিক নহে। এই ঘাট হইতে সামান্ত দূরে দক্ষিণ-পূর্ব দিকে এক-গুণ্ড-বিশিষ্ট বৃহৎ কারবালা রহিয়াছে।

আমানিগঞ্জের ঘাটে জুতা খুলিয়া পদভ্রজে ভাগীরথী পার হইয়া পরপারে খুসবাগের ঘাটে উপস্থিত হইলাম। এখানে পাড়ের উপরে একটি অতি বৃহৎ ও প্রাচীন শিমূল গাছ আছে। উহার গাত্রে কঁটাগুলি উঠিয়া গিয়া মৃত্যু হইয়া গিয়াছে। উহার এই অবস্থা হওয়ার সহসা দেখিলে উহা শিমূল গাছ কি না সে বিষয়ে সন্দেহ উপস্থিত হয়। বৃক্ষটি অতি স্থূল,—শাখা-প্রশাখা বহুদূর পর্যন্ত বিস্তৃত করিয়া যুগ যুগান্ত ধরিয়া দাঁড়াইয়া আছে। ইহা এক্ষণে কয়েকটি অতি বৃক্ষ শকুনীর আশ্রয় স্থল হইয়াছে। উহাদিগের বিষ্ঠায় নীচের আগাছাগুলির পাতা খেতবর্ণে রঞ্জিত হইয়াছে। শকুনী কয়টি অনিমেঘ নয়নে বহুদূরে শূন্য দৃষ্টি স্থির রাখিয়া যেন গভীর চিন্তায় নিমগ্ন আছে। শিমূল গাছের পাদদেশ দিয়া একটা কাঁচা রাস্তা পশ্চিম দিকে খুসবাগের মকবর বা কবর-স্থান পর্যন্ত গিয়াছে। এই কবর-স্থানের পাদদেশ ধৌত করিয়া, উহার পূর্ব দিক দিয়া এক কালে ভাগীরথী প্রবাহিত ছিল। উহার ইষ্টক-নির্মিত ঘাটের কিঞ্চিৎ ভগ্নাবশেষ ১৯২১ খৃষ্টাব্দে মকবরার সম্মুখে অবস্থিত দেখিয়াছিলাম, কিন্তু এবার তাহার চিহ্ন দেখিলাম না। পূর্ব দিকের দ্বার দিয়া এই মকবরায় প্রবেশ করিতে হয়। স্থানটি প্রাচীর-বেষ্টিত। দরওয়াজা দিয়া ভিতরে প্রবেশ করিলে দেখা যায় যে, দরওয়াজার দুই পার্শ্বে প্রকোষ্ঠের স্থায় আছে এবং পশ্চিম দিকে বিস্তৃত উঠান আছে। এই উঠানের উত্তর দিকে ১৭টি কবর আছে। উঠানের মধ্যস্থলে একটি উচ্চ প্রাচীর-বেষ্টিত স্থান আছে। উহার মধ্যে তিনটি কবর আছে। তন্মধ্যে পূর্ব দিকের দ্বারের নিকটের কবরটি নবাব আলীবর্দীর মাতার। উহার সমাধির জন্তই নবাব আলীবর্দী এই খুসবাগ বা খোসবাগ প্রস্তুত করেন। প্রথমোক্ত উঠানের পশ্চিম দিকে প্রাচীর-বেষ্টিত আর একটি ভূমিখণ্ড আছে। পূর্ব দিকের দ্বার দিয়া বেষ্টনীর মধ্যে প্রবেশ করিলে দেখা যায় যে উঠানের মধ্যস্থলে একটি একতলা কোঠা ঘর আছে। উহার প্রত্যেক দিকের মাপ প্রায় ২২ হাত। এই কোঠার চতুর্দিকে ছাদযুক্ত বারান্দা আছে, এই কোঠার গর্ভগৃহের মধ্যস্থলে বাজালার শ্রেষ্ঠ নবাব আলীবর্দী পার, তাহার পূর্ব পার্শ্বে নবাব সিরাজদৌলার, তৎপূর্ব পার্শ্বে তান্ত্রাত্মা মির্জামেহদীর, সিরাজের পদতলে তাহার বেগম লুৎফুন্নিহার

ও আলীবর্দীর দক্ষিণে তাহার মহিীর ও আর ২৩টি কবর আছে। সিরাজকে হত্যা করার পরে তাহার মৃতদেহ হস্তীপৃষ্ঠে উঠাইয়া মুর্শিদাবাদের পথে পথে লইয়া বেড়ান হইয়াছিল এবং জনসাধারণকে ও সিরাজের শোকাভিভূত মাতা আমিনা বেগমকে দেখান হইয়াছিল। অশ্রুযাম্পাশ্রা আমিনা পাগলিনীর স্থায় রাজপথে তাহার হইয়া প্রাণাধিক পুত্রের ক্ষত বিক্ষত মৃতদেহ বক্ষে ধারণ করিয়া বিলাপ করিয়া সকলকে অশ্রুসিক্ত করিয়াছিলেন। তৎপরে উক্ত মৃতদেহ এই স্থানে আনিয়া সমাহিত করা হয়। সিরাজের বেগম লুৎফুন্নিহার—গিনি তাহার মহিীর রাজমহলে পলাইয়াছিলেন— তাহারই উপর এই সমাধি স্থানের তত্ত্বাবধানের ভার ছিল। ফরেটার লিপিবদ্ধ করিয়াছেন যে, ১৭৮১ খৃষ্টাব্দে এই স্থানে মোস্তা নিযুক্ত হইয়াছিল এবং সিরাজের বেগম মধ্যে মধ্যে এই স্থানে আসিয়া শোকপ্রকাশ করিয়া যাউতেন। আলীবর্দীর কবরের উপরিভাগে কাল পাথরের পাড় দেওয়া আছে। সিরাজ ও তাহার বেগমের কবর অতি সাধারণ এবং সিমেন্ট দ্বারা মার্জা; কিন্তু কোন স্মৃতিফলক নাই। এই গৃহের পশ্চিম দিকের উঠানের পাশ্চমে একটি স্থত্রী তিন-গুণ্ড-শোভিত মসজিদ আছে। মসজিদের পূর্ব দিকের খোলা রোয়াকে একটি চৌবাচ্চা আছে। খুসবাগের এই মকবরটি এক্ষণে পূর্ববিভাগ কর্তৃক সংস্কৃত ও সংরক্ষিত। মকবরটি অতি নির্জন স্থানে অবস্থিত। উহার কিঞ্চিৎ দূরে চায়ীদিগের পলী আছে। উহার ভাগীরথী-তীরে প্রচুর পটল ও অশ্বাশ্ব ফসল উৎপন্ন করিয়া থাকে। পল্লী বধুগণ এই মকবরার পার্শ্বস্থ পথ দিয়া ভাগীরথী হইতে জল আনিতে যায়।

খুসবাগের মকবর দেখিয়া যখন আমরা ফিরিতেছি, তখন কন্যা ডুবিয়া গিয়াছে, ৬৮ বাজিরাছে, সন্ধ্যার অন্ধকার ঘনীভূত হইয়া আসিতেছে। নির্জন গোর স্থানের বৃক্ষগুলি হইতে সহসা পেচকের কর্কশ গুরুগম্ভীর নিনাদ চতুর্দিকের নিস্তব্ধতা ভেদ করিয়া আতঙ্কে সন্ধ্যার করিল, যেন উচ্চকণ্ঠে সতর্ক করিয়া কহিল “পথিক! চলিয়া যাও। নিশীথিনী আগতপ্রায়,—এ প্রেতের লীলাভূমিতে তোমাদিগের থাকিবার অধিকার নাই।” পেচকের ধ্বনি গামিতে না ধামিতে শৃংগলের করুণ ক্রন্দন চতুর্দিক কম্পিত করিয়া উঠিল। এই সকল দেখিয়া শুনিয়া আমরা দ্রুত এই স্থান ত্যাগ করতঃ ভাগীরথী পার হইয়া গাড়ীতে আসিয়া বসিলাম। চতুর্দিক নিস্তব্ধ। কোথাও জনপ্রাণীর সাদৃশ্য নাই। বানায় ফিরিতে রাবি হইয়া গেল। সে রাত্রে কিঞ্চিৎ দুঃসহ জলযোগ করিয়া শয্যা গ্রহণ করিলাম।

পরদিন অর্থাৎ ৩রা এপ্রেল প্রাতে ভাগীরথীর পশ্চিম পারে অবস্থিত বড়নগর দেখিয়া নৌকাযোগে মুর্শিদাবাদে ফিরিবার সময় ভাগীরথীর পশ্চিম পারে মনহুরগঞ্জ, হিরাকিল এবং ফাররাবাগ দেখিয়া সন্ধ্যাকালে আবাসে ফিরিয়াছিলাম। উহার পরের দিন ৪ঠা এপ্রেল প্রাতে ৮কিরীটেবরী দেখিয়া ফিরিবার সময় ভাগীরথীর পশ্চিম পারে ডাহাপাড়া ও নবাব সুজাউদ্দীন মহম্মদখাঁর সমাধি স্থান দেখিয়াছিলাম। কিঃ পাঠকদিগের বৃদ্ধিবার সুবিধার জন্ত বারায়ুরে অথ্রে মুর্শিদাবাদ সহরের অতি নিকটবর্তী দ্রষ্টব্য স্থানগুলির বর্ণনা শেষ করিয়া পরে বড়নগর ও কিরীটেবরীর বর্ণনা করিব।



## ব্যথার পূজা

শ্রীস্বধীরচন্দ্র বন্দ্যোপাধ্যায়

৩

“নারায়ণঃ! ও কলি, একটু তামাক দে ত মা”—বলিয়া শ্রান্ত-কলেবর মাধব চক্রবর্তী দাঁড়িয়া আসিয়া বসিলেন, এবং সন্ধ্যায় ছোট-বড় সাদা-তালি-দেওয়া ছাতাটা দেওয়ালের গায়ে রাখিয়া কোমরে জড়ান একখানা আধময়লা গরদের চাদর খুলিতে খুলিতে একটু চাপা স্ববে বলিলেন, “যাক্, এখন নারায়ণের ইচ্ছেয় কাজটা শুভং শুভং মিটে যায় ত বাঁচি!”

নিকটেই দিগম্বরী ঠাকুরাণী বসিয়া পূজা করিতেছিলেন, কথা কয়টা তাঁহার কাণে গেল। চক্ষু মুদ্রিত করিয়া করণোড়ে ঠাকুরকে নমস্কার করিবার সময় একটা দীর্ঘ-নিশ্বাস ছাড়িলেন। প্রণামান্তে দাদার দিকে চাহিয়া জিজ্ঞাসা করিলেন, “তাহলে তুমি তাদের সঙ্গে একেবারে পাকাপাকি করে এলে দাদা?”

মাধব চক্রবর্তী কৌচাচ কাপড় দিয়া মুখ মুছিয়া কহিলেন, “হ্যাঃ—আবার দেবী করে? কি জানি—কোন্ ব্যাটা কখন ভাংচি দিক, আর এমন সম্বন্ধটা হাতছাড়া হয়ে যাক্! একেবারে :৫ই দিন ঠিক করে এলুম।”

দিগম্বরী কোন কথা কহিলেন না। মাধব মুখ ফিরাইয়া কল্যাণীর উদ্দেশে একটু চোঁচাইয়া কহিলেন, “কই মা, একটু তামাক দিলি না?”

কল্যাণী বাম হাতে একটা থেলো হাঁকার মাথায় একটি কলিকা চড়াইয়া কপাটের আড়ালে দাঁড়াইয়া দাঁ দিতেছিল। মামার ব্যস্ততা দেখিয়া নিকটে আসিয়া কহিল, “এই নাও, এখনও ভাল ধরেনি’, টীকেগুলো ভিজ্জে গেছে।”

মাধব কল্যাণীর হাত হইতে হাঁকা লইয়া একনিশ্বাসে ক্রমাগত ১৫।২০টা টানের পর ধূম বাহির করিল। কল্যাণী সেখানে আর অপেক্ষা না করিয়া ঘরের ভিতর চলিয়া গেল,—কিন্তু নিজেকে অধিক দূরে সরাইয়া লইতে

পারিল না। একটা আশঙ্কা, উদ্বেগ, ডঃখ, ব্যগ্রতা, মুমূর্ষু ব্যক্তিকে যেমন বেঁধেন করিয়া তাহার আপনার জনকে চারিপাশে ধরিয়া রাখে, এই বিবাহের প্রসঙ্গও কল্যাণীর পায়ে তেমনই বেড়া পরাইল। সে ঘরের ভিতর যাইয়া কপাটের আড়ালে হাত রাখিয়া নতমুখে দাঁড়াইয়া রহিল।

মাধব কিছুক্ষণ অত্যন্ত মনোযোগের সহিত তামাকু টানিয়া দেহটাকে একটু চাঙ্গা করিয়া লইল। তার পর হাঁকো-কল্কে সরাইয়া রাখিবার অবকাশে একবার ভগ্নীর দিকে চাহিয়া দেখিল, দিগম্বরী হাঁটুঘরের উপর চিবুক রাখিয়া নতমুখে বসিয়া আছেন ও তাঁহার দুই গুণ্ড বাহিয়া অশ্রু ঝরিতেছে! মাধব একটু কক্ষণ অথচ উচ্চকণ্ঠে কহিল, “কেন ভাব্ছিস্ দিগে! ২৫ বিঘের উপর ভদ্রাসন, চক-মেলান বাড়ী, পুকুর, বাগান, অতিথিশালা, দরওয়ান, পাইক, লোক-লঙ্করই বা কত! আব কি অমায়িক ব্যবহার তা’ আর একমুখে বলে উঠতে পারি না। জমীদার লোক, কত পরমা—কিন্তু একটু গুমোর নেই,—একেবারে মাটাব মানুষ। বিয়ে ত এখনও হয় নি; কিন্তু এর মধ্যে বাবাজী আমায় যে খাতির-বত্ন আর কিবা আপ্যায়িতটা করলেন, তা আর কি বলব! বল্লেন, ‘কুলীনের মান কুলীন যদি না রাখে, তবে আর রাখবে কে?’—মাধব কোমরের কাপড়টা ঢিলা করিয়া দিতেই, মেঝের উপর কতকগুলো টাকা পড়িয়া গেল।

কল্যাণীর অধরে একটা ঘণার হাসি ফুটিয়া উঠিয়া, নির্ঝাপিত-প্রায় দীপের শেষ ওজ্জ্বলাটুকুর মতই আবার ধীরে ধীরে মিলাইয়া গেল!

দিগম্বরী ঠাকুরাণী পূজাকরা ফুলগুলি ধীরে ধীরে তুলিয়া পুষ্পপাত্রের উপর রাখিয়া কহিলেন, “সবই ত ভাল দাদা, কিন্তু বয়েসটা”—

মাধব চক্ষু বিস্ফারিত করিয়া কহিলেন, “আরে কুলীনের আবার বয়েস ? ৮০ নয়, ৯০ নয়—মাত্র ৫০ ! এমনই বা কি বেশী বাপু ? তখন যে গঙ্গাযাত্রীর সঙ্গে মালা বদল করে কুলীনের মেয়ের জাত রক্ষা হত—তা জানিস্ না !”

দিগম্বরী ক্ষুণ্ণস্বরে কহিলেন, “সেটা কি খুব ভাল কাজ করত দাদা ? মেয়েটার সারা জীবন”—

মাধব বাধা দিয়া উচ্চকণ্ঠে কহিলেন, “দেখ্ দিগে, এত কষ্ট করে একটা ভাল সম্বন্ধ ঠিক করেছি। এটা যদি ভেঙ্গে দিস্, তা হলে তোর মেয়ের বিয়ের কথাতে আমি আর নেই—তা কিন্তু আমি বলে রাখছি”—

“এ যে দাদা তোমার অন্তায়”—

বাধা দিয়া মাধব ছই চক্ষু রক্তবর্ণ করিয়া গজিয়া কহিলেন,—“হ্যাঁ, হ্যাঁ, সবই আমার অন্তায়। তোদের জন্তে প্রাণপাত করাটাই আমার অন্তায়!—বেশ, তোর মেয়ের বিয়ের কথাতে আমি আর যদি থাকি তবে আমি যাদব চকোস্তীর ছেলেই না—এই যা বললাম !” মাধব কাপড়ের খুঁট আঁটিয়া উঠিয়া দাঁড়াইল।

“এই যে খুড়ো, সকালেই কিরেছ দেখ্ছি। এত চোঁচোঁচোঁ কিসের” বলিয়া ধীরে উঠানে আসিয়া দাঁড়াইল।

“এই দেখ্ না ধীরু, কত কষ্ট করে শিরোমণির হাতে পায়ে ধরে—বুঝলি কি না ধীরু বাবা,—সেই সম্বন্ধটা পাকা করলাম, বিয়ের দিন পর্যন্ত ঠিক হয়ে গেল, এখন বোন আমার গায়ের মাস টেনে ছিঁড়ছেন!—কালের ধর্ম আর যাবে কোথায় রে !”

দিগম্বরী বিরক্ত হইয়া কহিলেন, “কি আর বলেছি দাদা, যে, চোঁচোঁ পাড়া মাথায় করছ ? পেটের মেয়ে, দশটা-পাঁচটা নয়—একটা মেয়ে ! তাই বলছিলাম, পাত্রে বয়েসটা”—

মুখ বিকৃত করিয়া মাধব কহিল, “পাত্রে বয়েসটা, পাত্রে বয়েসটা, একশ’বার ঐ কথা ধরে বসেছে। ব্যাটা-ছেলের আবার বয়েস কিরে ?—তাতে আবার কুলীন ! তোর মেয়ের বাবার ভাগ্য যে জগদীশ-মুখুডো জমিদারের হাতে পড়ছে—এই জানিস !” রাগে কাঁপিতে কাঁপিতে মাধব চক্রবর্তী বহির্বাটীতে চলিয়া গেল।

দিগম্বরী একটা দীর্ঘনিশ্বাস ছাড়িলেন। কল্যাণী এতক্ষণ দরজার পাশে দাঁড়াইয়া সমস্ত কথাই শুনিতেন। ধীরে

আসিতেই, সে বারান্দায় আসিয়া কোষাকুণি টাট প্রভৃতি পূজার সরঞ্জাম শুছাইবার অবকাশে নিয়ন্ত্রণে বলিল, “চুপ কর মা !”

ধীরু আসিয়া দাওয়ার উপর বসিল। সকলেই নীরব। কিছুক্ষণ চুপ করিয়া থাকিয়া ধীরু নিস্তরতা ভঙ্গ করিয়া কহিল, “তাহলে ওখানে কলির বিয়ে দিচ্ছ না পিসিমা ?”

কল্যাণী পূজার সাজ নইয়া সেখান হইতে চলিয়া গেল। দিগম্বরী হতাশভাবে বলিলেন, “আর না দিয়েই বা কি করি বাবা ? যখন একটা কাণাকড়িও আমার সম্বন্ধ নেই, ভায়ের গলগ্রহ হয়ে আজীবন পড়ে আছি, তখন আর এত বাহুতে গেলে চলবে কেন ? মেয়ের বরতে যা আছে তাই হ’বে—কি করব ?”

কথাগুলি ধীরু প্রাণে বাজিল। কি জানি কেন—একটা দুঃখের বেদনা তাহার অন্তরকে পীড়ন করিল। কিন্তু সে ভাব চাপা দিয়া ধীরু কহিল, “পিসি, নিশ্চয় এ ভবিষ্যৎ। আর আগে থেকে এমন খারাপটাই বা ভেবে নিচ্ছ কেন ?” সহসা আঘাত প্রাপ্ত একটা বিড়াল কাতর স্বরে “মিউ মিউ” শব্দে ঘর হইতে বাহিরে লাফাইয়া পড়িতেই, ধীরুর দৃষ্টি সেই দিকে পড়িল। ধীরু দেখিল, চৌকাঠের পাশে কপাটের এক পাল্লার আড়ালে হেলান দিয়া কল্যাণী বসিয়া আছে,—আর একটা রুদ্ধ অভিমান এবং প্রচ্ছন্ন বেদনা-মাখান অপলক দৃষ্টি স্থিরভাবে তাহার মুখের উপর জুস্ত ! ধীরু চোখ ফিরাইয়া লইল।

দিগম্বরী কহিলেন, “এই মাসের : এই দিন ঠিক হয়েছে। তাহলে এই কটা দিন ধীরু একটু কষ্ট করে খেটে খুটে সব জোগাড় করে ফেল বাবা !—দাদা একলা মানুষ—”

“কিন্তু আমি যে গায়ে থাকছি না পিসি।”

দিগম্বরী বিস্মিত দৃষ্টিতে ধীরুর দিকে চাহিয়া কহিলেন— “সে কি রে ? কোথায় যাবি ?”

ধীরু উদাস কণ্ঠে কহিল, “যেখানে অদৃষ্ট আমার টেনে নিয়ে যায়।”

“ক্যাপা ছেলে ! আজ বাদে কাল কলির বিয়ে, তুই থাকবি নে—কি করে কি হবে রে ?”

ধীরু গম্ভীর ভাবে কহিল, “তাই ভাবছি !”

দিগম্বরী হাসিয়া কহিলেন, “তোর যত বাজে ভাবনা ! ওসব খেয়াল ছাড়।”

ধীরু দিগম্বরীর দিকে চাহিয়া দৃঢ়ভাবে কহিল, “না পিসি, সত্যি! মেজদা আজ বলেছে—ও-বাড়ীতে আমার আর জায়গা হবে না।”

• কল্যাণী ঘর হইতে বাহিরে আসিয়া বসিল।

দিগম্বরী ক্রী কুঞ্চিত করিয়া কহিলেন, “জায়গা হবে না কেন?”

“বাড়ী তাঁর—আবার কেন কি?—তাঁর বাড়ীতে তিনি থাকতে দেবেন না।”

দিগম্বরী একটা দীর্ঘশ্বাস ফেলিয়া কহিলেন, “বাড়ী তাঁর একারই বা হ’ল কি করে, তা’ত জানি না!—আর তাই বলে কি মার পেটের ভাই হয়ে ভাইকে পথে বসাবে! তা এখন কি করবি মনে করেছিস?”

ধীরু হাসির ভঙ্গিতে মুখখানা বিকৃত করিয়া কহিল, “যা হয় একটা কিছু করে নেওয়া যাবে। ও তুমি কিছু ভেব না পিসি! আমার ভাবনা আমি নিজেই কোন দিন ভাবিনি—আর ভেবে কি মানুষ কিছু করতে পারে?”

কল্যাণী রুদ্ধ কণ্ঠে কহিল, “কিছু না—তার চেয়ে না ভেবে পবন নিশ্চিন্ত মনে লোকেব অশ্রদ্ধা কুড়িয়ে ঘুরে ঘুরে বেড়ান চেষ্টা ভাগ।”

ধীরু কোন জবাব দিল না। কল্যাণীর কথাগুলোর মধ্যে শ্লেষ থাকিলেও, যে প্রচ্ছন্ন ব্যথাটা তার সঙ্গে জড়িত ছিল সেইটেই ধীরুকে বেশী আঘাত করিল। দিগম্বরী চুঃখের সঙ্গিত কহিলেন, “সত্যি ধীরু, তুই যদি বাবা এমন না হয়ে একটু মনোযোগ করতিন তা’হলে আজ ভাবনা কি ছিল? কলিকৈ কি তাহলে এমন ক’বে”—কল্যাণীর মুখ চোখ দিয়া আগুন ছুটিল,—সে তাড়াতাড়ি ঘরের ভিতর ছুটিয়া যাইতেই, চৌকাঠে আঘাত লাগিয়া নেকের বসিয়া পড়িল। দিগম্বরী কল্যাণীর পানে চাহিয়া আঁচল দিয়া চক্ষু মুছিলেন।

ধীরুকে কে যেন সপাং করিয়া চাবুক মারিল! বিশ্বের সমস্ত বেদনা, পীড়ন একসঙ্গে দল বাধিয়া আসিয়া তাকে এমন ভীষণ ভাবে ঘিরিয়া দাঁড়াইল, যাহার জগৎ সে মোটেই প্রস্তুত ছিল না। নিজেকে এমন অসহায়, বিপন্ন আর কখনো সে অনুভব করে নাই। ধীরু তাহার সমস্ত শক্তি কণ্ঠে পুঞ্জীভূত করিয়া রুদ্ধনিশ্বাসে কহিল, “বাজে কথা ছাড়, এখন আমার চাণ্ডি ভাত দিতে পারবে?—বাড়ীতে থাক না, সেই জগ্ৰেই তোমাদের বাড়ীতে এলাম!”

“বেশ করেছিস—এ কি তোর পরের বাড়ী? ও কলি, কলি”—

কল্যাণী ঘর হইতে উত্তর দিল, “কেন?”

দিগম্বরী কহিলেন—“ধীরু এখানে থাকে। একটু তেল আর গামছাখানা এনে দে মা, নেয়ে আশুক।”

ধীরু কহিল, “না, আমি আর নাইব না, আজ সকাল বেলাতেই গঙ্গামান করেছি।”

কল্যাণী বাহিরে আসিয়া মুখে চোখে একটু প্রকুল্লতা আনিয়া হাসিয়া কহিল, “সেকি! আজ যে হঠাৎ বড় গঙ্গা নেয়ে পুণিয়া করে ফেল্লো? ও বালাই ত তোমার ছিল না—চিরকাল ত ঘোষেদের পচা পুকুরই তোলপাড় করেছ।”

ধীরু হাসিয়া কহিল, “তা সত্যি। তবে কাল রাতে ডোমপাড়ার মতি কাওরা কলেরা হয়ে মারা যায়! তাদের এখান থেকে ফেরবার সময় হরিবাগ্দির সঙ্গে দেখা। বলল—লোক জুটেছে না। তাকে দাচ করতে গিয়েছিলাম।”

দিগম্বরী গালে হাত দিয়া বিস্মিত কণ্ঠে কহিলেন, “সে কি দে! একে কলেরা হয়ে মরেছে, তাতে আবার কাওরার মড়া! তুই তা’কে অজ্ঞান বদনে পুড়িয়ে এলি? এমনি গৌঁয়ারতুমি করেই কোন্ দিন প্রাণটা হারাবি!”

ধীরু ম্লান হাশ্বে কহিল, “আমার প্রাণের কোন দাম নেই পিসি! কাজেই সেটা গেলে লাভ ছাড়া লোকসান নেই!”

কল্যাণী সেখান হইতে উঠিয়া ধীরে ধীরে রান্নাঘরে গেল। মাঝে চক্রবর্তী পুনরায় আসিয়া কহিলেন, “তাহলে দিগে, আমি কাল ধীরুকে নিয়ে কল্কেতা যাই,—বিয়ের জিনিস-পত্রগুলো সব কিনে আনি?”

দিগম্বরী কহিলেন, “হ্যাঁ দাদা, আর দিন কই? মাঝে ত মোটে ৫টা দিন আছে।”

মাধব দাওয়ার উপরে উঠিয়া কহিলেন, “বেশ কথা! তা’হলে একটা ফর্দ করে ফেলা যাক—“বলিয়া ঘরের ভিতর হইতে একটা মেটে দোয়াত ও শরের কলম আনিয়া ফর্দ করিতে বসিলেন।

কল্যাণী রান্নাঘরের দাওয়ায় ঠাই করিয়া ভাত বাড়িয়া উচ্চকণ্ঠে কহিল, “ভাত দিয়েছি।”

ধীরু ধীরে ধীরে গিয়া আসন বসিল, এবং আহ্বারের পূর্বেই ঢক্ঢক্ করিয়া গেলাসের সবটুকু জল একেবারে নিঃশেষে খাইয়া ফেলিল। কল্যাণী বিস্মিত দৃষ্টিতে চাহিয়া

কহিল, “একি, ভাত খাবার আগেই এক গ্লাস জল খেয়ে নিলে যে।”

ধীরু কল্যাণীর দিকে চাহিয়া কহিল, “যে তেষ্ঠাটাই পেয়েছিল।” ধীরু আহায়ে প্রবৃত্ত হইল।

কল্যাণী কোন কথা না বলিয়া উঠিয়া গেল, এবং একখানা ছোট পাখা আনিয়া ধীরুর সম্মুখে বসিয়া ধীরে ধীরে বাতাস করিতে লাগিল।

ধীরু লজ্জাবিজড়িত ব্যস্ততা সহকারে কহিল, “থাক, থাক, আর পাখার দরকার নেই,—গরম ভাত খাওয়া আমার অভ্যাস আছে।”

কল্যাণী বাধা দিয়া কহিল, “তা থাক, কিন্তু মাছি খাওয়া ত অভ্যাস নেই,—দেখছ না চারিদিকে কত মাছি ভন্ ভন্ করছে”—

ধীরুকে খাওয়ান আজ যেন কল্যাণীর কাছে একটা নুতন কিছু বলিয়া মনে হইতে লাগিল। পূর্বে সে কত দিন তাহাদের বাড়ীতে স্বচ্ছায় অনাহৃত অবস্থায় খাইয়া গিয়াছে, কিন্তু এতখানি ঘন করিবার প্রয়াস সে কোন দিনও করে নাই। আর আজ..... তার সুপ্ত বাদনা কোন্ এক অজানা ব্যর্থতার কঠিন স্পর্শে জাগিয়া উঠিয়াছে।

কল্যাণী কতকটা অন্তমনস্ক ভাবে কহিল, “সত্যিই কি গাঁ ছেড়ে যাচ্ছ?”

“হ্যাঁ—যেতেই হচ্ছে।”.....থালার ভাত গুলো নাড়াচাড়া করিতে করিতে ধীরু পুনরায় কহিল, “আজই যেতাম, কিন্তু বিয়েতে না থাকলে আবার”—

ধীরুর কথা শেষ করিতে না দিয়াই কল্যাণী কহিল, “ফিরবে কবে?”

অন্তমনস্ক ভাবে ধীরু কহিল, “জানি না।”

“তার মানে?”

ধীরু গম্ভীরভাবে কহিল, “বোধ হয় আর ফিরব না।” গলার ভাত বকে বাধিয়া যাইতে সে তাড়াতাড়ি মুখ তুলিয়া কল্যাণীর দিকে চাহিয়া কহিল, “আমায় আর এক গ্লাস জল দাও ত।”

জলের পাত্র নিকটেই ছিল। কল্যাণী জল গড়াইতে গড়াইতে নতমুখে কহিল, “তা’হলে আমাদের মায়াও কাটালে?”

ধীরু জল খাইয়া গেলাসটা রাখিয়া দিল। গ্রাম ছাড়িয়া

চলিয়া যাওয়াই উপস্থিত যেন তাহার সবচেয়ে বড় কাজ। একটা ত্যাগের শাস্তি সহস্র দুঃখের ভিতর দিয়া তাহাকে সুখের সন্ধান বলিয়া দিয়াছে। সে আজ দৃঢ়, অবিচলিত। ধীরু আর খাইতে পারিল না, শুধু থালার ভাতগুলি লইয়া নাড়াচাড়া করিতে লাগিল।

কল্যাণী ধীরুর এতখানি উদাস ভাব জীবনে এই প্রথম লক্ষ্য করিল। কি যেন কিসের একটা তাঁর আঘাত তাহার ক্ষুদ্র অন্তরখানি বেদনায় ভরাইয়া দিল। সহস্র আবেগ-উৎকণ্ঠা একসঙ্গে আসিয়া তাহার বুক জুড়িয়া বসিল। সে কাঁদন-ভরা সুরে কহিল, “এত নিদ্রু তুমি কি করে হ’লে ধীরুদা।”

ধীরু বিস্মিত হইয়া কল্যাণীর দিকে চাহিয়া দেখিল, তাহার চক্ষু ছটা অশ্রুসজল। ধীরুকে শত বৃশ্চিক যেন একসঙ্গে দংশন করিল,—সে আসন ছাড়িয়া হঠাৎ উঠিয়া পড়িল।

উঠানের ওপার হইতে দিগম্বরী তাড়াতাড়ি কহিয়া উঠিলেন, “ও কি বে, উঠে পড়লি যে। বোস, বোস, হবি গয়লাব নতুন গাই বিত মছে,—তাই আজ একটু ছুধ দিয়ে গেছে,—পাটানী দিয়ে বা। বা’ কলি, এনে দে।”

ধীরু কহিল, “ভয়ানক পেট ভরে গেছে পিসি!—আর জায়গা নেই”—বলিয়া পুকুর ঘাটে হাত মুখ ধুইতে গেল। কল্যাণী কিছু না বলিয়া তাড়াতাড়ি এঁটো থালা, বাটা, গেলাস লইয়া ধীরুর পশ্চাতে চলিল। ধীরু একবার পশ্চাতে চাহিয়া ঘাটে না গিয়া একটু দূবে আ-বাটাঘর নামিয়া সুপ ধুইতে লাগিল।

কল্যাণী ঘাটে আসিয়া, জলে থালাপানা ডুবাইয়া, ব্যথিত দৃষ্টিতে ধীরুর দিকে চাহিয়া কহিল, “ঘাটে হাত-মুখ না ধুয়ে, কাঁটা ভেঙ্গে ওখানে ঘাবার মানে?”

“অত কৈফিয়ত আমি দিতে পারি না” বলিয়া ধীরু নতদনে চলিয়া গেল।

মানুষের মন এমন করিয়াই মানুষকে দেখিতে পায়ে। ধীরুই তাহাদের কে? কেনই বা তাহার বিচ্ছেদজনিত দুঃখের চিন্তা তাহাকে এমন করিয়া পীড়ন করিতেছে? কেনই বা তাহাকে ধরিয়া রাখিবার জন্ত এতখানি আগ্রহ, এসব মানসিক প্রশ্নের জবাব কল্যাণী মনের মধ্যে খুঁজিয়া পাইল না। কেবল একটা অব্যক্ত বেদনার কঠিন চাপ তাহার বুক বসিয়া

রাজ্য করিতে লাগিল। শাসনের তীক্ষ্ণ খোঁচায় সে তাহার কোমল প্রাণকে ক্ষত-বিক্ষত করিয়া তুলিল। তপ্ত অশ্রু কিন্তু বাধা মানিল না,—তুই গণ্ড বাহিয়া পুকুরের শীতল জলে ফোঁটার ফোঁটার পড়িতে লাগিল—হাঁটুর উপর চিবুক রাখিয়া এই স্নীহব ক্রন্দনের ভিতরেই কল্যাণী তাহার হাতের কাজ শেষ করিয়া ক্ষুণ্ণ মনে গৃহে ফিরিল।

৪

সকালে দিগম্বরী ঠাকুরাণী কল্যাণীকে বলিলেন, “আজ একাদশী। আমি গঙ্গা নেয়ে শ্রামের মন্দিরে যাচ্ছি কলি, তুই ততক্ষণ চারটে চালে-ডালে মিশিয়ে তোর মতন খিচুড়ী করে খা—দাদা যদি ওবেলা আসে”—

কল্যাণী ইতস্ততঃ করিয়া কহিল, “ভাঁড়ারে চাল বাড়ন্ত।”

কল্যাণীর মাতা একটু ইতস্ততঃ করিয়া কহিলেন, “তবে ধীরেনদের বাড়ী থেকে বরং ছুটো চাল ধার করে আনিম্”—

কল্যাণী বিরক্ত ভাবে বলিল, “আমি পারব না মা। না খেয়ে থাকুব সেও ভাল, তবু ওদের বাড়ীতে আমি চাল চাইতে যেতে পারব না।”

“আচ্ছা, আমিই না হয় যাব’খন। তুই বাসন ক’খানা চট করে মেজে নিয়ে আয়।” দিগম্বরী ঠাকুরাণী তাঁহার জপের মালা-ছড়া হাতে করিয়া চলিয়া গেলেন।

কল্যাণী তখন রকের উপর বসিয়া ছিল। বাঁশ ঝাড়ের ফাঁক দিয়া খানিকটা রৌদ্র আসিয়া তাহার চারিদিকে পড়িয়াছে। তেঁতুলগাছের অন্তরাল হইতে একটা পাখী ডাকিয়া উঠিল, “চোখ গেল।” কল্যাণী বাঁশ-ঝাড়ের দিকে চাহিয়া দেখিল, রৌপ্যাক্ত সূর্য্যকিরণ গাছের উচু মাথা ছাপাইয়া এখানে সেখানে এক এক টুকরা প্রভাতের বৃন্তচ্যুত শেফালির মত মাটির বুকে ছড়াইয়া রহিয়াছে। কল্যাণী একটা স্নগভীর নিশ্বাস ফেলিয়া তাহার জীবনের পাতাগুলির উপর চোখ বুলাইয়া চলিল। ছেলেবেলা থেকে মামা মাধব চক্রবর্তীকে আশ্রয় করিয়া মাতা-পুত্রীতে আজ ষোড়শবর্ষ এইখানে পড়িয়া আছে। পিতাকে সে কখনও দেখে নাই,—কেবল মার মুখে শুনিয়াছিল, তিনি না কি মহাকুলীন্ পণ্ডিত ছিলেন; এবং তাঁহার মৃত্যুতে ৮১০টি নারী এক দিনে এক সঙ্গে হাতের নোয়া খুলিয়া, সিঁধির সিন্দুর মুছিয়া, কোলিল্পের জয়ঢাক ভাল করিয়া বাজাইয়াছিল। তাহার মাতাও না কি ইহাদের মধ্যে একজন। কিঞ্চিৎ

ব্রহ্মোত্তরভোগী মামা মাধব চক্রবর্তী ছ’চার ঘর যজ্ঞমানের অমুগ্রহে যাহা কিছু সামান্ত উপায় করিতেন, মোটা ভাত মোটা কাপড় তাহাতেই চলিয়া যাইত। মাধব অপুত্রক ও বিপত্নীক ছিল। কাজেই তাহার সমস্ত স্নেহটা ভাগ্যী কল্যাণীর উপরেই স্থায়ী বন্দোবস্ত করিয়া লইয়াছিল। কল্যাণীর বিবাহের কথা উঠিতেই মাধব চক্রবর্তী ভগ্নীকে জোর গলায় আশ্বাস দিয়া বলিতেন, “এই গায়েই পাত্র আমার ঠিক করা আছে। তোকে কিছু ভাবতে হবে না বোন।” কল্যাণীর অধরে একটা মৃদু হাস্য-রেখা ফুটয়া উঠিত। কত দিন সে আনমনে কল্পনার পটে বাসনার তুলি দিয়া আপনার ভবিষ্যৎ জীবনের রঙীন ছবি আঁকিতে বসিত। কেমন করিয়া সে তাহার গৃহস্থালী পাতিবে—নিজের সমস্ত সত্তাটি ওই আপন-ভোলা লোকটির সঙ্গে মিশাইয়া তাহার ভালমন্দ, শুভাশুভের সকল বোঝাই নিজের মাথায় তুলিয়া লইবে—ওই উদার, স্নেহশীল, সরল হৃদয়ের সমস্ত জ্ঞানিমা, সমস্ত মানি সে তাহার ভালবাসা দিয়া ধুইয়া মুছিয়া দিবে!

আজ কল্যাণীর অন্তরটা হাহাকারে ভরিয়া উঠিল। যে সোণার স্বপনে মগ্ন হইয়া সে এত দিন প্রতীক্ষা করিতেছিল, বাস্তবের কঠিন আঘাতে আজ তাহা ভাঙিয়া গেল। ভবিষ্যতের এক সন্ধ্যালোকের মাঝে নিজেকে লাল চেলী পরাইয়া একজন ৫০ বৎসর বয়স্ক বৃদ্ধের পাশে দাঁড় করাইতেই তাহার চারিধারের আলোক-রেখার উপর কে যেন একরাশ গাঢ় অন্ধকার ছড়াইয়া দিল। ওই স্থবির, কম্পমান বৃদ্ধের লালসার আগুনে তাহাকে আহুতি দিতে হইবে! দেহের অপমানে হৃদয় বধন কোভে, অভিমানে ভাঙিয়া পড়িবে, ওই লোকটা তখন তাহার কোনই খবর রাখিবে না,—পরম নিশ্চিন্ত মনে দিনের পর দিন তাহার দেহের উপর লালসার কালো ছাপ লেপিয়া দিয়া যাইবে। সে একটা কথাও বলিতে পারিবে না, বাধা দিতে পারিবে না! একটা অমুঠান ও গোটাকতক সংস্কৃত কথার জোরে ওই লোকটা তাহার সর্ব্বস্ব দখল করিয়া আজীবন বসিয়া থাকিবে! অথচ এই আত্মবিক্রম সে নিজে হইতে করিতেছে না, এবং তাহার মত লওয়ার কেহ কোন প্রয়োজন বোধ করে না।—কিন্তু এই মরণ-মন্ত্রে দীক্ষিত হইয়া তাহাকে মারা জীবন জলন্ত আগুনে পুড়িয়া মরিতে হইবে! কল্যাণীর চোখ দু’টা জ্বালা করিয়া তপ্ত অশ্রু বরিয়া পড়িল।

একটা মেয়ে এমন সময়ে পশ্চাৎ হইতে আসিয়া কল্যাণীর পিঠে একটা চাপড় মারিয়া কহিল, “কি সুই, বরের ভাবনার এতই তন্নর যে, রান্নাঘরে ঢুকে কুকুরে হাঁড়ি খাচ্ছে দেখতে পাচ্ছ না।”

কল্যাণী শুক হাসি হাসিয়া কহিল, “দেখছ না, ঘুম হচ্ছে না!—তার পর কবে এলি স্বর্ণ?”

স্বর্ণ কহিল, “এই ত কাল।”

কল্যাণী একটু হাসিয়া বলিল, “বর যে বড় ছেড়ে দিলে?”

স্বর্ণ হাসিয়া কহিল, “পুরানো হলে কি আর ভাল লাগে?”

কল্যাণী শুক কণ্ঠে বলিল, “কি জানি ভাই, ওসব বুঝি না।”

“আহা ছুঃখ কেন—হলেই জানবে” বলিয়া স্বর্ণ কল্যাণীর গাল টিপিয়া দিল।

“নে সন্ন—কত কাজ বাকী আছে দেখেছিস্।”

স্বর্ণ কহিল, “সত্যি, এত বেলা হ’ল, এখনও কাজপাট সারা হয় নি? রান্না চড়াস্ নি?”

“মার আজ একাদশী। তিনি শ্রামের মন্দিরে গেছেন। মামাও বাড়ী নেই। কাজেই আমার একার জন্তে আর রাধতে যাই কেন? যা হয় ব্যবস্থা হবে’খন।”

স্বর্ণ কল্যাণীর গলা জড়াইয়া বলিল, “তা ব্যবস্থাটা আমাদের বাড়ী করেই আমরা কৃতার্থ কর না কেন?”

“না ভাই, আমার শরীরটাও ভাল নেই—যা হয় শুক্ন শাকনা খেলেই চলবে।”

স্বর্ণ হাসিয়া কহিল—“শরীর ত বেশই আছে দেখছি,—মনটাই কিছু গোলমাল বাধিয়েছে। ওসব শুক্ন না, তোমাকে যেতেই হবে। বল ত মাসীমাকেও বলে যাচ্ছি।”

“না—না, তার দরকার নেই”—এমন সময়ে দিগম্বরী ঠাকুরাণী বাড়ী ঢুকিতে ঢুকিতে কহিলেন, “হ্যাঁ কলি, এত বেলা অবধি সব পড়ে আছে—কিছুই করিস্ নি!”

কল্যাণী হাসিয়া কহিল, “স্বর্ণের সঙ্গে গল্প করতে করতে দেয়ী হয়ে গেল মা।”

স্বর্ণ কল্যাণীর দিকে একবার চাহিয়া মুখ টিপিয়া হাসিয়া কহিল, “সত্যি মাসীমা, ওর দোষ নেই,—আমিই ওকে

আটকে রেখে কাজ করতে দিইনি। ও এবেলা আমাদের বাড়ীতেই থাকে।”

কল্যাণী বাধা দিয়া কহিল, “আজ থাক না ভাই, আর এক দিন না হয় খেলেই হবে।”

স্বর্ণ একটু অভিমান-ভরা গলায় কহিল, “শোন মাসীমা, কলি বলছে থাকে না—তা হলে আমি”—বলিয়া স্বর্ণ উঠিয়া দাঁড়াইল।

দিগম্বরী ঠাকুরাণী হাসিয়া কহিলেন, “দেখতে শুনতে কলি এখন একটু বড়সড় হয়েছে কি না, তাই আর কোথাও যেতে চায় না। তা তোরা ত আমার পর ন’স—ও যাবে’খন।” দিগম্বরী ঠাকুরাণী ঘরের ভিতর চলিয়া গেলেন।

স্বর্ণ কল্যাণীর গলা ধরিয়া কহিল, “কেমন—এখন ত হ’ল?” ইতিমধ্যে দিগম্বরী ঠাকুরাণী একবাটা মুড়ি ও কয়েকটা নারিকেল নাড়ু আনিয়া কহিলেন, “নে সোণা, এই জলপান দুটো খা। এত দিন বাদে বিয়ের পর এলি—খালি মুখে যাবি? তা স্বস্তুরবাড়ী থেকে কখন এলি?”

“কাল সন্ধ্যা বেলা” এই কথা বলিয়া স্বর্ণ দিগম্বরী ঠাকুরাণীর পায়ের ধূলা লইল।

“থাক্, থাক্—জন্ম এমোদ্বী হও মা” বলিয়া দিগম্বরী স্বর্ণর চিবুক স্পর্শ করিয়া কহিলেন, “জামাই ভাল আছে ত?” স্বর্ণ ঘাড় হেলাইয়া মুখ নত করিল।

“কলির বিয়ের ঠিক হয়ে গেল মাসী?”

“হ্যাঁ বাছা।”

“ধীরুদার সঙ্গে ত।”

দিগম্বরী বাধা দিয়া কহিলেন—“ওখানে আর হল না, মা।”

“কেন?”

“ওরা মা বড়লোক,—তেমন গা করছে না। খাণ্ডী নেই, জায়ের সংসার। তার পর ভেবে দেখলুম, ওদের মেজবউ তেমন মানুষ ভাল নয়,—কাজেই আর এগুলুম না।”

কল্যাণী উঠিয়া রান্নাঘরের দিকে গেল। রান্নাঘর হইতে বাসনের গোছা লইয়া উঠানে নামিতেই, স্বর্ণ তাহার পশ্চাতে আসিল। ঘাটের চাতালে বাসনগুলো রাখিয়া কল্যাণী বলিল, “তুই ওই কাঠের শুঁড়ির উপর বোস্—আমি বাসন ক’খানা মেজে নি।”

স্বর্ণ কহিল, “আয় না, ছজনায় হাতাহাতি করে মেজে নি। তা’হলে শীগগির হবে।”

“না—তুই তোর গল্প বল, আমি শুনতে শুনতে মেজে নি।”

স্বর্ণ কি বলিয়া তাহার স্বামীর কথা পাড়িবে, কোন্ দিনের কোন্ ঘটনা, কখনকার কি কথা আরম্ভ করিয়া সে তার গল্পের সূচনা করিবে, কিছুই ঠিক করিতে পারিতেছিল না। শশুরবাড়ী, স্বামীর ঘর, আনন্দের সংসার—কত আশা-আকাঙ্ক্ষার ভরা সেখানকার প্রত্যেক বস্তুটী! রাশি রাশি কথা এলোমেলো ভাবে তাহার মনের মধ্যে পাকু খাইয়া গেল! সেই মেটে-পাঁচিল-ঘেরা বকবকে বাড়ী, ধবধবে উঠানের পাশে সারি সারি খড়ের টুপী-পরা গোল ধানের গোলা, পার্শ্বে তুলসীমঞ্চ, বাহিরে চণ্ডীমণ্ডপ, ফুলবাগান..... ইত্যাদি তাহার চোখের উপর ভাসিয়া উঠিল। একটা অতিবড় স্নেহের চিন্তা তাহাকে মুক, অন্ধ এবং বধির করিয়া কত দূরে ভাসাইয়া লইয়া চলিল, তাহা সে বুঝিতে পারিল না; শুধু একটা উদাস পলকহীন চাহনি বাহুজগতে পড়িয়া রহিল মাত্র।

স্বর্ণের এই ভাব-তন্ময় উদাস দৃষ্টি, পুলক-সঞ্চারিত মুহু হাসির ক্ষীণ-রেখা চোখ-মুখে ফুটিতে দেখিয়া কল্যাণী কিছুক্ষণ অবাক হইয়া তাহার মুখের দিকে চাহিয়া থাকিয়া ভাবিতে লাগিল, যে কথা শুনিলার জন্ম সে আজ এত ব্যগ্র হইয়া অপেক্ষা করিতেছে, প্রাণের সমস্ত বাসনাকে একসঙ্গে বাধিয়া শ্রবণের দুয়ারে জড় করিয়া রাখিয়াছে, সে প্রসঙ্গ তাহার কাছে কত মধুর, কত লোভনীয়,—বিবাহিতা স্বর্ণ হয় ত তাহা বুঝিতে পারে নাই, বা বুঝিবার ইচ্ছাও তাহার নাই। তাই সে আপনার সুখ-চিন্তায় আপনিই ডুবিয়া রহিয়াছে।..... হয় স্ত্রীলোকের বিবাহের সঙ্গে সঙ্গেই এতখানি পরিবর্তন আসিতে পারে, এ কথা কল্যাণী কল্পনাও করিতে পারিল না। একটা দীর্ঘনিশ্বাস ফেলিয়া হাতের আধমাজা বাসনের দিকে দৃষ্টি ফিরাইয়া ক্ষুণ্ণস্বরে স্বর্ণকে কহিল, “তা ভাই, তুই কেন মিছিমিছি রোদে বসে কষ্ট পাস, তুই বাড়ী যা।”

স্বর্ণ অপ্রতিভ হইয়া কহিল, “না, না—রাগ করিসনি ভাই, সত্যিই আমি সেই কথাই ভাবছিলাম।” তার পর সে বাসরঘর, ফুলশয্যা হইতে আরম্ভ করিয়া তাহার বাপের বাড়ী আসার পূর্বক্ষণ পর্য্যন্ত বরের কথা একে একে কহিতে লাগিল। স্বামীর আদর-যত্ন, ভালবাসার কত কথা, দিনের বেলায় ছুতানাতার পান চুণ জল লওয়ার অজুহাতে যখন-

তখন অন্তরে আসা-নাওয়া, কখনো বা ভুলক্রমে নববধুর ঘরে প্রবেশ ও তাড়াতাড়ি চকিত দৃষ্টিনিক্ষেপ ও হাসিয়া প্রশ্নান, দূর হইতে চীৎকার করিয়া বাড়ী মাতাইয়া তোলা এবং ঘন ঘন একোণ সে-কোণে সচকিত দৃষ্টিপাত, মাথা-মুণ্ডহীন সমস্ত-রাত্রিব্যাপী গল্পগুজব, প্রাতে অনিচ্ছায় শয্যা-ত্যাগ... ইত্যাদি কত কথাই কহিতে লাগিল। প্রশ্নের পর প্রশ্ন করিয়া কল্যাণী স্বর্ণের স্বামীর কথা শুনতে লাগিল—যেন তাহার মধ্যে কত মধু, কত মাদকতা। তার পর শশুর-শাশুড়ী প্রভৃতি পাঁচজনের কথা উঠিল। কে কি দিয়া মুখ দেখিল, এই তারের বালা ছুগাছা কে দিয়াছে, গলার হারছড়া ক’ভরির ইত্যাদি একের পর এক করিয়া ষাড় হেলাইয়া, মুখ দোলাইয়া, চোখভঙ্গী করিয়া স্বর্ণ সমস্তই কল্যাণীকে কহিতে লাগিল। নিশ্চল প্রসুর-প্রতিমার মত কল্যাণী স্বর্ণের প্রফুল্ল মুখের দিকে চাহিয়া সে সকল কথা শুধু কাণ দিয়া শুনিল না—প্রাণে প্রাণে অনুভব করিল।

স্বর্ণ তখন ঠিক মাথার উপরে। কল্যাণীর মুখখানি লাল হইয়া উঠিয়াছে; বিন্দু বিন্দু ঘাম মুক্তার মত চূর্ণ-অলক বাহিয়া মুখের উপর আসিয়া পড়িতেছে। পুকুর-পাড়ের ছায়ায় ঢাকা বাঁশঝাড়ের ভিতর হইতে একটা পাখী আপনার খেয়ালে থাকিয়া থাকিয়া হাঁক দিতেছিল—“বউ কথা কও, বউ কথা কও! বউ কথা কও।” হাসি, লজ্জা এবং আনন্দের ভিতর দিয়া গল্প বলা শেষ হইতেই স্বর্ণ উঠিয়া দাঁড়াইল এবং আঁচলখানি কোমরে জড়াইয়া কহিল “তিন ঘণ্টা ধরে ত ভাই গল্প করা গেল, বাসন কিন্তু একখানাও এ পর্য্যন্ত মাজা হল না।”

কল্যাণী একটু লজ্জিত হইয়া চাহিয়া দেখিল, সত্যিই গোছাভরা বাসন যেমনকার তেমনি পড়িয়াই আছে, একখানাও মাজা হয় নাই।

“দে ছুখানা আমার কাছে, হাতাহাতি মেজে ফেলি, বেলা হয়ে গেছে” বলিয়া স্বর্ণ কল্যাণীর নিকটে আসিতেই, কল্যাণী ষাড় নীচু করিয়া মাথা ঝাঁকাইয়া কহিল, “না, না—তোকে মাজতে হবে না, ভারী ত কখানা বাসন, এই ঙ্গাখু আমি দেখতে দেখতে মেজে ফেলুম বলে”—

স্বর্ণ একটু ক্ষুণ্ণভাবে কহিল, “বা খুন্সি কন, শীগুগির নে।”—

কল্যাণী অতি ক্ষিপ্ত হস্তে তাহার কাঁজ সারিয়া লইল; এবং কাপড় কাচিয়া বাসনের গোছা তাহার অর্দ্ধোখিত বাম হাতের উপর রাখিয়া হাসিয়া কহিল—“বাস্, এই ত হয়ে গেল; চল এখন।”

উভয়ে চলিল। স্বর্ণ হাসিয়া কহিল, “আর তোকে পরের মুখ ঝাল খেতে হবে না কলি—তোরও ত ফুল ফুটে উঠেছে। বরের কথা বলবি ত ?”

কল্যাণী অন্তমনস্ক ভাবে উত্তর করিল “বলব।” কিন্তু ভাবিয়া পাইল না—কি তাহাকে বলিতে হইবে। একজন ৫০ বৎসরের পলিত-কেশ, গলিত-বিবেক, লোলচর্ম্ম বৃদ্ধের সহিত তাহার প্রেমালোপ-কাহিনী! যে ব্যক্তি বয়স হিসাবে তাহার প্রায় চতুর্গুণ বড়, যৌবনকে যে প্রায় তিন যুগের পথে ফেলিয়া আসিয়াছে, বার্কক্য যাহাকে ঘিরিয়া বসিয়াছে, তাহার সঙ্গে আবার প্রেম, ভালবাসা, মিলন! কল্যাণীর মন বিদ্রোহী হইয়া উঠিল। লজ্জায়, ঘৃণায়, হুঃখে, রাগে তাহার সমস্ত শরীরের ভিতর দিয়া আগুন ছুটিল! যে সুখের কল্পনাকে সে এত দিন কত ভাবে চিত্রিত করিয়া সারা অস্তর ভরাইয়া রাখিয়াছিল, যাহার গঠন-কার্য্য শৈশব হইতেই মনের কোন্ গোপন কোণে আরম্ভ করিয়া আজ তাহাকে পূর্ণতা দিতে চলিয়াছে, তাহা কি এই! এই অমুষ্ঠানের ভিতর দিয়া তাহার নারী-জীবনের সার্থকতার পথ খুঁজিয়া বাহির করিতে হইবেই! ইহার সঙ্গেই তাহার ইহকালের সুখহুঃখ, আর বুঝি পরকালের সম্বন্ধও জড়িত থাকিব! এই আড়ম্বর যে কতবড় মিথ্যা এবং ইহারই অন্তরালে একজনের যে কতখানি হুঃখের বোঝা সঞ্চিত আছে, তাহা ত কেহই বুঝিবে না! সত্যের মুখোমুখি পরিয়া এই মিথ্যাটাই জয়ী হইয়া আমরণকাল তাহার সর্ব্বস্ব অধিকার করিয়া রাজত্ব করিতে থাকিবে, সে একটা কথাও বলিতে পারিবে না,—ইহাই তাহার সুখের বিবাহিত দীবন!

কল্যাণীর ছই চক্ষু ভরিয়া জল আসিল। সে তাড়াতাড়ি মাথা নীচু করিয়া আঁচল দিয়া চক্ষু মুছিতেই, তাহার হাতের বাসনগুলি মাটিতে পড়িয়া গেল। ঝন্ ঝন্ ঝনাৎ শব্দে চমকিয়া পশ্চাতে ফিরিয়া স্বর্ণ দেখিল, কল্যাণীর হাতের বাসন মাটিতে পড়িয়া গড়াইয়া যাইতেছে। সে ব্যস্তভাবে কহিল, “কি লো কলি, পড়ে গেলি নাকি ?”

“না আমার লাগেনি, হঠাৎ হাত পিছলে বাসনগুলো পড়ে গেল।”

স্বর্ণ হাসিয়া কহিল, “এই ঙ্গাখ কলি, তুই আমার তখন বলছিলি বড়,—এখন দেখলি ত ?—স্বোয়ামীর কথা ভাবতে গেলে মেয়েমানুষকে একেবারে কাণা, কালা, বোবা, পসু হয়েই ভাবতে হয়—নইলে তার সবটুকু ভাবা যায় না।”

কল্যাণী সে কথা আর কোন জবাব দিল না। বাসনগুলো গুছাইয়া পুনরায় তুলিয়া কহিল, “স্বর্ণ, তুই ভাই আর দেরী করিস্ না, বাড়ী যা—অনেক বেলা হয়ে গেল—”

স্বর্ণ গম্ভীরভাবে বাধা দিয়া কহিল, “তুই তা হ’লে যাবি না বল্ ?”

“না গেলে ত তখুনি বলতুম,—তোকে এতক্ষণ আটকে রাখব কেন ?”

“তবে ?”

“একটু দেরী হবে ভাই।”

স্বর্ণ চক্ষু বিস্ফারিত করিয়া কহিল, “আরও দেরী! কেন ?”


“ভিক্রে কাপড়খানা ত ছাড়তে হবে! আর মা পূজোর বসেছেন—উঠলেই আমি যাচ্ছি,—তুই এগো।”

“আসিস্, নইলে কিন্তু এই—’বাড় বাঁকাইয়া একটা কীল দেখাইয়া হাসিতে হাসিতে স্বর্ণ চলিয়া গেল।

কল্যাণী গৃহে প্রবেশ করিল।

( ক্রমশঃ )





ওস্তাদজির সর্বস্ব

শিলা—শিবুত পূর্ণচন্দ্র চক্রবর্তী

Bharatvarsha Halftone & Printing Works.





## চরকা প্রচলনে নারীজাতির কর্তব্য

শ্রীনগেন্দ্রনাথ ভট্টাচার্য্য

চরকার মত একটা জিনিস যে কেন দেশের সাধারণ লোক ধরিতে চাহিতেছেন না—এ একটা মস্ত রহস্যের মত। যে দেশের লোকের গড়-পড়তার দৈনিক আয় কয়েক পরসী মাত্র, সে দেশ হইতে বৎসরে বহু কোটি টাকা বিদেশী বস্ত্রের বিনিময়ে সমুদ্রপারে চলিয়া যাওয়া দেশের পক্ষে কত প্রাণ-ঘাতক তাহা কি ভাবিবার কথা নহে? সকল বিদেশী পণ্যের হিসাব খতাইলে ঐ অঙ্কটা যে কোথায় উঠে তাহা ভাবিতে প্রাণ কঁপিত হয়। এ সম্বন্ধে আচার্য্য প্রফুল্লচন্দ্র বহুবার বিস্তৃত আলোচনা করিয়াছেন। এই সব বড় বড় কথা আমরা ঠিক ঠিক হৃদয়ঙ্গম করিতে পারি কি না সন্দেহ। কারণ, তাহা হইলে এত দিন চরকা আন্দোলন সাফল্য-মণ্ডিত হইয়া দেশকে শ্রীমস্ত করিয়া তুলিত। তবে এটা ত আমরা প্রতি দিনকার জীবনযাত্রার বুঝিতেছি যে, অর্থানটনে পরিবারস্থ ছেলে মেয়েদের রীতিমত শিক্ষা দিতে পারিতেছি না, নিতান্ত মুম্বু না হইলে ডাক্তার কবিরাজের ষারস্থ হই না। অর্থের অনটনে সূচিকিৎসা বা পণ্যের অভাবে আত্মীয় পরিজন চকের সম্মুখে ইহলীলার শেখ করিতেছে, সমর সময় পেট ভরিয়া খাওয়াও ছুটিতেছে না। এ সকল ষাচাই করার জন্ত পাণ্ডিত্যের কষ্টপাথরের আবশ্যক হয় না, বড় বড় গ্রন্থ অধ্যয়নের আবশ্যকতা নাই। এসব ব্যাপার আমাদের দৈনন্দিন জীবনে অহরহঃ চকের সম্মুখে প্রত্যক্ষ করিতেছি।

এত সুস্পষ্ট যখন দেশের দারিদ্র্য তখন চরকা ধারণের যৌক্তিকতার জন্ত অর্থ-নীতিজ্ঞ পাণ্ডিত্যের পরণাপন হইতে হইবে কেন? ক্ষেতের ধান, বাগানের তরী তরকারীতে কোনও মতে জীবন-ধারণ চলিতেছে। পেটের ভাতেও টান পড়িত না—যদি না বিদেশী কাপড় প্রভৃতির জন্ত আমাদের গোলার ধান মহাজনের গোলার বিকাইয়া দিতে হইত। এই ভীষণ অন্নসমস্যার সমাধান কোথায়—সে বিষয়েও আচার্য্য দেব যে ঐকান্তিক আলোচনা করিয়াছেন সেজন্ত তিনি প্রণম্য। দেশের নূতন ধনাগমের পছা উদ্ভাবন কিম্বা দেশ হইতে ধনের বহির্গমনের পছারোধ—এই দুই-টাতেই দেশে ধনের আধিক্য ঘটে। দেশে ধনবৃদ্ধির দ্বিতীয় উপায়—চরকা। ইহাতে বিদেশী বস্ত্রের বিনিময়ে দেশের ধন বহির্গমনের পছা-রোধ করিবে। স্বদেশী আন্দোলনের সময় বিলাতি কাপড় বর্জনের চেষ্টা চলিয়াছিল; সে চেষ্টা অনেকাংশে সফলও হইয়াছে। দেশে অনেকগুলি দেশীয় কোম্পানি দ্বারা পরিচালিত কাপড়ের কল বসিয়াছিল। তাহার অনেকগুলি আজিও বেশ চলিতেছে। দেশে ধনা-ধিক্যও ঘটয়াছে। তবে সে ধন মাত্র কতকগুলি ধনীরা ধনভাণ্ডারে স্তূপীকৃত, পুঞ্জীভূত হইতেছে। বিলাস-ব্যসনে ব্যয়িত হইবার মুখে ছিটে-ফোঁটা মাত্র আমাদের ভাগ্যে ছুটিতেছে। মন্দের ভাল এই যে টাকাটা সাগর পারে

বাইতেছে না। সাধারণ লোক ইহাতে ধনের সন্ধান পান নাই। বরং অনেক সময় বিলাতি কাপড়ের তুলনার ধন মিলের বা দেশী কাপড়ের দর অধিক ছিল, তখন দেশাবোধে অনুপ্রাণিত দেশবাসী দেশী শিল্পের রক্ষাকল্পে—অপেক্ষাকৃত উচ্চমূল্যে দেশী কাপড় কিনিয়া ক্ষতিগ্রস্তই হইয়াছেন। অবশ্য মালিক ধনীদেব সহুঙ্কি থাকিলে তাঁহাদের সঞ্চিত ধন অনেক সময় সার্কজনীন মঙ্গলকার্যে ব্যয়িত হইয়া জন সাধারণ উপকৃত হয়। আমাদের দেশে তেমন যে আদৌও হয় নাই তাহা বলি না, কিন্তু যেরূপভাবে এবং যত বেশী হওয়া বাঞ্ছনীয় তাহা হয় নাই। কতকগুলি কাপড়ের কল দেশে স্থাপিত হইয়া—ছ'চার জন মোটা মাহিয়ানার চাকুরিয়াকে বাদ দিলে—সামান্য কতকগুলি শ্রমিক এবং কেরাণীদের কোনও মতে দিন গুজরণ হইতেছে ছাড়া সাধারণ লোকে আর্থিক কোনও উপকার পায় নাই। চরকার এই দিক দিয়া একটা মস্ত বড় সমস্যার সমাধান রহিয়াছে। নিজের কাপড় নিজে বুনিয়া পরিব—যেমন নিজের ক্ষেতে ধান, বাগানে তরিতরকারী অর্জাইয়া দিন গুজরণ করি—এও তাই। বাগবাগিচার আবশ্যকমত দশ-বারটা তুলার গাছ অর্জাইয়া লইতে ৩০।৪০টার না হ'ক বড় জোর এক মুঠা তুলার বীচির আবশ্যক হয়। আর চরকা—তার উপকরণ ত একতাল মাটি! আর খান কয়েক বাঁশের ফালি বা চটি এবং হাত ১০।১২ পাটের দড়ি বা রশি। এই ত চাই মূলধন! সূতা কাটা শিথিতে ত দেখিতেছি ছ'দিনের বেশী সময় লাগে না। এ অবশ্য মোটা সূতা, কিন্তু মোটা সূতারই প্রয়োজনীয়তা বেশী। সরসূতা কাটিতে তুলা খুব ভাল করিয়া পিঁজিতে হয়; মোটা সূতার তেমন—এমন কি আদৌ তুলা পিঁজিতে হয় না। মোটা সূতা যেখানে আট দশটা লাগিবে কাপড় বুননের সময় সরসূতা সেখানে ১৫।২০টা লাগিবে, কি তাহার বেশী। মোটা সূতার গুণ বা দোষ—যিনি যেমন মনে করেন—কাপড় হয় মোটা! বিলাতি মিহি কাপড়ে ধন অভ্যস্ত ছিলাম, সেই স্বদেশী আমলের পূর্বে—তার পর মিলের মোটা কাপড়ে প্রথম প্রথম অনেকের মন উঠে নাই। আনন্দের কথা যে মিলের মোটা কাপড়ে আজকে আর আমাদের দেহকান্তি স্ক্রম হয় না। ও একটা আমাদের অভ্যাসদোষ, বা তাই বা কি করে? যে বাবুর মোটা জিনের কোটপ্যান্টে আপাদমস্তক আবৃত হইয়া অপিসের কার্য

চালাইতে বা এমনি কিছু করিতে হয়, তাঁহার পক্ষে বাহিরের মুক্ত বাতাসে ধকর যে কেন গাঢ়দাহ উপস্থিত করিব বুঝি না। যা' হোক, মোটা সূতার বুননের কাজ আগায় বেশী। সূতরাং সেই দিক থেকে আরম্ভ কর। আমরা ক কোনও বিদেশের বাজারে সূত্ন বস্ত্রের সহিত প্রতিযোগিতা করিতে বাইতেছি না। পরিষ্কার আমাদের ঘরোয়া কথা। যার ক্ষেতে প্রচুর বেগুন অর্জায় তার দরজার গোড়ায় যদি আমেরিকা বা ইয়োরোপ থেকে বেগুনের জাহাজ আসিয়া পরসায় একপল কি এমনি কিছু দর লাগায় ত আমরা কি তাহাতে ফিরিয়া তাকাই! ক্ষেতে যার অশুষ্টি বেগুন সে কেন ভিন্ দেশের বেগুনের জাহাজে লোলুপ দৃষ্টি দিবে? এমনি বিলাইয়া দিলেও আবশ্যক না থাকিলে তাহা আমাদের গৃহে স্থান পাইবে না। যাহা দরকারের বাহিরে তাহার তোয়াক্কা কে রাখে? চরকা বাদেও আর একটা জিনিস আমাদের দরকার। সে হল তাঁত। পাড়াগাঁয়ে এখনও তাঁতের বিশেষ অভাব হয় নাই—ছ'চারখানা দেখিতে পাওয়া যায়। সামান্য কিছু মজুরি দিলে তাঁতীর তাঁতেও কাপড় বোনাইয়া লওয়া চলে। তাহাতেও কাজ না হইলে গাঁয়ে গাঁয়ে অন্ততঃ একখানি করিয়া তাঁত থাকিলেও গাঁয়ের কাপড় বোনার কাজ চলিতে পারে। ধান ভানিবার টেকি ত গাঁয়ের অনেকের থাকে না; তাতে কি কাহারও চাউল ছাঁটাই আটকাইয়া থাকে? একটা তাঁতের দামই বা কত? বড় জোর সাজ-সরঞ্জাম সমেত ২০।২৫ টাকা। আট দশ জন লোক যে পরিবারে, তার কাপড় জামায় বৎসরে অন্ততঃ পক্ষে ১০০।১২৫ টাকা খরচ হয়। বৎসর দুই ঐ টাকটা অবসর সময় ছ'এক ঘণ্টা চরকা ঘুরাইয়া বাগানের তুলার সূতার কাপড় বুনিয়া লইয়া যদি বাঁচাইতে পারা যায়, ত ৫।৭ বৎসরে ঐ গৃহস্থের অবস্থার যে কি পরিবর্তন হইতে পারে তাহা সামান্য একটু চিন্তা করিলেই বোঝা সহজ হয়। মোটা কাপড়ের কথা আদৌ উঠিবে না, যে দিন নিজের চরকার সূতার কাপড় বুনিয়া নিজে বা আত্মীয় স্বজনে পরিধান করেন। তখন সত্যসত্যই মনে হইবে “মায়ের দেওয়া মোটা কাপড় মাথায় তুলে নে রে ভাই।” সে যে কি ভূষণ, কি আনন্দ, তা নিজে হাতে যিনি চরকা ঘুরাইয়াছেন, তিনি ছাড়া অপরকে হৃদয়ঙ্গম করাইবার ভাষা নাই! একটু চিন্তা করিলে মনে হয়, চরকাই আমাদের জাতীয় অর্থনৈতিক মুক্তির একটা প্রধান উপায়। আপামর সাধারণ ইতর ভদ্র

সবাই ইহাতে প্রত্যক্ষ ভাবে উপকৃত হইবেন। কাহাকেও, কাহারও ষারহ বা মুখাপেক্ষী হইতে হইবে না। যে ভিক্ষায়েও জীবন যাপন করে তার কুটারের পাশেও ৫৭টা তুলা গাছের স্থানের অসংস্থান হয় না। এখনকার চরকার অস্তিত্বও তার ষরে অসম্ভব হয় না, যদি সেটার তার চাহিদা থাকে। এমন সোজা সরল জিনিসটা, যাহাতে বিশেষ কোনও আড়ম্বর নাই, দেশের কোটা কোটা লোকের অর্থাভাব যাহাতে দূর হইবে, আর্থিক সচ্ছলতায় রোগে চিকিৎসা, পথ্য মিলিবে, কোমরে মোটা কাপড় পরিয়া পেটে হু মুঠা বেশী অন্ন দিতে পারিবে, অভাব-ক্লিষ্টের মুখে হাসির রেখা ফুটিবে—সেই জিনিসটাতে কেন যে দেশের লোক উন্মুখ হইয়া পড়িল না, এ কথা ভাবিলে মনে হয়, সত্য সত্যই আমরা কি একটা মৃত জাতি? আশা নাই! আকাঙ্ক্ষা নাই! উত্তম নাই! চিরকাল অন্ধ তমসে নিমগ্ন হইয়া রহিব—এই কি জাতির গতি? আলস্যে কাটাইলে চলিবে না। বীর কর্মীর জায় নিজের পায়ে দাঁড়াইতে হইবে, জীবনপণে কর্মসমুদ্রে ঝাঁপ দিতে হইবে। মরণ আসে ত বীরের মরণ, বাঁচি ত বিজয়ী বীরের জয়-মাল্যে বক্ষঃ শোভিত হইবে। লক্ষ্য যখন দেখা যাইতেছে, কিন্তু পন্থা বা সুযোগের সন্ধান মিলিতেছে না, তখনই অতীতের ইতিহাস জাতির অবলম্বনীয় পন্থা নির্দেশ করিয়া দেয়, বলে, এই পথেই এক দিন তুমি চলিয়াছিলে, এই পথেই এক দিন তোমাকে চরমে পৌঁছিয়া দিয়া জয়যুক্ত করিয়াছিল—ইহাই তোমার গন্তব্য। ইতিহাসে ত ইহা জাজ্জগামান রহিয়াছে যে, এক দিন এই চরকার সূতায় তাঁতের কাপড়ে দেশের লোকের বস্ত্রাভাব দূর করিয়া দূর-দেশের চাহিদা যোগাইত। জগতের সঙ্গে সূক্ষ্ম বস্ত্রের প্রতিযোগিতায় আমাদের দেশের মসলিনই ছিল শ্রেষ্ঠ। ঐ চরকা বাহিরের কোনও দেশের লোক আসিয়া ঘুরাইয়া দিত না। আমরাই ঘুরাইতাম, বিশেষ করিয়া আমাদের জননী-কস্তুরাই এ কার্যটা করিতেন। সূতাকাটা তাঁদের নিত্যকর্মের মধ্যে গণ্য ছিল। মোট-মুটী কার্যের ব্যবস্থা ছিল—চরকা চালাইতেন মেয়েরা, তাঁত চালাইতেন পুরুষেরা। তাই তর্কমানে হয়—আজ নব জাগরণের দিনে বিলাসের স্রোতে

গা ভাসাইয়া মেয়েদের চক্ষু নিমীলিত করিয়া থাকিবার দিন নহে। উঠিয়া বসিয়া পূর্বের জায় তাঁদেরই এই চরকার ভার গ্রহণ করিতে হইবে। এ কথা বলি না যে চরকার সাফল্য চেষ্টায় পুরুষ নিশ্চেষ্ট থাকিবেন। বলিতে চাই—চরকা-লক্ষ্মীকে গৃহে প্রতিষ্ঠিত করিতে হইলে তাহাকে বরণ করিয়া লইতে হইবে নারীর। চরকার স্থান বাহিরে নহে। নারীর পশ্চাতে চরকা কখনও সচল হইয়া উঠিবে না। তাহার স্থান শুদ্ধাস্তচারিণী নারীজাতির সম্মুখে! জীবন সংগ্রাম অত্যন্ত কঠোর। তাঁহারা কি দেখিতেছেন না—অর্থাভাবে তাঁদের সন্তানদের শিক্ষাব্যবস্থা হইয়া উঠিতেছে না, পেটে আবশ্যিক মত অন্ন জুটিতেছে না? রোগে ঔষধ-পথ্য না পাইয়া কত সন্তান অকালে ইচ্ছলীলা সংবরণ করিতেছে! সকলেরই মূল অর্থাভাব। চরকার বস্ত্রাভাব দূর হইয়া পরিবারে ধনাধিক্য ঘটবে, ছেলে মেয়েরা ভাল খাইয়া দাইয়া হাসিয়া খেলিয়া নাচিয়া বেড়াইবে, সে কি আনন্দের বিষয় নহে? পুরুষেরা নানা বাহিরের কর্মভারে ভারাক্রান্ত। তাহাদের ভার লাঘব করুন—তবেই না আপনাদের জীবন ধন্য! আজ ‘পল্লীসংস্কার পল্লীসংস্কার’ রব দেশের সর্বত্র শোনা যাইতেছে। বাস্তবিক পল্লীর দীনতার দিকে অনেকের লক্ষ্য পড়িয়াছে,—শুভলক্ষণ। কার্যও কিছু কিছু হইতেছে। পল্লীসংস্কারের একটা প্রধান কার্য হওয়া উচিত পল্লীজননী-দিগকে সজাগ করিয়া চরকা ব্রতে ব্রতী করা। পরিবারের পুরুষেরা ত এ কার্যে অগ্রণী হইবেনই। কিন্তু সব থেকে সুসঙ্গত ও কার্যকরী হইবে, যদি দেশে জননীদের মধ্যে—যাহাদের জীবন আজ নব নব জ্ঞান-বিজ্ঞানের স্নিগ্ধালোকে ধন্য হইয়াছে, যাহারা স্বজাতির হীনতার কুস্তিত হইয়া তাঁহাদের উত্থানের প্রচেষ্টায় অবহিত আছেন—তাঁহারা পল্লীর নারী-শক্তিকে জাগ্রত, উদ্বোধিত করিয়া চরকাব্রতে ব্রতী করেন। আজ তাঁদের সম্মুখে সব থেকে বড় পরীক্ষার ক্ষেত্র বিস্তৃত। এ পরীক্ষায় সফলতা আসিলে নারীজাতির হীনতা আপনি স্থলিত হইয়া যাইবে। জাতির মুক্তির ইতিহাসে তাঁহাদের স্থান পুরুষের সমপর্যায়েরে আপনিই লিখিত হইয়া থাকিবে।

## দ্বন্দ্ব

### শ্রীসরোজকুমারী বন্দ্যোপাধ্যায়

২৯

কাশীর পঞ্চগঙ্গা ঘাটের উপর একটি নির্জন চত্বরে অসিত একা বসিয়া বেণীমাধবের গগনস্পর্শী ধ্বজার দিকে একদৃষ্টে চাহিয়া ছিল। নীচে অর্ধচন্দ্রাকৃতি গঙ্গা বহিয়া যাইতেছিল। ওপারে বটবৃক্ষের অস্তুরালে অপরাহ্নের সূর্য্য অস্তপ্রায়। সেই স্নান রঞ্জিত কিরণ নদীর বুকে, ঘাটের পথে, গাছের পাতায় ঝরিয়া পড়িতেছিল। ঘাটের পথ জনবিরল, কেবল গঙ্গাবক্ষে নিমজ্জিতা স্নানার্থিনী কয়েকটি নারীর আলাপের ধ্বনি মাঝে মাঝে বাতাসে ভাসিয়া আসিতেছিল।

নদীতীরে একা বসিয়া অসিত তাহার পূর্বজীবনের কথা ভাবিতেছিল। উত্তর বাংলায় এক শান্ত শ্রামল পল্লীর মধ্যে তাহাদের সেই নিশ্চিন্ত সুখময় গৃহের চিত্র স্বপ্নের মত এখনো তাহার মনে পড়ে। আর মনে পড়ে—মায়ের সেই প্রসন্ন সুন্দর মুখখানি—কত আদরে কত যত্নে যে মায়ের স্নেহের কোলে সে দিনের পর দিন বাড়িয়া উঠিতেছিল। প্রতি দিন ভোরের আলোর সঙ্গে সঙ্গে সে মায়ের চুম্বনে জাগিয়া হামিয়া উঠিত। তাহার পর সমস্ত দিন তাঁহার সকল কাজের মধ্যে সে তাঁহার সঙ্গে সঙ্গে ঘুরিয়া বেড়াইত। কত অশ্রান্ত গল্প, কত কথা ও হাসির মধ্যে তাহাদের দিন কাটিত। সন্ধ্যার সময় তাঁদের আলোয় সে মায়ের কোলে মাথা রাখিয়া সুয়োরাণী দুয়োরাণীর গল্প শুনিত। সেই সুখের স্বপ্নের মত দিনগুলির অস্পষ্ট স্মৃতি এখনো তাহার মনে পড়ে। তাহার পর এক দিন কিসে কি যে হইয়া গেল, তাহা সে কিছুই জানিল না—তাহার মা তাহাকে ফেলিয়া কোথায় চলিয়া গেলেন, কেহই তাহাকে সে কথা কিছু বলিল না—শুধু তাহার পিতা তাহাকে লইয়া তাহাদের গৃহ ছাড়িয়া কোথায় নিরুদ্দেশ হইয়া গেলেন। সেই হইতে তাহার দুঃখের জীবন আরম্ভ হইল।

আশ্রয়হীন, অর্থহীন, অসহায় অবস্থায় কত দিন পথে পথে তাহাদের জীবন কাটিয়াছে। কুখ্যাত তৃষ্ণার প্রাপ্তিতে

কাতর হইয়া কত দিন মায়ের মুখ মনে পড়িয়া তাহার বুক ফাটিয়া কায়া আসিত,—অন্নভাষী গম্ভীর-প্রকৃতি পিতার ভয়ে সে কাঁদিতোঁ পারিত না,—নিঃশব্দে মনের ব্যথা মনে চাপিয়া নীরব রোদনে বক্ষ পূর্ণ করিয়া গুমরাইয়া থাকিত। কেহ তাহাকে একটি আদরের কথা বলিত না, কেহ তাহাকে যত্ন করিত না। একটু ভালবাসার জন্ত, একটু স্নেহের স্পর্শের জন্ত তৃষিত হইয়া তাহার দুঃখের জীবনের কত দিন এই ভাবে কাটিয়া গেল।

তাহার পরে ক্রমে সে বড় হইল। বয়স বৃদ্ধির সঙ্গে সঙ্গে সে পিতার সুখ-দুঃখের সঙ্গী হইয়া ক্রমশঃ তাঁহার হৃদয়ের তীব্র বেদনা ও প্রতিহিংসার আকার সমস্ত বিবরণ জানিতে পারিল।

সে শুনিল, তাহাদের গ্রামের জমীদার গিরীন্দ্রনারায়ণ ঘোষই তাহাদের সমস্ত দুঃখ ও অপমানের মূল কারণ। মণ্ডলগড় পরগণার নায়েবের অত্যাচারে প্রজারা উত্যক্ত হইয়া ক্রমশঃ বিদ্রোহী হইয়া উঠিতেছিল। কাম্বচারীদের চক্রান্তে জমীদারের নিকট কোন কথা উঠিতে পারিত না। তাহার মহাপ্রাণ পিতা প্রজাদের পক্ষ লইয়া জমীদারকে সমস্ত ঘটনা সত্য ভাবে জানাইয়া উভয় পক্ষে সন্তাব ও শান্তি স্থাপনের চেষ্টা করিয়াছিলেন। ফলে জমীদারের রোধে পড়িয়া অনেক মিথ্যা মামলা-মোকদ্দমায়, নানা অত্যাচারে তাঁহাকে সর্বস্বান্ত হইতে হইল।

কিন্তু শুধু এই উৎপীড়নেই জমীদারের প্রতিহিংসা-প্রবৃত্তির তৃপ্তি হইল না। এক দিন তাহার পিতা কোন বিশেষ কার্য্যে গ্রামান্তরে গিয়াছিলেন,—তাই দিন পরে ফিরিয়া আসিয়া দেখিলেন, গৃহ শূন্য, কেহ কোথাও নাই। প্রতিবেশীরা সংবাদ দিল, গত রাত্রে জমীদার! একজন আসিয়া ঘরের দরজা ভাঙিয়া তাঁহার পত্নীকে বলপূর্বক ধরিয়া লইয়া গিয়াছে। তাহারা জাগিয়া উঠিলেও ভয়ে

জমীদারের বিপক্ষে দাঁড়াইতে সাহস করে নাই। শিশু অসিত উপস্থিত তাহাদের কাছেই আছে।

সেই দিন অপরাহ্নে দীঘির জলে তাহার মাতার মৃতদেহ ভাসিয়া উঠিল। দুঃসহ অপমান সহ করিতে না পারিয়া সতী অভিমানে ও ঘণায় আত্মহত্যা করিয়াছিলেন।

তাহার পিতা জীবনের সমস্ত সুখ-শান্তি হারাইয়া শুধু তাহাকে বাঁচাইবার জন্ত ও এই অত্যাচারের প্রতিশোধ লইবার জন্ত তাহাকে লইয়া গ্রাম ছাড়িয়া নিকরদেশ হইয়া গেলেন। এই তাহাদের জীবনের ইতিহাস। •

তাহার পর হইতে সেও তাহার পিতার মত তাহাদের বংশের অপমানকারী সেই প্রবল শত্রুর প্রতি তীব্র প্রতিহিংসা ও প্রতিশোধস্পৃহা নিজ হৃদয়ে জাগাইয়া রাখিয়া তাঁহার সন্ধান পাইবার জন্ত কত চেষ্টা করিয়াছে; কিন্তু কোন দিন কৃতকার্য হইয়া গিয়াছে। পিতা-পুত্রের সম্মিলিত চেষ্টা কতবার ব্যর্থ হইয়া গিয়াছে। অভাবে, তর্শিচস্তায়, গুরুতর পরিশ্রমে ক্রমেই তাহার পিতার শরীর ভাঙিয়া পড়িতেছিল। অবশেষে এক দিন জীবনের ঈশ্বরিত কার্য্য অসমাপ্ত থাকিতেই তাঁহার দিন ফুরাইয়া আসিল।

অসিতের মনে পড়িল—কাশীতে মণিকর্ণিকা ঘাটের উপর তাহার পিতার মৃত্যুশয্যা। সমস্ত রাত্রি অত্যন্ত বজ্রগায় কাতর হইয়া শেষ-রাত্রে তিনি তন্দ্রায় আচ্ছন্ন হইয়া পড়িয়াছিলেন। গঙ্গাবক্ষে সেই নির্জন শ্মশানঘাটে এক মন্দিরের চত্বরে একা সেই মৃতপ্রায় পিতার মুখের দিকে চাহিয়া রাত কাটাইয়াছে। অর্থ, সম্পদ, সুখ, স্বাচ্ছন্দ্য সমস্ত থাকিতেও আজ পনের বৎসর ধরিয়া অসহ মন্মবেদনায়, দারিদ্র্যে, অর্দ্ধাশনে, বিনা চিকিৎসায় তাহার পিতা মৃত্যুমুখে— নিতান্ত দীনহীনের মত, পথ-ভিখারীর মত অসহায় অবস্থায় ভূমিশয্যায় পতিত! একটা নিকরপায় হতাশা ও তাঁর তীব্র খাতনায় তাহার অস্তর দগ্ধ হইতেছিল। উপযুক্ত পুত্র হইয়াও সে এক দিনের জন্ত তাহার উৎপীড়িত, দুঃখী পিতাকে কোন স্বাচ্ছন্দ্য দিতে পারিল না।

প্রভাতে অরুণোদয়ের সঙ্গে সঙ্গেই রামগোবিন্দ জাগিয়া উঠিলেন। একবার প্রাণ ভরিয়া স্নিগ্ধ শীতল বাতাসে নিশ্বাস গ্রহণ করিলেন। তাহার পর উদ্দেশে মন্দিরের দেবতাকে প্রণাম করিয়া বলিলেন, আমার সময় হয়ে এসেছে অসিত! যা কিছু আমার বলবার ছিল, সে সবই তোমার জানা

আছে। নতুন করে আর কিছু বলবার নেই। এখন শুধু সেই সব কথাগুলোই তোমায় আবার মনে করিয়ে দিয়ে যাই...

তাঁহার মুখে রোদ্র আসিয়া পড়িতেছিল। অসিত উঠিয়া নিজের গায়ের চাদরখানি রোদ্র আচ্ছাদন করিয়া টাঙ্গাইয়া দিল।

কিছুক্ষণ পরে আবার তিনি বলিলেন, আমার এই মৃত্যুশয্যায় তুমি প্রতিজ্ঞা কর যে, যে কাজ আমি অসম্পূর্ণ রেখে চলে যাচ্ছি—তুমি প্রাণপণ চেষ্টায় সে কাজ সুসম্পন্ন করবে? তোমার মায়ের সন্মান যে নষ্ট করেছে, আমাদের জীবনব্যাপী সমস্ত অপমান ও দুঃখের যে মূল, তাকে যেখানে যে কোন অবস্থায় পাবে, নির্বিচারে হত্যা করবে। তার রক্ত ভিন্ন আমার পাতা আর কিছুতেই তৃপ্ত হবে না। তোমার প্রতিহিংসা যেন তাকে পৃথিবীর শেষ সীমা পর্য্যন্ত অবিরাম অনুসরণ করে। বল, সে যেখানেই থাক, তাকে খুঁজে বের করবে?

অসিত সংশ্রবনে পিতার মৃত্যুশয্যা স্পর্শ করিয়া প্রাণত্যাগ করিল।

রামগোবিন্দের শুষ্ক অধরে তৃপ্তির হাসি ফুটিয়া উঠিল। শান্তি! একটি নিশ্বাস ফেলিয়া তিনি সংসার হইতে চিরবিদায় গ্রহণ করিলেন।

পিতার মৃত্যুর পরে কিছু দিন অসিত লক্ষ্যহীন, উদ্বেগহীন ভাবে পথে পথে বেড়াইল। কোন কাষে মন দিতে পাবে না কোন কিছুই ভাল লাগে না, কি করিবে কোথায় যাইবে, তাহা কিছুই মন স্থির করিয়া ভাবিতে পারে না।

এই সময় বাংলায় বঙ্গভঙ্গ উপলক্ষে স্বদেশী আন্দোলন আরম্ভ হইল। চারিদিকে সভাসমিতি, বক্তৃতা, বিদেশী পণ্য বর্জন ইত্যাদিতে সারা বাংলা টলমল করিতে লাগিল। অসিত যেন সহসা অকূলে কুল পাইল। জীবনের পথে নূতন আলোর সন্ধান পাইয়া সেও নবীন আবেগে ও উত্তেজনায় এই আন্দোলনের মধ্যে ঝাঁপাইয়া পড়িল।

তাহার পর হইতে কিছু দিন অসিত দলের মধ্যে থাকিয়া বাংলার দিকে দিকে অক্রান্ত ভাবে ও কঠোর পরিশ্রমে ব্যকট মন্ত প্রচার করিয়া বেড়াইতে লাগিল। তখন আর তাহার নিজের কথা ভাবিবার সময় বা চেষ্টা রহিল না।

উত্তেজনার পর অবসাদ অবশ্যস্বাভাবী। কাষেই যখন

দবকার পক্ষ হইতে অত্যাচার, নির্যাতন, নানা নূতন আইনের নাগপাশের বন্ধন আরম্ভ হইল, তখন দলের মধ্য হইতে অনেকেই একে একে সরিয়া পড়িল। দেশভক্তির আতিশয্য আর তখন তাহাদের টানিয়া রাখিতে পারিল না।

কিন্তু ইহারই মধ্যে আরো একটি দল ছিল, যাহারা প্রথম উত্তেজনার মুখে দেশসেবায় নামিলেও, ক্রমে তাহারা স্বার্থ দেশকে চিনিয়াছিল, দেশকে ভালবাসিয়াছিল, দেশের মুক্তির জন্য ব্যাকুল হইয়াছিল। তাহারা উৎপীড়ন, নির্যাতনে মগিল না,—কোন প্রলোভন, কোন আতঙ্কই আর এই ঘরছাড়ার দলকে ঘবে ফিরাইতে পারিল না। বাংলায় দিকে দিকে এই ঘরছাড়ার দলকে লইয়া নানা বিপ্লব-সমিতি ডিয়া উঠিল। লোক-চক্ষুর অন্তরালে থাকিয়া এই সব বিপ্লববাদীর দল নানা ভাবে শক্তি সঞ্চয় করিতে লাগিল।

অসিতেরও আর ফিরিবার মন ছিল না। সে কিসের আকর্ষণেই বা কোথায় ফিরিবে! সংসারে তাহার কোন সন্ধান ছিল না। সে সম্পূর্ণ ভাবে নিজেকে দেশের সেবায় উৎসর্গ করিয়া দিয়া বিপ্লববাদীদের দলে মিশিয়া গেল।

এই সমিতির দলভুক্ত হইয়া যখন সে নানা মতের মধ্য দিয়া, বিভিন্ন সম্প্রদায়ে যোগ দিয়া, নানা দিক হইতে দেশের মুক্তির অত্যাগ্রে চেষ্টায় নিজের জীবনের কথা বিশ্বত-প্রায় হইয়া উঠিয়াছে, ঠিক সেই সময় এক দিন পাটনার নির্জন প্রান্তরে নিতান্ত অতিক্রম অবস্থায় তাহার জীবনের প্রবল পক্ষের সহিত তাহার সাক্ষাৎ হইল।

একটা গভীর দার্শনিক্য ফেলিয়া অসিত একবার চারিদিকে চাহিয়া দেখিল। সন্ধ্যার অন্ধকার ধীরে ধীরে নামিয়া তখন তটভূমি আচ্ছন্ন করিয়া ফেলিয়াছে। নদীর জলেও সেই আঁধার ছায়া। দূরে অরণ্যানীর অস্তবাল হইতে শুক্ল সপ্তমীর টাদ ঈষৎ উজ্জ্বল দিতেছিল। বেণীমাণবের মন্দির হইতে সন্ধ্যা-আরতির শব্দ-বণ্টাধ্বনি ও পুরোহিতের গম্ভীর কণ্ঠস্বর ধীর সমীরণে ভাসিয়া আসিতেছিল। অসিত উঠিয়া চত্বরের এক কোণ হইতে কয়েক পণ্ড কাষ্ঠ সংগ্রহ করিয়া আগুন জ্বালাইল। তাহার পর যেন কাহার আসার আশায় কিছুদূর অগ্রসর হইয়া পথের দিকে একদৃষ্টে চাহিয়া রহিল।

মিঃ বোধের সহিত দেখা হইবার পর হইতে কি ছুনিবার চাকলা ও উদ্বেগেই না সে আঁধার হইয়া উঠিয়াছিল! এই

সেই তাহাদের জীবনের প্রবল বৈরী! ইহারই হাতে তাহার মা অপমানিত হইয়া ঘৃণা ও ধিক্কারে প্রাণ বিসর্জন দিয়াছিলেন। ইহারই অত্যাচারে তাহার পিতা আশ্রয়হীন, বিত্তহীন হইয়া, পথে পথে ভিখারীর মত ঘুরিয়া নানা ছুঃখ কষ্টের মধ্যে অকালে মৃত্যুকে বরণ করিতে বাধ্য হইয়াছেন। তাহার পিতৃমাতৃহস্তা সেই নারকী আজ তাহার আয়ত্তের মধ্যে দেশের সহিত সমস্ত যোগ ছিন্ন করিয়া এত দিন সে সুদূর পশ্চিমের এক প্রান্তে আত্মগোপন করিয়া কাটাইয়াছে! তাহা তাহারা এত সন্ধান কবিয়াও তাহাকে কোন দিন বাধিত করিতে পারে নাই। কিন্তু এবার? এবার তাহার হস্ত হইতে কে তাহাকে রক্ষা করিবে?

পৈশাচিক আনন্দে ও তাঁর প্রতিহিংসায় প্রথমে কিছুক্ষণ তাহার সমস্ত চিত্ত বিক্ষোভিত হইতে লাগিল। সে সময় সে আর কোন কাজে মন দিতে পারিল না। যোর উত্তেজনা ও উদ্বেগে অধীর হইয়া সে কেবলই অশাস্ত ভাবে ঘুরিতে লাগিল।

কিন্তু কিছুক্ষণ পরে তাহার মনের সে ভাব ক্রমে মন্দীভূত হইয়া আসিতে লাগিল। তাহার এত দিনের উত্তেজিত প্রতিহিংসার পাত্র কি সেই সবলজদয় কণ্ঠাগত সন্দানন্দময় বৃদ্ধ? নিম্নলার কাতর করুণ মুখের দিকে চাহিয়া কি উদ্বেগ ও শঙ্কাপূর্ণ জদয়ে মিঃ বোধ সে দিন বসিয়া ছিলেন। সে কি স্নেহকাতর, মমতাময় দৃষ্টি! সে জদয়হীন দার্শনিক বসবের অমানুষিক অত্যাচারে তাহাদের সুখের সংসার ছারখার হইয়া গিয়াছে, এ কি সেই বার্তা অসিত কিছুই বুঝিতে পারিল না। নিম্নলার একটু মুহূর্ত হইয়া পর হইতে মিঃ বোধের সেই সরল, স্বচ্ছন্দ আলাপ, কথায় কথায়, কারণে অকারণে তাহার প্রাণখোলা উচ্চ হাসি তাহার মনে পড়িতে লাগিল। আর তাহার পরিচয় শাহীদ পর? অসিত অত্যন্ত বিচলিত হইয়া উঠিল।

তাহার পরিচয় পাইয়া কি বোর লজ্জা ও অনুতাপের গভীর জ্বালা মিঃ বোধের প্রসন্ন মুখে না ফুটিয়া উঠিয়াছিল? সেই অনুতপ্ত, কৃণা ও লজ্জায় নতশির বৃদ্ধকে হত্যা করিয়া তাহার এত দিনের অত্যাচারের প্রতিশোধ লইতে হইবে! অসিতের তরুণ বীর-হৃদয় এ চিন্তায় বিদ্রোহী হইয়া উঠিতে চাহিত ছিল। নিজের সঙ্গে সমান প্রতিদ্বন্দ্বীর সহিত মূর্খ কবিয়া কখনো পশ্চাত্তপদ নয়, কিন্তু এ যে একেবারে মৃতের উপর অস্বাভাব! যে নিজেই তাহার কৃত কর্মের অনুশোধন



মরিয়া আছে, তাহার উপর আবার সে কেমন করিয়া আঘাত করিবে! আর নিশ্চিন্তা? সে হয় ত এ সব বিষয়ের কোন কথা ঘূণাক্ষরেও জানে না; অথচ এ ব্যাপারের সমস্ত ফলাফল সেই নিরপরাধিনীর ভাগ্যেই অতিক্রমিত বজ্রাঘাতের মত এক দিন পতিত হইবে।

অসিত অনেক ভাবিয়াও এ বিষয়ে কোন সিদ্ধান্ত করিতে পারিল না। সেই দিনই সন্ধ্যার সময় তাহাদের সমিতির আদেশে তাহাকে নিজের ব্যাপারের মামুলা স্থগিত রাখিয়া পাঞ্জাবে চলিয়া যাইতে হইল। সেখানে ও অচ্যুত স্থানে এই তিন চার মাস অক্লান্ত ভাবে কাজ করিয়া সে সপ্তাহ খানেক পূর্বে আবার পশ্চিমে ফিরিয়া আসিয়াছে।

সেদিন দানাপুর হইতে ফিরিবার পথে সহসা নিশ্চিন্তার সহিত সাক্ষাৎ হইবার পর হইতে আবার তাহার চিন্তা অশান্ত হইয়া উঠিয়াছিল। সে তাহার সহিত যে হৃদয়তানের মত নিশ্চিন্ত ব্যবহার করিয়া আসিয়াছে, এ কয় দিন তাহার সকল কাজের মধ্যে, সকল চিন্তার মধ্যে তাহা কাঁটার মত বিঁধিয়া থাকিয়া, তাহাকে অধীর করিয়া তুলিয়াছে। নিশ্চিন্তার সেবাপরায়ণ চিন্তের যে উত্তম সেবা প্রত্যাখ্যান করিয়া সে চলিয়া আসিয়াছিল, সেই অসমাপ্ত, অতৃপ্ত আকাঙ্ক্ষার স্মৃতি, অক্ষুণ্ণ তাহার অস্থির বুদ্ধিগতির মত তীব্র দহনের জ্বালা জ্বলাইয়া রাখিয়া তাহাকে পীড়া দিতেছিল। বৌদ্ধকরদীপ্ত নিশ্চিন্ত নীলাকাশে সহসা নৈন কাহার ওই রক্তহীন, শুক্ল পাণ্ডুর্ণ মুখের ছবি ফুটিয়া উঠে। অলস মধ্যাহ্নে ঝাউবনের মর্ম্মর ধ্বনির মধ্যে বাতাসে যেন থাকিয়া থাকিয়া তাহার আকুল আর্তস্বর ভাসিয়া উঠে—দাঁড়ান! একটু দাঁড়ান! অসিত বাবু! কোথায় যান? এ কি তাহার হইল? কিসের এ ব্যথা? কিই বা সে এখন করিবে?

তাহার রক্তের ভণ্ড সে তাহার পিতার নিকট প্রতিজ্ঞাবদ্ধ, তাহার কথা মনে হইলেই এখন একটা অবাধ করুণার উচ্ছ্বাসে তাহার মনের জিঘাংসাবৃত্তি ডুবিয়া যাইতে চায়। অসিত প্রাণপণ বলে আপনাকে সংযত করিয়া পূর্কের সেই কঠোর প্রতিশোধস্পৃহা জাগাইয়া রাখিতে বুথা চেষ্টা করিতেছিল।

সেদিন সে মিঃ ঘোষের বাড়ীর আতিথা প্রত্যাখ্যান করিয়া কি এমন অচ্যুত কাজ করিয়াছে? যে তাহাদের বংশের শত্রু, তাহার মাতার সম্মান-অপহারক, তাহাদের সর্ব

দুঃখের মূল, সে কি নারীর মোহে পড়িয়া, সে-সব পূর্বকথা ভুলিয়া গিয়া, কুকুরের মত তাহারই গৃহে, তাহারই অন্ন গ্রহণ করিতে পারে? সে যাহা করিয়াছে, তাহাই তাহার কর্তব্য ও করণীয়। নিশ্চিন্তা অবশ্য এ ব্যাপারে নিরর্থক যত্ননা পাইবে; কিন্তু তাহাতে অসিতের কি করিবার আছে? আজ সে নিশ্চিন্তার কথা ভাবিয়া এত ইতস্ততঃ করিতেছে, বিশ বৎসর পূর্বে সে যখন শিশু ছিল, তখন কি তাহার কথা ভাবিয়া কেহ তাহার নির্দোষ মহাপ্রাণ পিতাকে এমন পৈশাচিক ভাবে উৎপীড়িত করিতে কোন দ্বিধা করিয়াছিল? তবে আজ তাহারই বা এ দুর্বলতা কেন? নিশ্চিন্তার চিন্তাই বা কেন ক্ষণে ক্ষণে তাহার মনে উদ্ভিত হইয়া তাহাকে এমন লক্ষ্যভ্রষ্ট করিতেছে? সে তাহার কে? নিশ্চিন্তার সঙ্গে তাহার কিই বা সম্বন্ধ? অসিত নিশ্চিন্তার কথা ভুলিয়া নিজের কর্তব্য ও লক্ষ্য স্থির রাখিবার জ্ঞান চেষ্টা করিতেছিল।

এই কয় বৎসরের মধ্যে সমিতির আদেশে সে ত কতবার কত জনকে হত্যা করিয়াছে! তখন ত তাহার মনে কখনো কোন দ্বিধা হয় নাই,—হত ব্যক্তির পরিবার বা পুত্র-কন্যার অবস্থার কথা কোন দিন তাহার মনে উদ্ভিত হয় নাই! মিঃ ঘোষের বেলায় বা তাহার এত ভাবিবার কথা কি আছে? তাহার এত দুর্বলতা, এত ভাবনা—এ কি কেবল নিশ্চিন্তার জ্ঞানই নয়? নিশ্চিন্তার মোহ এই সামান্য কয় দিনে তাহাকে এমন অভিভূত করিয়াছে যে, সে স্বচ্ছন্দে তাহাদের এত দিনের এত দুর্দশা, এত অপমান ভুলিতে বসিয়াছে! সে কি তাহার মৃত্যুশয্যাশায়ী পিতার শেষ আদেশ এত সহজে, এত অনায়াসে ভুলিয়া যাইবে! যে মায়ের স্নেহের কোলে সে এ পৃথিবীর আলো প্রথম দেখিয়াছিল, যে মায়ের হৃদয়ের রক্তধারায় সে এত দিন পুষ্ট হইয়াছে, তাহার সেই স্নেহময়ী জননীর অতৃপ্ত আত্মা যে তাহার জীবনের শোচনীয় পরিণামের প্রতিশোধের আশায় তাহারই প্রতি চাহিয়া আছে! এত বড় কুসন্তান সে! এত অনায়াসে সে তাহার মায়ের স্মৃতির অবমাননা করিতে বসিয়াছে!

অসিতের ধমনীতে খরবেগে রক্ত বহিল। ক্ষণিকের মোহ ও দুর্বলতা ভুলিয়া সে আবার পূর্কের মত সাহস ও শক্তি ফিরাইয়া আনিবার চেষ্টা করিতে লাগিল,—এ প্রলোভন যে তাহাকে জয় করিতেই হইবে! (ক্রমশঃ)

# পুরাতনী


শ্রীহরিহর শেঠ

( ২ )

বেল ষ্টীমার ডাক টেলিগ্রাফ প্রভৃতি

প্রাচীন কালে জল, স্থল ও শূন্য-পথে, এক স্থান হইতে অপর স্থানে যাইবার জন্ত, অথবা দূরস্থিত স্থানে সংবাদ বা পত্রাদি প্রেরণের জন্ত রেল, ষ্টীমার, মোটর, টেলিগ্রাফ বা ইহাদের সদৃশ অপর কোন যানাদি অথবা আধুনিক ডাকের মত কোন ব্যবস্থা এ দেশে ছিল কি না, সে বিষয়ে গবেষণা করা

জলপথে নৌকা, পান্দা, সুলুপ, বজরা, এমন কি সমুদ্রগামী জাহাজের এ দেশে অতি প্রাচীন কাল হইতেই প্রচলন ছিল ও এখনও অনেক আছে। এ সম্বন্ধে পণ্ডিতগণ বহু প্রমাণ সংগ্রহ করিয়াছেন। বাষ্পীয় পোতের প্রচলনের সম্বন্ধে বা তাহার ঠিক পূর্বে, যে কারণেই হোক, এ দেশে



বাষ্পীয় জাহাজ—‘এন্টারপ্রাইজ’

( ইহাই প্রথম বাষ্পীয় জাহাজ বিলাত হইতে এদেশে আইসে। )

এ প্রবন্ধের উদ্দেশ্য নহে। এ দেশ বুটীশ শাসনে আসার পর এখানে এই সকলের প্রবর্তন সম্বন্ধে পুরাতন কথা, এবং ঠিক তাহার অব্যবহিত পূর্বে তৎস্থলে যে সব ব্যবস্থা ছিল, তাহার কোন কোন কথা যাহা সংগ্রহ করিতে পারিয়াছি তাহা বলাই বর্তমান প্রবন্ধের উদ্দেশ্য।


এই নৌ-শিল্পের যে অনেক অবনতি ঘটিয়াছিল, তাহাতে সন্দেহ নাই। এখনকার মত বাষ্পীয় পোতের ব্যবহারের অনেক পূর্বেও ভারত-সমুদ্রে ইয়োরোপীয় জাহাজের গমনাগমনের কথা জানা যায়।

খৃষ্ট-জন্মের সহস্র বৎসর পূর্বে ইহুদি দেশসমূহের সহিত

ভারতের বাণিজ্য সম্বন্ধ ছিল। তাহার পূর্বে বাণিজ্য বিষয়ে ভারতের সহিত ইয়োরোপের কোন সম্বন্ধ ছিল বলিয়া জানা যায় না। মোড়শ শতাব্দীর প্রারম্ভে পোর্টুগীজ্ বণিকদের আগমনের বহু পূর্বে ক্রম দেশীয় বণিকগণ এ দেশ হইতে মূল্যবান রেসমী বস্ত্র, উৎকৃষ্ট মসলিন, শাল, মশলা ও ঔষধাদি লইয়া যাইত বলিয়া জানা যায়। (১) তৎপরে মিশর ও আরব বণিকগণের দক্ষিণ ভারতে বাণিজ্যার্থ আগমনের বিষয় জানা যায়। তাহাদের পশাও জাহাজে করিয়া যাইত।

আরও ২২ খানি জাহাজ আসিয়া পৌঁছে বলিয়া জানা যায়। (২)

প্রথম যে বৈদেশিক রণতরী ভারতে আইসে বলিয়া উল্লেখ পাওয়া যায়, তাহা বৃটিশ রণতরী। ১৬০১ খৃষ্টাব্দে কাপ্তেন ল্যাঙ্কাষ্টারের (Lancaster) অধিনায়কত্বে ৫ খানি রণতরী আসিয়াছিল। (৩) হুগলী নদীতে সূতামুটার শেঠদের সহিত ব্যবসা সম্পর্কে আরও পূর্বে ইং ১৫৩০এ বৈদেশিক ব্যবসায়ী জাহাজ আনিত বলিয়া জানা যায়। (৪) সাম্প্রাও (Samprayo) নামক একজন পোর্টুগীজ ১৫৩৭



যে দিন প্রথম বাণিজ্য পথান্তরিত হইয়াছিল সে দিন বক্রমানে উৎসব দেখিবার জন্ত লোক সমাগম

পোর্টুগীজ্ নাবিক ভাস্কোড গামা ইংরাজি ১৪৯৮ সালে জলপথে মালবারে পৌঁছেন এবং কালিকাটে অবতরণ করেন। তাহার পর বৎসর পোর্টুগালের রাজা কব্রুক কাব্র্যাল (Pedro Alvarez Cabral) এর অধিনায়কত্বে ১২০০ লোক সহ ১৩খানি জাহাজ প্রেরিত হয়। তাহার মধ্যে ৭ খানি মাত্র কালিকাটে আসিয়া পৌঁছায়। ১৫০৫ খৃষ্টাব্দে

বা ৩৮ খৃষ্টাব্দে ৯ খানি জাহাজ লইয়া প্রথম হুগলীতে আইসে। (৫)

বঙ্গে প্রদেশে জাহাজ নিৰ্মাণের কাজ বহুপূর্ক হইতে প্রচলিত ছিল এবং প্রাধান্য লাভ করিয়াছিল। তথায়

(১) The Three Presidencies of India.

(২) Cassell's Illustrated History of India, vol. II.

(৩) The Three Presidencies of India.

(৪) The Calcutta Review 1891.

(৫) The Calcutta Review 1892.

১৭৩৫ খৃষ্টাব্দে ডক্ নির্মিত হয়। সুরাট ও ডামান নামক স্থানেও বিস্তর জাহাজ প্রস্তুত হইত। এই শেষোক্ত স্থান হইতেই প্রথম প্রথম বাঙ্গালায় বিশেষ লাভে জাহাজ সরবরাহ করা হইত। ১৭৯০ হইতে নাগাইদ ১৮১৮ খৃষ্টাব্দ পর্যন্ত ভারতের বিভিন্ন বন্দরের জন্ত ডামানে মোট প্রায় ১৬০০০ টন ভারবাহী ৩১ খানি জাহাজ নির্মিত হইয়াছিল। আরব ও অন্যান্য প্রদেশেও এই স্থান হইতে জাহাজ সরবরাহ করা হইত। এই সমস্ত জাহাজের নির্মাতা ছিল একজন হিন্দু। উনবিংশ শতাব্দীর প্রারম্ভে বোম্বাইয়ে যে ব্যক্তি এই শিল্পের জন্ত বিশেষ প্রসিদ্ধি লাভ করিয়াছিলেন, তিনি একজন

বিস্তৃতি লাভ করিতে থাকে। ১৭৮১ খৃষ্টাব্দে কলিকাতায় প্রথম যে যুদ্ধ-জাহাজ নির্মিত হয়, তাহার নাম ননসুচ (Nonsuch)। উহা ৪৮৩ টন ভারবাহী, উহাতে ৩০টি কামানের স্থান ছিল। ইহার আট বৎসর পরে 'সারপ্রাইজ' (Surprize) নামক আর একখানি ৩২ কামানের যুদ্ধ-জাহাজ নির্মিত হয়। ইহা দেশীয় কারিগরদের দ্বারা নির্মিত হয় এবং সর্বোৎকৃষ্ট হইয়াছিল। (৬) সুপ্রসিদ্ধ পর্ষটক গ্রাঁপ্ৰী (Grandpre) ১৭৮৯৯০ খৃষ্টাব্দে তাঁহার ভ্রমণ বৃত্তান্ত মধ্যে লিখিয়া গিয়াছেন, কলিকাতায় খুব বেশী পরিমাণে সেগুন কাঠের জাহাজ নির্মিত হইত; এবং উহা বিলাতি ওক কাঠের অপেক্ষা মজবুৎ হইত।

১৭৮১ হইতে নাগাইদ ১৮০০ খৃষ্টাব্দে ২৭খানি এবং তৎপরে ২১ বৎসরের মধ্যে কলিকাতার সন্নিকটে মোট ২২৩ খানি জাহাজ নির্মিত হয়। উহারা মোট ১০১৯০৮ টন ভার বহন করিত। কলিকাতা তিন্ন টিটাগড় ও অন্যান্য জাহাজ প্রস্তুত হইত। এই সময় হেষ্টিংস্, কামল, হার্টলি, ভ্যান্সিটাট নামক কয়েকখানি অতি উৎকৃষ্ট শ্রেণীর জাহাজ ইংরাজ কোম্পানীর দ্বারা নির্মিত হইয়াছিল। এই সকলের উপাদান প্রধানতঃ সাল ও সেগুন কাঠ ছিল। (৭) নৌশিল্পের উন্নতির



সেকালের ডাকবাহী ও ঘোড়ার গাড়ী

পাশি। সামান্য সূত্রপথ হইতে তিনি বিশেষ উন্নতি লাভ করিয়াছিলেন। তাঁহার নাম জেমস্ টর্জি।

বাঙ্গলার ডক্ নির্মাণের জন্ত প্রথম প্রস্তাব হয় ১৭৫৮ খৃষ্টাব্দে। ১৭৮০তে উহার কার্য আরম্ভ হয় এবং দশ লক্ষ টাকা ব্যয়ে উহা নির্মিত হয়। ডকের নিকটেই একটি উইণ্ড মিল নির্মিত হইয়াছিল; কিন্তু তাহাতে দেশীয় স্ত্রীলোকদিগের আবরু নষ্ট হয় বলিয়া, স্থানীয় লোকেরা আবেদন করায় উহা ভাঙ্গিয়া ফেলিতে হয়।

কলিকাতায় প্রথম যে দুইখানি জাহাজ নির্মিত হইয়াছিল বলিয়া জানা যায়, উহা ১৭৬৯ ও ১৭৭০ খৃষ্টাব্দে। কর্ণাটের ছত্তিস্কের জন্তই তৎপরতার সহিত জাহাজ নির্মাণ কার্য

জন্ত ১৭৯৫ খৃষ্টাব্দে ভারত সরকার কর্তৃক আমদানী কাঠের উপর শুল্ক আদায় করা বন্ধ করিয়া দেওয়া হয়।

সালিথায় যে ডক্ আছে উহা মিঃ বেকন নামক এক ব্যক্তির দ্বারা ১৭৯৬ খৃষ্টাব্দে নির্মিত হয়। এখানে প্রথম যে জাহাজখানি সংস্কৃত হয় তাহার নাম অরফিয়াস্। (৮) উনবিংশ শতাব্দীর প্রথমে কোল্লগরে একটি ডক্ ছিল, তথায়

(৬) The Hand Book of India.

(৭) The Good Old Days of Honourable John Company ও The Hand Book of India.

(৮) The Good Old Days of Honourable John Company,

ছোট ছোট জাহাজ নির্মিত হইত। (৯) বিষ্ণু সময় সময় ডেনিস্ জাহাজ লাগিত। (১০) মৌলমেনে জাহাজ নির্মাণের কার্য ১৮২৮ খৃষ্টাব্দে প্রথম প্রতিষ্ঠিত হয়।

• ১৭৯৫ খৃষ্টাব্দে ১ পিপা মদের ভাড়া ছিল ১৫ পাউণ্ড, এবং অল্প অধিকাংশ মালের ভাড়া টনপ্রতি ৩০ পাউণ্ড ১০ শিলিং ছিল। ঐ সময় আমদানী মালের উপর মাশুল টনপ্রতি ৭½ পাউণ্ড এবং রপ্তানী মালের উপর মাশুল টনপ্রতি ২২½ পাউণ্ড হিসাবে কমান্ডিয়া দেওয়া হয়।

১৮০৭ খৃষ্টাব্দের ৩১শে মার্চ খিদিরপুরে এবং ১৮২৩ খৃষ্টাব্দে হুগলীতে প্রথম বাষ্পচালিত পোত চালান হয়। প্রথম দৈনিক যাত্রী ষ্টীমার ১৮২৬ খৃষ্টাব্দে চুঁচুড়া হইতে কলিকাতা পর্য্যন্ত খোলা হয়। যে দুইখানি ষ্টীমার প্রথম চলাচল করিত, তাহাদের নাম কমেট (Comet) ও ফায়ারফ্লাই (Firefly)। তখন প্রতি আরোহীর ভাড়া ৮ টাকা লাগিত। রেলগাড়ি না হওয়া পর্য্যন্ত ক্রমশঃ ষ্টীমারের অধিকতর সুবন্দোবস্ত হইয়া ছিল।

ইংরাজ সরকারের আদেশে প্রথম লড উইলিয়ম্ বেটিন্গের সময় কলিকাতায় দুইখানি ষ্টীমার নির্মিত হয়। উহা কলিকাতা হইতে এলাহাবাদ ৮০০ মাইল ৩ সপ্তাহে যাইত। এই সময়ই বিলাত হইতে প্রথম বাষ্পীয় জাহাজ 'এন্টারপ্রাইজ' (Enterprise) এদেশে আইসে। উহা ১৩০ দিনে ফালমাউথ হইতে কলিকাতায় পৌঁছিয়াছিল। (১১)

এ দেশে বেলগাড়ি হইবার অনেক পূর্বেও স্থানান্তরে চিঠি পত্র পাঠানব ব্যবস্থা ছিল। পূর্বে দেশে এক শ্রেণীর লোক ছিল, তাহারা সামান্য পারিশ্রমিকের বিম্বিয়ে এক স্থান হইতে অল্প স্থানে লোকের চিঠি পত্র টাকাকড়ি ও

সামান্য দ্রব্যাদি পৌঁছাইয়া দিত। তাহাদের কাসিদ বলিত। পশ্চিম বঙ্গেই ইহাদের প্রাচুর্য অধিক ছিল। (১২) ঘোড়ার গাড়িতে ডাক লইয়া যাওয়ার ব্যবস্থাও স্থানে স্থানে ছিল। মিরাত হইতে দিল্লীতে প্রথম গাড়ি করিয়া ডাক লইয়া যাইবার ব্যবস্থা হয়। ১৮৫০ খৃষ্টাব্দে কলিকাতা হইতে কানপুর পর্য্যন্ত ঘোড়ার গাড়িতে ডাক যাইবার প্রথম বন্দোবস্ত হয়। (১৩)

১৭৬৬ খৃষ্টাব্দে ক্লাইবের সময়েও এ দেশে ডাকের প্রচলন ছিল এবং ১৭৭৪ খৃষ্টাব্দে ওয়ারেন হেস্টিংসের সময়ে উহার কিছু উন্নতি হয় বলিয়া জানা যায়। ১৮৩৭ সালের পর উন্নত প্রণালাতে স্ট্যাম্পের প্রচলন হয়। কলিকাতা



দেকালের অর্থবানদিগের নরবাহী যানে গমনাগমন

টাকশালের কর্নেল্ ফরবেসের (Colonel Forbes) প্রস্তুত আদর্শ মত সিংহ ও তাল তরু অঙ্কিত দুই আনা মূল্যের টিকিট প্রথম প্রস্তুত হয়। উহা পর বৎসর হইতে চলিতে থাকে। তৎপবে বিলাতের দে লা-রু কোম্পানী কর্তৃক টিকিট তৈয়ারি হইয়া আইসে। ১৮৫৪ সালের মে মাস হইতে নাগাইদ ১৮৫৫ অব্দের আগষ্ট পর্য্যন্ত কলিকাতায় মোট ৪৭৭৩২৪৯৬ ডাক টিকিট প্রস্তুত হইয়াছিল। তখন

(৯) Medical Gazether

(১০) Calcutta Review, Vol. iv 1845.

(১১) The History of India, Vol. III—Marshman.

(১২) The Bengal Magazine, Vol. II, 187, 374.


(১৩) The Good Old Days of Honourable John Company.

অর্ধ আনার টিকিটের বর্ণ ছিল নীল, এক আনার লাল এবং চারি আনার লাল ও নীল ছিল। (১৪) এই সময় হইতেই সস্তা ডাকের এবং সর্বত্র এক হারে টিকিটের প্রচলন হয় এবং বিলাতি চিঠির মাণ্ডলও কম হয়। ১৮৪৫ খৃষ্টাব্দে মোট চিঠিবিলির সংখ্যা পাওয়া যায় ৩২৯১৬১৮১১। (১৫)

বৃটিশ ভারতের সহিত বাহিরের প্রথম ডাকের সম্বন্ধ প্রবর্তিত হয় বোধহয় বোম্বাই হইতে মসলিপটেমে। ১৭৯০ খৃষ্টাব্দে গভর্নমেন্ট বোম্বাই হইতে প্রতি পত্রের জন্ত নিম্নলিখিত মাণ্ডল নির্দ্ধারিত করিয়া দিয়াছিলেন; যথা,—পুনা ২, ফজিলপুর ৩, ৫ পাই, হায়দ্রাবাদ ৩, ৮ পাই; মসলিপটেম্

ইঞ্চি চণ্ডা অপেক্ষা বড় আকারের বা গালা মোহর করা পত্র প্রেরণ নিষিদ্ধ ছিল। প্রেরকের স্বাক্ষর সহ সরকারের সেক্রেটারি মারফৎ উহা পাঠান হইত। মাণ্ডলের নিয়ম ছিল সিকি তোলা দশ টাকা, অর্ধ তোলা পনের টাকা এবং এক তোলা কুড়ি টাকা। এই ডাক মাণ্ডল চিঠি বিলির সময় আদায় করা হইত। (১৭)

সে সময়ের বিলাতি চিঠির মাণ্ডলের তুলনায় এখানে মাণ্ডল অনেক কম ছিল। ১৭৯৫ খৃষ্টাব্দের ৩রা মার্চ ডাকবিভাগের কর্তৃপক্ষ কর্তৃক কলিকাতা হইতে আড়াই তোলা ওজনের চিঠির মাণ্ডলের নিম্নলিখিত হার বিজ্ঞাপিত



সেকালের ডাক লইয়া যাইবার গাড়ি

৪, ১২ পাই, মাদ্রাজ ৬/২ পাই, গঞ্জাম্ ৮/৪ পাই, কলিকাতা ৫/৯ পাই। চিঠি ডাকে দিবার সময় এই মাণ্ডল দিতে হইত। (১৬)

এ দেশ হইতে বিলাতে প্রথম ডাক যায় ১৭৯৮ খৃষ্টাব্দের ১লা জানুয়ারি। তখন হইতে প্রতি মাসের ১লা তারিখে একবার করিয়া ডাক যাইতে থাকে। তখন ৪ ইঞ্চি লম্বা ও ২

হয়; যথা,—বেনারস ১/০, পাটনা ১/০, ব্যারাকপুর ১/০, রাজমহল ১/০, মুন্সের ১/০, চট্টগ্রাম ১/০, মাদ্রাজ ১/১০, হায়দ্রাবাদ ১/০, পুনা ১/০, বোম্বাই ১/১/০, ঢাকা ১/০, ডায়মণ্ড পয়েন্ট ১/০, কলকাতা ১/০, বাঙ্গাল ১/০, কটক ১/০, সুকমাগর ১/০, চন্দননগর ১/০, মুর্শিদাবাদ ১/০, সিলেট ১/০ ইত্যাদি। (১৮)

(১৪) Bengal Past and Present, vol—x.

(১৫) Calcutta Review, vol—xi.

(১৬) Selections from Calcutta Gazettes of the year 1789—97.

(১৭) Selections from Calcutta Gazettes of the years 1798 to 1805.

(১৮) The Good Old Days of Honourable John Company.

ভারতে তাড়িত-বার্তা প্রেরণের ব্যবস্থা বাঙ্গীয় শকট প্রবর্তন হইবার পূর্বেই হয়। ১৮৪৯ খৃষ্টাব্দের ৫ই নভেম্বর কলিকাতা হইতে ডায়মণ্ডহারবার পর্য্যন্ত প্রথম টেলিগ্রাফ লাইন খোলা হয়। উহা তখন সরকারি কার্যেই ব্যবহৃত হইত। সাধারণের জন্য ১৮৫১ খৃষ্টাব্দের ১লা ডিসেম্বর প্রথম তাড়িতবার্তা প্রেরণের ব্যবস্থা হয়। কলিকাতা হইতে আগ্রা পর্য্যন্ত টেলিগ্রাফ লাইন খোলা হয় ১৮৫৪ খৃষ্টাব্দের ২৪শে মার্চ। (১৯) ইহার পর ক্রমেই ভারতের বহু স্থানে তাড়িতবার্তা প্রেরণের ব্যবস্থা হইতে থাকে। জানা যায় ১৮৫৭ সালে ৪১৬২ মাইল; টেলিগ্রাফ লাইন খোলা হয় এবং কুড়ি বৎসরের মধ্যে ইহার পরিমাণ প্রায় চারি গুণ বৃদ্ধি পায়। (২০)

ভারতে তাড়িতবার্তা প্রচলন বিষয়ে সর্ব প্রথম যিনি চেষ্টা করিয়াছেন, তাঁহার নাম উইলিয়ম ব্রুক (Sir William Brooke O'Shanhnessy M. D.)। তিনি বেঙ্গল আমিতে একজন ডাক্তার ছিলেন। তিনিই প্রথম কলিকাতা হইতে বেঙ্গলীতে টেলিগ্রাফ লাইন বসাইয়া পরীক্ষা দ্বারা কৃতকার্য হইয়াছিলেন। ইহার দ্বারা বন্দার সহিত যুদ্ধকালে বিশেষ সুবিধা হইয়াছিল। (২১)

এদেশে রেলগাড়ি চলিবার পূর্বে পাকি গাড়ি ও নৌকা প্রভৃতিতে কিরূপ ব্যয় হইত বা কত সময় লাগিত, তাহা এখনকার দিনে জানিতে কৌতূহল হয়। উড়িষ্যাদের এদেশে আসিয়া পাকির বেয়ারার কাজ করার প্রথা বহু দিন হইতেই প্রচলিত আছে। ১৭৭৬ খৃষ্টাব্দে সরকার কর্তৃক ঠিকা উড়িয়া বেয়ারাদের পারিশ্রমিকের দৈনিক হার নির্ধারিত করিয়া দেওয়া হইয়াছিল; ৫ জন ঠিকা বেয়ারা সিন্ধ ১ টাকা, অর্ধদিন ১০। সূর্য্যোদয় হইতে ১২টা এবং ১২টা হইতে রাত্রি ৮টা পর্য্যন্ত অর্ধদিন ধরা হইত। দূরত্ব হিসাবে ৫ মাইলের অনধিক দূর যাইবার মজুরি প্রতি বেয়ারা চারি আনা।

৮ মাইল একদিন ধরা হইত (২২) সেকালে পাকির মত দেখিতে অথচ ঢাকা বিশিষ্ট এক প্রকার ঘোড়ায় টানা গাড়ি ছিল, উহাকে ডাক বলিত। (২৩)

দূরদেশে স্থলপথে যাইতে ঘোড়া ও হস্তী ভিন্ন পাকিই প্রধান অবলম্বন ছিল, কিন্তু উহা কিরূপ ব্যয়সাধ্য ছিল, তাহা নিম্নলিখিত তালিকা হইতে বুঝিতে পারা যায়।

কলিকাতা হইতে চন্দননগর ও গুরুটী ২২॥ নাগাইদ ২৪॥ টাকা, কাশিমবাজার ও মুরশিদাবাদ ১৪৭॥ নাগাইদ ১৪৯॥ টাকা, রাজমহল ২৩৮দ নাগাইদ ২৫৭দ, পাটনা ও বাঁকিপুর ৫০০্ নাগাইদ ৫৪০্, বেনারস ৭০৭॥ নাগাইদ ৭২৪্ টাকা পাকির ভাড়া ছিল। (২৪) এই সময়ে ঘোড়ার গাড়ির ভাড়া কিরূপ ছিল তাহা নিম্নপ্রদত্ত তালিকা হইতে জানিতে পারা যায়। ক্রষ্টোফার ডেক্সটার (Christopher Dexter) নামক একজন ভাড়াটিয়া গাড়ির কারখানাওয়ালার ১৮০০ খৃষ্টাব্দের ২৭শে ফেব্রুয়ারির একটি বিজ্ঞাপনে এইরূপ প্রকাশিত হইয়াছিল। চারি ঘোড়ার গাড়ি প্রতি দিন ভাড়া ২৪্, মাসে ৩০০্। দুই ঘোড়ার গাড়ি প্রতি দিন ১৬্ মাসে ২০০্। ছয় মাসের জন্য মাসিক ১৫০্। এক বৎসরের জন্য মাসিক ১৩৩/৪ পাই। কেবল মাত্র ২টি ঘোড়া প্রতি দিন ১০্, মাসে ১৬০্, ছয় মাসে মাসিক ১১০্ টাকা। বগি ও ঘোড়া প্রতি দিন ৫্, মাসে ১০০্, ছয় মাসে মাসিক ৮০্, বৎসরে মাসিক ৬৪্ টাকা। (২৫)

১৭৮১ খৃষ্টাব্দে জলপথে নৌকার ভাড়া ছিল, ৮ জন দাঁড়ির বজরা দৈনিক ২ টাকা, ১০ জনের ২১০ টাকা, ১২ জনের ৩১০ টাকা, ১৪ জনের ৫ টাকা, ১৬ জনের ৬ টাকা, ১৮ জনের ৬১০ টাকা, ২০ জনের ৭ টাকা, ২২ জনের ৭১০ টাকা, ২৪ জনের ৮ টাকা।

(১৯) The Good Old Days of Honourable John Company.

(২০) The Good Old Days of Honourable John Company.

(২১) Cassell's Illustrated History of India, Vol.—11.

(২২) The Good Old Days of Honourable John Company.

(২৩) The Hand Book of India.

(২৪) The Good Old Days of Honourable John Company.

(২৫) Selections from Calcutta Gazettes of the years 1798 to 1805.

৪ দাঁড়ির নৌকার মাসিক ভাড়া ২২ টাকা, ৫ দাঁড়ির ২৫ টাকা, ৬ দাঁড়ির ২৮ টাকা।

২৫০ মণের নৌকা ভাড়া ২৯ টাকা, ৩০০ মণের, ( ৭ দাঁড়ি ) ৩৪ টাকা, ৪০০ মণের ( ৮ দাঁড়ি ) ৪০ টাকা ৫০০ মণের ( ১০ দাঁড়ি ) ৫০।০ টাকা।

তখন জলপথে কলিকাতা হইতে বহরমপুর ২০, মুরসিদাবাদ ২৫, রাজমহল ৩৭, মুন্সের ৪৫, পাটনা ৬০, বেনারস ৭৫, কানপুর ৯০, মালদা ৩৭।০, ঢাকা ৩৭।০ দিন সময় লাগিত। সে সময়ে জলপথে মেসার্স হোমস্ এণ্ড এলেন্ ( Messrs. Holmes and Allan ) কোম্পানির মাল পাঠানর কাজ প্রায় একচেটিয়া ছিল। (২৬)

লর্ড ডালহাউসির শাসনকালে ১৮৪৩ খৃষ্টাব্দে মিঃ স্টিফেনসন্ ( Mr. Rowland Macdonald Stephenson ) সুপ্রিম গভর্নমেন্টের নিকট রেলগাড়ি চালাইবার জন্ত প্রথম আবেদন করেন। ইংরাজি ১৮৪৫-৪৬ সালের শীতকালে কলিকাতা হইতে দিল্লী পর্যন্ত তিনি পরীক্ষার্থ একটা মোটামুটি সার্ভে করেন। তৎপরে তিনি বিলাত যাইয়া বোর্ট অব্ ডিরেক্টর এবং ইষ্ট ইন্ডিয়া কোম্পানির কাছে তাঁহার প্রস্তাব বিশেষভাবে বিজ্ঞাপিত করিলে, ১৮৫০ খৃষ্টাব্দে পরীক্ষার্থ কলিকাতা হইতে রাণীগঞ্জ পর্যন্ত রেলপথ নির্মাণ করিবার আদেশ প্রাপ্ত হন। মধ্যের ৪।৫ বৎসর কেবল মাত্র আলোচনা তর্ক বিতর্ক বাধা এবং মীমাংসা করিতেই অতিবাহিত হয়। ইহার সাফল্য সম্বন্ধে গভর্নমেন্ট প্রথম বিশেষ সন্দেহান ছিলেন। এই সময়েই গ্রেট ইন্ডিয়ান পেনেন্সুলা রেলওয়ের কর্তৃপক্ষ ৫০ মাইল রেল চালাইবার অমুমতি পায়।

জর্জ টার্নবুল্ ( George Turnbull ) নামক প্রথম প্রধান ইঞ্জিনীয়ার স্টিফেনসনের সঙ্গে সহকর্মীরূপে থাকিয়া এ কার্যে সহায়তা করিয়াছিলেন। রেলপথের জন্ত জমি সংগ্রহের সুবিধা হয় এরূপ কোন আইন না থাকায় প্রথমে বিশেষ অসুবিধা হয়। ইংরাজি ১৮৫০ সালের ডিসেম্বর মাসে জমি সংক্রান্ত নূতন আইন বিধিবদ্ধ হয়। কিন্তু ইতিমধ্যেই টার্নবুল্ তাঁহার ছইজন সহকারীর ( Messrs.

Purser and Evans ) সহায়তায় জমিদারদের নিকট হইতে তাঁহাদের জমির উপর রেলপথ নির্মাণের অমুমতি পাইয়াছিলেন।

স্টিফেনসন্ ও টার্নবুলের অসীম চেষ্টা সত্ত্বেও নানাবিধ অসুবিধা বশতঃ আরও দুই বৎসর বিলম্বের পর ১৮৫৩ সালের শেষে পাণ্ডুয়া পর্যন্ত গাড়ি চালাইবার উপযুক্ত রেলপথ প্রস্তুত হয়। কিন্তু গাড়ীর অভাবে এবং ফরাসী অধিকৃত চন্দননগর মধ্যে পড়ায় শেষোক্ত গভর্নমেন্টের সহিত লেখালেখি করিতে প্রায় তিন বৎসর সময় যায়। ১৮৫৪ সালের জুন মাসে প্রথম এঞ্জিনখানি আসিয়া পৌঁছে এবং ২৮শে তারিখে মিঃ হজসন্ ( Hodgson ) উহা পাণ্ডুয়া পর্যন্ত চালাইয়া পরীক্ষা করেন। তৎপরে এই বৎসরের ১৫ই আগষ্ট ছগলী পর্যন্ত, ১লা সেপ্টেম্বর পাণ্ডুয়া পর্যন্ত এবং পর বৎসর ৩রা ফেব্রুয়ারি শনিবার রাণীগঞ্জ পর্যন্ত ১২০ মাইল পাকা রকম রেল খোলা হয়। এই বৎসর মার্চ মাসের শেষ পর্যন্ত প্রথম শ্রেণীর ৪, দ্বিতীয় শ্রেণীর ৮, তৃতীয় শ্রেণীর ১৭ এবং ওয়াগান্ ভ্যান্ প্রভৃতি মোট ৬৪খানি অর্থাৎ সর্বমুদ্য ৯৩খানি গাড়ি প্রস্তুত হইয়াছিল। ইহার সমস্ত গুলিই কলিকাতার প্রসিদ্ধ গাড়া-ওয়ালার ষ্ট্রুয়ার্ট কোম্পানি এবং সেটন্ কোম্পানি নির্মাণ করিয়াছিলেন। প্রথম যে ইঞ্জিনখানি বিলাত হইতে আসিয়াছিল তাহার নাম 'ফেরারি কুইন'।

যেদিন রাণীগঞ্জ পর্যন্ত প্রথম রেল খোলা হয়, সোদন বিশেষ জাঁকজমক ও উৎসবের সহিত এই কার্য সমাধা হয়। এই নূতন বাষ্পীয় যান দেখিবার জন্ত বর্ধমান ও অন্যান্য বহু স্থানে বহু জনসমাগম হইয়াছিল। গভর্নর জেনারেলের শারীরিক অস্বচ্ছন্দতা বশতঃ তিনি সমগ্র উৎসবটিতে যোগদান করিতে না পারিলেও হাওড়া ষ্টেশনে উপস্থিত হইয়াছিলেন। রাণীগঞ্জ পর্যন্ত প্রথম ভাড়া ধার্য হয় ১৮/ এবং পৌঁছিতে সময় লাগে ৭ ঘণ্টা।

ভারতে নব অভ্যুদয়ের মূল বাষ্পীয় যান ও রেল লাইন প্রতিষ্ঠার ইহাই সংক্ষিপ্ত ইতিহাস। ইহার পর সিপাহী বিদ্রোহের জন্ত কিছু দিন কার্যের অসুবিধা হয়। তৎপরে দ্রুতগতিতে বিভিন্ন স্থানে রেলপথ ও আবশ্যিক সেতু প্রভৃতি নির্মিত হইতে থাকে। শোন নদের উপর যে সুপ্রসিদ্ধ সেতু আছে, তাহার নির্মাণ কার্য প্রথম রেল খোলার সঙ্গে সঙ্গেই আরম্ভ হয়; কিন্তু বিদ্রোহ হেতু উহা শেষ হইতে ১৮৬২



সালের ডিসেম্বর পর্যন্ত সময় লাগে। ১৮৭৬ খৃষ্টাব্দে ভারতে রেলপথের পরিমাণ মোট ৬৪৯৭ মাইল ছিল।

রেল খোলার পর অজ্ঞাত মালপত্রের সহিত কয়লা আঁমদানীর খুব সুবিধা হয়। পূর্বে দেশীয় কয়লা এবং বিলাত হইতে জাহাজে আমদানী কয়লার দরের পার্থক্য বড় ছিল না। তখন গোয়ান ও নৌকাযোগে দামোদর হইয়া কলিকাতায় কয়লা আসিত। রেল খুলিবার সঙ্গে সঙ্গে পূর্বের প্রথা তিরোহিত হইল; এবং রেলের কয়লা আসিতে আরম্ভ হইল। ১৮৫৫ সালের ৩০শে মার্চ ২৬খানি ওয়াগানে ১৪৭ টন কয়লাসহ প্রথম কয়লার গাড়ি হাওড়ায় পৌঁছায়। (২৭)

(২৭) (1) Bengal Past and Present, Vol.—V.—The Early Days of the East India Company.

(2) The Good Old Days of Honourable John Company.

রেল ষ্টীমার ডাক টেলিগ্রাফ প্রভৃতির আদি কথা সংক্ষেপে বলা হইল। মোটরকার বা মোটর সংলগ্ন নৌকা বা ষ্টীমার এখানে প্রথম কোথায় এবং কাহার দ্বারা আনীত বা ব্যবহৃত হয়, তাহা জানিতে পারি নাই। আকাশ-পথে এরোপ্লেনে ভ্রমণ এদেশে ক্রমেই বাড়িতেছে। অদূর-ভবিষ্যতে ইহা সাধারণ যানের মত ব্যবহৃত হইতে পারে, তাহার সূচনা পাওয়া যাইতেছে। প্রাচীন প্রথায় বেলুনে উঠিয়া আকাশে বিচরণের কথা ক্রমে ভুলিয়া যাইতেছি। ১৮৩৬ খৃষ্টাব্দে ২১শে মার্চ এদেশে সর্ব প্রথম বেলুন উঠে। যে ব্যক্তি এই কার্য করেন তাঁহার নাম রবার্ট্‌সন্। (২৮)

(২৮) The Good Old Days of Honourable John Company.

## বিচারের অধিকার

শ্রীরমাদাস হালদার বি-এসসি

( এক )

সমস্ত রাত্রি তরুণী প্রলোভনের সঙ্গে লড়াই করল ..... শেষে জয়ী হল তার প্রেম .....।

আজ সকালেই সে নিজেকে সংসারে সব থেকে সুখী মনে করেছিল—আর এ সন্ধ্যায় তার চেয়ে বড় দুঃখী বোধ হয় আর কেউ নেই। একটু সুখের রেখা দেখিয়ে দিয়ে দুঃখ আবার তারে নিজের কোলে টেনে নিল।

সংসারে জ্ঞানের উন্মেষ হবার পর থেকেই সে নিজেকে ছনিয়ার বুকে একলা পেয়েছে; কেউ কোথাও তার আছে বা কখনও ছিল কি না মনে পড়ে না। যখন সে এই ছনিয়ার ভাল করে চাইতে,—ভাল করে বুঝতে শিখলে—বোর্ডিংএর ছোট্ট ঘরখানাই সে নিজের ঘরকন্যা রূপে পেলে,—আর পেলে মায়ের মেহের আশীর্ষ-বাণীর বদলে মিস্ গুহর মুখস্ত-করা কায়দা-ছরস্তু উপদেশগুলো। স্কুলের অত্র মেয়েদের সঙ্গেও সে ঠিক মিশতে পারত না—মিশ খেত না; আর সে

মিশতেও বড় একটা চাইত না। তাই তার এ নিঃসঙ্গ জীবনে তাকে সঙ্গ দিতেছিল—তাব চক্চকে তক্তকে বাধান বইগুলো, আর এক দরদী সহপাঠিনী—ছায়া।

তাকে আপন বলে ডেকে নেবার কেউ ছিল না বটে, কিন্তু মাসে মাসে বোর্ডিংএর তার সমস্ত দরকারী খরচপত্র এসে পৌঁছত—ঠিক সময়মতই বোর্ডিংএর অভিভাবকদের কাছে কোনও একটা ব্যাকের কাছ থেকে। এইটুকুই সে জানত—এইটুকুতেই তাকে সন্তুষ্ট থাকতে হয়েছিল। কে যে তার এ গোপন দাতা—সে তার এতটুকু খোঁজ করে উঠতে পারে নি, যদিচ সে চেষ্টার কোন ক্রটি করে নি। মিস্ গুহর যে বিশেষ কিছু জানতেও তা নয়—আর যেটুকু বা তিনি জানতেন—তিনি নিজের কাছে গোপন রেখেছিলেন।

ছায়া ছিল তার সহপাঠিনী। সে থাকত বালীগঞ্জে তার বড় ভাইয়ের সঙ্গে;—স্কুলের বাসে চড়ে রোজ পড়তে

আসত। সে ছায়াকে আপন করে নিয়েছিল অল্প দিনের আলাপেই; আর ছায়াও তাকে পর ভাবত না। ছায়া রেখার ব্যথার স্থানটি জানত—আর সেইটেই সে সব সময়েই বাঁচিয়ে চলত...।

পূজোর ছুটি এসে পড়েছে—মেয়েরা সব বাড়ী ফিরে গেছে—বাড়ী ফিরবার আনন্দে সমস্ত বোর্ডিং ভরে গিয়েছে—সবাই বাড়ীর কথা কইছে—সবাই আপন আপন স্নেহনীড়ে এ আগমনীর দিনে ফিরে যাবে। স্কুলের গাড়ী একদল মেয়েকে স্টেশন পৌঁছে দেবার জন্তু দাঁড়িয়ে আছে—গাড়ীতে মেয়েদের জিনিষপত্র তোলা হচ্ছে। মেয়েদের পুলক-ছাওয়া চপল হাসি মাঝে মাঝে কাণে আসছিল—রেখা একলা ওপরের বারান্দায় দাঁড়িয়ে লোলুপ চোখে এ বিদায়-দৃশ্য দেখছিল—তার নিরালা সঙ্গহারা জীবনের সঙ্গে তুলনা করছিল—আর তার চোখ উপচে জল আসছিল...।

পেছন থেকে ছায়ায় কৌতুকভরা কণ্ঠ শোনা গেল—  
“বাবা রে বাবা! তুই যেন কি! তোকে চারিধার খুঁজে ফিরছি—আর তুই এখানে দিব্যি একলাটি দাঁড়িয়ে আছিস্...”

রেখা চোখের জল গোপন করবার চেষ্টা করলে—পারলে না। ছায়া সত্যই তাকে ভালবাসত—তার চোখে জল দেখে তার মুখখানা সন্ধ্যার মত স্নান হয়ে গেল। ছায়া রেখার মনের গোপন ব্যথা জানত—চোখের জলের কথা চেপে দিয়ে রেখার হাত আস্তে আস্তে নিজের হাতের মধ্যে চেপে ধরে বললে—“একটা কথা আমার রাখবি ভাই?”

“কি ভাই?”

রেখার মলিন মুখের ওপর কাতর দৃষ্টি রেখে ছায়া বলে চলল—“আগে ভাই তোকে বলতে সাহস করি নি। মা বলে দিয়েছিলেন—মিস গুহরও হুকুম নিয়ে এসেছি—তোকে ভাই এ পূজোর ছুটিতে আমার কাছে থাকতেই হবে—এ পূজোর আনন্দে তোকে এখানে রেখে একলা আমি এতটুকুও আনন্দ পাব না—”

রেখা ছায়াকে হুহাতে বৃকের মাঝে চেপে ধরলে—তার চোখের পাতা ছোটো ভিজে উঠল—এ দরদীর সহানুভূতিতে। সে বেশ বুঝলে—ছায়া তাকে তার সঙ্গহারা জগৎ থেকে নিজেদের জগতে টেনে এনে, তার নিঃসঙ্গ জীবনের কাহিনী ভোলাতে চায়.....

যাবার সময়ে মিস গুহ আর একবার উপদেশের থলি খুলে দিলেন—বারে বারে সতর্ক করে দিলেন, যেন mis-behaviour এর complaint তাঁকে না গুন্তে হয়;—সেটা তিনি কিছুতেই বরদাস্ত করতে পড়বেন না—ইত্যাদি....।

( হুই )

সে একটা নূতন জগতের মাঝে এসে দাঁড়াল—যার স্পর্শ সে কখনও পায় নি—যা অনুভব করবার জন্তু অন্তর তার মাঝে মাঝে কেঁদে উঠত। নেই এখানে তার সঙ্গহারা জীবন—না আছে এখানে মিস গুহর একঘেয়ে সতর্কতা-ভরা উপদেশ। সে একটা প্রীতির বাঁধনঘেরা স্নেহনীড়ে এসে এড়ল। ছায়ায় মা তার মাথায় চুমু খেয়ে তাকে বৃকের মাঝে টেনে নিলেন।

দশটি দিন—মাত্র দশটি দিন—সে এই স্নেহনীড়ে বাসা বেঁধেছিল—তার হারিয়ে-ফেলা জগৎকে সে এই দশটি দিনই মাত্র ফিরে পেয়েছিল;—তার পর—তার পর আবার তাকে ফিরে যেতে হয়েছিল—তার বোর্ডিং এর দেওয়াল-ঘেরা ছোট্ট ঘরে তার একলার জগতে....।

এই নূতন জগতে কিন্তু তাকে ধরা দিতে হয়েছিল—। সে বোর্ডিং এ ফিরে গেল; কিন্তু তার ছোট্ট মনটাকে পাছু ফেলে।

ছায়ায় দাদা তরুণ তখন বিশ্ববিদ্যালয়ের সমস্ত পরীক্ষা-শুলো শেষ করে, বইয়ের বোঝা ঠেলে ফেলে দিয়ে বিশ্রাম নিয়েছিল। এই বিশ্রামে তাকে আনন্দ দিতে সাথী জুটেছিল দুটি—এক তার হাসি-মাথা চঞ্চল ছোট বোন ছায়া—আর দ্বিতীয় তার ছবি আঁকার বাই।

এই দুটিকে নিয়ে ছিল সে ব্যস্ত ঠিক এমনি সময়ে রেখা তার নতুন-খোঁজা তরুণ চোখের সামনে এসে দাঁড়াল.....।

রেখাকে ছায়া নিজেদের ঘরকন্না দেখান শেষ করে দাদার ঘরকন্না দেখাতে নিয়ে চলল। চুপি চুপি দরজার ভারী পর্দা সরিয়ে সে রেখাকে নিয়ে পা টিপে টিপে দাদার চিত্রশালায় প্রবেশ করলে—; তরুণ শিল্পী তখন ছয়োরের দিকে পেছন ফিরে বসে নিবিষ্ট মনে ক্যানভাসের ওপরের ‘তরুণীর’ মুখে তুলি চালিয়ে তার বৃকের ‘গোপন ব্যথা’ ফুটিয়ে তুলবার প্রয়াস পাচ্ছিলেন। পা টিপে টিপে ছায়ায় ঘরে ঢকবার শব্দ যে তিনি পান নি তা নয়—এবং ছায়ায়

কিছু নূতন ছুঁমিও বুঝতে পেরেছিলেন; কিন্তু তিনি মুখখানাকে যথাসম্ভব গম্ভীর করে নীরবে নতমুখে তুলি আর রং নিয়ে কাজ করে যেতে লাগলেন।

ছয়োরের পাশে একটা ইঞ্জলের ওপর সাদা ক্যানভাস চড়ান একটা বড় ফ্রেম দাঁড় করান ছিল। রত্নিন ষড়ির ছ একটা লাইন ছাড়া তার সব জমিটাই সাদা ছিল; এইটার সামনে চুপচাপ রেখাকে দাঁড় করিয়ে রেখে ছায়া পা টিপে টিপে দাদার আসনের পেছনে গিয়ে দাঁড়াল। শিল্পী গম্ভীর ভাবে তখনও তুলি চালিয়ে চলেছেন; ছায়া ছবিখানার ওপর চট করে একবার চোখ বুলিয়ে নিয়েই বলে উঠল—“চমৎকার!”

দাদার গম্ভীর মুখে সাফল্যের সলাজ একটু হাসির বেথা কুটে উঠেই মিলিয়ে গেল। ষাড় না ফিরিয়েই তিনি জিজ্ঞাসা করলেন—“ভাল হচ্ছে রে?”

কথা কেড়ে নিয়ে চটপট ছায়া উত্তর দিল—“ভাল বলে ভাল—Superb!—সুধার্তের ভাবটা এর মুখে কি চমৎকারই না তুমি ফুটিয়ে তুলেছ!—”

তরুণ শিল্পীর হাত থেকে রংয়ের তুলি পড়ে গেল—সে হতাশ ভাবে সামনের ছবির পানে চেয়ে বসে রইল—ছায়ার এ অদ্ভুত শিল্পজ্ঞান দেখে সে হাসবে কি কাঁদবে ভেবে উঠতে পারলে না। মনে কিন্তু তার বেশ একটু ঘা লাগল... মেয়েটা একটু আঁট চিনলে না... শিল্পের একটু কদর জানলে না। কোথায় তরুণীর বৃকের সমস্ত ‘ব্যথা’ তাব মুখে চোখে সে ফুটিয়ে তুলেছে, আর সেটা ছায়ার চোখে হ’ল কি না সামান্ত পার্থিব পেটের ক্ষুধা!

দাদার এ ভাব পরিবর্তনের দিকে এতটুকু লক্ষ্য না করেই ছায়া হঠাৎ চপল হাসিতে সমস্ত ঘরখান ভরে তুলে বললে—“ওমা—তাই ত! বেশ নামটিও যে দিয়েছ দেখছি—‘তরুণীর ব্যথা’! এত ক্ষিদে পেয়েছে যে পেট ব্যথা কচ্ছে.....!”

তরুণ আর সহ করতে পারলে না। মাথা নীচু করে তুলিটি জমি থেকে কুড়িয়ে নিয়ে বললে, “ছায়া, দেখ, সব সময় তামাসা ভাল লাগে না। তোমাকে মানা করে দিয়েছি, শুনবে না; আমি যখন ষ্টুডিওতে ব্যস্ত থাকি—আমাকে বিরক্ত কর না।”

পেছনে ছয়োরের কাছে ক্যানভাসের ফ্রেমের সামনে

দাঁড়িয়ে, মুখে ক্রমাল চেপে মুখ টিপে টিপে রেখা হাসছিল—; চোখ, মুখ, কাণ তার চাপা হাসিতে রক্তাভ হয়ে উঠেছিল—সেদিকে চোখ পড়তেই ছায়া হাসি চেপে বলে উঠল—“বাই বল না দাদা—তোমার চেয়ে যে আমি ভাল ছবি আঁকি তার প্রমাণ আজ হাতে হাতে দেব। ষাড়টা ফিরিয়ে একবার আমার ছবিখানা দেখ—নিশ্চয়ই তুমি তারিফ করবে।”

ছায়ার চিত্রবিদ্যার দৌড় তরুণের ভালরকমই জানা ছিল। এইবার সে ছায়াকে কোণঠাসা করতে পারবে—উৎসাহে ও আগ্রহাতিশয্যে সে ফিরে দাঁড়াল ও ভারী অপ্রস্তুত হয়ে গেল। রেখাও ভারী মুস্থিলে পড়ল তরুণের দৃষ্টির সামনে সে নত হয়ে পড়ল—চাপা হাসি চাপতে গিয়ে সে ঘেমে উঠল।—

তরুণ অপ্রস্তুত হয়ে গেল বটে, কিন্তু পলকহীন চোখে সে চেয়ে রইল। তার শিল্পীর চোখ বলল—হাঁ, ছবি বটে! ক্যানভাসের বৃকে একে যদি ঠিক এমনি ভাবেই ফুটিয়ে তুলতে পার তবেই তুমিই শিল্পী!

ছায়ার ছুঁমি হাসিতে তরুণের চমক ভাঙ্গল—; সে অপ্রতিভ হয়ে নিজের দৃষ্টি ফিরিয়ে নিয়ে অন্তমনস্ক ভাবে রং আর তুলি নিয়ে খেলতে শুরু করল। রেখাকে টেনে এনে দাদার হাত থেকে রং আর তুলি কেড়ে নিয়ে ছায়া তার পরিচয় দিল—“এ রেখা—আমার সহপাঠী ও একমাত্র সাথী।”

এই তাদের প্রথম দিনের পরিচয়; দশদিনে ছয়নে ক্রমশঃ কাছে এসে পড়েছিল—এমনি সময়ে রেখার ছুটির মেয়াদ ফুরিয়ে গেল—রেখা বোডিংএ ফিরে গেল।

( তিন )

স্কুলের বাসে করে ছায়ার স্কুলে যাওয়া বা বাড়ী ফেরা দাদার আর পছন্দ হ’ল না। ছকুম হ’ল—বাড়ীর ‘কারে’ করে যাবে; আর তরুণ নিজেই পৌছে দিয়ে আসবে ও ফেরত আনবে।

মা আপত্তি তুললেন—বললেন, “তুই কেন বাপু—বাড়ীতে সোফার বসে থাকতে—এত কষ্ট করবি? স্কুলের গাড়ীতে করে যাওয়া আসা তোমার পছন্দ না হয়, বেশ ত সোফারকে বলে দিস—”

মার কথা শেষ হতে না দিয়েই তরুণ বুদ্ধিয়ে দিলে—“তুমিও যেমন মা—এতে আর কষ্ট কি?—দেখেছ না, চুপচাপ ঘরের কোণে বসে থেকে থেকে শরীর কি রকম হয়ে যাচ্ছে।

না কিছু খেতেই পারা যায়—ক্ষিদেই হয় না তার খাব কি ।  
—এতে একটু বেড়ান হবে—শরীরটা হয়ত একটু ভাল হলে  
যেতে পারে—” ইত্যাদি ।

তরুণ মায়ের দুর্বল স্থানটিতে আঘাত করেছিল ;—  
তিনি আর আপত্তি কল্লেন না—পুত্রের স্বাস্থ্য ও কল্যাণ  
কামনায় মালাছড়াটা মাথায় ঠেকিয়ে ঠাকুর ঘরে ঢুকে  
পড়লেন ।

ছায়া মুখ টিপে একটু হাসলে... ।

স্কুলের ছুটির পর তরুণের সোজা ছায়াকে নিয়ে বাড়ী  
ফেরবার চাইতে রেখাকেও সঙ্গে নিয়ে, স্বাস্থ্যের কল্যাণে  
বেড়াতে যাবার সখটা ভয়ানক চেপে ধরল—আজ  
বোটানিকাল গার্ডেন্—কাল জু, এমনি করে সে সারা  
কলকাতা সহরটা চলে বেড়াতে লাগল ।—

ছায়া প্রথম প্রথম আপত্তি তুললে না । চুচার দিন পরে  
হঠাৎ একদিন রেখাকে একটা টিপুনি দিয়ে আপত্তি তুলে  
বসল—“দাদার না হয় ক্ষিদে হয় না—শরীর ভাল নেই—  
স্বাস্থ্যের কল্যাণে এবং ক্ষিদে বাড়ানর জন্তু বেড়ানটা দরকার ;  
কিন্তু আমরা ছুটি প্রাণী যে স্কুল থেকে সোজা বেরিয়ে না  
খেতে পেয়ে মারা যাই—”

তরুণ লজ্জা পেলে । পর দিন থেকে দুজনের জামগায় চার  
জনের খাবার ভরা টিফিন-বাস্কেটটা সঙ্গে আনতে ভুল করত  
না । ছায়ার আর আপত্তির কোন কারণ রইল না ।

যেদিন ছায়ার সঙ্গিনীর বেড়াতে যাওয়া হয়ে উঠত না,  
সেদিন তরুণের আর বেড়াতে যাবার এতটুকু উৎসাহ থাকত  
না ; এদিক ওদিক ছোটো রাউণ্ড দিয়ে তার মাথা ধরে  
উঠত—অমনি সে আবিষ্কার করে ফেলত তার পেটলও বড়  
শীঘ্র ফুরিয়ে এসেছে—সে সোজা বাড়ী ফিরত । ছবির ঘরে  
ঢুকে অঘট্টে-ফেলে-রাখা ছবিগুলোর ধুলো ঝেড়ে সে আবার  
ছবি আঁকতে বসত—।

( চার )

এমনি করেই তাদের দিনগুলো কাটছিল...।

আজ সকালে রেখার নিরালা জীবনের সব থেকে শুভ  
মুহূর্ত্ত গিয়েছে—সে শিল্পীর প্রণয়-নিবেদন পেয়েছে ; ঠেকিয়ে  
রাখবার মত তার আর কিছুই ছিল না । সে আগে থেকেই  
নিজেকে বিলিয়ে রেখেছিল—তাকে তার প্রিয়ের প্রণয়-পাশে  
ধরা দিতে হয়েছে...।

তার হৃৎকের জীবনের হৃৎকের বোঝা নেমে গিয়েছে—তার  
হৃৎকের নদী আজ কানায় কানায় পূর্ণ—।

বিকলে সে তার ছোট্ট আয়নাখানার সামনে দাঁড়িয়ে  
নিজের ছোট্ট মুখখানা বারে বারেই দেখছিল ; আর তারই  
পাশে তরুণের মুখখানা কল্পনায় টেনে এনে লজ্জায় রাঙ্গা  
হয়ে উঠছিল...দরজায় যা পড়ল—ধবর এল, মিস্ গুহ  
ডাকছেন ।

নেমে এসে সে মিস্ গুহর ঘরে গিয়ে ঢুকল । মিস্ গুহ  
গম্ভীর মুখখানাকে আরও কতকটা অস্বাভাবিক গম্ভীর করে,  
তাকে একখানা চেয়ার দেখিয়ে দিলেন । তার পর অনেকখানি  
জবরদস্তি কেসে বিস্তর ভূমিকা করে হুখানা চৌকো মোটা  
লেফাফা তার দিকে ঠেলে দিয়ে জানালেন, তার সাত বৎসর  
বয়স থেকে তাঁরা তার প্রতিপালন ও শিক্ষার ভার পান—এত  
দিন পর্যন্ত বিশ্বস্ত ভাবেই তাঁরা তা পালন করে এসেছেন ।  
সে এখন পূর্ণবয়স্ক ও সাবালিকা । আজ তাঁরা এটর্নির অপিস  
থেকে পত্র পেয়েছেন ও সমস্ত হিসাবপত্র মিটিয়ে পেয়েছেন ।  
এ হুখানা পত্রও তার জন্তু সেখান থেকে এসেছে । সে এখন  
স্বাধীনা—ইচ্ছা করলেই সে বোর্ডিং থেকে চলে যেতে পারে ।  
তবে তিনি আশা করেন—তাঁদের এত দিনের যত্নের শিক্ষা  
বৃথা যাবে না—সে এত শীঘ্র লেখাপড়া ছেড়ে চলে যাবে না ।  
আরও তিনি আশা করেন, তার জীবনের সমস্ত ইতিহাস, যা  
জানবার জন্তু সে এত উৎসুক, সমস্তই সে এই পত্র হুখানায়  
পাবে । সমস্ত পড়ে ভাল বুঝে সে তার কর্তব্য স্থির করবে ।

পত্র হুখানা নিয়ে সে ধীর পদে ওপরে চলে এল—ঘরের  
দরজা বন্ধ করে দিল ।

প্রথম পত্রখানা—যেটাতে এটর্নি আপিসের ছাপ-মারা,  
সেইটাই সে আগে খুললে । পত্রখানা ছোট—পড়তে তার  
বেশী সময় নিল না । পত্রে ছিল—

প্রিয় মহাশয়া,

প্রায় দশ বৎসর পূর্বে আমাদের পুরাতন মকেল  
আপনার অভিভাবিকার নিকট হইতে আমরা আপনার এবং  
আপনার যাবতীয় বিষয়-সম্পত্তির ভার পাই ।—আপনাকে  
উপযুক্ত শিক্ষা প্রভৃতি দেবার জন্তু আমরা অল্পকষ্ট হই—এবং  
আপনি সাবালিকা হইলে যেন সমস্ত সম্পত্তি আপনাকে  
বুঝাইয়া দেওয়া হয়—আমাদের উপর এইরূপই আদেশ ছিল ।  
প্রথম অনুরোধ আমরা খুবই বিশ্বস্তভাবে পালন করিয়াছি—

আপনি এখন সুশিক্ষিতা এবং সাবালিকা। যত সম্ভব সম্ভব সুবিধামত আমাদের আপিসে আসিয়া দেখা করিলে, আমরা দ্বিতীয় আদেশ পালন করিব—সমস্ত সম্পত্তি আপনাকে বুঝাইয়া দিব।

আপনার এবং আপনার বিষয়-সম্পত্তির ভার নেবার প্রায় চার বৎসর পরে সঞ্জের পত্রখানি আমাদের হাতে আসে। আপনার অভিভাবিকা মৃত্যুশয্যায় পুরী হইতে ইহা আমাদের নিকট পাঠান। আমাদের উপর আদেশ ছিল—আপনি পরিণত বয়স্ক হইলে ইহা আপনাকে যেন দেওয়া হয়। আমরা আদেশ পালন করিলাম।

আপনাদের বিশ্বস্ত  
ইত্যাদি ইত্যাদি  
এটর্নিজ্-এট্-ল।

এই পত্রখানা খুলে পড়ে দ্বিতীয় পত্রখানা খোলবার তার সাহস চলে গেল। সে স্থায়ী ভ্রাতা নিশ্চল হয়ে বসে রইল।

পত্রখানা হাতে নিয়ে অনেকক্ষণ সে নাড়া চাড়া করলে। কেমন যেন একটা অজানা ভীতি তাকে ঘিরে ধরলে। এতে আছে তার অজ্ঞাত জীবনের ইতিহাস—তার হারিয়ে-ফেলা জগতের সঙ্গে বাধন—প্রায় আঠার বৎসর পরে তাকে কবর খুঁড়ে তোলা হচ্ছে...কি জানি...কি আছে...কে জানে।

অনেকবার মনে তার বিধা এল—কাজ নেই—কাজ নেই...সে জানতে চায় না—সে নূতন জগৎ পেয়েছে—তাকে সে আঁকড়ে ধরে যাচ্ছে—পুরোনো হারিয়ে-ফেলা জগৎ তার হারানই থাক—কবর খুঁড়ে কঙ্কাল সে টেনে তুলতে চায় না.....

এটাকে না পড়ে জালিয়ে দিলেই তো তার পুরোনো জগতের সঙ্গে চিরদিনের আড়াল হয়ে যায়! সে দেশলাইয়ের কাটি জ্বাললে—কাটি জ্বলে জ্বলে তার আঙ্গুলে আগুনের তাত লাগতেই সে সেটাকে টেনে ফেলে দিলে—পুরোনো জগতের সঙ্গে তার একমাত্র বাধনকে সে আপন হাতে টেনে ছিঁড়ে ফেলতে পারলে না...।

ভেতর থেকে কে যেন তাকে ডেকে বললে—না—না,—তাকে জানতেই হবে—সত্যালোকে তোমার স্বরূপ তোকে চিনতেই হবে—তোমার প্রিয়ের—তোমার বাহ্যিকের মঙ্গলের জন্ত সত্যালোকে তোকে তোমার চিনতেই হবে। সে তার অন্তরের

বাণীই মানলে—ভ্রুণের মুখখানা মনের চোখের সামনে রেখে পত্রখানা সে খুলে ফেললে। আট বৎসর আগের লেখা,...লেখা একটু মলিন হয়ে এসেছিল...কিন্তু পড়তে তার বিশেষ কষ্ট হ'ল না। সে পড়তে লাগল—

বঞ্চিতা অভাগি ছোট মা আমার!

কখন যে আমি তোকে লিখব তা ভাবিনি—মা হয়ে মেয়ের কাছে নিজের কাহিনী যে কখন বলতে পারব তা ভাবিনি—সমস্তই আমি লুকুতে চেয়েছিলাম। কিন্তু আজ—আজ মরণ আমার শিরে—আমার দেবতা ঐ পরপারের আড়ালে দাঁড়িয়ে আমায় ডাকছেন—আমার ভুলটুকু ক্ষমা করে তিনি আমায় ডাকছেন—তাই তোর জীবনটা একেবারে আঁধারে ঘিরে রেখে—সেখানে গিয়েও শাস্তি পাব না জেনে—আজ মরণকে শিরে রেখে লিখতে বসেছি।—

জীবনে একটু ভুল করে বসেছিলাম বলে কতটা শাস্তি আমি খেতে নিয়ে সয়েছি—তা যদি জানতাম! ওঃ! সব থেকে বড় শাস্তি আমি নিয়েছি তোকে বুক থেকে ছিঁড়ে দূরে পাঠিয়ে দিয়ে। কাছে রাখতে সাহস হ'ল না। নিজের নিখাস নিজেরই বিষে ভরা মনে হ'ল; নিজেকে বিশ্বাস করতে আর পারলাম না। তার পর তুই বড় হলে তোর মুখের দিকে চাইতাম কি করে?—তাই এটর্নি ডাকিয়ে তোর আর বিষয়-সম্পত্তির বন্দোবস্ত করে ফেললাম। আমরা তাঁদের পুরোনো মকেল—তাঁরা সমস্ত ভার নিলেন, আমারও সমস্ত ভাবনা চুকল।

যে ভুলে আমায় এতবড় শাস্তি সহিতে হয়েছে, সেই ভুলের কথাটাই বলতে চাই। কিন্তু সত্যি, একটু ভেবে দেখিস মা—শাস্তি কি আমার যথেষ্ট হয় নি?

স্বামী ছিলেন আমার দেবতা—তিনি ছিলেন সংসারে একা—আমারও পিতৃকুলে কেউ ছিল না। বিবাহিত জীবনে আমার চেয়ে সুখা বোধ হয় আর কেউ ছিল না। বিষে হবার ছুবছর পরে তোমায় তাঁকে উপহার দিলাম—মা হলাম—সে কি আনন্দ—কি সুখ—কিন্তু এত সুখ আমাদের সহিল না। তোমার জন্মের প্রায় এক বৎসর পরে আমার বিবাহিত জীবন শেষ হ'ল—পরের দেশের ডাকে আমায় তোমায় ছেড়ে তাঁকে চলে যেতে হ'ল। তোকে বুক জড়িয়ে ধরে আমি মাটিতে আছড়ে পড়লাম।

তোমার পৈতৃক বিষয়-সম্পত্তি ছিল অগাধ—জ্ঞাতি শত্রুও ছিল অগণ্য। এ অনাথা বিধবা আর শিশু সন্তানকে আশ্রয়-চ্যুত করতে সবাই উঠে পড়ে লাগল—; আমি চারিধার আঁধার দেখলাম।

তাঁর এক বালাবন্ধু ছিলেন ;—তোমার পিতাকে তিনি প্রাণ দিয়ে ভালবাসতেন। তিনি এই বিপদের মাঝে এসে দাঁড়ালেন—বন্ধুর স্ত্রী-কন্যাকে কেউ যাতে আশ্রয়চ্যুত করতে না পারে! আমি নিশ্বাস ফেলে বাঁচলাম।

জ্ঞাতি-শত্রুরা এতে একটা নুতন ছল পেলে। আদালতে প্রমাণ করতে চেষ্টা পেলে—আমি ভ্রষ্টা.....; বিষয়-সম্পত্তি আমাতে আর আমার কন্যাতে অর্শাতে পারে না...

তোমার পিতৃবন্ধু বড় দমে গেলেন—আমিও কিছু কম দমি নি’—কিন্তু জিদ আমার বেড়ে গেল—তাঁর সামনে দাঁড়িয়ে জোর গলায় বললাম—বিষয় যে করেই হ’ক বাঁচাতেই হবে।

—এখন শুধু ভাবি—এ জিদটা যদি আমার না হ’ত ; বিষয় যেত—যেত ; তাহ’লে এতবড় ভুলটাই হয়ে যেত না—জীবনতোর অনুতাপ করতে হ’ত না—বুক থেকে তোকেও ছিনিয়ে দূরে ফেলতে হ’ত না.....

যাক—বিষয় রক্ষা পেল ; এই মামলা-মোকদ্দমার হাজামে আমরা বড় কাছে এসে পড়েছিলাম ; এই হলো আমার কাল। জীবনে সুখের স্বাদ আমি পেয়েছিলাম—কিন্তু তৃপ্তি আমার হয় নি—মেয়ের কাছে বলতে আমার বুক ফেটে যাচ্ছে...ছজনে আচমকা হঠাৎ খেলার ছলে, মুহূর্ত্তকের অববেচনায় এমনি ভুল করে বসলাম যে, সে মুহূর্ত্তের ভুল আর শোধরাবার উপায় ছিল না। এমনি অবস্থার মাঝে এসে আমরা দাঁড়ালাম যে, তাঁর আমার বিধবা-বিয়ে করা ছাড়া আর উপায় রইল না।—

তিনি মুন্ডে পড়লেন—বন্ধুর প্রতি এ বিশ্বাসঘাতকতার তার অন্তর ভেঙ্গে পড়ল—; আর আমি—আমি—চোখের জলে বুক ভাসাতে লাগলাম।

ঠিক হ’ল বিধবা-বিবাহ মতে আমার বিয়ে করে রেখে তিনি চিরদিনের মত আমার পথ থেকে সরে যাবেন—একটু শাস্তি খুঁজতে—প্রায়শ্চিত্ত করতে। কিন্তু তা আর করতে হল না—আমাদের অনাগত অনাহুত তরুণ অতিথিকে বিবাহের পবিত্রতার মধ্যে আনবার আগেই—বিধাতা

বিজ্ঞপের হাসি হেসে তাকে টেনে নিয়ে গেল—রেখে গেল আমার শুধু প্রায়শ্চিত্ত করতে...

আমাদের ভুলের অতিথিও একবার চোখ-মেলে পৃথিবীর আলো দেখে বিজ্ঞপের হাসি হেসে ফিরে গেল...

তার পর কতবার মরতে চেষ্টা পেয়েছি—তুই আমার আঁকড়ে ধরেছিলি—মরতে পারিনি ; তোকে কোথায়—কার কাছে ছেড়ে যাব ? তুই যে তাঁর রক্তের একমাত্র প্রতিনিধি—তুই যে আমার বিশ্বের দেবতার একমাত্র দান...

বছর চাঁরেক পরে হঠাৎ এক দিন টের পেলাম আমার দিন যুনিয়ে এসেছে—; মুক্তির আনন্দে প্রাণ ভরে উঠল। বিষয়-সম্পত্তি আর তোর বন্দোবস্ত আগেই করে রেখেছিলাম—তখনও ভেবেছিলাম—আমার সমস্ত জীবন তোর কাছে লুকিয়ে যাব।

পুরীতে চলে এলাম—এইখানেই মরব বলে। আমার দেবতাকে এইখানেই আমি প্রথম পাই—আবার এইখানেই তাঁকে হারাই। নিত্য জগন্নাথ দেবের চরণ দেখছি—আর অঝোরে কাঁদছি ; নিত্য সন্ধ্যার আঁধারে সমুদ্রের বেলাভূমিতে বসে সমুদ্রের কাল্লার সঙ্গে নিজের কাল্লা মিশিয়ে দিচ্ছি—তবু কি মনের মলিনতা ধুয়ে যাচ্ছে না ?

ডাক্তার বলছে আমার দিন শেষ হয়ে এসেছে—খুব বেশী ধরলেও আর এক সপ্তাহ—সাত দিন—মাত্র সাত দিন ! তার পর মুক্তি—মুক্তি ! ওঃ ! কি আনন্দ ! কাল রাতে তাঁকে দেখেছি—তাঁর অভয় বাণী শুনেছি—আমায় ক্ষমা করেছেন—আমায় বুক টেনে নিতে গেলেন—কোথা থেকে কারা যেন এসে তফাৎ করে দিলে। নিশ্চয়ই—এ সত্যি না ! হাঁরে ; এ কি হতে পারে ?—তিনি আমার ক্ষমা করলেও কি সত্যি আমার কাছ থেকে তারা তাঁকে তফাৎ করে দেবে ?—

আর তুইও আমার ক্ষমা করিস মা—এত দিন তোর কাছে সমস্ত লুকিয়ে রেখেছিলাম বলে। আমার ঘুণা করিস নি।—ছফোঁটা চোখের জল তোর এ অনুতপ্তা মায়ের উদ্দেশে ফেলিস্।

আঃ। এ মরণের আগে যদি আর একবার তোকে বুক ভেঙিয়ে ধন্তে পাত্তাম—তেমনি করে আগেকার মত সমস্ত ভুলে গিয়ে—।

অনুতপ্তা মা।

একবার, দুবার, বারবার সে পত্রখানা পড়লে। চোখে তার একফোঁটা জল ছিল না। তার পর নতজানু হয়ে বসে পড়ল বুকের মধ্যে চিঠিখানা চেপে ধরে। বুক ভেঙ্গে তার বেরিয়ে এল—‘মা—মা—অনুতপ্তা মা আমার।’—

তার পর সে জ্ঞান হারিয়ে সেই খানেই চলে পড়ল।

( পাঁচ )

চেতনা ফিরে পেয়ে সে সনস্ত রাত্রি প্রলোভনের সঙ্গে লড়াই করল—শেষে জয়ী হ’ল তার প্রেম।

সে মিথ্যার আড়ালে নিজেকে ঢেকে নিয়ে বাস্তবের আলিঙ্গনে ধরা দেবে না—দেবে না। নিজেকে সে প্রবঞ্চনা করবে না। তার প্রিয়কে সে সমস্ত কাহিনী বলে মুক্তি চাইবে—কাঁটা হয়ে চিরজীবন সে প্রিয়ের বৃকে ফুটে থাকবে না।

বাতি জ্বলে সে তরুণকে পত্র লিখতে বসল;—চোখ দিয়ে তার ঝরঝর করে জল ঝরতে লাগল। এত তার তরুণকে প্রথম এবং এত তার শেষ পত্র। তরুণকে লিখলে—

“আমি মুক্তি চাই—ওগো মুক্তি চাই :—এ সঙ্গে আমার সে পত্রখানা পাঠাচ্ছি—পড়লে সমস্ত জানতে পারবে। আমি নিজেকে যখন ধরা দিয়েছিলাম—বিশ্বাস করো—এ কাহিনী তখন আমার সম্পূর্ণ অজ্ঞাত ছিল। আমায় ক্ষমা করো।

“আমার সঙ্গে দেখা করতে এসো না—কারণ দেখা পাবে না—আমি তখন বহু দূরে। আর দেখা হলেও শুধু কষ্ট আরও বেড়ে যাবে। বিদায়! আমার চঃখের জীবনে একমাত্র তুমিই যে সুখের বেলা ফুটিয়ে তুলেছিলে, হে দাতা, আমি তা ভুলব না। এই ক্ষণিক সুখের স্মৃতিই হবে আমার জীবনের সাপ্ন।

বেথা।”

মায়ের কাহিনী আর পত্রখানা একখানা লেফাফায় বন্ধ করে সে বাতি নিভিয়ে ক্লাস্ত দেহ বিছানায় লুটিয়ে দিলে গম্বুজেরা—

সকালে ঘুম যখন তার ভাঙল, তখন তার বন্ধ কপাটের বাইরে হুমদাম যা চলেছে। দরজা খুলে দিতেই একমুখ গায়ে নিয়ে ছায়া ঘরে ঢুকল। আনন্দের আবেগে সে রেখাকে ডেকে ধরে বললে—“আমি বড় খুশী হয়েছি। দাদা আমায় সব বলেছে—” হঠাৎ সে রেখাকে ছেড়ে চমকে সরে

দাঁড়াল—রেখার ছাইয়ের মত সাদা রক্তহীন মুখখানা চোখে পড়তেই।

রেখার হাত দুখানা চেপে ধরে মিনতির সুরে কান্নাভরা কণ্ঠে সে জিজ্ঞাসা করলে—“কি হয়েছে ভাই!—আমায় বলিনি—?”

রেখা বিছানায় বসে পড়ে ছহাতে মুখ ঢেকে ফুঁপিয়ে ফুঁপিয়ে কাঁদতে লাগল; একটা কথাও সে ছায়াকে জানাতে পারলে না। ছায়া অনুমানে বুঝে নিল সমস্ত গোলমাল হয়ে গেছে—দাদার সুখের নীড় বাধবার আগেই ভেঙ্গে পড়ে গেছে। সে কোন মতে কান্না চেপে দাদার পত্রখানা নিয়ে বাড়ী ফিরে গেল।

( ছয় )

তরুণ একখানা ছবি নিয়ে ব্যস্ত ছিল—সে রেখার। রেখা সেই প্রথম যেদিন তার ছবির ঘরের ছয়দিক ছবির মত এসে দাঁড়িয়েছিল—প্রেমিক শিল্পী সেইটিই কান্নাভাসের বৃকে ফুটিয়ে তুলেছিল। প্রায় শেষও করে এনেছিল। এইটিই তার রেখাকে তার প্রথম উপহার হবে বলে সে বেছে নিয়েছিল।

ছায়া ঘরে ঢুকল। আজ সতাই শিল্পী এত তন্ময় ছিল—তার সর্বেশ্বর—তার অন্তর বাহির এতটা কাজে মগ্ন ছিল যে, সে সতাই ছায়ার পায়ের শব্দ শুনতে পায়নি। ছায়া ছবির দিকে একবার চেয়েই কেঁদে ফেললে। তরুণ চমকে পেছন ফিরতেই সে ছুঁড়ে পত্রখানা ফেলে দিয়ে পালিয়ে গেল।

লেফাফার ওপরে রেখার হাতের লেখা দেখে তরুণ ব্যাকুল আগ্রহে পত্রখানা খুলে ফেললে। রেখার পত্র!—তার প্রথম পত্র! এক নিশ্বাসে সে ছোট্ট পত্রখানা পড়ে ফেললে—বাথার দুঃখে মুখখানা তার ম্লান হয়ে গেল—টলতে টলতে সে সামনের আসনখানায় বসে পড়ল।

সে তার কর্তব্য মুহূর্তেকে স্থির করে ফেললে—তার মুখের ওপর একটা দৃঢ়তা ফুটে উঠল। মুক্তি! মুক্তি!! নিজেকে বিলিয়ে দিয়ে তার মুক্তি চাইবার অধিকার?

রেখার মায়ের পত্রখানা খুলে পড়বার সে এতটুকুও প্রয়োজন আছে মনে করলে না। এতটুকু কৌতুহলও তার হল না। পত্র দুখানা পকেটে ভরে সে হাড়াতাড়ি বেরিয়ে পড়ল। সিঁড়ি দিয়ে নামছে—ওপর থেকে বাথাভরা কণ্ঠে ছায়া ডাকলে—দাদা!

“রেখাকে আনতে চললাম ছায়া” বলেই তরুণ মুখ না ফিরিয়েই বেরিয়ে গেল।

\* \* \* \* \*

মিস গুহর শত অনুরোধ সত্ত্বেও রেখা বোর্ডিং আর একবেলাও থাকতে রাজী হন না। তার প্রিয় যে কোনও মুহূর্তে এসে পড়তে পারে—তাকে ফিরিয়ে নিয়ে যাবার চেষ্টা করতে পারে। দুর্বল নারী সে—তার ডাককে সে অবহেলা করতে পারবে না;—তার সংকল্প ভেঙ্গে যাবে—না—না—তার প্রিয়ের মঙ্গলের জন্ত তাকে পালাতেই হবে।—

রেখাকে স্টেশনে পৌঁছবার জন্ত গাড়ী এসে গেছে—তার জিনিসপত্র ওঠান হয়েছে। বেখা ওপরে তার জগতের পরিচিত একমাত্র আশ্রয়ের কাছ থেকে বিদায় নিচ্ছিল—তরুণ হর্ন বাজিয়ে ফটকে ঢুকল।

রেখার জিনিস-বোঝাই গাড়ীর পাশে গাড়ী থামিয়ে পলকে সে ব্যাপারটা বুঝে নিল। মিস গুহরকে বলে, “মিস বসুর জিনিসপত্রগুলো আমার গাড়ীতে উঠিয়ে দিতে বলুন। শুঁকে আমার স্টেশনে পৌঁছে দেবার কথা ছিল—আমার দেবী দেখেই বোধ হয় অস্ত্র গাড়ী ডাকিয়েছেন।”

নীচে নেমেই তরুণকে সামনে দেখে রেখার মুখ মড়ার মত ফেকাসে, রক্তহীন হয়ে গেল। সে তখন টলছিল—গাড়ী-বারান্দার একটা থাম ধরে সে কোন মতে সামলে নিল।

তরুণ গাড়ীর দরজা খুলে স্নিগ্ধকণ্ঠে ডাকলে—“রেখা, উঠে এস।” এ ডাককে অগ্রাহ্য করবার শক্তি তার ছিল না। পা পা করে এসে কলের পুতুলের মত সে গাড়ীতে উঠে বসল।

—পথে দুজনেই অভিভূতের মত বসে রইল—কথা বলবার শক্তি দুজনেই হারিয়ে ফেলেছিল। মোড় ঘুরে গাড়ী যখন ছায়াদের ফটকের মধ্যে ঢুকছে—রেখা আপন কণ্ঠ ফিরে পেল—স্নিগ্ধকণ্ঠে বলে উঠল—“এ তুমি কি কচ্ছ—কি কচ্ছ জান না—বুঝ না—”

স্নিগ্ধ অথচ দৃঢ়কণ্ঠে তরুণ উত্তর দিল—আমি যা করছি রেখা আমি ঠিক জানি—বেশ বুঝি।”

গাড়ী থামিয়ে রেখাকে টানতে টানতে সোজা তরুণ তার চিত্রশালার ঢুকলে। রেখা তখন টলছিল—তার প্রিয়ের দৃঢ় বাজপাশ তখনও তাকে খাড়া রেখেছিল।

রেখার অসম্পূর্ণ ছবির সামনে পৌঁছে রেখাকে গাঢ় কণ্ঠে তরুণ বলে—“রেখা! তুমি মুক্তি চাইছ—আমায় ছেড়ে যেতে চাইছ?—কোন অধিকারে?—নিজেকে একবার বিলিয়ে দেবার পর তোমার মুক্তি চাইবার তো কোন অধিকারই নেই।” তার পর পকেট থেকে পত্র দুইখানি বার করে বলে “এর মধ্যে আমার যেটা পড়বার ছিল—পড়েছি। তোমার মায়ের কাহিনী পড়বার আমার কোন প্রয়োজন ছিল না—আমিও পড়িনি।”—তার পর মায়ের কাহিনী টুকরে টুকরো করে ছিঁড়ে উড়িয়ে দিয়ে বলে—“এর দরকার আমার কাছে এর থেকে বেশী নয়; আর তোমার আমার মাঝে যা কিছু আনুক—তারও দশা হবে ঠিক এই রকম।”

স্নিগ্ধকণ্ঠে রেখা জমির ওপর লুটিয়ে পড়ল—“কি করলে? কি করলে! ওটা তোমার জানা দরকার ছিল—দরকার ছিল—ওতে আমার সত্য পরিচয় ছিল—আমার মা—”

রেখার মুখ চেপে ধরে—তাকে ধরে তুলে তরুণ বলে—“ঠিকই করেছি বেখা,—আমায় ভুল বুঝ না—ওতে আমার কোনই দরকার ছিল না—তুমি আমার প্রেমকে অতখানি নামিয়ে দিও না বেখা। মায়ের কণ্ঠের জন্ত তুমি দায়ী নও—তার জন্ত শাস্তি তুমি নিতে যাও কোন অধিকারে? আর তোমার মা—যাই হোন না তিনি—আমাদের গুরুজন, পূজ্য—তার ভুল-চুকের বিচার করবার আমাদের কতটুকু অধিকার রেখা?”

রেখা একটা আরামের নিশ্বাস ফেলে জ্ঞান হারিয়ে তার প্রিয়ের বুকে লুটিয়ে পড়ল।

ছায়া ঘরে ঢুকতে গিয়ে ফিরে যাচ্ছিল—তরুণ হেঁকে বলে—“রেখাকে ফিরিয়ে আনলাম ছায়া!”





২' ৩ ১ ২' ৩ ১  
 { | রা রা রা | ঝমা মা | মগা মা | পা পা পা | পা পা | পমা ঝপা ।  
 ত ট নী ত র ত র স র সী ভ র ভ র  
 কৃ ষ ক হ লে হ লে ব লা কা জ লে জ লে  
 ২' ৩ ১ ২' ৩ ১ ২'  
 রা রা রা | ঝমা মা | ঝপা পা | মা ঝপধা পা | মা ১- | ঝরগা রা- } | ঝনা না না ।  
 ধ র নী থ র থ র শি ক - ত গা - — — বি র হী  
 না চি ছে ট লে' ট লে' শি খী - র পা - — — প রা ৭  
 ৩ ১ ২' ৩ ১ ২' ৩  
 না না- | না ধা | পধা পধা পা | মা মা | মা ঝগা | সা সরা রা | রা রা ।  
 ধ র ধ র মা নি নী স র স র চা চি ছে থ র  
 প লে প লে প ড়ি ছে চ লে' চ লে' উ ঠি ছে ব লে'  
 ১ ২' ৩ ১  
 ঝপা মা | গা গা গা | রসা ১- | নসা- রজ্জা | II  
 থ র সূ লো চ না — — —  
 ব লে "তু মি কো থা — — —

### নিখিল-প্রবাহ

শ্রীহেমন্ত চট্টোপাধ্যায়

#### অভিনব কাচ—

অভিনবতে এক বৈজ্ঞানিক এমন এক প্রকার কাচের আবিষ্কার করিয়াছেন, যাহাকে ইচ্ছামত বেতের মত বাকান যায়। ছবিতে



অভিনব কাচ

দেখুন একজন এই অদ্ভুত কাচের তৈরী একটা ছড়িকে বেতের ছড়ির মতন বাঁকাইয়া ধরিয়াছেন। এইবার কাচকে নানাপ্রকার নতুন নতুন কাজে ব্যবহার করা সম্ভবপর হইবে।

#### নতুন রকমের টেলিফোন—

আমরা সাধারণতঃ যে প্রকার টেলিফোন দেখি, তাহা হাতের সাহায্যে তুলিয়া কাণে লাগাইয়া কথা শুনিতে হয়। তখন আর অল্প



নতুন রকমের টেলিফোন

কোন কাজ করা যায় না। সম্প্রতি 'অভিফোন' নামে এক প্রকার নতুন ধরণের টেলিফোন ব্যবহার হইতেছে। ইহা টেবিলের উপর কাণের পাশে এবং হাতের কাছে থাকে। রিসিভারটি এমনভাবে তৈয়ারী যে একটু ঝিকিয়া বসিলই তাহা কান স্পর্শ করিবে।

টেলিফোনের কথা শুনিতে শুনিতে হাতের অঙ্গ কাজও বেশ চলিতে পারে। ছবি দেখিলে ব্যাপারটি বেশ ভাল বুঝিতে পারা যাইবে। আমাদের দেশে আপিস ইত্যাদিতে ইহার প্রচলন এখনও হয় নাই।

### • লুথার বুর্ভ্যাঙ্কের আশ্চর্য্য কীর্ত্তি

লুথার বুর্ভ্যাঙ্কের নাম জগৎ-প্রসিদ্ধ। উদ্ভিদ জগতে এই আমেরিকান বৈজ্ঞানিক বিপ্লব আনয়ন করিয়াছেন। অতি ক্ষুদ্র ক্ষুদ্র ফলকে অদ্ভুত উপায়ে ইনি প্রকাণ্ড প্রকাণ্ড ফলে পরিণত করিয়াছেন। গম, যব,

ইক্ষি—ইহাতে আবার অতি ক্ষুদ্র ক্ষুদ্র ফুলও ফুটিত। প্রত্যেকটি ফুল বোধ হয় ১/১০ ইঞ্চির বেশী হইত না। নানা প্রকার চেষ্টার পর তিনি এক ইঞ্চি গাছকে প্রায় ৬ ফিট লম্বা করিয়াছেন; ইহার পাতাগুলি প্রকাণ্ড হইয়াছে; ফুলগুলিও বড় বড় গোলাপের মত হইয়াছে। টবে এই গাছ রাখিলে অতি শোভনীয় হয়। ছবি দেখিলেই গাছটির পরিচয় পাইবেন। গাছের পিছনে লুথার বুর্ভ্যাঙ্ক গাছের গুঁড়ি ধরিয়া দাঁড়াইয়া আছেন।

### বৃহত্তম তারকার কথা—


আমরা পৃথিবীর লোকেরা সূর্য্যকেই সর্ব্বাপেক্ষা বৃহৎ গ্রহ বলিয়া মনে করিয়া থাকি। কিন্তু এমন কতকগুলি নতুন তারকার আবিষ্কার সম্প্রতি হইয়াছে—যাহাদের তুলনার আমাদের জীবনদাতা সূর্য্যকে নগণ্য বলিয়া মনে হয়।

একটি মোটরকারকে যদি ঘণ্টায় ৬০ মাইল বেগে ক্রমাগত পৃথিবীর উপর দৌড় করান যায়, তাহা হইলে পৃথিবী প্রদক্ষিণ করিতে তাহার সময় লাগিবে মোট ১৭ দিন ৮টা। এই প্রকারে সূর্য্য প্রদক্ষিণ করিতে লাগিবে প্রায় পাঁচ বৎসর। কিন্তু এন্টারেস (Antares)



লুথার বুর্ভ্যাঙ্কের আশ্চর্য্য কীর্ত্তি

বালি ইত্যাদি নানা শস্যকে তিনি আকারে এবং সারে বৃদ্ধি করিয়াছেন। অনেক অখাদ্য ফলকে সুমিষ্ট লোভনীয় ফলে রূপান্তরিত করিয়াছেন। এক ইঞ্চি ফলকে ৮ ইঞ্চি করিয়া প্রক্ষুটিত করিয়াছেন। সামান্য কথার ইহার সম্পূর্ণ কীর্ত্তিকলাপ বর্ণনা করা যায় না। সম্প্রতি তিনি এক অতি অদ্ভুত কাণ্ড করিয়াছেন, কেবল তাহারই কথা এই প্রসঙ্গে বলিব। তিনি একটি অতি ক্ষুদ্র গাছ দেখেন। গাছটি বোধ হয় লম্বায় এক



বৃহত্তম তারকা

নামক একটি নক্ষত্রকে এই মোটরকার কতদিনে একবার ঘুরিয়া আসিবে, তাহার কল্পনাও বোধ হয় অনেকে করিতে পারিবেন না। এন্টারেসকে প্রদক্ষিণ করিতে লাগিবে—১,৩৭০ বৎসর মাত্র! ইহা হইতে হিসাব করিয়া দেখা যায় যে এই সূর্য্য হইতে ২৭০,০০০,০০০ মাইলেরও বেশী—অর্থাৎ সূর্য্য হইতে ৩০০ গুণেরও বেশী। এন্টারেস ছাড়াও এই প্রকার অকল্পনীয় আকারের তারকা আছে।

“Betilgense” এবং “alpha Hercules”—ইহাদের মধ্যে দুইটি। ইহারা এত প্রকাণ্ড যে পৃথিবী সূর্যকে যে পথে প্রদক্ষিণ করে, সমস্ত পথ জুড়িয়াও একটিরও স্থান সংকুলান হইবে না।


এত প্রকাণ্ড প্রকাণ্ড আগুনের গোলক আকাশে ভীষণ বেগে ঘুরিয়া বেড়াইতেছে, ইহা কল্পনা করিলে মন অদ্ভুত বিষয়ে পূর্ণ হয়! এই প্রশ্ন মনে আসে যে তারকার আকারের এবং বৃহত্ত্বের কোনো সীমা আছে কি না? বিখ্যাত ইংরেজ বৈজ্ঞানিক এ. এস. এডিংটন (A. S. Eddington) নানা প্রকার বৈজ্ঞানিক মাপ-জোকের দ্বারা এই প্রশ্নের সমাধান করিয়াছেন। তিনি বলেন যে সূর্যের যে “Mass”—অর্থাৎ কোনো তারকা তাহার ৫০ গুণ পর্যন্ত বড় হইতে পারে। তাহার বেশী বড় কোন তারকা আকাশে অটুট অবস্থায় থাকিতে পারে না। কোনো তারকা সূর্যের দশ গুণ বড় হইতে পারে, কিন্তু Mass অর্থাৎ তারকা-মধ্যস্থিত দ্রব্যসমূহের ওজনও যে সেই অনুপাতে বেশী হইবে, এমন কোন নিয়ম নাই। Volume অর্থাৎ প্রসার এবং Mass অর্থাৎ মধ্যস্থিত দ্রব্যসমূহের ওজন—আলাদা জিনিস। এটারেস্ তারকার Volume সূর্যের ৩০০ গুণেরও বেশী, কিন্তু তাহার Mass সূর্যের Mass অপেক্ষা মাত্র ৫০ গুণ বেশী। সূর্যের Mass এর ৫০ গুণ Mass ওয়ালা তারকা আকাশে থাকিতে পারে, তাহার বেশী হইলে সে আপনার বেগে কোটি কোটি ভাগে চূর্ণ হইয়া সমস্ত আকাশে ছড়াইয়া পড়িবে। তাহার মাধ্যাকর্ষণ শক্তিও তাহাকে অটুট রাখিতে পারিবে না।

এডিংটন ইহাও আবিষ্কার করিয়াছেন যে, তারকার যেমন বৃহত্ত্বের সীমা আছে, তেমনি তাহার ক্ষুদ্রত্বেরও একটা সীমা আছে। তাহার মতে যদি কোন তারকার “মাস্” সূর্যের “মাসের”  $\frac{1}{2}$  অস্থত না হয়, তাহা হইলে সেই তারকা হইতে কোনো প্রকার আলো বা জ্যোতিঃ নির্গত হইবে না। কারণ কোন তারকার “মাস্” সূর্যের “মাসের”  $\frac{1}{2}$  অস্থত না হইলে তাহার তাপ ৫৪০০ (ফারেনহাইট) হইবে না এবং তাপ এই পরিমাণ না হইলে কোন তারকা দূর হইতে দৃশ্যমান হইতে পারে না।

ক্ষুদ্রকায় তারকাদের মধ্যে *alpha Centauri* নাম করা যাইতে পারে। ইহার ব্যাস মাত্র ১৫৫.০০ মাইল—সূর্যের ব্যাস ৮৬৫, ৩৫০ মাইল। এই তারকা হইতে যে জ্যোতিঃ বাহির হয় তাহা সূর্যের আলোর মাত্র  $\frac{1}{100000}$  ভাগ। এই সূত্র ধরিয়া আরো একটি জিনিষ এই বৈজ্ঞানিক আবিষ্কার করিয়াছেন। সূর্যের যৌবনকালে তাহার তাপ ছিল প্রায় ১৬,২০ (এফ.) কিন্তু বর্তমানে ইহার তাপ মাত্র ১০,৪০০ (এফ.)। অতএব দেখা যাইতেছে যে সূর্য ক্রমশঃ শীতল হইয়া আসিতেছে—এবং শীঘ্রই এমন দিন আসিতে পারে যখন সে একেবারে ঠাণ্ডা হইয়া যাইবে এবং আমরা সব জমিয়া বরফ হইয়া যাইব। তবে আমাদের খুব বেশী ভয় পাইবার কারণ নাই—কারণ বৈজ্ঞানিকেরা ভরসা দিতেছেন যে সূর্যের পৃথিবীর কতি করিবার মত ঠাণ্ডা হইতে এখনও কোটা বৎসরেরও বেশী সময় লাগিবে।

### অভিনব দোলনা—

আপনা হইতেই দোল খাইতে পারে, এমন একটি দোলনা শিশুদের জন্য সম্প্রতি আবিষ্কৃত হইয়াছে। দেড় দুই বছরের শিশুরা এই দোলনা অনায়াসে ব্যবহার করিতে পারিবে। দোলনার বসিবার জায়গায়



অভিনব দোলনা

যেরাটোপ দেওয়া আছে। শিশুরা নির্ভয়ে বসিতে পারিবে। কাছাকাছি কোনো পাহারা রাখিবারও বিশেষ দরকার নাই। একবার পায়ের ঠেলা এবং একবার হাতের ঠেলা দিলেই দোলনা চলিতে আরম্ভ করিবে। দোলনার যে বসিয়া থাকিবে, অস্ত্র কাহারও সাহায্য না লইয়াই সে নিজে নিজেই ইহা করিতে পারিবে। আমাদের দেশে গৃহস্থ বাড়ীতে এই প্রকার দোলনার প্রচলন করিলে বাড়ীর মেয়েরা শিশুদের দোলনার বসাইয়া নিশ্চিন্ত মনে গৃহকর্ম করিতে পারিবে।

### চেহারা সাদৃশ্য—

একই রকম দেখিতে দুইজন লোক আমরা অনেক সময় দেখিতে পাই। চেহারা এক রকম হইলেই যে তাহাদের মধ্যে কোন আত্মীয়তা বা রক্ত-সম্বন্ধ আছে—এ কথা আমরা মনে করি না। কিন্তু হল্যান্ডের বিখ্যাত বৈজ্ঞানিক Prof. Van Bemmelen বলিতেছেন দুইজন লোকের চেহারা একরকম হইলে তাহাদের মধ্যে রক্ত-সম্বন্ধ অবশ্য অতি সুদূর ভূতকালের হইতে পারে। বিভিন্ন দেশ এবং জাতির লোক হইলেও এই কথা খাটে। কারণ ইতিহাস খোঁজ করিলে হয়ত দেখা যাইবে যে ৩০ পুরুষ বা তারো পূর্বে এই বিভিন্ন জাতির অনেক লোক কোনো এক জাতির লোক ছিল। বহু লোকের রক্ত এবং রং নানা


বৈজ্ঞানিক প্রক্রিয়াতে পরীক্ষা করিয়া একজন রুশীয় বৈজ্ঞানিকও ইহা অতি সামান্য কয়েকজন লোকের সহিত কয়েকজন জগৎপ্রসিদ্ধ লোকের প্রমাণ করিয়াছেন। কতকগুলি ছবি দেখিলে বুঝিতে পারিবেন যে কি অদ্ভুত চেহারার সাদৃশ্য আছে।



চেহারা সাদৃশ্য

### বাইসাইকেল-নৌকা -

ছবিতে যে নৌকা দেখিতেছেন—উহার মধ্যে একটি সাধারণ সাইকেল ফিট করা আছে। সাইকেলের প্যাডেলের সাহায্যে নৌকা চলে। এই অদ্ভুত নৌকার আর একট বিশেষত্ব আছে। বাইসাইকেলের




বাইসাইকেল নৌকা

গায়ে নৌকা এমন ভাবে তৈয়ারী যে উহার ভারসমতা খুব সুন্দর এবং এই কারণেই বাইসাইকেলে বসিয়া নৌকাটিকে চলে এবং স্থলে উত্তর স্থানেই চালান সহজসাধ্য হইয়াছে। এই নৌকার আবিষ্কার একজন ফরাসী ভ্রমণকারী—তাঁহার নাম মেরিয়াস্ ফেলি।

### টুট-আংখ-আমেন-

#### নের কফিন -

ছবিতে, কিছুকাল পূর্বে আবিষ্কৃত টুট-আংখ-আমেনের কফিন এবং তাঁহার স্বর্ণমূর্তি দেখিতে পাঠিবেন। কফিনটিও আগাগোড়া সোনার তৈয়ারী। টুট-আংখ আমেনের স্বর্ণমূর্তির পোদাট সেই সময়কার স্বর্ণকারদের আশ্চর্য্য ক্রমতার পরিচয় দিতেছে। প্রত্যেকটি দাগ, প্রত্যেকটি টান পরিষ্কার—পাকা হাতের কাজ বলিয়া বোঝা যায়। স্বর্ণমূর্তি সামান্ত একটু ময়লা হইয়া গিয়াছিল—তাহাকে এখন আবার ভাল করিয়া পরিষ্কার করা হইয়াছে। মূর্তিতে যে পরিমাণ সোনা আছে, তাহার বর্তমান দাম প্রায় ৭৫০,০০০ টাকা। মূর্তিটি সোনার পাত পিটাইয়া গড়া হইয়াছে। ৬ ফুট লম্বা। টুট-আংখ আমেনের কবরে যে সমস্ত আশ্চর্য্যজনক দ্রব্যাদি পাওয়া গিয়াছে—এই স্বর্ণমূর্তি তাহাদের মধ্যে সর্বশ্রেষ্ঠ।



টুট-আংখ আমেনের কফিন (২ খানি)

**হাতের টিপ—**

এল্. স্যামুয়েল মুর—বয়স মাত্র ১৭ বৎসর। তাহার বাড়ী আমেরিকার এক সহরে (Newtonville—Mass)। সম্প্রতি সে তাহার হাতের আশ্চর্য্য টিপের এক নমুনা দেখাইয়া জগৎকে অবাক করিয়াছে। ক্রমাগত সাড়ে ৬ ঘণ্টাকাল ধরিয়া যে বন্দুক ছোঁড়ে—এবং এই সাড়ে ছয় ঘণ্টায় যে ২৫০০টি গুলি ছুঁড়িয়া ২,৬২৯টি বুল্‌স্-আই মারিয়াছে। অর্থাৎ একটিমাত্র গুলি তাহার লক্ষ্যবিন্দু করিতে অক্ষম হয়। বন্দুক এত আড়াতাড়ি ভোঁড়া হয় যে বন্দুকের লোহার


ঘারা হইবে—কেবলমাত্র একজন লোক দাঁড়াইয়া কল চালাইবে। এই কল প্যাকিং ধরচ এবং সময় ছুই সংক্ষেপ করিবে এবং আশা করা যায় বড় বড় কারখানায় এই কলের সমাদর অতি শীঘ্রই হইবে।

**৭১ বছর বয়সে ৪২০০ মাইল সাইকেল দৌড়—**

এম, সি, প্লুমার, বোষ্টোন সহরের লোক। ইহার বয়স মাত্র ৭১ বছর। সম্প্রতি এই বৃদ্ধ-যুবক তাহার বাইসাইকেলে করিয়া বোষ্টোন হইতে সানফ্রান্সিস্কো পর্যন্ত দৌড় দিয়াছেন। দূরত্ব মাত্র ৪২০০



হাতের টিপ



কলের দ্বারা প্যাক-বাক্সে বোতল প্যাক

অংশ গরম হইয়া স্যামুয়েলের হাতে ফোঁস করিয়া দিয়াছে। এমন প্রস্তুত হাতের টিপের কথা পূর্ব কমই শোনা গিয়াছে।

**কলের দ্বারা প্যাক-বাক্সে বোতল প্যাক—**

ঔষধ বা অন্য কোন দ্রব্য-পূর্ণ বোতল চালান দিবার সময় প্যাক করা গকসে দেওয়া হয়। এই প্যাক করার কাজটি সাধারণত হাতের সাহায্যেই করা হইয়া থাকে। বোতল ভর্তি করা কলের সাহায্যে শুধুদিন হইতেই চলিয়া আসিতেছে। সম্প্রতি একজন মেক্সিকান যুবক একটি কল তৈয়ার করিয়াছে। এই কল ভর্তি-বোতল প্যাক গকসে প্যাক করিবে। প্যাক করিবার জন্য আলাদা লোকের দরকার থাকবে না। ভর্তি করার কল হইতে বোতলগুলি পূর্ণ এবং ছিপি-আঁটা গিয়া একটি মঞ্চের উপর আসিয়া সারি সারি জমা হইবে। এই মঞ্চ হইতে বোতলগুলি একটি একটি করিয়া মঞ্চের নিম্নে স্থিত প্যাক বাক্সে পড়িতে আসিতে চলিয়া যাইবে। প্যাক-বাক্সটি বোতল-পূর্ণ হইবামাত্র একটাহিত ঠেলা গাড়ির উপর চলিয়া যাইবে। সমস্ত ব্যাপার কলের



৭১ বৎসর বয়সে ৪২০০ মাইল সাইকেল দৌড়

মাইল! গড়ে প্রতি দিন ইনি ১০ হইতে ১৫০ মাইল গিয়াছেন! সমস্ত দিনে রাতে ঘুমাইয়াছেন ৪.৫ ঘণ্টা। সবলকায় যুবকদের মধ্যেও এমন দৃষ্টান্ত বিরল।

### ঘোড়ার গ্যাস্ মুখোস—

অনেক যুদ্ধ-বিদের মতে ভবিষ্যতে যে মহাযুদ্ধ হইবে, তাহা বন্দুক কামান ইত্যাদি লড়াই হইবে না। এই লড়াই বিপক্ষদলের মধ্যে গ্যাসের লড়াই হইবে। উষ্ণ পক্ষই চেষ্টা করিবে বিপক্ষ দলকে বিষাক্ত গ্যাসের দ্বারা নিশ্চল করিতে। এই গ্যাস আকাশস্থিত এরোপেন হইতে নীচে শত্রুদলের সহর এবং কেল্লা ইত্যাদির উপর ফেলা হইবে। সৈন্যদলকে এই প্রকার বিষাক্ত গ্যাসের হাত হইতে রক্ষা করিবার জন্ত নানাপ্রকার মুখোস আবিষ্কৃত হইয়াছে। এই মুখোস পরিয়া অনায়াসে গ্যাসের মাঝখান দিয়া চলা-ফেরা করা যায়; নাকের মধ্যে গ্যাস কোনো রকমেই প্রবেশ করিবে না।



ঘোড়েরে গ্যাস্ মুখোস

এখন জন্তুদিগকে, বিশেষতঃ যে সকল জন্তু এবং পাখী যুদ্ধে ব্যবহৃত হয়, তাহাদিগকে বিষাক্ত গ্যাসের হাত হইতে বাঁচাইবার জন্ত মুখোস আবিষ্কারের চেষ্টা হইতেছে। এই কার্যে সফলতা লাভ হইয়াছে অনেকখানি। একটি ঘোড়াকে এই মুখোস পরাইয়া গ্যাসের মাঝখান দিয়া দৌড়ান হইয়াছে—ঘোড়ার কোনও প্রকার অনিষ্ট হয় নাই। ঘোড়ার মুখোসটি দেখিতে অনেকটা তাহার দানা খাইবার ঝোলার মতই। মুখোসটি কাপড়ের তৈরী। অবশ্য এই কাপড়ে নানা-প্রকার রাসায়নিক জ্বা মাখান থাকে, তাহাতে গ্যাস আটকাইয়া যায়। ঘোড়ার ক্ষুর বিষাক্ত গ্যাসে নষ্ট হইয়া যায়—সেইজন্তু ঘোড়ার ক্ষুরে চামড়ার আবরণ দেওয়া হইবে। কুকুরের জন্ত যে মুখোস তৈরী হইয়াছে, তাহাতে তাহার সমস্ত মুখ এবং মাথা আবৃত থাকিবে। কুকুর অনেক সময় মুখ দিয়া নিশ্বাস টানে—সেইজন্তু তাহার কেবল নাক ঢাকিলেই চলিবে না, মুখও গ্যাসের সংস্পর্শ হইতে রক্ষা করিতে হইবে।

পায়রার জন্ত কোন প্রকার মুখোস এখনও আবিষ্কৃত হয় নাই—

তবে তাহার খাঁচার জন্ত গ্যাস্-প্রফ্ ঢাকনি তৈয়ারী হইয়াছে। পায়রার পায়ে সংবাদ-লিপি বাঁধিয়া দিয়া, তাহাকে চট করিয়া খাঁচা হইতে বাহির করিয়া দিয়া আকাশের দিকে উড়াইয়া দেওয়া হয়। গ্যাস তাহার বিশেষ কোন ক্ষতি করিবার পূর্বেই পায়রা সংবাদ লইয়া আকাশে বহু উচ্চে উঠিয়া যায়।

গ্যাস্-মুখোস লইয়া নানা প্রকার পশীকা চলিতেছে। দরকার হইলে হয়ত মানুষ এবং অশ্রান্ত জন্তুর সমস্ত শরীর আবৃত করিবার মত



This long, narrow bag impregnated with... at the International... mask...

গ্যাস্-আবরণীর আবিষ্কার হইতে পারে; কারণ এমন গ্যাসও আবিষ্কার হইতে পারে, যাহা শরীরের চামড়ার যেখানে লাগিবে, সেইখানটাই পোড়াইয়া দিবে।

### অভিনব আবাস—

(ক) প্রাচীন কালে কোন কোন জাতির লোকে গাছের উপর কুটির নির্মাণ করিয়া আনন্দে বসবাস করিত। বর্তমান কালে একজন অতিসভ্য নিউইয়র্কবাসী এই প্রকার একটা গৃহ নির্মাণ করিয়াছেন। এই বাড়ীখানি অবশ্য কেবলমাত্র গাছের উপর ভর করিয়াই মাই—ইস্পাতের ধাঁধার সাহায্যও লওয়া হইয়াছে।



(খ) ইংলণ্ডের এক সহরে জল যোগাইবার জন্ত একটা ওয়াটার টাওয়ার আছে। এই ওয়াটার-টাওয়ারে ৩০,০০০ গ্যালন জল থাকে।



এই টাওয়ার বা স্তম্ভের উপর মিসেস্ ম্যালকম্ ম্যান্নন নামী এক গল্প লেখিকা চমৎকার বাড়ী নির্মাণ করিয়া বাস করিতেছেন।

(গ) অতি গরম দেশে এক পাহাড়ের গায়ে পাথর খুঁদিয়া একটি ছোট্ট বাড়ী নির্মাণ করিয়া এক সাহেব বাস করেন। ইহাতে বাহিরের গরমে তাঁহাকে কষ্ট পাইতে হয় না।

(ঘ) ক্যালিফোর্নিয়ার একটি হাসপাতালের ছাতকে রোগের গরম হইতে বাঁচাইবার জন্ত ছাতের কয়েক ফুট উপরে আর একটি ছাত



খাটাইয়া দেওয়া হইয়াছে। এই উপরের ছাতকে, ছাতের ছাতা বালালেও চলে। ইহার ফলে হাসপাতালের ঘরগুলি গরম হয় না। রোগীরা আরামে নিদ্রা যাইতে পারে।

(ঙ) ইংলণ্ডে দারুণ গৃহসমস্তার দিনে সমুদ্র-তীরের এক সহরে একটি নৌকাকে বিতল গৃহরূপে পরিণত করিয়া এক পরিবার বাস করিতেছে।

### জনমানবহীন বরফ-দ্বীপ

কেপ হর্নের দক্ষিণে কুমেরু-মহাসমুদ্রে কয়েকটি বরফাবৃত, জনমানববৃক্ষসহিতা হীন দ্বীপ আছে। তাহার মধ্যে একটি দ্বীপের নাম "Elephant Island" অর্থাৎ "হস্তী দ্বীপ"। নাম দেখিয়া কেহ যেন মনে করিবেন না যে এখানে প্রচুর হাতী পাওয়া যায়, বা দ্বীপটি দেখিতে হাতীর মত। কাপ্তান হাব্লে তাহার সহচরদের লইয়া এই দ্বীপে প্রায় আট মাস কাল বাস করেন। নতুন কোন দ্বীপ বা দেশ আবিষ্কার করাই তাহার উদ্দেশ্য ছিল। এই দ্বীপের কতকগুলি ছবি তুলিতে তাহার সমর্থ হন। বরফের গুহা, বরফের জঙ্গল,




বরফের গুহা ইত্যাদির দ্বারা এই দ্বীপটি পূর্ণ। এখানে বাহা কিছু আছে, সবই বরফের,—বরফ ছাড়া আর কিছু নাই—এ যেন বরফের রাজ্য। চাবতে বরফ-দ্বীপের কয়েকটি দৃশ্য দেওয়া হইল।



জনমানবহীন বরফ-দ্বীপ

## জাঁতা-পাথরের অভিনব ব্যবহার—

আমাদের দেশে জাঁতার ব্যবহার বহু কাল হইতেই প্রচলিত আছে। কিন্তু জাঁতা পুরান এবং একেজো হইয়া গেলে আমরা জাঁতার পাথর ফেলিয়া দিই। কিন্তু এই সকল পাথর দিয়া শক্ত এবং সুদৃশ্য দেওয়াল নির্মাণ করা যায়, তাহা হয়ত অনেকেরই জানা নাই। ফিলাডেলফিয়া সহরের এক কারখানাওয়াল এই সকল জাঁতা-পাথর সংগ্রহ করিয়া তাঁহার কারখানার চারিদিকে লম্বা এবং দৃঢ় দেওয়াল নির্মাণ করিয়াছেন। একটি সম্পূর্ণ গাঁজাও



জাঁতার পাথরের অভিনব ব্যবহার

এই অব্যবহাৰ্য জাঁতা-পাথর দিয়া নির্মাণ করা হইয়াছে। এক একটা সেই সকল পাথর দিয়া এখনারাসেই ছোট ছোট দু তিনটি বাড়ী তৈয়ারি জাঁতা-কলে প্রতি বৎসর যে পরিমাণ জাঁতাপাথর নষ্ট হয়, তাহাতে করা যায়।

## ব্রাহ্মণ

শ্রীপাঁচুলাল ঘোষ

১

মাণিকপুরের কালী-মন্দির সে অবধিই সকাম ও নিষ্কাম ভক্তির মূর্ত্তবিকাশের একমাত্র লীলাক্ষেত্র ছিল বলিলে অতুক্তি হয় না। অমন জাগ্রত দেবতা বড় বড় তীর্থস্থানেও নাকি বড়-একটা দেখা যায় না। সেখানে ভক্তিভরে মানং করিয়া কেহ নাকি কখনও বিফলকাম হয় নাই।

বৃদ্ধ পদ্মনাভ দেবশয়্মা সেই মন্দিরের সেবায়েৎ অর্থাৎ মন্দিরের আয় হইতে তিনি নিজের সংসার বেশ সচ্ছন্দরূপে চালাইয়া কিঞ্চিৎ জমি-জমা করিয়া সুখে স্বচ্ছন্দে আছেন। পাশ্চাত্য জাতি প্রকৃতিকে স্বৰ্ণে আনিয়া খাটাইয়া লইতেছে বলিয়া সভ্যতার গর্ভ করিয়া থাকে, কিন্তু প্রাচ্য হিন্দু যে তার দেবতাকে পর্যাস্ত খাটাইয়া লইবার কৌশলটুকু আয়ত্ত করিয়া রাখিয়াছে তাহা কেহ ভাবিয়া দেখে না।

বৃদ্ধ পদ্মনাভ যে পরম নৈষ্ঠিক ছিলেন তাহার সঞ্চেষ্ঠ প্রমাণ—পত্নী সত্ত্বেও এ পর্যাস্ত তাঁহার কোন সন্তান জন্মে নাই। অজ্ঞাত-সন্তান বলিয়া ব্রাহ্মণ-ঠাকুরাণী কখনও দুঃখ

প্রকাশ করিতেন না, বরং গৌরব করিয়াই বলিতেন “আমি যে মা কালীর ‘দৃষ্টি পড়া’ মেয়ে, তাই মা আমাকেও নিজের মত করেছেন ”

বৃদ্ধ পদ্মনাভের কিন্তু মনে সুখ ছিল না। বার্ককোর ভাবে যখন তিনি একান্ত অপটু হইয়া পড়িলেন, তখন তাঁহাকে বাধ্য হইয়া দেবসেবার জন্ত পূজারী ভাড়া করিতে হইল। কিন্তু ভাড়া-করা পূজারী তাঁহার মত পূজা-সামগ্রীর অল্পতা দেখিলে কেবল মন্ত্ৰচূরি করিয়াই ক্ষান্ত হইত না, পরন্তু সেই সামান্য উপকরণেরও কিয়দংশ আত্মসাৎ করিতে আশ্রয় করিত না। সুতরাং কার্যাকারণ সম্বন্ধে নিতান্ত হেতু মন্দিরের আয় বতই হ্রাস প্রাপ্ত হইতে লাগিল, বৃদ্ধ পদ্মনাভ ততই ত্রাস প্রাপ্ত হইয়া ঘন ঘন পূজারী পরিবর্তন করিতে লাগিলেন।

গুটি-তুইচার পূজারী পরিবর্তনের পর বিধি সদয় হইলেন—পদ্মনাভ একটা প্রকৃত সাধু-স্বভাব পূজারীর সন্ধান পাইয়া তাহাকে সংগ্রহ করিলেন।

তাহার নাম সত্যশরণ। বয়স পঁচিশ ছাব্বিশ হইবে। তার যৌবনের দীপ্ত স্মরণের প্রথরতা শুদ্ধচিত্ততার সংস্পর্শে স্নিগ্ধ ও গভীর—যেন শ্রাবণের সমেষ মধ্যাহ্ন-আকাশ।

সত্যশরণ পিতৃমাতৃহীন। বাড়ী ঘর নাই বলিলেই হয়। স্মরণ সে পদ্মনাভের সংসারেই থাকিয়া, পদ্মনাভ ঠাকুরের 'দৈব ব্যবসায়' চালাইবে স্থির হইল। ইহাতে পদ্মনাভ ঠাকুর অনেকটা নিরুদ্বেগ হইলেন; ভাবিলেন—বাঁচা গেল, চুরিটা রক্ষে হ'ল।

দেবসেবার জন্ত সত্যশরণ মাসিক দক্ষিণা কত চাহে জিজ্ঞাসা করায় সত্যশরণ কহিল—“মায়ের পূজা ক'রব, তাঁর প্রসাদ পাব—এই আমার যথেষ্ট—! কখন টাকাটা সিকেটা দরকার হয়—জানাব।”

পদ্মনাভ মনে-মনে বলিলেন—সোনারচাঁদ ছেলে একেই বলে! প্রকাশে বলিলেন—“বঁচে থাকো বাবা!... দীর্ঘজীবী হও!”

২

সত্যশরণকে পৌরোহিত্যে নিযুক্ত করিয়া পদ্মনাভ যতটা ফলপ্রাপ্তির আশা করিয়াছিলেন ফলে কিন্তু ততটা হইল না। পূজার ফল মূল বা নৈবেদ্যের চাউলের পরিমাণ প্রায় পূর্ববৎ, তবে দক্ষিণালঙ্ক অর্থের পরিমাণটা কিছু বাড়িয়াছে সত্য। পদ্মনাভ একদিন ইহার কারণ জিজ্ঞাসা করিলে সত্যশরণ বলিল—“আজ্ঞে যারা পূজা দিতে আসে তাদের প্রসাদ কিছু বেশী করে দিতে হয় কিনা, তাই এদিকে কিছু কম হয়, আর দক্ষিণার পরস্যা থেকে তো তা কিছুই দিতে হয় না, তাই সমস্তটাই পান!”

বৃদ্ধ হুই চোখ কপালে তুলিয়া বলিলেন—“এ্যা...প্রসাদ বেশী-বেশী করে দাও?...কেন? এঃ! তোমায় অর্ধাটান পেয়ে ব্যাটার সব ঠকিয়ে নেয়!”

সত্যশরণ ধীরকণ্ঠে বলিল—“আজ্ঞে, না, তারা প্রসাদের পরিমাণ নিয়ে কখনও কোন কথা বলেনি আমি নিজে থেকেই—”

বৃদ্ধ একবার চমকিয়া উঠিলেন—“এ্যা! নিজে থেকে তাদের বেশী করে দাও?...আরে ছ্যা! ছ্যা!—তুমি এত নির্ঝোঁধ তা তো জানতুম না!...না, না, ভবিষ্যতে আর ও-রকম কোরো না! প্রসাদ দেওয়া এই বুঝেছ কিনা—যত কমে পার সারবে!”

বৃদ্ধের হৃদয়ের পরিচয়ে সত্যশরণের মনের ভিতরটা অপ্রসন্ন হইয়া উঠিল। সে কোন উত্তর করিল না।

বৃদ্ধ আবার জিজ্ঞাসা করিলেন...“নৈবেদ্যের চালটার পরিমাণ তেমন বাড়ছে না কেন বল ত? তা' থেকে তো কোন খরচ হয় না!”

সত্যশরণ সশঙ্ক নম্র স্বরে বলিল—“আজ্ঞে তা হয় কিছু—এই সিকি পরিমাণ।

বৃদ্ধের যেন সর্কনাশ হইয়া গিয়াছে, এমনি ভাবে তিনি বলিয়া উঠিলেন—“বল কি?...প্রসাদের সঙ্গে নৈবেদ্যের চালও তুমি বিতরণ আরম্ভ করেছ!”

“আজ্ঞে প্রসাদের সঙ্গে নয়—”

“তবে কার সঙ্গে বাপু?”—পদ্মনাভের কণ্ঠস্বরে শ্লেষ-বিমিশ্রিত।

“এই দীন হুঃখী অন্ধ খঞ্জ আতুর—এদের এক মুঠা এক মুঠা ভিক্ষে দিতে হয়!”

“ভিক্ষা দিতে হয়?...তার মানে?...যদি না দিই?—আমার মাথাটা কেটে নেবে তা'রা?...না, না, সত্যশরণ, এসব ভাল নয়! তুমি ছেলে মানুষ—তোমায় সং বলেই জানি...তা আমার কোন জিজ্ঞেসবাদ না করে অতটা কর্তৃত্ব কোরো না!” সত্যশরণের মুখ আরক্ত হইয়া উঠিল। সে নীরবে সে স্থান হইতে ধীরে ধীরে চলিয়া গেল। পদ্মনাভ সেইদিকে চাহিয়া ঘাড় নাড়িতে নাড়িতে স্বগত বলিল—“যে যায় লঙ্কায় সেই হয় রাবণ...কোন ব্যাটাকে আর বিশ্বাস করবার ঘো নেই!”

৩

সত্যশরণের ভক্ত হৃদয় প্রত্যহ দেবীপূজার কালে যেমন বাহুজ্ঞানহারা হইয়া পড়িত—এক দিন পূজা করিতে বসিয়া তেমন আর হইতেছিল না—সে কেবলই অগ্নমনস্ক হইয়া পড়িতেছিল। তাহার মনে হইতে লাগিল—দেবী আজিকার পূজা যে গ্রহণ করিলেন না, তাহা বুঝাইয়া দিতেই যেন এইরূপ চিত্তচাঞ্চল্য ঘটাইলেন। প্রথমে তাহার সন্দেহ হইল সে কোনরূপ অশুচি অবস্থায় পূজায় রত হয় নাই ত? কিন্তু স্থিতি সাহায্যে সবিশেষ সন্ধান করিয়াও সে তাহার দেহমনের শুচিতার ত্রুটি দেখিতে পাইল না। তখন সে পূজা-সামগ্রী কোন প্রকারে অপবিত্র হইয়াছে কিনা জানিবার উদ্দেশ্যে নৈবেদ্য-বাহকদিগকে একে একে

প্রশ্ন করিতে লাগিল। সকলেই স্ব স্ব নৈবেদ্যের শুচিতার সমর্থন করিতে গিয়া, কে কি মানসে পূজা মানত করিয়াছে, তাহাও বলিতে লাগিল। এক ব্যক্তি বলিল—“ঠাকুর, আমি কখনও মার পূজার জিনিস অপবিত্র করিতে পারি। তুমি তো জান না—মা আমায় কি রূপা করেছেন”—এই বলিয়া সে যাহা বলিল, তাহার সার মর্ম্ম এই যে, তাহার খণ্ডের বৃদ্ধাবস্থায় পুত্র-সন্তান হওয়ায়, তাহার খণ্ডের সম্পত্তি লাভের কোন সম্ভাবনাই ছিল না; একজ্ঞ সে মার নিকট তার শিশু শ্রালকের মৃত্যু-কামনা করিয়া পূজা মানত করিয়াছিল; এবং তাহারই ফলে আজ দুই দিন হইল সেই শ্রালক হঠাৎ মারা গিয়া তাহার পথ নিষ্কণ্টক করিয়া দিয়াছে।

এই ভীষণ মানতের কথা শুনিয়া ঘৃণা ও ক্রোধে সত্যশরণের হৃদয় ভরিয়া উঠিল। সে এতক্ষণে বুঝিল—কেন দেবী আজ পূজা গ্রহণ করেন নাই। সে বারেক মর্মান্তিক বেদনাভরা দৃষ্টিতে সেই ব্যক্তির পানে তাকাইয়া তাহার নিবেদিত পূজার সামগ্রী সমূহ তাহাকে ফিরাইয়া দিয়া ঈষৎ কঠোর কণ্ঠে বলিল—“নিয়ে যাও তোমার জিনিস—এ পূজো মা গ্রহণ করেন নি।”

সে ব্যক্তি আশ্চর্য হইয়া বলিল—“কি অপরাধ হয়েছে ঠাকুর, যে, মা এ পূজো—”

পূর্ববৎ কঠোর স্বরে উত্তর হইল—“চলে যাও এখান থেকে!—পাপিষ্ঠ!”

সেইদিন হইতে সত্যশরণ পূজার মানস জিজ্ঞাসা না করিয়া পূজার ভার গ্রহণ করিত না। কথাটা পদ্মনাভের কানে পৌঁছবার আগেই, এক দিন জমিদার বাটী হইতে এক বিপুল পূজার ভার উপস্থিত হইল। সত্যশরণ নব রীতি অনুসারে পূজার মানসের কথা জিজ্ঞাসা করিল। শুনিয়া, জেলা কোর্টে যে বড় উকীল তাঁহার বিরুদ্ধে এক সাংঘাতিক কৌজদারী মোকদ্দমা চালাইতেছিলেন, তাঁহার মৃত্যুর ‘শুভ সংবাদে’ এই পূজার অনুষ্ঠান।

সত্যশরণ সে পূজার ভার ফিরাইয়া দিল। জমিদারের লোক বলিল—“জমিদার বাবু কারণ জিজ্ঞেস করলে কি বলব?”

“বোলো—হিংসার পূজা মা গ্রহণ করেন না।”

নবীন দত্ত ছরস্তু জমিদার। তবে, ছরস্তু জমিদার বলিতে সাধারণত যাহা বুঝায়, তিনি তাহা ছিলেন না। প্রজার ধনসম্পত্তি বা ঝি-বউড়ীর উপর তিনি কখনও লুক্ক দৃষ্টিপাত করিতেন না। প্রজা খাজনা তানাদি করিয়া দিলে তাঁর তত আপত্তি হইত না; কিন্তু তাঁহার প্রাপ্য ‘রাজমাত্তের’ এক কড়া-ক্রান্তি কেহ হানি করিলে, তার আর নিস্তার থাকিত না। সুতরাং যখন শুনিলেন তাঁর পূজা ফেরত আসিয়াছে, তখন একেবারে তেলেবেগুনে জ্বলিয়া উঠিয়া লুকুম দিলেন—“শা—ভট্টচার্য্যাকে পাকাড় লেয়াও!”

পদ্মনাভ ঠাকুর তখন আহারাঙ্কে আচমন করিয়া সবে মাত্র ‘খড়কে ভক্ষণ’ কার্য্যে ব্যাপৃত হইয়াছেন, এমন সময় জমিদারের ‘ভোজপুরী দরোয়ান গিয়া উপস্থিত—“আস্তি যানে হোগা!”

হঠাৎ জমিদারের এই জরুরী তলবে পদ্মনাভ ঠাকুরের প্লীং চমকাইয়া উঠিল—বলিলেন “খবর ভাল তো সব—দরোয়ানজী!” দরোয়ানজী কিঞ্চিৎ গম্ভীর ভাবে বলিলেন—“ভালা কি বুয়া হাম কেয়া জানে—যানে কো সাব মালুম হোগা!”

ঘারবানের কথাবার্ত্তার ভঙ্গীতে পদ্মনাভ বুঝিলেন, ব্যাপার সুবিধার নয়। তিনি সত্যশরণকে ডাকিয়া সব বলিলেন। সত্যশরণ অনুমানে কতকটা বুঝিতে পারিলেও, তাহা প্রকাশ না করিয়া বলিল—“কেন ডাকচেন, একবার শুনে আসুন..না হয় আপনি থাকুন, আমি শুনে আসিগে।”

পদ্মনাভ জমিদারকে চিনিতেন; সুতরাং নিজে না গিয়া বকলমে কাজ সারিতে ভয় পাইলেন,—বলিলেন “না—না, তা করে কাজ নেই,—আমাকে ডেকে পাঠিয়েছেন, আমিই যাই, তুমি না হয় আমার সঙ্গে এস।”

“তাই চলুন” বলিয়া সত্যশরণ পদ্মনাভের সহগামী হইল।

তাঁহারা গিয়া দেখিলেন জমিদারবাবু একমনে ঘনঘন গড়গড়ার নল টানিতেছেন। তাঁহার মুখখানা তখন উদ্ভা-ভরা ধূমায়মান ইট পাজার মত গম্ভীর দেখাইতেছিল। দেখিয়াই পদ্মনাভ বুঝিলেন ব্যাপার সঙ্গীন! তিনি একবার ব্যাকুল চোখে সত্যশরণের দিকে চাহিলেন, দেখিলেন—সত্যশরণ নির্ঝিকার।

পদ্মনাভ গিয়া সম্মুখে দাঁড়াইলেন। জমিদার তাঁহার আগমন জানিতে পারিয়াও তাঁহার দিকে না তাকাইয়া আপন মনে গড়গড়া টানিতে লাগিলেন। আধঘণ্টা কাল দাঁড়াইয়া থাকিয়া পদ্মনাভ বলিলেন—“আমার ডেকেছিলেন?”

“হঁ” বলিয়া জমিদার পূর্ববৎ নিবিষ্টমনে ধূমপানে রত রহিলেন। মধ্যে মধ্যে তাঁহার ললাট কুঞ্চিত হইতেছিল। এই অবস্থায় আরও প্রায় আধঘণ্টা কাটিয়া গেল—কোন কথা নাই। পদ্মনাভ আবার বলিলেন—“কি জন্তে ডেকেছিলেন?”

পদ্মনাভের দিকে না তাকাইয়াই ধূমপান করিতে করিতে জমিদার বলিলেন—“তোমার কালী-মন্দিরের পাশে আমি একটা কালী-মন্দির স্থাপন করবার ইচ্ছা করছি... তোমার কি মত?”

কথার মর্মটা পদ্মনাভ বুঝিয়া উঠিতে না পারিয়া হাত কচলাইতে কচলাইতে বলিল—“আজ্ঞে, মায়ের মন্দির থাকতে আবার নূতন মন্দির স্থাপনের প্রয়োজন তো—”

“প্রয়োজন আছে বৈ কি!—তোমার ও কালী তো আর আমাদের মত পাপিষ্ঠ নরাধমের পূজা গ্রহণ করেন না!”

পদ্মনাভ ভাবিলেন—জমিদার রহস্য করিতেছেন... তাই ঈষৎ হাসিয়া বলিলেন—“আপনি...পাপিষ্ঠ?—নরাধম?... ছিঃ ছিঃ একথা বলবেন না!”

“আমি পাপিষ্ঠ—নরাধমই ত!...তা নইলে আমার পূজা ফিরে আসে?”

পদ্মনাভ হতভম্ব হইয়া বলিলেন—“এঁা...আপনার পূজা ফিরে এসেছে!...( সত্যশরণের দিকে চাহিয়া ) এসব কি সত্যশরণ?”

সত্যশরণ এককণ জমিদারবাবুর অগোচরে দাঁড়াইয়াছিল, সুতরাং সত্যশরণের নামোল্লেখ জমিদার জিজ্ঞাসা করিলেন “সত্যশরণটা আবার কে?”

“আজ্ঞে, আমার পূজারী।”

“তোমার পূজারী?...সেই তাহলে আমার পূজা ফিরিয়ে দিয়েছে?... কৈ সে?”

সত্যশরণ নির্ভীকভাবে আসিয়া জমিদারের সম্মুখে দাঁড়াইল। তাহার সেই শুচি সৌম্য তরুণ বদনের স্নিগ্ধ

গাঙ্গার্যো নবীন দন্তের মত ছরস্ব জমিদারও কণেকের জন্ত কেমন অভিভূত হইয়া পড়িল। কিন্তু পরক্ষণেই তিনি আত্মসংবরণ করিয়া লইয়া তীক্ষ্ণদৃষ্টিতে তাহার দিকে তাকাইয়া জিজ্ঞাসা করিলেন—“তুমি আমার পূজা ফিরিয়ে দিয়েছিলে?”

সত্যশরণ নির্বিকার চিত্তে স্থির গম্ভীর স্বরে বলিল—“হাঁ...আমিই ফিরিয়ে দিয়েছিলাম।”

“জান, তুমি পূজা ফিরিয়ে দিয়ে কার অপমান করেছিলে?”

“সে পূজার সামগ্রী অশুচি বলেই আমি তা ফেরত দিতে বাধ্য হয়েছি... কারুর অপমান করতে নয়।”

জমিদার ক্রকুঞ্চিত করিয়া জিজ্ঞাসা করিলেন—“অশুচি?” ধীর স্থিরকণে সত্যশরণ বলিল—“হাঁ, অশুচি বৈকি!... আপনি য’ মানস করে পূজা মানত করেছিলেন তাতে পূজার সামগ্রী অশুচি হয়েছিল!”

জমিদার বিজ্ঞপের স্বরে বলিলেন—“ব্যাটা আমার ভারি পণ্ডিত দেখছি—”

সত্যশরণ এইবার ঈষৎ উত্তেজিত স্বরে বলিল—“আপনি কথাবার্তায় অভদ্র নছেন—এই আমার বিশ্বাস ছিল; কিন্তু এখন দেখছি আমার ধারণা ভ্রান্ত; সুতরাং আর এখানে থাকা আমার কর্তব্য নহে”—এই বলিয়া সত্যশরণ সেস্থান ত্যাগ করিতে উদ্বৃত হইলে, জমিদার গর্জিয়া উঠিলেন—“বরজলাল!”

“হুজুর!” বলিয়া এক দ্বারবান উপস্থিত হইল। জমিদারের আদেশ হইল—“মরিচখানা মে ইস্‌কো লে যাও।” মরিচখানার অর্থ যে কুঠরিতে ছরস্ব প্রজাদের পুরিয়া লঙ্কার ধোঁয়ার সাহায্যে শায়েস্তা করা হয়।

৫

পদ্মনাভ সত্যশরণের নির্বুদ্ধিতার জন্ত দুঃখপ্রকাশ ও তাহার হইয়া মার্জনা ভিক্ষা করিয়া কিছুতেই জমিদারবাবুর ক্রোধের শাস্তি করিতে পারিলেন না। জমিদারবাবু জেদ ধরিয়াছেন—সত্যশরণ যদি তার উদ্ধত ব্যবহার ও উক্তির জন্ত তাঁহার উঠানে দশ হাত মাপিয়া নাকে খত দেয় তবেই তাহার নিস্তার। পদ্মনাভ অনেক কাকুতি-মিনতি করায় দণ্ডের পরিমাণ দশ হাত হইতে এক হাতে নামিয়াছিল। কিন্তু সত্যশরণের প্রকৃত পরিচয় পদ্মনাভের তেমন জানা

ছিল না ; তাই তিনি ভাবিয়াছিলেন, মরিচখানার দুঃসহ যন্ত্রণা হইতে মুক্তি লাভের আশায় হয় ত সত্যশরণ অপেক্ষাকৃত লঘু শাস্তিটুকু গ্রহণ করিতে অসম্মত হইবে না। যে ব্যক্তি সত্যশরণের নিকট এই লঘুকৃত শাস্তির বার্তা লইয়া গিয়াছিল, সে ফিরিয়া আসিয়া বলিল—“বাপ্ৰে! এক ফোঁটা বায়ুন ছোঁকরাটার কি তেজ!...হুদিন জলগ্রহণ করেনি...তার দিন ছবার লঙ্কার ধোঁয়া...তবু কি মনের বল!...বলে কি না—বোলো তোমার জমিদারবাবুকে...আমি বশিষ্ঠের জাত...মরবার ভয় রাধি না।”

অবশেষে মনে মনে একরূপ পরাজয় স্বীকার করিয়াই জমিদার বাবু সত্যশরণকে ছাড়িয়া দিলেন। মুক্তিদান কালে কেবল এইটুকু তাহাকে বলিয়া রাখিলেন—“ভেব না—তোমার মুক্তি দিলুম!”

সত্যশরণ ইহার মর্ম্ম বুঝিতে পারিল না—বুঝিতে চেষ্টাও করিল না। পদ্মনাভের বাড়ী গিয়া শুনিল—তিনি আর এক নূতন পূজারী নিযুক্ত করিয়াছেন। গ্রামের জমিদারের বিষয়কে যে পড়িয়াছে, তাহাকে আশ্রয় দিয়া নিজের বিপদ ডাকিয়া আনিতে তিনি রাজী নহেন।

পরদিন শুনা গেল কালীমন্দিরে সিঁদ দিয়া চোরে দেবী-প্রতিমার সমূহ অলঙ্কার চুরি করিয়াছে।

ইহার দুই দিন পরে জমিদার বাবুর অর্থ বলে এবং পুলিশ প্রভুদের মাহাশ্বে সত্যশরণ বমালসহ ধরা পড়িয়া থানায় আনা হইল। বিচারে চুরি সপ্রমাণ হইয়া গেল। বিচারক সত্যশরণকে যথারীতি জিজ্ঞাসা করিলেন—“তুমি দোষী না নির্দোষ?” উত্তরে সত্যশরণ উর্দ্ধে হাত তুলিয়া বলিল—“তিনি জানেন।

বিচারক সত্যশরণের তরুণ বয়স ও এই তাহার প্রথম অপরাধ বিবেচনা করিয়া তাহার প্রতি মাত্র এক বৎসর সশ্রম কারাবাসের আদেশ করিলেন।

কারাগারে ঘাইবার পূর্বে সত্যশরণ একবার পদ্মনাভের সঙ্গে দেখা করিতে চাহিয়াছিল ; কিন্তু তিনি সে সময় জমিদার

বাবুর বাটীতে স্বস্ত্যয়নের জন্ত দ্রবোর তালিকা প্রস্তুত করিতে ব্যস্ত থাকায় দেখা করিতে পারেন নাই।

\* \* \* \*

এক বৎসর কাটিয়া গিয়াছে। কাহারও পক্ষে যেন কত যুগ ; আবার কাহারও পক্ষে যেন সেদিনকার কথা। সত্যশরণ জেল হইতে খালাস হইয়া সন্ধ্যার অন্ধকারে মাণিকপুরে আসিয়া উপস্থিত হইল। তখন কালীমন্দিরে আরতির ঘণ্টা বাজিতেছিল। সত্যশরণের স্থির বিশ্বাস ছিল যে—মন্দিরে সে নূতন বিগ্রহ দেখিবে...কেন না, যে বিগ্রহের পূজা সে করিত সে বিগ্রহ যে—মায়ের প্রাণ যেমন সন্তানের অকারণ লাঞ্ছনায় ব্যথিত হইয়া গোপনে পরতে পরতে ফাটিয়া যায়—তেমনি নিশ্চয়ই ফাটিয়া চৌচির হইয়া গিয়াছে, তাহাতে তার বিন্দুমাত্র সন্দেহ ছিল না। কিন্তু মন্দির সম্মুখে আসিয়া সত্যশরণ দেখিল—তাহার ধারণা ভুল! যে প্রতিমার পূজা করিতে করিতে সে বাহু জ্ঞান হারাইয়া ফেলিত, যে প্রতিমাকে সে কোন দিন পাথরে-গড়া ভাবিতে পারে নাই, ভাবিতে গেলে নিজেকে বড় নিরাশ্রয় মনে হইত—সে প্রতিমা তো তেমনি রহিয়াছে...মানুষের বৃকের বাধা স্বার্থের পাষণ-ভিত্তি ভেদ করিয়া হৃদয়ান্তরে না পৌঁছিতে পারে, কিন্তু ভক্তের ব্যথা যে দেবতার বৃকে গিয়া লাগে নাই—এই দৃশ্যে চোখের জলে সত্যশরণের বৃক ভাসিয়া যাইতে লাগিল। সে ক্ষণকাল মন্দির-সম্মুখে দাঁড়াইয়া ভগ্নকণ্ঠে বলিয়া উঠিল—“ও! তুই তাহলে দেবী নস...মানুষের হাতে-গড়া পাষণের স্তূপ!...তাই তোরও মানুষের মত ব্যাভার.....হা—হা—হা...” সহসা সেই ভগ্নকণ্ঠে বাতুলের অট্টহাস ফুটিয়া উঠিল। সত্যশরণ ঝড়ের মত কোথায় উধাও হইয়া গেল।

পরিচিতদের মধ্যে কে একজন বলিল—“সত্যশরণ না?”

“সেই রকম তো মনে হ’ল...দেখচি পাগল হয়ে গেছে—”

“তা হবারই ত কথা...দেবতার জিনিস চুরি করা কি যে-সে পাপ!”



## পারমীকগণের গায়ত্রী

( অহ্ন-বইর্ষ্য )

শ্রীঅশোকনাথ ভট্টাচার্য

বিধিনিষেধাত্মক পবিত্র শাস্ত্রগ্রন্থরাজিকে সমাশ্রয় করিয়াই জগতের যাবতীয় মহৎ ধর্মের প্রতিষ্ঠা। এই শাস্ত্রগ্রন্থ-রাজি পুনরায় নিগূঢ়ার্থময় ও পবিত্রতর কতিপয় মন্ত্রের মাহাত্ম্যে প্রতিষ্ঠিত। আবার এই মন্ত্রসমষ্টির কেন্দ্রস্থলে উহাদিগের মূলস্বরূপ একটি করিয়া নিগূঢ়তমতত্ত্বসম্পন্ন পবিত্রতম মন্ত্র প্রায় সকল ধর্মেই বর্তমান। ইহাই ধর্মের প্রাণ—গায়ত্রী। উদাহরণ স্বরূপ সনাতন হিন্দুধর্মের বৈদিকী গায়ত্রী, খৃষ্ট-ধর্মের Paternoster, ইস্লাম-ধর্মের “বিস্মিল্লা অল্ল-রহ্মান উল্ল-রহিম” ইত্যাদি ও প্রাচীন পারস্যধর্মের “অহ্ন-বইর্ষ্য”র নাম করিতে পারা যায়।

হিন্দু ব্যতীত অল্প ধর্মাবলম্বিগণের নিকট হিন্দুর গায়ত্রী (বৈদিকী) সাধারণ সূর্যাস্ততি বলিয়া বোধ হইলেও, ভক্তিমান হিন্দুর ( বিশেষতঃ বিজ্ঞাতির ) নিকট যেমন ইহা সার ধন বলিয়া বিবেচিত হয়, অরথুদ্ভূতমতাবলম্বী ব্যতীত অপরাপর

জ্ঞাতির চক্ষুতে “অহ্ন-বইর্ষ্য” সেইরূপ বৈশিষ্ট্য ও বৈচিত্র্যহীন ( এমন কি কোন কোন বৈদেশিক পণ্ডিতের নিকট সম্পূর্ণ অর্থহীন প্রলাপ ) বলিয়া বিবেচিত হইলেও, প্রত্যেক স্বধর্মাম্বরাগী পারসীকের নিকট ইহাই তাঁহাদিগের ধর্মের শ্রেষ্ঠ সম্পদ ও জাতীয়তার ভিত্তি বলিয়া সমাদৃত হইয়া থাকে। প্রকৃত পক্ষে পুণ্যলোক অরথুদ্ভূত উপদেশের সার মর্ম এই মন্ত্রটির মধ্যে নিহিত আছে বলিয়া বোধ হয় ; এবং বহু শাস্ত্রজ্ঞ ধীমান্ অহুমান করেন যে, মন্ত্রটি উক্ত মহাপুরুষেরই রচনা।

ছন্দঃ ও স্বর অবিকৃত রাখিয়া শাস্ত্রীয় পাঠপদ্ধতি অনুসারে মন্ত্রটির যথার্থ আবৃত্তি করিলে উচ্চ স্তরে ( higher plane ) যে “অপূর্ব” (subtle effect) সমুৎপন্ন হয়, তাহার বর্ণনা এ প্রবন্ধের উদ্দেশ্য নহে। অধ্যাত্ম-ক্রিয়াকুশল ধিয়সফিষ্টগণ তাহার প্রকৃত বিচারে সমর্থ। এ স্থলে কেবল সামান্ততঃ উহার অর্থ লইয়া আলোচনা করা



যাইবে। তবে ভূমিকা স্বরূপ এইটুকু মাত্র বলা যায় যে, মন্ত্রটির অর্থ সম্যগরূপে হৃদয়ঙ্গম করতঃ যথাবিধি উহার আবৃত্তি করিলে, সমগ্র অবেস্তা গ্রন্থ পাঠের ফললাভ হইয়া থাকে। অমূলক বাক্য বলিয়া কেহ যেন এই চিরপ্রচলিত জনশ্রুতিকে অবজ্ঞা না করেন! জরথুষ্ট্র-প্রবর্তিত ধর্মের সার মর্ম ইহার অন্তরে নিহিত আছে, ইহা পূর্বেই উক্ত হইয়াছে। অতএব ইহার পাঠে সমগ্র অবেস্তাপারায়ণের ফল হইবে, তাহাতে আশ্চর্য্য কি? এই জন্তই ইরানীয়গণের যাবতীয় ধর্ম কার্য্যে “অহন বইর্যা” আবৃত্তি করিবার বিধান। ইহা যে কেবল ইরানীয়গণের গায়ত্রী স্বরূপ, তাহা নহে; ইরানীয় মুমূর্ষুর পক্ষে ইহা তারক-ত্রন্দ নাম। অন্ত্যোষ্টিক্রিয়ার ও শ্রাদ্ধকালে ইহার বহুবার আবৃত্তি আবশ্যক হইয়া থাকে। ইহলোকে ও পরলোকে এই মন্ত্রটিই ইরানীয়গণের প্রধানতম অবলম্বন—শাস্তির দ্বার। তাই বলা হইয়াছে—“অহনেম্-বইরীম্ তনুম্ পাইতি,”—অহন বইর্যা তনুকে (আত্মাকে) রক্ষা করে।

কিংবদন্তী এই যে, জরথুষ্ট্র স্বয়ংই মন্ত্রটির রচয়িতা বাহুঃ দ্রষ্টা। তাহার পর হইতে দেবতাগণ উহা তাঁহাদিগের প্রধান অঙ্গ-রূপে ব্যবহার করিয়া আসিতেছেন। নরাধিপ “শ্রওষে”র ইহা প্রধানতম অবলম্বন।

তিন পাদে ও ত্রি-সপ্ত পদে মন্ত্রটি রচিত। শুনা যায় যে, প্রাচীন অবেস্তা গ্রন্থেও ঐকবিংশতি “নস্ক” বা ঋগ্বেদে বিভক্ত ছিল। আলেকজান্ডার কর্তৃক পার্সিপোলিস-নগরী-দেহ উহা বিনষ্ট হয়। (১) অনেকে অনুমান করেন যে, অহন বইর্যোর প্রত্যেক পদটি অবেস্তার প্রত্যেক নস্কের প্রতিক্রম মাত্র।

মন্ত্রটির ব্যাখ্যা সম্বন্ধে এই স্থলে কিছু বলা আবশ্যক। নানা মুনির নানা মত চির দিনই লোকপ্রসিদ্ধ। অতএব মন্ত্রটির বিভিন্ন অনুবাদ, ভাষ্য, ব্যাখ্যা, টীকা ও টিপ্পনী প্রভৃতি যে সর্বসাকল্যে ত্রিশটিরও অধিক হইবে, তাহাতে আশ্চর্য্য কি? কোন কোন পাশ্চাত্য মনীষী ইহাকে হুর্কোথ, অসংলগ্ন ও অর্থহীন বলিয়া স্পষ্টবাদিতা ও সংসাহসের পরিচয় দিয়াছেন। এরূপ সংসাহস সকলের নাই বলিয়া মন্ত্রটির যথাসম্ভব সরল ও সংলগ্ন ব্যাখ্যা করিয়া

দেওয়া আবশ্যক। মদীয় অবেস্তা-শিক্ষক, কলিকাতা বিশ্ববিদ্যালয়ের তুলনামূলক ভাষাতত্ত্বের অধ্যাপক, মাননীয় ডাক্তার ইরাক্ জেহাদীর সোরাবুজী তারাপোরওয়ালী মহোদয় আমাকে যেরূপ শিক্ষা প্রদান করিয়াছেন, তদনুসারেই নিম্নোক্ত ব্যাখ্যাটি লিপিবদ্ধ করা যাইতেছে। মন্ত্রটি মোটেই হুর্কোথ বা অসংলগ্ন নহে; পক্ষান্তরে উহা অতি সরল অথচ গভীরতম সত্যপূর্ণ বলিয়া প্রতীত হইয়া থাকে। এই বিশ্বাসের উপর নির্ভর করিয়াই নিম্নোক্ত ব্যাখ্যা প্রকাশ করিতে সাহসী হইতেছি। ভাষাতত্ত্বের দিক দিয়া মন্ত্রটির আলোচনা এখানে সম্ভব হইবে না। তবে আনুমানিক ভাবে যেটুকু না বলিলে নয়, তাহাই মাত্র বলা যাইবে।

ঋক্টি (২) তিন পাদে বিভক্ত। প্রথম পাদে আটটি, দ্বিতীয়ে ছয়টি ও তৃতীয়ে সাতটি পদ—সর্বশুদ্ধ একবিংশতিটি। ছন্দঃ, গায়ত্রী। মন্ত্রটির প্রত্যেক পাদে গড়ে গায়ত্রীর দুইটি পাদ। মোটের উপর মন্ত্রটি দুইটি আর্ষী গায়ত্রী ঋকের সমান।

প্রথম পাদ (৩)—

যথা অহু বইর্যো ॥ অথা রতুশু অযাৎ-চিৎ হচা ॥  
[যথা—যেমন, যথা; অহু—অহু, গাথার দীর্ঘ, অহু—পৃথিবীর অধিপতি; বইর্যো—√বৃ—বরণ করা, সর্কশক্তিমান্ : (যাহা ইচ্ছা তাহাই করিতে সমর্থ); অথা—তথা, তেমন; রতুশু—ঋষি; অযাৎ—ঋতাৎ, ধর্মহেতু; চিৎ—নিশ্চয়ই; হচা—সচা, সহ;]

যেমন নরপতি (এই পৃথিবীতে) সর্কশক্তিমান্, তেমন ঋষিও (ইহলোকে ও পরলোকে) ঋতপ্রভাব বশতঃ নিশ্চয়ই (সর্কশক্তিমান্);

দ্বিতীয় পাদ—

বঙ্ হেউশ্ দজ্ দা মনঙ্ হো ॥

শ্রওধনর্নাম্ অঙ্ হেউশ্ মজ্ দাই ॥

(২) আশা করি, এ নাম দেওয়াতে হিন্দু সম্প্রদায়ের কেহ ক্ষুব্ধ হইবেন না। মহর্ষি জৈমিনির মতে তাহাই ঋক্, যেখানে অর্ধবশে পাদ-ব্যবস্থা। এখানেও ঠিক সেই ঘটনাই ঘটিয়াছে।—লেখক

(৩) অবেস্তার বিশুদ্ধ উচ্চারণ বাঙলা বর্ণমালা দ্বারা দেখান সম্ভব নহে। অনুসন্ধিৎসুগণ Selections from Avesta and Old Persian (P. 152) দেখিতে পারেন। এখানে যতদূর সম্ভব শুদ্ধ উচ্চারণ দেওয়া গেল।

(১) এই জন্ত ইরানীয়গণের নিকট Alexander the Great Alexander the Damned বলিয়া পরিচিত।

[ বঙ্হেউশ্—বসোঃ, সৎ; দজ্জদা—(বৈদিক) দত্তা, দত্তানি, দানানি, দানসমূহ; মনঙ্হো—মনসঃ, মনের;—বঙ্হেউশ্ মনঙ্হো—এখানে অব্যেস্তা-ব্যাকরণের নিয়মানুসারে সমাস হইয়াছে—সদন্তঃকরণের; শুওখননাম্—√শ্য—√চ্য—(বৈদিক) চ্যোতনানাম্(৪), কৰ্ম্মকারিগণের; অঙ্হেউশ্—অসোঃ, প্রাণের জীবিতগণের, প্রাণিরাজ্যের; মজ্জদাই-মজ্জদায়, মেধসে (Geldner)—প্রভুর নিমিত্ত; ] ভূতনাথের (প্রজাপতির) নিমিত্ত যাহারা কৰ্ম্ম করেন, সদন্তঃকরণের দানসমূহ তাঁহাদেরই নিমিত্ত (রক্ষিত থাকে); অর্থাৎ পরমেশ্বরের অভিপ্রেত কৰ্ম্ম যাহারা করেন, তাঁহারা ই সদন্তঃকরণের দান পাইবার অধিকারী, অর্থাৎ তাঁহাদেরও চিত্ত পূর্ণ প্রসন্নতা লাভ করে;

তৃতীয় পাদ—

ক্ষথেম্-চা অহুরাই আ ॥ যীম্ দ্রিগুবো দদৎ বাস্তারেম্ ॥

[ ক্ষথেম্—ক্ষত্রম, বীর্ষ্য, বল; চা—চ, গাথায় দীর্ঘ, এবং; অহুরাই—অসুরায়, অসুরশ্চ, ষষ্ঠী স্থলে চতুর্থী, অসুরের; যীম্—যম্, যাহাকে; দ্রিগুবো—দরিদ্রেভাঃ, দরিদ্রগণকে; দদৎ—অদদাৎ, দিয়া থাকেন,—অতীত কালের অর্থ ইহাতে নাই; বাস্তারেম্—সাহায্য। ]

এবং অসুরের (পরমেশ্বরের) বল তাঁহারই জন্ত, যিনি দরিদ্রকে সাহায্য দান করেন।

এই স্থলে “অসুর” (অহুর) শব্দটি লইয়া কিঞ্চিৎ আলোচনা করা আবশ্যিক। বৈদিক সংহিতায় দেখিতে পাওয়া যায় যে, বরুণ, সবিতা, ইন্দ্র প্রভৃতি শ্রেষ্ঠ দেবতাগণ সকলেই “অসুর” বলিয়া সম্বোধিত হইয়াছেন। মৈত্রায়ণী সংহিতায় “অহুর” শব্দটিরও প্রয়োগ দৃষ্ট হয়। ভাষ্যকার অসুর শব্দের বহুবিধ ব্যুৎপত্তি দেখাইয়াছেন; তন্মধ্যে—অসুর (অসু র)=প্রাণদাতা—এই সমাধানই সর্বাপেক্ষা সরল। ন+সুর=অসুর (দেব নহে—দৈত্য)—এ ব্যুৎপত্তি প্রাচীন বৈদিকী সংহিতায় পাওয়া যায় না। এখন কিন্তু এই শেযুক্ত অর্থই সাধারণের পরিজ্ঞাত। ইরানীয় “অহুর” শব্দ বৈদিক “অসুর” শব্দের প্রতিক্রম মাত্র।

“রতু” ও “অষ” শব্দও সম্পূর্ণ নূতন। রতু বলিতে বুঝায় জ্ঞানী, নব নব দ্রব্যের আবিষ্কার, দ্রষ্টা বা সংস্কৃত

পর্যায়ের ঋষি। ইনি অস্তর্জগতের প্রভু—অধ্যাত্ম-জগতে শক্তিমান্। আর “অহু” ঠিক ইহার বিপরীত—বহির্জগতের প্রভু—নরপতি। জরথুষ্ট্র স্বয়ং একাধারে রতু ও অহু—রাজর্ষি। উভয় জগতেই তাঁহার অপ্রতিহত প্রভাব। তিনি রাজবংশীয়; অতএব অহুতে তাঁহার জন্মগত অধিকারও বিস্তারিত।

রতু ও অহুগণের মধ্যে রতুই সমধিক প্রভাবান্বিত। ইহার কারণ তাঁহার “অশ্ব” বা “ঋত”। ভাষাতত্ত্বের নিয়মাবলী অনুসারে অষ ও ঋত সমপর্যায়ভুক্ত। “ধর্ম্ম” শব্দের দ্বারা ইহার অন্তর্নিহিত ভাবটুকু সম্পূর্ণরূপে প্রকাশ করা যায় না। কবিবর Tennysonএর ভাষায় বলিতে গেলে—

“One God, one Law, one Element,  
And one far-off Divine Event,  
To which the whole Creation moves”

(In Memorium)

—ইহাই “অশ্ব”। এই অর্থে পরের যুগে আমরা দেবতা যোনিক্রমে পরিবর্তিত দেখিতে পাই। অহুর মজ্জদের ছয়জন প্রধান পার্শ্বচর-পার্শ্বচরী (৫)। ইহাদিগের সাধারণ নাম—“অমেম্বা স্পেন্তা” (পবিত্র অমরগণ)। ইহাদিগের অন্ততম “অশ্ব-বহিঃশ্চ” —এই ঋতের রূপান্তর এবং স্বর্গস্থ অগ্নির অধিপতি। “বোহু-মটেনা” পশুগণের অধিপতি। “ক্ষথু-বইর্ষ্য” —ধাতুগণের অধিপতি। ইহারা তিনজনই পুরুষ, এবং যথাক্রমে উক্ত মন্ত্রটির পাদত্রয়ে উল্লিখিত হইয়াছেন। এতদ্ব্যতীত আর তিনজন স্ত্রী দেবতা আছেন;—“স্পেন্ত আর্-মইতি”—পৃথিবীর অধিষ্ঠাত্রী দেবী ও অষের সহযোগিনী। অপর দুইজন যমজ ভগিনী—“হউর্ষতাৎ” ও “অমেম্বেরততাৎ” (অমৃততাৎ)—যথাক্রমে জল ও উদ্ভিদ জগতের অধিষ্ঠাত্রী। এই ছয়জনই প্রধান। এতদ্ব্যতীত নরাধিপ “সুওম” ও অহুরমজ্জদের ধুব প্রিয়। তিনি ভক্তির দেবতা। মৃত্যুর পর জীবাশ্মা তাঁহারই অধিকারে আইসে। “অশ্বি” (আশীঃ)—একজন অপেক্ষাকৃত নিম্নশ্রেণীর স্ত্রীদেবতা, অহুরের নিরতিশয়

প্রীতিভাজন। পরের যুগে ইনি সম্পদের অধিষ্ঠাত্রী “ঈ” বা “লক্ষ্মী” রূপে পরিণত হইয়াছেন। আর অহর মজ্দের পুত্র হইতেছেন “আভর”—স্বর্গীয় অগ্নি স্বয়ং। ইহাই হইল অহরমজ্দের ও তদীয় ব্যূহের সংক্ষিপ্ত পরিচয়।

প্রথম পাদে এই অষের কথা বলা হইয়াছে। অষের প্রভাবে রত্ন পরলোককে আয়ত্তের মধ্যে আনিয়াছেন। অতএব ইহলোকের অধিপতি অপেক্ষা তিনি শতগুণে অধিক শক্তিমান। সকল দেশেই ঋষির মহত্ব একরূপ সর্ববাদি সম্মত। অষই ঈশ্বরের ইচ্ছা। ঐশী ইচ্ছা অনুসারে যে রত্ন চালিত হইয়া থাকেন, তিনি সকল অধর্ম হইতে বিমুক্ত—ধর্মশক্তিতে শক্তিমান। তুচ্ছ পার্থিব শক্তি তাঁহার নিকট পরাজিত। ইহাই প্রথম পাদের সারমর্ম।

দ্বিতীয় পাদে বলা হইয়াছে যে, যাহারা পরমেশ্বরের অভিপ্রেত কর্ম সম্পাদন করেন, সদন্তঃকরণের দান সমূহ তাঁহারা প্রাপ্ত হ'ন। অর্থাৎ যাহারা সংকার্য সম্পাদন করিয়া মানবজাতিকে ক্রমোন্নতির পথে লইয়া যান, তাঁহারা ঈশ্বরের অভিপ্রেত কর্ম করেন; এবং পুরস্কার স্বরূপ তাঁহাদিগের অন্তঃকরণের বৃত্তিসমূহ মার্জিত হইতে মার্জিততর, এবং ধীশক্তি পরিস্ফুট হইতে পরিস্ফুটতর হইতে থাকে। জ্ঞানের আলোকে তাঁহাদিগের চিত্ত উদ্ভাসিত হয়। তাঁহারা স্বয়ং যতই উন্নতির পথে অগ্রসর হইতে থাকেন, মানবজাতিকে উন্নত করিবার প্রবৃত্তি ও শক্তি ততই তাঁহাদিগের বৃদ্ধিপ্রাপ্ত হইতে থাকে।

এই প্রদর্শিত “শুওখন” শব্দটি বিশেষভাবে লক্ষ্য করা কর্তব্য। প্রাচীন ইরানীয় জাতি কর্মমাগের সাধক ছিলেন। যখন কোন পারসীক তাঁহার মেথলা (যজ্ঞোপবীত ?) কটিদেশে বন্ধন করেন, তখন তাঁহাকে দুইবার ‘অছন বইর্ঘা’ আবৃত্তি করিতে হয়, এবং সম্মুখের গ্রন্থিষয় “শুওখননাম” বলিয়া বন্ধন করিতে হয়—যেন তিনি কর্ম করিবার জন্তই কোমর বাধিতেছেন। প্রকৃতির সহিত পুরুষের (জীবের) যে অবিশ্রান্ত সংঘর্ষ অহোরাত্র চলিতেছে, অব্যস্তার দার্শনিক অংশে তাহারই রহস্য উন্মুক্ত হইয়াছে। জগতের প্রত্যেক নরনারী এই সংঘর্ষের ভূমিকায় অবতীর্ণ; কিন্তু সকলে তাহার বিষয় অবগত নহে। অষের বিধানানুসারে ইরানের

প্রত্যেক জীপুরুষ আপনাকে সদা সর্বদা এই অনাদি অনন্ত মহাসংগ্রামের জন্ত প্রস্তুত বলিয়া মনে করেন। বৈদান্তিকের মোক তাঁহাদিগের প্রার্থনীয় নহে; সংসার-সংগ্রামে জয়লাভ করাই তাঁহাদিগের মুখ্য উদ্দেশ্য। “কর্মণৈব হি সংসিদ্ধিমা-স্থিতা জনকাদয়ঃ” ইহাই তাঁহাদিগের মূলমন্ত্র—ইহাই অষ। যাহারা এই বিধানের অনুকূলে যোগ দেন, জ্ঞানের আলোকে তাঁহাদিগের চিত্ত উদ্ভাসিত ও অজ্ঞানাক্রকার বিদূরিত হইয়া থাকে; ক্রমে মোক্ষ নিকটবর্তী হয়।

আদিযুগে অষের প্রাধান্যই সর্বসম্মত ছিল, পরের যুগে (খুব সম্ভব অব্যস্তা পুনর্নির্দিষ্ট হইবার সময়ে) বোহমনো তাঁহার স্থান অধিকার করিয়াছেন। চিত্তগুহায় জ্ঞানের দীপ জ্বালিবার অধিকার বোহমনোর। সুতরাং বোহ-মনোকে জ্ঞানাধিষ্ঠাতা বলিয়া ধরিলে, অষকে ভক্তির অধিষ্ঠাতা বলা চলে। আর ক্ষথ হইলেন কর্মাধিপ। অতএব দেখা যাইতেছে যে, মন্ত্রটির মধ্যে ভক্তি, জ্ঞান ও কর্মের অপূর্ব সমুচ্চয় সুস্পষ্ট ভাবে বর্ণিত হইয়াছে।

তৃতীয় পাদে বলা হইয়াছে যে, দরিদ্রকে যিনি সাহায্য করেন, অহরমজ্দের বীর্ঘ্য তাঁহাকে বলাস্বিত করে। দরিদ্র বলিতে শুধু অর্থহীন নহে। যীশু যাহাকে Poor (in spirit) বলিয়াছেন, এ সেইরূপ দরিদ্র। এ দরিদ্রের উন্নতির জন্ত যে মহাপ্রাণ সর্বদা চেষ্টিত, একাধারে জ্ঞান ও ঐশী শক্তি তিনি লাভ করেন।

ভক্তি, জ্ঞান, কর্ম,—অচ্যুত, শঙ্কর, পদ্মযোনি,—অষ, বোহমনো, ক্ষথ—সত্ত্ব, রজঃ, তমঃ—এ তিনের (Trinity) অপূর্ব সমন্বয় এ মন্ত্রে প্রদর্শিত হইয়াছে। ত্রিগুণের আধার, গুণাতীত অহরমজ্দের বিধানের কথাও ইহাতে উল্লিখিত রহিয়াছে। দরিদ্রকে সাহায্য দান—অমরাভূমিতেও যে গুণের শতমুখে প্রশংসা—সেই স্বর্গীয় গুণের প্রশংসা ইহাতে বর্তমান। বস্তুতঃ মহাপ্রাণ জরথুষ্ট্রের উপদেশের সারমর্ম ইহাতেই নিহিত আছে। এখন বুঝুন, পাঠক, এই মন্ত্রের সঙ্কটচ্ছারণে সমগ্র অব্যস্তা-পারায়ণের ফললাভ হওয়া বিশেষ আশ্চর্যের বিষয় কি ?

সুখে হঃখে, আশায় নিরাশায়, হর্ষে বিমর্ষে সহস্র সহস্র ধর্মপ্রাণ পারসীক আজিও এই মন্ত্রপাঠে অন্তরে অন্তরে শান্তির বিমল আনন্দ অনুভব করেন। বৈদেশিক পণ্ডিত-

মণ্ডলী ইহার সরল অথচ গভীর সত্যের দিকে দৃষ্টিপাত না করিয়াই মস্তককে কদর্ভিত করিতেছেন। এ মোহ হইতে পারসীকগণ আশ্চর্য্যকার চেষ্টা না করিলে তাঁহাদিগের অদৃষ্টে কি আছে কে বলিবে ?

একটি কথা! পারসীকগণের মধ্যে ব্রাহ্মণ ও কৃত্রিম ব্যতীত অপর বর্ণ নাই। সুতরাং এ গায়ত্রী পাঠে পারসীক মাত্রেই অধিকার। পারসীক গায়ত্রীর ইহাই বৈশিষ্ট্য।

## বিবিধ-প্রসঙ্গ

### রক্তকরবী

অধ্যাপক শ্রীক্ষেত্রলাল সাহা এম-এ

এই যে কুল-রক্ত-কুহ্মের সম্ভার-সম্বিত অপূর্ব-সুন্দর সমৃদ্ধ রক্তকরবী বৃক্ষটি আমরা দেখিতেছি—ইহা একেবারে শূন্য আকাশ হইতে সম্ভব হয় নাই। রবীন্দ্র-সাহিত্যের সুবিশীর্ণ উদার উদ্ভানে সন্ধান করিলে নানা স্থানে ইহার বীজাকুর পাওয়া যাইবে। গ্রন্থের প্রারম্ভ-পৃষ্ঠার শিরোভাগেই দৃষ্ট হইতেছে—‘এখানকার রাজা একটা জটিল জালের আবরণের আড়ালে বাস করে।’—পড়িলেই তৎক্ষণাৎ মনে পড়ে রবিবাবুর ‘রাজা’ নাটক-খানির রাজার সেই প্রেহেলিকাময় অন্ধকারের আবরণের আড়াল—তাঁহার সেই সন্মোপনে বাস—যাহাতে রাণী পর্যন্ত রাজার মুর্তিখানি দর্শন করিতে পারেন না। \* ‘রাজা’ ও ‘রক্তকরবী’র সাদৃশ্য এইখানেই শেষ। এ রাজা একটা প্রকাণ্ড মিথ্যার রাজা ; সে রাজা শুধু সনাতন সত্যের রাজা নয়—স্বয়ং সত্য-স্বরূপ। আবার এক হিসাবে বলিতে পারি—‘অচলায়তন’ নাটকখানির একটা বৃহত্তর, উন্নততর, গভীরতর এবং মার্জিততর সংস্করণ এই ‘রক্তকরবী’। সেখানকার অচলায়তন বড় হইয়া এখানকার বৃক্ষপূরী হইয়াছে। সেখানে ছিল রক্তশীল হিন্দু-ধর্ম-প্রতিষ্ঠানের প্রস্তরীভূত কাঠামখানি—অবশ্য কবির কল্পনার যেক্ষেপে প্রতীয়মান হইয়াছিল—আর এখানে জড়-ধর্মী মানব-সংসার, অর্থাৎ এই বিশাল পার্থিব প্রতিষ্ঠান। এই ক্ষুদ্র বৃহত্তর পার্থক্য বাদ দিলে, দুইখানি নাটকের বহিরঙ্গ-সংস্থান একই জন্মনা কর্তৃক নিয়ন্ত্রিত, ইহা স্বীকার করিতেই হইবে।

রবিবাবুর একটা গল্প আছে—তাঁহার নাম—‘একটা আঘাটে গল্প’। তাহাতে হিন্দু-সমাজকে ব্যঙ্গ করা হইয়াছে। তাঁহার মধ্যে কৃত্রিম অপরিবর্তনীয় নির্দিষ্ট বিধি-বিধানের যে জটিল জালের বর্ণনা আছে, এবং সেই জালের যে পরিণাম প্রদর্শন করা হইয়াছে, তাহা, আর এই রক্তকরবীর জটিল জাল, একই কল্পনার সূত্রায় গাঁথা এবং সেই সূত্রায়

একই উপাদানের। কবির একটা কবিতা আছে—নাম ‘মন্দির’। মন্দিরটির মধ্যে বায়ু ও আলো প্রবেশের পথ নাই বলিলেই হয়। যোর অন্ধকার। এক ব্যক্তি সেই মন্দিরে অন্ধকারে দেবারাধনা করে—কিন্তু দেবতার দেখা পায় না। একদিন বজ্রাঘাতে মন্দিরটি ভাঙ্গিয়া চূরমার হইয়া গেল। লোকটির প্রাণ রক্ষা হইল। সে দেখিল, যাহার প্রতীক্ষা করিয়া সে বন্ধ অন্ধকারে বসিয়া ছিল, সে আকাশে বাতাসে আলোকে সর্বত্রই বিরাজ করিতেছে। ঐ মন্দির আর এই বৃক্ষপূরী অনেকটা এক প্রকারের ইট-পাথরেই নির্মিত। আর একটা কবিতা আছে—নাম ‘শীতে ও বসন্তে’। তাহাতে অতি সুন্দর রঙ্গ-ভরে বর্ণনা করা হইয়াছে—বসন্তের চঞ্চল মধুর হাওয়া আসিয়া কবির সারা বৎসরের সঞ্চয় উড়াইয়া লইয়া গেল ; এবং কবির চিত্তখানিও আকাশের মধ্যে ছড়াইয়া দিল। ফল কথা, যে সমস্ত কল্পনার রঙে রক্ত-করবী রঞ্জিত, তাহা কবির শিল্প-শালার সর্বত্রই পাওয়া যাইবে। কিন্তু আশ্চর্য্যের বিষয়—তবুও এই রক্ত-করবী নামক নাটকখানি এক অতি অ-পূর্ব অভিনব মনোরম বস্তু। ইতিমধ্যে জ্ঞানিগণ, পণ্ডিতগণ, সাহিত্যের সমজ্ঞদারগণ ইহার অনেক সমালোচনা করিয়া ফেলিয়াছেন। এই গ্রন্থখানি খুব সাধারণ ও সহজ ভাবে বৃষ্টিবার কিঞ্চিৎ চেষ্টা করিব। যদি ভুল বৃষ্টি, তবে জ্ঞানিগণ কৃপা করিয়া সংশোধন করিয়া দিবেন, এই অনুরোধ।

এই গ্রন্থখানি একখানি রূপক-নাটক। রূপকটা মুখ্য—নাটকটা গৌণ। কিন্তু গৌণ হইলেও নাটকই। কারণ ইহাতে অবস্থা পরিবেশের মধ্যে জীবনের ব্যাপার এবং প্রাণের ক্রিয়া এবং ইহাদের পারস্পরিক প্রত্যাব-পরিবর্তনাদি সাক্ষাৎভাবে প্রদর্শন করা হইয়াছে। জীবনের ও প্রাণের যতখানি ইহাতে আসিয়াছে— তাহা সত্যই ; তৎ-বিপ্লবের শুষ্ক উদাহরণ মাত্র নহে। রূপকটা পরিত্যাগ করিয়া শুধু নাটকখানি বৃষ্টি করিলে পদে পদেই সম্মুখে একএকটা প্রেহেলিকা বা বাসকুট আসিয়া উপস্থিত হইবে—যাহা পাঠকের জ্ঞান-বিক্ষেপ ঘটাইবে এবং রসানুভবের বাধা উৎপাদন করিবে। কিন্তু

\* ‘রাজা’ নাটকখানি পড়িলে পাশ্চাত্য সাহিত্যের সহিত পরিচিত ব্যক্তি মাত্রেই মনে হইবে—গ্রীক পুরাণের সেই Cupid and Psycheএর মনোহর উপাখ্যানটি।

রূপকের ভাব-সম্বন্ধে পড়িতে গেলে গ্রন্থখানি এক দিকে যেমন অপরি-  
সীম আনন্দ দান করিবে, অন্য দিকে তেমনি চিত্তে অশেষ জ্ঞানও  
ক্ষুণ্ণিত করিয়া তুলিবে। জীবনের গতি-বিধি ও ক্রিয়া-কলাপের  
আবরণে প্রত্যক্ষ ভাবে তৎ প্রকাশ করার নামই রূপক। বাহ্য আবরণ  
সুতরাং অপ্রধান—তাহাকেই প্রধান-রূপে বর্ণনা করা হয়। অথচ  
এমন ভাবে, যেন তাহাদের কথার কথার প্রতিপাত্ত যে তৎ, তাহার  
ইঙ্গিত অনিবার্য-রূপে আসিয়া পড়ে। রক্তকরবীর সর্বত্রই এই প্রকার  
রচনার আদর্শ পরিলক্ষিত হইবে।

রক্ত-করবীতে দুইটি তত্ত্বের সংঘর্ষ এবং সম্বন্ধ প্রদর্শিত হইয়াছে।  
একটি স্বর্ণ-বর্ণ, একটি রক্ত-বর্ণ। একটি স্বর্ণের রাশি, একটি রাগময়ী  
রক্তকরবী। কামিনী-কাঞ্চন কথাটির কামিনী শব্দের প্রচলিত সঙ্গীর্ণ  
অর্থ ছাড়িয়া দিয়া, বৈষ্ণব-দর্শনের এবং মহাকবি গেটের অর্থটি গ্রহণ করা  
যাইতে পারে। বৈষ্ণব-দর্শনে কামিনী মানে ভগবৎ-প্রেমময়ী। কারণ  
'প্রেমই গোপ-রামাণাং কাম ইত্যগমৎ প্রথাং'। কাজেই প্রেমময়ী  
গোপ-রমণীরা সকলেই কৃষ্ণ-কামিনী। গেটে বলিয়াছেন—

The eternal womanly  
Draws us above.\* (Faust)

অর্থাৎ প্রত্যেক মানুষের মধ্যে যে এক অনাদি কামিনী আছে, সে  
মানুষকে বৈকুণ্ঠের দিকে লইয়া যায়।

এই অর্থ—ইহাই প্রকৃত অর্থ—ধরিয়া বলিতে পারি, রক্তকরবীতে  
কাঞ্চনের সহিত কামিনীর প্রতিদ্বন্দিতার ফলাফল প্রতিপাদিত  
হইয়াছে।

এই নাটকের রক্তকরবী এক প্রকার লাল রঙের ফুল, আর ইহা  
নন্দিনীর আদরের নাম। নন্দিনী এই নাটকের নায়িকা। এখানে  
রক্তকরবীকে একটি নিদর্শন রূপে—একটি অভিজ্ঞানরূপে গ্রহণ করা  
হইয়াছে। একটি Symbol—ইহা কিসের নিদর্শন? গ্রন্থে তাহা  
পরিষ্কার রূপেই ব্যঞ্জিত হইয়াছে। নন্দিনী বলিতেছে—'আমার রঞ্জনের  
ভালবাসার রং রাঙা, সেই রং গলায় পরেছি, বুকে পরেছি, হাতে  
পরেছি।' রক্তকরবী বুকের রঙের ফুল—প্রাণের ভালবাসা—অনুরাগ—  
প্রেম। লাল ফুল অনেকই আছে—রক্তজবা, রক্তন, অশোক, পলাশ,  
সন্ধ্যামণি, ছুপুরচণ্ডী। রক্তকরবী নামটি বাছিয়া লইবার কারণ কি?  
রক্তকরবীতে অতি-পরিচয়ের মলিনতা নাই। যে সমস্ত লাল ফুলের  
নাম করিলাম, তাহাদের মধ্যে রক্তকরবীই সবচেয়ে সুদৃশ্য। তৃতীয়  
কারণ—রক্তকরবীর নামের মধ্যে ঐ অর্থপূর্ণ 'রক্ত' কথাটি রহিয়াছে।  
তবে রক্তজবা বলিলেই হইত। না, রক্তজবা অতি পরিচিত এবং উহার  
ভাবানুবন্ধ—association কবির এখানকার উদ্দেশ্যের বিরোধী।

\* অনুবাদ ঠিক কি না বুঝিবার জন্য মূল গ্রন্থের সহিত মিলাইয়া  
দেখিরাছি, ইহা প্রায় অক্ষরানুবাদ। মূল আছে—

Das Ewig—weibliche  
Ziecht uns hinan.

সুতরাং রক্তকরবীই যোগ্যতম নাম হইয়াছে। শুধু এই নামটিতেই একটু  
কাললৌকিকতা—একটু romance আসিয়া গিয়াছে। আরো একটা  
কথা। করবী(র) ফুলের একটি নাম হরিপ্রিয়—আবার মন্ত্রীর নাম  
হরিপ্রিয়া। কাঞ্চন শব্দের মানে সোনা আর লক্ষণীয় ধন—বিবর-সম্পত্তি-  
সম্ভারবান্ অতৃপ্ত-আকাঙ্ক্ষা-সমাকুল সংসার। রাজা হইলেন এই  
সংসারের নায়ক।—ইহার শক্তি-রূপী—সংসারী। সংসার হয় বিবর  
লইয়া। বিবর পাঞ্চভৌতিক—জড়াস্বক। ইহা ইন্দ্রিয়ের ভোগ্য।  
বিবর-ভোগ্যে—বিবর-অর্জনে পরিতৃপ্তি নাই। ন জাতু কামঃ কাম্যানা-  
মুপভোগেন শাম্যতি। ভোগের নেশা কখনো কখনো শুধু অর্জনের  
নেশায় পর্য্যবসিত হইয়া যায়। এই নাটকের রাজা যে বিবরের অধিপতি  
তাহা শুধু সাধারণ ধনার্জন এবং স্বাভাবিক সম্ভোগাদি নহে। ইহা  
এক অসাধারণ অস্বাভাবিক উদগ্র উন্মত্ত সংকল্প—অপরিমিত বিস্তার্ত্তনের  
জন্ত। এই রাজার কাহিনী পড়িতে পড়িতে পাশ্চাত্য পুরাণজগণের  
মনে পড়িবে—ফিজিয়ার রাজা মিডাসের কথা। অগণিত ধনরত্ন রাশিকৃত  
স্বর্ণ-রৌপ্য সঞ্চয় করিয়াও যখন তার ধন-তৃষ্ণার নিবৃত্তি হইল না,  
তখন সে দেবতার কাছে বর মার্গিল—যেন তাহার স্পর্শমাত্র সমস্তই  
সোনা হইয়া যায়। দেবতা তথাস্ত্ব বলিয়া বর দিলেন। রাজা প্রথমতঃ  
ধুব এক চোট কাঠ-পাথর চাই-মাটি সমস্তই ছুইয়া ছুইয়া সোনা করিয়া  
লইল। পিপাসায় জল পান করিবে, ছুইতেই জলটা সোনা হইয়া  
গেল। মহা বিপদ। পিপাসায় প্রাণ যায়। একমাত্র প্রিয়তমা  
কস্তা, তাহাকে স্পর্শ করিবামাত্রই সে একখানি প্রাণহীন স্বর্ণ-প্রতিমার  
পরিণত হইয়া গেল। তীব্র বেদনার—নিদারুণ নিরাশায় রাজার চৈতন্ত  
হইল। বৃষ্টি—এ যে আত্ম-ঘাতী লোভ! তখন সে দেবতার পায়ে  
কাঁদিয়া পড়িয়া কহিল—দেবতা, তোমার এ সর্ব্বনেশে বর ফিরাইয়া  
লও। এই নাটকের রাজাও সেই রাজারই বংশধর। এবং ইহারও  
সেই প্রকার কিছু ব্যাপারেই চৈতন্ত হইবে।

কবি যখন এই যক্ষরাজ এবং তাহার যক্ষপুরীর কল্পনা করিতে-  
ছিলেন, তখন ধুব সম্ভবতঃ তিনি ভারতবর্ষের কথা ভাবিতেছিলেন  
না। ভাবিতেছিলেন ইরোরোপ আর আমেরিকার কথা। বিবর-সম্পদ  
অর্জনের জন্ত ঐ সমস্ত দেশেই পৃথিবীর মধ্যে সর্ব্বাপেক্ষা ভয়ঙ্কর  
উন্মত্ততা, বিপুল ব্যস্ততা, বিশাল কর্ম-চঞ্চলতা। ইহাই আধুনিক  
সভ্যতা। সংসার, সমাজ, রাষ্ট্র, সমস্তই এই ধনোন্মাদ। বর্তমান  
সভ্যতা ধনোপার্জনের জন্ত অনন্তবিধ যন্ত্র উদ্ভাবন করিয়া লইয়াছে।  
শত শত রেলগাড়ী, সহস্র সহস্র জাহাজ, লক্ষ লক্ষ ফাটরি, মিল,  
মেশিন, কল-কারখানা—অন্ত নাই। বিদ্যুৎবেগে দেশ-দেশান্তে সংবাদ  
চলিয়া যায়। প্রকাণ্ড প্রকাণ্ড কয়লার খনি, লৌহ-খনি, স্বর্ণ-খনি,  
রৌপ্যের আকার, হীরকের আকার আবিষ্কৃত হইয়াছে—এবং অহোরাত্র  
কর্ম-ব্যাপৃত রহিয়াছে। শূন্য জাহাজ চলিতেছে। কু-পর্বে  
রেলগাড়ী চলিতেছে। বাণিজ্য সর্ব্বগ্রাসী ও সর্ব্বব্যাপী  
হইয়া পড়িয়াছে। শত শত লক্ষের ও কোটিখরের উদ্ভব  
হইতেছে।









করিতেছে, চির-তুবারাজ্যাদিত মেরু-প্রদেশের সকল রহস্য আবিষ্কার করিতেছে যে শক্তি, জলে স্থলে আকাশে বাতাসে অনায়াসে অবাধে গমনাগমন করিতেছে, আবশ্যক হইলে দেশকে দেশ ধ্বংস করিয়া অরণ্য করিতেছে, আবার অরণ্য-কান্তার দেখিতে দেখিতে মানবের বাস-ভূমিতে পরিণত করিতেছে যে শক্তি, তাহা অদ্ভুত নিশ্চয়ই। হানিবল, আলেকজান্ডার, নেপোলিয়ন যে শক্তির সম্ভান, সে শক্তি অদ্ভুত নিশ্চয়ই।

(৬) 'কাগা রাক্ষসের অভিসম্পাত। খুনোখুনি কাড়াকাড়ির অভিসম্পাত।' সংসারে সর্বত্র 'প্রাণধারণের জন্ত প্রাণপণ প্রদান চলিতেছে অহনিশ। স্বার্থ সিদ্ধির জন্ত একজন আর একজনের গলায় ছুরি দিতেছে। একজন আর একজনের মুখের গ্রাস কাড়িয়া লইতেছে। এই যে hard struggle for existence এবং cut-throat competition, এই যে জোরের সহিত জোরের জড়াজড়ি লড়াই, এই যে বুদ্ধির সহিত বুদ্ধির কখনো বা মল্ল-যুদ্ধ কখনো বা লুকোচুরি চল-প্রবন্ধনা—ইহাই সংসারের নিয়ম। অন্ধ-ধন-লিপ্সা নামক কাগা রাক্ষসের উপাসনায় এই অভিসম্পাত লাভ হয়। দেবতার আদেশ—'তেন ত্যক্তেন ভূঞ্জীথা মা গৃধঃ বাস্ত দ্বিদ্ ধনং।' ইহার বিরুদ্ধাচরণ যেখানে সেইখানেই এ অভিসম্পাত।

(৭) 'আমার যা আছে সব বোঝা হয়ে' আছে। সোনাকে ভূমিয়ে তুলে ত পরণমণি হয় না। শক্তি যতই বাড়াই যৌবনে পৌঁছিস না।'

মানুষের সম্পদ যতই বাড়ে, ততই উঠা তাহার চিত্তের উপর পাথরের মত চাপিয়া বসে এবং ধীরে ধীরে তাহাকে নিষ্পেষিত করিতে থাকে। আনন্দ ক্রমশই হ্রাসিত হয়। হর্ষ-হাসি অসম্ভব হয়। আনন্দ উন্নাস শ্রীতি ইহাই যৌবন। ধন-বুদ্ধির সঙ্গে সঙ্গে এই যৌবনের ক্ষয় হইতে থাকে। যে ব্যক্তি সম্পদজ্ঞানের জন্ত সমস্ত মন প্রাণ নিয়োগ করিয়াছে তাহার জন্ম কঠোর হইয়া যায়, তাহাতে বিন্দুমাত্র সরসতা ও তরুণতা থাকে না। ধনের অর্জনে অশান্তি, রক্ষণে অশান্তি, ব্যয়ে অশান্তি। ধন যেখানে তার চতুর্দিকে বহুদূর পর্য্যন্ত মনস্তাপ, মনোমালিন্য, অসন্তোষ।

ধনং তাবদমূলতং লকং কৃচ্ছ্ৰং রক্ষ্যতে।

লক নাশো যথা মৃত্যু স্তম্মাদেতন্ন চিন্তয়েৎ।

সুতরাং 'সোনা' উপলে আনন্দ-আঞ্জাদ শ্রীতি প্রেম হর্ষ হাসি ভরা যৌবনে পৌঁছিতে পারে না।

(৮) 'আমি প্রকাণ্ড মরুভূমি \* \* \* তুম্বার দ্বায়ে এই মরুটা কত উর্বরা ভূমিকে লেহন করে নিয়েছে, তাতে মরুর পরিসরই বাড়ছে।'

মানুষের সুখ শান্তি, রূপ-মাধুর্য, জ্ঞান-বুদ্ধি সব দক্ষ হইয়া যায় এই— 'সামরূপেন কৌস্তের দুপ্পুরেণানলেন চ।' ইহা যে—'মহাশনো মহা-প্রাস্ত।' কাজেই ইহাকে যে আশ্রয় করিয়াছে সে 'তপ্ত' 'রিক্ত' 'প্রাস্ত'। কাজেই—'তুম্বার দ্বায়ে এই মরুটা কত উর্বরা ভূমিকে লেহন করে' নিয়েছে, তাতে মরুর পরিসরই বাড়ছে।' কারণ—'মৃত

গ্রাহেনাশনো যৎ পীড়য়া ক্রিয়তে তপঃ' তাহার জীবন যে মরুভূমি হইবে তাহাতে সন্দেহ কি? ইহা তামসী তপস্তা।

কর্শরন্তঃ শরীরস্থং ভূতগ্রামমচেতসঃ

মাতৈঃবাস্তঃ শরীরস্থং তান বিদ্ধাশ্বরনিশ্চয়ান্।

রাজা এই অহর-জ্ঞান-বৃত্ত। কাজেই তপ্ত রিক্ত। একটা 'গৌড়ি ঘাসের' আশাও তার নাই। ঠিক এই ভাব হইতেই শেলী সংসারের বর্ণনা করিয়াছেন—

How stern

And desolate a tract is this wide world !

How withered all the buds of natural good !

No shade, no shelter, from the sweeping storms  
Of pitiless power.

এবং ইহার—

Influence darts

Like subtle poison through the bloodless veins  
Of desolate Society.

কার্লাইল বলিয়াছেন— O, the vast, gloomy, solitary  
Golgotha and Mill of Death !'

(৯) 'সকালে দেখি পাহাড়টা ভূমিকম্পের টানে মাটির নীচে তলিয়ে গেছে। শক্তির ভার নিজের অগোচরে কেমন করে' নিজে পিষে ফেলে।'

ফরাসী বিদ্রোহের মত ভয়ঙ্কর বিশাল ধ্বংসময় ব্যাপার পৃথিবীতে যত সংঘটিত হইয়াছে, সমস্ত এই শক্তির নিজের ভারে নিজের পিষে যাওয়া। প্রকৃতির প্রতিশোধ। আভিজাত্য-শক্তি মদ-মত্ত হইয়া প্রজা-সাধারণের উপর দীর্ঘকাল ধরিয়া যে হৃদয়হীন অত্যাচার করিল, সেই অত্যাচারই প্রতিক্রিয়া বশে ফিরিয়া আসিয়া সে শক্তিকে চূর্ণ করিল। নেপোলিয়ান রুশের বিরুদ্ধে ১৮১২ খৃষ্টাব্দে লক্ষ লক্ষ সৈন্য-সহকৃত সমরাত্মিয়ান লইয়া যাইয়া প্রায় সমস্ত সৈন্য \* অনর্থ ধ্বংস করিয়া লইয়া যে ভাবে ফিরিয়া আসিল—তাহাতেও শক্তির নিজের ভারে নিজে পিষিয়া যাওয়া। বরদিনোর যুদ্ধে বিজয় লাভও পরাজয়ের চেয়েও সাংঘাতিক ভাবে তাহার পতনের পথ পরিষ্কার করিল। ম্যাক্বেথ-নাটকেও ম্যাক্বেথ যে শোণিত-সাগরে সঁতার দিয়া সিংহাসনে আরোহণ করিল এবং যে ভাবে অবশেষে ধ্বংসপ্রাপ্ত হইল, তাহাতেও এই তত্ত্বই দেখানো হইয়াছে। কার্লাইল বলিয়াছেন—

Mountains of encumbrance had been heaped over  
the spirit \* \* \* it struggled and wrestled to be free  
\* \* \* its prison mountains heaved and swayed

\* চার লক্ষ সৈন্যের মধ্যে বিশ হাজার ফিরিয়াছিল। কতক মরিয়াছিল অনাহারে, কতক নিদারুণ শীতে বাতে তুবারে। কতক পথে স্থানে স্থানে রুধ-সৈন্যের আকস্মিক আক্রমণে

tumultuously as the giant-spirit shock them to this hand and that and emerged into the light of heaven !

( Sartor Resartus )

ইহা এই একই সত্যের উপরকার দিক—মুক্তি-পরিণামের দিক। রাজা শুধু নিষ্পেষণেই ভুগিতেছে—emergence into the light of heaven এর 'হুমসমাচার' এখনো তাহার কাছে আসে নাই।

( ১০ ) 'তুমি নিজেকে সবার থেকে হরণ করে' যথেষ্ট বঞ্চিত করেছ।' প্রাণ যখন নিজেকে বিলাইয়া দেয় তখন তার চরিতার্থতা লাভ হয়। এই বিলানোতেই তার তৃপ্তি ইহাতেই তার আনন্দ। সংসারের স্বার্থলিপ্ততাই তাহার সকল দুঃখের কারণ। সে দিতে চায় না, কেবলি পাইতে চায়—কাড়িতে চায়। স্বার্থের অন্বেষণে সে নিজের সুখ নিজে দূরে ঠেলিয়া ফেলিয়া দিয়া দুঃখ বরণ করিয়া লইতেছে। তন্নষ্ট যন্ন দীর্ঘতে। ফুলের যাহা যায় তাহাই গন্ধ। যাহা সে দেয় না তাহা গন্ধ নয়—তাহা ব্যর্থ। মানুষ যাহা দেয় তাহাতেই তাহার সুখ ; যাহা ধরে তাহাতেই তাহার দুঃখ।

( ১১ ) 'দরকার বলে' পদার্থের শেষ আছে। \* \* \* নেশার দরকার নাই। তার শেষও নাই।'

জীবনে যাহা দরকার--ভোগ-বিলাসটা ধরিয়া লইয়াও যাহা দরকার, তাহাই লাভ করিয়াই যদি মানুষ ক্ষান্ত থাকিত, তবে সংসারের এক হাজারের ৯৯৯ ভাগ অশান্তি কমিয়া যাইত। দরকারটা সংসারের একটা মিথ্যা অভ্যুহাত। মূলে সংসার চলিতেছে নেশায়—অর্থাৎ নিরুদ্ধেশ্য তৃষ্ণায়, কিছুতেই যাহার তৃপ্তি নাই।

'We pine for what is not.'

( ১২ ) 'মেই নীল চাঁদের নীচে গোলা মদের আড়ার! রাস্তা বন্ধ। তাই ত এই করেদখানার চোরাই মদের উপর এমন ভরস্কর টান।'

মানুষের জন্ত অপরন্ত আনন্দ সাজানো রহিয়াছে প্রকৃতিময়—সর্বত্র—দক্ষিণে বামে—উর্ধ্বে অধে। Joys in the widest commonalty spread। এই আনন্দ হুঁরা—ইহা সুখ। ইহাতে প্রাণের পুষ্টি হয়—হৃদয় সঞ্জীবিত হয়।

The rainbow comes and goes

And lovely is the rose.

The moon doth with delight

Look around her when the heavens are bare ;

Waters on a starry night

Are beautiful and fair,

The sunshine is a glorious birth ( Wordsworth )

এই যে পবিত্র প্রাণপ্রদ মদ ইহা আমরা ভুলিয়া গিয়াছি—অন্ততঃ ভুলিয়া থাকি। কিন্তু জীবনে মদের অর্থাৎ আনন্দের একান্ত আবশ্যক। কাজেই আমরা সর্ব্বনেশে মদের আশার নেশাতেই মাতামাতি করি।

ধন-লোভ এই মদ। ইহা অনন্ত অশান্তির প্রস্রবণ। কিন্তু প্রকৃতির আদরের দান যে মদ তাহা খাইলে চিত্ত-ভাবটা হয়—

No wish profaned my overwhelmed heart

: Blest hour ! It was a luxury to be ! ( Coleridge )

হৃদয় আমার গেছে ভেসে

চাইনা—কিছুর স্বর্গ শেষে

যুচে গেছে এক নিমেষে

সকল পিপাসা। ( রবীন্দ্রনাথ )

প্রকৃতির ভাঙারের মদ খাইলে এই প্রকার হয়। কিন্তু সংসারী এই সহজ-সুলভ অসীম আনন্দ-মদিরা ভুলিয়া থাকে। সহস্র প্রকারে আনন্দের কৃত্রিম উপায় উদ্ভাবন করিবার জন্ত দিবা রাত্রি ব্যর্থ চেষ্টা করে।

( ১৩ ) 'একটা মরা ব্যাঙ। এই ব্যাঙ এক দিন একটা পাথরের কোটরের মধ্যে ঢুকেছিল। তারি আড়ালে তিন হাজার বছর ছিল ট'কে।' মানুষের অন্তরাত্মা যতদিন না জাগিয়া উঠিয়া আকাশের আলোকের জন্ত আকুল হইয়া উঠে, ততদিন মানুষ মাত্রই সাংসারিক অবস্থা নামক এই যে 'পাথরের কোটর' ইহার মধ্যে প্রাণহীন প্রাণী যে শীতের ভেত-ঠিক তাহারি মত। ইহা ট'কে থাকা—বঁচে থাকা নয়।

( ১৪ ) 'আমি যে কি অদ্ভুত নিষ্ঠুর।'

বিষয়-মদ-মত্ত যারা তাহাদের নিষ্ঠুরতার ত অন্ত নাই। সংসারী হৃদয় জিনিসটাকে ঘৃণা করে। হৃদয় যেখানে অবজ্ঞাত পদ-দলিত, সেখানে নৃশংসতা অবশ্যস্বাভাবী। স্বার্থসিদ্ধির রথ, সম্মুখে যাহা পড়ে, সমস্ত চূর্ণ করিয়া দিয়া চলিয়া যায়। অক্ষ স্বার্থ অটুহাসি হাসিতে হাসিতে মানুষের বুকে শেল বিদ্ধ করিয়া দেয়। শত শত ছিন্ন মুণ্ডের আন্তরঙ্গের উপর লোকে সিংহাসন স্থাপন করে। যক্ষপুরীর রাজা ত নিষ্ঠুর হইবেই।

( ১৫ ) 'জগতে যা কিছু জানিবার আছে, সমস্তই জানার দ্বারা ও আশ্রয়সাৎ করিতে চায়।'

মানুষের জানিবার যাহা শক্তি, জগতে যাহা জানিবার আছে, তাহার তুসনার তাহা অতি তৃচ্ছ, নগণ্য। লক্ষ লক্ষ যুগ ধরিয়া জানিলেও জানা শেষ হইবে না। একটা ঘাসের পাতার মধ্যে যাহা জানিবার আছে, তাহাই জানিয়া কেহ শেষ করিতে পারে না। আর জানা দ্বারা পাওয়া যায় না। পাওয়ার একমাত্র উপায় ভালবাসা। প্রাণে পাওয়া যায়—সত্যকার পাওয়া। জানে পৃথক করে—দূরে রাখে। স্বার্থ যেখানে প্রবল—সেখানে প্রাণের গতি বন্ধ। কাজেই রাজা জানে না—'প্রাণ-পুরুষের অন্তরমহল কোথায়।'

( ১৬ ) 'ধ্বজা-পূজা।'

বিষয়ী মানুষের যা ধর্ম-কর্ম তা শুধুই ধ্বজা-পূজা। বহি-নির্দর্শনের,—বাহ্য প্রতীকের মিথ্যা অর্চনা মাত্র হয়। বাহার নির্দর্শন তাঁহার কোনো ধর্মোপধর থাকে না। হাতে যখন বোড়শোপচার অর্পণ করে, প্রাণ তখন ধনের ধানে মগ্ন থাকে। ক্রুশের ধ্বজা ভুলিয়া বীণ-





ভক্ত নির্দোষী গলা কাটিতে যায়। হরি নামের মালা লইয়া হরি-ভক্ত পর-ধন হরণ করে।

এইখানে বিষয় মহাত্মা শেষ করা যাক। বোলো কলা পূর্ণ হইল। এইবার ভাবের সন্ধান করিব। রাজার চরিত্রের কিছু কিছু বোঝা গেল। এইবার বিষয়ের বিচার ছাড়িয়া ভাবের অনুভাব বুঝিবার চেষ্টা করিতে হইবে। একবার নন্দিনীর মুখের পানে তাকানো যাক। আর নন্দিনীর সম্পর্কে রাজার আরো কোনো তথ্য পাওয়া যায় কিনা তাহাও দেখা যাক। বারান্তরে তাহাই করিবার বাসনা রহিল।

### জিনগণ্ড

শ্রীশশধর রায় এম-এ, বি-এল্

গত চৈত্রে কণ্ঠগণ্ডের বিষয় সংক্ষেপে কিছু আলোচনা করিয়াছি। অন্য আর একটি গণ্ডের কথা ঐরূপেই আলোচনা করিব। এই গণ্ড নাসিকা মূলের কিছু পশ্চাতে এবং মস্তিষ্ক পদার্থের নিম্নে অবস্থিত। ইহা একটি মটর পিম্‌ড়ির স্থায়; ইহার বর্ণ শাদা ও পীত মিশ্রিত। ইহা প্রকৃত পক্ষে সংযুক্ত গণ্ড, অর্থাৎ দুইটি গণ্ড পরস্পর সংযুক্ত; একটি সম্মুখে ও অপরটি পশ্চাতে,—অথ পৃষ্ঠের জীনের (Saddle) স্থায় ইহার আকৃতি। এই নিমিত্ত ইহাকে জিনগণ্ড বলিব। ইংরাজিতে ইহাকে Pituitary gland বলে।

মেরুদণ্ড-বিশিষ্ট সকল প্রাণীরই জিনগণ্ড আছে। এই গণ্ডের পূর্বাভাস কীট প্রভৃতি নিম্নতম প্রাণিগণেরও দেখা যায়। সুতরাং ইহা সকল প্রাণীরই আছে। এই হেতু বশতঃ ইহাকে প্রাণিগণ্ডের চিরসঙ্গী বলা যাইতে পারে।

যে সকল কোষ দ্বারা এই গণ্ড গঠিত হইয়াছে, তাহারা নিরেট (solid)। এই সকল কোষ পাশাপাশি সজ্জিত। ইহাদিগের চারিদিকে রক্তবাহী কোষ সকল রহিয়াছে। এই কোষ সকলের রস ঐ রক্তের সহিত মিশ্রিত হইয়া দেহের সর্বত্র যাতায়াত করে। ইহাদিগের রস তরল কিন্তু আঠার স্থায় অথচ স্বচ্ছ। মস্তিষ্কের নিম্নভাগে কোরয়েড্ গণ্ড নামক আর একটি গণ্ড আছে। এই কোরয়েড্ গণ্ডের রস দ্বারা স্নায়ু মণ্ডল আর্দ্র থাকে। জিনগণ্ডের রসও ঐ রসের সহিত মিশ্রিত হইয়া স্নায়ু মণ্ডলকে বিশেষ ভাবে দিক্ত করে।

জিনগণ্ডের রস অস্থিসকলকে বৃদ্ধিত করে; এবং দেহের সংযোগ স্থানগুলির দোষ সকলকেও উত্তেজিত করে। এই রস হইতে রাসায়নিক-গণ পিটুট্রিন (Pituitrin) নামক পদার্থ প্রাপ্ত হইয়াছেন। এই পদার্থ পেশী সকলের ক্রিয়া নিয়মিত করে, এবং মলনালীর, মূত্র-কোষের ও গর্ভাশয়ের পেশী (Fibres) উদ্ভগুলির উপরেও ক্রিয়া করে। জিনগণ্ডের রস দেহমধ্যে প্রবেশ করাইয়া দিলে, প্রস্রাব অধিক হয় এবং হৃৎকরণও বৃদ্ধি পায়। সমুদ্র জলে যে মাত্রায় লবণ আছে, জন্তু দেহের রক্তমধ্যে সেই মাত্রায় লবণ হির রাখিবার প্রধান সহায়ক জিনগণ্ডের রস। কণ্ঠগণ্ডের

রস যেমন রক্ত মধ্যে আইওডিনের মাত্রা সমুদ্র জলের স্থায় ঠিক রাখে, জিনগণ্ডের রসও তদ্রূপ লবণের মাত্রা ঠিক রাখে। বহুকোষ জন্তুগণের আদি বাসস্থান সমুদ্র; এ কথা রক্তের লবণাংশ ও এবং আইওডিনাংশ বিবেচনা করিলেই বুঝা যাইতে পারে।

জিনগণ্ড দেহ হইতে বাহির করিয়া লইলে জন্তুগণ অলস হয়; তাহাদিগের ক্ষুধা থাকে না; তাহারা শীর্ণ হইয়া যায় এবং তাহাদিগের দেহ শীতল হইয়া থাকে। এইরূপে দুই তিন দিন মধ্যেই তাহারা মৃত্যু মুখে পতিত হয়।

জিনগণ্ডের সম্মুখের অংশ হইতে কিয়দংশ কাটিয়া লইলে জন্তুগণ এত মোটা হয় যে, তাহাতে দেহ নষ্ট হইবার মত হইয়া থাকে। যদি দেহ নষ্ট না হয় কিন্তু কেবল অধিক মাত্রায় স্থূল হয়, তবে অনেক সময় জন্তু-গণের লিঙ্গ পরিবর্তিত হইয়া যায়; অর্থাৎ স্ত্রী জাতীয় জন্তু পুং জাতীয় হয়, পুং জাতীয় জন্তু স্ত্রী জাতিতে পরিণত হয়। ইহা ব্যতীত জিনগণ্ডের ঐ অংশ কাটিয়া লইবার ফলে জন্তুগণের দেহের চর্মে শুষ্ক হয়, নিদ্রা থাকে না, কেশ উঠিয়া যায়; তাহাদিগের বুদ্ধি জড়বৎ হয় এবং অনেক সময় তাহারা মৃগী রোগাক্রান্ত হয়। যদি জন্তুগণের শিশুকালে এই গণ্ডের সম্মুখ ভাগ কাটিয়া ফেলা হয়, তাহা হইলে উহাদিগের অস্থি বাড়ে না; সেই হেতু ইহারা পক্ষাধীন হয়। জিনগণ্ডের সম্মুখ ভাগের অপূর্ণতা বশতঃ বামন আকার উৎপন্ন হইতে পারে। এই গণ্ডের ক্রিয়া নিয়মিতরূপে একবার হ্রাস, একবার বৃদ্ধি হইয়া থাকে।

এই হ্রাস-বৃদ্ধি কোন কোন জীবদেহে ঋতু-ভেদে হইয়া থাকে; শুষ্কপায়ী জীবদেহে মাসিক হ্রাস-বৃদ্ধিও দেখা যায়। এই নিমিত্ত এই শ্রেণীর জীবের স্ত্রীগণের মাসিক রক্তস্রাব হইয়া থাকে। যে সকল জীব শীত ঋতুতে ঘুমাইয়া পড়ে এবং নিদ্রিত অবস্থাতেই সমস্ত শীত ঋতু কাটাইয়া দিয়া বসন্তে জাগরিত হয়, তাহাদিগের জিনগণ্ডের রস-ক্ষরণ শীতকালে হ্রাস হইয়া যায়; তাহাতেই ঐরূপ অবস্থা হইয়া থাকে। দৃষ্টান্ত হলে শেক সর্প প্রভৃতির উল্লেখ করা যাইতে পারে। কিন্তু বহু প্রাণী শীতকালে নিদ্রিত হয়। এই দীর্ঘকালব্যাপী নিদ্রাকে হিম-নিদ্রা বলে। ফলতঃ জিনগণ্ডের রসক্ষরণ নির্দিষ্ট নিয়ম মত এবং নির্দিষ্ট সময় অস্তে কমি বেশি হওয়াতে প্রাণিদেহের অনেক লক্ষণ উৎপন্ন হইয়া থাকে। দৈনিক নিদ্রা, হিম নিদ্রা এবং যোগ নিদ্রা যে প্রকৃত পক্ষে একই অবস্থার ক্রম-বিকাশ তাহা আমি অস্বস্তি দেখাইয়াছি।\* সুতরাং দৈনিক নিদ্রাও সম্ভবতঃ জিনগণ্ডের রসক্ষরণের অল্পতা হেতুই হইয়া থাকে এরূপ বিবেচনা করা অসঙ্গত হয় না। এই হেতু জন্তুগণের কখন কখন ধ্বংস হইয়া থাকে। এইরূপ হইলে পুরুষদিগের গুদ্রে কীট থাকে না এবং স্ত্রীগণের ডিম্বাধারে ডিম্ব থাকে না। কাহারও বা স্বভাবতঃই এই গণ্ড কিছু কম মাত্রায় রস ক্ষরণ করে। তাহাদিগের এইরূপ হয়, তাহারা সর্বদাই অলস এবং নিদ্রালু হইয়া থাকে। কিন্তু বয়ঃপ্রাপ্তির পূর্বে এই গণ্ডের রস ক্ষরণের আধিক্য হইলে জন্তুগণ শীর্ণ-

\* নব্য ভারত ১৩২৪ ভাদ্র। মানসী ১৩৩১ জ্যৈষ্ঠ।

দেহ হয়, তাহাদিগের অস্থি দীর্ঘ হয় এবং কখন কখন মস্তিষ্কের শক্তি অত্যন্ত বৃদ্ধি পায়। বয়ঃপ্রাপ্তির পরে এই গণ্ড অধিক মাত্রায় রস ক্ষরণ করিলে অস্থি দীর্ঘ হয় না, কেবল হস্ত ও পদ অপেক্ষাকৃত বৃহৎ হইয়া উঠে; নাসিকা, কর্ণ, ওষ্ঠাধর এবং চক্ষু বড় হয়, জ্বেদগণ লোমশ হয়, এবং ব্যবহার উচ্চত ও কলহশ্রিয় হইয়া থাকে। স্ত্রীগণের এইরূপের আধিক্য হইলে অনেক সময় দেখা যায় যে তাহাদিগের কষ্টদায়ক শিরঃপীড়া হয়, সকল কার্যেই নিরুত্তম ও নিরাশা আসিয়া উপস্থিত হয়, ধর্ম-বিশ্বাস শিথিল হয়; এমন কি এই কারণে স্ত্রীগণ অনেক সময় আত্মহত্যাও করিয়া থাকে।

বলিয়াছি, জিনগণ্ডের সম্মুখভাগ ও পশ্চাৎভাগ দুইটি গণ্ডের মত কাণ্ড করে। তাহা হইলেও উহাদিগের সংযুক্তাবস্থা একটা গোটা গণ্ডের স্থায় ব্যবহার করে। এই গণ্ডের দুই অংশ পরস্পরের বিক্রিয়া নিয়মিত করিয়া থাকে।

এই গণ্ডের উভয় অংশ পূর্ণাবয়ব থাকিলে এবং উহার রসক্ষরণ অধিকও-না অল্পও-না অর্থাৎ ঠিক পরিমাণ মত থাকিলে, জন্মগণ শীর্ণদেহ ও দীর্ঘায়তন হইয়া থাকে, উহাদিগের কামপ্রবৃত্তি অধিক হয়, বুদ্ধি, উত্তম ও সহিষ্ণুতা উত্তম দেখা যায়। কিন্তু রস ক্ষরণ অল্প মাত্রায় হইলে জন্মগণ মোটা, খকাকার, বিক্রী হইয়া থাকে। উহাদিগের বুদ্ধি অনেক কম, নীতিজ্ঞান ও ধর্মজ্ঞান নিকৃষ্ট হয়। ইহার মিন্যাবাদী ও অসংযমী হয় এবং ইহাদিগের বিবেক অপরিষ্কৃত থাকিয়া যায়।

কণ্ডগণ্ডের (Thyroid gland) রস যেমন দেহের বহির্ভাগের ও ভিতরের আবরণগুলির উপরেই মুখ্য ভাবে কর্ম করে, জিনগণ্ডের রস সেইরূপ প্রধানতঃ অস্থি ও স্নায়ুর উপর ক্রিয়া করিয়া থাকে। কণ্ডগণ্ডের রসও গৌণ ভাবে মস্তিষ্ক এবং স্নায়ুর উপর কর্ম করে; কিন্তু জিনগণ্ডের রস সাক্ষাৎ স্বরূপেই এই কার্য করিতে সমর্থ হয়। কণ্ডগণ্ডের রস শক্তি উৎপন্ন করিবার সহায়তা করে; কিন্তু জিনগণ্ডের রস ঐ শক্তিকে প্রয়োগ স্থান ভেদে যথাযোগ্য ভাবে কর্মে পরিণত করে। শক্তিকে দীর্ঘকাল অবিচলিত ভাবে কর্মে ব্যক্ত করা জিনগণ্ডের রসের ক্রিয়া। শক্তি উৎপন্ন করা কণ্ডগণ্ডের কর্ম হইলেও জিনগণ্ড রসের সহায়তা না পাইলে ঐ শক্তি অল্প কাল মধ্যে ক্ষয় হইয়া যায়; উহা হইতে কালব্যাপী চেষ্টা ও কর্ম হইতে পারে না। আমরা রাজা রামমোহন রায়ের সময় হইতে বিবিধ ভাবে উত্তেজিত হইয়া উদ্দেশ্য সিদ্ধির নিমিত্ত নানাপ্রকারে শক্তি প্রয়োগের চেষ্টা করিলাম, কিন্তু দীর্ঘকাল কর্মে পরিণত করিয়া রাখিতে পারিলাম না। আমাদের ভাবে শক্তি আছে; কিন্তু আমরা শক্তিকে স্থির রাখিয়া দীর্ঘকাল কার্যে পরিণত করতঃ সফলতা লাভ করিতে পারি না। অল্প সময় মধ্যে আমাদের শক্তি নিরন্তর হয়, উত্তম ও চেষ্টা ধামিয়া যায়। সুতরাং আমরা কিছুতেই সফলতা লাভ করিতে পারিতেছি না। এ দুর্দশার বহু কারণ আছে সত্য; কিন্তু জিনগণ্ডের রস ক্ষরণের অল্পতাও এই অবস্থার একটি প্রধান হেতু মধ্যে পরিগণিত হইতে পারে। আমাদের ধাতুতে পিটুট্‌ন বোধ হয় অপেক্ষাকৃত কম। এই অবস্থার উন্নতি করা

অতীব আবশ্যিক। শারীরতত্ত্ববিদগণ এবং জৈব রসায়নবিদগণ এই বিষয়ে বহু শীঘ্র মনোযোগ দেন ততই মঙ্গল। কিন্তু আমরা বঙ্গীয়গণ এসকল কল্যাণকর বৈজ্ঞানিক আলোচনা করিবার সময় পাইব কি?

## সীতারামের শিলালিপি

শ্রীবিজয়নাথ সরকার বি-এ, সি-ই

গত জ্যৈষ্ঠ মাসের 'ভারতবর্ষে' সীতারাম-প্রশস্তি নাম দিয়া রাজসাহী বরেন্দ্র-অনুসন্ধান-সমিতির গৃহে রক্ষিত রাজা সীতারাম রায়ের একগানি শিলালিপির বিবরণ প্রকাশিত হইয়াছে। ছয় মাস পূর্বে এই লিপির সমিতির হস্তগত হয়, এবং তখনই ইহার পাঠ সমিতির ননীগোপাল মজুমদার মহাশয় করিয়া দেন। আবার গত বৈশাখ মাসের প্রথমেই (১৩ই এপ্রিল তারিখে) প্রকাশিত সমিতির রিপোর্টে মজুমদার মহাশয়ের লিখিত এই লিপির পাঠ ও বিবরণ নিম্নলিখিত রূপ দেওয়া আছে—

V. The following was presented by Babu Sarat Kumar Sarkar and his brothers (Rajshahi):

(29) A stone inscription of the reign of Sitarama Raya (No. 679; di meter 10"; Muhammadpur, Dist Jessore).

The inscription was published by James Westland in 1871 in his *Report on the District of Jessore*, pp. 45-46. It appears to have originally belonged to the temple of Krishna at Muhammadpur, where it was put up 'on the top of the lowest arch of the tower,' and 'let into the face of the brickwork' (p. 45).

The text of the inscription, which is in Bengali characters, reads as follows:—

- Line 1. বাণেশ্বর (ন্দা) স্রচলৈঃ  
 Line 2. পরিগণিতশকে কৃষ্ণতোষা-  
 Line 3. ভিলাসঃ (বঃ) শ্রীমদ্বিধাসখাসো-  
 Line 4. স্তবকুলকমলোদ্ভাসকো ভামু-  
 Line 5. তুলাঃ। ভ্রাজছি (ছি) স্রৌষবুজং ক্রচিরক-  
 Line 6. চিহ্নে কৃষ্ণগেহং বিচিহ্নং শ্রীসীতা-  
 Line 7. রামরায়ো যদুপতিনগরে  
 Line 8. ভক্তিমানুৎসসর্জ (॥)

It records the erection of a temple of Krishna by Sitarama Ray who belonged to 'the illustrious family of Visvasakhasa', at Yadupatinagara, in the Saka year 1625, i. e., 1703 A. D. It will be seen that

Westland was successful in reading and interpreting the whole of the record correctly excepting that in line I. he read চন্দ্রে for চন্দ্রেঃ, in II. 2-3, তোবাভিলাবী for তোবাভিলাসঃ, in II. 3 4, ভাসোত্তব for খাসোত্তব and in I. 5 অজস্রঃ সৌদযুক্তে for আকচ্ছিন্নৌষবুজঃ.

N. G. MAJUMDAR.

Curator, Museum of the Varendra Research Society,  
Rajshahi."

৬ই বৈশাখ তারিখের 'হিন্দুরঞ্জিকা' পত্র সমিতির 'জ্ঞানৈক সত্য' কর্তৃক এই পাঠ আলোচিত হইয়াছে। এই সকল তথ্য প্রবন্ধ-লেখক কিত্তীশচন্দ্র সরকার মহাশয় বিদিত আছেন। কিন্তু আশ্চর্যের বিষয়, তিনি স্বীয় প্রবন্ধে তাহার উল্লেখমাত্র করেন নাই।

"পাঠোদ্ধার ও ব্যাখ্যা-কাহিনী" হইতে বোধ হয় যে প্রবন্ধে প্রকাশিত পাঠ অক্ষয়কুমার মৈত্র মহাশয় করিয়া দিয়াছেন। এই প্রসঙ্গে বহুদিন পূর্বে 'সাহিত্যে' প্রকাশিত অক্ষয়বাবুর এই লিপির পাঠের অন্তর্ভুক্ত্যের কৈফিয়ৎ এইরূপ দেওয়া হইয়াছে : "অক্ষয়কুমার মৈত্র সি-আই ই মহাশয়ও এই ফলকখানি এতদিন স্বচক্ষে দেখিবার সুযোগ প্রাপ্ত না হওয়ায়, সম্ভবতঃ লোকপরিষ্কারের শ্লোকটি শ্রবণ করিয়া ও ওয়েষ্টল্যান্ড সাহেবের রিপোর্টের উপর নির্ভর করিয়া তদীয় 'সীতারাম' নামক সাহিত্যে প্রকাশিত ধারাবাহিক প্রবন্ধে কয়েক স্থানে অন্তর্ভুক্ত ও বিকৃত পাঠোদ্ধার করিয়াছিলেন।"

'সাহিত্যে,' ১৩০২ সাল, ৮১৫ পৃষ্ঠায় প্রকাশিত অক্ষয়বাবুর নিজের দৃষ্টি কিম্ব অন্তর্ভুক্ত। তিনি লিখিয়াছিলেন,—“এই মন্দিরে বঙ্গাক্ষরে সংস্কৃত কবিতার যে ফলকলিপি নিহিত আছে, তাহা সহজে পাঠ করা যায় না। তাহার পাঠোদ্ধার করিয়া গবর্ণমেন্ট এবং ওয়েষ্টল্যান্ড যাহা লিখিয়া রাখিয়াছেন, তাহা নিয়ে প্রদত্ত হইল। \* \* \* মন্দির ফলকে অবিকল এইরূপ লিখিত আছে :—”। ওয়েষ্টল্যান্ডের বই ১৮৭১ সালে প্রকাশিত হয়, সুতরাং অক্ষয়বাবুর উক্ত লেখা তাহার প্রায় ২৫ বৎসর পরে।

সে যাহা হউক, প্রবন্ধে যে পাঠ দেওয়া হইয়াছে তাহাতেও একটি গুরুতর অন্তর্ভুক্তি আছে। 'কৃষ্ণকৃষ্ণ হরেকৃষ্ণগেহং' এর স্থলে "কৃষ্ণকৃষ্ণ-কৃষ্ণ-হরে কৃষ্ণগেহং" হইবে। "কৃষ্ণকৃষ্ণকৃষ্ণহরে" পদটি 'যশোহর' পদের মত নিপন্ন এবং 'যদুপতি নগরের' বিশেষণ। 'কৃষ্ণগেহং' সম্বন্ধে ওয়েষ্টল্যান্ড তাঁহার বইয়ের ৪৮ পৃষ্ঠায় লিখিয়াছেন :—

"Apparently a Curious error has arisen among some of the dwellers in the place, for they talk of the temple of Krishna as the temple of Harkrishna. By that name I heard it almost always called, but the inscript on plainly shews it is a temple of Krishna. I think it possible the mistake may be derived from an ignorant reading of one part of the inscription 'কৃষ্ণ

কৃষ্ণকৃষ্ণ'. Some have read 'কৃষ্ণকৃষ্ণ' as a sort of reduplication of the same word and left the 'হরে' to be tacked on to 'কৃষ্ণ', certainly the man who read it to me made that mistake. An adjacent village is called Harkrishnapur : no doubt from this mistake."

প্রবন্ধ-লেখক মহাশয় ওয়েষ্টল্যান্ডের বইয়ের উল্লেখ করিয়াছেন ; তিনি কি তাহাতে এই কথা দেখেন নাই, না, যে ব্যাকরণ অনুসারে একাধিকবার 'অঙ্কেষু বামাগতি' গ্রহণ করিয়াছেন, সেই ব্যাকরণ অনুসারেই বাঙ্গলা 'হরেকৃষ্ণ' সংস্কৃত শব্দ বসিয়া গ্রহণ করিয়াছেন ?

আর এক দিক দিয়াও 'হরেকৃষ্ণ গেহং' পাঠের অসঙ্গতি দেখা যায়। এই মন্দিরে যে বিগ্রহ ছিল, এখন তাহা দিঘাপতিয়া রাজবাড়ীতে 'কৃষ্ণজী' নামে বিরাজ করিতেছে। অক্ষয়বাবু নিজেই এ কথা লিখিয়াছেন :—

"সীতারাম নাই, কিন্তু কানাই নগরে কৃষ্ণচন্দ্রের মন্দির এবং দিঘাপতিয়া রাজবাড়ীতে কৃষ্ণজী বিগ্রহ এখনও তাঁহার কীর্তি ঘোষিত করিতেছে" (সাহিত্য ১৩২ সাল ৮ ৫ পৃষ্ঠা)

"Dayaram retained only the image of God Krishaji ( Sitaram's family idol ) for himself."

( Dighapatiya Raj Family p. 1 )

অতএব, বিগ্রহের নাম 'কৃষ্ণজী' ছিল 'হরেকৃষ্ণ' নহে। 'ঐতিহাসিক তথ্য' আলোচনা করিতে গিয়া প্রবন্ধ-লেখক মহাশয় লিখিয়াছেন— "বঙ্কিমচন্দ্র কিম্বদন্তী ও কল্পনার সাহায্যে সীতারামের উপস্থাপন রচনা করিয়াছিলেন। অক্ষয়কুমার স্বাধীন ভাবে তথ্যানুসন্ধান করিবার জন্য স্বদেশবাসীগণকে আহ্বান করিয়াছিলেন।"

বঙ্কিমচন্দ্রের যশ কাহারও 'প্রশস্তি'র অপেক্ষা করে না। বলিতে কি, তাঁহার লিখিত উপস্থাপন প্রকাশিত না হইলে বোধ হয় কেহই সীতারামের ইতিহাসের চর্চা করিতেন না। তাই সতীশচন্দ্র মিত্র মহাশয়ের ইতিহাসের সমালোচনার অধ্যাপক যদুনাথ সরকার মহাশয় লিখিয়াছেন :—

"Next in importance to Pratap but at a great distance from him is another heroic son of Jessore... Raja Sitaram Rai ( Circa 1660-1714 ) who played a humbler part in history but whom the genius of Bankim Chandra has invested with a halo of idealism and romance." (Modern Review, March 1923. p. 317)

বঙ্কিমচন্দ্র লিখিয়াছেন যে 'সীতারাম' উপস্থাপনের মূল সত্য এই :—

ধ্যায়তো বিষয়ানপুংসঃ সঙ্গলেন্দুপজারতে ।  
সঙ্গাং সঙ্গায়তে কামঃ কামাং ক্রোধোহভিজারতে ॥  
ক্রোধাং ভবতি সন্দোহঃ সন্দোহাং স্মৃতিবিভ্রমঃ ।  
স্মৃতি ভ্রংশাং বুদ্ধি নাশো বুদ্ধি নাশাং প্রণশ্চতি ॥

শ্রীতা, ২১৩২ ও ৩৩

আমাদের মনে হয়, এইরূপ উপদেশের প্রচার, অথবা বৈতরণী নদীতটে স্থিত সপ্তমাতৃকার মণ্ডপ, বিষ্ণুপা নদী তটে স্থিত উদয়গিরি ও ললিতগিরির উপরের ভারতীয় কীর্তির ধ্বংসাবশেষ বর্ণনা উপলক্ষে বঙ্কিমচন্দ্র যে সকল উন্নত ভাব তাঁহার সীতারামে লিপিবদ্ধ করিয়া গিয়াছেন, জাতীয় অভ্যুত্থানের পক্ষে তাহার মূল্য কোনও ঐতিহাসিক তথ্য অপেক্ষা কম নহে।

## অক্ষয়ানন্দের পান্নাভঙ্গ

### শ্রীআদীশ্বর ঘটক

আজ প্রায় ত্রিশ বৎসর হইল, কালীঘাট অঞ্চলে অক্ষয়ানন্দ নামক এক অবধূত সন্ন্যাসী আসেন। সন্ন্যাসী বড় রূপবান ছিলেন। তাঁহার দীর্ঘ জটা, গৌর বর্ণ, গলায় রুদ্রাক্ষ মালা, পরিধানে বাঘছাল, এবং সর্বত্র ভঙ্গ প্রদর্শিত। চেহারা দেখিলে তাঁহার বয়সক্রম পঞ্চবিংশতি বৎসর বোধ হইত। তাঁহার চিমটা এবং অবধূতের ঝুলি ছিল। এই সন্ন্যাসী বাঙ্গালী। শুনিয়াছি, ইহার জন্মস্থান পৌবরডাঙ্গা।

অক্ষয়ানন্দ অনেক তীর্থ ভ্রমণ করিয়াছিলেন। মহীশূর অঞ্চলে সমুদ্র-তীর হইতে তিনি একটা ছোট দক্ষিণাবর্ত শঙ্খ পাইয়াছিলেন। সেই শঙ্খ দেখাইয়া সকলকে বলিতেন, “এই আনার লক্ষ্মী”। এই শঙ্খ পাওয়া অবধি তাঁহার কোনও অভাব ছিল না। দক্ষিণাবর্ত শঙ্খ দেখিয়া বৈষ্ণবগণ প্রণাম করেন, এবং সামর্থ্য থাকিলে, কিছু প্রণামীও দিতে হয়। সন্ন্যাসী এই শঙ্খ দেখাইয়া পূজার জন্ত ভক্তদের নিকট যাহা চাহিতেন, তাহা পাইতেন। অক্ষয়ানন্দ তত্ত্ব মতে চলিতেন; সূত্ররাং ‘ম’ পঞ্চক তাঁহার প্রয়োজন হইত। এমন কি, দিনের বেলায়ও সূর্য্যর বোতল ও পানপাত্র লইয়া প্রকাশ পথে টলিতে টলিতে যাইতেন।

এই সময়ে কালীঘাটে “পূর্ণবাবু” নামক এক গৃহস্থ ব্রাহ্মণ মাথায় কেশাদি ধারণ করিয়া ব্রহ্মচারীর মত আচরণ করিতেন। তাঁহার একটা পুস্তকের দোকান ছিল। সেই দোকানের পশ্চিমভাগে তিনি আসন করিয়াছিলেন। এই আসনে কুড়ি পঁচিশ জনের বসিবার স্থান হইত; এবং প্রাতঃকালাবধি প্রায় শেষ রাত্রি পর্যন্ত গঞ্জিকার ধূম উড়িত। নানা প্রকার সাধু, অবধূত, যোগী, এবং তৈত্তরবীগণের এই স্থানে আগমন হইত, এবং পূর্ণবাবু সকলকেই যত্নপূর্ব্বক অভ্যর্থনা করিতেন। অক্ষয়ানন্দ কালীঘাট ঘুরিয়া ফিরিয়া অবশেষে এই পূর্ণবাবুর আসন (অর্থাৎ আড্ডা) আশ্রয় করিলেন।

অক্ষয়ানন্দ এই স্থানে নিজের ধর্ম্মমতে সাধনা করিতে থাকিলেন। কিছুদিন এই ভাবে অতিবাহিত হইলে, অপর একটা লোক এই আসনে উপস্থিত হইলেন। তিনি গৃহস্থ, এবং ইংরাজি এবং সংস্কৃত জানিতেন। এই লোকটা পূর্ণ বাবুর পরিচিত, এবং কালীভক্ত বলিয়া সকলে ইহাকে আদর করিত। ইনি প্রতি দিন সন্ধ্যাকালে কালীমন্দির প্রদক্ষিণ করিয়া দেবী দর্শন করিতেন। বড় হটক, জল হটক, এই ভক্তলোক প্রতি

দিন কালীঘাটে আসিতেন। বাটা ফিরিবার সময় পূর্ণবাবু ইহাকে ডাকিয়া আসনে বসাইতেন।

যে সময়ে অক্ষয়ানন্দ ঐ স্থানে ছিলেন, একদিন বড় বড়-বৃষ্টি হইতেছিল। কথিত ভক্তলোকটি পূর্ণবাবু কর্তৃক আহৃত হইয়া ঐ আসনে গিয়া দেখিলেন, আসনের উত্তর দিকে অক্ষয়ানন্দ বাঘছাল ইত্যাদিতে শোভিত হইয়া তত্ত্ব এবং তত্ত্বোক্ত ধর্ম্মের ব্যাখ্যা করিতেছেন। অনেকগুলি শ্রোতা উপস্থিত ছিল, গঞ্জিকা এবং পান পাত্র পূর্ণমাত্রায় চলিতেছিল। ভক্তলোকটি এই সকল দেখিয়া প্রথমতঃ সঙ্কচিত হইয়া ফিরিয়া যাইতেছিল; কারণ, তিনি কালীভক্ত হইয়াও বামাচারী ছিলেন না, গঞ্জিকার ধূম, অথবা সূর্য্য পান করিতেন না। কিন্তু পূর্ণবাবুর অমুরোধে বৃষ্টির অবসান পর্যন্ত বসিতে স্বীকার করিলেন। এই সময়ে অক্ষয়ানন্দ উৎফুল্ল নেত্রে বলিয়া উঠিলেন,

“—আগুমে পারা,

যো রাখে সো গুরু হামারা।”

সাধারণ পাঠক-পাঠিকাগণের এ কথা বৃষ্টিবার অস্থবিধা হইবে; এজন্য ইহা বিশদ ভাবে লিপিবদ্ধ। আমাদের দেশে একটা প্রবাদ আছে যে, পারা ভঙ্গ করিতে পারিলে, তাহা স্বারা তাম্র ধাতু পরিবর্তিত হইয়া সুবর্ণ হয়। এই জন্ত সন্ন্যাসীরা পারা ভঙ্গ করিবার চেষ্টা করেন। কিন্তু পারদ ধাতু বহু সহযোগে ভঙ্গ না হইয়া জলের মত উবিয়া যায়। যিনি এই বিষয়ে চেষ্টা করিয়াছেন, তিনিই ইহা জ্ঞাত আছেন।

পারদ ধাতু অগ্নিতে থাকিলে, আর উহার গুজন কম হইবে না, এই প্রকার কহিতে পারিলে উহা ভঙ্গ হইবে; সেই ভঙ্গই স্পর্শমণির (পরশ পাথর) গুণ প্রাপ্ত হইবে। সূত্ররাং এই কর্তব্য বড় কঠিন। ইহা যিনি করিতে পারেন, তিনি গুরু নামের উপযুক্ত ব্যক্তি।

পূর্ণবাবু অক্ষয়ানন্দকে বলিলেন, “এই ভক্তলোক পারা আগুনে রাখিতে পারেন।” অক্ষয়ানন্দ লোকটির দিকে তাকাইয়া বলিলেন, “কি ঠাকুর, তুমি না কি পারা ভঙ্গ করেছ?”

ভক্তলোক। “আমি ঠাকুর নই। রাঙ্গপুতদিগকেই ঠাকুর বলে। আমি ব্রাহ্মণ।”

অক্ষয়ানন্দ। “ভাল, ঠাকুর নাই বলিলাম,—তুমি বল দেখি, কি প্রকারে অগ্নিতে পারা রাখিতে পারা যায়?”

ভক্তলোক। “পারদ ধাতুর অষ্ট কণ্ডক আছে। শাস্ত্রে বলে,—

নাগবজ্রোমলোবহিঃ চাঞ্চল্যক বিবং গিরি।

অসহাগ্নির্মহাদোষাঃ নিসর্গাঃ পারদে স্থিতাঃ ॥

নাগ অর্থে সীস ধাতু, বজ্র রাস, মল, বহি (latent heat) চাঞ্চল্য, বিব, গিরি, এবং অসহাগ্নি, এই আট দোষ পারদে থাকে। এক একটি করিয়া ঐ দোষ নষ্ট করিতে হয়। ঐ অষ্ট দোষ নষ্ট হইলে পারদ মুর্চ্ছিত (অর্থাৎ শুঁড়া) হইয়া যায়। তার পরে উহা অগ্নিতে রাখিলে, আর উবিয়া যায় না, ভঙ্গ হয়।”

অক্ষয়ানন্দ। “কত দিনে তোমার এই অষ্ট দোষ নষ্ট হয়?”



ভ্রলোক। “এক একটা দোষ নষ্ট করিতে সাত দিন, মোট ছাপ্পান্ন দিনে পারদ দোষমুক্ত হয়।”

অক্ষয়ানন্দ। “সে তো বড় বিবম কথা। আচ্ছা আর কোনও উপায় তোমার জানা আছে?”

ভ্রলোক। “আপনি কি চাহেন? পারাভস্ম?—না কেবল পারা অগ্নিতে রাখিতে চাহেন?”

অক্ষয়ানন্দ। “মারে ডাঙা, ছাড়ে ভূত, তার নাম অবধূত! আমি অবধূত, আমি অত খাটা খাটুনির ধার ধারি না। আমি চাই, জোর করিয়া আগুনে পারা রাখিব। তুমি এমন কোনও উপায় জ্ঞান কি না?”

ভ্রলোক। “তাহাও হইতে পারে। একটা লৌহের গোলা ঢালাই করিয়া তাহার মধ্যে অল্প পারা রাখিয়া, লৌহময় ইক্ষু দ্বারা আঁটিয়া, সেই গোলার মধ্যগত করিয়া পারদে অগ্নি দেওয়া যাইতে পারে। ইহাতে কিন্তু পারা ভস্ম হয় না, যেমন পারা তেমন থাকিবে। এই ক্রিয়া বিপজ্জনক।”

অক্ষয়ানন্দ। “কি বিপদ?”

ভ্রলোক। “লৌহ গোলার যেটুকু সামর্থ্য, সেই পরিমাণ পারদ উহাতে থাকিতে পারে। অধিক পারদ হইলে, ঐ গোলা ফাটিয়া পারদ নির্গত হইবে। এই কাব্য খুব নিজ্জন স্থানে করিতে হয়।”

অক্ষয়ানন্দ চুপ করিয়া রহিলেন। এই সময়ে বৃষ্টি ধামিয়াছিল, সুতরাং ভ্রলোকটি বিদায় হইলেন।

হায়! এই পারাভস্মের জন্ত কত লোক কত প্রকার চেষ্টাই না করিয়াছেন! কত লোক পারা ভস্ম করিতে গিয়া, নিশ্বাস-পথে পারদের বাষ্প টানিয়া জন্মের মত কুষ্ঠ রোগগ্রস্ত হইয়াছেন! অক্ষয়ানন্দের মত খলবুদ্ধি মতপের দ্বারা কি এই কাব্য সম্ভব? কখনই না। কিন্তু যদিরা অপেক্ষা ধনলালসী মানুষকে অধিকতর উন্মত্ত করিয়া থাকে। অক্ষয়ানন্দ এই কাব্য করিতে কৃতসংকল্প হইলেন।

কোনও লৌহ-ঢালাই কারখানা হইতে লোহার নিরেট গোলা ঢালাই করানো হইলে, ইক্ষু-কাটা লেদ যন্ত্রে তাহার মধ্যে ইক্ষু যুক্ত গর্ত এবং তাহার ইক্ষু যুক্ত ছিপিও প্রস্তুত হইল। তাহার মধ্যে সাধারণ পারদ ভরিয়া ছিপি কাচের গুঁড়া দিয়া বন্ধ করা হইল।

যে কয় দিন এই সকল যোগাড়বস্ত্র হইতেছিল, সেই কয় দিন পূর্ণবাবুর আড্ডার “ম” পক্ষক খুব আড়ম্বরে চলিয়াছিল। পূর্ণবাবুর আড্ডা খুব জাঁকিয়া উঠিল। এক বাবাজী আসিয়াছেন, লোহার গোলা করিয়া পারাভস্ম হইবে। সেই ভস্ম এক রতি ও তামা ৫২ ভরি একত্র করিলে, ৫২ ভরি পাকাসোণা প্রস্তুত হইবে, এই সকল কথার জল্পনা হইতে লাগিল।

যে লোকটির নিকট অক্ষয়ানন্দ লৌহগোলকের কথা শুনিয়াছিলেন, তিনি প্রতিদিন কালীঘাটে আসিলেও, এই ব্যাপার তাহার নিকট গোপন করা হইল। সত্য সত্যই যে অক্ষয়ানন্দ লৌহগোলকের মধ্যগত করিয়া পারদ ধাতু অগ্নিতে রাখিবেন, এ কথা অক্ষয়ানন্দ তাঁহাকে জানাইতে নিবেদন করিয়াছিলেন।

কোথায় ভস্ম করা হইবে? এই বিষয় বিবেচনা করিয়া স্থির হইল যে, টালিগঞ্জ পুলের দক্ষিণে তর্পণঘাটা নামে এক নির্জন স্থান আছে,—সেই স্থানেই এ কাব্য করিতে হইবে। সেই স্থানে “গোপাল গিরি” নামক এক বৃদ্ধ অবধূত একটা ছোট আশ্রম করিয়া, কিছু দিন সেই স্থানে বাস করিয়াছিলেন। গোপাল গিরি সেস্থান হইতে চলিয়া গেলে, আশ্রম শূন্য পড়িয়া ছিল। অক্ষয়ানন্দ এবং তাঁহার বন্ধুগণ সেই স্থানেই সেই পারদপূর্ণ লৌহগোলকে অগ্নি দিবার সংকল্প করিলেন।

এই স্থলে পাঠকগণকে “পারদ ভস্ম” সম্বন্ধে কতকগুলি কথা বলিব। আমাদের কতকগুলি শাস্ত্রগ্রন্থ মধ্যে ইহা বিন্দু ভাবে লিখিত হইয়াছে যে, পারদের ভস্ম দ্বারা তাম্রধাতুকে সূবর্ণ করা যায়। সন্ন্যাসীদের মধ্যে এই বিদ্যা এখনও দেখা যাইতেছে। ইয়োরোপ মহাদেশেও এই বিদ্যা ছিল, তাহার প্রমাণ পাওয়া যায়।

যাঁহারা বর্তমান কালে র্যাডিয়ম্ তত্ত্বের আলোচনা করিতেছেন, তাঁহারা বলেন, র্যাডিয়মের নিকট কোনও ধাতু রাখিয়া দিলে, তাহা নিকটস্থ ধাতু হইয়া পড়ে। উহার অর্থ এই যে, সোণা রাখিলে রৌপ্য হইয়া যায়। তাম্র ধাতু রাখিলে তাহা সীস ধাতু হয়। এ অবস্থায় আমরা কি বৃন্বিব?—বাধ্য হইয়াই আমাদের বলিতে হইতেছে যে, শতাব্দিক বংসরের পুরাতন Atomic Theory একেবারে নির্ভুল নহে। কোন অজ্ঞাত শক্তি এমন থাকিতে পারে, যদ্বারা ধাতু সকলের উন্নতিও হয়। পারদ ভস্মের সেই শক্তি আছে, ইহা সন্ন্যাসীরা বলেন। ‘রসেশ্বর দর্শন’ নামে এক শাস্ত্র আছে, তাহা কেবল এই পারদ লইয়া সাধন-পদ্ধতি। ইহা ছাড়া আমাদের তন্ত্র-শাস্ত্রেও পারাভস্ম করিবার বহু পদ্ধতি রহিয়াছে।

এতদ্বশে সিদ্ধ নাগার্জুন, গহনানন্দনাথ, গোরক্ষনাথ, পরশনাথ প্রভৃতি যোগিরাজগণ এই বিষয়ে বহু শ্রম করিয়াছেন। কথিত আছে, উপরিউক্ত মহাপুরুষগণ সকলেই ইচ্ছামত সূবর্ণ প্রস্তুত করিতে পারিতেন।

এই সম্বন্ধে অনেক পুরাতন কিম্বদন্তিও আছে।—

- (১) “তেরি গন্ধক মেরি পারা  
নাগ্নাগিনীসে কর সফারা,  
নাগ রসসে নাগিনী রস দেনা,  
ঝটপট কাঞ্চন করলেনা।
- (২) “মুসাকাণি ছট্ফটিকা দুর্ঝাতলে বাসা,  
রস নিস্রাড়্কে বস্মে দিগে চাঁদি হোয়ে খাসা”
- (৩) কহনা কেমনে সখি, রামকৃষ্ণ এক দেখি  
রামকৃষ্ণ একতমু, এই তো শুনিয়াছিমু,  
সুনীল মেঘের বর্ণ হবে দুর্ঝাদল শ্রাম,  
শ্রীরামের বামে সীতা লক্ষ্মীদেবী অমুপাম্।”

প্রথম কবিতার ব্যাখ্যা আমি করিতে পারি না। নাগ অর্থে সীসা, নাগিনীরস সর্পবিষ (?) অথবা কোন ধাতু হইতে পারে, সুতরাং ঐ কয়টি কথা গুরুমুখগম্য। দ্বিতীয় কবিতার অর্থ এই—মুসাকাণি এবং

ছটফটিকা নামে ছোট ছোট গাছ, বাহা দুর্কা ঘাসের নীচে জন্মে, তাহার রস রাস্তা অথবা কাংসে দিলে, চমৎকার রৌপ্য হইয়া থাকে।

এ সকল কথার বিস্তার এ প্রবন্ধে করিব না, এক্ষণে অক্ষয়ানন্দের কথাই বলা আবশ্যিক।

যে দিন অপরাহ্নে অক্ষয়ানন্দ দলবল লইয়া তর্পণখাটা নামক স্থানে গিয়াছিলেন। সেই দিন ঐ ক্রিয়ায় সিদ্ধিলাভ হইবে ভাবিয়া "পঞ্চমকার" \* সংগ্রহ করা হইয়াছিল। অক্ষয়ানন্দের পূজার কালে ঐ "পঞ্চমকার" আবশ্যিক হইবে, সুতরাং পারাভঙ্গ্য করিতে উহার প্রয়োজন বোধ হইয়াছিল।

হায়, শাস্ত্র-কথা সকলের কুব্যাখ্যার ফলে, তন্ত্রানুষ্ঠান সকল এক্ষণে অতি জঘন্য ভাব ধারণ করিয়াছে। অক্ষয়ানন্দের স্ত্রীর মূর্খেরা মনে করে, দেবতাকে মন্তাদি দ্বারা অর্চনা করিলে কলিকালে তন্ত্রাদির উল্লিখিত অনুষ্ঠান আশু সিদ্ধি প্রদান করে। দেবতার যেন মন্ত মাংসাদির জন্ত হস্ত প্রসারিত করিয়া আছেন।

সেই নির্জ্ঞান স্থানের এক পার্শ্বে গজপুট + প্রস্তুত করিয়া, তাহার নীচে কাঠ-কয়লার অগ্নি রাখিয়া পুটের অর্ধেক ঘুঁটিয়া দ্বারা পূর্ণ করা হইল; তাহার উপরে পারদ পূর্ণ লৌহ গোলক রাখিয়া তদুপরি আরও ঘুঁটিয়া দিয়া পুট পূর্ণ করা হইল। ক্রমশঃ-ধোয়া হইয়া এক ঘণ্টার মধ্যেই উপরিস্থিত ঘুঁটে ধরিয়া অগ্নিশিখা দাউ দাউ করিয়া জ্বলিয়া উঠিল।

অক্ষয়ানন্দ সেই সময়ে পঞ্চমকার সহকারে জপ করিতেছিলেন। এই সময়ে একজন সেই প্রজ্বলিত গজপুটের নিকট গিয়া দেখিল যে, লৌহ-গোলক অগ্নিবর্ণ হইয়া রহিয়াছে। সে ব্যক্তি সেই কথা অক্ষয়ানন্দকে জানাইল—

\* পঞ্চমকার কি, তাহা তন্ত্রে দ্রষ্টব্য।

+ এক হস্ত ব্যাস এবং দুই হস্ত প্রমাণ গভীর গর্তকে গজপুট বলে।

"বাবাজী, গোলা লাল হইয়াছে।"

সেই কথা শুনিবামাত্র অক্ষয়ানন্দ চিম্টা লইয়া উঠিল। তখন মদের নেশায় তাহার পা টলিতেছিল। এই সময়ে সকলেই তাহাকে বলিল, ঐ অগ্নিবর্ণ গোলা উঠাইবার প্রয়োজন নাই। উহা শীতল হইলে, উহা হইতে ভঙ্গ্য লইবেন। কিন্তু মৃত্যু উপস্থিত হইলে, লোকে ভাল কথায় কর্ণপাত করে না, অক্ষয়ানন্দও করে নাই। চিম্টা কাঁক করিয়া সে প্রজ্বলিত অগ্নিকুণ্ড হইতে গোলা উঠাইয়া তাহা নিকটে রাখিল। সেই অক্ষয়ানন্দ রাত্রিতে অগ্নিবর্ণ গোলার মুক্তি দেখিয়া, এবং মাতাল সন্ন্যাসী তাহার উপর চিম্টা আঘাত করিবে, ইহা ভাবিয়া, সকলেই দূরে পলাইয়াছিল। নিকটেই একটা গভীর পরমালা ছিল। অনেকেই তাহার নীচে নামিয়া বসিয়া ছিল।

ইহার অল্পক্ষণ পরেই কামানের মত একটা ভয়ঙ্কর শব্দ হয়, এবং সেই স্থানে একটা বেতবর্ণের ধূম দ্বারা সকল বস্তুই আচ্ছন্ন হওয়ার প্রথমতঃ কিছু বৃষ্টিতে পারা যায় নাই। কিন্তু অল্পক্ষণ পরেই দেখা গেল, সন্ন্যাসী গড়াইতে গড়াইতে গঙ্গার জলে গিয়া পড়িল। গঙ্গায় জল অল্প ছিল, হাঁট ডুবে না। অক্ষয়ানন্দ জলের উপরেও পাক খাইতে খাইতে পূর্বপারে একটা ছোট খড়ের গাদার উপর গিয়া পড়ে। সেইখানে কিছুকাল (২ মিনিট) হাত পা আছড়াইয়া স্থির হয়।

গঙ্গার পশ্চিম পারে যাহারা ছিল, সকলেই পলাইল। কেহ করুণাময়ীর মন্দিরাভিমুখে, কেহ কেহ কালীঘাটে ফিরিয়া আসিয়াছিল। পর দিবস পুলিশ প্রমুখ কতিপয় লোক যাঁহারা এই অজ্ঞাত সন্ন্যাসীর পেটে বিপুল ক্ষত, এবং পেটের মধ্যে সেই লৌহ গোলকের খণ্ড সকল দেখিতে পাইয়াছিলেন। সন্ন্যাসী পারা ভঙ্গ্য করিতে গিয়া মরিয়াছে, এই বৃষ্টি তাহার দেহের অগ্নিসংকার করা হইয়াছিল।

হায় অক্ষয়ানন্দ! তুমি এত দিনে আবার জন্মগ্রহণ করিয়া ৩০ বৎসরের হইয়াছ। এ জন্মেও কি আবার ঐ বুদ্ধি মাথায় প্রবিষ্ট হইয়াছে? আবার কি পারা লইয়া ঘষা-মাজা চলিতেছে? আশা করি, এবার পারদ ধাতুকে দণ্ড দ্বারা মারিয়া বাধা করিবে না; এবার উহাকে শিবরূপে পূজা করিয়া দেখ, রসায়ন কল্প সুসিদ্ধ হয় কি না!

## আমিনা বিবির আত্ম-কথা

রায় শ্রীযতীন্দ্রমোহন সিংহ বাহাদুর

একটি ক্ষুদ্র নদীর তীরে একখানা বাড়ী, তাহার চারিদিকে আম-কাঁঠালের বাগান। বাড়ীতে চারি ভিটায় চারিখানি খড়ের ঘর ও মধ্যে উঠান। ইহা একজন মুসলমান কৃষকের বাড়ী হইলেও, সাধারণ কৃষকের বাড়ী অপেক্ষা পরিষ্কার-পরিচ্ছন্ন। চাল-ঘরের মাটির দাওয়াগুলি উত্তম-রূপে নিকান। উঠানটিতে একটুও আবর্জনা নাই, যেন ঝকঝক করিতেছে।

আমি এক দিন কার্যোপলক্ষে অন্তর্গত গ্রামে গিয়াছিলাম। বেলা অল্পমান ৩টার সময় নদী পার হইয়া ঘাটের নিকটে একটা বটগাছের ছায়ায় বিশ্রাম করিবার জন্ত বসিলাম। সেই ঘাটের পশ্চিমেই ঐ কৃষকের বাড়ী। দেখিলাম, একটি স্ত্রীলোক কলসী কাঁধে করিয়া নদীতে জল আনিতে যাইতেছে। আমি দেখিয়া অবাক হইলাম, এরূপ তপ্ত-কাঞ্চনবর্ণা রমণী ঐ গরিব মুসলমান কৃষকের গৃহে কোথা হইতে আসিল? তাহার চেহারা দেখিয়া তাহাকে ভদ্রঘরের হিন্দু-রমণী বলিয়া বোধ হইল। বয়স প্রায় ৩০ হইবে, বেশী লজ্জা-সরমের ধার ধারে না। সে জল লইয়া ফিরিবার সময় আমার ঔৎসুক্যপূর্ণ দৃষ্টি তাহার প্রতি নিবদ্ধ আছে দেখিয়া কাছে আসিয়া বলিল,—

“আপনি কোথায় যাবেন? আপনার নাম কি?” আমি দৃষ্টি ফিরাইয়া বলিলাম,—“আমার নাম রসিকলাল সেন, আমার বাড়ী নিশ্চিন্তপুর, আমি ঐ সদরপুর গিয়া-ছিলাম এখন বাড়ী ফিরিতেছি। ও বাড়ী কার?” “ও বাড়ী তোরাপ ফকিরের। ফকির মারা গিয়াছে। আমি এখন দুইটি ছেলে নিয়ে ওখানে থাকি। আপনি তামাক খাবেন? আশুন, ঐ বাহিরের ঘরে বসিবেন।”

আমি একটু ইতস্ততঃ করিয়া তাহার পশ্চাৎ পশ্চাৎ চলিলাম। বাহিরের ঘরে একটা মোড়া ছিল ও তামাক খাওয়ার সবঞ্জাম—হুক্কা, কল্কে প্রভৃতি ছিল। স্ত্রীলোকটি আমাকে সেখানে বসিতে বলিয়া জলের কলসী রাখিতে

অন্দরে গেল, এবং একটা মালসায় আগুন লইয়া আসিয়া আমাকে তামাক সাজিয়া খাইতে বলিল।

আমি তামাক সাজিতে বসিয়া গেলাম। সে বলিল—“আমার ছেলে দুইটি স্কুলে গিয়াছে, বড়টির বয়স দশ বৎসর, ছোটটির বয়স সাত বৎসর। এ বাড়ীতে আমার এক বৃদ্ধা সতীন আছে, তার বড় ব্যারাম, ঐ ঘরে শোওয়া।”

আমি তামাক খাইতে আরম্ভ করিয়া বলিলাম,—“তোমার চেহারা দেখিয়া ও কথাবার্তা শুনিয়া তোমাকে হিন্দুর মেয়ে বলিয়া বোধ হইতেছে। তোরাপ ফকিরের সঙ্গে তোমার কিরূপে বিয়ে হ’লো? যদি কোন বাধা না থাকে, তবে আমাকে বল।”

সে কিছু দূরে অন্দরের দিকের দরজায় বসিয়া বলিল,—“আমার সেই দুঃখের কথা যখন আপনি শুনিতে চাহিতেছেন, তবে আমার বলবার কোন বাধা নাই। দেশজুক লোক যাহা শুনিয়াছিল, যাহা লইয়া এক সময়ে মস্ত একটা হৈ চৈ পড়িয়া গিয়াছিল, সে কথা আপনাকে বলিব না কেন? আমি যথার্থই হিন্দুর মেয়ে, এক সময়ে হিন্দুর বৌ ছিলাম। হিন্দুর রক্ত এখনও আমার শরীরের মধ্যে আছে, তাই কোন হিন্দু ভদ্রলোক দেখিলে যাচিষা কথা কহিতে ইচ্ছা করে। আপনার কলিকার আগুনটা ধরিল না বুঝি—দেন কলিকাটা আমার হাতে, আমি হুক্কা দিয়া দিই।”

আমি বলিলাম—“না—এই আগুন ধরেছে—কলিকায় তামাক খাওয়া ত আমার অভ্যাস নাই—”

“কি করিব—এখানে যে হুক্কা আছে তা’ আপনাকে দিতে পারিব না। আচ্ছা, একটু কলার পাতা আনিয়া দিতেছি।”

এই বলিয়া সে উঠিয়া একটুকরা কলার পাতা আনিয়া একটা ঠোঙ্গা করিয়া দিল। আমি তাহার মধ্যে কলিকা

বসাইয়া তামাক খাইতে লাগিলাম। তখন সে আবার বলিতে লাগিল—

“আমার বাপের বাড়ী ছিল লক্ষীকান্তপুর গ্রামে, আমার বিবাহ হইয়াছিল সনাতনপুর ঘোষেদের বাড়ী। আমার নাম ছিল মৃন্ময়ী, ডাক নাম মিনী,—তাহা হইতে হইয়াছে আমিনা। আমার বয়স যখন এগার বৎসর, তখন আমার বাবা মারা যান,—আমার মা আগেই স্বর্গে গিয়াছিলেন। তখন আমার কাকা হইলেন আমার অভিভাবক। সংসারে এক কাকীমা ভিন্ন আর স্ত্রীলোক ছিল না। তাঁহার দুইটি ছোট ছেলে ছিল। আমার একটি সহোদর ভাই ছিল, সে আমার ৩৪ বৎসরের বড়। সে গ্রামের স্কুলে লেড়াপড়া করিত। আমার কাকার সব গুণ ছিল,—আমাকে আপন সন্তানের মত দেখিতেন; কিন্তু তাঁহার এক প্রধান দোষ ছিল, তিনি বড় মদ খাইতেন।

“আমার বিবাহের বয়স হইয়াছে দেখিয়া কাকা পাত্র খুঁজিতে লাগিলেন। সনাতনপুরের অমুক ঘোষ (এখনও তাহার নাম মুখে আনিতে সঙ্কোচ বোধ হয়, সেজ্ঞা নাম করিলাম না)—সে ছিল আমার কাকার মদের এয়ার। আমাদের বাড়ীর কাছে একটা ধান ছিল, সে সেই ধানায় কাজ করিত এবং প্রায়ই সন্ধ্যার পরে আমাদের বাড়ীতে আসিয়া কাকার সঙ্গে বৈঠকখানায় বসিয়া মদ খাইত। নিজের রূপ-গুণের কথা নিজের মুখে বলা মহাপাপ। এখন যেটুকু দেখিতেছেন, তাহা হইতে অবশ্য বুঝিতে পারেন, সেই উঠন্ত বয়সে আমার রূপ ছিল,—তাহাট আমার কাল হইল। সেই ঘোষও দেখিতে বেশ সুপুরুষ ছিল; কিন্তু তাহার বয়স তখন ত্রিশের উপরে। আর তাহার প্রথম পক্ষের এক স্ত্রী ছিল; কিন্তু সে না কি দেখিতে কুৎসিত বলিয়া সে তাহাকে লইয়া ঘর করিত না। সে নিজের রূপের অহঙ্কারে মত্ত হইয়া কেবল সুন্দরী স্ত্রীলোক খুঁজিয়া বেড়াইত। সে পুলিশের জমাদারী চাকরি করিত, সেই সুযোগে নিজের কুবাসনা চরিতার্থ করিবার সুযোগও পাইত।

“আমার কাকা যখন আমার বিবাহের পাত্র খুঁজিতেছিলেন, তখন সে আমাকে বিবাহ করিবার প্রস্তাব উপস্থিত করিয়া কাকাকে ধরিয়া বসিল। কাকা তাহার অমুরোধ এড়াইতে পারিলেন না; বিশেষতঃ তিনি দেখিলেন, এ

লোকটা একটা সরকারী চাকরি করিতেছে, বিষয়-সম্পত্তিও কিছু আছে; সুতরাং ভাত কাপড়ের কষ্ট হইবে না, আর টাকাও কিছু দিতে হইবে না। এইরূপে সেই ঘোষের সঙ্গে আমার বিবাহ হইয়া গেল।

“বিবাহের পরে সে আমাকে তাহার বাড়ীতে লইয়া গেল। তখন আমার বয়স ১৩।১৪ হইবে। সংসারে তাহার এক সৎমা ছিলেন। তাঁহাকে সে দেখিতে পারিত না। তিনি পৃথক হইয়া থাকিতেন। সেই অল্প বয়সেই আমার উপর সংসারের ভার পড়িল। আমি অনেক সময়ে তাহার মনের মত কাজ করিতে পারিতাম না, সে জ্ঞা সে আমাকে মারধর করিত। ক্রমে আমার বয়স বাড়িল, কিন্তু তবুও তাহার মনজোগান আমার পক্ষে কঠিন হইত। সে মদ খাইয়া নানাপ্রকার অত্যাচার করিত। এই ভাবে দুই বৎসর কাটিল। তখন যুস লওয়া অপরাধে তাহার পুলিশের চাকরি গেল। তখন দেশে থাকিলে আর চলে না,—সে চাকরির চেষ্টায় কলিকাতায় গেল। আমাকে আমার কাকার বাড়ীতে পাঠাইয়া দিল।

“ইহার ছয় মাস পূর্বে কাকার মৃত্যু হইয়াছিল। সেখানে সংসারের অভিভাবক একমাত্র কাকীমা! আমার দাদা তখন গ্রামের স্কুলের পড়া শেষ করিয়া মহকুমার স্কুলে পড়িতে গিয়াছিল। কিন্তু সেখানে কুসঙ্গে পড়িয়া তাহার স্বভাব খারাপ হয়। আমি তাহার নিকট কিছু লেখাপড়া শিখিয়াছিলাম, অধিকাংশ ছাপার বই পড়িতে পারিতাম। দাদা যখন বাড়ী আসিত, তখন সে কত বাজলা বই সঙ্গে আনিত। আমি সেগুলি মনোযোগ দিয়া পড়িতাম। কিন্তু তাহার মধ্যে ভাল বই প্রায়ই থাকিত না। আমার বোধ হয় সেই সকল বই পড়িয়াই দাদা বেশী গোল্লায় গিয়াছিল। তবে, এ কথা পরে শুনিয়াছি, আমার স্বামীই না কি তাহাকে মদ খাওয়াতে হাতে-খড়ি দিয়াছিল।

“একটা কথা আছে, সংসঙ্গে কাশীবাস—অসংসঙ্গে সর্কনাশ। আমার কোন সৎলোকের সঙ্গে পাওয়ার সম্ভাবনা ছিল না, কিন্তু ঐ সকল খারাপ বই আমার অসংসঙ্গের কাজ করিয়াছিল। ঐ সকল বই পড়িতে পড়িতে সময় সময় আমাব রক্তে যেন আগুন ধরিয়া যাইত। কিছু দিন পরে আমার ফিট হওয়া আরম্ভ হইল। আজকাল প্রায় ঘরে ঘরে নানা কারণে চিষ্টিরিয়া দেখা দিয়াছে, কিন্তু সে

সময়ে পাড়ারগায়ের লোকে এই রোগের প্রকৃত কারণ বুঝিতে না পারিয়া নানা জনে নানা কথা বলিতে লাগিল। কেহ বলিল, আমার উপর ভূতের দৃষ্টি হইয়াছে, কেহ বলিল কালীর ভর—ইত্যাদি। কাকীমা সেই সকল লোকের পরামর্শে নানা প্রকার চিকিৎসা করাইতে লাগিলেন। কেহ জলপড়া খাওয়াইল, কেহ মন্ত্র পড়িয়া হাতে লাল সূতা বাঁধিয়া দিল, কেহ মাথার চুলের সঙ্গে মাজুলি বাঁধিয়া দিল। আবার এক জনের বাবস্থা অনুসারে আমাকে এক শনিবার সন্ধ্যাকালে বিবস্ত্র হইয়া বাগান হইতে একটা গাছের শিকড় আনিয়া গলায় ঝুলাইতে হইল। কিন্তু এত করিয়াও কোন ফল হইল না।

“আমার যখন এই প্রকার অবস্থা, তখন এই বাড়ীর তোরাপ ফকির আমাদের গ্রামে উপস্থিত হইল। এ ব্যক্তি চাষবাস করিত, আবার ফকিরামি করিয়াও বেশ ভূপয়সা উপার্জন করিত। ইহার নানা স্থানে অনেক শিষ্য ছিল। আমার কাকার বাড়ীর নিকটে ইহার এক শিষ্যবাড়ী ছিল,—সেখানে সে চিকিৎসা করিতে গিয়াছিল। সে অনেক মন্ত্রতন্ত্র জানিত,—অনেক লোক তাহার নিকট মাজুলী, কবচ, তেলপড়া, জলপড়া, সূতাপড়া লইতে আসিত। সে ভূর্জপত্রে লাল কালী দিয়া কি সব মন্ত্র লিখিয়া দিত, লোকে তাহাই তামার মাজুলীতে পুরিয়া গলায় বা কোমরে ধারণ করিত। আপনি এখন যে ঘরে বসিয়া আছেন, এখানে বসিয়া এই সব কাজ হইত। কোন গ্রামে কলেবা হইলে, গ্রামী লোকেবা চাঁদা করিয়া তাহাকে লইয়া বাইত। সে যাইয়া গ্রামের চারি কোণে মন্ত্র পড়িয়া শিকড় পুঁতিয়া দিয়া আসিত, আর বোগীকে জলপড়া খাওয়াইত। এক গ্রাম হইতে কলেবা বা গরুর মড়ক অণু গ্রামে তাড়াইয়া দেওয়ারও না কি তার ক্ষমতা ছিল। কিন্তু আমি এ সকল বিশ্বাস করি না।

“তাহার গুণ-জ্ঞানের কথা শুনিয়া আমার কাকীমা এক দিন তাহাকে ডাকিয়া আনিয়া আমাকে দেখাইলেন। সে আমার চোখের দিকে তাকাইয়া বলিল,—ইহার উপর কালীর “দেষ্টি” হইয়াছে,—আমি আস্ছে অমাবস্তা রাতে একটা ঘরে বসিয়া কালীর পূজা করিব, ইহাকে সেখানে আনিতে হইবে, ঘরে আর কেহ আসিতে পারিবে না, পূজাতে জ্বা ফুল, ধূপ ধুনা লাগিবে।

কাকীমা সন্মত হইলেন, কিন্তু আমি তাহার সঙ্গে একলা এক ঘরে বসিয়া থাকিতে প্রথমে স্বীকার করি নাই। কাকীমা নিতান্ত জেদ করিতে লাগিলেন—“তোর ভয় কি? আমি ত পাশের ঘরেই থাকিব, ও ফকিরের নাম ডাক আছে ভাল,—দেখি, তোর যদি ব্যারামটা সারাইতে পারে।” আমি অগত্যা সন্মত হইলাম।

সেই অমাবস্তা রাতে ফকির আমাদের বাড়ীতে আসিল। তাহার বয়স তখন প্রায় ৩০ বৎসর, চেহারা কালো কোলো, গড়ন খুব বলিষ্ঠ। আমাদের পশ্চিমঘারী খড়ো ঘরের মধ্যে তাহার আসন হইল। সে ঘরটা আগে পরিষ্কার করিয়া লেপান হইয়াছিল। ঘরে ধূপ ধুনা জ্বালা হইল ও আমাকে তাহার সন্মুখে একখানা আসনে বসাইয়া সে ঘরের দরজা বন্ধ করিয়া দিল। তখন আমার ভয় করিতে লাগিল, কিন্তু কাকীমা তাহার পাশে দক্ষিণঘারী ঘরে বসিয়াছিলেন, সেজন্য কিছু বলিলাম না। সে প্রথমে একটা ঘটতে জল পড়িয়া সেই জল আমাকে খাইতে বলিল, আমি এক চুমুক খাইলাম। পরে আমার মাথায় একটা জ্বা ফুল বাঁধিয়া দিয়া আমাকে চক্ষু মেলিয়া তাহার দিকে তাকাইয়া থাকিতে বলিল। সে বিড় বিড় করিয়া মন্ত্র পড়িতে লাগিল, এবং সময় সময় “আয় কালী আয়—কার আজ্ঞা? শিবঠাকুরের আজ্ঞা” বলিয়া চোঁচাইয়া উঠিতে লাগিল। সে আমার চোখের দিকে এক দৃষ্টি তাকাইয়া রহিল। এই রকম প্রায় এক ঘণ্টা থাকার পর আমার চোখ বুজিয়া আসিতে লাগিল। তখন গভীর রাত্রি, জনমানবের সাড়া শব্দ নাই। আমাদের বাড়ীর চারিদিকে বাগান ও জঙ্গল,—কাছে আর কোন বাড়ী ছিল না। কাকীমা বোধ হয় তখন ঘুমাইয়া পড়িয়াছেন। ফকির আমাকে তখন বলিল—“দেখ, তোমাকে এক কাজ করিতে হইবে, তুমি লজ্জা করিও না, কালী যেমন এক পা সামনের দিকে আর এক পা পিছনের দিকে দিয়া বিবস্ত্র হইয়া দাঁড়ান, তোমাকেও সেই ভাবে দাঁড়াইতে হইবে। তোমার মধ্যে কালী আসিবেন, আমি তাঁহার পূজা করিব।” আমি তাহার এই লজ্জাজনক কথা শুনিয়া কিছুতেই উঠিয়া দাঁড়াইলাম না। পরে সে আমার মাথায়, কপালে ও চোখে হাত ঝুলাইয়া দিল,—তখন আমার চোখ যেন

দেখিয়া আমিনা বলিল—“ঐ দেখ, উনি তোদের মামু—  
ওঁকে সেলাম কর।”

শিশু ছুটি আমার কাছে আসিয়া সেলাম করিল—আমি  
তাহাদের মাথায় হাত বুলাইয়া আশীর্বাদ করিলাম।  
আমিনা আমার জলখাবার বাতাসা আনিয়া দিয়া বলিল,  
“ঘরে ভাল পাকা কলা আছে, তাহার ছুটা দিই?” আমি  
কলা আনিতে সম্মতি দিলাম।

আমি যখন উঠানে বসিয়া জলযোগ করিলাম, তখন  
সে কাছে দাঁড়াইয়া রহিল। পরে আমি যখন বিদায় হই,  
তখন সে তাড়াতাড়ি আসিয়া আমার হাতে নেকড়ার বাঁধা  
আর কতকগুলি কলা গুঁজিয়া দিয়া বলিল—

“দাদা, এগুলি বাড়ী গিয়া ছেলেদের দিবেন।”

তাহার স্নেহপূর্ণ ব্যবহারে আমার চোখে জল আসিল।  
আমি তাড়াতাড়ি প্রস্থান করিলাম।

## শ্রীকৃষ্ণ

মহামহোপাধ্যায় শ্রীহরপ্রসাদ শাস্ত্রী সি-আই-ই

শ্রীকৃষ্ণকে লইয়াই মহাভারত, শ্রীকৃষ্ণকে লইয়াই শ্রীমদ্ভাগবত, শ্রীকৃষ্ণকে  
লইয়াই হরিবংশ। আবার অনেকে বলেন—বেদপুরাণেও শ্রীকৃষ্ণ।  
রামায়ণেও শ্রীকৃষ্ণ। এ ত গেল সংস্কৃতে। বাঙ্গলার লোক কি বলে?  
কানু ছাড়া গীত নাই। সেই শ্রীকৃষ্ণকে, সেই কানুকে একখানি  
নাটকের মধ্যে আনা সামান্ত সাহসের কার্য্য নহে। অনেকে বলিবেন,  
সামান্ত ধৃষ্টতার কর্ত্ত্ব নহে। সাহসই হোক আর ধৃষ্টতাই হোক,  
অপরেণবাবু আনার চেষ্টা করিয়াছেন এবং আনিয়াছেন। ভগবানের  
সর্ব্বতোমুখ উদ্ভব, সর্ব্বতোমুখী চেষ্টা এবং সর্ব্বতোমুখী বিভূতিকে  
সীমাবদ্ধ করা অসম্ভব। তাই উঁহার একটীমাত্র বিভূতি ভূভারহরণকে  
বীজ করিয়া অপরেণবাবু এই অপূৰ্ণ নাটকের সৃষ্টি করিয়াছেন। যেমন

“বেদে রামায়ণে চৈব পুরাণে ভারতে তথা।

আদ্যবস্ত্রে চ মধ্যে চ হরিঃ সর্ব্বত্র গীয়তে ॥”

তেমনি এই শ্রীকৃষ্ণ নাটকেরও আদ্যবস্ত্রে চ মধ্যে চ পৃথিবীভার হরণঃ  
সর্ব্বত্র গীয়তে। ইহাতে শ্রীকৃষ্ণের বৃন্দাবনলীলা বড় একটা নাই।  
কেবল দানলীলা ও অক্রুর সংবাদ, ভূভার-হরণের সূচনা মাত্র। তার  
পর কংস-বধ, জরাসন্ধ-বধ, শিশুপাল-বধ, কৌরব-বধ—সবই আশ্চর্য্য-  
স্বপ্ননের বধ। তার পর নিজ বংশ যদুবংশ ধ্বংস, তার পর আশ্বনিপাত,  
নিজেরও ধ্বংস। এই ভূভার-হরণের শ্রীকৃষ্ণ অপরেণবাবু গাহিয়াছেন  
এবং দেখাইয়াছেন। শ্রীকৃষ্ণ যাহাকেই ভূমির ভার বোধ করিয়াছেন,  
তাহাকেই সরাইয়াছেন, তাহার বেলায় তিনি পক্ষপাতশূন্য। প্রথম  
মামা, তার পর মামার স্বশুর, তার পর পিতৃতা ভাই। তার পর  
কুরুকুল, সেই সঙ্গে সঙ্গে জ্যেষ্ঠ, কর্ণ, ধৃষ্টদ্যুম্ন, অভিমন্যু, যুধিষ্ঠিরাদির  
পক্ষপূত্র—সব সরাইলেন। শেষ সাত্যকি প্রভৃতি যদুবংশকে, শেষ  
নিজেকেও। কাহাকেও ছাড়েন নাই। তিনি নানা উপায়ে নানা দেশের  
নানা লোক বিনাশ করিয়া আপনাকেও ভার মনে করিয়াছিলেন,—  
তাই ব্যাধ-হস্তে নিজেকে মরিলেন। বাঁচাইলেন কাদের—কাদের ভূভার

বলিয়া মনে করেন নাই। যুধিষ্ঠিরের পাঁচ ভাই আর উত্তরার গর্ভস্থিত  
পরীক্ষিৎ। পক্ষপাত কি পাপিষ্ঠ নয়? না, কোন মতেই নয়।  
কারণ, তাঁরা শ্রীকৃষ্ণকে সাক্ষাৎ বিষ্ণুর অবতার বলিয়া জানিতেন; তাই  
তাঁহার হস্তে আপনাদের সমস্ত ভার অপণ করিয়াছিলেন। তাঁহারা যে  
পাপ করিয়াছিলেন তাহা শ্রীকৃষ্ণের ইচ্ছায়, আদেশে এবং ধমকে।  
সুতরাং তাঁহারা ভূভার হইতে পায়ের না। যাহারা ভগবানের কথাতেও  
অধর্ম্ম করিতে সঙ্কোচ করে, তাহাদের ভূভার বলিবে কেমন করিয়া?

ভূভার হরণ করিয়া ফল কি হইবে? যুধিষ্ঠিরের মত ধার্ম্মিক রাজার  
অধীন সব একচ্ছত্র হইয়া যাইবে। পৃথিবীর স্বশসমৃদ্ধি বাড়িয়া উঠিবে।  
এই কথাই ত অপরেণবাবু শ্রীকৃষ্ণের মুখে বলাইয়াছেন। আচ্ছা,  
জিজ্ঞাসা করি, তবে একচ্ছত্র রাজত্বলা ভাঙ্গে কেন? রোম ভাঙ্গিল  
কেন? মাকদন ভাঙ্গিল কেন? তিন চারিবার পারশ্ব সাম্রাজ্য ভাঙ্গিল  
কেন? জেরিস খাঁর রাজত্ব ভাঙ্গিল কেন? তেমূরের রাজত্ব ভাঙ্গিল  
কেন? মোগল সাম্রাজ্য ভাঙ্গিল কেন? সেগুলোও সময়ে সময়ে ভূমির  
ভার হইয়া উঠে! তাই ভাঙ্গে। অথবা ভগবানু ভাঙ্গিয়া দেন।  
যাক, তা লইয়া অপরেণবাবুর সঙ্গে বা তাঁহার শ্রীকৃষ্ণের সঙ্গে আমরা  
বিবাদ করিব না। তাঁহার যেমন ভাল বোধ হইয়াছে, তিনি তেমনি  
লিখিয়াছেন। শ্রীকৃষ্ণ ধর্ম্মপুল্ল যুধিষ্ঠিরকে সমস্ত ভারতে একচ্ছত্র সম্রাট  
করিয়া দিয়া আপানও ভূভার-মধ্যে গণ্য হইয়া ব্যাধ-হস্তে নিধন প্রাপ্ত  
হইলেন। শ্রীকৃষ্ণ নাটকও ফুরাইল।

আজ বিংশ শতক,—ঋতমানের অভাব নাই। রেল হইয়াছে, ষ্টীমার  
হইয়াছে, উড়ো কল হইয়াছে, হাওয়া গাড়ী হইয়াছে, ক্রমে ক্রমগতি  
আরও বাড়াইবার চেষ্টা হইতেছে; কিন্তু শ্রীকৃষ্ণ নাটকের মত ঋতগতি  
কোথাও দেখি নাই। যেন স্পেশাল মেল ট্রেন, স্লো সাইড স্টেশন  
লক্ষ্যই করে না, সব মেল স্টেশনেও দাঁড়ায় না, একেবারে পাঁচ সাতটা  
মেল স্টেশন বাদে দাঁড়ায়। ভীষণ গতি। আর একশত বৎসরের

বিপুল কাণ্ড আড়াই শত পৃষ্ঠায়। গ্রীকেরা হইলে অপরেশবাবুকে মারিয়াই ফেলিত; তাহার এক নাটকের একই স্থান ও একই কাল চায়। আর এ নাটকে—এই মথুরায়, এই মগধে, এই হস্তিনায়, এই ইন্দুপ্রস্থে, আর এই দ্বারকায়। আর সময়ের ত ঠিকই নাই। শিশুপাল বধ আর কুরুক্ষেত্রে অন্ততঃ ১৪ বৎসর তকাৎ, কুরুক্ষেত্রে আর যদুবংশ ধ্বংসের অন্ততঃ ৫০ বৎসর। গ্রীকেরা যাই করুক, আমাদের ঋষিরা কি করিতেন জানি না, কারণ তাঁহার অঙ্কণলায় অন্ততঃ স্থান ও কালের ঐক্য চাহিতেন। এক নাটকে এক অঙ্কের কত স্থান ও কাল-বৈচিত্র্য দেখিতে পাওয়া যায়। এখন হইয়াছে দৃশ্য। সে দৃশ্যগুলোও প্রায় এক একটা অঙ্কের মত। অপরেশবাবু এই শ্রীকৃষ্ণ সমস্ত ভারতবর্ষটা দেখাইয়াছেন এবং তাহার এক শত বৎসরের ঘটনা দেখাইয়াছেন। অলঙ্কারশাস্ত্রেরা একে নাটক বলিতেন কি না সন্দেহ। না বলুন, আমরাও না হয় না বলিলাম,—বলিলাম, শ্রীকৃষ্ণ বইখানা নাটক নয়। তাহাতে আসে যায় কি? সংস্কৃতে অলঙ্কারশাস্ত্রে কাবোর দশ পনের রকম লক্ষণ করিয়া শেষ বলিলেন চমৎকৃতিমৎ কাব্যম। যাহা পড়িয়া লোকে চমৎকৃত হইয়া যায়, সেই কাব্য। আমরা না হয় বলিলাম চমৎকৃতিমৎ নাটকম্। যাহা দেখিয়া লোকে চমৎকৃত হইয়া যায়, তাহাই নাটক। শ্রীকৃষ্ণ নাটক চমৎকৃতিমৎ গাঁহার বলিবেন, তাঁহার ইহাকে নাটক বলিবেন; আর গাঁহার বলিবেন না, তাঁহার ইহাকে নাটকও বলিবেন না। কিন্তু কে সাহস করিয়া বলিবে শ্রীকৃষ্ণ নাটক চমৎকৃতিমৎ নয়?

অপরেশবাবু মহাভারত, শ্রীমদ্ভাগবত ও হরিবংশ খুঁটিয়া যাহা কিছু পাঠিয়াছেন, সব সংগ্রহ করিয়া এই নাটকের সৃষ্টি করিয়াছেন। সূত্রবাং চমৎকৃতিমৎের অভাব ইহাতে কিছুমাত্র নাই। কিন্তু সেই ভাল জিনিষগুলি বাহিয়া বাহির করিতে তাঁহাকে বেশ বেগ পাইতে হইয়াছে। কারণ, ঐ তিনখানি পুস্তক তাঁহাকে তন্ন তন্ন করিয়া পড়িতে হইয়াছে। তার মানে দুই লক্ষ শ্লোক শ্রায়। তাহার উপর আবার অপরেশবাবুর স্বপাত সলিল আছে। তিনি “কর্জুন” এই সকল পুস্তকের অনেক ভাল জিনিষ বাহিয়া করিয়াছেন, তাহা ত আর তিনি ‘রিপিট’ করিতে পারেন না। সূত্রবাং তাঁহাকে বেশ ছুঁমিয়ার হইয়া বাহিতে হইয়াছে। সূত্রবাং এই নাটকে তাঁহার বাহাদুরী বাজা আর সাজানো। তিনি নিজে একজন ভাল অভিনয়বর্তী ও একজন ভাল নাটককার; সূত্রবাং কেমন করিয়া সাজাইতে হয় তাহাতে তিনি সিদ্ধ। তাঁহার নাটকে বীজমন্ত্র ভূভারহরণ। বীজের সন্ধান নাটকে গেঁড়াতেই করিতে হয়। কিন্তু এম্বকার দাঁড়াইয়া তাহা বলিয়া দিতে পারেন না, কারণ তাহাতে “বেমজা” হইয়া যায়; সূত্রবাং পাত্রপাত্রীর মুখ দিয়া বাহির করিতে হয়। এখানেও তাহাই হইয়াছে। শ্রীকৃষ্ণের নানা কারণে ভূভার-হরণে যতই বাধা হইয়াছে, ততবারই বেশী জোরে ভূভার-হরণের কাব্য হইয়াছে। তিনি বাঁচাইয়াছেন পাণ্ডবদের পাঁচ ভাইকে আর নিজেকে, কিন্তু সেও শেষ পারিলেন না, ব্যাধের হাতে মরিলেন।

এই নাটকে কৃষ্ণের চরিত্র অতি অদ্ভুত। তিনি যেন কেহই নহেন, সকল কাজেই তিনি যেন উদাসীন, তিনি স্থির, তিনি ধীর, তিনি সাক্ষী মাত্র। সমস্ত কল চালাইতেছেন তিনি। অথচ তাঁহার আগ্রহ নাই, চিন্তা নাই, রাগ নাই, রোষ নাই; গম্ভীরভাবে স্থিরভাবে সমস্ত ব্যাপারটা দেখিতেছেন, আর যেখানে বাধাবিঘ্ন হইবে, সেখানটা একটু সোজা করিয়া দিতেছেন। যখন দেখিলেন, সাত দিন যুদ্ধের পর দুর্ঘোষনের তিরস্কারে ব্যথিত হইয়া ভীষ্ম পাঁচটা বাণ দেখাইলেন পঞ্চপাণ্ডবের বধের জন্ত, তখন তিনি অর্জুনকে দুর্ঘোষনের কাছে পাঠাইয়া দিয়া তাঁহার মুকুটটা সংগ্রহ করিলেন; এবং সেই মুকুট পরাইয়া অর্জুনকে বৃদ্ধ ভীষ্মের নিকট পাঠাইলেন; অর্থাৎ অর্জুনকে দুর্ঘোষন সাজাইয়া সেই বাণ পাঁচটা হরণ করিলেন। মহাভারতে দেখি, যখন কৃষ্ণ দেখিলেন, কর্ণের একাত্মীবাণে একজন না একজন পাণ্ডবের প্রাণনাশ সম্ভাবনা, তখন ঘটোৎকচকে যুদ্ধে পাঠাইয়া দিলেন। শেষ এমন দাঁড়াইল যে সে একাত্মীবাণ না খরচ করিলে সেইদিনই কুরু-সৈন্য ধ্বংস হয়। কর্ণ সে অমোঘ বাণ ঘটোৎকচে খরচ করিয়া ফেলিলেন। অর্জুন বাঁচিয়া গেলেন। যুধিষ্ঠির ও অর্জুন ত কথায় কথায় বলেন আর যুদ্ধ করিব না, আর জ্ঞাতি বধ দেখিতে পারিব না, আর ক্ষত্রিয় সংহার দেখিতে পারি না বলিয়া হতাশ হইয়া বসেন, তখন কৃষ্ণ শাস্ত্র গম্ভীরভাবে তাঁহাদিগকে বুঝান কে কাকে নারু এবং সব মরিয়া আছে। নিজের কর্ণদোষে মরিয়া আছে। তোমরা কেবল নিমিত্ত। আমি সর্বশক্তিমান্ পরমেশ্বর, আমিই উহাদিগকে মারিয়া রাখিয়াছি। এইরূপে কৃষ্ণ অর্জুনকে বিশ্বরূপ দর্শন করাইয়াছিলেন। এ নাটকেও বিশ্বরূপ দর্শনের চেষ্টা হইয়াছে। এবং সে চেষ্টা অনেকটা সফলও হইয়াছে। কিন্তু চিত্রে বা প্রতিমার কেমন করিয়া বিশ্বরূপ দেখাইতে হয়, বাঙ্গলা দেশে তাহার কোন নিদর্শন নাই। সে যাহাগাটা যেমন ক্রমা উচিত তেমনটা ভমে নাই। মহাভারতে ভগবদ্গীতার বিশ্বরূপ দর্শনের পর ও জিনিষটা এতই চমৎকার হইয়াছিল যে, সকল পুরাণে ও অনেক তন্ত্রে উহার অনুকরণ হইয়াছিল এবং গিট্টে ও পাথরে সেইটা আঁকার চেষ্টা হইয়াছিল। তাহার কয়েকখানি চিত্রে নেপাল দরবার লাইব্রেরীতে আছে; আর প্রতিমাটা পশুপতি ও গুহ-কালীর মধ্যে মৃগস্থলীতে জঙ্গ বাহাদুরের বিশ্বরূপ মন্দিরে আছে। এই সকলের একটা আবছায়া দেখাইলে যাহা হইত, শ্রীকৃষ্ণের বক্তৃতায় তাহার শতাংশের একাংশও ফুটিয়া উঠে নাই।

যেখানে সকলের চেয়ে বেশী কঠিন কাজ, সেইখানেই শ্রীকৃষ্ণ। কুরুক্ষেত্রে যুদ্ধের পর হস্তিনা দখল হইয়া গেল। পাণ্ডবদের ধৃতরাষ্ট্র গাঙ্গারীকে প্রণাম করিতে যাইতে হইবে। বড় শক্ত, বিশেষ পাণ্ডবদের পক্ষে,—চল সখা, তুমি সঙ্গে চল। কৃষ্ণ গেলেন। গাঙ্গারী আঁঘা মারী, তিনি সমস্ত ঘটনা বেশ বুঝিয়া ভগবানের লীলা বলিয়া ঠাণ্ডা হইয়া আছেন। তিনি উহাদের আশীর্ব্বাদ করিলেন, সংস্কার দিলেন, কাজ চুকিল। তাহার পর ধৃতরাষ্ট্র, বৃদ্ধ অন্ধ, শত পুত্রশোকে ক্ষিপ্ত-প্রায়। কৃষ্ণ সকলকে লইয়া গেলেন। ধৃতরাষ্ট্র যুধিষ্ঠিরকে আলিঙ্গন করিলেন। তাহার পর ভীষ্ম। কৃষ্ণ ইঙ্গিত করিলেন, যাইও না।

তাহার বদলে একটা লোহার ভীম দিলেন। ধৃতরাষ্ট্র আলিঙ্গনে সেটা চূর্ণ করিয়া ফেলিলেন। কৃষ্ণ ভীমকে বলিলেন দেখলে দাদা, তোমার কি ওখানে যেতে আছে ?

এ নাটকে কৃষ্ণকে কেবল দুইবার নিম্নমূর্তি ধরিতে অর্থাৎ নিজ হাতে কাজ করিতে হইয়াছে। একবার যখন শিশুপাল ক্ষেপিয়া রাজসূর যজ্ঞটা পণ্ড করার অবস্থা হইয়া দাঁড়াইতেছে, তখন কৃষ্ণ ব্রাহ্মণদের পা ধোয়ার গাড়ু ফেলিয়া সূদর্শনকে স্মরণ করিলেন। শিশুপালের মাথাটা কাটা গেল। সে সময় যদি যুদ্ধ হয়, তু' দলেই লড়াই করিতে কোমর বাধিবে, যজ্ঞ করিবে কে ? সুতরাং ভগবানকে নিজ বিভূতি প্রকাশ করিতে হইল। আর একবার যখন অষ্টম দিনের যুদ্ধে ভীষ্মের শরে অর্জুন রথের উপর অজ্ঞান, পাণ্ডবের আর উপায় নাই, তখন কৃষ্ণ নিজ বিভূতি প্রকাশ করিয়াছিলেন, সূদর্শনকে স্মরণ করিয়াছিলেন। তখন ভীষ্ম বলিয়াছিলেন, কেমন ঠাকুর, বড় যে বগেছিলে লড়াই করবে না, কেমন, এখন ত করতে হ'ল ? এখন আমার উদ্ধার কর' বলিয়া ধনুক ত্যাগ করিলেন। কিন্তু কৃষ্ণ ভীষ্মকে উদ্ধার করিলেন না। অবহার হইল।

ভীষ্মের শেষ দিনের যুদ্ধ অপরেণাবাবু বর্ণনা করেন নাই। তাঁহাকে অনেকটা লাফাইয়া লাফাইয়া যাইতে হইয়াছে। কিন্তু মহাভারতে সে যুদ্ধটা বড় জাঁকাল। শিখণ্ডীকে সামনে রাখিয়া পিছন হইতে অর্জুন যুদ্ধ করিতেছেন। শিখণ্ডী আগে স্ত্রী ছিল এখন পুরুষ হইয়াছে, সুতরাং স্ত্রীলোকের সঙ্গে যুদ্ধ করিবেন না অস্ত্র ত্যাগ করিয়াছেন, আর অর্জুন শিখণ্ডীর পিছন হইতে তাঁর মারিতেছেন, আর ভীষ্ম প্রতি শরাঘাতেই বলিতেছেন “নৈতে বাণাঃ শিখণ্ডিনঃ।” তার পর ভীষ্মের শরশয়্যা। ভীষ্মের মাথার শরের বালিশ, সে অর্জুন ভিন্ন আর কেহ তৈয়ার করিয়া দিতে পারিল না। তাহার পর ভীষ্মের তৃষ্ণা, আর অর্জুনের বাণে ‘টিউব ওয়েলের’ সৃষ্টি। এ সব বাধা হইয়া নাটককারকে ছাড়িতে হইয়াছে।

কৃষ্ণের আশ্চর্য্য স্বভাব; তিনি সূখে, দুঃখে, রণে, বনে, সভায়, মন্ত্রণায়, স্তুতি, নিন্দায়, বিপদে, সম্পদে, স্বদেশে, বিদেশে, সব অবস্থাতেই সমান; কোনরূপ চঞ্চলতা নাই, কোনও উত্তেজনা নাই, উদ্ভাসনা নাই। অথচ তিনি সমস্ত জগৎকে উত্তেজিত ও উন্নত করিয়া

তুলিতেছেন। কৃষ্ণের এই-ই স্বভাব মহাভারতে, কৃষ্ণের এই-ই স্বভাব শ্রীকৃষ্ণে।

অপরেণ বাবুর অপরাধ সৃষ্টি তাহার প্রাপ্তি আর অস্তি। ছুটাই কংসের স্ত্রী, ছুটাই জরাসন্ধের কস্তা; কিন্তু ছুটির ছরকম স্বভাব— একেবারে স্বর্গ ও নরক। ভূভাঃ-হরণের প্রথম আয়োজনেই কবি দেখাইলেন—ইহার দুই প্রকার ব্যাখ্যা হইতে পারে। এক ব্যাখ্যা জগতের উপকার আর সত্যই ভূভাঃ-হরণ—ইনিই অস্তি। আর এক ব্যাখ্যা, ব্যক্তি বিশেষের ক্ষতি; কংসের মৃত্যুতে কংসের পতিব্রতা পত্নীর ক্ষতি—ইনিই প্রাপ্তি। সমস্ত বইখানা জুড়েই ইহার দুজন আছেন। একজন আপনাকে মধ্যস্থলে বসাইয়া জগতের মঙ্গল কার্য্য দেখিতেছেন; আর একজন জগতের মঙ্গলকে মধ্যস্থানে বসাইয়া সমস্ত কার্য্য দেখিতেছেন। একজন নিজেকে জগতের মধ্যে ডুবাইয়া দিয়াছেন, আর একজন নিজের ওজনেই জগতের ওজন বুলিতেছেন। দুজনেরই দল আছে। একজন হুর্যোধনকে নাচাইতেছেন ‘কৃষ্ণকে আগে বধ কর, ঐ যত নষ্টের গোড়া’—আর একজন দ্রৌপদীর মুখ দিয়া বলাইতেছেন, ‘গুরুপুল, তুমি আমার পাঁচটি ছেলেকে ঘুমন্ত অবস্থায় মেরেছ, আমার ভাইকে মেরেছ, তোমায় ক্ষমা করিলাম; আমি যেমন পুড়িতেছি, তুমি মরিলে তোমার মাও তেমন পুড়িবেন, তাহার জ্বালা নিবারণের ওস্ত তোমায় ক্ষমা করিলাম। তবে তোমার মাথার মণিটি দিয়া যাও।’ শ্রীকৃষ্ণ ছুরি দিয়া সে মণি মাথা হইতে তুলিয়া লইলেন। অশ্বখামার সে যা কিছু তিনি অমর বলিয়া কল্পান্তস্থায়ী হইল। আর আমরা হিন্দুমাত্রই তেল মাথার সময় ক’ড়ে আঙুলে তেল লইয়া প্রথমেই ‘অশ্বখাম্যে নমঃ’ বলিয়া অশ্বখামার মাথার যায়ে ছিটাইয়া দিয়া তবে :তেল মাখিতে বসি, না দিলে অশ্বখামা মাথার যায়ে পাগল হইয়া পড়েন। অস্তি ও প্রাপ্তির প্রভেদটুকু নাটকে বেশ ফুটিয়াছে, এটুকু নটককারের খুব বেশী কৃতিত্ব।

সমস্ত মহাভারতখানা ২৫০ পাতায় পুরিয়া দেওয়া হইয়াছে, আমরা তাহার সমালোচনা যদি সংক্ষেপে আড়াই পাতায় করি, বিশেষ দোষ কেহ দিতে পারিবেন না।\*

\* শ্রীকৃষ্ণ—শ্রীঅপরেণচন্দ্র মুখোপাধ্যায় প্রণীত। মূল্য ১১. টাকা।



# জার্মানী

শ্রীনরেন্দ্র দেব

২

বাণিজ্যপ্রধান দেশে পরিণত হবার আগে জার্মানী ছিল একটি সর্বশ্রেষ্ঠ কৃষিপ্রধান দেশ। তখন জার্মানীতে যে শস্ত উৎপন্ন হ'তো...সমগ্র জার্মানীর প্রয়োজন পূর্ণ ক'রেও প্রতিবেশীদের জন্য তাদের কিছু উদ্ভূত থাকতো। এখনও

কোটা 'একর' জমী চাষের জন্য ব্যবহৃত হ'তো! প্রায় সর্ব প্রকার শস্তই জার্মানী তার কৃষিক্ষেত্রে উৎপাদন ক'রতো! কিন্তু বর্তমানে জার্মানীর ভূসম্পত্তি হ্রাস হওয়াতে কৃষি-কার্যের সঙ্গে সঙ্গে শস্তোৎপাদনও কমে গেছে। এখন জার্মানীকে নিজের প্রয়োজনের জন্য বাইরে থেকে শস্ত আহরণ ক'রে আনতে হচ্ছে।

চাষকর জমী ছাড়া জার্মানীর আর একটা প্রধান আয়ের পন্থা হ'চ্ছে তার ফলকর ভূমি। জার্মানীর দ্রাক্ষাক্ষেত্র তার একটা মস্ত সম্পদ। তা ছাড়া আপেল, কুল, বাদাম, পীচ, চেরী প্রভৃতি অসংখ্য ফলের গাছ জার্মানীকে যথেষ্ট অর্থ-সাহায্য করে। জার্মানীর সর্বত্র এমন কি বড় বড় রাস্তার ধারে ও অলিতে গলিতে পর্যন্ত এই সব ফলের গাছের ছড়াছড়ি। প্রত্যেক দিকের স্থানীয় মিউনিসিপ্যালিটি এই সব ফলের গাছের মালিক। প্রতি-বৎসর এই সব ফলের গাছ, যে সবচেয়ে বেশী দর দিতে পারে তাকেই এক বছরের জন্য, বিলি করে দেওয়া হয়।

জার্মানীর অধিকাংশ লোক এখনও কৃষি ব্যবসায়ী। কারণ কৃষিকার্য এখনও সেখানে বেশ একটা লাভজনক ব্যবসাই হয়ে আছে। কেবলমাত্র মেক্সিকোবর্গ ও পূর্ব প্রাশীয়াই চাষের কাজে তেমন অগ্রসর


বাভেরীয়ার গ্রাম্য নারী। (মুগা কাটছেন ছুরির সাহায্যে সুন্দর করে!)

জার্মানীর ধনাগমের একটা প্রধান অবলম্বন হ'চ্ছে তার কৃষি বিভাগ; তবে সেকালের মতন এখন আর কৃষিকার্যই জার্মানীর প্রধান উপজীবিকা নয়।

হ'তে পারেনি বলে কৃষি-সম্পদে তারা আজও দীন হয়ে আছে। ফলে এতদুভয় অঞ্চলে শোচনীয় দারিদ্র্য ও তদনুযুক্ত নীতি-দৌর্ভাগ্যও অত্যন্ত প্রবলভাবে বিদ্যমান

বিগত মহাযুদ্ধের পূর্বে জার্মানীর প্রায় সাড়ে তিন দেখতে পাওয়া যায়।

জার্মানীর অরণ্যসম্পদ এদেশের একটা বিশেষত্ব। মতো বেঁধে ফেলেছেন। এক সুইটজারল্যান্ড ছাড়া বনভূমিকে এরা যেমন করে ঐশ্বর্যের আকর ক'রে তুলেছে পৃথিবীর আর কোনও দেশই তরঙ্গবেগকে এমন এমনটি আর কোথাও দেখতে পাওয়া যায় না। সমস্ত করে কাজে লাগাতে পারেনি। সেখানে জলের স্রোতের



রাইচ্টাগ ( Reichstag ) ( জার্মান রাষ্ট্রসভার দৃশ্য )

অরণ্য-ভূভাগ এরা সমস্তে রক্ষা করে। কোন্ বনে কি কি গাছ কতগুলি ক'রে আছে জার্মানী তার হিসাব একেবারে নখদর্পণে রেখে দেয়। কোন্ জঙ্গল থেকে বার্ষিক কত আয় হওয়া সম্ভব, তারও তালিকা জার্মানীর অরণ্য-বিভাগের খাতায় নথিবদ্ধ করা আছে। অরণ্যের তত্ত্বাবধান করা জার্মানীর রাষ্ট্রীয় ব্যাপারের প্রধান কার্য। এই কার্যে যে সকল কর্মচারী নিযুক্ত হ'ন, তাঁরা আরণ্যবিজ্ঞান বিশেষ ভাবে পারদর্শী হয়ে পরীক্ষায় উত্তীর্ণ হ'তে পারলে তবে এই বিভাগে নিয়োজিত হন। আরণ্য-বিজ্ঞান উপযুক্ত শিক্ষা দেবার জন্য জার্মানীর বিশ্ববিদ্যালয়ে ছাত্রদের জন্য বিশেষ বিভাগ আছে।

জার্মানীর নদী ও ঝর্ণাগুলি সবই প্রায় বৈজ্ঞানিকরূপে 'বস্ত্ররাজ বিভূতির'

বেগে অনেক কলকারখানা চ'লেছে। এ ছাড়া বৈদ্যুতিক শক্তি উৎপাদনের জগুই বিশেষ করে তাবা অসংখ্য প্রবাহের গতিকে শৃঙ্খলাবদ্ধ করে দেখেছে। জার্মানীর যে কোনও



শবযাত্রা (এঁরাও সকলে 'স্কেট' করে বরফের উপর দিয়ে শব নিয়ে চলেছেন।)

একটা গণ্ডগ্রামেও পথে পথে এবং পর্ণকুটীরেও "বিজলী বাতী" জ্বলছে দেখতে পাওয়া যায়।

• কুটীর-শিল্প অবলম্বনেও জার্মানীর অসংখ্য নরনারী

এই সব দিকেই সে দেশের লোকের যৌক ক্রমেই বেড়ে যাচ্ছে দেখা যায়। প্রাণীয়ার রাইনল্যান্ড ও ওয়েস্টফেলিয়া

প্রদেশ এবং শ্রাবলনী কলকারখানার জন্ম প্রসিদ্ধি লাভ করেছে। লৌহ ও ইস্পাতের বড় বড় কলকারখানা সমস্তই এই ওয়েস্টফেলিয়া ও উত্তর সাইলেশীয়ায় অবস্থিত। উত্তর সমুদ্র ও বার্টিক সাগর-কূলে সুবৃহৎ জাহাজ নির্মাণের একাধিক কারখানা আছে।

রাসায়নিক ও রঞ্জন (৩২) বিজ্ঞান বহু বৈজ্ঞানিক গবেষণার ফলে আজ সেখানে এই দুই বিভাগেরই আশ্চর্য্য রকম উন্নতি হয়েছে।

তুলা ও পশমের কারবারে প্রাণীয়াই জার্মানীর অন্ত সকল প্রদেশ অপেক্ষা অগ্রণী। সাদা কাপড়ের খান, ছিটের



খাত্রীবিদ্যা শিক্ষার্থিনী ছাত্রীরা শিশুদের ওজন পরীক্ষা করছে।

তাদের জীবিকার সংস্থান করছে। কৃষি ও কুটীর-শিল্প ছাড়া জার্মানরা কলকারখানার কাজে ও ব্যবসায় বাণিজ্যেও বিশেষ মনোযোগী হয়ে উঠেছে। বরং চামের কাজের চেয়ে


কাপড়, মোজা, গেঞ্জী, লেস্ এবং রেশমের কারবারেও জার্মানীর যথেষ্ট প্রসার প্রতিপত্তি। কাচ, চীনেমাটির দ্রব্যাদি, ছোট বড় ঘড়ী, কাগজের মালমশলা ও অস্ত্রশস্ত্রের কারখানা আর



খেলনা-পুতুল প্রভৃতি ছোট খাটো সৌখীন দ্রব্যাদি প্রস্তুতেও জার্মানী একেবারে সবাইকে টেকা দিয়েছে।

কোনও দেশের জাতীয় চরিত্রের বিশেষত্ব এবং তাদের

একটু সামলে উঠতে না উঠতেই নেপোলীয়ানের সঙ্গে জার্মানীর সংঘর্ষ উপস্থিত হ'ল। এর ফলে জার্মানীতে একটা জাতীয় জাগরণের সাদা পড়ে গেছিল! জার্মানীর খণ্ড খণ্ড



সৈন্য পরিদর্শন ( গণতন্ত্রের ভূতপূর্ব সভাপতি হার্ব ফ্রেডরীক এবার্ট জার্মান বাহিনী পরিদর্শন করছেন। )

সামাজিক বিধি-ব্যবস্থা যে সেই জাতির প্রাচীন ইতিহাসের ধারা অনুসারে গ'ড়ে ওঠে, এ কথাটা অনেকখানি সত্য হ'লেও, জার্মানীর বেলা কিম্বা এর একটু বিশেষত্ব দেখা যায়!—এ দুটোর সঙ্গে তাদের যেন একটু ভিন্নরূপ সম্বন্ধ! জার্মানদের ব্যক্তিগত ও পারিবারিক কয়েকটি বিশেষ গুণই তাদের এই ব্যবসায়ের পথে আজ এতটা অগ্রসর করে দিয়েছে। ব্যবসায়-বুদ্ধি ও কাজের যোগ্যতা যেন এদের ব্যক্তিগত সম্পত্তি।

১৮৭১ সালে জার্মানীর রাষ্ট্রীয় একতা লাভের পূর্বে জার্মান জাতকে দীর্ঘকাল ধ'রে একটা কঠোর অনুশাসনের ভিতর দিয়ে যেতে হ'য়েছিল। কয়েক শতাব্দী ধ'রে জার্মানীর ইতিহাস ছিল শুধু তার আভ্যন্তরীণ আন্তর্জাতিক যুদ্ধ-বিগ্রহের এবং বিদেশীর আক্রমণ ও উৎপীড়নের। বারম্বার জার্মানী বিধ্বস্ত হ'য়েছে, তার জনপদ স্থানে পরিণত হয়েছে—১৬১৮ থেকে ১৬৪৮ সাল পর্যন্ত তিরিশ বৎসর-ব্যাপী যে বিপুল যুদ্ধ চলেছিল তাতে জার্মানী একেবারে জনশূন্য মরুভূমিতে পরিণত হ'য়েছিল। এই সর্বনাশ থেকে



জার্মানীর ডাক্তারখানা

রাজ্য ও বিভিন্ন জাতি একত্র হ'য়ে যখন একটা বড় জাতি  
ও অধঃদেশ গড়ে তুলতে বন্ধপরিকর হ'য়ে উঠল, তখন




বার্লিনের লাইপ্‌জিগার্ব ট্রাসে (ষ্ট্রিট)

মাত্র কতকগুলি দেশের চোখ টাটাল'। জার্মানীর  
ওচ্ছিন্ন ও বিক্ষিপ্ত হ'য়ে থাকাটাই ছিল তাদের স্বার্থের

অনুকূল। তারা তাই জার্মানীর এই একতা লাভ ও সম্ভব হবার  
চেষ্টাকে প্রাণপণে বাধা দিতে উদ্বৃত হ'ল। ফলে  
তোয়েনজোলার্নদের অধীনে এক মহা জার্মান সাম্রাজ্য  
প্রতিষ্ঠিত হবার আগে জার্মানীকে আরও তিনটি যুদ্ধে নামতে  
হ'য়েছিল। এরূপ অবস্থায় কোনও জাত যখন বিপদকে  
কাটিয়ে বেড়িয়ে আসে, তখন দেখা যায়—হয় সে দুর্বল হ'য়ে  
পড়েছে, নয় সে অধিকতর শক্তিশালী হয়ে উঠেছে! সৌভাগ্য-  
বশত: জার্মানী এই অগ্নি-পরীক্ষায় উত্তীর্ণ হ'য়ে বেড়িয়ে  
এসেছিল অধিকতর ক্ষমতাবান হ'য়ে! কিন্তু এই যে বেঁচে  
থাকবার জন্ত, নিজের অস্তিত্ব বজায় রাখবার জন্ত তাকে  
ক্রমাগত যুদ্ধ ক'রতে হ'য়েছিল এরই ফলে জার্মানী  
একটা বীর যোদ্ধার জাতে পরিণত হ'য়েছিল। রণশাস্ত্রে  
এরা তাই জনে জনে বিশেষ পারদর্শিতা লাভ করেছিল।

দেশের প্রাকৃতিক অবস্থাও ঠিক এদের উন্নতির পক্ষে  
অনুকূল ছিল না বলে এই নবীন জার্মান জাতকে সেদিন  
প্রকৃতির সঙ্গেও অবিরাম যুদ্ধ ক'রতে হ'য়েছিল। কৃষি ছিল  
তখন এদের প্রধান সম্পদ—অথচ দেশের জলহাওয়া ছিল সে  
সম্পদের প্রধান বাধা! ক্ষণিকের নিদ্রাব এবং সুদীর্ঘ ও  
সুকঠোর শীতের সঙ্গে হৃদয় করে এদের কৃষিকার্য ক'রতে  
হতো। এদের দেশের খনিজ-সম্পদও বৎসামাত্র! জার্মানীর



চিডাকন। (বস্তু দেখে তার চিত্র আঁকতে দেখানো হ'ছে।—এখানে আঁকবার বিষয়টি হ'ছে গাজী মোজা।)

উত্তরে ও উত্তরপূর্ব অঞ্চলে বিস্তৃত বালুকাময় ভূখণ্ড পড়ে আছে। অতি কষ্টে ও বহু পরিশ্রমে হয়ত এই বালিয়াড়ী থেকেই, মানুষ ও ঘোড়ার উপযুক্ত খাণ্ড উৎপন্ন করা যেতে


জার্মানদের পারিবারিক জীবন সম্বন্ধেও কতকগুলি বিশেষত্বের উল্লেখ করা যেতে পারে, যেগুলি এই জাতকে আদর্শ গৃহস্থও ক'রে তুলেছে। প্রথমতঃ এদের প্রত্যেকেই



প্রাণীমার পার্কিং দিনে। (ছেলেরা বাড়ী বাড়ী দিধে সেধে বেড়াচ্ছে।)

পারে। এ ছাড়া জার্মানীর মধ্য প্রদেশের দক্ষিণ-পূর্ব হতে উত্তর-পশ্চিম পর্যন্ত যে পর্বত-শৃঙ্খল বিস্তৃত রয়েছে, এ অংশেও চাষের বিশেষ অসুবিধা। শত্রু উৎপাদন এ অঞ্চলে একেবারে দুঃসাধ্য না হ'লেও একান্ত কষ্টসাধ্য।

জার্মানীর যে লৌহ কারখানা আজ জগতের মধ্যে সর্বোত্তম ব'লে খ্যাত হ'য়েছে, তার অস্তিত্ব রক্ষা এবং অগ্রাণু কলকারখানা চালানোও জার্মানীর পক্ষে একদিন কঠিন হ'য়ে উঠেছিল—তাদের দেশে কাঁচা মাল মশলার অভাবে! নিয়ত অভাব ও অসুবিধার বাধা সম্মুখে উপস্থিত হওয়াতে অভীষ্ট লাভের জন্ত জার্মানীর জিদ আরও বেড়ে উঠেছিল এবং সেই জন্তেই সে নানা বৈজ্ঞানিক উপায়ে ও বুদ্ধিবলে তার সকল প্রতিবন্ধক চূর্ণ করে এগিয়ে আসতে পেরেছে! এই শিল্প বিজ্ঞানে সিদ্ধিলাভ জার্মানীকে আশাতীত উন্নতির শিখরে তুলে দিয়েছে। যথাকালে এদিকে সচেঁট না হ'লে জার্মানীকে আজ যুরোপের এক দীন দরিদ্র নগণ্য তুচ্ছ দেশ হ'য়ে পড়ে থাকতে হ'তো।



বার্লিন সহরের দৃশ্য ( উণ্টার ডেন্ লিওন্ নামক বিস্তৃত রাজপথ )

ঘরের একটা বাধাবাধি নিয়ম আছে যেটা এরা কিছুতেই লঙ্ঘন করে না। এদের মিতব্যয়িতা, আয়ের অল্পপাতে হিসাব করে খরচা করা, এদের কথার ও কাজের কোনও দিন অনৈক্য না হওয়া, সর্বদা বংশের খ্যাতি, প্রতিপত্তি এবং সম্মান বজায় রেখে চলবার চেষ্টা—এই সকল সদগুণের জগুই এরা জাতি হিসাবে এত শীঘ্র বড় হ'য়ে উঠতে পেরেছে।

বিগত মহাযুদ্ধের পর জার্মানীর পারিবারিক শৃঙ্খলা কিছু পরিমাণে



শিশুদের ছাত্রগণ। ( ক্লাশে বসে ছেলেরা ছবি আঁকা শিখছে। )



ছুটির ঘণ্টায়। ( টিফিনের সময় ছেলেরা মাঠে বসেই জল-যোগ করছে। )

টিলে হয়ে পড়লেও এখনও গৃহস্থামীর কর্তৃত্বের অধিকার একেবারে লুপ্ত হয়নি। মোটের উপর যুরোপে আর অন্য কোনও দেশ নেই যেখানে গৃহস্থের জীবন এতটা সুস্থশান্ত ও সুনিয়ন্ত্রিত দেখতে পাওয়া যায়। একটা কথা প্রায়ই শুনেতে পাওয়া যায় যে জার্মানীতে স্ত্রী মধ্যবিত্তের কথা ছেড়েই দাও, মজুরদের মধ্যেও শিশু-রক্ষণের জগু শিশুমঙ্গল ও শিশুকল্যাণকর নানা ব্যাপারের যেকোনও বিধি ব্যবস্থা আছে জগতের অন্য কোনও দেশে তা নেই।



ধাত্রীবিশালঘরের ছাত্রীরা।

এ ছাড়া জার্মানীর আর একটা প্রধান গুণ হচ্ছে তারা অতি সচ্চরিত্র জাত! বাইবেলোক্ত ঈশ্বরের দশটি আদেশের মধ্যে পঞ্চম আজ্ঞার প্রতি এদের মত শ্রদ্ধাবান খৃষ্টান জগতে খুঁজে পাওয়া যায় না! এগুলো সবই জার্মানীর জাতীয় জীবনকে শক্তিশালী ও গৌরবময় করে তুলতে যথেষ্ট সাহায্য করেছে।

জার্মান মেয়েরা ভারি পরিষ্কার পরিচ্ছন্ন। তারা নোংরা বা ময়লা একেবারেই দেখতে পারে না! রাতদিন ঘরদোর ধোয়া মোছা ঝাড়া পরিষ্কার করা এই নিয়েই আছে।

যুরোপের অন্যান্য দেশের মেয়েরা তাই জার্মান মেয়েদের ঠাট্টা করে বলে—ওরা 'এত' গুচি-বায়ুগ্রস্ত যে রাস্তার ধারের 'মাইল ষ্টোন' (দূরত্ব নির্দেশক শিলাখণ্ড) গুলো পর্যন্ত ধুয়ে রাখে!

পূর্ব ব্যবস্থা অনুসারে জার্মানীর একটা মস্ত সুবিধা এই ছিল যে—প্রত্যেক খণ্ড খণ্ড ক্ষুদ্র রাজ্যগুলির রাজধানী তাদের অতিরিক্ত জাঁকজমক প্রভৃতি একাধিক দোষ সত্ত্বেও, শিক্ষা ও সভ্যতার উন্নতি ও প্রসারের দিক দিয়ে জার্মান জাতকে বড় করে তোলবার পক্ষে যথেষ্ট সহায়তা করতো এবং করেওছে। 'ফ্রেডরীক 'দি গ্রেটের' সময় পটস্‌দামের দান, কার্ল আগষ্টের সময় "ওয়াই-মারের"—রাজা ম্যাক্সিমিলিয়ানের




জার্মান জননী! ( যুরোপে ছেলে মেয়েদের প্রতি বিশেষ দৃষ্টি রাখতে ও যত্ন করতে জার্মান জননীদের মতো আর কোনও জাতের মেয়েদের দেখা যায় না। )



গির্জার পথে। ( ওয়েস্ট্‌ন, মেয়েরা সাপ্তাহিক উপাসনার অন্তর্গত গির্জাভিষুখে চলেছে। )



সময় 'মিউনিশের' প্রাধান্য প্রতিপত্তি খুবই ছিল। এই সব রাজসভা এবং ষ্টাট-গোর্ট, ড্রে স্ ডেন, কা ল শ্র, ব্রান্স-উইক্ প্রভৃতি আরও অস্ত্রান্ত ছোট ব'ড় রাজধানীগুলি বরাবরই জ্ঞানের আলোক ও শিক্ষার উৎকর্ষের কেন্দ্রস্থল ছিল। এই রাজধানীগুলি থেকেই শিল্প ও সাহিত্য, নাট্য ও সঙ্গীত প্রভৃতি ললিত-কলার সৌন্দর্য্য ও স্বাদ সমগ্র জার্মানী উপভোগ করতে শিখেছিল।



কলেজের উৎসবে। (ছেলেরা সখের সৈন্তদের পোষাক পরে—উৎসবে যোগদান করে আমোদ-করছে।)

প্রাচীন জার্মানীতে যদি এই রকম বিশ পচিশটি পৃথক্ রাজ্য না থাকতো, কেবল যদি একমাত্র রাজধানী সুদূর বার্লিন থেকেই শিক্ষা-



খোলামাঠে পড়া (গ্রীষ্মের দিনে ছেলেদের কুল ঘরের মধ্যে আবদ্ধ না রেখে খোলা মাঠে এনে পড়ানো হয়।)

সভ্যতা-জ্ঞান-বিজ্ঞান! ও শিল্পকলার টেউ আসবার অপেক্ষায় জার্মানীকে বসে থাকতে হ'তো, তাহলে সমগ্র জার্মানী আজও মানুষ হ'য়ে উঠতে পারতো কি না সন্দেহ! এ ছাড়া 'বার্লিন' যে সমগ্র সাম্রাজ্যের গুরুভারে একেবারে 'প্যারির' মতো প্রপীড়িত হ'য়ে পড়ে নি, তার প্রধান কারণ হ'ছে, এক অথও মহাসাম্রাজ্যে পরিণত হয়েও জার্মানী তার প্রাচীন অভ্যাস মতো নিজ নিজ প্রদেশগত স্ব স্ব প্রাধান্য ও বিশেষত্ব একেবারে পরিত্যাগ করে নি। কাজেই রাষ্ট্রীয় দায়িত্ব ও

শাসনের গুরুভার সবটাই বার্নিনের স্বন্ধে আসবার ফলে জার্মানীর ব্যক্তিগত স্বাধীনতা সে সময়ে অনেকখানি ক্ষয়পাইয়াছিল।

আসবার ফলে জার্মানীর ব্যক্তিগত স্বাধীনতা সে সময়ে অনেকখানি ক্ষয়পাইয়াছিল।



পরিচ্ছন্নতার পরিচয়। ( বার্নিনের একটি বিদ্যালয়ে প্রত্যেক ছাত্র ছাত্রীদের আর্শী-চিকনী ক্রম ও দাঁতমাজা ও মুখ ধোবার সরঞ্জাম এনে স্কুলে রাখতে হয়। একটি ঘরে তাকের উপর; নম্বর দেওয়া সেগুলি ঝুলানো থাকে। ইস্কুলে এসে টিফিনের পর এবং বাড়ী যাবার সময় তাদের এগুলি ব্যবহার করতে হয়। )

এই জাত নূতনকে বরণ ক'রে নিয়ে যুগধর্মের বর্তমান গতির সঙ্গে সমতালে পাই ফলে এগিয়ে চ'লেও সে তার প্রাচীন ও পুরাতনকে একেবারে নিঃশেষে বর্জন ক'রে দেয়নি। সাবেকের মধ্যে যা' যা' শ্রেষ্ঠ ও সুন্দর ছিল—যার মূল্য অক্ষয় এবং যার প্রয়োজন শাস্ত্র কালের বলে সে বুঝতে পেরেছিল, তাকে সাগ্রহে ধ'রে রেখেছে।

জার্মানীর প্রাচীন ব্যবস্থার গুণও ছিল যেমন, তার দোষও ছিল তেমনি একাধিক। প্রত্যেক পৃথক পৃথক ক্ষুদ্র রাজ্যের নরপতিগণের অপ্রতিহত ক্ষমতা ও স্বৈচ্ছাচারিতার

সে বিষয় প্রভাবে তারা জর্জরিত হ'য়ে উঠেছিল। সর্ব্বরকমে রাজশক্তির্ মুখাপেক্ষী হ'য়ে থাকার দরুণ জার্মানরা তাদের স্বকীয় বুদ্ধি অনুযায়ী কার্যকারিকা শক্তি হারিয়ে ফেলেছিল।

জার্মানীর সামাজিক অবস্থাও তখনকার দিনে এই রাজকীয় প্রভাবের হাত এড়িয়ে চলতে পারত না। রাজ-সরকার থেকে উপাধি ও খেতাব পেয়ে আভিজাত্যগৌরব লাভ করবার একটা প্রবল ঝোক সে সময় জার্মানদের মধ্যে খুব বেশী দেখা যেতো। যারা বনিয়াদি পুরাতন সন্ত্রাস্ত ঘরের লোক তাদের কথা স্বতন্ত্র, কিন্তু যারা রাজসরকারের অনুগ্রহলাভ সম্মানে সুসজ্জিত হ'য়ে সন্ত্রাস্ত সাজতে চাইত, তারা দেশের যথার্থ বড়লোক হ'য়ে উঠতে পারতো না কোনও দিনই! লাভের মধ্যে শুধু প্রকৃত সন্ত্রাস্ত ব্যক্তিদের নামের পূর্বে যে 'ভনু' ( Von ) শব্দটি ব্যবহার হ'তো, যেমন ফরাসীদের 'ডি' ( De ) শব্দটি ব্যবহার হয়, সেটি প্রায় সবার নামের পূর্বেই দেখা যেতে লাগল।



বোট বসে পড়া। ( নৌকা ক'রে বেড়াতে বেড়াতে জার্মান ছাত্রেরা অনেকে পাঠাভ্যাস করে। )

শুধু 'খেতাব' নয়, রাজ-সরকারে চাকুরী পাবার একটা বিধম প্রলোভনও তাদের মধ্যে এসে পড়েছিল; কারণ 'উপাধি' সংগ্রহ করবার ওইটাই ছিল তখন সোজা পথ। কাজেকাজেই জাৰ্মানীর উপাধিধারী ব্যক্তিদের মধ্যে গভৰ্মেণ্টের চাকরের সংখ্যাই বেশী দেখতে পাওয়া যায়। তৈলকীট যেমন কোনও দিনই পক্ষীপদবাচ্য হ'তে পারে না, তেমন এই সব খেতাবলুক চাকরে ও ব্যবসায়ীদের কোনও দিনই প্রকৃত সম্ভ্রান্ত হবার আশা ও সম্ভাবনা নেই।

অনেকে মনে ক'রেছিলেন যে দেশে জনমত প্রবল হ'য়ে উঠলে এবং গণতন্ত্র প্রতিষ্ঠিত হ'লে এই উপাধিব্যাধিগ্রস্তরা আরোগ্য হ'য়ে উঠবে! কিন্তু ছঃখের বিষয় যে রোগ আরও বেড়ে গেছে দেখা যাচ্ছে! এমন কি ওটা আজকাল ছোট-খাটো চাকরেদের মধ্যেও সংক্রামিত হ'য়ে পড়ছে!

জাৰ্মানীর কয়েকটা প্রধান প্রধান জাতির চরিত্রের বিশেষত্ব সম্বন্ধে পূৰ্বেই উল্লেখ করেছি। এইবার সমগ্র জাৰ্মান



হাইপ্ৰিজিগের লে।। ( বিভিন্ন ব্যবসায়ীর বিজ্ঞাপনের ঘটা! )



শিক শিল্পীর দল (প্রকৃতির সৌন্দর্য থেকে ছাড়াই চিত্রকলা-শিল্প শিক্ষা ক'রবে)


জাতির এমন কতকগুলি বিশেষ গুণের আলোচনা করা যাক—যে গুণগুলি ওদের রাজ্যরাজ্‌ড়া থেকে আরম্ভ ক'রে জনসাধারণের মধ্যেও দেখতে পাওয়া যায়। প্রত্যেক জাতিরই নিজের নিজের একটা প্রকৃতিগত বৈশিষ্ট্য থাকে, যেটা জাতির সভ্যতা, রাষ্ট্র-গোষ্ঠী, ইতিহাস, আবহাওয়া, সামাজিক ও পারিপার্শ্বিক অবস্থা এবং সম্প্রদায় হিসাবে গড়ে ওঠবার শাস্ত্র সংঘত বা উগ্র-উচ্ছ্বল গতি অহুসারে জন্ম লাভ করে। জাৰ্মানদের সম্বন্ধে এক কথায় বলা হয় যে তারা পূর্ব 'কালো জাতি'।

অর্থাৎ মোটেই ভাবপ্রবণ নয়।  
কখনই আবেগে অধীর হ'য়ে  
ওঠে না এবং চপলতা কাকে  
বলে জানে না। তারা যেন  
সংযত ও নিরুদ্ধেগ মানুষের  
আদর্শ। কিন্তু এ কথাটা সম্পূর্ণ  
সত্য নয়। অধিকাংশ জার্মান  
মোটাই সংযত ও নিরুদ্ধেগ নয়।  
বরং তারা খুব ক্ষুর্তিবাজ আয়ুদে  
এবং ভাবের দিক দিয়ে তাদের  
হৃদয় একেবারেই উদাসীন নয়!  
তবে তাদেরই বিভিন্ন জাতের  
মধ্যে ওটার ওজন একটু কম  
বেশী হতে পারে।

মোটের উপর জার্মানরা  
বেশ একটা হৃদয়বান মরমী



সভাগৃহের সম্মুখে।



বার্লিনের “পটসডামারপ্লাটজ” নামক চৌমাথা। ( অনেকগুলি বড় বড় রাস্তা এসে এখানে একত্র মিশেছে  
গাড়ী ঘোড়া ট্রাম মোটর ও লোকজনের ভিড় এখানে সদা সর্বদা! )


ও দরদী জাত। শিল্পানুরাগী, সামাজিক সভ্যতার চরম উন্নতিকামী, মিশুক, অতিথিবৎসল, উদারচরিত, দয়াল, অজ্ঞাত অপরিচিতকে সাহায্য করতে কোনও দিনই সে পঁরাণুধ নয়। এ ছাড়া বন্ধুবৎসল জাত ও জার্মানদের মতো এমন খুব কমই দেখা যায়। সঙ্গীত ও নাট্যকলা যেন তাদের একটা নেশার মতো! সহরের কথা ছেড়ে দাও—এমন কোনও গ্রাম নেই, যেখানে একটা গাইয়ে-বাজিয়ের দল তাদের আখড়া বা আড্ডা খুলে বসেনি। বড় বড় শহরে মিউনিসিপ্যালিটির সাহায্যেই থিয়েটার-গৃহ, সঙ্গীত-ভবন, কলাভবন ও যাহূবর প্রভৃতি নিশ্চিত হয়। প্রত্যেক শহরেই নাট্যমন্দির আছে এবং সেখানে নিত্য অভিনয় হয়। জার্মানীর একটা অতি নগণ্য ক্ষুদ্র শহরেও এমন উচ্চ অঙ্গের অভিনয়কলা দেখতে পাওয়া যায় যে বিলাতের প্রধান শহর লণ্ডনের শ্রেষ্ঠ থিয়েটারের অভিনয়ের সঙ্গে তার তুলনা হ'তে পারে! জার্মানরা থিয়েটারকে কেবলমাত্র আমোদ উপভোগের স্থান ব'লে মনে ক'রে না। নাট্যাভিনয়কে তারা শিক্ষা ও সভ্যতায় উৎকর্ষ লাভের উপায় বলেও মনে করে। শেক্সপীয়ার প্রভৃতি একাধিক ইংরাজ নাট্যকারের রচিত নাটকাবলী জার্মানিতে এত বেণীবার অভিনীত হয়েছে এবং এখনও হয়, যা তাদের নিজেদের দেশে কখনও হয়নি এবং হবার সম্ভবনাও কম। জীবনের সামাজিক সম্বোধনের দিক থেকে হোটেল, চটি, পাস্বনিবাস ভোজনালয়, পানশালা প্রভৃতি স্থানগুলি জার্মানীর পক্ষে বিশেষ প্রয়োজনীয় ব'লে বিবেচিত হয়।

জার্মানদের নামে 'মাতাল' বলে যে একটা বদনাম রটেছে সেটাও সম্পূর্ণ অলৌক। 'বীয়ার'টা তারা একটু বেশী পরিমাণে খেলেও তারা খুব কমই 'ব্র্যাঞ্জী' পান ক'রে। তাদের মতো ঠাণ্ডা দেশে 'বীয়ারটাকে' ঠিক মদ বলা চলে না; ওটা একটা নির্দোষ পানীয় মাত্র।

জার্মানরা খুব উচ্চ শ্রেণীর বক্তা! তাদের দেশের রাজনৈতিক আন্দোলনকারী, রাষ্ট্রসভার সভ্য, অধ্যাপক, ধর্মপ্রচারক, পুরোহিত, উকীল, মোক্তার প্রভৃতি এক

একজন একেবারে বক্তার রাজা। একাদিক্রমে এরা ছয় ঘণ্টা দাঁড়িয়ে বক্তৃতা দিয়েও ক্লান্তিবোধ করে না।

জার্মানদের আর একটা প্রধান বিশেষত্ব হচ্ছে, তাদের প্রকৃতির রূপশ্রীর প্রতি অহুরাগ! প্রাকৃতিক শোভা ও সৌন্দর্য তাদের মনের উপর বেশ গভীর প্রভাব বিস্তার



লাইপ্জিগের মেলায় (বিভিন্ন ব্যবসায়ীর বিজ্ঞাপনের ঘটা!) করে। এই ঞ্গেই জার্মানীর কাব্য-সম্পদ অতুলনীয় হ'য়ে উঠেছে! সকল জিনিস বিচার বিশ্লেণ করে দেখবার প্রবৃত্তিটা তাদের মধ্যে সহজাত বলে তারা গোঁড়া হয়েও গোঁড়ামীর প্রশ্রয় দেয় না। ধর্ম-বিশ্বাসী হয়েও নৈস্তিককে ঘৃণা করে না। একটা কোনও 'মত' ও 'পন্থার' পক্ষপাতী

হ'লেও কোনও 'মত' বা 'পন্থাকে' তারা ক্রব বলে মানে না। বিধি-বিধান মেনে চ'লেও কোনও বিধি বিধানই তাদের আক্রমণের হাত এড়িয়ে যেতে পারে না। তাদের সংগঠন-শক্তি ও বুদ্ধির চেয়ে ধ্বংস ও চূর্ণ করার দিকেই ঝোঁকটা একটু বেশী দেখা যায়।

রসিকতা এরা উপভোগ করতে যতটা পটু, রস-রহস্য উদ্ভাবনে ততটা দক্ষ নয়। এ বিষয়ে ইংরেজরা এদের চেয়ে বড়। ইংলণ্ডের যে কোনও একখানা হাসি-তামাসার কাগজ নিয়ে জার্মানীর এই শ্রেণীর পত্রিকার



জার্মানীর কাঁচের কারখানা

সঙ্গে তুলনা করে দেখলেই এটা সহজে ধরা পড়ে। রগড় দেখা ও রগড় করার অনেক তফাৎ। জার্মানদের মধ্যে জাতীয়

গুণাবলির অনেক ঐক্য থাকা সত্ত্বেও আচার ব্যবহারের বহু বিপর্যয় অনৈক্যও দেখা যায়। উত্তরের সঙ্গে দক্ষিণের

বাজারের পথে। (জার্মানীর 'স্পীওয়াল্ড' অঞ্চল শীতের দিনে বরফাচ্ছন্ন হ'য়ে থাকে। এখানকার প্রত্যেক জার্মান 'স্কেটিং' জানে। স্কেট করতে না জানলে বরফে ঢাকা রাজপথে চলা অসম্ভব। একজন কৃষক 'স্কেট' করে বগলে মাল নিয়ে বাজারে চলেছে।)

ও পূর্বের সঙ্গে পশ্চিমের অনেক বিষয়ে গরমিল আছে। এ সম্বন্ধে পূর্বে বিশদভাবে বলা হয়েছে।

জার্মান সহরগুলিতে বড় বড় পাকা বাড়ী অসংখ্য আছে বটে, কিন্তু গ্রামের কৃষক অধিবাসীরা সবাই কুটীরবাসী। তাদের অধিকাংশ কুটীরই কাঠের তৈরী। কেউ কেউ শুধু কাঠের কাঠামো ও চালা রেখে, দেয়ালগুলি সব ইঁট ও বালি চূণের দ্বারা নির্মাণ ক'রেছে। উত্তরাঞ্চলের কৃষকেরা সকলেই প্রায় তাদের ক্ষেতের ধারেই বাড়ী করে বাস করে। কিন্তু বাভেরীয়ার কৃষকরা গ্রামের মধ্যে বাস করতেই ভালবাসে। গ্রাম থেকে তাদের ক্ষেত অনেক দূরে হ'লেও তারা গ্রাম থেকেই ক্ষেতে যাওয়া-আসা করে।

এই কৃষি-জীবী জার্মান অধিবাসীদের পোষাক-পরিচ্ছদের বৈচিত্র্য এত বেশী যে, তা খুঁটিয়ে বর্ণনা ক'রতে গেলে একখানি মহাভারত হ'য়ে পড়বে। ধর্মসংক্রান্ত যে কোনও উৎসবের সময় সাজ-পোষাকের এই বৈচিত্র্য খুব বেশী চ'খে পড়ে। স্ত্রীলোকের ও পুরুষের পোষাকের পার্থক্য ছাড়া সেখানে বয়স হিসাবে, পদমর্যাদা হিসাবে এবং সামাজিক অবস্থা ও পোষাকের বিশেষ বিশেষ তারতম্য আছে। (ক্রমশঃ)

# বর্ণাশ্রম-ধর্ম ও ভারতবর্ষের অধোগতি

শ্রীপ্রসন্নকুমার সমাদ্দার

আষাঢ় মাসের 'ভারতবর্ষে' শ্রীযুক্ত বসন্তকুমার চট্টোপাধ্যায় এম-এ মহাশয়ের "বর্ণাশ্রম-ধর্ম এবং ভারতবর্ষের অধোগতি" শীর্ষক প্রবন্ধ পাঠ করে' তৎসম্পর্কে দু'একটা কথা বলা কর্তব্য মনে কচ্ছি ; কারণ ভারতবর্ষের প্রগতি না অধোগতি বিষয়ক প্রবন্ধ-নিবন্ধ-মাত্রই বিশেষ ভাবে আলোচনা করা প্রত্যেক ভারতবাসীর কর্তব্য ।

বসন্তবাবুর প্রবন্ধ পাঠে যতদূর বোঝা যায়, তা থেকে মনে হয়, প্রবন্ধটি বিশ্বকবি রবীন্দ্রনাথের "শূদ্রধর্ম" নামক প্রবন্ধের সমালোচনা ব্যপদেশে লিখিত এবং প্রবন্ধের প্রতিপাত্ত বিষয় আমাদের দেশে বর্ণাশ্রম-ধর্মের শ্রেষ্ঠতা ও প্রয়োজনীয়তা প্রতিপন্ন করা । লেখক মহাশয়ের মতামত সম্বন্ধে আলোচনা করবার পূর্বে দেখা যাক, বিশ্বকবি তাঁর 'শূদ্রধর্ম' প্রবন্ধে কি বলতে চেয়েছিলেন এবং তাঁর বক্তব্য সত্য সত্য যুক্তিসঙ্গত কি না । কবি বলেছেন "যে সকল কাজ বাহ্য অভ্যাসের নয়, যা' বুদ্ধিমূলক বিশেষ ক্ষমতার দ্বারা ই সাধিত হতে' পারে তা ব্যক্তিগত না হ'য়ে বংশগত হতেই পারে না ; যদি তাকে বংশে আবদ্ধ করা হয়, তাহলে ক্রমেই তার প্রাণ মরে' গিয়ে বাইরের ঠাট্টাই বড় হয়ে উঠে । \* \* \* \* \* আসল জিনিস মরে' যাওয়াতে আচারগুলি অর্থহীন বোঝা হয়ে উঠে, জীবনপথের বিঘ্ন ঘটায় ।" বিশ্বকবির কথাগুলি তথাকথিত বর্ণাশ্রম-ধর্ম-প্রণালীর ঘোরতর বিরোধী হলেও, যে মানব-সাধারণের স্বভাবসিদ্ধ এবং ব্যবহারিক সত্যের উপর প্রতিষ্ঠিত, সে বিষয়ে সন্দেহ মাত্র নাই ; কারণ, আমাদের দেশে বর্ণাশ্রম-ধর্ম-নির্দিষ্ট আচার অনুষ্ঠান, বংশানুক্রমে চলতে চলতে তার অভ্যাসটা একরূপ পাকা হয়ে গিয়েছে এবং দাস্তিকতা এতদূর প্রবল হয়ে দাঁড়িয়েছে যে, আমরা প্রতিমুহূর্তে বুঝতে পাচ্ছি যে, বর্ণাশ্রম-ধর্মের আত্মা বহুকাল পূর্বে তিরোহিত হ'য়ে অধুনা প্রেতাশ্মা রূপে আমাদের জাতির স্বন্ধে চেপে বসেছে এবং নিরন্তর একটা অর্থশূন্য অভ্যাসগত ছুঁৎমার্গের বিষবাপ্প উদ্গীরণ

করে' সমগ্র জাতিকে নিয়ত নাস্তানাবুদ করে' ফেলছে । আমরা তর্কহলে এ কথা স্বীকার করি বা না করি, কিন্তু প্রতিদিন যে আমরা আমাদের চোখের সম্মুখে এ ঘটনা দেখতে পাচ্ছি, তা' অস্বীকার করবার যো নাই । মহর্ষি মনু বলেছেন—

যোহনধীত্য দ্বিজো বেদমন্ত্র কুরুতে শ্রমম্

স জীবনের শূদ্রানাশ গচ্ছতি সাহসঃ ॥

অস্তার্থ ;—যে দ্বিজ বেদ পাঠ না করে' অন্ত্রে অর্থাৎ ঐহিক বিঘ্নালাভে বদ্ধবান্ হন, তিনি জীবিতাবস্থায়ই সবংশে শূদ্র প্রাপ্ত হন ।

তাহ'লে দেখা যাচ্ছে—মনুর মতে আমরা জাতিশুদ্ধ সকলেই বহু দিন পূর্বে শূদ্রতা লাভ করেছি । অথচ বংশগত ও জাতিগত সংস্কারহেতু তথাকথিত শূদ্র বা নিম্নস্তরের জাতিকে প্রাণপণে ঘৃণা করে' আসছি এবং শাস্ত্রমর্ম্মানুসারে আমরা শূদ্রাধম হয়েও নিম্নতর জাতিকে সমস্ত অধিকার হতে বঞ্চিত করবার স্পর্ধা রাখি । এ দেখেও কি বলা যায় না যে, এই দাস্তিকতা, এই অন্ধ সংস্কার আমাদের জাতীয় জীবনপথের বিঘ্ন ঘটাবে ! বর্ণাশ্রম-ধর্মের যা সম্ভাব্য উপকার, বর্তমানে তার একতিলও আছে কি না সন্দেহ, কিন্তু অপকারগুলি আমরা পদে পদেই অনুভব কচ্ছি । কাজেই বিশ্বকবির বাক্য যে বর্ণে বর্ণে সত্য, তা' নিঃসন্দেহে বলা যেতে পারে ।

তার পর বসন্তবাবুর কথা । তাঁর সুদীর্ঘ প্রবন্ধে নানা স্থানে নানা ভাবে যে কথাটি প্রকট হয়ে উঠেছে, সেটি হচ্ছে কর্ম্মধারা বংশগত তথা জাতিগত হ'লে অনিষ্টের কোন কারণ ত নাই-ই, বরং উন্নতির কারণ যথেষ্ট আছে । যুক্তি-স্বরূপ তিনি দেখিয়েছেন "যে প্রকারের মতিগতি পিতামাতা, পিতামহ, প্রপিতামহ, প্রমাতামহ প্রভৃতি পূর্কপুরুষগণের মধ্য বর্তমান থাকে, পুত্রেরও তদমুরূপ মতিগতি হইবার সম্ভাবনা বেশী ।"

পূর্কপুরুষের গুণাবলি যে বংশপরম্পরায় সঞ্চারিত হয়

অর্থাৎ ব্রাহ্মণের সম্বন্ধে সহজভাবে কতকগুলি ব্রাহ্মণগুণ লাভ করে এবং ব্রাহ্মণতের অপরাপর বর্ণীর পুত্র তত্তৎ বর্ণগুণ লাভ করে, এ কথা অস্বীকার করবার কোনও কারণ নাই; কিন্তু কৰ্মগুণে এবং প্রকৃতিদত্ত প্রবণতার উৎকর্ষ বা অপকর্ষ সাধনের দ্বারা ব্রাহ্মণের পুত্র ক্ষত্রিয়-গুণসম্পন্ন ও ক্ষত্রিয়ের পুত্র ব্রাহ্মণ-গুণসম্পন্ন, অথবা ব্রাহ্মণের পুত্র শূদ্রের গুণসম্পন্ন ও শূদ্রের পুত্র ব্রাহ্মণ গুণসম্পন্ন যে হতে পারে না, এ কথা কি কেউ সত্য এবং ভূয়োদর্শনের মর্যাদা রক্ষা করে বলতে পারেন? সর্কদেশের এবং সর্ককালের ইতিহাসও কি এই কথাই বলে না যে, জাতীয় কল্যাণ বা উন্নতির সহস্র সম্ভাবনা থাকলেও মানববিশেষকে তথা জাতিবিশেষকে জন্ম থেকে কোন নির্দিষ্ট কৰ্মগুণের ভেতর কোন কারণেই বেঁধে রাখা চলতে পারে না? “চাতুর্বর্ণ্যং ময়া সৃষ্টং গুণকৰ্ম বিভাগশঃ” শ্লোকে শ্রীভগবান্ শ্রীকৃষ্ণ স্বয়ং বর্ণ-ধর্মের যে সংজ্ঞা দিয়েছেন, তার অভিপ্রায়ও কি এই তথাকথিত বর্ণাশ্রম-ধর্মের বিরোধী নয়? অবশ্য গুণ ও কৰ্ম অর্থে যদি লেখক মহাশয় বংশ ও জন্ম মনে করে থাকেন, তাহলে পৃথক কথা। কিন্তু তাঁর মত পণ্ডিত লোক যে এরূপ মনে করবেন, তা’ বিশ্বাস হয় না। গুণ কৰ্ম অনুসারে মানুষের বর্ণ-নির্গম মাত্র হতে পারে; যেহেতু বর্ণ, গুণ ও কৰ্মের পরিচায়ক বা নির্দেশ-সংজ্ঞা মাত্র। তাকে কোনরূপেই বংশ বা জন্মের অধীন করা চলে না। বর্ণ পরের জিনিষ এবং যোগ্যতা ও কৰ্মের দ্বারা লভ্য। জন্ম-মাত্রেরই কেহ কোনও বর্ণ-বিশেষ লাভ কর্তে পারে না। মহর্ষি মনুও বলে গিয়েছেন “জন্মনা জায়তে শূদ্র ইত্যাদি।” কাজেই দেখা যাচ্ছে, ভগবান্ শ্রীকৃষ্ণ বর্ণবিভাগ সম্বন্ধে যে প্রণালী নির্ধারণ করে’ গিয়েছেন, তাছাড়া মনুষ্যত্বের মর্যাদা অক্ষুণ্ণ রেখে বর্ণবিভাগ হতেই পারে না। বর্ণাশ্রম-ধর্মের বিষয় আলোচনা কর্তে গিয়ে এই কথাটাই আমরা প্রায়ঃ ভুলে যাই যে, বর্ণ অর্থে জাতি নয়। বর্ণ মানুষের গুণ ও কৰ্মজ্ঞাপক সংজ্ঞা এবং জাতি জন্মগত পার্থক্য-বোধক পরিভাষা। যেমন, বর্ণ বলিতে আমরা ব্রাহ্মণ, ক্ষত্রিয়, বৈশ্য, শূদ্র বুঝি এবং জাতি বলিতে মানবজাতি, গোজাতি প্রভৃতিকে বুঝে থাকি। আমরা যে জিনিষটাকে সমর্থন কর্তে ও যার অপকারিতা এবং অনিষ্টকারিতা ঢাকবার জন্য বর্ণাশ্রম-ধর্মের দোহাই দিয়ে থাকি, সেটা হচ্ছে “জাৎ”,—বর্ণ বা জাতি

নহে। এ জাৎ ছুঁলে যায়, কিন্তু বর্ণ বা জাতি ছুঁৎমার্গের বাইরে।

বসন্ত বাবু এক স্থানে লিখছেন, “বর্ণাশ্রম ধর্ম স্বরূপাতীত কাল হ’তে বংশগত।” এ কথার তাৎপর্য আমাদের বোধগম্য হ’ল না। কারণ একমাত্র বৈদিক ভারতেই অর্থাৎ যে সময়ে ভারতবর্ষে নিছক বেদবিহিত ধর্ম কৰ্মের প্রচলন ছিল, সেই সময়েই বর্ণাশ্রম-ধর্মের অস্তিত্ব ছিল। লেখক মহাশয় এখানে যে যুগের কথা ইঙ্গিতে বলেছেন, সে যুগে বর্ণাশ্রমধর্ম বলে কোন জিনিষ প্রকৃত পক্ষে ছিল না,— ছিল জাতিভেদ-প্রথা। একটু প্রণিধান করলেই তিনি বুঝতে পারেন যে, কালক্রমে যে সময় হ’তে কৰ্ম ও বৃত্তি বংশগত হ’য়ে দাঁড়াল, ঠিক সেই সময় হতেই বর্ণাশ্রম-ধর্মের তিরোধান এবং বৈদিক যুগের অবসান হ’ল। তার পর এল জাতিভেদের যুগ, যে যুগে ব্রাহ্মণ ক্ষত্রিয় বৈশ্য প্রভৃতি সংজ্ঞা বংশ এবং জন্মজ্ঞাপক হ’য়ে উঠল। বৈদিক যুগে গুণ-কৰ্মজ্ঞাপক বর্ণ-ভেদ ছাড়া কোনরূপ জাতিভেদ যে ছিল না, এ কথা, বোধ করি, লেখক মহাশয়কে বলে’ দিতে হবে না। অতএব, কোন কালেই যে বেদবিহিত বর্ণাশ্রম-ধর্ম বংশগত ছিল না এবং থাকতেও পারে না, এ কথা প্রামাণ্য হ’য়ে দাঁড়াচ্ছে। শাস্ত্রোক্ত বর্ণধর্ম এবং বক্ষ্যমান জাতিভেদ-প্রথা—বাকে আমরা চলতি কথায় ‘জাৎ’ বলি, এই দুয়ের মধ্যে যে আকাশ-পাতাল তফাৎ রয়েছে, তা দেখিয়েচি। এই তফাৎটাকে আমরা লক্ষ্যের মধ্যে আনিতে বলেই বর্ণধর্ম-আদর্শের মঙ্গীকরণের আওতায় এই মহা অনিষ্টকারী জাতিভেদ প্রথারূপ আগাছা জন্মাতে পেরেছে, যা’তে করে’ একটা বিরাট জাতির শোচনীয় স্বাস্থ্য-হানি ঘটেছে। যুগ-সঞ্চিত অন্ধ সংস্কার এবং অভ্যাসের ফলে বর্ণাশ্রমধর্মের নামে এই ‘জাৎ’-প্রথা পাণ্ডরের মত হিন্দুজাতির বুকের উপর দেবে বসেছে বলেই এর অধোগতি হচ্ছে—ইগা নিঃসন্দেহ।

স্থানান্তরে বসন্তবাবু লিখছেন, ‘মুসলমান অধিকারের অন্ততঃ ২০০০ বৎসর পূর্বে ভারতবর্ষে বংশগত বর্ণাশ্রমধর্ম থাকার সত্ত্বেও ধর্ম, দর্শন, কাব্য, গণিত প্রভৃতি বিবিধ বিজ্ঞা এবং শিল্পে ভারতবর্ষ বিশেষ উৎকর্ষ লাভ করেছিল। হিন্দু মনে করে—বংশগত ভাবে চর্চা হয়েছিল বলেই এত উন্নতি হয়েছিল।’ মানবজাতির সভ্যতার সেই অক্ষুণ্ণ-



প্রভাতে ভারতবর্ষ এবং আরও ছ'চারটা দেশ কেন যে একরূপ উৎকর্ষলাভ করেছিল—পৃথিবীর আদিম সভ্যজাতির ইতিহাস যাঁহারা আলোচনা করেন তাঁহারা সকলেই সে কথা জানেন; সে বিষয়ে বিস্তৃত আলোচনা করে' প্রবন্ধ বাড়াতে ইচ্ছা করি না। তপাকথিত বর্ণাশ্রম-ধর্মের গুণেই যে একরূপ হয়েছিল, এ কথা বলাও যেমন সত্য, দুর্নীতিমূলক এই জাতিভেদ-প্রথা প্রচলিত না থাকলে, ভারতবর্ষ অধিকতর উন্নতির অধিকারী হ'তে পার্ভ, এ কথা বলাও তেমনি সত্য। কোন জিনিষ না থাকলে কি হ'ত বা কোন জিনিষ থাকলে কি হ'ত এ নিয়ে যুক্তি চলে না। বর্তমানে যা' প্রত্যক্ষ দেখা যাচ্ছে সেইটাই অবলম্বন করে' উন্নতি-অবনতির বিচার করা সমীচীন। এই জাতিভেদ-প্রথা যে আমাদের জীবন-পথের বিষয় ঘটিয়েছে বা ঘটাবে, তা' বর্তমানকালে তার কুফল দেখেই বুঝতে পারা যায়। এইখানে একটা কথা উঠতে পারে, আমাদের স্বকৃত অসংপতনের জন্য বর্ণাশ্রমধর্ম তথা জাতিভেদ-প্রথাকে দায়ী করা যায় না। কিন্তু কোন নীতি, নিয়ম বা পদ্ধতির ভাল-মন্দের বিচার কর্তে গেলেই, তার প্রভাব এবং ফলের দিকে নজর পড়ে। একটা চলতি কথা আছে "ফলেন পরিচীয়েতে"; অর্থাৎ ফল দেখে বিষয়বিশেষের পরিচয় বা গুণাগুণ জানতে পারা যায়। এ থেকে এ কথা কি বলা চলে না যে, যে ধর্ম তার নীতি-নিয়মের মধ্যে তার অনুসরণকারীদের চিরদিন ধরে রাখতে পারে নি, সে ধর্ম তার অনুসরণকারীদের পক্ষে চিরদিন পর্যাপ্ত নয়? এক দিন যে অশুশাসন মানুষ মাথায় কণে নিয়ে তার জীবনধারা সুনিয়ন্ত্রিত করেছিল, যুগ-পরিবর্তন-প্রবাহে সেই মানুষই যদি সেই অশুশাসনের প্রতি বিদ্রোহ প্রকাশ করে তাহলে কি বলতে হবে না যে, সে ধর্ম বা নীতি-অশুশাসন বিবর্তন-ধর্মকে অস্বীকার করেছে, অথবা তার

নিজের মর্মার্থ হারিয়ে ফেলেছে? মানবজাতির কোন অবস্থা বিশেষে বা কালবিশেষে কোন ধর্ম, ধারা বা পদ্ধতি কার্যকরী হয়েছিল বলে' তা যে চিরকালই কার্যকর এবং হিতকর হবে একরূপ কথা বলার অর্থ—দেশ-কাল-পাত্র এবং পাবিপার্শ্বিকের প্রভাবকে গায়ের জোরে অস্বীকার করা। কোন কাল বা স্থানবিশেষে প্রয়োজ্য নীতি নিয়ম দিয়ে চিরকালের জন্য কোন মানুষ বা জাতিকে নিয়ন্ত্রিত করা চলে না। জোর করে চালাতে গেলে মানব-প্রকৃতি বিদ্রোহের সূচনা করে। এই কথাটাই বোঝাবার জন্যে John St. Mill বলেছেন, "Human nature is not a machine to be built after a model, and set to do exactly the work prescribed for it, but a tree, which requires to grow and develop itself on all sides according to the tendency of the inward forces which make it a living thing." এই জোর করে' চালানর ফলেই আমাদের সমাজের ভিতর জাতীয় শক্তিক্ষয়কারী অস্বাভাবিক সৃষ্টি হয়েছে। বেদবিহিত উদার বর্ণধর্মের মর্মার্থ পরিত্যাগ করে' আমরা গ্রহণ করেছি তার বিকৃত অর্থ এবং নাম দিয়েছি তার জাতিভেদ। এই জাতিভেদ প্রথার স্বপক্ষে যত যুক্তিতর্কই দেখাই না কেন, যত দিন সমাজের স্তরবিভাগ গুণকর্মগত না হয়ে দৈবধীন জন্মগত হয়ে থাকবে, ততদিন সে সমগ্র জাতির ভিতর ভেদবুদ্ধির সৃষ্টি কর্তে থাকবে; যেহেতু, মানব-প্রকৃতি একমাত্র গুণ ও কর্মের শ্রেষ্ঠতার নিকটই মাথা হেঁট করে; আর কোন অশুশাসন বা নীতি-নিয়মের কাছে সে অবনত হয় না। শাসন বা ভয়ের দ্বারা তাকে অবনত করলে সুযোগ পাওয়া মাত্র সে বিদ্রোহ সূচনা করে, ইহাই বিশ্বপ্রকৃতির সনাতন নিয়ম।

## পুস্তক-পরিচয়

**গীতালি** :—শ্রীরবীন্দ্রনাথ ঠাকুর প্রণীত, মূল্য পাঁচ টাকা ।

বিধকবি রবীন্দ্রনাথের এই গীতালি ১৩২১ সালে প্রথম প্রকাশিত হয়, ১৩২৯ সালে দ্বিতীয় সংস্করণ হয়, আর এই ১৩৩৩ সালে তৃতীয় সংস্করণ হইল। আমাদের দেশ যে কেমন রস-পিপাসু হইয়াছে, বায়ো বৎসরে গীতালির তিনটি সংস্করণই তাহার প্রত্যক্ষ প্রমাণ। গীতালির কবিতার পরিচয় শিক্ষিত, কাব্যরস-পিপাসুর কাছে নূতন করিয়া দিতে হইবে না। রবীন্দ্রনাথের কবিতা দুর্কোষ্য বলিয়া যাহারা দুঃখ করিয়া থাকেন, তাঁহাদিগকে আমরা গীতালি পড়িতে বলি। ইহার মধ্যে যতগুলি কবিতা আছে, তার সবগুলিই উঁচু সুরে বাধা—সে সুর অপার্থিব!

**কৌতুক-ঘোঁতুক** :—শ্রীঅমৃতলাল বসু মুদ্রাঙ্কিত; মূল্য দুই টাকা।

অনেক দিন পরে রসরাজ বসু মহাশয় বাঙ্গালীর হাতে এই ‘কৌতুক-ঘোঁতুক’ দিলেন; বাঙ্গালী যে পরম সমানরে এই বৌতুক মাখায় করিয়া লইবে, তাহা আর বলিতে হইবে না। বাঙ্গালা-সাহিত্য-ক্ষেত্র তন্ন তন্ন করিয়া দেখিয়াও আমরা রসরাজ অমৃতলাল বসু মহাশয়ের জুড়ি খুঁজিয়া পাই না। লেখার এমন মুসীগিরি, এমন হাস্যরসের প্রবাহ, এমন তীক্ষ্ণ অথচ সরস ও বিদেহ-লেশ শূন্য বিদ্রূপ বাঙ্গালীর মধ্যে রসরাজ ব্যতীত আর কাহারও হাত দিয়া বাহির হইতেছে না। তাই, তাঁহার এই বৌতুকের সকলগুলি প্রবন্ধই পূর্বে পড়িলেও এখন দুই তিনবার পড়িয়াও আশা মিটে না। কোন্ দিক দিয়া বই শেষ হইয়া যায়, তখন মনে হয় ২৫৬ পৃষ্ঠা না দিয়া রসরাজ ৬৫৬ পৃষ্ঠা দিলেন না কেন? এই দুঃখ-দৈন্য-প্রসীড়িত দেশের লোক এই বইখানি পড়িয়া অন্ততঃ ঘটাখানেকের জন্ত সকল দুঃখ তুলিয়া যাইবেন, এ কথা আমরা নিঃসন্দেহে বলিতে পারি।

**বঙ্গ চালাতন্ত্র** :—শ্রীসন্তোষনাথ শেঠ সাহিত্যরত্ন প্রণীত, মূল্য তিন টাকা।

শ্রীযুক্ত শেঠ মহাশয় একজন পাকা ব্যবসায়ী; তিনি ‘মহাজন সখা’ ‘মহাজনী হিসাব’ প্রভৃতি পুস্তক লিখিয়া বিশেষ প্রতিষ্ঠা অর্জন করিয়াছেন। এই চালাতন্ত্রও তাঁহার সে প্রতিষ্ঠা অঙ্গুর রাখিবে। বাঙ্গালা দেশে কোন্ কোন্ জেলায় কি কি রকমের চাউল জন্মে, কি পরিমাণে জন্মে, কোন্ জেলার কোন্ কোন্ হাটে কোন্ রকমের চাউল পাওয়া যায়, তাহার বিবরণ এই গ্রন্থে লিপিবদ্ধ হইয়াছে। এই সকল তথ্য সংগ্রহ করিবার জন্ত সন্তোষ বাবুকে যে যথেষ্ট পরিশ্রম করিতে হইয়াছে, তাহা আর বলিতে হইবে না। সুধু ব্যবসায়ী কেমন, গৃহস্থ-মাত্রেয়ই যেরূপ এই পুস্তকখানি খাকা কর্তব্য।

**মহাত্মা তুলসীদাস** :—শ্রীশচীশচন্দ্র চট্টোপাধ্যায় প্রণীত, মূল্য ২ টাকা।

মহাত্মা তুলসীদাসের নাম ভারতবাসী মাত্রেই জানেন; তুলসীদাসের রামায়ণ হিন্দীভাষী হিন্দুর অপূর্ব সম্পদ। তাঁহার জ্ঞান সাধকশ্রেষ্ঠের জীবন-কথা জানিবার জন্ত সকলেরই বাসনা হয়; শ্রীযুক্ত শচীশ বাবু সেই বাসনা পূর্ণ করিলেন। মহাত্মা তুলসীদাসের জীবন অলৌকিক ঘটনায় পূর্ণ; যাহারা অলৌকিকত্বে বিশ্বাস করেন না; তাহারা এ গ্রন্থ পড়িয়া সুখী হইতে পারিবেন না। শচীশবাবু অলৌকিকত্বে বিশ্বাস করেন; তাই তিনি সেই ভাবেই বিভোর হইয়া পুস্তকখানি লিপিয়াছেন, যুক্তিতর্ক-বিচারের ধার দিয়াও যান নাই। তাহা হইলেও বিশ্বাসী অবিশ্বাসী সকলেরই এই মহাত্মার কাহিনী পাঠ করা কর্তব্য। সুলেখক শচীশ বাবুর পরিচয় আর বিশেষ করিয়া দিতে হইবে না।

**শেষ শ্রেয়া** :—শ্রীকেদারনাথ বন্দ্যোপাধ্যায় প্রণীত, মূল্য দেড় টাকা।

শ্রীযুক্ত কেদারনাথ বন্দ্যোপাধ্যায় মহাশয়ের পরিচয় ‘ভারতবর্ষের’ পাঠকগণ তাঁহার ‘কোষ্ঠীর ফলাফল’ হইতে প্রতি মাসেই পাইতেছেন। তাঁহার রচনাতত্ত্বী, তাঁহার বাক্পটুতা, তাঁহার রহস্যকমতা বাস্তবিকই অসাধারণ। এই ‘শেষশ্রেয়া’ সেই পাকা হাতের লেখা একখানি উপস্থাস। আমরা এই বইখানি পড়িয়া মুগ্ধ হইয়াছি। এই গ্রন্থের নব্বইয়ের চিত্র বন্দ্যোপাধ্যায় মহাশয় প্রসিদ্ধ শিল্পীর জ্ঞান অঙ্কিত করিয়াছেন। বইখানি পড়িতে বসিলে শেষ না করিয়া উঠা যায় না।

**শ্রীরামকেলী ও শ্রীশ্রীকৃষ্ণপদ্মনাতন** :—শ্রীকৃষ্ণশর্মা গোস্বামী প্রণীত, মূল্য এক টাকা।

শ্রীমন্ মহাপ্রভুর অন্তরঙ্গ পার্শ্বদ শ্রীরূপ গোস্বামী ও শ্রীসনাতন গোস্বামীর আদর্শ চরিত এই গ্রন্থে লিপিবদ্ধ হইয়াছে। এমন মহাপুরুষ-দিগের জীবন-কথা লিপিবদ্ধ করিতে হইলে যে প্রকার ভক্তি-শ্রদ্ধা থাকার দরকার, গ্রন্থকার শ্রীযুক্ত কৃষ্ণশর্মা গোস্বামী মহাশয়ের যে তাহা প্রভূত পরিমাণে আছে, তাহা এই ক্ষুদ্র গ্রন্থের প্রতি পৃষ্ঠায় দেদীপ্যমান। ভক্তশ্রেষ্ঠের জীবন-কথা ভক্তের মুখে যে কি সুন্দর শোনায়, তাহা এই বইখানি পড়িলেই বুঝিতে পারা যায়।

**চীন যাত্রী** :—শ্রীকেদারনাথ বন্দ্যোপাধ্যায় প্রণীত, মূল্য দেড় টাকা।

এখানি ভ্রমণ-বৃত্তান্ত, অথচ ইহাতে চীনের কথা মোটেই নাই। আমাদের পরম আক্ষেয়, সুলেখক কেদার বাবু যধু পথের কথাই এই বইখানিতে লিখিয়াছেন, আর সে পথও স্থলপথ নহে, জলপথ; জাহাজে চড়িয়া চীন দেশে পদার্পণ করিয়াই কেদার বাবু কথা শেষ

করিয়াছেন ; অর্থাৎ তিনি যে কয়দিন জাহাজে ছিলেন, সেই কয়দিনের বিবরণ দিয়াই একেবারে ইচ্ছাকা দিয়াছেন। বইখানি পড়া যখন শেষ হইল, তখন বলিতে হইল 'ও বাঁড়ুঘো মশাই, আর কৈ ?' পাকা বাছুর এই স্কেনার বন্দ্যোপাধ্যায় মহাশয়,—তিনি ঠাট্টা তামাসা গ্রহণ করিয়া হাসাইতে হাসাইতে আমাদের কাছে অজ্ঞাতসারে চীনের বন্দরে উপস্থিত করিয়াই অমনি পাটাকা দিলেন। কাজটা কিন্তু তাঁহার মত ওস্তাদের উপযুক্ত হয় নাই, এ কথা যিনি এই বই পড়িবেন, তিনিই বলিবেন।

**উপাসিকা-চরিত**।—শ্রীভূর্গানাথ ঘোষ তত্ত্বভূষণ প্রণীত, মূল্য দুই টাকা মাত্র।

খ্রিস্টীয় সোসাইটির প্রতিষ্ঠাত্রী ম্যাডাম ব্র্যাভাট্‌স্কির জীবন-কাহিনী এই 'উপাসিকা-চরিতে' বিবৃত হইয়াছে। এই মহিষী মহিলার জীবন-কথা-প্রসঙ্গে ঘোষ মহাশয় তত্ত্ববিজ্ঞা-মণ্ডলীর উদ্দেশ্যে অতি সুন্দর ভাবে লিপিবদ্ধ করিয়াছেন। তত্ত্ববিজ্ঞা-মণ্ডলীর প্রথম ও প্রধান উদ্দেশ্য সার্বজনীন জ্ঞান হ্রাস ; দ্বিতীয় উদ্দেশ্য ধর্ম, দর্শন ও বিজ্ঞানের তুলনামূলক আলোচনা। ম্যাডাম ব্র্যাভাট্‌স্কির অপূর্ণ গ্রন্থ Isis Unveiled ও Secret Doctrine, এই দুইখানি পুস্তকে তত্ত্ববিজ্ঞান সার আলোচিত হইয়াছে। বর্তমান গ্রন্থখানি পাঠ করিলে যে যুগ খ্রিস্টীয় সোসাইটির প্রতিষ্ঠাত্রীর জীবন-কথা জানিতে পারা যায়, তাহা নহে, উক্ত সোসাইটির সম্পূর্ণ বিবরণ অবগত হওয়া যায়। গ্রন্থকারের লিপি-কুশলতায় পুস্তকখানি মনোরম হইয়াছে।

**সন্ধ্যামণি**।—শ্রীহরিশঙ্কর নিয়োগী প্রণীত ; মূল্য এক টাকা।

শ্রীযুক্ত নিয়োগী মহাশয় এক সময়ে কবিতা লিখিয়া যশস্বী হইয়াছিলেন, আমরা পরম আশ্চর্যে তাঁহার কবিতা পাঠ করিতাম। তাঁহার পর অনেক দিন তিনি নীরব ছিলেন ; আমরা মনে করিয়াছিলাম বাক্য প্রযুক্ত তিনি বাণ্য-সেবা ত্যাগ করিয়াছেন। কিন্তু, এই 'সন্ধ্যামণি' দেখিয়া আমাদের সে ভ্রম দূর হইল। সুকবি নিয়োগী মহাশয়ের কবি-প্রতিভা এখনও তাঁহাকে ত্যাগ করেন নাই, বরং আরও উজ্জ্বল, আরও প্রখর হইয়াছে। আমরা এই সংগ্রহ-পুস্তকের প্রত্যেক কবিতাতেই তাঁহার কবি প্রতিভার প্রমাণ পাইলাম।

**Raja Rammohan Ray's Mission to England.**

শ্রীব্রজেন্দ্রনাথ বন্দ্যোপাধ্যায় প্রণীত ; মূল্য এক টাকা চারি আনা।

এই পুস্তকখানি ইংরাজী ভাষায় লিখিত। মোগল রাজ্যের নামমাত্র উত্তরাধিকারী সম্রাট মৈনুদ্দীন আকবর সপ্ত-ইন্ডিয়া কোম্পানীর বৃত্তিভোগী হইয়াছিলেন। তাঁহার সহিত কোম্পানীর যে সকল সর্ভ হইয়াছিল, কোম্পানী তাহা রক্ষা করিতেছেন না বলিয়া তিনি এখানে দরবার করিয়া বিফল-মনোরথ হইয়া বিলাতে আবেদন করিবার জন্ত রাজা রামমোহন রায় মহাশয়কে বিলাতে প্রেরণ করেন। সেই উপলক্ষে কোম্পানীর সহিত তাঁহার যে সকল পত্র ব্যবহার হইয়াছিল এবং সরকারী দপ্তরে যে সকল কাগজপত্র ছিল, তাহার সন্ধান এতদিন কেহ পান নাই। শ্রীমান ব্রজেন্দ্রনাথ অনেক চেষ্টা ও পরিশ্রম করিয়া সেই সকল

অপূর্ণ-প্রকাশিত কাগজপত্র সরকারী দপ্তরখানা হইতে উদ্ধার করিয়া এই গ্রন্থখানি লিপিবদ্ধ করিয়াছেন এবং রাজা রামমোহন রায়ের জীবন-চরিতের একটা অবশ্য-জ্ঞাতব্য অধ্যায়-উদ্ভাটিত করিয়া দেশবাসী মাত্রেই কৃতজ্ঞতাভাজন হইয়াছেন। আমরা তাঁহার অনুসন্ধিৎসা ও একাগ্র অধ্যবসায়ের প্রশংসা না করিয়াই পারি না। তাঁহার অক্লান্ত চেষ্টা ও পরিশ্রমে ভবিষ্যতে ইতিহাসের আরও অজ্ঞাত উপকরণ সংগৃহীত হইবে বলিয়া আমরা আশা করিতে পারি।

**মানস কমল**।—শ্রীনরেন্দ্রনাথ বসু প্রণীত, মূল্য এক টাকা।

এখানি ছোট গল্পের সংগ্রহ। গ্রন্থকার বিভিন্ন সময়ে মাসিক পত্রিকাদিতে যে সমস্ত ছোট গল্প লিখিয়াছিলেন, তাহার মধ্য হইতে এগারটা গল্প দিয়া এই 'মানস কমল' ছাপাইয়াছেন। এই গল্পগুলি যখন নানা পত্রে প্রকাশিত হইয়াছিল, কয়েকটা 'ভারতবর্ষে'ও ছাপা হইয়াছিল, তখন অনেকেই গল্পগুলির প্রশংসা করিয়াছিলেন। নরেন্দ্র-বাবুর লেখার প্রধান গুণ এই যে, তিনি ছোট গল্প ছোটই করেন, অথচ সেই ছোটের মধ্যেই তাঁহার বক্তব্য পরিস্ফুট হয়। এই কারণেই আমরা নরেন্দ্রবাবুর গল্প পড়িয়া আনন্দ লাভ করিয়া থাকি। তাঁহার 'মানস-কমল' তাঁহার 'ষড়-অবতারের' স্থায় প্রতিষ্ঠা লাভ করিবে।

**গুরুগীতা**।—শ্রীঅধিনীকুমার ভট্টাচার্য্য এম-এ বিবৃত, মূল্য ছয় আনা।

মহর্ষি কৃষ্ণ দ্বৈপায়ন বেদব্যাস বিরচিত মহাভারতের শান্তি-পর্বে গুরু সন্থকে যাহা বলিয়াছেন, তাহারই ব্যাখ্যা এই পুস্তকে করা হইয়াছে। ইহাতে শ্রেষ্ঠ ধর্ম ও গুরু সন্থকে সমস্ত কথাই বলা হইয়াছে ; গুরু শব্দের অর্থ, শিষ্যের কর্তব্য, গুরুধ্যানের ফল প্রভৃতি বর্ণিত হইয়াছে। যিনি এই গুরুগীতা সম্পাদন করিয়াছেন, তিনি বিশ্ববিদ্যালয়ের উচ্চ উপাধিধারী হইয়াও প্রকৃত হিন্দু সাধকের স্থায় জীবন অতিবাহিত করিয়া থাকেন। গুরুর প্রতি অচলা ভক্তিই তাঁহাকে এই গুরুগীতা সম্পাদনে প্রণোদিত করিয়াছে।

**সাহিত্যিক**।—শ্রীনলিনীকান্ত গুপ্ত প্রণীত—দাম দেড় টাকা।

গ্রন্থকারের ১২টি সাহিত্য সংকলিত প্রবন্ধ এই গ্রন্থে স্থান পাইয়াছে। প্রবন্ধগুলি যখন মাসিক পত্রিকায় প্রকাশিত হয়, তখনই এগুলি আমাদের দৃষ্টি আকর্ষণ করিয়াছিল এবং পড়িয়া গ্রন্থকারের চিন্তাশীলতায় এবং বিশ্লেষণ শক্তিতে মুগ্ধ হইয়াছিলাম। বাংলা সাহিত্যে সত্যকার সমালোচনা চর্চা। ভিতরে যে পাণ্ডিত্য থাকিলে সমালোচনা সাহিত্যে গঠনের রসদ যোগায়, সেই পাণ্ডিত্য লইয়া খুব কম লোকই আমাদের সাহিত্যের আসরে যোগ দেন। বাংলা ভাষার দুর্ভাগ্য, এদেশে যাহারা পড়েন তাঁহারা লেখেন না, যাহারা লেখেন পড়ার সঙ্গে তাহাদের সম্বন্ধ অত্যন্ত অল্প। সেই জন্তই আমাদের সাহিত্যে সমালোচনা হয় অত্যন্ত হালকা হইয়া পড়ে, না হয় ব্যক্তিগত গালিগালাজের ছাপে অপাঠ্য হইয়া দাঁড়ায়। নলিনীবাবু এই দোষ হইতে মুক্ত। তাঁহার লেখা পড়িয়াই বোঝা যায়, তিনি লেখেন বটে কিন্তু লিখিবার আগে পড়াশুনা করিয়া বনিমূলেটা পাকা করিয়া লইয়াছেন। তাঁহার মনও রস-পিপাসু।

সুতরাং সমালোচকের যে কাজ—রসের পরিচয় দেওয়া, সত্যকে বিশ্লেষণ করিয়া দেখানো, সৌন্দর্য্যকে উদ্ঘাটন করা—এগুলির অজস্র পরিচয় এই গ্রন্থখানিতে পাওয়া যায়। তাঁহার মত অবশ্য সর্বত্র আমাদের কাছে যুক্তিসহ বলিয়া মনে হয় নাই। কিন্তু এখানে তাহার আলোচনা সম্ভবপর নহে। সে আলোচনা ভবিষ্যতের জন্ত মূলতরী রাখিয়াও এ কথা অসঙ্কোচেই বলা যায় যে, তাঁহার 'সাহিত্যিক' বাংলা সাহিত্যে একটি বিশেষ স্থান অধিকার করিয়াছে। গ্রন্থের ভাষাও ভাব প্রকাশের উপযোগী। তবে স্থানে স্থানে রচনা-পদ্ধতি অত্যন্ত শিথিল বলিয়া মনে হয়। কিন্তু এ দোষ যে অক্ষমতার জন্ত নহে অনবধানতার জন্ত—তাঁহাও বুঝিতে দেয়ী হয় না। তাহা হইলেও এ দোষ সঙ্কথা পরিত্যজ্য। কারণ perfect যে রচনা তাহা সমস্ত রকমের দোষের হাত হইতেই মুক্ত।

সুতরাং।—শ্রীহরকুমার দত্ত প্রণীত—দাম পাঁচ শিকা।

এখানি গল্পের বই। সাতটি গল্পের ভিতর দিয়া, লেখক প্রাচীন ভারতের তীর্থ স্থানগুলির ভিতর ভোগের যে অগ্নিশিখার ছবি দেখিয়াছেন, তাহাকে রূপ দিতে চেষ্টা করিয়াছে। শব্দের দ্বারা ছবি আঁকার, বর্ণনার ভিতর দিয়া সৌন্দর্য্য-সৃষ্টিতে লেখকের বেশ ভালো হাত আছে। কল্পনা তাঁহাকে অনুসরণ করিয়াছে; সুতরাং অতীত যুগের ভিতর প্রাণ প্রতিষ্ঠা করা তাঁহার পক্ষে অনেক স্থলেই অসম্ভব হয় নাই। তাঁহার ভাষা ঐশ্বর্যময়; কিন্তু অতিরিক্ত রকমে ভারি এবং সংস্কৃতবহুল। কিন্তু তাহা হইলেও গ্রন্থখানির কাব্যমাধুর্য্য আমাদের কাছে আনন্দ দিয়াছে—বইখানি পড়িয়া আমরা খুসী হইয়াছি।

ভারতের দাবী।—শ্রীনলিনীকিশোর গুহ প্রণীত। দাম বারো আনা।

এখানি রাজনৈতিক প্রবন্ধের বই। ইহাতে সাতটি প্রবন্ধ আছে। প্রবন্ধগুলি সমস্তই স্থলিখিত। লেখক বর্তমানের কোনো রাজনৈতিক গণ্ডীর ভিতর পড়িয়া 'পেই' হারাইয়া ফেলেন নাই। তাই অনেক সমস্তা নিরপেক্ষ ভাবে বিচার করিয়া দেখিবার অবকাশ তিনি লাভ করিয়াছেন। আর সেই জন্তই প্রবন্ধগুলি সমস্ত রকমের গোড়ানীর ছাপ হইতে মুক্ত। তাহার লেখার ভিতরেও জোর আছে, যুক্তির ভিতরেও জোর আছে। তিনি দেশের রাজনৈতিক সমস্তা সমাধানের জন্তও চাহিয়াছেন জোরালো শক্ত মানুষ—“যে মানুষ টলে না, গলে না, ভোলেও না—যে নমে না, নামে না, ধামেও না, অবগুস্তাবী হইলে ভাঙ্গে।” গ্রন্থের ভিতর লেখকের দেশ-প্রীতির পরিচয়েরও অভাব নাই। এ যুগের ভাবপ্রবণ রাজনৈতিক কর্মীদেরকে গ্রন্থখানি পড়িবার জন্ত আমরা বিশেষ ভাবে অনুরোধ করিতেছি। গ্রন্থের ছাপা, কাগজ, বহিবারণও ভারি চমৎকার হইয়াছে।

কোরান-তত্ত্ব. (তৃতীয় খণ্ড)।—শেখ রচুল, মৌলবী মোবিনুদ্দিন আহমদ কর্তৃক প্রণীত। মূল্য ২ টাকা।

মৌলবী সাহেব কোরান সর্ষকে বাংলা ভাষায় গ্রন্থ লিখিয়া হিন্দু ও মুসলমান উভয়েরই ধর্ম্মবাদভাজন হইয়াছেন। আমরা আজ দেবল তাঁহার প্রণীত কোরান তত্ত্বের তৃতীয় খণ্ডের কথাই বলিব। এই খণ্ডে তিনি শেখ রচুল হজরত মহম্মদের জীবনী সর্ষকেই আলোচনা করিয়াছেন। আদর্শ পুরুষের জীবনী আলোচনা করিলে তাহা হইতে এমন সমস্ত জিনিষ জানা যায়, যাহা পার্থিব জগতের মধ্যে আত্মবিশ্বাস হইয়া সাম্প্রদায়িক বাক্ বিতণ্ডার মধ্যে আশ্রয় লাভ করিয়া আমরা কিছুতেই হৃদয়ঙ্গম করিতে পারি না। আদর্শ মহাপুরুষগণের উক্ত অনেক কথাই ঠিক ভাবে উপলব্ধি করা যাইতে পারে না, যদি তিনি স্বীয় জীবনে সেই উক্তিগুলি কিরূপে কাব্যিকরী করিয়াছেন তাহা জানা না যায়। কোরান সরিয়ত প্রভৃতি নানা কথার নানা রকম ব্যাখ্যা নানাভাবে করিয়া থাকেন এবং সেই ব্যাখ্যাগুলি লইয়াই পৃথিবীতে নানা মতামত সৃষ্টি হইতেছে। কিন্তু যদি আমরা একবার বিবেচনা করিয়া দেখি যে, হজরত মহম্মদ স্বীয় জীবনে সেই কথাগুলি কি ভাবে প্রতিপালন করিয়া গিয়াছেন, তাহা হইলে দেখা যাইবে—ধর্ম্ম সর্ষকে অনেক বাকবিতণ্ডা হ্রাস পাইবে। এইজন্যই বলিতেছিলাম যে, আদর্শ পুরুষগণের জীবনী আলোচনা করাই সর্ষাগ্রে প্রয়োজনীয়। মৌলবী সাহেব তাঁহার এই পুস্তকে হজরত মহম্মদের জীবনী যেরূপ হৃদয়ভাবে চিত্রিত করিয়াছেন, তাহাতে আমরা আনন্দিত হইয়াছি। লেখক বলিয়াছেন ঐতিক বা আত্মতৃপ লাভ কখনও তাঁহার জীবনের লক্ষ্য ছিল না। ধর ধানে অদ্বিতীয় আলার উপাসনা প্রতিষ্ঠা, পাপনির্ম্মিত জগতের উদ্ধার সাধন, মানবসমাজে একেশ্বরবাদ, সাম্যবাদ, ভ্রাতৃত্ব ভাব বিস্তার এবং আধ্যাত্মিক জ্ঞানদ্বারা তাঁহার জীবনের মূলমন্ত্র ছিল। উপদংহারে লেখক মহাশয় যাহা বলিয়াছেন, তাহা একান্ত প্রণয়ন-যোগ্য। তিনি লিখিয়াছেন, “হজরত মহম্মদ মোস্তফার শ্রেষ্ঠতম নিশেষই এই যে, তিনি বিশ্বজনীন শান্তির ভিত্তি স্থাপন করিয়াছিলেন। কিরূপে একব্যক্তি অস্ত্র ব্যস্তির সহিত, এক পরিবার অস্ত্র পরিবারের সহিত ও এক জাতি অস্ত্র জাতির সহিত শান্তিতে বাস করিতে পারে এবং কিরূপে জগতের পরস্পর-বিরোধী ও প্রতিদ্বন্দ্বী ধর্ম্ম-সম্প্রদায় মধ্যে শান্তি স্থাপিত হইতে পারে, তাহার বিশদ পন্থা নির্দেশ করিয়া গিয়াছেন। হজরত মহম্মদের জীবনীকে এই ভাবে অস্ত্র লেখক দেখিয়াছেন এবং দেখাইয়াছেন কি না তাহা আমরা অবগত নছি। পুস্তকখানির ভাষা অতি সরল ও স্পষ্ট। সাধারণ লেখাপড়া জানা ব্যক্তির অল্পেই ইহা হৃদয়ঙ্গম করিতে পারিবেন।

## দিক্শূল

শ্রীউপেন্দ্রনাথ গঙ্গোপাধ্যায়

[ ১৩ ]

অগ্রহায়ণ মাস। কয়েক দিন হইতে খাড়া পাশ্চমা বাতাস দিতেছে বলিয়া শীতের প্রকোপ বেশ একটু বাড়িয়া উঠিয়াছে। সরমা তাহার এক বৎসর বয়সের শিশু-পুত্রটিকে স্তন্য-পান করাইয়া বারাণ্ডায় রৌদ্রের পার্শ্বে শুয়াইয়া নিকটে বসিয়া ছিল। শিশুটি রুগ্ন, শীর্ণ; অঙ্গীর্ণতার জন্ত যথোচিত বৃদ্ধি নাই, এবং প্রত্যহ শেষ রাত্র হইতে দশ বার দটা যকৃত-জনিত জ্বর ভোগ করে। এত স্বাস্থ্যগীনতার মধ্যেও মুখখানি কিঞ্চিৎ হিমম্মাত ফুলের মত কমলায়।

পুত্রের বিনীর্ণ মুখের উপর অপলক দৃষ্টি স্থাপিত করিয়া সরমা নিঃশব্দে বসিয়া ছিল। স্নেহ-শক্তি মগ্নিত হৃদয়ের নিগূঢ় ব্যঞ্জনা তাহার সক্রম নেত্রহৃৎ ভেদ করিয়া অপরূপ মমতায় পুত্রের উপর বিকীর্ণ হইয়াছিল। দেখিতে দেখিতে সরমা মনে হইল, ‘আসিয়াছে ত’,—কিন্তু যদি চলিয়া যায়!’ দুই ফোঁটা অশ্রু কোথায় আনুগা হইয়া ছিল—ঝরিয়া পড়িল! ঐশ্বর্য পক্ষী-জননী যেমন জন্তুভাবে পক্ষী-শাবককে নিজ পক্ষপুটের মধ্যে ঢাকিয়া লয়, সেইরূপে সরমা নত হইয়া দুই বাগ্র বাহুর মধ্যে পুত্রকে বেষ্টিত করিয়া ধরিল। তাহার পর পুত্রের অমঙ্গল আশঙ্কায় তাড়াতাড়ি চক্ষু মুছিয়া হাততালি দিয়া শিশুকে হাসাইবার চেষ্টা করিতে লাগিল; মাতার আদর উৎপীড়নে তাহার ঘুম ভাঙ্গিয়া গিয়াছিল। শিশু হাসিতে লাগিল।

পুত্রের মুখে হাসি দেখিয়া সরমার মন হইতে অমঙ্গল-চিন্তা অপসৃত হইল; সে সবলে দুই হস্তের উপর পুত্রকে তুলিয়া লইয়া নত হইয়া মুখ চুষন করিল; তাহার পর বাহুর এবং বক্ষের মধ্যে পুত্রকে আবদ্ধ করিয়া ধীরে ধীরে হুলিতে হুলিতে মৃদুস্বরে বলিতে লাগিল, ‘ধন, ধন, ধন, ধন, সাত শ’ রাজার ধন! এ ধন যার ঘরে নেই তার বৃথাই জীবন!’

হঠাৎ কি মনে হইয়া সরমা পিছন ফিরিয়া দেখিল

নিঃশব্দ পদে রমাপদ কখন পশ্চাতে আসিয়া সহস্র মুখে দাঁড়াইয়া আছে!

পুত্র-স্নেহের এই অকুঞ্জিত অভিব্যক্তি অপরে দেখিয়াছে সেই লজ্জায় সরমার মুখ লাল হইয়া উঠিল; সে ধীরে ধীরে শিশুকে শয্যায় শুয়াইয়া দিয়া বলিল, “ভারী অন্ডায় কিঞ্চিৎ!”

রমাপদ হাসিয়া বলিল, “কি ভারী অন্ডায়?”

“এই রকম চোরের মত এসে চুরী করে দেখা!”

রমাপদ হাসিতে লাগিল; বলিল, “চোরের মত না এলে কি চুরী দেখতে পেতাম?”

রমাপদের কথা অর্থ বুঝিতে না পারিয়া সরমা ফিরিয়া চাহিয়া সকৌতুহলে জিজ্ঞাসা করিল, “চুরী আবার কি দেখলে?”

পুত্রের পার্শ্বে বসিয়া পড়িয়া তাহাকে আদর করিতে করিতে রমাপদ বলিল, “চুরী নয়? খাসা চুরী! কেমন নিঃশব্দে এই ক্ষুদ্রে চোরটি আমার কাছ থেকে তোমাকে চুরি করে নিচ্ছে!”

এ অভিযোগের কোনো মৌখিক প্রতিবাদ না করিয়া সরমা শুধু একটু হাসিল; মনে মনে বলিল, ‘চুরী নয় বাটপাড়ী! চুরী ত আমাকে তুমিই প্রথমে করেছ!’

“আচ্ছা সরমা, একটা কথা বলবে?”

“কি কথা?”

“তুমি খোকাকে বেশী ভালবাস, না আমাকে বেশী ভালবাস?”

এক মুহূর্তেই সরমা ভাবিয়া দেখিল প্রশ্ন সহজ নহে; তাই কঠিন সমস্যা হইতে অব্যাহতি লাভের আশায় সে রমাপদকে পান্টা প্রশ্ন করিল; বলিল, “তুমি কাকে বেশী ভালবাস, আমাকে, না খোকাকে?” সে আশা করিয়াছিল দুরূহ সমাধানের ভার রমাপদের উপর পড়ায় অতঃপর সে এ আলোচনা পরিত্যাগ করিবে।

কি এ কোণল একেবারে ব্যর্থ হইল। কালবিলম্ব না করিয়া অকুণ্ঠিত স্বরে রমাপদ বলিল, “আমি তোমাকে। তুমি?”

ইহার পর সমস্তা গুরুতর হইয়া উঠিল। একবার সরমা বলিতে চেষ্টা করিল ‘আমিও তোমাকে।’ কিন্তু দ্বিধায়, লজ্জায়, সন্দেহে সে কথা সহসা তাহার মুখ দিয়া বাহির হইল না; বিমূঢ়ভাবে সে রমাপদের দিকে চাহিয়া রহিল। কিন্তু রমাপদ যখন তাহার উত্তরের অপেক্ষায় না থাকিয়া বলিল, “আমি জানি তুমি খোকাকেই বেশী ভালবাস।” তখন সে আর কোন বিচার বিবেচনা না করিয়া সজোরে বলিতে লাগিল, “কখুনো না! কখুনো না! ভুল কথা!”

“কিন্তু তুমি নিজেই ত’ সে কথা বলছিলে।”

“আমি বলছিলাম?—কখন আমি বলছিলাম?” গভীর বিন্ময়ে সরমা ঔৎসুক্যের সহিত রমাপদের দিকে চাহিয়া রহিল।

“একটু আগে ত’ তুমি বলছিলে, এ ধন ঘরে না থাকলে তোমার জীবন বৃথা হ’ত; অবশু আমি থাকা সত্বেও!”

ক্রকুণ্ঠিত পূর্বক ক্ষণকাল চিন্তা করিয়া সরমা হাসিয়া উঠিল; বলিল, “ওঃ, তাই বলা হচ্ছে? কিন্তু সে ত’ আর আমার নিজের কথা নয়; ছড়ার কথা।”

রমাপদ বলিল, “তোমার নিজের কথা না হলেও, তোমার জাতের কথা। পৃথিবীর সৃষ্টি থেকে আরম্ভ করে আজ পর্য্যন্ত প্রত্যেক মায়ে ওই ছড়া কেটেছে; কেউ মুখে, কেউ বা মনে। আদত কথা কি জান সরমা? এ বিষয়ে স্ত্রী পুরুষে প্রভেদ হচ্ছে এই যে মেয়েদের প্রথম দৃষ্টি থাকে ফলের উপর, আর পুরুষদের থাকে মূলের উপর।”

সরমা ধীরে ধীরে মাথা নাড়িয়া বলিল, “না, এ তুমি অন্তায় কথা বলছ।”

রমাপদ বলিল, “কিছু অন্তায় বলছিনে, ঠিকই বলছি। এ জন্তে তোমার ছঃখিত বা লজ্জিত হ’বার কোনও কারণ নেই, কারণ তোমার এ হৃদয়-বৃত্তির জন্ত যদি কিছু দায়ী হয় ত’ সে ভগবানের সৃষ্টিতত্ত্ব। ইতর প্রাণীদের মধ্যে তুমি এই বৃত্তিটা আরো স্পষ্ট এবং স্থূল ভাবে দেখতে পাবে। সম্ভান রক্ষণের আগ্রহ অনেক স্ত্রী-প্রাণীর মধ্যে এমন প্রবল ভাবে আছে যে কোনো কোনো সময়ে—”

সৃষ্টিতত্ত্ব এবং প্রাণীতত্ত্বের কাহিনী শেষ করিবার সময় হইল না, গৃহদ্বারে ডাক-ওয়াল হাঁকিল, “চিঠি লিখিয়ে!”

রমাপদ তাড়াতাড়ি বাহিরে গিয়া একখানা চিঠি লইয়া পড়িতে পড়িতে ফিরিয়া আসিল।

সরমা জিজ্ঞাসা করিল, “কার চিঠি এল?”

পত্র পাঠ করিতে করিতে রমাপদ বলিল, “সু-খবর সরমা! বুধবারে কাশী থেকে নরেশবাবু আর তোমার দিদি আসছেন।”

দিদি অর্থাৎ সরমার একমাত্র সহোদরা সুকুমারী; এবং নরেশবাবু সুকুমারীর স্বামী। ইহঁদের পুরা নাম শ্রীযুক্ত নরেশচন্দ্র বন্দ্যোপাধ্যায়—নিবাস কলিকাতা। কাশীতে বাড়ী আছে; প্রতি বৎসর শারদীয় পূজার পর চার পাঁচ মাস তথায় অতিবাহিত করেন।

“দিদি আসছেন! কই চিঠি দেখি।” বলিয়া হর্ষোৎফুল্ল মুখে সরমা পত্রের জন্ত হস্ত প্রসারিত করিল। কিন্তু পরমুহূর্ত্তেই তাহার মুখ হইতে আনন্দের দীপ্তিটুকু অপসৃত হইল; চিন্তিতমুখে সে বলিল, “সু-খবর বড় নয়!”

“কেন?”

মুহূর্ত্তেই সরমা বলিল, “গরীবের বাড়ী বড়লোক কুটুম্ব আসা সুবিধার কথা কি?”

সরমার ছঃখ অনুভব করিয়া রমাপদ মনের মধ্যে গভীর ভাবে ব্যথিত হইল। ক্ষণকাল চিন্তা করিয়া সে স্নিগ্ধ স্বরে বলিল, “তা হ’ক সরমা, আমাদের সাধ্যমত আদর অভ্যর্থনার ক্রটি বাতে না হয় সে বিষয়ে আমাদের একান্ত দৃষ্টি রাখতে হবে। তার পর যা কিছু, তার জন্ত আমাদের বাস্তব হবার দরকার নেই। তাঁরা যে আসছেন তা সু-খবর নিশ্চয়ই!”

যুক্তি-তর্কের দ্বারা সু-খবর প্রতিপন্ন করিয়াও সু-খবরের ছশ্চিন্তায় রমাপদ মনে মনে অবসন্ন হইয়া পড়িল। ধনশালী বিলাসী শালিপতিকে এই জীর্ণ কদর্যা গৃহে কেমন করিয়া স্থান দিবে তাহা ভাবিয়া তাহার মনে বিন্দুমাত্র শাস্তি রহিল না! দীর্ঘ ব্যবহারে সে গৃহ ক্রমশঃ সহনীয় হইয়া আসিয়াছিল, আজ এই নূতন প্রয়োজনের পরিকল্পনে তাহার দীনতা শতগুণে বর্দ্ধিত হইয়া ফুটিয়া বাহির হইল। যে দিকেই রমাপদ চাহিয়া দেখিল, দৈন্ত এবং দারিদ্র্যের প্রতিমূর্ত্তি দেখিয়া তাহার চক্ষু পীড়িত হইল। বিবাহের পর কলিকাতায় উপস্থিতি-কালে একবার সে নরেশচন্দ্রের গৃহে নিমন্ত্রিত

হইয়াছিল। সেই সুবৃহৎ সুসজ্জিত অট্টালিকার কথা স্মরণ করিয়া তাহার এ বাস-গৃহকে সে-গৃহের গো-শালার উপযুক্তও মনে হইল না। রাত্রে আহারের পর শ্রালিকা সুকুমারী আঁচমুনের জন্ত তাহাকে বাথ-রুমের দ্বার পর্য্যন্ত পৌঁছাইয়া দেয়; সেই বিজলী-দীপোজ্জল, বৃহৎ চিনামাটির বাথ-সংযুক্ত, নানাবিধ সাবান গন্ধদ্রব্য দর্পণ এবং অশ্রাঞ্জ প্রসাধন দ্রব্য দ্বারা সজ্জিত প্রশস্ত স্নানাগারের কথা মনে পড়িল। তৎস্থলে এই গৃহে সুকুমারীকে স্নান করিতে হইবে অদূরবর্তী উঠানের কলতলায়; উপরে আচ্ছাদন নাই, চতুর্দিকে যথোচিত আবরণ নাই, তিনদিকের টাটির বেড়া জীর্ণ হইয়া স্থানে স্থানে ভাঙিয়া পড়িয়াছে! নিবিড় অশান্তিতে রমাপদর চিত্ত আলোড়িত হইয়া উঠিল! নিজের জন্ত সে ততটা বিচলিত হইল না যতটা হইল সরমার কথা ভাবিয়া! দুই ভগিনীর অবস্থার মধ্যে আকাশ পাতালের পার্থক্য! সরমা সজ্জিত হইবে! সরমা অবনত বোধ করিবে!

চিঠি শেষ করিয়া রমাপদকে ফিরাইয়া দিতে গিয়া রমাপদর চিন্তাচ্ছন্ন মুখ দেখিয়া সরমা বলিল, “অত ভাবছ কেন? আমাদের পক্ষে এ ব্যাপার একটা ছোটখাট নিপদেরই মত বটে; তবে দু-তিন দিনের কথা বই ত নয়, এক রকম করে চলে যাবে।”

সরমার কথা শুনিয়া রমাপদর বিষণ্ণ চক্ষু জল জল করিয়া উঠিল; সে বলিল, “তা যাবে জানি,—আমি সে কথা তত ভাবছিলাম। আমি ভাবছি তোমাকে আমি কি অবস্থায় রেখেছি সেটা তাঁরা বেশ ভাল করেই দেখে যাবেন।”

সরমাও কিছু পূর্বে কতকটা এইরূপই কোনো কথা ভাবিতেছিল; কিন্তু স্বামীর মুখ হইতে এ কথা শুনিয়া সে নিমেষের মধ্যে সমস্ত হুঃখ এবং লজ্জার চিন্তা হইতে নিজেকে মুক্ত করিয়া লইয়া বলিল, “তা দেখে যান ত’ দেখে যাবেন! সকলেই নিজের নিজের অবস্থায় যেমন আছে ভাল আছে। কিন্তু তা’ও বলি, শুধু বাইরের অবস্থা না দেখে ভিতরের অবস্থাটাও যদি একটু দেখে যান তা হলে তুমি আমাকে যে অবস্থায় রেখেছ তা দেখে আমার জন্তে হুঃখিত হয়ে যাবেন না তা’ নিশ্চয়।”

রমাপদ একটু হাসিল; বলিল, “এ রকম বাইরের অবস্থা দেখলে ভিতরের অবস্থা দলীল-পত্রে লিখে সহ করে রেজেস্ট্রী করে দিলেও কেউ বিশ্বাস করবে না সরমা!”

সরমা বলিল, “দলীল-পত্র লিখলে কেউ বিশ্বাস করবে না, কিন্তু চোখ থাকলে লোকে দেখতে পাবে। জামাইবাবুর চোখে পড়বে কি না বলতে পারিনে, কিন্তু দিদির চোখে এড়াবে না তা নিশ্চয়। তোমরা পুরুষেরা বাইরে নিজে থাক বলে বাইরেটাই তোমরা বেশী করে দেখ; আমরা ভিতর নিজে থাকি, তাই ভিতরের অবস্থাটা আমাদের চোখে সহজে পড়ে।” বলিয়া সরমা হাসিতে লাগিল।

একটু অপেক্ষা করিয়া সরমা পুনরায় বলিতে লাগিল, “তোমাকে আমি আগে অনেকবার বলেছি, এখনও বলছি, আমাদের এ দরিদ্র অবস্থার জন্তে আমার নিজের কিছুমাত্র কষ্ট নেই। আমার কষ্ট হয় তোমার জন্তে, আর খোকা হওয়ার পর থেকে খোকায় জন্তে। মাসে মাসে বাড়ী-ভাড়া থেকে বারো টাকা পাওয়া যাচ্ছে—তা ছাড়া মাঝে মাঝে তুমি কিছু-না-কিছু উপার্জন করছই; তাতে ত’ আমাদের একরকম ভালই চলে যাচ্ছিল। খোকা হওয়ার পর থেকে টাকার কথা একটু একটু মনে হয়। মনে হয় টাকা-কড়ির একটু সুবিধা হলে ওর একটু ভাল খাওয়া-পরা, একটু ভাল সেবা-চিকিৎসা হতে পারে। তা ছাড়া আর কিছু নয়।”

“তা ছাড়া যে আর কিছু নয় তা’ ত যে দিন থেকে তুমি সংসারের ভার নিয়েছ সেই দিন থেকেই দেখতে পাচ্ছি! কিন্তু আমারও ত’ সাধ হয় সরমা!”

সরমা শাস্ত মুখে বলিল, “বেশ ত’ সময় হলে সে সাধ মিটিয়ে। এখন উপস্থিত দিদিরা যে আসছেন সে বিষয়ে কি করবে বল?”

তখন, ধনী অতিথিগণের অভ্যর্থনার ব্যবস্থা কিরূপ এবং কিরূপে হইবে তদ্বিষয়ে স্বামী-স্ত্রীতে পরামর্শ আরম্ভ হইল। কিরূপ হইবে তাহা কতকটা সহজেই স্থির হইয়া গেল, কারণ রূপ এমন বস্তু যাহা কল্পনার সাহায্যে নির্ধারিত হইতে পারে, কিন্তু কিরূপে হইবে তাহা লইয়া গোল বাধিল। সরমা বলিল, “ভাড়াটের কাছ থেকে এক মাসের বাড়ী-ভাড়া আগাম নাও না?”

রমাপদ বলিল, “কৈপেছ তুমি? মাসকাবারের পর আধা-মাস দু-বেলা তাগাদা করে যার কাছে ভাড়া পাওয়া যায় না, সে আগাম ভাড়া দেবে? তার চেয়ে না হয় রহিম বক্স কাবুলীর কাছ থেকে সামান্য কিছু টাকা ধার নেওয়া যাক।”

সরমা উচ্ছ্বসিত হইয়া বলিল, “আবার সেই টাকার ছ-আনা স্কুদে কাবলীওয়ালার কাছ থেকে টাকা ধার নেওয়া ! না, সে কিছুতেই হবে না। সেবার কুড়ি টাকা ধার নিয়ে কত টাকা স্কুদ দিতে হয়েছিল তা মনে আছে ?”

রমাপদ মূছ হাসিয়া বলিল, “মনে আছে ; কিন্তু এ কথাও মনে আছে যে, সে টাকা না হলে তোমাকে হয় ত’ বাঁচাতেই পারতাম না। সে টাকার স্কুদ দিয়ে আমার মনে কিছুমাত্র কষ্ট হয়নি।”

প্রসবের পর সরমার প্রবল জ্বর হওয়ার চিকিৎসার ব্যয়ের জন্য রমাপদ রহিমবন্দ কাবুলীর নিকট কুড়ি টাকা ঋণ করিয়াছিল।

সরমা সবেগে মাথা নাড়িয়া বলিল, “আমি জানতে পারলে কাবলীওয়ালার কাছ থেকে কখনও তোমাকে টাকা ধার নিতে দিতাম না। একবার কোনো রকমে সে বিপদ থেকে পরিত্রাণ পেয়ে আবার কেউ সাধ করে তাতে পা দেয় ? তার চেয়ে মুদীর দোকানে বাকি রেখে যে-কদিন তাঁরা থাকেন চালিয়ে নোব, সে বরং ভাল।”

রমাপদ বলিল, “শুধু মুদীর দোকানই ত’ নয় সরমা ! কিছু কাপড় সেমিজও ত’ কিনতে হবে।”

“কাপড় সেমিজ কি হবে ?”

“কাপড় সেমিজ না কিনলে কি করে তাদের সামনে তুমি দাঁড়াবে এই ছেঁড়া আর তালি নিয়ে ?”

অবলীলা ভরে সরমা বলিল, “সে আমি বেশ দাঁড়াব, তুমি কিছুমাত্র ভাবিত হয়ো না। কিন্তু কাবলীওয়ালার কাছ থেকে তুমি কিছুতেই টাকা ধার করতে পাবে না ! কিছুতেই না, বুঝলে ?”

চিন্তিতমুখে রমাপদ বলিল, “তা না হয় বুঝলাম, কিন্তু কিছু টাকার যোগাড় ত’ করা চাই ; তা কেমন করে হয় ?”

রমাপদের উদ্বেগ দেখিয়া এবং কথা শুনিয়া সরমা হাসিতে লাগিল ; বলিল, “আচ্ছা, এ এমনই ি গুরুতর ব্যাপার যার জন্যে তুমি এতটা ভাবতে লাগলে ? টাকার যোগাড় হয়, তোমার কুটুম্বদের তুমি পোলাও কাগিয়া খাইয়ো ; আর টাকার যোগাড় না হয় ত’ আমার কুটুম্বদের আমি ডাল ভাত খাওয়াব। কেমন, তা হলে হবে ত’ ?”

সরমার কথা শুনিয়া রমাপদও হাসিতে লাগিল ;

বলিল, “তা হলে একরকম মন্দ হয় না ; তবে ভয় হয় তোমার কুটুম্ব ডাল ভাত খেয়ে আমার নিন্দে না করে।”

সরমা সহাস্তমুখে বলিল, “তোমার কুটুম্ব পোলাও কাগিয়া খেয়ে আমার সুখ্যাতি করতে পারে সে, ভয়ও ত’ আছে !”

“হ্যাঁ, তা’ও ত’ আছে ! এ দেখছি উভয় সঙ্কট !” বলিয়া রমাপদ হাসিতে লাগিল।

[ ১৪ ]

রবিবারের অপরাহ্ন। ভাগলপুরের প্রধান বাণিজ্য-পল্লী সূজাগঞ্জে “ভাগলপুর সিদ্ধ ঠোরের” প্রসিদ্ধ দোকান জনাকীর্ণ হইয়া উঠিয়াছে। ক্রেতা, বিক্রেতা, তস্তুবায়, দালাল, দোকানদার, চালানদার, সকলেই নিজ নিজ উদ্দেশ্য লইয়া ব্যস্ত ; দোকানের মধ্যস্থলে বসিয়া ব্যবসায়ের অংশীদার এবং পরিচালক শ্রীযুক্ত তারাচরণ বন্দ্যোপাধ্যায় সকলের সহিত কথোপকথন করিতেছেন এবং মধ্যে মধ্যে উচ্চ স্বরে “কর্মচারিগণকে ধরিদ-বিক্রম সম্বন্ধে উপদেশ দিতেছেন। আগস্তুকদের মধ্যে কেহ অনুযোগ করিতেছে, কেহ অনুন্নয় করিতেছে, কেহ আদান করিতেছে, কেহ প্রদান করিতেছে। তারাচরণ সহাস্তমুখের স্মিষ্ট বাক্যে সকলকেই সম্বুষ্ট করিতেছেন।

রমাপদ ধীরে ধীরে দোকানে প্রবেশ করিয়া ভীড় দেখিয়া দ্বারের নিকট থমকিয়া দাঁড়াইল।

তারাচরণ দেখিতে পাইয়া বলিলেন, “এস রমাপদ, দাঁড়ালে কেন ? এই দিকটায় এসে বোস।”

একবার চতুর্দিক নিরীক্ষণ করিয়া লইয়া রমাপদ বলিল, “অল্প সময়ে আসব ; এখন আপনি কাজের ভীড়ে রয়েছেন।”

“তোমাদের পাঁচজনকে নিয়েই ত’ ভাই কাজের ভীড়। এস, এস, বোস। আমারও তোমার সঙ্গে একটা কথা আছে।”

আর ইতস্ততঃ না করিয়া রমাপদ তারাচরণের পার্শ্বে আসিয়া উপবেশন করিল।

একজন ক্রেতার সহিত অসমাপ্ত কথা শেষ করিয়া রমাপদের দিকে ফিরিয়া তারাচরণ কহিলেন, “এবার বল কি খবর ; তোমার কথাই আগে শুনি।”



দূরদেশের গ্রাহকবর্গের সহিত পত্র-ব্যবহারের জন্ত কিছুদিন পূর্বে তারাচরণ একজন লোক খুঁজিতেছিলেন। প্রত্যহ অপরাহ্নে দোকানে আসিয়া প্রয়োজনীয় চিঠি-পত্র লিখিয়া দিতে হইবে। অল্প অপর কাজ করিয়াও এ কাজ করা চলে বলিয়া মাসিক পারিশ্রমিক মাত্র পনের টাকা। তারাচরণ রমাপদকে এ কাজের জন্ত একবার বলিয়াছিলেন, কিন্তু বেতন অল্প বলিয়া তখন রমাপদ স্বীকৃত হয় নাই। রমাপদ জানাইল এখন সে সন্তুষ্ট আছে; তবে বিশেষ কোনও প্রয়োজনের জন্ত দুই মাসের বেতন সে অগ্রিম চাহে।

শুনিয়া তারাচরণ কহিলেন, “সে কাজে ত’ একজন লোক বাহাল হয়েছে, অकारणे তাকে ত’ ছাড়তে পারিনে। তবে আমি এর চেয়ে ভাল ব্যবস্থা তোমার করে দিচ্ছি। কিন্তু তার আগে অল্প একটা কথা তোমাকে জানাতে চাই। আমাদের কারখানার সিদ্ধ প্রচার করবার জন্তে আমি একজন উপযুক্ত লোককে বোম্বাই, মাদ্রাজ এবং অন্যান্য অঞ্চলে পাঠাতে চাই। উপস্থিত বেতন মাসিক চল্লিশ টাকা দোব, রাহাখরচ আর খাইখরচ অবশ্য স্বতন্ত্র। তা’ ছাড়া সে নিজের চেষ্টায় আর পরিশ্রমে যে কাজ করবে তার লাভের তিন আনা অংশ দোব। আমার মনে হয় এ নিতান্ত মন্দ কথা নয়। তুমি রাজী আছ ?”

একটু চিন্তা করিয়া রমাপদ জিজ্ঞাসা করিল, “মন্দ কথা নিশ্চয়ই নয়। কিন্তু কত দিন বাইরে থাকতে হবে ?”

“যতদিন বাইরে থাকা লাভজনক হবে ততদিন। উপস্থিত প্রথমবার ত’ তিন মাসের কম নয়।”

রমাপদ বলিল, “আপনি ত’ জানেন আমার বাড়ীতে দ্বিতীয় পুরুষমানুষ কেউ নাই; এত দিন বাইরে থাকা আমার পক্ষে সম্ভব হবে কি না তাই ভাবছি।”

রমাপদের কথা শুনিয়া তারাচরণ ক্ষণকাল চূপ করিয়া রহিলেন—তাহার পর ঈষৎ প্রবলভাবে বলিলেন, “এ কিন্তু অল্পায় রমাপদ! তোমাদের মত লেখাপড়া-জানা যুবকেরা যদি (রাগ ক’রো না) এমনি আঁচল-বাধা হয়ে বাড়ী বসে থাকে, তিন মাসের জন্তে বাইরে যেতেও ভয় পায়, তা হলে তোমাদের নিজের উন্নতিই বা কেমন করে হয়, আর দেশের উন্নতিই বা কেমন করে হয়! বেরিয়ে পড় রমাপদ, বেরিয়ে পড়! বাধা-বন্ধন কেটে-কুটে বেরিয়ে পড়! দূর দূরান্তরে

দেশ-দেশান্তরে চলে যাও! দেখবে তাতে বাড়ীর অকল্যাণ হবে না, কল্যাণই হবে।”

একমুহূর্ত্ত অপেক্ষা করিয়া তারাচরণ বলিলেন, “বউমাকে কিছুদিনের জন্ত বাপের বাড়ী পাঠিয়ে দাও না ?”

একটু ইতস্ততঃ করিয়া ঈষৎ সঙ্কুচিত ভাবে রমাপদ বলিল, “সে হয় না;—সেখানে বিমাতার উপদ্রব।”

“তোমার বাঁধন তা হলে শক্ত দেখছি!” বলিয়া তারাচরণ মূহ হাস্ত করিলেন। তাহার পর বলিলেন, “আচ্ছা, উপস্থিত তোমার অল্প একটা ব্যবস্থা বোধ হয় আমি করতে পারি। আমার একটি বিহারী বন্ধু আছেন, নাম দেওকীলাল চৌধুরী—ভারী চমৎকার লোক—সাধুপ্রকৃতি। তাঁর একটি ছেলে এবার ম্যাট্রিক পরীক্ষা দেবে। পরীক্ষা পর্য্যন্ত একজন শিক্ষকের জন্ত তিনি আমাকে বলছিলেন। উপযুক্ত লোক হলে তিনি মাসিক পঁচিশ টাকা পর্য্যন্ত দিতে রাজী আছেন। আমি তোমার কথা বলেছি। তুমি রাজী আছ কি ?”

উৎফুল্লমুখে রমাপদ বলিল, “নিশ্চয়ই আছি!”

“তা হলে আমি একটা চিঠি লিখে দিচ্ছি, তুমি এখন গিয়ে তাঁর সঙ্গে সাক্ষাত কর, সব ঠিক হয়ে যাবে।” বলিয়া তারাচরণ একটা চিঠি লিখিয়া রমাপদের হস্তে দিয়া দেওকীলালের গৃহের সন্ধান বুঝাইয়া দিলেন।

রমাপদ কিছু বলিবার উপক্রম করিতেছিল, তাহা বুঝিতে পারিয়া তারাচরণ বলিলেন, “এক মাসের বেতন আজই তোমাকে আগাম দিতে আমি লিখে দিচ্ছি—তাতে হবে ত’ ?”

কৃতজ্ঞতায় এবং আনন্দে রমাপদের চক্ষু প্রদীপ্ত হইয়া উঠিল; সে বলিল, “হবে। আপনি যে আমার কতটা উপকার করলেন তা আর আমি কি বলব!”

তারাচরণ মূহ হাসিয়া বলিলেন, “কে কার উপকার করে রমাপদ! একমাত্র গুরুরূপা ভিন্ন কেউ কিছু করতে পারে না। যাও, আর দেবী ক’রো না।”

দোকান হইতে নিজস্ব হইয়া রমাপদ তারাচরণের নির্দেশ অনুসারে অনতিবিলম্বে দেওকীলালের গৃহ-সমীপে উপস্থিত হইল। পথে কয়েকজন বিহারী বালক-বালিকা খেলা করিতেছিল। রমাপদ তাহাদিগকে দেওকীলাল চৌধুরীর গৃহের কথা জিজ্ঞাসা করিল।

এই আকস্মিক ব্যাঘাতে খেলা বন্ধ হইয়া গেল। একটি পনের ষোল বৎসরের বালক অগ্রসর হইয়া আসিয়া বলিল, “চৌধুরীজীকা মক্—কান? উয়ো কিয়া হায়, পীপরকে পেড়কে পাশ?”

রমাপদ চাহিয়া দেখিল অদূরে পথপার্শ্বে একটি অশ্বখ বৃক্ষ রহিয়াছে, তাহার উত্তরে একটি পাকা বাড়ী। গৃহ-সম্মুখে উপস্থিত হইয়া সে দেখিল ভিতর হইতে সদর দরজা বন্ধ। কৌতুহলী বালক-বালিকার দলও তাহার পিছনে পিছনে আসিয়া জুটিয়াছিল।

রমাপদ তাহাদের দিকে ফিরিয়া বলিল, “এহি মকান?”

পূর্কোক্ত বালক কহিল, “হাঁ, পুকারিয়ে জোর সে!”

রমাপদ উচ্চ স্বরে ডাকিল, “চৌধুরী জী হৈ?”

গৃহাভ্যন্তর হইতে কোনো সাড়া পাওয়া গেল না।

বালকেরা বলিল, “আউর্ জোরসে পুকারিয়ে!”

রমাপদ উচ্চ কণ্ঠে দুই তিন বার ডাকিল—কিন্তু কোনো ফল হইল না। না কেহ উত্তর দিল, না কেহ দরজা খুলিল। বালক বালিকার দল পুলকিত হইয়া হাসিতে লাগিল এবং পরস্পরের মধ্যে অনুচ্চস্বরে কি বলাবলি করিতে লাগিল।

রমাপদের সন্দেহ হইল তাহারা তাহাকে প্রতারণিত করিয়াছে। সে ঈষৎ ক্রুদ্ধভাবে একটি বালককে বলিল “ঠীক বোলো, ইয়হ্ দেওকীলাল চৌধুরী জীকা মকান হৈ য়া নহি!”

“জরুর হায়! আপ তো জোরসে পুকারতে হি নহি।”

এ অভিযোগ অসমীচীন বোধ করিলেও অগত্যা রমাপদ আরও উচ্চ কণ্ঠে ডাকিল, “দেওকীলাল বাবু ষর মে হৈ?”

কেহ উত্তর দিল না, কিন্তু এবার দ্বার-পার্শ্বের একটা কামালা খুলিয়া গেল এবং তাহা দিয়া ঘরের ভিতর হইতে দশ এগার বৎসরের একটি স্কটকুটে মেয়ে পথে বালক-বালিকা-পরিবেষ্টিত রমাপদকে দেখিয়া যথেষ্ট কৌতুক উপভোগ করিতে লাগিল।

রমাপদ মেয়েটিকে লক্ষ্য করিয়া বলিল, “দেওকীলাল বাবু হৈ?”

প্রশ্নের উত্তর দিবার কিছুমাত্র উপক্রম না দেখাইয়া বালিকা রমাপদের দিকে চাহিয়া নিঃশব্দে হাসিতে লাগিল।

পথের ছেলোদের মধ্যে একজন বলিল, “দেওকী বাবু উ কা হৈ, খটিয়া পর বৈঠল?”

রমাপদ ভাল করিয়া চাহিয়া দেখিল কক্ষের ভিতর খাটির উপর বসিয়া একটি গৌরবর্ণ বৃদ্ধ কৌতুকোদ্ভাসিত মুখে মৃহ মৃহ হাস্ত করিতেছেন। দেখিয়া তাহার পিত্ত জলিয়া গেল! একবার ভাবিল ছুই চারিটা কটুবা ক্য ‘বলিয়া প্রস্থান করে; কিন্তু মনে পড়িল গরজ তাহারই! তাহা ছাড়া, ব্যাপারটা যে প্রতারণা নহে, একটা কোনো রহস্য ইহার সহিত জড়িত আছে, এ কথা তাহার পুনঃ পুনঃ মনে হইতেছিল।

এই কৌতুক অভিনয়ের উপভোক্তা কেবলমাত্র পথের বালক-বালিকার দল এবং কক্ষের বৃদ্ধ এবং বালিকাই ছিল না। পথের অপর দিকের গৃহ-গবাক্ষ দিয়া একদল রমণী সোৎসুক নেত্রে এই প্রহসন দেখিতেছিল। তন্মধ্যে একটি যুবতী রমাপদের হৃদয় দরশন করিয়া উচ্চাচক্ক কণ্ঠে বলিল, “আরে শিউপরকাশ, বাবুকো বহুৎ দিক্ মৎ কর্— বতা দে, বতা দে!”

শিউপরকাশ সে আদেশ অমান্য করিল না; বলিল, “বাবু, উপ্পর্ দেখিয়ে।”

রমাপদের ধৈর্য্য বিচ্যুতির সন্নিকটে উপস্থিত হইয়াছিল; সে গর্জন করিয়া উঠিল, “কিয়া উপ্পর্ দেখে!” কিন্তু হঠাৎ সদর দ্বারের উপর দেওয়ালে দৃষ্টি পড়ায় সে সেকৌতুহলে দেখিল বড় বড় দেবনাগর অক্ষরে লেখা রহিয়াছে—

সীতারাম বোলো, তব কিবাড়ী খুলে।

পথ দিয়া একজন বিহারী ভদ্রলোক যাইতেছিলেন; অনুমানে ব্যাপারটা বুঝিয়া লইয়া তিনি রমাপদকে বলিলেন, “বাবুজী, সীতারাম না বললে এ বাড়ীর দরজা খোলে না। আপনি একবার সীতারাম বলুন না, দরজা তখন খুলে যাবে।”

এত কাণ্ডের পর এ অমুজ্জা পালন করিতে রমাপদের মনে ক্রোধ, লজ্জা, বিরক্তি, সঙ্কোচ, সমস্ত এক সঙ্গে আসিয়া দেখা দিল;—কিন্তু তাহার বিশ্বাসের অবধি রহিল না, যখন এ সকল বাধা অনায়াসে অতিক্রম করিয়া সহসা তাহার মুখ দিয়া বাহির হইল, “সীতারাম!” রমাপদ মনে মনে হাসিয়া বলিল, “গরজ বড় বালাই!”

নিমেষের মধ্যে ঘরের ভিতরের বালিকাটি দ্বার উন্মুক্ত করিল, এবং সৌম্যদর্শন বৃদ্ধ দেওকীলাল হাসিতে হাসিতে বাহিরে আসিয়া বলিলেন, “ছমা কিজিয়ে বাবুজী! আপকো বহুৎ কষ্ট দিয়া। পরন্ত্ নাম জী জী তো হো গিয়া;

ইৎনাহি আনন্দ হয়! অব্ আক্সা দিজিয়ে আপ্কৌ কোর্নসী সেবা কর।”

পথের বালক-বালিকার দল তিনবার সজোরে সীত্‌তারমি বলিয়া মহোন্মাদে প্রস্থান করিল।

ক্রোধ এবং বিরক্তি অনেকটা অস্তহিত হইলেও তখনও মনের যা বিচিত্র মিশ্র অবস্থা ছিল তাহাতে কি বলিবে ভাবিয়া না পাইয়া রমাপদ পকেট হইতে তারাচরণের চিঠি-খানি বাহির করিয়া দেওকৌলালের হস্তে দিল।

চিঠি পড়িয়া বৃদ্ধের মুখ প্রসন্ন হইয়া উঠিল; বলিলেন, “তব্ তো আউন্ আনন্দ হয়! হররোজ আপকৌ মজকুরন্ এক বারে সীতারাম বোলনা পড়ে গা!” বলিয়া উচ্চ স্বরে হাসিতে লাগিলেন। তাহার পর একজন ভৃত্যকে ডাকিয়া বলিলেন, “পচ্চীশ্ রূপয়ে লাও।”

নরেশচন্দ্র এবং সুকুমারী প্রস্থান করিলে যাহাতে অধ্যাপনা আরম্ভ হয় সেই আন্দাজে রমাপদ কয়েক দিন পিছাইয়া লইল।

টাকা পাইয়া রমাপদ একটা রসীদ লিখিয়া দিবাব কথা তুলিল।

দেওকৌলাল হাসিতে লাগিলেন, “নহী, নহা বাবুজী, রসীদ মৎ লিখিয়ে। জিৎনৌ লিখাপটি—জিৎনে দস্তাবেজ—উৎনাসী বখেড়া।”

সন্ধ্যার পর রান্না চড়াইয়া সরমা তাহার পত্রকে ঘুম

পাড়াইতেছিল, রমাপদ আসিয়া তাহার নিকট একটা বাণ্ডুল ফেলিয়া দিল।

বাণ্ডুলটা হাত দিয়া নাড়িয়া সরমা বলিল, “এ এত কি আনলে?”

“কিছু জামা কাপড়।”

একটু ব্যগ্রভাবে সরমা বলিল, “রহিম বস্ত্রের কাছে ধার করে না ত?”

উৎফুল্ল মুখে রমাপদ বলিল, “এবার আর রহিম নয় সরমা—এবার স্বয়ং রাম!” বলিয়া আত্মোপাস্ত ‘সীতারাম’ কাহিনী সরমাকে শুনাইল।

শুনিয়া সরমা হাসিতে লাগিল। তাহার পর প্রশান্ত-মুখে বলিল, “এইবার দেখো, সীতারাম তোমার অর্থের দরজা খুলে দেবেন!”

রমাপদ হাসিতে হাসিতে বলিল, “হ্যাঁ, আলিবাবার সীসেমের মত!”

পরদিন রমাপদ রাজমিস্ত্রী লাগাইয়া সমস্ত বাড়ী চূণকাম আরম্ভ করিয়া দিল, মজুর দিয়া জঙ্গল কাটাইল, বিত্তর সাহায্যে আসবাবপত্র যথাসম্ভব ঝাড়িয়া মুছিয়া পরিষ্কার করিল। দোকানে গিয়া সাবান, তোয়ালে, সুগন্ধ তৈল, মাজন প্রভৃতি কিনিয়া আনিল। চটি মেরামত করাইল, শেওলা ঘষিয়া উঠাইল, এবং আরো কি করিতে হইবে সে জন্ত সরমাকে বাস্ত করিয়া তুলিল। (ক্রমশঃ)

## দরদী

### বন্দে আলো মিয়া

এই রোদেরি বিদায় চাওয়া দীর্ঘ রাঙা মায়া  
এতক্ষণে মোদের আঙিনাতে  
জটলা করে দাঁড়িয়ে গেচে—ফেল্‌চে তাদের ছায়া  
দখিণ মুখী পূবছয়ারী ছাতে।  
পুকুর পাড়ে যেখানটাতে পতিত জমি আছে  
কেওড়া ঘেরা সারি কয়েক বাঁশের ঝোপের কাছে,  
মা বুকি মোর একলা বসে বিকাল এমন ক্ষণে  
আমার কথা নানান্ ভাবে ভাব্‌চে আপন মনে।  
হয়তো রোদে পিঠ পুড়িচে মাথায় আঁচল নাই  
একের বাদে ফাঁকা সকল ঠাই।  
একটি ছেলে তাহারে তাও বিদেশে দিয়ে হার  
দিবস-রাতি কাটতে নাহি চায়।

চলে এলাম বিদায় লয়ে চোকের ভেজা পাতার  
কুয়াশ-টাকা শীতের সকাল বেলা—  
মা' যে আমার গাছের আড়ে দাঁড়িয়ে তখন ঠায়  
কাঁদন চেপে কেবল একেলা।  
আজ বিদেশে পড়াশুনায় সকল কাজের মাঝে  
কর্ণপুটে স্নেহভরা ডাকটি তাহার বাজে,  
করণ অতি বেদনা-মাথা ভুলতে সে মুখ নারি  
জননী মোর দেবীর দেবী—অমৃত ক্ষীর-ঝারি।  
হয় গো মনে সকল ফেলি পালাই তাহার বুক  
আঁচল কোণে রাখি আমার লুকে,  
ওমা তোমার ছুটু ছেলে শান্ত এখন বড়ো,  
একলা কাঁদি কমা আমার করো।



### চরকার প্রভু

সেদিন এক খবরের কাগজে পড়লাম, একজন লিখেছেন—

“এত জিনিষ থাকতে চরকাকে সকলের উচ্ছে স্থান দেওয়া হোল কেন? চরকা প্রত্যক্ষভাবে যেমন বস্ত্র-সমস্যার সমাধান করে, তেমনি টেকি আমাদের ও যাতা পশ্চিমের লোকের অন্ন-সমস্যার সমাধান করে থাকে। অন্ন-সমস্যাই মানুষের সর্বপ্রথম ও সর্বপ্রধান সমস্যা, বস্ত্র-সমস্যা তার পরে। সর্বোচ্চে স্থান দিতে হোলে টেকিকে বা যাতাকেই দেওয়া উচিত— চরকাকে নয়!”

বিষয়টা নিয়ে চিন্তা না করে থাকতে পারলাম না।

\* \* \* \* \*

অন্ন-সমস্যাই আমাদের সর্বপ্রধান সমস্যা। আগে যখন বাঙ্গলার প্রতি ঘরেই টেকি ছিল, তখন আমাদের অন্নের কোনই অভাব ছিল না। এখন আমরা সেই টেকির আদর না করেই অন্নকষ্টে পড়েছি। আমরা যদি নিজেদের বাঁচাতে চাই, স্বরাজ লাভ করতে চাই, তাহলে আমাদের আগু কর্তব্য প্রতি ঘরে টেকির প্রচলন করা। আমরা অনর্থক দ্বিগুণ দাম দিয়ে চাল কিনছি, অথচ অর্ধেক দামে ধান কিনতে পাওয়া যায়। বাড়ীতে টেকিতে সেই ধান একটু পরিশ্রম করে ভেঙ্গে নিলেই আমাদের প্রধান খরচ—চাল কেনার খরচ—অর্ধেক কমে যায়। আসল খরচটা কমে সারতে পারলে, কাপড় বা অন্ত জিনিসের জন্ত খরচ একটু বেশী হলেও বড় এসে-যায় না। কথা উঠতে পারে— টেকি হোল, ধানও এলো, এখন ভাঙ্গবে কে? আমি বলি,

সকলেই ভাঙ্গবে! অনেক দিন অভ্যাসটা ছেড়েছি বলে’ প্রথম একটু কষ্ট হ’তে পারে, কিন্তু সে জন্ত পিছোলে চলবে না। অন্ন-সমস্যা’র সমাধান করতে হলে, তথা স্বরাজের পথ পরিষ্কার করতে হলে, ধান ভাঙ্গা চাই-ই। প্রত্যেক দিন পনের মিনিট করে ধান ভাঙ্গলেই চলতে পারে, তাতেই যে চাল তৈরী হবে, তা এক দিনের পক্ষে যথেষ্ট।

সেকালে বাঙ্গালীর মেয়েরা সকলেই ধান ভাঙ্গতে পারত, তাদের সকলের স্বাস্থ্যও সেজন্ত খুব ভাল ছিল। আজকাল যেমন বাঙ্গলার সর্বত্র নারী-নির্ঘাতন ঘটছে, তখনকার দিনে তা ঘটবার সম্ভাবনাই ছিল না। কথায় আছে “লাধির টেকি কি চড়ে ওঠে?”—টেকিতে ধান ভাঙ্গতে রীতিমত লাধির চালনা করতে হো’ত। ধানভাঙ্গা পারের অভ্যস্ত লাধির ভয়ে দুর্ভুক্তরা নারীদের কাছে অগ্রসর হতেই সাহস করত না। এখন যদি ঘরে ঘরে আবার টেকির প্রচলন করা যায়, তাহলে নারী-নির্ঘাতনের সম্ভাবনাও দূর হয়ে যাবে।

সেকালে কেবল নারীরাই ধান ভাঙ্গত, এখন কিন্তু নার পুরুষ দুজনকেই ধান ভাঙ্গতে হবে। কারণ দুজনেরই স্বাস্থ্যোন্নতি হওয়া সমান দরকার। আজকাল প্রায়ই বিদেশী লোকের জোর লাধিতে আমাদের দেশের লোকের পীলে ফাটতে দেখা যায়। আমরা যদি ধান ভেঙ্গে লাধির জোর করে নিতে পারি, তাহলে তারা উঁটা লাধি খাবার ভা আর ও-কাজটা করতে সাহস পাবে না।

টেঁকিতে অন্ন-সমস্তার সমাধানের সঙ্গে সঙ্গে স্বাস্থ্য লাভ ত হবেই, অধিকন্তু টেঁকি গৃহস্থকে চোর, ডাকাত, ছর্কুতদের হাত থেকেও রক্ষা করবে! বীর আশানন্দ টেঁকি যে কি করে টেঁকির সাহায্যে ডাকাত তাড়িয়েছিলেন, সে কথা আমাদের দেশের কারও আর অজানা নেই।

টেঁকি থাকলে অর্থাৎ অন্ন-সমস্তা না থাকলে, ভগবানকে পাওয়াও সহজ হয়ে যাবে। আমাদের শাস্ত্রে আছে যে, দেবর্ষি নারদ টেঁকিতে চড়ে ত্রিভুবনে হরিগুণ গান করে

সকল দিক দিয়ে ভাল করে বিবেচনা করে দেখলে, টেঁকিকেই সর্বোচ্চ স্থান দেওয়া এবং যাতে ঘরে ঘরে তার প্রচলন হয় সেজন্য সকলের প্রাণপণ চেষ্টা করা অবশ্য করা কর্তব্য।

আমাদের কাছে যেমন টেঁকি, তেমনি পশ্চিমে য়াঁতা। য়াঁতাতেই গম ভেঙ্গে পশ্চিমের লোক অন্ন-সমস্তার সমাধান করে থাকে। আগে সেদিকে ঘরে ঘরে য়াঁতা ছিল, লোকে অর্ধেক খরচেই ইচ্ছামত আটা ময়দা তৈরী করে নিত।



বাঙ্গালী নারীরা টেঁকিতে ধান ভাঙ্গছেন

বেড়াতে। এত বাহন থাকতে তিনি টেঁকিতে চড়তে গেলেন কেন? এটা রূপক মাত্র। আসল অর্থ এই যে, তাঁর ঘরে যথেষ্ট অন্ন ছিল, তাঁকে সে জন্তু ভাবনা করতে হোত না, তিনি নির্ভাবনাতেই ভগবানের নাম করে বেড়াতে। আমরাও যদি টেঁকিকে বাহন করতে, অর্থাৎ টেঁকির সাহায্যে অন্ন-সমস্তার সমাধান করতে পারি, তা হলে আমরা নির্ভাবনায় দেবর্ষি নারদের মতই হরিগুণ গান করে সমস্ত কাটাতে পারবো।

এখনকার মত দ্বিগুণ দাম দিয়ে সাদা মাটি বা নরম পাথর গুঁড়া মিশান অখাত্ত কিনে খেতে হোত না। য়াঁতার আদর কমেই পশ্চিমের লোকদের স্বাস্থ্য নষ্ট হয়ে গিয়েছে। তাদের এখন নষ্টস্বাস্থ্য পুনরুদ্ধার করতে হোলে এবং ভবিষ্যতে আমাদের সঙ্গে স্বরাজের দিকে সমানভাবে অগ্রসর হতে হোলে, অচিরেই ঘরে ঘরে য়াঁতার প্রচলন করা উচিত।

মেয়ে পুরুষ উভয়েরই প্রতিদিন পনের মিনিট করে

যাঁতা ঘোরান উচিত, তাতে নিজের খোরাকের মত গম ভাজা ত হবেই এবং সেই সঙ্গে স্বাস্থ্যের যথেষ্ট উন্নতি ও হাতে খুব জোর হবে। হাতের জোর হলেই যাঁতাও ক্রমশঃ খুব জোরে ঘুরতে থাকবে। “যাঁতা ঘোরে হাতের জোরে” এই সার কথাটার সত্য উপলব্ধি করতে তখন আর কারও কষ্ট হবে না। যাঁতা ঘোরার সঙ্গে সঙ্গেই হুঃখ, দারিদ্র্য

অন্ন-সমস্যার সমাধানের পরের কথা। অন্ন-সমস্যার সমাধান করতে পারলেই, ক্রমশঃ অনেক অল্প সমস্যার সমাধান আপনা হতেই হয়ে যাবে। পনের মিনিট করে চরকা কাটলে খানিকটা সূতা তৈরী হতে পারে বটে, কিন্তু তাতে ব্যায়াম বা হাতের জোর কিছুই হবে না। আমরা বড় দুর্বল হয়ে পড়েছি ; আমাদের এখন উচিত, যাতে আমরা স্বাস্থ্যবান ও সবল হতে পারি সেই রকম একটা কিছু অবলম্বন করা। টেকি বা যাঁতার সাহায্যেই এই উদ্দেশ্য সাধন করা যেতে পারে! চরকা কাটা যেন নিষ্কর্মার বা দুর্বলের (যার দ্বারা টেকিতে ধান ভাজা বা যাঁতার গম পেশা সম্ভব নয়) কাজ। ওটাতো পুরুষের উপযোগী কাজই নয়, সেকালে মেয়েরাই অবসর সময়ে একটু আধটু করতো। কথায় আছে, “হয় ছেলে ধর, নয় চরকা কাট!”—অর্থাৎ অবসর সময়ে ছেলেকে ধরতে বা চরকা কাটতে হোত।



মেঘনি নারদ টেকি চড়ে শৃঙ্গপথ দিয়ে যাচ্ছেন

ও দুর্বলতা দূর হয়ে গিয়ে লোকে নূতন জীবন লাভ করবে।

পশ্চিমে যাঁতাই যে সর্বোচ্চ স্থান পাওয়ার অধিকারী এবং ঘরে ঘরে এখনই যে যাঁতার প্রচলন হওয়া একান্ত আবশ্যিক, সে বিষয়ে কোনই দ্বিমত থাকতে পারে না।

চরকা বস্ত্র-সমস্যার সমাধান করে বটে, কিন্তু সেটা

যাবে। সঙ্গে সঙ্গে ভবিষ্যৎ স্বরাজের আশাও আকাশ-কুমুদ হয়ে দাঁড়াবে।

টেকি ঘুরিয়ে বা যাঁতার পাথর ছাধানা ছুড়ে মেরে সেকালে যে কত যন্ত্রণায় দুর্বলতাদের তাড়ান হয়েছে, তার ইয়ত্তা নেই। চরকার দ্বারা কিন্তু এরকম কোন সাহায্য পাবার আশা নেই। ছুড়ে মারা ত দূরের কথা, অসাবধানে

ধাক্কা লাগলে বা পড়ে গেলেই চরকার টুকরো কাঠগুলো ভেঙ্গে চুবমার হয়ে যায়। তখন সেগুলো আগানি করা ছাড়া আর কোন কাজেই আসে না।


মাথার গোল ঘটে না থাকলে লোকে চরকাকে কিছুতেই টেঁকি বা খাতার ওপরে স্থান দিতে পারে না।

\* \* \* \* \*

সকালে ঘুম থেকে উঠে দেখলাম সব সরল হয়ে এসেছে। কাল যা স্থির করেছিলাম, সে সবই ভুল। টেঁকি বা খাতাকে কিছুতেই উচ্ছে স্থান দেওয়া যেতে পারে না। চরকাকে যে সকলের উচ্ছে স্থান দেওয়া হয়েছে, সেইটাই ঠিক হয়েছে।

পেটে অন্ন পড়েছে কি না সে কেহই দেখতে যায় না, কিন্তু অন্নের বন্নের দিকে সকলেরই প্রথম দৃষ্টি থাকে। এখনকার দিনে আমাদের যতই বন্ধ-সমস্যার সমাধান হবে, ততই আমরা সভ্যতার পথে, তথা স্বরাজের পথে অগ্রসর হতে থাকে। চরকাই আমাদের অগ্রসর করে দেবে, টেঁকি বা খাতা কিছুতেই এ কাজ সাধন করতে পারবে না।

আমাদের দুর্বল শরীর ক্রমশঃ আরও দুর্বল হয়ে পড়লেও স্বরাজ পাবার কোন বাধা হবে না। কারণ, চরকা ঘোরাতে কোন রকম বলের দরকার করে না। শরীরে ম্যালেরিয়া, অম্বল বা বন্না যে কোন রোগই থাক না



পশ্চিমা নারীরা খাতা ঘোরাচ্ছেন

অসভ্যতার যুগে অন্ন-সমস্যাই প্রধান সমস্যা থাকলেও এখন এই বিংশ শতাব্দীর সভ্যতার যুগে তা আর নেই। বন্ধ-সমস্যাই এখন সর্বপ্রধান সমস্যা হয়ে দাঁড়িয়েছে। এই সমস্যার সমাধান করতে সভ্য মানুষে একবারে অস্থির হয়ে পড়েছে। আগেকার যুগে বন্ধ না পেলেও মানুষে কিছু অশুবিধা ভোগ করতো না, তখন পেট ভরে খেতে পেলেই সকলে সন্তুষ্ট থাকতো। এখনকার দিনে অন্ন না জুটলেও স্বপ্ন চাই-ই। বন্ধই সভ্যতার প্রধান নিদর্শন। যে জাত যত বেশী বন্ধ পরিধান করে, সেই জাত তত বেশী সভ্য।

কেন লোকে বসে বসে স্বচ্ছন্দে চরকা কাটতে পারবে। বিশেষতঃ অনাহারে উপবাসে মাথাটা হালকা হয়ে থাকলে, হাতে সূতাও খুব সূক্ষ্ম হয়ে বের হবে! দুর্বল মানুষের পক্ষে চরকা যেন ভগবানের দেওয়া অমোঘ অস্ত্র—এই অস্ত্রের জোরেই জয় অবশ্যস্তাবী।

টেঁকি বা খাতা কোনটিকেই উচ্ছে স্থান দেওয়া, অথবা দুর্বল অধীন জাতের মধ্যে তাদের প্রচলন হওয়া কিছুতেই বাঞ্ছনীয় নয়। দুর্বল শরীরে টেঁকি বা খাতার ব্যবহার আরম্ভ করলেই আমরা ক্রমশঃ আরও দুর্বল হয়ে পড়বো।

বিশেষতঃ একালের নারীরা ও ছুটির প্রচলনের কথা শুনেই মুর্ছা যেতে পারেন, এ রকম সম্ভাবনাও আছে।

টেকি বা খাঁতা প্রচলনের চেষ্ঠায় আরও বিপদ আছে। আমরা অধীন জাত, ও ছুটো মারাত্মক জিনিষ চালনা করতে গেলে হয় ত বা অল্প আইনের আমলে পড়ে যাবো। কারণ, ওদের সাহায্যে আত্মরক্ষা বা যুদ্ধ যে করা যেতে পারে সে বিষয় কোন সন্দেহই নেই। চরকাতে কিন্তু সে ভয় কিছুই নেই, যত ইচ্ছা নাড়াচাড়া কর অল্প আইন কাছ দিয়ে আগাতেও পারবে না।

চরকার আরও সুবিধা যে তাকে বড় মাঝারি, ছোট বা ফোল্ডিং নানা আকারের করা যায়। পকেট এবং ট্যাক্ চরকাও যে ছুদিন পরে দেখতে পাবো এ রকম আশা খুবই আছে। কিন্তু টেকি বা খাঁতার বেলা এ-সব একেবারেই অসম্ভব। নানারকম সুবিধা আছে বলেই, আজ মহারাজা মহারানী থেকে মজুর মজুরণী সকলের হাতেই সমান ভাবে চরকা ঘোরা সম্ভব হয়েছে।

চরকার সুন্দর আকৃতিই তাকে সকলের চিত্তজয়ী করে তুলেছে। 'আজ এই কারণেই আমরা নিশানের ওপরে,



সুসভ্যা সুসজ্জিতা নারী ড্রয়িংরুমে বসে চরকা কাটছেন

টেকি বা খাঁতা প্রচলনের সর্বপ্রধান অসুবিধা, ও-ছুটির আকৃতি ও প্রকৃতি বড় অসভ্য ধরণের। ওদের চালনার সময় সভ্যতা বজায় রাখা অসম্ভব। চরকাতে সে দোষ কিছুই নেই, বেশ সভ্য ও সৌখীন ভাবেই চরকা চালনা করা যায়। সভ্যা নারীরা ড্রয়িং বা বেডরুমে, চেম্বারে, সোফায় বসে, ভাল শাড়ী জ্যাকেটে সুসজ্জিতা অবস্থায় অবলীলাক্রমে চরকায় সূতা কাটতে পারেন। চরকা একটু ভাল করে তৈরী করলে, সেটা একটা সুন্দর আসবাবে পরিণত হয়ে ঘরের শোভা বৃদ্ধিও করে থাকে।

চিঠির কাগজ বা খামের মাথায়, ডিজাইনে, ট্রেড মার্কে চরকা অঙ্কিত হতে দেখছি। নারীদের প্রাণাপেক্ষা প্রিয় সামগ্রী অলঙ্কারের মধ্যেও চরকা নিজের স্থান করে নিয়েছে। সোনা, রূপা বা জড়োয়ার চরকা-ব্রোচ নারীরা আদরে অঙ্গে ধারণ করছেন। তাঁদের দৃষ্টান্তে অনুপ্রাণিত হয়ে পুরুষেরাও আজ কাল ঘড়ির চেনে চরকা-লকেট, কোলাতে আরম্ভ করেছেন।

চরকায় যে আজ সকলের ওপর প্রভুত্ব করছে, সে তার নিজের নানা গুণের জোরেই। এত গুণ যার, সে ত প্রভুত্ব করবেই—তখন এ বিষয় নিয়ে মাথা ঘামানই বৃথা!



## শোক-সংবাদ

৷রাজা প্রমদানাথ রায় বাহাদুর

দিবাঁপতিয়ার রাজা প্রমদানাথ রায় বাহাদুর বিগত ১৭ই জুন ১৯২৬, ২রা আষাঢ়, ১৩৩৩ বৃহস্পতিবার রাত্রি একটার সময় আত্মীয় স্বজন বন্ধুবান্ধবদিগকে ঘপার শোক-সাগরে ভাসাইয়া সাধনোচিত ধামে প্রস্থান



৷রাজা প্রমদানাথ রায় বাহাদুর

করিয়াছেন; এই নিদারুণ সংবাদে আমরা মর্মান্বিত হইয়াছি। অতি অল্প কয়েক মাসের মধ্যেই ছই অকৃত্রিম পক্ষ চলিয়া গেলেন,—রাজসাহী প্রদেশের ছই অতাজ্জল

আলোক-সুস্থ ভাঙ্গিয়া পড়িল। নাটোরের মহারাজ জগদিন্দ্রনাথ ও পার্শ্ববর্তী দিবাঁপতিয়ার রাজা প্রমদানাথ আবাল্য বন্ধু ছিলেন, পরস্পরের সুখ দুঃখের সঙ্গী ছিলেন। তাই বুঝি মহারাজ জগদিন্দ্রনাথের বিয়োগ-বেদনা সহ্য করিতে না পারিয়া রাজা প্রমদানাথ অল্পদিনের ব্যবধানেই প্রিয় বন্ধুর অনুগমন করিলেন। কিছুদিন হইতেই রাজা বাহাদুরের শরীর অসুস্থ ছিল; কিন্তু এত শীঘ্রই যে তিনি চলিয়া যাইবেন, ৫৩ বৎসর বয়সেই যে তাঁহার ভবের খেলা শেষ হইবে, ইহা আমরা স্বপ্নেও ভাবি নাই। মহারাজ জগদিন্দ্রনাথের চিতাপার্শ্বে দাঁড়াইয়া রাজা প্রমদানাথ যখন বেদনা-কাতর স্বরে বলিয়াছিলেন “যাও মহারাজ, আমিও আস্ছি” তখন আমরা তাঁহার এই কথা বন্ধু-বিয়োগ-কাতরতার মর্মেচ্ছাস বলিয়াই মনে করিয়াছিলাম; কিন্তু বিধাতা যে অলক্ষ্যে বসিয়া রাজার এই কাতর প্রার্থনা শুনিয়াছিলেন, তাহা ত ভাবি নাই। তাঁহার শ্রায় কর্মবীর, সদাশয়, অমায়িক, দানশীল মহাত্মাকে হারাইয়া উত্তরবঙ্গ কেন, সমগ্র বাঙ্গালা দেশের যে ক্ষতি হইল, তাহার আর পূরণ হইবে না। রাজা প্রমদানাথ দরিদ্রের বন্ধু ছিলেন, অসহায়ের সহায় ছিলেন; রাজসাহী অঞ্চলের সকল দেশ-হিতকর কার্যের অগ্রণী ছিলেন। তিনি এবং তাঁহার ভ্রাতৃত্ব পরলোকগত কুমার হেমন্তকুমার, শ্রীযুক্ত কুমার শরৎকুমার ও শ্রীযুক্ত কুমার বসন্তকুমার রাজসাহীর বরেন্দ্র অনুসন্ধান সমিতি গড়িয়া তুলিয়াছেন; এই সমিতির জন্ত তাঁহারা অকাতরে অর্থ-ব্যয় করিয়াছেন। রাজা প্রমদানাথ কাউন্সীল অব ষ্টেটের সদস্য ছিলেন; সেখানে সকলেই তাঁহাকে যথোচিত সম্মান করিতেন; তাঁহার কর্তব্য-পরায়ণতা, তাঁহার অমায়িক ভদ্র-ব্যবহার তাঁহাকে সর্বজনপ্রিয় করিয়াছিল। ধনী-দরিদ্র সকলের জন্তই তাঁহার দ্বার উন্মুক্ত ছিল। মৃত্যুর পূর্বে তিনি ইচ্ছা প্রকাশ করিয়াছিলেন যে, তাঁহাকে যেন তাঁহার জন্মভূমিতে সৎকার করা হয়। তাঁহার সে অন্তিম বাসনা পূর্ণ করা হইয়াছে। আমরা স্বামী-শোক-কাতরা রাণী মহোদয়া, সামুজ কুমার প্রতিভানাথ, রাজা বাহাদুরের ভ্রাতৃত্ব ও অসংখ্য আত্মীয়-বান্ধবগণের এই গভীর শোকে সহানুভূতি প্রকাশ করিতেছি।

### কুমার বিজনেন্দ্রনাথ রায়

দিঘাপতিয়ার রাজা প্রমদানাথের পরলোক-গমনের পর ষাট দিন বাইতে না বাইতেই তাঁহার প্রাণাধিক দ্বিতীয় পুত্র কুমার বিজনেন্দ্রনাথ পূজনীয় পিতৃদেবের উদ্দেশে জীবনের পরপারে চলিয়া গেলেন; দিঘাপতিয়া রাজত্ববনে পুনরায় হাহাকার ধ্বনি উঠিল, কুমার বাহাদুরের আত্মীয়গণের



কুমার বিজনেন্দ্রনাথ রায়

শোক-কাতর ক্রন্দনরবে দিগ্‌মণ্ডল প্রতিধ্বনিত হইল। কুমার বিজনেন্দ্রনাথ কলিকাতা বিশ্ব-বিদ্যালয় হইতে বি-এ পরীক্ষায় উত্তীর্ণ হইয়া বিলাতে বারিষ্টারী পড়িতে গিয়াছিলেন। পিতার পীড়ার সংবাদ পাইয়া এবং নিজেও অসুস্থ হইয়া বিলাতের চিকিৎসকগণের উপদেশ মত বিগত

এপ্রিল মাসে তিনি দেশে প্রত্যাবর্তন করেন। তিন মাসের মধ্যেই পিতাপুত্র দুইজনেই ১২ দিনের ব্যবধানে শান্তিধামে চলিয়া গেলেন। মৃত্যু সময়ে কুমার বিজনেন্দ্রনাথের বয়স মাত্র ২৯ বৎসর হইয়াছিল। ঐ নিদারুণ শোকের সাক্ষ্য নাহি! ভগবানের বিধান অবনত মস্তকে গ্রহণ করা বাতীত উপায়ান্তর ত নাহি!


### চিররঞ্জন দাশ

দেশবন্ধু চিত্তরঞ্জনের একমাত্র পুত্র চিররঞ্জন পিতার পরলোক গমনের পর এক বর্ষ পূর্ণ না হইতেই অকস্মাৎ হৃদস্পন্দন বন্ধ হওয়ায় মৃত্যুমুখে পতিত হইয়াছেন। পুত্র-শোকাতুরা মাতা বাসন্তী-দেবীকে এ সময় আমরা কি বলিয়া প্রবোধ দিব? একমাত্র সন্তানের বিরোগে বিধবা মায়ের প্রাণে যে কি বিষম বেদনা লাগে, তাহা কথায় প্রকাশ করা যায় না। দেশবন্ধুর পরলোকগমনে তিনি অধীরা হইয়াছিলেন বটে, কিন্তু স্বামীর অসমাপ্ত কার্য সম্পন্ন করিবার জন্ত তিনি জন্মে অমিত বলের সঞ্চয় করিয়া-ছিলেন; প্রকৃত সহশ্র্মিলী, সহকর্মিলীর কর্তব্য তিনি বিশ্বস্ত হন নাই। এখন একমাত্র পুত্রের বিরোগে তাঁহার উপর আবার একটা সংসারের ভার পড়িল, চিররঞ্জনের তিনটা শিশু কস্তার মুখের দিকে চাহিয়া তাঁহাকে জন্মে বল-সঞ্চয় করিতে হইবে। তাঁহার স্ত্রীর মহিয়সী মহিলাকে আমরা আর কি সাহসনা দিব; তাঁহার এক পুত্র গিয়াছে, শতসহস্র পুত্র তাঁহার মুখের দিকে চাহিয়া আছে।

### নিমাইচন্দ্র বসু

কলিকাতা হাইকোর্টের সুবিখ্যাত এটর্নী নিমাইচন্দ্র বসু মহাশয় পরলোকগত হইয়াছেন। তিনি বৃদ্ধ হইয়া ছিলেন; পুত্র পৌত্র, ছহিতা, দৌহিত্র, বহু আত্মীয়স্বজন পরিবৃত হইয়া অস্তিম্বে হরিনাম করিতে করিতে বহু মহাশয় চলিয়া গেলেন। এ মরণ ত সুখের; ইহার ক:

শোক করিতে নাই। নিমাই বাবু কলিকাতার একজন গণ্যমান্য নাগরিক ছিলেন; এটর্নীর কার্যে তিনি বহু অর্থ উপার্জন করিয়াছিলেন, এবং যেমন উপার্জন করিয়াছিলেন, তেমনি অকাতরে ছই হাতে ব্যয় করিয়া গিয়াছেন। পঞ্চাশ বৎসরের অধিক কাল তিনি বিশেষ প্রতিষ্ঠার সহিত এটর্নীর কার্য করিয়াছিলেন। কলিকাতা মহলে দেশ হিতকর ও সকল অমুঠানেই নিমাই বাবু যোগদান করিতেন। তাঁহার ব্যবহারে, তাঁহার অমানিকতায় সকলেই তাঁহাকে বিশেষ সম্মানের চক্ষে দেখিতেন। বৃদ্ধ বয়সেও তিনি যুবকের জায় কর্মক্ষম ছিলেন। হাইকোর্টের ব্যবহারী জীবগণ এবং বিচারপতিগণ নিমাই বাবুকে তাঁহার কার্যকুশলতার জন্য বিশেষ সম্মান করিতেন। মৃত্যুকালে তাঁহার বয়স ৮০ বৎসর হইয়াছিল। ভগবানের নিকট প্রার্থনা করি, তাঁহার উপযুক্ত পুত্রেরা পিতার জায় যশস্বী হইয়া, পিতার জায় দীর্ঘ জীবন লাভ করুন।



নিমাইচন্দ্র বসু

## সাময়িকী

এবার 'ভারতবর্ষের' প্রচ্ছদ-পটে ষাটার প্রতিমূর্তি প্রকাশিত হইল, তাঁহার নাম সকলের জানা থাকিলেও, অনেকে এই ধীমান পণ্ডিতের সম্যক পরিচয় অবগত নহেন। এই কারণে আমতা পরলোকগত রাজা রাজেন্দ্রলাল মিত্র মহাশয়ের জীবন-কথা এখানে সংক্ষেপে বিবৃত করিতেছি। কলিকাতার উপকণ্ঠবর্তী সূঁড়ার এক প্রাচীন মিত্র পরিবারে রাজেন্দ্রলাল ১২২৮ সালের ফাল্গুন মাসের ৬ই তারিখে জন্মগ্রহণ করেন। তাঁহার পিতার নাম জন্মেজয় মিত্র। রাজেন্দ্রলাল জন্মেজয় মিত্র মহাশয়ের তৃতীয় পুত্র।

বাল্যকালে সেকালের প্রথা অনুসারে পল্লীর পাঠশালার তাঁহার হাতে-খড়ি হয়। তাহার পর ১২৩৮ সালে তিনি কেমচন্দ্র বসুর ইংরাজী বিদ্যালয়ে প্রবিষ্ট হন এবং ১২৪১ সালে উক্ত বিদ্যালয় ত্যাগ করিয়া গোবিন্দচন্দ্র বসাকের বিদ্যালয়ে যান। সেকালে কেম বসুর স্কুল ও গোবিন্দ বসাকের স্কুলই কলিকাতার ছইটি প্রসিদ্ধ ইংরাজী বিদ্যালয় বলিয়া পরিচিত ছিল। এই বিদ্যালয়ে পাঠ সমাপ্ত করিয়া রাজেন্দ্রলাল ১৮৩৭ খৃষ্টাব্দের ৩রা ডিসেম্বর কলিকাতা মেডিকেল কলেজে প্রবিষ্ট হন। তিনি মেডিকেল কলেজে

ব্যাস্লি, গুডিভ্ প্রভৃতি প্রসিদ্ধ চিকিৎসক ও অধ্যাপক-গণের বিশেষ স্নেহ লাভ করেন। ক্যামেরন নামক একজন সাহেব রাজেন্দ্রলালের গৃহশিক্ষক ছিলেন। এই সাহেব তাঁহাকে ইংরাজী ভাষা ও সাহিত্যের অধ্যাপনা করিতেন। ১৮৪১ খৃষ্টাব্দে দ্বারকানাথ ঠাকুর মহাশয় যখন বিলাত গমনের আয়োজন করেন, তখন তিনি ঘোষণা করেন যে, তিনি মেডিকেল কলেজের পাঁচজন উৎকৃষ্ট ছাত্রকে নিজের ব্যয়ে বিলাতে লইয়া গিয়া চিকিৎসা-বিজ্ঞান শিক্ষা দিয়া আনিবেন। সেই সময় তিনি রাজেন্দ্রলালকে এই কয়জনের অন্ততম নির্বাচন করেন। কিন্তু, পিতার অমত হওয়ায় রাজেন্দ্রলালের বিলাতে যাওয়া হয় না। ইহার কিছুদিন পরেই মেডিকেল কলেজের কর্তৃপক্ষগণের সহিত মনোমালিঞ্জ হওয়ায় রাজেন্দ্রলাল উপাধি গ্রহণ না করিয়াই মেডিকেল কলেজ পরিত্যাগ করেন এবং অল্পদিন পরেই আইন পড়িতে আরম্ভ করেন এবং যথাসময়ে আইনের পরীক্ষাও দেন ; কিন্তু সেবার পরীক্ষার উত্তরের কাগজ চুরী যাওয়ায় তিনি পাশ করিতে পারেন নাই। এই সময়ে ডাক্তারি উদ্যোগনেসি কলিকাতা এসিয়াটিক সোসাইটির সেক্রেটারী ছিলেন। তিনি রাজেন্দ্রলালকে অত্যন্ত স্নেহ করিতেন। তাঁহারই চেষ্টায় রাজেন্দ্রলাল এসিয়াটিক সোসাইটির সহকারী সম্পাদক ও গ্রন্থাধ্যক্ষের পদ প্রাপ্ত হন। ভবিষ্যতে তিনি প্রকৃত-স্ব-বিভাগে যে অসামান্য খ্যাতি লাভ করেন, এইখানেই তাহার সূচনা হয় ; সুতরাং ডাক্তার বা উকিল হইলে আমরা আর রাজা রাজেন্দ্রলালের জায় প্রত্নতাত্ত্বিক পাইতাম না। এই সময় হইতে তিনি এসিয়াটিক সোসাইটির জর্নালে গভীর গবেষণামূলক ইংরাজী প্রবন্ধ লিখিতে আরম্ভ করেন এবং বিপুল অধ্যবসায়-বলে অল্পদিনের মধ্যেই সংস্কৃত, বাঙ্গালা, ইংরাজী, পারস্য, উর্দু, হিন্দী, গ্রীক, লাতিন, ফরাসী, জার্মান প্রভৃতি ভাষায় বিশেষ ব্যুৎপত্তিলাভ করেন। রাজেন্দ্রলালের পাণ্ডিত্যে পাশ্চাত্য :পণ্ডিতগণ পরগাম্ব তখন মুগ্ধ হইয়া গিয়াছিলেন। রাজেন্দ্রলাল মোট ১২৮ খানি গ্রন্থ প্রণয়ন করিয়াছিলেন ; তাহার মধ্যে ১০খানি সংস্কৃত, ১৩খানি বাঙ্গালা ভাষায় লিখিত ; অবশিষ্ট সমস্তই ইংরাজী ভাষায় লিখিত হইয়াছিল। তাঁহার প্রণীত বিবিধার্থ সংগ্রহ, প্রকৃতি-ভূগোল, পত্রকৌমুদী, ব্যাকরণ-প্রবেশ, রহস্যসন্দর্ভ, মিবারের ইতিহাস, শিবাজির জীবনী প্রভৃতি গ্রন্থগুলি বাঙ্গালা সাহিত্যের অমূল্য

রত্ন বলিলেও অত্যাঙ্কি হয় না। ১৮৭৫ খ্রীষ্টাব্দে কলিকাতা বিশ্ব বিদ্যালয় রাজেন্দ্রলালকে ডি-এল্ ( Doctor of Law ) উপাধি প্রদান করিয়া তাঁহার প্রগাঢ় পাণ্ডিত্যের প্রতি সম্মান-প্রদর্শন করেন। তাঁহার সম্পাদিত বিবিধার্থ সংগ্রহ নামক মাসিক পত্র সে সময়ের শিক্ষিত সমাজে বিশেষ প্রতিষ্ঠা লাভ করিয়াছিল। ইংরাজী ভাষায় লিখিত বুদ্ধ-গয়া ও উড়িষ্যার প্রাচীনত্ব বিষয়ক গ্রন্থদ্বয় রাজেন্দ্রলালকে অমর করিয়া রাখিয়াছে। তিনি ১৮৭৭ খ্রীষ্টাব্দে রায় বাহাদুর, ১৮৭৮ খ্রীষ্টাব্দে সি-আই-ই এবং ১৮৮৪ খ্রীষ্টাব্দে রাজা উপাধি পান। বাঙ্গালীদিগের মধ্যে রাজেন্দ্রলালই সর্বপ্রথম এসিয়াটিক সোসাইটির সভাপতি হন। ইনি পরে ব্রিটিশ ইণ্ডিয়ান এসোসিয়েশনেরও সভাপতি হন। কলিকাতার Wards Institution নামক নাবালক জমিদারদিগের আবাস ইহারই কর্তৃত্বধানে পরিচালিত হয়। ১৮৯১ খ্রীষ্টাব্দের ২৬শে জুলাই ( ১২৯৮, ১ ই শ্রাবণ ) রাজেন্দ্রলাল পরলোকগত হন। এই মহাত্মার প্রতিমূর্তি দ্বারা এবার 'ভারতবর্ষ'র প্রচ্ছদপট সুশোভিত করিয়া আমরা এই পণ্ডিত-প্রবরের স্মৃতির প্রতি আমাদের গভীর শ্রদ্ধা জ্ঞাপন করিলাম।

২৯শে জুন মহাকবি মাইকেল মধুসূদন দত্তের স্বর্গারোহণের দিন। প্রতি বৎসর এই দিন প্রাতঃকালে কলিকাতাবাসী কবি ও সাহিত্যিকগণ মাইকেলের সমাধি-পার্শ্বে সমাগত হইয়া মহাকবির প্রতি শ্রদ্ধা প্রদর্শন করিয়া থাকেন। অতীত বৎসরের জায় এবারও উক্ত অনুষ্ঠান হইয়াছিল। কিন্তু, বড়ই দুঃখের বিষয় যে সেদিন মহাকবির সমাধি-পার্শ্বে ত্রিশ চল্লিশ জনের অধিক ভদ্রলোকের সমাগম হয় নাই। তবে, সেই দিন অপরাহ্নকালে বঙ্গীয় সাহিত্য-পরিষৎ-মন্দিরে মাইকেলের স্মৃতি-সভার যে অনুষ্ঠান হইল, তাহাতে বহু লোকের সমাগম হইয়াছিল। বিভাগসাগর কলেজের অধ্যক্ষ সুপণ্ডিত শ্রীগুরু জ্ঞানরঞ্জন বন্দ্যোপাধ্যায় মহাশয় সভাপতির আসন গ্রহণ করিয়াছিলেন ; অনেকে বক্তৃতা করিয়াছিলেন। মহাকবির স্মৃতি-পূজার জন্ত প্রতি বৎসর এই দিনে যাহাতে মাইকেলের জন্মভূমি যশোহর সাগরদাঁড়িতে উৎসবের অনুষ্ঠান হয়, তাহার জন্ত সকলেরই চেষ্টা করা কর্তব্য। সেখানে কোন প্রকার সভা-সমিতি

না করিয়া যদি একটা মেলা বসাইবার চেষ্টা করা যায়, তাহা হইলে এই উৎসবটা স্থায়ী হইতে পারে। এ সম্বন্ধে বাঙ্গালার কবি ও সাহিত্য-সেবকগণের দৃষ্টি আকৃষ্ট হওয়া সর্বতোভাবে বাঞ্ছনীয়।

গত ১১ই জুন রাত্রে ব্রিটিশ ইন্ডিয়ান ইউনিয়নের সদস্যগণ এক প্রীতিভোজে আচার্য্য জগদীশচন্দ্র বসুর স্মরণনা করেন। লর্ড লী সভাপতি পদে বৃত্ত হইয়াছিলেন। তিনি শ্রীর জগদীশচন্দ্রের মানব-হিতকর কার্যের ও বৈজ্ঞানিক গবেষণার প্রশংসা করেন। তিনি জগদীশচন্দ্রকে উদ্ভিদ জগতের ডারবিন আখ্যা দেন। আচার্য্য বসু বিজ্ঞানের প্রয়োজনীয়তা সম্বন্ধে বক্তৃতা করিতে যাইয়া বলেন— “ভারতের মত বিস্তৃত দেশের আর্থিক উন্নতি সাধন করিতে হইলে কৃষি ও শিল্পের উন্নতি করিতে হইবে; কিন্তু এই দুই কার্যের উন্নতি একমাত্র বিজ্ঞান দ্বারাই সম্ভবপর। দাক্ষণ অর্থ কষ্টই ভারতের বর্তমান অশান্তির কারণ। প্রতি বৎসবই কলিকাতা বিশ্ববিদ্যালয় হইতে বহু ছাত্র বিজ্ঞানে কৃতিত্বের সহিত উদ্ভীর্ণ হইয়া বাহির হইতেছে, কিন্তু তাহারা কার্য্য করিবার মত উপযুক্ত কোনরূপ কর্মক্ষেত্র পাইতেছে না। ভারতের এই অসম অর্থ কষ্ট দূর করিতে হইলে গবর্ণমেন্টের প্রতিমত ভাবে সাহায্য করা দরকার।”

বিগত ১১ই ও ১২ই আষাঢ় শনিবার ও রবিবার সাহিত্য-সম্মেলন বঙ্কিমচন্দ্রের জন্মভূমি কটালপাড়ায় বঙ্কিম-সাহিত্য সম্মেলনের চতুর্থ উৎসব মগ্ন সমাবেশে সম্পন্ন হইয়াছে। এই সম্মেলনে মূল সভাপতি হইয়াছিলেন মাননীয় বিচারপতি শ্রীযুক্ত মনমথনাথ মুখোপাধ্যায় মহাশয়। বঙ্গীয় সাহিত্য-সম্মেলনের জায় এই সম্মেলনেও চারিটা শাখার অধিবেশন দ্বিতীয় দিনে হইয়াছিল। বিজ্ঞান-শাখার সভাপতি হইবার কথা ছিল বঙ্গবাসী কলেজের অধ্যক্ষ শ্রীযুক্ত গিরীশচন্দ্র বসু মহাশয়ের, কিন্তু, তিনি উপস্থিত হইতে না পারায়, শ্রীযুক্ত হরিদাস ভট্টাচার্য্য মহাশয় উক্ত আসন গ্রহণ করেন; দর্শন-শাখার সভাপতি হইয়াছিলেন সংস্কৃত কলেজের অধ্যক্ষ শ্রীযুক্ত আদিত্যনাথ মুখোপাধ্যায় মহাশয়, ইতিহাস শাখার সভাপতি হইয়াছিলেন ইম্পিরিয়াল লাইব্রেরীর শ্রীযুক্ত সুরেন্দ্রনাথ কুমার মহাশয় এবং সাহিত্য-শাখার সভাপতি

হইবার কথা ছিল ‘হিতবাদী’ সম্পাদক শ্রীযুক্ত চন্দ্রোদয় বিদ্যাবিনোদ মহাশয়ের; কিন্তু তিনি উপস্থিত হইতে না পারায় শ্রীযুক্ত সতীশচন্দ্র মুখোপাধ্যায় মহাশয় সাহিত্য-শাখার সভাপতিত্ব করিয়াছিলেন। সভাপতি মহাশয়গণের অভিভাষণ অতি সুন্দর হইয়াছিল, অনেকগুলি মূলিখিত প্রবন্ধও পঠিত হইয়াছিল। আমরা কিন্তু, বঙ্কিম সম্মেলনে শাখা-সভার অধিবেশনের পক্ষপাতী নহি; বঙ্কিম-সম্মেলনে দেশের সাহিত্যিকগণ বঙ্কিমচন্দ্রের সম্বন্ধে আলোচনা করিলেই শোভন হয়; অস্তান্ত বিষয়ের আলোচনার জন্ত অনেক প্রতিষ্ঠান আছে। ভরসা করি বঙ্কিম-সাহিত্য সম্মেলনের উৎসাহী অনুষ্ঠাতৃগণ আমাদের প্রস্তাবটা সম্বন্ধ বিবেচনা করিয়া দেখিবেন এবং বাস্তবে এই সম্মেলনে সাহিত্যিকগণ অধিক সংখ্যায় যোগদান করেন, তাহার জন্তও চেষ্টা করিবেন।

কলিকাতা হাইকোর্টের মাননীয় বিচারপতি শ্রীযুক্ত গীত্স মহোদয় কলিকাতা বিশ্ববিদ্যালয়ের ভাইস্ চ্যান্সেলর। তিনি আগামী আগষ্ট মাসে অবসর গ্রহণ করিয়া দেশে যাইতেছেন। হাইকোর্টের বিচারাসন লইয়া কোন গোলই হয় নাই, হইবার কথাও নহে; কিন্তু বিশ্ব-বিদ্যালয়ের ভাইস্-চ্যান্সেলরের পদ লইয়া মহা আন্দোলনের সৃষ্টি হইয়াছে। বিশ্ব-বিদ্যালয়ের চ্যান্সেলর বাঙ্গালার গবর্ণর বাহাদুর এই পদে লোক নিয়োগের কঠা। লর্ড লিটন বাহাদুর চারি মাসের ছুটিতে বিলাত গমনের পূর্বেই পাটনা কলেজের অধ্যাপক সুপ্রসিদ্ধ ঐতিহাসিক শ্রীযুক্ত যত্ননাথ সরকার সি-আই-ই মহোদয়কে উক্ত পদে মনোনীত করিয়া স্বদেশে চলিয়া গিয়াছেন। সম্প্রতি এই নিয়োগের সংবাদ সংবাদ পত্রে প্রকাশিত হওয়ায় বিশ্ববিদ্যালয় মহলে বিশেষ দগাদলি কোলাহলের সৃষ্টি হইয়াছে। একদল বলিতেছেন, অধ্যাপক সরকারকে নির্বাচিত করিয়া লাট সাহেব উপযুক্ত কাজই করিয়াছেন; অপর দল এবং বিশ্ববিদ্যালয়ের অনেক সদস্য অধ্যাপক সরকারের নিয়োগের বিরুদ্ধবাদী। তাঁহারা বলেন, অধ্যাপক যত্ননাথের নিয়োগ আইন-সম্মত হয় নাই, কারণ চ্যান্সেলর মহোদয় বিশ্ববিদ্যালয়ের ফেলোদিগের মধ্য হইতেই যোগ্য ব্যক্তিকে মনোনীত করিবেন। অধ্যাপক যত্ননাথ কলিকাতা বিশ্ববিদ্যালয়ের ফেলো নহেন, এবং ফেলোদিগের

মধ্যে তাঁহার অপেক্ষা যোগ্যতর অনেক ব্যক্তি আছেন। এ অবস্থায় যোগ্যতর ব্যক্তিগণকে উপেক্ষা করিয়া, যিনি ফেলো নহেন এমন ব্যক্তিকে মনোনীত করা আইন-বিরুদ্ধ এবং যুক্তি-বিরুদ্ধ হইয়াছে। কেহ কেহ বলিতেছেন, লর্ড লিটন বাহাদুর পরলোকগত আশুতোষ মুখোপাধ্যায়েব নিকট যে লজ্জাজনক পরাজয় লাভ করিয়াছিলেন, তাহারই প্রতিশোধ গ্রহণের জন্ত বিশ্ব-বিদ্যালয় তথা আশুতোষের ঘোর বিরোধী ও কঠোর সমালোচক অধ্যাপক যত্ননাথকে এই পদে বসাইয়াছেন। আবার কেহ কেহ বলিতেছেন যে, বিশ্ববিদ্যালয়কে গবর্নমেন্টের করতলগত রাখিবার জন্তই এই চাল দেওয়া হইয়াছে। সুনীলাম বিশ্ববিদ্যালয়ের কোন কোন উচ্চপদস্থ ব্যক্তি অস্থায়ী গবর্নর বাহাদুরের সহিত সাক্ষাৎ করিয়া এই মনোনয়ন রদ করিবার প্রস্তাব করিয়াছিলেন, কিন্তু সার ষ্টিফেন্সন বাহাদুর লর্ড লিটনের মনোনয়নে হস্তার্পণ করিতে স্বীকৃত হন নাই। আরও শোনা যাইতেছে, এই মনোনয়নের বিরুদ্ধে বিলাতে লর্ড লিটনের নিকটও না কি আবেদন প্রেরিত হইয়াছে। সুতরাং দেখা যাইতেছে যে, অধ্যাপক যত্ননাথের মনোনয়নে বিশ্ববিদ্যালয় মহলে বিশেষ চাঞ্চল্যের সৃষ্টি হইয়াছে। অধ্যাপক যত্ননাথ যে কলিকাতা বিশ্ববিদ্যালয়ের তথা সার আশুতোষের কার্যকলাপের কঠোর সমালোচক, তাহা কেহই অস্বীকার করিতে পারেন না; তিনি যে বিশ্বপণ্ডিতদিগের অনেককেই প্রীতির চক্ষে দেখেন না, বরঞ্চ তুচ্ছ-তাচ্ছিল্যই করেন, এ কথাও তাঁহার সমালোচনা হইতে স্পষ্ট প্রত্যয়মান হয়। সুতরাং তাঁহার জ্ঞান ব্যক্তির নিয়োগে যে বিশ্ববিদ্যালয়ের অনেকেই প্রতিবাদ করিবেন, ইহা স্বাভাবিক; এবং অধ্যাপক যত্ননাথ ভাইস-চ্যান্সেলর হইলে যে বিশ্ববিদ্যালয়ের অনেক খ্যাতিনামা সদস্য ও অধ্যাপকের সহায়ত্ব ও সাহচর্য লাভ করিতে পারিবেন না, ইহাও নিশ্চিত। আমরা বলিতে পারি যে, অধ্যাপক যত্ননাথ গবর্নমেন্টের হাতের পুতুল হইবেন বলিয়া বাহারা মনে করিতেছেন, তাহারাই ভ্রমে পতিত হইয়াছেন; অধ্যাপক যত্ননাথ সে প্রকৃতির লোকই নহেন। তাহার পর, তাঁহার কঠোর সমালোচনার কথা; সে সম্বন্ধে মতামত প্রকাশ করা বর্তমান ক্ষেত্রে অপ্রাসঙ্গিক; এইমাত্র বলা যাইতে পারে যে, বাতির হইতে কোন রূপে প্রতিষ্ঠানের সমালোচনা করা, দোষ ক্রটি দেখান সহজ কাজ;

কিন্তু হাতে-কলমে সেই বিপুল প্রতিষ্ঠানের কার্য পরিচালন করিতে বসিলে তখন আর সে কঠোরতাও থাকে না, সে সমালোচনাও থাকে না, তখন সকলের সহিত মিলিয়া মিশিয়া যাহাতে কার্য সুপরিচালিত হয়, বিজ্ঞ ব্যক্তিমাতেই তাহা করিয়া থাকেন। অধ্যাপক যত্ননাথের মধ্যে এই বিজ্ঞতার অভাব আছে বলিয়া অনেকে মনে করিলেও আমরা করি না। তবে, এ কথাও বলি যে, বর্তমানে কলিকাতা বিশ্ববিদ্যালয়ের সিন্ডিকেট ও সিনেট যে ভাবে গঠিত এবং যে প্রভাবে প্রভাবান্বিত, তাহার বিকৃষ্টিচরণ করিয়া সফলকাম হওয়া অধ্যাপক যত্ননাথ কেন, তাঁহার অপেক্ষা অধিক প্রতিভাশালী, অধিকতর কার্যকুশল ব্যক্তির পক্ষেও সম্পূর্ণ অসম্ভব; সুতরাং অধ্যাপক যত্ননাথের নিয়োগে কলিকাতা বিশ্ববিদ্যালয়ের কার্য অধিকতর বিশৃঙ্খল হইবারই সম্ভাবনা; শুধু দগাদলি, বাগুবিহীনভাবেই বিশ্ববিদ্যালয়ের শক্তি বায়িত হইবে, প্রকৃত উন্নতি ও সংস্কার সুদূরপরাহত হইবে।

বিগত ১২ই আষাঢ় রবিবারে চন্দননগরের অধিবাসী, দানশীল, সুলেখক শ্রীযুক্ত হরিহর শেঠ মহাশয় তাঁহার জননী নাম চির-স্মরণীয় করিবার জন্ত 'কৃষ্ণভাবিনী নারীশিক্ষা মন্দির'র ছারোদ্যাটন উপলক্ষে একটি উৎসবের আয়োজন করিয়াছিলেন। চন্দননগরের শিচারপতি মহোদয় এহ উৎসব সভার সভাপতি হইয়াছিলেন এবং শ্রীমতী সরলা দেবী চৌধুরাণী মহোদয় মন্দির দ্বার উদ্বাটন করিয়াছিলেন। মাতৃ-ভক্ত দাতা হরিহরবাবু যে শিক্ষা-মন্দির প্রতিষ্ঠিত করিয়াছেন, তাহা সত্যসত্যই 'মন্দির' নামে অভিহিত হইবার উপযুক্ত। লক্ষাধিক টাকা ব্যয় করিয়া হরিহরবাবু এই সুদৃশ্য শিক্ষা-মন্দির নির্মাণ করিয়া দিয়াছেন। কিছুদিন পূর্বে তিনি তাঁহার স্বর্গগত পিতৃদেবের স্মৃতি-রক্ষার জন্ত চন্দননগরে যে 'নৃত্যগোপাল পাঠাগার' প্রতিষ্ঠিত করিয়াছেন, তাহা এবং তাঁহার মাতার নামে প্রতিষ্ঠিত এই 'কৃষ্ণভাবিনী নারীশিক্ষা মন্দির' শুধু চন্দননগরেই কেন, বাঙ্গালা দেশের অনেক প্রসিদ্ধ নগরেও দেখিতে পাওয়া যায় না। হরিহর বাবু মাতৃপিতৃ-ভক্তি প্রকৃতপক্ষেই আদর্শহানীয়া। ধনী ব্যক্তির নানা ভাবে অর্থব্যয় করিয়া থাকেন, কিন্তু হরিহর বাবু যেমন একদিকে আড়ম্বরশূন্য সদাশয় সাহিত্য-সেবক, আর একদিকে তিনি অর্থের স্খাবহারও করিতে জানেন। চুঁচুড়ায়

যে চিকিৎসা-বিভাগের স্থাপনের আয়োজন হইতেছে, হরিহর বাবু তাহারও সকলোর অল্প মেডেলক টাকা দান করিতে প্রতীক্ষিত হইয়াছেন। আমরা হরিহর বাবুর জ্ঞান পিতৃমাতৃভক্ত, সদাশর, দানশীল মহাত্মার দীর্ঘজীবন কামনা করি।

ঢাকা	৯০৯১	৩২১৭৭৯	৯০৯০	৩২৬৫১৪
চট্টগ্রাম	৫৬৭৯	২০৯১১৭	৫৯১০	৩২৫৫২৮
রাজশাহী	৬৯৭৪	২১৮০৩৪	৬০৯২	২২৩১৫৭
মোট	৩৬৫৭৮	১২৫৫৯০৪	৩৭০৭১	১৩০৯৫৫৬



কৃষ্ণাবিনী নারী-শিক্ষা-মন্দির। চক্কননগর শিক্ষালয় ও ছাত্রী-নিবাস।

১৯২৪-২৫ সালে বঙ্গদেশে প্রাথমিক বিদ্যালয়ের সংখ্যা পূর্ক বৎসরের সংখ্যা অপেক্ষা ৪৯৩টি বাড়িয়া মোট ৩৭০৭১ হইয়াছে। বঙ্গের কোন্ বিভাগে প্রাথমিক বিদ্যালয় কত ছিল এবং আলোচ্য বর্ষে কত হইয়াছে তাহা নিয়ে প্রদর্শিত হইল।

বিভাগ।	১৯২৩-২৪ সাল।		১৯২৪-২৫ সাল।	
	স্কুল- সংখ্যা	ছাত্র- সংখ্যা	স্কুল- সংখ্যা	ছাত্র- সংখ্যা
বর্তমান	৮২৭৩	২৫৯০৮৪	৮৪৫৮	২৬৮২৮৬
প্রেসিডেন্সি	৬২১৫	২২৭৩৬৩	৬৩১১	২৩১১৫৯
কলিকাতা	৩৪৬	২০৫২৭	৪১০	২৪৯২২

কলিকাতা বিশ্ববিদ্যালয়ের সেনেট সভা দুইটি নূতন অধ্যাপক পদ সৃষ্টির ব্যবস্থা করিয়াছেন। ইহার উভয়েই আন্তোষ অধ্যাপক নামে পরিচিত হইবেন। প্রত্যেক পদের বেতন ৬০০০ হইতে ১০০০০ টাকা; প্রত্যেক দুই বৎসরে ৫০% বৃদ্ধি হইবে। সেনেটে ইচ্ছা করিলে, বিশেষ বৃষ্টিয়া, প্রথমেই ৬০০০ টাকার অধিক বেতনেও লোক নিযুক্ত করিতে পারিবেন। আন্তোষ ডবনের নিয়ন্ত্রণে যে সকল ঘর দোকানদারদিগকে ভাড়া দেওয়া হইয়াছে, তাহার আয় হইতে অধ্যাপকদিগের বেতন প্রদান করা হইবে। ইহাতে টাকার অকুলান হইলে বিশ্ববিদ্যালয়ের সাধারণ তহবিল হইতে টাকা দিয়া তাহা পূরণ করা হইবে।

আর যদি উক্ত দোকানঘরগুলির আর হইতে অধ্যাপকদের বেতন দেওয়ার পরেও টাকা উদ্ধৃত থাকে, তবে সেই টাকার একটি স্বতন্ত্র তহবিল সৃষ্টি করা হইবে। সাধারণতঃ পাঁচ বৎসরের জন্য অধ্যাপক নিযুক্ত করা হইবে; কার্যকাল অতীত হইলে ইহারা পুনঃ নিযুক্ত হইতে পারিবেন। অধ্যাপকদের একজন সংস্কৃত এবং অপর জন ইসলাম সাহিত্য শিক্ষা দিবেন। কলিকাতা বিশ্ববিদ্যালয়ের পোস্ট-গ্রাজুয়েট বিভাগের কার্যকরী সমিতির নির্দেশ অনুসারে ইহারা নিজ নিজ বিষয়ে পোস্টগ্রাজুয়েট ছাত্রদের নিকট বক্তৃতা করিবেন। ইহাদিগকে নিজেদের অবলম্বিত বিষয়ের গবেষণাকার্য্যও পরিচালন করিতে হইবে। প্রতি বৎসর জুলাই মাসে, প্রত্যেক অধ্যাপক পূর্ব বৎসরে কি গবেষণা কার্য্য করিয়াছেন এবং পরবর্তী বৎসরে কি করিবেন বলিয়া স্থির করিয়াছেন তাহার বিবরণ প্রদান করিবেন।

ভারত-সচিবের দপ্তর হইতে ঘোষণা করা হইয়াছে যে, ভারত সরকার ভারত-সচিবের সম্মতি লইয়া স্থির করিয়াছেন যে, ১০ বৎসরের মধ্যে তাঁহারা ঔষধের প্রয়োজন ব্যতীত ভারতবর্ষ হইতে অহিফেন রপ্তানী বন্ধ করিয়া দিবেন। এই দশ বৎসরে ক্রমে ক্রমে রপ্তানী হ্রাস করিয়া দেওয়া হইবে। গত ৮ই মার্চ তারিখে ভারতের আন্তর সেক্রেটারী হার্ভ উইন্টারটন কমন্স সভায় ঘোষণা করিয়াছিলেন যে, ভারত-সরকার ব্যবস্থা পরিষদের সম্মতি অনুসারে এই নীতি কার্য্যে পরিণত করিবেন। তিনি সে সময়ে বলিয়াছিলেন, কোন্ সময়ের মধ্যে অহিফেন রপ্তানী একেবারে বন্ধ হইবে, তাহা এখনও নির্ধারিত হয় নাই; যাহারা অহিফেনের চাষ করে, তাহাদিগের অবস্থা বিবেচনা করিয়া এ বিষয়ে যাহা কর্তব্য, তাহা স্থির করা হইবে। ভারত সরকারের এই নূতন নীতি ভারতের রাষ্ট্রীয় পরিষদ ও নিখিল-ভারত ব্যবস্থা-পরিষদ পর্যায়ক্রমে গত ১৬ই ও ১৮ই মার্চ তারিখে অনুমোদন করিয়া প্রস্তাব ধার্য্য করিয়াছিলেন। ভারত সরকারের এই সিদ্ধান্ত অনুসারে ১৯২৭ খৃষ্টাব্দ হইতে ক্রমশঃ ঔষধের প্রয়োজন ব্যতীত, অহিফেন রপ্তানী বৎসরে শতকরা ১০ ভাগ হারে হ্রাস করা হইবে। তাহা হইলে ১৯৩৫ খৃষ্টাব্দের

পর আর উহা রপ্তানী হইবে না। এই ব্যবস্থানুসারে ১৯২৩ খৃষ্টাব্দের ৭ই এপ্রিল হইতে কলিকাতায় অহিফেনের নীলাম বন্ধ করা হইয়াছে।

সমগ্র ভারতের অধিবাসীদিগের মধ্যে ২৩ কোটি ৬ লক্ষ ৫২ হাজার ২ শত ৫০ জন কৃষিজীবী কৃষির উপর নির্ভর করিয়া জীবন-যাত্রা নির্বাহ করিয়া থাকে। আর ৩ কোটি ৩১ লক্ষ ৬৭ হাজার লোক শিল্পের সেবা করিয়া জীবন-যাত্রা নির্বাহ করিয়া থাকে। ইহাদের মধ্যে অধিকাংশই কুটীর-শিল্পের সেবা করে। ইহাদের আনুমানিক হিসাব মোট অধিবাসীর মধ্যে শতকরা প্রায় সাড়ে দশ জন। ইহা ভিন্ন ১ কোটি ৮১ লক্ষ ১৪ হাজার ৬ শত ২২ জন অর্থাৎ সমগ্র ভারতের মোট অধিবাসী-সংখ্যার মধ্যে শতকরা পোনে ৬ জনের কম লোক ব্যবসা-বাণিজ্য প্রভৃতি করিয়া থাকে। সরকারী চাকুরী, পুলিশ ও সেনাবিভাগে ৪৮ লক্ষ ২৫ হাজার ৪ শত ৭৯ জন। অর্থাৎ সমগ্র লোক-সংখ্যার মধ্যে শতকরা দেড় জনেরও কম লোক এই কার্য্যে আন্বনিয়োগ করিয়া থাকে। ৫০ লক্ষ ২০ হাজার ৫ শত ৭১ জন উচ্চ অঙ্গের বৃত্তিসেবা এবং পোরোহিত্য প্রভৃতি কার্য্য করে। তন্মধ্যে ব্যবহারাজীবের সংখ্যা ৩ লক্ষ সাড়ে ৩৬ হাজার।

ম্যাট্রিকুলেশন পরীক্ষার্থীদিগকে ইংরেজি সাহিত্য ব্যতীত ইতিহাস, ভূগোল, গণিত প্রভৃতি অন্যান্য বিষয় মাতৃভাষায় সাহায্যে শিক্ষা দেওয়া হইবে, এইরূপ সিদ্ধান্ত স্থির হইয়াছে। প্রশ্ন উঠিয়াছে, ইহাতে ছেলেদের ইংরেজির জ্ঞান কমিয়া যাইবে কি না। মাতৃভাষায় শিক্ষা দিলে ছেলেরা অধ্যয়নের বিষয়গুলিতে সহজে প্রবেশ লাভ করিতে পারিবে এবং তাহাদের স্বাধীন চিন্তার শক্তি বৃদ্ধি হইবে, এদিকে মাতৃভাষার জ্ঞানও উৎকৃষ্টতর হইবে, তাই ম্যাট্রিক পরীক্ষায় মাতৃভাষা প্রচলন করার মত স্থির হইয়াছে। কিন্তু ইহাতে ইংরেজি ভাষা জ্ঞান কমিয়া না যায়, ইহাও একটা লক্ষ্য করিবার বিষয়। অনেকেরই মত এই যে, ছেলেদের ইংরেজি ভাষা জ্ঞানও যাহাতে উৎকৃষ্টতর হয় তাহা করিতে হইবে। মাতৃভাষায় সাহায্যে ম্যাট্রিকুলেশন পরীক্ষা গৃহীত হইলে ইহার ফলে ছেলেদের ইংরেজি ভাষা জ্ঞান কিরূপ দাঁড়াইবে



তৎসম্বন্ধে নানা ব্যক্তি নানা মত ব্যক্ত করিয়াছেন। সেদিন কলিকাতা বিশ্ববিদ্যালয়ের সেনেট সভার অধিবেশনে ম্যাট্রিক পরীক্ষার বিধি পরিবর্তন বিষয়ক আলোচনা প্রসঙ্গে এই কথা উঠিয়াছিল এবং সদস্যগণ বিভিন্ন প্রকার অভিমত প্রকাশ করিয়াছেন। নব বিধি অনুসারে ম্যাট্রিকুলেশন পরীক্ষার্থী-দিগকে ইংরেজিতে পাশ করিতে হইলে মোট নম্বরের মধ্যে শতকরা ৪০ নম্বর ইংরেজি প্রশ্নপত্রে রাখিতে হইবে।

—

দক্ষিণ ভারতে এবং প্রধানতঃ মহীশূর রাজ্যেই চন্দনকাঠের কারবার চলিয়া থাকে। সেখানে বিস্তৃত চন্দন-বন রহিয়াছে। কৈয়টোর ও কুর্গ জেলাতেও এই বনের পরিমাণ মন্দ নয়। ১৯১৬ সাল পর্যন্ত মহীশূর রাজ্য মাদ্রাজ গবর্নমেন্টের সহিত একযোগে চন্দন কাঠ কাটিয়া বিদেশে পাঠাইতেন; দেশে আর সেগুলিকে “রিফাইন্” করা হইত না। পূর্বেকাল তিন জায়গার চন্দন কাঠ—মহীশূরে ২৫০০ টন, কৈয়টোর ও কুর্গে ৫০০ টন—একুনে বৎসরে প্রায় ৩,০০০ টন হইত। তাহার মধ্য হইতে ৭৫০ টন স্বস্থানে এবং ২৫০ টন ভারতের অন্যান্য স্থানে ব্যবহৃত হইত। আর অবশিষ্ট ২,০০০ টন যাইত জার্মানিতে। বিগত যুদ্ধের সময় মহীশূরের এই চন্দন কাঠ রপ্তানীর ব্যবসা বড়ই ক্ষতিগ্রস্ত হয়; কারণ, জার্মানি তখন পৃথিবীর মধ্যে একঘরে। চন্দনতৈল নির্মাণের উক্ত ১৯১৬ সালে মহীশূরে একটি এবং বাকুলোরে আর একটি কারখানা স্থাপিত হইয়াছে। ১৯১৭ সাল হইতেই কারখানা দুটোই বাকুল ভাঙ্গিয়া আরম্ভ হয়। এখন প্রতি বৎসর এখানে ২,০০,০০০ পাউণ্ড তৈল উৎপন্ন হয়। আরো বেশী হইতে পারে বলিয়া অনেকে আশা করেন। মহীশূর আজ যে অবস্থায় দাঁড়াইয়াছে, তাহাতে সে পৃথিবীর সর্বত্র চন্দন তৈল যোগাইতে পারে। অষ্ট্রেলিয়া ও সুমাত্রা, জাভা ইত্যাদি স্থানে চন্দন তৈল তৈয়ারি হয়। কিন্তু মহীশূরের তৈল অপেক্ষা সে তৈল নিকৃষ্ট। এই মাল প্রচুর পরিমাণে আমেরিকায় যায়। জাভা ও সুমাত্রার “মাকাশার তৈল” মহীশূরের নিকৃষ্ট শ্রেণীর তৈলের সমান। তাহাও আমেরিকা এবং ইয়োরোপে যায়। মহীশূরের তৈল প্রধানতঃ জাপানে গিয়া থাকে। সেখানে ঔষধের উচ্চ উৎপাদন ব্যবহৃত হয়।

—

পরলোকগত সার আশুতোষ মুখোপাধ্যায় মহাশয় তাঁহার জননী জগৎতারিণী দেবীর স্মৃতি-রক্ষার উদ্দেশ্যে কলিকাতা বিশ্ববিদ্যালয়ের হস্তে কিছু টাকা দিয়া গিয়াছেন। সেই টাকার সুদ হইতে বাঙ্গালা দেশের খ্যাতনামা সাহিত্যিকদিগের মধ্যে যোগ্যতর ব্যক্তিকে প্রতি বৎসর একটি স্বর্ণ-পদক প্রদানের ব্যবস্থা সার আশুতোষ করিয়া গিয়াছেন। যোগ্য ব্যক্তি নির্বাচনের উদ্দেশ্যে তিনি বিশ্ববিদ্যালয়ের কর্তৃপক্ষের অনুমোদন অনুসারে একটি কমিটিও গঠিত করিয়া গিয়াছেন। সেই কমিটি প্রথম বৎসরে বিশ্বকবি শ্রীযুক্ত রবীন্দ্রনাথকে এই স্বর্ণ-পদক প্রদান করিয়াছিলেন; দ্বিতীয় বৎসরে খ্যাতনামা ঔপন্যাসিক শ্রীযুক্ত শরৎচন্দ্র চট্টোপাধ্যায় মহাশয়কে এই স্বর্ণ-পদক দিয়াছিলেন। এবার তৃতীয় বর্ষে উক্ত কমিটি রসরাজ শ্রীযুক্ত অমৃতলাল বসু মহাশয়কে এই স্বর্ণ-পদক প্রদান করিবেন স্থির করিয়াছেন। এই নির্বাচনে আমরা বড়ই আনন্দিত হইয়াছি। রসরাজ বসু মহাশয় সর্ব্বাংশেই এই সম্মানলাভের উপযুক্ত। বাঙ্গালা দেশের সাহিত্যিকগণও তাঁহার প্রতি সম্মান প্রদর্শনে কৃপণতা করেন নাই; নৈহাটীতে যে বঙ্গীয় সাহিত্য-সম্মেলনের অধিবেশন হয়, তাহাতে বসু মহাশয়কে সাহিত্য শাখার সভাপতির পদে বরণ করা হইয়াছিল। তাহার পর বঙ্গীয় সাহিত্য সম্মেলনের বিগত বীরভূম অধিবেশনে তাঁহাকেই মূল সভাপতি পদে বরণ করা হইয়াছিল। এবার কলিকাতা বিশ্ববিদ্যালয় তাঁহাকে সম্মানিত করিয়া প্রকৃত গুণগ্রাহিতারই পরিচয় প্রদান করিয়াছেন।

—

বাঙ্গালা দেশে—সুধু বাঙ্গালা দেশেই বা বলি কেন—সমগ্র ভারতবর্ষেই মুসলমান ও অ-মুসলমান (বর্তমান সময়ে ‘হিন্দু’ বলিয়া কোন জাতি সরকার বাহাদুর স্বীকার করেন না, তাঁহারা ভারতবর্ষে মুসলমান ও অ-মুসলমান, এই দুই জাতিরই অস্তিত্ব স্বীকার করেন) এই দুই জাতির মধ্যে গোলযোগ ক্রমেই তীব্র আকার ধারণ করিতেছে। পূর্বে মুসলমানগণের ইদ পর্কোপলক্ষে কোরবানি লইয়াই নানা স্থানে মধ্যে মধ্যে গোলমাল উপস্থিত হইত, ছোট বড় দাঙ্গা হাজামাও হইত; আর কোন ব্যাপার লইয়া সামান্য মতান্তর থাকিলেও সে সকল উপলক্ষ করিয়া দাঙ্গা-হাজামা, রক্তারক্তি হইত না। এখন দেখিতেছি সেই কোরবানি লইয়া কোন

গোলমাল হইতেছে না। এই সেদিনও মুসলমানের ইদ্-পর্ক হইয়া গেল; তত্পক্ষে বিশেষ কোন গোলযোগ কোথাও হয় নাই। কিন্তু, এখন উড়িয়া আসিয়া ছুড়িয়া বসিল চাকের বাস্ত। এখন প্রধান বচসা হইতেছে মসজিদের সম্মুখে বাস্তভাঙ লইয়া শোভাযাত্রা উপলক্ষ করিয়া; এবং তাহারই জন্ত বড় বড় সহরে মাত্র নহে, গ্রাম-পর্যন্তে পর্যাস্ত মারামারি, কাটাকাটি, শাস্তিভঙ্গ, নারী-নির্যাতন, লুণ্ঠন প্রভৃতি আরম্ভ হইয়াছে। কিছুদিন পূর্বেও এ কথা কোন মুসলমান বা অ-মুসলমানের মনেও উঠে নাই; এখন তাহাই হইল প্রধান ব্যাপার। কলিকাতা সহরে যে এমন ভয়ানক কাণ্ড হইয়া গেল, তাহা এই চাকের বাস্ত লইয়াই। চড়কপুঞ্জায় যে চাকের বাস্ত মোটেই শোনা গেল না, বড়বাজারের রাজরাজেশ্বরী যে বাহিরে আসিয়াও শেষে ঘরে প্রবেশ করিয়া এতদিন পর্যাস্ত বিসর্জনের শুভদিনের প্রতীকার বসিয়া আছেন, তাহারও কারণ এই বাস্তভাঙ, এই শোভাযাত্রা, এই চাক!

মুসলমান ও অ-মুসলমানের এই অপ্রীতিকর মনোমালিন্য এবং তাহার জন্ত দাঙ্গা হাজামার প্রতীকার এই দুই দল মিলিয়া আপোষে করিয়া উঠিতে পারিলেন না, পারা অসম্ভব হইল। মুসলমান বলেন, তাঁহাদের মসজিদগুলিতে অষ্ট প্রহরই উপাসনা হয়, সূতরাং দিবারাত্রির কোন সময়েই কোন বাস্তভাঙ মসজিদের সম্মুখ দিয়া গমন করিয়া তাঁহাদের উপাসনার বিঘ্ন জন্মাইতে পারিবে না। হাজি গজনবী প্রমুখ মুসলমান নেতৃবৃন্দ প্রমাণ করিতে চান যে, মুসলমানের উপাসনা-স্থানের সম্মুখ দিয়া কেহ কখন চাক বাস্তইয়া শোভাযাত্রা লইয়া যান নাই, অতএব অ-মুসলমান-গণের দাবী বাতিল ও নামঞ্জুর। অ-মুসলমানেরা বলেন যে, স্বরপাতীত কাল হইতে দেশের সর্বত্র মসজিদের সম্মুখ দিয়া বাস্তসহ শোভাযাত্রা চলিয়াছে, কখনও কোন আপত্তি হয় নাই; এখন সে আপত্তি সম্পূর্ণ অগ্রাহ; তাহারা নাগরিকের অধিকার কিছুতেই ত্যাগ করিবেন না। এ অবস্থার নিজেদের মধ্যে একটা আপোষ নিষ্পত্তি একেবারেই অসম্ভব। কাজেই, তৃতীয় পক্ষের প্রয়োজন।

সূতরাং বাহারা দেশের শাসনকর্তা, বাহারা দেশের শাস্তি ও শৃঙ্খলা রক্ষার জন্ত লোকতঃ ধর্মতঃ বাধ্য, সেই সরকার বাহাজুরকেই তৃতীয় পক্ষরূপে একটা রক্ষা নিষ্পত্তি করিতে অগ্রসর হইতে হইল। বাঙ্গালার গবর্নর লর্ড, লিটন উত্তর পক্ষের মাতব্বরদিগকে একত্র করিয়া যখন শালিস করিতে পারিলেন না, তখন তিনি নিজেই এ ভার গ্রহণ করিলেন এবং কলিকাতা সহর সম্বন্ধে এক আদেশ জারি করিলেন যে, কলিকাতা নাখোদা মসজিদের সম্মুখ দিয়া কোন সময়েই বাস্তভাঙসহ শোভাযাত্রা চলিবে না। অন্তান্ত মসজিদসম্বন্ধে তিনি কলিকাতার পুলিশ কমিশনার বাহাজুরের উপর ব্যবস্থার ভার দিলেন। মকব্বলের হাকিমেরা স্থান-কাল-পাত্র বিবেচনা করিয়া যাহা কর্তব্য মনে করিবেন, তাহাই করিবেন। লাট বাহাজুরের এই আদেশে মুসলমান ও অ-মুসলমান কেহই সন্তুষ্ট হইলেন না; নানা স্থানে প্রতিবাদ সভাও হইল, হাজামাও চলিতে লাগিল। কলিকাতা ঠাণ্ডা হইল বটে, কিন্তু এই আগুন পূর্ব-বঙ্গ ও উত্তর-বঙ্গে ছড়াইয়া পড়িল; মরমনসিংহ, ঢাকা, নোয়াখালী প্রভৃতি জেলার তাণ্ডব লীলা আরম্ভ হইল, নিরীহ হিন্দুরা নির্যাতন ভোগ করিতে লাগিল; দেবমন্দির ও দেবতার চূর্ণনা হইতে লাগিল। সম্প্রতি পাবনা জেলাতে ভীষণ ভাবে এই আগুন জ্বলিয়া উঠিয়াছে; সঙ্গে সঙ্গে নারী নির্যাতনের সংবাদও মধ্যে মধ্যে পাওয়া যাইতেছে; সেদিনও নদীয়া জেলার কুষ্টিয়া হইতে শুণ্ডা কর্তৃক নারী-নির্যাতনের সংবাদ আসিয়াছে।

পূর্বেই বলিয়াছি, কলিকাতা সহরের শোভাযাত্রার ব্যবস্থার ভার সহর-কোতোয়ালের উপর লাট সাহেব স্তম্ভ করিয়াছিলেন, অর্থাৎ সেদিনের টাউনহলের সভার সভাপতি মহাশয়ের কথায় বলিতে হয়, সরকার কোতোয়ালকে কাজির আসনে বসাইয়া দিয়াছেন। সেই সহর কোতোয়াল অর্থাৎ কলিকাতা পুলিশের কমিশনার বাহাজুর আপাততঃ এই জুলাই মাসের জন্ত যে আদেশ প্রদান করিয়াছেন, তাহার সার মর্ম নিয়ে প্রকাশিত হইল।

### পুলিশের হুকুম

গত ৫ই জুনের ৫৭২১পি নং গবর্নমেন্টের প্রস্তাবানুযায়ী কলিকাতার পুলিশ কমিশনার অনেক অজস্রকান করিবার পর কলিকাতার মুসলমানগণের নমাজের সময় নির্দেশ করিয়া

দিয়াছেন এবং ঐ সময় ১৯২৬ সালের জুলাই মাসে কোন মসজিদের সন্মুখ দিয়া কেহ গান বাজ় সহ মিছিল লইয়া যাইতে পারিবে না।

• ভোর ৪-৩৯ মিনিট হইতে ৫-২৪ মিনিট পর্য্যন্ত।  
মধ্যাহ্ন ১ ঘটিকা হইতে ১-৪৫ মিনিট পর্য্যন্ত ( শুক্রবার ১২-৪৫ মিনিট হইতে মধ্যাহ্ন ১-৪৫ মিনিট পর্য্যন্ত। )

অপরাহ্ন ৪-৩০ মিনিট হইতে ৫-০টা পর্য্যন্ত। সন্ধ্যা ৬-৪৫টা হইতে ৭-১০ মিনিট পর্য্যন্ত। রাত্রি ৮-৩০ মিনিট হইতে ৯-১০টা পর্য্যন্ত। এই সময় নির্দেশ করা হইয়াছে শুধু কলিকাতার সময়।

ঋতুর পরিবর্তনের সঙ্গে সঙ্গে যখন যে সময় পরিবর্তন করিবার জন্ত দরকার কলিকাতার পুলিশ কমিশনার সেই সময় নির্দেশ করিয়া দিবেন।

পুলিশ কমিশনার বাহাছর ত হুকুম দিয়া থালাস ; কিন্তু এমন চমৎকার হুকুম কেমন করিয়া যে প্রতিপালিত হইবে, তাহাই ভাবনার কথা। এই আদেশে একেবারে ঘণ্টা মিনিট বাধিয়া দেওয়া হইয়াছে, সেকেণ্ড পর্য্যন্ত বলিয়া দিলে আরও ভাল হইত। পুলিশের আদেশে দেখা গেল যে, মসজিদের উপাসনার সময় ভোর ৪-৩৯ মিনিট হইতে রাত্রি ৯-১০ মিনিট পর্য্যন্ত, মধো মধো এক ঘণ্টা দেড় ঘণ্টা বাদ আছে। এই সময়ের মধো যাহার যাহা শোভাযাত্রা আছে তিনি তাহা করিতে পারিবেন, অথবা রাত্রি ৯-১০ মিনিটের পর হইতে ভোর ৪-৩৯ মিনিট পর্য্যন্ত যথেষ্ট সময় আছে ; সেই সময়ের মধো পিতামহীর গঙ্গাযাত্রা, শব-যাত্রা, বিবাহ-যাত্রা, প্রতিমা-বিসর্জন প্রভৃতি করিবার বিধান হইল। এখন গোল বাধিল ঘড়ি লইয়া। কলিকাতায় ত দেখিতে পাই, একটা ঘড়ির সহিত আর একটা ঘড়ির মিল নাই, হুচার মিনিট তফাৎ থাকেই। এদিকে পুলিশের আদেশ ৪-৩৯ মিনিট—আটত্রিশও নয়, চল্লিশও নয়—ঠিক উনচল্লিশ। কোন মসজিদের ঘড়ি যদি ঠিক না থাকে, আর সেই সময় যদি শোভাযাত্রা যায়—তবেই আর কি—!

এই সুল্লর ব্যবহার প্রতিবাদের জন্ত সেদিন কলিকাতা টাউন-হলে অ-মুসলমানগণের এক বিরাট সভা হইয়াছিল। সেই সভায় নিম্নলিখিত প্রস্তাবগুলি সর্ব-সম্মতিক্রমে গৃহীত

হইয়াছে ; অর্থাৎ আবহমানকাল সুশীল ও সুবোধ বালকেরা যাহা করিয়া আসিতেছেন, তাহাই হইয়াছে। প্রস্তাবগুলি এই—

( ১ ) গভর্ণমেন্ট সম্প্রতি রাস্তার শোভাযাত্রা সম্পর্কে যে ইস্তাহার জারি করিয়াছেন, তাহা হিন্দুশাস্ত্রের বিরোধী।

( ২ ) যাহারা আইন ভঙ্গ করে, গভর্ণমেন্ট ইস্তাহারে তাহাদিগকে উৎসাহিত করিয়াছেন এবং হিন্দুদিগকে সাধারণ নাগরিকের অধিকার চইতেও বঞ্চিত করিয়াছেন।

( ৩ ) যুক্তপ্রদেশের গভর্ণমেন্ট, মধ্যপ্রদেশের গভর্ণমেন্ট ও দিল্লীর ম্যাজিষ্ট্রেট মসজিদের সমক্ষে বাজনা বাজান সম্পর্কে যে ইস্তাহার জারি করিয়াছেন, বাজালা গভর্ণমেন্ট তাহার বিপরীত ইস্তাহার প্রকাশ করায় এই সভা হুঃখ প্রকাশ করিতেছেন।

( ৪ ) এই সভা সমগ্র হিন্দুজাতিকে বিধিসঙ্গত ভাবে সজ্জবদ্ধ হইয়া এই সমস্ত অনাচারের প্রতীকার করিতে অমুরোধ করিতেছে।

সভা হইল, সর্বসম্মতিক্রমে প্রস্তাবও পাশ হইল। তাহার পর ৭ সেদিনের সভায় শ্রীযুক্ত তুলসীচরণ গোস্বামী মহাশয় সেই কথাই জিজ্ঞাসা করিয়াছিলেন। তিনি বলিয়াছেন —

“প্রতিবাদের পর কি হইবে ? সরকার যদি আমাদের সঙ্গত প্রতিবাদে কর্ণপাত না করিয়া আমাদের অধিকারে বঞ্চিত করেন, তবে হিন্দু কি করিবে ? টাউন-হলের সভায় বক্তার পর বক্তা বলিয়াছেন, বাজালা সরকারের আদেশ বে-আইনী ; কেন না, বাজালা সরকার আইনের বিধান নির্দিষ্ট করিয়া দিতে উদ্বৃত্ত হইয়াছেন এবং সে কাজ কেবল আদালতের অধিকারগত। কাজেই জিজ্ঞাস্ত— যাহারা বাজালা সরকারের আদেশ বে-আইনী বলিয়া বিশ্বাস করেন, তাঁহারা সে আদেশ অমান্য করিতে—সে আদেশ ভঙ্গ করিয়া তাহার আইন বহির্ভূত প্রকৃতি প্রতিপন্ন করিতে প্রস্তুত আছেন কি না ? তাঁহারা পরীক্ষার জন্ত নাখোদা মসজিদের সন্মুখ দিয়া কীর্তনের দল লইয়া গাহিতে গাহিতে যাইতে প্রস্তুত আছেন কি না ? রথের সময় কলিকাতার মহর-কোতোয়াল যদি চিরাগত প্রথার পরিবর্তন করেন— যদি রথযাত্রার রাস্তা বাধিয়া দেন,—তবে সে আদেশ

লক্ষন করিয়া রাখ লইয়া যাইতে প্রস্তুত আছেন কি না— ইত্যাদি ইত্যাদি।

শ্রীযুক্ত গোস্বামী মহাশয়ের এই প্রস্তাবটির উত্তরে কে কি বলিয়াছিলেন তাহা সংবাদ পত্রেও প্রকাশিত হয় নাই এবং বাহারা সভাস্থলে উপস্থিত ছিলেন, তাঁহাদেরও কর্ণগোচর হয় নাই; বোধ হয় এ সকল কথাই কর্ণপাত করা এবং সে সম্বন্ধে মত প্রকাশ করা নিরাপদ নহে; তাই সকলে নীরব ছিলেন, আমরাও তাই নীরব থাকিলাম।

—

সেদিন কলিকাতা কর্পোরেশনের এক বিশেষ সভার অধিবেশন হয়। সভায় নূতন হাওড়া সেতু নির্মাণ সম্পর্কে সরকারের মনোভাবের তীব্র প্রতিবাদ করা হয়। সিলেক্ট কমিটি হাওড়া সেতু সম্বন্ধে যে বিল গঠন করিয়াছেন, সভায় তাহা আলোচিত হয়। হাওড়া-সেতু-নির্মাণ-কমিটি যে ভাবে গঠন করা হইয়াছে, কর্পোরেশন তাহাতেও এই মর্মে আপত্তি করেন যে, ঐ ভাবে কমিটি গঠিত হইলে তাহাতে করদাতাগণের স্বার্থ রক্ষিত হইবে না। কর্পোরেশনের সভায় নিয়মিত প্রস্তাবসমূহ গৃহীত হয় এবং সিলেক্ট কমিটি হাওড়া সেতু সম্পর্কে যে বিল তৈয়ার করিয়াছেন উহা আলোচিত হয়।—(১) কর্পোরেশন এই অভিমত স্থাপন করিতেছেন যে, কাউন্সিলের বর্তমান অধিবেশনে হাওড়া সেতু সম্পর্কীয় প্রস্তাব উত্থাপন না করিয়া উহা অর্থনৈতিক দিক হইতে পুনর্বিবেচনা করিবার জন্য সিলেক্ট কমিটিতে পুনরায় অর্পণ করা হউক এবং নূতন কাউন্সিল আরম্ভ হইবার পূর্বে শীতকালের প্রারম্ভে ঐ প্রস্তাব কাউন্সিলে উত্থাপন করা হউক। যদি ঐ প্রস্তাব গৃহীত হয় না করাও হয়, তাহা হইলেও যেন, ঐ সম্পর্কে কর্পোরেশনের নিয়ন্ত্রিত সুপারিশ সমূহের সম্বন্ধে বিবেচনা করা হয়—(ক) কর্পোরেশন প্রাদেশিক রাজস্ব কমান প্রস্তাবের তীব্র প্রতিবাদ করিতেছে এবং প্রস্তাব করিতেছে যে রাজস্ব কমাইয়া কলিকাতার করবৃদ্ধি করা কখনই সম্ভবপর নহে। হাওড়া সেতু ও পোর্টট্রাষ্ট সম্বন্ধে কর্পোরেশনের সুপারিশ যদি গৃহীত হয়, তাহা হইলেই কর্পোরেশন শতকরা সিকি ভাগ হারে কর বৃদ্ধি করিতে রাজি আছেন। (খ) কর্পোরেশন মিউনিসিপ্যাল ট্যাক্স বৃদ্ধির নামে আতঙ্ক প্রকাশ করিতেছেন। এতদ্ব্যতীত হাওড়া সেতু সম্বন্ধে

সভায় আরও কয়েকটি প্রস্তাব গৃহীত হয়। লেঃ বিজয়-প্রসাদ সিংহ রায় বলেন, অল্প মূল্যের সেতু হইলে সরকার উহার নির্মাণ কল্পে কোন সহায়তা করিবেন না, সরকারের এই বৃষ্টি ছেলুমি ছাড়া আর কিছুই নয়। তিনি বলেন অল্প ব্যয়ের মধ্যে সেতু নির্মাণ কার্য শেষ হওয়াই বাঞ্ছনীয়। অন্ততঃ ১৬ লক্ষের মধ্যে ঐ কার্য নির্বাহ করা আবশ্যিক। মিঃ টুরার্ট স্বীচ বলেন, কর্পোরেশন সেতু কর্তৃপক্ষ কমিটিতে বেশী আসন লইবার জন্য এত ব্যস্ত কেন বোঝা কঠিন; কেন না প্রকৃতপক্ষে কাজ যাহা কিছু তাহা ইঞ্জিনিয়ারগণই করিবেন। বক্তা বলেন, হাওড়া সেতুর প্রয়োজনীয়তা রহিয়াছে, কিন্তু প্রাথমিক শিক্ষার প্রয়োজন তদপেক্ষা অধিকতর। এই কার্যে আমাদিগকে অধিক মাত্রায় অর্থব্যয় করিতে হইবে। আর কিছুকাল আলোচনার পর প্রস্তাব গৃহীত হয়।

—

আমাদের সহযোগী 'আর্থিক উন্নতি' ভারতে বীমা সম্বন্ধে বলিয়াছেন—১৯১২ সালের ভারতীয় বীমা-বিষয়ক আইনটা শোধরাইয়া নতুন আইন কার্যে পরিবার ব্যবস্থা হইতেছে। বিগত আগষ্ট মাস হইতে এই আইনের খসড়া ব্যবস্থাপক সভার নিকট পেশ আছে। এই আইন পাশ হইলে কতকগুলি নতুন প্রণালীতে বীমা ব্যবসায়ীরা কার্য চালাইতে বাধ্য হইবে। (১) নতুন কোনো কোম্পানী স্থাপিত হইবামাত্রই তাহাকে গবর্নমেন্টের নিকট মোটা হারে টাকা কড়ি আমানত রাখিতে হইবে। এখনও আমানত রাখিতে হয় বটে, কিন্তু ভবিষ্যতের জন্য হার বাড়িয়া যাইবে। (২) আজকাল বিলাতী বীমা কোম্পানীর ভারতীয় শাখাসমূহ ভারত-গবর্নমেন্টের নিকট টাকা জমা রাখিতে বাধ্য নয়, কিন্তু নতুন আইনে তাহারাও স্বদেশী কোম্পানীর মতনই বাধ্য থাকিবে। (৩) জীবনবীমা ছাড়া আগুন-বীমা, দৈববীমা বা অন্যান্য বীমা-ব্যবসারে যে-সকল কোম্পানী লিগু, তাহাদিগকেও টাকা আমানত রাখিতে হইবে। আজকাল যে নিয়ম আছে তাহাতে একমাত্র জীবন-বীমা-ব্যবসায়ীরাই বাধ্য। (৪) বিলাতী বীমা-কোম্পানীর ভারতীয় শাখাসমূহ এতদিন ভারত-সরকারের নিকট ভারতীয় ব্যবসা হইতে পাওয়া টাকার স্বতন্ত্র হিসাব দিত না। নতুন আইন তাহাদিগকে ভারতীয় বীমাকারীদের নিকট হইতে পাওয়া

টাকার পৃথক হিসাব রাখিতে এবং তাহা প্রকাশ করিতে বাধ্য করিবে। (৫) জীবনবীমা এবং মজুরদের ক্ষতিপূরণ-বীমা এই দুই ব্যবসার জন্য প্রত্যেক কোম্পানী স্বতন্ত্র খাতা-পত্র রাখিতে এবং হিসাব প্রকাশ করিতে বাধ্য থাকিবে। (৬) কোন বীমা-কোম্পানীর কাজ-কর্ম অসন্তোষজনক হইলে তাহার ছন্নর বন্ধ করাইবার ক্ষমতা বীমাকারীদের হাতে কিছু কিছু থাকিবে। অধিকন্তু, জনগণের স্বার্থ-রক্ষা করিবার জন্য গবর্নমেন্টের একত্রিত্য বাড়াইয়া যাইবে। (৭) কোনো বীমা-কোম্পানীর নিকট হইতে তাহার ম্যানেজার, ম্যানেজিং এজেন্ট বা অন্য কোনো উচ্চপদস্থ কিম্বা নিম্নপদস্থ কর্মচারী কখনো কোনো কর্তৃত্ব লইতে পারিবে না। (৮) প্রত্যেক বীমা-কোম্পানী পাশ-করা "অ্যাক্চুয়ারি" বা হিসাব-পরীক্ষককে দিয়া নিজ আর্থিক অবস্থা যাচাই করাইয়া লইতে বাধ্য থাকিবে। ভারত-গবর্নমেন্ট ইচ্ছা করিলে জীবন-বীমা-ব্যবসায়ীদের নিকট হইতে দুই লাখ টাকা পর্যন্ত আমানত আদায় করিতে অধিকারী থাকিবে। পূর্বেই বলা হইয়াছে, বিদেশী কোম্পানীর শাখা সম্বন্ধে এই নিয়ম থাকিবে। তবে যেসকল কোম্পানী ভারতেই গঠিত হইবে,—সেইগুলি স্বদেশীই হউক বা বিদেশীই হউক,—এই দুই লাখ টাকা এক বৎসরের ভিতর পাঁচ কিস্তিতে দিতে পারিবে। কিন্তু প্রথম কিস্তিতে এক লাখ দিতেই হইবে। আজকাল যে নিয়ম আছে তাহাতে প্রথম কিস্তিতে পঁচিশ হাজার টাকা দিলেই চলে। আগুন, সমুদ্র, মোটরকার অথবা অন্যান্য বিষয়ে যেসকল কোম্পানী বীমা-ব্যবসা চালায়, তাহাদের নিকট হইতে গবর্নমেন্ট প্রত্যেক দফার আমানত দাবী করিতে অধিকারী। এইখানে জানিয়া রাখা মন্দ নয় যে, বিলাতে যে আইন আছে তাহাতে গবর্নমেন্ট যে কোনো বীমা-কোম্পানীর নিকট হইতে ২০,০০০ পাউণ্ড অর্থাৎ আড়াই-তিন লাখ টাকা পর্যন্ত আমানত দাবী করিতে অধিকারী।

দেশবন্ধুর পরলোকগমনের পর দেখিতে দেখিতে এক বৎসর পূর্ণ হইয়া গেল! সেদিনের কথা এখনও চোখের উপর ভাসিতেছে, যেদিন দেশবন্ধুর শবদেহ দার্জিলিং হইতে কলিকাতার আনয়ন করা হয়। ইহার মধ্যেই একটা বৎসর কাল-সাগরে বিলীন হইয়া গেল! দেশবন্ধু চিত্তরঞ্জন বর্তমান থাকিলে এই এক বৎসরে দেশের কত কাজই না হইতে পারিত! স্বরাজ-লাভের পথে দেশ কতই না অগ্রসর হইতে পারিত! সি, আর, দাশের gesture লইয়া ভারতের এ্যাঙ্গলো-ইণ্ডিয়ান সমাজ এবং বিলাতের বহু রাজনীতিক কতই না উৎসাহিত হইয়া উঠিয়াছিলেন! অবস্থা এমনই দাঁড়াইয়াছিল যে, মনে হইয়াছিল—ভারত-সচিব মহোদয় আমাদের হাতে চাক খরিয়াই দেন বা! কিন্তু ভগবান আমাদের প্রতি নিতান্ত বিরূপ, তাই তিনি নিতান্ত অসময়ে একান্ত অকস্মাৎ তাঁহার প্রিয় সন্তানকে কাছে ডাকিয়া লইলেন— ভারত অনাথ হইল! চিত্তরঞ্জনের কত সাধের প্যাঁট! এই প্যাঁটের কল্যাণে ব্যবস্থাপক সভার বেসরকারী সদস্যগণের ক্ষমতা কতই না বাড়িয়া গিয়াছিল! আর এক বৎসর বাইতে না বাইতেই আজ সেই প্যাঁটের কি হৃদশাই না হইয়াছে—হিন্দু-মুসলমান পবম্পরে কামড়া-কামড়ি করিয়া মরিতেছে। সি, আর, দাশ বর্তমান থাকিলে হিন্দু-মুসলমানে বিরোধ কখনই বাধিত না; বাধিলেও, এতটা প্রবল হইতে পারিত না! তাঁহার স্তায় চতুর, বহুদশা, সুবুদ্ধিমান রাজনীতিক কোন না কোন একটা পন্থা আবিষ্কার করিয়া অকুরেই বিরোধের অবসান ঘটাইতে পারিতেন। তাই আজ তাঁহার বাধিক শ্রাদ্ধ দিনে আমরা তাঁহার অভাব মর্মে মর্মে অনুভব করিতেছি। আর কি তিনি বাঙ্গলা দেশে ফিরিয়া আসিবেন না? কিম্বা অপর কোন রাজনীতিক কি তাঁহার তুল্য মনীষার অধিকারী হইয়া বাঙ্গলা দেশকে ধ্বংসের মুখ হইতে রক্ষা করিতে পারিবেন না?

# নিরুদ্দেশের যাত্রী -

শ্রীবীণাপাণি রায় ( মিসেস্ এন্-সি রায় )

নাল-সাররের ওই পারেতে বাস করে কোন্ সন্ধানী,  
আড়াল থেকে দেখে আমার গোপনে,  
কিসের ব্যথার এমন ক'রে ভাঙে আমার বুকখানি  
দীর্ঘ বেলা কাট্চে শুধুই রোদনে ?  
পথটি যে এই পারে চলার—ক্রমেই ধীরে বাঢ়্চে রে  
বন্ধুর বে—বাঢ়্চে আমার চরণে,  
লুকিয়ে থেকে মেঘের আড়ে দেখে শুধুই হাস্চে যে  
বাজে না তার প্রাণটি—আমার বেদনে ?  
বাদল-সাঁঝে চার বিরহী পেতে আপন বন্ধুরে—  
কেয়ার বাসে মনটি যে তার উন্ননা,  
কল্প কোথায়—পাই না দেখা—বাস করে সে কোন্ দূরে  
অকরণের পার সন্ধান কোন্ জনা ?  
বন্ধুচে বাদল আজ অবিরল নীপের বনে ঘুম-হারা  
মিটিয়ে পিন্নাস উন্নসিতা চাতকী,  
আজ বকুলের গন্ধে—আমার প্রাণে কিসের দেয় সাড়া,  
বাহিষ্ঠেরে সামনে আমার পাব কি ?  
রইতে নারি, ভেঙে আগল বাহির হ'লেম পথটিতে  
নিরুদ্দেশের পথের আমি যাত্রী গো ;

খুঁজবো তারে জীবন-পথে কেমন গো সন্ধানী সে  
মানব না ওই নিকব-কালো রাত্রি গো ।  
প্রাণের মাঝের বেদনগুলি ফুলের মত ঝড়্চে যে,  
কখনো কি পোড়বে না তার চরণে ?  
হোমানলের ভীষণ-শিখা প্রাণের তলে জল্চে রে,  
জল্বে না সে সেই শিখারই দহনে ?  
ওই যে অসীম গগন-তলে হাজার তারা উঠ্চে গো,  
সেই দিঠি কি জল্চে না তার মাঝারে ?  
অশ্রু-সাগর মথন কোরে বিন্দুগুলি ফুট্চে গো.  
গাঁথুন সাথে ধ'রবে না মোর মালা রে ?  
সামনে যে ওই নীলাম্বুধি, রাত্রি এল ঘনায়ে  
পার হব তার একলা আমি কেমনে ?  
এই ত ছিল তরী তোমার, ফেল্লে কোথা লুকায়ে  
হেথা আমার আস্তে দেখে গোপনে ?  
নাই বা খেয়া রাখলে তুমি—আমার তরে যতনে,  
ঝাঁপ দেব এই অতল সাগর-মাঝারে,  
আজকে আমার প্রাণ মেতেছে পেতে অরূপ রতনে  
শকা কিসের ?—ভাস্ব অকুল-পাথারে ।

## সাহিত্য-সংবাদ

### নব-প্রকাশিত পুস্তকাবলী


শ্রীযুক্ত বীরেন্দ্রকুমার দত্ত প্রণীত নূতন হুবহু উপভাস 'সুসমানব'; মূল্য—৩  
শ্রীযুক্ত ভারানাম্ব রায় প্রণীত 'অগ্নিশিখা'; মূল্য—১০  
শ্রীযুক্ত এমবনাথ চট্টোপাধ্যায় প্রণীত 'কাঁদিনী'; মূল্য—১  
শ্রীযুক্ত বসিন্দাক ঘোষ প্রণীত 'পারীসতী'; মূল্য—১  
শ্রীযুক্ত সচিন্দ্রনাথ প্রণীত 'বর্ণাম্ব'; মূল্য—১

শ্রীযুক্ত তিনকড়ি বন্দ্যোপাধ্যায় প্রণীত 'নারীর ঠাকুর'; মূল্য—১০  
শ্রীযুক্ত যতীন্দ্রনাথ বন্দ্যোপাধ্যায় প্রণীত 'সমতার কাঁসি'; মূল্য—১  
শ্রীযুক্ত বিজয়গোপাল বসু প্রণীত 'হিন্দুনারী'; মূল্য—১০  
শ্রীযুক্ত দীনেন্দ্রকুমার রায় প্রণীত 'আফ্রিকার সর্পদেবতা'; মূল্য—১০  
ও 'সাংঘাতিক বড়বয়'; মূল্য—১০

Publisher—Budhanshusekhar Chatterjee.  
of Messrs. Gurudas Chatterjee & Sons,  
201, Cornwallis Street, CALCUTTA.



Printer—Narendranath Kunar,  
The Bharatvarsha Printing Works,  
203-1-1, Cornwallis Street, CALCUTTA



দোতানা

শিল্পী—শ্রীযুক্ত উপেনচন্দ্র বোস প্রতিবার

[ Bharatvarsha Halftone & Printing Works.





# জার্নাল



ভাদ্র, ১৩৩৩

প্রথম খণ্ড

চতুর্দশ বর্ষ

তৃতীয় সংখ্যা

## রস-কীর্তন

অধ্যাপক শ্রীখগেন্দ্রনাথ মিত্র এম-এ

পাবনার কীর্তন গোষ্ঠী সম্মিলনে আমাকে কীর্তন সম্বন্ধে কিছু বলিবার অনুরোধ করা হইয়াছে। ঐ সম্মিলনে যে সকল বিষয় আলোচিত হওয়া বাঞ্ছনীয় তাহারও একটি ফর্দ কর্তৃপক্ষগণ প্রস্তুত করিয়াছেন। কিন্তু সেই সকল সমস্তার মধ্যে একটি অতি প্রয়োজনীয় বিষয়ের উল্লেখ দেখিতে পাইলাম না; আমি সেই সম্বন্ধে কিকিৎ বলিতে ইচ্ছা করি। সে বিষয়টি এই—বর্তমানে কীর্তনগানের অবনতি ঘটিয়াছে, তাহার উন্নতি সাধন করিতে হইলে কি উপায় অবলম্বন করা কর্তব্য, ইহা বিশেষ ভাবে সম্মিলনে আলোচিত হওয়া আবশ্যিক মনে করি।

কীর্তনে যে চৌষটি রসের উল্লেখ পাওয়া যায়, তন্মধ্যে সবগুলি এক্ষণে উদ্ধার করিতে পারা যায় কি না, ইহা ভাবিবার বিবর হইলেও ইহা ঠিক যে ঐ রস হইতে গোটাকয়েক বাদ গেলেও তত বেশী কতিবুদ্ধি হওয়ার সম্ভাবনা নাই। কিন্তু কীর্তনই যে লোপ পাইতে চলিল; তাহার কি? কিকিৎ প্রণিধান করিলেই দেখিতে পাওয়া

যায়, যে এক দিন যে কীর্তনে বঙ্গদেশ মাতিয়া উঠিয়াছিল, আজকাল তাহার গায়ক বিরল। যে সকল প্রসিদ্ধ গায়কের নাম বঙ্গে পল্লীতে পল্লীতে লোকমুখে ফিরিত, সে শ্রেণীর গায়ক নাই বলিলেও অত্যন্ত হইবে না। ঈশ্বরেচ্ছার বাহারা এখনও স্বীয় প্রতিভার দিগ্বাণল আলোকিত করিয়া রাখিয়াছেন, তাহাদের সংখ্যা অনুলির দ্বারা গণনা করা যায়। শ্রীযুক্ত অধৈত দাস পণ্ডিত বাবাজি, অবধূত বন্দ্যোপাধ্যায়, গণেশ দাস, হুরেন আচার্য্য, ফটিক চৌধুরী, বিজুদাস, রাসবিহারী মিত্র ঠাকুর প্রভৃতি কয়েকজনের নামই উল্লেখিত পাওয়া যায়। আমি নিজের অজ্ঞতাবশতঃ তাহাদের নাম করিতে পারিলাম না, তাহারা কৃপাশূণ্যে আমাকে কমা করিবেন। তাহাদের নাম করিলাম, তাহাদের অনেকেরই জীবনস্থ্য অন্তাচলোদ্ভূত। ইহাদের অবর্তমানে কীর্তনের গৌরব রক্ষা করিতে পারেন, এরূপ লোক ত দেখিতে পাই না। সম্মিলনে স্থধীমণ্ডলী এই বিষয়টি বিশেষ ভাবে চিন্তা করেন, ইহাই আমার বিনীত প্রার্থনা।

যে সকল ভাবুক, রসজ্ঞ, ভজনশীল ও সঙ্গীতে পারদর্শী মহাজনগণ সাধনার কালে কীর্তন সুরের আবিষ্কার করিয়াছিলেন, তাঁহাদের উত্তরাধিকার কালক্রমে স্থান বিশেষে ও গায়ক বিশেষে বর্তাইয়াছিল। ঐ সকল স্থানের সমৃদ্ধি-লোপ ও গায়কগণের তিরোভাবের সঙ্গে সঙ্গে তাঁহাদের গীতধারাও লোপ পাইয়াছে। অনেক সময়ে গায়কগণের অতিমাত্র রক্ষণ-(গোপন?)শীলতার জন্তও সুরগুলি অপ্রচলিত হইয়া পড়িয়াছে। শ্রীনিবাস আচার্য্য প্রভুর পৌত্র (?) শ্রীল রাধামোহন ঠাকুর যখন পদামৃত-সমুদ্র সংকলন করেন, তখনই পদাবলীর পদ-লোপ সূত্র হইয়াছে। চণ্ডীদাস বিষ্ণাপতি প্রভৃতির পদাবলী যে স্থলে সম্পূর্ণভাবে প্রাপ্ত হওয়া যায় নাই, সে স্থলে প্রভুপাদ রাধামোহন রচনা করিয়া পাদপূরণ করিতে বাধ্য হইয়াছিলেন।

পূর্কোক্ত গীত কর্তৃণাং কদাচিৎ গান-পোষকং  
ন লভ্যতে যত্র গীতং বিচিন্ত্য হৃদি তৎপদং ॥  
দাস্তামি রচনং কৃশ্বা তত্র তেষাং কৃপাবলৈঃ ।

পদামৃত-সমুদ্র ।

“দুর্ভাগ্য বশতঃ যেখানে কোনও একটি গীত, গীতিকা বা এক পাদ না প্রাপ্ত হওয়া গিয়াছে, সেখানে আমি রচনা করিয়া সে সকল যোজনা করিব (যোজয়িবামি)। অদোষদর্শী শ্রোতৃবৃন্দ আমার অপরাধ ক্ষমা করিবেন।”  
পঃ সঃ টীকা ।

ইহা হইতে স্পষ্ট বুঝা যায়—যে শ্রীমন্ন্যহাপ্রভুর সার্ধ-শতাধিক বর্ষ পরেই চণ্ডীদাস বিষ্ণাপতি প্রভৃতির সমগ্র পদাবলী অবিকৃত অবস্থায় পাওয়া যায় নাই। কিন্তু রাধামোহন গোস্বামীপ্রভুর এক বিষয়ে সুবিধা হইয়াছিল। তাঁহার সময়ে ভাল ভাল কীর্তনোয়া ছিলেন এবং তাঁহাদের মুখে মুখে এই মহাজনের পদগুলি চলিত। গীতশাস্ত্র হইতে এবং কীর্তনোয়াদিগের অনুসরণ করিয়া তিনি পদামৃত-সমুদ্র সংগ্রহ করিতে সমর্থ হইয়াছিলেন।

আলোক্যগীতশাস্ত্রাণি সঙ্কলনানাং কৃতানিতু

সংগৃহ্যন্তে সূগীতানি কীর্তনশাস্ত্রসারতঃ ॥ পঃ সঃ

কীর্তনের উৎকর্ষ সে সময়ে কিরূপ হইয়াছিল, তাহা পদামৃত-সমুদ্রের সুর-ভাল-বিস্তার হইতে বেশ বুঝিতে পারা যায়। আজকাল পদকল্পতরু বা আধুনিক পদ-সংগ্রহে দেখিতে পাওয়া যায়, গানের উপরিভাগে বড় বড় ভাল, বড়

বড় রাগিণীর উল্লেখ আছে। বলা বাহুল্য যে বর্তমান কালে ঐ সমস্ত রাগ-রাগিণী বা তালের অধিকাংশেরই প্রচলন নাই। তথাপি পতঙ্গুগতিকতার বশবর্তী হইয়া রাগ-রাগিণী ও তালের উল্লেখ চলিয়া আসিতেছে। কিন্তু পদামৃত-সমুদ্র রচনা কালে যে এরূপ ছিল না, তাহার প্রচুর প্রমাণ রাধামোহন ঠাকুরের স্বকৃত সংস্কৃত টীকায় পাওয়া যায়। কেদার, ভৈরব, মঙ্গল, গৌরী, বরাড়ী, বিভাস প্রভৃতি যে সকল রাগরাগিণীর উল্লেখ আছে, তাহার রূপ ও ধ্যান বিশেষ যত্ন সহকারে গোস্বামীপাদেরকৃত ‘মহামুত্তামাসারিনী’ টীকায় প্রদত্ত হইয়াছে। এরূপ প্রণালী তখনই সম্ভবে, যখন সঙ্গীতের একটা জীবন্ত অভিব্যক্তি সমাজে বর্তমান থাকে। সঙ্গীত যখন যত্নবদ্ধ হইয়া, একটা অসাড় প্রণালী-মাজে দাঁড়ায়, তখন রাগরাগিণীর বিশ্লেষণ বা ব্যাখ্যা কিছুই প্রয়োজন হয় না।

সে কালে যে নুপ পদের স্থলে কোনও কোনও মহাজন পদ-যোজনা করিয়া দিতেন, তাহার কারণ এই যে রস পরিপুষ্টির জন্ত প্রাচীন পদের প্রয়োজন হইত। এক্ষণে দেখিতে পাওয়া যায়, প্রায় একই পদসমূহ সকল কীর্তনোয়া গান করেন। পূর্করাগ, অভিসার, বাসকসজ্জা, উৎকৃষ্টিতা, খণ্ডিতা, কলহাস্তরিতা, গোষ্ঠবিহার, উত্তরগোষ্ঠ, নোকাবিলাস, দান, রাস, কুলন, হোলি, বিরহ প্রভৃতি কয়েক পালা মাত্র সচরাচর শুনিতে পাওয়া যায়। ইহারও সকল পালা সকল গায়ক জানেন না। কেহ কলহাস্তরিতা, কেহ গোষ্ঠ, কেহ বিরহ ভাল গায়িতে পারেন, অল্প পালা তাঁহার তেমন অভ্যস্ত নাই। এইরূপ প্রায়ই দেখিতে পাওয়া যায়। এই সকল পালার যে সকল গান প্রচলিত আছে, তাহার বাহিরে প্রায় কীর্তনোয়া যাইতে চাহেন না। ঐ সকল গানের সংখ্যা বড় বেশী নহে; কিন্তু পূর্ক যখন কীর্তনের দেশব্যাপিনা প্রতিষ্ঠা ছিল, তখন নিশ্চয়ই এমনটি ছিল না। তাহা থাকিলে, এত নূতন নূতন পদ সৃষ্ট হইয়া বৈকল্য পদাবলী এমন বিরাট সাহিত্যে পরিণত হইত না; এত নূতন নূতন সুর ও তালের সৃষ্টি হইত না। প্রচলিত বৈঠকী রীতি হইতে পৃথক একটি নিজস্ব সঙ্গীত ও প্রতিষ্ঠা লাভ করিবার জন্ত এমন মনোমুগ্ধকর একটি নূতন পথ প্রস্তত করিয়া লইতে কীর্তনকে কি অসাধারণ পরিশ্রম ও প্রতিভার প্রয়োগ করিতে হইয়াছে, তাহা সহজেই অনুমেয়। স্মৃতরাং

কীর্তনের যখন অপ্রতিহত প্রভাব ছিল, যখন জ্ঞান দাস, গোবিন্দ দাস, নরোত্তমদাস প্রভৃতি সুললিত ছন্দে পদাবলী রচনা ও গান করিয়া দেশ মাতাইতেছিলেন, তখন রস-পোষণের জন্য নূতন নূতন পদের প্রয়োজন হইত। কীর্তন তখন নানা ভাবোন্মেষে মূর্ত্তমান, উজ্জ্বল, জীবন্ত হইয়া উঠিত। আমরা বৈষ্ণবদাস বা গোকুলানন্দের শ্রীপদ-কল্পতরুতে একটি বারমাস্তা অর্থাৎ শ্রীমতীর দ্বাদশমাসিক বিরহের পদ পাই; এই পদ সম্বন্ধে বৈষ্ণব দাস নিজে বলেন যে প্রথম চারিটি কলি বিদ্যাপতির, দ্বিতীয় কলিঘর গোবিন্দ কবিরাজের ও শেষের ছয় কলি গোবিন্দ চক্রবর্তীর কৃত। এরূপ দৃষ্টান্ত অনেক আছে।

এ সকল প্রমাণের দ্বারা আমরা বুঝিতে পারি যে কীর্তনের সেই সোণার যুগে যে জীবন-প্রবাহ বহিত, তাহা শুধু নূতন পদ সৃষ্টি করিয়াই সন্তুষ্ট হইত না; পুরাতন পদের নষ্টপাদ পূরণ করিয়া তাহাতেও জীবন সঞ্চার করিত। এই যুগেই কীর্তনের প্রসিদ্ধ সুরগুলির সৃষ্টি হইয়াছিল; এই যুগেই নূতন নূতন ছন্দে ভাবের অভিব্যক্তির প্রয়োজন হইতে নূতন নূতন তালের জন্ম হইয়াছিল। এই সকল ছন্দ ও তাল চিরদিন সঙ্গীতজগণের বিশ্বয় উৎপাদন করিবে। কারণ মহাজনগণ শুধু সঙ্গীতের বিকাশের দিকেই লক্ষ্য করেন নাই; সঙ্গীত যাহাতে ভজন-সাধনের অমুকুল হয়, আত্মিকের মত যাহা নিত্য উচ্চারিত হইয়া ধ্যান ধারণার সাহায্য করে, তাহার জন্ম তাঁহারা যথেষ্ট চেষ্টা করিয়া গিয়াছেন। ইহাতে যে তাঁহাদের কাব্য-প্রতিভা বা সঙ্গীতকলা-নৈপুণ্যের পরিচয় পাওয়া যায়, তাহা নহে; তাঁহাদের অদ্ভুত আধ্যাত্মিকতারও চরম বিকাশ দেখিতে পাওয়া যায়। গরাণহাটীই হউক, মনোহরসাহীই হউক, কীর্তনের প্রধান অবলম্বন এই আধ্যাত্মিকতা। আজকাল কবি, রসিক বা ভাবগ্রাহী লোকের অভাব নাই; কিন্তু সে আধ্যাত্মিকতা এখন আর নাই। হরিস্মরণে মন সরস হয় না, শ্রীকৃষ্ণের মধুর লীলার কৌতূহলই বা হয় কই? সুতরাং গান হিসাবেও কীর্তনের আদর কমিয়া গিয়াছে। মহাপ্রকুর ভাষায় বলিতে গেলে

যুগান্তঃ নিমেষেণ চক্ষুষা প্রাবৃষান্তিঃ

শুভ্রান্তিঃ জগৎ সর্বং গোবিন্দ-বিরহেণ মে ॥

ইহাই হইল কীর্তনের উপজীব্য। গোবিন্দ-বিরহে যাহার মন ব্যাকুল হয়, কীর্তন গান্ধিবার ও শুনিবার সেই অধিকারী।

কিন্তু সে ভাব কোথায়? তাহার শতাংশের একাংশই বা কোথায়? তাই আজ কীর্তনের শ্রেষ্ঠ ধ্যাপন করিতে যুক্তিভালের অবতারণা করিতে হয়। আজকাল লোকের মন হুর্জল, অরুচিস্তা-চমৎকারে কাতর, সময় অত্যন্ত অল্প, সাধনার একান্ত অভাব; কাজেই কীর্তনীয় 'রঙ' গান্ধিয়া, আবৃত্তি করিয়া, বক্তৃতা ফলাইয়া, নাচিয়া কুন্দিয়া লোকের মনোরঞ্জন করিতে বাধ্য হইলেন। কষ্ট করিয়া গান শুনিবার লোকের অভাব, কাজেই কষ্ট করিয়া গান শিখিবার লোকেরও অভাব। স্বর সাধনা করিয়া, রাগরাগিণীর স্বরূপ উপলব্ধি করিয়া, ছন্দের আভিজাত্য রক্ষা করিয়া কত জন লোকে কীর্তন শিখেন? কাজেই রস-কীর্তন আর তেমন রস জোগাইতে পারে না; বুকু আত্মার খোরাক সরবরাহ করিতে পারে না।

যে যুগে কীর্তনের এই ক্ষমতা ছিল, সেই যুগেই সুরের 'চাল' অমুসারে দুইটি প্রসিদ্ধ শাখার জন্ম হয়। রাজসাহী জেলায় গড়েরহাট পরগণায় গরাণহাটীর জন্ম; রাঢ় অঞ্চলে মনোহরসাহী 'চালের' জন্ম। গরাণহাটী কীর্তনের স্রষ্টা বোধ হয় শ্রীনিবাস আচার্য্য ও নরোত্তমদাস ঠাকুর। ঠাকুর মহাশয়কেই অনেকে এই প্রণালীর স্রষ্টা বলিয়া মনে করেন। স্তবামৃত লহরীতে আছে :

স্বসৃষ্টগানপ্রথিতায় তন্মৈ নমোনমঃ শ্রীল নরোত্তমায় ।

ইহার দ্বারা বুঝা যায় যে নরোত্তম দাসই গড়ের হাটী বা গরাণহাটী প্রণালীর উদ্ভব-কর্তা। মনোহরসাহীর উদ্ভব-কর্তা কে তাহা বলা কঠিন। আমার মনে হয়, গোবিন্দ দাস জ্ঞান দাস নবহরি প্রভৃতি হইতে মনোহরসাহী গানের উদ্ভব। সে কালে বর্ধমানের অন্তর্গত শ্রীধণ্ডেই মনোহরসাহী কীর্তনের জন্মস্থান ছিল ইহাই আমি মনে করি। এই শ্রীধণ্ডেই নবহরি সরকার ঠাকুর জন্মগ্রহণ করেন, ইহার সম্বন্ধে নরোত্তম দাস বলিয়াছেন :

প্রেমের রমণী ভেল দাস নবহরি

চৈতন্তের হাটে কিরে লইয়া গাগরি ॥

ইনি গৌরাজ লীলার নিমগ্ন থাকিতেন। ইহার ভ্রাতৃপুত্র রঘুনন্দন সরকার ঠাকুরও মহাপ্রকুর পরম প্রিয়পাত্র ছিলেন। জ্ঞানদাসও শ্রীধণ্ডে জন্ম গ্রহণ করেন। সম্ভবতঃ গোবিন্দ দাস ( কবিরাজ )ও শ্রীধণ্ডের সহিত সংস্রষ্ট। এই সকল কারণ হইতে মনে হয় যে, মনোহরসাহী গানের আকর-

স্থল সম্ভবতঃ ঐখণ্ড । পরে ময়নাড়াল এই প্রণালীর কীর্তনের জন্ত বিখ্যাত হয় । এ সম্বন্ধে আমার মত যে অভ্রান্ত, তাহা মনে করিতে সাহস হয় না । সুধিগণ বিচার করিবেন ।

গরাণহাটী ও মনোহরসাহী-কীর্তনের এই উভয় রীতিই শ্রেষ্ঠ । উভয় সুরেই গান্ধীর্ষ্য আছে । সুর-বিন্যাসে উভয় প্রণালীই তুল্য নিপুণতার দাবী করিতে পারে । শিল্প-প্রতিভায় ও কোনটি কম নহে । আমার মনে হয় গরাণহাটী রীতি সরলতা ও প্রসাদগুণ-বিশিষ্ট ; মনোহরসাহী সুরের কারিগরিও মাধুর্য্যবিশিষ্ট । গরাণহাটীতে যেরূপ বিলম্বিত ছন্দ আছে, তাহা মনোহরসাহীতেও সময়ে সময়ে দেখিতে পাওয়া যায়, কিন্তু অধিকাংশ স্থলে গরাণহাটী গানেই বিলম্বিত লয়ের ও দীর্ঘ ছন্দের প্রাচুর্য্য দেখিতে পাওয়া যায় । মনোহরসাহী অপেক্ষাকৃত লঘু গতিতে শ্রোতার মন মুগ্ধ করিতে সমর্থ । গরাণহাটী ও মনোহরসাহী গানের ছন্দ দুইটি বহু কাল পৃথক ভাবে বর্তমান ছিল । কিন্তু উপযুক্ত সাধকের অভাবে এক্ষণে তাহাদের পৃথক সত্তা রক্ষা করা কঠিন হইয়া পড়িয়াছে । পূজনীয় পণ্ডিত অষ্টেতদাম্ব বাবাজি প্রভৃতি এক আধ জন ব্যতীত এ উভয়ের কীর্তন আর কাহারও নিকটে শুনিতে পাওয়া যায় না । একবার পরলোকগত নাটোরাধিপ মহারাজ জগদীন্দ্রনাথ রায়ের ভবনে পণ্ডিত বাবাজির কীর্তন শুনিয়াছিলাম । পণ্ডিত বাবাজি গানের পূর্বে মহারাজকে বলিলেন “মহারাজ আমি জানি আপনি গুণগ্রাহী, আপনার সঙ্গীত-প্রতিভা সর্বজন-বিদিত ; এরূপ গুণীর সমাজে গান করিতে পারা পরম সৌভাগ্যের বিষয় । যদি অহুমতি করেন হুই একটি উচ্চাঙ্গের কীর্তন গাই । আমি কিছুই জানি না ; যাহা জানি, তাহাও শুনাইবার লোক বিরল ।” মহারাজ অহুমতি করিলে তিনি গান ধরিলেন । মহারাজ তাঁহাকে প্রতিশ্রুতির অধিক পুরস্কার দিয়া খুসী করিয়া দিলেন ; কিন্তু আমাকে বলিলেন : “আমি ক্রপদ, খেয়াল ভাল ভাল লোকের মুখে শুনিয়াছি ; সে গান ধরিতেও পারিয়াছি । কিন্তু বাবাজীর এ গান আমার মাথার উপর দিয়া গেল । এরূপ বিলম্বিত লয়ের ও আয়াস-লভ্য সুরের কীর্তন পূর্বে আমি কখনও শুনি নাই ।” সঙ্গীতে দক্ষ, পাখণ্ডরাজে সিদ্ধ-হস্ত মহারাজ জগদীন্দ্রনাথ যেখানে প্রবেশ করিতে অক্ষম, সাধারণ লোকের পক্ষে তাহা যে কত কঠিন ইহা সহজেই অনুমান করা যাইতে পারে ।

মনোহরসাহীর প্রচলন অপেক্ষাকৃত অধিক হইলেও, ইহাতেও যে ভেজাল মিশিয়া গিয়াছে, তাহা অস্বীকার করিবার উপায় নাই । পরবর্তীকালে যে রেণেটী ও মন্দারিণী নামে দুইটি সুরের সৃষ্টি হয়, তাহা মনোহরসাহীর সহিত মিশিয়া সুরকে অত্যন্ত পাতলা করিয়া ফেলিয়াছে । কয়েকটি চপল, লঘু সুর সংযোজিত করিয়া কীর্তনকে যে শ্রুতিমধুর করা যায়, ইহা অনেকেই প্রত্যক্ষ করিয়াছেন । চপ কীর্তনে যেমন মধুকান, ও গোবিন্দ অধিকারীর সুর মিশিয়া সমস্ত সঙ্গীতকে হালকা করিয়া ফেলিয়াছে, তেমনি রেণেটী ও মন্দারিণী বা মান্দারিণী সুরের মিশ্রণে মনোহরসাহী কীর্তন হালকা হইয়া পড়িয়াছে । মনোহরসাহী হইতে এই সুর পৃথক করা কঠিন হইয়া পড়িয়াছে । মনোহরসাহী প্রণালীর অধিকাংশ গায়ক আজকাল রেণেটী ও মন্দারিণীর আশ্রয় গ্রহণ করিয়া থাকেন । এই দুইটি সুরের ধারা একটু চেষ্টা করিলেই ধরা পড়িতে পারে । কীর্তনগোষ্ঠী সম্মিলনে, আশা করি, এমন বিশেষজ্ঞ অনেকে উপস্থিত হইবেন, যাহারা রেণেটী মন্দারিণী হইতে মনোহরসাহীর ভেদ সুর যোগে বুঝাইয়া দিতে পারিবেন । সচরাচর যাহাকে রেণেটীর সুর বলিয়া মনে করা হয়, তাহা যে অত্যন্ত তরল এবং সঙ্গীতের হিসাবে মনোহরসাহী অপেক্ষা নিম্নস্তরের, সে বিষয়ে সন্দেহ নাই । কিন্তু তাহা বলিয়া যে সেই সুরকে বর্জন করিতে হইবে, আমি এমন কথা বলিতেছি না । আমার বক্তব্য এই যে সঙ্গীতের দিক দিয়া সব রকম সুরের ধারা ও স্বরূপ নির্ণয় করা কর্তব্য । তাহা না করিলে কোনও সুরেরই প্রকৃত মর্ম গ্রহণ করা ও মূল্য নির্ধারণ করা সম্ভবপর হয় না । ঝিঁঝিট ও খাখাজ মিশাইয়া গান করা দোষের নহে, কিন্তু ঝিঁঝিট গায়িতে গিয়া অজ্ঞাতসারে খাখাজের বা খাখাজ গায়িতে গিয়া ঝিঁঝিটের পরদা লাগাইলে, তাহা সঙ্গত হয় না । বিশুদ্ধ মনোহরসাহী আজকাল শুনিতে পাওয়া কঠিন । রেণেটীও খাঁটি পাওয়া যায় কি না সন্দেহ । যাহারা বেণী দাসের গান শুনিয়াছেন, তাঁহারা বলিতে পারিবেন যে খাঁটি রেণেটী সুর কেমন মিষ্ট ছিল । এখন যাহা শুনিতে পাওয়া যায়, তাহাতে মনোহরসাহীর মধ্যে অনেকটা রেণেটীর ছাপ আসিয়া পড়িয়াছে । আমার বোধ হয়, মনোহরসাহীর তথা কীর্তনের পূর্ণ মর্যাদা রক্ষা করিতে হইলে এই সুরগুলির পৃথক পৃথক জ্ঞান একান্ত আবশ্যিক ।

এক দিকে গরাণহাটী ও মনোহরসাহী গানেরও যেমন দৈন্ত দৃশ্য উপস্থিত, তেমনি বাজনারও হৃদিশা ঘটনা আছে। তরল গানে তরল তাল বাজাইয়া বাহবা লইতে বেশীক্ষণ লাগে না। কিন্তু গরাণহাটী ও মনোহরসাহী গানেরও যেমন গাঙ্গীর্ষ্য ও ছন্দ-বৈচিত্র্য, বাজনারও তেমনি তাল মাত্রা পৃথক ছিল। গীত অনুযায়ী বাজ। গীতের আশ্রয় ব্যতীত বাজ যেমন টিকিতে পারে না, বাজের অভাব ঘটিলেও গীত খোলে না। গীতবাজের পরস্পর সমঞ্জসীভূত শিল্প-চাতুর্য্যে রসের বা আনন্দের সৃষ্টি হয়। গায়কের অভাবে বাদকের অভাব ঘটিতে বাধ্য। আগে যে সকল প্রসিদ্ধ বাদকের নাম শুনা যাইত, সে শ্রেণীর বাদক আজকাল দেখিতে পাওয়া যায় না। গোলকদাস, মহানন্দ, ভারতদাস, নিকুঞ্জ বাউতী, নিকুঞ্জ মিত্র, কুঞ্জদাস, রামকল্প গৌরদাস ব্রজবাসী প্রভৃতির নাম এখনও ভক্তির সহিত উচ্চারিত হয়। ইহাদের অনেকেই গরাণহাটী, মনোহরসাহী, রেণেটী মন্দারিণী এই চারি ঘরের বাজনাই জানিতেন। খাঁটি গরাণহাটী ও খাঁটি মনোহরসাহী গানের ধারাবদ্ধ লয়বৈশিষ্ট্য-সম্পন্ন বাজ, যাহাতে আনন্দের তরঙ্গ উঠিত, আসর টলমল করিয়া উঠিত,—তাহাও লোপ পাঠিতে বসিয়াছে। এখনকার কীর্তনে যে বাজনা সাধারণতঃ চলে, তাহা অনেক সময়ে ছন্দকে বর্জন করিয়া মিষ্টত্বের দিকে ধাবিত হয়। ফলে এই হয় যে তাল মাত্রা বলিয়া যে বৈজ্ঞানিক জিনিষটি আছে, তাহার আশ্রয় হইয়া যায়। তাল মাত্রা যে গানে ঠিক নাই, তাহা সঙ্গীতের অভিনয় মাত্র; তাহাতে প্রকৃত সঙ্গীত অত্যন্ত কম। গরাণহাটী ও মনোহরসাহী গানের প্রণালী-ভেদে যে বাজনারও প্রণালীভেদ আছে, ইহা হয়ত অনেকেই জানেন না। কিন্তু আমি ইহা বিশেষ লক্ষ্য করিয়াছি যে, সাধারণতঃ যাহারা বাজ্ঞে প্রতিষ্ঠা লাভ করিয়াছেন, এমন বাদকও প্রণালী মত গান করিলে তাহার লয় করিতে পারেন না। ইহার কারণ আর কিছুই নহে, প্রত্যেক প্রণালীর অনুসারী বাজনা স্বতন্ত্র ভাবে নিরলস সাধনার দ্বারা শিক্ষা করিতে হয়। গরাণহাটী গানের শ্রেষ্ঠ (সঙ্গতঃ একমাত্র) গায়ক পণ্ডিত বাবাজি যখন নাটোর রাজবাড়ীতে গান করিলেন, তখন তাহার সঙ্গত শুনিলাম পূজ্যপাদ শ্রীযুক্ত নবদীপচন্দ্র ব্রজবাসীর নিকট। যেমন গান, তেমনি বাজনা। উভয়ই অসামান্য সাধনার দ্বারা অর্জিত।

সে দিন যেরূপ 'সঙ্গত' শুনিয়াছি, পণ্ডিত বাবাজির গানের এরূপ লয় আর কখনও শুনি নাই। সে 'সঙ্গত' আর যাহারা শুনিয়াছেন, তাঁহারাও আমার এই মতের অনুমোদন করিবেন, আশা করি।

গায়কেরা স্বীকার করিবেন যে শ্রোতার গুণে গান। শ্রোতা যেমন চাহেন, গীতবাজ তাহার অনুরূপ হইতে বাধ্য। শ্রোতার রুচির আদর্শ উচ্চ না হইলে, গীতবাজের উৎকর্ষ আশানুরূপ হওয়া সুদূর। কিন্তু আবার ইহাও ঠিক যে সঙ্গীত বা শিল্পের আদর্শ উচ্চ স্তরে প্রতিষ্ঠিত না হইলে, শ্রোতাদিগের রুচিরও অবনতি ঘটে। কীর্তনের অবস্থা বর্তমানে যেরূপ দাঁড়াইয়াছে, তাহাতে ইহাকে বাচাইয়া রাখিবার চেষ্টা করা বাঙ্গালীর একটি জাতীয় দায়িত্ব বলিয়া আমি বিশ্বাস করি। কারণ শিল্প, ভাষা ও সাহিত্য সম্বন্ধে বাঙ্গালী যদি জগৎকে বড় কিছু দান করিয়া থাকে, তবে তাহা এই কীর্তন। এক্ষণে অধিকারী, অনধিকারী, অন্তরঙ্গ বহিরঙ্গ কিছুই ভাবিবার সময় নাই। মহাপ্রভু অন্তরঙ্গ লইয়া রস-আন্বাদন করিবার কথা বলিয়াছেন সত্য। এখনও আমরা দেখিতে পাই, অন্তরঙ্গ নহিলে কীর্তন জমে না, সব ভাসিয়া যায়। রসের দানা বাঁধে না। সুতরাং অন্তরঙ্গ চাই। কিন্তু অন্তরঙ্গ বলিব কাহাকে? সে দিকে মহাপ্রভু দিগদর্শনও করেন নাই। আমি উপরে যাহা বলিয়াছি, তাহা শুধু সঙ্গীতের হিসাবেই। ধর্ম্মতত্ত্বের দিক দিয়াও ইহাকে বিচার করিতে পারা যায় এবং সেখানে অন্তরঙ্গ নহিলে আর কোনও রূপেই চলে না। কীর্তনের বাহা কাব্যসম্পদ তাহা ছাপাখানার প্রসাদে সকলেরই অধিগম্য। তাহার মধ্যে অন্তরঙ্গ বহিরঙ্গ নিরাকরণের অবকাশই নাই। সঙ্গীত হিসাবে অন্তরঙ্গ বা অধিকারী তাঁহারা, যাহারা কীর্তনের গানে আনন্দ লাভ করেন। যাহারা তাহাতে আনন্দ পান না, রাগরাগিণীকে ভাজিয়া চুরিয়া জঙ্গলা করিয়া ফেলিয়াছে বলিয়া যাহারা কীর্তনের প্রতি নাসিকা কুঞ্চিত করেন, তাঁহারা বহিরঙ্গ। ইহাদের লইয়া আন্বাদন ভাল হয় না। ধর্ম্মের দিক দিয়া যাহারা যুগলের উজ্জল রসে মোহিত না হন, তাঁহারা বহিরঙ্গ। তাঁহাদিগকে লইয়া লীলা আন্বাদন করা চলে না। তাঁহারা প্রার্থনা, নিবেদন, বা নাম কীর্তন শুনিবার অধিকারী হয়ত হইতে পারেন। ইহাই মহাপ্রভুর বাক্যের অর্থ বলিয়া বোধ হয়। লীলারও

আবার বিভিন্ন রস-পর্যায় আছে। ভিন্ন ভিন্ন স্তরের অধিকারী ভিন্ন ভিন্ন রসান্বাদনের অধিকারী। কেহ সখ্য রসে ভরপুর, গোষ্ঠে তাঁহাদের বড় আনন্দ। কেহ বাৎসল্যে আনন্দ পান; কেহ বা রসশিরোমণি-মাধুর্যের পথিক। সকল রস সকল স্থানে গান করা বিধেয় নহে। এখানে সঙ্গীত ও কাব্যের অধিকার ব্যতীত, উজ্জনের অধিকারও গণনা করিতে হইবে। স্কুল কলেজের ছাত্র যেখানে বেশীর ভাগে শ্রোতা, সেখানে রসালস বা কুঞ্জভঙ্গ ইত্যাদি গান করা উচিত নহে। এ স্থলে তাহারা অন্তরঙ্গ নহে। স্মৃতরাং দেখা যাইতেছে যে লীলাগানের ক্রম আছে এবং সাধারণ শ্রোতার নিকট গান করিতে হইলে অনেক বুদ্ধিমান স্মৃষ্টি, অবহিত হইয়া গান করা একান্ত আবশ্যিক।

‘অন্তরঙ্গ’ শব্দের আমি যে ব্যাখ্যা দিলাম, তাহা সকলে গ্রহণ করিবেন কি না জানি না। আমি মনে করি যে মহাপ্রভুর উক্তিতে যে অন্তরঙ্গ লইয়া রস আন্বাদন করিবার কথা আছে, তাহা ধর্মতত্ত্বের দিক দিয়াই বিশেষ ভাবে বুঝিতে হইবে। ‘বংশী শিকার’ প্রেমদাসও এই কথা বলিয়াছেন :—

অন্তরঙ্গ ভাবে অন্তরঙ্গ ভক্তগণে

রসরাজ-উপাসনা করিলা অর্পণে ॥

অর্থাৎ মহাপ্রভু অধিকারী ভেদে দ্বিবিধ উপাসনার ব্যবস্থা করিলেন। স্মরণ রাখিবেন, এখানে উপাসনার কথা হইতেছে। সাধারণ অধিকারীর পক্ষে নাম-কীর্তন বা নামজপ। অন্তরঙ্গ, মরমী অধিকারীর জন্ত রসরাজ উপাসনা।

ইহা ব্যতীত অধুনা যে কীর্তন গান প্রচলিত আছে, তাহা যে কেবল দুই চারিজন ভক্ত লইয়া গোপনে (অর্থাৎ বহিরঙ্গের অগম্য স্থানে) উপভোগ করিতে হইবে, এমন কথা মহাপ্রভু বলেন নাই। একরূপ ব্যাখ্যা করিলে, কীর্তন গানের যাহাও বা আছে তাহাকেও বধ করা হইবে।

শাস্ত্র বলেন :

অনুগ্রহায় ভক্তাশাং মাদুঃসং দেইমাশ্রিতঃ ।

ক্রীতে তাদৃশী ক্রীড়া যা শ্রায়া তৎপরো ভবেৎ ।

ইহা হইতে বুঝা যায় যে ভগবতীলা শুনিবার অধিকার সকলেরই আছে; কারণ ঐ লীলা শুনিয়াই মন শ্রীরির পাদপদ্মে আকৃষ্ট হয়।

কীর্তনে যে চৌবটি রসের উল্লেখ আছে, তাহার একটি তালিকা বহরমপুরের প্রকাশিত উজ্জল নীলমণি গ্রন্থের সঙ্গে দেওয়া আছে। তাহা এই : পূর্বরাগে যথা সাক্ষাৎ দর্শন, চিত্রপটে দর্শন, স্বপ্নে দর্শন, ভাট মুখে শ্রবণ, দূতী মুখে শ্রবণ, সখী মুখে শ্রবণ, শ্রুতিজনের গানে শ্রবণ, বংশীধ্বনি শ্রবণ (৮); মান যথা : সখীমুখে শ্রবণ, শুকমুখে শ্রবণ, মুরলীধ্বনি শ্রবণ, বিপক্ষগাত্রে ভোগাক্ষ দর্শন, প্রিয়গাত্রে ভোগচিহ্ন দর্শন, গোত্রাঙ্কন, স্বপ্নে দর্শন, অন্ত নাগ্নিকার সঙ্গে দর্শন (৮); প্রেম বৈচিত্র্য যথা : শ্রীকৃষ্ণের প্রতি আক্কেপ, নিজপ্রতি ঐ, সখীর প্রতি ঐ; দূতীর প্রতি ঐ, মুরলীর প্রতি ঐ, বিধাতার প্রতি ঐ, কন্দর্প প্রতি ঐ, গুরুজন প্রতি ঐ (৮); প্রবাস যথা, ভাবী, মধুরাগমন, ষারকা গমন, কালীয় দমন, গোচারণ, নন্দমোক্শণ, কার্যাহুরোধ, রাসে অন্তর্ধান (৮); সংক্রিপ্ত সন্তোগ যথা : বাল্যাবস্থায় মিলন, গোষ্ঠে গমন, গোদোহন, অকস্মাৎ চুম্বন, হস্তাকর্ষণ, বস্ত্রাকর্ষণ, বস্ত্ররোধন, রতিভোগ (৮); সংকীর্ণ সন্তোগ যথা : মহারাস, জলক্রীড়া, কুঞ্জলীলা, দানলীলা, বংশীচুরি, নৌকাবিলাস, মধুপান, (৮); সম্পন্ন সন্তোগ যথা : স্মদূর দর্শন, ঝুলন, হোলী, প্রহেলিকা, পাশা খেলা, নর্তক রাস, রসালস, কপট নিদ্রা (৮); সমৃদ্ধিমান সন্তোগ যথা : স্বপ্নে মিলন, কুরুক্ষেত্র, ভাবোল্লাস, ব্রজাগমন, বিপরীত সন্তোগ, ভোজন কৌতুক, একত্রে নিদ্রাবস্থা, স্বাধীন ভর্তৃকা (৮)

বৃন্দাবন হইতে শ্রীযুক্ত নিতাম্বরূপ ব্রহ্মচারি কর্তৃক প্রকাশিত শ্রীলবিশ্বনাথ চক্রবর্তী কৃত ঋণদাগীত চিন্তামণি গ্রন্থের সূচীপত্রে কোন্ রসের কোন্ পদ, তাহার একটি তালিকা দেওয়া আছে। কিন্তু তাহা হইতে চৌবটি রস কোন্ গুলি তাহা নির্ণয় করা কঠিন।



## হাইফেন

চারু বন্দ্যোপাধ্যায়

মলয় পথে পথে খানিকক্ষণ ঘুরিয়া আপিসে যাইবার সময় নিকটবর্তী হইতেছে দেখিয়া বাড়ীতে ফিরিয়া আসিলো।  
 উপরে গিয়াই সে দেখিলো তাহার ঘরে বিলোপ বসিয়া আছে। বিলোপকে দেখিয়াই মলয় জিজ্ঞাসা করিলো—  
 তুমি কখন এলে ?

বিলোপ বলিলো—অনেকক্ষণ। আমি এসেই সুন্যাম তুমি তখনই বেরিয়ে গেলে।

তুমি তা হলে বরাবর স্টেশন থেকে এখানেই এসেছো ?

হ্যাঁ।

আচ্ছা, মৃদু অতো ব্যস্ত হয়ে চলে' গেলো কেনো তার কি কিছু কারণ জানতে পেরেছো ?

কতক কতক জেনেছি। কোথাও কিছু একটা বোঝবার গুণগোল ঘটেছে, এবং সেটা আমিও ঠিক বুঝতে পারছি না। আমি যদি তোমাকে খুব ভালো রকম না জানতাম তা হলে আমারও মনে মৃদুলা দেবীর মতন একটা খটকা লাগতে পারতো।

মলয় উৎকণ্ঠিত ও উৎসুক হইয়া জিজ্ঞাসা করিলো—  
 আমার কিছু অপরাধ ঘটেছে বলে' মৃদুলা রাগ করে' চলে' গেছে ? আমি তো জ্ঞানতঃ কোনো অন্তায় করি নি।

বিলোপ পকেট হইতে কতকগুলো কাগজপত্র বাহির করিতে করিতে বলিলো—ঐটে তো আমিও ঠিক বুঝতে

পারছি না, এবং ঐটে বোঝবার জন্তেই তো আমি ছোটোছোটো তোমার কাছে এসেছি...এইগুলো পড়ে দেখো...

বিলোপ দুখানা পুরাতন চিঠি খামে-ভরা মলয়ের হাতে দিলো। মলয় দেখিলো খামের উপর তাহারই হাতে লেখা শ্রেয়সীর নাম ঠিকানা। ইহা দেখিয়াই মলয় আশ্চর্য হইয়া জিজ্ঞাসা করিলো—এ চিঠি তুমি কোথায় পেলে ?

—মৃদুলা দেবী আমাকে দেখতে দিয়েছিলেন ; আমি তোমাকে দেখিয়ে ব্যাপার কি জানবো বলে' নিয়ে এসেছি।

মলয় বুঝিতে পারিলো যে অনন্ত এই চিঠি দুখানি ডাকে না দিয়া মৃদুলাকে দিয়াছিলো, এবং এই জন্তেই শ্রেয়সী এই চিঠি দুখানি পায় নাই। মলয় বলিলো—এ ঐ...

মলয় বলিতে যাইতেছিলো পাজী অনন্ত, কিন্তু সে নিজেকেও উহারই তুল্য হুচরিত্র মনে করিয়া পাজী বিশেষণটি উচ্চারণ করিতে পারিলো না, সে কেবল বলিলো এ ঐ অনন্তটার কাজ ! মৃদুর মনে আমার চরিত্র সম্বন্ধে সন্দেহ সঞ্চার করে' তাকে নিজের দিকে আকৃষ্ট করিতে পারবে মনে করেছিলো !

বিলোপ জিজ্ঞাসা করিলো—কিন্তু তুমি থিয়েটারের নর্তকীকে প্রেমপত্র লিখেছিলে কেনো ?

মলয় আশ্চর্য হইয়া বলিয়া উঠিলো—প্রেমপত্র ! শ্রেয়সী আমার বোন, নিবারণের স্ত্রী রমা। রমাকে নিবারণ আদর করে' নাম দিয়েছিলো শ্রেয়সী। সে নিবারণকে

ছেড়ে চলে' এলেও নিবারণ তাকে ভুলতে পারে নি; তাকে ফিরে ধরে আনবার জন্তে নিবারণ ব্যাকুল হয়ে আমাকে বলে রমাকে অল্পরোধ করতে তাই আমি তাকে চিঠি লিখে নিবারণের কাছে ফিরে আসতে বলেছিলাম। সেই চিঠি হলো প্রেমপত্র !

মল্লের কোতুহল ও সন্দেহ হওয়াতে সে খাম হইতে পত্র বাহির করিয়া দেখিলো যে পত্রের সম্বোধন শ্রেয়সী স্থানে শ্রেয়সী হইয়াছে, এবং মাঝে মাঝে দু-একটি শব্দ কালী দিয়া ঢাকিয়া দেওয়া হইয়াছে। দেখিয়াই মল্ল বলিয়া উঠিলো—দেখেছো কী শয়তান !

অতঃপর মল্ল নিবারণ ও শ্রেয়সী-সংক্রান্ত সমস্ত ব্যাপার এবং অনন্ত কি উপায়ে পত্রগুলিকে হস্তগত করিয়া ও বিকৃত করিয়া মূহুরার মন বিবাক্ত করিয়াছে তাহা বিলোপকে বিবৃত করিয়া বলিলো। এই-সমস্ত বলিতে বলিতে অনন্তর উপর ক্রোধে মল্লের মন পূর্ণ হইয়া উঠিলো এবং উহাকে খুব করিয়া শাস্তি দিবার বাসনা তাহার মনে প্রবল হইয়া উঠিলো; কিন্তু তখনই তাহার মনে হইলো যে সে উহাকে শাস্তি দিবার অধিকার হইতে আপনাকে বঞ্চিত করিয়াছে। তাই সে সমস্ত বৃত্তান্ত বিলোপকে বলিয়াই জিজ্ঞাসা করিলো—সেদিন তুমি ওটাকে বেশ করে' শিক্ষা দিয়া দিয়াছিলে তো ?

বিলোপ বলিলো—ভদ্রলোকে অপর একজন ভদ্রমন্ত লোককে যেমন শিক্ষা দিতে পারে তা আমি দিয়াছিলাম। .....এ ব্যাপারটার তো একটা মীমাংসা হয়ে গেলো। কিন্তু আর একটা গুরুতর জটিল সমস্যা আছে.....

মল্ল উৎসুক:ও উৎকণ্ঠিত দৃষ্টিতে বিলোপের মুখের দিকে চাহিলো। বিলোপ বলিতে লাগিলো—মূহুরা দেবী স্বচক্ষে নাকি দেখেছিলেন অনন্তর স্ত্রী.....

মল্ল ব্যাপারটা বুঝিতে পারিয়াই বলিলো—হ্যাঁ। কিন্তু সেটাতেও আমার কোনো দোষ নেই... সম্ভবতঃ আহুতি দেবীরও মনে তেমন কোনো দৃষ্টি ভাব ছিলো না, আমি তাঁকে আমার একটা লেখা পড়ে' শোনাচ্ছিলাম, তিনি হঠাৎ আমার কোলে মাথা রেখে শুয়ে পড়লেন। এ কাজটা তাঁর ঠিক উচিত হয় নি; হয়তো তিনি বন্ধুত্বের ঘনিষ্ঠতা দেখাবার অথবা একটু ক্লার্ট' করবার জন্তে ওরূপ করে' থাকবেন। তাঁর চরিত্র যে কতো দৃঢ় তা আমি টের পেয়েছি...শিক্ষিতা

মেয়েদের রক্ত রসিকতা লীলা পল্পদের অলের মতন, তাদের অধিকতর লোভন ও শোভন করে, কিন্তু তাদের অঙ্গ স্পর্শ করে না।

এই বলিয়া মল্ল অকপটে নিজের অজ্ঞায় অসঙ্গত আচরণের কথা বন্ধুকে বলিলো এবং শেষে বলিলো—এ কথা আমি নিজেই মূহুরাকে বলবো। মূহুরা আমার কপিক দুর্বলতা ক্ষমা করতে পারবে এমন মনের উদার প্রণার তার আছে।

বিলোপ বলিলো—আঃ বাচ্চাম! আমার বড়ো ভয় হয়েছিলো যে মূহুরা দেবীর চাক্ষুষ সাক্ষীর অভিযোগের সমাধান হয়তো কিছু হবে না। আমি আজ আগে ফিরে যাই, গিয়ে তাঁর মনের সংশয় আর রোধ দূর করি। আমি টেলিগ্রাম করলে তুমি যেয়ো।

মল্ল মূহুরার রোধের সংবাদে চিন্তিত ও বিলোপ তাহার মনের ক্ষোভ দূর করিতে পারিবে এই আশায় আশ্বস্ত হইয়া বলিলো—তা তুমি যা ভালো বোঝো তাই করবো।

বিলোপ বাসায় চলিয়া গেলো ও মল্ল আপিস যাইবার জন্ত প্রস্তুত হইতে লাগিলো।

মল্ল বিকালে আপিস হইতে ফিরিয়া আসিলে তাহার ভৃত্য বলিলো—ও-বাড়ীর মেম-সাহেব আপনার জলখাবার করতে বারণ করেছিলেন, তাঁর বাড়ী থেকেই আপনার জলখাবার পাঠিয়ে দেবেন।

আবার আহুতির চায়ের নিমন্ত্রণ! মল্লের ইচ্ছা হইলো তখনই সে বাড়ী হইতে পলায়ন করে। কিন্তু আপিস থেকে আসিয়া স্নান করিতে না পাইলে তাহার অত্যন্ত ক্লেশ হয় বলিয়া সে স্থির করিলো স্নানটা সন্ধ্যা সারিয়া লইয়াই সে সারিয়া পড়িবে।

মল্ল স্নান করিয়া আসিয়াই দেখিলো প্রফুল্লবদনা আহুতি অপেক্ষা করিতেছে। সে আর পলায়নের পথ পাইলো না। সে অপ্রস্তুত; ভাবে আহুতিকে বলিলো—আপনি আবার আমার জন্ত কষ্ট করে'.....

আহুতি হাসিয়া বলিলো—এতে আর কষ্ট কি! মূহুর এখানে নেই, আপনাকে যত্ন করা তো আমার' কর্তব্য। আমি খান্সামাকে বলে' এসেছি, সে চা আনুলো বলে'.....

বলিতে বলিতেই খান্সামা চা ও জলখাবার লইয়া আসিয়া উপস্থিত হইলো।



মল্ল নীরবে আহারে মনোনিবেশ করিলো। আহার করিতে করিতে ক্ষণকাল পরে সে মাথা নত করিয়া মূহু অমুতপ্ত স্বরে বলিলো—আপনি আমাকে ক্ষমা করবেন .....

• আহুতি অত্যন্ত স্বচ্ছ লঘু হাসি হাসিয়া বলিলো—কী হয়েছে যে ক্ষমা করতে হবে? লেখক লোকেরা অমন একটু সেন্টিমেন্ট্যাল হয়েই থাকে! মূহলের কোনো চিঠি-টিঠি পেলেন? সে কবে আসবে?

মল্ল সঙ্কুচিত দৃষ্টিতে একবার আহুতির মুখ দেখিয়া লইয়া বলিলো—আমি ছ'এক দিনের মধ্যেই তাঁকে আনতে যাবো।

আহুতি বলিলো—উনি এখানে থাকলে আমি আপনার সঙ্গে গিয়ে পুরা বেড়িয়ে আসতে পারতাম।

আহুতির এই কথা মল্লের মনের দঙ্কোচ অনেকখানি কমিয়া গেলো। সে তথাপি অপ্রতিভ ভাবে কেবলমাত্র ভদ্রতা রক্ষার খাতিরে বলিলো—তা হলে তো বেশ হতো।

তাহার কণ্ঠস্বরে কোনো রকম উৎসাহ বা আগ্রহ প্রকাশ পাইলো না।

ইহা বুঝিতে পারিয়া আহুতি জিজ্ঞাসা করিলো—এখন আপনি কোথায় যাবেন?

—একবার বিলোপের কাছে যেতে হবে।

—তিনি তো পুরী গিয়েছিলেন?

—আজ ফিরে এসেছেন; আজই আবার যাবেন।

আহুতি একটু আশ্চর্য্যান্বিত ভাবে জিজ্ঞাসা করিলো—আজকে এসেই আবার আজকেই যাবেন যে?

মল্ল অপ্রস্তুত ভাবে বলিলো—একটু বিশেষ দরকার আছে।

আহুতি আর কিছু জিজ্ঞাসা না করিয়া বলিলো—ও! তা হলে আর আপনাকে ধরে রাখবো না। আমি তা হলে যাই.....

আহুতি এই কথা বলিতেই তাহাকে বিদায় দিবার জন্ত মল্ল চেয়ার ছাড়িয়া দাঁড়াইয়া উঠিলো।

আহুতিও চেয়ার হইতে উঠিয়া আস্তে আস্তে প্রস্থান করিলো।

মল্ল বিলোপকে গাড়ীতে তুলিয়া দিবার জন্ত বিলোপের নিকট রওনা হইলো।

\* \* \* \*

পরদিন বিকালবেলা মল্ল বিলোপের টেলিগ্রাম পাইলো—ষ্টর্ম ওভার, কোস্ট ক্লিয়ার, ষ্টার্ট টু-ডে'জ এক্সপ্রেস।

মল্ল উৎফুল্ল হৃদয়ে পুরী যাত্রার আয়োজন করিতে প্রবৃত্ত হইলো।

\* \* \* \*

পরদিন প্রভাতে মল্ল পুরীতে গিয়া পৌঁছিলো। তাহাকে অভ্যর্থনা করিতে ষ্টেশনে আসিয়াছিলো মূহলা ও বিলোপ।

মল্ল ও মূহলার দৃষ্টি সম্মিলিত হইতেই তাহাদের উভয়েরই মুখ লজ্জায় ও বিচ্ছেদের পর মিলনের আনন্দে আরক্তিম হইয়া উঠিলো ও চক্ষুর দৃষ্টি প্রেমাবেশে মদির হইয়া উঠিলো। গাড়ী একেবারে থামিবার পূর্বেই মল্ল হাসিমুখে লাফ দিয়া গাড়ী হইতে নামিয়া পড়িলো। মূহলা ও বিলোপ চলন্ত গাড়ীর সঙ্গে সঙ্গে মল্লের কামরার সম্মুখে উপস্থিত থাকিবার চেষ্টায় চলিতেছিলো; মল্ল তাহাদের কিঞ্চিৎ অগ্রে অবতরণ করিয়া ফিরিয়া দাঁড়াইয়া মূহলার মুখের দিকে চাহিয়া মূহু হাসিলো, মূহলার মুখেও মূহু হাসি ফুটিয়া উঠিলো।

বিলোপ তাহাদের ভাবাবেশ দেখিয়া মল্লকে বলিলো—তোমরা দুজনে সমুদ্রের ধার দিয়ে এগোও, আমি তোমার জিনিসপত্র গুছিয়ে মুটে করে নিয়ে যাবি.....

মল্ল ও মূহলা উভয়েই বিলোপের উদ্দেশ্য বুঝিতে পারিয়া আবার লজ্জা পাইয়া লাল হইয়া উঠিলো; এ যেন তাহাদের নূতন প্রেম-পরিচয় ঘটতেছে! তাহাদের উভয়েরই মনে পড়িলো বিলোপ এমনই করিয়া এই পুরীতে তাহাদের প্রথম মিলন ঘটাইয়াছিলো এবং এখন আবার পুনর্মিলন ঘটাইতেছে। উহারা উভয়ে কৃতজ্ঞতাভরা স্নিগ্ধ লজ্জিত দৃষ্টিতে বিলোপের দিকে একবার তাকাইয়া নীরবে ষ্টেশন হইতে বাহির হইয়া চলিল।

তাহাদের অপস্রিয়মান যুগলমূর্তির দিকে তাকাইয়া থাকিয়া বিলোপ দীর্ঘনিশ্বাস ফেলিয়া হাসিলো এবং আপনাকেই অস্পষ্ট উচ্চারণ করিয়া বলিলো—আমি কেবল দুজনের মিলনের হাইফেন হয়েই রইলাম!

সমুদ্রবেলায় উপনীত হইয়া মূহলা মল্লের পাশে পাশে চলিতে চলিতে লজ্জাকুণ্ডিত মূহুস্বরে বলিলো—আমাকে ভূমি ক্ষমা করো। আমি তোমার প্রেম আর চরিত্রকে

সন্দেহ করে' অন্তায় করেছি.....তোমাকে আমার  
জিজ্ঞাসা করা উচিত ছিলো.....

মলয় সুখাবেশে অভিভূত হইয়া বলিলো—তুমিও  
আমাকে ক্ষমা কোরো, আমি তোমার কাছে অবিখ্যাসী হতে  
গিয়েছিলাম.....

মৃহলা বলিলো—থাক ওসব কথা.....বিলোপ বাবু  
আমাকে সব বলেছেন.....মানুষের জীবন ভুল ভ্রান্তিতে  
ভরা.....আমি ভুল করে' আলতির কাছে অপরাধী হয়ে  
আছি, ফিরে গিয়ে তার কাছে ক্ষমা চাইতে হবে.....

মলয় নিরতিশয় উৎফুল্ল হইয়া আবেগভরে মৃহলার হাত  
চাপিয়া বলিলো—তা হলে তুমি সব শুনেছো! আমাকে  
ক্ষমা করেছো! তোমার প্রেমমন্দাকিনীতে স্নান করে'  
অশুচিতা থেকে মুক্ত হলাম!

মৃহলা প্রণয়রসে আপ্লুতা হইয়া আপনার হাত দ্বয়  
আকর্ষণ করিয়া হাসিয়া বলিলো—আমার হাত ছেড়ে দাও  
লোকে দেখছে!

মলয় এবার উৎসাহিত হইয়া বলিয়া উঠিলো—দেখুক  
গে! আমার আরো যা ইচ্ছে করছে তা ওদের দেখিয়ে  
দেবো নাকি?

মৃহলা সুখভরা স্মিত মুখে সুন্দর লকুট করিয়া বলিলো  
আঃ কী বলো যে তার ঠিক নেই।

মলয়ের মুখ পরিপূর্ণ মিলনের সুখের হাসিতে উজ্জ্বল  
হইয়া উঠিলো। জোয়ারে উচ্ছ্বসিত সাগরের একটা উদ্বেল  
তরঙ্গ ফুলিয়া ছুটিয়া আসিয়া তাহাদের পায়ের কাছে আছাড়  
খাইয়া সূর্যাকরোদ্ভাসিত বালির উপর ফেনহাশ্বে লুণ্ঠিত  
হইতে লাগিলো। সমাপ্ত

## অসি ও মসি

### শ্রীকুমুদরঞ্জন মল্লিক বি-এ

অসি এবং মসি,                      ছই জনাতে বসি,  
কে বড় তাই নিয়ে করে ঝগড়া দিবা যামি'  
কেউ যে কোন মতে,                      চায়না ছোট হতে,  
অসি বলে আমিই বড়,—মসি বলে আমি।  
বলছে অসি ডাকি,                      শক্তি এত রাখি,  
একটা দিনে শ্রাণান করে দেশটা দিতে পারি।  
আমার গায়ের জোরে,                      পৃথিবীটাই ঘোরে,  
সেইটা পরের নিইনা যেটা ইচ্ছা করে কাঁড়।  
এমনি আবার খোঁচা,                      শক্ত বড়ই মোছা,  
অনল ছুটাই গিরি টুটাই রক্তে নদী ভরি।  
দেশটা আমি শাসি,                      শক্রগণে নাশি,  
ভোগ যে আমি করছি ধরা গায়ের জোরে ধরি।  
মসি বলেন বাহা,                      বীরত্ব কি আহা,  
শত্রু তুমি নাশার চেয়ে বৃদ্ধি অনেক কর।

কেই বা তোমায় পুছে,                      নামটা যেত মুছে,  
ঘাতক ঘরের শোভা তোমায় আমিই করি বড়।  
আমি দেশের প্রাণ,                      করি আলোক দান,  
বৃকের বাথা যশের গাথা অমর করে রাখি।  
আমার হাতের রেখা,                      বিধির দারুণ লেখা,  
আমি যে দিই আবার দাগা উকী দিয়ে আঁকি।  
আমি নিয়ম গড়ি,                      রাখি শোভন করি,  
নহলে তোমার ছিল কেবল হত্যাগারে বাসা।  
আমি দেশের আশা,                      ভক্তি ভালবাসা,  
কার্য্য তোমার সাম্য এবং ভ্রাতৃত্বাবে নাশা।  
ঝগড়া গুণে আসি,                      বলেন বিধি হাসি,  
অসির চেয়ে সবাই জানে বড় বটেন কালী,  
অসি কেবল ভয়,                      মসি বর অভয়,  
অসি তোমার উচিত চলা মসির আদেশ পালি'।



## প্রকৃতি-পরিচয়

অধ্যাপক শ্রীঅশ্বিনাকুমার ভট্টাচার্য্য এম-এ

প্রকৃতি = প্র—কৃ। কৃ। প্র = আরম্ভ বা আদি, এবং প্রকৃষ; কৃতি = করণ বা কার্য বা সৃষ্টি অথবা কাণ; অর্থাৎ যাহা হইতে এই দৃশ্য জগতের সৃষ্টি আরম্ভ হইয়াছে তাহাই প্রকৃতি। এবং যাহা প্রকৃষ্টরূপে কৃত বা সজাত বা সমস্ত চরাচররূপে অব্যক্ত তাহাও প্রকৃতি। সূত্রাং প্রকৃতি কার্য-কারণ-রূপ। কার্যরূপে সে ব্যক্ত এবং সর্বসাধারণের অনুভবযোগ্য। আদি কারণরূপে সে অব্যক্ত এবং বাক্য-মনের অগোচর, অখচ যোগিধেম এবং স্বানুভবগম্য। এজন্য নারায়ণ বলিয়াছেন—

“প্রকৃতেলক্ষণং বৎস কো বা বক্তুং ক্ষমো ভবেৎ।”

—হে বৎস, প্রকৃতির লক্ষণ বলিতে কেই বা সমর্থ? এই কারণরূপা প্রকৃতিকে মূলকারণ, স্বভাব, আত্মা, প্রধান, অব্যক্ত, অচিন্ত্য, অনির্কচনীয়া প্রভৃতি আখ্যায় অভিহিত করা হইয়াছে। এই প্রকৃতি হইতে ক্রমে বিবিধ কৃতি (কার্য বা সৃষ্টি) সম্পন্ন হওয়ায় ঐ প্রকৃতি বিকৃতি (বি = বিবিধ + কৃতি = কার্য) আখ্যা প্রাপ্ত হইয়াছে। এই দৃশ্য জগতের যাহা আদিকারণ তাহাকে আত্মাশক্তি বলে। তাহাই প্রকৃতির পরম রূপ। ইহা বাহ বা অন্তরেক্রিয়ের

স্পষ্ট অনুভবযোগ্য নহে। তবে ইহার আভাস আমরা নিম্নোক্তরূপে লাভ করিতে পারি। আমি যখন দুর্বল হইয়া পড়ি, তখন বলি ‘আমার হাঁটবার বা কথা বলিবার শক্তি নাই।’ আমি যখন বধির হই, তখন বলি ‘শোনবার শক্তি নাই।’ এইরূপ ‘নড়বার শক্তি নাই, বোলবার শক্তি নাই, ধরবার শক্তি নাই’ প্রভৃতি কথা প্রকাশ করি। অথচ ঐ শক্তি যে কি জিনিষ তাহার কোনই ধারণা হয় না। কাহেই উহা অব্যক্ত ও অনির্কচনীয়া। অবশ্য ইহার পূর্বেও প্রকৃতির দুই অবস্থা আছে। এক সিসৃক্ষা বা সৃজন করিবার ইচ্ছা; দ্বিতীয় ত্রিগুণের সাম্যাবস্থা। শ্রুতিতে আছে সোহকাময়ত একোহং বহু শ্চাম্—সেই অপ্রত্যক্ষ অব্যক্ত পুরুষ কামনা করিলেন ‘আমি এক আছি, বহু হইব।’ এই ইচ্ছার উদ্দেকের পর প্রকৃতি নাম্নী শক্তির বিকাশ হয়। আমরাও দেখিতে পাই, কোন কাজ করিতে প্রথম ইচ্ছা জন্মে, তৎপর শক্তির জাগরণ ও প্রেরণা হয়। যাহা হউক, এই ইচ্ছাশক্তি কিঞ্চিৎ ঘনাকার ধারণ করিয়া সত্ব, রজঃ ও তমঃ গুণের সাম্যাবস্থা প্রাপ্ত হয়, অর্থাৎ তখন ত্রিগুণের ধর্ম—সুখ প্রকাশ, কর্ম, হঃখ ও

মোহ এই ভাব সকলের সমন্বয়ে অর্থাৎ অপৃথকরূপে প্রকৃতি এক অব্যক্তভাবে পরিণত হইলেন। তৎপর প্রকৃতি ত্রিগুণের বৈষম্যাবস্থায় পরিণত হইলেন। ইহা পূর্বেই পরম রূপ। ইহাকে মহান্ বলে। প্রকৃতির এই স্বরূপে, 'আনন্দানুভব করিতে হইবে' ও 'জানিতে হইবে', 'কর্ম করিতে হইবে' এবং 'জানিতে না হইবে' ও 'হুঃখ অনুভব করিতে হইবে' এই তিন আকারে ক্রমান্বয়ে সত্ত্ব, রজঃ, ও তমঃ গুণ পৃথকভাবে প্রকাশ পায়। তদনন্তর প্রকৃতি 'অহং'ভাবে পরিণত হইলেন। তখনই তিনি কার্যোন্মুখী হইলেন। সিসৃক্ষা, ত্রিগুণসাম্যাবস্থা ও ত্রিগুণবৈষম্যাবস্থা এই তিন রূপে প্রকৃতি নিষ্ক্রিয় ও অস্পষ্টভাবে থাকেন। 'অহং' ভাব ধারণ করিয়াই তিনি কার্যে উদ্যোগী হইলেন। আমরা ইহার স্পষ্টই অনুভব করিতে পারি। 'অহং'ভাব অর্থাৎ 'আমি করিব', 'আমি জানিব', ইত্যাদি যে কোন কার্যের পূর্বে আমিই ভাবের উদয় না হইলে চেষ্টা আরম্ভ হয় না। যে 'আমি করিব' এই ভাব গ্রহণ না করে, সে সাক্ষিকরূপে নিষ্ক্রিয় থাকে। এই 'অহং' ভাবে জীবমাত্রেরই স্বাসপ্রশ্বাসের ধ্বনিতে সূক্ষ্মরূপে অনুভব করিয়া থাকে। যাহা হউক, ত্রিগুণের বৈষম্যাবস্থায় সূক্ষ, হুঃখ, জ্ঞান, মোহ প্রভৃতি ক্রিয়ার কোন নির্দিষ্ট কর্তা ছিল না। তৎপর প্রকৃতি অহংকারে পরিণত হইয়া উক্ত ক্রিয়া সমূহের 'অহং' এই কর্তা হইলেন। তদনন্তর বিচার হইল কিরূপে ঐ ক্রিয়াসমূহ সাধিত হইবে। তখন প্রকৃতি পঞ্চতন্ত্রায় পরিণত হইলেন। এ পর্য্যন্ত প্রকৃতি ভাব বা গুণ মাত্র রূপে অবস্থিত ছিলেন, এখন তিনি দ্রব্যরূপে বিকাশ পাইতে লাগিলেন। প্রথমতঃ অবকাশ দিবার জন্ত এবং ভাবী সৃষ্ট বস্তুসমূহের ধারণ করিবার জন্ত প্রকৃতি আধাররূপে আকাশস্বরূপ (space) হইলেন। তৎপর পরস্পর ভাব-বিনিময়ের জন্ত আকাশ শব্দময় হইল। তদনন্তর চলন চালন প্রভৃতি যাবতীয় ক্রিয়া সাধনের জন্ত আকাশ বায়ুরূপে পরিণত হইল। ভাবী সমস্ত বস্তু প্রকাশের জন্ত বায়ু তেজোরূপে প্রকটিত হইল। আবার অপ্রকাশ ও আবরণের জন্ত তেজঃ জল ও ক্ষিতির আকার ধারণ করিল। প্রকৃতির আকাশাদি পঞ্চস্তরে পরিণতি অতীব সূক্ষ্ম হইতে অতীব সূক্ষ্ম পর্য্যন্ত ক্রমসাধিত। ইহার প্রথম স্তরকে পঞ্চতন্ত্রায় বলে। ইহা পাঁচ ভাগে বিভক্ত। যথা—শব্দতন্ত্রায়,

স্পর্শতন্ত্রায়, রূপতন্ত্রায়, রসতন্ত্রায় ও গন্ধতন্ত্রায়। ( তন্ত্রায় = লক্ষণ। তৎমীমংতে জায়তে অনেন ইতি। যেমন, শব্দতন্ত্রায় = শব্দ লক্ষণ অর্থাৎ শব্দ দ্বারাই যাহার স্বরূপ জানা যায়। ) ইহারা এত সূক্ষ্ম যে ইহাদিগকে গুণস্বরূপ বলা যায়। প্রকৃতির এই পঞ্চ রূপ সাধারণের অবোধ্য। অব্যক্ত নাদ, অব্যক্ত স্পর্শ, অব্যক্ত রূপ, অব্যক্ত রস, অব্যক্ত গন্ধ, অব্যক্ত আনন্দ ও প্রকাশ, অব্যক্ত প্রাণক্রিয়া এবং অব্যক্ত হুঃখ ও মোহরূপে ইহারা বিশিষ্টমনাঃ ব্যক্তি ও সিদ্ধ যোগীর দ্বারা অনুভূত হয়। পূর্বেই অহংভাব ও এই পঞ্চতন্ত্রায় রূপকে প্রকৃতির সূক্ষ্মতম রূপ বলা যায়। এই পঞ্চতন্ত্রায় তদনন্তর পরস্পর সংমিশ্রিত হইয়া কিঞ্চিৎ ঘনাকারে পঞ্চীকৃত পঞ্চমহাত্ম্যে পরিণত হয়। ইহাই সমস্ত দৃশ্য বস্তুর মুখ্য উপাদান। এই পঞ্চমহাত্ম্য প্রকৃতির সূক্ষ্ম রূপ। সিদ্ধি দ্বারা উপনীত বোগী অস্তরে নানাবিধ নাদ, জ্যোতিঃ প্রভৃতি রূপে ইহাদের অনুভব করে, এবং সূক্ষ্মদর্শী বৈজ্ঞানিক দৃশ্য বস্তুর সূক্ষ্মতম বিশ্লেষণ দ্বারা ইহাদের স্বীয় স্বীয় অণুতে উপস্থিত হইয়া ইহাদের মন্য অবগত হয়। তৎপর সর্বসাধারণের পরিদৃশ্যমান পঞ্চভূত ও তদ্বিকার যাবতীয় দৃশ্য বস্তু অর্থাৎ প্রপঞ্চ ( প্র + পঞ্চ। প্র = প্রকৃষ্ট = সূক্ষ্ম ; পঞ্চ = পঞ্চভূত ) প্রকৃতির সূক্ষ্মরূপ।

অতএব দেখা যাইতেছে, সিসৃক্ষা, ত্রিগুণসাম্যাবস্থা, ত্রিগুণবৈষম্যাবস্থা, অহংভাব, পঞ্চতন্ত্রায়, পঞ্চমহাত্ম্য ও প্রপঞ্চ এই কয়েকটি প্রকৃতির স্বরূপ। তন্মধ্যে সিসৃক্ষা হইতে অহংভাব পর্য্যন্ত অবস্থা চতুষ্টিয়ে প্রকৃতি ভাবাঙ্ঘিকা বা গুণস্বরূপ। এবং পঞ্চতন্ত্রায় হইতে প্রপঞ্চ পর্য্যন্ত প্রকৃতি দ্রব্যাঙ্ঘিকা।

আমরা আরও জানি, জীবের স্বভাবকে প্রকৃতি বলে। যার স্বরূপ প্রকৃতি তার কার্যাবলীও তদনুরূপ হয়। জীবের এই স্বভাব প্রকৃতির সূক্ষ্ম রূপের দ্বারা সংঘটিত। জীবের সেই প্রকৃতিই সূক্ষ্ম রূপে তাহার সূক্ষ্ম শরীরকে চালায়। এইরূপ এই দৃশ্য প্রপঞ্চের ঘটনাবলীও এক সূক্ষ্ম শক্তি দ্বারা নিয়মিত হইতেছে বুঝিতে পারা যায়।

সুতরাং যে অব্যক্ত শক্তি এই দৃশ্য প্রপঞ্চ উৎপন্ন করে এবং তৎস্বরূপ হয় তাহাকেই প্রকৃতি বলে।

প্রকৃতি ও সৃষ্টিতত্ত্ব সমাক্ষ অবগত হইতে হইলে মনে রাখিতে হইবে যে, সিসৃক্ষা হইতে প্রপঞ্চ পর্য্যন্ত প্রকৃতির

যে ক্রমিক বিকার সম্পন্ন হইয়াছে তাহাদের প্রত্যেকের প্রত্যেক অংশ অবিকৃত ও কতক অংশ বিকৃত হইয়াছে। প্রত্যেকে সর্বাংশেই বিকৃত হয় নাই। কারণ অবিকৃত অংশেরও পৃথক্ অনুভব হইয়া থাকে।

যাহা হউক, আমরা এখন প্রকৃতিকে দ্রব্যময় ও গুণময় (Concrete and abstract) রূপে বিশেষভাবে আলোচনা করিয়া ইহার সম্যক্ তত্ত্ব অবগত হইতে চেষ্টা করিব। বস্তুতঃ কোন বস্তুর সম্যক্ জ্ঞান লাভ করিতে হইলে এই দুইটা বিষয়ের সম্যক্ অবগতি হওয়া প্রয়োজন। যেমন, একটা উজ্জ্বল আলো দেখিলাম। প্রথমতঃ উহার উজ্জ্বলতা গুণ দেখিয়া উহার প্রতি আকৃষ্ট হইলাম। তৎপরে বিশেষ অনুসন্ধান জানিলাম ‘গ্যাস্’ এই দ্রব্যে উহা প্রদীপ্ত। আবার, দূর হইতে দেখিলাম ক্যারার মত কি একটা প্রকাণ্ড জিনিষ দাঁড়াইয়া আছে। নিকটে যাওয়া শুনিলাম উহাকে ট্রেন বলে। যখন উহা চলিতে লাগিল, তখন বুঝিলাম, উহার বহু লোক বহন করিবার ও দ্রুত চলিবার গুণ আছে। এইরূপ কখন গুণ দেখিয়া দ্রব্য বুঝি, কখন বা দ্রব্য দেখিয়া গুণ বুঝি। এই দুইটাই বস্তুতঃ ভাব্যপদ্ধতি হেতু, অর্থাৎ কোন বস্তুর তত্ত্ব জানিতে হইলে তাহার গুণ ও উপাদান জানা আবশ্যিক।

### দ্রব্যময়া প্রকৃতি

কোন অনুসন্ধিৎসু পুরুষ প্রথমে দেখিতে পায়, উপরে ও চতুর্দিকে এক বিশাল অবকাশ বর্তমান, এবং এই অবকাশের মধ্য দিয়া একের শব্দ অন্তের শ্রুতিগোচর হয়। ইহা দ্বারা ক্রমে তাহার আকাশের ধারণা হয়। তৎপরে দেখিতে পায়, আকাশে মেঘসমূহ সঞ্চালিত হইতেছে, গাছের পাতা সকল নড়িতেছে, ধূলিকণা সমূহ ইতস্ততঃ বিক্ষিপ্ত হইতেছে, সূর্যস্পর্শ অদৃশ্য এক চঞ্চল বস্তু তাহার গাত্র স্পর্শ করিয়া সমস্ত শরীরকে শীতল করিতেছে। এই সকলের দ্বারা ক্রমে তাহার বায়ুর জ্ঞান জন্মে। তদনন্তর রাত্রির অবসানে দেখিতে পায়, পূর্বাংশে এক বিশাল জ্যোতিষ্ক পদার্থ উদ্ভিত হইয়া ক্রমে সমস্ত অন্ধকার দূরীভূত করতঃ সকল প্রকাশ করিতেছে এবং তাহার উষ্ণতা দ্বারা সকলকে সন্তপ্ত করিতেছে। রাত্রে পাষাণের বা দীপ শলাকার ঘর্ষণে এক উজ্জ্বল উষ্ণ পদার্থ উৎপাদন করিয়া সে তাহার শৈত্য

নিবারণ এবং নিকটবর্তী বস্তু প্রকাশ করিতে পারে; হাতে হাতে ঘর্ষণ করিলে হাত গরম হয়; এইরূপে ক্রমে তাহার অগ্নি বা তেজের বোধ জন্মে। তৎপর নদী, খাল, সমুদ্র প্রভৃতিতে এক দ্রব পদার্থ দেখিতে পায়, উহাতে স্নান করিয়া বা উহাকে পান করিয়া সে শীতল হয়। আকাশ হইতে এক তরল পদার্থের ধারা পতিত হইয়া সকলকে সিক্ত ও শীতল করে; বৃক্ষাদির পত্র প্রভৃতি পেষণ করিলে এক দ্রব পদার্থ নির্গত হয়; এইরূপে ক্রমশঃ তাহার জলের ধারণা হয়। তদনন্তর সে দেখে যে, পানীয়, মৃত্তিকা, বৃক্ষ প্রভৃতি অনেক-বিধ কঠিন পদার্থ চতুর্দিকে বিদ্যমান রহিয়াছে, কোনটা গন্ধ দিতেছে, কোনটা অগ্নি কোনটিকে ধারণ করিতেছে, কোনটা বা ভারী বোধ হইতেছে; এই ভাবে ক্রমে ক্রমে তাহার ক্ষিতি জ্ঞান জন্মে। এক্ষিণ ক্রমিক অনুসন্ধানের ফলে তাহার একটা মোটামুটি এই ধারণা হয় যে, যাহা কিছু দেখিতেছি বা অনুভব করিতেছি, তাহাদের প্রত্যেকের মধ্যেই কিছু না কিছু অবকাশ ও শব্দবস্তা, শীতোষ্ণাদি স্পর্শ ও চঞ্চলতা, উষ্ণতা ও উজ্জ্বলতা, শৈত্য ও দ্রবতা এবং কাঠিন্য ও গন্ধবস্তা বিদ্যমান; অর্থাৎ সকলই পাঁচ প্রকার পদার্থে নিম্নিত।

তৎপরে যখন দেখে যে, অধিকাংশ গ্রাম্য বা বন্য এবং ফলপ্রসূ পুষ্পেরই পাঁচ পাপড়ী, মনুষ্যাদি কোন কোন জীবের হাতে বা পায়ে পঞ্চ অঙ্গুলি এবং তাহাদের দুই হাত, দুই পা ও মুখ্য দেহ-ভাগ এই পাঁচ অংশে দেহ নিম্নিত, চক্ষু, কণ, প্রভৃতি পাঁচটা ইন্দ্রিয় সমস্ত পদার্থের জ্ঞান-সাধক, এবং দেহেও পূর্বেই কাঠিন্য, শৈত্য, উষ্ণাদি বিদ্যমান, তখন তাহার আরও কৌতূহল জন্মে, ‘তবে কি ইহারা পূর্বাধারিত পঞ্চ পদার্থেরই পরিচয় প্রদান করিতেছে?’

ইহার পর সে যখন নিজের ধারণা স্থির ও দৃঢ় করিবার জন্ত আপ্ত-বাক্যের অনুসন্ধানার্থ প্রাচীন শাস্ত্র অধ্যয়ন করে, তখন দেখিতে পায়, “পাণ্ডুলমিদং সর্বম্।”—সমস্তই পাঁচে তৈয়ারী। “পঞ্চভূতান্বকং সর্বম্”—সমস্তই পঞ্চভূতে নিম্নিত। এ জন্তই দৃশ্য জগৎকে প্রপঞ্চ (প্র+পঞ্চ) বলে। এই পঞ্চভূতের নাম হইল কিত্যপ্তেজোমক্দ্-ব্যোম।

তদনন্তর সে অনুসন্ধান করিতে লাগিল, এই কিত্যাদি পঞ্চভূতের লক্ষণ কি? যাহারা এই দৃশ্য জগতের মূল

উপাদান, তাহাদের সংজ্ঞা ও লক্ষণ জানিয়া তৎপর বিশেষ বিশেষ তত্ত্বানুসন্ধানে অগ্রসর হইতে হইবে। পূর্বে মনি-ঋষিরা নিজ নিজ দেহ-যন্ত্রটী যোগ সাহায্যে সুগঠিত ও পরিকৃত করিয়া বস্তুতত্ত্ব সমাক্ উপলব্ধি করিতেন। কখনও বা স্থূলদর্শীকে বুঝাইতে বাহ্যযন্ত্রেরও আবিষ্কার করিতেন। কিন্তু ইহাতে সংশয়াক্রান্ত দ্রষ্টা সম্পূর্ণ তৃপ্ত হইতে পারিতেন না। উদ্ভিদাদি স্থাবর জীবের প্রাণ ও অন্তঃসংজ্ঞা আছে, ইহা বহু প্রাচীন গ্রন্থে লিখিত আছে। এ যাবৎ যাহাদের চিত্ত ও দেহ নির্মূল ছিল, কেবল তাহারাই ইহার সমাক্ উপলব্ধি করিতে পারিত। কিন্তু সার্ব জগদীশ অধুনা ক্রেস্কোগ্রাফ্ যন্ত্র আবিষ্কার করিয়া এই তত্ত্ব সাধারণকে বুঝাইতেছেন সত্য, তথাপি দুই একজনে দেখিয়াও দেখিতেছেন না। এইরূপ যদি কেহ সূক্ষ্ম সূক্ষ্ম যন্ত্র আবিষ্কার করিয়া উক্ত পঞ্চভূতের বিশ্লেষণে যত্নপর হয়, তবে অনায়াসেই ক্ষিত্তাদি পঞ্চভূত যে সমস্ত বস্তুর মূল উপাদান তাহা বোধগম্য হইবে। যন্ত্রের অভাবে শাস্ত্রবচনের লক্ষণ ও সংজ্ঞা মাত্র অবলম্বন করিয়া আমরা স্থূলাংশ বিচারে মাত্র প্রবৃত্ত হইতে পারি। অতএব শাস্ত্র যাহাদিগকে পঞ্চভূত আখ্যায় অভিহিত করিয়াছে, তাহাদের সংজ্ঞা ও লক্ষণ লইয়া আমরা দেখিব যে, এই পঞ্চভূতই মূল উপাদান। এতদ্ভিন্ন অণু কিছু উপাদান হইতে পারে না।

### পঞ্চভূতের সংজ্ঞা ও লক্ষণ

গর্ভ-পৈঙ্গলাদি উপনিষদে, মহাভারতে ও ভাগবতাদি অনেক পুরাণে পঞ্চভূতের যে লক্ষণ নির্দেশ করা হইয়াছে, এবং স্বকীয় গবেষণায় যে সমস্ত উপলব্ধি হইয়াছে, তদবলম্বনে পঞ্চভূতের লক্ষণ নির্দ্ধারিত হইল।

- ১। শব্দতন্মাত্র = আকাশ; গুণ—অবকাশ ও শব্দবত্তা ( = শব্দোৎপাদন-ক্ষমতা )।
- ২। স্পর্শতন্মাত্র = বায়ু; গুণ—চঞ্চলত্ব ও স্পর্শবত্তা ( = স্পর্শজ্ঞান জন্মানর ক্ষমতা )।
- ৩। রূপতন্মাত্র = তেজঃ; গুণ—উষ্ণতা ও রূপবত্তা ( = আকার-প্রদান-ক্ষমতা )।
- ৪। রসতন্মাত্র = জল; গুণ—শৈত্য ও দ্রবতা ( = তরলতা ও রসোৎপাদন-ক্ষমতা )।

৫। গন্ধতন্মাত্র = ক্ষিত্তি; গুণ—কাঠিন্ত ও গন্ধবত্তা ( = গন্ধোৎপাদন-ক্ষমতা )।

এই পঞ্চতন্মাত্র প্রথমতঃ পরস্পর অবিমিশ্রিত ছিল। তৎপর পঞ্চীকৃত বা পরস্পর মিশ্রিত হইল। এই মিশ্রণে যে ভূতের ভাগ বাহ্যতে অধিক, তাহার গুণই ইহাতে প্রবল হইল। তথাপি অণুর গুণসমূহ অল্প পরিমাণে রহিল। ইহার অণুসমূহকেই স্থিরচিত্ত যোগীরা অমুভব করিয়া থাকেন এবং ইহাদের দ্বাবাই স্থূল দৃশ্য-প্রপঞ্চের সৃষ্টি। অতএব তখন এই পঞ্চীকৃত মহাভূতের বিষয়ই আলোচ্য। এই পঞ্চীকৃত মহাভূতকেই মূল উপাদান বলে।

প্রথমতঃ যত পরিমাণ আকাশ, বায়ু, তেজ, জল ও ক্ষিত্তি পঞ্চতন্মাত্রায় সৃষ্ট হইয়াছিল, তাহাদের প্রত্যেককে অর্ধেক অর্ধেক করা হইল। প্রত্যেকের অর্ধাংশ পৃথক রাখিয়া অপর অর্ধাংশকে সমান চারি ভাগে ভাগ করা হইল। সুতরাং এই চারি ভাগের এক এক ভাগ প্রত্যেক ভূতের অষ্টমাংশ হইল। এখন প্রত্যেকের অর্ধাংশের সহিত অপরার চারি ভূত হইতে প্রত্যেকের অষ্টমাংশ গ্রহণ করিয়া মিশ্রিত করা হইল। ইহাতেই পঞ্চতন্মাত্রের পঞ্চীকৃত অবস্থা হইল। যথা—

[নিম্নোক্ত সাংকেতিক চিহ্ন—প. = পঞ্চীকৃত। ত. = তন্মাত্র।]

১। প. আকাশ = ত. আকাশ ১ + ত. বায়ু ১ + ত. তেজ ১ + ত. জল ১ + ত. ক্ষিত্তি ১ = ১প. আকাশ।

অতএব দেখা যাইতেছে, এই মিশ্রণে আকাশের ভাগ অধিক থাকায় সনষ্টি পঞ্চীকৃত আকাশে শব্দ এবং অবকাশ এই দুই গুণই প্রধান। বায়ু, তেজ, জল এবং ক্ষিত্তির গুণও অল্প পরিমাণে ইহাতে আছে।

২। প. বায়ু = ত. বায়ু ১ + ত. আকাশ ১ + ত. তেজ ১ + ত. জল ১ + ত. ক্ষিত্তি ১ = ১প. বায়ু।

এই মিশ্রণে বায়ুর ভাগ অধিক থাকায় সমষ্টি পঞ্চীকৃত বায়ুতে চঞ্চলত্ব ও স্পর্শগুণ প্রধান, আকাশাদি অণু চারিভূতেরও স্ব স্ব গুণ অল্প অল্প বিদ্যমান।

৩। প. তেজঃ = ত. তেজঃ ১ + ত. আকাশ ১ + ত. বায়ু ১ + ত. জল ১ + ত. ক্ষিত্তি ১ = ১ প. তেজঃ।

এই মিশ্রণে তেজের ভাগ অধিক থাকায়, সমষ্টি পঞ্চীকৃত

তেজে উষ্ণতা ও রূপগুণ অধিক। তথাপি অল্প চারি ভূতের গুণও অল্প পরিমাণে বর্তমান।

৪। প. জল = ত. ত্রুক্ষণ ২ + ত. আকাশ ১ + ত. বায়ু ১ + ত. তেজ ১ + ত. ক্ষিতি ১ = ১ প. জল।

এই মিশ্রণে জলের ভাগ অধিক থাকায় সমষ্টি পঞ্চীকৃত জলে নৈতা, তরলতা ও রসগুণ অধিক। বাকী চারি ভূতের গুণ অল্প।

৫। প. ক্ষিতি = ত. ক্ষিতি ২ + ত. আকাশ ১ + ত. বায়ু ১ + ত. তেজ ১ + ত. জল ১ = ১ প. ক্ষিতি।

এই মিশ্রণে ক্ষিতির ভাগ অধিক থাকায় সমষ্টি পঞ্চীকৃত ক্ষিতিতে কাঠিন্য ও গন্ধগুণ অধিক। অল্প ভূতের গুণ অল্প।

পঞ্চীকৃত আকাশাদিতে তন্মাত্র আকাশাদির গুণের প্রাবল্য থাকায় মিশ্রিত আকাশাদিতে আকাশাদির নামই গ্রহণ করা হইয়াছে। এই মিশ্রণের দ্বারা আমরা ক্ষিত্যাদির অণুর তত্ত্ব অবগত হইতে পারিব। দুই ভাগ হাইড্রোজেন ও একভাগ অক্সিজেন মিশ্রিত করিয়া জলোৎপাদন করিলে আমরা যেমন সিদ্ধান্ত করি জলের প্রত্যেক অণুতে (molecule) দুইটা হাইড্রোজেন পরমাণু (atom) এবং একটা অক্সিজেন পরমাণু (atom) আছে, অতএব জল  $H_2O$ , সেইরূপ ক্ষিত্যাদির অণু সম্বন্ধেও বিবেচ্য।

পূর্বে উক্ত হইয়াছে—

১ প. ক্ষিতি = ২ ত. ক্ষিতি + ১ ত. জল + ১ ত. তেজ + ১ ত. বায়ু + ১ ত. আকাশ।

= ১ ত. ক্ষি + ১ ত. জ + ১ ত. তে + ১ ত. বা + ১ ত. আ।

অর্থাৎ প্রত্যেক তন্মাত্র ক্ষিতিকে ৮ ভাগ করিয়া তার ৪ ভাগের সহিত অল্প চারি ভূতের প্রত্যেকের এক এক ভাগ লইয়া সমষ্টি পঞ্চীকৃত ক্ষিতি উৎপন্ন হইল। ইহা দ্বারা বুঝা গেল, একটা পঞ্চীকৃত ক্ষিতির অণুতে ৮টা পরমাণু আছে। তন্মধ্যে ৪টা ক্ষিতির, ১টা জলের, ১টা তেজের, ১টা বায়ুর ও ১টা আকাশের। অর্থাৎ

১ পঞ্চীকৃত ক্ষিত্যাণু = ৪ ত. ক্ষিতি পরমাণু  
+ ১ ত. জল  
+ ১ ত. তেজ  
+ ১ ত. বায়ু  
+ ১ ত. আকাশ

অপরাপর ভূতের অণু সম্বন্ধেও এইরূপ বুঝিতে হইবে। এই যে পঞ্চীকৃত ক্ষিতি, জল, তেজ, বায়ু ও আকাশের অণু রচিত হইল, ইহারা যাবৎ সৃষ্টি থাকিবে তাবৎ ধ্বংস প্রাপ্ত হইবে না। প্রকৃতিতে যে সমস্ত পরিবর্তন দেখা যায় তাহা কেবল স্থলাংশে। স্বল্প অণুসমূহ অবিকৃত থাকে। এবং এই অণুসমূহই যখন সৃষ্টির মূল উপাদান, তখন এই অণুসমূহকে পরমাণু বলা যাইতে পারে। অতএব পরমাণু বর্ণিতে এখন পঞ্চীকৃত ভূতের অবিকৃত অণুসমূহকেই বুঝিতে হইবে। এখন পঞ্চীকৃত ক্ষিতি পরমাণুর ধারণা কিরূপে লাভ করিতে পারি দেখা যাউক।

গবাক্ষের ছিদ্র পথে সূর্য্যরশ্মি পাত হইলে অসংখ্য রেণুকে দর্শনদিকেই গমনাগমন করিতে দেখা যায়। তন্মধ্যে যেগুলি কেবল উর্দ্ধদিকেই ধাবিত হয়, কিন্তু ভূমির দিকে আসে না, তাহাদিগকে ত্রসরেণু বলে। বৈজ্ঞানিক পরিভাষা মতে ১ ত্রস-  
রেণু = ৩০ পরমাণু। অতএব এক ত্রসরেণুর ত্রিশভাগের একভাগ লইলে ক্ষিতি পরমাণুর ধারণা হয়।

এখন দেখিতে হইবে হিন্দু শাস্ত্রে পঞ্চভূতকে যে মূল পদার্থ বলা হইয়াছে, তাহাদের সংজ্ঞা ও লক্ষণ কি।

১। যাহা অবকাশ প্রদান করে এবং যাহা দ্বারা শব্দ উৎপন্ন হয়, তাহাকে আকাশ বা ব্যোম কহে। সুতরাং উপরিভাগে যে বিশাল আকাশ দেখা যায়, তাহাই কেবল পদার্থ আকাশ নহে। ইহার অণুর বর্ণ ধূস্রাভ।

২। যাহা স্বয়ং চঞ্চল ও যাহা অন্তের চঞ্চলতা উৎপাদন করে, এবং যাহা দ্বারা স্পর্শ জ্ঞান জন্মে তাহাকে বায়ু বা মরুৎ কহে। সুতরাং অক্সিজেন হাইড্রোজেন প্রভৃতি গ্যাস-সমূহও বায়ু সংজ্ঞার অন্তর্গত। ইহার অণুর বর্ণ নীল।

৩। যাহা স্বয়ং উষ্ণ ও যাহা অন্তের উষ্ণতা উৎপাদন করে, এবং যাহা দ্বারা রূপ জ্ঞান জন্মে তাহাকে তেজঃ বা অগ্নি বলে। সুতরাং দীপের বা কাঠ প্রভৃতির অগ্নিকেই কেবল মৌলিক অগ্নি বলে না। ইহার অণুর বর্ণ লোহিত।

৪। যাহা স্বয়ং শীতল ও দ্রব এবং যাহা অন্তের শৈত্য ও দ্রবতা উৎপাদন করে, এবং যাহা দ্বারা রসজ্ঞান জন্মে তাহাকে জল বা অপ্ বলে। সুতরাং তৈল, বৃক্ষনির্যাস প্রভৃতি জল সংজ্ঞার অন্তর্ভুক্ত। ইহার অণুর বর্ণ শ্বেত।

৫। যাহা স্বয়ং কঠিন ও ভারী এবং যাহা অন্তের কাঠিন্য ও গুরুত্ব সম্পাদন করে, এবং যাহা দ্বারা গন্ধজ্ঞান

জন্মে তাহাকে পৃথিবী বা ক্ষিতি বলে। সুতরাং পাষণ, কাষ্ঠ প্রভৃতি ক্ষিতি সংজ্ঞার অন্তর্গত। ইহার অণুর বর্ণ পীত।

পূর্বোক্ত অণুর বর্ণসমূহ যোগীরা প্রত্যক্ষ করিয়া থাকেন। যাহা হউক, পূর্বোক্ত পঞ্চীকৃত দশায়ণ ক্ষিত্যাদি পঞ্চভূত সূক্ষ্মাকারে বিবাজমান থাকে। তাহার যখন দৃশ্য-প্রপঞ্চ সৃষ্টি করে, তখন তাহা অসংখ্য অসংখ্য ভাগে পরস্পর বিমিশ্রিত হইয়া কঠিন, তরল, বায়বীয় প্রভৃতি অসংখ্য স্থূল পদার্থের সৃজন করিয়া থাকে। কিন্তু প্রত্যেক পদার্থেই পঞ্চভূতের বিद्यমানতার নিদর্শন পাওয়া যায়। আমরা এখন তাহারই অনুমান করিব।

১। ক্ষিতি পরীক্ষার্থ একখানা চন্দন কাষ্ঠ গ্রহণ করা যাউক। (১) একটা পেরেক লইয়া ইহাতে বিদ্ধ করা হইল। পেরেক বিদ্ধ হইবার কালে বিপ্রকৃষ্ট অণুগুলি পরস্পর সন্নিহিত হইয়া পেরেককে ভিতরে স্থান দিল। অতএব দেখা যাইতেছে, কাষ্ঠের অণুগুলির মধ্যে অবকাশ ছিল। কাষ্ঠকে আঘাত করিলে একরূপ শব্দ হয়। এই শব্দ যখন তাত্রকাংস্তাদি বিভিন্ন বস্তুতে বিভিন্ন রকম, তখন অবশ্যই ইহাদের মধ্যে আকাশ থাকিয়া স্বয়ং অণুর যোগে বিভিন্ন শব্দ উৎপাদন করে। সিদ্ধযোগীর কর্ণে বিনা আঘাতে কাষ্ঠান্তর্গত আকাশের শব্দ গোচর হয়। এরূপ কোন সূক্ষ্ম যন্ত্র আবিষ্কৃত হইলে ত কথাই নাই। কাষ্ঠের এক অংশে শব্দ উৎপন্ন হইলে অল্প অংশে শুনা যায়। ইহাতেও অবকাশের অস্তিত্ব প্রমাণিত হয়। যাহা হউক, উক্ত প্রকারে অবকাশ ও শব্দ গুণ থাকায় কাষ্ঠে আকাশের অস্তিত্ব নিরূপিত হইল।

(২) কাষ্ঠখণ্ডের অণুসমূহের চতুর্দিক্ বায়ুগু দ্বারা পরিবেষ্টিত বলিয়া কাষ্ঠখণ্ড কঠিন কি নরম, শীতল কি উষ্ণ, এই স্পর্শজ্ঞান আমরা লাভ করি, যোগী-দৃষ্টিতে বা অত্যন্ত শক্তিমান্ যদি কোন অণবীক্ষণ যন্ত্র আবিষ্কার করা যায় তবে জানা যায় যে, ঐ বায়ুগুগুলি নীলবর্ণ এবং নিজেরাও যেমন চঞ্চল সেইরূপ কাষ্ঠের স্পৃষ্ট অণুগুলিকেও চঞ্চল করিতেছে।

(৩) কাষ্ঠখণ্ড যতই কেন শীতল হউক না, উহাতে কিছু না কিছু উষ্ণতা অনুভূত হইবেই। উত্তাপের পরিমাণ যখন অত্যন্ত অল্প হয় তখন প্রভূত শক্তিগালী তাপমান্ যন্ত্রের সাহায্যে বা যোগীর অনুভবে ঐ অল্প তাপ অনুভূত

হইতে পারে। পরন্তু এই তেজঃকণা কাষ্ঠে বিद्यমান আছে বলিয়াই উহা লোহিত, পীত, বা পিঙ্গলবর্ণ রূপে দৃষ্ট হয়। তেজের পরিমাণের তারতম্যই বর্ণভেদের কারণ।

(৪) কাষ্ঠ যতই শুষ্ক হউক না কেন, উহাতে কিছু না কিছু শীতলতা থাকিবেই। কাষ্ঠ যখন দগ্ধ হয়, তখন অত্যন্ত শুষ্ক কাষ্ঠ হইতেও অস্তুতঃ কিছু না কিছু বাষ্প বিনির্গত হয়। ইহাতে কাষ্ঠে জলের বিद्यমানতা প্রকাশ করে। অধিকন্তু কাষ্ঠের তিক্ত মিষ্ট প্রভৃতি আত্মাদও জল-কণা থাকার পরিচায়ক।

(৫) কাষ্ঠের মধ্যে ক্ষিতির অংশ থাকায় উহা কঠিন বোধ হয়। সকলেই চন্দনেব ঘ্রাণ পায় এই জন্ত চন্দন কাষ্ঠ পরীক্ষার্থ গ্রহণ করা হইয়াছে। অত্র কাষ্ঠে বা কঠিন বস্তুতে একটা না একটা গন্ধ পাওয়া যায়; তবে কোন কোনটাতে উহা এত সূক্ষ্ম ও অনির্দিষ্ট যে সাধারণের পক্ষে উহা ধরা অসম্ভব। যোগীর ভ্রাণে বা কোন গন্ধমাপক যন্ত্র আবিষ্কৃত হইলে উহার অনুভব হইতে পারে। যাহা হউক, কঠিনতা ও গন্ধবস্তা থাকার জন্ত কাষ্ঠ ক্ষিতি সংজ্ঞায় অভিহিত।

### ক্ষিতি সম্বন্ধে বিশেষ দ্রষ্টব্য

এই কাষ্ঠখণ্ডকে ক্ষিতির আদর্শ স্বরূপ ধরা হইয়াছে। ক্ষিতি বলিতে কেবল মাটিকেই বুঝায় না। ইষ্টক, কাষ্ঠ, কাচ, অস্থি, পাষণ, বৃক্ষ, লতা, সৃষ্টিকা প্রভৃতি কঠিন বস্তু মাত্রকেই পার্থিব পদার্থ বলা হইয়া থাকে। কারণ, ইহাদের প্রত্যেকের মধ্যেই কঠিনতা এবং গন্ধবস্তা প্রবল; যেহেতু মিশ্রিত পঞ্চভূতের মধ্যে পার্থিবংশ ইহাতে বেশী। তবে যাহাকে মৌলিক পার্থিব পদার্থ বা ক্ষিতি বলা হইয়াছে, তাহা দ্বারা ক্ষুদ্রতম পার্থিব পরমাণুই লক্ষিত হইতেছে। যত কাল এই দৃশ্য জগৎ থাকিবে, তত কাল এই পরমাণুর ক্ষয় নাই; কাজেই ইহাকে মৌলিক পদার্থ বলিয়া গ্রহণ করা হইয়াছে। এই মৌলিক পদার্থে সাধারণের অনুভবযোগ্য সূক্ষ্ম অণুর এক দৃষ্টান্ত ধরা যাউক। মনে করুন, গৃহে একটি মৃগনাভি বা গোলাপপুষ্প আছে—দূর হইতেই আমরা ইহার সুগন্ধ পাই। কাছেও ঐ একরূপ গন্ধই পাই। কাজেই দৃষ্ট না হইলেও, অনুমান করিতে হইবে, উহাদের ক্ষুদ্র ক্ষুদ্র কণা বায়ু দ্বারা চালিত



হইয়া আমাদের নাসিকাপথে আনীত হইলে পর, আমাদের গন্ধজ্ঞান উৎপন্ন হয়। কিছুকাল পরেই মৃগনাভি নিঃশেষিত হয় এবং পুষ্ণেরও আর জ্ঞান থাকে না। ইহাতে বুঝা যায়, ক্রমে উহারা ক্ষুদ্র ক্ষুদ্র অণুতে বিভক্ত হইয়া নিঃশেষিত হইয়াছে। বিষ্ঠা সম্বন্ধেও এইরূপ। কিন্তু মৌলিক পার্থিব অণু ইহা হইতেও অতিশয় ক্ষুদ্র।

অতএব যাহা অতি অল্পমাত্রাও কঠিন এবং যাহা অতি অল্পমাত্রাও গন্ধ দান করে তাহাই মৌলিক ক্রিতি বা পৃথিবী (element of earth)

২। জল বিশ্লেষণার্থ একবাটি পরিষ্কৃত জল পরীক্ষা করা হউক। (১) একটি অতি সূক্ষ্ম সূচীর অগ্রভাগ জলে ডুবাইয়া দিলে, উহা অনায়াসে জলে প্রবেশ করে। ইহাতে বুঝা যায়, জলে অবকাশ আছে। পুনশ্চ, যদি একবাটি পরিষ্কৃত জলকে ৪° ডিগ্রি সেন্টিগ্রেড পর্যন্ত লওয়া যায়, তবে দেখা যায় যে, ক্রমেই উহার আয়তন কমিয়া যাইতেছে অথচ ওজন ঠিকই আছে। ইহাতে প্রমাণিত হয় যে, জলের অণুগুলির মধ্যে যে ব্যবধান ছিল তাহা ক্রমে হ্রাস হওয়ায় উহারা খুব সন্নিবিষ্ট হইয়াছে। অতএব জলের মধ্যে অবকাশ আছে। দ্বিতীয়তঃ হস্ত দ্বারা জলের উপর আঘাত করিলে একরূপ শব্দের উৎপত্তি হয়। আর স্বতঃও যে জলের মধ্যে শব্দ হইতেছে তাহাও যোগিবোধগম্য বা যন্ত্রবিশেষে গ্রাহ্য। সুতরাং জলে অবকাশ আছে।

(২) জলের অণুগুলি যে চঞ্চল এবং উহার মধ্যে যে মৎস্ত বাস করে, তদ্বারা বুঝা যায়—জলের মধ্যে বায়ু আছে। অনেকে বলেন, জলে অক্সিজেন গ্যাস মিশ্রিত (oxygen dissolved) থাকে বলিয়াই জলে মৎস্ত বাচে। কিন্তু জল যখন ৪° ডিগ্রিতে (4°C) ষৎসত্ত্বব সঙ্কুচিত হয়, তখন অবশ্য ইহার পূর্বে জলের অণুগুলির মধ্যে অবকাশ ছিল এবং এই অবকাশ বাহু বায়ুর সঙ্গে সম্পর্কিত থাকায় তাহাতে বায়ু ছিল। বায়ু ব্যতিরেকে কোন প্রাণীই বাচে না। জলে মৎস্তের জীবন রক্ষার অবশ্য উভয় কারণই বিদ্যমান। অতি গভীর স্থানে জল নীলবর্ণ দেখায়—তাহার কারণও বায়ু; কারণ, বায়ুর বর্ণ নীল। পার্শ্বকার আকাশে সূর্য্য কিরণ পতিত হইলে উহা যেমন নীলবর্ণ দেখায়, গভীর জলেও আলো প্রবেশ করাইলে উহা নীলবর্ণ দেখায়। এই নীলিমা জলের নহে। কারণ জলের বর্ণ শ্বেত। জল যদি নীলবর্ণ হইত,

তবে সূর্য্যোশেও নীলিমা থাকিত। হাতে করিয়া একটু জল লইয়া ছাড়িয়া দিলে জলের শ্বেতবর্ণই দেখা যায়। উহার কারণ কেবল সূর্য্যালোক নহে। কারণ, সূর্যালোকেও সাতটি রং আছে; পরন্তু ঘনীভূত জল অর্থাৎ বরফ শ্বেতবর্ণবিশিষ্ট। জলের অণু শ্বেত বর্ণ না হইলে বরফ কখনই শ্বেতবর্ণ হইত না। যোগীরা জলকণা শ্বেত বলিয়াই প্রত্যক্ষ দর্শন করেন। যাহা হউক, জলে বায়ুর পরিমাণ অল্প বলিয়াই অল্প জলে উহার নীলিমা সাধারণ দৃষ্টিতে অমুভূত হয় না। জল গভীর হইলে দৃষ্টির পরিমিত স্থানে বায়ুকণা প্রভূত পরিমাণে থাকে, তাহাতেই উহা নীলবর্ণরূপে দৃষ্ট হয়। অতএব যাহারা জলকে নির্বর্ণ (colourless) বা কিঞ্চিৎ হরিবর্ণ মিশ্র নীলবর্ণ (Greenish blue) বলে, তাহারা উভয়েই ভ্রান্ত। আর জলাণু বায়ুগু দ্বারা পরিবেষ্টিত আছে বলিয়া জলে স্পর্শজ্ঞান হয়। অতএব জলে বায়ু আছে।

(৩) জল যতই কেন শীতল হউক না, উহাতে কিছু না কিছু উষ্ণতা থাকিবেই। তাপমান যন্ত্রের দ্বারা ইহার অনেকটা নিরূপণ হয়। আর জলের বর্ণ যে শ্বেত, তাহার কারণ তেজ। যেহেতু তেজই রূপবিধান করে।

(৪) জল যতই কেন উষ্ণ হউক না, উহাতে কিছু না কিছু শৈত্য থাকিবেই; অতি উষ্ণ জল দ্বারাও অগ্নি নিরূপিত হয়। জলটি দ্রব পদার্থ। একটু জল লইয়া আন্দান করিলে কেমন একটা স্বাদ অমুভূত হইবে, তাহা বাক্যে প্রকাশ করা দুর্কর। কারণ আমরা প্রধানতঃ মধুর, অম্ল, লবণ, কটু, তিক্ত ও কষায়—এই ছয় রসের অমুভব করি; এবং অস্ত্রের নিকট প্রকাশ করিলে সে উহা বুঝিতে পারে। আবার এই সমস্ত রসের পরস্পর মিশ্রণে ৫৭টি রস অমুভূত হয় বলিয়া বৈদ্যক শাস্ত্রে উক্ত হইয়াছে। কিন্তু প্রকৃতপক্ষে রসেরও অস্ত্র নাই। কারণ, পঞ্চভূত অসংখ্য অসংখ্য ভাগে মিশ্রিত হইয়া নানাবিধ রসের উৎপাদন করে। যথা, আয়ুর্কোদে উক্ত হইয়াছে, “পৃথিব্যায়ুগুণ বাহুল্যাৎ মধুরঃ। তোমায়ুগুণ বাহুল্যাৎ অম্লঃ। পৃথিব্যায়ুগুণ বাহুল্যাৎ লবণঃ। বায়ুগুণ বাহুল্যাৎ কটুকঃ। বায়ুকাশগুণ বাহুল্যাৎ তিক্তঃ। পৃথিব্যানিলগুণ বাহুল্যাৎ কষায়ঃ।” এইরূপ রসের উৎপত্তির কারণ নিরূপিত থাকিলেও উপাদানের পরিমাণ নির্দিষ্ট নাই। মধুরত্ব প্রভৃতি গুণ উৎপন্ন হইবার উপাদানের পরিমাণ নিশ্চয়ই আছে। তাহার

ভারতম্যে বিভিন্ন রসের উৎপত্তি হয়। জিহ্বা দ্বারা আমরা রসগ্রহণ করি। অতি পরিষ্কার পরিষ্কৃত জল জিহ্বায় লাগিলেই একটা স্বাদের অনুভব হয়। তাহা যদি নাম দ্বারা অস্ত্রের নিকট বলিতে না পারি, ( কারণ উক্ত ছয় রস হইতেও অনেকবিধ রস থাকিতে পারে ) তবে জলকে নিঃস্বাদ ( tasteless ) বলা সম্ভব নহে। অতএব জলের মধ্যে জলাণু আছে।

( ৫ ) জলের মধ্যে হাত প্রবেশ করাইয়া দিলে হাত কিছু বাধা প্রাপ্ত হয় এবং হাতে একটু কঠিনত্ব বোধ হয়। প্রথমে ভ্রাণশক্তিসম্পন্ন জীবের নিকট জলের গন্ধ প্রতিভাত হয়। যথা, উষ্ট্র বহুদূর হইতে জলের গন্ধ পাইয়া থাকে। মানবে পার না বলিয়া জলের গন্ধ নাই বলা চলে না। যোগিগণও জলের গন্ধ উপলব্ধি করিতে পারেন। কিন্তু ষাঁহার ব বলেন যে জল নির্গন্ধ ( odourless ) তাঁহার ব্রাহ্ম। অতএব জলে ক্ষিতি আছে।

জলসম্বন্ধে বিশেষ দ্রষ্টব্য :—

যাহা আমরা পান করিয়া পিপাসা নিবৃত্তকরি এবং যাহা অক্সিজেন্ ও হাইড্রোজেন্ গ্যাস্‌দ্বয়ের মিশ্রণে নিম্নিত, তাহাই কেবল জল নহে ; পরন্তু যে কোন পুষ্প-পত্রাদির রস, তৈল, বৃক্ষনির্যাস, জল প্রভৃতি অপ্ বা জল নামে খ্যাত। ইহাদের সূক্ষ্ম অণু, যাহা অল্পমাত্রাও শীতল, দ্রব এবং আশ্বাদযুক্ত তাহাই মৌলিক জল ( element of water )।

৩। তেজ পরীক্ষার্থ কাষ্ঠের প্রজ্বলিত অগ্নি ধরা যাউক।

অরশিকাষ্ঠ, দীপ্তিশলাকা ( দিম্বাশলাই ), বা প্রস্তরের ঘর্ষণে অগ্নি উৎপাদন করিয়া কাষ্ঠ জ্বালাইলাম। কাষ্ঠ জ্বলিতে লাগিল। কাষ্ঠের নিকট শ্বেত বর্ণ জ্বালা, তৎপর লোহিত বর্ণ জ্বালা, তদনন্তর কৃষ্ণাভ ধূম দেখা দিল। ইহারা যথাক্রমে জল, তেজঃ ও ক্ষিতির পরিচায়ক। সূক্ষ্মতা হেতু সাধারণ দৃষ্টি দ্বারা অগ্নির সম্যক্ বিচার করা অসম্ভব। শুনিত্তে পাই, অগ্নিকে তরল করা যায়। যদি তরল অগ্নি (liquified fire) পাওয়া যায়, তবে ইহা হইতে অগ্নিতে পঞ্চভূতের অস্তিত্ব প্রমাণ করা যাইতে পারে। যাহা হউক, অগ্নির উষ্ণতা ও রূপবস্তা প্রত্যক্ষ। অতএব যাহা অল্পমাত্রাও উষ্ণ এবং রূপবান্ তাহাকেই মৌলিক তেজঃ ( element of fire ) বলে।

### তেজ সম্বন্ধে বিশেষ দ্রষ্টব্য

তেজ বা তাপ 'বস্তু কি বস্তুর অবস্থা' ইহা বিচার্য। এই উভয় মতেরই সমর্থক আছে। ( ১ ) বস্তুবাদ ( theory of substance, a subtle imponderable fluid ); ( ২ ) স্পন্দনবাদ ( theory of undulation ) অর্থাৎ বস্তুর অণুসমূহের স্পন্দনে তাপ জন্মে এই মত ; এবং ( ৩ ) চালনবাদ ( theory of propagation, i. e., the ry of elastic imponderable ether ) অর্থাৎ স্থিতিস্থাপক লঘুতম একরূপ পদার্থ তাপকে বস্তু হইতে বস্তুস্তরে চালন করে, এই মত বৈজ্ঞানিক মহলে প্রচলিত। পাশ্চাত্য মতে শেষোক্ত মত বিশিষ্ট। প্রাচ্য মতে প্রথমোক্ত মত গ্রাহ্য। তেজের পরীক্ষায় আমরা যে ঘর্ষণ দ্বারা দৃশ্য অগ্নিজ্বালা পাইলাম, তাহা বস্তুর অবস্থা নহে, বস্তুই। তবে উহা তেজঃকণার রূপান্তর মাত্র। কাষ্ঠ, প্রস্তর বা দীপ্তিশলাকার ঘর্ষণে যে অগ্নি দৃষ্ট হইল, তাহা কাষ্ঠে, প্রস্তরে বা দীপ্তিশলাকার ফস্ফরাসে যে অগ্নিকণা সূপ্ত অবস্থায় ছিল, তাহারই প্রকাশ হইল। শীতল জলকণা-সম্মত মেঘের ঘর্ষণ বা মিলনেও বিদ্যুৎ নামক অগ্নির উৎপত্তি দেখা যায়। ঘর্ষণার্থে দুই বস্তুর তেজঃকণা মিলিয়া এক নূতন দৃশ্য তেজের আবির্ভাব হইল। আবার একখণ্ড রক্তুর এক দিকে অগ্নি সংযোগ করিলে তাহা যেমন ক্রমে অত্র দিকে চালিত হয়, তক্রূপ অদৃশ্য তাপকণাও সন্নিবিষ্ট তাপকণাকে ক্ষোভিত করিয়া উত্তাপ বিকীরণ করিতে পারে। প্রজ্বলিত অঙ্গারে জল ঢালিয়া দিলে, যেমন জলকণা অঙ্গারে চালিত হইয়া তপ্ত অঙ্গারকে শীতল করে, তেজঃকণাও সেইরূপ এক বস্তু হইতে অন্য বস্তুতে সঞ্চালিত হইয়া দ্বিতীয় বস্তুকে সস্তুপ্ত বা প্রজ্বলিত করিতে পারে। সুতরাং তেজঃ বস্তু, কিন্তু কেবল অবস্থা নহে।

৪। বায়ু পরীক্ষার্থ এক অঙ্ককারময় অবরুদ্ধ শ্বেতবর্ণ ইষ্টকালয়স্থ এক প্রকোষ্ঠের বায়ু, এবং একপ্রান্ত বন্ধ এক সুদীর্ঘ কাচের নল গ্রহণ করা যাউক।

উক্ত গৃহটীতে একজন অতীব সূক্ষ্মদৃষ্টিসম্পন্ন লোক বসিয়া দেখিতে পাইবে যে, অসংখ্য নীলাভ সূক্ষ্ম বায়ুকণা ইতস্ততঃ চঞ্চল গতিতে ভ্রমণ করিতেছে। ইহা দ্বারা বায়ুর অস্তিত্ব বুঝিতে পারা যায়। সূক্ষ্মদৃষ্টির অভাব হইলে

পরোক্ষভাবে বুঝিতে হইবে। মনে করুন, পূর্বেকৃত কাচনের বায়ুটুকু তরল পদার্থে পরিণত (liquified) করা হইল। তখন ইহাতে নীলবর্ণের আভা দৃষ্ট হয়। তখন ইহাতে কিছু না কিছু উষ্ণ ও শৈত্য এবং কোন না কোনরূপ গন্ধ ও আশ্বাদ অনুভূত হইবে। ইহারা তেজ, জল ও ক্ষিতির পরিচয় প্রদান করে। বায়বীয় (fluid) অবস্থায় তরল বায়ুর অণুগুলি অতি সূক্ষ্মদশায় পরস্পর বিপ্রকৃষ্ট ছিল। কাষেই সাধারণের ইন্দ্রিয়ে উহাদের অনুভূতি হয় নাই। আর প্রথম অবস্থায় নলটি করাই বায়ু ছিল। তরল হওয়ার পর ইহার আয়তন (volume) অতি অল্পই হইল। কিন্তু ওজন ঠিকই আছে। ইহাতে অনুমান হয় বায়ুর অণুগুলির মধ্যে অবকাশ ছিল। তাহাতে আকাশের অস্তিত্ব বুঝা যায়। তরল বায়ুতে স্পর্শ-জ্ঞানের একটা বিশেষত্ব এবং বিশেষ চঞ্চলত্ব আছে বলিয়া অনুমিত হয়। সুতরাং যাহা অল্প মাত্রাও চঞ্চল এবং স্পর্শ-জ্ঞান-বিধায়ক তাহাই মৌলিক বায়ু (element of air)।

(৫) অতীব সূক্ষ্মতাহেতু আকাশ পরীক্ষা করা কঠিন। যদি কোন অমিতেন্দ্রিয় শক্তিসম্পন্ন যোগী কোন বায়ু-নিষ্কাশিত প্রকোষ্ঠে বসিতে পারে, তবে সে অতীব সূক্ষ্ম শব্দ শুনিতে পায়। এবং উহাদের রূপাদিও অনুভব করিতে পারে। ইহাতে কয়েকটা আপত্তি উঠিতে পারে—প্রথমতঃ, শূন্য স্থানে (in vacuo) শব্দ হয় না। দ্বিতীয়তঃ বায়ুনিষ্কাশিত স্থানে জীব থাকিতে পারে না; কারণ বায়ুতে অক্সিজেন থাকে; উহা ভিন্ন জীব বাঁচে না। কিন্তু যোগ বলে ইহা অসাধ্য নহে। তাহার অনেক প্রমাণ আছে। শূন্যস্থানে (in vacuo) যে শব্দ হয় না, তাহা সূচক শব্দ সম্বন্ধেই বলা হইয়াছে। কিন্তু নির্কাত স্থানে অতি সূক্ষ্ম শব্দ শ্রুত হয়; ইহা সাধারণের কর্ণে গ্রাহ্য নহে। তৃতীয়তঃ বায়ু ভিন্ন শব্দ হয় না। কিন্তু বায়ুকণা শব্দ-চালনের সাহায্য করে মাত্র, পরন্তু উৎপন্ন করে না। যাহা হটুক, যাহা শব্দ উৎপাদন এবং অবকাশ প্রদান করে, তাহাকেই মৌলিক আকাশ (elements of sky) বলে।

যাহা হটুক, উপরিউক্ত পরীক্ষাসমূহ দ্বারা আমরা মোটামুটি এই বুঝিলাম যে, যাহা প্রত্যক্ষ ক্ষিত্ব, জল, তেজ, বায়ু ও আকাশ তাহাই মৌলিক পদার্থ নহে। ইহাদিগের প্রত্যেককেই বিশ্লেষণ করিয়া প্রত্যেকটিতে

অপর্যাপ্ত চারি ভূতের অস্তিত্ব অনুভব করা যায়। এবং ইহাদের প্রত্যেকটিতে স্বীয় স্বীয় গুণ প্রধান, অপর্যাপ্ত ভূতের গুণ অত্যন্ত; অর্থাৎ স্বীয় গুণের চারি ভাগের এক ভাগ। সুতরাং ইহারা প্রায় সূক্ষ্ম। পরন্তু জগতের স্থিতিকাল পর্যন্ত ইহাদের ধ্বংস হয় না বলিয়া এবং পঞ্চীকৃত অবস্থায় বিয়োজন বা পরিবর্তন হয় না বলিয়া ভূতসমূহের পঞ্চীকৃত অণুকেই মৌলিক পদার্থ বলা হয়।

এখন পাশ্চাত্য মতের সঙ্গে বিরোধ উপস্থিত। তন্মতে অক্সিজেন, নাইট্রোজেন প্রভৃতি বায়বীয় পদার্থ (gas) স্বর্ণ, রৌপ্য প্রভৃতি ধাতু (metals), গন্ধক (sulphur), দারমুজ (arsenic) ইত্যাদি প্রায় ৭০টা পদার্থই মৌলিক পদার্থ (elements), কিন্তু এ মত ভ্রান্ত।

(১) ক্ষিত্ব প্রভৃতি পঞ্চ পদার্থ জীবনধারণের পক্ষে একান্ত প্রয়োজনীয়। ইহা সকলেই অনুভব করে। কিন্তু উপরিউক্ত ৭০টা পদার্থের মধ্যে কয়েকটা মাত্র জীবন ধারণের উপযোগী। অল্পগুলি না থাকিলেও চলে। সুতরাং ক্ষিত্যাদিই মূল পদার্থ।

(২) পাশ্চাত্যেরা বলেন গন্ধক (sulphur) প্রভৃতির অণু (atom) এক জাতীয়। ইহা হইতে অল্প পদার্থ বাহির করা যায় না। কাজেই ইহা মূল পদার্থ (elements)। পরন্তু জলের (water) অণু (molecule) বিভিন্ন জাতীয় অর্থাৎ এক ভাগ অক্সিজেন ও দুইভাগ হাইড্রোজেন এই দুই মূল পদার্থে নির্মিত। কাজেই জল যৌগিক পদার্থ। কিন্তু পরীক্ষা দ্বারা প্রাচ্য মনীষিগণ গন্ধক, অক্সিজেন প্রভৃতিতে ক্ষিত্ব, অপ, তেজ, মরুৎ, ব্যোম এই পাঁচটিই দেখিতে পান।

পাশ্চাত্য মত নিরাকরণার্থ তথাকথিত মৌলিক অক্সিজেন (oxygen) গ্যাস ধরা যাইক।

পাশ্চাত্য মতে—

(১) ইহা বায়বীয় পদার্থ (gas)।

(২) ইহা বর্ণহীন (Colourless)।

(৩) ইহা স্বাদহীন (tasteless)।

(৪) ইহা গন্ধহীন (odourless)।

(৫) যাহাতে ইহা তরল পদার্থে পরিণত হয় ইহার এমন তাপ পরিমাণ (Critical temperature)—

১১৮৮০। অর্থাৎ ইহাকে অত্যন্ত শীতল করিয়া ৩৭৫ সের বায়ুর চাপ দিলে ইহা তরল পদার্থে পরিণত হয়। [ one atmospheric pressure = 15 lbs ∴ 50 atmospheric pressures = 50 × 15 lbs = 375 seers nearly ]

(৬) তরল অবস্থায় অক্সিজেনের রঙ, ইম্পাতের জ্বাল নীল বর্ণ ( steel-blue )।

(৭) ইহা চঞ্চল তরল পদার্থ ( mobile liquid )।

কিন্তু প্রাচ্য মতানুযায়ী পরীক্ষা করিলে জানা যায়— অক্সিজেন স্বাভাবিক অবস্থায় কেবল গ্যাস। কিন্তু যখন (৫) সংযোক্ত তাপ পরিমাণ ও চাপ ইহাতে সংযোজিত হয়, তখন ইহা দ্রব পদার্থে পরিণত হয়। বিশেষতঃ এই দ্রব অবস্থা দ্বারা ইহার প্রকৃত স্বরূপ স্থূলতঃ অনুভব করা যাইবে।

(১) অক্সিজেন ( oxygen ) বর্ণহীন ( colourless ) নহে। কারণ যখন ইহার অণুসমূহ পরস্পর সন্নিবিষ্ট হইয়া তরল পদার্থে পরিণত হইল, তখন ইহার নীলাভ রূপ দেখা দিল। কাজেই অণুসমূহের বিপ্রকৃষ্ট অবস্থায় ইহার রূপ নাই এমন বলা যায় না। তবে গ্যাস অবস্থায় ইহা অতীত সূক্ষ্ম হওয়ায় সাধারণের দৃষ্ট হয় না। পরন্তু (৭) সংখ্যায় উক্ত হইয়াছে তরল অবস্থায় ইহা চঞ্চল ( mobile ) সুতরাং গ্যাস অবস্থায় অণুগুলি অধিকতর চঞ্চলই হইবে। ইহার নীলবর্ণ ও চঞ্চলতা দ্বারা ইহাতে বায়ু আছে প্রমাণিত হয়। আর ইহার নীলবর্ণ রূপের দ্বারা এবং অন্ততঃ কিছু উষ্ণতার দ্বারা তেজের অস্তিত্ব প্রকাশ হয়। কারণ তেজের ধর্ম রূপ প্রকাশ করা ও তাপ দেওয়া। তেজের সত্ত্বাতেই রংয়ের জ্ঞান হয় এবং বায়ুর অণুর বর্ণ নীল বলিয়া পূর্বে উক্ত হইয়াছে।

(২) ইহা স্বাদহীন ( tasteless ) নহে। যখন ইহা তরল পদার্থে পরিণত হয় তখন অবশ্যই ইহার কোন অনির্দিষ্ট স্বাদ থাকিবে। তবে অন্ন-মধুরাদি কোন বিশিষ্ট স্বাদ না থাকায় ইহা অস্ত্রের নিকট প্রকাশ না করা যাইতে পারে। অতএব অক্সিজেনের বায়বীয় অবস্থায় অণুসমূহ বিপ্রকৃষ্ট থাকায় উহাতে যে স্বাদ নাই ইহা বলা চলে না। তবে উহা অতীব সূক্ষ্ম। আর তরল অবস্থায় ইহাতে কিছু

না কিছু শৈত্যও আছে। কাজেই এই সকল ইহার অণুতেও বোধ্য। সুতরাং রসাস্বাদ ও শৈত্য থাকায় অক্সিজেনে জলের অস্তিত্ব প্রমাণিত হয়।

(৩) অক্সিজেন গন্ধহীন ( odourless ) নহে। ইহার তরল অবস্থায় একটা না একটা অন্ততঃ অনির্দিষ্ট গন্ধ অবশ্যই থাকিবে। কাজেই গ্যাস অবস্থায়ও তাহা আছে। তবে অণু বিকীর্ণ থাকায় গন্ধ সূক্ষ্ম হয়। তৎপর তরল অবস্থায় ইহাতে হাত দিলে প্রতিঘাত স্বরূপ কিছু কঠিনতা বোধ হইবে। গ্যাস অবস্থায় অণুসমূহ বিপ্রকৃষ্ট থাকায় স্থূলতানুভব হয় না। সুতরাং অক্সিজেনে ক্ষিতি আছে।

(৪) অক্সিজেনকে যখন তরল পদার্থে পরিণত করা যায়, তখন গ্যাস অবস্থায় অণুগুলির মধ্যে অবশ্যই অবকাশ ছিল। কারণ তরল অবস্থায় ইহার আয়তন কম হয়। কিন্তু ওজন ঠিক থাকে। ইহা দ্বারা অক্সিজেনে আকাশের অস্তিত্ব প্রমাণিত হয়।

অতএব আমরা দেখিতে পাইলাম, যে অক্সিজেন গ্যাসকে পাশ্চাত্যগণ মৌলিক পদার্থ বলিয়া থাকে, তাহাও ক্ষিত্যাদি পঞ্চভূতে প্রস্তুত। পূর্বে উক্ত চন্দন কাষ্ঠ পরীক্ষার জ্বাল স্বর্ণ, রৌপ্য প্রভৃতিতেও ক্ষিত্যাদি পঞ্চভূতের নিদর্শন পাওয়া যায়। স্বর্ণ রৌপ্য সম্বন্ধে শ্রুতি স্মৃতির মত মনীষিগণের গভীরতম গবেষণার যোগ্য। শ্রুতি বলিয়াছেন—

“অগ্নির্বে বরুণানী রকাময়ত।”

“গণ্ডে: সুবর্ণমিন্দ্রিয়ং বরুণানীনাং রজতম্।”

মহুস্বতি বলিয়াছেন—

“অপামগ্বেশ্চ সংযোগাট্টম-রূপাঞ্চ নির্ক্ৰভৌ।

তস্মাৎতস্মো: স্বয়ৌষ্টৈব নির্গেকৌ গুণবত্তর: ॥”

অগ্নি জলকে কামনা করিল।

অগ্নি—সুবর্ণের এবং জল রৌপ্যের প্রধান উপাদান।

জল ও অগ্নির সংযোগে স্বর্ণ ও রৌপ্য উৎপন্ন হইয়াছে। সেই হেতু নিজ উৎপত্তিস্থান ( উপাদান ) জল ও অগ্নি দ্বারা স্বর্ণ ও রৌপ্যের গুচ্ছ ( স্পর্শদোষ ও মল সংযোগ হইলে তাহার শোধন ) করিলে বিশেষ ভাল হয়। সাধারণ জল ও অগ্নি অবশ্য স্বর্ণ ও রৌপ্যের উপাদান নহে। কারণ অগ্নিসংযোগে জল ঘনীভূত না হইয়া বাষ্পাকারেই

পরিণত হয়। কাজেই পূর্কোক্ত শাস্ত্রবাক্যের সার্থকতা জানিতে হইলে জল ও অগ্নিকে পূর্কোক্তপ্রকার মৌলিক পদার্থ স্বরূপেই ধরিতে হইবে। স্বর্ণে তেজের ভাগ অধিক থাকায় ইহা রক্তবর্ণ। (স্বাভাবিক ভূমিজ স্বর্ণ লাল) তেজের বর্ণ লোহিত। বিশেষতঃ তেজঃ-প্রধান দ্রব্যের যে যে গুণ আছে, স্বর্ণেও সে সব গুণ দেখিতে পাওয়া যায়। রৌপ্যে জলের ভাগ অধিক থাকায় ইহার বর্ণ স্বেত। জলের বর্ণও স্বেত বলিয়া পূর্কে প্রমাণিত হইয়াছে।

যাহা হউক, বহিঃ প্রকৃতি ছাড়িয়া আমাদের দেহরূপ

অন্তঃ-প্রকৃতিকে অনুসন্ধান করিলেও পঞ্চভূতকেই মূল পদার্থ বলা যায়। এই পঞ্চভূতের তত্ত্ব সম্যক্ অবগত হইলে মনুষ্যের আপন আপন প্রকৃতি ও দেহের অবস্থাকে সম্যক্ অবগত হওয়া যায়। তখনই দেহ ও মনকে সুস্থ রাখিবার উপায় উদ্ভাবিত হয়। ইহাই পঞ্চভূতের তত্ত্ব আলোচনার প্রকৃষ্ট ফল।

অতএব পূর্কোক্তরূপে বাহ্যপ্রকৃতির দ্রব্যময় স্বরূপ অবগত হওয়ার পর অন্তঃপ্রকৃতির দ্রব্যময় এবং এই উভয়ের ত্রিগুণময় স্বরূপ আলোচনা করিলেই প্রকৃতির সম্যক্ তত্ত্ব অবধারিত হইবে।

## দ্বন্দ্ব

শ্রীমরোজকুমারী বন্দ্যোপাধ্যায়

( ৩০ )

সহসা দূরে উৎকট ঝিঝি পোকের ডাকের মত সুতীর শিশের শব্দে নির্জ্বল গঙ্গাতট ধ্বনিত হইয়া উঠিল। অসিতের চিন্তাজাল সেই শব্দে ছিন্ন হইয়া গেল। সেও চকিত হইয়া উঠিয়া কিছুদূর আগাইয়া আসিয়া উচ্চরবে শিশ দিয়া পূর্কের শব্দের প্রত্যুত্তর দিল।

তাহার কিছু পরেই পরেশ ও সুধীর তাহার নিকটে আসিয়া মৃদুস্বরে ডাকিল—‘অসিতদা ?’

অসিত বলিল—এস, আমি অনেকক্ষণ থেকে তোমাদের অপেক্ষায় এখানে একলা বসে আছি। তার পর ?—খবর কি সব ?

‘খবর ভালই, চলো— একটু বস। যাক—তার পরে ক্রমে সব বলছি।’

তিন জনে আসিয়া ঘাটের উপরের সেই চত্বরে বসিল। সুধীর একবার চারিদিকে চাহিয়া দেখিয়া বলিল, অসিতদার কি আজকাল এইখানেই স্থিতি না কি ? তা জায়গাটি চমৎকার বাছা হয়েছে। এখানে কিছুদিন একা একা বেশ স্বচ্ছন্দে কাটিয়ে দেওয়া যায়।

চত্বরের এক প্রান্তে টাদের আলো আসিয়া পড়িয়াছে। পরেশ সেইখানে শুইয়া পড়িল। তাহার ঠিক মাথার উপর একটি তারা জল্ জল্ করিতেছিল। জনমানবহীন নীরব তটভূমিতে গঙ্গার মৃদু জলোচ্ছ্বাসের শব্দ সমতানে বাজিতেছিল।

শীতল ঝিরঝিরে বাতাসটুকু উপভোগ করিতে করিতে পরেশ বলিল—তা কাটিয়ে দেওয়া যায় বটে, তবে কি না—শুধু টাদের আলো আর হাওয়া খেলেই ত পেট ভরে না—দেহটা এক বিষম স্থূল পদার্থ কি না, কাজেই ওটাকে বাঁচিয়ে রাখতে হলে যে কিছু বাস্তব দ্রব্যের—

অসিত বাধা দিয়া বলিল, বাস্তব দ্রব্যের জন্মে তোমার কিছু ভাবতে হবে না। এখানে আমি খোদ বেণীমাধবের মন্দিরে অতিথি—দুবেলা প্রচুর আহারের বন্দোবস্ত আছে। সেখানে রাত্রেও থাকবার জন্মে আমি একটি ঘর পেয়েছি—সেবা যত্নের কোন ক্রটি নেই। তবে দিনের বেলাটা বড় গোলমাল। তাই দিনটা কাটাবার জন্মে এ জায়গাটা বের করা গেছে। এখন কাজের কথা বল।

পরেশ বলিল—বাঁচালে দাদা! এতক্ষণে খাত এল! তুমি যে রকম দার্শনিক মানুষ, খাবার কথা পাড়তে গেলেই হয় ত এক বিষম ধমক দিয়ে উঠবে, বলবে—এত বড় গুরুতর কায়ের সময় আবার ও-সব তুচ্ছ বিষয় নিয়ে মাথা ঘামানো কেন? তাই ভেবে আমার ভয় হচ্ছিল। যাই হোক—এখন তোমার এদিককার কি খবর? ওদিকে ত সব প্রস্তুত—শুধু বাংলার...বাবু বলছিলেন, যে, যদি দিনটা আর কিছু পেছিয়ে দেওয়া যায়, তা হলে তাঁরা আরো কিছু সময় পেয়ে প্রস্তুত হতে পারেন,—টাকা-কড়িও আরো কিছু সংগ্রহ হতে পারে।

অসিত শুনিল বলিল, সে কথা আমিও ভেবে দেখেছি। কিন্তু এখন অবস্থা এমনি দাঁড়িয়েছে, যে, সকল দিক বিবেচনা করে দেখলে, আর বিলম্ব করা চলে না। আমি যখন পঞ্জাব থেকে ফিরে আসি, তখনই দেখে এসেছি—সেদিকের সমস্ত সিপাহীরা অত্যন্ত চঞ্চল হয়ে উঠেছে। তাদের অনেক বুঝিয়ে সুঝিয়ে এত দিন চেপে রাখা গিয়েছিল, কিন্তু আর তারা এ ভাবে থাকতে চায় না। বলে, তোমাদের সময় আসতে আসতে আমাদের যদি ইউরোপের যুদ্ধে পাঠিয়ে দেয়, তা হলে ত সবই পণ্ড হয়ে যাবে। উত্তর-পশ্চিম আর বিহারের সমস্ত ব্যারাকে আমি নিজে ঘুরেছি, এখন পর্যন্ত তারা সকলেই আমাদের মতে চলতে রাজি আছে,—কিন্তু আর বেশি দিন টেনে রাখা তাদেরো চলবে না। সেই জন্তে আমি ভাবছি—যখন সবই প্রস্তুত, তখন আর সময় নষ্ট না করাই ভাল।

পরেশ বলিল—তা হলে আমার মতে তুমি একবার এখান হতে বেরিয়ে পড়। ওঁরা অনেক দূরে থাকেন, আর বাংলার বাইরের দিকে বেশি খবর রাখেন না বলে এ-সব দিকের অবস্থা ঠিক বোঝেন না। তাঁদের সঙ্গে দেখা করে সমস্ত অবস্থা বুঝিয়ে বললে তাঁরা মত পরিবর্তন করতে পারেন। আমি বাংলার ভিন্ন ভিন্ন দলে এবার ঘুরে দেখে এসেছি—সম্ম-গঠনের শৃঙ্খলা ও শক্তি ওদিকে যেমন গড়ে উঠেছে, আমার মনে হয় আর কোথাও তেমন হয় নি। তুমি একবার গিয়ে দেখলেই বুঝতে পারবে।

সুধীর এতক্ষণ নীরবে ছিল, সে এখন বলিল, কিন্তু এখন যদি তোমার বাইরে যেতে হয়, তা হলে এই সব দিক থেকেই সাবধানে বেরিয়ে যেও,—কাশীর ভিতরে এখন

যাবার চেষ্টা করো না। পাটনার আজকাল খুব ধর-পাকড় শুরু হয়েছে। নলিন গ্রেপ্তার হবার পর তার কাছ থেকে কি কাগজপত্র পেয়ে এখন কাশীতেও চারদিকে খানা-তলাসীর ধুম পড়ে গেছে। তুমি যে হুখানা বাড়ীতে কাশী গেলে থাক, সে হুখানাই ওরা সার্চ করেছে। আজ দেখে এলাম, ছোটো বাড়ীতেই পুলিশ পাহারা।

অসিত যুঁহু হাসিয়া বলিল, অর্থাৎ তারা ভেবে রেখেছে, আমি যখন বাইরে আছি, তখন কাশীতে এসে ছোটো বাড়ীর একটাতেও 'অস্তুতঃ' যাব, আর ওরা তখন অনায়াসে তখনি আমার ধরে ফেলবে। এখন কিছুদিন বেচারারা সেই সুখের স্বপ্নে ভোর হয়ে থাক, আমি ততক্ষণ এদিকের কিছু কিছু কাজ শুছিয়ে আসি। ওরা কি কখনো স্বপ্নেও ভেবেছে—যে আমি ওদের চোখের সামনে দিয়ে ছোটো বাড়ীতেই ঘুরে এলাম? দানাপুর ক্যান্টনমেন্টের কাজ সেরে আমি যেদিন কাশীতে আসি, পর পর হুখানা বাড়ীতে ঢুকতে গিয়ে দেখি—ঐ ব্যাপার। আমার অবশ্য তখন সন্ন্যাসীর বেশ,—কেউ ফিরেও দেখলে না। আমি ফিরে এসে তখন এইখানে আস্তানা নিয়ে তোমায় খরব দিলুম। যা হোক, এখন আমার যদি কিছু দিনের জন্ত আবার বাইরে যেতে হয়, তা হলে এখানে তোমরা হুজন থাকছ ত?

পরেশ বলিল, বেশ তো! তুমি যত দিন ফিরে না আসছ, এদিককার যা কিছু কাজ, সে সব আমরাই চালাব।

অসিত বলিল, কাজ নতুন করে করবার মত এখন কিছু নেই। শুধু মাঝে মাঝে তাদের সঙ্গে গিয়ে দেখা করা, আর পাঁচ রকম কথা বলে তাদের উৎসাহটা বজায় রাখা—এইটুকু হলেই এখন চলবে। অমৃতসর থেকে খবর এসেছে—সেখানেও একবার যেতে হবে। সেদিকের বড় বড় নেতাদের সঙ্গে দেখা করে একটা দিন স্থির করে না ফেললে আর চলবে না। আমি তা হলে আগে বাংলার গিয়ে কথাবার্তা স্থির করে তার পরে অমৃতসরে চলে যাব। এবার সেখানে যাওয়ার মানেই—এ ব্যাপারের চরম সিদ্ধান্ত করা। তার পর যদি ভগবানের ইচ্ছা হয়, যদি এতদিন পরে সত্যি ভারতের ভাগ্যে যুগ-যুগান্তরের অধীনতা ঘোচাবার সময় এসে থাকে, তা হলে দেখবে—হয় ত আর হু'সপ্তাহের মধ্যেই এক বিরাট ব্যাপারের মধ্যে ভারতের ভাগ্য পরিবর্তন হয়ে যাবে।

শেষের কথাগুলি অতি ধীরে-ধীরে গভীর স্বরে উচ্চারণ করিল অসিত স্বপ্নাভিত্তির মত অনন্ত আকাশের দিকে চাহিয়া রহিল; যেন সেই সুদূর গ্রহতারাখচিত নীল নভোমণ্ডলে ভারতবর্ষের অনিশ্চিত ভবিষ্যৎ কি, তাহাই সে একমনে নির্ণয় করিবার চেষ্টা করিতেছে।

অসিতের সেই গভীর কণ্ঠস্বরে তাহার সঙ্গীদের অন্তরেও সহসা এক তীব্র ভাবের আবেগ ও এক বিচিত্র অমুভূতির বিছাৎ-স্পন্দন বহিয়া গেল। পরেশ তাহার স্বাভাবিক ব্যঙ্গ ও কোতুকপ্রিয়তা তুলিয়া অনির্দেশ্য আশঙ্কা ও উদ্বেগপূর্ণ চিন্তে স্তব্ধ হইয়া চাহিয়া রহিল।

সুধীর কল্পনার সারা ভারতবাসী বিরাট বিপ্লবের ভীষণ রক্তের খেলার উত্তেজনার মাঝে আপনাকে হারাইয়া ফেলিয়া নিস্পন্দনের মত বসিয়া রহিল।

এত দিন ধরিয়া তিলে তিলে, অতি গোপনে, অতি সস্তূর্ণ্যে যে দেশবাসী বিষম আয়োজন করিয়া তোলা হইয়াছে,—এবার তাহার সাফল্য পরীক্ষা করিবার দিন আগতপ্রায়,—অনিশ্চিত উদ্বেগ ও সন্দেহে সকলেরই বুকের ভিতর কাঁপিতেছিল।

এত দিনের এত আশা, এত আয়োজন—সত্যই কি তবে সফল হইবে? সকল দিক বজায় রাখিয়া, সকল দিকে শৃঙ্খলা রাখিয়া এ বিরাট যজ্ঞ সমাধা করিতে পারিব কি? শেষ রক্ষা হইবে কি? তিনজনের অন্তরেই এই ভাবের শত শত প্রশ্ন জাগিয়া উঠিতেছিল।

নির্জন নদী-সৈকতে মূহূতান তুলিয়া গঙ্গার জল অশ্রাস্ত ভাবে কোন্ অনন্তের উদ্দেশে ছুটিতেছিল। ক্ষুদ্র লহরীগুলি নাচিতে নাচিতে আসিয়া তটভূমিতে প্রতিহত হইয়া ফিরিয়া যাইতেছে—ছল-ছলাৎ—ছল-ছলাৎ। কদাচিত্ কোনো নিশাচর পাখীর অস্পষ্ট স্বর বাতাসে ভাসিয়া আসিতেছিল। রজনীর সুগভীর স্তব্ধতার মাঝে তাহারা এই ভাবে কতকণ চিত্তার্পিতের স্থায় কাটাইয়া দিল।

বহুকণ পরে ধ্যানমগ্ন প্রকৃতির নীরবতাকে সচেতন করিয়া পরেশ ডাকিল—অসিতদা?

অসিত চকিত হইয়া মুখ ফিরাইল—কেন ভাই?

‘তোমার বিশ্বাস হয়?’ পরেশ তাহার আগ্রহে ভরা দৃষ্টি অসিতের প্রতি স্থির রাখিয়া বলিল—এই যে একটা বিপুল আয়োজন এত দিন ধরে করে

তোলা হল, এর সাফল্যের ওপর তোমার স্থির বিশ্বাস আছে?

‘নিশ্চয়ই! বিশ্বাসের উপরেই এত বড় দেশযোড়া কাণ্ড গড়ে উঠেছে। এক দৃঢ় বিশ্বাস ও নিষ্ঠা ছাড়া আর আমাদের কি সম্পদ আছে ভাই?’

‘তবে কেন প্রাণে এত সংশয় জাগছে?’

অসিত বলিল, ও কিছু নয় পরেশ! সব বড় কাজের আগেই কর্মীদের মধ্যে ও-রকম একটা সংশয়ের ভাব, একটা উদ্বেগ আসেই,—সেটা কোন কাজের কথা নয়। ওটাকে ঝেড়ে ফেলে, দৃঢ় বিশ্বাস ও উৎসাহ নিয়ে আমাদের কাজে নামতে হবে। এই বিশ্বাস ও আত্মপ্রত্যয়ই যুগে যুগে মানুষকে বড় করে তুলেছে—বাধা-বিঘ্নের মাঝ দিয়ে, মানুষকে বড় বড় কায়ে নামিয়ে, তাকে সাফল্যে মগ্নিত করে তুলেছে,—আমাদের বেলাই বা তার অস্ত্রণা হবে কেন? :

পরেশ আর কিছু না বলিয়া নীরবে ভাবিতে লাগিল। অসিতও কিছুক্ষণ নিস্তব্ধ থাকিয়া আবার বলিল, যে যাই বলুক, আমার দৃঢ় বিশ্বাস,—এই পথেই ভারতের জাতীয় উন্নতি, তার স্বাধীনতা সবই ফিরে আসবে। এই যে এত লোকের জীবন পণ করে একনিষ্ঠ সাধনা, এ কি কখনো ব্যর্থ হতে পারে? আমাদের মধ্যে কেউ নামের জন্তে, যশের জন্তে এ পথে আসে নি,—কারুর প্ররোচনা শুনে, কোন লোকের বক্তৃতা শুনে, কণিক উত্তেজনার মুখে এসে এ দলে যোগ দেয় নি। শুধু তারা নিজেদের অন্তর থেকে যে প্রেরণা পেয়েছে,—নিজের জীবন দিয়ে যে সত্যকে তারা অনুভব করেছে,—তার প্রতিষ্ঠা, তার সাধনার জন্তে তারা সমস্ত উৎপীড়ন, নিগ্রহ, সমস্ত হুঃখকে সাদরে বরণ করে নিয়ে, এই বিপদ-সঙ্কুল জটিল পথে এগিয়ে চলেছে। এই যে তাদের অন্তর-দেবতার প্রত্যাদেশ, এই যে দেশের একদল লোকের মন প্রাণ সুরে-বাধা যন্ত্রের মত একই সুরে কাঁপছে,—এ কি সবই মিথ্যা হতে পারে? সে হয় না, সে হবে না। এই পথেই তার মুক্তি। তুমি আমি হয় ত অনন্ত কাল-সাগরে লীন হয়ে যাব,—হয় ত সে দিন দেখা আমাদের ভাগ্যে ঘটে উঠবে না। কিন্তু এই দেশের বুকের ভিতর থেকেই আবার এক দল উঠবে, যারা দেশের মুক্তির জন্তে তাদের হৃদয়ের শেষ রক্তবিন্দুটি পর্যন্ত হাসতে হাসতে

উৎসর্গ করবে। এমন প্রাণব্যাপী একাগ্র সাধনা কি কখনো ব্যর্থ হতে পারে ?

অসিত কথা শেষ করিয়া নীরবে কি ভাবিতে লাগিল। পরেশ ও সুধীরের মনে হইল—যেন অসিতের কথার রেশ সেখানকার আকাশে-বাতাসে প্রতিধ্বনিত হইতেছে।

কিছুক্ষণ পরে অসিত আবার বলিল, ভেবে দেখ, আজ আমাদের কি শোচনীয় অবস্থা! শুধু তোমার আমার কথা বলছি না,—দেশের নামে যারা যারা এ পথে এসে দাঁড়িয়েছে, তাদের সকলের কথাই বলছি—ক্রমে ক্রমে এমন অবস্থায় এসে পড়া গেছে, যেখানে সহায় সম্পদ নেই, আশ্রয় নেই, কোনখান থেকে একটু সহানুভূতি বা ছোটো স্নেহের কথা শোনবার আশা নেই। আত্মীয়-স্বজন আশ্রয় দিতে ভয় পায়,—বন্ধু-বান্ধব দেখা হলে মুখ ফিরিয়ে নেয়,—পাছে কোন বিপদে পড়তে হয়। ঘরে স্থান পাবার উপায় নেই,—পথে দাঁড়ালে পুলিশ পিছু নেয়,—বনের জঙ্গল মত ঝোপ-ঝাড়, মাঠে-জঙ্গলে লুকিয়ে লুকিয়ে অনাহারে অর্দ্ধাশনে দিন কাটাতে হয়। দুঃখের অবধি নেই, তবু ত কেউ ফিরতে চায় না। সকল দুঃখ-কষ্ট মাথায় করে নিয়ে তারা নিজেদের লক্ষ্যপথে অবিরাম ছুটছে—একদিন হুদিন নয়—মাসের পর মাস, বছরের পর বছর। এত বড় ত্যাগ, এত সহিষ্ণুতা, এত বড় মহৎ প্রেরণা তারা কোথা থেকে পেয়েছে? এ কি ভগবানেরই আদেশ নয়? যাদের দিয়ে তিনি এই মহৎ কাষ সম্পাদন করবেন, তাদের এই অগ্নি-পরীক্ষার ভিতর দিয়ে তিনিই মানুষ করে তুলছেন। আমি বিশ্বাস করি—এবার ভারতে একটা যুগান্তর নিশ্চয়ই আসছে!

পরেশ বলিল, বিশ্বাস আমিও করি। তবে মাঝে মাঝে যেন কেমন একটা সংশয় জাগে,—হবে কি হবে না—এমনি একটা উৎকণ্ঠা। যাক্—তুমি উপস্থিত আমাদের অবস্থার কথা যা বলবে, সেটা যে কত সত্য—এবার বাংলায় ঘুরতে ঘুরতে পথে, ঘাটে, ট্রেনে সর্বত্র তার পরিচয় পাওয়া গেছে। যেখানেই যাই, প্রায় একই রকম কথা,—সর্বত্রই একটা বিষম উৎকণ্ঠা একটা উপেক্ষার ভাব। ফেরবার সময় ট্রেনে জনকতক সম্ভ্রান্ত শিক্ষিত লোক এ দলের ওপর এমন সব মন্তব্য করতে লাগলেন—‘দেশের বুকের উপর বসে দেশের লোকের উপরেই ডাকাতি! একে খুন, তাকে খুন!

দেশে যত অশান্তি ও উপদ্রব সৃষ্টি করা! এদের উৎপাতে দেশের শান্তি—শৃঙ্খলা সব পণ্ড হবে। গবর্ণমেন্টের উচিত সব ধরে ধরে কঠোর শাস্তি দিয়ে এ সব দল নির্মূল করা’ ইত্যাদি। আমি শুনে শুনে ভাবলুম—মন্দ নয়! আমরা তবে কার জন্তে প্রাণপাত করে এ অসাধ্য সাধনের চেষ্টা করে মরি? দেশের স্বাধীনতা বলতে ত আর সত্যি দেশের বন জঙ্গল পাহাড় নদীর কথা বোঝায় না,—দেশবাসীর সুখ স্বাধীনতাই ত আমাদের কাম্য বস্তু। তা দেশের লোকের ত আমাদের ওপর টান খুব প্রবল দেখছি। সুধীর বেচারী ছেলেমানুষ,—চেয়ে দেখি, দুঃখে অভিমানে ও-বেচারার চোখ মুখ লাল হয়ে উঠেছে! আমি ভাবলুম, কেঁদেই ফেলে বা! বলিয়া পরেশ সকোতুকে সুধীরের দিকে তাকাইয়া হাসিল।

অসিত স্নেহে বলিল, সত্যি সুধীর? ও-সব কথা শুনে সত্যিই তোমার এত কষ্ট হয়েছিল? ও-সব দিকে আমাদের কাণ দিতে নেই। ভাই, এ দিকে আসতে হলে, মনকে খুব উঁচু সুরে বাঁধতে হবে। আমরা যা সত্য বলে, নিজেদের কর্তব্য বলে বুঝেছি, তাই এক মনে করে যাব। তাতে নিন্দা বা প্রশংসা কিছুতে কাণ দেব না। এই হচ্ছে মোট কথা। গীতার উপদেশ মনে নেই? অনাসক্ত—

সুধীর বাধা দিয়া বলিল, সে সব আমার খুব মনে আছে অসিতদা! তবে তুমি পরেশদার সব কথা বিশ্বাস কোরো না,—ও বড় বাড়িয়ে বাড়িয়ে বলে। এটা সত্যি যে, ও-সব কথা শুনে তখন আমার একটু আঘাত লেগেছিল। তারা যে রকম গাল দিয়ে বলছিল—তুমি যদি শুনতে একবার! যাদের জন্তে আমরা এত করে মরছি, ছোটো সহানুভূতির কথা ত তাদের কাছে পাওয়াই যাবে না; উল্টে গালাগালি! অসিতদা, যেদিন দরকার হবে, সেদিন আমিও তোমাদের পাশে দাঁড়িয়ে হাসিমুখে বুকের রক্ত দেব, এটা ঠিক। কিন্তু ভাই! তোমার মত অত মনের বল আমার নেই। আমি মানুষ—সাধারণ মানুষের মতই এখনো আমার মনটা সুখ-দুঃখের অতীত হয়নি।

অসিত গম্ভীর হইয়া বলিল, তুমি ঠিক বলেছ সুধীর! আমরা মানুষ। মানুষ সুখে-দুঃখে আশায়-আকাঙ্ক্ষায় হাবুডুবু খায়,—আবার এই মানুষই জ্ঞানযোগে বুদ্ধ হয়ে একদিন সুখ-দুঃখের অতীত হয়ে পরম শান্তি লাভের



অধিকারী হয়। যদি মানুষ হয়ে জন্মেছি, তবে সাধারণের মত ছোট গম্বীর মধ্যেই থেকে যাব কেন ভাই? আকাঙ্ক্ষা মহৎ, উচু হওয়াই ভালো। আর দেশের লোক ত শু-কথা বলবেই। আমরা ব্যাপারটা যে ভাবে দেখছি, ওরা ত এখনো সে ভাবে দেখতে শেখে নি। ওরা শুধু ভাবে—আমাদের কাজের ফলে ওদের এই নিশ্চিত্ত আরামটুকু লোপ পাবে,—একটা ছন্নছাড়া কাণ্ড হবে। এই ভয়েই তারা আমাদের ওপার খড়াহস্ত। আর দেশের লোকের কথা ছেড়ে দাও,—ক্রমে আত্মীয়-স্বজনও আমাদের ছাড়তে বাধ্য হবে। তুমি এখনো ঘরের মধ্যে আছ,—তুদিন পরে এমন সময় আসতে পারে, যখন ঘরে আর তোমার ঠাই হবে না। আমাদের আপন-পর কোথাও কিছু নেই ভাই, আছেন শুধু মাথার ওপরে ভগবান্—

আর নীচে আমাদের এই দেশ। এই ছটির মধ্যে আপনার জনের কথা ভুবিয়ে দাও,—দেশের লোক-মতের কথা বৃথা ভেব না; তা হলেই শাস্তি পাবে। পদ্দেশ, তোমার সেই গানটা সুধীরকে একবার শুনিয়ে দাও ত।

তখন সেই নীরব নির্জন গঙ্গাতট মুখরিত করিয়া, নিস্তব্ধ সুপ্ত নৈশ প্রকৃতিকে সচকিত করিয়া পরেশের উচ্চ মধুর স্বর চতুর্দিকে ধ্বনিত হইয়া উঠিল—

তোর আপন জনে ছাড়বে তোরে

তা বলে ভাবনা করা চলবে না!

ও তোর আশালতা পড়বে ছিঁড়ে—

হয় তো রে ফল ফলবে না—

তা বলে ভাবনা করা চলবে না।

( ক্রমশঃ )

## ময়মনসিংহের মহিলা-কৃতিবাস

শ্রীচন্দ্রকুমার দে

( ২ )

অরণ্য-কাণ্ড। তার পর পঞ্চবটী বন। যোজনের পর যোজন ব্যাপিয়া নাগ শাল তাল তমাল প্রভৃতি বনস্পতিগণের সারি। কোথাও পিতৃতুল্য স্নেহশীল বন-তরুগণ সুরসাল ফল-সস্তার, শাস্তি-শীতল ছায়া লইয়া বনবাসীগণের রক্ষক স্বরূপ দণ্ডায়মান; কোথাও মাতৃ-করণার মত অবিরামবধী নির্ঝর-ধারা; কোথাও সপুষ্প বনলতা একান্ত প্রেমশীলা সঙ্গিনীর মত বনতরুর কাণ্ডে হেলিয়া পড়িয়াছে—অধরে পুষ্প-হাসি ধরে না। অদূরে গদগদনাদী গোদাবরী যেন প্রেমে নাচিয়া সোহাগে হাসিয়া পঞ্চবটীর পাদদেশ ধৌত করিয়া অবিরাম কুলু ধ্বনিতে ছুটিয়া যাইতেছে।

পঞ্চবটীর প্রাকৃতিক দৃশ্য পরম রমণীয়। এই স্থান সীতার অতিমাত্র প্রীতিপ্রদ বলিয়া, তথায় তাঁহারা বনবাস কালযাপন করিবেন স্থির হইল। তখন রামের আদেশে

লক্ষ্মণ তীক্ষ্ণ-মুখ বাণ ছারা সরল কাষ্ঠ সকল ছেদন করিয়া, তছপরি লতায়-পাতায় নির্মিত একখানি সুন্দর কুটার প্রস্তুত করিলেন। লক্ষ্মণ অরণ্য হইতে বনের ফল, ঝরণার জল সংগ্রহ করিয়া আনিতেন। কুরঙ্গ-কুরঙ্গী তাঁহাদের প্রতিবেশী। মৃগশিশুগণ নিত্য নূতন অতিথি-রূপে কুটারের দ্বারদেশে আসিয়া দাঁড়াইত। সীতা শিশুর মত যত্ন করিয়া গাছের কচিপাতা সকল তাহাদের মুখে তুলিয়া দিতেন। দেবদারু-শাখায় নৃত্যশীলা ময়ূরীগণ সীতার করতালিতে কুটার-দ্বারে উড়িয়া আসিত। এই সকল অবসর-সঙ্গিনীগণকে পাইয়া বনস্পতি অযোধ্যার রাজভবনের কথা ভুলিয়া গেলেন।

এই পঞ্চবটী প্রাকৃতিক সম্পদে যতই রমণীয় হউক না কেন—ইহা মায়াবী রাক্ষসগণের বিহার-ভূমি—একরূপ মায়াকানন বলিলেই চলে। এই দুর্গম পঞ্চবটী বনে

আসিয়া রাক্ষস মায়ার শুধু রাম লক্ষণ সীতা নহেন—  
রামায়ণ-রচক কবিগণের অনেকেই অস্বাভিক পরিমাণে  
প্রতারিত ও বিড়ম্বিত হইয়াছেন। সীতা-চরিত্র-চিত্রণে  
হস্তক্ষেপকারিগণ মাত্রেই এই স্থানে অতিমাত্র সাবধানতা  
অবলম্বন করা উচিত। কিন্তু হুঃখের বিষয় প্রায় সকল  
কবিই এই দুর্গম বনপথে আসিয়া লক্ষ্যভ্রষ্ট হইয়া পড়িয়াছেন।  
সংস্কৃত কবি-গুরু কথ্য ছাড়িয়া দিয়া, বাঙ্গালা কবিগুরু  
হইতে আরম্ভ করিয়া আধুনিক পালা-গায়কগণ পর্য্যন্ত  
কেহই সীতা চরিত্রের সামঞ্জস্য রক্ষা করিতে পারেন  
নাই। অন্তান্তের কথা ছাড়িয়া দিয়া আমরা প্রাচীন  
কবিগুরু ও আধুনিক শ্রেষ্ঠ কবির দু'একটি কথা লইয়া  
আলোচনা করিব।

বনভূমির শ্রামলতার উপর বিহ্বল খেলাইয়া স্বর্ণমৃগ  
চলিয়া গিয়াছে। রাম ধনুর্ধার হস্তে তাহার পশ্চাৎ  
ধাবিত হইলেন। অকস্মাৎ দূরে রামতুল্য কাতরধ্বনি।  
ভয়ভ্রস্তা সীতা দেবী লক্ষণকে রামের অন্বেষণে যাইতে  
আদেশ করিলেন। কিন্তু লক্ষণ সীতাকে বনে একাকিনী  
রাখিয়া কেমন করিয়া যাইবেন, অথচ না গেলেও নয়।  
উভয়বিধ বিপদে পড়িয়া লক্ষণ বজ্রাহতের স্তায় দাঁড়াইয়া  
রহিলেন। আবার সেই হা—হা—কার। সীতার একান্ত  
অনুন্বে লক্ষণ এবারও কর্তব্য স্থির করিতে পারিলেন  
না। ধনুর্ধার রাম অপেক্ষা সহায়হীনা মাতা জানকীর  
চিন্তাই লক্ষণের মনে বেশী করিয়া জাগিতেছিল। এইবার  
তিরস্কারের পালা—

আধুনিক শ্রেষ্ঠ কবির সীতা এই স্থানে বলিতেছেন—

“সুমিত্রা শ্বাশুড়ী মোর বড় দয়াবর্তী  
কে বলে ধরিয়াছিল গর্ভে তিনি তোরে  
ঘোর বনে নির্দয় বাঘিনী \* \*

এই স্থানে ঘোর বনে নির্দয় বাঘিনীর মত সীতাই  
লক্ষণকে আক্রমণ করিয়াছেন। এ আক্রমণ যেমন  
অসঙ্গত, তেমনি অস্বাভিক। আমাদের বিশ্বাস, কবি এই  
স্থানে তাঁহার চির-স্বাভাবিক বীররসের প্রাধান্য বজায়  
রাখিতে যতটুকু চেষ্টা করিয়াছেন, সীতা-চরিত্রের সুশীলতা,  
কোমলতা রক্ষা করিতে ততটুকু যত্ন করেন নাই।

ততোহধিক অমার্জনীর অপরাধে অপরাধী আমাদের

গোড়জন-নমস্ত-বাঙ্গালা কবিগুরু কৃত্তিবাস। কৃত্তিবাসের  
সীতা বলিতেছেন

“ভরত লইল রাজ্য, তুই নিলি নারী”

এই ছত্রটি পড়িয়া আমাদেরিগকে অতিমাত্র ঘৃণায়  
“ছি” বলিতে ইচ্ছা করে! কৃত্তিবাসী রামায়ণে শুধু এই  
স্থানে নয়, রাম-বনবাসের কালেও সীতাদেবী স্বামীকে  
বুঝাইতেছেন, আমাকে সঙ্গে লইয়া না গেলে

“পেয়েছিল রাজ্য লইল যেই জন

স্ত্রী লইতে তাহার বিলম্ব কতক্ষণ।”

যে ভরত রামশূত্র অযোধ্যার রাজ্য-প্রাপ্তিকে  
অভিসম্পাতের মত মনে করিয়া মাতাকে রাক্ষসী  
বলিয়া গালি দিয়াছিলেন, রাজ্যে রাজত্ববনে থাকিয়া  
যিনি বনচারী যোগী—রাম-পদচিহ্নিত পাছুকা মাত্র  
সিংহাসনে রাখিয়া যিনি ছত্রধারী রূপে দাঁড়াইয়াছেন,  
একদিন যাহার অশ্রুজলে চিত্রকূট গিরিশৃঙ্গ ভাসিয়া  
যাইবার উপক্রম হইয়াছিল, সেই ভ্রাতৃ-প্রেমের একান্ত  
সাধক রাজযোগী ভরতকে সীতা কি করিয়া এমন ধিক্কার  
দিতে পারেন! আর লক্ষণ—লক্ষণের কথা আমরা বেশী  
কিছু বলিব না। পাঠক তাহা মনে মনে উপলব্ধি  
করিবেন। এমন যে ভ্রাতৃ-প্রেমের মূর্ত্ত অবতারণা—রাম  
সীতার পদবিদ্ধ কুশাসুর উন্মোচন—তাঁহাদের ক্ষুধার ফল,  
তৃষ্ণার জল যোগানই যাহার কর্তব্য কর্ম—এই কর্তব্যের  
প্রেরণাই যাহাকে সুখময় রাজত্ব, সুবর্তী ভার্য্যা—সব ছাড়িয়া  
বনে আনিয়াছে, যাহা নিজের সুখ, হুঃখ, আশা, তৃষা, ভোগ-  
লালসা ভ্রাতৃ-প্রেমের একটা উচ্ছ্বসিত ধারার মত রাম-  
রূপ মহাসাগরে যাইয়া বিলীন হইয়াছে,—নিজের কোন  
পৃথক সত্তা রাখে নাই—সেই লক্ষণের চরিত্রে সীতা  
কেমন করিয়া এমন একটা অমূলক সন্দেহ আনিতে  
পারেন! সত্য বটে সীতা বিপদ-বিহ্বল—কিন্তু আমরা  
মনে করি, অতিমাত্র ভয়ে, অতিমাত্র বিপদে—  
অতিমাত্র ক্রোধে—কিন্তু বিরাগে মাতা পুত্রকে যতটুকু  
বলিবার ততটুকুই বলিতে পারেন,—কার্য্যকারণ-বশে  
তিনি যতই অসংযত, অসহিষ্ণু হন না কেন, কিছুতেই  
গম্ভীর সীমা অতিক্রম করিয়া যাইতে পারেন না। এই  
স্থানে লক্ষণের অমল-ধবল চরিত্রের উপর সীতার এই  
ক্রুর কটাক্ষ অতিমাত্র অস্বাভাবিক হইয়াছে। লক্ষণ

ছইবার শক্তিশেলে পড়িয়াছিলেন—একবার পঞ্চবটীতে সীতাবাক্যরূপ বজ্রাঘি-বাণে, আর একবার রণ-ক্ষেত্রে রাবণ-নিক্শিপ্ত শক্তি-বাণে। আমাদের মনে হয়, প্রথমোক্ত শক্তিশেলের ঘা'ই লক্ষণের বৃকে বেশী বাজিয়াছিল।

তবে আমাদের বিশ্বাস—এই অমার্জনীয় অপরাধের জন্ত আমাদের চির-সমস্ত কবি কৃত্তিবাস দারী নাও হইতে পারেন। হয় ত কৃত্তিবাসের নামের অন্তরালে কোন কাণ্ডহীন অসামাজিক কবি অক্ষয় হস্তে তুলি-চালনা করিয়া নমস্ত কবিকে উপহাস্ত করিয়া তুলিয়া-ছেন। তিনি সীতা চরিত্র আঁকিতে গিয়া এইরূপ রাক্ষসীর চিত্র অঙ্কিত করিয়াছেন। ভুবন-বন্দিতা সীতা-চরিত্রে এই ছরপনের কলঙ্করেখা অঙ্কিত করিয়া কবি যে নির্বুদ্ধিতার পরিচয় দিয়াছেন, তাহা দেখিয়া আমাদের বাস্তবিকই দুঃখ হয়। এই কথা কয়টি প্রক্শিপ্ত বলিয়াই আমাদের মনে হয়, মহাকবি কৃত্তিবাসের লেখনী হইতে এমন কথা বাজিব হইবে বলিয়া বিশ্বাস হয় না।

দেখা যাক, এই স্থানে আমাদের কবি চন্দ্রাবতী কি করিয়াছেন। প্রথমেই সেই বনদম্পতির একটি মনোজ্ঞ চিত্র। অদূরে পর্ণ-কুটীর! শাল-বৃক্ষতলে পত্র-শয্যায় সীতার কোলে মাথা রাখিয়া অর্ধশায়িত নব-দূর্বাদল-শ্রামরূপ রাঘব। শিয়রে বসিয়া কুটীর-লক্ষী সীতা চম্পকোপম অঙ্গুলি দ্বারা শ্রীরামচন্দ্রের জটাতার সঞ্চালন করিতেছিলেন। তীক্ষ্ণ-মুখ বাণ দ্বারা লক্ষণ রাম-পদবিদ্ধ কুশঙ্কুর উন্মোচন করিতেছেন। এমন সময় বনভূমির শ্রামলতায় বিছাৎ খেলাইয়া সোণার হরিণ চলিয়া গেল। কোত্‌হলাক্রান্তা সীতা বলিলেন—দেব দেব, দেখ, কি সুন্দর হরিণী।

“হরিণী ধরিয়া দেহগো পালিব ইহারে  
যতনে বাঞ্জিয়া রাখব কুটীরের ছয়ারে  
সোণার হরিণ অঙ্গে গো বিজলীর ঝালা  
ইহারে ধরিয়া দেও গো পাতিবাম সহেলা

মুগ্ধা প্রিয়তার মনোরঞ্জনার্থ রাম তৎক্ষণাৎ ধমুকে নাগপাশ অস্ত্র যুড়িয়া হরিণীর পশ্চাৎ ধাবিত হইলেন। অল্পক্ষণ মধ্যেই বনের ষ্ঠানশ্রামলতায় নবঘনশ্রামরূপ মিশিয়া গেল। এর মধ্যে “সীতাদেবী করিলেন কুটীরে প্রবেশ।” কুটীরের অদূরে শাল বৃক্ষের কাণ্ডে হেলিয়া ধমুকের

লক্ষণ শ্রীরামচন্দ্রের আগমন প্রতীক্ষা করিতেছিলেন। অকস্মাৎ দূর বনে—রামের কল্প আর্তনাদ! ভয়-বিহ্বলা সীতা দেবী চকিতের মত দৌড়িয়া কুটীরের বাহিরে আসিয়া পড়িলেন। লক্ষণ সেই আকস্মিক রোদন-ধ্বনি শুনিয়া

“ধমুকে যুড়িয়া বীর অশ্লিসম বাণ  
লক্ষ দিয়া ধায় বীর গো সিংহের সমান ;”

সুপ্ত সিংহ জন্তে জাগিয়া উঠিলে তাহার গ্রীবাদেশের কেশর সকল যেমন নাচিয়া উঠে, লক্ষণের জটা-কলাপ সেইরূপ নড়িয়া উঠিল।

“ছই পাণ্ড গিয়া লক্ষণেরে ফিরিয়া দাঁড়ায়”

... ..

এই স্থানে লক্ষণের সজাগ চিত্রটি খুব সুন্দর হইয়াছে। রামের আস্থান শুনিয়া কর্তব্যপরায়ণ লক্ষণ তৎক্ষণাৎ তাঁহার সাহায্যের জন্ত ধাবিত হইতেছিলেন। লক্ষণের দশেক্ষিয় রাম-সেবার, রামকার্যে কিরূপ উন্মুখ হইয়া থাকিত, এই ছইটি মাত্র ছত্রে তাহা কি সুন্দর ফুটিয়া উঠিয়াছে! পরক্ষণেই আবার সীতার চিন্তা-রূপ নির্বর-ধারা যেন সহসা শৈলধণ্ডে প্রতিহত হইয়া দাঁড়াইল। সীতা লক্ষণের মানসিক ভাব বুঝিলেন; বলিলেন, লক্ষণ, তুমি আমার জন্ত চিন্তা করিও না,—বনে তরু লতা পশুপক্ষী আছে, তারা আমার রক্ষা করিবে। লক্ষণ তখনও অবিচল, চিত্রাৰ্পিত পুস্তলির মত দণ্ডায়মান। আবার সেই ধ্বনি! সীতা বলিলেন “বনেতে বসইয়া যত বনের দেবতা  
বিপদের কালে তারা রক্ষিবেন সীতা।”

কিন্তু ইহাতেও লক্ষণের প্রবোধ হইতেছে না। বিশাল ধমুকের অগ্রভাগ মাটিতে রাখিয়া নতমুখে তেমনি অচঞ্চল হইয়া দাঁড়াইয়া রহিলেন। কি করিবেন, এই চিন্তায় তাঁহার মুখমণ্ডল জৈষ্ঠ মাসের রক্ত-জবার মত লাল হইয়া উঠিল।

এদিকে কাতর আর্তনাদ ক্রমে বাড়িয়া চলিল। সীতা তখন সংযত ভাবে লক্ষণকে বলিতেছেন—

“যদি আমি সতী হই পতি পদে মতি  
আকাশের দেবতাগণ ধণ্ডাবেন চর্গতি।”

আর যদি তা না হয়—

“যদি অমঙ্গল ঘটে ধর্ম বিত্তমানে,

কি করিবে লক্ষণ তোমার অগ্নিবাণে”

বলিতে বলিতে সীতার মুখমণ্ডল শুকতারার মত অলিয়া উঠিল।

ইহাই সম্ভানের প্রতি মাগের উপযুক্ত বাণী। ঘোর বিপদে এমন সংঘত শাস্ত মূর্তি একমাত্র সীতা দেবীতেই সম্ভবে। এই স্থানে চিরশাস্ত কোমল সীতা-চরিত্রের যে অপূর্ব সামঞ্জস্য রক্ষিত হইয়াছে, অল্প রামায়ণে তাহা বড় দেখা যায় না। আর লক্ষণ—ধর্মপ্রাণা সতী তাঁর সত্যধর্মে নির্ভর করিয়াছেন; সূতরাং লক্ষণের আর কিছু বলিবার নাই। এই সত্যধর্মের কাছে শত লক্ষণের অগ্নিবাণও ছার! লক্ষণ আর কিছু না বলিয়া চলিয়া গেলেন।

অজ্ঞান কবির চিত্রিত সীতা অপেক্ষা চন্দ্রাবতীর সীতার এই উৎকর্ষতার কারণ, আমাদের বিশ্বাস, পুরুষ যেন্থানে নারী-চরিত্র আঁকিয়াছেন, সেইখানে পুরুষোচিত দর্প দস্ত সকল প্রকার অসংযতভাব বজায় রাখিতে চেষ্টা প্লাইয়াছেন। কিন্তু নারী নারীর চরিত্র-অঙ্কন-কালে তাঁহার স্বভাবসংযত হস্তে লজ্জা, বিনয়, ধর্মশীলতা, ঔদার্য্য, মাধুর্য্য প্রভৃতি নারীর স্বাভাবিক কোমল বৃত্তিগুলিকে যথাযথ ভাবে অক্ষুণ্ণ রাখিতে প্রয়াস পাইয়াছেন। এই কারণে পঞ্চবটীর দুর্গম অন্ধকারে রাক্ষস-মায়ায় প্রতারিত সীতাকেও আমরা প্রকৃত সীতারূপে দেখিতে পাই। আরও একটি কথা—কবির কাব্য একরূপ দর্পণ স্বরূপ। তবে সাধারণ দর্পণে ও কাব্য-দর্পণে এইটুকু প্রভেদ,—সাধারণ দর্পণে বাহ্য প্রতিকৃতির ছায়া মাত্র পড়ে, কিন্তু কাব্য-দর্পণে কবির অন্তর-প্রকৃতির ছায়াই বিশেষরূপে প্রতিফলিত হয়। আমরা এই স্থানে সেই যোগশাস্ত্রা, একান্ত শুদ্ধচারিণী ধর্মপ্রাণা মহিলা-কবির স্বরূপটি বুঝিয়া লইতে পারিতেছি।

সীতাহরণ। পথে মহাপ্রাণ জটায়ুর অস্থিদান। এ সব ব্যাপারে কোনও নূতনত্ব, বিশেষত্ব নাই। মহাশূন্ত ভেদ করিয়া পুলাকরণ লঙ্কাতিমুখে ছুটিয়া চলিল। রথচক্রের ঘর্ষণে ও সীতার আকুল আর্তনাদে আকাশ যেন ভাঙ্গিয়া পড়িতেছিল। রাবণ সীতাকে লইয়া লঙ্কার উপস্থিত হইলেন।

জনশ্রুতি। সীতা লঙ্কার পদার্পণ করিবামাত্র একটা আকুল জনরব সহস্র মুখে প্রচারিত হইতে লাগিল। এই

সীতা রাবণের কন্যা! লঙ্কার গোষ্ঠে-মাঠে ঘাটে-পথে যেখানে-সেখানে পর্বতে-পুলিনে বনে-বিগিনে বাজারে-বন্দরে অস্ত্র-পুরে-দরবারে কেবলই এই কথা। সাগরের জলোচ্ছ্বাসে, পাখীর কাকলীতে, বৃক্ষের মর্ম্মরে কেবলই এই কথা। জলে স্থলে আকাশে বাতাসে কেবলই এই কথা। স্বামী-স্ত্রীতে, মই-সঙ্গিনীতে, ভ্রাতার-ভগ্নীতে, পিতার-পুত্রে কেবলই এই কথা। রাজপথে গৃহে যেখানেই জনতা, সেই স্থানে সহস্র মুখে কেবল এই কথা লইয়াই আন্দোলন!

এ সংবাদ কে আনিল, কোথা হইতে আসিল, তাহার কোনও উত্তর নাই। অথচ সহস্র মুখে এই জনরব প্রচারিত হইতেছে। রাবণ চিন্তিত হইয়া শুক-সারণকে ব্রহ্মাণ্ড ঘুরিয়া জনববের মূল ভিত্তি অনুসন্ধান করিতে আদেশ করিলেন। উদ্দেশ্য—যদি সীতা প্রকৃতই রাবণ-কন্যা হন, তবে কনক-লঙ্কার অর্ধেক রাজত্বসহ রামের সীতা রামকে অর্পণ করিবেন; সমুদ্রোপকূলে মানুষে-বান্দুসে একটা মেলামিলি কোলাকুলি মহাসমারোহে সম্পন্ন হইয়া যাইবে। কিন্তু হৃদদৃষ্ট রাবণের সে সাধ পূর্ণ হইল না। পথে ইন্দ্র-নিক্রিপ্ত বজ্রাঘিতে পড়িয়া শুক-সারণ ভস্ম হইয়া গেল। তাহা না হইলে রাবণ-বধ হয় না।

সুগ্রীব-মিলন। এই ব্যাপারেও কোন নূতনত্ব নাই। উভয়ে সমতঃখভাগী, স্ত্রী-রাজ্য-হার। যজ্ঞকাষ্ঠে অগ্নি প্রজ্জ্বালিত করিয়া রাম ও সুগ্রীবে সখ্যতা স্থাপিত হইল। সাক্ষী রহিল—এই ঋষামুখ গিরি—আর মাথার উপরে চন্দ্র সূর্য্য!

অভিযান। হৃদদৃষ্ট রাবণের সুধের নিশি ধীরে ধীরে পোহাইতেছিল। এদিকে শুক-সারণ ফিরিয়া আসিল না। এমন সময় এক দিন নৈশ রজনীর বিপুল অন্ধকারের মধ্য দিয়া বানর-সেনা লঙ্কার চারিদিক ঘেরাও করিয়া বসিল। লঙ্কাসিগণ সহসা সুপ্রোথিতের মত সভয়ে সুখ-নিজ্জা হইতে জাগিয়া দেখিল, লঙ্কার গাছে-গাছে, ডালে-ডালে, পাতার-পাতায়, প্রাসাদ-শিখরে, গৃহচূড়ে অসংখ্য কপি-সৈন্যের সারি। আঘাটের মেঘের মত কোথা হইতে আসিয়া—এই এক রাত্রে লঙ্কার আকাশ-বাতাস ছাইয়া ফেলিয়াছে—মহাসাগর নিজ বৃকের উপর দিয়া তাহাদের গন্তব্য পুথ খুলিয়া দিয়াছে।

লঙ্কাকাণ্ড। চন্দ্রাবতীর লঙ্কাকাণ্ডে তুরী তেরী রণ-দামামার ঘোর রোল, সৈনিকগণের আন্দোলন—এ সব আড়ম্বর বড় বেশী নাই। এত বড় লঙ্কাকাণ্ডটা কবি যেন এক



লক্ষণ

শিল্পী—শ্রীযুক্ত পূর্ণচন্দ্র চক্রবর্তী

[ Bharatvarsha Halftone & Printing Works.



নিঃশব্দে শেষ করিয়া ফেলিয়াছেন। রাক্ষস-বীরগণের মধ্যে  
একদিন যে যুদ্ধে গিয়াছে, সে আর কিরিয়া আসে নাই।

ইহার দুইটা কারণ হইতে পারে; একটা—চন্দ্রাবতী  
নুরী—সুবাহ রণক্ষেত্রের বর্ণনা ততটা সুটাইয়া তুলিতে  
পারেন নাই। আর দ্বিতীয় কারণ—হর ত উপেক্ষা করিয়াও  
যাইতে পারেন। রাম রাবণের যুদ্ধ, ধরিতে গেলে, অধর্মের  
বিরুদ্ধে ধর্মের অভিযান। অত্যাচারীর দর্পোন্নত শিরকে  
নমিত করিয়া শাস্তি তাহার বিজয়-পতাকার ধ্বজ-দণ্ড  
প্রোথিত করিতেছেন। পুণোর আলো ফুটিয়া উঠা মাত্র  
পাপের তিমির নিমেষে নাশ হইয়া গিয়াছে। এই জন্ত  
মহিলা-কবি বোধ হর যুদ্ধ-বর্ণনার বাহুল্য দেখাইতে ইচ্ছা  
করেন নাই। কপিল মূনির একমাত্র অগ্নিদৃষ্টিতে যেমন  
সগর রাজার বষ্টিসহস্র পুত্র নিমেষে ভস্মসাৎ হইয়া গিয়াছিল,  
সেইরূপ সতীর একটা মাত্র দীর্ঘ-নিঃশ্বাসে বিশাল রাক্ষসপুরী  
জলিয়া পড়িয়া চারখাব হইয়া গিয়াছে। রাক্ষস-বংশে দীপ  
জলিবার এক বিন্দু তৈল কিংবা সলিতার অংশটুকু অবশিষ্ট  
পড়িয়া থাকিতে পার নাই। কিন্তু চন্দ্রাবতী যেটুকু বর্ণনা  
করিয়াছেন, সংক্ষিপ্ত হইলেও, তাহা যুদ্ধ-বর্ণনা; আমরা  
তাহার একটুকু স্থান তুলিয়া দেখাইতেছি।

“আজি রণে আইল বীর গো বীরবাহু নাম  
রাবণের পুত্র সেই বীরবাহু নাম  
দশ বাণ রামচন্দ্র গো ধনুকতে জুড়ে  
ভস্ম হইয়া বীরবাহু গো আকাশেতে উড়ে”

এই চারি ছন্দে বীরবাহু-বধ শেষ। ইন্দ্রজিৎ রাবণ  
সকলেই এইরূপ অল্পেতেই শেষ হইয়াছেন।

প্রভেদ। এই স্থানে আব একটা কথা বিশেষ ভাবে  
উল্লেখযোগ্য। কুন্তিবাসী রামায়ণ ও বাঙ্গালার অস্তান্ত পাল-  
গায়কগণের রামায়ণ বৈষ্ণব-কবিগণের হস্ত-প্রক্ষেপে  
একখানা অভিনব ভাগবতে পরিণত হইয়াছে। এই সমস্ত  
কবিগণের অতিমাত্র ভক্তি ও প্রেমাত্মকে কুন্তিবাস অতি দূরে  
ভাসিয়া গিয়াছেন। লঙ্কার রণভূমি সংকীর্ণ-ভূমিতে পরিণত  
হইয়াছে। রণভূমিতে বীরবাহুর দিব্যজ্ঞান, রাম-শরে  
হত না হইলে রাক্ষস-দেহের উদ্ধার নাই, রামের অগ্নিবাণ  
তরণীর গলে পুষ্প-মালার আকার ধারণ, রাবণ কর্তৃক  
রামের স্তব, বিংশতি লোচন হইতে দরদর প্রেমাত্ম  
বহিরা রণক্ষেত্রে যমুনা নদী প্রবাহিত হওয়া, ধনুর্কাণ ফেলিয়া

রামের অভিযান করিয়া বসা, তিনি ভক্তকে মারিয়া সীতা  
উদ্ধার ত করিবেনই না পরন্তু অযোধ্যায়ও কিরিয়া যাইবেন  
না,—এই সমস্ত দেখিয়া কুন্তিয়া মনে হর প্রক্ষিপ্তকারী  
বৈষ্ণব কবিগণ মস্ত একটা তুল করিয়া ফেলিয়াছেন। তাঁহারা  
যদি রামকে কানাই, লক্ষ্মণকে বলাই, সীতাকে প্রেমময়ী  
রাই সাজাইয়া, রাবণকে কংসে পরিণত করিয়া, রামায়ণ নাম  
মুছিয়া ফেলিয়া তদ্বারা একখানা অভিনব ভাগবত রচনা  
করিয়া যাইতেন, ইচ্ছা করিলেই তাঁহারা প্রেমভক্তির অঙ্গুর  
বস্ত্রায় কুন্তিবাসকে দূরে অতি দূরে ভাসাইয়া দিতে পারিতেন;  
—করেন নাই কেন? কবিগুরু সঙ্গে প্রতিযোগিতার হার  
হইবে বলিয়া কি? আমাদের বিশ্বাস, রাজপ্রাসাদ হইতে  
মুদির দোকান পর্যন্ত সকলে সমস্বরে বৈষ্ণব কবিগণই  
জয়ধ্বনি করিত—ভোটে কবিগুরু নিশ্চিত হারিয়া  
যাইতেন।

কবির কাব্য সাময়িক দর্পণস্বরূপ। তাহাতে যুগে যুগে  
সমাজ ও জাতীয় জীবনের ছায়া প্রতিকলিত হইয়া থাকে।  
রামায়ণ যে যুগের কাব্য, তাহা শৌর্য্য-বীর্য্যের যুগ। বালক  
রাম লক্ষ্মণ কর্তৃক তাড়কা রাক্ষসীর নিধন—হরধনুর্ভঙ্গ—  
দাক্ষিণাত্যের বিরুদ্ধে অভিযান—এ সব বীরত্বেরই আদর  
সূচিত হইতেছে। অম্বাদের যুগে দেখা যায়—বাঙ্গালী  
পুরুষোচিত শৌর্য্য-বীর্য্য হারাইয়া তাহার স্বভাবের অর্জিত  
অতিভক্তি ও প্রেমাত্ম লইয়া ঘরে বসিয়াছিল। তাই অস্তান্ত  
জাতির যাহা রণক্ষেত্র, বাঙ্গালীর তাহা মৃদঙ্গ-মুখরিত কীর্তন-  
ভূমি। অস্তান্ত জাতির অস্ত তীর তরোয়ার, বাঙ্গালীর ব্রহ্মাস্ত  
ভক্তি আর চক্ষের জল! কিন্তু সকল মানুষই মহাপ্রভু  
শ্রীচৈতন্য নহেন যে, কেবল প্রেমাত্মতে জয়লাভ করিবেন;  
আর সকল মানুষই জগাই মাধাই নহে যে কেবল মাত্র চক্ষের  
জলে গলিয়া যাইবে। এই কালে বাঙ্গালী যথাসর্ব্বস্ব  
হারাইয়া আপন জাতীয় জীবনের সঙ্গে সঙ্গে তখন জাতীয়  
সাহিত্যের আদর্শকে এইরূপ খাটো করিয়া তুলিয়াছিল।

প্রভেদের কারণ। শুধু কুন্তিবাসী রামায়ণ নহে—  
ময়মনসিংহের প্রচলিত অনেক পাল-গায়কগণও গজাজলে  
এইরূপ যমুনার ধারা মিশাইয়াছেন। সম্ভবতঃ লোক-  
মনোরঞ্জনার্থ তাঁহাদিগকে বৈষ্ণব-কবিগণের নিকট হইতে  
এইরূপ ধার করিতে হইয়াছে। কারণ সেকালে রামায়ণ-  
গান গায়কগণের জীবিকা-নির্ব্বাহের একটা উপায় ছিল।

কিন্তু চন্দ্রাবতীর রামায়ণ ময়মনসিংহের কুলললনাগণের অঞ্চলের ধন। তাহাকে আসর-গানের মুখাপেক্ষী হইয়া বাঁচিয়া থাকিতে হয় নাই। তাই খাঁটি জিনিষে ভেজাল মিশিতে পায় নাই।

অন্ততম ঘটনা। রাবণ-বধের পর ছইটি প্রধানতম ঘটনা। এবটী রাবণের নিকট রামচন্দ্রের রাজনীতি-শিক্ষা; দ্বিতীয়টি সীতার অগ্নি-পরীক্ষা। এই ছইটি ঘটনাই চন্দ্রাবতীর রামায়ণে দৃষ্ট হয় না। রাজনীতি-শিক্ষার কথা ছাড়িয়া দিয়া অগ্নি-পরীক্ষার কথাই বলিব। এইরূপ পরীক্ষা শুধু রামায়ণে নহে—পৌরাণিক যুগে অধিকাংশ কাব্যেই এইরূপ অগ্নিশুদ্ধির প্রয়োজনীয়তা দেখিতে পাই। বোধ হয় দেশ ছুড়িয়া তখন এই ভাবের একটা বজ্রা বহিয়া গিয়াছিল। যে গরীয়সী নারী জীবনের পর-পার হইতে ধাতার নিয়তি ধণ্ডন করিয়া আনিয়াছিলেন—লৌকিক পরীক্ষার হাত হইতে তিনিও অব্যাহতি পান নাই। বনবাসে ছেলী চড়াইবার অপরাধে পতিব্রতা খুল্লনাকেও এইরূপ অগ্নিদগ্ধ হইতে দেখিতে পাই। কবিগুরু রামায়ণেও সীতার অগ্নিপারীক্ষার কথা জমকালো ভাষায় বর্ণিত হইয়াছে। তবে চন্দ্রাবতীর রামায়ণে তাহা নাই কেন?

কারণ—বোধ হয় একমাত্র রাবণের অশ্রদ্ধল। রাম-শরে নিপতিত ছিন্নমূল মহাক্রমের মত রাবণ-দেহ সাগর-সৈকতে পড়িয়া লুটাইতেছে। ব্রহ্মাস্ত্রে ক্ষত বক্ষস্থল হইতে রক্তোৎসের ধারা বহিয়া সাগর-তরঙ্গকে রঞ্জিত করিয়া তুলিতেছে। কুড়ি চক্ষু স্থির। মুখে শব্দ নাই। বজ্রাঘাতে ভূপতিত গিরিশঙ্করের মত অচঞ্চল—কেবল মাঝে মাঝে একটা মর্মস্বদ দীর্ঘনিঃশ্বাসে তাঁহার বৃকের পাঁজর ভাঙ্গিয়া দিতেছিল। হৃদয়ে এক জ্বালা। সে জ্বালার কাছে ব্রহ্মাস্ত্রের যাও নিৰ্ব্বা-ধারার মত শীতল। রাক্ষসগণ ভীমবাহ লঙ্কানাথের চারিদিক ঘিরিয়া দাঁড়াইয়াছে। রাবণ তাহাদিগের পানে চাহিয়া অতি কষ্টে বলিতেছেন

“আজও যদি শুকসারণের তারা আসিত ফিরিয়া  
অর্পিতাম রামেরে সীতা অর্ক রাজ্য দিয়া।”

কুড়ি চক্ষু রাবণের ধারা বহিল। বৃকের রক্তোৎস অকস্মাৎ ধামিয়া গেল। ত্রিলোকের শঙ্কস্বরূপ চূর্জয় দেবদৈত্য-বিজয়ী বীর জন্মের মত চক্ষু মুদিলেন।

এই স্থানে অমৃতপ্ত রাবণের অস্তিম অশ্রদ্ধলে সীতা-চরিত্রের সমস্ত সন্দেহ কলঙ্ক নিশ্চিহ্নে ধুইয়া মুছিয়া গিয়াছে। কৃত্তিবাসাদি রামায়ণে সীতা-চরিত্রের এই সন্দেহ অপনোদন জন্ত রাবণের রক্তাবতী-হরণ প্রভৃতি অনেক অবাস্তর গল্প-ঘটায় কাব্য-কলেবর অসঙ্গতরূপে বৃদ্ধি পাইয়াছে। তা ছাড়া, কবিগণ আরও অনেক অসার আড়ম্বরপূর্ণ কথায় পাঠকের হৃদয় হইতে সীতা-চরিত্রের সন্দেহ-কালিমা মুছিয়া তুলিতে চেষ্টা করিয়াছেন। এক স্থানে দেখা যায়, কৃত্তিবাসের সীতা বলিতেছেন—

“বাল্যকালে খেলিতাম বালক মিশালে  
স্পর্শ নাহি করিয়াছি পুরুষ ছাওয়ালে”

এই সব ছত্রে তদানীন্তন ছোঁয়াচে-রোগগ্রস্ত বাঙ্গালীর জাতীয় জীবনের ধারণা উত্তমরূপে প্রকটিত হইতেছে। এইরূপ উদ্ভট কল্পনায় গড়া নারীর সতীত্ব উপকরণ, আমাদের মনে হয়, দুর্বলচিত্ত বাঙ্গালীর সেই ভাবাবেশ ও অশ্রদ্ধল। সন্দেহচিত্ত কবিগণ পরের মনের সন্দেহ বুচাইতে গিয়া নিজের মনকেই বুঝাইয়া উঠিতে পারেন নাই। সৌভাগ্যের বিষয় আমাদের মহিলা-কবি অমৃতপ্ত রাবণের এই কথার পরেও সীতাকে পুনরায় অগ্নি-পরীক্ষায় ফেলিয়া, অবিচারিত পরছন্দানুবর্তিতা-দোষে দোষী হন নাই। এইটুকু চন্দ্রাবতী রামায়ণের নিজস্ব। এই মহিলা-কবির কাছে যাহা সত্যধর্ম, তাহা চিরকাল অক্ষত ও নিখল বস্তু। তাহা পার্থিব মণিমুক্তা বা স্বর্ণ নহে যে, অগ্নিতে পুড়াইয়া বিগুঢ় করিতে হইবে। ইহা অপার্থিব, ইহা দেবতার দান!

আরও একটা কথা—বিশ্ব-সাহিত্যের সেই সর্বশ্রেষ্ঠ অমার্জনীয় মহাপাপী—পরাক্রমী, পরস্বাপহারী, পরদারগ্রাহী, একান্ত-ইন্দ্রিয়-পরায়ণ, ছুরাচার, দুর্বিনীত রাক্ষস—যাহার জন্ত অস্ততঃ আমাদের আহা বলিবার অধিকারটুকু নাই—সেই অমৃতপ্ত রাবণের শেষ-শয্যার পার্শ্বে দাঁড়াইয়া চন্দ্রাবতী তাহার জন্ত আমাদের এক ফোঁটা চক্ষের জল ফেলিবারও অধিকার দিয়াছেন; আমরাও তাঁহার প্রসাদে এই শাস্তিটুকু লইয়া ঘরে ফিরিতে পাইতেছি।

উত্তরকাণ্ড অযোধ্যায় প্রত্যাবর্তন। রাবণ-বধের পর পুস্পকা-রোহণে রাম সীতা চৌদ্ধ বৎসরের পর অযোধ্যায় ফিরিয়া



গেলেন। রামের অযোধ্যা রামকে পাইয়া আবার পূর্ণশ্রীতে ভরিয়া উঠিল। অযোধ্যার সে আনন্দ অবর্ণনীয়। বশিষ্ঠাদি কুলপুরোহিত ও পাত্রমিত্র সকলে মিলিয়া আবার অভিষেকের আয়োজন করিলেন। পূর্বাভিষেকে যে আনন্দ অর্দ্ধাবয়বে বিকাশ পাইয়া শরতের উষার মত অকাল-মেঘে ঢাকা পড়িয়াছিল—আজ তাহা দ্বিগুণ শোভা ও সৌন্দর্যে ভরিয়া উঠিল। কলস্বরূপ সরযু আবার গিরি-বনের কাণে কাণে রাম-সীতার আগমন-বার্তা গাহিয়া গদগদ নাদে উজান বহিল। সরযুর যে রেখাটি রাজ-অস্ত্রপূরের পাদমূল ধৌত করিয়া প্রবাহিত হইত, সীতার অলঙ্ক-রঞ্জিত পদের নুপুর-শিঞ্জিনী ও স্পর্শস্থ হারাইয়া আজ চৌদ্দ বৎসর অভিমানে তাহা শুকাইয়া গিয়াছিল,—সহসা তাহা কূলে কূলে ভরিয়া উঠিল। উল্লাসিতা অযোধ্যাবাসিনিগণ রাম সীতার মঙ্গল-কামনায় সরযু-তরঙ্গে আবার দীপ ভাসাইয়া দিলেন।

সীতার বারমাসী। চন্দ্রাবতীর রামায়ণে ইহা একটা কবিত্বময় অধ্যায়। সাতা চক্ষুর জলে ভাসিতে ভাসিতে গত জীবনের সুখ-দুঃখের কাহিনী সখিগণের নিকট ব্যক্ত করিতেছেন।

“সাত পাচ সখি বৈসে জোড় মন্দির ঘরে  
এক সখি কহে কথা জিজ্ঞাসে সীতারে  
তুমি যে গেছলাগো সাতা অশোক বন বাসে  
কোন কোন দুঃখ পাইলা কোন মাসে  
আমার দুঃখের কথা শুনিতে কাহিনী  
কহিতে কহিতে উঠে জলন্ত আগুনী—”

এই বারমাসী বর্ণনায় কেবল অশোক-বনের কথা নহে। হরধনুর্ভঙ্গ হইতে আরম্ভ করিয়া বনবাস ও অযোধ্যায় প্রত্যাবর্তন পর্যন্ত সমস্ত কাহিনী কবি নিজ চক্ষুর জলে সহজ সুললিত ভাষায় লিখিয়া গিয়াছেন। চন্দ্রাবতীর সমস্ত রামায়ণ অপেক্ষা এই অংশটিই অধিক পরিমাণে গীত হইয়া থাকে। উচ্ছ্বাস দমন করিতে না পারায় এই বারমাসীতে কবির অনেক পুনরুক্তি দোষ ঘটিয়াছে। হইলেও তাহা মহিলাগণের কাছে অত্যন্ত আদরের সামগ্রী।

অশোক-বনবাসের দুঃখপূর্ণ দিনগুলি বন্দিনী সীতা কিরূপ উৎকর্ষায় কাটাইয়াছেন, আমরা তাহার দুই একটা পদ মাত্র উদ্ধৃত করিতেছি। এই বারমাসী ধরিতে গেলে

একটি ষষ্ঠ-রামায়ণ। স্থানাভাবে ইহার নূতনত্ব সন্দেহে সবিস্তার আলোচনা করিলাম না।

বৈশাখমাসে—

“রাজা না অশোক পুষ্প ফুটিয়াছে ডালে  
এত দুঃখ অভাগিনী গো সীতার কপালে  
আমার কান্দনেরে ভাসে অশোক বন  
বৃক্ষডালে বইসা কান্দে পবন নন্দন”

এত দুঃখের পর আবার যুদ্ধের চিন্তা—কি জানি কি হয়—

“আজি শুনি ইন্দ্রজিতরে যাইবেক রণে  
প্রভু রামে কে রাখিবে রাক্ষসার বাণে”

পাশাখেলা—ইহাতে সীতার বনবাসের পূর্ব-স্মৃতি আনিয়া দিতেছে। এই পাশাখেলা চন্দ্রাবতী রামায়ণে একটা অভিনব ঘটনা।

“সুখবসন্তের কথা শুন সখীগণ।

রতন মন্দিরে রে কোশল্যানন্দন ॥

উপরে চান্দোয়া টাঙ্গায় গো নাচে শীতলপাটি।

রাম সীতা বসিলেন হাতে সোণার কাটি ॥

সুবনের গুটিতে গো ঘড় সাজাইয়া।

রামচন্দ্র খেলে পাশা সীতারে লইয়া ॥

লক্ষ্মীর সহিত পাশা গো খেলায় নারায়ণে।

ইন্দ্র যেন খেলায় পাশা শচীরাগীসনে ॥

মদনের সহিত যেমন গো পাশা খেলায় রত্নী।

হরের সহিত পাশা খেলায় পার্বতী ॥

অশোক কিংসুক চাম্পা সস্তার-শোভিত শীতল মন্দির  
হাস্ত-পরিহাসে জয়-মঙ্গলগীতে নুপুর-কুণ্ডে মুখরিত হইয়া  
উঠিয়াছে। চটুলা সহচরীগণ সোণার বাটার পান-গুয়া  
লইয়া— “চান্দেরে ঘেড়িয়া যেন তারার মণ্ডলী।”

পাশাখেলা আরম্ভ হইল। রামচন্দ্র প্রতিজ্ঞা করিলেন  
খেলায় সীতার জয় হইলে তাঁহার সর্বপ্রকার অতীষ্ট পূর্ণ  
করিবেন।

“পড়িল পাশার দান খেলিতে খেলিতে

হারিলেন রামচন্দ্র সীতাদেবী জিতে”

সীতা রামের নিকট অতীষ্ট বর প্রার্থনা করিলেন। সে  
বর আর কিছুই নহে—

“বহুদিন হইতে গো মোর আশা ছিল মনে।

আর বার যাইতাম আমি গো মূনি তপোবনে।

তমসা নদীর কথাগো সদা পড়ে মনে  
রাজহংস খেলা করে কমলের বনে  
প্রতি নিশি স্বপ্নে দেখিগো মূনির কন্যাগণে  
তোমার সঙ্কেতে যেন বেড়াই বনে বনে”

পঞ্চবটীর সেই কেকাধ্বনি-নিরত নৃত্যশীল ময়ূর-ময়ূরী, হরিণ-হরিনীকে সীতা তখনও ভুলিতে পারেন নাই। গোদাবরী-তরণে সস্তুরণশীলা রাজহংস সকল ও পদ্মবনের শোভা তাঁহার চক্ষের সম্মুখে চিত্রপটের মত বিলম্বিত হইয়া শোভা পাইতেছিল। স্বামীর হাত ধরিয়া অটবী-গুন্ড-পার্শ্বে বিচরণকারিণী সীতা অযোধ্যার রাজত্ববনে আসিয়াও প্রকৃতির অফুরন্ত সৌন্দর্য্য-ভাণ্ডারের কথা ভুলিতে পারেন নাই। বনসন্ধিনীদের কথা রহিয়া রহিয়া সীতার মনে পড়িতেছিল।

সীতা তখন অন্তঃসত্তা। এ অবস্থায় তাঁহার কোন কামনা অপূর্ণ রাখিতে নাই। রাম প্রিয়তমার অভিলাষ পূর্ণ করিতে কৃতসঙ্কল্প হইলেন।

“চন্দ্রা কহে দৈবের দুঃখ আর না যায় খণ্ডানি  
কি বর মাগিলে হায় জনকনন্দিনী!”

সীতার বনবাস। যে উত্তরকাণ্ডে সীতাচরিত্র চরম উৎকর্ষতা লাভ করিয়াছে, অনেকের মতে তাহা কবিগুরুর লেখনী-প্রসূত নহে। উত্তরকাণ্ডের যে অংশটি কবিগুরুর নামে চলিয়া আসিতেছে, তাহাতে সীতা-চরিত্রে সন্দেহ-বশে রামকে তেমন বিচলিত হইতে দেখি না। “তিনি জগৎ মধ্যে শুদ্ধ। তিনি আমার প্রতি প্রীতা হউন” এই বলিয়া রাম ক্রমা ভিক্ষা করিয়াছিলেন।

মহাকাব্যের নামকের উপযুক্ত কথা বটে। সাগর পর্কত অনন্ত আকাশ এ সব একরূপ স্বভাবের মহাকাব্য। এই সকল মহাকাব্যের স্রষ্টা বিশ্বস্রষ্টা স্বয়ং। এই সকল স্বাভাবিক মহাকাব্যের লক্ষণাক্রান্ত মনুষ্য-বিরচিত যে গ্রন্থ, তাহাই মহাকাব্য। যিনি এই মহাকাব্যের নামক তাঁহাতে থাকিবে মহাসাগরের মত অন্তলম্পর্শ বিশ্বপ্রেম; তিনি হইবেন পর্কতের মত অটল অচল—দৃঢ়চেতা উন্নত। তাঁহার হৃদয় হইবে ঐ অনন্ত আকাশেরই মত উদার-উন্মুক্ত। সাধারণ মানুষ হইতে তিনি থাকিবেন একটু স্বতন্ত্র। তিনি বীর অথচ আশ্রিত-পালক, সাহসী অথচ ধর্ম্মভীরু, দণ্ডদাতা অথচ ক্রমাশীল। কিন্তু সীতা-নির্কাসন-দাতা রামচন্দ্র সেই

মহাকাব্যের নামকের আসন হইতে স্থলিত-পদ হইয়া পড়িয়াছেন। তিনি সাধারণ মানুষের মতনই অল্পতেই বিচলিত, সঙ্কল্পমনা, লঘুচেতা।

বনচারিণী সীতা। কিন্তু এই রাম-চরিত্রকে দোষভূত করিয়া যিনি বনবাসিনী সীতার চরিত্র অঙ্কিত করিয়াছেন, তিনি কবিগুরুর মতনই আমাদের চক্ষে নমস্। সীতা-চরিত্র প্রধানতঃ দুই ভাগে বিভক্ত করা যাইতে পারে; একটি—পতি-সঙ্গে বনচারিণী সীতা; অপরটি পতি-পরিত্যক্তা বনবাসিনী সীতা। প্রথমটি অঙ্কিত করিয়াছেন—কবিগুরু স্বয়ং। দ্বিতীয়টি অঙ্কিত করিয়াছেন—তাঁহার কোনও লুপ্তনামা প্রতিভাশালী শিষ্য! যদি তাই হয়, তবে বলিতে হইবে—গুরুর সীতা অপেক্ষা শিষ্যের সীতা কাব্যাংশে বেশী ফুটিয়া উঠিয়াছে।

ধরিতে গেলে বনচারিণী সীতা দর্পণে প্রতিবিম্বিত ছায়ার মত কাহার অনুবর্তিনী—হাস্ত-ক্রন্দনশীলা। তাঁহার নিজের কোন সত্তা নাই। স্বথঃখ-বোধ নাই—তাঁহার আত্মোৎসর্গ ও ত্যাগশীলতা সাধারণ নারীরই মত। তাহাতে অসাধারণত্ব কিছুই নাই। পতিকে বনবাসে দিয়া কোন নারীই রাজ্য-সম্পদ লইয়া নিশ্চিন্তমনে ঐশ্বর্য্য উপভোগ করিতে পারেন না। এ স্থানে অতি সাধারণ নারী যাহা করিতেন, সীতা তদপেক্ষা বেশী কিছু করিয়াছেন বলিয়া আমাদের মনে হয় না। বিশেষ এই তমসা-গোদাবরীতটবিহারিণী চিরহাস্তময়ী সীতা—যিনি বনচারী পতির গলে বনমালায় মত শোভা পাইতেছেন, যিনি পুষ্পাভরণভূষিতা বনদেবীর মতন সকৌতুকে বনহরিনী ও নৃত্যশীলা ময়ূরীগণকে সখাভাবে কোল দিতেছেন, বনলতা ও বনপুষ্পকে আলিঙ্গনবদ্ধ করিয়া তরুগুন্ডপার্শ্বে বিচরণ করিতেছেন, তাঁহার সেই বনবাস-সুখের কাছে অযোধ্যার রাজসুখ অতি তুচ্ছ। এই বনচারিণী সীতাকে দেখিয়া আমাদের মনে ত একটুকুও দুঃখ হয় না। তবে অশোক-বনবাসের কথা—তাহাও বিরাট যুদ্ধোত্তমের কোলাহলে কাটিয়া গিয়াছে। এ সময়টা আমরা বন্দিনী সীতার দিকে ততটা মনোযোগ করিতে পারি নাই। বনবাসিনী সীতা,—এই তুলনা-রহিত নারী-চিত্রটি আমরা কোথায় পাইলাম? ঔদার্য্য, মাধুর্য্য, ধর্ম্মশীলতা, পতিপ্রাণতা প্রভৃতি যে সকল গুণের উপর নারীর নারীত্ব প্রতিষ্ঠিত, তাহার সবগুলি ফুটিয়াছে ঐ বনবাসিনী সীতাতে। তিনি

নিরপরাধে পতিকর্তৃক বনবাস-পরিত্যক্ত হইয়াও বিসর্জনের প্রতিমার মত অবিকৃত। পতিপ্রেমশীলা সূর্যামুখীর মত একমাত্র রামচন্দ্রের মুখপানেই চাহিয়া আছেন। তাঁহার বিদ্বেষ নাই, বিরক্তি নাই, উপেক্ষা নাই, অভিমান নাই, ক্রোধ নাই, দুঃখ নাই। এই শাস্ত্র সংযত বনবাসিনী সীতার চরিত্রে যিনি অঙ্কিত করিয়াছেন, তিনি কবিগুরু উপযুক্ত শিষ্য; এবং তাঁহারই সঙ্গে একাসনে বসিয়া আমাদের ভক্তির অর্ঘ্য পাইবার যোগ্য। উত্তরকাণ্ড রচিত না হইলে যে কেবল রামায়ণ অসম্পূর্ণ থাকিত তাহা নহে, সীতা-চরিত্রের একটি অত্যাৎকষ্ট অংশ অবিরচিত থাকিয়া যাইত। বনচারিণী সীতা বর্ণাঙ্ক, আর বনবাসিনী সীতা হৃদয়াঙ্ক। কবিগুরু অস্থি, মাংস, মেদ, মজ্জা দ্বারা সীতামূর্তি গড়িয়া তাহাতে প্রাণ-প্রতিষ্ঠা করিয়াছেন। কিন্তু হৃদয়ের মধ্যে যে হৃদয়-যন্ত্রা মানুষ মানুষ হইতে স্বতন্ত্র আসনে স্থান পাইয়া থাকে, সেই হৃদয়টুকু গড়িয়াছেন আমাদের উত্তরকাণ্ডের লুপ্তনামা কবি।

বনবাসিনী সীতা সম্বন্ধে বিভিন্ন দেশের কিংবদন্তী।—

গুরু সীতা অপেক্ষা শিষ্যের সীতা মানুষের হৃদয়ে সমধিক শ্রদ্ধার আসন অধিকার করিয়া লইয়াছে। এই জগুই বনবাসিনী সীতার মূর্তি ভারতে ভিন্ন ভিন্ন প্রদেশে কবি—ভিন্ন ভিন্ন ভাবে গড়িয়া পূজার মন্দিরে স্থান দিয়াছেন। বনবাসের কারণ সম্বন্ধে নানারূপ প্রবাদ কিংবদন্তীর সৃষ্টি হইয়াছে। পালা-গায়ক ও কথক-ঠাকুরদিগের মুখে নানারূপ শাখা-প্রশাখা ভিন্ন ভিন্ন প্রকারে গঠিত হইয়াছে। বনবাসিনী সীতার চিত্রিত-মাধুর্য-পূর্ণ নারীত্বই বোধ হয় ইহার একমাত্র কারণ। আমাদের কবি চন্দ্রাবতী অগ্নি-পরীক্ষার কথা বাদ দিয়া গিয়াছেন; কিন্তু বনবাসিনী সীতাকে ভুলিতে পারেন নাই। চন্দ্রাবতী রামায়ণে বনবাসের কারণ যেটুকু ভিন্ন আকার ধারণ করিয়াছে, আমরা নিম্নে তাহার উল্লেখ করিলাম।

চন্দ্রাবতীর সীতার বনবাস—

পাশাখেলার পর রামচন্দ্র চলিয়া গিয়াছেন। তিনি সীতার নিকট প্রতিজ্ঞাবদ্ধ। তপোবন-দর্শনাভিলাষিণী সীতার মনোরথ পূর্ণ করিবার জন্ত আজ দিনমানের মধ্যে তাঁহাকে সমস্ত আয়োজন ঠিক করিতে হইবে। স্বয়ং তিনিও সীতার সঙ্গে যাইবেন। এদিকে—

“শয়ন-মন্দিরে একা গো সীতা ঠাকুরাণী  
সোণার পাগড়’ পরে গো কুলের বিছানী  
চারিদিকে শোভে তার গো সুগন্ধি কমল  
সুবর্ণ ভঙ্গার ভরা গো সরযুর জল  
নানা জাতি ফুল আছে গো গন্ধেতে রসিয়া  
যাহা চায় তাহা দেয় গো সখিরা আনিয়া  
ঘন ঘন হাই উঠে গো নয়ন চঞ্চল  
অল্পেতে অবশ অঙ্গ গো মুখে উঠে জল  
উপকথা সীতারে শুনায় আলাপিনী  
এমন সময় আসল তথা কুকুয়া ননদিনী”

কুকুয়ার পরিচয়—

কাল সাপিনী কুকুয়া গো কাল কুটে ভরা  
সীতার সুখ দেখতে নারে গো এমন কপাল পোড়া  
কুরূপা কুৎসিতা সে যে গো হরস্ব মুখরা  
শিখাইয়া পালিয়া বড়গো কইরাছে মন্থরা  
কৈকয়ীর কণ্ঠা সে যে ছোট ভরতের  
রাজার ঘরে বিয়া হইয়া গো কপালের ফের

\* \* \* \* \*

বাতাসে করিয়া ভর গো পাতায় কোন্দল  
ঔষধ খাওয়াইয়া করছে স্বামীরে পাগল

এই কুকুয়ার চিত্র দেখিয়া লঙ্কার কালাগ্নি-রূপিনী  
সূৰ্পণখার কথা আমাদের মনে পড়ে। কুকুয়া ধরিয়া বসিল—  
বধু দয়া করিয়া রাবণের চিত্রটি আঁকিয়া দেখাও।

কুকুয়া বলিছে বধু গো মম বাক্য ধর  
কিরূপে বঞ্চিলা তুমি রাবণের ঘর  
দেখি নাই রাক্ষসে গো গুনিতে কাঁপে হিয়া  
দশ মুণ্ড রাবণ রাজা—দেখাও আকিয়া।  
মূচ্ছিতা হইলা সীতা গো রাবণ নাম গুনি  
কেহ বা বাতাস দেয়, কেহ মুখে পানি  
সখিগণ কুকুয়ারে করিল বারণ  
অনুচিত কথা তুমি গো বল কি কারণ  
রাজার আদেশ নাই গো বলিতে কু কথা  
তবে কেন ঠাকুরাণীর গো মনে দেও ব্যথা  
প্রবোধ না মানে গো কুকুয়া ননদিনী  
বার বার সীতারে বলায় সেই বাণী

সীতা বলিলেন—আমি সেই পাপিষ্ঠ রাক্ষসের পানে কখনও মুখ তুলিয়া দেখি নাই; কি করিয়া তাহার পাপ মূর্তি অঙ্কিত করিব? কিন্তু কুকুয়াও ছাড়িবার পাত্রী নহে। শেষে এই স্থির হইল হরনকালে সীতা সাগরজলে প্রতি-বিম্বিত রাক্ষসের যে ছায়া একবার বিদ্যাতের মত দর্শন করিয়াছিলেন, সেই ছায়া আঁকিয়া দেখাইবেন।—

তখন এড়াতে না পারে সীতা গো পাথার উপর  
আকিলেন দশমুণ্ড গো রাজা লঙ্কেশ্বর  
শ্রমেতে কাতর সীতা গো নিদ্রায় ঢলিল  
কুকুয়া তালের পাখা গো বুকুে তুলি দিল।

প্রিয়তমার কাছে প্রতিজ্ঞাবদ্ধ রাম তপোবন-যাত্রার উদ্যোগ লইয়া একটু ব্যস্ত হইয়া পড়িয়াছেন। এমন সময় দর্পিতা কুকুয়া আসিয়া বলিল—দাদা, তুমি কাকে ভালবাস—যে তোমার চোখের তারা, বুকুর নিধি, সে কি না আজ দশমুণ্ড রাবণ পাখাতে আঁকিয়া বুকুে করিয়া ঘুমাইতেছে। যদি বিশ্বাস না হয় স্বচক্ষে দেখিতে পার।

ধীরে ধীরে রাম শয়ন-মন্দিরে প্রবেশ করিলেন—

পঞ্চমাসের গর্ভ সীতাগো অলসে ঘুমায়ে  
তর্জনী হেলায়ে কুকুয়া রামেরে দেখায়।

রঘুকুলকমলিনী তখন অলসভাবে ফুল-শয্যার উপর পড়িয়া ঘুমাইতেছিলেন। তাহার বুকুর উপর দশমুণ্ড চিত্রিত পাখা! হায়, হায়—জানকী জানিতেন না যে, কুকুয়া কাল-সাপিনী এইরূপে তাঁহাকে শিয়রে বসিয়া দংশন করিবে।

তারপর সীতার বনবাস। ভিন্ন ভিন্ন প্রদেশে—এই সীতা-নির্কাসনের কারণ ভিন্ন ভিন্ন রূপ ধারণ করিয়াছে। জৈন রামায়ণে সীতার সতিনী তাহাকে এইরূপ চিত্র অঙ্কিত করিতে অনুরোধ করিয়াছিল। কাশ্মীর রামায়ণেও এই ধরণের কপাটা আছে। উড়িয়া অঞ্চলে সাধারণ শ্রেণীর মধ্যেও এইরূপ একটা বিশ্বাসের আবহাওয়া চলিয়া আসিতেছে। তাহাতে দেখা যায়—সীতা তালের পাখাতে রাবণের চিত্র অঙ্কিত না করিয়া শাড়ীর অঞ্চলে আঁকিয়াছিলেন,— এইমাত্র প্রভেদ।

এর পর চন্দ্রাবতীর কোনও ভনিতা আমরা খুঁজিয়া পাই না। সেই আকস্মিক দুর্ঘটনার পর চন্দ্রাবতীর কোমল হৃদয় ভাঙিয়া পড়ে। তিনি রামায়ণখানা সম্পূর্ণ করিয়া যাইতে পারেন নাই।

## কবি কৌশল্যা সুন্দরী

এর পর হইতে পাই কৌশল্যা সুন্দরীর ভনিতা। এই কৌশল্যা সুন্দরী কে? আমরা বহু চেষ্টায় তাঁহার জীবনের কোন একটি লহরী খুঁজিয়া লইতে পারি নাই। “কৌশল্যা সুন্দরী কান্দে সীতা বনে দিয়া” এই চরণটি দেখিয়া আমরা মনে করিয়াছিলাম ইনি হয় ত রামের মা কৌশল্যা হইবেন। কিন্তু আর একটি চরণে দেখিতে পাই—

“রাম ভজ রাম চিন্ত রামপদে আশ  
কৌশল্যা সুন্দরী গায় সীতার বনবাস”

নিঃসন্দেহ হইতে পারিলাম যে, ইনিও একজন মহিলা-কবি। কৌশল্যা সুন্দরী যে কেবল সীতার বনবাসের শেষাংশটুকু রচনা করিয়াছিলেন তাহা নহে; খুব সম্ভব রামায়ণের অগ্গাণ্ড ঘটনা অবলম্বনেও তিনি গীত রচনা করিয়াছিলেন। সংগ্রাহিকা মহিলাগণ চন্দ্রাবতীর গানের শেষাংশটুকু কৌশল্যার ভনিতা দ্বারা পূর্ণ করিয়া লইয়াছেন। হয় ত ইহার অনেকাংশ চন্দ্রাবতীর ভনিতার সঙ্গে মিলিয়া মিশিয়া এক হইয়া গিয়াছে। উভয়েই মহিলা-কবি, উভয়েই অনন্ত-সাধারণ কবি-প্রতিভা লইয়া জন্মগ্রহণ করিয়াছিলেন। চন্দ্রাবতীর কবিতার মত কৌশল্যার কবিতাও অমৃতের অলকানন্দা। সারলো, কারুণ্যে, উচ্ছ্বাসে তেমনি কুল-প্রাবী। কিন্তু দুর্ভাগ্যের বিষয়, কোন অজানিত দিবসে ময়মনসিংহের জলাভূমিতে এই মহিলা-কবি জন্মগ্রহণ করিয়াছিলেন, আবার কোন অজানিত দিবস-রজনীর মাঝখানে তিনি মাণ্ডিক সংসারের খেলা-ধূলি শেষ করিয়া মহাপ্রস্থান করিয়াছেন। হুই একটি কবিতার শেষ চরণে মাত্র তাঁর অশ্রময় স্মৃতিটুকু দেখিতে পাইতেছি। কবিগুরু মতনই তাঁর জীবন-স্মৃতি কোন নিশীথ বিজনের অঙ্ককারে বিশ্বতির বন্দীক-স্তূপে জন্মের মত ঢাকা পড়িয়া গিয়াছে। একটা প্রচলিত প্রবাদ কিংবদন্তী হইতেও আমরা তাঁহার জীবনের একটি লহরী খুঁজিয়া লইতে পারিলাম না।

## কৌশল্যা-কৃত সীতার বনবাসের শেষাংশ

স্বামী-বিরহ-বিধুরা উন্মাদিনী কখনও অতিমাত্র দুঃখে রোদন করিতেছেন, কখনও অতিমাত্র শোকে মুক ভাবে বসিয়া অশ্র-মার্জনা করিতেছেন। শিশিরাপ্লুত বনলতিকার মত তাঁহার সেই দুঃখশাস্ত ক্ষীণ মূর্তিটি দেখিয়া বনের পশু-পক্ষী

যোদনশীল হইয়া উঠিতেছে। উন্মাদিনীর মত কখনও নদীর তীরে ছুটিয়া গিয়া হা নাথ বলিয়া মুচ্ছিতা হইয়া পড়িতেছেন। সঙ্গিনী মুনি-কঙ্কাগণ সেই সঙ্ঘিতহারা অলস-বিবশ তমুটিকে আনিয়া কুশশয্যার স্থান দিতেছে। হায়, অযোধ্যার সোণার পালকে কুম্ভশয্যায় শুইয়াও যে দেহ কষ্ট অনুভব করিত, আজ তাহার শয্যা কি না ক্ষুরধার কুশদল! কুশ-কণ্টকে সীতার পদদ্বয় ক্ষত বিক্ষত হইয়া রক্তধারা অলঙ্করের মত শোভা পাইতেছে। হায়! এবার ত লক্ষণ সঙ্গে নাই—কে এই কুশ-কণ্টক উন্মোচন করিবে।

পঞ্চবটীতে স্বামীর বাহুমূল উপাধান করিয়া যে সীতা প্রত্যহ রজনীতে শয়ন করিতেন, আজ সেই আশ্রয়শীনা ব্রততী একাকিনী ভূতল-শয্যায় শায়িতা। সীতা কখনও বনভূমির শ্রামলতার পানে চাহিয়া চাহিয়া সেই নব-দুর্বাদল শ্রাম রূপ চিন্তা করিতে করিতে চক্ষু মুদ্রিত করেন—কখনও বা বনলতা হইতে শ্রামল পত্রাবলী সংগ্রহ করিয়া রাম মূর্তি নিৰ্ম্মাণ করিতে থাকেন। পত্রদলে অঙ্গপ্রত্যঙ্গ, অপরাজিতায় কেশ, নীলোৎপলে নীল নয়ন। অবিচয়িত পত্রপুষ্প চক্ষের জলে কলঙ্কিত হইয়া যায়। রজনীর সঙ্গে সঙ্গে সেই মলিন বাসি ফুলগুলি নদীর জলে নিক্ষেপ করিয়া সেই শ্রোত-পতিত পুষ্পাঞ্জলির পানে অনিমেঘে চাহিয়া থাকেন। সহসা অহুসকান-নিরতা মুনি-কঙ্কার ডাকে সীতার চমক ভাঙ্গিয়া যায়,—বিরহ-বিহ্বলা বনবাসিনী অলস পাদক্ষেপে সঙ্গিনীগণ সহ বনকুটীরে ফিরিয়া আসেন;—আবার ভোরে তেমনি ভাবে নূতন পত্র-পুষ্পদল সংগ্রহ করিয়া অনন্তমনে রাঘবের মূর্তি নিৰ্ম্মাণ করিয়া-পূজা করেন।

লবের জন্ম।—এইরূপে দিন যাইতে লাগিল। দশ মাস অস্ত্রে সীতা এক পুত্র প্রসব করিলেন। নামাকরণের দিন বান্দীকি স্বয়ং নাম রাখিলেন লব। পুত্র সর্বাংশে পিতার অনুরূপ হইল। বনবাসের অতিমাত্র হুঃখে এই নবজাত শিশুর মুখ দেখিয়া সীতাদেবী বনবাস-ক্লেশ ভুলিয়া গেলেন। মাঝে মাঝে একটা চিন্তা প্রসূতির মনে আসিত বটে—হায়! এ বালক যদি বনে না জন্মিয়া অযোধ্যার রাজভবনে জন্মগ্রহণ করিত! কিন্তু সীতা এর অধিক বেশী কিছু ভাবিতে পারিতেন না।

কুশের জন্ম।—প্রচলিত অশ্রুত রামায়ণে আছে—সীতা যমজপুত্র প্রসব করিয়াছিলেন; কিন্তু কৌশল্যাকৃত রামায়ণে

দেখিতে পাই—সীতা একমাত্র পুত্র প্রসব করিয়াছিলেন। কুশের কথাও আছে, কিন্তু অন্তরূপ।

মহর্ষি বান্দীকি বালক লবকে ধর্মুবিদ্যা শিক্ষা দিতে লাগিলেন। অশ্রুবিদ্যায় লব ক্রমে রামতুল্য পরাক্রান্ত হইয়া উঠিল। সীতা মাথার দিবা দিয়া লবকে সর্বদা মানা করিতেন যেন সে বনের পশু পক্ষীর প্রতি বাণ নিক্ষেপ না করে।

একদিন বালক লব মুনির জন্ত বনফল আহরণ করিতে চলিয়াছে। তাহার অব্যর্থ লক্ষ্য বৃক্ষের সর্বোচ্চ শাখাস্থিত ফলটিও বস্তুছিন্ন হইয়া কোলে আসিয়া পড়িতেছে। অকস্মাৎ বনভূমি-প্রান্তে এক সিংহ কোনও আসন্নপ্রসবা হরিণীর প্রতি ধাবিত হইল। তাহার লোল জিহ্বা, করাল-মূর্তি দেখিয়া আর্ত হরিণী প্রাণভয়ে বন ভাঙ্গিয়া দৌড়িয়া পলাইতেছিল। লব কিছুমাত্র না ভাবিয়া ধমুকে নাগপাশ অস্ত্র ঘুড়িয়া তৎক্ষণাৎ সেই সিংহের প্রতি ধাবিত হইল।

এদিকে সন্ধ্যা প্রায় হইয়া আসে—সীতা লবের অদর্শনে ক্ষিপ্তপ্রায় হইয়া উঠিলেন; মুনি-কঙ্কাগণ, যাহারা সীতা-সম্ভাষণে আসিয়াছিলেন, তাঁহাদেরও মধ্যে কেহ লবের বার্তা দিতে পারিলেন না। মহর্ষিও চিন্তিত হইয়া শেষে লবের অন্ত্রেষণে ছুটিলেন। বন-পথের এক স্থান রুধিরাক্ত দেখিয়া ভয়ে মুনির মন বিচলিত হইল। ব্যর্থমনোরথে তিনি যখন আশ্রমে ফিরিতেছিলেন, ঘন তমসায় বনভূমি-মুখ প্রায়াক্ষর করিয়া দিতেছিল;—মুনি ত একাকী কুটীরে ফিরিতেছেন। সীতা যখন লবের কথা জিজ্ঞাসা করিবেন, তখন উত্তর কি! কি বলিয়া বনভূমিনী মাকে সাস্বনা করিবেন!

“সাত পাঁচ ভাবি মুনি গো কোন কার্য্য করে।

পঞ্চ গাছি কুশ মুনি লইলেন তোলে ॥

কুশেতে পুতলা এক করিলা নিৰ্ম্মাণ।

মন্ত্র পড়ি মহামুনি গো দিলা সে জীবদান ॥”

মুনি-মন্ত্রে কুশ-পুতুলি লবের সম্পূর্ণ আকৃতি প্রাপ্ত হইয়া ধর্মুর্বাণ হস্তে তৎপশ্চাৎ নাচিয়া নাচিয়া ছুটিল। মহামুনিও আশ্বস্ত হইলেন।

এই নাও মা তোমার হুরস্ত ছেলে—সমস্তটা বন উহাকে খুঁজিতে খুঁজিতে হস্তরাণ হইয়া পড়িয়াছি। এই বলিয়া যাই মুনি কুশকে লইয়া সম্মুখে দাঁড়াইলেন—অমনি পশ্চাতে দাঁড়াইয়া লব—মা, মা বলিয়া ধর্মুর্বাণ মাটিতে রাখিয়া

মুনির চরণে প্রণাম করিয়া দাঁড়াইল—তাহার সঙ্গে একটি পাশবক্ক সিংহের শব্দেহ। সীতা অবাৎ। মুনি টিপি টিপি হাসিয়া বলিলেন—মা, আজ হতে তুমি যমজ পুত্রের জননী।

“কুশেতে গড়িলা শিশু নাম ধুইলা গো কুশী—”

লব কুশী মায়ের কোল ষড়িয়া বসিল। এইরূপে দিন যাইতে লাগিল—বালকহয় উপযুক্ত গুরু শিক্ষাধীনে অল্পদিন মধ্যে সর্ক-বিজ্ঞান পারদর্শিতা লাভ করিল। সঙ্গে সঙ্গে মহামুনি তাহাদিগকে পবিত্র রামায়ণ গান শিক্ষা দিতে লাগিলেন। বীণার ঝঙ্কারের সহিত সেই পবিত্র রাম-গুণগান শুনিতে শুনিতে বর্ষার মেঘের মত কত কথা সেই তপোবন তরুতলবাসিনী সীতার বৃকের মধ্যে জমিতে থাকিত। অশ্রু যখন অসংবরণীয় হইয়া উঠিত, তখন মুক্তাবিন্দুর মত গড়াইয়া কুটার-প্রাঙ্গণের দুর্বাদলকে সিক্ত করিয়া দিত। সীতা তখন বঙ্কলাঞ্চলে চক্ষু মুছিয়া, প্রকৃতিস্থ হইতে চেষ্টা পাইতেন—পাছে লবকুশী দেখে।

কিন্তু লব কুশীর চোখ কিছুতে এড়াইতে পারিতেন না। সময় অসময় নাই—দুই ভাইয়ে মায়ের গলা জড়াইয়া ধরিয়া বলিত, মা, সব সময় তুই এমনিধারা কাঁদিস্—বল্ না মা, তোর কি দুঃখ—আমরা দুই ভাইয়ে তোর দুঃখ দূর করে দেব। সীতা লবকুশীকে প্রবোধ দিতেন, কিন্তু নিজে প্রবোধ পাইতেন না।

“তোরা পুত্র থাকতে বাছারে মোর কিসের দুখ  
বলিতে কহিতে গো সীতার শুকাইত মুখ”

এক দিন মাকে কাঁদিতে দেখিয়া লবকুশী বলিল, মা, আমরা রামায়ণ গাইতে শিখিয়াছি। মুনি বলিয়াছেন এই গান যে শুনে, তার শোক তাপ জ্বালায়ন্ত্রণা কিছুই থাকে না। শিশুহয়ের যুগল বীণা মায়ের দুঃখ দূর করিবার জন্ত যখন ঝঙ্কার দিয়া উঠিত, সেই সঙ্গে মিশিত তরুণ করুণ কণ্ঠ দুটি। অভাগিনী তখন আর চক্ষের জল সামলাইতে পারিত না।

“লব বলে কুশী ভাইরে আর গান গা  
এই গান শুনিলে কান্দে অভাগিনী মা”

কারণ কি! এক দিন কুশী স্পষ্টাক্ষরে মাকে জিজ্ঞাসা করিল—আমরা যে রামায়ণ গান করি, তাহাতে আছে—অযোধ্যার মহারাজ রামচন্দ্র বিনাদোষে সীতাদেবীকে বনবাসে পাঠিয়েছেন! তোর নামও ত সীতা,—হাঁ মা, তুই কি সেই সীতা? বাস্পবিজড়িতকণ্ঠে সীতা ‘না’ বলিতে যাইতেছিলেন—মুখে কথা ফুটিল না, মুচ্ছিত হইয়া পড়িলেন।

ইহার কিছুদিন পরই অযোধ্যা হইতে রাজসূয় যজ্ঞের নিমন্ত্রণ আসিল। এই স্থানে আরও একটি কথা বলা আবশ্যিক। কি কারণে জানি না—মেয়েলী সঙ্গীতে আমরা কোথাও লবকুশের যুদ্ধ-বৃত্তান্তের উল্লেখ পাইতেছি না।

এই পিতা-পুত্রের যুদ্ধের কথা অনেক রামায়ণেই আছে। পালা-গায়কগণ এই কাহিনীটি লইয়া বাস্তবিক আশ্রমের অনতিদূরে একটা বিরাট লঙ্কাকাণ্ড বাধাইয়াছেন; তাহাতে রাম লক্ষণ ভরত শত্রুঘ্ন বিভীষণাদি সকলে শিশুরূপে নিপতিত। লঙ্কাকাণ্ডে রাবণের যে দশা,—এ যুদ্ধে রামচন্দ্রাদিরও সেই দশা।

এই পিতা-পুত্রের যুদ্ধ শেষে সংক্রামক ব্যাধির মত, পরবর্তী পুরাণ সকলে ব্যাপ্ত হইয়া পড়িয়াছে। লবকুশের অস্থিমজ্জা লইয়া মণিপুরের অর্জুন-বিজয়ী বক্রবাহনের সৃষ্টি হইয়াছে। আধুনিক কোন পুরাণে শ্রীরাধিকার যমজ পুত্রহয়ের হস্তে নারায়ণী সেনাসহ শ্রীকৃষ্ণ বলরামকে পরাজিত বিধ্বস্ত হইতে দেখিতে পাই। খুঁজিলে এরূপ অমুকরণ হয় ত আরও অনেক মিলিতে পারে।

এর মধ্যে এক দিন মুনি আসিয়া সীতার কাছে লবকুশকে ভিক্ষা চাহিলেন—

“দে মা তোর পুত্র দুটি সঙ্গে লইয়া যাই”

মুনির ইচ্ছা, তিনি বালকহয়কে যে রামায়ণ শিক্ষা দিয়াছেন, অযোধ্যার রাজসভাসদকে তাহা শুনাইয়া আসেন। কিন্তু সীতা সহসা সে প্রশ্নের উত্তর দিতে পারিলেন না। তাঁহার হৃদয়ের মণি বৃকের নিধি হ্রস্ব লবকুশীকে দিয়া কি লইয়া ঘরে থাকিবেন! এই দু’টি শিশু—যাদের মুখ চাহিয়া সীতা বনবাস দুঃখ কিয়ৎপরিমাণে পাশরিতেছিলেন! তিনি মহর্ষির চরণে কাঁদিয়া পড়িলেন। তাঁহার ইচ্ছা অন্ততঃ একজন কাছে থাক। লব বলিল, আমি মা’র কাছে থাকি, কুশী যাক। সীতা বলিলেন—আচ্ছা তাই হউক, লব থাক, কুশীকে আপনি সঙ্গে লইয়া যান।

চটপটে কুশী ছাড়িবার পাত্র নহে। সে বলিল, মা, আমরা রামায়ণ গাই। তাতে আছে রামের মাতা কৈকেয়ী ভরতকে রাজ্য দিবার জন্ত রামকে চক্রান্তক্রমে বনে পাঠাইয়াছিলেন। আজ দেখুছি আমার ভাগ্যেও সেই দশা!

“যেমন বন হইল অযোধ্যা গো রাম হইলাম আমি।  
ভরত হইল লব দাদা আর কৈকেয়ী হইলা তুমি ॥”

ষাট বলিয়া সীতা কুশকে টানিয়া কোলে নিলেন—তাঁহার দুই চক্ষের জলে কুশীর জটাভার ভিজিয়া গেল। স্থির হইল—দুইজনেই মুনির সঙ্গে যাইবে।

তার পর শিশুহয়ের অযোধ্যায় গমন—সীতাদেবীর পাতাল প্রবেশ—এ সবে কোনও নূতন স্ব বিশেষ নাই।

আমরা যথাসাধ্য চন্দ্রাবতী ও কোশল্যাকৃত মেয়েলী সঙ্গীতের আলোচনা করিলাম। কৃত্তিবাসাদি বঙ্গীয় সাহিত্য-কল্পতরুগণের পার্শ্বে এই পুণ্য তুলসী দুটি কোথায় স্থান পাইবে, তাহার নির্দেশ বিশেষজ্ঞের হাতে।

## মিলন-পূর্ণিমা

ডাক্তার শ্রীনরেশচন্দ্র সেনগুপ্ত এম-এ, ডি-এল্

( ২১ )

নিত্যরঞ্জন চলিয়া গেলে, অনেক দিন পর্য্যন্ত রেখা তার কোনও চিঠি পাইল না। সে উৎকণ্ঠিত হইয়া রোজ ডাকের চিঠি আসিলে ছুটিয়া যাইত নিত্যরঞ্জনের একখানা চিঠির আশায়—রোজ সে নিরাশ হইয়া ফিরিত।

শেষে সে হতাশ হইয়া পড়িল। সে স্থির করিল, নিত্যরঞ্জন সৌরীনের কোনও সন্ধানই করিতে পারে নাই—কোনও সন্ধান তার পাওয়া যাইবে না। এ কথা ভাবিতে তার জীবনের নিদারুণ নিঃসঙ্গতা যেন তার চারিদিক দিয়া হাহাকার করিয়া উঠিল।

ভালবাসিবার এবং ভালবাসা পাইবার তৃষ্ণায় তার অন্তর ছট-ফট করিতেছিল, সে আকুল অনুসন্ধান বিস্তারিত ভিতর এমন বস্তু খুঁজিয়া পাইল না যে, তাহার এই তৃষ্ণা পরিতৃপ্ত করিতে পারে। মনের তলা পর্য্যন্ত অনুসন্ধান করিয়া সে দেখিতে পাইল যে, তার সমগ্র জীবন, সমস্ত অন্তর একটা আদি-অন্তহীন বিরাট অতিকায় শূন্য,—তার সঙ্গে মুখোমুখি হইয়া সে অস্থির হইয়া উঠিল। তার জীবনের এ শূন্যতাবোধে তার শক্তি অবসন্ন, সংবিলম্বিত হইয়া পড়িল।

এমন সময় তাকে চিত্তের আসন্ন পক্ষাঘাত হইতে রক্ষা করিল একটি ছোট্ট শিশু। হাঁসপাতালে একটি নারীর মৃত্যু হইয়াছিল—তার কেউ ছিল না, ছিল কেবল একটি দুগ্ধপোষ্য কন্যা। মেয়েটি যেন স্বর্গভ্রষ্টা পরী! রেখা এ মেয়েটির সন্ধান পাইয়া ছুটিয়া গেল। হাঁসপাতালের কর্তৃপক্ষ আনন্দের সহিত এই মাতৃহীনা কন্যাকে রেখার হাতে সমর্পণ করিয়া দিলেন।

রেখার অন্তরের সকল নিরুদ্ধ প্রীতি উচ্ছ্বসিত হইয়া এই ছোট্ট মেয়েটির উপর বস্ত্রার মত ছুটিয়া পড়িল। তার বঞ্চিত মাতৃ-হৃদয় আকুল আবেগে এই শিশুটিকে বুকের

ভিতর জড়াইয়া ধরিল। কোনও জননী বুঝি তার গর্ভমাতা সন্তানকে এত ভালবাসে নাই, এমন আপনার করিয়া দেখে নাই।

সে তার নাম রাখিল লতা। লতার মত এই শিশুটি তার সমস্ত চিন্তা বেষ্টন করিয়া তার গুহ কাণ্ড এক অপূর্ব রসে আপ্নত করিয়া দিল। পল্লী হইবার সৌভাগ্যে বঞ্চিত হইয়া রেখা মাতৃস্নেহ তার চরম সার্থকতা উপভোগ করিল।

ইহার দুই মাস পরে রেখা নিত্যরঞ্জনের পত্র পাইল। নিত্যরঞ্জন লিখিয়াছে যে সৌরীন ময়মনসিংহে গিয়া কাপড় ও জুতার কারবার করিয়াছিল এবং তাহাতে অনেক ঋণগ্রস্ত হইয়া সে ফেরার হইয়াছে। তার নামে দশ হাজার টাকার ডিক্রী হইয়াছে।

সংবাদ শুনিয়া রেখা প্রথমে হাসিয়া উড়াইয়া দিল। সৌরীন গভর্ণমেন্টের এত বড় চাকরী ছাড়িয়া গিয়া ময়মনসিংহে জুতা ও কাপড়ের দোকান করিবে, এবং শেষে পাওনাদারদিগকে ঠকাইয়া পলায়ন করিবে, তাহা তার কাছে একেবারেই অবিশ্বাস্ত বলিয়া মনে হইল।

কিন্তু ক্রমে তার মনে হইল যে, কথাটা হয় তো সত্য হইতেও পারে। না হইলে নিত্যরঞ্জনের তাহাকে অবধা এ মিথ্যা সংবাদ দিবার কোনও হেতু নাই। যদি সত্য হয়, তবে কি ভয়ানক কথা এ! এমন একটা প্রকাণ্ড চরিত্রের এই নির্মম পরিণতি! তার মনের ভিতর ধ্বনিত হইয়া উঠিল—সৌরীনের অপহৃত জীবনের মর্মান্তিক আর্ন্তনাদ, তার আশা-ভঙ্গের নিদারুণ জালা। মনে হইল, সৌরীনের এ পরিণতির উত্তর দায়ী সে নিজে। সে যদি দারুণ অহঙ্কারে উন্মত্ত হইয়া না উঠিয়া সৌরীনকে আপনার করিয়া লইত, তবে তো সে মরিয়া হইয়া এমন ভাবে আপনার সর্বনাশ করিতে পারিত না। রেখা যে প্রেমে

অভিযুক্ত করিয়া তাহার চিত্ত শাস্ত করিয়া রাখিতে পারিত, তার ভিতরকার আশার দীপ নিরন্তর উৎসাহ দানে প্রদীপ্ত করিয়া রাখিতে পারিত। সৌরীনের সকল ভার গ্রহণ করিয়া গৃহপত্নীর অধিকার প্রচার করিয়া সে তাহাকে অতীষ্টসিদ্ধির পথে পরিচালিত কেন করিল না।

ব্যথায় তার অন্তর ভাঙ্গিয়া পড়িল। নিদারুণ আত্ম-তিরস্কারের কশাঘাতে সে ছটফট করিতে লাগিল। তার সমস্ত হৃদয় সৌরীনের মানস-মূর্তির পায়ের তলায় লুটাইয়া পড়িয়া অনুশোচনার গড়াগড়ি যাইতে লাগিল।

প্রথমে সে হতাশায় ডুবিয়া গেল। পরে তার মনে হইল এখনো তো তার কর্তব্য আছে, এখনও হয় তো সৌরীনকে পাওয়া যাইতে পারে। দশ হাজার টাকা সৌরীনের দেনা। সে দশ হাজার টাকা তো রেখা সংগ্রহ করিয়াছে—ঋণ মুক্ত হইলেই সৌরীন ফিরিয়া আসিবে—আবার নূতন উত্তম সে প্রতিষ্ঠার পথে অগ্রসর হইবে।

যাহা হউক, এখন সৌরীনের সন্ধান করিবার কোনও চেষ্টা না করিয়া, কেবল শাস্ত ভাবে বসিয়া মেয়েদের পড়া শিখান তার পক্ষে অসম্ভব হইয়া উঠিল। তার ব্যথিত ব্যাকুল চিত্ত প্রচণ্ড বেগে ছুটিয়া চলিল ময়মনসিংহে সৌরীনের কর্মক্ষেত্রে।

\* \* \* \*

নিত্যরঞ্জন কলিকাতায় থাকে তার সেবাসভ্যের কর্মীদের সঙ্গে। তেতলার একখানা ছোট ঘর, তার ভিতর আসবাবের ভিতর আছে শুধু একখানা তক্তপোষ ও একটা পাইন কাঠের টেবিল ও দুখানি চেয়ার। বিছানা কি আসবাব কোনও কিছুর মধোই কোনও সৌষ্ঠব সম্পাদনের কোনও চেষ্টাই তার নাই।

অনেক টাকা তার হাত দিয়া আনাগোনা করে; কিন্তু তার একটি পয়সাও নিত্যরঞ্জন নিজের সুখ-সুবিধার জন্ত খরচ করে না। তার নিজের যা টাকাকড়ি আছে, তাহাও সে সম্পূর্ণ নিজের কাজে খরচ করে না। অভাব যথাসাধ্য কমানিয়া, নিজে অত্যন্ত দীনভাবে থাকিয়া, সে তার যথাসর্বস্ব ব্যয় করে তার সজ্জের কাজে। কিন্তু তার এই ত্যাগ ও বৈরাগ্যের ভিতর একটা প্রকাণ্ড অহঙ্কার আত্মোপাস্ত জড়াইয়া আছে। সে যে সর্বত্যাগী বৈরাগী,

ইহাই তার প্রধান অহঙ্কার,—এ কথা বলিয়া এবং ভাবিয়া সে পরম আনন্দ লাভ করে।

নিজের বেশ-ভূষা সম্বন্ধেও সে একান্ত উদাসীন। তিন দিন তার ক্ষোর-কার্য্য করা হয় নাই। লম্বা লম্বা চুলগুলির ভিতর চিরুণী-বুরুষের প্রবেশ নিষেধ। এমনি বাহু দীনতা ও অপরিচ্ছন্নতার ভিতর তার অন্তরে বিরাজ করে একটা বিশ্বব্যাপী বিরাট অহঙ্কার।

সেদিন নিত্যরঞ্জন তার ঘরটিতে বসিয়া সজ্জের কাজ করিতেছিল। এমন সময় হঠাৎ একটি কর্মীর সঙ্গে ঘরে আসিয়া প্রবেশ করিল রেখা।

চমকিত হইয়া নিত্যরঞ্জন আসন ছাড়িয়া উঠিয়া দাঁড়াইল। হঠাৎ তার গৃহের দৈন্ত ও অশোভনতা তাকে লজ্জায় যেন অভিভূত করিল। তার বৈরাগ্যের অহঙ্কারের ভিতর তার সে কোনও আশ্রয় লাভ করিতে পারিল না। সে অত্যন্ত লজ্জিত কুণ্ঠিত ভাবে দাঁড়াইয়া রহিল। এই দীনতার আবেষ্টনের ভিতর ওই গৌরবময়ী নারী-মূর্তিকে সে আমন্ত্রণ করিয়া লইতে পারিল না,—সে রেখাকে বসিতে বলিতেও কুণ্ঠিত হইল।

রেখাও লজ্জিত ভাবে তার আবেগভরা শুষ্ক মুখখানি নীচু করিয়া কিছুক্ষণ নীরবে দাঁড়াইয়া রহিল। যে কর্মী যুবক তাহাকে এ ঘরে লইয়া আসিয়াছিল, সে চেয়ারখানা বাড়াইয়া দিল,—রেখা তাহাতে অবসর ভাবে বসিয়া পড়িল।

নিত্যরঞ্জন দেখিতে পাইল যে, এই কয় দিনের মধ্যে রেখা যেন শুকাইয়া আধখানা হইয়া গিয়াছে। নিত্যরঞ্জনের মনটা ইহাতে ব্যথিত হইয়া উঠিল। তার চিঠি পাইয়াই সে রেখার এ দশা হইয়াছে, তাহা বৃত্তিতে নিত্যরঞ্জনের বিলম্ব হইল না। রেখার এ করুণ মূর্তি দেখিয়া তাই তার বড় অনুতাপ হইল—কেন সে এই কোমল-হৃদয়া নারীকে এ মর্মান্তিক সংবাদ জানাইতে গিয়াছিল? সে কিছু না লিখিলে তো রেখা ইহার চেয়ে স্বস্তিতে থাকিতে পারিত!

অনেকক্ষণ পর রেখা প্রথম কথা কহিল। বাগ্মী নিত্যরঞ্জনের রসনায় যেন কে পাথরের বোঝা চাপাইয়া দিয়াছিল।

রেখা বলিল, “আমি আপনাকে আবার কষ্ট দিতে এলাম।” বলিতেই তার চক্ষু জলে ভরিয়া উঠিল। টস্



টস্ করিয়া ছই ফোঁটা চোখের জল গণ্ড বাহিয়া গড়াইয়া পড়িল।

নিত্যরঞ্জনের হৃদয়ে একটা সম্পূর্ণ অজ্ঞাতপূর্ব ব্যথার আক্কেভ আরম্ভ হইল। অপূর্ব লাষণামণ্ডিত এই নারীর এ দুঃখ দেখিয়া সে অস্থির হইয়া উঠিল। তার যেন মনে হইল যে, ইহার দুঃখ দূর করিবার জন্ত সে অসাধ্য সাধন করিতে পারে।

ব্যস্ত হইয়া নিত্যরঞ্জন বলিল, “বলুন, কি ক’রতে হ’বে আমার।”

“আপনি যদি দয়া ক’রে একবার আমার সঙ্গে ময়মন-সিংহে যান তবে—”

তার আর কিছু বলা হইল না,—মনে হইল, যেন আর কথা বলিতে গেলে সে একেবারে ভাঙ্গিয়া পড়িবে।

নিত্যরঞ্জন বলিল, “বেশ তো, চলুন। কবে যেতে হ’বে?”

“আমি আজই যেতে চাই, যদি আপনার সুবিধা হয়।”

নিত্যরঞ্জন বলিল, “আমার সব সময়েই সুবিধা। ভব-ঘুরে মানুষ আমি—ঘুরে বেড়ানই আমার ব্যবসা।”

তার পর সেই রাত্রেই ময়মনসিংহ যাত্রা করা স্থির করিয়া রেখা নিত্যরঞ্জনের কাছে বিদায় গ্রহণ করিল। নিত্যরঞ্জন নীচে গিয়া গাড়ীর দরজা পর্য্যন্ত তার প্রত্যাগমন করিল।

গাড়ীতে বসিয়া ছিল আয়ার কোলে লতা। রেখাকে দেখিয়া সে হাত বাড়াইয়া তাকে মা বলিয়া ডাকিল। রেখা তাকে কোলে করিয়া চুমা খাইয়া গাড়ীতে উঠিয়া বসিল।

নিত্যরঞ্জনের মুখ হঠাৎ অন্ধকার হইয়া উঠিল। রেখার মেয়ে! তবে কি তার বিবাহ হইয়াছে?—না—? ভাবিতে নিত্যরঞ্জনের মাথার ভিতর হঠাৎ আশ্বিন ছুটিল। তার ভয়ানক রাগ হইল রেখার উপর। এই সে! আর ইহারই উপর নিত্যরঞ্জনের এত করুণা হইয়াছে।

নিত্যরঞ্জন মনে মনে স্থির করিল—রেখার বিবাহ হইয়াছে, এবং লতা তার গর্ভজাত সন্তান। ইহাতে তার রাগ হইবার কোনও গ্ৰাসঙ্গত কারণ নাই, তবু তার রাগ হইল। কেন হইল, তাহা নিত্যরঞ্জন তলাইয়া বুঝিবার চেষ্টা করিল না! শুধু তার রাগ হইল; তার মনে হইল—এই নারীর সৌরীন সম্বন্ধে এই আগ্রহ একটা প্রকাণ্ড ভণ্ডামী।

আসল কথা এই যে, রেখার এই বিবাদ-ক্লিষ্ট মূর্তি নিত্যরঞ্জনের বঞ্চিত নিষ্পেষিত যৌবনকে হঠাৎ জাগাইয়া তুলিয়া, তাহার সেবায় একাগ্র ও উন্মুখ করিয়া তুলিয়াছিল। এই সেবার আকাঙ্ক্ষার তলায় যে সুশুভ প্রেমের প্রথম নিঃশ্বাস প্রবাহিত হইয়াছিল, তাহার উপর এই ক্ষুদ্র শিশুটি দারুণ আঘাত করিয়া নিত্যরঞ্জনকে পীড়িত করিয়া তুলিল। কিন্তু নিত্যরঞ্জন তাহা বুঝিল না। সে শুধু রাগে ফুলিতে লাগিল।

সেই দিন রাত্রে সে শিখালদহ ষ্টেশনে গিয়া রেখার প্রতীক্ষা করিতে লাগিল। এই প্রতীক্ষার ভিতর যে একটা চঞ্চলতা ছিল, তাহা নিত্যরঞ্জনের পক্ষে একান্ত অস্বাভাবিক। রেখার বিলম্ব দেখিয়া সে ছট্ ফট্ করিতে লাগিল, আর ক্রমেই রেখার উপর রাগ বাড়িতে লাগিল। কিন্তু যখন রেখা হঠাৎ আসিয়া একটা করুণ ম্লান হাসি হাসিয়া কৃতার্থতার সহিত বলিল, “এই যে আপনি এসেছেন।” তখন তার হৃদয়ের সমস্ত মলিনতা ও উদ্বেগ দূর হইয়া সহসা সমগ্র অস্তুর যেন জ্যোৎস্নায় উদ্ভাসিত হইয়া উঠিল।

রেখা একলা আসিয়াছে—তার মেয়েটি সঙ্গে নাই।

ইন্টারমিডিয়েট ক্লাশের মেয়ে কামরায় তাকে উঠাইয়া দিয়া নিত্যরঞ্জন বলিল “আপনার মেয়ে কোথায়? তাকে নিয়ে এলেন না?” এ প্রশ্নটা তার মনের ভিতর গোড়া হইতেই খোঁচা দিতেছিল,—কিন্তু কিছুতেই সে এতকণ এ কথা জিজ্ঞাসা করিতে পারিতেছিল না।

রেখা বলিল, “তাকে মার কাছে রেখে এলাম। ক’ দিনই বা হ’বে আমাদের?”

—তবে তাই ঠিক! এটি তবে রেখারই মেয়ে! রেখা বিবাহিতা! কিন্তু কি বেহায়া! আর এর স্বামীটা কি ভেড়া। সে তার যুবতী স্ত্রীকে এমনি একলা পথে ছাড়িয়া দিয়াছে,—আর সে নিঃসঙ্কেচে একটা পরপুরুষের সঙ্গে দেশ-দেশান্তর ঘুরিতেছে। এই পাশ-করা মেয়েদের ক্ষুরে নমস্কাব। এরা সব করিতে পারে!—এমনি সব কথা অত্যন্ত অসংলগ্ন ভাবে নিত্যরঞ্জনের মনে হইতে লাগিল, আর সে রাগে ফুলিতে লাগিল।

( ২২ )

ময়মনসিংহে গিয়া রেখা জানিতে পারিল, নিত্যরঞ্জন কেবলই একটা উড়ো খবর পাইয়া সৌরীনের নামে মিথ্যা

কলঙ্ক দিয়াছে। সৌরীনের দোকানের প্রকৃত অবস্থা শুনিয়া তার অন্তর আনন্দে আপ্লুত হইয়া উঠিল। সৌরীন হুঃখ পাইয়াছে, নিরাশায় হয় তো ভাঙ্গিয়া পড়িয়াছে, কিন্তু তার গৌরবের আসন হইতে এক ধাপও নামিয়া যায় নাই। ইহাতে সে এতটা তৃপ্তি লাভ করিল যে, সে নিত্যরঞ্জনের উপর রাগ করিতে ভুলিয়া গেল।

সৌরীনের দেনার খবর লইয়া জানা গেল যে, তার নামে যে দশ হাজার টাকা ডিক্রী হইয়াছে, তার বেশীর ভাগই ভূমি—যাদের টাকা সৌরীন সম্পূর্ণ পরিশোধ করিয়া গিয়াছে, তাহারাও তার নামে একতরফা ডিক্রী করিয়া রাখিয়াছে। তার প্রকৃত দেনা মাত্র সাত প্রায় হাজার দুই টাকা। সে টাকা সে তার নিজের একজন দেনদারকে বরাত দিয়া গিয়াছিল, সে ফেরার হইয়াছে।

নিত্যরঞ্জন ময়মনসিংহে আসিয়াই তার ও সৌরীনের এক বন্ধু উকীলের সন্ধান করিয়াছিল। সেই উকীলটি অনেক খাটিয়া এ বিষয়ে অনুসন্ধানাদি করিয়া সমস্ত ডিক্রী আড়াই হাজার টাকা দিয়া মিটাইয়া দিল।

ব্যাপার শেষ হইলে নিত্যরঞ্জন তার উকীল, বন্ধুটির সামনে একদিন রেখাকে বলিল, “আমার বিশ্বাস ছিল যে, উকীল জাতটা সমাজের একটা অনাবশ্যক ব্যাধিবিশেষ,—এখন দেখা গেল যে তাদের দিয়াও লোকের উপকার হয়।”

উকীল বন্ধু বলিলেন, “আশীর্বাদ করি, যেন তোমার নিজের কোনও দিন আবার নুতন ক’রে এ অভিজ্ঞতা লাভ ক’রতে না হয়।”

এই সব ব্যাপারে তাদের প্রায় পোনেরো দিন কাটিয়া গেল। এ কয়দিন রেখা ডাক-বাজলায় ছিল,—নিত্যরঞ্জনকেও কাজেই সেইখানেই থাকিতে হইয়াছিল।

এই পোনেরো দিন দুইজনে অক্লান্ত ভাবে পরিশ্রম করিয়াছিল—সৌরীনের ব্যাপারটা পরিষ্কার করিবার জন্ত। সব সময় তারা সেই আলোচনায় আর সেই সম্বন্ধে অনুসন্ধানে এত তন্ময় ছিল যে, তাদের আর কিছু ভাবিবার অবসর ছিল না।

যখন এ বাসা ভাঙ্গিবার প্রয়োজন হইল, তখন নিত্যরঞ্জনের মনের ভিতরটা একটা সম্পূর্ণ নুতন ধরণের বেদনা অনুভব করিল। এত দিন নিত্যরঞ্জন তার সেবা-সম্বল লইয়া মত্ত হইয়া ছিল,—সেই ছিল তার ধ্যান-জ্ঞান—সেই তার

তপস্যা। কিন্তু এ পোনেরো দিন তার সজ্জ্বর কথা একবারও মনে হয় নাই, কিম্বা এই কাজে এক কোঁটা ক্লান্তি সে বোধ করে নাই। একটা আনন্দের স্বপ্নের ভিতর দিয়া তার এ কটা দিন কাটিয়া গিয়াছে। আজ এ সুখস্বপ্নের আসন্ন ভঙ্গের সময় তার মনটা আকুল হইয়া উঠিল।

সে আর এ কথাটা নিজের কাছে গোপন করিতে পারিল না যে, এই পোনেরো দিনের নিরন্তর সাহচর্যে সে রেখাকে একান্ত ভাবে কামনা করিতে আরম্ভ করিয়াছে। এই কাজটির অবসরে রেখার পেলব হৃদয়ের সব কটি কোমল পাপড়ি এমন পরিপূর্ণ রূপে খুলিয়া তার চোখের সামনে ভাসিয়া উঠিয়াছিল যে, তার পক্ষে রেখাকে ভাল না বাসিয়া উপায় ছিল না। তাই আজ আসন্ন বিচ্ছেদের বেদনায় নিত্যরঞ্জন চঞ্চল হইল। কিন্তু সে চঞ্চলতা প্রকাশ হইল আত্মনিপীড়নের একটা প্রচণ্ড নিদারুণ চেষ্টায়। রেখাকে সে একান্ত ভাবে কামনা করে বলিয়াই যেন সে তাকে ঘৃণা করিতে লাগিল,—তাকে আদর করিয়া বুকে টানিয়া লইতে ইচ্ছা করে বলিয়াই সে আপনাকে তাহা হইতে যথাসম্ভব তফাৎ রাখিতে লাগিল। পাছে কথার কোনও ফাঁকে তার মনের কোমলতা প্রকাশ পায়, সেই আশঙ্কায় রেখার প্রতি তার বাক্য ও ব্যবহার প্রায় রুঢ় হইয়া উঠিল।

বৈকালে রেখা গিয়াছিল তার এক নারী-বন্ধুর কাছে—সে ময়মনসিংহ স্কুলের শিক্ষয়িত্রী; ফিরিতে তার সন্ধ্যা হইয়া গেল। নিত্যরঞ্জন একা বসিয়া তার প্রতীক্ষা করিতে করিতে ছটফটাইয়া উঠিল। যতই বিলম্ব হইতে লাগিল, ততই তার অন্তর রেখার উপর সম্পূর্ণ অহেতুক ভাবে চটিয়া উঠিতে লাগিল। যখন রেখা ফিরিয়া আসিল, তখন সে গম্ভীর হইয়া বসিয়া রহিল।

রেখাও ভয়ানক উন্মনা ভাবে আসিয়া বসিল। নিত্যরঞ্জন তাহাতে আরও চটিয়া উঠিল। সে যেন প্রতীক্ষা করিতেছিল—রেখা আসিয়া ভয়ানক ব্যাকুল ভাবে তার বিলম্বের জন্ত ক্রটি স্বীকার করিবে—রেখা সেরূপ করিলে সে অত্যন্ত মহানুভবতার সহিত সে ক্রটি মার্জনা করিবে। কিন্তু তার কিছুই হইল না। রেখা যেন আজ তাকে গ্রাহ্যই করিতেছে না।

সে ভাবিল, এই তো মেয়ে-লোকের স্বভাব—ভীষণ স্বার্থপর। যত দিন নিত্যরঞ্জনকে দিয়া তার প্রয়োজন ছিল,

তত দিন তার সঙ্গে কথাই ছিল না,—আজ সে প্রয়োজন মিটিয়া গিয়াছে, আজ সে একটা অনাবশ্যক আবর্জনা বই কিছুই নয়। নিত্যরঞ্জন তার এই কল্পিত অবহেলায় ক্রিপ্ত হইয়া উঠিল।

রেখা উদ্মনা ভাবে এটা ওটা বাজে কাজ করিয়া ঘুরিয়া বেড়াইল, কোনও কথা বলিল না।

অনেকক্ষণ পরে নিত্যরঞ্জনই কথা বলিল। সে বলিল, “যাক, এখন তো আপনার কাজ হ’য়ে গেছে, এখন আমার ছুটি।”

রেখা খুব বিব্রত ভাবে বলিল, “বাস্তবিক, অনেক দিন অনেক কষ্ট দিলাম আপনাকে। আপনার কাজেরও বোধ হয় বড় ক্ষতি হ’ল। আর আপনাকে এখন কষ্ট দেব না। আপনার কাছে আমার দেনার অস্ত নাই।”

এই কথা শুনিবার জন্ত নিত্যরঞ্জন কথাটা পাড়ে নাই। সে ছুটি চাহিল বলিয়াই রেখা তাকে এমনি করিয়া গলাধাক্কা দিল—এ আশা সে করে নাই। তার অভিমান তাহাকে বলিয়াছিল—রেখা তাদের এ আসন্ন বিচ্ছেদ নিদারুণ ব্যথা বোধ করিবে এবং তার কথায় ও ব্যবহারে সে ব্যথার কতকটা প্রকাশ হইবে। তা নয়—এ কি?

সে বেশ ঝাঁঝের সহিত বলিল, “হাঁ, আমার অনেকটা ক্ষতি হ’য়ে গেছে। চলুন তবে কাল সকালেই যাওয়া যাক।”

রেখা বলিল, “হাঁ, আপনি কালই যান। আমি কলিকাতায় গেলে আপনার সঙ্গে আবার দেখা ক’রবো—কিছু উপদেশ নেবার জন্ত। আমায় আরও কয়েক দিন এখানে থাকতে হ’বে।”

নিত্যরঞ্জনের মাথায় আকাশ ভাঙ্গিয়া পড়িল,—সে কোনও রূপ ভদ্রতার আচরণ পর্যাস্ত না রাখিয়া ত্রকুণ্ঠিত করিয়া জিজ্ঞাসা করিল,—“কেন?”

রেখা একটু লজ্জিত হইয়া বলিল, “আমার আরও কিছু কাজ আছে।”

নিত্যরঞ্জনের মাথার ভিতর আগুন জলিয়া উঠিল! এই তবে তার পুরস্কার! তার কাছে রেখা তার মতলবটা প্রকাশ করিতেও প্রস্তুত নয়! এত অবিশ্বাস!—

ক্রমে নিত্যরঞ্জন সাব্যস্ত করিল, এর ভিতর কোনও গুট অতিসন্ধি আছে। রেখার যে প্রয়োজন সেটা প্রকাশ করিবার যোগ্য নয়। সে গোপন কাজটার পক্ষে নিত্যরঞ্জন

অস্তরায় হইবে বলিয়া তাকে তাড়াইবার এই নির্লজ্জ আয়োজন! কিন্তু কি সে? কোন্ হতভাগ্য পতঙ্গকে এই পাপিষ্ঠা আপনার মোহের আগুনে আকৃষ্ট করিতেছে! তিন চার জনের কথা মনে হইল। তাদের সঙ্গে সৌরীনের ব্যাপার উপলক্ষে রেখার কথাবার্তা হইয়াছে। তাদের সঙ্গে রেখার ব্যবহারটা নিত্যরঞ্জনের কাছে বরাবরই বিসদৃশ মনে হইয়াছে। বেশ! বেশ!

ভয়ানক বিরক্ত হইয়া নিত্যরঞ্জন তার ঘরে গেল। তার পর সে রেখার সঙ্গে আর বাক্যালাপ করিল না।

সারারাত্রি সে ছট ফট করিয়া কাটাইল। পরের দিন সকালে সে অত্যন্ত সংক্ষেপে রেখার কাছে বিদায় হইয়া চলিয়া গেল।

\* \* \* \*

ময়মনসিংহে সৌরীনের যে কয়জন শিষ্য অবশিষ্ট ছিল, তাহাদিগকে রেখা একত্র করিল। দুই একজন লোক সৌরীনকে বেশ শ্রদ্ধা করিতেন, তাঁহারা ইহাদের সঙ্গে যোগ দিলেন। রেখা তাঁহাদের হাতে সাড়ে সাত হাজার টাকা দিয়া তাঁহাদের দ্বারা সৌরীনের অসমাপ্ত কাজ আবার আরম্ভ করিয়া দিয়া গেল। মাসে মাসে সে টাকা পাঠাইতে প্রতিশ্রুত হইয়া গেল।

রেখার যে নারী-বন্ধু ময়মনসিংহে চাকরী করিত, তার সঙ্গে যুক্তি করিয়া এবং স্থানীয় কর্তৃপক্ষের সঙ্গে আলোচনা করিয়া সে স্থির করিল যে, বাঙ্গলা ও বিহার উভয় গভর্নমেন্টকে সম্মত করিয়া সে তার বন্ধুটির সঙ্গে চাকরী বদল করিয়া লইবে।

এই সব ব্যবস্থা স্থির করিয়া সে কলিকাতায় ফিরিয়া গেল। সেখানে গিয়া শিক্ষাবিভাগের কর্তৃপক্ষের সঙ্গে সাক্ষাৎ করিল। তার পর পাটনায় যাইবার আগে সে নিত্যরঞ্জনের সঙ্গে দেখা করিল।

নিত্যরঞ্জনকে যখন রেখা তার ময়মনসিংহের কাজের বিবরণ প্রকাশ করিয়া জানাইল, তখন নিত্যরঞ্জন একটু তৃপ্তিলাভ করিল এই ভাবিয়া যে, রেখাকে পাপীয়সী ভাবিয়া সে যে দুঃখ পাইয়াছে, তাহার কোনও হেতু নাই। কিন্তু তার চেয়ে রাগ তার বেশী হইল। এই যদি তার প্রয়োজন ছিল, তবে সে কাজে সে নিত্যরঞ্জনের সঙ্গে পরামর্শ করিল

না, তাকে সে কাজের ভাগ দিল না কেন ? তাকে এমন করিয়া গলহস্ত দিল কিসের জন্ত ?

রেখার সঙ্গে কথাবার্তায় সে বিশেষ ভক্ততা রক্ষা করিতে পারিল না ।

( ২৩ )

রেখার ইচ্ছা পূর্ণ হইয়াছে । সে পাটনা হইতে ময়মনসিংহের স্কুলে চাকরী লইয়া আসিয়াছে এবং নিজে “সৌরীন্দ্র আশ্রমের” কাজে অনেকটা সাহায্য করিতেছে ।

সৌরীন্দ্র দীর্ঘ সাধনায় যে নিষ্ফলতা লাভ করিয়াছিল তাহা হইল তার পরবর্তী কর্মীদের সফলতার ভিত্তি । সৌরীন যে সব ভুল করিয়াছিল পরবর্তীরা সে সব ভুল ভ্রুটি সংশোধন করিয়া কাজ করিতে লাগিল । কাজ বেশ চলিতে লাগিল । এক বৎসরের মধ্যে চার পাঁচটি গ্রামে বেশ সুন্দরভাবে কাজ হইতে লাগিল । সেখানকার তাঁতি, জোলা, মুচি প্রভৃতি শ্রমজীবীদের অবস্থা ফিরিয়া গেল । তাই দেখিয়া অগ্ণা অগ্রামের শ্রমিকেরা সৌরীন্দ্রের আশ্রমের দ্বারা সাহায্যপ্রার্থী হইয়া আসিতে লাগিল । রেখার সর্বস্ব সে এ কাজে ব্যয় করে—তার দেখাদেখি আরও কয়েকজন অর্থ সাহায্য করিতে অগ্রসর হইল । সৌরীন্দ্র-আশ্রম সফলতা ও প্রতিষ্ঠায় দেশের মধ্যে একটা আদর্শ-স্থানীয় হইয়া উঠিল ।

রেখা ইহাতে তৃপ্ত হইল । সে প্রাণপাত পরিশ্রম করিয়া সৌরীন্দ্র-আশ্রমের সেবায় আপনাকে নিযুক্ত রাখিয়া এক অপূর্ব আনন্দ ও তৃপ্তি অনুভব করিত । তার এ কাজে না ছিল ক্লান্তি, না ছিল তুষ্টি—একটা বৃহৎ কর্মস্রোতের ভিতর গা ঢালিয়া দিয়াই সে তৃপ্তি পাইত ।

লতা তার বৃকের পুরাতন স্নেহবৃত্তির প্রচুর পরিমাণে তৃপ্ত করে । সে যতই বড় হইতে লাগিল, ততই তার ভিতর নিত্য নূতন সৌন্দর্য্য ফুটিয়া উঠিতে লাগিল । তার কাজ-কর্ম, কথাবার্তার ভিতর রেখা নূতন নূতন অমৃত-প্রস্রবণের সন্ধান পাইতে লাগিল । তার ভিতর সে আপনাকে একেবারে ডুবাইয়া দিল ।

তবু তার অন্তরের ভিতর একটা দারুণ শূন্যতা হাহাকার করে—তার তরঙ্গের আঘাতে তার হৃদয় বেদনায় লুটাপুটি খায় । মাতালের মত সে কাজে ডুবিয়া থাকে,—লতাকে লইয়া, সৌরীন্দ্র-আশ্রম লইয়া সে আপনাকে সর্বদা ব্যস্ত

রাখে—মনের সঙ্গে সে মুখোমুখি হইতে চায় না;—যখন না হইয়া উপায় থাকে না, তখনই তার ভিতর এই অন্ধকার বিরাট শূন্য একটা হিংস্র গর্জনে তার অন্তর ফাটিয়া ছিঁড়িয়া ছারখার করিয়া ফেলে ।

ময়মনসিংহে প্রথমবার আসিয়াই সে সৌরীনের খোঁজ করিবার জন্ত নানা রকম চেষ্টা করিয়াছে—নানা সূত্র ধরিয়া অগ্রসর হইয়াছে, কাগজে বিজ্ঞাপন দিয়াছে, কিন্তু হই বৎসরের ভিতর সে তার কোনও সন্ধানই পায় নাই । সৌরীন ময়মনসিংহ হইতে কিছুদিন পরে ঢাকায় গিয়াছিল । সেখানে কিছু দিন প্রাইভেট টিউশনি করিয়াছিল—এ সংবাদ পাওয়া গেল । কিন্তু তার পর যে সে কোথায় নিরুদ্ধ হইয়া গেল, তার আর কোনও সন্ধান কেউ বলিতে পারিল না ।

এত দিনে সৌরীনের কোনও সংবাদ না পাইয়া রেখা মনে মনে স্থির করিল, সৌরীন বাঁচিয়া নাই—যদি থাকিত, তবে কি সে রেখার শত শত করুণ মিনতিপূর্ণ বিজ্ঞাপন অগ্রাহ্য করিতে পারিত ? সৌরীন্দ্র-আশ্রমের লক্ষ্য লক্ষ্য বিবরণ রেখা সব কাগজে ছাপাইবার ব্যবস্থা করিয়াছিল । তার আশা ছিল যে, এ বিবরণ সৌরীনের দৃষ্টিতে পড়িলে, সে একবার তার এই কীর্তি দেখিবার জন্ত না আসিয়া পারিবে না,—যে স্বপ্নের সাধনায় সে আপনাকে নিঃস্ব করিয়া বিলাইয়া দিয়াছিল, তারই প্রেমের উদ্দীপনায়, তারই আদর্শের অনুপ্রেরণায়, তারই একান্ত প্রিয়তমা রেখা যে সেই স্বপ্ন সফল করিয়া তার গৌরব প্রতিষ্ঠিত করিয়াছে, এটা দেখিবার লোভ সৌরীন কখনও সম্বরণ করিতে পারিবে না । কিন্তু যখন সৌরীন ইহার কোনও সংবাদই লইল না, তখন রেখা হতাশ হইয়া স্থির করিল সৌরীন বাঁচিয়া নাই ।

এ কথা ভাবিতে তার অন্তরের সেই শূন্যতা একেবারে প্রাণের ভিতর তাণ্ডব নৃত্য লাগাইয়া দিল—রেখা অবসন্ন হইয়া ভাজিয়া পড়িল । সৌরীন যদি বাঁচিয়া না থাকে, তবে কিসের জন্ত তার এ চেষ্টা;—তার সাধনার সফলতা যদি সৌরীন আসিয়া না দেখিল, তবে কেন এত নিষ্ফল আয়োজন ? সে নিদারুণ হতাশায় ছটফট করিয়া উঠিল—জীবনের সমস্ত সাধ তার ফুরাইয়া গেল—শুধু লতা তাকে এ জগতের সঙ্গে একটি মাত্র সূক্ষ্ম সূত্রে বাঁধিয়া রাখিল ।

ইহার পর রেখার জীবনে একটা মত্ত কর্মোন্মাদ ও

একটা নিদারুণ অবসাদ পর পর তাকে আলোড়িত করিতে লাগিল। কিছু দিন সে পাগলের মত কাজ করে, বাহুজ্ঞান তার লোপ পায়, আহার নিদ্রা পরিত্যাগ করিয়া সে কাজ করে—অনুভব করে যে এই কাজেই তার জীবনে একমাত্র সার্থকতা, একমাত্র সিদ্ধি। তার পর আসে অবসাদ, সমস্ত তিক্ত বিষাদ হইয়া উঠে, জীবনের বা কর্মের আর তার কাছে কোনও মানে থাকে ন, কেবল লতাকে মানুষ করিয়া তোলা ছাড়া আর তার কোনও প্রয়োজন বা সার্থকতা সে খুঁজিয়া পায় না।

এক দিন সে এই অবসন্নতার অতল গহ্বরে পড়িয়া নিস্পন্দ হইয়া তার ঘরে বসিয়া ছিল। তার আয়া আসিয়া খবর দিল, নিত্যরঞ্জন আসিয়াছে। সে তার অবসন্ন দেহ কোনও মতে টানিয়া তুলিয়া নিত্যরঞ্জনের সঙ্গে দেখা করিতে আসিল।

তার সে মূর্তি দেখিয়া নিত্যরঞ্জনের বুকের ভিতর ছুরী বিধিয়া গেল। রেখার বৈশভূষা কিছুই ছিল না। সে বৈশভূষা আর করে না। পাড়ওয়াল সাড়ীও পরে না। ঠিক বিধবার বেশ না করিলেও সে পরে স্নু নরুণপেড়ে একখানা ধূতি ও সাধা একটি ব্লাউজ—তাও খুব মোটা কাপড়ের। হাতে ছুগাছা স্বতার মত সরু চুড়ী। কেশের প্রসাধন সে বহু দিন ছাড়িয়া দিয়াছে। তার মুখ শুকাইয়া আমসী হইয়া গিয়াছে—তাতে তার বড় বড় চোখ দুটি আরও বড় হইয়া উঠিয়াছে—আর সমস্ত মুখখানিকে এক অপক্লম ক্লম লাবণ্যে ভূষিত করিয়াছে।

নিত্যরঞ্জন মনে অনেক ক্ষোভ লইয়া আসিয়াছিল; কিন্তু সব ক্ষোভ তার মিলাইয়া গেল এক করুণ মর্শ্ববেদনায়।

রেখা যখন পাটনায় ফিরিয়া যায়, তখন নিত্যরঞ্জনের সঙ্গে দেখা করিয়াছিল, কিন্তু নিত্যরঞ্জন তাকে অতিরিক্ত রুচতার সহিত সম্ভাষণ করিয়াছিল। সেই জন্তু তার পর রেখা আর তার সঙ্গে দেখা করে নাই বা তার কাছে কোনও সংবাদই দেয় নাই। একবার তার মনে হইয়াছিল যে, সৌরীন্দ্র-আশ্রমের পরিচালনা বিষয়ে নিত্যরঞ্জনের সাহায্য ভিক্ষা করে। কিন্তু তখন তার মনে হইল—সৌরীনের সঙ্গে নিত্যরঞ্জনের সেবা বিষয়ে মতামত ও কর্মপ্রণালীর কত গুরুতর প্রভেদ ছিল। মনে পড়িল যে, নিত্যরঞ্জন সৌরীন্দ্রকে সেবাকার্য্য লইয়া বিক্রম ও লাঞ্ছনা করিয়াছিল, এবং তার

শ্রাঘ্য সন্মান হইতে তাহাকে বঞ্চিত করিয়াছিল। সে স্থির করিল সৌরীনের স্মৃতিরক্ষা ও তার কর্ম্মানুষ্ঠানকে সফল করা বিষয়ে নিত্যরঞ্জনের সহায়তা লইলে সে সৌরীনের কাছে অপরাধী হইবে। সৌরীনের কি আদর্শ তাহা রেখা যেমন জানিত তেমন আর কেউ জানিত না। তার কর্ম্ম-পদ্ধতি ময়মনসিংহের অনুষ্ঠানের ভিতর পরিস্ফুট। সেই আদর্শ ও সেই পদ্ধতি রেখা একা, নিত্যরঞ্জনের সহায়তা না লইয়া, অনুসরণ করিবে, ইহাতে সে সফল হউক বা না হউক।

তাই নিত্যরঞ্জনের সঙ্গে রেখার আর দেখা শোনা বা কোনও রকম সম্ভাষণই হয় নাই।

কিন্তু নিত্যরঞ্জন রেখাকে ভুলিতে পারে নাই। যতই তার রেখার উপর রাগ হইতেছিল ততই সে তাকে কামনা করিতেছিল। আর যত কামনা করিতেছিল, ততই নিস্বর্ম ভাবে আপনাকে নিস্পেষিত করিতেছিল।

রেখার সংবাদ সে প্রায়ই পাইত। খবরের কাগজে তার সৌরীন্দ্র-আশ্রমের সংবাদ সে আগ্রহের সহিত পড়িত। পড়িয়া মুগ্ধ হইত, বিরক্ত হইত। রেখার অসামান্য চরিত্র-গৌরব তাহাকে মুগ্ধ ও আকৃষ্ট করিত—তার সফলতায় তার মনে প্রশংসা ও আনন্দ সঞ্চারিত করিত—কিন্তু সে ঠিক সেই পরিমাণে বিরক্ত হইত এই ভাবিয়া যে, রেখার এই যে বিশাল আয়োজন, ইহার সঙ্গে তার কোনও যোগই নাই। রেখা তার কাছে একবার জিজ্ঞাসা পর্য্যন্ত করে নাই। ইহাতে তার অন্তর অভিমানে ভরিয়া উঠিত। ইহাই যদি তার অভিপ্রায় ছিল, তবে সে কেন নিত্যরঞ্জনের নীরস গুফ জীবনপথে রসের জীবন্ত মূর্তির মত নামিয়া আসিয়াছিল—স্নু পোনেরটি দিন সে কেন তাকে সঙ্গী ও সহচর করিয়া, পাশাপাশি দাঁড়াইয়—একপ্রাণ, একলক্ষ্য লইয়া কাজ করিয়াছিল! কোনও দরকার তো ছিল না। রেখার মত মেয়ে একা ময়মনসিংহে গিয়া নিজেই সব কাজ করিতে পারিত—নিত্যরঞ্জনকে সঙ্গে লইবার, তাকে সাহায্য করিবার অধিকার দিবার কোনও দরকার ছিল না।

শুধু তাই তো নয়—সে পোনেরো দিন তো তারা স্নু পাশাপাশি দাঁড়াইয়া কাজ করে নাই—তারা যে অন্তরঙ্গ হইয়া মিশিয়া গিয়াছিল। অন্ততঃ নিত্যরঞ্জনের মনে হইয়াছিল যে, রেখা তার সঙ্গে খুব বেশী সহৃদয়তা—বুঝি বা স্নেহ, বুঝি বা একটু প্রেম—দেখাইয়াছিল। রেখার

হাসি, অশ্রু, তার আলাপ, সম্ভাষণ—সকলের ভিতর নিত্যরঞ্জন দেখিতে পাইয়াছিল অনেক জিনিষ—দেখিয়াছিল নিত্যরঞ্জনের উপর তার একান্ত নির্ভরতা। নিত্যরঞ্জনের কাছে সে প্রাণ খুলিয়া বলিত তার সব সুখ-দুঃখের কথা, আশার কথা, নিরাশার কথা। তার কাছে সে হাসিত, তারই কাছে কাঁদিত—আর নিত্যরঞ্জনের মনে হইত, যেন এ হাসি কান্নার ভিতর দিয়া সে ঢালিয়া দিত তার সমগ্র অন্তর।

কিন্তু যেই তার কাজ শেষ হইয়া গেল, অমনি রেখা হঠাৎ যেন নিত্যরঞ্জনের হাতের মুঠা হইতে পিছলাইয়া গেল, আর সে তার নাগাল পাইল না। সে তখনি শশুরের মত কঠিন খোলের ভিতর ঢুকিয়া নিত্যরঞ্জনের কঠোর ভাবে প্রত্যাখ্যান করিল—কথায় নয়, ব্যবহারে।

কেন এমন হইল? একবার নিত্যরঞ্জন ভাবিত, এ কেবল রেখার খামখেয়ালী—তার নারীমূলভ চাতুরী! তার প্রয়োজন সিদ্ধির জন্ত রেখা নিত্যরঞ্জনের তার নারী-চরিত্রের সব ছলা কলা দিয়া ভুলাইয়াছিল। তার কাজ ফুরাইয়া গেলে তাকে ঝাড়িয়া ফেলিয়াছে। এ কথা ভাবিতে তার অন্তর ঘুণায় ভরিয়া উঠিত।

কিন্তু আবার সে ভাবিত যে, রেখা তো কোনও তুচ্ছ প্রয়োজনে তাকে ডাকে নাই, কোনও তুচ্ছ সুখের লালসায় তো সে নিত্যরঞ্জনের বর্জন করে নাই—সে যে একটা মহৎ কর্ম্মে আপনাকে নিঃশেষে বিনর্জন করিয়াছে, একটা ছরাসালভ্য আদর্শের অক্ষুণ্ণলনে আত্মনিবেদন করিয়াছে। সে তো তুচ্ছ নারী নয়, সে মহীয়সী! যারা খামখেয়ালী, খেয়ালের বশে পুরুষের হৃদয় লইয়া ছিনি-নি-নি খেলে, সে মেয়ে তো রেখা নয়! এ কথা ভাবিতে নিত্যরঞ্জনের দিব্যচক্ষু খুলিয়া যাইত। সে দেখিতে পাইত, রেখা সৌরীনের প্রেমে সন্ন্যাসিনী—নিত্যরঞ্জনের সে কোনও দিন এক ফোঁটা স্নেহ করে নাই, সুধু সৌরীনের বন্ধু বলিয়া সে তাকে তার কাজের একটুকু ভাগ দিয়াছিল।

এ কথা ভাবিতে নিত্যরঞ্জনের সুখ হইত না—হইত একটা নিদারুণ হিংসা, একটা অসহনীয় জ্বালা! সৌরীন কী এমন, যার জন্ত রেখা এমন করিয়া নিত্যরঞ্জনের তুচ্ছ করে! দুইটা পরীক্ষায় সে কৃত্তিম দেখাইয়াছিল সত্য, কিন্তু জীবনের কর্ম্মক্ষেত্রে কোথায় সৌরীন আর কোথায় নিত্য-

রঞ্জন! তবু রেখার কাছে কি না সেই অপদার্থ সৌরীনই সব, আর নিত্যরঞ্জন কিছুই না,—ছোটো কথা কহিবারও যোগ্য নয়।

তা ছাড়া তার সৌরীনের উপর আরও বেশী রাগ হইত এই ভাবিয়া যে, রেখা সেই অপদার্থটার জন্ত এমন ভাবে আপনাকে বিনাশ করিতেছে,—জীবনটাকে তুচ্ছ করিয়া দুই হাতে উড়াইয়া দিতেছে। আর নিত্যরঞ্জন তার প্রেম লইয়া সে জীবন সার্থকতায় ভরিয়া দিবার জন্ত তাহার হৃদয়ে বৃথাই ঘা মারিতেছে! এ রেখার একটা অস্তায় বাড়াবাড়ি। নিত্যরঞ্জন যদিও চির দিনই বড় গলায় হিন্দু বিধবার ব্রহ্মচর্যের আদর্শের প্রশংসা করিয়া আসিয়াছে, তবু এক অলভ্য দুরগত পুরুষের প্রতি এ ঐকান্তিক নিষ্ঠা তার চোখে আজ ভাল লাগিল না। রেখার বেদনা তাহার অন্তরকে পীড়ন করিল—তার নিজের জীবনের ব্যর্থতা-বোধ তাহাকে অন্ধ করিয়া দিল। সে রেখার ত্যাগ ও নৈষ্ঠিক ব্রহ্মচর্যের ভিতর প্রশংসা করিবার বা আনন্দ দিবার কিছু খুঁজিয়া পাইল না—সে দেখিল, ইহার ভিতর শুধু একটা নিরর্থক আত্মপীড়ন।

অনেক বার তার মনে হইয়াছে যে, একবার রেখার সঙ্গে মুখোমুখি হইয়া এ কথা আলাপ করিয়া সৌরীনের প্রতি তার এই অস্বুত নিষ্ঠা হইতে তাহাকে বিরত করে। মনে মনে রেখার কল্পনা-মূর্ত্তি চক্ষের সামনে স্থাপন করিয়া সে অনেক দিন তার সঙ্গে এ বিষয়ে প্রচণ্ড তর্ক করিয়াছে, রেখার সকল যুক্তি বার বার করিয়া চূর্ণ বিচূর্ণ করিয়া উড়াইয়া দিয়াছে; কিন্তু, খুব বেশী আকৃষ্ট হইয়াও সে একবারও রেখার কাছে উপযাচক হইয়া যাইতে সাহসী হয় নাই। তার প্রথম কারণ রেখার উপর অভিমান—সে কেন একবার ডাকে না। তা ছাড়া একটু সঙ্কোচ, একটু ভয়ও ছিল। সে যদি রেখার সঙ্গে বিনা প্রয়োজনে দেখা শোনা, আলাপ সালাপ করিতে যায়, তবে রেখা নিশ্চয় ভাবিবে, তার মতলব ভাল নয়—হয় তো সে তাকে ঘুণা করিবে। এ পর্য্যন্ত রেখা নিত্যরঞ্জনের মোটের উপর তাগী, চরিত্রবান পুরুষ বলিয়া শ্রদ্ধাই করিয়া আসিয়াছে। রেখার প্রেমলাভ করিবার অনিশ্চিত—প্রায় অসম্ভব আশায় সে এই শ্রদ্ধাটুকু হারাইতে সাহস করে নাই। তাই অনেকবার মনমনসিংহে যাইবার জন্ত তন্নীতন্বা বাঁধিয়াও নিত্যরঞ্জন শেষ মুহূর্ত্তে তার সে সকল পরিত্যাগ করিয়াছে।

শেষে এক দিন সে সত্য সত্যই মনমনসিংহে গিয়া রেখার গৃহে গিয়া দেখা দিল।

অনেক কথা সে তৈয়ার করিয়া আসিয়াছিল, অনেক তর্ক-বুদ্ধি সে সংগ্রহ করিয়াছিল,—রেখার পক্ষে অনেক উত্তর কল্পনা করিয়া তাহা নিরস্ত করিবার আয়োজন করিয়াছিল। কিন্তু রেখার করুণ উদাস মূর্তির সম্মুখে দাঁড়াইয়া তার সে সব অতল জলে ডুবিয়া গেল,—তার বুক ঠেলিয়া উঠিতে লাগিল শুধু একটা নিবিড় বেদনার অসহ আলোড়ন—একটা নাম-রূপ-শূন্য অনির্দিষ্ট কাম্মার স্বর!

রেখাকে দেখিয়া সে চমকাইয়া উঠিয়া বলিল, “এ কি, তোমার এ কি মূর্তি?”

এত দিন মনের নিভৃত কন্দরে রেখার সঙ্গে অভিসার করিয়া সে তাকে এমন আত্মীয় করিয়া ভুলিয়াছিল যে, সে ভুলিয়া গেল যে, রেখাকে সে বরাবর ‘আপনি’ বলিয়া সম্বোধন করিয়াছে। এবং তাই তার করা উচিত।

রেখা তার চেয়ারে এলাইয়া পড়িয়া একটা শুষ্ক হাসি হাসিয়া স্মধু বলিল, “কেন? কি হ’য়েছে?”

“কি হ’য়েছে!—একেবারে যে আমসী হ’য়ে গেছ।”

আবার একটু হাসিয়া রেখা বলিল, “আমার চেহারা তো কোনও দিনই সুন্দর ছিল না।”

“সুন্দর!—যাক, সে কথা বলে আর তোমার অভিমান বাড়াব না। কিন্তু রূপের কথা বলছি না। বলছি, তুমি এমনি করে আপনাকে মেরে ফেলবে স্থির ক’রেছ না কি?”

“তাই যদি হয় তাতে ক্ষতি কি? মেয়ে মানুষের জীবন যত বড় হয় ততই দুঃখ।”

“এ কথা তোমার মুখে শুনবো আশা করিনি—এই আপনার মুখে!”

এতক্ষণে নিত্যরঞ্জনের জ্ঞান ফিরিয়া আসিল। তার পক্ষে রেখাকে ‘তুমি’ সম্বোধন যে অত্যন্ত অশোভন এ কথা খেয়াল হইতে নিত্যরঞ্জন ভয়ানক লজ্জিত হইয়া উঠিল।

রেখাও একটু লজ্জিত হইল। সে বলিল, “আপনি আমাকে ‘তুমি’ই বলবেন—আপনি যে আমার দাদা।”

কথাটার যেন নিত্যরঞ্জনকে চাবুক মারিল। সে কিছুক্ষণ কথা কহিল না। গম্ভীর ভাবে অনেকক্ষণ আকাশের দিকে চাহিয়া রহিল।

রেখা বলিল, “আপনি ভাল আছেন?”

নিত্যরঞ্জন অনেক মুশাবিদা করিয়া স্থির করিল, এই প্রশ্ন ধরিয়া সে ক্রমে আসল কথাটা পাড়িবে। তাই সে হাসিয়া বলিল, “আমি সন্ন্যাসী মানুষ, আমার ভাল মন্দের খবরে কার কি প্রয়োজন বলুন।”

রেখা বলিল, “সে কি? আপনার ভাল মন্দে যে দেশের সবার প্রয়োজন আছে।”

এইবার নিত্যরঞ্জন একটা দীর্ঘ বক্তৃতা করিয়া তার প্রেম ব্যক্ত করিবার জন্ত প্রস্তুত হইল। কিন্তু ঠিক সেই সময় লতা আসিয়া রেখার কোল জুড়িয়া বসিল। এই মেয়েটা নিত্যরঞ্জনের ভাবনা চিন্তা সব এলোমেলো করিয়া দিল। নিত্যরঞ্জনের বক্তৃতা আর করা হইল না। সে স্থির করিল, রেখাকে প্রেম নিবেদন করিবার পূর্বে এই লতার ব্যাপারটা তলাইয়া দেখিতে হইবে।

স্মতরাং কিছুক্ষণ উভয়ে নীরবে বসিয়া রহিল। তার পর রেখা বলিল, “পোড়াকপাল আমার! আমি দিব্যি বসে আপনাকে বকাচ্ছি,—আপনার নিশ্চয় খাওয়া-দাওয়া হয় নি।”

নিত্যরঞ্জন বলিল, “না—কিন্তু সেজন্ত ব্যস্ত হ’বেন না, আমি সুপতির ওখানে যাচ্ছি”—

“না না, সে কি! আপনি যে ছুদিন আছেন, এখানেই থাকুন। আমাদের আশ্রমটা একবার দেখে শুনে যাবেন।”

এ নিমন্ত্রণে নিত্যরঞ্জন প্রীত হইল। সে রেখার বাড়াতেই রহিয়া গেল।

একদিন কথাপ্রসঙ্গে নিত্যরঞ্জন রেখার কাছে লতার প্রকৃত বিবরণ শুনিল। তার মন হইতে একটা মস্ত বোঝা নামিয়া গেল। ইহার পর সে তার অবসর খুঁজিতে লাগিল।

রেখা যে বাড়ীতে থাকিত, সেটা তার আশ্রমেরই বাড়ী। একতলায় আশ্রমের আফিস ও কতক কারখানা আছে। দুই চারজন কর্মীও বাস করে, দোতলায় থাকে রেখা ও তার সঙ্গী দুটি নারী-কর্মী। নিত্যরঞ্জন তাদের এই উপরের গৃহস্থালীর ভিতর স্থান পাইয়াছিল।

রেখার সঙ্গে তার দেখা-শোনা খুব বেশী হয় না, আর যাও বা হয় তাহা নির্জনে নয়। স্কুলের কাজের অবসরে যেটুকু সময় রেখা পায়, তার সবটুকুই সে আশ্রমের লোকজন লইয়া আশ্রমের কাজে ব্যয় করে। কাজেই নিত্যরঞ্জনের অবসর পাইতে কিছু বিলম্ব হইল।

কিন্তু তার এ আশ্রম ছাড়িয়া যাইবার বিশেষ তাড়া না থাকায়, একদিন তার সুযোগ জুটিয়া গেল।

রেখা সেদিন সন্ধ্যাবেলায় সকলকে বিদায় দিয়া তার বসিবার ঘরে একা উদাস প্রাণে বসিয়া ছিল। বসিয়া বসিয়া ক্লান্ত হইয়া সে একটা সোফার উপর এলাইয়া পড়িল।

তার অন্তর জুড়িয়া ছিল তখন একটা ব্যর্থতার হাহাকার—সুধাতুর শূন্য হৃদয়ের তীব্র শুষ্ক আর্ন্তনাদ। সে ইহা সহিতে পারিল না, ক্রমে মুখ ঢাকিয়া ফুঁপাইয়া কাঁদিতে লাগিল।

নিত্যরঞ্জন বাহিরে গিয়াছিল, ফিরিয়া ঘরে ঢুকিয়াই দেখিতে পাইল রেখার এই দান মুক্তি। এক মুহূর্ত্ত সে স্তব্ধ হইয়া ঘরের কাছে দাঁড়াইয়া রহিল। তার পর ধীরে ধীরে অগ্রসর হইয়া সে রেখার কাছে আসিয়া দাঁড়াইল।

তার গায় হাত দিতে তার ভয়ানক সঙ্কোচ বোধ হইল—কিন্তু তার বুক ঠেলিয়া একটা আকাঙ্ক্ষা তাহাকে চালাইয়া লইল,—এই বেদনার মুক্তি সম্মুখে দেখিয়া সঙ্কোচের বাধা কাটিয়া গেল। সে রেখার হাতখানি ধরিয়া মুখের উপর হইতে সরাইয়া দিয়া স্নিগ্ধ দৃষ্টিতে চাহিয়া বলিল, “কাঁদছো তুমি রেখা?” তার বুকের ভিতর প্রচণ্ড বেগে হাতুড়ি পিটিতে লাগিল।

রেখা নিত্যরঞ্জনের এ স্পর্ধায় রাগ করিল না, বরং বিশাল সীমান্ত অস্ত্রের সাগরে পড়িয়া সে নিত্যরঞ্জনের এই সহানুভূতিটুকু পাইয়া যেন হাঁপ ছাড়িয়া বাঁচিল। সে কোনও কথা কহিল না।

নিত্যরঞ্জন বলিল, “রেখা, কেঁদো না, আমার কাছে বল, তোমার किसের ব্যথা—আমাকে তোমার হৃৎকের ভাগ দেও।”

রেখা কতকটা সংযত হইয়া উঠিয়া বসিল। নিত্যরঞ্জন বিনা নিমন্ত্রণেই তার পাশে একটু তফাতে বসিল। রেখার হাতখানা তার হাতেই রহিল।

নিত্যরঞ্জন বলিল, “শোন রেখা, অনেক দিন হ’ল তোমাকে একটা কথা বলবো ভাবছি, ব’লতে সাহস পাই নি। আজ না বলে পারি না। ধৃষ্টতা হয় তো ক্ষমা করো। তুমি এমনি ক’রে নিজেকে ব্যথা দিচ্ছ, এমনি ক’রে আপনার মূল্যবান জীবন নষ্ট ক’রছো, এ আমি সহিতে পারি না। তোমার কথা ভাবতে আমার বুকের ভিতরটা পুড়ে

যায়। কেন এমনি ক’রছো? কেন তুমি আত্মহত্যা ক’রছো? জীবনে তোমার সুখ নেই ভেবেছ? ভুল ভেবেছ। সুখ তোমাকে ছই হাত বাড়িয়ে আলিঙ্গন ক’রতে চাচ্ছে, তুমি শুধু কঠোর প্রতিজ্ঞা দিয়ে তাকে ঠেকিয়ে রাখছো। কি এতে লাভ? কেন এ ক’রছো। সন্ন্যাস ভাল কথা, কিন্তু নিরর্থক আত্মপীড়ন তো সন্ন্যাস নয়। নইলে আত্মহত্যার চেয়ে বড় ধর্ম জগতে থাকতো না।”

রেখার মনে কথাগুলি অনেক দীর্ঘ চিন্তা-সূত্রের সৃষ্টি করিল। সেগুলি অনুসরণ করিতে গিয়া সে কথা কহিবার অবসর পাইল না। নিত্যরঞ্জন আবার বলিল, “তুমি যে কষ্টব্যা বেছে নিয়েছ জীবনে, তা’ আমি তোমায় ছাড়তে বলি না, কিন্তু সে কাজ এমনি ক’রে করলে তো চলবে না—সে কাজ ক’রতে হ’বে আনন্দের সঙ্গে, তৃপ্তির সঙ্গে,—তাতে জীবনের সার্থকতা-বোধ থাকা দরকার। এমনি ক’রে আপনাকে পীড়ন ক’রে তো সে ধর্ম-সাধন করা যাবে না।—তোমায় সুখী হ’তে হ’বে”—

রেখা শুধু বলিল, “সে আর এ জীবনে নয়!”

নিত্যরঞ্জন বলিল, “এই জীবনেই হ’বে। এমনি ক’রে তোমায় আমি নষ্ট হ’তে দেব না। আমাকে শুধু ভার দেও রেখা, আমি তোমার হৃৎকের বোঝা বই, তোমাকে সুখী করি। তোমার এ ব্যথা দেখে আমার জীবন মরুভূমি হ’য়ে যাচ্ছে—আমি কাজের শক্তি হারিয়েছি, উৎসাহ হারিয়েছি। কেবল তোমার ঐ ব্যথাতুর মুখখানি আমার দৃষ্টির ক্ষেত্র আচ্ছন্ন ক’রে র’য়েছে। আমাকে রক্ষা কর রেখা, আপনাকে রক্ষা কর।”

রেখা হাত টানিয়া লইয়া সংযত হইয়া বসিল। তার বুকের ভিতর টিপ টিপ করিতে লাগিল। তার চক্ষে ভাসিয়া উঠিল অনেক দিনের পুরাতন চিত্র—সৌরীন যখন তার পাশে বসিয়া এমনি করিয়া প্রেম নিবেদন করিত। তার মনের ভিতর একটা অনির্কচনীয় মিশ্রভাবের সৃষ্টি হইল। সৌরীনের সেই প্রিয় স্মৃতি তাহাকে ব্যথিত করিল। অথচ তার উদাস স্নেহবুড়ুকু হৃদয়ে নিত্যরঞ্জনের প্রীতি যেন মরুভূমে বারি মত বর্ষিত হইয়া তার অন্তর স্নিগ্ধ করিয়া দিল। একটু লোভ হইল, তার চেয়ে বেশী হইল ভয়। তার চঞ্চল চোখের ভিতর ফুটিয়া উঠিল ত্রস্তা হরিণীর ভাব।



কিন্তু সে সরিয়া গেল না, নিত্যরঞ্জনকে তিরস্কারও করিল না, শুধু বলিল, “কি বলছেন আপনি ?”

নিত্যরঞ্জন ক্ষিপ্ত হইয়া উঠিল। সে বলিল, “কি বলছি বুঝতে পারছেন না রেখা ? বুঝতে হবে তোমায়। বলছি আমি তোমায় ভালবাসি, আমি তোমার সুখ দুঃখের ভার বইতে চাই। আমি পারি না তোমাকে তোমার জীবন এমনি ক’রে নষ্ট ক’রতে দিতে।”

রেখা স্তব্ধ ভাবে পাথরের মূর্তির মত নিত্যরঞ্জনের দিকে শুধু চাহিয়া রহিল। তার বোধশক্তি চলিয়া গেল, কোনও কিছু ভাবিবার শক্তি তার রহিল না। ভাবিয়া চিন্তিয়া কর্তব্য স্থির করা তার পক্ষে অসম্ভব হইল। সে শুধু বসিয়া রহিল।

নিত্যরঞ্জন আর একটু অগ্রসর হইল। হাত বাড়াইয়া রেখার একথানা হাত টানিয়া লইল। রেখা বাধা দিল না— তার মনের অসাড় নিস্পন্দতার উপর দিয়া যেন একটা তুপির মুছ সমীরণ-স্পর্শ খেলিয়া গেল। নিত্যরঞ্জন বলিল, “হাঁ রেখা, আমি তোমায় ভালবাসি। বল রেখা, আমাকে বিমুখ ক’রবে না—আমাকে ভার দেবে তোমাকে সুখী করবার ?”

রেখা চুপ করিয়া মাটির দিকে চাহিয়া বসিয়া রহিল। তার বুকের ভিতর ছম দাম শব্দ হইতে লাগিল। সহসা

কি একটা তুমুল পরস্পর-বিক্রম ভাবের বজ্র তার পাথর-চাপা হৃদয়ের ভিতর দিয়া বহিয়া তাহাকে নাচাইয়া বেড়াইতে লাগিল। সে কি বলিবে, কি করিবে, কিছুই স্থির করিতে পারিল না।

নিত্যরঞ্জন উৎসাহিত হইয়া উঠিল। সে উঠিয়া মেঝের উপর রেখার পায়ের কাছে বসিয়া রেখার দুই হাত চাপিয়া ধরিল—

এমন সময় বাহিরে কে বলিল, “আমি আসতে পারি।”

যেন বিদ্যুৎ-স্পর্শে চমকিত হইয়া রেখা উঠিল। সে ছুটিয়া ছমারের কাছে গেল।

ছমারের কাছে যাকে দেখিল, তাহাকে দেখিয়া রেখা এক মুহূর্ত্ত স্তম্ভিত হইয়া দাঁড়াইয়া রহিল। অকুণ্ঠিত করিয়া সে তার মুখের দিকে চাহিল। সে একটা দীন বেশী ভিক্কুক। পরিধানে তার ছিন্নবাস। মাথার চুলে জটা ধরিয়া গিয়াছে। অঘ্র-রঞ্জিত দাড়ি-গোঁফে মুখ ঢাকিয়া গিয়াছে। রোগে জীর্ণ-শীর্ণ সে মূর্ত্তি—তবু অপূর্ব্ণ দ্রুতিমান তার চক্ষু।

আগস্তুক রেখার দিকে চাহিয়া কিছুক্ষণ পরে ডাকিল, “রেখা !”

রেখা এতক্ষণে নিশ্চয় জানিল—সে সৌরীন !

( আগামী সংখ্যায় সমাপ্য )

## মুর্শিদাবাদ

### শ্রীমুজনাথ মিত্র মুস্তোফী

( আলোকচিত্র—শ্রীযুক্ত ললিতা প্রসাদ দত্ত এম-আর-এ-এস্ এবং লেখক কর্তৃক গৃহীত )

( ২ )

মুর্শিদাবাদ সহরের উপকণ্ঠের উত্তর দিকে স্থিত জিয়াগঞ্জের দিক হইতে নৌকা-যোগে ভাগীরথী দিয়া আসিতে পূর্বপারে জাফরগঞ্জ ও উহার বিপরীত দিকে পশ্চিম পারে নবাব সিরাজদ্দৌলার মনসুরগঞ্জ ও হীরা খিল প্রাসাদের স্থান আছে। ওরা তারিখে অপরাহ্নে বড়নগর হইতে জলপথে কিরিবার সময় আমাদিগের তরণী হীরাখিলের পার্শ্বে উপস্থিত হইল। দেখিলাম যে ভাগীরথীর এই দিকের পাড় অত্যন্ত খাড়া এবং বর্ষাকালে তরঙ্গাঘাতে এই দিকের পাড় ভাঙ্গিয়া থাকে। ভীষ্ম পাড়ের দিকে চাহিয়া দেখিলাম, মনসুরগঞ্জ প্রাসাদের ও হীরা খিলের প্রমোদ-উদ্যানের ইমারতগুলির বজ্জের স্থায় মজবুদ, ও অতিশয় স্থূল ভিতের

গাথনিগুলি পাড় ভাঙ্গিয়া যাওয়ায় বাহির হইয়া পড়িয়াছে। পাড়ের উপরে বন জঙ্গল হইয়াছে। স্থানটি নির্জন, এক স্থানে ভগ্ন পাড়ের নীচে নদী-সৈকতে দুইজন মুসলমান নমাজ পড়িতেছে। নদী-সৈকতে নির্জনে ভগবানকে ডাকিবার এমন সুন্দর স্থান অধিক মিলে না। আমরা ও এই দুইটি প্রাণী ছাড়া আর কাহাকেও এই স্থানে দেখা গেল না।

পাড়ের উপরে উঠিয়া দেখিব বলিয়া মাঝিকে নৌকা লাগাইতে বলিলাম। সে তীরের সন্নিকটে নৌকা আনিয়া জলের দিকে তাকাইতে কহিল। আমরা দেখিলাম যে, ইষ্টক-নির্মিত ইমারতের অতি বৃহৎ পাকা গাথনির ভগ্ন অংশ জলের মধ্যে পড়িয়া আছে। মাঝি কহিল, ঐ







একটি কৃষ্ণ প্রস্তরের শিবলিঙ্গ আছে, উহার চারি পার্শ্বে চারিটি ও উপরিভাগে একটি নরমুণ্ড খোদিত আছে,—অর্থাৎ শিবলিঙ্গটি পঞ্চানন। মন্দিরের পশ্চিম দিকের খোলা রোয়াকের উপরে তিনটি কাল পাথরের সরু শিবলিঙ্গ মেখেয় গাথা আছে! দেখিলাম—২১টি ফুল দিয়া পূজা সম্পন্ন করা হইয়াছে। মন্দিরের পশ্চিম দিকে বড়নগর হইতে আড়মগঞ্জ যাইবার সরকারি কাচারাস্তা আছে। উহার পশ্চিম পার্শ্বে জটাজূট-শোভিত একটি প্রাচীন ও বৃহৎ বটগাছ আছে। মন্দিরের



বড়নগর যাইবার পথে লোহাগঞ্জের বাঙ্গালা শিবমন্দির

উত্তর-পশ্চিম দিকে রাস্তার পরপারে ৮গোপীনাথ ঠাকুরের মোহাস্তের শুভ্রবর্ণের বৃহৎ অট্টালিকা আছে। মোহাস্ত মহাশয় হিন্দুস্থানী নৈকব। নৌক হইতে তাঁরে নামিয়া খাড়া উচ্চ পাড়ে আবেহণ পূর্বক উক্ত শিবমন্দিরটি ভাল করিয়া দেখিয়া লইয়া পুনরায় নৌকা ধুগিয়া দিয়া বড়নগর অভিমুখে চলিলেন।

অল্প দূর যাইয়াই ভাগীরথীর পশ্চিম পারে বড়নগরের কাছারী-ঘাটে উপস্থিত হইলাম। নাটোর বড় তরফের রাজ-কুমারের বড়নগর জমিদারীর অঙ্গতম কর্মচারী ও পোষ্টমাষ্টার শ্রীযুক্ত পূর্ণচন্দ্র বিশ্বাস ইতিপূর্বে আমার পত্র পাইয়া বড়নগর পধ্যস্ত আমাকে সাদরে নিমন্ত্রণ করিয়াছিলেন। তাঁহারই ভরসায় বড়নগরে আসিলাম। যখন বড়নগরের ঘাটে পহঁছিলাম, তখন বেলা প্রায় ৮।১০টা। পাড়ের উপরে উঠিলেই ডাইন দিকে একটি হরিজাত কুঞ্জ শিবমন্দির আছে। অদূরে বামে ভগ্ন গৃহের স্তূপ এবং সম্মুখে নাটোরের রাজ-কাছারি ও কয়েকটি

মন্দির আছে! আমাদেরকে আসিতে দেখিয়া পূর্ণবাবু আমাদের নিকটে আসিয়া পরিচয় লইলেন এবং সঙ্গে করিয়া দ্রষ্টব্য স্থানগুলি দেখাইতে চলিলেন।

ঘাটের উপরেই যে ছোট শিবমন্দিরটি আছে, উহা অল্পকাল মধ্যে ভাগীরথীর কুঙ্কগত হইবে বলিয়া আশঙ্কা হয়। মন্দিরটি রাণী ভবানী কর্তৃক নির্মিত! এই প্রকারের শিবমন্দির বীরভূম জেলার শিউড়ীতে দেখিয়াছি। ভাগীরথীর পাড়ের উপরেই রাস্তা আছে, উহার পশ্চিমে, নাটোরের বড় তরফের মহারাজার একতলা কাছারীবাটা আছে। উহারই একটি প্রকোষ্ঠে বড়নগরের ব্রাহ্ম পোষ্টাফিস বিদ্যমান। কাছারী বাটার সম্মুখের ভূমিখণ্ডে ভগ্ন গৃহাদির স্তূপ আছে।

কাছারীর পশ্চিম দিকে একটি অত্যুচ্চ অষ্টকোণ শিবমন্দির আছে। উহার নিম্নভাগ দেখিতে নদীয়া জেলার শিবনিবাসের ৮রাজরাজেশ্বর শিবের বৃহৎ অষ্টকোণ মন্দিরের নিম্নভাগের স্তায়। এই বৃহৎ মন্দিরটির উর্দ্ধদেশ দেখিতে একটি বৃহৎ ধুতুরা ফুলের শ্যাম—যেন একটি ধুতুরা ফুল উপড় করিয়া বসাইয়া দেওয়া হইয়াছে। মন্দির চূড়া লৌহ-ত্রিশূল-শোভিত। মন্দির-গাত্রে মিহি সুরকীর জমাটের উপরে সপুষ্প লতিকা, পুষ্প-মালিকা, পদ্মপুষ্প, কানাই বলাই ও সিংহ প্রভৃতি মূর্তি উৎকীর্ণ আছে। মন্দিরের চতুর্দিকে গোলা রোয়াক আছে, রোয়াকে অবহুে কাটা নটের গাছ ও আগাছা জন্মিয়াছে। রোয়াকের পশ্চাতে গর্ভ-মন্দিরকে বেষ্টিন করিয়া খিলান করা ছাদ-বিশিষ্ট বারান্দা আছে। এই



বড়নগর ভাগীরথীতীরে একটি শিবমন্দির

বারান্দার ৮টি কোকর বা খিলান-করা দ্বার আছে। বারান্দাটি-বহু দিনের পক্ষীর বিষ্ঠায় অপরিষ্কার হইয়া আছে। এই বারান্দা বেষ্টিত














## সাধুর বাগ।

বড়নগর ত্যাগ করিয়া পরপারে সাধুর বাগ উদ্দেশে যাইবার সময় দেখিলাম—এই স্থানে ভাগীরথী পূর্ব দিক হইতে বড়নগরের উত্তর-পূর্ব কোণার আসিয়া মোড় ফিরিয়া দক্ষিণ দিকে প্রবাহিত হইয়াছে। ভাগীরথী পার হইয়া বড়নগরের পরপারে উপস্থিত হইয়া দেখিলাম যে, ভাগীরথীর বাঁধের এক স্থানে কয়েকটি প্রাচীন ভগ্নপ্রায় শিবমন্দির আছে। মন্দিরগুলি একচুড় ও অল্পে রক্ষিত। আমরা এই মন্দির সমষ্টির উত্তর-পূর্ব দিকে গ্রামের মধ্যে প্রবেশ করিলাম। গ্রামটিতে বৈষ্ণব ও নিম্নশ্রেণীর লোকের বাস দেখিলাম। গ্রামের মধ্যে কিয়ৎদূর প্রবেশ করিয়া একটা পরিষ্কার বনকীর্ণ উচ্চ পথের পূর্ব পাশে পুষ্করিণীর তীরে উপস্থিত হইলাম। স্থানট বনকীর্ণ ও নির্জন। কাটা গাছের মধ্য দিয়া পুষ্করিণীর তলের ধরে যাইতে অল্পপ্রত্যঙ্গ



বড়নগর—রাজা রামবৃন্দের পঞ্চমুখী আসন

ক্ষতবিক্ষত হইল। পুষ্করিণীটি উত্তর-দক্ষিণে দীর্ঘ। ইহাতে সামান্ত জল আছে। ইহার দক্ষিণ দিকে শ্মশান-বাধান উচ্চ পোস্তার স্থায় গাঁথনি আছে। পুষ্করিণীর পূর্ব দিকে একটা আম ও লিচুর বাগান আছে। বাগানের মধ্যে কতকগুলি ইষ্টক-নির্মিত ইমারতের ভগ্নাবশেষ দণ্ডায়মান আছে। এই স্থানে একটা ঠাকুরগাটির ভগ্নাবশেষ দৃষ্ট হয়। একটা উঠানের চারিদিকে চারিটা মন্দিরের ভগ্নাবশেষ রহিয়াছে। উঠানের দক্ষিণ দিকে একটা বৃহৎ মন্দির অর্ধভগ্ন অবস্থায় দণ্ডায়মান আছে। ইহার গর্ভমন্দিরের চতুর্দিকে ছাদে কড়িবরগা বেওয়া যে বারান্দা ছিল, ইহার ছাদ ভাঙ্গিয়া গিয়াছে। এই বারান্দার বহির্দেশে দিয়া মন্দিরের চতুর্দিকে যে রোয়াক ছিল, উহা উত্তর দিক বাদে অন্য সকল দিকে ভাঙ্গিয়া পড়িয়াছে। এই বারান্দা প্রায় ৬ ফিট প্রশস্ত। প্রত্যেক দিকের বারান্দার সম্মুখে তিনটি করিয়া অপ্রশস্ত বা সন্ন্যাসীকর অর্থাৎ ধারের খিলান আছে। এই কোকরগুলি ২ ফিট প্রশস্ত। উত্তর দিকের

বারান্দার সম্মুখে যে তিনটি ধারের কোকর আছে, উহাতে ৪ জোড়া গোল থাম আছে। অপর দিকের বারান্দাগুলিতে চতুর্কোণ থাম আছে। গর্ভমন্দিরের চারি দিকে একটা করিয়া ধার আছে। ইহার অভ্যন্তরে পূর্ব দক্ষিণ কোণার দিকে একটা ইষ্টকের বেদী ছিল, তাহা ভাঙ্গিয়া গিয়াছে। কিন্তু মন্দিরের উপরের খিলান অত্যন্ত মজবুত আছে। বড়নগরের মন্দিরগুলির স্থায় এই মন্দিরের গাত্রে মিহি সুরকী ও চূর্ণ-মিশ্রিত মশলা দ্বারা জমাট করিয়া তাহার উপরে চূর্ণকাম করা হইয়াছিল। গর্ভমন্দিরের দেওয়াল ৩১ ফিট স্থূল। ইহার বহির্দেশের মাপ প্রত্যেক দিকে ১৩১ ফিট। উত্তর দিকই এই মন্দিরের সম্মুখভাগ। এই দিকে মন্দিরের উচ্চ রোয়াক হইতে উঠানে নামিবার কয়েকটি সিঁড়ি আছে। মন্দিরটি নবচুড়। গর্ভ-মন্দিরের উপরিভাগে মধ্যস্থলে যে উচ্চ চূড়া আছে, তাহার চারি কোণায় চারিটি ক্ষুদ্রতর চূড়া আছে। তদ্ব্যতীত মন্দিরের বারান্দার ছাদের উপরে চারি কোণায় আর চারিটি চূড়া আছে। অর্থাৎ মন্দিরে উপরে মোট ৯টি চূড়া আছে। মন্দিরের বারান্দার বহির্দেশের মাপ প্রত্যেক দিকে প্রায় ২৮ ফিট। এই মন্দিরে রামচন্দ্র বিগ্রহ ছিল না।

এই বৃহৎ মন্দিরের উত্তর দিকে অর্থাৎ ঠাকুরগাটির মধ্যস্থলের উঠানের অপর তিন দিকে একটা করিয়া ছোট পঞ্চচুড় মন্দির ছিল। তন্মধ্যে কেবল মাত্র উত্তর দিকেরটি আজিও অর্ধভগ্ন অবস্থায় আছে। এই মন্দির মধ্যে একটা বেদী মাত্র আছে। এই মন্দিরগুলি মন্তরাম আউলিয়ার বা মন্তরাম বাবাজীর আশ্রয়।

এই ঠাকুরগাটির উত্তর দিকে আম-বাগানের মধ্যে ভগ্ন দ্বিতল অট্টালিকা ও পারখানা আছে। এইখানে আখড়ার মোহান্ত ও বৈষ্ণবগণ বাস করিতেন। চতুর্দিকে আম ও লিচুবাগান থাকার

স্থানটি দিবসে অন্ধকার হইয়া আছে। এখানে জন-প্রাণী নাই—চতুর্দিকে গভীর নিস্তব্ধতা বিরাজ করিতেছে। এই স্থানের অদূরে ভাগীরথী বহিয়া যাইতেছে; তাহা এই স্থান হইতে দেখা যায়। শুনা যায় যে, কর্ত্তাভজা সম্প্রদায়ের মন্তরাম আউলিয়া বাবাজী নামক জনৈক সাধু এই আখড়া স্থাপন করেন। ইন্দ্রিয়পরায়ণ মিরাজ্জন্দৌলা রানী ভবানীর কস্তা আলুলারিতা-কেশা তারাকে দেখিয়া তাহাকে পাইবার ইচ্ছা করিলে মন্তরাম তাহাকে রক্ষা করেন। প্রবাদ আছে যে, মন্তরাম তপঃপ্রভাবে ভাগীরথীর জলের উপর দিয়া খড়ম পায়ে দিয়া হাটয়া যাইতেন। মন্তরামের এই আখড়ার মন্দিরাদি নির্মাণ কালে সম্ভবতঃ রানী ভবানী বিবিধ উপায়ে সাহায্য করিয়া থাকিবেন। অরাদি ব্যাধির ভয় কিয়ৎকাল পূর্বে এই আখড়ার মোহান্ত এই স্থান পরিত্যাগ করিয়াছেন। শুনিয়াছি, এই স্থানে রথযাত্রা উপলক্ষে সমারোহ হয়।


বেলা ১টা ৪৫ মিনিটের সময় আমরা মন্তরামের ত্যক্ত আখড়া



মন্দিরকার হুসানে আকাশ বাতাস ভরিয়া সিঁদাছে, আর বিহঙ্গমুল পাশল হইয়া চারিদিকে পান জড়িয়া দিয়াছে। এবেশ ও সেনেবে বিশেষ পার্শ্বক্য নাই।

ই, আই, রেল লাইন পার হইয়া কিয়ৎ দূর বাইলে দেখা যায় যে, আজিমখন্ড হইতে একটা কাঁচা রাস্তা আসিয়া এই রাস্তার সহিত মিশিয়াছে। রাস্তার উত্তর পার্শ্ব একস্থানে একটা পুকুরিণী ও আর এক স্থানে একটা ইষ্টক-নির্মিত পরিত্যক্ত বৃহৎ সেতুর ভাঙ্গা পাথনি আছে। সম্ভবতঃ ইহা কানুনগো মর্পনারায়ণের পুত্র শিৎনারায়ণ কর্তৃক নির্মিত কিরীটেবরী বাইবার পথের সেতু। ৬টা ১৫ মিনিটের সময় ভবানী স্থান নামক গ্রামে প্রবেশ করিলাম। ভবানী স্থান বা ভবানী ধান গ্রাম এবং কিরীটেবরী বা কিরীট কচা গ্রাম একই। বঙ্গাধিকারী মর্পনারায়ণ রায় কানুনগোর পিতার ধর্মভ্রাতা বঙ্গবিনোদ রায়

কতকগুলি ভয় ও অর্ধভয় শিবমন্দির ও ভয় ভূপ পরিবেষ্টিত বটজাহা-শীতল স্থানে ৬কিরীটেবরীর কোঠা ঘর বা মন্দির রহিয়াছে। ঠাকুরবাটির উত্তর-পূর্ব কোণের নিকটে কিরীটেবরীর বাটির প্রবেশ-দ্বারের ভগ্নাবশেষ আছে। ঠাকুরবাটির মধ্যস্থ উঠানের পূর্ব দিকে ৬কিরীটেবরীর একতলা মন্দির বা কোঠা ঘর আছে। কেহ কেহ বলেন যে, কানুনগো মর্পনারায়ণ এই কোঠাটি করিয়া দিয়াছিলেন। কিন্তু ইহা দেখিয়া মনে হয় না যে, ইহা তত দিনের প্রাচীন। মর্তৃগৃহ বা মন্দিরের চতুর্দিকে যে খামবুজ বারান্দা আছে, উহা ৬ ফিট প্রশস্ত। কিরীটেবরীর ঘরের সম্মুখ-ভাগ পশ্চিম দিকে। মর্তৃগৃহের পশ্চিম দিকের প্রধান দ্বারের সম্মুখে একটা দরদালানের ভাঙ্গা আছে। উহাৰ মাপ উত্তর-দক্ষিণে প্রায় ১২ ফিট × পূর্ব-পশ্চিমে প্রায় ৬ ফিট। মর্তৃগৃহে প্রবেশ করিলে দেখিতে পাওয়া যায় যে, ইহার ছাদ খিগল করা।



বড়নগর—রাণীভবানীর চারি বাঙ্গালা মন্দিরের আর একটা মন্দির

বড়নগরের নিকট হইতে যে সকল দেবোত্তর ও নিম্বর ভূসম্পত্তি হইয়াছিলেন, কিরীটেবরী তাহার অন্তর্গত ছিল এবং ভবানী ধান নামের পুকুর ছিল। এখানে পথের দুই পার্শ্বে কয়েকটি অর্ধভূজ পুকুরিণী ও সম্ভবতঃ বহু তালগাছ শুল্ক ভেদ করিয়া মাথা তুলিয়া দাঁড়াইয়া আছে। দেখিলে মনে হয়, যেন কতকগুলি ভূত বায়ুত্তরে কেশপাশ হইয়া দিয়া কিরীটেবরীর প্রবেশ-দ্বারের দুই পার্শ্বে অহরীর কাণ্ডে সম্মুখ আছে।

উহার পরে আমরা কিরীটেবরীর সীমার মধ্যে প্রবেশ করিলাম, ১০ কিরীটেবরীর ঠাকুরবাটির সন্নিকটে উপস্থিত হইলাম। তাল-পুকুরিণী ও পুকুরিণীর প্রাচুর্য ও বন-জঙ্গল কম দেখিয়া মনে হইল যে কিরীট রাত দেশের কোন গ্রামে প্রবেশ করিয়াছি।

তালগাছ-শোভিত একটা পরিষ্কার, পরিচ্ছন্ন ভূমির পশ্চিম দিকে

মর্তৃগৃহের দক্ষিণ দিকে আর একটা মূর্ত ঘর আছে। গৃহতল কাল মার্বেল পাথর বিয়া বীধান। গৃহ মধ্যে পূর্ব দিকের দেওয়ালের সহিত সংলগ্ন একটা বেদী আছে। বেদীর উপরে দেওয়ালের পাত্রে প্রতিমার পশ্চাত্তের চালের ভাঙ্গা দেখিতে একটা স্থান আছে, উহাতে লতা, পাতা ও নঙ্গা খোদিত আছে। গৃহমধ্যে যথেষ্ট আলোক না থাকায় এই পদার্থটি কি, তাহা ভাল করিয়া দেখিতে পাইলাম না। শুনিলাম যে, এই পদার্থটি প্রতিমার চালের ভাঙ্গা আকৃতিবিশিষ্ট একখানি প্রস্তর মাত্র। আমার মনে হয় যেন এই প্রকারের শিলা গোড়ের ধ্বংস-স্থানে দেখিয়াছি। শিলাটির পুরোভাগে (উক্ত বেদীর উপরে) পাত্রে-শিরতোলা কিন্তু দেখিতে কতক কমল পুষ্পের ভাঙ্গা আকৃতি-বিশিষ্ট একটি কৃক বর্ণের প্রস্তর রহিয়াছে। উহা দেখিয়া মনে

হয়, যেন উহা কোন মূর্তির পাদপীঠ ছিল,—মূর্তিটি ভাঙ্গিয়া গিয়াছে কিন্তু পাদপীঠটি রহিয়া গিয়াছে। এই স্থানেই ৬কিরীটেবরীর পূজা দেওয়া হইয়া থাকে। উক্ত পাদপীঠ দেখিয়া এবং কিরীটেবরীর কোন মূর্তি নাই দেখিয়া মনে হয়, যেন পূর্বে এই পাদপীঠের উপর কোন মূর্তি ছিল, পরে উহা মুসলমানদিগের অনুগ্রহে হউক বা কোন দৈবহ্রস্বিপাকে হউক নষ্ট হইয়াছে। এই ঠাকুর-ঘরে প্রত্যহ পাঁচ হটাক চাইলের কাঁচা নৈবেদ্য খোপ দেওয়া হয়। কিরীটেবরীর কোঠার বহির্দোলের মাপ—পূর্ব-পশ্চিমে প্রায় ৪০ ফিট × উত্তর-দক্ষিণে ৩৬ ফিট। দেবী বিমলা নামে বিদিতা। সেবার পূরীধামে বাইরা আর একটি বিমলা মূর্তি দেখিয়াছি। কিরীটেবরীর ঘরের সম্মুখের উঠানে একটি হাড়িকাঠ খোদিত আছে, উহাতে ছাপ বসি হয়।



করিবার সময় অশ্রুমনস্ক ভাবে মোহর দিয়া ফেলিতেন বলিয়া অনেক সময় তাহার ছন্দবেশ প্রকাশ হইয়া পড়িত। কিরীটেখরী তান্ত্রিক সাধক রাজা রামকৃষ্ণের অতি প্রিয় সাধনার স্থান ছিল।

কিরীটেখরীর বাটীর ভিতরে উঠানের দক্ষিণ দিকে একসারি শিবমন্দির ছিল; একশে তাহার ভগ্ন স্তূপগুলি মাত্র আছে। দক্ষিণ দিকে উন্মুক্ত ভগ্ন রোয়াকের উপরে এই তীর্থের অধিষ্ঠাত্রী দেবী বিমলায় বা কিরীটেখরীর ভৈরব—সম্বর্ভ ভৈরব—নামক একটা শিবলিঙ্গ উন্মুক্ত আকাশতলে অবস্থে পড়িয়া থাকিয়া রৌদ্র ও কড়াবাতের সহিত যুদ্ধ করিতেছেন; এবং বিলাসী ও আশ্রয়স্থী হিন্দুর অধোগতির সাক্ষ্য দিতেছেন। এই ভগ্ন রোয়াকের উপরে আরও কয়েকটি ছোট বড়



বড়নগর—বিষ্ণুনাথ কালী

শিবলিঙ্গ অবস্থে ঘাস ও আশ্রয়নার মধ্যে পড়িয়া আছে, কেহ তাহা-দিগের যত্ন লয় বলিয়া বোধ হইল না। কিরীটেখরীর বাটী হইতে বাহির হইবর অল্প দক্ষিণ দিকে একটা দ্বার ছিল; তাহার চিহ্ন আজিও আছে। উক্ত সারির পশ্চাৎ বা দক্ষিণ দিকে পূর্ব-পশ্চিমে দীর্ঘ একটা গলি পথ ছিল, তাহার চিহ্ন বর্তমান আছে। এই গলি-পথের দক্ষিণ দিকে পূর্ব হইতে পশ্চিম দিকে আর এক সারি শিবমন্দির ছিল; তন্মধ্যে ৩৫টি ভগ্ন ও অর্দ্ধ-ভগ্ন অবস্থার আজিও দণ্ডায়মান থাকিয়া আপন ছরদুটের ও হিন্দুর স্বপ্নের প্রতি অনাহার পরিচয় দিতেছে। দক্ষিণ

দিকের বহির্দেশের এই মন্দির সারির পূর্ব দিকে একটা পশ্চিমদ্বারী অস্তগ্ন শিবমন্দির আছে, উক্তার পূর্ব দিকের দেওয়ালের সহিত সংলগ্ন একটা কারুকাৰ্য্যখচিত প্রস্তর বেদীর উপরে কাল পাথরের বুদ্ধমূর্তি উপনিষ্ট আছে। জীবহিংসা-বিরোধী বুদ্ধদেব এখানে হিন্দুর হাতে পড়িয়া কালভৈরব উপাধি লাভ করিয়া পূজা প্রাপ্ত হইতেছেন। বুদ্ধদেব ওরফে কালভৈরবের পশ্চাতের দেওয়ালে ও অল্প তিন দিকের দেওয়ালের জমাটে ভল্লুকাদি মূর্তি ও লতা-পুষ্পাদি অঙ্কিত আছে। মন্দিরের পশ্চিম দিকের ভিতের গাত্রে কাল পাথরের উপরে অতি সুশ্রী লতা, পাতা, পুষ্প ও অল্প কারুকাৰ্য্য খচিত আছে। এই প্রকারের কারুকাৰ্য্য-খচিত প্রস্তর গোড়ের রামকলি ও অস্তাস্ত্র স্থানে দেখিমাছি। এগুলি

যে গোড়ের কোন প্রাচীন কীর্তির ধ্বংসাবশেষ হইতে সংগৃহীত হইয়াছে, তাহাতে কোন সন্দেহ নাই। এই মন্দিরের বহির্দেশের মাপ উত্তর-দক্ষিণে ১২ ফিট + পূর্ব-পশ্চিমে ১১২ ফিট। দেওয়ালের স্তূলতা ২ ফিট।

এই মন্দিরের পশ্চিম দিকে বাণীনাগর নামক পুষ্করিণীর ঘাটে ঘাইবার যে পথ আছে, তাহার পশ্চিম পার্শ্বে একটা পুষ্করিণী ছোট শিবমন্দির আছে। এই মন্দিরের সম্মুখদেশে ললাটের স্মৃতিফলকে বাহা লিখিত আছে তাহার স্কন্ধ পাঠ এই :—

মাকৈ মপুঃষ্ট কালেন্দু

সংখ্যে মস্তু প্রিয়া পুরে

মভারাম সূতে ঃকথা

স্রষ্টৃনাথো মঠঃ স্ততঃ।

দক্ষিণ দিকের বহির্দেশের এই মন্দির-সারির দক্ষিণে কালীনাগর নামক বৃহৎ পুষ্করিণীর ধ্বংসাবশেষ আছে। তাহার মধ্যে মাম, দাস ও নল-বাগড়ার ঘন হইয়া আছে। কিরীটেখরীর বাটীর দক্ষিণ দিকের দ্বার দিয়া এই পুষ্করিণীর উত্তর পাড়ের যে ঘাট যাত্রীগণ ব্যবহার করিত, উক্ত ঘাট গোড়ের ধ্বংস স্তূপ হইতে সংগৃহীত প্রস্তর দ্বারা বাঁধান ছিল, আজিও তাহার ধ্বংসাবশেষ বর্তমান আছে। বঙ্গাধিবাসীরাংশীয় কানুনগো দণ্ডনাদেশ এই পুষ্করিণী ধ্বনন করাইয়া দিয়াছিলেন। পুষ্করিণীটির পূর্ব দিকে কয়েকটি অতি বৃহৎ ও প্রাচীন জটাজুটশোভিত বটবৃক্ষ বহুদূর পর্যন্ত


ভালপালা বিস্তৃত করিয়া সর্গর্বে যুগুগাস্ত ধরিয়া দণ্ডায়মান থাকিয়া কিরীটেখরীর অদৃষ্ট পরিবর্তন দেখিয়া আসিতেছে।

কিরীটেখরীর বাটীর গঠন, ভগ্ন স্তূপ ও শিবমন্দিরগুলির অবস্থান দেখিয়া মনে হয় যে, পূর্বে এই ঠাকুর-বাটীর ভিতরের অংশে উঠানের চতুর্দিকে একসারি করিয়া মন্দির ও গৃহ ছিল এবং অস্ত্যতঃ পূর্ব, পশ্চিম ও দক্ষিণ দিকে এক একটা করিয়া দণ্ডায়মান ছিল—পশ্চিম দিকে নহবংখানা ছিল। এই ভিতরের অংশের বহির্দেশে চতুর্দিক দিয়া একটা গলিপথ ছিল। এই গলিপথের বহির্দেশে দিয়া চতুর্দিকে আর





একপ মূর্তি চান বাহা প্রাচীন ও যাহার পূজা হইয়াছে। আমি বলিয়াছিলাম যে গৃহদেবতা হিন্দুর স্বীয় পরিজনবর্গের সামিল, কেহই আপন গৃহদেবতাকে বিক্রয় করিবে না। সাহেব সে কথা স্বীকার করিয়াছিলেন; কিন্তু তথাপি চেষ্টা করিবার অস্ত্র আমাকে অনুরোধ করিয়াছিলেন। এখানে এই মূর্তি কংটির ও অগ্রাঙ্গ হানে আরও



সাধুর বাগ—মন্তরামের ত্যক্ত আংড়ার নবচূড় মন্দির

কতকগুলি দেবমূর্তির যে চূর্ণনা দেখিয়াছি, তাহাতে মনে মনে লজ্জা হয় যে, এই সকল বিশেষী সৌখীন সাহেব যদি এই সকল মূর্তির সন্ধান প্রাপ্ত হন, তাহা হইলে অর্ধ-২০নে বিগ্রহগুলিকে সম্ভবতঃ হস্তগত করিতে পারেন।

গুপ্তপীঠের বাটার পার্বে দক্ষিণ ও পশ্চিম দিকে বিভিন্ন আকৃতির ছয়টি একচূড় শিবমন্দির ও ধ্বংসস্তূপ আছে। স্থানীয় কোন ব্যক্তি কহিলেন যে এই মন্দির কর্ত রাণী ভবানী কর্তৃক নির্মিত। কিরীটেশ্বরী গ্রামের যাবতীর শিবলিঙ্গের চূর্ণনা দেখিয়া বোধ হয় না যে তাহাদের পূজা হয়।

কিরীটেশ্বরী গ্রামে আর কিছুই দেখিবার নাই। এই গ্রামের প্রকৃত নাম কিরীটকণা, কিন্তু ৮কিরীটেশ্বরী ঠাকুরাণীর নামানুসারে লোকে এই গ্রামকে কিরীটেশ্বরী বলে। এই স্থানের অধিষ্ঠাত্রী দেবী বিমলা এবং তাঁহার ভৈরব সখর্ত্ত বালিয়া বিদিত। তন্ত্রচূড়ামণির মতে বিষ্ণুচক্র ঘুরা বিচ্ছিন্ন হইয়া ভগবতীর কিরীট এই স্থানে পতিত হইয়াছিল বালিয়া দেবীকে কিরীটেশ্বরী বলিয়া অভিহিত করা হয় :—

“ভুবনেশী সিদ্ধিক্রপা কিরীটহা কিরীটতঃ।

দেবতা বিমলা নারী সখর্ত্তো ভৈরবস্তথা ॥”

কিরীটেশ্বরী একটি মহাপীঠ।

মহানীল ভদ্রে লিখিত আছে :—

“কালীঘাটে, গুহকালী কিরীটে চ মহেশ্বরী।


কিরীটেশ্বরী মহাদেবী লিঙ্গাখ্যে লিঙ্গ বাহিনী ॥”

কেহ কেহ মনে করেন যে এককালে কিরীটেশ্বরী বা কিরীটকণা গ্রামের নিকট দিয়া ভাগীরথী প্রবাহিত ছিল। আমার স্বগ্রাম উলা নিবাসী দুর্গাপ্রসাদ মুখোপাধ্যায় প্রণীত প্রাচীন পত্রগ্রন্থ “গঙ্গাভক্তি তরঙ্গিনীতে” লিপিত আছে :—

“স্থতির নিকট গঙ্গা আইল ফিরিয়া।

চলিল কিরীটকোণা দক্ষিণে রাখিয়া ॥”

ঐতিহাসিকগণ অনুমান করেন যে পাল ও সেন রাজাদিগের রাজত্ব কালের পূর্বে, অনুমান ষ্ট পূর্ব ১০রি শত বৎসরের পর হইতে ৮কিরীটেশ্বরীর মাহাত্ম্য বিলুপ্ত হইয়া পড়িয়াছিল। পূর্বে কিরীটেশ্বরীর পীঠে কোন মূর্তি ছিল বলিয়া বোধ হয়, পরে উহা কোন প্রকারে বিধ্বস্ত হইয়া থাকিবে।



৮কিরীটেশ্বরীর প্রাচীন মন্দিরের ভগ্নাবশেষ

নবাব মুর্শিদ কুলী খাঁ বখশ ১৭০৩খৃষ্টাব্দে ঢাকা হইতে মুর্শিদাবাদে রাজধানী উঠাইয়া আনেন, সেই সময় “বঙ্গাধিকারী”বংশীর প্রধান কামুনগো বর্পনারায়ণ ৮কিরীটেশ্বরীর প্রাচীন মন্দিরাদির সংস্কার, দেবীর নূতন মন্দির এবং ভৈরবের মন্দির ও অপর কয়েকটি শিবমন্দির নির্মাণ

ও পুষ্করিণী প্রভৃতি খনন করাইয়া কিরীটেখরীর উন্নতি করেন। বঙ্গাধিকারীবংশীয় ভগবান রায় মোগল বাবশাহের নিকট হইতে কিরীটকণা গ্রামটি নিকর (দেবোত্তর) জায়গীর রূপে প্রাপ্ত হন। দর্পনারায়ণের পরেও বঙ্গাধিকারীবংশীয়গণ এই স্থানের অনেক উন্নতি সাধন করেন। জমিদারী সংক্রান্ত কাণ্ডের জন্ত বঙ্গের জমিদারদিগকে বঙ্গাধিকারীদিগের শরণাগত হইতে হইত। এই সকল জমিদার কিরীটেখরীতে মন্দিরাদি নির্মাণ করাইয়া এই স্থানের উন্নতি কল্পে সহায়তা করিয়াছিলেন। বঙ্গাধিকারীদিগের অবস্থা মন্দ হইতে আরম্ভ করিলে কিরীটেখরীরও দুর্দশা আরম্ভ হইল। তৎপরে মুর্শিদাবাদের গৌরব-রবি অন্তর্মিত হইবার সঙ্গে সঙ্গে কিরীটেখরীর সমৃদ্ধি লুপ্ত হইয়াছে। নাটোরের সাধক রাজা রামকৃষ্ণের নিকট কিরীটেখরী অতি পবিত্র সাধনার স্থান ছিল। তিনি এক কালে এই স্থানের মন্দিরাদি সংস্কার করাইয়া-

পাণ্ডাদিগের মধ্যে বৃদ্ধা কুমুদকামিনী দেবী কিরীটেখরীর বহু পুরাতন কাহিনী অবগত আছেন। রোগের জন্ত ডাক্তার বৈজ্ঞ, শিকার জন্ত একটা পাঠশালা পর্যন্ত গ্রামে নাই। বাজার নাই, ছুইখানি মাত্র মুদির দোকান আছে। স্থানীর লোকের মুখে শুনিলাম যে, কিরীটেখরী মহালটি বর্তমানে কান্দীর নিকটস্থ বহরালের শ্রীযুক্ত শরৎচন্দ্র ঘোষের জমিদারী-ভুক্ত। ৬ কিরীটেখরীর ও গুপ্তপীঠের আজিও প্রত্যহ যে সামান্য ভোগ হয়, তাহা ইঁহারই ব্যয়ে হইয়া থাকে। যাত্রীগণ ইচ্ছা করিলে ৬ কিরীটেখরীর সম্মুখে মানসিক করিয়া ছাগ বলি দিতে পারেন। পৌষ মাসের প্রথম মঙ্গলবার বাদে অন্ত তিন মঙ্গলবারে এখানে মেলা হয় ও বহু লোক সমাগম হয়। কাশুনগো দর্পনারায়ণ এই মেলার সৃষ্টি করেন। পূর্বে কিরীটেখরীর জমিদারী, বাগান বাগিচা, বহুমূল্য অলঙ্কার ও আসবাবপত্র ছিল, বর্তমানে তাহার কিছুই নাই।



৬ কিরীটেখরীর বর্তমান পুষ্ক

ছিলেন—ইহা শ্রীযুক্ত নিখিলনাথ রায় মহাশয়ের “মুর্শিদাবাদের ইতিহাস” হইতে জানা যায়। ইতিহাসে লিপিবদ্ধ হইয়াছে যে, নবাব নির্জাকর যখন মুচু-শয্যার শায়িত, সেই সময় রোগ আক্রান্ত কামনার দেওয়ান মহারাজা নন্দকুমারের পরামর্শ অনুসারে তিনি ৬ কিরীটেখরীর চরণামৃত পান করিয়াছিলেন।

পূর্বে এই গ্রামে ১৭২ খর শুধু কিরীটেখরীর পাণ্ডার বাস ছিল। এতদ্ব্যতীত কাণ্ড, বৈজ্ঞ, নবশাক, স্তাকরা, বাঙ্গী ও মাস প্রভৃতি ভাণ্ডীর বহু লোকের বাস ছিল। সর্বদা কানর, ঘণ্টা ও শঙ্খ-ধ্বনিতে গ্রাম মুগ্ধিত হইত। তখন গ্রামে টোল, পাঠশালা ও বাজার ছিল। বর্তমানে গ্রামে মাত্র ৪ খর পাণ্ডা ও ১ খর ভট্টাচার্য আছে। এতদ্ব্যতীত ১৪১৫ খর ভুঁইয়া, ১১১২ খর মাল ও ২১৩ খর বাঙ্গী আছে।

এক্ষণে চতুর্দিকে ধ্বংস ও দৈন্তের করাল ছায়া ছুটিয়া উঠিয়াছে ও গভীর নিস্তব্ধতা বিরাজ করিতেছে। আজি এ অভিশপ্ত স্থানে দেবতা নিহিত, পুড়ারী নিরপংগ। যাতায়াতের অসুবিধার হস্ত ও লোকের ধর্মভাবের অভাব হওয়ার এক্ষণে প্রত্যহ যাত্রী সমাগম ঘটয়া উঠে না। এটি জেলা মুর্শিদাবাদের লালবাগ মহকুমার ও ডাহাপাড়া পোষ্টাফিসের অধীন।

বেলা ১২টার পূর্বে দেবীর পূজা হয় না শুনিয়া, পুষ্কারির নিকট নামখাম ও গোত্রাদি লিখিয়া দিয়া ও পুষ্কার ব্যয় দিয়া বেলা ২টা ৪৫ মিনিটের সময় আমরা মুর্শিদাবাদ অভিমুখে কিরিয়া চলিলাম। কিরিবার-পথে পূর্বে বর্ণিত রোসনীবাগের মকবরা বা কবর স্থান দেখিয়া লইয়াছিলাম। তৎপরে খেয়া নৌকার ভাগীরথী পার হইয়া বেলা ১:১০ টার সময় বাসা বাটীতে পহঁছিলাম এবং

পূর্ক দিনের স্থায় অতিসংক্ষেপে দক্ষিণ হস্তের ব্যাপার শেষ করিয়া বৈকালের ডাউন কুকপুর—রাণাঘাট লোকাল ট্রেনে স্থান সংগ্রহ করতঃ মুর্শিদাবাদে ত্যাগ করিলাম। এই ট্রেনে যাইলে রাণাঘাটে গাড়ী বদল করিয়া রাত্রি প্রায় ১২টার সময় কলিকাতা পহঁছিতে হয়। পথে যখন পলাশী স্টেশনে ট্রেন দাঁড়াইল, তখন কলিকাতা হইতে আগত ট্রেনের লোকের মুখে শুনিলাম যে, আধ্যাত্মজীদিগের বাৎসরিক শোভাযাত্রা লইয়া কলিকাতার হিন্দু মুসলমানের মধ্যে দাঙ্গা হাজ্রামা চলিতেছে। ইহা শুনিয়া কলিকাতার বাওয়া স্থগিত রাখিয়া উলা—বীরনগর স্টেশনে ট্রেন আসিলে ললিতা দাদাকে সঙ্গে লইয়া নামিয়া পড়িলাম এবং নিজ বাটীতে গমন করিলাম। তখন রাত্রি প্রায় ২টা। এইরূপে এবারের মত মুর্শিদাবাদ ভ্রমণ শেষ করিলাম।

## ব্যথার পূজা

শ্রীস্বধীরচন্দ্র বন্দ্যোপাধ্যায়

বেলা প্রায় শেষ হইয়া আসিয়াছে। শ্রান্ত দেহের অবসাদ লইয়া ম্লানমুখে সূর্য্য তখন ধূসর আবির্ভাব পশ্চিম গগনের কোলে চলিয়া পড়িয়াছে। দয়াদেবী মালার থলে হাতে জপ করিতেছিলেন; আর এক-একবার উৎসুক দৃষ্টিতে বাহিরের দিকে চাহিতেছিলেন—বোধ করি কাহারও আগমন-প্রতীক্ষায়। এমন সময় মেজবাবুর কৌচান ধুতি হাতে লইয়া নবীন খানসানা অন্দরে প্রবেশ করিতেই দয়াদেবী আগ্রহ সহকারে জিজ্ঞাসা করিলেন, “হাঁরে নবনে, দেবীতে পেলি কোথাও ছোটবাবুকে?”

নবীন ঘাড় নাড়িয়া গুঞ্চমুখে কহিল “না।”

দয়াদেবী নবীনের স্বভাব বিলক্ষণ জানিতেন; কাজেই তাহার কথায় ততটা আস্থা স্থাপন করিতে না পারিয়া, তিনি একটু বিরক্ত ভাবেই কহিলেন, “বলি কোথাও খুঁজতে গিয়েছিলি, না ঘরে পড়ে ঝিমুচ্ছিলি?”

নবীন একটু অপ্রস্তুত ভাবে মাথা চুলকাইয়া কহিল, “তা আজ্ঞে সকল দিক ভাল করে খোঁজা হয়নি।” সে আরও কিছু বলিতে যাইতেছিল; কিন্তু ইতিমধ্যে দোতালার সিঁড়িতে মেজবাবুর জুতার শব্দ শুনিয়া থামিয়া গেল। দয়াদেবীও আর কোন কথা তাহাকে জিজ্ঞাসা করিলেন না।

নবীনের কাপড় হাতে দয়াদেবীর কাছে দাঁড়াইয়া থাকিতে দেখিয়া দেবেন বিজ্ঞপূর্ণ কণ্ঠে কহিল, “কি—এতক্ষণে বাবুর ঘুম ভাঙল না কি? হারামজাদা দিন দিন পাগীর ধাড়ী হচ্ছে! যেদিন দূর করে দেব, সেইদিন টের পাবে। যা—হাঁ করে দাঁড়িয়ে রইলি যে, হাত মুখ ধোবার জল দে!”

নবীন চলিয়া যাইতেই দেবেন চোখ রগড়াইয়া কহিল, “কি পিসী, আজ তোমার একাদশী না কি? সারাদিন ঘরে যে মালাই জপছ?”

দয়াদেবী হাসিবার ভঙ্গীতে কহিলেন, “একাদশীটা তোদের পাজীতে মাসে দুটো না হয়ে বোধ হয় দশ পনেরটা হলে তোদের বড় ভাল হত—না রে দেবু?”

দেবেন হাসিয়া কহিল, “রাগ করছ কেন পিসী? ভাল কথাটাও যদি ভাল ভাবে না শোন, তবে আর আমার দোষ কি? সাথে কি বলি ‘যত দোষ নন্দ ঘোষ’।”

নবীন এক গাড়ু জল ও গামছা আনিয়া হাজির করিল। দেবেন হাত মুখ ধুইয়া উঠানে নামিতেই, কল্যাণীর মা দিগম্বরী তথায় আসিয়া উপস্থিত হইলেন।

“এই যে, এস পিসী, কলির বে ঠিক হয়ে গেছে শুনলুম” বলিয়া দেবেন বারান্দায় উঠিয়া দাঁড়াইল। দিগম্বরী নিতান্তই সেকলে ধরণের; কাজেই মাথার কাপড়টা একটু টানিয়া দিয়া কহিলেন, “হ্যাঁ বাবা, জাত রক্ষা করতে ত হবে? এই ১৫ই দিন ঠিক হয়ে গেছে,—এখন নির্কিয়ে সাত পাক যোরে ত বাঁচি।”

দিগম্বরীকে দেখিয়া দয়াদেবী জপের মালা তিনবার কপালে ঠেকাইয়া দেয়ালের পেরেকে ঝুলাইয়া রাখিলেন; এবং ঘরের ভিতর হইতে একখানা আসন আনিয়া বারান্দায় পাতিয়া দিয়া কহিলেন, “বস দিদি,—শুনি, বিয়ের কি রকম কি করছ...কি দিতে খুতে হচ্ছে...কদিন থেকেই একবার যাব যাব ভাবছি,—বোস সব শুনি।”

দিগম্বরী বসিলেন। সত্যবালা একটু অন্তরালে দাঁড়াইল। দেবেন একটু গম্ভীর ভাবে মুকবিবরানা চালে কহিল, “তা তোমার যা অবস্থা পিসী, সে হিসেবে কলির যা বে দিচ্ছ, সে খুব ভালই দিচ্ছ। মল্লেনপুরের জগদীশ মুখ্যের সঙ্গে কুটুম্বিতা করবার মত অবস্থা ত আর সত্যি তোমার নয়—মেয়েটার নেহাৎ বরাত-জোর তাই!” দিগম্বরীকে কোন কথা কহিতে না দেখিয়া দেবেন একটু থামিয়া কহিল, “এ

কালের ভেতর আজকাল জগদীশ বাবুর অবস্থা ই সব চেয়ে ভাল। আর তার স্বভাবও শুনেছি ভালই।”

দিগম্বরী একটু দুঃখিতভাবে কহিলেন “কিন্তু বয়েসটা—

দেবেন বাধা দিয়া বলিল, “তা এখন সব দিক খতিয়ে দেখতে গেলে চলবে কেন পিসী! আর তা না হলে সে তোমার মেয়েকেই বা বিয়ে করবে কেন? দেশে কি আর সুন্দরী মেয়ে নেই? ও সব কিছু ভেবো না পিসী! ও যার ঘর, সে ঠিক গড়ে-পিটে নেবে।” দেবেন একবার আড়চোখে সত্যবালার দিকে চাহিল। কথাগুলি সত্য হইলেও সহায়হীনা দরিদ্রা জননীরা কাণে তাহা শ্রুতিমধুর ঠেকিল না। দিগম্বরী একটা দীর্ঘশ্বাস ছাড়িয়া কহিলেন—“মেয়ের বরাত।”

দয়াদেবী কল্যাণীর মার মনের কষ্ট বুঝিলেন, এবং স্নেহাত্মকভাবে কহিলেন, “বিয়ে-থাওয়া হচ্ছে দিদি প্রজাপতির নির্বন্ধ! যার সঙ্গে যার লেখা—তা হবেই। দেখ—এখন মেয়ের অদেষ্ঠ। কি দিতে খুঁতে হচ্ছে?”

দিগম্বরী ক্ষুব্ধ ভাবে কহিলেন, “কি আর আছে আমার যে তাই দেব। দাদার যা অবস্থা তা ত তোমরা সবই জান। তবে তারা কিছু নেবে না বলেছে। কিন্তু তাই বলে ত সত্যি আর মেয়েকে কিছু খালি-হাতে বিদেয় করতে পারব না। যা হোক করে দাদাকেই কিছু দিতে হবে বৈকি!”

দয়াদেবী সম্মতিসূচক ঘাড় নাড়িয়া কহিলেন “তা ত সত্যিই!”

“তা ছাড়া গ্রামের ছ-পাঁচজন এম্বোকে আর স্বজাতিকেও ত ডাকতে হবে।”

দেবেন বাধা দিয়া কহিল, “ও সব হাজ্জামায় তুমি যেও না পিসী! তোমার যা অবস্থা, তাতে সেজন্তে তোমায় কেউ কিছু বলবে না!”

নবীন চাকর আসিয়া সংবাদ দিল, “মহিম গোসাই এসেছেন!”

“বিশ্বেবাগীশকে বসতে বল—যাচ্ছি!”

দিগম্বরী দেবেনকে কহিলেন, “যেও বাবা, একটু দেখা শোনা করো, তোমরাই আমার ভরসা!”

দেবেন তাহার গোঁপের ডগায় পাক দিয়া কহিল, “তা আর বলতে হবে কেন পিসী? সেজন্তে তুমি কিছু ভেবো না,—আমরা ত পাঁচজন আছি,—যা হোক করে এ কাজ

উদ্ধার করতেই হবে।” দেবেন বহির্কাটাতে চলিয়া গেল। সত্যবালাও একথানা গামছা কাঁধে ফেলিয়া পুকুরঘাটে গা ধুইতে গেল।

দিগম্বরী দয়াদেবীকে নিম্নস্বরে কহিলেন, “ধীরে ধীরে দেবু আজ নাকি ঝগড়া হয়েছে?”

দয়াদেবী গভীর নিশ্বাস ফেলিয়া একবার এদিক-ওদিক চাহিয়া কহিলেন, “ধীরে ত ঝগড়া করবার ছেলে নয় বোন! দেবুই আজ সকালে তাকে ‘গালাগাল’ দিলে। বাছা আমার না খেয়ে বাড়ী থেকে চলে গেছে,—সারাদিন গেল, এখনও ফেরে নি। আর আমি হাপিত্যে পথের দিকে চেয়ে আছি!” দয়াদেবী চক্ষু মুছিলেন।

“ধীরে আমাদের বাড়ী খেয়েছে। কিন্তু আহা, তোমার মুখে এখনও বুকি জলটুকুও পড়ে নি!”

দয়াদেবী একটা আরামের নিশ্বাস ফেলিয়া কহিলেন, “খেয়েছে? যাক, বাঁচালি বোন! সেই থেকে আমি ভেবে সারা হচ্ছি! সে আমার বড় অভিমানী ছেলে! কেসলই মনে কু-গাইছিল,—বুকি বা ফেলায় কিছু করে বসে বা কোথাও চলে যায়।”

“বোধ করি তা যেত! অনেক করে বলতে সে কলির বিয়ের কদিন থাকতে রাজী হয়েছে! তার পর না কি কাজ-কর্মের চেষ্টায় বিদেশে যাবে। পড়াশুনো আর করবে না।”

দয়াদেবী ভয়স্বরে কহিলেন, “আহা, ভগবান তার স্মৃতি দিন! সে তোকে আমার চাইতেও মানে, তাই তোর কথা ঠেলতে পারেনি। আর কলিকে ও কি ভালই বাসে... যদি আজ দাদা থাকত.....”

দিগম্বরী কহিলেন, “সে কথা আর বলতে!...আমারও ত বড় সাধ ছিল.....কি করব সবই বরাতে করে!”

দয়াদেবী কহিলেন “সে কথা বলে আর কি করব দিদি! আমারও বড় ইচ্ছা ছিল.....কিন্তু না হয়েছে ভালই! সংসারের অবস্থা ত দেখতে পাচ্ছ? কলিকে তা’হলে হাত-পা-বঁধে আঙুনে ফেলে দেওয়া হত! এ ত তবু.....”

দয়াদেবী আর বলিতে পারিলেন না।

পুকুরঘাট হইতে সত্যবালা ভিজা কাপড়ে দালানে উঠিয়া আলনা হইতে একথানা কাপড় টানিয়া লইল।

দিগম্বরী কহিলেন, “মেজ বোমা, কালকে তোমাকে একবার যেতে হচ্ছে যে মা। ছিরী গড়তে হবে; বরণডালা

স্মৃতির রাখতে হবে.....পরশু কলির গায়ে হলুদ, এরোতীর কাজ-কর্ম আছে।”

সত্যবালা দড়িতে ভিজা কাপড় মেলিয়া দিতে দিতে কহিল, “কেন—বড়গিন্নীকে নিয়ে যাও না, সব ত জানে শোনে।”

“হ্যাঁ, বড় বউমাও যাবে,—তবে তোমাকেও যেতে হবে! সব কাজই যে সধবাদের করতে হয় মা।”

“দেখি, যদি পারি জাব।” সত্যবালা আপনার ঘরে চলিয়া গেল। দয়াদেবী হাতের আঙ্গুল চিবুকে ঠেকাইয়া কহিলেন, “দেখলে দিদি, ওর রকমখানা, কথাবার্তার ছিরি! হাড় জালিয়ে দিলে! ধীরু এ সর্কনাশটা ত ওই করণে! নইলে দেবু ত এদিন.....যাক ওপরে ধর্ম্ম আছেন, তিনি ত সবই দেখছেন।”

সন্ধ্যা হইয়া আসিল দেখিয়া দিগম্বরী কহিলেন, “আজ দেখছি তোমার বরাতে আর বকনো চড়লো না!” দয়াদেবী তাচ্ছিল্যভাবে কহিলেন, “না হকগে—আমার ধীরু যে দুটো খেয়েছে, এতেই আমার পেটের অনেকখানি ভরে গেছে; বাকীটুকু জল দিয়ে ভরিয়ে রাখলেই হবে! এমন বরাতও করেছিলুম, পোড়া মরণ ত হয় না!”

রাজেন্দ্রনাথের স্ত্রী একগোছা ধোয়া বাসন হাতে লইয়া ভিজা কাপড়ে উঠানে আগিতেই, দিগম্বরী ঠাকুরাণীকে দেখিতে পাইয়া, বারান্দায় বাসনের গোছা নামাইয়া, মাথার কাপড় টানিয়া দিয়া দিগম্বরীকে প্রণাম করিল। দিগম্বরী রাজলক্ষ্মীর মাথায় হাত দিয়া আশীর্বাদ করিলেন। “এস মা, তোমার জন্তেই বসে আছি! কলির বে এই মাসের ১৫ই,—পরশু গায়ে-হলুদ! আমার ঘরে ত আর কেউ নেই—তোমাদেরই করতে কস্মাতে হবে!” রাজলক্ষ্মী হাসিমুখে ঘাড় কাত করিল এবং দয়াদেবীর দিকে চাহিল।

দয়াদেবী কহিলেন, “ও বাবে’ধন, আমি রাজুকে বলব! যাও, তুমি ভিজ্ঞে কাপড় ছাড়গে বড় বৌমা!”

রাজলক্ষ্মী চলিয়া গেলে দয়াদেবী কহিলেন, “ওর দিদি কোন বালাই নেই, মাটির মামুষ!”

“তাহলে আসি দিদি, সন্ধ্যা হয়ে এল।”

“এস।”

দিগম্বরী চলিয়া গেলেন। দয়াদেবী মালার খলে হাতে ঠাকুর-ঘরের দিকে সন্ধ্যাদীপ ও বৈকালী ভোগ দিবার জন্ত

হু এক পা যাইতেই, সত্যবালা সম্মুখে আসিয়া তীক্ষ্ণ কণ্ঠে কহিল, “ও মাগির কাছে আমার নামে কি এতক্ষণ ধরে ফিস ফিস করে লাগানো হচ্ছিল শুনি!”

দয়াদেবী আশ্চর্য হইয়া কহিলেন, “সে কি মেজ বৌমা!”

সত্যবালা মুখ বিকৃত করিয়া কহিল, “তা বটেই ত, আমি আর কিছু শুনি নি কি না! যত পাড়ার মাগী আমার বাড়ীতে আসবে, আর উনি করবেন তাদের কাছে আমার কেছা! বলে—যার শিল যার নোড়া, তারই ভাঙ্গি দাঁতের গোড়া!”

দয়াদেবী সহ করিতে না পারিয়া কহিলেন, “বলে থাকি বেশ করেছি, তুই যা করতে পারিস করিস! এমন ছোট লোকের ঘর থেকে মেয়ে এনেছিলুম যে সংসাবে আগুন জ্বলে দিলে গা!”

আগুনে স্বভাৱিত পড়িলে যেমন প্রচণ্ড ভাবে দপ্ করিয়া জ্বিয়া উঠে, সত্যবালাও তেমনি গর্জিয়া উঠিয়া কহিল “দেখ, মুখ সামলে কথা কও,—ভাল হবে না বলছি।—বাপ-মা তুলে কথা! আজন্ম রাঁড় হয়ে সাতকুল পেয়ে ভাইপোদের দোরে পড়ে আছেন, আবার দেমাক কত! আমার হিংসেতেই মলেন, আমি যেন বুকে ভাতের হাঁড়ী চাপিয়েছি!”

সমস্ত দিন অনাহারে ও হুশিচস্তায় দয়াদেবীর শরীর মন দুইই অবসন্ন ছিল,—সত্যবালার কথায় দুঃখে, অভিমানে, রাগে তাঁহার দেহ কাঁপিতে লাগিল। বিকৃত কণ্ঠে তিনি কহিলেন, “দেখ, অত তেজ ভাল নয়,—ওপরে ধর্ম্ম আছেন, সহবে না, কখনও সহবে না!” দয়াদেবী কম্পিত চরণে সে স্থান কোন প্রকারে ত্যাগ করিয়া ঠাকুর-ঘরে গেলেন এবং সাক্ষীগোপালের সম্মুখে উপুড় হইয়া পড়িয়া কাঁদিতে কাঁদিতে কহিলেন, “নারায়ণ, তোমার মনে এতও ছিল!” চোখের জল ধারা বহিয়া ঠাকুরের বেদী স্পর্শ করিল! সে গৃহে সন্ধ্যা-দীপ জ্বলিল না, বৈকালী নিবেদন হইল না, গাঢ় অন্ধকার বিগ্রহ এবং ভক্তকে ঢাকিয়া রাখিল।

রাজলক্ষ্মী দয়াদেবীর কান্নার শব্দে বারান্দায় আগিতেই দেখিল, সত্যবালা ক্রুর মূর্তিতে দাঁড়াইয়া আছে! ঘরের দীপের আলো তাহার মুখের উপর পড়ায় রোষ-দীপ্ত মুখখানা আরও লাল দেখাইতেছিল!

“কি হয়েছে মেজ বৌ?”

সত্যবালা ক্র কুঞ্চিত করিয়া কহিল, “তোমার অভ  
খবরে দরকার কি গা।”

রাজলক্ষ্মী অপ্রস্তুত ভাবে কহিল “পিসীমার কান্নার  
শব্দ পেলাম কি না তাই”—

সত্যবালা বাধা দিয়া কহিল, “তা আমার কেন,  
তাকে জিজ্ঞাসা করগে না! দরদ দেখাতে এসেছেন!  
অমন ভ্রাতা-কান্না ঢের দেখেছি! আমার যে এত শাপ-  
শাপান্ত, মা-বাপ তুলে গাল দিলে, তা বুঝি কাণে গেল না—  
তখন সবাই কাণের মাথা খেয়েছিলে!”

রাজলক্ষ্মী আর কোন কথা না বলিয়া ঠাকুর-ঘরের দিকে  
যাইতেই সত্যবালা কহিল, “কোথায় যাওয়া হচ্ছে শুনি?”

রাজলক্ষ্মীর পায়ে শিকল পড়িল! সে ধীরে ধীরে কহিল,  
“পিসীমা আজ সারাদিন—”

বাধা দিয়া সত্যবালা কহিল, “বড় যে দরদ দেখছি?”

“দরদ নয় মেজ বৌ,—সংসারের ত একটা মঙ্গল-অমঙ্গল  
দেখতে হয়?”

সত্যবালা ব্যঙ্গস্বরে কহিল, “ওগো আমার দরদী,  
সংসারের মঙ্গল দেখছেন? এতদিন ছিলে কোথায়? তখন  
ত বিদেশে সব সুখ করছিলে, আর এই বাদী তোমাদের  
সংসার চালিয়েছে! আজ ত তোমরা সব ভাল, আমি  
মন্দ হবই!”

রাজলক্ষ্মী মুছ কণ্ঠে কহিল, “আমি ত তা বলিনি  
মেজ বৌ!”

“আবার কি করে বলতে হয় তা ত জানি না! সকলে  
মিলে দশের কাছে আমার খেলো করছো! তা কর,  
ভগবান ত দেখছেন!”

“আমি কি করলাম মেজ বৌ?”

“কেন? এই যে সকালে রাগী পুরুষ রাগ করে না  
খেয়ে বাড়ী থেকে চলে গেছেন, কই, ভাল ভাজ সব,  
ডাকিয়ে এনে খাওয়াতে পার নি? আমি ত মন্দ, তিনি  
আমার মুখ দেখবেন না! ওই যে পিসী ভাইপোকে বলেন  
‘খাকিসনি ধীর, এখানে খাকিসনি, যেখানে ছুচোখ যায়  
চলে যা’—কই তার বেলা কেউ একটা কথা বলতে পেরে-  
ছিলে? আমিই তোমাদের সংসার ভাঙছি, না?”

মোকদ্দা বী আসিয়া কহিল, “পুরুত মশাই এসেছেন  
বৌদি!” রাজলক্ষ্মী চলিয়া গেল!

সত্যবালা বলিল, “কি পাষণ রে বাবা! কি না কি  
একটা কথা দাদা বলেছে, অমনি ঠেকার করে বাড়ী থেকে  
চলে যাওয়া হল, আর আসা হল না! ওই শাওড়ী মাগী  
কি কম শক্তুব ছিল, মোক্কাদা,—মরবার সময় সত্যি করিয়ে  
নিলে ‘মা, ধীরকে তোমার হাতে দিয়ে গেলাম, তোমার  
ছেলের মতন দেখো!’ এখন আমি কি করি তোরাই  
বল?” চক্ষে বসনাঞ্চল দিয়া সত্যবালা কাঁদিতে লাগিল!

মোক্কাদা বলিল, “তা ত বটেই বৌদি! হাজার  
হক ছেলের মতন মালুষ করেছ, ছোটবাবু যে মালুষ খারাপ,  
তা ত নয়। তবে ওই এক দোষ—ভারী এক গুঁয়ে, যেটি  
ধরবে সেটি করবে! আরও পাঁচজনে মন্তনা দিয়ে লাগিয়ে  
ছোটবাবুর মনটি ভাঙিয়েছে বৌদি!”

“তা আর জানি না মোক্কাদা, সবই জানি! ১০ বছরের  
বেলায় এদের বাড়ীতে এসেছি, আর ৩০ বছর এখানে  
কাটালাম, সকলকে চিনেছি। আমি বলে মেয়ে, তাই  
সকলকে নিয়ে মানিয়ে এতদিন একসঙ্গে ঘর কাছি। বড়  
গলা করে বলছি, কোন্ বাপের বেটী এ রকম পারে আমার  
দেখিয়ে দিক!”

“ও বৌদি, মেজদাদা-বাবু আসছেন!” স্বামীকে ঘরে  
চুকিতে দেখিয়া সত্যবালা আঁচলে চোখ মুছিয়া উচ্চকণ্ঠে  
কহিল, “বেশ ত, আমি মন্দ, আমার আজই বাপের বাড়ী  
পাঠিয়ে দিক! আমার জন্তু গুর ভাই বাড়ী ছাড়বে, পিসী  
উপোস করে হত্যে হবে, এর ত কোন দরকার নেই!”  
বলিয়া সত্যবালা আপনার ঘরে চলিয়া গেল!

৬

বিবাহের পর কল্যাণী মল্লেনপুরে স্বামীর ঘরে আসিয়াছে  
আজ প্রায় মাস খানেক হইল,—খড়দার কোন খবরই সে  
জানে না। সে শুনিয়াছিল, ধীর গ্রাম পরিত্যাগ করিয়া  
কোথায় বিদেশে যাইবে,—গিয়াছে কি না তাহার কোন খবর  
পায় নাই। এখানে আসিয়া সেই খবরটা জানিবার জন্ত  
তাহার মন ব্যাকুল হইতেই, সে তাহার নির্লজ্জ মনকে ভৎসনা  
করিয়া দাবিয়া রাখিল। ‘ধীরের সহিত আমার কি সম্বন্ধ?  
সে তাহার জীবনটা যে ভাবে চালাইয়া নিয়া যায় যাক না  
কেন, আমার কি? সে কি কখনও আমার কথা কোন দিন  
ভাবিয়া দেখিয়াছে? ইচ্ছা করিলে সে কি আমার রক্ষা  
করিতে পারিত না? না, সে আমার কেউ নয়!’ কিন্তু

পরক্ষণেই মনটা ঘুরিয়া ফিরিয়া কি জানি কেন তাহারই কল্যাণ চায়... প্রাণটা কাঁদিয়া বলে, “ঠাকুর, তুমি তাহাকে দেখিও, সে চিরদিন আপনার সম্বন্ধে উদাসীন! আমার যাহা হইবার হইয়াছে, হউক,—কিন্তু সে যেন সুখে থাকে।”

এখানে জগদীশ বাবুর বিধবা ভগিনী কাদম্বিনী তাহাকে যত্ন করে, স্নেহ করে। বৃদ্ধ জগদীশ বাবু প্রাণের মধ্যে নূতন শক্তি সঞ্চয় করিয়া কল্যাণীকে তুষ্ট করিবার জন্ত যাবতীয় সুখের ভাণ্ডার সম্মুখে ধরিলেন। কল্যাণী সেদিকে ফিরিয়াও চাহিল না! খাঁচায়-পোরা বনের পাখীর মতন সে হতাশ ভাবে এক কোণে সরিয়া নিজের অবস্থায় ছটফট করিয়া দিন কাটাইতে লাগিল।

সন্ধ্যার মুক্ত বাতাসে ছাদে বসিয়া কল্যাণী আজ তার জীবনের লাভ-লোকসান খতাইয়া দেখিতেছিল। বর্তমান অন্ধকারময়—ভবিষ্যতের কোন অস্তিত্বই নাট,—তাই অতীতের মধুর স্মৃতি তাহার মনের কোণে মাথা উঁচু করিল। বাল্যের খেলা-ধুলার মধ্যে গঠিত হইয়া উৎসাহ-আনন্দ লইয়া একটি গন্ধসিক্ত ফুলের কুঁড়ীর মতন যে কল্পনা তাহার কুমারী জীবনকে প্রদূষিত রাখিয়াছিল, কৈশোরের যে উন্মাদনা মনকে টানিয়া লইয়া কোন দৃষ্টির অগোচরে একটা পরিপূর্ণ সার্থকতাময় সুন্দর বিশ্বের মধ্যে ছাড়িয়া দিয়াছিল, আজ বাস্তবের কঠিন আঘাতে স্বপ্নের মত তাহা মিলাইয়া গিয়াছে! সত্য জগতের এক কোণেও তার একটিল অস্তিত্ব আজ নাই। কেন এমন হইল? সে যাহা চাহিয়াছিল তাহা কি এমনই দুর্লভ ছিল? হয় ত বা তাই! এই না-পাওয়ার দুঃখটা অন্তরের মধ্যে অনেকখানি জায়গা জুড়িয়া থাকিলেও, সেই চাওয়ার মধ্যে যে সুখটুকু প্রচ্ছন্ন ভাবে ছিল, কল্যাণী আজ সেইটুকুই বুকে চাপিয়া ধরিল।

হতাশ ভাবে তাহার সজল দৃষ্টি ফিরাইতেই দেখে, অদূরে এক গৃহস্থ-বাড়ীর মাটির দাওয়ার উপর কতকগুলি ছোট মেয়ে অবাধ আনন্দে খেলা করিতেছে, যুবতী বধু হাসিমুখে তার গৃহকন্ঠে নিরতা, স্বামী প্রশংসমান চক্ষে স্ত্রীর প্রতি চাহিয়া আছে। কল্যাণী দৃষ্টি ফিরাইল, তাহার চোখের কোণ দিয়া কয় ফোঁটা অশ্রু ঝরিয়া পড়িল।

পশ্চাৎ হইতে কাদম্বিনী আসিয়া কহিল, “এ কি বৌদি, তুমি কাঁদছ?”

কল্যাণী কোন উত্তর করিল না, আঁচল দিয়া চক্ষু মুছিল।

“মার জন্তে মন কেমন করছে বুঝি?...ছিঃ, কাঁদে না, সকলেই ত স্বপ্নরগড়ী যায়! যতদিন বিয়ে না হয় ততদিনই বাপ-মায়ের সঙ্গে সম্বন্ধ, বিয়ে হলে স্বামীর ঘরই হচ্ছে আপনার। আর সত্যি ভাই, তুমি ত ছেলেমানুষ নও; এস নীচে এস, চুল বাঁধবে।” কল্যাণীকে চুপ করিয়া থাকিতে দেখিয়া কাদম্বিনী বিরক্তভাবে কহিল, “আমার কথা শুনতে পারছ?”

“পাচ্ছি।”

“তবে এস আমার সঙ্গে।”

কল্যাণী ক্ষুব্ধকণ্ঠে কহিল, “আমায় একটু নিরিবিলাি বসে থাকতে দেখলেও তোমাদের সম্মুখ না?”

“ও কি কথা বৌদি..... চুপ করে একাটি বসে আছ...”

“আমার ভাল লাগে তাই”.....

“তাই থাক”...বলিয়া কাদম্বিনী বিরক্তভাবে সে স্থান ত্যাগ করিল। জগদীশ বাবুর দুই সম্পর্কীয়া মানী সৌদামিনী ঠাকুরাণী নাচের বারান্দায় বসিয়া তরকারী কুটিতেছিলেন; কাদম্বিনী মুখভার করিয়া নীচে আদিত্যেই সজ্জা ঠাকুরাণী জিজ্ঞাসা করিলেন “কি হয়েছে লা কাদি?”

“বৌ একাটি ছাদে বসে রয়েছে দেখে বল্লুম, ‘এস তোমার চুল বেঁধে দিই’—তা আমার ঝঙ্কার করে উঠল!”

“কই, যাই দেখি একবার নবাবের বেটিকে দেখি! জগতকে তখন পই পই করে বারণ করলুম—অমন তিনকুল-খোগো হা-ঘরের মেয়ে এনে কাজ নেই। বাপ মিসেসে জন্ম দিয়েই খালাস, মা মাগীর উদ খেতে ক্ষুদ নেই...এক মামা, সেও ত শুনি গৌজেল...ছচার ঘর যজমানরা দম্মা ধর্ম করে যা দেয় তাই দিয়েই দিনপাত...তাদের মেয়ের এত দেমাক কিসের শুনি? জগুর যেমন কাণ্ড...না দেখলে তার ঘর-সংসারের হাল, না শুণ্লে তার রাশ নক্ষত্র, না করলে তার বয়েসের বিচার,—রূপসী দেখে ঘুরে পড়ল! রূপ ত কত? পাঁকাটির মতন গড়ন, সাদা ফেকফেকে রং, যেন স্বেবা হয়েছে। বুড়ো শালিক কখনও পোষ মানে? এই কি বিয়ের কনে? ওই বয়সে আমার “মেনী” “ভবি” হয়ে মরেছে, “খুকনী” পেটে...না ছাই কি বলছি—খুকনী তখন ১৪ মাসের...“আম্মা” পেটে...হ্যাঁ তাই বটে...“আম্মা”ই পেটে। তা মা-মাগীকেও বলি—অত বড় খুবড়ো মেয়ে ঘরে রেখেছিলি কি করে?...গলায় ভাত আটকাত না?...

আমাদের হলে অমন মেয়ের গলা টিপে এমনি করে...উহ... হ...হ ..গেছি রে..."বলিয়া সহ ঠাকরুণ তাঁহার বৃদ্ধাঙ্গুলী চাপিয়া ধরিয়া যাতনার অন্তর্ভূতি-সূচক অক্ষুট শব্দ করিতে লাগিলেন। গয়লা বৌ কহিল "আহা-হা আঙ্গুলটা কেটে ফেলে বুঝি? তোমারও যেমন কাজ...বুড়োমানুষ, গেছ...তরকারী কুটতে, বাড়ীতে কি আর মানুষ নেই? এস, আঙ্গুলটা তেল নেকড়া দিয়ে বেঁধে দিই!" গয়লা বৌ একটা নেকড়া রেড়ীর তেলে ভিজাইয়া সহ ঠাকরুণের আঙ্গুলে বাঁধিয়া দিল।

বাঁটখানা এক পাশে সরাইয়া রাখিয়া সহ ঠাকরুণ কহিলেন "শতুরদের জালায় আর তেষ্ঠাবার বো নেই। রাতদিন মনে মনে রিষ করবে আর গাল দেবে...আর আমার এই দশা হবে। থাকছি না আর এখানে...আজ জগু এলে বলছি, দিক আমায় বিন্দাবনে পাঠিয়ে...থাকুক সে তার ধিক্কা বৌ নিয়ে,...দেখতেও আসব না, বলতেও আসব না।"

গয়লা বৌ কহিল "তা হক্ কথা বলব মামী, নতুন বৌদি ত আর ছোটট নন, দৈবি মৈবি এক আধ দিন ত কুটনোটোও কুটতে পারে? এই ত বড় গিন্নী থাকতে কত কাজ করেছেন ..আমরা যদি বলেছি, তা হলে বলতেন...তোদেরও ত মানুষের শরীর! আহা, সতী লক্ষ্মী মানুষ সগুণে গেছেন...তার নামে মিথ্যে বলব না।"

সহ ঠাকরুণ হতাশভাবে কহিলেন, "তার মায়াতেই ত আজও এই মাটি কামড়ে পড়ে আছি, ..বলি, তার রাজ্য-পাটে ছুঁচোর কেতন হবে মা?"

গয়লা বৌ একবার এদিক ওদিক তাকাইয়া নিম্নস্বরে কহিল, "কি দেমাক, মা, কি দেমাক! সেদিন বড়মুখ করে বললুম 'নতুন বৌদি, বাবুকে বলে আমায় বিণ গণ্ডা টাকা দিইয়ে দাও, আমার নেড়ার জন্তে পাণের ধানজরীটা কিনি, তোমাদের এখানে গতর খাটিয়ে শোধ করব'...তা বললে কি জান, 'তুমি বাবুকে বল, আমি পারব না' হুঃখী গরীবের প্রতি একটু দয়া নেই। সদাই মুখখানা হাঁড়ী করে আছেন। না আছে একটু হাসি, না আছে ছোটো মিষ্টি কথা।"

"কি বলব বল, তোরাই দেখ! কিছু বলি না মা, পাছে জগু কিছু মনে করে। জগু ত আজকাল অন্দর

থেকে এক পা নড়তে চায় না, কাছারীতেও রোজ বসে না। আগে তবু ছ' একবার মহালে যেত, এখন তাও না! জগুকে যেন কি ভুক করেছে। যাক্গে, সন্ধ্যা হয়ে এল, হুধ নিয়ে আয়...আর দেখ, কাদী পূজোর-জোগাড় করলে কি না।"

গয়লা বউ চলিয়া গেল। সহ ঠাকরুণ ছাদে আসিয়া দেখিলেন, কল্যাণী আলিসার কাছে দাঁড়াইয়া আছে। তিনি কহিলেন—"বলি বউ, তোমার আকেশখানা কি গা? সন্ধ্যাকালে ছাদের ওপর দিকিব তুমি মাথার কাপড় ফেলে হাঁ করে চেয়ে আছ? এ ত আর বাছা তোমার মামার বাড়ী নয়, যে, লাজ-লজ্জার মাথা খেয়ে খেই খেই করে পাড়ায় পাড়ায় নেতা করবে! ওমা, সোমন্ত বউ এমন বেহায়া হয়? ওই হাক্ ঘোষের বাড়ী দেখা যাচ্ছে, ওরা হল আমাদের সাত পুরুষের পেরজা...একটা কোন কথা রটলে তখন আমার জগুর মুখখানা থাকবে কোথায়? তোমার ম-মাগী কি তোমায় বাছা এটাও শেখায় নি?...ছ্যা ছ্যা কি ঘেল্লা...কি ঘেল্লা!"

লজ্জায় হুঃখে কল্যাণীর চোখ দিয়া জল বাহির হইল। একটা রুদ্ধ ক্রন্দন বুকের ভিতর ফুলিয়া ফুলিয়া সজোরে ধাক্কা মারিতে লাগিল। আঁচল দিয়া চোখ মুছিয়া কল্যাণী ধীরে ধীরে নীচে নামিয়া গেল। একটু কথাও তাহার মুখ দিয়া বাহির হইল না।

সহ ঠাকরুণ পশ্চাতে নামিতে নামিতে কহিলেন, "বল্লেই ত বাছা রাজা চোখের পানি ফেল,—কিই বা এমন বলোছি ..আবার পার ত জগুর কাছে সাতখানা করে লাগিও,...মামীকে বিদেয় করে দশ হাত বার করে খেও।" বলিয়া সিঁড়ীর নীচে নামিয়া জগদীশ বাবুকে অদূরে আসিতে দেখিয়া কল্যাণীকে লক্ষ্য করিয়া উচ্চ কণ্ঠে কহিলেন, "জল-খাবার নেবে এস বউমা, সেই কখন চারটি ভাত মুখে করেছ".....বলিয়া তাড়াতাড়ি ভাঁড়ার ঘরে ঢুকিয়া পড়িলেন।

কল্যাণী একাকী জানালার পাশে গিয়া বসিল এবং আঁচলে চোখ মুছিয়া দূরে অন্ধকার-পূর্ণ আকাশের দিকে চাহিয়া ভাবিতে লাগিল, এ কি জীবন্ত সমাধি তার! এ-রকম করিয়া কত দিন চলিবে? একে একে তাহার



ছেলেবেলায় কথা মনে পড়িল। কি সুখের জীবনই ছিল!...তার পর প্রহেলিকাময় নব জীবনের উন্মেষ! দেহ মনে সাড়া দিয়া হঠাৎ কে আসিয়া যেন চোখ দুটির উপর কিসের কাজল পরাইয়া দিয়া গেল! শারা জগৎ অপূর্ণ সৌন্দর্য্যে ভরিয়া উঠিল! আকাশে নূতন রূপ, পুষ্পশুভ্রে নূতন রূপ! যেন কোথাও কোন দুঃখ দৈন্ত্য নাই—আনন্দের অবাধ একটানা স্রোতে জগতের সঙ্গে ভাসিয়া চলিয়াছে,—কোথায় যাইতেছে, কেন যাইতেছে, জানে না... শুধু এইটুকু জানে যে, এই যাওয়ার মধ্যেই সমস্ত চাওয়া পাওয়ার পূর্ণ সার্থকতা কোন্ দূরে অপেক্ষা করিতেছে! কিন্তু এ কি হইল? সে রূপরাজ্য সূর্য্যকরপাতে তুমারের মতন কোথায় অদৃশ্য হইল? কল্যাণীর ইচ্ছা হইল, মার কোলে দিগিয়া যাই... কিন্তু সে স্বাধীনতাই বা তাহার কোথায়! তাহাকে এখন একজনের বিধান মানিয়া চলিতে হইবে, এমনি ভাবে জীবন কাটাইতে হইবে। বিবাহিতা বলিয়া তাহাকে সকল অত্যাচার নীরবে সহ্য করিতে হইবে, চক্ষের জলে প্রাণের

ব্যথা ডুবাইয়া রাখিতে হইবে; বৃদ্ধদের মত দুঃখবিষ আপনি ভাসিবে, আপনি ভাঙ্গিবে, আপনি মিলাইয়া যাইবে,—কেহ দেখিবে না, জানিবে না, শুনিবে না। যাহাকে সে কল্পনাতেও কোন দিন চাহে নাই, যাহাকে সে কোন দিনও ভালবাসিতে পারিবে না, তাহারই সঙ্গে তাহাকে জীবন কাটাইতে হইবে! তাহার হৃদয়ে আঘাত করিয়া, সময় অসময়ে তাহার দেহটাকে লইয়া শকুনীর মত টানিয়া ছিঁড়িয়া যথেষ্টাচার করিবে,—কোন প্রতিবাদ করা চলিবে না, ইহাই সত্য! অত্যাচার স্বর্ণরেখায় সতী-ধর্ম্মের পাথর বুকে এই নিব্বিরোধ নিশ্চয়ম অত্যাচার হয় ত খুব বড় হইয়া অঙ্কিত থাকিবে, কিন্তু সত্যকে একটা এত বড় মিথ্যা দিয়া গোপন রাখিয়া তাহার সত্যিকার নারীধর্ম্ম নিফল করিলে কি পুণ্য সঞ্চয় হইবে।

আরতির শব্দ বঁটা বাজিয়া উঠিতেই, কল্যাণী চোখ মুছিয়া বারান্দা পার হইয়া ঠাকুর-ঘরের দিকে চলিয়া গেল।

(ক্রমশঃ)

## পুরাতনী

শ্রীহরিহর শেঠ

কলিকাতার সম্পদ

( ৩ )

এক্ষণে কলিকাতা "City of Palaces" নামে অভিহিত হইয়া থাকে। বৃটিশ সাম্রাজ্যের এই দ্বিতীয় নগরী আজিকার কলিকাতার শ্রী দেখিয়া দুই শত বৎসর পূর্বের অবস্থা কল্পনা করাও দুঃকর। তখন তথায় অর্ধশতখানি পাকা বাড়ী ছিল বলিয়াও উল্লেখ পাওয়া যায় না। যে সব প্রধান প্রধান অস্থান প্রতিষ্ঠান, সুবৃহৎ মনোহর সরকারী ভবনাদি, বর্তমানে এই সহরকে এতাদৃশ শোভা ও সম্পদ-সম্পন্ন করিয়া রাখিয়াছে, তাহার প্রায় সমস্তই অষ্টাদশ শতাব্দীর মধ্য হইতে ঊনবিংশ শতাব্দীর মধ্যভাগ মধ্যে প্রতিষ্ঠিত ও

নির্ম্মিত হইয়াছে। ঐ সকলের মধ্যে কতকগুলির সংক্ষিপ্ত পরিচয় দেওয়াই এই ক্ষুদ্র প্রবন্ধের উদ্দেশ্য।

প্রথমেই ফোর্ট উইলিয়ম দুর্গের কথা বলি। বর্তমান দুর্গ যে স্থানে অবস্থিত, পুরাতন দুর্গ তথায় ছিল না। লালদীঘির উত্তর-পশ্চিম কোণে যেখানে এক্ষণে কাষ্টম্ হাউস, কলেক্টরি অফিস, জেনারেল পোষ্ট অফিস আছে, দুর্গ তথায় ছিল। উহার নির্মাণ-কাল সম্বন্ধে ভিন্ন ভিন্ন মত দৃষ্ট হইলেও, জানা যায়, ১৬৯৫ খৃষ্টাব্দে উহার নির্মাণ শেষ হয়। তৎপূর্বে তিনচারি বৎসরের মধ্যে উহার নির্মাণ আরম্ভ হইয়াছিল। ঐ দুর্গের

বাহিরের মাপ মোটামুটি ২১০ গজ দ.দা ও ১২০ গজ চওড়া ছিল।

(১) এই দুর্গ মধ্যেই অন্ধকূপ হত্যা সংঘটিত হইয়াছিল বলিয়া ইতিহাসে জানা যায়।

গোবিন্দপুরের জঙ্গল পরিষ্কার করাইয়া ১৭৫৮ খৃষ্টাব্দের জানুয়ারীতে বর্তমান দুর্গের পত্তন হয়। এবং ১৭৭৩ তে শেষ হয়। (২) ইংলণ্ডের ৪র্থ উইলিয়মের নামে উহা প্রতিষ্ঠিত হয়। ইহাতে মোট ব্যয় হয় দুই মিলিয়ন্ টালিং। তন্মধ্যে কেবল গঙ্গার ধার বাধিতে পাঁচ লক্ষ টাকা ব্যয় হইয়াছিল। যে সময় উহা নিশ্চিত হয়, তৎকালে উহার ভিতরে চারি সহস্র লোকের থাকিবার মত স্থান করা হইয়াছিল। সে সময়ে ফরাসীদের দ্বারা কলিকাতা আক্রমণের সম্ভাবনা বিবেচনা করিয়া উহার নিৰ্ম্মাণ কার্য শেষ করিবার জন্ত বিশেষ চেষ্টা সত্ত্বেও বিবিধ বাধা প্রযুক্ত অনেক বিলম্ব হইয়া যায়। (৩)

অষ্টাদশ শতাব্দীতে আর যে সব প্রসিদ্ধ প্রতিষ্ঠান ও তজ্জন্ত অট্টালিকা নিৰ্ম্মিত হইয়াছিল, তন্মধ্যে প্রেসিডেন্সী জেনারেল হাঁসপাতাল, মাদ্রাসা, সুপ্রিম কোর্ট, ফ্রী স্কুল, লাটভবন, এক্সচেঞ্জ বাজী প্রভৃতিই বিশেষ উল্লেখযোগ্য।

মাদ্রাসা,—তৎকালীন আদালতের প্রচলিত আরবি ও পারস্য ভাষা এবং মুসলমান আইন শিক্ষার উদ্দেশ্যে ওয়ারেন্ হেস্টিংস্ কর্তৃক ১৭৮০ খৃষ্টাব্দে মাদ্রাসা প্রথম প্রতিষ্ঠিত হয়। ইহার প্রতিষ্ঠা-কাল কেহ কেহ ১৭৮১ও বলিয়াছেন। (৪) মহারাজা নবকৃষ্ণ বাহাদুর এই বিদ্যালয়ের জন্ত ৫০০০০০ টাকা দান করিয়াছিলেন। (৫) ইউরোপীয় আদর্শে প্রতিষ্ঠিত ইহাই বোধ হয় এদেশের প্রথম বিদ্যালয়। হেস্টিংসের নিজ ব্যয়ে ইহা স্থাপিত হইয়াছিল বলিয়াও কোন কোন গ্রন্থে উল্লেখ পাওয়া যায়। (৬)

প্রথম কোন স্থানে মাদ্রাসা প্রতিষ্ঠিত হইয়াছিল, কোন গ্রন্থে তাহার উল্লেখ পাই নাই। ইহার বর্তমান ভবন দেড় লক্ষ টাকা ব্যয়ে নিৰ্ম্মিত হয় এবং ইংরাজি ১৮২০ সালে এই আবাসে স্থানান্তরিত হয়। ১৮২৯ খৃষ্টাব্দে ইহার ইংরাজি বিভাগ খোলা হয়। (৭)

ফ্রী স্কুল,—খৃষ্টান বালক-বালিকাদের জন্ত ইহা প্রথম ১৭৯৫ খৃষ্টাব্দে জানবাজারে প্রতিষ্ঠিত হয়। ওল্ড ক্যালকাটা চ্যারিটি এবং ফ্রী স্কুল সোসাইটির তহবিলের ৩ লক্ষ টাকার উপর ইহাতে ব্যয় হইয়াছিল। জানবাজারে প্রথম যে জমি ও বাড়ী খরিদ করা হইয়াছিল, উহার মূল্য ২৮০০০ টাকা। পর বৎসর একটি মেয়েদের বিদ্যালয় খোলা হয়। বর্তমানে উহা যে বাড়ীতে আছে, উহা, পুরাতন বাড়ী ভূমিসং হওয়ার পর, ১৮৫৪ খৃষ্টাব্দে নিৰ্ম্মিত হইয়াছে। (৮)

জেনারেল এসেমব্লিঙ্ ইনষ্টিটিউশন্ ১৮৩০ খৃষ্টাব্দের ১৩ই জুলাই ডাক্তার ডফ্ (Dr. Alexander Duffs) কর্তৃক প্রথম চন্দননগরের কিরিঙ্গী কমল বসু মহাশয়ের অপার চিংপুর রোডের বাটীতে স্থাপিত হয়। (৯) সর্বপ্রথম মাত্র ৫টি বালক লইয়া বিদ্যালয়ের কার্য আরম্ভ হয়। তাহারা কেহ বেতন দিত না; বরং তাহাদের বিদ্যালয়ে আগমন মিশনারিদের নিকট অল্পগ্রহ বলিয়া বিবেচিত হইত। বসু মহাশয়ের বাটী হইতে উঠিয়া গিয়া কতিপয় বৎসর ভিন্ন ভিন্ন বাড়ীতে স্কুল বসিতে থাকে। তৎপরে ১৮৩৭ খৃষ্টাব্দের ২৩শে ফেব্রুয়ারি কলিকাতার প্রধান ম্যাজিস্ট্রেট ডেভিড ম্যাক্কারলেন্ কর্তৃক কর্ণওয়ালিশ্ স্কোয়ারের বর্তমান ভবনের ভিত্তি-প্রস্তর স্থাপিত হয় এবং পর বৎসর গৃহ-নিৰ্ম্মাণ শেষ

(১) Echoes from old Calcutta.

(২) The Good Old Days of Honourable John Company, vol.—I এবং

The Early History and Growth of Calcutta.

(৩) The Good old days of Honourable John Company. Vol.—I

(৪) The Good Old Days of Honourable John Company. vol. I.

(৫) The Early History and Growth of Calcutta.

(৬) The Hand Book of India.

(৭) The Good Old Days of Honourable John Company, vol.—I

(৮) The Good Old Days of Honourable John Company, vol.—I

(৯) বসু মহাশয়ের প্রকৃত নাম রামকমল বসু, তৎকালে তিনি চন্দননগরের সম্রাস্ত অধিবাসী ছিলেন। কিরিঙ্গীদের সহিত তাহাকে মাল সেওয়া লওয়ার কাধ্য করিতেন বলিয়া লোকে তাহাকে কিরিঙ্গী কমল বলিত।

হইলে তথায় বিদ্যালয়টি স্থানান্তরিত হয়। তখন ইহার ছাত্র-সংখ্যা সাত শতেরও অধিক। (১০)

ডাক্তার ডফের চেঁচাতেই ফ্রি চার্চ ইনষ্টিটিউশন্ প্রতিষ্ঠিত হয়। উহা উপরিউক্ত বিদ্যালয়ের শাখা স্বরূপ প্রথমে নিমতলায় একটি ভাড়াটীয়া বাটীতে স্থাপিত হয়। তৎপরে ১৮৫৭ সালে নূতন বাড়ীতে উঠিয়া যায়। উহার নির্মাণে এক লাখ টাকা ব্যয় হইয়াছিল।

ডাক্তার ডফ্ একটি অনাথ আশ্রম, একটি হিন্দু বালিকা বিদ্যালয় ও নর্মাল স্কুলও স্থাপিত করিয়াছিলেন। (১১)

প্রসঙ্গে তাঁহার মনে এই কল্পনার সূত্রপাত হয়। ১৮১৭ খৃষ্টাব্দে কতকগুলি ঐশ্বর্যাশালী ও ক্রমতাবান উদারপ্রাণ হিন্দু তাঁহাদের পুত্রদিগকে ইংরাজি ভাষা ও ইংরাজি বিজ্ঞান শিক্ষা দিবার মানসে একটি বিদ্যালয় প্রতিষ্ঠার জন্ত বিশেষ রূপে ইচ্ছুক হন। তৎকালীন সুপ্রীম কোর্টের চিফ্ জাস্টিস্ হার এডওয়ার্ড হাইড্ (Sir Edward Hyde) এই বিষয়টির বিশেষ ভাবে সমর্থন করেন ও কার্যে পরিণত করিতে উৎসাহিত করেন। তৎপরে ৪ঠা মে তাঁহার বাটীতে লর্ড ময়রার সভাপতিত্বে হিন্দু সমাজের প্রধান ব্যক্তিদের



#### প্রাচীন কলিকাতা

সেন্ট্ জেভিয়ার্ কলেজ প্রথম পার্ক স্ট্রীটে খোলা হয়। এ উহার নাম ছিল সেন্ট্ জনস্ কলেজ। ১৮৪৪ খৃষ্টাব্দে হার বার (Rev. Dr. Barew) ৪০০০০ টাকা মূল্যে হার বারের বর্তমান বাড়ীটি খরিদ করিয়াছিলেন। (১২)

হিন্দু কলেজ প্রতিষ্ঠার কথা সর্বপ্রথম ডেভিড্ হেরারের উদয় হয়। রাজা রামমোহন রায়ের বাটীতে আলোচনা

একটি সভা হয়। এই সভাতেই হিন্দু কলেজ প্রতিষ্ঠার প্রস্তাব গৃহীত হয় এবং সেই স্থানেই ১১৩১৮ পাউণ্ড টাকা উঠে। কোন ইংরাজ লেখক বলিয়াছেন জাতীয় উন্নতির জন্ত দেশীয়দের ইহাই প্রথম প্রচেষ্টা। (১৩)

১৮১৭ খৃষ্টাব্দের ২০ শে জানুয়ারি অপার চিৎপুর রোডে গোরচাঁদ বসাকের বাড়ীতে স্কুল প্রথম খোলা হয়। তৎপরে

(১০, ১১, ১২) প্রধানতঃ The Good old Days of Honorable John Company, vol. I হইতে গৃহীত।

(১৩) The Life and Times of Carey, Marshman and Ward, Vol. II.

পূর্বোক্ত ফিরিকী কমল বস্তুর বাড়ীতে স্কুল উঠিয়া যায়। ১২০০০০ টাকা এবং পরে আরও ৫০০০০ টাকা প্রথম দিন ২০ জন ছাত্র হয় এবং ৩ মাসের মধ্যে এই সংখ্যা হয়। উহার নির্মাণ-কার্য শেষ হয় ১৮২৫ খৃষ্টাব্দে। ৭২তে পরিণত হয়। হিন্দু কলেজের বাড়ীর জন্ত প্রথম সালে প্রেসিডেন্সি কলেজ খোলা হইলে এই বিদ্যালয়টি



কাষ্টম হাউসের পূর্বাংশ ও অন্ধকূপ হত্যার স্মৃতিস্তম্ভ




হাইকোর্ট

স্বভুক্ত করা হয়। এক্ষণে সে হিন্দু কলেজ আর নাই; ২২স্থানে হিন্দুকুল হইয়াছে। ( ১৪ )

Martin ) এর উইলের সর্ভানুসারে ২ লক্ষ টাকা ব্যয়ে নির্মিত হয়। বিজ্ঞানস্বরূপ পরিচালন জ্ঞান তিনি আরও দেড়



প্রেসিডেন্সি জেনারেল হাঁসপাতাল



পুরাতন রাইটার্স বিল্ডিং

কলিকাতার সা মাটিনারও একটি পুরাতন শিক্ষামন্দির।  
জেনারেল ক্লাউড, মাটিনের ( General Claude

১৪ ক ) The Bengal Magazine, Vol. II (1873-74)  
খ ) Calcutta Review, Vol. X (1848)  
গ ) The Early History and Growth of Calcutta.

লক্ষ টাকা দান করিয়া যান।  
উহা ইংরাজি ১৮৪৬ অব্দ ১লা মার্চ  
খোলা হয়। প্রথম এখানে একটা  
নির্দিষ্ট বয়স পর্যন্ত ছেলে মেয়ে  
উভয়ই পড়িত। উহার নামকরণ  
মাটিনের অভিপ্রানুসারেই  
হইয়াছে। ( ১৫ )

মেডিক্যাল কলেজ ভবন লর্ড  
বেন্টিনের সময় ১৮৩৪ খৃষ্টাব্দে  
আরম্ভ হয় এবং পর বৎসর নির্মাণ  
কার্য শেষ হয়। হাঁসপাতাল পরে  
১৮৪৮ খৃষ্টাব্দে পুরাতন এবং নূতন  
জরের হাঁসপাতালের ও লটারি  
কমিটির তহবিলের বাকি টাকা ও


রাজা প্রতাপসিংহের ৫০০০০ টাকা চাঁদা হইতে প্রধানতঃ

( ঘ ) The Good Old Days of Honourable John Company, Vol. I.

( ১৫ ) The Early History and Growth of Calcutta  
ও The Good Old Days of Honourable John Company,  
Vol. I.

নির্মিত হয়। ঐ বৎসরের ৩০শে সেপ্টেম্বর মারকুইস অব ডালহাউসির দ্বারা উহার ভিত্তি-প্রস্তর সংস্থাপিত হয়। ১৮৪২ খৃষ্টাব্দের ১লা ডিসেম্বর হইতে রোগীদের লওয়া আরম্ভ হয়। সর্বপ্রথম ৫০০ রোগীর স্থান করা হইয়াছিল। বাটার নক্সা প্রস্তুত ও নির্মাণ-কার্য কলিকাতার মেসার্স বার্গ কোম্পানির দ্বারা সংসাধিত হইয়াছিল। রাজা প্রতাপ সিংহের চাঁদা ভিন্ন শ্রামাচরণ লাহা, মিঃ এজ্রা ও কলুটোলার শীলদের দানও উল্লেখযোগ্য।

কাটেন, সে দিন ছুর্গ হইতে তোপধ্বনি করা হইয়াছিল। মধুসূদনের ছবি আজিও কলেজের গৃহে সজ্জিত আ। প্রথম বৎসর অর্থাৎ ১৮৩৭ খৃষ্টাব্দে ৬০টি মড়া কাটা হইয়াছিল। কেহ কেহ বলেন, প্রথম বৎসর ৬টি দ্বিতীয় বৎসর ১২টি এবং ১৮৪৪ খৃষ্টাব্দে ৫০০টি মড়া কাটা হইয়াছিল। প্রথম ছাত্রদের মধ্যে রাজকৃষ্ণ দে নামক একটি যুবক নামও পাওয়া যায়। শেষোক্ত বৎসরে ভোলানাথ গোপালচন্দ্র শীল, দ্বারকানাথ বসু ও সূর্য্যকুমার চন্দ্র



( ১ ) অন্ধকূপহত্যার পুরাতন স্মৃতিস্তম্ভ

( ২ ) পুরাতন ছুর্গ ( ৩ ) পুরাতন রাইটাস বিল্ডিং ( ৪ ) সহরের মধ্যস্থ বৃহৎ জলাশয় ( একখানি পান্ধী )

কলেজ স্থাপনকালে লর্ড বেণ্টিঙ্ক বিশেষ সন্দেহ ছিলেন যে, কোন বাঙ্গালী যুবক মৃতদেহ স্পর্শ করিয়া পরীক্ষা করিতে স্বীকৃত হইবে না। কিন্তু সৌভাগ্যক্রমে তাঁহার সে সন্দেহ অমূলক হইয়াছিল। সে বিষয় কোন আপত্তি উপস্থিত হয় নাই। অচিরে দেশীয় ছাত্রগণ এই কলেজে প্রবেশ লাভ করিতে লাগিল।

মেডিক্যাল কলেজে যে যুবক প্রথম মড়া কাটেন, তাঁহার নাম মধুসূদন গুপ্ত। যে দিন প্রথম বাঙ্গালী যুবক মড়া

প্রথম ডাক্তারি শিক্ষার জন্য বেণ্টিঙ্ক নামক জাহাজে ডা. গুডিভের ( Dr. Goodeve ) সহিত বিলাত করেন। ( ১৬ )


মেডিক্যাল কলেজ হাসপাতাল প্রতিষ্ঠার বহুকাল দেশীয় লোকদের জন্য একটি হাসপাতাল স্থাপিত হইয়া উহা সাধারণের চাঁদার দ্বারা ১৭৯৪ খৃষ্টাব্দের ১লা সে

( ১৬ ) ( ক ) The Administration of the East India Company.

হইয়াছিল। ইহাই দেশীয়দের জন্ম প্রথম কেবল মাত্র সাহেবদের জন্ম প্রেসিডেন্সি হাঁসপাতাল হাঁসপাতাল। ইহা কোন্ স্থানে ছিল তাহা জানা যায় না। নামে আর একটি হাঁসপাতালের উল্লেখ পাওয়া



পুরাতন ফোর্ট উইলিয়ম দুর্গ



ডালহাউসি ইনষ্টিটিউট

সাহেবদের জন্ম প্রেসিডেন্সি জেনারেল হাঁসপাতাল ১৭৬৮ খ্রীষ্টাব্দে প্রতিষ্ঠিত হয়। ইহারও বহুকাল পূর্বে ১৭০৯ খ্রীষ্টাব্দে ছিল। (১৭)

(প) The Early History and Growth of Calcutta.  
(গ) The Good Old Days of Honourable John Company, Vol. I.


(ঘ) স্ববর্ণবর্ণিক সমাচার—অগ্রহায়ণ ১৩২৯ সাল।

ফোর্ট উইলিয়ম কলেজ ১৮০০ খ্রীষ্টাব্দে ইংরাজ কর্মচারি-


(১৭) প্রধানতঃ The Early History and Growth of Calcutta নামক গ্রন্থ হইতে গৃহীত।

দের বাঙ্গালা শিক্ষার সুবিধার জন্তই প্রধানতঃ প্রতিষ্ঠিত  
হইয়াছিল।

ফ্রিচার্চ অরফেনেজ্, ১৮৪৩ খৃষ্টাব্দে ৫টি ছাত্রী লইয়া  
প্রথম আরম্ভ হয়। বসাক্ স্ট্রীট্, বৈঠকখানা এবং ইটালির




লাট সাহেবের বাড়ী



কোর্ট উইলিয়ম দুর্গ—পলাশি গেট





বর্তমান রাইটার্স বিল্ডিং



এইস্থানে পূর্বে অন্ধকূপ-হত্যা ঘটয়াছিল

ক্যান্টাল্‌ স্ট্রীটে এই স্কুলটি অনেক দিন অবস্থিতির পর, ১৮৭৪ সালে বিডন্‌ স্ট্রীটের বাড়ীতে উঠিয়া যায়। এই ভবনের ভিত্তি স্থাপন করিয়াছিলেন স্মার জর্জ ক্যাম্পবেল্‌। ( ১৮ )

বেথুন্‌ কলেজ, বেথুন্‌ ( J. E. D. Bethune ) সাহেব কর্তৃক ১৮৫০ খৃষ্টাব্দের নভেম্বর মাসে স্থাপিত হয়। ডেপুটি গভর্নর স্যার জন্‌ লিটলার্‌ (Hon'ble Sir John Littler) কর্তৃক মহা ধুমধামের সহিত ভিত্তি প্রস্তর সংস্থাপিত হয়। (১৯)

আর্টস্কুল ১৮৫৪ খৃষ্টাব্দে প্রথম বোবাজারে প্রতিষ্ঠিত হয়। উহার প্রথম শিক্ষক ছিলেন মসিয়ে রিগড্‌ নামক ( Mons. Rigaud ) একজন ফরাসী ভদ্রলোক। এখানে চিত্রবিদ্যা,

মোহন রায়ের ইণ্ডিয়ান্‌ একাডেমি, মতিলাল শীলের শীল্‌স্‌ ফ্রী কলেজ্‌, বিশপ্‌ কলেজ্‌ প্রভৃতি, অথবা হাঁসপাতালের কথায় ক্যাথোল্‌ হাঁসপাতাল, গ্যালবার্ট্‌ ভিক্টর হাঁসপাতাল্‌ প্রভৃতির প্রসিদ্ধি অল্প নহে। রাজধানীর শ্রীর হিসাবে কতকটা বাহ্যিক শোভার দিকে লক্ষ্য করিয়া বাহুল্য ভয়ে এ সবের বিবরণ দেওয়া হইল না।

কলিকাতার অগ্রতম সম্পদ অক্টারলনি মনুমেন্ট স্মার ডেভিড্‌ অক্টারলনির ( Sir David Ochterlony ) স্মৃতি-রক্ষা-কল্পে নিৰ্ম্মিত। ১৮১৮ খৃষ্টাব্দের ফেব্রুয়ারি মাসে ইহার নিৰ্ম্মাণ সম্বন্ধে কথার সূত্রপাত হয়। উহার জন্ম ৩০০০০



### টাউন হল

খোদাই ও ঢালাই শিক্ষা দেওয়া হইত। ১৮৬৩ সালে গভর্নমেন্ট উহার ভার গ্রহণ করেন। ( ২০ )

কলিকাতার পুরাতন ও সুপ্রসিদ্ধ কলেজের কথা বলিতে হইলে, গৌরমোহন আচ্যের ওরিয়েন্টাল্‌ সেমিনারি, রাম-

টাকা চাঁদা উঠিয়াছিল। এই স্মৃতিস্তম্ভের ভিত্তি সুদৃঢ় করিবার জন্ম তলদেশে ৮২টা ১০ ইঞ্চ চোকা ২০ ফুট্‌ লম্বা সালের চকোর প্রোথিত আছে। তদুপরি মোটা সেগুন কাষ্ঠের ফ্রেম্‌ আছে এবং তাহার উপর ৮ ফিট্‌ নিরেট গঁথনির উপর স্তম্ভ প্রস্তুত হইয়াছে। উহার উচ্চতা ১৬৫ ফিট। ( ২১ )

বর্তমান গভর্নমেন্ট্‌-হাউস্‌ নিৰ্ম্মাণের পূর্বে, ট্রাণ্ড্‌ রোডের উপর, যেখানে এক্ষণে বান্‌ হাউস্‌ আছে, ঐ স্থানে

( ১৮ ) The Good Old Days of Honourable John Company, Vol. I.

( ১৯ ) The Good Old Days of Honourable John Company, Vol. I.

( ২০ ) The Farly History and Growth of Calcutta.


( ২১ ) The Good Old Days of Honourable John Company, Vol. I.

পূর্বে গভর্ণরের বাড়ী ছিল। সিরাজ্ কর্তৃক কলিকাতা আক্রমণের দ্বিতীয় রাতে উহা অগ্নিসং হয়। তৎপরে যে স্থানে বর্তমান লাট-প্রাসাদ অবস্থিত, তথায় একটি বাটী প্রস্তুত হয়।

হয়। ইহার পূর্বে থিয়েটার ভবনে সরকারী উৎসব সকল সম্পন্ন হইত। (২২)

বর্তমান টাউনহল নিৰ্মাণ হইবার পূর্বে ১৩৯২ খৃষ্টাব্দ পর্য্যন্ত ওল্ড কোর্ট্ হাউসে টাউনহল ছিল। ১৮১৪ খৃষ্টাব্দে

বর্তমান গভর্ণমেন্ট-হাউস্ নিৰ্মাণ সম্বন্ধে মারকুইস্ অব্ ওয়েলেসলি প্রথম সঙ্কল্প স্থির করেন এবং কাপ্তেন ওয়াট্ (Captain Wyatt) স্থপতি নিযুক্ত হন। এই অট্টালিকার নিৰ্মাণ-কার্য আরম্ভ হয় ১৭৯৯এর এই ফেব্রুয়ারি এবং সম্পূর্ণ রূপে শেষ হয় ১৮০৭ খৃষ্টাব্দে। মোট ব্যয় হয় প্রায় ১৫০০০০ পাউণ্ড। জমি খরিদ করিতে ৮০০০০ টা কা লাগিয়াছিল। বাটার আসবাবপত্র খরিদ করিতে অল্পলক্ষ টাকা ব্যয় হইয়াছিল। লাট-ভবনের ভিত্তি স্থাপন করিয়াছিলেন মিঃ হিকি। ইং ১৮০৩ সালের জানুয়ারী মাসে লর্ড্ ভেলেনসিয়া



( Lord Valentia ) কলিকাতায় পদার্পণ করিলে তাঁহার পক্ষান্তর এই স্থানে প্রথম এক উৎসব ও বড় ভোজ হইয়াছিল। রাজার জন্মদিনের উৎসবও এ স্থানে সম্পাদিত

অন্ধকূপ হত্যার ঘর (কাল্পনিক চিত্র); লোহার গরাদে দেওয়া জানলা দেখা যাইতেছে

কলিকাতার অধিবাসীদের অর্থে সাত লক্ষ টাকা ব্যয়ে বর্তমান টাউনহল নিৰ্মিত হয়। পর বৎসর আরও ৪০০০০ টা কা ব্যয়ে কিছু পরিবর্তন করা হয়। উল্লিখিত অর্থের মধ্যে পাঁচলক্ষ টাকা লটারির দ্বারা তোলা হয়। এই লটারির জন্ম ১৮০৫ সালের ১৮ই জুলাই গভর্ণমেন্ট অনুমতি দিয়াছিলেন। (২৩)

মেট্কাফ্ হল্ শ্রার চার্লস্ মেট্কাফের ( Sir Charles Metcalfe ) স্মৃতি রক্ষার্থ ১৮৪০ খৃষ্টাব্দের ১৯শে ডিসেম্বর মহাসমারোহের



হর্গের নিকট হইতে কলিকাতার দৃশ্য

(২২) The Good Old Days of Honourable John Company, Vol. I. ও The Early History and Growth of Calcutta নামক গ্রন্থ হইতেই প্রধানতঃ সংগৃহীত হইয়াছে।

(২৩) The Good Old Days of Honourable John Company, Vol. I.

সহিত আরম্ভ হয় এবং ১৮৪৪ সালে শেষ হয়। ইহা প্রতিষ্ঠার পূর্বে ১৮৩৫ খৃষ্টাব্দের আগষ্ট মাসে এক সাধারণ সভার দ্বারা কলিকাতায় একটি সাধারণ পুস্তকাগার স্থাপনের কল্পনা স্থির হয়। পর বৎসর কতকগুলি ব্যক্তির উপহার প্রদত্ত পুস্তক ও গভর্ণমেন্টের ফোর্ট উইলিয়ম্ কলেজ হইতে প্রদত্ত বহু সংখ্যক মূল্যবান গ্রন্থ লইয়া উহার কার্য আরম্ভ হয়।

১৭৭০ অব্দে ফোর্ট উইলিয়ম্‌তে একটি সাধারণ পুস্তকাগার ছিল। (২৪)

ডালহাউসি ইনষ্টিটিউটের ভিত্তি প্রতিষ্ঠা হয় ৪ঠা মার্চ ১৮৬৫। মহাসমারোহের সহিত এই কার্য হইয়াছিল। বাঙ্গলার তদানীন্তন গভর্ণর এই উৎসবে উপস্থিত ছিলেন। সাধারণের চাঁদা ও অন্যান্য তহবিলের টাকা হইতে ইহা নির্মিত হয়। এজন্য প্রথম ৩০০০০ টাকা চাঁদা উঠে। (২৫)



অষ্টাদশ শতাব্দীর মনুমেন্ট

মিঃ রবিসন্ (C. K. Robison) এবং দ্বিতীয় নির্মাণ করেন মেসার্স বার্ণ কোম্পানি। সাধারণের চাঁদা, এবং এগুকালচারল্ ও চর্চিকালচারল্ সোসাইটির ও কলিকাতা পাবলিক লাইব্রেরির তহবিল হইতে নিৰ্মাণের ব্যয় সম্পন্ন হয়। ইং

এসিয়াটিক সোসাইটি অব বেঙ্গল, শ্রী উইলিয়ম্ জোন্সের (Sir William Jones) দ্বারা ১৭৮৪ খৃষ্টাব্দের ১৫ই জানুয়ারি প্রতিষ্ঠিত হয়। তখন তিনি যাত্রাবরের কল্পনার কথা কাহারও কাছে প্রকাশ করেন নাই। তখন হইতেই লোকের কাছ হইতে সময় সময় কোতুকাবহ ও আশ্চর্য্য দ্রব্য সমূহ জমিতে থাকে। একটি স্বতন্ত্র বাড়ী প্রস্তুত করিয়া তাহাতে ঐ সকল দ্রব্য রক্ষা করিবার কথা ১৭১৬ খৃষ্টাব্দে প্রথম স্থির হয় এবং চাঁদা তুলিবার চেষ্টা হয়। ১৮০৮এর আগে পর্য্যন্ত ফলে কিছুই হয় নাই। পরে গভর্ণমেন্ট প্রদত্ত জমিতে পার্ক ষ্ট্রীটের মোড়ে একটি বাড়ী প্রস্তুত হয়। ছয় বৎসর পরে ১৮১৪ খৃষ্টাব্দের ২রা ফেব্রুয়ারি ঠিকমত একটি মিউজিয়ম্ প্রতিষ্ঠার বিষয় স্থির হয় এবং ডাক্তার ওয়ালিচ্ (Dr. Nathianal Wallich) নামক একজন দিনেমার উদ্ভিদবেত্তার বহুই উপহার কাজ আরম্ভ হয়। তিনি তাঁহার মূল্যবান সংগ্রহ সমস্ত প্রদান করেন এবং নিজে অবৈতনিক অধ্যক্ষ রূপে কাজ করিতে থাকেন। প্রকৃত প্রস্তাবে তাঁহাকেই মিউজিয়মের প্রকৃত প্রতিষ্ঠাতা বলা যাইতে পারে। ওয়ালিচের পরে বেতনভুক্ত অধ্যক্ষ নিযুক্ত হয়। তাঁহার বেতন

মাসিক ৫০ হইতে ১০০ পর্য্যন্ত ধার্য্য হয়। যাত্রাবরে

(২৪,২৫) প্রণয়নঃ The Good Old Days of Honourable John Company, Vol. 1. হইতে গৃহীত।

দ্রষ্টব্য দ্রব্যাদি সংগ্রহ কার্যে দেশীয় লোকদের মধ্যে রামকমল সেনের যথেষ্ট সাহায্য পাওয়া গিয়াছিল। (২৬)

বর্তমান টাঁকশাল প্রতিষ্ঠার পূর্বে সেন্ট জর্জ গির্জার পশ্চিমে একটি টাঁকশাল ছিল। উহাতে প্রথম মুদ্রা প্রস্তুত হয় ১৭৬২ খৃষ্টাব্দে। ১৭৭৩ সালের পূর্বে তামার পয়সা প্রস্তুত হয় নাই। তখন এ দেশে কড়ি বিশেষ প্রচলিত ছিল। ১৭৮০ সালে স্মিথ ( Mr. Smith ) নামক একজন বিশেষজ্ঞ বাৎসরিক ৬০ পাউণ্ড বেতনে টাঁকশালের অধক্ষক রূপে বিলাত হইতে আগমন করেন।

৭ ঘণ্টা কাজ করিয়া মোট ৩১০০০০ মুদ্রা উৎপন্ন হইত। কথিত আছে পৃথিবীর মধ্যে ইহাই সর্বাপেক্ষা বৃহৎ টাঁকশাল। (২৭)

রাইটার্স বিল্ডিং নামক যে প্রকাণ্ড অট্টালিকা এক্ষণে লালদীঘির উত্তর দিকে অবস্থিত রহিয়াছে, এই স্থানে পূর্বেও এতাদৃশ একটি সুবৃহৎ অট্টালিকা ছিল, কিন্তু তাহার বহিঃসৌন্দর্য্য অনেকাংশে হীন ছিল। লর্ড ওয়েলেসলি যখন গভর্নর জেনারেল ছিলেন, তখন তিনি সিবিলিয়ন যুবকদের প্রথম এদেশে আসার পর এক বৎসর ফোর্ট উইলিয়ম্ কলেজে



ফোর্ট উইলিয়ম্ চূর্ণের ডালচাউসি ব্যারাক্

বর্তমান টাঁকশালের নিৰ্মাণ কার্য ১৮২৪ খৃষ্টাব্দের মার্চ মাসে আরম্ভ হয়। মেজর্ ফরবেস্ ( Major Forbes ) উহার নক্সা প্রস্তুত করিয়াছিলেন। ইহা নিৰ্মাণ করিতে এক লক্ষ বাইট হাজার পাউণ্ড ব্যয় হইয়াছিল। উহাতে যে কলকারখানা বসান হয়, তাহার তখন মূল্য ১০০০০ পাউণ্ড ছিল। এই বাটার মেজের ২৬ ফিট নীচে হইতে বনিয়াদ তোলা হইয়াছিল। ১৮৩৫ খৃষ্টাব্দের পূর্ক পর্য্যন্ত রৌপ্য মুদ্রার মধ্যে টাকা, আধুলি ও সিকি, সুবর্ণ মুদ্রার মধ্যে মোহর, এবং তাম্র মুদ্রা প্রস্তুত হইত। দিনে

উপযুক্ত পণ্ডিত ও মুন্সির নিকট ভারতীয় ভাষা শিক্ষা ব্যবস্থা করিয়াছিলেন। এই সকল সিবিলিয়ন যুবককে সুখ সুবিধার জন্তই প্রথম এই ভবনগুলি নিৰ্মিত হইয়াছিল। লর্ড উইলিয়ম্ বেটিঙ্কের সময় ১৮৩৬ খৃষ্টাব্দ হইতে উ ব্যবস্থা পরিবর্তিত হয়। তখন স্থির হয়, সিবিলিয়ন্ ছাত্র তাঁহাদের সুবিধা ও ইচ্ছামত অন্তত্ৰ থাকিতে পারিবে।

(২৬) The History of the Indian Museum—

The Calcutta Review 1914.

(২৭) The Early History and Growth of Calcutta


The Good Old Days of Honourable John Company

ইহার পর সাধারণের বাসগৃহ রূপে এবং স্তম্ভরূপে ব্যবহারের জন্য ঐ বাড়ী ভাড়া দেওয়া হয়। ( ২৮ )

কলিকাতায় হাইকোর্ট প্রতিষ্ঠার পূর্বে সুপ্রীম কোর্ট নামে একটি আদালত ছিল। উহা ১৭৭৪ খৃষ্টাব্দে প্রতিষ্ঠিত হয়। মিঃ বুশিয়ে ( Mr. Bouchier ) নামক এক সওদাগরের বাটীতে এই আদালতের কার্য্য হইত। এই বাটীকেই কোর্ট হাউস বলিত। ১৭৯২ খৃষ্টাব্দে সুপ্রীম কোর্টের জন্য স্বতন্ত্র বাড়ী প্রস্তুত হয়। পরে এই বাটী

বর্তমান কাষ্টম হাউস ১৮১৯ খৃষ্টাব্দে নির্মিত হয়। ঐ বৎসরের ১২ই ফেব্রুয়ারি মহা ধুমধামের সহিত বাটীর ভিত্তি-প্রস্তর বসান হয়। যে স্থানে এই বাটী নির্মিত হইয়াছে, উহা পুরাতন ছর্গের উত্তর সীমা। পূর্বে ছর্গের দক্ষিণ সীমায় কয়লা ঘাটে কাষ্টম হাউস ছিল। ( ৩০ )

সৌধসম্পদে কলিকাতা অতুলনীয় নগরী। পূর্বে বর্ণিত স্কুল, কলেজ, চিকিৎসাগার, বিচারালয় ও অন্যান্য সাধারণ প্রতিষ্ঠানগুলি ভিন্ন সেন্ট্রাল টেলিগ্রাফ অফিস, জেনারেল



জেনারেল পোষ্ট অফিস

ভাঙ্গিয়া সেই স্থানে ১৮৭২ খৃষ্টাব্দে গভর্নমেন্ট বর্তমান হাইকোর্ট-ভবন প্রস্তুত করেন। ইপ্রেসের টাউনহল হইতে ইহার নক্সার পরিকল্পনা আইসে। সদর দেওয়ানি আদালত নামে ছর্গের দক্ষিণে আর একটি আদালত ছিল। ঐ বাটী এক্ষণে মিলিটারী হাসপাতাল রূপে ব্যবহৃত হইতেছে। ( ২৯ )

পোষ্ট অফিস, ছোট আদালত, রেলওয়ে অফিস প্রভৃতির অনেক উৎকৃষ্ট সৌধাদি কলিকাতায় বিদ্যমান আছে। এ সকলই অপেক্ষাকৃত আধুনিক। গির্জা, মন্দির বা মসজিদ প্রভৃতির কথাও এ প্রবন্ধে বলা হয় নাই।

( ২৮ ) The Good Old Days of Honourable John Company.

( ৩০ ) The Good Old Days of Honourable John Company.

( ২৯ ) The Early History and Growth of Calcutta. Company.

# লাখ টাকা

শ্রীসৌরীন্দ্রমোহন মুখোপাধ্যায় বি-এল

## চরিত্র

ফকরাম চক্রবর্তী	...	দিলদরিয়া মেজাজের তরুণ যুব
লক্ষাচন্দ্র চক্রবর্তী	...	ফকরামের মাসতুতো ভাই
রক্তবীজ	...	ছ'শিয়ার এগনি
বেয়াক্কেলে	...	ফকরামের পুর্বানো গানসামা
ধড়ীবাজ	...	বেয়াক্কেলের ভ্রাতৃপুত্র
চঞ্চলা	...	ফকরামের স্ত্রী
ভুজঙ্গিনী	...	পতি-পাগলিনী বিরহিনী
জমাদানী	...	চঞ্চলাব ঝা
খোস্তা মাসী	...	নিঃসম্পকীয়

পাওনাদারগণ, বিষ্ণুভক্ত

## প্রস্তাবনা

### নান্দী

ওগো টাকা, রূপোর টাকা...

কোন গহনের কোনখানে গো,

কোন অতলের কোন তলে

হয় সে তোমার থাক !

( মোরা ) চোদ্দ ভুবন ঘুরচি, শুধু ঘুরচি—যেন ঘনি গাছের ঢাকা !

কোন পাতালে আছিস রে তুই, কোন পাহাড়ে ঢাকা !

ওরে আমার টাকা !

চাকরি করে তোমায় ধরা...সে মে আশার বার !

( তাই ) ডাকি খেলে তুলবো ঘরে, চাইছি সাগর-পার !

এখার ওখার ছিপ ফেলি,...হায়, দেখি রে সব ফাঁকা !

ওরে আমার মন-জোলানো, ওরে আমার টাকা !

ফন্দী-ফিকির যতই আঁটি—সব সে মাটি, ভূয়ো !

যেমন দূরে তেমনি আছো...খাচ্ছি কেবল ছয়ো !

ভার হলো যে, চোখ চেয়ে আর খালি স্বপন জাখা !

ওরে আমার পারের খেয়া, ওরে আমার টাকা !

## প্রথম অঙ্ক

[ দৃশ্য—ফকরামের গৃহ ; রোয়াক-সমেত উঠান দেখা যাইতেছে । ছইজন কাবুলী পাওনাদার ধীরে ধীরে গৃহ হইতে নিজ্রাস্ত হইতেছে ; বেয়াক্কেলে তাদের দ্বার অব অগ্রসর করিয়া দিল । কাবুলীরা চলিয়া গেলে পিছন দি হইতে পা টিপিয়া সম্বর্পণে ফকরাম আসিয়া দাঁড়াইল, নেপথ্যের দিকে লক্ষ্য করিল ; পরে বেয়াক্কেলের পি যুত টোকা মারিল । বেয়াক্কেলে ফিরিল । ]

ফকরা । ( নিম্নস্বরে ) গেছে... ?

বেয়া । গেছে ।

ফকরা । খুব ফিকির করে তাড়িয়েছিস, বটে !

বেয়া । তুমি যাও না—চূপ মেবে পড়ে থাকো গে ওরা এখন এক হুপ্তা আর এদিকে ঘেঁষচে না !

ফকরা । ( সখেদে ) কিন্তু ওরা তো ঐ একটাই নহ একেবারে পঙ্গপাল !...বেটারা কি ছোট লোক, বল দিবি না হয়, কিছু ধারই করেচি,...তা বলে রোজ রোজ তাগা করবি !

বেয়া । পয়সা দেখেনি কখনো !...ছ'পয়সা ধ দিয়েছিস, বেশ তো দুদিন পায়ে পা দিয়ে বসে থাক বাপু,—সুদে বাড়চে !...না, রোজ রোজ ঘ্যান্-ঘ্যান্ !

ফকরা । হ্যাঃ, একটু স্থস্থির হতে দেবে না ! . আ পয়সার অভাব হয়েছিল বলেই না ধার করেছিলুম !

বেয়া । এই... ! অভাব না হলে কি আর মা ধার করে !

ফকরা ।...যখন পয়সা হবে, শুধে দেবো, বাস্ ! ( এক ভাবিয়া, আত্মগতভাবে ) যদিও কি করে এ পয়সা হ তার কিছুই বুঝতে পারচি না !

বেয়া । কেন ভাবচো মিছে ! তুমি যাও না, নেখাপ কি করছিলে, কর'গে...

ফকরা । হ্যা, যাই !...কিন্তু তাখু বেয়াক্কেলে...

বেয়া। ( নেপথ্যের দিকে চাহিয়া ) পালাও...( ফক্কারামকে ঠেলা দিল ) পালাও...

ফক্কা। ( ভীত ভ্রমভাবে ) কেন রে ?

বেয়া। ঐ আর একজন আসছে এদিকে...পাওনা-দারই বুঝি,...যাও, যাও, পালাও...

ফক্কা। তা একে কি বলবি ?

বেয়া। সে ঠিক বলবো'খন। আমার মাথা আছে বেশ। তুমি যাওনা...

ফক্কা। যাই। ( প্রস্থান )

বেয়া। স্ত্রী—আবার একজন! সবাই যদি একসঙ্গে আসে তো একটা হুটীস দিয়েই সেরে দি,—তা তো আসবে না! সকাল থেকে কত নোককেই যে তাড়ালুম...

একজন পাওনাদারের প্রবেশ

পাওনাদার। কি হে, ফক্কারামবাবু বাড়ী আছেন?... না, নেপালে গিয়েছেন কাঠের কড়ি-বরগা গুণে নিতে? আজ কি জবাব আছে হে...?

বেয়া। ( হাস্ত )

পাওনা। কি হে, হাসচো কেন? হলো কি! ( বেয়া-কলের ভীষণ হাস্ত ) ইস, হেসে যে গড়িয়ে পড়লে! ব্যাপার কি?

বেয়া। আপনার কি বুদ্ধি.. ( উচ্চ হাস্ত )

পাওনা। হ্যাঁ বুদ্ধি...তা অত হাসি কেন?...

বেয়া। ( ভীষণ হাস্ত )

পাওনা। ওতে আর চলবে না। আজকে সাক্ষ জবাব চাই, সত্যি জবাব...আমার পাওনাটা মনে আছে?

বেয়া। সেইতো, তিনশো সাঁইত্রিশ টাকা, এগারো আনা, সাত পাই...

পাওনা। না, ঠিক অতটা এখনো হয়নি। এই যে ফর্দ, দেখে বলচি ( পকেট হইতে ফর্দ বাহির করিয়া দেখিয়া )...এই, ফক্কারাম চক্রবর্তী...ছশো উনিশ টাকা, তিন আনা, ছ'পাই...আজকের এই বেলা বারোটা অবধি সুদ কবে...

বেয়া। এঃ—তবে সামান্যই...! তা এর জন্তে এত হাঁটাইটি নাগিয়েচো—আর বুঝি কোনো কাজ নেই?

পাওনা। হ্যাঁ বাপু, সামান্য লোক, পাওনাটাকে এখনো

অসামান্য করে তুলতে পারিনি! তা, পাওনা তো শুনলে, ...এখন জবাব?

বেয়া। হ্যাঁ, তা বাবু এবার আপনার টাকাটা শুধে দেবেনই, ঠিক করে ফেলেচেন!

পাওনা। তোমার বাবুর অনুগ্রহ!

বেয়া। আজ্ঞে, তা আপনাদের অনুগ্রহের মত অতটা নয়। এ'ও ঐ সামান্যই...

পাওনা। বেশ, তা কবে শোধ দিয়ে এ অনুগ্রহটুকু প্রকাশ করবেন, শুনি...

বেয়া। আজ্ঞে, এই বল্চি। তা আপনার নামটা কি ছাই...

পাওনা। ছাই নয়...চশমখোর চাকলাদার। বারবার ভুলে যাও কেন?...নিত্য আসচি যে হে...

বেয়া। কি করি, বলুন—আমার তো সবে এই একটা মাথা! আপনাদের তো আর ঐ একটি নাম নয়, ও যে তেত্রিশ কোটি!

পাওনা। যাক বাবা, এখন জবাবটি দাও...

বেয়া। আজ্ঞে হ্যাঁ, জবাব এই যে বলি।...শুনুন... শুনলে অঙ্গ জল হয়ে যাবে একেবারে!...বাবু তো বহু সন্মানে পোস্তা থেকে মশায়, তিন বস্তা তেঁতুল-বিচি কিনেচেন। কিনে লরী ভাড়া করে তাতে সেই বিচির বস্তা তুলে তিনি হোই সেই পাবনার ওধারে গেছেন...সেই যে, যেখানে খুব বড়-বড় মাঠ আছে...বুঝছেন না?

পাওনা। না, বুঝি না...

বেয়া। এঃ, দেনদারের বাড়ী ছাড়া পিরখিমীর আর কোনো জায়গার খপরও রাখো না বুঝি!...আঃ, সে কি সব মাঠ...পেল্লায় পেল্লায় মাঠ—আর, সে যে কত বড় পেল্লায়—দাঁড়ান, তার কালি কষা হয়ে গেছে! কি ভালো, কি ভালো...

পাওনা। মাঠের কালি রেখে তুমি খালি জবাবটুকু দাও, বাবা। তার পর, কি হবে, বল—

বেয়া। বেশ, তবে কালি রাখলুম। তা সেই সব মাঠ ঘুরে-ঘুরে ঘুরে-ঘুরে ঘুরে-ঘুরে...

পাওনা। ঘোরাটা একটু থামাও না বাপু, আমার মাথা-শুকু ঘুরে উঠচে যে তোমার ঘোরার চোটে...

বেয়া। আজ্ঞে, তা, সে-সব পেল্লায় পেল্লায় মাঠ



ঘুরতে মাথা ঘুরবে বৈ কি! তা সেই সব মাঠ তো ঘুরে, জমি বেছে নিয়ে সেই জমিতে সেই সব বিচি তো তিনি পুঁতবেন। তার পর সেই বিচি থেকে গাছ হবে কত, ওঃ, ভাবুন একবার। আর সেই সব গাছে তেঁতুল, ওরে বাপরে, দেশ ছেয়ে যাবে তেঁতুলে, একেবারে। তার পর সেই তেঁতুল না গাছ থেকে পটুপটু করে ছিঁড়ে লরি ভরে কলকাতায় চালান! আর কলকাতা থেকে সেই সব তেঁতুল চালান যাবে বিলেত, জার্মান...এমনি সারা পিরখিমাময়! বাস্, টাকা আসবে বস্তা, বস্তা! আপনার টাকা মবলগ, শোধ হয়ে যাবে দু'দিনের মধ্যে।

পাওনা। বাঃ—টাকা তাহলে এবার আমার ধরে এসে পৌঁছবে নিশ্চয়, এঁা ?

বেয়া। পৌঁছবে কি! পৌঁছে গেছে, ধরে নিন্। করুকরে ঝন্ঝনে টাকা! নোট চান্ নোট, টাকা চান্ টাকা, মোহর চান্ মোহরই,—অর্থাৎ যা চাইবে। সত্য, বাবুও তিত্তিবিরক্তি হয়ে গেছে। নিত্যি এহ পাওনাদারের তাগাদা! তিনি বলেছেন, কারো পাই-পয়সা তিনি আর বাকা রাখবেন না! নিত্যি যে তাঁর দরজায় এসে তোমরা কুকুরের মত খেউ-খেউ করবে, সে জোটি আর থাকবে না। তাঁর দিগদারী ধরে গেছে বেজায়!

পাওনা। তুমি তো খাসা বুঝিয়ে দিলে! তেঁতুলবিচি, পাবনা, পেলায় মাঠ, লরি, বিলেত, জার্মানি, ইস্তক কুকুর বলে গাল অবধি বাদ রাখলে না! তা, ও-সবে ভুলচিনে আমি। আমি জবাব চাই, সাফ জবাব!

বেয়া। আজ্ঞে, জবাব চাও, তা মস্ত জবাবও তো দিলুম এই!... হাঁ করে ভাবচেন কি? টাকাটা কি করে নিয়ে যাবেন? তা ভাবনা কি? আপনি যাও না, থলে জোগাড় করে আনো না! ঐ আবার কারা আমচে, দেখি! বাড়ী খুঁজচে!...এরা নতুন লোক, তাগাদা সবে শুরু করেছে! বাড়ীটা এখনো ঠিক সড়গড় হয়নি! তা আপনি যাও,—আর ঝামেলা বাড়িয়ে না। এরাও পাঁচজন ভদ্র নোক আশা করে আসচে তো! এরাও জবাব চাইবে এখনি।

পাঁচজন পাওনাদারের প্রবেশ

২। এইটেই তো...৩৭ নম্বর বাড়ী ?

৩। ঠিক তো? দেখেচো ঠিক? শেষে যেন আর

কার বাড়ী চুকে ট্রেশপাশের চার্জে না পড়তে হয়। খানা-পুলিশকে হুঁসিয়ার!

৪। এই যে, কে দাঁড়িয়ে! হ্যাঁ হে, ফকরাম চক্রবর্তীর বাড়ী তো এইটে ?

৫। ডাকা যাক্ না! (উচ্চৈঃস্বরে) ফকরাম বাবু বাড়ী আছেন? বলি, ও মশায়, ও ফকাবাবু...

বেয়া। আজ্ঞে, আপনারা...?

২। পাওনাদার।

বেয়া। এই এতগুলি...সবাই...?

৩। হ্যাঁ, সবাই।

বেয়া। ও বাবা,—দলে যে বেশ পুরুষ্ট, আপনারা...তা...

৪। এই তো সেই ঝাকা চাকরটা! চেনোনা বাপু, সাতশো দিন ভাঁড়িয়ে আসচো—কাল, কাল, কাল! আজ এই দোর চেণে বসলুম,...ঘাল না হলে নড়চি না! (বসিল)

৫। আমাদের ঐ কথা!...(বসিল)

১। বাবা, লেওনস্ত কালে মিষ্ট-মধু বাণী...আর দেওনস্ত কালে বড্ড টানাটানি...! ও আর চলছে না!

২। শুধু বসে থাকলেও চলবে না! চ্যাচাও, দারুণ বিভীষিকা জাগিয়ে তোলো,...গগনভেদী চীৎকার তোলো... (উচ্চৈঃস্বরে) ফকরামবাবু, বলি ও ফকরামবাবু, ও মশায়, হয় বেরিয়ে আসুন, নয় সাড়া দিয়ে বলুন যে, বাড়ীতে নেই... বুঝলেন ?

বেয়া। আজ্ঞে, তা আমি থাকতে আপনারা গলা ফাটাফাটি করে মরচো কেন ?

২। তুমি কে ?

বেয়া। আজ্ঞে, আমিই সব। তার মানে, আমার হাতেই আপনাদের, তোমাদের জীবন-কাঠি, মরণ-কাঠি!

সকলে। (মুখ চাওয়া-চাওয়ি করিয়া) এ বলে কি হে ?

৪। শোনাই যাক্...

বেয়া। বলি, আপনারা তো টাকা পাবে ?

৩। হ্যাঁ,...

১। বাবা, লেওনস্ত কালে মিষ্ট-মধু বাণী...আর দেওনস্ত কালে বড্ড টানাটানি,—চলবে না, আগেই বলে রাখচি।

২। আঃ, থামো না, ওকে বলতে দাও...

বেয়া। তা, আমার দস্তরী ?

৪। দস্তরী কিসের ?

৫। হ্যা, কিসের ?

বেয়া। মবলগ্ টাকা পাবে, আর দস্তুরী ছাড়বে না ?

৪। যা বল্গেচো !...এ কি ছেলের হাতে মোয়া !

৫। টাকাটা খোলামকুচি...!

৩। না, তার কোনো দাম নেই !

বেয়া। তবে চ্যাচাও বাবুরা। আজ চ্যাচাও, কাল চ্যাচাও, পরশু চ্যাচাও, রোজ রোজ ঐ অমনি করে চ্যাচাও !... টাকা আমার এই ট্যাঁকে ! ( গমনোত্তত )

সকলে। (মুখ চাওরা-চাওরি করিয়া) কি হে ? কি বল ?

২। পাগল !

১। বাবা, লেওনশ কালে মিষ্টমধু বাণী...আর দেওনশ কালে বড্ড টানাটানি বটে !

৩। নগদ গুণে দিয়েছি, বাবা, কাটছাঁট বাদ রাখিনি...

বেয়া। তাহলে বসে বসে এখন সে নগদের সুদ গোণো গে। পরাণটা ঠাণ্ডা থাকবে। চাই কি, শুভস্বরীটেও রপ্ত হতে পারে। আমি তাহলে আসি, ...চ্যান করবার সময় হলো ! ( পুনরায় গমনোত্তত )

সকলে। ( বেয়াক্কেলেকে ধরিল ) ব্যাপারখানা খুলে বল দিকি বাপু...

বেয়া। তবে শুনবে ?

সকলে। হ্যা, হ্যা, ...নিশ্চয় শুনবো, আলবৎ শুনবো !

বেয়া। তবে শোনো বাবুর সম্বন্ধীর খুড়শুরের সেই ভায়রাভাই আছে না...? সেই যে...

সকলে। হ্যা, হ্যা হ্যা...

বেয়া। তা তেনার ছেলেপিলে নেই কি না ! তাই পুষ্টিপুস্তুরের হুটী ছাপিয়ে দেছে, বাবু সেই পুষ্টিপুস্তুরী চাকরি নেবার জন্তে দরখাস্ত পাঠিয়েছে। সেইটে পেলেই... ব্যস্... আপনারা এসে একেবারে গঙ্গামণ্ডল তালুকখানায় চেপে বসবে—আর সুদে-আসলে সব চুকিয়ে নিয়ে যাবে।... চাই কি, কারবার ক্যালাও করতে আরো দশ-বিশ হাজার চাও সব তো তাও পেয়ে যাবে !...কেমন, এবার নিশ্চিন্তি হলে তো ? যাও...হাসিমুখে এখন বাড়ী ফিরে যাও...। আমি এবার চ্যানে চললুম...( গমনোত্তত )

আরো তিনজন পাওনাদারের প্রবেশ

নূতন দলের ১। যেয়ো না বাবা, যেয়ো না ..আমাদের কথাটা...

বেয়া। আজ আর সময় নেই,—হবে না বাবুরা। দেরী করে ফেলেচো ! এঁরা আগে এসেচে— নিজেদের সব বুঝে নিয়ে কেমন হাসি-মুখে ফিরচে !...একটু আগে আসতে হয় !

নূতন দলের ২। তা বাবা, একটু দয়া কর—নিদেন একটু আশা...

বেয়া। ও ! আপনারা আশা চাও...বড্ড নতুন,... না ? তা আশা দিচ্ছি...পাবে, গো টাকা সব পাবে...এই মাসকাবারে...

নূতন ৩। ও কথা শুনেচি বাপু...

বেয়া। ওঃ, এটা পুরোনো কথা ! তা কি করবো, বাবু ! আজ ক্রেমাগত নতুন কথা এত বলেচি যে নতুন আর বাকী নেই ! আর একদিন সকাল-সকাল এসো,... বেশ মনের মত নতুন কথা শোনাবো'খন !...আমার এখন খিদে-তেষ্টার সময়, আর জালিয়ে না।

নূতন ১। বাবা, আজ ছ'মাস হাঁটাইটি করচি...এক জোড়া নতুন জুতোই হাঁটাইটির চোটে ছিঁড়ে গেল !

বেয়া। তাই না কি ! তা এমন কাজও করে ! ধার-দেওয়া টাকা আদায় করতে তাগাদায় আসে মানুষ নতুন জুতো পায়ে দিয়ে !...সে তো ছিঁড়বেই। শুধুন, কথায় বলে, বড় নোকের বাড়ী নেমস্তন্ন যেতে আর টাকার তাগাদা করতে নতুন জুতো পায়ে দিয়ে কখনো বেরবে না... বেরলেই পস্তাতে হবে !

নূতন ২। ভারী মজার লোক তো !...খালি বাজে গল্প...

বেয়া। আপনাদের দেখে একটা পুরোনো গল্প মনে পড়চে...

৫। থামো, তোমার গল্প শোনবার আমাদের সময় নেই...

বেয়া। আজ্ঞে, তা যদি বললেন তো ভালো কথাই বললেন। আমরা আর গল্প বলার ক্ষ্যামতা নেই—পেটের ক্ষিদে বড্ড জানান্ দিচ্ছে ! তোমাদের নাবার খাবার টাইম না থাকতে পারে, আমার আছে।...এখন বেরোও দিকি... মানুষের সহি করবারো একটা সীমা আছে ! ..

সকলে। এসো হে, চলে এসো...আর তাগাদা নয়...

৫। একদিন পথে পাই তো গলায় গামছা দিয়ে ধরি...

৩। উহু—শেষে পুলিশ-কেশে পড়বো ..

২। চলে এসো...একটা যা হয় কিছু করা যাবে।

১। বাবা, লেওনস্ত্র কালে মিষ্ট-মধু বাণী...আর  
লেওনস্ত্র কালে বড় টানাটানি।

( সকলের প্রশ্ন )

বেয়া। আপদগুলো গেছে। বারোটাও বাজে! এখন  
যার কোনো ভদ্র নোক তাপাদায় আসবে না! আজকের  
ত পাল্লা শেষ হলো। যুই, এবার চ্যানের যোগাড় দেখি  
গ!...সদরে খিলটা দিয়ে যাই!

( প্রশ্ন )

অধীরভাবে চঞ্চলার প্রবেশ; পিছনে ফকারাম

ফকা। প্রিয়ে চঞ্চলে, আর রাগ করো না, ধরি  
মঞ্চলে!

চঞ্চ। সত্যি, ভালো লাগে না নিত্য এই পাওনাদারের  
তাগাদা...

ফকা। তাই তো বলচি, তার ওপর তুমি যদি রাগে  
চঞ্চলা হও, তাহলে গরিব আমার যে দিন চলা ভার হয়ে  
ওঠে!

চঞ্চ। খালি কথা! কথার ভটচাঘিয়া!

ফকা। দোহাই তোমার, ভটচাঘিয়া নই, ...চক্রবর্তী।

চঞ্চ। একটা কিছু উপায় কর—

ফকা। সেই চেষ্টাই তো করচি।

চঞ্চ। ছাই করচো! •

ফকা। নয়? ঝাখো, প্রথম সুরু হলো হোটেল খোলা...

চঞ্চ। নিজে আর পাঁচটা বন্ধুতে মিলে তার হাড়-কাঁটা-  
গুলো অবধি চিবিয়ে খেলে!

ফকা। তা খন্দের আসছিল না, খাবারগুলো পাছে  
মষ্ট হয়, কাজেই—

চঞ্চলা। কাজেই!—রাগ ধরে, হাসিও পাশ!

ফকা। কি বলবো প্রেমসী, চেষ্টিয়ে তোড়ে হাসতে  
পারচি না—ব্যাটারা যদি এখনো কাছাকাছি থাকে! আমি  
য এখন বাড়ী নেই!

চঞ্চ। বাড়ী নেই কি রকম?

ফকা। বেয়াক্কেলে এক-পাল পাওনাদারকে তাই বলে  
এইমাত্র তাড়ালে না!

চঞ্চ। সং!

ফকা। তারপর ধর,—নিখিল-মিষ্টার ভাঙার! জয়নগর  
থেকে মোয়া, কেটনগর থেকে সরভাজা-সরপুরিয়া, বর্ধমান  
থেকে সীতাভোগ মিহিদানা, নাটোর থেকে রাঘবসাই,  
মানকর থেকে খাজা, কাশী থেকে বালুশাই, মিহিডাম থেকে  
জিলিপী-বোদে—ওঃ, কি দোকানই ফাঁদলুম ..

চঞ্চ। তা'ও তো ঐ নিজের আর বন্ধুদের পেটেই গেল!

ফকা। ঐ এক কারণ! খন্দেরের অভাব! যত লোক  
সব ছোলাভাজার কাঙাল! এক পয়সার ছোলা-মটর আর  
এক পয়সার এক পেয়লা শুকনো পাতা-সেদ্ধ চা—এই তো  
সব জলখাবার! ও-সব মিষ্টানের দিকে নজর উঠবে কেন?...  
তার পর ঐ এক পয়সা দামের খিয়েটার বলে সাপ্তাহিক  
কাগজখানা বার করলুম—

চঞ্চ। তার ফলে রাতে বাড়ী ফেরা নেই! মিনি পয়সার  
খিয়েটার দেখা আর তাদের ধামা ধরায় তো ভারী লাভ!  
ছাপাখানার বিল শুধলুম এতগুলি!

ফকা। বরাত! লক্ষ্মীকে বাধবার জন্তু কসরুটা কি  
কম করেচি! তিনি ধরাই দিতে চান্না, তা বাধবো কি!...  
তা, এর মানেও বুঝেচি!

চঞ্চ। কি মানে, শুনি?

ফকা। কথায় বলে, স্ত্রীভাগ্যে ধন! অর্থাৎ স্ত্রীই  
লক্ষ্মী! তা লক্ষ্মী তো চঞ্চলাই, তার উপর তুমিও নামে  
চঞ্চলা—কাজেই এই ছই চঞ্চলার মাঝে পড়ে আমি একদম  
খলদঞ্চলা হয়ে গেলুম। তাই ভাবচি, এবার এমন ব্যবসা  
ফাঁদবো...

চঞ্চ। ওগো, ব্যবসা ছাড়া দিকি। বামুনের কপালে  
ব্যবসা ফলে না। তার চেয়ে একটা চাকরির চেষ্টা  
ঝাখো...। সত্যি, নিত্য এই পাওনাদারের কথা সয়ে আর  
ধাকাও যায় না! কোনো সূখ নেই!

ফকা। দুঃখটাই বা কি!...শুধু তো কথা...গায়ে  
ফোন্কাও পড়ে না, চোটও লাগে না। এক কাণ দিয়ে  
শোনো, আর-কাণ দিয়ে বার করে দাও—পয়সা-খরচ নেই!  
...তবে হ্যাঁ, রোজ রোজ ওদের সঙ্গে কাঁহাতক এক কথা  
কই, তাই আর কি নিজে গা ঢেকে থেকে বেয়াক্কেলে  
সামনে ধরে দি। তা, ও ব্যাটা খুব চালাক আছে...যা  
ভগিত্তে দিয়ে কথা কয়!...তার পর এ তাগাদাও এই  
বেলা বারোটা অবধি...বড় জোর সাড়ে বারোটা! ঐ সময়ট

পর্দানশীন হয়ে থাকে—তার পর নিশ্চিত হয়ে তারাও গিয়ে বিশ্রাম করে, আমরা তাই!

চঞ্চ। কিন্তু পেট চালাবার পয়সা ত চাই! এমনি নিত্য হাত পেতে খার করা...

ফক্কা। তাতেও সুবিধা বৈ অসুবিধা দেখিনে তো! হাত পেতে ঐ খার করা—শুধুতে ষাড় কাৎ করতে হবে না...

চঞ্চ। কিন্তু নিত্য খার দেবে কে, বল তো...? চাল-ডাল, হুন-তেল এগুলোও তো চাই!

ফক্কা। হায় রে,—খার দেবে কে?

ধরণী বিপুল প্রিয়ে, মুখ কত লোক...

মুখের চটুল বাণী,—সুব আর স্তোক,

প্রচণ্ড সুদের মোহ,—গেঁজিয়াটি খুলি

অকাতরে দেবে অর্পণ খার বলে' তুলি!

তার পর চাল-ডাল হুন-তেল—এটা শ্রেফ economics-এর কথা—এসো, বুঝিয়ে দি। এই সহর কলকাতা তার বিশাল দেহ নিয়ে পড়ে আছে, আর আমার মত পোড় খায়নি এমন বহু লোক নিত্য কারবারের ফাঁদে রূপচাঁদ পাবার আশায় কত ব্যবসাই ফাঁদছে। কিন্তু পুরোনো যারা বাজারে আছে, তাদের সঙ্গে পাল্লা দিতে হবে তো! কাজেই গোড়ায় তারা ধারে জিনিষ দেবার জাল পেতে খদ্দের ধরবার জোগাড় করে। তোমার জমাদারীকে সে হৃদয়ও বাৎলে দিছি। এমন সুখ আর কোথাও নেই! ঘাঁ-ময়দা চাল-ডাল হুন-তেল যা চাই, নতুন দোকানে যাও, হাতচিঠি ফ্যালো আর আনো। তারা ভাবচে, খদ্দের পাকড়েচি, টপাটপ জিনিষ দেবে। খদ্দের ভাবচে, কি দাঁওই মারচি!...তার সঙ্গে কবে দিন-কতক কারবার চললো, তার পর যেমনি সে জোর তাগাদা সুরু করবে, বলবে, টাকা না পৈলে জিনিষ দেবো না,—বাস্, চলে যাও আর-এক দোকানে হাতচিঠি নিয়ে...

চঞ্চ। যা বলেচো! তার পর চারদিকে সব নালিশ করে ছেঁকে ধরুক!

ফক্কা। ক্ষেপেচো প্রিয়ে,—কত লোকের নামে তারা নালিশ করবে! তুমি ভাবচো, তুমি একা এই হাতচিঠির খদ্দের! রামচন্দ্র! বর-বর, ঘর-ঘর! আর এ না করলে চলে কি করে, বল? নিত্য বাজারের দর চড়ছে...মাল্ল

পারবে কি করে? কাজেই, এই শেরানে-শেরানে কোলাকুলি! দোকানদারও বোঝে। বুঝে তারা ঐ নগদ খদ্দেরদের ওপর দিয়ে এই সব হাতচিঠির খদ্দেরের পাওনা পুরোপুরি আদায় করে, নেয়। ফুর্টি আমাদেরই...মরতে মরে ঐ আহাম্মক নগদ-খদ্দেরের দল!

চঞ্চ। তা এখন কি করবে, ঠাওরেচো?

ফক্কা। ভাবচি, এবার বই লিখবো। ঘর থেকে টাকা বার করা নয়...শ্রেফ ফাঁকির মূলধন নিয়ে কারবার! এ ব্যবসাই এখন চলছে খুব। চারিদিকে নতুন নতুন পাবলিশার গজাচ্ছে। লোকে দেখি ভারী পণ্ডিত হয়ে উঠেচে! সবাই বই পড়চে, বই কিনচে খুব—

চঞ্চ। তুমি বই লিখবে কি গো?

ফক্কা। হ্যাঁ, আমিই বই লিখবো। কেন লিখবো না? আমাদের সেই পর্দাশীল কস্মকাস,—জানো না...সেই যে পথে পথে ঘুরে বেড়াতো, 'তালা-চাবি সারানো' বলে ছেঁকে ফিরতো, তা সে এখন সেই তারে-বাঁধা চাবির তাড়া ফেলে রাশ-রাশ বই লিখচে, আর কশাইটোলার সাহিত্য-সংহার-মন্দির রঙ-বেরঙের ছবি দিয়ে সেই সব বই ছেপে নগদ এক টাকা মূল্যে বিক্রী করচে!...ট্রামে চড়, রেলো যাও, দেখবে, ঐ কশাইটোলার লোক সেই বই নিয়ে ছেঁকে ধরবে।

চঞ্চ। সত্যি...?

ফক্কা। সত্যি না তো কি মিছে!...আমার সেই ছেলে-বেলার লেখা কবিতাগুলো নিয়ে বাজাবেও একবার আমি ঘুরে এসেচি।...একজায়গায় এক মোটা বাবু চেয়ার ঠেসে বসে আছে—শুধুবে কথাই কইলে না, তারপর গেলুম, আর এক দোরে...এক বেঁটে মটকু ছোকরা বসে আছে। সে হেসেই উড়িয়ে দিলে, বললে, রাবিশ ঘাঁটবার তাদের কুরসং নেই। তার পর তেসরা দরজায়...তারা বললে, নামজাদা লিখিয়ে নইলে তারা বই ছাপে না কারো।...তখন শেষ গেলুম সেই কশাইটোলার সাহিত্য-সংহার-মন্দিরে। হ্যাঁ, উদ্দর লোক, সিগারেট দিলে, পাণ খাওয়ালে...আর বললে, এ-সব ছেড়ে খুব বিদিকিছি গোছের একখানা অপিত্তাস লিখে দিন দিকি...

চঞ্চ। অপিত্তাস?

ফক্কা। ঐ আমরা যাকে উপিত্তাস বলি, তাকেই তারা

বলে, অপিতাস !...সাহিত্য-সংহার-মন্দির যে...তারা বললে,  
অপিতাসটা আজকাল চলছে খুব।

শশবাস্তে জমাদানীর প্রবেশ

জমাদানী। (বিষম অঙ্গভঙ্গী-সহকারে) নছার ব্যাটা,  
পাজী মিস্কে, হাড়হাবাতে, ডাক রা, হারামজাদা...

চঞ্চ। কি রে? কি হয়েছে?

জমাদানী। বিটলে, ইল্লৎ মিস্কে, অলপ্পেয়ে,  
পোড়ারমুখো...

ফক্কা। ব্যাপার কি রে জমাদানী...?

জমাদানী। ধামো আগে আমার রাগ সামলাতে দাও।  
...লক্ষ্মীছাড়া, অনামুখো, হতছাড়া...মার কোন্ খালি কর,  
—নিপাত যা, নিপাত যা...শ্রীল-শকুনে ছই চোখ তোর  
খুবলে থাক! হতছাড়া মিস্কে...তোর ভিটের ঘুঘু চক্ক,  
ব্যবসায় ছারপোকা নাগুক, প্যাচা চাঁচাক, সর্ষের ক্ষেত  
বোন্ হতভাগা...

চঞ্চ। কি রে জমাদানী...কি হয়েছে?

জমাদানী। বলে কি না, সেদিনের ছুনের দাম তিন  
পয়সা না পেলে ধারে জিনিস দেবে না আর...

ফক্কা। কে রে? কাব এ ছবু'ক্তি হলো?

জমাদানী। কাব আমার! ...ঐ যে চিড়ের মত চ্যাপ্টা  
মুগখানা...ঐ যে কাটা ধানের গোড়ার মত খোঁচা গোফ...কি  
বাহারই মরি, মরি!...জাখাপুড়ার পাশ সেরে মুদির দোকান  
খুলেচে। নিপাত যা, নিপাত যা...তোর চালের বস্তায় উই  
ধরুক, তোর চিনির খলে জলে গলে যাক, উনুনমুখো মিস্কে...  
আমি হু জমাদানী...হাবু জমাদানের বোন্! আমার চিনিস্  
নে, বেরাল-চাখো মিস্কে...? [প্রস্থান

[ফক্কারাম ও চঞ্চলা কৌতুক-ভঙ্গী করিল। ফক্কারাম  
ভাবপব কি ভাবিতে ভাবিতে পরিক্রমণ করিতে লাগিল।  
হঠাৎ জাননা দিলে বাহিরে পথে চোখ পড়িতেই সে শিহরিয়া  
থামিল; পরে কম্পিত কলেবরে চঞ্চলার কাছে আসিয়া তার  
মাচল চাপিয়া ধরিল।]

ফক্কা। প্রিয়ে চঞ্চলে...

চঞ্চ। কি হলো?

ফক্কা। একটা মোটা-সোটা ভবিষ্যুক্ত লোক...এদিকেই  
আসচে। বোধ হয়, অনেক টাকা পাবে। পোষাক আর  
হোঁৎকা চেহারা দেখে তাই মনে হচ্ছে।...এদিক-পানে

তাকাতে-তাকাতে আসচে। বেয়াক্কেলে তো চানু করতে  
গেছে...তা একে হঠাৎ কে এখন?

চঞ্চ। তাই তো!...এ কি রকম মানুষ! বেলা বারোটোর  
পরও তাগাদায় আসে! ভদ্র লোক...?

ফক্কা। চেহারায় তাই মনে হচ্ছে বটে!...ব্যবহারে  
নয়। তা শোনো,...তোমার জমাদানীকে একবার তোয়াজ  
করে পাঠাও।...আমার অশুখ, ভারী অশুখ...নাড়ী ছাড়ে-  
ছাড়ে। ওরে বাবা, হি-হি-হি-হি... (কম্পিতভাবে গিয়া  
একটা লেপ টানিয়া মুড়ি দিয়া) আমি সবে পড়লুম, তুমি  
উপায় জ্বাখো...

[প্রস্থান

চঞ্চ। তাই তো, রোজ রোজ হরঘড়ি আর পারাও যায়  
না!...দেখি,...ওরে, ও জমাদানী...

(নেপথ্যে জমাদানী। কেন?...)

চঞ্চ। একবার শুনে যা তাই, লক্ষ্মীটি, দিদিটি...

জমাদানীর প্রবেশ

জমা। কেন? ডাকচো কেন?

চঞ্চ। একজন পাওনাদার আসচে।...তা বেয়াক্কেলে  
তো নাইতে গেছে,...তুই ওকে তাড়া...

জমা। কেন? আমি কেন তাড়াবো!...এ তো  
বেয়াক্কেলের কাজ।

চঞ্চ। ওরে, এ তার ক্ষামতায় কুলোবে না...এ মোটা-  
সোটা বিদিকিচ্ছি মানুষ...তুই না হলে হবে না।

জমা। ও,—শক্ক নোক, সে পারবে না?...তা আচ্ছা,  
আমি দেখি...আমার নাম বলে,...জমাদানী, হাবু জমাদানের  
বোন্...আমার হাঁকে বলে, হাঁ... [প্রস্থান

চঞ্চ। ...দেখি, এখন কি করে তাড়ায়!...(নেপথ্যের  
দিকে চাহিয়া) কি গো তুমি শুয়েচো...? হি-হি-হি-হি-হি...  
বড় অশুখ, উছছ! (হাস্ত) না?

[নেপথ্যে জমাদানীর আর্ন্তনাদ; ও পরমুহূর্ত্তে নেপথ্যের  
দিকে সক্রোধ দৃষ্টিতে চাহিয়া মুষ্টিবদ্ধ হস্তে উত্তেজিতভাবে স্থূল  
বপু লইয়া রক্তবীজের প্রবেশ। তার হাতে লাগ কিতায় বাধা  
নানা কাগজ; পিছনে উড়িয়া বনের হাতে ব্রীফ-ব্যাগ,  
জলের কুঁজু গ্লাস প্রভৃতি]

নেপথ্যে জমাদানী। নিকালো মিস্কে...

রক্তবীজ। চোপরাও মাগী...(রক্তবীজকে দেখিয়া চঞ্চলা

ক্রত পদক্ষেপে পলারনোত্তত ; রক্তবীজ ফিরিয়া দেখিবামাত্র  
সাম্ভবতঃ কহিল )—কে...? খেঁদি !

চঞ্চলা । ( খমকিয়া ফিরিল ; পরে বিস্ময়ে হাসিয়া )  
পিসেমশায়...

রক্তবীজ । তুই...এখনে...?

চঞ্চ । এই তো আমার বাড়ী ।

রক্ত । তাহলে ফক্কারাম চক্রবর্তী...?

চঞ্চ । আমার স্বামী ।

রক্ত । বটে,—তা বেশ, বেশ !

জমাদারীর প্রবেশ

জমা । তবে রে মিসে !...আমি বনু, বাবুর ভারী  
ব্যামো, বুঝি মরে !...আর তুই আমায় চুঁসুনি মেরে ফেলে  
দিয়ে ঘরে ঢুকলি !... ( আক্রমণোত্তত )

রক্ত । চোপরাও, চোপরাও... (ঘৃষি বাগাইতে লাগিল)

চঞ্চ । করিস্ কি জমাদারী...তাকা মাগী ! ( তাকে  
ধরিল ) এ যে পিসেমশায় রে...

জমা । কে...পিসেমশায় ?

চঞ্চ । ঘটা দিদির বাপ...

জমা ।...ও...আমার জালা পিসিমার পিসেমশায় !

চঞ্চ । আঃ, কি যে বলিস্ !

জমা । বুঝেচি, বুঝেচি, আর বলবো না।...তা  
পিসেমশায়, কিছু মনে করোনা গো, চিন্তে পারিনি । যে  
দুশ্মন্ চেহারা করেচো বাপু !...তা গড় করি গো... ( প্রণাম  
ও প্রস্থান )

রক্ত । একখানা চেয়ার আনিয়ে দে রে—মোটামুঠ !  
দাঁড়িয়ে থাকলে হাঁফ ধরে । ( চেয়ার আনাইয়া দিলে বসিল )  
ফক্কারামের ভারী অসুখ...?

চঞ্চ । ( কাঁচুমাচু ভাবে ) বড্ড । দিন কাটে তো রাত  
কাটে না পিসেমশায়,...রাত কাটে তো দিন কাটে না ।

রক্ত । তাইতো, তাহলে তার সঙ্গে আর দেখা করবো  
না ! আমার আবার তাড়া আছে । ( ঘড়ি দেখিয়া ) বেলা  
ছটোয় আসবে কিম্বিলাল, স'ছটোয় মশারাম, আর ঠিক  
আড়াইটোয় আসবে দালাল ব্লডহাউণ্ড সাহেব ।...তা, আমি  
যে একটা টাকার ব্যাপারে এসেছিলুম রে খেঁদি...

চঞ্চ । ( হুঃখিত ভাব দেখাইয়া ) ওঁর বড় অসুখ,  
পিসেমশায়,...বড় অসুখ ! কি যে হবে ! ( দীর্ঘশ্বাস )

রক্ত । হঁ !...তা কে দেখে ?

চঞ্চ । ...অমন যে বিস্ময় ডাক্তার, তা সেও কিছু  
করতে পারলে না, ফেলে রেখে গেল । এখন দেখে ঐ  
নিমতলার কৃতান্ত কবিরাজ ।

রক্ত । তা, কৃতান্ত কবিরাজের হাতখণ আছে ।...  
নিমতলাটা তারি জোরে জাঁকিয়ে আছে ।...তা, তোকেই  
তবে বলি, মন দিয়ে শোন্ । টাকার ব্যাপার কি না...  
জরুরি ব্যাপার, নিজেই তাই এলুম ।...তা ভালোই হলো...  
তোকে দেখতে পেলুম ।...

চঞ্চ । ( প্রসন্নভাবে চারিধারে চাহিল )

রক্ত । ( কাগজের বাণ্ডিল খুলিতে খুলিতে ) ঘুঘুরাম  
চক্রবর্তীর নাম শুনেচিস্ ?...শুনিষ্ নি...? আমার এক  
মকেল, ভারী-ঐ মকেল, মস্ত পরসাতলা মকেল !

[ চঞ্চলা অবাক হইয়া রক্তবীজের পানে চাহিল ; অদূরে  
হারপ্রান্তে অন্তরালে লেপ মুড়ি দিয়া ফক্কারাম উৎকর্ণ হইয়া  
শুনিতে লাগিল । চঞ্চলা তার পানে চাহিয়া একটা বক্রদৃষ্টি  
নিষ্ক্ষেপ করিল ]

রক্ত ।...তা সে আবার তোর এই ফক্কারামের কি-রকম  
সম্পর্কে দাদামশায় হতো । অর্থাৎ ফক্কারামের মাতামোর  
পিসতুতো সম্বন্ধীর ভায়রাভাই...

চঞ্চ । ( কৌতূহলীভাবে মাথা নাড়িতে লাগিল ) তাহলে  
খুব নিকট-সম্পর্ক, বল পিসেমশায় !

রক্ত । হ্যাঁ,—তা সে তো এখানে নানান জালার জলে  
একদিন ছন্তোর বলে চলে গেল, একেবারে সেই কাবুল...

চঞ্চ । কা—বুল ! ওরে বাবা...

ফক্কা । ( বিস্ফারিত চক্ষে বিস্ময়ের ভঙ্গী প্রকাশ  
করিল )

রক্ত ।...সেখানে গিয়ে সে অমন মস্ত একটা পাহাড়ই  
ইজারা নিয়ে ফেললে । তারপর সেই পাহাড় কেটে দিবি  
মাখমের মত নরম জমি বার করে তাতে সব বীচি ছড়িয়ে  
দিলে,...কিসের, জানিস্...? ইয়া-ইয়া বাদাম-পেস্তা-আখ-  
রোটের,...ইয়া ইয়া আপেল, নাশপাতি, আড়ুর, খেজুর,  
আর চীনের বাদাম !...তাতে ফসল যা ফেলো, ওঃ, সারা  
কাবুল তা দেখে একেবারে চুলবুল করে উঠলো !...আর সেই  
ফসল দেশ-বিদেশে সে চালান্ দিতে লাগলো । এই করে  
পাঁচ বছরে সে কত টাকা করলে, জানিস্...? ( কাগজ

দেখিয়া) চার কোটি বিরাগিনী লক্ষ সাতারো হাজার ন'শো বাইশ!

চঞ্চ। ওরে বাবাঃ!

( ফকরাম বিন্মরে অঙ্কিত মুখভঙ্গী করিল; চঞ্চলা তার পানে কটমটু করিয়া চাহিল )

চঞ্চ। ...তাই বুঝি পিসেমশায়, এঁদেরও ঐ ব্যবসার দিকে এত ঝোঁক! ইনিও তো সেই সেদিন তেঁতুলবীচি কেনবার মতলব করছিলেন।

রক্ত। তাই না কি?

চঞ্চ। তা না তো কি! আর সেই তেঁতুলবীচির জন্তে পোস্তায় ঘুরে ঘুরেই না এই বিদিকিচ্ছি ব্যামো...

রক্ত। বটে! তা ভালো! ...বুঝি, ব্যবসাতেই লক্ষ্মী! তারপর যা বলছিলুম...তা যুঘুরাম বেচারী অল্পভোগী...ভোগ করতে পেলেন না!...

চঞ্চ। কেন?

রক্ত। আর কেন! ...যত ব্যাটা গোঁয়ার কাবুলী-পেশোয়ারীর চোখ টাটালো! তারা মামলা করে তার সে মাপমের জমিটুকু ছিনিয়ে নিলে! সতেরো বছর সেখানে সতেজে মামলা চালিয়ে হেরে দেশে আসবে বলে যুঘুরাম কড়ি গুণে দেখে, ঠিক একলাখ চারশো তিন্সার টাকা সাড়ে বারো আনা বাকী পুঁজি।...তা, চারশো তিন্সার টাকা সাড়ে বারো আনা পথের ধরচ বলে আলাদা ব্যাগে রেখে লাখ টাকাটা গের্জের ভরে সে তো দেশে ফিরছিল...

চঞ্চ। তারপর...?

রক্ত। ( ঘড়ি দেখিয়া ) তাড়াতাড়ি সারতে হবে রে খেঁড়ি!...বেচারী এলো লাহোর অবধি...এসে এক চটিতে উঠলো—সেখানে হলো তার অসুখ!...তাড়াতাড়ি লাখ টাকাটা ব্যাঙ্কে পাঠিয়ে সে তো এক উইল করলে। উইলটি করা, আর হার্টটি ফেল্ করে মরা!...এই সে উইল...

চঞ্চ। তা এ উইল...আমি...তা...

[ বেরাকেলের প্রবেশ; সে একধারে দাঁড়াইয়া রহিল ]

রক্ত। আরে এই সে উইল—খেঁদি। এই ঠাধু—বাঙলায় লেখা...( উইল পাঠ ) ...কস্ত উইলপত্র কার্যক্রমে আমি শ্রীযুঘুরাম চক্রবর্তী, পিতার নাম শ্রীযুগ্যাদারাম চক্রবর্তী... এ সব বাধি গৎ...তা (কাগজে হাত বুলাইতে বুলাইতে) — এ'ও ঐ বাধি গৎ, এ'ও বাধি, বাধি, বাধি, বাধি...আসল

কথা—এই যে...( পাঠ ) আমার অবর্তমানে এই লাখ টাকা আমার জ্ঞাতিব্রাতা বকাশুর চক্রবর্তীর মেয়টা কস্তা কাগজকুস্তা দেবীর পুত্র আমার পরম স্নেহাস্পদ শ্রীমান্ ফকরাম চক্রবর্তীকে...( ফকরাম "এ্যাঃ" বলিয়া চীৎকার করিয়া উঠিল )...কে?

চঞ্চ। ( অপ্রতিভ হইল; ফকরামের পানে ভৎসনাপূর্ণ দৃষ্টিতে চাহিল ) ও কলতলায় কে চ্যাচালে!

রক্ত। তাই ভালো!...আমি চম্কে উঠেছিলুম। তার পর শোন ( উইল দেখিয়া ) এই যে,—ফকরাম চক্রবর্তীকে তার জীবিত-কাল অবধি এই মর্মে দিলাম যে আসল টাকার উপর তার কোন অধিকার থাকিবে না, এই টাকার সুদমাত্র সে যথেষ্ট ভোগ করিবে। তাহার অবর্তমানে এবং শুধু অবর্তমানে মাত্র এই লাখটাকার নিবৃত্তি সম্বন্ধে ষোল আনার মালিক হইবে, উক্ত বকাশুর চক্রবর্তীর কনিষ্ঠা কস্তা বঙ্গ-সুন্দরীর পুত্র শ্রীমান্ লক্ষ্যচন্দ্র চক্রবর্তী। ( উইল রাখিয়া ) অর্থাৎ বুঝি—ফকরাম যতদিন বেঁচে থাকবে, ঐ লাখ টাকার সুদ সে পাবে, আর যে-ভাবে খুশী, সেই সুদ সে ধরচ করবে! আর সে বেঁচে থাকতে এ লাখ টাকার বা তার এক পাই সুদে লক্ষ্যচন্দ্রর কোনো অধিকার থাকবে না। তবে ফকরাম মারা গেলে ঐ লাখ টাকাটা পুরোপুরিই পাবে লক্ষ্যচন্দ্র।...তা ফকরার যে-রকম অসুখ... এখানে দেবী করে কাজও হবে না কিছু। লক্ষ্যচন্দ্রর খোঁজ করা দরকার—আমার প্রোফেসন্ তাই বলে। শুনিচি নাকি, আসামের ওদিকে চেরাপঞ্জিতে লক্ষ্যচন্দ্রর কমলানেবুর ক্ষেত করেছিল, তার পর নাকি আসামী মেয়ে বিয়েও করেছিল। হ'জনে বনতো না। একদিন ঝগড়ার মুখে সেই স্ত্রী লক্ষ্যচন্দ্রের মাথায় কষে লাঠি মারে, তাতেই সে মরে গেছে।...তবু খোঁজটা একবার নেওয়া দরকার। কাগজে-কাগজে নোটিশ ছাপিয়ে...( ফকরাম রক্তবীজের পাশে আসিয়া দাঁড়াইল; রক্তবীজ দেখিল, দেখিয়া চমকিয়া উঠিল )...এ কি! এ...?

ফকা। আজ্ঞে আমিই...

রক্ত। তুমিই...?

ফকা। ফকরাম চক্রবর্তী।

রক্ত। তবে যে শুনিলাম, তোমার খুব অসুখ, নাকী ছাড়ে-ছাড়ে...

ফকা। আজ্ঞে হ্যাঁ, ছাড়ছিল বটে, তবে সম্প্রতি নাকী

আবার ঠিক এঁটে গেছে...( লেপ ফেলিয়া দিল ) বলেন কি, মশায়, আঁটবে না ? ওঃ, লাখ টাকা ..ওরে বাস্বে ..

রক্ত । কিন্তু লাখ টাকা তো তোমার নয়, বাপু...তুমি তো পাবে শুধু সুদ...

ফকা । তাই কি কম না কি ! দেয় কে, মশায় ?... ওরে বাবা, লাখ টাকার সুদ !

রক্ত । ( ঘড়ি দেখিয়া ) তাহলে আসি । আর এক সময় আসবো রে খেঁদি—professional man...ভারী busy. ( প্রস্থান )

ফকা । প্রিয়ে...

চঞ্চ । নাথ...

বেয়া । বাবু ..

ফকা । চোপ্ বাটা—যাঃ, ফাজিল কোথাকাব ! ( বেয়াক্কলের প্রস্থান ) প্রিয়ে...

চঞ্চ । ওরে বাবা, লাখ টাকা...

ফকা । ভাবো একবার...ডার্কিতে নয়, উঠিলে...

চঞ্চ । দেনাগুলো এইবার শুধে দাও...অপদের শাস্তি হোক !

ফকা । ক্ষেপেচো ! দেনা শুধবো কি ।

চঞ্চ । কেন ..?

ফকা । রাম বল । দেনা কি মানুষ করে শোধবার জন্তে না কি ?

চঞ্চ । এঁটা...!

ফকা । তাই । এটা ভাবচি, উঠল করে যানো । কোপায় কে ওয়াবীশন বসে আছে, কত আশা করে । তা কিছুই পাবে না ? এই দেনা গুলি উঠল করে তাকেই দিয়ে যাবো । বেচারী তবু নেড়ে-চেড়ে খাবে, আর ত'বেলা নাম করবে !...

চঞ্চ । হ্যাঁ গা, তা এই লাখ টাকার সুদ—এ কবে পাবে ?

ফকা । যেদিনই পাই...লাখ টাকা, বাবা, লাখ টাকা ! ওঃ...

গান

লাখ টাকা, বাবা, লাখ টাকা !

চঞ্চ । দায় হলো যে গো ভার তারি আর সয়ে থাক !

কতগুলি...? ও সে কতগুলি...? ওগো কতগুলি ?

ফকা । চূপ, ওরে চূপ, চূপ চূপ চূপ ! বাস, ব্যাগ, কি ভরি থলি ?

চঞ্চ । যদি চুরি যায়...! যদি উড়ে যায় ! খুব সাবধানে চাই রাখা !

ফকা । পথ জুড়ে আছে হতভাগা পাজী যত ব্যাটা ছোটলোক—

পাওনাদারের মত হস্ত, অতীব ক্ষুদ্র চোখ !

চঞ্চ । বলে, শুধে দাও...টাকা শুধে দাও !

ফকা । ...ইন্, তাই নাকি ! নই আমি ছাকা !

ফকা । ( মহাহর্ষে ) লাখ টাকা, বাবা, লাখ টাকা, বাবা, লাখ টাকা !...( পরিক্রমণ )

চঞ্চ । ( হঠাৎ চিন্তায় মলিন হইল ) ওগো...

ফকা । ( অধীরভাবে ) লাখ টাকা, লাখ টাকা, লাখ টাকা...

চঞ্চ । আঃ, কি ছেলেমানুষের মত নাচছো গা ?... শুনচো...?

ফকা । কি...?

চঞ্চ । তুমি লাফাচ্ছে কি মিছিমিছি ! লাখ তো লকার, তোমার মাসতুতো ভাইয়ের—তোমার তে' শুধু সুদ !...মাছ তার, কাঁটাখানা শুধু তোমার...

ফকা । এঁ্যা!...তাই নাকি ? লকা লাগ, আর ফকা...ফাঁক !

চঞ্চ । হ্যাঁ । ওগো, লকাই যে ..

ফকা । ...শা...লা...

চঞ্চ । তুমি কি পাগল হলে ! কাকে কি বলচো ?... সে যে তোমার ভাই...

ফকা । কভি নেহি ।...সে শালা...

চঞ্চ । অহা, তুমি যদি লকা হতে গো...

ফকা । লকা আমার কে । আমিই লকা, আমিই ফকা...

চঞ্চ । অহা, তা যদি হতো গো...

ফকা । সে তো মবে গেছে আমাদের জঙ্গলে...

চঞ্চ । ওগো, ঠিক, ঠিক, ঠিক ..

ফকা । কি ঠিক ?

চঞ্চ । এ লাখ টাকা তুমিই পাবে, যদি এক কাজ কর...

ফকা । কি কাজ ?

চঞ্চ । তুমি মর...

ফকা । ( চমকিয়া ) মরবো কি রকম ? ..মরবো কি ! মরে আবার টাকা পাবো—বাঃ !



চঞ্চ। হ্যাঁ গো, মরেই টাকা পাবে। তুমি মর...মর  
গো মর তোমার পায়ে পড়ি, তুমি মর...

ফক্কা। বাঃ, তুমি তো খাসা স্ত্রী! আমি মরবো!  
বাঃ! জলজ্যান্ত বেঁচে আছি, অমনি মরবো...ব্যামো না,  
কিছু না...বাঃ!

চঞ্চ। হ্যাঁগো হ্যাঁ, তোমায় মরতেই হবে! মরা ছাড়া  
কোন উপায়ও তোমার দেখি না!...ওঃ, আমার মাথায়  
মতলব যা এসেচে! তুমি মরবে, কি রকম জাঁকিয়ে আমি  
শ্রদ্ধ করবো, কেতন দেবো, কত লোক যে খাওয়াবো—  
আঃ! তুমি মরগো, মর...লক্ষ্মাটি!

ফক্কা। (শিহরিয়া স্তম্ভিত হইল) এই তোমার  
ভালোবাসা, প্রেমসী!...আমি মরবো, আর তুমি? ওঃ,  
বুঝেচি, লক্ষ্যচক্র আর লাথ টাকা...

চঞ্চ। ওগো, তা কেন! আমি সে মরা মরতে বলি  
না,—যাতে দাঁত-মুখ সিঁটকে মড়া হয়ে লোকের কাঁধে  
চড়ে পুড়তে যেতে হয়, 'হরিবোল' বোলে—সে মরা নয় গো,  
সে মরা নয়...

ফক্কা। তবে আবার কি রকম মরা...?

চঞ্চ। ওগো লোকের চোখে ধুলো দিয়ে মরা। আঃ,  
বুঝেচো না?

ফক্কা। না!

চঞ্চ। অর্থাৎ এই...এই...তুমি মরবে...

ফক্কা। হ্যাঁ। আর তুমি...?

চঞ্চ। আমি? আমি খুব কাঁদবো, তারপর কাঁদতে  
কাঁদতে তোমার শ্রদ্ধার জোগাড় করবো, তারপর মাছ  
খাবো না, একাদশী করবো...

ফক্কা। উঃ, থামো, থামো। অমন করে বলোনা  
প্রিয়ে...আমি যে আঁৎকে উঠি। এক একবার মনেও  
হচ্ছে, বুঝি, মরে গেছি! আমার দম্ব বন্ধ হয়ে আসছে যেন!

চঞ্চ। উঃ, কত লোক খাবে, কেতন যা দেবো...আমি  
যেন চোখে দেখতে পাচ্ছি...

ফক্কা। আর আমি?

চঞ্চ।...তারপর শ্রদ্ধা-শাস্তি চুকলে, পনেরো-কুড়ি দিন  
পরে তুমি বাড়ী আসবে লক্ষ্যচন্দ্র হয়ে। এসে লাথ টাকার  
মাণিক হবে পুরোপুরি রকমে। তোমার পাওনাদারের দলও  
সঙ্গে সঙ্গে ফর্সা...কেমন হবে, বল দিকি?

ফক্কা। বুঝেচি, বুঝেচি। বাঃ, খাসা মতলব বার  
করেচো, প্রিয়ে! অর্থাৎ আমি যেন মরেচি, লোকে জানবে।  
আমি গা-টাকা হয়ে থাকবো। তারপর সব চুকলে লক্ষ্য  
আসবো। বাঃ, বাঃ—চমৎকার মতলব ঠিক করেচো।...  
কিন্তু তুমি...?

চঞ্চ। আমার কত ভেবো না...

ফক্কা। ভাববো না কি রকম?...তুমি হবে বিধবা  
ভাজ, আর আমি মাসতুতো ছাওর,...তাহলে কি আমাদের  
মধ্যে ফারখৎ হয়ে যাবে?

চঞ্চ। স্ত্রীকা! তা কেন? আমি অবীরা, শোকে  
অধীরা, নয়ন-জলে সসেমিরা...তুমি হালের মতে বিধবা-  
বিবাহ করবে আমায়। লাথ টাকার জোর থাকলে সব  
চলে যাবে স্বচ্ছন্দে... কিছু ভেবো না।

ফক্কা। ঠিক বলেচো! সাবাস! বরাত তাহলে এবার  
খুললো, দেখি। চঞ্চলা, মন-চলা, প্রাণ-টলা প্রেমসী  
আমার...কি বুদ্ধি তোমার!...তা, এখন মরা যায় কি  
করে বল দিকি? (পারিক্রমণ)

চঞ্চ। কেন...বিষ খেয়ে...

ফক্কা। ওরে বাবা...যদি সত্যি মরে যাই!...তা  
ছাড়া তাতে পোষ্ট-মটেম না হলে মরা তো সাব্যস্তই হবে না!

চঞ্চ। মোটর গাড়ী চাপা...

ফক্কা। উঁহ! হাত-পা ভাংবে, চেহারার দফা গয়া  
হয়ে যাবে একেবারে! তার ওপর মোটরের ঘা খেয়েও  
যদি-বা প্রাণটা বেঁচে থাকে, তা ঐ পুলিশ কোটে সাক্ষী  
আর জেরার স্তোত্র মোচকে বেরিয়ে যাবে।

চঞ্চ। তাহলে জলে ডুবে...

ফক্কা। ওরে বাবা, পেট ফুলে জমটাক হয়ে উঠবে, দম্ব  
বন্ধ হয়ে যাবে—হাঁপিয়েই মারা যাবো।

চঞ্চ। এ নয়, ও নয়, তবে মরবে কিসে?

ফক্কা। তাইতো! এ যে দিশেহারা হয়ে উঠি।...তা,  
বিছানায় শুয়ে লেপ মুড়ি দিয়ে দিব্যি নাক ডাকাতে  
ডাকাতে মলে হয় না?

চঞ্চ। না। তুমি ক্ষেপেচো! বিছানায় শুয়ে মলে পাঁচটা  
পাড়ার লোক জুটে খাটে করে তুলে নিয়ে গিয়ে পুড়িয়ে  
তবে ছাড়বে!

ফক্কা। ওরে বাবা, তাহলেই তো গেছি।...কি করা

যায় তবে ? কি করে মরি...? আচ্ছা, এক কাজ করলে হয় না ?

চঞ্চ। কি...?

ফকা। এই রেল চড়ে পশ্চিমে যাচ্ছি বলে বেরুবো—বেয়াক্কেলে সঙ্গে যাবে। তার পর একটা ষ্টেশনে নেমে জামা-কাপড় ছেড়ে দেবো—বেয়াক্কেলে নিয়ে এসে বলবে যে বাবু রেল কাটা পড়ে মরে গেছে।

চঞ্চ। কি যে বল ! এ মরার ব্যাপারে আর কেউ সাক্ষী থাকবে না, অর্থাৎ কেউ ভেতরের আসল কথাটা জানবে না। শুধু তুমি আর আমি ! ব্যস্ !...এ কি পাঁচ কাণ করে ! বলে, বেয়াক্কেলে ! শেষ আত্মজীবন তাকে ঘুষ দিয়ে মরি—পাছে সে ফাঁস করে !

ফকা। ওঃ—ঠিক বলেচো ! কি বুদ্ধি তোমার, প্রেমসী ! শুধু তোমার বুদ্ধিতেই টেকে আছি। না হলে এত দেনা করে এমন আয়েসে থাকতে পারতুম !...এক এক সময় ভাবি, চারিদিকে এত দেনা এর মধ্যে করে তুলনুম কি করে ! আশ্চর্য্য হয়ে যাই !

চঞ্চ। বুদ্ধি হবে না ? আমি যে উকিলের মেয়ে ! পাবনার মাঠে তেঁতুলবিচি-পোঁতা কি কাবুলের পাহাড়ে মেওয়া-চাষের বংশ নয় তো !

ফকা। যাক—তাহলে মরি কি করে, এখন তাই বল ! ওরে বাবা, লাখ টাকা, লাখ টাকা...ও যে পুরোপুরি চাই আমার !...এ্যা...

চঞ্চ। ঝাঝো, আমি ঠাওরেচি...ঐ জলে ডোবাই ঠিক ! ওতে লাস না পেলেও চলে—ভাববে, লাস ভেসে গেছে !...কালই চল, হু'জনে গঙ্গায় নাইতে যাচ্ছি বলে বেরুই। তারপর আমি হাউ-হাউ করে কেঁদে ফিরবো, ফিরে বলবো, ঐ যেমনি তুমি ডুবটি দেছ, অমনি কোথায় যে তলিয়ে গেলে—কাদবো আর মুচ্ছা যাবো...সেরা প্রমাণ হয়ে যাবে।

ফকা। আর আমি . ? থাকবো কোথায় ? খাবো কি ?

চঞ্চ। দিনের বেলাটা ঘুরে গা ঢেকে থাকবে কোন-মতে। তারপর রাত্রে সব নিশুতি হলে এসে দোরে তিনটি টাকা মারবে। আমি গিয়ে দোর খুলে দেবো। তুমি এসে উঠবে একেবারে ছাদের কোণে ঐ চিলের ঘরে। সে সব বন্দোবস্ত করে রাখবো'খন।...সব পাবে, প্রিয়তার অধর-

সুখাইকুও বাদ যাবে না !...এমন মরণ মরেচে কেউ ! খাওয়া-দাওয়ারো কোন কষ্ট হবে না। সব আমি চালিয়ে যাবো। তবে হ্যাঁ, খুব হুঁশিয়ার থাকতে হবে। কোনো দিকে উকিটি পাড়বে না...বুঝলে !

ফকা। বুঝেচি, বুঝেচি, খুব বুঝেচি !...কি আর বলবো প্রিয়ে, ...এ যে মেরে আমায় বাঁচালে তুমি ! তোমার গুণে সত্যিই আমার মরতে সাধ হচ্ছে।

চঞ্চ। এখন এসো দিকি—আরো চের কথা আছে। আগে খাওয়া-দাওয়া সারো...

ফকা। চল, চল...

[ উভয়ের প্রস্থান ]

বিস্কম্বক

গান

এ পথে, ঐ পথে গো,  
চলেছি নিয়ে জাল এ...  
যদি ঐ লাখ টাকাটা  
মিলে যায় এই কপালে !  
চেয়ে থাকি রাত্রি-দিবা—  
লাখ টাকাটা পাই যদি-বা !  
ছুটে যাই চাদের পানে,  
যদি পাই হাত বাড়ালে !  
চুরি হোক, জুরোচুরি হোক  
কিছুতেই ভয় করি না !  
ধার মাছ ডাঙায় থেকে...  
গায়ে জল, তা'ও ডরি না !  
যত সব বোকা গাধা  
টাকা পায় গাধা-গাধা...  
চোখে সব ঠাগিয়ে ধাঁধা,...  
পাই যদি সে এ কাকতালে !

পাণদাদারগণের প্রবেশ

১। তাইতো, মরে ফাঁকি দিয়ে গেল !  
২। এখন কি ধরে নেবে !  
৩। কেন, ঐ লাখ টাকা...  
২। সে তো লকার—ও তো শুধু সূদটুকু পেয়েছিল...  
৩। এই বাড়ীখানা ! সবাই মিলে ডিক্রী নিয়ে ক্রোক দি যদি ?

১। হাঁ! বাড়ী তো ওর পরিবারের নামে। না হলে আর ভাবনা কি ছিল।

৪। আমাদের বরাতেই গেল। নাহলে ছ'দিন বেঁচে টাকাটা পেলে হয়তো কিছু আদায় হতো।

৫। আশ্চর্য মরণ! গঙ্গায় নাইতে গেল, অমনি টুপ করে ডুবে তলিয়ে গেল।

৩। ঠিক যখন ঐ কোন্ মাতামোর উইলে টাকাটা পেলে।

২। মোদা, কথায় যে বলে, ধারে কাটে...তা এ ঐ ধার করেই জীবনটা কাটিয়ে গেল, বেশ!

বেয়াঙ্কের প্রবেশ

বেয়া। কি গো বাবুরা? এখনো জবাব চাই? এখন জবাব পেতে হলে অল্প জায়গায় যেতে হবে।...দেখুন... রাজী আছেন? (সকলে মুখ-চাওয়াচাওয়ি করিল) তা তো নন...? তবে আর এখানে ঝামেলা করেন কেন?... তাগাদার চোটে জলজ্যাস্ত মানুষটাকে মারলেন...আপনাদের ক্ষামতা বটে, খুব! তা, এখন মশায়রা বাড়ী যাও...

১। এসো হে, চলে এসো...

২। যাবো না তো আর দাঁড়িয়ে থাকবো কি আশায়?...তবে বিপদের কথা শুনলুম,...তাই এসেছিলুম আর কি!

৩। তা হ্যাঁ হে বাপু, একটা সত্যি কথা বলবে?

বেয়া। আজ্ঞে, সত্যি কথাই আমি কই চিরদিন, তবে আপনাদের কেমন বেয়াড়া কাণ—তা মিথ্যে হয়ে বাজে!

৩। তবে যে তুমি বলছিলে, বাবু তেঁতুল-বিচির বস্তা নিয়ে পাবনায় গেছেন চাষ করতে...

বেয়া। আজ্ঞে, আর তেঁতুলবিচি নিয়ে মিছিমিছি কিচিমিচি করেন কেন! যিনি চাষ করতেন, তিনি তো... লাস হয়ে ভেসে গেছেন!

৪। হ্যাঁ হে, এ গঙ্গায় ডোবাটা ঠিক তো? না, চুনারে যাওয়ার মত...?

বেয়া। আজ্ঞে, বিশ্বাস না হয়, গঙ্গায় গিয়ে দেখতে পারো...

৫। সত্যিই তিনি মারা গেছেন?

বেয়া। আরে মশায়, তাঁর বাঁচবার জো কি আর

আপনারা রেখেছিলে!...যে রকম কড়া তাগাদা, এতে গঙ্গায় কি, মানুষ যে নর্দামায় ডুবে মারা যায়!...এখন, যাও বাবুরা...

[ সকলের প্রস্থান

[ চঞ্চলা ও আপাদমস্তক বঙ্গাবৃত ফক্সারামের প্রবেশ; চঞ্চলার বাম মণিবন্ধে ক্রমাল বাঁধা ]

ফক্সা। মশার কামড় সঙ্গে চিলকোঠায় আর তো পড়ে থাকতে পারি না, প্রিয়ে...

চঞ্চ। আমাকেও কত সাবধানে সব দিক বজায় রেখে চলতে হচ্ছে, জানো? ওপরে চিলকোঠায় যাই, জমাদারী কেবলি মানা করে,—ওগো সোঁদা বিধবা তুমি, একা যেয়ো না।...তা আমি বলি, ওরে, আমার নিশ্চিন্তি হয়ে তোরা একটু কাঁদতে দে...আমার কি সর্বনাশ হয়েছে, তা তোরা কি বুঝবি!

ফক্সা। তোমার হাতে ও হলো কি? পটি বেঁধেচো যে!

চঞ্চ। কি আবার হবে! নোয়াগাছটা ওরা দেখবে যে, তাই। জমাদারী জিজ্ঞাসা করছিল, কি হলো? আমি বললুম, টিন থেকে ঘা বার করতে কেটে গেছে।

ফক্সা। তা, এবার লক্কী হয়ে বেকলেই তো হয়।... শ্রাক্ত্রাক্ চুকে গেল—মরা তো প্রমাণ হয়ে গেছে দস্তরমত!

চঞ্চ। তাই করতে হবে। বেশ,...তাহলে আজই ঠিক করে ফেলা যাক।...সত্যি, আমিও ঠিক সামঞ্জস্য রেখে চলতে পারছি না।...কাল ভুলে জমাদারীকে বললুম কি, জানো? বললুম, ওরে বাজার থেকে একটা ভেটকি মাছ আর দুটো ডিম আনিস তো!...সে তো হাঁ করে অবাক হয়ে দাঁড়িয়ে রইলো আমার পানে চেয়ে।...আমি তাড়াতাড়ি জিত্ কেটে বললুম, এ দশা যে হয়েছে আমার, তা মনেও থাকে না রে! বলে ছ' চোখ রগড়ে জল বার করলুম। জমাদারী ডুকরে উঠলো, তুমি মাছ খেতে পাবে না, এ'ও আমার দেখতে হলো! আমি বললুম, চুপ, চুপ! হাঁহুর ঘরের বিধবা আমি...আমার সামনে মাছের নামও করিস্ নে—জাত যাবে।

ফক্সা। ওরে বাসুরে—তুমি মাছ খাচ্ছ না, তাহলে?

চঞ্চ। কি করে থাকবো, নাথ? আমি যে হাঁহুর ঘরের বিধবা! মাছ খেলে কি চলে!...তোমার খাবারটা যে কি করে জোগাড় করি!...ওদের বলি, বিধবা হয়ে আমার

এত খিদে বাড়লো কি করে রে জমাদারী...ছটা লোকের খোরাক না হলে চলে না! তাই নিয়ে বসে ওদের বলি, তোরা দোতলা থেকে যা...তোরা শুদ্ধুর, আমি বামুনের বিধবা...আমার খাবার সময় দোতলায় আসিস্ নে! ছোঁয়া-দোষ লাগবে শেষে!...তারপর টিফিন-বাক্সে তোমার খাবার ভরে এককোণে রাখি, রেখে নিজে খেয়ে নি। ওরা খেতে বসলে তখন আমি তোমার খাবার নিয়ে ওপরের ঘরে আসি।

ফকা। কিন্তু আমি তো মাছ খাই...

চঞ্চ। সে যে কি করে আনি!...ওদের ভাগের মাছ... চুরি করি। ওরা চ্যাচালে, আমি বকি, বলি, বেরালকে দিয়ে রোজ রোজ মাছ খাওয়াবি? বেরাল তাড়াতে পারিস্ না?...সত্যি, এভাবে কাঁহাতক আর চলে, বল! তাই বলচি, আজ তুমি সরে পড় সন্ধ্যার সময়, তারপর কাল একেবারে লক্কী হয়ে এসো...

ফকা। বেশ...

চঞ্চ। কিন্তু একখানা চিঠি চাই তাঁর আগে...কার পায়ের শব্দ শুনে পাচ্ছি—তুমি পালাও, পালাও...কে আসচে, বুঝি! আমি কাগজ আর দোয়াত-কলম নিয়ে যাবো'খন একটু পরে।...পালাও শীগগির...

[ চঞ্চলার প্রস্থান ]

[ ফকারাম গমনোত্তর, জমাদারীর বাসন লইয়া প্রবেশ-উদ্ভোগ—হুজনে চোখোচোখি। ফকা দ্রুত অস্তহিত; জমাদারীর হাত হইতে বাসন পড়িয়া গেল; সে কাঁপিয়া আর্ন্তনাদ করিয়া উঠিল ]

চঞ্চলার প্রবেশ

চঞ্চ। কি রে...কি হয়েছে?

জমা। দিদিমণি গো...(কম্পন)

চঞ্চ। কি রে...?

জমা। দাঁড়াও গো, দম্ নিতে ঝাও! এখনো দাঁতে দাঁতে নেগে আছে! (কম্পন)

চঞ্চ। মন্ বুড়ো মাগী। তবু কাঁপে!...বলি, হয়েছে কি?

জমা। জা—মা—ই—বা—বু...

চঞ্চ। (বিচলিত হইল) এঁ্যা...?

জমা। সত্যি গো দিদিমণি, সত্যি! কোন্ গতরথাকী মিথ্যে বলচে!

চঞ্চ। জামাইবাবু...! ইনি!

জমা। হ্যাঁ গো দিদিমণি!...তোমার বাসনগুলো মেজে নিয়ে আসচি, আর দেখি...ও বাবা...

চঞ্চ। এঁ্যা...?

জমা। সত্যি দিদিমণি, সত্যি! দেখি, জামাইবাবু... সাদা চাদর মুড়ি দেওয়া...শুধু মুখটি খোলা...অমন যে চোখছটা, তা হাওরে খুবলে খেয়েছে...এমনি এমনি গর্ভ...তোমার ঘরের দিকে উকি না মেরে ঝট করে ঐ ছাতের সিঁড়ির বাগে চলে গেল!...উঃ,...এই ছাখো, দিদিমণি, এখনো আমি কাঁপচি—গায়ে কাঁটা দিয়ে উঠেচে। এতখানি বয়স হলো তো—কত রক্ত-বিরেতে পাড়ারগায়ে মাঠে-ঘাটে বেড়িয়েচিও...এমনটি কখনো হয়নি গো! সত্যি দিদিমণি,... এই তোমার গা ছুঁয়ে বলচি গো, সত্যি...

চঞ্চ। (ভাবিত হইল)

জমা। তাহলে বলি দিদিমণি...ঐ নোক-খাওয়ানোর দিন...ভাঁড়ারে এ্যাত হুচি বেঁচেছিল না? তা ভাবলু, বেয়াক্সেলে মুখপোড়া এখন চুরি করে খাবে...তা মরুক গে, বাঁচাই তার হাত থেকে—তাই সেগুলি ছাদে নিয়ে গিয়ে ঐ চিলকোঠায়...

চঞ্চ। (সভয়ে) চিলকোঠা..?

জমা। হ্যাঁ গো—বেশ নিরিবিলি, না? তা ঐ চিলকোঠায় রাখবো ভেবে যেমনি তার চৌকাঠে পা দিছি... অমনি, বললে না পেত্যয় যাবে গো দিদিমণি...অমনি শুনলুম, ঘরের মধ্যে জামাইবাবুর গলা...শুণ-শুণ করে গান গাইচে! আমি তো হুচিমুচি ফেলে পড়ি তো মরি, দে ছুট!...তার পরে, এই তোমার গা ছুঁয়ে বলচি গো দিদিমণি, ঝঁটাখানেক পরে চুপিসেড়ে গিয়ে দেখি, সিঁড়ির ওপর শুধু কলাপাতখানা পড়ে আছে...আর সেই দশ-বারো গুণা হুচি আর পাঁচ গুণা সন্দেশ তার চিহ্নও নেই! এ কি মানুষের কাজ! সেই অবধি আর ছাতের দিকেও ঘেঁষি না!...সাথে তোমায় বারণ করি ছাতের দিকে যেতে!

চঞ্চ। তোর ও মিছে ভয়!...দূর, এ'ও কি হয়, কখনো!

জমা। না গো দিদিমণি,...মিছে বলচি নে। আমি

হয় জমাদারী, হাবু জমাদারের বোন। সত্যি-ভয়ে পেছ-পা হই না—আর মিছে ভয়ে হঠবো আমি। তা বাপু, আশ্চর্য্য তো নয়। বলে, অপঘাতে মরণ...

চঞ্চ। ক্বাচ্ছা, যা তুই দিকি!...কিন্তু তোর কথা শুনে চিলকোঠার যেতে আমার ভারী সাধ হচ্ছে রে! যদি দেখা পাই! যাবি?

জমা। ওরে বাবা, মেরে ফেললেও নয়!

চঞ্চ। তবে আমিই একবার যাই...

জমা। অমন কথা বলনি দিদিমণি—এমন কাজও করে! বলে, জ্যাস্তে যত ভালোবাসাই থাক, এখন পেলেই ঘাড়টি মট্কে দেবে!

চঞ্চ। তাতেও আমার কি সুখ, তা তুই কি বুঝবি, জমাদারী!

জমা। অমন কাজ করনি, দিদিমণি, অমন কাজ করনি গো...আঁড় হয়েছ, তাতে কি। ঐ মাছটা খেতে পাবে না, এই তো...! তা, হুকিয়ে খাও না, কেউ না জানলেই হলো!...তাছাড়া এতে যে স্বাধীন বেপরোয়া হয়েচা...নিজেই নিজের কর্তা!

চঞ্চ। তুই আর জ্বালাস্ নে, বাপু...আমি যাই ছাদে, যদি দেখা পাই...(দীর্ঘশ্বাস)

জমা। তুমি শুনবে না...? তা দাঁড়াও, আমি আগে নীচে পালাই!...বাপু, কি হুজ্জয় গৌ, একটা বিদিকিচ্ছি কাণ্ড না করে আর তুমি ছাড়বে না, দেখুচি...

(উভয়ের প্রস্থান)

বেয়াক্কেলে ও খড়ীবাজের প্রবেশ

বেয়া। বরাত আর কাকে বলে, বল! লাখ টাকা পাবে, পায়ের উপর পা দিয়ে বসে আরামে ভোগ করবে, না, জলে ডুবে মারা গেল!

খড়ী। কিন্তু তোমার ঐ লক্কাদাদাবাবু লাখ টাকা পাবে, বলছিলেন না?

বেয়া। তাতে কি! উকিলবাবু বললে যে, উইলে আছে, লক্কাদাদাবাবু মারা গেলে লক্কাদাদাবাবু লাখ টাকা পাবে। তা তার তো কোনো পাক্তাই নেই—আজ দশ বছর দেশছাড়া। উকিলে এ্যাও বললে, আসামের জঙ্গলে সে মারা গেছে।

খড়ী। (আগ্রহান্বিতভাবে) মারা গেছে?

বেয়া। নিঃশ্বাস মারা গেছে। উকিলের কথা কি মিথ্যে হয়? আইনের ব্যাপার যে রে। তাই ভাবচি, কি বিদিকিচ্ছি কাণ্ডই না হলো! লাখ টাকা এলো, আর ছ'ছটো ভাইই গেল!...ভালো কথা, তুই আজই চলি? ছ'দিন আরো থেকে গেলে পারতিস্!

খড়ী। না খুড়ো, আজই যেতে হবে। দেশে চাব-বাসের কি যে হলো,—না দেখলে নয়।

বেয়া। কলকাতার আর থাকবিনে তাহলে?...তোর সে কারবার?

খড়ী। ঐ এলাচি খেলা! না, পুলিশ যে রকম পেছনে লেগেছে, ও আর বেশীদিন চলছে না। শেষে কি জেলে যাবো?...তা তোমার লক্কাদাদাবাবু ঠিক মরেচে তো খুড়ো? দেখো, শেষ—

বেয়া। হ্যাঁরে, হ্যাঁ, মরেচে।...তা তোর সে খোঁজে এত কি দরকার?

খড়ী। না, দরকার নয়। তবে বলছিলুম, লাখ টাকাটা পেতো—আহা!

বেয়া। বরাত! ঐ লাখ টাকা এখন কার বরাতে নাচছে—কে জানে!

খড়ী। তাইতো খুড়ো...না,...ভালো কথা, তোমার ঘরে আমার ছাতাটা আছে—আমায় এখনি বেকতে হবে, না হলে টেন পাবো না...

বেয়া। ঘরে চাবি দিয়ে এসেচি—দাঁড়া, এনে দিচ্ছি। (প্রস্থান)

খড়ী। বলে, লাখ টাকাটা কার বরাতে নাচছে!—হুঁঃ, ও এই আমার বরাতে নাচছে।...এ্যামেচার খিরেটারে রাজা-উজীর সেজে কত পালাই এ্যাক্ট করেচি—তার উপর এলাচি খেলায় জমিদার সেজে কত বাছাধনকে ঘাল করলুম! আর এই লক্কাদাদাবাবু সেজে নিজেকে চালিয়ে দিতে পারবো না! তাই করা যাক—লক্কাদাদাবাবু সেজেই এসে বসা যাক।...একটা গালপাট্টা দাড়ী আর মাজ-পোষাক!...মারি তো হাতী, লুট তো ভাগার! একদম লাখোপতি! সেই ভালো। আসাম?...বহুৎ আচ্ছা!...এই যে খুড়ো...

ছাতা হাতে বেয়াক্কেলের প্রবেশ

হ্যাঁ, এই ছাতাটাই। তা'হলে চললুম খুড়ো।

বেয়া। চ', আমিও মোড় অবধি বাবো। বিড়ি কুরিয়ে  
খেঁচে, আনতে হবে। (উত্তরের প্রস্থান)

বিফলক

গান

ওগো, হুখের দিনের আমরা সাথী যে, নাচি খেলি কত সজে !  
কাপনের আলি, মধু দেখে চলি, শুভ্রনে লীলা-ভঞ্জে !  
হুখে মাতামাতি, করি কোলাকুলি, জড়াজড়ি হুখ-স্বপনে—  
কত সে কালের প্রাণের দোমর—আঠা দিয়ে সাঁটা জীবনে !  
হুখপাথী যেই উড়ে চলে যায়,—মোরা চলে যাই সজে !  
হুখের দিনেতে কোথা থেকে আসি, যিরে থাকি সারা চিত্ত...  
ধেরনী, বঁধুনা, বন্ধু, সাথী গো—ভালোবাসি বড় বিস্ত !  
হুখ-হুখিসে হারার মিলাই—ডাকিলে পাবে না বন্ধে !

চঞ্চলার প্রবেশ

চঞ্চ। এধারকার পরামর্শ তো চুকলো!...মোদ্ধা, অবাক  
হছি—ঐ অতগুলি লুচি আর মিষ্টি একনিমেবে শেষ করে  
দিলে!...ভাগিস, অসুখ-বিসুখ হয় নি, তা'হলেই মুষ্টি  
বেধে যেতো আর কি! ভূতকে দেখাবার জন্তে তো আর  
ভাস্কর আনাতে পারতুম না!...

জমাদারী ও খোস্তা মাসীর প্রবেশ

জমা। এই জ্ঞাও গো, তোমাদের খোস্তা মাসী  
এসেছেন কোথা থেকে...

চঞ্চ। খোস্তা মাসী...!

খোস্তা। চিন্তে পারুচো না, বৌমা?...আমার  
অদেট! না'হলে তোমার এই দশা দেখতে আসি!...  
উদ্দেশ তো নিলি না মা, কোনোদিন!...আমার প্রাণ যে  
কেঁদে উঠলো!.. থাকতে পারলুম না.. কিন্তু এসে  
এ কি শুন্লুম! ও বাবা ফকারে..ফকা...ও বাবা, এ কি  
করে গেলি বাবা..(কারা ও কথার মধ্যে ক্রমাগত নাক-  
ঝাড়া) এমন সীতে ছেড়ে কোথায় গেলি বাবা...

চঞ্চ। খামো গো, খামো...

খোস্তা। খামবো কি বাছা! তুমি ইস্তিরী, পরের  
যেরে বৈ তো না! ছ'দিন শুধু ঘর করেচো! তোমার কি  
নাগবে এত বাছা! আমার যে সে নাকী-হেঁড়া ধন, আমার  
যে বোনপো! বলে, মা-মাসীর তুলি আর আছে কেউ!  
আমি সেই মাসী!...ওরে, আমার কাঁদতে দে বাছা,

কাঁদতে দে! ও ফকা, ফকা বাছা, কোথায় গেলি বাবা!...  
এ মাসীকে কাঁদিয়ে, কোথায় গেলি বাবা! আমার এ কি  
করে গেলি রে...(বিনাইয়া কন্দন ও নাকঝাড়া)

চঞ্চ। আঃ, খামো না মাসী! কাঁদলে কি কিরবে?

খোস্তা। তা তো জানি রে বাছা। তা বলে কাঁদবো  
না? এ যে আমাদের চিরকালে রীত, বৌমা, এ যে  
শাস্তর! মলে ডাক ছেড়ে কেঁদে যে পাড়ায় জানানু দিতে  
হয়! নাহলে মরাই যে মিথ্যে মা! একালে সহরে থেকে  
তোমরা বাঙালার শাস্তর ভুলে গ্যাচো মা! আমরা সেকেয়ে  
মানুষ—মড়া-কারা কি ভুলতে পারি! ও যে চাই  
আমাদের! ও বাবা ফকারে, বাবা আমার...কোথায় গেলি  
রে...(কাঁদিতে কাঁদিতে কথা; কথার সঙ্গে নাকঝাড়া;  
চঞ্চলার নানা ভঙ্গীতে কখনো নিষেধ, কখনো বিস্ময়, কখনো  
বিরক্তি, কখনো-বা কৌতুক প্রকাশ) তা কিছু কি রেখে  
গেছি বাবা, তোর গরিব মাসীর জন্তে? ইয়া বৌমা,  
মাসহরা-টরা, ছেঁড়া কাপড়? শাল? আমার ভাস্করপো  
একটা ফ্যালানালের জামা চেয়েছিল যে—তা কিছু না?  
ও বাবা ফকারে...(জমাদারী বিরক্তভাবে চলিয়া গেল)  
সেই এতটুকুট তোকে কোলে করে মানুষ করেছি যে  
বাবা! তা গরিব মাসীকে মরার সময় ভুলে গেলি  
বাবা! ছ্যান্ট্যাৎ সব চুকে গেছে বৌমা? নোক  
খাওয়ানো? সব চুকে গেছে? ও বাবা! গঁত-ভোজন  
অবধি?—ওরে, আমায় ছোলার ডাল খাওয়ানি, এ যে  
তোর বড় সখ ছিল, বাবা! ইয়া বৌমা, আমায় কি নোক-  
খাওয়ানোর সময়ও খপর দিতে নেই? ওগো, ছ্যান্দবাড়ীর  
হুচি, ছোলার ডাল আর ছকা খেতে যে আমি বড়  
ভালোবাসি! ও বাবা ফকারে, তা সব দিকেই মাসীকে  
ফাঁকি দিলি!


জমাদারীর প্রবেশ

জমা। ভালো কথা, তুমি কে গো বাছা! খোস্তা  
মাসী না মোস্তা পিশি,—গাওয়া বী তো কোনো দোকানে  
পেলুম না বাপু...

চঞ্চ। গাওয়া বী কি হবে?

জমা। কেন, উনি যে বাড়ীতে পা দিয়েই হুটাশ  
দিয়েছেন, বেলা তিনটে বাজলেই ওঁর হুচি চাই। তা'ও  
আমার ভরসা বীয়ে ভাজা হুচি উনি খাবেন না—খেলে অফল

ভারতবর্ষ



অবলম্বন

শিল্পী—শ্রীযুক্ত সুরেশচন্দ্র ঘোষ  
মহাশয়ের অনুগ্রহে প্রকাশিত ।

[ Bharatvarsha Halftone & Printing Works.





হয়। সন্ধ্যা ধীরে ভাঙ্গা ছুটি না হলে গুঁর খাওয়াই হবে না।

খোস্তা। তা জাখো বৌমা, কেমন অভ্যাস হয়ে গেছে মা! গাওয়া খাঁটুকু আমার চাইই!—ভরসা বী...মাগো, সে নাকি আবার মান্বে খায়!...ওরাক্!...

চঞ্চ। একেবারে বনেদি চাল!

খোস্তা। হ্যাঁ মা, চুলো গেলেও এই চালটুকু বজায় রেখেই কোনমতে চৌকৈ আছি।

চঞ্চ। (আত্মগত) নাঃ, যে রকম মাসী-পিসা আসতে শুরু হলো—লক্ষা না এলে আর চলছে না!

জমা। তা হ্যাঁ গা, ও নোস্তা পিশি,...না, না, খোস্তা মাসী,...তা গাওয়া বী যদি না পাই, খাঁটি গোবরে চলবে না? সে'ও তো গব্বা, আর গুরুকু খুব...এঁটা?

(চঞ্চলা ও জমাদারী চুপি-চুপি কি কথা কহিতে লাগিল)

খোস্তা। এরা কি সন্দ করচে!...কেমন করে করবে! এতকাল তো এই মাসী-পিসি হয়েই কাটিয়ে এলুম। কি করি, বরস গেছে, এর বেশী হতেও যে ছাই পারি না!...নাহলে... বৌটো যেন কেমন-কেমন! সস্তা রাঁড় হয়েছিল, নাকের জলে চোখের জলে মুখ শুঁজে পড়ে থাক—ভাঁড়ারের চাবিটে আঁচলে তুলি! তা না, ভারী টোনকো!

[জমাদারীর প্রস্থান]

তা হ্যাঁ বৌমা...যা শুনচি, তা কি সত্যি?

চঞ্চ। কি?

খোস্তা। কর্তাদের কি না কি উইল বেরিয়েচে—আমার ফক্কা বাবা মারা গেলেও হুঃখু নেই—যা কিছু পাবে, আমার নক্কা বাবা...?

চঞ্চ। শুনচি তো!

খোস্তা। তা আমার নক্কা-ফক্কা কি আলাদা, মা! আমার যে ছই সমান, ছইয়েই যে আমি এক দেখি।...তা, তোমার তো এখন উচিত বৌমা,...তোমার যা-হোক চুকে বুকু গেল তো সব—আমার নক্কাকে এনে খিঁজু করা...আর কেন মা...আসল যা, তাই যখন গেল, তখন আর এ মাটি কামড়ে পড়ে থাকা কেন! আমার নক্কা বাবাকে এনে সব বুঝিয়ে দিয়ে তুমি কাশী যাও, রামেশ্বর যাও, কি মগের মুন্সুক যাও...যাবার সময় ভাঁড়ারের চাবিটি মোদ্ধা দিয়ে যেনো। আমি মাসী আছি, তোমার কোনো ভাবনা নেই...

চঞ্চ। মাসী...!

খোস্তা। আমি নেছ কখাই বলচি মা!...আহা, নক্কাকে আমি হাতে করে মানুষ করেচি, তার মা তো ঐ বিইয়েই খালাস!...আমার নক্কা-ফক্কা কত সামের ধন, যেন এক কাঁদির ছটা কলা!...

চঞ্চ। তা সে'ও তো মারা গেছে...

খোস্তা। অমন অনুশুণে কথা বলুনি বাছা!...কলির বৌ, পরের মেয়ে আর কাকে বলে!...হ্যাঁ, একেলে কি সবই আলাদা!...আমি কোথায় ভরসা করে এমু যে, আমার ফক্কা গেছে, যাক্—আমার নক্কা তো আছে!

জমাদারীর প্রবেশ

জমা। জ্ঞাও, আবার একজন!

চঞ্চ। কে রে?...

জমা। একটি মেয়ে-নোক...একটা গাড়ী করে এসেচে! গাড়ীর মাথায় বাস্ক-বিছানা ..

খোস্তা। কোনো আপন-জন!

চঞ্চ। তোমার সঙ্গে এসেচে না কি...?

খোস্তা। না মা! আমি একলা মানুষ, কোথায় কাকে পাবো? হেঁটেই এসেচি...গাড়ীই বা কোথায় পাবো, বল?

চঞ্চ। তবে?

জমা। ওগো, খিষ্টেনী রকমের কাপড় পরা, পারে জুতো! এসেই কলঘরে ঢুকলো! আমি বলি, এ ম্যাষ্টারী আবার এলো কোথেকে! কলঘরে ঢুক্চে, ছিটি ছোঁবে! তা বললে, খিষ্টেনীও নয়, ম্যাষ্টারীও নয়, আপনার জন!... জ্ঞাও, এখন সামলাও।—এ যে দেখচি, জামাই বাবু একা মরেন নি, সঙ্গে সঙ্গে সবাইকে মারলেন! কোথা থেকে এ পাল-পাল আপনার নোক আসতে মাগলো গো... এ্যাঙ্কিন সব ছেলো কোথায়!...তা এর গাড়ী ভাড়া দিতে হবে গো, পাঁচ সিকে। ঐ বেগাকেলের মাথায় বাস্ক চাপিয়ে আসচে!...সব শুনবে'খন। আমি যাই বাপু, কাজ পড়ে রয়েছে!

[প্রস্থান]

খোস্তা। কীটি মা তোমার একটু মুখোলো...

চঞ্চ। হ্যাঁ, মুখের ওপর সত্যি কথা কয়—ঐ কেমন ওর দোষ! মোদ্ধা, কে এলো?...

খোস্তা। বাক্—এখন একটু কাঁদি তা হলে...কে  
আবার এলো...তাকে তো মারাটা জানান্ দেওয়া চাই।  
ও বাবা ককা আমার...আমার ফেলে কোথায় তুমি গেলে  
বাবা...( ক্রন্দন ও নাকঝাড়া )

ট্রাক-মাথায় বেয়াকেলের ও সেই সঙ্গে

ভুজঙ্গিনীর প্রবেশ

চঞ্চ। কে ? ( ভুজঙ্গিনী আকুল নেত্রে চাহিল ;  
চঞ্চলার বিষয়ে নির্বাক ভাব )

দ্বিতীয় অঙ্ক

[ দৃশ্য—ককারামের গৃহ ]

চঞ্চলা, ভুজঙ্গিনী, খোস্তামাসী ও বেয়াকলে।

বেয়া। গাড়ীর ভাড়াটা বৌদি, পাঁচসিকে—

ভুজ। আর ছ' আনা বখশিস সেই সঙ্গে...ওকে আশা  
দিয়েচি !

চঞ্চ। কে... ?

ভুজ। কে !...

গান

সই কি আর বলিব আমি !  
নাথের লাগিয়া ঘুরি পাগলিনী  
অকুলা দিবস-যামি !  
এ-ঘরে ও-ঘরে যে-ঘরে তাকাই,  
নাথ সে সবারি আছে !  
আমার কপালে বজর পড়িল,  
নাথ না আঁঠল কাছে !  
সই, কি মোর কপালে লেখ !  
এ-পথে ও-পথে কত পথে ঘুরি,  
নাথ না মিলিল এক !

( ঐ, যে-নাথ নারীরে জোগায় গহনা

ব্রাউশ-শাড়ী সে দামী ! )

মোটরে-টেরামে চলিছে কত-না,  
পথে কত জনা চলে !  
এ রূপ-মাধুরী যৌবন হেরি  
কারো না মানস টলে !

সখি, মিলাও আমারে স্বামী...

মিলাও, মিলাও, মিলাও গো,

নারীর পিরাসা-ভিরাবা-হরা মিলাও, একটু স্বামী !

চঞ্চ। কে আপনি ?

ভুজ। কে আমি ! ওঃ ( দীর্ঘনিশ্বাস ) কি আর বলবো  
বোন্...আমি চির-অভাগিনী...

চঞ্চ। তার মানে ?

বেয়া। বুঝচো না বৌদি ? বহুরূপী সেজে এসেচে।

ভুজ। আমি বহুরূপী নই ! আমি...আমি নাথ-হীনা,  
অতি-দীনা...

চঞ্চ। আপনার নাম ?

ভুজ। কি আর বলবো দিদি ? সে যে দীর্ঘ কাহিনী,  
প্রকাণ্ড দীর্ঘ-নিশ্বাসে ভরা। তা শোনার ঐশ্বর্য আছে ?  
শুনবে ?...সে কাহিনী শুনলে তোমার চোখে অশ্রুর সাগর  
উথলে উঠবে, বুকের মাঝে বেদনার হিমালয় মাথা ঠেলে  
দাঁড়াবে, শিরার প্রতি রক্তবিন্দু তুষার কণায় পরিণত হবে !  
সে কাহিনী এমনি দীর্ঘনিশ্বাসে ফুলে ফেঁপে আছে যে তা  
ছেপে বার করলে যে-কোনো পাবলিশার চার টাকা মূল্যে  
হাজার হাজার কাপি বেচে ফেঁপে উঠবে !

বেয়া। আহা, ভদ্র নোকের মেয়ে পাগল হয়ে  
গেছে গো বৌদি !

ভুজ। পাগল ! হ্যাঁ, পাগলই আমি হয়েচি  
বোন্।

খোস্তা। তা ভয় নেই, বাছা। আমার খণ্ডর-বাড়ীর  
দেশে আশ্চর্য্য শেকড় আছে, সে ছুঁলেই পাগলামি সেরে  
যায়। বললে না পেতায় যাবে গো—একটা ক্যাপা কুকুর  
রাজ্যের নোককে কামড়ে বেড়াচ্ছিল—একদিন তাড়া পেয়ে  
কোথা দে গিয়ে সেই শেকড়ে যেমন পা দিয়েচে, অমনি দিব্যি  
ধপধপে এক বিলিতি কুকুর হয়ে গেল। নিজের চোখে  
দেখা মা...আর নাটসাহেবের মেম না নিজে এসে তাকে  
বুকে তুলে নিয়ে গেল !

বেয়া। আর যাদের যাদের কামড়েছিল ?

খোস্তা। তারা দল বেঁধে ঐ গৌদল-পাড়ায় যাচ্ছিল  
না—তা তারা অমনি পথ থেকেই সেরে হুমকি-হুমকি হয়ে  
দেশে ফিরে এল !

বেয়া। তা' তোমাকে পাগলা কুকুরে কামড়েচে  
নাকি গো ? সেই শেকড় ছোঁরাও শীগগির। দেশ-ভুঁই  
ছেড়ে এই যে খার্ড কেলাশ গাড়ীতে ঘুরে ঘুরে বেড়াচ্ছ, সে  
গাড়ী ছেড়ে নিজের বাড়ী ফিরে বাঁচবে।

চঞ্চ। ও সব কথা থাক! আসল কথাটা কি বল দিকি? কে তুমি? কি চাও?

ভূজ। কি চাই! (স্বরে) আমি চঞ্চল হে, আমি সুদূরের পিয়ালী!

চঞ্চলা (বাধা দিয়া) আসল কথা?

ভূজ। (দীর্ঘশ্বাস) আসল কথা তবে বলি, শোনো... তুমি বোধ হয়, ফকরাম বাবুর স্ত্রী? যিনি উইলে লাখ টাকার সুদমাত্র পাবেন শুনে বিপুল সুরে গঙ্গার ডুবে মারা গেছেন?

চঞ্চ। হ্যাঁ। আর তুমি?

ভূজ। আমি হচ্ছি সেই লাখ টাকার আসল মালিক লক্কাচন্দ্রের স্ত্রী...

চঞ্চ। লক্কাচন্দ্রের স্ত্রী? তবে যে শুনেচি, লক্কাঠাকুরপো আসামী বিয়ে করেছিল! তা এতদিন আসো নি যে?

ভূজ। দরকার বুঝিনি, বোনু...

চঞ্চ। বটে, তা আজ দরকারটা কি, শুনি?

ভূজ। উইলে তার পরের কথাটা জানতে এসেচি।

চঞ্চ। তার পরের?

ভূজ। এঁরা দুজনেই যদি মারা যান, তাহলে আমরা দুই বোনে ঐ লাখ টাকা পাবো কি না...

চঞ্চ। ওঃ!...তা কৈ, পরের কথা তো জানি না কিছু...

ভূজ। জানো না? তা উইলের লেখক কি এমন নিষ্ঠুর হবেন!

#### জমাদানীর প্রবেশ

জমা। তোমার নকার ছাওর এসেচে গো দিদিমণি...

চঞ্চ। এসেচে! লক্কাঠাকুরপো এসেচে!...চ'রে চ বেয়াকৈলে, ওলো জমাদানী...

[বেয়াকৈলের প্রস্থান

(চঞ্চলা দ্বার অবধি গিয়া ফিরিল)

জমা। লাখ টাকার গঙ্ক কি সহজ গা—কত মড়া এখন বেঁচে ওঠে, ঝাখো...

[জমাদানীর প্রস্থান

ভূজ। (স্বগত) তবে যে শুনেছিলুম, লক্কাচন্দ্রও মারা গেছে। তাই তো! না, যখন এসেচি, তখন পেছনো নয়! লাখ টাকা! একবার ভালো করেই দেখতে হবে। এ'ও যদি ঐ লাখ টাকার গঙ্ক পেয়ে এসে থাকে! হাল

ছাড়চিনে...কিছুতে না। (প্রকাশে) এসেচেন! তিনি এসেচেন! এ অসহ আনন্দে যে আমি চোখে কিছু দেখতে পাচ্ছি না। দিদি, দিদি, ধর, আমার ধর...

খোস্তা। ও বাবা নকারে, এলি বাবা...

চঞ্চ। খামো মাসী...লোকটা কতদূর থেকে তেতে-পুড়ে আসচে।

খোস্তা। হ্যাঁ ঝাখো বোমা, তোমার দরদ একটু কমাও তো বাছা! ও হলো আমার পেটের বোনুপো! কোথাকার কে পরের মেয়ে তো তুমি বাছা...

ভূজ। প্রিয়তম, আমার প্রিয়তম...তুমি এসেচো! আঃ—(মুছাঁর ভাবভিনয়)

ছড়ি ঘুরাইতে ঘুরাইতে লক্কাবেশী ফকরামের প্রবেশ

ফকা। হ্যালো বোদি...তারপর, আছো কেমন?

(ক্রত আসিয়া শেক্-ছাও করিল)

চঞ্চ। এই যে মাই-ডিয়ার ঠাকুরপো...এলে ভাই!

ফকা। এলুম বোদি...তা ঝাখো, এলুম বটে! কিন্তু ফকা দাদার জন্তে প্রাণটা আমার ফেটে যাচ্ছে! কি আমুদেই ছিল! তা ছাড়া দাদা আমার লক্কা বলতে অজ্ঞান হতো! আরো তো ঢের মাসতুতো ভাই ছিল আমাদের—টক্কাচরণ, মকানাথ, অক্কাকান্ত, হিক্কারাম, ছক্কালাল—তা দাদা চাইতো খালি এই লক্কাকে!—আমি ভাবচি, দাদার একটা মস্ত মার্কল-ষ্ট্যাচু করে এই বাড়ীর ফটকে বসাবো। তার অর্ডারও দিয়ে এলুম...একটু দেরী হয়ে গেলী তাই! আর এ-বাড়ীর নাম রাখবো, ফকা-খাম।

চঞ্চ। তা তুমি তো এলে—তোমার জিনিষ-পত্তর?

ফকা। জিনিষ-পত্তর! সে যে এক গঙ্গা, বোদি। আনতে একটা পুরো গুড্‌স্ ট্রেন লেগেছে—তা কলকাতার বাড়ী, এতে ধরবে কি না এই ভেবে, গ্রেট ইষ্টার্ন হোটেলের দোতলাটাই আড়াগোড়া ভাড়া নিয়ে সেইখানে রেখে আসছি।

চঞ্চ। তা সেখান থেকে কি আনলে ভাই, আমাদের জন্তে? শুনেচি, তোমার কমলা নেবুর ব্যবসা ভারী জমে উঠেচে।

ফকা। একেবারে কুলপী বরফ!—লেবুটি গাছে ধরেছে কি অমনি কুলপী বরফ!

চঞ্চ। বল কি, ঠাকুরপো?

ফক্কা। আর বলা!—পুঁতলুম তো লেবুর গাছ—ইয়া তেঁতুল গাছের মত খাড়া উঠে গেল—তারপর দেখা দিলে, সবুজ লেবু—যেমনি দেখা দেওয়া, অমনি পরের দিন সকালে গিয়ে দেখবে, ধপধপে সাদা মালাইয়ের কুলপী!

চঞ্চ। তা ভাই, পাঠাতে হয় আমাদের কিছু—

ফক্কা। পাঠাবো কিসে, বৌদি! সে কি এখানে!—অর্থাৎ গাড়ী কি ছাই মেলে?—যদিও বা মেলে, রেল চুরি! পাঠালুম লেবু—এখানে পৌঁছলে দেখবে, ঝুড়ি ঠিক আছে, লেবু নেই—তার বদলে শুধু চিবুনো ছিবড়েগুলো! খোলা-বিচি অবধি চুরি হয়!...হবেই তো! খোলাগুলো যে আজকাল বিলেতে পড়তে পায় না—মেমেনদের পমেটম তৈরী হয়! আর বিচি যায় জার্মানীতে—তা থেকে তারা মুক্তো তৈরী করচে!—(খোস্তা ও ভুজঙ্গিনীকে দেখিয়া) এঁরা...? চেনা বলে তো মনে হচ্ছে না!

ভুজ। (প্রেম-ভাব-অভিনয়)

খোস্তা। (ফোকলা দাঁতে হাস্য বিকাশ করিল)

ফক্কা। বাঃ—(আশ্চর্য হইল)

চঞ্চ। ওঁরা কে, তা ওঁদের মুখেই এখনি ব্যক্ত হবে'খন।...ইটি তোমার স্ত্রী...

ফক্কা। স্ত্রী...?

চঞ্চ। স্ত্রীই তো! আর ইনি তোমাদের খোস্তা মাসী।

ফক্কা। খোস্তা মাসী! খোস্তা মাসী আবার কে?...ধেং, খোস্তা মাসী বলে আমাদের কস্মিন কালেও কেউ ছিল না!

খোস্তা। ও কি, ও কথা বলো না নক্সা-ধন! তুমি যে আমার কোলেই মানুষ, বাবা...আমি না খাইয়ে দিলে খেতে না! আর মনে নেই, সেই কাগা-বগার গল্প, সেই ব্যাঙ্গমা-ব্যাঙ্গমীর গল্প? বতক্ষণ না সে গল্প শুনবে, ততক্ষণ ঘুমোবে না! তার পর সেই নাউ-নাটা!...তা, আমার বরাত বাবা—না হলে তুমি সে নাউনাটা ভুলে গেলে! খোস্তা মাসীকে মনে পড়ে না!

ফক্কা। খোস্তা মাসী! খোস্তা মাসী!—না, খোস্তা মাসী কেউ ছিল না,—বরং...

চঞ্চ। নোস্তা পিশির কথাই তো জানি! কতবার এসেছেন-গেছেন! আর এলেই চোখে নোনা পানি বার করে কি দরদ না দেখিয়েছেন!

ফক্কা। এই!...নোস্তা পিশিই বটে, ছিল এককালে...

খোস্তা। ও বাবা, সেই রে বাবা, সেই! ঐ খোস্তা মাসিও যে, নোস্তা পিশিও সে-ই! কথায় বলে, মাসি-পিশি... তা ও একই কথা, বাবা!

ফক্কা। বটে! তা সে নোস্তা পিশি তো সে-বছর মারা গেছে! সেই যে, যেবার মূনের ওপর টেক্স বসলো! মূনের দর চড়বে এই ভেবে ভেবে নোস্তা পিশি জ্বারে মরে গেল—সেই যে বৌদি, মনে নেই? যেবার চাটগাঁয় ইলিস মাছের মড়ক লাগলো—আঃ, খপরের কাগজে পড়ো নি?

চঞ্চ। বটে, বটে—ঠিকই তো!

খোস্তা। হ্যাঁ বাবা নক্সা...

ফক্কা। খামো, পরে ভেবে দেখা যাবে। বংশ-তালিকা আছে তোমার? দেখিয়ে, প্রমাণ করো...এখন সর, সর...

[খোস্তার প্রস্থান]

তার পর তুমি? (ভুজঙ্গিনীর পানে চাহিল) তুমি কে, বাপু? চেহারা তো খুব চটকদার করে তোলবার চেষ্টা করেচো, দেখচি...

ভুজ। (ভঙ্গী সহকারে) আমার চিন্তে পারলে না? (দীর্ঘশ্বাস) সেই মুখ, সেই চোখ, সেই হাসি, সেই কণ্ঠ!... আমার চিনছো না?

ফক্কা। না!

ভুজ। আমি যে তোমার চিরপ্রিয় ভুজঙ্গিনী! মনে পড়ে না নাথ, সেই ঐশ্বর্য নীল আকাশ, সেই ফাগুনে ফুলের বনে কোকিলের ঝঙ্কার, সেই ধরধর-কল্পিত বিদায়ের মুহূর্ত, সেই নয়নের বিগলিত ধারা...? আমি তোমার সেই পতি-পাগলিনী, বিরহিনী...

ফক্কা। বাবা (সবিস্ময়ে একবার ভুজঙ্গিনীর পানে, পরক্ষণে চঞ্চলার পানে চাহিল)

ভুজ।

গান

বসন্তে এই চিত্ত-বনে

ফুলের মেলার মাঝখানে

সেই যে এলে...! মাধবী-রাত

উঠলো শুনে কী গানে!

সেই যে কত স্বপন বোনা,

কত কথার আনাগোনা...

মধুর বাণ-সমীরণে

কি হৃৎ দোলা দেয় প্রাণে!

হার বঁধু, সব গেলে তুলে!

ফকা। ...হেঁদো কথা রাখো তুলে...

চলবে না চান, ও চল। বাও,—

চলছে যেথা...সেইখানে!

ভুজ। তুমি যে আমার অবাক করে দিলে, প্রিয়তম! আমি তোমার স্ত্রী...

ফকা। স্ত্রী! তা, তা...তা (চঞ্চলার পানে চাহিল; চঞ্চলার বিশ্বরের ভাব)

ভুজ। হ্যাঁ, চেয়ে জ্বাখো দিকি এই মুখের পানে...এই চোখ, এই কেশের রাশি, এই বাহু...মনে পড়ে না?

ফকা। (মূহ হাসিয়া) মনে...মনে পড়চে বটে! তা, তা, তাই তো প্রিয়তমে, তুমি এত বড় হয়েচো! বাঃ!

ভুজ। এই যে চিনতে পেরেচো...তোমার সেই ভুজঙ্গিনী...

ফকা। ভুজঙ্গিনী! আরে, বাস্বে! তা, তুমি এখন কি চাও ভুজঙ্গিনী?

ভুজ। ঐ কণ্ঠ...বাহুর বাঁধনে ঘিরতে চাই, প্রিয়তম, (অগ্রসর হইল) লতা যেমন সহকারকে বেঁধেন করে!

চঞ্চ। (বিস্ময়ে চক্ষু বিস্ফারিত করিল)

ফকা। এঁয়া! অর্থাৎ?

ভুজ। এ অর্থাৎ নয়, নাথ, এ নির্থাৎ! (স্বরে)

বঁধু, মিটাবো মিলন-আশা!

প্রাণের প্রিয় হে কেটেচে বিরহে

দৌরষ বরষ-মাসা! (কণ্ঠালিঙ্গন)

চঞ্চ। কিন্তু...(সরোষ ভঙ্গীতে অগ্রসর হইয়া ধমকিয়া খামিল)

ফকা। বৌদি, এ যে বিপদে পড়লুম এখানে এসে...

ভুজ। বিপদ কি, নাথ! মনে নেই, জ্যোৎস্না-রাত্রে মিলনের সেই নিবিড় রাগিণী, সেই অফুরাণ, অহরহ...

ফকা। অহহ! অহহ! বৌদি, বাঁচাও, আমার বাঁচাও বৌদি, অনেক দূর থেকে তেতে-পুড়ে আসচি। এখনো জিরতে পাইনি!

চঞ্চ। (চিন্তিতভাবে চাহিল; পরে হাসিয়া) কিন্তু এ যে প্রেমের বন্ধন, ঠাকুরপো! এ বন্ধনে ক্রন্দন তো সাজে না, আনন্দ কর। ছি!...এই যে, পিসেমশায়...

রক্তবীজের প্রবেশ

ইনিই আমার পিসেমশায়—সেই এটর্নি বাবু...

রক্ত। আমারি নাম রক্তবীজ! তা খেঁদি, একখানা চেয়ার এগিয়ে দে রে—মোটী মানুষ, দাঁড়াতে পারি না—হাঁক ধরে! (চঞ্চলার কথাবৎ কার্য) ইনি?

চঞ্চ। আমার মাসতুতো ছাওর—শ্রীমান লক্ষাচন্দ্র চক্রবর্তী!

রক্ত। তুমিই লক্ষাচন্দ্র চক্রবর্তী? তা বেশ. বেশ... উইলের খপর জানো?

ফকা। (রক্তবীজকে নিরীক্ষণ করিতেছিল; উঠিয়া তার কাছে গিয়া রক্তবীজের হাত টিপিল, গা টিপিল) আপনার শরীরে তাহলে হাড়-মাষ আছে! নাম শুনে আমি ভেবেছিলুম, জোকের মত একটা জীব হবেন, ভেতরটা খালি মক্কেলের রক্তে ভরে ফেঁপসে ফুলে উঠেচে!

রক্ত। (অপ্রতিভ ভাবে হাসিল)

চঞ্চ। আঃ, কি বল ঠাকুরপো! উনি আমার পূজ্যপাদ পিসেমশায় যে, গুরুজন, প্রণাম কর।

ফকা। ওঃ—(প্রণাম করিল)

রক্ত। তারপর? তুমি তাহলে মর নি! তবে যে শুনেছিলুম, তোমার আসামী স্ত্রী একটি লাঠির ঘাস তোমার পিঙ্গি ছরকুটে মেরে ফেলেচে।

ফকা। আজ্ঞে, আসামী স্বারা তাই করেন বটে, তবে আমি বেঁচে গেছি কোনমতে। মরে ছিলাম বৈ কি! জীবনে মানুষকে দরকার হলে অমন চের মরতে হয়, মশায়! তবে কাজ পড়লে আবার বাঁচাও চাই তেমনি!

চঞ্চ। সব সময়ে তোমার মঙ্করা, ঠাকুরপো!—স্বভাব আর গ্যালো না! আজ পিসেমশায়, এইটিই এখন আমাদের শিবরাত্রির সন্তে! এটি যে আছে, ভাগ্যি বলতে হবে!... না হলে উইলের লাখ টাকার কি যে গতি হতো!

রক্ত। তা ভয় ছিল না! উইলে আছে, এই জ্ঞান না— (উইল বাহির করিয়া দেখাইল) লক্ষাচন্দ্রর অবর্তমানে, প্রিয় দৌহিত্র ফকারাম যদি বিবাহ করিয়া মরিয়া থাকে, তাহা হইলে তার সেই স্ত্রী—বিধবা বা পুত্রহীনা হইলেও—এই লাখ টাকার মালিক হইবে, যোল আনা মালিকানি-সব্বে, সর্ব-প্রকারে সম্ভবতী হইয়া.....

ফকা। এঁয়া! (চীৎকার-শব্দে লাফাইয়া উঠিল)

চঞ্চ। (চীৎকার করিয়া) পিসেমশায়...

রক্ত। কি রে খেঁদি—তোরা চেঁচিয়ে উঠলি কেন, ছ'জনে!

চঞ্চ। এ কথা আগে বলতে হয়! দেখ দিকি, এত কাণ্ড...

ফক্কা। জ্যাঙ্গে মরা...

রক্ত। কি রে, জ্যাঙ্গে মরা...কাণ্ড...এ-সব কি কথা রে!

চঞ্চ। না, তাই বলছিলুম, তাহলে এঁর ছ্যান্টা আরো একটু জাঁকিয়ে করতুম! আমুদে মাহুষ ছিল...লাখ টাকার বলটা পেতুম কি না!

ফক্কা। বটেই তো! তা যাক্ গে, মরুক্ গে, আমার টাকাটা কবে পাচ্ছি, বলুন তো?

রক্ত। এই যে লাহোরের চাঁফ কোর্ট থেকে প্রোবেট বার করতে হবে কিনা...তোমার একটা সহি চাই! প্রোবেট না হলে তো টাকা বেরুবে না!...তা টাকাটা বেরুবো-বেরুবো হয়েছে! আমি টেলিগ্রামে দরখাস্ত পাঠাচ্ছি যে!

চঞ্চ। এঁয়া, টাকাটা এঁখনি পাবে না! আহা, ঠাকুরপো কত আশা করে এলো...

ফক্কা। বাসা-টাঙ্গা তুলে...

রক্ত। এ যে আইন রে খেঁদি—আদালতের ব্যাপার যে! এতে চটপট কিছু হয় না। এক-পুরুষ দরখাস্ত পেশ করে, তার পর তার ছেলেরা তর্জির চালায়, তার পর নাতিরা এসে মামলার পাকা ফলটি হাতে পায়!

ফক্কা। তাই তো, তা এখন খরচ-পত্তর চালাবো কি করে? আমি যে আসবার সময় আমার ক্ষেতটেত, মায় কমলালেবুর কচি ফুলগুলো পর্যাস্ত সেখানে দান পত্তর করে দিয়ে এলুম...

রক্ত। দান-পত্তর?

ফক্কা। আঙ্কে হাঁ।...সে বড় ঝক্কি, মশায়...

রক্ত। কেন, সে তো খুব ফ্যালাও লাভের কারবার শুনেচি...

ফক্কা। তা ঠিকই শুনেচেন! লাভ ষোল আনাই—তবে ঐ যা বললুম,—ঝক্কি চের! অত গাছ থেকে একটি একটি করে লেবু পাড়া,—হাতে কাঁটা না কোটে! ওঃ! তারপর সে-সব লেবু রাধি কোথায়, বলুন! অত-বড় ঝুড়িও কোনো মুহুরে পাওয়া যায় না!

রক্ত। কেন, গোলা-গুদোম—

ফক্কা। তা আর নেই! বলে, সমস্ত আসামটাই গোলা আর গুদোমে ভরিয়ে দিছি—এক একটা যেন লাটসাহেবের বাড়ীর মত...ইয়া কমলালেবু রঙের নিশেন উড়চে! কিন্তু তাহলে হবে কি—ইহুরের উৎপাত ভরুকর!

রক্ত। কেন, ইহুর-মারা কল—

ফক্কা। তা আর নেই! বলে, বিলৈত থেকে সাত লাখ ইহুর-মারা কল আনিয়েচি, মশায়!

রক্ত। তবে?

ফক্কা। (হতাশভাবে) সে আপনারা বুঝবেন না, মশায়! আসামের ইহুর—বিশেষ চেরাপঞ্জির ইহুর! বলে, ছ'মাস যদি শ্রেফ ভালো ছোলা খাইয়ে রাখতে পারেন, আর-কিছুতে মুখ দেবে না, তাহলে ইয়া-ইয়া ওয়েলার ষোড়া হয়ে ওঠে!...লাল হয়ে যাবেন। তা পারা যায় না—ব্যাটারা ভারী চঞ্চল! পড়েন নি ছেলে-বেলায়? উই আর ইহুরের দেখ ব্যবহার, যাহা পায় তাই কেটে করে ছারখার! লাগাম লাগাবেন কি—কেটে ছারখার করে দেবে!

রক্ত। বল কি হে!

ফক্কা। আর বলি কি! একবার যাবেন, যাবেন, বেড়িয়ে আসবেন। আমি একবার নিয়ে যাবো সকলকে। কাজ চুকুক্ না! হঃ—

রক্ত। তাহলে আজ উঠি বাবা...আসি রে খেঁদি। Professional man, ভারী busy! ওদিকে আবার মক্কেল ক্যাক্সাহরা-জী এসে আপিসে বসে আছে—তার বোয়ের ব্রত আছে, আমার ফর্দ করে বাজার করে দিতে হবে—আমি তার একেবারে constituted attorney কি না!—(ঘড়ি দেখিয়া) তা এঁরা? এঁদের তো নতুন দেখচি। তোমার সঙ্গে এসেচেন না কি?

ফক্কা। আঙ্কে না,—আমিও এই এসে দেখচি!

চঞ্চ। ওঁরা এঁর আসার আগেই এসেচেন—যেমন ফাশন আসবার আগেই প্লেগ-বসন্ত আসে না!

রক্ত। তা?

ভূজ। (হাবভাব-সহকারে) আমি এঁরই।...

রক্ত। এঁরই...?

ভূজ। প্রাণ-কান্তা!

রক্ত। তবে যে তোমার আসামী দ্বীর কথা শুনেছিলুম

ফক্কা। আচ্ছ, আমিও তাই জানতুম—তা এসে দেখচি, তিনি ফরিদাদী হয়ে উঠেচেন।

রক্ত। তা, ভদ্র লোকের মেয়ে—কেতা-মাফিক কাশড়-চোপড়ও পরতে জানেন—ওঁর মনে কষ্ট দিলো না হে! নিয়ে নাও, বাবাজী। আসামীর লাঠি সামলানো একটু শক্ত হর...তা স্ত্রী-রত্ন...কেলতে নেই! তাহলে আসি রে খেঁদি—( গমনোত্তত )

ফক্কা। ও মশায়, শুনুন! বিজ্ঞাপন দিয়ে আমার যে আনালেন...আমিও তাড়াতাড়ি চলে এলাম—তা আমার টাকাকড়ি তো সেই চেরাপঞ্জি ব্যাঙ্কে—খরচ-পত্র চলে কি করে? আমি আবার একটু ঠাইলে থাকি।

রক্ত। ভাবনা কি! আমি এটর্নী আছি, যখন যা দরকার হবে, দেবো—পাঁচশো, সাতশো, হাজার! লাখ টাকাটা তো আমার হাতে দিয়েই আসবে—তখন ফর্দ মাফিক কেটে নেবো। তোমায়-আমায় সম্পর্কটা যে ভারী মধুর হে—attorney client তার জন্তে ভেবো না, আমরা এটর্নি মানুষ—টাকা পাঠাতেও যেমন পারি, শুটোতেও তেমন। ( প্রস্থান )

চঞ্চ। তাহলে এসো ঠাকুরপো ওপরের ঘরে! কত বছর নিরুদ্দেশ—আমার আদরের ঠাকুরপোটি! এসো।—ওরে বেঝাক্কেলে, তোর লকাদাদাবাবুর বিছানা-পত্ভর যা এসেচে, তা দোতলায় জুমার পাশের ঘরে নিয়ে গিয়ে রাখবি—বুঝলি?

ভূজ। তাহলে আমার বিছানাটাও সেই ঘরে নিয়ে যাও...

( ফক্কারাম বিস্মিতভাবে চঞ্চলার পানে চাহিল; চঞ্চলাও সেইভাবে ফক্কারামের পানে চাহিল )

এসো নাথ, দীর্ঘ বিরহ-অবসানে ( ধরিল )

ফক্কা। ও বোঁদি—এ যে টানে!

চঞ্চ। কি করচো—আমার আদরের ছাওর...

ভূজ। আমার প্রিয়তম নাথ...

ফক্কা। এ যে মুষ্কিলে পড়লুম!

খোস্তা মাসীর প্রবেশ

খোস্তা। ও বাবা, নকা—আমার ঘরে এসো বাবা—বাতাসা ভিজিয়ে রেখেচি...এসো বাবা—

ফক্কা। আঃ! করি কি!

চঞ্চ। এসো, জিরবে এসো—( টানিয়া ফক্কাকে লইয়া প্রস্থান )

ভূজ। প্রিয়তম... ( প্রস্থান )

খোস্তা। ও বাবা নকা রে... ( প্রস্থান )

বিহ্বলক

গান

ঐ টাকা...যেমনি সে আসে, মোরা তারি সাথে আসি!

রামী-বামী খুড়ী-ভেটি...আর পিসি-মাসি!

আমরা জেঠাই, কোথা কিবা পাই! হাই তুলি, আর কেবলি ঘুমাই...

পিসি মাসি মোরা...ঐ আহায়ে রুচি...শুধু খেতেই ভালোবাসি।

( স্কীর সর ননী ছানা! )

আমরা খুড়ী দিয়ে তুড়ি . যাহা কিছু পাই, মোরা ফাঁকতালে সরাই!

রামী-বামী মোরা এসে দুঃখ বিলাই—মোরা তামাকু-পিয়াসী!

মোরা খুসী হতে জানিনেকো, চটিয়া আছি।

যখন যাহা পাই, তাহা লুটলে বাঁচি!

জানিনে আশীষ, সদা দিই পালি-বিশ—

তারি চোটে ভিটে-মাটি সকলি নাশি!

ফক্কারামের প্রবেশ

ফক্কা। বিপদে পড়া গেল, দেখচি। ভাবলুম, ফক্কা-জন্ম ঘুচিয়ে লকা হয়ে লাখ টাকার গদিতে চেপে প্রিয়ে চঞ্চলার সঙ্গে আরামে জীবনটা কাটানো যাবে, তা না, এ আবার কোথা থেকে এক স্ত্রী-রত্ন এসে উদয় হলো! অধিকন্তু ন দোষায় কথাটা স্ত্রীর সম্বন্ধে মিঠে লাগলেও, সম্প্রতি তার লক্ষণ কিছু বোঝা যাচ্ছে না! এ স্ত্রীটি চব্বিশ ঘন্টা পিঠে-সেঁটে থাকতে চান—তাতে আমরা যে দম বন্ধ হয়ে আসবার জো হয়! তার ওপর এঁর এই সৃষ্টিছাড়া অনুবাগ আর অন্তরঙ্গতার প্রেমসী চঞ্চলার অঙ্গ যে রকম রেগে তেতে ওঠে, তা তাঁর চোখের ক্রকুটি-ভঙ্গিই দেখতে পাচ্ছি! তা ছাড়া প্রেমসী চঞ্চলাকে বক্ষলগ্ন করতে প্রাণ আমার কি রকম চঞ্চল হয়ে উঠে—সত্ত্ব বিধবার বেশে প্রেমসীর এমন পাগল-করা রূপ ফুটেচে! কিন্তু এই ভূজঙ্গিনী, কাল-ভূজঙ্গিনীর মত ঘিরে আছে। কে জানে, কে এই ভূজঙ্গিনী! হয়তো লকা এই ভূজঙ্গিনীর আলিঙ্গনের নিবিড় আঘাতেই অকা-লাভ করেছে—কিন্তু এও ভাগ্যান্বেষণে বেরিয়েচে! নিজে জাল বলে পরকে জাল বলে উড়িয়ে দিতে পাচ্ছিলে! কি জানি, হয়তো একে জাল বলে উড়িয়ে দিতে গেলে নিজেই

জাল ছিঁড়ে উড়ে যাবো!—এ যে বিধম সমস্তায় পড়া গেল।  
মেনে নেওয়া ছাড়া উপায় নেই! অথচ চঞ্চলা বলচে, এই-  
খানটাতেই তার বাধচে ভারী। এই যে ভুজঙ্গিনী-প্রিয়া  
আসচেন—খুব তালে সয়ে যেতে হবে! কি করি, উপায়  
বখন নেই...

#### ভুজঙ্গিনীর প্রবেশ

ভুজ। নিষ্ঠুর—( কাঁপাইয়া আসিয়া ধরিল )

ফকা। উঃ, গেচি, গেচি—বাসুরে—

ভুজ। কি হয়েছে ?

ফকা। লেগেচে—হাতখানা বনঝনিয়ে উঠলো! কি  
জানো, অর্থাৎ এই অনেক দিনের অনভ্যাস কি না,  
তোমার প্রেম আর আদরটা একটু সহিয়ে নিতে হবে!

ভুজ। প্রিয়ার প্রেমে অনভ্যাস!

ফকা। অর্থাৎ কি জানো, চাষাভুষোব সঙ্গে বড্ড মেলা-  
মেশা করা গেছে কি না—তাই থেকে-থেকে তোমায় কেমন  
পর-স্ত্রী, পর-স্ত্রী বলে মনে হচ্ছে—এই আর কি! তা ও  
নাইতে-খেতে ক্রমেই বরদাস্ত হয়ে যাবে—বুঝলে কি না!  
তা, বৌদি কোথা গেল ?—আমার আদরিণী চঞ্চলা বৌদি ?

ভুজ। আমি তোমার কেউ নই ?—বৌদিই সব ?

ফকা। আহা, কি জানো, বৌদি...তায় সত্ত্ব বৈধব্য-  
যাতনায়-কাতরা, পতিহারা—

ভুজ। আর আমি...!

ফকা। তারি চোখের সামনে পতিকে ফিরে পেয়েছ!  
এতে তাঁর মনে বেদনাটা একটু বেশীই লাগবে না ?  
বিশেষ তাঁর পতি না মারা গেলে তো আর তোমার পতি  
ফিরে আসতো না!

ভুজ। নাথ...

ফকা। আহা, বুঝচো না, ককাদাদা না মারা গেলে  
তো আর তোমার লক্ষা এ লাখ টাকা পেতো না!

ভুজ। তুচ্ছ টাকার কথা তুলে আমার এ তৃষিত  
প্রিয়াসী প্রেমের অপমান কর!

ফকা। টাকায় প্রেমের অপমান! আহা, তুমি  
তাহলে কিছুই বোঝো না, ভুজঙ্গিনী-প্রিয়া! টাকায় প্রেম  
উজ্জ্বল হয়ে ওঠে—টাকার বনঝনির মাঝে প্রেম যেন  
খঞ্জরীর তালে নৃত্য করতে থাকে!—টাকা না থাকলে প্রেম!  
সে যেন, যেন...পেট-রোগা ছেলের সামনে মাংসর বাটী!

ভুজ। ওগো, এসো, আমার দীর্ঘ দিনের পথ-চাওয়া  
অতিথি, আমার তপ্ত চিত্তের শ্রান্তি-হরা ওগো—( টানিল )

ফকা। টেনোনা, টেনোনা—পড়ে যাবো। আমার  
ছই পায়ে বাত—চেরাপঞ্জির বাত! কোনমতে এই  
উইলের মালিশে খাড়া আছে—টানাটানি করলে, এখনি  
মচকাবে!

ভুজ। এই বাহুর মালা তোমার গুলায় পরিয়ে, তোমারি  
মুখের পানে চেয়ে বসে থাকবো নাথ সারা দিন, সারা  
রাত! ( কণ্ঠালিঙ্গন )

ফকা। ওঃ—ওরে বাবা...

#### চঞ্চলার প্রবেশ

চঞ্চ। ঠাকুরপো...

ফকা। ছাড়ো, ছাড়ো—বৌদি। ( ছাড়াইয়া চঞ্চলার  
কাছে আসিল ) এসেচো বৌদি—আঃ!

চঞ্চ। এতদিন পরে স্বামী এলো, তা খালি এই আলিঙ্গন  
আর চুম্বন পেয়ে ও বাঁচবে কেন, বোনু? জলখাবার, পাণ,  
এ-সব আনো—নিজের হাতে খাওয়াও। তবে তো বাঁধন-  
কাটা হুঁদাস্ত স্বামী আবার বশে আসবে। যাও...

ভুজ। যাই। ওঃ ( দীর্ঘশ্বাস ) ( প্রস্থান )

চঞ্চ। কি, এ তো ঐ বিরহিণী পতি-পাগলিনীর প্রেম-  
সমুদ্রের ছোট্ট একটা মূছ চেউ...

ফকা। তাহলে উত্তাল তরঙ্গও আছে ? এঁ্যা! প্রিয়ে  
চঞ্চলে, আদরিণী বৌদি,—আমায় রক্ষা কর! ( চঞ্চলার  
হাত ধরিল )

চঞ্চ। হঁ!

ফকা। লাখ টাকার লোভে লক্ষা সেজে এসে এ যে  
সত্যি এবার অক্ষা পেতে হবে, প্রিয়ে! তোমার চোখের  
সামনে, তুমি স্ত্রী হয়ে এই প্রেমোচ্ছ্বাস স্থির হয়ে দেখবে!  
তুমি কি সত্যিই এমন পাষণী ?

চঞ্চ। না,—এ আমি সহ্য করবো না, সহ্য করতে  
পারবো না। আমিও নারী—লাখ ছেড়ে কোটা টাকার  
জন্তোও না!

ফকা। তাহলে উপায় ? আমার যে মুন্ডিল হলো,  
দেখচি! লাখ টাকা রাখতে হলে একেও নিতে হয়  
তোমায় ছেড়ে আর একে ছাড়তে হলে, এর সঙ্গে সঙ্গে  
লাখও ফস্কাই যে!



চঞ্চ। তা ফসকার! তারপর সলীন মুহুর্তও আসচে।  
সামনে রাত্রি...

ফকা। ওরে বাবা,—তাই নাকি! তবেই গেছি।  
মেয়েমানুষের বুদ্ধিতে এ কি বিপদ ডেকে আনলুম,  
বল তো! তুমি কোন্ খপরটা দিয়েছিলে...তাহলে যে লকা  
গেক্সা পরে বাড়ী আসতো। ইনি কাছে ঘেঁষতে এলে বলতুম,  
আমি সন্ন্যাসী, জ্বীলোক স্পর্শ করি না!

চঞ্চ। ও এমন অসময়ে এলো যে, খপর দেবার সময়  
পেলুম কৈ!

ফকা। তাহলে...

চঞ্চ। কিন্তু লকাই থাকতে হবে তোমায়, নাহলে লাথ  
টাকা ফসকার! হাতের কাছে এসেচে—

ফকা। তা তো ঠিক! আমিও তাই ভাবছিলাম।

চঞ্চ। কিন্তু আমি...?

ফকা। তুমি! ওগো, আমি তাও ভাবছিলাম। তোমার  
জন্মেই তো ভাবনা! নাহলে আমার কি—একরকম  
পুষ্টিয়ে যেতো...

চঞ্চ। কি? (রাগত-ভাব)

ফকা। ঐ তো, ঐখানেই তো আমারো বাধচে! এক  
সঙ্গে এতদিন ছুটিতে ঘর করে এলুম, তারপর তোমারি  
বুদ্ধিতে মরে লকা হয়ে টাকা পাচ্ছি—তার উপর জ্বী নিয়ে  
মনের আনন্দে দিন কাটাবো, আর তুমি বেচারী পতি-  
বিরহে নির্জনে বসে দীর্ঘ-নিশ্বাস ফেলবে! উঃ, এ কথা মনে  
হলে যে আমি অজ্ঞান হয়ে যাই!

চঞ্চ। শুধু তাই!—আমার চোখের সামনে আর এক-  
জনকে নিয়ে এ আনন্দ!

ফকা। আরে বাস্ রে—তা কি হয়!—তাহলে,  
তাহলে—

চঞ্চ। একটা উপায় কর গো...আমি মেয়েমানুষ, আগে  
এত বুদ্ধি! তোমায় আমি পরের হাতে এমন করে বিলিয়ে  
দিতে পারবো না, ...প্রাণ গেলেও না... (চোখ আর্দ্র হইল)

ফকা। কেঁদো না, প্রিয়ে! আহা, ভেবেছিলাম, টাকা  
পাবো, পেয়ে তোমায় বিধবা বিবাহ করবো...তা আমিও যে  
কোন উপায় দেখচি নে, প্রিয়ে ওদিকে নইলে যে লাখে  
ফাঁক!

চঞ্চ। (সজল চোখে ফকার গায়ে চলিয়া পড়িল)

জলখাবারের রেকাবি-হস্তে ভুজঙ্গিনীর প্রবেশ

ভুজঙ্গিনী। (হতাশ দৃষ্টিতে উভয়ের পানে চাহিল;  
তার হাত হইতে রেকাবি পড়িয়া গেল। সে-শব্দে চঞ্চলা  
ও ফকা চমকিয়া চাহিল ও সরিয়া দাঁড়াইল) নাথ...  
নির্দয়...

(পতন ও মুচ্ছা)

ফকা। আঃ, জল, ওগো, জল আনো...

(চঞ্চলার প্রস্থান)

বেয়াক্বালের প্রবেশ

তাই তো, কি করি! মরে গেল না কি রে,  
বাবা! হাতে দড়ি পড়বে না কি...!

[বেয়াক্বালে প্রথমে দূর হইতে ফকারামকে নিরীক্ষণ  
করিল; পরে কাছে আসিয়া নিরীক্ষণ; ফকা তীব্র দৃষ্টিতে  
চাহিল, কিন্তু সে নড়িল না]

ফকা। (গালে চড় মারিয়া) ব্যাটা, হাঁ করে দাঁড়িয়ে  
কি দেখচিস্! যা'না ব্যাটা, দেখচিস্ নে? এখানে  
মেয়েমানুষ একটা...খুড়ি বোঁঠাকরণ, বোঁঠাকরণ, বোঁঠাকরণ  
মুচ্ছা গেছে...জল নিয়ে আয়—শীগগির!

বেয়া। (হতাশভাবে চাহিয়া প্রস্থান)

ফকা। (ভুজঙ্গিনীর পানে উঁকি মারিয়া অধীরভাবে  
পরিক্রমণ করিতে লাগিল)

ভুজঙ্গিনী ধীরে-ধীরে চক্ষু মেলিল।

ভুজ। (দুই হাত উর্ধ্বে প্রসারিত করিয়া) নাথ...!

ফকা। জেগেচে, জেগেচে, কথা কয়েচে! প্রিয়ে  
(জিত্ কাটিয়া) বৌদি...

ভুজ। (উঠিয়া দাঁড়াইয়া ফকার কাঁধে ভর দিল; পরে  
তার বুকে মাথা রাখিয়া) প্রিয়তম...(ফকা আড়ষ্ট)

(জল লইয়া চঞ্চলার প্রবেশ। সে-দৃশ্য দেখিয়া তার

হাত হইতে জলের গ্লাস পড়িয়া গেল।

চঞ্চলা মূচ্ছিতা হইল)

ফকা। জল, জল, জল—আঃ, জল গো...(চঞ্চলাকে  
তুলিয়া ধরিয়া নিজের হাতে রক্ষা করিল)

ভুজ। (আঁটিয়া ফকাকে ধরিল) না...

চঞ্চ। আঃ! (ফকার বক্ষলয় হইয়া তার পানে  
চাহিল)

ভুজ। না...(ফকাকে ধরিল)

চক্ষু। ছাড়ো . ( ভূজঙ্গিনীর হাত ছাড়াইয়া ফকাকে বেড়িয়া ধরিল )

ভূজ। না। আমার স্বামী . ( আঁকড়াইয়া ধরিল )

ফকা। হ্যাঁ, স্বামী... ( হেলিল )

চক্ষু। আমার দ্যাওর... ( ফকার হাত ধরিল )

ফকা। হ্যাঁ, দ্যাওরই তো... ( হেলিল )

ভূজ। স্বামী...

চক্ষু। দ্যাওর ..

ভূজ। কতদিন পরে স্বামীকে পেয়েচি ! আমার স্বামী...

চক্ষু। কতদিন পরে দ্যাওরকে পেয়েচি— আমার দ্যাওর...

ফকা। ভালো আলা ! ধেৎ তেরি ! [ আপনাকে ছাড়াইয়া লইয়া সবেগে প্রস্থান ; চঞ্চলা ও ভূজঙ্গিনী অবাক হইয়া পরস্পরের পানে চাহিল, অত্যন্ত হতাশভাবে। পরে

গান

উভয়ে।

ঐ যাঃ!

পালিয়ে গেছে, পালিয়ে গেছে, পালিয়ে গেছে রে!

ভূজ। আমার স্বামী...

চক্ষু। ... ...আমার দ্যাওর...

ভূজ। আমার...

চক্ষু। ... ...আমার সে!

উভয়ে। আকুল দুটা নয়নে হয়, আমায় চেয়েছে !

ভূজ। কতদিনের আশার মুকুল ফুটিয়ে তুলেচি !

চক্ষু। সন্ত-পতি-মরার আলা হয় গো, তুলেচি !

ভূজ। তোমার তরে...

চক্ষু। ... তোমার তরে

উভয়ে। ... ( পাখী ) শেকল কেটেচে !

ভূজ। ঘোবনেরি সাথী আমার, তরুণ পথিক ও...

চক্ষু। কনে-বোয়ের বন্ধু, দ্যাওর, ভাই প্রাণাধিক গো...

উভয়ে। দোটারাতে পড়ে কোথায় ভেসেছে সে রে !

[ উভয়ে উভয়ের পানে সাতিমানে চাহিল ; পরে উভয়েই প্রস্থান করিল ]

বিষ্ণুস্তক

গান

পকেট যখন ভর্তি থাকে, ফুর্তি তখন ভারী—

রঙীন সারা ছুনিয়াটা, বেড়ায় মনোহারী!

কুহমে পাই মধুপক, করে পাখীর গানে হৃদয়,

প্রিয়র মেজাজ খাসা মিঠে, কথা সরস তাঁরি !

সদাই বহে বসন্ত-বার, সবাই সেলাম জোগার এ পার...

ধরণী হয় শুধু সুখের, বন্ধুরা দেন সারি—

পকেট যখন ভর্তি থাকে ফুর্তি তখন ভারী !

পকেট যখন হা-হা করেন, একেবারেই খালি...

কাণ্ডনে হয়, জলি আসে, চাঁদে ঢালা কালি !

মেজাজ ভারী তিক্ত .. পকেট যখন রিক্ত...

প্রিয়া ঝেঁজে আছেন, তাঁর কথায় করে গালি !

বন্ধুহীন গেহ, হয়, কোথাও নাই কেহ!

বিপ্লামুখি নিয়ে শুধুই ভুলে ঘী ঢালি !

পকেট যখন হা-হা করেন, একেবারেই খালি!

একখানি চিঠি হস্তে চঞ্চলার প্রবেশ

চক্ষু। চিঠি কার এলো আবার ! ইংরিজীতে ঠিকানা লেখা। আমার নামে ! খাম ! দেখি...

লক্কাবেশী ফকারামের প্রবেশ

ফকা। রাক্তিরটা তাহলে কি পথে-পথেই কাটাতে হবে ?

চক্ষু। তা কেন ! তুমি ওর সামনে যেমন বললে, বায়োঙ্কোপে যাচ্ছ, তেমনি বায়োঙ্কোপ দেখবার নাম করেই বেরোও ; তারপর আমি ওর সঙ্গে বিনিয়ে বিনিয়ে কথা কয়ে একধারে ওকে আটকে রাখবো'খন। সেই ফাঁকে তুমি এসে চিলকোঠাতে উঠো...তারপর অবসর বুঝে আমি তোমায় এ-ঘরে নিয়ে আসবো।

ফকা। এমন করে কতদিন চালাবো ?

চক্ষু। ঐ টাকাটা যতদিন না হাতে আসে !

ফকা। যাক, মিছে আর মাথা ঘামাই কেন ! তাহলে যাত্রাই করি। ও চিঠি কার, তোমার হাতে ?

চক্ষু। পড়িনি। দেখি...( পত্র পাঠ ; পাঠান্তে চিন্তায় শিহরিয়া উঠিল )

ফকা। কি গো ? আঁৎকে উঠলে যে !

চক্ষু। পড়ে আছে ! এ যে সর্বনাশে চিঠি ! এ'টা, কি হবে এখন ?

ফকা। তুমিই পড়—আমি শুনি।

চক্ষু। তবে শোনো...( পত্র-পাঠ )

"শ্রীচরণেশু, — বৌদি-ঠাকুরাণী, অতঃপর ফকাদাদার অকস্মাৎ এই অকালান্তর সংবাদ পাইয়া ধংপয়োনাস্তি

ছঃখিত হইলাম। কিন্তু তবু একটা আনন্দের কথা এই যে দাদার আমার সজ্ঞানে ও সশরীরে গলাগাভ হওয়ার সঙ্গতি হইয়াছে। তা, আপনার এই ছঃখে কি বলিয়া আর সাধনা দিব! শীতাই আপনার শ্রীচরণে উপস্থিত হইতেছি। চেরা-পঞ্জিতে ভয়ানক শীত পড়িয়াছে। ইতি আপনার স্নেহের লক্ষণ-স্মারক শ্রীগোচন্দ্র চক্রবর্তী।”

ফকা। এ্যা...

চঞ্চ। এখন উপায়?

ফকা। খেয়েচে! তাহলে তো এ-লকার বায়োস্কোপ থেকে আর ফেরা চললো না! এই নাও প্রিয়ে, তোমার দাড়ি আর গৌফ! (কৃত্রিম দাড়ি-গৌফ খুলিয়া চঞ্চলার হাতে দিল)

চঞ্চ। এখনি না...পর গো পর। কেউ যদি এসে পড়ে! (ফকাকে দাড়ি-গৌফ প্রত্যর্পণ)

ফকা! (দাড়ি-গৌফ আঁটিয়া) এখন আমার উপায় কি হবে, শুনি? কোথায় যাবো, কি যে করবো, কিছুই বুঝতে পারচিনে।

চঞ্চ। কেন, তুমি এতে ভড়কাচ্ছে কেন! তুমি যেমন লকা আছ, তেমনিই থাকো। যে-লকা আসচে, আসুক সে! আমরা বলবো, সে জাল, এ-ই আসল।

ফকা। তা অমনি বললেই হলো! ভূজঙ্গিনী বৌ রয়েছে...

চঞ্চ। তা...(চিন্তা) ঠাখো, ওকে আমি চিনে নিয়েছি। ওকে তাহলে দলে নিতে হবে। তুমি ওর সঙ্গে মেশো, একটু মাথামাখি কর! আমার একটু বাজবে, তা বাজুক গে! কি আর হবে! লোকে যে সতীন নিয়ে ঘর করে—আমারো নয় তাই...ভাববো! তবু এ তো চিরকালের জন্তে নয়!

ফকা। যা বলেচো! তোমরা আনন্দ কর, মরতে হয় মরি আমি! একদিকে ঐ ভূজঙ্গিনী-স্ত্রী, আর একদিকে জাল-জালিয়াতির ব্যাপারে আদালত, পুলিশ! গেছি আর কি! ডাইনে-বায়ে খালি ছোবল! ..মোদ্দা, তুমি কি করলে বল দিকি! ছদিন না দেখে শুনে একেবারে টুপ করে আমার গলায় ডুবিয়ে মারলে! তার ওপর শ্রদ্ধ-শাস্তি সেরে দিয়েচো, বাঁচবার আশাটিও রাখো নি! সাধে বলে, জীবুদ্ধি প্রলয়ঙ্করী!

চঞ্চ। আহা, ব্যস্ত হচ্ছে কেন! দাঁড়াও না—মতলব একটা ঠাউরে ঠিক করি এখনি...

ফকা। ঠাওরাও, ঠাওরাও, শীগগির ঠাওরাও...আমার তো হাড়ে অবধি কাঁপুনি ধরেচে!

চঞ্চ। (চিন্তা করিয়া) হ্যা, ঠিক, ঠিক!

ফকা। কি ঠিক?

চঞ্চ। তুমি মর...

ফকা। মরবো! বেশ, নয় মলুম আবার! মরে এবার কি হবো, শুনি? লকার সেই কাবুল-ফেরৎ ঠাকুরদা?

চঞ্চ। হলে মন্দ হয় না...কিন্তু এটর্গির চোখে ধরা পড়ে যাবে।

ফকা। তবে? একটু ভেবে-চিন্তে ঠাওরাও প্রিয়ে, ফস করে একটা-কেউ হইয়ে দিয়ে না এবার।

চঞ্চ। (চিন্তা করিয়া) না, ও যেমন লকা আছো, তেমনি থাকো। একটা ফ্যাসাদ দেখলে সে-ও তো রফা করতে পারে। পড়ে-পাওয়া লাখ টাকা বৈ তো না!

ফকা। না প্রিয়ে, আমি ঐ আদালত-ফাদালতকে ভারী ভয় করি। ভূত হয়েও মাঝে মাঝে গা ছম্-ছম্ করতো ঐ পুলিশের ভয়ে—ভূত আছে শুনে যদি কোনোদিন খোঁচাতে আসে!...তা ভূত হয়ে তবু একটা আরাম কি জানো?

চঞ্চ। কি?

ফকা। ভূজঙ্গিনীর ভূজ-দংশন থেকে মুক্তি পেতুম...

চঞ্চ। তা বটে! আহা, বেচারী! যে-ভাবে তোমায় ও গ্রাস করে, দেখলে ছঃখ হয়, বটে! তা ছাড়া ঐ সময়টার আমার মনও যেন জ্বলতে থাকে! নাঃ, চারি ধারেই সমস্তা!

ফকা। এর আর মীমাংসা নেই।

চঞ্চ। হাসিও পায়! ভূজঙ্গিনী যদি সত্যিই লকার স্ত্রী হবে, তো তোমায় দেখে একেবারে ধেই-ধেই করে নেচে ওঠে কি বলে?—এ্যা! সেই মুখ, সেই চোখ, সেই হাসি, সেই কণ্ঠ! সাবাস্ মেয়ে বটে!

ফকা। ইংরাজিতে একটা সেই কথা আছে না... any port in storm, অর্থাৎ ঝড়ের সময় যেখানে পাই ঢুকে আশ্রয় নি,—তাই আর কি! কতকাল স্বামী-বিরহে জ্বরে আছে, এখন দিখা কি স্নেহের কথা তুললে যদি

এ্যাও ফস্কর—কাজেই যে আসে, তাকেই নি! এই আর কি মোদা কথাটা!

চঞ্চ। কার পায়ের শব্দ...না? ঐ যে সুর-ভূজঙ্গিনী আসছেন। পালাও, পালাও তুমি বায়োস্কোপে গেছ যে! তারপর ফাঁকতালে আমার ঘরে গিয়ে থেকে...এর পরে কথা কওয়া যাবে...(ফস্কারামের প্রস্থান)

নেপথ্যে ভূজঙ্গিনী। (সুরে) ও আমার তরুণ পথিক,  
ও আমার প্রাণের আলো...

ভূজঙ্গিনীর প্রবেশ

ভূজ। বায়োস্কোপ কখন ভাঙবে, দিদি?

চঞ্চ। কি জানি, বোন্! তবে শুনছিলুম, আজ কি না কি পরব আছে, সারা রাতই বায়োস্কোপ চলবে!

ভূজ। এ্যা!...তাহলে আজ রাতে আর জ্যোৎস্না উঠবে না, কোকিল গাইবে না, প্রাণ জাগবে না!...যাবার বেলায় বিদায় নিয়েও গেল না, দিদি! নিশ্চয়, অকারণ .

চঞ্চ। কিন্তু সে কি আর ফিরবে?

ভূজ। দিদি...(তীব্র দৃষ্টিতে চাহিল)

চঞ্চ। আমার তো সন্দেহ হচ্ছে, ভাই!...নাহলে এত দিন পরে বিদেশ থেকে এলো, আকুলা স্ত্রীকে একাকিনী ফেলে মানুষ বায়োস্কোপে যেতে পারে কখনো!...

ভূজ। দিদি, আমি চির-অভাগিনী, পতি-পাগলিনী, বিরহিনী...

চঞ্চ। সে জাল, নির্ধাত জাল। ধরা পড়ার ভয়ে বায়োস্কোপের নাম করে সরে পড়েছে।

ভূজ। না, না,—সেই মুখ, সেই চোখ, সেই হাসি, সেই কণ্ঠ!...অমন নিষ্ঠুর কথা বলো না! তুমি পতিহারা বলে...

চঞ্চ। তা নয়, ভাই। এই ঠাণ্ডো চিঠি...

ভূজ। কি হবে দিদি? পেয়ে নিধি আবার হারালুম!

চঞ্চ। আহা, চিঠিখানা পড়েই না...(পত্র প্রদান)

ভূজ। (পত্র পাঠ; চঞ্চলা তাকে নিবিষ্টভাবে নিরীক্ষণ করিতে লাগিল; চিঠি পড়িয়া স্বগতঃ) যা ভেবেছিলুম, জালই সে! এখন আবার একজন! আর এক পক্ষ!...এই চালেই—চলবো...ভড়কালে হবে না। লাগে তাক, না, লাগে ভূজ। (প্রকাণ্ডে) দিদি...

চঞ্চ। কি?

ভূজ। এ যে আমারি প্রিয়তম! এ যে ঠাটাই মূর্তি অল-অল করে ফুটে উঠচে, চিঠির এই কালো অক্ষরগুলোর মধ্য থেকে!

চঞ্চ। হাতের লেখা, নাম-সই...?

ভূজ। সব ঠিক—সব ঠিক, দিদি! এ যে, এ আমার বুকের নিধি...(পত্র বন্ধে স্পর্শ করিল ও পত্রচুষন)

চঞ্চ। তুমি অবাক করলে, বোন্...

ভূজ। কেন?

চঞ্চ। এই যদি আসল, তাহলে যে এসেচে...?

ভূজ। জাল, সে জাল!...না হলে ঠাণ্ডোনি, আমি যত কাছে কাছে ফিরি, সে তত দূরে দূরে সরে? তখন আমি বুঝেচি, এ তিনি নন! নাহলে বায়োস্কোপের নাম করে সরে!

চঞ্চ। আর—সেই মুখ, সেই চোখ, সেই হাসি, সেই কণ্ঠ,...তা...?

ভূজ। ভুল, মোহ!

চঞ্চ। আর তার পেছনে পেছনে ঘুরে তার গায়ের সেঁটে স্নাপটানো...?

ভূজ। কি করবো, দিদি! আমি যে পতি-পাগলিনী, চির-বিরহিনী...

চঞ্চ। বাঃ, বেশ!

ভূজ। আর জাল নয়, আর ভুল নয়! পেয়েচি, আমার তাকে পেয়েচি! ওগো বঁধু, ওগো আমার প্রিয়তম, নাথ, হৃদয়-বল্লভ, ছোট্ট চিঠির হাতের লেখা...(পত্র বুক লইয়া) এ তো চিঠি নয়!

গান

এ যে প্রাণের ঘরে পাখী রে!

এই যে পোটা হরফ ক'টা

এ যে তারি আঁধি রে!

লিখেচে সে কোন্ বিদেশে,—

কালির আধর! চিঠির শেষে

এই যে তারি নাম লেখাটি—

এইটি বুক রাখি রে!

ওরে আমার চিঠির লেখা,

মূর্তি হয়ে দাও গো দেখা!

আমার প্রাণে স্বপন-লেখা

হাসির হাঁচে আঁকি রে!

গীতশেষে লঙ্কাবেশী ধড়ীবাজ প্রবেশ করিল।

ভূজ। এসো, এসো প্রিয়তম... (পরে বিহ্বলভাবে ছই হাত অভ্যর্থনাচ্ছলে প্রসারিত করিয়া দিল; ধড়ী ভড়কাইয়া সারিয়া গেল)

ধড়ী। এ আবার কি! (চঞ্চলার ছই চোখ বিন্ময়ে বিস্ফারিত)

### তৃতীয় অঙ্ক

দৃশ্য—ফকরামের ঘর

[লঙ্কাবেশী ধড়ীবাজ; তার গায়ের কামিজ খুব লম্বা ও বড় মাপের; কামিজের উপর গলা-খোলা কোট, অভ্যস্ত টাইট ছিল; পেটের বোতাম সে কষিয়া আঁটিতেছিল; এবং ধড়ীবাজের পিছনে ট্রাক ও বিছানার মোট মাথায় বেয়াঙ্কেলে; চঞ্চলার সন্দেহ-কৌতূহলে-ভরা দৃষ্টিতে ধড়ীবাজকে নিরীক্ষণ। ভূজঙ্গিনী থমকিয়া স্থির দৃষ্টিতে ধড়ীর পানে কিছুক্ষণ চাহিল; পরে বিহ্বল হইল; এবং পরক্ষণে একেবারে ঝাঁপাইয়া গিয়া ধড়ীর বক্ষে পড়িল। ধড়ী উৎফুল্ল। বেয়াঙ্কেলে হতভম্ব]

ভূজ। নাথ...প্রিয়তম...দম্বিত...

ধড়ী। (একবার ফন্দী-ভরা দৃষ্টিতে চারিদিকে চাহিল; তার পর মুহূ হাসিয়া) ...এই যে জীবিতেশ্বরী, নাথ তোমার হৃদয়-তলে!—“হৃদয়ের হার তুমি লো আমার,

প্রেমে তব বাধা রব চিরদিন!

চন্দ্রাননি,

বদন তুলিয়ে হেসে কথা কয়ে

প্রবীরের জুড়াও তাপিত প্রাণ।”

আচ্ছা, তারপর আরো শোনো, প্রিয়তমে,—

“কর লো প্রত্যয়,

তোমা বিনা আমি কারু নয়!

চোখে চোখে রব, তোমারে দেখিব,

কারু পানে ফিরে নাহি চাব।

হৃদি-সিংহাসনে

যতনে তোমারে দিব স্থান।

যা আছে আমার, সকলি তোমার,

আমি লো তোমার, ধনি!”

চঞ্চ। (বিন্ময়ে নির্ঝাক ভঙ্গীতে চাহিয়া রহিল)

ভূজ। (হর্ষোৎফুল্ল ভাবে) এতদিনে মনে পড়লো...?

ধড়ী। শুন প্রিয়ে, নহি অপরাধী,

কাজের তাড়নে বরাননে

ঘরে ফেলে পলাইলু।

জানো তুমি,—

স্বৈচ্ছায় কি যেতে পারি তোমা ছেড়ে?

ওয়ারীশন-বেশে ফিরিয়াছি দেশে,

তোমারে দেখিতে প্রিয়ে ..

ভূজ। কি দারুণ বিরহে—

ধড়ী। এ তনু কি মছে...

বলো না, বলো না আর!

ভূজ। সেই মুখ, সেই চোখ, সেই হাসি, সেই কণ্ঠ!

এ কি ভোলবার! এ যে প্রাণে প্রাণে গাঁথা—

ধড়ী। নামাবলীর হরফের মত তোমার মুখও আমার

এই বুকের ভেতর ছাপা আছে, প্রেয়সি...

চঞ্চ। তাইতো, এ যে অবাক করে দিলে! তবে কি হৃজনেই ঠিক? না, হৃজনের আগে থেকেই ষড় ছিল? তা, ভগ্না ভূজঙ্গিনী, একটা কথা বলছিলুম—

ভূজ। আর কথা নয়, কথা নয়! আমি পেয়েছি, আমার তাকে পেয়েছি—

চঞ্চ। ও তো সেবারও বলেছিলে।

ভূজ। ভুল, ভুল—

চঞ্চ। আর এবারে ঠিক, ঠিক...?

ভূজ। একেবারে ঠিক।

চঞ্চ। আহা, পতি-পাগলিনী বিরহিনী—

ভূজ। আর তা নয়,—এখন পতি-পাগলিনী, সন্মিলনী!

বেয়া। তা এ বাক কি মাথায় করেই দাঁড়িয়ে থাকবো বৌদি? দোতলায় সেই পাশের ঘরে রাখি গে?

চঞ্চ। না, না, দোতলায় কেন! এই এর ঘরে, তোমাদের এই নতুন বৌদির ঘরে রাখো গে—এর আবার জিজ্ঞেস-পড়া কি!

বেয়া। না, সে নকাদাদাবাবু, এলে দোতলায় পাশের ঘরে রাখতে বলেছিলে কি না, তাই শুধুচ্ছিন্ন, সে-ও নকাদাদাবাবু, এ-ও নকাদাদাবাবু তো!

চঞ্চ। আরে ময়, এ আবার তর্ক করে!—একবার ঠকেচি, ঠকে শিখেচি, আবার ঠকবো!

বেয়া। না গো, এবারে আর ঠকা নয়, এবারে পাকা !  
চিনতে পারচো না, সেই বাণীর মত নাক...

ভুজ। সেই কাঁশির মত গলা...

ধড়ী। আর এই কাঁশির মত স্ত্রী...

চঞ্চ। এখনো তবু মাসী বাকী !

ভুজ। ( সুরে ) এই লভিনু সঙ্গ তব, সুন্দর, হে সুন্দর,  
পুণ্য হল অঙ্গ মম, ধন্য হল অঙ্গুর !

সুন্দর হে সুন্দর !

বেয়া। .( ধড়ীকে নিরীক্ষণান্তে ) এ কি রকমটা হলো ! এ নকাদাদাবাবুর চালচলনে কথায়-বার্তায় যেন ধড়ী-ধড়ী আদল আসচে না ! ব্যাপার কি ? একটু পরখ করে দেখি।—( কাছে আসিয়া জামা ধরিয়া টানিল ; ধড়ী তাহা লক্ষ্য না করিয়া ভুজঙ্গিনীর পানে চাহিয়া তার গানে তাল দিতেছিল ; বেয়াকলে তাকে মৃদু ধাক্কা দিল )

ধড়ী। চোপরাও ( বলিয়া বেয়াকলের গালে চড় দিল )

বেয়া। না, সে নয়। সে হলে কি আমার গালে এমন করে চড় মারতে পারে !

চঞ্চ। হাঁ করে দাঁড়িয়ে রইলি যে ! যা না ওগুলো নিয়ে—

বেয়া। এই যে যাই ! ( প্রস্থান )

ভুজ। এবারে খাঁটা স্বামী পেয়েচি—আর তো ছাড়বো না, চোখের আড়ও করবো না আর—

ধড়ী। আমিও নড়বো না। মাথায় টাটিই পড়ুক আর লাঠিই ঝাড়ুক, এই মাটি আঁকড়ে থাকবো—

ভুজ। গান  
আর তো তোমায় ছাড়বো নাকো  
ওগো প্রিয়, কান্ত হে—  
অনেক আশার ধন তুমি যে,  
পেয়েচি ! প্রাণ শান্ত হে !  
পথের পানে চেরে-চেরে  
কেটেচে রাত, কতই দিন !  
আমার মনের হাহাকারে  
জীর্ণ তনু, শরীর ক্ষীণ !  
সবার পানেই চেরেছি গো,  
পথের যত পাশ্বে সে !

তাকিয়ে বটে গেছে তারা,—

ধম্কে হা, কেউ খামেনি !

আমার আঁধি পলক-হারা—

এক নিমেষও নামেনি !

তবু সে যে তোমায় পাবো—

মন এ কথা মানতো হে !

[ ধড়ীবাজ গানের সময় হাসিয়া মাঝে মাঝে সায় দিতেছিল ]

ভুজ। নাথ...( আদর কাড়াইবার প্রত্যাশায় চাহিল )

চঞ্চ। ( তাকে টানিয়া সরাইয়া ) একটু সরো দিকি—  
হু-একটা কথা কইতে দাও আমায়। কে এলো কোথা থেকে, জানি আগে...

ভুজ। জানবার দরকার নেই আমার—

চঞ্চ। ভালো জ্বালা ! তা, হ্যাঁ ঠাকুরপো, খপর সব ভালো তো ?

ভুজ। নিষ্ঠুর, একখানি চিঠিও লিখতে নেই ?  
ছোট একখানি চিঠি ?

চঞ্চ। অ্যাদিন কোথায় ছিলে ? আসচো কোথা থেকে ?

ভুজ। আমার ভুলে কি করে ছিলে নাথ...!

চঞ্চ। একেবারে এমন বদলে গেছ ! চেনা যায় না মোটে !

ভুজ। কিন্তু আমি তোমায় চিনেছি নাথ...পলকে !  
সেই মুখ, সেই চোখ, সেই হাসি, সেই কণ্ঠ !

চঞ্চ। জবাব দিচ্ছ না কেন ?

ধড়ী। ( পূর্কোক্ত বিবিধ প্রসঙ্গ-কালে নানা ভঙ্গী প্রকাশ করিতেছিল ) ফুরসৎ মিলচে কৈ ! যে-রকম তোড়ে হু'জনে জিজ্ঞেস করছেন, সামলাতে পারচি না !

চঞ্চ। আচ্ছা, আগে আমার কথার জবাব দাও...

ভুজ। আমার আগে...

চঞ্চ। আমি বড় ভাজ...

ভুজ। আর আমি স্ত্রী, অর্দ্ধাঙ্গিনী...

চঞ্চ। বেশ তো, তোমার জিনিষ তোমারই থাকবে ভাই—চিরদিন রাখো...আমি তো ক্ষণেকের অতিথি !

ভুজ। হ্যাঁ, আর-বারে একটু দখল নিতে দাওনি !

তা পেলে কি সে যেতে পারে কখনো, আমার হাত পিছলে...!

চঞ্চ। ( হাসিয়া ) কিন্তু সে তো জাল—তার জন্তে আর ব্যর্থ কিসেয়! এই তো খাঁটা!

ভূজ। বুঝি দিদি, সব। তুমি বিধবা, একা, পতি-পাগলিনী, বিরহিণী...কিন্তু সে তো এই ক'দিন—তার আগে...? আমি যে আগে থেকেই এই...পতি-পাগলিনী, বিরহিণী! এখন একটু সুখের আশা হয়েছে, তাতে কেন এমন বাদ সাধচো, দিদি!

চঞ্চ। বাদও সাধিনি, হিংসেও করিনি! এই ছাখো, দূরে দাঁড়িয়ে আছি, তোমাদের কাছেও বেঁধিনি! ছুটো কথা কইতে দাও শুধু...আপন-জন আমারো তো—

ধড়ী। নিশ্চয়!

চঞ্চ। তাও এই দূরে থেকেই কথা কবো! আমার যেমন, তেমনি তোমারো তো একবার বাজিয়ে নেওয়া দরকার—বিশেষ যখন একটা অমন হয়ে গেল! শেষে এ'ও যদি জাল হয়ে চলে যায়, তুমিই ষাল হবে, আমি না।... তা ই'টা ঠাকুরপো, তবে যে: শুনেছিলুম, তুমি আসামী স্ত্রী বিয়ে করেচো!

ধড়ী। ( বিস্ময়ে ) আসামী! না, আসামী কি! তবে...ওঃ, বুঝচো না বৌদি...সে এক সময় বলবো'খন। ই'টা!... তা বিয়ে করেছি বটে! •

ভূজ। নাথ...( বিষণ্ণ )

ধড়ী। এই যে! এ কি আসামী! ইনি কি আসামী? হয়েছিলেন কখনো...?

চঞ্চ। বছর পাঁচেক হলো, তোমার মাথায় সে লাঠি মারে...

ধড়ী। বছর পাঁচেক! লাঠি! যা বলেচো বৌদি...! তুমি দেখছি, সব জেনে ফেলেচো!

চঞ্চ। ই'টা!

ধড়ী। বছর পাঁচেক আগে...ই'টা, আমি তো তখন জেলে, লাঠি মারায় নয়, একটা cheating caseএ! ( জিভ, কাটিয়া ) ধুড়ি, কি বলছি! রেল, রেল, রেল চড়ে আসামে যাচ্ছি তখন!

খোস্তা মাসীর প্রবেশ

খোস্তা। এই বে নকা, বাবা আমার, এলি রে—

ভেজাল নোস্—খাঁটা নকা আমার! গরিব মাসীকে মনে পড়লো বাবা? ( কান্না ও নাকঝাড়া )

ধড়ী। আঃ! ( সরিয়া গেল )

চঞ্চ। মাসী! নমস্কার কর...( ধড়ী প্রণাম করিল )

ধড়ী। ( প্রণামান্তে ) এ'টা, মাসী! তাইতো, তারপর মাসী...

চঞ্চ। যে-সে মাসী নয়, খোস্তা মাসী।

ধড়ী। খোস্তা মাসীই তো বটে! তা, খোস্তা মাসী, আমার নোড়া মামা ভালো আছে তো? গাম্লা দিদি? শীল দাদা? দাঁতের ব্যথা সেরেচে তার? জাঁতা মাসী... এখনো তেমনি ঘুরতে পারে? কাৎলা দিদির কান্কে কুলে জ্বর হয়েছিল, সেরেচে?...বাটলো মামার সেই কাণ-চটা? আর হাতা মাসীর হাতের বাত?

খোস্তা। ( অবাক হইয়া শুনিল; পরে অপ্রতিভ হাসি হাসিয়া ) এ'টা, এ'টা, তা, ই'টা বাবা, সব ভালো, বাবা, সব ভালো—

ধড়ী। তোমার জন্তে কি মন কেমনই করতো, মাসী! আহা, তোমার হাতের সেই নারকোল নাড়ু! ওঃ, নারকোল গাছ দেখেছি, আর কেঁদেছি যে আহা, মাসী আমার কাছে থাকলে ঐ গাছ কি রাখতো! তার আগাপাস্তলা একেবারে নাড়ুর মুণ্ডমালা ঝুলিয়ে দিত।

খোস্তা। মনে আছে বাবা, মনে আছে রে নকামণি?

ধড়ী। মনে আর নেই! বলে, তোমার সেই আদরে বপুখানি কেমন আছে, দেখচো, একটু টঙ্কায় নি! এই দ্যাখো, জামার বোতাম অঁটে না!

খোস্তা। আহা, বাছা আমার, বেঁচে থাক্—মোটা হাতী হয়ে খোড়-মোচার বংশ নির্বংশ করে গরণের খুঁটা হয়ে বসে থাক্ বাবা! তোর ভাবনা কি! কত খাবি, খা'না! তোর নাথ টাকা ঘরে এসেচে, তোর সে মাসী বেঁচে আছে, তোর খাবার ভাবনা, বাবা! বলে, মার্ব বোন্ মাসী,— খাওয়ার তপ্ত-বাসী!

চঞ্চ। এরা তো বেশ জমিয়ে তুললে, দেখছি! সব ষড় ছিল, না, এরা সব সত্যি? এ যে অবাক করে তুললে!

[ প্রস্থান ]

ভূজ। এসো নাথ...( ধড়ীকে ধরিয়া আকর্ষণ )

খোস্তা। আঃ, ছাড়ো না বাছা! একালে কি সবই

উটেটোছিরি ! আমি বলে, মাসী মরেচি যত্ন করতে ! না,  
উনি এলেন ত'দিনের বৌ, আদর জানাতে !—(টানিল)  
ভুজ। নাথ... (টানিল)

খোস্তা। এমন বেহাঙ্গাপনাও তো দেখিনি, বাছা—!  
বৌ-মাথুষ...স্বামীর নিয়ে মাসুশাঙড়ীর সঙ্গে নড়াই করতে  
নজ্জা করে না ! ওমা, ছি ছি- আমি যেন সতীন !...  
গলায় দড়ি ! এসো বাবা নকা ! (টানিল)

ভুজ। কখনো না। (টানিল)

ধড়ী। ওরে বাবা, আমি যে যাই এদিকে !

খোস্তা। ছাড়ো বৌমা, বাছাকে জিরুতে দাও ! এলো,  
হুদু বাছা আমার জিরুক ! দরদ ঠ'র উথলে উঠলো !  
আজ দিদি বেঁচে থাকলে আর এমন হয় ! ওগো দিদিগো,  
কোথায় গেলে গো...!

ধড়ী। আঃ, জামা সামলে নাক রেড়ো...মাসী কি  
যে-ই হও...

খোস্তা। আর বাবা...(টানিল)

ভুজ। এসো নাথ...(টানিল)

(উভয়ের টানাটানিতে ধড়ীর বিব্রত আধ-বুলন্ত অবস্থা ;  
এবং এইভাবেই ধড়ীবাজ, ভুজঙ্গিনী ও খোস্তা মাসীর প্রস্থান)

বিষ্ণুভূক্ত

গান

যদি কেলা ফতে করতে হয় !

যাও বাজিয়ে তুড়ি, হুমকি চালে—

কাঁচু-মাচু মোটেই নয় ! (ওগো)

সকল কাজে ধ্যে যাওয়া,

কীর্তি নিজের কেবল গুণাওয়া,

কারো পানে নয়কো চাওয়া—

নিজেই মস্ত সর্ব ময় !

জানোনা যা, তাতেও জোরে

বাজাও গলা,—সাহস কোরে !

তাক লাগিয়ে হকচকিয়ে

চলবে, ...কারে নাইকো ভয় !

সকলকে গো বানিয়ে বোকা,

কথায় ঝড়ে লাগিয়ে ধোকা...

চলবে তোকা কথা নিয়েই...

কথায় হবে বিশ্ব জয় !

চঞ্চলা ও বজ্রাবৃত ফকারামের প্রবেশ

চঞ্চ। আমি কিছু বুঝতে পারচি না। এর চালচলন  
ভারী জোরের। সত্যিই তবে এলো ! কি হবে ?

ফকা। আমি কি করি, বল ! আমি যে এক দফায়  
মরেচি, ফিরে দফায় ভেগেচি !

চঞ্চ। তার মানে ?

ফকা। নয় ? ফকা-আমি মরেচি, আর লকা-আমি  
জাল সাব্যস্ত হয়ে সরে পড়েচি।

চঞ্চ। তবে উপায় ? কি করে বোঝা যায় ? তুমি  
নাহলে হবেও না যে ! আমি হাজার হোক, মেয়েমাথুষ তো...

ফকা। সে কথা কি আমি অস্বীকার করচি !

চঞ্চ। জ্বাখো, ঐ লকা হয়েই এসো আবার। এসে  
বলো, এক বছর সঙ্গে বছকাল পরে দেখা হলো, সে ধরে  
নিয়ে গেছলো, কাজেই আসতে পারো নি !

ফকা। তারপর ? যে এসেচে, এ যদি সত্যি লকাই  
হয় ? ধরে পুলিশে দিলেই তো লকা আবার ফকা হবে,

আর ফকা হয়ে একেবারে ছাঁকা অকা, পাকা অকা ! ভূত  
হয়ে বাঁচবারো উপায় থাকবে না।

চঞ্চ। ও বললেই হলো যে, তুমি জাল লকা ? তুমি  
জোর গলায় বলবে, তুমি লকা...! আমি তোমার দিকে।

ফকা। আর ওর দিকে ভুজঙ্গিনী-প্রিয়া, খোস্তা মাসী—

চঞ্চ। তা বটে ! কিন্তু তা বলে ওকেই ভালো করে  
না দেখে-গুনে একেবারে লকা বলে মেনে নিতে হবে ! যে  
লাখ টাকার জন্তে তুমি মলে, তা পাবে না ! মাঝে থেকে  
বেঁচে-মরে একটা বিদিকিছি কাণ্ড হয়ে থাকবে...এই বা  
কি, বাপু !

ফকা। এ তো নতুন নয়, প্রিয়ে। স্ত্রীর বুদ্ধিতে যে  
স্বামী চলেচে, সেই তো এমনি বেঁচে মরে আছে !

চঞ্চ। এখন ত্বাক্রার সময় নয়, সত্যি...

ফকা। একে ত্বাক্রা বল ? নিজের বাড়ীতে নিজে  
ভূত, না, চোর হয়ে থাকা !...তুমিই তো ফ্যাসাদ বাধালে !  
লাখ টাকার সুদ পেয়ে একরকমে চলে যেতো। লাখ টাকার  
লোভে পড়ে আমিও মলুম, সঙ্গে সঙ্গে বাড়ীটাও মুসাফির-খানা  
হয়ে উঠলো !

চঞ্চ। না বাপু, আমার কিছু ভালো লাগচে না !  
ও জাল, নির্ধাৎ জাল !



ফকা। এক কাজ করা থাক্ প্রিয়ে...

চঞ্চ। কি ?

ফকা। তাকে নয় একবার ডাকাও। এই ভূত হয়েই একবার আলাপ করে দেখি। তেমন বুঝি, চেপে ধরবো !

চঞ্চ। কি করবে, শুনি ?

ফকা। তুমি তাকে ডেকে এনে জেরা শুরু কর না ! তারপর দেখো, কি করি।

চঞ্চ। বেশ, তুমি তাহলে একটু আড়াল হও ! আমি তাকে আনিচি...

[প্রস্থান

ফকা। মেয়েমানুষের বুদ্ধিতে ফন্স করে মরে ভালো করিনি ! ৩ দিন সবুর করে দেখলে হতো !...সবুর করতে দিলে না আরো ঐ পাওনাদারগুলো ! যেমনি শুনেচে, কার উইলে কি টাকা পাবো, অমনি একেবারে এই বাড়ীতেই বসতি করে তুললে !—এ-রকম অভদ্রতার মানুষ বাঁচতে পারে কখনো ! যাই, কি হয় দেখি। একটু গা টাকা দি...

[বন্ধাবৃত অবস্থায় সম্ভরণে প্রস্থান

লক্ষাবেশী ধড়ীবাজকে লইয়া চঞ্চলার প্রবেশ ; ধড়ীবাজের পিছনে ভূজঙ্গিনী, চিন্তায় কাতর, উদাস তার মূর্ত্তি।

চঞ্চ। শোনো, তুমি যে লক্ষা ঠাকুরপো হয়ে এলে, আর বাড়ীর মধ্যে চলেও বেশ গেলে, বিশেষ তোমার এই বৌয়ের কাছে। তা ও যেন তোমার বৌ, ও যেন তোমায় মেনে নিলে, কিন্তু আমরা অত চট করে তোমায় মানবো কি করে, বল ! বিশেষ যখন লক্ষা হলে লাখ মিলবে !

ধড়ী। তা মিলবেই তো...

চঞ্চ। তা আমাদের সন্দেহ ভঞ্জন কর আগে...  
( ভূজঙ্গিনীর ভাবভিনয় )

ধড়ী। বেশ, কি প্রমাণ চাই ?

চঞ্চ। তোমার মার নাম, বল ?

ধড়ী। ওঃ, এই ! ৬ বঙ্গসুন্দরী দেবী...বকাশুর চক্রবর্ত্তী মহাশয়ের কনিষ্ঠা কন্যা...

চঞ্চ। আচ্ছা, এ কথা উইলেই লেখা আছে। উইলের লাখ টাকার খপর যে জানতে পারে, এ জানাও তার কাছে সহজ। বাপের নাম ?

ধড়ী। কোন্ বাপ !

চঞ্চ। কোন্ বাপ আবার কি !

ধড়ী। শাজ্জমতে বাপ যে অনেকগুলি হয় মানুষের... অন্নদাতা, ভয়ভাতা, যশ কন্যা বিবাহিতা...তা আমার অন্ন জুগিয়েচে বরাবর নিধে উড়ে, কেননা, তার হোটেলের আমার পাত পড়েছে বিশ বছর !...তারপর ভয়ভাতা...? সে বাপ আমার পুলিশ কোর্টের তিন উকিল,—সিনিয়ার উকিল রায় বাহাদুর দীননাথ সাঁতরা, মাঝারি ষড়ানন পাঁজা, আর জুনিয়ার বাহাদুরাম পরামাণিক ! আর যশ কন্যা বিবাহিতা ? সে তো এই সামনেই একজিবিট রয়েছে।

চঞ্চ। বেশ, এর বাপের নামই বল !...ভূজঙ্গিনী, তুমি মিলিয়ে নাও—বল।

ভূজ। না, বলো না, বলতে হবে না !—স্বামী, নাথ... তাঁকে আবার প্রমাণ দিতে হবে চেনাবার জন্ত ! আমার মন বলে দেবে না যে, ওরে, এই সে ...তোর চির-জীবনের ওগো !

ধড়ী। ঠিক তো ! এর ওপর আবার প্রমাণ ? মিথ্যে সাক্ষী না হলে বুঝি প্রমাণ হয় না ? বাপ বাচারী কবে মারা গেছে—প্রমাণ চাইলে তাকে আনবো কি করে ! সে মল্লুকে আবার সফিনেও পাঠানো যাব না !

চঞ্চ। আচ্ছা—বেশ, বল, একে বিয়ে করেচো তো—বিয়ে কোথায় হয়েছে, আর বিয়ে করে বৌ নিয়ে উঠলে কোথায় ? কদিন আগেই বা বিয়ে হয়েছে ?

ভূজ। আবার !—না নাথ, তুমি জবাব দিয়ো না ! এ যে প্রেমের অপমান !

ধড়ী। দস্তরমত !—একটু ভুল হলেই,—বুলে কি না, ( ভূজঙ্গিনীর প্রতি ) তুমিও গেছ, আমিও গেছি !—হঁ, কত দিনের কথা—বলে, মাথার ওপর দিয়ে যে ঝড় বয়ে গেছে, তাতে বিয়েই ভুলে যেতে হয়, তার এ তো সেই বিয়ের সাল-তারিখ খুঁটা-নাটা !

চঞ্চ। কিন্তু আমি যে আমাদের বিয়ের সব কথা বলতে পারি, প্রত্যেক খুঁটা-নাটাটি—

ধড়ী। তবে আর মেয়ে-মানুষে পুরুষ-মানুষে তফাৎটা কি রইলো, দিদি ! আমরা কাছা-কোঁচা দিয়ে কাপড় পরি—আপনারা—তোমরা তা পরো ? তবে—? ও কথা বরং এই আমার ইস্তিরীকে জিজ্ঞাসা কর, ও একেবারে নাম্তা মুখস্থ বলে যাবে'খন।

চঞ্চ। বটে !

ফকা। পোষ্টকাৰ্ড! কাৰ চিঠি? ( চিঠি লইয়া ) বোদি-  
ঠাকুরাণী! আৰু, আবার কে আসে!

চঞ্চ। ( পত্ৰ লইয়া পাঠ; পাঠান্তে ক্ৰভঙ্গী-সহকাৰে  
ধড়ীবাজেৰ পানে চাহিল )

ফকা। কি গো, কাৰ চিঠি?

চঞ্চ। এই শোনো...( পত্ৰ পাঠ ) "পৰে বোদি, ফকা-  
দাদাৰ অকাল-মৃত্যুতে বড়ই দুঃখ হইল। কি কৰিব, সবই  
ভগবানের হাত! আমি সোমবার সকালে পৌছিব।  
ইতি মেহেৰ দেবৰ শ্ৰীলক্ষাচন্দ্র চক্রবৰ্ত্তী।"

ফকা। আবার লকা! ( ধড়ীবাজেৰ প্ৰতি ) কি হে,  
শুনচো তো?

ধড়ী। আজে শুনলুম। তা বলুন, আমায় কি কৰতে  
হবে?

ফকা। তুমি যে একেধাৰে সবিনয় নিবেদন হুয়ে গেলে  
হে! তা হলে তুমি জালই?

ধড়ী। আজে, বলেচি তো! ভদ্র লোকেৰ এক কথা!

ফকা। তোমায় তাহলে পুলিশে লেবো?

ধড়ী। ঐটি কৰবেন না শুধু! পুলিশকে আমি কেমন  
সহ কৰতে পাৰি না। তা-ছাড়া তাতে আপনारো কিছু  
মুশ্কিল হবে।

ফকা। আমায় আবার মুশ্কিল কি!

ধড়ী। আজে, আধাআধি বখরা নিতে রাজী হুয়েচেন  
কি না!

ফকা। তাতে কি?

ধড়ী। আমায় যদি ছ'মাস জেল হয়—তা হলে আধা-  
আধি বখরায় আমায় তিন মাস, আপনায় তিন মাস।

তা ছাড়া—

ফকা। তা ছাড়া আবার কি!

ধড়ী। পুলিশ-কোটে সাক্ষী দিতে যেতে হবে তো!

ফকা। হঁ! তা হলে কি কৰবে, বল দিকি...

ধড়ী। আজে, অনুমতি কৰেন যদি তো আপাতত  
বিদায় নি।

ফকা। তাৰ পর?

ধড়ী। আজে, যিনি আসচেন, তাঁকেও দেখুন, বুঝুন।  
তাঁকে সৱাতে পাৰলে খপৱ দেবেন,—সই-মাফিক বখরা  
নিতে আসবো তখন!

ফকা। বটে! আৰ যদি তিনি...

ধড়ী। না সৱেন, অভদ্ৰতা কোৱে! তা হলে এই  
পর্যন্ত। বিষয়ান্তরে মন দিতে হবে। তবে একটা কথা  
বলে যাই মশায়, যিনি আসচেন, তাঁৰ পিছনে যদি, এই  
খোস্তা মাসী আৰ নোস্তা জ্বীকে এমনি লেলিয়ে তুলতে  
পাৱেন, তা হলে তিনি ছ'দিন টেকতে পাৱবেন না।  
লাখ টাকা বেশ লোভনীয়, কিন্তু তাৰ দোৱে এই দুই মুক্তি!  
ধানাৰ পুলিশ কোথায় লাগে! আমি নেহাৎ ধড়ীবাজ, তাই  
ওদের নিয়ে খেলছিলুম! তা আপাতত: চললুম,—দেখবেন,  
বেইমানী কৰবেন না...আধা-আধিৰ বখরাদাৰ! তা হলে,  
নমস্কাৰ! ( প্ৰস্থান )

চঞ্চ। দেখলে, সৱলো। গোড়া থেকেই আমায় সন্দেহ  
হছিল, এ জাল!

ফকা। তা তো দেখলুম। মোকাদ আবার চিঠি! আবার  
লকা! কথায় বলে, বাৰে-বাৰ তিনবাৰ। তা ছ'বার  
ফকা হলো, এবাৰেৰ লকা যদি টকা হুয়ে ওঠে?

চঞ্চ। বেশ তো, তাৰ সন্দেও এই আধাআধি বখরায়  
সৰ্ত্ত কৰ! সেও যখন দেখবে, তুমি বেঁচে আছ, মরোনি,  
তখন কবে সেই লাখ টাকা পাবো বলে বসে না থেকে সথ  
অৰ্ছেকে রাজী হতে পাৰে তো! আৰ যদি জাল হয়...

ফকা। কিন্তু আমি তো বেঁচে নেই, প্ৰিয়ে...

চঞ্চ। কি রকম?

ফকা। তাৰ পর বাঁচাও শক্ত এখন। জলজ্যান্ত  
জলে ডুবে মৰেচি, পাঁচজনে শাড়ি লুচি ছোলাৰ ডাল খেয়ে  
গেছে, তাৱা তো আৰ জাল নয়, তাৱা আমায় আবার বাঁচা  
মেনে বেইমানী কৰবে কি কৰে, বল?

চঞ্চ। তাইতো ( চিন্তা )! তা এক কাজ কৰলে হয় না?  
না—তা—আচ্ছা, ভেবে দেখি।...যেমন ফস্ কৰে মৰে  
ছিলে, তেমনি ফস্ কৰে বাঁচা চাই! পরামৰ্শ কৰা যাবে  
এখনি।...এখন এ চিঠিৰ কথা পিসেমশায়কে একবাৰ  
জানাই। এবাৰকার লকার সন্ধে তিনি এসে বোঝাপড়া  
করুন।

ফকা। বেশ। তা হলে ভুতেরও এবাৰ গয়া!

চঞ্চ। হঁ্যা, এখন সৱ, কাৱা আসচে।

( উভয়েৰ প্ৰস্থান )



চঞ্চ। ছ'বার ঐ বলে ঠকেচো বোন! এবারে যাত্রা বদলাও!

ভুজ। বারে-বার তিনবার! এবার আর ভুল নয়, মোহ নয়...

চঞ্চ। এবারে খাঁচী...না?

ভুজ। নিশ্চয়, নিষ্ঠুর...

লক্ষা। আরে দূর, কি এ! শুধুন তবে, সুন্দরী, আমি কশ্মিনকালেও বিয়ে করিনি।

ভুজ। কমলা লেবুর তীব্র গন্ধে এ কি বিশ্বাস, নাথ!

লক্ষা। শরশাস্ত্রে ভুল হচ্ছে। বিশ্বাস নয়, বিশ্বাস, বেবাক বিশ্বাস! কমলালেবুর চাষ যিনি করেছেন, তাঁকে চান যদি তো আসামের ক্ষেতে গন্ধান করুন গে।

ভুজ। সেই পরিহাস, সেই ব্যঙ্গ!

লক্ষা। ব্যঙ্গ নয়! আপনার রঙ্গ দেখে, অঙ্গ আমার ভয়ে শিউরে উঠচে!

ভুজ। নাথ...

লক্ষা। আবার! আচ্ছা, ফিরিস্তি দি, শুধুন! দশ বছর তো আমি দেশ-ছাড়া। প্রথম বছরে ঘুগনিদানার ব্যবসা করে ছ'শো সাতান্ন টাকা লোকসান, আর বাজারে তিনশো বারো টাকা দেনা করে সরে গেলুম শিবপুর। সেখানে বাইসিক্ল-সারাবার দোকান ফাঁদি, এগারোটটি টাকা মূলধন নিয়ে। ছ'খানা চোরাই সাইক্লের গন্ধে পুলিশ এলো, ভাঙা বেড়া টপকে আমি লম্বা দিলুম.. ছগলিতে। পকেটে ছিল, এক টাকা সাত আনা তিন পয়সা। তাতেই ষ্টেশনারীর দোকান খুললুম। একদিন চুরি হলো। দোকানের পাপোষের তলায় সাড়ে তিনটে পয়সা পড়ে ছিল, চোর-ব্যাটার দর নজর পড়েনি! তাই ট্যাঙ্ক করে গেলুম সহর বর্ধমান। সেখানে পুরোনো বইয়ের দোকান খুললুম। সেখানেও এক চোরাই হাজারে পড়লুম! মবলগ তিন টাকা সাড়ে সাত পয়সা নিয়ে বর্ধমান ছাড়লুম। ছেড়ে চলে এলুম টালায়...

চঞ্চ। টালায়!

লক্ষা। টালায় এসে কমলার দোকান খুললুম, এক অংশীদার নিয়ে। বনছিল না। মাল আনবো বলে দোকানের চারশো টাকা নিয়ে লম্বা দিলুম। দিয়ে উঠলুম গিয়ে যশোর। সেখানে এক স্বদেশী ইনসিওরেন্সের এজেন্ট হয়ে নানা দেশ-ভূঁই ঘুরে পর্যস-কড়ি আদায় করে খেয়ে বেড়াচ্ছিলুম। এই

ঘুরতে-ঘুরতেই শেষ আসি চাটগাঁয়। সেখানে পুলিশ ঠেঙিয়ে অজ্ঞাতবাস করার সময় ঐ মুড়ির ঠোঙার এটর্শির নোটিশ দেখলুম!...বল তো বাপু, এর মধ্যে বিয়ের ফুরসত পেলুম কখন!

চঞ্চ। সত্যি, তাহলে তোমার তো আর এখানে কোনো আশা দেখি নে!

ভুজ। ওঃ! (দীর্ঘশ্বাস)

চঞ্চ। আর ছাখো ঠাকুরপো, আর-কিছুতেও যদি তোমায় এঁর মাসতুতো ভাই বলে না চিনতুম, তোমায় এই ব্যঙ্গের বাতিকে ঠিক চিনে ফেলতুম যে, হ্যাঁ, এ আর নতুন নয়, এঁরি চিরকালে পুরোনো স্মরণ্য মাসতুতো ভাই!

লক্ষা। বটেই তো! (ভুজঙ্গিনীর প্রতি) তাহলে আর মিছে দাঁড়িয়ে থাকেন কেন! বিশাল সহর কলকাতা... আর কেউ না হোক—মাসিক-পত্র কবিতা-লেখা কবির অভাব নেই...চেপ্টা করুন...তারা লুফে নেবে'খন! আমার দ্বারা কোনো সাহায্য হবে না। মাপ করবেন।

ভুজ। হা রে হতভাগিনী, পতি-পাগলিনী বিরহিণী! কি যে বেদনা বক্ষে...

চঞ্চ। জমাদারীকে বলে একটু চুল আর একটু হলুদ চেয়ে নাও গে—ছটোয় মিশিয়ে প্রলেপ দাও...সেরে যাবে।

ভুজ। ওঃ তাই পরিহাস! দরদ নাই?...যাহ! ওঃ!... তা আমার একটা গাড়ী আনিয়ে দেবেন তাহলে, আর ভাড়াটা...

লক্ষা। এই যে ভাড়া আমি দিচ্ছি। (ছইটি টাকা ফেলিয়া দিল) আর গাড়ী? (বেয়াকৈলেকে দেখিয়া) এই যে—কে রয়েছে! যা তো বাবা, চটপট একটা গাড়ী দেখে দে!

বেয়া। (ফন্দা-ভরা দৃষ্টিতে চাহিয়া ঘাড় নাড়িল)

ভুজ। ওঃ! আঃ! (স্বরে)

মাধব, পরিণাম নিরাশা!

বিফল এ রূপ হারে, তন্-মন্-যৌবন,

বিফল, বিফল ভালোবাসা! [প্রস্থান

[বেয়াকৈলের তৎসঙ্গে প্রস্থান।

জমাদারীর প্রবেশ

জমা। পিসেমশায় গো দিদিমণি—সেই জালা পিণির...





# বর্ণাশ্রমধর্ম এবং ভারতবর্ষের অধোগতি

শ্রীবসন্তকুমার চট্টোপাধ্যায় এম-এ

( আলোচনা )

শ্রীযুক্ত প্রসন্নকুমার সমাদ্দার মহাশয় শ্রাবণ মাসের 'ভারতবর্ষে' যে প্রবন্ধটি লিখিয়াছেন তাহা পড়িলাম। তিনি যে কষ্ট করিয়া আমার প্রবন্ধটি পড়িয়াছেন এবং আমার ভুল দেখাইতে যত্ন করিয়াছেন, এজন্য আমার কৃতজ্ঞতা জানাইতেছি। তর্ক দ্বারা তাঁহাকে পরাস্ত করিবার জন্য আমি বর্তমান প্রবন্ধটি লিখিতেছি না। এ বিষয়ে কিঞ্চিৎ আলোচনা করিলে আমাদের উভয়েরই সত্য নির্ণয়ে কিছু সাজঘা হইতে পারে, এই ধারণায় আমি আরও কিছু বলিতে উত্তত হইতেছি।

যাহারা কিছুই মানেন না, তাঁহাদের সহিত তর্ক করা কঠিন। সৌভাগ্যক্রমে প্রসন্নবাবু সেরূপ নহেন দেখিলাম। ভগবান শ্রীকৃষ্ণ গীতাতে যে সকল অমূল্য উপদেশ দিয়াছেন, তিনি তাহা শিরোধার্য্য করেন বলিয়া বোধ হইল। অপরিমিত জ্ঞানের আধার এবং সর্বভূতহিতেরত মহর্ষি মনুর প্রতিও তাঁহার যথেষ্ট আস্থা আছে দেখা যায়। কিন্তু মনুসংহিতা পড়িলে কোন সন্দেহ থাকিতে পারে না যে, মনু জন্ম দ্বারা বর্ণ নির্ণয় করিবার বিধান দিয়াছেন। দ্বিতীয় অধ্যায়ের ৩০ শ্লোকে মনু বলিয়াছেন যে, জন্মের পর দশম বা দ্বাদশ দিবসে সন্তানের নামকরণ করিতে হয়। কিরূপ নাম রাখা উচিত, এ বিষয়ে পরবর্ত্তী শ্লোকে বলিয়াছেন,

মঙ্গল্যং ব্রাহ্মণস্ত স্ত্রীং ক্ষত্রিয়স্ত বলাশ্চিতং।

বৈশ্বস্ত ধনসংযুক্তং শূদ্রস্ত তু জুগুপ্সিতম্ ॥২।৩১

ব্রাহ্মণের নাম মঙ্গলমুচক, ক্ষত্রিয়ের নাম বলমুচক ইত্যাদি হইবে। যদি জন্মের দ্বারা বর্ণ নির্ণয় না করিয়া স্বভাব চরিত্র দ্বারা বর্ণ নির্ণয় করা হয়, তাহা হইলে জন্মের পর দশম বা দ্বাদশ দিনে কিরূপ নাম রাখা যাইবে? পরবর্ত্তী শ্লোকে মনু বলিয়াছেন,

শর্মবদ্ব্যাহ্মণস্ত স্ত্রীদ্রাজ্ঞো রক্ষা সমধিতম্ ইত্যাদি।  
ব্রাহ্মণের নামের শেষে শর্ম থাকিবে ইত্যাদি। জন্মের

দ্বারা বর্ণ নির্ণয় না হইলে এই নিয়ম কি করিয়া অনুসরণ করা যাইবে?

উপনয়ন সম্বন্ধে মনু বলিয়াছেন,

গর্ভাষ্টমেহন্ধে কুবীত ব্রাহ্মণস্তোপনায়নম্।

গর্ভাদেকাদশে রাজ্ঞো গর্ভাতু দ্বাদশে বিশ্ণুঃ ॥২।৩৬

গর্ভের বর্ষ হইতে অষ্টম বর্ষে ব্রাহ্মণের উপনয়ন হইবে, একাদশে ক্ষত্রিয়ের, দ্বাদশে বৈশ্বের। জন্ম দ্বারা বর্ণ নির্ণয় না করিলে অষ্টম বৎসর বয়সে বালকের স্বভাব চরিত্র পর্যালোচনা করিয়া সে ব্রাহ্মণোচিত গুণযুক্ত হইবে কি না নির্ণয় করা সম্ভব হয় কি? ক্ষেত্রবিশেষে মনু আরও অল্প বয়সে উপনয়নের বিধান দিয়াছেন।

ব্রহ্মর্চন কামস্ত কার্য্যং বিপ্রস্ত পঞ্চমে।

রাজ্ঞো বলাশ্চিনঃ ষষ্ঠে বৈশ্বস্তোহর্চিনোহষ্টমে ॥২।৩৭

যদি ব্রহ্মর্চন ইচ্ছা করা যায়, তাহা হইলে ব্রাহ্মণের পঞ্চম বৎসর বয়সে উপনয়ন দিবে ইত্যাদি। জন্ম দ্বারা বর্ণ নির্ণয় না করিলে ইহা কি করিয়া সম্ভব হয়?

বিবাহ প্রসঙ্গে মনু বলিয়াছেন,

সবর্ণাগ্রে দ্বিজাতীনাং প্রশস্তা দারকর্মণি ৩।১২

ব্রাহ্মণাদি দ্বিজাতীর বিবাহে সমান বর্ণের স্ত্রী গ্রহণ করা প্রশস্ত। স্ত্রীর বর্ণ যদি জন্ম দ্বারা নির্ধারণ করা না হয়, তাহা হইলে কিরূপে নির্ধারিত হইবে? একরূপ নিয়ম তা হওয়া অসম্ভব—যে স্ত্রী বেদ পাঠ করিবে তাহার বর্ণ ব্রাহ্মণ হইবে, যে যুদ্ধ করিবে তাহার বর্ণ ক্ষত্রিয় হইবে; বিশেষতঃ যখন মনু অষ্টম বা দ্বাদশ বৎসর বয়স্ক কস্তার বিবাহের বিধি দিয়াছেন ( মনু ৯ অধ্যায় ৯৪ শ্লোক )। এই সকল দেখিয়া বেশ স্পষ্ট বুঝিতে পারা যায় যে, মনু জন্ম দ্বারা বর্ণ নির্ণয় করিবার বিধান দিয়াছেন। যদি তথাপি কোন সন্দেহ থাকে, তাহা হইলে দশম অধ্যায়ের ৫ম শ্লোক দেখিলে আর কোনও সন্দেহ থাকিতে পারে না। সে শ্লোক এইরূপ—

সব বর্ণেষু তুল্যান্ন পদ্বীষ কৃতযোনিবু ।

আনুলোমোন সংকৃত্তা জাযা জ্ঞেয়ান্ত এব তে ॥১০।৫  
সকল বর্ণ সমান বর্ণের স্ত্রীতে যে সকল সন্তান উৎপাদন করে তাহারা পিতামাতার বর্ণ প্রাপ্ত হয় ।

জন্ম দ্বারা বর্ণ নির্ণয় না করিয়া স্বভাব চরিত্র দ্বারা বর্ণ নির্ণয় করিতে হইলে, অনেকগুলি প্রশ্ন উঠে—কে এই ভাবে বর্ণ নির্ণয় করিবে? রাজা, না, কোনও জ্ঞানী ব্যক্তি, না, কোন সমিতি? কত বয়সে এইরূপে বর্ণ নির্ণয় করা হইবে? এই ভাবে বর্ণ নির্ণয় করিবার কথা কোথাও শোনা যায় না। প্রত্যুত মন্বাদি স্মৃতিশাস্ত্রে আপদ্‌ধর্মের ব্যবস্থা দেখিয়া বোঝা যায় যে, কোন বর্ণ অপর বর্ণের কর্ম করিলেও তাহার বর্ণ পরিবর্তন হইত না।

প্রসন্নবাবু বলিয়াছেন, “জন্ম মাত্রেই কেহ কোনও বর্ণবিশেষ লাভ কর্তে পারে না। মহর্ষি মনুও বলে গিয়েছেন “জন্মনা জায়তে শূদ্ৰ” ইত্যাদি।” আমরা পূর্বে দেখাইয়াছি যে জন্মমাত্রই মানুষ একটা বিশেষ বর্ণলাভ করে—মহর্ষি মনু এ কথা খুব স্পষ্ট ভাবে বলিয়াছেন। “জন্মনা জায়তে শূদ্ৰঃ” এই শ্লোকটি মনুসংহিতাতে খুঁজিয়া পাইলাম না। প্রকৃতিবাদ অভিধানে “দ্বিজ” শব্দের নীচে নিম্নলিখিত শ্লোকটি উদ্ধৃত দেখিলাম :

জন্মনা ব্রাহ্মণো জ্ঞেয়ঃ সংস্কারাৎ দ্বিজ উচ্যতে ।

বিষ্ণুয়া যাতি বিপ্রত্বঃ ত্রিভিঃ শ্রোত্রিয় উচ্যতে ॥

এ শ্লোক হইতে জানা যায় যে, ব্রাহ্মণের পুত্র জন্মমাত্রই ব্রাহ্মণ হয়; কিন্তু উপনয়ন সংস্কারের পূর্বে দ্বিজ হয় না। সুতরাং এই শ্লোক প্রসন্নবাবুর মত সমর্থন করে না।

অতঃপর দেখা যাউক, বর্ণাশ্রমধর্ম সম্বন্ধে ভগবান শ্রীকৃষ্ণের কিরূপ অভিমত। শ্রীকৃষ্ণের মতে কি মনুষ্যের বর্ণ তাহার জন্ম দ্বারা নির্দিষ্ট হইবে এবং সেই বর্ণের বিহিত কর্ম অনুষ্ঠান করিবে? না, তিনি বলেন যে, মনুষ্যের প্রবৃত্তি এবং যোগ্যতার দ্বারা তাহার বর্ণ নির্দিষ্ট হইবে। মহাভারতের সময় এবং তাহার পূর্বে রামায়ণের সময় যে জন্ম দ্বারা বর্ণ নির্দিষ্ট হইত, তাহাতে কোন সন্দেহ নাই। এই প্রশ্না যে নিন্দনীয়, শ্রীকৃষ্ণ কোথাও এ কথা বলেন নাই। ভগবদ্গীতার মূল কথা এই—অর্জুন ক্ষত্রিয়, ধর্মযুদ্ধ করাই তাহার কর্তব্য,—ক্ষত্রিয়ের কর্ম যুদ্ধ ত্যাগ করিয়া ব্রাহ্মণের কর্ম তিক্কাবৃত্তি তাহার গ্রহণ করা উচিত

নহে। শাস্ত্রবিহিত ধর্মের বিরুদ্ধাচরণ করা মূরের কথা, শ্রীকৃষ্ণ শাস্ত্রবিহিত ধর্মের রক্ষাকর্তা রূপে অবতীর্ণ হইয়াছিলেন। ধর্মশাস্ত্রের উপর তাঁহার গভীর শ্রদ্ধা ছিল। গীতার নিম্নলিখিত দুইটি শ্লোক হইতে তাহা বোঝা যায়।

যঃ শাস্ত্রবিধিমুৎসৃজ্য বর্ততে কামকারতঃ ।

ন স সিদ্ধি মবাপ্নোতি ন সুখং ন পরাং গতিং ॥

তস্মাচ্ছাস্ত্রং প্রমাণং তে কার্যা কার্যা ব্যবস্থিতৌ ।

জ্ঞাত্বা শাস্ত্র বিধানোক্তং কর্ম কর্তু মিহাইসি ॥

১৬ অধ্যায় ২৩, ২৪ শ্লোক

“যে শাস্ত্রবিধি ত্যাগ করিয়া নিজের ইচ্ছা অনুসারে কর্ম করে সে সিদ্ধিলাভ করে না, সুখ পায় না, এবং মোক্ষলাভ করে না। কোন্ কর্ম কর্তব্য এবং কোন্ কর্ম কর্তব্য নহে, এ বিষয়ে শাস্ত্রই প্রমাণ। শাস্ত্রের বিধান জানিয়া তোমার কর্ম করা উচিত।”

সকল শাস্ত্রেই আছে যে জন্ম দ্বারা বর্ণ নির্দিষ্ট হয়। সকল স্মৃতিশাস্ত্রের শ্রেষ্ঠ মনুসংহিতা হইতে শ্লোক তুলিয়া আমরা দেখাইয়াছি যে, মনু এ কথা স্পষ্ট ভাবে বলিয়া গিয়াছেন। ভগবান শ্রীকৃষ্ণও গীতাতে বলিয়াছেন—

সহজং কর্ম কৌশ্লেয় মদোষমপি ন ত্যজেৎ

সর্বরস্তা হি দোষণে ধুমেনাগ্নিরিবাবৃত্তা ।১৮।৪৮

“হে অর্জুন, জন্মের সহিত যে কর্ম উৎপন্ন হইয়াছে, তাহা দোষযুক্ত হইলেও ত্যাগ করিবে না। অগ্নি যেরূপ ধূম দ্বারা আবৃত থাকে সেইরূপ সকল কর্ম দোষ দ্বারা আবৃত থাকে।”

ইহা হইতে বুঝিতে পারা যায় যে, মনুষ্যের জন্ম দ্বারা তাহার বর্ণ নির্দিষ্ট হইবে ইহাই শ্রীকৃষ্ণের অভিমত। কারণ, এই শ্লোকে তিনি বলিলেন যে, প্রত্যেক মানুষের যে কর্ম কর্তব্য, তাহা তাহার জন্মের সময়ই ঠিক হইয়া যায়। কর্তব্য কর্ম কি, তাহা তিনি পূর্ববর্তী শ্লোকগুলিতে বলিয়াছেন—ব্রাহ্মণের কর্ম শম দম তপশ্চা ইত্যাদি, ক্ষত্রিয়ের কর্ম যুদ্ধ, বৈশ্যের কর্ম কৃষিবাণিজ্য এবং শূদ্রের কর্ম দ্বিজাতি সেবা। এখন এই সকল কর্ম যদি মানুষের জন্মের সময়ই নির্ধারিত হইয়া যায়, তাহা হইলে মানুষের বর্ণও জন্মের সহিত নির্ধারিত হয় বলিতে হইবে। জন্ম দ্বারা যদি বর্ণ নির্দেশ করা না হয়, তাহা হইলে কে প্রত্যেক মানবের স্বভাব বিচার করিয়া তাহার বর্ণ নির্দেশ করিয়া দিবে,—রাজা, না কোন জ্ঞানী ব্রাহ্মণ?—



এ কথা **শ্রীকৃষ্ণ** কোথাও কিছু বলেন নাই। দ্রোণাচার্য্য এবং তাঁহার পুত্র অশ্বথামা যুদ্ধ-ব্যবসায় গ্রহণ করিয়াছিলেন। অতএব জন্ম দ্বারা যদি তাঁহাদের বর্ণ নির্দেশ না করিয়া স্বভাবের দ্বারা বর্ণ নির্দেশ করা হয়, তাহা হইলে তাঁহাদিগকে ব্রাহ্মণ না বলিয়া ক্ষত্রিয় বলা উচিত। কিন্তু অশ্বথামা যখন গুপ্তভাবে শিবিরে প্রবেশ করিয়া দ্রোণদীর পুত্রদিগকে হত্যা করেন এবং অর্জুন যখন তাঁহাকে কি শাস্তি দিবেন এ কথা **শ্রীকৃষ্ণ**কে জিজ্ঞাসা করেন, তখন **শ্রীকৃষ্ণ** বলিয়া-ছিলেন, “অশ্বথামা ব্রাহ্মণ। ব্রাহ্মণকে কখনও বধ করা উচিত নয়। উহার মাথার মণি কাটিয়া উহাকে ছাড়িয়া দাও।” **শ্রীকৃষ্ণ** ত এমন কথা বলিলেন না যে অশ্বথামা প্রকৃতপক্ষে ক্ষত্রিয়, তাহাকে বধ করিতে পার। গীতার ৩য় অধ্যায় ২৪ শ্লোকে ভগবান বলিতেছেন—

উৎসৌদেয়ুরিমে লোকাঃ ন কুৰ্যাৎ কৰ্ম চেদহং ।

সঙ্করস্ত চ কৰ্ত্তা স্ৰামুপহৃন্তা ইমা প্রজাঃ ॥

“আমি যদি কর্ম না করি তাহা হইলে পৃথিবী উৎসন্ন যাইবে; বর্ণসঙ্কর উৎপন্ন হইবে এবং প্রজারা নষ্ট হইবে।” জন্ম দ্বারা বর্ণ নির্দেশ না করিলে বর্ণসঙ্করের কথাই উঠিতে পারে না। স্বামী ও স্ত্রীর বর্ণ ভিন্ন হইলে সন্তানকে বর্ণসঙ্কর বলা যায়। স্বামীর বর্ণ জন্ম দ্বারা নির্দেশ না করিয়া তাঁহার কর্ম দ্বারা নির্দেশ যেন করা গেল; কিন্তু স্ত্রীর বর্ণ কর্ম দ্বারা নির্দেশ করা যায় না ইহা পূর্বে বলিয়াছি।

জন্ম দ্বারা বর্ণ নির্দেশ না করিলে ইহা বলা যায় না—  
অমুক লোকের ইহা নির্দিষ্ট এবং কর্তব্য কর্ম। প্রসন্নবাবু বলিয়াছেন, যাহার যা ইচ্ছা কর্ম করুক; সেই কর্ম দ্বারা প্রত্যেকের বর্ণ নির্দেশ করা যাইবে। **শ্রীকৃষ্ণ** কিন্তু বলিয়াছেন, যাহার যে বর্ণ সেইরূপ কর্ম করা তাহার উচিত। এজন্য চারি বর্ণের কর্ম নির্দেশ করিয়া ভগবান বলিয়াছেন,—

শ্রেয়ান্ স্বধর্মো বিণ্ডগঃ পরধর্মাৎ স্বস্থিতিত্বে ।

স্বভাব নিয়তং কর্ম কুৰ্ব্বন্নাপ্নোতি কিল্বিং ॥ ১৮।৮৭

“পরের ধর্ম (বা কর্তব্য কর্ম) ভাল করিয়া করা অপেক্ষা, নিজের ধর্ম খারাপ করিয়া করাও ভাল। নিজের স্বভাব দ্বারা যে কর্ম নির্দিষ্ট হইয়াছে সে কর্ম করিলে পাপ হয় না।”

তাহার পরেই ভগবান বলিয়াছেন—

সহজং কর্ম কোন্তের সদোধমপি ন ত্যজেৎ ।

সর্বাসন্তাহি দৌষণে ধূমে নাগ্নিরিবাবৃত্যঃ ॥

(অমুবাদ পূর্বে দেওয়া হইয়াছে)

জন্ম আকস্মিক ঘটনা নহে, প্রত্যেক ব্যক্তি নিজ কর্ম এবং প্রবৃত্তি অনুসারে জন্মলাভ করে, ইহা বিশ্বাস করিলে জন্ম দ্বারা বর্ণ নির্দেশ হওয়া অনুচিত মনে হইবে না।

এই সকল কথা যদি মনে রাখা যায়, তাহা হইলে প্রসন্নবাবু গীতার যে শ্লোক উদ্ধার করিয়াছেন, তাহার প্রকৃত অর্থ সহজেই গ্রহণ করা যায়।

“চাতুবর্ণ্যাং ময়া সৃষ্টং গুণকর্ম বিভাগশঃ।” গুণ এবং কর্মের বিভাগ দ্বারা ভগবান চারিবর্ণ সৃষ্টি করিয়াছেন। ব্রাহ্মণের সত্ত্বগুণ প্রধান; তাহার কর্ম শয় দম তপ আদি। ক্ষত্রিয়ের সত্ত্বমিশ্রিত রজোগুণ প্রধান; তাহার কর্ম যুদ্ধ। বৈশ্যের তমোমিশ্রিত রজোগুণ প্রধান; তাহার কর্ম কৃষি, বাণিজ্য। শূদ্রের রজোমিশ্রিত তমোগুণ প্রধান; তাহার কর্ম শুল্ক। এই বর্ণাশ্রম ধর্ম কোনও মনুষ্যের কীর্তি নহে। স্বয়ং ভগবান এই ব্যবস্থা করিয়াছেন। অনাদিকাল হইতে ইহা চলিয়া আসিয়াছে। এখানে ভগবান স্পষ্ট করিয়া বলিলেন না বটে যে, যে ব্যক্তি যেরূপ কর্ম করে, যাহার যেরূপ প্রবৃত্তি সে সেইরূপ জন্মলাভ করে, এবং সেই জন্ম দ্বারা তাহার বর্ণ নির্দিষ্ট হয়। কিন্তু ভগবান অগুত্র যে সকল কথা বলিয়াছেন এবং যেরূপ কার্য্য করিয়াছেন, তাহার সহিত সামঞ্জস্য রাখিয়া অত্র কোনরূপ অর্থ করা যায় না। ফলতঃ, প্রসন্নবাবু বর্ণাশ্রম ধর্ম এবং জাতিভেদের মধ্যে যে পার্থক্য বলিয়াছেন, বাস্তবিকপক্ষে সে রূপ কোন পার্থক্য নাই। ভারতবর্ষে কখনও কোনও কালে যে বর্ণ জন্ম দ্বারা নির্দিষ্ট হইত না, জন্মের কথা বিবেচনা না করিয়া প্রত্যেক ব্যক্তির স্বভাব এবং কর্ম দ্বারা বর্ণ নির্ধারিত হইত, ইহা আমাদের জানা নাই। প্রসন্নবাবু এ বিষয়ে কোন প্রমাণ দেখাইলে বিশেষ বাধিত হইব।

প্রসন্নবাবু বলেন, জাতিভেদ প্রথার ফলে সমাজের উচ্চ জাতি নিম্ন জাতিকে ঘৃণা করে। কিন্তু ঘৃণার কথা জাতিভেদের মধ্যে কোথাও নাই। নিষ্ঠাবতী বিধবা রমণী আহার করিবার সময় আত্মীয় বালককেও স্পর্শ করেন না; কিন্তু তাই বলিয়া তিনি বালককে ঘৃণা করেন না। কোন

কোন ইংরেজ জাতিভেদ মানেন না; নিম্ন জাতীর কুলির হাতে জল খাইতে কাহারও আপত্তি নাই; কিন্তু কুলি পাখা টানিতে শৈথিল্য করিলে পদাঘাতে পীড়া ফাটাইতে ইতস্ততঃ করেন না এমন ইংরেজ প্রভুও দেখা যায়। রায়বাহাদুর যতীন্দ্রমোহন সিংহের লেখায় এই বুদ্ধিটি পড়িয়াছিলাম। তিনি দেখাইয়াছিলেন, আহার বিষয়ে সংঘমবিধি ঘৃণার উপর প্রতিষ্ঠিত নহে। যথেষ্ট আহার বিহার না করিয়া সকল বিষয়ে বিধি-নিষেধ মানিয়া চলিলে চরিত্রবল দৃঢ় হয়। অল্প সকল বিষয় অপেক্ষা আহার বিষয়ে স্বাভাবিক প্রবৃত্তি সংযত করা বেশী প্রয়োজনীয়। জাতিভেদের দোহাই দিয়া যেখানে ঘৃণা এবং অত্যাচার প্রচলিত হইয়াছে, সেখানে সেই ঘৃণা এবং অত্যাচার উঠাইয়া দেওয়াই সমীচীন; কিন্তু এ কারণে জাতিভেদ উঠাইবার চেষ্টা করা বুদ্ধিযুক্ত নহে। মহাত্মা গান্ধীও এইরূপ পন্থাই গ্রহণ করিয়াছেন। দক্ষিণ ভারতে নিম্নশ্রেণীর উপর যে অত্যাচার হয়, তাহার জন্ত জাতিভেদ দায়ী নহে। জাতিভেদ প্রথার মূল কথা এই যে, চারি বর্ণ ভগবানের বিভিন্ন অঙ্গ হইতে উৎপন্ন হইয়াছে। এই মূল কথা মানিলে কোন বর্ণকে ঘৃণা করা চলে না। মনুও স্পষ্ট করিয়া বলিয়াছেন যে, চারি বর্ণ ছাড়া পঞ্চম বর্ণ নাই। কিন্তু দক্ষিণ ভারতে এই চারি বর্ণ ছাড়া এক “পঞ্চম” বর্ণের সৃষ্টি করিয়া তাহাদের উপর সামাজিক অত্যাচার হইয়া থাকে। শাস্ত্র অনুসারে শূদ্রের উপর অত্যাচার করা যায়

না; এই জন্তই দক্ষিণ ভারতে অশাস্ত্রীয় পঞ্চম বর্ণের সৃষ্টি হইয়াছে। অতএব দক্ষিণ ভারতে নিম্নজাতির উপর যে অত্যাচার হয়, তাহার জন্ত জাতিভেদকে দায়ী করা যায় না। যে দেশে জাতিভেদ নাই, সেখানেও এরূপ অত্যাচার হয়। দক্ষিণ আফ্রিকাতে জাতিভেদ নাই, কিন্তু সেখানেও কৃষ্ণবর্ণের উপর অত্যাচার হয়, এবং সে অত্যাচার দক্ষিণ ভারতে নিম্নশ্রেণীর উপর যে অত্যাচার হয় তাহা অপেক্ষা বেশী গর্হিত এ কথা মহাত্মাজি বলিয়াছেন।

প্রসন্নবাবু লিখিয়াছেন যে, জাতিভেদের ফলে “আমাদের সমাজের ভিতর জাতীয় শক্তিকরকারী অস্ত্রবিপ্লবের সৃষ্টি হয়েছে।” কিন্তু রবীন্দ্রনাথের যে প্রবন্ধ আমরা আলোচনা করিতেছি, তাহাতে তিনি লিখিয়াছেন যে, জাতিভেদের ফলে আমাদের সমাজে শান্তি আছে এবং জাতিভেদ নাই বলিয়া পাশ্চাত্য সমাজে সর্বদা অস্ত্রবিপ্লবের চেষ্টা চলিতে থাকে। রবীন্দ্রনাথ বলিয়াছেন যে, সমাজে কতকগুলি লোকের হীনবৃত্তি অবলম্বন না করিলে চলে না, এবং কে হীনবৃত্তি অবলম্বন করিবে তা’ “রাজ-শাসনে যদি পাকা করা হ’ত তা হ’লেও তার মধ্যে দাসত্বের অবমাননা থাকত এবং ভিতরে ভিতরে বিদ্রোহের চেষ্টা কখনই থামত না”, “আমাদের দেশে বৃত্তিভেদকে ধর্ম শাসনের অন্তর্গত ক’রে দেওয়াতে এ রকম অসন্তোষ এবং বিপ্লব চেষ্টার গোড়া নষ্ট ক’রে দেওয়া হয়েছে” “তা’তে মানুষকে শাস্ত করে”

## জার্মানী

শ্রীনরেন্দ্র দেব

( ৩ )


উৎসব ও পার্বণ উপলক্ষে জার্মানীর স্ত্রীপুরুষেরা সবাই বেশ সুরভীর্ণ বেশভূষায় সুসজ্জিত হ’য়ে আমোদ প্রমোদে যোগদান করে। এ বিষয়ে সহরের লোকদের সঙ্গে গ্রামের লোকদের বিশেষ কোনও পার্থক্য নেই,—তারতম্য যা কিছু সে কেবল প্রমোদ-সৃষ্টির তালিকা ও রঙ্গরসের সরেশ বা নিরেশ ‘রকমের’ উপর নির্ভর করে। গীতবাণ ও নৃত্য তাদের আনন্দ-উৎসবের একটা প্রধান অঙ্গ। রাজপ্রাসাদ

ও ধনীর অট্টালিকা থেকে আরম্ভ ক’রে গ্রামের কুঁড়ে ঘর ও গ্রামপ্রান্তের নির্জন ক্ষেত্র বাড়ীটিতেও যে-কোনও একটা কিছু উপলক্ষে নাচের আসর বসতে দেখা যায়। নাচের প্রতি এ জাতটারই এমন একটা প্রবল অনুরাগ যে অনেক সময় প্রভু ভৃত্য বা দাসী ও কত্রীর সম্বন্ধের ব্যবধান পর্যন্ত দূরে ঠেলে রেখে এরা একত্রে নৃত্যানন্দ উপভোগ করতে একটুও ইতস্ততঃ করেন না। বিশেষ ‘মবার’ বা

‘নোতুন ধানের উৎসবের দিন’ ত মজুর মনিব, উচ্চ নীচ বা ধনী দরিদ্রের কোনও পার্থক্য রাখা এদের নাচের আসরে একেবারেই নিষেধ!

জন্ম, শুদ্ধি (Baptism) নামকরণ (Christenings) বিবাহ ও অস্ত্যেষ্টি—এর কোনও অনুষ্ঠানটা থেকেই নাচটা বাদ পড়ে না। বিবাহ উপলক্ষে ত’ একেবারে সপ্তাহকাল ধ’রেই নৃত্য চলে। জার্মানীর গ্রাম্যসমাজে এখনও এমন কতকগুলি প্রাচীন নিয়ম প্রচলিত আছে, যা সহর থেকে বর্তমানে একেবারে অদৃশ্য হ’য়ে গেছে। যেমন আগে নিয়ম ছিল প্রত্যেককেই পত্নী ক্রয় ক’রতে হবে! এ যুগে আর কোনও পিতাই কন্যা বিক্রয় করেন না বটে, কিন্তু সেই চিরাচরিত প্রথাটি একেবারে লোপ পায়নি। গ্রামের মধ্যে এখনও নিয়ম আছে—বরকে বিবাহের দিন বধুর হাতে কিঞ্চিৎ অর্থ উপহার দিতে হবে! বর্ষের যুগে প্রথা ছিল যে মৃত ব্যক্তিকে কবর দেবার সময় তার

নিজের ব্যবহার্য্য সমস্ত দ্রব্যাদি তার সঙ্গে সমাধিস্থ ক’রতে হবে! আজ আর সে প্রথা নেই বটে, কিন্তু তার কঙ্কালসার অস্তিস্থটুকু এখনও চোখে পড়ে! এখন দেখা যায় যে, মৃতের কোনও না কোনও একটি প্রিয় সামগ্রী তার সঙ্গে আজও শবাধারে স্থাপন করা হচ্ছে! কোথাও বই, কোথাও



রুগ্ন ছাত্রদের পাঠশালা। (পাইন কুঞ্জের স্বাস্থ্যকর আবহাওয়ার মধ্যে অসুস্থ ছেলে মেয়েদের পড়ানোর ব্যবস্থা করে দিয়েছে জার্মানীর শিক্ষা বিভাগ।)



ভোজনের পর।

(মুক্ত প্রকৃতির মধ্যে যে ছেলেরা লেখাপড়া শিখে মাছ হ’চ্ছে তারা নিজেদের কাজ নিজেরাই ক’রতে শেখে। আহারের পর ছেলেমেয়েরা তাদের ভোজন-পাত্র পরিষ্কার করছে।)

তাশ, কোথাও খেলবার ব্যাট; কোথাও লেখবার কলমটি বা আঁকবার তুলিটি—এইরকম।

কোন কোন অঞ্চলে আবার প্রত্যেক মৃতের সঙ্গে আশী চিরুণী সাবান ও তোয়ালে দেওয়া একেবারে একটা অপরিহার্য্য নিয়মের মধ্যে গণ্য হয়। মৃত স্বামীর সঙ্গে স্ত্রীর লিখিত প্রেমপত্রগুলি কবরে দেওয়া এবং মৃত স্ত্রীর সঙ্গে তার বিবাহরাত্তরের পুষ্পমালা ও অলঙ্কার প্রভৃতি সমাধিস্থ করাও স্থানে স্থানে দেখতে পাওয়া যায়। কোথাও বা মৃতের পরকালকে সৌভাগ্য-মণ্ডিত করবার কল্পনার তার মুখের মধ্যে একখণ্ড স্বর্ণ বা রৌপ্যমুদ্রা রেখে দেওয়া হয়। অনেক স্থলে আসন্ন-

মৃত্যু রোগীর ঘরের জানালা দরজা সমস্ত দিনরাত খুলে রেখে দেওয়া হয় এই বিশ্বাসে যে, রোগীর আত্মা-বিহীন দেহপিঞ্জর ছেড়ে যাতে গন্তব্য লোকে বেশ অবাধে ও অনায়াসে যেতে পারে !

খৃষ্টের জন্মদিনের উৎসব সর্বত্রই প্রায় মহাসমারোহে সূসম্পন্ন হয়। তাছাড়া অগ্ণাশ্রু প্রত্যেক ছোটখাটো ধর্ম-পার্কণেও বিশেষ বিশেষ অনুষ্ঠানের রীতি প্রচলিত আছে। যেমন 'সেন্ট জনের' পার্কদিন উপলক্ষে পাড়ায় পাড়ায় সন্ধ্যায়



গির্জার পথে। ( গ্রাম্য চাষার মেয়েরাও প্রতি রবিবার দল বেঁধে ভাল পোষাক পরে নিয়মিতভাবে গির্জায় যায়। )



লোহা ঢালাই করার জন্য ছাঁচ তৈরী হচ্ছে।



চুরুটের কারখানায় তামাক পাতার পাট।

পর এক একটা অগ্নিকুণ্ড প্রজ্জ্বলিত করা হয়; এবং সেই সেই পাড়ার আসন্ন বিবাহোন্মুখ যুবক যুবতী বা প্রণয়ী ও প্রণয়িনীদের যুগলে মিলে সেই অগ্নিকুণ্ড উল্লঙ্ঘন করে যেতে হয়! এই তামাসা দেখবার জন্য পাড়ার ছেলে বৃদ্ধা স্ত্রী পুরুষ নিকির্কিশেষে সবাই এসে সেই উৎসব-মণ্ডপে সমবেত হয়।

এই ছরস্ত সভ্যতার যুগেও জার্মানী থেকে কুসংস্কার এখনও একেবারে বিদূরিত হয়নি। ভুক্তাক্ প্রভৃতি ভৌতিক ও



বেতের চেয়ার তৈরি হচ্ছে।

কাহিনী নয়। এছাড়া জার্মানীর আর একটা বিশেষত্ব হচ্ছে তার 'কবির গান'! এ অনেকটা আমাদের দেশের বাউল গানের মতো! এই গানগুলি থেকে এদের জীবনযাত্রা, চিন্তার ধারা, ভাব ও কল্পনা, আনন্দ ও বেদনার সম্যক পরিচয় পাওয়া যায়। এ গানের অধিকাংশই যুদ্ধ-বিগ্রহের বীরত্ব-গাথা, রণজয়ের কীর্তিকাহিনী, জাতীয় বা সাম্প্রদায়িক বহু বিখ্যাত ইতিকথা, মৃগয়া, অরণ্য, পর্বত, উপত্যকা, নদনদী, ড্রাকাকুঞ্জ, সুরা ও



বালিনের পথে বেতের তৈরী জিনিসের ফেরি।

অলৌকিক ব্যাপারের উপর আজও তাদের সম্পূর্ণ আস্থা দেখতে পাওয়া যায়। আজ গুবী গল্প-গাথা ও নানা বিচিত্র বিস্ময়কর রূপকথার প্রচলন জার্মানীতে যেমন আছে, তেমনটি আর যুরোপের কোথাও নেই। বিশ্ববিখ্যাত জার্মান গাতিনাট্যকার 'ওয়াল্ডেন' একাধিক চরিত্রের ভিত্তি-উপাদান এই সকল প্রাচীন উপকথার মধ্যে খুঁজে পাওয়া যায়। এই সকল গল্পের অধিকাংশেরই মূলে কিছু না কিছু ঐতিহাসিক সত্য নিহিত আছে,—



বেত শুকিয়ে নেওয়া হচ্ছে।

হৃদয়ী, পারিবারিক রহস্য, পাগ পুণ্য প্রেম, প্রতিহিংসা, পণ্ড, পক্ষী, সূর্য্যোদয় ও সূর্যাস্ত প্রভৃতি প্রাকৃতিক সৌন্দর্য্যের বর্ণনা ইত্যাদি দেখতে পাওয়া যায়।



বেতের চেয়ারের কারখানা।

পূর্বেই বলেছি যে, গণতন্ত্রমূলক শাসনের অধীনে এলেও জার্মানীর রাষ্ট্রীয় 'প্রাদেশিক' বিভাগ অনেকটা সেই পূর্বের বিভাগই মেনে নিয়েছে। জার্মানীর বর্তমান প্রদেশগুলির মধ্যে পাঁচটিই সর্বপ্রধান। কি লোক-সংখ্যার অনুপাতে, কি ব্যবসা-বাণিজ্য ও শিক্ষা-সমৃদ্ধির হিসাবে প্রাণীয়া, বাভেরিয়া, সাক্সনী, উর্টেম্বার্ক ও বেডেনই হচ্ছে জার্মানীর গর্ব করবার মতো পাঁচটি



সত্ত-প্রস্তুত 'পণীর' পাকাবার জন্তে 'ছাঁচ' থেকে তুলে তাকের উপর সাজিয়ে রাখা হচ্ছে।

উভয় সম্প্রদায়কে সম্মান করে এসেছে খাতির করে এসেছে, এবং সব চেয়ে দ্রষ্টব্য ব্যাপার হচ্ছে—তারা পরস্পরের হৃর্কলিত পর্য্যন্ত সহ করে এসেছে।

চাষেরকাজ এখানে খুব বিস্তৃতভাবে কেউ না করলেও, ছোটখাটো ক্ষেত্র মালিক এখানে অনেক আছে। তাদের চাষের কাজ অল্প-স্বল্প ও যৎসামান্ত হচ্ছে



শিক্ষানবীশদের 'পণীর' প্রস্তুতপ্রণালী দেখানো হচ্ছে।

তারা কিন্তু নানান রকমের ফসল উৎপাদন করে! অবশ্য তার মধ্যে প্রধান হচ্ছে ধান ও আলু। আঙুরের চাষও এখানে প্রচুর; কারণ এইখানেই আঙুর থেকে অতি সুমিষ্ট ও সুপেশ সুরা প্রস্তুতের কারখানাও আছে। তামাকের চাষও এখানে নিতান্ত অল্প নয়।

বেডেনের মতো একটি ছোট প্রদেশেও কিন্তু এমন একাধিক শহর আছে, যার নাম পৃথিবীর লোক জানে! 'কার্লস্রু' এখানকার প্রধান শহর। এই শহরের রাজপ্রাসাদটি একটি দর্শনীয় বস্তু। নিন্দুকেরা প্রায়ই বলে বটে



দীর্ঘকাল অবিকৃত অবস্থায় থাকবে বলে 'পণীর' ছাঁচের মধ্যে লবণাক্ত করা হচ্ছে।

যে শিক্ষিত লোকদের পক্ষে এ শহর একেবারে বাসের অযোগ্য! কিন্তু সেটা সত্য কথা নয়।

আরও উত্তরে রাইণের তীরে এর দ্বিতীয় প্রধান শহর 'ম্যানহিম' পৃথিবীর লোকের পরিচিত, কারণ এটি একটি শিল্প, বাণিজ্য ও ব্যবসায়-প্রধান স্থান। এই শহরটি প্রথমে নির্মিত হয়েছিল 'শত্রুঞ্জ' খেলার ছকের মতো আকারে। সোজা সোজা রাস্তা চলে গেছে আড়া-আড়ী ভাবে পরস্পরকে অতিক্রম করে এবং তারই মাঝে মাঝে ছকের ঘরের মতো চৌকো ভূখণ্ডে একই ছাঁচের ভবন-শ্রেণী

তামাক পাতা শুকিয়ে নেওয়া হচ্ছে।

নির্মিত হয়েছিল, নগর-চত্বর আকারে। পথ-নির্দেশের ব্যবস্থা হয়েছিল বর্ণমালার হিসাব অনুসারে। কিন্তু আজ আর 'ম্যানহিম' সেইটুকুর মধ্যেই আবদ্ধ নেই, আজ সে তার সেই 'শত্রুঞ্জ' নক্সা ছাড়িয়ে আরও চারিদিকে বিস্তৃত হয়ে ছড়িয়ে পড়েছে! ম্যানহিমের একাধিক গৃহের স্থাপত্য-শিল্পও অতি সুন্দর।

রাইণ ও নেকার নদীর সংযোগস্থলের সন্নিকটে স্থাপিত 'হাইডেলবার্গ' শহর তার বিশ্ববিদ্যালয়ের জন্ম বিশ্ববিখ্যাত হয়ে পড়েছে। শিক্ষার্থী ছাত্রের দল এই শহরটিকে খুবই



পাঁচটি মেয়ে নিয়ে চাষা-বউ বেড়াতে বেরিয়েছে।

ভালবাসে। বছকালের একটি প্রাচীন দুর্গ এই শহরের একটা মস্ত সম্পদ। দূর অতীতে কোন্ এক করাসী রাজ্য নাকি এই দুর্গ আক্রমণ ক'রেছিল, তার কামানের আঘাত-চিহ্ন এর অঙ্গে এখনও বর্তমান! বিকৃত-দেহ হলেও এ দুর্গের শোভা ও সৌন্দর্য্য মনোহর। কৃষ্ণা-রণ্যের পাদমূলে আর একটি শহর গড়ে উঠেছে 'ফ্রাইবার্গ'। এটিকেও ঐ বিশ্ববিদ্যালয় সংলগ্ন শহরই বলা যেতে পারে। এই অঞ্চলে ধাতুঘটিত রাসায়নিক গুণসম্পন্ন বহু ঝর্ণার অস্তিত্ব দেখতে পাওয়া যায়।

বেডেনের প্রধান বিশেষত্ব হ'চ্ছে যে উর্টেম্বার্ক শহরের সঙ্গে এও শ্বোয়ার্জওয়াল্ড বা কৃষ্ণারণ্যের (Black Forest) অংশীদার! কার্লস্রুথের দক্ষিণ থেকে আরম্ভ করে বরাবর একেবারে ফ্রাইবার্গের সীমান্ত পর্যন্ত এই বিশাল বন বিস্তৃত হয়ে আছে।

বাভেরীয়া—বাভেরীয়া স্কটল্যান্ডের চেয়ে আকারে ঈষৎ ছোট হ'লেও লোকসংখ্যায় সে স্কটল্যান্ড ও ওয়েলস্কে ছাড়িয়ে গেছে। বাভেরীয়ার অধিকাংশ অধিবাসীই রোমান ক্যাথলিক ধর্ম-সম্প্রদায়ভুক্ত। জার্মান সাম্রাজ্যের

অধিকার—কি সামাজিক—কি রাষ্ট্রীয় দুই রকম করে চলবার একটা সতর্ক-চেষ্টা ও আগ্রহ দেখা যায় এই বাভেরীয়ার অধিবাসীদের সকলেরই। বাভেরীয়া ও প্রাশীয়ার মধ্যে একটা বিঘম রেবারেবির ভাব দেখতে পাওয়া যায়। পরস্পর কেউ



জার্মান চাষী মজুরদের চমৎকার বাড়ী।



তৈরী'পণীর' ছাঁচে ফেলা হচ্ছে।

মধ্যে সব চেয়ে স্বার্থপর, আত্ম-সুখ-সমৃদ্ধি ও উন্নতি-প্রয়াসী প্রদেশ হচ্ছে এই বাভেরীয়া। নিজের বৈশিষ্ট্য ও ব্যক্তিত্বের

অধিবাসীদের অধিকাংশকেই কৃষিজীবী বলা যেতে পারে। প্রচুর শস্য উৎপাদন করা ছাড়া এখানকার

কাউকেই ছুঁফে দেখতে পারেন না। বাভেরীয়া প্রাশীয়াকে হিংসা করে তার বৃহত্তর আকারের জন্তু, তার অমিত শক্তির জন্তু, ও তার বিপুল সম্পদের জন্তু; এবং প্রাশীয়া বাভেরীয়াকে দেখতে পারে না তার ক্ষুদ্র আকৃতির জন্তু, তার গ্রাম্য রুঢ়তার জন্তু ও সহজ সচ্ছলতার জন্তু। উভয় প্রদেশেরই যথেষ্ট ঔদ্ধত্য দেখতে পাওয়া যায়। তবে প্রভেদের মধ্যে এই যে এক দল প্রাচুর্য্যের গর্বে ক্ষীণ, অল্প দল অভাবের অহঙ্কারে উদ্ধত!

বড় বড় প্রদেশগুলির মধ্যে এ মেক্লেমবার্গ শোয়েরীন্ ছাড়া বাভেরীয়া অধিবাসীদের অধিকাংশকেই কৃষিজীবী বলা যেতে পারে। প্রচুর শস্য উৎপাদন করা ছাড়া এখানকার



প্রধান ব্যবসায় হচ্ছে জার্মানীর বিখ্যাত “বিয়ার মদ” প্রস্তুত করা। এই বাভেরীয়াই সমস্ত জার্মানীকে “হপ্পতা” সরবরাহ করে। এই ‘হপ্পতা’ অনেকটা আমাদের দেশের চিরতার মতো, এবং ‘বিয়ার’

বাভেরীয়াই দিতে পারে, কারণ এখানে আঙুর ক্ষেতেরও অভাব নেই।

প্রাকৃতিক দৃশ্য। পর্বত হ্রদ তড়াগ ও নদী কাননাদি পরিবেষ্টিত স্বভাব-শোভায় বাভেরীয়ী সুন্দরতম প্রদেশ। এর

সর্বপ্রধান শহর মিউনিক্ একটি জগদ্বিখ্যাত নগর। এই নগরের সংস্থাপক নৃপতি ম্যাক্স পণ করেছিলেন যে তিনি এমন শহর নির্মাণ করাবেন যে কেবল সেই শহরটি দেখবার জন্য দেশ-দেশান্তর থেকে জার্মানীতে লোক আসবে! তাঁর সে আশা অনেকটা সফল হয়েছে বটে,—জার্মানীতে গিয়ে মিউনিক্ না বেড়িয়ে এলে জার্মানী দেখা অসম্পূর্ণ থেকে যাবে।

ন্যুরেমবার্গও বাভেরীয়ীর একটি উল্লেখযোগ্য শহর। স্কুলের ছেলেরা এই শহরের সঙ্গে বিশেষ ভাবে পরিচিত; কারণ তাদের লেখবার লেড্ পেন্সিল বা উড্ পেন্সিল এইখানেই তৈরী হয়। এ শহরটিও দেখতে অতি সুন্দর।

বাভেরীয়ীর ধর্ম সম্বন্ধীয় আন্দোলন ও তৎসংক্রান্ত ইতি-কথার সঙ্গে বিশেষ ভাবে জড়িত বলে এখানকার প্রাচীন শহর ‘হান্সবার্গ’ বিশেষ প্রসিদ্ধি লাভ করেছে।

গেয়ো বাভেরীয়ী বহির্জগতের গতি ও উন্নতির প্রতি ক্রক্ষেপমাত্র না করে আপনার সঙ্কীর্ণ চতুঃসীমানার মধ্যে আপনার প্রাচীন রীতি নীতি ও দৈনন্দিন জীবন-যাপন-প্রথার ইচ্ছানুরূপ অনুসরণ করে



বৈজ্ঞানিক উপায়ে ধাতব দ্রব্যাদি কলাই করা হচ্ছে।

নদের উহাই সর্বপ্রধান উপাদান। পুরাকালে এদেশের অধিকাংশ অধিবাসীরা এরই নাম সোমলতা রেখেছিলেন কি না, তা ঠিক বলা যায় না। বীয়ারের চেয়ে উৎকৃষ্টতর ও সুস্বাদু মদও

চলেছে। এখানকার বড় বড় কৃষিব্যবসায়ীরা বৈজ্ঞানিক চাষবাসের আধুনিক ব্যবস্থা সম্পূর্ণ উপেক্ষা করেও বেশ উন্নত সুসমৃদ্ধ ও আশ্চর্যপ্রতিষ্ঠা হয়ে উঠেছে!

## বিবিধ-প্রসঙ্গ

### ভারতের লোকসংখ্যা বনাম দারিদ্র্য

অধ্যাপক শ্রীধীরেন্দ্রনাথ সেনগুপ্ত এম-এ, বি-এল্

আমার কোনও শ্রদ্ধ বন্ধুর মুখে অনেক দিন পূর্বে শুনিয়াছিলাম যে, তাঁহার বিলাত-যাত্রার পথে তাঁহার কোনও সহযাত্রী ইংরাজ সিভিলিয়ান ভারতবর্ষের দারিদ্র্যের কথা আন্দোলনা প্রসঙ্গে তাঁহাকে না কি বলিয়াছিলেন যে, ভারতবর্ষের প্রজাসংখ্যা-বৃদ্ধিই তাহার এই বর্তমান দারিদ্র্যের প্রধানতম কারণ। বন্ধুবর না কি এই অপবাদ ইত্যৎ পূর্বে স্থানে স্থানে শুনিয়াছিলেন। তাঁহার হাতে এমন কোনও প্রমাণ ছিল না, বাহা দ্বারা তিনি এই অপবাদ হইতে ভারতবর্ষকে মুক্ত করিতে পারেন। কাজেই তিনি নিরন্তর রহিয়া গেলেন এবং সিভিলিয়ানপ্রবর মুক্তির উপায় বলিয়া দিতে লাগিলেন—“প্রজা-বৃদ্ধি রহিত করিবার চেষ্টা কর।” এ স্থলে বলিয়া রাখা ভাল যে, তাঁহার সহযাত্রী ইংরাজ সিভিলিয়ানটী বয়সে প্রবীণ হইয়াও অবিবাহিত ছিলেন।

কথাটা এতই চারিদিকে ছড়াইয়া পড়িতেছে এবং আতঙ্কের সৃষ্টি করিতেছে যে, এ সম্বন্ধে একটু আলোচনা হইয়া সত্যমিথ্যা নির্দ্বারিত হওয়া দরকার। ভারতবর্ষের লোকসংখ্যা হ্রাস করিয়া বাড়িয়া যাইতেছে; অথচ তাহাদের অন্ন-সংস্থানের জন্য তাহাদের নিজেদের কোনও চেষ্টা নাই। এ অবস্থার দারিদ্র্যের পীড়ন অবশ্যজ্ঞাবী। এই লোক-সংখ্যা-বৃদ্ধির সঙ্গে ভারতের বর্তমান দারিদ্র্যের কতখানি সম্পর্ক এবং কতখানিই বা অসম্পর্ক, তাহারই আলোচনা এই প্রবন্ধের মুখ্য উদ্দেশ্য। প্রসঙ্গ-ক্রমে এতৎ সম্পর্কীয় অন্যান্য কথাও কিকিৎ আলোচিত হইবে।

“দেশে জনসংখ্যা বৃদ্ধির অনুপাতে খাদ্যদ্রব্য বাড়ে না” এই নিয়মটী ম্যালথাস নামক জনৈক প্রসিদ্ধ ইংরাজ অর্থনীতিবিৎ আবিষ্কার করিয়াছেন। অর্থনীতিতে ইহাকে ম্যালথাসের নিয়ম বলে। কথাটা খুবই খাঁটি। তিনি দেখাইয়াছেন যে বিধাতার সৃষ্টি ও সংহার-লীলা আশ্চর্য্য রকমে সামঞ্জস্য রাখিয়া পৃথিবীস্থ মানবগণের মরণ-বাচন প্রায়শই অনেকটা সমাধান করিয়া দিতেছে। দুর্ভিক্ষ, মহামারী, যুদ্ধ, জাহাজডুবি, নৌকাজুবি, রেলওয়ে-সম্ভর্ষণ ইত্যাদি সবই এই মরণ-বাচন-রহস্য লইয়া। তবু এই দারিদ্র্যের কবল হইতে আত্মরক্ষা করিবার জন্য মানবসমূহকে সর্বদাই নিজের চেষ্টায় দ্বারা নানা উপায় খুঁজিয়া বাহির করিতে হইবে, নিশ্চেষ্ট থাকিলে চলিবে না। এই উপলক্ষে নানা পন্থা খুঁজিতে যাইয়া তিনি বাধ্যবিবাহ বন্ধ করিতে এবং জীবনের দারিদ্র্য বৃদ্ধিয়া সংসারী লোকের পক্ষে সংযম অভ্যাস করিতে পরামর্শ দিয়াছেন। পরিপূর্ণ জীবন এবং পরিপূর্ণ সমাজ লইয়া বাচাই প্রকৃত বাচিয়া থাকা। এই ভাবে বাচিয়া থাকিতে হইলে জীবনের পূর্ণতার দিকেই বিশেষ লক্ষ্য

রাখিতে হইবে। দেহ এবং মন উভয়কেই শক্তিশালী করিয়া তুলিতে হইবে। সোণার পাতে মোড়া জিনিষ ও খাঁটি নিরেট সোণার জিনিষ উভয়েরই বহিরবয়ব এক প্রকারের; কিন্তু গুণন করিলেই উভয়ের প্রকৃত মূল্য ধরা পড়ে। সেইরূপ মানব-সমাজ “প্রকৃত মানুষের সমাজ” হইলেই তাহার যথার্থ মার্থকতা হয়। ধনে, সম্পদে, মনের শক্তিতে—সকল দিক দিয়াই সে যথার্থ ক্ষমতামূলী হইয়া ওঠে। কথাটা চিরন্তন সত্য। সকল দেশ ও সকল জাতির পক্ষেই এই সত্যটী তুল্য মূল্যবান; কিন্তু আক্ষেপ এই যে, ভারতবর্ষ লইয়াই যত কথা উঠিতেছে, অল্প দেশ লইয়া তত নয়। এ জাতের যেন কোনও দায়িত্ববোধ নাই—এই হইতেছে যত বিদেশীয় পণ্ডিতগণের দুঃখ।

এখন এই সম্বন্ধে একটু হিসাবনিকাশ করিয়া দেখা যাক। ১৯১১ সালে ভারতবর্ষের লোকসংখ্যা ৩১৫,১৫৬,০০০ ছিল। ১৯২১ সালে এই লোক-সংখ্যা বাড়িয়া ৩১৮,৯৪২,০০০ তে দাঁড়াইয়াছে। সুতরাং গত দশ বৎসরে মাত্র ৪,০০০,০০০, লোক অথবা লোকসংখ্যা শতকরা ১.১ বৃদ্ধি পাইয়াছে। অন্যান্য দেশের তুলনায় এই বাড়তি যে একাধিক নগণ্য তাহা একটু হিসাব করিলেই দেখা যাইতে পারে। ঠিক ঐ সময় মধ্যে ইংলও এবং ওয়েলসে শতকরা ৪.৮ এবং আমেরিকাতে ১৪.৯ করিয়া বাড়িয়াছে। জাপানে ১৮৯৬—১৯২০, এই ২৪ বৎসরে শতকরা ৮৩ জন এবং রুসিয়াতে ১৮৯০—১৯১৪ এই ২৪ বৎসরে শতকরা ৫০ জন লোক বাড়িয়াছে। ১৯০১—১৯১১ এই দশ বৎসরে ভারতবর্ষে যে পরিমাণ লোক-সংখ্যা বৃদ্ধি পাইয়াছিল, ১৯১১—১৯২১ এই পরবর্তী দশ বৎসরে তাহার এক ষষ্ঠাংশ মাত্র বৃদ্ধি পাইয়াছে। অন্যান্য দেশের তুলনায় ভারতবর্ষের এই লোক সংখ্যা-বৃদ্ধির হার এত অস্বাভাবিক রকমে কম যে, এই সামান্য বৃদ্ধির হারের জন্য আশঙ্কান্বিত না হইয়া বরং এই ক্রমঃক্রমের জন্য প্রত্যেক ভারত-হিতার্থীর চিন্তিত হওয়া উচিত। প্রত্যেক বর্গ-মাইল প্রতি বেলজিয়ামে ৬৫৮, ইংলও এবং ওয়েলসে ৬৪২, ফ্রান্সে ৫৩৬, ইটালীতে ৩১৬, জার্মেনীতে ৩১১, জাপানে ৩২০, সুইজারল্যান্ডে ২৩৬ এবং ভারতবর্ষে ১৭৭ জন লোকের বাস। দেশের আয়তন, লোক-সংখ্যা এবং উৎপন্ন খাদ্য দ্রব্যের পরিমাণের তুলনা করিলে এক ভারতবর্ষ ব্যতীত ইহাদের প্রত্যেক দেশকে লোকসংখ্যা-ভার-প্রাপীড়িত দেশ বলা যাইতে পারে। ইংলও এবং ওয়েলসে নিজেরদের জন্য যে পরিমাণ খাদ্য বোঝাড় করিতে পারে, তাহার তুলনায় তাহাদের লোকসংখ্যা অসম্ভব রকমে বেশী। এক রকম সম্পূর্ণ ভাবে

বিদেশ হইতে খাদ্য জীব্য আমদানী করিয়া তাহাদের এই লোকদের প্রতিপালন করিতে হয়। এই সব সম্বন্ধে কোন কোনও বিখ্যাত ইংরাজ ঐতিহাসিক ভারতবর্ষের লোক-সংখ্যা-বৃদ্ধির পরিমাণ দেখিয়া নিতান্তই ভীত হইয়া পড়িয়াছেন।

কলকারখানার প্রবর্তনে জগতের অন্তান্ত জাতি যখন ধীরে ধীরে তাহাদের জাতীয় সম্পদ বৃদ্ধির জন্য নানাভাবে চেষ্টা করিয়া যুগের সঙ্গে সঙ্গে চলিতেছিল, ভারতবর্ষ তখন বিদেশজাত সুলভ পণ্যব্যবহার সঙ্গে প্রতিযোগিতায় প্রতি পদে ব্যাহত হইয়া নিতান্ত অসহায়ের মত সাহায্য খুঁজিয়া ফিরিতেছিল। এই সময়ে ব্রিটিশ গবর্ণমেন্টের প্রবর্তিত বাণিজ্য-নীতি অসহায় ভারতীয় বাণিজ্যকে আরও অসহায় অবস্থায় আনিয়া কেলিয়াছিল। ক্রমে ক্রমে তৈয়ারী মাল রপ্তানি হওয়ার পরিবর্তে ভারতবর্ষ শুধু কাঁচামাল রপ্তানি করিতে আরম্ভ করিয়া দিল। হাজার হাজার কারিকর অন্তান্ত কাজ ছাড়িয়া পেটের দ্বায়ে গ্রামে গ্রামে অন্ন-সংস্থানের জন্য নানা পন্থা অবলম্বনের চেষ্টায় যুঁজিতে লাগিল। দেশের সর্বত্র অন্ন-ব্যয়ের হিসাবে একটা অসম্ভব গোলমাল হইয়া গেল। মহামতি রাণাড়ে দেশের এই অবস্থা লক্ষ্য করিয়াই ভারতে ইংরাজ-বাণিজ্য-নীতির ব্যতিচারের কথা উল্লেখ করিয়া দুঃখ করিয়াছেন। ভারতবর্ষে শতকরা ৯.৫ জন, ইংলণ্ডে ৭৮ জন, আমেরিকাতে ৫১.৪, ফ্রান্সে ৪২.২ এবং জার্মানিতে শতকরা ৪৫.৬ জন লোক সহরে বাস করে। ইহা হইতেই ভারতবর্ষের লোক যে প্রায় সবই গ্রামে বাস করে, তাহা বেশ বোঝা যায়। ভারতবর্ষে সর্বশুদ্ধ ৭৩০,০০০ হাজার গ্রাম আছে। ব্যবসা-বাণিজ্যের উন্নতির সঙ্গে সঙ্গে হরত ক্রমে ক্রমে দেশে সহরবাসী লোকের সংখ্যা বাড়িতে পারে ; কিন্তু তাহা এত মন্থর গতিতে চলিয়াছে যে, ভারতবর্ষকে গ্রামপ্রধান বা কৃষিপ্রধান দেশ বলিলে একটুও অতিরিক্ত বলা হয় না। এ দেশের লোকের ভিতর শতকরা প্রায় ৭২ জন লোক শুধু জোত-জমির উপর নির্ভর করিয়া বাঁচিয়া আছে। ফ্রান্সে, আমেরিকায় এবং ইংলণ্ডে যথাক্রমে ঐ স্থলে শতকরা ৪২, ৪৪ এবং ১০ জন লোক শুধু চাষবাস করিয়া জীবিকা-নির্বাহ করে। ভারতবর্ষে ব্যবসা বাণিজ্য লইয়া শতকরা ১৮.৫৬ জন, ফ্রান্সে ৪৪, আমেরিকায় ৩৬ এবং ইংলণ্ডে ৭৪ জন লোক নিযুক্ত আছে। চাকুরী এবং অন্তান্ত ব্যবসায় ইত্যাদি লইয়া ভারতবর্ষে শতকরা ৯, ফ্রান্সে ১৪, আমেরিকাতে ২০ এবং ইংলণ্ডে ১৬ জন লোক পড়িয়া আছে। অবশ্য কার্যোপযুক্ত লোকদের হিসাবই শুধু উপরিউক্ত তালিকায় ধরা হইয়াছে। ইহাতে স্পষ্টই প্রত্যয়মান হয় যে, ভারতবর্ষে শুধু কৃষি লইয়াই বাঁচিয়া আছে এবং কৃষিকার্য এবং তৎসংশ্লিষ্ট অন্যান্য উপজীবিকার পন্থার উন্নতি-অবনতির উপর ভারতবর্ষের আর্থিক উন্নতি ও অবনতি সম্পূর্ণ নির্ভর করে।

ভারতবর্ষের আয়তন ১,৭৭৩ ০০০ বর্গ মাইল। আয়তনে ইহাকে একটা মহাদেশ বলিলেও অত্যুক্তি হয় না। ১৯১৯—২০ সালের সরকারী রিপোর্টে দেখা যায় যে, এই বিস্তৃত আয়তনের মধ্যে শতকরা ২৮ ভাগ বনভূমি পরিপূর্ণ, ২৩ ভাগ চাষ-আবাদের যোগ্য হইলেও

নানা কারণে পরিত্যক্ত ; ১৮ ভাগ চাষ আবাদের উপযুক্ত অঞ্চল পণ্ডিত, ৯ ভাগ আবাদ হইয়াও পড়িয়া আছে এবং অবশিষ্ট শতকরা ৩৩ ভাগ জমিতে মাত্র চাষ-আবাদ হইয়া কসল উৎপন্ন হইয়া থাকে। বন-ভূমিগত হানসমূহ এবং চাষ-আবাদের যোগ্য অঞ্চল নানা কারণে পরিত্যক্ত হানসমূহ বাদ দিলেও, আরও শতকরা ২৭ ভাগ জমিতে অনান্যাসে কসলাদি উৎপন্ন করা যায়। তাহা হইলে কসলী জমি শতকরা ৩৩ ভাগ হইতে বাড়িয়া ৬০ ভাগে আসিয়া দাঁড়ায়। ভারতবর্ষকে খাওয়াইয়া বাঁচাইবার পক্ষে এই পরিমাণ জমি অত্যন্ত অতিরিক্ত। ইহার উপর ভারতবর্ষের কৃষক সম্প্রদায় সার ইত্যাদি দ্বারা জমিতে বেশী কসল উৎপাদন ব্যাপারে নিতান্ত উদাসীন এবং অনভিজ্ঞ। তাহারা শুধু জমির পর জমি চাষ করিয়া যাইতেছে ; কিন্তু পরিশ্রম হিসাবে অর্থলাভ করিতে পারিতেছে না। ভারতবর্ষের এক একর জমিতে যে পরিমাণ খাদ্য উৎপন্ন হয়, জাপানে সেই পরিমাণ জমিতে তাহার দ্বিগুণ খাদ্য উৎপন্ন হইয়া থাকে। বর্ষে এবং উত্তর-পশ্চিম প্রদেশে প্রতি একরে ১২৫০ পাউণ্ড গম উৎপন্ন হয়, তৎস্থলে ঠিক ঐ পরিমাণ জমিতে ইংলণ্ডে ১৯৭৩, সুইজারল্যান্ডের মত পাহাড়ের দেশে ৮৫৪ পাউণ্ড গম উৎপন্ন হয়। বালি আমাদের প্রতি একরে ১৩০০ পাউণ্ড মাত্র উৎপন্ন হয়, ইংলণ্ডে সেই স্থলে ২১০৫, বেলজিয়মে ২৯৩৫ এবং সুইজারল্যান্ডে ২১৯৮ পাউণ্ড বালি উৎপন্ন হয়। আমাদের এক একরে ১ টন, জাতায় ৪ টন এবং হাউইতে ৪ ১/২ টন চিনি প্রস্তুত হয়। ঐ সব দেশের মৃত্তিকার অবস্থা এবং ফসল উৎপন্ন করিতে কৃষকদের যে কি পরিমাণ পরিশ্রম করিতে হয়—ভাবে বিস্ময়বিষ্ট হইতে হয়। এতৎসঙ্গে আমাদের দেশের জমির অসাধারণ উর্বরতা এবং কৃষকদের কৃষি-বিজ্ঞানে বিপুল অজ্ঞতা মনে পড়িয়া অত্যন্ত দুঃখ হয়। রাজা ও প্রজার সমবেত চেষ্টায় ভারতবর্ষের উৎপন্ন খাদ্যজীব্যাদি বিশেষ কষ্ট না করিয়া বর্তমান পরিমাণের দ্বিগুণ ত্রিগুণ উৎপন্ন করা যায়। জাপান ১৭০ লক্ষ একর জমি চাষ করিয়া ৫৬০ লক্ষ লোককে খাওয়াইয়া বাঁচাইতেছে ; আর ভারতবর্ষ ২২২০ লক্ষ একর জমি চাষ করিয়াও ৩০০০ লক্ষ লোককে খাওয়াইয়া বাঁচাইয়া রাখিতে পারিতেছে না ! আমাদের দেশে এক একর জমির উৎপন্ন কসলের মূল্য গড়ে ২৫ এবং জাপানের ১৫০, ঠিক ছয় গুণ তফাৎ ! যেটুকু জমি এখনও বিনা চাষে পড়িয়া আছে অঞ্চল যেখানে চাষের কোনই বাধা বিঘ্ন নাই, শুধু সেই জমি টুকু মনে আনিলে ভারতবর্ষ তাহার বর্তমান লোক সংখ্যার ত্রিগুণ লোককে খাওয়াইয়া বাঁচাইয়া রাখিতে পারে।

জমির কৃষিকার্য ব্যতীত মালের ব্যবসা, কাঁচের ব্যবসা, খনির কাজ ইত্যাদিতে এখনও যথেষ্ট লোকের শ্রম আছে। রয়েল ইণ্ডিয়ান কমিশন এই সব আলোচনা করিতে যাইয়া বলিয়াছেন যে, “দেশে জমি-জমার চাষ-আবাদ ছাড়া আরও অসংখ্য লাভবান ব্যবসা পড়িয়া আছে। দেশের মহাজন সম্প্রদায় এ সম্বন্ধে একেবারেই উদাসীন। বিদেশীয় মহাজনদের অর্থে এই সব ব্যবসা পরিপূর্ণ লাভ করিতেছে। ভারতবর্ষে শুধু কাঁচ মাল সরবরাহ লইয়াই পড়িয়া আছে। সেই সব মালে তৈয়ারী জিনিসই









রাস

শিল্পী—শ্রীযুক্ত ক্ষিতীন্দ্রনাথ মজুমদার

[ Bharatvarsha Halftone & Printing Works.





(৯) 'নন্দিনী! আমার মধ্যে কি দেখেছ?'

'নেপথ্যে। বিশ্বের বাণীতে নাচের যে ছন্দ আছে, সেই ছন্দ।'

এইখানে নন্দিনীর অন্তরতম স্বরূপটি প্রকাশিত হইয়াছে। Matter বা পদার্থ জিনিষটা হইতে হাবর—ভারী—inert পাহাড় পদার্থের উদাহরণ। হাওয়ার অবস্থা পদার্থ। কিন্তু মানুষের সংসার যে-সব পদার্থে গঠিত—বাপ-কাঠ, ইট-পাথর; সোনা-রূপা-সোহা—তাহা হাবর কঠোর কঠিন। ঠেলিয়া অতি কষ্টে সরাইতে হয়। হর্ষ, আনন্দ, আশ্রয়, প্রভৃতি যে-সব ভাব-বস্তু তাহা এই পদার্থের ঠিক বিপরীত। তাহা 'চঞ্চল'—অর্থাৎ কেবলি চলে। ছন্দে ছন্দে নৃত্য করিয়া চলে। তাহা প্রবহমান—বহিরা দেউ তুলিয়া চলে। মহাপ্রভু কখনো কোনো ওস্তাদের কাছে নাচ শেখেন নাই। মহাপ্রভুর নৃত্য স্বচক্ষে দেখিয়া বহুলোকে বর্ণনা করিয়া গিয়াছেন। মনে হয়—অমন সম্মোহন নৃত্য পৃথিবীর কোনো নৃত্য-নিপুণা নর্তকী কখনো দেখাইতে পারে নাই। ইহার প্রধান সাক্ষী প্রকাশানন্দ সরস্বতী। প্রভুর নাচ দেখিয়া তাঁহার শুদ্ধ সন্ন্যাসীর প্রাণ ব্রহ্মগোপীর ভাব-রসে মত্ত হইয়া গেল। কেন এমন হয়? মহাপ্রভুতে মহাভাবের বিকাশ হইয়াছিল। তিনি 'বিশ্বের' প্রাণ যিনি তাঁহারি 'বাণী' শুনিয়া-ছিলেন, তাই তাঁহার রাতুল চরণে মনোমোহন 'নাচের ছন্দ' বাজিয়া-ছিল। কবি মধুর-ভাবাবেগে মাতেয়ারা হইয়া যাওয়াতেই তাহার ভাষা ছন্দোময়ী নৃত্যশীলা।

সংসারেও দেখি, আমি এক মাইল পথ হাঁটিতে পারি না। আবার সাত মাইল পথ পরমামন্দে হাসিতে হাসিতে নাচিতে নাচিতে অতিবাহন করিলাম। কারণ আমার একটা বাহিত বস্তু আমার সঙ্গে চলিয়াছে। সে-ই, এই যে হৃদয় প্রায় আমি, আমাকেও তরঙ্গান্বিত করিয়া নাচের ছন্দে চলাইয়া দিয়াছে। তুমি 'কুটাগাছ হিঁড়িয়া ছুই খান' কর নী। আজ সারাদিন শুনিয়া উল্লাস করিয়া কাজ করিলে। কারণ আজ এক ব্যক্তি এক বৎসর পরে তোমার সহিত হাসিয়া কথা কহিয়াছে। কাজেই তুমি আজ ছন্দোবদ্ধ। ভাব-রস নৃত্যশীল তরঙ্গায়মান। উহা যাহার উপর 'ভর' করে তাহাকে নাচাইয়া তরঙ্গাইয়া দেয়। তাহার জড়ত্ব দূর করিয়া চিহ্নরহ আনিয়া দেয়। ভগবান বিশ্ব-ব্রহ্মাণ্ডকে এক হৃদিপুল ভাব-ছন্দে বাধিয়া চিরন্তন-গতি-শক্তি সঞ্চালিত করিয়া দিয়াছেন। তাই—'গ্রহ-মন্ডলের দল ভিখারী নট বালকের মত আকাশে আকাশে নেচে বেড়াচ্ছে।' বিজ্ঞান Gravitation এর কল্পনা দ্বারা এই বিশ্ব-ছন্দ বুঝিতে চেষ্টা করিয়াছে। এই সম্পর্কে কবির 'বিশ্ব-নৃত্য' কবিতাটি পাঠ করা কর্তব্য। শেলীর ভাব্য নন্দিনী—

Bliethe light and music  
Vanquishing dissonance and gloom  
এবং Indeed  
With love and live and light and deity  
And motion which may change but cannot die

আবার

An antelope

In the suspended impulse of its lightness  
wereless ethereally light.

শেলীও যাহার মধ্যে এই কথাগুলি লিখিয়াছেন, সেও এক নন্দিনী। আমাদের নন্দিনীও তাই।—'সেই নাচের ছন্দেই নন্দিনী তুমি এত সহজ হয়েছ।'

(১০) 'রঞ্জন যে ছুটি বয়ে' নিয়ে বেড়ায় সেই ছুটিকে রক্ত-করবীর মধু দিয়ে ভরে' রাখে কে আমি কি জানি না?'

রঞ্জনের যে সবই ছুটি। তার ত কোনো কাজ নাই! সে কাজ করবে কিসের দুঃখে? সে যে পূর্ণ। 'ন মে পার্খান্তি কর্তব্যং ত্রি-লোকেষু কিঞ্চন।' তবে সে খেলাটা ভালবাসে। আর পূর্ণতার মধ্যেও একটা অভাব সে সৃষ্টি করিয়াছে। সে প্রেম চায়। এইটা তার নেশা। ভক্তির চেয়েও প্রেম বেশী সহজ।

প্রিয়া যদি মান করি করয়ে ভৎসন

দেব-স্তুতি হইতে হরে সেই মোর মন।

তবে নন্দিনীর মত প্রেম দিতে কেউ জানে না। কাজেই—

কৃষ্ণের সকল বাহ্য রূপাধাতেই রয়ে।

নন্দিনীর প্রেম ঐ রক্তকরবীর মধু। অর্থাৎ হরিপ্রিয়-মধু। করবীর একটি নাম হরিপ্রিয়—পূর্বে বলিয়াছি। অম্বরগ' আর 'মাধুর্য' নন্দিনীর ভাঙারে অকুরন্ত।

And from her lips, and from a hyacinth full  
Of honey-dew, a liquid murmur Drops.

—Shelley.

ইহাই রক্তকরবীর মধু। \* এই মধু না হইলে রঞ্জনের ছুটি কাটবে না। এই মধু পান করিয়া ছুটি কাটাইবার জন্তই ত রাধিকা-রঞ্জনের গোলোক আর বৃন্দাবন।—প্রকৃতির অতীত—বিরজার পারে।

(১১) 'আমার অনবকাশের উজান ঠেলে' তোমাকে ঘেঁষে আনতে চাই না। 'এখনো সময় হয় নি।'

আনন্দ-রস-রূপিনী যে নন্দিনী তাকে ঘেঁষে আনিবার সময় মানুষ পায় না। রোজকার রোজগারের কাজটা আগে কি না? সে কাজ বেশ ফুরোর না। অবসর-সময়ে একটু ভাবাবেশ আসে কতি কি? কিন্তু ভাবের অর্থাৎ কাজের জন্ত কাজের কতিটা অবৈধ। যুগ-যুগান্তে এ অবসর আসে না। নন্দিনী বাহিরেই থাকিয়া যায়। জ্বালের কাজ দিয়া নন্দিনীর সঙ্গে দেখা-শোনা একটু হয় এই মাত্র।

\* রক্তকরবীকে red oleander না বলিয়া যদি hyacinth বলি তবে Botanyর হিসাবে ভুলই দোষ হোক—সাহিত্যের হিসাবে অনেক বেশী স্বন্দর হয়। গ্রীক-পুরাণামুসারে সন্নীত-সৌন্দর্যের দেবী এপেলোর অতি প্রিয় হারেসিস নামক একটি বালকের শোণিত হইতে এই ফুলের উদ্ভব।









## রৌদ\*

শ্রীঅমলচন্দ্র সেন

কুমার বাহাদুর! মহারাজ প্রতাপ সিংএর পক্ষ হ'তে আমাদের এই প্রাচীন দুর্গে আপনাকে সাদর অভ্যর্থনা করছি। আপনি এখানে কয়েক দিন থাকবেন জেনে আমরা বাস্তবিকই নিজেদের অত্যন্ত সম্মানিত বোধ করছি। মহারাজা বাহাদুর নিজে এসে আপনাকে অভ্যর্থনা করতে না পারায় বড়ই দুঃখিত ও লজ্জিত। কিন্তু আপনি ত জানেন যে, মহারাজা বাহাদুর নিজজনে থাকতেই ভালবাসেন এবং সেই জন্য আপনার ক্রায় মাননীয় অতিথির সস্বর্কনার ভার আমাদের উপরেই দিয়েছেন।

আমি ভাল বাংলা বলতে পারি না সেজন্য—আপনি হিন্দুস্থানি জানেন?—তা হোক কুমার বাহাদুর! আপনি যখন আমাদের অতিথি, তখন আপনার মাতৃভাষাতেই যথাসাধ্য আপনার সঙ্গে আলাপ করতে চেষ্টা করব। এঁরা কারা জিজ্ঞেস করছেন? ইনি হচ্ছেন বলবন্ত সিং, মহারাজা বাহাদুরের কোষাধ্যক্ষ; আর ইনি মহাতপ সিং, কার্য্যাধ্যক্ষ। আপনি তা হ'লে প্রতাপগড়ে যাচ্ছিলেন, আমাদের বিজয়গড়ের নাম শুনে কয়েক দিনের জন্য এসেছেন? বেশ, আপনার ক্রায় মাননীয় অতিথিকে এ রকম অযাচিতভাবে পেয়ে আমরা যে কত আনন্দিত হয়েছি, তা আমার এ ভাঙা বাংলায় প্রকাশ করতে পারছি না। একটা সিগার ইচ্ছা করুন! এবং আপনারই বাড়ী বলে মনে করবেন, কিছুমাত্র সঙ্কোচ বোধ করলে মহারাজা বাহাদুর বড়ই দুঃখিত হবেন।

আপনি এই রাজ-প্রাসাদের স্থাপত্য-কলা দেখে খুসী হয়েছেন? আপনি মনে করেন যে, ইহা অস্তুত: হাজার বৎসর আগেকার তৈরী? সম্ভব, কিন্তু এ বিষয়ে আমরা একমত নই। ওহে মহাতপ! গড়গড়ার নলটা কুমার বাহাদুরকে এগিয়ে দাও। হাঁ, আমাদের এই

রাজপ্রাসাদ যে এক কালে কি রকম গম্গমে ছিল, তা আপনি এখনকার এই অবস্থা দেখে ধারণাও করতে পারবেন না। হায় কি কুক্ষণেই,—ভয় নেই বলবন্ত, আমি কোন পারিবারিক কথা বেফাঁস করব না, এটুকু বুদ্ধি এখনও আমার আছে। আমার দিকে চোখ ইসারা না ক'রে, তুমি বড় আতরদানটা কুমার বাহাদুরকে এগিয়ে দাও। এটা একেবারে খাঁটি পারশ্য দেশের আতর, কুমার বাহাদুর,—আপনি বরং পরীক্ষা ক'রে দেখুন। হাঁ, আমি কি বলছিলাম? ঠিক! এক শত বৎসর আগে বিজয়গড়ের রাজপ্রাসাদ যে দেখে নি, তা'র জীবনটাই বৃথা গেছে। আপনি নিশ্চয় প্রতাপগড়ের ঐশ্বর্য ও দিলদারনগরের সৌন্দর্যের কথা শুনেছেন। বিজয়গড়ের তুলনায় এ'দের নিতান্তই অসার বলে মনে হয়।

আপনি আজ যে ঘরে শয়ন করবেন, এক দিন ঐ ঘরে স্বয়ং সম্রাট আকবর শাহ শয়ন করেছেন। আমি যে সময়ের কথা বলছি, সে সময়ে ৫০০ নিমন্ত্রিত ভদ্রলোক এই প্রাসাদে স্বচ্ছন্দে থাকতে পারতেন। আমাদেরই বাল্যকালে যখন মহানুভব সম্রাট সাজাহান এখানে আসেন, তখন ৩০০ সম্রাস্ত ভদ্রলোককে এই প্রাসাদে থাকতে দেখেছি। আহা! সম্রাট সাজাহান পুলের হাতে বন্দী হ'য়ে যখন প্রাণ হারালেন, তখন আমাদের তখনকার মহারাজা কি শোকটাই প্রকাশ করেছিলেন! তিনি তাঁর সমস্ত প্রজাকে শাদা পাগড়ী পরিয়ে একমাস কাল শোক প্রকাশ করিয়েছিলেন! এই জন্য তাঁর বাইশ লক্ষ পাগড়ী তৈয়ার করতে হয়েছিল।

বুঝেছেন কুমার বাহাদুর! আমাদের এই রাজ্য তখন এই রকমই সমৃদ্ধিশালী ছিল। আপনি বোধ হয় আপনার সামনে ঐ জানালার মধ্য দিয়ে শুধু অন্ধকা! ছাড়া আর কিছুই দেখতে পাচ্ছেন না। কিন্তু আপন:

\* একটা ফরাসী গল্পের অনুরূপে।

সামনে এই প্রকাণ্ড প্রাসাদের অর্ধেকেরও বেশী পড়ে রয়েছে। আমি আপনাকে শপথ ক'রে বলতে পারি যে, আমি যে সময়কার কথা বলছি, তখন এমন একটা দিনও যেত না, যেদিন সন্ধ্যা হ'তে সকাল পর্য্যন্ত সমস্ত প্রাসাদখানি আলোয় না ঝলমল করত। আর মহারাজা বাহাদুরের ঘোড়াশালা! সেও একটা দেখবার জিনিস ছিল। এ বিষয়ে অবশু আমার চাইতে আমার বন্ধু মহাতপ ভাল বলতে পারেন। তবে আমি এ কথা জোর করে বলতে পারি যে, বিলাতে সম্ভ্রান্ত বংশীয় ছেলেরা যে আদর-বহু পালিত হয়, মহারাজা বাহাদুরের ঘোড়াদের তার চাইতে কম যত্ন নেওয়া হ'ত না।

খাওয়ার আয়োজন বেশী করা হয়েছে? ও কথা বলে আমাদের লজ্জা দেবেন না। আপনার মতন সম্ভ্রান্ত অতিথি ও এই প্রাচীন রাজবংশের উপযুক্ত কিছুই হয় নাই। আমাদের দুর্ভাগ্য যে, বিশেষ কোন কারণে মহারাজা বাহাদুর,—ভয় নেই বলবস্ত আমি সে কথা বলছি না। \* \* \* আপনি ঠিকই বলেছেন যে গুরু-ভোজনের পরই শয়ন করতে যাওয়া ঠিক নয়। কি খেলবেন, তাস? বেশ! কিন্তু বড়ই ছঃখের সহিত বলতে হচ্ছে যে, এখন তাস খেলার জন্ত চার জন লোক পাওয়া যাবে না। \* \* \* ঠিক, আপনি ঠিকই ঠাওরেছেন! বাস্তবিকই বাঙ্গালীদের মত বুদ্ধিমান জাতি আর কোথাও দেখা যায় না। আজ্ঞা হাঁ, কুমার বাহাদুর, রাত্তি প্রায় নটা হ'ল,—বলবস্ত ও মহাতপের এখন মহারাজা বাহাদুরের কাছে যেতে হ'বে। রাত নটা হচ্ছে রৌদে বেরোবার সময়। বুঝলেন না? তবে বলি শুনুন,—ওহে বলবস্ত, তুমি চোখ পাকিয়ে ও খুব কুঁচকে আমাকে ভয় দেখিও না। পারিবারিক রহস্য যে গোপন করা উচিত, তা আমার জানা আছে। ঐ দেখ, মহারাজা বাহাদুরের খাস খানসামা তোমাদের ডাকতে এসেছে। মহারাজা বাহাদুরকে বোলো যে কুমার বাহাদুর বলছেন যে, তিনি বেশ আরামেই আছেন এবং তাঁর কোনই অসুবিধা হচ্ছে না। আর দেখ, একটু সকাল সকাল ফিরতে চেষ্টা কোরো। যদি দশটার মধ্যে তোমাদের রৌদ হয়ে যায়, তাহলে হয়ত কুমার বাহাদুর একটু গাস খেলতে ইচ্ছা করবেন।

আঃ কি ঠাণ্ডা,—এরা আবার দরজাটা খুলেই রেখে

গেল! না, না, আপনি উঠবেন না। যদিও আমার বয়স ষাট পেরিয়েছে, উঠে দরজাটা বন্ধ করবার শক্তি ভগবান এখনও আমার রেখেছেন। কি করা যায় বলুন ত? ওদের ফেরা পর্য্যন্ত একটু দাবা খেলবেন কি? আচ্ছা, আশুন তবে।

\* \* \* এই কিস্তী? বেশ মুঞ্চিলেই ফেললেন দেখছি! আচ্ছা এই দৌড়া,—ও কি? আপনি ওদিকে কি দেখছেন? ওঃ! আমাদের সামনে প্রাসাদের জানালাগুলিতে আলোর খেলা দেখে আপনি একটু আশ্চর্য হয়েছেন দেখছি। একটু আগেই আমি আপনাকে যা বলছিলাম,—এই দৈনিক রৌদ আরম্ভ হয়েছে। আজ বিশ বৎসর ধরে আমি রোজ ঠিক এই সময়ে এই রৌদ দেখে আসছি।

আচ্ছা; এই জানালার কাছে আশুন। একটু পরেই না হয় আমাদের খেলা ফের আরম্ভ করা যাবে। ঐ দেখুন, সবার আগে লণ্ঠন হাতে একটা লোকের ছায়া,—ইনি হচ্ছেন বলবস্ত; তার পরেই মহাতপ, আর সবার পিছনে ঐ যে দীর্ঘ মূর্তির ছায়া দেখছেন, একটু যেন হুয়ে পড়েছে,—উনিই হচ্ছেন আমাদের মহারাজা বাহাদুর! মহারাজা বাহাদুরের চেহারা ভাল করে দেখে নিন, কারণ আর ত দেখতে পাবেন না! কেন দেখতে পাবেন না?

বেই ত মুঞ্চিলে ফেললেন দেখছি! আপনি পরশু প্রতাপ-গড়ে যাবেন বলছিলেন না? সেখানে আমার বন্ধু ডাক্তার বিক্রম সিং বোধ হয় এ বিষয়ে আমার মত দ্বিধাগ্রস্ত হবেন না। আপনি তাঁর কাছেই সব শুনে পাবেন। কিন্তু, দ্বিধাই বা কেন? মহারাজা বাহাদুর সম্বন্ধে কোন গোপন কথা অপরের কাছ থেকে শোনার চাইতে আমার মতন তাঁর আজীবন ভূত্যের কাছে শোনা ভাল নয় কি? ক'টা বাজল? সাড়ে ন'টা? ওদের ফেরবার এখনও দেরী আছে, এর মধ্যেই আমি বলতে পারব। কিন্তু বলবস্ত সিং ভয়ানক চটে যাবে; আপনি কথা দিন যে,—না, না, আপনার কথাই যথেষ্ট, আর শপথ করতে হবে না। হাঁ, কথাটা হচ্ছে এই যে, আপনি মহারাজা বাহাদুরের দেখা পাবেন না, কারণ,—কারণ,—আঃ, কি বলি, ঠিক কথাটা যে মনেই হচ্ছে না,—যাকগে, কারণ, মহারাজা বাহাদুর পাগল।

পাগল বটে, কিন্তু তিনি চিরকাল এ রকম ছিলেন না।

আমি যে সময়কার কথা বলছি, তখন মহারাজা বাহাছরের মত বুদ্ধিমান ও জ্ঞানী লোক এ অঞ্চলে আর একটিও ছিল না। সে প্রায় পঁচিশ বৎসর আগেকার কথা। আমাদের মহারাজা পদ্মিনী দেবী ঠিক পদ্মিনীরই মত সুন্দরী ছিলেন। উহাদের তিন বছরের একটা মেয়ে ছিল, নাম ছিল তার মীরা। সে ছিল ঠিক তার মায়ের মতই সুন্দরী। ঐ যে দূরে ছোট নদীটি দেখছেন,—সবুজ মাঠের মধ্য দিয়া এঁকে বেঁকে চলেছে,—এক দিন হোল কি, তার পরিচারিকা ঐ নদীর ধারে মীরাকে বেড়াতে নিয়ে গিয়ে এক মুহূর্তের জন্ত অন্তমনস্ক হয়েছে, আর ঠিক সেই মুহূর্তেই ওই অলক্ষণা নদী মীরাকে গ্রাস করল। খানিকক্ষণ পরে অবশ্য নদী মীরাকে ফিরিয়ে দিলে,—কিন্তু অসাড়, নিস্পন্দ।

আমাদের এই বিজয়গড়ের আগেকার অবস্থা যে দেখেছে এবং এখনকার এই শোচনীয় অবস্থা যে অনুভব করতে পেরেছে, সেই কেবল বুঝতে পারবে এই দুর্ঘটনার জের কতদূর পর্য্যন্ত গিয়েছে। বেশী কথা বলবার সময় নেই,—তিন মাসের মধ্যেই দারুণ মনোকষ্টে মহারাজা মারা গেলেন। আর মহারাজা বাহাছর! তাঁরও বোধ হয় ঐ শোকে মৃত্যু হ'লেই ভাল ছিল। আজীবন মহারাজা বাহাছরের নিমক খেয়েছি,—কি হুখেই যে কথা বলছি, সহজেই বুঝতে পারেন। মহারাজার শোকে মহারাজা বাহাছর উন্মাদ হয়ে গেলেন। এখন পর্য্যন্ত সেই উন্মত্ত অবস্থাই আছে,—তবে তার গতিটা অল্প পথে চালিত হয়েছে। কি রকম করে হল শুনুন।

কুমার বাহাছর, আমি অবশ্য নিশ্চয় বুঝি যে, নিজের কথা নিজের মুখে বলা শোভা পায় না; কিন্তু দুই একটা কথা বলতে বাধ্য হচ্ছি,—আশা করি, এজন্য আমাকে দাস্তিক মনে করবেন না। একজন হোমবা-চোমরা না হলেও, ডাক্তারী-শাস্ত্রটা আমি ভাল করেই অধ্যয়ন করেছিলাম। আপনি নিশ্চয়ই কলিকাতার প্রসিদ্ধ ডাক্তার গুপ্তকে জানেন! আমি তাঁরই ছাত্র। তিনি আমাকে খুবই ভালবাসতেন এবং খুব যত্নের সহিত আমাকে শিক্ষা দিয়েছিলেন। আঃ, কি দিনই গিয়েছে! যাক, আপনি কি আর একটা সিগার নেবেন? আমি কিন্তু সিগারের চাইতে সিগারেটই বেশী ভালবাসি।

হাঁ, কি বলছিলাম? মহারাজা বাহাছরের পাগলামীর কথা! আপনি বোধ হয় স্বীকার করবেন কুমার বাহাছর, যে সব পাগলামীর মধ্যেই কিছু না কিছু আশ্চর্য্য ব্যাপার আছে। বুঝতে পারলেন না? অর্থাৎ আমরা তার যে পথে চলা উচিত বা যা করা উচিত মনে করি, অনেক সময় সে ঠিক তার উল্টা করে বসে। এর মধ্যে আশ্চর্য্য কিছুই নেই? ঠিকই ত,—কারণ এর মধ্যে পাগলামী নেই। আমাদের মহারাজা বাহাছরের পাগলামীর মধ্যে আশ্চর্য্য ব্যাপার এই ছিল যে, যে ঘটনার দরুণ তিনি পাগল হলেন, তাঁর পাগলামীর মধ্যে সে ঘটনার একটু গন্ধও ছিল না। মহারাজা বাহাছর তাঁর তিন বছরের মেয়ে মীরাকে অবশ্য খুবই ভালবাসতেন, কিন্তু এটাও ঠিক যে তিনি মহারাজা পদ্মিনীকে তাঁর সমস্ত মন-প্রাণ সমর্পণ করেছিলেন। আর মহারাজার মৃত্যুর কয়েক দিন পর থেকেই মহারাজা বাহাছরের উন্মাদের লক্ষণ প্রকাশ পায়। কিন্তু, আপনি শুনে নিশ্চয়ই আশ্চর্য্য হবেন যে, তাঁর উন্মত্ত প্রলাপের মধ্যে কেবলমাত্র তাঁর আদরিত্রী কন্যা মীরার স্মৃতিই তাঁকে কষ্ট দেয়। মহারাজার জন্ত তাঁকে শোক করতে এ পর্য্যন্ত আমরা কেউ দেখিনি। মহারাজার মৃত্যুর কথা তিনি খুব ভাল করেই জানেন,—এমন কি তাঁর মৃত্যুকালীন চেহারার বর্ণনা ও মহারাজার মুখের শেষ কথা মহারাজা বাহাছরের মুখে অনেকবার শুনেছি। তাঁর মেয়ে মীরার মৃত্যুর কথা মহারাজা বাহাছরের কাছে বলবার উপায় নেই,—তাঁর ধারণা যে, মীরা এখনও বেঁচে আছে,—কেবল আমি, বলবন্ত ও মহাতপ ষড়যন্ত্র করে তাঁকে কষ্ট দেবার জন্ত মীরাকে লুকিয়ে ফেলেছি। কিন্তু আশ্চর্য্যের কথা এই যে, বেচারী তাঁর কন্যার মৃতদেহ শ্মশানে যাওয়ার আগে পর্য্যন্ত তাঁর বুকে চেপে রেখেছিলেন এবং মহারাজার মৃত্যুর আগের দিন পর্য্যন্ত এমন একটা দিনও যায় নাই, যেদিন না মহারাজা বাহাছর নিজের হাতে তাঁর মেয়ের চিতাশয়্যার উপর একগাছি যুঁ-ফুলের মালা চোখের জলে ধুয়ে রেখে এসেছেন। এখন এ সব ওলোট-পালোট হয়ে গেছে,—এখন মহারাজা বাহাছরের ধারণা যে, মহারাজা মতাই মৃত, কিন্তু মীরা এখনও বেঁচে আছে, আর আমরা তাকে লুকিয়ে রেখেছি। এ অবস্থায় আপনি কি করতেন? বোধ হয় আমি যা করেছি আপনি তাই করতেন। আমি দেখলাম যে, এ রকম ঘোর উন্মত্ত



অবস্থা থেকে একেবারে রোগ-মুক্তির চেষ্টা করা বুধা ; কিন্তু পাগলামীর প্রকোপটা বোধ হয় চেষ্টা করলে কমান যেতে পারে। \* \* বাঃ, আপনি ঠিক আন্দাজ করেছেন। মহারাজা বাহাদুরের পাগলামীর প্রকোপ ক্রমেই বেড়ে যাচ্ছে দেখে, আমি এক দিন আমার মতলব বলবস্তুকে খুলে বললাম। অবশ্য বলাই বাহুল্য, বলবস্তু খুব আনন্দের সহিতই রাজি হ'ল, এবং আমবা দুজনে আমাদের মতলব কার্যে পরিণত করার চেষ্টায় থাকলাম। আচ্ছা কুমার বাহাদুর! আপনি বলতে পারেন মতলব আঁটার চাইতে কাজ করা এত শক্ত কেন ?

আপনি নিশ্চয়ই বুঝেছেন যে, আমাদের মতলব ছিল— একটা তিন চার বছরের সুন্দরী মেয়ে খুঁজে এনে মহারাজ বাহাদুরের কাছে তাঁর মেয়ে মীরা বলে দাঁড় করান। এতে অবশ্য আমাদের ভয়ের কিছুই ছিলনা, কারণ এ সময়ে মহারাজা বাহাদুরের পাগলামীর প্রকোপটা এতই বেড়ে গিয়েছিল যে, তার আরও বৃদ্ধির কোন আশঙ্কা ছিল না। অপর পক্ষে, আমাদের আশা ছিল যে, আমাদের মতলব মত কাজ করলে হয়ত একটু উপকার হতে পারে। বাস্তবিকই উপকার হয়েও ছিল, আর সেটা এত বেশী পরিমাণে যে, আমরা তাহা স্বপ্নেও মনে করতে পারিনি। কিন্তু আমরা যে নিজেদের জালে কি রকম জড়িয়ে পড়েছি, তা আপনি বোধ হয় ধারণাও করতে পারবেন না। এটা যে আমার বন্ধু বলবস্তুর নির্বুদ্ধিতার ফল, সে বিষয়ে আমার কোনই সন্দেহ নাই ; আর এই নিয়ে আমাদের মধ্যে অনেকবার ঝগড়াও হয়ে গিয়েছে।

ঘটনাটা দাঁড়াল এই যে, একটা তিন চার বছরের ছোট মেয়ের দরকার এবং সেজন্ত বলবস্তু ও মহাতপকে খোঁজে পাঠান হল। কয়েক দিন পরে তারা একটা মেয়েকে নিয়ে এসে হাজির হল। \* \* চুরি করে ? না, না, চুরি করে নয়, ক্রয় করে ! আপনি আশ্চর্য হচ্ছেন ; কিন্তু এ কথা শুনে আরও আশ্চর্য হবেন যে, যখন বলবস্তু মেয়েটার বাপের কাছে প্রস্তাব করলে যে মেয়েটা পছন্দ না হ'লে তা'কে অর্ধমূল্যে ফেরৎ দিবে, এ প্রস্তাবে কিছুতেই তাকে রাজি করান গেল না। মেয়েটা ছিল বেদের মেয়ে। হাঁ, কুমার বাহাদুর, বেদের মেয়ে, এবং এইটেই হ'ল বলবস্তুর নির্বুদ্ধিতার ফল। নকল মীরা বাস্তবিকই খুব সুন্দরী ছিল ;

এবং আসল মীরার সহিত তাহার অনেক সাদৃশ্যও ছিল,— কেবল তার চুলগুলি ছিল একটু কটা। বুঝেছেন কুমার বাহাদুর ! আমরা যেদিন এই নকল মীরাকে বেচারী কণ্ঠাহারা পিতার নিকটে উপস্থিত করলাম, সেদিনকার সেই দৃশ্য বর্ণনা করবার ভাষা আমি খুঁজে পাচ্ছি না। আমাদের অবশ্য একটা মিথ্যার রচনা করতে হ'ল,—আমরা বললাম যে, মীরাকে বেদেরা চুরি করে নিয়ে গিয়েছিল, আর এক বৎসরের চেষ্টার ফলে আমরা তাকে খুঁজে বার করেছি। মহারাজা বাহাদুর খুব দরাজ হাতেই আমাদের পুরস্কার দিলেন, কিন্তু চকচকে সেই মোহরগুলি ঠিক তপ্ত অঙ্গারের মতই আমাদের হাত পুড়িয়ে দিল।

আপনি বোধ হয় বুঝতে পারছেন কুমার বাহাদুর, যে একটা বেদের মেয়ে না এনে যদি বলবস্তু একটা ভদ্রঘরের মেয়ে খুঁজে আনত, তা'হলে আমাদের আজ এ দুর্ভোগ ভুগতে হ'ত না। এই নকল মীরাকে আসল বলে চালাতে গিয়ে, আমরা যে কি কষ্ট পেয়েছি, তা আপনাকে বলতে পারি না। কত উৎপাতই যে তার আমরা সহ করেছি। একদিন ত সভার মাঝে রাজগুরুর টিকি ধরে টেনে তাঁকে ফেলে দিলে,—এক দিন গোয়াল-ঘরে আগুন লাগিয়ে দিলে ; আর একদিন,—যাক, আর কত বলব ?

মহারাজা বাহাদুরের কিন্তু আশ্চর্য্য পরিবর্তন হল ; আমাদের মতলব সফল হল, তাঁর পাগলামী সেরে গেল। কিন্তু বিশ বৎসর ধরে তাঁকে এই মিথ্যার আবরণে ঢেকে রাখা যে আমাদের কাছে কতদূর কষ্টসাধ্য হয়েছিল, তা আপনি সহজেই বুঝতে পারেন। আমাদের সর্বদাই ভয় হ'ত, কবে বা এই তাসের ঘর কোন অদৃশ্য অদৃষ্টের নিশ্চয় ফুৎকারে ভাঙিয়া যায়। ঠিক এই সময়ে আমাদের মহারাজা বাহাদুরের দৈনিক রোঁদ,—যা আপনি একটু আগেই দেখলেন,—আরম্ভ হল। আপনার বোধ হয় মনে আছে, কুমার বাহাদুর, যে আমরা মহারাজা বাহাদুরকে বুঝিয়েছিলাম যে, মীরাকে বেদেরা চুরি করে নিয়ে গিয়েছিল। পাছে বেদেরা তাঁর আদরিণী কণ্ঠাকে আবার চুরি করে, এই ভয়ে মহারাজা বাহাদুরের ঘুম হ'ত না। এই চিন্তা ছাড়া তাঁর মনে অল্প কোন চিন্তা ছিল না। সন্ধ্যা হতে না হ'তেই রাজপ্রাসাদের ফটক বন্ধ হ'য়ে যেত, এবং মহারাজা বাহাদুর নিজে ও আমরা তিনজনে মুক্ত তরবারি হস্তে সমস্ত প্রাসাদ

ঘুরে পাহারা দিতাম। ঐ দেখুন, মহারাজা বাহাদুর নিজে লঠন-হস্তে পাহারা দিচ্ছেন। ঐ দেখুন, কেমন তিনি প্রত্যেক ঘরের প্রত্যেক কোণটি পর্য্যন্ত পরখ করে দেখছেন। এখন তিনি মীরার ঘরের সামনে যাবেন, এবং দরজায় কাণ লাগিয়ে, হয়ত বা সন্তর্পণে দরজাটা একটু ফাঁক ক'রে দেখবেন যে, ঘরের মধ্যে সব ঠিক আছে কি না।

বাস্তবিকই কুমার বাহাদুর, এর চাইতে মন্থস্থদ ব্যাপার আমি কখনও দেখিনি বা শুনিনি। কিন্তু আরও আছে,— ঐ ঘর, মীরার ওই ঘর এখন আবার শূন্য। কেমন করে হ'ল? তা শুনে আর কি হ'বে? \* \* কা'র দোষে? বলবন্ত বলবে মহাতপের, মহাতপ বলবে আমার, আমি বলব বলবন্তের। পাজি নচ্ছার বেটা বোধ হয় কোন রকমে আমাদের গোপন কথাটা টের পেয়েছিল। যাই বলুন না কেন, কুমার বাহাদুর, মানুষের কাজ ত? যতই ভাল হোক না কেন, তা'তে কিছু না কিছু গলদ থাকবেই।

বলবন্ত ও মহাতপের দেববার সন্ময় হ'ল, আসুন আমাদের খেলাটা শেষ করা যাক। দেখবেন, আপনাকে

যা বললাম—ওরা যেন টের না পায়। আর আপনি ত পরশুদিন প্রতাপগড়ে সবই শুনতে পাবেন। \* \* হাঁ, এবার এই নৌকার কিন্তি সামলান ত? আপনি আর কি শুনতে চান? মেয়েটার কি হ'ল? এক দিন এই প্রাসাদের কাছে একদল বেদে এসে তাঁবু ফেলেছিল। আমরা অবশ্য তাদের তৎক্ষণাৎ চ'লে যাবার হুকুম দিলাম। তারা চলেও গেল; কিন্তু তার পরদিন থেকেই নকল মীরার আর কোন সন্ধান পাওয়া গেল না।

আর মহারাজ বাহাদুর? যেদিন তিনি নকল মীরার অন্তর্ধানের সংবাদ পেলেন, সেদিন থেকেই তাঁর পাগলামী আবার ফিরে এল। কিন্তু এবারকার পাগলামী বড়ই করুণ! তিনি মনে করেন, মীরা এখনও আগেকার মতন এখানেই আছে। যখন আমরা রৌদে বেরিয়ে তার দরজার সামনে দিয়ে যাই, তখন মহারাজ বাহাদুরের হুকুম অনুসারে সকলকেই অতি সতর্পণে পা টিপে টিপে যেতে হয়,—পাছে মীরার ঘুম ভেঙ্গে যায়।

এই যে, এঁরা আসছেন। এবার আপনার চাল কুমার বাহাদুর—!

## নিখিল-প্রবাহ

শ্রীহেমন্ত চট্টোপাধ্যায়

চার্লস হফ

বর্তমান সময়ে সমগ্র ইয়োরোপে বোধ হয় চার্লস হফের মত দৌড়-লাফ, বাঁপ ইত্যাদি সকল প্রকার খেলাতে সুনিপুণ খেলোয়াড় আর নাই। “পোল-জাম্প” ইনি পৃথিবীতে সর্বশ্রেষ্ঠ। আমেরিকাতে এক খেলা-প্রদর্শনীতে হফ ১৩ ফিট ৯ ইঞ্চি পোল জাম্প করিয়াছিলেন। এ পর্য্যন্ত এত উঁচু লাফ আর কেহ দিতে পারে নাই। তাঁহার সঙ্গে আর যে সকল আমেরিকান এবং অন্যান্য দেশের খেলোয়াড়েরা লাফ দিতেছিল, তাহারা প্রায় সকলেই ১২ ফিটের ঘরে আসিয়াই থামিয়া যায়। চার্লস হফ যে

কেবল পাকা খেলোয়াড় তাহা নহে,—বাণ, লেখাপড়া, সঙ্গীত ইত্যাদি বিঘাতেও ইনি কাহারো অপেক্ষা কম যান না। নরওয়ের এক বিখ্যাত কাগজের ইনি ক্রীড়া-বিভাগের সম্পাদক। নানা প্রকার চমৎকার প্রবন্ধ তিনি ঐ কাগজে লিখিয়া থাকেন।

বাল্যকালে হফের শরীর অত্যন্ত কুশ ছিল। কিন্তু তিনি কেবল মনের জোরে এবং অধ্যবসায়ের ফলে নিজের শরীরের উন্নতি করিয়াছেন। যে পোল-জাম্পের জন্ত চার্লস হফের পৃথিবী ব্যাপিয়া নাম—তাহা এক সময় তিনি একপ্রকার অসাধ্য বলিয়াই মনে করিতেন। তিনি কেমন করিয়া পোল-জাম্পার হইলেন, তাহার সম্বন্ধে তিনি বলেন :—

“আমাদের দেশের বিদ্যালয়গুলি গরীব, সেইজন্য সকল বিদ্যালয় ক্রীড়া-শিক্ষক রাখিতে পারে না। বিশ্ববিদ্যালয় একজন করিয়া খুব ভাল ক্রীড়া-শিক্ষক নিযুক্ত করিয়া থাকেন, তিনি সকল বিদ্যালয়ে সময়মত গমন করেন এবং ছাত্রদের নানা প্রকার ক্রীড়া শিক্ষা দেন। আমাদের ওসুলো বিশ্ববিদ্যালয়ে একজন ক্রীড়া-শিক্ষক ছিলেন। ইঁহাকে পৃথিবীর মধ্যে একজন শ্রেষ্ঠ ক্রীড়া-শিক্ষক বলা যায়।



চার্লস হফ

আমি গ্রাজুয়েট হইবার পর এক দিন তিনি আমাকে বলিলেন, চার্লস, তুমি খুব ভাল পোল-জাম্প দিতে পার। আমি কথাটা শুনিয়া অবাক হইয়া যাই। পূর্বে কখনও পোল-জাম্প দি নাই। সেই সময় হইতে পোল-জাম্প অভ্যাস করিতে আরম্ভ করিলাম। এখন দশ মাস পরে ১৯২২ সালে ১৩ ফিট ৬ ইঞ্চি লাক্ দিয়া পৃথিবীর রেকর্ড ভাঙ্গিলাম।”

চার্লস হফ তাঁহার নিজের দেশে ১৯২৩ সালে ১১ ফিট ৩ ইঞ্চি উঁচু পোল-জাম্প করিয়াছেন। তাঁহার বিশ্বাস, তিনি শেষ পর্যন্ত প্রায় ১৫ ফিট লাক্ দিবেন—এবং ইহাই পৃথিবীর রেকর্ড জাম্প হইয়া থাকিবে।

### ব্যায়াম এবং ক্রীড়া আয়ু বৃদ্ধি করে

একদল লোকের ধারণা আছে যে যাহারা অতিরিক্ত খেলা, লাক্, দৌড় ইত্যাদি করে, তাহাদের আয়ু কমিয়া যায়। এই ধারণা অত্যন্ত ভুল। কতকগুলি অতি বৃদ্ধ, অর্থাৎ ৭০ বছরের বেশী বয়সের লোকের বাল্য এবং যুবক বয়সের ইতিহাস অনুসন্ধান করিয়া জানা গিয়াছে যে, তাহারা প্রায় সকলেই ফুটবল ইত্যাদি খেলা খুব বেশী রকমই খেলিত। ফুটবল খেলাই বোধ হয় মানুষের শরীর সর্বাংশে বেশী দৃঢ় করে। দৃষ্টি দৌড়ে যাহারা খুব দক্ষ, তাহাদের আয়ুও খুব দৃষ্টি হয়—ইহাও পরীক্ষাতে দেখা গিয়াছে।

### রোগা হইবার সহজ উপায়

প্যারিসের বিখ্যাত ডাঃ হি, লেভেন মোটা মানুষদের রোগা হইবার এক সহজ উপায় অনেক পরীক্ষাদি করিয়া আবিষ্কার করিয়াছেন। এই উপায় অতি সহজ,— ইহাতে কোন ঔষধাদি খাইতে হয় না। এমন কি বিছানায় শুইয়া শুইয়া এই উপায়ে শরীর পাতলা করা যাইতে পারে। উপায়টি এই :—নিশ্বাসের সঙ্গে খুব কম হাওয়া ভিতরে লইয়া তাহা খুব জোরের সঙ্গে বাহির করিয়া দিতে হয়। প্রতি আধ ঘণ্টায় এইরূপ নিশ্বাস-প্রশ্বাস পাঁচবার করিয়া কার্যতে হইবে। দিনে পনের হইতে কুড়িবার এইপ্রকার করা দরকার। চর্কিবৃদ্ধ খাদ্যাদি একেবারে বর্জন করিতে হইবে।


এই উপায়ে একজন অতি মোটা ব্যক্তি ২০ দিনে ১৫ পাউণ্ড ওজন কমাইয়াছে। আর একজন ৬ মাসে ৬০ পাউণ্ড কমাইয়াছে। আমাদের দেশে অতি কদাকার দেখিতে মোটা লোক প্রচুর আছে,—তাহারা এই প্রথায় চিকিৎসা করিলে ফললাভ করিতে পারে। অস্তুতঃ একবার চেষ্টা করিয়াও দেখিতে পারে।



ବ୍ୟାୟାମ ଏବଂ କ୍ରୀଡ଼ା ଆୟୁ ବୃଦ୍ଧି କରେ ।

### মোটর-বাড়ী

বার্লিন সহরে এক দিন সকলে দেখিল—একখানা ছোটখাট বাড়ী সহরের উপর দিয়া চলিয়া যাইতেছে। বাড়ীখানি একটি মোটরকারের উপর তৈরী। দূর হইতে দেখিলে মোটরকার বলিয়া চিনিবার কোন উপায় নাই। গাড়ীখানি যদি কোথাও ছ-একদিন থাকে, তবে তাহার পাশে অয়েলরুথ বুলাইয়া দেওয়া হয়। অয়েলরুথ এমনভাবে রং করা,—ঠিক ইট বলিয়া ভ্রম হয়।



মোটর-বাড়ী

### অভিনব বেশ

“ফ্যান্সি-ড্রেস” নাচের সময় সাহেবরা নানা প্রকার অদ্ভুত এবং কিস্তিত বিমাকার পোষাক পরে। ছবিতে একটি অদ্ভুত মুখ দেখুন। দাবার বোর্ডের মতন মনে হইতেছে। ইহা



অভিনব বেশ

মুখোস নয়। মুখে রং লাগাইয়া এই প্রকার দাগ কাটা হইয়াছে। পোষাক, টুপী ইত্যাদি সবই এইপ্রকার চোকা ঘর-কাটা ছিল। এই অপক্লপ বেশ দেখিয়া সকলে অবাক হইয়া যায়।

### ক্ষুদ্রতম বাঁদর

ছবিতে দেখুন ছোট ছোটের মাথায় একটি জন্তু বসিয়া আছে। উহা একটি বাঁদর। ইহা পৃথিবীর সর্বাপেক্ষা



ক্ষুদ্রতম বাঁদর

ক্ষুদ্র বাঁদর। ইহা বেঞ্জিন দেশ হইতে আনীত এবং লন্ডন চিড়িয়াখানাতে আছে। বাঁদরটি ছোট ছেলের মাথায় অর্ধেকের সমানও নয়।

## রেল লাইন এবং গাড়ী ইত্যাদির ছোট মডেল

স্মার এড্‌ওয়ার্ড তাঁহার নাতি-নাতনিদের আনন্দ এবং আমোদ দিবার জন্ত তাঁহার কামরাতে একটি ছোটখাট রেলওয়ে নির্মাণ করিয়াছেন। এই রেলওয়ের সবই আছে। রেলগাড়ী, ইঞ্জিন, স্টেশন, ব্রিজ, পাওয়ার হাউস, সিগ্‌ন্যাল-ঘর, সিগ্‌ন্যাল ইত্যাদি সবই আছে। প্রায় ৫০০ ফিট রেল লাইন আছে। ইঞ্জিনগুলি ষ্টিম্ বা বিদ্যুৎ-শক্তিতে চলে। কোনোটি বা ঘড়ির কলের মত দমে চলে। এই রেলওয়ে দেখিয়া বড় যে কোনো রেলওয়ের সম্বন্ধে ভালরূপ ধারণা করা যাইতে পারে।


## এক্সিডেন্ট বাঁচাইবার উপায়

আজকালকার দিনে মোটরকারের জন্ত কোনো রাস্তাই সাইকেল-চালকের পক্ষে নিরাপদ নহে। দিনের বেলাতেই ভয়ের অন্ত নাই, রাত্রিবেলার কথা স্বতন্ত্র। সাইকেলের পিছনের বাতিতে বিশেষ লাভ হয় না। মোটরকারের জোর আলোতে তাহা এত ম্লান হইয়া যায় যে, মোটর-চালকের চোখে তাহা পড়ে না বলিলেই হয়। সাইকেলকে পিছন হইতে



## এক্সিডেন্ট বাঁচাইবার উপায়

মোটরকারের ঠোঁড় হইতে বাঁচাইবার এক সহজ উপায় আবিষ্কৃত হইয়াছে। পিছনের মাড্-গার্ডটিকে




## রেল লাইন এবং গাড়ী ইত্যাদির ছোট মডেল

যদি শাদা রং লাগাইয়া শাদা করিয়া রাখা যায়, তাহা হইলে তাহা কম জোর এবং বেশী জোর, উভয় প্রকার আলোতেই মোটর চালকের চোখে পড়িবে এবং সাইকেলের ঘাড়ে না পড়িয়া পাশ কাটাইয়া চলিয়া যাইবার সময় পাইবে। একটু দূর হইতেই ইহা চোখে পড়িবে।

## লম্বা জিরাফ

নিউ ইয়র্কের চিড়িয়াখানায় জিরাফ এবং অস্ত্রান্ত বড় বড় জন্তুদের মাপ লওয়া হয়। ছবিতে দেখুন—একটি জিরাফের মাপ লওয়া হইতেছে। একজন রক্ষক একটি মইএর উপর দাঁড়াইয়া জিরাফটিকে খাবার দেখাইতেছে—জিরাফটি খাবার মুখে লইবার জন্ত নতদূর সম্ভব গলা বাড়াইয়া আছে। মইএর এক একটি ধাপ এক ফুট অন্তর আছে। মইএর কোন্ ধাপ পর্যন্ত জন্তুর গলা উঠিল তাহা দেখিলেই তাহা

উচ্চতা বা লম্বাঘের পরিমাণ সহজেই পাওয়া যায়। ছবির জিরাফটি আসলে পায়ের ক্ষুর হইতে নাকের ডগা পর্যন্ত মাত্র সতের ফিট লম্বা।




লম্বা জিরাফ

### স্বহস্ত-নির্মিত নৌকায় পৃথিবী ভ্রমণ

হারি পিজিগন (Harry Pidgeon) আমেরিকার যুক্তরাষ্ট্রের লোক। তাঁহার বয়স ৫৭ বছরেরও বেশী। কিছুকাল পূর্বে তাঁহার নৌকায় করিয়া পৃথিবী-ভ্রমণ করিবার সখ হয়; এবং তিনি সেই ইচ্ছা পূর্ণ করিবার জন্ত স্বহস্তে মনের মত করিয়া একটি নৌকা নির্মাণ করিতে আরম্ভ করিলেন। কয়েক মাসের অক্লান্ত পরিশ্রমের পর নৌকা নির্মাণ শেষ হইল। নৌকার নাম রাখা হইল "আইল্যাণ্ডার"। ৩৫ ফিট লম্বা। মাস্তুল, পাল, হাল ইত্যাদি সব নির্মাণ শেষ হইবার পর তিনি নৌকাটির কার্যক্ষমতা পরীক্ষা করিবার জন্ত হাওয়াই দ্বীপ পর্যন্ত

নৌকাতে যান এবং প্রত্যাবর্তন করেন। পরীক্ষায় নৌকার কার্যক্ষমতা সুপ্রতিষ্ঠিত হইল। তখন হ্যারি সাহেব পৃথিবী-ভ্রমণের জন্ত প্রস্তুত হইতে লাগিলেন। নৌকাতে একটিমাত্র কামরা ছিল, তাহাতে খাওয়া, শোয়া, তাঁড়ার ইত্যাদি সকল রকম কাজই চলিত। হ্যারি সাহেবের পক্ষে এই প্রকারে পৃথিবী-ভ্রমণ করিবার চেষ্টাকে অসমসাহসের কাজ বলা যাইতে পারে; কারণ, তিনি পূর্বে কোনো দিন সমুদ্র-ভ্রমণ করেন নাই, এবং তাঁহাকে নেহাৎ ডাঙ্গার মানুষ বলা যাইতে পারে। নৌকায় করিয়া পৃথিবী-ভ্রমণ হ্যারি সাহেবের পূর্বে আর একজন লোক করিয়াছিলেন, তাঁহার নাম কাপ্তান যন্সুয়া স্লোকাম্, কিন্তু কাপ্তান স্লোকাম্




স্বহস্ত-নির্মিত নৌকা

পাকা নাবিক ছিলেন এবং তাঁহার নৌকাটি হ্যারি সাহেবের নৌকা অপেক্ষা অনেক বড় ছিল।

অবশেষে হ্যারি সাহেব ১৯২১ খৃঃ অব্দের ২১এ নভেম্বর পৃথিবী-ভ্রমণে বাহির হইলেন। নানা প্রকার বিপদ আপদের ভিতর দিয়া তিনি প্রায় ৩৫,০০০ মাইল সমুদ্র-ভ্রমণ করেন। অনেক সময় ঝড়ের এবং ঢেউএর দাপটে তাঁহার নৌকাখানি যায় যায় হইয়াছে, কোনো রকমে রক্ষা পাইয়াছে। নানা প্রকার ভীষণ ভীষণ জলজন্তুও কম উৎপাত করে নাই। অনেক সময় হ্যারি সাহেব হাজিরের হাত হইতে সামান্য এক ইঞ্চির জন্ত বাঁচিয়া গিয়াছেন। বড় বড় জাহাজের ঠোকর হইতে তাঁহার সামান্য ভেলার মত নৌকাখানিকে বাঁচাইতে তাঁহাকে বড় কম বেগ পাইতে হয় নাই। বিশেষ করিয়া একজন বৃদ্ধের পক্ষে এই প্রকার কার্য যে কতখানি মনের

জোরের পরিচয় দেয়, তাহা বলা যায় না। হ্যারি সাহেবকে এই বিষয়ে জিজ্ঞাসা করাতে তিনি বলেন যে, "নতুন কিছু করিবার এবং দেখিবার ইচ্ছাই আমাকে এই কার্য্য করায়।

মতলব স্থির হইলেই যে তিনি বাহির হইয়া পড়িবেন, তাহাতে কোনো সন্দেহই নাই। হ্যারি সাহেবের এই নৌকা-করিয়া পৃথিবী-প্রদক্ষিণের সমস্ত বিবরণ এখনও আমাদের



সাত সমুদ্রের মানচিত্র

সেই ইচ্ছা এত প্রবল ছিল যে, আমি তাহাকে দমন করিতে পারি নাই। তাহা ছাড়া সংসারে আমার কোনো বন্ধন নাই, আমি বিবাহ করি নাই, কাজেই চুপচাপ এবং নিরাপদ ভাবে ঘরে এবং ডাঙ্গায় বসিয়া থাকিবার কোন হেতু আমি

হাতে পড়ে নাই,—হাতে পাইলেই তাহা "ভারতবর্ষে" প্রকাশিত হইবে।

### এক হাতে ১৩টি বল

জর্জ এণ্ডটার নামক একজন পেশাদার টেনিস খেলোয়াড় এক হাতে ১৩টি টেনিসবল রাখিতে বা ধরিতে



একাকী সাত সমুদ্র ভ্রমণ

দেখিতে পাই নাই। আমার ভ্রমণ করিবার ইচ্ছা হইল, আমি বাহির হইয়া পড়িলাম।"

হ্যারি সাহেবের কথাবার্তায় মনে হয় যে তিনি আবার কোথাও বাহির হইয়া পড়িবার মতলব করিতেছেন।




এক হাতে ১৩টি বল

পারে। খেলিবার সময় ঐ পাকা খেলোয়াড় হাতে ৯টি বল রাখিতে পারে। হাতে বল রাখা বিষয়ে তাহার সমকক্ষ আর কেহ নাই।



### সার্কাসওয়ালার কেলামতি

ছবিতে দেখুন—একজন লোক কেমন সিঁড়ি দিয়া নামিতেছে। আমরা ওঠা নামা করি পা দিয়া, ছবির লোকটি করিতেছে মাথা দিয়া—সামান্য তফাৎ। লোকটি



সার্কাসওয়ালার কেলামতি

প্যারিসের একজন বিখ্যাত সার্কাসওয়ালার, নাম, আলেক্ জাণ্ডার প্যাটি। পৃথিবীতে এমন অদ্ভুত খেলোয়াড় আর আছে বলিয়া শোনা যায় না।

### গরম দিনে শরীর ঠাণ্ডা রাখিবার উপায়

গরম জলে স্নান করিয়া গরম কোন পানীর পান করিলে দারুণ গরমে শরীর অনেক পরিমাণে ঠাণ্ডা হয়। ইহার কারণ গরম জলে স্নানের ফলে শরীরের লোমকূপগুলি পরিষ্কার হইয়া ধুলিয়া যায়। এবং তাহার পর গরম পানীর ফলে ঘাম হয়। ঘাম হইলে শরীর ঠাণ্ডা হয়, ইহা সকলেই জানেন। অবশ্য স্নাতসেঁতে হাওয়াতে ঘাম হইলে আরাম অপেক্ষা বে-আরাম চের বেশী হয়। গরম-কালে অত্যন্ত ঠাণ্ডা জলে স্নান করিলে অনেক সময় লোম-কূপগুলি সঙ্কুচিত হইয়া বন্ধ হইয়া যায় এবং ঘাম উপযুক্ত পরিমাণে বাহির হইতে পারে না। সেই সঙ্গে শরীরের

ভিতরের গরম অনেক পরিমাণে শরীরের ভিতরেই থাকিয়া যায়। ফলে এই হয় যে স্নানের পর গরম না কমিয়া আরো যেন বাড়িয়া যায়। শুকনো গরমে শরীর যত ঘামে ততই



উপযুক্ত পোষাক পরিচ্ছদ

ভাল, কারণ ঘামের বৃদ্ধির সঙ্গে সঙ্গে শরীরও ঠাণ্ডা হইবে, শুকনো গরমে ঘামও তাড়াতাড়ি শুকাইয়া যায়, গা পচ-পচ করে না। স্নাতসেঁতে গরমে অর্থাৎ ভাপসা বা পচা গরমে ঘাম হইলে ফল উল্টা হয়।



নির্জনে চিন্তা করা

পোষাক পরিচ্ছদ এবং খাওয়ার উপর গরম অনেক পরিমাণে নির্ভর করে। হালকা রংএর জামা কাপড় গরমকালে আরামদায়ক। ঘোর রংএর জামা কাপড়

শরীরকে অত্যন্ত গরম করে; কারণ ঘোর রং তাপ অতি সহজেই গ্রহণ করিয়া রক্ষা করিতে পারে।



ভিজা পর্দা টাঙ্গাইয়া ঘর ঠাণ্ডা রাখা

গরমকালে বেশী খাওয়া ঠিক নয়, তাহাতে শরীর কষ্ট পায় এবং গরম বৃদ্ধি পায়। শাকসব্জী এবং তাজা ফল গরম

কালের পক্ষে খুব ভাল; কারণ, ইহারা শরীরের তাপ বৃদ্ধি করে না। মাংস এবং মিষ্টান্ন যত কম খাওয়া যায়, ততই ভাল। ঠাণ্ডা যাবগায় ভ্রমণ বা দৃশ্যাদির চিন্তা গরমকালে মন এবং শরীর অনেক পরিমাণে ঠাণ্ডা করে। নিম্নলিখিত কয়েকটি উপায় শরীর ঠাণ্ডা করিবার পক্ষে খুব ফলদায়ক।

- ১। লোমকূপ বাহাতে বন্ধ না থাকে, সে বিষয়ে দৃষ্টি রাখা।
- ২। শাকসব্জী এবং অস্ত্রান্ত ঠাণ্ডা ফলমূল ভক্ষণ।
- ৩। মিষ্ট পানীর বর্জন।
- ৪। হালকা রংএর টিলা পোষাক পরিধান।
- ৫। ভিজা পর্দা বা খস্খস্ টাঙ্গাইয়া ঘরের হাওয়া ঠাণ্ডা রাখা।
- ৬। হাওয়ার চলাচল যেন বন্ধ না হয়।
- ৭। মন ঠাণ্ডা রাখা, এবং কোনো বিষয়ে উত্তেজিত না হওয়া, ঠাণ্ডা দেশ, দৃশ্য এবং বিষয়ের চিন্তা করা।
- ৮। অলস হইয়া না থাকা—সদা কোনো কাজে রত থাকিলে গরমের কথা মনে থাকিবে না।
- ৯। কল্লী পর্য্যন্ত ছুটি হাতকে কলের তলায় চার পাঁচ মিনিট পাতিয়া রাখিলে শরীর বেশ ঠাণ্ডা হয়।

## খায়্‌বার-কাহিনী

শ্রীরমাদাস হালদার বি-এস্‌সি

এবার কলেজের গরমের ছুটিতে পশ্চিম-ভারতের কিছু কিছু দেখতে বেরিয়েছিলাম। এই বেড়ানোটা আমার মজাগত বাই। যে কোন ছুটিই পাই না কেন, ছোট হোক আর বড়ই হোক, কোথাও ঘুরে আসা আমার চাই-ই চাই। তাই কলেজে দীর্ঘ ছুটির নোটস ঝুলতে না ঝুলতেই, বাইরের ডাক আবার আমার ডাকতে লাগল। ছুটি ত লম্বা—প্রোগ্রামটাও তাই মনের মতই লম্বা করে বাঁধলাম। সমস্ত পঞ্জাব, উত্তর-পশ্চিম সীমান্ত প্রদেশ, আর কাশ্মীর এই ছুটির তিন মাসের ভেতরেই সেরে ফেলব,—আর বাকী ছুটিটার, ভ্রমণ শেষে শিমলা শৈলে গ্রীষ্মবাস করব স্থির

করি। সাধা জোটার চেষ্টা করলাম। হয়ে উঠল না। তাই তন্নীতন্বা শুছিয়ে নিয়ে বন্ধুবান্ধবদের শুভেচ্ছার ভেতর দিয়ে যাত্রা করলাম এলাহাবাদ থেকে ২৯এ মার্চ তারিখে।

প্রথম আসা হল দিল্লীতে। এই দিল্লী থেকে লুক করে সারা পঞ্জাব ঘুরে ১লা মে তারিখে পেশোয়ার পৌঁছলাম। ছেলেবেলার ইতিহাস-ভূগোলের সঙ্গে আলাপ পরিচয় হবার পর থেকেই—খায়্‌বার পাশকে দেখবার এবং চেনবার ইচ্ছা আমার বরাবরই ছিল। এট পেশোয়ারে এসেই আমার সেই ইচ্ছা পূর্ণ হয়। আজ তারই কাহিনী লিখতে বসেছি।

ভারতের ইতিহাসে খায়্‌বার চিরস্মরণীয়। পশ্চিম থেকে

কাবুলের ভেতর দিয়ে ভারতে আসবার এই-ই একমাত্র স্থলপথ। ভারতের বুকের ওপর দিয়ে যত বৈদেশিক বড়-বড়বাত স্রণাতীত কাল থেকে চলে এসেছে, তাদের মূলে এই খান্‌বার। হরত আজ খান্‌বার না থাকলে ভারতের ইতিহাস অল্প ভাবেই লেখা হ'ত।

খান্‌বার পাশের ভৌগোলিক বিবরণ সবাকারই জানা। শ্রেণীবদ্ধ শৈলমালা আফগানিস্তান ও ভারতের মাঝে দাঁড়িয়ে আছে—তাদের মাঝের যে সংকীর্ণ পথ এই দেশ ছটোকে কোনও রকমে জুড়ে রেখেছে, তারই নাম খান্‌বার পাশ বা খান্‌বার গিরিসঙ্কট।

খান্‌বারের দূরত্ব ( লাণ্ডখানা ক্যাম্প পর্য্যন্ত ) পেশোয়ার থেকে মোট ৩৪ মাইল। এইখানেই আফগানিস্তানের সীমা। এখনও পর্য্যন্ত এ পথে যাবার ছুটি মাত্র উপায় আছে—হয় মোটর, নয় টাঙ্গা। তবে টাঙ্গাতে কেউ বড় একটা যায় না। এটা যথেষ্ট বিপদজনক; কারণ, পথটা একেবারেই পাহাড়ের মাথায় মাথায় আর শুধু চড়াই আর উৎরাই। আর কিছুদিন পর থেকে সারা পথটাই রেল যোগা যাবে; রেলের লাইন ফেলা হয়ে গেছে—অল্প দিনেই যাত্রী-চলাচল শুরু হবে।

খান্‌বার-যাত্রীর আর একটা কথা জানা দরকার। পাশ দেখতে যেতে হলে খান্‌বারের পলিটিক্যাল এজেন্টের অনুমতি পত্র ( permit ) চাই—নচেৎ অনর্থক পরসী নষ্ট করে এবং হাজারি পুইয়ে ফিরে আসতে হয়। আমার ভাগ্যে প্রথম দিন এই রকমই হয়েছিল; এ ব্যাপার জানা না থাকায়, পেশোয়ার থেকে ১০ মাইল দূরে জামরুদ টোল আপিসে আমার মোটর থেকে নামিয়ে নেয়; এবং অনেক হাজারি ও বিস্তর সওয়াল জবাবের পর পুলিশ সঙ্গে দিয়ে, জামরুদ স্টেশন থেকে ছামাকে রেল চাপিয়ে পেশোয়ার ফেরত পাঠায়। পরদিন আবার অনুমতিপত্র সংগ্রহ করে আমার পাশ দেখতে যেতে হয়।

এ অনুমতিপত্র সংগ্রহ করা বিশেষ কোনও হাজারি ব্যাপার বা কষ্টসাধ্য নয়। খান্‌বারের পলিটিক্যাল এজেন্টের দপ্তরে গিয়ে তাঁর সঙ্গে দেখা করে অনুমতি-পত্রের দরখাস্ত পেশ করতে হয় এবং সাধারণতঃ তাইতেই 'পারমিট' পাওয়া যায়।

আগের দিন ( ৫ই মে ) ফিরে এসেছি, আজ ( ৬ই মে )

দেখতে যাওয়া স্থির। পাশও তৈরী - মোটরেরও বন্দোবস্ত করা আছে। চাকরে খুব ভোরেই ঘুম ভাঙিয়ে দিলে। উঠেই প্রাতঃকৃত্য ও স্নান সেরে নিলাম। তারপর তাড়াতাড়ি করে প্রাতরাশ সেরে টিফিন বাস্কেটে কিছু রুটি, মাখন, কেক, আর মিষ্টি খান্‌বারের রসদ ( provision ) স্বরূপ ভরে নিলাম। খান্‌মাস ক্লাসে কিছু গরম চা নিতেও ভুলিনি। এগুলো এখানে জানান দেবার উদ্দেশ্য এই যে, অনুমতি-পত্রও যেমন দরকারী—খান্‌বার-যাত্রীর কাছে এগুলোও তার থেকে কিছু কম নয়। নচেৎ কুখ্যর সেখানে কষ্ট পাবার সম্ভাবনা। দোকান-পত্র যে সেখানে নেই বা চেষ্টা করলে যে কিছু মেলে না তা নয়, তবে তৈরী হয়ে যাওয়াই বাঞ্ছনীয়। এ সঙ্গে আরও একটা কথা আছে। এখানে বাজারী খুতি-চাদর ছেড়ে বিলাতী পোষাকে যাওয়াই বাঞ্ছনীয়; কারণ পোষাকের মাহাজ্বা অনেক রকম সুবিধা পাওয়া যায়। তাছাড়া বাজারী হুর্ভাগ্য খুতি-চাদরকে সবাই সন্দেহের চক্ষে দেখে থাকে।

এতো তাড়াতাড়ি করেও বেঙ্গতে বেঙ্গতে সাড়ে সাতটা বেঙ্গে গেল। যখন মোটর ছাড়ল—তখন ঘড়ীতে বাজছে ৮টা।

মোটর ছাড়ল—ক্রমশঃ সহরের রাস্তা পেছনে ফেলে খান্‌বারের দিকে এগুতে লাগল—আর আমার চোখের সামনে ছায়াচিত্রের মত একের পর এক যে ছবি ফুটে উঠতে লাগল—সে বিরাট, সে মহান—আমার ক্ষুদ্র ভাষা-ভাণ্ডারের বর্ণনার বাইরে। রাস্তার দুধারে দূরে দূরে পাহাড়ের শ্রেণী মাথা তুলে দাঁড়িয়ে আছে; দূর থেকে আকাশেরই বুকে তাদের পাঁশুটে রংয়ের চেহারাগুলো যেন বিরাট জমাট বর্ষার চাপ মেঘেরই মত দেখাচ্ছে; পের্জা তুলোর মত হু এক টুকরো পাতলা ছোট ছোট মেঘ পাহাড়ের হু একটা উঁচু চূড়ায় ভর করে ঝুলছে; প্রভাত-সূর্যের সোনালি আলো তাদের ওপর পড়ে চিক্‌চিক্‌ বচ্ছে—সে দৃশ্য বিরাট—সে দৃশ্য মহান।

এমনি ভাবে আমরা এগুতে লাগলাম। ইতিমধ্যে প্রসিদ্ধ "ইসলামিয়া কলেজ" আমরা পেছনে ফেলে এসেছি। এটা পথের পাশেই পড়ে—পেশোয়ার থেকে ৮ মাইল দূরে। পেশোয়ার থেকে জামরুদ পর্য্যন্ত যে রেল লাইন আছে, তার একটা স্টেশন এখানে আছে। কলেজের নামানুসারে :

ষ্টেশনেরও নাম-করণ হয়েছে “ইসলামিয়া কলেজ।” তবে ষ্টেশনটি আকারে ছোট এবং ওপর খোলা। ইসলামিয়া কলেজ পেশোয়ারে এসে একটা দেখবার জিনিস। ইমারত বেশ সুন্দর তৈরী—ছাজাবাসও সংলগ্ন। এখানে পড়াশুনাও বেশ ভাল হয় শুনলাম্।

এ পর্যন্ত রাস্তার ছধারে যথেষ্ট গাছপালা আছে; বসতিও মাঝে মাঝে চোখে পড়ে। রাস্তার ছধারে দিলী, বিলিতি সৈন্তেরা কুচ-কাওয়াজ কচ্ছে দেখা যায়। এ পর্যন্ত পেশোয়ারের Suburbএর অন্তর্গত; কিন্তু এই ইসলামিয়া কলেজের পর থেকে পাথরের টুকরো (pebble) বিছান ঝাড়া রাস্তা চলে গেছে—তাতে গাছ পালা নেই। এখান থেকে জামরুদের রেল লাইন প্রায়ই চোখে পড়ে। রাস্তার বেশ কাছ দিয়ে গিয়েছে—কখনও এপাশে, কখনও ওপাশে—কখনও বেশ কাছে, কখনও আবার একটু দূরে।

এমনি ভাবে রেল লাইনের সঙ্গে সঙ্গে চলতে চলতে হঠাৎ রাস্তা রেল লাইন পার হয়ে বাঁ দিকে বেকে চলে গেছে জামরুদে। প্রথমে থামা হ’ল আমাদের এখানে—টোল আপিসের সামনে। আগের দিন এখান থেকে আমাকে নামিয়ে নিয়ে পুলিশ সঙ্গে দিয়ে পেশোয়ারে ফেরত পাঠিয়েছিল।

এই জামরুদে টোল আপিসে সব গাড়ীকেই থামাতে হবে যাবার এবং ফিরবার বেলা। এখানকার ‘পারমিট’ দেখা এবং গাড়ী একজামিন শেষ হলে অনুমতি পেলে তবেই গাড়ী খায়বার যেতে পারে বা পেশোয়ার ফিরতে পারে।

আগের দিনের অফিসারের সঙ্গে দেখা হ’ল। একটু মুচকে হেসে বলে “তাহলে তুমি অনুমতি-পত্র পেয়েছ?” কাল তার ব্যবহারে ভয়ানক রাগ হয়েছিল—কতকটা রুদ্ধ ভাবেই জবাব দিলাম—“না পাবার মত কোন কারণ কি কাল ঘটনাখানেকের সওয়াল-জবাবেও তুমি আমার মধ্যে আবিষ্কার করতে পেরেছিলে?” ভদ্রলোক একটু খতমত খেয়ে বলে, “তুমি মিষ্টার আমার ওপর অনর্থক রাগ করছ। আমি আমার কর্তব্য মাত্রই করেছিলাম।”—আমিও একটু অপ্রস্তুত হলাম। তবে দুজনের মধ্যে অল্পকণ্ঠেই আলাপ বেশ জমে উঠল। লোকটিকে বেশ ভদ্র বলেই মনে হ’ল।

যাক্। অনুমতিপত্র একজামিন হবার পর খেরোবাঁধান মাছাতার আমলের তৈরী একখানা লম্বা-চওড়া রেজিষ্টারে নাম-ধাম, বংশপরিচয়, জাতি, ঠিকানা, পেশা ইত্যাদি বিস্তারিত

লিখে, তার পাশে তারিখ দিয়ে নাম দস্তখত করবার পর আমাদের মোটর খায়বারের ছাড়পত্র পেয়ে যাত্রা করল। অনুমতি-পত্রখানা ফেরত দিয়েছিল। তবে জানান দিলে, ফিরবার পথে এটা টোল আপিসে জমা দিতে হবে। মনে মনে বললাম—তথাস্ত্।

আপাততঃ রেল লাইন এই জামরুদ পর্যন্তই আছে। এখান থেকে লাইন ফেলে, খায়বার রেলপথ তৈরী হয়েছে—আফগান-সীমান্ত লাণ্ডীখানা (Landikhana) পর্যন্ত। কিছুদিন পর থেকে মুসাফর লরীর ঝাঁকানির হাত থেকে বেঁচে যাবেন।\*

জামরুদের চারিধার কাঁটাদার লোহার জাল (Barbed Wire Fencing) দিয়ে ঘেরা; এটা আফ্রিদিদের নৈশ আক্রমণের হাত থেকে বাঁচবার জন্ত। কারণ, এ সীমান্ত প্রদেশের ব্যাপার বড়ই গোলমালে। এই লোহার জালের বাইরেই আফ্রিদি খাঁদের (Afridi Chiefs) স্বাধীন খণ্ডরাজ্য—ব্রিটিশ অধিকারভুক্ত নয় এবং এরা অনেক সময়ে গোলমাল পেলে সহজে ছাড়ে না।

জামরুদের টোল আপিসের ঠিক সামনেই জামরুদ কেল্লা। মাটির তৈরী (mud built)—বিশেষ বড় নয় এবং দেখতেও বিশেষ মন্দ নয়। সব সময়েই এখানে এক আধটা সেনাপটন (Regiment) থাকে।

জামরুদ রেল ষ্টেশন থেকে খায়বার রোপ ট্রানসপোর্ট লাইন (Khyber Rope Transport Line) শুরু হয়েছে। রেল লাইন ফেলার আগে পর্যন্ত খায়বারে মাল পাঠানর এইই একমাত্র উপায় ছিল। রেল লাইন ফেলা থেকে এই উপায়ে মাল চালান বন্ধ হয়ে গেছে। এখন থেকে মালগাড়ী ভর্তী হয়েই মাল চালান যাবে।

এ একটা ভারী সুন্দর ব্যাপার। জামরুদ রেল ষ্টেশন থেকে প্রকাণ্ড প্রকাণ্ড লম্বা লোহার মজবুদ খুঁটি পাহাড়ের মাথায় মাথায় সোজা চলে গেছে খাইবারে লাণ্ডীখানা পর্যন্ত।—প্রত্যেক খুঁটির মাথার ছধারে ঘূর্ণমান চাকার ওপর দিয়ে খুব মোটা আর মজবুদ তারের দড়া (Rope) চলে গেছে। এই সব দড়ার ওপর পুলি (pulley) দেওয়া মস্ত মস্ত মাল বোঝাই মালগাড়ী ঝুলিয়ে দেওয়া হয়। তারপর

\* সম্প্রতি এই রেল লাইন মহাসমারোহে খোলা হয়েছে। এব-লোক চলাচল করছে। অনেক সংবাদ পত্রের প্রতিনিধি নিমন্ত্রিত হয়ে এই উৎসবে যোগ দিয়েছিলেন।—ভাঃ সং।

তাড়িৎ শক্তি ধাৰা এই দড়ী টানা হয়;—সঙ্গে সঙ্গে মাল বোকাই গাড়ীও এই দড়ীৰ ওপৰ দিৱে চলতে থাকে। এমনি ভাবে মাল পাহাড়ৰ মাথায় মাথায় চলে। এ দেখতে ভাৱী সুন্দৰ।

এই জামৰুদে প্ৰায় আধঘণ্টা দেৱী কৰাৰ পৰ গাড়ীতে জল ভৰে নিৱে গাড়ী আবার ছাড়ল। এখন থেকে একটু একটু কৰে গাড়ী চড়াই উঠতে লাগল এবং দুৱেৰ পাহাড় ক্ৰমশঃ ধীৰে ধীৰে অল্প অল্প কৰে কাছে আসতে লাগল। এখন থেকেই সাবধানে গাড়ী চালান সূৰু হ'ল—যদিচ খান্ধাৰ পাশেৰ প্ৰবেশ-পথ তখনও অনেক দুৰে; তবে চড়াই উত্ৰাই সূৰু হয়ে গিয়েছিল। গাড়ী চালানৰ সতৰ্কতাসূচক সাইনবোর্ড এখন থেকেই আঁটা সূৰু। প্ৰথমে যেটা চোখে পড়ল সেটা অবিকল তুলে দিলাম। লেখা আছে বড় বড় ইংৰিজি হৰফে দিশী ভাষাৰ পাশাপাশি—Stop, Look, Listen ( থাম, দেখ, শোন )।

এখন থেকেই ৰাস্তা দুটো ভাগ হয়ে গেছে; তবে দুটোই অবশ্য সোজা গেছে একই লক্ষ্যৰ উদ্দেশে।

খান্ধাৰেৰ পুৱোনো চেহাৰা ব্ৰিটিশ গভৰ্ণমেণ্টেৰ হাতে পড়ে বদলে গেছে খুবই। ঠিক পাশ বা গিৰিসঙ্কট বলতে যে ব্যাপাৰটা বোকা যায়—ছেলেবেলাৰ জুগোলে যা পড়া গেছে, তা আৰ এখন নেই। অনেক নতুন ৰাস্তা তৈৰী হয়েছে। তাছাড়া পুৱোনো ৰাস্তাও সব মোটৰ-চলাচলেৰ জন্ত চণ্ডা কৰা হয়েছে, যাতে বিপৰীতগামী গাড়ী পাশ কাটাতে পাৰে। তাছাড়া খান্ধাৰ এখন সহজগম্যও হয়েছে খুবই। অবশ্য এ নতুন ৰেলপথ ফেলাতে পাশ হিসাবে এৰ সৌন্দৰ্য অনেকটা কমে গেছে। তবু একবাৰ দেখলে মনেৰ উপৰ এ যে ছায়া ফেলে যাবে তা মুছে যাবাৰ নয়।

আৰও কয়েক মাইল চড়াই উত্ৰাইয়েৰ পৰ আমাৰা পাহাড়ৰ পায়েৰ কাছে পোছে গেলাম। সামনে চেৰে দেখলাম। যতদূৰ দৃষ্টি গেল দেখা গেল, পথেৰ কোন চিহ্নমাত্ৰ নেই। প্ৰকাণ্ড প্ৰকাণ্ড পাহাড় শুধু পথজুড়ে আড়াল কৰে দাঁড়িয়ে আছে আফগান ও ভাৰত-সীমান্তেৰ মাঝখানে। হঠাৎ ছোট একটা মোড় ফিৰতেই চোখে পড়ল পাহাড়ৰ কোল বেঁবে দড়ীৰ মত একটা ৰাস্তা এঁকে-বেঁকে সাপেৰ মত চলে গেছে। কালকা-শিমলা ৰেলপথেৰ মত এখনকাৰ ৰাস্তাটা এঁকে বেঁকে পাহাড়ৰ পাশে পাশে

ধীৰে ধীৰে উঠে গেছে। এক এক জায়গাৰ নীচেৰ পানে চাইলেই মনেৰ মাঝে-যথেষ্ট ভয় হয়। এক দিকে সোজা খাড়া পাহাড়, অন্য দিকে পাহাড়ৰ গভীৰ 'খাদ'। ৰাস্তাৰ ধাৰে খাদেৰ দিকে কিছু কাঁকৰ কেলা ছাড়া সব জায়গাৰ দেওৱাল বা লোহাৰ ৰেলেৰ বেড়া আছে; তবু চালকেৰ একটু অসাধনতা, পাহাড়ৰ একটু খাতা বা ষ্টীয়াৰিংয়েৰ একটু গোলমাল মানেই ৫০০ ফিট নীচেৰ গভীৰ খাদ।

ৰাস্তাটা সব জায়গাতেই যে শুধু পাহাড়ৰ গা বেঁবে বেঁবে উঠেছে তা নয়; পুলও তৈৰী কৰতে হয়েছে অনেক। আৰ খাৰাপ মোড় (Sharp Turning) খুবই বেশী। এই চড়াই বা Uphill work অতি ধীৰে ধীৰে এবং খুবই সাবধানে কৰতে হয় অনবরত গিয়াৰ বদলাতে বদলাতে। গাড়ী চালাবাৰ লোক খুবই সূদক্ষ হওৱা দৰকাৰ। গাড়ী এ ৰাস্তাৰ অধিকাংশ সময়ই কাত হয়ে চলে।

দূৰ থেকে পাহাড় গাঢ় নীল ৰংয়েৰ দেখাছিল। তাৰেৰ কোলেৰ মধ্যে প্ৰবেশ কৰে দেখা গেল—পাহাড়-শুলো একেবাৰে শুষ্ক (barren) গাছপালাহীন। শুধু যতদূৰ চোখ যায়—নথ পাথৰ। এৰ মাঝে মাঝে পাহাড়ৰ মাথায় মাথায় ছ এক জায়গাৰ সাত্ৰী পাহাৰাৰ ঘাঁটা (Sentry Picket Post) দেখা গেল।

এখনকাৰ পাহাড়ৰ ৰাস্তা এত বেশী বেঁকে ঘূৰে উঠেছে যে, দেখতে ভাৱী সুন্দৰ। মোটৰ থেকে দেখা যায় ওপৰেৰ ব্যাক্ ঘূৰে, ওপৰ দিৱে বা নীচেৰ ৰাস্তা দিৱে অন্য মোটৰ উঠেছে বা নামছে। এৰই মধ্যে গাড়ীতে আৰও ছবাৰ ৰাস্তা থেকে জল ভৰতে হয়েছিল—তবু ইঞ্জিন মাঝে মাঝে অসহ্য গৰম হয়ে উঠছিল।

এমনি ভাবে কখনও ৫০ হাত ঘূৰে, দেড় চক্ৰেৰ (round) দিৱে তিন হাত উঠি, কখনও আবার ৫ হাত নামি। এমনি কৰে ধীৰে ধীৰে গাড়ী এঙতে লাগল। মাঝে মাঝে প্ৰায়ই নতুন তৈৰী খান্ধাৰ ৰেল-পথেৰ দৰ্শন পাওৱা যাছিল। এ ৰেল লাইন না দেখলে বোঝান শক্ত। এটা অসম্ভবকে সম্ভব কৰা হয়েছে। এ শুধু পুল কৰে আৰ টানেল কেটে মোটৰেৰ ৰাস্তাৰ অনেক ওপৰ দিৱে—পাহাড়ৰ প্ৰায় মাথা দিৱে চলে গেছে। অনেকটা কালকা-শিমলা ৰেলপথেৰ অল্পৰূপ—তবে জ

থেকে বেশী মাথা খাটিয়ে আর পরস্পর খরচ করে একে তৈরি করতে হয়েছে। কি ভয়ানক সব টানেল—না দেখলে বোঝান অসম্ভব। এ টানেলের শেষ নেই—একটার পর একটা চলেই চলেছে

এখানে এই রকম চড়াই ভেঙ্গে পাহাড়ের প্রায় মাথার কাছে পৌঁছে অনেকখানি উৎরাই পাওয়া গেল।—তারপর থেকে আবার সেই চড়াই আর উৎরাই—এর আর কমি নেই। এমনি ভাবে আমরা “আলী মসজিদ” পৌঁছুলাম। তখন ১০টা বেজে গেছে। এখানে এসে মোটরের চাকা বিগড়াল। মেরামত হতে পুরো একটি ঘণ্টা লাগল; সুতরাং এক ঘণ্টা এখানে আটকা পড়ে থাকতে হ’ল।

এই “আলী মসজিদ” প্রায় মাঝ-রাস্তায়। এও একটা সেনা-বারিক;—হু একটা পল্টন এখানে থাকে। যেখানে আমাদের মোটর বিগড়াল সেইটাই হ’ল সেখানকার বাজার মোট ৪৫খানা ছোট দোকান মিলিয়ে। একখানি মণিহারীর দোকান, একখানা সবজী ও তরকারীর, একখানা মুদিখানা, ও একখানা কামারের দোকান এই নিয়েই বাজার। এই দোকানগুলোর ঠিক পেছনেই ছোট একটা হলদে-সবুজ মিশোনো রংয়ের মসজিদ আছে। এই মসজিদের নামই “আলী মসজিদ”। আলী নামক একজন মুসলমান সাধক ফকির এইখানেই তাঁর আস্তানা গেড়েছিলেন;—তাঁর দেহ রাখবার পরে তাঁর চেলারা এই মসজিদ নির্মাণ করে এবং এই মসজিদের নাম থেকেই জায়গারও “আলী মসজিদ” নামকরণ হয়েছে—এই কিম্বদন্তি শুনলাম।

ঠিক দোকানগুলোর সামনেই রাস্তার পাশে একটা “রোপ্ ট্রানস্পোর্ট স্টেশন” (Rope Transport Station) আছে—কাঁটাদার জাল দিয়ে ঘেরা। এইখানে আলী মসজিদের লেবেল আঁটা মাল নামিয়ে নেওয়া হ’ত। ডানদিকে উঁচু পাহাড়ের গায়ে পল্টনের ব্যারাক্-ঘর সব তৈরী দেখলাম। খায়বার রেল লাইন তার পাশ দিয়ে গেছে।

এখানে রাস্তা বেশ নীচু দিয়ে গেছে; আর ছধারে শুধু উঁচু পাহাড়। এখানে তবু অনেকটা পাশের আইডিয়া পাওয়া যায়।

ইতিমধ্যে মোটর মেরামত হয়ে গিয়েছিলও এক ঘণ্টা দেড়ের পর ফের রওনা হওয়া গেল। এখানে তত বেশী চড়াই নেই, তবে রাস্তা ভারী ঝুরে ফিরে গেছে। খানিকটা

এগিয়ে খায়বারের ‘ওয়াটার ওয়ার্কস্’ (Water Works) চোখে পড়ল। তার পাশ দিয়েই আমাদের যেতে হ’ল।

এখান থেকে ক্রমশঃ আমাদের নামতে হ’ল। ক্রমাগতঃ আমরা পাহাড়ের বুকচেরা ঢালু রাস্তা দিয়ে নেমে চলেছি এবং ছপাশের পাহাড় ক্রমশঃ অল্প অল্প করে সরে গেছে; এবং রাস্তাটা ক্রমশঃ অল্প অল্প চওড়া আর একটু একটু করে ঢালু হয়ে গেছে। এই রকমে আমরা ক্রমশঃ পাহাড়ের মাঝের উপত্যকায় নেমে এলাম। এ উপত্যকা খুব চওড়া না হলেও মন্দ নয়। এবং হু’এক জায়গায়, দেখলাম, জমীতে চাষাবাস শুরু হয়েছে। চাষার ক্ষেত দেখতে ভারী সুন্দর লাগল; অনেকক্ষণ পরে একটু সবুজ দেখে চোখ জুড়াল।

এতক্ষণ গাড়ী টিমে তেতাল্লা চলেই এগুচ্ছিল—এবার কাঁকা উপত্যকার রাস্তা পেয়ে জোর পেয়ে বেশ জোরেই ছাড়ল। পথের মাঝে মাঝে কাঁধে রাইফেল ঝুলান স্বাধীন আফ্রিদিদের সঙ্গেও দেখা হ’ল! এদের দেখলেই মনে কেমন একটা আতঙ্ক হয়। ছোট ছোট ছেলেরাও বিনা রাইফেলে বেরোয় না এবং এদের সবাকারই লক্ষ্য অব্যর্থ। সামান্য সুযোগেও এরা বন্দুক চালাতে দ্বিধা করে না; এবং অনেক সময়েই এরা সুযোগ, বিনা-সুযোগের ভেতর থেকেই, তৈরী করে নেয়। এদের নিজেদের বন্দুকের কারখানা আছে শুনলাম; এবং প্রত্যেক নবজাত আফ্রিদি শিশুর জন্ম, শিশুর পিতা মাতা ও আত্মীয়-স্বজন তার ভবিষ্যৎ স্বাধীন জীবনের হাতিয়ার ‘রাইফেল’ প্রথমেই বাছাই করে রাখে।

শুধু খায়বারের রাস্তাটা ব্রিটিশ গবর্নমেন্টের হাতে আছে—তাই ‘পারমিটে’ লেখা আছে, এবং সবাই পুনঃ পুনঃ জানান দেয়, যেন কোনক্রমে রাস্তা ছেড়ে পাশের মাঠে পা না দেওয়া হয়।

গবর্নমেন্টের জলের বন্দোবস্ত রাস্তার পাশে পাশে দূরে দূরে আছে। তা থেকে আফ্রিদি মেয়েরা সব জল নিয়ে যাচ্ছে দেখা গেল। রাস্তা থেকে আফ্রিদিদের মাটির বাড়ীও অনেক চোখে পড়ে—উঁচু উঁচু মাটির টাওয়ার (Watch Tower) দেওয়া।

এখানকার রাস্তা বেশ ভাল। এই উপত্যকার আরম্ভ ১৬.১৭ মাইল পর থেকে। কখনও একটু উঠি, কখনও একটু নামি,—এমনি করে এই বাকী ১২।১৩ মাইল রাস্তা

পার হয়ে, মোড় ফিরেই লাণ্ডিকোটাল (Landikotal) চোখে পড়ল অনেকখানি নীচে; দূর থেকে যেন কোন নিপুণ শিল্পীর হাতের আঁকা ছবি বলেই মনে হ'ল।

এই ১২।১৩ মাইল উপত্যকার খান্নাবার রেল লাইন আর মোটরের রাস্তা প্রায় পাশাপাশি গেছে; কখনও এপাশে, কখনও ওপাশে, কখনও কাছে, কখনও দূরে।

সোজা ঢালু উৎরাই রাস্তাটা লাণ্ডিকোটালে নেমে গেছে। লাণ্ডিকোটালের লোহার ফটক যখন পার হলুম, বড়ীর ওপর চোখ বুজিয়ে দেখলাম,—ছোটো কাঁটাই ১২টার ঘর পার হয়ে গেছে। এখানে যে ছবি আমার চোখের পর্দায় পড়ল তাকে বিশদরূপে এ লেখ্য ভাষার ভিতর দিয়ে ধরে রাখা অসম্ভব। তা শুধু অসম্ভব করবার—প্রকাশ করবার নয়। চারিধার গগনস্পর্শী পাহাড়ে ঘেরা—মাঝে গোলাকার উপত্যকাভূমি চারিধারে কাঁটাদার তারের বেড়া ঘেরা—ব্যারাকের শাদাশাদা ঘরগুলি লাইন বেঁধে সোজা চলে গেছে—আর পরিষ্কার রাস্তাঘাট দূর থেকে দড়ার মত সোজা সোজা পড়ে আছে, আর দেখাচ্ছে—ভারী সুন্দর।

কাল জামরুদ আসবার পথে লাণ্ডিকোটালের একজন ডাক্তার সাহেবের সঙ্গে আলাপ হয়েছিল। সৌভাগ্যক্রমে মোটর থামল গিয়ে একেবারে তাঁর ডাক্তারখানার দরজায়। ডাক্তার সাহেব আমায় দেখতে পেয়ে খুবই খাতির করে বসালেন।

লাণ্ডিকোটাল প্রায় খান্নাবার পাশের আফগান-সীমান্তে। এখান থেকে ৫ মাইল দূরে লাণ্ডিখানায় আফগান-সীমান্ত—এদিকে ব্রিটিশ অধিকারভুক্ত—ওদিক আফগান অধিকারভুক্ত। আফগানিস্থানের পাশপোর্ট না থাকলে এ সীমানা পার হয়ে আফগান রাজ্যে পা ফেলতে দেয় না। এখানকার খুব বেশীরকম কড়াকড়ি। এ সীমার বাইরে যাওয়া আদতেই বারণ। মস্ত বড় সাইনবোর্ড দেওয়া আছে—  
“It is absolutely forbidden to cross this border into Afghan territory.” (এই সীমা পার হয়ে আফগান রাজ্যে যাওয়া একদম বারণ।)

এখানে ঘাবার অসুস্থি আমি বিস্তর লড়াই করেও পাইনি। সুতরাং আমার ৫ মাইল দূরে লাণ্ডিকোটাল পর্যন্ত এসেই সন্তুষ্ট হতে হয়েছিল। শুনলাম, এ রাস্তায় অনেক জায়গায় ছবি নেওয়াও বারণ। মস্ত মস্ত নোটিশ

টাঙিয়ে এটা জানান দেওয়া আছে। চুরি করেও কেউ ছবি নিতে পারে না; কারণ, সাজীর ঘাঁটা সব এমন জায়গায় আছে, যেখান থেকে সবাকার গতিবিধি দেখতে পার।

এবার লাণ্ডিকোটালের কথা। ডাক্তার সাহেবের দোকানে আধঘন্টাটুক বিশ্রাম করে, টিফিন বাস্কেট ইত্যাদির বোকা সেখানে নামিয়ে, বেড়াতে বেরুলাম। প্রথমেই চোখে পড়ল—নাম হিসেবে এ জায়গাটাকে বিলেতের একটা ছোট খাট সংস্করণ করে তোলা হয়েছে। Victoria Street, (ভিকটোরিয়া স্ট্রীট), White Hall (হোয়াইট হল), Jermyn Street (জার্মিন স্ট্রীট) Pall Mall (পল মল), Trafalgar Square (ট্রাফলেগার স্কয়ার) Strand (স্ট্রাণ্ড) ইত্যাদির ছড়াছড়ি—অভাব কোনটারই নেই। Charing Cross (চেরারিং ক্রস) নামটা অবশ্য পাঞ্জাবের এদিকে অনেক জায়গায় পেয়েছি—যেমন লাহোর, রাওয়ালপিণ্ডি, চাকলালা ইত্যাদি। কিন্তু এতো বেশী বিলেতের অসুস্থির অসুস্থ নামের ছড়াছড়ি এই প্রথম চোখে পড়ল।

এটা থেকে সবাই যেন মনে না করেন যে, জায়গা হিসেবে এটা বড় একটা ‘কেউ কেটা’ নয়। বরঞ্চ ঠিক তার উলটো। জায়গাটি ছোট,—রাস্তাঘাট অবশ্য বিশেষ মন্দ নয়, তবে ছোট ছোট এবং ভয়ানক পাথর ওঠা, আর সক্র সক্র। চারিধারই শুধু সেনাবারিকে ঘেরা। জামরুদের মত লাণ্ডিকোটাল ক্যাম্পও ফটক থেকে চারিধার কাঁটাদার লোহার জাল দিয়ে ঘেরা। ছোট খাট দোকান পশার মিলিয়ে একটা মাঝারি গোছের বাজার আছে। নিতান্ত দরকারী জিনিসপত্র পাওয়া যায়। সৈন্ত সামন্তের জিনিসপত্রের আদতেই অভাব নেই। পেশোয়ারেরই অনেকগুলি দোকানের ছোট-খাট ব্রাঞ্চ আছে দেখলাম। এখানে বিজলী বাতি জলে এবং রাস্তাতে জলের কলের বন্দোবস্ত আছে।

সুইস্ উপত্যকার (Swiss Valley) ছোট ছোট গ্রামের চেহারা ছবিত্তে যেমন দেখা যায়, এ জায়গাটা দেখতে অনেকটা সেই রকমের। সৈন্ত-সামন্তের আমোদ-প্রমোদের বন্দোবস্তও আছে। White Hallএর (হোয়াইট হলের) ওপর একটা বায়স্কোপের ঘর থেকে এটা বুঝতে পারা যায়। বায়স্কোপটির নাম দেওয়া হয়েছে “Frontier Cinema”। রেট দেখলাম লেখা আছে, ছ’টাকা, একটাকা,

বার আনা আর ছ' আনা। ছ' আনার ওপর বড় বড় করে জানান দেওয়া আছে, "For Indians Only" ( কেবল ভারতবাসীর জন্য )।

এখানে ভারতবাসীর সংখ্যা বিশেষ বেশী না। কারণ, এখানে যারা আছে, তাদের নিতান্তই বাধ্য হয়ে থাকতে হয়েছে। তারা বেশীর ভাগ সৈন্ত-বিভাগের চাকরে। আর বাকী যারা ছুচার জন আছে, তারা ব্যবসায়ী এবং তারা কেউ মেয়ে ছেলে এখানে আনে না। বাকালী কেউ আছে কি না খবর নিলাম; শুনলাম, আজ-কাল কেউ নেই।

এখানে একটা ছোট কেলা আছে—গভর্নমেন্টের তৈরী। এখানে ঢুকতে হলে আবার নতুন পাশ চাই; সেটা শুনলাম লাণ্ডিকোটালের পলিটিক্যাল তসিলদারের কাছ থেকে পাওয়া যায়। আমার সময়ও ছিল না এবং সেটা আমি যোগাড় করেও উঠতে পারি নি। তাই ডাক্তার সাহেব বলে দিয়েছিলেন—বৃথা চেষ্টা, ঢুকতে পারবেন না। আমিও ভাবলাম হয়ত হবে না—তবু মনে করলাম, চেষ্টা করে দেখি। যত্নে কৃত্যে যদি ন সিদ্ধি কোহুঁ দেয়ঃ।

দোকান-পশার ইত্যাদি দেখা সেরে কেলায় দিকে যাত্রা করলাম। কেলাটা ভিক্টোরিয়া ষ্ট্রিটের ওপর। দূর থেকে কেলায় মাথা থেকে ব্রিটিশ ইউনিয়ন জ্যাক (British Union Jack) উড়ছে, দেখতে পেলাম। কেলায় ফটকে পৌঁছে দেখলাম, ব্রিটিশ সাত্তরী বন্দুক কাঁধে ফটক পাহারা দিচ্ছে। মাথার টুপিটা একটু চোখের ওপর টেনে দিয়ে গস্তীর ভাবে হনহন করে সোজা ফটক পার হলাম—কারণ মুখের পানে না তাকিয়ে বা ইতস্ততঃ না করে।

যাক। দোকানে বসে ডাক্তার সাহেবের কাছ থেকে কেলায় খবর কিছু জেনে নিয়েছিলাম; সেটা এখন আমায় সাহায্য করলে। ফটক নির্ঝিবাদে পার হয়েই, বাঁ-হাত ঘুরে প্রথমেই কেলায় ডাকখানায় ঢুকলাম। ইতিমধ্যে ডাক্তার সাহেবের দোকানে বসে বাড়ীর এবং বন্ধু-বান্ধবের উদ্দেশে কিছু চিঠি-পত্র লিখেছিলাম। সেগুলো এই কেলায় ডাকখানাতেই ছেড়ে দিলাম। তারপর ডাকখানায় পাশের রাস্তা দিয়ে কেলায় এক কোণের দিকে চলে গেলাম।

এবার মনের আনন্দে দেখতে শুরু করলাম। কেলায় ছোট—বিশেষ কিছু নেই। এটাকে হাসপাতাল বললেই

চলে। ছোটো নীচু বিনিতার টেলিগ্রাফের খুঁটিও ভেতরে আছে—তবে তারা কাজ দেয় না শুনলাম। ভেতরেও যথেষ্ট ব্যারাকসুও আছে। ঘুরে কিরে বেড়াচ্ছি, দেখব আর কি, এমন সময়ে কি জানি কেন সাত্তরীদের কোনও 'রকমে সন্দেহ হয়েছে; তারা একজন সার্জেন্ট পাঠিয়েছে আমার ধোঁজে। আমি মনের আনন্দে শিশু দিতে দিতে চলেছি—সার্জেন্ট এসে হাজির। আমার পাশ দেখতে চাইলে। ছুটুমি করবার এমন একটা সুযোগ আর ছাড়তে পারা গেল না। গস্তীরভাবে খায়বারের অহুমতিপত্রখানা বার করে তার নাকের ডগার সামনে একবার ঘুরিয়ে পকেটে পুরতে গেলাম। সে তাতে সন্তুষ্ট না হয়ে সেটা হাতে চাইলে। অগত্যা বাধ্য হয়ে সেটা তার হাতে দিলাম। সে তাতে একবার চোখ বুলিয়ে নিয়ে ফেরত দিয়ে বলে "এ নয়—; কেলায় পাশ চাই।" কতকটা বে-অকুবের ভান করে তাকে আমিও জিজ্ঞাসা করলাম—"সে আবার কি বস্তু?" সে আমায় ব্যাখ্যা করে জানালে "ফোর্ট দেখবার জন্য আলাদা পাশ চাই।" আমি তাকে বললাম "আমি তো সেটা জানতাম না—আমি পরদেশী মুসাফির—জমাদার সাহেব।"—জমাদার সাহেবটা ছুটুমি করেই বললাম। সার্জেন্ট সাহেব ভয়ানক চটে গেল। বলে—"আমি জমাদার নই, কম্পানি সার্জেন্ট (Company Sergeant)। আমি কতকটা অপ্রস্তুত ভাবে বললাম—"ওঃ—তা-তা জমাদার—I mean—সার্জেন্ট সাহেব—আমি ছুঃখিত। কিন্তু বাপু আমার কাছে পাশ-টাশ নেই। তোমরা আমায় ফটকে আটকাও নি কেন?" সার্জেন্ট সাহেব জবাব দিল,— "তোমার সাহসী চলন (Bold Steps) দেখে আমরা ভাবলাম, বোধ হয় পাশ আছে।" আমি বললাম—"তোমাদের এরকম ভাবটাই ভুল—আর প্রথমে যখন এরকম ভেবেছ তা এখনও ছাই-তাই ভাব না কেন। তুমিও তোমার পথ দেখ—আমিও আমার দেখি।"

যাক—আরও ৫।৭ মিনিট এই রকম হাস্যকর বাদ-প্রতিবাদের পর, তাদের নিজেদের দোষ বুঝতে পেরে, আমাকে বাইরের রাস্তা দেখিয়ে দিলে।

কেলায় বাইরে বেরিয়ে মনের আনন্দে একটোট প্রাণ-খোলা হাসি হেসে নেওয়া গেল। ৫।৭ দিনের মধ্যে এরকম ছুটুমি করা হয় নি। তারপর লাণ্ডিকোটালের



বাকী যদি কিছু দেখবার থাকে তারই সন্ধানে বেরন গেল।

ফোর্টের পর পাহাড়ের নীচে একটা সরাই (Caravan Serai) আছে, সেটা একটা দেখবার জিনিস। কাবুল থেকে পেশোয়ার যাত্রী মাল-বোঝাই উটের ক্যারাভান এখানে বিশ্রাম করে পেশোয়ার যায়। সুনাম, কাল একটা বিরাট ক্যারাভান চলে গেছে। কপাল খারাপ, কাল মার রাস্তা থেকে না ফিরে যেতে হলে এটা দেখতে পাওয়া যেত। এ একটা দেখবার জিনিস।

এখানে আর বিশেষ কিছু দেখবার নেই। ডাক্তার সাহেবের ডেরায় ফিরলাম। ঘুরে ঘুরে শরীর ক্লান্ত হয়ে পড়েছিল এবং পাহাড়ী হাওয়ার ক্ষুধা এত বেশী পেয়েছিল যে মনে হচ্ছিল সারা দিনই কিছু খাই নি। সুতরাং ফিরেই প্রথম এবং প্রধান কাজ হল ডাক্তার সাহেবকে কেল্লার 'এডভেঞ্চার' (adventure)। বলতে বলতে, সঙ্গে আনা ও ডাক্তার সাহেবের সম্বন্ধসংগৃহীত খাবার-জ্বলোর সন্ধান করা।

তারপর খাবারের অনুমতি-পত্রের একটা নকল তুলে নিলাম; কেন না, ফিরতি পথে জামরুদ টোল অফিসে এটাকে ফেরত দিতে হবে। অনুমতি-পত্রের নকল এখানে অবিকল তুলে দিলাম :—

No 376

Dated 5th May 1925

Permit to visit the KHYBER PASS.

**Mr. R. Halder**

Has permission to visit the Khyber Pass on the 6th May proceeding as far as Landikotal and returning the same day. Visitors are not allowed

to proceed beyond the Landikotal wire for very special reasons which must not be stated.

(Sd) R. Garrette.

Political Agent KHYBER

This permit is issued subject to the conditions noted on the reverse.

**CONDITIONS.**

1. This permit must be handed in at the Khyber Tolls Office at Jamrud on the return journey. Visitors must write their names in the Register at Jamrud on the way up the Pass.

2. Visitors must arrange to leave Jamrud on the outward journey not later than 11—30 A. M.

3. Visitors should leave LANDIKOTAL on the return journey not later than 3 P. M.

4. Visitors are not allowed to enter the Block houses or defence works or to leave the road.

5. This permit is current only for the date and persons specified.

6. Visitors should travel in Tum Tums or Motor Cars. They should not proceed on foot, horse back or cycles.

ডাক্তার সাহেবকে যথাসাধ্য ধন্যবাদ দিয়ে যখন ফিরতি মোটর নিলাম তখন ৩টা বাজছে। ফেরত যাত্রায় নতুন কিছু বলবার নেই। সারা দেহে গাড়ীর ঝাঁকানির ব্যথা নিয়ে, ক্লান্ত দেহটাকে যখন পেশোয়ারে টেনে নামালাম, তখন দুবের গির্জার ঘড়িটার ৬টার ঘণ্টা বেজে শব্দ বাতাসে মিলিয়ে যাচ্ছে।

**দিকশূল**

শ্রীউপেন্দ্রনাথ গঙ্গোপাধ্যায়

[ ১৫ ]

বুধবার প্রাতে নিদ্রোখিত হইয়া রমাপদ সমস্ত আয়োজন এবং প্রয়োজন একবার ভাল করিয়া দেখিয়া লইল, তাহার পর ষ্টেশনে যাইবার জন্ত বস্ত্র পরিবর্তন করিয়া সরমার নিকট উপস্থিত হইয়া কহিল, "আমি চললাম সরমা।"

সরমা তখন রান্নাঘরে সন্দেশ প্রস্তুত করিতে ব্যস্ত ছিল, স্বামীর প্রতি একবার ঘরিত নেত্রে চাহিয়া দেখিয়া নিজ কার্যে মনোনিবেশ করিয়া বলিল, "এরি মধ্যে চললে, সময় হয়েছে না কি?"

সময় তখনো বাস্তবিক হয় নাই, আরো অর্ধঘণ্টা পরে বাহির হইলেও যথেষ্ট চলিত, কিন্তু পাছে নিজে ষ্টেশনে পঁছিবাব পূর্বেই ট্রেন কোনো প্রকারে পঁছিয়া যায়, সেই অসম্ভাব্য দুর্ঘটনার অহেতুক আশঙ্কায় এত সময়ও রমাপদর বেশী সময় বলিয়া মনে হইতেছিল না। সে ব্যগ্র হইয়া বলিল, "সময় হয়েছে বই কি! পথখানিই কি কম? পাকা হু মাইল।" তাহার পর সন্দেশের পাক পাতে দৃষ্টি পড়ায় বলিল, "সন্দেশ করছ, নিমকি করছ না যে?"

স্বামীর অসঙ্গত ব্যগ্রতা দেখিয়া সরমা পুলকিত হইয়া বলিল, “করব পরে। বেশী আগে করলে মিইরে যাবে।” তাহার পর হাসিতে হাসিতে বলিল, “তোমার তাড়া দেখে মনে হচ্ছে বাড়ীতে যেন ছোটলাটই আসছে না বড়লাটই আসছে!”

একটু যে অনাবশ্যক উত্তেজনায় প্রবাহে চলিয়াছে সরমার কথায় তাহা বুঝিতে পারিয়া রমাপদ মনে মনে ঈষৎ অপ্রতিভ হইল। প্রকাশে সেটুকু ঢাকিয়া লইবার অভি-প্রায়ে নিজেকে যথাসম্ভব সহজ ধারার মধ্যে লইয়া আসিয়া হাসিমুখে বলিল, “ছোটলাট বড়লাট হলে এত তাড়া থাকত না; এ যে তারো বাড়ী!”

“তাই দেখছি!” বলিয়া সরমা হাসিতে লাগিল।

রমাপদ যখন স্টেশনে পৌঁছিল তখনও ট্রেন আসিতে প্রায় এক ঘণ্টা বিলম্ব ছিল। প্ল্যাটফর্মে উপস্থিত হইয়া ঘড়ী দেখিয়া সে বিরক্তি বোধ করিল। এত আগে পৌঁছিয়াছে! তাহা হইলে এত ব্যস্ত না হইলেও চলিত। কিন্তু উপায় কি? প্ল্যাটফর্মে পাদচারণা করিয়া করিয়া, ঘড়ী দেখিয়া দেখিয়া, আরোহিগণের চলা-ফেরা পর্যবেক্ষণ করিয়া, টিকিট ঘরের ক্রয় বিক্রয়ের নিকট দাঁড়াইয়া দাঁড়াইয়া রমাপদ সময় কাটাইতে প্রবৃত্ত হইল। কিন্তু যতই সে এই প্রকারে সময়ের পৃষ্ঠে চাবুক মারিতে লাগিল, সময়ের গতি ততই যেন অবাধ্য ঘোড়ার মত মস্তুর হইয়া উঠিল। অবশেষে দীর্ঘ প্রতীক্ষার পর শব্দে ট্রেন যখন কলরব-চকিত জনাকীর্ণ স্টেশনে প্রবেশ করিল রমাপদ তাড়াতাড়ি স্টেশনের মধ্যস্থলে আসিয়া এক জায়গায় উদ্গীৰ্ব হইয়া দাঁড়াইল। একটি সেকেণ্ড ক্লাস কামরার গবাক্স দিয়া মুখ বাড়াইয়া নরেশচন্দ্র এবং স্কুমারী উৎসুক নেত্রে জনমণ্ডলীকে নিরীক্ষণ করিতেছিল; নিশ্চয় তাহারা রমাপদকেই খুঁজিতেছিল। বিবাহের পরে মাত্র দুই তিন বার দেখা সাক্ষাত হওয়ার পর বহুকাল অদর্শন হেতু স্কুমারী এবং নরেশের আকৃতি রমাপদের স্পষ্ট মনে ছিল না; কিন্তু সেকেণ্ড ক্লাস গাড়ীর ভিতর দুইজন স্ত্রীপুরুষকে এইরূপ পাশাপাশি অবস্থিত হইয়া অসুস্থিস্থ নেত্রে চাহিয়া থাকিতে দেখিয়া রমাপদের চিন্তিতে আর কোনও অসুবিধা হইল না। সে ব্যগ্রোৎসুক মুখে তাড়াতাড়ি চলন্ত গাড়ীর হাতল চাপিয়া ধরিয়া পা-দানীর উপর উঠিয়া পড়িল, তাহার পর দ্বার

ঠেলিয়া ভিতরে প্রবেশ করিয়া নত হইয়া উভয়কে প্রণাম করিল।

বহু লোকের মধ্যে রমাপদকে নিঃসন্দেহরূপে চিনিয়া লইবার পক্ষে একটু যে অসুবিধা হইতে পারে বলিয়া নরেশ এবং স্কুমারী ভয় করিতেছিল অতঃপর তাহারও আর কোনও কারণ রহিল না। সবলে রমাপদের দুই হস্ত দুই হস্তের মধ্যে চাপিয়া ধরিয়া প্রফুল্লমুখে নরেশ বলিল, “ভাল আছ ভায়্যা?”

মৃদু হাসিয়া রমাপদ বলিল, “আছি। আপনি?—আপনারা?”

“আমি ভাল আছি। কিন্তু আমরাও ভাল আছি কি না সে খবর ত’ তুমি অন্তত্ব নিতে পার। সব খবরই যে আমি দোব তার কি মানে আছে?” বলিয়া নরেশচন্দ্র হাসিতে লাগিল।

রমাপদের মুখে সলজ্জ হাস্য ফুটিয়া উঠিল। অপ্রতিভ নেত্রে স্কুমারীর প্রতি দৃষ্টিপাত করিয়া মৃদুস্বরে জিজ্ঞাসা করিল, “ভাল আছেন দিদি?”

একজন চতুর এবং একজন লাজুক ভায়রা-ভাইয়ের বাক্যলাপ শুনিয়া স্কুমারী পুলকিত হইয়া নিঃশব্দে মৃদু হাসিতেছিল; বলিল, “আছি। কিন্তু তুমি অমন কাজ করলে কেন ভাই? চলন্ত গাড়ীতে অমন করে উঠতে আছে কি? দৈবর কথা কিছু ত’ বলা যায় না, হঠাৎ যদি হাত ফস্কে যেত!”

এই সুমিষ্ট ভ্রাতৃ-সম্বোধনে এবং স্নেহ-স্মরণিত উদ্বেগ প্রকাশে রমাপদের চিত্ত এক অননুভূত-পূর্ব মধুর রসে ভরিয়া উঠিল। সে হর্ষোজ্জ্বল নেত্রে স্কুমারীর প্রতি একবার দৃষ্টিপাত করিয়া বলিল, “আমি যখন উঠেছিলাম গাড়ী তখন প্রায় ধেমের এসেছিল।”

“এবার থেকে একেবারে ধেমেরে গেলে উঠো। বুঝলে?”

সুবোধ ছেলের মত ঘাড় নাড়িয়া রমাপদ বলিল, “আচ্ছা।”

নরেশচন্দ্র হাসিতে লাগিল। বলিল, “স্কু, গাড়ী থেকে আগে নাম, তারপর যা করতে হয় কোরো। গাড়ী থেকে নামবার আগেই অমন করে শাসন আরম্ভ করলে বেচারী ঘাবড়ে যাবে!”

সুগঠিত ক্রয়ুগল অর্থময় ভাবে ঈষৎ কুঞ্চিত করিয়া

সুকুমারী নীরবে জানাইল রমাপদর সমক্ষে এমন করিয়া আদরের নামটি ধরিয়া এত শীঘ্র না ডাকিলেও চলিত। প্রকাশে বলিল, “গাড়ীর বিষয়ে শাসন গাড়ীতে না করলে চলবে কেন?”

নরেশ হাসিয়া বলিল, “তাও ত’ বটে! জুরিস্‌ডিক্‌শনের কথাটা একেবারে ভুলে গিয়েছিলাম।”

কথায়-বার্তায় যে কথাটা রমাপদ একেবারে ভুলিয়া গিয়াছিল সহসা তাহা মনে পড়িয়া সে অতিমাত্রায় ব্যস্ত হইয়া গাড়ীর জানালা দিয়া মুখ বাড়াইয়া কুলি কুলি করিয়া ডাকিতে লাগিল।

নরেশ রমাপদকে বাহু ধরিয়া ভিতরে টানিয়া লইয়া বলিল, “ব্যস্ত হয়ে! না ভায়া! ঈশ্বর যখন আমাদের সহায় আছেন তখন ও-কাজটা বাকী নেই, প্রায় শেব হয়ে এসেছে।” বলিয়া নরেশ প্লাটফর্মের দিকে অঙ্গুলী নির্দেশ করিয়া দেখাইল।

রমাপদ চাহিয়া দেখিল তিন-চারিজন কুলির সাহায্যে একজন সুসজ্জিত আরদালী গাড়ী হইতে স্‌টকেস, ষ্টীল-ট্রক, ক্যাসবাক্স, হোল্ডল, অ্যাটাসি কেস, টিফিন কেরিয়ার প্রভৃতি বিবিধ আসবাব-পত্র প্লাটফর্মের উপর নামাইয়া রাখাইতেছে। তাহার মস্তকের সুসম্বন্ধ গুত্র শিরদ্বাগের মধ্যস্থলে রোপ্য-নির্মিত উজ্জ্বল B অক্ষর দেখিয়া সে বুঝিতে পারিল তাহা নরেশচন্দ্রের ব্যানার্জী পদবীর আঞ্চকর। নরেশ, সুকুমারী এবং রমাপদ তিনজনে প্লাটফর্মে নামিয়া দাঁড়াইল।

ভৃত্যের পরিচ্ছদের বহর দেখিয়া রমাপদ প্রভুদের পরিচ্ছদের প্রতি মনোনিবেশ করিল। প্রভুর পরিচ্ছদ এমন কিছু বিচিত্র বলিয়া বোধ হইল না; সাধারণ ভদ্র বাঙ্গালীর যেমন হয় প্রায় সেইরূপই—তবে পায়ের জুতা হইতে আরম্ভ করিয়া গায়ের আলোয়ান পর্য্যন্ত সমস্ত জিনিসের মধ্যেই স্বচ্ছলতার একটা ছাপ পরিস্ফুট। প্রভু-পত্নীর সৌখীন পরিচ্ছদ কিন্তু অনাড়ম্বর হইলেও প্রাচুর্যের পরিচয় সুস্পষ্টরূপে বহন করিতেছিল। গুত্র কাশ্মীরী শালের মূল্যবান শাড়ী, কাশ্মীরী শালের টাইট্‌ ব্লাউস্‌, রেশমের সাদা ষ্টিকিং, বক্‌সিনের সাদা জুতা এবং মুক্তা-খচিত সুদৃশ্য হুই চারিখানি অলঙ্কার সুকুমারীর দেহকে আশ্রয় করিয়া ছিল। ইহার তুলনায়—রেলপথে ব্যবহার্য সুকুমারীর

পক্ষে সম্ভবতঃ এই সামান্ত পরিচ্ছদের তুলনায়—রমাপদর মনে পড়িল সরমার দীন বেশের যৎকিঞ্চিৎ সম্বল! অথচ ছুইজন সহোদরা ভগ্নী!

শুধু পরিচ্ছদই নয়! পরিচ্ছদ দেখিবার সময়ে রমাপদর চক্ষে পড়িল সুকুমারীর অপরিমিত সুস্থ যৌবন-শ্রী। সাতাশ বৎসর বয়সে সে যেন সতেজ সবুজ ডাঁটার উপর একটি প্রস্ফুটিত পদ্ম; আর আঠার বৎসর বয়সেই সরমা যেন ঈষৎ চলিয়া পড়িয়াছে! সরমার সৌন্দর্যের মধ্যে হয় ত’ সন্ধ্যার নিবন্ধ মাধুরী আছে, কিন্তু প্রত্যাঘের এই প্রাণধোলা প্রসন্নতা তাহার মধ্যে কোথায়! টাকা! টাকা! ষ্টেশনের কল-কোলাহলের মধ্যে, নিজের উপস্থিত কর্তব্যকর্ম ভুলিয়া, রমাপদ টাকার স্বপ্ন দেখিতে লাগিল। কিছু টাকা হাতে আসে কেমন করিয়া! খুব বেশী নয়, অন্ততঃ—! রমাপদ ভাবিয়া পাইল না সে-অন্ততঃ কত যাহাতে এ তৃপ্তি যায়!

কিন্তু সুকুমারীর এই সুনিবন্ধ স্বাস্থ্য-সম্পন্নতার মূলে শুধু অর্থের রস-সিঞ্চনই ছিল না। বিবাহের ছুই তিন বৎসর পরে সম্ভান প্রসব কালে তাহার জীবন সংগ্রহ হয়, এবং তৎকালীন গুরুতর অস্ত্রোপচারের ফলে ভবিষ্যতে সম্ভান প্রসবের সম্ভাবনা হইতে চিরদিনের মত মুক্তিলাভ করে। ফুলগাছের ডাল কাটিয়া কাটা জায়গা গালা দিয়া বন্ধ করিয়া দিলে ডালের রস সহজে শুকাইতে না পারিয়া যেমন ডালটাকে বহুক্ষণ তাজা রাখে, ঠিক সেইরূপে মাতৃশ্বের অনিবার্য অপচয় হইতে অব্যাহতি পাইয়া সুকুমারীর স্বাস্থ্য এবং যৌবন কিছুদিন হইতে প্রায় একই স্থানে বাধিয়া গিয়াছে। যৌবন-বন্তা সর্বোচ্চ রেখায় উপনীত হইবার অব্যবহিত পরেই ডাঁটার মুখে পলি পড়িয়া গভীর জল স্থির হইয়া দাঁড়াইয়াছে। ফল ফলিবার উপায় নাই বলিয়া প্রাণ-রসের অতি সঞ্চয়ে ফুল যেন চতুর্গুণ হইয়া ফুটিয়াছে।

“কি রমা, তন্নয় হয়ে এত কি ভাবছ বল দেখি? হঠাৎ বড় বেশী রকম হাঙ্গামায় পড়ে গিয়েছ; না?”

অসঙ্গত অশ্রমস্বতা হইতে সহসা জাগিয়া উঠিয়া সুকুমারীর প্রতি সলজ্জ দৃষ্টিপাত করিয়া রমাপদ বলিল, “না, না, কি আশ্চর্য! হাঙ্গামা আবার কি? হাঙ্গামা কিছুই নয়! বরং খুবই—খুবই আনন্দের কথা!” তাহার পর নরেশের দিকে চাহিয়া বলিল, “নরেশদা, আপনি

দিদিকে নিয়ে আসুন, আমি গিয়ে একখানা গাড়ী ভাড়া করে ফেলি।”

প্রস্থানোত্তর রমাপদর বাম বাহু দক্ষিণ হস্তে চাপিয়া ধরিয়া নরেশ বলিল, “এ কাজটাও ঈশ্বরের উপর ছেড়ে দাও ভাই। এ-সব কাজ ও তোমার চেয়েও ভাল করবে আমার চেয়েও ভাল করবে। অতএব আমাদের ছুজনের মধ্যে কারো অনর্থক ব্যস্ত হয়ে কাজ নেই।”

সবিস্ময়ে রমাপদ বলিল, “ও! ঈশ্বর তা হলে আপনার চাকরের নাম?”

নরেশ হাসিয়া উঠিয়া বলিল, “তা নয়ত তুমি কি ভেবেছিলে আমি অপ্রামাণিক নিরাকার ঈশ্বরের কথা বলছিলাম?”

রমাপদ তাহাই ভাবিয়াছিল, এবং ঈশ্বরের প্রতি নরেশের এমন সহজ বিশ্বাস এবং ভক্তি দেখিয়া মনে মনে একটু বিস্মিত হইয়াছিল। মুহূর্ত্তমুখে বলিল, “আমি তখন ঠিক বুঝতে পারিনি!”

নরেশ গম্ভীরমুখে বলিল, “কিছুই বুঝতে পার নি! আমি বলছিলাম আমাদের এই সাক্ষর প্রামাণিক ঈশ্বরের কথা। এ ঈশ্বরের অস্তিত্ব আর কার্যকারিতার প্রমাণ আমি এত বেশী পাই যে অল্প ঈশ্বরকে ভাববারই সময় পাই নে। তোমার দিদি আশা করেন তাতেও আমি ফল পাব। তিনি বলেন অপ্রামাণিক ঈশ্বর অ্যালোপ্যাথিক ওষুধের মত;—বিশ্বাস না করে খেলেও জর ছাড়ে।”

সুকুমারী ব্যস্ত হইয়া বলিল, “কোনো না ঠিক কথা রমা! আমি ও-সব অ্যালোপ্যাথিক হোমিওপ্যাথিক কোনো কথা বলি নি। যত সব সৃষ্টিছাড়া কথা নিজে বানিয়ে বানিয়ে অপরের নাম দিয়ে বলবেন!”

নরেশ বলিল, “আমার ক্ষমতা আছে তাই আমি বানিয়ে বানিয়ে নি; তোমাদের ক্ষমতা নাই তাই তোমরা বানিয়ে বলতে পার না। কিন্তু আমার বানান কথা তোমাদের নাম দিয়ে যে বলি তার দ্বারা আমার সহৃদয়তাই প্রকাশ পায়! কি বল ডায়া, ঠিক কি না?”

রমাপদ হাসিতে লাগিল।

প্র্যাটফর্ম্ হইতে বাহিরে গাড়াবারাণ্ডায় আসিয়া রমাপদ দেখিল ঈশ্বর একখানা গাড়ীতে দ্রব্যাদি উঠাইয়া আগাইয়া দিয়াছে—এবং অপর একখানা গাড়ী আরোহীগণের জন্ত লম্বুখে দাঁড় করাইয়া রাখিয়াছে।

নরেশ বলিল, “ওঠ রমাপদ।”

ঈশ্বর ইতস্ততঃ করিয়া রমাপদ বলিল, “আপনারা ছুজনে না হয় এ গাড়ীতে আসুন। ও গাড়ীতে জিনিষপত্র রয়েছে—আমি ও গাড়ীতে যাই।”

“এঃ—ঈশ্বরের শক্তির উপর তোমার এখনো একটুও বিশ্বাস হল না দেখছি! ওঠ! ওঠ!” বলিয়া নরেশ রমাপদকে ঠেলিয়া তুলিয়া দিল, তাহার পর সুকুমারীকে হাত ধরিয়া তুলিয়া দিয়া নিজে উঠিয়া বসিল।

রমাপদর মনে সামান্য খটকা বাধিল। সুকুমারী এবং নরেশচন্দ্রের প্রতি তাহার আচরণ ঠিক কিরূপ হইতেছে তাহা সে বুঝিতে পারিতেছিল না। অতিথির প্রতি সৌজন্ত প্রকাশ করিতে গিয়া ধনশালীর প্রতি আর কিছু প্রকাশিত হইতেছে কি না সেই আশঙ্কায় সে ব্যস্ত হইয়া উঠিল। আর যাহাই হউক না কেন সে যে ঠিক সংযত শোভন ব্যবহার করিতে পারিতেছিল না তাহা তাহার নিঃসন্দেহে মনে হইতেছিল, অথচ নিজেকে সংযত করিতে গিয়া পাছে শিষ্টাচারে ব্যাঘাত পড়ে সে ভয়ও মনে-মনে কম ছিল না।

গৃহে পৌছিয়া সরমার আচরণ লক্ষ্য করিয়া রমাপদ পরিমিত আচরণের কতকটা আন্দাজ পাইল। নিজের প্রতি সরমার অবজ্ঞার লেশমাত্র ছিল না, অভ্যাগতেরও প্রতি তাহার সমাদরের অভাব ছিল না। সে তাহার সংসারের সুপ্রতিষ্ঠিত আসন হইতে নরেশ এবং সুকুমারীকে সযত্নে আহ্বান করিল এবং তত্পলক্ষে যাহা কিছু দীনতা এবং দৈন্ত প্রকাশ করিল তাহার মধ্যে হীনতার কোনো সংস্পর্শ পাওয়া গেল না—মায় রমাপদ সকলেরই চক্ষে তাহা বিনয় এবং ভদ্রতার রংএ রঞ্জিত হইয়া উঠিল। রমাপদ দেখিল অতি অল্প সময়ের মধ্যে সরমা তাহাকে অতিক্রম করিয়া সকলের নিকট প্রাধান্য লাভ করিয়াছে; এমন কি ঈশ্বর পর্যন্ত নিরবসর ‘মাসিমা’ ‘মাসিমা’ সম্বোধনের দ্বারা যতটা মনোযোগ সরমার প্রতি প্রদর্শন করিতেছে—তাহার অর্ধেক তাহার প্রতি প্রদর্শন করিতেছে না বলিয়া তাহার মনে হইল।

ইহাতে রমাপদ হুঃখিত হইল না—প্রসন্ন হইল।

(ক্রমশঃ)



কথা—শ্রীচারুবালা দত্তগুপ্তা

স্বর—শ্রীস্বরেন্দ্রলাল দাস

স্বরট—টিমাত্রিতালী

নিশিদিন মোর অন্তর কোণে

জাগিয়া থাকে কার আঁখি রে ?

সকল্গণ গীত করে মুখরিত পবনে

অন্তর মাঝে নির্জন গোপনে

উঠিতেছে সদা বাজি রে !

হৃদয়ের শত ক্ষতে

শান্তি-সুধা-স্রোতে

কে যেন নিতি দেয় ঢালি রে !

আপন মনে বসি বিজনে

বক্ষ 'শুমরি' উঠে কাঁদনে,

হারে কাছে মোর কে যেন ডাকে

ঘন তিমিরে !

শূন্য মনে বাথা চাপিয়া

( থাকি ) মলিন বসনে দেহ ঢাকিয়া

এ দীন অঙ্গে মম কে যেন পরায়

মুকুতা মণি রে !

স্বরট—টিমাত্রিতালী ।

ঠাট গ ন, সম্পূর্ণ জাতি, বাদী র, সংবাদী প, সময় রাজি ২য় প্রহর ।

•		১						+			৩				
রমা	রা	মা	পা	-া	না	র্সা	-া	নর্সা	র্সা	ধা	গা	ধগা	র্সগা	ধা	পা
নি	—	শি	দি	—	ন	মো	র্	অ	ন্	ত	র	কো	—	—	গে
-া	মা	গা	রা	পধা	মধা	মগা	রা	সরা	মপা	ধগা	ধপা	মপা	মগা	মগা	রসা
—	আ	গি	য়া	গা	গা	গধা	পা	মপা	ধা	মা	পা	ধমা	গমা	গরা	সা
<hr/>															
ধা কে কা র্ আ — — -ধি রে — — -II															

রা	রা	পা	পা	ধমা	পা	মগা	মরা	-	মমা	গা	রা	রুগম- <sup>০০</sup> <sub>০০</sub>	রা	সা	-
স	ক	ক	ণ	গী	ত	ক	রে	—	মুখ	রি	ত	প	ব	নে	—
রা	ধা	ধা	গা	ধণা	সর্গা	ধা	পা	মপধ- <sup>০০</sup> <sub>০০</sub>	মপা	মা	গা	রা	পা	পা	-
অ	ন্	ত	র	মা	—	—	ঝে	নি	রু	জ	ন	গো	প	নে	—
-	রা	রা	সর্	না	-	সর্	সর্	নসর্	রসর্	গধা	পধা	মধা	পমা	গরা	সা
—	উ	ঠি	তে	ছে	—	স	দা	বা	—	—	জি	রে	—	—	-II

( মর্গা মা রসর্ না )

মা	পা	না	না	সর্	সর্	সর্	সর্	নসর্	রা	গা	মা	পা	রা	রা	রা
ছ	দ	য়ে	র	শ	ত	ক	তে	শা	ন্	তি	সু	ধা	—	শো	তে
-	ধা	গা	মা	পা	সর্না	সর্	-	মর্গা	রসর্	নসর্	রসর্	গধা	পধা	মগা	রসা
—	কে	যে	ন	নি	তি	দেয়	—	তা	—	—	-লি	য়ে	—	—	-II
সা	রা	রা	পা	মপা	মগা	রা	রা	-	গমা	পা	মা	গরা	গা	রসা	রা
আ	প	ন্	ম	নে	—	ব	সি	—	বি	—	জ	নে	—	—	—
শু	—	ত	ম	নে	—	ব্য	ধা	—	চা	—	পি	য়া	—	(থা	কি)
-	সরা	মগা	রা	গা	গা	ধা	পা	পা	রা	মগা	রা	সা	-	রা	-
—	ব	ক	গু	ম	রি	উ	ঠে	কা	—	—	দ	নে	—	—	—
—	মলি	ন	ব	স	নে	দে	হ	তা	—	—	কি	য়া	—	—	—
মা	পা	-	না	-	না	সর্	-	নসর্	রা	গধা	মা	পা	রা	রা	রা
ধা	রে	রু	কা	—	ছে	মো	রু	কে	—	যে	ন	ডা	—	কে	—
এ	দী	ন	অ	—	জে	ম	ম	কে	—	যে	ন	প	—	রায়	—
সর্	নসর্	রা	গা	ধপা	ধা	পমা	পা	মপা	নসর্	রধা	গধা	পমা	ধপা	গমা	রসা
ধ	—	—	ন	তি	—	মি	—	রে	—	—	—	—	—	—	—
মু	কু	তা	—	ম	—	নি	—	রে	—	—	—	—	—	—	-II

গানটি জলদ লয়ে গাহিবার সময় চুঁরীতে সঙ্গত করিতে হইবে।

## পুস্তক-পরিচয়

“হোমিওপ্যাথিক গৃহচিকিৎসক”। প্রবীণ অধ্যাপক ডাঃ রাইমোহন বন্দ্যোপাধ্যায় প্রণীত। মূল্য দুই টাকা মাত্র।

হোমিওপ্যাথিক ক্ষেত্রে ডাঃ রাইমোহন বন্দ্যোপাধ্যায় বিশেষরূপে পরিচিত। তাঁহার “সরল ঔষধসম্ভার” ও “সদৃশ বিধান চিকিৎসা” প্রভৃতি পুস্তকে, হোমিওপ্যাথিক চিকিৎসার বিশেষ সমুন্নতি হইয়াছে। প্রায় পঁয়তাল্লিশ বৎসরের বহুদর্শনের ফল এই ‘গৃহচিকিৎসক’ পুস্তকে সন্নিবেশিত হইয়াছে, ইহা একটা অমূল্য গ্রন্থ হইয়াছে। স্বর্গীয় ডাক্তার সরকার মহোদয়ের সঙ্গে বহুকাল রোগী দেখিয়া তাঁহার বহুদর্শন জন্মিয়াছে, তদুপরি তিনি প্রসিদ্ধ ডাঃ হেরিং সাহেবের অত্যুৎকৃষ্ট, “Domestic Physician” পুস্তকখানির সাহায্য লওয়াতে পাশ্চাত্য বহুদর্শনের ফল এতৎসহ সংযোগ করিতে ক্রটি করেন নাই।

পুস্তকখানি প্রমোত্তর ভাবে লিখিত হইয়াছে। ধাত্রীবিদ্যা বিশারদ স্বর্গীয় যত্নবাবুই প্রথমে এই পথ দেখান। শিশুর প্রের উত্তর অধ্যাপক হুন্দর ভাবে মীমাংসা করিয়া বুঝাইয়া দিতেছেন। পুস্তকখানির উপক্রমণিকা ভাগে,—হোমিওপ্যাথির মূল সত্যগুলি এবং রোগের কারণতত্ত্ব, রোগ কোথায় হয়, কাগর হয়, কেন হুন্দরমাত্রায় আশ্চর্য্য জিয়া হয়, ইহার বৈজ্ঞানিক ব্যাখ্যা, ঔষধ সমূহ কিরূপে প্রাপ্ত হওয়া গিয়াছে, মহান্না হানিমানের সংক্ষিপ্ত জীবনী এবং নুতন চিকিৎসা বা হোমিওপ্যাথির আবিষ্কারে সমগ্র পৃথিবীর সকল চিকিৎসার পরিবর্তন, বিশেষ করিয়া সমালোচিত হইয়াছে। কিরূপে হোমিওপ্যাথিক ঔষধ আবিষ্কৃত হইয়াছে, কি করিয়া নিজে নিজে ঔষধ প্রস্তুত করা যায়, কিরূপে রোগে কিরূপে ঔষধের কিরূপে শক্তি দিতে হয় তাহা এই পুস্তকে বিশেষ করিয়া লিখিত হইয়াছে। তৎপরে চিকিৎসাভাগের প্রথমেই কিরূপে রোগ পরীক্ষা করিতে হয়, নাড়ী-পরীক্ষা জিহ্বা পরীক্ষা, মলমূত্র পরীক্ষা, রক্ত পরীক্ষা নুতন যন্ত্র “ফ্রেনেসডোমোস্কোপ”, শক্তি নির্ণয়ের “ইনামোমিটার” যন্ত্রের কথা বিশেষ করিয়া লিখিত হইয়াছে। এই পুস্তকখানিতে সরল চিকিৎসার একটু বিশেষ হ আছে অর্থাৎ প্রত্যেক পীড়ার ঔষধের মধ্যে যেগুলিতে অনেকগুলো ফল দিয়াছে, সেইগুলিই সংক্ষিপ্তভাবে লিখিত হইয়াছে। “বেরি বেরি”, “কালাজর”, প্রভৃতির নুতন নুতন ঔষধের কথা লিখিত হইয়াছে।

গ্রন্থের শেষভাগে—আকস্মিক দুর্বটনা, অগ্নিতে পোড়া, কাটা, পচা, বন্দুকের গুলি লাগা, অস্থিভাঙ্গা, সর্পদংশন এবং বিষ-তক্ষণাদির আশু প্রতিকার বুঝাইয়া দেওয়া হইয়াছে।

সর্বশেষে পরিশিষ্টে,—অত্যাশঙ্কক ঔষধগুলির গুণসমূহ লিখিয়া দেওয়াতে, একাধারে—মেটেরিয়া মেডিকা ও প্রাক্টিশের কাজ হইয়াছে। আমরা যতদূর বুঝিলাম তাহাতে পুস্তকখানি যে কেবল ছাত্র ও চিকিৎসকগণের পক্ষে ভাল, তাহা নহে, ইহা প্রত্যেক গৃহস্থের পক্ষে গৃহ-পঞ্জিকার মত কাজ করিবে। শিক্ষিতা মহিলাগণ নিজ নিজ স্থানের পীড়া এবং তাঁহাদের নিজেদের অসহ্য পীড়া, যাহা আত্মীয়-স্বজনের নিকট বলিতে কুষ্ঠিত হন, তাহাতে আপনারা নিজে নিজে ঔষধ ব্যবহার করিয়া ফল পাইবেন। অসহায় দরিদ্র প্রতিবেশীগণ সহসা কোনও বিপদে পড়িয়া তাঁহাদিগকে জানাইলে,—এতৎসাহায্যে তাঁহারা তাঁহাদের বিশেষ সাহায্য করিয়া আনন্দ লাভ করিতে পারিবেন।

গ্রন্থকারের সঙ্গে আমরাও একবাক্যে স্মরণ করিতেছি, যে ভূমিকার তিনি যাহা লিখিয়াছেন, তাহা বড়ই সত্য—“বর্তমান সময়ে অর্থ-সামর্থ্যে, খাদ্যদ্রব্যে প্রভৃতি নানা অভাবে দিন দিন দুর্বলদেহী বঙ্গবাসীর পক্ষে তেজস্কর উগ্রবীর্ঘ্য ঔষধের অপেক্ষা, স্বথসেব্য স্বল্পমাত্রাযুক্ত অখট স্বথপ্রদ হোমিওপ্যাথিক চিকিৎসাই সম্পূর্ণ সময়ে উপযোগী।”

প্রসূতি-পরিচর্যা।—ডাক্তার শ্রী বামনদাস মুখোপাধ্যায় প্রণীত, মূল্য দুই টাকা। এই পুস্তকখানির বিষয়, প্রসূতি-পরিচর্যা বা পোয়াতি-রক্ষা। লেখক—প্রথিতযশা চিকিৎসক শ্রীযুক্ত বামনদাস মুখোপাধ্যায় মহাশয়—সুতরাং এই পুস্তকের পরিচয় প্রদানই সম্পূর্ণ অনাবশ্যক। যাহারা শ্রী-পুত্র পরিবার লইয়া বাস করেন, যাহাদের ঘরে পোয়াতির অসন্ভাব নাই, তাঁহারা বিপদে পড়িলে যে বামনদাস বাবুর শরণাপন্ন হইয়া থাকেন, তিনিই এই পোয়াতি-রক্ষা বইখানি লিখিয়াছেন; সুতরাং এ কথা বলাই বাহুল্য যে, ইহাতে পুষ্টিগত বিভ্রাট স্থান হয় নাই, বহুদর্শী প্রসূতি-চিকিৎসক পোয়াতির বন্ধু বামনদাস বাবু হৃদয়কাল পোয়াতির চিকিৎসা করিয়া যে অভিজ্ঞতা সঞ্চয় করিয়াছেন, তাহা সোজা ভাবে, সরল ভাষায় লিপিবদ্ধ করিয়াছেন এবং তাঁহার পূজনীয় মাতৃদেবীর নামে উৎসর্গ করিয়া মাতৃজাতির প্রতি তাঁহার অকৃত্রিম ভক্তির পরিচয় প্রদান করিয়াছেন। বইখানি যে কেবল ডাক্তারদেরই কাজে লাগিবে তাহা নহে, যারা চিকিৎসা সম্বন্ধে কিছুই জানেন না, তাঁহারাও এই বইখানির সাহায্যে অনেক পোয়াতীর কষ্ট লাঘব করিতে পারিবেন এবং যাহাতে পোয়াতি কোন প্রকার কষ্ট না পান, পূর্বে হইতেই তাহার ব্যবস্থা করিতে পারিবেন। এই বইখানি নুতন পঞ্জিকার মত প্রত্যেক গৃহস্থের ঘরে থাকা উচিত। সকলেই এই বইখানির পরিচয় নিজে গ্রহণ করিবেন, অন্তঃপুর-চারিণীদিগকে গ্রহণ করিতে বলিবেন।

মহান্না আশ্বিনী-কুমার।—শ্রীশরৎকুমার রায় প্রণীত, মূল্য দেড় টাকা। বাঙ্গালা দেশে, শুধু বাঙ্গালা দেশে কেন, ভারত-বর্ষে এমন কোন শিক্ষিত লোক নাই বলিলেও হয় বিনি স্বর্গ-শালের অশ্বিনী বাবুর নাম ও তাঁহার অতুলনীয় কার্যাবলী ও স্বদেশ-প্রাণতার কথা না জানেন। অশ্বিনী বাবু নথর দেহ পরিত্যাগ করিয়াছেন, কিন্তু তাঁহার অবদান অবিমল হইয়া থাকিবে। অশ্বিনী বাবুর প্রিয়তম ছাত্র, শিষ্য ও সেবক বঙ্কুবর শ্রীযুক্ত শরৎকুমার রায় মহাশয় তাঁহার শিক্ষা ও দীক্ষা-গুরুর জীবনী লিপিবদ্ধ করিয়া শিশুর উপযুক্ত কাঁধাই করিয়াছেন। এই হুন্দর পুস্তকখানি পাঠ করিলে সকলেই বুঝিতে পারিবেন, কি গুণে অশ্বিনী বাবু দেশের লোকের, বিশেষতঃ দেশের যুবক ও অল্পবয়স্ক সম্প্রদায়ের হৃদয়ে উচ্চাসন লাভ করিয়াছিলেন। অশ্বিনী বাবু যেমন আড়ম্বরপ্রিয় ছিলেন না, একেবারে সাদাসিধে মানুষ ছিলেন, তাঁহার সর্ব্বাংশে উপযুক্ত শিশু শরৎ বাবুও তেমনি বিনা আড়ম্বরে, সরল ও সহজ ভাষায় অশ্বিনী বাবুর পবিত্র ও মহান জীবন-কাহিনী কীর্তন করিয়াছেন। আমরা বইখানি পড়িতে বসিয়া শেষ না করিয়া উঠিতে পারি নাই, এমনই হুন্দর ভাবে এই জীবন-কথা লিপিবদ্ধ হইয়াছে। ‘মহান্না অশ্বিনী কুমার’ যে জনাদর লাভ করিবে, সে বিষয়ে আমাদের সন্দেহ মাত্র নাই।

**বিসর্জনে।**—ঐরবীন্দ্রনাথ ঠাকুর প্রণীত; মূল্য বার আনা। বিশ্ব-কবি রবীন্দ্রনাথের 'বিসর্জনে'র পরিচয় নুতন করিয়া দিতে যাওয়া ধৃষ্টতা মনে করি; যাহারা বাঙ্গালা সাহিত্যের সংবাদ রাখেন, তাহারা কবিরের বিসর্জনের নাম শুনিয়াছেন, অনেকে হয় ত নানা রঙ্গক্ষেত্রে এই নাটকখানির অভিনয়ও দেখিয়াছেন। বহুকাল পূর্বের কথা,—ভারত-সঙ্গীত-সমাজ যখন এই নাটকখানির অভিনয় করেন, তখন কবিরের স্বরং রঘুপতির ভূমিকা গ্রহণ করিয়া যে অভিনয় করিয়াছিলেন, তাহা এখনও আমাদের মনে আছে। তেমন অভিনয় আর কখন দেখি নাই। সেই হইতে এই নাটকখানি যখনই হাতে আসিয়াছে, তখনই পড়িয়াছি, কোন বারই পুরাতন মনে হয় নাই। এক্ষণে বিশ্বভারতী গ্রন্থালয় এই সর্বজন-প্রশংসিত নাটকখানির পুনর্মুদ্রণ করিয়া সাহিত্যসেবী মাত্রেয়ই কৃতজ্ঞতাভাজন হইয়াছেন।

**শোধ-বোধ।**—ঐরবীন্দ্রনাথ ঠাকুর প্রণীত, মূল্য বার আনা। এখানি কবিরের রচিত নাটক; আমরা ইহাকে প্রহসন বা অল্প কোন নামে অভিহিত করিতে চাই না। উৎকৃষ্ট ও সঙ্গীতসম্পূর্ণ নাটকের যাহা উপাদান, তাহা এই ক্ষুদ্র নাটকখানির মধ্যে পূর্ণভাবে বিস্তারিত। আজকালকার ইঙ্গ-বঙ্গ-সমাজের একখানি অত্যুজ্জ্বল আলোকচিত্র। এ চিত্রের অনেক মুখ আমাদের কাছে ধরা পড়ে। কবির কিস্তি কোথাও গ্লেস করেন নাই, দীর্ঘ 'সারমণ' দেন নাই, হাসিতে হাসিতে রঙ্গ করিতে করিতে যে চিত্রে দেখাইয়াছেন, তাহাতে অনেক ভাবিবার কথা আছে, বুঝিবার কথা আছে, উপদেশ আছে। রঙ্গালয়ে যাহারা এই বইখানির অভিনয় দেখিতেছেন, তাহারা কি মহাকবির 'কথাটা' ভাবিয়া দেখিবেন?

**বেদান্ত দর্শনের ইতিহাস।**—স্বামী প্রজ্ঞানানন্দ সরস্বতী প্রণীত, মূল্য ৪ টাকা। স্বামী প্রজ্ঞানানন্দ সরস্বতী মহোদয় 'ভারতবর্ষ'র পাঠকগণের অপরিচিত নহেন। তাহার জ্ঞানগর্ভ দার্শনিক প্রবন্ধাবলী 'ভারতবর্ষ'ে অনেক প্রকাশিত হইয়াছে। তিনি কিছুদিন পূর্বে দেহ রক্ষা করিয়াছেন। তাহার গুণগ্রাহী বন্ধুগণের চেষ্টায় তাহারই প্রতিষ্ঠিত বরিশাল শঙ্কর-মঠ স্বামীজীর অমূল্য প্রবন্ধাবলি পুস্তকাকারে প্রকাশিত করিয়া বাঙ্গালা দেশে দার্শনিক সাহিত্যের প্রচেষ্টার জন্ত যে আয়োজন করিয়াছেন, তাহা প্রশংসার্হ। বেদান্ত-দর্শনের এমন সুন্দর ব্যাখ্যা এবং প্রাঞ্জল আলোচনা আমরা ইদানীং দেখিয়াছি বলিয়া মনে হয় না। তিনি যাহা রাখিয়া গিয়াছেন তাহা বর্তমান সময়ে অতুলনীয় বলিয়া মনে হয়; অবশ্য কালে হয় ত ইহা অপেক্ষাকৃত গবেষণাপূর্ণ এ জাতীয় গ্রন্থ জন্মিবে; কিন্তু সরস্বতী মহাশয় যে ইহার পথ-প্রদর্শক তাহাতে সন্দেহ নাই। এই পুস্তকে শঙ্কর-দর্শনের যে বিবৃতি প্রদত্ত হইয়াছে, তাহা বিশেষ গবেষণাপূর্ণ। অনেকে মনে করেন, শঙ্করাচার্য্যই অদ্বৈতবাদের প্রতিষ্ঠাতা। কিন্তু আমরা যতদূর জানি, তাহাতে শঙ্করকে অদ্বৈতবাদের প্রতিষ্ঠাতা বলা ঠিক নহে; তাহার গুরু গোবিন্দপাদ ও গোবিন্দপাদের গুরু গৌরপাদাচার্য্য অদ্বৈতবাদী ছিলেন। তবে শঙ্কর অদ্বৈতবাদের একজন প্রধান আচার্য্য, এ

কথা স্বীকার করিতেই হইবে। স্বামীজিও, দেখিলাম, এই মতের সমর্থন করিয়াছেন। অল্প পরিসরের মধ্যে এমন সুন্দর গ্রন্থের সম্যক পরিচয় প্রদান করা অসম্ভব। আমরা জ্ঞানপিপাসু ব্যক্তি মাত্রেকেই এই অমূল্য গ্রন্থখানি পাঠ করিবার জন্ত অনুরোধ করিতেছি।

**ব্যুৎপত্তি মালা।**—ঐরবীন্দ্রনাথ তর্করঙ্গ সঙ্কলিত; মূল্য—একটাকা। এখানি:ক সংস্কৃত অভিধানের ক্ষুদ্র-সংস্করণ বলা যাইতে পারে। সচরাচর যে সকল সংস্কৃত শব্দ ব্যবহৃত হইয়া থাকে, পণ্ডিত মহাশয় তাহাদের ব্যুৎপত্তি লিপিবদ্ধ করিয়াছেন। সংস্কৃত-শিক্ষার্থীদের এই ক্ষুদ্র পুস্তকখানি বিশেষ কাজে লাগিবে।

**কৃষ্ণকমল গীতিকাব্য।**—ঐকামিনীকুমার গোস্বামী সম্পাদিত; মূল্য আড়াই টাকা। এক সময় ছিল যখন কৃষ্ণকমল গোস্বামী মহোদয়ের 'স্বপ্ন বিলাস' 'রাই উন্মাদিনী' সমগ্র পূর্ববঙ্গকে প্রাণিত করিয়াছিল; আমরাও বাংলাকালে স্বপ্ন বিলাসের যাত্রা শুনিয়া মুগ্ধ হইতাম; এখনও তাহার কত গান আমাদের কণ্ঠস্থ আছে। গোস্বামী মহাশয় নদীয়া জেলার লোক হইলেও ঢাকাতেই জীবনের অধিক কাল অতিবাহিত করিয়াছিলেন; সেই জন্ত তাহার অতুলনীয় গীতাবলী পূর্ববঙ্গেই বিস্তৃতি লাভ করিয়াছিল। দেশবন্ধু চিত্তরঞ্জন ঠিক কথাই বলিয়াছেন—“কৃষ্ণকমল' বৈষ্ণব-গীতি-পুনরুত্থান কালের শ্রেষ্ঠ কবি।” আমরা বলি, বৈষ্ণবগীতি-সাহিত্যের পুনরুত্থান কালের তিনিই শীর্ষস্থানীয় ও সর্বশ্রেষ্ঠ কবি। গোস্বামী মহাশয়ের স্বপ্নবিলাস, রাই-উন্মাদিনীর পরিচয় দেওয়া অসম্ভব। যখন লোকে ছাপা বই বড়-একটা পড়িত না, সেই সময় গোস্বামী মহাশয়ের "স্বপ্ন বিলাস" 'রাই উন্মাদিনী'র কুড়ি হাজার সংখ্যা দেখিতে দেখিতে বিক্রয় হইয়া গিয়াছিল, ইহাই এই গ্রন্থের প্রকৃষ্ট পরিচয়। এক্ষণে গোস্বামী মহাশয়ের পৌত্র শ্রীযুক্ত কামিনীকুমার গোস্বামী মহাশয় উক্ত গীতিকাব্যের একখানি সুন্দর সংস্করণ বাহির করিয়াছেন। আমাদের নিখাদ এই শোভন সংস্করণও দেখিতে দেখিতে বিক্রয় হইয়া যাইবে।

**দুরের আলো।**—শ্রীযুক্ত নরেশচন্দ্র সেন গুপ্ত এম-এ, ডি এল. প্রণীত মূল্য; দুই টাকা।

সুপ্রসিদ্ধ লেখক শ্রীযুক্ত নরেশবাবুর এই উপন্যাসখানি আমরা বিশেষ মনোযোগ সহকারে পাঠ করিয়াছি। তিনি যে কয়েকটা চিত্র এই উপন্যাসে অঙ্কিত করিয়াছেন, তাহার মধ্য উপেক্ষের মত যুবকের পরিচয় আমরা সর্বদা পাইয়া থাকি; কিন্তু স্বদেশ-নেতা নবীন চক্রবর্তীর মত পাজী লোক যে স্বদেশ-সেবক-নামধারী ব্যক্তিগণের মধ্যে আছেন বা থাকিতে পারেন, তাহা আমরা জানিতাম না; অথচ নরেশবাবু যে ভাবে এই দেশ-নেতা জীবটীর চিত্র অঙ্কিত করিয়াছেন, তাহাতে তাহার সম্মুখে যে একটা জীবন্ত আদর্শ রহিয়াছে, তাহা বেশ বুঝিতে পারা যায়। কুমুদিনী ও চিত্রার চরিত্র লেখক মহাশয় তাহার আদর্শ অনুসারেই অতি সুন্দর ভাবে চিত্রিত করিয়াছেন। বইখানি পড়িতে বিশেষ আগ্রহ জন্মে এবং পড়িয়া তৃপ্তিবোধও হয়। নরেশবাবু সুলেখক; তাহার রচনাশক্তি, সরস বর্ণনার পরিচয় আর নুতন করিয়া দিতে হইবে না।



## দেশের কথা

নাগপুরে লর্ড আরউইন—

গত ২২শে জুলাইয়ের নাগপুরের এক সংবাদে প্রকাশ, মধ্যপ্রদেশ ও বেরারের ৫০ জন কৃষিবিদ বড়লাটকে একখানি অভিনন্দনপত্র প্রদান করিয়াছেন।

বেরার ও মধ্যপ্রদেশের কৃষিবিদগণ বড়লাটকে যে অভিনন্দন প্রদান করিয়াছিলেন, তদ্বত্তরে তিনি বলেন :—“ভদ্রমহোদয়গণ, আজ আমি বড়লাটরূপে আমার কর্তব্য আরম্ভ করিবার সঙ্গে সঙ্গেই আপনাদিগের সহিত পরিচিত হইয়া ও প্রথমেই এইরূপ এক গুরুতর বিষয় সম্বন্ধে আলোচনা করিবার সুযোগ পাইয়া বড়ই আনন্দিত হইয়াছি। কৃষি আমার সর্বাপেক্ষা প্রিয় জিনিষ, এই বিষয়ে আমি বহু চিন্তা করিয়াছি এবং দেশের শত শত কৃষিজীবীগণের মত আমিও জানি, এই বিষয়ে কি আনন্দ, কি উত্তেজনা ও সময়ে সময়ে কি নৈরাশ্রয় হইয়া থাকে! দেশের অধিবাসীগণের শ্রায় আমিও আকাশের দিকে চাহিয়া চাহিয়া সময় যাপন করিয়াছি। প্রকৃতি অনেক সময়ে এই কৃষিজীবীদিগের সহিত কত না বাদ সাধে! কিন্তু তবুও প্রকৃতির মাধুর্যে আপনাদিগকে গ্রামের দিকেই টানে। সহরের অপেক্ষা প্রকৃতির কোলে পালিত হওয়াই বাঞ্ছনীয়। শুধু তাহাই নহে, গ্রামের এই কৃষককুলই দেশের আশা ভরসা, উন্নতির একমাত্র অবলম্বনস্বরূপ। সহরের—তথা দেশের সর্বসম্মানকেই জীবন, উন্নতি ও সর্বাধিক্যে নির্ভর করিতে হয়— এই কৃষিজীবীগণের উপর।

আপনাদিগের এই কৃষিসম্বন্ধীয় সকল বক্তব্যই, সকল অসুবিধা ও বাধা প্রভৃতির কথাই আমি মনোযোগ সহকারে শ্রবণ করিয়াছি এবং এই সকলের মধ্যে কয়েকটি বিষয় বেরার ও মধ্যপ্রদেশের সরকারের দৃষ্টি আকর্ষণ করিয়াছে এবং বাকী সকল বিষয়ই যথাসময়ে ভারতীয় কৃষিবিষয়ক “রয়াল কমিশনে” আলোচিত ও বিবেচিত হইবে।

আপনাদিগের এই প্রদেশ কৃষিবিষয়ে বিখ্যাত। এইখানে ভারতের তিনটি প্রধান চাষের সমন্বয় হইয়াছে—গম, চাউল ও তুলা; এবং এই স্থানের কৃষিপ্রণালী পূর্ব নিয়ম হইতে বহু সমৃদ্ধ ও বিজ্ঞানসম্মত। কৃষি-বিষয়ে উন্নতি-সাধন করিতে হইলে কৃষি বিদ্যা ও বিজ্ঞান জ্ঞান একান্তই প্রয়োজনীয়। বিজ্ঞানসম্মত উপায়ে বীজ নির্ধারণ, উন্নত প্রণালীর যন্ত্রাদি, বৈজ্ঞানিক প্রকারে জমীকর্ষণ ও সারপ্রদান প্রভৃতি বিষয়ে জ্ঞান থাকিলে কৃষির উন্নতি অবশ্যস্বাভাবী ও আধুনিক যুগে তাহা একান্তই আবশ্যিক।

চাষবাস ও কৃষিকাধ্যে দুইটি বিষয় আবশ্যিক। প্রথম—বৈজ্ঞানিকের গবেষণা ও নূতন নূতন আবিষ্কার এবং দ্বিতীয়তঃ তৎসমুদায় পরীক্ষা করা ও কার্যে পরিণত করার জন্য উপযুক্ত কৃষকের প্রয়োজন। অর্থাৎ চাই এক জনের মস্তিষ্ক ও অপর জনের হাতেহেতেরে কার্য করা। আপনারা একটা বিষয় বলিয়াছেন যে, কর্তৃগণের জমী বৃদ্ধির সঙ্গে পণ্ড-চারগার ক্ষেত্রসমূহ কামরা যাইতেছে। আমি জানি, আপনাদিগের সরকার এ বিষয়ে দৃষ্টিপ্রদান করিয়াছেন।

গোলটেবিল বৈঠক সম্বন্ধে মহাত্মা—

দক্ষিণ আফ্রিকায় ভারতীয়দিগের অবস্থা সম্বন্ধে আলোচনা করিবার নিমিত্ত আগামী আগষ্ট মাসে যে গোলটেবিল বৈঠকের অধিবেশন হইবে, সেই সম্পর্কে “ইয়ং ইন্ডিয়া” পত্রে মহাত্মা গান্ধী লিখিয়াছেন :—

ভারতের অবস্থা পর্যবেক্ষণ করিবার নিমিত্ত দক্ষিণ আফ্রিকা হইতে

ভারতে এক কমিশন আসিবেন এবং উক্ত কমিশনে ডাক্তার ম্যালান এবং মিস্টার ডানকান থাকিবেন ইহা মঙ্গলের চিহ্ন। বৈঠকের অধিবেশন যে দক্ষিণ আফ্রিকায় হইবে, ইহাও শুভ। যাহারা উচ্চপদস্থ এবং যাহারা এই সমস্ত লইয়া চিন্তা করিয়াছেন, তাহারা যে এই কমিশনের সভ্য নিযুক্ত হইয়াছেন, তাহাও সুখের বিষয়। আমাদের দাবী স্বাভা-সম্মত। এ সম্বন্ধে যতই আলোচনা ও গবেষণা করা যায়, ততই আমাদের পক্ষে মঙ্গল। আমাদের দাবীর বিষয় পুঙ্খানুপুঙ্খরূপে আলোচিত হইলে এবং সাধারণ্যে ইহা সুপ্রচারিত হইলে আমাদের কোন ক্ষতিই হইবে না। দক্ষিণ আফ্রিকার শিক্ষিত এবং পদস্থ ব্যক্তিগণ ভারতের বিষয় সম্পর্কে অনভিজ্ঞ বলিয়াই মিটমাটের পথে প্রবল অন্তরায় রহিয়াছে। স্বার্থপর বেতাজ ব্যবসায়ীরা কি চাহেন, তাহারা কেবল তাহাই জানেন। ভারতীয়দের পক্ষের কোন কথাই তাহারা জানেন না, বলিলেই চলে। যদি এই বৈঠকে ভারতীয় সমস্তা বিশেষভাবে আলোচিত হয় তাহা হইলে ভারতীয়দের (ঔপনিবেশিক ভাবে) দক্ষিণ আফ্রিকা দখল করিয়া লইবার কথা অথবা ভারতীয়গণের ঔপনিবেশিক ভাবে দক্ষিণ আফ্রিকায় থাকিয়া বেতাজদের সহিত প্রবল প্রতিযোগিতা ও প্রতিদ্বন্দ্বিতা চালাইবার কথা মুহূর্তের মধ্যে একেবারে ভুগ! এবং বাজে বলিয়া প্রমাণিত হইবে।

জেনারেল হার্টগের বক্তৃতা ও উক্তি গোলমালে। যদি দক্ষিণ আফ্রিকার আদিম অধিবাসীদের প্রতি সুবিচার করা না হয়, তাহা হইলে ভারতীয় ঔপনিবেশিকদের প্রতি সুবিচার করা হইবে এরূপ ধারণা আমি করিতে পারি না। ভারতীয় ঔপনিবেশিকদের প্রতি বেতাজদের মনোভাব বিদ্বেষমূলক। সেই কারণে যদি আদিম অধিবাসীদের প্রতি সুবিচার করা না হয়, তাহা হইলে ভারতীয়দের প্রতি যে সুবিচার করা হইবে, এরূপ আশা করা যায় না। আমরা যদি এ সম্বন্ধে আরও বিশেষভাবে চিন্তা করি, তাহা হইলে বৃষ্টিতে পারিব যে এক জনের প্রতি অবিচার করিয়া অশ্রুর সম্বন্ধে সুবিচার ক্রম করা যায় না।

বীর হিন্দু নারী—

পার্কুর জিলায় সঙ্গর সহর হইতে ৩ জন হিন্দু রমণীর বীরত্ব-বিবরণ পাওয়া গিয়াছে। রাত্রি ৩টার সময় তাহাদের বাড়ীতে কয়েক জন চোর প্রবেশ করে। চোরেরা মূল্যবান জিনিষপত্র লইয়া পলায়নের উদ্দেশ্যে করিতেছে, এমন সময় রমণীত্রয়ের নিদ্ৰা ভাঙ্গে। প্রাচীর টপকাইয়া পলায়ন কালে একটি চোরকে তাহারা ধরিয় ফেলে। অল্প এক চোর তাহার সঙ্গীর উদ্ধারার্থ আসে। তখন রমণীত্রয় ও চোর দুই জনের মধ্যে ধস্তাধস্তি আরম্ভ হয়। এক জন চোরের নিকট ছোরা ও আর এক জনের নিকট লাঠী ছিল। একজন চোর পলায়ন করে, কিন্তু রমণীগণ অপর চোরটির সহিত প্রায় এক ঘণ্টাকাল মাঝামাঝি করিয়া তাহার হাত হইতে ছোরাটি কাড়িয়া লয় এবং শেষে তাহাকে দড়ি দিয়া বাঁধিয়া ফেলে। তৎপরে পুলিশে সংবাদ দেওয়া হয় প্রকাশ, মোট তিন জন চোর আসিয়াছিল। বাড়ীটি সহরের নির্জন স্থানে অবস্থিত বলিয়া কোন লোক সাহায্যার্থ আসিতে পারে নাই,— রমণীগণকে তাহাদের নিজ শক্তির উপর নির্ভর করিতে হইয়াছিল। তাহাদের এই বীরত্ব সহরে মহা হৈ চৈ পড়িয়া গিয়াছে।



**কাবুলীর কবল—**

বাঙ্গালাদেশে কাবুলী চেনেন না এমন লোক বোধ হয় বিরল ; সুদূর মফস্বলের বালক বালিকারা পর্যন্ত এই লাঠিপাগড়ীধারী মূর্তিগুলির সহিত পরিচিত। কিন্তু ইহার দেশের কিরূপ সর্বনাশ করিতেছে তাহার সম্বন্ধে সাধারণের ধারণা সুস্পষ্ট নহে। সম্প্রতি রক্তপুষের "বার্তা" পত্রে 'কাবুলীর কবল' নামক প্রবন্ধে একটা ভালিকা আছে তাহার কিছু অংশ নিয়ে দেওয়া গেল। ইহা হইতে কাবুলীদিগের কার্যাবলীর কতকটা ধারণা জন্মিবে।

খাতকের নাম	ধনের পরিমাণ	সুদ যাহা দেওয়া হইয়াছে।
শিবচরণ হাড়ি	১৫১	২২৫১
বিরাসীয়া হাড়ি	৮১	৮১১
মলহারী হাড়ি	১২১	১২১
দারোগী হাড়ি	৪০১	১২০১
অনেশ্বরী হাড়িনী	১০১	১৫০১
তিলেশ্বর ডোম	৬০১	২০০১
যোগীয়া ডুমনী	১৮১	২৮১
কালু হেলা	৪০১	৬০১
পরমেশ্বর হাড়ি	১০০১	১৫০০১

**জগতের উৎপন্ন চাউল—**

১৯১৪ সালে ভারতে মোট ৮৯৩২৮০০০ একর জমিতে ধান উৎপন্ন হইয়াছে। পূর্বে বৎসর হইতে ইহাতে শতকরা ২ ভাগ বৃদ্ধি হইয়াছিল। এই সালে মোট ৯৯০৯৯০০০ টন চাউল উৎপন্ন হইয়াছিল।

১৯২৫ সালে জগতের মোট ধান উৎপন্নের জমির এবং উৎপন্ন চাউলের দাম নিয়ে দেওয়া গেল।

দেশের নাম	জমি ( হাজার একর )	চাউল ( হাজার সেন্টল ) ( ১ সেন্টল = ১৮০ পাউণ্ড )
ইউরোপ	৪৯৪.২	২০১৪.৩৩
আমেরিকা যুক্ত রাজ্য	৯০৩.৯	১৫২৪১.৮
সিংহল	৮০৩.১	৫৫১৯.৬
ভারতবর্ষ	৮১৪৬১.০	১০৪৯১৯৯.৬
ইণ্ডোচীন	১২৫১৩.৪	১২৯০৩০.৮
জাপান		
কোরিয়া গং	১২৯৫১.৬	৩২২৯৯৯.৫
ফিলিপাইন	৪২০০.৯	২৮২১৯.৩

স্বাস্থ্য	৬৬৭১,৯	১০৯৯৬৯,৯
জাতি	৮৯৭২,৪	১০৫০৫৫,০
মাড়ানেচকার	১২৮৫,৬	২২৯২৮.২
	৯২৯৯৭৮,৯	১৮০৪২৫৯,৯

**ভারতে অহিফেন—**

"ব্যবসা ও বাণিজ্য" বলেন, ভারত সচিবের দপ্তর হইতে বলা হইয়াছে যে ১০ বছরের মধ্যে ঔষধের প্রয়োজন ব্যতীত ভারতবর্ষ হইতে অহিফেন রপ্তানী বন্ধ করা হইবে। ইহা ক্রমে ক্রমে করা হইবে। ১৯২৭ খৃঃ হইতে এই কার্য আরম্ভ হইবে—এবং হিসাবমত ১৯৩৭ এর পর অহিফেন আর বাহিরে রপ্তানী হইবে না, এ আশা আমরা করিতে পারি। ইতিমধ্যেই কলিকাতার অহিফেন নীলাম বন্ধ করা হইয়াছে।

**দেশী লবণ—**

বাঙ্গালা দেশে যে লবণ আসে তাহার বেশী ভাগ এডেন ও পোর্ট সৈয়দে জন্মিয়া থাকে। সম্প্রতি কাঞ্চিগুয়ারে লবণ প্রস্তুতের কারখানা বসিয়াছে। কিন্তু পরিমাণ নির্দিষ্ট করিয়া দেওয়ার তাহা বঙ্গদেশে আসে না। বিশেষতঃ যে জাহাজে বোঝাই হইয়া লবণ চট্টগ্রাম ও কলিকাতা বন্দরে আসিবে, ফিরিবার সময় যদি মাল বোঝাই না পাওয়া যায়, তবে প্রতিযোগিতার কাঞ্চিগুয়ার টিকিতে পারিবে না। বোধে চেম্বার সে জঙ্গ গবর্ণমেন্টের নিকট সাহায্য চাহিয়াছেন।

একজন বিশেষজ্ঞ বলিতেছেন যে বাঙ্গালা হইতে কয়লা নেওয়ার বন্দোবস্ত করিলে সরকারী সাহায্য ছাড়াও কাঞ্চিগুয়ারের লবণ এই দেশে চালান দেওয়া যায়। এই সম্বন্ধে অনেক আলোচনা চলিতেছে। অদূর ভবিষ্যতে ভারতীয় লবণেই ভারতবর্ষ চলিবে। তজ্জঙ্গ লিবারপুলে বা এডেনে যাইতে হইবে না। কিন্তু চট্টগ্রামে কয়লা পাওয়া যায় না। এখান হইতে পাট, কার্পাস, চা, কাঠ, বস্তুর সম্বন্ধে মতামতের গ্ৰহণ করিলে এই দেশের অস্থবিধাও দূর হইতে পারে।—ব্যবসা ও বাণিজ্য

**কচুরি-পানার ছাউনী—**

কচুরী-পানা শুকাইয়া তাহার ঘারা ঘর ছাওয়া যায়। মার্চমাসে ঢাকায় যে শিল্প-প্রদর্শনী বসিয়াছিল তাহাতে কচুরী বা টাগইয়ের ঘর বিশেষ দৃষ্টি আকর্ষণ করিয়াছিল। কচুরীর ছাউনি না কি একসঙ্গে জলকেও কলা দেখায় আর আগুনেরও তোয়াকা রাখে না। "পঞ্চায়ৎ" (ঢাকা) বলিতেছেন :—"দেশে বর্তমানে যেক্রপ ছনের অস্তাব এবং টিনের মূল্য যেক্রপ বৃদ্ধি পাইয়াছে, তাহাতে গম্বীব লোকের মাথা বাচাইবার উপায় হইতেছে—কচুরি-পানা।—ব্যবসা ও বাণিজ্য।"

**প্রচ্ছদ-পট**

ডাক্তার রামদাস সেন মহাশয়ের নাম এখন অনেকে না জানিলেও, বাঁহারা বাঙ্গালা-সাহিত্যে বঙ্কিম-যুগের সংবাদ রাখেন, তাঁহারা জানেন যে পরলোকগত সেন মহাশয় উক্ত যুগের একজন যশস্বী ঐতিহাসিক ও প্রকৃত-বিশারদ ছিলেন। যে কয়েকটা উজ্জ্বল জ্যোতিষ্ক বঙ্কিমচন্দ্রকে বেঁটন করিয়া ছিলেন, ডাক্তার রামদাস সেন তাঁহাদের অঙ্গতম। সেন মহাশয় মুর্শিদাবাদ জেলার অন্তর্গত বহরমপুরে বঙ্গ

কায়স্থ বংশে ১২৫২ শালের ২৬শে অগ্রহায়ণ ( ১৮৪৫ খৃঃ ১০ই ডিসেম্বর ) জন্মগ্রহণ করেন। ইহার পিতার নাম ওলালমোহন সেন। ওলালমোহন সেন মহাশয় ঐ অঞ্চলের একজন প্রতিষ্ঠাপন্ন জমিদার ছিলেন। রামদাসবাবু তিন বৎসর বয়সের সময় পিতৃহীন হন। ইনি প্রথমে বাড়ীতেই গৃহশিক্ষকের নিকট শিক্ষালাভ করেন ; তাহার পর বহরমপুর কলেজে প্রবেশিত হন। বিষয়-কর্মের তত্ত্বাবধানের ভার

অল্প বয়সেই ইঁহার উপর স্তম্ভ হওয়ার ইনি কলেজ ত্যাগ করিতে বাধ্য হন। অধ্যয়নের সময় হইতেই ইনি ইতিহাস আলোচনার নির্বিষ্ট হন এবং কার্যক্ষেত্রে প্রবেশ করিয়া ইঁহার জ্ঞান সঞ্চয়ের বাসনা বিশেষ বলবতী হয় এবং বহু অর্থ ব্যয় করিয়া বহুবিধ পুস্তক সংগ্রহ করিয়া ইনি নিজ গৃহে একটা প্রকাণ্ড পুস্তকালয়ের প্রতিষ্ঠা করেন। তাঁহার পুস্তকালয় দেখিলেই বুঝিতে পারা যায় যে, দেশের ইতিহাস ও প্রত্নতত্ত্ব বিষয়ে অভিজ্ঞতা লাভের জন্য রামদাসবাবু কি বিপুল অধ্যবসায়ের সহিত অধ্যয়ন করিতেন। সে সময় বঙ্গদর্শনের আমল। সাহিত্য-সত্রাট বঙ্কিমচন্দ্রের অনুরোধে রামদাসবাবু উক্ত পত্রে ঐতিহাসিক রহস্য, ভারত-রহস্য,

রহস্য-রহস্য, বৃহৎ প্রভৃতি প্রবন্ধ লেখেন এবং পরে সেগুলি পুস্তকাকারে প্রকাশিত করেন। এতদ্ব্যতীত কুম্ভমালা, কবিতাগহরী প্রভৃতি আরও কয়েকখানি কবিতা গ্রন্থও ইনি প্রণয়ন করেন। ইঁহার প্রত্নতত্ত্বসম্বন্ধানের প্রতি সম্মান প্রদর্শনার্থ ইটালীর ফ্লরেন্স নগরের ওরিয়েন্টাল একাডেমি ইঁহাকে 'ডাক্তার' উপাধি ভূষিত করেন। সে সময় এ সম্মান-লাভ বড় সহজ ছিল না। ১২৯৪ শালের ৩রা ভাদ্র ( ১৮৮৭ খৃঃ ১৯শে আগষ্ট ) ইঁহার দেহান্তর হয়। আমরা এবার ভারতবর্ষের প্রচ্ছদপটে এই প্রাণতনামা ঐতিহাসিকের প্রতিকৃতি প্রকাশিত করিয়া তাঁহার স্মৃতির তর্পণ করিলাম এবং তাঁহার প্রতি আমাদের অকৃত্রিম শ্রদ্ধা নিবেদন করিলাম।

## সাহিত্য-সংবাদ

### নব-প্রকাশিত পুস্তকাবলী

শ্রীযুক্ত নবকৃষ্ণ ভট্টাচার্য সম্পাদিত "সচিত্র কৃষ্ণিবাসী রামায়ণ," মূল্য ৩/-  
 ডাঃ রাইমোহন বন্দ্যোপাধ্যায় প্র ত "হোমিওপ্যাথী গৃহচিকিৎসক" মূল্য ২/-  
 শ্রীযুক্ত শচীশচন্দ্র চট্টোপাধ্যায় প্রণীত নূতন উপস্তাস "বেলমতিয়া" মূল্য ২০/-  
 ডাঃ নরেশচন্দ্র সেনগুপ্ত প্রণীত "দূরের আলো" মূল্য ২/-  
 শ্রীযুক্ত সুরেশচন্দ্র ঘোষ প্রণীত 'দাদার কথা'—"স্মারক রাসবিহারী ঘোষের জীবন-কথা" মূল্য ২/-  
 শ্রীমতী পূর্ণশশী দাসী প্রণীত "মধুমিলন" মূল্য ১/-  
 শ্রীযুক্ত হেমেন্দ্রপ্রসাদ ঘোষ প্রণীত "রক্তের সন্ধক" মূল্য ১/-

স্বামী যোগানন্দ প্রণীত "শ্রীশ্রীকৃষ্ণলীলামৃত" মূল্য ১০/-  
 শ্রীযুক্ত গদাধর সিংহরায় প্রণীত নূতন নাটক 'সমাজ শাসন' মূল্য ১/-  
 ডাঃ আশুতোষ পাল প্রণীত "হিতকথা" মূল্য ৫/-  
 শ্রীযুক্ত দিলীপকুমার রায় প্রণীত "আম্যমানেন্দ্র দিনপঞ্জিকা" মূল্য ২/-  
 শ্রীযুক্ত মণীন্দ্রলাল বসু প্রণীত "রমলা" ( দ্বিতীয় সংস্করণ ) মূল্য ১৫/-  
 শ্রীযুক্ত সুরেন্দ্রনাথ রায় প্রণীত "নারীলিপি" ( দ্বিতীয় সংস্করণ ) মূল্য ১০/-  
 অধ্যাপক শ্রীযুক্ত খগেন্দ্রনাথ মিত্র এম-এ মহাশয়ের নূতন উপস্তাস 'বিবি বউ' যন্ত্রস্থ ; পুজার পূর্বেই প্রকাশিত হইবে।

Publisher—Sudhanshusekhar Chatterjea.  
 of Messers. Gurudas Chatterjea & Sons,  
 201, Cornwallis Street, CALCUTTA.



Printer—Narendranath Kumar,  
 The Bharatvarsha Printing Works,  
 203-1-1, Cornwallis Street, CALCUTTA



শিল্পী—শ্রীযুক্ত হরেশচন্দ্র ঘোষ.  
মহাশয়ের অনুগ্রহে প্রকাশিত।

যশোদা হুলাল

Bharatvarsha II lfton & Printing Works.



# জারতরহা



আশ্বিন, ১৩৩৩

প্রথম খণ্ড

চতুর্দশ বর্ষ

চতুর্থ সংখ্যা

## প্রার্থনা

পরশুরাম

ওহে অনন্ত  
বিশ্বে তোমার  
মহাজগতের  
অতি ছোট হয়ে  
ভেবেছ এ ঘর  
হায় হায় প্রভু,  
অস্তুর্যামী  
কোনো মতে ঠাট  
এই যে দেখিছ  
দারুণ দৈন্ত্য  
কবে কোন্ যুগে  
হজম হইয়া  
হাজার বছর  
নিজে হতে তুমি  
ওহে হৃদিশ্ব  
অবরদস্তি

বিশাল বিপুল  
না পাই নাগাল  
বিরাট ধান্দা  
ধরা দাও আজ  
বেশ ত স্বাজানো  
বুঝিলে ঠাট এ যে  
আঁতের খবর  
বজায় রেখেচি,  
রোগা রোগা যত  
লজ্জার চাপে  
খেয়েছিষু মোরা  
গেছে কোন্ কালে,  
সবুর করিয়া  
নাহি দিবে কভু  
হৃদীকেশ, তাই  
করিব আদায়

নিখিলের অধিপতি,  
মোরা অতি মূঢ়মতি ।  
ছেড়ে বারেকের তরে  
মোদের ক্ষুদ্র ঘরে ।  
কিসের অসদ্ভাব,  
ভাড়া করা আস্বাব ।  
কিছুই জানিলে মা কি ?  
ভিতরে সকলি ফাঁকি ।  
অমৃতের সস্তান,  
কণ্ঠে আগত প্রাণ ।  
তুই চার ফোঁটা সূধা,  
পেয়েছে বিষম ক্ষুধা ।  
লভিয়াছি এই জ্ঞান—  
ছাপ্পর-ফোঁড়া দান ।  
সকলে তোমার কাছে  
যা কিছু অভাব আছে ।

দশ বিশ কোটি  
তুমি যে একলা  
ওঠো নারায়ণ,  
এ নয় তোমার  
ওহে দামোদর  
ওঠো নারায়ণ,

অল্পে তুমি  
অধিকরাজ্য,  
ইন্দ্রের পদ,  
মুক্তি মোক্ষ  
দেশে দেশে যাহা  
একটি কেবল

খোলো হে শীঘ্র  
দাও হে মাথায়  
কর হে কোমল  
দরকার হলে  
তৃণের চেয়েও  
শত্রুর কাছে  
যত খুশি দাও  
একটি কেবল  
দুর্জয়ন অরি  
তিন চড় তারে  
একটি কাণের  
একটি দাঁতের  
ইফ্তানিফ্ত  
ক্ষম অপরাধ  
এইটুকু বর  
নিজ নিজ ঘর  
তার পরে যদি  
ভাল ভাল বর  
মান-সম্মান,  
লোক-লক্ষ্য,

নাছোড়বান্দা  
পড়িয়াছ ধরা,  
জাগো জাগো ওহে  
ক্ষীরোদ-সিন্ধু,  
দশ বিশ কোটি  
আজি যে তোমার

দস্যু আমরা,  
রাজার কন্যা—  
কুবেরের ধন,  
নির্ব্বাণ আদি  
দিয়েছ দেদার  
ছোট খাটো বর,

খোলো হে তোমার  
হৃদয়ে শক্তি  
কুসুমের মত,  
বজ্রের মত  
কর হে সুনীচ,  
উঁচু যেন হয়  
ক্ষমা অহিংসা  
মনের বাসনা  
এক চড় যদি  
কসাইয়া দিব,  
বদলে তাহার  
বদলে তাহার  
না ভাবিব কভু,  
ওহে গদাধর,  
লইয়া তোমায়  
লব গোছাইয়া  
আসে হে সূদিন,  
করিব আদায়  
মোটা রোজগার,  
রূপসী বণিতা,

মোরা ছাড়িব না কভু,  
কোথায় পালাবে প্রভু ?  
অচেতন শালগ্রাম,  
এ যে গরীবের ধাম ।  
টানিছে তোমার রশি,  
উথান-একাদশী ।

বেশি কিছু নাহি চাই,  
এ সবেতে রুচি নাই ।  
স্বর্গের ভোগ যত  
তোলা থাক আপাতত ।  
তাই দাও আগাদের—  
তাতেই হইবে ঢের ।

শক্তির ভাণ্ডার,  
বাহতে শক্তি আর ।  
তাতে আপত্তি নাই,  
কঠোরতা যেন পাই ।  
তরুর চেয়েও ধীর,  
হিমালয়-সম শির ।  
অস্তুরে মোর ভরি,  
বলে রাখি হে শ্রীহরি—  
লাগায় আমারে কভু,  
মাপ কর মোরে প্রভু !  
দিব দুই কাণ কাটি,  
উপাড়িব দুই পাটি ।  
শত্রু করিব টাট—  
আমি নরকের কীট ।  
আপাতত দিব ছুটি,  
যত পারি মোটামুটি ।  
আর যদি বেঁচে থাকি,  
যা কিছু রহিল বাকি—  
চারতলা পাকা বাড়ি,  
আট-সিলিগুর গাড়ি ।





## মিলন-পূর্ণিমা

ডাক্তার শ্রীনরেশচন্দ্র সেন গুপ্ত এম-এ, ডি-এল

( ২৪ )

ময়মনসিংহ হইতে বিদায় হইয়া সৌরীন ঢাকা জেলার গ্রামে গ্রামে ঘুরিয়া সেবাকার্যা করিয়া বেড়াইল। তিন বৎসর এমনি করিয়া ঘুরিয়া সে এই সত্য নিবিড় ভাবে হৃদয়ঙ্গম করিল যে প্রচুর অর্থবল না থাকিলে কেবল নিষ্ঠার দ্বারা বিশেষ কিছুই কাজ করিতে পারিবে না। অর্থের জন্ত সে ঘারে ঘারে ভিক্ষা মাগিয়া ফিরিল—যাহা পাইল সে কিছুই নয়।

নিদারুণ হতাশায় সঁ স্থির করিল—এ ব্যর্থ প্রচেষ্টায় সে আর জীবন ক্ষয় করিবে না। অবশিষ্ট জীবন সে লেখা-পড়া করিয়া কাটাইবে। বিস্তার অনুশীলনে জীবনে যেটুকু সার্থকতা লাভ করা যায় তাই সে করিবে।

তাই সে ঢাকায় ফিরিল। চেষ্টা করিয়া গোটা ছই প্রাইভেট টুইশন জোগাড় করিল।

এমনি করিয়া সে ছয়মাস কাটাইয়া দিল। তার জীবনের দারুণ নৈরাশ্র তাহার দেহ ও মনে এমন একটা অবসন্নতা আনিয়া দিয়াছিল যে, সে কেবল চুপচাপ করিয়া দিন কাটাইয়াই গেল। তার যে বৃহৎ চিন্তা ও কল্পনার শক্তি ছিল, তার চিন্তের যে অসীম সহায়ত্ব ও পরহঃখ-কাতরতা ছিল তাহা যেন হঠাৎ শীতে-জমিয়া-যাওয়া পার্কৃত্য

প্রসবণের মত নিষ্ক্রিয় ও অকর্ষণ্য হইয়া পড়িয়া রছিল। সে সম্পূর্ণ নিরুদ্বেগ ও নিরুপদ্রব ভাবে তার প্রাইভেট টিউটার-জীবন কাটাইয়া চলিল।

ঢাকা বিশ্ববিদ্যালয়ের কর্তৃপক্ষের কাছে অল্পমতি লইয়া সে সেখানকার লাইব্রেরীতে পড়িতে আরম্ভ করিল। পড়িতে পড়িতে ক্রমে তার চিন্তের জড়তা কাটিয়া গেল, তার ভিতরকার চিরদিনের জ্ঞান-বুকু চঞ্চল হইয়া উঠিল। সে আগ্রহের সহিত পড়িতে লাগিল। নানা বিষয়ের আলোচনার সে তার প্রদীপ্ত কৌতূহল পরিতৃপ্ত করিতে লাগিল।

একদিন আমেরিকা হইতে প্রকাশিত একখানা ত্রৈ-মাসিক পত্র তার হাতে পড়িল। পত্রিকাখানি সমাজতত্ত্ব বিষয়ক। তাহাতে একটা দীর্ঘ প্রবন্ধ ছিল—তাহা সে অনন্তমনা হইয়া পড়িয়া গেল। সে প্রবন্ধে লেখক সমাজের সঙ্গে ব্যক্তির সম্বন্ধ ও সমাজের অভ্যুদয়ে ব্যক্তির ও ব্যক্তির অভ্যুদয়ে সমাজের সহায়তা সম্বন্ধে আলোচনা করিয়াছেন। তাহাতে তিনি গোড়ায় বলিয়া লইয়াছেন যে, সমাজের এমন কোনও অস্থানই নাই, যাহা চিরদিন অচল আছে বা অচল থাকিবে। সমাজের ও ব্যক্তির অভ্যুদয় সাধনই সকল অস্থানের একমাত্র প্রয়োজন, এবং সেই মানদণ্ডে পরিমাণ

করিয়া নিরন্তর সামাজিক অমুঠানের সংস্কার বা পরিবর্তন করাটাই সামাজিক স্বাস্থ্যের নিদর্শন। এই মূল সূত্র ধরিয়া তিনি অর্থ, ভূস্বামিত্ব, শ্রেণী-বিভাগ, শাসন-প্রণালী প্রভৃতি সকল অমুঠানের আলোচনা করিয়াছেন। তাঁর বক্তব্য এই, সমাজের প্রয়োজন প্রত্যেক ব্যক্তির ভিতর সর্ববিধ শক্তি বৃদ্ধি, এবং সুনিয়ন্ত্রিত সংযোগ দ্বারা তাহাদের সমবেত শক্তি বৃদ্ধি। যাহাতে ব্যস্ত ও সমস্ত ভাবে সমাজের সর্ববিধ শক্তির সর্বাঙ্গের অধিক প্রকাশ হয়, সেই ব্যবস্থাই একমাত্র অমুসরণীয়। যাহা সেই শক্তি সমবাদের পক্ষে কম অমুকূল তাহা বর্জনীয়।

এই প্রবন্ধে আমেরিকার সমাজ লইয়া আলোচনা করা হইয়াছিল। প্রবন্ধ পড়িতে পড়িতে সৌরীনের মনে হইল তার নিজের দেশের ও সমাজের কথা—মনে হইল আমরা কত দূরে কত পশ্চাতে পড়িয়া রহিয়াছি এই আদর্শ হইতে। আমাদের সমগ্র সমাজ-বন্ধন ব্যক্তিত্বের ক্ষুণ্ণতার প্রতিকূল—শক্তি বৃদ্ধি নয়, শক্তি দমনই ইহার একমাত্র ফল দাঁড়াইয়া গিয়াছে।

ভাবিতে ভাবিতে তার কত কথা মনে হইল। কত দিক দিয়া সমাজের কত সংস্কার, কত অমুঠানের আমূল উৎপাটনের প্রয়োজন আছে; মানুষকে প্রথমে মানুষ করিবার জন্য একটা কত বড় বিপুল চেষ্টার প্রয়োজন আছে, সে কথা মনে হইল।

তার পর তার এতদিনকার লুপ্ত জীবন ও চিন্তার ধারা আবার তার অন্তরে জাগিয়া উঠিল। কি অসীম স্পর্কার সহিত সে তার জীবন নিবেদন করিয়াছিল সমাজের এই সেবার, সে কথা মনে হইল। সে যে কত বড় বা ধাইয়াছে, কত দুঃখে সে পথ ছাড়িয়াছে সে কথা তার এখন মনে হইল—মনে হইল, সে ভীকর মত তার কর্মক্ষেত্র ছাড়িয়া পলায়ন করিয়াছে।

মনে পড়িল কত বড় স্পর্কা, কি বিপুল শক্তি ছিল তার সেই পরিত্যক্ত স্বপ্নের ভিতর। তার জোরে সে সমস্ত জগৎকে তুচ্ছ করিয়াছে। আপনার শক্তিতে অসীম শ্রদ্ধা লইয়া সে কোনও বাধাই গ্রাহ্য করে নাই, কোনও ত্যাগই ত্যাগ বলিয়া মনে করে নাই। মস্ত বড় চাকরী পাইয়া ছাড়িয়া আসিয়াছে—রেখাকে ছাড়িয়াছে।

রেখা!—রেখাকে হারাইয়া সৌরীন তার জীবনের শ্রেষ্ঠ

সম্পদ হারাইয়াছে। আর—বঞ্চিত রেখার সারা জীবন সে হারখার করিয়া দিয়াছে। সে এতটা করিয়াছিল তার বে শক্তির স্পর্কার, রেখাকে হারাইয়াও যে সেবাধর্মের উৎসাহ তাহাকে বাঁচাইয়া রাখিয়াছিল—সে স্পর্কা এখন কোথায়, সে সেবাধর্ম সে অতল জলে বিসর্জন করিয়াছে। ব্যথিত রেখা ভগ্ন হৃদয় লইয়া চলিয়া গিয়াছে—তার পর সে আর দেশে ফিরে নাই, সে সংবাদ সৌরীন জানিত। না জানি কি নিদারুণ পরিণতি তার হইয়াছে—কেবল সৌরীনের এই মিথ্যা স্পর্কার ফলে! আর সৌরীন কি না আজ তার সেই স্পর্কিত ধর্ম অনায়াসে বিসর্জন দিয়া নিশ্চিন্ত আরামে বসিয়া লাইব্রেরীর বই পড়িতেছে। ভাবিতে তার হৃদয় জ্বালায় পুড়িয়া গেল! অমুশোচনায় তার অন্তর ভরিয়া গেল। সে বার বার আপনাকে বলিল, “কোনও অধিকার নাই তোমার জীবনে একটু আরাম পাইবার। রেখার জীবনে যে অভিশাপ দিয়া তাকে বিদায় করিয়াছ, সে অভিশাপের পূর্ণ প্রায়শ্চিত্ত করিতে হইবে তোমার সেই বড় স্পর্কার সেবাধর্মের অমুশীলনে জীবন ত্যাগ করিয়া।”

এক মুহূর্তও আর সে স্থির হইতে পারিল না। তক্ত-পোষের উপর শুইয়া সে ভাবিতেছিল—তার সে সূখ-শয্যা তার গায়ে যেন কাঁটা বিধাইয়া দিল। সে উঠিল। অবিলম্বে গিয়া তার চাকরীতে ইস্তাফা দিয়া ছুটিল। ঢাকা সহর ত্যাগ করিয়া সে গেল একটা ক্ষুদ্র দীন পল্লীতে—সেইখানে একখানা পরিত্যক্ত চালায় সে আশ্রয় লইল। স্থির করিল, এইখানে বসিয়া, ইহাদের সঙ্গে মিশিয়া গিয়া, ইহাদের মজল-চেষ্টায় সে জীবন ক্রয় করিবে।

এ গ্রামটি ছোট—ইহার বাসিন্দা সকলেই ঋষি বা মুচি। প্রায় ত্রিশ ঘর লোকের বাস এ গ্রামে। চার-পাঁচ ঘর অপেক্ষাকৃত সম্পন্ন, তাদের ভাল ঘর-বাড়ী আছে, দুই একখানা জমিও আছে, তা ছাড়া তারা চটি জুতা তৈয়ার করিয়া মহাজনদের কাছে জলের দরে বেচিয়া কথঞ্চিৎ উপায় করিয়া থাকে। অবশিষ্ট সবাই নিতান্ত হীন দরিদ্র। ইহাদের পুরুষেরা মরসুমের সময় সস্তা চটি জুতা তৈয়ার করে, পূজা পার্বণে বাজনা বাজায়, আর অবশিষ্ট সময় ভিক্ষা করে। মেয়েরা সবাই ভিক্ষা করে—কেউ বা তার উপর বন-জঙ্গল হইতে শাক-পাতা কুড়াইয়া বেচিয়া দুই পয়সা রোজগার করে। ইহাদের যে ঘর তার ভিতর

কোনও মতে কার-ক্লেসে মাথা গুঁজিয়া থাকা যায়—কিন্তু বড়জলের হাত হইতে আশ্রয় করা সম্ভব হয় না।

সৌরীন দেখিল, সেবার যদি কারও প্রয়োজন থাকে, তবে ইহাদের। ইহাদের সেবার জন্ত কি প্রয়োজন, তাহা তাহার জানা ছিল,—তার অভাব ছিল শুধু সন্মলের। এ ছয় মাস প্রাইভেট টুইশন করিয়া তার হাতে প্রায় ছইশত টাকা জমিয়াছিল—সেই টাকা দিয়া সে কাজ আরম্ভ করিবে স্থির করিল।

গ্রামের ভিতর ঘুরিয়া সে সবার সঙ্গে আলাপ পরিচয় করিল। তার পর সে ছেলেদের লইয়া পাঠশালা করিয়া বসিল। পরের দিন গিয়া সে কিছু টাকার চামড়া কিনিয়া আনিল; এবং নিজের সামনে বসাইয়া, কতকটা নিজে শিখাইয়া, সে অনেকগুলি নিছক লোকদের দিয়া জুতা তৈয়ার করাইল। জুতা লইয়া সে নিজে ঢাকার বাজারে বেচিয়া কন্সীদিগকে সমস্ত লাভের পয়সা দিয়া দিল। তারা অবাক হইয়া গেল। মহাজনের কাজ করিয়া তারা সারাদিনে বড় জোর তিন আনা পারিশ্রমিক পায়। সৌরীনের কাছে ছই দিনের পরিশ্রম করিয়া তারা পাইল প্রত্যেকে দেড় টাকা।

তখন সৌরীনের কাছে কাজ করিবার জন্ত কাড়াকাড়ি লাগিয়া গেল। কিন্তু এতগুলি লোককে চামড়া হাতিয়ার প্রভৃতি জোগাইয়া কাজ করান তার পক্ষে সম্ভব হইল না। তাই সে যে কয়জনকে পারিল কাজে লাগাইল, বাকী লোককে আশা দিয়া রাখিল, ছয় মাসের মধ্যে সে তাহাদিগকে কাজে ভর্তি করিয়া লইবে। সেজন্ত সে লাভের টাকা হইতে কিছু কিছু টাকা কাটিয়া মজুত করিতে লাগিল, এবং ক্রমে কারখানা প্রসারিত করিতে লাগিল।

গ্রামের মেয়েদের জন্ত সে একটা কাজ স্থির করিল, ধান ভানা ও ডাল ভাঙ্গা। সে কিছু ধান ও ছোলামটর কিনিয়া মজুত করিল; এবং বহু কষ্টে অনেক উপরোধ-অনুরোধ করিয়া মেয়েদের সেই কাজ করিতে নিযুক্ত করিল। এ কাজ তত সহজ হইল না; কেননা, ভিন্কা করিয়া করিয়া ইহাদের স্বভাব বিগড়াইয়া গিয়াছিল—খাটিয়া খাইতে ইহারা বড় নারাজ। দশ বাড়ী ঘুরিয়া তারা যতই ঝাঁটা-লাথি থাক, ধাবারটা মোটের উপর সংগ্রহ করে। আর তার জন্ত বাড়ী বাড়ী ঘোরা ছাড়া অন্য

পরিশ্রম তাদের করিতে হয় না। তাই তারা কাজে পরাশ্রুত। তবু অনেক ধরিয়া পাড়িয়া সৌরীন তাদের দিয়া কাজ করাইতে লাগিল—কিন্তু এ কাজে সে বেশী লাভ পাইল না।

তবু জুতার কাজে এমন প্রচুর লাভ হইতে লাগিল যে, ছয় মাসের মধ্যে গ্রামের চেহারা ফিরিয়া গেল। তখন সৌরীন ইহাদিগকে চামড়া পাকাইবার বিলাতী প্রণালী (Chrome tanning) শিখাইবার উদ্যোগ করিয়া লইল। তার পাঠশালার তিন চারিটি ছাত্রকে সে এ কাজ শিখাইল। ভেড়ীর চামড়া পাকাইয়া তারা বেশ ছ'পয়সা রোজগার করিতে লাগিল।

সৌরীনের কার্যের এই সফলতা মহাজনের দল চঞ্চল হইয়া উঠিল। এ গ্রামের কারিগরদের মহাজনেরা ছিল জুতার কারবারী। তাহারা ইহাদের দিয়া সস্তা বাজে চটীজুতা জলের দরে তৈয়ারী করাইয়া লইত। সেজন্ত তারা টাকা অগ্রিম দিত। কথা থাকিত এই যে, ক্রমে ক্রমে কাজ করিয়া মুচিয়া টাকা পরিশোধ করিবে। কিন্তু কাজের পারিশ্রমিক তারা এত কম পায় যে, তাতে উদরার্নের ব্যবস্থা করিয়া আর তাদের ধার শোধ করিবার উপায় থাকে না। তাই মহাজনের দেনা যেমন তেমনি থাকে—তারা কেবল খাটিয়া খাটিয়া বড় জোর সুদ পরিশোধ করে। ইহাতে মহাজনদের তাদের উপর আধিপত্যের অন্ত নাই—তারা জলের দরে মাল নেয় এবং লাভ করে।

সৌরীনের কাছে সব কারিগর কাজ করিতে আসিলে এই মহাজনদের সমূহ ক্ষতি। তাই তারা কারিগরদের উপর ধমকাধমকি ও নানারকম অত্যাচার করিতে লাগিল। যে দেনা পরিশোধের জন্ত তারা কোনও দিন কোনও চেষ্টা করে নাই এবং যার কোনও হিসাব কিতাব এ গরীব মুখ খাতকের কাছে ছিল না, সেই দেনা পরিশোধের জন্ত তারা জোর তাগাদা লাগাইতে লাগিল; এবং আইন-আদালতের কোনও উপদ্রব না করিয়া, নিজের ইচ্ছামত যার কাছে যাহা পাইল, ঋণের ওজুহাতে কাড়িয়া লইতে লাগিল।

সৌরীনের এইবার কারখানা ফেলিয়া এই লোকগুলির সঙ্গে লড়াই আরম্ভ করিতে হইল। সে ইহাদের পক্ষে আদালতে কয়েকটা নালিশ করাইল, এবং তার তর্ক করিতে হাঁটাইটি করিতে লাগিল। মহাজনেরা তাহাকে

খুন করিবার ভয় দেখাইল, সে পুলিশে এতেলা দিয়া হই চার নম্বর ফৌজদারী মামলা করিল। তাহাতে মহাজনেরা কতকটা কাবু হইয়া তাহাকে বাঁটান ছাড়িয়া দিল।

এমনি করিয়া ধীরে ধীরে সৌরীন কাজ করিতে লাগিল। নিজে অনশনে ও অর্দ্ধাশনে থাকিয়া, সে ইহাদের পেটে অন্ন দিবার ব্যবস্থা করিল। আর দিন রাত সে আপনাকে ইহাদের সেবায় নিয়োজিত করিয়া দিল।

তিন বৎসরের অক্লান্ত পরিশ্রমের পর সৌরীন যখন তার কাজকর্ম প্রায় অনেকটা শুছাইয়া আনিয়াছে এবং গ্রামের লোকের ভিতর কয়েকটি কাজের লোক গড়িয়া তুলিয়াছে, সেই সময় সে ভয়ানক রোগে আক্রান্ত হইয়া পড়িল। গ্রামবাসিগণ তাহাকে হাঁসপাতালে পৌছাইয়া আসিল।

( ২৫ )

দীর্ঘকাল কষ্ট সহিয়া সৌরীনের শরীর একেবারে জীর্ণ হইয়া গিয়াছিল, জীবনী-শক্তি একেবারে নিভিবার মত হইয়াছিল। তাই দীর্ঘকাল সে জীবন ও মৃত্যুর সন্ধিস্থলে হাঁসপাতালে পড়িয়া রহিল। তাহার সৌভাগ্যক্রমে তার ব্যাধি ছিল উৎকট এবং সম্পূর্ণ নূতন ধরণের। একটা নূতন এবং বিশেষ কোতূহলোদ্দীপক রোগী বলিয়া হাঁসপাতালের একাধিক চিকিৎসক বিশেষ যত্ন ও একাগ্রতার সহিত তার চিকিৎসা করিতে লাগিলেন। ছয়মাস চিকিৎসার পর সে সম্পূর্ণরূপে নিরাপদ সাব্যস্ত হইল, কিন্তু তখনও তার উঠিয়া যাইবার শক্তি ছিল না বলিয়া তাহাকে হাঁসপাতালেই রাখা হইল।

ডাক্তারেরা তাহাকে পড়িবার জন্ত বই ও সংবাদপত্র দিতেন; সৌরীন শুইয়া শুইয়া তাই পড়িত। এক দিন পড়িতে পড়িতে সে ময়মনসিংহ সৌরীন্দ্র আশ্রমের বার্ষিক মন্তর একটা সংক্ষিপ্ত বিবরণ পড়িল। যাহা পড়িল, তাহাতে ব্যাপারটা সম্যক বুঝা গেল না; কিন্তু ইহা যে একটা লোকসেবার অনুষ্ঠান এবং ইহার প্রধান কার্য যে গ্রামের শ্রমজীবীদের দ্বারা কুটীর-শিল্পের সমৃদ্ধি-সাধন, তাহা সে বুঝিতে পারিল। ইহার নামটাই তাহাকে আশ্চর্য্য করিয়া দিল। “সৌরীন্দ্র আশ্রম!” সে তো তার নিজের আশ্রম বন্ধ করিয়া চলিয়া আসিয়াছিল। তার পর কি তার কোনও শিষ্য তার নামে এই আশ্রম প্রতিষ্ঠা করিয়া কাজ করিতেছে? সে নানা কথা ভাবিতে লাগিল, ভাবিতে তার

অস্তরে একটা অপূর্ণ আনন্দ ও সার্থকতার ভাব জাগিয়া উঠিল।

সম্পূর্ণ সুস্থ হইয়া যখন সৌরীন হাঁসপাতাল হইতে ছুটি পাইল, সে তখন তার কর্মস্থানে না ফিরিয়া একেবারে ময়মনসিংহে গিয়া উপস্থিত হইল। এই সৌরীন্দ্র-আশ্রম দেখিবার উৎসাহে সে অধীর হইয়া উঠিয়াছিল।

পথে রেলের ময়মনসিংহবাসী একটি লোকের কাছে সৌরীন্দ্র আশ্রমের সম্বন্ধে সে আরও বিস্তারিত বিবরণ পাইল। এ আশ্রম কে প্রতিষ্ঠা করিল, সে কথা জিজ্ঞাসা করিয়া কোনও সহস্তর সে পাইল না। কিন্তু আশ্রমের প্রধান কর্মীদের কথা জিজ্ঞাসা করিয়া কয়েকটি পুরুষ কর্মীর নাম শুনিল; আরও শুনিল, ময়মনসিংহ বালিকা-বিদ্যালয়ের কয়েকটি শিক্ষয়িত্রীও ইহার মধ্যে আছেন। সৌরীন্দ্র-আশ্রম নাম কেন হইল, তাহাও সে লোকটি বলিতে পারিল না। এই লোকটির কাছে সৌরীন আশ্রমের আফিসের ঠিকানা জানিয়া, সোজা সেখানে উপস্থিত হইল।

আফিসে প্রবেশ করিয়া সে একজন কর্মীর কাছে অনুরোধ করিয়া আশ্রমের বার্ষিক কার্য-বিবরণী সংগ্রহ করিল। তার ভিতর দেখিতে পাইল এ আশ্রমের ইতিহাস, —দেখিল, তার নিজের কীর্তির কথা বিশেষ প্রশংসার সহিত উল্লিখিত হইয়াছে। আর দেখিল, এ আশ্রম প্রথম প্রতিষ্ঠিত হয় একজনের উদ্বোধনে ও অর্থে—সে রেখা সাম্মাল। এবং রেখাই ইহার প্রধান কর্মী।

আনন্দে সৌরীন উন্মত্ত হইয়া উঠিল। রেখা—তার রেখা আসিয়া তার জীবনের সব নিষ্ফলতা ধুইয়া ফেলিয়া তার কার্য এমন গৌরবে মণ্ডিত করিয়াছে! এ “সৌরীন্দ্র আশ্রম” রেখার অলোকসামান্ত প্রেমের মূর্তি—তার লোকাভীত প্রতিভা ও কর্মক্ষমতার পরিচয়! সৌরীনের মনে হইল, এই রেখাকেই সে তার সেবা-কার্যের অন্তরায় বলিয়া—একটা বোঝা বলিয়া বর্জন করিতে চাহিয়াছিল! দর্পহারী ভগবান তার সে বিপুল স্পর্ধার কি মনোরম শাস্তি দিয়াছেন! সে তার স্পর্ধা ও শক্তি লইয়া যে কাজে পাইয়াছিল সুধু নিষ্ফলতা ও লাজনা, রেখা তার প্রেম, নিষ্ঠা ও পরিপূর্ণ আত্মবিশ্বস্তির দ্বারা সেখানে লাভ করিয়াছে অংশের গৌরব, অসামান্ত সফলতা। এ যেন সৌরীনের স্পর্ধার মুখে খাড়া চাবুক! কিন্তু কি মিষ্টি এ চাবুক—কি

সুমধুর কক্ষণাময় এ শান্তি ! এ শান্তি পাইয়া ও ইহার স্বরূপ অনুভব করিয়া সৌরীনের হৃদয় অপূৰ্ণ তৃপ্তি ও পুলকে ভরিয়া গেল। অনেকক্ষণ সে অশ্রুপূর্ণ নয়নে গদগদ ভাবে আবিষ্ট হইয়া বসিয়া রহিল। চিরদিনকার তার প্রেমসাগর তার অন্তরের ভিতর উদ্বেলিত হইয়া তাহাকে ভাসাইয়া লইয়া গেল ;— রেখার গৌরব, রেখার মাধুর্য, রেখার প্রেম সে তন্ময় হইয়া ধ্যান করিতে লাগিল।

তার বড় ইচ্ছা হইল, রেখার সঙ্গে সে দেখা করিবে। কিন্তু ভয়ানক সঙ্কোচ আসিয়া তার হাত-পা চাপিয়া ধরিল। সে তার দীন বেশের দিকে চাহিল,—স্মরণ করিল যে, সে এখন রেখাকে লাভ করিবার যোগ্য নয় ; কোনও দিনই হয় তো ছিল না—আজ ত মোটেই নয়। এক দিন মোহে অন্ধ হইয়া সে আপনাকে রেখার 'চেষ্টা' মনে করিয়া রেখাকে গ্রহণ করিতে চাহিয়াছিল, আবার তাহাকে পরিত্যাগ করিবার আকাঙ্ক্ষাও করিয়াছিল ! কিন্তু আজ তার সে স্পর্ধা একেবারে ধূলায় লুটাইয়া পড়িয়াছে,—সে আজ বুঝিয়াছে রেখা দেবী, রেখা মধ্যমসী—তার পদনখের যোগ্য সে নয়। তাই তার কাছে যাইতে তার সাহস হইল না। তবু তাকে একবার দেখিবার—তার পায়ে একবার লুটাইয়া পড়িয়া তার পূজা নিবেদন করিবার একটা তীব্র আকাঙ্ক্ষা তার হইল। যে সৌরীনকে রেখা ভালবাসিয়াছিল সে নাই—আছে এক দীন ভিখারী—অকর্মণ্য নিষ্ফলতামণ্ডিত এক দরিদ্র, নিঃসম্বল, আশাহীন, উৎসাহহীন সামান্ত ব্যক্তি। রেখা কি তাকে দেখিয়া চিনিতে পারিবে,—চিনিতে পারিলেও কি তার দিকে ফিরাইয়া চাহিবে, কথা কহিবে ?

অনেকক্ষণ স্থির পর সৌরীন রেখার সঙ্গে সাক্ষাৎ করা স্থির করিল। আক্ষিপে অনুসন্ধান করিয়া জানিল রেখার সঙ্গে সাক্ষাতে কারও বাধা নাই,—উপরে তার বসিবার ঘরে সকলের অব্যাহত-দ্বার—বিশেষতঃ দীন দরিদ্রের।

সে উঠিয়া গেল। দ্বারের সামনে আসিয়া দ্বিধায় উৎকণ্ঠায় ব্যাকুল হইয়া কম্পিত কণ্ঠে সে বলিল “আমি আসিতে পারি ?”

যখন রেখা ছুটিয়া আসিয়া হঠাৎ স্তম্ভিত হইয়া দাঁড়াইল, তখন সৌরীনের চিত্ত দারুণ আশঙ্কায় অধীর হইয়া উঠিল। রেখা এখন তাকে দেখিয়া ঘৃণা করিবে কি ? অবহেলার

সঙ্গে তাকে ছন্নচিঁড়ি হইতে ফিরাইয়া দিবে ;—ভক্ত সেবক দেবীর পদপ্রান্তে আসিয়াও কি পূজা নিবেদন করিতে পারিবে না ?

হৃদয়ের সমুদায় শক্তি সংহত করিয়া সৌরীন শুধু একবার ডাকিল “রেখা।”

এক মুহূর্তমাত্র রেখা সংশয়ে স্তম্ভিত হইয়াছিল। প্রথম ডাক শুনিয়াই সে সৌরীনের কণ্ঠ বলিয়া চিনিয়াই ছুটিয়া আসিয়াছিল ;—কিন্তু এ মূর্ত্তি দেখিয়া সংশয়-স্তম্ভ হইয়া গিয়াছিল। কিন্তু এ ডাকের পর আর সংশয় রহিল না।

উত্তেজিত কণ্ঠে রেখা বলিল, “এসেছ ! তুমি এসেছ !”

সে ছুটিয়া সৌরীনের কাছে অগ্রসর হইয়া তার পদপ্রান্তে অচেতন হইয়া পড়িল।

\* \* \* \*

রাত্রে রেখার জ্ঞান-সঞ্চার হইল। তাকে বিছানার শোয়াইয়া সৌরীন তার শুশ্রূষা করিতেছিল। ডাক্তার পাশের ঘরে বসিয়া ছিলেন।

জানালা দিয়া শারদ-পূর্ণিমার জ্যোৎস্না আসিয়া বিছানার উপর পড়িয়া রেখার পাণ্ডুর মুখ উদ্ভাসিত করিয়া তুলিয়াছিল।

রেখা চক্ষু মেলিয়া কিছুক্ষণ এদিক ওদিক চাহিল। সৌরীন তার মুখের কাছে অগ্রসর হইয়া আসিল।

রেখা ধীরে ধীরে হাত তুলিয়া সৌরীনের একথানা হাত লইয়া বুকের উপর রাখিল। অনেকক্ষণ সে চক্ষু বুজিয়া হাতখানা চাপিয়া ধরিয়া রহিল, ক্রমে তার হুই চক্ষু গড়াইয়া জল পড়িতে লাগিল।

সৌরীনের চক্ষু ভিজিয়া উঠিল। সে পরম স্নেহে তার হুই চক্ষু মুছাইয়া বলিল, “কেঁদ না রেখা, লক্ষ্মী আমার, আমাকে ক্ষমা কর।”

রেখা বলিল, “বল তুমি আর যাবে না ?”

সৌরীন বলিল, “কোথায় যাব রেখা ? অনেক বিপথে ঘুরে পথভ্রাস্ত পথিক তার শাখত আশ্রয়ে ফিরে এসেছে। কোথায় যাব ?”

“দেখ, আমি বাঁচবো তো ? আমার বড় বাঁচবার সাধ হ'চ্ছে এখন।”

“কোনও চিন্তা নেই রেখা। তোমার কিছুই হয় নি ; হয়েছে শুধু অবসাদ। তুমি কালই সেরে উঠবে।”

রেখা সৌরীনের হাতখান আরও চাপিয়া বুকের ভিতর ধরিয়া স্নুধু বলিল “আঃ !”

তার পর চাঁদের দিকে চাহিয়া বলিল, “আজ বোধ হয় পূর্ণিমা। না? ঠিক চকোর-চকোরীর মিলনের দিন।”

সৌরীন বলিল, “তফাৎ এই যে, এ মিলন আমাদের আর ভাববে না। আজ আরম্ভ হ'ল আমার জীবনের চিরপূর্ণিমা, তুমি তার ক্ষয়হীন পূর্ণচন্দ্র—রেখা !”

সৌরীন রেখাকে চুষন করিল, অপূর্ণ সার্থকতার আনন্দে রেখার মুখ উজ্জ্বল হইয়া উঠিল। সে সৌরীনের মাথাটা বুকের ভিতর চাপিয়া ধরিল।

নিত্যরঞ্জন সেই দিন সন্ধ্যায়ই ময়মনসিংহ ছাড়িয়া গেল।

সমাপ্ত

## উড়ে চিঠি

শ্রীঅনুরূপা দেবী

১

অমিয়াবালা রায় ইন্ড্রনাথ রায়ের বড় মেয়ে—এবৎসর আই-এ পরীক্ষায় ইউনিভারসিটির মধ্যে প্রথম স্থানাধিকার করায় ছাত্রমহলে বেশ একটুখানি আন্দোলন চলিতেছিল। মেয়েটী কোন স্কুলের ছাত্রী নয়, প্রাইভেট পরীক্ষা দিয়া দুই দুই বারই শত সহস্র ছাত্রদলকে পরাভব করিতে পারিয়াছে,—এজন্য কেহ কেহ তাহার বাহাছুরীকে তারিফ দিতেছিল, আবার অনেক অপমানিত-চিত্ত এই বলিয়া আত্মপ্লাব ও পরনিন্দা করিয়া মনস্তৃষ্টি সাধন করিতেছিল যে, প্রাইভেট পড়ান হইলে তাহারাও অমন সাতবার করিয়া কাষ্ট হইতে পারিত। স্কুলে কলেজে কি আর ভাল করিয়া পড়ান হয়? আর মেয়েরা যখন বিজ্ঞা শিক্ষা করে, তখন তাহারা পৃথিবীর সহিত সকল সম্পর্ককে ঘুচাইয়া ফেলে; ছেলেদের বেলায় তো আর সেটা হয় না! মায়ের ‘সেড’ মিলাইয়া উল কেনা, বাবার টেবিল ঝাড়িয়া রাখা, ছোট ভাইয়ের পেন্সিল কাটিয়া দেওয়া, এমনধারা কত কাজই তাদের ঘাড়ে পড়ে। মেয়েদের কেহ কিছু বলুক দেখি, অমনি তারা ফৌস করিয়া উঠিবে, কারণ তারা নতুন কিছু করিবে, পাশ দিবে—ছেলেদের মতন তো আর মেয়েদের পাশ দেওয়াটা পুরাতন হইয়া যায় নাই!

কিন্তু আসলে অমিয়ার পড়া-শোনা অত নির্বিবাদে ঘটিতে পারে নাই।

ইন্ড্রনাথ রায় পূর্ববঙ্গের লোক। পূর্ববঙ্গীয়েরা পশ্চিম-বঙ্গীদিগের অপেক্ষা অনেকখানি বেশি আধুনিক হইলেও ইন্ড্রনাথের মধ্যে একালঙ্কার গণ্ডী খুব বেশি শিথিল ছিল না। মেয়েরা গায়ে সেমিজ ব্লাউস পরিবে, কতকটা লেখা পড়া শিখিবে, আর হাড় ভাঙ্গিয়া ঘর-সংসারের সমস্ত কাজ-কর্মই করিবে, এই রকমই তাঁর মতটা ছিল। লেখা পড়া যেটা শিখিবে, সেটার সবটুকু সুর্যোগই কিন্তু তার সংসারকে দেওয়া চাই। অর্থাৎ বাজারের, ছুধের ও ধোপার হিসাবের জন্ত অক শেখা, ছোট ছেলে-মেয়েদের প্রাইভেট মাষ্টারের পয়সা বাঁচানোর জন্ত পড়াশুনা। বই বা খবরের কাগজ বিশেষতঃ মাসিক পত্রিকা বুকে তুলিয়া চার-ছাপা হইয়া পড়িয়া থাকা তাঁর ছুটি চক্ষের বিষ! স্ত্রী উমাশশীকে এজন্য অনেকবারই তিরস্কার সহ্য করিতে হইয়াছে। অবশেষে বাংলা সাপ্তাহিক মাসিক প্রভৃতির প্রবেশ নিবেদন করিয়া প্রকাশ কলহটা বন্ধ হইয়াছে, তবে প্রতিবেশীর ঘর হইতে গোপনে গোপনে ওসব জিনিষের আমদানী একেবারেই ছিল না তা অবশ্য বলা যায় না।—তবে কথা এই যে, চোরাই মাল লোকে চুরি করিয়াই ব্যবহার করিয়া থাকে।

মেয়ে যখন বড় হইতে লাগিল, মায়ের কাছেই তার প্রথম শিক্ষা আরম্ভ হয়। যোগ-বিয়োগ গুণ শিখিয়া মেয়ে ভাগ শিখিতে চাহিলে মা বলিলেন “ভাগ শিখে কি করবি?

ও কোন কাজে লাগে না, আমি জানতুম ভুলে গেছি। তার চেয়ে এইবার শেলাই শেখ যে টেপি, মিষ্ট, খুকি এদের ছেঁড়া-খোঁড়াগুলো জুড়ে-তেড়ে দিবি, ব্রকগুলো সেমিজ-গুলো করতে পারবি—আমার একটু উপকার হবে।”

অমিয়া বলিল—“তা আমি শিখছি, কিন্তু অঙ্ক আমার আরও শেখাতে হবে। আমার বড় ভাল লাগে।”

মা আশ্চর্য্য হইয়া বলিলেন—“অঙ্ক ভাল লাগে! বলিস কি রে! ভালা পড়া-পাগলা মেয়ে তুই!”

কর্তাকে বলিলেন—“অমাই আরও বেশি পড়তে চায়, ওকে ইস্কুলে দাও না।”

ইন্দ্রনাথ বিস্মিত হইয়া কহিলেন, “ইস্কুল! ইস্কুলে দিলে মেয়েটার কাঁচা মাথাটা যে কামড়িয়ে খাওয়া হয়ে যাবে, তার কি? ইস্কুলে দিয়েছ কি মেয়েটা গ্যাছে!”

উমাশশী কহিলেন—“কেন গা! এই যে রাজ্য-শুদ্ধ লোকের মেয়ে ইস্কুলে যাচ্ছে, এরা সবাই কি বিগড়ে গ্যাছে? না তোমারই মেয়ে এত মন্দ যে সে ইস্কুলে গেলে অমনি ধারাপ হয়ে যাবে!”

ইন্দ্রনাথ রায় পৃথিবীতে যে সকল বিষয়কে অসহ্য বলিয়া ভাবিয়া থাকেন, তাহার ভিতর প্রধানতম অসহনীয় ব্যাপার মেয়েমানুষের মুখের তর্ক! তিনি ঈষৎ বিরক্তির স্বরে উত্তর করিলেন—“তর্কিক তো খুব হয়ে পড়েছ দেখছি। ওসব মেয়ে যে বেগুড়াবে না, নিজেদের কর্তব্যে অবহেলা করে নৃষ্টির জীবনকে আদর্শ করবে না, সাক্ষিগেট হবে না—তার কিছু গ্যারাটি পেয়েছ বলতে পার?”

বাস্তবিকই তো আর উমাশশী সে বিষয়ে কোন গ্যারাটি পান নাই, কাজেই তিনি চুপ করিয়া গেলেন।

কিন্তু যেটা ঘটনা উঠিবার সেটা যেমন করিয়াই হউক কোথা দিয়া না কোথা দিয়া ঘটনা উঠে।

ইন্দ্রনাথ ঘোড়া হইতে পড়িয়া পা ভাঙিলেন ও সেই পায়ের খাতিয়ে পুরা ছয় মাসের ছুটা লইতে হইল। দিন রাত বিছানার পড়িয়া সবারই সঙ্গে খিটিমিটি করিতে করিতে যখন তাঁহার অসহ্য হইয়া উঠিল, সেই সময় এক দিন অমিয়া কুক সাহস বাধিয়া একখানা স্নেট হাতে তাঁর সামনে বসিয়া পড়িয়া মিনতিভরা চোখে জিজ্ঞাসা করিয়া ফেলিল—“বাবা! আমার একটু অঙ্ক শেখাবেন?”

ইন্দ্রনাথ এই প্রশ্নে প্রথমটা চমকিয়া উঠিয়াছিলেন,

সবিস্ময়ে কহিয়া উঠিলেন—“অঙ্ক শিখে কি করবি? তোদের মাথার কি অঙ্ক ঢোকে যে অঙ্ক শিখবি!”

অমিয়া সবিনয়ে প্রশ্ন করিল—“কেন ঢোকে না বাবা? আমরা কি?”

ইন্দ্রনাথ গম্ভীর ঔদাস্তে উত্তর দিলেন—“তোরা যে মেয়ে মানুষ রে! মেয়ে মানুষদের যে শ্রেণ নেই!”

অমিয়া নিতান্ত হতাশ হইয়া কহিল—“একেবারেই নেই? কারুরই থাকে না? তবে যে কোন কোন মেয়ে বি-এ, এম-এ পাশ করেছে? তাদের?”

ইন্দ্রনাথ আরও গম্ভীর হইয়া জবাব দিলেন—“তারা হচ্ছে মেয়েমানুষের ব্যতিক্রম! সে আর ক’জন? নে’ আচ্ছা আয় দেখি—কি অঙ্ক শিখতে চাস?”

মেয়েকে অঙ্ক কবাইতে বসিয়া ইন্দ্রনাথ দেখিলেন, মেয়ে-জাতির মস্তিষ্ক যতই সূতশূন্য হউক না কেন, বুদ্ধি বড় মন্দও নাই; অনায়াসেই তাহাকে অঙ্কটা শেখান গেল। নিজের মতের বিরুদ্ধ প্রমাণে মন কাহারও খুব খুসী হয় ত হয় না, ইন্দ্রনাথেরও হইল না, তথাপি একটু কৌতূহল জাগ্রত হইল। মেয়েকে বলিয়া দিলেন, “রোজ এই সময়ে আসিস—অঙ্ক শেখাবো।”

এমনি করিয়া পা ভাঙার শনি ঘাড়ে চাপিয়া অমিয়ার অঙ্ক শিক্ষা, তার সঙ্গে ইংরাজীটাও খানিকদূর অগ্রসর হইয়া গেল এবং মেয়ের বুদ্ধির ধার দেখিয়া বাবার ভেঁতা তর্ক পরাতব স্বীকার করিল। পায়ের বেদনা সারিয়া গিয়া চাকরীতে যোগ দিলেও ইন্দ্রনাথ আর অমিয়ার পড়ার ভার একেবারেই ঘাড় হইতে নামাইয়া ফেলিতে পারিলেন না, অবসর কালটুকুকে সে এমন করিয়া গম্ভী দিয়া লইল, যে, ইচ্ছা না থাকিলেও সেটুকুকে আর কোন কাজে লগাইয়া ফেলিবার যেন কোনই উপায় রহিল না।

এমনি করিয়া নিজের প্রবল চেষ্টায় ও মাপের অল্প সাহায্যে সে পরীক্ষা দিয়া পাশও করিল এবং সকলকে বিস্মিত করিয়া সোনার মেডেল ও স্কলারশিপও আয়ত্ত করিল।

তা বলিয়া ঘর-সংসারের কাজের বোঝা ও ভাই-বোনদের মাষ্টারী করার হাত হইতে সে এক দিনের অস্ত্রও নিষ্কৃতি পায় নাই। ইন্দ্রনাথ বাছিয়া বাছিয়া উরাকে দিয়াই

নিজের কাজগুলি করাইয়া লইতেন এবং সর্বদা খবর রাখিতেন যে রান্না, বাটনাবাটা, শেলাই—এ সকল সে ফাঁকি দিবার চেষ্টায় আছে কি না; অবসর মত নারীর কর্তব্য সম্বন্ধেও উপদেশ দিতে তিনি ক্রটি করিতেন না।

২

পাশের বাড়ীতে যোগীন মল্লিক সপরিবারে বাস করিত। যোগীন এক সময় বড়-লোকের ছেলে ছিল, সেই ওজুহাতে সে লেখাপড়া বিশেষ শেখে নাই, কাজকর্ম কিছুই করে না; পরন্তু ধনী-সন্তানরূপে মর্ত্তভূমিতে আগত হওয়ার দাবীতে ভাল খাওয়া পরা থাকা এবং ইচ্ছামত মতপানের সর্বপ্রকার প্রাচুর্যের অধিকারটাকে সে সর্বতোভাবেই স্বীকার করিয়া থাকে এবং নিজের সেই স্ব স্ব সকলের উপরেই সাব্যস্ত করিতে চায়। এই লইয়া তাদের পারিবারিক অশান্তির আর সীমা ছিল না। ভাইয়ে ভাইয়ে সর্বদা কলহ চলিতেছিল। মা কখন এ-ছেলের সপক্ষে, কখনও ও-ছেলের বিপক্ষে দুর্বল যুক্তি দেখাইতে গিয়া লালিত ও এমন কি প্রহৃতও হইতেন। আর সব চেয়ে দুঃখ ছিল সেই যোগীন মল্লিকের সুন্দরী ও তরুণী পত্নীর। মেয়েটী কোন ভাল ঘরেরই মেয়ে। দেখিতে ফুটফুটে—যেন ছবিখানি। যৌবনের জোয়ারে সর্বদেহ তার ভরা নদীর মতন যেন টলটল করিতেছে। মনে সাধ আশা আকাঙ্ক্ষা সকলই সেই সঙ্গে ভরপুর। কিন্তু কপালটাই শুধু শূন্য! স্বামী-রক্তটী কখনও মাথায় তুলিয়া নাচিতেছেন, আবার কখনও পা দিয়া মড় মড় করিয়া মাড়াইয়া ভাজিতেছেন! সোহাগ এবং নির্ঘাতন যেন একত্র হাত-ধরাধরি করিয়া তার সঙ্গে সঙ্গেই ঘুরিতেছে। এই দেখ—শৈলবালা এলো খোঁপায় মল্লিকা ফুলের মালা জড়াইয়া শ্রাওলা রংয়ের সাড়ী পরিয়া স্বামীর সঙ্গে হাসিয়া হাসিয়া কথা কহিতেছে; তখন শোন—কানের ইয়ারিং ছুটি কান হইতে খুলিয়া দিতে বিশেষ আপত্তি করার দোষে পতিদেবতা তাহাকে নির্দয় হস্তে প্রহার করিতেছেন ও সেও করুণ চীৎকারে প্রতিবেশীদের অস্থির করিয়া তুলিতেছে। স্বামী যখন স্ত্রীকে প্রহার করে, সে সময়ে বাধা দিবার কোন অধিকারই তো আর অন্য প্রতিবেশীদিগের নাই। বরং জোর করিয়া বাড়ী ঢুকিতে গেলে ট্রেস্পাসের নালিশ চলে। কাজেই পাঠা-বলি

দেখার মত করিয়াই তাঁদের উহা সহ্য করিতে হয় এবং কালে ক্রমশঃ সহিয়াও আইসে।

অমিয়া মাকে বলিয়া বলিয়া কোন উপায় করিতে পারে নাই; সেদিন অতিষ্ঠ হইয়া উঠিয়া বাপকে গিয়া বলিল—“রোজ রোজ মেয়েমানুষকে ওম্নি করে মারবে, আর আপনারা কোন কিছুই আপত্তি করবেন না?”

ইন্দ্রনাথ জবাব দিলেন—“ওর বউকে ও মারবে,—তোমার মা-মাসীকে ত আর মারতে আসেনি, যে, আমি তার বাড়ী চড়াও হয়ে আপত্তি করতে যাব? আর করলেই বা সে শুনবে কেন?”

“তার স্ত্রী বলে সে কি মানুষ নয়! বিপন্নকে রক্ষা করা তো সকল মানুষেরই কর্তব্য।”

পিতা কহিলেন—“ও তো নিজেকে তত বিপন্ন বোধ করচে না, তুমি যত তাকে বিপন্ন বোধ করচো? মার তো সর্বদাই খায়,—প্রতিকারের কোন চেষ্টা কবে করেছে?”

অমিয়া বাপের এই কড়া যুক্তিতে একটু খতমত খাইয়া গেল,—ভাবিয়া দেখিল, কথাটা খুব হালকাও নয়। বাস্তবিকই তো সে কই কোন দিন তার এই দুর্দশা হইতে মুক্তিলাভের চেষ্টাও করে নাই! আবার সময় সময় ছুজনে বেশ হাসিখুসী করিতেও দেখা গিয়া থাকে!

এমন কি করিয়া হয়? এই নির্ঘাতন অপমান সহিয়া আবার সেই স্বামীরই সহিত হাসিতে, কথা কহিতে, ঘর করিতে কেমন করিয়া প্রবৃত্তি হয়? সে যেন এ কথাটা ধারণা করিয়াই উঠিতে পারিল না। তার পর তার যেটা মনে পড়িল, সেইটাই সে বলিয়া ফেলিল—“কিন্তু মার খেতে খেতে যদি ও মরে যায়? তাতে আমাদেরও তো পাপ হয়?”

ইন্দ্রনাথ রাগ করিয়া বলিলেন—“তাই বা কেন হতে গেল? ওর স্বামীর ওকে মারবার, কাটবার, সব করবার অধিকার আছে। ওর ঘরে ওর স্ত্রীকে ও মারবে, আমি আইনতঃ ওর বাড়ী গিয়ে তাতে বাধা দিতে পারি নে,—এর জন্ত আমার পাপ হবে? আর তাই যদি হয় তো তাতে আর কি করচি বল? মাঝে থেকে তুমি ওর মাথায় যেন তোমার ও-সব কুতর্ক ঢোকাতে যেও না। সংসারে এই রকমই হয়ে থাকে, স্বামী খেতেও দেয়, আবার মায়েও ছুঁয়া,—স্ত্রীরা চিরদিন এসব সহ্যও করে যায়, এ কিছুই



বিচিত্র নয়। এই সব আদর্শ ছিল বলেই দেশটা ঠাণ্ডা ছিল। এখন এই তোমাদের মতন তार्কিক মেয়ে সব জন্মে, দেশের আদর্শটা নষ্ট করে ফেলচে। এই জন্মেই বেশি লেখাপড়া শেখাতে চাই নি। এখন যাও দেখি, এক গ্লাস খাবার জল আর গোটাকত পান সেজে নিয়ে এস। আমার কাজ আছে—তোমার সঙ্গে বাজে কথা নিয়ে তর্ক করবার সময় নেই।”

অমিয়া বাপের হুকুম পালন করিতে চলিয়া গেল, কিন্তু তার মনের ভিতরটা বিদ্রোহী হইয়া রছিল। এর নাম আদর্শ জীব? মাতাল স্বামী মারিয়া হাড় ভাঙ্গিয়া দিলেও পাড়া-প্রতিবেশীর বাধা দ্বিবার অধিকার নাই; এবং জীবিত এমন ক্ষমতা নাই যে, এই অত্যাচারের হাত হইতে বাঁচে? দাসত্ব-প্রথা আর এর চেয়ে বেশি কি কঠোর ছিল? আইনে মাতাল কুচরিত্রদের বিবাহ বন্ধ করে না কেন? বাপ-মায়েরা মেয়ে দেওয়ার সময় এই দিকটাকেই বা প্রধান ভাবে দেখে না কেন? মেয়েরাই বা প্রথমাবধি মাতাল স্বামীর ঘর করিতে আপত্তি করে না কি জন্ত? যদি তারা স্বামীদের চরিত্র জানিতে পারামাত্রই তাহাদের সমস্ত সংস্রব তাগ করিতে পারে, তাহা হইলে পুরুষানুক্রমিক কুরোগের অত্যাচারের ও পাপের বৃদ্ধি না হইয়া হ্রাসই হইতে থাকে। পাঁচটা সন্তান লইয়া জড়িত হইয়া পড়ার পর যখন ঐ অত্যাচারী ও মাতাল স্বামী তাহাকে নিঃস্ব করিয়া ফেলিয়া দিয়া হয় মরে, না হয় পলায়, আর না হয় ত জেল খাটিতে যায়, তখন দুর্দশা যা হইবার সে ত হইয়াই থাকে! তবে আগে হইতে সাবধান হইলে সেটা অমন করিয়া চরমে গিয়া পৌঁছায় না।

অবশ্য এর জন্ত মেয়েদের শিক্ষা ও চরিত্র গঠন করার চেষ্টা মা-বাপদেরও করা চাই। পশু-প্রকৃতির স্বামীর বাসনানলে ইচ্ছন হওয়ার জন্তই সৃষ্ট হইয়াছে বলিয়া যার দৃঢ় বিশ্বাস মনের মধ্যে আছে, তাহাকে তাহার বাহিরে লইয়া যাইতে চাহিলেও সে তাহা চাহিবে না। কারণ সে জানে যে ‘পতি পরম গুরু।’ গরুর মতন ব্যবহার পাইলেও তার গুরুত্বের অপহ্রব হয় না।

অমিয়া এক দিন তার মাকে গিয়া চুপিচুপি বলিল, “মা, আমার বিয়ে দিও না।”

উমাশশী ছোট খুকির জন্ত আলুই পাকাইতেছিলেন,—

চমকিয়া মুখ তুলিয়া মেয়ের শুক মুখের দিকে চাইলেন। আনমনে কি একটা আন্দাজ করিয়া লইয়া ঈষৎ হাসিচাপা সুরে জবাব দিলেন—“বিয়ে ত দিতেই হবে মা, বড়টা তো হয়েছে। ভাল তেমন পাচ্চি না ত, পেলেই দোব।”

মায়ের কথার উদ্দেশ্য বুঝিয়া মেয়ে ঘোর রক্তবর্ণ মুখে—“খেং, আমি তাই বলছি বুঝি?” বলিয়া সবেগে বাধা দিল। তার পর পুনশ্চ শুককণ্ঠে মিনতি ভরিয়া কহিল—“সত্যি করে তোমায় বলছি মা, বিয়ে আমার তুমি দিও না, বিয়ে হলে আমি সুখী হ’তে পারবো না। যদি ঐ ওদের বাড়ীর ছেলেদের মতন হয়, তাহলে তক্ষনি আমি মরে যাব।” বলিতে বলিতে সে যেন সেই সম্ভাবনার ভয়েই সর্বদা শিহরিয়া উঠিল “লক্ষ্মীটা মা! পায়ে পড়ি, আমার বিয়ে দিও না—”

উমাশশী মেয়ের গভীর মানসোদ্বেষ্ট লক্ষ্য না করিয়াই মুহূ হাসিয়া সাস্বনার সহিত সন্নেহে কহিলেন—“ওদের বাড়ীর ছেলেদের মতনই বা হবে কেন? ওরকম সংসারে ক’জনই বা আছে। আর আমরা দেখে-শুন দোব, ভালই হবে। মিথ্যে ওসব খারাপ ভাবনা ভাবতে নেই।”

মায়ের মুখের এই স্নেহ-সাস্বনার অমিয়ার মনের ভিতরকার জমাট আতঙ্ক একটুখানি যেন সরল হইয়া আসিলেও তাহা একেবারে বিদূরিত হইল না। বয়স বাড়িতেছে, বিবাহের কথা-বার্তা চলিতেছে। সময় যতই ঘনাইয়া আসিতেছিল, তার মনের ভিতর ততই প্রবলবেগে একটা ভীষণ ঝটিকা বহিতে আরম্ভ করিয়াছিল। বিবাহের কথা মনে করিতে গেলেই, ইচ্ছায় হোক, অনিচ্ছায় হোক, ঐ ছবিখানিই চোখের সামনে ভাসিতে থাকে। সুন্দর টুকটুকে পাতাকাটা রুজ-পাউডার-মাখা মুখখানি, কাণে চুণির ছল, কপালে টায়রার মুক্তাগুলি ছল ছল করিয়া ছলিতেছে, মস্তক ললাটে তাহা যেন স্তম্ভি-গর্ভশায়ী মুক্তার মতই শোভমান হইয়াছিল। বেনারসী শাড়ীর পাড়গুলি বিছাতের আলোর জলজল করিতেছে, হাতে গলায় মুক্তার কলার .মুক্তার তলা। ভোজের বাড়ী যেন রূপের ও অলঙ্কারবস্ত্রের প্রভায় ঝলসিয়া দিয়া এক দিন ঐ মেয়েটা সকলকার চোখের দৃষ্টিকে তারই পানে টানিয়া আনিয়াছিল। আর আজ? শীর্ণা, অকালবৃদ্ধা, কুৎসিত-ব্যাধিক্রিষ্টা রূপলাবণ্যহীনা রুগ্ন কুধিত পাঁচসাতটা সন্তানে পরিবৃত্তা নারী নিজের শরীর মনের বেদনার অধিক্রিষ্টা হইয়া

লোক-লোচনের অন্তরালে আপনাকে লুকাইতে ব্যস্ত। হাতে তার গাছকতক কাঁচের চুড়ি ভিন্ন আর কিছুই নাই। তথাপি শাসনের শাস্তির আর শেষ হয় না।

উঃ! অমিয়ারও যদি ঐ রকমটা ভাগ্যে ঘটয়া যায়? সে কোন মতেই এ অত্যাচারের তলার মাথা নীচু করিবে না,— নিশ্চয়ই না।

কিন্তু কাজই বা কি এমন বিবাহে?—যার এমন কটু তিক্ত ফল ফলিলেও ফলিতে পারে?

৩

অমিয়ার বাপ যদিও মল্লিক-বাড়ীর বধূদের আধুনিক উর্কশাস্ত্র শিক্ষা দিয়া উহাদের আদর্শ পত্নীত্ব খর্ব করিয়া দিতে মেয়েকে নিষেধ করিয়া দিয়াছিলেন, এবং অমিয়াও যথাসাধ্য পিতৃআজ্ঞা পালন করিয়া চলিত, তথাপি, মধো মধো যেদিন মল্লিকবাড়ীর বাবুদের একটু ঠাণ্ডা মেজাজ বুঝা যাইত, সেদিন সে হয় সে বাড়ীতে গিয়া বধূদের সঙ্গে দেখা করিয়া আসিত, না হয় ঐ বাড়ীর ছোট ছোট ছেলেমেয়েদের ডাকাইয়া আনিয়া একটু আদর যত্ন করিতে চাহিত।

সেই বধু বিন্দুমতীর পাঁচটা ছেলেমেয়ে। তার মধ্যে ছটা নিতান্তই শিশু, একটা একটু বড় হইয়াছে, তার ছটা খুব কাছাকাছি, দেখিলে যমজ বলিয়াই মনে হয়। একটা ছয় ও একটা সাত বৎসরের। অমিয়া এদের ছটিকে আনিয়াই একটু আধটু বর্ণপরিচয় করাইত, গল্প বলিত, ছবিটা খাবারটাও না দিত তা নয়। এক দিন সে তাদের একটা গল্প বানাইয়া বলিল—তাহাতে একটা ছষ্ট ছেলে পরের গাছে উঠিয়া আম চুরি করিতে গিয়া ধরা পড়ে এবং তাহাতে গাছের মালিক আসিয়া তাকে পুলিশে ধরাইয়া দেয়। ইত্যাদি বলিয়া চৌর্যের অপকারিতা সম্বন্ধে উপদেশ দিতে আরম্ভ করিল।

গল্পটা খানিকটা শোনা হইতেই হিতৈষী বলিয়া উঠিল—  
“আজ্ঞা পুলিশ এসে যখন ধরলে, তখন তার সব আমগুলো খাওয়া হয়ে গেছলো, না খেতে বাকি ছিল—বল ত?”

অমিয়া বলিল—“না, তখনও সব খাওয়া হয়ে উঠে নি, গোটাকত আম তার হাতে ছিল, সেই শুদ্ধ ধরা পড়লো।”

মেয়েটার নাম অমুজা। অমুজা সাগ্রহে জিজ্ঞাসা করিল  
“কাঁচা আম না পাকা আম সেগুলো?”

তার পর নিজেই স্বীমাংসা করিয়া লইল যে, নিশ্চয়ই

সেগুলো কাঁচা আমই ছিল, সেইজন্যই খাইয়া উঠিতে পারে নাই,—পাকা হইলে পুলিশ আসিয়া ধরিতে না ধরিতে খাওয়া হইয়া যাইত।

হিতু মহামুহূর্তিন্চক চুক করিয়া একটা দল করিয়া কহিয়া উঠিল—“আহারে! গাছে উঠলো, সব করলো, মাঝে থেকে খেতেই পেলো না! আমি হলে কিন্ত যেমন করেই হোক, খেয়ে নিতুম।”

অমিয়া কোপপ্রকাশ পূর্বক ধমকাইয়া কহিল—“ছিঃ হিতু! পরের জিনিষ কি চুরি করে খেতে আছে?”

হিতে বিজ্ঞানোচিত গাঙ্গীর্যের সহিত তৎক্ষণাৎ প্রত্যুত্তর করিল—“কেন থাকবে না? আমার বাবা বলে নিরর্থকের চাইতে চোরেরাও ভাল। তাদের বুদ্ধি খরচ করে খেতে হয়। বুদ্ধি থাকলেই লোকে সেটা খরচ করে থাকে, তা' সে হোক ভাল কাজে, হোক মন্দ কাজে।”

অমুজা ভাইয়ের কথার সমর্থন করিয়া বলিল—“শুধু তাই কেন? বাবা তো এ কথাও বলে যে ‘দেখছিস্, কাজ-কর্ম কিছুই তো করি না, তবু তোদের কেমন ভাল খেতে পরতে দিচ্ছি? কি করে জানিস? যুক্তি খাটিয়ে। দেখে শেখা’ তা হিতু, তুই বড় হলে বাবার মতন টাকা ধার করবার ফন্দি করতে পারবি না?”

হিতু এই কথার ধাঁ করিয়া বোনের গালে একটা চড় কসাইয়া দিয়া মুখ খিঁচাইয়া জবাব দিল—“‘পারবি না’ কিরে? আমি বাবার চাইতে বেশিই তো পারবো। আমার বুদ্ধি কি বাবার চেয়ে কিছু কম না কি? সেদিন কেটা মুদি টাকার তাগাদা করতে এলো, তুই তো আর একটু হলে বলেই ফেলেছিলি যে বাবা বাড়ী আছে, আমিই না তাকে বাবা বাড়ী নেই, চাকরীর চেষ্টায় বেরিয়েচে বলে বিদায় করি? বল ত কে বিদায় করেছিল? হাঁ হাঁ—আমায় তেমনি বোকা পেরেছিস কি না—স্বাপনার মতন।”

অমুজা ভাইএর দত্ত মার সুদণ্ড ক্রিরাইয়া দিয়া হাঁকিয়া উঠিল—“সুখপোড়া ছেলে একনি মরুক! শুধু শুধু আমার মারলি কেন?”

হিতৈষী অমুজার চুল ধরিয়া টানিয়া গাছকতক ছিঁড়িয়া আনিলা—“আমি কেন মরবো, তুই মর।”

অমুজার আক্রমণে এবার তার কাশ ছিঁড়িয়া রক্ত পড়িতেই অমুজা ফস করিয়া নিজের আঁচল ছিঁড়িয়া সেই

আহত কাণের শোণিতপাত বন্ধ করিল, এবং অমৃতপ্ত  
স্নেহভরে ভাইকে ছোঁতে জড়াইয়া ধরিল—“আহা হা!  
রক্ত পড়ে গেল রে! না ভাই, আমার সঙ্গে আর  
মিথ্যে মিথ্যে লাগতে আসিস্ নি। চল একটু জল  
দিয়ে দিই।”

হিতৈশ্বর ক্রোধভরে বোনের হাতটা ঠেলিয়া দিল—  
“না যা, আর আদর দেখাতে হবে না। পাজি ছুঁচো,  
ছোট লোকের মেয়ে।”

অমুজা গজ্জিয়া উঠিল—“কি! তুই আমার ছোট  
লোকের মেয়ে বলি? তোর মরণ-বাড় হয়েছে দেখতে  
পাচ্ছি।”

হিতৈশ্বরও ইহার উত্তর সমান তেজের সঙ্গিত প্রদান  
করিল—“বলেছি ত হয়েছে কি? বাবা যদি মাকে ছোট  
লোকের মেয়ে বলতে পারে—তাহলে আমি তোকে বলতে  
পারি নে? তুই কি খড়দার মা গোসাই না কি?”

অমিয়া অবাক আড়ষ্ট থাকিয়া ইহাদের বিবাদ-বিতণ্ডা  
দেখিল এবং শুনিলা। এতখানি বয়সের মধ্যে সে যে-সব  
কথা কখনও কাণেও শুনে নাই, ইহাদের সেই সকল কথা  
ব্যবহারে বিশেষ অভ্যস্ত দেখিয়া গভীর বিশ্বয় অনুভব করিতে  
গিয়াও সহসা সে চকিত হইয়া স্মরণ করিল, ইহাতে বিশ্বয়ের  
কিছুই বড় বর্তমান নাই। নিজের বাড়ীতে মা বাপের মধ্যে  
যে ব্যবহার ইহারা লক্ষ্য করিতেছে তাহাই শিখিয়াছে মাত্র।  
নূতন করিয়া কোথাও হইতে বিচিত্র কিছুই তো শিখিয়া  
আইসে নাই! এই দুইটা সরল শিশু-জীবনকেও ইহারই  
ভিতরে এই যে গরল-মণ্ডিত করিয়া তৈরী করা হইতেছে,  
এর জন্ত দায়ী ইহাদের মহাপাপিষ্ঠ দায়িত্ব-জ্ঞানশূন্য পিতা।  
এবং—এবং শুধুই পিতা কি? ইহাদের মাতাও কি এর  
জন্ত অংশতঃ দায়ী নহে? অমিয়ার চিত্ত সেই নির্কিরোধে ও  
নির্কিচারে পাষাণ স্বামীর হস্তে আত্ম-সমর্পণ-কারিণী বঙ্গ-  
বধুর প্রতি ঘোর বিদ্বেষ হইয়া উঠিল। এমনই কি  
সহিষ্ণুতা, যে ঐ ছরস্ব-প্রকৃতির স্বামীর সহিত লাক্ষিত জীবন  
বহন করিবার তুচ্ছ লোভটুকুও দমন করিতে পারে না?  
বৎসর বৎসর এই সকল অভাগা নীতিজ্ঞানহীন সম্ভানের  
সৃষ্টি করিয়া সংসারে দারিদ্র্য ও পাপের বংশ বর্দ্ধিত করার  
চেয়ে এমন কি মরণকে বরণ করাও প্রাধান্য ছিল না কি?  
নাঃ, অত্যাচারী স্বামীর ঘর করিতে স্ত্রীকে বাধ্য করার মত

পাপ কিছুই নাই। ইহা ত শুধুই ব্যক্তিগত ব্যাপার নয়।  
সমস্ত সমাজের ভবিষ্যৎ যে এর উপর পূর্ণ ভাবে নির্ভর করিয়া  
আছে। মত্তপ, ব্যাধিগ্রস্ত, কুচরিত্র এ সকল লোকের  
বিবাহে সামাজিক বাধা কেন থাকিবে না? অত্যাচারীর  
স্ত্রীকে সমাজ কেন রক্ষা করিবে না? এ করিতে সে বাধ্য!  
আর তাহা করাইবার ভার নারীকেই গ্রহণ করিতে হইবে।  
যদি সকল মেয়েই এই পথ করে, নিশ্চয়ই এই অবিচারের  
প্রতিকার-চেষ্টা দেখা দেয়। সহ্য করিয়া করিয়া স্ত্রীরাই  
স্বামীদের একরূপ পিশাচে পরিণত করিতেছে।

অমিয়া মনে মনে দৃঢ় করিয়া বলিল—“আমার যদি  
কখন তেমন দুর্ভাগ্যও ঘটে, আমি কিছুতেই কিন্তু সহ্য  
করবো না। এর জন্ত প্রাণ দিতে হয় তাও দোব, তবু  
মাতাল বা কুচরিত্রের সম্মান দিয়ে ভারতের ভার বৃদ্ধি হ'তে  
দেবো না। সাক্ষী থাক অম্বর্গামী ভগবান! আর তুমিই  
আমার সে বিপদে রক্ষা কোরো।”

৪

সন্ধ্যা হইতে কিছু বিলম্ব ছিল; বর্ষার বর্ষণ-কান্ত আকাশে  
বিদায়োন্মুখ সূর্যের শেষ রশ্মিছটা বিচিত্র বর্ণে ও বিবিধ  
আকারে নিজেদের গঠিত ও সজ্জিত করিতে ব্যস্ত ছিল।  
ইন্দ্রনাথ বাবুর বাড়ীর সামনে ছোট্ট একটুখানি বাগান;  
তাহাতে বাঁশের মাচায় তোলা জুঁইএর লতায় রাশি প্রমাণ  
ফুল ফুটিয়া রাস্তাওক যেন মাতাইয়া তুলিয়াছে। এক পাশে  
একটা কচি শ্রামল পাতা ও রাঙ্গা ফুলে ভরা কুম্বুড়ার বোধ  
হইতেছিল, যেন আকাশের লালের ধানিকটা আচমকা  
খসিয়া পড়িয়াছে।

অমিয়া কতকগুলি জিনিয়া ফুলের বীচি আনিয়া বৃষ্টি-আর্দ্র  
মাটিতে পুঁতিতেছিল। পাশের বাড়ী হইতে দেখিতে  
পাইয়া হিতৈশ্বর ও অমুজা তাহার নিকট ছুটিয়া আসিল।  
হুজনেই একবাক্যে বলিয়া উঠিল “আমায় চারটি বীচি দিন  
না—আমাদের বাড়ী আমরাও বাগান করবো।”

অমিয়া গোটা কয়েক বীজ তাহাদের হাতে দিয়া  
বলিল—“বাগান তো করবে, কিন্তু যা' তোমাদের বাড়ী  
ছাগল চরে,—কটকটা ভেঙ্গে গেছে—গাছ কি থাকবে!”

অমুজা তৎক্ষণাৎ বীজ কয়টা হাত হইতে ফেলিয়া দিয়া  
বলিয়া উঠিল—“ঠিক কথা! যে আমাদের বাড়ীর দশা,  
বাগান করে কি হবে? নাঃ—করবো না বাগান।”

হিতৈষী অমনি চট করিয়া বলিয়া উঠিল—“কেন করবি না? খুব করবি! বাবা তো আর অমর হয়ে জন্মান নি,— বাবা মরে গেলে বাবার ভাগটা তো আমার হবে? আমি তখন ফটক মেরামত করবো কি না। যে মদ খাচ্ছে, দেখু না, কোন দিন মরে পড়ে বলে।”

অনুজ্ঞা তাড়াতাড়ি বীজ কুড়াইতে কুড়াইতে সাগ্রহে বলিয়া উঠিল—“আহা, এমন দিন কি হবে! তা’ হলে মাও বাঁচে, আমরাও বাঁচি,—মার খেতে হয় না আর।”

অমিয়া উহাদের কথাবার্তা শুনিয়া আড়ষ্ট হইয়া গেল। তার হাত যেন আর চলিতে চাহিল না। একটা গভীর বিতৃষ্ণার মনটা তার যেন অবসন্ন হইয়া আসিল। বীজ বপন ফেলিয়া রাখিয়া সে উঠিয়া তাড়াতাড়ি তার মার কাছে চলিয়া গেল। মা তখন রান্নাঘরের দালানে তোলা-উনানে ছেলেদের জন্ম খাবার করিতেছিলেন,—মেয়েকেই বোধ করি খুঁজিতে-ছিলেন। তাহাকে দেখিয়াই বলিয়া উঠিলেন—“দে তো মা লুচি ক’খানা বেলে। মেঘে মেঘে একেবারে সন্ধ্যা হয়ে গ্যাছে।”

অমিয়া লুচি বেলাতে বসিয়া খানকতক বেলায়ই ডাকিল—“মা।”

মা গরম ঘিয়ে ছুখানা করিয়া লুচি ফেলিয়া ত্রস্ত করে তাহাদের টানিয়া তুলিতে বিশেষ ব্যস্ত ছিলেন, তৎকার্য-নিযুক্ত থাকিয়াই উত্তর দিলেন—“কি রে?”—তার পর বলিলেন—“উমা, বিভা, শচীন, ওদের ডাক দে’ দেখি, খেতে বসুক।”

“ডাকচি”—বলিয়া পুনশ্চ একটু ইতস্ততঃ করিয়া অমিয়া মৃদুস্বরে ডাকিল—“মা।—একটা কথা বলবো?”

মা জীষৎ বিন্ময়ের সহিত লুচি-ভাজা বন্ধ রাখিয়া মেয়ের দিকে চাহিয়া দেখিলেন।

“কি বলবি বল না?” পরে তাহাকে নীরব দেখিয়া পুনশ্চ কহিলেন—“তার অত ভূমিকা করছিস কেন?”—বলিয়া পুনশ্চ এক এক করিয়া ছুখানা বেলা লুচি ঘিয়ের মধ্যে ছাড়িয়া দিলেন। আধ মিনিটের অমনোযোগে গরম ঘি অজস্র ধুমোদগীরণ আরম্ভ করিয়া জ্বলনোশুথ হইয়া উঠিয়াছিল,—তাড়াতাড়ি কড়াখানা নামাইয়া ফেলিতে হইল।

অমিয়া এই সময় ভয়ে ভয়ে বলিয়া ফেলিল—“তোমার পায়ে পড়ি, সত্যি মা, আমার বিয়ে দিও না।”

একে ছেলেদের খাবার সময় উত্তীর্ণ হইয়া গিয়াছে—তার খাইতে পার না, তার উপর কড়ার ঘি খরিয়া গিয়া লুচি ছুখানার কালো জামের রং হইয়া গেল, মায়ের মন খুবই স্নেহসন্ন থাকা সম্ভব নয়। তার উপর অত বড় মেয়ের যখন তখন এই অসঙ্গত আবদারে খুসী হইয়া উঠিবারই বা কতটুকু আছে। কড়ার ঘিয়েরই কাছাকাছি তাতিয়া উঠিয়া মা পক্ষ কঠে বকিয়া উঠিলেন—“ফের সেই ভুতে ধরেছে! কি যে পাগলামী করিস! ভদ্রলোকের ঘরের মেয়ে বিয়ে না করে কি নার্স হবি না কি? ভাল তোকে পাশ দিইয়ে মাথা বিগড়ে দেওয়া গ্যাছে। নে’—এখন ওগুলোকে খেতে দিবি, না দিবি না, তাই বল তো দেখি?”

অমিয়া একটা উত্তত দীর্ঘশ্বাস বুকের ভিতর চাপিয়া লইয়া বিষন্ন মুখে আদিষ্ট কর্ণে মনোযোগী হইল।

অমিয়া তার মনের সেই ভয় ভাবনা লইয়া সর্বদা যেন ত্রস্ত হইয়া রহিল। মা বাপের মুখে যদি তার বিবাহের কোন কথাবার্তা শুনিতে পার, অমনি তার বুকের মধ্যে ধড়-ফড় করিয়া উঠে। পৃথিবীর সকল পুরুষকেই যেন মল্লিক-বাড়ীর সেজ-বাবুর ছায়া বলিয়া একটা সন্দেহ জাগিয়া উঠিয়া তার মনকে তাদের উপর বিদ্বিষ্ট করিয়া তুলিয়াছিল। বিবাহের কথা মনে হইলেই তার একটা তীব্র আতঙ্কের সহিত মনে হইত—যদিই দৈবাৎ তার স্বামী-রত্নটা ওই সেজ-বাবুর মতন তার প্রতি ব্যবহার করে, তার সম্ভানগুলিও হিতু-অনুজের মতও তো হইতে পারে! অমনি পায়ের তলা হইতে আরম্ভ করিয়া মাথার চুলের গোড়াগুলো অবধি তার আতঙ্কে কাঁপিয়া স্থির হইয়া যাইত।

কিন্তু চিরদিন ঠিক এক ভাবেই কাহারও দিন যায় না। পক্ষী-শাবক তার পুরাতন নীড়টিকেই প্রাণ দিয়া ভালবাসে বটে, তথাপি বয়স বাড়ার সঙ্গে সঙ্গেই শুধু সেইটুকুকেই সে আর যথেষ্ট মনে করিতে পারে না। অমিয়ার বাপ যখন তার পড়াশুনা চুকাইয়া ফেলিতে আদেশ দিয়া তাহার বিবাহের জন্ম ঘটক নিযুক্ত করিলেন এবং সেই ঘটক ঠাকুরও আজ একজন কাল একজনের খবর লইয়া আসা যাওয়া আরম্ভ করিয়া দিলেন, তখন নিশ্চিত বিপদকে বরণ করিয়া লইতেই হইবে বুঝিয়া

যমনি অমিয়া নিজের মনকে কতকটা প্রস্তুত করিয়া লইল, যমনি সেই ফাঁকে ফাঁকে মানব-প্রকৃতির স্বাভাবিক প্রেরণায় একটা কৌতূহল ও আগ্রহও যেন তার সেই বিবাহ-বিধিষ্ট চিত্তকে ভিতরে ভিতরে পাইয়া বসিল। প্রথম প্রথম ঘটকের খবর আসিলেই সে মনে মনে রাগ করিয়া সেখান হইতে উঠিয়া যাইত। তার পর ক্রমশঃ একটু একটু করিয়া তার মনের মধ্যে ঐ বসন্ত-দূতের সংস্পর্শে আগত-প্রায় বসন্তের একটা সাড়া পাওয়া গেল। এখন লুকাইয়া চুরি করিয়া সে তার ভবিষ্যৎ বরের কথা কাণ দিয়া শুনিয়া লয় ও মনে মনে বিচার করিয়া দেখে।

ইতিমধ্যে ছ' জামগা হইতে তাহাকে কনে দেখিয়া গিয়াছে। বরের অভিভাবক এত বড় বয়সের মেয়ে দেখিয়া দজ্জায় মাথা হেঁট করিয়া কোন মতে প্রস্থান করিয়াছিলেন। অপর স্থলে মেয়ে পছন্দ হইয়াও দেনা-পাওয়ার বাধা প্রাপ্ত হইল। বরের পিতা বলিয়া পাঠাইলেন যে, মেয়ে দুইটা পাশ করিয়াছে বলিয়া তো আর তাহাকে চাকরী করাইতে পারিবেন না। অতএব গহনাপত্র ও বিবাহের ব্যয়টা কোথা দিয়া আসিবে? ইত্যাদি, অতএব—

উমাশশী বলিলেন—“হ্যাঁগা! তবে যে মেয়েকে লখাপড়া শেখালে বিয়েতে বেশি টাকা লাগে না?”

ইন্দ্রনাথ বিরক্তচিত্তে বলিলেন—“ও-সব বাজে কথা,— টাকা মেয়ে জন্মালেই দশ লাগে, তার উপর রূপশূণ্য, গুণবুদ্ধি—ওগুলো সবই ফাউ।”

অমিয়া তার পুঁথিপত্র জড় করিয়া পড়াশুনার মন রাখিয়াছিল, কিন্তু মন সে আর ভাল করিয়া দিতে পারে না। বইএর খোলা পাতার পর পাতায় তার চোখের লেহন ভ্রমিয়া ফিরিলেও, মন তার আর সেদিক দিয়া যাইতে চলে না। কাজেই উহারা তার দৃষ্টি-সীমাতেই আবদ্ধ থাকে, মাথার ভিতর প্রবেশের কোন পথ পায় না। ঘণ্টার পর ঘণ্টা ধরিয়া বইখানা কোলের উপর মেলিয়া রাখিয়া পড়িয়া সে বসিয়া থাকে। কল্পনা তার উড়ন্ত মনকে হইয়া তখন কতই না খেলা করিয়া বেড়ায়। কখন একটা চেনা অজানা গৃহের মধ্যে গৃহকর্তারূপে নিজেকে সে পূর্ণ অজ্ঞাত এক পুরুষের পাশে কার্যরতরূপে কল্পনা করে, গলে কখন একটা নবীর পুতলী শিশু; আবার বিপরীত দর্শনে কখনও বা শিহরিয়া তার স্বপ্ন ভঙ্গ হইয়া যায়।

এক দিন হেমস্তের হিমম্নাত প্রভাতে ভোরের বেলাই অমিয়া জাগিয়া উঠিয়া তার খোলা জানালার মধ্য দিয়া বাহিরের দিকে চাহিয়া দেখিল। তার মনে হইল, সেদিনকার ভোরের পাখীর কণ্ঠে যেন কি এক নূতন স্বর ধ্বনিত হইতেছিল। শিশিরে-ভেজা শেফালি ও কনক-চাঁপার মিশ্র সুবাসেও যেন একটা নূতন গন্ধ পাওয়া যাইতেছিল। বাতাস আলো সবই যেন নূতন নূতন। দূরে আকাশের গায়ে ছবি আঁকিয়া যে সব চির-পরিচিত বাড়ী-ঘর সে আজন্মকাল ধরিয়াই দেখিয়া আসিতেছে, সেগুলো শুদ্ধ যেন তার আজ নূতন ঠেকিল। কিসের যেন একটা অজ্ঞাত পুলকে মনটা তার সহসা সেই নূতন হাওয়ার পাল তুলিয়া দিয়া কোন্ নবীন আনন্দের সাগরে ছুটিয়া বাহির হইয়া পড়িবার জন্ত যেন উন্মুখ হইয়া উঠিল। অকারণে তার ঘুম ভাঙ্গিয়া সর্বপ্রথম মনে হইল, আজ যেন তার জীবনে খুব বড়-রকমের একটা শুভ ঘটনা ঘটবে।

নিজেকে আগতপ্রায় মঙ্গল লাভের জন্ত সম্পূর্ণরূপে প্রস্তুত করিয়া লইয়া সে শয্যা ত্যাগ করিল। যেদিক দিয়া গেল, চার দিকেই চাহিয়া দেখিল, তার বোধ হইল, সকলেই যেন তাহাকে সানন্দ পুলকে সুপ্রভাত জানাইয়া দিতেছে। মনের সে বিপুলতর উচ্ছ্বাস ও পরিপূর্ণতা লইয়া সে যেন আপনাকে গোপন রাখিতে পারিতেছিল না। তাড়াতাড়ি আসিয়া ছোট ভাইবোনগুলিকে কোলে তুলিয়া, বুকে টানিয়া আদরে চুষনে ভরাইয়া দিল। মা বসিয়া তরকারি কুটিতেছিলেন, বালিকার মত ছুটিয়া আসিয়া পিছন হইতে তাঁকে জড়াইয়া ধরিল।

মা রাগ দেখাইয়া বলিয়া উঠিলেন—“দিন দিন তুই খুকি হচ্চিস না কি অমিয়া? এক্ষনি ছজনেই যে কেটে মরতুম!”

অমিয়া মার পিঠের উপর মুখ ঘষিতে ঘষিতে হাসিমুখে কহিল—“না মা, কিছু হতো না মা! লক্ষ্মীটা, আমার আজ বকো না।”

উমাশশী সম্মিতমুখে মেয়ের মাথায় হাত দিয়া স্নেহপূর্ণ কণ্ঠে জিজ্ঞাসা করিলেন—“কেন রে, আজ তোর কি?”

মেয়ে মায়ের সেই স্নেহস্পর্শটুকুর তলায় নিজেকে সম্পূর্ণরূপে মেলিয়া দিয়া স্নেহোৎসুক মুখে স্নিগ্ধকণ্ঠে উত্তর করিল—“কি জানি মা, কি! কিন্তু আজকে আমার বড় ভাল লাগচে।”

সারা দিনটা যথাপূর্বই কাটিয়া গেল। অমিয়া দিনের-প্রথমার্শটা হাসিয়া লাফাইয়া ছোটদের সঙ্গে খেলিয়া মাঝের কাজের সাহায্য করিয়া কাটাইয়া দিল। ভাইবোনদের ঘানের সময় ভাল করিয়া সাবান দিয়া স্নান করাইল, তাদের পোষাক পরানো, চুল আঁচড়ানো, ভাত খাওয়ানো, পড়া বলা সব কাজেই আজ সে তার যথাসাধ্য যত্ন লইয়া সমস্তই সুসম্পন্ন করিয়া তুলিল। তার পর যে যাহার কাজে স্কুলে কাছারীতে সবাই বাহির হইয়া গেলে, সেও আহাড়াদি সারিয়া একলা ঘরে বই খাতা লইয়া বসিয়া পড়িল।

অমিয়ার একখানি ছোট নীল-মলাট-দেওয়া নোটবুক ছিল। মধ্যে মধ্যে সে এইখানিতে গোপনে কবিতা লিখিত। আজ সেখানা খুলিয়া বসিয়া লিখিল—

আজিকে কি দিবে দেখা হে প্রিয় আমার !  
এই যে আনন্দ ধ্বনি, এ কি তব আগমনী ?  
তুমিই কি দে'ছ খুলে এ শোভা-ভাঙার ?  
পুলকে কম্পিত হিয়া, আছি পথে দাঁড়াইয়া,  
সঁপিতে চরণে তব, হৃদি ফুলহার,—

আজিকে কি পাব দেখা হে প্রিয় আমার !

কবিতা লেখা শেষ হইল না,—চাকর আসিয়া খবর দিল, বাহিরে একটা ভদ্রলোক আসিয়া বাবুকে খুঁজিতেছিলেন,— বলিলেন, বাড়ীর ভিতর হইতে খবর লইয়া এস, ক'টার সময় তিনি বাড়ী ফিরিবেন। বিশেষ প্রয়োজনীয় কার্য আছে।

অমিয়া বিস্মিত হইল। এমন সময়ে কে তার পিতাকে খুঁজিতে আসিল। নিশ্চয়ই কোন অজানা লোক হইবে। সে চাকরের মুখে উত্তর পাঠাইয়া দিয়া, নিজে উঠিয়া জানালার সামনে আসিয়া দাঁড়াইল। এখান হইতে বাড়ীর সামনেটা দেখা যায়। দাঁড়াইবামাত্র তার চোখে পড়িয়া গেল,—সদর দরজার কবাট ধরিয়া একটা ভদ্রলোক দাঁড়াইয়া উৎসুক নেত্রে এদিক ওদিক চাহিয়া দেখিতেছেন। সে দাঁড়াইবামাত্র তাঁহার উল্লেখিত ব্যগ্র দৃষ্টির সহিত তাহার সকৌতুক দৃষ্টি সন্মিলিত হইয়া গেল। অমনি লজ্জারক্ত মুখে সে দ্রুতপদে সরিয়া আসিল।

সরিয়া আসিল বটে, কিন্তু চলিয়া গেল না। কি জানি কিসের ঝোঁকে সে তার স্বভাব-বহির্ভূত কার্য করিল। জানালার কবাট বন্ধ করিয়া দিয়া উহারই ফাঁকের ভিতর

হইতে সে সেই অপরিচিত আগন্তুককে লক্ষ্য করিয়া দেখিতে লাগিল ; এবং দেখিতে গিয়াই তার মনে হইল—এমন রূপ সে পুরুষের মধ্যে আর কখন দেখে নাই !

বাস্তবিকই কি সেই অপরিচিত পুরুষ এতই সুরূপ ? কিন্তু কোন্ মুহূর্ত্ত যে কাহার জন্ত দেখা দেয়, এবং কোন্ অজ্ঞাত কুহকী তার মোহনীয় কুহকের সন্মোহন-শক্তি প্রয়োগ করিয়া বইসে, কেহই জানে না। সেইরূপে সমীপাগত যে কোন রূপকেই অপরূপ ও যে কোন সুদূরাবস্থিতকে নিকটতম আশ্চর্যতম বলিয়া মনে হয়। সেই মোহের কাজল চোখে লাগান ছিল বলিয়াই সহসা ঐ : অজ্ঞাত পুরুষকে দেখিয়াই অমিয়ার বোধ হইল, ঐ যে তাদের দ্বারে আসিয়া আজ ঐ অচেনা অতিথি দাঁড়াইয়াছে,—এ যেন কোন্ দূরদূরান্তর হইতে ছুটিয়া তাহারই সন্ধান আসিয়াছে,—এ যেন শত জন্মজন্মান্তর ধরিয়া তাহারই প্রতীক্ষাকারী,—একমাত্র তাহারই। এই কথা মনে হইবামাত্র তার সমস্ত দেহ-মন যেন সেই ভোরের বেলার পুলক-স্বতিতে পুলকাঙ্কিত হইয়া উঠিল। তার সমস্ত দেহ যেন সুধাবেশে শিথিল হইয়া আসিল। সে নিজেরও অজ্ঞাতে সেই অজানা অতিথির উদ্দেশে যুক্তকরে মনে মনে প্রণাম-নিবেদন জানাইল। মনে মনে বলিল—মিষ্ণু—নিশ্চয়ই তুমি আমার প্রতি দেবতার দান ! আমি যে তাঁকে প্রাণপণে ডেকেছিলাম, তাই তিনি হয় ত আমার জন্ত তোমায় বেছে দিয়েছেন !

৬

আফিব হইতে ফিরিয়াই, সেই আফিবের পোষাকেই ইন্দ্রনাথবাবু প্রায় ছুটিয়া বাড়ীর মধ্যে ঢুকিয়া ডাকিলেন—“ছোট-বৌ ! বলি শুনচো ?”

খণ্ডরবাড়ীতে উমাশর্মা ছোটবৌ হইয়াই প্রবেশ করিয়াছিল। বড় মেজ আয়েরা স্বতন্ত্র থাকিলেও তার ছোট-বৌ পদটা ঠিকই আছে।

উমাশর্মা রান্নাঘর হইতে সাড়া দিয়া বলিলেন—“এই যে আমি এখানে, কি বলচো ?”

ইন্দ্রনাথ ব্যস্ত সমস্ত হইয়া আসিয়া বলিলেন—“যতীন এসে যে সারাদিন বাইরের ঘরে বসে রয়েছে, সে অমিয়াকে বিয়ে করতে চায়, নিজেই কনে দেখবে। শীগগির উঠে এসে মেয়ে সাজিয়ে দাও দেখি।—”

এই খবর শুনিয়াই ময়দা-মাখার নিষুজ্ঞা অমিয়ার মুখ

একেবারে জ্বালুনের মতন টকটকে গাল হইয়া উঠিল। বুকের ভিতরটা তার বেন কি একটা বিগুল উল্লাসের তরঙ্গে তালে তালে দোল খাইতে লাগিল। তবে তো তার ধারণায় ভ্রান্তি নাই! নিশ্চয়ই সে দেবতার দান।

উমাশশী কিন্তু এ সম্বন্ধে প্রমাদ গণিলেন। একে এখন কাজকর্মের সময়—তার উপর মেয়েও বড় সোজা নয়। কনে দেখা দিবার জন্তু কতই না তাকে ভালকথা মন্দকথা কহিয়া দেড় ছদ্দটা বুঝাইয়া সমজাইয়া তবে তো রাজী করিতে হইবে! সে কি অল্পে বশ হয়! কাঁদিয়া কাঁটিয়া মুখ চোখ ফুলাইয়া গম্ভীর বিরক্ত মুখে কনে-দেখা দিতে গেলে, কেহ কি কোন জন্মে কনে পছন্দ করিতে পারে? এই জন্তুই তো দেখিতে ভাল হইলেও তাকে কোন দিনই কেহ পছন্দ করিতে পারিবে না। মেয়ে বলে ‘আমি কি শাক না মাছ, যে, আমার যে-সে এসে নেড়ে-চেড়ে দেখে যাবে!’ আরে বাপু, তুই এটা বুঝিস্ না যে, শাকমাছের চেয়েও তুই অধম,—তুই মেয়েমানুষ। মাছটা পচা হ’লে পরসা ক’টাই জলে যায়, আবার একটা কেনা চলে; কিন্তু তোকে বদলাইয়া আর একটা কিনিতে গেলে তো একটু হাঙ্গামা পোহাইতে হইবে। আজকালের বাজারে আর আগের দিনের মতন সহজে সেটা হইবে না।

কিন্তু উমাশশীর বিশ্বয় আজ সীমা অতিক্রম করিল। একবার মাত্র ডাক দিতেই নেহাৎ ভালমানুষটার মতন অমিয়া আস্তে আস্তে উঠিয়া আসিল; এবং মা যেমন ইচ্ছা সাজাইয়া দিলেও সে এতটুকু প্রতিবাদ পর্য্যন্ত করিল না। শুধু মা যখন জমকালো দেখিয়া নিজের একটা বেনারসী স্টুট বাহির করিয়া পরিতে বলিলেন, তখন সে নিতান্ত কুণ্ঠিতভাবে মুহূর্তে কহিয়া উঠিল, ‘ওটাতে বড্ড বড্ড দেখায় না মা! তার চেয়ে আমার বাসন্তী রংয়ের পাতলা মাদ্রাজীটা পরবো?’

মা ঈষৎ বিস্মিত আনন্দে মেয়ের মুখের দিকে চাহিতেই, সে লজ্জায় আরক্ত হইয়া মুখ নত করিল। মা বলিলেন, ‘তা বটে! আচ্ছা, তা’হলে তাই পর।’

যতীন বলিয়া ইন্দ্রনাথ যাহার পরিচয় দিয়াছিলেন, সেটা ইন্দ্রনাথের বহুদিনের পাঞ্জাব-প্রবাসী বাল্যবন্ধু যোগীন্দ্রনাথের ছেলে। ইহার সে দেশেরই বাসিন্দা হইয়া গিয়াছে। কথাবার্তা কর, তাহাতেও কিছু পাঞ্জাবী টান বোঝা

যায়। ঘর-বাড়ী, বিষয়-সম্পত্তি সেইখানেই সব। শুধু বিবাহটাই বাংলার সহিত সম্বন্ধটাকে বজায় রাখিয়াছে। বাঙ্গালী এইটুকুই কেবল ছাড়িতে পারে না। যতীন বাপের মৃত্যুর পর তাঁর কাঠের গোলা চালাইতেছে। কন্ট্রাক্টারীও সে করে, রোজগার মন্দ হয় না। বিষয়-আশয় বেশ আছে। বয়স তার আনুমানিক বছর ত্রিশ-বত্রিশ—এমনি হইবে। চেহারা বেশ জঙ্গী জোয়ানের মত। পাঞ্জাবী ধরণ কতকটা। গায়ের রং বেশ ফরসা, মুখের রং রোদে ঘোরার জন্তু কতকটা তামাটে হইয়া আসিলেও ফরসা বলিয়া বুঝিতে পারা যায়।

কলিকাতায় এক জায়গায় বিবাহের দিন স্থির পর্য্যন্ত হইয়া গিয়াছিল। পরের দ্বারায় কথাবার্তা হয়। বিবাহ করিতে আসিয়া দেখা গেল—মেয়ে নিতান্ত ছোট,—বড় জোর এগার বৎসর বয়স—তার চেয়ে অন্ততঃ কুড়ি বৎসরের ছোট। রাগ করিয়া বিয়ে ভাঙ্গিয়া এবার নিজেই সে কনে খুঁজিতে বাহির হইয়াছিল। দৈবক্রমে অমিয়ার সন্ধান পায় ও তৎক্ষণাৎ একাই এ বাড়ীতে চলিয়া আইসে। বাপের পুরাতন চিঠি-পত্রের ফাইলে ইন্দ্রনাথের চিঠি ও বাড়ীর ঠিকানা তার চোখে পড়িয়াছিল এবং মনেও ছিল,—ছেলেটির স্বরণশক্তি বেশ তীক্ষ্ণ, পড়াশুনাও মন্দ ছিল না। বি-এ অবধি পড়িয়াছিল,—কি জন্তু জানা নাই, পরীক্ষা না দিয়াই পড়া ছাড়িয়া দেয় এবং বাপের কারবারে চুকিয়া পড়ে।

কনে দেখা হইয়া গেল। কনে অপছন্দের মতন নয়, অপছন্দ হইলও না। ছ’একটা কথাবার্তা জিজ্ঞাসা করিয়াই যতীন ইন্দ্রনাথের দিকে চাহিয়া বলিল—‘ওঁকে ভেতরে যেতে বলুন,—এইবারে আপনাকে ছ’ একটা কথা বলে আমি আজকের মতন উঠবো।’

অমিয়া এই অবসরে একবার চুরি করিয়া চকিত চক্ষে তাহার দ্রষ্টাকে দর্শন করিয়া লইল এবং আস্তে আস্তে উঠিয়া চলিয়া গেল। অন্তরালে মা দাঁড়াইয়া ছিলেন, সেইখানে আসিয়া মার বাহুতে মুখ লুকাইল। মনটা তার আনন্দে, লজ্জায় এমনি বিহ্বল হইয়া পড়িয়াছিল যে, মায়ের সামনে সহজ ভাবে দাঁড়াইতে পারিতেছিল না। মা কিন্তু তার এই মুখ লুকানোর সত্য অর্থটাকে না বুঝিয়া বরং বিপরীতই অনুমান করিয়াছিলেন। ঈষৎ বিরক্তি-মিশ্রিত কণ্ঠে অধচ অন্তের অশ্রাব্য চাপা স্বরে তিনি কহিয়া উঠিলেন—‘অমন করে

রৈলি যে! কেন—খাসা দেখতে তো, তোর কি মনে ধরলো না না কি? কি চাস্ তুই?”

অমিয়া লজ্জার জড়াইয়া মায়ের গায়ের মধ্যে আরও ঠেসিয়া গিয়া মূহুর্তর কণ্ঠে কোনমতে জবাব দিল—“কে বলছে মন্দ?”

“তবে আবার কি? দেখতে ভাল, পরসা আছে, বয়সও তেমন কিছু বেশি নয়। দেখ, মিপে কোন্ মতবাদ তুলে বসো না যেন! যদি ও তোমায় পছন্দ করে থাকে, তুমি তাই যথেষ্ট মনে করো।”

অমিয়া মার মুখের দিকে বারেক চাহিয়াই নত চক্ষে ছুরিৎস্বরে কহিয়া উঠিল—“আমি কি বলেছি—আমার পছন্দ হয়নি। তুমি আমাকে কি যে মনে কর।”

বলিয়াই সে তাড়াতাড়ি পলাইয়া গেল। উমাশশী মুখ এই কথায় প্রসন্ন হইয়া উঠিল। তিনি মনে মনে একটুখানি সর্কোতুক হাসি হাসিলেন,—এই না মেয়ে বলতেন যে, বিয়ে করবেন না! যাক্—বাঁচা গেল!

৭

অমিয়ার বিবাহের কথাবার্তা পাকা হইয়া গেল। বর যতীন জানাইল যে, বিবাহ করিয়াই সে তাঁর স্ত্রীকে লইয়া লাহোরে চলিয়া যাইবে। এই প্রস্তাবটাতে ইন্দ্রনাথ বাবুর মনটা কিছু দমিয়া গিয়াছিল। তাঁর মনে হইল—হয়ত উমাশশী এবং অমিয়া নিজেও এটা পছন্দ করিবে না। এত শীঘ্র বহুদিনের জন্ত বহুদূরে আত্মীয় স্বজনকে ছাড়িয়া চলিয়া যাওয়া বাঙ্গালীর মেয়ের পক্ষে সুকঠিন,—তা যতই কেন সে বড় হোক না, আর যত লেখা পড়াই শিখুক।

কিন্তু অমিয়াকে যখন তিনি নিজে অনেক করিয়া বুঝাইয়া আস্তে আস্তে খবরটা দিলেন, তখন সে চুপ করিয়া রহিল, ভালমন্দ কোন জবাব করিল না। ইহা দেখিয়া ইন্দ্রনাথ বাবু ঈষৎ আশ্চর্য হইয়া জিজ্ঞাসা করিলেন—“তোমার এতে কোন আপত্তি আছে?”

তখন ক্ষণকাল মাত্র নীরব থাকিয়া অমিয়া আস্তে আস্তে ঘাড় নাড়িয়া জানাইল—না।

ইন্দ্রনাথ বিস্মিত হইলেও খুসী হইলেন। উমাশশী অসন্তুষ্ট না হইলেও অন্তরের মধ্যে হয়ত একটুখানি আহত হইলেন, এবং বলিলেন—“মেয়ে পরের জন্তেই হয় যে বলে, তা’ ঠিক!”

বাড়ীতে বিবাহের আয়োজন আরম্ভ হইল। সময় খুব কম—একমাসও নয়। ইহার ভিতর সবই তো করিতে হইবে। সেমিজ, পেটিকোট, ব্লাউস, জ্যাকেট, বডি—সবই মারে ও মেয়েতে দিন-রাত কল চালাইয়া তৈরি করিতে লাগিয়া গেল। বর নগদ ও দান-সামগ্রী কিছুই লইবে না—শুধু সামান্য বরভরণ ও মেয়ের যা কিছু। উমাশশী তাই মেয়ের জন্ত কাপড় জামাটাই বেশি করিয়া করিতে লাগিলেন। গহনা পাঁচসাতখানি একটু কারেমী দেখিয়া গড়াইতে দেওয়া হইল। যতীন নিজে যাহা দিবে, তাহার একটা ফর্দ দিয়াছিল। দেখা গেল, তাহাতে কান রতনচূর পর্য্যন্ত সীঁথিপাটী ফুলঝুমকা সবই মজুদ আছে। সেগুলি তার মায়ের গায়ের গহনা। যতীন মায়ের এক সন্তান, তাই সবই তিনি যতীনের বউকে দিয়া গিয়াছেন।

মা বলিলেন—“গহনার তো গাদা আছে দেখছি। তবে ও-সব সেকেলে হয়ে গ্যাছে, কেউ আর গরে না। তা’ এর পর সব নুতন করে গড়িয়ে নিস।”

পাকা-দেখায় যতীন কেনেকৈ একটা মুক্তার মালা পাঠাইয়া দিল। প্রতিবেশিনীরা জিনিষ যাচাই করিয়া মন্তব্য করিলেন—“হ্যাঁ, পছন্দ ভাল! তা’ জিনিসটারও দাম আছে। হাজার ছইএর কমে আর হয়নি।”

কেহ নাসিকা কুঞ্চিত করিয়া বলিয়া উঠিলেন—“অত হবে না, হাজারখানেক হয়ত ঢের!”

উমাশশী এক দিন স্বামীকে বলিলেন—“দেখ, অমিয়া একটা কথা বলছিল,—সে বলে, অত দূরের লোক, এত বয়স অবধি বিয়ে করেনি, স্বভাবচরিত্র ভাল তো? ভাল করে একটু খবর নিলে হতো না।”

ইন্দ্রনাথ হাসিয়া উঠিলেন। হাসিতে হাসিতে জবাব দিলেন—“বিহুযী হয়ে মেয়ে বাপের জুলজুলো তবু ধরে দিচ্ছে। ওরে বাপু, তা কি আর আমি নিই নি? কলকাতায় যেখানে ও আছে, তার কাছেই নগেন ঘোষের বাড়ী। তিনি লাহোরে তিনবছর ছিলেন, ওদের খুব ভাল করেই জানেন। তিনি বলেন—মেয়ের ভাগ্যে থাকলেই এমন বয়ে পড়বে।”

উমাশশী নিজে নিশ্চিত হইয়া মেয়েকেও খবরটা দিলেন, ইহা শুনিয়া অমিয়ার অত্যন্ত লজ্জা বোধ হইল। বাবা মা তাকে কি বেহায়াই না ভাবিলেন। দেবতার দানকে, সে এমনি অবিখ্যাসী যে, এত করিয়া যাচাই করিতেছে! নাঃ,



এ লোক কখনই মন্দ হইতে পারে না। ভগবান নিজেই যে আগে হইতে জানাইয়া ইহাকে তার জন্ত পাঠাইয়া দিয়াছেন।

বিবাহ নির্বিঘ্নে সুসম্পন্ন হইয়া গেল। বিবাহ-রাত্রি বর, পুরোহিত, নাপিত এবং পূর্বপরিচিত নগেন ঘোষের বাড়ীর লোকেরা বরযাত্র আসিয়াছিল। বিবাহে সকল রকমেই খরচপত্র কম করিতে হওয়ায়, ইন্দ্রনাথ তাঁর নব জামাতার উপরে অত্যধিক পরিমাণেই সন্তুষ্ট হইয়া উঠিয়াছিলেন। একে ত নিজে যাচিয়া আসিয়া বিবাহ করিল,—তার উপর খরচপত্রও বেশি করিতে হইল না,—আবার বরযাত্রীর উপদ্রবও সঙ্ঘ করিতে হইল না! নাঃ—নমিতা ও সমিতাকেও ছ'একটা পাশ করাইয়া রাখিতে হইবে।

বিবাহরাত্রিই কুশণ্ডিকা শেষ করিয়া বর-কনে বাসর ঘরে গেল। বর বধুকে যে লজ্জাবস্ত্র প্রদান করিলেন, সেখানা দেখিয়া বাসরঘরে অনেক মেয়েই বিস্ময়ে নিক্কাক হইয়া রহিলেন। আইবুড় ভাতে একখানা সোনার তারের শাড়ী—তা যেন না হয় পাইল। কিন্তু লজ্জাবস্ত্র আবার রূপার তারের শাড়ী-জ্যাকেট দিয়া কে দেয়? নাঃ—জামাইএর হাতটা আছে! তা' হবে না কেন? কণ্টকিতের আমাপা পয়সা!

অমিয়ার হাত যখন তার বাপ যতীনের হাতে তুলিয়া দিলেন, তখন গভীর সুখে তার সারা দেহ যেন শিথিল হইয়া আসিল।

বাসরঘরে যতীনকে অনেকেই গান গাহিতে বলিলে, যতীন একজনের দিকে চাহিয়া জিজ্ঞাসা করিল—“আপনাদের বিদ্বী কনে নিশ্চয়ই গাইতে পারেন,—তিনিই একটা গেয়ে শোনান্ না অনুগ্রহ করে।”

জিজ্ঞাসিতা এবং তাহার সঙ্গে যোগ দিয়া আরও জন-কয়েক মহিলা হাসিয়া উঠিয়া জবাব দিলেন—“সে ভাই তুমি নিজেই বলে-কয়ে শুনে নিও, আমরা তো ওর গলা থেকে এতটুকু হ'হ পর্যন্ত কোন দিনই শুন্তে পাই নি। এখন তুমি নিজেই একটা গাও দেখি।”

যতীন বিস্তর আপত্তি করিল বটে, কিন্তু শেষটার একটা গজল্ গাহিল। গানটা যদিচ কাহারও বোধগম্য হইল না, এবং মুখভঙ্গী ও হাত পা নাড়ার ধরণে মেয়ে-মহলে একটা হাস্যরসের উদ্ভেকও করিল, তবু অমিয়ার মনে হইল—কেন, মন্দটা কি? বেশ ত ওস্তাদী গান।

অমিয়ার সখীদের মধ্যে ছ'একজন ঠাটা করিয়া বলিল—  
“মা গো! যেমন কাটখোটার দেশের মানুষ—তেমনি কি বিত্তিকিচ্ছি গান শিখেছ! যেন ড্রিল মাটারের-ড্রিল করান,—গান গাওয়া ত নয়!”

অমিয়া মনে মনে সখীর উপর একটু বিরক্তি বোধ করিল। মা গো! মুখের উপর কি অমন করিয়াই নিন্দা করিতে হয়! ওঁর বর তো তবু একেবারেই আনাড়ী!—

বিবাহের পরদিন পাঞ্জাব মেলে বর-কনে রাণলপিণ্ডি যাত্রা করিবে। এইবার অমিয়ার বিবাহের প্রচুর আনন্দ বিচ্ছেদের গভীরতর বেদনায় কোণায় যেন ঢাকা পড়িয়া আসিতেছিল। সকালে উঠিয়াই সে মায়ের কোলের উপর পড়িয়া খুব খানিক ফুলিয়া ফুলিয়া কাঁদিল ছোট ভাই-বোন-গুলিও তাহাকে ঘেরিয়া যত কাঁদে, সেও তাদের কোলে করিয়া বুকে টানিয়া ততই কাঁদিয়া ভাসায়। বাপ-মা, প্রতিবেশী বুঝাইয়া কান্না থামাইতে পারে না।

বিকালের ডাকে অমিয়ার নামে একখানা চিঠি আসিল। সে সময় সে তার স্বামীর সহিত যাত্রা করিবার জন্ত কন্ঠাসজ্জা করিতেছিল। বরের ইচ্ছানুসারে তাহাকে বিবাহের দামী বেনারসীর বদলে একখানি হাঙ্কা দেখিয়া লাল শাড়ী পরাইয়া দেওয়া হইয়াছিল। গহনা গায়ে সামান্যই দেওয়া হইয়াছিল। কনের চিহ্নের মধ্যে লাল ওড়নার সঙ্গে বাঁধা বরের চাদরখানা গায়ে জড়ানো রহিল; আর কপালে চন্দন না পরাইয়া মায়ের মন সরিল না। বর সাদাসিদা পোষাক—এমন কি, সাহেবী পোষাক পরিয়া প্রস্তুত হইল। ইহাতে উমাশীর মনটা একটু ক্ষুণ্ণ হইলেও মুখে তিনি কোন আপত্তি তুলিলেন না। আর পাঁচজনে একটু নিন্দা করিল এবং বলিল—“কনেকেই বা আর আনতা দেওয়া কেন, পারে মোজা জুতো দিলেই হতো।”

সাজ শেষ করিতেই কন্ঠা-বিদায়ের পালা পড়িল। ইহারই ভিতরে অমিয়া তাড়াতাড়ি করিয়া চিঠিখানা খুলিয়া ফেলিল এবং পড়িতে আরম্ভ করিল। চিঠিখানার খানিকটা পড়িয়াই তার মুখখানা হঠাৎ সাদা ফ্যাকাসে হইয়া গেল; এবং সে একটা গভীর দীর্ঘশ্বাস ফেলিয়া ব্যগ্র-আগ্রহে সেখানা শেষ করিয়াই, সেটা ক্রমালে বাঁধিয়া জ্যাকেটের বুকের মধ্যে ফেলিয়া রাখিল। সময় উত্তীর্ণ হইয়া যাইতেছে বলিয়া তখন তাহাকে সকলেই ব্যস্ত হইয়া ডাকাডাকি বাধাইয়া দিল।

মা বাপ চোখের জলে ভাসিয়া বরের হাতে মেয়ে ন'পিয়া দিলেন। উমাশশীর চোখের জলে ছুজনের হাত ভিজিয়া গেল, কিন্তু অমিরার চোখে এককেঁটা জলও আর দেখা দিল না। সে শুকনেত্রে মা-বাপের পায়ের ধূলা মাথায় লইয়া যন্ত্রচালিতের মত নিঃশব্দে আসিয়া গাড়িতে বরের পাশে উঠিয়া বসিল। ভাই-বোনগুলি কাছে আসিয়া কাঁদিতে লাগিল,—সে তাদের দিকে একবার চাহিয়া পর্য্যন্ত দেখিল না। যেন এই কোথায় একটুখানি বেড়াইয়াই আবার একনি ফিরিয়া আসিবে—তার ভাব দেখিয়া এই রকমই মনে হইতে লাগিল।

অনেকেই মনে করিল—“খেড়ে মেয়ে করে ঘরে রাখা,—বর পেয়ে বর্টে গেছে। মা গো! কত দিনের মত অত দূরে চলো—তার মনে এতটুকু কষ্টও কি নেই! খুব মেয়ে দেখলুম বাবু,—অমিয়া!”

গাড়ি চলিতে আরম্ভ করিতেই যতীন একটা শ্বাসগ্রহণ পূর্বক আপন মনেই বলিয়া উঠিল—“যাক বাঁচা গেল!”

অমনি অমিয়া চমকিত হইয়া তার দিকে সতয়ে চাহিয়া দেখিল। হঠাৎ তার মনে হইল, এই লোককে তার অত সুন্দর মনে হইয়াছিল কেমন করিয়া? সৌন্দর্য্য এর কোনখানটার আছে? যশুমার্কর মতন চেহারা, গম্ভীর মুখ, আর এই যে কথাটা সে বলিল, এর মানে এই যে, নির্ঝিল্লি এ বিবাহ হইয়া উঠিবে, এ রকম আশাও হয় ত তার মনে ছিল না!

অমিরার বুক ঠেলিয়া একটা আর্ন্ত চীৎকার যেন সবেগে তার গলা চিরিয়া বাহির হইবার জন্ত তার সঙ্গে ধস্তাধস্তি করিতে লাগিল। প্রাণপণে সেটাকে দমন করিতে করিতে সে ক্ষণপূর্বের বৃষ্টি দ্বারা কর্দমাক্ত রাজপথের উপরে তার চোখ দুইটাকে নিবন্ধ করিয়া রাখিল। যে তাহাকে প্রবল প্রবঞ্চনা দ্বারা জন্মের মতই মারিয়া ফেলিয়াছে, তাহার কাপড়ের অংশটুকু পর্য্যন্ত সে যেন দেখিতে পারিতেছিল না।

ষ্টেশনে আসিয়া গাড়ি থামিতেই টক্ করিয়া যতীন নামিয়া দাঁড়াইয়া দ্বীর দিকে হাত বাড়াইয়া দিল,—এই সম্ভাষণে—“এস অমি,—নেমে এস—”

“অমিরার শরীরের মধ্যে যেন একটা প্রবল বৈজ্যতিক

ক্রিয়া ঘটিয়া গেল। সে সেইখানে আবদ্ধ হইয়া থাকিয়া শুধু দৃঢ় স্বরে কহিল—“বক্ত ভিড় যে।”

যতীন কহিল—“তবে তুমি বসো, আমি লাগেজগুলো রেখে আসি, আর দেখে আসি রিজার্ভ দিরেছে কি না।” এই বলিয়া সে কুলির সাহায্যে মালপত্র লইয়া প্লাটফর্মের ভিতর দিকে চলিয়া গেল।

পাঞ্জাব মেল দাঁড়াইয়া আছে, সেকেণ্ডক্লাশ কামরার ছুখানা বার্থ রিজার্ভ দেওয়া রহিয়াছে। যতীন তাড়াতাড়ি ফিরিয়া আসিয়া ডাক দিল—“এস অমিয়া!”

গাড়ির ভিতর কেহই নাই! কোচম্যান ভাড়ার জন্ত দাঁড়াইয়া রহিয়াছে। যতীন তাহাকে জিজ্ঞাসা করিল—“কই, মাইজী কাঁহা?”

কোচম্যান উত্তর দিল—“মাইজী তো আপকা পিছাড়ি চলা গিয়া সাব।”

যতীন মনে করিল, একলা থাকিতে ভয় পাইয়া অমিয়া তাহার সঙ্গেই গিয়াছিল,—ভিড়ের মধ্যে সে অত লক্ষ্য করে নাই। গাড়িওয়ালার ভাড়া চুকাইয়া দিয়া সে ভিতরে চলিয়া গেল, এমন কি, সেই বার্থ-রিজার্ভ-করা কামরার চুকিয়া পর্য্যন্ত খুঁজিয়া আসিল; কিন্তু অমিরার কোন অস্তিত্বই কোথাও খুঁজিয়া পাইল না। বিস্মিত যতীন হতবুদ্ধি হইয়া গেলেও, তৎক্ষণাৎ চারিদিকে ছুটিয়া তার হারানো জিনিষ খুঁজিতে আরম্ভ করিল। পাঞ্জাব মেল ছাড়িবার আর বেশি বিলম্ব নাই।

লম্বা গাড়িখানার প্রত্যেক কামরায় উকি খুঁকি মারিয়া সমস্ত প্লাটফর্ম তন্ন তন্ন করিয়া কোথায়ও অমিয়াকে পাওয়া গেল না। তখন যোর হুশিঙ্গার অধীর হইয়া যতীন গাড়ি হইতে তাদের মাল নামাইয়া লইল এবং পুলিশের সাহায্য গ্রহণ করিতে উদ্বৃত হইল। তার বিশ্বাস হইল, কোন দুর্ভৃত্ত লোক নিশ্চয়ই তাহাকে কোনরূপে সরাইয়া ফেলিয়াছে।

একটা কুলি হঠাৎ তাহাকে জিজ্ঞাসা করিল—“কি রকম মেয়েমানুষকে আপনি খুঁজছেন বলুন দেখি? একটা রাজা-শাওঁ-পরা কনে-বউ একটা ভাড়াটে গাড়িতে উঠে ছগলী যেতে বলে দিলে আমি দেখেছি।”

প্রশ্ন করিয়া কহিয়া যতীন বুঝিল, সেই কনে-বউটাই তার স্ত্রী অমিয়া। কিন্তু এ কি প্রহেলিকা! হঠাৎ অমিয়া এমন অদ্ভুত ভাবে তাহাকে ছাড়িয়া পুকাইয়া পলাইয়াই বা

যাইবে কেন ? ইহার কারণ কি ? হস্ত বাঁড়ীর লোকদের ছাড়িয়া আসিয়া তাদের অস্ত্র মন অত্যন্ত ব্যাকুল হইয়া উঠিয়া তাহাকে এই হৃৎসাহসিক কর্ণে প্রবৃত্ত করিয়াছে। মনে মনে ষৎপরোনাস্তি বিরক্তি বোধ করিতে থাকিলেও যতীনের সেই সন্তানীড়লটী বিরহ-বিধুরা কিশোরীর প্রতি একটু করুণাও যে মনের মধ্যে না আগিল, তাহা নহে। সে মনে মনে বলিল, হস্ত ঠোঁড় ওর ইচ্ছার বিরুদ্ধে জোর করেই পাঠাচ্ছিলেন, তা না করে আমার বস্তুই হতো। তবে আমি তো এ কথা আগেই বলেছিলুম ! অনর্থক হায়রান, কতকগুলো টাকারও শ্রাঙ্ক।

হৃগলী যাওয়ার কথা শুনিলেও সে সেটা খেয়াল না করিয়া চুঁচুড়ার নিজের পিতালয়েই অমিয়ার ফিরিয়া যাওয়া সম্বন্ধে স্থির-নিশ্চয় করিয়া সেইখানেই প্রত্যাবর্তন করিল।

৮

বর-কনে বিদায়ের পরই আত্মীয়-কুটুম্বগণ প্রায় সকলেই যে যার ঘরে ফিরিয়া গিয়াছেন। কেবল উমাশশীর বড় ভাঙ্গা ও ইন্দ্রনাথের ভগিনী উমাশশীর কান্নায় গলিয়া বাড়ীর বাহির হইতে পারেন নাই। মেয়ে পাঠাইয়া দিয়া উমাশশী বড় বেশি রকমই কাঁদাকাটা করিতেছিলেন।

ইন্দ্রনাথেরও মনটা ভাল ছিল না,—বাহিরের ঘরে চুপটা করিয়া বসিয়া থাকা ভাল লাগিতেছিল না,—উপরে যাইবেন বলিয়া উঠিতে উত্তত হইয়াছেন, এমন সময় একখানা গাড়ি দাঁড়াইবার শব্দ হইল ও একটু ক্ষণমাত্র পরেই ঘরে আসিয়া ঢুকিল যতীন্দ্র।

“এ কি—তুমি ! ফিরে এলে যে ?”—বলিয়াই ইন্দ্রনাথ কিছু ভীত বিস্মিত চমকিত ভাবে ইতস্ততঃ চাহিয়া দেখিলেন—অমিয়ার কি কোন অসুখ করিল না কি ?

যতীন জিজ্ঞাসা করিল—“অমিয়া এখানে ফিরে এসেছে ?”

ইন্দ্রনাথের মুখ সাদা হইয়া গেল—“অমিয়া এখানে ফিরে আসবে ? এ কথার মানে কি যতীন ?”

যতীনকে এইবার একটু বিপন্ন দেখাইল। সে উত্তর করিল—“যদি সে এখানে না এসে থাকে, তাহলে এর মানে যে কি, তা আমি নিজেও তো কিছু বুঝতে পারছি না।”

ইন্দ্রনাথবাবুকে ভূতাহতের মতই দেখাইল। তিনি ধর-ধর করিয়া কাঁপিয়া একখানা চেয়ারের উপর ধূপ করিয়া বসিয়া পড়িয়া আর্জতাবে কহিয়া উঠিলেন—“কি হলো কি,

কেন তুমি তাকে একলা ফেলে চলে এলে ? কোথায় গেল সে ? ও যতীন ! কি করলে তুমি তাকে ?”

যতীন যতটুকু জানিত, সেইটুকুই সে বলিল। শুনিয়া ইন্দ্রনাথবাবু যেন ঝড়ে-ভাঙ্গা গাছের মতই হেলিয়া পড়িলেন।

“তাহলে কি হবে ! কি করি এখন ?”

যতীন খণ্ডরের মত অধীরতা দেখাইল না, সে স্থিরভাবে কহিল—“আপনি একবার ঠুঁকে ডাকুন দিকি, মা হস্ত এর কোন কারণ খুঁজে পেতে পারেন।”

তাহাই হইল। কিন্তু উমাশশী ব্যাপার শুনিয়া বেরুপ অধীর হইয়া পড়িলেন, তাহাতে তাঁহার নিকট হইতে সাহায্য পাওয়া দায় হইল। তিনি কাঁদিতে কাঁদিতে বলিলেন—“হস্ত তাকে চোরে ডাকাতে মন্দ লোকে ধরে নিয়ে গিয়ে এতক্ষণে মেয়েই ফেলে ! কি বলে তুমি তাকে অমন করে একলা ছেড়ে চলে গ্যালে। কেন মরতে আমি সঙ্গে লোক দিলুম না।”

স্বামীকে বলিলেন—“তোমারই বা কি আক্কেল যে বিয়ের কনে নিয়ে যাচ্ছে, তুলে দিতে সঙ্গে গেলে না বা একটা চাকর পাঠালে না,—হ্যাঁগা, সে ওয়েটিংরুমে বসে নেই ত ?”

যতীন ষাড় নাড়িল। তার পর বলিল—“না—সে আমি সব দেখেছি। তাছাড়া কুলি যে তাকে গাড়ি ভাড়া করে হৃগলীর দিকে আসতে দেখেছে।”

উমাশশী কাঁদিয়া বলিলেন—“ঐ কুলিই যে ডাকাতদের কেউ নয়, তাই বা তোমায় কে বলে ? সে কি না সেই মেয়ে যে নিজে গাড়ি ভাড়া করে চুপি চুপি পালিয়ে আসবে।”

ইন্দ্রনাথবাবু চিন্তাগস্তীর মুখে মন্তব্য করিলেন—“তাও অসম্ভব নয়। আজকাল তো কত রকমই শোনা যায়।”

উমাশশী কাঁদিতে কাঁদিতে জামাইকে প্রণয় করিলেন—“আচ্ছা সেই কুলিটা কি মুসলমান ? ওরে অমিয়া মা রে ! ওরে তোর কি হৃর্দশা হলো রে মা—” বলিয়া তিনি টাঁককার করিয়া কাঁদিয়া উঠিবার উপক্রম করিতেই, ইন্দ্রনাথবাবু তাঁহাকে একটা ধমক দিয়া উঠিলেন,—“করচো কি ! একনি লোক জড় হয়ে যাবে যে !—”

এই সময়ে যতীন কিছু কুণ্ঠিত ভাবে জিজ্ঞাসা করিল—“আমি একটা কথা জিজ্ঞাসা করি—আপনারা কি তাকে তার অমতে জোর করে বিয়ে দিয়েছিলেন ? আমার কি তার পছন্দ হয় নি ?”

ইন্দ্রনাথ কি উত্তর দিতে গেলেন, তাহার পূর্বেই উমাশী কান্না ধামাইয়া সবেগে বলিয়া উঠিলেন—“এ কথা তুমি কেন মনে করচো যতীন! তোমায় সে খুব খুসী হয়েই বিয়ে করেছিল। বরং অনেক দূরে নিয়ে যাবে বলে আমরা ইতস্ততঃ করেছিলুম,—তোমার শ্বশুর নিজের ওকে জিজ্ঞাসা করেছিলেন যে, ‘তোমার কি কোন আপত্তি আছে?’ তাতে দিব্যি হাসিমুখেই ও জবাব দেয় যে, ‘না—না—না’। সে তুমি ভেবো না, তোমায় ওর খুবই পছন্দ হয়েছিল। আহা, মায়ের আমার মুখে আনন্দ যেন খেলা করে বেড়াচ্ছিল। তোমায় দেখবার আগে বরং যত সঙ্কল্প এসেছে, বিয়ে করবো না বলে হাঙ্গামা করতো।”

যতীন এতকথার পর এইবার একটু অধীরতা প্রকাশ করিয়া উচ্চকণ্ঠে কহিয়া উঠিল—“তাহলে, ব্যাপারটা যে কি ঘটলো, আমি যদি এর একটুও কিছু বুঝতে পারিচি! হয়ত এর মাঝখানে আর কেউ—আর কোন লোক—”

ইন্দ্রনাথবাবু রোষ-গস্তীর স্বরে বাধা দিলেন—“আমার ফুলের মতন পবিত্র মেয়ের সঙ্কল্পে ও ভাবে কথা বলা না যতীন! সে আমার দেবতার মতন স্তম্ভ,—”

উমাশী অক্ষুণ্ণস্বরে পুনশ্চ কাদিয়া উঠিলেন—“ওরে মা আমার! কেন তোকে আমি বিয়ে দিলুম; কোথায় গেলি আমার মা?”

যতীননাথ কাঁপরে পড়িয়া নত-মস্তকে স্তম্ভ হইয়া দাঁড়াইয়া তার এক দিনের সম্পর্কে সম্পর্কিত শ্বশুর-শাশুড়ীর রাগ ছঃখ নীরবে সহ করিতে লাগিল। ব্যাপারটা যা দাঁড়াইয়াছে,—তাহাতে নিরপরাধেও তাহাকেই যেন অপরাধী হইতে হইয়াছিল।

এই সময় বাহিরে বাইসিকলের ঘণ্টা বাজিয়া উঠিল, ও টেলিগ্রাফ পিয়ন ডাকিয়া বলিল—“তার স্বায়।”

ঘরের মধ্যকার কয়জনেই চমকিয়া উঠিলেন ও যতীনই প্রথম সচেতন হইয়া উঠিয়া দ্রুতপদে বাহিরে গিয়া সেই দিয়া টেলিগ্রামটা লইয়া আসিল। ইন্দ্রনাথবাবুর নামেই সেটা আসিয়াছিল। সে তাহার হাতেই উহা প্রদান করিল।

ইন্দ্রনাথবাবু কম্পিত হস্তে খাম ছিঁড়িয়া সেটা পাঠ করিলেন। উমাশী চোখ মুছিতে মুছিতে অধীর কণ্ঠে কহিয়া উঠিলেন—“কোথাকার তার? কে কি লিখেছে?”

অমিয়ার কোন খবর এলো কি? কোথায় আছে সে? পড়ো না কি লিখলে?”

“তুমি একটু থামলে তবে তো পড়বো” বলিয়া ক্রোধভরে ইন্দ্রনাথবাবু কণকাল স্তম্ভ থাকিয়া বিরক্তি-কঠিন স্বরে পড়িতে লাগিলেন—

“Have received information about J's character and past life. I am upset. Don't be anxious about me.”

যতীননাথ সবেগে বলিয়া উঠিল—“আমার চরিত্র ও গত জীবন সঙ্কল্পে সংবাদ পেয়ে! কেন? আমার চরিত্রের কি অপরাধটা হলো? কি আমি করলুম?”

উমাশী কহিয়া উঠিলেন—“নিশ্চয়ই সে পাগল হয়ে গ্যাছে!”

ইন্দ্রনাথবাবু টেলিগ্রামখানা চার-টুকরা করিয়া ছিঁড়িয়া, টুকরাগুলোকে পাকাইয়া ফেলিয়া দিয়া, ঘরটার এদিক হইতে ওদিক পর্যাস্ত পাইচারী করিয়া আসিলেন ও তার পর স্ত্রীর সামনে আসিয়া মুখ খিঁচাইয়া—“কেমন! মেয়েদের আব লেখাপড়া শেখাবে?—পাশ করাবে না?—ভীষণ স্বরে এই কথাটা বলিয়াই আবার ঘরটার আর এক মুড়ায় চলিয়া গেলেন। এর চেয়ে বেশি কোন কথা বলিবার মত শক্তি তাঁর মধ্যে তখন ছিল না।

উমাশী বলিলেন—“তারটা কোথা থেকে করেছে? নৈশাটা থেকে? তাহলে যতীন! একনি তুমি একবার বাবা! নৈশাটতেই না হয় চলে যাও,—সেখানে গেলে নিশ্চয়ই একটা কোন সন্ধান টুকান পাওয়া যেতে পারবে,—আর তাহলে—”

ক্রোধে ক্রোধে ও বিরক্তিতে অধীর-প্রায় হইয়া উঠিয়া জামাতা যতীন শাশুড়ীর এই সংযুক্তির বিরুদ্ধে নিতান্ত রুদ্ধবাক্যেই প্রতিবাদ করিয়া উঠিল—“আমি যাব না, আমি আপনাদের মেয়ের সঙ্কল্পে কোন কথাতেই আর থাকতে চাই নে,—তাকে বিয়ে করে আমার যথেষ্ট সুনাম বেরিয়েছে,—আমি চলুম!”

জামাইএর মুখ হইতে এই কথা শুনিবামাত্র উমাশীর সমস্ত ছঃখ চিন্তা ও ভয় অস্ত্র আর একটা আকার প্রাপ্ত হইয়া প্রচুরতর আশঙ্কা ও লজ্জার সহিত মিশ্রিত হইয়া তাঁহাকে উত্তেজিত করিয়া তুলিল। তিনি তৎক্ষণাৎ কাতর মিনতির

সহিত সাতকে কহিয়া উঠিলেন—“অমন কথা বলো না যতীন! সে তোমার প্রথম দেখেই মনে মনে তোমার পছন্দ করেছিল; তুমিও তাকে দেখে শুনেই বিয়ে করেছ। নিশ্চয়ই কোন মন্দ লোক এর ভেতরে এসে দাঁড়িয়েছে,— হয়ত তোমাদের বেকবাব আগের সেই চিঠিখানাতেই এই খবর সে পেয়েছে। নিশ্চয়ই তাই! সেই জন্তেই যাবার সময় সে যেন কেমন একরকম হয়ে গেছলো! তার চোখে এক ফোঁটা জল ছিল না। এখন আমি বুঝতে পারছি— সেই চিঠিই এই কাজ তাকে করিয়েছে।”

এই বলিয়া স্বামীর দিকে ফিরিলেন—“হ্যাঁ গা, তুমি তো জানো, মন্দ স্বভাবের উপর তার কি বিষম ঘৃণা! বিয়ের আগে সে আমাদের কতবার করেই এই কথা বলেছিল।”

ইন্দ্রনাথবাবুর মনের মধ্যে তখন জ্বলন্ত লজ্জার বিমিশ্র যে বিচিত্র ভাব বর্তমান, স্ত্রীর এই সাক্ষী মনোভাৱে তাহাতে যেন স্ফুলিঙ্গ সংযুক্ত হইল! তিনি বাকুদের স্তূপের মতই ফাটিয়া পড়ার ভাবে তাহার দিকে ফিরিলেন— “গোল্লার যাও তুমি, আর গোল্লার যাক তোমার সেই পিউরিটানীক মেয়ে! বেটা লেখাপড়া শিখে লায়েক হয়ে উঠেছেন! সত্যপীর ঠাকুরের মেয়ে!”

উমাশশী স্বামীর মূর্ত্তি দেখিয়া ও সম্ভাষণ শুনিয়া একেবারে আকাট হইয়া রহিলেন। মেয়ের সঙ্গে সঙ্গে তিনিও কি জন্তে যে “গোল্লার” যাইতে বাধ্য হইলেন,— এই প্রশ্নটা তাঁর মনে জাগিলেও মুখের দিক দিয়াও আসিল না। চোখে শুধু খানিক জল আসিল।

৯

অমিয়ার বিবাহের পরদিন,—রাত্রি তখন প্রায় দশটা বাজে,—অমিয়ার ছোট মাসি পূর্ণিমাদেবী তখনও তাঁর জপের মালা হাতে লইয়া পূজার ঘরের জানালাটার কাছে চুপ করিয়া বসিয়া আছেন। জপ সমাধা হইয়া গিয়াছিল, উঠি উঠি করিয়া তখনও উঠিয়া পড়া ঘটয়া উঠে নাই।

কিছুক্ষণ পূর্বে বেশ এক পশলা বৃষ্টি হইয়া গিয়াছিল। বৃষ্টির সহিত একটু জোর বাতাসও থাকতে, পূর্ণিমার ছোট বাগানটার গাছপালাগুলি একটু এলোমেলো হইয়া পড়িয়াছে। মালতি-লতাটা ফটকের মাথা ছাড়িয়া তার আসে পাশে ঝুলিয়া পড়িয়াছিল। নেবুগাছের কতকগুলি পাকা নেবু—ছিঁড়িয়া পড়িয়া মাটি-মাথা হইয়া রহিয়াছে।

আর তুলসী-কুশটীরও কতকটা হৃদশা ঘটাইয়া দিয়াছিল। পূর্ণিমা জানালার ভিতর দিয়া সেই দিকে চাহিয়া চাহিয়া ভাবিতেছিলেন,—সকালবেলা পূজা পাঠ শেষ করিয়াই এই গুলিকে ঠিক করিয়া কেলিতে যাইবে।

এমন সময় একখানা ট্যান্ডিগাড়ি আসিয়া তাঁর ফটকের সামনে দাঁড়াইল।

এমন সময় কে আসিল, বুঝিতে না পারিয়া তিনি তখন তাড়াতাড়ি মালা তুলিয়া রাখিয়া বাহিরে আসিলেন! বাড়ীতে বেশি লোকজন তো নাই। বিধবা পূর্ণিমাদেবী স্বামীর স্মৃতিভরা গৃহটীর মায়া ছাড়িতে না পারিয়া তাঁহার মৃত্যুর পরও এইখানেই বাস করিতেছেন। কাছে থাকে তাঁর একটা ভাস্কর-পো। ছেলোটা বি-এমসি পড়ে। রাত্রি অধিক হওয়ার সে এখন উপরের ঘরে নিদ্রা ঘাইতেছে। যে ঝি আছে, সেও ঘুমাইতেছে। শুধু পূর্ণিমাদেবীই একা সন্ধ্যা পূজা জপ পাঠ লইয়া জাগিয়া থাকেন,—আজও আছেন। নিদ্রাহীন শয্যাতে পড়িয়া কেবল হৃচ্চিক্তার কাতর হওয়ার চেয়ে মনস্তির রাখিবার একান্ত উপায়রূপেই তিনি এই ব্যবস্থা করিয়াছিলেন।

দরজা খুলিয়া দিতেই ছুটিয়া আসিয়া একটা মেয়ে তাঁহাকে দুহাতে সবলে জড়াইয়া ধরিল। অমনি বিস্মিতা পূর্ণিমা সভয়ে চীৎকার করিয়া উঠিলেন— “এ কি! এ কি! অমিয়া তুই! তুই আজ এখানে কেন?” তাঁহার যেন খাস বন্ধ হইয়া আসিল... “কি হয়েছে? কি হলো রে অমিয়া! তুই কেন এমন করে এখানে চলে এলি!”

অমিয়া মাসীকে ছাড়িয়া দিয়া সহজভাবেই জবাব দিল— “কিছুই হয়নি মাসিমা! সমস্ত পৃথিবীর আক্রমণ থেকে নিজেকে লুকিয়ে রাখবার একটুখানি জায়গার দরকার হয়েছিল, তাই সমস্ত পৃথিবীর সঙ্গে সম্পর্কত্যাগী তোমার কথাই মনে পড়ে গেল,—আমার থাকতে দেবে মাসিমা?”

আকস্মিক এই অভাবনীয় সাক্ষাতের একান্ত হৃচ্চিক্তা-জড়িত বিস্ময়ের আঘাত হইতে পূর্ণিমা দেবী তখনও নিজেকে সম্পূর্ণরূপে মুক্ত করিয়া লইতে সমর্থ হন নাই। তাঁহার বুকের মধ্যে একটা তীব্র আলোড়ন চলিতেছিল, তাহার প্রভাবে তাঁহার গলা কথা কহিতে গিয়া স্পষ্টই কাঁপিয়া উঠিল। তথাপি ষথসাধ্য সংঘমের চেষ্টা করিয়া তিনি

কহিলেন “থাকো না মা ! কিন্তু তোমার যে কাল বিশ্বের দিন ছিল অমিয়া ! কি হলো ? বিয়ে কি হয়েছে ? ওই না...সিঁথিতে তোমার সিঁদুর লেগা ! তবে, এ কি ?”

“তবে এস মাসিমা ! সব কথা না শুনে তুমি কিছুতেই স্থির হতে পারবে না। চল, একটা ঘরে চল। আমিও আর দাঁড়িয়ে থাকতে পারছি না, একটু শুয়ে পড়বো।”

স্বল্প নির্জন ঘুমন্ত পুরীর মধ্য দিয়া উভয়ে একটা জনহীন কক্ষের মধ্যে আসিয়া বসিল। সে ঘরে একখানা তক্তাপোষের উপর একটা বিছানা পাতা ছিল। অমিয়া আসিয়া তার উপর হাত পা ছড়াইয়া শুইয়া পড়িল। পূর্ণিমা দেবী উৎসুক ও উদ্বেগচিত্তে তার মাথার কাছে বসিয়া পড়িয়া গভীর ভাবে একটা খাম টানিয়া লইলেন,— এ মেয়ের ভাব-ভক্তি দেখিয়া তাঁর যেন প্রাণ উড়িয়া যাইতেছিল। তিনি মনে মনে বলিলেন—“হরি ! আমোদ আহ্লাদে যোগ দিতে ভাল লাগে না বলে যে ওর বিয়েতে আমি যাই নি, এ কি তারই শোধ আমার দিতে ওকে এমন অকৃত ভাবে আমার কাছে এনে দিলে !...”

ক্ষণকাল অপেক্ষা করিয়া তিনি আর ধৈর্য রাখিতে না পারিয়া তীব্রকণ্ঠে ডাকিলেন—“অমিয়া !”

“এই যে মাসিমা ! এই দেখ—এই চিঠিখানা পড়ে দেখ,—দেখে তার পর আমার বিচার করো। এই চিঠি আমি বাড়ী থেকে বেরবার সময় পাই। পেয়ে সারাপথ ধরে কেবল ভেবেছি,—এই রাক্ষসের হাত থেকে কেমন করে মুক্ত হবো ! মাকে কিছু বলিনি,—জানতুম, বলে কোনই ফল নেই। মা জানেন, মেয়েরা পুরুষের পদসেবার অধিকার মাত্র নিয়ে এ পৃথিবীতে জন্মাতে এসেছে। তাদের ছাগল তারা যদি ল্যাক্সের দিক দিয়ে কাটে, আপত্তি করবার কি আছে ? কিন্তু না, আমি তা’ সহিতে পারবো না। কুচরিত্র মাতাল স্বামীর স্ত্রী হয়ে চিরকাল ধরে জলে মরবার সাধ আমার মোটেই নেই ! তার চেয়ে আমি একবার মাত্র মরতে রাজী আছি। মরবোই ভেবেছিলুম, হঠাৎ বাঁচতে সাধ গেল,... আর তোমার কথা মনে পড়লো।...তাই চলে এলুম...”

পূর্ণিমাদেবী চমকিয়া সত্বরে অমিয়ার মাথার হাত দিয়া “হরি দীনবন্ধু !” উচ্চারণ পূর্বক, স্নেহে উত্তর করিলেন— “সে বেশ করেছিল মা !...কিন্তু এমন না করে তুই...”

অমিয়া তাঁহাকে মাকখানেই বাধা দিল—“না মাসিমা ! তা বলো না, এ ছাড়া আমার পথ ছিল না। সেই চরিত্রহীন লোকের সঙ্গে হৃদয় রাজ্যে চলে গিয়ে আর আমার মরণ ভিন্ন মুক্তির কি উপায় ছিল ?”

এ মুক্তি অকাট্য ! পূর্ণিমা চুপ করিয়া রহিলেন। পরে বলিলেন—“কিন্তু মা ! হিন্দুর ঘরের মেয়ে তুমি, স্বামীর পূর্ব চরিত্রের খুঁৎ নিয়ে যদি জন্মের মতন স্বামীর সঙ্গে কাটা-ছেঁড়া করে ফেলো, তাহলে তোমার এ জন্মটাই যে নষ্ট হয়ে যাবে ! লোকে এতে তোমাকেই নিন্দা করবে। ছেলে মানুষ এখন বুঝতে পারচে না,—মনের ঝোঁকে এত-বড় একটা অন্ত্র কাজ করে ফেলে চিরজীবন ধরেই হয় ত অসুভাষ করে খুন হবে।”

এ কথা শুনিয়া অমিয়া উঠিয়া বসিল। তার সমস্ত অবসাদ যেন এক মুহূর্তে চলিয়া গেল। সে সবেগে বলিয়া উঠিল— “আর যা বলো তা বলো মাসিমা,—অন্ত্র কাজ এটাকে তুমি বলো না ! তুমি কি নিজেকে জানো না যে, আমি কিছু অন্ত্র করি নি ! আমাদের দেশের সতী-স্ত্রীরা আমারও খুব শ্রদ্ধার পাত্রী, কিন্তু তাঁরা নিজেরা খুব বড় হলেও তাঁদের স্বামীদের তাঁরা নেহাৎ যে ছোট করে রাখেন, সে পাপ তাঁদের নিশ্চয়ই বিধাতার দরবারে ক্ষমার্হ হয় না। তা যদি হতো, তাহলে পরলোকে লুকিয়ে-চুরিয়ে নয়, ইহলোকেই একটু প্রকাশভাবে তাঁরা তাঁদের অতবড় মহেশ্বরের একটুখানি ফল লাভ করতে পারতেন। তা’ না হয়ে চিরদিন ধরে হৃৎকষ্ট স্বামীর পায়ে পুষ্পাঞ্জলি দান করে লাধি জুতো ভিন্ন তাঁদের আর কি জুটেছে ? কতকগুলি রোগগ্রস্ত নীতিজ্ঞানশূন্য সন্তান নিয়ে দুঃখকষ্টে অত্যাচারে অবিচারে জর্জরিত হয়ে পলে পলেই মরার বাড়া হয়ে তাঁদের সহিষ্ণুতার পুরস্কার তাঁদের লাভ করে যেতে হয়। এই পাপের অত্যাচারের প্রশ্রয় দানই যদি সতীধর্ম হতো, তাহলে এরকমটা ঘটতো কি ? তার পর ঐ সমস্ত মন্দ লোকদের সন্তান হয়ে মন্দ লোকের সংখ্যা, ক্রম্বর সংখ্যা বৃদ্ধিত করা, সেও কি একটা কম পাপ না কি ? না মাসিমা ! লোকে আমার নিন্দা করে করুক, ওরকম জীবন যাপন করতে হলে, আমার নিজের বিবেকই আমার এই সব লোকদের চাইতে চেয়ে বেশি বেশি নিন্দা করতো। নিজের ওপরে আমার ঘৃণার আর অন্ত থাকতো না। সেটা থেকে তো বেঁচে থাকবো।”



“আকুল হইয়া বনে বনে পুৰি—

আপন গন্ধে মন

কস্মবী মুগ্ধ মন ”

বদীকনাথ

শিল্পী— শ্যামল উপেন্দ্রচন্দ্র পোষ দস্তিদার

Bharatvarsha Halftone & Printing Works





পূর্ণিমা বোনটির বুদ্ধির সহিত পারিয়া না উঠিয়া শুধু একটা নিঃশ্বাস ফেলিয়া বলিলেন—“কি জানি মা !...”

অমিয়া তৎক্ষণাৎ উত্তর করিল—“কেমন করে জানবে মাসিমা ! মন্দ লোকের হাতে তো তুমি পড়ো নি। তুমি জানবে কি করে, কি তার জালা ! মেসমশাই আমার খুবই ভাল ছিলেন, আজও তাঁর স্মৃতিতে তোমার বুক ভরা। তাঁর ছবি, তাঁর খড়ম তুমি নিত্য পূজা করো দেখে গেছি। তুমিই বল দেখি, এ যদি তুমি না পারতে, তাহলে তোমার আজ কি হতো ?”

পূর্ণিমা পুনশ্চ বুদ্ধিহারা হইয়া গিয়া ছাড়াছাড়া ভাবে আরম্ভ করিলেন—“কিন্তু চিরদিন ধরে হিন্দু সতীর এই নির্কিঁচার আত্মসমর্পণের জন্ত তার গৌরবের অস্ত্র নেই। স্বামীকে দেবতা ভেবেই স্ত্রী তার পায়ে নিজেকে সঁপে দিয়ে যে তৃপ্তি যে আনন্দ লাভ করতো, এত বুদ্ধি-তর্ক-বিচারে কি সেটুকু আর পাবে ? দেখ—শাস্ত্রে আছে, কুষ্ঠগ্রস্ত স্বামীর অসদিচ্ছা পূর্ণ করবার জন্ত সতী স্ত্রী তাকে নিজে বহন করে নিয়ে গিয়েছিল—”

অমিয়া তীব্র কঠিন কণ্ঠে বাধা দিয়া বলিয়া উঠিল—“সেই দিনই সে তার সমস্ত জাতের সর্বনাশ করেছিল মাসিমা ! সেই দিনেই সে সব মেয়েদের মেরে রেখে গ্যাছে ! অতবড় নিলজ্জ পাষণ্ড স্বামীর পাশবিকতাকে সমর্থন করে সে না হয় নিজের সমস্ত ইজ্জতকে নষ্ট হতে দিলে, দিক, কিন্তু সেই অভাগা স্বামীটারই বা এতে কি উপকার সে হতে দিলে বল ত ? মহানির্কারণতন্ত্রের কতকগুলি শ্লোক আমি পড়েছিলাম। তাতে বলেছে—

ব্যালগ্রাহী যথা ব্যালং বলাংচক্রতেবিলাং ।

তদ্বদভর্তারমাদায় তেনৈব সহ মোদতে ।

সাপুড়ে যেমন সাপকে জোর করে গর্ত থেকে টেনে বার করে আনে, তেমনি করে স্বামীকে উদ্ধার করে নিয়ে তার সহিত আনন্দে যাপন করে। এতে তো কই বলে না যে, স্বামীর সঙ্গে গর্তের ভিতর সর্পধর্মী হয়ে ছুজনে বাস করে। না, মাসিমা ! সতীধর্ম একে বলে না যে, অসৎ স্বামীকে তার পায়ে প্রশ্রয় দিয়েও তার সঙ্গে ঘর করা। এই করে করেই এ দেশের মেয়েরা পুরুষদের এতখানি উচ্ছ্বল করে ফুলেছে,—এ কি তুমিই ‘না’ বলতে পার ?”

বাস্তবিকই পূর্ণিমা দেবী কাঁপরে পড়িয়া গেলেন। অমিয়া

যাহা বলিতেছে, তাহাকে তুচ্ছ করিয়া উড়াইয়া দেওয়া যায় না। আবার তাহার সমর্থন করিতে গেলেও ভীষণ সামাজিক বিপ্লব। অসতী স্ত্রী লইয়া স্বামী ঘর করিতে নারাজ। বহু স্থলে নিতান্ত বাল্য-পাপের জন্ত চিরজীবনের মতই অভাগিনী স্ত্রী স্বামীত্যাগ হইয়া জীবন কাটাইতে বাধ্য হয়। তার সারা জীবনের প্রায়শ্চিত্তে সে পাপের সংশোধন ঘটে না। অপর পক্ষে নষ্ট-চরিত্র একান্ত অসৎ স্বামীর সকল অত্যাচার স্ত্রী যদি নির্কিঁবাদে না সহিতে চাহে, তাহা হইলে সমাজও তাহার প্রতি খাঁড়া উড়াইয়া খাড়া হয়। অত্রে ত ইহার প্রতিকার-চেষ্টা করেই না, সে নিজে করিতে গেলেও দোষী হয়। অমিয়া যাহা বলিতেছে, তাহার বিরুদ্ধে বলিবার কিছু নাই। তথাপি, লোক-নিন্দাকেও তো তুচ্ছ করা যায় না। ভাবিয়া চিন্তিয়া তিনি কহিলেন—“কিন্তু অমিয়া ! সে যখন মন্দ ছিল, তখন সে ত তোমার জানতো না। তুমি এখন চেষ্টা করে তাকে ভাল করে নিতেও তো পার ! আমার মনে হয়, আমার স্বামীকে যদি আমি কোন রকমে ফিরিয়ে পেতুম, তিনি যদি পৃথিবীর মধ্যে সবচেয়ে পাপীও হতেন, আমি ক্ষমা করতে পারতুম। স্বামী হারানই সবচেয়ে কষ্ট,—তার কাছে আর কোন কষ্ট, কষ্টই নয়।”

অমিয়া একটুখানি সক্রোধ হাসি হাসিল—“মাসিমা ! ওটা তুমি ভাবের মুখে বলচো, আর অভিজ্ঞতা নেই বলেই বলচো। আর ঐ যে বলে ভাল করে নিতে, তা’ মন্দকে ভাল করা কি বড় সোজা কথা ? কখন কি কেউ তা পারে ? তার পর সম্পূর্ণরূপে তার হাতে গিয়ে পড়লে তখন কি আর ভাল করবার কোন পথ থাকে ? তাছাড়া, পাপের আর ভূত ভবিষ্যৎ নেই,—যে পুরনো পাপী সে কি সম্পূর্ণরূপে তার অভ্যাসকে ছাড়তে পারে ? সুযোগ পেলেই আবার কুপ্রবৃত্তি জোর করে, যদি না ভিতর থেকে নিজেই অনুতপ্ত হয়। আরও দেখ, পরে ভাল হলেও তার চরিত্রের মন্দটা তার ছেলেদের মধ্যে যে দেখা দেবে না, তা তো বলা যায় না।”

এবার পূর্ণিমা দেবী সহজেই বলিলেন—“তা কি বলা যায় ! কত মন্দ লোকের ভাল ছেলে, আবার কত ভাল লোকেরও মন্দ ছেলে হয় যে।—”

অমিয়া কহিল—“ধবর নিলেই জানতে পারবে যে, ঐ ভাল লোকের খণ্ডরবাড়ীর দিকটা মোটেই ভাল নয়। মন্দ

লোকের বেলাও তার পিতৃবংশ বা মাতৃবংশে বিশেষ ভাল লোকের সংস্পর্শ দেখতে পাবে। শুধু ভাল থেকে মন্দ বা শুধু মন্দ থেকে ভাল হয় না।”

হার মানিয়া পূর্ণিমা कहিলেন—“আচ্ছা যা হয়েছে তা তো হয়েছে গেছে। এখন শুধু ঐ অজ্ঞাতনামা লেখকের চিঠির উপর নির্ভর করে তো এত বড় কাণ্ডটা বাধালে হবে না। আমি ভোরে উঠেই মৌলীকে দিয়ে একটা তার করে দেওয়াবো। জামাই নিজেই যদি একবার এখানে আসেন, সেই বোধ হয় সব চেয়ে ভাল হবে। তাকেও তো একটা জবাবদিহি করতে দিতে হবে আমাদের।”

অমিয়া মাসির কাছে সভয়ে সরিয়া আসিয়া তাঁহাকে জড়াইয়া ধরিল—“আমায় জোর করে নিয়ে যেতে দেবে না বলো? আমি এইটুকু আশা করে শুধু তোমার কাছে এসেছি। না হলে মার কাছেই যেতুম।”

পূর্ণিমা তাঁহার গায়ে জড়ানো ভীত দ্রুত পাখীটির মত ভয়ানক বালিকাকে স্নেহে বুকে টানিয়া লইয়া প্রতিজ্ঞা-গম্ভীর স্বরে উত্তর দিলেন—“যদি তুমি নিজে যেতে না চাও, আমি নিয়ে যেতে দোব না, কথা দিলুম।”

১০

টেলিগ্রাম ইন্দ্রনাথ বাবুকে পাঠানো হইল, এবং উমাশশীকে পত্র লেখা হইল। পরদিন পত্রোত্তর আসিল। উমাশশী পূর্ণিমার পত্রের উত্তর দিয়া সেই সঙ্গে অমিয়াকেও লিখিয়াছেন।—

কল্যাণবরেষু  
তোমায় যে কি বলিয়া পত্র লিখিব ভাবিয়া পাইতেছি না! এমন মেয়ে তোমাকে আমি গর্ভে ধরেছিলাম যে, লোক-সমাজে আমার মুখ দেখানই দায় হইয়া উঠিবে। এ কথা আর ক’দিন চাপা থাকিবে! তার পর লজ্জায় অপমানে তোমার বাপ পাগল হইয়া যাইবেন, আর আমি আত্মঘাতী হইব। তোমার বোনেদের কোন ভদ্রলোকেই আর বিবাহ করিতে ভরসা করিবে না। কে এমন নিলঞ্জ আছে যে, স্ত্রীর হাতে এমন করিয়া অপমানিত হইতে চাহিবে?

তুমি হিন্দুর মেয়ে, হিন্দুর স্ত্রী হইয়াছ; নির্বোধ বা শিশু নও। হিন্দু বিবাহ যে ফিরাইয়া লওয়া যায় না, তাহা ভালই জানো। আর জানো, তোমার স্বামী ইচ্ছা করিলেই কালই আবার আর একজনকে বিবাহ করিতে পারেন।

তবে জানিয়া শুনিয়া নিজে জন্মের মতন দুর্ভাগা হইবার ব্যবস্থা করিতেছ কেন? এখনও মাথা বুদ্ধি স্থির করিয়া ভালয় ভালয় ফিরিয়া এস। হয়ত এখনও যতীনকে বুঝাইয়া সম্বাইয়া তোমার অপরাধ ক্ষমা করাইতে পারিব। যত দেরি হইবে, তোমার ভবিষ্যৎ ততই বেশি সফলপন্ন হইতে থাকিবে, ইহা নিশ্চিত জানিও। তখন তোমার মা বাপ ছাড়িয়া স্বর্গের দেবতারা নামিয়া আসিলেও আর তোমার অদৃষ্ট ফিরাইতে পারিবেন না। চিরদিনটা হাতের লম্বী পায়ে ঠেলিয়া হুঃখ-হৃদশার মধ্যেই জীবনটা কাটাইয়া দিতে হইবে। হয়ত তুমি বলিবে—লেখাপড়া শিখিয়াছ, চাকরী করিয়া খাইবে। চাকরী ত ভারি,—বড় জোর চল্লিশ পঞ্চাশ টাকায় টিচারী করিবে, এই বৈ ত নয়? তাই বা কত চাকরী কে লইয়া বসিয়া আছে!

তার চেয়ে অমিয়া, এখনও কথা শোন,—নিজের নির্বুদ্ধি বা দুর্ভাগ্যের জন্ত অমৃতপ্ত হয়ে স্বামীর কাছে ক্ষমা চাও। সে লোক ভালই, এখনও হয়ত ক্ষমা করিতে পারে। তোমার বাপ বলেছেন,—যতীন তোমায় ক্ষমা না করিলে তিনিও করিবেন না, তোমার মুখ জীবনে আর কখন দেখিবেন না, এই বুঝিয়া কাজ করিও। —তোমার মা

চিঠি পড়িয়া অমিয়া বহুক্লেশ স্তব্ধ অনড় হইয়া বসিয়া রহিল। এ চিঠির প্রতি বর্ণে তার মায়ের নয়, বাপের প্রচণ্ড শাসন মাত্র প্রকট হইতেছে। যে প্রতারক মিথ্যা প্রবঞ্চনা দ্বারা তাহার নারীজন্মটাকে বৃথা করিয়া দিল,—সমস্ত সহায়ভূতি সেই তাহারই উপরে! আর সেই প্রবঞ্চকের সহিত সম্বন্ধ বর্জন করিতেছে বলিয়া সে-ই হইল মহা অপরাধী! সমাজ আমাদের এই রকমই বটে! সে কারণ দেখে না, দেখে কার্য! কিন্তু তার ফল দেখে না! ভগবানের নৈকল্যের বাণী এই রকম করিয়াই হয়ত পালন করে।

পূর্ণিমা আসিয়া চিঠি পড়িলেন ও বলিলেন—“তাহলে কি করবে? দেখচো ত তোমার বাবা কি রকম রাগ করেছেন?”

শুককণ্ঠে অমিয়া উত্তর করিল—“বাবা যে রাগ করবেন, সে ত আমি জানতুমই। তবে আমার মাকে দিয়ে যে সেটা প্রকাশ করবেন, সেটা আমি ভাবিনি। কিন্তু এইটাই আমাদের দেশের পক্ষে স্বাভাবিক! মায়েরাও তো মেয়েদের এই শিক্ষা পরম্পর দিয়ে এসেছেন। যতই লাঞ্ছনা কষ্টক,

স্বামীর পাদোদক পান না করে জলগ্রহণ করবে না, কারণ, পতি পরম গুরু।”

পূর্ণিমা কুরুকর্থে কহিয়া উঠিলেন—“ছি! অমিয়া! এক জনের দোষে তুমি জাতিগত ভাবে এরকম বলো না।”

অমিয়া কিছু লজ্জিত হইয়া উত্তর করিল—“তা তো আমি বলি নি মাসিমা! তবে আমি বলছি, আত্মসন্মান জিনিষটাকে কি এমন করে জড় মেয়ে দিতে হয়? যেমন পুরুষরা অসতী বর্জন করে চলে, মেয়েদের বেলাও সেরকম বিধান থাকুক কি অসম্ভব?”

পূর্ণিমা কহিলেন—“পুরুষের চেয়ে মেয়েদের মন ক্রমা ও স্নেহপ্রবণ; সেই জন্তই তারা সহিতে পারে।”

অমিয়া দুঃখের কুরু হাসি হাসিয়া কহিল, “বেশ ত, যাদের তেমন ভাল মন, তারা সহ করুক; যাদের তা’ নয়, তাদের প্রতি জোর করবার দরকার কি?”

মায়ের পত্রের উত্তরে সে তার সমস্ত বৃত্তি প্রয়োগ করিল। শেষে লিখিল, “পাশের বাড়ীতে যে অভিনয় নিত্য দেখিতেছ, তা’ দেখিয়াও তোমাদের মাতাল কুচরিত্রের হাতে মেয়ে দিতে ভয় হয় না মা! তাই যদি না হয়, তবে মেয়ে মরিলেও হয় ত দুঃখ না হইতেও পারে। মনে করিও—তোমার অমিয়া মরিয়া গিয়াছে। জীবন্ত থাকিয়া হাঁনের সহিত হীন হওয়ার চেয়ে, সে দুঃখও আমার সহ হইবে! আমি কত দিন হিতু-অমুজ্ঞাকে তাদের অত্যাচারী বাপের মৃত্যুকামনা করিতে গুনিয়াছি। শাস্ত্র সহিষ্ণু মল্লিকদের সেজ বউকে বলিতে গুনিয়াছি—‘এমন স্বামী থাকার চেয়ে বিধবা হওয়া ভাল!’ না, মা! আমার আর ঐ দেখা দৃশ্যের পুনরভিনয়ে প্রবৃত্তি নাই। এখন আমি একটা মানুষ—ত্রিশ চল্লিশ ছেড়ে কুড়িটা টাকা হলেও আমার চলে যাবে। না হয়, তাঁত বুনিতে শিখিব, সূতা কাটিব। আমার শতকোটি প্রণাম তোমরা জানিও। আর যদি পার, তবে আমার এই মুখরতার জন্ত আমায় ক্ষমা করিও।”

অমিয়া সেদিন যে চিঠি পাইয়াছিল তাহা এই—

মহাশয়া! নিতান্ত দুঃখের সহিত নিবেদন করিতে বাধ্য হইতেছি যে, অর্থলোভে আপনার মা বাপ যাহার হস্তে আপনাকে সমর্পণ করিতেছেন, তিনি মনুষ্যনামের নিতান্তই অযোগ্য! আপনার মত বিহ্বলী পুণ্যবতী নারীর পবিত্র প্রেমের তিনি একেবারেই উপযুক্ত পাত্র নহেন। অধিক

আর কি লিখিব, তিনি মত্তপ ও অতিশয় কুচরিত্র। তার চরিত্রহীনতার জন্তই এতদিন বিবাহ হয় নাই। পরিচিত কেহই অতবড় অপাত্রে কণ্ঠাদানে সন্মত হইতে পারে কি? সেইজন্তই এত তাড়াতাড়ি করিয়া এখানে নিজে আসিয়া বিবাহ সম্বন্ধ করিয়া গেল, ইহাতেই :ব্যাপারটা বুঝুন! রাওলপিণ্ডিতে এই লোকটার যেকোন সুনাম, তাহা ষ্টেশনে পদার্পণ করিলেই জানিতে পারিবেন। ইহার একটা বাইজী পোষা আছে, তাহার সহিত বনাইয়া চলিতে পারিবেন ত? কর্তব্যের খাতিরে অপ্রিয় সত্য প্রচার করিতে হইল—অপরাধ মার্জনা করিবেন। হ্যাঁ তবে, ঐশ্বর্য্য ধন এই লোকটার প্রচুর আছে। গহনার বাস্তুটা পাইয়াছেন কি? অন্ততঃ দশ পনের হাজার টাকার গহনা, মোটর গাড়িও চার-পাঁচখানা আছে। স্বামী না পান, ধনসুখ পাইবেন ইহাতে কোনই সন্দেহ নাই। অবশ্য যদি না বাইজী সুন্দরীর পাদপদ্মে সর্বস্ব সমর্পিত হয়। তবে ইচ্ছা করিলে আপনি তাগাকে দিয়া বিষয়টা নিজের নামে লিখাইয়া লইতে পারেন।

কোন হিতৈষী।

এই চিঠির নকল পূর্ণিমাদেবী তাঁর বোনকে দিতে চাহিলে অমিয়া বলিল, “এবারটাও থাক। তাঁরা যদি দেখতে চান, তখন পাঠাবো। দেখা দরকার বলে তো তাঁরা মনেও করেন নি! কিন্তু মাসিমা! তোমার কি মত?”

পূর্ণিমা কহিলেন—“আমি আগে তোমার স্বামীর মুখে এর উত্তর শুনতে চাই, তার পর মত দোব। তা’ছাড়া রাওলপিণ্ডিতে আমার একটা ভাগনে আছে। নিজে সে অতি সৎ। তাকেও আমি লিখবো। তারা অনেক দিনের বাসিন্দে। সে নিশ্চয়ই ঠিক খবর দেবে। আজই লিখে দিচ্ছি।”

১১

আকাশে মেঘ করিয়া থাকিয়া দিনটাকে সাঁৎসেতে করিয়া রাখিয়াছিল। বৃষ্টি নাই, রৌদ্র নাই, এতটুকু হাওয়াও নাই। যেন একটা বিরাট হুশ্চিন্তার ভারে স্তব্ধ ধমধম করিতেছে—এমনি একখানা নিরানন্দ মুখ মেলিয়া সে চুপ করিয়া তাকাইয়া পড়িয়া আছে। না আছে তাহাতে একটু হাসি, না আছে কাম্বার লেশ। শুধু জমাট ক্রন্দনের রুদ্ধ চাপ বৃকে ভরিয়া লইয়া বুক ভাঙ্গিয়া যাইবার উপক্রম হইতেছে।

অমিয়ার মনের ভিতরটাকে বাহ্য প্রকৃতির এই নিরানন্দতা

যেন আরও বেশি করিয়াই চাপিয়া ধরিয়াছিল। মন তার যেন নানারকম চিন্তায় বিক্ষিপ্ত হইয়া রহিয়াছে। সেই চিন্তা-জর্জরিত চিত্ত তাহার যেন বিদ্রোহের তাপে তাতিয়া রহিয়াছিল। নিজের সমস্ত অবস্থাটা স্বরণে আসিলেই, লজ্জায় ঘৃণায় দুঃখে রাগে তাহার মাথার ভিতরে যেন আশুন আলিয়া উঠিতেছিল। যে সুখের কল্পনাকে হৃদয়ে স্থান দিয়া সে তাহাকে লইয়া কত মতেই গঠিত করিয়াছিল, যাহাকে সে পূর্ণ বিশ্বস্ত চিত্তে দেবতার দান বলিয়া দেব-নির্মাল্যের মত মাথায় তুলিয়া লইয়াছিল, সেই বিশ্বাসের মূল্য সে কি, এমনি করিয়াই লাভ করিল? এই চরিত্রহীন লঘুচেতা, যে একটা ঘৃণ্যা নারী লইয়া জীবন যাপনে অভ্যস্ত, তাহারই সঙ্গে তাহাকে ইহজীবন তো বটেই, আবার বুঝি পরকালেরও সুখদুঃখের আশা কল্পনার সকল সম্বন্ধই স্থাপন করিতে হইবে! হীন-সঙ্গে অভ্যস্ত সেই ব্যক্তি—সে কি তাহার মর্যাদা রাখিতে পারিবে? নারীকে যে বিলাসের পুত্তলি-রূপে পাইয়াছে, সে কি তাকে আর দেবতার অংশ-সমুতারূপে সম্মানের চক্ষে দেখিবে?

বিশেষতঃ, মগ্ধপ যে, তার মধ্যে নিজেরই মনুষ্যত্ব লোপ পাইয়াছে, সে না কি অন্তের মর্যাদা রক্ষা করিতে সমর্থ! আর এই লোকের মধ্য দিয়া তাহাকে তার জীবনের সার্থকতা খুঁজিয়া লইতে হইবে! উঃ! কি বিড়ম্বনার সে জীবন! না—না, অমিয়া তাহা পারিবে না. সে জীবন বহন করা তার পক্ষে একান্তই অসম্ভব! আর কেনই বা? নারীজীবন কি এতই তুচ্ছ যে, একজন হীনচরিত্র মগ্ধপের খেয়ালের খেলানা না হইতে পারিলেই তাহা ব্যর্থ হইয়া গেল! সে কুমারীর মত থাকিয়া দেশের কাজে দেশের কাজে আত্মোৎসর্গ করিবে! বিবাহ তো কোন দিনই তার ঈঙ্গিত ছিল না, হয়ত তাকে কোন মহৎ কার্যের জন্ত প্রস্তুত করিতেই—অদৃষ্টের এই অভিযান!

পূর্ণিমাদেবী তাঁর স্বাভাবিক ধীরপদে কাছে আসিয়া দাঁড়াইলেন,—“অমিয়া. তোমার বাবা তার করেছেন যে, তোমার স্বামী একবার তোমার সঙ্গে শেষ দেখা করতে চান। তিনি হয়ত এমনি এসে পৌছবেন, তুমি তৈরি হয়ে থেকে।”

এই কথা উচ্চারিত হইবামাত্র অমিয়া ধড়মড় করিয়া উঠিয়া বসিল—“মাসিমা! আমার জোর করে নিয়ে যেতে আসচে না ত? তাহলে কি হবে মাসিমা!”

পূর্ণিমাদেবী সুগভীর একটা দীর্ঘশ্বাস মোচন পূর্বক আশ্বাস দিবার ভাবে ধীর কণ্ঠে কহিলেন—“তা কি পারে মা? কেন ভয় পাচ্চো? সে কি বলতে চায়, সেটাও তো শুনতে হবে!”

“কিন্তু যদি জোর করে ত তুমি কি করবে? ঐ বুঝি মাসিমা! এলো!”

সদর ধারে গাড়ী আসিয়া থামিল। একটু পরেই উৎকর্ণ মাসি-বোনঝির কাণে একটা জুতা পায়ের মস্‌মস্‌ শব্দ আসিয়া প্রবেশ করিল। অমনি অমিয়া ছুটিয়া আসিয়া পূর্ণিমাদেবীকে জড়াইয়া ধরিল—“কি হবে মাসিমা! মাসিমা! তোমার ছুটি পায়ের পড়ি—আমায় এই রাক্ষসের সঙ্গে পাঠিও না।”

পূর্ণিমা দৃঢ়-হস্তে তাহাকে কাছে টানিয়া লইয়া শাস্ত অথচ স্থির স্বরেই উত্তর দিলেন—“আমি তো তোমায় আগেই কথা দিয়েছি।”

এদিকে সেই জুতা পায়ের শব্দটা ক্রমশই অগ্রসর হইয়া আসিতেছে—জানা যাইতে লাগিল। সহসা পরিচিত কণ্ঠ হইতে একটা স্বর শুনিতে পাওয়া গেল—“কই, এঁরা কোথায়?”

অমনি অমিয়া নিজেরও অজ্ঞাতসারে সহসা খাট হইতে নামিয়া দাঁড়াইল, আর বৃকের মধ্যে ভয়ে সংশয়ে যেন ধপাধপ্ ধপাধপ্ করিয়া টেকির পাড় পড়িতে লাগিল। একটা বিষম মুহূর্ত্ত যে তার সামনে অগ্রসর হইয়া আসিতেছে, তাহা সে স্পষ্টই বুঝিতে পারিতেছিল।

ঘরে আসিয়া ঢুকিল যতীন। তার মুখ শুষ্ক গম্ভীর, বিরক্তির চিহ্নে স্পষ্টই চিহ্নিত।

পূর্ণিমাদেবী মাথার কাপড়টা একটুখানি টানিয়া দিয়া আগন্তকের দিকে মুখ ফিরাইতেই, তাঁর মুখ দিয়া একটা আশ্চর্যান্বিত ধ্বনি নির্গত হইয়া গেল—“এ কি! তুলু তুই? তুই কবে এলি রে? আমি যে তোকে এই আজই চিঠি লিখলুম।”

যতীন পূর্ণিমার পায়ের কাছে প্রণাম করিয়া তাঁর পায়ের ধূলা লইয়া উত্তর করিল—“কেন মাসিমা! আমার খণ্ডর তো তোমায় তার দিয়েছিলেন যে আমি আসচি! তুমি কি পাও নি?”

অতিমাত্র বিস্মিত পূর্ণিমাদেবী কহিয়া উঠিলেন—“তোরা খণ্ডর! তুই তো বিয়েই করিস্ নি, তা খণ্ডর তোরা

কোথেকে এলো শুনি! ওঃ—আচ্ছা! হ্যাঁ রে! তাই কি! তাহলে কি তুই-ই—”

যতীন একবার তাহাদের হইতে অদূরবর্তিনী আনতমুখী অমিয়ার পাথরের মত কঠিন ও তেমনি ভাবলেশ শূণ্য মুখের দিকে সক্রৌতুক দৃষ্টি নিক্ষেপ করিয়া, তাহার হতবুদ্ধি-প্রায় মাতুলানীর মুখের দিকে চাহিয়া উত্তর করিল—“হ্যাঁ মামি মা! আমিই সেই অভাগা!” বলিয়া সে একটা প্রচণ্ড দীর্ঘশ্বাস মোচন করিল; কিন্তু তার ঠোঁটের কোণে ঈষৎ একটু বিক্রপের হাসিকেও সে যেন সম্বন্ধে গোপন করিয়া লইল বলিয়াই পূর্ণিমার মনে ঈষৎ সন্দেহ জন্মিল।

তখন যেন স্বাসকৃচ্ছ্রতায় রুদ্ধ কণ্ঠকে সবলে দমন করিয়া লইয়া পূর্ণিমা দেবী বলিতে গেলেন—“তবে এসব কি ব্যাপার ভুলু! স্বর্গ থেকে দেবতা এসে সাক্ষ্য দিলেও যে আমি তা তোমার সম্বন্ধে—”

“মামিমা! যখন এসে পড়েছি, তখন ধীরে-সুস্থে সব কণাই হতে পারবে; তোমার হাতেই আমার বিচারের ভার আমি তুলে দিয়েছি। কিন্তু আপাততঃ দয়া করে আমার লাগেজগুলোর কোন উপায় করিয়ে দিয়ে এস তো মা। ওরই সঙ্গে এঁর এবং আমার মায়ের সমস্ত গহনা-গুলোও আছে। তুমি তো জানো—কত সাধ করে তিনি সেগুলি তাঁর পুত্রবধুর জন্ত রেখে গেছেন।”

পূর্ণিমার মনটা স্থিধার মধ্যে দোল খাইতে থাকিলেও, তাঁর মনের উপর হইতে সহসা যেন একটা জগদল পাথর নামিয়া গিয়াছিল। এই ভুলু, তাঁর ভাগিনা ভুলু, একে যে তিনি তাঁর স্বামীর প্রতিবিশ্ব বলিয়াই জানেন। ইহাকে যে তাঁহারই পরে তিনি সৎ বলিয়া, মহৎ ভাবিয়া, শ্রদ্ধা করেন। সেই স্বার্থত্যাগী, ব্রহ্মচর্য্যে দীক্ষিত সুচরিত্র ছেলের বিরুদ্ধে এত বড় অভিযোগ! নাঃ! নিশ্চয়ই এ তার কোন শত্রু-পক্ষীর কাজ। কিন্তু অমন মানুষের এত বড় মহা শত্রু থাকিতে পারে! মেয়েটা যদি পলাইয়া না আসিয়া সেদিন যুগায় হৃৎখে মরিয়াই যাইত!

প্রকাশ্যে তিনি শুধু এইটুকু বলিলেন—“জানি বই কি! আমিই যে কতবার তাঁর ফরমাসি গহনা গড়িয়ে দিয়েছি। আচ্ছা, আমি তাহলে সব তুলিয়ে রেখে আসছি”—বলিয়াই তিনি ঘর হইতে বাহির হইয়া গেলেন। অমিয়ার সম্বন্ধে যে কোন ব্যবস্থা করিয়া যাইবার আছে, সে কথাটা

তাঁর স্বরণেও আসিল না। মনের ভিতরটা তাঁর এখন শুদ্ধ একটা নিছক বিশ্বাসের বিহ্বলতায় কেমন যেন আচ্ছন্ন হইয়া পড়িয়াছিল। হৃশ্চিন্দ্ৰতা এর কাঁকে কাঁকে কোথা দিয়া যেন সরিয়া পড়িয়াছিল।

১২

কিন্তু অমিয়া তার মাসিমা কে এই ভাবে তাহাকে ইহার সহিত একা রাখিয়া চলিয়া যাইতে দেখিয়া খুব নিশ্চিন্ত ছিল না। সেও মাসিমার সঙ্গে সঙ্গেই এঘর হইতে বাহির হইয়া পলাইবে ভাবিয়া সম্মুখে দৃষ্টিপাত করিতেই দেখিতে পাইল, ঠিক দরজার সামনেই ঘরের কবাট ধরিয়া দাঁড়াইয়া তাহার স্বামি, তাহার দিকে তীক্ষ্ণ অনুসন্ধিৎসু চোখে চাহিয়া আছে। আর সেদিকে অগ্রসর হইবার সাহস তার মনের মধ্যে দেখা দিল না, বরং সে পিছন দিকেই যতটা পারিল সরিয়া গেল; এবং উহার তীক্ষ্ণ দৃষ্টির উত্তরে সেও তেমনি সহজ কঠিন নেত্রে উহার মুখের দিকে চাহিয়া দেখিতে গেল বটে, কিন্তু বুকের ভিতরকার অস্থির আলোড়নে তার চোখের দৃষ্টি এমনি এলোমেলো হইয়া পড়িল যে, সে অতবড় জলজ্যান্ত মানুষটাকেও বেশ স্পষ্ট ভাবে দেখিতে পাইতেছিল না। যতীন্দ্রনাথ স্থির সহিষ্ণুভাবে তাহাকে নিরীক্ষণ করিয়া দেখিতেছিল। একটুখানি অগ্রসর হইয়া আসিয়া সে এবার তাহাকে উদ্দেশ করিয়া কথা কহিল। অমুস্তেজিত সহজ কণ্ঠেই জিজ্ঞাসা করিল—“আমার কি তাহলে একেবারেই কোন আশা নেই অমিয়া?”

অমিয়া এই প্রশ্নে একান্ত ভয়ানক হইয়া উঠিলেও, সঙ্গে সঙ্গেই তার এতক্ষণকার অবসন্নতাটা এক মুহূর্তেই যেন আহত হইয়া সরিয়া গেল। সে গভীর বলে রুদ্ধপ্রায় স্বাসক্রিয়াকে দমনে আনিয়া উর্দ্ধস্বরে কহিয়া উঠিল—“না—না, একেবারেই না,—আমায় আর ওসব কথা বলবেন না। আমি নিজের মনকে সম্পূর্ণরূপেই ঠিক করে ফেলেছি।”

অমিয়ার মতন নির্ভীক, জেদী, একগুঁয়ে মেয়ে তাহার সান্নিধ্য্য প্রাপ্তেই যে ভয়ে শুকাইয়া শুটাইয়া কোণঠাসা হইয়া গিয়াছিল, সে দৃশ্যটা হয়ত যতীনের পুরুষ-প্রকৃতিকে একটুখানি বেশ কৌতুক প্রদানও করিয়া থাকিবে; কিন্তু সেই ভীত জড়িত মূর্তির মধ্য হইতে যখন স্বর বাহির হইয়া আসিল, তাহা যেন বজ্র দিয়া গড়া চইটা তীক্ষ্ণ তীরের ফলা! যতীন্দ্রনাথ একটু বিশ্বাসের সহিত সেই খাটের সঙ্গে মিশিয়া

দাঁড়ানো ক্ষুদ্রকারী নারীমূর্তিটিকে স্থির দৃষ্টিতে পর্যবেক্ষণ করিল। তারপর ঈষৎ নম্রকণ্ঠে কহিল—“অমন করে দাঁড়িয়ে থাক কেন, এদিকে এসে বসো না। এ বিষয়ে আমাদের একটু কথাবার্তা কওয়াও তো দরকার।”

এই প্রস্তাব শ্রুতমাত্রেই অমিয়া সভয়ে একটা অর্ধব্যক্ত ধ্বনি করিয়া উঠিল—“মাসিমা!”—তার পর সে আরও ছু পা পিছাইয়া গিয়া ঘরের দেওয়ালে পিঠ রাখিয়া দাঁড়াইল। তার মধ্যের একজন ভীকু ছুর্কল নারী—সে এই সবল দৃঢ়কার এবং তাহার পরিণেতা পুরুষের সান্নিধ্যকে অত্যন্ত ভয়ের ও সন্দেহের সহিত দেখিয়া ক্রমাগতই পিছু হটিতেছিল; আর একজন—সে মানুষের মধ্যবর্তী, তার প্রকৃত মনুষ্যত্ব, তার জমাটবাধা শক্তিরশি—সে নিজের সর্কশক্তিমত্তায় সর্ক-ক্রমতায় অটুট সাহসে নির্ভীক বীরত্বে তার প্রবল আততায়ীর সন্মুখীন হইতে কিছুমাত্র ভীত হয় নাই! এই দুইজন দুই প্রকারের মানুষ তার মধ্যে একত্র কার্য্য করিতেছিল বলিয়া, বাহিরে তাহাকে যতই অসহায় মনে হইতেছিল, ভিতর হইতেও আবার ততই কঠিন উত্তরও বাহির হইতে লাগিল।

যতীন তার অবস্থা দেখিয়া মনে মনে হস্ত হাসিল, কিন্তু বাহিরে খুব সহজ দয়ার্জ কণ্ঠেই কহিল—“ভয় করো না, ভয়ের কিছুই নেই। আচ্ছা, আমি তাহলে এই সিঁদুকটার উপরেই বসি। এখন আমার যা বলবার আছে বলি শোন। তুমি কার কাছ থেকে কি চিঠি পেয়ে আমার এমন করে ত্যাগ করে যে পালিয়ে এলে, এর ফলে আমি যদি তোমায় কখন না নিই, যদি আবার বিয়ে করি, তখন তুমি আমার আর দোষ দিতে পারবে না কিন্তু।”

এই ভয়ানক লোকটাকে নিজের অত্যন্ত নিকটে উপস্থিত দেখিয়া অমিয়া যতখানি ভয় পাইয়াছিল, ইহার মুখের এই একটা কথাতেই সেটা যেন এক মুহূর্তেই অন্তর্হিত হইয়া গেল। এ' তবে তাগকে জোর করিয়া লইয়া যাইতে আসে নাই, মাত্র নিজের সাফাই গাইতে আসিয়াছে! এই লোককেই সে ঈশ্বর-প্রেরিত বোধে কি আগ্রহেই—যাক, কিন্তু এবার ঈশ্বরই তাগকে রক্ষা করিয়াছেন! ভাগ্যে সময় থাকিতে সেই চিঠিখানা সে পাইয়াছিল! নতুবা ইহার প্রকৃত পরিচয় পাইতেও বিলম্ব ঘটত।

স্বামীর প্রমোত্তরে সগর্ক দৃষ্টি সে তাহার মুখের উপর সন্নিবিষ্ট করিয়া অকুণ্ঠস্বরে উত্তর করিল—“সেজন্ত নিশ্চিন্ত

থাকবেন—জন্মে কখন আমার নামও আপনি আর শুন্তে পাবেন না। এখন অহুগ্রহ করে একটু পথ দিন, আমি যাই।”

এই বলিয়া সে দৃঢ়পদে একটুখানি অগ্রসর হইয়া দাঁড়াইল, তার মুখের শ্বেত-বিবর্ণতা ঘুচিয়া গিয়া, উত্তেজনার তাহা আরক্ত হইয়া উঠিয়াছিল। মনের বলের সহিত শরীরেও এখন তার খানিকটা বল দেখা দিয়াছে।

যতীন তাহার মুখের দিকে চাহিয়া ঈষৎ হাসিল। পথ না ছাড়িয়া বরং পা ছুইটা আরও একটুখানি সামনের দিকে মেলিয়া দিয়া আলস্য ভাঙ্গিতে ভাঙ্গিতে সবাক হাশ্বে সে কহিল—“তবে আমিও একটা কথা বলি অমিয়া! মন্দ হলেও আমি তা বলে এত বেশি ধারাপ নই যে, তোমার গায়ে কোন দিন হাত-টাতে তুলবো! তাছাড়া টাকা-কড়ি যদি উড়িয়ে দিই বলে ভয় করো, তা হলে আমার অর্ধেক সম্পত্তি আমি তোমার নামে না হয় লিখে দিতেও রাজী আছি। তুমি যদি আমার ত্যাগ করো, তাতে ছদিক থেকেই একটা লোক-লজ্জা আছে ত। তার চেয়ে যদি আমার সঙ্গে চলো, অনুবিধা তোমার কিছু হবে না। সুখে স্বচ্ছন্দেই থাকবে।”

যতীন্দ্রনাথ এটুকু বলিতেই আবার সে সভয়ে কিছু হটিয়া গিয়া ভয়ার্জ কণ্ঠে কহিয়া উঠিল—“ওসব কথা কেন তুলেন! আমি কোন কিছুতেই যাবো না। লোকলজ্জার চাইতে নিজের লজ্জা আমার কাছে ঢের বেশি বড়। চরিত্র-হীনের ঘর আমি করবো না।”

যতীন কহিল—“তাহ'লে তোমার মত আর বদলাবে না? কিছুতেই না?”

অমিয়া দৃঢ়ভাবে ঘাড় নাড়িল।

“আমি তাহলে ফিরে যেতে পারি? এখনও ভেবে দেখ। তুমি না যাও তো এই মাসেই আমি বিয়ে করবো কিন্তু। তোমার আশাপথ চেয়ে যে জীবন কাটাবো, সে আমার দ্বারায় হবে না, তা'বলে দিচ্ছি।”

এই কষ্টকর আলোচনা চালাইতে অমিয়ার যেন বুকে খিল ধরিয়া যাইতেছিল। সে এবার অত্যন্ত কুঙ্কস্বরে বলিয়া উঠিল—“যে মুহূর্তে সেই চিঠি আমি পড়েছি, সেই মুহূর্তেই আমার সব-কিছু ভাবা শেষ হয়ে গ্যাছে। আজ আবার নূতন করে আমি কি ভেবে দেখতে যাব? ভাবনার আমার কিছু

নেই। আমি ও-রকম লোকের—না—আমি যাবো না।  
আপনি এক্ষনি চলে যান।”

যতীন্দ্র তৎক্ষণাৎ উঠিয়া দাঁড়াইল। অমিয়ার ক্রোধের  
ক্ষোভের অপমানের উত্তেজনায় ঘন ঘন শ্বাসভরে কম্পিত  
দেহ, আরক্ত মুখ ও আহতা ফণিনীর জ্বাল ক্রুদ্ধ তীক্ষ্ণ দৃষ্টি  
সব শুদ্ধ জড়াইয়া তার মখোর একটা নূতনতর তীব্র আকর্ষ-  
ণীয় সৌন্দর্য্য সে এক বৃহত্তর স্তম্ভ থাকিয়া লক্ষ্য করিল। তার  
পর দৃষ্টি ফিরাইয়া লইয়া শাস্ত উদাসস্বরে ধীরে ধীরে কহিল—  
“আচ্ছা, আমি তাহলে চল্লুম,—” বলিয়া পিছন ফিরিয়া  
হু পা অগ্রসর হইয়া পুনশ্চ সে ফিরিয়া দাঁড়াইল,—  
“ভাল কথা! যে চিঠিখানা তুমি পেয়েছিলে, সেখানা  
কি ঠিক এই রকম? এইখানার সঙ্গে সেইখানা একবার  
একটু কষ্ট করে মিলিয়ে দেখবে কি?”—এই বলিয়া এবার  
সে অসঙ্কোচে চলিয়া আসিয়া অমিয়ার ঠিক সামনে দাঁড়াইয়া  
ভাঁজ খুলিয়া একখানি চিঠি তার চোখের সামনে তুলিয়া  
ধরিল।

অনিচ্ছা সবেও এক নিমেষমাত্র তাহাতে দৃষ্টিপাত  
করিয়াই অমিয়া সরোষ বিস্ময়ে উচ্চকণ্ঠে কহিয়া উঠিল—  
“এ কি! আমার চিঠি কেমন করে চুরি—পেলেন আপনি!  
দিন আমার চিঠি দিন!”

যতীন্দ্র চিঠিখানা তৎক্ষণাৎ তাহার হাতে দিয়া মৃদু  
হাসিয়া কহিল—“এখানি স্মৃত্য বলচি,—আমি চুরি করি নি।  
তোমার খানা তুমি কোথায় রেখেছ খুঁজে দেখে ছোটোর  
মিলিয়ে নাও। তা হলেই তো সব সন্দেহ যাবে।”

অমিয়া চিঠিখানার উপর দৃষ্টি বুলাইয়া গিয়াই পুনশ্চ ঘোর  
অবিশ্বাসের সহিত কহিয়া উঠিল—“এ সেই চিঠিই। সেই  
‘ধর্ম্মস্ত স্মৃত্যগতি’ মটো-লেখা একই কাগজ—সেই পুণ্যবতী  
লিখিয়া ‘ী’ টা কাটিয়া দিয়া ‘ি’ করা পর্য্যন্ত সমস্তই এক।  
নিঃসংশয় রূপেই এক হাতের লেখা এবং সেই চিঠিই—”

অমিয়া ঘোর অবিশ্বাসের সহিত মুখ তুলিল—“এ চিঠি  
আপনার হাতে কেমন করে যে গেল আমি কিছুই বুঝতে  
পারচি না!”

যতীন্দ্র মুখ টিপিয়া হাসিয়া কহিল—“আমিও না। কিন্তু  
সেখানা তুমি কোথায় রেখেছিলে?”

“ও: এই ঘরেই তো—” বলিয়া সে খাটের গদীর দিকে  
চাহিল।

যতীন্দ্র তাহার অর্থ বুঝিয়া একটু আরগা ছাড়িয়া দিয়া  
বলিল—“বেশ’ত, দেখ না সেটা ওখানে আছে কি না—!”

“নেই, দেখতেই পাচ্ছি—” বলিয়া সরোবে অমিয়া গদীর  
খানিকটা উন্টাইতেই খামশুদ্ধ চিঠিখানা যেমন ছিল বাহির  
হইয়া পড়িল। সেই একই রকম খাম, এক হাতেরই ঠিকানা  
লেখা। শুধু ডাকের ছাপটা নাই।

“এ কি! তবে এ আবার কি করে এলো!” বলিয়া  
দুখানা চিঠিই পাশাপাশি খুলিয়া সে স্তম্ভিত হইয়া রহিল।  
সেই সময় মুখ তুলিলেই সে দেখিতে পাইত যে, তার  
পরিত্যক্ত স্বামীর চোখে-মুখে কি বিপুল কোতুক হাশ্বের  
উচ্ছ্বাসই ফাটিয়া পড়িবার জন্ত উদ্ভত হইয়া উঠিয়াছিল!

“হ্যারে হুমুমান ছেলে! এ তোর কি কাণ্ড বল দেখি?  
তাই প্রথম থেকেই আমার যেন হাতের লেখাটা খুব চেনা-  
চেনা বোধ হয়েছিল! তোকে দেখেই হঠাৎ আমার মনে  
হলো—ও চিঠি যে তোর হাতেরই লেখা! এই তো—ঠিক  
তাই! এই দেখ তোর চিঠি আমার কাছে ছিল,—কই  
সে চিঠি অমিয়া! বার কর তো মা! ওমা! এই যে!  
দেখ তো! দেখ অমিয়া! হতভাগা ছেলের কীর্ত্তিটা এখন  
দেখ! উঃ! কি রে তোরা—ডাকাত না খুনে রে।”

পূর্ণিমা দেবী তাঁর স্বভাব-বিগর্হিত উত্তেজনা-চঞ্চল হইয়া  
প্রায় ছুটিয়া আসিয়া এই সব কথা বলিতে বলিতে তিন-  
চারখানা পুরাতন পত্র খুলিয়া খুলিয়া তার লেখার সহিত  
ঐ অজ্ঞাতনামার লিখিত পত্র ও তাহার নকলের সহিত  
মিলাইয়া দেখাইতে লাগিলেন। আর ক্রমাগত অসম্বরণীয়  
আনন্দে উচ্ছ্বসিত হইয়া ক্ষুদ্র বালিকাটির মতন হাসিয়া হাসিয়া  
বলিতে লাগিলেন—“এই দেখ অমিয়া! এই দেখ মা—  
কোন একটা অক্ষরে এতটুকু অমিল আছে? এই দেখ এর  
‘ম’ এই দেখ ওর ‘ম’—তালব্য ‘শ’—বর্গীয় ‘জ’—সব  
দেখ এক রকম।” ওর হাতের লেখা ঠিক যে ওর মেজ  
মামার মতন! তিনিই যে ওকে প্রথম লিখতে পড়তে  
শেখান, ওর স্বভাবে তিনি যে ওকে বড় ভালবাসতেন।  
কিন্তু এমন অস্তায় খেলা কেন খেলতে গেলি বাবা!  
মেয়েটা যদি আত্মঘাতী হতো, কি সেদিন পথে একটা  
বিপদে পড়ে যেত? কি হত বল দেখি তখন!”

যতীন্দ্রনাথ মামিমার এই নিকূল আবিষ্কারে ও ভৎসনার  
যুগপৎ প্রফুল্ল ও অপ্রতিভ হইয়া পড়িয়া অপরাধীভাবে মৃদু-

কর্ত্তে উত্তর করিল—“এতটা যে ও করবে, তা’ আমি ভাবতেই পারি নি মামিমা! বিয়ের আগের দিনই নগেন ঘোষদের বাড়ীতে গুলুম,—আমার যিনি স্বপ্ন হবেন, তিনি তাঁদের কাছে আমার চরিত্র সম্বন্ধে ভাল করে খোঁজ নিয়ে গেছেন। বলেছেন—তাঁর মেয়ের প্রতিজ্ঞা—স্বামীর চরিত্রে কোন দাগ থাকলে তার ঘর সে কিছুতেই করবে না। সেই শুনে একটুখানি পরীক্ষা করে দেখবার ইচ্ছা হয়েছিল। তাই—তা’ মামিমা! শিক্ষাটা আমারও বড় মন্দ হলো না! সেদিন ট্রেনে গাড়ি শূন্য দেখে বাস্তবিক খুবই ঘাবড়ে গেছলুম! তখন মনে মনে কি আপশোষই যে করেছি। তা’পর ঠাঁর মা বাবার সাম্মুনে গিয়ে,—সে যেন আমার মরার বাড়ী হলো। মনে মনে ত জানি যে আমিই এর জন্ত দায়ী! তা’পর টেলিগ্রামটা দেখে অনেকখানি সুস্থ হলেম,—বুঝতে পারলেম যে, তাহলে নেহাৎ মরে নি এবং একেবারে ভেঙ্গে পড়ে যাবার মতন মেয়েও এ নয়!”

এই বলিয়া সে তখন কোতুক-হাস্তে-ভরা গভীর দৃষ্টিতে অদূরবর্তিনী প্রস্তুতভূতা অমিয়ার দিকে চাহিল।

পূর্ণিমা দেবী কাছে আসিয়া সন্নেহে তাহার গায়ে মাথায় হাতটা বুলাইয়া তাহার শিথিল দেহ-নিজের স্নেহনিবিড় বন্ধের মধ্যে টানিয়া লইলেন—“মা আমার! কত দুঃখই পেয়েছিলি! ভগবান যে হঠাৎ এমন করে এটাকে এমন অদ্ভুতভাবে শেষ করে দেবেন এ’ যে আমাদের আশার অতীত! যতীন! অমিয়া তোমার কাছ থেকে পালিয়ে এসেছিল বলে তুমি কিন্তু ওকে একটা কথাও বলতে পাবে

না, দোষ তোমারই বেশি। বিয়ের কনেকে অমন করে ভয় দেখালে, সে ভয় না পেয়ে কি করবে বাছা?”

যতীননাথ এইবার উচ্চৈঃস্বরে প্রাণখোলা হাঁসি হাসিয়া উঠিয়া সেই হাসির মধ্যেই বলিতে লাগিল—“ভয়ই পাক, আর যাই করুক মামিমা! আপনার বোনঝিটা কিন্তু এবার সব পরীক্ষার চাইতেই শ্রেষ্ঠ খুব মস্ত. বড় পরীক্ষার কাষ্ট হয়ে পাশটা করে নিলে। নাঃ! তোমারও পরে ভক্তি তো চির দিনই অপৰ্য্যাপ্ত আছেই,—আজ আবার আর এক দিক দিয়ে ইনিও আমার নারীজাতির উপরে সেই শ্রদ্ধাকে দ্বিগুণিত করে দিলেন। এই তো চাই মামিমা! ওই চিঠি পেয়ে ও যদি নিঃশব্দে কাঁদতে কাঁদতে আমার সঙ্গে আমার ঘরে ঘর করতে চলে যেত, আমি আমার স্ত্রীকে আর যাই করি, জন্মে কখন আর শ্রদ্ধা করতে পারতুম না,—এটা খুব সত্যি।”

পূর্ণিমা দেবীর ছ’চোখ দিয়া আনন্দাশ্রু ঝরিতেছিল। তিনি বিবশা অমিয়াকে টানিয়া আনিয়া খাটের উপর বসাইয়া দিয়া তাহার মাথায় কপালে হাত বুলাইয়া সন্নেহে বলিলেন—“মা! এইবার তুমি তোমার স্বামীকে প্রণাম করে, তার পায়ের ধুলো নাও। অনেক মন্দ কথাই তার সম্বন্ধে ভেবেছ হস্ত। ভুলু! আমার কাছে আয়। তোদের ছটিকে ছপাশে নিয়ে একবার বসি। আহা! কি সুন্দর মানিয়েছে দেখ দেখি! আজ যদি তোর মা বাবা আর তোর মেজ মামা বেঁচে থাকতেন!”

## মনের মতন

শ্রীমলিনীমোহন চট্টোপাধ্যায়

আমি ত রচিছি বিশ্ব মনের মতন,  
নাহি অন্ধ অভিলাষ, বাসনা-বিকার।  
অস্তরে বাহিরে করি আশীস্ বর্ষণ,  
উচ্ছ্বসিত উদ্বেলিত প্রেম-পারাবার।  
পৃথিবীর লক্ষ আশা লক্ষ দিকে ধায়,  
হেথা সব বাঁধা আছে সোনার শৃঙ্খলে।  
পৃথিবীর সফলতা স্তূপে মিশায়,

হেথা সব দূর আসে নিকটেতে চ’লে।  
ধরায় সবাই রাজা, সবে চাহে কর,—  
প্রাণ চাহে পরিতোষ, প্রেম চাহে সুখ,  
ভূষিত চেতনা চাহে হইতে অমর,  
সব বৃকে ধরা দিতে চায় যেন বৃক।  
হেথায় মনের রাজ্য অনন্ত বিস্তার,  
প্রেম ছাড়া আর কারো নাহি অধিকার



# মোটরে কাশ্মীর-যাত্রা

শ্রীসৌরীন্দ্রমোহন মুখোপাধ্যায় বি-এল

## শ্রীনগর

শ্রীনগর তো শ্রীনগরই—নগরের শ্রী সত্যই অপূর্ণ! চারিদিকে  
পাহাড়ের প্রাচীর,—নগরের বুক বয়ে ঝিলাম সর্পগতিতে

অনেকটা কলকাতার টাওয়ার খালের মত। এই নালায় হাউস-  
বোটের সংখ্যা নেই বললেও চলে। আড়াআড়ি করে নালায়  
যতগুলি ধরে, তত আছে! শুধু মাঝখান দিয়ে একখানা



কি দুখানা হাউস-বোট যেতে  
পারে, এমনি জায়গা খালি আছে।  
আমরা হাউস বোটে জিনিষপত্র  
তুলিয়ে স্নানাহারের আয়োজনে  
ব্যস্ত হলাম। আয়োজন পাকা  
করতে হবে। কেননা, এখানে  
তো ক্ষণেকের আতিথি হয়ে থাকা  
নয়, কিছুদিনের জন্ত আস্তানা  
পাতা!

বোট থেকে বাসন-মাজা চাকর,  
জলতোলা ভিস্তা—দুখানি বোট,  
কাজেই—দুজন করে মিললো!

## আমাদের হাউস-বোট

এঁকে-বঁকে চলেছে, দুই তীরের কাছে হাউস-বোটে কত  
জাতির লোক যে বাস করছে! পথ-বাট প্রশস্ত। পথের ধারে

তাছাড়া মাথরও দুজন নিযুক্ত হলো। ভৃত্যকে পয়সা দিয়ে  
কতকগুলি কলসী আনানো হলো। চেনার-নালা বা ঝিলামের

বিলাতী ছবিতে যেমন সব  
কটেজের দেখা মেলে,  
তেমনি ঘর-বাড়ী। পপুলার  
ও চেনার গাছ শির উচু  
করে দাঁড়িয়ে আছে। ফুল-  
ফলের রকমারি বাহার...  
প্রকৃতির আদরের ছললটি  
যেন!



আমাদের হাউসবোট  
ছিল চেনার-নালায়। মহ-  
লার নাম চেনার-বাগ।  
চেনার-নালা নালাই বটে!

ঝিলাম থেকে কাটা খাল জমিকে অমন শতভাগে বিভক্ত করে  
এদিকে-ওদিকে চলে গেছে—শ্রোত অত্যন্ত মৃদু, জল কম,  
তাছাড়া সে জলও অত্যন্ত নোংরা। চেনার-নালায় আকার

## শিকার

জল স্নান-পানের জন্ত ব্যবহার নিষিদ্ধ—কলের জল আনাতে  
হবে, তাতেই স্নান-পান-রন্ধন সব চলবে। ঝিলামের জলে বাসন  
মাজা অবধি নিষেধ। এ নিষেধ অবশ্য রাজাদেশে নয়।

যাঁরা পূর্বে শ্রীনগর যুগে গেছেন, এমনি বন্ধু ও আত্মীয়ের দল আমাদের পূর্ক হতেই সতর্ক করে দিয়েছিলেন, এ জলে হেন রোগ নাই, যার ব্যাসিলি মিলবে না! কাজেই সর্ক কার্যে আমাদের কলের জল চাই,—বোটের ভৃত্যদের

রাত দশটা বাজলে শরন-পর্ক। শীত খুবই প্রচণ্ড—গারে সাদা গেঞ্জি তস্তোপরি গরম গেঞ্জি ও ভারেলা-সার্ট, এবং সর্কোপরি একখানি করে ধোশা ও কঞ্চল. মুড়ি দিয়ে শোওয়া হলো। কিছু মাঝ-রাতে হি-হি শীতে ঘুম ভেঙে

গেল! ধোশা-কঞ্চলে বেশ করে সর্কোপরি জড়িয়ে কাঠপুত্তলিকার মত অনড়ভাবে পড়ে রইলুম—তারপর এমনি অবস্থাতেই রাত্রি কাবার।

সকালে বাথরুমে ঢুকে দেখি, ভৃত্য গরম জল রেখে গেছে। প্রাতঃকৃত্যাদি-সমাপনাস্তে চা পান। তারপর বেলা আটটায় ওভারকোট প্রভৃতিতে আবৃত হয়ে বাজার-অভিমুখে সদলে রওনা হইলুম।



#### কাশ্মীরী বাড়ী

সে আদেশ জানানো হলো। কারণ, কাশ্মীরীরা ঝিলামের জলে স্নান করেন—বিশেষ, হাউস-বোটের মাঝি মাল্লার দল এই জল পানের জন্তু ও রক্তনের জন্তু ব্যবহার করে।

জল এলে সেই জল গরম করিয়ে স্নানের ব্যবস্থা করলুম। প্রতি বোটে তিনটে বাথরুম,—বাথ-টব প্রভৃতির সরঞ্জাম আছে। স্নান করে গরম জামা-কাপড়ে শরীর ঢেকে বোটের বাহিরে এসে চেনার-বাগে কিছুক্ষণ পরিভ্রমণ করা হলো; ওদিকে ঠাকুর ততক্ষণে রান্না চাপিয়ে দেছে।

সন্ধ্যার অন্তিকাল পরে আহারের তলব পড়লো। আহার হবে ডাইনিং-রুমে। আসন পাতা নয়—চেয়ারে বসে, টেবিলে ভাতের খালা রেখে খাওয়া! আহালাদি করে বোটের ঙ্গিং-রুমে বসে খানিক বই পড়া গেল। ঙ্গিং-রুমে ছোটখাট লাইব্রেরীও আছে—বিজলীর আলোর আলোক করা ঙ্গিং-রুম অপূর্ক ভূবার সজ্জিত। তারপর

কি শীত! বৃকের মধ্যটা বন্ধ-বন্ধ করছিল, হাত অসাড়! দুই পকেটের মধ্যে হাত দুখানিকে পুরতে হলো। তবু কি শীত কমে!



#### ঝিলামের তীরে ঘাট ও বাড়ী

বাজার শাক-সজী, আনাঙ্গ-তরকারীতে ভরা। আর কি শস্তা দাম! আলুর সের এক আনা; এক পয়সা বা দেড় পয়সার এক সের বেগুন; চার আনার একটি কুমড়া

মিললো, তার ওজন প্রায় আধমণ। একটি বড় লাউ এক পয়সা। মাংসের সের ছ'আনা। এক রকম শাক পাওয়া গেল, কপির পাতার মত, তার নাম কড়ম শাক। আর লক্ষ্য! সে যেন এক-একটা বড় বেগুনের মত! অটেল—কত

তবে পরদেশী ক্রেতা পেয়ে দাম হাঁকে চতুর্গুণ! আমরা সস্তা এসেছি, মন সংশয়ে আচ্ছন্ন, তাদের কাজেই বিদায় দিতে হলো, দর-দস্তুর জানিনা—পাছে বেজায় ঠিকি!

বৈকালে মোটরে করে বেড়াতে বেরুনো হলো। পাহাড়-পর্বতে ঘেরা প্রশস্ত পথ। পাহাড়ের গায়ে মহারাজ হরিসিংয়ের প্রাসাদ, পথের ধারে মহারাজার ফলের বাগান—প্রকাণ্ড বাগান, আপেল-নাশপাতি গাছ ফলস্ব! দূরে বহুদূরে পাহাড়ের শ্রেণী—অগাগোড়া এমনি প্রাচীর তুলে দাঁড়িয়ে আছে—দেখলে মনে হয়, ওদিকে যাবার কোনো উপায় নেই! হঠাৎ মনে হলো, কোথায় নিজের দেশ



ঝিলাম। তীরে মহারাজ রণবীর সিংহের বেদী

চাই! সন্ধ্যা চাল—টাকার আট সের। বাজার করছি, বিস্তর মাঝি এসে ছেকে ধরলো,—‘শিকারা সাব! শিকারা’! ‘শিকারা’র মানে, সেই ছোট ছিপের মত হালকা নৌকো! আনাজ-তরকারী নিয়ে শিকারায় চড়া গেল। ঝিলামের বুক বয়ে গিয়ে চেনার-নালায়

ছেড়ে এসেছি—ফিরে যাবার পথ ওব মধ্যে খুঁজে পাবো কি!

বেড়িয়ে বোটে ফেরবার মুখে ওখানকার ইলেক্ট্রিক এঞ্জিনিয়ার শ্রীকান্ত ললিতচন্দ্র বহু মহাশয়ের বাড়ী গিয়ে হাজির হলাম। এঁর আতিথ্যের খ্যাতি ভারত-বিস্তৃত। যে-কোনো

চুকলুম। সামনে ঝিলামের বুকের উপর থেকে দীর্ঘ পাহাড়ের শ্রেণী উঠেছে! সে যেন ভারতের ভাগ্য-বিধাতা বসে ভারতের অবস্থা লক্ষ্য করছেন! চেনার-নালায় প্রবেশ-পথের অপর তীরে মহারাজার প্রাসাদ। এটি মহারাজার গ্রীষ্মাবাস। শীত-কালে মহারাজা সপারিষদ জম্মুব প্রাসাদে বাস করেন।



চেনার-নালা


বোটে ফিরে দেখি, দলে-দলে শিকারা বেয়ে দোকানী-পশারীর দল আনাজ-তরকারী থেকে শুরু করে শাল-দোশালা, কাঠের খেলনা, জুয়েলারি প্রভৃতি নিয়ে ভিড় জমিয়েছে। এখানে এমনভাবেই এরা ব্যাসাতি করে।

বাঙালী এখানে আসেন, তাঁর বোট ঠিক করে দেওয়া থেকে সর্বপ্রকার সুখ-স্বচ্ছন্দ্যের দিকে সবিশেষ মনোযোগ দেওয়া ললিতবাবুর ব্রত! এতটুকু বিরক্তি নাই! সদাপ্রসন্ন মুখ! কাশ্মীরে দীর্ঘকাল বাস করেও ভ্রমলোকের

গায়ে তেমন মাংস লাগে নি কিছু। ললিতবাবুর গৃহে যত বড়-বড় বাঙালী-অফিসারদের সঙ্গে সাক্ষাৎ হলো! শ্রীযুক্ত ঋষিবর মুখোপাধ্যায় মহাশয় সেই গৃহে সভাপতির মত বসে, আর বহু বাঙালী—প্রোফেসর, ব্যবসায়ী প্রভৃতি সমুপস্থিত। সকলে নানা গল্পে-আলোচনায় ব্যাপৃত। আমাদের কাছে এলাহাবাদের ললিতবাবুর লেখা পরিচয়পত্র ছিল, বনু-মহাশয়ের নামে! পত্র দিতে তিনি অভ্যর্থনার ধুম বাধিয়ে তুললেন—চা, বিস্কুট, বাদাম প্রভৃতি দিয়ে আপ্যায়িত করলেন! পরিচয় হলো। এখানকার বাঙালীরা দেশ ছেড়ে এত দূরে থাকলেও মাতৃভাষার সঙ্গে সম্পর্ক বিচ্ছিন্ন

কাশ্মীরী পটুর ব্রীচেস ( breeches ) পরে সকালে সন্ধ্যায় বেড়াতে বেরুবেন। পটু, কিনতে বললেন। আমি বললুম,— তাই হবে। ললিতবাবু আমাদের আন্তানার সন্ধান নিলেন,—তার পর কতকগুলি উপদেশ দিলেন। আমরাও বিদায় নিলুম।

শ্রীনগর কাশ্মীরের ঠিক মাঝখানে—ঝিলামের হুঁধারে কাশ্মীরীদের বাস; ছোট-ছোট বাড়ীগুলি, ছাদ মাটি লেপা। শ্রীনগরে ঝিলামের উপর সাতটি পুল। পুলগুলি ষষ্ঠ শতাব্দীতে মহারাজ প্রবরসেনের আমলে তৈরী হয়। প্রথম পুলটি পাকা। বারামুলা থেকে শ্রীনগরে আসতে বাজারের পরই



শঙ্করাচার্য্য পূর্বত-শিখর হইতে ঝিলামের গতি-দৃশ্য

করেন্ নি। 'ভারতবর্ষ', 'ভারতী' প্রভৃতি মাসিক পত্রগুলি নেন, পড়েন, কাজেই সে-সব পত্রে মাঝে-মাঝে কলমের যে-সব আঁচড় টানি, তারও পরিচয় রাখেন! তখন 'ভারতবর্ষে' আমার 'পিয়ারী' উপস্থাপন ধারাবাহিক-ভাবে বেরুচ্ছে—সে-সম্বন্ধেও আলোচনা হলো। 'পিয়ারী'র অদৃষ্ট-চক্র ঘুরে কোণস্ব দাঁড়াবে, সে-প্রশ্নও তুললেন। বাংলা দেশে থেকে হাজার মাইল দূরে এমন মিশুক দরদী প্রাণের পরিচয় পেয়ে বিমুগ্ধ হলাম। ঋষিবরবাবু বললেন,— ধুতি পরে বেরুবেন না, এ কলকাতা নয়। ঠাণ্ডা লাগবে, নিউমোনিয়া হতে পারে। আমি বললুম,—কিছু অস্বাচ্ছন্দ্য বোধ হচ্ছে না তো! ঋষিবর বাবু বললেন,—

এই পুল পার হতে হয়। অপর ছটা পুল কাঠের পাইলন্ট-এর উপর, তার উপর দিয়ে একটা চলে, মোটর বা ভারী গাড়ী যেতে পারে না। সহরে ঢুকতেই সর্কাগ্রে চোখ পড়ে, নগরের বুকে এক পাহাড়ের মাথায় একটি মন্দির। এ মন্দিরের নাম, তখত-ই-মুলেমান। এ পাহাড়টি নগরের উত্তর-পূর্ব কোণে। পাহাড়টি এক হাজার ফিট উচু। মন্দিরটি একেবারে পাহাড়ের মাথায়। মন্দিরের চূড়ায় বিজলী-আলো দেওয়া হয়েছে—তার ভিতর বেশ কৌশল আছে। আলোটুকু বহু-বহু দূর থেকে রাত্রে পথ-প্রদর্শকের কাজ করে। এ আলোটি বহু অর্থব্যয়ে বসিয়েছেন মহীশূর-রাজ। পূর্ব দিক দিয়ে নদী ঝিলাম বয়ে চলেছে—

এবং এঁকে-বঁকে পাহাড়ের গা ঘেঁষে চেনার-নালা-পথে ডাল হুদে এসে মিশেছে। ডাল মানেই হলো হুদ। হুদের গা ঘেঁষে পাহাড়ের শ্রেণী। ডালের তীরে খানিকটা জায়গায় হাউস-বোট আছে বিস্তর। হুদের জল ফটিকের মত স্বচ্ছ—এমন পরিষ্কার যে তলার হুড়ি-পাথর সুস্পষ্ট দেখা যায়; তাছাড়া মাছ ভেসে খেলা করছে, তাও চোখে পড়ে। তখত-ই-মুলেমানের নৌচে নার্শিং হোম্; এখানে আটজন যুরোপীয় রোগীর বাসের ব্যবস্থা আছে। তখত-ই-মুলেমানের উপরে মন্দিরে যাবার পথ আছে।

সংস্কার করে মন্দিরে মহাদেব-লিঙ্গ প্রতিষ্ঠা করেন। বিগ্রহটির নাম জ্যেষ্ঠেবর। যে শিবলিঙ্গ আছে, সেটি মাহুঘ-ভোর উচু, আর তার বেড় বিশাল বটগাছের মত।

এখানে মন্দির প্রভৃতির প্রাচীনতা দেখলে স্পষ্ট বোঝা যায়, কাশ্মীর বহু প্রাচীন যুগ থেকেই আপনার মহিমায় উদ্ভাসিত হয়ে আসছে। কাশ্মীরের উদ্ভব সম্বন্ধে যে-গল্প বহু পূর্ক কাল থেকে চলে আসছে, তাতে পুরাণের শীল মারা—আর সে গল্প ভারী মজার! গল্পটি এই,—হিমালয়ের বৃকে সুদীর্ঘ হুদ ছিল, তার নাম সতীসর। এই সতীসরে



ডাল হুদ—কমলবন

এ-পথে ঘুরে মন্দিরে চড়া একটা সখের কাজ! ভক্তি যাদের আছে, তাঁরা তো যাবেনই—সে বেনী কথা নয়! তবে যুরোপীয় যাত্রীর দলও পাহাড়ে চড়ে মন্দির দর্শন করেন। খুব মোটা ব্যস্তকা মেম-সাহেবকে ও ছ'জন তরুণের কাঁধে ভর দিয়ে পাহাড়ে চড়তে দেখেছি। এ পাহাড়ের অপর নাম শঙ্করাচার্য্য পাহাড়। এ মন্দির প্রথম তৈরী করেন জালক। জালক ছিলেন বৌদ্ধ। মন্দিরটি প্রথম তৈরী হয় ২০০ খ্রীষ্ট পূর্ক সালে। তার চিহ্নও নাকি লুপ্ত হয়ে যায়। পরে ষষ্ঠ শতাব্দীতে রাজা গোপাদিত্য এর

পার্কর্তী মাঝে মাঝে নৌ-বিহারে আসতেন। কিছুকাল পরে অকস্মাৎ এই সতীসরে এক দৈত্যের আবির্ভাব হলো। দৈত্যের অত্যাচারে সতীসরের তীর-প্রদেশের অধিবাসীর দল সঞ্জস্ত হয়ে উঠলো। তারা যাগযজ্ঞ করে দৈত্যের হাত থেকে মুক্তি পাবার জন্তু দেবতাদের তুষ্টী-সাধনে প্রবৃত্ত হলো। এবং যেমন হয়ে থাকে, তাদের তপে তুষ্ট হয়ে এলেন ব্রহ্মার পৌত্র কশ্যপমুনি। তিনি অধিবাসীদের যুখে দৈত্যের কথা শুনে দৈত্যকে বধ করার আয়োজন করলেন! দৈত্য নানা জলচর জন্তুর রূপ ধরে সতীসরের

জল ভোলপাড় করে পালিয়ে বেড়াতে লাগলো। সতীসরের জল বোলা করছে এক ছরস্ব দৈত্য—পার্কীতী দেবীর কাছে খপর গেলো। তিনিও অস্তরীকে এসে দাঁড়ালেন। কল্পপমুনি তখন মন্ত্রবলে সতীসরের জল শোষণ করতে লাগলেন—দৈত্যের পক্ষে তখন আত্মগোপন অসম্ভব হলো। সে তো এক জারগার আশ্রয় নেবার জন্ত উঠে দাঁড়ালো, অমনি কল্পপমুনি অস্ত্র ধরলেন। তাতেও দৈত্যকে এঁটে ওঠা যায় না! পার্কীতী দেবী তখন তারণ করতে এলেন। হিমালয়ের একাংশ হাতে উপড়ে নিয়ে তিনি দৈত্যকে

উপত্যকা-ভূমি বেরিয়ে পড়ে। সেই উপত্যকাই হলো শ্রীনগর। সতীসরের একটা শীর্ণ ধারামাত্র ঝিলাম বা বিতস্তা নদীতে পরিণত হয়েছে! দৈত্য যেখানে নিহত হয়, সে জারগা হলো আধুনিক বারামুলা। হরিপর্কতে শ্রীহর্গার মূর্তি আছে—আজো তাঁর নিতাপূজা হয়।

পুরাণের গল্পে লোকের মন যত সন্দ্বিহান্ থাকুক, কাশ্মীরের প্রাচীনতার বিবরণ ইতিহাস-পাঠে জানা যায়। ঐতিহাসিক যুগে কাশ্মীর-রাজ্য ভারতের হিন্দুরাজ্যের অন্তর্ভুক্ত ছিল। সে সময় ব্রাহ্মণের প্রাধান্য ছিল অপরিসীম।



ডাল হুদ—ভাসমান ক্ষেত

লক্ষ্য করে নিক্ষেপ করলেন! আর সে যায় কোথায়! দৈত্য সেই পর্কতখণ্ডের ঘা খেয়ে পঞ্চদ্ব পেলে। সেই পর্কতখণ্ড হলো এখনকার হরিপর্কত। হরিপর্কত শ্রীনগরের একান্তে অবস্থিত। তার মাথায় কেলা আছে। কেলাটি আকবর বাদশাহ তৈরী করান। আজো সে কেলা জীর্ণ হলেও সশরীরে খাড়া আছে, এবং তাতে কাশ্মীর মহারাজার ফৌজ থাকে। আর দৈত্যের পালিয়ে বেড়ানোর দাপটের দক্ষণ পায়ে চাপে যে-সব নানা টিপির সৃষ্টি হয়, সেগুলো ছোট-খাটো পর্কতশৃঙ্গ হয়ে গেছে। কল্পপ জল শুষে নেওয়ার

শ্রীনগরের পত্তন হয় খৃষ্টজন্মের তিন শত বৎসর পূর্বে, রাজা অশোকের রাজত্ব-কালে। কল্পন এই কথা বলেন। পরে মহারাজ প্রবরসেন (২য়) হরিপর্কতের চারিদিক ঘিরে শ্রীনগর রাজধানী গড়ে তোলেন। ঝিলাম বা বিতস্তার উপর তিনিই প্রথম সেতু নির্মাণ করান। কাশ্মীরে যে-সব প্রাচীন মন্দির আছে, তাদের সংস্কার এবং অনেকগুলি নূতন মন্দির গঠন, এ তাঁরই কীর্তি। শ্রীনগরের তখন নাম ছিল প্রবরপুর।

তার পর ১০১০ খৃষ্টাব্দে ঝিলামের দ্বিতীয় সেতুর কাছে



প্রাধান্যের পর চতুর্দশ শতাব্দীতে কাশ্মীরে সূদৃঢ়ভাবে মোগল-আধিপত্য প্রতিষ্ঠিত হয়। তার পূর্বে একাদশ শতাব্দীতে কাশ্মীর মাহমুদ গজনবীর করতলগত হয়—এবং হুসাইন রাজগণ কাশ্মীরে প্রভুত্ব করেন। তার পর সপ্তদশ শতাব্দীতে মোগল কাশ্মীর দখল করে। এই মোগল-আমলেই কাশ্মীর শোভায়-শ্রীতে সমৃদ্ধ হয়ে ওঠে। প্রকৃতির সহজ সুসমায় মানুষের হাতের কারিগরি ফোটে!

ডাল হুদ—গাগরি বন্

নদীর তীরে প্রাসাদ তৈরী হয়। কাশ্মীরের হিন্দু রাজারা সকলেই শৈব ছিলেন। কাশ্মীর মত শিব-মন্দিরের এখানে সংখ্যা নেই। মন্দিরের গড়ন কিন্তু সম্পূর্ণ কাশ্মীরী কলাসূ-যায়ী। এই সব মন্দিরের সবি-শেষ পরিচর পরে দেবো। হিন্দু-



কাশ্মীরী নারীর খান কোটা

১৫৮৭ খৃষ্টাব্দে আকবর বাদশাহ কাশ্মীর অধিকার করেন। তিনি প্রায়ই কাশ্মীরে বেড়াতে আসতেন। তাঁর মৃত্যুর পর বাদশাহ জাহাঙ্গীর ও বেগম নূরজাহান কাশ্মীরে বেশীর ভাগ সময় কাটাতে আসতেন। তাঁদের আমলে বহু উদ্যান, বহু প্রাসাদ তৈরী হয়, বহু সরাই রচিত হয় এবং বিস্তর পথঘাটও তাঁরা তৈরী করান। এখনকার এই বিলাম-ভ্যালি রোড তখন থেকেই আছে—কিন্তু সে পথ তখন খুবই দুর্গম ছিল। বহু রাজার নির্দেশে বহু শিল্পীর হাত পেয়ে এখন অপেক্ষাকৃত সুগম হয়েছে।

তার পর ১৮১৯ খৃষ্টাব্দে কাশ্মীর শিখদের হাতে আসে

অধীশ্বর হন। রণবীর সিং রাজত্ব করেন, ১৮৮৫ খৃষ্টাব্দ পর্য্যন্ত; তাঁর মৃত্যু হলে মহারাজা শ্রী প্রতাপসিং রাজ্যেশ্বর হন। গত ২৭শ বর্ষ (১৯২৫ খৃষ্টাব্দ) প্রতাপসিংহের মৃত্যু হয়। মহারাজ হরিসিং এখন কাশ্মীরের অধীশ্বর। কিন্তু এ ইতিহাসের কথা পরে বলবো। আজ শুধু কাশ্মীরের যে বৈচিত্র্যটুকু আমাদের চোখে পড়েছিল, সেই কথাই বলি।

শ্রীনগরে আসবার পূর্বে নানা ভ্রমণ-কাহিনী পড়ে ধারণা জন্মেছিল, কাশ্মীরে শুধুই পাহাড়, পাহাড়ের কোলে সরু পথ, আর নদী! গাড়ী চলে এমন প্রশস্ত রাজপথ এখানে নেই! কিন্তু এসে দেখি, তা মোটেই নয়। চারিদিকে দীর্ঘ প্রশস্ত পথ—তবে



চেনার-বাগ, কাশ্মীর

এবং রাজা রণজিৎ সিংয়ের মৃত্যুকাল পর্য্যন্ত কাশ্মীর শিখ-হস্তেই থাকে।


এই সময় জম্মুরাজ গোলাপসিং বহু দেশ জয় করেন এবং লাদাক, স্বাদো, গিলগিট প্রভৃতি জম্মুরাজ্যভুক্ত হয়। সীমান্ত প্রদেশ রক্ষা করা কঠিন। এই জন্তই ইংরাজ সন্ধি-সর্ত্তে জম্মুরাজের হাতে কাশ্মীর তুলে দেন, নিঃস্বত্বে। জম্মুরাজ তখন সুবিস্তীর্ণ কাশ্মীর-রাজ্যের অধিপতি হন। গোলাপ সিংএর মৃত্যু হয় সিপাহী-বিদ্রোহের সময়; তাঁর স্ত্রীজ বিদ্রোহের সময় ব্রিটিশের পক্ষ নিয়ে যুদ্ধ করে। গোলাপ সিংয়ের পর তাঁর পুত্র রণবীর সিং কাশ্মীর-রাজ্যের

বিলাম নদী ও তার অসংখ্য শাখাপ্রশাখা (চেনার নামই নামে প্রসিদ্ধ) আছে। এই চেনার-নালায় হাউস-বোটের সংখ্যা নেই। এই সব হাউস-বোটে বেশীর ভাগ বিদেশীর বাস। বিদেশী মানে যারা বড় চাকরি করছেন, বা দীর্ঘকালের জন্ত বেড়াতে এসেছেন। পর্যটকের অভাব এখানে কোনকালেই নেই। অনেক ইংরাজ আছেন; তবে তাঁদের 'বিষহীন ফণী' বলে মনে হয়! সে রক্তচক্ষু বা পথে কৃষ্ণমূর্ত্তি দেশী লোক দেখলে ঘৃণায় সিঁটকে ওঠা—এ দৃশ্য শ্রীনগরে দেখিনি কোনো দিন! শ্রীনগরের প্রশস্ত লানে দেশী ও বিলাতী নর-নারী বেড়াচ্ছেন, অকুতোভয়ে, অসঙ্কোচে, সকালে-



সঙ্ঘার, পাশাপাশি! কোথাও দেশী লোকের পদার্থ নিষেধ—এ-রকম সাইনবোর্ড নেই! এই স্তম্ভ আবহাওয়াটুকু সব-আগে চোখে পড়ে! আমরা সেখানে থাকতে থাকতে এক কাশ্মীর-প্রবাসী পাঞ্জাবী দোকানদারের সঙ্গে কি অ-বনিবনা হওয়ায় এক লাল রঙের সাহেব দুই চক্ষু রক্তবর্ণ করে তাকে যা-তা বদ গাল দেন। পাঞ্জাবী তাকে সতর্ক করেন, খব্দার, গাল দিয়ে না! তাতে সাহেব না ভোড়কে দেশীর স্পর্ধা দেখে আবার সেই বদ গালের পুনরুক্তি করেন! যেমন গাল দেওয়া, অমনি পাঞ্জাবী যুবাব প্রচণ্ড ঘৃষি সাহেবের নাকে পড়া! সাহেব এর জন্ত মোটেই প্রস্তুত ছিলেন না।

সৌন্দর্য! পাহাড়, ঝর্ণা, নদী, ফুল-ফল.....এর প্রাচুর্যের আর সীমা নেই! পাহাড় চতুর্দিকে,—কিন্তু তার একধেয়ে ভাব কোথাও নেই। আকারে-প্রকারে পদে পদে এত পার্থক্য, বর্ণের বিচিত্র সুষমার এমনি উজ্জল যে বিশ্বস্বে এই গিরিমালার পানে তাকিয়ে থাকতে থাকতে চেতনা যেন লুপ্ত হয়ে যায়! চিত্রকরের তুলির রেখায় ফুটিয়ে তোলাবার মতই মহান্ সে দৃশ্য, সুন্দর সে দৃশ্য! উত্তর দিকে চাও, পাহাড়ের সাগর যেন! মাথায় তুষারের শুভ্র কিরীট, সাগরের তরঙ্গের মতই ফেনিল! উত্তরের এ পর্বতের নাম নান্দা পর্বত। পূর্বদিকে চাও, গম্ভীর মূর্তিতে উচ্চ-শিখর




উলার হ্রদ

তিনি টাল সামলে নিয়ে পাঞ্জাবীকে মারেন, পাঞ্জাবীও তার চতুর্গুণ শোধ দেন। সাহেব ছেঁড়া কোষ্ঠায় রক্তাক্ত কলেবরে রেসিডেন্টের কাছে গিয়ে নালিশ করেন। তিনি বলেন, থানা আছে, কোর্ট আছে, নালিশ করগে। আমার কাছে কেন? সাহেব থানায় গিয়ে নালিশ লেখান্—তারপর কোর্টে যাবার পূর্বেই বোধ হয় তাঁর চেতনা হয়, এখানে সাদায়-কালোর পার্থক্য তো নেই! তখন ছেঁড়া কোষ্ঠা খুলে গায়ের রক্ত ধুয়ে-মুছে সাহেব নিজের কাজে মন দেন। এ হলো গত সেপ্টেম্বর মাসের ঘটনা।

তারপর বিতীয় বৈচিত্র্য এবং সেইটেই প্রধান বৈচিত্র্য যা চোখে ঠেকে, সে এখানকার প্রাকৃতিক

গিরিরাজি সিন্দ-উপত্যকাকে সর্বপ্রকার উপদ্রব থেকে রক্ষা করবার জন্ত প্রাচীরের মত দাঁড়িয়ে আছে। দক্ষিণে মহাদেও পর্বত, শ্রীনগরের পানে তাকিয়ে অচল দাঁড়িয়ে আছে। মহাদেও পর্বতের পাশে অমরনাথ পর্বত। দক্ষিণ-পশ্চিম কোণে পীরপাঞ্জাল, আর পশ্চিমে ফান্ ও দেওদারের ঘন জঙ্গল পঞ্চনদকে চোখের আড়াল করে পুঞ্জিত রয়েছে! পাহাড়ের গা ফেটে অসংখ্য ঝর্ণা ঝরে পড়ছে। জলের এখানে অপ্রতুল নেই। পান করবার জন্ত কলের জল আছে। পথে জল নেবার জন্ত অসংখ্য হাইড্রান্ট, আর খুব তোড়ে তাতে দিবারাত্রি জল পাওয়া যায়। এই জল আসচে হারবন থেকে। সেখানে পাহাড়ের উপর লেক আছে।

পাহাড়ের জল সেই লেকে অল্পধারে জমা হচ্ছে। লেকটি শালও পরিষ্কার কাচা হয়। যেখানে শাল কাচা হয়, সে অংশের খুব ছাঁশিয়ার প্রহরীরা পাহারা দিচ্ছে, কেউ না স্পর্শ করতে নাম গাগ্গিবল। গাগ্গিবলের দৃশ্য চমৎকার। ডালের



শঙ্করাচার্য্য পাহাড়

পারে। হারবন দেখার অসুবিধা নিতে হয় রাজ-সরকার পরিধি হলো লগ্নে পাঁচ মাইল, চওড়ায় ৩ মাইল। থেকে। অসুবিধা-পত্র ছাড়া হারবনের গন্তীর মধ্যেও কেউ শঙ্করাচার্য্য পাহাড়ের নীচেই। চারিদিক পাহাড়ে ঘেরা, প্রবেশ করতে পারে না। আর পাহাড়ের বুকে মাঝে মাঝে হালের বাংলা-বাড়ী,—

নদী—ঝিলাম্। নাম বিতস্তা। কাশ্মীরী বলেন ভেট্ট। বা রা মু লা-অঞ্চলে ঝিলামের নাম কাশ্মীর দরিয়া; তারপর ডোমেলের কাছে যেখানে কিষণগঙ্গ নদীর সঙ্গে কাশ্মীর দরিয়া মিশেছে, সেই অঞ্চল থেকে ঝিলাম নামেই প্রসিদ্ধ।

তার পর হ্রদ। কাশ্মীরে অসংখ্য হ্রদ। শ্রীনগরে ডাল হ্রদ। খুব স্বচ্ছ জল, আর এত পরিষ্কার যে জলের নীচে মাছগুলো খেলা করে বেড়াচ্ছে। দেখা যায়—এ কথা পূর্কই বলেছি। ডালের অর্ধট হ্রদ। ডালের জল এত পরিষ্কার যে এর একটি জায়গায় শাল কাচা হয়। জল খুব soft; তাতে খুব মিহি



শ্রীনগর—প্রাসাদ

ও সেকালের 'পরীমহল', 'চশ্মা-সাহী'। ছবির মত দেখায়।

কাশ্মীরের বিখ্যাত উলার হ্রদ হলো বন্দীপুরের কাছে গিল্গিট যাবার পথে। উলারের অর্ধ গুহা (cave)।

উলারের বিস্তার ১৫ মাইল। জল খুব গভীর—ঝড়ের সময় উলারে বিপদের ভয় খুব বেশী। বড় বড় হাউস-বোট চেউয়ের ফোরে তরে এসে উপড় হয়ে আছড়ে পড়ে; এবং এ ঝড় খুই আচম্বিতে ও অকস্মাৎ নামে! উলারে বেড়াতে যেতে হলে সকালে আসতে হয়—বিকালের দিকেই ঝড় ওঠ। উলারের মাঝিরা ঝড়ের পূর্ক-লক্ষণ বুঝতে পারে এবং বুঝতে পারলে তখনি ছাঁশিয়ার হয়ে চটপট বোট তীরে নিয়ে আসে। উলারের পাশে মস্ত পাহাড়; তার নাম বাবা শফরুদ্দিন। এই পাহাড়ের মাথায় এক পীরের আস্তানা আছে।



বিলামের বৃকে পঞ্চম সেতু



কাশ্মীরের সাধারণ গৃহের নমুনা

কাশ্মীরে কলেরা, বসন্ত, এই দুটি রোগের প্রাচুর্য খুব বেশী। কাশ্মীরীরা যে-অঞ্চলে থাকে, সে-অঞ্চলে অত্যন্ত সরু গলি,—কাশ্মীর গলি তো তার কাছে চৌরঙ্গী! এই গলি-খুঁজির মধ্যে ছোট ছোট বেড়ি বাড়ী-ঘর—আর লোকগুলিও তেমনি নোংরা। দেখে ভগবান অজস্র রূপ

তেলে দিলে কি হবে—এ রূপের তারা তোয়াজ জানে না। মেয়েদের স্নানের ভঙ্গী ভারী অদ্ভুত। মাথায় কবে সে কোন্ সাত-আট বৎসর পূর্কে বেণী যা বেঁধেছে—সে বেণী খোলেওনি, কোনোদিন! স্নানের সময় জলে মাথা ভেজায় না—সারা দেহ নগ্ন করে জলে ডুবিয়ে সে জল না মুছেই যাগরা

ঝুলিয়ে দেয়। বাড়ী গিয়ে জল মোছা সম্ভব! কিন্তু জলশুক  
ভিক্রে গারে শুকনো ষাগরা ঢাকা দেওয়া—এ একেবারে  
তাজব দৃশ্য!

রোগ ছাড়া ভূমিকম্প এবং আগুন লাগার বিপত্তিও বড়  
অল্প নয়। ভূমিকম্পের জন্ত বাড়ী সব কাঠের তৈরী।  
বিলাতী কটেজের মত—মাথার চিমনি। চিমনি না থাকলে  
শীতের হাত থেকে নিস্তার পাওয়া শক্ত।

কাশ্মীরীদের ভাষা প্রাকৃত থেকে উদ্ভূত; ভাষার নাম  
কাশুর। এবারের মত কাশ্মীরী ভাষার সংক্ষিপ্ত পরিচয়  
দিয়ে বিদ্যার নেওয়া যাক। এদের ভাষার সঙ্গে আমাদের  
ভাষার কতক মিল আছে—সেটুকু উপভোগ্য।

Boatকে কাশ্মীরীরা বলে, নাও; Green সব্জ্;  
White স্বং; Copper ত্রাম্; Court-yard আঙ্গন;

Cross তরণ্; Dance নৎসন; Day দো; Drink  
সেৎন; Lake ডাল্; Eye আখ; Forest ওয়ান্;  
Fowl কুকর্; Grand-father বুড়ীবাপ; Meat মাষ্;  
Milk দোধ্; Name নাও; Pigeon কোতর্;  
Right side দখণ; Snake সর্ফ্; Sunshine তাপ্;  
Washerwoman ধোব্; Wind আওয়া; Blood রত্।

হুটী প্রবচনের নমুনা দি—

“গ্র-স্ত হস্ত”—এর মানে “চাষা, না হাতী!”

“বাতা ইয়ার বে-রোজগার”—এর মানে, “পণ্ডিত বন্ধু  
হয়, যখন তার রোজগার বন্ধ থাকে।”

কাশ্মীরের আরো বিশেষ কথা পরের বারের জন্ত

মুলতুবি রইলো।

## শরৎ

### শ্রীকুমুদরঞ্জন মল্লিক বি-এ

আবার এলে নূতন হয়ে

নূতন করে আবার এলে।

যনে মনে ফুটায় ফুল

এলে কমল নয়ন মেলে।

এলে নদীর কলস্বনে,

মৌমাছীদের গুঞ্জরণে,

এলে রূপের রূপালিতে

বুকের ভাঙ্গা মৃগাল বেলে।

অতীতে আজ আনলে ডেকে

চিরনূতন শানাই গানে।

শৈশবের নিমন্ত্রণ হয়

ভগ্ন গৃহের দরদালানে।

তোমার পানে নয়ন তুলে,

যাই যে বয়স যাই যে ভুলে,

‘সরস্বতী’র রুক্ম বুকে

জোয়ার ভাটা আবার খেলে।

এলে মোদের বনশ্রীতে

গৃহশ্রীতে আবার তুমি,

মলিন আকাশ সুনীল করে

সবুজ করে কানন-ভূমি।

এলে শত যুগের স্মৃতি

এলে মধুব মিলন প্রীতি,

এলে ধূসর বালুর বেলায়

জোৎস্নারি সোহাগ ঢেলে।

আনো তোমার গজের পিঠে

মহামায়ার আবার আনো,

স্নেহের অধিবাসের বাসর

মায়ের মায়া ভালই জানো।

আনো সস্বংসরের আশা

আলিঙ্গন আর ভালবাসা

পুরানো ঘট আবার ভরি’

আনো নূতন চোখের জলে।

চিরনবীন চিরকিশোর

সবুজ হিয়ার তুমিই সাথী,

দিবস তোমার আলোর ভরা

সুধায় ভরা শারদ রাতি।

চিরশ্রামল তোমার পথে

চাই যে আমি পথিক হতে

বুকের দীঘি পদ্যে ভরে

তোমার সরস পরশ পেলে।

# পাকাদেখা

শ্রীনির্মল দেব

আজ আমার বয়স সাতাত্তর বছর। তিন-কুড়ি সতেরোটা শরৎ-বসন্ত এই জীবনের রাঙা-মাটির পথ দিয়ে আনাগোনা ক'রেছে—রেখে গেছে স্মৃতির ধূলি-রেখায় তা'দের পায়ে চিহ্ন! সেই এক দিন সকাল-বেলায় বনেছিলুম বীজ, তা'রই ফসল ব'সে ব'সে কাটছি আজ এই গোখুলি-বেলায়! আর বেশী দেবী নেই, বেলা প'ড়ে গেছে,—এখনই অন্ধকার হ'য়ে আসবে। তা'র আগেই আমার এ ধানের আঁটি তুলে নিয়ে গিয়ে রাখতে হবে—সাতাত্তরটা বছরের হাসি-কান্নার আল্পনা-খাঁকা আঙিনায়। তা'র পর এই নতুন ধানে আমার নবাবের উৎসব হবে, কিন্তু তা' ওই অন্ধকারের এপারে নয়, ওপারে,—নব-জীবনের অরণ-আলোয়!

এই দীর্ঘ সাতাত্তরটা বছর আমার হৃদয়-নিকুঞ্জে কত ফুল ফুটলো, কত ফুল ঝ'রে গেল, কত সুর বাজলো, কত সুর ধেমে গেল! কিন্তু সব ফুটে ওঠা—ঝ'রে যাওয়া, বেজে ওঠা—ধেমে যাওয়ার মাঝখানে যে জিনিষটি আমার সারা-জীবন ঘিরে অক্ষয়-অমর হ'য়ে আছে,—যা'র পাপড়ি কোনো দিন ঝ'রবে না, যা'র ঝঙ্কার কোনো দিন থামবে না,—আজ এই সন্ধ্যা-বেলা একলা ব'সে সেইটিকে নিয়েই নাড়ছি-চাড়াছি—ছোট ঝালিকার খেলা-ঘরের পুতুলের মতন!

যৌবনের সকাল-বেলাতেই সেই যে না-বুঝে একটা প্রকাণ্ড ভুল ক'রে ফেলেছিলুম, সেই একটিমাত্র ভুলেরই জের চ'লেছে কত বিচিত্র রেখায় এই দীর্ঘ জীবনের পথ বেয়ে। আজ এই নিঃসঙ্গ জীবনের সুদূর সীমান্তে দাঁড়িয়ে কেবল এই কথাটাই বার-বার মনে হ'চ্ছে—সে ভুল কি আমার, না আমার অলক্ষ্য অদৃষ্টের! সেই ভুলটুকুই আজ আমার একমাত্র সম্বল—আমার পারের কড়ি! তখন মনে হ'তো—এই যে আমার যৌবন-প্রভাতে আশোয়ারীর রেশটুকু মিলোতে-না-মিলোতেই পূরবীর কড়ি-মধ্যম কেঁপে উঠলো, আমার জীবন-দেউলে বোধনের মন্ত্র খাম্ভে-না-খাম্ভেই বিসর্জনের বাজনা বেজে উঠলো,—কেন এমন ভুল ক'রে ফেললুম! তখন সে ভুলের জন্তে কত-না কেঁদেছি, কত-না

হুঃখ পেয়েছি! তখন তো বুঝি নি যে, ভুল ক'রে হুঃখ পাবার অনুভূতি যিনি দিয়েছেন, না-বুঝে ভুল ক'রবার মূর্খতাও তো তাঁ'রই দেওয়া,—আমি কে! তাই আমার সব ভুল ভ্রান্তির হিসাব-নিকাশের ভার, মানুষের ভুল ভ্রান্তির মালিক যিনি, তাঁ'রই হাতে তুলে দিয়ে, আজ চূপটি ক'রে ওপারের পানে চেয়ে ব'সে আছি—খেয়ার প্রতীক্ষায়!

\* \* \* \*

তখন আমার বয়স তেইশ বছর,—সেই বয়স, যে বয়সে পূর্ণিমার চাঁদ ডুবতে চায় না, পাখীগুলো গান গেয়ে-গেয়ে হাঁপিয়ে পড়ে না, শেফালি-ঘৃধিকা-চামেলির গন্ধ দখিলা বাতাসে দিবা রাত্র ভেসে-ভেসেও ফুরিয়ে যায় না! পাশের পড়ার দোহাই দিয়ে মা'কে বরাবর ঠেকিয়ে রেখে, শেষে এক দিন যখন মা আবার সেই কথা পাড়তে আর সে পুরোনো দোহাই না দিয়ে চূপ ক'রে রইলুম, তখন মা আমার মৌন সন্মতিতে নিশ্চিন্ত হ'য়ে কোমর বেঁধে ঘর-আলো-করা বৌ খুঁজতে শুরু ক'রে দিলেন। সে যেন একটা সুন্দরী-সুয় যজ্ঞ লেগে গেল! ছনিয়ার যেখানে-যেখানে সুন্দরী কুমারী ছিল, তা'দের খুঁজে বা'র ক'রবার জন্তে ঘটক-ঘটকীদের মধ্যে একটা তুমুল সাড়া প'ড়ে গেল। শেষে সকলের সৌন্দর্য্য যাচাই ক'রে নির্বাচিত হ'লো আমাদের গ্রাম থেকে তিন মাইল দূরে এক দরিদ্র ব্রাহ্মণের কন্যা। পণের হাজিমা ছিল না, তাই কেবলমাত্র রূপের জোরেই পাত্রী ঠিক হ'য়ে গেল।

তরুণ জমীদার আমি। সাত-শ টাকা দামের হীরের হুল দিয়ে মামা পাকা দেখে এলেন। সঙ্গে গেছলো সুনীল—আমার আজন্ম-সুহৃৎ। সে ছিল কবি—রূপ চিন্তে পাকা জহরী! তাই তা'র উচ্ছ্বসিত প্রশংসার লোভ সামলাতে না পেরে তা'কে মামার সঙ্গে পাঠিয়ে দিয়েছিলুম।

দিন-পনেরো পরে বিষের দিন ঠিক হ'য়ে গেছে।

সন্ধ্যাবেলা বাগানে নদীর ধারে ঝাউ-গাছের তলায় একটা ইঁজি-চেরারের ওপর এলিয়ে প'ড়ে ভাবছিলাম—এই পনেরোটা দিন ফুরোতে কতদিন লাগবে!—কবে আসবে

সে-দিন, যেদিন জলে উঠবে সেই রূপের প্রদীপ-শিখা আমার এই দীপহীন দেউলে,—কবে এক দিন সানাইয়ের বাঁশীর সুরে চলৌ-চন্দনে সেজে, সিঁদূরের রাঙা রাগে সে এসে দাঁড়াবে তা'র রক্ত-চরণ ফেলে, আমার এই অন্তর-জোড়া তরুণ-যৌবনের-কল্পনা-চিত্রিত পিঁড়িখানির ওপর—মূর্ত্তিমতী উষার মতন !

সুনীল এসে আমার পাশে ঘাসের ওপর বসে পড়লো। মনের নিবিড় কৌতূহল গোপন করে, বাহ্যতঃ নিম্পৃহভাবে তা'কে জিজ্ঞাসা করলুম—“কেমন দেখুলি রে সুনীল ?”

সুনীল বললে—“চমৎকার ! কিন্তু ভাই—”

আমি জিজ্ঞাসা করলুম—“কিন্তু কি ?”

সুনীল একটু ইতস্ততঃ করে বললে—“তা'র পিঠে বোধ হয় ভাই, একটু কুঁজ আছে !”

বুকের ভেতরটা ধক করে উঠলো। আকর্ষিত উৎসাহ অতি কষ্টে চেপে সহজভাবে তা'কে বললুম—“দুব ! তুই ভুল দেখেছিলি ! বোধ হয় সে লজ্জায় একটু সামনে ঝুঁকে পড়েছিল, তুই তা'ই কুঁজ ভেবেছিলি।”

সুনীল তা'তেও নিশ্চিন্ত না হয়ে বললে—“না ভাই, আমার মনে হ'লো পিঠের ওপর কি যেন উঁচু হ'য়ে আছে ! সে নিশ্চয়ই কুঁজ !”

সূর্যাস্তের গৈরিক আভাটুকু সন্ধ্যার আকাশ হ'তে যেন পলকের মধ্যে আমার চোখের সামনে নিভে গেল ! যেখানে-সেখানে, যখন-তখন তা'র অপূর্ণ রূপের খ্যাতি শুনে-শুনে আমার যৌবনের কল্পলোকে নীরবে নির্জর্নে বসে তা'র যে বিচিত্র মানসী-মূর্ত্তি ধীরে-ধীরে গ'ড়ে তুলেছিলুম, আজ একটা নিমেষে সে মূর্ত্তি যেন ভেঙ্গে-চূরে গুঁড়িয়ে গেল ! আর কিছু বলতে পারলুম না। সুনীলের মনে সংশয় জেগেছে, নিশ্চয়ই কোনো একটা বিশেষ রকম গোলমাল আছে !

রাত্রি মা ভাঁড়ার-ঘরে বসে মামার সঙ্গে বিয়ের আয়োজন সম্বন্ধে আলোচনা করছিলেন, আমি উদ্ভ্রান্ত চিন্তে তাঁদের সামনে গিয়ে বললুম—“মা, আমি বিয়ে করবো না !”

মা বললেন—“কেন রে, আবার কি হ'লো ?”

আমি বললুম—“না, আমি বিয়ে করবো না !”

মা বললেন—“সে তো বুঝলুম, কিন্তু কারণটা কি বল মা !”

আমি কোনো ইতস্ততঃ না করে সোজাসুজি বলে ফেললুম—“শেষে তোমরা কোথেকে একটা কুঁজা মেয়ে ঠিক ক'রেছো !”

মা বিস্মিত-চক্রে আমার শুষ্ক মুখের পানে চেয়ে বললেন—“সে কি রে ! এত লোক এত বার দেখে এলো, আমি নিজেও দেখে এসেছি, সকলেই একবাক্যে মরি, মরি বললে, কারুর চোখে কোনো খুঁত পড়লো না, আর তুই আজ বলছিস কি না সে কুঁজা ! এ বাজে খবর তুই কোথেকে পেলি ? আর তা' ছাড়া সব ঠিক ঠাক হ'য়ে গেছে—পাকা-দেখা পর্যাস্ত হ'য়ে গেছে, এখন এ সম্বন্ধ মিছি'মিছি ভেঙ্গে দেওয়া কতখানি অন্তায় হবে বল দিকিন ! তা'রা গরীব হ'লেও এতখানি অভদ্র ব্যাপার কি করা উচিত ?”

আমি তবু অবিচলিতভাবে বললুম—“না, ও মেয়ে আমি বিয়ে করবো না !—বিষেই করবো না !”

মা উদ্ভিগ্ন-চিন্তে বললেন—“আচ্ছা, আমি বন্দোবস্ত করছি, তুই নিজে গিয়েই একবার দেখে আস ! তা'র পর এসে বলিস।”

আমি চুপ করে রইলুম।

\* \* \* \*

হাতীতে চড়ে, লোক-লস্কর নিয়ে, ঐশ্বৰ্য্যের আড়ম্বর করে মামার সঙ্গে মেয়ে দেখতে গেলুম। এক জীর্ণ কুটারের ছয়ারে গিয়ে দাঁড়াতেই, একটি স্নিগ্ধ-সৌমা-মূর্ত্তি বৃক্ক বেরিয়ে এসে, আমাদের সাদর অভ্যর্থনা করে, ভেতরে নিয়ে গিয়ে মাটির দাওয়ার ওপরে স্বহস্তে একখানা মাত্র পেতে সন্মিত মুখে ছ'টি হাত বাড়িয়ে আমাদের বসতে বললেন। আমাদের ধন-দৌলতের খ্যাতি ও-অঞ্চলে লোকের মুখে-মুখে ফিরতো। সেই ধনী জমিদার-বংশের একমাত্র ছালাল আমি—আমি যে তাঁর সামান্য পার্শ্ব-কুটারে এসে বসেছি, আমার যোগ্য সমাদর যে কিছুই হ'চ্ছে না—সেজন্তে কোনো কুষ্ঠার ছায়ামাত্রও বৃদ্ধের হাবে-ভাবে ভাষায়-ভঙ্গিমায় প্রকাশ হ'লো না ! জীবনে সেই একটি দিনমাত্র বিস্মিত হ'য়ে দেখেছিলুম—দারিদ্র্য ঐশ্বৰ্য্যের সামনে কেমন করে মাথা তুলে দাঁড়ায় !

মামা বৃদ্ধের সঙ্গে দেশের শিক্ষা, স্বাস্থ্য, নীতি বিষয়ে রঙ-বেরঙের গল্প জুড়ে দিলেন। আমি নিঃশব্দে বসে তাঁর ঘর-দোরের ওপর চোখ বুলাতে লাগলুম। পরিষ্কার

পাঞ্চিক দেওয়াল, মেজে ; আঙিনার সর্বত্রই একটি কল্যাণী গৃহ লক্ষ্মীর দরদী হাতের পরশ যেন ফুলের মতন ফুটে রয়েছে। ছোট আঙিনার এক প্রান্তে শিউলি-গাছের তলায় একটি তুলসী-মঞ্চ,—ঝরে-পড়া শিউলি-ফুলে মঞ্চটির চার পাশ ছেয়ে গেছে। ধনীর প্রাসাদে ভোগ-ঐশ্বর্যের নিত্য সমারোহের মধ্যে আজন্ম-বর্জিত আমি—আজ এই সুন্দর, সুশ্রী দারিদ্র্যের রিক্ত, শূন্য, তাপস মূর্তি আমার চোখে বৈচিত্র্যের হিসাবে বড় ভাল লাগলো!

খানিক পরে আমার কথার ইঙ্গিতে বুদ্ধ মেয়েকে আনবার জন্তে উঠে গেলেন। কয়েক মুহূর্তের মধ্যেই বুদ্ধের সঙ্গে একটি মেয়ে এসে আমাদের আনত প্রণাম ক'রে ধীরে ধীরে আমাদের সামনে একটু দূরে গিয়ে ব'সলো।—আসতে আসতে উদ্দাম লক্ষ্মায় তার পা-ছটো জড়িয়ে গেল না,—আমাদের সামনে ব'সে অকারণ কুণ্ডায় তার মাথাটা কোলের কাছে ঝুঁকে পড়লো না,—সহজ সরল ভাবে অসঙ্কোচে সে আমাদের পানে দুটি কালো চোখের অকুণ্ঠিত দৃষ্টি মেলে চাইলে। আমি সামান্ত একটু ইতস্ততঃ করে, লজ্জার জড়িমাজোর করে কাটিয়ে ফেলে, উৎসুক চোখ তুলে তার দিকে তাকালুম। খানিকক্ষণ আমার চোখের পলক পড়লো না!—সুন্দরী বললে তার কিছুই বলা হয় না,—অপ্সরী বললেও তার বেশীর ভাগ না বলাই থেকে যায়! সে ভোরের শুকতারার অক্ষয় আলো, স্তম্ভ-গভীর নির্দোষে দূর বেহাগের মূর্ত্তনা, শরতের স্বচ্ছ নীল সন্ধ্যাকাশে সূর্যাস্তের গৈরিক আভা!—তেম্নি নিবিড়, তেম্নি গভীর, তেম্নি মহান! না, না,—সে এসবকে ছাপিয়েও আর কিছু! সে যে কি—তা আমি জানি না!—সেদিন জানি নি, পরে জানি নি,—এই বিচিত্র দীর্ঘ জীবনের কোনো দিন জানতে পারি নি! সে তাই—যা দেখে বিস্মিত পুলকে, নিরাক, নিস্পন্দ হয়ে চেয়ে থাকতে হয়;—“কী সুন্দর!” বলবার চেতনাটুকুও দেহের মধ্যে থাকে না। মঞ্জরিত যৌবনের বসন্তোৎসব তার দেহের মাধবী-কুঞ্জ সুর হলে গেছে, কিন্তু সে উৎসবের বাশরী-ধ্বনি যেন তার কাণে গিয়ে এখনও পৌছয়নি,—এখনও যেন তার শিশুকালের মনটি পড়ে আছে সেই খেলাঘরের পুতুলরই দিকে! কিন্তু এমন একটা সন্নিহিত গান্ধারী তার নথর মুখখানির ওপরে মাথানো যে, মুখ দেখে তার বয়স পাঁচ কি পাঁচশ তা ঠিক করা একটা দুর্লভ ব্যাপার।

আমি চুপ করে বসে মনে মনে স্বপ্নের মায়াজাল রচনা করতে লাগলুম। ভবিষ্যৎ জীবনের কত রঙীন কল্পনা সমুদ্রের ঢেউয়ের মতন উচ্ছ্বসিত হয়ে উঠে আমার চিন্ত-সৈকতে শত ধারে ছড়িয়ে পড়তে লাগলো। বেলা পড়ে আসছিলো; বিদায়মান সূর্যের একটা পথহারা রশ্মি শিউলি গাছের ফাঁক দিয়ে তার অকল্পিত মুখের ওপরে এসে পড়েছিলো—দেবী-প্রতিমার মুখে সন্ধ্যারতির পঞ্চ-প্রদীপের আলোর মতন!

কতক্ষণ আমার এমন মুগ্ধ বিহ্বল ভাবে কেটে গেছিলো, সে খেয়াল আমার ছিল না। চমক ভাঙলো—যখন মামা আমার গায়ে হাত রেখে একটু নাড়া দিয়ে বললেন—“কিছু জিজ্ঞাসা করতে চাও তো করো।”

আমি লজ্জা পেয়ে শুধু বললুম—“না।”

বুদ্ধ স্নেহাঙ্গী স্বরে বললেন—“ভালো করে দেখে নাও বাবা, পিঠে কোনো দোষ আছে কি না,—মনের কোণে কেন একটা অকারণ সন্দেহ থেকে যায়!”

মাথাটা আমার নিদ্রিতের মাথার মতন মাটির দিকে ঝুঁকে পড়লো,—মনে মনে নিজেকে শত ধিক্কার দিয়ে আমি নির্ঝাক হয়ে রইলুম।

তেম্নি সশ্রদ্ধ প্রণাম করে সে ধীরে ধীরে উঠে চলে গেল—গোধূলি বেলায় দিনাস্তের শেষ আলোটুকুর মতন,—আমাদের সামনেটা অন্ধকার করে!

আরও খানিক ক্ষণ একথা সে-কথায় কেটে গেল। আমরা উঠবো-উঠবো করছি, এমন সময়ে ভেতর থেকে একটা স্নিগ্ধ অস্বাভাবিক এলো—“বাবা!”

বুদ্ধ তাড়াতাড়ি উঠে “এখনই আসছি!” বলে চলে গেলেন। কয়েক মুহূর্ত পরে ফিরে এসে একটা ভেলভেটের কোটো আমার হাতে দিয়ে বললেন—“এই নাও বাবা।”

আমি চেয়ে দেখলুম—সেই হীরের ছল, যা দিয়ে মামা পাকা দেখে গেছিলেন। বুদ্ধের কথার অর্থ কিছুই বুঝতে না পেরে সেটাকে হাতে ধরে আমি অভিভূতের মতন তাঁর মুখের দিকে চেয়ে রইলুম। বুদ্ধ বললেন—“দেখে নাও বাবা, ঠিক আছে কি না; ওটা ফিরিয়ে নিয়ে যাও, আমার মেয়ে চির-কুমারা থাকতে চায়!”

মামা প্রগাঢ় বিশ্বাসে জিজ্ঞাসা করলেন—“কেন?”

শাস্ত কণ্ঠে বুদ্ধ বললেন—“কেন তা' তো জানি না;

তার কোনো কাজের 'কেন' আমি কখনো জিজ্ঞাসা করি নি, জিজ্ঞাসা করবার দরকারও কোনো দিন হয় নি। কারণ, দারিদ্র্যের শূন্য কোলেই সে আজন্মকাল মানুষ হয়েছে, তাই সে যা' বলে, সব দিক ভালো ক'রে ভেবে-চিন্তে, স্থির-সঙ্কল্প হ'য়ে বলে।”

মামা ব'ললেন—“এটা কি ভালো হচ্ছে বেয়াই মশাই?”

বৃদ্ধ মৃদু হেসে ব'ললেন—“ভালো-মন্দর বিচার সত্যিই

আমি এতদিনেও ক'রতে জানি না ভাই! তবে শুধু এইটুকু জানি—মানুষ তার নিজের সুবিধা-অসুবিধা, প্রয়োজন-অপ্রয়োজনের পানে চেয়েই জগতের ভালো-মন্দর বিচার করে। যদি অপরের অস্তরের সুখ-দুঃখের সঙ্গে নিজেকে মিশিয়ে সে-বিচার ক'রতো, তা' হ'লে ভালো-মন্দর রঙ ব'দলে যেতো।”

\* \* \* \* \*

## দ্বন্দ্ব

### শ্রীমরোজকুমারী বন্দ্যোপাধ্যায়

৩১

কিরণের সহিত সেদিনের সাক্ষাতের পর হইতে দুই সপ্তাহ অতীত হইয়া গিয়াছে। ইহার মধ্যে আর লীলার সঙ্গে তাহার দেখা হয় নাই।

কিরণ অধীর চিন্তে লীলার আস্থানের অপেক্ষা করিতেছিল; কিন্তু তাহাকে ডাকিবার 'কথা মনে হইলেই লীলা কাঁপিয়া উঠিত। সেদিনের পর হইতে তাহার সহিত আগের মত সহজ ভাবে দেখা করিবার সাহস তাহার ছিল না। কিরণও আর পূর্কের মত অকুণ্ঠ ভাবে তাহার কাছে আসিতে পারিত না।

দীর্ঘ দুই মাসের পর সেদিন লীলা বৈকালে ড্রয়িংরুমে নামিয়া আসিয়া বসিয়াছিল। বীণা তাহার নিকট বসিয়া গল্প করিতেছিল, ও মধ্যে মধ্যে অধীর ভাবে জানালার মধ্য হইতে পথের দিকে চাহিতেছিল।

সুস্থ হইবার পর হইতে লীলা বীণার মধ্যে একটা অত্যন্ত পরিবর্তন লক্ষ্য করিত। তাহার পূর্কের সে চাঞ্চল্য ও কৌতুকপ্রিয়তা অনেকাংশে ঘুটয়া গিয়াছিল। পূর্কে তাহার চোখে-মুখে যে একটা ভোগ-বিলসের ও অসার দস্তুর প্রথর দীপ্তি সর্বদা বিরাজ করিত, তাহা লুপ্ত হইয়া একটি কোমল মধুর ভাব তাহার অপূর্ব সুন্দর মুখে ছড়াইয়া পড়িয়াছিল। লীলার রোগের সময় হইতে সে তাহার সমস্ত আমোদ প্রমোদ ভুলিয়া সর্বক্ষণ তাহার সঙ্গে সঙ্গে ফিরিত—সাধ্যমত তাহার সেবা করিত। লীলা অমৃতপ্ত মুগ্ধচিন্তে ভাবিত, এই

বীণাকে সে এতদিন হৃদয়হীনা অসার-প্রকৃতি বলিয়া কত তুচ্ছ তাচ্ছিল্য, কত অবহেলা করিয়াছে।

দুই ভাগিনীর আলাপের মধ্যে কুমার গুণেন্দ্রভূষণ আসিয়া সেই কক্ষে প্রবেশ করিলেন।

‘এই যে! আপনি আজ নেমে আসতে পেরেচেন!’ কুমার অত্যন্ত বিনম্রভাবে লীলাকে নমস্কার করিয়া বীণার পার্শ্বে চৌকি টানিয়া লইয়া বসিলেন। পরে লীলাকে উদ্দেশ করিয়া আবার বলিলেন—কি চেহারাই হয়ে গেছে আপনার—ঠিক যেন ছোট পাখীটির মত; যাহোক ভালো হয়ে উঠেছেন যে, সেইটাই লাভ! যে ভয় আমাদের হয়েছিল!

লীলা একটু হাসিয়া প্রতিনমস্কার করিল।

কুমারের আগমনের সঙ্গে সঙ্গে বীণার মুখ আগ্রহে আনন্দে উজ্জ্বল হইয়া উঠিয়াছিল। সে বলিল—জানো লিলা, তোমার অন্তরের সময় গুর যে কি ভাবনা আর কি ভয়, সে যদি দেখতে! বাড়ীতে স্থির হয়ে থাকতে পারতেন না, সকালে চা খেয়েই এখানে এসে বেলা বারোটা পর্যন্ত বসে থাকতেন। আবার ফিরে গিয়ে নাওয়া খাওয়া সেরে সেই যে চলে আসতেন, একবারে রাত দশটা পর্যন্ত! কতদিন বাড়ী যেতেই চাইতেন না,—মা কত বুঝিয়ে, কত করে পাঠিয়ে দিতেন। সারাক্ষণ ভেবে ভেবে অস্থির!

—ভাবনা হবে না? সে কি সহজ কাণ্ডটি হয়েছিল বীণা? আর তা ছাড়া, আমি এ পরিবারের ঘনিষ্ঠ বন্ধু, তোমাদের সুখ-দুঃখ ঠিক তোমাদের মতই সমান ভাবে



আমি অসুস্থ করি। বাইরের লোকের মত একবার এসে খোঁজ খবর নিয়ে চলে গেলে ত আমার মন বুঝতো না। কুমার অত্যন্ত কোমল স্বরে বীণাকে কথটা বলিয়া লীলার দিকে ফিরিয়া বলিলেন—সব চেয়ে মর্মান্তিক আঘাত আমার কিসে লেগেছিল জানেন? কেবলি আমার মনে হত যে, যে দিনই আমার সঙ্গে আপনার প্রথম পরিচয় হলো, তার ছ' ঘণ্টা না যেতে যেতেই কি সেইখানে সঙ্গে সঙ্গে এমন শক্ত অসুখ? তখনো ভাল করে একটা কথা পর্য্যন্ত আপনার সঙ্গে কইতে পারি নি, অথচ পিসীমার কাছে আপনাদের কথা শুনে পর্য্যন্ত আলাপ করবার জন্ত এত আগ্রহ এত ইচ্ছা কতদিন থেকে মনে রয়েছে। নানা কাজকর্মের ঝঞ্জাটে আসা আর হয়ে উঠছিল না। তা যদি বা অনেক কষ্টে কোন মতে আসা হলো, অমনি সঙ্গে সঙ্গে এই ব্যাপার—কি জানি তখন কেমন আমার মনে হত যে, আমার সঙ্গে দেখা না হলে হয় ত আপনার এমন অসুখ হতো না। অবশ্য এ কথটার কোন মূল্য আছে বলে মনে হয় না। তবু সে সময় খালি ঐ কথটা মনে হয়ে কেবলি আমার নিজের উপর বড় রাগ হতো।

কুমারের সঙ্গে লীলার পরিচয় কেবল ছ' তিন মিনিটের মাত্র, তবু তিনি এমন নম্র মুহূর্তে, এমন আত্মীয়তার ভঙ্গীতে কথাগুলি বলিলেন যে, লীলা অপরিচিতের এত ঘনিষ্ঠতার অধিকার লওয়ায় বিরক্ত হইতে পারিল না।

সে বলিল—আপনি আমার কথা ভেবে এত দিন কষ্ট পেয়েছেন, আমি তার কিছুই জানতুম না। সংসারে বন্ধুবান্ধব অবশ্য অনেক পাওয়া যায়, তবে প্রকৃত ব্যথার ব্যথী বন্ধু লাভ অনেক সৌভাগ্যের কথা। আপনাকে অকৃত্রিম বন্ধু রূপে পেয়ে আমিও খুব স্তম্ভী হলাম। এখন এখানেই ত থাকবেন কিছু দিন?

—সেই রকম ইচ্ছেই ত আছে। অবশ্য আবার সেখানে বিশেষ দরকার যদি না পড়ে। তা আপনি এখন বেশ সুস্থ আছেন ত মিস রায়? আর ত কোন রকম অসুখ নেই?

লীলা বলিল—অসুখ বিশেষ কিছু নেই,—এখন গায়ে আর একটু বল পেলেই বাঁচা যায়। অসুখের চেয়ে এই ঘরের মাঝে বন্দী হয়ে থাকটা যেন আরো কষ্টকর হয়ে উঠেছে! কতকাল যে বাড়ী থেকে বেরোই নি, তা মনেই পড়ে না! মনে হচ্ছে যেন আজন্মকাল এমনি ঘরে বসেই কেটেছে।

—সত্যি! বাড়ীতে বসে বসে এমনি অসুস্থিই ধরে বটে! আমি ত কাজকর্মের সময় ছাড়া এক মুহূর্ত বাড়ীতে বসে থাকতে পারি না। বড়দিনের সময় আমরা সকলে মিলে শিকারে যাব স্থির হয়েছে। এখানে শিকার আর কি—এই একটু বেড়ানো, আমোদ আফ্লাদ, আর ছ' একটা পাখী মারা এই আর কি! মেয়েরাও কেউ কেউ আমাদের সঙ্গে যাবেন ঠিক হয়েছে। তত দিনে আপনি যদি আর একটু সারেন, তা হলে আমাদের সঙ্গে বেরোবেন—আপনি ত খুব ভাল ষোড়ায় চড়তে পারেন শুনেছি। খুব বেড়ানো হবে সমস্ত দিন—আপনার বেশ ভালোই লাগবে।

—দেখা যাক, যদি পারি, নিশ্চয়ই যাব—ফাঁকা হাওয়ার যাবার জন্তে আমার মন ব্যস্ত হয়ে উঠেছে।

লীলার কথা শেষ হইবার পূর্বেই কিরণ মিসেস রায়কে লইয়া ঘরে প্রবেশ করিল। সে প্রতি দিনই এই সময় তাঁহাকে ক্লাব হইতে বাড়ী ফিরাইয়া দিতে আসিত। প্রতি দিনই তাহার আশা হইত, যদি লীলার সঙ্গে দেখা হয়। আজ তাহাকে দেখিয়া সে তাহার পাশে চেয়ার টানিয়া বসিল।

মিসেস রায় কুমারকে দেখিয়া অত্যন্ত প্রফুল্ল হইয়া উঠিলেন, বলিলেন—এই যে গুণেন্দ্র! তুমি এখানে! ক্লাবে সকলে আমার তোমার কথা জিজ্ঞেস করছিল! ওরা বলছিল তুমি যে ক্লাবে যাওয়া, সকলের সঙ্গে দেখা শুনা করা, সবই ছেড়ে দিলে—ব্যাপারটা কি! তা আর যাও না যে?

কুমার বলিলেন—গিয়ে কি হবে বলুন? আমার ও-সব সঙ্গ আর ভাল লাগে না। যাদের সঙ্গ মন থেকে ভাল লাগে, সেইখানেই ঘুরে-ফিরে যেতে ইচ্ছে হয়, সেইখানে বসেই সময় কেটে যায়—পাঁচ জায়গায় যাবার সময়ই বা কোথা? কথটা বলিয়া কুমার হাসিয়া বীণার মুখের দিকে চাহিলেন।

—তা বেশ বাছা! যেখানে ভাল থাক সেখানেই থেক। লীলার সঙ্গে আলাপ হয়েছে? বলিয়া মিসেস রায় প্রীতি-প্রফুল্লমুখে বলিলেন—গুণেনের সঙ্গে আলাপ করো লীলা! অমন গুণের ছেলে আর হবে না! কিরণ, বসো তোমরা, আমি কাপড় ছেড়ে এখন আসছি।

মিসেস রায় চলিয়া গেলে, লীলা কুমারের উদ্দেশে বলিল—আপনারা বসুন, ঠাণ্ডা পড়ছে, আমি এবার ঘরে যাই।

কিরণ তখন বলিল, তুমি বেড়াতে যাবার কথা বলছিলে না ? কবে একটু বাইরে যেতে পারবে বলো ? তা হলে আমি বিকেলে এসে তোমায় নিয়ে যাব !

লীলার মুখে রক্তের উচ্ছ্বাস জমিয়া উঠিল ! কিরণের সঙ্গে একা বেড়াইতে যাইবার কথা আজ আর সে সহসা কোন উত্তর দিতে পারিল না ।

বীণা বলিল—আজ সকালে বাবা বলছিলেন, কাল থেকে আমাদের ক্লাবে ছেড়ে দিয়ে তিনি লিলিকে সন্ধ্যাবেলা একটু করে বেড়িয়ে আনবেন । ডাক্তার মত দিয়েছেন । তাব পর সে একটু হাসিয়া আবার বলিল—জানলেন কিরণ বাবু ! অস্থির পর থেকে বাবার যত টান সব লিলির উপর ! আমার কথা আজকাল তাঁর একবারও মনে পড়ে না !

কিরণ হাসিয়া বলিল—তাই না কি ? এটা ত তাঁর বড় অস্ত্র পক্ষপাত বলতে হবে ! আচ্ছা ! এবার তাঁর সঙ্গে দেখা হলে আমি এ কথা বোলবো তাঁকে । তা হলে আমি কাল বেলা চারটের সময় এখানে আসবো কি লিলি ? যেতে পারবে ত ?

লীলা বলিল—তাই এসো ! বাবার্কে আমি বলে রাখবো, তিনি তাতে খুসি হবেন । আমি এখন কতকটা বল পেয়েছি । গাড়ীতে তোমার সঙ্গে যেতে কষ্ট হবে না বোধ হয় ।

রাত্রে একা বিছানায় পড়িয়া লীলা নিজের ভাবনা আকাশ পাতাল ভাবিতেছিল । কিরণের সঙ্গে যখন তাহার কোন সঙ্কল্প হইবার উপায় নাই, তখন আর এ ভাবে তাহার সঙ্গে মেলামেশা করিয়া মনকে প্রশ্রয় দেওয়া উচিত নহে । এ কয়দিন সে নিজের সঙ্গে অনেক হৃদয় করিয়াছে, কিরণের কথা ভুলিয়া অরুণকে ভাবিবার অনেক চেষ্টা করিয়াছে ; কিন্তু সবই বৃথা ! কিরণের সেই আবেগময় কণ্ঠস্বর, তাহার সেই অমুরাগদীপ্ত অনিমেষ দৃষ্টি, প্রেমপূর্ণ মধুর কথা লীলা সুহৃৎের জন্তও ভুলিতে পারে নাই । কিরণের একাগ্র প্রশান্ত দৃষ্টি তাহাকে বলিয়া দিত, সে তাহারই জন্ত প্রতীক্ষা করিতেছে, কিন্তু লীলা যে নিশ্চিতই জানে তাহার এ অপেক্ষা বৃথা—অরুণের উপর সবই নির্ভর করিতেছে । অরুণ ত কোন দিনই তাহাকে ত্যাগ করিবে না । কিরণের জন্ত বেদনার হৃদয়ে অরুণ তাহার প্রাণ কাঁদিতোছিল । তাহার সঙ্গে মিলন

তাহার কাছে স্বর্গ-স্থলেরও অধিক প্রার্থনীয়, কর্তব্যের খাতিরে তাহাকে ছাড়িয়া হর ত অরুণকে বিবাহ করিতে হইবে,—অরুণের সাধী সেবাপরায়ণা পত্নী হইতে হইবে ।

কিন্তু তবু যখন তাহার সেদিনের কথা মনে পড়ে, তখন যেন তাহার সর্কাজ দিয়া একটা পুঙ্কের শিহরণ তড়িতের মত বহিয়া যায় ! তাহার অস্তর দুর্নিবার আনন্দের বস্ত্র ভাসিয়া যায় ! কিরণ—কিরণের মত অসাধারণ—লোক তাহাকে ভালবাসে !

মনের এই অদম্য আবেগ ভুলিয়া কিরণকে পূর্বের মত কেবলমাত্র বন্ধু ভাবে ভাবিবার জন্ত লীলা প্রাণপণে নিজের সঙ্গে যুক্তিতোছিল । সে অপরের নিকট বিবাহ-প্রতিজ্ঞার আবদ্ধ—কিরণের প্রতি মনের এ ভাব তাহার পক্ষে নিতান্ত অসুচিত—এই চিন্তা তাহার কর্তব্যনিষ্ঠ চিত্তকে নিরন্ত পীড়া দিত, অথচ সর্কাদা নিঃসঙ্গ একা ঘরে পড়িয়া পড়িয়া সে এ চিন্তা কিছুতেই ভুলিতে পারিতেছিল না ।

সেদিন কাল একটু সকাল সকাল শুইতে আসিল । লীলাকে জাগিয়া থাকিতে দেখিয়া সে কাছে আসিয়া বলিল—এই যে তুমি এখনো জেগে আছ ? আমি তাই একটু সকাল করে এলুম—বলি—তুমি যদি আবার ঘুমিয়ে পড় !

লীলা বুলিল—কাল আজ কোথা হইতে নুতন কিছু তথ্য সংগ্রহ করিয়া আনিয়াছে । সে বলিল—কেন—এত রাত্রে তোর আবার আমার সঙ্গে কি দরকার পড়লো ?

দরকার এই যে বলি ! বলিয়া কাল সেইখানে বসিয়া পড়িল—তাহার পর বিষম উত্তেজিত ভাবে আরম্ভ করিল—  
হ্যাঁ গা দিদিমণি ! তোমাদের এ কেমন ধারা বিদ্যুটে কাণ্ড বল দেখি ? একে ত এই সব সোমস্ত সোমস্ত মেয়ে দিবে রাস্তির যত পুরুষমানুষের সঙ্গে পাল্লা দিয়ে নেচে বেড়ানো ! তার উপর ওই যে সব মড়ুইপোড়ারা এখানে ধেই ধেই করে নাচতে আসে, তাদের একটু দেখে শুনে খবর নিয়েও কি আনতে নেই ? যে সে এসে ঘরে ঢুকলেই হলো ? গড় করি বাছা ! তোমাদের পারে আর তোমাদের মা বাপের পারে ! এমন কাণ্ড আমার বাবার জন্মে কখনো দেখিও নি—দেখবোও না—ছি ! ছি ! ছি ! লঙ্কার বেগ্নায় আমার যে মরতে ইচ্ছে করছে !

লীলা বলিল—এই ! আজ আবার মতিছন্ন ধরেছে

দেখছি! কি হয়েছে কি? সেইটা আগে বল না—মরতে ইচ্ছে হয়, তার পরে মরিস এখন! অমন করে বকে মরছিস কেন?

—বকে মরছি কেন? তোমাদের যা সব রীত্ চরিত্তির হচ্ছে—তাই দেখে দেখে থাকতে পারি নি—বকে মরি—বলি—আজ বিকেলে তোমাতে আর বড় দিদিমণিতে বসে যার সঙ্গে গল্প করছিলে—সেই যে গো—খুব টকটকে রং—হু হাতে হীরের আংটি জল জল করছে—সেই মুখপোড়া মিন্বে এখানে এসে ভাল মানুষের মত কোথা থেকে জুটলো বল ত? বদমাইসের খাড়ি—শয়তানের বাচ্ছা—ঘাটের মড়া—সাত-ঘর মজিয়ে—

লীলা কাস্তুর গালাগালির উচ্ছ্বাসে বাধা দিয়া অত্যন্ত রাগিয়া বলিল—আরে মর! তোর যে বড় বড় বেড়েছে দেখছি! মুখ সামলে কথা বলতে পারিস না? যত কিছু না বলি—ততই আম্পর্কী দিন দিন বেড়ে উঠছে! ভদ্রলোকের ছেলেকে তুই অমন করে গাল দিস কোন আক্কেলে?

—ভদ্র লোক! ওর সাত-পুরুষ কেউ ভদ্র লোক নয়! পয়সা থাকলেই কি ভদ্র লোক হয় গা? ও ওমনি করে লোকের ঘর মজিয়ে বেড়ায়! সেই যে গো—তোমায় বলি নি? ওই মুখপোড়াই ত সেই ডেপুটি বাবুর ভাইয়ের বউকে ঘর থেকে বের করে নিয়ে গেছে! এখন সে ছুঁড়ীর খোয়ারের অস্ত নেই! তার দিকে একবার ফিরেও চায় না—সে দাসীদের মহলে দাসীদের কাছে পড়ে আছে।

লীলা চমকিয়া উঠিল! কাস্ত এ কি বলিতেছে! কুমার গুণেন্দ্রভূষণ! কুমার সেই শোচনীয় কুৎসিত কাণ্ডের নায়ক? অকস্মাৎ তাহার মাথা ঘুরিয়া গেল। সে নিজে কুমারের সঙ্গে বিশেষ পরিচিত নয় বটে, তবে যেটুকু সে তাঁহাকে দেখিয়াছে, তাহাতে তাঁহাকে অত্যন্ত ভদ্র ও সম্মানের পাত্র বলিয়াই তাহার বিশ্বাস। আর আজ সন্ধ্যার সময় সে তাহার নিজের বাড়ীতে কুমারের যে আদর ও মান্ত দেখিয়াছে, তাহাতে তাহার বিশেষ আশ্চর্য্য বোধ হয় নাই। কুমার যে-কোন ভদ্র-পরিবারে এ ভাবে মিশিবার উপযুক্ত পাত্র, তাহার এ ধারণা হইয়াছিল। কিন্তু কাস্ত তাঁহার সম্বন্ধে এ সব কথা কি বলে? সে কিছু বুঝিতে পারিল না, অত্যন্ত

বিচলিত হইয়া বলিল—তুই এ কথা জানলি কি করে? উনি আমাদের একজন বিশেষ বন্ধু, সম্প্রতি কলকাতা থেকে এখানে বেড়াতে এসেছেন—উনি ত এখানে থাকেন না। ওঁর নামে এ সব কথা কে বলেছে তোকে? আর জোছনাকে যে নিয়ে এসেছে—তুই কি তাকে চিনিস? যে এ কথা বলতে এসেছিল?

কাস্ত হাত নাড়িয়া বলিল—আমি তাকে চিনবো কোথা থেকে? আমাদের সাতপুরুষ কেউ কখনো অমন ছবমণের ছায়া মাড়ায় না। আমার ধারে এলে মুড়ো কাঁটা দিয়ে গায়ের ছাল চামড়া তুলে দেবো না? বয়েস যখন আমার অল্প ছিল, তা গউর বন্ন না হই—কালো কোলোতে একটা ছিরি ছিল ত? মাথায় এই এক মাথা মিশ কালো চুল হাঁটুতে এসে পড়তো, তা গায়ের এক মিন্বে গরলা—

লীলা ধমক দিয়া বলিল—কের! ওই সব আঘাতে গল্প বানাতে বসলি? যা বলছি—এক কথায় তার জবাব দে! একটি বাজে কথা নয়! বল—তুই ওঁকে চিনলি কি করে?

—বাবা! মেয়ে যেন ষোড়সওয়ার! মেজাজ অষ্ট পহর তেরিয়া হয়েই আছে! বলি—আমি ওকে চিনবো কোথেকে গা? আমি যদি চিনতুম, তা হলে এই যে তোমার অন্তরের সময় থেকে ও এসে এখানে জমিয়ে বসেছে, যখন-তখন আসছে যাচ্ছে, বড় দিদিমণির সঙ্গে দিবে-রান্তির ফুস-ফুস গুজগুজ করছে, এ সব কি হতে পারতো? মা ত একেবারে ওর নামে গলে পড়ছে। বড় দিদিমণিও তাই! আমি বলি কে না কে—বড়দিদির সঙ্গে বিয়ে হবে বুঝি? আজ না কি আমার বোন—সেই যে গো—যে জোছনার কাছে আছে—সে সহরে এসেছিল—তা একবার আমার সঙ্গে দেখা করতে এসে দেখে—না—বাইরের ঘরে তোমাদের সঙ্গে সে দিব্যি বসে গল্প করছে! বামা তো দেখে অবাক! বলে—এ শয়তানটা আবার তোদের এখানে জুটলো কি করে? ভয়ে সে তো আর দাঁড়ালো না, তোমাদের ওই রাজপুত্র যদি বামাকে এখানে দেখতে পেতো, তা হলে কি আর ওকে জোছনার কাছে থাকতে দিত? বাড়ী গিয়েই হয় তাকে দেশছাড়া করতো, না হয় আটক করে রাখতো—কথা জানাজানি হবে বলে!

লীলা স্তব্ধ হইয়া ভাবিতে লাগিল। কুমারের সহিত বীণার অতিরিক্ত ঘনিষ্ঠতা আজ সে বিশেষ ভাবেই লক্ষ্য

করিয়াছে। তাহার পিতা মাতা কখনো এ সম্বন্ধে বাধা দিবেন না। তাহার নিজেরও এ ঘটনা কিছু বিসদৃশ ঠেকে নাই। কিন্তু কাস্তুর বর্ণিত ব্যাপার যদি সত্য হয়, সত্যই যদি বাহ্যিক ভদ্রতা ও শীলতার আবরণের ভিতরে কুমারের এইরূপ জঘন্য চরিত্র হয়, তাহা হইলে বীণাকে সময় থাকিতে সাবধান করা উচিত,—এ ঘনিষ্ঠতা আর বাড়িতে দেওয়া উচিত নয়। এখন কুমারের সম্বন্ধে আরও ভালরূপে সন্ধান লওয়া আবশ্যিক।

লীলাকে নীরব দেখিয়া কাস্তুর আবার বলিল—বলি, সংসারটা কি কেবল পাজি বদমাইসদেরই আড্ডা গো দিদিমণি? দয়া ধর্ম বলে কি একটা জিনিস নেই? দিন রাত্তির এখনো সত্যি-যুগের মতই হচ্ছে! এখনো চন্দ্র সূর্য উঠছে! মুখপোড়ারা কি ভাবে যে চার পোয়া কলির রাজস্বি আরম্ভ হয়েছে? অমন কচি মেয়েটা—কোন ছকু জানতো না—কিছু বুঝতো না—হেসে খেলে বেড়াত—তাকে তার ঘর থেকে টেনে নিয়ে গিয়ে এই খোয়ার! ছুঁড়ি এখন খায় না—নায় না—শুকিয়ে শুকিয়ে মরতে বসেছে—আর দিবে-রাত্তির অঝোর ঝরে কাঁদছে! সে আর কদিনই বা বাঁচবে বল ত?

লীলা সহসা অন্তরে দারুণ আঘাত বেধ করিল। অভাগিনী জোছনা! তাহার কি পরিণাম হইবে! বীণার সঙ্গে ঘনিষ্ঠতার ফলে কুমার এখন তাহার সম্বন্ধে এমন উদাসীন হইয়াছে—তাহা সে বুঝিল। জোছনার সম্বন্ধে লীলার পক্ষে উদাসীন থাকা অসম্ভব—কিন্তু লীলা তাহার কি ভাল ব্যবস্থা করিতে পারে?

লীলা বলিল—সে লোকটা কি জোছনার সঙ্গে ভাল ব্যবহার করে না?

—ওরা আবার কোন্ কালে ভাল ব্যাভার করে গা? ওদের আদর এই ছুদিন। সে বাড়ী থাকেই বা কখন? এই ছ' মাস ত দেখছি সকাল থেকে সন্ধ্যা পর্যন্ত এখানেই কাটাচ্ছে! আমার বোন বলে—রাত্তিরে কতকগুলো এয়ার বন্ধু নিয়ে অন্ধক রাত ইস্তিক বাইরের ঘরে মদ খেয়ে হলা করে, তার পর সেইখানেই ঘুমোর! সে ছুঁড়ির ধারেও যায় না কোন দিন। ওর বউ ওর জালায় বিষ খেয়ে মরেছে, এই জোছনাও মরে কোনদিন! আরো কত জায়গায় কত কীত্তি করেছে—তা কে জানে? এবার আমাদের বড় দিদিমণিকে নিয়ে পড়েছে!

লীলা শিহরিয়া উঠিল। কুমারের হাতে পড়িলে বীণারও এই পরিণাম অনিবার্য! সে আর কিছু ভাবিতে পারিল না—তাড়াতাড়ি বলিল—তুই চুপ কর কাস্তুর! এ সব কথা আর মুখে আনিস নি। আমি ওদের সম্বন্ধে শীঘ্রই একটা ভাল ব্যবস্থা করছি। কিন্তু তোর যে রকম স্বভাব—তাকে বারণ করে দিচ্ছি—খবরদার যেন এ সব কথা কোথাও গল্প করে বেড়াস নি। যা করতে হয়—সব আমি নিজে কোরবো। কারু কাছে এ কথা এখন প্রকাশ না হয়।

কাস্তুর বলিল—না গো না! আমার অমন হালকা স্বভাব নয়—যে যাকে তাকে সব কথা গল্প করে বলতে যাব। সে সব আক্কেল আমার যথেষ্ট আছে। তুমি কিন্তু দিদিমণি—যেমন করে পার—ঐ লোকটাকে এখান থেকে তাড়াও। ওর ছায়া মাড়ালে পাপ হয়। আর যদি পার, তো—সে ছুঁড়ির একটা হিল্লো করো। বামা তাকে ধাতে করে মামুষ করেছে—তার দুগুণতি দেখে এখন সেও তার সঙ্গে কেঁদে কেঁদে মরতে বসেছে। (ক্রমশঃ)

## ব্যথার পূজা

শ্রীশুধীরচন্দ্র বন্দ্যোপাধ্যায়

দয়াদেবী যখন শুনিলেন যে ধীরু কাহাকেও কিছু না বলিয়া গ্রাম পরিত্যাগ করিয়া দেশান্তরে চলিয়া গিয়াছে, তাঁহার প্রাণ কাঁদিয়া ধীরুর কাছে ছুটিয়া যাইতে চাহিল। কিন্তু সে কোথায়, কোন্ দূর দেশে আপনার অদৃষ্ট পরীক্ষার জন্ত ছুটিয়া গিয়াছে, সে কথা কেহই তাঁকে বলিতে পারিল না। তিনি কথা-প্রসঙ্গে যদি কখনও দেবেনের কাছে তাহার কথা পাড়িতেন, দেবেন মুখভঙ্গী বরিয়া বিজ্ঞপ স্বরে কহিত, “তিনি বিবাগী হয়ে দেশ ত্যাগ করেছেন।” সত্যই যখন দেবেন কিংবা রাজেন্দ্রনাথ কেহই আর ধীরুর কোন অনুসন্ধান করিল না, এবং সে লক্ষ্যে সকলেই যেন একটা স্থির সিদ্ধান্ত করিয়া নিশ্চেষ্ট ভাবে দিনপাতের সঙ্গে আপনার কার্য শেষ করিয়া যাইতে লাগিল, তখন দয়াদেবী বুঝিলেন হতভাগ্য ধীরুর জন্ত এক ফোঁটা চক্ষের জল ফেলিতেও এ সংসারে কেউ নাই। মনকে বুঝাইলেন— সে ব্যাটাছেলে, যেমন করেই হোক আপনার পথ আপনি করে নেবে। কিন্তু হতভাগা যদি একবার বলে যেত কোথায় যাবে, কি করবে—তাহলেও হত। যুক্তি, তর্ক, মীমাংসা কোন কিছুই দয়াদেবীর দুর্বল স্নেহ-কাতর মনকে স্পৃহ কবিত্তে পারিল না। দিনের পর দিন তাঁহার শরীরও ভাঙ্গিয়া যাইতে লাগিল। এ সংসারে ধীরুই যেন তাঁহাকে এতদিন জোর করিয়া বাঁধিয়া রাখিয়াছিল। বাধন ছিঁড়িয়াছে— তাই আজ তাঁহার মন এক মুহূর্তের জন্ত এখানে থাকিতে চাহিতেছে না—মুক্তির জন্ত ছটফট করিতেছে।

দেবেন ইদানিং দয়াদেবীর সঙ্গে বড় একটা সদ্ভাব রাখে নাই। তাহার প্রধান কারণ—ধীরু-সংশ্লিষ্ট ব্যাপারে উভয়ের মত-পার্থক্য। দ্বিতীয়তঃ—ধীরুর গৃহত্যাগ।

আজ বৈকালে দেবেন বেড়াইতে বাহির হইবে এমন সময় দয়াদেবী তাহাকে কহিলেন—“তাহলে কাল বাদে পরশু দিনই আমি কাশী যাওয়া স্থির করলাম।” দেবেন তাহার জব্বর কপালে টানিয়া কহিলেন—“কি হল কথাটা? কাশী যাচ্ছ—বেশ ভাল কথা।” দেবেন গম্ভীর ভাবে

দাঁড়াইল। দয়াদেবী মুহূর্তে কহিলেন—“হাঁ বাবা, এ দিকের দিনও ক্রমে ঘনিয়ে আসছে। তাই বাকি কটা দিন।”

দেবেন বাধা দিয়া কহিল—“তা কি করতে হবে?”

“তুই যে বলেছিল কাউকে সঙ্গে দিবি।”

“—কে যাবে?—লোক নেই।”

“দু-দিনের জন্ত গিয়ে নবীনও ত রেখে আসতে পারে! সে ত চেনে, জানে—সেখানেও সেই সেবার অর্দ্ধোদয় যোগের সময়—।”

দেবেন মাথা বাঁকাইয়া বিরক্ত ভাবে কহিল—“না—না, পা’রবে না যেতে। কাজকর্ম দেখে কে? তুমি চলে গেলে সংসারের কিছু ক্ষতি-বৃদ্ধি হবে না, কিন্তু সে না থাকলে আমার চের ক্ষতি।”

দয়াদেবী দেবেনের কাছে এতখানি রুচ জবাব প্রত্যাশা করেন নাই। রাগ, দুঃখ, অভিমানের চিহ্ন তাঁহার মুখে ফুটিয়া উঠিল। সে ভাব জোর করিয়া চাপা দিয়া তিনি কম্পিত কণ্ঠে কহিলেন—“তবে তোমাদের ইচ্ছা কি আমার এই বৃদ্ধ বয়সে এখানে ফেলে পিষে মারা! এত কাল তোমাদের সংসারে কি চাকরাণীর অধম হয়েও থেকেছি, এখন যদি আমার গতির আর না বয়, বাবা”—দয়াদেবীর কণ্ঠ কে যেন সজোরে চাপিয়া ধরিল।

দেবেন ভ্রু কুঞ্চিত করিয়া ঘাড় বাঁকাইয়া কহিল—“দেখ পিশি, ইদানিং তোমার কথার ধরণ-ধারণ একটুও ভাল নেই বলে আমি তোমার সঙ্গে কথা কওয়াই এক রকম ছেড়ে দিয়েছি। কে তোমাকে এখানে পায়ে শিকল বেঁধে আটকে রেখেছ বল? বেশ, কাশীই যদি যেতে চাও সরকার মশায় গিয়ে রেখে আসবেন। কারুর জন্ত কারুর কিছু আটকায় না পিশি, বুঝলে?”

দয়াদেবী চক্ষের জল মুছিতে মুছিতে কহিলেন—“আমি তা ত বলিনি বাবা!”

“হাঁ তাই বলছি। তুমি মনে করেছ যে তুমি চলে গেলে আমার সংসার অচল হয়ে যাবে? তা নয় পিশি! রাজা

যরলেও রাজ্যি চলে। আর ধর তাই-ই যদি হয়, তা হলেই বা কছি কি।”

দয়াদেবী ভয়কর্মে কহিলেন—“বালাই, সংসারে অমঙ্গল কেন হবে বাবা! তোমরা সব বড় হয়েছ—ছোট ছোট বউরা এখন গিন্নী হয়েছে—আপনার সংসার আপনি বুঝে নিয়েছে—এখন ত আর আমাকে দিয়ে কারুর দরকার নাই। ধীরে হতভাগাটাই ছিল আমার পায়ে বেড়ী, তা সেও ত”.....।

দেবেন বাধা দিয়া হাসিবার ভঙ্গীতে কহিল—“হাঁ—হাঁ, তা আর জানি না—সবই জানি পিশি! সেই ত হ'ল রোগের গোড়া! আর এই ধীরের জন্তই তোমার যত আক্রোশ পড়েছে আমাদের ওপর। সব বুঝি পিশি—নেহাৎ কাঁচা ছেলে আমি নই।.....তা বেশ, তোমার যেখানে খুসী যাও বাপু,—এত হাল্কা আমার ভাল লাগে না। তোমার টাকা-কড়ি আমি হিসেব ক'রে ফেলে দেব'খন।” মুখখানা গম্ভীর করিয়া দেবেন চলিয়া গেল।

সত্যবালা এতক্ষণ রেলিংয়ের উপর ঝুঁকিয়া সমস্ত কথা শুনিতেছিল। দেবেন চলিয়া যাওয়ার পরই দয়াদেবীর সম্মুখে আসিয়া দাঁড়াইল। দয়াদেবী তখন দেয়ালে ঠেশ দিয়া মালা-হাতে শূন্যদৃষ্টিতে আকাশের দিকে চাহিয়া আছেন—আর তাঁহার হুই চক্ষু দিয়া ধারা বহিতেছে। “তুমি দেখছি এ বাড়ীতে একটা অমঙ্গল না ডেকে এনে আর কোথাও এক পা নড়ছ না!”

দয়াদেবী আশ্চর্য্য ভাবে কহিলেন “সে কি মা! যাট, তোরা বেঁচে থাক, সুখে থাক। আমি কেন অমঙ্গল ডাকব? তোরা কি আমার পর?”

সত্যবালা কহিল “তা নয় ত কি? রাত নেই, দিন নেই সন্ধ্যা-সকাল বাদ নেই, সব সময়ে চোখের জল ফেলা। তাতে কখন গেরস্বর ভাল হয়? যাবে যাও তোমার কপাল নিয়ে। কেউ ত আর তোমায় তাড়াচ্ছে না—তবে এত কেন?”

“ত সত্যি মেক বউমা, আমি আমার কপাল নিয়েই যাচ্ছি। দেবুর আমার বাড়-বাড়ন্ত হোক।”—

সত্যবালা বাধা দিয়া কহিল—“ওঃ, তার জন্তে আর ভাবনার ঘুম নেই! রাত দিন বুক চাপড়াচ্ছ, কপাল ঠুকে শাপ দিচ্ছ, তাড়িয়ে দিল বলে গাঁ-ময় ঢোল পেটাচ্ছ। আর তোমার দরদে কাজ নেই মা!”

দয়াদেবী কিছুক্ষণ চুপ করিয়া ক্লকর্মে কহিলেন—“বল মা তোর প্রাণে যা চায়! এতদিন সহ্যাম, আর কি একটা ছোটো দিন সহ্যে পারব না,—খুব পারব!”

রাজেশ্বরের গলার আওয়াজ পাইয়া সত্যবালা চলিয়া গেল। “কি পিশি, পরশু দিনই কাণী যাচ্ছ না কি?”

দয়াদেবী মুখ তুলিয়া কহিলেন—“হাঁ; বাবা বিশ্বনাথ নেহাৎ টেনেছেন।”

“নিজেই যাচ্ছ, আর দোষটা বিশ্বনাথের ঘাড়ে চাপাও কেন বাপু। কিন্তু কাজটা ভাল করলে না” এই বলিয়া রাজেশ্বরনাথ বাহির হইয়া গেল।

দয়াদেবী চাহিয়া দেখিলেন, আকাশ স্নান হইয়া উঠিয়াছে। একটা গভীর নিরুৎসাহ বৃকে করিয়া সন্ধ্যা আগতপ্রায়। জপের মালাছড়া কপালে ছোঁয়াইয়া পেরেকে তুলিয়া রাখিয়া দয়াদেবী ধীরে ধীরে বারান্দার কোণে আসিয়া উৎসুক, কাতর দৃষ্টিতে কিছুক্ষণ দেউড়ির দিকে চাহিয়া থাকিলেন। টস্ টস্ করিয়া কয়েক ফোঁটা চোখের জল মাটিতে পড়িল, একটা হতাশ করণ অক্ষুট শব্দ সন্ধ্যার বাতাস তাঁহার মুখ হইতে টানিয়া লইয়া বিশ্বের কোলাহলের মধ্যে মিলাইয়া দিল। দয়াদেবী ধীরে ধীরে ঘরের দিকে চলিয়া গেলেন।

৮

মানুষের এমন এক একটা সময় আসে, যখন দুঃখ জিনিষটাকে চিনিয়া জানিয়া অনুভব করিয়াও, লোকে সেইটাকেই আবার ব্যগ্র হৃদয় দিয়া আঁকড়াইয়া ধরিয়া থাকে। চক্ষের জলে মুখ ভাসিয়া যায়, বৃকের ভিতর টন্ টন্ করিয়া উঠে; কিন্তু তবুও সেই অতীত জীবনের স্মৃতি ও বিশ্বৃত ঘটনাগুলি লইয়াই সে নাড়াচাড়া করিতে থাকে,—যেন তাহাতেই সে শান্তি পায়।

ধীরেও আজ তাই। যখন ঝরিয়ায় একটা কয়লা কুঠির ধারে নদীর চড়ায় বসিয়া ছিল, তখন তাহার মনটা বাংলাদেশের এক সুদূর পল্লীগ্রামের মাঝে উদাসীনের মত ঘুরিয়া বেড়াইতেছিল। সেই পরিচিত পথ-ঘাট, পদ্মফুল-ভরা ঘোষেদের পুকুর, পার্শ্বে শ্রামের মন্দির, আম, কাঁঠাল, নারকেল গাছ-ঘেরা তাদের সাদা বাড়ী...সেই বৃহৎ চণ্ডীমণ্ডপ...উঠানের পাশেই তুলসীমঞ্চ...যেখানে প্রতি সন্ধ্যায় পিশিমা প্রদীপ জালিয়া মালা জপ করিতেন। পিশিমার কথা মনে আসিতেই ধীরে প্রাণ কাঁদিয়া উঠিল।

...হায় সেই মেহমরী পিশিমা আজ তাহারই মতন আজন্মের পিতৃগৃহ পরিত্যাগ করিয়া কাশী চলিয়া গিয়াছেন... না জানি কত কষ্টই তাঁহার ভোগ করিতে হইতেছে! ...ধীরু তাহার জামার পকেট হইতে একখানা চিঠি বাহির করিল। পত্র পড়িতে পড়িতে তাহার চক্ষু জলে ভরিয়া উঠিল। টস্ টস্ করিয়া অশ্রুবিন্দু পত্রের উপর পড়িল। ধীরু সযত্নে পত্রখানি মুড়িয়া তাহার জামার পকেটে রাখিয়া দূরে পাহাড়ের দিকে চাহিয়া ভাবিতে লাগিল...আজ যদি সে উপার্জনক্ষম হইত, তাহা হইলে...একটা রঙ্গীন ছবি তাহার মনে ভাসিয়া উঠিল। হস্ত পাঁচজনের মতন সেও...জমাট অঙ্ককারের মাঝে উজ্জল আলোকের স্তায় একখানি মুখ মনের কোণে উকি মারিতেই... স্নোভে হুঃখে সে নিজেকে অর্জিত করিল। ঠিক এই কথাটাই সেদিন দিগম্বরী তাহাকে বলিয়াছিলেন...আর কল্যাণীও তাহার সজল দৃষ্টির ভিতর দিয়া বুঝি ইহারই ইঙ্গিত করিয়াছিল.....ধীরু আর ভাবিতে পারিল না নিজের অক্ষমতা আজ তাহাকে নিশ্চয়ম ভাবে পীড়ন করিল। তাহার বন্ধু “মণির” একদিনের একটা কথা আজ কাঁটার মতন তাহার বুকে খচ্ করিয়া উঠিল। “ভবঘুরে না হয়ে নিজের পায়ে দাঁড়াতে শেখু ধীরু, দাদাদের উপর অতখানি ভরসা রাখিস্নি; চিরদিন কেউ তোকে দেখবে না।” সেদিন ধীরু তাচ্ছিল্য ভাবে কথাটা উড়াইয়া দিয়া ভাবিয়াছিল, তাও কি কখনো সম্ভব? মার পেটের ভাই ভাইকে দেখবে না! এ বলে কি? মানব-চরিত্রের কুটিলতা তখনও তাহাকে স্পর্শ করে নাই। কল্পনার রঙ্গীন তুলি দিয়া সে তাহার মনের গায়ে রংয়ের পর রং ফলাইয়া চলিয়াছিল। মুক্ত বিহঙ্গের মত স্বাধীন ইচ্ছা অবাধ আনন্দে চারিদিকে ছুটাছুটি করিয়াছে..... কিন্তু আজ?—ধীরু আর ভাবিতে পারিল না;...সে যেন একটা স্বপ্ন; বাস্তবের সঙ্গে তাহার কোন সঙ্গ নাই, হয় তো কোন কালেও ছিল না। সে কেবল জোর করিয়াই এতদিন একটা এতবড় মিথ্যাকে সত্য মনে করিয়া নিজের সঙ্গে প্রতারণা করিয়া আসিয়াছে। আজ যদি তাহার বন্ধু মণি অসুগ্রহ করিয়া তাহাকে এই কল্পনার খাদে না পাঠাইত, যদি মণির মামা দিমু ঘোষাল তাহাকে একটু স্থান না দিত, তবে হয় ত অনাহারে কোন গাছতলার তাহাকে রাত্রি যাপন করিতে হইত; অথবা চির প্রত্ন-

প্রাপ্ত দুরন্ত অভিমান তাহাকে আত্মহত্যার উপায় করিয়া দিয়া সকল যন্ত্রণার অবসান করিত।

মণির মামা দিমু ঘোষাল এখানে রেজিং কন্ট্রাক্টার। ধীরু তাঁহার অধীনে কর্ম করিতেছে। বেতন উপস্থিত কিছুই ধার্য্য হয় নাই—সামান্য কিছু হাত-খরচা পাইবে মাত্র। তবে টিকিয়া থাকিতে পারিলে ধীরুর মত পরিশ্রমী ও বিশ্বাসী লোক ভবিষ্যতে যে বেশ উন্নতি করিতে পারিবে, সে কথার “ঘোষাল মশাই” খুব জোর গলায় ধীরুকে আভাস দিয়াছেন।

ধীরু “ঘোষাল মশায়ের” বাসায়ই থায় ও সকাল হইতে সন্ধ্যা পর্যন্ত অক্লান্ত ভাবে কাজ করিতে থাকে। কর্ম অবসানে আপনার ছোট্ট নির্জন ঘরখানির ভিতর আসিয়া বসিয়া থাকে; আর ভাবে, কতদিনে তাহার এই হুঃখের দিন ঘুচিবে। সে খাদের অস্ত্র বাবুদের সঙ্গে বড় একটা মেশে না; কারণ, এখানকার বাবুদের সঙ্গে তাহার ভাল লাগে না। তাহারা সকলেই প্রায় নিত্য সন্ধ্যায় দল বাঁধিয়া মদ খায়, নানা প্রকার কুৎসিত আলোচনা করে এবং প্রায়ই একটা ভাঙ্গা তবলা ও অল্পদামের হারমনিয়ম সংযোগে নানা ভঙ্গী সহকারে বেসুরো কর্কশ আওয়াজে চীৎকার করিয়া তাহাদের কর্মক্লাস্ত জীবনের সাক্ষ্য আমোদ উপভোগ করে।...কিন্তু কি করিয়াই বা ধীরু এমন ভাবে শুধু আপনাকে লইয়া আপনি এই বিদেশে মন বসাইয়া থাকিতে পারিবে...তা ত সম্ভব নয়...তবে?

পশ্চাতে শব্দ হইল “এ ছোট্ট বাবু”—ধীরুর চিন্তার হৃদয় ছিঁড়িয়া গেল। সে ঘাড় ফিরাইয়া চাহিতেই দেখিল “ঘোষাল মহাশয়ের” পাঁড়ে ঠাকুর তাহাকেই ডাকিতেছে। ধীরু উঠিয়া নিকটে যাইতেই সে ভাঙ্গা হিন্দী আধ-বাংলার মাথা বাঁকাইয়া চোখ মুখের ভঙ্গী করিয়া কহিল—“দিদিমণি বলে, চা তোয়ারি হোইয়ে গেল...আপনে খাবে এস।”—“চল”—বলিয়া ধীরু “ঘোষাল মহাশয়ের” বাসার দিকে চলিল।

ধীরুকে দেখিয়া ঘোষাল মহাশয়ের স্ত্রী জগন্তারিনী মাথার কাপড়টা একটু টানিয়া দিয়া কহিলেন—“জল না খেয়েই কোথায় গেছলে ধীরেন?”

ধীরু অপ্রস্তুত ভাবে কহিল, “আজ আর ভেমন কিছু নেই মামিমা। তাই নদীর ধারে বসে ছিলাম।”

জগত্তারিণী হাসিয়া কহিলেন—“সেই ত কখন ছুটি ভাত মুখে দিয়েছ, এখনও ক্ষিদে হয় নি? তুমি বাপু বড় লজ্জা করছ। একে ত মাছ তরি তরকারি তেমন ভাল মেলে না; তার ওপর যদি লজ্জা কর, তাহলে কিন্তু ছু দিনেই শরীর আধখানা হয়ে যাবে।... আর মণি এসে বলবে আমি তার বন্ধুকে না খেতে দিয়েই এই হাল করেছে!”

ধীরু ঘাড় হেঁট করিয়া হাসিয়া কহিল—“আজ্ঞে না, লজ্জা ক’রব কেন, যখন এখানে থাকতে হবে, তখন ক’দিন লজ্জা.....”

জগত্তারিণী বাধা দিয়া কহিলেন—“হাঁ বাবা, লজ্জাটজ্জা ক’রো না। মণি যেমন ছুটিতে বেড়াতে এসে, চেয়ে চিন্তে নিয়ে আপনার বাড়ীর মত খান্ন-দাং থাকে, তুমিও তেমনি ক’রো। তুমি তার বন্ধু—মণির মতনই আমাদের ঘরের ছেলে..... দেখ কথায় কথায় বুঝি চা এতক্ষণে ঠাণ্ডা হ’য়ে গেল ..ও রাধি...তোর ধীরুদাকে...ওমা “ধীরুই” মনে পড়ে .. তোর ধীরেন দা’কে চা আর খাবার দিয়ে যা।”

ধীরু হাসিয়া কহিল—“আমাকে সকলে ধীরু বলেই ডাকে, আপনিও তাই বলেই ডাকবেন।”

জগত্তারিণী হাসিয়া কহিলেন—“আচ্ছা।—কিন্তু ছেলেরা বড় হ’লে আবার ছেলে-বেলার “ডাকনাম” পছন্দ করে না।”

একটি ১৮।১৯ বছরের শ্রামবর্ণ দোহারী চেহারার মেয়ে একরাশ এলো চুলের বোঁকা পিঠে ফেলিয়া কটা রেকাবির উপর এক বাটি চা ও কিছু খাবার লইয়া উপস্থিত হইল। জগত্তারিণীর দিকে ফিরিয়া কহিল—“চা’টা বোধ হয় ঠাণ্ডা হয়ে গেছে মা।”

“তাহলে গরম করে আনলি না কেন, ঠাণ্ডা চা মাহুবে খেতে পারে? মেয়ে যেন সং!”

রাধিকা একটু অপ্রস্তুত ভাবে ধীরুর দিকে চাহিতেই, ধীরু বলিয়া উঠিল—“থাক্, থাক্, দেখি, ঠাণ্ডা হয়নি বোধ হয়।”

রাধি ধীরুর হাতে চায়ের পেয়ালা দিয়া খাবারটা তাহার সম্মুখে রাখিয়া একটু সরিয়া দাঁড়াইল। খানিকটা খাইয়া ধীরু বলিল—“না, ঠিক আছে! কিন্তু খাবার আমি খেতে পারব না, ওটা তুমি নিয়ে যাও।” বলিয়া সে রাধিকার দিকে চাহিল। রাধিকা দেয়াল তৈশ দিয়া দাঁড়াইয়া ছিল, ধীরুর

কথার প্রত্যুত্তরে সে কি বলিল, ধীরু তাহা শুনিতে পাইল না। শুধু দেখিল একটা অভিমানতরা দৃষ্টি আর উভয় ওষ্ঠের মৃহ কম্পন।

জগত্তারিণী বাধা দিয়া কহিলেন—“না...না...আবার নিয়ে যাবে কি? ভারি ত জিনিষ...ছখানা নিমকী আর একটু হালুয়া। নাও খেয়ে বাপু, ওতে আর অসুখ করবে না, ঘরের জিনিষ...”

ধীরু ইতস্ততঃ ভাবে কহিল—“না, তার জন্ত নম... তবে...”

ধীরুকে কথা কহিবার অবসর না দিয়া জগত্তারিণী কহিলেন—“সত্যি বাপু.. আর আমি এত পর পর ভাবা ভালবাসি না।” ধীরু এই স্নেহের তিরস্বারে লজ্জিত হইয়া জলপানান্তে কহিল—“সত্যি, আমার বিকেলে জল খাওয়া অভ্যেস নেই...তবেলা পেটভরে ছুটো ভাত খেলেই...ব্যস নিশ্চিন্ত!”

ধীরুর এই স্বল্প কথায় জগত্তারিণী তাহার সরল মনের পরিচয় পাইয়া সন্তুষ্ট হইলেন বটে, কিন্তু একটু ব্যথাও অনুভব করিলেন সেইখানে, যেখানে নারীধর্ম সহানুভূতি-গলিত তরল ধারায় অন্তরের অন্তস্তল ধৌত করিয়া সমস্ত বুকের উপর দিয়া বহিয়া যাইতে ছ। জগত্তারিণী রাধির দিকে ফিরিয়া কহিলেন—“যা ছুটো পাণ এনে দে। দাঁড়িয়ে আছে ত দাঁড়িয়েই আছে!”

রাধি লজ্জিতভাবে চলিয়া গেল। ধীরু একটু সঙ্কুচিত-ভাবে কহিল—“আচ্ছা মামীমা, একটা বিষয়—”

ধীরুকে ইতস্ততঃ করিতে দেখিয়া জগত্তারিণী ব্যগ্রভাবে কহিলেন—“কি কথা বাবা?”

“আচ্ছা, আপনার জামাই কি অল্প কোথাও কাজ-কর্ম করেন?”

জগত্তারিণী বাম হস্তে কপালে এক চাপড় মারিয়া কহিলেন—“পোড়া কপাল আমার—সে কথা বলব কি বাবা...এই মেয়েটা হয়েছে আমার কাল। সাতটা নয় পাঁচটা নয় পেট-ধোয়া এই একটা মেয়ে...অত টাকা-পয়সা খরচ করে বে দিলুম...তা এমন বরাত, জামাইটা একেবারে মাহুয নয়। তার ওপর শাণ্ডী মাগী লজ্জাল, আলা দেয়...মেয়েটার আমার.....”

ধীরু বাধা দিয়া কহিল—“জামাই কি করেন?”





কলসীদাস

শিল্পী—মহম্মদ আবদার রহমান চ্যাট্ট

Bharatvarsha Halftone & Printing Works.



জগন্তারিণী বিরক্তভাবে কহিলেন—“ছাই, তার মাথা আর মুণ্ড করে! খায়-দায় আর নেশা ভাং করে। তার বাপ মিন্‌সে ছিল হাড়-কেপন, চুরী-সামারী করে লোককে ঠকিয়ে। কিছু যারগা-জমী রেখে গেছে, তাই মা-বেটার চলছে।”

“এখানে সে আসে না?”

জগন্তারিণী দীর্ঘনিঃশ্বাস ছাড়িয়া কহিলেন—“পোড়া কপাল, এ পথ মাড়ায় না। শুনবে কি বাবা, মাগী নাকি বেটার আবার বিয়ে দেবে।...জামাইটাও নির্কোথ গেরায়ের এক শেষ...ছন্নছাড়া প্রকৃতির মানুষ—সেও আবার তাতেই মত দিয়েছে।”

ধীরু ঘৃণাবাজক বিরক্তি সহকারে কহিল—“আচ্ছা ত?”

রাধি পাণের ডিবার কয়েকটা পাণ আনিয়া ধীরুর সম্মুখে আসিয়া দাঁড়াইল।

জগন্তারিণী কহিলেন—“পাণ কটা রেখে ঘরদোরগুলো পরিষ্কার করে ফেল মা!”

রাধিকা পাণের ডিবাটা ঠকাস করিয়া মাটিতে রাখিয়া বিরক্তিপূর্ণ দৃষ্টিতে মার দিকে চাছিল। চলিয়া গেল।

জগন্তারিণী রাগতভাবে কহিলেন—“কাজের ছিঁরী দেখলে গা জলে যায়! আর একটু হলেই ত পাণগুলো সব মাটিতে পড়ে যেত। যেমন বরাত...তেমনি বুদ্ধি-শুদ্ধি!...হ্যাঁ, যা বলছিলাম...কর্তা রাগী মানুষ, জামায়ের কথা পাড়লেই বলেন ‘তার নাম আমার কাছে করো না, আমার মেয়ে বিপদ হয়েছে, জামাই মরেছে’।”

ধীরু হাসিয়া কহিল—“সে কি একটা কথা হল!”

“বল ত বাবা, সত্যিই ত আর তাই নয়। তবে মেয়ে ছেলে যদি সোয়ামীর ঘর না করতে পেল, তাহলে তার জন্মই যে বৃথা।”

“তা ত বটেই!” ধীরু ভাবিতেছিল, রাধির ছুখের জীবনটা, তার স্বামীর নিষ্ঠুরতা ও নৃশংসতার কথা! রাধির ছরদৃষ্ট ধীরুর নির্মূল সরল চিত্তের উপর শারদাকাশের গায়ে কাল রেখার মত একটা মলিন দাগ আঁকিয়া দিল। সে অন্তমনস্কভাবে কহিল—“তা বটে! আমায় যে একটু চুণ দিতে হবে! এ দেশের পাণগুলো বড় ঝাল।”

“পাণে চুণ কম দিয়েছে বুঝি? ও রাধি...রাধি... ধীরুকে একটু চুণ দিয়ে যা! আচ্ছা না হয় আমিই দিচ্ছি—”

বলিয়া জগন্তারিণী তাঁহার স্থল দেহ বাঁকাইয়া উঠিবার উত্তোগ করিতেই, রাধিকা একটা পাণের বোটার মাথায় চুণ আনিয়া ডিবার উপরে রাখিয়া সরিয়া দাঁড়াইল। ধীরু কড়িকাঠের দিকে চাছিল। একমনে এতক্ষণ পূর্বকথাই ভাবিতেছিল, হঠাৎ অন্তমনস্কভাবে কহিল—“আমি ভাবছি, ছেলেটাই বা কোন্ হিসেবে রাজী হল?...তারও ত একটা কর্তব্য...”

বাধা দিয়া জগন্তারিণী কহিলেন—“এই যে চুণ দিয়েছে। দেখত রাধি বামুন ঠাকুর উলুনে আঁচ দিলে কি না! আজকাল পাঁড়ে কাজকর্মে বড় গা টিল দিয়েছে বাপু!”

রাধিকা এক পাশে দাঁড়াইয়া তখন দেয়ালের গায়ে আঁচড় কাটিতেছিল। একটা মুখভঙ্গী করিয়া সে বিরক্তভাবে কহিল—“হ্যাঁ গো, দিয়েছে।”

“তবে এক কাজ কর। মুনীয়া কর্তার সঙ্গে হাতে গেছে, ফিরতে ত দেখছি দেরী হচ্ছে। তুই ততক্ষণ আলোগুলোতে তেল ভরে ঠিক করে রাখ, সন্ধ্যা ত হয়ে এল!”

বিরক্তভাবে রাধি কহিল—“এক দণ্ডও মা মানুষকে স্থির হয়ে থাকতে দেবে না...এটা কর...সেটা কর...আমি পারব না এত...ভারী কি না হ্যাঁ!” মুখভার করিয়া রাধি ছুপদাপ শব্দে সে স্থান হইতে চলিয়া গেল।

জগন্তারিণী ধীরুকে কহিলেন—“দেংলে বাবা, আস্ত পাগল! কি যে ওকে নিয়ে করব, তা আর ভেবে পাই না!”

ধীরু একটু হাসিল, কোন কথা কহিল না।

মুনীয়া চাকর মাথায় বাঁকা, হাতে তেলের বোতল লইয়া উঠানে আসিয়া হাঁকিল—“মাইজী!” পশ্চাতে ঘোষাল মহাশয় একটা ময়লা নেকড়ায় বাধা মাছের পুঁটুলী হাতে ভিতরে প্রবেশ করিয়া ডাকিলেন—“কই গো”—

জগন্তারিণী মাথার কাপড়টা খানিকটা টানিয়া দিয়া ছুই হাতে মাটিতে ভর দিয়া উঠিলেন; এবং টঠানে নামিতেই, ঘোষাল মহাশয় বিরক্তভাবে কহিলেন—“তোমার নড়তে চড়তেই আধঘণ্টা—এই নাও...মাছ আর মেলবার উপায় নাই—হাতে গেলেই কি আর না গেলেই কি...মিছে পয়সা ধরচ।”

জগন্তারিণী কহিলেন—“কি আনলে?”

“গোটাকতক মাগুর” বলিয়া ঘোষাল মহাশয় মাছের পুঁটুলীটা জগন্তারিণীর হাতে দিয়া ঘরের দিকে যাইতেই

জগজ্জারিণী বাধা দিয়া কহিলেন—“দাঁড়াও, হাতে একটু জল দিই.....”

ধীরু এতক্ষণ চুপ করিয়া বারান্দায় বসিয়া ছিল। সে তাড়াতাড়ি উঠিয়া কহিল—“আচ্ছা, আমিই দিচ্ছি, আপনি যান।”

“ওমা, তুমি দেবে কি! অঃ রাধি! মেয়েটার যেন ভীমরতি হয়েছে।” জগজ্জারিণী তাড়াতাড়ি রান্নাঘরের দিকে যাইতেই, ঘোষাল মহাশয় বিরক্তভাবে কহিলেন—“মেয়েটা কোন্‌ চুলোয় গেল? অ-রাধী..রাধী...”

ভিজা কাপড়ের এক প্রান্ত দ্বারা যৌবনোন্নত বন্ধু ঢাকিয়া ধপ্‌ধপ্‌ শব্দে রাধি ঘোষাল মহাশয়ের সম্মুখে আসিয়া কহিল...“কি? আমি গা ধুচ্ছিলাম!”...তার এলাইত চুল পিঠের উপর ছাপাইয়া পড়িয়াছে, আর্জ বসনের ভিতর দিয়া তাহার পরিপূর্ণ দেহের পূর্ণ শ্রী ফুটিয়া বাহির হইতেছিল! রাধি একবার অবনত দৃষ্টিতে আড়চোখে ধীরুর দিকে চাহিয়া তাহার সমুন্নত বকের উভয় পার্শ্বের কাপড় টানিয়া দিল।

ঘোষাল মহাশয় বিরক্তভাবে কহিলেন—“এতক্ষণ সময় পাসনি...আমায় একটু জল দে হাত পা ধুতে।”

“দিচ্ছি, ওই ত বারান্দায় বালতীভরা জল রয়েছে।”

রাধিকাকে উঠান হইতে বারান্দায় উঠিতে দেখিয়া ধীরু একটু কুণ্ঠিতভাবে সরিয়া দাঁড়াইল। রাধি জল লইয়া যাওয়ার সময়, বর্ষাশেষে বিছাতের মত তাহার চঞ্চল চকের একটা অগ্নিবাণ ধীরুর দিকে হানিয়া দিয়া গেল। বেচারী ধীরু পেরেকে ঠোকা ছবির মত দেয়াল ঠেশ দিয়া নতমুখে নিস্পন্দভাবে দাঁড়াইয়া রহিল।

ঘোষাল মহাশয় হাত পা ধুইয়া বারান্দায় আসিলেন; এবং ধীরুকে চুপ করিয়া দাঁড়াইয়া থাকিতে দেখিয়া কহিলেন—“দাঁড়িয়ে কেন ধীরেন, বোস! চা খেয়েছ?”

“আজ্ঞা হ্যাঁ।”

“কেমন লাগছে হে তোমার এ যাত্রা?”

“মন্দ নয়, তবে—”

বাধা দিয়া ঘোষাল মহাশয় তাঁহার টাক-মাথায় জলের হাত বুলাইয়া কহিলেন—“হ্যাঁ, একটু রুক্ষ বটে! পাহাড়ে যাত্রা কি না...কিন্তু স্বাস্থ্য বেশ ভাল, কি বল?”

ধীরু মুখ না তুলিয়া অস্বমনস্বভাবে উত্তর করিল—“তা ভালই!”—

সুনীয়া এক হাতে একটা হেরিকেনের আলো, অপর হাতে হাঁকা কলিকা লইয়া বারান্দায় আসিতেই, ঘোষাল মহাশয় সাগ্রহে কহিলেন—“দে বাবা, একটু তামাক খাওয়া যাক। আজ বড় পরিশ্রম হয়েছে। দাঁড়িয়ে রইলে কেন হে ধীরেন, বোস, একটু গল্প করা যাক!”

ধীরু বড় বিপদের মধ্যেই পড়িল! অনেকক্ষণ হইতেই যাইবে যাইবে ভাবিয়াও এতক্ষণ কেন যে যাইতে পারে নাই ইহার স্পষ্টতর মীমাংসা সে করিতে পারিল না। উপস্থিত যাইবার ইচ্ছা থাকিলেও ঘোষাল মহাশয়ের আগ্রহাতিশয্যে ধীরুকে পুনরায় অনিচ্ছা সত্ত্বেও বসিতে হইল! দীর্ঘ বাবু এক রাশ ধূম ছাড়িয়া কহিলেন—“তা বাবাজী, তোমার স্বভাব চরিত্র দেখে আমরা বড়ই খুসী হয়েছি! তোমার মামীমা বলেন, এমন নম্র ধীরু ছেলে আর হয় না। তোমার নামটা তোমার স্বভাবের পরিচয় বটে!”

ধীরু নতমুখে তাহার নথের কোণ দাঁতে কাটিতে লাগিল! দীর্ঘবাবু পুনরায় কহিলেন—“শুনতে পাই তুমি না কি বড় লজ্জা কর...লজ্জাটজ্জা আমার এখানে তোমার করতে হবে না বাপু!”

মূহু হাস্তে ধীরু কহিল—“আজ্ঞে না—লজ্জা কি?”

“না, তাই বলছি! আর কাকে দেখেই বা লজ্জা করবে?...রাধি একরত্তি মেয়ে...ওকে আবার...হ্যাঁ!” বলিয়া হাঁকায় টান দিলেন। পরে কহিলেন—“আর যে কাজ তুমি করছ, যদি উন্নতি চাও, তাহলে চকুলজ্জাটা একেবারে ভুলে যেতে হবে বাপু! দেখতেই ত পাচ্ছ, যত সব ছোট-লোক কুলী মজুর নিয়ে কারবার! ওদের দিনরাত চাবুকের ওপর রাখতে হবে, না হলে কাজে ফাঁকা দেবে। ওদের মেয়ে-মন্দ সব পাজী! আর এদেশের লোক—এই যত সব খাদ-মুনীস দেখছ, এদের বিশ্বাস নেই! বেটারা মাইনে পায় ২০ টাকা, কিন্তু হলে কি হয়, মাসে ২০০ টাকা চুরী করে। আর বছরে একটা করে ধান জমী কিনছেই!”

ধীরু ঈষৎ হাসিয়া ঘোষাল মহাশয়ের মুখের পানে চাহিল।

“হ্যাঁ, থাকতে থাকতেই তুমি দেখতে পাবে! তাই বলি, সব দিকে নজর রেখে মন দিয়ে যদি খাট আর টিকে থাক, তাহলে তোমার উন্নতি ঠেকায় কে? তবে প্রথমটা একটু কষ্ট স্বীকার করে পরিশ্রম করা, কাজকর্মগুলো ভাল করে শেখা দরকার!”

ধীরু আঙ্গুল মটকাইতে মটকাইতে কহিল—“আজ্ঞে, তা ত বটেই।”

রাধি এক পেয়লা চা ও জলখাবার আনিয়া দীমুবাবুকে দিতেই, তিনি কহিলেন—“খাবারটা নিয়ে যা মা, এখন কিছু খেলে রাঙে আর খেতে পারব না।”

রাধি মুহূ হাসিয়া কহিল—“আজ দেখছি, তোমাদের সকলেরই পেটে ক্ষিদে কাম। কি যে এমন ওবেলা খেয়েছ, তা ত জানি না বাপু! খাবারগুলো মিছেই করা হল।”

ঘোষাল মহাশয় চায়ের পেয়লা হইতে মুখ সরাইয়া কহিলেন—“কেন ধীরেনও খায় নি না কি?”

“সে না খাওয়ারই মতন!” উদাসভাবে কথা কয়টা বলিয়াই রাধি ধীরুর দিকে একবার চাহিয়া চলিয়া গেল। ধীরু বুঝিল, আবার একটা কৈফিয়ৎ দিবার সময় উপস্থিত। কাজেই ঘোষাল মহাশয়ের প্রশ্নের অপেক্ষা না করিয়া সে নিজে হইতেই বলিল, “সকালে কি বিকেলে কোনও দিনই আমার জল খাওয়ার অভ্যাস নেই।”

ঘোষাল মহাশয় চায়ের পেয়লা নামাইয়া কহিলেন—“কিন্তু বাপু, এখানে তা করলে চলবে না। যেমন খাটতে হবে, খেতেও হবে তেমনি। না হলে শরীর টেকবে কেন? এই যে দেখছ, এত বয়সেও আমার শরীর খাড়া আছে, সে কেবল খাওয়ার জোরে।”

রাধিকা পাণের ডিবায় পাণ দিয়া গেল। একসঙ্গে ২৩টা পাণ মুখে পুরিয়া দীমুবাবু কহিলেন—“নাও হে, পাণ খাও ধীরেন।”

“আজ্ঞে, পাণটা আমার বেশী খাওয়া অভ্যাস নেই, আমি খেয়েছি।”

“চূণ দিতে ভুলে গিছলুম” বলিয়া রাধি এক টুকরা ছেঁড়া পাণের উপর খানিকটা চূণ রাখিয়া গেল। পাণ চিবাইতে চিবাইতে দীমুবাবু কহিলেন, “দেখ ধীরেন, মানুষের অদৃষ্ট যে কখন ফিরে যায়, তা সে নিজেও বুঝতে বা জানতে পারে না।”

ধীরু কহিল—“নিশ্চয়।”

“আজ হয়ত তুমি মনে করছ যে রোদে পুড়ে কয়লার ময়লা ঘাঁটাই সার হচ্ছে, কিন্তু বাস্তবিক তা নয়! এতে তোমার যা জ্ঞান হচ্ছে, তার দাম ঢের বেশী। ছমাস বাদে বুঝতে পারবে—তোমার কদর কত বেড়ে গেছে। আমি জোর করে বলতে পারি—ভবিষ্যতে তোমার যথেষ্ট উন্নতি

হবেই হবে। কদিনই বা এসেছে এখানে, এর মধ্যে তোমার কাজ-কর্ম দেখে আমি ভারী খুসী হয়েছি। আমি সে কথা “মণি”কেও লিখে দিয়েছি। আর না হবেই বা কেন? যথেষ্ট লেখাপড়া শিখেছ, বেশ চালাক চতুর বুদ্ধিমান, একবার দেখলেই তোমরা যা শিখতে পারবে, আমাদের পাঁচবারেও তা হবে না! আর বাপু...আমারও বয়স হয়েছে...কাজ-কর্মগুলো যদি শিখে নিতে পার...” দীমুবাবু আর একটা পাণ মুখে দিয়া ডাকিলেন—“ওরে মুনীয়া, আর এক কলকে তামাক দিয়ে যা।”

“আজ্ঞে হ্যাঁ, তা ত বটেই” বলিয়া ধীরু উঠিয়া দাঁড়াইতেই, দীমুবাবু কহিলেন—“কি—যাচ্ছ না কি? আর রাস্তির করে এখন কোথায় যাবে?”

ধীরু উঠানে নামিয়া কহিল—“কোথাও না...এইখানেই একটু...” বলিয়া বাহিরে চলিয়া গেল।

জগন্তারিনী এতক্ষণ পাঁড়ে ঠাকুরকে রন্ধন ব্যাপারে উপদেশ দিতেছিলেন; আসিয়া দেখিলেন ধীরু নাই। একটু বিস্মিতভাবে ঘোষাল মহাশয়কে বলিলেন—“ধীরেন চল গেছে? কখন গেল?”

“এই ত... কেন?”

“না...এমনিই...বেশ ছেলেটি কিন্তু; যেমন কথাবার্তার, তেমনি স্বভাব-চরিত্রে। এই কদিনের ভেতরই ওর ওপর কেমন যেন একটা মায়্যা পড়ে গেছে। জামাই হতচ্ছাড়ার কথা শুনে কত ছঃখ করতে লাগল। বলে, এমন সহায় থাকতে সে কি না চূপ করে বসে থাকে—”

ঘোষাল মহাশয় মুখভঙ্গী করিয়া কহিলেন—“বলবে না? সংবংশের ছেলে, লেখাপড়া শিখেছে...বুদ্ধি শুদ্ধি আছে...তা বলবে মা? এখানে এসেছে না হয় বাড়ী থেকে রাগ করে... নানা ঝগাটে...কিন্তু বড়ঘরের ছেলে, ত বটে!” জগন্তারিনী আর কোন কথা কহিলেন না। ঘোষাল মহাশয় উঠিয়া ঘরে গেলেন এবং জামাটা গায়ে দিয়া, আলমারীর ভিতর হইতে একটি ছোট বোতল জামার ভিতর লুকাইয়া তাড়াতাড়ি বাহিরে আসিতেই জগন্তারিনী কহিলেন—“আবার এখনই বেরোনো হচ্ছে? একদিনও ফাঁক যাবার যো নেই...বুড়ো হলে, মরতে বসেছ, আর কেন? সকাল সকাল ফিরো!” দীমুবাবু ততক্ষণে লম্বা পা ফেলিয়া একেবারে বাটার বাহির হইয়া গিয়াছেন।

(ক্রমশঃ)

# জার্মানী

শ্রীনরেন্দ্র দেব

৫.

## প্রাণীয়া

প্রাণীয়া সমগ্র জার্মান সাম্রাজ্যের প্রায় তিনভাগের দু'ভাগ জুড়ে বসে আছে। লোকসংখ্যাও এই অঞ্চলেরই সবচেয়ে

কয়েকটি শ্রেষ্ঠ ব্যবসা-বাণিজ্যের কেন্দ্রস্থান। কয়লার খনি এবং লৌহ ও ইস্পাতের কারখানা প্রভৃতি বড় বড় ব্যাপার এইখানেই দেখতে পাওয়া যায়। দক্ষিণে আঙুরের চাষ, আধ এবং বীটপালঙের চাষ ও বীটচিনির কারখানা আছে। সমুদ্রের ধারে জলের উপর একদল জেলে তাদের বড় বড় ডিঙীতে বাস করে। এরা খুব কষ্টসহিষ্ণু জাত। উত্তর সাগর ও বণ্টিক সমুদ্র মছন ক'রে এরা এদের জীবিকা নির্বাহ করে।



ড্রেসডেন শহর

প্রাকৃতিক শোভা ও সৌন্দর্যের আবর্ষণও প্রাণীয়ার যথেষ্ট পরিমাণ আছে। রাইণের উপত্যকা স্বভাবের শোভার জন্য বিখ্যাত! ব্যবসা বাণিজ্য সংক্রান্ত কলকারখানার সংশ্রব থাকার সত্ত্বেও ওয়েস্টফেলিয়া তার প্রাকৃতিক সৌন্দর্যটুকু এখনও হারায় নি।

বেশী এবং এরা সকলেই প্রায় প্রোটেষ্ট্যান্ট ধর্মসম্প্রদায়ভুক্ত। ফ্রান্স ও বেলজিয়মের সীমান্ত স্পর্শ করে প্রাণীয়া বিস্তৃত হ'য়ে পড়েছে উত্তর যুরোপ ঘুরে নব পোল্যান্ডের পার্বদেশ পর্য্যন্ত! দক্ষিণে একে বেষ্টিত করে আছে জেকোলোভাকিয়া, অস্ট্রিয়া, এবং সুইসজার্ম্যান্ড! উত্তর-পূর্ব ও পূর্বাঞ্চলের বিশাল বালুভূমি অরণ্যময়; কিয়দংশ শস্ত উৎপাদন ও আলুর চাষের জন্য ব্যবহৃত হয়। সেকালের দাজ্জাজেরা এই অঞ্চলেরই লোক ছিলেন এবং একালের দুর্ধ্ব জার্মান সৈনিকদের জন্মভূমিও হচ্ছে এই প্রাণীয়া!



ন্যবেসবার্গ শহরের বাজার

প্রাণীয়ার উত্তর-পশ্চিম অঞ্চলকে কতকটা পার্বত্য-সাক্সেনওয়াল্ডও নৈসর্গিক দৃশ্যবৈভবে নিতান্ত দীন নয়। প্রদেশ বলা যেতে পারে। এই অঞ্চলই হচ্ছে জার্মানীর জগৎশ্রেষ্ঠ মনিষী বিসমার্ক এই স্থানে বহুদিন যাপন করেছেন।

দক্ষিণ-পশ্চিম অঞ্চলে 'হার্জ' পরীক্ষা। খুব বেশী দেখতে পাওয়া যায়! স্থানে স্থানে মনে হয় যেন প্রকৃতি উচু না হ'লেও এই পরীক্ষা-শ্রেণীর বিবিধ মনোহর বৈচিত্র্য দেবী আপন হাতে চমৎকার উত্তান রচনা করে রেখেছেন



বাগানের সেভিংস্‌ব্যাক



চাষীদের 'বর কনে' ও তাদের সঙ্গী এবং সহচরীরা

এই পর্ব্বতের স্রীতিভরা শান্ত সুন্দর অস্তঃপুরে। নিদাঘ তাপ হ'তে জুফাবার লজ্জা ধনী আর্নাণ পরিবারেরা এইখানে আসেন বায়ু সেবন করতে !

পোষাক পরিচ্ছদ পরে, সেই পুরাতন আচার ব্যবহার যেন চলে ও সেই সাবেক ভাষাতেই কথা কর।

প্রাণীয়ার প্রধান শহর 'বার্লিন' একেবারে সম্পূর্ণ আধুনিক

পদ্ধতিতে প্রস্তুত বলে এর মধ্যে বিজ্ঞানকেই দেখতে পাওয়া যায় চারিদিকে, কাব্যকে খুঁজে পাওয়া শক্ত ! প্রাণীয়ার প্রাচীন শহরগুলিই সুন্দর। আধুনিক শহরগুলি একেবারে নেহাৎ যেন কলের তৈরী ! তথাপি হিল্ডেশাইম, ম্যারীয়েনবার্গ, ও ড্যানজিগ্ প্রভৃতি শহরগুলি প্রসিদ্ধ শুধু প্রাণীয়ার নয়, সমগ্র



আঁশের কাপড় বোনা

আরও দক্ষিণে শাইলেশীয়ার 'আয়েন্ট' পর্ব্বত মাথা তুলে দাঁড়িয়েছে। এরই চারিদিকে যেসব বনরাজি-বিভূষিত বহু-তটিনী-সেবিত অসংখ্য উপত্যকা দেখতে পাওয়া যায়, তারা এক-একটি যেন কোন দক্ষ চিত্রকরের তুলিতে আঁকা দৃশ্যপটের মতো সুন্দর ! এখানে ওয়েস্ট্‌শ্ বলে লুপ্তপ্রায়

বহু প্রাচীন আর্নাণ জাতির অস্তিত্ব আজও দেখতে পাওয়া যায়। এরা এখনও তাদের সেই প্রাগৈতিহাসিক যুগের



গাছের আঁশ ছাড়ানো

আর্নাণীর গৌরব স্বরূপ ! হাভার্ন, ব্রেম্ন ও ল্যাবেক্, আর্নাণীর এই তিনটি প্রসিদ্ধ প্রাচীন শহরও প্রাণীয়ার অঙ্গসংলগ্ন।



স্বাক্ষরনী

জনসংখ্যার তৃতীয় স্থান অধিকার করলেও জার্মানী  
আকারে জার্মানীর এক-পঞ্চম ভাগেরও কম। জার্মানীও

সচ্ছল। এরা উপার্জনও করে বেশী এবং খরচও করে  
বে-দরদে! কেবলমাত্র 'ওর' পর্তুগীজ পল্লীটি চাষবাসের  
নিতান্ত অল্পপুষ্ট বলে এখানে কুটীর-শিল্পের প্রচলন খুব



দেখতে পাওয়া যায়।  
এহানটি অত্যন্ত জন-  
কীর্ণ বলে দারিদ্র্যের  
দারুণ অভাবও এখানে  
বিদ্যমান। শিকার  
উন্নতির দিক দিয়ে  
জার্মানী অল্প সকল  
প্রদেশকে এগিয়ে  
গেছে। এখানে অর্থ-  
করী বিজ্ঞা শিকার  
অতি সুন্দর সুব্যবস্থা  
আছে। জার্মানীর এই  
যন্ত্র-শিল্প-শিক্ষায়  
পৃথিবীর মধ্যে সর্বশ্রেষ্ঠ  
বলে পরিগণিত। এই  
সকল শিক্ষায়ের:


জার্মানীর একটি ব্যবসায়:-

বাণিজ্য ও কলকারখানা-  
প্রধান স্থান। লৌহ প্রভৃতি  
খনিজ ধাতুর ব্যবসায়,  
সূতা, মোজা, গেঞ্জি, ছিটের  
কাপড় ও অন্যান্য বিবিধ  
বস্ত্রশিল্পের কারখানা এবং  
চীনেমাটির ও কাঁচের  
জিনিসের কারবারই  
এখানে খুব বেশী পরিমাণে  
দেখতে পাওয়া যায়।

এখানকার অধিবাসীরাও  
অধিকাংশই প্রোটেষ্ট্যান্ট  
ধর্মাবলম্বী; তবে দীর্ঘকাল-  
ধরে' সমাজতন্ত্র বা সমষ্টি-

বাদের প্রবল আন্দোলনের প্রভাবে এরা উপস্থিত প্রায় সর্ব  
ধর্মই অনাহ্বান হ'য়ে উঠেছে। জার্মানীর লোকের অবস্থা বেশ

মিউনিক্ শহরের এক অংশ




হাড্রেরা ব্যবসায়

বীথোভেনের জন্মভূমি 'বন্' শহর

সংক্রান্ত সর্বপ্রকার শিল্প-বিজ্ঞানে সম্পূর্ণ পারদর্শী হ'য়ে  
ওঠে।



ক্রাক কোর্ট, শহরের একদিক



শ্রীওয়াল্ডের স্বগঞ্জিতা সুন্দরী তরুণী

শ্রাঙ্কনীর প্রধান শহর 'ড্রেসডেন'। এখানে প্রবাসী ইংরেজ কিছুদিন ড্রেসডেনে থাকলে আর ড্রেসডেন ছেড়ে আসতে ও মার্কিন বাবদায়ীদের সংখ্যা জার্মানদের চেয়েও বেশী। ইচ্ছে করে না।



শ্রাঙ্কনীর আর একটি প্রধান শহর হ'চ্ছে— লাইপ্‌জিগ। ড্রেসডেন শ্রেষ্ঠ শহর হলেও লাইপ্‌জিগের লোকসংখ্যা অনেক বেশী। এখানে একটি বড় বিশ্ববিদ্যালয় আছে। পুস্তক মুদ্রণ প্রকাশ ও ক্রিয় সংক্রান্ত এমন কি বই বাঁধাইয়ের কাজের জ্ঞানও লাইপ্‌জিগের প্রসিদ্ধি আছে। এছাড়া জার্মানীর সকলের চেয়ে যে বড় আদালত বা 'হাইকোর্ট' তা' লাইপ্‌জিগেই অবস্থিত।

এখানে ইংরেজ ছেলে-মেয়েদের পড়বার জন্য একাধিক ইংরাজী ইস্কুল স্থাপিত হয়েছে। বিগত মহাযুদ্ধের আগে এই সব প্রবাসী ইংরেজ ও আমেরিকানরা অনেকেই জায়গা জমী কিনে বাড়ী ঘর তৈরী করে এখানে স্থায়ীভাবে বসবাস শুরু করে দিয়েছিল। সমস্ত জার্মান রাজ্যে কোথাও ড্রেসডেনের মতো এমন সর্ব-রকমে সুন্দর শহর আর দেখতে পাওয়া যায় না। এমন একটা স্থান এই শহরের আছে যা মানুষকে তার অজ্ঞাতসারে একান্ত মুগ্ধ করে ফেলে!

উৎসব দিনের বাদকেরা



উৎসব-প্রাক্কণে নৃত্যাভিলাষীগণ (নৃত্যের পূর্বে তাদের স্ব স্ব জাতীয় পোষাক সর্বাসুন্দর হয়েছে কি না তার পরীক্ষা হচ্ছে!)

## উট্টে'স্বার্গ

আকার ও লোকসংখ্যার অনুপাতে জার্মান সাম্রাজ্যের মধ্যে উট্টে'স্বার্গ তৃতীয় স্থান অধিকার করে আছে। এটি



আঁশের পাঁজ

একটি আরামপ্রদ পাহাড়ী দেশ। কন্সটান্স্ হ্রদের উত্তর তীর পর্যন্ত বিস্তৃত! হৃদয়-স্বভাব কিন্তু সূজন শ্বোয়াবীয়ানরা এইখানকারই অধিবাসী। এরা বড় প্রত্যাৎপন্নমতি ও ধূর্ত লোক, অথচ এদের মতো এত ভাবপ্রবণ জাতও আর দেখা যায় না। সংকার্যো এরা সর্বদাই অগ্রণী।

উট্টে'স্বার্গের অধিবাসীরা সকলেই যোদ্ধা। এরা শতাব্দীর পর শতাব্দী ধরে আপনাদের বীর্যবলে ইতিহাস সৃষ্টি করে এসেছে। এ স্থানটিকে কবি ও ঔপন্যাসিকের কল্পিত কাহিনীর মতো স্বপ্নমাধুরীময় বলে মনে হয়। এখানে এমন একটি ছোটখাটো পাহাড় নেই

যার উপরে একটি ছর্গ বা ছর্গের ভগ্নাবশেষ দেখতে পাওয়া যায় না! হোহেনট্রাউফেন্ পর্বতের শিখরদেশে যে জার্মান পরিবার যুদ্ধবিগ্রহের ভিতর জয়ন্তী বরণ করে সুখ-সমৃদ্ধিতে ঐশ্বর্য্যাবান হয়ে উঠেছিল—যারা স্বধর্ম্মাশ্রিত পুণ্য রোম সাম্রাজ্যের সিংহাসনে একটির পর একটি করে সব অসামান্য সম্রাট মুগিয়ে এসেছিল, যারা জার্মানীকে বহু বিভক্ত করে ধ্বংসের পথে এগিয়ে দিয়েছিল, যারা বিশ্বরাজ্যের হুঃস্বপ্ন দেখে ইটালীকে ছত্রভঙ্গ করে ফেলেছিল, তারাই এখানকার মানুষ! সে যাই হোক—তাদের সর্বদোষ সত্ত্বেও তাদের মধ্যে ওই উট্টে'স্বার্গের অধিবাসীদের যে চারিত্রিক বিশেষত্ব—সেই ছিল জার্মানীর সর্বতোমুখী প্রতিভার প্রধান উৎস। তাদের রাজসভা—কি সুদূর দক্ষিণ ইটালী, কি সিসিলী—সর্বত্রই শিক্ষা সাহিত্য ও জ্ঞানের কেন্দ্রস্থান হ'য়ে উঠে এমন একটা নবীন আলোক জ্বলে দিয়েছিল যে তার কিরণচ্ছটার সমগ্র যুরোপ উজ্জ্বল হয়ে উঠেছিল। কিন্তু আবার সেই মশালের আলোক-শিখাতেই তারা যুরোপে আগুন ধরিয়েও দিয়েছিল।



কবি শীলারের বাসগৃহ

‘জোলার্গ’ পর্বত-শৃঙ্গের বেলেপাথরের বেদীর উপর বিশ্বব্যাপী। Albertus Magnus, Paracelsus, প্রভৃতি যে নব-নির্মিত বিরাট ও বিস্ময়কর ছর্গ এরই কোড়ে মনীষীরা এই স্মোয়াবীয়ানদেরই পুত্র। এই দেশেই Kepler, জগদ্বিখ্যাত হোহেন-

জোলার্গ রাজবংশের সম্রাটেরা লালিত-পালিত হয়েছিল। আজ ভাগ্যচক্রের ছর্নিবার ছর্বিপাকে তারাও অধঃপতিত।

অদ্ভুত রণদক্ষতা ছাড়াও স্মোয়াবীয়ানরা অত্যাণ্ড দিকেও তাদের প্রতিভার বিকাশ দেখিয়ে জগৎকে মুগ্ধ করেছে।



উর্টে স্বার্গের প্রাচীন উল্ম শহর

মুখে তীক্ষ্ণধার স্বরূপ ছিল এরাই এবং দিগন্তবিস্তৃত জ্ঞান দর্শন-বিজ্ঞানের গবেষণা ও অনুসন্ধানও তাদের সুবশ বিস্তারের এরাই ছিল বাহন।

Hegel, Schelling প্রভৃতি দার্শনিক পণ্ডিতেরা জন্মগ্রহণ করেছিলেন। এদেরই কবি ছিলেন বিশ্ব-বিখ্যাত Schiller, Wieland ও Uhland, বীরস্ব-গৌরবের দিনে জার্মান তরবারীর

## হিমালয়

শ্রীযতীন্দ্রমোহন বাগচী বি.এ

১

তব অপক্লপ রূপ যে জেনেছে মনে,  
সে তোমারে আশ্রয়দান করেছে গোপনে—  
নিশ্চয় নিশ্চিত ইহা। বাহিরের চোখে  
কতটুকু দেখা যায় আঁধার-আলোকে,  
কতটুকু যায় চেনা? তাই ত সকলে  
তোমারে, হে প্রিয়তম, হিমাচল বলে।  
সৃষ্টির মঙ্গল-মুক্তি দধিপাত্র শিরে  
শিবেরে করিয়া কোলে পালিছ পৃথ্বীরে;  
বহাইয়া সুরধুনী পুণ্য বক্ষসুধা  
পিন্নারে নিখিল জীবে পুষিছ বসুধা;  
রুক্ম কাঠিন্যের বর্ষ দেখিয়া নয়নে  
সে তোমার বাহু-রূপ সমাধি-শয়নে  
সর্বকালজরী দেহ! শৃঙ্গবাহু তুলি’  
ডাকিছ সম্মানে তব স্বর্গদ্বার খুলি’।

২

কমঠ-কঠিন অঙ্গ প্রস্তুত আকার,  
তবু তার প্রাণ আছে করে তা স্বীকার  
শিশুছাড়া সর্বজনে যেবা চক্ষুস্থান  
যদিও আপাত-দৃশ্যে সে শুধু পাষণ।  
আরো বড় হবে যবে মানব-শৈশব  
দৃষ্টি-অস্তুরালে যবে শিথি অমুভব  
হেরিবে নূতন চক্ষে অস্তদৃষ্টি খুলি’  
সেদিন তব এ বাহু আবরণ ভুলি’  
স্বরূপ দেখিবে তব ভবিষ্য-মানব;  
ধ্যানমুক্তি হেরি তব হইবে নীরব  
আজিকার অবিশ্বাসী; বন্দিবে বিশ্বয়ে  
তোমার ও পাদদেশ ভক্তিভরা ভয়ে।  
হে তাপস হে সুন্দর হে চিরমঙ্গল,  
সেদিনের কথা ভাবি চোখে আসে জল।



কথা সুর ও স্বরলিপি—শ্রীদিলীপকুমার রায়

মিশ্র ভৈরবী—ভৈরো—তেতালা ।

গিরি গোবর্দ্ধন  
হৃদি বৃন্দাবন  
দেবকাজিত  
হে চিরবাহিত  
প্রকট সোই তব  
মম প্রার্থন অব  
রূপ ধিয়ানে  
আবো প্রাণে  
আশা করত হঁ  
পিয়স বুঝাউ  
তব মুরত সুর  
বিনতি তাপ হর  
তরসত তন মন  
হৃদি বৃন্দাবন

কুঞ্জনচারী  
বসো মুরারী ।  
অতুলিত শোভা  
জগমনশোভা!—  
নবধন মৃতি  
কীয়ো পৃতি ।  
চিত্ত উদাসী  
প্রেম বিলাসী ;  
তব পদ মাগি  
সব সুখ ত্যাগি ।  
ন কিছু সুহাবে  
আশ মিটাবে ;  
যাত হঁ বারি  
বসো মুরারী ॥

॥ ধ্ গ্ গ্ সা | সা - সা সা | সা - রা সন্ | সরা গা মা - ।

গি রি গো - র - র্দ্ধ ন কু - জ ন চা - রী -

গা মা গরা গা | সা - রা গা | সা রা গা মা | গরা গা রসা - । ।

হৃ দি বৃ ন্দা - র ন র সো - মু রা - রী -

সা ধা সধা জ্ঞমা | মা - মা মা | মপা মদা পমা জ্ঞরা | জ্ঞা রা মজ্ঞা রজ্ঞা ।

দে - রা - কা - জিত অ তুলি ত শো - ভা -

সা রা সগ্গা সা | সরজ্জা মপদা পমা জ্বরজ্জা | ঝা সা ঝা মা | জঝা জঝা সা -।

হে - চি র রা - ছি ত জ গ ম ন লো - ভা -

[ মা -। মা -। ]

{ গ্গা সা সা সদা | পা পা পা পা | পা দা পা মা | মপনা দপমা জঝা জঝা | }

প্র ক ট সো - ই ত ব ন র ষ ন মূ - ত্তি -

গা মা গ্গা সা | সা ঝা গা মা | গমা পা মগা মা | গ্গা গ্গা সা -। || II ||

ম ম প্রা - র্থ ন অ ব কী - য়ো - পূ - ত্তি -

সা -। সা দা | পা -। পদা গর্মা | গপা গা দপা দা | পমা পা মা -।

রু - প ধি য়া - নে - চি - ত্ত উ দা - সৌ -

জ্জা রা মজ্জা রজ্জা | সঝাঝা মপদা দা -। | জ্জসা -। ঝা মা | জ্জঝা জ্জঝা সা -। |

আ - রো - প্রা - গে - প্রে - ম রি লা - সৌ -

সা -। গা -। | দা দা পা পা | পা ধা পধনা ধপা | মা গা পমা গমা |

আ - শা - ক র ত ছঁ ত ব প দ মা - গি -

গমা গা ঝা সা | সা ঝা গা মা | মা পা মগা মা | গ্গা গ্গা সা -। || II II ||

পি য়া - স বু ঝা - উ - স ব সূ খ ত্যা - গি -

সা সা সর্মা -। | গা দা পা পা | গা দা পা মা | মপা দপা মজ্জা রজ্জা |

ত ব মূ - র ত স্র র ন ক ছু স্র হা - রে

সা ঝা সগ্গা সা | -। ঝা জ্জা মা | ক্ষা মা জ্জা মা | জ্জঝা জ্জঝা সা -। |

বি ন তি তা - প হ র আ - শ মি টা - রে -

সা সা সা সা | গ্গা সা গ্গদা গ্গা | সা মা মা মা | গমা ক্ষা মা -। |

ত র স ত ত ন ম ন যা - ত ছঁ রা - রি -

গা মা গা ঝা | সা ঝা গা মা | মা গপা মমা গা | ঝা -। সা -। || II II ||

হু দি রু ন দা - র ন র লো - মূ রা - রী -

# তক্ষশিলা

## শ্রীনরেশচন্দ্র সেনগুপ্ত বি-এ

### প্রথম অধ্যায়

#### পথে

শ্রাবণ মাসের ২৯শে তারিখ শুক্রবার রাত্রি ৮টার সময়ে হাওড়া হইতে পাঞ্জাব মেলে স্বাস্থ্যলাভোদ্দেশ্যে তক্ষশিলা অভিমুখে রওনা হইলাম। তক্ষশিলার জলবায়ু খুব স্বাস্থ্যকর, শুনিয়াছি। আমার তৃতীয় মাতুল মহাশয় সরকারী প্রত্নবিজ্ঞান-বিভাগের কার্য-ব্যপদেশে তক্ষশিলায় অবস্থান করেন। সম্প্রতি কিছুদিনের জন্ত ছুটি লইয়া দেশে আসিয়াছিলেন; এখন সপরিবারে পুনঃ কর্মস্থানে যাইতেছেন। সেই সঙ্গে আমিও যাইতেছি।

#### প্রথম রাত্রি

যথাসময়ে পাঞ্জাব মেলে তাহার 'মোহন বাণী' বাজাইয়া, ঘর্ঘর শব্দে দিগন্ত প্রতিধ্বনিত করিয়া, রাশি রাশি ধূমকুণ্ডলী উদগীরণ করিতে করিতে বিশাল দেহ লইয়া প্রবল বেগে ছুটিয়া চলিল। বাহিরে জমাট অন্ধকার, মনের মধ্যেও অন্ধকার; প্রিয় জন্মভূমি, আত্মীয়-স্বজন, বন্ধুবান্ধব সমস্ত পশ্চাতে ফেলিয়া—কে জানে কত দিনের জন্ত, অথবা চিরদিনের জন্তই না কি—ভারতের সুদূর প্রান্তান্তরে চলিয়া যাইতেছি। জন্মভূমি ছাড়িয়া যাইতে মনের উপর যে কতটা আঘাত লাগে, তাহার অভিজ্ঞতা-লাভ জীবনে ইতিপূর্বে আরও একবার ঘটলেও আঘাতের পরিমাণটা এইবারই যেন কিছু বেশী বোধ হইল। সপ্তাহখানেক পূর্বে আর এক দিন বাঙ্গালার কোন্ সুদূর পল্লীগাম হইতে আত্মীয়-স্বজন সকলের নিকট বিদায় লইয়া যখন নৌকাযোগে ধীরে পল্লী-নদীর বন্ধ দিয়া অগ্রসর হইতেছিলাম, তখন অনূন পঞ্চাশৎ আবাল-বৃদ্ধ-বনিতা—প্রবল বারিপাতের মধ্যেও তীরে দাঁড়াইয়া যতক্ষণ দেখা যায়—সজলনেত্রে আমাদের নিরীক্ষণ করিতেছিল। সে করুণ বিদায়-দৃশ্য আজ থাকিয়া থাকিয়া মনে পড়িতে লাগিল। এ দৃশ্য বাঙ্গালী-মনের দুর্বলতার পরিচায়ক হইতে পারে, সঙ্কীর্ণতার পরিচায়ক হইতে পারে, কিন্তু ইহা বাঙ্গালীর নিজস্ব সম্পদ।

মনের এইরূপ চঞ্চল অবস্থায় চোখে ঘুম বড় আসিল না।

কিছুক্ষণ উন্মুক্ত জানালা দিয়া উদাসভাবে বাহিরের দিকে চাহিয়া রহিলাম। ছই পাশে অন্ধকার বিজড়িত বিটপী-শ্রেণী, তাহার ফাঁকে ফাঁকে কখন জোনাকির মত দুই একটা আলোক, আর মাঝে মাঝে এক একটি আলোকোজ্জ্বল ষ্টেশন,—চলচ্চিত্রের মত চোখের সম্মুখে দিয়া দ্রুতগতিতে চলিয়া যাইতে লাগিল। কিয়ৎকাল এই ভাবে বসিয়া থাকিবার পর অত্যধিক ঠাণ্ডা বোধ হওয়ায় জানালা বন্ধ করিয়া দিয়া শুইয়া পড়িলাম। নিদ্রাদেবীর সঙ্গে কচিং কখন দেখা-সাক্ষাৎ হইতে লাগিল। এই অর্ধ জাগ্রত, অর্ধ-নিদ্রিতাবস্থায় কখন যে বাঙ্গালার সীমানা ছাড়াইয়া বিহারের মধ্য দিয়া চলিতে লাগিলাম, তাহা ঠিক বুঝিতে পারি নাই। যাহা হোক, রাত্রির শেষ দিকে একটু তন্দ্রা আসিয়াছিল। ভোরে জাগিয়া দেখি, পাটনা সিটা ষ্টেশনে আসিয়াছি। ইত্যবসরে মনটাও তাহার প্রাথমিক চাকলা পরিহার করিয়া স্থির হইয়া আসিয়াছে। রাত্রিতে ঠাণ্ডা লাগিয়া সর্দিতে গলার গোড়াটা বড় ছম্-ছম্ করিতেছিল। কথা কহিতে যাইয়া দেখি, কণ্ঠস্বর ভাঙিয়া গিয়াছে। কিছু গরম চা পান করিয়া গলাটা একটু ঝালাইয়া লওয়া গেল।

#### দ্বিতীয় দিন

পাটনা ছাড়াইলেই দুই দিকে কেবল দিগন্তবিস্তৃত বিশাল মাঠ,—তাহাতে বাঙ্গালার মত ধান-পাট নাই। অধিকাংশ জমিতেই কেবল গম ও ভুট্টার চাষ। মাঝে মাঝে সারি সারি অসংখ্য উর্দ্ধশীর্ষ তালবৃক্ষ। স্থানে স্থানে মাটির দেওয়ালোপরি নির্মিত খোলার ঘর সমন্বিত এক একখানি ছোট গ্রাম। ক্রমশঃ বৃহৎ বৃহৎ আত্রবাগান চোখে পড়িতে লাগিল। স্থানে স্থানে দেখিলাম, বহুবিস্তীর্ণ ভূমি অকর্ষিত অবস্থায় পড়িয়া রহিয়াছে। কেবল মাঝে মাঝে দুই একখানি করিয়া রোপা ধানের ক্ষেত; তাহাতে চারিদিকে আল বাধিয়া জল রাখা হইয়াছে। বাঙ্গলা দেশের মত বর্ষা-প্রাণিত শস্ত-শ্রামল ক্ষেত্র একখানিও দৃষ্টিগোচর হইল না।



দেখিতে দেখিতে বৃহৎ শোণ নদ অতিক্রম করিলাম। শোণ নদের উপরিস্থ সেতুটি সুবিখ্যাত সাড়া-সেতুর জায় আড়ম্বরবহুল না হইলেও দৈর্ঘ্যে বোধ হয় কম হইবে না। বর্ষার জর্মে পরিপূর্ণ, স্ফীত-যৌবন বিশাল শোণ নদের ঈষৎ আবিল জলরাশি উভয় কূল প্লাবিত করিয়া ধীর-মহুর গতিতে বহিয়া চলিয়াছে। দক্ষিণে নদের মধ্যখানে একখানি গ্রাম,— ঠিক যেন স্বীপের মত জলের উপর ভাসিতেছে— মনোরম দৃশ্য!

এইরূপে দক্ষিণে ও বামে নানা বৈচিত্র্যময় দৃশ্য দেখিতে দেখিতে বেলা ৯টার মোগলসরাই জংশনে আসিয়া পৌঁছিলাম। আমাদের টিকেট—ভায়া মোগলসরাই— সাহারাণপুর; কাজেই মোগলসরাইতে পাঞ্জাব মেল বদল করিয়া আউধ-এণ্ড-রোহিলখণ্ড রেলওয়ের গাড়ীতে উঠিলাম। গাড়ী ছাড়িতে মিনিট কুড়ি দেড়ী—আহারের জন্ত কিছু ডালপুরী, তরকারী ও কুঁজো ভরিয়া জল লওয়া গেল। ৯।০ টায় গাড়ী ছাড়িয়া দিল।

মোগল সরাইয়ের পরের স্টেশনই কালীধাম। এইবার বিহার ছাড়িয়া ক্রমশঃ যুক্তপ্রদেশের দিকে অগ্রসর হইতেছি। মিনিট পনেরর মধ্যেই গঙ্গার উপরিস্থ সেতুর উপর আসিয়া পড়িলাম। মরি, মরি, কি অপূর্ব দৃশ্য!—জীবনে আর কখন দেখি নাই, দেখিবও না। বর্ষা-সমাগমে উচ্ছ্বসিত উদ্বেলিত উত্তরবাহিনী ভাগীরথী কালীর পাদদেশ বিধৌত করিয়া তর-তর বেগে বহিয়া যাইতেছে। তটোপরি নবোদিত সূর্য্যকিরণোদ্ভাসিত অসংখ্য বিচিত্র সৌন্দর্যমালা। তন্মিলে শত শত অর্কমণ্য দেউলের গর্কোন্নত চূড়া। মাঝে মাঝে সুরম্য সোপানাবলী,—তছপরি স্নান-রত অসংখ্য নরনারী,—যেন শিল্পীর সযত্ন-অঙ্কিত একখানি ছবি— অপরূপ দৃশ্য! সমগ্র নগরীটি যেন গঙ্গার মধ্য হইতে উঠিয়াছে। এ কি যথার্থই বাস্তব জগতের স্থূল দৃশ্য, না কল্পনালোকের কোন অলীক চিত্র! হে পতিতোদ্ধারিণী গঙ্গে! হে ভারতের তীর্থ বারণসী! হে জগতের ঈশ্বর বিশ্বনাথ!—তোমাদের শত শত প্রণাম!!

কালী স্টেশনে গাড়ী মাত্র দুই মিনিট থামিলেও গঙ্গাজল স্পর্শ করিবার সৌভাগ্য হইয়াছিল,—অবশ্য জনৈক পাণ্ডার কৃপায়। পরের স্টেশন বেনারস ক্যান্টনমেন্টে আর কিছু পানীয় জল ও কালীর উৎকৃষ্ট আমের আচার লইয়া তৎসহ

মোগলসরাইয়ের ডালপুরী ও নির্ভাজ কুমড়ার তরকারীর সহ্যবহার করা গেল।

ইষ্ট ইণ্ডিয়ান রেলওয়ের গাড়ী অপেক্ষা আউধ-এণ্ড-রোহিলখণ্ডের গাড়ী অনেক অল্পমত। অল্পবিস্তর ঝাঁকুনি খাইতে খাইতে ও কর্কশ ঘর্ষের শব্দ শুনিতে শুনিতে হিন্দুস্থানের বিশাল প্রান্তর-বক্ষ ভেদ করিয়া ছুটিয়া চলিলাম। আমাদের কামরায় আর একজন বাঙ্গালী,—মোগলসরাইতে উঠিয়াছেন,—লাকস্মারে গাড়ী বদল করিয়া দেরাহুন যাইবেন।

প্রতাপগড়ে যখন পৌঁছিলাম, তখন বেলা ১২টা। অত্যধিক গরম বোধ হইতে লাগিল। চলন্ত ট্রেনে বাতাস পাওয়া যায়; কাজেই ততটা কষ্ট বোধ হয় না। গাড়ী হইতে নামিয়া পানিপাঁড়ের প্রদত্ত জল দ্বারা মাথাটা ধুইয়া ফেলিয়া কথঞ্চিৎ ঠাণ্ডা হইলাম। এই গ্রীষ্মের দিনে রেলকর্তৃপক্ষ প্রত্যেক স্টেশনেই জল দিবার অতি সুবন্দোবস্ত করিয়া যাত্রীসাধারণের, বিশেষতঃ দূরগামী যাত্রীদের, বড়ই উপকার করিয়াছেন। প্রত্যেক স্টেশনেই পানিপাঁড়েরা “বাবুজি, পানিমে সুরাই ভরকে লিয়ে” বলিয়া সাধিয়া সাধিয়া জল দেয়; হুই একটা পয়সা দিলে খুসী হইয়া চলিয়া যায়। বাঙ্গলা দেশের কোন রেল স্টেশনেই এমন সুবন্দোবস্ত নাই। প্রতাপগড়ে বেশ সস্তা ছোট ছোট আম পাওয়া গেল,— প্রতিটা মাত্র ৫ পয়সা। এবার বাঙ্গলায় আম অত্যন্ত মহার্ঘ। কিছু আম এবং ছোট খোকাটির জন্ত কিছু গরম মহিষ-ছত্র ক্রয় করিয়া লইলাম। গরুর দুধ মিলিল না।

প্রতাপগড়ের পর কয়েক স্টেশন ছাড়াইলে দেখিতে লাগিলাম, স্থানে স্থানে গাছের সঙ্গে সারি সারি কুজপৃষ্ঠ, বৃহদাকার উট বাধা রহিয়াছে;—কোথাও মাঠের উপর দীর্ঘ-গ্রীব সারস পাখীগুলি ইতস্ততঃ চরিয়া বেড়াইতেছে; আবার কোনখানে স্থূলকায় মহিষগুলি দলে দলে কর্দমাক্ত জলের মধ্যে শরীর নিমজ্জিত করিয়া মাত্র নাসিকাগ্র বাহির করিয়া রাখিয়াছে। এইরূপে মাঠের শোভা দেখিতে দেখিতে বেলা ৩।০টার লক্ষ্যে স্টেশনে আসিয়া পৌঁছিলাম। ওয়াজেদ আলী শার লক্ষ্যে,—মানস-নয়নে কত দৃশ্য দেখিলাম, মনে কত ইতিহাস জাগিল।

“কগতা ধরণীপালা: সসৈন্ত বল বাহানা:।

বিয়োগ সান্ধিনী যেবাং ভূমিরত্মাপি তিষ্ঠতি ॥”

সমস্ত দিন এক ভাবে বসিয়া থাকিতে কোমর লাগিয়া

আসিয়াছিল। ষ্টেশনে নামিয়া কিছুক্ষণ পায়চারি করিয়া শরীরটা একটু ঝাড়িয়া লইলাম।

লক্ষ্যে ছাড়াইলে আবার দুই ধারে কেবল দিগন্ত-বিস্তৃত অকর্ষিত ভূমি ; মাঝে মাঝে শুধু ইতস্ততঃ বিক্ষিপ্ত ক্ষুদ্র ক্ষুদ্র বৃক্ষের ঝোপ মিলিয়া সমগ্র প্রান্তর ভরিয়া জঙ্গলের সৃষ্টি করিয়াছে। একখানিও শস্যক্ষেত্র দেখিলাম না। কচিং কোথাও বিশাল মাঠের কোন প্রান্তে দুই একখানি গ্রাম অস্পষ্ট ভাবে দেখা যাইতেছে। এমনি মাঠের উপর দিয়া ষ্টেশনের পর ষ্টেশন অতিক্রম করিয়া গাড়ী দ্রুতবেগে ছুটিয়া চলিল।

### দ্বিতীয় রাত্রি

সাহারানপুর যখন পৌঁছিলাম, তখন সন্ধ্যা উত্তীর্ণ হইয়া গিয়াছে! তার পর, জানি না কখন, একটু ঘুমাইয়া পড়িয়াছিলাম,—ফেরিওয়ালাদের চীৎকারে জাগিয়া দেখি, মোরাদাবাদে পৌঁছিয়াছি। রাত্রি তখন ১০টা। ‘ঠাণ্ডা পানি’, ‘গরম চা’, ‘সোডা লেমনেড্’, ‘ডাল-কুটী-পুরী’,— আর তৎসহ ‘হিন্দু ওয়াস্তে’, ‘মুসলমান ওয়াস্তে’,—ইত্যাদি চীৎকার, এবং মিঠাইওয়ালার, ফলওয়ালার, চুড়িওয়ালার, ছুরী-কাঁচিওয়ালার, খেলনাওয়ালার, ঘটি-বাটিওয়ালার, প্রভৃতি ফেরিওয়ালাদের বিবিধ প্রকার স্বর মিলিয়া এক অভিনব ঐক্যতান-বাদনের সৃষ্টি করিয়াছে। কিছুক্ষণের মধ্যেই কান ঝালাপালা করিয়া অতিষ্ঠ করিয়া তুলিল। এক একজন ফেরিওয়ালার নানাবিধ মনোহারী দ্রব্য-সামগ্রীতে সাজাইয়া ঠিক যেন এক একখানা প্রতিমার চালীশক কাঠামো মাথায় লইয়া ঘুরিয়া বেড়াইতেছে, ও নানারূপ সুরতানলয়ে দুর্কোথা ভাষায় চীৎকার করিতেছে। সে কাঠামোর দুনিয়ার কি যে আছে, আর কি যে নাই, বলা কঠিন। বাসনওয়ালারা নিকেলের কলাইকরা ঝকঝকে ছোট ছোট পিতলের ঘটি, বাটি, গ্লাস, থালা প্রভৃতি সাজাইয়া লইয়া অনবরত হাঁকিয়া যাইতেছে। জিনিষগুলি দেখিতে বড়ই সুন্দর,— ঠিক রৌপ্য-নির্মিত বলিয়া ভ্রম হয়। এই মোরাদাবাদী বাসনের খুব প্রসিদ্ধি আছে। মিঠাই-বিক্রেতারার মিঠাই-বোঝাই এক একখানা গাড়ী ঠেলিয়া ঠেলিয়া ট্রেনের কামরার কাছে আনিতেছে। তাহাদের মুখোচ্চারিত নাম শুনিয়া, অথবা চাক্ষুষ দেখিয়াও দুই একটি ব্যতীত কোন মিঠাইয়েরই ‘কুলশীল’ বৃত্তিতে পারিলাম না। বাহা হোক, একটা বিষয়

খুবই লক্ষ্য করিলাম। এক একজন ফেরিওয়ালার যেরূপ প্রকৃত বোঝা মাথায় করিয়া, অথবা গাড়ী ঠেলিয়া বৃহৎ ট্রেনের এক প্রান্ত হইতে অপর প্রান্ত পর্যন্ত অনবরত যাওয়া-আসা করিতেছে, সেরূপ বোঝা আমাদের বঙ্গদেশের পাঁচজনেও লইয়া যাইতে পারিবে কি না সন্দেহ। মোরাদাবাদে আবার এক প্রস্থ ডালপুরী-তরকারী কিনিয়া লইয়া রাত্রির আহার কার্য সমাপ্ত করা গেল।

মোরাদাবাদের পর হইতে অসহ্য গরম বোধ হইতে লাগিল। গাড়ী ছাড়িয়া দিলে গরমটা একটু কম বোধ হয় বটে, কিন্তু কোন ষ্টেশনে থামিলেই কেমন একটা গরমের গুমোট চারিদিক হইতে যেন চাপিয়া ধরিতে লাগিল। এই ভাবে অগ্রসর হইতে লাগিলাম। ইচ্ছা ছিল, সাহারানপুরের পর গাড়ী যখন ঘুমুনা অতিক্রম করিবে, তখন জাগিয়া থাকিয়া সে দৃশ্য দেখিব। কিন্তু কখন যেন ঘুমাইয়া পড়িয়াছিলাম, জাগিয়া দেখি, সাহারানপুর ছাড়াইয়া অনেক দূর আসিয়াছি; রাত্রি তখন ৪টা। আটায় গাড়ী সাহারানপুর ত্যাগ করিয়াছিল।

সাহারানপুর হইতেই গাড়ী নর্থ ওয়েস্টার্ন রেলওয়ের লাইনে চলিতে আরম্ভ করিয়াছে। এইবার যুক্তপ্রদেশের সীমানা ছাড়িয়া পাঞ্জাবের মধ্য দিয়া অগ্রসর হইতেছি। রাত্রি প্রায় শেষ হইয়া আসিয়াছে। ক্রমশঃ ঠাণ্ডা বোধ হইতে লাগিল।

### তৃতীয় দিন

আম্বালা ক্যান্টনমেন্টে যখন পৌঁছিলাম, তখন রাত্রি প্রভাত হইয়াছে; পূর্বদিকে আকাশ রক্তিমভা ধারণ করিয়াছে। প্রকৃতিরও সম্পূর্ণ পরিবর্তন হইয়াছে। শিশির-সিক্ত সবুজ গম ও ভুট্টা-ক্ষেত্রগুলি নানা প্রকার ক্ষুদ্র-বৃহৎ বৃক্ষের সমবায়ে চতুর্দিকেই বেশ একটা সজীবতার সৃষ্টি করিয়াছে। আম্বালায় পৌঁছিয়াই দেখি, পূর্বদিনের মোগলসরাইয়ে পরিত্যক্ত পাঞ্জাব মেল এলাহাবাদ, কানপুর, দিল্লী, প্রভৃতি হইয়া আমাদের সঙ্গে সঙ্গেই আসিয়া পৌঁছিয়াছে। আধঘণ্টাখানেক অপেক্ষা করার পর পাঞ্জাব মেল সোজা উত্তর দিকে, শিমলার পথে, কাল্কা-অভিমুখে চলিয়া গেল; আর আমরা ক্রমশঃ উত্তর-পশ্চিমাভিমুখে অগ্রসর হইতে লাগিলাম।

আম্বালার পরেই সুপ্রসিদ্ধ গ্র্যাণ্ডট্রাক রোড্ আমাদের



সাম্যবাদী এবং উদারনৈতিকের উদ্ভব ও উপদ্রব হয় নাই। দেখিয়া মনে একটু আনন্দই হইল। নিজ নিজ বৈশিষ্ট্য ত্যাগ করিয়া সামাজিক আচার-ব্যবহারে বিভিন্ন সম্প্রদায় মিলিয়া যাইবে, ইহা যেমন কখনও সম্ভবপর নহে, তেমনি, বোধ হয়,—কাহারও পক্ষে বাঞ্ছনীয়ও নহে। দ্বিতীয়তঃ, বাংলাদেশের সাম্যবাদী ও উদারনৈতিক দল কেবল রসনার তৃপ্তির জন্য অস্পৃশ্য অখাণ্ড ভোজনে পটু,—কিন্তু বিবেক-বুদ্ধির প্রেরণায় সাম্য ও উদারনীতি অবলম্বন জন্য প্রকৃত মনুষ্যত্ব,—সংসাহস এবং তেজস্বিতা আবশ্যিক হইলেই তাহারা পৃষ্ঠপ্রদর্শনে তৎপর; তখন সঙ্কীর্ণতা এবং কুসংস্কার তাহাদিগকে চারিদিক হইতে বেঁচন করিয়া ফেলে।

লাহোর ছাড়িয়াই যখন রাবি (ইরাবতী) নদী পার হইলাম, তখন দেখিলাম, নদীতে বন্যা হইয়া লাহোরের উত্তরাঞ্চল প্রাবিত হইয়া গিয়াছে; রাস্তা-ঘাট-মাঠ একেবারে ডুবিয়া গিয়াছে; অনেক দালান-কোঠার মধ্যে জল গিয়াছে; বহু গো মহিষ মৃতাবস্থায় জলের উপর ভাসিতেছে। বন্যা তখন কিছু কমিয়া আসিয়াছে, তাহা জলের দাগ দেখিয়াই বুঝিতে পারিলাম। লাহোর ষ্টেশনে একখানা খবরের কাগজ কিনিয়াছিলাম; তাহাতে দেখিলাম, কয়েক দিন পাত্জাবে অত্যধিক বৃষ্টি হওয়াতে এই বন্যা হইয়াছে। পাত্জাবে এত অধিক বৃষ্টি পঁচিশ বৎসরের মধ্যে আর হয় নাই।

লাহোরের পর হইতে গাড়ী ক্রমশঃ উত্তরাভিমুখে অগ্রসর হইতে লাগিল। বন্যার দৃশ্য দেখিতে দেখিতে ছুটিয়া চলিয়াছি। গরমটা ক্রমেই অসহ্য হইয়া উঠিতে লাগিল। রাস্তা যেন আর ফুরাইতে চাহে না। যাহা হোক, বেলা ২টার ওয়াজীরাবাদের পর চেনাব (চন্দ্রভাগা) নদী উত্তীর্ণ হইলাম।

খড়িয়ান নামক একটা ষ্টেশন ছাড়িয়া আসিতেই দুই ধারে নিকটে ও দূরে ক্ষুদ্র-বৃহৎ বহু পাহাড় চোখে পড়িতে লাগিল। বেলা ৪টার পর ঝিলাম ষ্টেশনের নিকট ঝিলাম (বিতস্তা) নদী অতিক্রম করিলাম। আমাদের সঙ্গী গ্র্যাণ্ডট্রাঙ্ক রোড পূর্ববৎই আমাদের সঙ্গে সঙ্গে চলিয়াছে। ঝিলাম সহরটি এই অঞ্চলের একটি বর্ধিষ্ণু বন্দর। সহরের নীচে দিয়াই নদীটি প্রবাহিত। নদীতে বড় বড় বোঝাই নৌকা; জলের মধ্যে বহু বৃহৎ বৃহৎ পার্শ্বীয় কাঠ ভাসমান রহিয়াছে।

ঝিলামের পর কিছুদূর পর্য্যন্ত শস্ত-শ্রামল ক্ষেত্র। তার পর যতই অগ্রসর হইতে লাগিলাম, দূরবর্তী পাহাড় সকল ততই নিকটবর্তী হইতে লাগিল। ক্রমে বৃহৎ বৃহৎ শুষ্ক অথচ সুগভীর পার্শ্বীয় নদী ও গহ্বর সকল পার হইতে হইতে চলিলাম। তারপর,—তারপর কেবল পাহাড়, পাহাড়, পাহাড়! সম্মুখে ও পশ্চাতে, দক্ষিণে ও বামে কেবল উত্তুঙ্গ শৈল-শিখরমালা। এইবার গাড়ী ধীরে ধীরে পাহাড়ের গা' ঘুরিয়া-ঘুরিয়া ক্রমশঃ অগ্রসর হইতে লাগিল। হয়ত কিছুক্ষণ আগে যে স্থান দিয়া আসিয়াছি, একটু পরেই আবার ঘুরিয়া ঠিক সেই স্থানের কিছু উপরে উঠিয়াছি। দুইধারে উত্তুঙ্গ পাহাড়-শ্রেণী,—মধ্য দিয়া রাস্তা কাটিয়া লাইন বসাইয়া গিয়াছে; ইহারই উপর দিয়া পাহাড়ের ক্রোড় ঘেসিয়া ঘেসিয়া গাড়ী কখন পশ্চিম, কখন দক্ষিণ, কখন পূর্ব, কখন উত্তরমুখী হইয়া ধীর অথচ দৃঢ় পদবিক্ষেপে ক্রমশঃ উপরের দিকে উঠিতে লাগিল। ক্রমে পর পর পাহাড় মধ্যস্থ ছোট ছোট দুইটা স্ফুট (টানেল) পার হইলাম। তখনও বেলা আছে; কিন্তু স্ফুটের মধ্যে জমাট অন্ধকার,—পাঁচটা অমাবস্তা রাত্রি একত্র করিলেও বোধ হয় এত অন্ধকার হয় না। এই বিজন, দুর্গম, বন্ধুর পার্শ্বীয় প্রদেশের মধ্যেও গ্র্যাণ্ডট্রাঙ্ক রোড আমাদের পরিত্যাগ করে নাই। কখন পাহাড়ের গা' ঘেসিয়া, কখন বা পাদদেশ দিয়া সমান্তরাল ভাবে, বা রেল লাইন অতিক্রম করিয়া এদিক ওদিক আঁকিয়া-বঁকিয়া যাইয়া আবার ঘুরিয়া ঘুরিয়া আসিয়া আমাদের সঙ্গে সঙ্গেই ছুটিয়া চলিয়াছে। দূরে দূরে পাহাড়ের গায়ে এক একখানি ছোট গ্রাম,—যেন কোন সুনিপুণ শিল্পী শৈল-ক্রোড় হইতে সযত্নে কাটিয়া বাহির করিয়াছে। ভাষায় সে দৃশ্য বর্ণনা করিয়া বুঝান অসম্ভব। পাহাড়-বেষ্টিত উপত্যকার মাঝে মাঝে : এক একটি ছোট ষ্টেশন। এই নির্জন শৈলস্তূপরাশির মধ্যে কোথা হইতে যে যাত্রী আসিয়া এই সব ষ্টেশনে সমবেত হয়, বুঝিতেই পারিলাম না।

সন্ধ্যা ঘনাইয়া আসিয়াছে। দূরে দূরে শৈল-ক্রোড়স্থিত দুই একখানি পল্লী-কুটার হইতে কোন পাঞ্জাবী বধূর প্রজ্জ্বলিত সান্দ্যাদীপশিখা অস্পষ্ট দেখা যাইতেছে। সে অস্পষ্ট আলোক হৃদয়ের নিভৃত কন্দরে যাইয়া প্রবেশ করিল, —প্রিয় জন্মভূমির মুখচ্ছবি মনে পড়িয়া গেল। কোথায়

শস্ত্র-শ্রামল বাজলার সমতল ক্ষেত্র ; আর কোথায় প্রস্তরময়, বহুর, নীরস, উত্তুঙ্গ শৈলস্তূপরাশি! ইহারই মধ্য দিয়া, আগত-প্রায় অন্ধকার রাত্রি সন্মুখে করিয়া যেন নিরুদ্দেশ যাত্রীর মত কোন্ অজ্ঞাত দেশে ছুটিয়া চলিয়াছি! এ যাত্রার পরিসমাপ্তি কোথায়—কতদূর?

### তৃতীয় রাত্রি

মাত্রা নামক পার্কৃত্য জংশন স্টেশনটিতে যখন পৌঁছিলাম, তখন সন্ধ্যা উত্তীর্ণ হইয়াছে। আর কয়েকটি স্টেশন পরে রাওলপিণ্ডি। মাত্রার পর হইতে গাড়ী পাহাড়রাশি ছাড়াইয়া সমতল উপত্যকার বক্ষ ভেদ করিয়া অগ্রসর হইতে লাগিল। বাহিরে গাঢ় অন্ধকার,—ছুই চোখে আর কিছুই দেখা যায় না। তথাপি জানালা দিয়া চাহিয়া রহিলাম। কেবল দূরে দূরে গর্কোন্নতশীর্ষ শৈলস্তূপরাশি দুর্ভেদ্য প্রাচীরের স্তায় চতুর্দিকে দাঁড়াইয়া আছে, অনুমানে বুঝিয়া লইতে লাগিলাম। রাওলপিণ্ডি যখন পৌঁছিলাম, তখন রাত্রি ৮টা। রাওলপিণ্ডিতে গাড়ী ছই ঘণ্টার উপর অপেক্ষা করিবে। গাড়ীর মধ্যে প্রাণ ছটফট করিতেছিল। গাড়ী থামিতেই নামিয়া পড়িলাম। তাড়াতাড়ি যাইয়া পাথর-কুচি-আচ্ছাদিত প্লাটফর্মের উপর অর্ধশায়িত অবস্থায় কিছুক্ষণ পড়িয়া রহিলাম,—বড় আরাম লাগিল। একটু পরেই আহাৰ্য্যের অন্বেষণে উঠিয়া পড়িলাম! কিন্তু ক্রমাগত দুই দিন ডালপুরী থাইয়া ভেতো বাঙ্গালী মুখটা যেন ভাত-ভাত করিতেছিল। অনুসন্ধানে জানা গেল, চা' প্লেটের এক প্লেট করিয়া ভাত ১/০ আনার পাওয়া যায়। ঐরূপ পাঁচখানা প্লেটের ভাতেও বোধ হয় একজনের উদরের এক কোণাও ভরিবে না। কাজেই বাধ্য হইয়া আবার সেই ডালপুরীর শরণাপন্ন হইতে হইল।

রাত্রি ১০টার রাওলপিণ্ডি ত্যাগ করিয়া আবার সেই পাহাড়বেষ্টিত সুবিস্তীর্ণ উপত্যকার মধ্য দিয়া চলিতে লাগিলাম। পিণ্ডির পরের স্টেশন গোলরা। গোলরা এই অঞ্চলের সর্বোচ্চ পার্কৃত্য স্টেশন। সমুদ্র-বক্ষ হইতে ইহার উচ্চতা ২০০০ ফিট। কাজেই এই গোলরা পর্য্যন্ত চড়াই, অর্থাৎ ক্রমশঃ উচ্চ ভূমি; তৎপর হইতেই উৎরাই,—ক্রমশঃ নিম্ন ভূমি। রাওলপিণ্ডি হইতে গোলরা মাত্র নয় মাইল। অথচ চড়াই ঠেলিয়া এই পথ অতিক্রম করিতে কলিকাতা মেলেরও প্রায় এক ঘণ্টা লাগিল। আর একটা স্টেশন পরেই ট্যাকশিলা (তক্ষশিলা)।

গোলরার পর হইতে গাড়ী অধিকতর দ্রুতগতিতে চলিতে লাগিল। যথা সময়ে পরবর্তী স্টেশন সাংজানি ছাড়াইলাম। আর মিনিট কুড়ির মধ্যেই ট্যাকশিলা পৌঁছিলাম। গাড়ী কখন উপত্যকার উপর দিয়া, কখন উপত্যকা-মধ্যস্থিত গভীর খাতের ভিতর দিয়া অপেক্ষাকৃত প্রবল বেগে ছুটিয়া চলিয়াছে। কিছুক্ষণ পরে হঠাৎ একটা কর্কশ ঘর্ষর শব্দ শুনিয়া বুঝিলাম, গাড়ী পাহাড়-নিম্নস্থ একটা সুড়ঙ্গ অতিক্রম করিতেছে। মিনিট খানেক লাগিল; কাজেই সুড়ঙ্গটি নেহাৎ ছোট নহে, মনে হইল। সুড়ঙ্গ পার হইয়া মিনিট দশেকের মধ্যেই তক্ষশিলায় আসিয়া পৌঁছিলাম,—অকূলপাথারে কূল পাইলাম। রাত্রি তখন ১২টা বাজিয়া গিয়াছে।

ট্যাকশিলা স্টেশনে গাড়ী ১০ মিনিট থামে। তাড়াতাড়ি গাড়ী হইতে নামিয়া পড়িলাম। মিউজিয়মের অফিস হইতে আগেই লোক আসিয়া স্টেশনে অপেক্ষা করিতেছিল। কাজেই জিনিষপত্র, লটবহর লইয়া আমাদের আর কোন অনুবিধা ভোগ করিতে হইল না। স্টেশন হইতে অফিস অর্ধ মাইলেরও কম। সুতরাং সে রাত্রির মত আর পল্লী মধ্যস্থ তাড়াতাড়ি বাড়াইতে না যাইয়া অফিস-সংলগ্ন গৃহেই রাত্রি যাপন করিব,—এই ইচ্ছায় জিনিষ পত্র ও কুলি এবং অন্যান্য লোকজনসহ আমরা স্টেশন ছাড়িয়া সেই গভীর নিস্তরক নিশীথে দীপালোকে পথ দেখিয়া দেখিয়া সেই দিকেই অগ্রসর হইতে লাগিলাম।

আজ তিন দিন ক্রমাগত গাড়িতে চড়িয়া প্রায় দেড় হাজার মাইল পথ অতিক্রম করার পর পদব্রজে এই পথটুকু ভ্রমণ বড়ই আরামপ্রদ লাগিল। কিন্তু শরীর তখনও ঝিম্-ঝিম্ করিতেছে,—মনে হইল যেন গাড়িতেই চলিতেছি। মিনিট পনেরর মধ্যেই গন্তব্যস্থানে পৌঁছিয়া তাড়াতাড়ি বিনা বাক্যব্যয়ে শুইয়া পড়িলাম। সেই পশ্চিমদেশীয় কঠিন, ইতস্ততঃ গ্রন্থিবিশিষ্ট, অনাচ্ছাদিত খাটিয়া ('মঞ্জি') আজ কুসুম শয্যাপেক্ষাও কোমল বলিয়া বোধ হইল। মুহূর্ত্ত মধ্যেই গভীর নিদ্রায় অভিভূত হইয়া পড়িলাম।

পরদিন প্রভাতে ঘুম হইতে উঠিয়াই দেখি, আমরা চতুর্দিকে পাহাড়-পর্বত-পরিবেষ্টিত এক অতি মনোহর উপত্যকায় আসিয়া পড়িয়াছি।

(ক্রমশঃ)

## পথের শেষে

### শ্রীপ্রভাবতী দেবী সরস্বতী

( ১ )

“বউ মা—”

“ঘাই বাবা—”

বধু বাসনগুলি রক্ষনগৃহে শুধাইয়া রাখিতেছিল, তখনও সিন্ধু বসনখানা ছাড়িতে পারে নাই। খণ্ডের আহ্বান কাণে আসিবামাত্র সে বাসনগুলি তেমনি অবস্থাতেই ফেলিয়া রাখিয়া বাহির হইল।

খণ্ড উপেক্ষনাথ বারাক্ষর একখানি বস্ত্রের আসনে বসিয়া তামাক খাইতেছিলেন। পুত্রবধু তখনও সিন্ধু বস্ত্র ত্যাগ করে নাই দেখিয়া তিনি রুদ্ধ ব্যথিত কণ্ঠে বলিলেন—  
“এখনও কাপড় ছাড় নি মা? এমনি করে শেষটার একটা গুরুতর অসুখ না বাধিয়ে দেখছি ছাড়বে না। নিজেকে তো ভুগবেই, আমাকেও ভুগিয়ে মারবে।”

বধু লজ্জিতা ও কুণ্ঠিতা হইয়া উঠিল; মুখখানা নত করিয়া ধীর সুরে বলিল, “এই যে বাবা, এখন গিয়ে ছাড়ছি, আপনি ডাকছেন শুনে তাড়াতাড়ি করে—”

বাধা দিয়া উপেক্ষনাথ বলিলেন, “না মা, আমার দরকারটা এমন বিশেষ কিছু জরুরী নয় যে, তোমার ভিজে কাপড়ে দাঁড়িয়েই তা শুনতে হবে। আমি ভেবেছিলুম, তোমার সব কাজ শেষ হয়ে গেছে, তাই কয়েকটা কথা বলব বলে ডেকেছিলুম। যাও, তুমি আগে ভিজে কাপড়খানা ছেড়ে এসো, তার পরে কথা হবে এখন।”

ধীরপদে দেবী চলিয়া গেল।

খানিক পরে সে সিন্ধুবস্ত্র ছাড়িয়া শুষ্ক বস্ত্র পরিয়া খণ্ডের কাছে ফিরিয়া আসিল।

আজ প্রথম এই বুঝি খণ্ডের দৃষ্টি বধুর বহুতালি-বুদ্ধ বস্ত্রখানার উপর পড়িল। তাই তিনি বিস্ময়ে সেই দিক পানেই চাহিয়া রহিলেন,—হাতের হঁকা হাতেই রহিয়া গেল।

তাঁহার সেই বিস্ময়ভরা দৃষ্টির অর্থ বুঝিয়া দেবী আরও বেশী রকম কুণ্ঠিতা হইয়া পড়িল; ছই একটা তালি লুকাইবার চেষ্টা করিতে করিতে সে বলিল, “না বাবা, ভাল কাপড়ও

আছে, কিন্তু তাড়াতাড়ি কাপড় ছাড়া কি না,—এইটেই হাতের কাছে পেলুম, তাই পরলুম।”

অতিধীরে একটা দীর্ঘনিঃশ্বাস উপেক্ষনাথের বক্ষ চিরিয়া বাহির হইয়া গেল; তিনি বলিলেন, “তাই হোক মা, তোমার কথাই সত্য হোক, ভগবান যেন সেই আশীর্বাদই করেন।”

কথাটার মধ্যে কি ছিল তাহা দেবী বেশ বুঝিতেছিল। যত লজ্জার বোঝা তাহার মাথায় আসিয়া চাপিল। জানিয়া শুনিয়া সে এত বড় একটা জীবন্ত মিথ্যাকে অনায়াসে সত্য বলিয়া চালাইয়া দিল। আর তাহার অমন জানী খণ্ডও সে কথা মিথ্যা জানিয়াও সত্য বলিয়া অতি সহজেই মানিয়া লইলেন। কিন্তু জোর করিয়া মিথ্যাকে সত্য বলিয়ে যে একটা বেদনা অনুভব করা যায়, সেটা তাঁহার কণ্ঠস্বরে ঝরিয়া পড়িল।

অনেকক্ষণ চুপ করিয়া দাঁড়াইয়া থাকিয়া দেবী জিজ্ঞাসা করিল, “আমায় কেন ডেকেছিলেন বাবা?”

সেই মনের কোণে হঠাৎ-লুকাইয়া-পড়া কথাটিকে স্মরণ করিয়া উপেক্ষনাথ বলিলেন, “হ্যাঁ, সে একটা কথা আছে মা। এখন এখানে একটু বসতে পারবে কি,—এতটুকু ছুটি তোমার হবে কি?”

বধু উত্তর দিল, “পারব বাবা, এখন আমার তেমন বিশেষ কাজ কিছু হাতে নেই।”

উপেক্ষনাথ বলিলেন, “তবে একটু বসো। এই পত্রখানা আজ এসেছে, পড় দেখি।”

পত্রের পানে তাকাইয়াই বধুর মুখখানা শুকাইয়া উঠিল, সে চোখ ফিরাইয়া লইল।

উপেক্ষনাথ বধুর সে ভাব লক্ষ্য করিলেন,—শান্ত সুরে বলিলেন, “নাও মা, পত্রখানা বেশ করে একবার পড়। তারপর আমার যা কথা তা আমি পরে বলব এখন।”

দেবী কম্পিতহস্তে পত্রখানা তুলিয়া লইল।

উপেক্ষনাথ বেদনাভরা হাসি হাসিয়া ব্যথাতরা সুরে বলিলেন, “আর কেন মা চেষ্টা কল্যাণী, ছেঁড়া তার আর

কি জোড়া লাগে? যে তার একবার কেটে গেছে, তাকে হাজার জোড়া দাও সে আবার কেটে যাবেই। তুমি মা মঙ্গলময়ী—সংসারের মঙ্গলই তোমার ইচ্ছা। তোমার এই মঙ্গলেচ্ছা তোমায় যে একেবারে অপমানের নিরস্তরে ফেলে দিচ্ছে, সেটা কি বুঝতে পারছ না মা, সেটা কি দেখতে পাচ্ছ না? কাকে তুমি আপন করতে যাচ্ছে মা? যে সব বুঝেও অবুঝের ভাণেলে গেল, তাকে? আমি তোমাকে যে কিছুতেই বুঝে উঠতে পারছি নে বউ মা?”

দেবী পত্রখানা ভাঁজ করিয়া তাঁহার চরণোপান্তে রাখিয়া একটু হাসিবার চেষ্টা করিয়া বলিল, “কেন বাবা, বুঝে উঠতে পারছেন না কেন?”

উপেক্ষনাথ হতাশ দৃষ্টিতে শুধু পুত্রবধুর অনিন্দ্যসুন্দর সরল পুণ্য-মণ্ডিত মুখখানির পানে তাকাইয়া রহিলেন।

দেবীর কণ্ঠে অনেকখানি জড়তা আসিয়া জমাট বাঁধিয়া দাঁড়াইয়াছিল। সে কণ্ঠ পরিষ্কার করিয়া লইয়া বলিল, “আমার অপরাধ হয়েছিল বাবা, আপনার আদেশ না শুনে আমি দিদিকে পত্র দিয়েছিলুম; কিন্তু এ অপরাধ কি এতই গুরুতর হয়েছে বাবা, যে মার্জনা করতে পারবেন না? আপনার মুখ দিনরাত বিষণ্ণ হয়ে থাকে, ঠাকুঝি কত হুঃখ করে—এই সব দেখে আমার মনে হল, আমিই আপনাদের মিলনের সেতু হই না কেন। তাঁরা আপনার কাছে আসুন, আপনার ছেলের সঙ্গে আবার আপনার মিলন হোক। বড়দি এসে বসুন, আমি তাঁর সেবার ভার আমার হাতে নেব, ছেলেপুলে দেখব, এই আনন্দ কল্পনা করে আমি অধীর হয়ে উঠেছিলুম। এ আমি আমার ক্ষুদ্র মেয়েবুদ্ধিতেই করেছিলুম বাবা, আমি জানতে পারি নি যে এতে—”

বাধা দিয়া ধীর স্বরে উপেক্ষনাথ বলিলেন, “না মা, এ তোমার অসংবুদ্ধি-প্রণোদিত নম্র, সংবুদ্ধি দ্বারা পরিচালিত হয়েই তুমি এ কাজ করেছ,—এর ফল যে কি হবে অতদূর তুমি বুঝতে পার নি। কিন্তু জানো কি মা, শ্রীবৎস রাজার ঘরে যখন শনির কোপদৃষ্টি পতিত হয়েছিল, তখন চিন্তারাগীর হাত হতে পোড়া শোলমাছটাও পালিয়েছিল। আমার এখন শনির দশা, সোণা ধরব—হয়ে যাবে ছাই; শক্ত করে বাঁধন দিতে গেলে উল্টে সেই বাঁধন নিজের গলায় আসে। আমার নামে এখন যা করতে যাবে সবই ব্যর্থ হয়ে যাবে।”

দেবী বলিল, “কিন্তু বাবা, রাজা শ্রীবৎসও তো আবার সুসময় পেয়েছিলেন, যা তাঁর হারিয়েছিল সবই আবার পথ চলার সময় কুড়িয়ে পেয়েছিলেন, আপনি কেন আপনার সেই হারান দিনটাকে কুড়িয়ে পাবেন না? মাহুঘের চিরদিন যে সমান যায় না এ কথা আপনিই তো বরাবর বলে আসছেন বাবা। আপন'রই কি এমন দিন যাবে? আশা রাখুন, হঠাৎ কোন দিন সেই শুভকণ্ঠী এসে পড়তে পারে—যেদিন আপনার বড় ছেলে স্ত্রী-পুত্র কণ্ঠা নিয়ে আপনার এই পর্ণ-কুটারেই ফিরে আসবেন—আপনার এই শূন্য গৃহ পূর্ণ হয়ে উঠবে।”

উপেক্ষনাথ গম্ভীর হাসিলেন—“বালিকার অসম্বন্ধ প্রলাপ মাত্র। জানো মা, যদি তারা আসতেও চায়—”

তিনি থামিয়া গেলেন, মুখ ফিরাইয়া কি ভাবিতে লাগিলেন। দেবী উৎসুক হইয়া বলিল,—“তবে কি বাবা?”

উপেক্ষনাথ তেমনি হাসিয়া বলিলেন, “আর কি এ ঘরে তাদের জায়গা দিতে পারব মা?”

ব্যগ্রকণ্ঠে দেবী বলিল, “কেন তাদের জায়গা দিতে পারবেন না বাবা?”

সে কথার উত্তর না দিয়া উপেক্ষনাথ বলিলেন, “তারা এখানে আসতে চাইবেও না মা। কলিকাতার সেই বাড়ী-ঘর, জাঁক-জমক ফেলে তারা আসবে এই পল্লীগ্রামে, এই কুঁড়ে ঘরে? এ যে ঘুমিয়ে স্বপ্ন দেখা বউ মা, এ কখনও কি সম্ভব হতে পারে?”

তর্ক করা দেবীর স্বভাববিরুদ্ধ। বিশেষ যদি ননদিনী হইত, সে হু'কথা বলিলেও বলিতে পারিত; কিন্তু এ যে পূজনীয় শ্বশুরের কথা। সে উত্তর না দিয়া তাঁহার কথাই মানিয়া লইল। মনের মধ্যে জাগিতেছিল—জগতে অসম্ভবই বা কি। যাহা একেবারে অচিন্তনীয়, তাহাও যখন ঘটয়া যায়, তখন তাহাদের দেশে ফিরিয়া আসা তো সম্ভব নয়।

একটুখানি নীরব থাকিয়া উপেক্ষনাথ বলিলেন, “এদিকে সংসারের অনাটন নিত্য বেড়ে চলেছে,—সত্যকে পড়াতেও তো আর পেরে উঠছি নে। খরচ অত্যন্ত বেড়ে যাচ্ছে,—কি যে করি, তা কিছু ঠিক করতে পারছি নে।”

স্বামীর প্রসঙ্গে দেবীর মুখ একেবারেই বন্ধ হইয়া গেল। সে মুখখানা অন্ধ দিকে ফিরাইয়া অনাবশ্যক অত্যন্ত ব্যস্ত হইয়া হাতের শাঁখার ময়লা পরিষ্কারে ব্যাপৃত হইল।

চিন্তিতমুখে উপেন্দ্রনাথ কেশশূন্য মাথায় হাত বুলাইতে বুলাইতে বলিতে লাগিলেন, “এই যে তার মাস গেলে বারটা করে টাকা—এ আমি দিই কোথা হতে? যদিও সে একটা টিউশানি যোগাড় করে কিছু উপায় করছে—তাতে তো কলকাতায় মেসে থেকে পড়া চলে না। এই—মাস গেলে বারটাকার ভাবনা আমার আগে, মাসের প্রথম দিন সকালে ঘুম ভাঙতেই দেখি সামনে অন্ধকার—টাকা কোথায় পাব? এই টাকার ভাবনা ভাবতে ভাবতে আমার দেহ গেল। তাই ভাবছি, ওকে আর পড়াব না। আর পড়িয়েই বা লাভ কি, কি বল মা?”

দেবীর গৌরবর্ণ মুখখানা সিঁদুরের মত লাল হইয়া উঠিল। অঞ্চ উত্তর না দিলেই নয়। যতক্ষণ না উত্তর দেওয়া যাইবে, উপেন্দ্রনাথ এমনি জিজ্ঞাসুভাবে তাহার মুখের পানে তাকাইয়া থাকিবেন। তাই সে ধামিয়া কাসিয়া উত্তর দিল, “তা বই কি।”

একটা দীর্ঘনিঃশ্বাস গোপনে ফেলিয়া উপেন্দ্রনাথ বলিলেন, “বি-এ পাশ করেছে, এম-এ না হয় নাই পড়লে। একটা বছর পড়েছে,—ধরলুম, সে টাকাটা আমার জলে ফেলাই হয়েছে। আর একটা বছর বাকি আছে একজামিন দেবার। এই একটা বছর মাত্র মাসে বার টাকা করে দেওয়ার অভাবে তার পড়াটা মাটা হয়ে গেল।”

পুত্রের বিবরণ মুখখানার কথা কল্পনা করিয়া পিতার স্নেহকোমল বুকটা বিদীর্ণ হইয়া যাইতেছিল, কিন্তু তখনই তিনি সে করুণ ভাবটা ঝাড়িয়া ফেলিয়া বলিলেন, “তা হোক, আমার মত গরীব পিতার সম্মান যখন সে—জীবনে এমন অনেক কৃতিত্বই তাকে সহিতে হয়েছে, আরও সহিতে হবে। তার বাপ যখন অপারগ, তখন তার না পড়াই ভাল। সামনে পূজা আসছে, এই ছুটিতে সে বাড়ী এলে তাকে আমি এই কথাটা বুঝিয়ে বলে দেব। সে আমার বাধ্য ছেলে, আমার কথা রাখতে সে তার জীবনে খুব বড় কৃতিত্ব সহ করতে পারবে বলেই জানি,—সে জিতেন নয়।”

কথায় কথায় সেই সংসার ও সমাজত্যাগী ছেলের কথাই মনে পড়ে। যতই তাহাকে দূরে রাখিতে চান, সে ততই সকলের মাঝে ফুট হইয়া উঠে।

যে কাছে থাকে তাহার জন্ত মন তত অধীর ব্যগ্র হইয়া উঠে না—যতটা যে একেবারে ছাড়িয়া দূরে চলিয়া যায়,

তাহার জন্ত মন তত বেশী অস্থির করে। কাছে যে থাকে সে সহজলভ্য, না ডাকিতেই সাড়া দেয়, কাছে আসে। কিন্তু দূরে যে চলিয়া যায়, সে সাড়া দিবে না, কাছে আসিবে না, তাই মনও অবিশ্রান্ত তাহাকেই পাইতে চায়।

দেবী উঠিবার কোন একটা ওজোর খুঁজিতেছিল। উপেন্দ্রনাথ তাহার সে অকারণ ব্যস্ততার দিকে লক্ষ্য না করিয়া বলিয়া চলিলেন, “পূজোর পড়া হ’তে সত্য একটা কোনও কাজের ঠিক করে নিক, নইলে আমার দ্বারা আর সংসার চালানো সম্ভবপর নয়। চোখে ভাল দেখতে পাই নে,—লোকের বাড়ী পূজা করা যা অভ্যাস হয়ে গেছে, তা ছাড়া অতিরিক্ত কিছু আর করতে পারি নে। আর এ কাজও যে বেশী দিন করতে পারব তা বোধ হয় না, দেহ ক্রমেই অপটু হয়ে পড়ছে। বয়েস যাচ্ছে বই বুঝে তো আসছে না মা! আর কি এখন খাটতে পারা যায়? তোমার অদৃষ্টও এ সংসারে এসে মন্দ ফলই দিলে মা, কোথায় তোমার আনলুম—”

নিজের প্রসঙ্গে দেবী সজাগ হইয়া উঠিল। ব্যগ্রকণ্ঠে বলিয়া উঠিল, “অমন কথা বলবেন না বাবা; আপনি আমার অদৃষ্ট মন্দ বলছেন, আমার অদৃষ্ট যেমন এমন আপনি আর কারও দেখান দেখি। আপনার মত স্বপ্নর যার, ঠাকুরঝির মত নন্দ যার, তার অদৃষ্ট মন্দ এ কথা বলা সাজে না।”

সঙ্গে সঙ্গে মনে জাগিয়াছিল—আর তাহার স্বামীর মত স্বামী যার, কিন্তু ছিঃ, সে কথা কি বলা যায়?

শাস্ত স্নিগ্ধ দৃষ্টি পুত্রবধূর মুখের উপর নিরূপ করিয়া উপেন্দ্রনাথ একটু হাসিলেন, তাহার পর বলিলেন, “যাও মা, তোমার অনেক কাজ আছে এখনও, আর তোমায় দেবী করাব না, অনেকক্ষণ তোমায় বসিয়ে রেখেছি, এতক্ষণে হয় ত তোমার সব কাজ হয়ে যেত।”

দেবী উঠিতে উঠিতে বলিল, “কাজ করতে আর এমন বেশীক্ষণ কি লাগে বাবা। ভারি তো কাজ, কখন শেষ হয়ে যায়, সারাদিনটা কেমন করে কাটবে ঠিক পাই নে।”

সে রন্ধনগৃহের দিকে চলিয়া গেল।

(২)

বহুকাল পূর্বে উপেন্দ্রনাথের গৃহ শূন্য করিয়া গৃহলক্ষী অন্তর্হিতা হইয়াছেন। তখন জ্যেষ্ঠপুত্র জিতেন্দ্রনাথ সপ্তদশ-



বর্ষায়, সত্যেন্দ্র পঞ্চম বর্ষায় ও কল্পা ভবানী এক বর্ষ বয়স্কা মাত্র !

তখনও এই পরিবারের অবস্থা বেশ উন্নত ছিল। কয়েক বিঘা নিষ্কর জমি, বাগান, গুড়িগী, বাড়ীতে ধানের গোলা, চোকিশালা, গোয়ালভরা গরু সবই ছিল। ইহা ছাড়া গ্রামের অধিকাংশ বাড়ীতে উপেক্ষনাথ পুরোহিত ছিলেন; ইহাতেও তাঁহার লাভ হইত বড় কম নয়।

সুতরাং পত্নীর মৃত্যুর সঙ্গে সঙ্গে উপেক্ষনাথের অনেক বিবাহ সম্বন্ধ আসিতে লাগিল, কিন্তু তিনি কিছুতেই বিবাহে সন্মত হইলেন না। কল্পাদায়গ্রস্তেরা যেমন আশাবিতভাবে আসিয়াছিল, তেমনি নৈরাশ্র হইয়া তাহাদের ফিরিতে হইল। উপেক্ষনাথের প্রতিজ্ঞা অচল অটল রহিল, তিনি কিছুতেই তাঁহার মৃত্যু পত্নীর ত্যক্ত আসনে কাহাকেও প্রতিষ্ঠিত করিতে পারিলেন না।

জিতেন্দ্রনাথ যে সময়ে আই-এ পড়িতে গেলেন, সেই সময়ে ঢাকা জিলার একটা জমিদারের একমাত্র কল্পার সহিত তাঁহার বিবাহ হইয়াছিল। পিতা পুত্রের ভবিষ্যৎ ভাবিয়া এ বিবাহে সানন্দে সন্মতি দিয়াছিলেন।

জমীদার মহাশয় সপরিবারে কলিকাতাতেই বাস করিতেন, দেশের সহিত সম্পর্ক তাঁহার খুবই কম ছিল। বিশেষ সুবিধা হইল—জিতেন্দ্রনাথ সেখানে থাকিয়া কলেজে যাতায়াত করিতে পারিতেছিলেন। খণ্ডর মহাশয় জামাতার সকল ভার লইয়াছিলেন এবং তাহার ভবিষ্যৎ উন্নতির জন্তও তিনি দায়ী ছিলেন।

জিতেন্দ্রের স্ত্রী মায়ী যখন চতুর্দশ বর্ষীয়া বালিকা, সেই সময় উপেক্ষনাথ তাহাকে একবার নিজের বাড়ীতে আনিয়াছিলেন। সঙ্গে ছুইজন পরিচারিকা আসিয়াছিল। ইহাদের বনিয়াদী ধনী চালে উপেক্ষনাথ শশব্যস্ত হইয়া উঠিয়াছিলেন। ভবানী তখন নিতান্ত ছেলেরামুখ, বাড়ীতে অল্প মেয়ে আর কেহই ছিল না। তিনি নিজেই সমস্ত কাজ সত্য ও ভবানীর সাহায্যে কোনরূপে সারিয়া লইতেন। মায়ী রক্ষন করা দূরে থাক, সামান্য কোন কাজও জানিত না। যদিও সে শিশু নন্দ বা বালক দেবরের কাজ দেখিয়া লজ্জিত হইয়া কোন কাজে হাত দিতে যাইত, দাসী ছুইটা হাঁ হাঁ করিয়া আসিয়া পড়িত। বাধ্য হইয়া উপেক্ষনাথকে নিজে রক্ষন করিয়া সকলকে আহার করাইতে হইত। যে আরামটুকু পাইবার জন্ত

তিনি পুত্রবধুকে লইয়া আসিয়াছিলেন, সে আরাম পাওয়া দূরে থাক, এ যেন আরও অশান্তিকর হইয়া উঠিল। এত করিয়াও তিনি তবু কম কথা, কম নিন্দা শুনে নাই।

মায়ী এখানে এক সপ্তাহের বেশী থাকিতে পারে নাই। এখানকার জল বাতাস তাহার মোটে সহ হইত না, দিনরাত গায়ে জামা আঁটিয়া, পায়ে জুতা ঠকিং দিয়াও সে সর্দির হাত এড়াইতে পারে নাই। এক সপ্তাহের মধ্যে একটা দিনও তাহার মাথাধরা ছাড়ে নাই; কাজেই জিতেন্দ্রনাথ পিতাকে বলিয়া স্ত্রীকে লইয়া চলিয়া গেলেন।

ইহার পর মায়ী বয়স্কা হইলে উপেক্ষনাথ আরও এক বার তাহাকে আনিবার চেষ্টা করিয়াছিলেন, কিন্তু মায়ীর পিতা সুবিনয় বাবু ঈশৎ হাসিয়া বলিয়াছিলেন, “কি জানেন বেহাই, মায়ার মত মেয়ে আপনাদের ওই নোংরা পাড়ারগারে গিয়ে মোটে টিকতে পারবে না। কেবল ওরই জন্তে আমি আমার জন্মভূমির মায়ী পর্য্যন্ত ছেড়েছি। একবার নিয়ে গিয়ে দেখেছেন তো, তার শরীর ভারি খারাপ হয়ে যায়। আর যে কাজকর্মের জন্তে নিয়ে যাবেন, তাও জানে না সে,—কিছু করতে পারে না। ঝাঁটা কি করে ধরতে হয়, উনান কি করে ধরতে হয়, এ শিক্ষা যার নেই, সে আপনাকে রেঁধে ভাত খাওয়াবে, এ মনেও ঠাই দেবেন না। পাড়ারগারে গেলে তার চেহারা যেন আধখানা হয়ে যায়। সে থাকে সামলাতে তার ছয়মাস সময় লাগে। তাই আমি ভাবছি, তার সেখানে গিয়ে কাজ নেই। ভগবান করুন, জিতেন্দ্র মাহুষ হোক, এখানে কাজকর্ম করুক, আপনারাও এখানে থাকবেন, মায়ীও গিয়ে আপনাদের কাছে থাকবে। আরও একটা কথা, সে এখন পড়ছে, এবার ম্যাট্রিক দেবে, এই সামনে তার একজামিন। এখন কোথাও একটা দিনের জন্তে গেলে, ওর একটা বছর একেবারে মাটি হবে।”

দীর্ঘনিঃশ্বাস অতি কষ্টে রোধ করিয়া ছেলের পিতা ফিরিয়া আসিলেন। প্রতিজ্ঞা করিলেন, আর বড়লোকের মেয়ের সঙ্গে ছেলের বিবাহ দিবেন না। সত্যর বিবাহ তিনি গরীবের ঘরেই দিবেন, যে মেয়ে সর্কাংশে তাঁহার ঘরের উপযুক্ত হইতে পারিবে।

জিতেন্দ্রের পড়ার খরচ যোগাইতে ইতিপূর্বে জমীজমা সবই গিয়াছিল। পুত্রের বিবাহে তিনি একটা পরসী পণ লন নাই; সুতরাং বন্ধকী জমীওলা একেবারেই হাতছাড়া

হইয়া গেল। আশা ছিল, ছেলেটা মানুষ হইবে, ছই পরমা  
ঘরে আনিবে, তাঁহার সংসারে অনাটন-ক্লেশ কখনই হইবে  
না। কিন্তু জিতেন্দ্রনাথ গৃহে ফিরিলেন না,—পিতা যখন  
বাড়ী আসিবার জন্ত পত্র দিতেন, তখন একটা না একটা  
ওজর করিতেন।

এই সময়ে সংবাদ পাওয়া গেল—জিতেন্দ্রনাথ সঙ্গীক  
বিলাতযাত্রা করিয়াছেন। সুবিনয়বাবু কস্তা-জামাতাকে  
উচ্চশিক্ষা দিবার জন্ত এক বছর সহিত বিলাত পাঠাইয়া  
দিয়া, তাহার পর বেহাইকে একখানা পত্র দিয়াছেন, ও এই  
কার্যের জন্ত বারবার ক্ষমা চাহিয়াছেন।

এই পত্রখানা উপেন্দ্রনাথের বক্ষে বজ্রের সমান বাজিল।  
তিনি বদ্ধদৃষ্টিতে শুধু সেই কালসম পত্রখানার পানে তাকাইয়া  
রহিলেন,—এ কথা যে সত্য, ইহা যেন তাঁহার বিশ্বাসও  
হইতেছিল না।

ইহার বৎসরখানেক আগে জিতেন্দ্রনাথের একটা কস্তা  
জন্মিয়াছিল। উদাসীন উপেন্দ্রনাথ পৌত্রী মুখ দর্শন করিতে  
যান নাই, অথবা তাহাদের কোন সংবাদাদিও নেন নাই।  
যখন শুনিলেন, পুত্র-পুত্রবধু উচ্চশিক্ষা লাভ করিবার জন্ত  
ইউরোপে চলিয়া গিয়াছে, তখন সে মেয়েটা কোথায় আছে  
জানিবার জন্ত তাঁহার মনে কৌতূহল জাগিয়া উঠিল।

গোপনে সন্ধান লইয়া জানিতে পারিলেন সে তাহার  
দাদামণি ও দিদিমার কাছে রহিয়াছে। এই সময়  
পৌত্রীটিকে একবার দেখিবার বাসনা তাঁহার মনের মধ্যে  
জাগিয়া উঠিল; অনেক ভাবিয়া তিনি মনের ইচ্ছা মনেই  
রাখিলেন।

ভবানীকে অষ্টম বৎসরে তিনি গৌরীদান করিয়াছিলেন।  
ভগবানের একটা নিয়মে যাহার এক দিক ভাঙ্গিয়া যায়,  
তাহার একে একে সকল দিকই ধ্বসিয়া পড়ে। উপেন্দ্র-  
নাথেরও হইয়াছিল তাই। ভবানীর এ বিবাহে সুখা উঠে  
নাই, উঠিয়াছিল গরল। ভবানীর স্বামী সংস্কৃত টোলে  
পড়িয়াছিল, ইংরাজিও জানিত। চেহারাটা তাহার সুন্দর  
ছিল, সংসারে মা ব্যতীত আর কেহই ছিল না। অবস্থা  
তাহাদের বেশ উন্নতই ছিল। গৃহস্থ ঘরে সচরাচর এইরূপ  
দেখিয়াই লোকে কস্তাদান করে। সব রকমেই ছেলেটা বাহির  
হইতে দেখিতে ভাল ছিল। তথাপি উপেন্দ্রনাথ সুখা হইতে  
পারিলেন না; কারণ, জামাতার যে চরিত্র-দোষ ছিল, তাহা

তিনি বিবাহের পূর্বে জানিতে পারেন নাই। জামাতার  
চরিত্র অল্প বয়সেই দূষিত হইয়া গিয়াছিল। বয়োবৃদ্ধির সঙ্গে  
সঙ্গে তাহার চরিত্রতা আরও বাড়িতেছিল বই কমে নাই।  
শ্বাশুড়ী বালিকা বধুকে নির্ঘাতন করিতেন বড় কম নয়।  
তাহার অপরাধ—সে তাহার চরিত্র স্বামীকে সংপথে  
ফিরাইতে পারে নাই। এই অপরাধে ভবানী শ্বাশুড়ী কর্তৃক  
বিতাড়িত হইয়া ষাটশব্দ বয়সে পিতৃগৃহে আশ্রয়  
লইয়াছিল।

এই মেয়েটার মুখের পানে তাকাইয়া স্নেহময় পিতা  
উপেন্দ্রনাথ অনেক সময় অশ্রু সঞ্চার করিতে পারিতেন না।  
তিনি তাহাকে স্বামীর আলয়ে পাঠাইবার অনেক চেষ্টা  
করিয়াছিলেন; কিন্তু তাহার শ্বাশুড়ী কিছুতেই এই দুর্ভাগিনীতা  
অপয়া বধুকে গ্রহণ করিতে সম্মত হন নাই। ইহার মূলে  
একটা সত্য গোপন ছিল। তিনি আরও কিছু অর্থ পাইবার  
প্রত্যাশা করিয়াছিলেন; কিন্তু উপেন্দ্রনাথের আর অর্থ দিবার  
সামর্থ্য ছিল না। এই কস্তাটির বিবাহ উপলক্ষে তাঁহাকে  
বাগান পুষ্করিণী সবই বিক্রয় করিয়া ফেলিতে হইয়াছিল,—  
বাস্তভিটাখানা ছাড়া আর তাঁহার কিছুই ছিল না।

কেবলমাত্র কনিষ্ঠ পুত্রটিকে লইয়াই তিনি সুখে  
ছিলেন। সত্য যথার্থই এ পর্যন্ত পিতার খুব বাধ্য হইয়া  
চলিতেছিল,—কখনও পিতার অমতে সে কোন কাজ করে  
নাই। পাছে তাহার কোনও ব্যবহারে পিতার বুক  
আঘাত লাগে, এই ভয়ে সে সর্বদা সন্ত্রস্ত থাকিত।

কিছুকাল আগে তাহার কলেজের প্রফেসর শাস্তিময়  
বাবু নিজে উন্মোগী হইয়া তাহাকে কস্তাদান করিতে চাহিয়া-  
ছিলেন,—সত্য পিতার মত না পাইলে কিছুতেই বিবাহ  
করিতে পারিবে না জানাইয়াছিল। তাহার অমতের কারণ  
জানিতে পারিয়া শাস্তিময় বাবু উপেন্দ্রনাথের সম্মতি প্রার্থনা  
করিলেন, কিন্তু উপেন্দ্রনাথ মলিন হাসিয়া শুধু মাথা  
নাড়িলেন, এ বিবাহ হইতে পারে না।

এ বিবাহে সত্য অনেকটা সাহায্য পাইত, এবং যথার্থ  
কথা বলিতে কি, সে শাস্তিময় বাবুর কস্তা নলিনীর প্রতি  
কতকটা আকৃষ্টও হইয়া পড়িয়াছিল। কিন্তু পিতার অমত  
জানিতে পারিয়া—যখন শাস্তিময়বাবু আসিয়া তাহাকে  
বিবাহের কথা বলিলেন, তখন সে স্পষ্টই অস্বীকার করিল।

শাস্তিময়বাবু বলিলেন, “এ রকম ঘটনা প্রায়ই হচ্ছে যে,

ছেলে বাপকে না জানিয়েই বিয়ে করে,—বাপও কিছুকাল পরে ছেলেকে কমা করেন। তুমি বিয়েটা করে ফেল,—তোমার বাপ এখন একটু মনোকষ্ট পেলেও, পরে তোমার তাঁকে কমা করতেই হবে।”

কিন্তু তথাপি সত্য রাজি হইতে পারিল না। সে বেশ জানিত, তাহার স্থিরবুদ্ধি, জ্ঞানবান পিতা মুখে কিছুই বলিবেন না, কিন্তু অন্তরটা তাঁহার এ আঘাতে একেবারেই ভাঙ্গিয়া যাইবে। পিতার অন্তরে যাহাতে ব্যথা লাগে, তাহা করিতে সে মোটেই সক্ষম ছিল না। তাই সে স্পষ্টতঃই এ প্রস্তাব প্রত্যাখ্যান করিল।

ইহার কিছুদিন পরেই তাহার দেবীর সহিত বিবাহ হইল।

দেবী উপেন্দ্রনাথের জটনক বাল্যবন্ধুর কন্যা। তাঁহার অবস্থাও অনেকটা উপেন্দ্রনাথের সমান ছিল; তাই বিনা আপত্তিতে উপেন্দ্রনাথ তাঁহার কন্যার সহিত পুত্রের বিবাহ সম্বন্ধ ঠিক করিয়া ফেলিলেন।

দেবী নামে শুধু দেবী নয়, কার্যেও সে দেবীই ছিল। সে যদিও উজ্জল শ্রামবর্ণা ছিল, গৌরাজিনী ছিল না, তথাপি তাহার মধ্যে অসীম সৌন্দর্য্য ছিল। তাহার হৃদয়ের সৌন্দর্য্য মুখে ফুটিয়া উঠিত; তাই তাহার মুখ এত সুন্দর।

সে খুবরালয়ে পদার্পণ করিয়াই সকলকে তাহার

আপনার করিরা লইয়াছিল। খবর, স্বামী, ননদিনী সকলেই তাহার গুণে বশ হইয়া পড়িয়াছিল। পাড়ার লোকে শতমুখে এই বউটার সুখ্যাতি করিত।

কর্মে আলস্য তাহার এতটুকু ছিল না। যদিও সে পিত্রালয় হইতে গা-সাজানো গহনা পাইয়াছিল, তথাপি এক দিনের জন্ত তাহা তাহার গাড়ে উঠে নাই। শুধু দুইগাছি লাল শাঁখা তাহার প্রকোষ্ঠ ছুটি শোভিত করিতেছে। সত্য এক দিন জ্যৈকে অলঙ্কার পরিবার জন্ত অমুরোধ করিয়াছিল। দেবী অন্তরে কাছে যেমন এ কথা হাসিয়া চাপা দিয়া যাইত, সত্যের নিকট তাহা পারে নাই। খানিক চুপ করিয়া থাকিয়া সে মুহূর্ত্তে বলিয়াছিল, “এখন আমার গহনা পরতে অমুরোধ করো না। যখন সে দিন আসবে তখন আমি গহনা পরব।”

এই একটা কথাতেই সত্য নীরব হইয়া গিয়াছিল। তাহার পর একটা দীর্ঘনিঃশ্বাস ফেলিয়া বলিয়াছিল, “তাই ভাল দেবী, গহনা পরার সময় আগে আনুক, তার পর তুমি গহনা পরো। ভগবানের কাছে প্রার্থনা কর, সে দিন যেন শীঘ্র আসে,—আমি যেন খুব ভাল হয়েই এম-এ পাসটা করতে পারি।”

তাহার একান্ত লক্ষ্য ছিল এম-এ পাসের দিকে। সে তাই প্রাণপণ যত্নে লেখাপড়া করিতেছিল। (ক্রমশঃ)

## প্রবাসী

### শ্রীসুধাংশুবিকাশ রায় চৌধুরী

ভাই প্রদোষ,

বাকালী পল্টনে যোগ দিলে যখন বাংলা মায়ের শাস্তিপ্রিয় নন্দহুলাল ছেলের নাম যুচিয়ে যোদ্ধাবেশে বেরিয়ে পড়লুম, তুমি বোধ হয় তখন মোটেই আশ্চর্য্য হও নি। আশ্চর্য্য হ'বার কিন্তু কোন কথাই নেই, কারণ, আমার অন্তরের সব গোপনতম চোরাগলির খোঁজ তুমি জান। আমার এ তিরিশ বছরের ঘটনাবহুল জীবনের ঘাত-প্রতিঘাত কেমন ক'রে আমার চঞ্চল ক'রে তুলেছিল, তা' তো তুমি বেশ জানো। মনে পড়ে, গ্রামের ইন্সুলের পণ্ডিতমশাইএর ক্লাশ পালিয়ে, ঘোবালদের

চণ্ডীমণ্ডপের পেছনের আমগাছটার উপর উঠে, সারাদিন বসে থাকি, নষ্টচন্দ্রের দিন যদুখড়োর বাড়ীর আকগাছ কাটতে গিয়ে ধরা পড়া, আর মনে পড়ে, নন্দখড়োর মেয়ে চন্দনার কাছ থেকে হুন চেয়ে নিয়ে কাঁচা পেয়ারা চিবান। সে অতি বাল্যের স্বপ্নময় সুখ-স্মৃতির কথা মনে করে এখনো এ মরু-প্রান্তরের পর্ণকুটীরে বাকালীর শ্রামলসুখমাবর্জিত সন্তান চোখের জলে বুক ভাসিয়ে দেয়। কোথায় আমার সেই ক্ষুদ্র পল্লীভবন, এখনো যখন ধূলিকঙ্কণ বেলাশেষ-ছায়ায় রাজির অঙ্ককার ঘনিরে আসে—মনে পড়ে আমার বাংলার

তুলসীভঙ্গার সে ক্ষুদ্র প্রদীপ, সে সারাক্ষের শম্বটাক্ষরিনী, সে শান্ত-শীতল গৃহাঙ্গনে ঠাকুরমার বেজমাবেজমীর গল্প। বাংলার মাঠের সে শ্রামলিমা, রসদাজী বাংলা মায়ের সে অকুরন্ত শশসম্ভার, ঝাউগাছের আড়ালে কোকিলের সে অন্তরস্পর্শী গীতরস, দীঘির বৃকে বৃকে পদ্মপাপড়ীর আকুলীব্যাকুলী খেলা, মাঠে মাঠে শান্ত-সঙ্ঘার সে মেহুর বায়ুগ্রবাহ—সব আমার কাছে স্বপন-মায়ার মতো! কিন্তু সে কি শুধু স্বপ্ন? আমার সমস্ত ইচ্ছিয় দিয়েই তো সে শ্রামল সুষমার রূপ, রস, গন্ধ, স্পর্শ আমি প্রাণে প্রাণে অনুভব করেছি।

সেদিন সাঁঝের আঁধার ঘনিষে আসছিল। ইস্কুলের পণ্ডিত মশাইকে বই ছুঁড়ে মেরেছিলাম বলে কাকার কাছে যথেষ্ট মার খেলাম। হাত-পাগুলো যেন ব্যথায় আড়ষ্ট হয়ে গেছে। বৈঠকখানার ঘরে এক কোণে বসে বসে ভাবছিলাম—কেমন করে পণ্ডিতের টিকিটা একেবারে সমূলে তুলে নিয়ে আসা যায়। আঠার বছরের ষণ্ডা ছেলে আজ এমনি করে মার খেয়ে নিজের অপমানের জ্বালায় নিজেই জলে মরছিলাম। মনে হচ্ছিল—যেন সবগুলো শিরার ভিতর থেকে ফিন্‌কি দিয়ে রক্তধারা ছুটে বেরতে চাচ্ছিল। দূর—কি হ'বে এ গাঁয়ে থেকে। বেরিয়ে পড়লুম,—দক্ষিণপাড়ার রাস্তাটা ধরে ইষ্টিসানের দিকে রওনা হলুম। সন্ধ্যাতের আঁধারে চারদিক যেন ধ্যানীবুদ্ধের মতো মৌন হয়ে আছে। মাঝে মাঝে কুকুরের ডাক এ মৌন নিস্তরতা ভেঙ্গে দিচ্ছিল। ছলে-পাড়ার পাশের রাস্তাটার পড়তেই দেখলুম, কেরোসিনের ডিপেটা হাতে করে কে যেন কি খুঁজে বেড়াচ্ছে। ভাবলুম বুঝি চক্কোত্তি মশাই তাঁর দৈনিক আহাৰ্য্যের খোঁজে বেরিয়েছেন। সামনে এগুতেই-দেখলুম চন্দনা। আমার মাথার বিদ্রোহী রক্তচাপ যেন তালে তালে নেচে উঠল, এ দশবছরের মেয়েটার কাছে আমার অপমানিত কৈশোর যেন রক্ত অপমানে গর্জে উঠল। মনে হচ্ছিল, নিজেকে নিজেই খেঁৎলে মাটির ভিতর সেঁদিয়ে দিয়ে চন্দনার কাছে থেকে নিজেকে লুকুই।

“রবিদা, তুমি? এ রাত্রে চলে কোথায়?”

কোন কথা না বলে পাশ কাটিয়ে চলে যাবার উদ্ভোগ করলাম। চন্দনা আবার ডেকে বলে, “ও রবিদা, শুন্‌চ, এ রাত্তিরে বুঝি মামীমাকে ভাঁড়িয়ে তাস পিটাতো চলে?” বুঝলাম, আমার অপমানের কথা সে জানে না। বললুম, “কে

চল, এই যে ভোর কাছেরই যাচ্ছিলুম। সেই যে কাল ভোর কাছের টাকাগুলো রেখেছিলাম দিতে পারিস? বড় দরকার রে!”

অনেক কথার পর চন্দনাকে বুঝলাম যে টেশনে কলিকাতা-যাত্রী কাকুর কাছে পাড়ার ছেলেদের জন্তে একটা ফুটবল আনতে দেওয়ার জন্ত টাকা চাচ্ছি। বললুম, “জাখ তুই ভাবিসনে, কালই আবার ব্যাকের টাকা ফিরিয়ে দোব।”

“বেশ তো তুমি, দিলুম আর কি না ঠাট্টা? তোমার জিনিস তুমি নেবে, আমার ভা—রী তো বয়ে গেছে!”

সেই দিন কলিকাতা চলে এলুম। ভোরের বাতাসে যখন ঘুম ভেঙ্গে গেল, বাইরে তাকিয়ে দেখি, কোথায় আমার দূর-প্রসারী শ্রামলমাঠ, কোথায় আমার চণ্ডীমণ্ডপ, কোথায় আমার বেতসকুঞ্জ। এ যে সব নূতন—ভগ্নানক নূতন। সব কথা মনে পড়ল। পল্লীমায়ের ক্ষীর-সমুদ্রের সুধা-ধারায় আমার জন্ম, পল্লীমায়ের স্নেহ-সরস প্রেমধারায় আমি বর্ধিত, কলিকাতার তীব্র উত্তেজনা আমায় পাগল করে দিলে। শেয়ালদায় নেমে পড়লুম, কই কাউকেই তো দেখতে পেলুম না। আমার ছোট্ট গ্রামটীতে তো ভোর বেলা উঠেই চাটুজ্জ মশাই, গোপালখুড়ো, ছলে-পাড়ার যাদব—সবাইর পরিচিত মুখ দেখতে পেতাম। সবাইর সাথে ছ'চারটে কথা বলতে বলতে পুকুর-ঘাটে মুখ ধুতে যেতাম। কই, এখানে তো সে স্নেহ-সরস কুশল-প্রশ্ন নেই। এ তো বড় নূতন। আমার কান্না এল,—যে রাগের মাথায় সব ভুলে বসেছিলাম, এখন সব মনে হ'তে লাগল। ভয়ে শিউরে উঠলুম। কান্নায় চোখে জল ভরে এল। \* \* \*

\* \* \* তার পর ছ'বছরে জীবনের কত পরিবর্তন হ'ল, কেমন করে বাঙ্গালী পণ্টনে যোগ দিলুম, সে কথা আমার নিজেরই মনে নেই—কেবল এক দিন শুন্‌লুম মেসো-পোটেমিয়ায় যেতে হ'বে।

\* \* \*

\* \* \*

করাচী থেকে জাহাজটা ছাড়লে। হাতার-শ্রাক থেকে চুরটটা বের করে ধরিয়ে ডেকে এসে দাঁড়ালুম। পাশে একটা সাহেব হাট্টটা তুলে বলে, “হাউ স্পেল্‌নডিড্‌।” সত্যি, সঙ্ঘার এত পরিপূর্ণ সৌন্দর্য্য কোন দিনই দেখি নি। বাংলার

সবুজ ঘাসের শিশির-ভেজা বুকের উপরে রূপার স্রোতের মতো জোছনার অপূর্ণ মাধুরী দেখেছি, কুকুড়া গাছের কাঁকে কাঁকে চাঁদের উকিঝুকি, আর সে জোছনার মাঝে ছোট ছোট কুটিরের আলো দেয়ালীর আলোকমালার মতো ফুটে উঠতে দেখেছি। কিন্তু সে যেন মায়ের হাসির মতো স্নিগ্ধ, তরুণীর দৃষ্টির মতো স্বচ্ছ, শিশুর হাসির মতো মধুর। সাগরের এ নিবিড় সৌন্দর্য আমার কাছে চির-নূতন। বহুদূর পর্যন্ত সার্চলাইটের আলোর ভ'রে গেছে, ছোট ছোট চেউগুলির উপর চাঁদের আলো এসে পড়েছে। আলো-আঁধারে, আকাশে-সাগরে সে এক বিরট আলিঙ্গন।

ল্যান্স-নায়ক অপূর্ণ এসে পাশে দাঁড়াল, বললে, “মিটার, জোছনা দেখেছ এমনি কোথাও?” বললাম, “বাংলার জোছনা দেখেছি—সেও তো অমনি।” “বটে! সমুদ্রের বুকের উপর চাঁদের আলো—তা’র চেয়েও সুন্দর?” চারদিক থেকে ছহ করে বাতাসের ঝাপটা আসছিল, সাহেবটা ম্যাকিন্টস্ জড়িয়ে চুকট ফুকছিল, আর মাঝে মাঝে শিস্ দিয়ে বুঝি বা কোন প্রেমিকার উদ্দেশে সুর নিবেদন করছিল।

বাস্রায় পৌঁছলুম—সে দিন শুক্রবার। দূর থেকে মসজিদের গম্বুজ, মিনার দেখা যাচ্ছিল। ছোট ছোট অপ্রশস্ত গলি। ছ’ধারে প্রকাণ্ড জোয়ান আরবী লোক-গুলোর আঙ্গুর, আপেল, বেদানার দোকান। তাদের ঢিলা পা’জামা, তার উপর লম্বা কুর্তা। কোমরে লম্বা ভোজালী। শীর্ণ বাঙ্গালী দেখা যাদের অভ্যাস, এ পৌরুষমুর্তি তা’দের কাছে একটু নূতন বলেই মনে হ’ল। মার্চ করে সহরের বাইরে ক্যাম্পে যাচ্ছিলাম,—দূরে ইউফ্রেটীসের রূপালী জল-রাশি প্রভাত-সূর্যের কিরণে চিক্চিক্ করছিল। ইউফ্রেটীসের ঝোড়ো হাওয়ার তীরের খেজুর-গাছের প্রকাণ্ড-প্রকাণ্ড পাতা-গুলি রুদ্ধ আক্রোশে যেন গর্জে উঠছিল। অপূর্ণ বললে, “বাস্রায় এলাম, বাস্রাই গুলাবই দেখলুম না এ পর্যন্ত!” প্রাইভেট অমর রুমাল দিয়ে মুখ মুছে অতি ধীরে বললে, “বটেই তো, ভাবছিলাম কোথায় ‘শিরিষপুস্পাধিদৌ সৌকুমার্যৌ বাহু তদৌরৌ’ দেখব—না দেখলুম, কতকগুলি শালকাটের মতো বিরট বাহু; বাঃ বাঃ—ওর এক চাপড়েই যুদ্ধতৃষ্ণা একেবারে Freezing pointএ।”

\* \* \* ছ’বছর কেটে গেছে। আমরা তখন বাগদাদের

পাঁচ মাইল দূরে একটা গাঁয়ে—টাইগ্রীসের তীরে। প্রথম যখন এ মরুপ্রান্তরে পদার্পণ করে এর শুষ্ক প্রাণধারা দেখেছিলাম, তার পর থেকে অনেক পরিবর্তন হয়ে গেছে। এখন রীতিমত আরবীতে পরিষ্কার কথা বলতে পারি। জ্যাকসন্ সাহেব তাই আমার দোভাষি বলে ডাকেন। কাজ-কর্মও এখন নেই তেমন—কারণ, বিলেতে না কি এখন শাস্তির চেঁচা হচ্ছে—যুদ্ধও থেমে এল। তাই নিত্য বিকেলে টাইগ্রীসের তীর ধরে বেড়াই, দূরে খেজুর-পাতার ফাঁকে কাঁকে মসজিদের মিনার বৈকালিক সূর্যের আশ্বিন-রান্না কিরণে বলসে উঠে। দলের পর দল উট-আরোহী যাত্রী বাগদাদের পথ ধরে চলে যায়। বহুদিন পর প্রবাসী পথিক শান্ত-শীতল গৃহকোণের অপূর্ণ মাদকতার উচ্ছ্বাসিত হয়ে কত কথা বলে যায়। কেউ বা মুসাফের দেখে ছ’একটা কথা জিজ্ঞেস করে, কেউ বা ছনিয়ার ফেরদৌস হিন্দুস্থানের বাস্তিন্দা দেখে মেহেরবাণী করে বিদেশবাসের জন্ত সহানুভূতি জানায়।

সেদিন আকাশে-বাতাসে আকুলী-ব্যাকুলী খেলা। টাইগ্রীস যেন তা’র পূর্ণ যৌবন-গরিমায় স্ফীত হয়ে উঠেছে,—তালগাছের মাঝ দিয়ে যেন সহস্রশীর্ষ সাপের ক্রুদ্ধ আফালন। বাতাসে ধুলোয় মিশে মসজিদের আকাশস্পর্শী মিনারটাকে ছেয়ে ফেলেছে। পায়ে চলার পথের ধারে গুচ্ছেগুচ্ছে আঙ্গুর-ভরা ক্ষেত। খোপা খোপা আঙ্গুরের গুচ্ছ বাতাসে কেঁপে কেঁপে গাছের পায়ে লুটিয়ে পড়ছিল। ক্যাম্পে ফেরবার জন্ত হোঁচোট খেতে খেতে পা চালিয়ে চলছিলাম; ধুলোয় বাতাসের ঝাপটা নাক মুখ ভরিয়ে দিলে। মাঝে মাঝে টাইগ্রীসের দম্কা হাওয়ার স্নিগ্ধ স্রবাস। রাস্তা ছেড়ে একটা ক্ষেতের ভিতর দিয়ে যাচ্ছিলাম—অদূরেই একটা ছোট কুটির, ভাবলুম একটু দাঁড়াই—বাতাসটা থেমে যাক।

ওয়ারটার-প্রকটা কাঁধে ফেলে গাছটার নীচে বসে পড়লাম। কাছেই আরবী কুটির। পেছনে ছোট একটু বাগান,—আঙ্গুর, ডালিম প্রভৃতি ফলের গাছে ভরা। পাশে ছোট একটুখানি কুয়া। দক্ষিণে ছোট গাছের সাথে একটা উট বাঁধা—আর পাশে সতেরো আঠারো বছরের একটা আরবী মেয়ে। উটটা শুধুই মাটিতে গুয়ে পড়তে চাচ্ছিল; আর সে মেয়েটি কেবলই তাকে দাঁড় করাবার জন্ত গলার দড়িটা ধরে টানছিল।

ঠোট উর্শ্টিরে মেয়েটা পরিষ্কার আরবীতে বলে, “দুয় কম্বখত, উঠ দাঁড়া লক্ষীছাড়া জানোয়ার কোথাকার।” জানোয়ারটা কিন্তু শুধুই মুখ মাটিতে খুঁড়ে পড়ে রইল। মেয়েটা তার মিঠে গলার চেঁচিয়ে গৃহাভ্যন্তরের মাকে ডেকে বলে, “আম্মা, এ ছদ্মশয়লী কিন্তু একুণি মার খাবে, এই ছাখো, এটা কেবলি বৃষ্টিতে ভিজবে।” বৃষ্টির জলে স্তম্ভরী তরুণীর রুক্ষ বিপর্যস্ত কেশরাশির মাঝ দিয়ে জলের ধারা পড়ছিল, আর রাগে তার শুভ্র নিটোল গাও লাল হ’য়ে উঠল; বলে, “উঠবিনে কেরবাজ, রাধু—” ঘরের ভিতর থেকে ছুঁকল কঠে মা ডেকে বলে, “রোশেনা, খোদার কশম, মারিস্নি কিন্তু ওকে।”

চোখ ফিরাতেই মেয়েটার দৃষ্টি আমার দিকে পড়ল। লজ্জায় তার মাথাটা মুয়ে রইল; আর মাঝে মাঝে সে উর্টটাকে তোলবার জন্ত মুখের দড়িটা ধরে টান দিতে লাগল। আমার মাথায় কি যেন ঢুকল—আমি এগিয়ে গেলুম। মেয়েটা আমার দেখে সরে দাঁড়াল। আমার যুদ্ধ-সজ্জা দেখে সে ভীত ব্রহ্ম দৃষ্টিতে আমার আপাদমস্তক দেখে নিলে। আমি বলুম, “উর্ট কি আর এম্নি টেনে তোলা যায়—?” হাতের batonটা দিয়ে উর্টটাকে ছটা আঘাত করতেই সেটা উর্টে দাঁড়াল। সেটাকে টেনে নিয়ে আমি একটা ছোট চালা ঘরে বেঁধে দিলুম। মেয়েটা তার কন্দফুলের মত মুখটা তুলে, আড়চোখে ক্রতজনেত্রে আমায় দেখে নিল। বলে—“বহুৎ তক্লিপ্ দিচ্ছিল এ বেয়াদপ জানোয়ারটা—ছদ্মশয়লী।” তার পর টোক গিলে সরমজ্জড়িত স্বরে বলে, “সাহেব, আপনি কি লড়াইতে এসেছেন, লড়াইর খুনখারাবী বড্ড ভয়ানক।” বলুম, “লড়াই তো খেমে এসেছে, বেহুদা খুনও খেমে এল আর কি!”

“আপনার ঘর?”

“হিন্দুস্তান, পাঞ্জাব মুলুক, মেরা নাম মীর হবিব।”

• • • • •

সেদিন নওসেরা থেকে ৭০ নম্বর রাজপুত রেজিমেন্ট এসে পৌঁছবার কথা। আমি ও অপূর্ক ভোর-বেলা বেরিয়ে পড়লুম,—কাজকর্মও নেই কিছু,—প্যারেড করাও হ’য়ে গেছে। ভোরের বাতাস আরবের শুকনো মাটির উপর লুটোপুটা খাচ্ছিল,—দাড়িম-পাতার ফাঁকে সূর্য্যের অগ্নিবৃষ্টি। অপূর্ক তা’র সাহেবী কারদার বাম্মা চুকটের ধূঁয়া কেবলি আমার

মুখের উপর দিচ্ছিল। বলুম, “ছাখো, এবার কিন্তু বাংলা-মুখো মন টান্চে।”

অপূর্ক বলে, “বটে, বড্ড একা পড়ে গেছ,—এবার বুঝি সংসারী হ’তে চাও, Old boy, তাই বল—”

“Nonsense, বাড়ী ছেড়েছি কি আজ? সেও তো কতদিন হ’ল! আর লড়াই ফড়াই ভালো লাগে না।”

“কিন্তু যাই বল, আমার কিন্তু বেশ লাগছে! কেমন কঠোর উদ্দাম জীবন, জীবনের সব মধুই যেন পাচ্ছি, অবশি—”

ধমক দিয়া বলুম, “Shut up”; অপূর্কের মুখ থেকে একবার কথা আরম্ভ হ’লে তা’কে ধামান মুঁকিল।

রাস্তার মোড় ঘুরে আমরা রোশেনাদের কুটীরের কাছে এসে পৌঁছলাম। দেখলাম—রোশেনা কুয়া থেকে জল তুলছে। তার রুক্ষ কেশপাশ বাতাসে উড়ে উড়ে মুখ ছেয়ে পড়েছে। ক্ষীণ দেহলতা কলসীর ভারে বেতস-পত্রের মত মুয়ে পড়েছে। অপূর্ক সাথে আছে বলে রোশেনার পরিচয় গোপন করবার জন্ত তাড়াতাড়ি হাঁটা আরম্ভ করে দিলুম। কারণ, অপূর্ক যদি বুঝতে পারে—এ তরুণী আমার পরিচিতা, তবে ক্যাম্প গিয়ে সে নিশ্চয়ই একটা গোলমাল বাধাবে। কিন্তু আমার এ হঠাৎ তড়িৎগতি অপূর্ক যেন বুঝতে পারলে; বলে, “কি হে, হঠাৎ যে একেবারে double march, বলি একটু ধীরেই হাঁটো না বাপু—এতো আর কুট-এল্-আম্রাতে যেতে হচ্ছে না”—হঠাৎ একটু খেমেই রোশেনাকে দেখে অপূর্ক চেঁচিয়ে বলে উঠল, “রবি, eyes front”। আমি যেন কিছুই বুঝি নি ভাব দেখিয়ে একটু তিক্ত স্বরে বলুম, “কি আবার হলো, কোথায়? কি যে বল্চ।”

“ছাকা আর কি! ছাখই না বাপু একটু চোখটা মেলে, তা’র পর তো হাঁ করেই থাকবি জানি।”

রোশেনার দিকে তাকিয়ে দেখে নিয়ে বলুম, “ছাখো, এ কিন্তু বাংলা মুলুক নয় যে মেয়ে দেখলেই হাঁ করে থাকবে। অসভ্যতা করেচ কি আরবীদের হাতে একেবারে শেষ।”

“রোসো, হাজার জঞ্জালের মাঝে একটা বাসুরাই শুলাব—তা’ও বুঝি তোমার সহিছে না! বেশ আছ যা হো’ক্ তুমি!”

আমাদের কথাবার্তা শুনে রোশেনার দৃষ্টি আমাদের দিকে পড়ল। দেখলুম, মুখের আনন্দ-উৎসর্গ সে ভাব আর

নেই। কি চিন্তায় যেন সে অল্পমুখমুখকান্তি মলিন হ'য়ে গেছে। একরাশ শিউলীর মত শুভ্র পেলব সে মুখখানি ছনিয়ার কোন ভাবনার যেন মুস্ফে গেছে। দেখলুম, সে যেন কিছু বলতে চায়—কিন্তু আমরা যে অনেক এগিয়ে গেছি। অপূর্ব মাঝে মাঝে পেছন ফিরে চাইছিল ও আপন মনে অনবরত ব'কে যাচ্ছিল।

এগারোটায় সে স্কিন ক্যাম্পে ফিরে এলুম। নওশেরা থেকে বাঙ্গালী বন্ধুরা আমাদের জন্ত অনেকগুলো রুমাল পাঠিয়ে দিয়েছেন। সে রুমালের বাণ্ডিলগুলো খুল্ছিলাম আর বাংলার কথা ভাব্ছিলাম। জানি এ সমুদ্র পেরিয়ে দেশে কোন বন্ধনই আমার নেই। আরবের ধূ করা মাঠ ও বাংলার অনন্ত-প্রসারী শ্রামলিমা আমার কাছে সব সমান। কিন্তু তাই ব'লে কি সেটা ছোলা যায়? এক একটা রুমাল খুলে বের কর্ছিলুম, আর আমার বাংলার ছবি চোখের উপর ভেসে বেড়াতে লাগল। সে রুমালগুলির উপর হয়তো বাংলার স্নেহপ্রবণ কত তরুণ-তরুণীর হস্তস্পর্শ পড়েছে, তা'দের অঙ্গ-সুখমা এখনও যেন সেগুলোর গারে গারে জড়িত রয়েছে। প্রবাসী বন্ধুদের জন্ত এ স্নেহের দানে তা'দের স্নেহশীতল স্পর্শ যেন আমি বুক দিয়ে অনুভব কর্ছিলাম। পাইপটা কুকতে কুকতে অপূর্ব এসে দাঁড়াল—প্যাণ্টের পকেটে হাত দুটো ঢুকিয়ে। পেছন ফিরে পবিত্র তা'র বোদির চিঠি পড়্ছিল। ঠাকুরপো বাংলার মধুময় গৃহকোণ ছেড়ে যুদ্ধ-ক্ষেত্রের অগ্নিবুকে আশ্রয় নিয়ে আপন মনের মাহুঘটা এখনো খুঁজে পেলো কি না—বোদি তাই জানতে চাইছেন। রুমাল দিয়ে মুখটা মুছে পবিত্র বলে, “অপূর্ব, বোদি কি লিখেছে জানিস্ Right girl খুঁজে পেলুম কি না”—

অপূর্ব বলে, “আর তুমি পেয়েছ! কেবলই থাকবে কোণ-ঠালা হ'য়ে ঘরে বসে।—আখু—রবিকে জিজ্ঞেস কর, আজ কি ক'রে এলুম!”

পবিত্র জিজ্ঞাসুভাবে আমার পানে তাকাল। যে জিনিষটা গোপন রাখতে চাই, সেইটেই যেন সব কথার ভেতর দিয়ে কেবল আত্মপ্রকাশ করতে চায়;—আমি বড় মুক্ছিলে পড়ে গেলুম; বল্লুম, “আমি ভাই গৃহহীন, সব-হীন—লাভ জিনিষটে আমার কুণীতে নেই, তাই আমি কিন্তু আজ অপূর্বের মতো কিছুই লাভ করতে পারি নি।”

“বটে, মক্কাভূমির ভেতর একটা ওরেনসি—তা'ও তোদের চোখে পড়ে না—শুক্রাচার্য্যাই বটে,” এই বলে অপূর্ব একটা কেরোসিন কাঠের বাস্ টেনে নিয়ে বসে পড়ল। পবিত্র চিঠিটা পকেটে পুরে অপূর্বের হাত থেকে পাইপটা নিয়ে বলে, “কি দেখেছিস্ মিটার, বল না, আঙ্গুর? বেদানা?—না বাস্ রাই গুলাব—”

অপূর্ব যথেষ্ট রং ফলিয়ে রোশেনাকে দেখার কথা বলে। আমি চুপ করে রুমালগুলো ভাঁজ করা আরম্ভ করে দিলুম। মাঝে মাঝে রোশেনার চিন্তাক্রিষ্ট মুখখানির ছবি চোখের সামনে ভেসে উঠতে লাগল। হয় তো বা তা'র কোন বিপদ-আপদ হয়েছে, কথা যা হয় তো আরও কাতর হয়ে পড়েছে। রোশেনার কথা শুনতে শুনতে আমার মনে এমনি কত কথা ভেসে উঠতে লাগল। পবিত্র অপূর্বের কথা শুনেই টেচিয়ে উঠে বলে, “ইউরেকা, ইউরেকা—আরে তোদের তো একটা কথা বলতেই ভুলে গেছি! কাল যখন দিলোয়ারা থেকে ফিরে আসি, তখন দেখলুম, একটা মেয়ে ঠিক অমনি একটা জায়গায় রাস্তার ধারে দাঁড়িয়ে কি যেন দেখ্ছিল। চুলগুলি তার সে কি কালো! আমার দেখে মেয়েটা হঠাৎ বলে, ‘সাহেব, তুমি কি হিন্দুস্তানের লড়াইর ফৌজ?’ আরবী তো আর রবির মতো জানি নে, তাই একটু ষাবড়েই গেলুম। মেয়েটা আমার উত্তর পেয়ে জিজ্ঞেস করলে যে, পাঞ্জাব মুলুকের মীর হবিবকে আমি চিনি কি না। তোরা চিনিস্? ও নামের কাউকে তো চিনি নে! ভাবলুম, হয় তো হবিব সাহেব ৬০ নম্বর পাঞ্জাব রেজিমেন্টের হবেন। বল্লুম, তা'কে চিনি নে। মেয়েটা বুক-ভাঙ্গা দীর্ঘনিঃশ্বাস ফেলে আমার সেলাম করে চলে গেল। হবিব নিশ্চয়ই ওর স্বামী। এটা নিশ্চয়ই তোদের সেই মেয়েটা—আচ্ছা, চোখ দুটো কি তার খুব ডাগর? হাত দুটা একেবারে খালি—নয়?” অপূর্ব উৎসুক ভাবে বলে, “সত্যি, তাই—সেই মেয়েটাই বটে।” আমার দিকে ফিরে বলে, “কি বলিস্ রবি, অমনি চেহারা নয়?”

আমি যদিও রোশেনাকে সব চেয়ে বেশী চিনি, তবু চুপ করে রইলুম। আমার বকের ভেতর কি যেন একটা খোঁচা দিয়ে উঠল। সরলা একটা মেয়ের কাছে নিজের নাম ও জাতি ভাঁড়িয়ে তার হয় তো বিশ্বাসের উপর দাবী করেছি। হয় তো কোন অজানিত বিপদে পড়ে মেয়েটা সকাল-সন্ধ্যায়

আমার খোঁজ করে বেড়াচ্ছে। জীবনে কোন দিন কারুর স্নেহ পাইনি। মাঠে মাঠে, দেশে দেশে ঘুরে বেড়িয়েছি, ছোটবেলা থেকেই কারুর একটি আদরের ডাক, স্নেহের স্পর্শ পাই নি। দেশের রম্য উৎসবানন্দের আবেষ্টন ছেড়ে যখন বিদেশের অখিলীলার মাঝে ঝাঁপ দিলাম—তখন হয় তো একটি লোকও আমার কথা ভেবে দীর্ঘনিঃশ্বাস ফেলে নি, কেউ একটি মুখের কথা দিয়েও খোঁজ করে নি। এ কোন্ অজানা তরুণী তা'র স্নেহস্পর্শে আমার টেনে নিতে চাইছে? বিধাতার সৃষ্টির বেদনা যাকে স্নেহহীন করে সৃষ্টি করেছে, এ ক্ষুদ্র প্রেমের সিংহাসনে সে বসবে কোন্ সম্বল নিয়ে? ভাবলুম, আজ বিকেলেই যাব সেখানে। কিন্তু রোশেনার কথা এ বিলাসী যুবকদের মধ্যে যে একটি আন্দোলন সৃষ্টি করেছে, সেটা থেকে নিজেকে গোপন রাখতে হবে। বেশ বুঝতে পারলুম, যে মুহূর্তে এ তরল-বুদ্ধি বিলাসীদের কাছে প্রকাশ হবে যে রোশেনা আমার পরিচিত, সেই মুহূর্তেই জ্যাকসন সাহেব জানতে পারবেন;—তার পরিণাম ভাবতেই আমি শিউরে উঠলুম।

পরদিন ভোর বেলা প্যারেডের পরেই একটু জ্বর জ্বর অনুভব করছিলাম। কিন্তু শরীর অসুস্থ হ'লেও যেন রোশেনার কথা ভুলতে পারছিলাম না। বুঝলাম, নীড়হীন মুক্ত পাখী আজ স্নেহের খাঁচায় বদ্ধ হ'তে চলেছে। বেরিয়ে পড়লুম—তখন বেলা আটটা। বিকিমিকি দিয়ে রোদের চোখ-ঝলসান আলো প্রভাতের শিশির-ভেজা ধূলোকে প্রাণ-বান্ করে তুলছিল।

কুটারের পাশে এসে দাঁড়াতেই মনে হলো, বিধাতার কোন অভিশাপের রুদ্ধলীলা যেন এ ক্ষুদ্র কুটারের শাস্তি হরণ করে নিয়ে গেছে। আঙ্গুর-গাছের আঙ্গুর-গুচ্ছ পেকে পেকে মাটিতে ঝরে পড়েছে, পাকা দাড়িম-ফলগুলো ফেটে গেছে—তাদের রাস্তা রাস্তা দানাগুলি রসে টপটপে হয়ে আছে। উটুটা যেন কত দিন ধেতে না পেয়ে স্তব্ধ-বিস্ময়ে দাঁড়িয়ে আছে। সমস্ত প্রাণ নিস্তব্ধ। আমি গলাটা ঝেঁকে রোশেনার নাম করে ডাক দিলাম, কোন উত্তর পেলুম না। হাতের ছড়িটা রেখে আমি একটু ভেবে ঘরের মধ্যে ঢুকে পড়লুম। প্রদীপ্ত প্রাণাঙ্কের রশ্মিরেখাও গৃহাভ্যন্তরের আঁধার দূর করতে পারে নি। ক্ষুদ্র গৃহাভ্যন্তর যেন দারিদ্র্যের অলস প্রতিমূর্তি, কিন্তু সে দারিদ্র্যের বিলাসশূন্য উপকরণের

মাঝেও যেন কোন শাস্তিময় কল্যাণ-ঐহস্তের চিহ্ন সব জায়গায় দীপ্যমান। মাটি দিয়ে তক্তপোষের মত উঁচু করা হয়েছে—তার উপর মলিন শয্যা। দেয়ালে একটা বহু পুরান তরবারী ও বড় একটা ভোজালী। আমি শঙ্কাকুল চিন্তে এ প্রাণহীন গৃহশয্যা দেখছিলাম, ঘরের কোণ দিয়ে রোদের একটু বিকিমিকি আভা গৃহকোণের অন্ধকারাচ্ছন্ন সৌন্দর্যকে স্ফুটতর করে তুলছিল। হঠাৎ দেখলাম, শয্যার এক প্রান্তে এলায়িত পল্লবের মতো রোশেনা মুখ শুঁজে পড়ে আছে। তার বিস্ময় বসনাঞ্চল ভেদ করে অঙ্গের দীপ্ত আভা ফুটে বেরুচ্ছিল। একরাশ কেশগুচ্ছ সে সুকুমার নগ্ন কণ্ঠকে ঢেকে শয্যাপ্রান্তে লুটোপুটি খাচ্ছিল। তার অঙ্গ-সুখমা যেন এ কঠোর অবস্থে আরও বেড়ে উঠেছে। কোন্ সৃষ্টিকরের যাত্নমন্ত্রের অমোঘ বলে যেন এ মূর্তিমতী কুসুম প্রাণবতী হ'য়ে মরুপ্রান্তরে ফুটে উঠেছে। ডাকলুম, “রোশেনা!”—রোশেনা হঠাৎ ধড়মড়িয়ে উঠে বসল। এলায়িত কেশপাশ তার মুখ ঘিরে যেন কোঁতুকহাস্তে উড়ে বেড়াচ্ছিল। সে ত্রস্তগতিতে উঠে আমার হাঁটু জড়িয়ে কেঁদে উঠল। বিস্ময়ে আমি যেন স্তব্ধ হ'য়ে রইলুম। মাটির উঁচু বেদীটার উপর বসে আমি তাকে বুকে তুলে নিলাম। পৃথিবীর শ্রামল বুকের উপর যেদিন থেকে বাসা বেঁধেছি, সেই দিন থেকে যে অবলম্বন পাই নি, আপনার বলে কাউকে পাইনি, বিজ্রোহীর মতো, উচ্ছ্বালের মতো তাণ্ডব হাস্তে সবভাঙ্গা বীরের মতো ঘুরে ঘুরে বেড়িয়েছি—আজ যেন আমার বুকের কাছে কোন যুগযুগের আপনার জন পেলুম। জীবনের এ নৃত্যদোহল বৈচিত্র্যের মধ্যে আজ যেন ক্লাস্তিহারা, শ্রান্তিহারা কোন অমৃতময়ীর কোমলস্পর্শে আমার অস্তর-তলের গুচ্ছ হৃদয়টা প্রাণরসে ভাজা হ'য়ে উঠল। বহুদিন পরে আমার রিক্ত, সবুজ চিত্ত কোন্ মায়াবিনীর মধুস্পর্শে সব পেয়েছির দেশে এসে উপস্থিত হ'ল।

বাষ্পকরু কণ্ঠে রোশেনা বললে যে, তা'র মা নেই। এ পৃথিবীতে তার অবলম্বন আর কেউ নেই। এ মরুভূমির উষ্ণ প্রান্তরে, এ তরুণী সাহারার বুকে ওয়েশিসের মতো পৃথিবীর নির্মম উষ্ণতার জলে পুড়ে মরবে। সে বললে—কেমন করে সে আমার কত খোঁজ করেছে। যেদিন সে কুম্বো থেকে জল তুলছিল, সেই দিনই তো তা'র মার অসুখ আরো বেড়ে



ওঠে। আমজাদ এসে বলে যে, এ-যাত্রা আর মা বাঁচবে না—তবে খোদার মজা। তার পর তো সে আমার কত খুঁজেছে; কই, মীর হবিবের কথা তো কেউ বলতে পারলে না। কেঁদে কেঁদে আমার বুকে মুখ রেখে রোশেনা বললে—কেমন করে সে এ ছনিয়ার জঞ্জালের ভেতর থাকবে?

বাংলার রবি—আজ আরবের মীর হবিব। আমি স্তব্ধ হয়ে বসে রইলুম। জীবনের এই এক স্বপ্নময় রঙ্গীন অধ্যায় মিথ্যার আবরণে আরম্ভ হ'ল—কোথায় শেষ হ'বে এর বিচিত্র পরীক্ষা। অতীত, ভবিষ্যতের সহস্র ছবি চোখের উপর দিয়ে ছায়াচিত্রের মতো ভেসে গেল। যতদূর চোখ যায়, ভবিষ্যৎকে একটু ভেবে নিতে চেষ্টা করলুম,—কিন্তু কই, মিথ্যার স্থান তো তা'তে নেই! মিথ্যা দিয়ে মিথ্যাকে ঢাকতে পারি, কিন্তু অপরিণীম সত্যকে তো মিথ্যার তন্তুজাল দিয়ে ঘিরে রাখতে পারব না। একবার ভাবলুম যে অসহায় বালিকাকে বুঝিয়ে দি যে, আমি মুসলমান হবিব নই,—আমি বাংলা মুলুকের হিন্দু যুবক রবি মিত্র। বুকের মধ্যে যেন কিসের খোঁচা অনুভব করছিলুম,—কে যেন বলছিল, নিজে হাতে যে স্বর্ণশৃঙ্খল বেঁধেছি—তা' কি নিষ্ঠুরতার ছুরিকাঘাতে বিচ্ছিন্ন ক'রে দেওয়া যায়—তার চেয়ে যে মরণও ভাল। রোশেনাকে কিছু বললুম না, বাজে কথায় সাশ্বনা দেবার চেষ্টা করলুম। কিন্তু নিজের অসহায় অবস্থার কথা ভেবে ভেবে সে আকুল হ'য়ে কেঁদে উঠছিল! স্থির কণ্ঠে ডাকলুম, “রোশেনা!”—উদ্বেল অশ্রু গোপন করে সে তার স্নিগ্ধ চোখ দুটা আমার উপর স্থাপন করল। বললুম “রোশেনা, আমিই তো আছি—কি ভয়?” রোশেনা আমার বুকের উপর ঝাঁপিয়ে পড়ে বলে, “সত্যি? আমার যে আর কেউ নেই। আমি কাউকে ছাড়া কেমন করে আমজাদ, উমেদ এদের কবল থেকে মুক্তি পাব!” বুঝলাম—মাতৃহীন হ'য়ে কেন এর এত ভয়! “আমিও তো বড় একা, রোশেনা; এ ছনিয়ার আমারও তো কেউ নেই—তোমার আমিই নিলুম, নিত্য এসে তোমায় দেখে যাব।”

“সে আর কদিন, লড়াইর শেষে তো তোমারও যেতে হ'বে—”

ভূত, ভবিষ্যৎ, বর্তমান পলকে চোখের উপর আবার ভেসে উঠল। রূপ-রস-গন্ধ-স্পর্শময়ী পৃথিবী যেন চোখের

উপর শত সৌন্দর্য্যে জ্যোতির্ময়ী হ'য়ে উঠল। এক মুহূর্তে জীবনের লক্ষ্য স্থির করে নিলুম। রোশেনার কোমল হাত দুটা চেপে ধরে বললুম, “বেশ, তখনো আমি তোমারই থাকব।”

বিপদের অকূল সমুদ্রে যেন রোশেনা একটা অবলম্বন পেল। সে রুদ্ধ কণ্ঠে বলে উঠল, “সাত্তা? মেরা দিল্—মেরা জান্—” আর কিছু সে বলতে পারলে না, শুধু ধীর স্নেহে হাতের তামার আংটিটি আমার হাতে পরিয়ে দিল। তাকে অনেক বুঝিয়ে শাস্ত করে—আবার আস্ব বলে প্রতিশ্রুতি দিয়ে বেরিয়ে পড়লুম। বাইরের মুক্ত বাতাস আমার বন্ধন-গরিমায় আমার অভ্যর্থনা করে নিলে। সে বাতাস ভেদ করে শুন্লাম, “রবি মিত্র—চমৎকার!” হতাশ বিশ্বয়ে দেখলুম—অদূরে—অপূর্ক!

\* \* \* \* \*

প্রদোষ! এর পরের ইতিহাস তোমার কাছে কি লিখব ভাই? আমার জীবনের ঘটনা-বহুল ইতিহাসের রক্তরাঙ্গা পৃষ্ঠা উন্টাতে আমার নিজেরই যে ভয় হয়! আচ্ছা, ভগবানের সৃষ্ট জীব সবাই শুনেছি মানুষ হ'য়ে জন্মগ্রহণ করতে চায়,—কেন বলতে পার? আমার মনে হয় একবার অন্তর্যামীর পা' ধরে বলি, “প্রভু, এ মানব-জীবনের ক্রুর অভিশাপ থেকে নিষ্কৃতি দাও। পশুত্বও যে এর চেয়ে ঢের ভালো! ভগবান মানুষ যখন সৃষ্টি করেছেন, তাকে কেন মানুষই রাখলেন না, পশুত্বকেও কেন মানবতার সজ্জায় পৃথিবীর বুকের উপর ছেড়ে দিলেন? পৃথিবীর কলহাস্তময়ী সৌন্দর্য্য-সুখমার ভেতর তো পশুর স্থান নেই, ভগবানের সৃষ্টির সেটা যে হ'বে বিরাট অসামঞ্জস্য। সেদিন ক্যাম্পে ফিরে যে অবস্থায় পড়লুম, তার ইতিহাস তোমায় দিতেও শিউরে উঠি। অপূর্ক তার বন্ধুত্বের সম্পূর্ণ মর্যাদা রক্ষা ক'রে একটা নূতন ইতিহাস তৈরি করলে। মানুষের চাপা হাসির লাজ্জনা, কদর্য্য ইঞ্জিতের আঘাতে যেন আর স্থির থাকতে পারছিলুম না! যে দায়িত্বের গুরুত্ব বিদ্রোহী মাথাটা আপনার উপর চাপিয়ে নিলে, তার ভারেই যে আমি অস্থির! এ আঘাত আমি সহিব কেমন করে? যাক্—সে দিনই খুব গুরুতর জ্বরে বিছানায় পড়লুম। একমাস চেতনা অচেতনার মাঝে জীবনের দোলা ছলছিল—কিন্তু সে শিথিল বন্ধন ছিঁড়ে ভেঙ্গে পড়েনি। বেঁচেই

মরার প্রতীকার রইলুম। রোগের ছরস্ক আক্রমণের মাঝে যখন চেতনা নেই, তখন সে অচেতন ঘোরে মনে হো'ত যেন বোরখা-ঢাকা একখানা শুভ্র কুন্দফুলের মতো মুখ আকুল আগ্রহে আমার মুখের উপর ঝুঁকে বসে থাকত। তার হাতের স্পর্শে মনে হোত—যেন এক রাশ শিউলীর বোকা। কিন্তু জ্ঞান হ'তেই দেখতুম—মাটিতে পড়ে আছি, রাগটা জড়ান, থাকী সার্চি গায়ের। এক মাস রোগ-ভোগের পর disabled হ'য়ে ফৌজ ছেড়ে চলে এলুম। জ্যাকসন সাহেব বিদায়ের বেলা গম্ভীর কণ্ঠে বলেন, “মিটার, তুমি আমার বিশ্বাসের অমর্যাদা করেছ, তুমি মিলিটারীর অল্পবয়স্ক— কারণ সেটা নারীর প্রেম নয়! All right, good boy.” এমন করে আমার কর্মজীবনের যবনিকা-পাত হ'ল। আমার চলে আসার পরদিনই আমাদের রেজিমেন্ট মার্চের হুকুম পেয়ে কুট-এল-আমারায় রওনা হ'ল। রোশেনা ছাড়া আরবের মরুভূমিতে আমার চেনা আর কেউ রইল না। অতি কষ্টে নিজেকে টেনে রোশেনাদের কুটারের পাশে এসে পৌঁছলাম। আকুল আগ্রহে রোশেনা আমার বুকে টেনে নিলে। শত প্রশ্নে আমার ব্যতিব্যস্ত ক'রে তুলে, বলে, “আমি ভাবলুম, তুমি বুঝি আমার ফাঁকি দিয়ে চলেই গেছ। ইঃ—কি চেহারা হয়েছে! বেমারীর কথা তো আমার জানাও নি?”

“তোমায় কেমন করে জানাই বল তো? আমার কলিজার ভেতর ঢুকতে পার, তা' বলে কি ফৌজের ক্যাম্পে ঢুকতে পারবে?” সে লজ্জায় লাল হয়ে উঠল, বলে, “তাপো, তোমাদের ফৌজের কয়টা ছদ্মগণের অত্যাচারে এমনি হাঁপিয়ে উঠেছিলুম!” তার মাথাটার উপর হাত দিয়ে কতকণ স্তব্ধ হ'য়ে রইলুম। সে ককণ কণ্ঠে বলে উঠল, “এ বেমারীতে কে তোমায় দেখবে শুনবে—আর তো তুমি যাবে না—”

“না রোশেনা, আর তোমায় ছেড়ে যাব না, এবার পাখীর ঝিড়েই যে বাসা বাঁধলুম।”

হাসি-কান্নায় তার মুখ উদ্ভাসিত হয়ে উঠল।

ছটা বছর আমি বেছইনের মতো মরুর বুকে বাসা বাঁধলুম। সকাল সাঁঝে ছটা কোমল হাতের স্নেহের স্পর্শে আমার মনে করে দিয়ে যার যে, এ ছনিয়ার বুকে আমি একা নই। সে স্নেহের মধুর স্পর্শে আমার চিত্ত-

শতদল যেন দলে দলে ফুটে উঠতে লাগল। কিন্তু মনে শান্তি কই? ভবিষ্যতের কথা মনে হতেই, যেন প্রাণটা কি একটা অজানা আবেগ-আশঙ্কায় কেঁপে কেঁপে উঠত। এ ছনিয়ার মিথ্যার জাল শেষ করে দিতে চাইছিলুম; কিন্তু রোশেনাকে হারাবার ভয়ে পেছিয়ে গেলুম। এ ছন্নছাড়া জীবনের মধ্যাহ্ন-গরিমায় যখন একটা অবলম্বন পেয়েছি— কেমন করে তার বন্ধন ছিঁড়ে আবার পৃথিবীর বিরাট বুকে একা এসে দাঁড়াই। এ দোহল দোলায় মনটা ও শরীরটা যেন একই সাথে ভেঙ্গে যাচ্ছিল। এক-একবার বাংলা মায়ের স্নেহ-আহ্বান আমার পাগল করে দিত, আর এক-একবার এ মরু-কুসুমের ছনিয়ার আলিঙ্গন আমার বেধে ফেলত। এ মরু-প্রান্তরে জীবনের যা' কিছু সম্বল, তা প্রায় এর মধ্যেই ফুরিয়ে গেছে—তাই নির্মম ভবিষ্যৎটা আরও কঠোর হ'য়ে চোখের উপর ফুটে উঠতে লাগল। এ স্বপ্নদোলায় রোশেনার স্নেহ-রসই আমার বাঁচিয়ে রাখছিল।

ঘুমঘুমে জরটা যেন সে দিন বেড়ে উঠল। রোশেনা আমার এ রোগ-ক্লান্তি দেখে যেন মুসড়ে গেল। বলে, “তোমার মতো লোকের কি আর ফৌজে যাওয়া পোষায়? তাপো তো কেমন জেরুবার হ'য়ে এসেছ?” সে আমার আকুলগুলি নিয়ে নাড়াচাড়া আরম্ভ করলে। খানিকক্ষণ পরে বলে, “আচ্ছা, উটটা বেচে ফেলা যায় না? কি বল?”

চমকে উঠে বললুম, “কেন? কি হয়েছে?”

রোশেনা চুপ করে মাথা নীচু করে রইল। আবার বললুম, “কি হয়েছে বল তো? উট বিক্রী কেন?”

“তুমি কেবলই ভুগছ, দাওয়াই-পত্তরও নেই কিছু— তুমি কেমন করে বাঁচবে—”

“পাগল আর কি? একটু জর, তা'তে কি ছেলেমীটাই আরম্ভ করেছ!”

ক্রমশঃই দেখতে পাচ্ছিলুম—রোশেনা যেন কেমন একটু অস্তমনস্ক হয়ে থাকে। আর তেমনি করে সাঁঝে-সকালে সে আমার বুকে ঝাঁপিয়ে পড়ে না—সে কেমন যেন সংসারী হয়ে গেছে। মাঝে মাঝে সন্ধ্যার সময় তাকে ডেকে পাই নে—কোথায় যেন সে যায়। সে গুলকমরী প্রতিমা আর যেন সে নেই—এখন সে গৃহলক্ষ্মী গৃহিণীর গাম্ভীর্য অবলম্বন করেছে। চিন্তা ও পীড়িতে মনটা যেন ভারাক্রান্ত হ'য়ে পড়ছিল। তার পর এ সব দেখে আমার মাথা যেন

কেমন হ'য়ে গেল। নিজেই বুঝতে পারলুম না—কেমন করে খিটখিটে হয়ে গেছি। সে দিন ঘরের দাওয়ার বসে আঙ্গুরের গুচ্ছ থেকে আঙ্গুর ছাড়াচ্ছিলাম, দেখলুম—রোশেনা আমার দিকে অপলক নেত্রে চেয়ে আছে। হঠাৎ সামনে এসে বলে, "বলে থেকে থেকে হাঁপিয়ে গেছ, এখন একটু শুয়ে পড় দিকিনি!" সাতা ভাল লাগছিল না—ঘরে গিয়ে শুয়ে পড়লুম। রোশেনা একবার এসে আমার দেখে গেল। মনে মনে কত কথা ভাবছিলুম, তার আদি-অন্ত নেই। হয় তো রোশেনা জানতে পেরেছে যে, আমি ছদ্মবেশী বিশ্বাসঘাতক—তা'র সর্বনাশ করেছি! হয় তো বা এ মক্কর ছিলালী খাঁচা ভেঙ্গে উড়ে যেতে চাইছে।

হঠাৎ বিছানার উপর উঠে বসলুম। ঘরের কঁক দিয়ে দেখলুম—আমজাদকে রোশেনা যেন কি বলচে—চোখ-মুখে তার একটা ব্যগ্র আশঙ্কার ভাব। হাতে তার সে পুতান তরবারটা। আমার চোখের সামনে যেন বিশ্ব-ব্রহ্মাণ্ডটা সৃষ্টির অতলে তালিয়ে গেল। বুকের রক্তধারা ধর-প্রবাহে শিরা-উপশিরা ভেদ করে যেন রক্ত উচ্ছ্বাসে ফুটে বেরুতে চাচ্ছিল। চোখের উপর অতীত ভবিষ্যৎ যেন ঘুলিয়ে গেল। বুঝলাম—কখন আমাকে স্নেহের ভান করে ঘরে পাঠিয়ে, বিশ্বাসঘাতিনী আজ আরব বুকের কাছে প্রণয়-নিবেদন করছে। মক্কর বুনো পাখী আর খাঁচার থাকতে চাইছিল না কেন—আজ দিনের আলোর মতো স্পষ্ট হয়ে গেল।

প্রদোষ! তার পর আমি যেন ভাই পাগল হয়ে গেলুম। আমার যা' কিছু সম্বল, সব যেন অতলে তালিয়ে গেছে—ভেবে আমি উন্মাদ হয়ে উঠলাম। জীবনের গুরু কন্য-প্রবাহের মধ্যে কে আমাকে আর এমনি ক'রে বুক টেনে নেবে। কত অসহায় আমি! ছনিয়ার যা' ঘাটের কড়ি তা'ও যেন আমার হারিয়ে গেল—কি সম্বল নিয়ে এ জীবনের যাত্রা-পথে রইব আমি?

রোশেনা যেন আমার অবস্থা দেখে কেমন হ'য়ে গেল। কত আকুল প্রশ্নে আমার শরীরের অবস্থা জানতে চাইত, কিন্তু সে প্রশ্নে মন যেন আমার বিষিয়ে উঠত। নিফল রোষে আমি হাঁপিয়ে উঠতাম। রোশেনার পাণ্ডুর মুখের উপর কে যেন কালি লেপে দিত।

সে সন্ধ্যায় রোশেনা বাড়ী নেই। আমি হিংস্র রোষে যেন পাগল হ'য়ে গেলুম। রিক্ততারটা নিয়ে

বেরিয়ে পড়লুম। পারে চলার পথের উপর ধীরে ধীরে পার্শ্চারী করতে লাগলুম। সন্ধ্যার অন্ধকারের মাঝ দিয়ে তালগাছের মর্মর ধ্বনি কাণে এসে পৌঁছছিল। মনে আমার যেন আগুনের খেলা। চাইছিলুম আমি সব ভুলতে, কিন্তু—পারি কই? বনের পাখী আজ আমার হৃৎপিণ্ড টেনে তুলে নিয়ে গেছে—আমি বাচব কি দিয়ে? ধীরে হেঁটে বাড়ী-মুখে ফিরছি—স্তব্ধ মক্কর বুক সন্ধ্যার আঁধার জমাট হয়ে আছে।

বাড়ীর কোণের ডালিম গাছটার কাছে এসেই থমকে দাঁড়ালুম,—দেখলুম, মুখোমুখী দাঁড়িয়ে আমজাদ ও রোশেনা। আমজাদের হাত থেকে কি একটা জিনিষ যেন রোশেনা তুলে নিলে। আমি পাগল হ'য়ে গেলুম! কখন, 'কুঠি, চিন্তাদগ্ধ মাথা সবকটা শিরা যেন টন্ টন্ করে ছিঁড়ে গিয়ে মাথার তিতর একটা তাণ্ডব উল্লাস আশ্রয় করেছে, চোখের তারা-গুলো যেন আগুনের ফিন্কা হ'য়ে ছুটে বেরুতে চাচ্ছে। পারলুম না আমি,—হাতের ভারী রিক্ততার বের করলুম। কোন্ দানবের পিশাচলীলার যেন এ ক্ষুদ্র মক্কর প্রাস্তর কেঁপে উঠল, সন্ধ্যার স্তিমিত অন্ধকার যেন স্তব্ধ বিশ্বয়ে গর্জ্জে উঠল—বেঁড়ায় টিপ পড়ল—ওঃ!! \* \* \* \* \*

\* \* \* \* \*

প্রদোষ! আমারই রোগশাস্তির জন্তু বনের পাখিটা আমার তরবারী বিক্রী ক'রে আমজাদকে দিয়ে বাগদাদ থেকে ওষুধ আনিয়েছিল! সে দিন সন্ধ্যায় সে ওষুধটাই নিচ্ছিল সে। কেন জান? আমার এ দগ্ধ-জীবনটাকে আবার প্রাণবসে বাঁচিয়ে তুলতে। অচ্ছা, প্রদোষ, হৃৎপিণ্ড উপড়ে ফেলে কি বাঁচা যায়? কেন? আমি তো বেঁচেই আছি! \* \*

এখনো সন্ধ্যার আঁধার যখন ঘনিয়ে আসে—সে ছোট্ট কবরটার উপর একটা আলো জ্বলে দিয়ে বসে থাকি। ধূসর সন্ধ্যা আমার আশে পাশে জমাট হ'য়ে থাকে। বুক দিয়ে আমি কবরের ভেতর তা'র বুকের স্পন্দন অনুভব করি। লোকে জানে আমি পাগল সেপাই মীর হবিব—বাগদাদের রাস্তায় রাস্তায় ঘুরে বেড়াই; কিন্তু আমি জানি যে আমি বাংলারই প্রবাসী ছেলে—রবি মিত্র!

তোমার  
রবি

# একজামিনের পর

শ্রীমিহিরমোহন মুখোপাধ্যায়

ছই মাস খুব কঠিন পরিশ্রম করে পড়া গেল। সারা ছুটো দেখতে দেখতে একজামিনের দিন ঘনিয়ে এল। ১০ই বছর ধরে কি করেছি তারই হিসাব নিকাশ করতে হ'বে। মার্চ একজামিন্ আরম্ভ হ'ল। দশদিনে শেষও হ'য়ে গেল।

যতটা আশা করেছিলাম তা হ'ল না।

এইবার বইগুলিকে আলমারির মধ্যে ইন্টারশ ক'রে, কি করে সময়ের সংহার করতে হ'বে তারই উপায় চিন্তা করতে বলা গেল। শেষে ঠিক করলাম, কেবল খাওয়া, বেড়ান আর নিদ্রা। কিন্তু, ও সঙ্কল্প। বেশী দিন টিকলো না।

কলকাতায় গরম বেশ বাড়তে আরম্ভ করল। খেয়ে, শুয়ে, বেড়িয়ে যেন দিন কাটতে চায় না। তখন একটা ঠাণ্ডা জায়গায়



আম্বিন গায় ষ্ট্রিমার

ইন্টারমিডিয়েট পরীক্ষাটা সত্যি সত্যিই ভয়ানক। ম্যাট্রিকে এত বেগ পেতে হয় নি। ছোট ছোট বই বেশ সহজেই তৈরী হ'য়ে যেত। একে পরীক্ষার ভয় তৈরী হওয়া, আবার তার মুখোমুখি ছই একজন আত্মীয়ের বি'য়ে হ'য়ে গে'ল। তা'তে যে'তে পারলাম না ব'লে অনেকে অনেক কথা শোনালেন। কেউ বললেন, "এবার প্রথম হ'তে হ'বে।" আবার কেউ বললেন, "স্বপ্নার-সিপ্ না পে'লে দেখে নেবো।"

মাথা হেঁট করে সব চূপ্ করে শুনে গেলাম। বোবার পালাব এই ঠিক করলাম। স্বযোগও যথেষ্ট ছিল। একজন আত্মীয় থাকেন দারজিলিংয়ে; আর একজন



পাণ্ডুবাট।

ধাকেন শিলংয়ে—দুইই বেশ ঠাণ্ডা স্থান, আর মনোরমও বটে। কোথায় যাই এই নিয়ে একটা সমস্তা বাধল। শিলংয়ে গত বছর গিয়েছিলাম; সেইজন্তু এবার দারজিলিং যাবার বড় ইচ্ছা হ'ল। কিন্তু, শেষে শিলং যাওয়াই স্থির হ'ল। ঠিক সেই সময় কলিকাতার ভীষণ দাঙ্গা আরম্ভ হ'ল। দাঙ্গা একমাস ধরে চলল। আমার যাওয়াও বন্ধ থাকল। কলিকাতায় ব'সে ব'সে কত কি যে দেখলাম, কত গুলির আওয়াজ শুনলাম, তার ঠিকানা রাখে কে? তার পর দাঙ্গা একটু থামলে, ১৩ই মে শিলংয়ে রওনা হলাম।



নংপো

কায়দার কুমাল উড়িয়ে, ট্রেনে যারা বিদায় দিতে এসে-  
ছিলেন, তাঁদের কাছে বিদায় লইলাম।

গাড়ী ছ হ শব্দে চলতে আরম্ভ করল। সঙ্গে একটা



“নির্ঝরের ঝর ঝর তালে বাতাসের:

শন্ শন্ শব্দ শুধু দিচ্ছে”

শিলং মেল ৩-২৪ মিনিটে শিয়ালদহ ছাড়ে। তার আগেই গুরুজনদের প্রণাম করে ৩-১৫ মিনিটে শিয়ালদহ ট্রেনে হাজির। একটা ট্রাক, আর একটা বিছানা নিয়ে গাড়িতে চড়ে বসলাম। ঠিক সময় গাড়ী ছাড়ল। বিলাতী



বৃষ্টির পর

বিলাতী মাসিক পত্র ছিল। তার ছ'চারটে পাতা ওলটাবার পর আর পড়তে ইচ্ছে হোলো না। চারিদিকে যেন



বাজারের দিনে



হুইধারে সবুজ ঢালু পাহাড়ের মধ্যে আঁকা বাকা নদী



পাইনের মধ্যে



নদীর আর একটা দৃশ্য

অধিবৃষ্টি হচ্ছে। যেন লুচলছে। গাড়ীর কাঁচ উঠিয়ে  
দিলাম।

প্রায় ৫টার সময় গাড়ী রাণাঘাটে এসে উপস্থিত।



বাগানের মধ্যে—বৃষ্টির পর



বাজারের দিনে—খামিষাদের চায়ের দোকান

রাণাঘাটে দুই একটি ফেঁটা বৃষ্টি হয়েছিল। একটু ঠাণ্ডা  
ব'লে বোধ হ'ল। রাণাঘাট ছাড়বার পর দুই এক পশলা  
বৃষ্টি পাওয়া গেল। ঠাণ্ডা হাওয়াও বইতে লাগল। খড়ে

প্রাণ এ'ল। খোলা মাঠের পানে চেয়ে মনে  
অনেক কবিত্ব-ভাব জাগতে লাগল।  
তখন সন্ধ্যার ছায়া আস্তে আস্তে পৃথিবীর  
উপর ছড়িয়ে পড়ছে। দিনান্তের ক্লান্ত রবি  
সুদূর প্রান্তরের পশ্চিম কোণ দিবে ডুবে  
যাচ্ছে। Now fades the glim-  
mering landscape on the sight"  
—লাইনটা চট্ট ক'রে মনে এ'ল। কৃষকরা  
গুরুগুরু করে ঘরে নিষে যাচ্ছে দেখে কত  
কথা মনে হোতে লাগলো।

দেখতে দেখতে সূর্য্য ক্রমেই রক্তবর্ণ  
হ'য়ে একেবারে পৃথিবীর শেষ রেখার  
অস্তরালে অস্তহিত হ'য়ে গেল। চারিদিকে  
একটা এমন সৌন্দর্য্য ফুটে উঠল, সে আর  
কি বলব। বহু দূরে একেবারে দিগন্তের



পথের ধারে—pineএর মধ্যে পরিত্যক্ত কুটার; ডানদিকে  
Hydroelectricএর shwice gole.



শিলা টর



বাজার



কাউন্সিল হাউস—Council House.



মোটর স্টেশন



শেষ প্রান্তে গাছ পালার সারি দেখা যাচ্ছিল। “সেখানটা এখন সমস্ত অপার মাঠের উপর একটি ছায়া পড়েছে—একটি  
মায়াময় হয়ে উঠল। নীলেতে লালেতে মিশে এমন আবুছায়া কোমল বিষাদ—ঠিক অশ্রুজল নয়, একটি নির্নিমেষ চোখের

বড়ো বড়ো পল্লবের নাচে গভীর ছলছলে  
ভাবের মতো।—”

গাড়ীও খুব জোরে চলেছে। সূর্য্যদেব  
অস্ত গেছেন। দিনের আলো মিট মিট  
ক’রে তখনও পৃথিবীর পা’নে চেয়ে  
আছে; যেন মায়া কাটাতে পারছে না।  
এমন সময় গাড়ীটা সড়ার হার্ডিং পুলের  
উপর উঠল। নাচে পদ্মা। প্রকাণ্ড নদী।  
“কলকলসনে নবীন নীরদ-কাস্তি নিলি  
নীল নীরে তরঙ্গ বিভঙ্গে নাচি সমীরণ  
সনে” বাহতেছে। নৌকাগুলি দলবদ্ধ  
হয়ে পারে নঙ্গর করে রয়েছে। ছই  
একটা এদিক সেদিক পাড়ি দিচ্ছে। মনে  
পড়ল একদিন কবি প্রাণের আবেগে এই



বাঁজারের পথে

হয়ে এ’লো, মনে হ’লো—ঐখানে যেন সন্ধ্যার বাড়ী, ঐখানে সময় গে’রছিলেন —  
গিয়ে সে আপনার রক্তা আঁচলটি শিথিলভাবে এলিয়ে দেয়।



কুটির



পথের ধারে

“সাজের বেলা তাঁটার শ্রোতে ওপার হ’তে একটামা  
একটা ছুটা যার যে তরী ভেসে ।  
কেমন করে চিন্তা ওরে ওদের মাঝে কোন্‌খানা  
আমার ঘাটে ছিল আমার দেশে ।

পরসা দিয়ে মুখ ধুলাম । তার পর জঠরাগিকে ঠাণ্ডা করে  
ওরে পড়লাম । একটু পরে গাড়ী ছাড়লো । বেশ একটু  
ঠাণ্ডা বোধ হ’ল । তার পরই ঘুমে বিভোর ।

খুব ভোরে ঘুম ভেঙ্গে গেল । উঠে দেখি, ভোরের  
আলো গাড়ীর মধ্যে উঁকি দিচ্ছে ।  
একটু পরেই গুব্ব দিকটা রান্না হ’রে  
উঠল । বড় জ্বললে সে দৃশ্য । গাড়ী  
এসে গোলোকগঞ্জ স্টেশনে দাঁড়ালো ।  
একটু পরেই গোলোকগঞ্জ ছাড়িয়ে  
গভীর জঙ্গলের মধ্য দিয়া গাড়ী ছুটলো ।  
শীতের চোটে গরম জামা আর মোজা  
চড়াতে হ’ল । জঙ্গলের মধ্য দিয়া  
অনেকক্ষণ চলল ; সেটা ছাড়িয়ে  
খানিকটা যাওয়ার পর ছোট ছোট  
পাহাড় দেখা দিল । কেউ বা নেড়া  
আর কেউ বা জঙ্গল-ভরা । দূরে  
উত্তরে মেঘের মত এক পর্বত-  
শ্রেণী দেখা যাচ্ছিল ; সেটা বোধ হয়

গিরিরাজ হিমালয় । সেই পর্বতশ্রেণী অনেকক্ষণ দেখলাম ;  
শেষে বেলা হ’য়ে গেল ; আর দেখা গেল না । অনন্তের  
কোলে মিলিয়ে গেল ।

জামাতুল্লার প্রসিদ্ধ দোকান

ওরে আস ।

আমায় নিয়ে যাবি করে

বেলা শেষের শেষ খেয়াল ।”

মিনিট দুয়েকের মধ্যেই গাড়ী পুন  
পার হ’য়ে গেল । সময়ও আস্তে আস্তে  
কাটতে লাগল । রাত্রি প্রায় ৯টার  
সময় গাড়ী সান্তাহার স্টেশনে এসে  
দাঁড়ালো । এই স্থানে আমাদের গাড়ী  
বদল করতে হোলো । তাড়াতাড়ি  
কুলি ডেকে জিনিসপত্র নামিয়ে প্র্যাট-  
ফরমের অপর পার্শ্বে নির্দিষ্ট গাড়ীতে  
গিয়ে উঠলাম । এক দফা ওঠা-নামার  
পর্ব শেষ হোলো । সেই ছ-পহরে  
আহার হয়েছিল ; আর এখন রাত  
নটা বেজে গেছে । সুতরাং সুধার  
আর অপরাধ কি ? তাড়াতাড়ি কুলিকে



লাবানের দৃশ্য

“পেরেছ আপন সীমা, তাই আজি মৌন শাস্ত হিরা  
সীমাবিহীনের মাঝে আপনারে দিরেছ সঁপিরা।”



নদীর শেষ পরিণাম

সাড়ে আটটার গাড়ী সরতোগে এসে থামল। সেখানে একটা ছোট-হাজিরি করা গেল। কিন্তু হাজার হোক ব্রাহ্মণ মানুষ; ও সব বিলাতী ভোজে তৃপ্তিও হয় না, পেটও ভরে না।

গাড়ী ছাড়ল। ক্রমে ক্রমে আমরা পাহাড়ের রাজ্যে প্রবেশ করতে লাগলাম। পাহাড়গুলি বেশ কাছে কাছে, আর জঙ্গলে ভরা। না জানি তার মধ্যে কি না আছে। বেলা প্রায় বারটার সময় গাড়ী আমির্গাতে এসে ঢুকল। এইখানে ই-বি-আরএর লাইন শেষ। সামনেই ব্রহ্মপুত্র। ও-পারে পাণ্ডু। এখানে একটা ক্লাব আছে; সেইটা স্বাক্ষরীদের ও-পারে নিয়ে যায়। ইতিপূর্বে ছই চারজন আশ্রয়ের সহিত এখানে দেখা হ'বার কথা ছিল ও একসঙ্গে শিলং যাব এই স্থির ছিল। তাঁদের সহিত ক্লাবে দেখা হ'ল। এটা দোতলা। ওপার থেকে প্রকৃতির দৃশ্য বড় সুন্দর। নদীটির ছইদিকে পাহাড়। দূরে নদীর বাঁকে গোহাটীর ছোট ছোট বাড়ীগুলি বেশ দেখা যায়। উর্কনী ঘাটের কতকটা নেত্রপথে

পড়ে। গতবার কিরবার পথে গোহাটী ও ৮কামাখ্যা খাম দেখে আসি। সে সময় এই উর্কনীঘাট দেখি। ঘাটটা বড় সুন্দর। সেখানে একটা গৌ গৌ শব্দ সর্বদা শোনা যায়। নদীর তলে পাহাড়ের গার শ্রোতের ধাক্কার এই শব্দ উঠে। শ্রোতও এইখানে ভয়ঙ্কর। নদীর মাঝে একটা ছোট ঘাঁপ। ঘাঁপের উপর ৮উমানন্দের মন্দির।

বেলা ২-৩০ মিনিটের একটু পরেই আমরা পাণ্ডুতে এলাম। এখান থেকে ৬৮ মাইল মোটরের পথ। পাণ্ডু থেকে শিলং যেতে হ'লে-ছইটা উপায় আছে। এক হয় প্রথম শ্রেণীতে, না হয় মেল গাড়ীতে। প্রথম শ্রেণীর ভাড়া প্রত্যেকের ২৪ টাকা; অন্ততীর ভাড়া ১০ টাকা। 1st. classগুলি Wyllis Knight car। কোমটা 5

Seater, আর কোনটা 7 Seater। আমাদের জন্ত একখানি গাড়ী পূর্বেই রিজার্ভ ছিল। সঙ্গে ছই একটা ছোটখাট জিনিষ নিয়ে অগুগুলি লগেজে দিয়ে গোহাটীর দিকে রওনা হওয়া গেল। একটু পরেই মোটর-



পুলিশ বাজার


আফিসে উপস্থিত হওয়া গেল। সেইখানে খাওয়া-দাওয়ার বন্দোবস্ত করা হ'য়েছিল। ম্যানেজারবাবু সব কাজ দেখে



Ward's Lake—ওয়ার্ড লেক-শিলাং



পার্কত্যা নদী



পাহাড়ের মাঝে



প্যারিভের দৃশ্য—সাত্রাটের কন্নদিন উপত্যকে

আমাদের অন্তর্ধান করতে এত যত্নবান হ'লেন যে আমাদের বিশেষ লক্ষিত হ'তে হ'রেছিল। আহা! ম্যানেজারবাবুকে আন্তরিক ধন্যবাদ দিয়ে শিলংয়ের দিকে চললাম।



### টেলিগ্রাফ আফিস

ভ্রমণ বেলা দেড়টা। মোটরের রাস্তাটা গোহাটা থেকে একেবারে সোজা ৭ মাইল গিয়ে পাহাড়ের মধ্যে প্রবেশ করেছে। চারিদিকে খোলা মাঠ ধু ধু করছে। ৬ কামাখ্যা পাহাড়ের চূড়া থেকে রাস্তাটা বড় সুন্দর দেখায়—যেন একটা মাথার তেড়ি কাটা রয়েছে। ৭ মাইল এসে আমরা P. W. D. Time-keeper-এর গেটে উপস্থিত হ'লাম। একটু শীঘ্র এসে-ছিলাম বলে কিছুক্ষণ দাঁড়াতে হ'ল। শেষে সময় হ'ল। Time keeper বাবু একটা চালানে সহি দিলেন। গাড়ী ছাড়ল।


এইবার আমরা ঠিক পাহাড়ের মধ্য দিয়ে যেতে আরম্ভ করলাম। রাস্তাটা আঁকাবাঁকা, আর চড়াইও বেশ আছে। এক একটা বাঁক ছাড়াই, আর খানিকটা করে উঠে যাই। কিন্তু রাস্তা খুব চমৎকার; আমাদের রেড রোডের চেয়ে কোন অংশে খারাপ নয়। চারিদিকে পাহাড়; সেই পাহাড় প্লেগের জঙ্গলে ঢাকা। আমাদের একটু

শিকারের সখ আছে, তা বোধ হয় গাড়ীচালক জানত। এক জায়গায় একটু ব্রেক ক'লে সে বলল যে, সেইখানে কিছুদিন আগে গাড়ীর সামনে একটা বাঘ পড়েছিল। তার কথাটা মিথ্যা ব'লে ওড়ান যায় না। কারণ সে যে জঙ্গল, তাতে বাঘের চেয়ে আরও অনেক বড় বড় মহারাজের আড্ডা থাকতে পারে।

প্রায় এক ঘণ্টা পরে আমরা বাঁশিহাটে এ'লে থামলাম। এখানে আরও তিনটা গাড়ীর সঙ্গে দেখা হ'ল। চালানে টাইমকিপারের সহি নিয়ে চালক মালা শিং গাড়ী ছাড়ল।

জঙ্গল আরও ঘন হ'তে লাগল। এক এক স্থান এমন যে সেখানে সূর্যের আলোক প্রবেশ করতে পারে না। স্থানে স্থানে কুলিরা রাস্তা মেরামত করছে। কেউ বা পাথর ভাঙছে, কেউ বা পাহাড় ফাটিয়ে পাথর বাহির করছে। রাস্তায় একটু গর্ত হ'লেই তারা সেটা মেরামত করে। এই রকম যত্ন করা হ'র বলেই

রাস্তাটা আছে। শুনেছি না কি মোটর কোম্পানীকে প্রতি বৎসর এই রাস্তার গাড়ী চালানোর জন্য আসাম গবর্নমেন্টকে



### প্রকৃতির কোলে—একটা জলপ্রপাতের দৃশ্য

### Bishop's Fall


এক লক্ষ টাকা দিতে হ'র। পল্লীগামের জেলাবোর্ডের রাস্তা হ'লে শিলংয়ে যাওয়া এক ভয়ানক সমস্যা হ'রে উঠত।

বেলা প্রায় ৪টার সময় আমরা Nongpohতে এলাম। Nongpoh শিলং ও গোহাটীর একটা মাঝামাঝি জায়গা।

করলাম। ছই লাইন গাওয়ার পর সুর জুল হ'রে গেল। অনেক মাথা নাড়া দিলাম; হাতে তাল দিলাম; সুর আর মনে এ'ল না। কিন্তু চুপ করে থাকা হ'বে না। গাড়ীতে সঙ্গীতের রাগ-রাগিণী তখন পূর্ণমাত্রায় চলেছে। কি আবার আরম্ভ করব ভাবছি, এমন সময় হঠাৎ বিজয়বাবুর ছই চরণ মনে পড়ে গেল। আমিও আরম্ভ করলাম—

“কি সুখে ডাকরে পাখী  
ছপুরের রোদে,  
ধাম তুমি বাছা মোর  
খেতে দিব বোদে।”

ছই লাইন গান—এক সুরে অনেক-  
কণ গাওয়া যায় না। সেইজন্য আমি  
সব সুরেই ছই একবার গাহিতে  
লাগলাম।



ঋষির পল্লী ( সম্মুখে পুরাতন স্বাস্থ্য নিবাস )

এইখানে খানাপিনার ব্যবস্থা আছে। ডাক ও তার আফিসও নূতন খোলা হ'য়েছে। এখানে গাড়ী প্রায় ১৫।২০ মিনিট দাঁড়ায়। ছই একটা লেমোনেড খেয়ে একটু এদিক-সেদিক বেড়ান গেল। একটু পরেই আবার গাড়ী ছাড়ল।

Nongpoh ছেড়ে খানিকটা যাওয়ার পর ইংরাজিতে যাকে বলে Zigzag Road—সেই রকম আঁকা-বাঁকা রাস্তা আরম্ভ হ'ল। মোড়ে মোড়ে লেখা “Caution Z”। চড়াইও আগেকার চেয়ে বেশী। রাস্তার এক দিকে পাহাড়, আর এক দিকে ১০০।১৫০ ফুট পাহাড়ের ঢাল নেমে গিয়েছে। নির্ঝরের ঝর্ঝর্ তানে বাতাসের শব্দ শব্দ সুর দিচ্ছে। তার মধ্যে এদিক-সেদিক থেকে ছই একটা পাখীর আওয়াজ এ'সে সে তাল কেটে দিচ্ছে। মাঝে মাঝে আবার আমাদের সারথি মালা শিং তাঁর গুরুগম্ভীর সুরে সেই সুরে সুর মিলাচ্ছেন। এর মধ্যে হঠাৎ একটা নূতন সুর কাণে গেল। ফিরে দেখি, আমার দাদা ভৈরবী আলাপ আরম্ভ করেছেন। ঈমান শৈ--ও আবার তাঁর সঙ্গে যোগ দিবার মতলব করছেন। নাঃ! আর থাকা গেল না। এ সময় চুপ করে থাকা নেহাৎ গম্ভীর চিহ্ন। আমিও আন্তে আন্তে মীরা-বাইরের “মেরে গিরিধর গোপাল, হসরণ কোই” আরম্ভ




পর্বতের প্রাকৃতিক দৃশ্য

গাহিতে গাহিতে Umranএ এ'সে উপস্থিত। তখন বেলা প্রায় ৫টা। এখানে ভয়ানক বৃষ্টি আরম্ভ হ'ল। দৃশ্য

দেখা হুৱে থাকুক সকলোৰ গান বন্ধ হ'ৱে গেল। একেবাৰে  
ঝমঝম বৃষ্টি। হুড লাগিয়ে দিৱে কোন বকমে বৃষ্টিৰ হাত  
থেকে বাঁচা গেল। কিন্তু যে বকম চটপট শব্দ হ'ছিল,

বৰপানিৰ ছোট সেতুটা পায় হওৱাৰ সৰ্কে সৰ্কে আমাৰ  
নেড়া পাহাড়েৰ দেশ ছেড়ে পাইনেৰ ৰাজস্ব দুক্লাম। এখন  
বেদিকে চাই সেইদিকেই পাইন। তখন বেশ হাওয়া  
দিছিল। হাওয়াতে পাইনেৰ শন শন  
গীত বেশ সুমধুৰ লাগিছিল।



“নীল আকাশ এবং ধূসৰ পৃথিৱী, আৰ  
তা'ৰই মাঝখানে একটা সন্দীহীন গৃহহীন  
অসীম সন্ধ্যা,—মনে হয় যেন একটা সোনাৰ  
চেলিপৰা বধু অনন্ত পাহাড়েৰ মধ্য মাথায়  
একটুখানি ঘোমটা টেনে একলা চলেছে;  
ধীৰে ধীৰে কত সহস্ৰ গ্ৰাম নদী প্ৰান্তৰ  
পৰ্বত নগৰ বনেৰ উপৰ দিৱে যুগ-  
যুগান্তেৰ কাল সমস্ত পৃথিৱীমণ্ডলকে  
একাকিনী স্নান নেত্ৰে মৌনমুখে শ্ৰান্তপদে  
প্ৰদক্ষিণ ক'ৱে আসছে।”

খানিয়াদেৰ ধুমুৰ্বিষ্ঠায় প্ৰতিযোগিতা


তা'তে হুড ফুটো হ'ৱে যা'বাৰ একটু আশঙ্কা হ'য়েছিল।  
প্ৰায় চাৰ মাইল যাওৱাৰ পৰ বৃষ্টি থামল। মালা শিং গাড়ী  
খানিয়ে পাশেৰ পৰ্দা খুলে দিল। চাৰিদিকে চেয়ে দেখি  
প্ৰকৃতিৰ ছবি বদলে গেছে। আৰ সে নিবিড়  
অরণ্য নাই। চাৰিদিকে তৃণাচ্ছাদিত পাহাড়।  
কোনটাৰ গাৰ মেঘ জড়িয়ে আছে; কাহাৰও  
বা মাথাটা মেঘে ঢাকা, আৰ সেই পাহাড়েৰ;  
মধ্য দিৱে লাল ৰাস্তা চলেছে। পাহাড়-  
গুলিৰ উপৰ বৃষ্টি হ'ৱে গেছে। তাৰে  
গা দিৱে টিপ, টিপ, কৰে জল বৰুছে।

খানিকটা পৰে আমাৰ বৰপানি ব'লে  
একটা জায়গা আছে সেইখানে এ'লাম।  
এখানে মোটৰেৰ খামবাৰ কথা নাই বটে,  
কিন্তু চালকৰা হুই এক মিনিট এখানে  
দাঁড়ায়। বৰপানি একটা হুধেৰ আড়ত।  
এখান থেকে শিলংগে হুধ, ঘি, মাখন ইত্যাদি

যায়। মোটৰেৰ এৰ ৰাস্তা দিৱে শিলংগে গেলে ৯ মাইলেৰ  
পথ। কিন্তু ওমেশেৰ লোকেৰা পাহাড়েৰ উপৰ দিয়া অনেক  
পাকডাতী কৰে নেয়।

সন্ধ্যাৰ ছায়া ধীৰে ধীৰে পৃথিৱীৰ উপৰ

ছড়াতে লাগল। পাহাড়গুলি কাল কাল হ'ৱে গেল। পশ্চিম  
দিকেৰ উঁচু পাহাড়েৰ পিছন দিকটা ৰাজা হ'ৱে উঠল।  
গাড়ী শিলংগেৰ St Carrierএ এ'সে দাঁড়াল।



উপত্যকাৰ মাঝে

টাইম-কিপাৰ বাবুৰ সহি নিৱে আমাৰ শিলংগেৰ মধ্য  
দিৱে চললাম। এক বছৰ কেটে গেছে, কিন্তু বিশেষ কিছু  
পৰিবৰ্তন দেখলাম না। চাৰিদিক দেখতে লাগলাম,

আর পুরান স্মৃতি সব আবার মনে জেগে উঠতে শুরু বেথা হ'ল। মনের আকাঙ্ক্ষা সকলে কাঙ্ক্ষী লাগল।

গোধূলি যায় যায়, রাত্রির তিমির পৃথিবীকে ঘুরে

শিলংয়ের দৃশ্যের বর্ণনা করে কথাটা শেষ করলেই ভাল



হোতো; কিন্তু আমি কবি নই, সুতরাং কাব্য করা আমার দ্বারা পুথিতে উঠবে না। এক জা মিনের পর হাত-পা ছড়িয়ে পাহাড়ের মধ্যে বিস্ময় করতে এসেছিলাম; এখানে এসে তাই করছি। দ্বারা তবুও শিলংয়ের কিছু দেখতে চান, তাঁরা, এই লেখাটির সঙ্গে যে সব ছবি দিলাম, তাই দেখে শিলংয়ের পরিচয় নেবেন। তাতেও তাঁদের মন উঠবে না, তাঁরা একবার আলস্য ত্যাগ করে এই পুস্তকের বন্ধে শিলং পাহাড়টা দেখেই আনন্দ না—এই ত কাঙ্ক্ষী।

বাজারের দৃশ্য

: আর এ উপলক্ষে যা ব্যয় হবে, শিলংয়ের

অচেতন করে করে, এমন সময় গাড়ী শিলং স্টেশনে প্রাকৃতিক দৃশ্য দেখে তা যে পুথিতে যাবে, এ কথা আমি এ'সে দাঁড়াল। অনেক দিনের পর আবার সকলের নিঃসঙ্কোচে ব'লে দিতে পারি।

## দাক্ষিণাত্য

মনোমোহন গঙ্গোপাধ্যায় বি-ই

১৯১৫ আকের জুলাই মাসে যখন দাক্ষিণাত্য-ভ্রমণের জন্য আন্ধার-স্বভনের নিকট বিদায় প্রার্থনা করি, তখন, ভারতের প্রাচীন কীর্তিগুলির ইতিহাসোচ্চারের তীব্র ও উৎকট বাসনা মনকে একটুও চঞ্চল হইতে দেয় নাই। তখন কই দিনের গুপ্তবাসনা সার্থকতা লাভ করিবে এই চিন্তার মন হর্ষগর্ভকরে প্রকুল ছিল। শুধু প্রাচীন কীর্তিগুলি ও ভারতের বিরাট জাতিকে দেখিব, এই বাসনা মইরা গৃহ হইতে বাহির হইরা-ছিলাম; স্বর্ণধনি যে দেখিতে যাইব এ বাসনা কণেকের জন্ত মনে স্থান পায় নাই। স্বর্ণের উপর আমি চিরকালই বিগতভূত, বা স্বর্ণ আমার উপর চিরকালই বিমুখ। এই

কাকন-কৌলৌস্তের দিনে এ কথা ব্যক্ত করা বিবেচকের কার্য নহে। কাকনের সহিত কামিনীর চিন্তাও মন হইতে দূরে পলাইয়াছিল; কেন না, বাজা করিবার সময় বা পূর্বে সকলকে প্রণাম আলিঙ্গন করিয়া একজনের সহিত সাক্ষাৎ করি নাই। যাহা হউক, তৎকাল বিশেষ গল্পনা সহ করিতে হয় নাই। কেন না, শুনিয়াছি যে, আমি এক বিকৃত-কৃষ্টি-সম্পন্ন, নীরস, কবিত্বহীন, "বিটুকল" মানুষ; সুতরাং আমাকে কিছু বলিয়া কোন লাভ নাই। কিন্তু কেহ যদি সে সময় আমার হৃদয় পরীক্ষা করিতেন, তাহা হইলে তিনি নিশ্চয়ই দেখিতেন যে, কবিদের একটা ঐকতানিক প্রবাহে



আমার কোণার আসাইরা লইয়া গিয়াছে। স্বাভাবিক, কবি হইলে আমি নিশ্চয়ই বলিতাম,

“দক্ষিণ পক্ষ

‘সেদিন আগারেরছিল চকম পললে

সোর কুলকম ;

সুখরিত-চারিদিক

গগনে উঠেছিল পিক,

বয়ান মুকুল বিরি ছিল অবিহার

মধুপ রুকার,

হে প্রিয় আমার।”

কবির প্রিয় কে তাহা জানি না ; আমার প্রিয়ের পরিচয় জানিবার আবশ্যকতা নাই। সাধমা ভিন্ন শুধু পরিচয়ে কোন কল নাই।

সে বাহা হটক, দুই মাস কাল স্বাভাবিকতার বহু স্থান ভ্রমণ করিয়া স্বাভাবিকতার রামকৃষ্ণ মিশনের মঠে ফিরিয়া আসিয়া শিব-সমুদ্রের জলপ্রপাত ও বৈজ্ঞানিক কারখানা দেখিয়া আসিলাম। সেখানে বন্ধুবর শিল্পী জী—বাবুর সহিত দেখা ; তাঁহাকে লইয়া এখানে কোলাজের স্বর্ণখনি দেখিতে যাত্রা করা গেল।

কোলাজে যাইবার জন্ত স্বামী বিজ্ঞানজ্ঞকে বন্দোবস্ত করিতে অস্বীকার করিয়াছিল। তিনি কো-অপারেটিভ ক্রেডিট সোসাইটির রেজিষ্টার (Registrar, Co-operative Credit Societies) তাঁহাদের জন্ত বিঃ নারায়ণ আয়াকারকে জানাইলেন ; আয়াকার মহাশয় চিঠি লিখিলেন ও তারযোগে সমস্ত বন্দোবস্ত করিয়া দিলেন। সে সময় সকলকে দেখিবার অস্বীকার দিত না ; এবং ঐহাদিগকে দেখিবার অধেশ দেওয়া হইত, তাঁহাদিগের নিকট ৫ টাকা কি লওয়া হইত। ইহা War-fundএ জমা হইত। এ কথা মন্দ নয়।

নারায়ণ আয়াকার মহাশয় মহীশূর মহাজনী ষোল-কার-বার-সমূহের রেজিষ্টার। ইহার পূর্বে ইনি সুবন্ধুর গৃহশিক্ষক ছিলেন। ইনি তেপুটি কমিশনার বা জেলার ম্যাজিস্ট্রেটের সহকারী কর্মচারী। ইহার প্রতিপত্তি যথেষ্ট। মাহুবাটা যেন স্বাভাবিকের দ্বিগুণেই তৈরী ; sentiment বা শূন্যতা তাহের বহু ধার ধারেন না ; ইনি স্বামী বিবেকানন্দের বিশেষ ভক্ত। ইহারই অগ্রগণ্যে আমাদের কোলাজে যাইয়া

খনি কর্মচারীর বিশ্রাম ও আহার করিবার সমস্ত বন্দোবস্ত টিক হইয়াছিল ; না বলিয়া আমাদের ছ’জনের কিও তিনি পূর্বেই জমা দিয়াছিলেন। অথচ আমরা তাহা ফিরাইয়া দিয়াছিলাম। অপরের জন্ত একশ সুবিধা বহু কেহ করিয়া দেন না। আমার সঙ্গে স্বামী অধিকানন্দেরও যাইবার কথা ছিল ; তাঁহার শরীর অসুস্থ হওয়ার তিনি যাইলেন না। এদিকে বন্ধুবর নী-বাবুও যাইতে ইচ্ছুক। আমরা ছ’জনে যাত্রা করিলাম।

কোলাজে যাইতে হইলে মাজাজের লাইনে বাউরিংপেট (Bouringpet) পর্যন্ত যাইয়া গাড়ি বদল করিতে হয়। সেখান হইতে খনির দিকে এক লাইন গিয়াছে ; ইহা দৈর্ঘ্যে ১০ মাইল। বাউরিংপেটে দেখি যে Co-operative Credit Societyর একজন ইন্সপেক্টর আমাদের অধ্যয়ন করিয়া লইতে আসিয়াছেন। তিনি স্বামী অধিকানন্দকে না দেখিয়া বিশেষ চুঃখিত হইলেন। এ দেশের লোকে রামকৃষ্ণ মিশন সংক্রান্ত সাধুদের বড়ই শ্রদ্ধাভক্তি করে। শুধু সচরিত্রের জন্ত ইহাদিগকে ভক্তি না করিয়া থাকা যায় না ; ধর্মের কথা ছাড়িয়া দিলে ইহাদের চরিত্র-মাধুর্য্যে মুগ্ধ হয় না এমন লোক বিরল। ইন্সপেক্টর মহাশয় আমাদের প্রাতরাশের জন্ত যথেষ্ট খারাবুদি, লাডু, নান্দাটাইর মত কিছুট আনিয়াছেন। খারাবুদি বড় উপাদের ; ইহা লবণ-স্বাদবৃত্ত বোধের মত মিষ্ট। ইনি ঘটপূর্ণ করিয়া উত্তপ্ত করিয়া লইলেন। আমরা গাড়িতে আহার করিতে করিতে খনিস্থান বা Mining Districtএ আসিয়া পহুছিলাম। লাইনের দুই পার্শ্বে মাঝে মাঝে Hoisting Machine বা মাহুবা বা ধাতু-প্রস্তুতকারী খাঁচা বা বাস উঠাইবার ও নামাইবার কল দেখা গেল। কুলিদিগের বাসস্থানগুলি কেমন শ্রেণীবদ্ধভাবে অবস্থিত রহিয়াছে দেখা গেল ; কিন্তু এগুলি দৈত্যের ভাব জাগন করিতেছে। খনিস্থ কর্মচারী-গুলির বাসস্থান, গির্জাগৃহ, গুণ্ডালয় সমস্তই নরনগোচর হইল। রেল লাইনের দুই পার্শ্বে উচ্চ মৃত্তিকা-স্তূপ দেখা গেল। এগুলি হইতে রাসায়নিক প্রক্রিয়ার সাহায্যে স্বর্ণ বাহির করিয়া লওয়া হইয়াছে। এগুলি কেহ লইয়া যাইতে পারে না ; লওয়া আইন-বিরুদ্ধ ; কেন না, স্বর্ণখনির পরিচালকেরা আশা করিতেছেন যে, রসায়ন-শাস্ত্রের আরও উন্নতি হইলে, মৃত্তক আবিষ্কার সাহায্যে এই মৃত্তিকা-স্তূপ হইতে

আসক্ত বর্ণাবশেষ উদ্ধার করা যাইবে। বাস্তবিক এই প্রকার আশা-প্রণোদিত না হইলে বৈজ্ঞানিক বা ব্যবসায়ীর এক দণ্ড চলে না। পরবর্তী টেসন হইতে যুরোপীয় ও যুরেশীয় বালক-বালিকারা আমাদের গাড়ি পূর্ণ করিয়া দিল। ইহার Champion Ref Stationএর বিভাগে পড়িতে যাইতেছিল। আমাদের গাড়িটা যেন পাঁচ ফুলের সাজী; বালকবালিকাগুলির বেশ ভূষা ও গাত্র-বর্ণের মধ্যে এক মনোহর বিচিত্রতা বর্তমান। তুষার-শুভ্র বর্ণ হইতে কৃষ্ণবর্ণের নানা শ্রেণীর বালক-বালিকা কেমন উচ্চ হস্ত ও গল্পে সমস্ত গাড়িটাকে মুখরিত করিয়া চলিতেছে; তাহাদের সঙ্গে তাহাদের কিশোরী ভগ্নীরাও বিভাগে চলিতেছে। বোধ হইতেছিল যেন মেঘযুথের সঙ্গে মেঘপালক রহিয়াছে। বাস্তবিক বালকবালিকাগুলির স্মিতহাস্তে কোন বিদ্রোহের ভাব নাই; তাহারা মেঘের স্তায়ই নিরীহ প্রকৃতি; কিন্তু ভারত-বর্ষের কেমন জলবায়ুর দোষ যে, এই কিশোরীগুলির ভাবে, ভাবায়, ইচ্ছিতে ভবিষ্যৎ জীবনের বিদ্রোহ যেন অঙ্কুরিত ও পল্লবিত হইয়া উঠিয়াছে। ভাবিতেছিলাম—কেমন এমন হয়! আমাদের পথপ্রদর্শক বন্ধুটি বালকদিগকে বিস্কুট খাইতে দিলেন। তাহারাও অগ্নানচিন্তে ও বেশ আনন্দের সহিত সেগুলি নিঃশেষ করিয়া দিল। এরা আমাদের দেশের ছেলেদের মত লাজুক নহে, এবং প্রাণস্পন্দন মস্তকের কেশাগ্র হইতে পদের নখাগ্র পর্যন্ত বেশ স্পষ্ট প্রতীয়মান হয়।

আমাদের গন্তব্য টেসনটি লাইনের সর্বশেষে। পহুঁছিয়া দেখি যে, টেসনে সহকারী খনিপরিদর্শক মহাশয় আমাদের অভির্থনার জন্ত অপেক্ষা করিতেছেন। ইহার নাম মিষ্টার সূর্যানারায়ণ রাও। মাঝুটি বেশ সাধাসিধে ও ভদ্র-স্বভাব। সর্বাপেক্ষা উত্তম ও নিরাপদ খনিতে আমাদের লইয়া চলিলেন। ইহার নাম মাইসোর মাইন ( Mysore Mine )। এই বন্দোবস্ত হইল যে, প্রথমেই খাদের কার্য দেখিয়া আহালাদির পর স্বর্ণ নিষ্কাশনের প্রক্রিয়া দেখিতে যাইব। এক এক খনির মধ্যে অনেকগুলি খাদ বা shaft আছে। সর্বোত্তম খাদ দিয়া নামিবার বন্দোবস্ত হইল; ইহার নাম এড্‌গারস্ সাক্ট ( Edgar's shaft )। কিন্তু যখন শুনিলাম যে, দুই বৎসর পূর্বে নামিবার সময় এই খাদে এক সঙ্গে ৪২ জন লোকের শোচনীয় মৃত্যু হইয়াছিল, তখন মনে ভয়ের

সংকার হইল, এ কথা গোপন করিলে চলিবে না। এই খাদের গভীরতা প্রায় ৪,০০০ ফিট। আমরা সার্ক্‌স্ ফিসহল্ ফিট্ নিয়ে যাইব, এই স্থির হইল।

আমরা এঞ্জিন-ঘরের নিকটবর্তী হইলে মিঃ সূর্যানারায়ণ রাও খাদের তত্ত্বাবধায়ক একজন যুরোপীয় এঞ্জিনিয়ারের হস্তে আমাদের সঁপিয়া দিলেন। আমার মনে তখন Edgar shaftএর ভয় ছিল; সেই জন্ত মিঃ রাওকে আমাদের সঙ্গে থাকিতে বলিলাম। তিনি বলিলেন, “ভয়ের কোন কারণ নাই। তবে যখন বলিতেছেন, চলুন, একসঙ্গে খাদের মধ্যে যাওয়া যাক্।” তাঁহাকে অসুরোধ করা হইল যে, আমরা যে খাঁচার নামিব, তাহাতে যেন অধিক লোককে অবতরণ করিতে না দেওয়া হয়। এঞ্জিনিয়ার সাহেব অতিশয় ভদ্র; বলিলেন, সেজন্ত ভাবিবেন না। আমাদের স্তায় দর্শক থাকিলে খাঁচা ধীরে ধীরে নামাইবার আদেশ আছে। তিনি এঞ্জিন-চালককে বলিয়া দিলেন, যেন অতিশয় বেগে এঞ্জিন চালান না হয়। এঞ্জিনিয়ার মহাশয় অল্প ও মৃহলাঘী এবং ধীর। তিনি আকৃতিতে শালপ্রাণ্ড; মহাভূজ; কিন্তু বৃষক্ক নহেন। তাঁহার পরিচ্ছদ ঠিক শ্রমজীবী কুলীর স্তায়; মস্তকে এক প্রকার বিচিত্র টুপী, হস্তে এক এসিটিলিন লঠন।

আমরা খাঁচার উঠিলাম। ইহা দ্বিতল। প্রত্যেক তলে ২৫টি করিয়া লোক ধরে। মিঃ রাওকে লইয়া আমরা চারিজন লোক নামিলাম। এঞ্জিনিয়ার সাহেব অবতরণ করিবার পূর্বে খাঁচার দ্বারটি বন্ধ করিয়া দিলেন এবং ঘরের বিপরীত ধারে দাঁড়াইতে বলিলেন। প্রথমে শরীর খুব শিহরিয়া উঠিল; পা একটু ফাঁক করিয়া দাঁড়াইলে শিহরণের ভাবটা একটু অল্প বোধ হয়; তাহার পর আর সে ভাব রহিল না, নোধ হইল উপরে উঠিতেছি। জিজ্ঞাসা করিলে, এঞ্জিনিয়ার সাহেব বলিলেন যে, আমরা ১২।১৪ মাইল বেগে নামিতেছি। খাদের ধারি বা দেওয়াল ইষ্টকে নিশ্চিত; আমাদের দিকে দৃষ্টি নিক্ষেপ করিতে নিষেধ করিয়া দেওয়া হইল; কেন না আপেক্ষিক গতির জন্ত আমরা যে অতিশয় বেগে অবতরণ করিতেছি। এরূপ মনে হইবে। আমরা প্রথমে দুই সহস্র ফিট নামিলে, এঞ্জিনিয়ার সাহেব খাঁচা নামাইয়া তাহার দ্বার খুলিলেন; আমরা সোজা পথে খনির মধ্যে প্রবেশ করিলাম।

এ স্থলে খনি-খনন ব্যাপারটা সংক্ষেপে বলিয়া রাখিলে ভাল হয়। খনি-খননের পূর্বে স্থানটিকে ভাল করিয়া পরীক্ষা করিয়া দেখা হয় যে, ব্যবসারে দাঁড়াইতে পারে এরূপ মূল্যের ধাতু-প্রস্তর-বা Ore আছে কি না, এবং কত নীচে আছে ইত্যাদি। এই পরীক্ষার নাম prospecting। এই পরীক্ষার ধাতু-প্রস্তরবাহী স্তর কোন্ দিকে, কিরূপ ভাবে প্রসারিত তাহার একটা নক্সা প্রস্তুত করা হয়। পরে খাদ খনন আরম্ভ করা হয়। ব্ল্যাষ্টিং (blasting) বা বারুদ বা বিস্ফোরক দ্বারা পর্তত ভাঙ্গিয়া পথ করিয়া দেওয়া হইলে, প্রস্তরগুলিকে কাটিয়া বাহির করিতে হয়। কাটিতে কাটিতে, জল প্রায়ই উৎসাকারে বহিতে থাকে—দেখা যায়। কতদূর ও উচ্চ প্রদেশ হইতে পৃথিবীর অভ্যন্তরে বাহিয়া আসিতে আসিতে খাল পাইলেই জল বাহির হইয়া পড়ে। সেইজন্য খনন করিবার সময় পাম্প (pump) ব্যবহার করিয়া জল তুলিয়া ফেলিতে হয়। পাছে খাদের পার্শ্বদেশ ধ্বসিয়া পড়ে, তৎকাল কাঠের তক্তা প্রভৃতি দ্বারা ইহার গাত্র বাঁধিয়া দেওয়া হয়। ইহার পরিভাষা timbering; যাহারা এই কার্য করে তাহাদের নাম timber-men। তৎপরে কাঠগুলি আস্তে আস্তে সরাইয়া ইষ্টক দ্বারা গাঁথিয়া দেওয়া হয়। ইহাকে brick lining বলে। দেওয়ালের গাঁত্রে মাঝে মাঝে ক্ষুদ্র ক্ষুদ্র গর্ত রাখা হয়; তথা হইতে ঝির ঝির করিয়া জল প্রবাহিত হয়। সঞ্চিত জল দ্বারা পাছে কোন স্থান ধ্বসিয়া যায়, বা আর কোন অনিষ্ট সাধিত হয়, এই জন্য এই সব গর্ত রাখিবার ব্যবস্থা। আমাদের সহযাত্রী এঞ্জিনিয়ারকে জিজ্ঞাসা করিয়া অবগত হইলাম যে, প্রত্যেক ফুট খাদ খনন করিতে ও ইষ্টকের ধারি বাঁধিতে ধরচ ২০ পাউণ্ড বা ৩০০ টাকা; ইহা ১৯১৫ অব্দে। এখনকার ধরচ ইহার অনেক অধিক। আমরা যে খাদটিতে অবতরণ করিয়াছিলাম তাহা ৪০০০ ফিট গভীর। সুতরাং একটা খাদ খননে কত টাকা যে ব্যয়িত হইয়াছে, তাহা সহজেই অনুমান করা যাইতে পারে।

খাদের ভিন্ন ভিন্ন তল হইতে ইহার সহিত সমকোণ করিয়া সমপৃষ্ঠ বা horizontal খাদ কাটা হয়; ইহাদের নাম cross cut। প্রত্যেক cross cutএর নম্বর আছে। ইহার যেন খনির এক একটি তল বিশেষ। Edgar shaftএ ৫২টি তল আছে। ধরাপৃষ্ঠ বা উপর হইতে প্রত্যেক

cross cutএর সহিত টেলিফোন ও বৈদ্যুতিক সঙ্কেতের বন্দোবস্ত আছে। প্রত্যেক cross cutএর মুখের কাছে এক একটি দ্বার আছে। দ্বারদেশের সম্মুখে খাঁচা বামিলেই দ্বার খুলিয়া দেওয়া হয়। তখন খাঁচা হইতে লোকজন প্রবেশ করে। Cross cut হইতে উপরে টেলিফোন করিলে খাঁচা উপরে উঠে বা নীচে নামে; একটুকুও ভুল-ভ্রান্তির সম্ভাবনা নাই। প্রত্যেক cross cutএ এক একজন কর্মচারী আছেন; ইহার উপর বা নীচের সহিত যোগাযোগ নিয়ন্ত্রিত করিতেছেন। এক একটি cross cut হইতে নানাদিকে সঙ্কীর্ণ পথ গিয়াছে; ইহাদের নাম গ্যালারি (gallery)। গ্যালারির উপর লাইন পাতা; ইহার উপর দিয়া মাল বোঝাই গাড়ি বা truckগুলি কুলীরা ঠেলিয়া লইয়া যায়।

গ্যালারিগুলির ভিতর বেশ সোজা হইয়া হাঁটিয়া যাইতে পারা গেল। গিরিডির কয়লার খনি সন্দর্শন করিবার সময়, মনে আছে, আমাদের নীচু হইয়া যাইতে হইয়াছিল। গ্যালারিগুলিতে প্রায়শঃ বৈদ্যুতিক আলোর বন্দোবস্ত আছে। অনেক নূতন গ্যালারিতে আলোকের বন্দোবস্ত ছিল না বলিয়া এঞ্জিনিয়ার সাহেব আমাদের হস্তে বর্ষিকা দিলেন। দেখিলাম, গ্যালারিগুলি আঁকিয়া বাঁকিয়া গিয়াছে। দুই তলের cross cutএর মধ্যে তির্যক ভাবে খাদ কাটা হয়। এই খাদগুলিতে মাল কাটিয়া ফেলিয়া দেওয়া হয়; ইহার গড়াইয়া গড়াইয়া নীচের লাইনে অবস্থিত ট্রাকে গিয়া পড়ে। ইহার আর একটি প্রয়োজনীয়তা আছে; খাঁচার করিয়া এক cross cut হইতে অপর cross cutএ যাইতে সময় লাগে ও অশ্রান্ত কার্যের অসুবিধা হয়; এই জন্য কুলীরা এই সকল তির্যক পথে নাচেকার cross cut হইতে উপরকার cross cutএ যাতায়াত করে। ভিতরে উত্তাপের আধিক্য বলিয়া যন্ত্রের সাহায্যে বায়ু সঞ্চালনের সুবিধা করিয়া দেওয়া হয়। শুনিলাম যে উত্তাপ বশতঃ কুলীদিগের পান করিবার জলে বরফ দেওয়া হয়। ভিতরের তাপ এত অধিক যে, জল ইহাতে বিশেষ শীতল হয় না।

খনির উপর ভূমি-পৃষ্ঠে রেলপাতা আছে। খাদের ভিতর হইতে ধাতু-প্রস্তর তোলা হইলে, ট্রাকে করিয়া সেগুলিকে যেখানে ভাঙা হয় সেইখানে লইয়া যাওয়া যায়। প্রস্তর-গুলিকে শেবণ-যন্ত্র বা crusher দ্বারা ক্ষুদ্র ক্ষুদ্র আকারে

ভাঙ্গিয়া ফেলা হয় ; তাহার পর সেগুলিকে একটি বাটীতে লইয়া যাওয়া হয় । এখানে খুব মিহিভাবে ভাঙ্গিয়া দেওয়া হইলে প্রবাহিত জল দ্বারা এই প্রস্তর-ধূলিগুলি তির্ধ্যাকভাবে অবস্থিত এক তাম্র-ফলকের উপর পতিত হয় । এই ফলকের উপর পারদের প্রলেপ থাকে । ইহার সাহায্যে পূর্কোক্ত পিষ্ট প্রস্তর-ধূলি হইতে স্বর্ণ আকৃষ্ট হইয়া পারদের প্রলেপযুক্ত তাম্রফলকে আটকাইয়া যায়, এবং ধূলি-মিশ্রিত জল নীচে গিয়া পড়ে । পূর্কোক্ত প্রক্রিয়ায় সমস্ত স্বর্ণ নিষ্কাশিত হয় না বলিয়া ধূলি-মিশ্রিত জল তাম্রফলক হইতে নীচে নামিয়া পড়িবার সময় একখণ্ড কয়লা, চর্শ্ব বা এই প্রকারের কোন বস্তুর উপর দিয়া প্রবাহিত হয় ; ইহা দ্বারা অবশিষ্ট স্বর্ণের বৃহৎশক্তি কয়লাদিতে আটকাইয়া যায় । শতকরা প্রায় ৭০ অংশ হইতে ৮০ অংশ স্বর্ণ নিষ্কাশিত হয় ; অবশিষ্ট ২০ হইতে ৩০ অংশ ধূলি-মিশ্রিত জলের সহিত প্রবাহিত হইয়া পয়ঃ-প্রণালী দিয়া প্রকাণ্ড জলাধারে পতিত হয় । অনেকগুলি পরস্পর-সংযুক্ত জলাধার শ্রেণীবদ্ধ ভাবে অবস্থিত । সর্বপ্রথম জলাধারে বৃহৎ স্বর্ণকণা থিতাইয়া পড়ে । এই বৃহৎ কণাগুলির নাম tailings । পরবর্তী জলাধারগুলিতে খুব মিহি স্বর্ণকণা-মিশ্রিত ধূলি বা কর্দম থিতায় ; ইহার নাম battery slimes ; এগুলিরও tailings হইতে রাসায়নিক প্রক্রিয়ায় স্বর্ণ বাহির করা হয় । কাঠের জলাধারের মধ্যে এক থাকে পাট বা নারিকেল দড়ির মাহুর বিস্তৃত করিয়া রাখা হয় । পূর্কোক্ত ধূলি বা কর্দমযুক্ত জল তাহার উপর ঢালিয়া দেওয়া হয় ; জলাধারে পটাসিয়াম সায়ানাইড মিশ্রিত জল থাকে । জলাধারটিতে সায়ানাইড মিশ্রিত কর্দম থিতাইলে জল বাহির করিয়া দেওয়া হয় এবং কর্দম-গুলিকে আর এক পাত্রে লইয়া যাওয়া হয় । এই অবস্থায় পটাসিয়াম সায়ানাইড ও স্বর্ণে যে যৌগিক পদার্থ উৎপন্ন হয়, তাহার রাসায়নিক নাম Double cyanide of gold and potassium ( Au K Cy ) । ইহা হইতে দস্তার সাহায্যে স্বর্ণ নিষ্কাশিত করা হয় । যাহা অবশিষ্ট থাকে তাহাতেও কিছু স্বর্ণ থাকে ; সমস্ত স্বর্ণ বাহির করিতে পারা যায় না । এই অবশিষ্ট স্বর্ণ-মিশ্রিত ধূলির স্তূপ কোলারে আসিবার সময় লাইনের পার্শ্বে দেখিয়াছিলাম বলিয়াছি ।

যখন আমরা স্বর্ণ নিষ্কাশিত করিবার ঘরে পৌঁছিলাম,

তখন এত ভয়ানক শব্দ শ্রুত হইতেছিল যে, কর্ণ বধির হইয়া যায় । বাস্তবিক ভিতরে গিয়া দেখিলাম যে, যে-সব যুরোপীয় বিশেষজ্ঞেরা এক একটি তাম্র-ফলকের সম্মুখে দাঁড়াইয়া কার্য পরিদর্শন করিতেছেন, তাঁহারা পাছে বধির হইয়া যান, এইজন্ত কর্ণে তুলা দিয়াছেন ও কর্ণের চারিদিক বাধা রহিয়াছে । এ ঘরে যুরোপীয় ভিন্ন অল্প কাহাকেও কার্য করিতে দেওয়া হয় না । “আমাদিগকে বাহিরে অপেক্ষা করিতে হইল ; অনুমতি-পত্র পাইলে ভিতরে যাইতে পারা গেল ।

স্বর্ণ নিষ্কাশন সম্বন্ধে অনেক কথা বলিবার আছে ; অতি সংক্ষেপে অবশ্য-জ্ঞাতব্য বিষয়গুলি বলা গেল । এক্ষণে কেহ যদি জানিতে চাহেন যে যথাক্রমে তাম্রফলকের সাহায্যে ও রাসায়নিক প্রক্রিয়ায় কত স্বর্ণ নিষ্কাশিত হয়, তাঁহার অবগতির জন্ত মহীশূর ভূতত্ত্ব-বিষয়ক রিপোর্ট হইতে নিম্নলিখিত বিবরণটি সঙ্কলিত করিয়া দিলাম । এ বিবরণটি ১৯১৪ অব্দের প্রথম ৬ মাসের । ঐ সময়ে ৫টী খনি হইতে নিম্নলিখিত পরিমাণ ও মূল্যের স্বর্ণ পাওয়া গিয়াছিল —

স্বর্ণের ওজন                      স্বর্ণের মূল্য

যন্ত্র সংযোগে প্রাপ্ত.....২,১৩,০৬৬ আউন্স ২০৫৬৫৮ পাউণ্ড  
রাসায়নিক প্রক্রিয়ায় প্রাপ্ত...৩৭,৮৩৫ ঐ ১৬৫০৪৯ পাউণ্ড

স্বর্ণের ধাতু-প্রস্তর বা ore সম্বন্ধে ২১টি কথা বলিয়া প্রসঙ্গান্তরের অবতারণা করিব । স্বর্ণ সাধারণতঃ অবিমিশ্র অবস্থায় প্রাপ্ত হওয়া যায় । মহীশূরের ধাতু-প্রস্তরে pyrites বা গন্ধক-মিশ্রিত যৌগিক পদার্থ বিশেষ বিরল । ইহা কোয়ার্টজ ( quartz ) প্রস্তর সহিত মিলিত অবস্থায় প্রাপ্ত হওয়া যায় ; প্রস্তরের মধ্যে স্বর্ণ চিক্‌চিক্‌ করিতেছে বেশ স্পষ্ট বুঝা যায় ।

মহীশূর রাজ্যের খনিজ সম্পৎ যথেষ্ট ; ইহার মধ্যে স্বর্ণই প্রধান । তন্মিলে অত্র, ম্যাঙ্গানিজ ( Manganese ), ম্যাগনেসাইট ( Magnesite ), তাম্র, লৌহ, এস্বেস্টস্ ( Asbestos ), কারাণ্ডাম্ ( Corundum ), ক্রোম্‌ধাতু-প্রস্তর ( Chrome Ore ) উল্লেখযোগ্য । রাজসরকারও এই সকল খনিজ পদার্থের পরীক্ষা ও ব্যবসায় হিসাবে যথেষ্ট উন্নতিবিধান করিয়াছেন, এবং অধিকতর উন্নতির চেষ্টায় আছেন । সম্প্রতি ( ২২শে অক্টোবর ) মহীশূরে যে প্রতিনিধি-সভা ( Representative Assembly ) আহূত

হইয়াছিল, তাহাতে দেওয়ান বাহাদুর রাজ্যের খনিজ সম্পদের বিষয় উল্লেখ করিয়া তাহা দ্বারা যে রাজ্যের আর্থিক অবস্থার বিশেষ উন্নতি হইয়াছে তাহা দেখাইয়াছেন। মহীশূর গবর্ন-মেন্টের তত্ত্বাবধানে এখন ঢালাই করিবার লৌহও (Pig iron) প্রস্তুত হইতেছে।

মহীশূর প্রদেশ প্রকৃতই স্বর্ণপ্রসূ। নানা বিলাতী কোম্পানীরা খনি জমা লইয়া স্বর্ণ বাহির করিতেছেন। ১৯১৩ অব্দে যে স্বর্ণ বা স্বর্ণের ইষ্টক তৈয়ার করা হইয়াছিল, তাহার মূল্য ৩ কোটি ২২ লক্ষ ৫২ সহস্র ৮৯৫ টাকা। রাজসরকার শতকরা প্রায় ৫ টাকা হারে খাজনা পাইয়াছেন; অর্থাৎ এই বৎসর তাঁহারা রাজস্ব হিসাবে পাইয়াছেন কেবলমাত্র ১৬ লক্ষ ১০ হাজার টাকা। এই সকল কোম্পানী ১৮৮২ অব্দ হইতে ১৯১২ অব্দ পর্য্যন্ত ৫৭ কোটি টাকার স্বর্ণ বিক্রয় করিয়াছেন এবং অংশীদারদিগকে ২২ কোটি ৭৮ লক্ষ টাকা লভ্যাংশ দিয়াছেন; লভ্যাংশের পরিমাণ ৪৭.৬; আর মহীশূর রাজসরকার—ঐহারা এই সকল খনির মালিক—ত্রিশ বৎসরে এই সকল কোম্পানীর নিকট খাজনা বা সেলামী হিসাবে পাইয়াছেন প্রায় তিন কোটি টাকা। আমি অনেক উচ্চ পদস্থ রাজকর্মচারীকে জিজ্ঞাসা করিলাম, সরকার হইতে খনি চালান হয় না কেন। তাঁহারা বলিলেন, অত টাকা সরকারের নাই। কিন্তু মহীশূর রাজ্যের খনি-সংক্রান্ত ১৯১৩—১৪ বৎসরের কার্য-বিবরণী বা Mining Report পাঠ করিয়া দেখিয়াছি যে, পরীক্ষা বা Prospecting সংক্রান্ত জমা বাদ দিয়া যে ১০টি খনির কার্য চলিতেছিল, তাহাদের মূলধন সর্বসাকল্যে ২ কোটি ২৭ লক্ষ টাকা, এবং এক বৎসরেই অর্থাৎ ১৯১৩ অব্দে এই সকল খনিতে ৩ কোটি ২২লক্ষ টাকার স্বর্ণ প্রস্তুত হইয়াছিল। সমগ্র মূলধন অপেক্ষা এক বৎসরের আয় অধিক। মহীশূর রাজ্যের আয় পূর্বোক্ত মূলধন অপেক্ষা অধিক হইলেও এবং রাজকোষে উদ্ধৃত অর্থ থাকিলেও, এত টাকা একেবারে বাহির করা অসম্ভব। কিন্তু কথা হইতেছে এই যে, সরকার অনায়াসে ৩ বা ৪টি খনি চালাইতে পারেন। এই প্রকারে অচিরেই সমস্ত খনিগুলি চালাইবার ক্ষমতা হইবে। মহীশূর-রাজ নিঃস্ব নহেন। কেন না, তাহা হইলে কাবেরী বাধিবার প্রস্তাবে হাত দিতেন না; ইহাতে ব্যয় হইয়াছে কোটি টাকার উপর। ইহারা আরও কত শত বড়-বড় ব্যাপারে

হস্তক্ষেপ করিয়াছেন। রাজ্যের এমন সুন্দর বন্দোবস্ত এবং বিভাগীয় কর্তারা এমন অভিজ্ঞ যে, ভারতের অধিকাংশ রাজ্যে যখন আয় অপেক্ষা ব্যয় অধিক, এমন কি ব্রিটিশগবর্ন-মেন্টেরও যখন এই অবস্থা, তখনও মহীশূর-রাজ্যে গত বৎসর ৩ লক্ষ টাকা উদ্ধৃত হইয়াছে। দেওয়ান বাহাদুর বলিয়াছেন যে, বর্ষারস্তে তাঁহারা আয়ব্যয় নির্ধারণ করিবার সময় অসুস্থমান করিয়াছিলেন, আয় অপেক্ষা ২২ লক্ষ টাকা অধিক ব্যয় হইবে। তাহা না হইয়া সরকারী তহবিলে টাকা উদ্ধৃত হইয়াছে। আয় হইয়াছিল ৩ কোটি ৩৩ লক্ষ টাকা, ব্যয় হইয়াছে ৩ কোটি ৩০ লক্ষ টাকা।

এই সকল কোম্পানী নির্দিষ্ট সময়ের জন্ম খনি জমা করেন; আমার বোধ হয় এই নির্দিষ্ট সময় অতীত হইবার পর জমার মেয়াদ বৃদ্ধি করা উচিত নয়। অবশ্য এ কথা বলা সহজ; কেন না, এই সকল কোম্পানীর কর্মকর্তারা বিলাতের খনী ও সম্ভ্রান্ত ব্যক্তি; কোনও কোনও অবসর-প্রাপ্ত রেসিডেন্টও কর্মকর্তা হইয়া বিলাত হইতে খনি চালাইতেছেন। ইহাতে রাজসরকার বা দেওয়ান বাহাদুরের নিজের ইচ্ছা কতটা বলবতী হইবে, তাহা বিশেষ সন্দেহের বিষয়। আমার কিন্তু এসব দেখিয়া বিশেষ কষ্ট হইল। এইসব দেখিলে আমার সেই প্রসিদ্ধ গীতটির নিম্নলিখিত কথা মাত্র মনে পড়ে :—

সারা শস্য গ্রাসে যত ছিল দেশে

দেশের লোকের ভাগ্যে খোসা, ভূষি শেষে।

ইহাতে আমাদেরই দোষ বোল আনা; আমাদের ব্যবসায় বা বিষয়বুদ্ধি আদৌ নাই, নৈতিক বলেরও অভাব। যৌথ কারবারের বিষয় না জানিলে এ সব কখনই কার্যে পরিণত করা যাইবে না।

পূর্বে যে ১০টি খনির কথা \* বলিলাম, তাহাদের মধ্যে একটি ভিন্ন সমস্তগুলিই বিলাতী। দেশী কোম্পানীর পরিচালিত খনিটির নাম Ahmed's Block। ইহার পরিচালক নিজামরাজ্যস্থ দুইজন মুসলমান। স্বত্ব লইয়া ইহাদের মধ্যে বিবাদ চলিতেছিল বলিয়া সমস্ত কার্য স্থগিত দেখিলাম। কোম্পানীটি বিলুপ্ত হইয়াছে বলিলেও চলে; ইতোমধ্যে খনিটিও জলে প্রায় পূর্ণ হইয়া গিয়াছে। আর

\* আমি যে সময় অর্থাৎ ১৯১৫ অব্দে মহীশূর বাই, সেই সময়েই আমার সমস্তব্যক্তি প্রযোজ্য।

একটি খনির নাম বেটারায়স্বামি ব্লক বা Betarayaswamy Block। ইহার মালিক পল্‌ নাইট এবং রবার্ট নাইট।

পূর্বেই বলিয়াছি যে, এই সকল কোম্পানীর মূলধন বিদেশ হইতে প্রাপ্ত, কর্মকর্তা বিদেশী; খনিগুলি যাহারা চালাইতেছেন সেই সকল এঞ্জিনিয়ারও যুরোপীয়। প্রস্-পেক্টিং বা পরীক্ষা কার্যের জন্য ২১ জন দেশী ভদ্রলোক জমা লইয়াছেন; ইহাদের একজনের নাম মিঃ ডি, শ্যামরাও।

কোলার হইতে কয়েক মাইল দূরে কাবেরী নদীতীরে শিবসমুদ্রম্ নামক গ্রাম হইতে কোলারের খনিসমূহের জন্য বৈদ্যুতিক শক্তি প্রেরণ করা হয়। ইহার জন্য রাজসরকার হইতে ফি বা মূল্য আদায় করা হয়, বৈদ্যুতিক শক্তি সরবরাহ করা খনিগুলি জমা দেওয়ার চুক্তিগুলির মধ্যে অন্ততম। শিবসমুদ্রমে কাবেরীর রুদ্ধ জলপ্রবাহ দ্বারা টারবাইন্ নামক “জলচক্র” যন্ত্র চালাইয়া ডাইনামো নামক তাড়িতশক্তি জননকারী যন্ত্রের দ্বারা বৈদ্যুতিকশক্তি উৎপন্ন করা হয়। আমি যে সময় কোলারের খনি দর্শন করিতে গিয়াছিলাম সে সময় তথায় ৮৩টি মোটর চলিত; ৭০টি দ্বারা আলোক উৎপাদন, যন্ত্রগলন প্রভৃতি কার্য এবং অবশিষ্ট ১৩টি দ্বারা খনির উত্তোলন প্রভৃতি কার্য নিষ্পন্ন হইত। ইহার জন্য যে শক্তি ব্যয়িত হইত তাহার পরিমাণ ৫৩০৯ হর্স পাওয়ার বা অশ্ববল, এবং ইহার জন্য যে বৈদ্যুতিক শক্তি ক্রীত হইত তাহার পরিমাণ ৪৯৫১৩১৯ মাত্রা বা বোর্ড অফ্ ট্রেড ইউনিট। কাবেরী নদীর বাঁধ বা ডামের (Dam) কার্য তখনও শেষ হয় নাই বলিয়া শিবসমুদ্রমে মার্চ হইতে জুনমাসের মধ্যে যথেষ্ট জলপ্রবাহ পাওয়া যাইত না; এইজন্য পর্যাপ্ত পরিমাণ তড়িৎশক্তিও উৎপন্ন করা যাইত না। ১৯১৪ অব্দের এপ্রিল মাসে কোলার খনিতে শিবসমুদ্রম্ হইতে যে শক্তি পাওয়া গিয়াছিল তাহাতে ছই সহস্রের অধিক হর্স পাওয়ার (2000 H. P.) বল উৎপন্ন করিতে পারা যায় নাই। কাবেরীর বাঁধ কার্য শেষ হইবার পূর্বেই শিবসমুদ্রম্ হইতে প্রায় ৯,০০০ হর্স পাওয়ার উৎপাদনকারী বৈদ্যুতিক শক্তি পাওয়া গিয়াছে। এখন ইহা অপেক্ষা অনেক অধিক শক্তি পাওয়া যায়; তাহার পরিমাণ আমি অবগত নহি।

রাজসরকার কোলার স্বর্ণধনিতে বৈদ্যুতিক শক্তি

সরবরাহ করার জন্য মাত্রা বা unit প্রতি গড়ে ৬ পরসী লইতেন; এখন বোধ হয় ইহা অপেক্ষা অনেক অল্প ফি লরেন। কলিকাতার এক্ষণে মাত্রা প্রতি ৪ আনা লওয়া হয়। আমার যতদূর স্মরণ আছে—১৯১৫ অব্দে কলিকাতার আলো ও পাখার জন্য মাত্রা বা unit প্রতি বর্ষাক্রমে ৮ ও ৪ আনা লওয়া হইত। অবশ্য যথাসময়ে মূল্য দিলে উপরিকথিত হারের সিকি অংশ হ্রাস (rebate) করিয়া দেওয়া হইত।:

এখানে বলিয়া রাখি যে ১৯১৫ অব্দে মহীশূরস্থ ব্যাঙ্গালোর নগরে বৈদ্যুতিক মাত্রার মূল্য দশ পরসী ধার্য ছিল। উপরিলিখিত হারে গণনা করিয়া দেখিলে বুঝা যায় যে, মহীশূর রাজসরকার কোলার স্বর্ণধনিতে বৈদ্যুতিক শক্তি সরবরাহ করার জন্য সাড়ে চারি লক্ষ টাকার অধিক আদায় করিয়াছেন।

আমি যে সময় কোলারে যাই সে সময় প্রায় ২৬ হাজার লোক খনি খনন, প্রস্তরোত্তোলন ইত্যাদি ব্যাপারে নিযুক্ত ছিল। ইহাদের মধ্যে ৫২৫ জন যুরোপীয়, ৩৩৬ জন এ দেশী ফিরিঙ্গী এবং অবশিষ্ট সমস্ত লোক এ দেশবাসী। এই ২৬ হাজার লোকের মধ্যে ১৫ হাজার লোক খনির মধ্যে কার্য করে, এবং অবশিষ্ট লোকেরা খনির উপরে বা Surface workএ নিযুক্ত। এতগুলি লোকের মধ্যে প্রায় ২৫০ জন লোক প্রত্যেক বৎসর গুরুতরভাবে আহত হইয়া বিকলাঙ্গ হইয়া যায়; প্রায় ৫০ জন লোক মৃত্যুমুখে পতিত হয়। আমি হিসাব করিয়া দেখিয়াছি যে, প্রত্যেক বার সহস্র লোকের মধ্যে ১০ জন গুরুতরভাবে আহত হয়। খনিতে পাথর কাটিবার সময় প্রস্তর পড়িয়া অনেকে আহত হয়। খনির মধ্যে অবরুদ্ধ বায়ুর আকস্মিক প্রসারণে প্রস্তর ভাঙিয়া খননকারীদিগের উপর পতিত হয়; ইহাতে সময় সময় তাহারা যে গুরু আহত হয় এমন নহে, অনেক সময় প্রস্তরখণ্ডে প্রোথিত হইয়া অনেকে জীবন্ত সন্মাদি লাভ করে। বিস্ফোরক বা explosive ব্যবহার করিবার সময়ও এই প্রকার বহু দুর্ঘটনা ঘটে।

১৯১৩ অব্দের মাঝামাঝি এড্‌গার শ্যাফ্ট (Edgar Shaft) নামক খনিতে এক বিষম দুর্ঘটনা ঘটিয়াছিল। এই খনিতেই আমরা নামিয়াছিলাম, সে কথা বলিয়াছি। দুর্ঘটনাটি কিরূপে ঘটিয়াছিল তাহার সংক্ষিপ্ত বিবরণ এ স্থলে অগ্রাসঙ্গিক হইবে না। খাদে কি করিয়া নামা হয়, তাহার

কথা আমি সংক্ষেপে বর্ণনা করিয়াছি। মল্লভাবাহী বাস বা খাঁচার সহিত যে লোহার দড়ি বাধা থাকে, তাহা একটা ২০ ফিট ব্যাসযুক্ত কাটিম বা reelএ জড়ান থাকে। এঞ্জিনের সাক্‌টের ( Shaft ) সহিত যুক্ত একটি লৌহচক্রের সহিত ক্লাচ (clutch) দ্বারা এই কাটিমটির সংযোগ আছে। ক্লাচের পিন্টি কোন অজ্ঞাত কারণে ভাঙ্গিয়া যাওয়ায় কাটিমটি ইঞ্জিন সাক্‌ট বা পূর্কোক্ত লৌহচক্র হইতে বিচ্যুত হয়। এই ক্লাচের সাহায্যে কাটিমটাকে যথেষ্টভাবে নিয়ন্ত্রিত করা যাইতে পারে, অর্থাৎ ইহার গতির হ্রাসবৃদ্ধি বা গতিরোধ করা যাইতে পারে। ক্লাচ ভাঙ্গিয়া যাওয়ায় ব্রেক কসা সঙ্কেও কাটিমটার গতিরোধ করিতে পারা যায় নাই। এই খাঁচাটি সবেগে নীচে পড়িয়া যায়। ইহাতে অনেকগুলি লোক মৃত্যুমুখে পতিত হয়।

২২টি লোক লইয়া একটা দ্বিতলযুক্ত খাঁচা বা বাস প্রায় ১০০ ফিট নামিবার পর ক্লাচের পিন্টি ভাঙ্গিয়া যায়। এঞ্জিনচালক ব্রেক কসিতে থাকেন ও এঞ্জিন থামাইবার জন্ত ইহার স্টিম আসা বন্ধ করিয়া দেন; তাহাতেও কাটিম থামাইতে পারা যায় নাই। যখন এই ঘটনা ঘটে তখন খাঁচাটি মিনিটে ১২০০ ফিট বা ঘণ্টায় ১৪ মাইল বেগে নামিতেছিল। এত জোরে ব্রেক কসা হইয়াছিল যে, ঘর্ষণে ব্রেকের গাত্রস্থিত কাঠ দগ্ধ হইয়া এঞ্জিন ঘরটি ধূমে পূর্ণ হইয়া গিয়াছিল;

তথাপি কাটিমের গতিরোধ করিতে পারা যায় নাই। যে খাঁচাটি লোক লইয়া উপরে উঠিতেছিল, তাহার কাটিমটির গতিরোধ করিতে পারা গেল, কিন্তু যে কাটিম হইতে খাঁচাটি নামিতেছিল, তাহার গতিরোধ করিতে পারা গেল না। খাঁচাটি প্রায় সার্ক দ্বিসহস্র ফিট যাইয়া সবেগে তলদেশে পতিত হইল ও মুহূর্তের মধ্যে ৪২ জনেরই মৃত্যু হইল। এই ৪২ জনের মধ্যে ৬ জন ইটালি দেশবাসী, ২ জন দেশী ফিরিজি ও ৩৪ জন এদেশবাসী।

এই দুর্ঘটনার কারণ অনুসন্ধান করিবার জন্ত গবর্নমেন্ট ৪ জন সভ্য লইয়া একটা কমিটি নিযুক্ত করেন; তাহার সভাপতি হইলেন মাদ্রাজ হাইকোর্টের জজ ওয়ালেস সাহেব। এই চারিজনের মধ্যে দেশী লোক ১ জন; ইনি মহীশূর রাজ্যের ইন্সপেক্টর জেনারেল অফ পোলিস। এই কমিটির রিপোর্ট আমি পাঠ করিয়াছি। কমিসন-কমিটিতে যাহা হইয়া থাকে তাহাই হইল, অর্থাৎ কোন কারণই নির্ধারণ করিতে পারা যায় নাই; তবে ভবিষ্যতে যাহাতে দুর্ঘটনার আশঙ্কা না থাকে তাহার কতকগুলি উপায় নির্ধারণ হইল। \*

\* এই প্রস্তাবের লেখক সোদরোপম স্নেহভাজন মনোমোহনের অকালে পরলোক গমনের জন্ত প্রস্তাবটি অসম্পূর্ণ ভাবেই প্রকাশিত হইল; মনোমোহনের অভাব বড়ই অনুভূত হইল।—ভারতবর্ষ সম্পাদক

## জীবনের নিত্য-শ্রোতে

শ্রীভূপতি চৌধুরী

কোনো উপায় ছিল না বলে পাঁচটা পয়সা খরচ করে ট্রামে চড়ে হেরেছিল। হেঁটে-হেঁটে পায়ে ফোকা উঠেছিল। সেই কোথা কল্লাঘাট, আর কোথায় শ্রামবাজার, তার ওপর সারাদিন চীনেবাজারে টো টো করে ঘোরা।

কিন্তু ট্রামে চড়েই ভাবতে হেরেছিল, এ পয়সা কটা কেমন করে উন্মূল করা যায়। যত রকমের কুচ্ছসাধন হতে পারে, নিজের সম্বন্ধে তার সবরকম ভেবেও কোনো

উপায় দেখা গেল না। টিকিনের বালাই নেই, কোনো রকম নেশারও দাসত্ব করি না। প্রাণে কোনো সখের আকাঙ্ক্ষাও পোষণ করি না, তবে কেমন কবে এ অজ্ঞান খরচের দাবী মিটাবো?

মানুষের চিন্তা না কি স্বয়ং-ক্রিয়, তাই দেখি, সময়ের কাঁক পেলেই আর বিশ্রাম নেই। যতক্ষণ ট্রামে বসে ছিলাম, ততক্ষণই যত রাজ্যের চিন্তা মনটাকে ছেঁদে ফেলেছিল।

ট্রাম থেকে নামতেই দেখা—রাখালবাবুর সঙ্গে।  
আমাদেরই আগিসের কেরাণী, আমারই সমান মাইনে  
পান। জিজ্ঞাসা করলেন—কি দাদা, ট্রামে যে!

বললুম—পায়ে ফোঁকা উঠেছে।

—ও, আমি বলি, কোথা থেকে আল-টপ্কা টাকা পেলে  
বুঝি। নইলে কেরাণীর প্রাণে সখ। রাখালবাবু নিজের  
কথায় নিজেই হেসে উঠলেন। হাসি ধামলে বললেন—  
তাই নয় কি ভাই?

রাখালবাবুর কথায় ঘাড় নেড়ে সায় দিলুম।

বাড়ী ফিরতেই প্রতিদিনকার মতো খোকা কলরব  
করে উঠল। স্ত্রী তার কর্ণশ্রান্ত মুখশ্রীতে একটা হাসির  
আবরণ টেনে এসে দাঁড়াল।

খোকা আনন্দ করে একটা কিছু প্রত্যাশায় হাত  
বাড়াল। কোনো দিন ত কিছু দিতে পারি না। তবুও  
প্রত্যহই পকেট হাতড়ে বলি—কিছু নেই। খোকা হাত  
ঘুরিয়ে বলে—নেই, নেই। আজও অভ্যাসমতো পকেটে  
হাত দিবে দেখি, ট্রামের টিকিটখানি,—খোকার হাতে  
দিলাম। খোকন অত্যন্ত মনোযোগের সঙ্গে গাল ফুলিয়ে  
দেখতে লাগল—এটা খাবার কি না।

স্ত্রী আমার আটপৌরে কাপড়খানি এগিয়ে দিতে গিয়ে  
ট্রামের টিকিট দেখে প্রশ্ন করলে—শরীরটা কি ভাল নেই?  
ট্রামে এলে যে?

কথাটার একটু হাসি এল, যেন ট্রামে চড়া ব্যাপারটা  
একটা অসাধারণ কিছু। অবশ্য ব্যাপারটা অসাধারণ নয়,  
কিন্তু কেরাণীর পক্ষে বটে! এই নিয়ে ছ'বার। রাখাল-  
বাবু আর স্ত্রী, দুয়ের একই প্রশ্ন! যাক্। শুধু বললুম—  
পায়ে ফোঁকা পড়ল বলে ট্রামে এলাম।

স্ত্রীর মুখের হাসি ফিরে এল। বললে—ট্রামের টিকিট  
দেখে আমার ত ভয়ে বুক শুকিয়ে গেছিল। ট্রামে এসেছ  
বেশ করেছ,—তবু যা হোক সকাল সকাল ঘরে ফিরেছ ত।

হেসে বললুম—একেই বলে শাপে বর। কিন্তু পাঁচটা  
পরস্বা খরচ না করে ত হাতে করে জুতোটা নিয়ে আসতে  
পারতুম। এখন এই বাজে খরচের—

আমাকে বাধা দিয়ে স্ত্রী বললে—ভারী কটা পরস্বা  
খরচ করে কেলেছ নিজের জন্তে, তার জন্তে তোমার অত  
ভাবতে হবে না।—

স্ত্রীর কটাক্ষের স্নেহ ও প্রেমের উৎস আমাকে সিক্ত করে  
দিল। কতখানি অন্তর দিয়ে সে আমার ব্যথা বোঝে।—

একটা আনন্দে আমার হৃদয় ভরে গেল। হেসে  
বললুম—যে কটা টাকা পাই, তার মধ্যে ত বাজে খরচের  
জন্তে কিছু থাকে না। কাজেই একটা বাড়তি খরচ হয়ে  
গেলে, তার জন্তে একটু ভাবতে হয় বৈকি।

—তোমার জন্তে খরচটাকে বাড়তি খরচ বোল না।  
ধর, যদি পাঁচ পরস্বার খোকনের জন্তে অধুনাই আনতে  
হত। বলতে নেই—খোকনটা আমার এত বড় হয়েছে,  
কিন্তু কোনো দিন এক পরস্বার ডাক্তার-বস্ত্রি খরচ তার  
জন্তে হয়নি।—

এতখানি বলেই হঠাৎ স্ত্রীব মনে পড়ল—আজ খোকার  
জন্ম-বার—তার উৎসাহ-উজ্জল মুখখানি তখনই যেন ম্লান  
হ'য়ে গেল। তাড়াতাড়ি সে খোকনকে তার বুকে টেনে  
মাতৃ-স্নেহাশীর্ষাদের অক্ষয় কবচে তাকে ঘিরে দিলে।

কিন্তু তবুও সে যেন তৃপ্ত হল না। একটা অস্বাচ্ছন্দ্যের  
ছোঁয়াচে সে যেন চঞ্চল হয়ে উঠল। আমি আমার পায়ের  
দিকে তাকিয়ে বললুম—ফোঁকাটা কিন্তু ছিঁড়ে গেছে।

স্ত্রী একরকম জোর করে তার চিন্তাধারা থেকে  
নিজেকে বিচ্ছিন্ন করে নিয়ে বললে—ছিঁড়ে গেছে? আর  
খুঁটো না, যা হয়ে যেতে পারে। আমি পরিষ্কার নেকড়ার  
ফালি এনে দিচ্ছি, বেঁধে রাখ।

পায়ে নেকড়ার ফালি বাঁধতে গিয়ে ফোঁকার অবস্থা  
দেখে সে বললে—এত বড় ফোঁকাটা ছিঁড়ে গেল! সমস্ত  
পা-টা কী রকম গরম হয়েছে!

তাচ্ছিল্যের সুরে বললুম—ও কিছু নয়!

স্ত্রী তার উচ্ছ্বসিত বেদনাকে সংযত করে বললে—  
নিজের বেলায় সব তাতেই তোমার উড়িয়ে দেওয়া। এ  
আমার ভাল লাগে না। আমাদের—

স্ত্রী প্রায় কেঁদে ফেলবার যোগাড় করেছিল। মনের  
সমস্ত রস ত একেবারে শুকিয়ে যায় নি। তাই স্ত্রীকে  
টেনে নিয়ে বললুম—পাগলীর মতো এ আবার কি? এই  
বুড়ো বয়সে আর কি এ সবেদিন আছে?—কথাটা শেষ  
করে নিজের মনে নিজেই হেসে উঠলুম। বয়স যাই হোক,  
মনে যেন কেমন পাক ধরেছিল। তাই কোনো আবেগের  
তীব্রতা আর অনুভব কর্তে পারি না।



সুশী তাড়াতাড়ি নিজেকে সংঘত করে নিল। তার পর কথার সুর ঘুরিয়ে বললে—আজ বুঝি বড় ঘুরেছে। ভারী ক্লান্ত দেখাচ্ছে।—

ঘোরা, হাঁ ঘোরার ত কামাই কোনো দিন নেই, এর শেষও নেই,—এর মধ্যে ক্লান্ত হ'লে চলবে কেন? কথার সুরে নৈরাশ্রের বেদনা যেন আপনিই বেজে উঠল।

হ্যাঁ—তোমার যত সব—কী যে ছাইভস্ম বকে!—সুশীর কথাগুলো কত অকিঞ্চিৎকর, কিন্তু কত স্নিগ্ধ!

সারাদিনের কৰ্মক্লান্ত শ্রান্তিতে বললুম—খাবার হল কি?

ওমা—বলে নিজেই অপ্রতিভ হ'য়ে সুশী তাড়াতাড়ি উঠে পড়ল। তার পর আমাকে নিমিত্তের ভাগী করে বললে—এ কথাটা এতক্ষণ মনে করিয়ে দিতে নেই?

খোকাকে নিয়েই সুশী যাচ্ছিল। বললুম—খোকাকে দিয়ে যাও, নইলে কাজ করার অসুবিধে হবে যে।

না, না, এই সবে আপিস থেকে হা-ক্লান্ত হ'য়ে এলে। খোকাটা এখন খালি বিরক্ত করবে। তুমি একটু ব'স। আমরা মানে-পোয়ে চট করে সব তৈরি করে আনছি।

খোকাকে নিয়েই সুশী চলে গেল।

পরের দিন, সকাল বেলা। ঘুম ভেঙেছিল, কিন্তু তখনও বিছানা ছেড়ে উঠি নি। এটুকু বিলাস এখনও বাকী ছিল।

সুশী বিছানা তুলতে এসেছিল; আমাকে তখনও গুয়ে থাকতে দেখে জিজ্ঞাসা করলে—মশারীটা তুলে দিয়ে যাবো কি?

বালিশের তলা থেকে ঘড়িটা বার করে দেখলাম—তখন প্রায় সাতটা বাজে।

তাড়াতাড়ি উঠে বললাম—বাজারের পয়সা দাও!

মশারী তুলতে তুলতে সুশী বললে—বাজারের পয়সা আমার আঁচলেই বাঁধা আছে। তুমি মুখ ধুয়ে এসো। হ্যাঁ, খোকার গাটা একবার দেখো ত, কেমন যেন ছাঁক ছাঁক করছে মনে হল।

খোকা মাছের বসে খেলা কচ্ছিল। ছিন্ন ক্রকট তুলে গায়ে হাত দিলাম। কিছু মনে হল না। বললাম—না, কই, গা ত' গরম মনে হচ্ছে না।

'তা হ'বে; আমি তখন জলের হাতে দেখেছিলুম।

আমাকে এই ভাবে স্তোক দিয়েও সে নিজেই একবার খোকার গায়ে হাত দিয়ে দেখলে। একটা সংশয়ের ছায়া-পাতে, মনে হল, যেন তা'র মুখ অন্ধকার হয়ে উঠল। কিন্তু তখন ওদিকে নজর দেবার মতো সময় ছিল না। তাড়াতাড়ি পয়সা নিয়ে বাজারে চলে গেলাম।

সকালের বাকী সময়টুকু আর কিছু দেখবার অবসর থাকে না। কোনো রকমে সেদিনের বাজার সেরে, নাকে-মুখে হুটী অন্ন গুঁজে আপিসে যেতে হয়। কিন্তু আমার এই অনবসর সময়টুকুর মধ্যেও একটা জিনিষ আমার চোখ এড়াল না।

রান্নাঘরে চড়া আঁচে কড়ার ওপর কি একটা ভাজা হচ্ছিল। খোকা সেই রান্নাঘরের কোণে একটা ছেঁড়া মাছের বসে কুটনোর খোসা নিয়ে খেলা কচ্ছিল। হঠাৎ কি কারণে খোকা কেঁদে উঠল। সুশী তাড়াতাড়ি কড়া নামিয়ে খোকাকে শাস্ত করতে ছুটে এল। খোকা একবার তার মাকে জড়িয়ে ধরল।

'কী হয়েছে খোকন আমার! ছিঃ, এখন কাঁদতে নেই' বলে কুটনোর খালা থেকে এক টুকরো আলু খোকার খেলার রাজস্ব ফেলে তাকে সম্বন্ধ করে সে আবার তাড়াতাড়ি তার কাজে ফিরে গেল। ইতিমধ্যে খোকাকে শাস্ত করার ছলে, তার গায়ে মাথায় হাত বুলিয়ে তার সংশয়ের মীমাংসা করতে ভুলল না।

আমিও একবার তাড়াতাড়ি খোকার গায়ে হাত দিয়ে দেখলাম। সময়ও আর বেশী নাই। সুশী আমাকে আনিতে দিলে—না, ও কিছু নয়। আমারই ভুল; এখন ত বেশ ঘাম হচ্ছে।

সুশীর কথায় সায় দিলাম। মনকে যাহোক একটা প্রবোধ ত' দিতে হবে। তার পর আপিস, নিত্য-কৰ্ম।

সারাদিন সুশীর কেমন ক'রে কেটেছিল জানি না, কিন্তু আমার কথা?

বাঙালী, ধারা ভদ্রলোকের উপযোগী অন্ন মাহিনার দাসত্বের শৃঙ্খলে নিজেদের বন্দী করে রাখেন, তাঁদের হৃদয়-বৃত্তি বলে জিনিষটাকে আপিসের বন্দীশালার দরজার বাহিরে রেখে আসতে হয়। ও জিনিষটা আপিসের মধ্যে শুধু যে অদরকারী তা নয়,—অনিষ্টকর।

এমন অনিষ্টকর জিনিষ নিয়ে কাজ করা অসম্ভব। কী

জানি কখন হৃদয়হীনতা ও অবিচারের আঘাতে সে উত্তেজিত হয়ে নিজের আখেরই খুইয়ে বসে।

যখন বড় বাবুকে গিয়ে বললাম—সার, আজ একটু সকাল সকাল ছুটি পাব কি? বাড়ীতে খোকার অসুখ দেখে এসেছি।

বড়বাবু ধমক দিয়ে বললেন—তোমাদের বাপু খালি ছুটি নেবার ফন্দি। একটা না একটা অছিলা আছেই। আর সে সব অছিলা এমন যে মানুষ তাতে ছুটি না দিয়ে পারে না।—তোমরা বাপু সকাল সকাল পালাও, আর তার হাঁপা সামলাতে হয় আমাকে—কাঁহাতক আমি সামলাই বল ত?—

বড় বাবুর বক্তৃতা হয়ত প্রায় শেষ হয়ে এসেছিল, কিন্তু আমি তা শেষ হবার পূর্বেই মৃদুস্বরে বললুম—কিন্তু সার—

—আচ্ছা তুমি যাও এখন, একটু পরে জানাব। বড়বাবু বড় সায়েবের ঘরের দিকে চললেন। আমি ফিরে এলাম নিজের কাজে।

একটু পরে জবাব এল। পিয়নের হাতে একটা প্লিপে বড় বাবুর হুকুম—সকাল সকাল যেতে পার, কিন্তু তার আগে এই সন্দের ‘ফাইল’ শেষ করে যাওয়া চাই। পিয়ন একটা মাঝারি গোছের ফাইল আর প্লিপটা আমার দিয়ে গেল।

একটু ভেবে দেখলাম—সকাল সকাল যাওয়া সম্ভব কি না। সম্ভব অসম্ভব ভেবে লাভ নেই; ‘ফাইল’ ত আগে শেষ কর্তে হবে।—

বাড়ী ফিরে দেখি—সুশী উদ্বেগব্যাকুল চিন্তে আমার অপেক্ষা কচ্ছে। আমাকে দেখে একটা স্বস্তির নিঃশ্বাস ছেড়ে বললে—এসো, আমি বড় ভাবছিলাম। এত দেরী হল যে?

তার এ অভ্যর্থনার মধ্যে আন্তরিকতা ছিল, ছিল না আনন্দ। চোখে তার সে কী নির্ভরতা।

তার কথার উত্তরে হাসির বেদনায় বুক টনটন করে উঠল। কপালে আঙুল দিয়ে বললাম—আজই বেশী কাজ পড়ে গেল। খোকা কেমন আছে?

খোকার সামান্যই জ্বর হয়েছে; এখন ঘুমুচ্ছে। সুশীর কথার মধ্যে সান্দ্রনা দেবার চেষ্টা ছিল, কিন্তু সে চেষ্টা তার ব্যর্থ হল।

বললাম—তাই ত; খোকাটার জ্বর হল—

‘জ্বর হয়েছে, ছেড়ে যাবে’খন্, অত ভাববার কী আছে? জ্বর ত বেশী হয়নি, গাটা একটু গরম হয়েছে মাত্র—’

খোকার গায়ে হাত দিয়ে দেখলাম। না, জ্বর বেশী নয়। সুশীকে জিজ্ঞাসা করলাম—সন্দি নেই ত।

না—সুশীর স্বর শুষ্ক।

একটু স্তব্ধতার পর সুশী বললে—কথায় যে বলে মা না ডাইনী—মা’র কথা ছেলের স’র না। কালই বলছিলুম না, যে খোকার আমার অসুখ বিস্ময়ের বালাই নেই।

মাতৃ-হৃদয়ের ব্যথার কতখানি সান্দ্রনা ও ধিক্কার এই কথা ক’টার মধ্যে লুকানো!

সে রাত খোকা বেশ শান্ত ভাবেই ঘুমিয়েছিল, কিন্তু ঘুম ছিল না খোকার মায়ের। ঘুমোবার ভান করে সে যে গুয়েছিল এ আমি স্পষ্ট বুঝতে পারছিলাম তার শোবার ভঙ্গীর আড়ষ্টতা দেখে। সারারাত সে এই ভাবেই কাটিয়েছিল, অথচ এই সুশী এত ঘুম-কাতুরে ছিল যে, এজ্ঞে অনেক সময় আমিই বিরক্ত হয়ে উঠতুম। কিন্তু খোকা আসবার পর থেকে এ বিষয়ে সুশীর কী আশ্চর্য্য পরিবর্তন ঘটেছিল।

প্রভাতে ঘুমন্ত খোকাকে আমার কাছে রেখে সারারাত্রি অনিদ্রার কলঙ্ক প্রাতঃস্নানের প্রলেপে মুছে ফেলবার ব্যর্থ চেষ্টা ক’রে সুশী তার দৈনন্দিন কাজ শুরু করে দিল।

ভাবছিলুম সুশীর কথা। কী অশ্রান্ত কর্মকুশলতা। হয়ত এটা অসাধারণ কিছু নয়, কিন্তু তবুও সুশীর এই কর্ম-কুশলতায় তার প্রশংসায় আমার ম ভরে উঠল।

খোকা জেগে’ কেঁদে উঠল।

আমি খোকাকে শান্ত করবার প্রয়াস পেতে না পেতে সুশী এসে, তাকে নিজের বুকে তুলে নিয়ে স্নেহচুষন বর্ষণে অভিষিক্ত করে দিল। তার পর বললে—দেখ, খোকার গাটা এখনও ত ঠাণ্ডা হ’ল না। একটু অমৃদু বিষুদ দিলে হত না?

হ্যাঁ, আচ্ছা দাও দেখি খোকাকে, পাশের বাড়ীর কবিরাজকে নয় দেখিয়ে আনি।

আঁচল দিয়ে মুখ মুছিয়ে সে তাকে আমার কোলে তুলে দিল। তারপর কি মনে করে খোকার হাতের একটা আঙুল কামড়ে দিয়ে বললে—তোমার জানা কেউ ডাক্তার নেই?





—জানা ডাক্তার আছে, একটু ঘুরে, সেখানে ত খোকাকে নিয়ে যাওয়া চলবে না। আজ আপিস থেকে ফেরবার পথে নয় তাকে একবার বলে আসব। এখন তবু কবিরাজ মশারকেই দেখিয়ে আসি। দেখি কি বলে!

সুশী আর বিরক্তি করলে না।

কবিরাজ খোকাকে বেশ বহু ক'রেই দেখলেন। বললেন—হঁ, নাড়ীটা কিছু চঞ্চল বটে, কিন্তু কোনো জটিলতা নেই। জর হয়েছে আজ ক'দিন?

—কাল সকাল থেকে। একই ভাবে জর রয়েছে, কমেও নি, বাড়েও নি।

—হঁ, তা উপস্থিত চিন্তার কোনো কারণ নেই। তবে কি না কাল—অর্থাৎ ষষ্ঠীতে জর হয়েছে, একটু ভোগাবে এই যা—

ফিরে এসে সুশীকে প্রশ্ন করলাম—খোকার জর হয়েছে কবে থেকে? কাল সকাল থেকে, না পরশু রাত্তিরেই টের পেয়েছিলে?

সুশী উৎসুক চিত্তে জিজ্ঞাসা করলে—কেন বল ত।—কই রাত্তিরে তত বুঝতে পারিনি। সকালে খোকাকে দুধ খাওয়াতে গিয়ে মনে হ'ল যেন গা'টা একটু বল্ বল্ কচ্ছে।

ভেবেছিলুম, ষষ্ঠীর দিনের কথা বলব না। কিন্তু না বলেও পারলুম না। সুশীকে শাস্ত করতে গিয়ে বলে ফেললুম—কব্রাজ মশার বললেন—চিন্তার কিছু নেই। তবে—'ষষ্ঠী'তে জর হয়েছে, সারাতে একটু সময় নেবে।

সুশীর চোখের দীপ্তি যেন একেবারে নিভে গেল। মুখে রক্ত-হীনতার বিবর্ণতা অত্যন্ত স্পষ্ট হয়ে উঠল। সুশী নিজেকে সংযত করে নেবার পূর্বেই, অবিশ্বাসের হাসি হেসে বললাম—ও 'ষষ্ঠী' তিথি কিছু না। তবে এখন হাওয়া বদলাবার সময়, একটু সাবধান হওয়া ভাল।

সুশী কোন কথা বললে না। শুধু আপিসে যাবার সময় একবার জানিয়ে দিল—ফেরবার পথে, তোমার জানা ডাক্তারকে যদি পার ত খোকার কথা জানিয়ে এস।

তিথি বা ক্রম আমি বিশ্বাসই করি না। তবু কথাটা শুনে মনটা যেন কেমন ছলে ওঠে। তিথি বা ক্রমের একোপে কী শুভাশুভ ঘটনা আমার জানা আছে তার তালিকা মনের মধ্যে ভেসে ওঠে।

সারাদিন এই ভাবেই কাটিলে একটু তাড়াতাড়ি বাড়ী

কিরলাম। আজ আর ভাল লাগছিল না। মন এত ক্রম যেতে চায়, যে তত ক্রম চলা অসম্ভব। হিসাব না করেই ট্রামে চড়লাম।

পথে ডাক্তার বন্ধুর খোঁজ করে গেলাম। দেখা হ'ল না। বাড়ী ফেরবার জন্তে উদ্গ্রীব মন নিয়ে অপেক্ষা করতে পারলাম না।

খোকাকে কোলে নিয়ে সুশী বসে ছিল। আমাকে দেখে শুধু মূহুরে বললে—এসো।

সে স্বরে কতখানি ভয় ও নির্ভরতা!

আমি মূহু ভয়কম্পিত স্বরে প্রশ্ন করলাম—খোকার জর কি খুব বেশী?

সুশী একবার ঘাড় নেড়ে বললে—জর এত যে গায়ে হাত রাখা যায় না। তার ওপর ছবার বমিও করেছে। সারা দুপুর মাথার যন্ত্রণার বাছা আমার ছট্ফট করেছে।

উদ্বৃত্ত অশ্রু বোধ ক'রে সে সংযমের প্রতিমার মতো বসে ছিল। সুশীর এই মৌন শাস্ত শৈথল্য দেখে আর হির থাকতে পারলাম না। আবার ডাক্তার বন্ধুর সন্ধানে বা'র হ'লাম।

বন্ধু তখন বাইরে যাবার উদ্ভোগ করছিলেন। আমাকে দেখে বললেন—কি নরেন, খবর কি? মুখ এত শুকনো যে?

মুখে একটা হাসির ছলনা টেনে আনবার চেষ্টা করে বললাম—শুকনো হবে না? সারাদিন আপিসের হাড়তাড়া খাটুনি, তার উপর খোকার অসুখের ভাবনা।—

'খোকার অসুখ!—কী অসুখ করেছে?' একটা কৃত্রিম উৎসুকতার ভাব তার মুখে।

এ ভাব লক্ষ্য করলেও উপেক্ষা করে বললাম—বন্ধু জর হয়েছে, গায়ে হাত রাখা যায় না। তার উপর আবার ছবার বমিও করেছে। একবার দেখে যাবার সুবিধে হবে কি?

—'যাওয়া'—রিষ্টওয়াচটার দিকে লক্ষ্য করে একটু হিসাব করে সে বললে—সাতটা খিয়েটার আরম্ভ, এখন দেখছি সাতটা কুড়ি—আর ত দেবী করা চলে না।—আচ্ছা জর আর ছবার বমি করেছে।—ও কিছু নয়। ইনফ্লুয়েঞ্জা—একটা অমুদ লিখে দিচ্ছি—ছ ঘণ্টা অন্তর এক দাগ। একটা স্লিপ্ নিয়ে ফস্ফস্ করে সে প্রেসকুপসান লিখে দিল। তার পর সেটা আমার হাতে দিতে দিতে বললে—কিছু মনে

করিস নি ভাই। বড় তাড়াতাড়ি, নইলে বেতুম।—আর ভাল কথা—জরের ওপর চুটুদ্ যেন দিস নি। একটা এলেনবেরীস্ ফুড নষ্ট ওয়ান নিয়ে যাস্। হ্যাঁ, আর কাল সকালে খবর দিস্ কেমন থাকে।

কোনো রকমে শিষ্টাচারের গণ্ডী ঠিক রেখে ষাড় নেড়ে এই অপমান-বর গ্রহণ ক'র্তে হ'ল।

কিন্তু এইবার!

হাত পাতলেই পাব, এমন কোনো বন্ধু নাম আমার মনেই এল না। তবুও অনেক আশায় নিজেকে সংযত করে, এক বন্ধু উদ্দেশে পাড়ি দিলাম। কিন্তু তত দূরও যেতে হল না। প্রায় মোটর চাপা পড়তে পড়তে বেঁচে গেলাম। আর সেই মোটর থেকে নেমে এলেন—রাখাল বাবু, আমাদের আপিসের কেরানী।

প্রেসক্লপসানখানা পকেটে রাখাব কথা মনেই হবনি, সেখানা হাতেই ছিল। রাখাল বাবু বললেন—আরে ছ্যা ছ্যা, দাদা যে—কি ওখানা, প্রেসক্লপসান না কি? কার অস্থখ?

সস্ত্র বিপদ থেকে রক্ষা পেয়ে তখনও স্তম্ভ হতে পারি নি। কোনো রকমে বললাম—আমার ছেলের।

রাখাল বাবু এক রকম জোর করে আমার, তার গাড়ীতে তুলে নিয়ে বললেন—ডিস্‌পেনসারীতে ত?

অত্যন্ত মাথা ঘুব'ছিল। তাই ষাড় নেড়ে বললাম— হ্যাঁ।

রাখাল বাবু ট্যাক্সিওয়ালাকে সেই মতো আদেশ দিলেন।

আমি ভাবছিলুম আমার এই নিঃসর্দিকতার কথা কেমন করে বলি। অনেক চেষ্টা করে বলতে যাচ্ছি, এমন সময় রাখালবাবু হেসে বললেন—কী, আমার ট্যাক্সিতে দেখে ভারার মুখে যে আব কথা নেই। আমি কী ট্যাক্সি চড়ি? রেস্, ভাই, রেস্। আজ বেশ কিছু মোটা রকম পাওয়া গেল। ভাবলুম একটু আরাম ক'রে নিই। চুঃখ কষ্ট ত জীবনে আছেই রে ভাই। তবে আরাম কর্কার যেটুকু সুযোগ পাই ছাড়ি কেন?

আমার মন আমার অবস্থাটুকু জানাবার জন্তে ব্যাকুল হ'য়ে উঠেছিল। কিন্তু তখনি সে কথা বলা স্তম্ভ হবে কিনা ভেবে শুকনরে বললাম—তবে—

আমার কথা আরম্ভ না হতেই রাখালবাবু বললেন—ও তবে টবে নেই ভাই। 'নগদু যা পাও হাত পেতে নাও' এই হচ্ছে আমার 'মটো'—

রাখালবাবুর 'মটো' জানবার জন্তে আমার বিদুমাত্রও আগ্রহ ছিল না। মোটরও ডিস্‌পেনসারীর কাছে এসে পড়েছিল। তখন মরিয়া হ'য়ে বলে ফেললুম—রাখালবাবু, অযুদের জন্তে কটা টাকা—

মোটর ততক্ষণে ডিস্‌পেনসারীর সান্নে এসে দাঁড়াল। রাখালবাবু আমার বাধা দিয়ে বললেন—আচ্ছা, সে সব আমি ঠিক করে দিচ্ছি। তুমি বস গাড়ীতে।

রাখালবাবু প্রেসক্লপসানখানা নিয়ে বললেন—আর কিছু?

'এলেনবেরী একটা'—

'আচ্ছা, নিয়ে আসছি।

অযুদ ও ফুড নিয়ে রাখালবাবু ফিরে এসে বললেন— এই নাও।

তারপর কি ভেবে বললেন—আচ্ছা চল, তোমার বাড়ী দেখে আসি।

ট্যাক্সিওয়ালাকে পথ বুঝিয়ে দিলাম।

রাখালবাবু খোকাকে দেখে ফেরবার সময় আমাকে ডেকে বললেন—ছিঃ ছিঃ ভান্না, আমাদের বলতে লজ্জা! নিজেদের অবস্থার কথা আমরা জানি না? যা মাইনে পাই তাতে হয়ত কোনো রকমে খাই-খরচ চলে। ব্যস্। তার বাইরে একটা খরচ এলে চক্ষু চড়কগাছ! টাকা ভারী দরকারী জিনিস—বুঝলে।

পকেট থেকে একখানা নোট বার করে, আমার হাতে স্তম্ভে দিয়ে, রাখালবাবু তাড়াতাড়ি ট্যাক্সিতে গিয়ে উঠলেন।

রাখালবাবুকে একটা ধন্যবাদ দিতে ভুলে গেলাম। এত বড় হৃদয়ের দানের প্রতিদানে শুধু কথার ধন্যবাদ দেবার প্রবৃত্তি তখন ছিল না।

মনটা বড় খুসী হ'য়ে উঠল। ঘরে এসে অত্যন্ত সহজ ভাবে স্তম্ভীকে নোটটা দিলাম। স্তম্ভী জিজ্ঞাসু ভাবে আমার দিকে তাকাল।

আমি স্বাভাবিক ভাবে সমস্ত ব্যাপারটা বলবার চেষ্টা করলাম। ধীরভাবে সমস্ত ঘটনা শুনে স্তম্ভী নোটটা আমার দিকে দিয়ে বললেন—ওঁর এই দয়ার ধন আমরা কোনকালে

শোধ কর্তে পারি না। কিন্তু এই জুরার টাকা ত আমার খোকার জন্তে খরচ কর্তে পারি না। এ টাকা তুমি ঠেকে ফিরিয়ে দাও।

আমি আশ্চর্য্য ভাবে সুলী দিকে তাকালাম। তারপর যুক্তি দিয়ে বোঝাতে চেষ্টা করলাম। কিন্তু কোন ফল হ'ল না। কি যে এই মেয়েদের ভাবপ্রবণতা বুঝি না।

অগত্যা আবার বুর হয়ে চলনা করে সেই টাকাই নিয়ে ফিরলাম। এবার সুলী পূর্ণ বিশ্বাসে এ টাকা গ্রহণ করলে।

সুলীর এই বিশ্বাস এবারে আমাকে দোলা দিল। আমি আমার মনকে যথেষ্ট শাসন করেও এই সামান্য অশান্তির হাত এড়াতে পারলাম না। মনে হ'ল—এ টাকা ঘুরিয়ে এনে না দিলেই ভাল হত। যদি এতে খোকার ভালমন্দ একটা কিছু হয় তা' হ'লে আমার যে আপশোধের সীমা থাকবে না।

রাতে ভাল করে ঘুমাতে পারলাম না। চিন্তার দাহে সে রাত্রির অশান্তির তুলনা হয় না।

প্রভাতে উঠে দেখি, সুলীর মুখের আভা ফিরে এসেছে। সে হেসে বললে—খোকার জ্বর ছেড়ে গেছে।

আমার মন হাঁক ছেড়ে বাঁচল। যাক্, তা হলে ও টাকা আর খোকার জন্তে খরচ কর্তে হবে না। কিন্তু কিছু বললাম না।

সুলী বললে—তুমি খোকার কাছে একটু বস; আমি ফুডটা তৈরি করে নিয়ে আসি। কাল সারাটা দিন খোকার পেটে একরকম জলও পড়েনি।

এক দিনের জবেই পোকা বড় দুর্বল হয়ে পড়েছিল। জেগে উঠে নিস্তেজ ভাবে শুয়ে রইল। আমাকে তার পাশে দেখে তার মুখে হাসির ক্রাণ রেখা কুটে উঠল। আমার স্নেহ সম্ভাষণ সে মুদিত নেত্রে উপভোগ করলে। মনে মনে অতি আবেগে বললাম—খোকা, খোকা আমার।

খোকাকে স্নহ দেখে মন আমার অনেকটা হালকা হ'য়ে গিয়েছিল। গত রাত্রির চলনার কণ্টকটুকু তখনও তার

অস্তিত্ব তুলতে দেয় নাই। সেটা তখনও মনের মধ্যে খচ-খচ করছিল।

সুলী খোকাকে খাইয়ে গেল। আমাকে বাজারের পরস্য বুঝিয়ে দিলে; কিন্তু টাকাটা ফেরাবার কথা মুখেও আনলে না।

ভাবনা হল কেমন করে টাকাটা চেয়ে নিই?

সেদিন রবিবার, কোনো রকমে কাটিয়ে দিলাম। পরের দিন আফসেসে যাবার সময় দেখি—খোকা বসে বসে খেলা করছে—তখন বেশ সাহসে একটু বুক বেঁধে সুলীকে বললাম—ওগো, আর বোধ হয়, ও দিনের নোটটার দরকার হবে না। দেনা যত শীগ্গির শোধ হয় তত ভাল। ওটা ফিরিয়ে দি, কি বল।

সুলী ষাড় নেড়ে বললে—সই ভাল, আমিও ওই কথাই ভাবছিলাম।

সুলী নোটটা এনে দিল।

নিজের দুর্বলতা অপ্রকাশিতই র'য়ে গেল। সেজন্তে একটা স্বস্তির নিঃশ্বাস ফেললাম। কিন্তু এখন টাকাটা ফেরাই কি বলে?

আপিসে এসে প্রথমই দেখা রাখালবাবুর সঙ্গে। জিজ্ঞাসা করলেন কি ভায়া, খোকা কেমন, ভাল ত?

ষাড় নেড়ে বললাম—আপনাদের আশীর্বাদে ভালই আছে। তার পর পকেটে হাত দিয়ে বেশ একটু সাহস করে বললাম—দাদা, টাকাটা আর খরচ করবার দরকার হয়নি। তাই—

—ফিরিয়ে দিতে চাও। দাও। দেনা শোধ করে ফেলাই ভাল। টাকা বড় দরকারী জিনিষ। রাখালবাবু হাত বাড়িয়ে নোটটা নিয়ে পকেটে পুরলেন। তার পর আমার দিকে একটা দৃষ্টি ফেলে চলে গেলেন। কোনও কথা বললেন না।

আমার একবার, কি জানি কেন, মনে হল, রাখালবাবু কি রাগ করলেন?

## আগমনী—আশীষ

শ্রীযোগেশচন্দ্র চৌধুরী এম্-এ, বি-এল, বি-সি-এস্

১  
আখিনে আজ আশীষ মায়ের  
মেঘ-ভাঙা ঐ নীল গগনে  
ছড়িয়ে গেল— ধানের শীষে,  
কাশের ক্ষেতে, কমল-বনে !  
বর্ষা বিদায় মাগল,  
শরৎ হেসে জাগল,  
শতদলের অরুণ আভাস আঁখির কোণে লাগল ।

২  
ইন্দ্রপুরীর পারিজাতের  
পাণ্ডি ধসে' পড়ল কি রে ?  
নন্দনেরি ভাঙ হ'তে  
ঝরল সুধা ধরার তীরে ?  
অশ্রু-বাদল ছুটল,  
খুসির কুঁড়ি ফুটল,  
কেয়ার রেণু অঙ্গে মাখি' মৌমাছির ছুটল ।

৩  
ভাঙা ধরের আন্ধিনাতে  
শিউলী ফুলের শুভ্র হাসি—  
ভাঙা বৃকের গোপন কোণে  
আগমনীর বাজল বাণী ।

হারানিধি ফিরল,  
মায়ের কোলে ভিড়ল,  
মূর্ছা ভেঙে মৌন আশা ছুঁড়িয়া ফিরল ।

৪  
মর্ষতলের নিবিড় নীরে  
হয় তো ছিল সুপ্ত সাধ—  
মাথায় করি' নিলাম তুলি,  
জগন্মাতার আশীর্বাদ !  
দিগ্বধুরা হাসল,  
জমাট আঁধার নাশল,  
ভরা পালে জোয়ার জলে মনের তরী ভাসল ।

৫  
তোমার দানের মোহন মোহে  
তোমায় যেন না যাই তুলি'—  
দেওয়া-নেওয়ার চিত্র আঁকে  
নানানু টানে তোমার তুলি ।  
সুখে অটল রইতে,  
হৃথের বোঝা বইতে,  
শক্তি দিয়ে বর্ষা-শরৎ নির্বিকারে সইতে !

## পল্লীরাগী

শ্রীমুরলীধর গঙ্গোপাধ্যায় বি-এ

বসন্তের মুছহিল্লোল, থাকিয়া থাকিয়া স্নিগ্ধ পল্লীধানার বৃকের উপর শান্তির অমিরধারা ঢালিয়া দিতেছিল। গাছে-গাছে কোকিলের কুহুতান, ঝোপের আড়ালে দয়েল, পাপিয়ার কমলীর কণ্ঠ, চৈত্রেয় অপরাহুটীকে মনোরম করিয়া তুলিয়াছিল। বারোয়ারীতলার ছেলের দল একটা ধিয়েটারের রিহার্সেল দিতে উঠিয়া পড়িয়া লাগিয়াছিল। তাহারই অদূরে

একটা প্রাচীন বটগাছের নীচে, একটা ভাঙা আটচালার ছারপোকাওয়াল তক্তপোষের উপর বসিয়া গ্রাম্যদেবতাগণ নানাবিধ পরনিন্দারূপ সদালাপে ব্যস্ত ছিলেন। তাঁহাদের গভীর গবেষণার বিষয় ছিল, কাহার জ্বী কি ভয়ী ছুঁচরীড়া, কাহাকে সমাজে আটক দেওয়া যায়, কাহার বাপের শ্রাঙ্কে গোয়ালাকে গোপনে ডাকিয়া জিনিস দিতে নিষেধ করিয়া



দেওয়া যায়, ইত্যাদি। আটচালার পাশ দিয়া গ্রামের ছোট নদীটা, তাহার ছোট সম্পদ বুকে লইয়া অতি সন্তর্পণে চলিয়াছে; কারণ এখন বসন্ত, বর্ষা নহে। বটগাছের দক্ষিণ দিকে একটা পুরাতন জীর্ণ ঘাটলা, শেওলাতে পিচ্ছিল হইয়া, কত যুগের জীর্ণশ্রুতি আঁকড়াইয়া ধরিয়া আছে, কে বলিবে?

একধর বনেদী সৈকেলে গৃহস্থ, যেমন প্রায় প্রতি গ্রামেই থাকে, এখানেও ছিল। এদের অতীত ইতিহাস সঙ্ক্ষে এরা প্রায়ই গর্ব করিয়া বলিত—“কীর্তিনাশা যখন রাজনগরের কীর্তি ধ্বংস করিয়া লইয়া যায়, তখন তাহাদেরই পূর্বপুরুষ, রাজা রাজবল্লভের খুল্লতাত, এইখানে আসিয়া বসতবাটার ভিত্তি স্থাপন করেন। নবাবী আমালের খান্দানীর ঠাট্-বহর স্বরূপ, তাহাদের সদর দেউড়ীতে একটা নহবৎ, বৈঠকখানার ছ’চারখানা মরিচাপড়া ঢাল, তলোয়ার; আর এক জরাজীর্ণ বৃদ্ধ দরওয়ান, পাকা দাড়িতে দড়ি বাধিয়া হিন্দী রামায়ণ পড়িত। গল্প উঠিলে সে বলিত—“আরে বাপু! বাপু, রাজা রাজবল্লভ সাড়ে পাঁচ হাত জোয়ান পুরুষ ছিল” ইত্যাদি।

হরনাথ সেন, বহুদিন হইল সবরেজিষ্ট্রারের কার্য হইতে অবসর গ্রহণ করিয়া এখন পূর্বপুরুষের ভগ্নাংশ জমীদারীর মুনাফার তব্বির-তদারকে ব্যস্ত হইয়া পড়িয়াছিলেন। কেহ যদি জিজ্ঞাসা করিত,—“সেন ম’শায়, কাশী যাবেন কবে?” উত্তর হইত, “আরে ভাই, যমুনার বিয়েটা, আর এই চৈতন্তপুরের হাঙ্গামাটা মিটিয়েই লম্বা দেব!” কিন্তু কাজে আর তাঁহার কাশী যাওয়া হইত না। ছ’একজন বন্ধু পীড়াপীড়ি করিলে হরনাথ বলিতেন—“আরে ভাই, কিসের কাশী, গয়া? কলিতে হচ্ছে কি জান “হরেন্দ্রাটমব কেবলম্।” হরনাথ কতকগুলি খতখাতার মকদ্দমার কাগজপত্র, তলব বাকীর লিপি, নিরিখবুদ্ধির ফিরিস্তি, সুমারের গোসরা এবং আমলার মাসহারা লইয়া নায়েব মহাশয়ের সঙ্গে আলাপ জুড়িয়াছিলেন, এমন সময়ে ঐ আসিয়া সংবাদ দিল—“দিদিরাণী ডাকছেন।” দিদিরাণীর কথাটা শুনিয়াই হরনাথ তাহার সর্বকর্ম কেলিয়া বাড়ীর ভিতর চলিয়া গেলেন। এই মেয়েটিকে না কি ছ’বৎসরের রাখিয়া হরনাথের স্ত্রী পরলোকে চলিয়া গিয়াছেন। এই মেয়ের নামই যমুনা।

যমনাকে আদর করিয়া কেহ দিদিরাণী, কেহ পল্লী-

রাণী, কেহ বা রাণী বলিয়া ডাকিত। বসন্তের রাণীর মত রূপের নদীতে যমুনার পূর্ণ যৌবনের বিকাশ হইয়া আসিতেছিল। পল্লীর স্নিগ্ধ, শান্ত কোলে এই নববসন্তেই যমুনা আপন মনে বসিয়া গাহিত—

“একলি মনিরে, অনিদ লোচনে

জাগি সাগর রাতিয়া ॥”

যমুনা রূপবতী, গুণবতী; কিন্তু যমুনার আজিও বিবাহ হয় নাই। কেহ বলিত, হরনাথ মেয়ের বিবাহ দিয়া একটা ধরজামাই রাখিতে চায়। কিন্তু আজকালকার ছেলেরা আর ধরজামাই থাকে না। কেহ বলিত, কি জানি ভাই, যমুনার মা না কি পাঞ্জাবে ছিল,—কি যেন কি ভাই, বড় ধরের ছাই ভস্ম দিয়ে কি দরকার? ইত্যাদি। সেদিন গাঁয়ের ছেলে অমল দেওবর হইতে যমুনাদের বাটীতে আসিয়াছিল—যমুনার জন্মতিথির নিমন্ত্রণ। কত বন্ধু-বান্ধব নিমন্ত্রিত হইয়াছে। যমুনা একখানা ফিরোজা রংএর বারাগসী পরিয়া সকলকে অভ্যর্থনা করিতেছিল। বাসন্তী সন্ধ্যায়, বসন্তের রাণী যমুনার দিকে সকলেই হাঁ করিয়া চাহিয়া ছিল। পল্লীর বন্ধুরা পল্লীরাণীর জন্ত কুমুমের মালা, কুমুমের হার সাজাইয়া আনিয়াছিল। আর সুদূর নগরের প্রবাসী বন্ধুগণ তাহার জন্ত নগরের নিত্য নূতন বিলাস-সামগ্রী উপহার পাঠাইয়াছিল। পল্লীরাণী যমুনা আজ ফুলের মালা ফুলের হার পরিয়া সত্যিই “পল্লীরাণী” সাজিয়াছিল। যমুনা কাহাকে বা মিষ্টি কথা, কাহাকে বা অর্গানের সাহায্যে গান শুনাইয়া মুগ্ধ করিতেছিল। অমল আসিয়া অর্গানের সামনে বসিল। যমুনা গান ধরিল—“মম যৌবন নিকুঞ্জ গাছে পাখী, সখী জাগো” মুগ্ধ দর্শক এবং স্ত্রীলোকগণ সেদিনকার মত বিদায় গ্রহণ করিল। সকলেই বুঝিয়া গেল—অমলই যমুনার বর।

অমল এ গাঁয়ের ছেলে হলেও তা’রা দেওবরেরই পাকা বাসিন্দা। পূর্বপুরুষের ছটাক-নটাক তালুক-মুলুক, ভাঙ্গা দালান-কোঠা, যখন সাত-শরিকের দেনার দায়ে নিলাম হইয়া গেল, তখন অমলের দাদা সবমাত্র কিএ পাশ করিয়া এম-এ আর “ল” পড়িতেছিল। তখন হঠাৎ তাহার পিতৃদেব দেওবরে স্বর্গারোহণ করিলেন। অমল গাঁয়ের কাছে শেষ বিদায় লইয়া ভাইটির হাত ধরিয়া দেওবর চলিয়া গেল। তাহার বাবা সেখানে একখানা মেটে কোঠা আর

হাজার ছ'চার টাকা রাখিয়া গিয়াছিলেন। তাই দিয়া ছ' ভাই বেশ একটা ছোটখাট সংসার পাতিয়াছিল। কিন্তু, পল্লীর মায়াটা সে একেবারে কাটাইতে পারে নাই। কারণ, পূর্বপুরুষের পুরোন ভাঙ্গা বাড়ীটা, তার পেছন দিকের বাণ ঝাড়, আর নারিকেল-কুঞ্জের আড়ালে পিক-বধুর মনোহর কাকলি; সর্বোপরি, বালাসার্থী যমুনার স্নেহ ভালবাসা-মাথা মধুর স্মৃতি-বিজড়িত কচি কোমল হস্তের লিপিকানা, তাহার জন্মতিথির দিনে তাহাকে কোন্ সুদূর হইতে যেন পল্লীর মাঝে, পল্লীরাজীর হৃদয়-মন্দিরের পূজার দেবতার সাজে সাজাইয়া আনিত। সবদিকের সমস্ত কাজ ফেলিয়া অমলকে বৎসরের নববসন্তের বধুর মধুর জন্মতিথিতে পল্লীরাজীর ক্রোড়ে ফিরিয়া আসিতে হইত।

বসন্ত চলিয়া গেল, বর্ষা আসিল। মানবের জীবনেও ত এমনি কত বসন্ত চলিয়া গিয়া কত বর্ষা আসে, কে তার খোঁজ রাখে? কীর্তিনাশা কূলে কূলে ভরিয়া উঠিয়াছিল। বিশাল, বিপুল, অনন্ত তরঙ্গের প্রচণ্ড লীলা, বিশ্বপ্রকৃতির বৃক্ষে একটা বিদ্রোহের সৃষ্টি করিয়াছিল। অদূরে রাজনগরের ছ'একটা শেষ গরিমার শেষ নিদর্শন, তখনও ঘনবিশ্বস্ত বনানীর অন্তরাল হইতে, বর্ষার গুরু গুরু শিহরণের ভিতর দিয়া নিজেকে প্রকাশ করিবার চেষ্টা করিতেছিল—মাঝে-মাঝে যেমন প্রাচীন স্মৃতি আজিও কীর্তির ডালা সাজাইয়া, মানবের অতীত গরিমার কথা স্মরণ করাইয়া দেয়। প্রচণ্ড তরঙ্গ-সমাকুল কীর্তিনাশা, রাজবল্লভের অসীম কীর্তি গ্রাস করিয়া শাস্তমূর্তি পরিগ্রহ করিয়াছে—অগ্নিদেব যেমন খাণ্ডব দাহন করিয়া শাস্ত প্রকৃতি ধারণ করিয়াছিলেন। এবার অমল অনেক দিন থাকিয়া গেল। সবুজ বন, নারিকেল-কুঞ্জ, বর্ষার পূর্ণ জোয়ার, ভেকের রব, এগুলি যেন তার এবার নূতন করিয়া ভাল লাগিতেছিল। বর্ষার ভরাবুকে একখানা পান্‌সি ছুটিয়াছিল। পান্‌সি, ভরা জোয়ারের বুকে যমুনার পূর্ণ যৌবনতরী বহন করিয়া ছুটিয়াছিল,—সঙ্গে ছিল তার চিরদিনের সঙ্গী—অমল।

অমল—কি সুন্দর যমুনা, আজ যেন কীর্তিনাশা তাহার সমস্ত কীর্তিমেখলা লইয়া প্রাচীন ধ্বংসের বুকে নূতন কিছু একটা সৃষ্টি করিতে যাইতেছে।

যমুনা—আমারও মনে হয় অমল, আজ যেন

কীর্তিনাশা নূতন সাজে সাজিয়াছে। কিন্তু এ কি ধ্বংস না সৃষ্টি, প্রগল্ভ না স্থিতি, কি ক'রে বলব।

অমল—আমি আর কতকাল আশায় আশায় ঘুরব যমুনা? আমি ত তোমার সব কথাই রেখেছি।

যমুনা—অমল, আর ক'টা দিন অপেক্ষা কর; তার পর যদি তোমার প্রাণের যমুনার জন্ত সত্য, ধর্ম, সমাজ, সব ত্যাগ কর্তে পার, তাহলে সে তোমারই।

অমল—কেন যমুনা! সত্য, ধর্ম, সমাজ, ত্যাগ কর্তে হবে কেন? অমল যমুনার হাতখানা নিজের হাতে তুলিয়া লইল। আকাশে বিছাৎ চমকিয়া উঠিল। যমুনার দেহলতা অমলের কোলে লুটাইয়া পড়িল। ঘাটের নোকা ঘাটে ফিরিয়া আসিল।

যমুনার পত্র—

প্রিয়তম,

পাঞ্জাবে বাবা এক বার্জজিকে বিবাহ করেন। আমি সেই বার্জজি-মায়ের গর্ভজাত সন্তান। সমাজের বুকে দাঁড়াইয়া আজিও আমি সমাজকে ধ্বংস করি নাই, কলুষিত হইতে দিই নাই। নইলে যমুনার বুকে কতজনে ঝাঁপাইয়া পড়িতে চাহিয়াছে। প্রিয়তম, শুধু দুটো পুরুতের মন্ত না হলে কি বিবাহ হয় না? বাবা, মা চিরদিনই স্বামী, স্ত্রী ছিলেন। মায়ের মৃত্যুর পর বাবা পাগল হ'য়ে দেশে ছুটে এলেন। আমি বাবার বুকে আশ্রয় পেলাম। কীর্তিনাশা তাঁদের বংশের সমস্ত কীর্তি ধ্বংস করেও প্রাচীন বংশ-গোরবের স্মৃতি-চিহ্নটুকু মুছে ফেলে নাই। প্রিয়তম, জীবনসর্বস্ব আমার, এখন দেখ্ব তুমি যমুনাকে কত ভালবাস।

যমুনা

সন্ধ্যার আরতি শেষ হইয়া গিয়াছে! অমলদের পুরোন দালানে এক বৃদ্ধা পিসিমা আজিও শালগ্রাম শিলার সেবায়ত্ন করিত। অমল আসিয়া পিসিমাকে প্রণাম করিল। পিসিমা আশীর্বাদ করিলেন—“বাবা, সনাতন ধর্মে যেন মতি থাকে।” অমল যমুনার বাড়ীর দিকে চলিল। তাহার বুকের ভিতরটা যেন কাঁপিয়া উঠিল। যমুনা অমলকে দেখিয়া তেঁয়ি ছুটিয়া আসিল। অমল যমুনাকে সামনের চেয়ারে বসিতে বলিল মাত্র। যমুনার রক্ত অভিমান ফাঁপিয়া ফুলিয়া উঠিল। আকাশে “গুরু গুরু দেয়া” গর্জিয়া

উঠিল। কীর্তিনাশা ফাঁপিয়া ফুলিয়া উঠিল। রাজবল্লভের শেষ কীর্তির ধ্বংসের শব্দে গ্রামবাসীরা চমকিয়া উঠিল। প্রলয়ের পাকচক্র বাজিয়া উঠিল।

যমুনা—ওগো নিষ্ঠুর, ওগো পাষণ, এই কি পুরুষের ভালবাসা ?

অমল—তা নয় যমুনা ; ভাবছি একটা কথা। কথা কহিতে কহিতে তীহার। নদীর ধারে আসিয়া দাঁড়াইল। তখনও কীর্তিনাশা ভীষণা রক্ষসী মূর্তিতে গ্রামখানিকে গ্রাস করিতে আসিতেছিল। সামনে ছিল তাদের পল্লীরানী। যমুনাকে অনেকেই পল্লীরানী বলিত।

টাদের ভরাবুকে জ্যোৎস্নার তরঙ্গ খেলিতেছিল ; আর তটিনীর বুকে অনন্ত গর্জন থাকিয়া-থাকিয়া পল্লীবাসীকে ভীত সন্ত্রস্ত করিয়া দিতেছিল। নদীর তীরে তখন কেবল-মাত্র অমল আর যমুনা দাঁড়াইয়া ছিল। অমলের বুকের মধ্যে কেবলই রহিয়া-রহিয়া বাজিতেছিল—“ওগো নিষ্ঠুর ! ওগো পাষণ !” কোথা হইতে একটা প্রবল তরঙ্গ আসিয়া যমুনাকে কীর্তিনাশার বুকে টানিয়া লইল। অমলও সঙ্গে সঙ্গে উন্নত তটিনীর বুকে—“রানী, রানী, পল্লীরানী” বলিয়া ঝাঁপাইয়া পড়িল। নৈশ গগনে তখনও প্রতিধ্বনি হইতেছিল—“পল্লীরানী !”

## যুক্তির পথ

শ্রীসত্যচন্দ্র দাস গুপ্ত

ভারতবর্ষ পুরাতন সভ্যতার ধারা হারাইয়া ফেলিয়া এখন মোহাবিষ্টের মত চলিতেছে। এত বড় একটা বিরাট দেশ, বেদনার বোধশক্তি পর্য্যন্ত আজ তাহার নাই। সাধারণ লোকের সহিত সাম্রাজ্য পরিচালনের ব্যবস্থার যোগ ভারতবর্ষে বরাবরই কম ছিল। কি উদ্দেশ্যে কোন্ অশুশাসন হইতেছে তাহা প্রজাসাধারণ প্রায়ই জানিত না। ব্যবহারিক শুভাশুভ ব্যবস্থার জন্ত রাজার উপরই তাহারা নির্ভর করিয়া থাকিত। ইহা আজিকার কথা নয়, ইহা চিরাচরিত। রাজা প্রজার এই সম্বন্ধ ভারতবর্ষের দৈনন্দিন প্রার্থনাতেও পরিস্ফুট হইয়া উঠিয়াছে। স্বস্তি প্রজাভ্যঃ— প্রজার শুভ হউক, পরিপালয়ন্ত্যং শ্রায্যেন মার্গেণ মহীং মহীশাঃ—রাজার। শ্রায্য পথে রাজ্য পালন করুন। প্রজার সহিত রাজার ধর্মের দিক দিয়া যোগ থাকায় এই ব্যবস্থাতে শুভই হইত। রাজার ধ্যানই ছিল প্রজার হিতসাধন করা।

কিন্তু আজ এ ব্যবস্থার অনেকখানি পরিবর্তন হইয়াছে। আজ বিদেশী শাসন ভারতবর্ষের উপর চাপিয়া বসিয়াছে। এই শাসকদিগের উদ্দেশ্যই হইতেছে ভারতবর্ষের শাসন ধারা ইংলও এবং ইংলওবাসীকে লাভবান করা। রাজার প্রত্যেক প্রচেষ্টার মধ্যেই আজ এই স্বার্থের চেহারাটাই

পরিস্ফুট হইয়া উঠে। যেখানেই ভারতীয় স্বার্থের সহিত ইংলওর স্বার্থের সংঘাত বাধে, সেই স্থানেই ভারতবর্ষের স্বার্থ বণি দেওয়া হয়। ভারতবর্ষে প্রচুর পরিমাণে বস্ত্র উৎপন্ন করা হইত। ইংরাজের স্বার্থে ভারতবর্ষের বস্ত্র-শিল্প নষ্ট করিয়া ইংলও প্রস্তুত বস্ত্র ভারতবর্ষে প্রচলিত করা আবশ্যিক হইয়াছিল। রাজশক্তির সাহায্য লইয়া ইংরাজেরা এই অনিষ্টপাত করিয়াছেন।

ঐ একটি কেন্দ্রীয় শিল্প নষ্ট করার পর আমাদের একটির পর একটি শিল্প বণি দেওয়া হইয়াছে। সে জোলা-তীতীর ব্যবসাতো গিয়াছেই—সে কামার-কুমার, সে তামা-পিতল-কাঁসার বাসনওয়ালার ব্যবসাতো নাই। ছুতারের বড় ব্যবসাতো ছিল নৌকা তৈরী করা। রেলের জন্ত নৌকা লোপ পাইয়াছে। সে ছুতারের জাত আজ লুপ্তপ্রায়। যানবাহন ও যানবাহনের সমস্ত উপকরণ আজ বিদেশীর হাতে।

এক দিক দিয়া এমনি করিয়া যেমন দেশের শিল্প নষ্ট হইয়া দেশ নির্ধন হইতেছে, অপর দিকে আবার তেমনি দেশের ভিতর নানা অনাবশ্যক বিলাতী দ্রব্যের প্রবেশ ও ব্যবহারের পথ খুলিয়া দেওয়া হইতেছে। ভারতীয় সভ্যতার

পরিপন্থী নীতিমূত্র সকল কৈশোরেই শিক্ষার্থীদের মনে প্রবেশ করে। বিলাসোপকরণের আকাঙ্ক্ষা সৃষ্টি এবং বিলাসী দ্রব্য দ্বারা সেই অভাবের পূরণ—এই কর্ম সুনিপুণ ভাবে প্রতিনিয়ত চলিতেছে। সেই জন্তই জাতি আজ মোহাবিষ্ট। যাহারা দেশের জন্ত ভাবিবেন তাঁহাদের সেই ভাবনার উৎসই বিকৃত। ফলে ভারতবাসী পুরাতন সভ্যতার ধারা দিনদিনই হারাইয়া ফেলিতেছে। অথচ এই ভারতীয় সভ্যতার বিশেষত্বই এই জাতিকে নানা যুগে ধ্বংসের হাত হইতে রক্ষা করিয়া আসিয়াছে। আলেকজান্দার উত্তর-ভারত আক্রমণ করিয়া লক্ষ লক্ষ ভারতবাসীকে হত্যা করিয়াছিলেন। কিন্তু কোনও বিশাল বটবৃক্ষের ছই চারিটি পল্লব কাটিয়া ফেলিলে যেমন তাহা পরবৎসরই পরিপূরিত হয়, আলেকজান্দারের অনুষ্ঠিত ক্রতি—কয়েক লক্ষ লোকক্ষয়, তাহা ছই এক বৎসরেই পূরণ হইয়াছিল। আলেকজান্দার ভারতের প্রাণস্পর্শও করিতে পারেন নাই—ভারতের সভ্যতার উপর এতটুকুও আঘাত করিতে পারেন নাই। লোকক্ষয় দ্বারা ভারতবর্ষকে মরণাহত করা যায় না—এ সত্যের পরিচয় মুসলমান-যুগেও পাওয়া গিয়াছে। মুসলমান আক্রমণ ও ভারতে মুসলমান রাজত্ব প্রতিষ্ঠার ফলেও ভারতবর্ষের আর্থিক হানি হয় নাই এবং সভ্যতার পরিবর্তনও ঘটে নাই।

কিন্তু ইংরেজ রাজত্ব সম্বন্ধে এ কথা বলা চলে না। ইংরাজ বাণিজ্য ব্যপদেশে আনিয়া ভারতবর্ষে রাজত্ব প্রতিষ্ঠা করিয়াছে এবং স্বায় স্বার্থ অক্ষুণ্ণ রাখিবার প্রয়াসে ভারতবর্ষের প্রাণ-পদার্থেরও সন্ধান লইয়াছে। ইংরাজ জানিয়াছে যে, ভারতীয়কে অভ্যন্তরীণ করিতে না পারিলে ভারতবর্ষে চিরদিন বিদেশী শাসন অক্ষুণ্ণ রাখা অসম্ভব। মাহুষ যেমন গো-জাতিকে কিঞ্চিৎ আহার দিয়া তাহাদিগকে নিজেদের শত প্রয়োজনে আনে, ভারতে ইংরাজশাসন-পদ্ধতি তেমনি ইংলণ্ডের স্বার্থের প্রয়োজনে সমস্ত ভারতবাসীকে ব্যবহার করিবার জন্ত সচেষ্ট। কেহ কেরাণী, কেহ ডেপুটি, কেহ মুন্সেফ হইয়া শাসন অথবা শোষণ যন্ত্র পরিচালনা করিয়া এক দিক দিয়া ভারতের অর্থ বিলাতে প্রেরণের ব্যবস্থা করিতেছেন; অপর দিকে গ্রামবাসী ভারতীয়গণ কেবলমাত্র কৃষিজাত দ্রব্য, তুলা, পাট, ধান, গম উৎপন্ন করিয়া তাহা বিলাতে পাঠাইয়া তৎপরিবর্তে বিলাতজাত বস্ত্র ও শত শত

অল্প আবশ্যক ও অনাবশ্যক দ্রব্য গ্রহণ করিতেছেন। ইহাতেই ভারতের ক্ষেম, ইহাই ভারতের উপযোগী—এমনি বিশ্বাস লোকের মনে গড়িয়া উঠিতেছে। ভারতবাসীর অভাবের বোধ বাড়াইলেই বিলাতের পণ্য ভারতের বাজারে বিক্রয় করিয়া ইংলণ্ডকে ধনশালী করিবার পথ হয়। সেই চেষ্টাতে ভারতবর্ষের অল্পে সমৃদ্ধি থাকার যে একটা মনোবৃত্তি, একটা বিশেষত্ব ছিল, তাহা নষ্ট হইয়া যাইতেছে।

এই মোহাবিষ্ট অবস্থা হইতে দেশকে মুক্ত করার একমাত্র উপায় জনসেবা। সেবা দ্বারা কলহ নিবারণ করা, সেবা দ্বারা জনসাধারণকে ধর্ম্মাধিকরণের মন্ত্রক্রে হইতে বাহির করিয়া ধর্ম্মজ্ঞান দান করা, ভারতবাসীকে তাহার আত্মিক শক্তিতে প্রতিষ্ঠিত করা আজ দেশকে মোহমুক্ত করার শ্রেষ্ঠ পথ। সাহস, বীৰ্য্য ও সহন ক্ষমতা সমস্তই সেবাস্বার্থের ভিতর দিয়া জাতির মনে প্রতিষ্ঠা লাভ করিতে পারে। সাময়িক ঘটনায় অথবা কোনও মর্মান্বহিত ও আপাত-অসহনীয় ব্যথায় যখন শাসন-পদ্ধতির দুষ্টিতার প্রতি দৃষ্টি পড়ে, তখনও সাধারণতঃ সাময়িক ও উত্তেজনামূলক পথই একমাত্র প্রতিকারের পথ বলিয়া মনে হয়। উত্তেজক পন্থার দ্বারা জনগণের চিন্তাশক্তি উদ্ভূত করা যাইতে পারে, জাগ্রত করা যাইতে পারে; কিন্তু পরে অভীষিত ফললাভের চেষ্টা করা আবশ্যক। তাহার জন্ত নিষ্ঠা ও সাধনা চাই। কেবলমাত্র ভাবোন্মাদমত্ততা আমাদের ক্রমশঃ জন্ত মহত্বের চরম স্তরে পৌঁছাইয়া অসাধ্য-সাধনে প্রবৃত্ত করিতে পারে; কিন্তু তাহার পশ্চাতে সাধনা ও সেবা না থাকিলে অচিরেই এবং অল্প বাধাতেই উত্তেজনা দারুণ অবসাদে পরিণত হয়। পার্কৃত্য নদী যেমন এক দিনের বৃষ্টিতে উদ্বেলিত হয়, পাহাড়ের সান্নিধ্যের বৃক্ষাদি উৎপাটিত করিয়া বিপুল উচ্ছ্বাসে প্রবাহিত হইতে থাকে, আবার অতি অল্পকালের মধ্যেই শীর্ণ ও ক্ষীণতায় হইয়া বালুকাপ্রান্তরে প্রায় অস্তহিত হয়, তাহার গতিবেগ আছে কি না উপলব্ধি করা যায় না—সাময়িক উত্তেজনাও তেমনি অবসাদের বিস্তীর্ণ বালুকায় অল্পকালেই অস্তহিত হয়। যে স্থান ক্রমকালপূর্বে তরঙ্গায়িত, উচ্ছ্বাসময় ও আবর্তমান ফেনিল জলরাশিতে পূর্ণ ছিল, ছই দিনের বৃষ্টিপাত বন্ধ হইলেই সেই স্থানের তপ্ত বালুকায় যেমন পূর্বক্ষীতিকে পরিহাস করিতে থাকে, রাজনৈতিক উত্তেজনাও ঠিক তেমনি যখন অস্তহিত হয়, তখন আর তাহার পরিচয় মাত্রও অবশিষ্ট থাকে না।

অসহযোগ আন্দোলনের সময় যে বিপুল জনতা আগিয়া উঠিয়াছিল, আজ তাহা মস্ত-মুগ্ধ সর্পের স্তায় নিদ্রিত। শহরে, বন্দরে, গঞ্জে আর সেই বৈজ্যতিক আবহাওয়া নাই, উদ্বেগ ও চিন্তাকুল আকাজকা, স্বরাজ-প্রাপ্তির ব্যগ্রতা পরিলক্ষিত হয় না—পল্লীগ্ৰামে ততোধিক অবসাদ ও নিষ্ক্রিয়তা বিরাজ করিতেছে। এই প্রকারই হইবার কথা। ইহার অশ্রুধা হইলেই আশ্চর্য্য হইবার কারণ হইত। বৃহৎ উত্তেজনার পর বৃহৎ অবসাদ। যদি সেই উত্তেজনার মুখে আমাদের স্বরাজ প্রাপ্তি ঘটত তাহা হইলে জন-সমাজে মহত্ব পরিবর্তমান বেগে প্রবাহিত হইয়া কোনও সাম্প্রদায়িক বাধাকেই আর গণ্য করিত না। কিন্তু তাহা হয় নাই, সেই জন্ত জনতা হইতে অধিক পরিমাণে মহত্ব অস্তহিত হইয়াছে। সেই জন্তই আজ হিন্দু-মুসলমানের বিরোধ এমন উগ্র হইয়া কাঁটার মত বিধিত হইতেছে। যে হিন্দু-মুসলমানের মিলন না হইলে ভারতে স্বরাজ হইবে না বলিয়া সকলের ধারণা ছিল, সৰ্ব্ব প্রযত্নে যে মিলন আশুপূর্ণ হইয়াছিল, আজ অবসাদের দুর্দিনে সে মিলন স্বপ্নবৎ মিলাইয়া গিয়াছে এবং তাহার স্থানে হিংসা ও বিদ্বেষের নরককুণ্ড আধিক্যিত হইতেছে। যে পরাধীনতার ব্যাধি এই সকল সাময়িক সামাজিক বিদ্বেষের উপসর্গরূপে প্রকাশ পাইতেছে, তাহা ভুলিয়া আমরা আজ সাময়িক প্রতিকারেই সৰ্ব্বপ্রয়াস মন নিবৃত্ত করিয়াছি।

দেশের মুক্তির পথ জনসেবাতেই আছে, উত্তেজনায় নাই। কিন্তু সেবার জন্ত সাধনার আবশ্যিক। এ সাধনা নানা সূত্র অবলম্বন করিয়া হয়। মহাত্মা গান্ধীজী এই সাধনার পথ চরকাতেই পাইয়াছেন। তিনি দেখিয়াছেন, ভারতবর্ষ আজ দৈন্ত্রে পীড়িত। এই দৈন্ত্র নিবারণের উপায় দেশের বহুশিল্প পুনঃ প্রতিষ্ঠিত করা—৮০ কোটি টাকা—যাহা প্রতি বৎসর বস্ত্রের জন্ত দেশের বাহিরে চলিয়া যায়—তাহা যাহাতে দেশে থাকে, তাহার চেষ্টা করা। তাই তিনি চরকার দ্বারা সমগ্র দেশকে সেবাত্রত গ্রহণ করিবার জন্ত আহ্বান করিয়াছেন :

ইংলণ্ডের যত ঐশ্বর্য্য তাহার অধিকাংশই ভারতবর্ষে বস্ত্র ব্যবসায় করিয়া লক্ষ। আর ভারতের দৈন্ত্রের একটা বড় হেতু বিদেশী বস্ত্র ব্যবহার। যে শিল্পে বাৎসরিক ৮০ কোটি টাকা দেশে থাকে, তাহা ত সাধারণ নহে। এই অসাধ্য সাধন করিবার জন্ত অসামান্য সাধনা আবশ্যিক। এই সাধনার জন্ত যে যন্ত্র আবশ্যিক, তাহা কিন্তু অতি সাধারণ।

একমাত্র চরকার সাহায্যেই এই বিপুল কর্ম্ম সম্পন্ন করা যাইতে পারে। ইংরাজ আসিয়া আমাদের শিল্প নষ্ট করিবার পূর্বে যেমন ঘরে ঘরে চরকা অবসর সময়ে চলিত, আর তাহার দ্বারাই দেশের বস্ত্রের অভাব মিটিত—পুনরায় সেই অবস্থা ফিরাইয়া আনার দ্বারাই এ সমস্তার সমাধান করা যায়। নূতন কিছুই করার আবশ্যিক নাই। যাহা ছিল, তাহারই পুনঃ প্রতিষ্ঠা করা, প্রাণনাশকারী অলসতা হইতে দেশকে মুক্ত করিয়া জীবনদানকারী শিল্পে হস্তক্ষেপ করাই ভারতের মুক্তির উপায়।

কিন্তু এই কার্য্য সম্পন্ন করিতে হইলে যাহারা শিক্ষিত, যাহারা ভদ্র তাঁহাদিগকেই উদ্বুদ্ধ হইয়া জাগ্রত হইয়া এই কার্য্য গ্রহণ করিতে হইবে। শিক্ষিত সমাজের পুরুষ ও স্ত্রী সকলেরই আজ সূতা কাটা আবশ্যিক হইবে। বস্ত্রতঃ তাঁহাদের সম্মুখে আজ নিজে সূতা কাটা ও অপরকে সূতা কাটানো, নিজে খন্দর ব্যবহার করা ও অপরকে খন্দর ব্যবহার করানোর এক পরম কর্তব্য উপস্থিত। যদি শিক্ষিত সম্প্রদায় চরকা গ্রহণ করেন, তবে অপামর সাধারণকেও চরকা গ্রহণ করাইতে সাহায্য করা হয়। নিজে যদি কেবলমাত্র খন্দর ব্যবহার করি, অস্ত্র সমস্ত বস্ত্র ত্যাগ করি, তাহা হইলেই খন্দর দ্বারা জনসেবার পথ চলিতে পারিবে। বাংলার একদল কর্ম্মী যশখ্যাতি সম্পদের সমস্ত প্রলোভন পরিত্যাগ করিয়া এই সাধনার পথই গ্রহণ করিয়াছেন—তাহারই ফলে বাংলার পল্লীতে পল্লীতে আজ অল্পবিস্তর চরকা চলিতে আরম্ভ করিয়াছে। দেশের শিক্ষিত সমাজ যদি এই সাধনা গ্রহণ করেন, দীনতার দ্বারা গর্ভকে জয় করিয়া এই উদ্দেশ্যে যদি তাঁহারা গণের সহিত মিলিত হন, তবে এমন দিন আসিবে, যখন ভরদ্বায়িত ভাদ্রের গঙ্গার মত জাগ্রত গণশক্তি চরকা অবলম্বনে উদ্বুদ্ধ হইয়া এক কাম্য পথে বহুতবেগে ছুটিয়া চলিবে।

তাই যখন সাম্প্রদায়িক বিদ্বেষ নিষ্ঠুর আঘাতে সমাজ-দেহ ক্ষত করিতেছে, তখনও খাদি কর্ম্মীর চরকা-সেবার একনিষ্ঠ থাকিবার হেতু ও আবশ্যিকতা আছে। সাম্প্রদায়িক বিদ্বেষ হুদিনের; কিন্তু ভারতের একান্ত হিত করে এই দৈনিক দুঃখ নিবারণের ভার অস্ত্র কর্ম্মীর উপর দিয়া খাদি-কর্ম্মীকে একনিষ্ঠ থাকিতে হইবে। খাদি কর্ম্মে সম্প্রদায় নাই—প্রাদেশিকতা নাই। ইহা নিখিল সমাজের ও নিখিল

ভারতের। আজ সাম্প্রদায়িক হুঁয়োগের দিনে যেন ভগবানের নাম স্মরণ করিয়াই খাদি কর্মীগণ সাম্প্রদায়িকতা হইতে মুক্ত থাকিতে পারেন।

প্রত্যেক ব্যক্তির সামান্য মাত্র ত্যাগের দ্বারা যে মহৎ ফললাভ হইতে পারে, চরকাই তাহার উৎকৃষ্ট প্রমাণ। তাই চরকার দ্বারা যে সেবাবৃত্তি চরিতার্থ করিবার পথ আবিষ্কৃত হইয়াছে, তাহা অনুপম। স্বাধীনতা লাভের প্রয়াসে নবযুবকগণ জীবনকে তৃণবৎ জ্ঞান করিয়া দুর্ক্লম দুর্গম পথ অবলম্বন করিয়াছেন। সে সকল পথে যুবকগণেরই বিশেষ কৃতিত্ব ও অধিকার। কিন্তু চরকার দ্বারা দেশ-সেবা করিবার অধিকার সবল দুর্ক্লম, নরনারী, ধনী নির্ধন সকলেরই আছে। তাই অন্ত সাকল পথের তুলনায় আজ এই চরকা দ্বারা দেশসেবার পথ সর্বশ্রেষ্ঠ বলিয়াই গান্ধীজী গ্রহণ করিয়াছেন। তিনি সকলকে এই পথে আনিত প্রেমভরে

ডাকিতেছেন। কতবড় মহৎ সূযোগ, কি আনন্দের সংবাদ যে দেশের মুক্তি-কামনায় প্রত্যেকেই প্রতি দিনই কিছু না কিছু কাজ করিতে পারে। শারীরিক শ্রম দিয়া অর্থ দিয়া সাহায্য করিতে পারে। চৈতন্যদেব প্রেমের বন্তায় বাংলা মাতাইয়া ছিলেন, গান্ধীজী প্রেমের বন্তায় আজ ভারতবর্ষ মগ্ন করিয়াছেন। ভারতবর্ষে ঋষিদের তপশ্চার ভিতর দিয়া প্রেমের আদর্শই চিরকাল জয়যুক্ত হইয়াছে। স্মরণ্য চরকার এই আন্দোলনও যে এক দিন জয়যুক্ত হইবে তাহাতে সন্দেহ নাই। এবং তাহার ফলে নষ্ট শিল্পের তো উদ্ধার হইবেই, তাহা ছাড়া যে সভ্যতা হারাইয়া সে আজ ইয়োরোপের হীন অনুকরণে নিঃশ্ব, রিক্ত —সে সভ্যতাও আবার ফিরিয়া আসিবে। আবার আবার বলে, ধর্মের বলে বলীয়ান হইয়া ত্যাগের রথে চড়িয়াই ভারতবর্ষ পৃথিবীতে জয়যাত্রার পথে বাহির হইবে।

## পুরাতনী

### শ্রীহরিহর শেঠ

( ৪ )

বালি হইতে ত্রিবেণী ( ১ )

কলিকাতার পর জুগলী পর্য্যন্ত ভাগীরথীর পশ্চিমকূলে যে সব নগরী আছে, তাহাদের প্রাচীনতা ও সমৃদ্ধি বাঙ্গালার অন্যান্য বহু গ্রাম সকলের তুলনায় অধিক। তন্মিঃ পাশাপাশি এতগুলি গণ্যমান্য গ্রাম ও নগরী অন্তর্ভুক্ত আছে কি না সন্দেহ। দেশ বৈদেশিক শাসনাধিকারে আসার পূর্কের কোন কথাই প্রায় জানিতে পারা যায় না। কোন কোন প্রাচীন গ্রন্থ বা পুঁথিতে মাত্র কতিপয়ের নাম পাওয়া যায়। সে সকল পুঁথির মধ্যে “কবিকঙ্কন চণ্ডী” ও বিপ্রদাস কৃত “মনসা মঙ্গলের” নাম করা যাইতে পারে। “পাণ্ডব দিগ্বিজয়” বা “দিগ্বিজয় প্রকাশ” নামক সংস্কৃত ভৌগোলিক

গ্রন্থেও (২) বহু প্রাচীন গ্রাম ও নগরের কথা পাওয়া যায় এবং স্থানে স্থানে উহার অতি সংক্ষিপ্ত বিবরণও দেওয়া আছে; কিন্তু উহা সব ভাগীরথী-তটবর্তী স্থান নহে।

এই সকল স্থানের যে সব ঐতিহাসিক বা অন্যান্য পরিচয় আছে, তাহার সমস্ত কথা বলা এখানে উদ্দেশ্য নহে। মাত্র যে কিছু পুরাতন বিশেষ কথা, বা যাহার জন্ম স্থানের প্রসিদ্ধি তাহার মধ্যে যাহা সংগ্রহ করিতে পারিয়াছি, এখানে তাহাই অতি সংক্ষেপে বলা উদ্দেশ্য।

বালি বৈদেশিকগণের আগমনের বহু পূর্কের সহর। কবিকঙ্কন চণ্ডীতে ইহার উল্লেখ থাকায় বুঝা যায়, অন্ততঃ সাড়ে তিন শত বৎসর পূর্কে ইহার অস্তিত্ব ছিল। যে অষ্ট স্থান হইতে পূর্কে বাঙ্গালা পঞ্জিকা প্রকাশিত হইত, বালি তাহার অন্যতম। শ্রীরামপুর এই খ্যাতি ইহার পরে অর্জন

( ১ ) এই গ্রন্থের অনেক কথা Calcutta Review, vol. iv, 1845, notes on the Right Bank of the Hooghly নামক গ্রন্থ হইতে সংগৃহীত।

( ২ ) ইহা প্রায় এক হাজার বৎসর পূর্কে লিখিত হইয়াছে।

করিয়াছিল। অতি প্রাচীনকাল হইতেই ইহা ব্রাহ্মণ-প্রধান নগরী। কথিত আছে, সংস্রাধিক ঘর ব্রাহ্মণের এখানে বাস ছিল। বালির উত্তর প্রান্তস্থিত ছোট হইটি মন্দির বিশপ্ হিব্বারের দৃষ্টি আকর্ষণ করিয়াছিল।

কোথাও ছিল না। কিঞ্চিৎ নূন শত বৎসর পূর্বে এখানে দেশী চিনির কাজ প্রবল ছিল।

এখানকার উত্তরপাড়ার মুখোপাধ্যায়-বংশ বিশেষ প্রসিদ্ধ। জয়কৃষ্ণ মুখোপাধ্যায় মহাশয় এই বংশের প্রথম গৌরব। তিনি প্রথম রেজিমেন্টের একজন কেরাণীরূপে জীবন আরম্ভ করিয়া পরে প্রচুর ধনসঞ্চয় এবং তাহার অনেক অংশ সংকার্যে ব্যয় করিয়াছিলেন। উত্তরপাড়া কলেজ ও লাইব্রেরি তাঁহার অতীতম কীর্তি। এই পুস্তকাগারের স্থায় বড় ও মূল্যবান পুস্তকাগার বাঙ্গলায় খুব কমই আছে। এখানকার সকল প্রকার সৃষ্টির মূলে মুখোপাধ্যায়-বংশের বদান্ততা বিরাজিত। এখানকার মিউনিসিপ্যালিটি ১৮৬৫ খৃষ্টাব্দে প্রতিষ্ঠিত হয়। (৩)


কোরগরও একটি পুরাতন স্থান। ইহাও পূর্বে বেশ ধনজনপূর্ণ ছিল। তখন একটি ডক ছিল, উহা দ্বাদশ মন্দির ও ঘাটের উত্তরে অবস্থিত ছিল। উক্ত ঘাট ও মন্দিরের প্রতিষ্ঠাতার নাম হংসুন্দর দত্ত। উল্লিখিত ডকটি বাঙ্গলায় বৃটীশ রাজত্ব প্রতিষ্ঠার পূর্বে প্রস্তুত হইয়াছিল বলিয়া প্রমাণ আছে।

রিষড়ার সৃষ্টিও এখানকার তুলনায় পূর্বে অধিক ছিল। এখানে সময় সময় দিনেমারদের জাহাজ লাগিত। শতাধিক বৎসর পূর্বে এখানে একটি সাহেবদের বড় ছাপা কাপড়ের কারখানা ছিল। এই কারখানা দীর্ঘকাল ধরিয়া একে একে বহু ইয়োরোপীয়ের হস্তান্তরিত হওয়ার পর বিশ্বস্তর সেন নামক এক ব্যক্তির হাতে আইসে। এই ব্যক্তি মাসিক ৮-১০ টাকা বেতনে প্রথম কার্য আরম্ভ করিয়া শেষে এই কার্যের দ্বারাই প্রভূত ধনোপার্জন করিয়াছিলেন। বিলাতি কলের বস্ত্রের প্রচলনের সঙ্গে সঙ্গে এখানকার এই ব্যবসা ক্রমে

লোপ পায়। পরে উহার পরিবর্তে রেশমি রুমাল ছাপার কাজ এই স্থানে বিশেষ ভাবে প্রচলিত হয়।

এখানে ওয়ারেন হেস্টিংসের একটি পল্লানিবাস ও তৎ-

(৩) District Gazetteers—Hughly.



হুগলী নদী—দশম শতাব্দীর নক্সা

বিপ্রবাসকৃত মনসামঞ্জলে লিখিত—স্থানগুলি দেখান আছে।


বালিতে খালের উপর যে সেতু আছে উহা প্রায় ৮০ বৎসর পূর্বে কাপ্তেন গুডউইন ( Captain Goodwin ) নামক একজন ইঞ্জিনিয়ার দ্বারা নির্মিত হইয়াছিল। সে সময় বাঙ্গলায় একরূপ সূদৃঢ় ও সুন্দর অল্প কোনও সেতু

সংলগ্ন সুন্দর উদ্যান ছিল। ইহাকে "রিষড়া হাউস" বলিত। কথিত আছে, হেষ্টিংসের তথায় অবস্থানকালে তদীয় পত্নী স্বহস্তে এই উদ্যানে বহুসংখ্যক আম্র বৃক্ষ রোপণ করিয়াছিলেন। আজিও তথায় হেষ্টিংস ঘাট নামে একটি ঘাট দৃষ্ট হয়। কোন্নগর ও রিষড়ার নাম বিপ্রদাসের পুঁথিতে উল্লিখিত আছে।

মাহেশও একটি অতি প্রাচীন গ্রাম। সার্ক তিনশত বৎসর পূর্বেও এই নামে এই নগর ছিল বলিয়া জানা যায়। জগন্নাথদেবের মন্দিরও এইরূপ পুরাতন বলিয়া উল্লেখ পাওয়া যায়। পুরীর পর এই জগন্নাথদেবের মাহাত্মা যেরূপ

ও বলদেবের মূর্তি প্রাপ্ত হন এবং উহাদের প্রতিষ্ঠা করেন। কিছু দিন পরে এক দিন মুরশিদাবাদের নবাব ভাগীরথীবন্দু দিয়া গমনকালে ঝটিকা-বিক্রম হওয়ার, দেবসেবাইংগণ তাঁহাকে আশ্রয় দেওয়ার, নবাব সন্তুষ্ট হইয়া সেবাইংকে অধিকারী উপাধি ও একখণ্ড নিষ্কর জমি দান করেন। এই সময় হইতেই মাহেশের মন্দিরের নাম প্রচারিত হইতে থাকে। মাহেশের যে রথ সুপ্রসিদ্ধ তাহার প্রথমধানি এক মোদক দান করিয়াছিলেন। (৪)

মাহেশের নিকট বল্লভপুর শ্রীশ্রীরাধাবল্লভদেবের জন্ম প্রসিদ্ধ। কথিত আছে, চাতরার রুদ্র পণ্ডিত দেবাদিষ্ট হওয়ার



হেষ্টিংস ঘাট—রিষড়া

প্রচারিত, বোধ হয় অন্তত একরূপ নহে। কিংবদন্তী এইরূপ যে পুৰী হইতে জগন্নাথদেব গঙ্গানান করিতে আসিয়া এই স্থানে বিশ্রাম করিয়াছিলেন। তদবধি এই দেব-প্রতিষ্ঠা হইয়া তাঙ্গা স্মরণার্থ প্রতি বৎসর জ্যৈষ্ঠমাসের পূর্ণিমা তিথিতে মহা ধুমধামের সহিত স্নানযাত্রা উৎসব সম্পন্ন হইয়া আসিতেছে। আবার কেহ কেহ বলেন ধ্রুবানন্দ নামে এক ব্রহ্মচারী পুৰীতীর্থে গমন করিলে মাহেশে ফিরিয়া আসিবার জন্ত জগন্নাথদেব কর্তৃক স্বপ্নে আদিষ্ট হন। তিনি ফিরিয়া আসিয়া গঙ্গাতীরে বালুকার মধ্যে অর্ক নিমজ্জিত অবস্থায় ক্রমে ক্রমে জগন্নাথ, সুভদ্রা


তাঁহার দ্বারা গোড়ের রাজপ্রতিনিধির ভগ্ন প্রাসাদ হইতে আনীত প্রস্তর দ্বারা এই দেবমূর্তি গঠিত হয়। এই প্রস্তর গঙ্গায় ভাসিয়া বল্লভপুরের ঘাটে আসিয়াছিল। উহা প্রথম যে স্থানে প্রতিষ্ঠিত হয়, তথা হইতে পরে স্থানান্তরিত হইয়া, কলিকাতার সুপ্রসিদ্ধ মল্লিক বংশের কোন মহাত্মার দ্বারা নির্মিত বর্ধমান মন্দিরে আনীত হন। রাধাবল্লভজী ও উহার মন্দির সম্বন্ধে অনেক অদ্ভুত কিংবদন্তী প্রচলিত আছে। শোভাভাজারের রাজা নবকৃষ্ণ রাধাবল্লভজীর একজন প্রধান



ভক্ত ছিলেন এবং তিনি এই দেবসেবাদের জন্ত বিস্তর অর্থ ব্যয় করিয়াছিলেন।

খৃষ্টান মিশনারীদের সংশ্রবেই শ্রীরামপুরের প্রসিদ্ধি। বর্তমান বাঙ্গালা ভাষার গঠনমূলে শ্রীরামপুরের নাম উল্লেখ না করিয়া থাকা যায় না। অগ্ণাৎ বহু স্থানের ঞ্চয় এখানকার প্রাচীন ইতিহাসও অজ্ঞাত। ১৭৫৫ খৃষ্টাব্দে চন্দননগরের গোলন্দগপাড়া হইতে দিনেমারদের এখানে আগমনের প্রসঙ্গেই উহার কথা জানা যায়। কার্যের সুবিধার জন্ত মুরশিদাবাদের ফরাসী এজেন্ট মসিয়ে ল' (Mons. Law)র চেষ্টায় নবাবের

করেন। সে সময় তাঁহাদের অধ্যক্ষ ছিলেন মিঃ সোয়েৎম্যান (Mr. Soetman)। প্রায় অর্ধশতাব্দী ধরিয়া তাঁহারা এখানে অব্যাহতভাবে ব্যবসাকার্য্য চালাইয়া সবিশেষ উন্নতিলাভ করেন। ১৮০১ খৃষ্টাব্দে যখন ইংলণ্ডের সহিত ডেনমার্কের যুদ্ধ হয়, তখন তাঁহারা তাঁহাদের কার্য্যে প্রথম বাধা প্রাপ্ত হন। এই সময় ব্যারাকপুর হইতে একদল সৈন্য আসিয়া শ্রীরামপুর দখল করে এবং ইহা ইংরাজদের হস্তগত হয়। পরে ইয়োরোপে শান্তি সংস্থাপনের সঙ্গে সঙ্গে ১৮১৫ খৃষ্টাব্দে উহা দিনেমারদিগকে প্রত্যর্পিত হয়। এই সময় কোম্পানীর



জগন্নাথ মন্দির—মাহেশ

নিকট হইতে তাঁহারা এই স্থান প্রাপ্ত হন। উক্ত বৎসরের ৮ই অক্টোবর তারিখে শ্রীরামপুরে দিনেমার পতাকা প্রথম উড্ডীন হয় এবং তাহা রক্ষা করিবার জন্ত চারিজন জমাদার নিযুক্ত করা হয়। নবাবের নিকট হইতে ফরমান পাইতে ও জমি সংগ্রহ করিতে মোট ১৬ হাজার পাউণ্ড ব্যয়িত হইয়াছিল। দিনেমাররা মোট ৬০ বিঘা জমি প্রাপ্ত হইয়াছিলেন।

দিনেমাররা এখানে প্রথমে একখানি চালাঘর নির্মাণ-পূর্বক তাহা মাটির প্রাচীর বেষ্টিত করিয়া কুঠির কার্য্য আরম্ভ

আর্থিক অবস্থা খুবই খারাপ হয়। ব্যবসায়ের অবস্থা ক্রমাগত নৈরাশ্রজনক হওয়ায়, ডেনমার্কের রাজা উহা ইংরাজ গভর্নমেন্টকে বিক্রয়ের কল্পনা করেন; এবং ১৮৫৫ খৃষ্টাব্দের ১১ই অক্টোবর শ্রীরামপুর ও ট্রানকোয়েবার, ঠিক ২০ বৎসর ৩ দিনের পর ১২০০০ পাউণ্ডে হস্তান্তরিত হয়। শ্রীরামপুরকে ডেনমার্কের রাজার নামানুসারে তৎকালে ফ্রেড্রিকনগরও বলা হইত।

১৭৯৬-৯৭ খৃষ্টাব্দে এখানে প্রথম খৃষ্টান মিশনারীরা আগমন করেন। তৎপরে ১৭৯৯ খৃষ্টাব্দে ডাক্তার মার্শম্যান,

ওয়ার্ড ও তাঁহাদের দুইজন মিশনারী বন্ধু এখানে আগমন করেন। তদানীন্তন গভর্নর লর্ড ওয়েলেসলি তাঁহাদিগকে ফরাসী গুপ্তচর বিবেচনার প্রথম দেশে ফিরিয়া যাইবার আদেশ করেন। পরে ডেভিড ব্রাউনের (Rev. David Brown) চেষ্টায় এই ভ্রম সংশোধিত হয় এবং তাঁহারা এখানে বসবাসের আদেশ প্রাপ্ত হন। কিন্তু তাঁহাদের অভিপ্রায় মত মালদহে ডাক্তার কেরির নিকট যাওয়ার চেষ্টায় তাঁহারা বাধা প্রাপ্ত হন এবং গভর্নমেন্ট কর্তৃক শ্রীরামপুরের মধ্যস্থি বসবাস করিতে বাধ্য হন। কয়েক সপ্তাহ পরেই কেরি

হইয়াছিল। খৃষ্টধর্ম বিষয় গ্রন্থের প্রথম বঙ্গানুবাদ এখান হইতে তাঁহারাই প্রকাশ করেন। তাঁহাদের চেষ্টাতেই প্রথম বাঙ্গালায় মিশনারী ছাপাখানা স্থাপিত হয়। মিশনারী মিঃ ম্যাকের চেষ্টায় প্রথম ভারতবর্ষের মানচিত্র বাঙ্গালী অক্ষরে নাম সহ প্রকাশিত হয়। (৫) বৈদেশিকভাবে প্রথম বাঙ্গালী বিদ্যালয়ের প্রতিষ্ঠা তাঁহারাই করিয়াছিলেন। প্রথম বাঙ্গালী সংবাদপত্র মার্শম্যান সম্পাদিত "সমাচার দর্পণ" ১৮১৮ খৃষ্টাব্দে এই স্থান হইতেই প্রকাশিত হয়। (৬) Friend of Indiaও এই স্থান হইতে প্রকাশিত



বারাকপুর পার্ক হইতে শ্রীরামপুর

এখানে আসিয়া তাঁহাদের সহিত মিলিত হন। এই তিনজনে মিলিয়া শ্রীরামপুর মিশনের সৃষ্টি করেন। এই মিশন, তাঁহাদের মধ্যে শেষ মিশনারী মার্শম্যানের মৃত্যুকাল অর্থাৎ ১৮৩৭ সাল পর্য্যন্ত স্থায়ী ছিল।

এই মহাস্মারকের সম্বন্ধে বিস্তৃত ভাবে লিখিবার স্থান এখানে নাই। তাঁহারা সকলেই বাঙ্গালী ভাষায় যথেষ্ট ব্যুৎপত্তি লাভ করিয়াছিলেন। তাঁহাদের চেষ্টায় যেমন বাঙ্গালায় দেশীয়দের মধ্যে খৃষ্টধর্মের অভ্যাস হইয়াছিল, তেমনই তাঁহাদের পরিশ্রমে বঙ্গভাষারও যথেষ্ট শ্রীবৃদ্ধি

হইত। এতদ্বির ভারতে প্রথম ষ্টীম এঞ্জিন শ্রীরামপুরের কাগজের কলেই আনীত হয়। প্রথম বাঙ্গালী খৃষ্টধর্মে দীক্ষালাভ করে এই স্থানে। খৃষ্টানী মতে বাঙ্গালীর বিবাহ হয় প্রথম এইখানে। বর্তমান শিবপুর বোটানিক্যাল গার্ডেনের প্রতিষ্ঠার মূলও শ্রীরামপুরের ডাক্তার কেরি।


(৫) The Life and Times Carey, Marshman and Ward, vol. 11.

(৬) A return of the names and writings of 515 persons connected with Bengali Literature—Long.

শ্রীরামপুর কলেজ মিশনারীদের অন্ততম কীর্তিস্তম্ভ। এখানকার গোরস্থানে এই তিন মহাত্মার সমাধি আজিও দেখা যায়।

পূর্বোক্ত মিশনারীগণ ভিন্ন এখানে মিঃ ম্যাক্, ডেভিড্,

সুন্দর গির্জাটি ১৩৩৬ টাকা ব্যয়ে ইং ১৭৭৬ সালে প্রস্তুত হয়। লুথেরান গির্জা ১৮০৫ অব্দে ১৮৫০০ টাকা ব্যয়ে নির্মিত হয়। কনভেন্টটি অপেক্ষাকৃত নতুন, উহার নির্মাণকাল ১৮৪০ এর পর।



দিনেমার গভর্ণরের বাটা— শ্রীরামপুর ; এক্ষণে কাছারীরূপে ব্যবহৃত হইতেছে।

ব্রাউন, মার্টিন্, কুপি, বুকানন্ প্রভৃতি প্রসিদ্ধ মিশনারীগণও বাস করিতেন। তাঁহাদের বহু নিদর্শন আজিও বর্তমান রহিয়াছে। এখানকার মিশন চার্চ, ডাক্তার কেরি ও তাঁহার

শ্রীরামপুরের গোস্বামী-বংশ অতি প্রাচীন ও সম্ভ্রান্ত। আদিশূর কর্তৃক কনৌজ হইতে আনীত পঞ্চ ব্রাহ্মণের মধ্যে চন্দ্রের পুত্র ধরাধর গোস্বামী-বংশের আদিপুরুষ।




শ্রীরামপুরের গির্জা

সহযোগীদের দ্বারা ১৮০০ খৃষ্টাব্দে তাঁহাদের বাসভবনের সংলগ্ন জমির উপর নির্মিত হয়। রোম্যান ক্যাথলিক গির্জা সর্বপ্রথম ১৭৬৪ খৃষ্টাব্দে ক্ষুদ্রাকারে নির্মিত হয়। বর্তমান

পুরের গোস্বামী-বংশের প্রতিষ্ঠাতা বলা যাইতে পারে। তিনি বাসের জন্ম সেওড়াফুলির রাজাদের নিকট হইতে জমি প্রাপ্ত হন এবং বিষ্ণুপুরের রাজা কর্তৃক

বর্তমান জেলার পাটুলি গ্রামে ইহাদের আদি বাস ছিল। সেওড়াফুলি ও বংশবাটার রাজাদের আদি বাসস্থানও এই স্থানে ছিল। গোস্বামীদের প্রকৃত উপাধি চক্রবর্তী। তাঁহাদের পূর্বপুরুষ লক্ষণ চক্রবর্তী শান্তিপুরের গোস্বামী বংশে বিবাহ করেন। তাঁহার পুত্র রামগোবিন্দ মাতুলের জমিদারী ও অত্যাশ্রয় সম্পত্তির অধিকারী হওয়ায়, তিনিই প্রথম গোস্বামী নামে খ্যাত হন। কথিত আছে, একদা নৌকা জলমগ্ন হইলে তিনি সস্তরণ করিয়া শ্রীরামপুরে উঠেন এবং তদবধি এই স্থানে বাস করেন। সুতরাং তাঁহাকেই প্রকৃতপক্ষে শ্রীরাম-

শ্রী রাধামোহন, গোপাল ও রাধিকা এই তিন দেব-  
দেবীর সেবাইৎ নিযুক্ত হন ও তৎসহিত উক্ত রাজার  
প্রদত্ত নিষ্কর দেবোত্তর জমি প্রাপ্ত হন। এখনও এই তিন




শ্রীরামপুর কলেজ

দেব দেবী গোস্বামীবংশের গৃহদেবতা রূপে বিরাজ  
করিতেছেন।

রামগোবিন্দের পুত্র হরিনারায়ণ দিনেমার কোম্পানীর  
দেওয়ান ছিলেন এবং প্রচুর ধনোপার্জন করিয়াছিলেন।

উহা খরিদ করিতে প্রস্তুত ছিলেন। ইংরাজ গভর্ণমেন্ট তাহা  
করিতে দেন নাই। (৭)


এখানকার দে-বংশও খুব প্রাচীন ও সম্পদশালী। ষোড়শ  
শতাব্দীর প্রারম্ভে দমদমার নিকটবর্তী গাঁতি নাম গ্রামে  
ইহাদের আদিম বাস ছিল। তৎপরে সে স্থান পরিত্যাগ  
করিয়া তাঁহার্য রিষড়ায় আসিয়া বাস স্থাপন করেন।  
প্রায় দুইশত বৎসর পূর্বে এই বংশের পূর্বপুরুষ রামভদ্র দে  
ব্যবসায় উপলক্ষে শ্রীরামপুরে উঠিয়া আইসেন। উক্ত দে  
মহাশয়ের একখানি মন্দির দোকান ছিল। তাঁহার পুত্র  
সাথলীরাম ভূগার ব্যবসা ও দিনেমার কোম্পানীর আনীত  
বৈদেশিক দ্রব্যের ব্যবসা দ্বারা উন্নতিলাভ করিয়াছিলেন।  
কিন্তু প্রকৃত প্রস্তাবে এই বংশের গৌরব প্রতিষ্ঠা করিয়া-  
ছিলেন তদীয় জ্যেষ্ঠ পুত্র রামচন্দ্র। তিনি কলিকাতায়  
কোন আশ্রয়ের লবণের কাজে শিক্ষানবীশরূপে প্রবেশ  
করিয়া, শেষে নিজ চেষ্টা ও কার্যদক্ষতার লবণের ব্যবসা  
দ্বারা বিপুল সৌভাগ্য অর্জন করিয়াছিলেন এবং উপার্জিত




ডাক্তার কেরির সমাধি-স্তম্ভ—শ্রীরামপুর

তাঁহার কনিষ্ঠ সহোদর রঘুনাথও পামার কোম্পানীর মুচুন্দি  
হইয়া, এবং ব্যবসা কার্যের দ্বারা বিস্তর ধনসম্পদের  
অধিকারী হইয়াছিলেন। ডেনমার্ক-অধিপতি যখন  
শ্রীরামপুর বিক্রয়ের অভিলাষ করেন, তিনি দ্বাদশ লক্ষ মুদ্রায়

অর্থের যথেষ্ট সন্ধ্যবহারও করিয়াছিলেন। ১২৩০ সালে  
আষাঢ় মাসে রামচন্দ্র পরলোকে গমন করেন। তাঁহার



নিস্তারিনী-কালীমন্দির—সেওড়াকুলি



নিমাইতীর্থের ষাট—বৈষ্ণবাটী

সহধর্মিণী তাঁহার সহিত সহমৃত্যু হইয়া এই বংশকে গৌরবান্বিত করিয়া গিয়াছেন।


এই দে-বংশ পূর্বাপর অত্যন্ত ধার্মিক বলিয়া পরিচিত। শ্রীরামপুরস্থ যাবতীয় জনহিতকর প্রতিষ্ঠানসমূহই প্রায় ইহাদের অর্থসাহায্য আছে। শ্রীরামপুরে শ্রীশ্রীকালী-

ফুলির রাজারা। বৈষ্ণবাচার পুরাতন ও সমৃদ্ধ হাটের প্রচুর আর দৃষ্টে উক্ত বংশের প্রধান হরিশ্চন্দ্র প্রতিযোগিতা করিয়া এই বাজার স্থাপন করেন। ইহার পূর্বে তিনি পূর্বোক্ত নিস্তারিণী নামে এক অতি সুগঠিত কাণীমূর্তি প্রতিষ্ঠা করেন। মন্দির ও মূর্তি গঠন কার্যে তাঁহার দশ সহস্রাধিক টাকা ব্যয় হইয়াছিল। এই কাণী দর্শনার্থ বহু লোকের সমাগম হইয়া থাকে।

সেওড়াফুলির রাজারা বাঙ্গালার অতি প্রাচীন ও সম্ভ্রান্ত বংশসম্ভূত। পূর্বেই উক্ত হইয়াছে, ইহাদের আদি বাস ছিল কাটোয়ার অনতিদূরে পাটুলি নামক গ্রামে। মুসলমান রাজত্বকালে ইহাদের পূর্বপুরুষ মনোহর রায় কোন ব্রাহ্মণ জমিদারকে ঋণদায় হইতে মুক্ত করিয়া রক্ষা করার জন্ত, মুরশিদ কুলিখাঁর সময়ে নবাব তাঁহার প্রতি অত্যন্ত সন্তুষ্ট হইয়া তাঁহাদের বংশগত “সুদ্রমনি” উপাধি প্রদান করেন। সুদীর্ঘকাল ধরিয়া তাঁহারা এই উপাধির মর্যাদা রক্ষা করিয়া আসিয়াছিলেন। এমন বিখ্যাত মন্দির এ অঞ্চলে কমই আছে, যাহা কখন না কখন তাঁহাদের সাহায্য প্রাপ্ত না হইয়াছে। মাহেশের জগন্নাথদেবের সেবার্থ জগন্নাথপুর নামক পল্লী তিনি দেবোত্তর করিয়া দিয়াছিলেন।

সেওড়াফুলির উত্তরে বৈষ্ণবাচার পূর্বে এই স্থানে বহু বৈষ্ণব বাস

থাকায় বৈষ্ণবাচার নামের উৎপত্তি। বৈষ্ণবাচার যে প্রসিদ্ধ হাট আজিও বর্তমান আছে, পূর্বোক্ত সেওড়াফুলির বাজার প্রতিষ্ঠিত হইবার পূর্বে কলিকাতার নিকটে পাট ও তরিতরকারীর এতাদৃশ হাট আর কোথাও ছিল না। এখনও কলা ও কুমড়ার এতাদৃশ হাট এ অঞ্চলে আর আছে কি না সন্দেহ। এখানকার শ্রীশ্রীভদ্রকালী অতি প্রাচীন দেবতা। সুপ্রসিদ্ধ নিমাই তীর্থের ঘাটটিও




শ্রীশ্রীনিস্তারিণী কালী—সেওড়াফুলি

মাতার পূজার জন্ত এক সুবৃহৎ মণ্ডপ ও কাণীতে শ্রীশ্রীশিব স্থাপন ইহাদের অন্ততম কীর্তি। (৮)

শ্রীরামপুরের পর চাতরা। এখানে উল্লেখ করিবার মত কিছুই নাই। তৎপরে সেওড়াফুলি। এখানকার হাট ও কালীবাটা প্রসিদ্ধ। এই উভয়েরই প্রতিষ্ঠাতা সেওড়া-



চাপদানীর মাঠ —কথিত আছে—এই স্থানে ছাউনি ছিল ।




গরুটি প্রাসাদ

খুব প্রাচীন। কথিত আছে, শ্রীচৈতন্যদেব পুরীতে জগন্নাথ দর্শনার্থ ঘাইবার কালে গঙ্গাতীরে এই ঘাটে বিশ্রাম লাভ করিয়াছিলেন; এবং তাঁহার আদেশে ঘাট সান্নিধ্যে নিম্নতরু রোপিত হইয়াছিল। চৈতন্যদেবের জীবনচরিতে এবং অল্প বাঙ্গালা কবিতায় এক্ষণে লেখা আছে—এই নিমগাছ-ঘাটত ব্যাপার হইতে তাঁহার অল্প নাম নিমাই হইয়াছে। (৯)

এখানকার পুরাতন ঘাটটি পরে সংস্কৃত করা হয় এবং উহার উপর চাঁদনী নির্মিত হয়। পৌষ-সংক্রান্তি ও বারুণীর সময় এখানে দুইটি বড় মেলা হইয়া থাকে। উক্ত চাঁদনী প্রভৃতি চন্দননগরের স্বনামধন্য কাশীনাথ কুণ্ডুর দ্বারা নির্মিত হইয়াছে। এই অঞ্চলের মধ্যে পথিকদের জন্য ডাক-বাঙ্গালা সর্বপ্রথম এই বৈষ্ণবাটীতেই নির্মিত হইয়াছিল। (১০) বাঙ্গালার প্রথম উপন্যাস আলালের ঘরের ছলালের সহিত এই স্থানের সম্পর্ক আছে। (১১)

বৈষ্ণবাটীর পর চাঁপদানী। এই ক্ষুদ্র গ্রামের প্রসিদ্ধি তেমন না থাকিলেও ইহা একটি প্রাচীন স্থান এবং বাঙ্গালার রাজনৈতিক ইতিহাসের সহিত ইহার একটু সম্পর্ক আছে। মনসা মঙ্গলে ইহারও উল্লেখ দেখা যায়। বাঙ্গালার নবাবনাজিম মিরজাফরের নিকট হইতে প্রধান সেনাপতি কর্নেল্ কুট (Sir Eyre Coot) ইহা প্রাপ্ত হইয়াছিলেন। হাইদার আলির বিরুদ্ধে যুদ্ধার্থ সৈন্য প্রেরণ জন্য, ১৭৬১ খৃষ্টাব্দে মেদিনীপুরে প্রেরিত সৈন্যের অবশিষ্ট সৈন্য পরিদর্শনার্থ হেষ্টিংস এই স্থানে আসিয়াছিলেন। (১২) পূর্বকালে এই স্থান ডাকাতি ও খুনের জন্যও প্রসিদ্ধ ছিল।

এই স্থানের পর গৌরহাটা। ইহার কতক অংশ বৃটীশ এবং কতক অংশ ফরাসী দ্বারা অধিকৃত। এই স্থানকে গিরটি, গিরেটা, আবাব কেহ বা গরুটি বলিয়াছেন। ফরাসগঞ্জ নামেও ইহার উল্লেখ দৃষ্ট হয়। (১৩) বোর্টের ম্যাপ, জোসেফ্ সার্ভে ম্যাপ প্রভৃতি পুরাতন মানচিত্রে এই স্থান ক্রেঞ্চ্ গার্ডেন বলিয়া উল্লিখিত



গরুটি প্রাসাদের শেষ চিহ্ন

আছে। সচরাচর লোকে ইহাকে গরুটি বলিয়া থাকে।

এই স্থানটি আকারে ক্ষুদ্র হইলেও ইহার ঐতিহাসিক মূল্য কম নহে। ইহা এক সময় চন্দননগরের ফরাসী গভর্নর

(৯) District Gazetteers—Hughly.

(১০) Rural Life in Bengal.

(১১) District Gazetteers—Hughly.

(১২) District Gazetteers—Hughly.

(১৩) District Gazetteers—Hughly.



ছপ্পের একটি রম্য উদ্যানভবন বা পল্লীবাস ছিল। দেড়শত বৎসর পূর্বে এখানে গভর্ণরের নিমন্ত্রণে ক্লাইব, ভিয়ারলেট, হেষ্টিংস, স্যর উইলিয়াম জোন্স, ফিলিপ ফ্রান্সিস প্রমুখ চুঁচুঁ, চন্দ্রনগর, শ্রীরামপুর ও কলিকাতার ইয়োরোপীয় সৌখিন নরনারীগণের সর্বদা

আড়ম্বরে সদা মুখরিত থাকিত, সেই রূপ রাজ্য-সংক্রান্ত পরামর্শদির জন্ত মিলনেরও ইহা স্থান ছিল।

এই প্রাসাদের মধ্যে একটি এতবড় হল ছিল, যাহার মধ্যে একসঙ্গে একশত নরনারী স্বচ্ছন্দে পান-ভোজন করিতে পারিত। ইহার উচ্চতা ৩৬ ফিট ছিল। এই সুসজ্জিত

বিচিত্র গৃহাভ্যন্তরে প্রবেশ করিলে অকস্মাৎ ভার্সেইএর কোন কোন স্তম্ভাস্ত পল্লীনিবাসের কথা মনে হইত। এমন কি, এই পল্লীকে কেহ কেহ পূর্বে ভার্সেই নামে আখ্যাত করিয়াছেন। ইহার সৌন্দর্য্যে মুগ্ধ হইয়া গ্রাঁপ্রি (১৫) (Grandpre) ও কুরি (১৬) (Right Rev. Daniel Currie) এই প্রাসাদকে ভারতের মধ্যে সর্বোৎকৃষ্ট ভবন বলিয়াছেন। যে দেশে তাজমহল আছে, যে দেশের দিল্লী, আগ্রা প্রভৃতি নগর মুসলমান বাদশাহদের অনূপম প্রাসাদ সকল অবস্থিত, যাহার স্থাপত্যের স্থান পৃথিবীর শ্রেষ্ঠ স্থাপত্য সকলেরও উপর বলিলে অতুলিত হয় না— সেখানে অবশ্য এ কথার কোন বিশেষ অর্থ আছে মনে হয় না। মনে হয়, লেখকের বলিবার উদ্দেশ্য, তৎকালীন ইয়োরোপীয়দের দ্বারা নিশ্চিত এ দেশের ইয়োরোপীয় ধরণের অট্টালিকা সমূহের মধ্যে ইহা শ্রেষ্ঠ। এই ইতিহাস-প্রসিদ্ধ পল্লী-আবাসের ভগ্নাবস্থা দেখিয়া



শ্রী শ্রী গ্ননপূর্ণার মন্দির—তেলিনীপাড়া

সম্মিলন হইত। প্রাসাদ-সংলগ্ন উদ্যান পার্শ্বস্থ সুবিস্তৃত বৃক্ষবীথিকা সমস্ত সময় নিমন্ত্রিতগণের শতাধিক যানাদিতে পরিপূর্ণ থাকিত। (১৪) এই ভবন যেমন অশ্রদ্ধ

ঐতিহাসিক মার্শম্যান্ ভ্রমণ করিয়া বলিয়াছেন, গোড়ের ধ্বংসাবশিষ্ট প্রাসাদ ও মসজিদ সমূহ দর্শনে দর্শকের

(১৪) Selections from unpublished Records of Government for the year 1748 to 1767.

(১৫) A voyage in the Indian Ocean and Bengal undertaken in the years 1789 and 1790.

(১৬) Heber's journey through the upper Provinces of India.

মনে উহার পূর্ব-গোরবের কথা উদিত হইয়া যে একটা গভীর দুঃখে হৃদয় ভরিয়া উঠে, যদি একপ দুঃখের নিদর্শন বঙ্গে আর কোথাও থাকে, তবে তাহা ফরাসী গভর্ণরের ভগ্ন-প্রাসাদ-পূর্ণ এই গরুটীর বাগান।

বিশ্ব কুরি ভারত-ভ্রমণ কালে এই পরিত্যক্ত অসংস্কৃত প্রাসাদের সুন্দর সোপান, বৈচিত্র্যময় ভগ্নপ্রায় উচ্চ স্তম্ভ সকল, বিবিধ কারুকার্য-বিশিষ্ট বোডি'মন্ট প্রভৃতি দেখিয়া বিলাতের শ্রমসায়ারের ধ্বংসপ্রায় মোরেটন করবেট ( Moreton Corbet ) নামক সুপ্রসিদ্ধ অট্টালিকার কথা

গোরহাটীর পূর্ব কথা, এমন কি কিরূপে তাহা ফরাসীদের হস্তগত হইয়াছিল, তাহার কিছুই জানা যায় না। মোটামুটি পূর্বোক্ত প্রাসাদের সহিতই ইহার ইতিহাস বিজড়িত। তন্নিম্ন ক্লাইবের সময় বাঙ্গালার সৈন্যদলের অধিক অংশ সময় সময় এই স্থানে থাকিত বলিয়া জানা যায়। ষ্ট্রাবোরিনস্ ( Stravorinus ) ১৭৭০ খৃষ্টাব্দে সহস্রাধিক লোক থাকিতে পারে ইংরাজদের এমন একটি মিলিটারি দুর্গ দেখিয়াছিলেন। ইংরাজি ১৭৫৭ অব্দের মে জুন মাসে মিরজাফরের সহিত গোপন সন্ধির উদ্দেশ্যে ক্লাইব এই স্থানে অপেক্ষা করিয়া-



বর্তমান গরুটি

তাহার মনে উদিত হইয়াছিল। তিনি বলিয়াছিলেন, এই প্রদেশের মধ্যে ইহাই পতনোন্মুখ উন্নতির একমাত্র ( ১৭ ) নিদর্শন। ফরাসী গভর্ণর মসিয়ে শেভালিয়ে ( Mons Chevelier ) ইহার প্রনষ্ট গোরব উদ্ধারের জন্ত ইহাকে একবার সুসংস্কৃত করিয়াছিলেন। পরে ইংরাজ কর্তৃক ইহা আক্রান্ত হইলে তিনি এই স্থান হইতেই গোপনে পলায়ন করিয়াছিলেন।

ছিলেন এবং ১২ই জুন তিনি এই স্থান হইতেই মুরশিদাবাদ অভিমুখে সৈন্য চালনা করিয়া পলাশী প্রাঙ্গণে জয়লাভ দ্বারা ভারতে বৃটীশ সাম্রাজ্য স্থাপনের ভিত্তি সুদৃঢ় করেন। ( ১৮ )

প্রাচীন কালের গোরবময় যুগে এই স্থানে ফরাসীদের একটি নাট্যশালা ছিল। সুপ্রসিদ্ধ ফিরিঙ্গী কবি আণ্টনি সাহেব এক হিন্দু রমণীকে বিবাহ করিয়া এই স্থানেই বাস করিতেন।

( ১৭ ) Heber's journey through the upper Provinces of India .

( ১৮ ) District Gazetteers—Hughly. The Musnud of Murshidabad ও অন্ত কোন কোন গ্রন্থে ১৩ই জুন লেখা আছে।


এই পল্লীর পরই ভদ্রেস্বর। বিপ্রদাসের কবিতায় ভদ্রেস্বরের নাম পাওয়া যায়। শ্রীশ্রীভদ্রেস্বর নামক শিবলিঙ্গ ও ভদ্রেস্বরের বাজারের জগুই ইহার প্রসিদ্ধি। এই দেবতার নাম হইতেই এই স্থানের নাম হইয়াছে। বুদেসি নামেও এই স্থানের উল্লেখ দৃষ্ট হয়। কালনা হইতে কলিকাতা পর্য্যন্ত স্থানের মধ্যে এত বড় বাজার আর কোথাও ছিল না। কলিকাতা ও ভদ্রেস্বরের চতুর্পার্শ্বস্থ দশ ক্রোশের সকল স্থানের ধান চাউল এই স্থান হইতে সরবরাহ হইত। পাটের ব্যবসাও এখানে যথেষ্ট ছিল। ভদ্রেস্বর দেবের উৎপত্তির বিবরণ অজ্ঞাত। সাধারণের বিশ্বাস—ইনি কাশীর বিশ্বেশ্বর, দেওঘরের বৈষ্ণাথ দেবের স্ত্রী স্বয়ম্ভু। এই স্থানে এক সময়

সংস্কৃত শিক্ষার চর্চা যথেষ্ট ছিল এবং শিক্ষার জন্ত ১০টি টোল ছিল। (১৯)

ভদ্রেস্বর অতিক্রম করিয়া চন্দননগরের মধ্যে তেলিনী-পাড়া নামক একটি ছোট গ্রাম আছে। এখানকার পুরাতন কথা বা প্রসিদ্ধির বিষয় কিছু উল্লেখ পাওয়া যায় না। এখানকার বন্দ্যোপাধ্যায়-বংশ ও তাঁহাদের পূর্বপুরুষদের প্রতিষ্ঠিত শ্রীশ্রীভদ্রেস্বর মন্দির প্রসিদ্ধ। এই বন্দ্যোপাধ্যায় মহাপ্রসাদিগের পূর্বপুরুষ বৈষ্ণাথ বন্দ্যোপাধ্যায় হইতেই এই বংশের উন্নতি হয়।

ক্রমশঃ—

( ১৯ ) Adam's Report on vernacular education in Bengal.



## তিন অঙ্ক

শ্রীহেমেন্দ্রকুমার রায়

প্রথম

রঙ্গালয়,—নাটকের প্রথম অঙ্কের পরে তখন যবনিকা পড়েছে।

‘কনসার্ট’ বাজছিল—সপ্তপাতালভেদী ভীষণ নিনাদে! ত্রেতাযুগে বোধ করি বাংলা রঙ্গালয়ের ‘কনসার্ট’র অস্তিত্ব ছিল না, কারণ তাহলে কুম্ভকর্ণের নিদ্রা ভঙ্গের জন্তে তাঁর আত্মীয়-স্বজনগণকে নিশ্চয়ই বেশী আয়াস স্বীকার করতে হ’ত না!

চারু বললে, “ওহে চন্দর, এখানে তো আর ব’সে থাকা অসম্ভব! চল, বাইরে পালাই চল!”

চন্দ্র একটি ‘বক্সে’র দিকে দৃষ্টি নিবদ্ধ ক’রে বললে, “চারু, আমি যেদিকে চেয়ে আছি, সেইদিকে একবার তাকাও দেখি, ‘কনসার্টে’র অস্তিত্ব আর তোমার মনেও থাকবে না!”

চারু সেইদিকে তাকালে। যা দেখলে, তাতে তার চোখ হয়ে গেল একেবারে নিষ্পলক!

‘বক্সে’ এক সুন্দরী ব’সে আছে—যদিও ব্যাপারটা খুবই সাধারণ! তবে এর মধ্যে যদি অসাধারণতা কিছু থাকে, তবে তা আছে ঐ সুন্দরীর সৌন্দর্য্য!

পৃথিবীতে সুন্দরী আছে অনেক, কিন্তু সকলেই কি সৌন্দর্য্যকে ব্যবহার করতে জানে?

ইতিহাস বলে, মিসরে ও রোমে এমন সুন্দরী ছিল অসংখ্য, ক্লিওপেট্রা যাদের পাশে দাঁড়াবার যোগ্য ছিল না। কিন্তু ক্লিওপেট্রার রূপ বার বার দিগ্বিজয় করেছিল সেই মিসরে এবং রোমেই!

দেহকে কি-ক’রে চিত্তাকর্ষক ক’রে তোলা যায়, সে হচ্ছে এক অদ্ভুত আর্ট!

চারু যার দিকে এমন পলক-হারা চোখে তাকিয়ে আছে, এই দুর্লভ আর্ট সে জানে!

চারু মোহিত স্বরে বললে, “চন্দর, এয়ে আশ্চর্য্য রূপ! এ কে ভাই?”

চন্দ্র বললে, “ডাইনি কিরণ।”

চারু বিস্মিত কণ্ঠে বললে, “ডাইনি কিরণ?”

—“হ্যাঁ, কলকাতার এক বিখ্যাত বিলাসিনী। এর নৈশ নিকেতনে আজ পর্য্যন্ত কত হৃদয় ভগ্ন হয়েছে, তার হিসাব কেউ রাখতে পারে-নি!”

—“এমন সুন্দরীর এমন নাম!”

—“হ্যাঁ, কারণ এর আঁচল একবার যার পায়ে জড়িয়েচে, সে আর কখনো মুক্তি পায় নি। আমি অন্তত দশজন এমন বিখ্যাত ধনীকে জানি, এর জন্তে যারা আজ পথের ভিখারী! লোকে বলে, ডাইনি কিরণের বুকের তলায় হৃদয় ব’লে কোন জিনিসের অস্তিত্ব নেই।”

—“কিন্তু ওর পিছনে ব’সে আছে ও কে?”

—“কুমার নরেন্দ্রনাথ রায়—ডাইনি কিরণের নতুন শিকার।”

—“খুব ধনী বুঝি?”

—“হ্যাঁ, কিন্তু ও ধনদৌলৎ আর বেশীদিন থাকবে না, ইতিমধ্যেই কুমারের লোহার সিন্ধুকে বোধ হয় ভাঙন ধরেচে।”

“কেন, কুমারকে সাবধান করবার কেউ কি নেই?”

—“সাবধান ক’রে ফল হয় নি। পতঙ্গ যে সজ্ঞানেই আগুনে গিয়ে ঝাঁপ দেয়! কুমার বিবাহ করেচেন, তাঁর সংসারে স্ত্রী, পুত্র, কন্যা সবই রয়েছে, কিন্তু তিনি তাদের দিকে ফিরে চেয়ে দেখবার অবকাশ পান না।”

—“কি অশ্রায়!”

—“তুমি শুনলে অবাক হবে যে, অর্থাভাবে কুমারের স্ত্রীর কণ্ঠের আর অবধি নেই। নিজের আর ছেলে-মেয়ের জন্তে স্বামীর কাছ থেকে তিনি তো একটি কানাকড়িও পান না, কাজেই তাঁকে ধার করে খরচ চালাতে হয়!”

—“কেন, কুমারে স্ত্রীর কি কোন আত্মীয় নেই?”

—“এক ধনী খুড়ো আছেন, মধুবাবু। তাঁর অনেক টাকা, তিনি বিবাহ করেন নি। শুনতে পাই, তাঁর সমস্ত বিষয়ের উত্তরাধিকারিণী হচ্ছেন না কি কুমারের স্ত্রী।”

—“তবে ?”

—“কিন্তু মধুবাবুর কাছ থেকে কুমারের স্ত্রী এখন পর্যন্ত কোনই সাহায্য পান-নি।”

—“তুমি এত কথা কি ক’রে জানলে চন্দর ?”

—“কুমার যে আমার প্রতিবেশী।”

চারু আর একবার ‘বক্সে’র দিকে দৃষ্টিপাত করলে। সর্কাজে রূপ, রত্ন আর বিচিত্র বর্ণের চমক নিয়ে সেই অপূর্ব সুন্দরী শুরু হয়ে ব’সে আছে; তার মুখে অতিমূহ হাসির লীলা! চারু, লিওনার্ডো ডা ভিন্সির আঁকা মোনালিসার প্রসিদ্ধ ছবি দেখেছিল। তার মনে হ’ল এ হাসি সেই মোনালিসার হাসির মতই রহস্যের আবরণে ঢাকা!

ঠিক পিছনেই ব’সে আছেন, কুমার। চারিদিক থেকে শত শত নেত্র যে আগ্রহ-ব্যাকুল হয়ে তাঁর সঙ্গিনীর দিকে ছুটে আসছে, এজন্তে তাঁর মন গর্বে আত্মপ্রসাদে পরিপূর্ণ হয়ে উঠছিল! কারণ কুমারের বিশ্বাস, এই যে সার্কজনীন দর্শন-লালসা, এটা মৌন বিশ্বয়ে তাঁরই পছন্দের তারিফ করছে!

চারু ভাবতে লাগল, ইউরিপাইডসের মতই ঠিক। মনুষ্য সৃষ্টির ভিন্ন একটা উপায় ক’রে ভগবানের উচিত, ছনিয়া থেকে স্ত্রীজাতিকে একেবারে লুপ্ত ক’রে দেওয়া!

### দ্বিতীয়

একখানা ইঞ্জি-চেয়ারের উপরে শুয়ে আছে, কিরণ। টুকটুকে ‘স্লিপার’-পরা পা দুখানি রয়েছে ঘরের মেঝেতে ছড়ানো একখানা বাঘের ছালের উপরে। একটা লোমশ কুকুর তার পায়ের তলায় কুণ্ডলী পাকিয়ে, নিজের পেটের ভিতরে মুখ গুঁজে নিদ্রাসুখ উপভোগ করছে।

ঘরবান এসে কিরণের হাতে একখানা চিঠি দিয়ে গেল।

কিরণ খামখানা চোখের সামনে ধ’রে দেখলে, শিরোনামার লেখা স্ত্রীলোকের হাতের। লেখাটাও অচেনা।

“পুরুষের চিঠিই বরাবর পাই। এ চিঠি কে লিখলে ?”

—ভাবতে ভাবতে সে খাম ছিঁড়ে চিঠি বার করলে। তার পর পড়তে লাগল,

“শ্রীমতী কিরণমালা,

আমরা কেউ পরস্পরকে দেখি-নি, কিন্তু আমরা দুজনেই বোধ হয় দুজনের নাম জানি। আপনি কুমার—”  
বাবুর প্রিয়তমা, আর আমি হচ্ছি তাঁরই উপেক্ষিতা, অভাগিনী সহধর্মিণী।”

চিঠি থেকে মুখ তুলে কিরণ খানিকক্ষণ কি ভাবলে। তারপর আবার চিঠির উপরে দৃষ্টিপাত করলে—

“মনের কি অবস্থা নিয়ে আপনাকে এই চিঠি লিখতে বাধ্য হয়েছি, ভগবান তা জানেন। হয় তো আপনিও তা কিছু-কিছু বুঝতে পারবেন, কারণ নারীর মন বোধ হয় নারীর কাছে লুকানো থাকে না।

আমার স্বামীকে মুক্তি দিন—পৃথিবীতে আরো অনেক পুরুষ আছে!

তাঁর সম্পত্তির প্রায় সবই গেছে, যা আছে তাও যেতে বসেছে। তাঁকে এখনো না ছেড়ে দিলে পুল-কন্ডার হাত ধ’রে আমাকে পথে গিয়ে দাঁড়াতে হবে।

আমার এই কাতর ভিক্ষায় যদি আপনার মনে দয়ার সঞ্চার হয়, তাহ’লে আপনি বাহাই হোন—আপনাকে আমি চিরদিন দেবী ব’লে মনে করব।

আর কিছু আমি বলতে চাই না। ইতি—

নিবেদিকা

শ্রীমতী কনকলতা দেবী।”

কিরণ আবার ভাবতে লাগল.....মনের ভিতরে লজ্জা ও ধিক্কারের কত-বড় আঘাত নিয়ে যে একজন পতিব্রতা সতী তার মত কোন নারীকে এমন পত্র লিখতে পারেন, সেটুকু বুঝবার ক্ষমতা কি তার আছে ?.....

নিজের অতীত জীবনের স্মৃতি তার চোখের সামনে ভেসে উঠল। অনেকদিন আগেকার কথা। তখন সবে সে যৌবনে পা দিয়েছে। রাতের পর রাত কেটে গেছে, তার স্বামী বাড়ীতে ফেরেন নি, তার চোখে ঘুম নেই। যেদিন স্বামীর দেখা পেয়েছে, সেদিন তার কি নির্যাতন! একে একে তার সমস্ত গহনা কোন্ উপদেবীর পূজার জন্তে অদৃশ্য হয়েছে, তবু সে স্বামীর মন পায় নি।

তারপর আর সইতে না পেরে, একদিন সে গৃহত্যাগ করলে,—মনের ভিতরে এই প্রতিজ্ঞা নিয়ে যে, জগতের কোন পুরুষকে আর সে ক্ষমা করবে না!.....

কিরণ হঠাৎ নিজের মনে উচ্চ-স্বরে হেসে উঠল !

পিছন থেকে শোনা গেল—“ও কি, পাগল হ’লে না কি, অত হাসচ কেন ?”

কিরণ মুখ ফিরিয়ে দেখলে, কুমার নরেন্দ্রনাথ কখন ঘরের ভিতরে এসে দাঁড়িয়েছে !

সে হাসতে হাসতেই বললে, “তোমার স্ত্রীর চিঠি প’ড়ে হাসচি।”

নরেন ভুরু কঁচকে বললে, “আমার স্ত্রীর চিঠি ?”

—“হ্যাঁ, তোমার স্ত্রী আমাকে চিঠি লিখেচে।”

—“বটে, এত-বড় আস্পর্কী ! কৈ, দেখি !”

—“না, এ চিঠি তোমার দেখবার কোন অধিকার নেই।”

—“কিন্তু কি লিখেছে সে ?”

—“তাও আমি বলব না।”

নরেন নীরবে নিজের ওষ্ঠ দংশন করলে।

কিরণ একটু চুপ ক’রে থেকে বললে, “শুন্চি তোমার বিষয়-সম্পত্তির অবস্থা না কি বড়ই খারাপ হয়ে পড়েচে ?”

নরেন গর্জ্জন ক’রে বললে, “কে বললে এ কথা ? নিশ্চয়ই আমার স্ত্রী চিঠিতে—”

বাধা দিয়ে কিরণ অধীর স্বরে বললে, “আগে আমার প্রশ্নের উত্তর দাও !”

—“না, না, সমস্ত মিছে কথা ! তুমি বিশ্বাস কোরো না কিরণ !”

—“বেশ, তোমার অবস্থা যদি এতই ভালো, তাহ’লে কাল দোকানে যে মুক্তার মালা দেখে এসেছি, সেই ছড়া আজ আমাকে কিনে দাও !”

নরেনের মুখ স্তান হয়ে গেল। সে চিবিষে চিবিষে বললে, “তার যে অনেক দাম !”

—“দাম ! দামের খোঁজে আমার দরকার কি ! সে মুক্তার মালা আমার পছন্দ হয়েছে, তাই-ই কি তোমার পক্ষে যথেষ্ট নয় ?”

—“কিন্তু এই গেল সপ্তাহেই আমি যে তোমাকে দশ হাজার টাকার জিনিষ কিনে দিয়েচি। তুমি একটু বিবেচনা ক’রে দেখ !”

কিরণ আবার হা হা ক’রে হেসে উঠে বললে, “বিবেচনা ? আমি ও-সবের ধার ধারি না—বুঝেছ ?

তাই তো আমার নাম ডাইনি কিরণ ! দয়া-মায়ী-বিবেচনার দরকার থাকে তো অস্ত্র যন্ত্রগায় যাও, ডাইনি কিরণের কাছে সে-সব কোনদিনই পাবে না !”

### তৃতীয়

চন্দ্র ও চাকর দুই বন্ধু মিলে পূজোর ছুটিতে পশ্চিমে বেড়াতে যাচ্ছে। হাওড়ায় এসে তারা ট্রেনে উঠল। গাড়ী ছাড়তে তখনো দেরি ছিল। চাকর জানলায় মুখ বাড়িয়ে ষ্টেশনের জন-সমারোহ দেখতে লাগল।

একটি পরমা সুন্দরী যুবতীর হাত ধ’রে একজন পুরুষ ব্যস্তভাবে এগিয়ে যাচ্ছিল। তাদের দিকে তাকিয়েই চাকর চোখ সচকিত হয়ে উঠল। সে তাড়াতাড়ি ডাকলে, “চন্দর, চন্দর ! শীগ্গির দেখে যাও !”

চন্দ্র জান্কার ধারে এসে সেদিকে চেয়ে বেশ সহজ ভাবেই বললে, “হুঁ, ডাইনি কিরণ যাচ্ছে !”

চাকর বললে, “কিন্তু সঙ্কর লোকটি কে ?”

—“ডাইনির নতুন শিকার।”

—“কুমার কোথায় গেল ?”

—“তুমি শোনো নি বুঝি ? কুমার যে এখন দেউলে ! কাজেই আর কুধির মিলবে না ব’লে ডাইনি তাকে চিবুনো মাছের মুড়োর মত পরিত্যাগ করেছে।”

—“কি নিষ্ঠুর স্ত্রীলোক !.....তবে কুমারের মত লোকের এমনি শাস্তি হওয়াই উচিত ! কুমার এখন আবার তার অভাগী স্ত্রীর কাছে ফিরে গেছে তো ?”

—“তা গেছে। কিন্তু কুমারের স্ত্রীকে আর অভাগী ব’লে ডেকো না। তাঁর এখন অনেক টাকা।”

—“সে কি ! এই যে বললে, কুমার এখন দেউলে।”

—“হ্যাঁ, কিন্তু তোমাকে সেদিনই তো বলেছিলুম, কুমারের স্ত্রীর এক ধনী খুড়ো আছেন, মধুবাবু। ব্যাপারটা হয়েছে ঠিক উপন্যাসের মতন। মধুবাবু হঠাৎ তাঁর স্বভাবমূলভ উদাসীনতা ত্যাগ ক’রে কুমারের স্ত্রীকে এত অর্থদান ক’রেচেন যে, তাঁকে আর এ জীবনে টাকার ভাবনা ভাবতে হবে না ! কুমারকে এখন একটি পয়সা জন্তেও স্ত্রীর কাছে গিয়ে হাত পাততে হয়। স্ত্রীর একান্ত অনুগত হওয়া ছাড়া এখন আর তাঁর অস্ত্র উপায় নেই !”

—“অদৃষ্টের কি নিষ্ঠুর পরিহাস !”

—“হঁ।.....কিন্তু মধুবাবুর এই আকস্মিক উদারতার সন্দেহ হলে আমি তলে তলে কিছু খোঁজ নিয়ে আর একটি আশ্চর্য্য আবিষ্কার করেছি।”

—“কি আবিষ্কার?”

—“মধুবাবুকে মধ্যস্থ রেখে আর একজন গোপনে কুমারের স্ত্রীকে এই অর্থ দান করেছে। কুমার বা তাঁর স্ত্রী এ-কথার কিছুই জানেন না।”

—“সে কি হে?”

—“হ্যাঁ। এ একটা বিচিত্র খেয়াল, না মৌলিক রসিকতা, না অমৃতপ্ত পাপীর ক্ষণিক দুর্বলতা, তা আমি বলতে পারি না। তবে স্বামীকে ভিখারী করেছে সে স্ত্রীকে রাণী করবার জন্তেই!”

—“এ আবার কি রহস্য! কে সে?”

—“ডাইনি কিরণ।”

## “ওয়াটার সাইকেল বোট”

শ্রীউমাপতি ঘটক

প্রায় ৮।১০ বৎসর পূর্বে আমেরিকার একখানি সংবাদ-পত্রে নিজের চিত্রের স্থায় একটা চিত্র সহ এক দীর্ঘ প্রবন্ধ বাহির হইয়াছিল। তাহাতে ঐ নূতন রকম জলযানের নির্মাতাকে উহার আবিষ্কর্তা বলিয়া নির্দেশ করা হয় ও ঐ যানের উপকারিতা সম্বন্ধে অনেক বিষয়ও লিখিত হইয়াছিল।

প্রায় এক বৎসর পূর্বে, আমার যতদূর মনে হয়, আর একখানি পত্রিকায় ঐ প্রকার আর একটা ছবি দেখিয়াছিলাম

উদ্ভাবন করেন, কই আমরা কল্পজন তাহার খবর রাখি? খবর রাখিতাম—যদি তিনি বিলাত যাইয়া তাহার আবিষ্কার ঘোষণা করিতেন।

প্রায় ৪০ বৎসর পূর্বে কলিকাতার দক্ষিণ চেংলা নামক স্থানে প্রসিদ্ধ সরকারী উকিল ৮কাশীশ্বর ঘটক মহাশয়ের পুত্র ২৪ পরগণা বেহালানিবাসী জগদীশ্বর ঘটক ১৮ বৎসর বয়ঃক্রম কালে ঐ ওয়াটার সাইকেলের আবিষ্কার করেন।

এই জলযান দেখিতে অতি সুন্দর ও ইহার বিশেষত্ব এই যে, ইহা জলে ডুবিয়া যায় না, বা তুফানে উল্টাইয়া যায় না। ইহার নির্মাতা স্বয়ং ইহাতে আরোহণ করিয়া পদ্মানদী পর্য্যন্ত ভ্রমণ করিয়া আসিয়াছিলেন।

ইহার সুন্দর গঠন ও জল-ভ্রমণের নির্ভয়তা উপলব্ধি করিয়া রাজা জ্যোতির্শ্বর ঠাকুর, সাজাহানপুরের মহারাজ ও মহারাজাধিরাজ বর্দ্ধমান বাহাদুর প্রত্যেকেই একখানি করিয়া ঐ জলযান খরিদ করিয়া নির্মাতার উৎসাহবর্দ্ধন করিয়াছিলেন। \*

\* লেখকের আক্ষেপ একেবারে অসঙ্গত না হইলেও, সম্পূর্ণ সঙ্গতও নয়। এই ওয়াটার সাইকেল বোট পুরাতন “ইণ্ডিয়ান ইন্ডাস্ট্রিয়াল এক্সিবিশন”, “মোহন মেলা” প্রভৃতি শিল্প-প্রদর্শনীতে প্রদর্শিত ও প্রশংসিত হইয়াছিল, সংবাদপত্রেও আলোচিত হইয়াছিল। নূতন আবিষ্কারের গৌরব হইতে আবিষ্কারককে বঞ্চিত করা হয় নাই। সে সময়ে সেই বোট আমরাও দেখিয়াছিলাম, পত্রান্তরে তাহার প্রশংসাও করিয়াছিলাম। তাই বলিয়া বিদেশী কোন আবিষ্কারের পরিচয় লইতে পারা যাইবে না, এমন কোন কথা নাই। আমাদের নিজ-দেশের আবিষ্কার যে উপেক্ষিত হয়, তাহা আমাদেরই ব্যবসায় বুদ্ধির অভাবের পরিচায়ক; সেজন্ত বিদেশীকে দোষী করা যায় না। লেখক আমাদের কাছে উহার বিবরণ পাঠাইবামাত্র আমরা উহা প্রকাশ করিলাম। আবিষ্কারক নিজে নিশ্চেষ্ট থাকিলে অপরে কি করিতে পারে?

—ভারতবর্ষ-সম্পাদক।



ওয়াটার সাইকেল বোট

ও তাহার নির্মাতাও একজন বিদেশী। কিন্তু আমাদের এমন দুর্ভাগ্য যে, ঐ সাইকেল বোট আমাদের দেশে একজন বাঙ্গালী প্রথম উদ্ভাবন করিয়া কালের করাল গ্রাসে পতিত হইয়াছেন; কিন্তু আমরা তাহার কোনই সংবাদ রাখি না, বরং উহা নির্মাণের প্রশংসা একজন বিদেশীকে দিয়া দিলাম।

এই যে বাঙ্গালীর প্রত্যেকের কত আদরের সামগ্রী যে “চাউল”, তাহাও প্রস্তুত করিবার কল একজন বাঙ্গালীই

## দিক্শূল

শ্রীউপেন্দ্রনাথ গঙ্গোপাধ্যায়

১৬

অনতিবিলম্বে স্কুমারীর মনোযোগ অপর সকল বিষয়ে হ্রাস পাইয়া সরমার পুত্রের উপর বর্জিত হইয়া উঠিল। সে তাহাকে কোলে তুলিয়া, বুকে ফেলিয়া, আদর করিয়া, চুমা খাইয়া, হাসাইয়া, কাঁদাইয়া, নাচাইয়া, অস্থির করিয়া দিল। তাহার বুভুক্ষু হৃদয়ের গোপন ক্ষুধা, দীর্ঘকালের অপরিতৃষ্টিতে যাহা ক্রমশঃ প্রবল হইয়া হৃদয়ের নিভৃত গহ্বরে অগোচরে বাস করিতেছিল, সহসা জাগ্রত হইয়া উঠিয়া কিছুতেই যেন পরিতৃষ্টি মানিতেছিল না। নিজের গাছে যে ফল একবার মাত্র ফলিয়া ভবিষ্যতে পুনরায় ফলিবার সম্ভাবনা চিরদিনের জন্য অপহৃত করিয়া নষ্ট হইয়া গিয়াছে, সেই স্মৃষ্টি ফলের রসাস্বাদে স্কুমারীর অবরুদ্ধ মাতৃহৃৎ উন্মূলিত হইয়া উঠিল। তাহার গভীরতম সংস্কাভের কারণ এই ছিল যে, যে-অক্ষমতা মাতৃহৃৎ পূর্ণতা হইতে তাহাকে বঞ্চিত করিয়াছে সে-অক্ষমতা লইয়া সে জন্মগ্রহণ করে নাই! বিধাতার হস্তে সে যাহা পাইয়াছিল মানুষের হস্তে তাহা হারাইয়াছে!

রান্নাঘরে সরমা রান্নার যোগাড় করিয়া লইতেছিল, স্কুমারী খোকাকে লইয়া তথায় উপস্থিত হইয়া বলিল, “এমন সুন্দর ছেলে কিন্তু এত রোগা কেন রে?”

“অসুখ যে দিদি। রোজ শেষ রাতে লিভারের জ্বর হয়।”

“চিকিৎসা করাস নে?”

“কর। ডাক্তার বলেছেন শীতটা একটু বেশী চেপে পড়লে জ্বর ছাড়বে।”

“সে ত’ সময়ের গুণে ছাড়বে—ওষুধের গুণ তাহলে কি হল? খাওয়ান কি?”

“খাওয়াই দুধ সাবু। জ্বর না থাকলে কিথা কম থাকলে চারটি করে দুধ-ভাত দিই।”

“কি দুধ খাওয়ান? ভঁয়সার দুধ না ত? ভঁয়সার দুধ ছেলেকে কখনো খাওয়ান নে!”

সরমা বলিল, “কিন্তু ভঁয়সার দুধ খেয়ে হজম করতে পারলে খুব উপকার হয় দিদি।”

স্কুমারী বলিল, “ভঁয়সার দুধ হজম করতে পারলে শরীর যেমন মোটা হয় বুদ্ধিও তেমনি মোটা হয়। গরুর দুধ বেশী করে না খেলে বুদ্ধি গরুর মত হয় তা জানিস নে?”

স্কুমারীর এই অদ্ভুত মন্তব্যে হাসিতে হাসিতে সরমা বলিল, “না, তা’ ত জানি নে!”

“হয়। দুধ-সাবু আর দুধভাত ছাড়া আর কি দিস খেতে?”

“আর ত কিছু দিই নে।”

দুই চক্ষু বিস্ফারিত করিয়া স্কুমারী বলিল, “সর্বনাশ! এই খাইয়ে তুই ছেলে মানুষ করবি! গয়লা বাড়ীর দুধ আর বাজারে কেনা সাবু, যা মোটেই সাবুদানা নয়, তাই খেয়ে তোমার ছেলের জ্বর সারবে?”

স্কুমারীর কথায় চিন্তিত হইয়া সরমা বলিল, “কিন্তু জ্বরের উপর আর কি দেবো দিদি?”

“যা দিলে শরীরে একটু রক্ত আর মাংস হয়ে জরটাকে তাড়াতে পারে জ্বরের উপর তাই দিতে হবে! এখন এর প্রধান দরকার হচ্ছে শরীরে একটু পুষ্টি হওয়া; সেই জন্তে ভেবে চিন্তে যা-কিছু পুষ্টির অথচ হালকা খাওয়া সব একে খাওয়াতে হবে। পেটে যখন লিভার রয়েছে তখন বেশী, করে ফলের রস দিতে হবে। ডালিম, বেদানা, আঙ্গুর, কমলালেবু, পাতিলেবু এ সব ফলের রস এর পক্ষে আহাৰ আর ওষুধ দুইয়ের কাজ করবে। তারপর দুধের সঙ্গে টাটকা ডিমের কুসুম, মশুর ডালের জুস, কই-মাগুর মাছের সূপ, মটন ত্রণ, একটু করে টাটকা মাখন, কোনো দিন বা একটু বালি-সিদ্ধ-করা কুটি, এ-সব দেওয়া দরকার। ছ মাসে ভাত হয়েছে সে আজ ছ মাস হতে চল, এক মুখ দাঁত বেরিয়েছে—এখন একে না খেতে দিলে চলবে কেন? এ বুড়ো মানুষ নয় যে উপোস দিইয়ে জ্বর ছাড়াবি। এ জ্বর দুর্বলতার জ্বর—অপুষ্টির জ্বর। বেশী দিন এ জ্বর লেগে থাকলে কঠিন সব রোগ এসে জুটবে। ছোট ছেলেদের প্রথম



বনেদটা ভারী শক্ত হওয়া দরকার। ছ বছরের মধ্যে যে ছেলে স্বাস্থ্যবান না হল, কোনো রকম করে প্রাণে বেঁচে গেলেও, চিরজীবন সে রুগ্ন আর দুর্বল হয়ে থাকবে। ছেলেকে অযত্ন করিস নে সরো।”

ছেলেকে সরমা অযত্ন নিশ্চয়ই করে না; কিন্তু সুকুমারীর এই সুদীর্ঘ খাণ্ড-তালিকা আবৃত্তির পর ছেলেকে কেবল মাত্র দুধ-সাঁও এবং ভাত খাওয়াইয়া রাখা যে অযত্ন করা নহে, এ কথা বলিতে গেলে অনেক কথাই বলিতে হয়, তাই সে চুপ করিয়া রহিল। কিন্তু সুকুমারীর কথায় তাহার মনের মধ্যে আতঙ্ক সঞ্চারিত হইল। সে উৎকণ্ঠিত চিত্তে ভাবিতে লাগিল সুকুমারীর তালিকার কত দফা তাহার সামর্থ্যের মধ্যে সম্ভব।

সুকুমারী বলিল, “শুধু খাওয়াই নয়। পরার বিষয়েও বিশেষ মন দেওয়া দরকার, বিশেষতঃ এ সব শীতের দেশে। যথেষ্ট জামা কাপড়ের অভাবে ছেলেদের যে কত ক্ষতি হয় তা বলবার নয়। ঠাণ্ডা লেগে গেলে শুধু যে সর্দি কাসি আর পেটের অসুখ হতে পারে তাই নয়, উপযুক্ত গায়ের কাপড়ের অভাবে শরীরের উত্তাপ নষ্ট হয়ে শরীর মোটা হতে পারে না।”

এবার সরমা মৃদুভাবে একটু তর্ক তুলিল; বিশেষতঃ তাহার পুত্র যে সজ্জা পরিয়া ছিল তদ্বিষয়ে তেমন কিছু অমুযোগ করিবার ছিল না বলিয়া এ কথাটা সাধারণ ভাবে আলোচিত হইবার পক্ষে সেরূপ বাধা ছিল না। সে বলিল, “কিন্তু দিদি, তা হলে গরীব দুঃখীদের ছেলেপিলে বাঁচে কেমন করে? তারা যা খাইয়ে-পরিয়ে ছেলে মানুষ করে দেখেছ ত?”

সুকুমারী বলিল, “দেখেছি। কিন্তু প্রত্যেক মানুষের যেমন পৃথক ধাত আছে, প্রত্যেক জাতেরও তেমন পৃথক ধাত আছে। দেহ খাটিয়ে যাদের খেতে হয় তাদের ধাত, আর মাথা খাটিয়ে যাদের খেতে হয় তাদের ধাত কখনো এক হয় না। এক মগ বোঝা মাথায় নিয়ে যে এক মাইল পথ চলে যেতে পারে তার ছেলে যা খেয়ে মানুষ হবে, এক খানা বড় উপভাস এক রাত্রি জেগে যে পড়ে ফেলতে পারে তার ছেলে তাই খেয়ে মানুষ হতে পারে না। তাই বিগুমার ছেলে যখন ছোলা খাবে তোর ছেলেকে মাখন খেতে হবে। গমলা বাড়ীর দুধ দিয়ে মুদিখানার সাবু খাওয়া দুজনের

মধ্যে কারো পোষাবে না। তা ছাড়া তোর ছেলের যা অসুখ আর আকৃতি—খাওয়া-পরার বিশেষ ব্যবস্থা না করলে চলবে কেন?”

সরমা আর তর্কে অগ্রসর হইল না; হাসিতে হাসিতে বলিল, “দিদি তুমি এত কথা জানলে কি করে?”

সুকুমারী সবিস্ময়ে বলিল, “এত কথা আবার কি রে? এ সব মামুলী কথা না জানলে ছেলে মানুষ করবি কি করে? নিজেরি আমার নেই, কিন্তু তাই বলে কি চোখে দেখি নি? আমার ননদের বড় জায়ের দৌন্তুরকে পাড়াগাঁ থেকে নিয়ে এল জরাজীর্ণ—জলবারি খাইয়ে খাইয়ে একেবারে জলবারির মত চেহারা করে দিয়েছে। তার দিদিমা তাকে ছ মাস বেদানার রস খাইয়ে বেদানার মন চেহারা করে পাঠিয়ে দিলে। ভাল জিনিস খাওয়ালে যদি ভাল চেহারা না হত তা হলে সাহেবদের ছেলেদের অমন চাঁদের মত চেহারা হত না।”

এ অকাট্য যুক্তি এবং প্রত্যক্ষ নজীরের বিরুদ্ধে সরমার কিছুই বলিবার ছিল না। সে ভীতি-বিহ্বল চিত্তে চুপ করিয়া রহিল। একবার ইচ্ছা হইল জিজ্ঞাসা করে কয়টা বেদানার একদিন পান করিবার মত রস হয়, এবং তাহার মূল্য কত; কিন্তু পাছে উত্তর শুনিয়া বেদানার রসের দ্বারা পুত্রকে সুস্থ করিবার ক্ষমতা তাহার নাই বলিয়া জানিতে পারে সেই আশঙ্কায় সরমা সে কথা জিজ্ঞাসা করিল না।

দুই হস্তে খোকাকে তুলিয়া ধরিয়া তাহার নাসিকা নিজে নাসিকা ঘষিয়া ঘষিয়া সুকুমারী আদর করিতেছিল; হঠাৎ সুবিধা পাইয়া খোকা অতিক্রমে সুকুমারীর নাসিকার বার দুই চুষিয়া দিল।

সুকুমারী বলিল, “তোর ছেলে শুধু দুধ-সাবু আর দুধ-ভাতই খায় না সরো, আরো একটা জিনিস খায়।”

কাজ করিতে করিতে ফিরিয়া চাহিয়া সরমা বলিল, “আবার কি খায়?”

“মাসির নাক খায়।”

সরমা হাসিয়া বলিল, “মাসি যে রকম বেদানা আর ডালিমের গল্প করছিল, মাসির টুকটুকে নাক দেখে ভেবেছে ডালিম কিম্বা বেদানাই বা হবে!”

শিশুকে আদর করিতে করিতে সুকুমারী বলিল, “চুপে দেখলে মাকাল ফল। ছেলেই নাম কি রেখেছিস রে?”

মুহু হাস্য করিয়া সরমা বলিল, “শ্রীপদ।”

সুকুমারী বলিল, “রমাপদর সঙ্গে মিলিয়ে শ্রীপদ ? এ নাম কে রাখলে ? রমা, না তুই ?”

সরমা কিছু বলিল না। স্মিতমুখে চুপ করিয়া রহিল। “শ্রীপদ ত’ পোষাকী নাম ; ডাক-নাম কিছু রাখিস নি ?”

“ডাক নাম ঘিণ্টু।”

“ঘিণ্টু ? তা বেশ নাম ! শ্রীপদর চেয়ে ভাল।” বলিয়া ঘিণ্টুর সহিত সম-ধ্বনিত আরও চার-পাঁচটি অর্থ-বিহীন শব্দের দ্বারা আদর করিতে করিতে ঘিণ্টুকে বৃকের উপর ফেলিয়া সুকুমারী প্রস্থান করিল স্বামী সমীপে। (ক্রমশঃ)

## ভোরের শিউলী

শ্রীরাধারানী দত্ত

শরৎ-আলোর অরুণ-চুমায় ঝরা  
আমি তরুণ করুণ শেফালী,  
ঘাসের বৃকে মনের ছুখে মরা—  
সরম আমার নয়গো সে খালি !  
ভোরের হাওয়া, তুইত’ আমার কাণে  
কইলি,—“জাগো উষার আলোর গানে  
আস্ছে দয়িত !” বিহ্বল আমার প্রাণে—  
আশার মোহন স্বপ্ন দেখালি !

কোথায় ভ্রমর, কোথা গো অবক্ক ?  
বক্ষে মধু নাই যে পিঙ্গাবো,  
একটু ছিল ঈষৎ সুগন্ধ,  
আর কত’খন তায় বা জীয়াবো ?  
আস্ছে প্রভাত মরণ-দুতী মোর,  
চক্ষে ঘনায় ঝাপসা ঘুমের ঘোর,  
শেষ-কামনা কুসুম-চিত্ত-চোর  
তোমার গলার গান শুনি যাবো !

রূপের ঠমক, গন্ধ-গমক নাই  
চমক যা’ দেয় গোলাপ-বাগানে,  
রঙীন পরিমল পাবে না ভাই  
তোমার প্রেমের গুঞ্জন তানে ;  
পঙ্কজিনীর মর্ম্মকোষের মধু  
পিয়াল-পরাগ নাইক’ হেথায় বধু !  
কিশোরী এই শিউলী সহ’য়ের শুধু  
স্বাস মুহু—বিলাস না জানে !

হলুদ-বোঁটা ব্যথায় বিবশ তার  
হানলে আলোক—আঁধার—নয়নে !  
মৃত্যু-শিথিল দলগুলি একবার  
কাঁপল’ যেন কালের চয়নে !  
নীড়ের পাখী গাইল উদাস স্বরে  
তরু-লতার অশ্রু শিশির ঝরে  
শিউলী যখন সজল তূণের’ পরে  
মুদল আঁধি মরণ-শয়নে ।

# কলির দাতাকর্ণ

শ্রীমন্দি শর্মা

দাতারাম পড়তো যখন আগড়পাড়ার ইস্কুলে,  
পয়সা দিয়ে খাবার কিনে খায়নি সে কভু ভুলে।  
পোষাক পরিচ্ছদের প্রতি ছিল না তার কিছুই টান,  
দানাপুরী জুতো পায়ে ;—দিলেও খেত'নাক' পান।  
চুলের সঙ্গে চিকণীকণ্ড ছিল না কভু সাক্ষাৎ,  
লেখাপড়া নিয়েই বাস্ত থাকতো কেবল দিনরাত।  
সন্ধ্যা-আহ্নিক কর্ত' খুবই, সেটার ছিল খুবই আটা ;  
বিতেষ্টা তার ছিল মাছে,—কখন সে খায়নি পাঁটা।  
পাড়ার ছেলের বড়ই মুস্কিল,—সবাই দিত উদাহরণ,  
“ছেলে যদি হয় কারো ত, হয় যেন সে দাতার মতন।”  
প্রাইজ পেতো, মেডেল্ আনতো, চারদিকে তার হ'ত নাম,  
সবাই ব'লত “গ্রামের ছিঁরি, বাহবা ছেলে দাতারাম।”  
লেখাপড়া শেষ ক'রে সে হ'ল একজন প্রফেসার,  
একেবারে একশ' টাকা মাসোহারাও হল' তার।  
কর্তা হয়ে খরচটার সে করলে এমন কড়াকড়ি,—  
ডাল ভাত, আর কুমড়া কচু, শাকপাতার এক চচ্চড়ি।  
আমড়া, না হয় আমরুল দিয়ে,—খোসার একটা জোঁদা টকু,  
বারোমাসই একটানা, এই আহ্বারের তার বাড়লো সখ।  
বছরে চারখানা সাজী,—ন'হাত হলেই,—তাই প্রমান,  
পুরুষদের বরাদ্দ হল,—এক থানে হবে ছ'খান।—  
স্বতন্ত্র গজ'খানেক ক'রে পাবে সবাই আলাদা,—  
কোঁচার স্থানে কুঁচিয়ে সেটা গুঁজে নিতে কি বাধা ?  
কাচলেই হল' মাঝে মাঝে, একটাতেই তার চলবে বেশ,  
আবার একটা নতুন পাবে—বছরটা যেই হবে শেষ।  
কামিজপরা ছেলে গুল্ল—বাড়ীর সবাই হয়ে' বাস,—  
সদাই ব'লত, “দেখে আয়গে—কিবা ছেলে দাতারাম।”  
সংসার-বাবদ চল্লিশ রেখে—ষাট যেত' তার ব্যাকের খাতে,  
খেতে প'রতে আটটি, তবু খেলাফ্ কভু হয়নি তাতে।  
বলা ছিল—“যে যা পারবে ও-থেকে বাঁচাতে যা,—  
আমি আর চাইনা সেটা,—তারি হবে সে লাভটা।”  
ওনে সবাই জলে যেতো,—কেউ বা হাসত' পাগল্ ভেবে,  
বুঝত' সবাই,—ম'রে গেলেও—এক পয়সা না অধিক দেবে।  
বললে একদিন বোনকে ডেকে—“ফেনটা তোরা কি করিস্!

ওই'টেই ত' আসল্ জিনিস,—কেউ না খায় ত' আমার দিস্।”  
“ওটা যে দাদা, গরুকে দি—ছবেলার সব ক'রে জড় ;”  
“আজ থেকে আমাকে দিবি, গরু বড় না আমি বড় ?  
জানিস্ না সব বিলেতেতে ও জিনিসটার কত দাম্।”  
সবাই বললে, “ধনু ধনু, ছেলে বটে দাতারাম।”  
বরাবরই দাতারামের ঝোঁকটা ছিল দানের দিকে,  
মেডেল্ এনেছিল একবার—ঐ বিষয়ে “এসে” লিখে।  
কথা পড়লেই বস্তু তখন,—“হুনিয়ার যা বড় কিছু—  
ধর্ম বলাে কর্ম বলাে,—দানের কাছে সবই নীচু।  
না খেয়ে না পোরে, আর নিত্য পাঁচকোণ্ হেঁটে চোলে—  
টাকাটা যে বাঁচাই, কেবল—ওই নেশাটা আছে বোলে !  
খাওয়া-পরায় বৃথা জেনে—ঐটেই আমি করেছি সার,  
আনন্দ, কি সুখ শান্তি,—ঐটেতেই সব হয় আমার।  
দানটা সর্ব-শ্রেষ্ঠ বটে,—অপাত্রে না পড়ে কিন্তু ;  
মহাপাতক হয় তাহাতে, পুণ্য তাতে নাই এক বিন্দু।”  
অবাক্ হয়ে শুনেছিল—সহপাঠী ঘনশ্যাম,  
লাফিয়ে উঠে বললে শেষে—“ক্যাঁবাং ভায়া দাতারাম !”  
সংসার বাড়লো বছর্ বছর্,—বেতনটাও বাড়লো ক্রমে,  
খরচ কিন্তু বাড়লো না তার,—এক পয়সাও, ভুল, বা ভ্রমে !  
মায়ের জালা বাড়লো বটে,—লুকিয়ে ফেলেন চোখের জল,  
ঝগড়াঝাটি কান্নাকাটি—অনুয়েও হয় না ফল।  
গোপনেতে গয়না-গাঁটি—বাঁধা রেখে চালান তিনি,  
অভাগিনীর কি যে কষ্ট,—জানেন অন্তর্যামী যিনি।  
কাট্ ফুরুলে বেড়া ভেঙে,—লুকিয়ে তিনি উমুন ধরান্,  
দশমীতেও জল খান্ না, শিশুদের তার খাবার আনান্।  
চাল কেঁড়ে, তার খুদুগুলি নে'—নিজে রাঁধেন স্বতস্তর,  
পূজোর তত্ত্ব, কাপড়, নিয়ে ফি-বছর হয় মনাস্তর।  
“দাতা” বলে—দানটা আগে,—তার পরেতে অন্ত কাম্,  
সবাই বলে, “ভাগ্যবতী,—বিইয়েচে যে দাতারাম।”  
ছেলে পড়িয়ে দাতারামের—টাকা ষাটেক্ তাতেও আসে,  
এ টাকা সে রাখে, কোনো দুঃখীর মেয়ের বিয়ের আশে।  
গৃহ-হীনে ক'রে দেওয়া ঘর,—অনাথ ছেলের শিক্ষার ভার,  
আতুরেরে অন্ন দেওয়া,—সখের মধ্যে ছিল তার।

অন্ধ খঞ্জ দেখে পথে—বড়ই কষ্ট হ'ত প্রাণে,—  
 বলতেন তিনি—“এরাই আমার দানের দিকে প্রার্থনা টানে।”  
 জননী তার দেবতার কাছে—কাদতেন কেবল মৃত্যু চাই।  
 খাওয়া-পরার কষ্টে শেষে—চুরি বিস্তে শিখলে ভাই।  
 ঘটিবাটি যা পেত' সে—লুকিয়ে নিয়ে আসত' বেচে,—  
 কাপড় কিনে, খাবার খেয়ে,—একরকমে থাকতো বেঁচে।  
 দান-খাতেতে জমার অঙ্ক বাড়তে লাগল অবিশ্রাম,  
 দেখে সবাই চোমকে উঠে, বল্লে—“সাবাস্ দাতারাম্ !”  
 সহপাঠী বল্লে একদিন,—“দয়াম্ বটে শরীর গড়া,—  
 কিন্তু তোমায় দেখিনি ত' দিতে কারোয় একটি কড়া।”  
 দাতা বল্লে—“বলো কি হে—করলেই হল' দানটা বুঝি ?—  
 অপাত্রে দান ক'রে, শেষে—পাতক্ নিয়ে আমি ঘুঝি।”  
 “অন্ধ খঞ্জ আতুর যারা—তারা ত অপাত্র নয় ?”  
 “তুমি আমি বল্লে কি আর—সে-কথাটা প্রমাণ হয় ?  
 বিশিষ্ট কেউ বড় ডাক্তার,—সাহেব কিন্তু হওয়া চাই,—  
 পরীক্ষাস্তে বলেন যদি,—তাতে মোর আপত্তি নাই।—  
 তবু কিন্তু ধোঁকা থাকে ;—ভাল রকম সন্ধান বিনা,—  
 কি পাপে হয়েছে অমন—সেটাও আবার কুৎসিত কিনা ;—  
 কথাটা আমার বুঝেছ ত ?—ভাবতে হয় ত' পরিণাম ?”  
 “তা ত' বটেই” বল্লে বন্ধু,—“তুমিই সত্য দাতারাম।”  
 “ধর'না কারুর চোখ গেলে' দে—অন্ধ হয়ে থাকে যদি,  
 কিম্বা কারুর ঠ্যাং ভেঙ্গে' দে—নিজের পায়ের এ দুর্গতি।  
 অথবা কারেও সবংশেতে মেরে, এবার হয় অনাথ,  
 কাজাল হয়ে থাকে যদি,—কারুর টাকা আত্মসাৎ  
 ক'রে কোনো জন্মেতে সে ;—কিম্বা কারুর মুখের অন্ন,—  
 কেড়ে খেয়ে, এবার আতুর—হয়েছে সে মতিচ্ছন্ন ;—  
 দয়াম্ অন্ধ হয়ে আমি—তাদের যদি দানটা করি,—  
 ভাবতেও তা, শিউরে উঠি,—রক্ষা আমায় করেন হরি।  
 তা না ত', এ সব টাকাই ত' দানের তরেই রাখাটা মোর,  
 পাত্র কিন্তু পাই না খুঁজে,—এইটেই তো আপশোষ' ঘোর।  
 সদাই ভাবি—দূর ক'রে দি—হুঃখ হতে ধরাধান ;  
 বন্ধু বল্লে—“অমর হয়ে—বেঁচে থাক ভাই দাতারাম।”  
 “ধর না আবার, টাকাটা নিয়ে—করে যদি কেউ অসদ্বয়,  
 কাজের চেষ্ঠা না করে, আর কুড়ের মত' ব'সে রয়,  
 অথবা মদ খেয়ে বসে,—কিম্বা যদি খায় সে গাঁজা,  
 সে সব পাপে আমাকেই ত' নিতে হবে কড়া সাজা ;

ঘরে আগুন দিছলো কারুর, হয়েছে তাই গৃহ-হারা,  
 তাদের দানটা করে কি শেষে—পাপে আমি যাব' মারা ?  
 অন্নের তরে টাকাটা দিলুম,—সে যদি গে খায় কচুরী,  
 নিজে মজ্জা লুম, তারে মজ্জা লুম,—মিছেই আমার সব মজুরী।  
 পাপ শেখাবার তরেই লোকে, হয় যদি মোর দানটা করা,  
 বলো দিকি বাড়বে কি না—হু হু ক'রে পাপের ভরা।  
 তার চেয়েতে, তাদের পাওনা থাকুক না আমারই কাছে,  
 মনে মনে দিয়েইচি ত' ;—তার চেয়ে আর সুখ কি আছে !”  
 বন্ধু বল্লে—“এ ভাবটা ভাই, একদমই খাঁট নিষ্কাম,—  
 দান ক'রবে ত' এই রকমই,—বাহা রে বাহা দাতারাম !”  
 “ক'নের পাত্র জোটে বরং—হাজার পাঁচেক যদি বর্ষে,  
 দানের পাত্রের বড়ই অভাব,—বিশেষতঃ এই ভারতবর্ষে।  
 কথাটা বেশ বুঝেছ ত',—বড়ই কঠিন দানের প্রস্ন,  
 রয়েছে হয়ে দানেই ফতুর,—দানের তরেই এত যত্ন।”  
 অনেক জ্বল মা মরেছেন,—জায়াও গেছেন হাড় জুড়িয়ে,  
 দানের তরে দাতারাম কিন্তু,—আজ্ঞো আসছেন টাকা কুড়িয়ে।  
 সাধ আহ্লাদ মেলা-মেশা—না আছে বন্ধুবান্ধব,  
 ভয়টা, পাছে কইলে কথা—গুড়ুক খেতে আসে সব।”  
 ফ্যান্ খেয়ে আর ডাঁটা চিবিয়ে—ধোরলো শেষে ডিস্‌পেপ্‌সিয়া,  
 খায় সে এখন সা ত সের জল,—বলে'দিছলো কোন্ এক মিস'।  
 বলতো “এটা জ্যান্টো ওয়ুদ,—পেয়েছি এত খুবই আরাম।”  
 সবাই বল্লে “তা ত বটেই,—বন্দেহ তায় নাই দাতারাম।”  
 পাত্রাভাবে দাতারামের দান করা না হলো এবার,  
 পাই-পয়সা রইলো মজুদ,—সুদে বাড়তে লাগলো দেদার।  
 সহপাঠী ছিল যারা সব—বল্লে তারা অবশেষে,—  
 “এমন দাতা জন্মানি কেউ,—জন্মাবেনাও কোন দেশে।  
 হুঃফু,—মা বাপ্ ম'রে গেছেন,—দেখাতে পারলুম না কারে,  
 দাতারামের উন্নতিটা,—উদাহরণ দিতেন যারে !”  
 মৃত্যুকালে দেখলে গুণে,—জমা মজুদ্ আটশ হাজার।  
 ছেলের ডেকে, পা ছুঁইয়ে,—মতলবটা (তার) করলে প্রচার—  
 “মধুর্নিত্তিরের বিধবার ওই জমীদারিতে নেওয়াই চাই,—  
 অনেকদিনের ঝোঁকটা আমার,—টাকাগুলো রেখেছি তাই ;  
 সুদে আসলে গোণাই আছে,—এই চোতেতেই হবে নিলাম,  
 আর যা লাগে দিয়ে দিও,—শেষ কথাটা বলে গেলাম।”  
 ঠাকুরদের নাম করতে বলায়,—কষ্টে বল্লে “গন্ধমাদন,”  
 “ভস্মলোচন্” বলতে গিয়ে—ছিঁড়ে গেলো ভবের বাঁধন।  
 দেশ শুদ্ধ অবাঁক শুনে, সবাই ঝুঁকে করলে প্রণাম,  
 বল্লে “কলির দাতাকর্ণ—সরে পড় ভাই দাতারাম।”


# নিখিল-প্রবাহ

শ্রীহেমন্ত চট্টোপাধ্যায়

## আমেরিকার প্রথম বৈজ্ঞানিক—

যুক্তরাষ্ট্রের হার্ভার্ড, বিশ্ববিদ্যালয়ের প্রত্নতত্ত্বের অধ্যাপক ডাঃ হাবার্ট জে, স্পিন্ডেন Guatemala এবং Honduras নামক স্থানের কয়েকটি ভাঙ্গা মন্দিরাদি হইতে কতকগুলি প্রাচীন শিলালিপি আবিষ্কার করিয়াছেন। এই শিলালিপিগুলি ২৫০০ বছরেরও পূর্বের লেখা। এই শিলালিপিগুলির পাঠোদ্ধার করিয়া দেখা গিয়াছে যে, বিখ্যাত মায়াজাতির

আমেরিকা আবিষ্কার করিবার বহু পূর্বে তাহারা এই দেশে বাস করিত। তাহাদের সভ্যতা প্রাচীন মিশর, ভারতবর্ষ এবং চীন, কাহারও অপেক্ষা কম ছিল না। প্রস্তর-যুগের উপর খোদিত তাহাদের যে Timepiece বা ঘড়ি ছিল, তাহার দ্বারা বর্তমান জগতের ঘড়ির কাজ খুব সহজে এবং ঠিকভাবে চলিত, অধিকন্তু এই ঘড়িতে সূর্যের গতিবিধি এবং ঋতু পরিবর্তন বেশ বুঝিতে পারা যাইত। স্পেনের



## আমেরিকার প্রথম বৈজ্ঞানিক

কোন পণ্ডিত এই লিপি রাখিয়া গিয়াছেন। এই লিপিগুলিতে অক্ষরশাস্ত্রের কতকগুলি সূকঠিন নিয়মেব অতি প্রাঞ্জল ব্যাখ্যা আছে। এই ব্যাখ্যা সাধারণ পণ্ডিতের কাজ নয়। অক্ষরশাস্ত্রে বিশেষ অধিকার না থাকিলে ইহা করা অসম্ভব। জ্যোতিষ শাস্ত্রের কতকগুলি বিষয় এই সকল শিলালিপিতে পাওয়া যায়।

মায়াজাতি আমেরিকার আদিম অধিবাসী। কলম্বাস


লোকেরা এই প্রাচীন মায়াজাতির বহু নিদর্শন ধ্বংস করিয়াছে। যে সময়-নিরূপণকারী প্রস্তর-যুগের উল্লেখ করা হইয়াছে, তাহার খানিক অংশও তাহারা ভাঙ্গিয়া ফেলে। বিশপ লাগোর এই সকল ধ্বংস-লীলার কথা ছিল। মায়াজাতির সময়ের অনেক প্রাচীন পুঁথি ইত্যাদিও বিশপ লাগোর নষ্ট করে।

ডাঃ স্পিন্ডেন বলেন, “যে ব্যক্তি এই সকল আশ্চর্য

শিলালিপির লেখক এবং আবিষ্কারী, তাঁহাকে পারস্তের জোরোস্টার এবং ভারতবর্ষের বুদ্ধের সহিত এক আসনে বসানো যাইতে পারে।”

মায়াজাতির সভ্যতার পতন যে কেমন করিয়া হইল, তাহা কোনো বৈজ্ঞানিক বলিতে পারেন না। কিন্তু ইহাদের

প্রত্যেক দিন ৬০,০০০এরও বেশী পত্রভ্রাতৃ চিঠিপত্র এই আপিসে আসিয়া হাজির হয়। গত বৎসর ওয়াশিংটনের ডেড্লেটার আপিসে ২১,০০০,০০০ চিঠিপত্র এবং ৮০৩,০০০ পার্শেল আসিয়া জমা হয়। ইহার মধ্যে ১০০,০০০ শাদা খামের চিঠি—কোন ঠিকানা লেখা নাই, কেবল মাত্র



প্রাচীন শিলালিপি

পতন যে পৃথিবীর পক্ষে একটি মহৎ ক্ষতি এবং দুর্ভাগ্য, তাহাতে সন্দেহ নাই। মায়াজাতির লোকসংখ্যা প্রায় দেড়কোটি ছিল। তাহাদের বংশধর বলিতে এখন প্রায় ৪০০০ লাল মাগুস মাত্র ( Red Indians ) আছে।

#### আমেরিকার ডাকঘরের কথা—

ডাকঘরের ডেড্লেটার আপিসে যে কত প্রকার অদ্ভুত চিঠিপত্র পার্শেল আদি আসিয়া জমা হয়, তাহার ইয়ত্তা নাই। আমেরিকার ডেড্লেটার আপিস এ বিষয়ে সর্বাপেক্ষা অদ্ভুত। ওয়াশিংটন শহরে এই ডেড্লেটার আপিস অবস্থিত। চিঠিপত্র, পার্শেল আদি ছাড়া নানা প্রকার বন্দুকাদি, মদ, কোকেন, মারাত্মক বোমা ইত্যাদি নানা প্রকার ভয়ানক ভয়ানক জিনিষপত্র এখানে আসিয়া আশ্রয় লাভ করে। সামান্ত একটা প্যাকেটের মধ্যে হয়ত ডিনামাইট ভরা আছে। ইহা কোন প্রকারে ফাটিয়া গেলে, একটা প্রকাণ্ড বাড়ীকে গুঁড়া করিয়া দিতে পারে। অতি বিধাক্ত জীবন্ত সাপ, মশা আদি, পোকামাকড়, বিছা ইত্যাদিও পার্শেলের মধ্যে পাওয়া যায়।

টিকিট লাগাইয়া পোষ্ট করা হইয়াছিল। অনেক শাদা খামে হাজার বা তাহা অপেক্ষাও বেশী টাকার নোট ভরা থাকে। বছরে এই রকমে প্রায় ১৬৫,০০০ টাকা পাওয়া যায়।




ডাকে নিষিদ্ধ বস্তু

প্রত্যেক বছর নীলাম করিয়া ডেড্লেটার আপিস হইতে মালপত্র বিক্রয় করিয়া দেওয়া হয়। নানারকম গয়না,

বাকনা, পুস্তকাদি নীলাম হয়।  
নীলাম হইতে প্রায় ১২০০০০০  
টাকা আসে।

### দীর্ঘজীবী হইবার উপায়—

যাঁহারা খুব বেশী দিন বাঁচিয়া থাকেন, তাঁহাদের বাল্য এবং যৌবন সম্বন্ধে খোঁজ লইলে দেখা যায় যে, তাঁহারা বরাবর নিয়ম করিয়া কোন না কোন প্রকার ব্যায়াম করিয়াছেন। এইখানে কয়েকজন লোকের বিষয় লেখা হইল, যাঁহারা সকলেই দীর্ঘজীবী, এবং তাঁহাদের একমাত্র না হইলেও প্রধান কারণ তাঁহারা নিয়মিত ভাবে ব্যায়াম করিয়াছেন।



ডেড্লেটার আপিসে সঞ্চিত মালপত্রের নিলাম



ডেড্লেটার আপিসে নিষিদ্ধ বস্তুর সমাবেশ

একেবারে ব্যায়াম না করা কিম্বা অত্যধিক ব্যায়াম করা উভয় প্রকারেই শরীর নষ্ট হইয়া মানুষের পরমায়ু ক্ষয় হয়।


(১) লুই মারকুইট—বয়স ৬৮। ইনি সকল ঋতুতে এবং প্রত্যহ সমুদ্রে স্নান করেন। শীত, ঝড়বৃষ্টি ইত্যাদি কিছুই ইঁহার স্নান বন্ধ করিতে পারে না।

(২) জর্জ এফ, বেকার—বয়স ৮৫। ইনি আমেরিকার একজন বিখ্যাত ধনী ব্যক্তি, ব্যাঙ্কার এবং রেলওয়াল। ইনি প্রত্যহ সকালে গল্ফ খেলিয়া থাকেন।

(৩) আব্রাহাম ফাষ্ট—বয়স ৯০। ইনি গত ৭৫ বছর ধরিয়া শিকার করিবার লাইসেন্স বা পরওয়ানা লইয়া থাকেন। খরগোষ শিকারে ইঁহার প্রধান আনন্দ।

### পালোয়ান নারী—

ছবিতে দেখুন একজন মহিলা কেমন একটা প্রকাণ্ড পিপাকে দুই হাতে তুলিয়া লইয়া যাইতেছেন। ইঁহার নাম মিসেস ফ্রান্সেস্কা। ইনি গত বৎসর বোষ্টোন সহরের



ডেভ্লেটার আপিসে সঞ্চিত পার্শেল



দীর্ঘজীবীর নিত্যপ্নান



দীর্ঘজীবী গোল্ফ ক্রীড়





৯০ বৎসর বয়স্ক শিকারী

এক পিপার কার-  
খা না য কাজ  
করিতেন। ইহার  
মত্ত শক্তির নারী  
থব কম আছে।

অভিনব ঢাল—

পু রা কা লে  
যোদ্ধারা সঙ্গ  
লোহার বস্ত্রে আবৃত  
করিত। নিউইয়র্কে  
পুলিস বর্তমান  
সময়ে বস্ত্র ব্যবহার  
করে না, তাহারা  
এক প্রকার ঢাল  
ব্যবহার করে। এই  
ঢাল গলার সঙ্গে  
বাঁধা থাকে এবং  
সমস্ত মাথা বুক  
পেট আবৃত করিয়া



পালোয়ান নারী

রাখে। হুই হাত খালি থাকে, তাহাতে ইচ্ছামত  
ব্যবহার করা যায়। চোখের কাছে গোল করিয়া কা




অভিনব ঢাল

আছে—তাহাতে মোটা কাঁচ আটা। পুলিস তাহার সাধনে  
সব জিনিস দেখিতে পায়।

অভিনব ট্যাক্সি মোটর—

সম্প্রতি প্যারিসের এক রাস্তায় একটি অভিনব ট্যাক্সি  
দেখা দেয়। এই ট্যাক্সিতে চালকের বসিবার স্থান গাড়ী




অভিনব ট্যাক্সি মোটর

পিছন দিকে উপরে। গাড়ীতে যাহারা বসিয়া থাকে, তাহারা  
সামনের সব কিছু বেশ বিনা বাধায় দেখিতে পায়। ব্যবসায়

বা অস্ত্রাস্ত্র যে কোন লোক গাড়ীতে বসিয়া তাহাদের ব্যবসায় সংক্রান্ত গোপন কথাবার্তা এই ট্যাকসিতে বসিয়া বলিতে পারিবে—ড্রাইভার কোনো কথা শুনিতে পাইবে না। চালকও উচুতে বসিয়া রাস্তার বহুদূর ভাল করিয়া দেখিতে পারিবে এবং ভাল করিয়া গাড়ী চালাইতে পারে।

### মাথার কেরামতি—

ছবিতে দেখুন, একজন লোকে মাথায় কতগুলি বুড়ি পর পর বসাইয়া বহন করিতে পারে। এই ভদ্রলোকের




মাথার কেরামতি

নাম জেম্‌স সেন্সবারি। এতগুলি বুড়িকে পর পর বসাইয়া মাথায় করিয়া চলিতে পৃথিবীতে আর কেহ পারে না। এই বিষয়ে সেন্সবারি অধিতীয়।

### কুকুরের খরগোষ ধরার দৌড়—

বিলাতের লোকেরা পোষা গ্রেহাউণ্ড কুকুর দ্বারা খরগোষ ধরার দৌড় করিতে ভালবাসে। প্রত্যেক লোক নিজ নিজ কুকুরকে সারিবন্দী করিয়া ধরিয়া দাঁড় করায়, তাহার পর কিছু দূরে একটি খরগোষকে ছাড়িয়া দিয়া সেই সঙ্গে কুকুরগুলিকেও ছাড়িয়া দেয়। য'হার কুকুর প্রথমে গিয়া খরগোষকে ধরিয়া ফেলে সেই বাজি মারে। বলা বাহুল্য, প্রত্যেক বার দৌড়ের জন্য একটি করিয়া নিরীহ



কলের খরগোষ

খরগোষ মারা যায়। কুকুরের দল তাহাকে ছিঁড়িয়া শতটুকুরা করিয়া ছায়। হঠাৎ সাহেবদের মান দয়ার উদ্বেক হওয়াতে তাহারা আর জীবন্ত রক্তমাংসের খরগোষ দৌড়ের সময় ব্যবহার করে না। এখন কলের খরগোষ ব্যবহার করা হয়। এই খরগোষ বিদ্রুতের জোরে দৌড়ায়। কলের খরগোষের একখানি ছবি দেওয়া হইল।

### প্রাগ্ ঐতিহাসিক যুগের ভালুক—

প্রাগ্ বিশ্ববিদ্যালয়ের অধ্যাপক ডি. কে. এ্যাংসোলোন সম্প্রতি চেকো-স্লোভাকিয়ার প্রেড্‌মোষ্ট নামক স্থানে কয়েকটি প্রাগৈতিহাসিক যুগের (২০,০০০ বছরেরও আগের) বৃহদাকার ভালুকের প্রস্তরীভূত কঙ্কাল আবিষ্কার করিয়াছেন। এই ভালুকগুলি ১২ ফিটেরও বেশী লম্বা

হইত। সেই সময়ে আমাদের পূর্বপুরুষগণ কেমন করিয়া ভালুকরা অত্যন্ত অসমসাহসী এবং বুদ্ধিমান ছিল। কিং  
খাণ্ডের অস্ত্র এই প্রকাণ্ড প্রকাণ্ড ভালুক শিকার করিত মানুষের বুদ্ধি চিরকাল জন্মদের অপেক্ষা বেশী বলিয়া সেই



প্রাগ্ ঐতিহাসিক যুগের ভালুক

তাহার একখানি চিত্র দেওয়া হইল। চিত্র দেখিয়া ভালুকের সময়ের ভালুকরা সেই সময়ের মানুষদের সঙ্গে পারস্পরিক  
দেহের আকারের সামান্য পরিচয় পাওয়া যাইবে। এই উঠিত না।

## খবরের কাগজ

কপিঞ্জল

(নম্বা)

জ্ঞানই শক্তি। যদৈশ্বর্যশালী জগৎপতির পুত্র এই মানব-জাতি একান্ত জ্ঞান পিপাসু। সর্বজ্ঞ ও সর্বশক্তিমান হইবার স্পৃহা তাহার অস্থিমজ্জাগত। বিপুল পৃথিবীর কোথায় কি হইতেছে, সুবৃহৎ মানব-পরিবারের কোথায় কি ঘটতেছে, ইহা জানিবার জন্ত তাহাব ঔৎসুক্য স্বাভাবিক। সে অনন্ত পিপাসা কথঞ্চিৎ পরিতৃপ্ত করিবার জন্তই খবরের কাগজের সৃষ্টি। সুতরাং ইহার আধ্যাত্মিক মূল্য বার্ষিক মূল্য অপেক্ষা অনেক বেশী। খবরের কাগজ শিক্ষার একটা সচল বাহন। ইহা রাজাকে উপদেশ দেয়, মুককে বাচাল করে, মূর্খকে পণ্ডিত করে, শাস্তকে ছজুগে করে। ইহা পরমানন্দ মন্দিরের রূপা বই আর কিছুই নহে।

এহেন খবরের কাগজ প্রকাশ করা সহজ-সাধ্য রহিল না। যদি ইহার বিলোপ হয়, এমন ক্ষোভ ও পরিতাপের বিষয় আর কি আছে। রাজদ্রোহ, স্ফাঙ্গদায়িক বিদ্রোহ ইহাকে জর্জরিত করিয়া ফেলিয়াছে। ইহার নবকলেবরের একান্ত প্রয়োজন। সমস্ত দোষ পরিহার করিয়া কিরূপে ইহা চলিতে পারে, তাহার আলোচনা আবশ্যিক হইয়াছে। খবরের কাগজের খবরই প্রাণ। যদি নূতন খবর না থাকিল তাহা হইলে উহা ফুটানো সোডা ওয়াটারের স্থায় বিশ্বাস।

অনেক চিন্তা করিয়া কতকগুলি চিরন্তন সত্য সংবাদ লিপিবদ্ধ করিলাম। এ সকল প্রকাশ করিলে, রাজদ্রোহে পড়িবার সম্ভাবনা কম। ইহা পাঠ করিলে প্রকৃতত্বের আলোচনা হইবে, পাঠকের জ্ঞান বৃদ্ধি হইবে, এমন কি ধর্ম, অর্থ, কাম, মোক্ষ লাভেরও সম্ভাবনা। ভগবানের লীলা যেমন নিত্য, সংবাদগুলিও তেমনি নিত্য।

আদর্শ।

( Reuter )

নাগলোকে বেঙের অভাব হওয়ায় ভীষণ দুর্ভিক্ষ হইয়াছে। করাসী দেশ হইতে খাদ্যসস্তার লইয়া কয়েকজন মহানুভব ব্যক্তি রওনা হইয়াছেন। সুন্দরবনের অজগরগণ

সভা করিয়া সহানুভূতি জ্ঞাপন করিয়াছেন; কিন্তু টান্দা তোলায় চেষ্টা করেন নাই।

মহাটীনে একটা কদলীবৃক্ষ তিনছড়া দক্ষ কদলী প্রদর্শন করিয়াছে। এই কলা লইয়া একটা আন্তর্জাতিক কলচ না বাধিলেই মঙ্গল।

লঙ্কায়ীপে একপ্রকার অদ্ভুত বৃক্ষ আবিষ্কৃত হইয়াছে। ইহার পাতা সবুজ, এবং ফল মিষ্ট। তাহাতে লাভজনক ব্যবসায় চলিতে পারে কি না পরীক্ষা করিবার জন্ত কিস্কিন্ধ্যা হইতে অনেকগুলি বিশেষজ্ঞ লক্ষ্য যোগে রওনা হইয়াছেন।

উচ্ছন্ন নামক নবাবিস্কৃত দেশটিকে বসবাসের উপযোগী করিবার চেষ্টা হইতেছে। ইহার মধ্যেই দোকান, রেস্তোরাঁ, থিয়েটার, বায়স্কোপ প্রভৃতি নিত্য-প্রয়োজনীয় দ্রব্যের আড়ত খোলা হইয়াছে। একা বাঙ্গলা হইতেই প্রায় দুই হাজার যুবক সেখানে যাইবার জন্ত এবং উপনিবেশ স্থাপন করিবার জন্ত প্রস্তুত।

মিঃ গালিভার ভারত পর্যটনে বাহির হইয়াছেন। তিনি বলেন, ভারতের সহিত লিলিপুটের অনেকটা মিল আছে।

মিঃ গাউট সি-আই-ই এবার স্বাস্থ্যবিভাগের কর্তা হইলেন। অনেকগুলি ইউনিয়ন বোর্ড পরিদর্শন করিবেন।

তুতকামন মিশরের রাজা হইলেন।

বরুণপুরে ভীষণ জলপ্লাবন হইয়াছে। ইন্দ্ররাজার নিকট আবেদন করায় বিধময় ফল হইয়াছে, তিনি জলকর বসাইয়া দিয়াছেন। মৎস্যের চাষ চলিতে পারে কি না

পরীক্ষা করিবার জন্ত মৎস্য বিভাগের কয়েকজন বিশ্বস্ত কর্মচারী আসিয়াছেন।

দশের কথা।

মহর্ষি কথু সোমতীর্থে হইতে প্রত্যাগত হইয়াছেন; শকুন্তলা সম্বন্ধে শীঘ্রই একটা বাবস্থা করিবেন।

\* \* \* \*

লর্ড সদাশিব কৈলাস ত্যাগ করিয়াছেন, দক্ষযজ্ঞ দর্শন করিয়া তথায় অভিনন্দন গ্রহণ করিবেন। তার পর তারকেশ্বরের এলোকেশী ও মহাস্থের ডেপুটেশন গ্রহণ করিয়া কামাখ্যা রওনা হইবেন।

\* \* \* \*

মাধু জরদগর ১৩৩৩ বৎসর বয়সে দেহত্যাগ করিয়াছেন। ১লা এপ্রিল তাঁর অস্ফোটিক্রিয়া হইয়া গিয়াছে।

\* \* \* \*

নিউটন নামে একজন মার্কিন বৈজ্ঞানিক মাধ্যাকর্ষণ আবিষ্কার করিয়া এবার নোবেল প্রাইজ পাইয়াছেন।

\* \* \* \*

কাশিদাস নামক বাঙ্গালী কবি উজ্জ্বলিনীর রাজকবি হইয়াছেন। বাঙ্গালী বীর দুর্গাদাস রাজপুত্রানায় এবং বাঙ্গালী যুবরাজ লিওনিদাস গ্রীসের থার্মোপলিতে অসামারণ রণতৈপুণ্য দেখাইয়া বাঙ্গালীর মুখ উজ্জ্বল করিয়াছেন।

\* \* \* \*

গলিফা হারুন আল্ রসিদ বাগদাদের বিখ্যাত নাবিক-সদাগর সিফুগাদের গৃহে পদার্পণ করিয়াছেন।

\* \* \* \*

আলাদীন তাঁর আশর্চ্যা প্রদীপ্তা বিশকোটা টাকায় বীমা করিয়াছেন।

\* \* \* \*

বাগদানের গলিফা গুণে বড়ই পক্ষপাতী। তিনি এক জন বাঙ্গালী মুসলমানকে মখাছ দিবার বাসনা করিয়াছেন। চারিদিকেই বাঙ্গালী জয়জয়কার। আমরা ভাবী মহীকে অভিনন্দিত করিতেছি—

‘জয়বাত্রায় যাওহে উঠ জয়রণে তব’

\* \* \* \*

মহাবীর আলেকজণ্ডার শুদ্ধি লইয়া হিন্দু হইয়াছেন।

তাঁহার নূতন নাম হইল অলীকচন্দ্র শর্মা। বহু ব্রাহ্মণ তাঁহার সহিত একত্র ভোজন করিয়াছেন।

\* \* \* \*

সেখ সাদী তাঞ্জিমের সেক্রেটারী হইলেন।

—

আইন আদালত।

নারদ নামে একটা স্বামীব উপর সাম্প্রদায়িক ও অসাম্প্রদায়িক কলহ বাধাধার জন্ত ১৪৪ ধারা জাহির হইয়াছে। তিনি আর ভারতের হিসানানায় ঢুকিতে পারিবেন না। তাঁহার টেকাটা ক্রোক করা হইয়াছে। সেটা কুমীর হয় কি না দেখিবার জন্ত লোকের অত্যন্ত ভিড় হইয়াছিল। পুলিশ অগত্যা গুলি চালাইতে বাধ্য হয়। ৪৯ জন লোক ধৃত ও বিচারার্থ প্রেরিত হইয়াছে।

—

জাষ্টিস্ পাইলেটের এজলাসে যীশুখৃষ্টের বিচার আরম্ভ হইয়াছে।

—

সক্রেটিসের মামলা এক মাসের জন্ত মুলতুদী রহিল।

—

তিনসে Antonicর বিচার হইয়া একটা দারুণ চাকলা পরিলা স্ত হইতেছে।

—

মিঃ লঙ্কলচরণ আচোর এজলাসে মুরগী-চুরির গুরুতর অভিযোগে এক নিষ্ঠাবান ভট্টাচার্য্য অভিযুক্ত হইয়াছেন। সুযোগ্য বিচারক মামলাটির গুরুত্ব উপলব্ধি করিয়া উহা সেসন্ মোপারদ করিবার ইচ্ছা প্রকাশ করেন। ব্রাহ্মণ ভীত হইয়া ৫০৬ করিয়াছে। হাইকোর্ট রুল জরি করিয়াছেন। হাকিমের অসাম্প্রদায়িক ভাব প্রশংসনীয়।

—

সৈয়দ ইয়ার মঃম্মদ এবার কালাপুজার রাত্রিতে ব্রাহ্মণ-ভোজনের আয়োজন করেন। কয়েকজন প্রাচীন ধর্ম্মাঙ্ক মুসলমান বাধা দেওয়ার সদহুজান হইতে পারেন নাই। মামলা রুজু হইয়াছে।

—

হাজি শমসুদ্দীনের দৌহিত্ত তাঁহার নামাজের সময় টুমটুমি বাজানর জন্ত পুলিশ কর্তৃক ধৃত হইয়াছে। বালক

শুষ্কির ভয় প্রদর্শন করায় ব্যাপারটা আপোবে মিটিয়া গিয়াছে।

#### নারী-নিগ্রহ।

রামচন্দ্র নামক একজন বিদেশী যুবক পঞ্চবটীতে সূর্যনখা নামী এক সম্ভ্রান্ত মহিলার নাসিকা ছেদন করায় একটা হৈ চৈ পড়িয়া গিয়াছে।

হরিদ্রাগ্রামের জমিদার কৃষ্ণকান্ত রোহিনী নামী ব্রাহ্মণ বিধবার কেশ কর্ষণ করিয়া গ্রামের বাহির করিয়া দিয়াছেন। জমিদারের অত্যাচার আর কতদিন লোকে সহ্য করিবে? রায়ত সভা কি করিতেছেন?

#### মহিলার কাণ্ড।

পুতনা নামে এক সুন্দরী যুবতী স্তনে বিষ মাখাইয়া বহু ছুঁকুপোষ্য শিশুর প্রাণনাশ করিয়া বেড়াইত। এবার গোকুলনগরে তাহার কাণ্ড প্রকাশ পাইয়াছে। গৃহলক্ষ্মীরা সাবধান!

#### বিধবা-বিবাহ।

মনোদরীর সহিত বিভীষণের বিধবা বিবাহ রেজিষ্টারী হইয়া গিয়াছে। কিঙ্কিঙ্কার অনুসরণে বিধবা বিবাহ রক্ষস-সমাজে এই প্রথম।

#### অসবর্ণ-বিবাহ।

ভীমসেন শ্রীমতী হিড়িষাকে বিবাহ করিয়া সংসাহসের পরিচয় দিয়াছেন। অসবর্ণ বিবাহ বিল কবে পাস হইবে!

মহারাজ শাস্ত্রু মাহিষ্য-কন্তা সত্যবতীর পাণিগ্রহণ করিয়া ভারতে নবযুগের উদ্বোধন করিলেন।

#### সমাজ-শাসন।

চণ্ডীদাস একঘরে হইয়াছেন। এক নকুল পণ্ডিত ভিন্ন অন্য কেহই তাঁহার সঙ্গে পংক্তি-ভোজন করেন নাই। চণ্ডীদাস বোধ হয় বিলাত-প্রত্যাগত।

#### ধর্ম-কর্ম।

গরাসুরের হরিপাদপদ্ম লাভ হইয়াছে। পিণ্ড দিবার জন্ত লক্ষ লোকের সমাগম হইয়াছিল।

বলীরাজা বামনকে সর্বস্ব দান করিয়া দেউলিয়া হইয়াছেন।

লোমশ মুনি হরিনাম করিতে করিতে অকালে স্বইচ্ছায় দেহত্যাগ করিয়াছেন। ইংরাজী সন বা বাঙ্গালা শকাব্দায় তাঁহার বয়সের পরিমাণ হইবে না বলিয়া কত বয়স জানা গেল না।

#### চুরি-ডাকাতি

গরিবপুরের ঞ্চাংটেস্বর বাবু জমিদারের গৃহে দিনছপুরে ভীষণ ডাকাতি হইয়া গিয়াছে। ধানায় সংবাদ দেওয়ার পুলিশ আসিয়া তাঁহার যাবতীয় সম্পত্তি নিজেদের হেপাজতে লইয়া তাঁহার চৌর্য্য-ভয় নিবারণ করিয়াছেন। ঞ্চাংটেস্বর বাবু এইবার নিশ্চিন্ত মনে সন্ন্যাস গ্রহণ করিবেন, তজ্জন্ত একটা লোটোর দরকার। আমরা শুনিয়া সুখী হইলাম, সদাশয় ডাকাত দল ডাকযোগে তাঁহাকে একটা সুন্দর কটকী লোটা পাঠাইয়া দিয়াছে। দস্যুরও ধর্ম্মানুরাগ প্রশংসনীয়।

শ্রমস্তক নামক মণিটা সম্প্রতি অপহৃত হইয়াছে—অনেকে মধুরেশকে সন্দেহ করিতেছে। কু লোকে বলে বালাকালে তিনি সংস্বভাবের ছিলেন না। দেখা যাক ব্যাপার কি দাঁড়ায়। শেষে হোলকারের মত না হয়।

#### খুন!

ভাসুরক সিংহকে কে খুন করিয়া কূপের মধ্যে ফেলিয়া দিয়াছে। পুলিশ তদন্ত চলিতেছে।

ড্যাগিলা স্তাম্‌সনকে হত্যা করার অভিযোগে অভিযুক্ত।

#### সকট আইন।

আমোদ ও রসিক নামে দুই গুণ্ডা সকট আইনে বাঙ্গালা ত্যাগ করিতে বাধ্য হইয়াছে।

## মন্দির-ধ্বংস।

মামুদ গজনী নামক একটা লোক দাঙ্গা করিয়া সোমনাথের মন্দিরটা ধ্বংস করিয়াছে। সংবাদদাতা একজন প্রত্যক্ষদর্শী, তথাপি স্থানীয় ম্যাজিষ্ট্রেটকে যে পত্র লিখিয়াছিলাম তাহার উত্তর না আসা পর্যন্ত ইহা বিশ্বাস করিতে পারিতেছি না।

## মসজিদ ভাঙ্গিয়া গুরুদ্বার।

শিখেরা অমৃতসরে একটা মসজিদ ভাঙ্গিয়া গুরুদ্বার তৈয়ার করিয়াছে এইরূপ গুজব। সোমনাথের ঢেউ ওখানে পহুঁছিয়াছিল না কি?

## বাজার দর।

সায়েন্টা খাঁ দুদিনেই দেশ সায়েন্টা করিয়া দিয়াছেন। টাকার ৪ মণ চাউল বিকাইতেছে।

ভোটের জন্ত সর্ষপ তৈলের দর অত্যধিক চড়িয়াছে। খেসারি মুগের দরে এবং ভেড়া ষোড়ার দরে বিক্রীত হইতেছে।

স্বর্গে পম্ফ্রেড মৎস্তের দর চড়িয়াছে।

বাজারে নূতন সরিষা ফুলের আমদানী হইয়াছে। দেখিবার জন্ত বাঙ্গালীদেরই সর্কাপেক্ষা আগ্রহ।

## সেয়ারের বাজার।

ক্রীষ্টবন্টেশ্বরী টি কোম্পানী লিমিটেডের সেয়ার ২ টাকা চড়া মূল্যে বিক্রীত হইতেছে।

বৈতরণী নাভিগেশন কোম্পানীর সেয়ার দশটাকা ধরাট দিয়াও লোক পাইতেছে না।

চুলো একস্প্যানসান স্কীম কোম্পানীর সেয়ার প্রায় সব বিক্রয় হইয়া গেল—৫০ টাকা above par.

## কর্মখালি।

এবার চিত্রগুপ্তের দপ্তরে বিশহাজার কর্মচারী আবশ্যিক। ভারতবর্ষ হইতেই শতকরা ৮০ জন লওয়া হইতেছে। Indianisation of service ওখানে একটা খেরাল দাঁড়াইয়াছে। এক বাঙ্গলা হইতেই লওয়া হইয়াছে শতকরা ৪৯ জন। তথাকার ব্যবস্থাপক সভার শতকরা ৭৫টি

চাকুরী বাঙ্গালীর জন্ত রক্ষিত রাখিবার প্রস্তাব গৃহীত হইয়াছে। এই গইয়া হিন্দু মুসলমানে এখানে বিবাদ না বাধে।

মাসিক দশটাকা ভাতার দশজন ম্যাট্রিক পাস শিক্ষা-নবীশ আবশ্যিক। গাভী পরিচর্যাাদি সম্বন্ধে পূর্ব অভিজ্ঞতা থাকিলে তাহাদের আবেদন অধিক আদরণীয় হইবে।

মাসিক একশত টাকা বেতনে ভদ্র অস্তঃপুরে নৃত্যগীত শিখাইবার জন্ত একজন আদর্শচরিত্রা নটীর প্রয়োজন।

বিশুদ্ধ ব্রাহ্মণ পরিবারে দেবতার ভোগ রন্ধনের জন্ত একজন নিষ্ঠাবান বাবুচি আবশ্যিক। বেতন গুণামুসারে।

## জাহাজী খবর।

মিঃ বেরিবেরি কলিকাতা বন্দরে নামিয়াছেন।

মহামায়ার ভ্রাতা, হিমগিরির পুত্র শ্রীমান মৈনাক ম্যাট্রিকুলেশন পরীক্ষায় ফেল হওয়ার সাগরে গা ঢালিয়াছেন, যেন পরজন্মে পাস করিতে পারেন।

ডিনা মধুকর তুবার-ক্ষেত্রে ধাক্কা লাগিয়া জলমগ্ন হইতেছে।

বেহুলার মন্দাশ ফিরিয়াছে। লখিন্দর সাগর-বাঘু সেবন করিয়া নবজীবন লাভ করিয়াছেন। গাজুর নদীতে এবং চম্পাই নগরে আনন্দের উৎসব-বহা বহিতেছে।

বৈজয়ন্তধামের প্রমোদালয়ে পঞ্চানন্দের 'বিহারে বেঘোরে চড়িছু একা' ও পণ্ডিত ক্ষীরোদ প্রসাদের 'বাজে কাজে মিন্‌সেকে আর যেতে দিব না' নামক প্রসিদ্ধ আধ্যাত্মিক সঙ্গীত দুখানি রেডিও বেতারে গীত হইয়াছিল। শ্রোতা দেবগণ ভক্তিভরে অশ্রু সম্বরণ করিতে পারেন নাই। আবার গঙ্গার উত্তর হইবার উপক্রম হইয়াছিল।

## সমালোচনা

ফষ্ট :—জার্মান কবির এ পুস্তকখানি ভালই হইয়াছে। ইহা একটা ভোক্তার বিবরণ—কি কি সন্দেশ হইয়াছিল তাহারও তালিকা আছে। কথটা ফিষ্ট। জার্মান উচ্চারণ পৃথক।

জুলিয়াস সিজর :—সেফগীর-জীবনীখানি বেশ সুপাঠ্য। লেখকের হাত কাটা, তবে অনুশীলন করিলে উন্নতি করিবেন।

যোগদর্শন :—পতঞ্জলি। এইরূপ গাজাপুরী পুস্তক এ-যুগে অচল। এই ভাবে বুজরুক তৈয়ার করিলে দেশ উৎসন্ন যাইবে। ইউরোপ হইলে গ্রন্থকারকে পুড়াইয়া মারিত। টাড়ালের হাত দিয়া পোড়াও পুস্তকে।

চার্কাক :—ইহা একখানি তথাকথিত দর্শন। বাস্তবিক ইহা একটা ঘূতের দোকানের পুরস্কার-রচনা। কোশলে ইহাতে ঘূতের কথা সন্নিবেশিত হইয়াছে। ঋগং ক্রহা ঘূতং পিবেৎ বলিয়া গ্রন্থকারকে প্রলোভিত করা হইয়াছে। ককোজম, ভেজটেবল মি, বাদামের তৈল প্রভৃতির বিরুদ্ধে এ এক সাহিত্যিক অভিযান।

কুম্ভলকণ্টক তৈল :—ইহা পুস্তক নহে, কেশ তৈল। শ্রীযুক্ত কৃতাস্তমোহন কবিরাজ এই মহোপকারী তৈল প্রস্তুত করিয়াছেন। একবার মাথিলে আর মাথিতে হয় না। অর্ধবটীর মধ্যে সমস্ত কেশদান উঠিয়া গিয়া মস্তক বেশ মসৃণ করে। এই তৈলের বহুল প্রচার প্রার্থনীয়।

বাদসাহী ভেঁপু :—তানসেন কোম্পানী ইহার নির্মাতা। ইহাতে মারে গামা সাধা চলে, সাধিলে তিনদিনে কালোয়াং হওয়া যায়। তানসেন স্বয়ং এই ভেঁপু বাজাইয়া আকবর শাহকে মোহিত করিয়াছিলেন।

বালকরঞ্জম বিঁড়ি :—হেল কোম্পানী লিমিটেডের প্রস্তুত। ইহার তামাক বেশ মিঠে-কড়া,—বালকদের

উপযোগী; অধিক কাসিতে হয় না। আমরা শুনিলাম, কলিকাতার সেনেট সভা ইহার প্রচারের বিরুদ্ধবাদী! হায় রে ইংরাজী শিক্ষা,—বিলাতী না হইলে কোনো জিনিষ মনে ধরে না।

সরস্বতী ছইকী :—আমরা এ বিষয়ে অভিজ্ঞ নহি, তথাপি সাহ মহাশয়ের সুখ্যাতি না করিয়া থাকিতে পারি না। তিনি ইহার সহিত সরস্বতীর নাম সংযোগ করিয়া দোনা বাণাপাণিকে গৌরবান্বিতা করিয়াছেন। হিন্দু মাত্রেই তজ্জগৎ কৃতজ্ঞ। ছইকী ও ব্রাণ্ডির বিজ্ঞাপন আমাদের সাময়িক পত্রগুলিকে সুশোভিত করিতেছে।

## পত্রপেরকগণের প্রতি

জয়ন্ত :—নন্দনভিলা :—আপনার প্রবন্ধে উর্ধ্বশীর নাচের যে সূক্ষ্ম সমালোচনা করিয়াছেন, তাহাতে বিশেষ মূল্যায়না আছে। আপনি সালাম নাচ প্রভৃতির যে বিশ্লেষণ করিয়াছেন, তাহা সমজদারের উপভোগ্য। আমরা উহা আগামী সংখ্যায় ছাপিব।

বৃহস্পতি :—আপনার প্রবন্ধটি নিতান্ত অসার। উহাতে না আছে জ্ঞান, না আছে গবেষণা, না আছে ভূয়োদর্শন। এমন কি শব্দ-জ্ঞানেরও পরিচয় উহাতে নাই। আপনি বোধ হয় শিশু। ‘শতংবদ না লিখ’ কথাটি স্মরণ রাখিবেন।

লুলু—হনলুলু :—আপনার অঙ্কিত চিত্রের রুক এদেশে কেহ প্রস্তুত করিতে পারিল না।

ভূমণ্ডি—থানেম্বর :—ঐতিহাসিক প্রবন্ধ আমরা ছাপি না। এসিয়াটিক সোসাইটীর পত্রিকায় পাঠাইবেন।

সমাপ্ত



# প্রথম বাঙ্গালী \*

( দ্বিতীয় তালিকা )

গত বিশ্বব্যাপী যুদ্ধে সন্ধিপত্রে নাম দাখল করেন, লর্ড সিংহ।  
লেজিসলেটিভ কাউন্সিলের প্রথম প্রেসিডেন্ট, নবাব সার সামসুল  
হুদা।

রেজিস্ট্রার অফ কো-অপারেটিভ সোসাইটী, রায় গামিনীমোহন মিত্র  
বাহাদুর।

ইন্সপেক্টর জেনারেল অফ রেজিস্ট্রেশন রায় টি, কে, ঘোষ বাহাদুর।  
বড়লাটের কাউন্সিলের কাউন্সিল মেম্বর শ্রী ভূপেন্দ্রনাথ  
মিত্র ( অস্থায়ী )।

গৈনিক বিভাগে এরোগ্রেন ডিপার্টমেন্টে কিংস কমিশন পান  
মিঃ রায়।

মধ্যপ্রদেশের জুডিসিয়াল কমিশনার শ্রী বিপিনকৃষ্ণ বসু।

এক্সচেঞ্জ জেনারেল, সেন্ট্রাল রোভিনিউজ মিঃ উপেন্দ্রলাল  
মজুমদার সি আই-ই।

বিদেশে এঞ্জিনিয়ারিংএ মশোলাভ করেন মিঃ বীরেন্দ্রকুমার দে।

কলিকাতার প্রেসিডেন্সী ও পুলিশ ম্যাজিস্ট্রেট, রায় হরচন্দ্র ঘোষ  
( ১৮৫২ )।

চিফ প্রেসিডেন্সী ম্যাজিস্ট্রেট ( অস্থায়ী ) নবাব সৈয়দ আমীর হুসেন  
সি-আই-ই ( ১৮৯২ )।

কলিকাতার স্মলকজ কোর্টের জজ হরচন্দ্র ঘোষ ( ১৮৬৩ )

স্মলকজ কোর্টের প্রধান জজ ( অস্থায়ী ) এ হাসান।

কলিকাতার করোনার সৈয়দ আমীর আলী ( ১৮৭৭ )

কলিকাতার কালেক্টর কেলাসচন্দ্র দত্ত ( ১৮৫৫ )

কলিকাতার ইনকমট্যাক্স কালেক্টর পি, কে, বসু ( ১৮৮৮ )

ইন্সপেক্টর জেনারেল, রেজিস্ট্রেশন নবাব সৈয়দ আমীর হুসেন  
( ১৮৯২ ) ( অস্থায়ী )।

কুমার গোপেন্দ্র কৃষ্ণ দেব ( ১৮৯৮ ) ( স্থায়ী )।

এক্সিকিউটিভ এজেন্সীর সেক্রেটারি চট্টোপাধ্যায় ( ১৮৮৪ )।

সুপারিন্টেন্ডিং এজেন্সীর রায় কৃষ্ণচন্দ্র বন্দ্যোপাধ্যায় বাহাদুর  
( ১৯০১ )।

বাংলা সরকারের শাসন পরিষদের সদস্য রাজা কিশোরীলাল  
গোস্বামী।

কলিকাতা হাইকোর্টের লিগ্যাল রিসেপ্টিভারিয়ার বিহারীলাল গুপ্ত।

ডিরেক্টর জেনারেল অব পোস্ট এণ্ড টেলিগ্রাফস মিঃ জি, পি, রায়।

আবগারী বিভাগের কমিশনার শ্রী কৃষ্ণগোবিন্দ গুপ্ত।

নাগপুর বিশ্ববিদ্যালয়ের ভাইস চ্যান্সেলর শ্রী বিপিনকৃষ্ণ বসু।

কলিকাতা কর্পোরেশনের চেয়ারম্যান জ্ঞানেন্দ্রনাথ গুপ্ত আই-  
সি-এস।

প্যারিসের ডি-লিট ডাঃ কালিদাস নাগ।

আমেরিকার কলেজে অধ্যাপক ডাঃ সুনীন্দ্রনাথ বসু।

কলিকাতা কর্পোরেশনের মেয়র চিত্তরঞ্জন দাশ।

প্রিন্স উপাধিধারী দ্বারকানাথ ঠাকুর।

মহাশূর বিশ্ববিদ্যালয়ের ভাইস চ্যান্সেলর ডাঃ ব্রজেন্দ্রনাথ শীল।

পঞ্জাব বিশ্ববিদ্যালয়ের ভাইস চ্যান্সেলর শ্রীঃ প্রতুলচন্দ্র চট্টোপাধ্যায়।

রেন্ডুন হাইকোর্টের জজ জাস্টিস যতীশরঞ্জন দাশ।

চীফ ইলেক্ট্রিক্যাল এঞ্জিনিয়ার সুরেন্দ্রনাথ ঘোষ।

ডাইরেক্টর অব ইন্ডাস্ট্রি মিঃ ডি, সি, গুপ্ত।

প্রাদেশিক রাষ্ট্রীয় সম্মিলনের সভানেত্রী প্রথম বাঙ্গালী মহিলা  
শ্রীযুক্তা বাসন্তী দেবী।

আইন পরীক্ষোত্তীর্ণা প্রথম বাঙ্গালী মহিলা রেজিনা গুহ।

চীন দেশ হইতে সম্মানজনক উপাধি লাভ করেন রবীন্দ্রনাথ ঠাকুর।

এডিনবরা বিশ্ববিদ্যালয়ের ডি এসসি ডাঃ পি, কে, রায়।

ইংরেজী ভাষায় কবিতা লেখেন কাশীপ্রসাদ ঘোষ।

কলিকাতা বিশ্ববিদ্যালয়ের গ্র্যাজুয়েট বক্ষিমচন্দ্র চট্টোপাধ্যায় ও  
যত্ননাথ বসু।

নাইট উপাধি বর্জন করেন রবীন্দ্রনাথ ঠাকুর।

বাঙ্গালাভাষায় রেখাকর প্রণেতা-দ্বিজেন্দ্রনাথ ঠাকুর।

এসিয়াটিক সোসাইটির সভাপতি রাজা রাজেন্দ্রলাল মিত্র।

বাঙ্গলা নামক পত্র সম্পাদিকা স্বর্ণকুমারী দেবী।

\* গত শ্রাবণ ( ১৩৩৩ ) মাসের ভারতবর্ষে "প্রথম বাঙ্গালী"র তালিকা প্রকাশিত হইবার পর শ্রীমতী হিমাংগুবালা ভাঙ্গুড়ী "প্রথম বাঙ্গালী"র  
দ্বিতীয় তালিকা প্রেরণ করিয়াছেন; এবং আরও অনেকে এক একটা কথিয়া তালিকা প্রেরণ করিয়াছেন। শ্রীমতী হিমাংগুবালার দ্বিতীয়  
তালিকা অবলম্বন করিয়া, এবং তৎসহ অস্তান্ত তালিকায় লিখিত প্রথম বাঙ্গালীর নামগুলি যোগ বিয়োগ করিয়া একসঙ্গে এই দ্বিতীয়  
তালিকা প্রস্তুত হইল। অস্তান্ত প্রেরকগণের নাম, যথা, স্বামী শুক্লানন্দ, শ্রীবিজয়কুমার বড়াল, শ্রীঅনিলকুমার মুখোপাধ্যায়, শ্রীবক্ষিমচন্দ্র দাস  
বি-এ, শ্রীহীরেন্দ্রনাথ দত্ত, শ্রীরামানুজ কর, শ্রীবলাইচাঁদ দে, শ্রীপ্রকাশচন্দ্র দত্ত, শ্রীভূজঙ্গকৃষ্ণ ঘোষ, শ্রীকালীকৃষ্ণ ভট্টাচার্য্য; এম-এ, বি-এল,  
শ্রীভবেশ দাশগুপ্ত, শ্রীবভূতি রায় চৌধুরী প্রভৃতি।—

গত বারের তালিকায় একটা মারাত্মক ভুল ছিল। বেলুনে উঠেন প্রথম বাঙ্গালী রামচন্দ্র চট্টোপাধ্যায়—বন্দ্যোপাধ্যায় নহেন।

অভিনয়োগ্যোগী নাটক-প্রণেতা রামনারায়ণ তর্কালঙ্কার ।  
সংস্কৃত অভিধান-সকলরিতা শ্রীর রাধাকান্ত দেব ।  
পুলিশ সুপারিন্টেন্ডেন্ট জগদীশনাথ রায় ।  
ভারতের বাহিরে কুস্তীগীর পালোয়ান যতীন্দ্রনাথ গুহ ( গোবর ) ।  
বঙ্গভাষায় অমিত্র ছন্দ প্রবর্তক মাইকেল মধুসূদন দত্ত ।  
কলিকাতা বিশ্ববিদ্যালয়ের রেজিষ্টার কালীচরণ বন্দ্যোপাধ্যায় ।  
কলিকাতার সেরিক দিগম্বর মিত্র ।  
কলিকাতা হাইকোর্টের স্ট্যাণ্ডিং কাউন্সেল উমেশচন্দ্র বন্দ্যোপাধ্যায় ।  
বিলাতে প্রথম বাঙ্গালী মহিলা তরু দত্ত ।  
লাহোর চীফ কোর্টের জজ সার প্রতুলচন্দ্র চট্টোপাধ্যায় ।  
মালদ্বীপ হাইকোর্টের জজ ও অস্থায়ী প্রধান জজ সার আবদর  
রহিম ।

বিলাতে হাই কমিশনার সার ভূপেন্দ্রনাথ মিত্র ( অস্থায়ী ) ; সার  
অতুলচন্দ্র চট্টোপাধ্যায় ( স্থায়ী ) ।

এলাহাবাদ হাইকোর্টের জজ সার প্রমদারঞ্জন বন্দ্যোপাধ্যায় ।  
পাটনা হাইকোর্টের অস্থায়ী প্রধান জজ সার বঙ্গসুন্দর মল্লিক ।  
প্রিন্সিপাল কাউন্সিলের সদস্য সৈয়দ আমীর আলি ।  
কলিকাতা পোর্ট কমিশনার রাজা দুর্গাচরণ লাহা ।  
দেশের কাজে জেল খাটেন সুরেন্দ্রনাথ বন্দ্যোপাধ্যায় ।  
কে-সি-এস-আই উপাধি পান সার রাধাকান্ত দেব ।  
এম-এ পাশ করেন প্রথম বাঙ্গালী মহিলা চন্দ্রমুখী বহু ।  
এফ-জেড্-এস উপাধি পান সত্যচরণ লাহা ।  
ইন্স্পিরিয়াল লাইব্রেরীর লাইব্রেরিয়ান বহুভাষাবিদ হরিনাথ দে ।  
কলিকাতা প্রেসিডেন্সী কলেজের প্রিন্সিপাল ডাঃ পি, কে, রায় ।  
কলিকাতা বিশ্ববিদ্যালয়ের অধ্যাপক-ভাইস-চ্যান্সেলার যত্ননাথ  
সরকার ।

ইন্স্পিরিয়াল ব্যাক্‌সের গভর্নর হৃদীকেশ লাহা ।  
বঙ্গদেশে বিধবা বিবাহের আন্দোলনকারী রাজা রাজবল্লভ ।  
বেথুন বিদ্যালয়ের ছাত্রী প্রথম বাঙ্গালী কণ্ঠা ভুবনমালা ও কুম্ভমালা  
( মদনমোহন তর্কালঙ্কারের কণ্ঠাধর ) ।  
বিলাত যাত্রা করেন রামমোহন রায় ।  
ষ্টাটুটারী সিবিলিয়ান সূর্য্যকুমার অগস্তি ।  
বিলাতে ডাক্তারী পাশ করেন গুড্ডিভ চক্রবর্তী ।  
সপ্তের সৈনিক বৃত্তি অবলম্বন করেন ক্যাপ্টেন জিতেন্দ্রনাথ  
বন্দ্যোপাধ্যায় ।

London Universal Races Congressএর সভাপতি  
আচার্য্য ব্রজেননাথ শীল ।

আমেরিকার ইউনিভার্সিটিতে, International Laws and  
Politicsএ পিএইচ্-ডি তারকনাথ দাস ।

কলিকাতা হাইকোর্টের আদিম বিভাগের জজ শ্রীর আশুতোষ চৌধুরী ।  
Meteorological officer প্রশান্তচন্দ্র মহলানবিশ ।

রুড্‌কী এঞ্জিনিয়ারিং কলেজের পাশ করা এঞ্জিনিয়ার নীলমণি মিত্র ।  
ধাত্রী বিভাগ পাশ্চাত্য অগতকে চমৎকৃত করেন—ডাঃ কেদার দাস ।  
বড় লাটের কাউন্সিলের আইন সদস্য শ্রীর সত্যেন্দ্রপ্রসন্ন সিংহ ।  
ডক্টর অব্ সায়ান্স উপাধি পান অধ্যয়নাথ চট্টোপাধ্যায় ।  
বার্লিনের ডি-এসসি প্রথম বাঙ্গালী মহিলা—প্রভাবতী দাশগুপ্তা ।  
শিকাবিভাগের অস্থায়ী ডিরেক্টর ভূদেব মুখোপাধ্যায় ।  
বিদেশে মিউজিক ডক্টর উপাধি অর্জন এবং ভারতীয় সঙ্গীত প্রচার  
করেন দিলীপকুমার রায় ।

উচ্চ শ্রেণীর কলেজ স্থাপন করেন ঝরচন্দ্র বিভাগাগর ।  
নিখিল ভারতীয় আয়ুর্বেদ সন্মিলনীর সভাপতি কবিরাজ যামিনীভূষণ  
রায় ।

ওয়ারশিংটন লেবার কনফারেন্সে প্রতিনিধি শ্রীর অতুলচন্দ্র চট্টোপাধ্যায়  
ইন্স্পিরিয়াল কনফারেন্স ও লীগ অব নেশন্সে প্রতিনিধি লর্ড সিংহ  
ইন্ডিয়া কাউন্সিলে ভাইস প্রেসিডেন্ট শ্রীর কে, জি, গুপ্ত  
ইন্স্পিরিয়াল প্রেস কনফারেন্সে প্রতিনিধি শ্রীর সুরেন্দ্রনাথ  
বন্দ্যোপাধ্যায় ।

পদব্রজে পৃথিবী পর্যটক উপেন্দ্রনাথ চক্রবর্তী ।  
বিশ্বভারতীয় প্রবর্তক রবীন্দ্রনাথ ঠাকুর ।  
উদ্ভিদে জীবনের অন্তিম প্রমাণকারী শ্রীর জগদীশ বহু ।  
প্রতীচ্য বিজ্ঞানে বিশেষ নিয়মের আবিস্কর্তা জ্ঞানচন্দ্র ঘোষ ।  
কলিকাতা মেডিক্যাল কলেজের প্রিন্সিপাল ও বাঙ্গলার ( অস্থায়ী )  
ইন্স্পেক্টর জেনারেল অব সিবিল হস্পিট্যালস ডাক্তার আর, সি, চন্দ্র  
আই-এম-এস ।

বিলাতী এম-ডি ডাক্তার ভোলানাথ বহু ।  
ইন্টারন্যাশনাল ফিলজফিক কংগ্রেসে প্রতিনিধি সুরেন্দ্রনাথ  
দাসগুপ্ত ।

আই-এম-এস্-এ প্রথম বাঙ্গালী রসিকলাল দত্ত ।  
বঙ্গীয় ব্যবস্থাপক সভার নির্বাচিত সভাপতি কুমার শিবশেখরেধর  
রায় ।

কলিকাতা কর্পোরেশনের সরকারী সভাপতি ( অস্থায়ী ) গোপাললাল  
মিত্র ।

কলিকাতা কর্পোরেশনের বেসরকারী সভাপতি সুরেন্দ্রনাথ মল্লিক ।  
বঙ্গীয় গবর্ণমেন্টের সত্ৰী সার প্রভাসচন্দ্র মিত্র, নবাব নবাবআলি  
চৌধুরী ও শ্রীর সুরেন্দ্রনাথ বন্দ্যোপাধ্যায় ।

লন্ডো বিশ্ববিদ্যালয়ের ভাইস-চ্যান্সেলার জি, এন্, চক্রবর্তী ।  
দেশীয় রাষ্ট্র বিখ্যাত সত্ৰী কাশীচন্দ্র মুখোপাধ্যায় ও নীলাধর  
মুখোপাধ্যায় ।

বাংলা ভাষার সর্ট্‌গাণ্ডের প্রবর্তক বিশ্বেন্দ্রনাথ সিংহ ।  
লন্ডনের রয়েল ইকনমিক সোসাইটির সদস্য—যোগীন্দ্রনাথ সমাদার  
গ্রেটব্রিটেন ও আয়ারল্যান্ডের রয়েল ঐতিহাসিক সোসাইটির সদস্য—  
যোগীন্দ্রনাথ সমাদার

# চিতোর

শ্রীবসন্তকুমার চট্টোপাধ্যায়, এম.এ

রাত্রি ১০ টার সময় আজমীর হইতে ট্রেন ছাড়িল। সকালে ৬টার সময় চিতোরগড় ষ্টেশনে পৌঁছলাম। ষ্টেশনে নামিয়া দুইটি টাক্সা ভাড়া করিলাম এবং চিতোরগড় পাহাড় অভিমুখে চলিলাম। ষ্টেশনের নিকট ডাক-বাঙ্গলো, কয়েকটি দোকানঘর এবং একটি পুলিশের থানা আছে। থানা হইতে গড় দেখিবার জন্য অনুমতি-পত্র (pass) পাইলাম। দুইটি টাক্সার জন্য ১০ আনা করিয়া ১০ মাত্র লাগিল। তাহার পর প্রান্তরের মধ্য দিয়া গাড়ী চলিল। পলাশ-বৃক্ষের পত্রহীন শাখাগুলি লাল ফুলে ভরিয়া গিয়াছিল। অদূরে পূর্বগগনে চিতোর পাহাড় দেখা যাইতেছিল। পাহাড়ের উপরিভাগ সমতল। তাহার উপর মধ্যে মধ্যে বৃক্ষের অস্তুরালে মন্দির বা প্রাসাদ-শীর্ষ দেখা যাইতেছিল। আমাদের পথ কিছুদূর পর্যন্ত উত্তর দিকে গিয়া তাহার পর পূর্বদিকে চলিল। একটি ক্ষুদ্র নদী পার হইলাম। নদীর নাম গমেরা। কোথাও বালুকাময় নদী-সৈকতে বৃহৎ প্রস্তরখণ্ড পড়িয়া রহিয়াছে, কোথাও নদীর কাল জলে তীরস্থ বৃক্ষ-রাজির এবং নীল আকাশের ছায়া পড়িয়াছে। রাজপুত রমণীগণ কলসাকক্ষে নদীতে জল আনিতে যাইতেছিল। পাহাড়ের ঠিক নীচেই একটি বড় গ্রাম। গ্রামের নাম তলহাটি। গ্রামটি চারিদিকে দেওয়াল দিয়া ঘেরা। দ্বারপথে একজন সশস্ত্র প্রহরী দাঁড়াইয়া ছিল। আমাদের পাশ দেখিয়া সে যাইতে দিল। দুই পাশে দোকান, মধ্যে পথ। একটি সীতারামের মন্দির ও ডাকঘর দেখিলাম। অবশেষে আমরা পাহাড়ের নিকট উপস্থিত হইলাম। এখানে একটি বৃহৎ দরজা পাহাড়ে উঠিবার পথ রক্ষা করিতেছিল। দরজার প্রকাণ্ড কপাট বহুসংখ্যক লৌহ-শলাকা দ্বারা রক্ষিত। হাতী যাহাতে দরজা ভাঙ্গিবার জন্য ধাক্কা দিতে না পারে সেজন্য এইরূপ ব্যবস্থা ছিল। দরজার বাহিরে পাহাড় অত্যন্ত খাড়া। পাহাড়ের গায়ে মাঝে মাঝে প্রকাণ্ড পাথর। পাহাড়ের নিম্নভাগ জঙ্গলে আবৃত। এই জঙ্গলে হরিণ, বাঘ, এমন কি পূর্বে সিংহও থাকিত।

পাহাড়ে উঠিবার পথটি উচ্চ প্রাচীর দ্বারা রক্ষিত। প্রাচীরের উপরিভাগে কাঙ্গড়া (battlement)। পথটি দুইবার ফিরিয়া ইংরাজী z অক্ষরের আকারে উপরে উঠিয়াছে; এবং পাহাড়ের উপরিভাগ সম্পূর্ণভাবে বেষ্টিত করিয়া যে প্রাচীর আছে সেইখানে গিয়া শেষ হইয়াছে। প্রাচীর এবং কাঙ্গড়া সম্প্রতি মেলামত করা হইয়াছে। কাঙ্গড়াগুলি দেখিতে বেশ সুন্দর হইয়াছে। রাজপুত কবিগণ এই কাঙ্গড়া-সমলঙ্কত প্রাচীরকে চিতোরের অধিষ্ঠাত্রী দেবীর মুকুট বলিয়া বর্ণনা করিয়াছেন। দূর হইতে ইহা মুকুটের মতই দেখায়। ফটক পার হইয়া আমরা পাহাড়ের উপর উঠিতে লাগিলাম। পথের একপাশে প্রাচীর, অপর পাশে পাহাড়; পাহাড়ের উপর ধাও গাছের জঙ্গল। প্রাচীরে সংলগ্ন একটি প্রস্তর-বন্ধ বিস্তৃত উচ্চ পথ রহিয়াছে। দুর্গ রক্ষা করিবার সময় সৈনিকগণ এই পথে চলাফেরা করিত এবং প্রাচীর-নিহিত অস্তুরালের মধ্য দিয়া শত্রুদের গতিবিধি পর্যবেক্ষণ করিত বা অস্ত্র নিক্ষেপ করিত। পাহাড়ে উঠিবার সময় মাঝে মাঝে প্রস্তর-নির্মিত বেদী দেখিতে পাইলাম। বেদীর উপর সুন্দর কারুকার্য। এগুলি ইতিহাসের অতীত ঘটনার স্মৃতি-চিহ্ন। আমরা একে একে সাতটি সুদৃঢ় দরজা পার হইলাম। তাহাদের নাম পটলপোল, ভৈরবপোল, হুম্মানপোল, গণেশপোল, জোড়লাপোল, লক্ষ্মণপোল ও রামপোল। পথটি প্রায় একমাইল দীর্ঘ। চিতোরগড়ে প্রবেশ করিবার ইহাই সর্বপ্রধান পথ। ইহা পাহাড়ের পশ্চিমে অবস্থিত। পাহাড়ে উঠিবার ইহা ছাড়া আরও দুইটি পথ আছে। একটি পূর্বদিকে, অপরটি উত্তর দিকে। রামপোলের নিকটেই দরিখানা; বিশেষ ঘটনা উপলক্ষে রাজপুত সর্দারগণ এখানে মিলিত হইতেন। প্রবাদ এই যে, আলাউদ্দিন কর্তৃক চিতোর ধ্বংসের পূর্বে এখানে চিতোরের অধিষ্ঠাত্রী দেবী আবির্ভূতা হইয়া রাণাকে বলিয়াছিলেন “ম্যা ভুঁখা হুঁ” (আমার ক্ষুধা পাইয়াছে)।

আমরা পূর্বে বলিয়াছি যে চিতোর পাহাড়ের উপরি-

ভাগ প্রায় সমতল। ইহা প্রায় তিন মাইল দীর্ঘ এবং আধ মাইল প্রস্থ। পাহাড়ের উপর ভাল রাস্তা আছে। তাহাতে গাড়ী চলে। আমরা পাহাড়ে উঠিয়া একজন পথ-প্রদর্শক লইলাম। লোকটি জাতিতে হিন্দু দর্জি। পাহাড়ের অধিকাংশ ভগ্নস্তূপে সমাচ্ছন্ন। কয়েকখণ্ড জমিতে চাষ হয় দেখিলাম। পথে একটি ক্ষুদ্র দেবীর মন্দির রহিয়াছে। দেবীর নাম তুলজা ভবানী। মন্দির পার হইয়া আমরা গোমুখা গঙ্গা নামক স্থানে চলিলাম। প্রাচীন রাজপ্রাসাদ, মীরাবাইয়ের মন্দির, উদয়পুরের রাণার নূতন রাজপ্রাসাদ প্রভৃতি অতিক্রম করিয়া আমাদের গাড়ী রাণা কুন্ডের জয়স্বস্তের নিকট আসিয়া দাঁড়াইল। সেখানে গাড়ী হাতে নামিয়া দুইচারি মিনিট ভগ্ন গৃহ এবং দেবালয়ের পাশ দিয়া চলিয়া আমরা নীচে নামিবার প্রশস্ত সুগঠিত সোপানশ্রেণী পাইলাম। সোপানশ্রেণী সম্প্রতি সুন্দর ভাবে মেরামত করা হইয়াছে। উদয়পুরের আধুনিক রাণাদের প্রাচীন কীর্তি সংরক্ষণ করিবার এই চেষ্টা প্রশংসার্হ। সিঁড়ি দিয়া কিছুদূর নামিয়া আমরা একটি কুণ্ড বা ক্ষুদ্র জলাশয় দেখিতে পাইলাম। কুণ্ডট খুব প্রাচীন। ইহার জল কিয়ৎ পরিমাণে বিবর্ণ হইয়া গিয়াছে। কুণ্ডটি পাহাড়ের এক প্রান্তে অবস্থিত। ইহার পশ্চিমে দুর্গ-প্রাচীর। কুণ্ডটির পূর্বদিকে একটি শিবালয় আছে। শিবালয়ের মধ্যে একটি ছোট ঝর্ণা আছে। ঝর্ণার জল অতি পরিষ্কার এবং পান করিবার উপযোগী। এই জল কুণ্ডের মধ্যে গিয়া পড়িতেছে। এখানে একটি সুড়ঙ্গের মুখ আছে। এই সুড়ঙ্গ না কি এখান হইতে রাজপ্রাসাদ পর্য্যন্ত বিস্তৃত। এই শিবালয়ের উপর একটি ক্ষুদ্র কক্ষ ছিল। তাহার মধ্যে আমরা জিনিষপত্র রাখিলাম এবং নিকটে একটি উল্লুক স্থলে বৃক্ষতলে রাখিবার উদ্যোগ করিলাম। পাচক ও ভৃত্যকে এখানে রাখিয়া আমরা শীঘ্র দর্শনীয় স্থান সকল দেখিতে চলিলাম; কারণ, ক্রমশঃ রৌদ্রের তেজ প্রখর হইতেছিল। এখান হইতে গাড়ী করিয়া দক্ষিণ দিকে চলিলাম। পশ্চিমে পুত্র ও জয়মলের বাসভবন দেখিতে পাইলাম। নিকটে একটি সরোবর দেখাইয়া পথ-প্রদর্শক বলিল, ইহা সূর্য্যকুণ্ড,— আকবরের সহিত যুদ্ধের সময় এখান হইতে প্রতাহ যোদ্ধৃ বর্গ সহিত রথ নির্গত হইত। অবশেষে মুসলমানগণ গোরক্ষ দ্বারা ইহা অপবিত্র করিয়া দিল। তাহার পর আর রথ বা যোদ্ধা

উঠিল না। টডের রাজস্থানে কিছু উল্লেখ আছে যে, মেওয়ারের রাণাদের পূর্বপুরুষদের বাসস্থান গুজরাটের নিকটবর্তী বল্লভীপুরে একটি সূর্য্যকুণ্ড ছিল; এবং বল্লভীপুর যখন বর্করগণ কর্তৃক ধ্বংস হয়, সেই সময়ে এই ঘটনা ঘটিয়াছিল। সূর্য্যকুণ্ডের নিকটে আরও দুই একটি পুষ্করিণী দেখিলাম। সর্বশুদ্ধ পাহাড়ের উপর ৩২টি পুষ্করিণী এবং একটি ঝর্ণা আছে। এ কারণ পাহাড়ের উপর জলকষ্ট হইত না। সূর্য্যকুণ্ড পার হইয়া একটি মন্দিরের নিকট আমাদের গাড়ী দাঁড়াইল। মন্দির-প্রাঙ্গণটি পথ হইতে খুব উচ্চ; অনেকগুলি সিঁড়ি ভাঙ্গিয়া উঠিতে হয়। গুনিলাম, ইহা কালীর মন্দির। বিগ্রহটি সাদা পাথরের। কেবল মুখটি দেখা যায়, অবশিষ্টাংশ লাল কাপড় দিয়া ঘেঁরা। মূল মন্দিরের সম্মুখে নাটমন্দির। চারি সারি স্তম্ভের উপর নাটমন্দিরের ছাদটি অবস্থিত। মন্দিরে পুরোহিত আছেন, এখনও পূজা হয়। (১) কালীর মন্দির দেখিয়া আমরা পদ্মিনীর প্রাসাদ দেখিতে চলিলাম। কালীর মন্দির এবং পদ্মিনীর প্রাসাদের মধ্যে বীরবর চণ্ডের স্মৃতি-মন্দির ("Vaulted cenotaph of Chonda") আছে বলিয়া টড সাহেব উল্লেখ করিয়াছেন। আমাদের ইহা দেখা হয় নাই। পদ্মিনীর প্রাসাদটি এখনও সম্পূর্ণ অভয় এবং ব্যবহার-যোগ্য অবস্থায় রহিয়াছে। ১০০৩ খৃষ্টাব্দে যখন আলাউদ্দিন চিতোর অধিকার করিয়াছিলেন, তখন চিতোরের সকল গৃহ এবং দেবালয় ভাঙ্গিয়া ফেলিয়াছিলেন— কেবল পদ্মিনীর প্রাসাদ ভাঙ্গেন নাই (২)। পদ্মিনীর

( ১ ) The shrine of Kalika Devi esteemed one of the most ancient of Chitor, existing since the time of the Mori, the dynasty prior to the Gubilot—(Tod's Rajasthan). Erskine সাহেবের মতে ইহা পূর্বে সূর্য্যের মন্দির ছিল।

( ২ ) Alla remained in Chitor some days admiring the grandeur of his conquest; and having committed every act of barbarity and wanton dilapidation which a bigotted zeal could suggest, overthrowing the temples and other monuments of art, he delivered the city in charge to Maldeo, the chief of Jhalor whom he had conquered and enrolled amongst his vassals. The palace of Bheem and the fair Padmini alone appears to have escaped the wrath of Alla.—Tod's Rajasthan, p. 222.

সময় প্রাসাদের যেরূপ অবস্থা ছিল, তাহার পর কিছু পরিবর্তন হওয়া সম্ভব। চিতোরে উদয়পুরের রাণার নূতন প্রাসাদ নির্মিত হইবার পূর্বে রাণারা চিতোরে আসিলে পদ্মিনীর প্রাসাদেই বাস করিতেন। এজন্য প্রাসাদটি সম্পূর্ণ বাসযোগ্য অবস্থায় রক্ষিত হইয়াছে। এখানে কিছু কিছু আসবাবও আছে। প্রাসাদটি একতলা এবং কয়েকটি স্বতন্ত্র মহলে বিভক্ত। প্রত্যেক মহল চারিদিকে উচ্চ প্রাচীর দিয়া বেষ্টিত। এক একটি মহলে প্রশস্ত প্রাঙ্গণের পাশে কয়েকটি করিয়া ঘর। কোন মহলে বৈঠকখানা, কোনটিতে বসিবার ও শুইবার ঘর, বা পূজার ঘর। ঘরগুলি আকারে ছোট। একটি ঘরে একটি বৃহৎ আয়না একটি টেবিল এবং কয়েকটি চেয়ার দেখিলাম। মনে পড়িল সেই আয়নার কথা, যাহার মধ্যে আল্লাউদ্দিনকে পদ্মিনীর প্রতিবিম্ব দেখান হইয়াছিল। প্রাসাদের পাশেই জলাশয়। জলাশয় গভীর, বহু নিম্নে সামান্য জল রহিয়াছে দেখা গেল। জল ধরিয়া রাখিবার যখন বন্দোবস্ত ছিল, তখন জলাশয়টি প্রচুর জলে পূর্ণ থাকিত বোধ হইল (৩)। অদূরে জলাশয়ের মধ্যে আর একটি ক্ষুদ্র প্রাসাদ দেখিতে পাইলাম (৪)। শুনিলাম, জলাশয় যখন জলপূর্ণ থাকিত, তখন উভয় প্রাসাদের মধ্যে নৌকা চলিত।

পদ্মিনীর প্রাসাদ চিতোরের দক্ষিণ প্রান্তে অবস্থিত। ইহার পর আর বড় একটা ঘরবাড়ী বা তাহার ধ্বংসাবশেষ দেখা যায় না। (৫) স্থানটি কতকটা সহরতলির (Suburb) এর মত। পদ্মিনীর প্রাসাদে দাঁড়াইয়া পদ্মিনীর কাহিনী মনে হইল। দীর্ঘ অবরোধের পরও

(৩) Todএর "রাজস্থানে" পদ্মিনীর প্রাসাদের যে চিত্র আছে তাহাতে দেখা যায়, সরোবর জলপূর্ণ রহিয়াছে।

(৪) আমাদের পথপ্রদর্শক বলিল, জলাশয়ের মধ্যে প্রাসাদও পদ্মিনীর প্রাসাদ। Tod সাহেবের বর্ণনা পড়িয়া মনে হয়, ইহ চিতোরের প্রাচীন পুষ্যবংশীয় রাজা চিত্রং মোরির প্রাসাদ।

(৫) Tod লিখিয়াছেন যে, পদ্মিনীর প্রাসাদের দক্ষিণে একটি পাথরের দেওয়াল খেরা স্থান আছে। এখানে কুম্ভ মালবরাজকে বন্দী করিয়া রাখিয়াছিলেন।

চিতোর পাহাড়ের নিকটেই দক্ষিণে (১৫০ গজ দূরে) আর একটি পাহাড় আছে। তাহার নাম চিতোরী। এই পাহাড়ের উপর হইতে আল্লা চিতোর আক্রমণ করিয়াছিলেন। প্রবাদ এই যে, আল্লা যখন ১২ বৎসর ধরিয়া চিতোর অবরোধ করিয়াছিলেন, তখন মাটি ফেলিয়া এই পাহাড় বা ঢিপি নির্মাণ করিয়াছিলেন।

চিতোর অধিকার করিতে না পারিয়া আল্লাউদ্দিন প্রথমে বলিলেন, পদ্মিনীকে পাইলেই তিনি চলিয়া যাইবেন; শেষে বলিলেন, পদ্মিনীকে একবার দেখিতে পাইলেও তিনি চলিয়া যাইতে প্রস্তুত।

আল্লাকে বলা হইল, আয়নার মধ্যে পদ্মিনীর প্রতিবিম্ব দেখান হইবে। আল্লা তাহাতেই রাজি হইলেন। চিতোর প্রবেশ করিয়া পদ্মিনীর প্রতিবিম্ব দেখিয়া আল্লা ফিরিয়া যাইতেছিলেন, ভীমসিং ভদ্রতা করিয়া আল্লার সহিত পাহাড়ের নীচে পর্যন্ত আসিয়া তাঁহাকে আগাইয়া দিতে গেলেন। কিন্তু তিনি যখন দুর্গের বাহিরে গেলেন, অমনি আল্লা ভীমসিংহকে বন্দী করিয়া নিজ শিবিরে লইয়া গেলেন। আল্লা বলিয়া পাঠাইলেন পদ্মিনীকে পাইলে ভীমসিংহকে ছাড়িয়া দেওয়া হইবে। পদ্মিনী তাঁহার পিতৃব্য গোরা এবং ভ্রাতা বাদলের সহিত পরামর্শ করিয়া আল্লার প্রস্তাবে স্বীকৃত হইলেন। তিনি বলিয়া পাঠাইলেন, তাঁহার সহিত ৭০০ শিবিকার সখীরা যাইবে। এই ৭০০ শিবিকা যখন মুসলমান শিবিরে উপস্থিত হইল, তখন প্রস্তাবমত ভীমসিং চিতোর অভিমুখে চলিলেন। কিন্তু আল্লা তাঁহাকেও ধরিতে আজ্ঞা দিলেন। তখন সেই ৭০০ শিবিকা হইতে ৭০০ যোদ্ধা বাহির হইল। শিবিকার ২৮০০ বাহকেরাও যোদ্ধাবেশ ধারণ করিল। বাদল ও গোরার নেতৃত্বে এই ৩৫০০ রাজপুত অলৌকিক বীরত্ব সহকারে অগণিত মুসলমান সেনার সহিত যুদ্ধ করিল। ভীমসিংহ এই অবসরে ক্ষিপ্ত গতিতে অশ্বারোহণে চিতোর প্রবেশ করিলেন। রাশি রাশি মুসলমান নিহত করিয়া রাজপুতগণ প্রায় প্রত্যেকে প্রাণত্যাগ করিল। গোরা মারা গেল। রক্তাক্ত দেহে বাদল ফিরিয়া আসিল। চিতোরের শ্রেষ্ঠ বীর সকল মারা গেল। আল্লা বিফল-মনোরথ হইয়া দিল্লী ফিরিয়া গেলেন। কিছুকাল পরে পুনরায় প্রভূত সৈন্য সংগ্রহ করিয়া আল্লা চিতোরের সম্মুখে আবার দেখা দিলেন। চিতোরের শ্রেষ্ঠ বীরগণ পূর্বের যুদ্ধে মারা গিয়াছিল। এবার চিতোর রক্ষা করা দুর্ঘট হইল। পাহাড়ের দক্ষিণ প্রান্তের কিয়দংশ আল্লা অধিকার করিয়াছিলেন। রাত্রে দুশ্চিন্তায় রাণা লক্ষণ সিংহের নিদ্রা হয় নাই। এমন সময় চিতোরের অধিষ্ঠাত্রী দেবী দেখা দিলেন, বলিলেন, "মায়া, ভুখা হু" (আমার ক্ষুধা পাইয়াছে)। রাণা বলিলেন, "রাক্ষসি, আমার ৮০০০ জাতি

খাইয়াছ, এখনও ক্ষুধা মিটে নাই ?” দেবী বলিলেন, “আমি রাজবলি চাই। মুকুটপরা ১২ জন প্রাণ না দিলে চিতোর আর তোমাদের হাতে থাকিবে না।” রাণার ১২ জন পুত্র। সকলেই আগে প্রাণ দিতে উৎসুক হইল। একে একে ১১ জন গেল, প্রত্যেককে রাজ্যে অভিষিক্ত করা হইল, রাজদণ্ড হাতে দেওয়া হইল, মাথায় ছত্র ধরা হইল, চামর দোলাইয়া হইল। তিন দিন সে রাজা রহিল। চতুর্থ দিনে দুঃস্বপ্ন বাহিরে গিয়া মুসলমানদের সহিত যুদ্ধ করিয়া প্রাণ দিল। যখন একে একে ১১ রাজপুত্র এইভাবে প্রাণ দিল তখন অবশিষ্ট পুত্রকে রাজা জোর করিয়া যাইতে দিলেন না,— তাহাকে সুড়ঙ্গ পথে নিরাপদ স্থানে পাঠাইয়া দিলেন। তাহার পর জহর ব্রত হইল,—সহস্র সহস্র রাজপুত্র রমণী একজনের পর একজন প্রজ্বলিত অনলে প্রাণ আহুতি দিলেন। সকলের শেষে পদ্মিনী। তাহার পর দুর্গের দ্বার খুলিয়া দেওয়া হইল। রাজপুত্রগণ শত্রুদের সাহিত যুদ্ধ করিতে কারিতে প্রাণত্যাগ করিল, রাণাও প্রাণ দিলেন। আত্মা চিতোর অধিকার করিলেন। এই প্রথম চিতোর ধ্বংস।

পদ্মিনীর প্রাসাদ দেখিয়া পুস্তকের প্রাসাদ দেখিলাম। আকবর যখন চিতোর অবরোধ করিয়াছিলেন, ভীকর রাণা উদয় সিং তখন কোন ছলে চিতোর ত্যাগ করিয়া চলিয়া গিয়াছিলেন। তখন চিতোর রক্ষা করিবার ভার প্রথমে লইলেন চন্দাবৎংশীয় সহিদাস। সূর্য্যপোল নামক পুরুষ দ্বারে যুদ্ধ কারিতে করিতে ইনি প্রাণ দিলেন। তখন নেতা হইলেন পুত্র। পুস্তকের বয়স তখন ১৬। পুস্তকের পিতা পূর্বেই যুদ্ধে প্রাণ দিয়াছিলেন। পুত্র মাতার একমাত্র তনয়। বীরমাতা পুত্রকে গৌরব বস্ত্র পরাইয়া চিতোরের জন্ত প্রাণ দিতে অনুমতি করিলেন; নিজেও অস্ত্রধারণ করিয়া প্রস্তুত হইলেন। শুধু তাহাই নহে; পুস্তকের বালিকা বধুর হস্তে বর্ষা দিয়া তাহাকে যুদ্ধক্ষেত্রে লইয়া চলিলেন। রাজপুত্রগণ দেখিল পুত্র, তাহার মাতা ও পত্নী সকলেই যুদ্ধক্ষেত্রে প্রাণ সমর্পণ করিল। পৃথিবীর ইতিহাসে এরূপ বিশ্বয়জনক ঘটনা আর না পাইয়া Tod লিখিয়াছেন—

Like the Spartan mother of old she commanded him to put on the ‘sappron robe’ and to die for Cheetore; but surpassing the Grecian dame she illustrated her precept by example and

any soft compunctions visiting for one dearer than herself might dim the lustre of Kailwa she armed the young bride with a lance, with her descended the rock, and the dependants of Cheetore saw her fall, fighting by the side of her Amazonian mother ( Annals of Mewar, p. 266. )

পুস্তকের মৃত্যুর পর নেতা হইল রাঠোর বীর জয়মল্ল। দুর্গ-প্রাচীরের উপর সেনা-সমাবেশ করিবার সময় জয়মল্লের গায়ে একটা গোলা লাগিল। দূর হইতে শত্রুর গোলায় আঘাতে মরিতে হইবে এই চিন্তা জয়মল্লের অসহ্য হইল। আবার জহর ব্রত করিয়া রাজপুত্র রমণীগণ প্রাণত্যাগ করিলেন। তাহার পর অবশিষ্ট ৮০০০ রাজপুত্র দুর্গদ্বার খুলিয়া সম্মুখ-সমরে প্রাণত্যাগ করিল ( ৬ )। নয়টি রাণী, পাঁচটি রাজকন্যা, দুইটি শিশু এবং যাবতীয় সর্দারদের পরিবারবর্গ হয় যুদ্ধক্ষেত্রে, নয় অগ্নিতে প্রাণত্যাগ করিল। মন্দির এবং প্রাসাদ ধ্বংস বিষয়ে আকবর আলাউদ্দিন, অপেক্ষা কম বর্করতার পরিচয় দেন নাই। Tod লিখিয়াছেন, The third sack of Cheetore was marked by the most illiterate atrocity, for every monument spared by Alla or Bayazeed was defaced, which has left an indelible stain on Akbar's name as a lover of the arts, as well as of humanity.

চিতোরের রাজচিহ্ন সকল বিলুপ্ত করিবার জন্ত আকবর অশোভন ব্যগ্রতা দেখাইলেন। রাণাদের চিতোর প্রবেশ বা চিতোর ত্যাগ করিবার সময় বৃহৎ নাকাড়া ( drums ) ধ্বনিত হইত, চারিদিকে কয়েক ক্রোশ পর্য্যন্ত সে শব্দ শোনা যাইত,—আকবর সেগুলি লইয়া গেলেন। এগুলির ব্যাস ৮।১০ ফিট হইবে। দেবীর মন্দির হইতে ঝাড়লঠন লইয়া গেলেন; দরজা দুইটিও উঠাইয়া লইয়া গেলেন।

( ৬ ) চিতোর দুর্গে উঠিবার পথে হুম্মানপোলের নিকট একটি ক্ষুদ্র প্রস্তর-বেদী আছে। এখানে জয়মল্ল মারা গিয়াছিলেন। নিকটে আর একটি স্মৃতিচিহ্ন আছে। তাহার উপর বর্ষাহস্তে একটি অস্বাভাবিক বোদ্ধার মূর্তি অঙ্কিত আছে। এইখানে পুত্র নিহত হন। নিকটে রঘুদেবেরও একটি স্মৃতিচিহ্ন আছে। রঘুদেব চণ্ডের জাত। ইনি ষাটকহস্তে নিহত হইয়াছিলেন; রাজপুত্ররা ইহাকে দেবতার জ্ঞান পূজা করে।

পুস্তের প্রাসাদটি দুই তিনটি মহলে বিভক্ত। কোনটি বহির্বাটী, কোনটি অন্তঃপুর। বাটীটি রাজপথ হইতে অনেক উচ্চে অবস্থিত। বাটীটি এক্ষণে ভাঙ্গিয়া গিয়াছে। ইহা ত্রিতল ছিল বলিয়া বোধ হইল। একটি কক্ষে একটি প্রস্তরময়ী মূর্তি পুস্তজির বিগ্রহরূপে পূজিত হয়। রাজপুতগণ সিন্দুর মাখাইয়া মূর্তিটি রক্তবর্ণে পরিণত করিয়াছে। পাশে আর একটি কক্ষে একটি স্ত্রী-মূর্তিও পূজিত হয়। আমাদের পথপ্রদর্শক বলিল, উহা কঙ্কালী মাতার মূর্তি। আমার মনে হইল, উহা পুস্তজির মাতার মূর্তি হইতে পারে। পুস্তজির প্রাসাদের নিকটে দুর্গ-প্রাচীরের পার্শ্বেই জয়মলের গৃহ। আমাদের পথ-প্রদর্শক বলিল, পুস্তজি জয়মলের ভগিনীপতি ছিলেন। Tod লিখিয়াছেন—

The names of Jeimul and Putta are, as household words, inseparable in Mewar and will be honoured while the Rajpoot retains a shred of his inheritance or a spark of his ancient recollections.

জয়মলের বীরত্ব সম্বন্ধে Tod লিখিয়াছেন—

“Abul Fazl, Herbert, the Chaplain to Sir T. Roe, Bernier all honoured the name of Jeimul.”

যে স্থলিতে জয়মল মারা যান, আকবর বলেন, তিনি নিজেকে সে স্থলি ছুঁড়িয়াছিলেন। আকবর সে বন্দুকের নাম দিয়াছিলেন ‘সিংগ্রাম’। আকবর পুত্র এবং জয়মলের বীরত্বের বহু প্রশংসা করিয়াছিলেন এবং তাঁহার প্রাসাদের দ্বারদেশে হস্তীর উপর উভয়ের প্রতিমূর্তি স্থাপন করিয়াছিলেন। Bernier ১০০ বৎসর পরে আসিয়া এই মূর্তি দুইটি দেখিয়া লিখিয়াছিলেন—

“These two great elephants, together with the two resolute men sitting on them do at the first entrance into this fortress make an impression of I know not what greatness and awful terror.”

ইহা উদ্ধৃত করিয়া Tod বলিয়াছেন—

Such was the impression made on a Parisian, a century after the event ; but far more powerful the charm to the author of these annals, as he pondered on the spot where Jeimul received the fatal shot from the Singram, or placed flowers on the cenotaph that marks the fall of the son of Chonda

( সহিদাস ) and the mansion of Putta whence issued the Seesodia matron and her daughter. Every foot of ground is hallowed by ancient recollections.

বৃদ্ধক্ষেত্রে যত রাজপুত প্রাণত্যাগ করিয়াছিল, আকবর না কি তাহাদের যজ্ঞোপবীত একত্র করিয়া ওজন করিয়া দেখিয়াছিলেন ৭৪৩ মান হইয়াছিল। চার সেরে এক মান হয়। এই ঘটনা স্মরণ করিয়া চিঠির উপর ৭৪৩ লিখিয়া দিলে এখনও লোকে তাহা খুলিতে ভয় পায়,—চিঠি খুলিলে চিত্তোর-ধ্বংসের সময় যত রাজপুত মারা গিয়াছিল, ততগুলি রাজপুত-হত্যার পাপ স্পর্শ করিবে।

আকবর চিত্তোর অধিকার করিয়া যে ধ্বংস করিয়াছিলেন, সে ধ্বংসের আর কখনও পূরণ হয় নাই।

পুস্ত এবং জয়মলের বাড়ী দেখিয়া আমরা আবার গাড়ী করিয়া চলিলাম। বহু দূর পর্য্যন্ত পুস্তের প্রাসাদ এবং তাহার ঝরোকাগুলি আমাদের দৃষ্টি আবদ্ধ করিয়া রাখিয়াছিল। এখান হইতে আমরা দুর্গের পূর্ব দ্বার দেখিতে গেলাম। রাণার নূতন প্রাসাদের পাশ দিয়া চলিলাম। নূতন প্রাসাদটি বেশ বড় ; সমস্তটি চূর্ণকাম করা। চিত্তোরের নিকটবর্তী পাহাড়ে অনেক শিকার পাওয়া যায়। রাণা শিকার খেলিবার জন্ত প্রায়ই উদয়পুর হইতে আসেন এবং এই প্রাসাদে থাকেন। পূর্বদ্বারের নিকট নীলকণ্ঠের মন্দির (৭) দেখিলাম। মন্দির মধ্যে সুরহৎ কৃষ্ণ প্রস্তরের শিবলিঙ্গ ও বেদী রহিয়াছে। পূজারী আমাদের মিশ্রিত প্রসাদ দিলেন। এই মন্দির দেখিয়া আমরা পূর্বদিকের দরজা দেখিতে গেলাম। আকবরের চিত্তোর আক্রমণের সময় এখানে সহিদাস দুর্গ রক্ষা করিতে গিয়া প্রাণ সমর্পণ করিয়াছিলেন। একটি প্রস্তরময় বেদী সেই ঘটনার স্মৃতিরক্ষা করিতেছে। সূর্য্যপোলটিও খুব বড়। এখান হইতে একটি পথ পাহাড় হইতে নামিয়া গিয়াছে। পথের দুইধারে দেওয়াল দিয়া ঘেরা। আমরা যখন গিয়াছিলাম, তখন এখানে সংস্কার কার্য হইতেছিল।

সূর্য্যপোল দেখিয়া ফিরিবার সময় আমরা একটি জৈন মন্দির এবং স্তম্ভ দেখিলাম। মন্দির এবং স্তম্ভের চারিধারে বহুসংখ্যক পাথরের মূর্তি খোদিত হইয়াছে। স্তম্ভটি রাণা

(৭) এই মন্দিরটি Tod কুকুরের মহাদেবের মন্দির বলিয়া উল্লেখ করিয়াছেন বোধ হইল। রাণা কৃষ্ণ ইহা নিমাণ করিয়াছিলেন।

কুমিল্লার জয়ন্তেশ্বর অমুরূপ, কিন্তু তাহা অপেক্ষা অনেক ছোট। এই স্তম্ভটির নাম খোয়াসিন স্তম্ভ। ইহা ৭৫ ফিট উচ্চ। Tod সাহেব এখানে ৮৯৬ খৃষ্টাব্দের একটি শিলালিপি পাইয়াছিলেন। এই মন্দির এবং স্তম্ভ জৈন তীর্থঙ্কর আদিনাথের নামে উৎসর্গ হইয়াছিল।

এখান হইতে আমরা প্রাচীন রাজপ্রাসাদের ধ্বংসাবশেষ দেখিতে গেলাম। ইহা লখ রাণার প্রাসাদ নামে পরিচিত। কেহ কেহ বলেন রাণা রায়মল্ল ইহা নির্মাণ করিয়াছিলেন। প্রাসাদটি সুবিস্তৃত। ইহা দুই তিন তলা উচ্চ ছিল; এক্ষণে অধিকাংশ ভাঙ্গিয়া গিয়াছে। স্থানে স্থানে কোন প্রাচীর বা প্রকোষ্ঠের অভয় অংশ এখনও বিদ্যমান আছে। প্রাসাদের চারিদিকে প্রাঙ্গণ; প্রাঙ্গণের মধ্যে দেবজীর মন্দির। এই দেবজী ভোজ নামে একজন চৌহানবংশীয় রাজপুত্র যোদ্ধা ছিলেন। রাজপুত্রগণ ইহাকে অবতার বলিয়া মনে করেন। ইনি না কি রাণা সঙ্গকে একটি কবচ দিয়াছিলেন। ঐ কবচের প্রভাবে রাণা সঙ্গ বহু যুদ্ধে জয়লাভ করিয়াছিলেন। একজন আধুনিক রাণা প্রাচীন প্রাসাদটি পুনঃ সংস্কার করিতে আরম্ভ করিয়াছিলেন; কিন্তু সংস্কার কার্য কিয়দূর মাত্র করিয়াই উহা পরিত্যাগ করা হইয়াছে। কথিত আছে যে, পূর্বে এই প্রাসাদ হইতে গোমুখী গঙ্গা পর্যন্ত একটি সড়ক ছিল। রাজবাড়ীর মেয়েরা সেই পথে স্নান করিতে যাইতেন। এই সড়কের মুখ এখনও বর্তমান রহিয়াছে। আলাউদ্দিন যখন চিতোর অধিকার করিয়াছিলেন, তখন পদ্মিনী এবং অন্ত সকল রাজপুত্র রমণী এইখানে জহরব্রত অনুষ্ঠান করিয়াছিলেন। ইহা আমাদের পথ-প্রদর্শক আমাদের কাছে বলিয়াছিল। কিন্তু Tod বলিয়াছেন যে, গোমুখী গঙ্গার নিকট সড়কের মধ্যে আলাউদ্দীনের সময় জহর-ব্রত অনুষ্ঠিত হয়। আমাদের পথ-প্রদর্শক বলিল, আকবরের সময় যে জহর-ব্রত অনুষ্ঠিত হয়, তাহা গোমুখী গঙ্গার নিকট অনুষ্ঠিত হইয়াছিল। গুনিলাম, এখন সড়কের পথ বন্ধ করিয়া দেওয়া হইয়াছে।

প্রাসাদের বাহিরে একটি ছাদযুক্ত বেদী আছে। এখানে না কি রাণাদের মেয়েদের বিবাহ হইত। ইহা পার হইয়া আমরা এক প্রাচীর-বেষ্টিত বিস্তৃত প্রাঙ্গণে উপস্থিত হইলাম। ইহার নাম নওলক্ষা ভাণ্ডার। নওলক্ষা ভাণ্ডারে রাজকোষ থাকিত এইরূপ অনুমান হয়। কেহ কেহ বলেন, বনবীর

যখন চিতোরের সিংহাসনে আরোহণ করিয়াছিলেন, তখন এখানে বাস করিতেন।

তাহার এক পার্শ্বে একটি গৃহে অনেক তোপ আছে। তাহার নাম তোপখানা। ইহার নিকটেই ভামশা মঞ্জীর বাড়ী। রাণা প্রতাপসিংহ যখন নিরাশ হইয়া মেওয়ার পরিত্যাগ করিয়া সিন্ধুদেশের মরুভূমিতে গমন করিতে উদ্বৃত্ত হইয়াছিলেন, তখন এই ভামশা তাঁহার পিতৃপুরুষ-সঙ্কিত বহু অর্থ প্রতাপের নিকট স্থাপন করিয়া তাঁহাকে পুনরায় মোগলদের সহিত যুদ্ধ করিতে উৎসাহিত করিয়াছিলেন।

নওলক্ষা ভাণ্ডারের উত্তর-পূর্ব কোণে একটি মন্দির আছে। তাহার নাম শিঙ্গারচৌরা। ইহা একটি জৈন মন্দির। ১৪৪৮ খৃঃ কুমিল্লা রাণার কোষাধ্যক্ষের পুত্র ইহা নির্মাণ করিয়াছিলেন।

বেলা অধিক হইয়াছিল। আমরা এখান হইতে গোমুখী গঙ্গার নিকট চলিলাম। সেখানে ঝর্ণার জলে স্নান করিয়া শরীর স্নিগ্ধ হইল। আহাৰ্য্যও প্রস্তুত হইয়াছিল। আমরা ভোজন সমাপ্ত করিয়া কিয়ৎক্ষণ বিশ্রাম করিলাম।

আকবর যখন চিতোর আক্রমণ করেন, তখন এই গোমুখী গঙ্গার ধারে জহর-ব্রত অনুষ্ঠিত হয়। আমার মনে হইল, ইহা একটি পবিত্র তীর্থ। যে স্থানের সহিত কোন পবিত্র স্মৃতি বিজড়িত আছে, যেখানে আসিলে মন পবিত্র হয়, তাহাই তীর্থ। আপনি একবার এখানে আসিয়া বসুন, সেই জহর-ব্রতের কথা স্মরণ করুন,—দেখুন, মন পবিত্র হয় কি না। একবার মানস-নেত্রে চাহিয়া দেখুন—ঐ সহস্র সহস্র রাজপুত্র রমণী শ্রেণী বাঁধিয়া একটির পর একটি আসিতেছে, ঐ প্রস্ফলিত অগ্নিকুণ্ডে একটির পর একটি প্রবেশ করিতেছে! কি সুন্দর সুন্দরিত রূপ, মুখে কি পবিত্র ভাব। ঐ দেখুন, সুন্দর, কোমল দেহখানি ভস্মরাশিতে পরিণত হইল! একটি নয়, দশটি নয়, একশত নয়, সহস্রের পর সহস্র। ঐ মাটির যদি রাসায়নিক বিশ্লেষণ করিয়া দেখা সম্ভব হইত, তাহা হইলে সেই ভস্ম এখনও পাওয়া যাইত; মন্দিরের দেওয়ালে, দুর্গ-প্রাচীরের গায়ে সেই ধূমকণা এখনও লগ্ন হইয়া আছে। একবার এখানে দাঁড়াইয়া কিজালা করুন—সুখ বড়, না, ধর্ম বড়? ভোগ বড়, না, ত্যাগ বড়?



জীবন বড়, না, মৃত্যু বড়? জীবনের সুখভোগ সকলই ফুরাইয়া যাইবে, কিন্তু মহেশ্বরের কথা, ধর্মের জন্ত আত্মোৎসর্গের কথা চিরকাল উজ্জ্বল হইয়া থাকিবে।

আমরা এখানে বসিয়া সমুখের দিগন্ত-বিস্তৃত প্রান্তর দেখিতে পাইতেছিলাম। তাহার মধ্য দিয়া চিতোর হইতে উদয়পুরের রেলওয়ে লাইন প্রসারিত রহিয়াছে। ঐখানে আকবরের উর্দু বা শিবির স্থাপিত হইয়াছিল। পঞ্চোলি হইতে বৃশি পর্য্যন্ত প্রায় দশ মাইল ইহা বিস্তৃত ছিল। এই বিশাল সৈন্তের বিক্রমে কয়েক সহস্র মাত্র রাজপুত্র সৈন্ত দাঁড়াইয়াছিল। তাহারা যদি মুখের কথা একবার মাত্র বলে—“আকবর, আমরা তোমার প্রভু স্বীকার করিতেছি” তাহা হইলেই আর কোন গোল থাকে না, আকবর সৈন্ত লইয়া দিল্লী ফিরিয়া যান, রাজপুত্ররা স্ত্রী-পুত্র লইয়া জীবনের সকল সুখ ভোগ করিতে পারে। কিন্তু রাজপুত্ররা স্থির করিয়াছিল, কিছুতেই ঐ কয়টি কথা বলা হইবে না। জীবনের সকল সুখ চিরকালের জন্ত বিনষ্ট হয়, তাও স্বীকার; প্রাণ যায়, তা’ও স্বীকার; প্রাণ অপেক্ষা প্রিয় স্ত্রী ও কন্যা স্তম্ভশায়ী শিশু ক্রোড়ে করিয়া, আঙুলে পুড়িয়া মরে, তা’ও স্বীকার। আকবর কিছুতেই ইহাদিগকে এই কয়টি কথা বলাইতে পারিলেন না। রাগ করিয়া তিনি ঘরবাড়ী মন্দির ভাঙ্গিয়া দিল্লী ফিরিয়া গেলেন। ইতিহাস লেখে, রাজপুত্ররা হারিয়া গেল; আকবর জিতিলেন। আমরা ত দেখি,—আকবর হারিলেন; রাজপুত্ররা জিতিল। আকবর চাহিয়াছিলেন, রাজপুত্রদিগকে তাঁহার প্রভু স্বীকার করাইবেন। তিন তাহা পারেন নাই। রাজপুত্ররা বলিয়াছিল, কিছুতেই আকবরের প্রভু স্বীকার করিব না। একজন রাজপুত্রও বাচিয়া থাকিতে, মোগলকে চিতোরে ঢুকিতে দিব না; রাজপুত্ররা তাহাদের প্রতিজ্ঞা রাখিতে পারিয়াছিল। তাহারা মরিয়াছিল সত্য, কিন্তু তাহারা ত প্রতিজ্ঞা করে নাই যে, তাহা চিরকাল অমর হইয়া থাকিবে। আকবরও ত এক দিন মরিয়াছিলেন।

তাই বলি, চিতোর হিন্দুর মহাতীর্থ। হিন্দু একবার এখানে আসিয়া দাঁড়াও, অতীতের কথা স্মরণ কর। তাহার পর জিজ্ঞাসা কর, সংসারের সুখ-দুঃখকে তোমার ধর্মের পথে, তোমার কর্তব্যের পথে বাধা দিতে দিবে কি? তুমি দুর্বল হইতে পার, তুমি দরিদ্র হইতে পার; কিন্তু তুমি যদি

ধর্মকে, কর্তব্যকে সকলের উপর তুলিয়া ধর, তাহা হইলে অক্ষয় কীর্তি রাখিয়া যাইতে পার।

চৈত্রের অপরাহ্নের ঈষৎ তপ্ত বাতাস সমুখের আত্ম-বৃক্ষের পত্র এবং পুষ্প কাঁপাইয়া, কুণ্ডের জলে ক্ষুদ্র ক্ষুদ্র বাচিমালা তুলিয়া অনবরত উদাস ভাবে প্রবাহিত হইতেছিল। মনের মধ্যে কেবল সেই গানের পদগুলি জাগিতেছিল—

দেখরে জগৎ	মেলিয়ে নয়ন,
দেখরে চন্দ্রমা	দেখরে গগন,
স্বর্গ হতে সবে	দেখ দেবগণ,
জলদ অক্ষরে	রাখ গো লিখে।
স্পর্শিত যবন	তোরাও দেখরে,
সতীত্ব রতন	করিতে রক্ষণ
রাজপুত্র সত্য	আজিকে কেমন
সঁপিছে পরাণ	অনল-শিখে।

গোমুখ গঙ্গার পাশে একটি কক্ষে কয়েকটি মূর্তি পূজিত হয়। দুইটি মূর্তি দণ্ডায়মান। মধ্যে উপবিষ্ট ধ্যানী মূর্তি। অপর একটি মূর্তি একটি সিংহকে আলিঙ্গন করিয়া দাঁড়াইয়া আছে। কক্ষের এক পার্শ্বে দেওয়ালের গায়ে একটি বম্বী-মূর্তি দেখিলাম। মূর্তিতে কেবল মুখ ও বক্ষ আছে। বাম হস্তে দর্পণ, দক্ষিণ হস্তের এক অঙ্গুলি ওষ্ঠের উপর, এক অঙ্গুলি চিবুকের উপর। সুগঠিত নাসা, আয়ত চক্ষু, চারু বক্ষম ওষ্ঠ। প্রসন্ন মুখশ্রী। গলায় হার, হাতে বালা, মাথায় মুকুট। মূর্তিটি সুবৃহৎ— চিবুক হইতে কপাল পর্য্যন্ত এক হাতের চেয়ে বড়। মাথার মুকুট গুচ্ছ প্রায় দুই হাত। দর্পণের পশ্চাত্তাগের আকার মৃগালযুক্ত পদ্মের স্তম্ভ। ওষ্ঠের কিম্বদংশ একটু ভাঙ্গিয়া গিয়াছে। এজন্ত মনে হইল মূর্তিটি প্রাচীন হইতে পারে। ইহা কি পদ্মিনার মূর্তি?

রৌদ্রের তেজ মৃদু হইলে আমরা জয়স্তুম্ভ দেখিতে গেলাম। মালব ও গুজরের মিলিত সৈন্ত পরাস্ত করিয়া রাণা কুম্ভ পঞ্চদশ শৃঙ্খলে এই স্তুম্ভ নির্মাণ করিয়াছিলেন। যুদ্ধে জয়লাভ করিয়া রাণা কুম্ভ মালবরাজ মামুদকে বন্দী করিয়া চিতোরে লইয়া গিয়াছিলেন; কিন্তু কোন রূপ নিষ্ক্রম-মূলা লওয়া দূরে থাকুক, মামুদকে উপঢৌকন দিয়া কুম্ভ ছাড়িয়া দিলেন। জয়স্তুম্ভটি একটা প্রশস্ত প্রস্তর-বেদীর উপর নির্মিত। ইহা ১২২ ফিট উচ্চ; অতএব মনুমেন্ট বা কুতবের চেয়ে অনেক ছোট। কিন্তু ইহার গঠন-নৈপুণ্য

অতি সুন্দর (৮)। ইহা চতুষ্কোণাকারে গঠিত এবং নন্নটি তলাতে বিভক্ত। তলাগুলি বেশী উচ্চ নহে। স্তম্ভটিতে আরোহণ করিবার সময় ভিতরে কোথাও আলোক বা বাতাসের অভাব হয় না। বালকও অনায়াসে ইহাতে আরোহণ করিতে পারে। ঈশ্বর-হরিক্রাবর্ণের অতিশয় মঙ্গল প্রস্তরে স্তম্ভটি নির্মিত হইয়াছে। প্রতি তলে চারি পার্শ্বে চারিটি বড় মূর্তি এবং বহুসংখ্যক ছোট ছোট মূর্তি। মূর্তিগুলি অতিশয় সুগঠিত। এখানে একটি বিশেষত্ব দেখিলাম—প্রত্যেক মূর্তির নীচে দেবনাগরী অক্ষরে মূর্তির পরিচয় দেওয়া আছে (৯)। অধিকাংশ মূর্তি দেবদেবীর,—ব্রহ্মা, বিষ্ণু, মহেশ্বর, সীতা, রাম, লক্ষ্মণ, পঞ্চপাণ্ডব প্রভৃতি। বৈতালিক, সূত্রধার প্রভৃতির কয়েকটি মূর্তিও দেখিলাম। সর্বোচ্চ তলায় শ্রীকৃষ্ণের রাসমণ্ডলীর ছবি এবং রাণাদের বংশাবলি লিখিত আছে। অনেক অংশ ভাঙিয়া গিয়াছে। Tod এখানে কয়েকটি সংস্কৃত শ্লোকের পাঠ উদ্ধার করিয়াছেন।

স্তম্ভটির উপরে উঠিলে চারিদিকের দৃশ্য বেশ সুন্দর দেখায়। এই জয়-স্তম্ভটি নির্মাণ করিতে না কি ৯০ লক্ষ টাকা ব্যয় হইয়াছিল। এখান হইতে আসিয়া আমরা মীরা বাঈয়ের মন্দির দেখিতে গেলাম। প্রাচীর-বেষ্টিত উচ্চ প্রাঙ্গণের মধ্যস্থলে মন্দিরটি অবস্থিত। মন্দির মধ্যে তিনটি বিগ্রহ প্রতিষ্ঠিত। একটি স্ত্রী-মূর্তি ও দুইটি পুরুষ-মূর্তি। একটি বালিকা আমাদের মন্দির দেখাইতেছিল। সে বলিল, বিগ্রহ তিনটি কৃষ্ণ, মীরা বাঈ এবং লক্ষ্মণের। ইহা যথার্থ বলিয়া বোধ হইল না। সে সময় পূজারী উপস্থিত ছিল না বলিয়া সঠিক জানা গেল না। মন্দিরের সম্মুখে নাটমন্দিরটিও

বেশ বড়। এই মন্দিরের পাশে আর একটি শ্রীকৃষ্ণের মন্দির আছে। তাহা রাণা কুম্ভ নির্মাণ করিয়াছিলেন। চিতোর হইতে তিন ক্রোশ দূরে নাগরী নামক স্থানের ধ্বংসাবশেষ হইতে উপাদান আনিয়া এই মন্দির দুইটি নির্মিত হইয়াছিল।

মীরা বাঈয়ের ভক্তিপূর্ণ জীবন-কাহিনী এবং তাঁহার ভজন-সঙ্গীতের সহিত অনেকেই পরিচিত আছেন। মীরা বাঈ মাড়বার-রাজের কন্যা এবং রাণা কুম্ভের রাণী ছিলেন। কিন্তু ঈশ্বর-প্রেমে ব্যাকুল হইয়া তিনি সকল সুখ ঐশ্বর্য ছাড়িয়া পদব্রজে বৃন্দাবনে গিয়া বাস করিয়াছিলেন। জীবনের শেষ মুহূর্তে মীরা বাঈ মন্দির মধ্যে শ্রীকৃষ্ণের পূজা করিতে-ছিলেন। শ্রীকৃষ্ণের মূর্তি বেদী হইতে নামিয়া মীরা বাঈকে আলিঙ্গন করেন। সেই ক্ষণেই মীরা বাঈয়ের প্রাণ বাহির হইয়া যায়, এইরূপ গল্প আছে। তাঁহার সঙ্গীত পুস্তকের নাম রাগগোবিন্দ। জয়দেবের গীতগোবিন্দেরও তিনি একটি টীকা রচনা করিয়াছিলেন।

এই মন্দির দুইটির নিকটে দুইটি প্রস্তর-নির্মিত বৃহৎ জলাধার (Reservoir) আছে। এগুলি ১২৫ ফিট দীর্ঘ, ৫০ ফিট প্রস্থ, ৫০ ফিট গভীর। কথিত আছে, রাণা কুম্ভের কন্যার বিবাহের সময় এগুলি নির্মিত হইয়াছিল। একটি ঘূতে পূর্ণ করা হইয়াছিল, একটি তৈলে পূর্ণ করা হইয়াছিল। কুম্ভ রাণার কন্যা অসাধারণ রূপবতী ছিলেন; তিনি এজন্য “লাল মেওয়ারী” (“Ruby of Mewar”—Tod) নামে পরিচিত ছিলেন। জৈসলমীরের ভটি-বংশীয় রাজা জেঠের সহিত ইহার বিবাহের সম্বন্ধ স্থির হয়। কিন্তু জেঠ চিতোরের নিকট আসিয়া, দুইবার অমঙ্গল-চিহ্ন দেখিয়া, ইহাকে বিবাহ না করিয়া, অপর একটি কন্যাকে বিবাহ করেন। তখন রাণা কুম্ভ গগরায়ের খিচিবংশীয় বিখ্যাত রাজপুত্র অচলদাসের সহিত খুব ধুমধাম করিয়া ইহার বিবাহ দেন।

ইহা ব্যতীত চিতোরে অল্পপূর্ণার মন্দির এবং আরও অনেক মন্দির আছে। অপরাহ্নে আমরা পাহাড় হইতে নামিয়া স্টেশন অভিমুখে অগ্রসর হইলাম। এই প্রাস্তরে কতবার যুদ্ধ হইয়াছে, কত সহস্র রাজপুত্র প্রাণ দিয়াছে, রাজপুত্র রমণীর বক্ষের রক্তে এখানকার মৃত্তিকা সিক্ত হইয়াছে। কিন্তু আবার যখন প্রয়োজন হইয়াছে, তখনই

(৮) Tod বলিয়াছেন, The only thing in India to compare with this is the Kutab Minar at Delhi; but though much higher it is of a very inferior character.

(৯) Vincent Smith তাঁহার History of Fine arts in India and Ceylon গ্রন্থে ইহাকে বলিয়াছেন an illustrated dictionary of Hindu mythology.

Tod বলিয়াছেন, It is one mass of sculpture; of which a better idea cannot be conveyed than in the remark of those who dwell about it that it contains every object known to their mythology.

সহস্র সহস্র বীরপুরুষ এবং বীররমণীর আবির্ভাব হইয়াছে। প্রত্যেক বারের বীরস্বের কীর্তি যেন পূর্ববারের বীরস্বকে ছাড়াইয়া গিয়াছে। কথাটি যদিও একটু অস্বভাব শোনার তথাপি প্রকৃতপক্ষে যে কয়বার চিতোর শত্রু কর্তৃক ধ্বংস হইয়াছিল, সেই কয়বারের কাহিনীই চিতোরের ইতিহাসে সর্বাপেক্ষা গৌরবের স্তাহিনী।

চারণ কবিরা বলেন, সাড়ে তিনবার চিতোর ধ্বংস হইয়াছিল। একবার আলাউদ্দিন ধ্বংস করেন, দ্বিতীয়বার গুর্জরের সুলতান বাহাছর, তৃতীয়বার আকবর। আলাউদ্দিন যেবার ভীমসিংহকে বন্দী করেন এবং ৩,৫০০ শ্রেষ্ঠ রাজপুত ভীমসিংহকে রক্ষা করিতে প্রাণ দেয়, তাহাকে অর্ধেক চিতোর-ধ্বংস বলা হয়; কারণ সেবার শ্রেষ্ঠ রাজপুত বীরগণ মারা যায়। আলাউদ্দিন এবং আকবরের আক্রমণের কথা পূর্বে বলা হইয়াছে। বাহাছর যখন চিতোর আক্রমণ করেন, তখন রাণা ছিলেন বিক্রমজিৎ। তিনি তখন চিতোরে ছিলেন না। রাঠোরবংশীয় রাণী জও আহির বাই স্বয়ং যুদ্ধ করিবেন সঙ্কল্প করেন এবং বর্ম পরিয়া একদল সৈন্তের সহিত যুদ্ধক্ষেত্রে প্রাণ বিসর্জন করেন। রাজ-বলি না হইলে চিতোর রক্ষা হইবে না—চিতোরে এইরূপ একটি ধারণা ছিল। দেওলার রাজা বাগ্জি বলিলেন—রাণাবংশের রক্ত তাঁহার ধমনীতে প্রবাহিত,—তাঁহাকে বলি দিলে উদ্দেশ্য সিদ্ধ হইতে পারে। তাঁহাকে সিংহাসনে বসান হইল, মাথার উপর রাজছত্র ধরা হইল। আবার জহর-ব্রতের অনুষ্ঠান হইল। প্রাচীর ভগ্ন হইয়াছিল, চিতা রচনা করিবারও সময় ছিল না, জলাধার এবং বারুদখানার মধ্যে বারুদের স্তূপ করিয়া তাহাতে আগুন দেওয়া হইল। রাণী কর্ণবতী সর্বাঙ্গে অগ্রসর হইলেন। ১৩০০০ রাজপুত রমণী স্বেচ্ছায় আত্মবলি দিল। তাহার পর হুর্গছার খুলিয়া দেওয়া হইল। অবশিষ্ট রাজপুত সৈন্ত লইয়া বাগ্জি শত্রু সৈন্তের মধ্যে

প্রবেশ করিয়া প্রাণ উৎসর্গ করিলেন। এইবার ৩২০০০ রাজপুত চিতোরের জন্ত প্রাণ দিয়াছিল।

যে সমতল ভূমির উপর চিতোর পাহাড় অবস্থিত, তাহার উচ্চতা ১৩০০ ফিট। ইহার উপর পাহাড়ের উচ্চতা আরও ৪০০।৫০০ ফিট। চিতোরের প্রাচীন নাম চিত্রকূট। 'খুমান রাসা' নামক গ্রন্থে লিখিত আছে যে, শ্রীরামচন্দ্র এখানে দ্বাদশ বৎসর বাস করিয়াছিলেন। কিন্তু যে চিত্রকূটে শ্রীরামচন্দ্র বাস করিয়াছিলেন, তাহা সাধারণতঃ অন্তর্জ্ঞ নির্দিষ্ট হয়। এলাহাবাদ হইতে কাঁসি যাইবার পথে চিত্রকূট নামে একটা ষ্টেশন আছে,—ইহাই প্রাচীন চিত্রকূট বলিয়া পরিচিত। গিলোটবংশের পূর্বে চিতোরে প্রামারবংশীয় রাজপুতগণ রাজত্ব করিতেন। বাপ্পা প্রামারদের নিকট হইতে চিতোর কাড়িয়া লইয়া এখানে গিলোটবংশের প্রতিষ্ঠা করিয়াছিলেন। প্রামার-রাজ বাপ্পাকে আশ্রয় দিয়াছিলেন; সুতরাং তাঁহার নিকট হইতে চিতোর কাড়িয়া লওয়া বাপ্পার অকৃতজ্ঞতার কার্য হইয়াছিল। সেই পাপে কি তাঁহার বংশধরগণকে এত কষ্ট পাইতে হইয়াছিল?

অপরাত্নে রেলওয়ে ষ্টেশনে পৌঁছলাম। ধীরে ধীরে সন্ধ্যার অন্ধকার চিতোরের পাহাড় এবং চারিদিকের বিশাল প্রান্তর আচ্ছন্ন করিয়া ফেলিতেছিল। একটা সুগভীর বিবাদের ভাব মনের মধ্যে জাগিয়া উঠিতেছিল। এত সহস্র সহস্র রাজপুত বীর এবং রাজপুত রমণী দেশের জন্ত প্রাণ দিল, কিন্তু তথাপি দেশ রক্ষা করিতে পারিল না। তখন মনে হইল, তাহারা দেশ রক্ষা করিতে পারে নাই বটে, কিন্তু দেশের চেয়েও বড় ধর্ম—রক্ষা করিয়াছিল, আত্মসম্মান রক্ষা করিয়াছিল। তাহারা যে সকল কীর্তি রাখিয়া গিয়াছে, জগতে তাহার তুলনা নাই। তাহারা আমাদের জন্ত হিন্দুরাজ্য রাখিয়া যাইতে পারে নাই, কিন্তু যাহা রাখিয়া গিয়াছে তাহা চিরস্থায়ী।

# বিভাট

শ্রীসত্যভূষণ সেন

১

এক একটি লোক থাকে, যাহারা যেখানেই যায়, সেখানেই সকলের ভালবাসার পাত্র হইয়া ওঠে। দীনেশ ছেলেবেলা হইতেই পিসিমার বাড়ীর সংস্রবে থাকার স্বরূপ, সে-বাড়ীর সকলের সহিতই তাহার খুব ঘনিষ্ঠতা জন্মিয়া ছিল। পিসিমার স্বাস্থ্য ছিলেন তাহার দিদিমা। পিসিমার ছেলেরা সম্প্রকে তাহার ভাই হইলেও নিঃসঙ্কোচে তাহাদের সহিত বন্ধুর মত ব্যবহারই চলিত। পিসিমা দীনেশকে শুধু ভালই বাসিতেন না—তাহার চরিত্রের প্রতি তাঁহার শ্রদ্ধাও ছিল যথেষ্ট। ছেলেবেলায়ও দীনেশের কোন অপরাধ পিসিমার চোখে পড়িত না। পড়াশুনার কথা উঠিলে পিসিমা দীনেশকে দেখাইয়া বাড়ীর সব ছেলেকে জব্দ করিয়া রাখিতেন। এক দিন বাড়ীর ছেলেরা বলিয়া বসিল, কালকে ছুটির দিনে আমরা পড়ব না। পিসিমা বলিলেন, কেন রে, ছুটির দিন পড়া বন্ধ করতে হবে কে বলেছে? ছেলেরা বলিল, দীনেশও ত বলেছে কাল পড়বে না। পিসিমা অমনই বলিয়া বসিলেন, দীনেশের সঙ্গে তোদের তুলনা কিসে—দীনেশের মত ছেলে এক দিন না পড়লে কিছু এসে যায় না। তাই বলে' কি সবারই ঐ কথা বলা সাজে।

সে অনেক দিনের কথা। পড়াশুনার কাল চলিয়া গিয়াছে। এখন পিসিমার ছেলেরা সংসারে সুপ্রতিষ্ঠিত,—কেহ উকীল, কেহ ডাক্তার, কেহ কেরাণী। আর একজন দারোগা—তাহার নাম ধনেশ। ইহার সংসারে প্রতিষ্ঠিত বলিয়াই যে ইহার মধ্যে অর্ধ-শতাব্দী কাল চলিয়া গিয়াছে এমন নয়। বিলাতে এবং অন্যান্য পাশ্চাত্য দেশে সকলেই সংসারে প্রবেশ করিবার পূর্বে একবার অবকাশ উপভোগ করিবার অবসর পায়। ডাক্তার ডাক্তারী করিবার পূর্বে, উকীল কোর্টে যাইবার আগে, কেরাণী কেরাণীগিরিতে ভর্তি হইবার অবকাশে দেশ বিদেশে ঘুরিয়া একবার ছনিয়াটা দেখিয়া আসে। আমাদের দেশটা বিলাত হইতে এখনও

অনেক বাকী; কাজেই ও রকম সখের প্রোগ্রাম এখানে চলে না। এখানে পড়া শুনা শেষ করিয়া অবকাশ উপভোগ করা দূরে থাক, লেখা পড়া শেষ করাই অনেকের অদৃষ্টে ঘটয়া ওঠে না। যে কয়জন সৌভাগ্যবান লেখা পড়া শেষ করিতে পায়, তাহাদের মধ্যেও এরূপ অতি-সৌভাগ্যবান খুব কমই থাকে, যাহার উপার্জনের প্রতীক্ষায় দুই চার দশ জন বসিয়া নাই।

দীনেশ ছিল এইরূপ একজন অতি-সৌভাগ্যবান। পিসিমার ছেলেরা যেমন সুপ্রতিষ্ঠিত, দীনেশ ছিল সেইরূপ কৃতজ্ঞ। কলেজের পড়া শেষ করিয়া তাকে ঘরে বসিয়া থাকিতে হয় নাই। স্বদেশী আন্দোলনের সময় সে হুজুগে মাতিয়াছে এবং দামোদরের বন্তায় লোকের সেবায় দেশের কাজ করিয়াছে।

২

দীনেশ অবসর খুঁজিয়া অনেক দিন পরে পিসিমার বাড়ীতে বেড়াইতে আসিয়াছে। অনেক দিন পরে দীনেশ আসাতে পিসিমার বাড়ীতে হুলস্থূল পড়িয়া গিয়াছে। পিসিমা এতদিন পরে দীনেশকে পাইয়া যেন হাতে স্বর্গ পাইয়াছেন। দুই মাস পূর্বে ধনেশের বিবাহের সময় দীনেশ না আসিতে পারায় পিসিমা যে কতটা নিরাশ হইয়াছিলেন, এখন বর্তমানের আনন্দে তাহাও ভুলিয়া গেলেন। ছেলেরা আসিয়া সব আড্ডা জমাইয়া বসিল। দিদিমা আসিয়া বলিলেন—

ওরে দাঁহু, ধনেশের বউ দেখেছিস্?

দীনেশ। কি করে দেখব, দিদিমা, আমি যে সম্প্রকে ভাসুর।

দিদিমা। তা আছিস ভাসুর, ভাসুরের মতই দেখুবি—আমি এনে দেখাচ্ছি।

দীনেশ। কি করে দেখাবেন—বউ এসে দাঁড়াবে,

আপনি ঘোমটা তুলে ধরবেন, আর সে ঘোমটার চোখ বুজে দাঁড়িয়ে থাকবে, এই ত ?

দিদিমা। তা নয় ত কি তোর সামনে বউ এসে নাচতে থাকবে ?

উকীল-ভায়া। দিদিমার ত বড় একরোখা কথা দেখছি। একজন লোক চোখ বুজে দাঁড়িয়ে থাকবে না বলেই একেবারে নাচতে থাকবে এমন কি কথা।

দিদি-মা। আচ্ছা বেশ, তোরা এখন বড় হয়েছিস্, যা খুসী তাই কর। আমি বাপু ওসব খুঁটানীপনা করতে পারব না।

দিদিমা চলিয়া গেলেন।

ধনেশ। দিদিমা খুব চটে গেছেন।

ডাক্তার-ভায়া। তুমিও তো কম একরোখা নও হে দীক্ষু! না হয় তুমিই দিদিমার কথায় সাহায্য দিয়ে যেতে।

দানেশ। সাহায্য দিয়ে যাওয়া যেত অবশ্যই। কিন্তু প্রতিপদে সমাজকে এরূপ সাহায্য দিতে দিতেই এখন এমনই দশা হয়েছে যে সমাজ এখন রূপা আচার-নিয়মের বন্ধনে জর্জরিত। প্রথম প্রথম এ-সব দেখে হাসি পেত, এখন কান্না পায়।

ডাক্তার ভায়া। এর মধ্যে এমন জর্জরিতের কথা কি এল। আচার-নিয়ম সব সমাজেই আছে।

দীক্ষু। তা থাক্। কিন্তু ব্যাপারটা একবার ভেবে দেখ দেখি। ভাস্কর এবং ভাস্করদের মধ্যে এতটা অনাবশ্যক ব্যবধান থাকতে গৃহকর্মের যে কত প্রকার অনুবিধা হয়, তা না হয় ছেড়েই দিলাম। কিন্তু একজন লোক চোখ বুজে দাঁড়িয়ে থাকবে, আর একজন এসে তার ঘোমটা তুলে ধরলে তবে আমি তাকে দেখব—এটা একজন মানুষের স্বাধীন সত্ত্বার প্রতি কত বড় একটা আঘাত—একবার ভেবে দেখেছ কি ?

ধনেশ। যেন লাট-সাহেবের Statue unveil করা।

দীক্ষু। Statue ত একবার unveil করলে সবাই দেখতে পায়। একটি বউ দেখাতে হলে তাকে প্রতি বার unveil করে আবার তাকে ঘোমটা পরিয়ে রাখতে হয়। যেন সোনা-রূপার বাসনপত্র—পাড়া-পড়সীরা যতবার দেখতে চাইবেন, তত বারই সিন্দুক খুলে দেখাতে হবে, আবার সিন্দুক বন্ধ করতে হবে।

ধনেশ। আমার পকেট-ঘড়িটার মত—যতবার সময় দেখা দরকার, ততবারই ডালা খুলতে হবে।

উকীল-ভায়া। বাস্তবিক এ-সব ভেবে দেখলে হাসিই পায়।

দীক্ষু। আমারও প্রথম প্রথম হাসি পেত,—এখন কান্না পায়।

ইহার পরে আর কথা চলে না।

৩

বিকাল বেলা বাড়ীতেই চায়ের আড্ডায় বসিয়া গল্প হইতেছিল। দিদিমা বসিয়া সকলকে ধাওয়াইতেছিলেন—পিসিমা খাবার আনিয়া দিতেছেন।

দিদিমা বলিলেন—কিরে দীক্ষু, তুই না কি এই শনিবারেই চলে যাবি ?

দীক্ষু। হ্যাঁ, দিদিমা, স্নান উপলক্ষে গঙ্গাসাগর মেলাতে যেতে হবে—সেখানে কাজ আছে।

দিদিমা। মেলাতে আবার তোর কি চাকরী জুটল ?

চাকরীর কথা শুনিয়া ভায়া সকলে হাসিয়া উঠিল।

দানেশ। না, দিদিমা, চাকরী নয়—

দিদিমা। তা বেশ ত, না হয় স্নান করতেই যাবি। আর আমরাও সব যাচ্ছি যখন—সবাই এক-সঙ্গেই যাওয়া যাবে। আমাদেরও ত তুই-ই নিয়ে যেতে পারিস।

উকীল। না দিদিমা, তোমাদের এত সব লটবহর নিয়ে যাওয়া ওর মত সন্ন্যাসীর কৰ্ম নয়।

কেরানী। না—না, ও-সব কিছু নয়; তোমাদের ধনেশের সঙ্গে যাওয়াই ঠিক।

ধনেশ। তা ঠিকই আছে। আমার বজরা ত রয়েছেই। কনেষ্টবলদের জন্ত একটা বড় নৌকাও যাচ্ছে। তাতে আমাদের মালপত্র অনেক দেওয়া যাবে। কনেষ্টবলও যাচ্ছে সঙ্গে দশজন।

কেরানী। দশজন! বা, তবে ত গ্র্যাণ্ড। এবার আর কিছু ভাবতেই হবে না। দশজন কনেষ্টবল সহায় থাকলে ত বা খুসী তাই করা যায়। আর যাই বল—পুলিশ ফোর্সের কাছে কেউ নয়—ওসব ভলাটিয়ার-ফলাটিয়ারের কৰ্ম নয়।

উকীল। না হে, ভলাটিয়াররা এবার দেখিয়ে দিয়েছে যে তারা আর তুচ্ছ নয়—ওরা বেশ কাজ করে।

কেরানী। তা কক্ক, কিন্তু—আমারও তাই বিশ্বাস ছিল, কিন্তু আমি এক-দিন আমাদের বড় সাহেবকে জিজ্ঞাসা করলাম, তিনি বললেন যে ওসব কিছু নয়। সাহেব যখন বলেছেন, তখন তার উপরে ত আর কথা নাই—ওদের চেয়ে ত আর আমরা কিছু বেশী বুঝতে পারি না।

এমন সময় অদূরে সাহেবের বেয়ারাকে রাস্তা দিয়া চলিয়া যাইতে দেখিয়া, কেরানীবাবু তাড়াতাড়ি বাহিরে আসিয়া তাহাকে ডাকিয়া ফিরাইলেন। বেয়ারা নিকটে আসিয়া সেলাম করিয়া দাঁড়াইলে জিজ্ঞাসা করিলেন, কি হে খবর কি ?

বেয়ারা। খবর আর বেশী কিছু নেই আছে বাবুজি।

কেরানী। সাহেব চা-টা খেয়ে বেরিয়ে গেছেন টেনিস খেলতে ?

বেয়ারা। হ্যাঁ বাবু, গেয়েছেন। যাবার সময় হামাকে বলে গেল বেবীর জন্মদিনের কোথা। এহি সোমবারে হোবে কি দোসরা সোমবারে—হামি ঠিক বুঝতে পারল না।

কেরানী। তা এ-সব তুমি আমার কাছে জিজ্ঞাসা কর না কেন—আমি তোমাকে বলে দেব। আমার ডায়েরীতে সব লেখা আছে।

বেয়ারা। লিখা আছে বাবুজী ?

কেরানী। হ্যাঁ সব আছে। বেবীর কবে জন্ম হল, কোন্ তারিখে সাহেবের বিয়ে হল, বিয়ের পরে মেমসাহেব কবে এসে এ বাড়ীতে উঠলেন— সব লেখা আছে।

৪

দীনেশ নির্দিষ্ট সময়ে বাহির হইয়া সাগরসঙ্গমের মেলাতে আসিয়া ভলান্টিয়ারের দলে যোগ দিল। এদিকে ভারী কেরানী ছুটি পাইল না,—কাজেই ধনেশকে একাই পরিবারের সমস্ত বাহিনী লইয়া বাহির হইতে হইল। সমস্ত বন্দোবস্ত করিয়া তাহাদের বজরা ছাড়িল—সঙ্গে এক-নৌকা কনেষ্টবল। দুই নৌকাতেই সরকারের নিশান সর্গর্ভে উড়িতেছিল। তীর হইতে যাহারা দেখিল, তাহারা বুঝিতে পারিল যে, এ নিশ্চয়ই কোন দারোগার নৌকা। অস্তান্ত নৌকার যাত্রীরা একবার বলিয়া লইল যে, ইহারা কেমন নিরাপদে নির্ভাবনায় চলিয়াছে—যদিও এ-পথে কোন বিপদের সম্ভাবনা ছিল না। সরকারী নিশানের উপরে যখন ভলান্টিয়ারদের দৃষ্টি পড়িল, তাহারা বলাবলি করিতে

লাগিল যে, সরকারের মান-মর্যাদার ত আর সে দিন নাই; এখন এ-সব বাহাদুর কি সরকারের পক্ষ হইতে আশ্রিত-বাংসলোর পরিচর, অথবা আশ্রিতদের পক্ষ হইতে সরকারের প্রতি শ্রদ্ধার নিদর্শন? জেলে-নৌকারা একবার সরকারী নিশান দেখিয়া আর ভরসা করিয়া সেদিকে ফিরিয়া চায় না। ইহাদের মধ্যে সত্যসত্যই বাহাদের ডাক পড়ে, তাহারা মাছ লইয়া যার সশঙ্কচিত্তে, এক কাঁড়া কাটিয়া গিয়াছে মনে করে, মাছের দাম লইয়া ফিরিয়া আসিলে পর।

এইরূপে তাঁহারা বেশ একটু সস্তম এবং অনেকটা সমালোচনার প্রসঙ্গ হইয়া দিব্য নিশ্চিন্ত আরামে চলিয়াছেন। হঠাৎ একটা জাহাজের বাঁশীর শব্দে সমস্ত নিশ্চিন্ততার তাল কাটিয়া গেল।

জেলার পুলিশ সাহেব তাঁহার নিজের জাহাজে সাগর-সঙ্গমে চলিয়াছিলেন। তিনি ধনেশের অনুচরদের মধ্য হইতে পাঁচজন কনেষ্টবল লইয়া চলিয়া গেলেন। ধনেশের সঙ্গে রহিল বাকী পাঁচজন। যথাসময়ে সকলে আসিয়া সাগর-সঙ্গমে পৌঁছিল। ধনেশ ধেরূপ ঐখ্য ও আড়ম্বরের সহিত থাকিবে বলিয়া প্রস্তুত হইয়া আসিয়াছিল, তাহার অনুচরের সংখ্যা অর্দ্ধ পথে বিখণ্ডিত হওয়াতে, সে অপেক্ষাকৃত অল্পেই সন্তুষ্ট থাকিতে বাধ্য হইল। সঙ্গে পাঁচজন মাত্র কনেষ্টবল; তাহাদের নির্ধারিত কাজ ভাগ করিয়া দিলে দেখা গেল যে, ধনেশের পরিবারের জন্ত কাজ করিবার অবসর তাহাদের অতি সামান্যই থাকে। তবু ইহারই মধ্যে তাহারা যথাসাধ্য ধনেশের সাহায্য করিতে লাগিল।

কিন্তু দীনেশের আর এ পর্য্যন্ত দেখা পাওয়া যায় নাই। পাইবার কথাও না, কারণ দীনেশের কার্যকেন্দ্র হইয়া পড়িয়াছিল একটু দূরে। সমস্ত ভলান্টিয়ার-সঙ্গ দলে দলে বিভক্ত হইয়া ভিন্ন ভিন্ন কেন্দ্রে প্রতিষ্ঠিত হইয়াছিল। তাহাদের কাজ ছিল স্নানের ঘাটে তদারক করা। তাহাদের নিজ নিজ সীমার মধ্যে কেহ রোগাক্রান্ত হইলে তাহাকে হাসপাতালে পৌঁছাইয়া দেওয়া, অথবা আশ্রিত-স্বজনদের অভিভাবকত্বে থাকিলে তাহাদের সুবিধা সৌকর্য্যের জন্ত সাহায্য করা; নির্দিষ্ট সময়মত মূল হাসপাতালে গিয়া সেবা শুশ্রূষার কার্য্যে যোগদান করা এবং অবসরমত মাঝে মাঝে তদন্ত অফিসে গিয়া খোঁজখবর

লগ্ন। এই তদন্ত অফিসও ইহাদেরই প্রতিষ্ঠিত। তদন্ত অফিস সমস্ত দিন এবং রাত্ৰিও অনেকটা সময় পর্যন্ত খোলা থাকিত। কয়েকজন ভলাটিয়ার নিরবচ্ছিন্নভাবে এখানকার কাজের জন্তই নিযুক্ত ছিল। তাহারা সকল প্রকার খবরাখবরের আদান-প্রদানে যাত্রীদের যথেষ্ট উপকার সাধন করিতেছিল। অনেক সময় ছোট ছোট ছেলে মেয়ে বিচ্ছিন্ন হইয়া অভিভাবকদের সঙ্গ-বিচ্যুত হইয়া পড়িত। তখন ভলাটিয়ারদের কাজ ইহাদের কুড়াইয়া আনিয়া তদন্ত অফিসের জিহা করিয়া দেওয়া। তদন্ত অফিসে ইহাদিগকে অস্থায়ীভাবে আশ্রয় প্রদানেরও বন্দোবস্ত ছিল।

দীনেশ ২নং কেন্দ্রে কাজ করিতেছিল। পিসিমাদের নিয়া ধনেশের যে স্থানে আসিয়া থাকিবার কথা, সেটা ছিল ২নং কেন্দ্রের অন্তর্গত। দীনেশ উহাদের সহিত সাক্ষাৎ লাভের একমাত্র উপায়ের নির্দেশ পাইয়া দলপতির নিকট আসিয়া হাজির হইল। দলপতির নিকট নিবেদন করিল, আমাকে ২নং কেন্দ্রে বদলী করিতে আজ্ঞা হয়, সেখানে একজন পুলিশের দারোগা বিপন্ন। তাহাদের একজন সহযোগী জিজ্ঞাসু দৃষ্টিতে দীনেশের মুখের দিকে চাহিয়া রহিল। দলপতি দীনেশের দিকে চাহিয়া স্বজাতিমূলভ সহায়ত্বভূতিতে বুঝিতে পারিলেন যে, ইহার মধ্যে অংশই একটা রহস্য আছে। তিনি জিজ্ঞাসা করিলেন— দারোগাটি কে ?

দীনেশ। আমার পিসতুতো ভাই, নাম ধনেশ।

দলপতি। তাঁর বিপন্ন অবস্থাটা কি রকম ?

দীনেশ। অনেকগুলি স্ত্রীলোক তাঁর সঙ্গী, অভিভাবক তিনি একা।

দলপতি। তাঁর অভিভাবক সমস্ত ব্রিটিশ রাজশক্তি,— তাঁর জন্ত ভাবনা কি !

দীনেশ। ভাবনা নাই ?

দলপতি। ভাবনা আছে বই কি। এসব ক্ষেত্রে রাজশক্তির কর্তব্য নয়। আজ্ঞা তা' হলে তুমি ২নং কেন্দ্রে যাও। সেখানকার দলপতিকে আমার নাম করে বলো— তিনি যেন তাঁর একজন লোককে এখানে বদলী করে দেন।

এইরূপে অমুমতি পাইয়া দীনেশ অবিলম্বে ২নং কেন্দ্রের জন্ত রওনা হইল। ২নং কেন্দ্রের সীমার মধ্যে আসিয়া

দেখিল, এক স্থানে প্রকাণ্ড একটা ভিড় জমিয়া উঠিয়াছে। ভিড়ের তিতরে দেখিল—একটি অন্নবয়স্ক স্ত্রীলোক— তাহাকে কেন্দ্র করিয়াই এই ভিড় জমিয়াছে! খবর লইয়া জানিল যে, যুবতীটি ভদ্র ঘরের স্ত্রী, পথ চলিতে চলিতে ভিড়ের মধ্যে সঙ্গীহারা হইয়া পড়িয়াছে। দীনেশ পার্শ্ববর্তী লোকদিগকে জিজ্ঞাসা করিয়া খবর পাইল যে, স্ত্রীলোকটি এখানকার ভলাটিয়ারদের হাতে পড়িয়াছে— তাহারা উহাকে তদন্ত অফিসে লইয়া যাইবে।

দীনেশ ভলাটিয়ারের দলে থাকিয়া কার্যতৎপরতা শিক্ষা পাইয়াছিল। যখন দেখিল যে স্ত্রীলোকটি ভলাটিয়ারদের হাতে পড়িয়াছে, তখন সে বিনা বাক্যব্যয়ে সে স্থান ছাড়িয়া নিশ্চিন্তমনে চলিয়া যাইতে পারিল। যাইবার সময় স্ত্রীলোকটির চেহারার একটা মোটামুটি বিবরণ মনে মনে টুকিয়া লইল—বয়স বিশ বৎসরের নীচে, রং ফরসা, চেহারা লম্বা, শরীরে কৃশাঙ্গী। নাক চোখা, চোখের গড়ন সাধারণ, চোখের প্রায় এক ইঞ্চি নীচে একটা আঁচিল, মুখের ছাঁদ লম্বা। এসবও দীনেশের ভলাটিয়ারের দলে শিক্ষার ফল।

দীনেশ ২নং কেন্দ্রের দলপতির নিকট হাজিরা দিয়া যথাসময়ে পিসিমার পর্দাবাসে আসিয়া পৌঁছিল। আসিয়াই দেখে এক বিভ্রাট। স্থান হইতে আসিবার পথে ধনেশের বউ যুথলট হইয়া কোথায় পড়িয়া রহিয়াছে—তাহার খোঁজ পাওয়া যাইতেছে না। কথাটা শুনিয়াই দীনেশের মনে পড়িল—পথে-দেখা সেই সঙ্গীহারা যুবতার কথা। সেই যুবতার চেহারার যে বিবরণ দীনেশ দাখিল করিল, বাম চক্ষুর নীচে আঁচিলটি পর্যন্ত—তাহাতে সকলেই নিঃসন্দেহ হইল যে, এই যুবতীটাই ধনেশের বউ। দিদিমা বলিলেন—তুই যখন দেখিলি, তখন বউকে নিরে এলি না কেন একেবারে ?

দীনেশ। আমি কি করে জানব যে আপনারা এত লোক থাকতে—আর সঙ্গে পুলিশ দারোগার গ্রহণ—তার মাঝখান থেকে বউ হারিয়ে যাবে। আর জানলেই বা কি হত, আমি কি ওকে কোন দিন দেখেছি যে পথে দেখা হলেই চিন্তে পারব ?

দিদিমা। তুই না হয় চিন্তে নাই পেরেছিস,—বউও কি তোকে দেখতে পেলে না ?

দীনেশ। কি করে দেখবে এত লোকের মধ্যে।

দিদিমা। বাঃ, তুই কি করে দেখলি এত লোকের মধ্যে ?

দীনেশ। আমি দেখব না ?—তখন সমস্ত লোকের দৃষ্টি নিবন্ধ ওর উপরে। আর আমি ছিলাম হাজার লোকের মধ্যে একজন—আমাকে বউ কি করে দেখবে। আর আমাকে দেখলেই বা কি হত—বউ কি আমাকে

বলতে পারত যে আমি ধনেশের বউ—আপনি আমার ভাসুর—আমাকে নিয়ে যান।

দিদিমা। তোরা কি দাড়িয়ে তর্কই করবি শুধু—বউকে আনতে যাবি না।

দিদিমার নিকট অগত্যা পরাজিত হইয়া দীনেশ ও ধনেশ তদন্ত অফিসের দিকে রওনা হইল।

## শোক-সংবাদ

৩ কবিরাজ যামিনীভূষণ রায়

বাঙ্গালার একটা উজ্জ্বল নক্ষত্র খসিয়া পড়িয়াছে। অষ্টাঙ্গ আয়ুর্কেন্দ-বিদ্যালয়ের প্রতিষ্ঠাতা ও প্রিন্সিপাল, আয়ুর্কেন্দের উন্নতিকল্পে অক্লান্তকর্মী, স্বদেশবৎসল, দানবীর কবিরাজ



কবিরাজ যামিনীভূষণ রায়

যামিনীভূষণ রায় আর ইহজগতে নাই। গত ২৬শে শ্রাবণ তিনি কর্মময় জীবনের সমস্ত কর্তব্য সম্পন্ন করিতে না

করিতেই সাধনোচিত ধামে গমন করিয়াছেন। স্বদেশে বিদেশে যামিনীভূষণকে চিনিতেন না, এমন লোক বিরল। তাঁহার সংস্রবে যাহারা একদিনও আসিয়াছেন, তাঁহারাই তাঁহার পক্ষপাতি হইয়াছেন। যামিনীভূষণ সংস্কৃতে এম-এ ছিলেন, ডাক্তারীতে এম-বি ছিলেন। তাঁহার প্রণীত 'প্রতিসংস্কৃত রোগবিনিস্চয়' 'কুমারতন্ত্র' 'প্রমুত্তিতন্ত্র' 'শালক্যতন্ত্র' প্রভৃতি গ্রন্থ তাঁহার পাণ্ডিত্যের প্রকৃষ্ট উদাহরণ। অষ্টাঙ্গ আয়ুর্কেন্দ কলেজ প্রতিষ্ঠার জন্ত তিনি প্রাণপণ করিয়াছিলেন। কলেজের জন্ত যে প্রাসাদ নির্মিত হইয়াছে, ইহার জন্ত যামিনীভূষণ একাকা সত্তর হাজার টাকা দিয়াছেন। ইহা ভিন্ন মৃত্যুকালে উইল করিয়া তিনি যে সকল সম্পত্তি এই কলেজের জন্ত দান করিয়া গিয়াছেন, তাহারও মূল্য হইবে প্রায় দেড়লক্ষ টাকা। কবিরাজ যামিনীভূষণের অকাল মৃত্যুতে দেশের যে ক্ষতি হইল, তাহার সহজে পূরণ হইবে না। আমরা প্রস্তাব করি, কলিকাতা বিদ্যাপীঠ ও অষ্টাঙ্গ আয়ুর্কেন্দ কলেজ একত্র মিলিত করিয়া কবিরাজ শ্রামাদাস ও কবিরাজ গণনাথ যদি এই সম্মিলিত কলেজের পরিচালন ভার গ্রহণ করেন, তাহা হইলেই 'পরলোকগত' যামিনীভূষণের প্রকৃত স্মৃতিস্তম্ভ গঠিত হইবে, তাঁহার নাম বাঙ্গালা দেশে স্মরণীয় হইয়া রহিবে।



## পুস্তক-পরিচয়

**দাদার কথা।**—শ্রীহরেশচন্দ্র ঘোষ প্রণীত ; মূল্য দুই টাকা।  
‘দাদার কথা’ পরলোকগত সার রাসবিহারী ঘোষ মহাশয়ের জীবন-কথা ; লেখক শ্রীযুক্ত হরেশচন্দ্র ঘোষ মহাশয় সার রাসবিহারীর বৈমাত্রেয় ভ্রাতা। পুস্তকখানির নামকরণ অতি সুন্দর হইয়াছে, কারণ হরেশবাবু এই জীবন-কথা লিপিবদ্ধ করিতে বসিয়া নিজের, বলিতে গেলে, কোন কথাই বলেন নাই ; পরলোকগত সার রাসবিহারী ঘোষ মহাশয় তাঁহার এই প্রিয়তম কনিষ্ঠ ভ্রাতার কাছে যখন যে কথা বলিয়াছিলেন, হরেশবাবু তাহাই লিপিবদ্ধ করিয়া রাখিয়াছিলেন। এক্ষণে সেই কথাগুলি একত্র সংগ্ৰহ করিয়া এই ‘দাদার কথা’ লিখিয়াছেন ; সুতরাং এই বইখানি আত্মোপাস্ত দাদারই মুখের কথা। অর্থাৎ, এই ‘দাদার কথা’তে সার রাসবিহারীর জীবন-কথা যেমন সুন্দরভাবে অভিব্যক্ত হইয়াছে, অল্প কোনভাবে লিখিলে তাহা কিছুতেই হইত না। বইখানি এমনই সুন্দর যে পড়িতে বসিলে ক্রমেই আরও জানিবার জন্ম উৎসুক্য জন্মে। সার রাসবিহারী ক্ষণজন্মা পুরুষ ছিলেন। তাঁহার জীবনের অনেক কথা এইভাবে লিপিবদ্ধ করিয়া হরেশবাবু বাঙ্গালীমাত্রেয়ই কৃতজ্ঞতাভাজন হইয়াছেন, এবং ভবিষ্যৎ জীবন-চরিত-লেখকের জন্ম অনেক অনুল্য উপকরণ একত্র রাখিয়াছেন। আমরা শতমুখে এই বইখানির প্রশংসা করিতেছি। ইহা যে বাঙ্গালী পাঠকমাত্রেয়ই নবোদ্বোধন করিবে, এ বিষয়ে আমাদের সন্দেহ মাত্র নাই।

**দম্পতি।**—ডাক্তার শ্রীশশিকুমার সেন বি, এ এল্ এন্ এম্, প্রণীত। মূল্য ২।০ টাকা।

আহুর্কেষুদের প্রসিদ্ধ চিকিৎসা গ্রন্থ সূত্রত সংহিতা বলিয়াছেন “সংক্ষেপ তো ক্রিয়া যোগো নিদান পরিবর্জনং।” রোগ-কারণ দূর করাই সংক্ষেপ চিকিৎসা।” যে রোগের বিষে বাঙ্গালার অস্থিমজ্জা জর্জরিত, বাঙ্গালী ধ্বংসের মুখে চলিয়াছে, এই গ্রন্থে তাহার কারণ দূর করার প্রচেষ্টা হইয়াছে। যুবকগণ ক্ষীণ ও দুর্বল, যুবতীগণ শ্রীরোগে আক্রান্ত, বাঙ্গালার শিশু সন্তানগণের অকালমৃত্যু,—এই সকলের কারণ ও প্রতিকার সম্বন্ধে, গ্রন্থকার প্রাচ্য ও পাশ্চাত্য পাণ্ডিত্যের মত সংগ্রহ করিয়া দাম্পত্য জীবনের পক্ষে গ্রন্থখানি অতি উপযোগী করিয়া তুলিয়াছেন। এই জন্ম গ্রন্থের নাম-নির্দেশও সার্থক হইয়াছে। এই গ্রন্থখানি, বিবাহিত জীবনের পক্ষে একান্ত আবশ্যিক পাঠ্য, বিশেষতঃ নববিবাহিত যুবক-যুবতীগণের পক্ষে। কেহ কেহ হয়ত বলিতে পারেন মানুষের স্বভাবজাত সংস্কারের বিষয় উপদেশের প্রয়োজন কি ? তৎসম্বন্ধে গ্রন্থকারের মত উদ্ধৃত করিলেই ইহার সমাধান হইবে। গ্রন্থকার তাঁহার উপক্রমণিকার এক স্থলে লিখিয়াছেন,.....শিক্ষা না পাইলেই (শিক্ষাই হউক কৃষিকাই হউক) যৌনতত্ত্ব তাহার নিকট প্রায় সমস্তই অপরিজ্ঞাত থাকে। আবার এমন চিকিৎসকও আছেন যাহারা দাম্পত্য ব্যবহার সম্বন্ধে আংশিক অনাভিজ্ঞ। “শেষ জীবনে

যে জ্ঞানলাভ হইয়াছে, তাহা যদি দাম্পত্য জীবনের প্রারম্ভে লাভ হইত, তবে অত্যন্ত সুখের ও মঙ্গলের হইত, এইরূপ খেদও কেহ কেহ করিয়া থাকেন।” আমাদের মনে হয় এইরূপ খেদ কেহ কেহ কেন অধিকাংশ লোকই এ বিষয়ে ভুক্তভোগী। বিবাহিত জীবনকে সংঘের মধ্যে নেওয়া, উচ্ছৃঙ্খল যৌবনকে শৃঙ্খলিত করাই এই গ্রন্থের উদ্দেশ্য। এই গ্রন্থের প্রতিপাত্ত বিষয়গুলি মনোযোগ সহকারে পাঠ করিয়া যুবক যুবতীগণ সেইরূপ ভাবে কর্মানুষ্ঠান করিলে দাম্পত্য জীবন মঙ্গলময় শান্তিময় সুখময় হইয়া উঠিবে।

**দেশবন্ধু স্মৃতি।**—শ্রীহেমেন্দ্রনাথ দাসগুপ্ত প্রণীত ; মূল্য তিন টাকা। দেশবন্ধু চিত্তরঞ্জনের পবিত্র জীবন-কথা যিনি যেমন করিয়াই লিখুন, তাহা বাঙ্গালী মাত্রেই আদরে বরণ করিয়া লইবে। বর্তমান ক্ষেত্রে যিনি এই স্মৃতির লেখক তিনি দেশবন্ধুর শেষ জীবনে অথবা রাজনৈতিক জীবনে ছায়ার স্তায় সহচর ছিলেন, ভক্তের স্তায় অমুগত ছিলেন ; সুতরাং হেমেন্দ্র বাবু যে এই জীবন-স্মৃতি লিখিবার সর্বতোভাবে উপযুক্ত, তাহা সন্দেহই স্বীকার করিবেন। পুস্তকের প্রত্যেক পৃষ্ঠায় লেখকের চিত্তরঞ্জনের প্রাণ অবিচলিত শ্রদ্ধা ও ভক্তি প্রকট হইয়াছে এবং ইহারই জন্ম এই জীবন-স্মৃতি আমাদের এত ভাল লাগিয়াছে ; এবং আমাদের বিশ্বাস, বাঙ্গালী মাত্রেয়ই ভাল লাগিবে।

**ঘুণমানব।**—শ্রীবীরেন্দ্রকুমার দত্ত এম-এ, বি-এল্ ; মূল্য তিন টাকা। এখানি ডায়েরী বা রোজনামচা। শ্রীযুক্ত বীরেন্দ্রবাবু যে ভ্রামকা লিখিয়াছেন, তাহাতে তিনি বলিয়াছেন যে তাঁহার এক অন্তরঙ্গ বন্ধুর এই ডায়েরি ; বন্ধুর পরলোকের পর তিনি ইহা সম্পাদন করিয়াছেন। আমরা কিন্তু, এ কথায় নিঃসন্দেহ হইতে পারিলাম না ; তাই এই ‘পরিচয়ে’ পুস্তকখানি তাঁহার ‘প্রণীত’ কি ‘সম্পাদিত’ তাহা বলিলাম না। কথা এই, বীরেন্দ্রবাবু নিজেই গ্রন্থকর্তা হউন, বা তাঁহার পরলোকগত বন্ধুই প্রণেতা হউন, এই ডায়েরিতে পড়িবার ও ভাবিবার অনেক কথা আছে। অবশ্য, ডায়েরির মন্তব্যের আগাগোড়া সানন্দে নাই, থাকিবার কথাও নহে ; লেখকের মনে যখন যে ভাবের উদয় হইয়াছে, যে পুস্তক বা যে লেখকের সম্বন্ধে তাৎকালিক যে মনোভাবের সঞ্চার হইয়াছে, তাহাই অকপটে লিপিবদ্ধ হইয়াছে ; সেগুলি বিচারসহ কি না, সমীচীন কি না, তাহা ভাবিবার কোন প্রয়োজনই তখন অসুত্ব হইত না। আমরাও সেই জন্ম লেখকের কোন মন্তব্য সম্বন্ধে মত প্রকাশ করিতে সঙ্কোচ বোধ করিতেছি। তবে, এইমাত্র বলিতে পারি, এই ডায়েরীখানি পাঠ করিলে অনেকেরই চিন্তার ধোঁরাক জ্বলিবে। ইহাই এই গ্রন্থের বিশেষত্ব।

**আলো।**—রায়-সাহেব শ্রীজগদানন্দ রায় প্রণীত ; মূল্য দুই টাকা। শ্রীযুক্ত জগদানন্দ রায় মহাশয়ের পরিচয় বাঙ্গালীর নিকট নূতন করিয়া দিতে হইবে না। বৈজ্ঞানিক-তত্ত্ব সরল ও সহজ ভাষায়

ছাত্রসংঘের নিকট বিবৃত করিতে তিনি অস্বীকার। তাঁহার 'বৈজ্ঞানিকী' 'প্রাকৃতিকী' 'গ্রহনক্ষত্র' 'বিজ্ঞানের গল্প' 'গোকামাকড়' 'গাছপালা' 'পাখী' 'শব্দ' প্রভৃতি পুস্তক শিক্ষার্থীমহলে যথেষ্ট আদর লাভ করিয়াছে; বর্তমান পুস্তকখানিও তেমনই সমাদরে গৃহীত হইবে। আলো সঘন্থে বাঙ্গালা ভাষায় লিখিত এমন সুন্দর পুস্তক পড়িয়াছি বলিয়া মনে হয় না; বোধ হয় ইতঃপূর্বে এ সঘন্থে বাঙ্গালা ভাষায় শিশুপাঠ্য পুস্তক প্রকাশিতই হয় নাই। সার মহাশয় ছেলেদের জন্য এই পুস্তকখানি লিখিয়াছেন; কিন্তু আমরা, বুড়ারাও এই পুস্তকখানি পড়িয়া লাভবান হইলাম। এই সকল পুস্তকের দিকে শিক্ষা-বিভাগের কর্তৃপক্ষগণের দৃষ্টি কতদিনে আকৃষ্ট হইবে?

জহান্-আরা।—শ্রীব্রজেননাথ বন্দ্যোপাধ্যায় প্রণীত; মূল্য ১০ আনা। জহান্-আরা সম্রাট শাহজাহানের দ্বিতীয় কস্তা; জগৎ-বিখ্যাত তাজমহল তাঁহার স্মৃতি অমর করিয়া রাখিয়াছে, সেই মুমতাজ-মহল জহান্-আরার জননী! এই মহীয়সী, গরিবসী মহিলার জীবন-কাহিনী প্রসিদ্ধ ঐতিহাসিক শ্রীমান ব্রজেননাথ তাঁহার হৃদয় ঢালিয়া দিয়া লিপিবদ্ধ করিয়াছেন; আমরা তাঁহার এই ক্ষুদ্র গ্রন্থখানি পড়িয়া মুগ্ধ হইয়াছি। তিনি ঐতিহাসিক; তিনি নির্মমভাবে সত্য বাছিয়া লইয়া এই জীবন-চরিত্রে লিপিবদ্ধ করিয়াছেন সত্য; কিন্তু সেই নির্মম সত্যকে তিনি যেভাবে বর্ণনা করিয়াছেন, তাহা অপূর্ব। ভাষার স্বক্যে, শব্দবিন্যাসের চাতুর্যে এই ক্ষুদ্র পুস্তকখানি অনেক নাটক নভেল অপেক্ষাও সুপাঠ্য হইয়াছে, অথচ তাঁহার হৃদয়বেগ কখন কঠোর সত্য হইতে অণুমাত্রও বিচলিত হয় নাই। ইহাই গ্রন্থকারের প্রতিভার পরিচয়, ইহাই তাঁহার পুস্তকখানিকে এমন সুসমামুখিত করিয়াছে। আমরা এই পুস্তকখানির বহুল প্রচার কামনা করি।

শ্রীশ্রীবিজয়-মঙ্গল।—শ্রীবরদাকান্ত বন্দ্যোপাধ্যায় বি-এল্ সঙ্কলিত, মূল্য ১০/০। প্রভুপাদ বিজয়কৃষ্ণ গোস্বামী মহাশয়ের একাধিক জীবন-চরিত প্রকাশিত হইয়াছে। তাঁহার অনেক শুভ শিষ্ট এ বিষয়ে কৃতকাব্য হইয়াছেন। তবুও আমরা শ্রীশ্রী বন্দ্যোপাধ্যায়

মহাশয়ের এই শ্রীশ্রীবিজয়মঙ্গল পরম আগ্রহে, পরম ভক্তিতে পাঠ করিয়াছি এবং পরম শান্তি পাইয়াছি। এখানি ঠিক জীবন-চরিত নহে; গোস্বামী মহাশয় যখন যে সকল অমূল্য কথা বলিয়াছেন, যে সকল উপদেশ দিয়াছেন, তাহা এই গ্রন্থে লিপিবদ্ধ হইয়াছে; সুতরাং ইহা জীবন-কথা অপেক্ষাও উপদেশ হইয়াছে; কারণ ইহাই ত তাঁহার প্রকৃত জীবন-কথা। তাঁহার শুভ শিষ্ট বন্দ্যোপাধ্যায় মহাশয়ের এ চেষ্টা সার্থক হইয়াছে। তৎ-পিপাসু শুভমাত্রেরই নিকট এই গ্রন্থের আদর হইবে।

মানব-গীতা।—কবিভূষণ শ্রীযোগীন্দ্রনাথ বসু বি-এ বিরচিত; মূল্য ১০ আনা। এখানি পারমার্থিক কাব্য। 'নিবেদনে' হুলেখক, ধর্মপ্রাণ শ্রীযুক্ত বসু মহাশয় যাহা বলিয়াছেন, তাহার অংশবিশেষ উদ্ধৃত করিলেই এই 'মানব গীতা'র পরিচয় পাওয়া যাইবে। গ্রন্থকার বলিয়াছেন "আর্থিক তত্ত্বের আলোচনার পারমার্থিক তৎ সঘন্থে লোকের ওদাসীশ জন্মিয়াছে। সংসারে অর্থ ও পরমার্থ উভয়েরই প্রয়োজন আছে, ইহা বুঝাইবার জন্যই আমি এই গ্রন্থ রচনা করিয়াছি।" কবিভূষণ মহাশয়ের এ চেষ্টা ব্যর্থ হয় নাই; তিনি যাহা বুঝাইতে চাহিয়াছেন, তাহা অতি সুন্দরভাবে বিবৃত করিয়াছেন। তিনি বিশেষ প্রশিধান-পূর্বকই দ্বাদশ অধ্যায়ে এই গীতা সমাপ্ত করিয়াছেন। আমরা বাঙ্গালী পাঠকদিগকে এই মানব-গীতা পাঠ করিবার জন্য অনুরোধ করিতেছি।

বিবি বউ।—শ্রীধরেন্দ্রনাথ মিত্র প্রণীত; মূল্য সাতসিকা। অধ্যাপক শ্রীযুক্ত ধরেন্দ্রনাথ লক্ষ্মণপ্রতিষ্ঠ সাহিত্যিক ও গল্প-লেখক। এই 'বিবি বউ' তাঁহার কয়েকটি ছোট গল্পের সংগ্রহ। ইহাতে বিবি বউ, কলকিণী, ঝি, শুকতারার, মন্দের ভালো, নন্-কো-অপারেটার, পধি নারী বিবর্জিতা ও তক্তের ভগবান, এই আটটি ছোট গল্প আছে। গল্পগুলি সবই সুন্দর; যেমন আখ্যান-ভাগ, তেমনই বর্ণনা-কৌশল; আর সরস কৌতুক—তাহাতে ত শ্রীযুক্ত ধরেন্দ্রনাথ সিদ্ধহস্ত। গল্প কয়টি বেশ স্বরস্বরে। পূজার বাজারে এই বিবি বউ বিকাইবে, এ আশা আমাদের আছে।

## সাময়িকী

এবার 'ভারতবর্ষ'র প্রচ্ছদপটে যে মহাত্মার প্রতিকৃতি-শোভিত হইল, তিনি স্বনামধ্যাত দানবীর সার তারকনাথ পালিত মহাশয়। সার তারকনাথ কলিকাতা হাইকোর্টের একজন প্রধানতম বারিষ্টার ছিলেন। স্বর্গীয় বারিষ্টার মনোমোহন ঘোষের জায় ইনিও অনেক বিপন্ন ব্যক্তির মামলা বিনা পারিশ্রমিকে করিয়া দিয়া যশোভাজন হইয়াছিলেন। বারিষ্টারী ব্যবসারে ইনি অনেক অর্থ উপার্জন করিয়াছিলেন

এবং সেই অর্থের যে কি ভাবে সন্ধান করিতে হয়, সার তারকনাথ তাহা দেখাইয়া গিয়াছেন। ইনি এ দেশে বিজ্ঞান-চর্চার উন্নতির জন্য কলিকাতা বিশ্ববিদ্যালয়ের হস্তে তাঁহার দীর্ঘ জীবনের উপার্জিত ও সঞ্চিত সমস্ত অর্থ দান করিয়া গিয়াছেন। তাঁহার প্রদত্ত পনের লক্ষ টাকা ও পরলোকগত সার রাসবিহারী ঘোষের প্রদত্ত অর্থে কলিকাতা বিশ্ব-বিদ্যালয় সারকুলার রোডে যে বিজ্ঞান-কলেজ স্থাপনা

করিয়াছেন, তাহাই দানবীর সার ভারকনাথের নাম চিরস্মরণীয় করিয়া রাখিবে। ইহার এই দানের জন্ত গবর্ণমেন্ট ১৯১৩ অব্দের ১লা জানুয়ারী ইহাকে 'নাইট' উপাধিতে ভূষিত করেন। আমরা এই দানবীরের প্রতিকৃতি 'ভারতবর্ষ'র প্রচ্ছদপটে প্রকাশিত করিয়া তাঁহা প্রতি আমাদের অকৃত্রিম শ্রদ্ধা জ্ঞাপন করিলাম।

এবার সাময়িকীর প্রথম কথা হিন্দু-মুসলমানে বিরোধ। কি কল্পণেই যে এ বিরোধ এমন তীব্র হইয়া উঠিল, তাহা আমরা ভাবিয়া পাইতেছিলাম। বাঙ্গালা দেশের হিন্দু-মুসলমান সুদীর্ঘকাল সম্প্রাতে পরস্পরের সুখ দুঃখে সহানুভূতি ও সাহায্য করিয়া বসবাস করিতেছিল; হঠাৎ কি এমন হইল, যাহার জন্ত এই প্রীতির শৃঙ্খল ভগ্ন হইয়া গেল, মিত্রতার স্থানে ঘোর শত্রুতা দেখা দিল। কারণ যাহাই হউক, এই অসম্ভাব যে উভয় পক্ষেরই অহিতকর, তাহা কি কেহই বুঝিতে পারিতেছেন না? হিন্দুকে বাদ দিয়া মুসলমান এ দেশে বাস করিতে পারেন না, আবার মুসলমানকে বাদ দিয়াও হিন্দুর চলে না। এ অবস্থায় এমন ভাব কতদিন চলিবে, বা চলিতে পারে? আমরা কোন পক্ষের দোষক্রটির বিচার করিব না; যাহা হইবার হইয়া গিয়াছে, অতীতের অপ্রীতিকর স্মৃতি হৃদয় হইতে মুছিয়া ফেলিয়া, হিন্দু-মুসলমানের যিনি পরম দেবতা তাঁহাকে সাক্ষী করিয়া সকলে আবার একত্র-বন্ধ হউন, এই আমাদের প্রার্থনা। ঢাকায় কি হইয়াছে, পাবনায় কি হইয়াছে, খিদিরপুরে কি হইল, সে সকল আলোচনার প্রয়োজন নাই—তাহাতে মিলন হয় না।

এবার দেশের বড়ই দুর্দিন! কলিকাতা সহরে ত ঘরে-ঘরে বেরি-বেরি; চিকিৎসকেরা বলিতেছেন এ রোগের কারণ এখনও অবিসম্বাদিত ভাবে নির্ণীত হয় নাই। স্মৃতরাং ঔষধও তেমন স্থির হইতেছে না। বিশেষজ্ঞেরা বলিতেছেন, যত দোষ পুরাতন চাউলের। পুরাতন চাউল খাইয়াই এই

রোগ হইতেছে। তাহার সঙ্গে সঙ্গে তৈলের কটা ধৃত হইয়াছে। কিন্তু, চাউল ও তৈল বদলাইয়াও ত এ রোগের হস্ত হইতে নিষ্কৃতি লাভ হইতেছে না। প্রথমে এই রোগ তেমন সাংঘাতিক হয় নাই; দু'দশদিন জুগিয়াই লোকে ঝাড়িয়া উঠিতেছিল, এখন মধ্যে মধ্যে উক্ত রোগে মৃত্যুর সংবাদও পাওয়া যাইতেছে।

তাহার পর বস্তা! সেদিনের জলপ্লাবনে মেদিনীপুর জেলার সদর মহুকুমা ব্যতীত আর সমস্ত স্থান জলে ডুবিয়া গিয়াছে! লোকের কষ্ট বর্ণনাতীত। বাড়ী ঘর ভাসিয়া গিয়াছে, গরু বাছুর কোথায় চলিয়া গিয়াছে; চারিদিকে শুধু জল; লোকের আশ্রয়-স্থান মিলিতেছে না, দিনায়ের ব্যবস্থা হইতেছে না। সারা জেলারই এই অবস্থা। অসংখ্য নরনারীর হাহাকারে আকাশ বিদীর্ণ হইতেছে। আমাদের দেশের আর্ন্তসেবার জন্ত যে সকল প্রতিষ্ঠান আছে, তাহারা সকলেই মেদিনীপুরের এই বিপদ সময়ে অগ্রসর হইয়াছেন, নানা স্থানে সাহায্য-কেন্দ্র খোলা হইয়াছে। দেশ-সেবকগণ অক্লান্ত ভাবে আর্ন্তের সেবা করিতেছেন; কিন্তু, এ দুর্দশা ত এক আধখানি গ্রামের লোকের নহে, বলিতে গেলে সমগ্র মেদিনীপুর জেলার লোকে বিপন্ন। ইহাদের উপযুক্ত সাহায্য করিতে হইলে বহু অর্থের প্রয়োজন। সর্বত্র চাঁদা তোলা হইতেছে। আমরা আশা করি দেশবাসীগণ মুক্ত হস্তে এই পীড়িত নরনারীদিগের সেবার জন্ত দান করিবেন। মহামায়া অন্নপূর্ণা আসিতেছেন বড় দুর্দিনে; এ সময় যেন তাঁহার নিরন্ন সম্ভানগণের সেবা করিয়া তাঁহার পূজা সম্পন্ন করা হয়।

এবার আশ্বিন মাসের শেষেই দুর্গোৎসব হইবে। সেই জন্ত আমরা কার্তিক মাসের 'ভারতবর্ষ' আশ্বিনের তৃতীয় সপ্তাহের পূর্বেই প্রকাশিত করিব। যাহাতে পূজার অবকাশের পূর্বেই গ্রাহকগণ কার্তিকের সংখ্যা কাগজ পান, আমরা তাহার ব্যবস্থা করিতেছি।

# বোধন-বেদন

শ্রীচিত্রগোপাল চট্টোপাধ্যায়

শরতের খেত-শিশুগুলি  
গগনের আলিসায় বসি  
নাড়ে যবে কনক-কেতন  
ব্যথা মোর বুকে উঠে খসি ।

সুধাসনে তোরা মিছে আর  
সে করুণ কাহিনী আমার,  
পূজা এলে ভয়ে মরি পাছে  
ফেলি কাণ্ডে হারিয়ে আবার ।

শেফালীর দীপালী-উষায়  
বোধনের বাজিলে সানাই,  
আঁখিজল ব্যথা নাহি মানে  
বুকে মোর বড় ব্যথা পাই ;

মনে পড়ে বাজায় বাজনা  
সবাই আসিল ঘট ভরি'—  
আমি একা এসেছি ফিরি  
ভরা-ঘট মোর খালি করি ।

কলা-বৌ ফিরে এল নেয়ে,  
রাঙা-পাড় আঁচল উড়ায় ;

আমি এমু শাদা ধান পরি'  
অশানের বিভূতি কুড়ায় ।

গৃহতলে পড়িছ লুটায়  
ব্যথানত কথাহীন মুখে,  
প্রতিবাসী পতিহীনা কেহ  
শিশু মোর তুলে দিলে বুকে ।

তার পর একে একে ঘুরে  
কত পূজা এল গেল ফিরে,  
শিশু মোর বুকে ব্যথা যত  
আমি তত ভাসি আঁধি-নীরে ।

কতদূর—গ্যাছে তার পিতা  
কত খোঁজ করে মোর কাছে ;  
লিখে দিতে করে অহুরোধ  
আমাদের ভুলে কেন আছে ?

বাছা মোর মনে হয় আজ  
কা'রো কাছে গুনি' ছুখ-বাণী  
আভাষে বুকেছে এতদিনে  
কত একা মোরা দুটি প্রাণী ।

## সাহিত্য-সংবাদ

নব প্রকাশিত পুস্তকাবলী

হুর্নাচরণ রায় প্রণীত সচিত্র 'দেবগণের মর্ত্যে আগমন', অতিনব  
দ্বিতীয় সংস্করণ—৩ ।

শ্রীযুক্ত শরৎচন্দ্র চট্টোপাধ্যায় প্রণীত, পথের দাবী—৩ ।

শ্রীযুক্ত চারু বন্দ্যোপাধ্যায় প্রণীত, হাইফেন—২ ।

শ্রীমতী অনুরূপা দেবী প্রণীত নূতন উপজ্ঞাস, হিমাজি—২ ।

শ্রীযুক্ত শচীন্দ্রনাথ চট্টোপাধ্যায় প্রণীত উপজ্ঞাস, কাগজের ফুল—১ ।

শ্রীমতী ইন্দুমতী দেবী সঙ্কলিত, বঙ্গনারীর ব্রতকথা—১০ ।

শ্রীমৎ কুমারানন্দ সরস্বতী প্রণীত জ্ঞান বল্লরী—২ ।

শ্রীযুক্ত জগদীশচন্দ্র ঠাকুর প্রণীত শাস্তির পথে ১০ ।

শ্রীযুক্ত ভূপেন্দ্রনাথ বন্দ্যোপাধ্যায় প্রণীত, নারীরাজ্যে—১০ ।

শ্রীযুক্ত মণীন্দ্রমোহন বাগচী প্রণীত চেউয়ের যাত্রী—১ ।

শ্রীযুক্ত মণীন্দ্রনাথ ঘোষ প্রণীত, স্বপ্নের স্বপন—১০ ।

শ্রীযুক্ত নিবারণচন্দ্র ভট্টাচার্য প্রণীত, ভারতবর্ষের অধঃপতনের একটা  
বৈজ্ঞানিক কারণ—২ ।

**Publisher—Sudhanshusekhar Chatterjea.**  
**of Messers. Gurnadas Chatterjea & Sons,**  
**201, Cornwallis Street, CALCUTTA.**



**Printer—Narendranath Kunar,**  
**The Bharatvarsha Printing Works,**  
**202-1-1, Cornwallis Street, CALCUTTA.**



ভগ্ন মন্দির

শিল্পী—শ্রীযুক্ত ওপেন্ড্রচন্দ্র ঘোষ দাস্তদার

Bharatvarsha Halftone & Printing Works.



# জারতরঙ্গ



কাঁতিক, ১৩৩৩

প্রথম খণ্ড

চতুর্দশ বর্ষ

পঞ্চম সংখ্যা

## দুর্গামঙ্গল

অধ্যাপক শ্রীহরিহর শাস্ত্রী

প্রাচীন বঙ্গসাহিত্যে আলোচনার যোগ্য অনেক বিষয় আছে। সেই অতি পুরাতন যুগে বাঙ্গালীর সামাজিক চিত্রের পরিচয়, আমরা সেকালের সাহিত্যের ভিতরেই পাই। যাহারা বাঙ্গালী জাতির ধারাবাহিক ইতিহাস নাই বলিয়া আক্ষেপ করেন, তাঁহারা সেই প্রাচীন বাঙ্গালা সাহিত্যের ভিতরে হাজার বছর আগের বাঙ্গালীর নাড়ী-নক্ষত্রের পরিচয় পাইবেন। “বৌদ্ধ গান ও দোহা” “ডাকের বচন”, “খনার বচন”, “শুভ পুরাণ”, “মাণিকচন্দ্রের গান”, “গোবিন্দচন্দ্রের গীত”, “ময়নামতীর গান”, “সূর্য্যের গান”, “চণ্ডীকাব্য” প্রভৃতি পুরাতন বাঙ্গালা সাহিত্যে সে-কালের বাঙ্গালীর ধর্মগত ও সমাজগত যে উজ্জ্বল চিত্র দেখিতে পাওয়া যায়, তাহার মূল্য সামান্য নহে। কবিত্ব-মাধুর্য্যেও এই সকল লেখা সহৃদয় পাঠক-পাঠিকার একান্ত সমাদরের যোগ্য।

আজ আমরা একজন জন্মান্ত কবির কাব্যের পরিচয়, আপনাদিগের কাছে উপস্থাপিত করিলাম। এই কবির নাম—ভবানীপ্রসাদ কর রায়। ইহার প্রণীত “ভবানী-মঙ্গল” গ্রন্থ ‘দুর্গা-মঙ্গল’ নামে ব্যোমকেশ মুস্তফীর সম্পাদকত্বে বঙ্গীয় সাহিত্য-পরিষদ হইতে ১৩২১ বঙ্গাব্দে প্রকাশিত হইয়াছে। এই গ্রন্থের ভূমিকায় ব্যোমকেশ মুস্তফী লিখিয়াছেন,—

“ইংলণ্ডের অন্ধ-কবি মিল্টনের অস্তিত্বে ইংলণ্ডের যে গৌরব, জন্মান্ত কবি ভবানীপ্রসাদের অস্তিত্বে আবিষ্কারে বঙ্গদেশের সেরূপ গৌরব কতকটা যে হইবে না, তাহা ত বলিতে পারি না! মিল্টনের মৌলিক রচনা জগতের একখানি শ্রেষ্ঠ কাব্য—‘Paradise Lost’ কাব্যজগতে যে উচ্চাসন লাভ করিয়াছে, ভবানীপ্রসাদের “ভবানী মঙ্গল” (দুর্গামঙ্গল) সে আসন পাইতে পারে না, কিন্তু সে অল্প

উভয় কবির অবস্থাগতিকে গৌরবের বিশেষ তারতম্য না হওয়াই উচিত।—(২৬০/০ পৃঃ)

ইংলণ্ডের মিল্টনের জায় ভবানীপ্রসাদের বঙ্গে সমাদর দূরের কথা, এইরূপ একজন জন্মাক্ত কবি যে বাঙ্গালা ভাষায় একখানি কাব্য লিখিয়াছেন, বাঙ্গালী বলিয়া পরিচয় দিয়াও আমরা অনেকে তাহার সন্ধান রাখি না।

“ভবানী-মঙ্গল” গ্রন্থখানি প্রধানতঃ মার্কণ্ডেয় পুরাণান্তর্গত ‘চণ্ডী’ অবলম্বনে লিখিত। অনেক স্থানে ঠিক আক্ষরিক অনুবাদ আছে। বাঙ্গালা ভাষায় শক্তির মাহাত্ম্য প্রকাশক অনেকগুলি ‘চণ্ডী’ কাব্য দেখা যায়। মাণিকদত্ত বোধ হয় এইরূপ চণ্ডী কাব্যের প্রথম রচয়িতা। মাণিক দত্তকে অনেকে খৃষ্টীয় ত্রয়োদশ শতাব্দীর লোক বলিয়া অনুমান করেন [ বঙ্গ-সাহিত্য-পরিচয়, ৩০০ পৃঃ ]। পরে হরিরাম, মাধবাচার্য্য, মুকুন্দরাম, ভারতচন্দ্র প্রমুখ অনেকে দেবী-মাহাত্ম্য অবলম্বন করিয়া চণ্ডীকাব্য প্রণয়ন করিয়াছেন। কিন্তু ভবানীপ্রসাদের “ভবানী-মঙ্গলে”র বিশেষত্ব এই যে, ইহাতে দেবীমাহাত্ম্য প্রকাশক পৌরাণিক কথা অমুস্ত হইয়াছে এবং গ্রন্থের উপক্রম ও উপসংহারে গ্রন্থকার রামচন্দ্রের দুর্গোৎসব ও আগমনী-বিজয়ার কাহিনী সংযোজন করিয়াছেন।

কবি ভবানীপ্রসাদ প্রধানতঃ চণ্ডী-মাহাত্ম্য প্রকাশ করিলেও গ্রন্থের আরম্ভভাগে স্ককৌশলে রামচন্দ্রের দুর্গোৎসব ও গৌরীর পিতৃগৃহে যাত্রার কথা বর্ণন করিয়াছেন। বাঙ্গালীকীয় রামায়ণে রামচন্দ্রের দুর্গোৎসবের উল্লেখ না থাকিলেও এ ঘটনা যে পুরাণ-সম্মত,

“রাবণশু বধার্থায় রামশাস্ত্রগ্রহায় চ

অকালে ব্রহ্মণা বোধো দেব্যাত্মনি কৃতঃ পুরা।”

ইত্যাদি “কালিকাপুরাণে”র বচনই তাহার প্রমাণ।

কবি ভবানীপ্রসাদ এই ভাবে গ্রন্থের আরম্ভ করিয়াছেন যে, রাম ও লক্ষ্মণ সমুদ্রতীরে ধর্মুর্কীগহস্তে বসিয়া আছেন, চারিদিকে সুর্য্যবাদি বানরেরা উপবিষ্ট—

“চৌদিকে বানরমধ্যে বৈসে রঘুবর।

নক্ষত্রবেষ্টিত যেন পূর্ণ শশধর ॥

রামচন্দ্র বসিয়াছে পাতি মৃগছাল।

বীরগণ বসিলা ভাজিয়া বৃক্ষডাল ॥”

কিন্তু তখন পর্য্যন্ত সমুদ্রবন্ধনের কোনই আয়োজন হয় নাই। তাই,—

“সুর্য্যবীর স্থানে রাম জিজ্ঞাসে বচন।

সমুদ্র তরিতে মিতা করহ যতন ॥

ছরস্ত সমুদ্র ঘোর নাহি কুলস্থল।

যথা দৃষ্টি চলে তথা দেখি মাত্র জল ॥

দেবরথ নাহি চলে যাহার উপর।

কি মতে তাহাতে পার হইবে বানর ॥

সমুদ্র নহিবে বাধা রাবণ সংহার।

করিতে না পারি আমি সীতার উদ্ধার ॥

রাবণ বধিয়া সীতা উদ্ধারিতে নারি।

অবশ্য ত্যজিব প্রাণ অনলেতে পড়ি ॥

কোন্ মুখে যাব আমি অযোধ্যা নগরে।

কি কথা কহিব গিয়া ভরত গোচরে ॥”

—এই ভাবে রামচন্দ্র অনেক বিলাপ করিলেন। পূর্বপুরুষের কীর্ত্তি-কথা স্মরণ করিয়া তিনি বলিলেন,—

“পূর্ব হৃদ্যবংশে ছিল সগর রাজন।

সমুদ্র তাঁহার কীর্ত্তি জানে সর্বজন ॥

তদন্তরে জন্মেছিল ভগীরথ নাম।

গঙ্গা আনি পৃথিবী করিলা পরিত্রাণ ॥

অপরে জন্মিল গাধি রাজার নন্দন।

কৃত্রিম শরীরে তেঁহো হইলা ব্রাহ্মণ ॥

পৃথিবী বিখ্যাত সেহি বিশ্বামিত্র ঋষি।

তপোবলে চণ্ডালীকে কৈলা স্বর্গবাসী ॥

দশরথ মহারাজা বিখ্যাত ভুবনে।

শনিকে করিলা জয় নিজ বাহুরণে ॥

সেহি বংশে জন্মিলাম মুই কুলাঙ্গার।

নারী রাখিবারে শক্তি না হৈল আমার ॥”

রামচন্দ্র আর বলিতে পারিলেন না, তাঁহার চক্ষু বাষ্পাকুল হইয়া উঠিল।

সুর্য্যব নীরবে চিন্তা করিতে লাগিল; কি উত্তর দিবে, ভাবিয়া পাইল না।

“হেন কালে জাম্বুবানু কহে আগ হইয়া ॥

যোড় হাত হৈয়া জাম্বুবানু কহে বাদ।

নিবেদন করি প্রভু শুন রঘুনাথ ॥

যে মতে সমুদ্র প্রভু হইবে দমন।

যে মতে হইবে রাম রাবণ নিধন ॥



যে মতে করিবা তুমি সীতার উদ্ধার ।

মন দিয়া শুন প্রভু রঘুর কুমার ॥”—

মহামুনি অগস্ত্য এক অঞ্জলিতে সমুদ্র পান করিয়াছিলেন, তাঁহাকে আনিয়া সমুদ্র শোষণের ব্যবস্থা করুন। তাহা হইলে অনায়াসে লঙ্কায় গিয়া রাবণকে বধ করিতে পারিবেন এবং সীতার উদ্ধার হইবে।

“স্বরগ করহ মুনি আসিবে নিশ্চয় ॥”

অগস্ত্য মুনি আসিলে রাম তাঁহাকে সীতাহরণের সমস্ত বৃত্তান্ত বলিয়া সীতার উদ্ধারের জন্ত আর একবার সমুদ্র পান করিতে অনুরোধ করিলেন। কিন্তু মুনি বলিলেন,—

“পুনঃ পুনঃ নীর পান উচিত না হয়।

অপরাধ বিনে কিছু পুণ্যানাশ হয় ॥”—

আপনি অশ্বিকার পূজা করুন, তাহাতেই আপনার মনোরথ সিদ্ধ হইবে।—

“শুন রাম অভয়া চরণ কর সার।

রাবণ বধিয়া কর সীতার উদ্ধার ॥”

রামচন্দ্র তখন ছর্গার মাধ্যম্য ও পূজার বিধিব্যবস্থা জানিতে চাহিলেন।

মুনি, পূজার ব্যবস্থা সম্বন্ধে বলিলেন,—

“বসন্তে করিল পূজা সুরথ রাজন।

সেহি মতে কর পূজা অকাল আশ্বিন ॥

দশভুজা মহিষমর্দিনী রূপধারী।

সেহি মতে কর পূজা তুমি নরহরি ॥

কৃষ্ণপক্ষ নবম্যাদি দশপঞ্চ দিনে।

প্রতিপদ আদি করি পূজে কোন জনে ॥

ষষ্ঠী আদি কল্প আছে পূজার বিধান।

তিন মত পূজা আছে শুনহ শ্রীরাম ॥

প্রতিমা করিয়া পূজা করে কোন জন।

কেহ কেহ করে পূজা কুন্তেতে স্থাপন ॥

পত্রিকা স্থাপিয়া কেহ পূজে নারায়ণী।

তিন মত পূজা এহি শুন রঘুমণি ॥”

অগস্ত্য ইহার পর দক্ষকর্তৃক শিব-অপমানে সতীর দেহত্যাগ, হিমালয়ের গৃহে তাঁহার জন্ম, বিবাহ ও কৈলাসে অবস্থিতির বর্ণন করিয়া বলিলেন,—

“একদিন নিশিষে মেনকা সুন্দরী।

স্বপনে দেখিলা রাণী সিন্ধরে প্রাণগৌরী ॥”

এইভাবে প্রসঙ্গক্রমে কবি ভবানীপ্রসাদ ‘আগমনী’র উপাখ্যান উত্থাপন করিয়াছেন।

রাণী মেনকা স্বপ্নে কন্তাকে দেখিয়া তাহাকে হিমালয়ে আনিবার জন্ত অস্থির হইয়া উঠিলেন। পিতামাতার আজ্ঞায় মৈনাক, ভগিনীকে আনিবার জন্ত কৈলাস যাত্রা করিলেন।

মৈনাক শিবকে প্রণাম ও স্তব করিয়া বলিলেন,—

“বিবাহের সূত্র করে গৌরী আলা তব ঘরে

না দেখিয়া মরে হিমগিরি ॥

না দেখিয়া চাঁদমুখ বিদরে মায়ের বুক

গৌরী ছাড়ি দেও শূলপাণি।

যদি নাহি কৃপা কর শুন প্রভু মহেশ্বর

তবে মরে জনক জননী ॥”

গৌরীকে পিত্রালয়ে লইয়া যাইবার প্রস্তাবে শিবের দক্ষযজ্ঞের সেই অক্ষুদ ঘটনা মনে পড়িল। তাই তিনি মৈনাকের অনুরোধ শুনিয়া নীরবে রহিলেন।—

মৈনাকের স্তব শুনিয়া মহেশ্বর।

মৌন হইয়া রহিল কিছু না দিল উত্তর ॥”

গৌরী অদূরেই ছিলেন, তাঁহার—

“ভাইক দেখি মনে পৈল জনক জননী।

মৈনাকের হাতে ধরি বলে প্রিয়বাণী ॥

কহ ত মৈনাক ভাই কহ সমাচার।

কুশলে আছেন পিতা জননী আমার ॥”

মৈনাক বলিলেন,—

“——— দেবি কি কহিব আর।

তোমা বিনে গিরিপুর হইয়াছে অন্ধকার ॥”

তাই তিনি গৌরীকে যাইবার জন্ত বিশেষভাবে অনুরোধ করিলেন,—এমন কি, শেষে বলিলেন,—

“যদি না যাইবা তুমি আমার ভুবন।

তোমা বিনে বাপ মায় তেজিবে জীবন ॥”

পিতামাতাকে দেখিবার জন্ত গৌরীর হৃদয় উদ্বেল হইয়া উঠিলেও তিনি স্বাধীন-প্রকৃতি রমণীগণের ত্রাণ উচ্ছলতা প্রকাশ করিলেন না—

“পার্কীতী বোলেন ভাই শোন সমাচার।

আমার হইল ইচ্ছা মাতা দেখিবার ॥

শঙ্করের বিনা আজ্ঞা যাইব কি মতে ॥”

পিত্রালয়ে যাইবার অমুমতি পাইবার জন্ত গৌরী শঙ্করের কাছে অনেক অমুনয় বিনয় করিলেন। কিন্তু—

“শঙ্কর বোলেন তোমায় না দিব বিদায় ।  
দক্ষ-অপমান দেবি মোর মনে ভয় ॥  
আর বার যাইতে চাহ বাপের ভুবন ।  
কৈলাস ছাড়িবা বৃষ্টি হেন লয় মন ॥”

দেবী কহিলেন,—

“——শুন শ্রুত করি নিবেদন ।  
পূজা লইবার যাই পিতার ভুবন ॥  
তথা থাকি ত্রৈলোক্যের লইব পূজন ।  
যাওয়ার কারণ এহি শুন পঞ্চানন ॥  
যজ্ঞী আদি কল্প করি নবমীর দিনে ।  
কৈলাসে আসিব পুন দশমী বিহানে ॥”

এইভাবে শিবকে বুঝাইয়া কেবল চারিদিনের জন্ত দেবী উমা বিদায় লইলেন। তখন—

“শিখিপৃষ্ঠে কাষ্ঠিক মুষিকে গজানন ।  
জয়া বিজয়া আদি যত সখীগণ ॥  
চলিলা ডাকিনী আর যতেক শাখিনী ।  
সঙ্গতি চলিলা তবে চৌষটি যোগিনী ॥  
নাচিয়া গাইয়া চলে বেতাল ভৈরব ।  
গাল বাজাইয়া করে হর হর রব ॥”

ইহার মধ্যে একজন আসিয়া হিমালয়ে সংবাদ দিল যে, মৈনাক, উমাকে লইয়া আসিতেছে। মৈনকা পথ চাহিয়া ছিলেন, কাজেই—

“গৌরী আইল হেন কথা মৈনকা শুনিয়া ।  
আরোপিল পূর্ণ কুস্ত্র দুর্কা ধাত্ত লইয়া ॥  
প্রতি ঘরে আলিপন স্নগন্ধি চন্দন ।  
স্নগন্ধি খড়্গ ধূপে কৈল আমোদন ॥  
ঘরের উপরে সব নেতের পতাকা ।  
দেখি (য়া) আনন্দ বড় হইল মৈনকা ॥  
ষোড়শী বয়সী যত পর্কতকুমারী ।  
থরে থরে দাঁড়াইল হইয়া সারি সারি ॥  
কার হাতে আছে ( শ্বেত ) চন্দনের খুরী ।  
কাহার হাতেতে জলে রতন দিয়ারী ॥”

গৌরীর শুভাগমনে এইভাবে হিমালয়, উৎসবে পরিপূর্ণ হইল। অনেক দিন পরে সস্তানের দেখা পাইয়া মৈনকার

অন্তঃকরণ, বাৎসল্য-রসের সুখা-ধারায় ভরিয়া উঠিল। তিনি বলিতে লাগিলেন,—

“বহুদিনে দেখিলাম গৌরীর বদন ।  
নিজ্জীব শরীরে যেন সঞ্চারে জীবন ॥  
যে অবধি হর নিকেতনে গেলা চলি ।  
তদবধি আছি মাগো মা ডাকের কাল্মাণী ॥  
পুন যদি দয়া করি আসিলা অভয়া ।  
জনম সফল করি ডাক মা বলিয়া ॥  
এত বলি গৌরীকে লইয়া নিজ ঘরে চলে ।  
খট্টাতে বসিয়া চাঁদমুখ নেহালে ॥”

গৌরী শঙ্করের নিকট বলিয়া আসিয়াছিলেন,—

‘পূজা লইবারে যাই পিতার ভুবন ॥  
তথা থাকি ত্রৈলোক্যের লইব পূজন ।’

তা’ই,—

“কত কত দশভূজা হইলা পার্কটী ॥  
হিমালয় পর্কতে বসিয়া দশভূজা ।  
তথা বসি লইলেন ত্রৈলোক্যের পূজা ॥  
দশভূজা মহিষমর্দিনীরূপ ধরি ।  
স্বর্গমর্ত পাতালে চলিলা মহেশ্বরী ॥”

এইখানে শ্রীরামচন্দ্র, অগস্ত্য মুনিকে প্রশ্ন করিলেন,—

“দশভূজা মূর্তি দেবী হইলা কি কারণ ॥

... ..

কেমন মহিমা তাঁর কি মত আচার ।

বিশেষিয়া কহ মুনি করিয়া বিস্তার ॥”

মুনি কহিলেন,—

চারি বেদে আগমে পুরাণে গুণ গায় ।  
ব্রহ্মা আদি দেবে যার অন্ত নাহি পায় ॥  
বিধি বিষ্ণু অগোচর ত্রিগুণ-জননী ।  
নিরঞ্জন নিরাকার সাকাররূপিণী ॥  
মনোভূত দর্পহরি ( ? ) দিতে নারে সীমা ।  
কি কহিতে পারি আমি তাঁহার মহিমা ॥  
যে মত শুনেছি রাম মার্কণ্ড পুরাণে ।  
সেহি কথা কহি কিছু তোমা বিদ্যমানে ॥”

এইভাবে উপক্রম করিয়া কবি ভবানীপ্রসাদ অগস্ত্য মুনির মুখে সমস্ত “চণ্ডীর” ভাবানুবাদ প্রকাশ করিয়াছেন। এই অনুবাদের মধ্যেও মাধুর্য আছে।

“যা দেবী সর্বভূতেষু বুদ্ধিরূপেন সংস্থিতা ।  
নমস্তুৈশ্চ নমস্তুৈশ্চ নমস্তুৈশ্চ নমোনমঃ ॥”

ইত্যাদি দেবীস্তুতির অন্তর্ভুক্তি কবি লিখিয়াছেন,—

“যেহি দেবী বুদ্ধিরূপে সর্বভূতে থাকে ।  
নমস্কার নমস্কার নমস্কার তাকে ॥

যেহি দেবী লজ্জারূপে সর্বভূতে থাকে ।  
নমস্কার নমস্কার নমস্কার তাকে ॥

যেহি দেবী ক্ষুধারূপে সর্বভূতে থাকে ।  
নমস্কার নমস্কার নমস্কার তাকে ॥

... ..

জাতিরূপে জাতিভেদ কবে যেহি জনে ।

তিনবার নমস্কার তাঁহার চরণে ॥”

দেবী-মাহাত্ম্য প্রকাশক ‘চণ্ডী’ গুনিয়া—

“যোড়হাতে পুছে রাম মূনির গোচর ।  
কি কার্য্য করিব এখন কহ মূনিবর ॥”

তখন—

“অগস্ত্যা বোলেন রাম কর অবধান ।  
কহিনু তোমাকে যেহি পূজার বিধান ॥

মুমুর্ষী দশভূজা করিয়া নিৰ্ম্মাণ ।  
ভক্তিতে করহ পূজা সিদ্ধি হবে কাম ॥

... ..

সমুদ্র হইবে বান্ধা রাবণ সংহার ।  
হেলায় করিবা রাম সীতার উদ্ধার ॥”

কিন্তু এক সমগ্র উপস্থিত হইল, প্রতিমা নিৰ্ম্মাণ করিবে কে ? সুগ্রীব বলিলেন, নল নীল, বিশ্বকস্মার পুত্র ;—

“তাহারা করিতে পারে প্রতিমা গঠন ।—

আমি সবে করি অত্র দ্রব্যের আয়োজন ॥”

নল নীল যে দেবী প্রতিমা গড়িল, কবি তাহার বর্ণনায় লিখিয়াছেন,—

“বদন শারদ ইন্দু কি মোহন শোভা ।

ইন্দীবর জিনি ছই লোচনের আভা ॥

মৃগমদ চর্চিত তিলক বিন্দু বিন্দু ।

হেরিয়া লজ্জিত তাহে শরতের ইন্দু ॥

ধগচঞ্চু নামাতে বেসর মুক্তাফল ।

রতন নুপুর পদে করে ঝলমল ॥

শ্রুতিমূলে কর্ণফুলে তপ্ত হেমচাকী ।

নীলপদ্মে স্বর্ণভূজ করে ঝিকিমিকি ॥

চাঁচর কেশের বেণী পবনে দোলায় ।

নীল মেঘেতে যেন বিহ্বল খেলায় ॥

... ..

অতর্কি কুমুম জিনি অঙ্গের বরণ ।

নির্ম্মাইল দশভূজ মৃগাল যেমন ॥

... ..

মহিষের স্বন্ধে বামপদ আরোহণ ।

সিংহের পৃষ্ঠেতে দিল দক্ষিণ চরণ ॥

... ..

বামহাতে ধরে দেবী অসুরের চুল ।

দক্ষিণ হস্তেতে বুকে হানিছে ত্রিশূল ॥

... ..

দক্ষিণে জলদিস্তা বামে সরস্বতী ।

নস্তক উপরে নিলা বৃষে পশুপতি ॥

ডাহিনেতে গণপতি বামে ষড়্ভাঙ্গন ।

ময়ূব বাহনে অতি দেখিতে শোভন ॥

এহি মতে করিলেন প্রতিমা গঠন ।

দেখি আনন্দিত হৈল যত দেবগণ ॥”

প্রতিমা গঠিত হইলে—

“বানরেরে আঞ্জা দিলা কমল লোচন ।

আনিল পূজার দ্রব্য করি আয়োজন ॥

তবে পূজা আরম্ভিলা রাম নরহরি ।

পুরোহিত হৈলা ব্রহ্মা হাতে কুশ করি ॥”

তারপর বাঙ্গালীর দুর্গোৎসবের রীতিতে ষষ্ঠীতে বোধন, বিষ্ণুবরণ, অধিবাস, সপ্তমীতে পত্রিকা প্রবেশ, মাষভক্তবলি, মগধান, প্রাণপ্রতিষ্ঠা, সামান্তার্য্য স্থাপন, গণেশাদি দেবতার পূজা, অঙ্গস্তাসাদি ধ্যান, মানসোপচারে পূজা ও পুনর্কার ধ্যানের পর—

“মুমুম্ব উচ্চারণ করি রঘুমণি ।

ষোল উপচারে পূজা করে নারায়ণী ।”

ষোড়শ উপচারের ক্রমও কবি সুন্দর ভাষায় বর্ণন করিয়াছেন ;—

“রজত আসন পূর্বে দিলা রঘুনাথ ।

স্বাগত বচন কহে করি প্রণিপাত ॥

পুন আচমনী দিয়া করাইলা স্নান ।  
 বিচিত্র বসন দিলা কাঞ্জে নিশ্চাণ ॥  
 কাঞ্জে নিশ্চিত জত দিলা আভরণ ।  
 সুগন্ধি চন্দন রাম কৈলা সমর্পণ ॥  
 লক্ষ লক্ষ নীল পদ্ম চন্দনে মাখিয়া ।  
 অভয়্যার পদে রাম দিলা সমর্পিয়া ॥”

এইভাবে ধূপ দীপ নৈবেদ্যাদি নিবেদনান্তে প্রতিমাস্থ দেবতার  
 পূজা, আচরণ পূজা করিয়া—

“পূজা সমাপিলা রাম সপ্তমীর দিনে ॥”

সপ্তমীর ত্রায় অষ্টমী নবমীতেও বিধিমত পূজা হইল । তিন  
 দিনই ছাগ মহিষাদি বহু বলির ব্যবস্থা ছিল । বলির অস্তে—

“সমাংস কৃধির রাম করে সমর্পণ ॥”

পূজা সাক্ষ করিয়া রাম হোম আরম্ভ করিলেন—

“নবীন শ্রীফল-পত্র ঘূতেতে মাখিয়া ।

অগ্নিমধ্যে দিলা তাক মূল উচ্চারিয়া ॥”

রামচন্দ্রের এই পূজারূপ তপশ্চার্য দেবী তুষ্ট হইলেন ।  
 দেবী বর দিতে প্রস্তুত হইলে রামচন্দ্র বহু স্তুতি করিয়া  
 কহিলেন,—

“যদি বর দিবা তুমি নিবেদন করি আমি

বর দেহ কাটি দশস্কন্ধ ।

পার হইয়া যাই তথা, উদ্ধার করিব সীতা

হেলায় সাগর হয় বন্ধ ॥”

দেবী বর দিলেন । রামচন্দ্র আর একটা বর প্রার্থনা করিয়া  
 লইলেন,—এই অকাল আশ্বিন মাসে—

“ভক্তি করি এহি পূজা করিবে যেহি জন ।

যার যেহি বাঞ্ছা সিদ্ধি হইবে তখন ॥”

দেবী অস্তুর্হিত হইলে রাম বিজয়া দশমীর প্রাতঃকালে  
 নিশ্চাল্যবাসিনীর পূজা করিয়া বিসর্জন করিলেন ।

এইবারে কবি আবার কোশলে বিজয়ার অবতারণা  
 করিয়াছেন ।

“নবমী যামিনী যদি হৈল অবসান ।

কৈলাসেতে উচ্চাটন শঙ্করের প্রাণ ॥”

মহাদেবের আজ্ঞায় নন্দী বৃষ সাজাইয়া আনিল । শিব  
 তাহাতে আরোহণ করিয়া নন্দী ভূঙ্গী প্রভৃতি অমুচরবর্গে  
 পরিবৃত হইয়া গোৱী আনিতে হিমাচলে চলিলেন । শঙ্কর  
 সপারিষদে হিমালয়ে উপস্থিত হইলে—

“মেনকার দেখি শিব উড়িল জীবন ।

গৌরী নিতে আইল শিব বুঝিলা তখন ॥”

রাণী মেনকা কাঁদিয়া বুক ভাসাইতে লাগিলেন । গিরিরাজ  
 অস্থির হইয়া উঠিলেন । ‘আবার এক বৎসর পরে অবশ্য  
 আসিব’—

“এহি বলি বাপ মাএ করিয়া আশ্বাস ।

শিবের সঙ্গেতে দেবী চলিলা কৈলাস ॥”

গিরিপুর অন্ধকার হইল ।—সংক্ষেপে গ্রন্থের আখ্যান-বস্তু  
 এইরূপ ।

গ্রন্থকার ভবানীপ্রসাদ, জন্মান্দ, ইহা তিনি এই গ্রন্থ  
 মধ্যেই একাধিক স্থলে উল্লেখ করিয়াছেন ।—

“ভবানীপ্রসাদ বলে ভবানীর পায় ।

“জন্ম অন্ধ ভগবতি কৈরাছ আমার ॥”—( ১১৩ পৃঃ )

“জন্ম অন্ধ বিধাতা যে করিলা আমারে ।

অন্ধুর পরিচয় নাহি লিখিবার তরে ॥”—( ১৩৭ পৃঃ )

“ভবানীপ্রসাদ রায় ভাবিয়া ব্যাকুল ।

চক্ষুহীন কৈলা বিধি নাহি পাই কুল ॥”—( ১৫৪ পৃঃ )

“জন্মকাল হৈতে কালী করিলা দুঃখিত ।

চক্ষুহীন করি বিধি করিলা লিখিত ॥”—( ২০০ পৃঃ )

কবি অন্ধ হইলেও তাঁহার ঐকান্তিক ভক্তি, তাঁহাকে  
 গ্রন্থ রচনায় প্ররোচিত করিয়াছিল । তক্ত কবি লিখিয়াছেন,—

“জ্ঞানহীন বুদ্ধিহীন বটি জন্ম অন্ধ ।

শরীরে ত নাহি মোর শাস্ত্রের প্রসঙ্গ ॥

ভাল মন্দ দোষগুণ নাহিক বিচার ।

স্বপনে কহিলা মাতা ভাষা রচিবার ॥

কণ্ঠে থাকি ভগবতী যে কহিলা বাণী ।

তাহা প্রকাশিলু আমি অগ্র নাহি জানি ॥”—( ১৪ পৃঃ )

ইহা প্রকৃত বিদ্বানের বিনয়-বাণী—যথার্থ ভক্তের আত্ম-  
 নিবেদন । কবির অন্ধুর-পরিচয় না থাকিলেও শাস্ত্র-শ্রবণ  
 ছিল । এই ‘শ্রবণের’ পর তিনি যে অনন্তচিন্তে ‘মনন’ ও  
 ‘নিদিধ্যাসন’ করিয়াছিলেন, সে পরিচয়, গ্রন্থের অনেক  
 স্থানেই আছে । কবি যে ভাবে ভগবতীর রূপ বর্ণনা  
 করিয়াছেন ও পূজাপদ্ধতির যেরূপ বিবরণ দিয়াছেন, তাহাতে  
 তাঁহাকে একজন উচ্চশ্রেণীর সাধক বলিয়াই মনে হয় ।

প্রত্যেক দেশের সাহিত্য পাঠ করিলে সেই দেশের  
 জাতীয় প্রকৃতির পরিচয় পাওয়া যায় । সাহিত্য, সমাজের

দর্পণ। বৈদেশিক সাহিত্যের প্লাবনের মধ্যে পড়িয়া বাঙ্গালীর জাতীয় প্রকৃতি সঙ্কুচিত হইয়াছে, স্বীকার করিলেও তাহা যে বিনুপ্ত হয় নাই, তাহার প্রকৃষ্ট প্রমাণ, আজও বাঙ্গালীর অন্তঃপুরে রামায়ণ মহাভারতের কথকতা, চণ্ডীর গান, পদাবলীর কীর্ত্তন সিংহাসন পাতিয়া বসিয়া আছে। যাহারা এই সকল সাহিত্যকে অতিপ্রাকৃত বলিয়া তিরস্কার করেন, তাঁহাদিগকে কবি রবীন্দ্রনাথের—

“অন্ধাধীন পাঠকেরা বলিতে পারেন, এমন অবস্থায় চরিত্র বর্ণনা অতিশয়োক্তিতে পরিণত হইয়া উঠে। যথায়থের সীমা কোন্‌ খানে এবং কল্পনার কোন্‌ সীমা লঙ্ঘন করিলে কাব্যকলা অতিশয়ে গিয়া পৌঁছে এক কথায় তাহার মীমাংসা হইতে পারে না।……প্রকৃতিভেদে একের কাছে যাহা অতিপ্রাকৃত, অন্নের কাছে তাহাই প্রকৃত।”—[ প্রাচীন সাহিত্য ]

—এই উক্তি স্মরণ করিতে বলি।

আচার্য্য কৃষ্ণকমল ভট্টাচার্য্য সেকালের আগমনী-গীতি উদ্ধৃত করিয়া বলিয়াছিলেন,—“কলতঃ যদি প্রকৃত বাঙ্গালা ভাষার রীতির নমুনা দেখিতে হয় তাহা হইলে দু পাঁচজন পুরাতন গ্রন্থকারের রচনা ভিন্ন আর কুত্রাপি দেখিতে পাওয়া যাইবে না।……একটি গান আমার মুখস্থ আছে, সেটি হাটে বাজারে ভিখারীরা গাহিয়া ছ’ এক পয়সা উপার্জন করে। সেই ১০।১২ পংক্তির মধ্যে প্রকৃত বাঙ্গালা রীতির এত নমুনা দেখিতে পাওয়া যায় যে, এখনকার তর্জমা করা আধা : ইংরাজী লেখা যাহাদিগের অভ্যাস হইয়া গিয়াছে তাঁহাদের সর্বদা সেই ১০।১২ পংক্তি চক্ষুর সম্মুখে রাখা মন্দ নহে।……এমন সরল ভক্ত গাঁটা বাঙ্গালী কবি এখন আর জন্মে না কেন ?”—[ পুরাতন প্রসঙ্গ ]।

তবে কি বাঙ্গালা সাহিত্য চিরকালই এক ভাবে থাকিবে ? বিদেশ হইতে বৈভব সংগ্রহ করিয়া তাহার পরিপূষ্টির চেষ্টা কি অসম্ভব ? ইহার উত্তরে বন্ধুবর অধ্যাপক শ্রীযুক্ত অনুকুলচন্দ্র মুখোপাধ্যায় এম-এ, “প্রবন্ধ-পঞ্চক” পুস্তকের সমালোচনা-প্রসঙ্গে যাহা বলিয়াছিলেন, তাহারই পুনরুক্তি করিব। তিনি লিখিয়াছিলেন,—

“……পরিবর্তন ও পরিপূষ্টি এক জিনিষ নয়। যে সকল বাহ্য উপকরণের দ্বারা সাধারণতঃ শরীর পরিপূষ্ট হয়, অন্তর্হিত শক্তি রূপান্তরিত হইলে সেই উপকরণগুলিই আবার

অস্বাস্থ্যকর হইয়া পড়ে। স্বাস্থ্যের জন্ত বাহ্য উপকরণগুলি অবশ্য প্রয়োজনীয় ; কিন্তু কেবলমাত্র পুষ্টিকর খাদ্য স্তূপীকৃত করিলেই তাহারা নিজ হইতে রক্ত-মাংসে পরিণত হইতে পারে না। যে আভ্যন্তরীণ শক্তিটি এই পরিণতির মূল কারণ, সেই শক্তি যত দিন অটুট থাকে, তত দিনই বাহ্যবস্ত্র মঙ্গলের আকর হয়। কিন্তু যখন অনভ্যন্ত বৈদেশিক বস্ত্র চাপে ঐ সমীকরণী শক্তি নষ্ট হয়,—তখন সেই বস্ত্রই অনিষ্টের মূল হইয়া পড়ে। তেমনই সাহিত্যের উন্নতি ও পুষ্টিসাধনের জন্ত বহির্জগতের সঙ্গে আদান প্রদানের দ্বার উন্মুক্তই রাখিতে হইবে ; কারণ, বন্ধ মন্দিরে রস-লহরীর বিচিত্র লীলার অবসর হয় না। কিন্তু কেবল বৈচিত্র্য-লালসায় রস-মন্দিরের অধিষ্ঠাত্রী দেবীর মর্যাদা লঙ্ঘন করিলে সেখানে আর জাতীয় সাহিত্যের প্রাণ খুঁজিয়া পাওয়া যায় না। আধুনিক বঙ্গ-সাহিত্যকে চণ্ডীদাস বা দাশরথির ছাঁচে ঢালা সম্ভবপর নয়, বাঞ্ছনীয়ও নয়। কিন্তু এ কথা ভুলিলেও চলিবে না যে, বৈদেশিক পদ্ধতির অনুকরণ করিলেই তাহা বঙ্গসাহিত্য হইবে না ; বিদেশী সাহিত্যের বাঙ্গালা সংস্করণ ও বিদেশী ভাবে পরিপূষ্ট বঙ্গসাহিত্য এক জিনিষ নয়। যখন আমরা বঙ্গ-দেশের সঙ্কীর্ণ গণ্ডী ছাড়াইয়া সাহিত্যকে বিশ্বক্ষেত্রে টানিয়া লইতে চাই, তখন এ কথাটি মনে রাখা কর্তব্য যে, বাঙ্গালা বিশ্বের বাহিরে নাই, ব্যষ্টির বিশিষ্টতাকে নষ্ট করিয়া যে বিশ্বের রচনা করা হয় তাহা সঙ্কীর্ণ বিশ্ব অর্থাৎ বন্ধ্যাপুলের গ্রাম অলীক।”—[ বঙ্গসাহিত্য ১ম বর্ষ ৩য় খণ্ড ]

“ভূর্গামঙ্গলে”র কবি ভবানীপ্রসাদের পিতার নাম নয়ন কৃষ্ণ রায়। ইঁহার জাতিতে বৈষ্ণব, উপাধি কর রায়। আটগা পরগণায় কাটালিয়া গ্রামে কবির নিবাস। পিতা মাতা কবির অল্প বয়সেই লোকান্তরিত হন। এই সকল কথা তিনি গ্রন্থের নানা স্থানে নিজেই প্রকাশ করিয়াছেন। তাহা উদ্ধৃত করিয়া আর প্রবন্ধের কলেবর বৃদ্ধি করিব না।

কবি জন্মস্থী ছিলেন। তিনি নিজের জীবনের যে পরিচয় দিয়াছেন, তাহাতে জানিতে পারা যায় যে, তাঁহার জ্ঞাতিব্রাতা কালীনাথ তাঁহাকে আদর-যত্ন করিতেন ; কিন্তু কালীনাথের পুত্র দুইটি—বিশেষতঃ কনিষ্ঠ পুত্রটি স্বায় দুশ্চরিত্রতার জন্ত জন্মাক পিতৃব্যের প্রতি বড়ই অসদ্ব্যবহার করিত। সে ব্যবহার এতই অসহনীয় হইয়াছিল যে, কবি

গ্রন্থে পর্য্যন্ত তাহার উল্লেখ করিয়া ইষ্টদেবীর কাছে জানাইয়াছেন,—

“এহি দুঃখে কালী মোরে রাখিলা সনায় ।  
তোমার চরণ বিনা না দেখি উপায় ॥  
দুঃস্থ হাত হৈতে কালি কর অব্যাহতি ।  
তুমি না তরাইলে মোর হবে অদোগতি ॥  
মনে ভাবি তোমার পদ করিয়াছি সার ।  
এ দুঃস্থের হাত হৈতে করহ উদ্ধার ॥  
আমি অঙ্গক্রিয়াহীন না দেখি উপায় ।  
শরণ লৈয়াছি মাতা তব রাজ্য পায় ॥”

( ২০১—২ পৃঃ )

“বঙ্গভাষা ও সাহিত্যের” লেখক তাঁহার এই স্বজাতি কবির প্রতি স্মৃতিচারণ করেন নাই। তাঁহার লেখার ভাবে মনে হয়, তিনি অন্ধ কবির এই আক্ষেপোক্তিতে বিশ্বাস স্থাপন করিতে প্রস্তুত নহেন। তাঁহার ধারণা, “কবি স্বীয় পারিবারিক বিবেচনায় বশতঃ গ্রন্থের মুখবন্ধ নির্ধারণ সুযোগ লইয়া অপরের গ্লানি” করিয়াছেন। “তজ্জন্ত তাঁহার প্রতি শ্লেষ প্রয়োগ করিয়া আমাদের কবির প্রেতাঙ্ককে রুগ্ন করা সুরুচির পরিচায়ক কিংবা ভূতবোধিত্তে বিশ্বাস করিলে নিরাপদ হইবে না।” ( বঙ্গভাষা ও সাহিত্য ৪৪৫ পৃঃ ) অর্থাৎ ভূতের ভয় না থাকিলে লেখক অন্ধ কবির প্রতি আরও শ্লেষ-বাক্যের প্রয়োগ করিতেন। তথাপি লেখক, কবিকে একেবারে রেহাই দেন নাই,—তাঁহার পণ্ডের মিলের দোষ ধরিয়াছেন। অন্ধ কবি, “কথা” ও “বৈরতা” “রাজন” ও “পরাক্রম” “শ্রীগাম” ও “জাম্বুবান্” “অনুপম” ও “প্রজাগণ” ইত্যাদি মিল কবিয়াছেন। কিন্তু এই অধম মিলের জন্ত অন্ধ কবিকে দোষ দিতে হইলে প্রাচীন প্রায় সমস্ত কাব্যকেই দুঃস্থ বলিতে হয়। “কিন্তু ভবানীপ্রসাদ এই ভাবের যেরূপ ঘন ঘন প্রয়োগ করিয়াছেন, অতীত কোন কবির রচনায় সেরূপ দেখা

যায় নাই।” এ নির্দেশও আমরা সঙ্গত বলিয়া স্বীকার করিয়া লইতে পারিলাম না।

গ্রন্থের প্রথম আবিষ্কারক রসিকচন্দ্র বসু—


“চন্দ্র মুনি \* \* \* আর দিক্ নিয়া সাথে ।

রচিল পুস্তক রায় প্রকাশ করিতে ॥”

গ্রন্থশেষোক্ত এই প্রমাণ অনুসারে ১০৭১ সন বাহির করিয়া কবি ভবানীপ্রসাদকে ১৩০৩ বঙ্গাব্দের প্রবন্ধে দুইশত বর্ষের পূর্ববর্তী বলিয়াছিলেন। “বঙ্গভাষা সাহিত্যের” লেখকও সম্ভবতঃ এই প্রমাণ অনুসারে লিখিয়াছেন,— “ভবানীপ্রসাদ ২৫০ বৎসর পূর্বে জীবিত ছিলেন”; (৪র্থ সংস্করণ)। কিন্তু গ্রন্থ সম্পাদক বোমকেশ মুস্তফী মহাশয় “চন্দ্রমুনি—” শ্লোক উদ্ধৃত করিয়া ভূমিকায় লিখিয়াছেন,—

“এই কবিতার প্রথম চরণে দুইটী বর্ণের সোপ হইয়াছে। আদর্শ পুঁথিতে ঐ স্থান গণিত বা পোকায় কাটা থাকায় রসিক বাবুর প্রতিলিপিতে ঐ স্থানে তারা-চিহ্ন দেওয়া আছে।..... রসিকবাবু ১০৭১ সন ধরিয়া কবিকে দুই শত বর্ষের পূর্বের লোক ধরিয়াছেন; কিন্তু সন কি শকাব্দ, তাহারও স্পষ্ট উল্লেখ না থাকায় তারা-চিহ্ন স্থানে কোন অক্ষবোধক শব্দ ছিল বলিয়া ধরিয়া লইলে উহাকে শকাব্দের অন্ধ না বলিয়া পারা যাইবে না।”

—এই ভাবে আলোচনা করিয়া বোমকেশ বাবু কবিকে ১৪৭১ শকাব্দের লোক স্থির করিয়া তাঁহাকে চৈতন্য যুগের প্রথম শতাব্দির কবি বলিয়াছেন। কিন্তু প্রদর্শিত শ্লোক চইতে ১৪৭১ শকাব্দা কিরূপে বাহির হইল, তাহা আমরা বুঝিতে পারিলাম না। তা’রপর “চন্দ্রমুনি”—ইহার পর অক্ষবোধক শব্দ ছিল স্বীকার করিলে ১০৭১ বা ১৪৭১— এই দুইয়ের মধ্যে কোনও সময়ই বাহির হইতে পারে না। তবে গ্রন্থকারের মঙ্গলচরণে ‘চৈতন্য-বন্দনা’ দেখিয়া তিনি চৈতন্য যুগের পরবর্তী কবি, এইমাত্র জানিতে পারা যায়।



## পথের শেষে

শ্রীপ্রভাবতীদেবী সরস্বতী

(৩)

পূজা আসিয়া পড়িল। সারা বঙ্গ মায়ের আগমনের সাড়া পাইয়া পুলকে ভরিয়া উঠিল। ধনীর সুরম্য হর্ষ্য হইতে দরিদ্রের পর্ণকুটীর—সব স্থানেই আনন্দ বিরাজ করিতে লাগিল। আনন্দময়ীর আগমন উপলক্ষে সকলের মরা প্রাণে জীবন-সঞ্চার হইল। রোগী রোগ-যাতনা ভুলিল, শোক-কাতর শোক ভুলিল।

মৃত বাংলার বৃকে জীবন-সঞ্চারের সময় এই। তাই এ সময় পথে-ঘাটে প্রফুল্ল-মুখ নর-নারীকে দেখিতে পাওয়া যায়। চিরকল্প যে, জীবন বহন করা যাহার পক্ষে একেবারেই হর্ষিবহ, সেও এ সময়ে রোগের যন্ত্রণা ভুলিয়া যায়,—এক বৎসর পরে জগজ্জননী মাতৃমূর্তি দেখিবার আশায় সেও ব্যগ্র হইয়া উঠে।

প্রবাসী এ সময় দেশে ফিরিয়া যায়, আত্মীয়-স্বজনের মুখ দেখিয়া বিদেশবাসের সকল কষ্ট বিস্মৃত হয়। তাহার হৃদয়ে এ সময় বিরাজ করে সুবিমল শান্তি, মুখে ফুটিয়া উঠে আনন্দের দীপ্তি।

মা আসিতেছেন, তাই আকাশ আজ সুনীল। মাঝে মাঝে অতীত বর্ষার স্মৃতি সম হই-এক খণ্ড খেতাকার মেঘ ভাসিতে ভাসিতে আসিয়া আবার ভাসিতে ভাসিতে বহুদূরে

বিলীন হইয়া যাইতেছে। প্রভাতে ঘুম ভাঙিতেই চোখে আসিয়া পড়ে প্রভাতের শান্তন্বিত তরুণ তপনের তরুণ আলোর একটু রেখা,—নির্মল বিপুল আনন্দে হৃদয় পূর্ণ হইয়া উঠে।

পাখীরা শরৎ-গীতি গাহিয়া সেই নীলাকাশের গা বেঁসিয়া দলে দলে উড়িয়া যাইতেছে! গৃহের পার্শ্বে শেফালী ফুলগুলি ফুটিয়া সারারাত মধুর গন্ধ বিকীর্ণ করিয়া এখন প্রভাত-বায়ু-স্পর্শে ঝরিয়া মাটিতে পড়িতেছে,—ঝরাফুলের গন্ধে এখনও চারিদিক প্রাণিত। ছোট ছোট ছেলেমেয়েরা মহানন্দে ফুল কুড়াইয়া বেড়াইতেছে। ছোট পুকুরিণীর ওধারে ঘন বাঁশবন—তাহার মধ্যে অস্ত্র গ্রাছও আছে। পাখীর দল সেই বাঁশবনে নিজেদের স্থান করিয়া গইয়াছে। প্রভাতের তরুণ সূর্যের আলো বাঁশঝাড়ের উপরে আসিয়া পড়িয়াছিল, পাতাগুলি চিকমিক করিতেছিল। ঘন পাতার ফাঁক দিয়া সে আলো এখনও ভিতরে পড়িতে পারে নাই,—ভিতরটা ছায়াপূর্ণ স্নগীতল। একটা সরু বাঁশের আগায় গুটিকত কচি পাতা বাহির হইয়াছিল, তাহাতেই বৃষ্টি বসন্ত-সমাগম-ক্রমে একটা পাপিয়া অনবরত চীৎকার করিতেছিল—চোখ গেল, চোখ গেল; বহুদূর হইতে আর একটা পাপিয়া তাহার প্রত্যুত্তর দিতেছিল।

চিরবসন্ত এই স্থানটীতে বিরাজমান। তেমনি শ্রামল লতা-পাতার জড়াজড়ি, মাতামাতি খেলা; তেমনি পাখীর গান; তেমনি মুহম্মদ বহমান বাতাস। পুষ্করিণীর কালো জলে একটীও পানা ছিল না। বাতাসে পুষ্করিণীর স্থির জলে কুদ্দ কুদ্দ তরঙ্গ উঠিতেছিল। তাহার উপর সূর্যোর আলো আসিয়া পড়িয়া ঝিকিমিকি করিয়া জলিতেছে। পুষ্করিণীর তীরে অবস্থিত কলাগাছের সারি; তাহার ছায়া জলে পড়িয়া তরঙ্গের আঘাতে কাঁপিতেছে।

সত্য একটা ছিপ লইয়া মাছ ধরবার উদ্দেশ্যে ছোট ঘাটের উপর বসিয়াছিল। বাগান ও পুষ্করিণী বিক্রয় করিয়া দিয়াও উপেক্ষনাথ এ গুলি জমা লইয়াছিলেন, কারণ তাহার খিড়কিতে এই পুষ্করিণীটি থাকায় সকল কাজের সুবিধা ছিল। বাড়ীর ঠিক সম্মুখে পথের ধারে একটা বড় ও পরিষ্কার পুষ্করিণী ছিল। তাহাতে যাইতে গেলে সকল লোকের সম্মুখ দিয়া যাওয়া ছাড়া উপায় ছিল না। কাজেই সে পুষ্করিণীতে সদাসৰ্বদা যাওয়া দেবীর পক্ষে বড় কষ্টকর ছিল। এই পুষ্করিণীটি খিড়কিতে থাকায় দেবীর সকল দিকেই সুবিধা ছিল, প্রকাশ্যে বাহির হইবার আবশ্যিকতা তাহার ছিল না। এই পুষ্করিণীটি পথ হইতে দেখা যায় না।

মাছ যে কতবার টোপ খাইয়া পলাইল, তাহার ঠিক নাই। অন্তমনা সত্য চাহিয়া ছিল সেই চিরবসন্তের লীলা-ভূমি বাণবনের দিকে। কত নামজানা পাখী, কত অজ্ঞাত-নামা পাখী সেখানে উড়িতেছে, নাচিতেছে, গান গাহিতেছে, তাহার ইয়ত্তা নাই। এই দৃশ্য দেখিতে বিভোর হইয়া সে ছিপখানা জলে ফেলিয়াই বসিয়া ছিল, অন্ত দিকে তাহার মোটে খেয়ালই ছিল না।

পিছনে ঝন'ৎ করিয়া চাবীর শব্দ হইল। সত্য চমকাইয়া পিছন ফিরিয়া দেখিল, একগোছা বাসন দুই হাতে ধরিয়া দাঁড়াইয়া আছে দেবী। মুখখানা তাহার সম্পূর্ণ উন্মুক্ত, দুই হাত বাসনে যুক্ত থাকায় সে মুখের উপরে অবগুষ্ঠন নামাইয়া দিতে পারে নাই। প্রভাতের তরুণ তপনের কিরণ যুক্ত ভাবেই তাহার সুন্দর মুখখানার উপর আসিয়া পড়িয়াছিল। মূহ বাতাসে তাহার চূর্ণ অলকগুচ্ছ ললাটের উপর অসংযত ভাবে পড়িয়া নাচিতেছিল। অঞ্চলটা যে পিছনে পায়ের তলার পড়িয়া লুটাইতেছিল, সেদিকে তাহার মোটে খেয়াল ছিল না।

মাথার উপর দিয়া একটা পাপিয়া ডাকিয়া উড়িয়া গেল। তাহার চীৎকারে মোহমুগ্ধ সত্যর সংজ্ঞা ফিরিয়া আসিল। সে একটু হাসিয়া নড়িয়া চড়িয়া বলিল, “ঘাটে নামবে, তা নাম। ওই বাসনের গোছা নিয়ে অমন ভাবে আড়ষ্ট হয়ে দাঁড়িয়ে রয়েছ,—কষ্ট হচ্ছে না?”

একটু হাসির রেখা দেবীর মুখে ফুটিয়া উঠিল। সে মুখ অবনত করিয়া ঘাটে নামিয়া বাসন নামাইয়া রাখিল।

সত্য বঁড়শিতে টোপ গাঁথিতে গাঁথিতে বলিল, “কিন্তু বড় বেমানান হয়ে গেল দেবী, জীবন্ত কাব্যটা গড়ে তুলতে তুলতে হঠাৎ মাটা হয়ে গেল। পেছন হতে যদি বাসনের গোছা না নিয়ে আসতে, হঠাৎ যদি পুকুরের ওধারকার বনজঙ্গল ফাঁক করে ওই সাদা জায়গাটার এসে দাঁড়াতে, ওপরের ওই ফুলভরা লতাগুলো বলে যদি তোমার মাথায় বকে বাহুতে লুটিয়ে পড়ত, তবেই ঠিক হতো,—ঠিক যেন বনদেবী আমার মৌন তপস্যার বিচলিতা হয়ে উঠে আর থাকতে না পেলে আমার সামনে ভেসে উঠত।”

দেবী নত হইয়া বা হাতটা ধুইয়া মাথার কাপড়টা একটু নামাইয়া ললাট পর্যন্ত দিতে দিতে বলিল, “আমারই ভুল হয়ে গেছে, তোমার মনের খবরটা জানতে পারি নি। তুমি যে বনদেবীর মূর্তির কথা ভাবছিলে, তা যদি জানতে পারতুম, তা হলে এদিক দিয়ে না এসে ওদিক দিয়ে এসে ঠিক তোমার নির্দেশিত জায়গাতেই দাঁড়াতুম।”

সত্য বিমুগ্ধনেত্রে তাহার সুন্দর মুখখানার পানে তাকাইয়া বলিল, “ঘোমটা আবার টানছো কেন দেবী? দিনের বেলা খোলা মুখ তো কখনই দেখতে পেলুম না! আজ যদিও বা হঠাৎ একটুখানি দেখতে পেলুম, তাও আবার দেড়হাত ঘোমটা টেনে ঢেকে ফেলছো।”

দেবী একটু লজ্জা পাইয়া বলিল, “দেড় হাত? মিথো কথা বলো না, এই তো মাত্র চোখ পর্যন্ত নামিয়েছি।”

সত্য বলিল, “ও-টুকু এখন না দিলেই বা কি ক্ষতি হতো? কেউ তো এখানে নেই যে দেখতে পাবে?”

দেবী বলিল, “এখনই ঠাকুরঝি আসবে যে। সে বলে দিলে—আমার খানকতক বাসন মাজা হলেই সে নিয়ে যাবে।”

“ওঃ, তবে আর একটু বেশী করে ঘোমটাটা দাও, নইলে ওইটুকু ঘোমটা থাকলে সে তোমার একেবারে বেহায়া



বলে ডাকবে—” বলিয়া সত্য যেন একটু রাগ করিয়াই নিবিষ্টচিত্তে মাছধরার দিকে দৃষ্টি করিল।

কিন্তু কাতনার দিকে তাহার দৃষ্টি বড় বেশীক্ষণ নিবন্ধ রহিল না,—একটু পরেই দৃষ্টি যুরিয়া দেবীর স্নুগোর স্নুগোল কমনীর হাতখানার উপর গিয়া পড়িল। হা ভগবান! এমন হাত ছুখানি কি শুধু সংসারের কাজ করিবার জন্যই সৃষ্টি হইয়াছে? সত্যর কি এমন ক্ষমতা হইবে না যে এই হাত ছুখানিকে এই সব দাসীযোগ্য কাজ হইতে রক্ষা করিতে পারিবে?

একটা দীর্ঘনিঃশ্বাস ফেলিয়া সে অত্যন্ত কোমল স্বরে ডাকিল, “দেবী—”

অন্তমনস্ক দেবী এ আহ্বানের জ্ঞপ্ত প্রস্তুত ছিল না, তাই সে চমকাইয়া উঠিয়া মুখ তুলিল; দেখিল, স্বামীর করুণ নেত্র দুইটা তাহারই মুখের উপর পতিত। দেবীর চোখ লজ্জাভরে নত হইয়া পড়িল। মুখখানা নত করিয়া সে নিবিষ্টমনে বাসন মাজিতে মাজিতে অন্তমনস্কর মত উত্তর দিল “কি বলছো?”

সত্য করুণ স্বরে জিজ্ঞাসা করিল, “বাসন মাজিতে খুব কষ্ট হয়, না?”

স্বামীর এ প্রশ্নের অর্থ দেবী কিছুই বুঝিতে পারিল না। সে বাসন মাজা হইতে বিরত হইয়া জিজ্ঞাসুনেত্রে স্বামীর মুখের পানে তাকাইয়া রহিল।

সত্য গভীর স্বরে বলিল, “এমন দিন চিরদিন থাকবে না দেবী, চিরকাল তোমায় এ কষ্ট সহিতে হবে না। ভগবানের আশীর্ব্বাদে আমি যদি একটা মানুষ হতে পারি, তবে আমাদের সকল কষ্ট ঘুচবে। ভগবান কি মুখ তুলে চাইবেন না?”

তাহার বন্ধ ভেদ করিয়া একটা দীর্ঘনিঃশ্বাস পড়িল। দেবী শান্ত স্বরে বলিল, “চাইবেন না এমন কথা হতে পারে না, চাইবেন বই কি। মনের মধ্যে বিশ্বাস রেখো—তিনি তোমায় মানুষ করে দেবেনই। তোমার যা কাজ তাই তুমি করে যাও, তার ফল অবশ্যই পাবে। আমার কষ্ট ভেবে কাতর হচ্ছে,—এতে আমার কষ্ট এতটুকু নেই। আমি মিথ্যে কথা বলছি,—তুমি স্বামী, দেবতা, তোমার সামনে মিথ্যে কথা বললে আমার নরকেও স্থান হবে না জানি। এই কাজ করতে আমি যে কত আনন্দ পাই, তা তুমি জানতে পার

না বলেই মনে কর আমার বষ্ট হচ্ছে। কাজ আমার করতে না দিলে আমি মরে যাব—কাজ ছাড়া আমি একদণ্ড থাকতে পারি নে। ছুদিন মাত্র অসুখ হয়েছিল, তার জন্তে ঠাকুরঝি আমার চার পাঁচ দিন কাজ করতে দেয় নি, রাখতে দেয় নি; আমার তখন যা অবস্থা হয়েছিল, তা আর তোমায় কি বলব। শেষে সত্যিই যখন কেঁদে ফেললুম—”

বলিতে বলিতে সে খিলখিল করিয়া হাসিয়া উঠিল। সেই সরল হাসিমাখা মুখখানা দেখিয়া সত্য সব বেদনা তুলিয়া গেল, সে তন্ময় হইয়া তাহার পানে চাহিয়া রহিল।

দেবী হাসি সামলাইয়া গম্ভীরভাবে বলিল, “আমার কথা ছেড়ে দাও,—আমি বেশ আছি, এতটুকু কষ্টও আমার নেই। তুমি যা করছ কর, আর একটা বছর বই তো নয়। তার পর পাশটা দেওয়া হলেই একটা কাজ নিশ্চয়ই করবে। তখন ইচ্ছে করলে একটা ঝি রাখা যেতে পারবে।”

সত্য মুখ ফিরাইয়া বেদনাভরা কণ্ঠে বলিল, “তা আর কি করে হবে দেবী, আমার পড়া যে একেবারেই বন্ধ হচ্ছে।”

দেবীর মনে চকিতে স্বপ্নের সেই কথাগুলো জাগিয়া উঠিল। সে অন্তমনা হইয়া বলিল, “কেন?”

“বাবা আর খরচ চালাতে পারছেন না।” বলিয়া সত্য আবার নিবিষ্ট মনে বঁড়শিতে চোপ গাঁথিতে লাগিল। দেবীও নীরবে বাসন ধুইতে লাগিল।

সূতা জলে ফেলিয়া সত্য দেবীর পানে চাহিল; বলিল, “আর পড়াশুনা হবে না, এবার চাকরীর চেষ্টায় বেঁকতে হবে। বাবা বললেন, চাকরী না করলে আর সংসার চলছে না, তিনি অপারগ হয়ে পড়েছেন। তবে কি করে আর পড়াশুনা চলবে দেবী, কিন্তু—”

একটা দীর্ঘনিঃশ্বাসকে সে আর কোনমতে ঠেকাইয়া রাখিতে পারিল না, অতকিতে দেবীর সম্মুখেই বাহির হইয়া পড়িল। সে বলিল—“মাত্র একটা বছরের জন্তে পড়াটা আমার বৃথা হয়ে গেল। এই পাশটা দিতে পারলে একটা মানুষ হওয়ার আশা থাকত, বড় কাজও পেতে পারতুম; কিন্তু কিছুই হল না দেবী, আমার আশা স্বপ্নের মতই মিলিয়ে গেল। বাবা মাসে বার টাকা করে দিতেন, বাকি টাকা টিউশানী করে যে কষ্টে যোগাড় করতুম, তা কোন দিনই বলি। দেবী। বড় আশায় আমি কোন কষ্টকে কষ্ট

বলে গ্রাহ্যের মধ্যে আনি নি। যেমন তেমন করে যদি আর একটা বছরও পড়াটা চালাতে পারতুম,—”

সে আর কথাটা শেব করিল না।

দেবী ধীরে ধীরে বলিল, “একটা কথা বলব, শুনবে ?”

সত্য একটু হাসিল, বলিল, “কি রকম কথা, একটা বছর আমার পড়ার খরচ তুমি চালাবে ?”

দেবী কথার উপর একটু জোর দিয়া বলিল, “যদিই চালাই সেটা তো নিন্দনীয় কাজ নয়। তোমার এক বছরের পড়ার খরচ যা লাগে, তা আমি দেব, তুমি পড়। এত বড় একটা ক্ষোভ তোমার মনের মধ্যে থেকে যাবে, সেটা আমার বড় অসহ।”

সত্য জিজ্ঞাসা করিল, “কি আছে তোমার যা দেবে ?”

দেবী অবনত মুখে বাসন ধুইয়া সাজাইয়া রাখিতে রাখিতে বলিল, “আমার তো কয়েকখানা গয়না আছে।”

“তোমার গয়না ?” বিস্ফারিত চোখে সত্য দেবীর পানে চাহিল।

দেবী মুখ তুলিল, যুগল নয়নের স্থিরদৃষ্টি সত্যর মুখের উপর স্থাপিত করিয়া বলিল, “হ্যাঁ, আমার গয়না। কি হবে সেগুলো অনর্থক তুলে রেখে—বল তো ? আমি সেই বিয়ের সময় ছাড়া সেগুলো আর পরি নি, এখন পরবও না। বাস্তব সাজিয়ে মন ঠাণ্ডা করে তুলে রাখবার জন্তে তো গয়নার সৃষ্টি হয় নি, সৃষ্টি হয়েছে আপদে-বিপদে পড়লে রক্ষা করবার জন্তে। সামান্য টাকার জন্তে তোমার এতকালের আশা, এত কষ্ট স্বীকার সবই মাটা হবে, আর সে গয়না আমি যেক্ষের ধনের মত বাস্তব ভরে আগুলে বসে থাকব, এও কি কখনও হতে পারে ?”

সত্য অপলকনেত্রী স্ত্রীর সুন্দর সরল পবিত্র মুখখানার পানে চাহিয়া ছিল, ধীরে ধীরে মাথা নাড়িয়া বলিল, “উহু, তা হয় না দেবী।”

দেবী জিজ্ঞাসা করিল, “কেন হয় না ?”

সত্য উত্তর দিল, “কেন হয় না, এর কারণও তোমার বুঝিয়ে বলতে হবে ? আজ দুই বছর বিয়ে হয়েছে—একটা দিনের জন্তেও তোমার সুখী করতে পেরেছি কি ? তোমার হাতের কাজ একটা দিনের জন্তে তোমার হাত এড়াতে পেরেছে কি ? পরণে একখানা ভাল কাপড় দিতে পারিনি, একখানা গয়না এ পর্যন্ত তোমার দিতে পারি নি।

তোমার বাপের বাড়ীর দেওয়ান যে গয়না কথানা রয়েছে, অবশেষে তাও কেড়ে নেব ? হিঃ, এমন স্বার্থপর আমি এখনও হই নি দেবী, তোমার গায়ের গয়না নেবার প্রবৃত্তি এখনও মনে আসে নি।”

দেবী একটু হাসিল, বলিল, “স্বার্থপরের কথাই বটে ! কি যে বল তার ঠিক নেই। গয়না আমার না তোমার ? আমার বাবা গয়না আমার দিয়েছেন না তোমার দিয়েছেন ? এ কি কেড়ে নেওয়া হচ্ছে ? না হয় মনে কর—তোমার দরকার পড়েছে তাই গয়না কথানা আমার কাছ হতে ধার নিচ্ছ। যখন তোমার সুসময় হবে, তখন আমার জিনিস আমাকেই ফেরত দেবে। বরং না হয় কিছু সুদ হিসাব করে দিয়ো।”

সত্য চিন্তাবিষ্টের মতন খানিক বসিয়া রহিল। দেবী বলিল, “এতে এত ভাবনার যে কি দরকার, তা আমি বুঝতে পারছি নে। আমার কথা শোনো, সংসার এখন যেমন চলছে এমনি চলুক। তুমি আর একটা বছরে পাশ করে বার হও। তার পর এমন দিন যে থাকবে না সে জানা কথা। সংসারের জন্তে তোমার এখন একটুও ভাবতে হবে না।”

সত্য একটা নিঃশ্বাস ফেলিল, বলিল, “আর উপায় যখন নেই, অথচ পড়াটা এখন ছাড়তেও যখন আমার মন সরছে না, তখন বাধ্য হয়েই তোমার টাকা আমার নিতে হল। ভগবানের কাছে প্রার্থনা কর, যেন তোমায় এর ডবল গয়না দিতে পারি।”

ছার গহনা,—দেবীর মুখে হাসি ফুটিয়া উঠিল। তাহার হাতের শাঁখা লোহা ও সিঁথার সিঁদুর বজায় থাক। শাঁখা যত গৌরব দিতে পারে সোণার চুড়ি তত দিতে পারে না। সোণা যে-সে পরিতে পারে ; কিন্তু শাঁখা আয়ুর্ভী ব্যতীত আর কেহই পরিতে পারে না।

তথাপি স্বামীকে আশ্বস্ত করিবার জন্ত সে বলিল, “সে কি আর একবার করে প্রার্থনা করব ? দামোদরের কাছে আমি প্রত্যেক দিন প্রার্থনা করি—তিনি যেন তোমার ভালই করেন।”

সত্য উৎসুক ভাবে বলিল, “আর তোমার ?”

দেবী হাসিল, “তোমার হলোই আমার হবে। তুমি যদি বড় কাজ পাও, আমার তার ভাগ তো দিতেই হবে।”

সত্যর মুখে হাসি ফুটিয়া উঠিল, “তাই বটে, তুমি যে আমার অর্দ্ধাঙ্গিনী, আমার সহধর্মিণী।”

দেবী বাসিন তুলিতে তুলিতে বলিল, “আর যদি মরে যাই তা হলে—”

“আবার ওই কথা দেবী।” সত্য রাগ করিল।

দ্রুতভাবে অবগুণ্ঠন টানিয়া দিয়া দেবী বলিল, “চুপ কর, ঠাকুরঝি আসছে।”

সত্য বিরক্তভাবে বলিল, “আঃ, তাকে আবার লজ্জা? ভবানী আমার চেয়ে পাঁচ বছরের ছোট, তাকে আবার আমি লজ্জা করতে যাব?”

শান্তমূর্ত্তি ভবানী পিছন হইতে ছোড়দার উক্তি শুনিয়া, একটু হাসিয়া বলিল, “কিসের লজ্জা ছোড়দা?”

সত্য বলিল, “দেখু না, তোর বউদি আমার শিথিয়ে দিচ্ছে,—ঠাকুরঝি আসছে, একটু লজ্জা অনুভব করতে শেখ।”

“আচ্ছা, এর জন্তে বউদিকে শাস্তি দেওয়া যাবে। অতগুলো বাসন নিয়ে যেতে পারবে না বউ, আমার হাতে কতকগুলো দাও। সব তাতেই তোমার জ্বোরের কাজ ভাই। বললুম আমি বাবাকে তাঁর বই খাতা দিয়ে আসছি, তুমি কথা না শুনেই চলে এলে।”

কতকগুলো বাসন লইয়া ভবানী ভ্রাতৃবধূকে লইয়া চলিয়া গেল।

( ৪ )

পূজার পরে সত্যর কলেজ খুলিবার সময় হইয়া আসিল।

উপেন্দ্রনাথ সেদিন পুত্রকে ডাকিয়া কাছে বসাইয়া বলিলেন, “দেখ, আমি অনেক ভেবে-চিন্তে দেখলুম, আর এই একটা বছরের জন্তে তোমার পড়াটা বন্ধ করে দিয়ে, তোমার যে-কোন একটা চাকরীতে ঢুকানো আমার পক্ষে অসম্ভব কাজ হয়। বাপের কর্তব্য ছেলেকে লেখাপড়া শিখানো। ভগবান জানেন, আমি কোন দিন আমার কর্তব্য কাজে অবহেলা করি নি। তবে যে এখন শেষ এই একটা বছর তোমার পড়াতে পারলুম না, তার কারণ সবই তো জানতে পারছ। ঘরে খাওয়া তবু একরকমে চলে যায়, কিন্তু মাস গেলে এই যে সামান্য বারটা টাকা কোথায় পাব, কি করে পাঠাব, তাই ভেবে আমি পাগল হয়ে যাই।”

একটুখানি নীরব থাকিয়া তিনি বলিলেন, “আমি

অনেক ভেবে দেখলুম, “এই একটা বছর যেমন করেই হোক তোমার এই বারটা করে টাকা আমার যোগাড় করতেই হবে,—তোমার খরচটা কোনক্রমে আমার চালাতেই হবে। কিন্তু জানো বোধ হয়—আমার হাতে একটা পরস্যা নেই, এই—”

বাধা দিয়া সত্য বলিল, “আপনি অত ভাববেন না বাবা। আমি এই একটা বছর পড়ার মত খরচ যোগাড় করেছি।”

উপেন্দ্রনাথের শুষ্ক মলিন মুখখানাতে আনন্দ ফুটিয়া উঠিল, “যোগাড় করেছ—! কোথায় পেলে?”

সত্য মুখখানা অন্য দিকে ফিরাইয়া উত্তর দিল, “আপনার ছোট বউ তার পরস্যাগুলো সব দিচ্ছে,—তা থেকে আমার আর একটা বছর পড়া, একজামিনের ফি দেওয়া, সব হয়ে যাবে।”

বিস্ময়ে নির্ঝাঁক উপেন্দ্রনাথ পুত্রের মুখপানে শুধু চাহিয়া রহিলেন। অনেকক্ষণ পরে ক্রীণভাবে বলিলেন, “তুমি বলছ কি!”

সত্য স্পষ্ট সামনাসামনি মুখ ফিরাইতে পারিল না, আশ্বে আশ্বে উত্তর দিল, “সে দিতে চেয়েছে।”

উত্তেজিত হইয়া উঠিয়া পিতা বলিলেন, “সে বলেছে বলেই তুমি নেবে?”

সত্য তেমনি নরমে অথচ সংযতকণ্ঠে বলিল, “কিন্তু না নিলেও যে উপায় নেই বাবা।”

উপেন্দ্রনাথ বলিলেন, “উপায় নেই বলে দ্বীর গহনা বিক্রি করে সেই টাকায় তুমি পড়বে! ষিক অমন পড়ায়! অমন লেখাপড়া না শেখাই ভাল বলে আমি মনে করি। তুমি পুরুষ, ইচ্ছানুসারে তুমি উপার্জন করতে পারবে, কারও উপর ভর দিয়ে তোমার দাঁড়াতে হবে না। সে নারী, তোমার উপর ভর দিয়ে সে দাঁড়িয়ে আছে—কে জানে অদূর-ভবিষ্যতে সে তোমার কাছ হতে কতখানি পেতে পারবে, তুমিই বা তাকে কতখানি দিতে পারবে! তারই আশা দিয়ে তার কাছ হতে গয়নাগুলো নেওয়া পুরুষের উচিত কাজ নয়। হয় তো এর পরে তার এমন দিনও আসতে পারে, যে দিন একটা পরসার দরকারও তাকে পীড়ন করবে।”

সত্যর মুখখানা লাগ হইয়া উঠিল। সে কি বলিতে গিয়া ধামিয়া গেল। একটু পরে ধীরে ধীরে বলিল, “আমি এ গয়না

কিছুতেই নিতে চাইনি বাবা, সে জোর করে আমার নিতে বাধ্য করেছে। আপনারই ছেলে আমি,—এমন নীচ হৃদয় আমার নয়, এমন নীচ শিক্ষা আমি পাই নি যে, কারও কিছু জোর করে বা ছলনা করে নেব।”

উপেক্ষনাথের উগ্র কণ্ঠ নিমেষে কোমল হইয়া গেল। তিনি পুত্রের মাথায় হাতখানা রাখিয়া স্নেহপূর্ণ কণ্ঠে বলিলেন, “আমি তা জানি সত্য,—আশীর্বাদ করি, যেন তোমার মন এমনই সত্যের আলোয় উজ্জ্বল হয়ে থাকে। ছোট বউমা স্নেহচায় দিতে পারেন—কারণ, মায়ের অন্তর যে কত উচ্চ, কত উদার, তার পরিচয় আমি নিয়ত পাচ্ছি। এক এক সময় মাকে আমার ছেলেমানুষ বলে উড়িয়ে দিতে চাই, এক এক সময় মায়ের অসীম জ্ঞানপূর্ণ কথা শুনে স্তম্ভিত হয়ে যাই। বড় পুণ্য আমার ছিল, তাই আমি যথার্থ লক্ষ্মীকে বরণ করে ঘরে আনতে পেরেছি। মায়ের জিনিস আমি কিছুতেই নিতে দিতুম না তোমায়, কিন্তু—”

তাহার বেদনাভরা কণ্ঠ অকস্মাৎ নীরব হইয়া গেল। খানিক পরে তিনি আবার কথা বলার শক্তি লাভ করিলেন। জিজ্ঞাসা করিলেন, “কবে কলকাতায় যাচ্ছে?”

গোপনে একটা নিঃশ্বাস ফেলিয়া সত্য উত্তর দিল, “পরশু সকালে যাব।”

“পরশু?” বৃদ্ধ চূপ করিয়া গেলেন। একটা সুদীর্ঘ নিঃশ্বাস ফেলিয়া বলিলেন, “ভবানীর একটা উপায় করে গেলে না? সুরেশের সঙ্গে একবার দেখা করে গেলে ভাল হতো না?”

সত্য বলিল, “গেল বারে বাড়ী এসে তো দেখা করতে গিয়েছিলুম বাবা,—জানেন তো, আমার সঙ্গে সে মোটে দেখাই করলে না,—বাড়ীর মধ্যে থেকে চোঁচিয়ে তার মাকে বলে দিলে—বলে দাও আমি বাড়ী নেই। আবার তার বাড়ীতে তার সঙ্গে দেখা করতে কোন্ মুখ নিয়ে যাব বাবা? আপনার আদেশ হলে অবশ্যই আমার যেতে হবে। কিন্তু শুধু মেয়ের দিকে তাকিয়েই কথা বলবেন না বাবা, আমাদের মান-অপমানের দিকে তাকিয়ে আদেশ করুন।”

উপেক্ষনাথ অন্তমনস্ক ভাবে বলিলেন, “সবই বুঝেছি সত্য, মেয়েটার দিকে চাইতে যে বড় কষ্ট হয়, মনে ভাবি—এমন করেও তাকে জলে ফেলে দিলুম?”

সত্য শান্ত কণ্ঠে বলিল, “সে কথা যথার্থ বাবা! আবার

নিজদের মানসম্মতের পানেও একটু চাইতে হয়। আপনার অর্থ নেই, আপনি বড়লোকই নন; কিন্তু পাণ্ডিত্যে এদিকের মধ্যে আপনার মত মান তো আর কারও নেই। আপনার মান রেখে তারা কি কথা বলতে পেরেছে? আপনাকে তারা যা না তাই বলেছে। আমরা সব সহ্য করেছি; কেন না, আমাদের মেয়ে বলে আমাদের না কি সব সয়ে যেতেই হবে। এত অপমান সয়ে—অত কষ্ট সহ্য করতে আপনি যে এখনও ভবানীকে আবার খণ্ডরবাড়ী পাঠাতে চান, এই আশ্চর্যের কথা। এখানে থাকলে কি ক্ষতি হবে? আপনি মনে ভাবেন—বাঁটা থাক, লাথি থাক, হাজার কথা নিত্য শুধুক, তবু মেয়েদের সেই খণ্ডর-বাড়ী পড়ে থাকতে হবে।”

সত্য ভারি উত্তেজিত হইয়া উঠিয়াছিল। প্রথমটার সে শাস্ত সুরে কথা বলিতে আরম্ভ করিলেও, শেষটার উগ্র সুরে তাহার কণ্ঠ পরিবর্তিত হইয়া গিয়াছিল। দেশের মেয়েদের কষ্ট, বিশেষ তাহার ভগিনীর এই কষ্টের কথা ভাবিয়া সে ভারি ক্ষুব্ধ হইয়া উঠিয়াছিল।

উপেক্ষনাথ বলিলেন, “মেয়েদের সকল অবস্থাতেই খণ্ডর-বাড়ী পড়ে না থাকা ভিন্ন আর উপায় কি?”

সত্য বলিল, “উপায় ঢের আছে। ধরুন, ওরা যদি ভবানীকে নাই নেয়, এখানে যদি ভাই-বউদের সঙ্গে মিলে মিশে না থাকতে পারে, তখন ওর উপায় কি হবে?”

ক্লিষ্ট কণ্ঠে উপেক্ষনাথ বলিলেন, “দাসীর মত থাকলে সকলেই দয়ার চোখে দেখবে।”

সত্য উষ্ণকণ্ঠে বলিল, “হাঁ, এই ধারণাটা আমাদের মনে বদ্ধমূল হয়ে আছে বলেই বরাবর এইটেই ঘটে আসছে। অর্থাৎ যারা স্বামিত্যক্তা অথবা বিধবা, তারা পরের সংসারে মুখ বুজে দাসীর মতই কাজ করে যান,—তবু যদি তারা তাদের অনর্থক একটা গলগ্রহ না ভাবত। এরা খণ্ডর-বাড়ীর আদর হতে বঞ্চিত। বাপ মা মরে গেলে বাপের বাড়ীর সঙ্গে যাদের সব সম্পর্কই ফুরিয়ে যায়, তাদের শেষ উপায় আত্মীয়ের সংসারে দাসীর চেয়েও অধম হয়ে পড়ে থাকা। হাঁ, দাসীর চেয়ে অধম বই কি—কেন না দাসীর যেটুকু কথা বলবার ক্ষমতা আছে, এদের তাও নেই। এক বাড়ীতে না বনলে দাসী অল্প বাড়ীতে কাজ করতে যান,—এদের সে ক্ষমতা নেই; কারণ এদের অপমান-বোধ নেই। আত্মীয়ের বাড়ীর শত লাহনাও এদের সয়ে থাকতে হয়

গোপনে চোখ মুছে ফেলে,—সামনে চোখের জল ফেলাও মহা অপরাধ বলে গণ্য হয়। আপনি রাগ করবেন না বাবা, মনে করে দেখুন, আমি ঠিক কথাই বলছি কি না।”

উপেক্ষনাথ অর্ধৈর্ষ্য ভাবে বলিলেন, “তবে কি করতে বল তুমি? যে সব মেয়েদের খণ্ডর-বাড়ী নেই, বাপের বাড়ীও নেই, তারা তবে যাবে কোথায়? আমার বিবেচনায়—তবে এ সকলের হার্ট এড়াতে এদের—বিশেষ করে ভবানীর, মরণই ভাল।”

সত্য একটু হাসিল, বলিল, “না বাবা, এ কথাটা বলা ঠিক হলো না। মরণ যার হলো সে তো বেঁচে গেল বলেই আমার বিশ্বাস। কারণ জগতের কোনও ধাক্কা তাকে সহিতে হল না। মরে না তো সকলেই—কারণ মরার কথাটা যেমন চট করে বলতে পারা যায়, মরতে সাহস ততদূর হয় না। ভবানীকে আমায় দিন না কেন, ওকে আমি ভাল করে লেখাপড়া শিখানোর ভার নেব—যাতে সে নিজের পায়ে নিজে ভর দিয়ে দাঁড়াতে পারে।”

উপেক্ষনাথ গুম হইয়া বসিয়া রহিলেন, তাঁহার মুখে অন্ধকার ঘনাইয়া আসিল।

ঝাঁকের মাথায় কথাটা বলিয়া ফেলিয়া সত্য ভারি লজ্জিত হইয়া পড়িল। পিতা যে মেয়েদের উচ্চ শিক্ষার বিরোধী তাহা সে জানিত, সেই জন্ত সে তাঁহার মুখের দিকে আর তাকাইতে পারিল না।

গম্ভীর মুখে উপেক্ষনাথ বলিলেন, “তুমি কি এখন তাকে কলকাতায় নিয়ে পড়াতে চাও?”

সত্য উত্তর দিতে যাইতেছিল,—উপেক্ষনাথ দৃপ্তকণ্ঠে বলিলেন, “আমার কথা শোনো সত্য, আমি এতে কখনই সম্মতি দিতে পারব না। সুরেশ তাকে নিক বা না নিক, সে সুরেশের ধর্মপত্নী,—তার ওপরে তোমার বা আমার কোন অধিকার এখন নেই। হিন্দুশাস্ত্র স্পষ্ট প্রমাণ দিচ্ছে, সম্প্রদান হয়ে গেলে সে তখন স্বামীরই স্ত্রী, স্বামী তার ওপর যথেষ্ট ব্যবহার করতে পারে। তুমি জানো আমি ব্রাহ্মণ, পুরোহিত,—আমার কাছ হতে অনেক লোকে ব্যবস্থা নিয়ে যার। তাদের শাস্ত্রোক্ত ব্যবস্থা দেব, আর আমার মেয়ের বেলাতেই যে আমি অশাস্ত্রীয় নীতির মর্যাদা রাখব, তা কখনও হতে পারে না। আমার কাজ শাস্ত্র দেখা, আমার শিক্ষা সেকালের। তোমাদের আধুনিক প্রাচ্য পাশ্চাত্যে

মিলিয়ে শিক্ষা আমার হয় নি। সেই জন্তেই—আমি নিজে গিয়ে সুরেশের মার হাতে ধরে ভবানীকে সেখানে রেখে আসব। এতে মান অপমান আমার কিছু নেই সত্য, কারণ, মেয়ের বাপ যাই হোক না, সে সেই মেয়ের বাপই থাকে, তার জুটা জামায়ের বাড়ী পদে পদে। মেয়ের বাপ যতই দিক তবু পাণ হতে চূর্ণ খসলেই তাকে অপমান সহিতে হবে—এই চিরস্তন নিয়ম।”

সত্য খানিক চুপ করিয়া বসিয়া রহিল। পিতার কথার উপর কথা কহিবার ক্ষমতা তাহার আর ছিল না। পিতা অশ্রুমনস্ক ভাবে অন্ত দিকে চাহিতেই, সে আন্তে আন্তে উঠিয়া পড়িল এবং বাড়ী মধ্যে আসিয়া হাঁফ ছাড়িয়া বাঁচিল।

তাহার বিবর্ণ মলিন মুখখানার পানে তাকাইয়া ভবানী সন্দেহ হইয়া বলিল, “কি হয়েছে দাদা? বাবা কিছু বলেছেন না কি?”

সত্য একটু হাসিবার বৃথা চেষ্টা করিয়া বলিল, “না, কিছু বলেন নি, এমনিই সব কথাবার্তা হচ্ছিল।”

ভবানী জিজ্ঞাসা করিল, “তবে তোমার মুখখানা ওরকম শুকনো দেখাচ্ছে কেন?”

সত্য অশ্রুমনস্ক ভাবে বলিল, “শুকনো আবার কোথায় দেখলি? বাবা সংসারের সব সুখ-স্বাদের কথা বলছিলেন, তাই শুনছিলুম।”

সে একখানা পিঁড়ি টানিয়া লইয়া বারাণ্ডার একধারে বসিয়া পড়িল। ভবানী তরকারী কুটিতেছিল, দেবী রান্নাঘরের মধ্যে রন্ধন চড়াইয়া দিয়াছিল। এতক্ষণ ননদিনী ও ভ্রাতৃবধূতে বেশ গল্প চলিতেছিল,—স্বামীর আগমনে দেবীকে সরিয়া পড়িতে হইয়াছিল।

ভবানী একটা বৃহৎ কুমড়া ছইখানা করিয়া ফেলিবার জন্ত খানিকক্ষণ হইল চেষ্টা করিতেছিল। তাহার ব্যর্থতা দেখিয়া দেবী ঘরের মধ্যে ছটফট করিতেছিল। সত্য না আসিয়া পড়িলে, সে এতক্ষণ কায়দায় ফেলিয়া কুমড়াটিকে চার খণ্ড করিয়া দিতে পারিত।

সত্য তাহার ব্যর্থ চেষ্টা দেখিতেছিল; বলিল, “সর, আর যোগ্যতা দেখাতে হবে না, আমি ছখানা করে কেটে দিচ্ছি।”

ভবানী একটু হাসিয়া বীট ছাড়িয়া দিল। সত্য কুমড়াটি ছইখানা করিয়া কাটিয়া দিল। ভবানী তাহাকে সরাইয়া

দিয়া নিজে কুমড়া কুটিতে কুটিতে বলিল, “আচ্ছা ছোড়দা, একটা কথা বলব ?”

সত্য বলিল, “কি কথা ?”

ভবানী বলিল, “রাগ করবে না ?”

সত্য বলিল, “রাগ করবার কথা না হলে রাগ করব কেন ?”

ভবানী একটু ধামিয়া বলিল, “আমি অনেক দিন হতেই এ কথাটা জিজ্ঞাসা করব ভেবেছিলুম, কিন্তু—তুমি কি বলবে ভয়ে জিজ্ঞাসা করি নি। কথাটা বিশেষ কিছুই নয়, বড়দার সঙ্গে তোমার দেখা হয় কি না তাই—”

বলিতে বলিতে সে মুখ তুলিয়া সত্যর পানে চাহিয়া চূপ করিয়া গেল।

হাসি আসিতেছিল, তাহা চাপিয়া ফেলিয়া সত্য বলিল, “এতকাল পরে হঠাৎ বড়দার কথাটা জিজ্ঞাসা করলি যে ? এতকাল বুঝি বড়দার কথা মনে পড়ে নি ?”

ভবানী উৎসাহিতা হইয়া বলিল, “মনে পড়ে রোজই, সে কথা কি ভোলা যায় ছোড়দা ? ওই যে বলছি—ভয়ে তোমার জিজ্ঞাসা করতে পারি নি।”

“কিন্তু ওইটুকু ভয় না করে যদি আগে হতেই তাদের কথা জানতে চাইতিস, তা হলে আমি সত্যি ভারি খুসী হতুম ভবানী। তোর কথার উত্তর দিই—দেখা হয় বই কি। তবে ভাই বলে পরিচয় দিতে আমার যতটা আনন্দ হয়—যতটা গৌরব বাড়ে, ততটা তাঁর যে হয় না, সে জানা কথাই। তিনি এখন ধনী, নামজাদা লোক, পাশ্চাত্য শিক্ষার শিক্ষিত। আর আমি কোথাকার কে—তাঁর সঙ্গে আমার পার্থক্য কতদূর, সেটা ভেবে দেখ। তাদের বাড়ীর মধ্যে বিধী ছাড়া আর কেউ তেমন আন্তরিকতা দেখায় না।”

ভবানী উৎসুক হইয়া বলিল, “সে কত বড় হয়েছে দাদা ?”

সত্য বলিল, “তা বেশ বড় হয়েছে বই কি,—বছর পনের ষোল তার বয়স হল।”

ভবানী সবিস্ময়ে বলিল, “এখনও বিয়ে হয় নি ?”

সত্য একটু হাসিল, “এখন কি বিয়ে হবে ? এই তো মবে সে ম্যাট্রিক দেবে। দাদা তাকে শেষ পর্যন্ত পড়াতে চান। তার পর শুনেছি তাকে শিক্ষার জন্তে—অর্থাৎ বেশী রকম জ্ঞান অর্জন করবার জন্তে বিলেতে পাঠাবেন।”

ভবানী গালে হাত দিয়া বলিল, “অবাক করলে বাবা ! তা হলে সে মেয়ের বিয়েই দেবে না বলে জানা যাচ্ছে। ছিঃ ওরা সব কি—মেয়ের বিয়ে দিতে চায় না, খালি পড়াতেই চায়। পড়িয়ে যে কি হবে তা তো বুঝতে পারি নে।”

সত্য একটু উত্তেজিত হইয়া বলিল, “তোরাই মানুষ—তাই সার চিনেছিস বিয়ে, আর কিছু নয়। বিয়ে করলে মানুষ কি রকম জড়িয়ে পড়ে তা তো জানিস নে। তাই মনে ভাবিস, বিয়ে করলে চতুর্কর্গ ফল পাওয়া গেল। এই তো তুইও বিয়ে করেছিস,—কি চতুর্কর্গ ফল লাভ করতে পেরেছিস শুনি ?”

তাহার নিজের কথায় ভবানী একেবারে নিভিয়া গেল, কুণ্ঠিত ভাবে বলিল, “আমার কথা কেন ছোড়দা, আমার কথা ছেড়ে দাও।”

সত্য বলিল, “কেন ছাড়ব ? আগে তোর কথাটাই ধরব, তারপরে অল্প সকলের কথা বলব। এই যে বিয়ে দেওয়া হয়েছিল,—এ বিয়েটা না দিলে কি হতো না ? বিয়ে দিলে মস্ত বড় লাভ হয়েছে,—সামান্ন্ত সামান্ন্ত খুঁত ধরে তোকে বিদায় করে দেছে,—আমাদের পর্যন্ত নাম এতটুকু রইল না,—তাদের যা মুখে আসছে তাই বলে যাচ্ছে। এর চেয়ে বিয়ে যদি না হতো, তা হলে কেমন থাকতিস বল দেখি ? কারও ভাল-মন্দের সঙ্গে তোর অনৃষ্ট মিলানো থাকত না,—বেশ লেখাপড়া শিখতে পারতিস,—একটা মানুষ হয়ে যেতিস।”

ব্যগ্র ভাবে ভবানী বলিল, “এখন কি আর লেখাপড়া শেখা যায় না ছোড়দা ?”

ছোড়দা গভীর অবজ্ঞার স্বরে উত্তর দিল—“হ্যাঁ, তোদের আবার লেখাপড়া শিখানো ? বই নিয়ে বসলেই তোদের চোখে ঘুম নেমে আসে। জাগলে পরে হঠাৎ মনে পড়ে যায়—রান্নাঘরে কি আলগা পড়ে আছে, কোথায় কে কি বলছে, কোথায় কি শব্দ হল। অশিক্ষিতা পাড়াগাঁয়ের মেয়েদের দোষ পদে-পদে। তাদের টেনে তুলতে পারা যায় পূর্কজন্মের স্মৃতির ফলে—আর সেটা উভয় পক্ষেরই থাকা চাই ; নইলে এক পক্ষের চেষ্টা সবই ব্যর্থ হয়ে যায়।”

দারুণ অবজ্ঞাভরে একবার ভবানীর পানে, আর একবার রান্নাঘরের পানে তাকাইয়া সত্য বাহির হইয়া গেল। তাহাকে শুনাইবার জন্তই ভবানী অমুচ্চস্বরে বলিল, “দাদা ভারি বোকা,—জানে না যে অশিক্ষিতা গ্রাম্য মেয়ে বলেই আজ গায়ের গরনাগুলো খুলে দিতে পেরেছে। শিক্ষিতা মেয়েদের চোখে না দেখলেও তাদের গুণগণা শুনেছি তো,—কেঁদে লুটিয়ে পড়লেও একটি কিছু বার করে দিত না।”

দেবী তাহার মুখ চাপিয়া ধরিল।

কিন্তু ছোড়দার কামে কথাগুলো পৌছাইবার আগেই সে বাহির হইয়া গিয়াছে। (ক্রমশঃ)

## বাজে কথা

অধ্যাপক শ্রীখগেন্দ্রনাথ মিত্র এম-এ

সামান্য একটু ছাপার ভুলে 'কাজের কথা' 'বাজে কথা'য় দাঁড়াইতে পারে। কিন্তু এক্ষেত্রে যে তাহা হয় নাই, ইহা নাতিদীর্ঘ একটা ভূমিকায় বলিয়া দেওয়া আবশ্যিক হইয়াছে। কারণ আজ কাল 'কাজের কথা' যথা তথা। এমন কি খুব আড়ম্বরপূর্ণ বিজ্ঞাপনেও বিশেষ করিয়া বলা হইয়া থাকে, 'বিজ্ঞাপনের আড়ম্বর দেখিয়া ভুলিবেন না।' একথা পড়িয়া আমাদের হাসি পায় বই কি? কিন্তু হাসি, আর যাই করি, বিজ্ঞাপনের বহর বাড়িয়াই চলে। আমরা হাসিতে হাসিতে জিনিষ কিনি। আবার ঠকিয়া ঠকিয়া হাসিয়া সারা হই। বিজ্ঞাপনের বাজার পূর্কমতই বজায় থাকে।

'কাজের কথা'ও সেই রকম। কাজের কথা না হইলে কেহ শোনে না। বাজে কথা শুনিবার অবসর আছে কাহার? কাজের সময় বাজে কথা কহিতে নাই। কথায় কথায় বেলা বাড়িয়া যায়, আজ বাজে বকিয়া কি লাভ আছে বলিতে পার? তবুও বাজে কথা কমে না। বাজে কথা নহিলে আমরা জমে না। অন্ততঃ কাজের কথার পূর্কে দুটো বাজে কথা কহিয়া ভূমিকা করিতে হয়।

কাজের কথা কহে ব্যবসাদার। তাহারা সময় বাজে নষ্ট হইতে দেয় না। তাহাদের ঘড়ির কাঁটা টাকা সিকি আধুলির ঝুমঝুমি বাজাইয়া চলে। ট্রামগাড়ীতে, কালীঘাটে, রেস খেলার মাঠে 'কাজের কথা'র তুবড়ি ছোটে, আর নোট, প্রো-নোট, ছণ্ডির 'তারা' কাটিয়া পড়ে। ইহাদের হিসাবে যত কাব্য নাটক, নভেল উপন্যাস, প্রবন্ধ নিবন্ধ সব বাজে কথা। কেবল কথার ঝুড়ি। তা' লেখক যিনিই হউন না। রবিই হউন, আর বন্ধিমই হউন, শরৎই হউন আর বর্ষাই হউন! এ সব বাজে কথা পড়েন, যাদের বাজে নষ্ট করিবার মত সময় আছে। স্কুল কলেজের ছেলের দল, ভবঘুরে উমেদারের দল, আর যে সব কুললক্ষ্মীরা মেজের পা দেন না, আলতা মুছিয়া যাইবার

ভয়ে, তাঁরাই পড়েন এই সব বাজে কথা। কিন্তু উপায় কি? বাজে কথা না হইলে যে কাব্য হয় না। সেই কোন্ দিন রামগিরির আশ্রমে ১লা আষাঢ়ের নবান্বনের বপ্রক্রীড়া দেখিয়া বিরহী যক্ষের মনে যে প্রিয়াবিরহের শোক উথলিয়া উঠিয়াছিল, সেই কথা—সেই আষাঢ়ে গল্প ঘুণের মত আমাদের অস্থি-পঞ্জরে প্রবেশ করিয়া একেবারে প্রাণের গোড়ায় গিয়া পৌঁছিয়াছে। এমনই কাঁচা কাঠে আমাদের ধাতু। কবে কোন্ দিন বনভূমি মেঘ-মেহুর আকাশের কালো ছায়ায় আর ঘননিবন্ধ তমাল পল্লবের অন্ধকারে শ্রামায়মান হইয়া উঠিয়াছিল, সেই সব নিতান্ত অ-কেজো কথায় আমাদের কাব্য ভরা। স্মৃতরাং আশা নাই। কিন্তু আমাদের কবিবর কিঞ্চিৎ চতুর আছেন। তিনি কাব্যের বাজে কথার মধ্যে বোধ হয় একটু কাজের কথার 'পুর' দিয়া দিয়াছিলেন, তাই নোবেল প্রাইজের লাখ টাকা পাইয়া গেলেন! কাজের কথার মহাজন ঘেসে-রামসদার, রূপচাঁদ বিড়াল প্রভৃতি ফ্যাল ফ্যাল করিয়া চাহিয়া রহিলেন। দুঃখ হইল, এত দিন পাটের দালালী না করিয়া দুটো কবিতা লিখিবার চেষ্টা করিলে মন্দ হইত না!

রাজ্যের বাজে কথা না হইলে কাব্য হইবে কেমন করিয়া? নববধু যখন হুরু হুরু হিয়া নিয়া আসে তাহার অচেনা, অজানা বরের কাছে, তখন শুধু থাকে মনের গোপন কোণে আধ ভয়, আধ বিশ্বাস, আধ কৌতূহল, আধ আনন্দের পরিমল; তখন তাহাদের মধ্যে হয় বাজে কথা। বাজে কথার মুহুর্ত বায়ে প্রেমের আধ ফুটন্ত ফুল ফোটো ফোটো হইয়া উঠে। বাজে কথার জোর হাওয়া যত দিন বয়, তত দিনই প্রেমের তুফান ছুটে। তার পর একদিন নববধু যখন গৃহিণীপদে প্রতিষ্ঠিত হন, তখন আর বাজে কথায় সময় নষ্ট করিবার উপায় থাকে না! প্রেমের ঠাকুরটি তখন তাঁহার পক্ষ দু'টি মেলিয়া প্রজাপতির মতো শূন্যে উড়িয়া যান, আর

স্বামী নামক পদার্থটি তখন উধাও হইয়া পড়েন। কালে ভদ্রে যখন তাঁহার দর্শন ঘটে, তখন ‘কাজের কথা’ ভিন্ন বাজে কথার অবসর থাকে না।

“ওগো মেয়েটি যে বড় হয়ে উঠছে, চোখের মাথা খেয়ে দেখতে পাচ্ছ না—”

“পটলা যে ছুদিন না খেয়ে না দেয়ে পড়ে রয়েছে, তাকে এবার পূজায় একখানা সাইকেল কিনে না দিলে সে যে জলগ্রহণ করবে না, বলছে; একবার ছেলোটোর মুখের দিকে তাকাও—”

“মেজ ঘায়ের বাপের বাড়ী থেকে তার ভাইপোর অন্নপ্রাণনে নেমস্তন্ন করে গেল; কিন্তু যাব কি, যে সব পোড়া ছাঁচের গল্পনা, তা পরে কি আর ভদ্র লোকের বাড়ী যেতে ইচ্ছে করে?—”

স্বামী বেচারী এই সব গুনিয়া ভাবে, হাস্য রে বাজে কথা। সে এক দিন ছিল। কোথায় সেই মধুময় যৌবন, কোথায় সেই প্রেম, কোথায় সেই কারণে অকারণে মান, আর কোথায় সেই বাজে কথায় নিশি ভোর! তবু পোড়া মন বুঝে না, বাজে কথায় মন দিবার সময় নাই।

বন্ধু মহলেও দেখি ঐ বাজে কথারই পশার। সেখানে ‘কাজের কথা’র প্রবেশ নিষেধ! ‘Talking shop’ বড়ই বে-আদবী। যতই জরুরী কাজ থাকে না, বন্ধুর বৈঠকে সে সব ভুলিতে না পারিলে সবই বৃথা, সবই বাজে। ঐ যে চন্দনের বিস্মরণ, হৃদয়ের সময় হরণ, ও-যেন বাদল রাতে চাঁদের কিরণ। হুঃখ শোক ভুলাইয়া দেয় ঐ বাজে ক’টা কথায়। বাঁচিয়া থাকা যে নেহাৎ মন্দ নয়, তা বুঝি যখন কথায় কথায় হাসির তরঙ্গ ছোটে, কথায় কথায় রসের স্রোত বয়ে যায়। কিন্তু হাস্য, এত বাজে কথাও কহিতে আছে!

“ইনি আপনার সঙ্গে আলাপ করতে এসেছেন।”—

“ওঃ বেশ! বেশ! আস্তে আস্তে হোক। বসুন। মশায় একটু তামাক ইচ্ছে করেন?—”

ইহাই হইল আলাপের সনাতন প্রথা। আজকালকার ইংরেজি ফ্যাশনে :—

“অত্যন্ত সুখী হ’লাম আপনাকে দেখে। আজ দিনটা বড় চমৎকার! নয়?—”

এর বদলে যদি ‘কাজের কথা’ সুরু করা যায়, তা হলে প্রাণ অতিষ্ঠ হইয়া পড়ে।

“কি কাম করেন? বেতন কত পান? পড়া শুনা কতদূর?” ইত্যাদি যেখানে আলাপের আলম্বন, সেখানে ‘নটের বেগে প্রস্থান’ই প্রশস্ত। কাজের কথায় যখন প্রাণ আই চাই করিয়া উঠে, তখন মন ছুটিয়া যায় একটু সংস্কার জন্ত; একটু কাব্যরসের জন্ত।

সংসার বিষবৃক্ষ শুষ্ক ফলে অমৃতোপমে।

কাব্যামৃত-রসাস্বাদঃ আলাপঃ সজ্জনৈঃ সহ।

বন্ধিমবাবু এই কথাটি ভুল বুঝিলেন; তিনি বিষবৃক্ষের ফল করিলেন দুইটি :—সূর্যামুখী ও কুন্দনন্দিনী। সে ফলের একটি গেল স্বর্গে; আর একটি জ্বালাইবার জন্ত রহিয়া গেল মর্ত্যে। কুন্দনন্দিনী জ্বলিল, অহিফেনের গরলে; আমরা জ্বলিতেছি কেরোসিনের অনলে।

সজ্জনের সঙ্গে আলাপ করিবার সৌভাগ্য সকলের ঘটে না। কাজের কথায় কালক্ষেপ করা যাহাদের অভ্যাস, তাহাদের পক্ষে সজ্জনের সঙ্গ লাভ করিবার সম্ভাবনা কোথায়?—যে সজ্জন সঙ্গতি ক্ষণমাত্র হইলে নাকি পৃথিবী রূপ solid অর্ণব চট্ করিয়া পাড়ি দেওয়া যায়!

ক্ষণমিহ সজ্জন সঙ্গতিরেকা

ভবতি ভবর্ণব-তরণে নৌকা।

এই মহাজন বাক্যে আমার অশ্রদ্ধা কিছুমাত্র নাই। তবে ঐ সকল মহাজনের তিরোভাবের পর অনেক জল হাওড়া পোলের নীচে দিয়া চলিয়া গিয়াছে—অর্থাৎ কিনা বহুকাল অতীত হইয়াছে। এখন বড় বড় three decker জাহাজ না হইলে কোনও অর্ণব পাড়ি দিবার কল্পনাই করা যাইতে পারে না। নৌকায় করিয়া পাড়ি দিবার চেষ্টা করিলে ডুবিয়া মরা অনিবার্য—বিশেষতঃ আমাদের luggage অর্থাৎ পাপের বোঝা যে বেজায় ভারি! সেকালের লোকের আর কিছু থাকে না থাক, ওজন ছিল কম; অনেক সময় পাতায় বা তেলায় ভাসিয়া সাগর পার হওয়া অসম্ভব ছিল না। তাই বিজ্ঞাপতি বলিতেছেন :—

হে মাধব,

তুমি পদ-পল্লব করি অবলম্বন

তরহিতে ইহ ভবসিদ্ধ।

‘পল্লব’ যদি তেমন নিরাপদ মনে না হয়, তবে পাঠান্তর করিয়া ‘পলব’ (অর্থাৎ পলব=ভেলা) করিয়াও লইতে পারেন, কিন্তু সাহসে কুলাইবে কি?



আমাদের কাজ এত বেশী এবং সময় এত কম যে সাধু সজ্জের প্রসঙ্গই বাজে বলিয়া মনে হয়। কাজও কি এক রকম? এত রঙ বিরঙের কাজ আছে যে আমাদের অ-কাজ যে কি তাহা খুঁজিয়া পাওয়া কঠিন। কোনও একখানি সংবাদপত্রে মোটা মোটা অক্ষরে দেখিলাম ‘কাজের কথা’। ভাবিলাম এতদিন পরে ছোটো কাজের কথা শোনা যাইবে! বাজে কথায়ই ত সময় বহিয়া যায়। পড়িয়া দেখিলাম তাহার মধ্যে হিন্দু মুসলমানের দাঙ্গা সম্বন্ধেই মস্তব্য বেশীর ভাগ। কিন্তু কি আশ্চর্য্য! হিন্দু মুসলমানের বিরোধ কি একটা কাজের কথা? মন্দির মসজিদ ভাঙ্গা কি কোনও কাজের কথা? যঃ শূণোতি সোহপি পাপভাক্—এ সব কথা শুনিলেও পাপ হয়। মাথা ফাটাফাটি রক্তারক্তি যদি কাজের কথা হয়, তাহা হইলে সেটা যত কম হয়, ততই ভাল নহে কি? এমন কাজের কথার চেয়ে বাজে কথা ঢের ভাল।

অস্ত্রের বাজে কথায় আমরা যত অসহিষ্ণু হই, নিজেদের বেলায় কিন্তু সেরূপ নহি। আমার মনে হয়, হাঁহাতে বিনয়ের বড় অভাব রহিয়া যায়। ঐতিহাসিক যখন বলেন, যে সতের জন ঘোড়সওয়ার লইয়া মহম্মদ বিন্ বখতিয়ার বাঙ্গালার রাজধানী নবদ্বীপে আসিয়া রাজ্যটা ধাঁ করিয়া জয় করিয়া ফেলিলেন, তখন অন্ত লোকে যে সেটা বাজে কথা বলিয়া উড়াইয়া দিতে পারে, এ বিনয়টুকু থাকিলে ভাল হয়।

দার্শনিক গম্ভীর ভাবে বলিলেন, সদেব সৌম্য ইদমগ্র আসীৎ। অগ্রিম এক সং আসিয়া জুটিলেন। কিন্তু কোথা হইতে যে আসিলেন তাহার ঠিকানা নাই। কারণ অসৎ থেকে সং হয় না, বালুকা হইতে কি তৈল পাওয়া যায়? আকাশ থেকে কুমুম পড়ে?—যদিও মাঝে মাঝে পুষ্পবৃষ্টি না হইলেই বা চলে কৈ? যাহা হউক, সং যে আগে ছিলেন, সে সম্বন্ধে একরূপ স্থির হইয়া গেল। কিন্তু অসতের অপরাধ কি? অসৎ নাই অথচ সং ছিল, এ কি কোনও কাজের কথা? কালোর কোলে আলো নইলে কি মানায়?

নিশীথের বৃকের মাঝে ঐ যে অমল

উঠলো ফুটে স্বর্ণ কমল—

বলিলেন কে?—না, কবি। বৈজ্ঞানিক একটু অবজ্ঞার হালি হাসিয়া বলিলেন—ও সব বাজে। আমার কাছে এস,

খাঁটি নির্ঘাসটুকু পাইবে। এই দেখ মারিলাম টোকা এখানে, আর ঐ বে-তারে বাহিত হয়ে চলে গেল খবর কাঁহা কাঁহা মুগুক! একবার স্বপ্নটি কানে পরো, শুনবে ছন্ন রাগ চৌষটি রাগিনী জলের পানার মত বাতাসে (কি ঈধরে) ভেসে ভেসে আসছে। কিন্তু সাধারণ লোকে বলিল,—বাজে, ও-সব বাজে! বে-তারে সুর আসে, সঙ্গীত আসে, সঙ্কেত আসে, তা’তে কিছু আসিয়া যায় না। অল্প-সমস্ত ত মিটে না। বে-তারে খবোর আসিবে কবে? এই হইল কাজের কথা। টেলিফোনে লোকের কথা আসিতেছে, গান আসিতেছে, হাসি আসিতেছে, এবারে আবার ছবি আসিতে আরম্ভ হইয়াছে। যে লোক অপর প্রান্তে কথা কহিতেছে, এ প্রান্তে তার ছবি দেখা যাইবে। তা’ত হইল, মনের ভিতরকার ‘ছাপ’ কোনও গতিকে আসে না? কথায় মানুষ ধরা যায় না, চেহারাও অনেক সময় ঠকায়। অস্তরের কথাটি ধরিতে পারা যায় না, কোন কৌশলে? নইলে, সব বাজে।

কাজের কথা যে কি, তাহা বুঝিয়া উঠাও কি কম শক্ত? মনের ঠিক আসল কথাটি ত ধরিবার উপায় নাই। চাণক্য বলেন কাজের কথা কিছু কহিও না;

মনসা চিন্তিতং কৰ্ম্ম বচসা না প্রকাশয়েৎ।

কাজের কথা মনে মনে চিন্তা করবে। মুখে কাউকে বলো না। বললে সব ফেসে যাবে, সব বাজে হবে।

ভাবুক একটু হাসিলেন। বলিলেন, মুখে বলিলেই বা কি? বুঝিবার সাধা কাহারও নাই। তুমি বল তোমার মতো, যাকে বলো সে বুঝে তার নিজের মতো। তুমি বলিলে ‘বেলা যে গেল।’ আমি বুঝিলাম আজকার মতো কাজ হলো শেষ। প্রণয়ী বুঝিলেন, ‘অভিসারে’র সময় হয়ে এলো। লালাবাবু বুঝিলেন, সংসারে মজে’ আছি, ছিঃ ছিঃ ছিঃ! বেলা যে গেল, সব ছেড়ে যেতে হবে আজই—চলো, ওগো চলো। স্মতরাং তোমার বলিতে কিছু বাধা নাই। রাম উল্টা বুঝিবে নিশ্চয়। স্মতরাং সব সে ভাল চুপ; কবীর ঠিকই বলিয়াছেন। গগিয়াস্ও অনেক তর্কের দ্বারা এই কথাটিই প্রমাণ করিয়া দিয়াছেন: কথা না বলাই ভাল, কেন না বলিলে কেহ বুঝে না।

এক রকম কথা আছে, যাহা কাজেরও নয়, বাজেও নয়। শুধু কথা। সে কথা শুনিতে অনেকের ভাল

লাগে। অনেকবার এই 'কথা' শুনিতে গিয়া আমাকে  
বাড়ীতে কত যে কথা শুনিতে হইয়াছে, তা'র ঠিকানা  
নাই। যে কথা প্রাণে বাজে, সে কথা কাজের নয় বলিয়া  
নিতান্ত উড়াইয়া দেওয়াও চলে না। তাহা হইলেও মনে হয়,  
কথা না শুনিতে যেন প্রাণ বাঁচে না। বড় মধুর লাগে  
সে কথা; সংসার-বিরাগী শুকদেব পর্য্যন্ত বলেন "স্বাহ  
স্বাহ পদে পদে।" যে কথার কৃষ্ণ কথা নাই, সে  
কথা কথাই নয়, এই কথা বলেন গোস্বামি-

পাদেরা। সে যাহাই হউক, অমন মিষ্ট আর কিছুই  
হয় না।

যা শ্রীকৃষ্ণ গুণানুবাদনকরী মনোহারী সা মাধুরী মাধুরী।  
শুধু মন্দরী হইলে হয় না, পতিব্রতা হইলেই তাহাকে বলে  
কামিনী। মেঘ পরিশুভ্র পূর্ণচন্দ্র-শোভিত হইলেই তাহাকে  
বলে যামিনী, নইলে ত শুধুই রাত্তি। আর যে কথার  
শ্রীকৃষ্ণের গুণকীর্তন আছে, সেই কথাই মধুর কথা। তা  
কাজের কথাই হউক, আর বাজে কথাই হউক।



## ব্যথার দান

শ্রীস্বধীরচন্দ্র বন্দ্যোপাধ্যায়

৯

“ও নারাগী, মন্দিরে যাবি?”

“যাব পিসীমা, একটু দাঁড়াও না” একটা তেরো বছরের ফুটফুটে মেয়ে এক গোছা কালো চুল পিঠে ছুলাইয়া উপর হইতে নীচে নামিয়া দয়া দেবীর নিকট আসিল।

যহুবাবু এই বাড়ীর মালিক। মেয়েটা যহু মুখুজ্যের কন্যা। ইহাদের বাড়ীর একখানা ঘর দয়াদেবী ২১ টাকায় ভাড়া করিয়া কাশীবাস করিতেছেন! যহুবাবুর সংসারের মধ্যে এই একমাত্র কন্যা নারাগী! যহুবাবুর বয়স ৬০ এর কাছাকাছি। ৩০ টাকা পেন্সন পান, তাহাতেই সংসার চলিয়া যাত।

নারাগী গামছায় বাঁধা দয়াদেবীর কাপড় ও কমণ্ডলু এক হাতে লইয়া অপর হাতে দয়াদেবীর হাত ধরিয়া পথে বাহির হইল। দশাশ্বমেধ ঘাটে যাইয়া দয়াদেবী স্নানে নামিলেন।

ঘাটে আরও কতকগুলি যুবতী ও শ্রোতা স্নান করিতেছিলেন। পুরুষদের ঘাটে কতকগুলি হিন্দুস্থানী বালক জলে সাঁতার কাটিতেছিল এবং একজন ৮ বৎসর বয়স্ক লোক একমুখ দাড়ী ও মাথায় জটা লইয়া গামছা দিয়া গা রগড়াইতেছিল এবং মেয়েদের ঘাটের দিকে একদৃষ্টে তাকাইয়া আপনমনে উচ্চ কণ্ঠে বলিতেছিল, “ওঁ কাণ্ঠৈরব ডেকে নিলে না বাবা! এমন করে আর যে চলে না।” তাহার বলিবার ভঙ্গী দেখিয়া ছই একটা যুবতী হাসিল দেখিয়া লোকটা তাহাদের দিকে একটা কটাক্ষ করিয়া পুনরায় বলিয়া উঠিল “তোরা দয়া কি হয় না রে।”

স্নান সমাপনান্তে দয়াদেবী নারাগীর হাত ধরিয়া বিশ্বনাথের মন্দিরের দিকে চলিলেন। বিশ্বনাথের ও অন্নপূর্ণার মন্দিরে পূজা সারিয়া উভয়ে গৃহে ফিরিলেন।

চৌকাঠের কাছে একখানা খাম পড়িয়া ছিল। নারাগী চিঠিখানা কুড়াইয়া লইয়া বলিল, “তোমার চিঠি পিসীমা।”

দয়াদেবী প্রফুল্লমুখে চিঠিখানা লইয়া ঘরে আসিয়া কহিলেন,

“চিঠিখানা পড়ে শোনা ত মা!” পত্র ধীরে নিকট হইতে আসিয়াছে। ধীরে লিখিয়াছে সে ভাল আছে, বেশ কাজ করিতেছে। মনি অর্ডারে ২৫ টাকা অল্প প্রেরণ করিল। পিসীমা যেন তাহার জন্ত না ভাবেন।

পত্রপড়া শেষ হইলে পিসীমা অঞ্চলে চক মুছিলেন। নারাগী মুখে চোখে বিষয় আনিয়া জিজ্ঞাসা করিল “কাঁদছ কেন পিসী, চিঠিতে ত ভাল খবরই আছে।”

“না মা সেজন্তু কাঁদিনি। আজ আমার কত আনন্দ! সেই ধীরে আমার রোজগার করে টাকা পাঠিয়েছে। বাছা আমার কি যেন্না যে বাড়ী ছেড়ে চলে গেছে তা আর কি বলব মা! বিদেশে আছে; কেই বা তাকে যত্ন-আত্তি করছে! সে এমন আপন-ভোলা, তাকে ডেকে খাওয়াতে হ’ত মা! পরের জন্তেই ছিল তার যত মাথা-বাথা! কার মড়া পোড়াতে হ’বে, কার ডাক্তার ডাকতে হবে, কে খেতে পায় না, এই সব খুঁজে বেড়ান ছিল তার কাজ। রাত নেই দিন নেই, দুর্যোগ নেই, এমনি করে ঘুরে ঘুরে বেড়াত। এই জন্তেই ত ওর দাদারা ওকে দেখতে পারত না।”

“কেন পিসী, এতে তাঁরা ওর উপর রাগ করতেন?”

একটা দীর্ঘনিঃশ্বাস ফেলিয়া দয়াদেবী কহিলেন, “কেন যে রাগ করত, সে কথা আর কি করে বোঝাব মা। সংসারে ত সবাই এক রকমের হয় না; যে যার স্বার্থ নিয়ে চলে।”

নারাগী উদাসভাবে ফ্যাল-ফ্যাল করিয়া দয়াদেবীর মুখের দিকে চাহিয়া রহিল।

“ও নারাগী” যহুবাবু গামছায়-বাঁধা বাজার লইয়া আসিয়া কহিলেন, “বাজারে জিনিস সব দিনকার-দিন যা হুমূল্য হয়ে উঠছে, আর কিছু কেনা যাবে না। যত সব কলকাতার বাবু ভায়রা এখানে বেড়াতে এসে জিনিসের দর বাড়িয়ে দিলে। একটা বেশ বড় কচি বেঙনের দাম করছি এক

পরসা, পাশ থেকে টেড়ী-কাটা এক ছোঁড়া বলে উঠল ‘এই তিন পরসা দিচ্ছি দে।’ বগুনটা ছেঁা মেরে নিয়ে গেলরে।’

নারাণী হাসিয়া কহিল, “তা যাকগে, কালকের বেগুন আধখানা আছে বাবা। তাইতেই আজ হবে।”

“আরে তা যেন হ’ল। বেগুন ত নিল। ছোঁড়াটার আক্কেলের কথা বলছি।”

বাইরে কড়া নাড়িয়া পিয়ন হাঁকিল, “মনি-অর্ডার ছায়” ; যহুবাবু বিস্ময়ে কহিলেন “মনি-অর্ডার কার এল।” নারাণী হাসিয়া কহিল “পিসীমার।” “ওঃ” বলিয়া যহুবাবু বাহিরে যাইয়া মনি-অর্ডারের কাগজ আনিয়া দিলে, দয়াদেবী বলিলেন “সই দিয়ে নাও দাদা।”

যহুবাবু দয়াদেবীর নাম স্বাক্ষর করিয়া ২৫ টাকা তাঁহার হাতে দিয়া কহিলেন “এই ত দিদি, তুমি ভেবে সারা হচ্ছিলে। দেখ, তোমার ধীরু খবর দিয়েছে, আবার টাকা পাঠিয়েছে।”

দয়াদেবী নারাণীর হাতে টাকা দিয়া কহিলেন “তুলে রাখ ত মা, তোর বাসায়।”

নারাণী হাসিয়া কহিল, “বাঃ গো, আমি কি সবাইকার তবিল নাকি। বাবা পেন্সনের টাকা এনে বলবেন ‘নারাণী, টাকাগুলো রাখত মা।’ তুমিও তাই বলছ। বেশ ত ?”

যহুবাবু হাসিয়া বলিলেন “টাকা ত তোরই পাগলি, কেবল আমি আর দিদি যে কটা দিন বাঁচব তুই আমাদের চারটা চারটা খেতে দিস।”

“তা বৈকি ! আর লেখবার ভুলে যখন একটা টাকার গরমিল হয় তখন কে বলে, আমার টাকা করলি কি ? দে বেটী হিসেব দে।”

দয়াদেবী হাস্যমুখে বলিলেন, “আমি কিন্তু তোর কাছে হিসেব চাইব না।”

“সে তুমি না চাও, হিসেব আমি ঠিক রেখে যাব। যিনি টাকা পাঠিয়েছেন তিনি এলে তাঁকে আমি হিসেব বুঝিয়ে দেব। তুমি ত আর হিসেব বুঝবে না বাপু।”

যহুবাবু হাসিয়া বলিলেন, “দিদি—হিসেব বোঝেন না।”

নারাণী হাসিয়া কহিল “সেদিন চান করে আসবার সময় একসের আলোচাল কিনে পিসীমা দোকানীকে একটা টাকা দিলেন। সে পনের পরসা দাম কেটে নিয়ে এগার

আনা এক পরসা দিল। উনি ত চলে আসছিলেন। শেষে আমি পরসা গুণে বল্লুম, এক আনা কম দিয়া কাছে। তখন সে পরসা দিয়ে বলে গল্টি ছয়া ধা।”

দয়াদেবী হাসিয়া কহিলেন, “বিশ্বনাথের জায়গার কেউ কি ঠকাতে পারে দাদা ? ও হয় ত তার ভুল হয়ে থাকবে। নে তরকারীগুলো কুটে ফেল নারাণী, আমি বোকনো চড়িয়ে দিই।”

নারাণী ঝটি লইয়া কুটনা কুটিতে বসিল, দয়াদেবী চাল ধুইয়া হাঁড়িতে দিলেন। যহুবাবু তেল মাখিতে লাগিলেন। এমন সময় একটা বৃদ্ধলোক বাহির হইতে ডাকিলেন “মুখুজ্যে মশায় বাড়ী আছেন না কি।”

“হ্যাঁ, এস।”

দরজা খুলিয়া দিলে লোকটা ভিতরে প্রবেশ করিয়া কহিল, “তারা বিকেলে মাগল্লীকে দেখতে আসবে বলেছে। আপনি বিকেলে বেরবেন না, বাড়ীতে থাকবেন।”

যহুবাবু হাসিয়া কহিলেন, “তা না হয় থাকলুম। কিন্তু তাদের যে বেজায় খাঁই গুনেছি হে! গেরে উঠব কি ?”

• লোকটা কাসিয়া কহিল “সে কথাও ছেলের মার সঙ্গে হয়েছে ; দু’হাজারের ভেতরই হয়ে যাবে।”

বিস্মিতকণ্ঠে যহুবাবু কহিলেন, “বল কি ? দু হাজার! তবেই হয়েছে! আমার সম্বলের মধ্যে এই বাড়ীখানি আর ৩০টি টাকা পেন্সন। তা’হলে মেয়ের বিয়েতে আমার ভিটে বেচতে হয়।”

লোকটা দয়াদেবীর পানে চাহিয়া কহিল, “আপনিই বলুন ত দিদি, মেয়ের বিয়ে কি বিনা-খরচায় হয় ?”

দয়াদেবী হাসিয়া কহিলেন, “তা ত হয় না, কিন্তু যাদের অবস্থায় কুলায় না এত দিতে, তারাই বা কি করে বলুন ?”

“তাও বটে! আচ্ছা, আগে তারা মেয়ে দেখে যাক ত, তার পরে তাদের সঙ্গে কষাকষি করা যাবে।”

দয়াদেবী নারাণীর অবনত মুখের দিকে চাহিয়া দেখিলেন, লজ্জায় তাহার গাল দুটা রক্তা হইয়া উঠিয়াছে। তিনি কহিলেন, “মেয়ে দেখে তারা অপছন্দ করতে পারবে না, এমন প্রাতিমার মত মেয়ে কটা মেলে ? এমন সোনারচাঁদ যাদের দোব তাদের কি আবার টাকা দিতে হবে নাকি। পোড়া কপাল।”

যহুবাবু হাসিয়া কহিলেন, “ঠিক বলেছ দিদি, অত টাকা

আমার নেইও, আর আমি তা দোবও না। পছন্দ করে কেউ অমনি বিয়ে করে, তবেই মেয়ের বিয়ে দেব, না হলে মেয়ে আমার চিরকাল কুমারী থাকবে, যেমন সব সেকালে থাকত।”

দয়াদেবী কহিলেন, “ওমা! তাই বা কেন?”

“যাই হোক, বিকেলে থাকবেন। আমি তা হলে এখন আসি; একটু দরকারী কাজ আছে।”

“আচ্ছা।”

লোকটা চলিয়া গেল। ভিতরে আসিয়া যত্নবাবু নারাগীকে বলিলেন, “গামছা কাপড় দে মা, আমি নেয়ে আসি।”

“এত বেলায় আবার গঙ্গায় নাইতে যাবে বাবা? আজ বাড়ীতেই নেয়ে ফেল।”

যত্নবাবু হাসিয়া কহিলেন “না রে কাছে মা-গঙ্গা থাকতে আর বাড়ীতে নাব না! তুই দেখ না, আমি এই চট করে এলুম বলে।”

নারাগী গামছা কাপড় দিয়া কহিল “মন্দিরে যেও না কিন্তু, তা হলে ফিরতে বেলা তিনটা বেজে যাবে। আর তোমার পিত্তি পড়বে।”

যত্নবাবু হাসিয়া কহিলেন, “আচ্ছা আমি এখনই আসছি।”

নারাগী দয়াদেবীকে বলিল “তোমার ভাত হল পিসীমা?”

দয়াদেবী বলিলেন, “কেন? উনুনটা নিবি?”

নারাগী সহাস্তে কহিল, “হ্যাঁ, এই উনুনে ডাল চাপিয়ে ও-উনুনে তরকারী চাপাব। বজ্র বেলা হয়েছে, না হলে বাবার খেতে দেবী হয়ে যাবে।”

“তোমার ভাত হয়ে গেছে?”

“হ্যাঁ, ভাত সকালেই হয়ে গেছে।”

“নে, তবে উনুনটা; কিন্তু রান্না হয়ে গেলে উনুনটার একটু গোবর বুলিয়ে দিস মা।”

“সে বলতে হবে না পিসীমা, আমি জানি।”

“জানবে বই কি মা! হিঁহুর ঘরের মেয়ে আচার বিচার মানবে, ঠাকুর দেবতায় ভক্তি করবে, তবেই না লক্ষ্মী হয়। তবেই না শ্বশুর বাড়ীতে সকলে ভালবাসে।”

নারাগী উনানে ডাল চাপাইয়া দয়াদেবীর নিকটে বসিলে দয়াদেবী বলিলেন, “খেয়ে-দেয়ে ধীরুকে একটা চিঠি আমার

জবানীতে লিখে দিস্ ত মা! লিখবি যে, টাকা পেয়েছি, আমি ভাল আছি। সে যেন তার শরীরের যত্ন করে, আর যেন একবার ছুটি নিয়ে পূজোর সময় আমার কাছে আসে। বাছার চাঁদমুখখানি আজ কতকাল দেখিনি।” দয়াদেবীর স্বর রুদ্ধ হইল, তিনি বসনাঞ্চলে চক্ষু মুছিলেন। কি জানি কেন নারাগীর বড় বড় কাল চোখটুকু অশ্রু-সজল হইয়া উঠিল। সে নতমুখে হাতের নখ খুঁটিতে লাগিল। দয়াদেবী নারাগীর ম্লান মুখের পানে চাহিয়া রহিলেন। অন্ধকারের বৃকে বিছাতের মতন একটা কথা তাঁর মনে আসিতেই তিনি নারাগীকে বৃকর কাছে টানিয়া আনিয়া বলিলেন, “আমার ধীরুকে বৌ হবি মা, দুজনে আমার বৃক জুড়ে থাকবি।”

নারাগীর বৃকখানা কি এক অজানা আনন্দের তালে ছলিয়া ফুলিয়া উঠিল। মাতৃহারা বালিকা সে; বৃকিতে পারিল না কিসের এ আনন্দ, এতদিন কোথায় লুকাইয়া ছিল, আজ হঠাৎ স্নেহময়ী মায়ের মতন তাহাকে বৃকে তুলিয়া নিল। দয়াদেবীর স্নেহের বস্ত্রায় ভাসিয়া কতদূর চলিতেছিল তাহার খেয়াল ছিল না। আর দয়াদেবী তাঁহার অন্তরের শূন্য স্থানটা পূর্ণ করিয়া লইতেছিলেন।

কতক্ষণ এই ভাবে কাটিল কাহারও খেয়াল নাই। যত্নবাবু ছয়ার ঠেলিয়া ভিতরে আসিয়া দেখিলেন নারাগী দয়াদেবীর বৃকে মাথা রাখিয়া আছে, দয়াদেবী তাহাকে ছই বাছ দিয়া জড়াইয়া আছেন; দুজনেরই মুখে হাসি, দুজনেরই চক্ষে জল। তিনি হতবুদ্ধির মত দাঁড়াইয়া রহিলেন।

১০

দিনের পর দিন কাটিতে লাগিল; কিন্তু কল্যাণী কিছুতেই স্বামীর সংসারে মন বসাইতে পারিল না। “ভবিতব্য” “অদৃষ্ট” “বিধিলিপি” ইত্যাদি যুক্তিতর্ক-বিরহিত শাস্ত্রীয় প্রবোধ-বচনগুলি কিছুতেই তাহাকে সাশ্বনা দিল না। একটা অতিবড় চঃখের আক্রমণে তাহার মন ভাঙ্গিয়া পড়িল। অভাব-অভিযোগশূন্য সচ্ছল সংসার, এত বিষয়-সম্পত্তি, টাকাকড়ি, অলঙ্কার প্রভৃতি কিছুই কল্যাণীর মনকে আকৃষ্ট করিল না। জগদীশবাবুর আন্তরিক চেষ্টা ও ভালবাসিবার আগ্রহ, বিধবা নন্দিনী কাদম্বিনীর যত্ন ও স্নেহ সমস্তই তাহার নিকট ফাঁকা-ফাঁকা, অন্তঃসারহীন বলিয়া মনে হইতে লাগিল;—এ যেন ভান, সত্যের বাহিরে। কল্যাণী বৃকিল

না, বুঝিতে চাহিল না, নারী-জীবনের সার্থকতা কোথায় ;  
কতখানি আত্মত্যাগের ভিতর দিয়া তাহা ফুটিয়া উঠে ।

আজ বৈকালে শূন্য ঘরের খোলা জানালার পাশে বসিয়া  
এই কথাটাই কল্যাণী মনে মনে তোলাপাড়া করিতেছিল,  
জগদীশবাবু তাহাকে বিবাহ করিল কেন ? কেন সে  
তাহার জীবনটা এমন করিয়া অন্ধকারে ডুবাইয়া দিল ?  
এই অলঙ্কার, এই ঐশ্বর্য, ইহার বিনিময়েই কি তাহার  
নারী-জীবনের সকল আকাঙ্ক্ষার সার্থকতা ? এই বৃদ্ধ  
স্বামী, কি চায় সে ? প্রেম, ভালবাসা ? কল্যাণী এত  
চঃখেও হাসিল । হায়, সে যদি তাহার বুকখানাকে চিরিয়া  
দেখাইতে পারিত, তাহার অন্তর জুড়িয়া একটা কত বড়  
সাহারা পড়িয়া রহিয়াছে ; সেখানে একবিন্দু জল নাই, শুষ্ক  
তপ্ত মরুভূমি, একটা সীমাহীন শূন্যতা, আর ইহারই পশ্চাতে  
ছুটিয়াছে স্বামী তৃষাতুরের তীব্র পিপাসা লইয়া । তাহা হইলে  
কি তাহাকে ইহারা মুক্তি দিবে না ? না, ইহাজীবনে আর  
তাহার মুক্তি নাই ! তাহাকে বাঁধা হইয়াছে শাস্ত্রের শৃঙ্খল  
দিয়া, শুধু দেহের ক্ষুধা মিটাইয়া লইবার জন্ত,—তার  
বেশী নয় । ছিঃ ছিঃ ! লজ্জায় ঘৃণায় কল্যাণীর অন্তরাআ  
কাঁদিয়া উঠিল । পশ্চাতে একটা চাপা হাসির শব্দে মুখ  
ফিরাইতেই দেখে জগদীশবাবু হাসিমুখে তাঁহার প্রকাণ্ড  
ভুঁড়িটার উপর হাত বুলাইতেছেন । কল্যাণী মাথার  
কাপড়টা টানিয়া দিয়া মুখ ফিরাইল । জগদীশবাবু কহিলেন,  
“চুপ করে একলাটি এখানে বসে যে ?” কল্যাণী কোন  
জবাব না দিয়া উঠিয়া দাঁড়াইল ।

“কি আমি আসতেই অমনি বুঝি পালানো হচ্ছে ?  
আচ্ছা, বল ত নতুন বৌ, আমি বাঘ না ভানুক, যে আমাকে  
দেখলেই পালাতে চেষ্টা কর !”

কল্যাণী মাটির দিকে চাহিয়া আঙ্গুলে আঁচলের প্রান্ত  
জড়াইতে জড়াইতে কহিল “আমি ত তা বলিনি !”

“মুখে বল না বটে কিন্তু—” জগদীশবাবু কল্যাণীর  
পিঠের উপর হাত রাখিয়া মুখের কাছে ঝুঁকিয়া বলিলেন  
“কিন্তু সত্য করে বলত নতুন বৌ, আমাকে তোমার—”

কল্যাণীর চোখ মুখ রাস্তা হইয়া উঠিল । সে জগদীশবাবুর  
হাতখানা সরাইয়া দিয়া কহিল “আমি যাই, কাজ আছে”  
কল্যাণী ত্রস্তপদে সেখান হইতে চলিয়া গেল । জগদীশবাবু  
মুখ ফিরাইয়া ডাকিলেন “ওরে নেতা, নেতা !”

চাকর নেত্যাধন ছুটিয়া আসিতে জগদীশবাবু কহিলেন  
“দেখছিল না বেটা, সন্ধ্যো হয়ে এল, যা আমার আফিমের  
কৌটাটা নিয়ে আয়...”

“যে আজ্ঞে” বলিয়া নেতা চলিয়া গেল !

জগদীশবাবু উদাস দৃষ্টিতে জানালার ভিতর দিয়া দূরে  
গোধূলির স্নানিমাপূর্ণ আকাশের দিকে চাহিয়া একটা  
দীর্ঘনিঃশ্বাস ফেলিয়া ধীরে ধীরে ছাদে যাইয়া বসিলেন এবং  
মনের সঙ্গে নানা তর্ক জুড়িয়া দিলেন ! এ কি অভিমান,  
বিরক্তি, লজ্জা, না ঘৃণা ? না, ও বোধ হয় কিছুই নয়,  
আর কিছুদিন গেলে এই সঙ্কোচের ভাবটা নিশ্চয়ই কাটিয়া  
যাইবে ! কিন্তু তাই বা কেমন কবিয়া বলি ? এই ত আজ  
আট মাসের উপর কাটিয়া গেল, কল্যাণী ত এক  
দিনের তরেও তাহার সঙ্গে কক্ষণও যাচিয়া কথা বলে  
নাই ? যদি “হাঁ” ও “না” এই দুটো কথায় মিটিয়া যায়  
তাহা হইলে সে অধিক কথা পর্যাস্ত কহে না । তবে কি  
আমার বয়স বেশী বলিয়া সে আমার আন্তরিক ঘৃণা করে ?  
কই তাহারও ত কোন লক্ষণ দেখি না ! প্রত্যহ শয্যা ত্যাগের  
পূর্বে সে আমার পদধূলি গ্রহণ করিয়া ঘর হইতে বাহির  
হয় ! ইহা ত আমি নিদ্রার ভাণ কবিয়া কতদিন দেখিয়াছি !  
আর আমার বয়স এমনই বা কি বেশী ? আমার চেয়ে  
বেশী বয়সেও সেবার হরি মুখুজ্যে তৃতীয়বার বিবাহ করিল !  
একটি ছেলেও তাহা হইয়াছে ; দেখিলে মনে হয় বেশ  
শান্তিতেই আছে ! তবে আমার হৃদয়ে পরিপূর্ণ সুখ নাই  
কেন ? হায়, আজ যদি সে বেঁচে থাকত ! অতীত-স্মৃতি  
প্রাণের উপর কশাঘাত করিল, তিনি শূন্য দৃষ্টিতে ব্যথিত  
অনুঃকরণে আকাশের দিকে চাহিলেন । বিরাট অন্ধকারের  
কালো পরদা তখন পৃথিবীর উপর ঝুলিয়া পড়িয়াছিল,  
আর তুষাব-ধবলমণ্ডিত মেনের আড়াল হইতে  
শুটিকয়েক তারা বহুদূরে বসিয়া মিটমিট করিয়া চাহিয়া  
হাসিতেছিল ।

জগদীশবাবুর বিধবা ভগ্নী কাদম্বিনী পশ্চাত হইতে  
ডাকিল “দাদা, হুধ এনেছি ।”

“ও কাছ, হুধ এনেছিস ? আচ্ছা ঘরে আয় ।”  
জগদীশবাবু উঠিয়া ঘরে গেলেন ! এক ডেলা আফিম  
মুখে ফেলিয়া, এক টোক জল খাইয়া, হুধ পান করিয়া  
মুখ মুছিলেন !

ভারতবর্ষ



গায়ত্রী প্রভাট

শিল্পী— শ্রীযুক্ত পুণ্ডরীক চন্দ্র

Bharatvarsha Balitone & Printing Works.





কাদম্বিনী মূহুর্তে কহিল “দাদা, রাজা-ঠানদি, পূজার সময় কাশী যাচ্ছে ; তাই আমিও মনে করছি এইবার ঘুরে আসি ! এখানে মামী রইল, আর বৌ রইল, সে ত সব এতদিনে জেনেগুনে নিয়েছে !”

জগদীশবাবু ম্লান হাস্তে কহিলেন, “তবেই হয়েছে রে ? তোদের বৌ এই এত বড় সংসার চালাবে ? আর মামীর হাতে সংসারের ভার পড়লে চাকর বামুন যে যেখানে আছে সবাই পালাবে, আর আমাকে উপোষ করে মরতে হবে ! আমাকে দেখবার কেউ থাকবে না !”

কাদম্বিনী হাসিয়া কহিল “তোমার কেমন এক কথা দাদা ! বৌ রইল কি করতে ? তোমাকে দেখবে না ?”

“এই ত এতদিন হল তোদের বৌএর সঙ্গে ঘর করছিস, এ সংসারের ওপর ওর কত মান্না মমতা দেখিস নি ?” বলিয়া জগদীশবাবু হাসিতে লাগিলেন !

“কি যে বল দাদা, তার ঠিক নেই ! সংসারের কত কাজ বউ করে তা জান ? তা ছাড়া, এই পাড়ার ছোট ছোট ছেলে-মেয়েরা ওর কাছে ছুপুরবেলা পড়তে আসে, ও-বাড়ীর জোঠাইমা আসেন ; তাঁকে রামায়ণ পড়ে শোনাতে হয়, ঠানদি তার নাতির জন্তে বৌদিকে দিয়ে গলাবন্ধ তৈরী করান্নে । কেমন মিশুক, আমুদে ; সকলেই বৌদির সুখ্যাতি করে, আর তুমি কেবল নিন্দে—”

জগদীশবাবু হাসিয়া কহিলেন “আমার নিন্দে করা স্বভাব ! যাক্গে ; তোদের বৌ, তোদের সঙ্গে ভাল ব্যবহার করলেই হল, আমার আর কদিন—গঙ্গামুখো পা হয়েছে—নেহাৎ মামী কান্নাকাটি করলে, তুই ধরে বসলি, বল্লি, বাপের বংশ লোপ হবে ; তাই এ বয়সেও আবার ভালই হক, আর মন্দই হক, একটা কাজ করে ফেলা গেল ! না হলে আমার সুখ শাস্তি তার সঙ্গে চলে গেছে রে ! তোদের নতুন বৌএর কাছে আমি কিছুই প্রত্যাশা রাখি না !”

কাদম্বিনী জগদীশবাবুর দৃষ্টির অনুসরণ করিয়া দেখিল

কল্যাণী বারান্দার রেলিংটা ধরিয়া অন্ধকারের মধ্যে দাঁড়াইয়া আছে ! কাদম্বিনী কহিল “অন্ধকারে দাঁড়িয়ে কেন বৌ, আমার কিছু দরকার আছে ?”

কল্যাণী মূহুর্তে কহিল “পুরুত মশাই এসেছেন, ঠাকুরের বৈকালীর সব যোগাড় হয়েছে—”

“তা তুমিই দাও না, আমি দাদার সঙ্গে কথা করে যাচ্ছি !” কল্যাণী চলিয়া গেল ।

জগদীশবাবু কহিলেন “চল, তা হলে তোদের সঙ্গে আমিও না-হয় দিনকতক ঘুরে আসি ! বৌকে ওর মামার বাড়ী পাঠিয়ে দে, বাড়ীতে মামী থাকলেই হবে ! আর খাজনাপত্ৰ ত সব আদায় করা হয়ে গেছে, নায়েব মশাই থাকবে, সব দেখবে শুনবে !”

“তুমি যাবে দাদা ? তাহলে বেশ হবে ! চল এইবার যাবার পথে গঙ্গার বাবার কাজ সেরে যাবে ! তারপর কাশীতে যাওয়া যাবে ! সেখানে তোমার গুরুদেব আছেন, তাঁর সঙ্গে ত তোমার কতদিন দেখা-সাক্ষাৎ নেই !”

জগদীশবাবু একটা নিঃশ্বাস ফেলিয়া কহিলেন, “সেই ভাল, চল বেরিয়ে পড়া যাক্ । আর বয়স ত হল, কবে আছি কবে নেই, বাবার কাজটা সেরে আসি । গুরুদেবকেও একবার দেখে আসি !”

“তোমার গুরুদেব আমার লিখেছেন যে ‘তোমাদের খুব সুলক্ষণা লক্ষ্মী বউ এসেছে, ওর পুণ্যে তোমার দাদার ঐবৃদ্ধি হবে, তোমার বাপের বংশ রক্ষা হবে !’ গুরুবাক্য কখনও মিথ্যে হয় না দাদা ! তাহলে আমি মামীকে বলে যাবার সব যোগাড় করছি !” বলিয়া কাদম্বিনী চলিয়া গেল ।

জগদীশবাবু ধীরে ধীরে বাহিরের বৈঠকখানার দিকে চলিলেন ; তাঁহার কাণের কাছে কাদম্বিনীর শেষ কথাটা তখনও ধ্বনিত হইতেছিল । “গুরুবাক্য কখনও মিথ্যা হয় না দাদা !” জগদীশবাবু উদ্দেশে গুরুদেবকে প্রণাম করিলেন ।

(ক্রমশঃ)

# শুভ-বিবাহ

শ্রীনরেন্দ্র দেব

সেদিন রাত্রে যখন নীলাধর

প্রিয়-পত্নী মনোরমার শ্রীহস্তের সুপাচিত আহারাদির পর  
ছড়িয়ে দিয়ে হাত-পাগুলো, লম্বা হ'য়ে কোমল শয্যা-তলে

চক্ষু মুদে শুড়শুড়িতে আপনমনে টান্ছে কুতূহলে,  
সুবাসিত তামাকটি তার তপ্ত তাওয়ান জ'মে

শ্রান্তি-হরা, তৃপ্তি-ভরা ঘন সুনীল ধোঁয়া পরিবেষণ করছে তাকে ক্রমে,  
এমন সময় মনোরমা ঘরের ভিতর এসে,

নীলাধরের ধূত্র পানের রকমখানা দেখে—উঠল ভারি হেসে !  
তারপরে সে ধীরে-ধীরে এগিয়ে গিয়ে ব'সল স্বামীর কাছে

মিষ্টি গলায় বললে “হ্যাঁগা, খবর ওদের আর, নোতুন কিছু আছে ?”

মিহি জরীর কাজ-করা সেই রেশমী-চিকণ লঙ্কায়ী নল

আবলুশি তা'র অধর স্পর্শে নীলু তখন হর্ষে বিহ্বল,  
স্বপ্নলোকের অজানা কোন্ অচিন্ত-পুরে যাচ্ছে ভেসে

কুণ্ডলীময় ধোঁয়ার রাজ্যে—আবছায়া এক মায়ার দেশে,  
মিলিয়ে গেছে মন থেকে তার দুর্ভাবনার দুঃখ যত

জুড়িয়ে গেছে সংসার-তাপ বাদল বায়ে রোদের মত  
ঘুম নেমেছে ঝাঁখির পাতায় আলবোলাটির খেয়াল গানে,

পৌছিল না মনোরমার কথাটা তাই মোটেই কানে !

“সুন্দরী ওগো !” ডাকলে আবার গা ঠেলে তার মনোরমা

“এর মধ্যেই' ঘুমিয়ে কাদা ?—অবাক ক'রলে তুমি ওমা !

খেয়ে উঠেই প'ড়লে শুয়ে ? শুন্ছো ওগো, ধোঁয়ার নবাব,

বলি, আমার কথার একটা যা-হোক কিছু দাও না জবাব ।

বাদশাহী ওই তামাক টানা একটু এবার যদি, ভালয় ভালয় না দাও তুমি ছেড়ে

মুখ থেকে ওই নলটা আমায় নেহাৎ দেখছি তবে, নিতেই হবে কেড়ে !”

নীলু তখন আকাশ ছোঁয়া প্রচুর ধোঁয়ার উড়িয়ে ফুঁ

তেমনি ভাবে চক্ষু মুদেই ব'ললে শুধু ছোট্ট “হঁ !”

অধীর হ'য়ে মনোরমা, ছিনিয়ে নিলে উঠে, নীলুর মুখের নল,

ব'ললে “দাঁড়াও, ক'লকেটাতে দিচ্ছি ঢেলে খানিক ঠাণ্ডা কুঁজোর জল—!”

শশব্যস্তে নীলাধর দেখলে এবার চোখ দুটি তার মেলে,

তাই ত, এ কি ! পত্নী যে তার সত্য করেই সমুদ্রত জল দিতে আজ ঢেলে

একটি গেলাস ভ'রতি ক'রে গড়িয়েছে সে জল,  
 নয়ত' এটা প্রিয়ার মুখের—মিথ্যা কেবল তবে ভয় দেখানোর ছল !  
 'হাঁ হাঁ' করে নীলাধর একেবারে বসল' তখন উঠে,  
 ব্যাপার দেখে কুটলো এবার, ফুলের মতো হানি—মনোরমার মধুর অধর-পুটে !  
 নামিয়ে রেখে গেলাসটাকে, ব'ললে অধর টিপে "আচ্ছা এবার করছি তোমায় মাপ,  
 কিন্তু দেখো আর যেন ফের্ ঘটিয়োনাকো মোর অকারণে এমন মনস্তাপ !  
 —কর্মনাশা নলটা যদি আবার দেখি তুমি মুখে নিয়েছো তুলে,  
 তাহ'লে ওই তামাক-টিকে আজ থেকে রোজ দেখো রাখবো জলে শুলে !"  
 "ব্যাপারটা কি ? কী হয়েছে ?" হাসতে হাসতে ব'ললে নীলাধর,  
 "তামাক ত নয় সতীন তোমার, তবে এমন রাগ হঠাৎ কেন প'ড়ল এটার' পর ?"  
 মাথাটি' তার হেলিয়ে লীলার ছ'চার বার ডাইনে থেকে বায়ে  
 মনোরমা জোড় ক'রে হাত বললে "তোমার পড়ছি ছ'টি পা'য়ে,  
 বন্ধ করো বাজে কথা মাথার দিবিা ওগো, কাজের কথা ছ'একটা আজ কও,  
 'অমু'র বিয়ের জন্ত হেথা—একটি দিনের তরে চিন্তিত কেউ দেখছি মোটেই নও ।  
 কি বললেন, সেদিন গাঁরা এসেছিলেন দেখতে আমার মেয়ে ?  
 তাঁরাও বুঝি সুন্দরী চান আরও একটু জবর অমুরূপার চেয়ে ?"  
 নীলু ব'ললে "ক্ষেপ্লে মমু, অমুর চেয়ে সুন্দরী আর  
 বাঙ'লা দেশের মেয়ের হাতে হাজারে এক পাওয়াই তার ।  
 আমাদের এই ছুঃখী জাতের সব নেয়েরই রূপের অভাব,  
 কিন্তু জেনো তোমাদের এই মিষ্ট মধুর শাস্ত স্বভাব  
 তুচ্ছ করে দিয়েছে আজ—রূপের গর্স যেন—বিশ্বমাবে ধুলার চেয়েও হীন,  
 বাঙ'লা দেশের শ্রামলা মেয়ের হৃদয় মণির আলোর সুন্দরীদের রূপের  
 জ্যোতি দীন !

করণ হেসে মনোরমা বললে তখন "খামো, তোমাদের এই মিথ্যে কথার জালে  
 রেখোনা আর এমন করে ভুলিয়ে আমাদের ; চূণকালি যে দিচ্ছে লোকে গালে !  
 রূপের চেয়ে গুণের শোভা সত্যি যদি লাগতো চ'খে ভালো,  
 বাছতে না' আর এমন ক'রে ছেলের বিয়ের বেলা পাত্রী কেমন ? সুন্দরী না কালো ?  
 লজ্জা ক'রে আমার, যখন নিল্ল'জ্জ পুরুষগুলো এসে—জিনিস কেনার মতো—  
 মেয়েটাকে নেড়ে চেড়ে বাজিয়ে দেখে যায় ;—অপমানে বুকখানা হয় কত !  
 মুখে তোমরা যতই বলো আমরা দেবী—লক্ষ্মীরূপা—এ স'সারের রাণী,  
 পুরুষ জাতির সুখ সুবিধার যন্ত্র ছাড়া আর—নই যে বেশী কিছু—স্পষ্ট এটা না  
 মানলেও অন্তরে তা জানি !"

নীলু এবার গুণলে প্রমাদ মনোরমার চ'খে—নির্যাতিতা নারীজাতির কোভের  
 অনল দেখে ।

তাড়াতাড়ি ও-প্রসঙ্গ চাপা দেবার তরে ব'লে উঠলো হেঁকে—

বর-ক'ণ্ডে মাঝখানে তার লজ্জাভ'রে উঠছে ঘেমে ;  
 ব্যাপার শুনে মেয়ের দলও এসে পড়েছেন নীচেয় নেমে ।  
 নানান্ লোকের বাক্বিত'গায় বেড়ে উঠছে গগুগোল,  
 অধিকা বোস হাঁকছে কেবল "সুরো উঠে আর, চেলী খোল" ।  
 সামনে ছিল চুণী মিত্তির, পাড়ার সে এক মস্ত ধনী,  
 হেসে বল'লে "বোস্জা মশাই, মেয়ের বাপ কি টাকার খনি ?  
 ইচ্ছে মতো কুপিয়ে নেবেন পণ পাওনার দাবী দিয়ে,  
 ভদ্রলোকের এ ব্যবহার দেখিনি আর, ব্যাপার কী এ ?—  
 আসেননি ত' বেচতে ছেলে, নিতে এসেছেন পুত্রবধু  
 দেখুন দেখি মায়ের আমার কাস্তি কেমন স্নিগ্ধ-মধু !  
 যা হোক, এখন হুকুম করুন—শেষ হ'য়ে যাক্ সম্প্রদান—  
 আমিই দিচ্ছি বাড়'তি টাকা—আপনি যেটা লুটতে চান !"   
 শুনে সবাই 'ধন্ত ধন্ত' করে উঠল চতুর্দিকে  
 "—এই ত' হলো ব'নেদী চাল, বড় লোকের কাজ ত' ঠিক এ !"   
 পাঁচশো টাকার পাঁচখানা নোট চুণী মিত্তির দিলে গুণে ;  
 আনন্দে সব মেয়ের দল উলু দিয়ে উঠলো শুনে !

৩

চল্ল'আবার সম্প্রদানটা যথারীতি মস্ত প'ড়ে ;  
 বরষাত্রীর কাছে গিয়ে চুণী মিত্তির করজোড়ে  
 বললে তখন ; "চোখের উপর দেখলেন ত' ব্যাপার আজ,  
 ছেলের বে'তে ভদ্রলোকের এই কি মশাই উচিত কাজ ?  
 লগ্ন যদি থাকতো আজ আর—তবে নিশ্চয় এটার ঘরে—  
 দিতাম নাকো নীলাস্বরকে মেয়ে দিতে এমন ক'রে !  
 বলেন যদি আপনারা সব—বোস্জাটাকে শিক্ষা দিই,  
 যে টাকাটা ঠকিয়েছে সে, কায়দা ক'রে ফেরত নিই !"   
 শুনে সবাই সমুৎসাহে বললে "অমত নাইক' কারো,  
 জন্ম করো ইতরটাকে যেমন ক'রে তোমরা পারো !"   
 চুণী মিত্তির গিয়ে তখন বরের বাপকে বললে ডেকে—  
 "এই এতজন ভদ্রলোককে ধ'রে এনেছেন কোথা থেকে ?  
 এঁদের তো কেউ আমরা গিয়ে ক'রে আসিনি নিমন্ত্রণ ;  
 এ বাড়ীতে হয়নি এঁদের আহারাতির আয়োজন ।  
 আপনি যখন ডেকে এনেছেন, আপনারই এ তখন ভার—  
 কি খাওয়াবেন এই রাত্রে—ব্যবস্থাটা করুন তার !"   
 অধিকে বোস বললে রেগে—"এ সব কথার মানেরটা কি ?

খাওয়া-দাওয়ার ব্যবস্থা যা, করবে সে তো মেয়ের বাপ ;  
 এ যে দেখছি আমার ওপর দিতে চাইছেন উল্টো চাপ ।”  
 চুণী মিত্তির বললে হেসে “যা বল’ছেন খুবই ঠিক ;  
 কিন্তু, আমার ইচ্ছেটা আজ—বজায় রাখতে উভয় দিক,  
 আড়াই হাজার কথা ক’রে,—আর পাঁচশ’ নিলেন ধরে,  
 বর তুলে নে’ চলে যাবার ভয় দেখালেন গায়ের জোরে ;  
 এতো লোকের খাওয়া-দাওয়ার ক’রতে হ’লে আয়োজন  
 করতে কি আর পারছেন না—অনেক টাকার প্রয়োজন ?  
 আপনি যেটা নিলেন বেশী, সে টাকাটা থাকলে হাতে  
 ভালমন্দ যা হোক কিছু দিতে পারতেন এঁদের পাতে ;  
 কিন্তু যখন খরচটা তার নগদ আপনি নিলেন চেয়ে,  
 আমরা ওসব পারবো না আর ; আপনি শুধু যাবেন খেয়ে !”  
 শুনে আশুন অধিকে বোস ব’ললে “তোমরা অতি ইতর !”  
 “সেটা তুমিই” কে একজন বলে উঠল’ ভীড়ের ভিতর !

8

স্ত্রী-আচার ও সম্প্রদানটা ইতিমধ্যেই গেছে চুকে’  
 বধুর রূপে মুগ্ধ সুরেন বাসর-ঘরে ভাসছে স্মৃথে ;  
 এমন সময় শুনতে’ পেল নীচে থেকে হাঁকছে পিতা—  
 “সুরো, এখনি আস নেমে আস, চাইনি এমন কুটুস্থিতা !  
 ছোটলোকের এ মেয়েকে যাবই না আর আমি নিয়ে—  
 এই মাসেতেই দেবো আবার ছেলের আমার অস্ত্র বিয়ে !”  
 মলিন হ’য়ে উঠল শুনে নববধুর ইন্দুমুখ— !  
 মিলিয়ে গেল কোন্ আঁধারে বাসর-ঘরের দীপ্তিটুক !  
 রোষে ক্ষোভে অভিমানে সুরেন এল নীচের নেমে,  
 লজ্জিত সে পিতার কার্যো, উত্তেজনার টুঁছে ঘেমে,  
 বাপ ব’ললে “বেরিয়ে চলো, হাজির আছে বাইরে গাড়ী,  
 এই কাপড়েই আমার সঙ্গে এখনই আজ ফিরবে বাড়ী—”  
 রুক্ষভাবে ব’ললে সুরেন—“চলুন, কিন্তু কাজটা খারাপ—  
 একি আপনার অত্যাচার !—সইবে কেন এত পাপ ?  
 দাদার বে’তেও এই কাণ্ড করেছিলেন কুড়ুল গ্রামে,  
 ফিরিয়ে দিন সব টাকাকড়ি নিয়েছেন যা আমার নামে—”  
 বলতে বলতে ছিনিয়ে নিয়ে বাপের হাতের টাকার তোড়া  
 ব’ললে—“আমি চাইনে এ-সব, যত নষ্টের এই ত গোড়া !”  
 চুণীবাবুকে ব’ললে ডেকে “ফিরিয়ে নিন্ এই টাকাকড়ি,  
 এই আপনার হীরের আংটি, এই দেখে নিন সোনার খড়ী—

বাপকে ডেকে বললে—“আমি, সাক্ষী রেখে নারায়ণ—  
 অগ্নি ছুঁয়ে বেদমন্ত্রে—পত্নীরূপে আপনি গ্রহণ  
 করেছি আজ সত্যর থাকে,—সঙ্গে তাকে নে'ষেতে চাই,  
 নিরপরাধ সে বালিকার কোন্ বিধানে ত্যাগ করে যাই ?”—  
 ভীষণ চটে অগ্নিকে বোস ব'ললে “তবে থাক্ এখানে,  
 আজ থেকে তুই ত্যাজ্যপুত্র, স্থান পাবিনি আর সেখানে ।”—  
 বলতে বলতে বেরিয়ে গেল, মুখ ক'রে তার—কালো—আঁধার,  
 বাইরে থেকে শুনতে পেলে—উঠছে ছেলের—‘জয় জয়কার ।’  
 চুপী মিত্তির জড়িয়ে বুকে ব'লছে—“বাবা থাক্ বেঁচে থাক্ !”  
 ঘন ঘন উঠছে উলু,—মেয়ে-মহলে বাজছে শাঁখ !

## তক্ষশিলা \*

ত্রীনরেশচন্দ্র সেনগুপ্ত বি-এ

দ্বিতীয় অধ্যায়

অবস্থান এবং প্রাকৃতিক দৃশ্য

তক্ষশিলা জেলা রাওলপিণ্ডি সহরের ২০ মাইল উত্তর-পশ্চিমে, এবং সীমান্ত প্রদেশান্তর্গত পেশাওয়ার নগরের ৮০ মাইল দক্ষিণ-পূর্বে ইতিহাস-প্রসিদ্ধ গ্র্যাণ্ড ট্রাঙ্ক রোডের উত্তর পারে অবস্থিত। ১৮৬৩ খৃষ্টাব্দে সর্ব প্রথম General Cunningham প্রাচীন লেখকদের প্রদত্ত অবস্থান-নির্দেশ বিচার করিয়া এই স্থানকে তক্ষশিলা বলিয়া অনুমান করেন। তৎপর এখানে আবিষ্কৃত কতিপয় প্রাচীন লিপির মধ্যে তক্ষশিলার উল্লেখ দৃষ্টে, এই স্থানই যে তক্ষশিলা তাহা নিঃসন্দেহে প্রমাণিত হইয়াছে। ট্যাক্ষশিলা জংশন হইতে মূল লাইন পশ্চিম দিকে পেশাওয়ার অভিমুখে, এবং শাখা লাইন উপত্যকার প্রান্তর-বক্ষ ভেদ করিয়া উত্তর দিকে, কান্দীরের পথে, হেভেলির<sup>১</sup> অভিমুখে চলিয়া গিয়াছে। সমুদ্র-বক্ষ হইতে এই উপত্যকার উচ্চতা প্রায় ১৭০০ ফিট।

তক্ষশিলার পৌছিয়া করেকদিন পর্যন্ত কেবলই মনে হইতে লাগিল, আমরা যেন পৃথিবীর সহিত সম্পর্ক-হীন, জনসমাগম-বিয়োগ এক পরিত্যক্ত স্থানে আসিয়া পড়িয়াছি। চতুর্দিকেই উত্তর শৈলরাজ্যের দুর্লভ্য প্রাচীর এই রমণীয় উপত্যকাটিকে পরিবেষ্টিত করিয়া ঠিক যেন স্নেহময়ী জননীর স্তার সযত্নে ফোড়ে আশ্রয় দিয়া রাখিয়াছে। উত্তরে সীমান্ত প্রদেশস্থ হাজরা জেলার বিশাল-গর্ভ পাহাড় ; পূর্বে মারি-শৈলের শাখা-

প্রশাখা ; দক্ষিণে বিখ্যাত মারগালা পাহাড় ; পশ্চিমে বহুবিধ ক্ষুদ্র বৃহৎ শৈলস্তূপ শ্রেণী,—ইহারই মধ্যে অবস্থিত প্রাচীন বৈদেশিক ও স্বদেশী নরপতিবৃন্দের ক্রীড়াভূমি, ইতিহাস-বিশ্রুত, কীর্তি-বহুল, প্রকৃতির রম্য লীলা-নিকেতন তক্ষশিলার স্থবিত্তীর্ণ উপত্যকা।


উপত্যকার উত্তর দিক দিয়া হারো নদী পার্কৃত্য নদী প্রবাহিত। হারো হইতে আনীত বহুসংখ্যক কৃত্রিম জল প্রণালী বিস্তীর্ণ প্রান্তরের উপর দিয়া আঁকিয়া বাঁকিয়া প্রবাহিত হইয়া শতশ্রেণী সমূহের উৎপাদিকা শক্তি বৃদ্ধি করিতেছে। দক্ষিণ-দিকবর্তী মারগালা পাহাড়ের পাদনিম্নস্থ একটি ঝরণা হইতে ‘কাল’ নামক জলস্রোত বাহির হইয়া পশ্চিমাভিমুখে বহিয়া গিয়াছে। পূর্বদিকের শৈলমালা হইতে বহুসংখ্যক কঠিন প্রস্তরময় উর্দ্ধ-শীর্ষ পাহাড়রাশি শ্রেণীবদ্ধ ভাবে দক্ষিণ-পশ্চিমাভিমুখে অগ্রসর হইয়া উপত্যকার পূর্ব অংশ কোণাকূর্ণি ছুই ভাগে বিভক্ত করিয়াছে। এই শৈল-শ্রেণীর পশ্চিমাংশ ‘হথিয়াল’ নামে পরিচিত। উত্তর ভাগের উপর দিয়া পুণ্ডী নালা নামক হারো নদীর একটি ক্ষীণকার উপস্রোত অক্ষান্ত বহুবিধ প্রশাখা সহ প্রবাহিত। দক্ষিণাংশের উপর দিয়া, হথিয়ালের পশ্চিম পাদদেশ ধৌত করিয়া ইতিহাস-প্রসিদ্ধ তত্রা বা তত্রা নালা বহিয়া গিয়াছে। এই অংশের স্থানে স্থানে বহু পত্তীর গহ্বর

\* [ এই প্রবন্ধান্তর্গত তক্ষশিলার প্রাচীন কীর্তি সম্বন্ধীয় যাবতীয় চিত্র, প্রত্ন-বিজ্ঞান বিভাগের প্রধান অধ্যক্ষ ( Director General of Archaeology ) Sir John Marshall অনুগ্রহ পূর্বক মুদ্রিত করিবার অনুমতি প্রদান করিয়াছেন। একত্রে তাঁহার নিকট কৃতজ্ঞতা জ্ঞাপন করিতেছি।—লেখক ]

কঠিন প্রস্তরময়, উদ্ভিদাদিশূন্য ক্ষুদ্র ক্ষুদ্র পাহাড়ের স্তূপ অবস্থিত। উপরিউক্ত নদী এবং নালাগুলি বৎসরের অধিক সময়ই জলশূন্য থাকে; এদের তলমধ্যস্থ খেত উপলব্ধ রাশির স্তর দূর হইতে ঠিক রৌপ্যের দায় প্রতীয়মান হয়।

মোটের উপর স্থানটির প্রাকৃতিক দৃশ্য অতীব মনোরম—উজ্জ্বল সূর্য নিখুঁত আকাশের নীল চন্দ্রাতপ, চতুর্দিকে বিচিত্র-বর্ণ শৈলরাজির সৌন্দর্য্য এবং পরিবেষ্টন, অধোদেশে নিম্নভূমে অথবা শৈল-অঙ্কে শস্য-শ্যামল কৃষিরাজি, স্থানে স্থানে ঘনপত্র-সম্বিত ফলাই এবং সোনাখা বৃক্ষের

করিতেছে। তক্ষশিলার গৌরব-রবি অন্তর্ভুক্ত হইবার পর হইতে এতাবৎকাল অধিকাংশ ধ্বংস-স্তূপই কৃনকগণের শস্ত ক্ষেত্ররূপে ব্যবহৃত হইয়া আসিতেছে; কতকগুলির উপর গ্রাম বসিয়া গিয়াছে; আর কতকগুলি পাহাড় উপরিস্থ সৌধের ভগ্নাবশেষ নানাবিধ বৃক্ষলতা ও মৃদিকায় আচ্ছাদিত হইয়া একরূপ নিষ্কিঙ্ক হইয়া আসিয়াছিল। সৌভাগ্যক্রমে বিগত কয়েক বৎসর অবধি ভারত গবর্নমেন্টের প্রত্ন-বিজ্ঞান বিভাগ হইতে এই সমুদায় স্থান খনন করিয়া কতিপয় প্রাচীন নগর ও মন্দির, বহুসংখ্যক বৌদ্ধ স্তূপ ও সজ্জারাম বা বিহার, এবং



তক্ষশিলার মানচিত্র

অধিকা, দূরে দূরে সমতল ভূমি অথবা পাহাড়োপরিস্থ এক একগানি মনোহর পল্লী, মাঝে মাঝে রক্তশুভ্র অশ্বসলিলা স্নোতস্নিনীর স্তম্ভ: বকু গতি-রেখা, আর সর্বোপরি সমগ্রের মধ্যে বিরাজিত সৌন্দর্য্য, হির, সৌম্য, শান্ত, গভীর, পবিত্র ভাব,—ভাবুকের বিভাগ।

উল্লিখিত দ্বিধা-বিশুদ্ধ ভূখণ্ডের মধ্যে, স্থানীয় রেলওয়ে স্টেশনের উত্তর-পূর্বে বিনষ্ট-সমৃদ্ধি তক্ষশিলার প্রাচীন কীর্ত্তিরাজির ধ্বংস-অবস্থিত থাকিয়া আজ তাহার বিগত গৌরব-মহিমা ঘোষণা

তদ্ব্যপ্তিত অসংখ্য পুরাতন ত্রব্য সামগ্রী আবিষ্কার করা হইতেছে। প্রত্ন-বিজ্ঞান বিভাগের প্রধান অধ্যক্ষ (Director General of Archaeology) সুপণ্ডিত Sir John Marshall মহোদয় অহুসঙ্কিত দর্শকবৃন্দের সুবিধার্থে উক্ত প্রাচীন ত্রব্যাদি স্থানীয় অফিস-সংলগ্ন একটি গৃহে অস্থায়ীভাবে রক্ষা করিয়া সদাশয়তার পরিচয় দিয়াছেন।

আবালা-শ্রুত তক্ষশিলায় পৌঁছিয়াই এই সকল কীর্ত্তিরাজি দর্শন করিয়া বহু দিনের সযত্ন-সঙ্কিত গোপন আশা তৃপ্ত করিতে লাগিলাম।

আমরা ক্রমে ক্রমে উল্লিখিত নগর ও অজ্ঞাত সৌধাবলীর বিশদ বর্ণনা প্রদান করিব। তৎপূর্বে পরবর্তী অধ্যায়ে তক্ষশিলার ঐতিহাসিক বিবরণ লিপিবদ্ধ করিতেছি।


## তৃতীয় অধ্যায়

### ইতিহাস

তক্ষশিলার বিভিন্ন নাম।—প্রাচীন গ্রন্থাদিতে তক্ষশিলার বিভিন্ন নাম পরিদৃষ্ট হয়। সংস্কৃত পুস্তকাদিতে “তক্ষশিলা” নামোল্লেখ দেখিতে পাওয়া যায়। “তক্ষশিলা”র অর্থ Dr. Wilsonএর মতে “কর্তৃত শৈল”; Sir John Marshallএর মতে “কর্তৃত শিলার নগরী”;

“তক্ষশিলা” তিব্বতীয় ভাষায় ইহার নাম “rdo-hjog” অর্থাৎ কর্তৃত শিলা। গ্রীক এবং রোমের লেখকগণ লিখিয়াছেন, “ট্যাক্সিলা” (Taxila)। বলা বাহুল্য, অধুনা প্রচলিত ইংরাজী নাম “ট্যাক্সিলা।” এখানকার স্থানীয় লোকে বলে “টেশ্‌কিলা।”

তক্ষশিলার প্রাচীনতা।—অতীতের জ্ঞান ও সম্ভ্যতার কেন্দ্র নবাবগত আর্ধ্যজাতি-অধুসিত পঞ্চনদ প্রদেশের একদা-সমৃদ্ধিশ্রেষ্ঠ পুরাতন নগরটির প্রাচীন ইতিহাস তমসাচ্ছন্ন। তথাপি যে সেই অতীতে, সেই নবীন প্রভাতের নবীন আলোকে উজ্জ্বলিত গগনের তরঙ্গিত পঞ্চনদ ভূমি তথা সমগ্র ভারতের বক্ষ প্রতিধ্বনিত করিয়া তক্ষশিলা গৌরব-হ্রস্তুনি নিনাদিত হইত, এবং তাহার গৌরবোন্নত শীর্ষে বিদ্যমান বৈজয়ন্তী উড়িত,—তদ্বিষয়ে কোন সংশয় নাই। যীশুখৃষ্টের জন্মের



পাহাড়োপরিস্থ টেরিসাহী গ্রাম

Prof. Buhlerএর মতে “নাগরাজ তক্ষকের শৈল।” কোন কোন গ্রন্থে “তক্ষশিলা” দেখা যায়। একখানি তাম্রশাসনে ইহার পালি নাম “তক্ষশিলা” উৎকীর্ণ হইয়াছে। কেহ কেহ বলেন, “তক্ষ” জাতি কর্তৃক এই নগরী স্থাপিত বলিয়া ইহার নাম “তক্ষশিলা”। রামায়ণে দেখা যায়, ভরত তাহার পুত্র তক্ষের নামানুসারে ইহার নামকরণ করিয়াছিলেন “তক্ষশিলা।” প্রবাদ এই—ভগবান বৃদ্ধদেব তাহার পূর্বে এক জন্মে এইখানে নিজ মন্তক অপরকে কর্তন করিয়া দিয়াছিলেন; এই নিমিত্ত বৌদ্ধ গ্রন্থাদিতে তক্ষশিলা “তক্ষশির” অর্থাৎ খণ্ডিত বা কর্তৃত মন্তক নামে উক্ত হইয়াছে। এই অর্থে চৈনিক পরিব্রাজক ফা-হিয়েন ইহার নামকরণ করিয়াছেন “চু-ষা-বি-লো”—“খণ্ডিত মন্তক।” তক্ষশিলার প্রাপ্ত একখানি খরোষ্ঠি লিপিতে ইহার নাম উৎকীর্ণ হইয়াছে

অনুান দুই সহস্র বৎসর পূর্বে তক্ষশিলার প্রাচীনতম নগরী নির্মিত হইয়াছিল—বর্তমান আবিষ্কার তাহার সাক্ষ্য প্রদান করিতেছে। (১)

প্রাচীন সাহিত্যে তক্ষশিলার উল্লেখ। ব্রাহ্মণ্য গ্রন্থ।—প্রাচীন সাহিত্যেও তক্ষশিলার ভূরি ভূরি উল্লেখ তাহার প্রাচীনতার প্রমাণ দিতেছে। রামায়ণে দেখিতে পাওয়া যায়,—আমরা

(১) The foundation of the earliest city goes back to a very remote age, at least to the second, if not to the third, millenium before our era.”—Sir John Marshall (Annual Report of the Director General of Archaeology, 1912—13, p. 5).



লেখ করিয়াছি—ভরত তাহার পুত্র তক্ষ এবং পুত্রের নামানুসারে তক্ষ ও গাছার প্রদেশে যথাক্রমে তক্ষশিলা এবং পুত্রবত নামক দুইটি নগর নির্মাণ পূর্বক পুত্রদ্বয়কে তথাকার সিংহাসনে প্রতিষ্ঠিত করেন। প্রকৃতিপুঞ্জের ধর্মপরাধনতার স্রষ্টা স্থান দুইটির নামসন্ধি ছিল। সারি সারি পণ্য-বীথিকা, সুরম্য অট্টালিকা, সপ্ততল মন্দির, মনোহর মন্দির এবং তাল-তমাল বকুল-তিলক প্রভৃতি বৃক্ষরাজি গরদ্বয়ের সৌষ্ঠব সম্পাদন করিত। ভরত তথায় পাঁচ বৎসর বাস করেন। (২) মহাভারতে দেখা যায়, রাজা জম্বুজয় তক্ষশিলা জয় করার পর তথায় তাহার বৃহৎ সর্পযজ্ঞের অনুষ্ঠান করিয়াছিলেন। যজ্ঞের সময় সমস্ত মহাকাব্যখানি পঠিত হইয়াছিল। বাণু পুরাণে তক্ষশিলা

আসিয়া সমবেত হইতেন। এতদ্ব্যতীত ভারতের বহিঃস্থিত মিশর, ব্যাবিলন, সিরীয়া, আরব, চীন, তিব্বত প্রভৃতি সুদূর দেশ হইতে আগত বহু শিক্ষার্থী তক্ষশিলা বিশ্ববিদ্যালয়ে অধ্যয়ন করিতেন। এই বিদ্যালয়ে “তিন বেদ, অষ্টাদশ বিজ্ঞা” শিক্ষা দেওয়া হইত। মহা ভাষ্যকার পতঞ্জলি, প্রসিদ্ধ ব্যাকরণবিদ পাণিনি এবং কুশাগ্র-বুদ্ধি রাজনীতিজ্ঞ চাণক্য এখানে শিক্ষার্থী আগমন করিয়াছিলেন। (৪) বৌদ্ধ গ্রন্থ, বিশেষতঃ জাতকাদিতে শিক্ষাকেন্দ্ররূপে তক্ষশিলা পুনঃ পুনঃ উল্লিখিত হইয়াছে। ধর্ম পদট্-ঠ-কথায় দেখা যায় কোশলাধিপতি পশেনদী তক্ষশিলায় শিক্ষা প্রাপ্ত হইয়াছিলেন। বিনয় পিটক নামক পুস্তকানুসারে মহারাজ বিধিসারের সভ্য-চিকিৎসক প্রসিদ্ধনামা জীবক তক্ষশিলায় ভেষজ এবং



তন্ত্রানালার এক দৃশ্য

কথার রাজধানী এবং সুরম্য নগরীরূপে উল্লিখিত হইয়াছে। অগ্নি-বায়ু এবং অধ্যায় [রামায়ণেও] তক্ষশিলা “..... রম্যা তক্ষশিলা পুরী” রূপে বর্ণিত হইয়াছে। (৩) এতদ্ব্যতীত, পাণিনি, রঘুবংশ, বৃহৎ সর্পযজ্ঞ, কথাসরিৎসাগর প্রভৃতি অস্তান্ত ব্রাহ্মণ্য-গ্রন্থেও তক্ষশিলায় উল্লেখ দেখিতে পাওয়া যায়।

বিশাল শিক্ষাকেন্দ্র—খৃষ্টপূর্ব ৬ষ্ঠ শতাব্দী হইতে তৎপরবর্তী ৩য় শতাব্দী পর্যন্ত বিশাল শিক্ষাকেন্দ্ররূপে তক্ষশিলায় সমধিক গুরুত্ব ছিল। ভারতবর্ষের বিভিন্ন প্রদেশ হইতে শিক্ষার্থীগণ এখানে

শিলা-বিদ্যালয় শিক্ষালাভ করিয়াছিলেন। ভারতের বিভিন্ন রাজ্যের যুবরাজগণ এখানে আসিয়া অধ্যয়ন করিতেন। এক স্থানে দেখা যায়, লালহ দেশের (লালহ=রালহ=হুগলী জেলা) জনৈক যুবক বিজ্ঞা-লাভার্থ তক্ষশিলায় আগমন করিয়াছিলেন। বহু সুপ্রসিদ্ধ অধ্যাপক এখানে বাস করিতেন। একখানি জাতকে তৎকালীন ছাত্রজীবনের একটি অতি মনোরম চিত্র অঙ্কিত হইয়াছে। বারাণসী-অধিপতির জনৈক পুত্র বিজ্ঞাশিক্ষার্থ তক্ষশিলায় গমন করেন। তিনি অধ্যাপকের দক্ষিণা-বাবদ এক সহস্র সুবর্ণ মুদ্রা সঙ্গে লইয়া যান। সেই সময় দুই শ্রেণীর ছাত্র ছিল—প্রথম, যাহারা তাহাদের অধ্যাপনার জন্য দক্ষিণা প্রদান

(২) শ্রীযুক্ত বিমলাচরণ লাহা প্রণীত “Historical Gleanings.”

(৩) শ্রীযুক্ত বিমলাচরণ লাহা প্রণীত “Historical Gleanings.”

(৪) ভারতী, ১৯৩২।

অর্থাৎ হইবার পর অশোক বহুসংখ্যক তক্ষশিলা-বাসীকে নির্বাসিত করেন ; উহারা চীন সাম্রাজ্যের অঙ্গুর্গত খোটান নামক স্থানে উপনিবেশ স্থাপন করে।

অশোকের মৃত্যু.—মৌর্য সাম্রাজ্যে বিশৃঙ্খলা,—তক্ষশিলায় স্বাধীনতা ঘোষণা।—খৃঃ পূঃ ২৩১ অব্দে ভারতগৌরব রাজ-চক্রবর্তী অশোক মৃত্যু-মুখে পতিত হন। ইহার অতীত কাল পরেই বিশাল মৌর্য সাম্রাজ্য হিন্ন-বিহিন্ন হইতে আরম্ভ করে। এই সময় তক্ষশিলা এবং তৎসম্বন্ধিত অশান্ত রাজ্য-সমূহ স্বাধীনতা ঘোষণা করে।

### ব্যাক্ট্রিয় গ্রীক অধিকার।

ঈদৃশ অরাজকতা দর্শনে পার্শ্ববর্তী ব্যাক্ট্রিয়া রাজ্যের (১৫) গ্রীকগণ ভারতের দিকে লোলুপ দৃষ্টি করিতে থাকে। অনুমান খৃঃ পূঃ ১৯০ অব্দে ব্যাক্ট্রিয়ার চতুর্থ রাজা ডেমিট্রিয়াস সর্ব প্রথম তক্ষশিলায় আসিয়া উপস্থিত হন। ইনি কাবুল উপত্যকা, পশ্চিম পঞ্জাব এবং সিন্ধুদেশে সেনাচালনা করিয়া উক্ত দেশসমূহ নিজ সাম্রাজ্য-ভুক্ত করিয়া লন। ডেমিট্রিয়াসের পর তৎপুত্র প্যাটোলিমিয়ন এবং এগাথোক্রেস যথাক্রমে তক্ষশিলায় রাজত্ব করেন। (১৬) তৎপরে খৃঃ পূঃ ১৭৫-১৭০ অব্দে ইউক্রেটাইডেশ নামক আর একজন গ্রীক বীর প্রথমতঃ ডেমিট্রিয়াসের ব্যাক্ট্রিয়া রাজ্য এবং পরে তক্ষশিলাসহ তদীয় ভারত-অধিকারের কতকংশ নিজ করতলগত করেন।

উক্ত দুই নরপতি হইতে দুইটি প্রতিদ্বন্দী রাজবংশের অভ্যুদয় হয়। ইহারা সর্বদাই পরস্পরের রাজ্যে প্রবেশ পূর্বক দীর্ঘকাল ব্যাপিয়া যুদ্ধ-বিগ্রহ করিতে থাকেন। তৎপর খৃঃ পূঃ ১৬০-১৫৬ অব্দে (১) গ্রীক বীর মেনান্দর এবং খৃঃ পূঃ ১৫৬-১৪০ অব্দে (২) এপলোটোডাস তক্ষশিলায় রাজত্ব করেন। ইহারা উভয়েই ডেমিট্রিয়াসের বংশধর। মতান্তরে, এপলোটোডাস ইউক্রেটাইডেশের পুত্র ছিলেন। তিনি স্বীয় পিতাকে জননাধারণের শত্রু বলিয়া ঘোষণা করতঃ তাহার হত্যাসাধন পূর্বক পিতৃরক্তে রঞ্জিত পদে সিংহাসনে আরোহণ করেন। (১৭) মেনান্দর সিংহাসনে অধিকৃত হইয়া বৌদ্ধধর্ম গ্রহণ করেন। খৃঃ পূঃ ১৪০-১৪০ অব্দে (১) এটিয়ালিকিডাস নামক একজন গ্রীক বীর তক্ষশিলায় রাজত্ব করেন। ইনি ইউক্রেটাইডেশের বংশসম্মত। এটিয়ালিকিডাস তক্ষশিলা হইতে হেলিওডোরাস নামক একজন গ্রীককে রাজদূতরূপে মধ্য ভারতস্থ বিদিশা বা বেশ নগরের অধিপতির নিকট প্রেরণ করেন। হেলিওডোরাস বৈষ্ণব ধর্মাবলম্বী ছিলেন। গোয়ালিয়র রাজ্যস্বর্গত শিলসা নগরের অদূরস্থিত উক্ত বেশ নগরে তাহার প্রতিষ্ঠিত গরুড়স্তম্ভ অক্ষয়ি বর্তমান আছে।

(১৫) নেলিডকাস প্রতিষ্ঠিত বিশাল রাজ্য ধ্বংস প্রাপ্ত হইলে যে সকল ক্ষুদ্র রাজ্য উদ্ভূত হয়, তন্মধ্যে দুইটির সঙ্গে ভারতবর্ষের সম্বন্ধ ছিল ; একটির নাম ব্যাক্ট্রিয়া, অপরটির নাম পাথিয়া।—লেখক।

(১৬) Vincent Smith.

(১৭) প্রাচীন রাজমালা।

সুবিশাল পঞ্জাব এবং উত্তর-পশ্চিম প্রদেশে আরও অনেক গ্রীক অধিপতি রাজত্ব করিয়াছেন। কিন্তু ইহাদের সম্বন্ধে ঐতিহাসিকদের জ্ঞান অতীব সঙ্কীর্ণ। কাজেই তাহাদের মধ্যে কোন্ কোন্ নৃপতি তক্ষশিলায় শাসনকাব্য পরিচালন করিয়াছেন, এবং তাহাদের সহিত উল্লিখিত দুইটি রাজবংশের কিরূপ সম্বন্ধ ছিল, অথবা আদৌ ছিল কি না, তাহা নির্দিষ্টরূপে নির্ধারণ করা যায় না।

ব্যাক্ট্রিয় গ্রীকগণ অনধিক এক শত বৎসর তক্ষশিলায় রাজত্ব করেন। সম্ভবতঃ খৃঃ পূঃ দ্বিতীয় শতাব্দীর শেষ অথবা প্রথম শতাব্দীর প্রথম ভাগে গ্রীক অধিকারের লোপ হইয়াছিল।

### পাথিয় এবং সিথীয় বা শক অধিকার। (১৮)

অনুমান খৃঃ পূঃ ১৩৮ অব্দে পাথিয়া রাজ্যের গ্রীক অধিপতি মিথ্রিডেট্‌স্ বিপুল সৈন্যবাহিনী লইয়া ভারতসীমা অতিক্রম পূর্বক তক্ষশিলা রাজ্য অধিকার করিয়া তদীয় রাজ্যভুক্ত করেন। কিন্তু তাহার এই অধিকার মোটেই স্থায়ী হইতে পারে নাই। (১৯) ইহার অনেক বৎসর পরে, অর্থাৎ খৃঃ পূঃ প্রথম শতাব্দীর প্রথমভাগে পাথিয় এবং সিথীয় বা শকগণের সম্মিলিত আক্রমণ হয় ; তৎক্ষণাৎ ভারতবর্ষ হইতে গ্রীকরাজত্বের মূলোচ্ছেদ ঘটে।

শক নামধারী অসম্মত তুরেণীয়গণ তাহাদের বাসস্থান মধ্য এশিয়া (শকদ্বীপ) হইতে বিতাড়িত হইয়া প্রথমতঃ ব্যাক্ট্রিয়া রাজ্য অধিকার পূর্বক গ্রীকদিগকে বহিস্কৃত করিয়া দেয়। কিন্তু অল্প দিন পরেই তাহারা তাহাদের জাতিশত্রু ইউক্রেটাইডেশের নবলক রাজ্য হইতে চ্যুত হইয়া (২০) নিকটবর্তী পাথিয়ার উপত্যকা স্থানে আসিয়া আশ্রয় গ্রহণ পূর্বক দীর্ঘ কাল তথায় বসবাস করে, এবং পাথিয়দের সঙ্গে স্বাধীন ভাবে মেলামেশা ও বিবাহাদি করিতে থাকে। তৎপর দিগ্বিদ হইতে তাহারা পার্শ্ববর্তী আরাকোসিয়া বা কান্দাহার রাজ্য এবং অশান্ত জনপদ সমূহ আক্রমণ করে। ইহাদের একদল ভনোনেন নামক ভূনৈক পাথিয়ের অধিনায়কত্বে কান্দাহারেই অধিপত্য স্থাপন পূর্বক বসবাস করিতে থাকে ; আর একদল মৌয়েস নামক একজন শক বীরের নেতৃত্বে ক্রমশঃ পূর্বমুখে অগ্রসর হইয়া সিন্ধুনদ অতিক্রম করতঃ তক্ষশিলা রাজ্য অধিকার করে। মৌয়েস সম্ভবতঃ খৃঃ পূঃ ৯৫ অব্দে কান্দাহারে প্রবেশ হইয়া উঠেন, এবং ইহার ১০ কি ১৫ বৎসর পরে তক্ষশিলায় উপস্থিত হন। মৌয়েসের পর খৃঃ পূঃ ৫৮ অব্দে অথবা তাহার সমন্বয়ে এডেস তক্ষশিলায় অধিপতি হন। এডেস ভনোনেনের পরিবারের সঙ্গে ঘনিষ্ঠভাবে সম্পর্কিত ছিলেন। এইজন্য তাহাকে পাথিয় এবং

(১৮) মধ্য এশিয়ার বিবিধ প্রাচীর তুরেণীয়গণ পুরাকালে ভারতবর্ষে একমাত্র শক নামে পরিচিত ছিল। তাহাদের বাসস্থান শকদ্বীপ নামে কথিত হইত। পারস্যের ইতিহাসেও তাহাদিগকে একমাত্র সিথীয় নামে অভিহিত করা হইয়াছে।—লেখক।

(১৯) Vincent Smith.

(২০) প্রাচীন রাজমালা।





কথা :—শ্রীঅতুলপ্রসাদ সেন

স্বরলিপি :—শ্রীমতী সাহানাদেবী

মিশ্র সাহানা—দাদরা

হরিহে তুমি আমার সকল হবে কবে ?

( আমার ) মনের মাঝে ভবের কাজে

মালিক হয়ে রবে ( কবে ? )

( আমার ) সকল স্মৃথে সকল হুখে

তোমার চরণ ধরব বুকে

ক'র আমার সকল কথায়

তোমার কথাই কবে ।

কিনব যাহা ভবের হাটে

আনব তোমার চরণ বাটে

তোমার কাছে হে মহাজন

সবই বঁধা রবে ( কবে ? )

স্বার্থ প্রাচীর করে' খাড়া

গড়ব যখন আপন কারা

বজ্র হয়ে তুমি তারে

ভাঙবে ভীষণ রবে !

পায়ের যখন ঠেলবে সবাই

তোমার পায়ের পাইব ঠাই

জগতের সকল আপন

হ'তে আপন হবে ( কবে ? )

( শেষে ) ফিরব যখন সন্ধ্যা বেলা

সাজ করে' ভবের খেলা

জননী হ'লে তখন

কোল বাড়ায় লবে !

II { জ্ঞা | রা সা রা | না সা রা | রা রা - |  
 হ | রি হে - | তু মি - | আ মা র  
 +  
 সা রা - | পা মপা ধপা | মপা মজ্ঞা মজ্ঞা | মজ্ঞা ( মজ্ঞা মজ্ঞা | মা - ) }  
 স ক ল | হ বে - | ক বে - | - - - -  
 +  
 মা মা | মপা পা - | পা পা - | পা পা ধা | পা পা ধপা |  
 আ মার | ম নে র | মা ঝে - | ভ বে র | কা জে -  
 +  
 মপা মগা - | - গা গা | গা মা - | মপা মরা মা | জ্ঞা - II  
 মা লি ক | - হ' রে | র বে - | ক বে - | - -  
 +  
 মা মা | { মা পা - | না না - | না সা - | স'না র'স'না স'না |  
 আ মার | স ক ল | সূ খে - | স ক ল | হু খে -  
 আ মি | স্বা - র্থ | প্রা চী র | ক' রে - | খা ড়া -  
 আ মি | ফি র ব | ব খ ন | স - ক্লে | বে লা -  
 +  
 গধা গা - | ধা গা - | ধা সা স'না | ধা পা ধা | }  
 তো মা র | চ র গ | ধ র ব | বু কে -  
 গ ড় ব | ব খ ন | আ প ন | কা রা -  
 সা - জ | ক' রে - | ভ বে র | খে লা -  
 +  
 { পমা পা পা | পা পা - | পগা গা - | ধা পা ধপা | }  
 ক - ঠ | আ মা র | স ক ল | ক ধা য়  
 ব - জ | হ' রে - | তু মি - | ত খ ন  
 - জ | ন নী - | হ' রে - | ত খ ন  
 +  
 মা মা - | পা মপা ধপা | মপা মজ্ঞা - | ( মা মা ) }  
 তো মা র | ক ধা ই | ক বে - | ও গো  
 ভা ও বে | ভী ব গ | র বে - | ও গো  
 কো ল বা | ডা য়ে - | ল বে - | ও গো

•  
 মজ্ঞা মজ্ঞা মজ্ঞা | মা - II  
 - - - | - - -  
 - - - | - - -  
 - - - | - - -

II { সা - সা | সা সা রা | না সা রা | রা রা - |  
 প্র ড় কি ন ব | যা হা - | ভ বে র | হা টে -  
 ও গো পা রে - | ব খ ন | ঠে ল্ বে | স বা ই

+	•	+	•
রগা রগমা মা	মা মা গা	রা রগরা মগা	গরা সনা সা
১ আ ন্ ব	তো মা র	চ র ৭	বা টে -
২ তো মা র	পা য়ে -	পা ই ব	ঠা - ই
+	•	+	•
সা সা -	সা সা রা	গুসা গুসরা সা	গুধা গুধা পা
১ তো মা র	কা ছে -	হে - ম	হা জ ন
২ - জ	গ তে র	স ক ল	আ প ন
+	•	+	•
সা রা পা	পা মপা ধপা	মপা মজ্জা মজ্জা	রা সা -
১ স ব ই	বা ধা -	র বে -	ক বে -
২ হ' তে -	আ প ন	হ বে -	ক বে -

## দ্বন্দ্ব

### শ্রীসরোজকুমারী বন্দ্যোপাধ্যায়

৩২

পরদিন বৈকালে কিরণ মোটরে করিয়া লীলাকে তুলিয়া লইতে আসিল। লীলা পূর্ব হইতে প্রস্তুত হইয়া ছিল,— কিরণের আগমন সংবাদ পাইয়া নীচে নামিয়া আসিয়া দেখিল ড্রসিং-রুমে—বীণা ও কুমার গুণেন্দ্রভূষণ!

কুমার লীলাকে দেখিয়া সমস্তমে উঠিয়া আসিলেন। সহাস্তে নমস্কার করিয়া তাহাকে গাড়িতে তুলিয়া দিয়া বলিলেন—আজ আপনাকে বেশ ভালোই দেখাচ্ছে। খানিকটা বেড়িয়ে এলে শরীর আরো সুস্থ বলে মনে হবে!

লীলা কোন উত্তর না দিয়া একটু হাসিয়া প্রতিনমস্কার করিল। আজ দিনের আলোয় কুমারের প্রতি সে একটু বিশেষ মনোযোগের সহিত চাহিয়া দেখিল—তাঁহার আকৃতি ষথার্থই মনোরম—আচরণ ব্যবহার অত্যন্ত নম্র ও ভদ্রতাপূর্ণ—কিন্তু তাঁহার চক্ষের দৃষ্টির মধ্যে কি ছিল—লীলা সহ্য করিতে না পারিয়া মুখ ফিরাইয়া লইল।

গাড়ি ক্রমশঃ সহরের সীমা ছাড়াইয়া শ্রামল শস্যক্ষেত্র ও আমবাগানের মধ্য দিয়া চলিল। বহু দিন পরে মুক্ত বাতাসে ও প্রকৃতির নয়নাভিরাম মুগ্ধকর হরিত্র দৃশ্যে লীলার দেহ মন যেন জুড়াইয়া গেল। সে উৎফুল্ল নেত্রে কিরণের মুখের

দিকে চাহিয়া বলিল—কি সুন্দর সব মনে হচ্ছে আজ!

কিরণ তাহার শ্রীতিফুল্ল মুখের দিকে চাহিয়া বলিল— তাহলে রোজ এমনি সময় আমরা এদিকে বেড়াতে আসবো, কেমন? সন্ধ্যার মধ্যেই ফিরে যাবো, যাতে তোমার ঠাণ্ডা না লাগে। তাহলে আর কেউ বারণ করবেন না।

তাই আসা যাবে! আঃ! এত ভাল লাগছে! মনে হচ্ছে, যেন এমনি ফাঁকা হাওয়ায় জীবনে আর কোন দিন বেরোই নি! বলিয়া লীলা একটু খামিয়া বলিল—কিরণ! কুমারকে তুমি ভাল রকম চেন কি? ঔকে তোমার কি রকম লোক বলে মনে হয়?

কিরণ একটু ভাবিয়া বলিল—আমার সঙ্গে তাঁর বিশেষ আলাপ নেই—সামান্য পরিচয় আছে মাত্র। অবশ্য ভদ্রলোকের সম্বন্ধে না জেনে-শুনে কোন রকম মন্তব্য প্রকাশ করা উচিত নয়। তবে আমার কি জানি কেন ঔকে বড় একটা ভাল লাগে না—মনে হয়, যেন সর্বদাই লোকটা একটা মুখোশ পরে বেড়াচ্ছে!

লীলা বলিল—তুমি ঠিক ধরেছ কিরণ! কুমার লোক

মাটেই ভাল নয়! আমি অস্থখ থেকে উঠবার পরে দেখছি—  
বীণা তার সঙ্গে অতিরিক্ত মাত্রায় মিশছে! মাও তাকে  
খুব প্রশ্রয় দিচ্ছেন! বীণার জন্ত আমার এত ভাবনা হচ্ছে!

লীলা কিরণকে জোছনার কথা ও কাস্তুর মুখে কুমার  
সম্বন্ধে যাহা কিছু শুনিয়াছিল, সমস্তই একে একে  
বলিয়া গেল।

তাহার পর বলিল, এখন সে মেয়েটার কি দশা হবে—  
বলো? ও ঘে রকম লোক, তাতে আর ছদশ দিন পরে  
হয় ত তাকে রাস্তায় তাড়িয়ে দেবে। তখন তার কি গতি  
হবে? আমি ত এ কথা শুনে পর্য্যন্ত তার জন্ত ভেবে  
অস্থির হয়ে উঠেছি! বীণার সঙ্গে কুমারের দেখা-শুনো  
বন্ধ করে দিলেই চলবে, কিন্তু জোছনার কি করবো?

কিরণ সমস্ত শুনিয়া বহুকর্ণ গম্ভীর হইয়া রহিল। তাহার  
পর বলিল—এ সব অত্যন্ত কুৎসিত বিষয় লিলা! এর মধ্যে  
তোমার নিজের গিয়ে কাজ নেই। এ সব ব্যাপার সংসারে  
অহরহ ঘটছে। তুমি এ সব কিছু জান না—নতুন একটা  
আজ শুনেছ—তাই মনে এত লাগছে। ও নিজে বৃথা ভেবে  
কি হবে?

লীলা অত্যন্ত ক্ষুব্ধ হইয়া বলিল—এটা কিন্তু তোমার  
উপযুক্ত কথা হলো না কিরণ! তুমি এ কথা বলবে—আমি  
তা আশা করি নি। একটা নিতান্ত ভয় বয়সের মেয়ে,—  
যে সংসারের ভাল মন্দ কিছুই বোঝে না—তাকে একটা  
পাষাণ জোর করে টেনে এনে রাস্তায় দাঁড় করালে—তার  
সামনে এখন দুটি পথ খোলা আছে; এক—আত্মহত্যা করে  
মরা; আর এক আরও অবনতির পথে নেমে যাওয়া। আমি  
নিজে নারী হয়ে নারীর এই চরম দুর্গতি দাঁড়িয়ে দেখবো,  
অথচ তার জন্ত কোন কিছুই করতে পারবো না—এ আমার  
পক্ষে অসম্ভব ব্যাপার। আজ সকালে বাবার কাছে এ কথা  
পেড়ে মেয়েটার বিষয় কি করা যায়, জিজ্ঞেস করলাম।  
তিনিও ঠিক তোমার মতই বিরক্ত হয়ে বল্লেন—এ সব  
লজ্জাকর বিষয় নিয়ে তোমার মাথা ঘামাবার দরকার কি?  
একটা মানসম্মত নেই? সত্যি—তোমাদের কাণ্ড দেখে  
আমি একেবারে অবাক হয়ে গেছি!

কিরণ লীলার অভিমানপূর্ণ কথা শুনিয়া অত্যন্ত লজ্জিত  
ও অপ্রস্তুত হইয়া গেল! সে সঙ্কোচের সহিত বলিল—তুমি  
কিছু মনে করো না লিলা! এই সব ইতর কাজের মধ্যে

তোমার কোথাও কোন সংশয় আছে, এ চিন্তা পর্য্যন্ত  
আমায় বড় আঘাত করে। সেই জন্ত তোমাকে বারণ  
করেছিলুম। আর তা ছাড়া, তুমি তার জন্ত কিই বা করতে  
পারো? তার আত্মীয়স্বজন, এমন কি তার মা বাপ পর্য্যন্ত,  
এ ঘটনার পর আর তাকে ঘরে স্থান দেবে না। তুমি  
নিজে তাকে এনে তোমার ঘরে রাখতে পারবে না; কারণ,  
তাহলে তোমাদের সমাজেও অত্যন্ত কুৎসিত চর্চা আরম্ভ  
হবে,—তোমাদের সঙ্গে কেউ তাদের মেয়েদের মিশতে দেবে  
না। সুতরাং বুঝতেই পারছো, সাধ করে একটা অনর্থ  
ঘটাবার জন্ত তোমার মা, কিম্বা আর কেউ তাকে আশ্রয়  
দিতে সম্মত হবেন না। তার পর আমাদের দেশে এ রকম  
মেয়েদের জন্ত, এখনো সে রকম কোন আশ্রম বা প্রতিষ্ঠান  
গড়ে ওঠে নি, যেখানে এই সব লালিতা নারীরা আশ্রয়  
পাবে। তা-হলে বল, তুমি তার জন্ত আর কি  
করতে পারো?

লীলা অত্যন্ত বিষণ্ণ মনে ভাবিতে লাগিল। বহুকর্ণ  
পরে মুখ তুলিয়া নিরাশ ভাবে বলিল, তবে কি তার কোন  
উপায়ই হবে না কিরণ? এই ভাবে মেয়েটা তবে কি  
একেবারেই অকূলে ভেসে যাবে?

কিরণ বলিল—কেবল একটি মাত্র উপায় আছে। এখানে  
খ্রীষ্টান মিশনারিদের মেয়েদের জন্ত যে মিশন আছে, যদি  
তাকে সেইখানে দিয়ে আসতে পারো, তা হলে তাদের  
কাছে সে আশ্রয় পাবে। সেখানে তারা তাকে ভাল ভাবে  
রাখবে, লেখাপড়া বা অন্য যে-কোন রকম শিল্প কাজ, যা  
সে শিখতে চায়, তাই তাকে শিখিয়ে তাকে স্বাবলম্বী করে  
দেবে। যতদিন সে নিজের খরচ নিজে উপার্জন করে  
চালাতে না পারে, ততদিন তার সমস্ত ভার মিশনের উপর  
ধাকবে। এর চেয়ে ভাল ব্যবস্থা আমি ত আর কিছু  
দেখতে পাই না। তোমার সঙ্গে ত সেখানকার বড় মেমের  
আলাপ আছে?

লীলা অত্যন্ত ক্ষুব্ধচিত্তে বলিল—তা যেন আছে। কিন্তু  
এটা কি রকম কথা হলো? আমাদের নিজেদের সমাজে,  
আমাদের ঘরের মেয়েরা অপমানিত, লালিত হয়ে পথে পথে  
ফিরবে, মানসম্মতে জলাঞ্জলি দিয়ে পেটের দায়ে হীন ব্যবসা  
করতে বাধ্য হবে, আমরা দাঁড়িয়ে দেখবো, অথচ তাদের  
মুখে এক মুঠো অন্ন বা একটু আশ্রয় দিতে চেষ্টা করবো

না, আর সেই ব্যবস্থা করবে কি না—একদল বিদেশী বিধর্মী সম্প্রদায়—যাদের সঙ্গে তাদের কোন দিক থেকে কোন সম্বন্ধ, কোন যোগাযোগ নেই? কি চমৎকার ব্যবস্থা! আমি কোন্ মুখে সেখানে গিয়ে মিস নেলসনকে এ কথা বোলবো?

কিরণ গম্ভীর মুখে বলিল—এটা আমাদের পক্ষে বাস্তবিক বিষম লজ্জার কথা লীলা! কিন্তু যা সত্য কথা—তা তো বলতে হবে? শুধু এই একটা কেন—এমন দৃষ্টান্ত আরও অনেক আছে। আমাদের দেশের—যাদের আমরা ইতর বলে, অস্পৃশ্য বলে ঠেলে সরিয়ে রেখেছি, দুর্ভাগ্য গলিত ব্যাধিগ্রস্ত বলে যাদের কাছে এলে দূর দূর করে তাড়িয়ে দি, ওরা সেই সব অশিক্ষিত বর্কের জাতকে সুশিক্ষিত করে উন্নত করে তোলবার জন্য কি পরিশ্রম, কি চেষ্টাই যে করছে, সেই সব সংক্রামক রোগগ্রস্তদের জন্য আশ্রম স্থাপন করে, তাদের সুস্থ করবার জন্য, একটু আরামে রাখবার জন্য কি যে জীবনব্যাপী চেষ্টা ও যত্ন করছে, সে কথা বলবার নয়। কিন্তু যাক এ কথা। তোমায় আমি বলছি—যদি সত্যই সে মেয়েটিকে একটা ভাল জায়গায় রাখতে চাও, তবে তাকে মিস নেলসনের কাছে দিয়ে এসো।

লীলা বলিল—তাই যাব। যখন এ ছাড়া আর অন্য কোন উপায় নেই, তখন যেতেই হবে। বেলা পড়ে এলো—এস আজকের মত বাড়ী ফেরা যাক।

কিরণের মুখে বাড়ীর কাছাকাছি আসিয়া কিরণ বলিল—অরুণ তোমার জন্য বড় ব্যস্ত হয়ে উঠেছে লিলা! আর তাকে বুঝিয়ে সুঝিয়ে শাস্ত করে রাখতে পারছি না। এর মধ্যে যাবে এক দিন তার কাছে?

লীলা বলিল—আমি আর ছ এক দিনের মধ্যেই তার সঙ্গে দেখা করবো। তুমি তাকে বোলো। আর এবার গিয়ে তাকে সব কথা খুলে বোলবো স্থির করেছি। তার পর সব শুনে সে যা বলবে—

লীলা কথাটা শেষ না করিয়া মুখ নত করিল। কিরণ ক্ষণকাল স্থির দৃষ্টিতে তাহার মুখের দিকে চাহিয়া রহিল। তাহার পর বলিল—আমার আর কিছুই বলবার নেই লীলা। তোমার অন্তরের এই দুঃস্বপ্ন নিম্নত তার কাছে থেকে থেকে আমি বুঝেছি—সে তোমায় কি আত্মহারা হয়ে ভালবেসেছে। তোমায় হারালে সে বুঝি আর প্রাণে

বাঁচবে না! সে আমার বড় প্রিয়, বড় আদরের বন্ধু। তার উপর এখন সে অসহায় অন্ধ। আমি বরং দাঁড়িয়ে নিজের প্রাণ দেব, তবু তোমায় তার কাছ থেকে কেড়ে নিতে পারবো না। তবে যদি সে নিজে—যাক্গে—সে কথা ভেবেই বা আর কি হবে। আমি ত সে দিন আমার সব কথাই তোমাকে বলেছি। আমার জীবন সম্পূর্ণ ভাবে তোমার। তোমাকে পাই, না পাই, এর পরিবর্তন কোন দিনই হবে না।

দুই দিন পরে রাত্রি এগারটার সময় লীলার শয়নকক্ষে লীলা ও বীণা কথা বলিতেছিল। বাড়ীর সকলেই তখন নিদ্রিত, কেবল ক্ষান্ত সেদিন তখনো শুইতে আসে নাই।

বীণা বলিতেছিল—কথাটা তোমার কাছে না বলে থাকতে পারছিলাম না লিলা! আমি যে মনের মধ্যে সব সময় কি একটা আনন্দ, কি তৃপ্তি বোধ করছি, সে তোমায় বোধ হয় বুঝিয়ে বলতে পারবো না ভাই! তাঁকে ভালবেসে মন আমার শাস্তিতে আনন্দে ভরে গেছে! যখন তিনি কাছে না থাকেন, ততক্ষণ আমি আর কোন বিষয় ভাবতে, কোন কাজে মন দিতে পারি না। কেবল তাঁর কথাই থেকে থেকে মনে পড়ে—আর অধার হয়ে উঠি। কিন্তু যখন তিনি আসেন, আমার যেন তখন সব কথা হারিয়ে যায়,—তাঁর মধ্যে আমি যেন নিজেকে হারিয়ে ফেলি। তিনি কথা বলেন—আমি শুধু অবাক হয়ে তাঁর মুখের দিকে চেয়ে থাকি। কেবল শুনি, আর মনে হয়, তাঁর কথা যেন শেষ না হয়। এ যে কি তীব্র সুখ—সে আমি তোমায় কি করে বোঝাবো? তুমি সুখী হয়েছ লিলা?

লীলা উত্তর দিতে পারিল না। বীণার প্রেমে পুলকে ঝলমল মুখখানির দিকে একবার ব্যথিত ম্লান দৃষ্টি তুলিয়া চক্ষু নত করিল।

বীণা সেদিকে জ্ঞেপ না করিয়া নিজের মনেই বলিতে লাগিল—কুমারকে দেখবার আগে আমি কোন দিন কারুকে ভালবাসি নি ভাই! চিরকাল সকলকে নিয়ে কেবল খেলা করে, আমোদ করে বেড়িয়েছি। তুমি ত সবই জান, আমি চঞ্চল স্বভাবের বলে তুমি কতদিন আমাকে কত কথা বলেছ, কত বুঝিয়েছ। তখন শুধু পুরুষদের ভালবাসা নিয়ে ছিনিমিনি খেলাই আমার প্রধান আমোদ ছিল। আমি নিজে কোন দিন কারুকে ভালবাসি নি। এখন সে



সব কথা মনে হলে লজ্জা হয়। একটা বড় জিনিস মনের মধ্যে পেয়ে, আমার আগেকার সব চাঞ্চল্য, সব ক্ষুদ্রতা কেটে গেছে ভাই! আমি যেন মনে প্রাণে নতুন মানুষ হয়ে গেছি। তাই আমি ভাবতুম, কত দিনে তুমি ভাল হয়ে উঠবে—কত দিনে তোমায় এ সব কথা খুলে বলতে পাব। মা বলেছেন—শীঘ্রই আমাদের এনুগেজমেন্ট হয়ে যাবে। তুমি খুসী হয়েছ লিলি?

লীলা এবার বলিল, আমি যদি খুসী হতে পারতুম,—অস্বাভাবিক জানেন, তার চেয়ে সুখের বিষয় আমার কাছে আর কিছু থাকতো না দিদি!

বীণার মুখ শুকাইয়া গেল। সে ব্যগ্রকণ্ঠে বলিয়া উঠিল—  
কেন লিলি—ও কথা বললে কেন ভাই? কি হয়েছে?

লীলা বলিল—আমার বলবার অনেক কথা আছে দিদি! কিন্তু কি করে যে বোলবো, আমি সারাঙ্গণ সেই কথাই ভাবছি। আমি তোমাকে বড় ব্যথা দিতেই এসেছি ভাই!

বীণা সভয়ে পাংশুবর্ণ হইয়া তাহার দিকে জিজ্ঞাসু নেত্রে চাহিয়া রহিল।

লীলা ম্লান মুখে আবার বলিল—কিন্তু সে কথা যে বলতেই হবে—দিদি! তুমি বড় প্রতারণিত হয়েছ—কুমার মোটেই ভাল লোক নয়! সে চরিত্রহীন, লম্পট, মাতাল। সে তোমার সঙ্গে মেশবার উপযুক্ত নয়—

বীণা ভয়কণ্ঠে বলিয়া উঠিল—ও কথা বোল না লিলি! কুমার—ওঃ! অসম্ভব! সম্পূর্ণ অসম্ভব। তুমি তাঁকে জানো না—তাই ও কথা বলতে পারলে! কে এ সব তাঁর নামে মিছে করে রটালে?

মিছে নয় ভাই! সব সত্য! তার প্রত্যক্ষ প্রমাণ না পেয়ে কি আমি তোমার কাছে এ কথা বলতে পারি? আমি খুব ভাল করেই সন্ধান নিয়েছি। ওর স্ত্রী ওর অত্যাচারের জালায় বিষ খেয়ে মরেছে—

বীণা আশ্চর্য্য হইয়া বলিল—ওর স্ত্রী? কুমার কি তবে বিবাহিত?

লীলা বলিল—শুধু বিবাহিত নয়—ওর যে এ-রকম আরও কত কীর্তি আছে—তা বলা যায় না। এবার থেকে আর তুমি ওর সঙ্গে দেখা কর না। যদি আসে, তা হলে যা বলবার—তা আমিই বলে দেবো। কোন ভদ্রসমাজেও

লোকটা মেশবার উপযুক্ত নয়। ওকে অপমান করে তাড়িয়ে দেওয়াই উচিত—

বীণা উন্মাদিনীর মত আকুল হইয়া বলিয়া উঠিল—  
না! লিলি! না—এমন করে তাঁকে আমার কাছ থেকে কেড়ে নিও না—আমি মরে যাব তা হলে! সত্যই মরে যাব! আমি নিজে তাঁকে এ কথা জিজ্ঞাসা করবো! আমি যে এ সব কথা বিশ্বাস করতে পারছি না! এ কি কখনো হতে পারে? আমি দুমাস ধরে নিয়ত তাঁকে দেখছি যে! লিলি! নিশ্চয় কোথাও ভুল হয়েছে কিছু,—তিনি কখন এমন হতে পারেন না!

লীলা গম্ভীর মুখে বলিল—ভুল যদি হতো, তা হলে আমি যে কত সুখী হতুম, তা তুমি জান না। আমারও ত তাকে খুব ভালই লেগেছিল। কিন্তু তা ত নয়! এই সম্প্রতি ও একটি ছোট মেয়ের কি সর্কনাশ করেছে—শোন—

লীলা জোছনার কথা একে একে সবিস্তারে বলিয়া গেল। তাহার পর বামা এখানে আসিয়া কি করিয়া তাহাকে চিনিয়া গেল, সব বলিয়া শেষে বলিল—এখনো কি কিছু অশ্বাসের কারণ আছে? বামা তার বাড়ীতে থেকে রোজ দেখছে—সে অর্ধেক রাত পর্যন্ত মাতাল হয়ে কাটায়। আর এর চেয়ে কি প্রমাণ চাও? বল ত কাস্তুর বোনকে ডেকে তোমার সামনে সব জিজ্ঞাসা করি।

বীণা সমস্ত শুনিয়া সর্পাহতের মত বিবর্ণ মুখে আড়ষ্ট হইয়া রহিল।

লীলা বলিতে লাগিল, আমি যখন প্রথম এ কথা শুনলুম, তখনি জানি যে এ ঘটনায় তোমার কত বড় আঘাত লাগবে। তাই আমি কোন কথা প্রকাশ না করে, ভাল করে তার বিষয় সন্ধান করেছি। তোমায় যে সব কথা বলেছি, তার এক বর্ণও মিথ্যা নয়। এর পর আর তোমার তার সঙ্গে কোন সম্বন্ধ থাকতে পারে না। কাল বিকেলে তুমি ড্রিংরুমে নেমে যেও না—অস্বতঃ সে আসা পর্যন্ত তোমার ঘরেই থেকে। আমি তার জন্ত নীচে অপেক্ষা করবো। সে এলে, যা বলবার সব আমিই বলে, এ অপ্রীতিকর বিষয় একবারে শেষ করে ফেলবো। আমি চাই, আর যেন তোমার সঙ্গে তার দেখা না হয়।

বীণা আবার অস্থির হইয়া উঠিল—সে কিছুতেই লীলার এ প্রস্তাবে সম্মত হইতে পারে না। সে বলিল—সে কিছুতেই

হবে না লিলি ! যদি বলতেই হয় এ কথা, তা হলে আমি নিজেই তাঁকে জিজ্ঞাসা করবো। আমারই তাঁকে বলবার একমাত্র অধিকার। তুমি এর মধ্যে কোন কথাই খেঁকো না। তুমি যে রাগী, হয় ত কি কথাই বলবে, আর তিনি কখনো এ-মুখে হবেন না। যদি এ সব কথা সত্যই হয়, তা হলেও আমার সঙ্গে সঙ্ঘর্ষ ঘটবার পর আর যে তিনি এ পথে কখনো যাবেন না, সে বিশ্বাস আমার আছে। আমার তিনি সত্যই অত্যন্ত ভালবেসেছেন।—তুমি ত জান লিলি ! মাহুষ ভালবাসলে তার মধ্যে কত বড় বড় পরিবর্তন হয়ে যায়, আর তিনি বদলাবেন না এ কি কখনো হতে পারে ?

লীলা বলিল, তিনি তোমার মত আরো অনেককেই ভালবেসেছেন, আরো অনেককে বাসবেন,—তার জন্ত কোন চিন্তা কোর না। উপস্থিত তোমার সঙ্ঘর্ষে আমি যা বলছি, এইটাই সবচেয়ে ভাল কথা। এতে কোন গোলযোগ হবে না, তোমারও মর্যাদার কোন হানি হবে না, কারণ আমার বিশ্বাস আমার মুখ থেকে কোন কথার আভাস পাবামাত্র সে নিজের মানের দায়েও এখান থেকে সরে পড়বে। সে বিদেশী লোক, তার এ রকম চলে যাওয়ার কেউ কিছু মনেও করবে না। কথাটা চাপা পড়েই যাবে। অবুঝের মত কথা বোলো না। কথাটা ভাল করে ভেবে দেখ, তা হলেই সব বুঝতে পারবে।

বীণা কিন্তু লীলার কোন যুক্তি শুনিল না। ইহার মধ্যে ভাবিয়া দেখিবার কি আছে, তাহাও সে বুঝিল না। সে কেবল অধীর হইয়া কাঁদিতে লাগিল। বলিল—লিলি ! তুমি বড় নিষ্ঠুর, তোমার প্রাণে একটু দয়ামায়া নেই। আমি তোমায় সত্যই বলছি, আমি কিছুতেই কুমারকে ছাড়তে পারবো না। তাঁকে ছাড়তে হলে আমি আর বাঁচবো না। তুমি ত কোন দিন কারুকে ভালবাসনি,—তুমি আমার অবস্থা বুঝবে কি করে ? সংসারে ভাল মন্দ সব রকম লোকই থাকে,—সকলেই কি একবারে দেবচরিত্র সাধু পুরুষ হয়ে জন্মান ? যদি তাঁর কিছু দোষ থাকে—নিশ্চয় তিনি তা শুধরে নেবেন। আমি কালই তাঁকে এ সব কথা বোলবো।

লীলা বলিল—বেশ ! তোমার যা ইচ্ছা, তাই করো। তবে এটা নিশ্চয় জেন যে, আমি তোমার এই সব অযথা ধামধেমালির প্রশ্রয় দিতে পারবো না। তোমার যদি নিজের সামান্য কিছু বুদ্ধি থাকতো, তা হলে তুমি নিজেই

এ বিষয়টা ভাল করেই বুঝতে। তোমার ভালর<sup>অন্ত</sup> তোমাকে সাবধান করে দিলুম,—তার চরিত্রের প্রত্যক্ষ প্রমাণ, তার সমস্ত দোষ তোমার চোখের উপর ধরে দিলুম,—তোমার কিছুতেই জ্ঞেপ নেই। সে মাতাল, লম্পট, বদমাস—যা খুসি হোক, তবু তাকে তোমার চাই-ই। চমৎকার কথা ! আজ সে তোমায় নিয়ে ছুদিন খেলা করে' শেষে জোছনার মত রাস্তায় তাড়িয়েই দিক—কিন্তু সখের খেয়ালে আজ বিয়ে করে বাড়ীতে তোমায় ফেলে রেখে নিজে যা খুসি করেই বেড়াক—কিছুতে তোমার আপত্তি নেই। শুধু তার সঙ্গে বিয়ে হলেই হল। ধন্য তোমরা ! আর ধন্য তোমাদের ভালবাসা ! আমি কিন্তু কালই বাবার কাছে কুমারের বিষয় সব বোলবো !

বীণা পিতাকে অত্যন্ত ভয় করিত। লীলার রাগ দেখিয়া ও পিতার নামে সে অত্যন্ত দমিয়া গেল। বলিল...তুমি বড় একটুতেই রেগে যাও লিলি। হঠাৎ বাবার কাছে এ সব কথা বলে একটা হেঁচকি বাধান কি ভাল ? খাই হোক, কুমার নিজে সজ্জাভঙ্গ ভদ্রলোক,—তাঁর নামে এ রকম একটা কুৎসারটান, চারিদিকে তাঁর বদনাম করা কি ভাল হবে ? আমাদের নিজেদেরও ত মান-সম্মম আছে—

লীলা বাধা দিয়া বলিল, তা আর তুমি বুঝছো কই ? যাতে আমাদের বা তার সঙ্ঘর্ষে কারু মনে কোন কথা না ওঠে, সেইজন্মই ত আমি তোমায় তার সঙ্গে দেখা করতে বারণ করছি। আজ যদি বাবার কাণে এ কথা ওঠে, আর তিনি তাকে অপমান করে তাড়িয়ে দেন, তা' হলে সমাজে একটা সোরগোল পড়ে যাবে। তুমি এ ছমাস ধরে তার সঙ্গে যে ভাবে মিশছো, মা তাকে বাড়ীতে ডেকে এনে যে রকম ঘনিষ্ঠতা করছেন, সে কি আর কেউ দেখতে পাচ্ছে না। এ ভাবে এত মেশার পর হঠাৎ তাকে তাড়িয়ে দিলে, লোকে তোমার আর তার সঙ্ঘর্ষে কি ভাবে,—আর তার পর ঘরে ঘরে তোমার নামের সঙ্গে তার নাম যোগ করে কি রকম চর্চা চলবে, সেটা একবার ভেবে দেখো। তাই যদি তুমি চাও, বেশ—তাই হবে।

বীণা ছোট বয়স হইতেই নিজে একটি সামাজিক জীব,—এ সব ব্যাপার ও এই সব কুৎসিত আলোচনার গুরুত্ব সে ভাল করিয়াই বোঝে। লীলার এ কথার পর সে সহসা আর কোন উত্তর দিতে পারিল না।

তাহাকে তদবস্থ দেখিয়া লীলা আবার বলিল—এই ত  
সে দিন অক্ষয়কে নিয়ে এত কাণ্ড হয়ে গেল, এখনো সবাই  
সে কথা ভাল করে ভোলে নি। তারপর দুমাস যেতে না  
যেতেই আবার এই নতুন একটা কাণ্ড—লোকে বলবে নাই  
বা কেন? সকলের ধরেই আমাদের মত বড় বড় মেয়ে আছে,  
কিন্তু কারকে নিয়ে কোন দিন কোন চর্চা ত শুনি নি!  
আমাদের বেলাতেই বা লোকে চর্চা করবার অবসর পায়

কেন? যা হোক, তুমি এখন কি স্থির করলে, বলো—আমি  
কালই এ ব্যাপারের একটা মীমাংসা করে ফেলতে  
চাই।

বীণা চোখ মুঁছিয়া বলিল—আমি এত ঘড়ীর কাঁটার মত  
চলতে পারবো না। সব তাতেই তোমার তাড়াতাড়ি।  
আজকার রাত্রি আমায় ভাল করে ভাবতে দাও। কাল  
সকালে যা হয়, তখন হবে। (ক্রমশঃ)

## গোস্বামী-বন্দনা

শ্রীকুমুদরঞ্জন মল্লিক বি এ

তোমরা উদাসী—গৃহী নহ প্রভু, চরণে প্রণাম করি ;  
মনকে তোমরা করিয়াছ বন—কুঞ্জ দিয়াছ গড়ি।  
বুঝিতে পারিনে ভিখারী কি ধনী,  
কান্নু লাগি আনো ক্ষীর, সর, ননী,  
ঠাহারি সেবায় গোটা দিন যায় কেটে যায় বিভাবরী।

২

তোমরা জ্ঞানের পাষণ-ভূমিতে মুহুর্ত মালতী ফুল,  
উষর মরুর ধূসর বালুতে যমুনার কুলুকুল।  
হাটের মাঝারে মধু মৃদঙ্গ,  
কঠোর কারায় সাধুর সঙ্গ,  
সঙের আসরে মনোহরসাহী পদাবলী মধুকরী।

৩

দেহ মন সব হরিরে সঁপেছ তিল ও তুলসী দিয়া,  
কাল কলঙ্কের গরব ধরে না—ভোর হয়ে আছে হিয়া।  
সব কাজ তব তাঁরি আরাধনা,  
তাঁরি দেওয়া সুখ, ঠাহারি বেদনা,  
সংসার তাঁর স্মৃখে রেখেছ তাঁরে নিবেদন করি।

৪

মুক্তি চাহ না মুক্তি বিতর তোমরা ভক্তিকামী,  
কৃষ্ণ-সেবার অধিকার তব মোক্ষের চেয়ে দামী।  
হেরি নবঘন ঝরে আঁধি তব,  
ভকতির কথা অধিক কি কব,  
অমুরাগ-ফাগে ভুবন রাজ্যলে এ কি প্রেম হরি হরি!

৯৮

৫

কেন গো পুরুষ পুরুষের বেশে ভ্রমিছ অবনীতলে,  
নবনী মত হৃদি তোমাদের প্রেমের পরশে গলে।  
ভ্রমিতেছ গোপী-চন্দন লেপি'  
শ্রাম-সোহাগিনী যেন ব্রজগোপী  
বঁপুর মধুর নামে ঝরে আঁধি দেখিয়া কাঁদিয়া মরি।

৬

নামে এত ক্রটি, এমন পীরিতি ভুবনে মেলা যে ভার,  
দেবতারে কর প্রেমের পুতুল, তুলনা যে নাহি তার।  
বিপুল পৃথিবী গৃহ পরিজন,  
কেহ যেন তব নহেক আপন,  
গরবী নাগরী শ্রামের সোহাগে নিয়োছ গাগরী ভরি।

৭

তমালের তলে তোমাদের গৃহ, যমুনার কুলে বাসা,  
অমুরাগী কর রসের বেসতি, যেচে দাও ভালবাসা।  
বাশরীর স্বরে উদাস পরাণ,  
হরিণীর মত কর আনচান,  
গোরা-গরবিনী তোমাদিগে আমি পুরুষ বলিতে ডরি।

৮

রূপের জহরী বুকেতে ধরেছ সদ-সেরা নীলমণি,  
হু'হাতে ভক্তি মুক্তি ছড়াও অক্ষয় ধনে ধনী।  
হে দয়াল প্রভু, তব কৃপা যাচি,  
অতি দীন হেথা দাঁড়াইয়া আছি,  
কড়িহীন এই অনাথ পথিক পাবে না কি পদতরী!

# ইয়োৰোপেৰ পত্ৰ

শ্ৰীমণীন্দ্রলাল বসু এম-এ, বার-এট্টী-ল

ইংলেণ্ডেৰ হ্ৰদেৰ দেশে

( English Lake District )

বন্ধুবৰেণু,

ইংলেণ্ডেৰ উত্তৰ-পূৰ্ব প্ৰান্তভাগে ওয়েষ্টমুৰল্যাণ্ড ( Westmorland ) ও ক্যামাৰালাণ্ড (Cumberland ) এই দুই কাউণ্টি জুড়ে ছোট ছোট পাহাড়ের মালা-ঘেরা যে সতেরোটি সুন্দর হ্ৰদেৰ সারি আছে, সেই জায়গাটিকে ইংলিস লেক্ ডিষ্ট্ৰিক্ট বলে । এই Lake District তোমার মত

মত কেলরিজ, সাদে, শেলী,—কত কবি, কত সাহিত্যিকের স্মৃতি জড়ান । ইংৰাজী কাব্যেৰ ৰোমাণ্টিক পৰ্কেৰ সোণাৰ সিংহাৰ যেখানে উদ্ভাটিত হয়েছিল, সেই পাহাড় ও হ্ৰদেৰ মালাগুলি ইংৰাজি কাব্য-ইতিহাসে চিৰকালেৰ জন্ত জড়িত হয়ে আছে,—ইংৰাজি কাব্যৰনিকেৰ চিত্ত চিৰকাল আকৰ্ষণ কৰবে ।



Windermere উইন্ডাৰমেয়াৰ হ্ৰদ ।

ইংৰাজী সাহিত্যানুৰাগীৰ, কবি ওয়াৰ্ডস্‌ওয়াৰ্থ-ভক্ৰেৰ চিত্তে অপ্ৰমেয় ছায়া বিস্তাৰ কৰে আছে । এ জায়গাটি সম্বন্ধে কিছু জানতে পাৰলে নিশ্চয় তোমাৰ মন খুব খুসি হবে । তাই এ হ্ৰদগুলিৰ মধ্যে আমাৰ একটি দিনেৰ ভ্ৰমণেৰ কথা তোমাৰ জানাচ্ছি ।

Lake District ! এই কথাটিৰ সঙ্গে ওয়াৰ্ডস্‌ওয়াৰ্থ,

ওয়াৰ্ডস্‌ওয়াৰ্থেৰ কাব্যে প্ৰকৃতিৰ যে বিশেষ ৰূপে চিত্ৰগুলি দেখেছি, প্ৰকৃতিৰ সেই ৰূপটি দেখবাৰ জন্তে এৰা এডিনবৰা থেকে লণ্ডনে যাবাৰ পথে লেক ডিষ্ট্ৰিক্টে এলুম Windermere হ্ৰদে এই হ্ৰদগুলিৰ মধ্যে সবচেয়ে বড় হ্ৰদ,—লম্বায় দশ মাইল, চওড়ায় এক মাইল । এই হ্ৰদেৰ তীৰে Windermere সহরে এসে হ্ৰদগুলি দেখব ঠিক কৰলুম

সকাল প্রায় ছ'টার সময় ট্রেন Windermere ষ্টেশনে এসে পৌঁছাল। তখন চারিদিকে সুন্দর প্রভাতের আলো। তখন গ্রীষ্মকাল। তার পর এই পাহাড়ে জায়গায় এত উত্তরে খুব শীতল সূর্যোদয় হয়।

আমার স্যুটকেস ও ছোট ব্যাগটি ষ্টেশনের ক্লোকরুমে (cloak room) রাখলুম। এ দেশে ষ্টেশনে রেল-কোম্পানীর চার্জ মালপত্র রাখবার ব্যবস্থাটি বড়ই সুন্দর, বিশেষতঃ ভ্রমণকারীদের পক্ষে বড়ই সুবিধের। এ ব্যবস্থা যদি না থাকত, তাহলে আমার মালপত্র নিয়ে কোন

মন বিক্ষিপ্ত ও ব্যথিত হয়ে উঠেছে। ইংলণ্ডের সহরের মধ্যে কখনও এরূপ শাস্ত স্তব্ধ প্রভাত দেখি নি। ওয়ার্ডস-ওয়ার্থের কবিতার মধ্যে জীবনের কৰ্মকোলাহলের পর যে পরমা শান্তির আশ্বাদ আছে, সেই শান্তির একটু স্পর্শ এই প্রভাতে পেয়ে বড় তৃপ্ত হলাম।

সাজান দোকানের সারির মান দিগ্নে বড় রাস্তা পার হয়ে লেক রোড দিগ্নে নেমে হ্রদের তীরে এসে পড়লুম। নীল জল প্রভাতের আলোয় ঝলমল করছে। চারি দিক শান্ত, স্নিগ্ধ। ওপারে নীল পাহাড়ের মালার ছায়া জলে এসে



Ambleside আম্বেল সাইড।

হোটেলের সন্ধান বাহির হতে হত। কিন্তু এই জিনিষ রাখার ব্যবস্থা থাকতে, আমি জিনিষগুলি ষ্টেশনে রেখে নিশ্চিত মনে সমস্ত দিন টো-টো করে বেড়াব। তার পর সন্ধ্যার গাড়ীতে জিনিষগুলি নিয়ে চলে যাব,—আমার হোটেল চার্জ কিছুই লাগবে না।

ষ্টেশনে হাতমুখ ধুয়ে সহর দেখতে বাহির হলাম। দেখি, এখনও কেউ জাগে নি,—বাড়ীগুলি সব নিদ্রিত, নিরুদ। ছোট ঘুমন্ত সহরটি সেই প্রভাতের স্নিগ্ধ আলোয় বড় সুন্দর লাগল। ইংলণ্ডের যে-কোন সহরেই গেছি, সেখানে তার জনতা, কৰ্মকোলাহল, মোটরের ডক্‌ডক্ ও গতির ব্যস্ততার

পড়েছে। এপারে ডুবল ও ক্যাটবেলের নীলে, ফক্সগাভের লালে সবুজ পাড় রঙীন হয়ে উঠেছে,—যেন রঙীন পাড় ওয়ালা নীল অঞ্চল ঝলমল করছে। ছ'চারটি পাখী মূহ কলরব করে উড়ে গেল। একটি পাথরের ওপর বসলুম। Prelude-র একটি প্রভাতের বর্ণনা মনে পড়ল। অষ্টাদশ শতাব্দীর শেষ পর্কের একটি ছবি চোখের সামনে ভেসে উঠল।

দেখলুম, দুটি যুবক হ্রদের তীরে বেড়াচ্ছে। বেশভূষার বাহার নেই, মাথায় টুপি নেই, চুল বাতাসে উড়ছে। একজন একটু খর্সাকৃতি, তার প্রশস্ত কপোল প্রথমে চোখে

পড়ে। মুখ রেখাঙ্কিত প্রোচের মত সব সময় যেন চিস্তিত।  
 তীক্ষ্ণ চক্ষু দুটি প্রকৃতি-গ্রন্থখানি তন্ন তন্ন করে দেখছে।  
 প্রত্নতত্ত্ববিৎ যেমন করে কোন প্রাচীন শিলালিপি পড়ে, তেমনি  
 মনোযোগ করে প্রকৃতির শোভা দেখছে। জলের একটু  
 ঝিকিমিকি, ফুলের একটু দোলা, ঘাসের একটু কাঁপন,  
 পাখীর একটু গান, দূর পাহাড়ের নিস্তরুতার একটু ভাঙন,  
 প্রকৃতির প্রতি রং ও ছবি ও চাঞ্চল্য তাহার চিত্ত স্পর্শ করে  
 ছবির মত মুদ্রিত হয়ে যাচ্ছে। আর একজন একটু লম্বা; তার  
 গতি চঞ্চল,—তরুণ মুখ প্রতিভায় জ্বলজ্বল করছে। চোখ দুটি  
 স্বপ্নময় প্রকৃতির এ রঙীন অবশুর্গন ভেদ করে যেন কোন

সহরটি জেগে উঠেছে। তখনও দোকান সব খোলে নি; তে-  
 পথে গাড়ী, লোকজন চলছে। Royal Mail-লাঙ্কিত  
 ডাকগাড়ী প্রথমে চোখে পড়ল। তার পর দুধওয়ালার গাড়ী,  
 রুটিওয়ালার গাড়ী বাড়ী বাড়ী ঘুরছে। এ দেশে গৃহস্থদের  
 প্রতিদিন বাজারে গিয়ে বাজার করার বড় হাঙ্গামা নেই।  
 জিনিষপত্র প্রায় সবই বাড়ীতে দিয়ে যায়। কিছুদিন হল  
 গবর্নমেন্ট গৃহিণীদের জন্ত আরও সুবিধার ব্যবস্থা করেছেন।  
 এখন পোস্টাফিসের সাহায্যে রুটি মাখন ইত্যাদি কেনা যেতে  
 পারে। কোন গৃহিণীর হয় ত চিনি ফুরিয়ে গেছে, তিনি  
 তাড়াতাড়ি কোন চিনির দোকানদারের কাছে টেলিফোন



Grasmere গ্রাসমেরার হ্রদ।

অতীন্দ্রিয় লোকের সন্ধান আছে; মাঝে মাঝে সে হাতে  
 ভঙ্গী করে প্রভাতের শাস্তিভঙ্গ করে অনর্গল বস্তুতা দিয়ে  
 যাচ্ছে। তার জ্বলজ্বল চোখের দিকে চাইলে মন মুগ্ধ হয়।  
 একজন ওয়ার্ডসওয়ার্থ, আর একজন কোলরিজ। ফরাসী-  
 বিপ্লবক্ষুর উনবিংশ শতাব্দীর সোণার স্বপ্নময় প্রত্যুষে  
 ইংরাজীকাব্য-সরস্বতীকে যারা রোমান্টিক পর্বের স্বর্গদ্বার  
 খুলে প্রথম আবাহন করেছিলেন, সেই কবিদ্বয় হয় ত এমনি  
 কোন নির্মলোজ্জল প্রভাতে এই হ্রদের তীরে Lyrical  
 Balladsএর আইডিয়া করেছিলেন।

ষণ্টাদেড়েক পরে যখন Windmereএ ফিরলুম, তখন

করে দিলেন, তাড়াতাড়ি কিছু চিনি পাঠিয়ে দিতে।  
 দোকানদার এক প্যাকেট চিনি কাছের পোস্টাফিসে দিয়ে  
 এল। কিছুক্ষণ পরে পোস্টাফিসের পিয়ন চিনির প্যাকেট  
 নিয়ে হাজির,—সে বাড়ীতে দিয়ে দাম নিয়ে যাবে। শুধু  
 বই বা জামা-কাপড় নয়—এখন চিনি ময়দা ইত্যাদি জিনিষও  
 ভি-পিতে কেনা যাবে। তাতে দোকানদার ও গৃহস্থের খুব  
 সুবিধা।

ধীরে ধীরে দোকানপাট খুলল। একটি ছোট মনোহারী  
 দোকান—তার সঙ্গে একটি ছোট রেস্টোরাঁ চোখে পড়লো।  
 দোকানের সামনে একটি বড় বোর্ডে কোন্ খাবারের জিনিষের

কত দাম—লেখা রয়েছে। বেশ পেটভরে খেয়ে নেওয়া গেল, সমস্ত দিন আর না খেলেও যেন চলে; কারণ, বিদেশে ভ্রমণের সময় খাবার জিনিষ পেলে বেশ পেটভরে খেয়ে নেওয়া উচিত। আবার কখন খাবার জুটবে তার নিশ্চয়তা নেই। এ দেশে অবশ্য সব জায়গাতেই হোটেল বা রেস্তোরাঁ খুঁজে পাওয়া যায়। তবে এই পাহাড় ও হ্রদের মধ্যে বেড়াতে বেড়াতে হয় ত কোন হোটেল পাব না, এই ভাবনাও ছিল।

তার পর বেড়ানোর ব্যবস্থা করতে বাহির হলাম। একরূপ বেড়াবার জন্ত সব জায়গাতেই মোটর টুর কোম্পানী আছে। তাদের বড় মোটর গাড়ীতে শস্য বেষ আরামে বেড়ান

না, সঙ্গে বান্ধবী বা আত্মীয় বা স্ত্রী থাকে। প্রতি যাত্রীর সঙ্গে কোন মহিলা আছেন। শুধু একটি ইংরাজ ও আমি একা। আমি একটি বোটের সিট দখল করে বসলাম, ইংরাজটি আমার পাশেই বসল। দুজন আমেরিকান, দুজন ক্যানিডিয়ান, দুজন অষ্ট্রেলিয়ান, দুজন স্কট্. আমি ভারতীয়, তাছাড়া সব ইংলিশ। কন্টিনেন্ট থেকে বড় কেউ ইংলণ্ডে বেড়াতে আসে না। এলেও লণ্ডন দেখেই চলে যায়। কোন ফরাসী বা জার্মানের সহিত ইংলণ্ড-ভ্রমণে বড় দেখা হয় না।

আমার পাশের প্রোট ইংরাজটি আমার সঙ্গে প্রথম



Dove Cottage ডোভ কটেজ।

যায়। এখানেও কয়েকটি কোম্পানী আছে। তাদের মধ্যে এক জনের সঙ্গে ঠিক করা গেল—আজ সমস্ত দিন তাদের মোটরে করে বেড়িয়ে নিয়ে আসবে,—প্রধান প্রধান হ্রদগুলির পাশ দিয়ে লেক ডিস্ট্রিক্টের মধ্যভাগটা ঘুরিয়ে নিয়ে আসবে। দাম দশ শিলিং।

প্রায় সাড়ে দশটার সময় Windermere ষ্টেশনের পাশ দিয়ে যাত্রা করা গেল। বেশ বড় মোটর কোচ, চারটি প্রশস্ত বেকি, মোটরচালক নিয়ে আমরা পনের জন যাত্রী। তার মধ্যে ছ-জন মহিলা। এ দেশে একা কেহ ভ্রমণ করে

আলাপ শুরু করলেন। আমার প্রথম জিজ্ঞাসা করলেন, আমি Lake District এ আগে এসেছি কি না। আমি 'না' বলাতে, তিনি বললেন, তিনি ছ'বার জায়গাগুলি দেখে গেছেন,—এই তাঁর তৃতীয় বার। কোন আফিসে কাজ করেন। এখন গ্রীষ্মের ছ'সপ্তাহ ছুটি উপভোগ করে বেড়াচ্ছেন। ইংলণ্ডের হ্রদ দেখে স্কটলণ্ডের হ্রদ দেখতে যাবেন। আমি বললাম, আমি স্কটলণ্ডের হ্রদ দেখে আসছি, Lock Lomond ভারি ভাল লাগল। শুনে খুব খুসি হয়ে উঠলেন।

এদেশে গ্রীষ্মকালে প্রত্যেক কাজের লোক ১৫ দিন বা এক মাস ছুটি পায়। আফ্রিকার কেরাণী থেকে হাম্পাতালের ডাক্তার—সবাই পালা করে এক-একজন করে কিছু দিনের জন্ত ছুটি নেয়। এই সময়টা বেড়াবার ও রৌদ্র উপভোগ করবার সব চেয়ে সুন্দর সময়। কোন সমুদ্রতীরে বা পাহাড়ে বা স্বাস্থ্যকর স্থানে গিয়ে মুক্ত বাতাস ও রৌদ্র উপভোগ করে দেহের স্বাস্থ্যের ভাণ্ডার কিছু বাড়িয়ে নেওয়াই হচ্ছে এ ছুটির উদ্দেশ্য। আমার সঙ্গী প্রোফ ইংরাজটিও এইরূপ ছুটি পেয়ে এসেছেন।

Windermere সহর ছাড়িয়ে Windermere হ্রদ পার

Ambleside ছাড়িয়ে আবার খোলা রাস্তার বাহি-  
হলুম। চারিদিকে সবুজ সবুজ; মাঝে মাঝে এক এক ঝাঁক  
মারগারেট ফুল শিশুর হাসির উচ্ছ্বাসের মত ফুটে বাতাসে  
হলছে। মাঝে মাঝে রোডোডেন্ড্রোন (Rhododendron)  
ফুলের ঝড় সবুজ কাপড়ে আবীরের ছোপের মত জলজল  
করছে। উপত্যকার মাঝের পথ দিয়ে আমরা চলেছি।

ইংরাজটি দূরে বাম দিকে একটি বাড়ী দেখিয়ে বলেন, ওটি  
হচ্ছে, Knoll। ওখানে Harriet Martineau থাকতেন।

Keswick Road ধরে আমরা Rydal হ্রদের দিকে  
চলেছি। প্রথমে Rydal hall চোখে পড়ল—অতি পুরাতন



Windermere হ্রদের দৃশ্য।

হয়ে আমরা উত্তর দিকে চলেছি। কিছু দূর গিয়ে Ambleside বলে একটি ছোট পুরাতন সহরে এসে পড়লুম। আমার কাছে গাইড বই ছিল, কিন্তু তার কিছু দরকার হল না। আমার পাশের ইংরাজটি আমার গাইড হয়ে সব বলে যেতে লাগলেন। চারিদিকে পাহাড়-ঘেরা সুন্দর ছোট সহরটি। ছোট ছোট বাড়ী, পথঘাট বেশ পরিষ্কার। একটি ধূসর রংএর পাথরে-তৈরী চার্চের পাশ দিয়ে গাড়ী গেল। ইংরাজটি বলেন, এর একটি রঙীন-মূর্তিময় কাচের জানলা ওয়ার্ডসওয়ার্থের ভক্তেরা তাঁর স্মৃতিচিহ্নরূপে দান করেছে।

সুন্দর কাঠের বাড়ী, Flemingsদের পুরাতন বসতবাড়ী। তারপর Rydal Mount,—এটি Wordsworthএর শেষ বসতবাড়ী। জীবনের শেষ চল্লিশ বছর তিনি এখানে ছিলেন। সুন্দর একটি ছোট বাড়ী—দোতলা, আকাশের নীল ও গাছের সবুজের ফ্রেমে আঁটা কাঠ ও কাঁচের কুটার। প্রকৃতির উপাসক প্রকৃতির কবির উপযুক্ত বাসগৃহ। মার্শা ও মেরীর মত ছই ভক্তিমতী নারীর প্রেম ও সেবার মধ্যে প্রকৃতির কোলে এইখানে তিনি তাঁর সহজ সরল জীবনের দিনগুলি কাটিয়েছেন।




পথ একেবেঁকে চলেছে। সহসা একটি ছোট হ্রদ রূপার পাতের পর্দার মত উদ্ঘাটিত হয়ে গেল। এটি হচ্ছে Rydal water। খুব ছোট হ্রদ, লম্বায় এক মাইলও হবে না, চওড়ায় আধ মাইলের চেয়েও কম,—আমাদের দেশের বড় দৌঘির মত। কিন্তু তারি সুন্দর মনে হল। স্থির, নির্মল জলের সরোবর সূর্যের আলোয় ঝলমল করছে। মধ্যাহ্ন-সূর্যের দাপ্তিতে জলরাশির মধ্য থেকে একটা ছাতি বাহির হচ্ছে,—যেন সবুজ পাহাড়ের ফ্রেমে আঁটা একখানি কাঁচের আয়না,—তাতে সূর্য্য আপনার মুখ দেখছে।

হ্রদের ধারের পথ দিয়ে আমরা চলেছি। একটি ছোট

ছিলেন। এই বাড়ীর অধিকারী বুড়ো Simpsonএর স্মরণে শেষে বিয়ে করেন। Confession of an Opium-Eater এর লেখক তরুণ যৌবনে এইখানে তাঁর প্রেমের লীলা করেছিলেন। তাঁর প্রেমের স্মৃতিস্তম্ভ বাড়ীটি তারি সুন্দর লাগল। তার পর Hartley Coleridge এই Nab কুটারে বাস করেন। এইখানে তাঁর মৃত্যু হয়। বৃদ্ধ ওয়ার্ডসওয়ার্থ তাঁর শবদেহের পেছনে যাত্রা করেছিলেন।

Rydal Water ছাড়িয়ে চলেছি। হৃদয়ে ঘন গাছের সবুজ। সহসা সে সবুজ পর্দা ভেদ করে আবার হীরার মত জলের ঝিলমিলানি। ইংরাজটি দাপ্তমুখে দাঁড়িয়ে উঠে;



Keswick কেস্‌উইক্‌।

টিপির কাছে মোটরচালক তার মোটর একটু থামাল। ইংরাজটি বলে, এটি হচ্ছে Wordsworth's seat। পাথরের সিঁড়ি দিয়ে একটি উঁচু যাত্রাগার ওঠা যায়। ওই স্থান কবির বড় প্রিয় ছিল।

ডান দিকে Nab Scar পাহাড়ের চূড়া উঠে গেছে। বাম দিকে Rydal waterএর জল ঝকঝক করছে। মাঝখানের পথ দিয়ে আমরা চলেছি। হ্রদের ধারে একটি ছোট কুটারের সামনে আবার মোটর থামল। এই কুটার হচ্ছে Nab। ডি-কুইন্স এই বাড়ীতে অতিথি হয়ে কিছুদিন

চেষ্টা করে উঠলেন,—ওই Grasmere, Grasmere! আমেরিকান মহিলাটি বাইনেকুলার (ছোট ছোটখো দূরবীণ) লাগিয়ে ভাল করে দেখতে লাগলেন।

হ্রদটি মাঝারি রকমের—এক মাইল লম্বা ও আধ মাইল চওড়া। মাঝে একটি ছোট দ্বীপ রূপার খালে নীলকান্তমণির মত ঝিকমিক করছে। দেখতে খুব সুন্দর বোধ হল না, কিন্তু এই হ্রদটি এক দিন ওয়ার্ডসওয়ার্থের বিকৃত চিত্তে যে শাস্তির প্রলেপ বুলিয়েছিল, তারি গুণে তিনি আনন্দময়ী কবিতাকে আবার জীবনে বরণ করতে পেরেছিলেন। এই

'Peaceful Vale'র রসভাণ্ডার হতে শান্তি ও সৌন্দর্য্যরস সঞ্চয় করে কবি তাঁর ভাষা ও ছন্দের বন্ধনে বেঁধে সাহিত্যরস-ভূষিতের জগৎ চিরকালের তরে দান করে গেছেন।

হ্রদের ধারে ধারে রাস্তা দিয়ে আমরা চলুম। Grasmere হ্রদে আর ঢুকলুম না। ইংরাজটি একটি পথ দেখিয়ে বলেন, এ দিক দিয়ে একটু গেলেই Dove Cottageএ যাওয়া যায়। ওয়ার্ডসওয়ার্থ, ওই বাড়ীতে ১৭৯৯ থেকে ১৮০৮ সাল পর্যন্ত ছিলেন।

Grasmereএর শান্তিময় উপত্যকা দিয়ে চলেছি।

পথ এবার ধীরে ধীরে উঠছে। একটা পাহাড়ের ওপর উঠছি,—যেন সূর্য্য-ঝলমল নীলাকাশের দিকে আমাদের যাত্রা। খুব খাড়াই পথ,—মোটর ইঞ্জিনের ঝক ঝক শব্দ কাণে বড় বাজছে। হুধারে পাহাড়ের সারি,—তলার সুন্দর উপত্যকা দেখা যাচ্ছে। পাহাড়ের গা দিয়ে রূপার স্ততার মত ঝর্ণা-ধারা বয়ে আসছে। তলার একটি গিরি-শ্রোতস্বিনী রূপালি সর্পের মত চলেছে। দূরে 'পাহাড়ের সারি' দেখা যাচ্ছে। কত অদ্ভুত, কত বিচিত্র তাদের মূর্তি। একটা পাহাড়ের রূপের সঙ্গে আর এক পাহাড়ের মিল নেই।



### Honister Pass হনিষ্টার পাস্‌।


হুধারে সবুজ গাছের সারি। গাছগুলি পাতায় পাতায় ভরা। মাঝে মাঝে অতি মিষ্টি গন্ধওয়ালা সাদা ফুলের ঝাড়, মারগারেটের বন, ডেসির কুঞ্জ, রোডোডেনড্রনের সারি। রৌদ্র-উজ্জ্বল নীলাকাশে সাদা মেঘ ভেসে চলেছে। তাহার ছায়া সবুজ মাঠে পড়ছে। পাহাড়ের মাথা দিয়ে মেঘ উড়ে চলেছে। পাহাড়ের তলার মেঘ চরছে, গন্ধ চরছে। মাঝে মাঝে হু'একটি পাখী উড়ে যাচ্ছে। এ দৃশ্যের মাঝ দিয়ে আমাদের প্রকাণ্ড মোটরের দ্রুতবেগে যাত্রা বিছু বেমানান হলেও চারিদিকের শান্তি ও সৌন্দর্য্য বিশেষ স্পষ্ট হচ্ছে না।

আরও উচুতে উঠে চলেছি ; এই খাড়াইকে Dunmeril Raise বলে। সমুদ্রতীর থেকে ৭৮৩ ফিট উচু। বামে Helm Crag ( ১২৯৯ ফিট ) বলে একটা পাহাড়ের চূড়া চোখে পড়ছে। একটা পাহাড়ের চূড়া,—সম্মুখ থেকে দেখাচ্ছে, যেন একটা সিংহ খাবা মেলে বসে আছে, ওই হৃদটার ওপর লাফিয়ে পড়বে। কিন্তু পাহাড়টির আর এক পাশে আসতেই মনে হল, কোথায় সেই সিংহ,—এ যে একটা বৃদ্ধা অর্গান বাজাচ্ছে! বড় অদ্ভুত এই পাহাড়ের শিখরমালা।

আমরা Westmorlandএর সীমা পার হয়ে Cumberlandএ এসে ঢকেছি। পথ নেমে চলেছে,—গড়গড়িয়ে নেমে

যাচ্ছ। রূপালি ঝর্ণাধারাগুলি যেখানে নদী হয়ে নিলেছে, নদীধারাগুলি যেখানে হ্রদে গিয়ে পড়েছে, সেইদিকে তলায় নেমে চলেছি। হ্র'পাশের পাহাড়ের মালা উঁচু আরও উঁচু হয়ে উঠছে।

আর একটি হ্রদের পাশে এলুম। Thirlmere হ্রদ।



The Devi's Elbow ডেভিলস এল'বা

এই হ্রদটি আমার সবচেয়ে ভাল লেগেছে। খুব বড় নয়,— লম্বায় সাড়ে তিন মাইল; কিন্তু চওড়ায় আধ মাইল। হ্রদে পাহাড়ের সারি, তার মাঝ দিয়ে এঁকে বেঁকে হ্রদটি গেছে। হ্রদের বাম ধারে রাস্তা দিয়ে আমাদের মোটর চলল। সামনে

চাইলে মনে হয়, ওই সামনের পাহাড়ের কোলে হ্রদটি শেষ হয়েছে; কিন্তু পাহাড়টি পার হলেই আবার দেখা যায়, দীর্ঘ হ্রদ পাহাড়ের আড়ালে আড়ালে অনেক দূর চলে গেছে— যেন কোন বাকুণী-কন্তা পাহাড়ের আড়ালে আড়ালে লুকোচুরি

খেলতে খেলতে পালাচ্ছে,—তার রূপালি ভঙ্গুটুকু শুধু দেখা যাচ্ছে। হ্রদটি যখন শেষ হল, সমস্ত হ্রদটি বড় সুন্দর দেখাল,— যেন কোন রাজকন্তা নীলীঞ্চল ফেলে এ নিৰ্জ্জন প্রান্তরে সুদীর্ঘ অঙ্গ এড়িয়ে রবিকর পান করছে, আর তার চারদিকে পর্বতের প্রহরা-দল দৈত্যের সারির মত গুম হয়ে বসে আছে।

হ্রদের জলরেখা আবার পাহাড়ের মধ্যে হাবিয়ে গেল। পথ আবার উঁচুতে উঠে চলেছে। হ্রদে পাহাড়-সারি বহুৎ কক্ষ কক্ষ হয়ে উঠছে। একটি খুব উঁচু জায়গায় এসে মোটর থামল। চারিদিকে বড় সুন্দর দেখাচ্ছে। পেছনে Thirlmere নীলকাস্তমণি গড়া আলোর মত পড়ে,—সামনে Keswick উপত্যাকা,—একটি ছোট্ট হ্রদের জল দেখা যাচ্ছে,—পার্কত্যকন্তার নীল চোখের মত Derwent water আফসান কচ্ছে। হ্রদের ধারে একটি ছোট সहर এক সার বড়ীন তাসের ঘরের মত দেখাচ্ছে। আরও দূরে একটি হ্রদের জল ঝিকমিক করছে। তার পাশে Skiddaw (৩,০৫৩ ফিট) পর্বতচূড়া রৌদ্র পরিপূর্ণ নীলাকাশে উঠে গেছে।


মোটর-চালক মোটর থামাতে, কোন দ্রষ্টব্য জায়গা এসেছে ভেবে,

আমেরিকান ভদ্রলোকটি তাঁর নভেল হতে চোখ তুলে একবার চাইলেন, বলে উঠলেন, বা, কি সুন্দর! আমেরিকান মহিলাটি চোখে বাইনেকুলার লাগাতনে। অষ্ট্রেলিয়ান মহিলাটি গাইড বুকের ম্যাপ খুলে দেখলে

লাগলেন—জায়গাটা কোথা। আমার পাশের ইংরাজি ব্লেন, ওই দূরে Keswick সহর। কানেডিয়ান ভূদ্রলোকটি জায়গাটার একটা খসড়া ম্যাপ এঁকে হ্রদ ও সহরের নাম সব ডায়েরীতে লিখতে লাগলেন।

পথ নেমে চলেছে। গড়গড়িয়ে আবার নেমে চলেছি। Derwent water বামে রেখে Keswick সহরে এসে পড়লুম। মোটর-চালক মোটরের গতি কমালো। বিশেষতঃ সহরে ঢুকেই সামনে school বলে সাক্ষাতিক চিহ্ন লেখা থাকতে খুব সাবধানে চালাতে লাগল।

মোটর-চালকদের জন্ত ও পথের লোকেদের রক্ষার জন্ত এ দেশে অনেক সুব্যবস্থা আছে। যেথানে এক রাস্তা আর এক রাস্তার ওপর দিয়ে গেছে, এরকম প্রতি চৌমাথার একটু আগে Cross-Road—Danger বলে একটা চিহ্ন থাকে। যেখানে রাস্তা খুব এঁকে বেঁকে ঘুরে গেছে, সেই বেঁকের মুখে, রাস্তাটা কি রকম ভাবে বেঁকেছে তার চিহ্ন দেওয়া থাকে। আর প্রতি স্কুলের সামনে রাস্তার ধারে Safety First বা School এই রকম লেখা একটি ছোট ত্রিভুজ হি লোহার দাগায় বসান থাকে। এই রকম অনেক চিহ্ন দেখে বিধি-ব্যবস্থা মেনে এ দেশে মোটরকার



কেসউইক—মেন ষ্ট্রীট বা বড় রাস্তা



চালাতে হয়, এ বিষয়ে লোকের সাবধানতা ও ব্যবস্থা বড় সুন্দর।

Keswick একটি ছোট সুন্দর সহর। বেশ সুন্দর বেড়াবার জায়গা। তার হৃদিকে দু'টি সুন্দর হ্রদ, চারিদিকে পাহাড়ের মালা। ইংলণ্ডের সবচেয়ে বড় পাহাড় Scawfell



সন্ধ্যায় ডির্ ওয়াটার ওয়াটার

Pike (৩২১০ ফিট) একদিক আড়াল করে আছে। এতক্ষণ ধূসর স্তব্ধ সবুজ পাহাড়ের সারি ও শান্ত নীল হ্রদের জলের ঝিলমিলানির পর এই মৃদু-কলরব-মুখর শান্ত সহরের নানা রংএর ছোট বাড়ীর সারি বড় সুন্দর মনে হল।

Main street পেরিয়ে পুরাতন বাজারের ভেতর দিয়ে Greta নদীর পাশ দিয়ে সহর ছাড়িয়ে আমরা আবার:

উদার উপত্যকার পড়লুম। সুন্দর মাঠের মাঝ দিয়ে পথ। অদূরে Derwent নদীর জল ঝিকমিক করছে। মাঝে মাঝে মারগারেট ফুলের বন, বাতাসে ছলছে, শিশুর মুখের সাদা হাসির মত। আরও দূরে নীল পাহাড়ের মালা। তাদের ওপর সাদা মেঘ উড়ে চলেছে। চারিদিক রৌদ্রে ঝলমল করছে।

আর একটি হ্রদের পাশে এসে পড়লুম। দীর্ঘ লম্বা হ্রদ—Bassenthwaite Lake প্রায় সাড়ে পাঁচ মাইল লম্বা, কিন্তু আধ মাইল চওড়া। স্থির স্বচ্ছ জল টলমল করছে।

হ্রদের তীরে তীরে কিছুদূর গিয়ে আমরা বামে ঘুরলুম। এতক্ষণ উত্তর-পশ্চিম মুখে যাচ্ছিলুম, এখন দক্ষিণ-পশ্চিম দিকে হ্রদের স্নিগ্ধ নীল জল ছাড়িয়ে ধূসর পাহাড়ের দিকে মোটর চলল।

পাহাড় ও প্রান্তবের মাঝ দিয়ে পথ উঠে নেমে এঁকেবেঁকে চলেছে। চারিদিকের প্রাকৃতিক দৃশ্য অনেকটা ছোটনাগপুরের মত মনে হল। কিন্তু ছোটনাগপুরের লালমাটি বা কৃষ্ণ পাহাড় বা ঘন জঙ্গল নেই। চারিদিকে সবুজে সবুজে ভরা। শরতে বঙ্গপ্রকৃতির মধ্যে যে পরিপূর্ণতা দেখা যায়, তাব আভাস রয়েছে—ঝর্না ধারা ঝরে পড়ছে, নদীগুলি জলে টলমল করছে, বাঁশবনের মত মারগারেট ফুলের ঝড় বাতাসে ছলছে, মেঘ চরছে,—ছোটনাগপুরের রুদ্র পার্বত্য শোভার সঙ্গে বাংলার স্নিগ্ধ শ্রামলতা-জড়ান প্রকৃতিত্রী রৌদ্রে ঝলমল করছে।

কখন উঠে কখন নেমে মাইলের পর মাইল মোটর চলেছে। আর একটি হ্রদের তীরে এসে পড়লুম—Crummock Water। হ্রদটির তীরে

তীরে প্রায় আড়াই মাইল গিয়ে আবার একটি প্রান্তব পার হয়ে আর একটি ছোট হ্রদের তীরে এসে পড়লুম। হ্রদটি খুবই ছোট; কিন্তু দূর থেকে বড়ই সুন্দর লাগল। এই হ্রদটির তীরে গাছের ছায়ায় একটি হোটেলের সামনে মোটর এসে থামল। ষড়িতে দেখলুম দেড়টা বেজেছে, ল্যাঞ্চার

এই সময়। হোটেলে ল্যাঞ্চ খাবার জন্তে মোটর থামল।

সকলে ল্যাঞ্চ খেতে হোটেলে ঢুকল। আমার খাবার বিশেষ ইচ্ছা ছিল না, সুতরাং হুদটা দেখতে ও সম্মুখে পাহাড়ে একটু উঠতে বিশেষ ইচ্ছা হ'ল। তা' ছাড়া পকেটে কিছু Sandwich ও চকোলেট রসদ এনেছিলুম।

সুন্দর ছোট হুদটি। বৃষ্টি দেড় ম'তল হবে, চণ্ডার আধ মাইলের কিছু ওপর, কিন্তু বড়ই সুন্দর। তিন দিক প্রায় পাহাড়ে ঘেবা। ওপারে কয়েকটি উঁচু পাহাড়ের চূড়া। এপাবের একটি ছোট পাহাড়ে উঠতে আরম্ভ করলুম। ৫০০-৬০০ ফিট উঁচু হবে। বন উজ্জল কিছু নেই, শুধু বুনো বড় ঘাসে ভরা। কিছুদূর একটি ছোট সরু পথ দিয়ে উঠে গেলুম। তার পর, ঘাসের মাঝ দিয়ে উঠে যেতে হল। ঘেচ চরছে, আমার দেখে পথ থেকে সরে গেল। পাহাড়ের মাথার দিকটা বড় খাড়াই। সেখানে পায়ে হেঁটে ওঠা যায় না, ঘাস ধরে ধরে উঠতে হল। কোন কৌটপতঙ্গ নেই। শুধু যতই ওপরে উঠতে লাগলুম, একদল বক্স পাখীর কলরব বাড়তে লাগল।

পাখীগুলি অনেকটা চিলের মত দেখতে,—ঈগল জাতীয় হবে। তাদের বাসভূমি পাহাড়ের মাথায় এক মানুষকে,



গ্রাসমেঘার উপত্যকা

বিশেষতঃ কালো মানুষকে আসতে দেখে, তারা পাশের পাহাড়ের মাথায় বসে কিছুক্ষণ কলরব করলে। তার পরে মানুষের অসমসাহসিকতা দেখে উড়ে চলে গেল।



কবি ওয়ার্ডস্-ওয়ার্থ

পাহাড়ের ওপর উঠে চারিদিকের শোভায় মুগ্ধ হয়ে গেলুম। Green Gable, High Crag, High stile, Red Pike ইত্যাদি পাহাড়ের মালা-ঘেরা Buttermere বা মাখন-সবোবরটি বড়ই সুন্দর লাগল,—যেন দৈত্যপুরে কোন বন্দিনী রূপসী রাজকন্যা।

একটি পাথরের ওপর বসে sandwichগুলি ধ্বংস করে ধীরে নামলুম। দেখলুম পাহাড়ে ওঠার চেয়ে নামাটাই শক্ত।

নেমে হোটেলে ঢুকলুম। Victoria Hotel। দরজায় ঢুকেই দেখি—কবি ওয়ার্ডস্ওয়ার্থের হাতের লেখা একটি বাধান প্রশংসাপত্র টাঙান রয়েছে। একটা লেমনেড খেয়ে কিছু ছবি কেনা গেল।

হুদের পাশে গিয়ে বসলুম। মধ্যাহ্ন-রৌদ্রে বলমল হুদটি সিঁকুনীল দিবাস্বপ্নের মত মনে হল। যেন একটি নীল স্ফটিকের পেয়লা সবুজ পাহাড়ের অন্তরকরিত সুধারনে

টলমল করছে। এই পেয়ালার রস পাণ করে ওয়ার্ডস-  
ওয়ার্থের কবি-চিত্ত ছন্দিত হয়ে উঠেছিল।

চেয়ে শেলীর জীবনের কথা ভেবে মন বেদনার ভরে  
এল।

মোটরের ভক্ ভক্ শব্দে চমকে উঠলুম। ফেরবার

সহর ছাড়িয়ে Derwent হ্রদের দিকে চললুম। হ্রদের



ডোভ কটেজ—বাগান

সময় হয়েছে, যাবার ডাক এল। Windermere থেকে  
অনেক দূরে এসেছি। সন্ধ্যা ছটার মধ্যে সেখানে  
পৌছাতে হবে।

মেঘের মায়া ভাঙ্গে, সন্ধ্যার গম্ভীর ছায়া ধীরে ধীরে ঘনিয়ে  
আসে, দূরে বর্ণার গান বাজে, গোধুলির আলোর চারিদিক

যে পথ দিয়ে এসেছিলুম ঠিক সেই  
পথ দিয়ে ফিরছি না। Devil's Elbow  
পেরিয়ে Honister Pass দিয়ে একটু  
ঘুরে চলেছি।


Keswickএ এসে মোটর থামল।  
চা খাবার সময়। আমি ছোট সহর ও  
আসপাস দেখতে বেরলুম। এখানে  
ছটি প্রধান দেখবার জিনিস আছে।  
সহরের প্রান্তে Greta নদীর কাছে  
Greta Hall—পাহাড়ের কোলে ছোট  
একটি সুন্দর বাড়ী। এখানে কবি কোল-  
রিজ কিছু দিন বস করেছিলেন। তার  
পর কবি সাদেও ছিলেন। কবি  
শেলীকে যখন Oxford থেকে চলে আসতে হয়,  
তখন তিনি তাঁর তরুণী বধুকে নিয়ে এই বাড়ীতে  
ছিলেন। বিকেলের আলোয় সেই বাড়ীর দিকে



রিডাল মাউট

স্বপ্নময় দেখায়। তার পর অন্ধকার পটে রক্ত-প্রদীপের মত  
পাহাড়ের কোলে চাঁদ ওঠে, তারার মালা জলে ঝিলমিল করে,  
বনের অন্ধকার রহস্যময় হয়, তখন জায়গাটি সত্যি অপরূপ।

Keswick ছেড়ে মোটর চল। St John Vale পার হয়ে Thirlmereএর পাশ দিয়ে Grasmereর দিকে চলেছে। সন্ধ্যা হয়ে আসছে। অন্তর্গামী সূর্যের বিদূরিত আলোর চারিদিকের পাহাড়ের মালা, বনের সারি, হ্রদের জল নবরূপ নিয়েছে। যাবার সময় ছপূরের আলোয় তাদের যে রূপ দেখেছিলুম, ফেরার পথে গোধূনির আলোয় তাদের নবরূপ দেখলুম, এক স্বপ্নময় ছায়া জড়ান। আমার ঠিক পেছনে এক নব-বিবাহিত ইংরাজ-দম্পতী বসেছিলো। সমস্ত পথ তাদের গল্প, মুহূ-গুঞ্জরণের বিরাম ছিল না। এখন তারা স্তব্ধ হয়েছে, মাঝে মাঝে অতি মৃদুস্বরে গান গেয়ে উঠছে, একটি ইতালীয়ান অপেরা হতে একটি duet আরম্ভ করেছে। গানটা কি মনে নেই—কিন্তু সে গানের সুরটা ভুলতে পারি নি। এখনও সন্ধ্যার আলোয় একটু চূপ করে বসলে, সেই সুরটি কানে বেজে ওঠে এবং পাহাড়ের কোলে শোনার পাতের মত একটি হ্রদের ছবি চোখে ভাসে।



ওয়ার্ডস্-ওয়ার্থের সমাধিক্ষেত্র

Grasmereএর Dove cottageর সামনে মোটর থামল। ওয়ার্ডস্-ওয়ার্থ-ভক্তদের এই কুটার একটি তীর্থ। সাদা দোতলা একটি ছোট বাড়ী, অতি সহজ সরল নির্মল—

ওয়ার্ডস্-ওয়ার্থ, কোলরিজ, ডি, কোয়েন্সে—কত জনের স্মৃতি জড়ান। বাড়ীর বাহিরটি যেমন, বাড়ীর ভিতরটিও তেমনি সাদা ঝরঝরে, কোথাও উপকরণবাহুল্য, আড়ম্বর নাই।



বসবার ঘর ( ডোভ কটেজ )

বসবার ঘরটিতে চুকলে মনটা ছলে উঠে। মনে হয় যেন কাদের ছায়া বসে আছে। ১৭৯৯ সালের এ বাড়ীর এক সন্ধ্যার ছবি চোখে ভেসে উঠে। জানলার পাশে তরুণ ওয়ার্ডস্-ওয়ার্থ বসে। তখনও তিনি শাস্ত সমাহিত প্রকৃতির ঋষি হন নি। ফরাসী বিপ্লবের বহির ধূমে তাঁর চিত্ত তখনও অন্ধকার। এক ফরাসী তরুণীর সঙ্গে তিনি যে প্রেমলীলা করে এসেছেন, তার উঃস্বপ্নময় স্মৃতিতে অন্তর চঞ্চল বাথিত। তাঁর পাশে তাঁর ভগ্নি শান্ত হয়ে বসে। সম্মুখে চেয়ারে তরুণ কোলরিজ,—স্বপ্নময় চোখ দুটি জলজল করছে, Rhyme of Ancient Mariner পড়ে শোনাচ্ছেন—

He prayeth best who loveth best.  
All things soth great and small.

Wordsworthএর মুখ আশায় আনন্দে দীপ্ত হয়ে উঠল। বাড়ীতে Wordsworthএর অনেকগুলি জিনিষ আছে। তাঁর সব কাব্যের প্রথম-সংস্করণ বইগুলি এক জায়গায় সংগ্রহ



করা রয়েছে। তাঁর কতকগুলি হাতে-লেখা কবিতা রয়েছে, বাড়ীর আসবাবপত্র প্রায় সব ওয়ার্ডসওয়ার্থের সময়ের। তিনি যে খাটে শুয়ে মরেছিলেন, সে খাটটিও রয়েছে।



ওয়ার্ডসওয়ার্থের শয়ন-গৃহ

কিন্তু Dove Cottageএর দিকে চেয়ে Wordsworthএর কথা নয়, আফিম-সেবো De Quinceyর কথা পর পর মনে পড়তে লাগল। Wordsworthএর পর তিনি এ বাড়িতে বহু দিন ছিলেন। Wordsworthকে আমি ভক্তি করি, কিন্তু Confessions of an Opium Eaterএর লেখক আমার অন্তরে প্রীতি ও বেদনা জাগায়। সেই আফিম-ভক্ত তাঁর বিচিত্র চঞ্চল বেদনাময় জীবনে এই শাস্ত কুটীরে কিছু শাস্তি পেয়েছিলেন। তাঁর যা পাণ্ডিত্য, যা বাকশক্তি, যা অত্যাশ্চর্যকর সাহিত্যিক প্রতিভা ছিল, তার জগ্গে তাঁর বন্ধুশ তাঁর কাছে যা আশা করেছিলেন, তা তিনি পূর্ণ করে যেতে পারেন নি। কিন্তু বন্ধুদের আশ কে পূর্ণ করতে পারে। তাহলেও ইংরাজী সাহিত্যভাণ্ডারে তাঁর

অপূর্ব প্রতিভার দান অক্ষয় হয়ে আছে—খামখেয়ালী আফিম-মোহগ্রস্তের ছলছড়া জীবনের কথা।

Grasmere গ্রামের মধ্য দিয়ে মোটর চলে। চার্চের

সামনে এসে একটু থামল। এই গির্জার সমাধি-ভূমিতে Wordsworth ও Coleridgeএর সমাধি আছে। তার পর একটি ছোট গেটের কাছে মোটর আবার থামল।

এটি wishing gate,—সবাই মনে মনে কিছু ইচ্ছা করে। আমি মনে মনে ইচ্ছা করলুম,—আবার যে এই সুন্দর হ্রদের দেশে আসি,—একা নয়, বন্ধুদের নিয়ে আসি।

Grasmere হ্রদের ধার দিয়ে নীলকান্ত-মণির মত Rydal water পার হয়ে Ambleside ছাড়িয়ে যখন Windermere ষ্টেশনে এসে পৌঁছলুম তখন প্রায় সাড়ে ছ'টা। সবাইএর কাছে বিদায় নিয়ে মোটর থেকে নামলুম।

যে বেস্তোরাতে সকালে খেয়েছিলুম, সেইখানে খাওয়া গেল। তার পর আবার হ্রদের দিকে চললুম। পাহাড়ের হ্রদের জল আমার যেন মোহগ্রস্ত করেছে।

সূর্য্য ডুবে গেছে, কিন্তু চারিদিকে স্নিগ্ধ যুহুমধুর আলো। এই twilightএর সময়টি বড় সুন্দর। আমাদের দেশে সূর্য্য ডুবে গেলে, গোধূলির আলো চঞ্চলা বধুব মত এক নিমেষের



পাঠাগার ( ডোভ-কটেজ )

মধুর চাউনি দিয়ে চলে যায়, চারিদিকে রাত্রির অন্ধকার নেমে আসে। কিন্তু এ দেশে গোধূলির আলো অনেক রাত্রি পর্যন্ত থাকে। স্বটলও দেখেছি—রাত বারোটা

পর্যন্ত সুন্দর আলো, বেড়াবার বড় সুন্দর সময়। আরও উত্তরে নরওয়েতে গেলে, সেখানে সারা বাত আলো থাকে।

হৃদের ধারে এসে দাঁড়ালুম। দূরে পাহাড়ের বনে অন্ধকার ঘনিষে আসছে, তার ছায়া জলে পড়েছে। দীঘির কালো জলের মত হৃদের জল টলমল করছে, আকাশে গোখুলির আলো আধ-ঘুমন্ত আধ জাগা শিশুর চাউনির মত। দিনের আলোর প্রকৃতিকে দেখেছিলুম যেন কল্যাণময়ী কন্দম্বতা নারী, কিন্তু এ আলো-অন্ধকারের অবগুণ্ঠনতলে প্রকৃতিকে দেখলুম রহস্যময়ী সৌন্দর্যাময়ী শ্রিয়া। হৃদটি বড় অপূর্ব বোধ হল। মনে হল, যেন একে আগে দেখি নি.—এ যেন রূপকথাব মায়ী সরোবরের মত;—কখন রাজপুত্র সাপের মাথার মণি নিয়ে আসবে, সেই মণি হাতে করে অতল জলে ডুবে ঘুমন্ত রাজকন্যার সাতমহলা সোণাব পুণীর সন্ধান পাবে, তার জন্ম হৃদটি স্তম্ভিত হয়ে প্রতীক্ষা কবাছ।

এই হৃদের দেশের শোভ দিনের আলোর সম্পূর্ণ

উপভোগ করা যায় না, দেখলুম, রাতের বেলা তার রহস্য, তার অপূর্বতা, তার স্তম্ভতা মনকে অভিভূত, মুগ্ধ করে। বিশেষতঃ ঝড়ের রাতে মন মোহগ্রস্ত হয়।

পাহাড়ের মাথায় একটি তারা মণির মত জ্বলজ্বল করে উঠল। এই হৃদের দেশের কবির কথা মনে পড়ল। রূপকথার রাজকন্যার মত এই হৃদের দেশের সৌন্দর্যাময়ী প্রকৃতিকে তাঁর কল্পনার মণি দিয়ে জাগিয়ে তার রূপকথা তিনি চিরকালের জন্তে লিখে গেছেন। তাঁর কথা স্মরণ করে সুন্দর হৃদের দেশের কাছ থেকে বিদায় নিলুম। তিনি আর এক ইংরাজ কবি সম্বন্ধে যা লিখেছিলেন, সেই কথাগুলি তাঁর সম্বন্ধেও মনে পড়ল—

“Thy soul was like a star and dwelt apart

Thou hadst a voice whose sound was

lik- the Sea.

Pure as the naked heavens, majestic free.”



## পথের কাহিনী

### শ্রীনিরুপমা দেবী

ট্রেন চলিতেছে। মেয়েদের ইন্টার ক্লাশে ভয়ানক ভীড়। জ্যেষ্ঠ মাসের রৌদ্রে গাড়ীখানা বিলক্ষণ তাতিয়া উঠিয়াছে। গতির বেগে কামরার মধ্যে যে বাতাস বহিতেছে, তাহা কিছুমাত্র সুখস্পর্শ নয়। গরমে ছোট ছোট ছেলেরা কাঁদিয়া মায়েদের অস্থির করিয়া তুলিতেছে। ষ্টেশনে যে সময় গাড়ী দাঁড়াইতেছে, সে সময়টা যেন আর যাইতে চাহে না। যাহারা নামিতেছেন বা উঠিতেছেন, তাঁহারা একটা উত্তেজনার মধ্যে সে সময়টা কাটাতেছেন। বাকি লোকেরা তখন একেবারে ত্রাহি ত্রাহি ডাক ছাড়িতেছে।

ক্রমে বেলা একটু পড়িয়া আসিল। ষ্টেশনের হরেক রকম ফেরির সঙ্গে বঙ্গসাহিত্যের দালালগণও বইয়ের বোঝা বা ব্যাগ ঘাড়ে করিয়া বড় বড় ষ্টেশনগুলায় ফেরি করিয়া বেড়াইতে লাগিল। নব নব পাব্লিশারদের চার আনা, ছয় আনা, আট আনা, দশ আনা, এক টাকা প্রভৃতি সংস্করণের চক্চকে—ঝক্‌ঝকে ছবিওলা বই হাতে তাহারা হাঁকিতে লাগিল—“রূপের নির্ঝর” পাব্লিশারের ছাপা, চমৎকার উপভাস—দাম এক টাকা! “বাসরের বর” বারো আনা সংস্করণ! “চন্দ্রের লেখা” ছয় আনা! অল্প দল হাঁকিতেছে “পাষাণের রেখা!” “অজ্ঞানার দেখা!” “হীরকের শাঁখা!” আট আনা—আট আনা! তার পরে “পথিক বধু” “ফুলের মধু” “কোণের বধু” এমন কত অদ্ভুত নামই কানে যাইতে লাগিল।

গাড়ীর এক কোণে কয়েকটি তরুণীতে মিলিয়া নিজেদের একটি দল গঠন করিয়া বসিয়া ছিল। তাহার মধ্যে একজন তরুণী একটি বালিকার দ্বারা একটা বৈণালীকে ডাকিয়া, অনেক গুলি চক্চকে বৈ লইয়া, খানিকক্ষণ দাম-কষাকষি এবং বই ফেরাফেরি করিয়া, শেষে কোন'খানাই তাঁহার মনঃপূত না হওয়াতে সবই ফেরত দিলেন; এবং মন্তব্য করিলেন—“এসব বৈ-ই আমার আছে। যে বইটা খুঁজছি—এদের কাছে নেই!”

“কি বই মা—নামটাই বলুন না, খুঁজে দেখি, যদি থাকে।”

“না, না বাপু, সে বৈ তোমাদের কাছে নেই, সে খুব ভাল বৈ। মলাটটা তার এত সুন্দর—একেবারে সোণালা। আর তার মধ্যে একটা পরী উড়ছে”—বলিতে বলিতে সঙ্গিনীদের পানে চাহিয়া তিনি বলিতে লাগিলেন—“তার ভেতরের যা সব ছবি,—একটি যুবতী আর—”

ক্যাবিনের বাহিরে তখনো অনেক লোক চলাফেরা করিতেছে—সেটা হঠাৎ মেয়েটির হৃৎ হওয়ার—অর্ধপথে কথাটাকে ছাড়িয়া দিয়া বলিল—“এ সব বৈ আমাদের সব আছে। আমাদের নিজেদের প্রাইভেট লাইব্রেরী আছে কি না—আলমারী ভর্তি ভর্তি এই রকম কত সব বই,—আমি, আমার জা, নন্দ সব আমরা দিন-রাতই পড়ছি! যে বই নতুন যখন উঠছে, তখনি তা আমাদের কেনা হচ্ছে।”

একজন সহযাত্রিনী তরুণী—সম্প্রতি যিনি উক্তা বিদ্যুীর সখীদল-ভুক্তা,—প্রশ্ন করিলেন, “হাঁ ভাই, সংসারের কিছু কাজ কর্তে হয় না বুঝি তোমাদের?”

“তা হয় বৈ কি! সে অমনি যেমন-তেমন ক’রে সেরে আমরা বই নিয়ে পড়ি! “রূপের হাসি” বলে বৈখানা যেদিন প্রথম এল—”

একজন মধ্যবয়সী নারী তাহাদের কতকটা কাছাকাছিই স্থান পাইয়াছিলেন। তাঁহার হাতে একখানা বাংলা ‘দৈনিক’ মোড়া অবস্থায় রহিয়াছে,—বোধ হয় সন্ধ্যা অথবা ভিড়ের জন্ত সেখানা তিনি মেলিয়া দেখিতে পারিতেছিলেন না। আমাদের বিদ্যুী তরুণীটির সেই দিকে নজর পড়িবামাত্র, নিজের বক্তব্য শেষ না করিয়াই, ছোঁ মারার মত করিয়া তিনি সেখানা হাতে তুলিয়া লইলেন। বারেক সেদিকে দৃষ্টিপাত করিয়াই তাচ্ছিল্য ভঙ্গীতে বলিলেন—“ও, খবরের কাগজ? এ আমরা ছুঁই না। কি হবে মিছে সময় নষ্ট

করে? কেবল কে কার ঘটি চুরী করলো—কাকে ধরে জেল দিলো—কোন্ গ্রামে কে মলো—কার বৌকে ধরে কোন্ খণ্ড, খাণ্ডী, ননদে, স্বামীতে মারলো ( সে সময়ে “নারী নির্ঘাতন” শীর্ষক প্যারাগ্রাফে বঙ্গবধুদিগের এই সংবাদই বাংলা খবরের কাগজে বেশীর ভাগ প্রকাশ পাইতেছিল। এখনকার হিন্দু-মুসলমান সমস্তার সঙ্গে জড়িত হইয়া ইহার বীভৎসতা তখনো এতটা বুঝি পায় নাই। ) যত সব বাজে আর মিথ্যে গল্পে কাগজগুলাদের দিন গুজরাণ করা বইতো না—বলিতে বলিতে তিনি কাগজখানির মালিকের কোলে সেখানি প্রায় ছুঁড়িয়াই ফেরত দিলেন।

মহিলাটি একটু হাসিয়া বলিলেন—“না মা, এগুলো যে সত্যি কথা, আমাদেরই ঘরের কথা। এসব না জেনে, যে সব বইয়ের কথা বলছ, সেই সব মিথ্যা গল্পে দিন কাটানোই কি ঠিক?”

“ঐ সব বানানো কথা সত্যি? কে বললে আপনাকে? আর সত্যি হলেও, ওতে তো কেবল মন খারাপই হয়। নভেল পড়লে মন কত ভাল হয়! আপনি উপভাস কখনো পড়েন নি বুঝি? এখন যে কত সম্ভ্রাম কি সুন্দর সুন্দর বই সব পাওয়া যায়, পড়ে দেখবেন দেখি। ‘চাঁদের আলো’ বলে একখানা—”

“হ্যাঁ মা, তা এই ‘চাঁদের আলো’ ‘রূপের হাসি’ এইসব বই-ই কি কেবল পড়? বাংলায় ভাল নভেলেরও তো অভাব নেই! কত বড় বড় লেখকের ভাল ভাল বই আছে—সে সবের তো একখানারও নাম করছ না! কেবল এই ‘চাঁদের রেখা’ ‘রূপের লেখা’দেরই নাম করছ? বঙ্কিম বাবুর, রবি বাবুর, কি শরৎ বাবুর বই পড় না কি? মেয়ে লেখিকাও এখন আমাদের কিছু কিছু হয়েছেন, —তাদের বই—”

“সব পড়েছি আমি—সববারি সব—কিছু আমার পড়তে বাকি নেই।”

“এক-আধখানার নাম করতো বাছা—রবি বাবুর কি অল্প কারো—”

“সে কি বলা যায়? ছ’চারখানা প’ড়লে তবে মনে থাকে। বই পাচ্ছি আর পড়ছি।” বলিয়া সঙ্গিনীদের পানে সগর্বে চাহিয়া তিনি একটু তাজিল্যের হাসি হাসিলেন।

মহিলাটি তবুও কাস্ত হইলেন না; বলিলেন, “এমন অনেক বই আছে, যা যত বই-ই পড় মা, কিছুতেই তাদের জুলতে পারবে না। যে বই পড়ে ভুলেই যেতে হয়, সে সব বই পড়ার নামই সম্মত নষ্ট। যা মনে কোন দাগ দিতে বা ভাব জন্মাতে পারে না, তার নাম কি বই? এ সব না প’ড়ে অন্ততঃ খবরের কাগজ পড়লেই ভাল হয়! তাতে—”

এইবার তরুণী খুব উত্তেজিত হইয়া বলিয়া উঠিল— “খবরের কাগজে থাকে কি পড়ার মত বলুন দেখি। যত সব মিথ্যে কথা আর তিলকে তাল ক’রে বানিয়ে বানিয়ে লেখা” বলিয়া তিনি সদস্তে সঙ্গিনীদের পানে চাহিয়া বিক্রমের হাসি হাসিয়া বলিলেন, “মজা শোন ভাই! তাদের মিথ্যে কথার প্রমাণের একটা গল্প বলি শোন! আমার স্বামীর এক বন্ধু—তার বৌটা ভাই ভারি বজ্জাত। তার বজ্জাতির দায়ে স্বামীটাকে মাঝে মাঝে তাকে শাসন করতে হ’তো! তা করবে না ভাই? স্বামী যে রকম ভালবাসে, তেমনি তো হতে হবে? তা সে মোটেই মানবে না। স্বামী বলবে দক্ষিণ তো সে উত্তরে হাঁটবে। তাই তার বর এক দিন তাকে মারছে, আর সেই সময়ে তার বাপ না ভাই কে এসে পড়েছিল—এই সে তখনি গিয়ে পুলিশে জানালে! বাড়ীতে পুলিশ এল। কাগজে এই নিষে কত কেলেকারী বেকলো। শেষে প্রমাণ হল বৌটারই দোষ! বৌটাকে সেই স্বামীর কাছেই ‘খোঁতা মুখ ভোঁতা’ ক’রে পড়ে থাকতে হ’ল। বাপ মোকদ্দমায় হেরে মুখ চূণ ক’রে ফিরে গেলেন। সে বৌকে কি কেউ ভাল চক্ষে দেখতে পারে? এখন মার খাচ্ছেন, আর প’ড়ে আছেন সেই বরেরই দুয়োরে। সব চেয়ে রাগ ধরে কাগজগুলাদের ওপরে—ঘরে লোকের কত কি হয়, তাদের বাবু এত মাথাব্যথা কিসের? তোরা কেন—”

মহিলাটি মুহূর্তে বলিলেন—“কাগজগুলাদের মিথ্যে বলাটা এতে তো প্রমাণ হচ্ছে না মা!”

“হচ্ছে না? আপনি সব জানেন কি না! সে যে কত বাড়িয়ে কত কি-ই তারা লিখেছিল। খাণ্ডীতে সর্বাপ পুড়িয়ে পুড়িয়ে দিয়েছে, ননদে চুল কেটে নিয়েছে—স্বামী—”

“হ’তে পারে, কথা কিছু বেড়ে গিয়েছিল—কিন্তু মূল কথা তো সত্যি!”

“সত্যি? তিলকে তাল করার নাম সত্যি বলেন আপনি?”

বেঙ্কের কোণে আর একটি বিধবা মধ্যবয়সী মহিলা বসিয়া ছিলেন। তিনি এতক্ষণ ইঁহাদের এই বাদামুবাদ একমনে শুনিতেন। তিনি এইবার উত্তর দিলেন—  
“বাছা! তিল তাল হয়েছে বলে রাগ করছ—কত জায়গায় যে তাল তিলের মত আশ্চর্য ও জগৎকে জানাতে পারে না! জগতে এমন কত অবিচার অত্যাচার যে লোকে নিঃশব্দে ময়ে যাচ্ছে, লোকলজ্জার ভয়ে গুঁঠায়ে আনছে না, তা কি জান মা? কারো কথা হয় ত একটু বেশী হ’য়ে গেছে,—তেমনি কত মেয়ের দুঃখ যে জগৎ জানেই না। তাদের কথা মনে করে এটুকুতে রাগ করতে নেই। বিশেষ তোমাদেরই কথা এ যে, তোমরা যদি নিজেদের জাতের দুঃখের কথায় এমন উদাসীন হবে, তবে অস্ত্রেরা হবে না কেন?”

বিরুদ্ধবাদিনী মেয়েটি এইবার যেন একটু অপ্রস্তুত হইয়া “ও বাপু আমরা বিশ্বাস করি না। অত কষ্ট স্বামীতে যে দিতে পারে—”

“হতে পারে মা তুমি সৌভাগ্যবতী, তোমার আত্মীয়স্বারাও ভাগ্যবতী। কিন্তু জগতে ভাগ্যহীনা কেউ নেই এমন কথা বলতে পার কি?”

তরুণী তখন আমতা আমতা করিয়া বলিল, “না, তাই বলছি, যা জানি না—যা দেখি নি, তা কি করে—”

“কেন মা, ঐ যে সব বই পড়ছ, তাতেও তো এ রকম গল্প ঢের পাও। সেগুলো সত্যি ব’লে চোখের জল ফেল, আর কাগজগুলারা যা লেখে তাকে মিথ্যে ভাব। মা, জগতে এমন সত্যও আছে যে, বই বা কাগজগুলারা তার সন্ধানও জানে না,—অনেকে কল্পনাও করতে পারে না!”

এ তর্কের এইখানেই এইবারে শেষ হইল। এ প্রসঙ্গ হইয়া আর কেহ বাদামুবাদে অগ্রসর হইল না। কেবল সেই মধ্যবয়সী মহিলা দুইটিই ক্রমে ক্রমে উভয়ের নিকটস্থ হইয়া মৃদুস্বরে কথোপকথন করিতে লাগিলেন। প্রথমার নিকটে আন্তরিক সহানুভূতির সহিত জিজ্ঞাসিত হইয়া দ্বিতীয়া বিধবা মহিলাটি ধীরে ধীরে যে কাহিনী আরম্ভ করিলেন, তাহার কিয়দংশ আমরা এইখানে উদ্ধৃত করিতেছি।

ঐ একটা মেয়ে নিয়েই বিধবা হয়েছিলাম। সেই মেয়ের এমন ছরবছর খবরে কি যে করব দিদি—যেন ভেবেই কুল পাচ্ছিলাম না। বড় সাধ করে বারো বছরে পড়তেই মেয়ের বিয়ে দিয়েছিলাম। জামাইটিও রূপে ধনে কুলে সব তাতেই মনের মত হয়েছিল। সেই সাথে এমন বাদ বিধাতা সাধলেন! মোটে চৌদ্দ বছরের মেয়ে—তাকে এই নির্ঘাতন—এ যেন বিশ্বাসই হচ্ছিল না।

বিধবার মেয়ে, ছোট থেকে পরের অনুগ্রহেই প্রতিপালিত। যে মেয়ে আমার মুখ তুলে কখনো কারও অন্তায়ের প্রতিবাদ পর্যাস্ত করতে জানত না,—দূর সম্পর্কের দেওরের ঘরে থাকি,—তারা পর্যাস্ত যে মেয়ের গুণে তাকে নিজেদের মেয়ের মত করেই যথেষ্ট দিয়ে-থুয়ে ভাল পাত্রে বিয়ে দিয়েছে। সে মেয়ে যে কোন অগ্রায় করে এই অবস্থায় পড়েছে, এও কারুরই বিশ্বাস হচ্ছিল না। দেওর, দেওরপো—তারা বলেন, এখন গিয়ে নিয়ে আসি, অনিকে কি আমরা দুটো খেতে দিতে পারব না? আমিই কিছুদিন তাঁদের হাতে পাল্ল ধরে থামাতে লাগলাম যে একটা কিছু ক’রে ফেললে সে আর জন্মে মুছবে না! বিধবার মেয়ে একটু কষ্ট সহ্য করতে শিখুক—সইলেই তাদের দয়া হবে। পরে হয় ত বাড়িয়ে লিখেছে,—মেয়ে তো এ পর্যাস্ত এক কলমও লেখে নি। তখন কি জানি দিদি, যে, তার এক কলম লেখারও উপায় নেই! আর মেয়েও আমার সঙ্গেই দেখছিল দিদি, যে, মানুষের মন থেকে কি দয়া মাল্য একেবারেই মুছে যেতে পারে? মানুষ যে বাঘ-সিংহের চেয়েও ভয়ানক তা পরে দেখলাম। বাঘ-সিংহ তো পশু, তারা আহারের চেষ্টায় প্রাণী-হত্যা করে। আর মানুষ যে বিনা কারণে মাত্র একটা খেললে এমন ক’রে একটা শিশুহত্যা করতে পারে, এ আমারই জানা ছিল না,—তা সে তো একটা কচি মেয়ে, সে সংসারের কিই বা দেখেছে।

শেষে সেই চিঠিও এল। মেয়েই শেষে লিখলো “মাগো, তোমায় হয় ত আর দেখতে পাব না,—পার তো আমার নিয়ে যাও!” এ চিঠি পেয়ে দেওর আর একদণ্ডও আমার ভাবতে দিলেন না—ছেলে সঙ্গে দিয়ে আমাকেই মেয়েকে আনতে পাঠিয়ে দিলেন। এর আগে ছবার আনতে গিয়েও সে ছেলে ফিরে এসেছিল। আমার মুখ চেয়ে চল আবার আমার সঙ্গে। আমি যেতে

তাদের কিন্তু খুব অবাক বোধ হল না,—তারাও যেন এই রকম প্রতীক্ষা করছিল। প্রথম দিন তো মেয়ে কোথায় জানতেই পারলাম না। জমীদার-বাড়ীর চাকর-দাসীরা তো কথাই কর না। শেখানো কি না জানি না,—মেয়ের কথা বললে আমরা জানি না। বেহান্, যেন কিছুই হয়নি, এমনি ভাবে খানিক ভদ্রতার ভাষায় “কি সৌভাগ্য আমাদের—আপনি পায়ের ধুলো দিয়েছেন” ইত্যাদি বলেই অস্তর্ধান করলেন। কেউ জল খেতে দিতে আসে, কেউ “স্নান কর” বলে,—মেয়ের কথা কেউ বলে না। মেয়ে কি তবে আমার নেই? শেষে গিন্নির একটা মেয়ের হাত জড়িয়ে ধরতে, সে বললে “বৌ তো এখানে নেই, আমার দিদির বাড়ীতে আছে!” “সে কতদূর? আমাদের ঠিকানা দাও, আমরা যাই। না যদি বল, আমরা জল গ্রহণও করব না, তোমাদের বাড়ী ধরা দিয়ে বসে থাকব।” তখন বললে “আনতে লোক গেছে, কাল আসবে।”

সেই ‘কাল’ এল, তবু মেয়ের খোঁজ পাই নে। শেষে বাড়ীর অল্প একটা বৌ, আমার অবস্থা দেখে, নিঃশব্দে এসে আমার হাতছানি দিয়ে একটা মহলে ডেকে নিয়ে গিয়ে, একটা ঘর দেখিয়ে দিয়ে তেমনি নিঃশব্দে পালালো। সেই ঘরের দিকে যেতেই শুন্তে পেলাম, ঘরের ভেতর কার ওপর কে যেন তর্জ্জন করছে, আর অতি ক্ষীণ শব্দে কে যেন গুম্বরে গুম্বরে কাঁদছে। প্রাণ আমার বৃকের ভেতর যেন ধড়ফড় করে উঠল—এই কি আমার বিধবার একমাত্র ধন, অনির গলা?

জ্বরে ছরারে ধাক্কা দিতেই দরজা হাটু হ’য়ে খুলে গেল—সামনেই বেয়ান! “তুমি এখানে কেন—এখানে কেন” বলে সে যেমন ছয়োর আটকাতে আসবে, আমি অমনি পাগলের মত একছুটে ঘরের ভিতর ঢুকে পড়লাম। দেখি একটা মরষাটিতে প’ড়ে থাকার মত বিছানায় তেমনি কালো কাপড়ে ঢাকা আমার অনিলা পড়ে কাঁদছে। তার কাছে আমি বসে পড়তেই—আর আমার মুখ দিয়ে বাক্ সরলো না। এই কি আমার অনি? হৃৎস্বপনেও তার এমন চেহারা যে কল্পনা করতে পারি না। আর কপালে গালে মুখে সর্কাদে সে কি কালো কালো দাগ—যেন কালশিরে পড়ে গেছে। মেয়ের মুখের দিকে চেয়ে আমিও নির্বাক্—আর মেয়েও যেন অজ্ঞান হয়েই

গেল। মাগী তো আর কথা না ক’য়ে ঘর থেকে বেরিয়ে গেল।

সমস্ত দিন মেয়ে কোলে ক’রে বসে রইলাম। শেষে আমার ওপর হুকুম এল—“গেরস্ত বাড়ী, থাকে তো খাও; নৈলে মেয়ে নিয়ে এখনি বেরিয়ে যাও বাড়ী থেকে।” মনে হ’ল, একেবারে নিয়েই বেরিয়ে যাব। মেয়ের মুখে শুন্ছি—জামাই এর মধ্যে নেই। সে একেবারে যাকে বলে ‘ভাল ছেলে’! মার কাজের ওপর, কথার ওপর কথা কইবে, তেমন “স্বী-বশ” নয়! এ শুনেও একবার মনে হ’ল, হয় ত সে এত কাণ্ড জানেও না—জমীদারের ছেলে,—বাইরে থাকাই দেখছি এদের রীতি। যদি তাকে সব জানিয়ে বুঝিয়ে মেয়ের অবস্থা একটুও ফেরাতে পারি। নিয়ে গেলে যদি জামাই জন্মের মতনই ত্যাগ করেন! মেয়ের মা আমি—এতে যে মেয়ের মরণ সমান অবস্থা করেই নিয়ে যাব! মান-অপমান দূরে রেখে সেই চণ্ডালের অধমদের বাড়ী জলগ্রহণও করলাম দেওরপোর অমতে! তার পরে ছদিন ধরে জামায়ের সঙ্গে একবার দেখা করবার জন্ত, একটা কথা কবার জন্ত চেষ্টা করতে লাগলাম। যারা মেয়ের এই অবস্থা আমাদের জানিয়েছিল, তাদের হাতে পায়ের ধরতে লাগলাম,—তারা এ সাহস কিছুতে করতে পারলে না! বললে, “নিতান্ত মেয়েটি ম’রে যায়, তাই কোন রকমে তোমাদের জানিয়েছি। নিজের সস্তান চাও তো নিয়ে পালাও, ঘর-বরের আশা ক’র না। গিন্নি জানতে পারলে আমাদের জ্যাস্তে পুত্বে।”

মেয়ের অপরাধের মধ্যে মেয়ের রং একটু শ্রামলা—তা তারা দেখেই তো নিয়ে গিয়েছিল! গিন্নি সুন্দর বৌ আনবেন বলেই না কি এই পীড়ন ধরেছেন। কর্তাও আগে এর মধ্যে ছিলেন না, এখন ক্রমে গিন্নির পরামর্শে এই মতেই এসেছেন। শেষে যেদিন প্রকাশে আমি জামাইকে ডেকে দেবার জন্ত একজনকে বললাম, তখনি হুকুম এল, আপনারা আপনাদের মেয়ে নিয়ে চলে যেতে পারেন। মেয়ে সেই ছদিনে মাঘের কোল পেয়েই বোধ হয় একটু সামলেছিল। তখন ছরস্ত বর্ষা,—মেয়ের ওপর হুকুম হয়েছিল, নীচে থেকে জল তুলে ওপরের জালা ভরতে! মেয়ে ভিজ্জে কাপড়ে ভিজ্জে মাথায় তাইই করছিল! আঁচলে মুখ ঢেকে বললে ‘মা, তুমি চ’লে যাও, আমি যাব না।’ আমিও “তাই ভাল” বলে চোখ

ঢেকে সেখান থেকে স'রে এসে দেওরপোকে গাড়ী আনতে বললাম।

গাড়ী এলে উঠতে যাচ্ছি—এমন সময় দেখি, দুটো দাসী দুহাত ধরে অনিকে প্রায় টেনেই এনে আমার কোলে ফেলে দিল। প'ড়ে গিয়ে ঠোট মুখ কপাল সব কেটে গেছে—রক্তে কাপড় মাখামাখি! ওপর থেকে গিন্নির গর্জন কানে আসছে—মাকে দেখে সোহাগ ক'রে পড়া হ'ল! নিয়ে যাক্, একুনি বিদেয় হোক ও কাল পেত্নি! দাও ওকে গাড়ীতে তুলিয়ে,—খব্দার যেন আমার বাড়ীতে আর মুখ না দেখায়। মেয়ের মুখে হাত দিয়ে দেখি—ঠিক যেন অজ্ঞান। আমার ইচ্ছে যে একটু জ্ঞান করে রেখে তবে আসি। দেওরপো বলে “হয় অনিকে নিয়ে চল, নয় ত এখনি গাড়ীতে ওঠ,—এ যন্ত্রণা আর দেখতে পারি না।” অগত্যা কোল থেকে তার মাথা নামিয়ে ওপরের দিকে বেহানের উদ্দেশে ঘোড় হাত করে বললাম—“মারতে হয় রাখতে হয় তোমার জিনিষ তুমিই রাখ” বলে গাড়ীতে উঠলাম। তখনো দেখছি—ঝি দুটো গিন্নির হুকুম মত অনিকে ছেঁচড়াতে ছেঁচড়াতে গাড়ীতে তুলে দিতে আসছে; আর মেয়ে তাদের পা চেপে ধরছে আর বলছে “আমি যাব না, আমি যাব না।”

আমি গাড়ীর বার বন্ধ করতে যাচ্ছি, এমন সময়ে দেখি জামাই, বোধ হয় তার মায়েরই আদেশ মত, আমার মড়ার ওপর খাঁড়ার ঘা দিতে এসে, নিতান্ত ভাল-মানুষটির মত গাড়ীর বার ধরে দাঁড়িয়ে “আপনি যাচ্ছেন! আমার প্রণাম করা হয়নি!” বলে আমার প্রণাম ক'রে পায়ের ধুলো নিতে হেঁট হচ্ছে! আমি তখন একেবারে পাগলের মতই “নরেশ, নরেশ—এতক্ষণে তোমার আমার সঙ্গে দেখা করার কথা মনে হ'ল? একেবারে সম্বন্ধ শেষ হবার সঙ্গে? তোমারই হাতে যে আমার বিধবার একমাত্র ধনকে দিয়েছি। তুমি তাকে রাখ—তাকে ত্যাগ কর না—বল তোমার মাকে—”বলে চীৎকার করে কেঁদে উঠলাম! আর আমার বুকে যে যন্ত্রণা ধরছিল' না!

দেওরপো আমার মুখ চেপে ধ'রে চুপ্ চুপ্ করতে লাগল। আর জামাই, একবার আমার দিকে, একবার 'হাড়কাঠে পড়া পাঠার মত' অনির দিকে তাকিয়েই ছিটকে কোন্ দিকে যে পালিয়ে গেল, আর তাকে

দেখতে পেলাম না। তার পরে তারা ধরাধরি করে কখন যে অনিকে গাড়ীতে আমার কাছে তুলে দিয়েছে, তা জানি না। গাড়ী থেকে যখন ট্রেণে উঠছি, বেহাইয়ের একটা লোক উর্দ্ধ্বাসে ছুটে এসে বললে, “বৌয়ের হাতে আমাদের দেওয়া চুড়ি আছে, সেগুলো খুলে দেন।” দেওরপো গাড়োয়ানের হাতের চাবুক কেড়ে নিয়ে তাকে ক' ঘা চাবুক কসতেই সে ছুটে পালালো। আমি বললাম, “দিলে না কেন চুরি ক'গাছা।” দেওরপো ধমক দিয়ে বলে, “সে আমি বুঝব!”

বাড়ীতে পৌঁছলে দেওর বলেন “মোকদ্দমা আনব।” আমি বলি “না না, আমরা তো কিছু করি নি, তারাই জোর করে তুলে দিয়েছে। জামাই এখন স্বাধীন নয়,—যদিই ভবিষ্যতে সে জ্বীকে মনে করে—মোকদ্দমা করলে আর তো তা সম্ভব হবে না,—মোকদ্দমায় কাজ নেই।” এই গোলমালে কদিন গেল। ওমা দেখি, তারাই উণ্টো চার্জ এনেছে, “মেয়ে জোর করে উঠিয়ে আনা, মায় তাদের দেওয়া গয়না স্ক্রু।” দেওর বলেন “দেখলেন বোঁঠাকুরণ, আপনার বুদ্ধিতে অনিকে আমরা যে দুহাজার টাকার গয়না দিয়েছি, তা, আর তার খোরপোষের দাবীর আশাও গেল।”

মোকদ্দমায় আমাদের বড় কিছু করতে পারলে না; তবে তাদের সেই চুড়ি ক'টা ফেরৎ দিতে হল—আর আমাদের মোকদ্দমা করারও উপায় রইল না। মেয়ের সর্বস্বই যখন গেল, তখন ক'টা চুড়ি আর এমন কি—আর তা আমার বিষের মতই লাগছিলো—স্বচ্ছন্দে খুলে তা ফেলে দিলাম। কিন্তু সে চামাররা তখন বললো কি—মেয়ের হাতে সোনা-বঁাধানো লোহা আছে, সে গাছিও দিতে হবে—নরেশের নতুন বৌয়ের হাতে পরাতে হবে।

অনি হঠাৎ জেদ্ ধরে বসলো—“লোহাটা আমি কিছুতেই দেব না—এর বদলে আমার দু হাজার টাকার গয়না দিয়ে দিলাম।” এত ব্যাপারে যে মেয়ে মরার মতই এক ধারে পড়ে ছিল—একটি কথাও যে কয় নি, সে এই লোহা দেবার কথায় বাঘের মতন গর্জন করে উঠলো! কিছুতেই তাকে লোহাগাছ খোলাতে পারি না। অন্য লোহা এনে সামনে ধরি—সে নিজের হাত বুকের মধ্যে চেপে উপুড় হয়ে পড়ে থাকে!

তার এই কাণ্ড দেখে বাড়ী স্কন্ধ লোক কেঁদে আকুল। কিন্তু সে পাষণদের প্রাণ গল্গো না! তারা কেবলই দেওরকে উত্যক্ত করতে লাগলো। দেওর খুব কঠিন ধাতের পুরুষ। তিনি শেষে জোড়হাত করে তাদের বল্লেন “আপনারা ঐ সোনার দাম নিয়ে আমার ওগাছি ভিক্ষে দেন—মেয়েটা আমাদের মরেই যাবে দেখুছি। এই দয়াটুকু করুন।” শেষে তারা এমন অপমান তাঁকে করতে লাগলো যে, দেওর তখন ছুটে এসে বল্লেন “অনি—ছি—তোর বেগ্না হচ্ছে না? এই চামারদের সঙ্গে সঙ্ঘর্ষ রাখতে তুই এমন করছিস? জানিস্ সীতার মত সতীও এত অপমান স’নু নি? তুই কি সতীর মেয়ে সতী নস্?”

অনি এইবার আন্তে আন্তে উঠে বসে তার হাতের লোহা গাছটা খুলে তার কাকার হাতে দিলে। তার পরে আন্তে আন্তে আঁচল দিয়ে সিঁদুর ঘ’ষে তুলে ফেললে। আমি হাত ধরতে যাচ্ছি—এমন ভাবে হেসে সে আমার মুখপানে চাইলে—উঃ দিদি, সে মুখ বুঝি জন্মে ভুলব না! বল্লেন “কেন মা আবার হাত ধরছ? তাদের সঙ্ঘর্ষ যখন তারা খুলেই নিয়ে গেল, তখন কেন আর এ চিহ্ন?”—তার পর আমার বুক প’ড়ে বল্লেন “কেন মা কাঁদছ? আমি তোমার সেই ছবছর আগের অনি! আইবড় অনি। সেই হতে আর সে সিঁদুর পরে না—আলতা পরে না—চুল বাঁধে না—পাণ খায় না। তার কাকিমা যদি বলে “আইবড় মেয়ে কি এসব করে না?” সে কেবল একটু হাসে।

শোকবিধুরা মাতা একটু থামিয়া যেন দম লইলেন। যিনি শুনিতেছিলেন, তিনি অশ্রুভূতির অশ্রু মুছিয়া বল্লেন “মেয়ে এখন কোথায় দিদি?”

“আমাদেরই কাছে। তার কাকা আর দাদা তাকে পরের অনুরূপে চিরজীবন কাটাতে দেবেন না বলে’ নিজেরাই ঘরে ম্যাট্রিক পর্যন্ত পড়িয়ে পাশ দিইয়ে বি-টি পাশও করিয়েছেন ব্রাহ্ম বালিকা বিদ্যালয় হ’তে। সে পাশ দিইয়েই বেশ ভাল কাজও পেয়েছিল;—আমায় সঙ্গে নিয়ে গিয়ে ২।৩ যায়গায় মেয়ে স্কুলের মাষ্টারীও সে করলে। কিন্তু তার শরীর ভাল নয়। কি যে স্বাস্থ্য ভেঙ্গে গেছে তার, এই বারো বছরেও তার আর সংশোধন হ’ল না। আর আমারও এখন তীর্থস্থানে থাকতেই মন চায়। অনিও টিচারীতে সুখ পেল না। বলে “মা এতেও

যায়গায় যায়গায় বিব্রতে পড়তে হয়। আমরা হিন্দু-সমাজের ভেতরই আছি, অথচ এরকম স্বাধীন জীবিকা নিয়েছি—এ যেন আমাদের দেশের লোক এখনো বিশ্বাস ক’রে উঠতে পারে না! সমালোচনার বক্র ইঙ্গিত ছাড়াও, পুরুষরা যেন বেশী ঘনিষ্ঠতা করতে আসেন। ষাঁদের সমাজে এটি চলেছে—যেমন ব্রাহ্ম বা কৃষ্ণান মেয়েদের—তাঁদের বোধ হয় এ ভোগ ভুগতে হয় না। তোমায় নিয়ে কাশীতেই থাকি চল। সেখানেও এ কাজ করতে পারব। না হয় আমাদের যা আছে তাতেই মারে বিয়ের চ’লে যাবে। বেশী টাকার দরকার কি আমাদের?” তাই আজ ছবৎসর কাশীতেই আছি। পশ্চিমে গিয়ে মেয়ের শরীরটাও একটু ভাল হয়েছে; আর তার বিদ্রোহ অসার্থক হয় নি। কাশীর থিয়াজফি সোসাইটিতে যে মেয়ে-ইস্কুল আছে, তার কর্ত্রী মিস্ আরেগুলের সঙ্গে কলকাতা ব্রাহ্ম বালিকা বিদ্যালয়ের কর্ত্রীর খুব পরিচয়। তিনি অনিকে খুবই ভাল-বাসতেন। মিস্ আরেগুলকে লিখে তিনিই অনির সেখানে শিক্ষকতা জুটিয়ে দিয়েছেন। সোসাইটির গাড়ীতে মেয়েদের মধ্যেই অনি যায় ও আসে। সেখানের বন্দোবস্তও খুব ভাল। দু একজন ভদ্র গৃহস্থ পরিবারের মেয়েরা পর্যন্ত ইচ্ছে করে সেখানে বাংলা সংস্কৃত এসব পড়ান। আমার খুড়খাণ্ডী—দেওরের মা—তিনিও আমার কাছে কাশী বাস করছেন; আমরা তিনজনে বেশ শান্তিতেই ছিলাম দিদি—কিন্তু এটুকুও আমরা বোধ হয় পাবার যোগ্য নই—তাই ভগবান তাতেও অশান্তি ঘটালেন।”

“কেন দিদি, সেখানে আবার কে তোমাদের এ স্বস্তিটুকুও নষ্ট করলো?”

“যারা আমার আর অনির জীবনের ধুমকেতু—তারা। সেও এক বিধির আশ্চর্য যোগাযোগ। নিজের মেয়ের কথা নিজের মুখে কি বলব দিদি—সকলের সেবা করে তার যেন তৃপ্তি হয় না! আমি, আমার খুড়খাণ্ডী—আমাদের কথাও যদি ছেড়ে দিই,—যারা ওর কাছাকাছি থাকবে, তাদেরই সে এত যত্ন আর নানারকমে সেবা করবে যে, সকলে অনিলা বলতে অস্থির হয়ে উঠবে। আমাদের পল্লীটার যত বাড়ী আছে—সবারি সঙ্গে অনির কি যে ভালবাসা—তার আর ছোট বড় নেই। কাশীবাসিনী কত বুড়ী যে এই ছবছরে অনির চেনা হয়ে গেছে, কত ছেলে মেয়েরই যে সে মাসি



পিসি হ'য়ে দাঁড়িয়েছে পাড়াখানির তা কি বলব! অনিকে ছুদিন না দেখতে পেলে তারা বার বার খোঁজ নিতে আসবে। ইস্কুলের মেয়েদের, আর অনির সহকর্মী ধারা তাঁদের, তো কথাই নেই। মেম্বরা পর্য্যন্ত কি যে ভালবাসেন! যাক্ এসব বলে আর কথা বাড়াব না দিদি—আসল কথাটা বলি।

একদিন রবিবারে অনি খুড়িমার সঙ্গে গঙ্গায় স্নান করতে গেছে, এমন সময়ে মোটা খপ্‌খপে মতন একটা বিধবা মেয়েমানুষ সিঁড়ি থেকে গড়াতে গড়াতে অনির সামনেই আর একটু হলেই জলে পড়ে যাচ্ছিল। আপনার প্রাণের মায়ী ছেড়ে দিয়ে সে মেয়ে কি করে যে তাকে সাপটে ধরে তাকে জলে ডুবে মরতে দেয় নি—সে কথা বলতে গিয়েও খুড়িমা শিউরে ওঠেন। অনি স্ক্রু আর এক চুলের জন্তু জলে পড়ে নি। ঘাট স্ক্রু লোক হাঁ হাঁ করে উঠলো,—এমন কাজও করে!—ঐ পড়ন্তু অত বড় লাশকে আটকাতে গিয়ে, একফোঁটা মেয়ে—তুমি যে বাছা কুটোটির মতই পিষে গিয়ে সঙ্গে সঙ্গে জলে ডুবতে! কিন্তু মেয়ে সে সব কথা, কি নিজের আঘাতের দিকে নজরও না করে (মেয়েরও বড় কম লাগে নি ত! সর্কান্দে কালশিরে পড়ে গিয়েছিল সেই লাশকে আটকাতে গিয়ে, আর তার পড়ার বেগের সঙ্গে নিজেও ছু তিন উন্টান খেয়ে।), সেই মেয়েমানুষটিকে নিয়েই একেবারে বাস্তু হয়ে পড়লো! তার মাথা কোলের মধ্যে নিয়ে “ভয় কি মা, আর ভয় নেই” বলে ভরসা দেয়, আর মুখে-চোখে জল দেয়—বাটোয়ালের কাছ থেকে পাখা চেয়ে নিয়ে বাতাস করে। ঘাটের লোকও তখন অনির সাহায্য করে। শেষে ডুলি আনিয়ে কত কাণ্ড ক'রে তাকে বাসায় পৌঁছিয়ে দেয়। মাগীর পুণিয়া এই ছিল যে, হাত পা মাজা ভাঙেনি। কিন্তু মাথায়ও আঘাত লেগেছিল খুব, আর গতর চূর্ণ হয়ে গিয়েছিল।

বাসাতেও তার আপনার লোক কেউ নেই, কেবল ঝি চাকর আছে দেখে, অনি তখনই সেইখানে বসে ডাক্তার আনিয়ে তার সেবা শুক্রবার, চিকিৎসার বন্দোবস্ত করেছিল। দেখতে দেখতে তো মাগীর তেমনি জ্বর এসে তাকে যেন অজ্ঞানই করে দিল। তার মধ্যেই সে অনির গলা ধরে “মা আমার অন্নপূর্ণা—আমায় ছেড়ে তুমি যেয়ো না—আমায় খিষ্টানের জল খাইও না—যদি বাঁচালে তবে এটুকুও বাঁচাও” বলতে লাগলো। মাগীর পরমা আছে বুঝে নার্সের ব্যবস্থা হচ্ছিল;

কিন্তু তার কাতরোক্তির দায়ে অনিই ছু চারদিন দেখতে রাজী হ'ল। ডাক্তার এই বলে ভরসা দিচ্ছিল যে, “বিপদের আশঙ্কা নেই—এ একটা শক্।”

অনি তো তার মাথার কাছে দিব্যি আসন গেড়ে নার্স হ'য়ে বসলো! খুড়িমা তখন তার ঝি চাকরের কাছে তার পরিচয় শুনে, কাঁপতে কাঁপতে এসেই আমায় বল্লেন, “ও বোমা, এ কাকে অনি বাঁচিয়েছে? যে তার সর্কনাশের মূল, তাকেই! এ যে অনির খাণ্ডী!” বারো বছর দেখা নেই—আর অনিও তখন ছেলেমানুষ—মাগীরও তখন সধবার অল্প রকম ছিরি ছিল,—অনি চিন্তে পারে নি। সন্ধ্যাবেলা তাঁর সঙ্গে আমিও গিয়ে তাকে দেখে চেহারা তেমন কিছু চিন্তে পারলাম না! পারবই বা কেন? যেদিন তার সঙ্গে আমার দেখা, সেদিনের দেখা যেমন বাঘের আর ছাগলের দেখা! ছাগল কি তখন তার চেহারার দিকে কোন লক্ষ্য রাখতে পারে? আমার তখন এই দৃশ্য মনে চলতে লাগলো যে, অনিকে চিনিয়ে দিই কি না! শতবার মনে হচ্ছিল তাকে হাতে ধরে উঠিয়ে নিয়ে আসি,—থাক্ মাগী অমনি অজ্ঞান হ'য়ে পড়ে! আবার ভাবি, বিশ্বনাথের ধামে এসে এমন হীন কাজ করলে তাঁকে কি জবাব দেব?

রাত্রিটা তো অনির জন্তু আমারও থাকতে হ'ল সেখানে। সেই বারো বছর আগে তার খণ্ডরবাড়ী গিয়ে ক'রান্তির থাকার কথা মনে পড়ে রাজে ঘুম আর হল না! সমস্ত রাতই মাগী চৈচিয়ে চৈচিয়ে ওঠে, আর অনিকে দেখে—“মা অন্নপূর্ণা মা আছে আমার শিররে বসে! মা জল দাও” এমনি করে। সকালে ডাক্তার এসে যখন বললে—“এঁর আপনার লোক কেউ থাকে তো খবর দিতে হয়,—ব্যাপারটা সহজে কাটবে ব'লে মনে হয় না।” তখন অনি “আপনার কে আছে” জিজ্ঞাসা করায়, সে তো “আমার কেউ নেই, আমার বিশ্বনাথ আছেন, আর অন্নপূর্ণা মা এই যে তুমি আছ” এই রকম আধ বেঠিক রকমের কথা কইতে লাগলো। ঝি চাকরকে ডেকে তখন অনি পরিচয় নিতে বসলো! আমি উঠে আস্তে আস্তে ঘরের বাইরে গিয়ে বসলাম! পরিচয় শুনে অনির কি রকম মুখ হবে, সে আমি যে চোখে দেখতে পারবো না! খানিকক্ষণ পরে শুন্লাম, অনি চাকরের হাতে টেলিগ্রাম লিখে পাঠালো। আর যা যা

করবার—বেশ সহজ ভাবেই ক’রে যেতে লাগলো ! আমার ক্রমে তখন কেমন একটা অসহ্য ভাব আসায় ঘরে গিয়ে বললাম—“ইস্কুল কামাইও করতে হবে না কি এ’র জন্তে ?” অচলস্বরে অনি বললো “হ্যাঁ, যতক্ষণ না এ’র আপনার লোক কেউ আসে। একখানা চিঠি লিখে দিচ্ছি মা, ঝিকে দিয়ে ইস্কুলের গাড়ীর কোচম্যানকে দিইও,—আর ছপু’রে তাকে পাঠিও, তার সঙ্গে গিয়ে খেয়ে আসব।”

আরও দিন-দুই দিনরাত আমাদের এই রকম ভোগেই কাটলো। গিন্নির অবস্থা একই রকম। সেদিন সকালে খুড়িমা অনিকে রাত্রে আগলে চলে আসার খানিক পরেই দেখি, অসময়ে অনি চলে এসেছে।

“এখন এলি যে! রোগী কেমন আছে?”

“আজ তো একটু ভালই দেখাচ্ছে, ডাক্তারও তাই বলে।”

অনিকে ইস্কুলে যাবার জোগাড় করতে দেখে বললাম—“আজ ইস্কুলেও যেতে পারবি না কি? ওখানে কে থাকবে?”

“রোগিনীর ছেলে বৌ এসে পৌঁছেছেন।” আর আমি কথা কইতে পারিলাম না। অনি কিন্তু অবিকৃত মুখে খেয়ে-দেয়ে স্কুলে চলে গেল। বিকেলে দেখি, তাদের ঝিরের সঙ্গে একটু গয়না-গাঁটি, কাপড়-চোপড়-পরা বৌ এসে দাঁড়াল। আমরা শুরু হয়ে চেয়ে আছি দেখে ঝিই বললে—“গিন্নিমা যে আপনার জন্তে ভারী অস্থির করছেন দিদিমণি-সবাইকে বলছেন খিরিচান্। অন্নপুল্লো মার হাতে নৈলে দুধ খাব না, জল খাব না—এই বলে জেদ্ ধরে মুখ টিপে আছেন। আপুনি না গেলে তো গিন্নিমা মারা পড়েন। দাদাবাবু তাই বৌ ঠাকুরগকে আপনাকে ডাকতে পেঠিয়ে দিলেন। বল্লেন এত করে যখন আপুনি বাঁচিয়েছেন তখন আরও দুদিন দেখে তাকে বাঁচিয়ে দিয়ে যান। গিন্নিমাকে কিছুতই খাওয়াতে পারা যাচ্ছে না, সেই আপুনি আমার পর থেকে দাঁতে দড়ি দিয়ে আছেন।”

রাগে তখন আমাদের শরীর জলে উঠল। মনে হল বলি ছকধা। কিন্তু তখন মনে পড়ল, তাহলে আমরা কে, তা যে এখন ধরা পড়বে। সে যেন আমাদের পক্ষে বড়ই স্থগার, বড়ই লজ্জার কথা—এমনি মনে

হল। কি বলি কি করি ভাবছি—এমন সময়ে দেখি, দিব্যি অন্নান মুখে অনি সেই ইস্কুলের ফেরত একটু জলও মুখে না দিয়ে তাদের সঙ্গে উঠে চললো। খুড়িমা গৌ গৌ করে বলে উঠলেন “মলো হতভাগী—মুখে একটু জল দে।” অনি—তাঁর কথা পাছে তাদের কানে যায়—এমনি ভাবে জোরে বলে উঠলো—“ঘণ্টা খানেক পরেই ঝিকে পাঠিও মা! ঠুকে খাইয়েই ফিরে আসছি।”

ঘণ্টা দুই পরে অনি ফিরে এলো। এসেই মুখ হাত ধুয়ে “শীগিরি খেতে দাও মা, উঃ, যে ক্ষিদে”—বলে শুয়েই পড়লো প্রায়। খুড়িমা গজ্-গজ্ করতে করতে খাবার দিতেই শুয়ে শুয়েই সে খেতে লাগলো। আমি কেবল তার মুখের পানে তাকিয়ে রইলাম। খুড়িমা বলে উঠলেন “এইবারে এ দেবসেবায় ইতি দাও—বুঝেছ গো সেবাব্রতা? লজ্জা করছে না, ঘেঞ্জা হচ্ছে না তোর?” “ঘেঞ্জা হবে? কেন?” খেতে খেতে অনি উত্তর করলো। “কেন?” “তা না তো কি! দেবসেবা না হোক নরসেবা তো বটে।” “খিঁচানের সেবা! পেত্নির সেবা!” “আহা কেন মিছে বক ঠাকুমা,—আজ দুদিন পা টিপে দিতে পাই নি,—সন্ধ্যা করা হয়েছে—এইবার ছুঁতে পারি তো? চল তোমার পদসেবার ছলে তোমার বিছানায় গড়িয়ে নিইগে ঠাকুমা!”

খুড়িমা যত রেগে রেগে ওঠেন। অনি এমনি করে সব উড়িয়ে দেয়। শেষে তিনি তাকে আঁটতে না পেরে, উঠে যেতেই, অনি আমার কাছে এসে দাঁড়ালো। আমি একটুও কথা কইতে পারছি না—অনি বুঝেছিল। প্রথমটা সহজ সুরে বলে “মা, ঠাকুমা আর তোমার ফলটল আনানো আছে? এ ছ’ তিন দিন আমি তো কিছুই খোঁজ রাখি নি। কাপড় ছেড়ে এসে ঠাকুমার জলখাবার জোগাড় করছি, তুমি সন্ধ্যা সেরে নাও।” তবুও আমি উত্তর দিতে পারি না দেখে তখন আমার কাছে বসে পড়ে অহুনের সুরে অনি বললো—“মা, তুমিও ঠাকুমার মত অবুঝ হয়ো না। এসব মানুষের কোথায় মনে আসে? যেখানে কোন সম্বন্ধ থাকে? একটা মানুষ আমার সামনে পড়ে মারা যাচ্ছিল—আমার হাত দিয়ে ভগবান তাকে বাঁচিয়েছেন! সে রোগী বিকারের ঘোরে আমার একটু সেবা চাচ্ছে—আমি সেটুকু দিতে তাকে বাধ্য। সকালে বিকেলে এই রকম আরও ছ চারদিন আমার যেতে হবে। এর জন্ত কেন মন খারাপ করতে হবে? ছিঃ!”



বিবর্তী শিব

শিল্পী—ঐযুক্ত অধিনীকুমার রায়

Bharatvarsha Halftone & Printing Works.



একটু পরে বললাম—“অনি, তুই এ কথা বলতে পারিস্—  
কিন্তু আমি যে পারছি না।” “ওকথা বলো না মা, শুনতেও  
আমার কষ্ট হবে। আর ওদের বিটি মাঝে মাঝে আসবে।  
যদি আমাদের পরিচয় টের পায়, সেই হবে বড় লজ্জার কথা।  
মন থেকে ও-কথাটি এতদিনে কেন মুছতে পার নি মা?  
ওদের সঙ্গে সখ্যক কি? ভুলে গেছ কি সব? যাক্—আমি  
দিনকতক গিন্নিকে না দেখলে অমমুষ্য হবো মা। বিশেষ  
সত্যিই উনি আমার হাতে ছাড়া থাকেন না।” “অনি—অনি!  
অথচ ওই যে তোর শনি? ওই যে—ভগবানের এ কি খেলা!”  
“তাই-ই না হয় মনে কর মা! উনি একটা নিরপরাধ  
প্রাণীকে যন্ত্রণা দিয়েছিলেন—ভগবান তাই এইটা ঘটিয়েছেন।  
শুধু তাই না। সেই বৌ নিয়েও ঠাঁর সুখ নেই। ছেলে-  
বৌর ওপর রাগ করেই উনি এভাবে একা তীর্থবাস  
করছেন! প্রায়শ্চিত্ত মনে কর তো অনেকটা ঠাঁর হয়েছে  
বৈ কি। তবে আমাদের এ সব কিছুই মনে না করাই  
প্রকৃত মমুষ্য মা।” আমি থাকতে পারলাম না—“এইটুকু-  
মাত্র ওর প্রায়শ্চিত্ত অনি? কখনই নয়! একটা জীবনকে  
শুধু যন্ত্রণা দিয়েছে মাত্র ও? একেবারে নিষ্ফল করে হত্যা  
করে দিয়েছে যে! অকারণে শিশুর মত নির্দোষ প্রাণকে  
হত্যা করার পাপের ওর এইমাত্র প্রায়শ্চিত্ত?”

“একেবারে অজ্ঞান, একেবারে শিক্ষাহীন আমাদের  
দেশের মেয়েরা মা! তাই তাদের দ্বারা এ-রকম ঘটে!  
তাদের এ জ্ঞানের অভাব আমাদেরই কলঙ্কের কথা মা!  
এর কুফলের অংশ এমনি করেই আমাদের কারও ভাগ্যে  
পড়ায় তাকে তা বহন করতে হচ্ছে। জীবন বিফল কি  
বলছ? ভগবানের করুণা থাকলে মানুষের শত অত্যাচারেও  
সে জীবনের সার্থকতা কেউ নষ্ট করতে পারে না। ওঠ  
মা তুমি, আমরা মানুষের মত হই যেন। এ আলোচনা  
আর না।”

হু তিন দিন পরেই শুনলাম, গিন্নি এ যাত্রা বেঁচে গেল।  
তার ছেলে বৌ তখন বোধ হয় দেশে যাবার জন্তু ব্যস্ত,—  
মতলব, অনি তার মার কাছে থেকে তাকে দেখে-শুনে।  
তারা শুনেছে—অনি ইস্কুলে পড়ায়। নিশ্চয় আমাদের অভাব  
আছে—অতএব এমন স্থলে এ কথাটা পাড়া শক্ত কি?  
আমাদের সমাজের এমনি ধারণা, এমনি শিক্ষাদীক্ষা। তাই  
এক দিন—অনি তখন ইস্কুলে—গিন্নির ছেলে সেই—কি বলব,

তার নাম ধরতেও ইচ্ছে করে না যে—এসে আমাদের সঙ্গে  
দেখা করে অনির তো শত সুখ্যাতি,—“তিনি দেবী, নৈলে  
নিজের প্রাণের পর্যন্ত আশঙ্কা না রেখে এমন করে পরকে  
বাঁচান। আর তাঁর সেবারই কি স্নানর ক্রমতা—কোন  
নারসকেও এমন সেবা করতে দেখি নি। আমার মা যে  
তাঁর ‘অন্নপূর্ণা’ নাম দিয়েছেন—এ একেবারে জলস্ত সত্য!  
আমার মা, যিনি নিজের ছেলে-বৌর হাতেও আচারের জন্তে  
জলগ্রহণ করতে চান না, সেই মা তাঁর হাতের পথা ভিন্ন  
কিছু মুখে করছেন না—এমনি দেবীর মতই পবিত্র তাঁর  
চেহারা। সেই জন্তই বলছিলাম কি এত দয়া যখন  
আপনারা করেছেন”—ইত্যাদি অনর্গল যখন বলে চলেছে,—  
আমি তো ঘরের ভেতরে কাঠের মত হ’য়েই অনির জীবনের  
পরম হৃর্ভাগ্যের মুখে এই সব কথা শুনে যাচ্ছি—কিন্তু খুড়িমা  
আর সহিতে পারলেন না! সাপের মত ফণা তুলে বলে  
উঠলেন “কি বলছ তুমি নরেশ? কাকে এ কথা বলছ? তার  
ইস্কুলের কাজে দুমাস ছুটি নিয়ে তোমার মাকে দেখবে,—  
আর সে ক্ষতি তুমি ডবল করে পুষিয়ে দেবে? তার ক্ষতি  
তোমরা পুষিয়ে দিতে পারবে? এমন ক্রমতা আছে কি  
তোমাদের? জানো সে কে? কে তোমার মাকে সেদিন  
বাঁচিয়েছে? তারপর পরিচয় জেনেও সত্যিই দেবতার মতই  
কর্তব্যই সে করে যাচ্ছে? কোন দেবতাও কি এমন করে  
তার পরম শত্রুকে দেখতে পেরেছে? কোন পুরাণ-  
ইতিহাসেও এমন কথা নেই বোধ হয়। তাকেই তুমি  
পারিশ্রমিক দিয়ে মাইনে দিয়ে তোমার মার সেবা করতে  
চাও? জানো সে কে?”

আমি তো একেবারে জমে যেন পাথর হয়ে গেলাম।  
খুড়িমা করলেন কি! অনির এ কি লজ্জা ঘটালেন তিনি?  
নরেশ কিন্তু একেবারে যেন স্তম্ভিত হয়েই তাঁর কথাগুলো  
শুনে গেল। তার পরে খুব ব্যগ্রভাবে বারে বারে জিজ্ঞাসা  
করতে লাগল—“কে তিনি? বলুন কে তিনি?” খুড়িমা  
দ্বিগুণ গর্জন করে বলে উঠলেন—“কে তিনি? নিজের মনকে  
জিজ্ঞাসা কর গে যাও! জগতে সব চেয়ে বড় সর্বনাশ  
কারও যদি তোমরা মাস্তে-বেঁ , ক’রে থাক, তো তার  
কথা মনে ক’রে দেখগে। যাও, তুমি শীগ্গির চলে যাও,  
অনির আসবার সময় হয়েছে। তোমাদের পরিচয় দেওয়া  
হ’য়ে গেছে—সে এ কথা শুনে হয় ত এখনি আমাদের

কাশীবাসের শাস্তিটুকুও খুচে যাবে। যা হয়েছে—এত দিন অজানতে যা করেছ, করেছ—এখন তো জানলে—অনিকে! এখন যাও, আর এসো না।”

নরেশ তো নিঃশব্দে বেরিয়ে গেল। খানিক পরেই অনি এলো। আমি চাপ্তে পারলাম না, বলে ফেললাম সব কথা। সে শুনে খানিক চুপ করে থাকলো মাত্র, বাঙ-নিষ্পত্তি করলে না। তারপরে একটু জিরিয়েই সংসারের কাজে লেগে পড়লো—যেন কিছুই হয় নি। আমি মা—আমারই আশ্চর্য লাগছিলো তার অস্মান পরিবর্তনহীন মুখের ভাব দেখে।

দিন দুই পরে—অনি তখন ইস্কুল থেকে এসে মুখ-হাত ধুচ্ছে,—দেখি, নরেশ এসে একেবারে খুড়িমার পায়ে কাছ আছড়েই পড়লো—“আমাদের মত কাজ আমরা করেছি! এখন আপনাদের মত কাজ আপনারা করুন। কাল মা আমার কাছে এই কথা শোনার পর থেকে সেই যে দাঁতে দাঁত দিয়ে চেপে অছেন—কেউ একবিন্দু জলও খাওয়াতে পারছি না। এই সবে ভাল হয়ে উঠছেন—এই চব্বিশ ঘণ্টার অনাহারে কতক্ষণ বাঁচবেন! আমার মাতৃহত্যার পাপ থেকে বাঁচান।” খুড়িমা তাকে দেখে আবার চটে উঠে বলেন—“তোমার এ কথা বলতে লজ্জা করছে না?” সে আবার বলে—“না। তবে আমার পাপ থেকে বাঁচান—এ কথাটা বলা আমার অজ্ঞান হয়েছে। আপনারা যে প্রাণী একবার বাঁচিয়েছেন, তাকে আবারও বাঁচান—এই কথা বলাই আমার উদ্দেশ্য ছিল।” খুড়িমা তখন একটু নরম হ’য়ে বলেন—“এ কথা তুমি তাকে বলতে গেলে কেন?” “ইচ্ছে করে বলি নি—তাঁর জিদে বাধ্য হয়েই বলতে হয়েছে। তিনি—”

এই সময়ে অনি তাকে আর কথা কইতে না দিয়ে বলে উঠলো “আপনি যান,—আমরা যাচ্ছি একটু পরে।” নরেশ তো মাথা গুঁজে প্রায় ছুটেই বেরিয়ে চলে গেলো। আর আমরা আবারও একটু অবাকই হলাম। সত্যিই কি অনি জীবন থেকে ওদের কথা এমনি করে মুছে ফেলতে পেরেছে? নরেশের সঙ্গে তার সম্বন্ধ-বোধটাও কি তার মনে আসে না একবার? সে তো মাথায় কাপড়ও তুললো না,—একটু সঙ্কোচ কি বেদনার একটু আভাসও তো তার মুখে বা ব্যবহারে প্রকাশ পেল না? অথচ আমাদের এই হিন্দু ধর্মের বিয়ে—এ তো ‘নয়’ ব’লেই ‘না’ হয়ে কিছুতেই তো

যায় না! সমাজে আইনে কোথাও তো এর ছেদ নেই,—ধর্ম তো নেই-ই! আমরা রাগ ক’রে স্বীকার না করলেও,—নরেশ তো অনির স্বামী,—এর তো নড়চড় নেই, অনি কি তা জানে না? তবে সে এমন উদাসীন হ’ল কি করে? সত্যি দিদি, আমি যেন এতেও স্মৃথী হচ্ছিলাম না। অনিকে একটু বিষণ্ণ বা বিমনা দেখলেই যেন ব্যাপারটা সঙ্গত বলে আমার মনে হ’ত। তার এ অস্বাভাবিক ভাব আমারও কোথায় যেন বাধছিল। যে মেয়েকে আমার মায়ের মনও আদর্শ মেয়ে বলে বুকে ধরে, সেই বুকে যেন কোথায় কি বিধিতে লাগল। অনি ঠিক হয়ে দাঁড়িয়েছে দেখে, খুড়িমা রেগে উঠে গিয়ে তাঁর আছিকের আসনে বসলেন। “বির সঙ্গে কি গেলে কি ভাল দেখাবে মা?” আমি নিঃশব্দে তার সঙ্গে বেরুচ্ছি—দেখি, খুড়িমা তখন মুখ ভার করে উঠে চাদর গায়ে দিলেন। আমিও বেঁচে গিয়ে ঘরে এসে ঢুকলাম।

ঘণ্টা খানেক পরেই ছজনে ফিরে এসে নিজের নিজের যায়গায় ঢুকলো। আমার আর কিছু জিজ্ঞাসা করতেও ভাল লাগছিলো না; কিন্তু খুড়িমা যেন হজম করতে পারছিলেন না। নিজেই খানিক খানিক ক’রে বলে যেতে লাগলেন “কি কাণ্ড—ওঃ! সত্যি মাগী যেন মরবে বলে সঙ্কল্প করেছে! কিছুতেই থাকবে না, অনিও ছাড়বে না! বলে—‘তাহ’লে ডাক্তার আর নার্স আনিয়ে জোর ক’রে নলু দিয়ে আপনাকে খাওয়ানো। কিছুতেই আপনি আত্মহত্যা করতে পাবেন না।’ এই যে তখন মাগীর কান্না! ‘কেন মা আমার বাঁচাচ্ছে? আমি যে তোমার পরম শত্রুরও বেশী! ভগবান তোমারি হাতে আমার এমনি ক’রে বাঁচিয়ে শেষ প্রায়শ্চিত্তও করাচ্ছেন! তোমাকে তাড়িয়ে নতুন বৌ ঘরে এনে, সে পাপের ফলও হাতে হাতে ফলেছে। পাঁচ বছর না যেতে স্বামী গেল, সোণার প্রতিমা মেয়ে বিধবা হল—বছর না ঘুরতে সেও গেল। তার পরে, এই বারো বছরের মধ্যে, সাজানো ঘরকন্না, ছেলে, বৌ, নাতি, নাতনি—সব থাকতেও অনাথার মত কাশীতে পড়ে আছি। সেই ছেলে পর হ’য়ে গিয়েছে। শেষে, যার আমি সর্কনাশ করেছি, সেই তুমিই কি না কাশীতে অন্নপূর্ণা হয়ে আমারই জন্তে বসেছিলে? এ মুখ আমি আর কাককে দেখাব না মা,—আমায় কেন খেতে জোর করছ? বিশ্বনাথ কেন আমার জ্ঞান করালেন? কেন

আমি সেই সিঁড়ি থেকেই পতিত-উদ্ধারিণী মা গঙ্গার কোলে লুকুতে পেলাম না? তোমার কাছে—তোমার মা-ঠাকুমা কাছে—আমার মুখ দেখাতে হ'ল? মাগী যত কাঁদে, আমি তত মনে মনে বলি, বোমা—‘বেশ হয়েছে! তোমার এটুকুও বিশ্বনাথ করবেন না? এ তো লঘু দণ্ডই হয়েছে।’ কিন্তু অনি তাকে কি বলতেই দেয়? বলে ‘হয় আপনি খান, নয় আমি নাস’ আর ডাক্তার আনতে পাঠাই!’ মাগী তখন আর কি করে—ঐ-সব ব’লে ব’লে কাঁদে, আর ঢক ঢক করে অনির হাতে ছুধ খায়! জল খায়! অনি তার এত কথাই না রাম না গঙ্গা একটা উত্তরও দিলে না,—যেমন খাওয়া শেষ হল, আর অমনি উঠে বললো ‘আমি সমস্ত দিন মেয়ে ইঙ্কলে পড়াই, সময় আমার বড় কম। আপনি যদি নিজের না খান, তাহলে রোজ আমার ইঙ্কল থেকে ফিরে কি ইঙ্কল খাবার আগে এমনি করে এসে আপনাকে খাইয়ে যেতে হবে। এতে আপনারও কষ্ট, আমারও কষ্ট! এ-রকম আর করবেন না দয়া করে, বুঝলেন? আমি এখন আসি।’ এই বলে অনি মাগীর হাউ হাউ কান্নার মধ্যেই উঠে এসে আমার বলে ‘চল ঠাকুমা।’ আর জানো বোমা—বাড়ীতে তার ছেলে কি বৌ কাউকে দেখতে পেলাম না। বি চাকর সবাই জেনেছে দেখছি। বুড়ো বিটা হাত দিয়ে ইসারা করে দেখালে—বৌ ঐ ঘরে ছয়োর বন্ধ করে আছে সমস্ত দিন না কি। মাগী ইসারা করে আরও কি বললে বুঝতে পারলাম না ঠিক,—বরের সঙ্গে রাগারাগি কাঁদাকাটিও চলছে বুঝি—”

আমি আর সহিতে পারলাম না—“চুপ করুন খুড়িমা, অনি শুনতে পেলে রাগ করবে।” বলে তাঁকে বাধা দিলেও, তিনি আরও একটু না বলে উপসংহার করলেন না—“মানুষ এমন অমনিশ্চিও হয়! তা যেমন সংসারে পড়েছে! এই নিয়েও তোর হিংসা করতে লজ্জা করলে না? আমরা বেরিয়ে চলে আসছি—তখন দেখি, তোমার জামাই বাড়ী ঢুকছে।” আমার জামাই! খুড়িমা এ কি বলছেন? অনি সম্বন্ধ স্বীকার করছে না ব’লে মনে লাগছিলো; কিন্তু খুড়িমার এ কথাটা কাণে তপ্ত শূলের মত বিধবামাত্র, অনির কথাটা সঙ্গে সঙ্গে যেন অসুভব করতে পারলাম।

যাক—মাস খানেক আমাদের আবার নিরুপদ্রবেই

কাটলো। আকস্মিকের এই অশান্তিকর ঘটনাকে আবার আমরা আন্তে আন্তে ভুলতে আরম্ভ করেছি—এমন সময়ে মনে আছে, একটা রবিবারে একখানা পাকী এসে আমাদের ছয়রে খামলো। তার মধ্য হ’তে নরেশের মা একটা বিয়ের কাঁধে ভর দিয়ে নামলেন। আমরা কি যে করব, ভেবে পাই না। বাড়ীতে যে মানুষ এসেছে, তার সঙ্গে অমানুষের ব্যবহারও করা যায় না। আবার কি করে যে তাকে আগ্রহ করে হাত ধরে এনে বসাই—সে যেন মহা সমস্তাই হ’ল আমাদের। তবুও জা করতেই হ’ল; কেন না, মানুষটা বির কাঁধে ভর দিয়েও টলছিলো। তখনো সে যে সম্পূর্ণ সবল হয় নি, তা বেশ বুঝা গেলো। কিন্তু যার জন্ত তার সঙ্গে আমার এ সম্পর্ক—সেই সব সমস্তার সমাধান করে দিলে। অনি তাকে ‘আম্বুন’ বলে সম্বন্ধনা করে নিয়ে আসন পেতে বসালো।

“এখনো সম্পূর্ণ সারেন নি দেখছি, এখনি কেন বেরিয়েছেন” বলে তাকে অনুযোগ করতেই, অনির হাত ধরে মাগীর যে কান্না, সে একেবারে পাগলের মতই। অনেক করে অনি তাকে খামাতে লাগলো। আর আমি অবাক হয়ে চেয়ে দেখছিলাম যে, একটা পথের পথিক এমন করে কাঁদলে অনির চোখে জল ধরতো না—আর এই মানুষটার এত কান্নায়ও যে পাষণ মেয়ের চোখে এক-ফোঁটা জলও এল না? সত্যি কথা যদি বলি—আমাদেরও মুস্থিল লাগছিলো তার দুঃখে চোখে জল আসায়। তবু জল না এসে কি থাকে? সে যা’ই করে থাক,—মানুষ তো? মানুষের কান্নাটা তো মিথ্যা নয়!

যাক—তার পরে সে অনিকে একেবারে কোলে টেনে নিয়ে এই জেদ ধরলো—“মা আমার কাছে চল! আমি যা করেছি তার তো সব প্রায়শ্চিত্ত করা আর আমার হাতের মধ্যে নেই,—তবু আমার সেই মরা মেয়ে রাগী হয়ে তুমি আমার কোলে থাকবে চল। আমি নরেশকে আবার আনিবে আমার যত স্ত্রী-ধন সব লেখাপড়া করলাম তোমার নামে। কর্তা আমার পয়সার অভাব তো দিয়ে যান নি। তোমার মত দেবতা মেয়েকে যেমন আমি বধ করেছি, তেমনি ভগবান আমার সাজা দিয়েছেন। এবার যাকে এনেছি, সে আমার উপযুক্ত বৌই এসেছে। আর সেই ছেলে কি না বৌয়ের পক্ষ হয়ে আমার বলে—“এটাকেও

কি তেমনি করতে চাও না কি ? এবার আর তা হবে না।” সেই রাগে আমি আমার সোণার রাজত্ব ফেলে একা কাশীতে এসে আছি। আজ আমার মনে হচ্ছে ছেলে কিছু অজ্ঞান কথা বলে নি। যখন এ বৌর সঙ্গেও বনুলো না, তখন এবার আমারই সরা উচিত বৈ কি। তোমাকে এমন করার দুঃখ ছেলের মনে নিশ্চয়ই আছে,—নৈলে ও-কথা বলবে কেন। উনিশ কুড়ি বছরের ছেলে—মাথার ওপরে আমাদের মত ডাকাত মা বাপ,—তাই বোধ হয় ভয়ে ভয়ে আবার বিয়ে করতে রাজী হয়েছিল। এখন আমার মনে পড়ছে—সে বিয়ের সময় ছেলের একটুও ফুর্তি দেখি নি। কিন্তু তখন—রাক্ষসী আমি তাকে চেয়েও দেখেছিলাম! এখন আমি ডাক্তারই ছুটে এসে হাসিমুখে সব ঠিক করে দিলে! সন্দের পুরোনো চাকরটার মুখে শুন্লাম—বৌ এটুকুতেও না কি—

রেলের মতই গিন্নির কথার আর এতক্ষণ শেষ হচ্ছিল না,—এইবার গলার স্বরের একটু মন্দা প’ড়ে আসতেই আমি এতক্ষণে কথা ক’য়ে বললাম “আপনি এ-সব এখন আর কেন করছেন ? আমার মেয়েকে আপনারা চেনেন না। সে মাঝুঘের কর্তব্যটুকুই মাত্র করেছে,—আপনার বিষয়ের জন্তও নয়,—কিন্তু আপনারা বলেও নয়! আপনাকে সে চিন্তাও না। একটা পথের পঞ্চিক এমন অবস্থায় পড়লে সে যা করতো তাহাই মাত্র করেছে।”

গিন্নি আবার হাউ হাউ করে কাঁদতে কাঁদতে বলে “তা কি আমি বুঝি নি বেয়ান, না, নরেশই বোঝে নি ? আমরাও কি ঐ হাড়হাবাতের মেয়ের মত ভাববো, যে, এ সব জেনেও মন ভোলাবার জন্তই বৌমা করেছেন ? উড়ে এসে জুড়ে বসে সর্বস্বের মালিক হয়েও তার এমনি হিংসুক আর নীচ স্বভাব। বৌমা যদি আমার চিন্তে পারতো তাহলে বোধ হয় আমার তখন হাত দিয়েও ছুঁতো না, আমি জলে পড়েই মরতাম।”

খুড়িমা এ কথাও সহিতে পারলেন না; বল্লেন, “তাও মনে ক’র না,—অনি তেমন ধাতের মেয়েও নয়। তাহলে কি তোমার পরিচয় জেনেও তোমার কাছে দু তিন দিন রাত কাটিয়ে তোমার ছেলেকে টেলিগ্রাম করিয়ে আনিবে তবে তোমার বিছানা থেকে ওঠে! একটা পরের জন্তও সে যা করতো, এখানেও তাই করেছে।”

“কিন্তু মা পরে তো তার এমন সর্বনাশ করে নি,

তাদের উপকার সে করতে পারে। কিন্তু আমি যে তার পরম শত্রু। আমার কেন সে তখন ফেলে রেখে উঠে এল না ? কেন আমার ছেলেকে খবর দিয়ে, সেবা-যত্নের সব ব্যবস্থা করে তবে এলো ? কেন আমার অনাথার মত মরতে দিল না ? আমি এখন তো আর ছাড়ব না তাকে, আমার কাছে তাকে থাকতেই হবে।”

অনি মাথা হেঁট করে একভাবেই চুপ করে বসে ছিল,—আমিও তার এখনকার মনের ভাব বুঝতে পারছিলাম না; তবু নিজের আত্মমর্যাদাতেই আমি বললাম “তা আর সম্ভব নয়।”

“তুমিও এ কথা বলো না বেয়ান! আমার রাগী চলে গিয়েছে, আমার এখন আর কেউ নেই। আমার অনাথ বলে দয়া কর।” বলতে বলতে মাগী আমার দুহাত জড়িয়ে ধরে কেঁদে উঠলো। আমারও আর তখন বাক্ সরলো না। মনে হল, দুঃখের আশুনে খাদ পুড়ে গিয়ে মাঝুঘের মনুষ্যত্ব এমনি করেই সোণার মত খাঁটি হয়। অনি কিন্তু এক ভাবেই চুপ ক’রে মাথা হেঁট করে রইলো। শেষে গিন্নি একটু সামলে নিতে, বললে “আপনি আজ বাড়ী যান। আমার যা বলবার আছে কাল বলব।”

গিন্নি যেন একটু খুসি হ’য়ে বললো “কাল বলবে কি মা, কাল আমি তোমায় কোলে করে নিয়ে যাব। বেয়ান—মা, আপনারাও আমার ওপর একটু দয়া করবেন। আর বেশী কি বলব—বলবার আমার মুখ কোথায়!” আর বেশী উত্তেজনা সে বেচারী বোধ হয় সহিতেও পারছিলো না। উঠে পড়ে আমাদের আড়ালে ডেকে বললে “কাল নরেশই এসে নিয়ে যাবে। আপনারা আগে থাকতে কিছু বলবেন না যেন বৌমাকে!”

কি আর বলব! একবার ভাবছিলাম, অনিকে বলি, আমার মনে হচ্ছিল দুই বিয়ে তো আমাদের ধর্মেও অচল নয়। যদি ওরা এমনি ধরপাকড় ক’রে অনিকে ধানিকটা সংসারী করে করুক! আমরা কি চিরদিনই বেঁচে থাকব ?

পরদিন সকালে অনেকটা বেলা হ’তেও অনি ঘর থেকে বেরুচ্ছে না দেখে ডাকতে যাচ্ছি, এমন সময়ে দেখি নরেশ! আর আমার অনিকে ঘর থেকে ডাকতে যেতে হ’ল না। অনি আপনিই ঘর থেকে বেরিয়ে তার সামনে দাঁড়ালো! এ কে ? এই কি আমার অনি ? একেবারে খালি হাত—



চুড়ি ক'গাছাও হাতে নেই! ধান-পরা, মায় চুলগুলো পর্যন্ত ছেঁটে ফেলেছে। আমি “অনি এ কি রে?” বলে চেঁচিয়েই প্রায় কেঁদে উঠলাম। ‘অনি এসে আমার মুখে হাত দিয়ে বললে “ছি মা, চুপ কর, এখনি লোক জমে যাবে। যে দিন ঠাণ্ডা আমার লোহাগাছি পর্যন্ত খুলে নিয়েছিলেন, সেই দিনই আমার এই রকম বেশ করা উচিত ছিল, কিন্তু তখন মনে হয়েছিল আমি কুমারী! কিন্তু এখন বুঝছি—না, আমি বিধবা!” তার পরে নরেশের দিকে অকুণ্ঠিত মুখে চেয়ে বললে “আপনি গিয়ে আপনার মাকে বলুনগে। তিনি যেন বৃথা ছুঃখ আর না করেন।” নরেশ একটা কথাও না ক’রে, খানিকক্ষণ ধরে অনির সেই বিধবার চেহারার দিকে চেয়ে থেকে, শেষে তেমনি ভাবেই চলে গেল। আমি তো অনিরই মা—তবু আমার প্রাণের ভেতরও নরেশের সেই মুখটা কিছুদিন ধ’রে যেন কিছুতেই মুছছিলো না।

যাক্। আমার যে নতুন করে কতখানি যন্ত্রণা বাড়লো, তা ভুক্তভোগী ভিন্ন কে বুঝবে। অনি যে স্বামী থাকতেও বিধবা—এ দৃশ্য পর্যন্ত সে নতুন ক’রে আমার চোখের ওপর ধরলো। আমার কষ্ট দেখে সে জোড় হাত ক’রে বললো—“মা, আমার মাপ কর। তোমায় আমি অনুপায় হ’য়েই এ কষ্ট দিলাম। এ-ছাড়া এ অসম্মান আর অন্ত্রায়ের হাত হ’তে আমার বাঁচার অন্য পথ দেখছি না।” আমি একটু প্রতিবাদ করতে গেলাম। অমনি মেয়ে ষাড় বঁকিয়ে বললে “অন্তায় নয়? তাদের বৌয়ের কথা যেটুকু শুনলে, বুঝলে না তাতে? আর এ তো অসম্ভব নয়, তার মনে এ তো হবারই কথা। আর আমার কি তোমাদের অন্তায় ও অসম্মান এতে তো আগাগোড়াই মা!”

আর আমি কিছু বললাম না; কিন্তু তবুও তারা নিবৃত্ত হল না। নরেশ আর এলো না বটে, কিন্তু তার মা তবুও হাল ছাড়তে চায় না। বিরক্ত হ’য়ে তখন অনি বললে—“ভেবেছিলাম, যে মেয়ে বিধবার সাজ পরেছে, তাকে আর জীয়েস্ত ছেলের বৌ ভাবতে ঠাণ্ডা সাহস হবে না। কিন্তু উনি তাঁর সেই বিধবা মেয়ে রাণীর অনুকল্পের ইচ্ছা তবুও এখনো ছাড়তে পারছেন না। মা, আমার কাশী থেকে যেতে হলো তাহলে—অন্ততঃ কিছু কালের জন্তও। আমি কাকা কাকিমার কাছে যাই—উনি তাহলেই এইবার ঠাণ্ডা হবেন।”

অনিকে ছেড়ে কাশীবাস আমাদের সাধ্য হল না। তিনজনেই দেশে চলে এলাম। কত যে কাঁদলে অনির জন্ত পাড়ার লোকেরা—অনিও তাদের জন্ত চোখের জল ফেলছে! আমি আশ্চর্য্য হয়েই তার সে চোখের জল দেখছিলাম। এই তো অনির মধ্যে সবই আছে,—কেবল ওদের সম্পর্কেই সে এমন পাথর কি করে হল? আমার এমন মমতাময়ী মেয়ের এমন জীবনের প্রধান দিকটাই এমন ক’রে শুকিয়ে কে দিলে? মানুষেই তো করল! মানুষে শুধু তার অকারণ হিংসাবৃত্তির উত্তেজনায়ই তো এই কাণ্ডটি করেছে! ঋগুড়ী যে বৌকে দেখতে পারে না, এর কারণ কি সেই বৌই এক দিন ঋগুড়ীর আসনের অধিকারিণী হবে বলে? কিম্বা তার প্রিয়তম পুত্রের সব চেয়ে সে প্রিয় হচ্চে বলে সেই হিংসার? আবার অনেক স্থলে বৌ যে ক্ষমতা পেলেই ঋগুড়ীর প্রতি বিদ্বেষ হর, সেও কি তার বর্তমান পদের তিনিই অতীত অধিকারিণী ছিলেন—এই ঈর্ষার বশে? কিন্তু এতে হিংসার কি আছে দিদি, তাই যে ভেবে পাই না! এই তো প্রাকৃতিক নিয়ম। পুরানো গাছ মরে যায়—নতুন চারা তার জায়গায় রাজত্ব করে। ওষধি গাছগুলো তো কেবল ফলের জন্তেই সৃষ্ট হয়। ছেলে মেয়ে বৌ এদের জীবন গঠন করা, তাদের আর সে সংসারের মূল ধারা—সেই অতীত কর্তা বা কর্তার, শাস্তির আর সুখের ব্যবস্থা করা—এরই তো নাম সংসার। এ অযথা হিংসা কেন ঋগুড়ীর মনে বা বৌয়ের মনে আসে দিদি? তবে নিজের ছেলেও নেই—বৌও হয় নি, আবার ঋগুড়ীও মায়ের বাড়ী—সোণার ঋগুড়ী পেয়েছিলাম—তাই জগতের এ রহস্য আজ পর্যন্ত বুঝে উঠতে পারলাম না।

এর পরে জামাই অনিকে একখানা চিঠিও লিখেছিল দিদি। লিখেছিল যে, তোমার স্বামী মরে গিয়েছে,—তুমি বিধবা, কুমারী নও—এটুকু যখন স্বীকার করেছ, তখন সেই মরা স্বামীর সম্পর্কের অধিকারে মৃত ঋগুড়ীর স্বেচ্ছায়-দেওয়া ধনে তোমার চির-অধিকার রইলো। তাঁর মৃত্যু-সংবাদ যখন তোমায় দেব, তখন তুমি এ সম্পত্তির অধিকার নিও। তোমার সেই মরা স্বামীই তোমায় এইটুকু মিনতি জানাচ্ছে।”

অনি এর একটা উত্তর পর্যন্ত দিলে না,—চিঠিখানা

পড়েই টুকরো টুকরো করে ছিঁড়ে ফেললে। তার কাকা পর্যন্ত এ নিয়ে তাকে ছ এক কথা বললে অনি উত্তর দিলে, “কাকা, আপনিই না আমার সতীর মেয়ে সতী হ’তে বলেছিলেন? সম্পূর্ণ পরের জিনিষে লোভ বা অধিকার নেওয়া কি ও-নামের সঙ্গে খাপ খায়? আপনিও ও-কথা আর আমার বলবেন না।”

ট্রেন একটা স্টেশনে ঘটাং করিয়া থামিতেই উভয়ে দেখিলেন, কামরা প্রায় জনশূন্য। আপন আপন পথে

সকলেই চলিয়া গিয়াছে এবং বহু মহিলাটির নামিবার স্থানও একেবারে সম্মুখে। ট্রেনের গতি বিরামের সেই স্বল্প অবসরে তিনি জিনিষপত্র নামাইয়া নিজে নামিতে না নামিতে ট্রেন ছাড়িয়া দিল। তাঁহার বক্তব্য শেষ হইল কি না—শ্রোতৃ মহিলাটি এই পথের কাহিনীতে তাহার আভাষ না পাইয়া, বিমুচ্ত ভাবে শুধু রেলপথের পার্শ্বস্থিত মাঠের মধ্যের দিগন্তে বিলীন পথের দিকেই চাহিয়া রহিলেন।



# দুর্গেশনন্দিনীর দুর্গতি

শ্রীকেদারনাথ বন্দ্যোপাধ্যায়

চৌধুরী মশাই ছিলেন গ্রামের একজন সম্ভ্রান্ত, সম্মানিত, স্কুলকার মাতব্বর,—ছ-আনি জমিদার। বাড়ী, বাগান, পুষ্করিণী, শিবমন্দির, সটকার মাথায় অনির্কীর্ণ বাড়বানল,—সবই তাঁর ছিল। আর ছিল—তাম, পাশা, অহিফেন, আর সাক্ষ্য মজলিস,—এই চতুর্বেদ চর্চা। অহিফেনটা তিনি আহার করতেন,—সাতসের হুখে হু'ভরি আফিং সুপক হলে, তার সরথানি তিনি ভোগ লাগাতেন, দুগুটা পার্শদদের মধ্যে অধিকারী-মত বণ্টন হ'ত।

ভৃত্য নন্দার প্রধান কাজ ছিল,—গো সেবা, দুগু প্রস্তুত আর কল্কে বদলে দেওয়া। আর যে কাজটি ছিল সেটি সে দুধ জাল দিতে দিতেই সেরে রাখতো। কথাবার্তার জবাব সে চোখ বুজেই দিত। চৌধুরী মশায় কখনো কখনো আন্দাজে বলতেন—“নন্দা, ঝিমুচ্চিস বুঝি! খবরদার বেটা, গেরস্তোর দোর-গোড়ায় বসে ঝিমুলে অকলাণ হয় জাননা পাজি—দূর করে দেব।” নন্দা চোখ বুজেই বলতো—“আপনি দেখলেন কখন ছজুর!”

কথাটা ঠিক। শুনে চৌধুরী মশাই খুসাই হতেন। বড়-লোকের, বিশেষ জমিদার লোকের, চোখ চেয়ে থাকটা একেবারেই ভাল নয়,—লোকসেনে লক্ষণ।—প্রজ্ঞা-বেটারা চোখ দিয়ে ভেতরে ঢুকে—বাঁধি ব্যবস্থা বিগড়ে দেয়,—মতলব হাসিল করে নেয়। এটা ছিল তাঁর পিতৃ-বাক্য। চোখ চাওয়ার তরে রয়েছে ভ্রমলোচনরা—নায়েব, গোমস্তা। যাক্।

চৌধুরী মশায়ের পেয়ারের নাতী ইন্দুভূষণ আজ বেজায় ব্যস্ত। সে লেখাপড়া ছেড়ে এখন লায়েক হয়েছে। এক-খানি নাটক লিখে ফেলেছে—“লক্ষণের শক্তিশেল”। তার রিহার্সেলও চলেছে,—পূজায় নবমীতে অভিনয়। ইন্দু নিজেই ম্যানেজার আর লক্ষণ—হুই। হুমুমানের পাট সে খুব জমাটি করে লিখে ফেলেছে। সে বলে—কি করে যে এমন ফ্লো (Flow) বেরিয়ে গেছে, সে তা নিজেই জানে না। লেখক-

দের নাকি ঝাঁকের মাথায় Feeling (ভাব) এসে ওরূপ অদ্ভুত ব্যাপার অনেক ঘটিয়ে দেয়।

বীর রসের কথা এলে তার ধমনীগুলো একসঙ্গে ধড়্‌ধড়্‌ করতে থাকে, মনের ভাবগুলোকে ঠেলে বার করে দেয়। লেখাটা ভারি লাগামাফিক বেরিয়ে যাওয়ার ইন্দুর মনে বড় একটা আপশেষও রয়ে গেছে—অমন পাটটা সে নিজে নিতে পারলে না—কেবল হুমুমান নামটার ভুলে। বাগ্মীকি এত বড় কবি হয়ে একটা ভাল নামও খুঁজে পাননি!

নেপা হুমুমানের পাট খুব উৎসাহে সখ করেই নিয়েছে,—করেও ভাল। তার ওপর সে ইস্কুলের খেলায় সে-বচর Long jump আর High jumpএ (লাফালাফিতে) পদক পুরস্কার পাওয়ার—হুমুমান সাজবার দাবীও তার এসে গিয়েছিল। কিন্তু হঠাৎ একটা বিষ উপস্থিত হয়ে ইন্দুকে বড় বিচলিত করে দিয়েছে। নেপার বিধবা পিসি খড়দায় থাকেন; তাঁর সঙ্কট অসুখ শুনে নেপাকে সেথায় চলে যেতে হয়েছে। আবার—তাঁর শেষ না দেখে তার ফেরবারও জো নেই—হাবাতে মাগীর টাকা আছে। অভিনয়ের সবে আর সাতটি দিন বাকি,—এর মধ্যে কি মাগী সববে! পাকা হাড়—খাসই টানতে পারে সাতদিন! আপদ দেখ না!

ইন্দু দারুণ হুশিঙ্কায় পড়ে গেছে। পড়বারই কথা। উত্তরপাড়া একটা উন্নত সমাজ-যায়গা,—সেখানকার এক সম্ভ্রান্ত বাড়ীতে অভিনয়। এখনো প্রহসনের প্রটাই সে ঠিক করতে পারে নি—সেই চিন্তায় মাথা ভরে রয়েছে, তার ওপর নেপার পিসির এই ব্যবহার! তাই সে দলের মাতব্বরদের ডেকে পিসি-সঙ্কট হতে উদ্ধারের একটা উপায় স্থির করবার জন্তে মিটিং কল (meeting call) করেছে।

২

চৌধুরী মশাই সপ্তাহকাল কস্ত করে, আজ মরিয়া হয়ে গা তুলে, নিকটস্থ জমিদারিতে দর্শন দিতে বেরিয়ে পড়েছেন—প্রজাদের কাছ থেকে পূজার পার্কনী আদায়ের জন্তে।

ফিরতে—সন্ধ্যার পূর্বে নয়। এই সুযোগ পেয়ে—মিটিংটা আজ তাঁর বৈঠকেই বসেছে;—প্রধান উদ্দেশ্য,—নেপার একজন ডুপ্লিকেট (duplicate) ঠিক করে ফেলা, যে, নেপার অল্পপস্থিতিতে তার পার্ট যোগ্যতার সহিত করতে পারে। ভুবন পারে,—অস্তরায় কেবল ওই হুম্মান নামটি।

নেপা সন্ধ্যা সন্দেশের কথা আলোচনার পর, সকলে একবাক্যে বললে—“ডুপ্লিকেট নিশ্চয়ই চাই।”

ইন্দু বললে—“চাই তো বটেই, কিন্তু ও-পার্ট করবার যোগ্যতা আমাদের মধ্যে কয়জনের আছে! বইখানির মধ্যে ওই পার্টটিই আমার প্রাণ ঢেলে লেখা, কারণ হুম্মানের মত অমন ভক্ত, অতবড় বীর, আর সর্কশাহজাদ পণ্ডিত ত্রেতার কেউ জন্মাননি। মহাপুরুষের কৃপায় লেখাটাও বেরিয়ে গেছে তেমনি। নেপা সাগ্রহে লুফে নিলে, তাই তাকে ক্ষুণ্ণ করতে পারিনি। অবশ্য সে করেও মন্দ নয়। কিন্তু ও-পার্ট যখন অর্ধেক লেখা হয়েছে, তখন থেকে আমার নজর ছিল ভুবনের ওপর। আমাদের মধ্যে ও-ই ছাত্রবৃত্তি পাস, আবৃত্তি করেও তেমনি, কারণ তার সঙ্গে অর্থবোধ থাকে কি না—পাখীর মত মুখস্থ বলা তো নয়। কিন্তু নেপাকে তখন ক্ষুণ্ণ করতে পারলুম না। এ-কথা সতীশকে privately (গোপনে) বলেও ছিলাম—মনে নেই সতীশ ?

সতীশ বললে—“মনে খুবই আছে, আমি তখন তোমাকে বলেছিলাম—এটা তোমার দুর্ভাগ্য।”

“কি কোরব ভাই, আমাকে তোমরা ম্যানেজার করেছ, —সব দিক দেখতে হয়। ভুবন কিছু মনে করে তো—সামান্য ইঙ্গিতেই কারণটা সে বুঝতে পারবে। দেখলে না—তাই তাকে অন্ত কোনো ছোটো পার্ট দিতেই পারলুম না, promptingএ রাখতে হ’ল, কারণ promptingএর ওপরই সাক্ষ্য নির্ভর করে। আর ওর মত motion দিয়ে accent ঠিক করে (ঝাঁক দিয়ে সৰু মোটা খেলিয়ে) prompt করতে পারতই বা কে ?”

নরেশ বললে—“কথা যখন ফাঁশ হয়েই গেল—আজ তবে বলি—এ নিয়ে আমাদের মধ্যে কম মতভেদ হয়নি; —সকলেরই ইচ্ছা ভুবন ও-পার্টটি করে, তা হলে একাই মাং করে দেবে, আমাদের actingএর দোষটোম্ সব ঢাকা পড়ে যাবে। ইন্দুর লেখাটা ভুবন একাই সার্থক করে দেবে। কিন্তু ইন্দু যখন হাতজোড় করে বললে—“চক্ষু-

লজ্জার ভুলটা যখন হয়ে গেছে ভাই—এবারটি মাপ করে —দ্বিতীয় opening থেকে ও-পার্ট ভুবনেরই রইলো। এখন change করতে গেলেই একটা মনোমালিন্য ঘটাই সম্ভব।” কথাটাও ঠিক। নেপা যে রকম মেতে রয়েছে, ও আর এ দিক মাড়াতো না। তাই আমরা চেপে গেলুম। যাক্—এখন দেখছতো বাবা—দেশের ইচ্ছা কি বিকল হয়,— হ’ হ’—যাদৃশী ভাবনা যশ্—”

শরৎ বললে—“আর ও-সব চুশ্চিন্তা কেন বাবা,— পিসি তো পথ করে দিয়েছে, এখন তিনি শুটি শুটি দশমীতে চোখ বুজুন, আর নেপা টাকার তোড়া নিয়ে এসে জোড়া পাঁটা বেড়ে আমাদের Garden party দিক,— এই প্রার্থনা করি। ভুবন—লেগে যাও ভাই,—তোমার তো সব পার্টই খাড়া মুখস্থ। আমাদের তো memory নয়—সব শক্তিগড়! বাংলার বাপের নামটাও মনে রাখতে পারি না—পেছনে prompter চাই! যাক্—একেই বলে যোগ্য পাত্র কস্তা দান। কি বল সব।”

সকলে সহাস্ত্রে শরতের প্রস্তাব একবাক্যে অনুমোদন করলে। একটা আনন্দ-কলরোল পড়ে গেল। তিন পাক্ ছম্বরে ঘুরে গেল! সকলের চক্ষু ভুবনের মুখের ওপর চম্কাতে লাগলো।

ভুবন হাতজোড় করে সবিনয়ে বললে—“আর যা বল, সব করতে রাজি আছি ভাই, কেবল ওই কাজটি ছাড়া। কারে পড়ে—না পার্যামানে একজনের বদলী-খাটার বিড়ম্বনা আমার দস্তর-মত ভোগা হয়ে গেছে! মাপ্ করো দাদা,— ওতে আমি আর নেই।”

শুনে সকলে সহসা যেন চোট খেয়ে সবিনয়ে চেয়ে রইলো। ইন্দু ব’সে পড়লো। শেষ—ক্ষুণ্ণ রোষে বললে—“আমি এখন ‘হুম্মান’ নামটা কেটে ‘মহাবীর’ নাম বসিয়ে দিচ্ছি ভাই। যা হয়েছে হয়েছে, এই নাকে কাণে খৎ—রামায়ণ যদি আর ছুঁই। এবারটি মান রক্ষা করে দাও দাদা। ও-পার্ট আর কারুর হারাই ঠিক ঠিক হবে না।”

“না ইন্দু, ও-কারণে নয় ভাই। আর নয়ই বা কেন,—গ্রামের যে-সব ছেলে তাদের কাছে তো চিরদিনই ওই নাম বাহাল থেকে যাবে। পরিবার থাকলে সেও মুখ পুড়িয়ে সত্যিকার হুম্মান বানিয়ে দিতো। ছেলে থাকলে তার সঙ্গীরা তাকে মর্কট্ সাজাবার

দাবী রাখতে,—একপুরুষে মিটতো না। যাক্—তার জন্তে বলছি না। তোমরা তো জানো—পাশের গ্রামেই আমার মামার বাড়ী, সেইখানেই থাকতুম। সেখানেও সখের যাত্রার ভারি ধুম। হ'বচর আগেকার কথা,—তখন আমাদের ঝিহাসে'ল্ খুব জোর চলেছে,—পালাটা "সীতা হরণ"। সীতা কি রাম লক্ষণ সাজবার মত' চেহারা নয়,—গাইতেও পারি না, স্মতরাং সেখানেও আমি ছিলাম "প্রম্টার"। হরিদত্ত সাজবে হরিণ। অভিনয়ের দুদিন আগে—তার হ'ল জর,—কথাটি তো সামান্ত নয়—সে যেন রাজপুত্রুরের কলেরা। অবস্থা বুঝতেই পারছো,—সকলেই মহা চিন্তিত।

"ম্যানেজার এসে আমাকে ধরে বসলেন—"তোমাকে "স্বর্ণমৃগ" সাজতে হবে ভুবন।" কেউ আর তখন "হরিণ" বলে না,—সবাই শোনার "স্বর্ণমৃগ"। অর্থাৎ—খুব সম্মানের পার্ট।

বললুম—"ও-পার্ট, তো যে-সে একবার ওই সোণালী বসানো খোল্টায় ঢুকে করে আসতে পারে, ওতে তো আর কথাবার্তা নেই।"

সবাই চক্ষু কপালে তুলে গাঢ়স্বরে বলে উঠলো,—কি বলচো ভুবন! কথাবার্তা নেই অথচ সে অভাবকে ভাবে ভরে দিতে হবে,—সে কি যার তার কাজ—না হরিদত্তর কাজ। তোমার ওপর তাই বরাবরই আমাদের নজর,—intelligent লোক না হলে ও-পার্ট ঠিক ঠিক করা কি তামাশার কথা। পারেন এক মুস্তপি সায়েব,—আর পার' তুমি,—এ তোমার সামনে বলা নয়।"

ম্যানেজার বললেন—"হরি দত্ত দশ টাকা বাড়লে, বললে—তার পরিবার দেখতে আসবে, তাকে একটা কিছু সাজা চাই-ই। কি করি, চক্ষুলাজায়ও বটে, আর হার-মোনিরামটা সারাবারও দরকার, তাই দিতে হয়েছিল।" ইত্যাদি।

"শেষ হরিদত্তর খোলোস্ আমার স্বন্ধেই চাপলো। বড়লোকের বাড়ী অভিনয়,—বনেদী ব্যবস্থা,—বিপুল আয়োজন। আলোয়, ছবিতে, ফুলের মালায় আসর হাসছে। সে পঞ্চবটী দেখলে রাজার ছেলেরও বনে যেতে সখ্ চাপে। আসরে—আতরদান, গোলাপপাস্, রূপোর থাল্ ভরা পান; টে ভরা—বেদানা, মিছরির টুকরো, আদার কুচি, লবঙ্গ,

ছোট এলাচ, বচ প্রভৃতি, আর সুগন্ধ ছড়িয়ে সধুম চায়ের যাতায়াত, চামচের ঠুনঠান্ শব্দ। এতদ্বারা অভিনেতা আর গাইয়েরা গলা বজায় রাখবেন,—আর বাড়ীওয়ার সম্মান বজায় থাকবে।

"ব্যবস্থা সবই সুন্দর; সকলে গালে দিচ্ছেনও সুন্দর—অর্থাৎ মুটো মুটো—এস্তোক বনবাসী রাম লক্ষণ সীতা,—মায় কনসার্ট পাটি! অসুন্দর কেবল হরিণের সে-দিকে নজর দেওয়াটা! এক টুকরো মিছরি, দুটি বেদানা, এক কুচি আদা, একটা পান কি এক চুমুক চা, তার ছোঁবার জো নেই, কারণ—সে যে হরিণ! আর intelligent হবার মানাই—স্বাভাবিকত্ব বজায় রাখা, সেটা কেবল হরিণকেই রাখতে হবে। কিছুতে হাত বাড়ালেই—সবাই—হাঁ হাঁ করে ওঠে! তার কাজ কেবল—ছোটা, লাকানো, হাঁপানো, শেব তেউড়ে পঞ্চত্ব পাওয়া! হোলোও তাই। হরিদত্ত জর হয়ে বাঁচলো,—আর নীরোগ জলজ্যাস্তো আমি তার খোলে ঢুকে—সুস্থ শরীরে সজ্ঞানে মলুম!" Intelligent পশু সাজায় সেলাম বাবা!"

হাসির হাউই ছুটে গেল। সবাই বললে—"Bravo ভুবন, এমন বর্ণনা আর কে শোনাতে পারতো! ও পার্ট ভাই তোমাকেই করতে হবে—তা না তো প্লে একদম মাটি,—তা লিখে রাখো।"

শেষটা দলের সকলের একান্ত অমুরোধে, আর ইন্দুর কাতর অমুনয়ে ভুবনকে রাজি হতে হল। ইন্দুর হুশিচ্ছা দূর হল। হরুরের হল্লায় সভাও ভঙ্গ হল।

৩

চৌধুরী মশাই আজ বেলাবেলি জমিদারি থেকে ফিরেছেন,—মেজাজ্ খুব খুস্। পার্কিনী আদায় হয়েছে পূজার ধরচের দেড়া। তাই কাপড় না ছেড়েই সর্কাগ্রে—প্রতিষ্ঠিত শৈলেশ্বরের মন্দিরে প্রণাম সেরে, বৈঠকে ঢুকেছেন। নন্দা সটকা ধরিয়ে চট্কা ভাজিয়ে দিয়ে গেল।

ইন্দুভূষণ পাশের কামরায় বসে—প্রহসনের প্ৰট্ ভাবছে। মাথায় বোমা মেরেও কিছু পাচ্ছেনা। মাঝে আর পাঁচটি দিন মাত্র। পিসির পান্না পেরিয়ে শেষ প্রহসন যে মাথায় হতাশন জ্বলে দিলে। অস্তমনস্কে পেন্সিলটে কামড়ে কামড়ে দাঁতনে দাঁড় করিয়ে ফেলেছে। প্ৰটের কিন্তু পান্না লাগছেনা।

চৌধুরী মশায় আজ মেজাজ “সরিফ”। ইন্দু তাঁর পেয়ারের নাতী। চৌধুরী মশায় মেজাজ মশগুল থাকলে ইন্দুকে ডেকে কিছুক্ষণ রহস্তানন্দ উপভোগ করতেন। আজো তার ডাক পড়লো।

ইন্দুকে উঠে আসতে হল,—কিন্তু বিরক্ত ভাবে।

চৌধুরী মশাই একবার মুখ তুলে চেয়েই—চোখ বুজে সহাস্তে বললেন—“বিকেল বেলা হাতে দাঁতন বে বড়,—রোজা রাখছিস নাকি !”

ইন্দু তাঁর কথাটা আগে বুঝতে পারেনি, পেনসিলটার নজর পড়তেই বুঝলে। বললে—“আপনি যখন মুক্ত-কচ্ছ হয়েছেন, তখন আমাকে তো ধর্মরক্ষা করতে হবে !”

চৌধুরী মশাই উপভোগের হাসি হেসে তাড়াতাড়ি ভুলটা সেরে নিয়ে,—“জিত” বলেই বালিশের তলা থেকে একখানা দশটাকার নোট বার করে ইন্দুর হাতে দিলেন।

\* \* \* \*

তখনকার জ্ঞানানাল ধিয়েটারে “হুর্গেশনন্দিনীর” প্রথম অভিনয় রজনী। আয়োজনের অস্ত নেই। জগৎসিংহ নাকি ঘোড়ায় চড়ে appear হবে। গ্রামের জ্বালে জ্বালে, গঙ্গার ঘাটে ঘাটে, বাগানের ফটকে ফটকে—বড় বড় অক্ষরে সোনার জলে ছাপা “পোষ্টার”,—তাতে লেখা—

কে না জানে বঙ্গে রঙ্গে বন্ধিম লেখনী,

কে না জানে বন্ধিমের হুর্গেশনন্দিনী

ইত্যাদি।

যাতায়াতের সময়, উচু নীচু গ্রাম্য পথে গাড়ি যতবার টক্কর খেয়েছে—ততবারই চৌধুরী মশাই—“খেলে কচু পোড়া” বলেছেন আর চেয়েছেন। সেই সময় ঝকঝকে হরপের “পোষ্টার”গুলোও এক একবার নজরে পড়েছে,— এক একটা কথা পড়েও ফেলেছেন, সবটা সাপুটাতে পারেননি। তবে—আন্দাজে আর বুদ্ধির জোরে ব্যাপারটা সমঝে নিয়েছেন।

ইন্দুকে জিজ্ঞাসা করলেন—“হুর্গেশনন্দী” লোকটা কে হে ? দোকানটা কোথায়—বরানগরে বুঝি ? বেজায় বেড়ে উঠেছে দেখছি। মেয়ের বিয়েতে সোনার জলে হেঁয়ালি ঝেড়েছে দেখলুম। তেল বেচে,—না ? তা না তো এতো তেল !”

ইন্দু হেসে বললে—“নন্দী” কোথায় দেখলেন,—“হুর্গেশ নন্দিনী।”

“ঐ হোলো,—বাংলা বুঝিনারে না—। না হয় হুর্গো-নন্দির মেয়ে,—এই তো ?”

“না—না, ও একখানা উৎকৃষ্ট উপজ্ঞাসের নাম। বন্ধিমবাবুর লেখা। অমন বই পড়েননি। তার একটু যদি দেখেন, নাওয়া খাওয়া ঘুরে যাবে,—সবটা না দেখে ছাড়তে পারবেন না, অবাক হয়ে যাবেন !”

“খাম্ খাম্—নন্দির মেয়ে দেখে গুর দাদামশায় নাওয়া খাওয়া ঘুরে যাবে,—হাংলার : মত অবাক হবে দেখবে ! ইষ্টুপিড্। সে বটে “গোলে বকালী”, আলবৎ—কেতাব বটে।”

“কি বলচেন দাদা মশাই,—বইখানা যুগান্তর এনে ফেলেছে।”

“অ্যাঃ—কলি প্রবেশ হয়ে গেছে তাহলে !”

“না দাদামশাই, অমন সুন্দর বই বাংলা ভাষায় আর বেরয়নি। পড়বার তরে কাঁড়াকাড়ি পড়ে গেছে।”

“বলিস্ কি ! “মজলুর” চেয়েও ভাল ?”

“কিসে আর কিসে ! সে না দেখলে আপনি আইডিয়ারি করতে পারবেন না। অমন একটি আয়েসা ছনিয়া টুঁড়ে বার করতে পারবেন না।”

“এটা কি মাস র্যা ?”

“কেন ?—আখিন ?”

“কাঙ্কিকটের আর বাতিক বৃদ্ধি করে মাথা ধারাপ করিস নি। কটা দিন কোনো রকমে কাটিয়ে দে ভাই। অজ্ঞানের তেরোটা দিন বাদ দিয়ে তোর মুখ বন্ধ করছি রোশ্।”

“আপনি তো শুনবেন না ! কি ঘটনা-বিজ্ঞাস,—সে না শুনলে—”

“বটে ! লেখকের বাড়ী কোথায়,—যাত্রার দল আছে বুঝি ?”

“না—না,—মস্ত বিধান, ডেপুটি ম্যাজিস্ট্রেট। বাড়ী কাঁটালপাড়ায়।”

“বলিস্ কি—ডেপুটি ? ওঃ—বুঝেছি, আইন আকবরির তর্জমা করেছে ! যাঃ আর জ্যাঠামী করতে হবে না। আগে দেখ, শোন, শেখ।—ওই জামতাড়া, নারকেলডালা,

ডুমুর-দ, বেলঘরে, বেলগেছে, কলাগেছে, কাঁটালপাড়া—  
ও সব জায়গার লোক কলহরি ঠাকুরের ফলোয়ার (fol-  
lower)—তারা আবার বই লিখবে! লিখলে,—আমলকী  
কি বয়ড়া বানিয়ে বসবে। আর কি ভারতচন্দ্র আছে,—এক  
কেতাবে খেতাব বেরিয়ে গেল; বুঝলি।”

শেষ বললেন—“আচ্ছা—আজ সন্ধ্যার পর শোনাস্  
দিকি,—সে সময় পাঁচজন পাকা সমঝদারও থাকবে, বোঝা  
যাবে কেমন কেতাব।”

“আপনি তো তখন ঢোলেন।”

“অজ্ঞান তো হই না রে,—একটু চেষ্টিয়ে পড়িস্ ;—  
আমি হুঁ দিলেই তো হ’ল।”

\* \* \* \*

সন্ধ্যার পর চৌধুরী মশার সমঝদার পারিষদেরা একে  
একে সব উপস্থিত হলেন। তাকিয়া ঠেশ দিয়ে তামাক  
চলতে লাগলো। ভৃত্য নন্দা—দোরের বাইরে আসন নিলে।  
তার কাজও ঢোলা, আর মাঝে মাঝে কল্কে বদলে  
দেওয়া।

ইন্দু বই হাতে করে উপস্থিত হতেই, চৌধুরী মশাই  
বললেন—“বুঝলে বিশ্বস্তর—ইন্দু আজ আমাদের একখানা  
বই শোনাবে বলে বাঘনা ধরেছে। কাঁটালপাড়ার কে  
ডেপুটি টকনাথ বাবু নাকি লিখেছেন—”

“আজ্ঞে—বন্ধিম বাবু।”

“ঐ হল,—আসল অক্ষর তো বাদ দিইনি, ‘ও’য়ার  
‘ক’য়ে তো বজায় রেখেছি রে। আচ্ছা—শুরু কর”—

হরদেব খুড়ো তাস পেড়েছিলেন, অনিচ্ছায় তুলে  
রাখলেন। শব্দ বাঁড়ুঘো বেজার মুখে—একটা আকর্ষণ-বিস্তৃত  
হাই তুলে, দেল ঠেশ দিলেন।

ইন্দু আরম্ভ করলে, চৌধুরী মশারও ঢুলুনি এল’।

ইন্দু যেই বলেছে—মানসিংহের পুত্র জগৎসিংহ—

চৌধুরী মশাই বেশ মশগুল মেরে আসছিলেন,—চোখ  
বুজেই বলে উঠলেন—“বাস্ করো—গলতি হয়।  
মানসিংহের পুত্র জগৎসিংহ কখনো হতেই পারেনা,—এই  
সব বই লেখা! মানসিংহ লোকটাই বা কে—কার পুত্র,  
কাদের দরোয়ান, এ পরিচয় কে দেবে। তিনি তো আর  
গঙ্গাগোবিন্দ সিং নন—যে, সবচিন্ লোক। আবি কেটে  
দাও। লেখো—ওলসিংহের পুত্র মানসিংহ, তন্ত পুত্র

কচু সিংহ, তেকার পুত্র বেঁচু সিংহ, তবে না একটা  
ধারাবাহিক বংশাবলী পাওয়া যাবে। ও-পাড়ার মেনকা  
ঠান্দি মেরেমানুষ হলে কি হবে—সেটা তাঁর অদৃষ্টের দোষ,  
তাঁরও এ সব জ্ঞান আছে। মেরের নাম রেখেছেন ছর্গা,  
নাতনীর নাম লক্ষ্মী! খুঁট ধরলেই পটাপট তিনপুরুষ  
আপসে বেরিয়ে আসে। বই কি লিখলেই হল! কি বল’  
হরদেব?”

“বলবো আর কি,—আর কি দেবীবর আছেন। তিনি  
থাকলে এসব যথেষ্টাচার ঘটতে পেতনা।” এই বলে  
একটা দীর্ঘনিশ্বাস ফেললেন।

কালীজয় রায় বললেন—“ছেড়ে দাওনা, ও-কথা আর  
বাড়িওনা। আমাদের মহাদেব খুড়োর ছেলের নামকরণ  
হয়েছে “মেঘনাদ”। সতী সাধবী বিন্দু খুড়ির কলঙ্কটা  
একবার বোঝো! তিনি লজ্জায় গঙ্গামান ছেড়ে দিয়েছেন।  
যাক্—ও পাপ কথা ছেড়ে দাও।”

চৌধুরী মশার তে-ভাঁজ খুতনিটা তখন বুকে ঠেকে  
খেবড়ে ছিল। সেটা ঈষৎ চাগিয়ে বললেন—“ছেড়ে দাও  
কি রকম,—আমরা জিতা-থাকতে জাতটা চোখের সামনে  
বর্নসঙ্কর মেরে যাবে নাকি। কাল মহাদেবকে ডাক্ দাও।  
বুঝলে?”

যাক্, ইন্দুকে অনেক করে সে থাকা সামলে শুরু করতে  
হল। চৌধুরী মশার খুতনি আবার তাঁর বুকের ওপর  
খেবড়ে বসলো। সটকার নলটা হাত থেকে ধসে পড়লো।  
এক একবার চমক্ আসে আর বলেন—“হুঁ—তার পর।”

ইন্দু তখন এগিয়েছে,—“বিমলা আর তিলোত্তমা তখন  
শৈলেশ্বরের মন্দির মধ্যে; বাইরে—ভয়ঙ্কর ঝড়, বৃষ্টি,  
বিহ্বাৎ, বজ্রপাত”—

চৌধুরী মশাই চম্কে ছবার ‘ছর্গা ছর্গা’ উচ্চারণ করে  
ভৃত্যকে বলে উঠলেন—“নন্দা ঢুলুছিঁস বুঝি,—দেখছিঁস না  
হারামজাদা, মাথার ওপর কী প্রলয়কাণ্ড! গুরুগুলো বাইরে  
নেই তো,—শীগগির তুলে ফেল। উঠলি?”

ইন্দু থামেনি,—“রমণীষয় ভয়ে জড়সড়।”

ওনেই চৌধুরী মশাই চেষ্টিয়ে উঠলেন—“কোনো ভয়  
নেই মা—এ ভদ্রলোকের বাড়ী। নন্দা—গিন্নিকে বল্—চট্  
ওঁদের বাড়ীর মধ্যে নে’ যান। গেলি?”

ইন্দু ছাড়েনি,—“এমন সময় জগৎসিংহ মন্দির-দ্বারে

## পাঁকের ফুল

শ্রীহেমেন্দ্রলাল রায়

দীর্ঘ দিন পরে স্বদেশের বৃকে পা দিয়েই দেখি, সারা বাংলা এক শিল্পীর গৌরবগাথার পূর্ণ হ'য়ে উঠেছে। দেশের কবি তাকে যশের জয়টিকা পরিবেশে দিয়েছেন, তরুণের দল তাকে বরণ ক'রে নিয়েছে শ্রীতি-পুষ্পের অর্ঘ্য দিয়ে, নারীদের মনের মহলেও দেখলুম তার প্রতিপত্তির অস্ত নেই। অকস্মাৎ এমনি ক'রে ধূমকেতুর মতো বাংলার নিঃসাড় মনকে নাড়া দিয়ে যে সচেতন ক'রে তুলেছে, তার শিল্প-সৃষ্টি দেখবার জন্ত মনের ভেতর একটা অদম্য কোতূহলের সৃষ্টি হ'ল।

আমি যখন সাগরের পারে পাড়ি জমিয়েছিলুম, বাংলার সাময়িক পত্রিকাগুলোতে তখন ছবি দেওয়ার রেওয়াজ শুরু হয় নি—ভারি ভরাট প্রবন্ধে তাদের কলেবর ভ'রে উঠত। এখন সে প্রবন্ধের গৌরব লঘু হ'য়ে গেছে এবং তার জায়গায় উড়ে' এসে জুড়ে' বসেছে পটুয়াদের পট। সুতরাং এই তরুণ শিল্পীর শিল্প-লক্ষীর পরিচয় পেতে বেশী দেরী হ'ল না। বড় একখানা মাসিকের পাতা ওলটাতেই তার ছবির নমুনা আমার চোখের সামনে ফুটে' উঠল।

ছবি দেখে খুশী হ'তে পারলুম না। আর্টের সূক্ষ্ম অতীন্দ্রিয় ভাবাভিব্যঞ্জনার কোন ছাপই তার ভেতর নেই—একটা অতি স্থূল লাগসার ক্রেদে ছুপিয়ে ছবিগুলোকে রঙ-চঙএ ক'রে তোলা হয়েছে। ফ্রান্স, ইতালি প্রভৃতি স্থানের রূপদক্ষদের রূপের লেখায় চোখ দুটো তখনো মশগুল হ'য়ে ছিল। বাংলা দেশ হঠাৎ এমনি ভালকানা হ'য়ে গেছে ভাবতেও মনটা খানিকটা খিঁচে গেল। অত্যন্ত বিস্মিত হ'য়েই বন্ধু নীতীশকে জিজ্ঞাসা করলুম—এ লোকটার শিল্প-বিত্তার নমুনা যদি এই হয়, তবে একে তোমরা মাথায় ক'রে এত নাচ্ছ কেন ?

নীতীশ বললে—মামুলী ধরণের ছবি দেখতে দেখতে তোমাদের চোখে চালসে ধরেছে, তাই শক্তির ছাপ যেখানে আছে তাকে তোমরা বুঝতেও পারো না—সইতেও পারো

না। ধোঁয়ার সৃষ্টি ঢের হয়েছে, এখন কিছুদিন সেটা না হয় থাক। মানুষ যখন রক্ত-মাংসের জীব, তখন তাদের কাছে ছনিয়াটাকে ছনিয়া ক'রেই যদি কেউ দেখাতে চেষ্টা করে, তবে সে মহাভুল করেছে এ কথা মনে করবার কোনো কারণ নেই। তোমাদের মতো কচিবাগীশেরাই তো আর্টটাকে জাহান্নমে দিতে বসেছে। জান তো অস্কার-ওয়াইল্ডের সেই কথা—'It is better to be beautiful than to be good.' সাধু এবং শিল্পীর স্বপ্নের ভেতর ঢের তফাৎ! এই যে শিল্পী—একে যদি দেখতে, এর ছবি যেমন অফুরন্ত প্রাণের উৎস, এর জীবনটাও তেমনি উচ্ছ্বসিত প্রাণের প্রবাহে পরিপূর্ণ—সেমন চঞ্চল—তেমনি সুপ্রচুর।

আমি হেসে উত্তর দিলুম—এই অস্কারই আবার বলেছেন, 'It is better to be good than to be ugly.' কচির দিক থেকে যা কুৎসিত, যা বীভৎস, সত্যকার শিল্প-জগৎ তাকেও প্রশ্রয় দেয় না। তোমার বন্ধুর ভেতর যদি অফুরন্ত প্রাণের উৎস থাকে, সে ভালো কথা। কিন্তু, প্রাণের পরিচয় যদি তোমাদের ঐ ছবিগুলো হয়, তবে সে প্রাণ কারো ভিতর না থাকাই ভালো।

তর্কের খাতিরে প্রাণকে তো উড়িয়ে দিলুম। কিন্তু সে প্রাণ যে আমার বৃকেই মৃত্যুবাণ হেনে, তারি রক্ত পান ক'রেই রাঙা হ'য়ে উঠেছে তা কি জানতুম!

মিনতি ছিল আমার প্রতিবেশী। ছোট-বেলা থেকে তার সাথে একসঙ্গে খেলা করেছি। তারপর বড় হ'য়েও তাকে পেয়েছিলুম, কিন্তু সে আর এক ভাবে। তাই যাবার সময় যখন তার কাছে গিয়ে দাঁড়ালুম, চোখের জলে বান ডাকিয়ে সে বললে—যত শীগগির পারো, ফিরে এসো সমীর-দা, মনে রেখো, তোমার হাতের স্পর্শ ছাড়া আমার চোখের ধারার এ সোতা কখনো শুকাবে না।

বিদেশের শুষ্ক মরুভূমিতে মিনতির চোখের জলের সেই



ঝর্ণাই ছিল আমার সব আনন্দ, সব সাধনা। ভবিষ্যতের কাছে যত সোনার ফল কলিয়েছি, হীরের ফুল ফুটিয়েছি, তাদের সবাইকে তাজা ক'রে রেখেছিল সেই চোখের জলের ঝর্ণাটা। কিন্তু কল্পনার সে স্বর্গটাও আমার অকস্মাৎ একদিন বাস্তবের রূঢ় আঘাতে ভেঙে, টুটে, রেণু-রেণু হ'য়ে পথের পাশে পারের ধুলোর তলেই লুটিয়ে পড়ল। ফিরবার প্রায় সময় হ'য়ে এসেছে, চঠাৎ এক দিন মিনতির চিঠি পেলুম—‘আমার মারফৎ ক'রো সমীর-দা, অল্প জায়গা থেকে আমার ডাক এসেছে ভাই, আমি তোমার জন্তু সবুর করতে পারলুম না। আমার হৃদয় যেভাবে নিজেকে তোমার পায়ে বিলিয়ে দেবে ব'লে শপথ নিয়েছিল, সে শপথ তার ভেঙে গেল। যদি পারো, তোমার এই চঞ্চল-চিত্ত বোনটাকে কমা ক'রো। হৃদয়টাকে ঠিক বুঝতে না পেরে যে তুল হয়েছিল, জানি, সে ভুলের জের টেনে চলাকে তুমি অপমান ব'লেই মনে করবে। তোমার ভালোবাসাকে প্রত্যাখ্যান করতে পারি, কিন্তু তাকে অপমান করবার সাহস আমার নেই।’

এ চিঠির উত্তর দেবার কোনো দরকার ছিল না এবং সঙ্গে সঙ্গে দেশে ফিরে আসবার দরকারটাও ক'মে গিয়েছিল। তারপর ছ'টি বছর ছন্নছাড়ার মতো বিদেশের পাহাড় পর্বত বন-জঙ্গলে ঘুরে' মনের দিক দিগে সর্করিত্ত এবং জ্ঞানের দিক দিগে পুরো মাত্রায় নাস্তিক হ'য়ে বাংলার বুকে ফিরে এসেছি বটে, কিন্তু মিনতিদের বাড়ীতে এখনো পা দিতে পারি নি। যে মিনতি আঠারোটি বৎসরের সম্বন্ধ একখানা চিঠির মারফৎ শেষ ক'রে দিতে পারে, তার কাছে দাঁড়াবার সাহস আমারও ছিল না, যে আমি সাহসে ইউরোপের বে-পরোয়া পাহাড়ীদেরও পরাজিত ক'রেছিলুম।

কিন্তু মিনতির সঙ্গে আমার ঘেনা-পাওনার কারবার যে শেষ হয় নি, সে কথা ভালো ক'রে বুঝলুম সেই দিন যে-দিন মিনুর চিঠি এবং তার সঙ্গে সঙ্গে এক তাড়া কাগজ এসে আমার কাছে হাজির হ'ল। সে লিখেছে—‘যাবার বেলা আবার তোমার কাছে মারফৎ চাইছি সমীর-দা। এবার আমার আহ্বান এসেছে কোনো মানুষের কাছ থেকে নয়, পরপারের অজানা লোক থেকে।—যদিও জানিনে সে লোকের মালিক ভগবান না শরতান! তুমি যে আমাকে কমা করতে পারো নি, তা তখনি বুঝেছি: যখন দেশে পা

দিরেও তোমার মিনুর কাছে ছুটে' আসা তোমার পক্ষে সম্ভব হয় নি। পাপটা যে আমার ছোট তা বলছি নে। কিন্তু যদি জানতে ভাই, সে পাপের প্রায়শ্চিত্ত আমাকে কি ভাবে করতে হয়েছে! ঐব আশ্রয়কে পরিত্যাগ ক'রে যে আশ্রয় পেছনে ছুটে' চলে, মরণ ছাড়া তার গতি নেই। সেই মরণের স্পর্শই প্রতিমুহূর্তে আমি নিজের ভেতরে অনুভব করছি। সে স্পর্শ তুষার-শীতল। কিন্তু যার বুকে রাবণের চিতা তার কাছে তুষারের রক্ত-জমানো ঠাণ্ডা স্পর্শও তো অবাঞ্ছনীয় নয়! হয়তো মরণটা এত তাড়াতাড়ি ঘনিষে না আসলে আমার অশ্রু-সজল জীবনের কাহিনীটি তোমার কাছে ছাপাই থেকে যেত। কিন্তু আমার জীবনে সবচেয়ে যে বড় আনন্দ এবং সবচেয়ে যে বড় শত্রু, মরণেও তার কথাটা আমি ভুলতে পারছি নে। পত্র লিখে সব কথা জানিয়ে যাব সে শক্তিটাও আমার নেই। জীবনের হাসিকান্নাগুলো সময় সময় খাতার ওপর এঁটে রাখবার অভ্যাস তোমার কাছেই পেয়েছিলুম। সেগুলো যাবার বেলা আবার তোমার পায়েই উপহার দিবে গেলুম। তোমার মিনুর জীবনের পানপাত্রটা কোন্ অমৃত-রসে ভ'রে উঠেছিল তার আভাস এর ভেতর থেকেই পাবে। হয়তো যে হুঃখ আজ না হোক, ছ'দিন বাদে তুমি ভুলতে পারতে, তার পথেও কাঁটা পড়ল। কিন্তু এ ছাড়া আমার যে আর কোনোই উপায় ছিল না ভাই! এত বড় রিক্ততা নিয়ে মরণের পথে আর বুঝি কেউ আমার আগে পা বাড়াইনি— ইতি। তোমার মিনু।’

চিঠি শেষ ক'রে খাতার পাতাগুলো খুলে' বসলুম। একে ঠিক ডায়েরী বলা যায় না। এলোমেলো-ভাবে কয়েকটা দিনের মনের ইতিহাস এর বুকে ধ'রে রাখা হয়েছে মাত্র। মাঝে মাঝে ভেতরে অনেকগুলো পাতা ছেঁড়া। প্রথম তারিখটা প্রায় ছ'বছর আগের। বুকুকু ভিক্কুক যেমন ক'রে খাণ্ডের পাত্রটার পানে ঝুঁকে পড়ে, আমার দীর্ঘ দিনের উপোসী চোখ ছ'টো তেমনি ক'রে খাতার পাতাগুলো পড়তে শুরু ক'রে দিলে :—

ডায়েরী লিখবার অভ্যাস নেই। • কিন্তু জীবনের আজকের ঘটনাটা না লিখে রেখেও তো পারছি নে। ফাল্গুন শেষ হ'য়ে গেছে, বসন্তের পালা ফুরিয়ে এল।

তাকে না দেখলে হয় তো সে কথাটাও কখনো বিশ্বাস করতুম না।

এই জীবনেই তো আরো একটি দৃষ্টির সঙ্গে আমার পরিচয় ছিল। সে দৃষ্টি যেমন শান্ত, তেমনি মধুর, তেমনি ত্যাগের আনন্দে পরিপূর্ণ। এতদিন আমার জীবনের ওপর সেই দৃষ্টিই তো প্রবর্তার মতো আলো দিয়েছে। কিন্তু এর কুণ্ডিত শাণিত লালসা-তপ্ত দীপ্ত দৃষ্টি যে তার জ্যোতিকেও স্তান করে দিলে। আপনাকে বিলিয়ে দেবার শক্তি যত বড়ই হোক না কেন, মানুষকে জয় করে তারাই, যারা জোর করে কেড়ে নেয়। সত্যতার এই পরিপূর্ণতার যুগেও মানুষ তার অসত্য মনটাকে একেবারে ছেঁটে ফেলতে পারেনি।

আলিপুরে বেড়াতে গিয়ে সেদিন একটা সিংহ দেখেছিলুম। সেটা নাকি সস্ত্র সস্ত্র ধরে আনা হয়েছে। তার গতি আমার ভারি ভালো লেগেছিল। কিন্তু সেই কাউকে-কেয়ার-না-করা সিংহের গতির সঙ্গে এর গতির একটা আশ্চর্য মিল আছে। হেসে গেয়ে কথা বলে সে চলে গেল। তার সে হাসি-গান-কথার ভেতর শিল্পীর যোগ্য স্বন্দ্র সৌন্দর্য্যবোধ হয় তো কিছুই নেই। তবু তার রেশ অক্ষয় হয়ে জেগে রইল আমার কানে—আমার বুকের মাঝখানে।

\* \* \*

কাল রাত্রিতে হঠাৎ বৃষ্টি হ'রে গেছে। যে আকাশ তার আঙনের ধারায় ধরণীর তরুণ সৌন্দর্য্যের ওপর স্তান পাণ্ডুরতার রেখা টেনে দিয়েছিল, মেঘের চুষন ঢেলে সেই আবার তাকে স্নিগ্ধ স্তামল ক'রে দিলে। পৃথিবীর এই স্নাত স্তত্র সৌন্দর্য্যের দিকে তাকিয়ে আজ আবার চোখ ছুড়িয়ে যার।

আজ যে পরলা বৈশাখ, সে কথাটা আমাদের কারো মনে ছিল না। শিল্পী এসে তার নববর্ষের অভিবাদন জানিয়ে সে কথাটা আমাদের মনে পড়িয়ে দিলে।

রীতি চাঁৎকার ক'রে বলে উঠলো—

“Now the New year reviving old Desires  
The thoughtful soul to solitude retires.”

দাদি, তুমি কোন্ নিভূতে লুকোবে বলো ?

শিল্পী ধীরে ধীরে আমার কাছে দাঁড়িয়ে বলে—আমার একটা পুরনো ইচ্ছা যদি পূর্ণ করেন।

আমি বলুম—কি ?

শিল্পী বলে—আজ আমাকে আপনার ছবি আঁকার অনুমতি দিন!

একটা আচম্কা আমাদের বস্তার বুক ভ'রে গেল। কোনো রকমে সে ধাক্কাটাকে সামলে নিরে বললুম—না, থাক।

একটু স্তান কঠে সে বলে—বৎসরের প্রথম দিনটাতে আমাকে বিমুখ করবেন না আপনি। জানেন, সব শিল্পীরই একটা সংস্কার আছে, বৎসরের প্রথম দিনটা যদি ব্যর্থ হয় সারা বৎসর তার চলতে থাকে সেই ব্যর্থতার জের টেনে।

আর আপত্তি করা চল না। বসবার জায়গাটা ঠিক ক'রে দিতেই খানিকটা শিখা ও সঙ্কোচের সঙ্গে সেই খানটাতে ব'সে পড়লুম। একটু পরেই শিল্পী ডুবে' গেল তার তুলি রং আর ক্যানভাসের ভেতর। জানালা দিয়ে চেয়ে দেখলুম, আঙনের শিখা কৃষ্ণচূড়ার গাছগুলোকে ঢেকে ফেলেছে।

আমের মঞ্জুরীর সুরভিতে বাতাস ভরপুর। পাখীগুলোর অকারণ কুঞ্জনে গুঞ্জে স্ত্রু বনতল মুখরিত। রৌদ্রের ভেতর দিয়ে ঝরে' পড়ছে প্রকৃতির তরুণ যৌবন—রূপের নেশায় ভরা, সৌন্দর্য্যের প্রাচুর্য্যে উচ্ছল—চঞ্চল। প্রকৃতির সঙ্গে সঙ্গে আমার চোখেও স্বপ্নের ঘোর ঘনিয়ে আসছে।

চুলের একটা গোছা হঠাৎ বাতাসে উড়ে' এসে আমার মুখের ওপর পড়তেই হাত দিয়ে সেটা সরিয়ে দিয়ে সে বলে—ভারি সুন্দর হয়েছে আপনার Poseটা। কিন্তু আমি পারছিনে এত সৌন্দর্য্য আমার তুলির রেখায় ফুটিয়ে তুলতে। রূপের পূজা আমার ব্যবসা, কিন্তু সে রূপ কি ক'রে ধ্যান করব যার সীমা নেই—শেষ নেই। ব'লেই তুলিটা ছুড়ে' ফেলে দিয়ে সে উঠে' দাঁড়ালো।

আমি হেসে বললুম—আমার নিজের দৈন্তটা মিথ্যে প্রশংসা হুঁদিয়ে ঢাকবার চেষ্টা করবেন না। আমি তো গোড়াতেই মানা করেছিলুম আপনাকে,—এ ছাই চেহারা না কি আবার ছবিতে তোলায়!

বিস্মিত বিহ্বল চোখ দু'টো আমার মুখের পানে তুলে' ধরে সে বলে—জানেন, আপনি কি বলছেন! আমার নিজের শক্তি যে কত বড় তা আমি জানি এবং এ শক্তির দীনতা এর আগে এমন ভাবে আমি আর কখনো অনুভব

করিনি। কিন্তু এ পরাজয়ের জন্য আমার এতটুকু লজ্জা নেই। বিদ্যাতের শিখার কতটুকুই বা কোন্ শিল্পী ফোটাতে পেরেছে!

ফেলে-দেওয়া তুলিটা আবার কুড়িয়ে নিয়ে সে আমার ছবি আঁকতে শুরু করে দিলে। তার মুখে কুণ্ঠিত দৃষ্টি, ছবি আঁকার কাঁকে কাঁকে আমার মুখের ওপর খসে-পড়া উদ্ধার আলোর মতো ঝরে পড়তে লাগল। সে আলো আমার বুকে কি রোসনাই জ্বালালো কে জানে!

শিল্পী তার তুলির খেলা বন্ধ করে আবার ব'লে উঠল—  
আপনি মুহুমুহু এত বদলাচ্ছেন কেন বলুন তো? সেই জন্তাই তো আমার আরো খেই হারিয়ে যাচ্ছে! আপনার মুখটা হঠাৎ কি লাল হ'য়ে উঠেছে দেখেছেন! ও লালকে ফুটিয়ে তোলবার উপযুক্ত রঙ তো আমার ভাণ্ডারে নেই। আঃ, যদি আগুনটাকে আমার রঙের ভাণ্ডারের ভেতরে পেতুম! তার পরেই উঠে এসে হঠাৎ তার হাত ছ'টো বাড়িয়ে দিয়ে আমার ছ'টো হাত একেবারে তার বুকের ওপর টেনে নিয়ে বললে—তুমি শিল্পীর সাধনার জিনিষ—শিল্পী তো তোমাকে ছাড়তে পারে না। হয় তো আই-সি-এসএর মোহ আজও তোমাকে জড়িয়ে ধরে আছে। কিন্তু কলা-লক্ষ্মী কুবেরের ভাণ্ডার থেকে উঠে আসেনি, তাকে নিখিল সৌন্দর্যের ভেতর থেকে তিল তিল করে চুইয়ে নিয়ে রূপ দিয়ে গ'ড়ে তুলেছে শিল্পী। এই তিলোদ্ভমা তো শিল্পীরই একমাত্র সম্পদ। সে অর্থ চায়নি, মান চায়নি, স্মৃতিও সে চায়নি—কেবল চেয়েছে সৌন্দর্য-লক্ষ্মীর প্রসন্ন দৃষ্টিটুকু। কে সে সমীর সেন, যে কেবলমাত্র শক্তির দস্তে তোমাকে কেড়ে নেবে তোমার সত্যকার যেখানে সার্থকতা সেই সার্থকতার সিংহাসন থেকে। এই যে অপরূপ আগুনের খেলা চলেছে তোমার চুলের আগা, নাকের ডগা, হাতের আঙুল, বসনের প্রান্ত ঘিরে, যে আগুন আমার মনকে নতুন নতুন রহস্যের সন্ধান দিয়ে নব নব সৃষ্টির পুলকে বিহ্বল করে তুলছে, সে কি কোনো দিন এই সব রহস্য-লোকের সন্ধান পাবে? তবে তোমার ওপর তার কিসের জোর? কেন সে তোমাকে নেবে, তোমার ওপর সত্যকার যার অধিকার তাকেই বঞ্চিত করে?

উত্তেজনার তার দেহ ধনুধনু করে কেঁপে উঠল। আর তারি একটা ডেউ চারিগে গেল আমার সমস্ত দেহ মনে,

আমার রক্তের কণাগুলোর ভেতরে। সঙ্গে সঙ্গে তার কথার অস্পষ্ট ইচ্ছিতটাও যেন মূর্তি ধরে উদ্ভবের প্রতীকার আমার চোখের সম্মুখে দাঁড়িয়ে রইল।

দৃষ্টি যে কথা কর—মানুষের ভাষার চাইতেও জোরালো ভাষায় দাবীর আর্জি পেশ করে, তার পরিচয় পেলুম সেদিন সেই শিল্পীর দৃষ্টির ভেতর দিয়ে। তার হাত ছ'টো হাতের মুঠোর মধ্যে জোরে চেপে ধরে বললুম—বন্ধু, আগুনের রথে চ'ড়ে তুমি জয়-যাত্রার পথে বেরিয়েছ। তোমার গতি কে রোধ করবে? তোমার তুণের বাণ তো ফাস্তনের বাণের চেয়ে কম জোরালো নয়!

জয়ের উচ্ছ্বসিত হাসিতে শিল্পীর অধর ভ'রে গেল। তার পর সেই অধর ধীরে ধীরে নেমে এল, আমার বিস্তৃত বিক্ষিপ্ত চুলের অরণ্যে, বিক্ষারিত গলাটের তটে, লজ্জারক্ত অধরের ওপরে। সে তো চুমো নয়, সে যেন তড়িতের রেখা, অপরূপ সুন্দর অথচ বজ্রের জ্বালায় জ্বালাময়!.....

দিনের আলোতে পারলুম না, রাজির অঙ্ককারে সমীরদাকে লিখে দিলুম আমার কবুল জবাব। চলেছি—  
ছুটে' চলেছি কে জানে কোথায়—নরকের অঙ্ককারে কি স্বর্গের আলোকের পথে। আমার চোখের সামনে আগুছে কেবল ছুটি বড় বড় চোখের দৃষ্টি! সে দৃষ্টি সুন্দর কি কুৎসিত জানিনে; শুধু জানি সে অপরূপ, আর তার মোহ কাটিয়ে ওঠবার শক্তি আমার নেই!

\* \* \*

ছ'টা মাস কোথা দিয়ে যে উড়ে' গেল কিছু টের পেলুম না। এ ছ'টা মাস আমার দেহের সমস্ত অণু পরমাণু ঘিরে' যেন বসন্ত জাগ্রত হ'য়ে উঠেছিল—তার শোভা নিয়ে, তার সৌন্দর্য নিয়ে, তার অপূর্ণ মাদকতার বজ্রা নিয়ে। যৌবন যে হঠাৎ বাণীর শব্দ শুনে জেগে ওঠে, এত দিন এ কথা নিছক কল্পনা ব'লেই মনে করতুম; কিন্তু শিল্পীর বাণী যখন আমাকে ডাক দিলে, চেয়ে দেখি, আমার দেহের ভেতরেই তা সত্য হ'য়ে উঠেছে। তার একটা ডাকেই আমার কুখার্ড বুকু যৌবন পরিপূর্ণতার প্লাবনে চারিপাশের ধানিকটা টলকে ছলকে দিয়ে মনের অরণ্য ভেদ করে যেন অকস্মাৎ বেরিয়ে এল আমার দেহের ছয়গে;—সত্তোজাত গরুড়ের মতোই তার অসীম শক্তি, বিজয়ী বাীরের মতোই তার বিপুল স্পর্ধা, ভোগের সুরার তার পানপাত্র কানায় কানায় পরিপূর্ণ।

সংঘের ও নিরমাল্যবর্জিতার জন্ত সমস্ত বাড়ীর ভেতর আমার ব্যাভিহী ছিল সব চাইতে বেশী। হঠাৎ দমকা হাওয়ার সেই সংঘের আধরণটা খসে পড়তেই মা বিস্মিত ও শঙ্কিত হ'য়ে আমার মাথার হাত রেখে বললেন—মিষ্ণু, যে মাজার তুই ছুটে' চলেছিস্ এ বাড়ীর পক্ষে তা কিছু নতুন জিনিষ নয়। কিন্তু আমি তো তোকে জানি, এ যেন তোর খাতের সঙ্গে মোটেই খাপ খাচ্ছে না। আর এ তোর পক্ষে স্বাভাবিক নয় ব'লেই তোর সম্বন্ধে আমার ভয়ও তো ভাঙ'চে না মা।

আমি হেসে তাঁকে উত্তর দিলুম—আমার জন্ত তুমি কিছু ভেবো না মা। কলা-লক্ষ্মীর সৌন্দর্য্য-শতদলের দলগুলো কোটাবার তার যার ওপরে, বসন্তের হালকা হাওয়াই যে তার বাহন।

মা আমার কথা বুঝলেন কি না জানিনে। কিন্তু ধীরে ধীরে একটি দীর্ঘ নিঃশ্বাস ফেলে তিনি চ'লে গেলেন।...

মার আর একটা দিনের কথাও আজ মনে পড়ছে। মেহের দাবী এমনি অন্তর্ধামী যে, যে বিপদের আশঙ্কা কোনো দিন আমার মনেও স্থান পায়নি, মার কাছে তাই প্রত্যক্ষ হ'য়ে উঠেছিল। আকাশে সেদিন জ্যোৎস্নার সমুদ্রে জোরের জেগেছে। তারি চেউগুলো গড়ের মাঠের কাঁকে কাঁকে হুড়িয়ে-পড়া গাছগুলোর মাথার জলছিল। চাঁদের আলোর সেই বস্তার আকাশের তারাগুলিও যেন ভেসে এসে ছটকে পড়েছিল দূরে দূরে রাস্তার ধারে ধারে যে গ্যাস পোস্ট-গুলি আছে তাদেরি কাচের জালে যেরা খাঁচার ভেতরে। সব জিনিষই দেখা যাচ্ছে, কিন্তু কিছুই স্পষ্ট নয়—সবই আবছায়া। এই আবছারাই মনের রাজ্যে মায়ালোকের সৃষ্টি করে। শিল্পীর সঙ্গে সারা সন্ধ্যা এই মায়ালোকের মধ্যে কাটিয়ে বাড়ী ফিরে আসতেই দেখি, মা আমার ঘরের ভেতর স্তব্ধ হ'য়ে দাঁড়িয়ে আছেন। তিনি বললেন—ভারি ভাবিয়ে :তুলেছিলি মিষ্ণু। এত রাত একা একা বাইরে তো থাকতে নেই মা।

হেসে বললুম—একা ছিলাম না—শিল্পী সঙ্গে ছিল। মাঠে যা জ্যোৎস্না মা, যদি দেখতে, তোমারও ফিরতে ইচ্ছা হ'তো না।

আমার মুখে কি ছিল জানিনে, সেই মুখের দিকে কিছুক্ষণ চেয়ে থেকে মা বললেন—শিল্পী সঙ্গে থাকলেই একা থাকার দোষ যে কাটে না, এটা বোঝার মতো বলল তোমার

হয়েছে বাহা। তা ছাড়া, সমীর এগুলো পছন্দ হ'রতো না-ও করতে পারে।

সমীরদার সঙ্গে দেওয়া-নেওয়ার সব সম্পর্ক যে একখানা চিঠির মারফৎ চুকিয়ে দিয়েছি, সে কথাটা মনে হ'তেই বুকের ভেতরটাতে কোথায় যেন একটা কাঁটা খচ করে বিঁধল। একটু স্নান হেসে বললুম—সমীরদা কিছু মনে করবেন না মা। কিছু মনে করবার অধিকার আর তাঁর যে আমার ওপর নেই, চিঠি লিখে সে কথা তাঁকে জানিয়ে দিয়েছি।

চেয়ে দেখলুম, মার সেই চিরহাস্তে জ্বল মুখ এক মুহূর্তে একটা বেদনার আঘাতে স্নান হ'য়ে কালো হ'য়ে গেল। অনেকক্ষণ তিনি স্তব্ধ হ'য়ে সেই জায়গাটাতেই দাঁড়িয়ে রইলেন, তার পর বললেন—চিঠি লিখে দিয়েছ—আমাকে একটা কথা জিজ্ঞাসাও করলে না?

মার সে রকমের মুখ আমি আর কখনো দেখি নি। সেই কাতর-বিহ্বল মুখের চেহারাটা আমার বুকখানাতে যেন হাতুড়ির পর হাতুড়ির ষা দিয়ে পীড়ন করতে লাগল। আমি মার বুকের পরে ঝাঁপিয়ে প'ড়ে বললুম—অপরাধ হয়েছে মা, আমাকে মাফ করো। কিন্তু সমীরদাকে আর একটা দিনও মিথ্যে আশায় ভুলিয়ে রাখা যে আমার অজ্ঞায় হ'তো!

একটা দীর্ঘ নিঃশ্বাস ছেড়ে আমার চুলগুলো আঙুল দিয়ে চিরে দিতে দিতে মা বললেন—মার ব্যথা, মার ভয় ভাবনা—এ যে কি রকমের তা তো জানিস্ নে! তোকে সমীরের হাতে দিতে পারলেই আমি সব চেয়ে নিশ্চিন্ত হতুম। কিন্তু তা যখন হ'লোই না, আমি তোর বিষেটা শীগুগির সেরে ফেলতে চাই। তুই না পারিস আমি কাল শিল্পীকে বলব।

লজ্জায় আরক্ত হ'য়ে উঠে মাকে বললুম—তোমাকে কিছু করতে হবে না মা, আমিই সব ঠিক ক'রে নেবো।...

পরের দিন শিল্পী আসতেই হেসে বললুম—মা তোমাকে পাকাপাকি ভাবে বাঁধবার চেষ্টায় আছেন, অতএব সাবধান!

বড় বড় চোখ ছ'টো আমার মুখের ওপর বিস্ফারিত ক'রে দিয়ে শিল্পী বললেন—অর্থাৎ—

আমি বললুম—অর্থাৎ আমাকে যদি তোমার সত্যিকার প্রয়োজন থাকে, তবে তার আগে আমার ওপর তোমার

দাবীর অধিকারটা পাকা করে নিতে হবে—এই হ'লো মার আদেশ!

মনে হ'লো শিল্পীর চোখের চেহারাটা এক মুহূর্তের জন্ত যেন বদলে গেল। কিন্তু তার পরেই হাত ছুঁটো আমার দিকে বাড়িয়ে বললে—মার কি আদেশ জানিনে, জানবার প্রয়োজনও নেই আমার। তোমার আদেশ, সেই তো আমার পক্ষে যথেষ্ট।

তার প্রসারিত হাত ছুঁটোর ভেতর আপনাকে ফেলে দিয়ে বললুম—কুল যে কেন বিকিয়ে দেবার জন্ত আপনাকে বিকশিত ক'রে তোলে তোমাকে দেখেই তার কারণ বুঝতে পেরেছি বন্ধু। নারীর তো সঞ্চয় করে রাখবার অধিকার নেই!

• • • • •

আরো কয়েকটা মাস ঝড়ের ভেতর দিয়ে কেটে গেল। পেছনের দিকে তাকানো নেই। কেবল সামনের দিকে ছুটে চলা—কি উদ্যম তার গতি, কি উন্মাদ তার ভঙ্গী! রক্তের ভেতর যখন আগুন ধরে, তখন তার বাষ্প দেহটাকে ঝড়ের ভেতর দিয়ে এমনি ক'রেই টেনে নিয়ে যায়। মনের ইঞ্জিন—সংযত করে রাখা মার কাজ, সেও মাতাল হ'য়ে উঠে' ছুঁ হাত দিয়ে হাততালি বাজিয়ে রাশটাকে ধ্বংস করে দিয়ে অটু হাসি হাসতে থাকে।

কিন্তু ঝড়ের দোলাও থাকে। আমার মনের ঝড়ের দোলা যখন ধাম্বল, চেয়ে দেখি আমার সমস্ত দেহ রিক্ততার ভ'রে গেছে—কোথাও নিজের ব'লে আর এতটুকুও অবশিষ্ট নেই। কিন্তু এ রিক্ততার জন্ত কোনো ক্ষোভ নেই আমার। নারী তো আপনাকে রিক্ত ক'রে দিয়েই সার্থক!

কিছু দিন থেকে শিল্পীর ভেতরেও একটা পরিবর্তন দেখতে পাচ্ছি। তার চুমোর ভেতরে যেন সে আবেশ আর নেই। আলিঙ্গন তার ব্যগ্র ব্যাকুল হঃসহ অথচ মধুর বিদ্যুতের স্পর্শটাকেও যেন হারিয়ে ফেলেছে। হয় তো তার পিপাসা মিটে গেছে—কিন্তু আমি!—পিপাসায় যে এখনো আমার বুকের ভেতরটা শুকিয়ে কাঠ হ'য়ে আছে! হার নারী, তুমি যখন রিক্ততার নেশায় মেতে ওঠো, পুরুষের মনে তখন চলতে থাকে আপনাকে ভরাট ক'রে নেবার সাধনা। তবু এই পুরুষকেই নারী চিরকাল তার সর্বস্ব অর্পণ করে এসেছে।

ব'লে ব'লে ভাবছি—মা ঝড়ের মতো ধরে ঢুকে' বললেন,—মিছু তোর বিয়ের দিন এই মাসেই ঠিক ক'রে কেল্লুম।

আমি হেসে উত্তর দিলুম—বিয়ের মালিক তো আমি একলা নই মা।

মা বললেন—সে তো জানি, আর সেই জন্তই তো আমার আজ ভয়েরও অন্ত নেই! আজ ক'দিন তাকে দেখছি নে। এখন মাঝে মাঝেই এরকম হচ্ছে। তার চোখের দিকেও তাকিয়ে দেখেছি, যে নেশার রং তরুণ তরুণীর চোখে আলোর ঝর্ণা ঝরায় তা যেন ফুরিয়ে গেছে। এ কথাটা কি তুই বুঝতে পারছিস নে? আমাকে লজ্জা করিস নে মিছু, জানিস, মার বাড়া বন্ধু মেয়ের আর দ্বিতীয় নেই!

মার পায়ের ধূলো মাথায় তুলে' নিয়ে বললুম—আমার মার মতো মা যে পেয়েছে সে কথা কি তাকেও ব'লে দিতে হবে মা! কিন্তু বোঝাবুঝির হিসেব-নিকেশের কোনো খোঁজই যে আমি রাখি নি।

চেয়ে দেখলুম চিন্তার রেখা ধীরে ধীরে মার মুখে একটা কালির প্রলেপ টেনে দিয়ে ধনিয়ে উঠল। ধানিকরণ শুরু হ'য়ে থেকে তিনি বললেন—মিছু, তুই তার 'ষ্টুডিও' চিনিস?

আমি বললুম—হ্যাঁ চিনি।

মা বললেন—তপূরে আজ আমাকে নিয়ে তার 'ষ্টুডিও'তে তোকে যেতে হবে।

আমি বললুম—আচ্ছা।

আষাঢ় মাসের পনেরো দিন পেরিয়ে গেছে, তবু পৃথিবীর গায়ে এক ফোঁটা জল ঝরল না। বন্য প্রকৃতির চেহারাটা ভয়ানক যেন চৌচির হ'য়ে ফেটে পড়েছে। তাপমান-যন্ত্রে এবার কলকাতার উত্তাপ ১০৯ ডিগ্রি। রাত্তা ষাট প্রায় রাত্তির মতোই নির্জন। সেই নির্জন রাত্তা ষাটের ওপরেই শুভ্র রৌদ্রের হাসির টুকরোগুলো জলছিল রুদ্র রূপের মশাল জালিয়ে। রূপের নেশা যে ধ্বংসের পথকেও আলো ক'রে চলে, আজকার রৌদ্রে তার পরিচয় পাওয়া যায়। এ রৌদ্রের দিকে তাকালে চোখ জ্বালা করে, কিন্তু তবু চোখ ফিরিয়ে নেওয়া যায় না।

রাত্তার দেখলুম একটা মোষের গাড়ীর ওপর একটা

ছোট-খাট ছনিরাকে চাপিয়ে দিয়ে গাড়োরান নিশ্চিত মনে চাবুক চালাচ্ছে। উপরের চাপে গাড়ীর চাকা, মোবের পা রৌদ্রে গলা পিচের রাস্তার ওপর ব'সে পড়ছে, সে দিকে আজ আর তার নজর নেই। কারণ সে ঠিকই জানে যে এই আশুনের প্রাচীর ডিঙিরে আধা জলচর আধা স্থলচর জীব-জলোর খবরদারী করবার জন্ত C. S. P. C. A.র বাবুরা কেউ আজ বেরিয়ে আসবে না। একখানা ঘোড়ার গাড়ীর ঘোড়া আমাদের চোখের সামনেই হুঁচুট খেয়ে মুস্ড়ে পড়ল। গাড়ীর ছাদটা খসখসের ভেজা পর্দা দিয়ে ঢাকা। যারা আরামে আছে ছনিরার আরামের পান-পাত্র প্রতি মুহূর্তে তাদেরি মুখের সম্মুখে পূর্ণ হ'য়ে উঠছে; কিন্তু তৃষ্ণায় যাদের বুকের ছাতি ফেটে যায়, এক ফোঁটা জলও তাদের কাছে হুল'ভ।

মাকে নিয়ে শিল্পীর ঠুঁড়িঙতে ঢুকে' পড়লুম। দেখি ইলার পা'র কাছে সে মুখোমুখি হ'য়ে ব'সে আছে। হু' জনার মুখেই একটা স্বপ্নের নেশা জড়ানো। ইলা আমার বন্ধু। মাস-খানেক আগে শিল্পীর সঙ্গে আমিই তার আলাপ করিয়ে দিয়েছিলুম।

উভয়ে ত্রস্ত হ'য়ে উঠে' বসতেই মা বললেন—মনে করেছিলুম ঘরে তুমি একা আছ, তাই খবর না দিয়ে ঢুকে পড়েছি, কিছু মনে ক'রো না বাবা। কিন্তু তোমার সঙ্গে একলা যে আমার একটু প্রয়োজন আছে।

ম্যাটিংএর ওপর ছড়িয়ে-পড়া তুলি কাগজ পেন্সিলগুলো কুড়ুতে কুড়ুতে শিল্পী বললে—মিস্ রায়, আজ আর আপনার ছবি নেবার হয়তো সুবিধে হবে না, কাল ছপুরে যদি একবার পায়ের ধুলো দেন এখানে। কোন্ পাটুনীর কাঠের নোকো অন্তর্পূর্ণার পায়ের স্পর্শে নাকি সোণার নোকোতে পরিণত হ'য়েছিল। এর ভেতর কতটুকু সত্য আছে জানিনে, কিন্তু শিল্পীরা যে আপনাদের পায়ের ধুলোর স্পর্শ পেয়েই কাগজের-গায়ে সৌন্দর্যের সোনা ঝরায়, তার খবর আমিই জানি। চলুন আপনাকে গাড়ীতে তুলে দিয়ে আসি।

ইলা আমার দিকে তাকিয়ে একটু মিষ্টি হেসে ঘর থেকে বেরিয়ে গেল। মাকে চুপি চুপি বললুম—মা ফিরে চলো। হুঃখ যা পেয়েছি তাই টের, এর পর আর অপমান কুড়িও না।

ধীরে ধীরে আমার মুখের ওপর হাত বুলাতে বুলাতে মা বললেন—অপমান যদি অদৃষ্টে লেখাই থাকে মিলু, আমি এড়াতে চাইলেও তো তাকে এড়াতে পারবো না। তুই বরং তার চেয়ে গাড়ীতে গিয়ে বোস, আমি এদিককার বোঝা-পড়াটা শেষ ক'রে নিরেই ফিরে আসছি।.....

গাড়ীতে কতক্ষণ ব'সে ছিলাম মনে, নেই। হঠাৎ চেয়ে দেখি সফার মাকে গাড়ীর দরজা খুলে' দিচ্ছে। দুদিনের ভারি জমাট কান্নাভরা মেঘে তাঁর সবটা মুখ আচ্ছন্ন।

মা গো মা, কি অসহ্য গুমোট! বুকের এক প্রান্ত হ'তে আর এক প্রান্ত পর্যন্ত এ কি ঘোলাটে ধমুধমে পাংশুবর্ণ মেঘের গাদায় ভ'রে গেছে! হু' ফোঁটা জল ঝরে না! এই মুহূর্তে বাষ্পের বেগে বুকটা ফেটে যদি চূর্ণবিচূর্ণ হ'য়ে যায় বেশ হয়।

হঠাৎ কিসের লোভে এই লবণ-সমুদ্রের মাঝখানটার যে ঝাঁপ দিয়েছিলুম, আজ ভেবেও তার কোনো কারণ খুঁজে পাচ্চিনে। তখন যে জিনিষটা মুখে ক'রেছিল, আজ দেখছি সেটা তো ক্লেদে কাদায় ভরা—বীভৎস—কুৎসিত। দেহে তার যে আলো জ্বলছে, সে আলো তো সর্বনাশের আলো—সে আলোতেও মানুষের মন ভোলার!

চিরকাল মনে মনে Cultureএর একটা গর্ষ ক'রে এসেছি, কিন্তু সে গর্ষ আমার কোথায় রইল!

আজ তার ভেতরের অজস্র বৈষম্যের দিকে নজর পড়ছে আর নিজের পায়ে নিজের হৃদপিণ্ডটা খেঁখলিয়ে গুঁড়ো ক'রে ফেলবার জন্ত মন মাতাল হ'য়ে উঠছে! আশ্চর্য্য হচ্ছি, এগুলো এর আগে আমাকে ঘা দিতে পারেনি কেন! তার উচ্চ হাস্য, তার কথা, তার গান, এমন কি তার শিল্প-রচনা—এ সমস্তর ভেতর দিয়ে যে একটা বীভৎস বর্ষরতার ইঙ্গিত সঙ্গীনের মতো মাথা উচিয়ে দাঁড়িয়ে আছে, সে তো লুকোবার জিনিষ নয়। মানুষের সহজ সামাজিক আবেষ্টনের ভেতর দিয়ে যে Culture গ'ড়ে ওঠে, তার চলা-কেরা, তার আকার-ইঙ্গিতের ভেতর তারও তো কোনো দাবী ছিল না। তবু সে আমাকে জয় ক'রে নিলে—এক নিমেষের জন্ত ভাবতেও দিলে না কোথায় নিরে চলেছে—কিসের উদ্দেশ্যে! যার ছদ্মবেশ ধরা যায় না, সে

যদি এসে ফুলের পথে টেনে নিয়ে যায়, সে হয়তো সঙ্ক হয়। কিন্তু এ আমি কি ক'রে সঙ্ক করব ?...

ঘরের ভেতর মনের গাঢ় অঙ্ককারটাকেই চোখের সামনে বিছিয়ে নিয়ে স্তব্ধ হ'য়ে ব'সে আছি, মা এসে বললেন—মিষ্ণু, ওর সঙ্গে আমার সে-দিন যে কথাগুলো হ'য়েছিল তা তোর শোনা দরকার।

মা হয়তো ভাবছেন, তার মোহের নাগপাশটা এখনো আমার কাটেনি, তাই তার ধ্বংসের জন্ত শেষ অস্ত্র এই গুরুড় বাণটাই নিক্ষেপ করতে হবে। আমি তাড়াতাড়ি বললুম—কিছু দরকার নেই মা। আমি সেদিন তোমার মুখ দেখেই সব কথা বুঝে' নিয়েছি।

মা বললেন—কিছুই বুঝিসনি তুই। মানুষের স্পর্শ তার হৃদয়হীনতা ও উচ্ছ্বলতার সঙ্গে মিশে যখন ভাবা পায়, সে যে কত বড় বীভৎস ব্যাপার হ'য়ে দাঁড়ায়, দাঁড়িয়ে না শুনলে তার ধারণা করা অসম্ভব। সে বর্ষরতার ছবি আমি হয়তো ছবছ আঁকতে পারব না—তবু শোন।

তোকে তো ঘর থেকে বা'র ক'রে দিলুম—দিয়ে স্তব্ধ হ'য়ে দাঁড়িয়ে আছি, এমন সময় সে ঘরে ঢুকেই বললে—এইবার কি চান আপনারা আমার কাছে বলুন।

আমি বললুম—তোমার কাছে এসেছি বাবা, মিনতির বিয়ের দিনটা স্থির ক'রে ফেলবার জন্ত। আর তো দেরী করা চলে না।

সে বল'ল—তার জন্ত রৌদ্রের এই অগ্নিদাহ মাথায় নিয়ে এখানে আসবার তো কোনই প্রয়োজন ছিল না আপনাদের।

আমি বললুম—কিন্তু তোমার সুবিধে যে কবে হবে সে কথার তো কিছুই আমাকে জানাও নি।

সে বললে—আমার সুবিধে অসুবিধেতে কি আসে যার আপনাদের ? বিয়ে হবে আপনার মেয়ের, আমার নয়।

তড়িং স্পৃষ্টের মতো বিস্মিত বিহ্বল চোখ তুলে' তার মুখের পানে চাইতেই সে আবার বললে—আমার সঙ্গে যদি তার বিয়ে দেবার কল্পনা আপনারা ক'রে থাকেন, সে ইচ্ছা আপনাদের পরিত্যাগ করতে হবে। আমি চিরকুমার থাকবার ব্রত নিয়েছি।

আমি বললুম—কিন্তু আমার মেয়ে যে কুমারী, সে কথাটাই বা তুমি তবে ফুলে গেলে কেন ? তুমি তাকে

বিয়ে করবে এই প্রতিশ্রুতি দিতেই তো আমি তোমার সঙ্গে তার অবাধ মেলামেশার কোনো রকমের বাধার সৃষ্টি করিনি।

সে বললে—প্রতিশ্রুতি দিয়েছিলুম কি না মনে নেই। দিয়ে থাকলে ভুল করেছিলুম। কিন্তু তখন যে তাকে দিয়ে আমার প্রয়োজন ছিল। শিল্পীর ধর্ম অনেকটা প্রজাপতির ধর্মের মতো। ফুলের বুক থেকে সে তার শোভা-সৌন্দর্য্যই তো চরন ক'রে নেয়—ফুলের ভাঙারে কোথায় কোন হানি হ'ল তার দিকে তো তার তাকাবার অবসর নেই। মানুষের ভেতরের এই ফুলগুলোকে মালার মতো গলায় জড়িয়ে নিয়েই শিল্পী তার কলালক্ষ্মীর জন্ত সৌন্দর্যালোকের স্বপ্ন রচনা করে। তারপর যদি কোনো ফুলের সৌন্দর্য্যের প্রয়োজন ফুরিয়ে যায়, মালা থেকে সে তো ঝ'রে পড়বেই।

তু' হাত দিয়ে মুখ ঢেকে মাকে বললুম—খামো মা, খামো—আর আমি শুন্তে চাই নে।

ধীরে ধীরে আমার মাথাটা তাঁর কোলের উপর তুলে' নিয়ে মা বললেন—কিন্তু আমি বুঝতে পারছি নে মা, আমার মেয়েকে সে কিসের জোরে জ্বল ক'রে নিলে !

মার বুকের ভেতরে মুখ লুকিয়ে ভাঙা গলায় বললুম—মা সর্কনাশের Siren যখন কানের কাছে বাঁশী বাজাতে থাকে, মানুষের উচ্ছ্বল মন তো এমনি করেই তার হাতে ধরা দেয়। আঙনের আঁচের স্পর্শ পাখার ওপর লাভ ক'রেও তো পতঙ্গ ফিরতে পারে না। আমার ভেতর হৃৎকলতার যে কুশ্লী ক্রন্দটা জমে ছিল, তার উচ্ছ্বলতার সবল কীট-গুলো তারি ভেতর বাসা বেঁধে শক্তি সঞ্চয় করেছে। সাবধান হ'তে পারিনি, তাই এ কদর্য্যতার মানির হাত হ'তেও আমার মুক্তি হ'ল না।

মুখটা বুকের ভেতর চেপে ধ'রে রেখে, আন্তে আন্তে চুলগুলোর ওপর হাত বুলোতে বুলোতে মা বললেন—সমীরের কিছু খবর রাখিস মিষ্ণু—সে কোথায় আছে ?

মার কোলের ভেতর হ'তে দেহটা তুলে' নিয়ে ঘর থেকে বেরিয়ে যেতে যেতে মাকে বললুম—আমি জানি নে মা, তুমিও জানতে চেষ্টা করো না। এই বিস্ত্রী নোংরা পাঁকের ভেতর যদি তাঁকে টানতে চেষ্টা করো, আমি আত্মহত্যা করব।

মাকে তো বললুম—কিন্তু সেই একটি লোকের কথাই

তো আমায় বলে উঠেছে আমার চিত্তকে বঞ্চিত করে, আমার সমস্ত চিন্তার ভেতর। আনন্দের আলোকের দিনে দেবতাকে ফুলে ধাকা যার, কিন্তু অন্ধকার রাতে ছঃখের বজ্র যখন গর্জাতে থাকে তখন দেবতার কথাই তো সকলের আগে মনে পড়ে।

জীবনের সব চেয়ে বড়, সব চেয়ে ঘৃণ্য ছর্কলতাকে জয় করতে পারিনি; কিন্তু এ ছর্কলতাকে জয় করব। আলোকের ভেতর যদি দেবতাকে প্রতিষ্ঠিত করতে না পেরে থাকি, অন্ধকারের ভেতরেও তাঁকে টেনে আনতে চেষ্টা করব না।

\*     \*     \*     \*

ওরে আমার বাছা, ওরে আমার মাণিক, তোর নাম আমি রাখলুম পঙ্কজ। যখন অনাগত ছিলাম, অঞ্চল তোর আসার সম্ভবনার সমস্ত দেহ মন ভরে উঠেছিল, সে দিন কেউ তোকে চায়নি, আমিও তোকে প্রাণপণেই ঠেকিয়ে রাখতে চেয়েছিলুম। সেদিন তোর আস্থানের মন্ত্র ছিল অশ্রু আর অভিশাপ। কাদায় যার সমস্ত রাস্তা ভরা, মানির ভেতর দিয়ে যার উদ্ভব, মানি আর কুঠা ছাড়া সে যে আর কিছু দিতে পারে সে কথা তো একবারও মনে হয়নি। কিন্তু যখন তুই এলি—একি অমৃতে সমস্ত মন ভরে গেল! কোথায় রইল মানি, আর কোথায় রইল তোর মার সঞ্চিত পুঞ্জিত পাপের বোঝা! সব হাল্কা ক'রে দিয়ে, পঙ্কের সমস্ত দীনতাকে জয় ক'রেই তুই যে ফুটে উঠেছিস অন্নান সৌন্দর্য্যে তোর মার অন্তর-সরোবরের মাঝখানটাতে। দুর্গন্ধ-হুট ক্লেদের ভেতর থেকে পদ্ম যে কেমন ক'রে অত শুভ্র সৌন্দর্য্য নিয়ে ফুটে ওঠে, তার রহস্য তোকে পাবার আগে বুঝতে পারি নি। তোকে পেয়ে তবে আজ তা আমার কাছে স্পষ্ট হ'য়ে উঠেছে। কি গভীর পাক জ'মে রয়েছে আমার দেহের শিরায় শিরায়, মনের আনাচে-কানাচে। আমার সেই সমুদ্রের মতো অপার অগাধ পাককে নিঃশূল সূচিত্য ভ'রে দিয়ে আজ তুই চোখ মেলেছিস, তাই তো তোর নাম রাখলুম পঙ্কজ।

তোকে পাবার আগে প্রতিদিন মনে হয়েছে—যে পথ মৃত্যুর দরিরার দিকে দিনের পর দিন এগিয়ে চলেছে, সে পথ ফুরোর না কেন? আজ মনে হচ্ছে পথটা আর একটু বেড়ে গেলেও মন্দ হ'ত না। তা হ'লে হয়তো তোকে

ফুটিয়ে ফুলে রেখে যাবার অবকাশ পেতুম। কিন্তু সে তো আর হয় না—প্রতি মুহূর্তে পরপারের আস্থান আমার চোখের সামনে আলোর ভেতর অন্ধকারের জাল রচনা ক'রে চলেছে। এই দণ্ডেই মৃত্যুর দূত যদি এসে বলে—তীবু তোল, যাত্রার বোঝা ঘাড়ে নাও, তাতেও আমি বিস্মিত হব না।

এত দিন আপনার ভাবনা নিয়েই মর্ন্ত হ'য়ে ছিলাম; কিন্তু আজ নিজের কথা আর এতটুকুও মনে আসছে না। আজ আমার সব ভাবনা হারিয়ে গেছে একা তোর ভাবনার মাঝখানে। যাবার সময় তো ঘনিরে এল, কিন্তু ওরে আমার মুক মৌন অসহায় মেয়ে, তোকে কার কাছে রেখে যাব, কে তোকে স্নেহ দিয়ে মমতা দিয়ে মায়্যা দিয়ে ফুটিয়ে তুলবে? জানি, আমার মার কাছে তোর আদর যত্নের অভাব হবে না, কিন্তু এ কথাও জানি, তিনি তোকে প্রসন্ন হাসির সঙ্গেও কখনো গ্রহণ করতে পারবেন না। যে তাঁর মেয়ের মাথার ওপর দুঃসহ কলঙ্কের বোঝা চাপিয়ে দিয়েছে সে তো তাঁর মনকে কাঁটার খোঁচার মতো ক'রেই বিধবে। কিন্তু ফুলকে যে ফুটিয়ে তোলে, আদর যত্নের চের বড় জিনিষ তাকে দিতে হয়। মাটির মনের রসেই বসন্তের মুখে হাসির রেখা ফুটে ওঠে—তার বুকে পরিপূর্ণ বিকাশের প্লাবন জাগে!

আজ আবার নতুন ক'রে সমীরদার কথা মনে পড়ছে। মানুষের মনের পশু যখন জাগে, তখন সম্মুখের আলোর দীপ্তিটাও তার চোখে পড়ে না। ভুল যে মানুষের পক্ষে অস্বাভাবিক নয়, সমীরদা হয়তো তা বুঝতেন। তাই পঙ্কের ওপরে তার কোনো লোভ না থাকলেও পঙ্কজকে তিনি হয়তো উপেক্ষা করতে পারতেন না। ফিরে এস সমীরদা, তুমি ফিরে এস। এ জীবনে যে ভার নামাতে পারলুম না, অজানা পথ-যাত্রায় সেই ভারটা অন্ততঃ একটু হাল্কা ক'রে দাও তাই—আমি বেরিয়ে পড়ি!

\*     \*     \*     \*

ডায়েরীর পাতাগুলো এইখানেই শেষ হয়েছে। কিন্তু সে বা বেদনার অশ্রু ঝরিয়ে গেল, তার তো শেষ নেই। মিনতিকে পাই নি; সে যে আমার কত বড় বেদনা তা আমিই জানি। তবু তাকে পেয়ে যে তাকে বঞ্চিত করিনি সেইটেই ছিল আমার পরম গর্ক-সুগভীর সাধনা। কিন্তু আজ মনে



হচ্ছে জোর ক'রে তাকে লাভ করবার চেষ্টা করি নি কেন? এতদিন পরে আজ মনের ভেতর স্পষ্ট হ'য়ে উঠছে— কেবলমাত্র ভালোবাসাতেই প্রেম সার্থক হয় না— প্রেমাস্পদকে প্রলোভনের হাত থেকে রক্ষা করাও প্রেমের ধর্ম। এই মুহূর্তে যদি সেই কাপুরুষটাকে হাতের কাছে পেতুম!

মিনতির আছান আমার কাছে বেলা-তটের ওপর সমুদ্র যেমন ক'রে কেঁদে ফেটে লুটিয়ে পড়ে তেমনি ক'রে লুটিয়ে পড়তে লাগল। কাগজগুলো গুটিয়ে বৃকের পকেটে ফেলে পথে বেরিয়ে পড়লুম। পায়ের তলায় তো বিদ্যাতের গতিক টেনে দিয়েছি, তবু পথ ফুরায় না কেন?.....

চোখের সামনে জেগে আছে সৃষ্টি-প্রভাতের প্রথম পদটির মতো মিশুর মুখ—সৌন্দর্যের বজ্রায় ভরা—লাবণ্যের প্রভায় অপক্লপ! প্রভাতের রূপ বদলে গেছে, আকাশের বৃক প্রলয় ঝঞ্ঝার গর্জনে স্তম্ভিত। সমুদ্র তারি তালে তালে স্ফাপার মতো অসম্ভৃত স্পন্দায় চলছে। পৃথিবী কাঁপছে— তারা খসছে, কেবল স্থির হ'য়ে আছে সৃজন-প্রভাতের প্রথম পদটি, যার মুখ আমার মিনতির মুখের মতো;—একটি দল তার খসে নি—একটি কেশর তার ঝরে নি!

হঠাৎ চেয়ে দেখি পায়ের গতি ধেমে গেছে আঠারো বংসরের পরিচিত পথটার মাঝখানে—মনুদের বাড়ীর সম্মুখে! মানুষ ভোলে, কিন্তু মানুষের পা তার চিরস্তনের অভ্যাস ভুলতে পারে না।

ভেতরে ঢুকে' চিরদিনের পরিচিত ঘরটার সম্মুখে দাঁড়াতেই শুন্তে পেলুম, ক্ষণ দুর্বল কর্তে মিনতি বলছে— রাত, দেখতো ভাই, বাইরে কার পায়ের শব্দ শুন্তে পাচ্ছি। ও পায়ের শব্দ যেন আমার জন্ম-জন্মান্তরের চেনা।

ভেতর হতে রীতি বললে—ও কিছু নয় দিদি, তুই একটু ঘুমো।

মিনতি বললে—না রে তুই বুঝতে পারছিসনে—আমি ঠিক চিনেছি ও আমার সমীরদার পায়ের শব্দ।

ওরে অভাগী, আমার পায়ের শব্দটাকেও এমন ক'রে চিনে রেখেছিস! চোখ ফেটে জলের ঝরণানেমে এল। কোনো একমে তাকে ভেতরে ঠেলে দিয়ে, মুখে একটু হাসির রেখা টেনে ঘরে ঢুকে' বললুম—হ্যাঁ মিনু, তোমার সমীরদাই বটে। কিন্তু তার পায়ের শব্দটাকে আজও ভুলে' যাওনি ভাই?

রীতি ধীরে ধীরে ঘর হ'তে বেরিয়ে গেল। মিনতির হাত ছুটো হাতের ভেতর টেনে নিয়ে আমি তার মাথার কাছে ব'সে পড়লুম।

মিনতি বললে—ওখানে নয় সমীরদা, এইখানটার স'রে ব'সো, আমি তোমার মুখ দেখতে পাচ্ছিনে।

স'রে এসে পাশে বসতেই তার হাত ছুটো আমার হাতের ভেতর ছেড়ে দিয়ে সে খানিকক্ষণ স্তব্ধ হ'য়ে প'ড়ে রইল। তার দেহের দিকে তাকিয়ে আমার বৃকের ভেতরটা একেবারে হাহাকার ক'রে উঠল। পরিপূর্ণ নিটোল দেহটা ভেঙে টোল খেয়ে বিছানার সঙ্গে মিশে গেছে। গোলাপফুলের পাপড়িগুলো দেহের বোঁটা থেকে ঝ'রে প'ড়ে কোথায় যে হারিয়ে গেছে তার চিহ্নটুকুও নেই। কূলে কূলে ভরা চোখের কোণ কোটরের ভেতর সঁধিয়ে গেছে। সেখানে একটা অস্বাভাবিক রকমের উজ্জলতা চক্ চক্ করছে। কেবল মুখের দীপ্তিটা এখনও নিভে যায় নি। প্রভাতের শুক-তারটা ভোরের আকাশে যেমন দপ্ দপ্ করে জ্বলতে থাকে, তার মুখের ভেতরেও তেমনি একটা ঝ'রে পড়ার দীপ্তি জ্বল্ জ্বল্ ক'রে উঠছিল।

মিনতি আমার কথার জের টেনে বললে—পায়ের শব্দটা মনে আছে দেখে বিস্মিত হচ্ছ সমীরদা; কিন্তু বিস্মিত হবার তো কোনো কারণ নেই। মনটাকে যদি খুঁজে দেখ, দেখতে পাবে, তার ভেতর থেকে এক ফোঁটা জিনিষও তোমার হারিয়ে যায় নি। এই মনটাকে খুঁজে দেখিনি ব'লেই তো আমি নিজেও জ্বললুম, তোমাকেও জ্বলিয়ে গেলুম। তোমার বৃকে যে কি দাগা দিয়েছি তা তোমার মুখের দিকে তাকিয়েই বুঝতে পারছি। তবু তোমাকে যে ছুঁখ দিয়ে গেলুম, জানি, সে তোমার সহিবে। কিন্তু আমার বৃকের ওপরে যে পাথরের বোঝা নিয়ে গেলুম, সে বোঝা আমার ইহকালে তো যুলোই না, পরলোকেও যুঁবে কি না কে জানে!

যে ঝরণাটাকে বাইরে রোধ ক'রে এসেছিলুম সে ঝরণাকে আর রোধ করতে পারলুম না, ঝর ঝর ক'রে তা মিনতির হাতের ওপরেই ঝ'রে পড়তে লাগল। ধারার স্পর্শ পেলে যুথীর দলগুলো যেমন হঠাৎ আচম্কা ফুটে' ওঠে, তেমনি একটু মিষ্টি হেসে মনু বললে—ছিঃ সমীরদা, আমার যাওয়ার পথটাকে আর ভিজিয়ে দিও না ভাই। যে শক্তি

নিম্নে মানুষ পিছল পথে পা বাড়ায় সে শক্তি যে আমার নিঃশেষেই নষ্ট হ'য়ে গেছে।

অসম্বৃত্তের মতো সেই অদ্ভুত অপূর্ণ হাসিটির ওপর উত্তপ্ত ব্যগ্র ঠোঁটের একটা স্পর্শ ঢেলে দিয়ে বললুম—তোমার তো যাওয়া হবে না মিনু। একলা এখানকার মরুভূমিতে আমি থাকতে পারব না। দেখছ তো বিনা রোগেই তোমার সমীরদা কেমন শুকিয়ে উঠেছে!

তার চোখের সেই অস্বাভাবিক উজ্জ্বল দৃষ্টিটা আমার মুখের ওপর ফেলে মিনু বললে—পাঁকের ভেতর যে ফুল ক'রে পড়ে তা দিয়ে তো কখনো দেবতার পূজা হয় না। একটু আগে যে স্পর্শটা তুমি আমার ক্লেশ-ক্লিন্ন অধরের ওপর ঢেলে দিয়েছ সেই আমার চের। আমার পরপারের অন্ধকার পথ তারি আলোকে আলোময় হ'য়ে উঠেছে। এর বেশী আশাও চাইনে, তুমিও চেয়ে না সমীরদা।

শীর্ণ দেহটাকে একেবারে বুকের কাছে টেনে নিয়ে বললুম—কাদা হয় তো কিছু তোমার গায়ে লেগেছিল মিনু। কিন্তু কাদা তো অত্যন্ত ক্ষণিকের জিনিষ। সে কাদা তো কবে ধুয়ে মুছে' নিশ্চয় হ'য়ে উঠে গেছে। তা ছাড়া সোনার ভেতরের খাদকেই যদি শুধরে নিতে না পারবে তবে প্রেমের আগুন রয়েছে কেন?

ধীরে ধীরে আমার আলিঙ্গনের ভেতর থেকে আপনাকে মুক্ত ক'রে নিয়ে মিনতি বললে—তা হয় না সমীরদা, পাঁককে পরিষ্কার করতে গেলে সে যে পরিষ্কার জলকেও ঘোলা ক'রে তোলে। দিনও তো আমার কুরিয়ে এসেছে ভাই, ঐ শোনো, বীণাতে আজ বিদায়ের সুরই বাজছে, মিলনের কোনো রাগিণীই তো এর সঙ্গে খাপ খাবে না।

তার পর খানিকক্ষণ চুপ ক'রে প'ড়ে থেকে তার শুভ্র শীর্ণায়মান হাত দুটোর ভেতর আমার হাত দুটোকে টেনে নিয়ে সে আবার বললে—পৃথিবীর আলো আমার কাছে অসম্ব হ'য়ে উঠেছে সমীরদা। আমি যেতে চাই—কিন্তু যেতে পারছি নে।—কেন জানো? পিছন থেকে আমাকে টানছে আমার ঐ নাম-গোত্রহীন মেয়েটা। তার ভার তুমি নাও ভাই, নিয়ে আমাকে মুক্তি দাও। পাঁকের ভেতর সে জন্মেছে বটে, কিন্তু পাঁকেই তো পঙ্কজও জন্মে। ঐ দোলার ভেতর সে ঘুমিয়ে আছে। তার দিকে চেয়ে দেখলেই

বুঝতে পারবে, তার মা'র গ্লানি তার দেহকে এতটুকু স্পর্শ করতে পারে নি।

আস্তে আস্তে মিনতির মাথাটা বাগিশের ওপর নামিয়ে দিয়ে দোলার কাছে গিয়ে দাঁড়াতেই দেখতে পেলুম, একটা রক্ত মাংসের শতদল, শুভ্র শয্যার বুকটা আলো ক'রে ফুটে রয়েছে। ছর্যোগ রাত্রির পরে ভোরের মুখে যে হাসিটি ফুটে' ওঠে, তার মুখেও তেমনি একটি স্নিগ্ধ হাসির রেখা। ঘুমন্ত শিশুটিকে বুকের ভেতর টেনে নিয়ে বললুম—এ একেবারে তোমার ছেলেবেলার চেহারাটাকেই ফিরিয়ে এনেছ মিনু!

গ্লান হেসে মিনতি বললে—আশীর্বাদ করো সমীরদা, আমার মতো দুর্ভাগিনী না হয়। ওকে তোমার হাতেই দিয়ে যাচ্ছি। ওর রক্তের ভেতর যে দোষটা থাকল, তোমার হাতের স্পর্শে তারও গ্লানিটা যেন ওর যুচে' যায়।

পঙ্কজকে কোলে নিয়ে মিনতির কাছে ফিরে এসে বললুম—তোমার আমার জন্ম না চাও, এই নিষ্কলঙ্ক শিশুটির মুখের দিকে চেয়ে, দু'দিনের জন্ম হোক, এক দিনের জন্ম হোক তুমি আমার ঘরে চলো। একে এমন ক'রে নাম গোত্রহীন ক'রে রেখে যেও না ভাই।

মিনতির তীক্ষ্ণ তীব্র দৃষ্টির ভেতর হঠাৎ যেন একটু বিহ্বলতার আমেজ জেগে উঠল। কিন্তু এক মুহূর্তের জন্ম। তার পরেই দেখি, তার চোখে আগুনের মতো সেই আলোটা আবার ফিরে এসেছে, যার সামনে কোনো অন্ধকারই টিকতে পারে না। সেই দৃষ্টিতে আমার মুখের দিকে তাকিয়ে সে বললে—মিথ্যার দ্বারা ওর মায়ের কলঙ্ক ঢেকে ওকে মুখ্য করতে পারবে না সমীরদা। তার চেয়ে ও যা ওকেও তাই জানতে দিও, জগৎকেও জানতে দিও। হুঃখের আগুন পুড়ে'ই যে মানুষ সোনা হয় তার পরিচয় আমার এই জীবনেই আমি পেয়েছি।

মিনতির চোখের আগুন তখন আমার বুকের ভেতরও আলোর রেখা এঁকে দিয়েছে। সে আলোকে সত্যের কণিকা আমার চোখের সামনে স্পষ্ট হ'য়ে ফুটে উঠতেই আমি বললুম—বেশ তাই হবে মিনু। যে হুঃখের বজ্র বুকে দিয়ে তুমি সত্যকে লাভ করেছ, তার গৌরব হ'তে তোমার মেয়েকেও আমি বঞ্চিত করব না। মানুষের জীবনে যে দুর্ভাগ্য প্রতিদিনকার ঘটনা, তাকে গোপন ক'রে অন্ধ

অনাচার সমাজের ভেতর বেড়ে উঠেছে। তোমার মেয়েকে দিয়েই যদি তুমি তার বিরুদ্ধে যুদ্ধ আরম্ভ করতে চাও, আমি তাকে সেই যুদ্ধের উপযোগী ক'রেই গ'ড়ে তুলব। আমি তোমাকে কথা দিচ্ছি ভাই, ওর ভার আমি নিলুম।

চেয়ে দেখি মিনতির মুখ একটা আকস্মিক দীপ্তিতে উদ্ভাসিত হ'য়ে উঠেছে। সে দীপ্তিতে ঝরার গানের কথাই লেখা, কিন্তু সে ঝরার গানের ভেতর হ'তে বেদনার রেখাটাও নিঃশেষে মুছে গেছে।

\* \* \* \*

এর কয়েক দিন পরে নীতীশ তার বন্ধু সমীরের কাছ থেকে যে চিঠি পেলে তাতে লেখা ছিল—

এই-মাত্র মিনতির শ্মশান থেকে ফিরে আসছি, কাপড় বদলানো হয় নি। টেবিলের ওপর আমার টোটা-ভরা রিভলভারটা প'ড়ে আছে অদৃশ্য আগুনের তড়িৎ স্পর্শটাকে ধুমায়িত ক'রে তোলবার জন্ত। তোমার শিল্পী বন্ধুকে সাবধান ক'রে দিও। তাকে ব'লো—সমীর সেন বিলাতে গিয়ে লেখা-পড়া যতটুকু শিখে এসেছে, তার চেয়ে ঢের বেশী ক'রে শিখে এসেছে জানোয়ারকে শাস্ত্র ক'রে। পশুর চেয়ে

বড় জানোয়ার যে মানুষের মধ্যেই আছে সে কথা তোমার এই বন্ধুটি যেমন জানে আর কেউ তেমন জানে না।

আলপসের গুহায়, আফ্রিকার বনে-জঙ্গলে বড় বড় শিকারীদের হাত হ'তে বন্দুক যখন খ'সে পড়েছে—যার তা'ক তখনো ব্যর্থ হয়নি, সেই আবার নতুন ধরণের পশুর রক্ত-লোলুপতায় মেতে উঠেছে। আমার রিভলভারটি তার তারাহীন চোখের ক্ষুধিত দৃষ্টি হেনে বলছে, এবারেও ব্যর্থ হবে না।

আমার এ চিঠির মর্ম তুমি বুঝবে কি না জানিনে, কিন্তু তোমার বন্ধু কাছের এর অর্থ ধরা পড়তে একটুও দেবী হবে না। তাকে ব'লো, মিনতির মেয়েকে নিয়ে আমি বিলেতে চল্লুম। যোগাড়-যন্ত্র করে বেরিয়ে পড়তে যে কয়দিন দরকার, জীবনের প্রতি যদি তার মায়া থাকে তবে সে কয়দিনের ভেতর যেন আমার চোখের সামনে ধরা না দেয়।.....

চিঠি পেয়ে নীতীশ বিহ্বলের মতো খানিকক্ষণ ব'সে রইল। তারপর নিজের মনে মনেই বললে—সমীরের মাথাটা দেখছি একেবারেই বিগড়ে গেছে!

## পদব্রজে সুন্দরবন

শ্রীসরোজেন্দ্র গুহ

যাদবপুর এঞ্জিনিয়ারিং হোস্টেলের ছাত্র আমরা একদিন বিকাল-বেলা বেড়াইতে বাহির হইয়াছি। হঠাৎ আমাদের মাথায় এক খেয়াল চাপিল—এই শিবরাত্রির বন্ধে কোথাও বেড়াইয়া আসা চাই। তখন আমরা ঠিক করিলাম—ডায়মণ্ড-হারবার পর্য্যন্ত ট্রেনে যাইয়া তারপর পদব্রজে সুন্দরবনের সাগর-দ্বীপ ভ্রমণ ও সমুদ্র দর্শন করিয়া আসিব।

ভ্রমণ-কাহিনী হিসাবে হয় ত আমাদের এই অভিযানের কোন মূল্য নাই। কারণ, রেল ও ষ্টীমার কোম্পানীর রূপায় অনেকেই অনেক সুন্দর সুন্দর জায়গায় বেড়াইয়া আসিতে পারেন; এবং তাঁহাদের ভ্রমণ-কাহিনী হয় ত শুনিতে খুবই সুন্দর লাগিতে পারে। তবে সুন্দরবনের সাগরদ্বীপ অঞ্চলে বনের পথে কোন ভ্রমণকারী গিয়াছেন


বলিয়া আমাদের জানা নাই। সুন্দরবন সম্বন্ধে আমাদের অনেকেরই অনেক রকম অদ্ভুত ধারণা আছে। অনেকে হয়ত মনে করেন, এখানে কেবল বাব ভাল্লুক প্রভৃতি বস্ত্র জন্তাই থাকে, লোকের বসতি নাই। সেই জন্তাই, প্রত্যক্ষ ভাবে এই জায়গাটার পরিচয় পাইতে, এবং—সমুদ্র দেখিতে পাইব, তাহাও কম লোভনীয় নহে,—তা আমরা সাগরদ্বীপ যাওয়াই ঠিক করিলাম। নির্দ্ধারিত দিনে (১১ই ফেব্রুয়ারী) আমরা সাত জন রাত্রি ৯-৪২ মিনিটের গাড়ীতে যাদবপুর হইতে ডায়মণ্ডহারবার রওনা হইলাম। সঙ্গে আমাদের জিনিস-পত্র বিশেষ কিছুই ছিল না,—এক একখানা করিয়া কঞ্চল, একটা জলের ফ্লাস্ক, রৌদ্র নিবারণের জন্ত টুপী এবং কয়েকখানা মোটা বড় লাঠি। সুন্দরবন ও সাগরদ্বীপের ফটো

তুলিয়া লইব মনে করিয়া আমরা একটা ক্যামেরাও সঙ্গে লইয়াছিলাম।

১১ই ফেব্রুয়ারী রাত্রি ১১টার আমরা ডায়মণ্ডহারবার পৌছি। যাদবপুর হইতে ডায়মণ্ডহারবার ট্রেনে ঘণ্টা আড়াইয়ের পথ। ষ্টেশনে নামিয়া ষ্টেশন মাষ্টারকে সমুদ্রের কথা জিজ্ঞাসা করায়, তিনি বলিলেন, সে তো পাঁচ মিনিটের রাস্তা এখান থেকে, অর্থাৎ সমুদ্র বলতে মাষ্টার মহাশয় গঙ্গা নদীকেই বুঝিয়াছিলেন। পরে তাঁহাকে গঙ্গাসাগরের কথা জিজ্ঞাসা করায় বলিলেন সে অ—নেক দূর। তাঁহার নিকট

পরামর্শই আমরা গ্রহণ করিয়াছিলাম। কিন্তু পরে তাঁহার এই খবর যে অমূলক, তাহা আমরা বুঝিতে পারিয়াছিলাম।

নৌকাঘাটে আসিয়া কচুবেড়ে ( কাকদ্বীপের অপ পার ) পর্যন্ত যাইবার জন্ত নৌকা ভাড়া করা গেল। নৌকা ওঠা—সে এক মজার ব্যাপার। আমাদের সহযাত্রী নন্দিনী দেহের দৈর্ঘ্য এবং নৌকার উচ্চতা এমনি একটা গোলাপাকাইয়া দিল যে, বেচারীর তাহা হইতে উদ্ধার পাওয়া মুশ্কিল হইল—আমাদের সাহায্য লইয়া বেচারী নৌকার উঠিল।



পদব্রজে যাত্রা আরম্ভ ( নৌকা হইতে অবতরণ )

হইতে আমরা কোন আশ্বাস ও সাহায্যের বাণী পাইলাম না। ষ্টেশনে আমাদের এক ভদ্রলোকের সঙ্গে আলাপ হইল। তিনি ঐ অঞ্চলে কিছু দিন ছিলেন। তাঁহার নিকট হইতে আমরা খবর পাইলাম। তিনি আমাদের ডায়মণ্ডহারবার হইতে কাকদ্বীপ পর্যন্ত হাঁটিয়া যাইতে নিষেধ করিলেন এবং এই পথটা নৌকার যাইতে পরামর্শ দিলেন। তিনি বলিলেন যে, এই পথটা খুব ধারাপ এবং ৫১৭ মাইল কেবল জলের ভিতর দিয়া যাইতে হয়। তাঁহার

হাঁপ ছাড়িয়া বাঁচিল। রাত্রি ১—১৫ মিনিটে নৌকা ছাড় গেল। তখন নদীতে ভাঁটা ছিল। নৌকা পাল তুলিয়া চলিল। নৌকার চেহারা এক ভিন্ন রকমের। উঁচু গাদা বোর্ড—পিছনে একটা হাল ও দুইটা দাঁড় মাত্র আছে। আমরা নৌকার উঠিয়া নানা গল্প আরম্ভ করিয়া দিলাম। মধ্যস্থে দুই একজন গানও ধরিলেন। তাহার পর ধীরে ধীরে নিদ্রাদেবী আসিয়া গান ও গল্প দুই-ই বন্ধ করিয়া দিলেন। ভোরে উঠিয়া সূর্যোদয় দেখিলাম। নদীর কোল হইতে

সূর্য্য ক্রমে ক্রমে উকি মারিয়া আকাশের গায়ে ভাসিয়া উঠিতেছে,—পূর্বাকাশ রক্তিম বর্ণ ধারণ করিয়াছে। প্রথমে আমরা যে গ্রাম পাইলাম, তাহার নাম কচুবেড়ে। গ্রামটা ঐ অঞ্চলের তুলনায় বেশ বর্ধিষ্ণু বলিয়াই মনে হইল, এবং তাহার প্রাকৃতিক দৃশ্যও বেশ মনোহর। অনেকগুলি গরু মাঠে চরিতেছিল এবং কতকগুলি গরু নদীর ধারে আসিয়া বুক পর্য্যন্ত কাদায় ডুবাইয়া ঘাস খাইতেছিল।

ভোর সাতটার সময় জোয়ার আসিল এবং আমাদের নৌকার গতিও মন্দীভূত হইয়া পড়িল। তখন আমরাগকে

সোসাইটি” নামক এক কোম্পানীকে পত্তনি দেন। এই কোম্পানীতে ইয়োরোপীয় ও ভারতবর্ষীয় উভয় শ্রেণীর লোকই ছিলেন। তাঁহারা এখানে লোকজন বসাইয়া চাষ-আবাদে কিঞ্চিৎ সফলও হইয়াছিলেন। কিন্তু দুর্ভাগ্যবশতঃ ১৮৬২ ও ১৮৭২ সালে সাগরদ্বীপে ভীষণ বন্যা হইয়া সমস্ত দ্বীপ বন্যাজলে বিধৌত হইয়া যায় এবং তাহাতে অনেক প্রজার প্রাণহানি হয়। “সাগর আইল্যান্ড সোসাইটি”ও ফেল হইয়া যায়। কোম্পানীর যাহারা ট্রাষ্টী ছিলেন তাঁহারা দ্বীপকে ভাগ করিয়া ভিন্ন ভিন্ন ভাবে চাষ আবাদ ও লবণের



ভাটার খাল জলশূন্য, কাদায় ভরা। বাম হইতে দক্ষিণে :—মনোরঞ্জন, সরোজ, নৌহার, দ্বিজেন, পথপ্রদর্শক অমূল্য বাধ্য হইয়া নৌকা ত্যাগ করিয়া ডাঙ্গায় নামিতে হইল। ৮-৪৫ মিনিটের সময় আমরা হাঁটা-পথে যাত্রা আরম্ভ করিলাম। কতক্ষণ চলিবার পর মরিগঙ্গার হাটে আসিয়া কয়েক দিনের আন্দাজ খাবার কিনিয়া কাঁধে বাধিয়া রওনা হইলাম।

এইবার সাগরদ্বীপের ইতিহাস একটু বলা যাক, নইলে ভ্রমণ বৃত্তান্তই যে অসম্পূর্ণ থাকিয়া যাইবে। কতকগুলি ছোট ছোট দ্বীপ লইয়া সাগরদ্বীপ গঠিত। প্রায় ১০০ বৎসর পূর্বে গবর্নমেন্ট এই দ্বীপপুঞ্জকে “সাগর আইল্যান্ড

কারবার করিতে লাগিলেন। সাগরদ্বীপের দক্ষিণ দিক লইয়াছিলেন পামার কোম্পানী ও উত্তর দিক লইয়াছিলেন ম্যাকিন্টস ও হাণ্টার কোম্পানী। সাহেব কোম্পানী ফেল হইবার পর protective tank \* এর সৃষ্টি করিয়া সমস্ত দ্বীপ পুনরায় বিলি করা হয় ও এবং তখন হইতে ইহা

\* Sea level হইতে ৬০।৭০ ফিট উচ্চ একটু জায়গায় পুকুর এবং তাহার চারিদিকে লোক থাকিবার উপযুক্ত জায়গা। সমতল ভূমি হইতে উচ্চ স্থানে উঠিতে চারিদিকে রাস্তা আছে। বন্যা হইলে প্রজারা সেখানে আশ্রয় লইয়াইরক্ষা পাইতে পারে।

দেশীয় লোকের দখলে আসে। দ্বীপের দক্ষিণাংশ ধবলাট ৮ অষ্টমতচন্দ্র দত্ত, এবং উত্তরাংশ রাজা প্যারীমোহন মুখার্জি ও কালীকুমার মণ্ডল মহাশয় জমা লয়েন। এখন তাঁহাদের বংশধরগণ সেই সমস্ত জায়গায় চাষ আবাদ করাইয়া জমিদারী ভোগ করিতেছেন। বাকী যে সমস্ত জমি ছিল তাহা গভর্ণমেন্ট অল্প লোককে বিলি করেন ; কিন্তু

গঙ্গাসাগরে প্রত্যেক পৌষ সংক্রান্তিতে একটা বড় মেলা হয় ; তাহাতে ভারতবর্ষের নানাদেশ হইতে যাত্রী ও সাধু-সন্ন্যাসীর আগমন হয়। লক্ষাধিক লোক এই মেলায় সমবেত হয়। এখানে ৮ কপিলমুনির আশ্রমও আছে।

এই দ্বীপেরই দক্ষিণ দিকে ধবলাটে ৮ বিশালাক্ষী দেবী বড় প্রত্যক্ষ ও জাগ্রত দেবতা। সাগরস্নানেব নৌকাযাত্রীরা পথে ৮ বিশালাক্ষী দেবীকে দর্শন ও পূজা করিয়া যায়।


দ্বীপের উত্তরাংশে Mud-point (ঘোড়ামারা), এবং বাতিঘর হইতে কলিকাতায় টেলিগ্রাফ করা যায়। সমস্ত দ্বীপের মধ্যে কেবল মরিগঙ্গায় একটা থানা এবং মনসাদ্বীপ ও মরিগঙ্গায় ২টা পোষ্ট অফিস আছে। সাগরদ্বীপের কচুবেড়ে হইতে কাকদ্বীপ পর্যন্ত প্রত্যহ জোয়ারের সময় একবার করিয়া খেয়া নৌকা লোককে পারাপার করে ও মেদিনীপুর কাঁথির পেটুয়া ঘাট হইতে এই দ্বীপের ফুলডুবী ঘাটে একদিন অন্তর ষ্টীমার আসে। সাগরদ্বীপে কচুবেড়ে হইতে মগরার ভিতর দিয়া ধবলাট পর্যন্ত জেলাবোর্ডের একটা রাস্তা আছে।

সাগরদ্বীপের বনজঙ্গলে কুপাল, সুন্দরী, গড়ান, বগরা, হেতাল, গঁয়ো, ফলিসা ইত্যাদি নানা জাতীয় গাছ দেখিতে পাওয়া যায়। কিন্তু সুন্দরী বৃক্ষই খুব প্রচুর পরিমাণে দৃষ্ট হয়। দ্বীপের অনেক অংশই এখন পরিষ্কার হইয়া আসিতেছে।

এই সকল জঙ্গলে এখন বড় বড় বাঘ, বন্য বরাহ ও হরিণ এবং ময়াল, টোঁড়া, রানা

প্রভৃতি বড় বড় সাপ পাওয়া যায়। খুব বিষাক্ত সাপ এখানে নাই ; কারণ নোনা জলে সাপের বিষ থাকিতে পারে না। শস্তাদির মধ্যে এখানে কেবল ধানই প্রচুর পরিমাণে জন্মে ; অল্প কোন ফসল হয় না।

সাগরদ্বীপের প্রায় পনের আনা লোকই মেদিনীপুরের অধিবাসী। ইহাকে ২৪ পরগণার অন্তর্গত না বলিয়



আলোক-ঘর ও Manual সাহেবের বাড়ী

সর্ব অনুসারে protective tank করিতে না পারায়, বছর দশেক হইল তাহাদের জমি বাতিল করিয়া দিয়া গভর্ণমেন্ট নিজেরাই জঙ্গল কাটয়া খুচরা প্রজা পত্তন করিতেছেন।

সাগরদ্বীপের দক্ষিণদিকে একটা বাতিঘর (light house) আছে। সমুদ্রে গমনকারী জাহাজ সকল তাহার আলোতে পথ নির্ধারণ করিয়া লইতে পারে। এই দ্বীপের নিকটে

মেদিনীপুরের বলিলেও অত্যাক্তি হয় না। গরীব চাষা হইতে লাটদার পর্য্যন্ত সকলেই এক দেশের। খুব অল্প সংখ্যক বুনো কোল, ভীলও এখানে আছে।

এইবার আবার ভ্রমণ-কথা আরম্ভ করা যাক। হাঁটিতে হাঁটিতে বেলা ১২টায় আমরা কয়লাপাড়া পহঁছিলাম। এইখানে আমরা খানিকক্ষণ বিশ্রাম করিয়া জলপান করিয়া শান্ত ও সুস্থ হইলাম। পুনরায় যাত্রা করিব, এমন সময় স্থানীয় কয়েকজন লোক আসিয়া আমাদের বলিল যে, এই অঞ্চলে ভয়ানক মারিভয় উপস্থিত হইয়াছে এবং আমরা যেন যে-সে জায়গায় জল এবং খাবার না খাই। অধিকন্তু আমাদের সহিত যে খাবার ছিল, তাহাও এখানে খাইয়া শেষ করিয়া কিম্বা ফেলিয়া যাইতে বলিল। তাহাদের এই কথার কোন তাৎপর্য্য বুঝিলাম না। যাহা হউক, আমরা তাহাদের পরামর্শমত খাবার ফেলি নাই; ফেলিয়া গেলে আমাদেরকে বেশ মুষ্কিলে পড়িতে হইত।

বেলা ১২-১৫ মিঃ কয়লাপাড়া হইতে রওনা হইলাম। এবার আমরা শিকারপুরের ভিতর দিয়া চলিতে-ছিলাম। চলিবার পথে আমাদের সহিত এই অঞ্চলের সেটেলুমেন্ট আফিসার মিঃ আর সেনের দেখা হইল। উনি তখন সাইকেল কাঁধে করিয়া একটা খালের উপরের ভাঙ্গা বাঁশের পুল পার হইতেছিলেন! তাঁহাকে রাস্তা ঘাটের সমস্ত বিবরণ জিজ্ঞাসা করায়, পকেট হইতে মানচিত্র বাহির করিয়া আমাদের দেখাইয়া বলিলেন যে, এখান হইতে মনসাদ্বীপ ( তাঁহার ক্যাম্প ) ৮ মাইল এবং সেখান হইতে গঙ্গাসাগর-সঙ্গম ১০ মাইল,—এই মোট ১৮ মাইল রাস্তা। তিনি আমাদের আরও বলিলেন যে, গঙ্গাসাগরে বাস করিবার মত কোন জায়গা নাই; এবং আমরা কেন

গঙ্গাসাগরে যাইতেছি তাহাও জিজ্ঞাসা করিলেন। আমরা আমাদের অভিযানের কথা বলিলে তিনি আমাদেরকে গঙ্গাসাগরে না যাইয়া ধবলাট ( মনসা দ্বীপ হইতে ৪ মাইল দূরে সমুদ্রতীরস্থ একটা স্থান ) যাইতে বলিলেন; কারণ সেখানে গেলে আমাদের সমুদ্র দেখাও হইবে এবং সুন্দর-বনেরও একটা ধারণা জন্মিবে। তাঁহার যুক্তিই সমীচীন মনে



বনের ভিতর পথ

করিলাম। গঙ্গাসাগর যাওয়াই যে আমাদের উদ্দেশ্য, তাহ নহে; কারণ আমরা তীর্থ করিতে যাইতেছি না।

হ্রপুব রোদ্রে আমরা পথ চলিতেছি। চারিদিকে ছোট ছোট জঙ্গল। মাঝে মাঝে হেতাল গাছের কুঞ্জ দেখা যাইতেছিল। মনে হয় কে যেন ইহা রোপণ করিয়াছে। চারিদিকে জন-মহুষ্ণের সাড়াশব্দ নাই। যাহারা এ

অঞ্চলে বাস করিত, তাহারা মারিভয়ে পলাইয়াছে। আমাদিগকে রাস্তা দেখাইয়া দিবার জন্ত একজন লোকও পাইলাম না। ভাগ্যিস মিঃ সেন সাইকেল চড়িয়া আসিয়াছিলেন! তাঁহার সাইকেলের চিহ্ন দেখিয়া আমরা রাস্তা চলিতে লাগিলাম। মিঃ সেনকে খুব ভাল আরোহী বলিতে হইবে। ঐ পথে কেহ যে সাইকেল চালাইতে পারে, তাহা না দেখিলে বিশ্বাস করিতাম না। রাস্তার কোথাও উঁচু কোথাও নীচু, কোথাও আধ হাত চওড়া আর কোথাও বা ৪ আঙ্গুল মাত্র পথ—খুব সাবধানের এবং কৃতিত্বের সঙ্গে সাইকেল চালাইতে হয়।

কারণ আমাদিগকে পার করিতে পারিলে তাহার প্রায় এক মাসের রোজগার হইবে। এ অঞ্চলে কোন লোকের বিশেষ যাতায়াত নাই। কাজেকাজেই উহার মাসিক রোজগার ৫।৬ আনার অধিক হয় না; তাই বেচারীর আমাদিগকে দেখিয়া মহা আনন্দ।

আমরা নৌকায় উঠিব—তাহাও এক ঝঞ্জাটের ব্যাপার। খানিক গভীর কাদা মাড়াইয়া যাইয়া নৌকায় উঠিতে হইল; কারণ, তখন ভাঁটা আরম্ভ হইতেছিল। নৌকায় যে আমরা একটু আরাম করিয়া বসিয়া হাঁফ ছাড়িব, তাহারও জো ছিল না। কারণ নৌকা বেশ ছোট ও ভয়ানক নড়াচড়া করে। তাই



কপিলমুনির আশ্রম ও টুওল দেবাজ্জতুল্লা

বেলা প্রায় ২-৪৫ মিঃ চেওয়াগাড়ী খালের ধারে আসিয়া উপস্থিত হই। এই খাল পার হইলেই মনসা দ্বীপ। কচুবেড়ে হইতে মনসা দ্বীপ প্রায় ২০ মাইল হইবে। দূর হইতে ঐ পারে সেটেলমেন্ট অফিসারের ক্যাম্প দেখিতে পাইলাম। কিন্তু খেয়াঘাট খুঁজিয়া বাহির করিতে আমাদিগকে যথেষ্ট বেগ পাইতে হইল; কারণ খেয়া নৌকা এপারে ছিল না। ঐ পার হইতে খেয়া মাঝি আমাদিগকে দেখিতে পাইয়া খুব উৎসাহ সহকারে নৌকা লইয়া আমাদের কাছে আসিল;

খালের ভিতর গুটিগুটি মারিয়া চূপ করিয়া বসিতে হইল, —একটু নড়িলে চড়িলেই নৌকা ডুবিলার বিশেষ ভয়। খালটা ছোট নহে, খুব বড় এবং ঢেউও তাতে বেশ আছে।

অতি কষ্টে পরপারে আসিয়া খেয়ামাঝিকে সন্তুষ্ট করিয়া, এবং পুনরায় কাদা ভাজিয়া সেটেলমেন্টের ক্যাম্প আসিয়া আড্ডা লইলাম। মিঃ সেন তখনও বাড়ী ফেরেন নাই। তাঁহার কর্মচারী ভূপেনবাবু আমাদিগকে যাইতে দিলেন না। তিনি বলিলেন যে ধবলাটের রাস্তা ভয়ানক খারাপ,—




আমাদিগের এই সময় যাইতে যথেষ্ট কষ্ট হইবে। আমরাও দেখিলাম যে, এখানে যখন বেশ আশ্রয় পাওয়া গেল এবং রাত্রিতে ভাত খাইবার আশাও রহিল, তখন অনিশ্চিতের পথে না যাইয়া নিশ্চিত যাহা পাইয়াছি তাহাকে ধরিয়া রাখাই বুদ্ধিমানের কাজ। সেইজন্য এইখানেই রাত্রি যাপন করিব বলিয়া রহিয়া গেলাম। ভূপেনবাবু ও স্থানীয় 'জানাদের' কাছারীর নামেব বাবুর সহিত পরামর্শ করিয়া পরদিন আমরা ভ্রমণের প্রোগ্রাম করিলাম যে, ভোরে উঠিয়া মগরা সাসমলদের কাছারীতে যাইয়া জিনিষপত্র সেখানে রাখিয়া বাতিঘর দেখিতে

নাই; আছে শুধু তেপান্তর মাঠের নির্জনতা ও ধূসর ছবি।

প্রাতঃকৃত্যাদি সমাপন করিয়া জিনিষপত্র কাঁধে বাধিয়া ৬-২০ মিঃ মনসা দ্বীপ ত্যাগ করিলাম। সুরেন নামক একটা স্থানীয় লোককে গাইড হিসাবে আমাদের সঙ্গে লইলাম; কারণ, সঙ্গে রাস্তাঘাট-জানাণ্ডনা লোক না থাকিলে এই অঞ্চলে পথ চলিতে যে কিরূপ বিষম বেগ পাইতে হয়, তাহা পূর্বে দিন আমরা কিছু উপলব্ধি করিয়াছিলাম।

৭ ১৫ মিঃ মগরা পৌছান গেল। মনসা দ্বীপ হইতে মগরা



ধবলাট দত্তদের বাড়ী—বিশালাক্ষী মন্দির ও Protective tank

যাইব; এবং সেখান হইতে গঙ্গাসাগর-সঙ্গমে যাইয়া সমুদ্র দর্শন ও স্নান করিয়া পুনরায় মগরা ফিরিয়া আসিয়া বাড়ীর পথে রওনা হইব।

১৩ই ফেব্রুয়ারী ভোর ৫টার ঘুম হইতে উঠিলাম। সুন্দরবনে প্রথম রাত্রি প্রভাত। ভোরে উঠিয়াই মনে হইল এ যেন কোন অপরিচিত জায়গায় আসিয়াছি। সবই যেন আমাদের কাছে কি রকম নূতন নূতন লাগিতেছে। এখানে বিশাল নগরীর কর্মকোলাহল নাই; কিম্বা পল্লীগামের পাখীর প্রভাতী গান

প্রায় ৪ মাইল। সেখানে জিনিষপত্র রাখিয়া লাইট-হাউস অভিমুখে যাত্রা করিলাম। তখন ভাঁটা হইয়াছে—সমস্ত খাল ও নদীতে একটুও জল নাই,—একদম গভীর কাদায় ভরিয়া রহিয়াছে। খানিকদূর চলিবার পর আমাদিগকে বেগখালির খাল পার হইতে হইল। খুব গভীর পাঁকে তাহা ভরা ছিল। সহযাত্রী নলিনীর অবস্থা ভীষণ,—পাঁকে ডুবিয়া যায় আর কি! মামার (দ্বিজেন কর) অবস্থা তর্ক্য অপেক্ষাও অধিক শোচনীয়!

বেলা ৯—১৫ মিঃ লাইট-হাউসে পৌঁছিলাম। মগরা

হইতে লাইট-হাউস প্রায় ৫ মাইল। বাতিঘরের অধ্যক্ষ A. T. Manual সাহেবকে আমাদের উদ্দেশ্য বলায়, তিনি আনন্দের সহিত আমাদের লাইট-হাউস দেখিতে অনুমতি দিলেন; এবং ভিতরে বেশী লোক ধরিবে না বলিয়া আমাদের দুইজন দুইজন করিয়া ভিতরের সিঁড়ি দিয়া লাইট-হাউসের উপরে উঠিয়া দেখিতে বলিলেন। তাঁহার

তাহার অপেক্ষাও সুন্দর সাহেবের অমায়িক মধুর ব্যবহার।

সমুদ্র-পথে চলাচল করিতে জাহাজের পক্ষে এই বাতিঘরের বিশেষ দরকার। এইখান হইতে গঙ্গাসাগর-সঙ্গম নিকটেই। কোন জাহাজকে সমুদ্র হইতে গঙ্গায় প্রবেশ করিতে হইলে, প্রথমে তাহাকে তাহার জাতীয় পতাকা

উড়াইতে হইবে। তার পর এই লাইট-হাউস হইতে পতাকা উড়াইয়া অনুমতি দিলে পর, সে গঙ্গায় প্রবেশ করিতে পারিবে। এ নিয়মের ব্যতিক্রম করিলে কোন জাহাজকেই আসিতে দেওয়া হয় না।

সীমাপুরে ( সাগরামেলার নিকটে ) এই বাতিঘরেরই একটা টুণ্ডল থাকিয়া, জোয়ারের সময় সমুদ্রের যে পথে জাহাজ যাতায়াত করে, তাহাতে স্বাভাবিক জলের উপর কত জল আছে তাহা মাপে, এবং সেখানে একটা খুব উচ্চ flag-staffএ সাক্ষাতিক ভাষায় তাহা দেখাইয়া থাকে। উহা দেখিয়া সমুদ্রে জাহাজ চলাচল করে। সীমাপুর জলমাপঘর হইতে বাতিঘর পর্যন্ত টেলিফোন আছে। সীমাপুর হইতে জোয়ার ভাঁটার রিপোর্ট বাতিঘরে পাঠান হয় এবং সেখান হইতে তাহা প্রত্যহ



মানচিত্র

কথা অনুসারে আমরা দুইজন করিয়া উপরে উঠিয়া দেখিতে লাগিলাম এবং অস্তান্ত সকলকে তিনি তাঁহার ঘরে যত্ন করিয়া বসাইয়া টেলিস্কোপ দিয়া সমুদ্র দেখাইয়া Light-house সম্বন্ধে নানা কথাবার্তা বলিতে লাগিলেন। লাইট-হাউসটা দেখিতে বেশ সুন্দর।

৪ বার করিয়া কলিকাতা পোর্ট কমিশনার অফিসে প্রেরিত হইয়া থাকে।

বেলা ১০—৩৫ মিঃ আমরা লাইট-হাউস হইতে সাগর-মেলার রওনা হইলাম। তখন জোয়ার আরম্ভ হইয়াছে; তাই আমরা সমুদ্রের তীরের রাস্তা দিয়া হাঁটিয়া যাইতে

পারিলাম না। আমাদেরকে ঘন বনের ভিতর দিয়া কর্দমাক্ত রাস্তা দিয়া যাইতে হইল। ম্যানুয়েল সাহেব টেলিফোন করিয়া আমাদেরকে রাস্তার ব্যবস্থা ও তাঁহার টুঙেলের বাড়ীতে খাইবার বন্দোবস্ত করিয়া দিলেন, এবং টুঙেলকে আমাদের যথাসাধ্য সাহায্য করিতে বলিলেন। সাহেবের সৌজশ্বেই এই জনহীন জায়গায় আমাদের উত্তম আহার ও ততোধিক প্রয়োজনীয় স্নানীয় পানীয় মিলিয়াছিল।

বেলা ১—১৫ মিঃ আমরা সীমাপুরের জল-মাপ-ঘরে ( ৬ মাইল দূরে ) আসিয়া পহুছি। এবার আমাদেরকে খুব গভীর বনের মধ্য দিয়া আসিতে হইল। গভীর বনের মধ্যে লোক-চলাচলের জন্ত যে সরু রাস্তা থাকে, তাহাকে ‘সয়েলের’ রাস্তা বলে। পথের মধ্যের একটা ছোট খাল আমরা এক অভিনব ও অভাবনীয় উপায়ে পার হইলাম। খালের গভীরতা যথেষ্ট। নৌকা নাই। সাঁতার দেওয়া ব্যতীত কি উপায়ে কাপড় বাঁচাইয়া পার হইব তাহার বুদ্ধি জোগাইতেছি, এমন সময় অতি লম্বা নলিনী এক অসমসাহসের কাজ করিয়া বসিল। খালের অপর পারের একটা জীবন্ত সুন্দরী বৃক্ষ হেলিয়া এপারের নিকটেই জলে পড়িয়াছিল,—নলিনী এপার হইতে গাছের সরু ডাল ধরিয়া অতি জোরে এক লাফ দিয়া গাছের অপেক্ষাকৃত মোটা ডালের উপর যাইয়া পড়িল; এবং গাছের ডাল অবলম্বন করিয়া পরপারে পহুছিল। নলিনীর অবস্থা দেখিয়া এবং শাস্ত্রোল্লিখিত মহাজনের পস্থা অনুসরণ করিতে যাইয়া ‘মামা’ ( দ্বিজেন কর ) এক বিরাট হাসির পাহাড় সৃষ্টি করিয়া ফেলিল। আনন্দের আবেগে ( কারণ অতি অল্পেই মামার আনন্দ ও হাসি হয় ) মামার পা হোচট খাইয়া ডালে না থাকিয়া জলে পড়িয়া গেল এবং সঙ্গে সঙ্গে মামাকেও খালে ডুবাইয়া দিল। বেচারী নাকানি চুবানি খাইয়া উঠিল। মামার ইত্যাকার অবস্থা দেখিয়া হাসি চাপিতে যাইয়া ( কারণ অপরকে হাসিতে দেখিলে মামা বড় রাগ করেন ) অমূল্য ভায়ার ( সাধু ) হাতের লাঠি ও মাথার টুপি জলে পড়িয়া গেল। যাহা হউক কোন মতে খাল পার হইয়া আসিলাম।

খানিক দূর চলিবার পর আমরা একটা নদীর উপরে সুন্দরী বৃক্ষ ও লতা ইত্যাদি দ্বারা প্রস্তুত পুল পাইলাম। তারি সুন্দর সে জায়গায় দৃশ্যটা। কূলে কূলে ভরা নদী ছল ছল করিয়া সাগরের পানে চলিয়াছে। চারিদিকে নিবিড় জঙ্গল।

পুলের উপর উঠিয়া চারিদিক দেখিতে লাগিলাম, কিন্তু গাইড আমাদেরকে কোন মতেই সে জায়গায় বেশীক্ষণ থাকিতে দিল না; কারণ, ভরা ছপুরে নাকি বাঘেরা জল খাইতে জঙ্গলের নিকট জলাশয়ে আসে। মোটের উপর এই রাস্তাটুকু চলিতে আমাদের কাদার জন্ত বেশ বেগ পাইতে হইয়াছিল।

সীমাপুরে পহুছিয়া টুঙেলের সঙ্গে দেখা করিয়া আমরা সমুদ্র-স্নান করিতে ছুটিলাম। সেখান হইতে সমুদ্রের গর্জন শোনা যাইতেছিল, কিন্তু সম্মুখে বন ছিল বলিয়া সমুদ্র দেখা যাইতেছিল না। ফটোগ্রাফার ও আর্টিষ্ট অরুণ ভায়া পূর্বে কখনও সমুদ্র দেখেন নাই। তিনি সমুদ্রের রূপ ও তরঙ্গভঙ্গী মনে মনে কল্পনা করিতে লাগিলেন। সঙ্গীতজ্ঞ নীহার সমুদ্রবিষয়ক গান ধরিলেন। সদানন্দ মামা হৃদয়ের ভাবের আবেগে লাফাইতে লাগিলেন। নলিনী ও অমূল্য ভায়া ( বৈরাগী ও সাধু ) এখানে কোন বাবাজি কিম্বা মাতাজীর সন্দর্শন মিলিবার সম্ভাবনা আছে কি না, সে বিষয়ে গোপনে গোপনে ( যদিও সেটা আমাদের কাছে ধরা পড়িয়াছিল ) আলোচনা করিতেছিল; সর্বদা-তৃষ্ণার্ত মনোরঞ্জন সমুদ্রের জল পান করিতে পারিবে কি না এবং কতখানি পারিবে তাহার একটা মীমাংসা করিতেছিল। আমি বেচারী আর কি করিব—খাতা পেন্সিল লইয়া তাহাদের মনের ভাব টুকিতেছিলাম।

অতি অল্পকাল মধ্যে বনভূমি পার হইলে পর আমরা সমুদ্র দেখিতে পাইলাম এবং গঙ্গাসাগর-মেলায় ভূমি পার হইয়া আসিয়া সাগরের মূহ পরশ লইলাম। মনের আনন্দে অনেকক্ষণ সমুদ্র-স্নান করিলাম। পুরীর সমুদ্রে খেমন জলে নামিলে কেবল বালু, এখানে তেমন নহে। প্রথমে সমুদ্রের ধারে নদীর আঁটাল মাটি; তারপর বালু ও মাটি মিশ্রিত। কাজেকাজেই এখানে একটু সাবধানতা সহকারে স্নান করিতে হয়, নতুবা পা পিছলাইয়া যাইতে পারে। ইহার কারণ আর কিছুই না,—এখানে সাতবেকী নামে একটা নদী আসিয়া সমুদ্রে পড়িয়াছে—তাহার আঁটাল মাটিতে সমুদ্রের এই অবস্থা হইয়াছে।

আমরা ছাড়া সমুদ্রে আর কোন লোকই স্নান করিতেছিল না। এখানে সমুদ্র কি রকম তাহার আমরা কিছুই জানি না, তাই আমরা বেশী দূর গেলাম না। তবে আমরা যতদূর

গিয়াছিল। তাহাতেই আমাদের গাইড বেশ ভয় পাইয়া গিয়াছিল এবং আমাদের বার-বার ফিরিয়া আসিতে বলিতেছিল।

এই জায়গাটাকে যে কেন গঙ্গাসাগর-সঙ্গম বলা হয়, তাহা আমরা বুঝিলাম না; কারণ, সাগরের ও গঙ্গার যেখানে সঙ্গম হইয়াছে, তাহা এখন হইতে কিছু দূর পশ্চিমে। যে জায়গাটার যাত্রীরা নানা দেশ-দেশান্তর হইতে আসিয়া মিলিত হয় ও স্নান করে এবং যে জায়গাটার মেলা হয়, তাহা গঙ্গাসাগর-সঙ্গমে নহে, সাতবেকী নদীর যেখানে সমুদ্রের সঙ্গে সঙ্গম হইয়াছে, সেই জায়গায়। পূর্বে হয়ত গঙ্গা-সাগরের সঙ্গম খুব নিকটেই কোথাও ছিল; এখন হয়ত চড়া পড়িয়া দূরে সরিয়া গিয়াছে। না হয়, এই জায়গাটার কপিলমুনির আশ্রম আছে বলিয়াই এখানে সাগর-সঙ্গম স্নান হয়। ঐতিহাসিকরা এই ব্যাপার লইয়া মাথা ঘামাইবেন; আমাদের যাহা ধারণা তাহাই বলিলাম।

সাগর-মেলায় স্থানটিকে এখন মল্লভূমির মত দেখা যায়। এখানে এখন শুটিকয়েক জটাজটধারী সাধু আছেন। একদিকে কপিলমুনির আশ্রম আছে। আর আছে কেবল পুরান আস্ত, ভাঙ্গা ও আধাভাঙ্গা হাঁড়িকুড়ির মেলা। অল্পদিন পূর্বেই স্নান হইয়া গিয়াছে, তাই ঐ সব এখনও বর্তমান। এই সব ভাঙ্গা হাঁড়িকুড়ি হইতেই, গঙ্গাসাগরে যে কত অসংখ্য লোকের সমাবেশ হয়, তাহার একটা ধারণা করিয়া লইলাম। ধর্মের জন্ত ভারতের নানাদেশ হইতে এখানে কত যে লোক আসে, এবং কলেরা প্রভৃতি সংক্রামক ব্যাধিতে কত লোক যে মারা যায়, তাহার ইয়ত্তা নাই। পূর্বে এই সব জায়গায় অসা অত্যন্ত অসুবিধাজনক ও ভীতিবহ ছিল। তাই বোধ হয় লোক গঙ্গাসাগরে আসিলে প্রাণের মায়্যা ত্যাগ করিয়া আসিত।

কপিলমুনির আশ্রমে আমরা আশ্রমস্থ কিছুই দেখিলাম না। চারিদিকে রেলিও দিয়া ঘেরা লাল টানের পাক্সা দেওয়াল দেওয়া ঘর। আশ্রমের কথা বলিলেই আমাদের মনে পড়ে পূর্বকালের সেই মুনি-ঋষিদের তপোবন। লতাগুল্ম দিয়া ঘেরা কানন-পরিশোভিত, বিহঙ্গ-কুজিত মলয়-সেবিত একটা আবাস। সেখানে শান্ত, স্নিগ্ধ, মৌন ও স্বর্গীয় ভাব সর্বদাই বিরাজ করিবে। কিন্তু এখানে তাহার কিছুই দেখিলাম না। মনে হইল এটা যেন একটা ডাকবাংলা।

কপিলমুনির আশ্রমে মেঝেতে নিম্নলিখিত কবিতাটা লেখা আছে—

“মিলিতা মা মন্দাকিনী সাগরের সনে  
পরম পবিত্র তীর্থ এ ভব ভবনে।  
বিরাম-মন্দির হেথা করিল স্থাপন  
ভারত সাধুখা পৌত্র ৮ষাদবনধন  
দেবাকৃপা প্রার্থী এই বিনোদবিহারী  
তিষ্ঠ সাধু, ভক্তগণ কামনা তাহারি  
জন্ম কপিলমুনি খুলনা জেলায়  
স্থাপিল ভক্তি মঠ এ জলধি বেলায়।”

গঙ্গাসাগর দর্শন ও স্নান করিয়া টুণ্ডেল দেবাজতুল্লার বাড়ী আহা করিলাম। ম্যাথুয়েল সাহেবের কৃপায় ও সৌজন্তে আমাদের খাবার বন্দোবস্ত এখানে হইয়াছিল। খাওয়া-দাওয়ার পর আমরা চিন্তা করিতে লাগিলাম যে, গঙ্গাসাগর হইতে ‘ধবলাট’ হইয়া যাওয়া যায় কি না, কারণ, দূরে ধবলাটকে ভারি সুন্দর দেখা যাইতেছিল। আমাদের সকলেরই ইচ্ছা যে ধবলাট হইয়া যাই; কারণ, এত কাছে আসিয়াও যদি ধবলাট হইয়া না যাই, তবে আর কোনদিন যে আমাদের ইহা দেখা হইবে, তাহার সম্ভাবনা অতি অল্প।

ভাঁটার সময় ছাড়া সমুদ্র-তীর দিয়া হাঁটা যায় না; তাই আমরা বেলা ৩-৩০মিঃ ধবলাট রওনা হইলাম। প্রথমেই আমাদের গঙ্গাসাগর-সাতবেকী নদীর মোহানা হাঁটিয়া পার হইতে হইল। জোয়ারের সময় আমরা কোনমতেই বিশ্বাস করিতে পারি নাই যে, ভাঁটার সময় এই বিশাল নদী হাঁটিয়া পার হইতে পারিব। যদিও নদীতে কোমর জলমাত্র ছিল, কিন্তু এত স্রোত যে, আমাদের পরপারে পৌঁছিতে বেশ বেগ পাইতে হইল।

সমুদ্রের তীরে মনের আনন্দে ঝিনুক ও শঙ্খ কুড়াইতে কুড়াইতে পথ চলিতেছি। মাঝে মাঝে চড়াই ও উৎরাই ভাঙিতে হইতেছে। এত সুন্দর রাস্তা পূর্বে আর কখনও আমরা পাই নাই। এখানে বনে বেশ বড় বড় গাছ আছে; এবং দৃশ্যও খুব সুন্দর। মাঝে মাঝে সুরু সুরু খাল আঁকিয়া বাঁকিয়া বনের ভিতর দিয়া চলিয়া গিয়াছে।

বেলা ৫-১০ মিঃ সময় আমরা ধবলাটে লালুবাবুদের বাড়ী পৌঁছিলাম। তাঁহাদের বাড়ীটা বেশ সুন্দর জায়গায়

অবস্থিত—ঠিক সমুদ্রের ধারে এবং ইহা আরও এইজন্য দেবিবার জিনিষ যে, এই বাড়ী, ৮ বিশালাক্ষী দেবীর মন্দির ও বাগান প্রভৃতি সমস্তই protective tank এর মধ্যে অবস্থিত। সমুদ্রে বন্যা হইলেও তাহাদের ক্ষয় হইবে না, ইহাই ইহার বিশেষত্ব।

লালুবাবুরা খুব ভদ্রলোক। তাঁহারা আমাদের যথেষ্ট আদর যত্ন করিলেন এবং কিছুতেই আমাদের রাত্রিতে না রাখিয়া ছাড়িলেন না। লালুবাবু এবং রাসবিহারীবাবু দুই ভাই এখানে থাকেন। তাঁহারা সুশিক্ষিত লোক। কিন্তু চাকুরীর দিকে না যাইয়া কৃষি-কর্ম লইয়া আছেন। তাঁহারা উন্নত আধুনিক বৈজ্ঞানিক প্রণালীতে কৃষি-কর্ম করিবার চেষ্টায় আছেন এবং ধান ছাড়াও সুন্দরবনে আর কিছু জন্মে কি না তাহার পরীক্ষা করিতেছেন। তাঁহারা এ বিষয়ে অনেকটা সাফল্যও লাভ করিয়াছেন।

লালুবাবুরা ধবলাটের লাটদার (অর্থাৎ জমিদার)। কৃষি এবং প্রজা বিষয়ে তাঁহাদের বড় উচ্চ ধারণা দেখিলাম। তাঁহারা বলেন যে, প্রজা বড় হইলেই, তাহাদের উন্নতিতেই আমাদের উন্নতি, তাহাদের সুখেই আমাদের সুখ; এবং প্রজাদের জন্ত তাঁহারা যথেষ্ট করিয়াও থাকেন দেখিলাম।

এইখানে একটা কথা বলা দরকার। আমাদের দেশে এখন চাকুরীর বাজার যে রকম হইয়াছে, তাহাতে মধ্যবিত্ত ও গরীব শিক্ষিত যুবকদের বড় কষ্ট ও অসুবিধা হইতেছে। তাঁহারা যদি সুন্দরবন অঞ্চলে যাইয়া কিছু জমি বন্দোবস্ত লইয়া চাষ আবাদ করেন, তাহা হইলে তাঁহারা বেশ লাভবান হইতে পারেন। তাহাদের নিজেদেরও উন্নতি হইবে এবং দেশমাতৃকার মুখেও আবার হাসি ফুটিয়া উঠিবে। সুন্দরবনের সাগরদ্বীপ অঞ্চলে এখনও যথেষ্ট জমি পাওয়া যায়। কৃষিকর্মে ইচ্ছুক লোকেরা লালুবিহারী ও রাসবিহারী বাবুর নিকট হইতেও যথেষ্ট সাহায্য পাইতে পারেন।

ধবলাটের ৮ বিশালাক্ষী দেবী বড় কাণ্ডাত। তাঁহার মন্দিরেই আটেশ্বর মহাদেব ও রাধাকান্ত জিউ অবস্থিত আছেন। বিশালাক্ষী দেবীর স্থাপনা সম্বন্ধে একটা বিস্ময়কর ইতিহাস আছে। কথিত আছে পামার কোম্পানীর পামার সাহেব দেবীর স্বপ্নাদেশ পাইয়া মাটী খুঁড়িয়া তাঁহাকে বাহির করাইয়া একজন পূজারী ব্রাহ্মণ রাখিয়া তাঁহাকে স্থাপনা করেন। পামার কোং ফেল হইবার পর ৮ অষ্টোত্তম

দত্ত মহাশয়কে ৮ বিশালাক্ষীর পূজা করিবেন এই সর্কে জমি বিক্রয় করা হয়। ধবলাটের লাটদারদের নূতন বাড়ী তৈয়ারী হইলে পর, যাহাতে দেবীর কোন দিন ক্ষয় না হইতে পারে, এইজন্য তাঁহারা দেবীকে protective tank এর ভিতর স্থানান্তরিত করেন। ইহাতে নাকি দেবী অত্যন্ত রুষ্ট হন এবং তাহাদের ২৫০০ বিঘা জমি সমুদ্র দ্বারা গ্রাস করান।

এই অঞ্চলের লোকেরা ইহাকে খুব জাগ্রত দেবী বলিয়া জানে। জেলেরা সমুদ্রে জাল ফেলিবার পূর্বে ইহাকে পূজা না দিয়া যায় না; এবং অনেকে মনস্কামনা পূর্ণ হইবার জন্ত এখানে আসিয়া টিল বাঁধিয়া যায়। আমরাও তাহাদের দেখাদেখি টিল বাঁধিয়া আসিলাম, দেখা যাক কি হয়।

সন্ধ্যার সময় ধবলাটের Protective tank এর ঘেরীর উপর বসিয়া সূর্যাস্ত দেখিলাম এবং সমস্ত সন্ধ্যাটা গান গাহিয়া কাটাইয়া দিলাম। ধবলাট জায়গাটা ভারি সুন্দর। ঠিক সমুদ্রের উপরে, অনেকটা পুরীর মত। ফটোগ্রাফার ও আর্টিষ্ট ‘অরুণ’ ইহাকে ‘Lapland’ নাম দিয়াছে। এই জায়গাটায় যদি কলিকাতা হইতে যাতায়াতের ভাল রাস্তা থাকিত, তবে আমাদের দেশের অসহায় বন্দাগ্রস্ত লোকেরা আশ্রয় পাইয়া বাঁচিতে পারিত। এবং এত সুন্দর স্থানের অবস্থা আজ এই রকম থাকিত না,—স্বাস্থ্যশেষী ও বিলাস-প্রিয় বড়লোকের রূপায় তাহা আজ একটা দেবিবার মত জায়গা হইত। রাত্রিতে লালুবাবুদের প্রদত্ত চর্ক্যা চোশু লেহু পেন্স দ্বারা পরিতোষ সহকারে আহার করিয়া এবং ভাল বিছানায় ঘুমাইয়া কাটাইয়া দিলাম।

১৪ই ফেব্রুয়ারী ভোরে উঠিয়া সাগরতীরে সূর্যোদয় দেখিতে গেলাম। তাহা যে কত সুন্দর, তাহা আর কি বলিব। এই গভীর স্বর্গীয় ভাবকে ভাষায় প্রকাশ করিতে পারি এমন শক্তি আমার নাই, তাই বৃথা সে চেষ্টা করিব না।

ধবলাট ত্যাগ করিয়া মগরা অভিমুখে যাত্রা করিলাম ভোর ৭—৪০ মিঃ। ঘণ্টাখানেকের মধ্যেই সাতবেকীর খালের ধারে আসিয়া পৌঁছিলাম। তখন সবেমাত্র জোয়ার হইতে আরম্ভ হইয়াছে। ভরা জোয়ার না হইলে ‘খেরা নৌকার’ খাল পার হওয়া মুশ্কিল। নৌকা এখন ডাকায় উঠিয়া রহিয়াছে। আমাদের গরজ ও উৎসাহ বেশী—তাই আমরা কাদা হইতে নৌকা ঠেলিয়া জলে নামাইতে

লাগিলাম। নলিনীর কাদায় ডুবিয়া যাইবার ভয়বশী থাকায়, সে আমাদেরকে কাদা ঠেলিতে সাহায্য না করিয়া নৌকায় উঠিয়া বসিল। আমাদের যদিও ইহাতে খুব রাগ হইতেছিল; কিন্তু কি করিব, বেচারী কাদায় ডুবিলে তো আমাদেরকেই টানিয়া তুলিতে হইবে ( ভারও নেহাৎ কম নয় ), তাই উহাকে রেহাই দিলাম। অনেক কষ্ট করিয়া নৌকা জলে নামাইয়া খাল পার হইলাম এবং বেলা ১১টার সময় মগরা কাছারীতে পৌঁছিলাম। এই ৮ মাইল রাস্তা আসিতে আমাদের খুব দেরি হইয়াছিল। কারণ গাইডে ও 'থেয়া'য় আমাদেরকে অনেক সময় নষ্ট করিতে হইয়াছিল।

মগরা পৌঁছিয়া স্নান করিলাম এবং সন্দের খাবার যাহা ছিল তাহার সদ্যবহার করিলাম। এবার আমাদের খাবার সম্বল ফুরাইল, জল ছাড়া আর কিছুই রহিল না।

বেলা ১২টার সময় মগরা ত্যাগ করিয়া কচুবেড়ে অভিমুখে যাত্রা করিলাম। মগরা হইতে কচুবেড়ে পর্য্যন্ত জেলা বোর্ডের রাস্তা আছে। আমরা যাইবার সময় শিকারপুর দিয়া গিয়াছিলাম, ফিরিবার সময় এই রাস্তায় ফিরিব, তবে আমাদের সমস্ত সাগরদ্বীপের ভিতর দিয়া হাঁটা হইবে। অল্প একটু চলিবার পর পথের সাথী গাইডকে বিদায় দিলাম। বেচারীর আমাদের মত হতভাগাদের প্রতি বেশ মায়্যা পড়িয়াছিল,—যাইবার সময় কঁাদ কঁাদ হইয়া আমাদেরকে অনেক আশীর্বাদ করিয়া গেল।

সন্ধ্যার সময় আমরা আসিয়া মরিগঙ্গার হাটে পৌঁছি। অনেকক্ষণ পরে পরিচিত জায়গা দেখিয়া মনে আনন্দ হইল। সেখানে আসিয়া খবর লইয়া জানিলাম যে, তার পরদিন বেলা ১২টার সময় 'কাকদ্বীপের থেয়া'। ইহার পূর্বে সেখানে যাইবার আর কোন উপায় নাই। কাজেকাজেই বাধ্য হইয়া আমাদেরকে এখানে রাত্রি যাপন করিতে হইবে। পূর্বেদিন লালুবাবুরা আমাদেরকে মরিগঙ্গায় পৌঁছিয়া শ্রীযুত মহেন্দ্র দাসের বাড়ী কিম্বা রাজা প্যারীমোহন মুখার্জীর কাছারীতে অতিথি হইতে বলিয়াছিলেন। এখানে দোকান আছে, তাই খাবার ভাবনা আমাদের ছিল না; তবে রাত্রিতে থাকিবার জায়গা চাই।

প্রথমে আমরা শ্রীমহেন্দ্রনাথ দাসের বাড়ী যাই। লোকটা না কি খুব সদাশয়; কিন্তু তাঁহাকে বাড়ী না পাওয়ার,

আমাদেরকে জমিদারের কাছারীতে যাইতে হইল। সেখানে প্রথমে একটা ভদ্রলোকের সহিত আমাদের দেখা হয়। তাঁহাকে আমাদের উদ্দেশ্য বলায়, তিনি যেন কি রকম সন্ধিগ্ধচিত্তে আমাদের প্রতি তাকাইতে লাগিলেন এবং এখানে কিছু হইবে না বলিলেন। সাতটা ঘুবককে একসঙ্গে লাঠিগুচ্ছ দেখিয়া এবং তাহাদের সঙ্গে আবার torch-light, জলের flask ( ইহাকে নিশ্চয়ই তাহার bulletএর বাস্তু মনে করিয়াছিল ) ইত্যাদি আছে দেখিয়া তাঁহার বোধ হয় একদম ভড়কাইয়া গেলেন।

যাহা হউক, আমরা নায়েব মহাশয়কে খবর পাঠাইলাম। তিনি ভয়ে আমাদের সহিত দেখা করিলেন না, লোক দিয়া বলিয়া পাঠাইলেন যে, এখানে থাকা হইবে না; এবং সেই লোকটা আমাদেরকে নানাভাবে জেরা করিতে লাগিলেন। হয় ত এই লোকটা গ্রামের মধ্যে সামান্য একটু লেখাপড়া-জানা মোড়ল লোক। আমরা মোটঘাট লইয়া নিকটে একটা স্কুলের বারান্দায় যাইয়া বসিলাম এবং সেখানেই পড়িয়া থাকিয়া রাত্রি কাটাইব মনস্থ করিলাম। নায়েব বাবুর কাছারী ছাড়িয়া আমরা আসিলাম; কিন্তু তাহাদের একঘেয়ে জেরা হইতে কোনমতেই রেহাই পাইলাম না। প্রায় ২০।২৫ বার নানারকমের লোক আসিয়া নানাভাবে আমাদেরকে প্রশ্ন করিয়া বিরক্ত করিতে লাগিল। তাহাদের কাহাকেও আমরা জবাব দিলাম; কাহারও সহিত আবার কোন কথাই বলিলাম না। আমাদের ভয়ানক রাগ ও বিরক্তি ধরিয়াছিল।

সেদিন আমাদের ভাত খাওয়া হয় নাই,—সমস্ত দিন চিঁড়া খাইয়াই কাটাইয়া দিয়াছিলাম। ভাতের যোগাড় করিতে পারি কি না, এই আশায় নিকটবর্তী দোকানে গেলাম এবং সমস্ত বন্দোবস্ত করিয়া আসিলাম। জমিদারের পুকুরের জল ভাল থাকায় এবং নিকটবর্তী কোন পানীয় জলের পুকুর না থাকায় মনোরঞ্জন ও আমি চালডাল ধুইয়া ও জল আনিবার জন্ত সেখানে গেলাম। অস্তান্ত সকলে রাস্তার জোগাড়ে দোকানে গেল। আমরা অন্ধকার রাত্রির জন্ত সঙ্গে torch-light লইয়াছিলাম। মনোরঞ্জন উপর হইতে focus করিতেছে, আমি জলে নামিয়া চাল ডাল ধুইতে লাগিলাম। এই সময়ে একজন লোক আসিয়া আমাদেরকে অনেক প্রশ্ন জিজ্ঞাসা করিলেন। এইবার

torch-light এর আলো দেখিয়া তাঁহারা আমাদেরকে ডাকাত বলিয়া ধারণা করিলেন; কারণ, এই রকম আলো তাঁহারা পূর্বে আর কখনও দেখেন নাই। তাই তো, এ কি রকম আলো! কোন লোকজন দেখা যায় না, হঠাৎ আলো জলে আর নিভে! জল লইয়া পথ চলিতেছি,—মনোরঞ্জন রাস্তা দেখিবার জন্ত focus করিল, অমনি বন্দুকের আওয়াজ হইল এবং অতি নিকটেই গুলি পড়ার শব্দ শুনিতে পাইলাম। যাহা হউক সৌভাগ্যক্রমে আমাদের কাহারও গায়ে গুলি লাগে নাই। তার পর তাহারা মুহূর্ত্ত বন্দুকের ধ্বনি করিয়া আমাদেরকে জানাইতে লাগিল যে, তাহার প্রস্তুত। আমরা ফিরিয়া দোকানে আসিলাম, এবং আজ রাত্রিতে যে আমাদের কোথায় এবং কোন্ অবস্থায় থাকিতে হয়, তাহার চিন্তা করিতে লাগিলাম।

খিচুড়ি ও আলু ভাজা পাক করিয়া বেশ আনন্দের সহিত খাইতে লাগিলাম। বন্দুকের শব্দ শুনিয়া মনোরঞ্জন ও নলিনীর ক্ষুধা ভয়ানক পড়িয়া গেল এবং তাহারা খুব অল্প খাইয়াই ক্ষুধা নিবৃত্ত করিল। সমস্ত রাত্রি স্কুলের বারান্দায় পড়িয়া রহিলাম।

১৫ই ফেব্রুয়ারী ভোরে উঠিয়া কাকদ্বীপের খেয়ার জন্ত মোটঘাট লইয়া কচুবেড়ে খেয়ার পারে আসিয়া উপস্থিত হইলাম। আসিবার সময় দেখিলাম জমিদার-কাছারীর লোকেরা আমাদের দিকে কটমট করিয়া চাহিয়া রহিয়াছে। খেয়াপারে আসিয়াও তাহাদের জেরা হইতে নিস্তার নাই—২১৩ জন লোক আসিয়া জেরা করিতে লাগিলেন। বেচারীরা বোধ হয় চিন্তা করিতেছিল—কতক্ষণে আমরা পরপারে যাইব এবং উহার হাঁক ছাড়িয়া বাঁচিবে।

বেলা ১২টার সময় ভরা জোয়ার আসিল,—খেয়া নৌকায় চড়িলাম কাকদ্বীপ যাইবার জন্ত। নৌকা খুব বড়, উহার খেলের ভিতরও লোক থাকিতে পারে। খেয়া নৌকায় হৈ নাই,—রৌদ্র যাহাতে না লাগিতে পারে, সেইজন্য আমরা খেলের ভিতর যাইয়া ঢকিলাম।

বেলা ১টার সময় কাকদ্বীপ আসিয়া পৌঁছিলাম। পথের মধ্যে একটা মস্ত বড় নদী পার হইতে হইল। কাকদ্বীপ জায়গাটা বেশ একটা বড় বন্দর; প্রায় সমস্ত জিনিষই এখানেই পাওয়া যায়। বাজারে আসিয়া একটা দোকানে

আশ্রয় গ্রহণ করিয়া স্নান করিলাম ও খাবার খাইলাম। রাত্রি ৮টার পূর্বে ডায়মণ্ডহারবার যাত্রী নৌকা পাওয়া যাইবে না। স্থানীয় লোকদিগের নিকট খবর লইয়া জানিলাম যে, কাকদ্বীপ হইতে ডায়মণ্ডহারবার পর্যন্ত এই ৩২ মাইল বরাবর জেলাবোর্ডের বেশ ভাল হাঁটা-পথ আছে। তাই আমরা পদ্মভঞ্জে ডায়মণ্ডহারবার যাওয়াই স্থির করিলাম। আমার প্রথমে হাঁটিয়া যাওয়ার আপত্তি ছিল। কিন্তু উহাকে একটু ঠাটা করায়, সে ভয়ানক উত্তেজিত হইয়া সকলের পূর্বে প্রস্তুত হইয়া পড়িল। বেলা ৪-২৫ মিঃ আমরা কাকদ্বীপ ত্যাগ করিলাম এবং সন্ধ্যা ৬টার আসিয়া সীতারামপুর হাটে পৌঁছিলাম। হাটের লোকজনেরা আমাদের চারিদিকে আসিয়া ঘেরিয়া দাঁড়াইয়া অবাক হইয়া দেখিতে লাগিল। সীতারামপুর হইতে পানীয় জল লইয়া পুনরায় রওনা হইলাম এবং রাত্রি ৯-৪৫ মিঃ কুলপী আসিয়া পৌঁছিলাম। কুলপী আসিয়া একটা দোকানে খাবার ও জল খাইয়া এবং খানিকক্ষণ বিশ্রাম করিয়া রাত্রি ১১টার রওনা হইলাম।

রাত্রির অল্পক্ষণমাত্র আমরা চন্দ্রের আলো পাইয়াছিলাম, তার পর এই আঁধার পথেই চলিতে লাগিলাম। খানিকদূর চলিবার পর আমরা একটা সুন্দর রাস্তা পাইলাম। হুই দিকে খেজুর গাছের সারি, বাতাসে রসের গন্ধ ভাসিয়া আসিতেছিল। এইভাবে কতকদূর চলিবার পর আমরা নদীর ধারে আসিয়া পৌঁছিলাম। এই জায়গার রাস্তা অতি চমৎকার। কোথাও নদীর পার দিয়া গিয়াছে, আবার কোথাও নদী ছাড়িয়া একটু দূরে সরিয়া যাইয়া আবার নদীর পারেই আসিয়া মিশিয়াছে। রাস্তার ধারে ধারে বাবলা গাছের সারি, ভারি সুন্দর। বাবলা ফুলের গন্ধ নদীর শীতল বাতাসে ভাসিয়া আসিতেছিল।

নৈশ অন্ধকারে নদীর তীরে একটা সুন্দর স্থানে আসিয়া আমরা সাতজন যুবক বসিলাম। কি সুন্দর সে স্থান। মনে কত গভীর ভাবের উদয় হইতে লাগিল। কুলু কুলু করিয়া নদী বহিয়া যাইতেছে, ছলাৎ ছলাৎ করিয়া তরঙ্গ আসিয়া পারের উপর আছাড়ি পিছাড়ি করিয়া পড়িতেছে। এমনি শান্ত, স্নিগ্ধ, মৌন প্রকৃতি দেখিয়া নীহার গান আরম্ভ করিল। তাহার সুরের রেশ বাতাসে জমিয়া দূরে বহিয়া যাইয়া চারিদিকে প্রকৃতিতে একটা পূর্ণকের শিহরণ

আগাইয়া দিল। আমরা তাহার গানে আত্মহারা হইয়া অনন্তের পানে চাহিয়া রহিলাম। প্রকৃতি তখন নিস্তর, কোন সাড়াশব্দ নাই। দূরে নোঙ্গর করা ষ্টীমারের আলো দেখিতে পাইতেছিলাম। Gas-boatএর আলো ক্ষণে ক্ষণে জ্বলিতেছিল ও নিবিত্তেছিল।

এইরূপ মনোরম রাস্তা দিয়া চলিতে চলিতে রাত্রি ৩টার সময় আমরা ডায়মণ্ডহারবার ষ্টেশনে আসিয়া পৌঁছিলাম। এবার আমাদের হাঁটা-পথে ষাত্রার শেষ হইল। অনেক সুখ-সুখের স্মৃতি বিজড়িত, অনেক কবিত্ব ও কল্পনাময় হাঁটা-পথ আজ আমাদের কাছ হইতে বিদায় লইল।

ভোর ৫টার সময় যাদবপুরগামী ট্রেন। এই দুই ঘণ্টা আমরা গকে ষ্টেশনে বসিয়া থাকিতে হইল। ডায়মণ্ডহারবার ষ্টেশনে যা মশা। তাহাতে একদিনেই ম্যালেরিয়া করিয়া ছাড়ে আর কি। ভোর ৭টার সময় গাড়ী আসিয়া যাদবপুরে পৌঁছিল এবং আমরাও ঘরের ছেলে ঘরে ফিরিয়া আসিলাম।

এইবার আমাদের ভ্রমণ-কাহিনী শেষ হইল। ভবিষ্যতে

যদি কোন ভ্রমণকারী সাগরসীপে বেড়াইতে যান, তাহা হইলে আমাদের নির্দারিত পথে গেল, তাঁহাদের অনেক সুবিধা হইবে। তাঁহারা প্রত্যেকেই যেন মনে করিয়া এক একটা জলের flask সঙ্গে লয়েন, নতুবা তৃষ্ণায় যথেষ্ট কষ্ট পাইতে হইবে। ভ্রমণকারীগণের পক্ষে পুলিশের নিকট হইতে একটা ছাড়পত্র লওয়া বিশেষ দরকার; নতুবা তাঁহাদিগকে যথেষ্ট বিপদে পড়িতে হইতে পারে।

সাগরসীপের প্রায় সব জায়গাতেই আমরা সুন্দর ব্যবহার পাইয়াছি। ঐ অঞ্চলের লোকেরা বেশ সরল,— আমরা দিগকে তাহারা যথাসাধ্য সাহায্য করিয়াছে।

এইখানে আর একটা বিষয় বলা দরকার। ধবলাটের অপর পারে সমুদ্রের ভিতর মৌমুনি ফরেস্ট। সেখানে এখনও মনুষ্য-বসতি হয় নাই। এই বছরই সেখানে জমি বিলি দেওয়া হইবে। সুন্দরবনের হিংস্র প্রকৃতির Royal Bengal Tiger ঐ জঙ্গলেই পাওয়া যায়। মৌমুনি forest দেখিবার সুযোগ আমরা পাই নাই।

## হিমালয়

শ্রীযতীন্দ্রগোহন বাগ্‌চী বি এ

১

তোমার নির্ঝর নদী অরণ্য কাঙ্ক্ষার  
উপত্যকা অধিত্যকা সমতল পাড়  
শুভাশুভা—সবি শুধু দেয় পরিচয়  
তোমারে দিয়ে'ছ ধরা সর্ব সমন্বয়।  
তোমারি শিখরে হেরি অখণ্ড আকাশ,  
তোমারে ঘেরিয়ে আছে পবিত্র বাতাস—  
জীবের জীবনরূপী—ধাতুশিলা প্রাণী  
একত্র আহরি বক্ষে মহারাজধানী  
গাঁথিয়াছ বক্ষে তব গুণে হিমরাজ,  
যা কিছু নিখিল বিশ্বে, হেরি তব সাজ।  
প্রথম জ্বলাত রবি উঠে তব ভালে,  
প্রথম চন্দ্রের টিপ তোমারি কপালে,  
কোটি তারা-হার কঠে; মেঘের বসন  
বিচিত্র বর্ণের মেলা অঙ্গের ভূষণ।

২

প্রত্যহ প্রত্যুষে রবি পরায়ৈ তিলক  
তোমার তুষার-ভালে, প্রসাদ আলোক  
বিতরে বিপুল বিশ্বে, বন্দনার শেষে;  
চন্দ্রের চন্দন-রেখা ও ললাটদেশে  
প্রথম পরশ লভি ঝরি পড়ে ধীরে  
সুস্থিত কিরণরূপে তিমিরের তীরে।  
তব আঙ্কাবেহী মেঘ বহি বৃষ্টিধার  
সৃষ্টিরে পালিছে নিত্য তরিত্তা ভাণ্ডার  
ফল শস্ত বারিদানে, আর্ন্ত জীব তরে।  
পবন তুলার নিত্য ঝাউএর চামরে  
তুহিন-শীতল বায়ু; অনন্ত আকাশ  
তারার ঝালরঘেরা ধরে বারোমাস।  
ধরণীর একচ্ছত্র অঙ্গের সত্রাট  
এই ত রাজার রূপ—শাশ্বত বিরটি।



# অরূপ-রতন

শ্রীমন্নথ রায় এম-এ

এক-দৃশ্যের একাঙ্ক নাটক

“ডুব দিয়েছি রূপ-সাগরে

অরূপ-রতন আশা করে !”

—রবীন্দ্রনাথ

ইঙ্গিত ।	বৃদ্ধ কাশীরাজ ।
বৃহদ্রথ ...	বৃদ্ধ কাশীরাজ ।
জয়াদিত্য ...	কাশীরাজ কন্যা লেখার সহিত সম্ব-পরিণীত কোশলেখর ।
রেখানাথ ...	সে যুগের শ্রেষ্ঠ চিত্র-শিল্পী ; চিত্র-কূট জনপদের অধিপতি ।
লেখা ...	কাশীরাজ-কন্যা ।
সু-লেখা ...	কাশীরাজের শ্রালিকা কন্যা ।
মাধবিকা ...	রাজকন্যাদের অন্তরঙ্গ সখী ।

এতদ্বিধ...চিত্রকূট দূত, সেনাপতি, রেখানাথের শিষ্য,  
ঘাতক ।

স্থান এবং কাল :—চিত্রকূট জনপদ-প্রান্তে

কাশীরাজের শিবির ।

রাত্রিতে উষোধন এবং উষাতে বিসর্জন ।

\* \* \*

দৃশ্য ।—রাজকীয় শিবির । শিবিরটি একটি বিরাট  
বন্যাবাস । তাহার যে অংশ দেখা যাইতেছে তাহা তিন ভাগে  
বিভক্ত ; প্রথম ভাগে “দরবার”, দ্বিতীয় ভাগে “অতিথি-  
নিবাস”, এবং তৃতীয় ভাগে “বিলাস-কক্ষ” । প্রত্যেক কক্ষ  
অপর কক্ষের সহিত অস্বনিহিত ক্ষুদ্রায়তন দরজা দ্বারা  
সংলগ্ন । তদ্বিধে সকল কক্ষের সম্মুখে দিয়াই বিস্তৃত  
অলিন্দ । সেই অলিন্দ-পথে এক কক্ষ হইতে কক্ষান্তরে  
যাতায়াত চলে । সকল কক্ষেরই সম্মুখে বিশালায়তন  
সুবিস্তৃত দরজা, তাহা কালো পুরু পরদা দ্বারা  
আবৃত । প্রয়োজনকালে সেই পরদা উত্তোলিত হয়,

এবং তখন কক্ষান্তরের সম্পূর্ণ ভাবে দৃষ্টিগোচর  
হয় । \*

শিবিরস্থ দরবার-কক্ষে বৃদ্ধ কাশীরাজ বৃহদ্রথ এবং  
তাঁহার নবজামাতা কোশলেখর জয়াদিত্য । সম্মুখে চিত্রকূট-  
দূত বৃদ্ধকরে দণ্ডায়মান । ]

বৃহদ্রথ । দূত ! তুমি অবধ্য, কিঙ্ক, মনে রেখো  
তোমার প্রভু অবধ্য নয় !

দূত । মহারাজ ! দাস তা অবগত আছে । এ দাস  
শুধু তার প্রভুর বারতা আপনার সকাশে নিবেদন করেই  
মুক্ত, কিঙ্ক, সেই যে নিবেদন ..সে নিবেদন তো নির্ভয়েই  
করা বিধি !

বৃহদ্রথ ।...নির্ভয়েই নিবেদন কর—

দূত । আমাদের প্রভু কুমার রেখানাথ যে এ যুগের  
সর্বশ্রেষ্ঠ চিত্র-শিল্পী, তা দেশবিদেশের সকল কলাবিদই  
স্বীকার করেন । শুধু তা-ই নয়, তৎপ্রবর্তিত চিত্র-কলা  
আজ দেশবিদেশে চিত্রশালায় প্রচলিত । অজস্রশতাব্দীর  
পরিকল্পিত শিল্প-ঐশ্বর্য্যে মুগ্ধ হয়ে, ভূতপূর্ব মগধ-সম্রাট,  
কুমার রেখানাথকে এই গিরি-মেখলা নির্ঝরিনী-ম্নাতা পরম  
রমণীয় চিত্রকূট জনপদ দান করেন ।

\* দৃশ্য-সজ্জার এই পরিকল্পনা এবং এই নাটকের মূল আধান-ভাগ  
(plot) প্রসিদ্ধ চিত্র-শিল্পী শ্রীযুক্ত চারুচন্দ্র রায় কর্তৃক আমার নিকট  
পরিকল্পিত । এই নাটকখানি সপ্রস্তুতিতে তাঁহাকে উৎসর্গ করিয়া  
গঙ্গাজলে গঙ্গাপূজা করিলাম ।

নিঃ শ্রীমন্নথ রায় ।

জয়াদিত্য। সে কথা সকলেই জানে। কাজের কথা বল—

দূত। এ হয় ত আজ একটা ছুঁটনা যে তিনি আপনাদের উত্তরের পরাক্রান্ত সৈন্যবাহিনীর সম্মুখে নিতান্ত দুর্বল, নিতান্ত অসহায়, কিন্তু...কিন্তু বর্তমান যুগে শিল্পজগতে তিনি একচ্ছত্র সম্রাট!

জয়াদিত্য। আমি শিল্পজগতের প্রজা নই, আমি বাস্তবজগতের রাজা...অর্থাৎ আমি দুর্বল সৈনিক, আমি অপমান সহ্য করি না, অপমান তুচ্ছ করি, আমার জয়-যাত্রায় যদি পর্বতও প্রতিবন্ধক হয়, তবে সেই পর্বত চূর্ণ করে আমার অভিযান...পর্বতের নিজের পথে নয়।

দূত। আমি স্বীকার করি কোশলেখরের এ বৃথা দস্ত নয়। আপনি আজ দেশের সার্বভৌম নরপতি।...কিন্তু...ঐ কাশীরাজ একদিন শিল্পজগতের উন্মাদনায় মেতে উঠেছিলেন বলেই আজ এই বিরোধ।

জয়াদিত্য। সরল ভাষায় কথা বল দূত! আমি শুনেছি কাশীরাজ তাঁর কন্যার বিবাহের পূর্বে তার চিত্র রেখানাথকে দিয়ে অঙ্কিত করে রাখতে চেয়েছিলেন। উদ্দেশ্য ছিল কন্যা স্বামীগৃহে গেলে সেই চিত্র তাঁকে সাস্তুনা দেবে। যথেষ্ট অহুন্নয় সত্ত্বেও রেখানাথ সেই চিত্র অঙ্কন কর্তে সম্মত হন নি!

রাজা। তাই নয় দূত!...তোমাদের কুমার আমার নিমন্ত্রণে আমার রাজপ্রাসাদে এসে আমার কন্যাকে দেখলেন। দেখে বললেন আমার কন্যার ছবি এঁকে তিনি তাঁর তুলির আর অমর্যাদা কর্তে চান না! এমনি বিরাট তাঁর দস্ত!

দূত। দস্ত নয়, তার কারণ আছে। তাঁর শেষ কীর্তি অজস্র-গুহার চিত্র-পরিকল্পনা। তিনি রমণী-মূর্তি এত বেশী অঙ্কন করেছেন যে, তিনি রমণী-মূর্তির ধ্যান কর্তে কর্তে হঠাৎ এক দিন এমন এক অপক্লপ সুন্দরীর সন্ধান পান...যে...তারপর হ'তে, তিনি সেই মূর্তির রূপ-দান-সাধনায় আত্মদান করেছেন। সেইদিন হতে তিনি প্রতিজ্ঞা করেছেন, যে, যদি তিনি রমণী মূর্তিই অঙ্কন করেন, তবে সেই মূর্তির; তা না হ'লে, তার চাইতে নিকট সৌন্দর্যের মূর্তি এঁকে তাঁর তুলির অমর্যাদা কর্তেন না!...আপনার কন্যা—

বৃহদ্রথ। হাঁ, আমার কন্যা কোশলেখর জয়াদিত্যের

রাজহর যজ্ঞে দেশবিদেশের রাজস্বন্দ কর্তৃক এ যুগের শ্রেষ্ঠ সুন্দরী বলে অভিনন্দিতা হয়েছেন।

দূত। কিন্তু, কিন্তু কুমার রেখানাথ বলেন যে আপনরা কন্যার চাইতেও তাঁর সুন্দরী আরো সুন্দরী!

জয়াদিত্য। আমি আমার বধু দিয়ে তার সেই সুন্দরীর সৌন্দর্য্যগর্ভ পদদলিত কর্তে বলেই তোমার কুমারের চিত্রকূট-জনপদ অবরোধ করেছি। যতক্ষণ তা না পারি, ততক্ষণ আমার বিবাহ সম্পূর্ণ হবে না!...হাঁ!

বৃহদ্রথ। জানো দূত, আমার কন্যার সেই অপমানের প্রতিশোধ নেবার জন্ত শ্রীমান জয়াদিত্য তার বিবাহের সকল মঙ্গলিক অনুষ্ঠানগুলি শেষ কর্তার বিলম্বও সহ্য করে নি। বিবাহ-রাত্রি প্রভাত হলেই সে আমাদের নিয়ে তোমাদের এই জনপদে ছুটে এসেছে...এখনো তার ফুলশয্যা হয় নি!—আজ, আজ এই বিদেশে, এই যুদ্ধ-শিবিরে, তার ফুলশয্যার অনুষ্ঠান সম্পন্ন কর্তে হবে! এও কি কম পরিতাপের বিষয়!

জয়াদিত্য। শোনো দূত! আর কথাতে কাজ নেই। কাল প্রভাতে তোমাদের শিল্পজগতের একচ্ছত্র সম্রাট এই বাস্তব-জগতের সার্বভৌম সম্রাটের সম্মুখে হয় তাঁর সুন্দরীর শ্রেষ্ঠতর সৌন্দর্য্য প্রদর্শন করে আমাদের দর্পচূর্ণ কর্তেন, নয়, নিজে, জয়াদিত্যের জয়যাত্রার রথচক্রে চূর্ণ হবেন!

দূত। দেশের এক প্রান্ত হতে অপর প্রান্ত পর্য্যন্ত সেই অপরূপার খোঁজ করেছেন, কিন্তু তবু কুমার তাঁর আর দেখা পান নি। কিন্তু...কিন্তু, তবু রেখানাথ সেই অপরূপার রূপ-রেখার যে পরিকল্পনায় বিভোর, আমরা তার আভাস পাই তাঁর চোখে, মুখে, স্বরে, গানে, স্বপ্নে!...কাজেই, আমি নিরাশ হয়ে ফিরে যাচ্ছি না, কিন্তু, তবু, আবার জিজ্ঞাসা করি, এই কি শেষ কথা?

বৃহদ্রথ। হাঁ, এই শেষ কথা।

জয়াদিত্য। আজ আমাদের ফুলশয্যা। এই ফুলশয্যার রাত্রিটুকু তোমাদের কুমারের অবসর। তিনি এই অবসরে যেন তাঁর কর্তব্য স্থির করেন, নইলে আগামী প্রভাতে, আমার সর্বপ্রথম কার্য্য তোমাদের জনপদ অগ্নিদগ্ধ করা—

দূত। তার প্রয়োজন নেই। আমরা আত্মসমর্পণ করেছি, তবে কুমারের কথা স্বতন্ত্র। তিনিও আজ রাত্রেই

তাঁর কর্তব্য হির কর্ণেন। আগামী প্রভাতেই তাঁর দর্শন পাবেন। যদি তাঁর আর কিছু বক্তব্য থাকে, তবে আজ রাত্রেই তিনি তা আপনাদের জানাবেন আমাকে বলেছেন। আমার অভিবাদন গ্রহণ করুন!...বিদায়!

[ দূতের প্রস্থান। ]

জয়াদিত্য। আমি বিস্মিত হয়েছি এই চিত্রকরের স্পর্শা দেখে!

বৃহদ্রথ। তার এই স্পর্শা কাল প্রভাতে চূর্ণ করা চাই বৎস!...অপরূপ রূপসী আমার কণ্ঠা, রাজস্বয়মণ্ডলে এ কথা একবাক্যে স্বীকৃত হয়েছে! আমার লেখার একমাত্র তুলনা আমার শালিকা-কণ্ঠা সুলেখা!...যেন দুইজনে দুইজনের প্রতিমূর্তি!...যারা জানে না, তারা বলে লেখা আর সুলেখা দুই যমজ ভগিনী! প্রকৃতির এই খেম্বালে আমাদের বিপদের অস্ত নেই! তবু,...প্রভেদ আছে, সে প্রভেদ শুধু তাদের মনে। একজন তেজঃদৃষ্টা, আর একজন কুসুম-কোমলা! একজন দিনের রৌদ্র, আর একজন রাত্রির জ্যোৎস্না!...এই প্রভেদটুকু না থাকলে কে যে লেখা আর কে যে সুলেখা আমিই চিনে উঠতে পারতুম না!

জয়াদিত্য। না চিনে উঠতে পারার ভয় আমিও প্রতিপদেই করে এসেছি; সেই জন্তই, আমি লেখাকে চোখে চোখে রেখেছি!

বৃহদ্রথ। চোখে চোখে রাখবার প্রয়োজন নেই। সুলেখা যখন আমার রাজ-সংসারে এসে দাঁড়াল, তখন সাদৃশ্যের এই গোলযোগ দূর করবার জন্ত, আমি আমার লেখার হাতে আমার রাজ-চিহ্নাচিত হীরকাসুরীয়ক পরিষে দিলুম! ঐ চিহ্নেই তুমি সব সময়েই তাকে চিনতে পারবে, রাজপুরীর সবাই ঐ চিহ্নে রাজকুমারীকে চিনে থাকে। এই গোলযোগ হ'ত না, যদি আমার শালিকা বেঁচে থাকতেন। তিনি সুলেখাকে প্রসব করেই পরলোকে আমার স্ত্রীর কাছে চলে যান। মরবার সময় তিনি তাঁর ঐ অনাথা কণ্ঠাকে আমাদের হাতে তুলে দিয়ে গিয়েছিলেন। সেই হতে দুই মাতৃহারা কণ্ঠাকে আমি সমভাবে লালনপালন করে এসেছি। সুলেখা আমার নিকট, লেখার চাইতে কিছু কম নয়!...যাক্ সে কথা। আমি যাই, ফুলশয্যার আয়োজন করি। আজ সে কাজও আমাকেই করতে

হবে; যার করবার কথা, সে নিশ্চিত মনে স্বর্ণসুখ উপভোগ করছে! [ পরিচ্ছদের প্রান্ত দ্বারা চোখ মুছিতে মুছিতে অলিন্দ-পথে বিলাস-কক্ষের দিকে প্রস্থান করিলেন। ]

[ তিনি দৃষ্টিপথের অন্তরালে যাওয়া মাত্র রাজকন্ঠার সখীগণ দরবার-কক্ষের দুই পার্শ্বস্থিত দরজা-পথে প্রবিষ্ট হইয়া চকিতে জয়াদিত্যকে নৃত্যদ্বারা আক্রমণ করিল। সেই নৃত্যগীতে তাহারা জয়াদিত্যকে ফুলশয্যায় আবাহন করিতেছিল। নৃত্যগীতান্তে কাশীরাজকণ্ঠা লেখা দরবার-কক্ষে উপস্থিত হইয়া স্বামীকে সহান্তে অভিনন্দিত করিলেন, এবং ইঙ্গিতে সখীকুলকে সেস্থান হইতে অপসারিত করিলেন। ]

লেখা। শুভ রাত্রি!

জয়াদিত্য। শুভ রাত্রি!

লেখা। ফুলশয্যা?

জয়াদিত্য। হাঁ, ফুলশয্যা। যেদিন তোমাকে প্রথম দেখেছিলুম, সেই আমাদের রাজস্বয় যজ্ঞে, আমাদের নাট-মন্দিরের সেই নৃত্য-উৎসবে,—সেই দিন রাত্রে আজকার এই ফুলশয্যা কল্পনা করেছিলুম! সেই কল্পনা প্রতিরাতে স্বপ্নময়ী হয়ে আমাকে ছলনা করেছে! দেশের শ্রেষ্ঠ বীর, সেখানে, ঐ এক বায়গায়, পরাজিত হয়েছে!... কিন্তু, আজ?

লেখা।...ছলনা করেছে!...বটে! কি যে ছলনা নয়, কে যে ছলনা নয়, এই ছলনার সংসারে তা বলা শক্ত।...হাঁ, শক্ত। প্রথমেই ধরুন, আপনি বললেন নাট-মন্দিরের সেই নৃত্য-উৎসবে আপনি আমাকে প্রথম দেখেছিলেন। কিন্তু...

জয়াদিত্য। কিন্তু?

লেখা। কিন্তু, সে কি আমাকেই দেখেছিলেন?

জয়াদিত্য। হাঃ হাঃ হাঃ...আমার চোখকে আমি অবিখ্যাপ কর্তে পারি নে!

লেখা। সত্যি?...কিন্তু, শাস্ত্রে কি পড়েন নি নিজের চোখে দেখেই অনেক সময় পণ্ডিতগণও রজ্জুকেই সর্প বলে ভ্রম করেন। করেন না কি?

জয়াদিত্য। তুমি কি বলতে চাও, সেদিন আর কাউকে তুমি বলে ভ্রম করেছিলুম?

লেখা। আমি বলতে চাই, যদি সেদিন আপনি আমাকে না দেখে সুলেখাকে দেখে থাকেন ?

জয়দিত্য। ...কিন্তু তোমার হাতের হীরকাসুরীয়ক ?

লেখা। ও আপনার আশ্চর্যবর্ণনা। নয় কি ?— হীরকাসুরীয়কের কথা আপনি আজ এই ক্ষণকাল পূর্বে পিতার নিকট জানতে পেরেছেন, সে দিন জানতেন না ! তার পরেও না !

জয়দিত্য। আমার করনার সঙ্গে খেলা ক'রো না লেখা। ...আমার সকল স্বপ্ন ভেঙে দিয়ে না, দিয়ে না— আমি তোমাকেই ভালোবেসেছি লেখা !—আর কাউকে নয় !

লেখা। তবেই দেখুন আমার এই রূপ আপনি ভালোবাসেন নি ! কারণ আমারো যা রূপ সুলেখারও সেই রূপ ! আপনি ভালোবেসেছেন রাজকন্তার স্মৃতি !

জয়দিত্য। হাঁ, হয় ত তাই। কিন্তু, তাতে কি কিছু আসে-যায় ?

লেখা। হয় ত যায়, হয় ত যায় না। আমি ঠিক জানি না। কিন্তু, লোকে যে স্মৃতিকেই ভালোবাসে, তার জলন্ত নিদর্শন আজ পেলুম ঐ পর্দার আড়ালে দাঁড়িয়ে, যখন চিত্রকূট-দূতের কথা শুনছিলুম !...সেই চিত্রকর কোন দিন, হয় ত মুহূর্তের তরে, কোন এক নারীকে দেখেছে, আজো তার ধ্যানেই সে বিভোর ! তার সেই ধ্যান রাজকুলের শ্রেষ্ঠা রূপসীও ভঙ্গ করতে পারে নি, কাল প্রভাতে মৃত্যু-রাক্ষসী পার্কে কি না তাও জানি না !

জয়দিত্য। কাল প্রভাতের আর বিশেষ বিলম্ব নেই, অতএব, শীঘ্রই তোমার কৌতূহল চরিতার্থ হবে ! এখন চল...ফুলশয্যার নিমন্ত্রণ রক্ষা করি !

লেখা। ফুলশয্যা ? ফুলশয্যা ! হাঁ, ফুলশয্যা। কিন্তু, তার পূর্বে আমার আর একটি জিজ্ঞাস্য আছে। অনুমতি পেলে নিবেদন করি !

জয়দিত্য।—দয়া করে বল !...

লেখা। রাজস্বয়ংক্রমে যাকেই দেখে থাকুন, আপনি রাজকন্তারূপে আমার স্মৃতিকেই ভালোবেসে আজ আমাকে আপনার বধুরূপে বরণ করেছেন। ...কিন্তু, ...কিন্তু...

জয়দিত্য। নিঃসঙ্কোচে বল লেখা !

লেখা। কিন্তু, আমার ভয় হয় ! হাঁ, আমি শিউরে উঠি !...অন্ধকার রাতে...অন্ধকার কক্ষে...

জয়দিত্য। বল...বল লেখা !

লেখা। ...যদি সুলেখাকে আপনি লেখা বলে ভ্রম করে বলেন !

জয়দিত্য। অন্ধকারেও হীরক জলে !

লেখা। তা আমিও জানি ! কিন্তু, তবু...তবু সুলেখা যদি...

জয়দিত্য। হাঁ, বল...সুলেখা যদি—

লেখা।—কোন দিন আমার অজ্ঞাতে, ধরুন আমার ঘুমের মাঝে, আমার এই অঙ্গুরীয়ক চুরী করে হাতে দিয়ে, ...পরে

জয়দিত্য। এ যে বিষম সমস্যা পড়লুম !...শোন। কালই আমরা কোশল যাত্রা করব। সেখানে আর তোমার সুলেখা রইবে না !

লেখা। তা ঠিক বটে !...হাঁ, সেখানে সুলেখা রইবে না বটে। ...যাক !...কিন্তু, হাঁ, ঐ চিত্রকরের বড় দর্প। কাল প্রভাতে সে পরাজিত হলে তাকে উপযুক্ত শাস্তি দিতে হবে। দিতেই হবে। কি শাস্তি ঠিক হয়েছে ?

জয়দিত্য। প্রাণদণ্ড...খুনী হবে তবে ?

লেখা। না...না...না। তা নয়। মৃত্যু তার শ্রেষ্ঠ দণ্ড নয়।

জয়দিত্য। তবে ?

লেখা। আমার কথা থাকবে ?

জয়দিত্য। আমি প্রতিজ্ঞা করছি, অবশ্য থাকবে। ...বল তুমি কি দণ্ড দিতে চাও ?

লেখা। ঐ সুলেখার সঙ্গে তার বিবাহ দিতে হবে !

জয়দিত্য। হাঃ হাঃ হাঃ, সে কি !

লেখা।—আমার খেয়াল ! সে রাজকন্তাকে তুচ্ছ করেছিল, এইবার অনাথাকে বধু বলে বরণ করুক ! সুলেখার হাত হতেও আমি মুক্তি পাই !

জয়দিত্য। তুমি তবে তাকে এখনো চেন নি !—বেশ ! সে যদি সুলেখাকে বিবাহ কর্তে অসম্মত না হয়, সুলেখা তারই বধু হবে !—এইবার চল...

লেখা। আপনি অগ্রসর হন...আমার সাজসজ্জা বাকী রয়েছে।

জয়দিত্য। শীগগীর এসো কিন্তু !

লেখা। তাতে ক্রটি হবে না।

জয়াদিত্য। বেশ! আমি চললুম। [ অলিন্দ-পথে  
নেপথ্যে প্রস্থান। ]

লেখা। মাধবিকা! [ মাধবিকার প্রবেশ ]

মাধবিকা। কি সখী!

লেখা। আমার বিশ্বস্ততমা প্রিয়তমা সখী!

মাধবিকা। ও কি ভাই! তুমি অমন শিউরে উঠছ  
কেন?...ও কি! তোমার চোখ ছলছল কেন?

লেখা। একটা গান শুনেছিলুম “ডুব দিয়েছি রূপ-  
সাগরে অরূপ-রতন আশা করে!” আমি আজ সেই ডুব  
দিতে চলেছি!

মাধবিকা। কি হয়েছে বোন, খুলে বল—

লেখা। তোকে পূর্বেই যখন আভাস দিয়েছিলুম,  
তখন তুই আমার কথা রাখতে প্রতিশ্রুত হয়েছিলি।  
এইবার তার পরীক্ষা।

মাধবিকা। অক্ষরে অক্ষরে আমি তোমার কথা রাখব  
বোন! এখন কি করতে হবে বল!

লেখা। আজ ফুলশয্যা!

মাধবিকা। তার সময় হয়েছে। চল—

লেখা। কিন্তু, আমি ফুলশয্যায় যাবো না।

মাধবিকা। তবে কি সহি আমি যাবো?

লেখা। যাবে সুলেখা।

মাধবিকা। তবে তোমার সেই খেয়ালই বজায় রইবে।

লেখা। হাঁ।

মাধবিকা। কিন্তু, সুলেখা কি সম্মত হয়েছিল?

লেখা। তাকে আমি আজ সারাটি অপরাহ্ন বুঝিয়েছি।  
অবশেষে সে সম্মত হয়েছে। তোরা তাকে আমার কৃতদাসী  
বলে থাকিস, এমনি অনুগত আমার সে।—কিন্তু তোরা  
তাকে ভুল বুঝেছিলি। প্রাণমন দিয়ে ভালোবাসলেই  
কৃতদাসী হতে হয়। সে আমার সেই কৃতদাসী। তা ছাড়া—

মাধবিকা। তা ছাড়া?

লেখা। সুলেখা জয়াদিত্যকে ভালোবাসে। জয়াদিত্য  
এ যুগের সর্বশ্রেষ্ঠ বীর! সুন্দর সুপুরুষ সে! জয়াদিত্য  
সার্বভৌম নরপতি! কে তাকে না ভালোবেসে থাকতে  
পারে!

মাধবিকা। তবে তুমি?

লেখা। আমি সব-চাইতে ভালোবাসি তাকে যে আমাকে

তুচ্ছ কর্তে পেরেছে। নারী যার পূজা পায়, তাকে সে  
পূজা কর্তে চায় না; নারী পূজা করতে চায় তাকে, যে  
তাকে পূজা করে না!

মাধবিকা। তবে তুমি জয়াদিত্যকে ভুললে?

লেখা। আমি যে চিত্রকরকে ভুলতে পারছি নে!  
নারীকে যে ভালোবাসে, নারী তাকে হয় ত ভুলতে পারে,  
কিন্তু, নারীকে যে আঘাত করে, নারী তাকে ভুলতে  
পারে না!

মাধবিকা। তুমি যা ভালো বোঝ, কর। আমি আমার  
কাজ করে যাব। যা করতে বলবে তাই কর।

লেখা। হাঁ বোন, তাই কর, তাই কর। আমার জন্ত  
ভেবো না। এই নাও অঙ্গুরীয়ক, এই অঙ্গুরীয়ক সুলেখাকে  
পরিয়ে দাও, আমার সাজে সাজিয়ে দাও। তাকে ব'লো  
শুধু আজকের রাতটুকুর জন্ত আমি ছুটি চাইছি! একটি  
রাত! শুধু একটি রাত!

মাধবিকা। বলব। কিন্তু, কোশলরাজ যদি অঙ্গুরীয়ক  
সত্ত্বেও সুলেখাকে আর কোনরূপে চিনতে পারে!

লেখা। কোশলরাজ স্মৃতির ধ্যান করেন। যাকেই  
তিনি পান না কেন, মনে কর্কেন সে আমি, কাশী-রাজকন্যা  
লেখা। তা ছাড়া, “অন্ধকারে হীরক জলে ব'লে” তিনি  
নিশ্চিত আছেন। [ শিবির-প্রান্তে সানাই বাজিয়া উঠিল। ]  
ঐ সানাই বাজছে!...ফুলশয্যার তান!—না বোন, আর  
মুহূর্ত্ত বিলম্ব নয়, তুই যা...শীগুণী! [ তাহাকে অঙ্গুরীয়ক  
দিয়া অলিন্দ-পথে ঠেলিয়া দিলেন। মাধবিকা লেখার প্রতি  
একবার ফিরিয়া চাহিয়া, পরে অদৃশ হইল। ]

[ শিবির-প্রান্তে সানাই বাজিতে লাগিল। একমনে  
লেখা তাহা শুনিতে লাগিলেন। পরে একবার অলিন্দ-  
পথে বাহির হইলেন, আবার কক্ষে প্রবেশ করিয়া পর্দা  
ছাড়িয়া দিয়া আত্মগোপন করিলেন। একাধিকবার এইরূপ  
করাতে মনে হইল তিনি খুব বিচলিত হইয়া পড়িয়াছেন।

কিয়ৎক্ষণ পরে, এদিকে, ফুলশয্যার শোভাযাত্রা অলিন্দ-  
পথ দিয়া ক্রমে বিলাস-কক্ষের দিকে অগ্রসর হইল। লেখা  
ছুটিয়া যাইয়া অতি সঙ্কোচে সেই জনতার মধ্যে মিশিয়া  
গেলেন। ধূপ দোপ আলো, নানাবিধ ঘোতুক প্রভৃতি বহন  
করিয়া, সখীগণ, বাহকগণ, অমুচরগণ, শোভা-যাত্রার  
পুরোভাগে এবং পশ্চাদ্ভাগে সুসজ্জিত ছিল। মধ্যভাগে

ছিলেন বরণডালা হাতে কুলঙ্গীগণ এবং, ক্রমে, জয়াদিত্য, ( অবশুষ্টিতা সুলেখা ), এবং বৃহদ্রথ ।

বিলাস-কক্ষে শুধু তাঁরাই প্রবেশ করিলেন যারা শোভা-যাত্রার মধ্যভাগে ছিলেন । কাশীরাজ ও কুলঙ্গীগণ বর ও বধুকে আশীর্বাদ করিয়া পার্শ্বস্থ দ্বারপথে প্রস্থান করিলেন । তদনন্তর সখীগণ, বরণডালা হাতে লইয়া, দুই পার্শ্বস্থ দ্বারপথে বিলাস-কক্ষে প্রবেশ করিয়া সানাই বাজের তালে তালে, বর ও বধুকে আরতি-অভিনন্দনে অভিনন্দিত করিল । নাটকে গানের প্রয়োজন, অতএব, খুব সম্ভবতঃ তাহারা সমরোপযোগী গানও গাহিয়াছিল । তাহা শেষ হইলে, ক্রমে, তাহারা অদৃশ হইল, এবং বিলাস-কক্ষের সম্মুখস্থ পর্দা, ধীরে ধীরে, বিলাসকক্ষের সম্মুখে ঝুলিয়া পড়িল । শোভাযাত্রার যাহারা বাহিরে ছিল, ততক্ষণ, তাহারাও অপমৃত হইয়াছে । ক্রমে সানাইও থামিয়া গেল ।

অতিথি-নিবাসের সম্মুখস্থ দরজা-পথের পর্দার আড়াল হইতে লেখা বাহির হইয়া আসিলেন । কম্পিত চরণে বিলাস-কক্ষের পরদা-পথে উঁকি দিতে বাইয়াই সহসা প্রতিনিবৃত্ত হইলেন । পরে অলিন্দ-পথে, ধীরে ধীরে দরবার-কক্ষে প্রবেশ করিলেন । প্রবেশ করিয়াই দেখেন সেখানে চিত্রকর-সম্রাট রেখানাথ উপবেশন করিয়া রহিয়াছেন । বোধ করি তিনি শোভাযাত্রার ভিড়ের মধ্য হইতে কোন সময়ে এইখানে আসিয়া কাহারো প্রতীক্ষা করিতেছেন । লেখা তাঁহাকে দেখিয়াই প্রথমে ছুটিয়া চলিয়া যাইতে গিয়াই আবার ফিরিলেন । এবং ধীরে ধীরে তাঁহার সম্মুখে আসিয়া সাহস-ভরে কথা কহিয়া তাঁহার তন্ময়তা দূর করিলেন । ]

লেখা । আমার অভিনাদন গ্রহণ করুন ।

রেখানাথ । আমার আশীর্বাদ ! [ হাত তুলিয়া আশীর্বাদ করিলেন । ]

লেখা । আপনার পদস্পর্শে আমাদের এই দীন বস্ত্রা-বাস ধস্ত !

রেখানাথ । পরিহাসও তবে কলাবিজ্ঞা হিসাবে শিক্ষা করা যায় দেখছি ! বাঃ চমৎকার !...হু...কিন্তু রাজা কোথায় ? অথবা কোশলেশ্বর জয়াদিত্য ?

লেখা । রাজা শয়নকক্ষে এতক্ষণ নিদ্রাগত । আর কোশলেশ্বর তাঁর হৃদয়েশ্বরীর সঙ্গে কুলশব্যার প্রেমরঙ্গে

মত্ত । আপনার যা প্রয়োজন, যদি নিতান্ত অসঙ্গত না হয়, তবে আমাকেই বলতে পারেন...

রেখানাথ । আপনি—

লেখা । আমি সুলেখা, কাশীরাজের শালিকা-কন্যা ।

রেখানাথ । আমি আপনার কথা শুনেছি ; তবে দেখলুম আজ এই প্রথম । রাজকন্যা দেখার চিত্রাঙ্কনার্থ যখন আমি নিমন্ত্রিত হয়ে রাজপ্রাসাদে অতিথি ছিলাম, তখনি আপনাদের এই অশ্রুতপূর্ব সাদৃশ্যের কথা শুনি । আর সেই সময় রাজকন্যার সেই হীরকাসুরীয়ক অভিজ্ঞানের ধবর জেনেছিলাম বলেই আজ আপনাকে রাজকন্যা লেখা বলে ভুল করে বসিনি !

লেখা । সম্পূর্ণ অপ্রত্যাশিত ভাবে আজ এই গভীর রাত্রে এখানে আপনার শুভ-পদার্পণের উদ্দেশ্য ?

রেখানাথ । কাল প্রভাতে আমার জীবন-মৃত্যুর সন্ধিক্ষণ ! তবু, আজ রাত্রে এই অনিয়ম ক্রমা করা কি এতই কঠিন ?

লেখা । আপনি আমাকে ভুল বুঝেছেন ! আমি কোন কৈফিয়ৎ চেয়েছিলাম না । কোতূহল হয়েছিল, সেই কোতূহল চরিতার্থ কর্তে চেয়েছিলাম । বরং আপনিই আমাকে ক্রমা করুন !

রেখানাথ । তর্ক-বিতর্কে নষ্ট করবার মত সময় আমার নেই ! তোমাদের অভিভাবকগণের আমি দর্শন ভিক্ষা করি ।

লেখা । আমিও বৃথা কথা বলে আপনার মূল্যবান সময় নষ্ট কর্তে চাই নে । আপনার উদ্দেশ্য আমার নিকট বিবৃত করুন.....আপনার উদ্দেশ্য সিদ্ধ হবে । জানবেন আমি তাঁদেরই প্রতিনিধি ।

রেখানাথ । তবে আপনিই শুনুন । কাল প্রভাতে আমার জীবন-মৃত্যুর সন্ধিক্ষণ । আজ তাই এই সুন্দর ধরণী হতে বিদায় নেবার জন্ত নিজেকে প্রস্তুত করছি ! স্নেহ-কাতর বৃদ্ধ কাশীরাজের মনে আমি যে ক্ষোভের সঞ্চার করেছি, আজ আমাকে আমার সেই অমুতাপ হতে মুক্ত হতে হবে । মুক্ত না হলে আমার বিদায় পরিপূর্ণ হবে না । এই নিন রাজকন্যা লেখার প্রতিকৃতি !

লেখা । [ পরিপূর্ণ উৎসুক্য কিছুতেই দমন করিতে না পারিয়া ] সে কি ! এ কি !...কই ? [ হাত বাড়াইয়া

প্রতিকৃতি গ্রহণ করিয়া তাহা দেখিয়া ] উঃ, এ যে অবিকল, অবিকল প্রতিচ্ছবি!...কিন্তু, কিন্তু, তবে আপনি আপনার সংকল্প ত্যাগ করেন?...নিকৃষ্টতর সৌন্দর্য্য এঁকে আপনি পরাজয় স্বীকার করেন?

রেখানাথ। প্রতিমূর্ত্তি নিখুঁত হয়েছে?

লেখা। নিখুঁত, নিখুঁত! এ তো শুধু প্রতিকৃতি নয়, এ জীবন্ত মূর্ত্তি!...যাক, আমার সাধনা সফল হ'ল!...আজ তোমার এই পবাজয় কামনা করেই আমি তোমার শিল্প-কুঞ্জ অভিসারে চলেছিলুম—

রেখানাথ। ...বিদায়! আমার শিষ্যের শ্রম সার্থক হয়েছে!...অতি যত্নে সে এঁকেছে! আমি আমার শ্রেষ্ঠ তুলি দিয়ে তাকে আশীর্বাদ করব!

লেখা। [সবিস্ময়ে]...এ চিত্র তবে তুমি আঁকো নি?

রেখানাথ। আমি?—হাঃ হাঃ হাঃ।

লেখা। এ চিত্র আমরা গ্রহণ করলুম না!...[সরোবে] ফেরৎ নাও...

রেখানাথ। —ফেরৎ নিতে হয়, শিষ্য নেবে; আমার কাজ শেষ হয়েছে। শোন নারী! আমার সুন্দরী তোমাদের দেখেছে, আর হাসছে!...ঐ যে চিত্র...ঐ চিত্রে, ঐ মধু-মুখের ঐ চারু ওষ্ঠের একটি পাশে ছোট্ট একটি কালো তিল বসিয়ে দিলে ঐ চিত্র আরো শতগুণ সুন্দর হয়ে উঠত... সেই যে সৌন্দর্য্য, সেই সৌন্দর্য্যের চাইতেও শতগুণে সুন্দর আমার সুন্দরী!...কাল প্রভাতের পবাকায় আমি ভয় পাই নি!...আমার এই শিষ্যও তো ভয় পেতো না... সে শুধু ঐ ছবিতে একটি তিল বসিয়ে দিত!...কিন্তু, আমার ভয়, আমি, আমার সুন্দরীকে, কাল প্রভাতে বিশ্ব-ভুবনে তার মহিমার পরিপূর্ণ সমারোহে প্রকাশিত কর্তে পারব কি না!...আমি ক্লান্ত, আমি শ্রান্ত, আমার তুলি চলে না! কালী সরে না!...দীর্ঘপথেব যাত্রী আমি! সাথী নেই, দোসর নেই!...তবু চলেছি! চলেছি! সে আমার হাতছানি দিয়ে ডাকছে—তারি :উৎসাহে চলেছি! চলব!

লেখা। চিত্রকর! চিত্রকর! বল...আরো বল...

রেখানাথ। “ডুব দিয়েছি রূপ-সাগরে

অরূপ-রতন আশা করে!”

লেখা। চিত্রকর! চিত্রকর!...তুমি কি যাহুকর?

রেখানাথ। আমি চললুম। আজ এই রাজিটুকু আমাকে অমানুষিক শ্রম কর্তে হবে। আমার মাথার ভেতর রূপের আশুণ জ্বলছে! হয় ত সে আশুণ বিশ্ব আলোকিত করবে, না হয়, তাতে আমার সকল সম্বা ভস্মীভূত হবে!...কিন্তু, তবু এর শেষ দেখব! মর্ত্তে হয় মর্ত্ত, স্বপ্নে বিভোর হয়ে পরলোকে যাবো...সেখানে আবার চেষ্টা করব, না পারি, আবার মর্ত্তে নেমে আসবো! যুগে যুগে জন্ম আর মৃত্যুর মধ্য দিয়ে আমার এই সাধনা চলবে!

লেখা। চিত্রকর! চিত্রকর! তোমার সুন্দরীর কথা বল—

রেখানাথ। সময় নেই, সময় নেই। আমার শেষ কথাটি তোমাকে বলে যাই! রাজকন্ঠা লেখাকে ব'লো, সে যেন আমাকে ভুল না বোঝে। যদি আমি কাল প্রভাতে জয়ী হই, বিশ্ব ভুবন বুঝবে কি সৌন্দর্য্যে আমি মত্ত মাতাল হয়ে রয়েছি! আর যদি পরাজিত হই, তবু, রাজকন্ঠা লেখাকে আমি আমার সুন্দরীর আভাস দিয়ে যাবো। চিত্রপটে আমি তার রূপরেখা যতটুকু ফোটাতে পারি, সেইটুকু লেখাকেই উৎসর্গ করে যাব—সেই হবে আমার জীবনের শেষ ও শ্রেষ্ঠ উৎসর্গ! লেখা সেই রূপরেখা ধ্যান কর্তে কর্তে আরো সুন্দর হবে, আরো অপরূপ হবে!

লেখা। লেখাকে এ উপহার কেন?

রেখানাথ। আমি জানি, সে আমাকে ভালোবেসেছে! [বলিয়াই চকিতে অলিন্দ-পথে নিজাক্ত হইলেন। লেখা শুরু হইয়া দাঁড়াইয়াই রহিলেন।]

[মূহূর্ত্তপরে : সেখানে অরিৎপদে মাধবিকা আসিয়া বিস্ময়াভিভূতা লেখাকে স্পর্শ করিয়া সচকিত করিল।]

মাধবিকা। তুমি এখনো এখানে দাঁড়িয়েই রয়েছ?—সর...সর...ছুটে পালাও!...ওরা এখানে উঠে আসছে!

লেখা। কারা?

মাধবিকা। বর এবং বধু!

লেখা। তুমি তা জানলে কেমন করে?

মাধবিকা। আমি আড়িপেতে বসে ছিলাম! ওদের সব প্রেমলাপই শুনেছি। এখন ওদের বেড়াতে দেখা হয়েছে। ঐ জ্যোৎস্না উঠেছে! বসন্ত-সমীরণ ভেসে আসছে! প্রেমসাগরে তুফান উঠেছে!

লেখা। কবিগণ থাক। শোন—

মাধবিকা। বল—

লেখা। আমার ঘরে চল। সুলেখাকে আমার অনেক কথা বলবার আছে। কিন্তু নিজস্ব মুখে তা বলতে সাহস পাচ্ছি নে! লজ্জা হচ্ছে! তুমি আমার দূতী হয়ে তাকে তা নিবেদন করবে!

মাধবিকা। কিন্তু তাকে একলা পাবার সুযোগ পেলে হয়। সে হবে এখন।...ঐ তারা আসছে!—চল...পালাও—[লেখার হাত ধরিয়৷ অতিথি-নিবাসে আত্মগোপন।]

[কিছু পরে, সুলেখা ও জয়াদিত্য হাত-ধরাধরি করিয়া অলিন্দ-পথে দরবার-কক্ষে আসিয়া উপস্থিত হইলেন।]

জয়াদিত্য। এই জ্যোত্স্না রাত্রে তুমি আমার কোলে মাথা রেখে গান গাও, আমি শুনি!

সুলেখা। গান নয়, তুমি গল্প কর, আমি শুনি। তোমার যুদ্ধজয়ের কাহিনী বল, তোমার কীর্তি-কাহিনী বল, দেশের সার্বভৌম নরপতি তুমি, কি তোমার গৌরব, কি তোমার গর্ভ আমাকে বল...আমি শুনব! আমি শুনব!

জয়াদিত্য। বলব! সব বলব!...কিন্তু আমি কি শুধু বলব-ই? শুনব না?...

সুলেখা। বেশ, তবে শোন...

[সুলেখা গান গাহিলেন। গান শুনিতো শুনিতো জয়াদিত্য সেইখানেই ঘুমাইয়া পড়িলেন।]

সুলেখা। [গীতান্তে] এ কি! তুমি ঘুমিয়ে পড়েছ? [কিয়ৎক্ষণ তাঁহার ঘুমন্ত সৌন্দর্যের প্রতি মুগ্ধদৃষ্টিতে তাকাইয়া] না থাক!...সারাদিন যুদ্ধশ্রমে ক্লান্ত তুমি,... ঘুমাও। আমি গান গাই! সেই স্বপ্নের গান, যার আরম্ভও জানি নে, কখন যে ভেঙে যাবে তাও জানিনে! ...কি রহস্যময় এই স্বপ্নের জীবন, অথবা, জীবনের স্বপ্ন! [তন্ত্র হইয়া ভাবিতে লাগিলেন। অথবা, নাটকীয় প্রয়োজনে হয় ত আর একটি গানও গাহিলেন।]

[অতি শঙ্কিত চরণে মাধবিকা আসিয়া সুলেখার অঙ্গ স্পর্শ করিল। সুলেখা চমকিয়া উঠিলেন।]

সুলেখা। কি?

মাধবিকা। চুপ!...[নিরবধি] শুনে যাও—

সুলেখা। কোথায়?

মাধবিকা। ...নির্জনে!...চল...ঐ বিলাস-কক্ষে—

সুলেখা। [অঙ্গুলি-নির্দেশে জয়াদিত্যকে দেখাইলেন।]

মাধবিকা। ঘুমিয়ে রয়েছেন, বেশ!...ওঁকে না জাগানোই ভালো, তবে আমাদের কথা কইবার সুযোগ হবে না, অথচ, বড় জরুরী কথা—

সুলেখা। কিছু কি প্রকাশ পেয়েছে?

মাধবিকা। তুমি এসে শুনে যাও বোন!

[নিতান্ত অনিচ্ছাতেই সুলেখা মাধবিকার পশ্চাদ্ভর্তিনী হইলেন। যাইবার সময় দরবার-কক্ষের পরদা টানিয়া দিয়া গেলেন। তাঁহারা অলিন্দ-পথে চলিয়া বিলাস-কক্ষের পরদা অপসারিত করিয়া কক্ষান্তরে প্রবেশ করিলেন।]

সুলেখা। ...কি বোন?

মাধবিকা। লেখার কাজ শেষ হয়েছে।

সুলেখা। কিন্তু, কিন্তু...রাত কি ভোর হয়েছে?

মাধবিকা। না, এখনো বিলম্ব আছে। শোন বোন! কাল প্রভাতে চিত্রকর রেখানাথ জীবন-মরণের সন্ধিক্ষণে উপনীত হবেন। আজ রাত্রে সেই মৃত্যু-পথ-যাত্রীকে পরীক্ষা করবার জন্ত, লেখা, তোমার হাতে তার আজ রাত্রির পত্র সমর্পণ করে, অভিসারিকা সেজেছিল— হাঁ, এ অভিসারিকা ভিন্ন আর কি!

সুলেখা। —[আপন মনে] চক্রমা তো এখনো অস্ত যায় নি!

মাধবিকা। লেখার সেই পরীক্ষা শেষ হয়েছে!

সুলেখা। কিন্তু আমার স্বপ্ন তো এখনো শেষ হয় নি!

মাধবিকা। শোন বোন—

সুলেখা। না...না...ব'লো না, ব'লো না...রাত্রি শেষ হোক, তার ঘুম ভাঙুক...

মাধবিকা। সুলেখা!

সুলেখা। চুপ!

মাধবিকা। তবে শোন—

সুলেখা। বল...বল...না, না, ব'লো না!

মাধবিকা। ...তুমি বুঝেছ!...লেখা এখন তোমার হাতের ঐ অঙ্গুরীয়ক ফেরৎ চায়—

সুলেখা। ও—হো—হো! [আর্তনাদ করিয়া উঠিয়া কোচে এলাইয়া পড়িলেন]





বর্ণনা

শিল্পী—শ্রীযুক্ত চাঁদচন্দ্র সেনগুপ্ত

Bharatvarsha Halftone & Printing Works.



মাধবিকা। সুলেখা! সুলেখা! আমি ঐ পর্দার আড়ালে যেন কার পায়ের শব্দ পেলুম...ওষ্ঠ...আত্মসম্বরণ কর...অঙ্গুরীয়ক দাও—

সুলেখা। না—না—না—! [ হুই হাতে মুখ ঢাকিলেন ]

মাধবিকা। সে কি!

সুলেখা। পারি না, পার্কি না, তাকে ছেড়ে দিতে পার্কি না! তিনি আমাকে ভালোবেসেছেন! তিনি আমাকে তাঁর ইহকাল পরকাল নিবেদন কবেছেন, আমি তাঁকে আমার জীবন-মন সমর্পণ করেছি! এ তো একদিনের, এক রাত্রির ভালোবাসা নয় সখী!

মাধবিকা। মনে রেখো তুমি তাব পত্নী নও—

সুলেখা। হাঁ, মঙ্গপাঠ হয় তো হয় নি! কিন্তু না—না—না—এ যে কিসের বন্ধন আমি বলতে পার্কি না!

মাধবিকা। লোকে বলবে এ বাস্তিচার!

সুলেখা। রাধিকার এই বাস্তিচার তাঁর মাথার মণি ছিল, আমার এই ভালোবাসা আমাবো মাথার মণি!

মাধবিকা। কিন্তু কথার তো আব সময় নেই! তুমি তবে রাজকন্ঠার প্রস্তাবে সন্মত নও?

সুলেখা। না—না—না! [ হুই হাতে মুখ ঢাকিলেন। ]

মাধবিকা। জীবনে বোধ করি এই প্রথম তোমার ভগিনীর অবাধা হলে।

সুলেখা। ওঃ [ মুগ্ধ চাকিয়া কাঁদিতে লাগিলেন। ]

মাধবিকা। মুর্থ তুমি! জয়াদিত্য তোমাকে ভালোবাসে নি, ভালোবেসেছে রাজকন্ঠাকে। তাঁর ধারণা তুমিই রাজকন্ঠা। যে মুহূর্তে তিনি জানতে পার্কেন যে তুমি সুলেখা, নও, সেই মুহূর্তেই...

সুলেখা। [ চমকিয়া উঠিয়া ]—সে কি!

মাধবিকা। হাঁ, সেই মুহূর্তেই তিনি তোমাকে স্বর্ণায় পরিভ্যাগ কর্কেন। যাও দেখি তুমি তাঁর কাছে একবার ঐ অঙ্গুরীয়ক ত্যাগ করে!

সুলেখা। না—না—না!...তা কি সে পারে! সে আমাকে মনে প্রাণে ভালোবেসেছে বলেছে! বলেছে—ওগো রাণী! যুগযুগান্তেও জন্মমৃত্যুর মধ্য দিয়েও আমি তোমারি!

মাধবিকা। অবোধ তুমি! নিতান্ত সরলা তুমি!

তোমার অদৃষ্টে বহু দুঃখ আছে। সময় থাকতে এখনো সাবধান হও!...একবার গিয়েই দেখ না তাঁর কাছে ঐ অঙ্গুরীয়ক ত্যাগ করে!

সুলেখা।—হাঁ, তাই যাব। তাতে আমার ভয় নেই! আমি তাঁর কালো চোখে তাঁর মনের অন্তরতম কথাটি পর্যন্ত পড়েছি।...হাঁ যাব।—এই নাও তোমার অঙ্গুরীয়ক। [ অঙ্গুরীয়ক দান। ] আমি চললুম। আমি তাঁকে সব খুলে বলব! তবু দেখবে সে আমারি, আমি তাঁরি! [ উদ্ভ্রান্তভাবে পার্শ্বস্থ দ্বার-পথে নিষ্ক্রান্ত হইলেন। মাধবিকা তাহার এই উন্মাদনা লক্ষ্য করিয়া অবাচ্ হইয়া রহিল। তাহার চমক ভাঙিল তখন, যখন পরে লেখা আসিয়া অতি সন্তর্পণে তাহার অঙ্গ স্পর্শ করিলেন। ]

লেখা। অঙ্গুরীয়ক—?

মাধবিকা। নাও... [ অঙ্গুরীয়ক দান। ]...কিন্তু প্রথমে সে কিছুতেই স্বীকৃত হয় নি!

লেখা। আমি অন্তরালে দাঁড়িয়ে সব শুনেছি। কিন্তু, কি কর্কি! উপায় নেই! অরুণ-রতন আশা করে রূপ-সাগরে ডুব দিয়েছি! কি পাব কে জানে!...

মাধবিকা। সুলেখা সেজে তবে আশা মিটল না?

লেখা। মিটল না! মিটল না!...কিসে যে কি পাব কে জানে! আলেয়ার আলো লুকোচুরী খেলছে! তারি পেছনে আবার ছুটেছি এই অঙ্গুরীয়ক নিয়ে! হয় ত তার উপহার পাবো।...কিন্তু, পাবো কি না তাই বা কে জানে! ওগো, এই কি মরীচিকা? মাধবিকা! মাধবিকা! যুগতৃষ্ণিকার অর্থ জানিস?

মাধবিকা। রাত্রি শেষ হয়ে এল। তুমি একটু ঘুমিয়ে নাও লেখা!

লেখা। ঘুম? আজ রাত্রে ঘুম?...জীবনে আর ঘুম আছে কি না তাই বা কে জানে!...না, না...আমি চললুম! এইবার জয়াদিত্যের পরীক্ষা। আমার ভাগ্যের জাল আমি নিজে বুনে যাচ্ছি!—সেই জালে কে জড়িয়ে মর্কে জানিনে!...আমি নিজে? না জয়াদিত্য? না চিত্রকর?

[ বিহ্বলভাবে পার্শ্বস্থ দ্বার-পথে নিষ্ক্রান্ত হইলেন, মাধবিকাও তাঁহার অনুবর্তিনী হইল। প্রহর শেষের সানাই বাজিয়া উঠিয়া থামিয়া গেল। ]

[ ইহার পর দেখা গেল দরবার-কক্ষের পরদা সরাইয়া সুলেখা ভিতরে প্রবেশ করিয়া নিদ্রিত জয়াদিত্যকে জাগাইলেন ]

সুলেখা। জাগো! ওগো জাগো! জাগো!

জয়াদিত্য। কে?

সুলেখা। বল দেখি কে! [ দীপ নিভাইয়া দিলেন ]

জয়াদিত্য। আমি দেখেছি।...তুমি আমারই হাতের লেখা। কিন্তু লেখা! অন্ধকারে এ আবার তোমার কি খেলা?

সুলেখা। আলোতে নির্ভয়ে কথা বলা যায় না। আলোতে সত্য কথা দীপ্তি পায় না। অন্ধকারেই আজ আমাদের হৃদয় খুলতে হবে। আমি একটা দুঃস্বপ্নের কথা যদি তোমার কাছে বলি—

জয়াদিত্য। তুমি কি ভয় পেয়েছ রানী?

সুলেখা। ভয় পেয়েই তোমার কাছে ছুটে এসেছি।... বলব?

জয়াদিত্য। নির্ভয়ে বল! যুগের শ্রেষ্ঠ বীরের বৃকে তোমার আশ্রয়। নিঃসঙ্কোচে তোমার রহস্য প্রকাশ কর রানী!

সুলেখা। তবে শোন! আজ যেন আমি তোমার ভালোবাসা পেয়েছি, এখনো পাচ্ছি, কিন্তু—

জয়াদিত্য। থেমো না, বল—

সুলেখা। কিন্তু, মনে কর আমি রাজকন্যা নই, আমি কোন অভাগিনী ভিখারিনী!

জয়াদিত্য। রানী হতে হলেই যে রাজকন্যা হতেই হবে, এ কথা তোমাকে কে বললো লেখা? আর, ও কষ্ট-কল্পনারই বা প্রয়োজন কি?

সুলেখা। প্রয়োজন আছে। যদি আমি ভিখারিনী হতুম, তবু তুমি আমার ভালোবাসতে?

জয়াদিত্য। তা না বাসলে, আমার এ ভালোবাসা যে মিথ্যা হ'ত প্রিয়তমে!

সুলেখা। আজ যদি আমি বলি আমি লেখা নই, আমি সুলেখা—

জয়াদিত্য। হাঃ হাঃ হাঃ! অন্ধকারেও হীরক জ্বলে!—তোমার হাতের ঐ হীরকাসুরীয়ক ঘোষণা কর্কে যে তুমি...কিন্তু এ কি। তোমার অসুরীয়ক?

সুলেখা। নেই! নেই! . ওঃ [ আর্তনাদ করিয়া উঠিলেন। ]

[ সহসা দীপ জলিয়া উঠিল। দেখা গেল সুলেখার পার্শ্বে মাধবিকা দাঁড়াইয়া রহিয়াছে। ]

মাধবিকা। সখী!...এই তোমার হীরকাসুরীয়ক। [ তাহার হাতে পরাইয়া দিতে দিতে ]...তুমি হারিয়েছিলে, তোমার বোন পেয়ে আমাকে দিয়ে তোমাকে ফেরৎ পাঠিয়ে দিলেন!

সুলেখা। ওঃ [ মুচ্ছিত হইয়া পড়িলেন। ]

জয়াদিত্য। মাধবিকা! মাধবিকা! জল আনো! বাতাস কর!

[ সন্মুখস্থ পর্দা পড়িয়া গেল। ধীরে ধীরে সমস্ত শিবির অন্ধকারে আচ্ছন্ন হইয়া গেল। কক্ষণ সুরে সানাই বাজিতে লাগিল। ক্রমে উষার আলো ফুটিয়া উঠিতে লাগিল। শিবিরের সন্মুখস্থ প্রাঙ্গণ দিয়া এক দল বৈতানিক প্রভাতী গাহিয়া গেল। তাহারা যখন চলিয়া গেল, তখন প্রভাত হইয়াছে। পাখীরা গান গাহিয়া উড়িয়া যাইতেছে। ধীরে ধীরে দরবার-কক্ষের পর্দা সরিয়া গেল। জয়াদিত্য ও কাশীরাজ বৃহদ্রথ দরবার কক্ষ হইতে বাহির হইয়া আসিয়া প্রাঙ্গণে দাঁড়াইলেন। ]

বৃহদ্রথ। তোমার প্রভু কোথায়?

দূত। তিনি তাঁর চিত্রশালায়।

জয়াদিত্য। তার সুন্দরী-শ্রেষ্ঠার চিত্র কই?

দূত। [ নতশিরে নীরব রহিল ]

জয়াদিত্য। তার সুন্দরী শ্রেষ্ঠার চিত্র কোথায়?

দূত। [ তথাপি পূর্ববৎ নীরব। ]

বৃহদ্রথ। এই মুহূর্ত্তে উত্তর চাই—বল দূত অবিলম্বে, নইলে, সেনাপতি! ঘাতক!

[ তৎক্ষণাৎ সেনাপতি ও ঘাতক আসিয়া অভিবাদন করিয়া দাঁড়াইল। ]

দূত। আমার যা বলবার আছে, আমি নির্ভয়েই বলব।

জয়াদিত্য। কথা রাখ।...বল, কোথায় তার সেই সুন্দরী-শ্রেষ্ঠার প্রতিমূর্ত্তি?

দূত। তিনি তা অন্ধন কর্ত্তে অক্ষম হয়েছেন!

জয়াদিত্য। তা আমি পূর্বেই জানতুম!

বৃহদ্রথ। আমিও তা পূর্বেই জানতুম! কিন্তু, ওঃ

অক্ষয়তা জ্ঞাপন কর্লেই তো চলবে না, আমার কণ্ঠার বিশ্ববিজয়িনী রূপের অমর্যাদা করবার গুরু অপরাধের দণ্ডভোগ কর্তে হবে। সেনাপতি! চিত্রকর রেখানাথকে এখানে অবিলম্বে উপস্থিত কর—

[ সেনাপতি প্রস্থান করিল। ]

দূত। স্মরণ রাখবেন কুমার রেখানাথ যুগপ্রবর্তক চিত্র-শিল্পী। এই প্রতিভা অকালে ধ্বংস কর্লে ভবিষ্যৎ-মানব পর্যাঙ্ক আপনাকে দিক্কার দেবে, আপনাকে অভিশাপ দেবে।

বৃহদ্রথ। সে আমার কণ্ঠার অপরূপ রূপকে অপমান করেছে। অত্ন কেউ এ অপমান কর্লে, ক্ষমা করা যেত, কিন্তু, ঐ যুগ-প্রবর্তক শিল্পী আমার যুগ-বরণ্য্য কণ্ঠাকে অপমান করেছে, যুগান্তরেও, লোকে ইতিহাসের কল্যাণে এ কথা না জেনে ছাড়বে না! আমি শুদ্ধ সেই জন্ম সেই অপরিণামদর্শী চিত্রকরকে ক্ষমা করতে অক্ষম!

[ চিত্র হস্তে লেখার প্রবেশ। ]

লেখা। ক্ষমার প্রয়োজনও নেই!—সে...চিত্র দিয়ে গেছে!.....আর, সে চিত্র আমাদের রূপগর্ভ চূর্ণ করেছে! ...এই দেখুন—[ বৃহদ্রথ-হস্তে চিত্র দান। ]

বৃহদ্রথ। এ কি! মা সুলেখা! এ চিত্র তুমি কোথায় পেলে?

লেখা। সে কাল রাত্রে, ফুলশয্যার মাস্তুলিক অনুষ্ঠানের সময়, এই চিত্র আপনার উদ্দেশে নিবেদন করে গেছে।

বৃহদ্রথ। দেখ দেখি বৎস! [ চিত্রখানি জয়াদিত্যের হস্তে দিলেন। ]

জয়াদিত্য। কিন্তু...এ যে রাজকণ্ঠা লেখার মুখখানিই মনে করিয়ে দেয়!

লেখা। হাঁ রাজা!...ও লেখা-সুলেখারই প্রতিমূর্তি; কিন্তু, ঐ ছবির মুখ-সৌন্দর্য্য আরো শতগুণে ফুটে উঠেছে... ঐ চাকু ওষ্ঠের পাশে ঐ ছোট্ট কালো তিলাটিতে, যা আমাদের কারো নেই!

বৃহদ্রথ। সত্য?

জয়াদিত্য। [ অধোমুখে ]—সত্য।

লেখা। [ পিতাকে প্রণাম করিয়া উঠিয়া ] এইবার তবে আমাকে বিদায় দিন!

বৃহদ্রথ। সে কি মা!

লেখা। মনে মনে আমি তাঁকে আমার গুরুরূপে বরণ করেছি!...এইবার তাঁর পথেরই পথিক আমি!

বৃহদ্রথ। সে কি কথা মা!...আমুক সে, সে কি বলে শুনি!

[ সেনাপতির ও রেখানাথের শিষ্যের প্রবেশ ]

সেনাপতি। সে আশা বৃথা। তিনি বিদায় নিয়েছেন। লেখা। [ পাংশু হইয়া ] সে—কি!

সেনাপতি। আমি যখন তাঁর দেখা পেলুম, তখন তাঁর শেষ-মুহূর্ত্ত!...তিনি এই বস্ত্রাবৃত চিত্রখানি আমার হাতে দিয়ে বল্লেন “রাজকণ্ঠা লেখাকে সশ্রদ্ধ উপহার!”

লেখা। আমি জানি! আমি জানি! ওঃ [ দুই হাতে মুখ ঢাকিয়া অব্যক্ত বেদনায় অভিভূত হইলেন। ]

জয়াদিত্য। কিন্তু, তবে কি সেই আমাদের পরাজিত করে চলে গেল?...বল সেনাপতি, এখনও ছুটে গেলে কি তার সঙ্গে দেখা হয়?

সেনাপতি। তাঁর আত্মা নশ্বর দেহ বহুকক্ষণ ত্যাগ করেছে!

বৃহদ্রথ। [ জয়াদিত্যের প্রতি ] বৎস...যাবে?

জয়াদিত্য। হাঁ, যাব। সার্গক তার দস্ত। তার জীবনের দস্ত মরণে গগনস্পর্শী হয়েছে, সঙ্কমে আমার মাথা নত হয়েছে, আম্মন পিতা...তার মৃতদেহের সম্রাটোচিত সংকার-ব্যবস্থা করি।

বৃহদ্রথ। চল.....

[ একটা মৌন বেদনা সকলের চোখে মুখে প্রতিফলিত হইয়াছিল। সসঙ্কমে, সশ্রদ্ধচিত্তে তাঁহারা রেখানাথের মৃত্যু-বাসরাভিমুখে প্রস্থান করিলেন। সেখানে দাঁড়াইয়া রহিলেন শুধু লেখা আর রেখানাথের সেই শিষ্য। ]

শিষ্য। আপনিই কি রাজকণ্ঠা লেখা?

লেখা। না—না—না—!

শিষ্য। তবে আমার গুরুর এই শেষ এবং শ্রেষ্ঠ দান... এই বস্ত্রাবৃত চিত্রখানি রাজকণ্ঠার হাতে দেবেন...আমি আর বিলম্ব কর্তে পাচ্ছিনে!

লেখা। দিন। [ পরিপূর্ণ শ্রদ্ধায় চিত্রগ্রহণ ]...সৃষ্টির শ্রেষ্ঠ সৌন্দর্য্য এই চিত্রে লুকিয়ে আছে!...আমি খুলব! আমি দেখব! হাঁ, আমার অধিকার আছে!

[ চিত্র আচ্ছাদন-মুক্ত করিলেন। ].....কিন্তু, কিন্তু... তা আঁকা যায় না,...গেলে, জগতে একমাত্র তিনিই তা  
এ কি ! আঁকতে পারেন !...বিদায় দেবী ! বিদায় !

শিষ্য। কি ?

[ নমস্কার করিয়া প্রস্থান। ]

লেখা।—[ চিত্রপট দেখাইয়া ] চিত্রপট...শূন্য...সাদা...  
সম্পূর্ণ সাদা !...এতে রেখামাত্র পড়ে নি !...

লেখা। [ শূন্যে চাহিয়া ] হে আমার অরূপ-রতন !  
আমার প্রণাম গ্রহণ কর ! [ প্রণাম। ]

শিষ্য। ঐ হচ্ছে অরূপ-রতনের অরূপ চিত্র, রেখা দিয়ে

স্ববন্দিকা

## মসুরীর কথা

শ্রীস্বধীরচন্দ্র বন্দ্যোপাধ্যায়

১৬ই এপ্রেল—আমার মধ্যে যে “ভবঘুরে”টা আছে তার  
জালায় বিরক্ত হয়ে যখন কোথায় পলাই ভাবছি, তখন  
অনহৃত বৃষ্টি-ধারার মত বন্ধুদের নীরদবরণ এসে হাজির।

—কি সমাচার ? ..

—কবি-লোক হয়ে তুই বুঝতে পারলি না ; বিছানা-  
পতুর বেঁধে ফেল, আমার সঙ্গে মসুরী চল !

বন্ধু—চঠাৎ মসুরী যাওয়া হচ্ছে যে ? আর আমার ত  
দেখা আছে। বন্ধু হেসে বলে—“সে ত সেই লর্ড ক্লাইভের




চ্যাপম্যান্স এজেন্সী—রাজপুর

কতকগুলো খাতা ধপাস করে খাটের উপর ফেলে সুর  
করে সে গাইলে—“চলো মুসাফের, বাঁধ গাঁটরিয়া, বহুদূর  
জানা হৈ”—

আমলে গিছিলে। ডের জিনিষ বদলে গেছে বন্ধু—দেখবে  
চল—মাস দেড়েক আমি সেখানে থাকব, আফিস থেকে  
আমার পাঠাচ্ছে Charleville hotel অডিট করবে  
কালো। তোমার কোন কষ্ট হবে না বন্ধু। নাও, হৈ

হয়ে পড়! Bombay mailএ যাব। আমি টিকিট কিনে বিছানা-পত্বর নিয়ে তোমার এখানে বেলা তিনটার সময় আসব। তা হলে এখন আমি চল্লুম, আফিসে সাহেবের কাছে আবার instructions নিতে হবে, দশটা বেজে গেছে।



হাফ-ওয়ে হাউস, ঝরিপানী

আমি বল্লুম,—তুই ত এক নিশ্বাসে অনেক বলে গেলি। তার পর আমার কিছুই গোছানো নেই, কাজকর্মের একটা ব্যবস্থা না করে—

বাধা দিয়ে বন্ধুর বলে—গোছানোর টের সময় আছে। আর কাজ-কর্ম তোমায় কোন দিন ত আটকে রাখতে পারে নি বন্ধু—এখন আর নতুন করে অভ্যাসটা বদলে ফেলে, জীবনটাকে আর প্রহসন ঘেঁসিয়ে নিয়ে নাই বা গেলে! আচ্ছা আমি চল্লুম, টিক তিনটার সময় আসছি!

বন্ধু ত বিদায় নিলেন! যাক্, ভাবলুম—একা একা কোথায় যেতুম, তার ক্ষেত্রে এর সঙ্গে যাওয়াই ভাল! স্নানাহারের পর suit-case গুছিয়ে, বিছানা বেঁধে বসে আছি। বেলা ৫টা বাজতে চলল, কিন্তু বন্ধুরের আর দেখা নাই! ভারী রাগ হতে লাগল! ভাবলুম, April fool বানিয়ে গেল না ত! কিন্তু না, আজ ত ১লা এপ্রিল নয়! এই রকম যখন সাত পাঁচ ভাবছি, তখন গাড়ী মাথায় জিনিষপত্বর চাপিয়ে তিনি এসে হাজির। রেগে বল্লুম—এই বুঝি তোমার তিনটে?—

খুব ব্যস্ত হয়ে নীরদ বলে—কি করব ভাই, বাড়ীর সব জিনিষ কিন্তে হল, ছেলেটার বার্গী, ডাক্তারের বাড়ী গিয়ে মেয়েটার প্রেসক্রিপসান বদলে আনলুম, শালাটার অস্থক করেছে বড্ড, আজ দশ দিন বলছিল দেখে আসতে, আফিস

থেকে বেরিয়ে শালাকে দেখতে গেলুম,—কত ঝঞ্জাট বল দেখি। তোমার ত আর এসব বালাই নেই, বুঝবে কি বল! তারপর বিদায়ের পালাটাও আছে। দেড় মাস থাকব না, অনেক দিনের বিরহ—কাজেই অনেক দীর্ঘশ্বাস, অনেক চক্ষের জল এড়িয়ে আসা...যাক্ সে সব তুমি বুঝবে না। এখন এস! ওরে মাধা, মোট-পত্বর সব গাড়ীতে তোল!

একটা বেতের বুড়ী দেখে জিজ্ঞাসা করলুম—  
ওর মধ্যে কি আছে?

নীরদ হেসে বলে,—সেখানে কষ্ট হবে বলে, দিল্লী ৪টা বড় এঁচোড়, পটল, আম, মুগের ডাল, মশলা, সতনে ডাঁটা এই সব গুছিয়ে দিয়েছে। এসব ত সেখানে পাওয়া যায় না!

আমি বল্লুম, ওই অত-বড় লগেজ নিয়ে, এই তিনদিনের রাস্তা—

বাধা দিয়ে বন্ধু বলে,—কি করব ভাই, শুনলে না—মাথার দিবিব দিয়ে এটা-ওটা কবে, সব জিনিষই দিয়েছে!



লাইব্রেরী বাজার,—মসুরী

—বেশ হয়েছে এখন চল!

গাড়ীতে যখন উঠে বসেছি, বন্ধু আমার গা টিপে বলে,—তোমার উড়ে ছবেটার মুখে হাসি ধরছে না দেখেছিস;

এই দেড়মাস বেটারা রাম-রাজ্যান্ত] করবে! যাক্, “সজল কাজল আঁখি” দেখার ভাগ্য যখন করে আসনি, তখন এই দস্ত-বিকশিত মুখ দেখেই চল!

বোম্বাই মেল তখন প্ল্যাটফরমে হাজির। গাড়ীতে বেশী ভীড় পাওয়া গেল না! দুখানি বেঞ্চে আমরা ছুজনে বিছানা পাতলুম! সে গাড়ীতে আর ছুজন সহযাত্রী ছিল। একজন এখানে ল পড়েন—ডিস্‌পেন্‌সিয়ারী গ্রন্থ ভদ্রলোক—সাজাহানপুর চলেছেন, দাদার কাছে হাওয়া বদলাতে, আর একটি ১৮১৯ বছরের ছেলে গন্ডায় যাবেন তাঁর পিসীমাকে আনতে! অল্প সময়ের মধ্যে তাঁরা ছুজনেই বেশ আমাদের সঙ্গে আলাপ জমিয়ে ফেলেন!

গাড়ী বন্ধমানে আসতে আমাদের টিফিন বাক্স খুলে তাঁদেরও যোগ দিতে বললুম। চারজনে বেশ জলযোগ সম্পন্ন করে বসা গেল! তখন আমার বন্ধু সেই ছেলেটিকে বললে, “খোকা, তোমার যখন ভাই রবিবাবুর মতন চুলের বাহার, তখন তুমি নিশ্চয় রবিবাবুর গান জান! একখানা গান ধরে ফেল, আমরা বেশ চোখ বুজে শুনি!” সে বারকতক “জানি না” “ভাল হবে না” “সর্দিতে গলাটা বুজে আছে” ইত্যাদি বলে গাইতে শুরু করলে! তার বেশ মিঠি স্বর ছিল। গান মন্দ লাগল না! তার পর সে আমার কাছ থেকে রবিবাবুর “চয়নিকা” খানা চেয়ে নিয়ে আবৃত্তি করতে লাগল! বেশ লাগল! সে না কি প্রায়ই ‘ইনষ্টিটিউটে’ আবৃত্তি করে থাকে! সে এবার আই-এ দিয়েছে। সে আমার বললে, আপনি দাদা ভাল গাইতে পারেন, নীরদবাবু বলছেন,—আপনি একখানা গান শোনান।

আমি বললুম—আচ্ছা, সে তখন হবে, তুমি এখন পড়ে যাও ভাই, থেমো না, ভারী ভাল লাগছে! সুধীন্দ্র “নির্ঝরের স্বপ্নভঙ্গ” পড়তে লাগল।

তটিনী হইয়া যাইব বহিয়া  
নব নব দেশে ভারতা লইয়া  
হৃদয়ের কথা কহিয়া কহিয়া  
গাহিয়া গাহিয়া গান,  
যত দেশ প্রাণ বহে' যাবে প্রাণ  
ফুরাবে না আর প্রাণ।  
এত কথা আছে, এত গান আছে  
এত প্রাণ আছে মোর—  
এত সুখ আছে, এত সাধ আছে  
প্রাণ হয়ে আছে ভোর!!

\* \* \*



চার্লিভিল রোড

মনটাকে বেশ একটু দোলা দিয়ে দিলে। মনে মনে বললুম, যদি আবার কখনও এখানে পাঠাও ভগবান তাহলে অমনি তটিনীর রূপে, অমনি স্বচ্ছ, সহজ সরল—

—কি হে, ভাব লাগল না কি? এস, এইবার তাসে বসা যাক্! রাত্রে ঘুম ত আর কাকুরই হবে না! খোকা গন্ডায় নেমে গেলে ঘুমুনো যাবে!

সকলেরই সেই মত! কাজেই তাস খেলা চলতে লাগল। রাত তিনটার সময় গাড়ী গন্ডায় এলে, খোকা আমাদের নমস্কার করে নেমে গেল! যতক্ষণ ট্রেন ছিল, সে দাঁড়িয়ে ছিল। ট্রেন ছাড়তে বললে, মসুরী থেকে চিঠি দেবেন, কলকাতায় ক্রিরলে দেখা করব দাদা! সুধীন্দ্র



নমে যেতে গাড়ীটা আমাদের তখন ফাঁকা-ফাঁকা লাগল! ছলেটি আমাদের এতক্ষণ বেশ জমিয়ে রেখেছিল। সকলে শয়ে পড়ে ঘুমোবার চেষ্টা করলুম।

বেলা সাতটার সময় গাড়ী মোগলসরাইতে আসতে ঘুম ভঞ্জে গেল। কুলী আমাদের মালপত্রের সব নামালে! আমরা ওয়েটিং-রুমে স্নান করে বেলা দশটার সময় রফ্রেশমেন্ট রুমে গিয়ে আহার সেবে—পেশোয়ার মেলে চাপলুম! এ গাড়ীতেও ভাগ্যক্রমে ভীড় পেলুম না! যে মার বিছানা বিছিয়ে কাত হলুম! রাত্রে ঘুম হয়নি, কাজেই এক ঘুমে বেলা তিনটে বেজে গেল! উঠে চোখ মুখ ধুয়ে

উঠেছেন। আমি গাড়ীর কাছে আসতে, তিনি উর্দুতে কি বল্লেন বুঝতে পারলুম না। তবে “তকলিফ” কথাটা শুনে বুঝলুম, বিনয় জানাচ্ছেন! “কুছ নেহি” বলে তাঁর সঙ্গে জিনিষগুলো এধার-ওধার করে একটু পা ফেলবার পথ করে নিলুম ও আমার বিছানা সরিয়ে খানিকটা জায়গা ছেড়ে দিয়ে তাঁদের বসতে বললুম।

নীরদ এসে বল্লেন—বাবা, এ যে go-down হয়েছে দেখছি!... এঁরা কদর যাবেন?

আমি বল্লুম—তা ত জানি না! ভদ্রলোকের কথা আমি একবিন্দুও বুঝতে পারি নি...হিন্দি ও ইংরিজী দুইটাই



চালিভিল হোটেল

বসলুম;—কিন্তু কেবলই মাঠের পর মাঠ, আর ঝাঁ ঝাঁ করছে রোদুর...ভারী বিরক্তি লাগল! একটু ক্ষুধারও উদ্বেক হয়েছে...টাইম টেবল হাতড়ে দেখলুম, সাড়ে চারটার সময় লক্ষ্মীতে গাড়ী পৌঁছবে! কি আর করা যায়, মুখ বুজে চুপ করে এই দেড় ঘণ্টা কাটানো ছাড়া উপায় নাই!

লক্ষ্মী খুব বড় ষ্টেশন! গাড়ী থামতেই নেমে পড়া গেল! বন্ধু তরমুজ, ফুটি ও কিছু মিষ্টি কিনতে লাগলেন—আমি চায়ের যোগাড়ে গেলুম। খানসামাকে নিয়ে এসে দেখি, আমাদের কামরায় একজন মুসলমান ভদ্রলোক ও তাঁর সঙ্গে একটি ১৬।১৭ বছরের মহিলা রাজ্যের জিনিষ নিয়ে

চালিয়েছি, কিন্তু তাতেও সুবিধে হয় নি, শুধু একটু হাসি ও ঘাড় নাড়া ছাড়া আর কোন জবাব পাই নি!

এমন সময় হুজুন স্কুলকায় বাঙ্গালী ভদ্রলোক দুটি ব্যাগ হাতে করে গাড়ীতে ঢুকে নারদের ও কালীবাবুর বেঞ্চে বিনা বাক্যব্যয়ে দুটি জায়গা করে নিয়ে বসলেন! এরা হুজনে একবার পরস্পরের দিকে চাইলে, আমি জানলার দিকে মুখ ফিরিয়ে হাসি চাপলুম! গাড়ী ছেড়ে দিলে! নীরদ তরমুজ কেটে ও কিছু মিষ্টি দিয়ে একটা বাটি আমার দিকে এগিয়ে দিলে ও বাকি কালীবাবু আর সে খেতে লাগল! কালীবাবু ভদ্রলোকদের

জিজ্ঞাসা করে জানলেন, তাঁরাও সাজাহানপুর যাবেন। কালীবাবুর দাদা ডাক্তারবাবুকে এঁরা খুব চেনেন; সুতরাং পরিচয় বেশ ঘনিষ্ঠ হল! খাওয়া শেষ করে কালীবাবু আমায় বল্লেন, আশুনুনা—এইবার ত কয়জন পাওয়া গেছে, একটু তাস খেলা যাক! কিন্তু তাঁরা ব্রিজ খেলা জানেন না, আর নীরদও সবে মাসখানেক হল বাড়ীর মধ্যে ব্যক্তি-বিশেষের কাছ থেকে গ্রাব খেলাটা শিখেছে—তার ঝোকটাও খুবই বেশী,—কাজেই বল্লম—আমাকে বাদ দিন কালীবাবু, নীরদকে নিয়ে আপনারা চারজনে গ্রাব খেলুন। আমার গ্রাব খেলা আসে না। তাঁরা কয়জনে তাস খেলতে মেতে গেলেন।

আমি জলধর দাদার গ্রন্থাবলী নিয়ে বসলুম। বোধ হয়



চিরতুষার

মিনিট পাঁচ সাত পরেই “এই ছক্কা” বলে নবাগত ভদ্রলোক দুটি এমন বেয়াড়া চেঁচিয়ে উঠলেন, যে, চমকে যেতে হয়! মুখ দিриয়ে দেখি—তাঁরা একখানি ‘ছক্কা’ ধরেছেন! আর খেলা ভারী জমে উঠেছে। আমার সামনে বসে মুসলমান মেয়েটিও এদের খেলার মজা দেখে মুখ টিপে হাসছিলেন। তাঁর সঙ্গে ভদ্রলোকটি ট্রাঙ্ক খুলে কি বার করছেন।

এই মেয়েটিকে “বোমটা-বিহীন” দেখে আমার গোড়া থেকে একটা বিস্ময় হয়েছিল! কারণ “পরদা” এঁদের মধ্যে ত খুবই বেশী। কিন্তু এখন তাঁর পাশে খানজুই হিন্দি ও উর্দু বই, ও খাতা পেন্সিল নিয়ে তাঁকে কি লিখতে দেখে বুলুম, কেমাল পাশার প্রভাব এই ইউ-পিতেও এসে

পড়েছে! মেয়েটির পোষাকও আমাদের এখানকার মুসলমান মহিলার মতন নয়! এঁর পোষাকে একটু বিশেষত্ব আছে। পায়ে ফিতা-বাধা জুতা, পরণে বড় ঢিলা পাজামা; গায়ের জামা অনেকটা আমাদের কোটের মতন, আর মাথায় মোটা সাদা ধবধবে চাদরের ওড়না! পিঠে বিছুনী ঝুলছে! দাঁতগুলি বেশ ঝকঝকে, দেখলেই বোঝা যায়—“পানের” ছোপ জীবনে পড়েনি! মেয়েটি বেশ সুশ্রী!

লোকটি ফিরে বসতেই মেয়েটি কি বল্লেন। সে ভদ্রলোক আমার কাছ থেকে টাইম-টেবেলট চেয়ে নিয়ে মেয়েটিকে দিতে, সে পাতা উল্টে দেখতে লাগল! বুলুম—মেয়েটি এবটু-আপটু ইংরিজী লেখাপড়াও জানে! আমি ভদ্রলোক-টিকে হিন্দিতে জিজ্ঞাসা করলুম—আপনারা কোথায় যাবেন?

প্রত্যুত্তরে মেয়েটি বেশ পরিষ্কার হিন্দিতে বল্লেন—“আমরা লাহোর যাব।” মেয়েটিকে এ-রকম আগ-বাড়িয়ে কথা কইতে দেখে আমি একটু বোধ হয় আশ্চর্য হয়েছিলুম, এবং সেটা তাঁর নজর এড়ায় নি! তাই মেয়েটি এবার হেসে বল্লেন—আমার দাদা হিন্দি বা ইংরিজী জানেন না! আমাদের দেশে উদ্দুটাই বেশী চলে।

বল্লম—কিন্তু আপনি ত বেশ হিন্দি বলতে পারেন!

তিনি হেসে বল্লেন—আমি হিন্দুলে শিখেছি। আমাদের হিন্দুলে হিন্দি পড়ানো হয়।

মেয়েটির দাদা তাঁকে কি জিজ্ঞাসা করলেন এবং তিনি কি বল্লেন—কিছুই বুঝতে পারলুম না।

এইবার মেয়েটি কলিকাতার দাক্তার কথা জিজ্ঞাসা করলেন। যা জানতুম—তাঁকে আগাগোড়া বল্লুম। শুনে তিনি চমকিত হলেন! আরও বল্লেন, তাঁরাও ‘অখাত্ত’ খান না। শুনে তাঁর প্রতি আমার শ্রদ্ধা হল। তাঁর হিন্দি বইখানা চেয়ে নিয়ে দেখি, সেখানা সাবিত্রী উপাখ্যান, খানকতক ছবিও আছে। তারপর তিনি লাহোরের গল্প করতে লাগলেন। “শাহদারা” (নূরজাঁহা বেগমের সমাধি)

বেশ দেখবার জিনিষ। আরও অনেক পুরনো জিনিষ দেখবার আছে! কাছেই অমৃতসরে স্বর্ণমন্দির দেখবার আছে। আমার বলেন—চলুন না, লাহোর হয়ে মসুরী যাবেন। তাঁকে ধন্যবাদ দিয়ে বলুম, আমার বন্ধুটি আফিসের কাজে যাচ্ছে, সুতরাং দেরী করা চলবে না। আর ওকে ছেড়ে একা যাওয়াও হয় না। যাই হোক, বলুম, লাহোর এইবার একবার দেখে যাব।

মেয়েটি তার ভাইটিকে কি বলাতে, তিনি আমার উদ্দীপ্তে কি বলেন; কিন্তু আমি বুঝতে না পেরে মেয়েটির পানে চাইতে, তিনি সলজ্জ ভাবে হেসে বললেন, দাদা

ও ছটি ভদ্রলোক নেমে গেলেন। গাড়ী বেরিলী ষ্টেশনে আসতে আমরাও নেমে পড়লুম। ভাই ভগ্নী দুজনেই “আধা বরষ” জানিয়ে বিদায় দিলেন। তাঁদের ভদ্রতা ও বিনয় দেখে মনে হল—হায়, যদি বাংলার মুসলমান সম্প্রদায় এমনি উন্নত ও সংযত হত, তাহলে আর এই রক্ত-রক্তি হত না। যাক, রিফ্রেসমেন্ট-রুমে কিছু আহারাদি করে রাত্রি সাড়ে দশটার সময় দেরাহনে এক্সপ্রেসে চাপলুম এবং সকালে সাড়ে ছটার সময় দেরাহনে এলুম। ষ্টেশনের ধারে গ্রেট ইণ্ডিয়ান হোটেল (Great Indian Hotel) আছে; জিনিষপত্র নিয়ে সেখানে উঠা



কুলুরীর পথে

যাচ্ছেন, সেখানে গেলে আমাদের সঙ্গে দেখা করবেন, আমাদের অতিথি হবেন। অবশ্য, আমাদের প্রতিবাসী হিন্দু ব্রাহ্মণের দ্বারাই আপনাদের খাবার যোগাড় করাব। কবে আসছেন বলুন?

আমার বিপুল (৭) হিন্দী বলায় তিনি ত গোড়া থেকেই হাসছেন; যাই হোক এবার কোন রকমে মাতৃ-ভাষাটাকে হিন্দীতে মিশিয়ে খিচুড়ী করে আর এক প্রস্থ তাঁকে ধন্যবাদ ও কৃতজ্ঞতা জানিয়ে বলুম, কবে যাব তা বলতে পারি না; তবে সেখানে গেলে আপনাদের সঙ্গে না দেখা করে আসব না জানবেন। সাজাহানপুরে কালীবাবু

গেল। হোটেলের ম্যানেজার একজন পাজাবী ভদ্রলোক। উপরের একটি ঘর খুলে দিলেন। বেশ সাজানো ঘর, ঘরের সঙ্গেই স্নানের ঘর আছে। বন্দোবস্ত বেশ ভালই। তবে রান্নাতে লঙ্কার আধিক্য একটু বেশী,—সেইজন্তে একটু অসুবিধা বোধ করা গেল। ৪।৫ জন Transport Agencyর লোক এসে হাজির। নীরদ Chapman's Agencyর লোকের সঙ্গেই ঠিক করলে যে, আমরা বেলা ৪টার সময় এখান থেকে বেরুব—সেই সময় মোটর চাই। আর আমাদের বিছানা, স্টকেস প্রভৃতি তার জিম্মা করে দিয়ে তাকে মসুরীতে Charville Hotelএর ঠিকানা

দিয়ে দিলে। ঠিক হ'ল আমরা রাজপুর থেকে ঘোড়াতেই পাহাড়ে উঠবো। লোকটি তার ফরমে রসীদ দিয়ে সেলাম করে চলে গেল। স্নানাহার করে এক ঘুম দিয়ে বেলা ৪টার সময় যখন উঠেছি,—হোটেলের বেয়ারা এসে বলে মোটর এসেছে। আমরা জামা কাপড় ছেড়ে হোটেলের হিসাব



কুলুরীর বাজার

মিটিয়ে রওনা হলুম। দেরাহুন থেকে রাজপুর যাবার জন্ত বেশ ভাল পাকা বড় রাস্তা আছে। কোন্ এক কোম্পানী ইলেক্ট্রিক ট্রাম মসুরী পর্যন্ত নিয়ে যাবে বলে লাইন পেতে পোষ্ট পুঁতে রাজপুর পর্যন্ত লাইন নিয়ে গিয়েছিল; কিন্তু তার পর আর পাহাড় কেটে লাইন নিয়ে যাবার সুবিধে হয়নি বলে যেমনকার তেমনি পড়ে আছে। স্তনলুম সে কোম্পানীও ফেল হয়ে গেছে। দেরাহুন থেকে রাজপুর ৭ মাইল রাস্তা! ট্যাক্সি, ট্রা যথেষ্ট পাওয়া যায়। আজকাল আবার "বাস" সার্ভিসও হয়েছে।

আমরা সাড়ে চারটা আন্দাজ সময় রাজপুরে চ্যাপমানের এজেন্সি আফিসে এলুম। দেখলুম আমাদের জন্ত দুটি ঘোড়া তৈয়ারী আছে! আমাদের জিনিষপত্রর পূর্বেই এঁরা পাঠিয়ে দিয়েছেন। আমাদের সঙ্গে যে ছোট ব্যাগ আছে, তাহা যে ছোকরা দুজন ঘোড়ার সঙ্গে যাবে তাদেরই একজন নেবে! ম্যানেজার সাহেব আমাদের বিল দিলেন, তাহাতে মোটরের ভাড়া দেরাহুন থেকে রাজপুর ৫ টাকা, প্রত্যেক ঘোড়া ৩; ৩ জন কুলী প্রত্যেকে দেড় মণ মাল নেয়; ২ টাকা হিসাবে ৩ টাকা। এখানে "ডাঙি" পাওয়া যায়—তাহা ৬ জন কুলী বদলাবদলী করিয়া একজন লোককে বহিয়া লইয়া যায়; তাহার ভাড়া ৬ টাকা। সাধারণতঃ মেয়েরাই "ডাঙি"তে যায়। আমরা ত ম্যানেজারের বিল

মিটিয়ে অখারোহণে রওনা হলুম, পেছনে দুজন সহিস আসা লাগল! প্রথমে রাজপুর বাজারের মধ্যে দিয়ে আসতে দুই রাস্তার ছধারে যেমন পটা ড্রেনের গন্ধ, তেমনি ধুলো খানিকটা চড়াই এসে "টোল ফটকে" আসা যায়! এখানে প্রতি লোক-পিছু দেড় টাকা করে দিতে হয়, এবং নিজের নাম, মসুরীতে কোথায় থাকা হবে ইত্যাদি লেখাতে হয়! তাঁরা একখানা ছাড়পত্র দেন! যাক্—ছাড়পত্র নিয়ে ত আমরা যাত্রা করলুম! চার মাইল পথ এসে (পাঁচ হাজার ফিট উচ্চে) ঝরিপানীতে "Half-way house"এ নেমে ঘোড়া দুইটাকে রাস্তার ধারে রেলিংএ বেঁধে, হাতার মধ্যে ঢুকতেই, এক বৃদ্ধ সাহেব ও তাঁর স্ত্রী আমাদের অভ্যর্থনা করে বসালেন! এখানে চা, ডিম, রুটি, সোড়া প্রভৃতি পাওয়া যায়। আমরা চা, টোট ও ডিম চাই বলাতে মেমসাহেব তাঁর খানসামাকে অর্ডার করলেন।

সাহেব আমাদের সঙ্গে আলাপ করতে লাগলেন! ভদ্রলোকের বয়স প্রায় ৮০র কাছাকাছি; কিন্তু এখনও তিনি বেশ কন্ঠ! তিনি পূর্বে রেলের কাজ করতেন। এখন অবসর নিয়ে স্বামি-স্ত্রীতে এই মনোরম যাত্রায় বাস করছেন। শীতকালে বরফ পড়লে দেরাহুনে নেমে আসেন! এই "Half-way House" করাতে জনসাধারণের যেমন উপকার হয়েছে, তাঁদেরও এই থেকে বেশ আয় হয়েছে। ভদ্রলোক যেমন আমুদে তেমনি রসিক! এখানে খানাপিনার দক্ষিণাও তেমন বেশী নয়। যাক্, ৬টার সময় আমরা পুনরায় রওনা




স্কেওয়াল পয়েন্ট, ক্যামেলস ব্যাক রোড (কুর্শপৃষ্ঠ পথ) হলুম। আকাশ বেশ মেঘাচ্ছন্ন করে আসাতে সাহেব আমাদের বলেন "full speed"এ যান, না হলে পটা শিলাবৃষ্টি পাবেন। আমরা ঘোড়া ছুটিয়ে দিলুম! কিছু দূর এসেই আর একটা ফটক পড়ে। এখানে টোল আফিসে

রসীদ বার করে দেখাতে হয়। তাঁরা “পাক” করে ফটক খুলে দেন! খানিকটা এসেই “বারলোগজে” আসা গেল! এখান থেকে দুইটা রাস্তা হুদিকে গেছে! ধারা “লেণ্ডোর”

আমাদের আর ভাল করে পথের দৃশ্য উপভোগ করবার অবসর নাই, কারণ, আকাশে তখন কড় কড় করে বিদ্যৎ চমকাচ্ছে। বৃষ্টি এলে পথের ধারে একটু দাঁড়াবার পর্যন্ত


যায়না নাই। কাজেই মরি-বাঁচি করে সেই পাহাড়ের পথে পুরা দমে ষোড়া ছোটানো গেল! আমাদের সহিস দুটো যে কোথায় পেছিয়ে পড়ে রইল তা জানি না। রাত্রি সাড়ে আটটা আন্দাজ সময়ে মসুরীর উপরে লাইব্রেরী বাজারে (Library Bazar) এসে পড়া গেল। রাস্তায় ইলেক্ট্রিক আলো জ্বলছে। পথের ধারে বড় বড় দোকান



পিকচার প্যালেস

বা পুরানো মসুরীতে যাবেন, তাঁরা ডানদিকের রাস্তা ধরে যান; আর ধারা, “Charleville” বা সহরের পশ্চিম প্রান্তে

খোলা আছে। রাস্তাগুলি বেশ পরিষ্কার। আমার বন্ধু দোকান থেকে এক টিন বিলিতি দুধ কিনে নিলেন—




ল্যাণ্ডোরের সাধারণ দৃশ্য

যাবেন, তাঁরা বাঁ দিকের রাস্তা ধরেন! আমরা বাঁ দিকের রাস্তা ধরে চলুম! সেখান থেকে দেরাছনের বাড়ীগুলি দেখাচ্ছিল যেন ছোট ছেলেদের খেলাঘরের মতন!

কি জানি, এত রাজে যদি হোটেলে চা না পাওয়া যায়!

এখানকার উচ্চতা সমুদ্রপৃষ্ঠ থেকে ৭০০০ ফিট!


লাইব্রেরীর পাশ দিয়ে মালের (Mall) রাস্তা! আমাদের চা খাইয়ে আমাদের যথেষ্ট আরাম দিলেন! নীরদে গন্তব্য স্থান তখনও তিন মাইল। আমরা অপেক্ষা না করে সঙ্গে পূর্ব থেকেই এঁর পরিচয় আছে; কারণ, নীরদ প্রাি আবার ঘোড়া ছোটালুম। Charleville রোডে পড়ে মাইল বছরেই এখানে অভিট করতে আসে! যে চাকরা



ল্যাণ্ডোর হাসপাতালের পথে

ছ-এক যখন এসেছি, তখন গুঁড়ি গুঁড়ি বৃষ্টি আরম্ভ হল। তেমনি ঠাণ্ডা কনকনে বাতাস,—পথে জনমানব নেই, কেবল ছধারে বড় বড় গাছের সারি। ভাগ্যে সেখানকার ঘোড়াগুলো খুব শাস্ত, আর এ সব পথে ছুটতে অভ্যস্ত; নচেৎ আমার মতন সওয়ারের ভাগ্যে যে কি দুর্গতি হতো তা বলা যায় না! যখন আমরা হোটেলের কাছাকাছি এসেছি, তখন মুম্বলধারে শিলাবৃষ্টি নেমে এল! ঘোড়াছটাকে হোটেলের ফটকের পাশে রেলিংএ বেঁধে চৌকীদারের জিম্মা করে দিয়ে ছুটতে ছুটতে হোটলে আসা গেল! হোটেলের এক প্রান্তে একাউন্টেন্ট বাবু ও ঠোর বাবুর থাকবার বাড়ী। তাহারই লাগোয়া একটা বাড়ী বন্ধুবর অভিটবাবু অর্থাৎ আমাদের জন্ত নির্দিষ্ট হয়েছিল! আমরা গিয়ে দেখলুম, আমাদের জিনিষ সব এসে গেছে। একাউন্টেন্ট বাবু আমাদের জন্ত একজন পাহাড়ী চাকর ঠিক করে রেখেছেন! আমরা যেতেই ভদ্রলোক আমাদের এক পেয়লা করে গরম

প্রতিবার নীরদের কাজ করে, সে এবার এখনও বাড়ী থেকে আসেনি, তাই এই “পাহাড়ী”কে রাখা হয়েছে! এ পূর্বে “রিক্স” টান্‌ত! নীরদ তাকে খাবারের ঝুড়ি থেকে দী, ময়দা, আলু ও ডিম বার করে দিয়ে বলে, “পুরি আউব



হাপি ভেলী ক্লাব, মসুরী

ডিম্কা ডালনা বানাও।” গিরধারী প্রত্যুত্তরে “জী হুজু” বলে সেগুলো নিয়ে গেল। একাউন্টেন্ট—রাত হয়েছে আবার কাল দেখা হবে—বলে বিদায় নিলেন। ভদ্রলোকের

বাড়ী পূর্ববঙ্গে। এখানে স্ত্রী-পুত্র নিয়ে আজ বছর চারেক  
আছেন! অল্পক্ষণ আগাপ হলেও, লোকটি যে তেমন  
মিশুক নয়, এটা বেশ বুঝতে পারলুম। নীরদকে বলতে, সেও



“মসি” জলপ্রপাত

সমর্থন করে বলে—থাক না, দেখবি—ওব অনেক রকম  
বুজুকী আছ। আমি নতুন যেবার এসেছিলুম, দেখলুম,  
তিন ঘণ্টা ধরে ধ্যান করে, চোঁচিয়ে কত রকম শ্লোক  
আওড়ায়, নিরামিষ খায়। আমার বলে—সাধন-পথে স্ত্রীলোক  
হচ্ছে প্রধান বাধা;—তাদের এড়িয়ে না চলে মুক্তি নাই!  
পরিবার থাকা সত্ত্বেও দাদা আমার মূর্ত্তিমান ভীষ্ম দেব।  
পরের বছর এসে দেখি—সব ওলট-পালট! দাদা আমার  
গার্হস্থ্য ও সন্ন্যাসে তোকা খিচুড়ী বানিয়ে ফেলেছে। ডিম,  
রামপাখী কিছুই বাদ যাচ্ছে না। এ ধারে বউদির কোলে  
৪ মাসের ছেলে। উপরন্তু, আর একটি নবাগতের সম্ভাবনা  
হয়েছে! বউদিট দাদার আমার দ্বিতীয় সংস্করণ।  
প্রথম গৃহিণীর শুটি দুই তিন মেয়ে আছে, সকলেই  
বিবাহিতা। এ পক্ষের তিনটি ছেলে ছিল,—  
দাদার যোগাত্যাসের দরুণ গেল বছরে একটি বেড়ে  
গণ্ডা পুরো হয়েছে। আমি হেসে বল্লুম—বলিস  
কি রে?

হ্যাঁ, কাল তখন দেখতে পাবি! দেখ, ওর Vanityতে

কখনও আঘাত করিসনি,—ও যা আওড়ে যাবে, কেবল সায়  
দিবি, তাহলে অনেক রগড়ের কথা শুনবি! রাত্রি ১ টা  
আন্দাজ রান্নাঘরে গিয়ে দেখি, পাহাড়ী-পুঙ্গব বেশ বড় বড়  
“ফুলকা” (মোটা রুটি) বানিয়েছে, ডালনা তখন চড়েছে!  
আমি বল্লুম—লুচী বানানে নেহি জানতা?


জী হজুর!

তবু আগে বোলা নেই কাহে, হাম দেখায় দেতা!

জী হজুর!

সব কথাতেই “জী হজুর” ছাড়া আর কিছু বলে না!  
যাক কি আর করা যাবে; যথেষ্ট ক্ষুধার উদ্রেক হয়েছিল—  
তাই দিয়ে ক্ষমিবৃত্তি করে, “চারপাই”এর ওপর  
লেপমুড়ি দিয়ে শুয়ে পড়া গেল! হোটেলে তখন  
জনমানবের সাড়া নেই! বৃষ্টি অবিরল ধারে তখনও  
পড়ছে!

বেলা আটটার সময় ঘুম ভাঙলে দেখি, নীরদ নাই।  
পাহাড়ীটাকে জিজ্ঞাসা করে জানলুম, ম্যানেজারের সঙ্গে দেখা  
করতে গেছেন। চা খেয়ে, গায়ে লেপ জড়িয়ে বসে আছি,—



কয়লা-বিক্রেতা

১২ মাইল পাহাড়ের রাস্তা অস্বারোহণে আসার কলে সর্কাজে  
অসহ্য বেদনা। বৃষ্টি তেমনি পড়ছে—বিরাম নাই। এমন  
সময় একাউণ্টেট কাছে এসে বলেন—কি মশাই, উঠেছেন?

আজ্ঞে হ্যাঁ, আসুন!—তার পর ভদ্রলোকের সঙ্গে আলাপ করা গেল। কথায় কথায় ভদ্রলোক বল্লেন—আপনারা ত কলকাতার বাবু, আপনাদের আমার জানা আছে! আমি হেসে বল্লুম—চাক্ষুশ জানা আছে, না, কল্পনার সাহায্যে জানা আছে?

—কেন, শরৎ বাবুর “শ্রীকান্ত”তে “কলকাতার বাবুর” কথা পড়েন নি?

আমি হেসে বল্লুম—আজ্ঞে হ্যাঁ, তা পড়েছি। কিন্তু এই কলকাতাতেই আবার বিশ্বকবি রবীন্দ্রনাথ, শ্রীর গুরুদাস, শ্রীর আশুতোষ, দেশবন্ধু চিত্তরঞ্জনের মতন মহাপুরুষও আছেন! তাঁরাও কলকাতার বাবু! শুধু কেতাবেই



বারলোগঞ্জের পথে

“কলকাতার বাবু” দেখলেন—কখনও কলকাতায় গিয়ে দেখেননি বোধ হয়।

ভদ্রলোক হেসে বল্লেন—বইতে পড়ে আর দেখতে যাবার প্রবৃত্তি হয়নি!

—আমাদের দুর্ভাগ্য! মশায়ের দেশ কোথায়?

তিনি বল্লেন...জেলায়...গ্রামে। আমার গ্রামের মধ্যে আমিই প্রথম ইংরিজী লেখাপড়া শিখি।

আমি হেসে বল্লুম—“আজ্ঞে হ্যাঁ, তা পূর্বেই অল্পমান

করেছি। কিন্তু এই পাহাড়ে কে আপনার কদর বুঝে মশাই, সহরে চলুন।

তিনি মাথা হুলিয়ে বল্লেন—আজ্ঞে না, ওইটি পারব না না হলে কলকাতায় আমার ৫০০ টাকার চাকরী দিয়ে সাধাসাধি করেছিল মশাই, আমি accept করিনি। এখানে আমার ১৫০ টাকাই ভাল। সেখানকার environments আমার ভালই লাগে না। এমন সময় নীরদ এসে পড়ল। একাউন্টেন্ট বাবু উঠে বল্লেন,—৯টা বাজল, আচ্ছা এখন যাই, আবার অফিসে যেতে হবে! তিনি চলে গেলেন, আমিও হাঁফ ছেড়ে বাঁচলুম।

রান্নাঘরে গিয়ে দেখা গেল, পাহাড়ীটা ডাল ভাত রেখেছে। নীরদ, বল্লেন—“মাংস আতা হয়, হাম বোলকে আয়া, আনেসে পাকাও।”

আমি বল্লুম—ওর দ্বারা হবে না—দেখছিস না, বেটা জানোয়ার। আমি রাঁধব। তুই কখন কাজে যাবি?

বল্লেন—দুটোর সময়!

যাক, পাঁচ দিন ধরে ত শিলা বৃষ্টির বিরাম নাই,—কোথাও বেরুন যাচ্ছে না,—কেবল খাওয়া-দাওয়া করে চুপ-চাপ ঘরের মধ্যে লেপ জড়িয়ে বসে থাক। নীরদ খেয়ে অফিস যায়, আসে বেলা ৪টার সময়,—আমার আর সময় কাটে না। বিছানায় কাত হয়ে জানাগার সার্শির মধ্য দিয়ে অদূরে তুষার-ধবল পাহাড়ের দিকে চাই। আকাশে মেঘের খেলা দেখি, আর মনে হয় সত্যই হেথা—

“শুধু জেগে উঠে প্রেম মঙ্গল-মধুর বেড়ে যায় জীবনের গতি  
ধূলিধৌত হুঃখ শোক গুত্র শান্ত বশে, ধরে যেন

আনন্দ মুরতি।”

পাঁচদিন পরে আজ বৃষ্টি থেমেছে। রৌদ্রের শ্রী পাহাড়ের গায়ে গলিত-কাঞ্চন-ধারা ঢেলে দিয়েছে। তাড়াতাড়ি চা খেয়েই বেরিয়ে পড়া গেল। নীরদ বল্লেন, আসবার সময় একটা “রিকশ” নিস, না হলে বেলা হয়ে যাবে!

আচ্ছা—বলে সটান সিধে রাস্তা ধরে লাইব্রেরী বাজারের রাস্তা ছাড়িয়ে আসা গেল। সেখান থেকে এসে বাঁয়ে “Camel's back” দিয়ে “কুলুরী বাজারে” এলুম। পথে তখন দলে দলে সাহেব মেমেরা ভীড় করে চলেছে। খানিকটা এসেই Picture Houseএর সামনে পড়া গেল। ঘড়ীতে দেখলুম বেলা ১১টা বাজে! আর দেবী করা উচিত



নয়। একে পাহাড়ীর হাতের মধুর রাগা,—তার উপর এই গাওয়ার সে সব জমে যা অবস্থা হবে, সে আর মুখে দিতে পারা যাবে না,—কাজেই একটা “রিকস” নিলুম। এখানে “রিকস” ৪ জন পাহাড়ীতে টানে—আর একজন সঙ্গে থাকে—সে সকলকে মধ্যে মধ্যে সাহায্য করে। এক ঘণ্টার ভাড়া একটাকা পাঁচ আনা। একঘণ্টার কম হলেও ওই ভাড়া দিতে হয়।

নিকলে নীরদ আফিস থেকে এসে বলে, চল, লেগোর বেড়িয়ে আসি। জীতেন নাগ ফোর্স করেছে,—তোকেও নিয়ে যাবার জন্তে অনেক করে অসুযোগ করেছে।

আমি বলুম—সে ভদ্রলোক কে?

—এখানে একটা আপিসে কাজ করে। আমি তাদের ফোর্সেও প্রতিবার আড়ট করতে যাই, এবারও যাব। লোকটি খুব ভাল, আর আমার খুব খাতির করে ও ভালবাসে। আর লাগোরেই যা ৫৬ জন বাঙ্গালী দেখতে পাই, আর কোথাও নয়! বাঙ্গালীদের মধ্যে নাগ বাবুই হচ্ছে সকলের চেনা! সে ভদ্রলোক আবার অনেকের House Agent. এবং অনেকেরই বেগার খাটেন! কেউ মেয়েছেলে নিয়ে এসে পড়েছেন—বাড়ী পাচ্ছেন না, চাকর পাচ্ছেন না,—নাগবাবু যোগাড় করে দেন। কাকর অসুখ হয়ে পড়ল, ভদ্রলোক ডাক্তার ডেকে ওষুধ-পত্রের ব্যবস্থা করে দেন। লোকটার ভারী সাদা প্রাণ!

ল্যাগোর Charleville থেকে ৫ মাইল।

ল্যাগোরে নাগবাবুর বাড়ীতে উপস্থিত হলে ভদ্রলোক খুব অভ্যর্থনা করলেন। আর অল্প সময়ের মধ্যে আমার সঙ্গে এমন আলাপ করে ফেলেন, যেন মনে হল, তাঁর সঙ্গে আমার কতদিনের পরিচয়! তাঁর ওখান থেকে জলযোগ করে তাঁদের আড্ডায় যাওয়া গেল। সেটি হাসপাতালের কাছেই! এক ভদ্রলোকের বাসায় এঁদের আড্ডা বসে। সেখানে আরও ৬জন বাঙ্গালী দেখলুম—সকলেই চাকুরীজীবী। কেহ সার্ভে আফিসে, কেহ ইম্পীরিয়াল ব্যাঙ্কে কাজ করেন। আমরা যেতেই ভদ্রলোকরা ভারী খুসী হলেন। বললেন—বাঙ্গালীর মুখ দেখে বাঁচলুম মশাই! এখানে আমরাই যা ৬৭ জন বাঙ্গালী আছি। তাও সকলের সঙ্গে সব সময় দেখা হয় না। কেউ বা কাজের জন্তে দেয়াছেন ব্রাঞ্চে চলে যান,

কেউ বা লক্কোতে যান! তার পর গান-বাজনা আরম্ভ হল! এক ভদ্রলোকের একটি হারমোনিয়ম ছিল, সেটি আনানো হল, এবং প্রায় সকলেই “কোরাসে” গাইতে লাগলেন। ডি, এল, রায়, মহাশয়ের গান থেকে আরম্ভ করে, “আলিবার” “বাজে কাজে মিনষেকে আর যেতে দোব না” পর্যন্ত হল! তাঁদের সকলের “ঠাকুর্দা”—তাঁর বয়স প্রায় ৫০ হবে,—সে ভদ্রলোক এমন রসিক ও আমুদে যে, তিনি অনায়াসে রেপারে সর্কান্স আচ্ছাদিত করে মাথায় ঘোমটা দিয়ে স্ত্রীলোক সঙ্গে “নাচতে” নেমে গেলেন। তাঁর দেখাদেখি, “নাগবাবুও” নীরদের শালখানা চেয়ে নিয়ে “ঠাকুর্দা”র অনুকরণ করে হুজনে হাত-ধরাধরি করে নাচতে লাগলেন! দেখে মনে হল, এই পাহাড়ে—নিঃসঙ্গ জীবন-যাপন করে এঁদের আনন্দ-উৎস যা এতদিন চাপা পড়েছিল,



মল,—মসুরী

আজ পরস্পরের সম্মিলিত অবস্থায় বোধ হয় তা বাইরে এল! এই নির্দোষ, প্রাণখোলা আনন্দের মাঝে ২৩ ঘণ্টা কাটিয়ে যখন ফিরে এলুম, মনে হল, আমার মনের গোপন কোণে যেখানে যা কিছু হৃৎক জমা ছিল, যেন এই আনন্দ-ধারায় ধুয়ে মুছে গেছে। অচেনা লোকের সঙ্গে এঁদের এই যে কুণ্ডাহীন আলাপ, প্রাণখোলা ব্যবহার, একটুও আড়ষ্ট ভাব নাই, কোন রকম আদবকায়দা নাই, দ্বিধা সঙ্কোচ নাই, এঁদের প্রতি সন্তোষে আমার হৃদয় ভরে গেল।

দিন পাঁচ সাত পরে হোটেলের ঠোর-কিপার বিনোদ বাবু এলেন। ভদ্রলোকের বয়স বোধ হয় ৪৬৪৭। ইনি আসাতে আমাদের বাসাটি সরগরম হয়ে উঠল! ভদ্রলোক এসেই আমাদের জংলী পাহাড়ীটার হাত থেকে নিষ্কৃতি দিলেন।

হোটেলের একটি ভাল লোককে আমাদের জন্ত দিলেন। মশুরীর বাজারে মাছের আমদানী হয় না, কিন্তু ভদ্রলোক আমাদের এই ছুটি “আমিষাণী”কে প্রায় প্রত্যহই মাছ খাওয়াতে লাগলেন! তাঁর পাকা হাতে আমাদের গেরস্থালীর ভার চাপিয়ে দিয়ে আমরা যেন হাঁফ ছেড়ে বাঁচলুম। প্রত্যহ আহারের সময় “নূতন মিষ্টি” দেখতাম, কিন্তু আহারের পূর্বে পর্য্যন্ত, কাপ্তেন বিনোদ আমাদের খাবারের ফর্দ জানিবার কোন উপায় রাখতেন না। এই কাপ্তেন (captain) উপাধিটি তিনি হোটেলের সাহেব মহল থেকে



লেখক—শ্রীমুখীরচন্দ্র বন্দ্যোপাধ্যায়

পেয়েছেন। কাপ্তেন বিনোদ সকল সাহেব ও মেম সাহেবদের প্রিয়। ইনি হোটেলের অতি পুরাতন কর্মচারী! ভদ্রলোক যেমন মিষ্টভাষী, তেমনি রসিক। আর সদাই মুখে হাসি লেগে আছে। সন্ধ্যার সময় কাপ্তেন আমাদের পরলোকতত্ত্ব শোনাতেন। সেখানকার অধিবাসীদের সব অদ্ভুত অদ্ভুত গল্প বলতেন! তাঁর গ্রামের কোন্ নৈমায়িকের মৃত্যু কত বিরজ্জা, কবে কোন্ গভীর নিশীথে বাপের কাছে এসে বলেছিল “বাবা বঁড় কিঁদে পেয়েছে খেঁতে দাও,” আর নৈমায়িক মশাই শিকের তোলা হাঁড়ি থেকে মৃত্যু কতাকে

৮ গণ্ডা সন্দেশ দিয়েছিলেন, আর সেই অশরীরী মেয়েটা, চক্ষের পলকে তাহা খেয়ে ফেলে, ঘরের কোণের এক কলসী জল ঢুক ঢুক করে পান করলে। এমনিধারা সব অদ্ভুত গল্প বলতেন। যদি বলতুম, আচ্ছা কাপ্তেন, ওরা ত অশরীরী—শরীর ত নাই, তবে আট গণ্ডা সন্দেশ বা খেলে কেমন করে, আর এক কলসী জলই বা গেল কোথায়।

তিনি অমনি বলতেন “তা জানেন না বুঝি, ওঁরা যে রূপ ধরতে পারেন।”

হাসি চেপে বল্লুম—তা হবে!

একাউন্টেন্ট বাবু অমনি ফোঁস করে বল্লেন—আপনি বুঝি ওসব জানেন না? আচ্ছা, একখানা বই দিচ্ছি পড়ুন দেখি—এই বলে তিনি আমার একখানা বই এনে দিলেন “Man and the Spiritual World।”

আমি হেসে বল্লুম,—হয়ত তাঁরা আছেন, কিন্তু তাই বলে তাঁরা যে আট গণ্ডা সন্দেশ খেতে পারেন, বা এক কলসী জল ঢুক ঢুক করে এক চুমুকে নিঃশেষ করেন, এটা মশাই কেমন করে বিশ্বাস করি বলুন। আমরা স্বচক্ষে দেখছি, তাদের জড়দেহখানা পুড়ে ছাই হচ্ছে, stomachএর অস্তিত্ব পর্য্যন্ত থাকছে না!

একাউন্টেন্ট বাবু বল্লেন—কি করে খায়, তা কি মশাই বলা যায়। তবে বিশ্বাস করতে হবে যে তারা খায়! এই সেদিন একখানা ইংরিজী মাসিক পত্রে পড়লুম,—একজন মেম আজ ২০ বছর হল মারা গেছে, কিন্তু সেদিনও লোকে তাকে পিয়ানো বাজিয়ে গান করতে শুনেছে।

আমি বল্লুম,—সে কাগজখানা আমার দেখাতে পারেন?

—কাগজখানা বোধ হয় হারিয়ে গেছে, খুঁজে দেখবো'খন। আর আমি কি মশাই মিথ্যে কথা বলছি?

এর ওপর আর কথা চলে না; তাহলেই ভদ্রতার গণ্ডী পেরিয়ে যেতে হয়,—কাজেই চুপ করে গেলুম! মনে মনে বুঝলুম, একাউন্টেন্ট বাবু কাপ্তেন বিনোদকে পাকড়ে, নিরালায় এই ক'বছর ধরে ওঁর মাথার মধ্যে এই যে সব আজগুবীর বীজ বুনেছিলেন, আজ তাহা ফলে ফুলে সুশোভিত! যাক্, মোটের ওপর এখানে দিনগুলো মন্দ কাটছিল না।

বিকালে Happy valley clubএ গেলুম। সারা মসুরীর মধ্যে এই একটি টেনিস খেলবার স্থান! এটি লন আছে।

বারলোগঞ্জের কাছে, “মসি ফল্” আছে। গুনলুম, সকল সময় জল থাকে না। Charleville থেকে ১২ মাইল দূরে “কামটি fall” আছে। কিন্তু এ সময় সেখানে জল নাই বলে আর দেখতে যাওয়া হয় নি!

মসুরীর পাহাড়ীদের বস্তী নাই বলেও চলে। ৪।৫ মাইল দূরে নীচে তাদের বাস। তাদের পুরুষরা এখানে ‘রিকশ’ ও “ডাঙি” টানার কাজে আসে ও “কুলীর” কাজ করে।

এখানে পাহাড়ীরা কাঠ পুড়িয়ে কয়লা করে, সেই কয়লারই প্রচলন খুব বেশী। তাহাতেই সকলের রান্না চলে। এক কাঁকা কয়লার দাম ২, ৩ টাকা। তাহাতে প্রায় ১ মোণ ১০ সের আন্দাজ কয়লা থাকে। কাঁকা বড় ছোট হিসাবে দাম হয়, ওজন করে বিক্রী হয় না।

দার্জিলিংএর মতন এখানে জলো হাওয়া নাই, আবহাওয়া শুকনো; বেশ মনোরম স্থান। এখানে স্বাস্থ্য ও প্রাকৃতিক সৌন্দর্য্য বেশ উপভোগ করা যায়। মাস দেড়েক সেখানে কাটিয়ে আবার পুরাতন জীবন-যাত্রার মধ্যে ফিরে আসা গেল।

## দিক্‌শূল

শ্রীউপেন্দ্রনাথ গঙ্গোপাধ্যায়

[ ১৭ ]

সুকুমারীর স্বামী নরেশচন্দ্র আলিপুরের একজন উকিল। পিতার জীবদ্দশায় সে ক্রম্ গাড়ী চড়িয়া ব্রীফ-বাগ এবং মুহুরী লইয়া ওকালতি করিতে যাইত; কিন্তু পিতার মৃত্যুর পর হইতে এতাবৎ এক দিনেরও জন্ত সে আদালতের ভূমি স্পর্শ করে নাই, যদিও প্রতি বৎসর যথারীতি সরকারী সেলামী জমা দিয়া সময়ে নিজের নামটি আলিপুর উকিলের সুদীর্ঘ তালিকাভুক্ত করিয়া রাখিয়াছে। পিতৃশ্রদ্ধের পর আদালতে না গিয়া নরেশচন্দ্র যখন ঘরে বসিয়া রহিল, লোকে মনে করিল, অনির্ধারিত পিতৃশোকই তাহার একমাত্র কারণ। কিন্তু কিছুকাল পরে তাহার অগ্ৰান্ত আচরণাদি হইতে শোকের ক্রিয়া সম্পূর্ণ ভাবে বিলুপ্ত হইলেও যখন সে আদালতে যাইবার কোনো উপক্রম দেখাইল না, তখন তাহার জমিদারীর প্রধান আমলা অনেক দ্বিধা-সঙ্কোচের পর সভয়ে বলিয়াছিল, “আর কিছু না হলেও ষ্টেটের উকিলরা যে টাকাটা খায়, আদালতে বেরোলে সেটার ত’ অনেকটা বাঁচত।” উত্তরে নরেশ বলিয়াছিল, “আর কিছু হলে না হয় ও-কাজটাও করা যেতে পারত। কিন্তু আমার ওকালতী বিত্তে কেবলমাত্র ষ্টেটের উকিল-মাঝা ব্যাপারেই শেষ হলে আমার ওকালতী আর ষ্টেট ছই-ই একই মাত্রায় মর্যাদা

হারাবে!” সুকুমারী কিছু বলিলে নরেশ বলিত, “কাছারী গিয়ে পসার না হওয়ার চেয়ে কাছারী না গিয়ে পসার না হওয়া অনেক ভাল; তাই কাছারী যাই নে। আদৎ কারণটি তোমাকে শুনিয়া বাখলাম।” বন্ধুরা যদি বলিত, “ওকালতীই যদি না করলে তা হলে বছরে বছরে লাইসেন্সের পিছনে অনর্থক কতকগুলো টাকা খরচ করা কেন? একেবারেই ছেড়ে দাও না।” নরেশ উত্তর দিত, “একেবারে ছেড়ে দিলে এত খরচ-পত্র করে ওকালতী পাশ করা ষোল আনাই লোকমান হয় যে—তাই বছরে বছরে ও টাকাগুলো খরচ করি।”

এইরূপে নরেশ কৌতুকে পরিহাসে সকলের মুখ বন্ধ করিত। লোকে বলিত নরেশের বিত্তা-বুদ্ধি, চাতুর্য্য যে রকম আছে সেইরূপ একটু তৎপরতা যদি থাকিত, তাহা হইলে সে একটা মস্ত লোক হইতে পারিত। অবহেলার জন্ত উহার যত কিছু ভাল ভাল গুণ সব নিষ্ফল হইল! শুনিয়া নরেশ বলিত, “সফলতার দিকটা খুব বড় হয়ে উঠলে মাধুর্য্যের দিকটা ছোট হয়ে যায়। গোলাপ ফলে যদি লিচু ফলের মত ফল ফলত, তা হলে লোকে গোলাপ গাছের কাছে সাজি হাতে না গিয়ে ডালা হাতে উপস্থিত হত। তোমরা ভেবে দেখ, তোড়ার মধ্যে যে সব ফুলের প্রধান স্থান, রসনা

তৃপ্তির দিক দিয়ে সবগুলোই নিষ্ফল।” উত্তরে সুকুমারী যদি বলিত, “কিন্তু আমগাছে আম না ফলে গোলাপ ফুলের মত ফুল ফুটলে লোকে এত যত্ন করে আম-বাগান করত না, চাঁপা গাছের মত এক আধটা কোথাও পুঁতত।” নরেশ বলিত, “তা’ হলে তার দ্বারা লোকের রসজ্ঞানের অভাবই প্রকাশ পেল। আমি কিন্তু খুব খুসী হতাম যদি আমাদের মজিলপুরের বড় আম-বাগানের আমগাছগুলোতে ফল না ফলে গোলাপ ফুলের মত বড় বড় ফুল ফুটত। কি সুন্দর শোভা হত বল দেখি! আমাকে বিশ্বাস কর—সুকু, তুমি যে ফল প্রসব না করে শুধু ফুল হয়ে আমার জীবনের মধ্যে চিরদিন ফুটে থাকবে, তার জন্তে আমার মনে ছঃখের লেশমাত্র নেই!” শুনিয়া সুকুমারীর মুখে কথা আসিত না, পরিতাপে এবং পরিতৃপ্তিতে চক্ষুহাট সজল হইয়া উঠিত।

কথা দিয়া নরেশ সুকুমারীর মুখ বন্ধ করিয়া দিত বটে, কিন্তু কাজের বেলা তাহাকে সুকুমারীর নিকট পরাভব স্বীকার করিতে হইত। বচনে-বাচনে, হাশ্বে-পরিহাসে, উত্তরে-প্রত্যুত্তরে সে একটি হাল ফ্যাসনের বৃহৎ এঞ্জিনের মত ফোঁস-ফোঁস করিত, কিন্তু চলিবার সময়ে যদিকে সুকুমারী লাইন্ পাতিয়া দিত সেই দিকেই সে চলিত। শুধু বাহিরের গতিই নহে, তাহার অন্তরের প্রবৃত্তিও অবিচ্ছিন্ন অভ্যাসের ফলে নিরুপদ্রবে সুকুমারীকে অনুসরণ করিয়া চলিত। তাই অপরাহ্নে যখন নরেশ রমাপদকে বলিল, “ভায়া, চল একটু বাজারের দিকে বেড়িয়ে আসা যাক,— একখানা গাড়ী আনাও।” তখন সে সুকুমারীর পাতা লাইনেই চলিবার উপক্রম করিতেছিল।

বাজারে যাইবার ভিতরে বিশেষ কোনও উদ্দেশ্য থাকিতে পারে সন্দেহ করিয়া রমাপদ মৃহভাবে আপত্তি তুলিল। বলিল, “আজই রেল থেকে নেমেছেন, আজ ঘোরাঘুরী না করে একটু বিশ্রাম করলেই ভাল হয়।”

নরেশ বলিল, “বল কি রমাপদ! সটান এক হাজার মাইল রেলে গিয়ে গাড়ী থেকে নেমেই সৈন্তরা যুদ্ধ করতে পারে, আর ছশো আড়াইশো মাইল রেলে এসে বাজারে বেড়াতে যেতে তুমি মানা করছ? এই শক্তি আর উৎসাহ নিয়ে তোমরা তা হলে দেশোদ্ধার করবে কেমন করে?”

মৃহ হাসিয়া রমাপদ বলিল, “তাছাড়া এখানকার বাজারে এমনই বা কি আছে,—তার চেয়ে বরং—”

নরেশ বাধা দিয়া বলিল, “আমার হাতেই বা এমন কি সজ্জা আছে যে এখানকার বাজার আমার পক্ষে যথেষ্ট হবে না; তার চেয়ে বরং আর দেবী না করে তুমি গাড়ী আনাও।”

সুকুমারী সহাস্যমুখে রমাপদকে বলিল, “ওঁর সঙ্গে কথায় কেউ পারবে না রমা,—তুমি গাড়ী আনতে পাঠাও।” গাড়ী আসিল।

সুকুমারী সরমাকে বলিল, “সরো তৈরী হয়ে নে, চল তোদের বাজার কি রকম দেখে আসি।”

সবিস্ময়ে সরমা বলিল, “আমরা বাজার যাব কি দিদি!”

“আমরা কি আর দোকানে নামব? গাড়ীতে বসে থাকব।”

সরমা আপত্তি করিল। তাহার অনেক কাজ আছে, বৈকালের খাবার তৈয়ারী করিতে হইবে, রাত্তির আহারের ব্যবস্থা করিতে হইবে, সন্ধ্যা জ্বালিতে হইবে, আরও কত কি করিতে হইবে। সুকুমারী সরমার কোনও ওঙ্কর-আপত্তি শুনিল না—বলিল, “তুই কি মনে করেছিস লক্ষা থেকে হুজন রাক্‌স তোদের বাড়ী বেড়াতে এসেছে যে সমস্ত দিন শুধু তাদের খাবার তৈরী করতেই তোকে ব্যস্ত থাকতে হবে? নে, শীঘ্র তৈরী হয়ে নে।”

অগত্যা সরমাকে যাইতে হইল। গৃহে রহিল শুধু বিস্ময়া। যাইবার সময়ে সরমা তাহাকে অনেক কাজের ভার দিয়া গেল! ঈশ্বর যথারীতি তাহার সাজ-পোষাক পরিয়া কোচবক্সে চড়িয়া বসিল এবং বিট তাহার মাসীর ক্রোড় অধিকার করিয়া চলিল।

ফিরিতে সন্ধ্যা হইয়া গেল। যাইবার সময়ে যে অর্থ নরেশের মণিব্যাগের ভিতর অদৃশ্যভাবে গিয়াছিল, বিবিধ দ্রব্যসম্ভারে রূপান্তরিত হইয়া তাহা দুই তিন বাগিলে বন্ধ এবং দুই তিন ঝুড়ি বোঝাই হইয়া ফিরিয়া আসিল। দ্রব্যাদির মধ্যে সরমা এবং সুকুমারীর জন্ত রেসমী এবং মাদ্রাজী কয়েকখানা শাড়ী এবং ব্লাউসের কাপড় ভিন্ন আর যাহা কিছু ছিল সমস্তই বিষ্টুর; সোয়েটস্, স্ফট, জুতা, মোজা, টুপি, বিস্কুট, লজ্জেলস্, খেলনা, বালি, মেলিন্‌স্ ফুড, জেলি, জ্যাম, আরও কত কি প্রয়োজনীয় এবং অপ্রয়োজনীয় জিনিস।

বাজারে জিনিসগুলো কেনার সময়ে রমাপদ প্রতিবারেই মৃহভাবে আপত্তি করিয়াছিল, গৃহে ফিরিয়া সে একটু প্রবলভাবে বলিল “এ কিন্তু ভারী অশ্রাম!”

ওৎসুক্যের সহিত তাহার দিকে দৃষ্টিপাত করিয়া নরেশ বলিল, “কি ভারী অশ্রায় ?”

মনের স্তম্ভ অথচ জটিল অভিযোগটা ঠিক কিরূপে ব্যক্ত করিবে ভাবিয়া না পাইয়া রমাপদ বলিল, “দু-দিনের জন্ত এসে মিছিমিছি এতগুলো জিনিষ কেনা!”

“দু-দিনের জন্ত এসে এতগুলো জিনিষ কেনা যদি এতই অশ্রায় হয়, তুমি না হয় দু-দিনের জন্ত আমাদের বাড়ী গিয়ে এত জিনিষ কিনো না! আমি প্রতিশ্রুত হলাম কিছুমাত্র আপত্তি করব না!” বলিয়া নরেশ হাসিতে লাগিল। তাহার পর সুকুমারী নিকটে আছে কি না, একবার চতুর্দিকে দেখিয়া লইয়া নিম্নকণ্ঠে বলিল, “তা ছাড়া, তুমি যখন মেশোমশায় হতে পারলে না, তখন এমন সব উপদ্রব তোমাকে একটু আধটু ভোগ করতেই হবে। বুঝলে না কথাটা ?” বলিয়া নরেশ অর্থময় কটাক্ষ-ক্ষেপ করিল।

বুঝুক আর নাই বুঝুক অতঃপর রমাপদ আর কোনো কথা বলিল না, কিন্তু রাত্রে সরমার কাছে একান্তে সে কথাটা তুলিল।

সরমা বলিল, “কিন্তু কি করবে বল? আপত্তি ত তুমিও করছিলে আমিও করছিলাম, তার পরও যদি না শোনেন তা হলে আর উপায় কি? তা ছাড়া অবস্থা আর সম্পর্ক হিসেবে দিতে যে পারেন না তা নয়; তবে একটু বেশী রকম খরচপত্র করছেন এই যা!”

এ কথার বিরুদ্ধে মুখে বিশেষ কিছু বলিবার না পাইলেও রমাপদের মন সম্পূর্ণভাবে পরিষ্কার হইতে পারিল না। তাহার আহত আত্মাভিমান কেবলই তাহার কাণে কাণে বলিতেছিল, ‘এ উপহার দেওয়া নয়, উপঢৌকন দেওয়া নয়; এত খুঁটিয়ে শুঁড়িয়ে কেউ উপহার দেয় না। এ যেন সব দিক ভেবেচিন্তে দরিদ্রের অভাব মোচন করা!’

[ ১৮ ]

পরদিন প্রত্যুষে শয্যা ত্যাগ করিয়া বাহিরে আসিয়া রমাপদ দেখিল তাহারই উষ্ণিতে বিলম্ব হইয়াছে, আর সকলেই উঠিয়াছে; এমন কি ঘণ্টা পর্য্যন্ত নব সজ্জায় সজ্জিত হইয়া তাহার মাসীর ক্রোড়ে বেড়াইতেছে।

রমাপদকে দেখিয়া সুকুমারী হাসিমুখে বলিল, “তোমার ছেলোটিকে একটু একটু করে দখল করে নিচ্ছি রমা, শেষকালে যাবার সময়ে কলকাতার নিষে না পালিয়ে যাই।”

রমাপদ স্মিতমুখে বলিল, “তা বেশ ত! নিষেই যাবেন।” নরেশ রমাপদের দিকে চাহিয়া বলিল, “কে কাকে বেশী দখল করছে সে বিষয়ে আমার সন্দেহ আছে ভায়া; শেষকালে থোকাই না ওঁকে ভাগলপুরে আটকে রাখে!”

রমাপদ হাসিয়া বলিল, “তা হলে ত’ আরো ভাল হয়!” নরেশ বলিল, “তুমি ত’ বললে ভাল হয়! কিন্তু ওঁর নিজের দখলে একটি যে ভদ্রলোক আছেন তাঁর ব্যবস্থা কি হবে তা ভেবেছ?”

“তিনি দখলেই থাকবেন।”

“দখলে ত’ থাকবেন। কিন্তু খাসদখলে থাকবেন, না বামুন-চাকরের হাতে ইজারায় পড়বেন, তাই হচ্ছে কথা।”

“খাসদখলে নিশ্চয়ই!” বলিয়া রমাপদ হাসিতে লাগিল। যেন একটা গুরুতর শব্দট কাটিয়া গেল সেইরূপ ভান করিয়া নরেশ বলিল, “তাই বল!”

অপাঙ্গে স্বামীর প্রতি দৃষ্টিপাত করিয়া সুকুমারী মুছ হাস্য করিল; তাহার পর রমাপদের দিকে চাহিয়া বলিল, “বামুন-চাকরের হাতে ইজারায় কথা ভেবে এত ব্যস্ত, অথচ গেল বছর খানসামা বাবুটির ইজারায় পড়ে বিলাত যাবার জন্ত যখন ক্ষেপে উঠেছিলেন তখন খাসদখলের কথা কত মনে ছিল সে কথা একবার জিজ্ঞাসা করো ত’ রমা!”

রমাপদ কোনো কথা কহিবার পূর্বে ব্যস্ত হইয়া নরেশ বলিল, “হ্যাঁ, সে দুর্ন্যতি একবার হয়েছিল বটে, কিন্তু প্যাসেজ বুক করে বাড়ী ফিরে এসে কান্নাকাটির যে—”

“আঃ!”

“—কান্না-কাটির যে মর্মান্তিক পাল্লা—”

“আবার!”

রমাপদ চাহিয়া দেখিল অন্তাকাশের মত সুকুমারীর মুখ স্তব্ধ সলজ্জ হাস্তে আরক্ত হইয়া উঠিয়াছে।

রমাপদের দিকে সভঙ্গীতে হাত নাড়িয়া নরেশ বলিল, “কি অশ্রায় দেখ রমাপদ! অভিযোগ চলবে, অথচ সে অভিযোগের বিরুদ্ধে জবাব দেওয়া চলবে না, এত বড় বে-আইনী কথা কোনো দেশের আইনে আছে বলে কখনো শুনেছ?” তাহার পর সুকুমারীকে সম্বোধন করিয়া বলিল, “হয় তুমি তোমার অভিযোগ তুলে নাও, নয় আমাকে সবিস্তারে জবাব দিতে দাও!”

সুকুমারী ব্যস্ত হইয়া তাড়াতাড়ি বলিল, “দোহাই

তোমার ! তোমাকে জবাব দিতে হবে না, আমি অভিযোগ তুলে নিচ্ছি !”

রমাপদর দিকে চাহিয়া বিজয়-গর্কিত ভাবে নরেশ বলিল, “এরূপ ক্ষেত্রে আমি বাদিনীর বিরুদ্ধে খেসারৎ পাবার অধিকারী। তুমি বিচারক, আমাকে উপযুক্ত খেসারতের ডিক্রী দাও।”

খেসারতের ডিক্রী দেওয়ার পক্ষে বিচারকের প্রধান আপত্তি এই ছিল যে, খেসারৎ যে কি পদার্থ তাহা তিনি জানিতেন না। তবে ডিক্রী কথাটা কতকটা পরিচিত, এবং ডিক্রী যে জারী করা হয় এমন কথাও মাঝে মাঝে শুনা ছিল; তাই নিজের অজ্ঞতা প্রকাশ না করিয়া রহস্তটা পরিচালিত করিবার উদ্দেশ্যে রমাপদ ভয়ে ভয়ে বলিল, “ডিক্রী জারী করবেন ত ?”

নরেশ সজোরে বলিল, “করব না ? নিশ্চয় করব !”

তখন, কথাটা একেবারে বেফাঁস হয় নাই বুঝিয়া সাহস পাইয়া রমাপদ বলিল, “কি করে করবেন ?”

“কি করে করব সে কথা খুলে বললে বাদিনী আর বিচারক উভয়েই লজ্জিত হতে পারেন। অতএব সে কথাটা অপ্রকাশিত থাকাই ভাল।”

এ সাবধানতায় কিন্তু বিপরীত ফল ফলিল। কথাটা না শুনিয়াও বাদিনী এবং বিচারক উভয়েই লজ্জিত হইয়া উঠিলেন।

আরক্ত মুখে সুকুমারী রমাপদর দিকে চাহিয়া বলিল, “সঙ্গ-দোষে তুমিও দেখছি ক্রমশঃ—” তাহার পর ঠিক কি বলা যায় ভাবিয়া না পাইয়া সে খামিয়া গেল।

রমাপদ কিন্তু এই অসমাপিত তিরস্কারেই শুষ্ক হইয়া উঠিয়া সঙ্কুচিত ভাবে বলিল, “বিশ্বাস করুন দিদি, ডিক্রী-জারীর মানে ঠিক কি তা আমি জানি নে। আন্দাজি ব্যবহার করেছি !”

রমাপদর কথা শুনিয়া এবং বিপন্ন অবস্থা দেখিয়া নরেশ উচ্চস্বরে হাসিয়া উঠিল। তাহার পর বলিল, “মানে ঠিক না জেনে আন্দাজি কথা ব্যবহার করবার একটা মজার গল্প আমি জানি শোন। সুবোধচন্দ্র সায়্যাল নামে পূর্ববঙ্গের একটি ভদ্রলোক একেবারে সাত শ’ মাইল দূরে কাশীতে গিয়ে হঠাৎ এক দিন হোমিওপ্যাথী প্র্যাক্টিস্ আরম্ভ করলেন। হিন্দুস্থানীর দেশ, রুগী অধিকাংশ হিন্দুস্থানী, কাজেই হিন্দী ভাষায় কথাবার্তা কহিতে হয়।

কিন্তু তখন তাঁর হিন্দীর জ্ঞান, তোমার বিস্তার চাকরের এখন বাংলার জ্ঞান যেমন, ঠিক তেমনি; অর্থাৎ আর সমস্ত কথাই প্রায় অবিকল বাংলা থেকে যাচ্ছে—শুধু ক্রিয়াপদগুলির উপর হিন্দীর একটা আমেজ পড়তে আরম্ভ হয়েছে। পথের ধারে বারাণসী বসে এক দিন তিনি রুগী দেখছেন, আমরা কয়েকজন বন্ধু বসে খবরের কাগজ পড়ছি আর গল্প করছি, এমন সময়ে একটি হিন্দুস্থানী ভদ্রলোকের নাড়ী পরীক্ষা করে সুবোধবাবু বলে উঠলেন, “বোখার তো তাঁতিল হয়।” ভদ্রলোকটি চমকে উঠে দ্রুত ভাবে জিজ্ঞাসা করলেন “কেয়া হয় ?” ডাক্তার বাবু আবার বললেন, “তাঁতিল হয়।” ভদ্রলোকটি চঞ্চল হয়ে উঠে সবিস্ময়ে বললেন, “সমঝা নহি !” রুগীর মুঢ়তায় বিরক্ত হয়ে ডাক্তার বললেন, “কি আশ্চর্য্য! সমঝা নেহি ? তাঁতিল হয়—তাঁতিল হয়।” ডাক্তার বাবুর মূর্ত্তি দেখে রুগীর আর বেশী কিছু জিজ্ঞাসা করতে ভরসা হল না, দ্বিধাভরে মুঢ়স্বরে বললেন, “যব্ আপ্ কহতে হেঁ তব্ জরুর হয় হোগা !” রুগী ওমুধ নিয়ে চলে যেতেই আমি জিজ্ঞাসা করলাম, “ডাক্তার বাবু, বোখার তাঁতিল হয়টা কি ব্যাপার তা’ত আমিও বুঝলাম না। তাঁতিল মানে কি ?” ডাক্তার বাবু ক্ষণকাল আমার মুখের দিকে একদৃষ্টে চেয়ে থেকে বিস্মিত বিরক্ত ভাবে বললেন, “কি আশ্চর্য্য! এতদিন হিন্দুস্থানীর দেশে বাস করে তাঁতিল মানে কি তা জানেন না ? বন্ধ ! বন্ধ ! তাঁতিল মানে বন্ধ !” আমি সবিস্ময়ে বললাম, “তাঁতিল মানে বন্ধ, এ আপনাকে কে বললে ?” একটু মুঢ় হেসে ডাক্তার বললেন, “তা’ও বলতে হবে ?” বলে পথের অপর পারে সামনের বাড়ীর দিকে আজুল দিয়ে দেখিয়ে বললেন, “আপনাদের অনাদি বাবু উকিল। মশায়, একটা নতুন জিনিস আয়ত্ত করতে হলে কি কম ফিকিরে থাকতে হয় ? একদিন এইখানেই বসে অনাদি বাবু তাঁর একজন মকেলকে বলছেন, ‘আজ কাছারী তাঁতিল হয়।’ একটা নতুন কথা শুনতে পেয়ে আমি অনাদি বাবুর কাণে কাণে জিজ্ঞাসা করলাম ‘আজ কাছারী কি আপনাদের ?’ অনাদি বাবু বললেন, ‘আজ কাছারী বন্ধ।’ তখন বুঝে নিলাম তাঁতিল মানে বন্ধ।” ডাক্তার বাবুর কথা শুনে আমরা যে কয়েক জন ছিলাম একেবারে হো হো করে হেসে উঠলাম। হাসতে হাসতে পেটের নাড়ী ছেঁড়বার উপক্রম হ’ল। ডাক্তার

মশায় আমাদের ও-রকম হাসি দেখে নিশ্চয়ই চটে গিয়েছিলেন, কিন্তু আমাদের মধ্যে একজন যখন তাঁকে জানালে যে তাঁতিল মানে বন্ধ নয়, ছুটি, তখন কিছুক্ষণ তিনি নির্ঝাঁক হয়ে একদৃষ্টে চেয়ে রইলেন। তার পর ধীরে ধীরে দেবরাজ টেনে বাদামী কাগজের একটা খাতা বার করে পেঞ্জিল দিয়ে একটা জায়গা কেটে কি লিখে নিয়ে গম্ভীর হয়ে বসলেন। তার পর কিছুক্ষণ পরে হঠাৎ হেসে উঠে বললেন “কি আশ্চর্য! কালও আমি আমার চাকর কপুরীকে বলেছি ‘দরোজা জান্লা সব তাঁতিল কর দেও, ধূলা আস্তা হায়!’”

নরেশের গল্প শুনিয়া রমাপদ এবং সুকুমারী উচ্চস্বরে হাসিতে লাগিল। সরমা রান্না-ঘরে চা এবং জলখাবারের ব্যবস্থা করিতেছিল, হাত-কলরবে আকৃষ্ট হইয়া আসিয়া উপস্থিত হইল।

“এত কি হাসির গল্প হচ্ছে দিদি? আমি কিছুই শুনতে পেলাম না!”

সুকুমারী বলিল, “তুই রান্না-বাড়া নিয়েই সর্বদা ব্যস্ত থাকবি ত’ গল্প শুনবি কখন!”

নরেশ বলিল, “গল্প যদি শুনতে চাও সরমা, তা হলে রান্না-বাড়া একেবারে তাঁতিল করে দাও!”

আবার একটা হাসির কলরোল উঠিল।

সবিস্ময়ে সরমা বলিল, “তাঁতিল কি?”

এ প্রশ্নের কেহই উত্তর দিল না—শুধু হাসির মাত্রা বাড়িয়া গেল।

অধিকক্ষণ অপেক্ষা করিবার সময় ছিল না। রহস্যে প্রবেশ করিতে হইলে কিছু সময় লাগিবে ভাবিয়া সরমা, সে ইচ্ছা পরিত্যাগ পূর্বক চা ও জলখাবারের জন্ত নরেশ এবং রমাপদকে প্রস্তুত হইতে তাগিদ দিয়া প্রস্থান করিল।

অপরাত্নে বেড়াইতে যাইবার কথা উঠিল।

রমাপদ বলিল, “টিলাকুঠি যাওয়া যাক্।”

সরমা বলিল, “বুড়ানাথের মন্দির।”

নরেশ বলিল, “স্বামী-স্ত্রীতে মতভেদ হলে তৃতীয় ব্যক্তির দ্বারা মীমাংসা আবশ্যিক : তুমি এর মীমাংসা কর সুকু!”

সুকুমারী হাসিয়া বলিল, “মীমাংসা করতে গিয়ে শেষকালে যদি তোমার সঙ্গে আমার মতভেদ হয় তার মীমাংসা করবে কে?”

নরেশ বলিল, “সে ভয় করো না। তোমার আমার মধ্যে মতভেদ হতে পারে এ অপবাদ আমাদের কেউ দিতে পারে না। অবশ্য কার গুণে, সে বিষয়ে মতভেদ থাকতে পারে।”

রমাপদ এবং সরমার প্রতি অর্থময় ক্রতঙ্গী করিয়া মুচকিয়া হাসিয়া সুকুমারী বলিল, “কার গুণে শুনি? তোমার গুণে?”

নরেশ মাথা নাড়িয়া গম্ভীর ভাবে বলিল, “রামঃ! তোমার গুণে; আমার দোষে।”

পুনরায় সরমা এবং রমাপদের প্রতি গূঢ় কটাক্ষ-ক্ষেপ করিয়া সুকুমারী বলিল, “শোন কথা! ঠুর দোষে! উনি যেন কত নিরাহ!”

নরেশ আন্তঃস্বরে ব্যগ্রভাবে বলিল, “আমাকে বিশ্বাস কর সুকু, আমার বলবার ইচ্ছা ছিল, আমার গুণে, তোমার দোষে। তোমার ক্রকুটি দেখে ভয়ে উল্টা বলে ফেলেছি!”

নরেশের কথায় তিন জনেই উচ্চ স্বরে হাসিয়া উঠিল।

স্থির হইল, যেহেতু টিলাকুঠি এবং বুড়ানাথের মন্দির একই দিকে অবস্থিত—সময়ের অভাব না ঘটিলে উভয় স্থানেই যাওয়া হইবে।

যাত্রাকালে সুকুমারীর নগ্ন পদ দেখিয়া নরেশ বলিল, “অনেকখানি হাঁটতে হবে, জুতো পরে নাও।”

সুকুমারী বলিল, “সরো খালি পায়ে যাচ্ছে, আমি জুতো পরে কেমন করে যাই?”

সরমা একটু দূরে ছিল, আগাইয়া আসিয়া বলিল, “দেখুন দেখি জামাইবাবু, দিদির কি সন্তান! আমি খালি পায়ে গেলে ঠুর জুতো পরে যেতে নেই তার কি মানে আছে?”

নরেশ কহিল, “খুব বেশী মানে না থাকলেও, আমি বলি তর্কে প্রয়োজন কি? তুমিও জুতা পরে নাও না। পা দুটোকে অকারণ কষ্ট দিয়ে আর বিপন্ন করে ত’ কোনো লাভ নেই!”

সুকুমারী বলিল, “আমি আমার এক জোড়া ওকে জোর করে পরিয়ে দিয়েছিলাম, পায়েও হাম্বোছিল ঠিক, কিন্তু কিছুতে রাজী হল না, খুলে ফেললে।”

সরমার দিকে চাহিয়া নরেশ কহিল, “কেন? আপত্তি কিসের?”

মুহূ হাত্তের সহিত সরমা বলিল, “অভ্যাস নেই; অসুবিধা হবে।”

নরেশ। কিন্তু অভ্যাস হবার একমাত্র উপায় হচ্ছে অনভ্যাসের বিরুদ্ধে লাগা। সে হিসাবে ত’ পরা যেতে পারে ?

একটু ইতস্ততঃ করিয়া হাসিয়া ফেলিয়া সরমা বলিল, “সে না হয় অল্প কোনো দিন হবে—আজ থাক।”

নরেশ। পীড়িতে নবজুতা পরিধানের জন্ত যখন শুভ-দিন লেখে না, তখন আজ হলেও বিশেষ ক্ষতি ছিল না।

কিন্তু সরমা কিছুতেই স্বীকৃত হইল না,—বলিল অভ্যাস লোক চক্ষুর অস্ত্রালেই শ্রেয়; তদ্ভিন্ন, দেব মন্দিরে যাইতে হইবে,—সেখানে জুতা চলিবে না। অগত্যা সুকুমারীকেও নগ্ন পদে যাইতে হইল।

টিলাকুঠির সোপান-মূলে গাড়ী হইতে অবতরণ করিয়া নরেশ ও সুকুমারী মুগ্ধ হইয়া গেল। সুবৃহৎ মৃত্তিকা-স্তূপের উপর বহু উচ্চে মনোরম অট্টালিকা, তৃণ-মণ্ডিত ঢালু স্তূপ-গাত্র বাহিয়া দুইটি প্রশস্ত সোপানাবলি কিয়দূর পর্যন্ত পাপাপাশি উঠিয়া একটি বৃহৎ চত্বালে মিলিত হইয়াছে, এবং তদুর্ধ্বে এক সারি সোপান সরল রেখায় উৎক্লিষ্ট হইয়া সৌধ-প্রাঙ্গণ-প্রান্তে পৌঁছিয়াছে। স্তূপ-গাত্রে স্থলে স্থলে সুদূর-প্রায়সী আকাঙ্কার মত দীর্ঘ ঋজু ইউক্যালিপট্‌স্ ও ঝাউ গাছ তৃণদাম ভেদ করিয়া উর্ধ্বে উঠিয়াছে; তাহাদের গগন-স্পর্শী শীর্ষদেশ সমীর-হিল্লোলে মগ্নরিত।

সোপান-শ্রেণী অতিক্রম করিয়া উপরে উঠিয়া সকলে গৃহ সম্মুখস্থ পুষ্পাগানে প্রবেশ করিল। তাহার পর গৃহ ও গৃহাভ্যন্তর ঘুরিয়া ঘুরিয়া দেখিয়া কাঠের সিঁড়ি বাহিয়া দ্বিতলের ছাদে উপস্থিত হইল। তথা হইতে চতুর্দিকের দৃশ্য দেখিয়া বিস্ময়াহত আনন্দে সকলে হর্ষধ্বনি করিয়া উঠিল। উত্তরে স্বচ্ছ-সলিলা ভাগীরথী পশ্চিম হইতে পূর্বে প্রসারিত, পরপারে বালুময় নদী-সৈকতের ক্রোড়ে শঙ্করপুর গ্রাম; দক্ষিণে যতদূর দৃষ্টি যায় তরঙ্গমালা-বিস্কুল নীল সমুদ্রের মত তালগাছের শীর্ষ, তাহার মধ্যে মধ্যে কচিং প্রকাশমান রেলপথ; পূর্বে ঘননিবন্ধ বৃক্ষরাজির আবরণ ভেদ করিয়া ভাগলপুর সহরের সৌধাংশমালা দেখা যাইতেছে এবং পশ্চিমে অদূরে, জীবন-সূর্য্যের অন্তপ্রদেশ,—ভাগলপুরের শ্মশান, ঈষৎ ধূমায়িত।

চতুর্দিক ঘুরিয়া ফিরিয়া দেখিতে দেখিতে সহসা তাহারা কোনো এক সময়ে ছই দলে বিভক্ত হইয়া ছই বিভিন্ন দিকে দাঁড়াইয়া পড়িল। নরেশ, সুকুমারী, এবং ঘিণ্টুকে ক্রোড়ে লইয়া ঈশ্বর দাঁড়াইল উত্তর দিকে এবং রামপদ ও সরমা দাঁড়াইল পশ্চিম দিকে। শীতের কনকনো ঠাণ্ডা হাওয়ায় সরমার সর্ব শরীর অল্প অল্প কাঁপিতেছিল। রামপদ বলিল, “চেষ্টা দেখ সরমা, ঈশ্বরের কোলে ঘিণ্টুকে কেমন সুন্দর মানিয়েছে। আজ সকালে এই পোষাক পরে সে যখন বিস্ময়ার কোলে বেড়াচ্ছিল—কেমন যেন খাপছাড়া দেখাচ্ছিল।”

স্বামীর কথায় সরমা পিছন ফিরিয়া একবার ঘিণ্টুর দিকে চাহিয়া দেখিয়া একটু হাসিল, কিছু বলিল না।

একটু চুপ করিয়া থাকিয়া রামপদ পুনরায় বলিল, “শুধু ঈশ্বরের কোলেই নয়—ঈশ্বরদের দলেও ও কেমন মিশে গিয়েছে দেখ! মনে হচ্ছে ও যেন ওদের একজন; আমাদের কেউ না।”

এবার সরমা পিছন ফিরিয়া পূত্রকে না দেখিয়া পাশ ফিরিয়া স্বামীকে দেখিল। স্নিগ্ধ মেঘের মধ্যে তড়িৎ যেমন অদৃশ্য ভাবে লুকায়িত থাকে, তেমনি তাহার স্বামীর শাস্ত বাক্যের মধ্যে আর অল্প কোনো পদার্থ লুকায়িত আছে কি না জানিবার জন্ত সে একবার গভীর ভাবে রামপদের মুখে দৃষ্টিপাত করিল, কিন্তু রামপদ তখন মুহূ মুহূ হাস্য করিতে ছিল—স্পষ্ট কিছু বুঝিতে না পারিয়া সরমা হাসিয়া মুহূকণ্ঠে বলিল, “ভাগ্যে আমি জুতো পরে আসি নি, তা হলে আমাকেও ত’ ভূমি ঈশ্বরদের দলে ফেলতে!”

রামপদ সহাস্ত্রমুখে বলিল, “তা হলে এমন মন্দই বা কি হ’ত? বিস্ময়ার দল ছেড়ে ঈশ্বরদের দলে ঢুকতে পারলে একটা খুব বড় রকম প্রমোশনই ত’ হয়!”

এ কথার উত্তর দিবার সময় হইল না, পদশব্দে সরমা পিছন ফিরিয়া দেখিল—ধীরে ধীরে ঈশ্বরদের দল তাহাদের দিকে অগ্রসর হইতেছে।

নিকটে আসিয়া নরেশ বলিল, “এমন ভাবে হুজনে পৃথক হয়ে পড়ে নিভৃত আলাপ কাব্যশাস্ত্রের অনুমোদিত সন্দেহ নেই, কিন্তু অতিথিদের কাছ থেকে হঠাৎ এমন করে বিচ্ছিন্ন হয়ে পড়লে লোকাচারের দিক থেকে একটু আপত্তি তোলা যেতে পারে।”



সরমা লাগ হইয়া উঠিল। রমাপদ হাসিয়া বলিল, “না, একেবারে বিচ্ছিন্ন হইনি; ঘিণ্টু আমাদের পক্ষ থেকে আপনাদের কাছে ছিল।”

“ও: তাও ত বটে! এত বড় যোগসূত্রটার কথা আমার মনেই পড়েনি!” বলিয়া নরেশ হাসিয়া উঠিল। তাহার পর বলিল, “এই যোগসূত্রের একটা চমৎকার গল্প জানি—বলি শোন।”

সুকুমারী ব্যস্ত হইয়া উঠিয়া বলিল, “রক্ষে কর! তোমার গল্প আরম্ভ হলে আর বুঢ়ানাথে যাওয়া হবে না,—সক্কা হয়ে যাবে।”

ক্ষণকাল বিমূঢ়ভাবে অবস্থান করিয়া নরেশ বলিল, “দেখ, প্রোগ্রাম অগ্রাহ্য করবার আর কাজ পণ্ড করবার শক্তি ভগবান যাদের দেন নি, তারাই হচ্ছে অরসিকের দল! বসিক যারা তারা অনিশ্চিত ভবিষ্যতের লোভে বর্তমানকে কখনো অবহেলা করে না।”

সরমা বলিল, “তেমন যদি বড় না হয়, তা হলে গল্পটা শোনাই যাক না দিদি।”

সুকুমারী বলিল, “তুই ফ্লেপেছিস না কি সরো! সামান্য বাপারকে ফেনিয়ে ফেনিয়ে কি রকম বড় করে তুলতে পারেন তা’ত জানিস নে। এখনি তিলের মত ছোট গল্প তালের মত বড় হয়ে উঠবে!”

গভীর মুখে নরেশ বলিল, “তাকেই বলে ক্ষমতা! গুণকে দোষের মত করে বর্ণনা করবার এমন অদ্ভুত শক্তি তোমার আছে যে নিন্দার ছলে যখন স্তুতি কর তখন প্রথমে বোঝাই যায় না যে যা করছ তা নিন্দা নয়, স্তুতি!”

নরেশের কথায় তিনজনে উচ্চস্বরে হাসিয়া উঠিল।

সুকুমারী বলিল, “না, না, চল নেমে পড়া যাক। ও-দিক থেকে কি সব ধোঁয়া চোঁয়া আসছে; রুগ্ন ছেলেকে নিয়ে পড়ন্ত বেলায় এখানে থেকে কাজ নেই!”

শ্মশানে তখন বোধ হয় একটা নূতন চিতায় অগ্নিসংযোগ হইয়াছিল। সকলে ধীরে ধীরে সিঁড়ি বাহিয়া নামিয়া আসিল।

সূর্য্য তখন অস্ত গিয়াছে। সমস্ত আকাশ সন্ধ্যার কিরণে আরক্ত; সেই কিরণ গঙ্গাবক্ষে প্রতিফলিত হইয়া নদীর জল জ্বলন্ত স্বর্ণপ্রবাহে পরিণত হইয়াছে। নরেশ

প্রভৃতি বুঢ়ানাথের মন্দিরে প্রবেশ করিয়া পাথর-বাঁধানো প্রাঙ্গণের উত্তর প্রান্তে রেলিংএর ধারে আসিয়া দাঁড়াইল। নিম্নে, বহু নিম্নে বাঁধানো ঘাটের শেষ সোপান স্পর্শ করিয়া জাহ্নবী-ধারা প্রবাহিত; পরপারে বিস্তৃত চরভূমি শীতসন্ধ্যার সঞ্চীর্ণমান কুয়াসায় ধূসর; তাহার পশ্চাতে বহুদূরে হিমিকাষ্পষ্ট মসীমাথা তরুশ্রেণী চিত্রের মত অবস্থিত। গো-চর হইতে প্রত্যাবর্তনশীল গৃহপালিত পশুদিগের কণ্ঠনিবন্ধ ঘণ্টার ঢং ঢং ধ্বনি শুনা যাইতেছে, কিন্তু কুহেলী ভেদ করিয়া তাহাদিগকে দেখা যাইতেছে না। গগনে, পবনে, জলে, স্থলে সর্বত্র বিরাট যেন তাঁহার আসন পাতিয়া বসিয়াছেন! বিশ্বচরাচর থম্ থম্ করিতেছে। নিখিলেশের সন্ধ্যারতি আরম্ভ হইয়াছে।

বাক্যগারা হইয়া স্তব্ধ-বিশ্বয়ে সকলে শুধু চাহিয়া রহিল! কাহাকেও বলিয়া দিতে হইল না যে যাহা দেখিতেছে তাহা অপূর্ব্ব—অবর্ণনীয়!

মৌন ভঙ্গ করিল নরেশ; গভীর স্বরে সে বলিল, “খন্ড রমাপদ! যে দৃশ্য দেখালে ভাই, জীবনে তা ভুলব না! খুব যে বেশী দেখা শুনা আছে তা বলতে পারিনে—কিন্তু এমনটি দেখেছি বলে মনে পড়ছে না।”

সুকুমারী বলিল, “সত্যি! মন্দিরও ত’ অনেক দেখেছি, কিন্তু এমন গঙ্গাগর্ভ থেকে একেবারে সোজা উঠেছে, এমন মন্দির বোধ হয় কোথাও দেখি নি।”

সম্মুখস্থ দৃশ্যাবলীর উপর দৃষ্টি নিবদ্ধ রাখিয়া নরেশ ধীরস্বরে বলিল, “কি আশ্চর্য্য! এমন শোভাসম্পদময় বিশ্বপ্রকৃতির দিকে চেয়ে, কি-জানি কেন, আমার কেবল মনে হচ্ছে সৃষ্টির প্রথম দিনের কথা—মনে হচ্ছে—

নাহো ন রাত্রি ন নভো ন ভূমি:

নাসীৎ তমোজ্যোতিরভূন্ন চাশ্রৎ।”

নরেশের গভীর মিষ্ট কণ্ঠনিঃসৃত মহাপ্রলয়ের এই ধ্যান-বর্ণনা শুনিয়া অর্থ না বুঝিয়াও সকলে একটা অনমুভূতপূর্ব্ব মোহাবেশে মগ্ন হইল। কিছুকাল পরে পশ্চাতে মন্দির দ্বার বিলম্বিত ঘণ্টা মহসী বাজিয়া উঠিলে সেই শব্দে মোহ-বিমুক্ত হইয়া সকলে সে স্থল পরিত্যাগ করিয়া মন্দিরে প্রবেশ করিল।

(ক্রমশঃ)

## ‘উপরি’-পাণ্ডনা

শ্রীরামকৃষ্ণ ভট্টাচার্য্য

বেলমা গ্রামের আবাল-বৃদ্ধ-বনিতা তাঁকে ‘মশাই’ বলে ডাকতো, কিন্তু তাঁর নাম ছিল শ্রীযুক্ত সনাতন শান্তিলা। তিনি গ্রামের পাঠশালার গুরুমশাই। তাঁর ধরণধারণ খুব সাদা-সিধে। সরল প্রকৃতির লোক, সংসারের কোনও কিছুই খবর রাখতেন না। আজীবন শুধু ছেলে পড়িয়ে আসছিলেন—গ্রামের বারোয়ারী-তলার পাশে বড় বকুল-তলার। যেদিন বড় ঝড় জল হত বা হবার আশঙ্কা থাকতো, সেদিন তিনি সেই বকুলতলার বাধান বেদীটা বাধ্য হয়ে ছেড়ে দিয়ে তারই পাশে শিবঘরের দাওয়ান বসে ছেলেদের পড়াতেন। তাঁর কত ছাত্র মানুষ হয়ে দেশ-বিদেশে বেশ দুপয়সা রোজগার করে বেড়াচ্ছে; কত মেয়ে সুশিক্ষা পেয়ে সুনাম-সুখ নিয়ে খুশর-ঘর করছে। এদেরও সব ছেলেমেয়েরা আবার পাততাড়ি বগলে করে তাঁর পাঠশালার তাদের বাপ-মায়ের মত আস্তে আস্ত করে ছেলে। ‘মশাই’এর বয়স এখন বছর ষাটের কাছাকাছি। তাঁর মাথার সব চুল সাদা; গলায় তুলসীর মালা; গায়ের রং সুন্দর। সাদা ধবধবে কাপড়, কাঁধে একখানি গামছা এই হচ্ছে মশাইএর সনাতন পোষাক।

হঠাৎ একদিন তিনি জমিদারের কাছারীতে উপস্থিত হয়ে বাবুকে বললেন—“কর্তামশায়, বাড়ীতে বড়ই বিদ্রোহ উপস্থিত হয়েছে; পাঠশালাটা আর রাখা গেল না দেখছি। এ বয়সে আবার বিদেশ কোথায় গিয়ে কাজ-কর্মের চেষ্টা করো! আপনি বড় খোকাকে একটা পত্র দিন, আমারই মারফতে আমার একটা কাজের জন্ত—রামকৃষ্ণপুরের চালের আড়তে। সে ইচ্ছা করলে আমাকে সেখানে একটা কাজ দিয়ে বড়লোক করে তুলতে পারবে। বাড়ীর সকলের—হঠাৎ বড়লোক হবার বড় খেয়াল চেপেছে। আমার নিশ্চিন্ত হয়ে ছেলে পড়ান এঁদের বড় অপছন্দ— বলে কি না ‘তোমার পড়োরা মাসে যা উপায় করছে,

তোমার পাঁচ বছরেও তা হয় না। তুমি এ বৃত্তি ছেড়ে দিয়ে বেশী পয়সা উপায়ের চেষ্টা কর।’ তবু ছেলে মেয়ে পাঁচটা কেঁদে বেড়াচ্ছে না কর্তামশায়! একবার ভেবে দেখুন, এরা কি বলে আর অ’মাকে দিয়ে কি করতে চায়। যা হোক, এর একটা বিহিত করে দিন।”

বাবু বললেন,—“সনাতন, ছেলেদের লেখাপড়া শেখানর গুরুমশায়ী স্বভাব ও বিত্তে নিয়ে এ বয়সে আর রকম-ফের বিত্তের হাতে-খড়ি না করলেই হত ভাল! কিন্তু তুমি যখন স্ত্রীবুদ্ধি-চালিত হয়ে মাথা খারাপ করে এসেছ, তখন অন্তকথা বুঝবেও না, শুনবেও না। এখন কি করতে চাও বলো? আড়তে কোন্ কাজ তুমি করতে পারবে বলে মনে হয়। যা পারবে তারই জন্তে পত্র লিখে দিই।”

মশাই বললেন—“বাড়ীতে বলছিলেন পাশের বাড়ীর যত ও মধু দুজনে মাসে মাসে মাইনে ছাড়া ২০২৫ টাকা ‘উপরি’ উপায় করে—কলিকাতার নানা দ্রব্য কেনন ঘর-বাড়ী গুছিয়েছে,—সাজিয়েছে। তাদের কোনও অভাবই নেই। তা ছাড়া পাঁচজনকে টাকা কড়ি ধার দিয়ে মহাজনী করে আরও যথেষ্ট উপায় করে মহাসুখে দিন কাটাচ্ছে; আর আমাদের শুধু কোনও রকমে খেয়ে দেয়ে দিন যাচ্ছে—গিন্নী কখন ত কাউকে একটা পয়সাও হাতে তুলে দিতে পারছেন না; ব্রতধর্ম করতে পারছেন না; তাই তিনি বড় দুঃখিত হয়েছেন। বলেন ‘যত-মধু ত রামকৃষ্ণপুরের আড়তে ১২ বার টাকা মাইনেই কাজ করে। মাইনে ছাড়া কি করে এত ‘উপরি’ উপায় করে।”

আমি তাদের জিজ্ঞাসা করে জানলাম যে তারা ওজন-সরকার। ধান-চাল মাপের পরিমাণ ধরবার জন্ত ব্যাপারীর ধান-চালের মুঠো মুঠো নিয়ে ওজনের সংখ্যা রেখে দিনান্তে পাঁচ-সাত সের চাল-ধান তাদের উপায় আসে। আর বলে ‘এই সঙ্গে সময়-শিরে—খুব ভিড়ের দিনে আড়তের চাল হতে হুএক সরা চাল নিয়ে পরিমাণটা আরও

বাড়িয়ে নিই।’ তাই আমি মনে করছিলাম যে, এত খুব সহজ কাজ; এ কাজ আমি কেন পারবো না। আমার গায়ে এখনও খুব জোর আছে। দেখুন না আমার হাতের বক্সি—আমি ধান-ধামা চাল ‘উপরি’ নিয়ে আমার প্রাপ্য চালের সঙ্গে মিশিয়ে দিলেই আমার আয় খুব বেশী হয়ে পড়বে।”

কাছারি-ঘরের সব লোকজন মশাইএর কথা শুনে হেসে অস্থির হতে লাগলো; আমরা সব গা-টেপাটেপি করতে লাগলো। মশাই তাদের রকম-সকম দেখে কেমন হতভুত হয়ে বললেন—“এতে বাপু, এমন হাসির কথা কি আছে?”

বাবু বললেন—“সনাতন, এ রকম ‘উপরি’র নামান্তর হচ্ছে চুরি। তা কি তুমি করতে রাজী আছ? অতি সরল-উদার প্রকৃতির মানুষ তুমি—এ সব কথাই কিছু তুমি বোঝ না; তুমি যাবে সহরে চাকরী করতে। যাক, আমি তোমার ও তোমার ‘বাড়ীর’ সব কথাই বুঝে নিয়েছি,—এবং এর যা বিহিত, তা শীঘ্র করছি।”

মশাই অপ্রস্তুত হয়ে তাঁকের উপর হাত বুলাতে বুলাতে কোনও কথা না বলে সেখান হতে তখনই দ্রুত পালিয়ে গেলেন।

বাবু তখন আর সকলকে বললেন—“এই যে সনাতন কোনও কথা না বলে এমন ভাবে চোরটির মত পালান, এতেই শেষ হল না। ও এখনই ফিরে এসে আবার কি হাঙ্গামা বাধায় দেখ। আমি আজ ষাট বছর ধরে ওকে দেখে আসছি;—ওকে মাত্র আমিই চিনোছি। আমি বলছি, ওর যোগ্য কাজ ঐ ছেলেদের শিক্ষা দেওয়া—তা ছাড়া আর কিছু ও পারবে না। তা বুঝেই আমি কখনও সনাতনকে কোনও কাজের মধ্যে আনতে চেষ্টা করিনি। এককাল আমি ওর মনে বা মুখে কোনও মালিক কখন দেখি নি। মুখে হাসি সদাষ্ট লেগে আছে। ওর এই সবে প্রথম বিষণ্ণ ও ভাবান্তর দেখলাম। আমি মনে করছি—গ্রামে একটি স্কুল করে দিই; তার নাম দিই ‘সনাতন-পাঠশালা’। সনাতন তারই তত্ত্বাবধান করে জীবনের শেষ কটা দিন কাটিয়ে দিক।

আর দেখুন নায়েব মশাই; আমার নাম করে পত্র দিন ওর যত সব ছাত্র দেশে বিদেশে আছে—তারা সংখ্যায় ত বড় কম হবে না, শ’দেড়েকের উপর—যারা ওর শিক্ষায় মানুষ হয়ে আজ দেশের সেবা করছে তাদের কাছে লিখে দিন যে আমি ‘সনাতন-পাঠশালা’ স্থাপন করব, স্থির করেছি। তারা সকলে যেন আগামী পূজার সময় সনাতনের বাড়ীতে মহাপূজায় আগমন করে ‘মশাই-গিল্লী’র,—তাদের গুরু-পত্নীর ব্রত-ধর্মের আশাটা পূরণ করে দেয়; এবং সনাতন ‘উপরি’ উপায়-স্বরূপ যথেষ্ট গ্য গুরুদক্ষিণা দিয়ে তার “মহাজন” হবার আশা মিটিয়ে দেয়। সনাতন এতদিন ধরে যে বিঘোর মহাজনী করে এসেছে, সেটা যেন তারা স্মৃদে-আসলে উত্তুল করে দিতে ভুলে না যায়।”

এমন সময় সনাতন মশাই একরাশ খাতা-পত্র বগাল নিয়ে প্রকুল মুখে হাসতে হাসতে কাছারী-বাটীতে এসে বললেন “দেখুন কর্তামশায়,—আমার এই চল্লিশ বছরের হাজিরে-খাতা; এতে যত্ন-মধুর নাম নেই—ওটা আমার ছাত্র নয়। আমার ছাত্র হয়ে কি কেউ কখন ‘উপরি’ উপায় করতে পারে? চুগা-বিগাও আমি কখন কাউকে শিক্ষা দিই নি—নিজেও তা জানিনে। বড়া মানুষ—হঠাৎ বুদ্ধিব্রংশ হয়েছিল কর্তা মশাই, কিছু মনে করবেন না।”

বাবু হেসে বললেন “সনাতন, তোমাকে কি আমি চিনি। যাও, তোমার সহধর্মীকে বল গিয়ে, এবার আমি সমস্ত খবচ-পত্র করে তোমার বাড়ীতে ছুর্গোৎসব করব। তোমার সব ছাত্রকে নিঃস্থগ করব। তাতে তোমার সহধর্মীরা যথেষ্ট ‘উপরি’-পাওনা হবে, বুঝলে সনাতন!”

সনাতন মশাই বললেন—“সে কি কর্তা মহাশয়, আমার বাড়ীতে ছুর্গোৎসব! সে কি করে হবে? লোকে কি বলবে? আমার মত গরিব গুরুমশায়ের কি অমন বড়মানুষা সাজে? আপনি ও-সকল ত্যাগ করুন; আমাকে আর লজ্জা দেবেন না।”

বাবু সহাস্তে বললেন—“সনাতন, হাকিম ফেরে, ত শুকুম ফেরে না। এবার তোমার বাড়ী ছুর্গোৎসব হবেই; তোমার গৃহিনীর ‘উপরি’-পাওনা এবার চাই-ই।”

# নিখিল-প্রবাহ

শ্রীহেমন্ত চট্টোপাধ্যায়

বিদ্যুৎ সাহায্যে চাষ—

আমেরিকার বিখ্যাত উদ্ভিদতত্ত্ববিদ বৈজ্ঞানিক বুম্ব্যাঙ্কের নাম অনেকেই শুনিয়াছেন। ফরাসী দেশেও একজন বিখ্যাত বৈজ্ঞানিক আমেরিকান বৈজ্ঞানিকের মত উদ্ভিদ-জগতে নানাপ্রকার আশ্চর্য্য কাণ্ড সংঘটন করিয়াছেন।

তিনি মাটি, আকাশ এবং সূর্য্য হইতে তাহার নির্মিত একটি বিশেষ যন্ত্র-সাহায্যে তড়িৎ-শক্তি সংগ্রহ করিয়া



তড়িৎ-শক্তিতে উৎপন্ন বৃক্ষ

তাহাকে বৃক্ষ-লতাতির মধ্যে পরিচালনা করিয়া নানাবিধ ফলমূলের বিবিধ প্রকার পরিবর্তন সাধন করিতেছেন। একটি আপেল বৃক্ষে বহুকাল কোন ফল ফলে নাই। ফরাসী বৈজ্ঞানিক Justin Christofloean এই আপেল গাছটিকে তড়িৎ-চিকিৎসা করার পর ইহাতে এত ফল ফলিতে আরম্ভ হইয়াছে, যে গাছটি প্রায় ভাঙ্গিয়া পড়িবার

মত হইয়াছে। অশ্রান্ত নানা প্রকার ফলের আকার তিনি তড়িৎ-সাহায্যে তাহার পূর্ক-আকারের দ্বিগুণ করিয়াছেন।

Justin Christofloean বলেন যে, তড়িৎ শক্তি এমন একটি গুণ আছে, যাহা বৃক্ষলতাতির অনিষ্টকারী সকল রকম পোকা মাকড় ইত্যাদি হত্যা করিয়া বৃক্ষকে নানাভাবে নবশক্তি দান করিয়া তাহার স্বাস্থ্য শতগুণ বাড়াইয়া যায়।

৩০০০ ফিট উঁচু হইতে লাফ—

কলিকাতার গড়ের মাঠের মনুমেন্টে চড়িয়া তাহার উপর হইতে নীচে লাফ দিয়া পড়িবার ইচ্ছা অনেকের



লাফ-দিবার সময়ের ছবি

হয়—বিস্তৃত কেহ লাফ দিয়াছে বলিয়া এখনও শোনা যায় নাই। সঙ্গে প্যারাসুট লইয়াও কেহ লাফ দিবে কি জানি না।

শুনিলে অবাক হইতে হয়, আমেরিকার যুক্তরাষ্ট্রে বায়ু সৈন্যের করপোরাল আর্থার্স আন্স বার্গো ৩০০০ ফিট উচ্চে স্থিত এরোপ্লেন হইতে প্যারাসুট লইয়া শূন্যে লাফ দিয়াছিলেন। প্রথম ১৫০০ ফিট সঁ করিয়া নীচে নামি

আসেন—এই ১৫০০ ফিট প্যারাসুট বন্ধ ছিল। এই প্রকার  
প্রাণের মাম্বা ত্যাগ করিয়া লাফ দিবার উদ্দেশ্য কেবলমাত্র



আশ্চর্য্য উল্লেখন

পরীক্ষা করা যে, ম'ম্বু এত উচু হইতে লাফ দিয়া বাঁচিতে  
পারে কি না। এই পরীক্ষায় তিনি সফলকাম হইয়াছেন।

তিনি এই লাফ দিয়া সফলকাম হইবার পূর্বে লোকের  
ধারণা ছিল যে, এত উচু হইতে বন্ধ প্যারাসুট লইয়া লাফ  
দিয়া কেহ বাঁচিতে পারে না। প্যারাসুট খুলিবার সময়  
আর তাহার হয় না, তাহার পূর্বেই সে মাটিতে পড়িয়া  
ছাত্ত হইয়া যাইবে।

সার্জেন্ট বোস্ নামক আর একজন লোকও ১৫০০ ফিট  
উচু স্থান হইতে লাফ দিয়া কিছু পরে প্যারাসুট খুলিয়া  
নিরাপদে পৃথিবীতে অবতরণ করেন। ইহারা দুইজন  
বলেন যে "লাফ দিবার পর আমাদের কোনোপ্রকার বৃদ্ধি  
লোপ পায় নাই। জীবনের আশাও একবিন্দু ত্যাগ করি  
নাই।" বোস্ বলেন "লাফ দিবার পর আমার প্রথম কথা  
মনে হয়—মাটিতে নামিয়া কি ভাল খাবার খাইব।"

স্বাধীন দেশের লোক যেমন জীবনকে পুরামাত্রায় ভোগ  
করে, তেমনি মরিবার সময়ও ইহারা মরণকে হাসিমুখে  
গ্রহণ করিতে পারে।

#### অভিনব মানুষ—

আফ্রিকার কঙ্গোর জঙ্গলে নানাপ্রকার অসভ্য জাতি



অভিনব মানুষ

বাস করে। কত রকম জাতি যে বাস করে তাহাদের সংখ্যা এখনও সব জানা যায় নাই।

“গুয়ামবুটি” ‘পিগুমি’ অর্থাৎ বেঁটে মানুষ বা বামন বলিয়া এক জাতি এই জঙ্গলে এক স্থানে বাস করে। ইহাদের দুইজনের ছবি (পিতা ও কন্যা) এক সাধারণ মানুষের



অভিবব মানুষ

দুই পাশে দেওয়া হইল। এই পিতা ও কন্যা এই জাতির মধ্যে অত্যন্ত লক্ষ্য বলিয়া খ্যাত।

কঙ্গোর কিতু নামক জঙ্গলে আর এক জাতির বাস। ইহারা তাহাদের পিঠ নানা প্রকার চিত্রবিচিত্র করিয়া উকি কাটে। উক্তির নমুনা দেওয়া হইল।

#### হেনরি মামবোল্ট—

যে বালকটির ছবি দেওয়া হইল, তাহার বয়স মাত্র ছয় বৎসর। এই বয়সেই যে গণিত-শাস্ত্রে অসাধারণ বুৎপত্তি লাভ করিয়াছে। ইয়োরোপের চিকিৎসক-মহল এবং বৈজ্ঞানিকগণ এই বালকের অসাধারণ মস্তিষ্ক দেখিয়া বিস্ময়ে

অবাক্ হইয়াছেন। গণিত-শাস্ত্রের অত্যন্ত জটিল সমস্যা এই বালক বিনা কষ্টে সমাধান করিয়া ছায়। উচ্চ গণিতে কতকগুলি ভয়ানক জটিল প্রশ্ন এই বালককে করা হয় বালক অতি কম সময়ে সমস্ত প্রশ্নের যথাযথ উত্তর দানে সকলকে চমৎকৃত করিয়া ছায়। অনেক গণিত শাস্ত্রবিদ পণ্ডিতের ঐ সকল প্রশ্নের উত্তর দান করিতে বহুক্ষণ ধরিয়া মাথা ঘামাইতে হয়। বালক যেমন ভাবে প্রশ্নের উত্তর



হেনরী মাম্বোল্ট ( বয়স ৬ বৎসর )

দান করে, তাহাতে মনে হয় যেন তাহার ঠোঁটের আগায় সমস্ত প্রশ্নের উত্তর আসিয়া প্রশ্নের অপেক্ষা করিতেছে।

#### রুডলফ্ ভ্যালেনটিনো—

বিখ্যাত বায়স্কোপ-অভিনেতা রুডলফ্ ভ্যালেনটিনো গত ২৩এ আগষ্ট নিউইয়র্ক সহরে প্রাণত্যাগ করিয়াছেন। ইহার মৃত্যুতে আমেরিকায় এবং জগতের অন্যান্য সভ্য সমাজে সাদা পড়িয়া গিয়াছে। নিউইয়র্কে ইহার মৃতদেহ দেখিবার জন্ত হাজার হাজার লোক সমবেত হয়। ইহাদের মধ্যে স্ত্রীলোকের সংখ্যাই বেশী ছিল। পুলিশ অনেক চেষ্টা করিয়াও ভিড়

সরাসীতে পারে নাই। মৃত্যুর পূর্বে ইহার জন্ম কিছু তাজা রক্ত দরকার হয়। শত শত লোক রক্ত দিবার জন্ম তাহাদের হাত বাড়াইয়া ছায়। ইহার অস্থির সংাদ টেলিফোনে এত লোক জানিতে চায়, যে, তাহার জন্ম বিশেষ একদল টেলিফোন অপারেটর নিযুক্ত করা হয়।



পরলোকগত মিঃ রুডল্ফ ভ্যালেনটিনো

ভ্যালেনটিনোর ভক্তবৃন্দ হাসপাতালকে সকল সময় ফুলে ফুলে ফুলময় করিয়া রাখিয়াছিলেন। বিখ্যাত বায়স্কোপ-অভিনেত্রী পোলা নেগী (?) ইহার স্ত্রী। কিছুদিন পূর্বে ইহাদের বিবাহ হয়।

#### সর্বাপেক্ষা লম্বা সুড়ঙ্গ—


যুক্তরাষ্ট্রের সানফ্রান্সিস্কো শহরের ১০০ মাইল দক্ষিণ পূর্ব দিকে দুইটি বৃহৎ হ্রদের জল যোগ করিবার

খোঁড়ার ফলে এই কার্যটি সমাপ্ত হইয়াছে। মাটি খুঁড়িয়া এই সুড়ঙ্গ পথ করিতে হইলে সময় কম লাগিত, কিন্তু সুড়ঙ্গটি আগাগোড়া কেবল লোহা অপেক্ষাও শক্ত গ্র্যানাইট পাথর কাটিয়া তৈয়ার করিতে হইয়াছে। ইহাতে খরচ পড়িয়াছে প্রায় ৫১,০০০,০০০ টাকা। কলের সাহায্যে এই পাথর কাটার কাজটি করিতে হয়। কার্যের প্রথম দিকে প্রত্যহ ১২ ফিট করিয়া পাথর বাটা হইত; কিন্তু শেষের দিকে ৩২ ফিট পর্যন্তও হয়। প্রায় ৩০০০ লোক দিবারাত্রি এই কাজে নিযুক্ত ছিল। যে প্রদেশে এই সুড়ঙ্গ কাটা হয়, সেখানে শীতকালে অত্যন্ত বরফ পড়ে, পথঘাট সব ভসিয়া যায়। কুকুর টানা গাড়ীর সাহায্যে খাণ্ড এবং চিঠিপত্র পাঠাইবার ব্যবস্থা করিতে হয়। কর্মীদের চিন্তাবিনোদনের উত্তর ব্যাডিও সাহায্যে নানা প্রকার গীতবাণ্ড তাহাদিগকে প্রত্যহ শোনান হইত।

বেতারের সাহায্যে সুড়ঙ্গ খননের কার্যও পরিচালনা করিতে হইত। নভেম্বর মাস হইতে এপ্রিল মাস পর্যন্ত সুড়ঙ্গ কাটার কাজে নিযুক্ত লোকেরা লোকালয়ের সহিত সাফাৎ কোন প্রকার যোগ রাখিতে পারিত না। চারিদিকে বরফের দেওয়াল। এই সময় বেতারই তাহাদের একমাত্র সম্বল। বাহিরের জগতের সহিত কথাবার্তা ইত্যাদি সবই বেতারের সাহায্যে চলিত।

সুড়ঙ্গের দুই প্রান্ত হইতে কাজ আরম্ভ হয়। মাঝে আসিয়া যখন দুই দল মিলিত হইল, তখন দেখা গেল সুড়ঙ্গ মাত্র ১০৩৬ ইঞ্চি বাকী হইয়াছে!

সুড়ঙ্গের নাম “ফ্লোরেন্স লেক টানেল”। এই সুড়ঙ্গের



কেইসার রিজ

জন্ম একটি ১৫ ফিট প্রশস্ত এবং ১৩ মাইল লম্বা সুড়ঙ্গ পথ খোঁড়া হইয়াছে। পাঁচ বৎসর ধরিয়া দিবারাত্রি ক্রমাগত

ফলে দুইটি বৃহৎ হ্রদ মিলিত হইল, এবং তাহার ফলে আশে-পাশের প্রদেশে তড়িৎ শক্তির পরিমাণ বহু হাজার গুণ

বেশী হইবে। ইহা ব্যবসা এবং বাণিজ্যের যে কত উন্নতি করিবে, তাহা বলা যায় না।

পৃথিবীতে এত বড় সুড়ঙ্গ আর নাট। ইহার পরেই নাম করা যায় সুইস আল্পসের টানেল ( ১২ মাইল দূর )।

### সুগঠিত-দেহা নারী—

কুড়ি হাজার আমেরিকান বালিকার মধ্য হইতে মিস ফ্রেডি এষ্টেলি হাম্‌ফ্রিজকে সর্বাপেক্ষা সুন্দর-তরুণ বালিকা বলিয়া বাহির করা হয়। এই বালিকার প্রত্যেকটি অঙ্গের সহিত অল্প অল্প এমন একটি চমৎকার মিল ও সামঞ্জস্য



সর্বাপেক্ষ সুন্দরী মিস ফ্রেডি হাম্‌ফ্রিজ

আছে যে, মনে হয় যেন কোন এক আশ্চর্য্য শিল্পী ইহাকে নিজের মানস প্রতিমার রূপে পাথর খুদিয়া গঠন করিয়াছে। গ্রীসের ভাস্করদের তৈরী কোন মূর্তির দেহই এই বালিকার দেহ-সৌষ্ঠবের কাছে দাঁড়াইতে পারে না।

### নিউ ইয়র্কের সর্বাপেক্ষা বৃহৎ প্রাসাদ—

ছবি দেখিলে মনে হয় যেন একটা ছোট খাট পর্বত দাঁড়াইয়া রহিয়াছে। আমেরিকাতে বোধ হয় এত উচু

এবং বড় আর কোন বাড়ী নাই। এই প্রাসাদের আশেপাশের সকল বড় বড় বাড়ীগুলিকে ইহার কাছে কুটিল বলিয়া মনে হয়। বিখ্যাত সিঙ্গার বিল্ডিং এই বাড়ীর কাছে দাঁড়াইতে পারে না। একটি সহরে যাহা থাকা দরকার



নিউইয়র্কের সর্বোচ্চ অট্টালিকা

এবং থাকে, সমস্তই এই বাড়ীতে আছে। ইহাকে একটি সহর বলিলেও চলে।

### মেয়েদের ভিকি খেলা—

বিলাতে এবং আমেরিকায় আজকাল মেয়েরা পুরুষদের সকল খেলা দখল করিতেছে। টেনিস খেলায় অনেক নারী আজকাল জগদ্বিখ্যাত হইয়াছে। মাদামোনে ল্যাং লেনের নাম এখন জগৎ-বিখ্যাত। ফুটবল, ক্রিকেট ইত্যাদি খেলাও আজকাল মেয়েরা খেলিতে আরম্ভ করিয়াছে। কোমলাঙ্গী বলিয়া কেহ যেন মনে করিবেন না মেয়েদের কোমল ভাবে এই সকল খেলা খেলে! অনেক পুস্তক নারীদের কাছে এই সব খেলায় হটিয়া যায়। ক্রমে এম





অক্সফোর্ড এবং কেম্ব্রিজের মেয়েদের হকি ম্যাচ

দিন আসিবে যখন নারীরা সকল রকম ক্রীড়াতে পুরুষের সঙ্গে সমানে পাল্লা দিবে। সঁতারে নারী বর্তমান সময়ে পুরুষকে অতিক্রম করিয়াছে। মেয়েদের হকি খেলার একটি ছবি দেওয়া হইল।

পেট ভরিয়া খাইতে পার না, ষোড়াকে খাওয়া-ইবে কি।

আমেরিকার লোকেরা পোলো খেলাকে সকলের উপযোগী করিবার জন্ত বাইসাইকেল পোলো খেলা আরম্ভ



নূতন খেলা

বাইসাইকেল পোলো—

আমরা ষোড়ায় চড়িয়া পোলো খেলা দেখিয়াছি। ইহা বড়লোকদের খেলা, কারণ গরাবরা নিজেরাই

করিয়াছে। ছেলে মেয়ে সকলেই ইহা খেলিতে পারে। ছবিতে দেখুন একজন ছেলে এবং একজন মেয়ে বাইসাইকেল পোলো খেলিতেছে।

# রাজ্য-পালন

শ্রীমানিক ভট্টাচার্য্য বি-এ, বি-টি

শেষরাত্রি হইতে বৃষ্টি আরম্ভ হইয়াছিল। সকালবেলার আকাশ বিধবার মত একখানি শুভ্র বসন পরিধান করিয়া আছে। পত্র-পুষ্প-লতার চক্ষু দিয়া যেন অশ্রু ঝরিতেছে। জম্বুরীপের তরুণ রাজা স্মরঞ্জিৎ প্রকৃতির এই ছবি দেখিয়া করুণায় আর্জ হইয়া উঠিলেন। মনে হইল, আমার যে সব প্রজাদের আজ ছাতা নাই, এ বৃষ্টিতে তাহাদের কত কষ্টই না ভোগ করিতে হইতেছে!

রাজা আপনার প্রাসাদ-রক্ষককে ডাকিয়া কহিলেন—“বলবন্ত, আমার প্রাণ মন্ত্রীকে বলিয়া এস, আমি এখনই জানিতে চাই, আমার এই রাজধানীতে কতজন এমন হতভাগ্য আছে, যাহাদের মাথায় দিবার ছাতা নাই।”

প্রাসাদ-রক্ষক তাঁর মত বেগে ছুটয়া প্রধান মন্ত্রীর আবাসে গিয়া সংবাদ দিল—“মন্ত্রী মহাশয়, মহারাজ এখনই জানিতে চান, এ নগরে কতগুলি লোক আছে, যাহারা ছাতা মাথায় না দিয়া হাঁটে।”

প্রধান মন্ত্রী অতিমাত্র বাস্তব হইয়া নগরপালকে ডাকিয়া পাঠাইলেন। নগরপাল উল্লেখ্যসে আসিয়া প্রণতিপূর্ব্বক আদেশের অপেক্ষায় দাঁড়াইয়া রহিল। প্রধান মন্ত্রী বলিলেন—“কতকগুলো দুষ্ট লোক মহারাজকে বুঝি বিরক্ত করিয়াছে। মহারাজ এখনই জানিতে চাহেন—কতগুলি অসভ্য লোক এ নগরে আছে, যাহাদের ছাতা নাই। আমি এত করিয়া তোমাকে সতর্ক থাকিবার পরামর্শ দিয়াছি, তাহা সত্ত্বেও তোমার এ অপরাধ অমার্জনীয়।”

নগরপাল মাথা চুলকাইতে চুলকাইতে বলিলেন—“জুজু, আপনারই উপদেশমত মহারাজের বাড়ার চারিদিক সুন্দর পুষ্পবাটিকায় বেঁধিয়া রাখিয়াছি। সেখান হইতে বাহিরে দৃষ্টি কি প্রকারে পড়িল? আমাকে আর ঘণ্টাখানেক সময় দিন—আমি এখনই ইহার ব্যবস্থা করিতেছি।”

নগরপাল আপনার গৃহে ফিরিয়া শাস্ত্র-রক্ষককে ডাকিয়া পাঠাইলেন। শাস্ত্র-রক্ষক মুহূর্ত্তমাত্র কাল ব্যয় না করিয়া কম্পিত-কলেবরে নগরপালের সান্নিধ্য পৌঁছিলেন। তাঁহাকে সন্তোষে প্রণিপাত করিয়া করযোড়ে কহিলেন—“দাসকে কি জন্তু ডাকিয়া পাঠাইয়াছেন?” নগরপাল দাঁতমুখ খিঁচাইয়া বলিলেন—“দাসকে কি জন্তু ডাকিয়া পাঠাইয়াছেন! আমি কি তোমাকে বসিয়া বসিয়া নিষ্ঠুর খাবার জন্তু নিযুক্ত করিয়াছি? আজ তোমার কাগজপত্র বুঝাইয়া দিয়া কাজ ছাড়িয়া দাও—তোমার মত চাকর আমার টের মিলিবে।” শাস্ত্র-রক্ষক আর একবার সন্তোষে প্রণিপাত করিয়া বলিল—“কি হইয়াছে দাসকে না বলিয়া তিরস্কার করিলে দাস কি প্রকারে বুঝবে?”

নগরপাল একটু শান্ত ভাব অবলম্বন করিয়া বলিলেন—“নগরের কতকগুলি দুষ্ট লোকের মাথায় দিবার ছাতা নাই;— তাহারা মহারাজকে বিরক্ত করিয়াছে। মহারাজ সে রকম কতকগুলি লোক আছে এই দণ্ডে জানিতে চাহিয়াছেন। পারিবে? শাস্ত্র-রক্ষক আর একবার সন্তোষে প্রণিপাত করিয়া বলিল—“আমি চলিলাম—শীঘ্রই আপনাকে সংবাদ দিব।”

তৎক্ষণাত্ শাস্ত্র-রক্ষকের আদেশে নগরীর চতুর্দিকে অস্থধারী প্রহরী দাবিত হইল। ছত্রহীন হতভাগ্য নরনারী যাহাকে পাইল ধরিয়া রাজধানীর কারাগারের প্রাঙ্গণে উপস্থিত করিল। তাহাদের সংখ্যা হইল সহস্রাধিক। শাস্ত্র-রক্ষকের আদেশে তাহাদের শির ভূমিতলে লুপ্তিত হইল।


বেলা ১০টা বাজিতেই প্রধান মন্ত্রী রাজপ্রাসাদে আসিয়া রাজার সহিত সাক্ষাৎ করিলেন। রাজা উদ্বেগকণ্ঠে বলিলেন—“জানিয়া আসিয়াছ আমার এই নগরীতে ছত্রহীন কয়জন আছে? বল—কিছুমাত্র গোপন করিও না—আমি প্রকৃত সত্য জানিতে চাই।”

প্রধান মন্ত্রী নিবেদন করিলেন—“প্রকৃত সত্যই কহিতেছি মহারাজ। এইক্ষণে আপনার সুশাসিত রাজধানীতে এমন একটা লোক নাই, যাহার ছত্র নাই।”

রাজার মুখে আনন্দ ও তৃপ্তির আভা ফুটিয়া উঠিল। তখন বর্ষা ক্ষান্ত হইয়াছিল। বর্ষণ-ধৌত বৃক্ষলতা ও বিশাল সৌধরাজির উপর তপ্ত সূর্য্যকিরণ পড়িয়া তাহাদিগকে এক মধুর সৌন্দর্য্য দান করিয়াছিল।

সেই অমল-ধবল মন্মথ নির্মিত প্রাসাদে সুকোমল জীবন্তপু রত্নখচিত মনোরম আসনে সমাসীন হইয়া চতুর্দিকে নমন সুখদ পুষ্পবাটিকা, শান্ত স্ববিকণে স্তমিত কীর্ত্তন প্রসঙ্গ, তপ্ত অহুঃপূর্ব্বক বিচিত্র স্মৃতি অবলোকন করিয়া রাজা ধীরে ধীরে বলিলেন—“কি সুন্দর এই রাজ্য, যেখানে কাহারও কোন অভাব, কোন দৈন্ত নাই,—প্রকৃতি ও বিজ্ঞান দেবতা যেখানে মুক্ত হস্তে সুখ সমৃদ্ধি দান করিতেছেন! আর এমন নগরের বাজা হইয়া পণ্ড আম।”

পরদিন প্রধানমন্ত্রী, নগরপাল ও শাস্ত্র-রক্ষক তাঁহাদের কার্য্যকুশলতা, কৰ্ত্ত্বাজ্ঞান ও ধর্ম্মপ্রাণতার জন্ত প্রচুর পুস্কার সম্মান ও প্রকাশ্য প্রশংসা প্রাপ্ত হইলেন। এই গুণবান কর্ম্মচারীদের বেতন রাজকোষ হইতে হ্রাসিত করিয়া দিবার আদেশ হইল। রাজধর্ম্মে সাহায্যকারী অস্থধারী প্রহরীগণ পর্য্যন্ত রাজসম্মান ও বেতন বৃদ্ধি হইতে বঞ্চিত হইল না। রাজ্যের উৎসব ও আনন্দ কোলাহলের মধ্যে গতপ্রাণ লুপ্তিশির হতভাগ্যগণের আত্মীয় স্বজনবর্গ কাতর ক্রন্দন কোথায় ডুবিয়া গেল।



পরশুরাম  
রচিত

# জাবাল

নারদ  
বিচিত্রিত

ভরতের সঙ্গে বশিষ্ঠাদি যে সকল ঋষিগণ, মন্ত্রিগণ ও কুলপতিগণ চিত্রকূট পর্বতে গিয়াছিলেন তাঁহারা সকলেই রামচন্দ্রকে অযোধ্যায় প্রত্যানয়নের জন্তু নানা প্রকার চেষ্টা করিলেন। কিন্তু সত্যসঙ্ক রাম অটল রহিলেন। অবশেষে মহর্ষি জাবালি বলিলেন—

রাম, তুমি অতি সুবোধ, সামান্য লোকের ঞ্চায় তোমার বুদ্ধি যেন অনর্থদর্শিনী না হয়। জীব একাকী জন্ম গ্রহণ করে এবং একাকীই বিনষ্ট হয়, অতএব মাতা-পিতা বলিয়া যাহার স্নেহাসক্তি হইয়া থাকে সে উন্নত।...পিতার অমুরোধে রাজ্য পরিত্যাগ করিয়া দুর্গম সঙ্কটপূর্ণ অরণ্য আশ্রয় করা তোমার কর্তব্য হইতেছে না। এক্ষণে তুমি সেই সুসমৃদ্ধ অযোধ্যায় প্রতিগমন কর। সেই একবেণীধরা নগরী তোমার প্রতীক্ষা করিতেছেন। তুমি তথায় রাজ-ভোগে কালক্ষেপ করিয়া দেবলোকে ইন্দ্ৰের স্তায় পরম সুখে বিহার করিবে। দশরথ তোমার কেহ নহেন; তিনি অস্ত, তুমিও অস্ত।...বৎস, তুমি স্ববুদ্ধি-দোষে বৃথা নষ্ট হইতেছ। যাহারা প্রত্যক্ষসিদ্ধ পুরুষার্থ পরিত্যাগ করিয়া কেবল ধর্ম লইয়া থাকে, আমি তাহাদিগের নিমিত্ত ব্যাকুল হইতেছি,

তাহারা ইহলোকে বিবিধ যন্ত্রণা ভোগ করিয়া অস্তে মহা-বিনাশ প্রাপ্ত হয়। লোকে পিতৃ-দেবতার উদ্দেশে অষ্টকা শ্রদ্ধ করিয়া থাকে। দেশ, ইহাতে অল্প অনর্থক নষ্ট করা হয়, কারণ, কে কোথায় গুনিয়াছে যে মৃতব্যক্তি আহাৰ করিতে পারে?...যে সমস্ত শাস্ত্রে দেবপূজা যজ্ঞ তপস্বী দান প্রভৃতি কার্যের বিধান আছে, ধীমান মনুষ্যেরা কেবল লোক-দিগকে বশীভূত করিবার নিমিত্ত সেই সকল শাস্ত্র প্রস্তুত করিয়াছে। অতএব রাম, পরলোক-সাধন ধর্ম নামে কোন পদার্থই নাই, তোমার এইরূপ বুদ্ধি উপস্থিত হউক। তুমি প্রত্যক্ষের অনুষ্ঠান এবং পরোকের অনুসন্ধান প্রবৃত্ত হও। ভরত তোমাকে অমুরোধ করিতেছেন, তুমি সর্ব-সম্মত বুদ্ধির অনুসরণপূর্বক রাজ্যভার গ্রহণ কর।

জাবালির কথা শুনিয়া রামচন্দ্র ধর্মবুদ্ধি অবলম্বন পূর্বক কহিলেন—তপোধন, আপনি আমার হিতকামনায় যাহা কহিলেন তাহা বস্তুত অকার্য্য, কিন্তু কর্তব্যবৎ প্রতীক্ষমান হইতেছে। আপনার বুদ্ধি বেদ-বিরোধিনী, আপনি ধর্মভ্রষ্ট নাস্তিক। আমার পিতা যে আপনাকে ষাজকণ্ঠে গ্রহণ করিয়াছিলেন আমি তাঁহার এই কার্য্যকে যথোচিত নিন্দা

করি। বৌদ্ধ যেমন তত্ত্বের জ্ঞান দণ্ডাই, নাস্তিককেও তদ্রূপ দণ্ড করিতে হইবে। অতএব যাহাকে বেদ বহিষ্কৃত বলিয়া পরিহার করা কর্তব্য, বিচক্ষণ ব্যক্তি সেই নাস্তিকের সঙ্গে সম্বাষণও করিবেন না।...

জাবালি তখন বিনয়বচনে কহিলেন—রাম, আমি নাস্তিক নহি, নাস্তিকের কথাও কহিতেছি না। আর পরলোক প্রভৃতি যে কিছুই নাই তাহাও নহে। আমি সমস্ত কুবিয়া নাস্তিক হই, আবার অবসরক্রমে আশ্তিক হইয়া থাকি। যে কালে নাস্তিক হওয়া আবশ্যিক, সেই কাল উপস্থিত। এক্ষণে তোমাকে বন হইতে প্রতিনিয়ন করিবার নিমিত্ত এইরূপ কহিলাম, এবং তোমাকে প্রসন্ন করিবার নিমিত্তই আবার তাহা প্রত্যাহার করিতেছি।\*

জাবালির কথা রামায়ণে এই পর্য্যন্ত আছে। যাহা নাই, তাহা নিম্নে বর্ণিত হইল।

যদি জাবালি ক্লাস্তদেহে বিষমুচিত্তে অযোধ্যায় প্রত্যাবর্তন করিলেন। সমস্ত পথ তাঁহাকে নীরবে অতিক্রম করিতে হইয়াছে, কারণ অন্তান্ত ঋষিগণ তাঁহার সংস্রব প্রায় বর্জন করিয়াই চলিয়াছিলেন। খর্কট খল্লাট খালিত প্রভৃতি কয়েকজন ঋষি তাঁহাকে দূর হইতে নির্দেশ করিয়া বিদ্রূপ করিতেও ক্রটি করেন নাই।

অযোধ্যায় বিপ্রগণ কেহই জাবালিকে শ্রদ্ধা করিতেন না। স্বয়ং রাজা দশরথ তাঁহার প্রতি অমুরক্ত ছিলেন বলিয়া এ পর্য্যন্ত তাঁহাকে কোনো লাঞ্ছনা ভোগ করিতে হয় নাই। কিন্তু এখন রামচন্দ্র কর্তৃক জাবালির প্রতিষ্ঠা নষ্ট হইয়াছে। সহযাত্রী বিপ্রগণের ব্যবহার দেখিয়া জাবালি স্পষ্টই বুঝিতে পারিলেন যে তপ্ততৈলমধ্যে মৎস্যের জ্ঞান তাঁহার অযোধ্যায় বাস করা অসম্ভব হইবে।

রামচন্দ্রের উপর জাবালির কিছুমাত্র ক্রোধ নাই, পরন্তু তিনি রামের ভবিষ্যতের জন্ত কিঞ্চিৎ চিন্তাশ্রিত হইয়াছেন। ছোকরার বয়স মাত্র আটশ বৎসর, সাংসারিক অভিজ্ঞতা এখনো কিছুমাত্র জন্মে নাই। শাস্ত্রজীবী সভাপণ্ডিতগণ এবং মুনি-পুত্রব বিশ্বামিত্র—যিনি এক কালে অনেক কীর্তি করিয়াছেন,—ইহারা যেরূপ ধর্ম-শিক্ষা দিয়াছেন, সরল-স্বভাব রামচন্দ্র তাহাই চরম পুরুষার্থ বোধে গ্রহণ করিয়াছেন।

বেচারাকে এর পর কষ্ট পাইতে হইবে। এইরূপ বিবিধ চিন্তা করিতে করিতে জাবালি অযোধ্যায় নিজ আশ্রমে ফিরিয়া আসিলেন।

নগরের উপকণ্ঠে সরযুতীরে জাবালির পর্ণকুটার। বেলা অবসান হইয়াছে। গোময়লিপ্ত পরিচ্ছন্ন অঙ্গনের এক পার্শ্বে পনসবৃক্ষতলে জাবালি-পত্নী হিন্দ্রলিনী রাত্রে জন্ম ভোজ্য প্রস্তুত করিতেছেন। নদীর পরপারবাসী নিষাদগণ যে মৃগমাংস পাঠাইয়াছিল তাহা শূন্যপক হইয়াছে, এখন খান-কয়েক মোটা মোটা পুরোডাশ সৈকলেই রন্ধন শেষ হয়। হিন্দ্রলিনী যবপিণ্ড খাসিতে খাসিতে নানাপ্রকার সাংসারিক ভাবনা ভাবিতে লাগিলেন। তাঁর এতখানি বয়স হইল, কিঞ্চিৎ এ পর্য্যন্ত পুত্রমুখ দেখিলেন না। স্বামীর পুত্রাম নরকের ভয় নাই, পরলোকে পিণ্ডেরও ভাবনা নাই,—ইহলোকে ৩' বেলা নিয়মিত পিণ্ড পাইলেই তিনি সন্তুষ্ট। পোষ্যপুত্রের কথা তুলিলে বলেন—পুত্রের অভাব কি, যখন যা'কে ইচ্ছা পুত্র মনে করিলেই হয়। কিবা কথার শ্রী! স্বামী যদি মানুষের মতন মানুষ হইতেন তাহা হইলে হিন্দ্রলিনীর অত খেদ থাকিত না। কিন্তু তিনি একটি সৃষ্টি-বহিভূত লোক, কাহারো সহিত বনাইয়া চলিতে পারিলেন না। সাধে কি লোকে তাঁকে আড়ালে পাষণ্ড বলে! ত্রিসঙ্ক্যা নাই, জপতপ নাই, অগ্নিহোত্র নাই, কেবল তর্ক করিয়া লোক চটাইতে পারেন। অমন যে রামচন্দ্র, ব্রাহ্মণ তাঁকেও চটাইয়াছে। যতদিন দশরথ ছিলেন, অন্নবস্ত্রের অভাব হয় নাই। বৃদ্ধ রাজা স্নেহ ছিলেন বটে, কিন্তু নজরটা তাঁর উচ্চ ছিল। এখন কি হইবে ভবিতব্যতাই জানেন। ভারত ত নন্দিগ্রামে পাছকা-পূজা লইয়া বিব্রত। সচিব সুমন্ত্র এখন রাজকার্য্য দেখিতেছে; কিন্তু সে অত্যন্ত রূপণ, ঘোড়ার বল্গা টানিয়া তার সকল বিষয়েই টানাটানি করা অভ্যাস হইয়া গিয়াছে। রাজবাটা হইতে যে সামান্ত বৃত্তি পাওয়া যায় তা'তে এই দুর্শ্বল্যের দিনে সংসার চলেনা। হিন্দ্রলিনী তাঁর বাবার কাছে শুনিয়াছিলেন সত্যযুগে এক কপর্দকে সাত কলস খাঁটি হৈয়দবীন মিলিত, কিন্তু এই দক্ষ ত্রেতাযুগে মাত্র তিন কলস পাওয়া যায়, তাও ভঁয়সা। স্মৃতির জন্ত জাবালির কিছু ঋণ হইয়াছে, কিন্তু শোধ করার ক্ষমতা নাই। নীবার ধান্ত যা সঞ্চিত ছিল ফুরাইয়া

\* বাঙ্গালী রামায়ণ। অযোধ্যাকাণ্ড। হেমচন্দ্র ভট্টাচার্য্য কৃত অনুবাদ।

আসিয়াছে, পরিধের জীর্ণ হইয়াছে, গৃহে অর্থাগম নাই, এদিকে জাবালি শত্রুসংখ্যা বাড়াইতেছেন। স্বামীর সংসর্গ-দোষে হিন্দুলিনীও অনাচারে অভ্যস্ত হইয়াছেন। অযোধ্যার নিষ্ঠাবতীগণ তাঁকে দেখিলে শূকরীর ভায় ওষ্ঠ কুঞ্চিত করে। হিন্দুলিনী আর সহ্য করিতে পারেন না; আজ তিনি আহারাঙ্কে স্বামীকে কিছু কটুবাক্য শুনাইবেন।

অন্ধনের বাহিরে ছুঁকার করিয়া কে বলিল—হংহো জাবালে, হংহো! হিন্দুলিনী জন্তা হইয়া দেখিলেন দশ-বারোজন ক্ষুদ্রকায় ঋষি কুটীর-দ্বারে দণ্ডায়মান। তাঁহাদের খর্ব বপু বিরল শ্মশ্রু ও ক্ষীত উদর দেখিয়া হিন্দুলিনী বুঝিলেন তাঁহারা বালখিল্য মুনি।

হিন্দুলিনী কহিলেন—হে মহাতপা মুনিগণ, আমার স্বামী সরযুতটে ধ্যানস্থ আছেন। তিনি শীঘ্রই ফিরিয়া আসিবেন, আপনারা ততক্ষণ ঐ কুটীর-অলিন্দে আসন গ্রহণ করিয়া বিশ্রাম করুন।

বালখিল্যগণের অগ্রণী মহামুনি খর্বট কহিলেন—ভদ্রে, তোমার ঐ অলিন্দ ভূমি হইতে বিতস্তি-ক্রয় উচ্চ, আমরা নাগাল পাইব না। অতএব এই প্রাক্ষণেই আসন-পরিগ্রহ করিলাম, তুমি ব্যস্ত হইও না।

জাবালি তখন সরযু-তীরে জগ্নুবৃক্ষতলে আসীন হইয়া চিন্তা করিতেছিলেন—এই অল্পজলাবলদ্বী মানব-শরীরে পঞ্চভূতের কিঞ্চিৎ সংস্থান হইলে সুবুদ্ধির উৎপত্তি হয় এবং কিরূপেই বা মূর্খতা জন্মে। অপরন্তু, লাঠৌষধি দ্বারা দেহস্থ পঞ্চভূত প্রকম্পিত করিলে মূর্খতা অপগত হইয়া যে সুবুদ্ধির উদয় হয়, তাহা স্থায়ী কিনা। এই জটিল তত্ত্বের মীমাংসা কিছুতেই করিতে না পারিয়া অবশেষে জাবালি উঠিয়া পড়িলেন এবং আশ্রমে ফিরিয়া আসিলেন।

জাবালি বালখিল্যগণকে কহিলেন—অহো, আজ আমার কি সৌভাগ্য যে খর্বট খল্লাট খালিত প্রভৃতি মহামুনিগণ আমার এই আশ্রমে সমাগত। হে মুনিবৃন্দ, তোমাদের ত সর্বাঙ্গীন কুশল? যাগ-যজ্ঞাদি নিব্বিঘ্নে সম্পন্ন হইতেছে ত? ঋষিভূক্ত রাক্ষসগণ তোমাদের প্রতি লোলুপ দৃষ্টিপাত করে না ত? তোমাদের সেই কপিলা গাভীটির বাচ্চা হইয়াছে? রাজশূক বশিষ্ঠ তোমাদের জন্ত যথেষ্ট গব্য-দ্রব্যের ব্যবস্থা করিয়াছেন ত?

মহামুনি খর্বট দর্দুর-ধ্বনিবৎ গম্ভীরবাদেরে কহিলেন—

জাবালে, কান্ত হও। আপ্যায়নের জন্ত আমরা আসি নাই। তুমি পাপপঙ্কে আকর্ষণ নিমগ্ন হইয়া আছ, আমরা তোমাকে উদ্ধার করিতে আসিয়াছি। প্রায়োপনেশন-চাক্ষায়নাদি দ্বারা তোমার কিছু হইবে না। আমরা অথর্বোক্ত পদ্ধতিতে তোমাকে অগ্নিশুদ্ধ করিব, তাহাতে তুমি অস্তে পরমাগতি প্রাপ্ত হইবে। তুষানল প্রস্তুত, তুমি আমাদের অনুগমন কর।

জাবালি বলিলেন—হে খর্বট, তোমাঙ্গিকে কে পাঠাইয়াছেন? রাজ-প্রতিভূ ভরত, না রাজশূক বশিষ্ঠ? আমার উদ্ধার-সাধনের জন্ত তোমরাই বা অত ব্যগ্র কেন? আমি অতি নিরীহ বানপ্রস্থাবলদ্বী প্রৌঢ় ব্রাহ্মণ, কখনো কাহারো অনিষ্ট করি নাই, তোমাদের প্রাপ্য দক্ষিণারও অংশভাক্ হই নাই। তোমরা আমার পরকালের জন্ত ব্যস্ত না হইয়া নিজ নিজ ইহকালের জন্ত যত্নবান হও।

তখন অতিকোপনস্বভাব খল্লাট ঋষি অশ্বধ্বনিবৎ কম্পিত কণ্ঠে কহিলেন—রে তপোধন, তুমি অতি চুরাচারী ধর্মভ্রষ্ট নাস্তিক। তোমার বাসহেতু এই অযোধ্যাপুরী অশুচি হইয়াছে, ধর্মীরা বিপ্রগণ অতিষ্ঠ হইয়াছেন। আমরা ভরত বা বশিষ্ঠ কাহারো আজ্ঞাবাহী নহি। ব্রাহ্মণ্যের রক্ষাহেতু আমরা প্রজাপতি ব্রহ্মা কর্তৃক সৃষ্ট হইয়াছি। তুমি আর বাক্যব্যয় করিও না, প্রস্তুত হও।

জাবালি বলিলেন—হে বালখিল্যগণ, আমি স্বেচ্ছায় হাইব না। তোমরা আমাকে ব্রহ্মতেজোবলে উত্তোলন কর। জাবালির শালপ্রাংগু বিরাট বপু দেখিয়া বালখিল্যগণ কিয়ৎক্ষণ নিম্নকণ্ঠে জল্পনা করিলেন। অবশেষে গলিত-দন্ত খালিত স্থলিতস্বরে কহিলেন—হে জাবালে, যদি তুমি অগ্নি-প্রবেশ করিতে নিতাস্তই ভীত হইয়া থাক তবে প্রায়শ্চিত্তের নিষ্ক্রম স্বরূপ তিন শূর্ণ তিল ও শত নিষ্ক কাঞ্চন প্রদান কর। আমরা যথাবিহিত যজ্ঞানুষ্ঠান দ্বারা তোমাকে পাপমুক্ত করিব।

জাবালি কহিলেন—আমার এক কপর্দকও নাই, থাকিলেও দিতাম না।

তখন খর্বট খল্লাট খালিতাদি মুনিগণ সমস্বরে কহিলেন—রে নরোধম, তবে আমরা অভিসম্পাত করিতেছি শ্রবণ কর। সাক্ষী চন্দ্র সূর্য্য তারা, সাক্ষী দেবগণ পিতৃগণ বর্ষটকারগণ—

জাবালি বলিলেন—শৌণ্ডিকের সাক্ষী মন্তপ, তত্ত্বের

সাকী গ্রহি-ছেদক। হে বালখিল্যগণ, বৃথা দেবতাগণকে আহ্বান করিতেছ, তাঁরা আসিবেন না। বরং তোমরা ভুজুগণ ও কর্ণকর্তৃকগণকে স্মরণ কর।

হিন্দুগণ বলিলেন—হে আর্ধ্যপুত্র, তুমি কেন এই অম্মায়ু অপোগণ্ড অকালপক কুয়াণ্ডগণের সঙ্গে বাগ্-বিতণ্ডা করিতেছ, উহাদিগকে খেদাইয়া দাও।

গৃহোপকরণ বহন করিয়া অগ্রে অগ্রে পথ-প্রদর্শন পূর্বক চলিল। মাসাধিক কাল তাঁহারা নানা জনপদ গিরি নদী বনভূমি অতিক্রম করিয়া অবশেষে হিমালয়ের সাহুদেশে শতক্রতীরে এক রমণীয় উপত্যকার উপনীত হইলেন। জাবালি তথায় পর্বকূটীর রচনা করিয়া স্নুখে বাস করিতে লাগিলেন। পর্বতবাসী কিরাতগণ তাঁহার বিশাল দেহ,



রে রে রে রে—

বালখিল্যগণ কহিলেন—রে রে রে রে—

জাবালি তখন তাঁহার বিশাল ভুজুদ্বয়ে বালখিল্যগণকে একে একে তুলিয়া ধরিয়া প্রাঙ্গণ-বেষ্টনীর পরপারে ঝুপ্ ঝুপ্ করিয়া নিক্ষেপ করিলেন।

নিবিড় শূশ্র ও মধুর সদয় ব্যবহার দেখিয়া মুগ্ধ হইল এবং নানাপ্রকার উপঢৌকন দ্বারা সম্বন্ধনা করিল। জাবালি তথায় বিবিধ ছরুহ তত্ত্বসমূহের অমুসন্ধানেনে নিবিষ্ট রহিলেন এবং অবসরকালে শতক্র নদীতে মৎস্ত ধরিয়া চিত্তবিনোদন করিতে লাগিলেন।

**ব**ালখিল্যগণ প্রস্থান করিলে জাবালি বলিলেন—শ্রিয়ে, আমাদের আর অযোধ্যায় বাস করা চলিবে না, কখন কোন্ দিক হইতে উৎপাত আসিবে তার স্থিরতা নাই। অতএব কল্যা প্রত্যাশেই আমরা এই আশ্রম ত্যাগ করিয়া দূরে কোনো নিরুপদ্রব স্থানে যাত্রা করিব।

পরদিন উষাকালে সস্ত্রীক জাবালি অযোধ্যা ত্যাগ করিলেন। কয়েকজন অমুগত নিবাদ তাঁহাদের সামান্য

**দে**বতাগণের খ্যাতি আছে—তাঁহারা অস্বর্ধামী। কিন্তু বস্ত্রত তাঁহাদিগকেও সাধারণ মনুষ্যের স্তায় শুভবের উপর নির্ভর করিয়া কাজ করিতে হয় এবং তাহার ফলে জগতে অনেক অবিচার ঘটয়া থাকে। অচিরে দেবরাজ ইন্দ্রের নিকট সমাচার আসিল যে মহাতেজা জাবালি মুনি শতক্র-তীরে কঠোর তপস্যায় নিমগ্ন আছেন,—তাঁহার অভিসন্ধি



কি, তাহা এখনও সম্যক্ অবধারিত হয় নাই ; তবে সন্তুষ্ট  
তিনি ইন্দ্র বিষ্ণু কিম্বা ঐরূপ কোনো একটা পরম-পদ  
আয়ত্ত না করিয়া ছাড়িবেন না। দেবরাজ চিন্তিত হইয়া  
আজ্ঞা দিলেন—উর্ধ্বশীকে ডাক।

মাতলি আসিয়া করযোড়ে নিবেদন করিলেন—  
হে দেবেন্দ্র, উর্ধ্বশী আর মর্ত্যালোকে অবতীর্ণ হইতে  
চাহে না—

ইন্দ্র কহিলেন—হঁ, তার ভারি তেজ হইয়াছে।



আবার নৃত্য শুরু করিলেন ।

দেবর্ষি নারদ কহিলেন—মর্ত্যের কবিগণই স্তুতি করিয়া  
তার মস্তকটি ভঙ্গ করিয়াছেন । এখন কিছুকাল তাকে  
বিরাম দাও, দিনকতক অমরাবতীতে আবদ্ধ থাকিলে

আপনিই সে মর্ত্যালোকে যাইবার জন্ত আব্দার ধরিবে ।  
জাবালির জন্ত অন্ত কোনো অপরা পাঠাও ।  
মাতলি বলিলেন—যেনক তাই কন্তাকে দেখিতে





গিয়াছে। তিলোত্তমাকে অশ্বিনীকুমারদ্বয় এখনো তিনমাস বাহির হইতে দিবেন না। অলম্বুধার পা মচ্কাইয়াছে, নাচিতে পারিবে না। অষ্টাবক্র মুনি দেবগণের উপর বিষুধ হইয়া ঝাঁকিয়া বসিয়াছেন, রক্তা তাঁকে সিধা করিতে গিয়াছে। নাগদত্তা হেমা সোমা প্রভৃতি তিনশত অঙ্গুরাকে

লঙ্কেশ্বর রাবণ অপহরণ করিয়াছেন। বাকী আছে কেবল মিশ্রকেশী ও ঘৃতাচী।

ইন্দ্র বিরক্ত হইয়া বলিলেন—আমাকে না জানাইয়া কেন অঙ্গুরাগণকে যত্র তত্র পাঠানো হয়? মিশ্রকেশী ঘৃতাচীর বয়স হইয়াছে, তাদের দ্বারা কিছু হইবে না।

নারদ বলিলেন—হে ইন্দ্র, সেজন্য চিন্তা করিও না। জাবালিও যুধা নহেন। একটু গৃহিণী-বাহিনী-জাতীয়া অঙ্গরাই তাঁকে ভালরকম বশ করিতে পারিবে।

ইন্দ্র বলিলেন—মিশ্রকেশীর চুল পাকিয়াছে, সে থাক। ঘুতাচীকে পাঠাইবার ব্যবস্থা কর। তাকে একপ্রহর মৃত্যু চীনাংক ও ষোড়শযুক্ত অলঙ্কারাদি দাও। বায়ু, তুমি যুদ্ধমন্দ বহিবে। শশধর, তুমি মন্দাকিনীতে স্নান করিয়া উজ্জল হইয়া লও। কন্দর্প, তুমি সেই অস্ত্রের পোষাকটা পরিয়া যাইবে, আবার যাতে ভঙ্গ না হও। বসন্ত, তুমি সঙ্গে একশত কোকিল লইবে।

নারদ বলিলেন—আর একশত বস্তুকুট। ঋষি বড়ই মাংসালী।

ইন্দ্র বলিলেন—আচ্ছা, তাহাও লইবে। আর দশ কুম্ভ ঘুত, দশ স্থালী দধি, দশ দ্রোণী শুড় এবং অন্তান্ত ভোজ্য-সস্তার। যেমন করিয়া হোক জাবালির ধ্যান ভঙ্গ করা চাই।

সমস্ত আয়োজন শেষ হইলে ঘুতাচী জাবালি-বিজয়ে যাত্রা করিলেন।

**জ**াবালির তপোবনে তখন ষোর বর্ষ। মেঘে পর্কতে একাকার হইয়া দিগন্তে নিবিড় প্রাচীর রচনা করিয়াছে। শতক্রুর গৈরিকবর্ষ জলে পালে পালে মৎস্য বিচরণ করিতেছে। বনে ভেকবংশের চতুর্প্রহরব্যাপী মহোৎসব চলিতেছে।

সন্ধ্যার প্রাক্কালে ঘুতাচী সান্দ্রোপাঙ্গসহ জাবালির আশ্রমে পৌঁছিলেন। আক্রমণের উদ্যোগ করিতে তাঁহাদের কিছুমাত্র বিলম্ব হইল না, কারণ বছবার এইরূপ অভিযান করিয়া তাঁহারা পরিপক হইয়াছেন। নিমেষের মধ্যে মেঘ দূরীভূত হইল, মলয়ানিল বহিতে লাগিল, শতক্রুর শ্রোত মন্দীভূত হইল, নির্মল আকাশে পূর্ণচন্দ্র উঠিল, পাদপসকল গুল্পস্তবকে ভূষিত হইল, অলিকুল গুঞ্জরিতে লাগিল, ভেকগণ নীরব হইয়া পবলে লুকাইল।

জাবালি শতক্রু-তীরে ছিপহস্তে নিবিষ্টমনে মাছ ধরিতে ছিলেন। আকস্মিক প্রাকৃতিক বিপর্যয়ে তিনি বিচলিত হইয়া চারিদিকে চাহিতে লাগিলেন। সহসা ঋতুরাজ বসন্তের খোঁচা খাইয়া নিদ্রাতুর কোকিলকুল আকুল চীৎকার করিয়া উঠিল। জাবালি চমকিত হইয়া পিছন ফিরিয়া

দেখিলেন এক অপূর্ব রূপলাবণ্যবতী দিব্যাজনা কটিতটে বামকর, চিবুকে দক্ষিণকর নিবদ্ধ করিয়া নৃত্য করিতেছে।

ধীমান জাবালি সমস্ত ব্যাপারটি চট করিয়া হৃদয়ঙ্গম করিলেন। ঈষৎ হাস্তে বলিলেন—অগ্নি বরাদ্দনে, তুমি কে, কি নিমিত্তই বা এই দুর্গম জনশূন্য উপত্যকার আশ্রিয়াছ? তুমি নৃত্য সঞ্চরণ কর। এই মৈকতভূমি অর্তিশয় পিচ্ছিল ও উপল-বিষম। যদি আছাড় খাও তবে তোমার ঐ কোমল অস্থি আস্ত থাকিবে না।

অপাঙ্গে বিলোল কটাক্ষ ফুরিত করিয়া ঘুতাচী কহিলেন—হে ঋষিশ্রেষ্ঠ, আমি ঘুতাচী স্বর্গাজনা। তোমাকে দেখিয়া বিমোহিত হইয়াছি, তুমি প্রসন্ন হও। এই সমস্ত দ্রব্য-সস্তার তোমারই। এই ঘুতকুম্ভ দধিস্থালী শুড়দ্রোণী—সকলি তোমার। আমিও তোমার। আমার যা' কিছু আছে—নাঃ, থাক।—এই পর্য্যন্ত বলিয়া লজ্জাবতী ঘুতাচী ঘাড় নীচু করিলেন।

জাবালি বলিলেন—অগ্নি কল্যাণি, আমি দীন হীন বৃদ্ধ ব্রাহ্মণ। গৃহিণীও বর্তমান। তোমার তুষ্টি বিধান করা আমার সাধের অতীত। অতএব তুমি ইচ্ছালাগে ফিরিয়া যাও। অথবা যদি তোমার নিতান্তই মুনি-ঋষির প্রতি ঝোঁক হইয়া থাকে তবে অযোধ্যায় গমন কর। তথায় খর্কট খল্লাট খালিতাদি মুনিগণ আছেন; তাঁদের মধ্যে যাকে ইচ্ছা এবং যতগুলিকে ইচ্ছা তুমি হেলায় তর্জুনী-হেলনে নাচাইতে পারিবে। আর যদি তোমার অধিকতর উচ্চাভিলাষ থাকে তবে ভার্গব হর্কাসা কোশিক প্রভৃতি অনল-সঙ্কশ উগ্রতেজা মহর্ষিগণকে জঙ্ক করিয়া যশস্বিনী হও। আমাকে ক্ষমা দাও।

ঘুতাচী কহিলেন—হে জাবালে, তুমি নিতান্তই নীরস। তোমার ঐ বিপুল দেহ কি বিধাতা শুক কাষ্ঠে নির্মাণ করিয়াছেন? তুমি দীন হীন তাতে ক্ষতি কি, আমি তোমাকে কুবেরের ঐশ্বর্য আনিয়া দিব। তোমার ব্রাহ্মণীকে বারাগসী প্রেরণ কর। তিনি নিশ্চয়ই লোলাঙ্গী বিগতযৌবনা। আর আমার দিকে একবার দৃষ্টিপাত কর,—চিরযৌবনা, নিটোলা, নিখুঁতা। উর্কশী মেনকা পর্য্যন্ত আমাকে দেখিয়া ঈর্ষায় ছটফট করে।

জাবালি সহাস্তে কহিলেন—হে সুন্দরি, কিছু মনে করিও না। তুমিও নিতান্ত খুকীটি নহা তোমার মুখের

সোপানে ভেদ করিয়া কিসের রেখা দেখা যাইতেছে ?  
তোমার চোখের কোলে ও কিসের অঙ্ককার ? তোমার  
চতুঃপংক্তিতে ও কিসের কাঁক ?

স্বতাচী সরোবে কহিলেন—হে মুর্থ, তুমি নিশ্চয়ই  
স্বত্ৰাক্ষ, তাই এমন কথা বলিতেছ। পঞ্চশ্রমের ক্লাস্তিহেতু  
তোমার লাবণ্য এখন সম্যক ক্ষুণ্ণিত পাইতেছে না। আগে  
সংকাল হোক, আমি ছুধের সর মাখিয়া চান করি, তখন  
দেখিও, মুণ্ড ঘুরিয়া যাইবে।—এই বলিয়া স্বতাচী আবার  
নৃত্য শুরু করিলেন।

অদূরবর্তী দেবদাক্ষবৃক্ষের অন্তরালে থাকিয়া জাবালি-  
পত্নী সমস্ত দেখিতেছিলেন। স্বতাচীর দ্বিতীয়বার নৃত্যারম্ভে  
তিনি আর আশ্চর্য-সম্বরণ করিতে পারিলেন না, সম্মার্জনী  
হস্তে ছুটিয়া আসিয়া স্বতাচীর পৃষ্ঠে ঘা-কতক বসাইয়া  
দিলেন।

তখন কন্দর্প বসন্ত শশধর মলয়ানিল সকলেই মহাভরে  
ব্যাকুল হইয়া বেগে পলায়ন করিলেন। আকাশ আবার  
জলদক্ষলে আচ্ছন্ন হইল, দিগ্‌মণ্ডল তিমিরায়ত হইল,  
কোকিলকুল ঢুলিতে লাগিল, মধুকরনিকর উদ্ভাস্ত হইয়া  
পরস্পরকে দংশন করিতে লাগিল, শতক্র ক্ষীত হইল,  
ভেৎসকুল মহা উল্লাসে বিকট কোলাহল করিয়া উঠিল।

জাবালি পত্নীকে কহিলেন—প্রিয়ে, স্থিরাভব। ইনি  
স্বগাঙ্গনা স্বতাচী, ইন্দ্রের আদেশে এখানে আসিয়াছেন,—  
ইহার অপরাধ নাই।

হিন্দ্রলিনী কহিলেন—হলা দণ্ডাননে নির্লঙ্ঘ্য ঘেঁচি,  
তোমার আশ্রয় কাম নয় যে আমার স্বামীকে বোকা পাইয়া  
ভুলাইতে আসিয়াছিল! আর, ভো অজ্ঞ উত্ত, তোমারই বা  
কি প্রকার আক্কেল যে এই উৎকপালী বিড়ালক্ষী  
মায়াবিনীর সহিত বিজনে বিশ্রান্তালাপ করিতেছিলে!

জাবালি তখন সমস্ত ব্যাপার বিবৃত করিয়া অতি কষ্টে  
পত্নীকে প্রসন্ন করিলেন এবং রোহিণীমানা স্বতাচীকে  
বলিলেন—বৎসে, তুমি শান্ত হও। হিন্দ্রলিনী তোমার পৃষ্ঠে  
কিঞ্চিৎ ইঙ্গুদী তৈল মর্দন করিয়া দিলেই বাথার উপশম  
হইবে। তুমি আজ রাতে আমার কুটীরেই বিশ্রাম কর।  
কল্যাণ অমরাবতীতে ফিরিয়া গিয়া দেবরাজ ইন্দ্রকে আমার  
পীতি-সম্ভাষণ এবং স্বত-দধি-শুভাদির জন্ত বহু ধন্যবাদ  
জানাইও।

স্বতাচী কহিলেন—তিনি আমার মুখ-দর্শন করিবেন না।  
হা, এমন দুর্দশা আমার কখনো হয় নাই।

জাবালি বলিলেন—তোমার কোনো ভয় নাই। তুমি  
দেবেন্দ্রকে জানাইও যে ইন্দ্রের উপর আমার কিছুমাত্র  
লোভ নাই, তিনি স্বচ্ছন্দে স্বর্গরাজ্য ভোগ করিতে থাকুন।

স্বতাচীর পরাভব শুনিয়া দেবরাজ ইন্দ্র নারদকে কহিলেন  
—হে দেবর্ষে, এখন কি করা যায়? জাবালি ইন্দ্রকে  
চাহেন না জানিয়াও আমি নিশ্চিন্ত হইতে পারিতেছি  
না। জনরব শুনিতেছি যে ঐ দুর্দাস্ত ঋষি সমস্ত দেবতাকেই  
উড়াইয়া দিতে চায়।

নারদ কহিলেন—পুরন্দর, তুমি চিন্তিত হইও না।  
আমি যথোচিত ব্যবস্থা করিতেছি।

নৈমিষারণ্যে সনকাদি ঋষিগণের সকাশে দেবর্ষি নারদ  
আসিয়া জিজ্ঞাসিলেন—হে মুনিগণ, শাস্ত্রে উক্ত আছে  
সত্যযুগে পুণ্য চতুঃপাদ, পাপ নাস্তি। কিন্তু এই ত্রেতাযুগে  
পুণ্য ত্রিঃপাদ মাত্র এবং একপাদ পাপও দেখা দিয়াছে।  
ইহার হেতু কি তোমরা তাহা চিন্তা করিয়া দেখিয়াছ কি?

মুনিগণ বলিলেন—আশ্চর্য্য, ইহা আমরা কেহই ভাবিয়া  
দেখি নাই।

তখন নারদ বলিলেন—তবে তোমাদের যাগ যজ্ঞ জপ  
তপ সমস্তই বৃথা।—ইহা কহিয়া তিনি তাঁহার কাষ্ঠ-বাহনে  
আরোহণপূর্ব্বক ব্রহ্মার নিকট অপর এক ষড়যন্ত্র করিতে  
প্রস্থান করিলেন।

মুনিগণ নারদীয় প্রশ্নের মীমাংসা করিতে না পারিয়া  
এক মহতী সভা আহ্বান করিলেন। জম্বু, প্লক্ষ, শাল্মলী  
প্লবাদি সপ্তদ্বীপ হইতে বিবিধ শাস্ত্রজ্ঞ বিপ্রগণ নৈমিষারণ্যে  
সমবেত হইলেন। মহর্ষি জাবালিও আমন্ত্রিত হইয়া আসিলেন।

অনন্তর সকলে আসন গ্রহণ করিলে সভাপতি দক্ষ  
প্রজাপতি কহিলেন—ভো পণ্ডিতবর্গ, সত্যযুগে পুণ্য চতুঃপাদ  
ছিল, এখন তাহা ত্রিঃপাদ হইয়াছে। কেন এমন হইল এবং  
ইহার প্রতিকার কি, যদি তোমরা কেহ অবগত থাক তবে  
প্রকাশ করিয়া বল।

তখন জলন্ত পাবকতুলা তেজস্বী জামদগ্ন্য মুনি  
কহিলেন—হে প্রজাপতে, এই পাপাত্মা জাবালিই সমস্ত  
অনিষ্টের মূল। উহার সংস্পর্শ বসুন্ধরা ভারগ্রস্তা  
হইয়াছেন।

সভাস্থ পণ্ডিতমণ্ডলী বলিলেন—ঠিক, ঠিক, আমরা  
তাহা অনেকদিন হইতেই জানি।

জামদগ্ন্য কহিলেন—এই জাবালি শ্রষ্টাচারী উন্মার্গগামী  
নাস্তিক। ইহার শাস্ত্র নাই, মার্গ নাই। রামচন্দ্রকে এই  
পাষণ্ডই সত্যধর্মচ্যুত করিতে চেষ্টা করিয়াছিল। বালখিল্য-  
গণকে এই ছুরাআই নির্ঘাতিত করিয়াছে। দেবরাজ  
পুরন্দরকেও এই পাপিষ্ঠ হাশ্যাম্পদ করিয়াছে। ইহাকে  
বধ না করিলে পুণ্যের নষ্টপাদ উদ্ধার হইবে না।

পণ্ডিতগণ কহিলেন—আমরাও ঠিক তাহাই ভাবিতে-  
ছিলাম।

দক্ষ প্রজাপতি কহিলেন—হে জাবালে, সত্য করিয়া  
কহ তুমি নাস্তিক কিনা। তোমার মার্গ কি, শাস্ত্রই বা কি।

জাবালি বলিলেন—হে সুধীবৃন্দ, আমি নাস্তিক কি  
আস্তিক তাহা আমি নিজেই জানি না। দেবতাগণকে  
আমি নিষ্কৃতি দিয়াছি, আমার তুচ্ছ অভাব অভিযোগ  
জানাইয়া তাঁহাদিগকে বিব্রত করি না। বিধাতা যে সামান্য  
বুদ্ধি দিয়াছেন তাহারই বলে কোনো প্রকারে কাজ চালাইয়া  
লই। আমার মার্গ যত্র তত্র, আমার শাস্ত্র অনিত্য,  
পৌরুষেয়, পরিবর্তন-সহ।

দক্ষ কহিলেন—তোমার কথার মাথা-মুণ্ড কিছুই  
বুঝিলাম না।

জাবালি বলিলেন—হে ছাগমুণ্ড দক্ষ, তুমি বুঝিবার বৃথা  
চেষ্টা করিও না। আমি এখন চলিলাম। বিপ্রগণ,  
তোমাদের জয় হোক।

তখন সভাস্থ ভীষণ কোলাহল উখিত হইল এবং  
ধর্মপ্রাণ বিপ্রগণ ক্রোধে ক্ষিপ্ত হইয়া উঠিলেন। কয়েকজন  
জাবালিকে ধরিয়া ফেলিলেন। জামদগ্ন্য তাঁহার তীক্ষ্ণ কুঠার  
উদ্ভূত করিয়া কহিলেন—আমি একবিংশতিবার কত্রিয়কুল  
নিঃশেষ করিয়াছি, এইবার এই নাস্তিককে সাবাড় করিব।

স্থিরপ্রজ্ঞ দক্ষ প্রজাপতি কহিলেন—হাঁ হাঁ কর কি,  
স্বাক্ষণের দেহে অস্ত্রাঘাত। ছি ছি, মনু কি মনে করিবেন।  
যরং উহাকে হলাহল প্রয়োগে বধ কর।

মহাচীন হইতে আনীত কৃষ্ণবর্ণ হলাহল জলে গুলিয়া  
জাবালিকে জোর করিয়া খাওয়ানো হইল। তার  
তাঁহাকে গভীর অরণ্যে নিক্ষেপ করিয়া ত্রিলোকদ-  
পণ্ডিতগণ কহিলেন—পাষণ্ড এতক্রমে কুন্তীপাকে পৌছিয়াছে।

চৈনিক হলাহল জাবালির মস্তিষ্কে ক্রমশ প্রভবে  
বিস্তার করিতে লাগিল।

জাবালি যজ্ঞের নিমন্ত্রণে বহবার সোমরস পান  
করিয়াছেন; প্রথম-যৌবনে বয়স্ক ক্রাতিয়কুমারগণের পাল্লার  
পড়িয়া গোড়ী মাধ্বী পৈষ্ঠী প্রভৃতি আসবও চাপিয়া  
দেখিয়াছেন; ছেলেবেলায় মামারবাড়ীতে একবার ভৃগু-  
মামার সঙ্গে চুরি করিয়া ফেনিল তালরসও খাইয়াছিলেন,—  
কিন্তু এমন প্রচণ্ড নেশা পূর্বে তাঁহার কখনো হয় নাই।  
জাবালির সকল অঙ্গ নিশ্চল হইয়া আসিল, তালু শুষ্ক হইল,  
চক্ষু উর্ধ্বে উঠিল, বাহুজ্ঞান লোপ পাইল।

সহসা জাবালি অনুভব করিলেন তিনি রক্তচন্দনে চর্চিত  
হইয়া রক্তমাংসধারণ পূর্বক গর্দভ-যোজিত রথে  
দক্ষিণাভিমুখে দ্রুতবেগে নীয়মান হইতেছেন। রক্তবসনা  
পিঙ্গলবর্ণা কামিনী তাঁহাকে দেখিয়া হাসিতেছে এবং বিকৃত-  
বদনা রাক্ষসী তাঁহার রথ আকর্ষণ করিতেছে। ক্রমে  
বৈতরণী পার হইয়া তিনি যমপুরীর দ্বারে উপনীত হইলেন।  
তথায় যমকিঙ্করগণ তাঁহাকে অভ্যর্থনা করিয়া ধর্মরাজের  
সকাশে লইয়া গেল।

যম কহিলেন—জাবালে, স্বাগতোহসি। আমি বহুদিন  
যাবৎ তোমার প্রতীক্ষা করিতেছিলাম। তোমার পারলৌকিক  
ব্যবস্থা আমি যথোচিত করিয়া রাখিয়াছি, এখন আমার  
অনুগমন কর। দূরে ঐ যে ঘোর কৃষ্ণবর্ণ গবাক্ষহীন  
অগ্ন্যুদগারী সৌধমালা দেখিতেছ, উহাই রৌরব; ইতর-  
প্রকৃতি পাপীগণ তথায় বাস করে। আর সম্মুখে এই  
গগনচুম্বী তাম্রচূড় রক্তবর্ণ অলিন্দ-পরিবেষ্টিত আয়তন, ইহার  
কুন্তীপাক; সম্ভ্রান্ত মহোদয়গণ এখানে অবস্থান করেন।  
তোমার স্থান এখানেই নির্দিষ্ট হইয়াছে, ভিতরে চল।

অনন্তর ধর্মরাজ যম জাবালিকে কুন্তীপাকের গর্ভমণ্ডলে  
লইয়া গেলেন। এই মণ্ডপ বহুযোজনবিস্তৃত, উচ্চ ছাদ,  
বান্দসমাকুল, গভীর আরাবে বিধুনিত। উত্তর পার্শ্বে জল



### রে নারকী যমরাজ

চন্দ্রী উপর শ্রেণীবদ্ধ অতিকায় কুস্তসকল সজ্জিত আছে। তাহা হইতে নিরন্তর শ্বেতবর্ণ বাষ্প ও আর্দ্রনাদ উখিত হইতেছে। নীলবর্ণ যমকিকরগণ ইন্ধন-নিষ্ক্ষেপের জন্ত মধ্যো মধ্যো চুল্লীদ্বার খুলিতেছে, অলস্ত অনলচ্ছটায় তাহাদের মুখ উৎসাপিণ্ডের স্তায় উদ্ভাসিত হইতেছে।

কৃতাস্ত, কহিলেন—হে মহর্ষে, এই যে রক্তনির্মিত

কিকিণীজালমণ্ডিত স্রব্হৎ কুস্ত দেখিতেছ, ইহাতে নছষ যযাতি ছয়স্ত প্রভৃতি মহাযশা মশীপালগণ পরিপক হইতেছেন। ইঁহারা প্রায় সকলেই সংশোধিত হইয়া গিয়াছেন, কেবল যযাতির কিঞ্চিৎ বিলম্ব আছে। আর এক প্রহরের মধ্যে সকলেই বিগতপাপ হইয়া অমরাবতীতে গমন করিবেন। ঐ যে বৈদ্যুখচিত হিরণ্ময় কুস্ত দেখিতেছ, উহার তপ্ত তৈলে

ইন্দ্রাদি দেবগণ মধ্যে মধ্যে অবগাহন করিয়া থাকেন। গৌতমের অভিশাপের পরে সহস্রাব্দ পুরন্দরকে বহুকাল এই কুন্ডমধ্যে বাস করিতে হইয়াছিল। নিরবচ্ছিন্ন অগ্নি-প্রয়োগে ইহার তলদেশ ক্ষয় প্রাপ্ত হইয়াছে। এই যে রুদ্রাকমালাবেষ্টিত গৈরিকবর্ণ প্রকাণ্ড কুন্ড দেখিতেছ, ইহার অভ্যন্তরে ভার্গব, ছর্কাসা, কৌশিক প্রভৃতি উগ্রতপা মহর্ষিগণ সিদ্ধ হইতেছেন।

করিলেন। সিক্তজটাজুট, ধূমায়িত-কলেবর কয়েকজন ঋষি দবর্ষীতে সংলগ্ন হইয়া উঠিলেন এবং যজ্ঞোপবীত ছিঁড়িয়া অভিসম্পাত আরম্ভ করিলেন—নারকী যমরাজ, যদি আমাদের কিঞ্চিদপি তপঃপ্রভাব থাকে—

দবর্ষী উন্টাইয়া কুন্ডের ঢাকনী ঝটিতি বন্ধ করিয়া দিয়া কহিলেন—হে জাবালে, এই কোপনস্বভাব ঋষিগণের কাটিকা



বৎস আমি প্ৰীত হইয়াছি

জাবালি কৌতূহল-পরবশ হইয়া বলিলেন—হে ধর্মরাজ, কুন্ডের ভিতরে কি হইতেছে দয়া করিয়া আমাকে দেখাও।

ধর্মরাজের আজ্ঞা পাইয়া জনৈক যম-কিঙ্কর কুন্ডের আবরণী উন্মুক্ত করিল। যম তাহার মধ্যে একটি বৃহৎ দাক্ষয়্য দবর্ষী নিমজ্জিত করিয়া সম্বর্পণে উদ্ভোলিত

দূর হইতে এখনো বহু বিলম্ব আছে। ইহারা আরো অষ্টাহকাল পরিসিদ্ধ হইতে থাকুন।

এমন সময় কয়েকজন যমদূতের সহিত খর্কট খরটি খালিত বিষপ্লেবদনে কুন্ডীপাকের গর্ভগৃহে প্রবেশ করিলেন।

জাবালি কহিলেন—হে ভ্রাতৃগণ, তোমরা এখানে কেন, ব্রহ্মলোকে কি স্থানাভাব ঘটিয়াছে ?

ধর্মট উত্তর দিলেন—জাবালে, তুমি বিরক্ত করিও না, আমরা এখানে তদারক করিতে আসিয়াছি।

যমরাজের ইচ্ছিতে কিঙ্করগণ বাসখিল্যত্রয়কে একত্র বাধিয়া উত্তম পঞ্চগব্যপূর্ণ এক ক্ষুদ্রকায় কুস্তে নিক্ষেপ করিল। কুস্ত হইতে তীব্র চীৎকার উঠিল এবং সঙ্গে সঙ্গে কৃতান্তের বাপাস্তকর বাকাসমূহ নির্গত হইতে লাগিল। ধর্মরাজ কর্ণে অঙ্গুলিপ্রদান করিয়া সরিয়া আসিয়া বলিলেন—হ মহর্ষে, এই নরকের অনুষ্ঠানসকল অতিশয় অপ্রীতিকর, কেবল বিপন্ন ধরিত্রীর রক্ষা হেতুই আমাকে সম্পন্ন করিতে হয়। যাহা হউক, আমি আর তোমার মূল্যবান সময় নষ্ট করিব না, এখন তোমার প্রতি আমার যাহা কর্তব্য তাহাই পালন করিব। দেখ, যে পাপ মনের গোচর তাহা আমি সহজেই দূর করিতে পারি। কিন্তু যাহা মনের অগোচর, তাহা জন্ম-জন্মান্তরেও সংক্রামিত হয়, এবং তাহা শোধন করিতে হইলে কুস্তীপাকে বার বার নিক্ষেপন আবশ্যিক। তোমার যাহা কিছু হৃদয় আছে তাহা তুমি জানিয়া শুনিয়াই দৌর্ভাগ্যবশাৎ করিয়া ফেলিয়াছ, কদাপি আত্ম-প্রবঞ্চনা কর নাই। সুতরাং আমি তোমাকে সহজেই পাপমুক্ত করিতে পারিব, অধিক যন্ত্রণা দিব না।

এই বলিয়া কৃতান্ত জাবালিকে সুবৃহৎ লৌহসংদংশে বেষ্টিত করিয়া একটি তপ্ত তৈলপূর্ণ কুস্তে নিক্ষেপ করিলেন। ছাঁক করিয়া শব্দ হইল।...


দহশ্র বিহগ-কাকলীতে বনভূমি সংসা ঝঙ্কত হইয়া উঠিল। প্রাচীদিক্ নবাক্ষণকিরণে আরক্ত হইয়াছে। জাবালি চৈতন্যলাভ করিয়া সাধ্বী হিন্দুলিনীর অঙ্ক হইতে ধীরে ধীরে মস্তক উত্তোলন করিয়া দেখিলেন সন্মুখে লোকপিতামহ ব্রহ্মা প্রসন্ন বদনে মৃদুমধুর হাস্য করিতেছেন।

ব্রহ্মা বলিলেন—বৎস, আমি প্রীত হইয়াছি। তুমি ইচ্ছানুযায়ী বর প্রার্থনা কর।

জাবালি বলিলেন—হে পিতামহ, ঢের হইয়াছে। আর বরে কাজ নাই। আপনি সরিয়া পড়ুন, আর জ্বালাইবেন না।

লোকপিতামহ বলিলেন—জাবালে, অভিমান সম্বরণ কর। তুমি বর না চাহিলেও আমি ছাড়িব কেন? আমিও প্রার্থী। হে স্বাবলম্বী মুক্তমতি যশঃবিমুখ তপস্বী, তুমি আর দুর্গম অরণ্যে আত্মগোপন করিও না, লোক-সমাজে তোমার মন্ত্র প্রচার কর। তোমার যে ভ্রান্তি আছে তাহা অপনোত হোক, অপরের ভ্রান্তিও তুমি অপনয়ন কর। তোমাকে কেহ বিনষ্ট করিবে না, অপরেও যেন তোমার দ্বারা বিনষ্ট না হয়। হে মহাঅনু, তুমি অমরত্ব লাভ করিয়া যুগে যুগে লোকে লোকে মানব-মনকে সংস্কারের নাগপাশ হইতে মুক্ত করিতে থাক।

জাবালি বলিলেন—তথাস্তু।



## পাহাড়পুরের স্তূপ

রায় শ্রীজলধর সেন বাহাদুর

জগতের প্রাচীন স্থাপত্য-শিল্পে ভারতের স্থান কোথায়, তাহার উত্তর না দিয়াও এ কথা আজ নিঃসঙ্কোচেই বলা যায় যে, ভারতবর্ষ এই শিল্পটিতে অসাধারণ উন্নতি লাভ করিয়াছিল। সঙ্গে সঙ্গে এ কথা বলিতেও দ্বিধা করিবার কোন কারণ দেখা যায় না যে, সময় বা কালের প্রভাব তাহার এ শিল্পটার যতটা সর্কনাশ না করিয়াছে তাহা অপেক্ষা ঢের বেশী করিয়াছে বিদেশী বিজয়ীদের নিষ্ঠুরতা।

না। কেবল সম্প্রতি পাহাড়পুরে এ চেষ্টা প্রথম সূত্র হইয়াছে। এখনও খননের কাজ শেষ হয় নাই, কিন্তু ইতিমধ্যেই সেখানে যে সমস্ত জিনিষ আবিষ্কৃত হইয়াছে, বাংলার শিল্প-পরিচয়ের দিক হইতে এবং জাতীয় ইতিহাস গড়িয়া তুলিবার দিক হইতে তাহা অমূল্য বলিলেও অত্যুক্তি হয় না।

পাহাড়পুরের এই স্তূপের বিষয় লইয়া ঐতিহাসিক ও



নূর নদীর বর্তমান গর্ভ—দূরে পাহাড়পুরের মন্দিরের স্তূপ

ভারতবর্ষে বহু স্থানে খনন করিয়া ধ্বংসাবশেষের ভিতর হইতে হিন্দু ও বৌদ্ধ-শিল্পের যতটুকু পরিচয় পাওয়া যায়, এখন তাহাই উদ্ধার করিবার চেষ্টা চলিতেছে। ইহার ফলে তক্ষশিলা, মথুরা, কুরুক্ষেত্র, কোশলী, কালী, কুশীনগর প্রভৃতি স্থান খুঁড়িয়া যে সব নিদর্শন আবিষ্কৃত হইয়াছে, সমজ্ঞানদের লেখনী তাহারই প্রশংসায় আজ মুখরিত।

বাংলায় এ ধরণের শিল্পোদ্ধারের চেষ্টা এতদিন ছিল

প্রত্নতাত্ত্বিকদের মাথার টনক অনেক আগেই নড়িয়া উঠিয়াছিল। ইহার প্রথম উল্লেখ পাওয়া যায় মার্টিনের 'ইষ্টার্ন ইন্ডিয়া' নামক গ্রন্থে। ডাঃ বুকানন হ্যামিল্টন ইহার এমন একটা বর্ণনা দিয়া গিয়াছেন, যাহা হইতে ইহার প্রত্নতাত্ত্বিক অনুসন্ধানের প্রয়োজনটা স্পষ্ট হইয়াই ধরা পড়ে। তাঁহার পর দিনাজপুরের কলেজের মিঃ ই-ডি-ওয়েষ্টম্যাক্ট ইহার সম্বন্ধে আলোচনা করিয়া ১৮৭৩ খৃষ্টাব্দে 'এশিয়াটিক





নূর নদীর গর্ভ হইতে পাহাড়পুরের ধ্বংস,বশেষ—দূরে প্রধান মন্দিরের ধ্বংসের স্তূপ




নূর নদীর গর্ভ হইতে পাহাড়পুর মন্দিরের বাহিরের আকার

সোসাইটির আর্গামেন্টে' এক প্রবন্ধ লিখিয়াছিলেন। ইহার পর স্ত্রীর আলোকভাণ্ডার কানিংহামও ১৮৭৯ খৃষ্টাব্দে স্থানটি পরিদর্শন করিয়া আসেন। তাঁহার রিপোর্ট ক্ষুদ্র হইলেও বহু আবশ্যকীয় আলোচনার পরিপূর্ণ ছিল।

সুতরাং স্থানটি যে বিশেষ ভাবে পরীক্ষিত হইবার যোগ্য, সে সম্বন্ধে কোনই সন্দেহ ছিল না। কিন্তু তাহা সত্ত্বেও ইহার অনুসন্ধানের কাজ যথেষ্ট তৎপরতার সহিত আরম্ভ হয় নাই। যে কাজ বহু পূর্বেই আরম্ভ হওয়া উচিত ছিল,

কলিকাতা বিশ্ববিদ্যালয়ের কর্তৃত্বাধীনে। শ্রীযুক্ত শরৎকুমার রায়ের নিকট হইতে ২৫০০ টাকা এবং গবর্নমেন্টের নিকট হইতে ২০০০ টাকার অর্থ-সাহায্য পাইয়া অধ্যাপক শ্রীযুক্ত ভাণ্ডারকার ১৯২৩ খৃষ্টাব্দে খননে ব্রতী হন। কিন্তু কয়েক মাস পরেই তাহা পরিত্যক্ত হয়। তাহার পর ১৯২৫ সালের ডিসেম্বর মাসে আবার কাজ শুরু হইয়াছিল। এবার ভার লইয়াছিলেন—ভারতের প্রত্নতত্ত্ব-বিভাগ নিজে। বরেন্দ্র প্রত্নতাত্ত্বিক শ্রীযুক্ত রাখালদাস বন্দ্যোপাধ্যায়ের



পাহাড়পুর স্তম্ভের দৃশ্য—( উত্তর-পূর্ব পার্শ্ব হইতে গৃহীত )


তাহা আরম্ভ হইয়াছে মাত্র তিন বৎসর আগে—১৯২৩ খৃষ্টাব্দে।

এই খননের কাজ সম্বন্ধে তিনজন লোকের নিষ্ঠা এবং আগ্রহ বিশেষ ভাবেই প্রশংসনীয়। বরেন্দ্র অনুসন্ধান-সমিতির শ্রীযুক্ত শরৎকুমার রায়, শ্রীযুক্ত অক্ষয়কুমার মৈত্রেয় সি-আই-ই এবং শ্রীযুক্ত রায় রমাশ্রীচন্দ্র বাহাদুর এই তিন মহারথীর নাম ইহার খননের উদ্বোধন-পর্বের সঙ্গে চিরদিনের জন্ত যুক্ত হইয়া থাকিবে।


প্রথমবারে ইহার খননের কাজ আরম্ভ হইয়াছিল

পরিচালনায় এবারকার খননের কাজ চলিয়াছিল। ইহাতে যে সমস্ত বস্তু আবিষ্কৃত হইয়াছে, তাহা ভারতের ইতিহাসে একটা নূতন অধ্যায় খুলিয়া দিবে।


পাহাড়পুর রাজসাহী জেলার একেবারে উত্তর পূর্ব প্রান্তে অবস্থিত। পূর্বে ইহা দিনাজপুর জেলার অন্তর্গত ছিল। এখন ইহাকে রাজসাহীর বাদলগাছি থানার অন্তর্ভুক্ত করিয়া লওয়া হইয়াছে। ইষ্ট বেঙ্গল রেলওয়ের জামালপুর স্টেশনে নামিয়া এখানে যাইতে হয়। স্টেশন হইতে ইহার ব্যবধান ৪ মাইল মাত্র। সমৃদ্ধির দিনে করতোয়া নদীর



মধ্যভাগের মন্দিরের চারিপার্শ্বের প্রাকার



মধ্যভাগের বেষ্টনী-প্রাঙ্গণ



উত্তর দিকের মণ্ডপের সম্মুখভাগ



একটি শাখা ইহার পদতল ধৌত করিয়া প্রবাহিত হইত। এ নদী এখন শুষ্ক। স্থানীয় লোকেরা এ নদীর নাম দিয়াছিল হুর নদী। অধ্যাপক ভাণ্ডারকর ইহার উপর একটি ঘাটের ভগ্নাবশেষ আবিষ্কার করিয়াছেন। ইহার পাগড়ের মত বিরাট স্তূপ হইতেই সম্ভবতঃ ইহার নাম হইয়াছে পাহাড়পুর।

এই স্তূপটি একটি প্রকাণ্ড চতুষ্কোণ গড়ের ভিতর

দুইটি প্রস্তর-স্তম্ভ আবিষ্কৃত হইয়াছে। ইহাদের একটিতে রাজা মহেন্দ্রের উল্লেখ পাওয়া যায়। এ মহেন্দ্র সম্ভবতঃ প্রতীহার-সম্রাট মহেন্দ্র পাল। মহেন্দ্র পাল আনুমানিক ৮৯০ খৃষ্টাব্দে রাজত্ব করিয়াছিলেন। প্রত্নতাত্ত্বিকেরা অনুমান করেন, মুঙ্গেরের যুদ্ধের পর বিহার পাল-রাজাদের করচ্যুত হইয়া প্রতীহারদের করতলগত হইয়াছিল। নবম শতাব্দীর মধ্যভাগে প্রতীহার-সম্রাট ভোজ পাল রাজা নারায়ণ পালকে

মুঙ্গের-যুদ্ধে পরাজিত করিয়াছিলেন। প্রথম মহেন্দ্র পাল এবং প্রথম ভোজের অনুশাসন-লিপি দক্ষিণ বিহারের বহু স্থানে আবিষ্কৃত হইয়াছে। পাহাড়পুরের এই শিলালিপিটি হইতে প্রমাণিত হইতেছে যে, সমস্ত উত্তর-বঙ্গ পালদের হস্তচ্যুত হইয়া প্রতীহারদের অধিকার-ভুক্ত হইয়াছিল এবং প্রতীহার-সাম্রাজ্য আরব সাগর হইতে বঙ্গোপসাগর পর্যন্ত বিস্তৃত ছিল।

এই শিলালিপিগুলিতে দেখা যায় যে মহেন্দ্র পালের রাজত্বকালে পাহাড়পুরের এই মন্দিরটির সংস্কার করা হইয়াছিল। সংস্কারের পরিচয় ইহার বিভিন্ন ধরনের ইষ্টকের ভিতর দিয়াও ধরা পড়ে। সুতরাং পাহাড়পুরের মন্দিরটি নবম শতকেরও অনেক পূর্বে নিৰ্মিত হইয়াছে।

এই নবাবিষ্কৃত মন্দিরটি এ যুগের এক অপূৰ্ণ আবিষ্কার। ইহার গঠন, ইহার পরিকল্পনা একেবারে সম্পূর্ণ নূতন ধরনের। এ ধরনের মন্দির হিন্দু, বৌদ্ধ বা জৈন-স্থাপত্যের ভিতর আর কোথাও

চোখে পড়ে না। নর, বানর, হংস, মৎস্য, কুকুট, কচ্ছপ, সিংহ, হস্তী প্রভৃতি নানা জীবের ছাঁচে ইষ্টক তৈরী করিয়া তাহার দ্বারাই এ মন্দির গড়িয়া তোলা হইয়াছে। এ ধরনের ইষ্টকও আর কোনো স্থাপত্য-শিল্পের আদর্শের ভিতর পাওয়া যায় না। তাহা ছাড়া এগুলি শিল্প ও কারু-নৈপুণ্যেরও চরম নিদর্শন।



শ্রীযুক্ত রাখালদাস বন্দ্যোপাধ্যায়

পতিষ্ঠিত। গড়ের চারি দেয়ালের প্রত্যেকটিরই মধ্যস্থলে একটি করিয়া তোরণ ছিল। তোরণগুলির ভিতর উত্তর দিকের তোরণটাই সর্বাধিক বৃহৎ।

মধ্যস্থলের স্তূপটি একটি বিরাট মন্দিরের ধ্বংসাবশেষ। ১৯২৬ খৃষ্টাব্দে শ্রীযুক্ত রাখালদাস বন্দ্যোপাধ্যায় যে খনন আরম্ভ করিয়াছিলেন, তাহার ফলে অশ্রাব্য জিনিষের সহিত

## সরলা

### শ্রীপাঁচুলাল ঘোষ

১

ভবশঙ্কর কবিরাজের কপাল ভাল!—ছেলেটি মুখ, গৌয়ার; মেয়েটা একটু আড়-পাগল; আর জামাইটি পাঁড় মাতাল! অদৃষ্টাকাশে এই ত্রাহম্পর্শের সংঘটন সবেও ভবশঙ্কর মেয়েটাকে ভালবাসিতেন এবং সেই সঙ্গে খানিকটা শ্রদ্ধাও করিতেন। ছেলে-জামাইয়ের আচরণে তাঁহাকে যেমন মধ্যে মধ্যে লজ্জিত, মর্মান্বিত হইতে হইত, সরলার পাগলামীর জন্ত তাঁহাকে তেমন কখনও হইতে হয় নাই। বরং অনেক সময় মেয়ের পাগলামী তাঁহাকে মহত্বের পথ নির্দেশ করিয়া দিয়াছে।—অর্থাভাবে রোগী ঔষধের মূল্য দিতে অক্ষম বলিয়া ভবশঙ্কর তাহাকে ঔষধ দেন নাই। সরলা জানিতে পারিয়া, তাহাকে গোপনে অর্থ দিয়া পিতার কাছে পাঠাইয়া দিল। পরদিন ভবশঙ্কর সংসার-খরচের তহবিল মিলাইতে গিয়া দেখেন, যে-পরিমাণ অর্থ তিনি সেই নিঃস্ব রোগীর নিকট হইতে ঔষধের মূল্য স্বরূপ আদায় করিয়াছিলেন, সেই পরিমাণ অর্থই তাঁহার তহবিলে কম পড়িতেছে। অসুস্থানে জানিলেন, তাঁহার পাগল মেয়ে বাপের দাবী মিটাইবার জন্ত তাঁহারই বাক্সের চাবি খুলিয়া সেই দরিদ্রকে সাহায্য করিয়াছে! শুধু কি এই এক-রকম পাগলামী সরলার?—রান্নাশালের রকে ছোট-বড় দুইটা ঘটি ছিল, ভিখারী ভিক্ষা করিতে আসিয়া সুযোগ দেখিয়া একটা লইয়া চলিয়া গেল। সরলা উপর হইতে তাহা দেখিয়াও কোন কথা বলিল না। পরে ঘটির খোঁজ পড়িলে সরলা জানাইল—“দুপুর বেলা একটা ভিখারী নিয়ে গেছে।” সকলে আশ্চর্য হইয়া বলিল—“ভিখারী নিয়ে গেছে কি রে?...তা তুই কিছু বলি নি?...অমন মস্ত ঘটিটা...” সরলা কিঞ্চিৎ বিস্ময় প্রকাশ করিয়া বলিল—“ওমা! বড় ঘটিটা নিয়ে গেছে?.. আমার মনে হ'ল যেন ছোটটা নিয়ে গেল। তবে বোধ হয় তার বড় ঘটিরই দরকার ছিল।” সকলে সরলার বুদ্ধির সৎকার করিতে লাগিল।

সরলার পাখী পুষ্কির সখ—বে-তর। কিন্তু কোন পাখীই সাত দিনের বেশী সরলার আতিথ্য স্বীকার করিত

না। পাখী কিনিয়া দু-তিন দিন পরেই সরলা খাঁচা খুলিয়া দিয়া পরীক্ষা করিত—পাখী পোষ মানিল কি না। এই বোকামীর জন্ত তাহাকে কেহ কিছু বলিলে, সরলা বলিত, যে-পাখী দু-তিন দিনেও পোষ না মানে, সে কোন জন্তেও পোষ মানিবে না। সুতরাং তাকে খাঁচায় পুরিয়া রাখিয়া লাভ?

সরলার এইরূপ মতিগতিতে তার পিতা প্রকাশে কোন রকম সাহা না দিলেও, মনে মনে তিনি খুসী হইতেন না। তাঁর ধারণা, মেয়ের এই রকম কাণ্ডকারখানা দেখিয়াই তাকে তার খণ্ডরবাড়ীর কেহ পছন্দ করে না। মেয়ে যদি একটু চলাক চতুর হইত, তবে কি স্বামী অমন বিগড়াইয়া যায়, না, তারা এমন বার মাস বাপের বাড়ী ফেলিয়া রাখে?

২

“বলি সরি, তোর এ কাণ্ডখানা কি বল্ দেখি?”—

সরলাও মাতার কথার ঝঞ্ঝারে সুর চড়াইয়া বলিল—  
“আমার আবার কাণ্ডখানা কি দেখলে?”

“তা নয় ত কী...বেলা ছটো বাজতে যায়, তবু তোর দেখা নেই...এত পাড়া-বেড়ান অভোস্ ভাল নয়, সরি...”

“আহা, আমি বুঝি পাড়া-বেড়াতে গিছলুম?—আমি তো বাগ্দী পিসীর বাড়ী ছিলাম!”

“কি মহাভারত শুনছিলে, শুনি,—যে নাওয়া-খাওয়ার কথা মনে ছিল না?”

“মা, তুমি যদি সেখানে যেতে, তুমিও নাওয়া-খাওয়ার কথা ভুলে যেতে!”

“কি এমন হুগুগোজ্ব হচ্ছিল—শুনি?”

“হুগুগোৎসব নয় মা,—ওদের ছোট বৌ প্রসব-বেদনায় যা কষ্ট পাচ্ছিল—মা!”

“তা ওদের ছোট বৌ কষ্ট পাচ্ছিল, তুই তার কি করবি?...তুই দাই, না, ডাক্তার?”

“দাই ডাক্তার না হলে বুঝি আর কিছুর করা যায় না? এই তো আমি গিয়ে দেখি—তারা একটা আনাড়ি দাইয়ের হাতে দিয়ে বৌটাকে শুধু কষ্টই দিচ্ছিল।... ”

মাতা গভীর ভাবে বিজ্ঞপের স্বরে বলিলেন—“তা—তুই গিয়ে কি করলি? ...পাকা দাই সেজে ছেলে প্রসব করিয়ে দিলি?”

“আহা তা কেন, আমি ডাক্তার ডাক্তে বল্লুম। তাতে তারা বলে—তাদের অত টাকা নেই! তখন আমি গিয়ে ডাক্তারের বউয়ের হাতে পায়ে ধবে বিনা ভিজিটে ডাক্তার আনা লুম।”

মেয়ের হৃদয়ের পরিচয়ে মাতা তুষ্ট হওয়া দূরে থাকে বিরক্ত হইয়া বলিলেন—“তোমার কি মান-অপমান জ্ঞান কিছু নেই, সরি? ...পরের জন্মে আর একজনের পায়ে-হাতে ধরার দরকার কি ছিল - শুনি?”

“আহা, মা, তারা বড় গরীব...ডাক্তার না এলে বৌটা নিশ্চয়ই মরে যেত!”

“মরে যেত, না, আর কিছু! ...তোমার যত সব বাড়া-বাড়ি! ...আসল কথা, তুই একটা হুকু নিয়ে এ পাড়া ও-পাড়া করতে ভালবাসিস! হলি-ই বা ঝিউড়ী, তা বলে কি লাজ-লজ্জা সব বিসর্জন দিতে হয়—আসুন উনি!”

৩

সেই বছর অসহযোগের একটা বড় রকম ডেউ আসিয়া ভবশঙ্করদের মহকুমায় বিষম গণ্ডগোল সৃষ্টি করিয়া বসিল। উচ্চ-ইংরেজী ইস্কুলটা প্রায় ছাত্রশূন্য হইয়া হেলিয়া পড়িবার উপক্রম করিল; কলেজ স্থাপনের উৎকট চেষ্টায় চাঁদা তোলা অর্ধেক পথে থামিয়া গেল! ডাক্তার গুহের বৈদ্যাতিক বক্তৃতার আশুনে মা-লক্ষ্মীদের এক এক সূট বিলাতী-সেমিজ পাড়ী ব্লাউজ বডি ভস্মীভূত হইয়া গেল। আব্কারী দোকানে আর উকীল-মোক্তারের আস্তানায় যথাক্রমে মাতাল ও মজ্জেলের অভাবে হা-হাকার উঠিল। হেম দত্তের সাত-পুরুষের বিলাতী-বস্ত্রের দোকানখানা দেখিতে দেখিতে স্বদেশী লেবেল-আঁটা বিলাতী সূতার গুদামে পরিণত হইল। গাঁয়ের পরিসভায় জাতীয়-বিদ্যালয় জমকাইয়া উঠিল। ভবশঙ্করের বৈঠকখানার পাশের ঘরে জমীদার-বাড়ীর ভাঙা চেয়ার টেবিলে সুরক্ষিত কংগ্রেস আপিস খন্দরের দোকান ঘাড়ে করিয়া দেখা দিল। জমীদার-পুত্র প্রাজাপত্য বি-এ ডিগ্রি লাভ করার পর হইতে সারস্বত বি-এ ডিগ্রি লাভে বীতশ্রদ্ধ হইয়া লেখাপড়া ত্যাগ করিবার অছিলা অন্বেষণ করিতে-ছিলেন, এই সুযোগে তিনি কলেজ-ত্যাগ করিয়া ‘ত্যাগী’

ডিগ্রি পাইয়া কংগ্রেস আপিসের কর্ণধার হইয়া বসিলেন। শ্রীনিবাস অধিকারী ওকালতীতে উপবাস করিতেছিল। সে, এ দেশের রাজনৈতিক আন্দোলনে—বুঝিয়া চলিতে পারিলে—বেশ ছ-পয়সা করা যায় শুনিয়া, দীর্ঘ উপবাসের পর পার্শ্বের আশায় অসহযোগ মস্ত্রে দীক্ষা লইয়া ‘বিখ্যাত কংগ্রেসকর্মী’-রূপে পথে-ঘাটে মহাত্মার বাণী বিলাইতে লাগিল। অসহযোগ ভাল-না-মন্দ লইয়া আজন্ম বন্ধুতে বন্ধুতে মতের অমিল হইতে মনের অমিল দাঁড়াইল। এক কথায়, দামোদরে বস্ত্রার গুহ ‘অসহযোগের’ ডেউ আসিয়া সব গুলট-পালট করিয়া দিল।

‘অসহযোগের’ অঙ্গে সাবেক ‘স্বদেশী’র গন্ধ থাকায়, ভবশঙ্কর দেখিলেন, তাঁহার স্বদেশী কবিরাজী ঔষধের—বিশেষতঃ তাঁহার “জ্বরাস্তকচূর্ণ” নামে বর্ণাস্তর-প্রাপ্ত বিলাতী কুইনিনের কাটুতি খুব বাড়িয়া গেল! সুতরাং তিনি অসহযোগ আন্দোলনের প্রতি বিশেষ ভক্তিমান হইয়া পড়িলেন।

একদিন সরলা বলিল—“বাবা আমি ‘ডলী’ দিদির সঙ্গে খন্দর বিক্রী করতে যাব!”

“কোথায় রে?”

“এই পাড়ার মেয়েদের কাছে।”

“মোট ঘাড়ে করে?”

“তাতে কি? ‘ডলীদি’ তিনটে পাশ করেছেন,—তিনিও মোট নিয়ে বাড়ী-বাড়ী ফিরি করে বেড়াবেন!”

“তাই না কি? ...আচ্ছ, তা যাস!”

৪

সংসারের সঙ্কীর্ণ কাজে সরলার সহায়তা পাওয়া সুলভ না হইলেও, দেশের কাজে সে মাতিয়া উঠিল। সে আহার বিশ্রাম ভুলিয়া গ্রামে গ্রামে খন্দরের মোট ঘাড়ে করিয়া ঘুরিতে লাগিল। অধিনেত্রী ‘ডলীদিদি’ সরলার কাজের ঝোঁকে হাঁপাইয়া উঠিতে লাগিল। সে বেচারা কল্প-বছর কলেজে পড়িয়া কেবল যে নামের প্রাপ্তে উপাধির অক্ষর গাঁথিয়া আনিয়াছে তাহা নয়, সেই সঙ্গে অন্ন, অজীর্ণতা, হিষ্টিরিয়া (মূর্ছা) প্রভৃতি কয়েকটা সভ্য ব্যাধির আধার হইয়া আসিয়াছে। কাজেই অত পরিশ্রম তাহার সহ্য হইবে কেন? এ অবস্থায় ‘অবরোধ অঞ্চলে’ খন্দর প্রচারে অধিনেত্রী হইল—সরলাই!

এক দিন সরলা এক কংগ্রেস ছোকরাকে সঙ্গে লইয়া

কোন দরিদ্র পল্লীতে খন্দর প্রচার করিতে গেল। গিয়া দেখিল—এক বৃদ্ধার চালে খড় নাই, লজ্জানিবারণের উপযুক্ত পরিধেয় বস্ত্রেরও সংস্থান নাই। বৃদ্ধার ছরবস্ত্রের পরিচয়ে কংগ্রেসকর্মী তাহাকে চরকার উপযোগিতা সম্বন্ধে লোকচার দিতে গেলে সরলা বলিল—“ও সব থাক্, তুমি একখানা কাপড় একে বা’র করে দাও।”

কর্মী বিস্মিত ভাবে বলিল—“ও কি আর এই দেড়া দামের কাপড় কিন্তে পারবে?”

“বিক্রী নয়,—অমনি—”

“অমনি।” কর্মী চমকাইয়া উঠিল।

“হাঁ—অমনি।” এই বলিয়া সে বৃদ্ধাকে কাপড়খানা ও খন্দর বিক্রয়ের তহবিল হইতে চারি আনা পয়সা দিয়া বলিল—“এই নাও, আমি আর এক দিন আবার আসব।”

এই অপরিচিতা করুণাময়ীর অযাচিত দানে বৃদ্ধার চক্ষে কৃতজ্ঞতার অশ্রু ফুটিয়া উঠিল। সে বাষ্পরুদ্ধ কণ্ঠে বলিল—“রাজরাণী হও মা!”

কংগ্রেস-কর্মী ভাবিল—এ তো দেখছি মুন্সিল করবে! কংগ্রেসের পয়সা এই রকম বাজে কাজে নষ্ট করলেই হয়েছে—আর কি! সে সরলাব কাছে গিয়া মৃতস্বরে বলিল “এ সব গরীব দুঃখীর দিকে চাইতে গেলে কংগ্রেসের কাজ কিষ্ট এষ্ট সব না!—আপনি চলে আসুন।”

আশ্চর্য্য ও ঈষৎ বিরক্তির স্বরে সরলা বলিল—“কি রকম? গরীব-দুঃখীর দিকে চাইতে গেলে কংগ্রেসের কাজ চলবে না? ওরা কি দেশের দুঃখ-তর্দশার জীবন্ত প্রতিমূর্ত্তি নয়?”

কংগ্রেসের ছোকরা ঈষৎ হাসিয়া বলিল—“আপনার তাহলে দেখিচি কংগ্রেসের কাজের সম্বন্ধে ক্লিয়ার আইডিয়া (স্পষ্ট ধারণা) নেই!—কংগ্রেসের আসল কাজ হচ্ছে—গওর্মেণ্টের সঙ্গে ননভায়লেন্ট ফাইট করে’—দেশের স্বরাজ আদায় করা!...স্বরাজ এলেই দেশের দুঃখ-দারিদ্র্য সব ঘুচে যাবে!”

“আর যত দিন স্বরাজ না আসে?”

“ততদিন দুঃখদৈন্ত্র্য ভোগ করতেই হবে আমাদের! কংগ্রেস তার কি করবে বলুন?”

সরলা ঈষৎ হাসিয়া বলিল—“তাহলে বল, কংগ্রেস হচ্ছে—পাইকারী দোকান...খুচরা খরিদারের ঠাই সেখানে নেই!”

“তা কি করে থাকতে পারে—বলুন?...ব্রিটিশ গওর্মেণ্টের মত শক্তিশালী পক্ষের সঙ্গে যাকে পাঞ্জা দিতে হবে, তার কি খুচরো দুঃখদৈন্ত্র্যের দিকে নজর দেবার সময় আছে, না, সে পারে?”

“সময়ও আছে, শক্তিও যে নেই, তা নয়...! আসলে নেই মর্জ্জি! এই দেখ না, ব্রিটিশ গওর্মেণ্টও তো তোমাদের নিয়ে কম নাস্তানাবুদ হচ্ছে না, কিন্তু কই তারা তো এ দেশের মঙ্গলের জন্ত যে কটা কাজ আরম্ভ করেছিল, তা তো বন্ধ করে দেয়নি?”

“তা’রা কি, ভাবেন, প্রাণের টানে এ দেশের উপকার করছে?—যা কিছু করেছে বা করছে তা রাজত্বের ঠাট বজায় রাখবার জন্তে। হাঁসপাতাল বলুন—দু চারটে রিলিফ ফণ্ড বলুন, ক্রেডিট সোসাইটি বলুন শেফ—পলিসি!”

“স্বীকার করলুম—‘পলিসি!’ তোমরাও কেন পলিসি স্বরূপ তাই কর না!”

বুড়ী এতক্ষণ তাহাদের তর্ক শুনিতেছিল; এবং কিছু না বুঝিলেও, সরলা যাহা বলিতেছিল, তাহাতেই সে ঘাড় নাড়িয়া অনুমোদন করিতেছিল। হঠাৎ তর্ক থামিয়া গেলে সে কংগ্রেস-কর্মীকে লক্ষ্য করিয়া বলিল—“তোমরা এসেছিলে বলে দুটো ভাল কথা শোনা গেল; আর একখানা বস্ত্রও পেলাম—শীতের দিনে গায়ে দিয়ে বাঁচব!...হাঁ বাছা, তোমরা বেরাশ্মান?—পেলাম!”

৫

কংগ্রেসওয়ালারা দেখিল, সরলার দ্বারা খন্দর বিক্রয়ের কাজ চালানো নিরাপদ নহে। মাসের মধ্যে যদি সে পাঁচ খানা খন্দর খয়রাৎ করিয়া বসে—এবং খন্দরের তহবিল হইতে রোজ দু-চারি আনা দান করিতে থাকে, তবে কংগ্রেসের খন্দর বিভাগে শীঘ্রই ‘লালবাতি’ জ্বলিতে হইবে!

কংগ্রেসের অর্থ ঐ প্রকারে অপব্যয় করিতে নিষেধ করিলেও সরলা শোনে না। বলে,—“আমার নামে খাতায় খরচ লিখে রেখো!” খাতায় খরচ লিখিয়া রাখিলে হিসাব ছরস্ত থাকে বটে, কিন্তু তহবিলের অবস্থা যে সুস্থ থাকে না, এ কথা মুখ ফুটিয়া বলিতে সকলেই সঙ্কোচ অনুভব করিয়াছে—বিশেষতঃ (কংগ্রেস আপিসের জন্ত কেহ বাড়ী ভাড়া দিতে রাজী না হওয়ায়) যখন তাহারা ভবশঙ্করের বাড়ীতে আশ্রয় লাভ করিয়া আসিতেছে।



অবশেষে কংগ্রেসওয়ালাদের মাথায় এক ফন্দি আসিল। তাহারা এক দিন সরলাকে বলিল—“দেখুন, আমরা এই কংগ্রেস কমিটির লাগাও একটা সেবা-সমিতি খুলিতে ইচ্ছা করছি। কিন্তু আপনি যদি তার ভার নিতে স্বীকার হন— তবেই সাহস করি খুলতে!”

সরলার মনের মত কাজ হইবার উপক্রম দেখিয়া সে উৎফুল্ল হইয়া বলিল—“বেশ তো! আমি খুব রাজী আছি, তবে একবার বাবার মতটা নিই।”

পিতার মত পাইয়া সরলা সেবা-সমিতির যোগ্য অধিনেত্রী হইবার প্রবল উৎসাহে ধাত্রী বিদ্যা ও রোগি-পরিচর্যা সংক্রান্ত কয়েকখানা বাংলা বই আনাইয়া পড়িতে আরম্ভ করিয়া দিল।

ইতিমধ্যে এক দিন তাহার কাণে গেল—পুলিশের জমাদার শৈলজা সিকদার টাইফয়েড রোগে মরণাপন্ন, আর ওদিকে তার পত্নী প্রসব বেদনায় ছটফট করিতেছে। রামকৃষ্ণ আশ্রমের দুইজন সেবক এত দিন গুরুত্ব করিতেছিল; কিন্তু তাহারাও ম্যালেরিয়ায় শয্যাগত। শৈলজা বিনা চিকিৎসায় বিনা গুরুত্বায় মারা যাইতে বসিয়াছে।

সেদিন বড় দুর্ঘোষ!—সমস্ত দিন আকাশ অন্ধকার করিয়া মুষলধারে শ্রাবণের মেঘ বৃষ্টি ঢালিতেছিল—যেন বিধাতার সৃষ্টি ধুইয়া নিশ্চিহ্ন করিয়া দিবে! এই দুর্ঘোষে শৈলজার কথা শুনিয়া সরলা কংগ্রেসের আপিস-ঘরে গিয়া উপস্থিত হইল।

সরলার মুখে সমস্ত শুনিয়া তাহারা মুনিজনতুলা অন্তঃস্বপ্নমণাঃ হইয়া বলিল,—“ওরা গণ্ডমেণ্ট সারভেণ্ট... ওদের জন্তে আমাদের ভাবতে হবে না...ওদের লোকের অভাব হবে না—আপনি অত ব্যস্ত হবেন না!...কাল আমরা খোঁজ নেব’খন।”

সরলা দুই চোখ কপালে তুলিয়া বলিল—“কা—ল খোঁজ নেবেন!—হয়েচে!”

আর ক্ষণকাল বিলম্ব না করিয়া সরলা সেই দুর্ঘোষে শৈলজার বাড়ীর দিকে চলিল।

( ৭ )

সরলার বাড়ী হইতে শৈলজার বাড়ী যাইতে সোজা পথ পড়ে থানার কম্পাউণ্ডের মধ্য দিয়া। এই পথে সরলা শৈলজার বাড়ী যাতায়াত করে। এক দিন মধ্যাহ্নে সরলাকে সেই পথ দিয়া যাইতে দেখিয়া পুলিশের এক কর্মচারী তাহার এক সহকর্মীকে অমুচ্চ কণ্ঠে বলিল—“অমন টুকটুকে হাতের সেবা পেলে ঘাটের মড়াও, বাবা, বেঁচে উঠে!... শৈলজার বরাত আচ্ছা বলতে হয়!”

অমুচ্চস্বরে বলিলেও কথাটা সরলার কাণে গেল। সে অমনি ফিরিয়া নিকটে আসিয়া বলিল—“শৈলজার কি আচ্ছা বলচেন, বাবা?”

পুলিশ-কর্মচারী তাহার বে ফাঁস কথাটা ঘুবাইয়া লইয়া বলিল—“না, এই বলছিলুম, শৈলজার আচ্ছা বরাত বলতে হবে যে, আপনার মত সেবা করবার লোক পেয়েছিল—”

সরলা সটান তাহার মুখের উপর বলিল—“না বাবা, আপনি ঠিক ও-ভাবে বলেন নি তো যাই হোক, অমন বলতে নেই...আমরা যে মাগের জাত!”

বলিয়াই সরলা হন্ হন্ করিয়া চলিয়া গেল। দ্বিতীয় পুলিশের ভদ্রলোকটা বলিল—“কেমন, মুখের মত হ’ল তো?”

“আঃ, কি আর এমন বলে গেল?...তরে গুঁর সতীগিরি বের করছি—শীগগীর!”

“দোহাই, পক্ষা, আর তোর পুলিশী বিক্রম দেখাতে হবে না!...নিজের দোষ স্বীকার করতে একটু শেখ!”

পক্ষানন গুপ্ত মুখে আর কিছু বলিল না বটে, কিন্তু ইহার কয়েক দিন পরে সরলার স্বামী তার স্ত্রীর চারত্র-সংক্রান্ত এক বে-নামী পত্র পাইল।

( ৮ )

সে রাতে শৈলজার বাসায় জীবন-মৃত্যুর তুমুল লড়াই চলিতেছিল। সরলা পাশের ঘরে শৈলজার মুচ্ছিতা পত্নীকে কোলে লইয়া প্রতিমুহূর্তে সাংবাতিক সংবাদের প্রতীক্ষা করিতেছিল। সরলার বাপ এক দিন বলিয়াছিলেন—ভগবানকে প্রাণভরে ডাকিলে কোন কামনাই অপূর্ণ থাকে না। সেইমত সরলা ভগবানকে ডাকিতে চেষ্টা করিয়াছে; কিন্তু নিরাকার ভগবানকে সরলা আপন ধ্যানের মধ্যে ধরিতে গিয়া বার-বার বিফলতার অন্ধকারে হারাইয়া ফেলিয়াছে। আজ রাতে সরলা আবার চক্ষু মুদ্রিয়া ভগবানকে ডাকিতে চেষ্টা করিল। প্রথমে চক্ষু মুদ্রিতে আধ-আলো, আধ-অন্ধকার দেখিতে লাগিল। তার পর কেবল অন্ধকার;—ক্রমে সে অন্ধকার স্বদূর প্রসারী সুড়ঙ্গের আকার ধারণ করিল। অনেকক্ষণ এইরূপে গেল। তার পর সে অন্ধকারের শেষ প্রান্তে জ্যোতিষ্ময় একটা বিন্দু ফুটিয়া উঠল। সেই বিন্দু দেখিতে দেখিতে বন্ধিতাম্বতন হইয়া দ্বাদশ সূর্য্যের প্রভায় সেই আঁধারের সুড়ঙ্গ উদ্ভাসিত করিয়া তুলিল। পরক্ষণেই সেই জ্যোতিষ্ময় সুড়ঙ্গের শেষভাগে মণিমুক্তা-খচিত স্বর্ণাসনে উপবিষ্ট এক মহুষ্ণ-মূর্ত্তি দেখা দিল। সরলা প্রথমে তাহাকে চিনিতে পারিল না। ক্রমে এই স্বর্ণাসন আলোক-তরঙ্গে যেন ভাসিতে ভাসিতে নিকটবর্ত্তী হইতে লাগিল। অবশেষে সরলা বিস্ময়ে আনন্দে দেখল, সে—তাহার স্বামীর মূর্ত্তি!

এই দৃশ্যে সরলা কতকটা অভিভূত হইয়া পড়িল। ঠিক সেই সময়ে কে তাহাকে তার স্বামীর কণ্ঠে ডাকিল—“সরলা!” চক্ষু চাহিতেই স্বামীকে দেখিয়া সরলা কোন বিস্ময়ের ভাব প্রকাশ না করিয়া কেবল ব্যাকুল কণ্ঠে বলিয়া উঠিল—“আমার শৈলজাকে বাঁচাও!”

সরলার স্বামী নরেশ ক্র কুঞ্চিত করিয়া গস্তীর স্বরে বলিল—“শৈলজা কে ?”

“আমার ছেলে।... যাও, শীগ্গির তাকে বাঁচাও !”

বে-নামী পত্র পাইয়া সরলার স্বামী যে জালা লইয়া অতর্কিত ভাবে ছুটয়া আসিয়াছিল, এখানে আসিয়া সরলার অবস্থা দেখিয়া সে জালা মুহূর্তে শীতল হইয়া গেল। শৈলজার বাটা প্রবেশের ঠিক পূর্ক মুহূর্তে একটা অদ্ভুত ঘটনার কথা নরেশের মনে পড়িয়া গেল। নরেশ বলিল—“বাড়ী ঢুকিবার সময় এইমাত্র কে একজন আমার হাতে এই শিকড়টা দিয়ে বললে—‘এইটে বেঁটে শৈলজার সর্কাজে মাথিয়ে দিতে বলগে—’ আমি শিকড়টা নিয়ে তু-পা এসে আবার পিছন ফিরে দেখি কেউ কোথাও নেই !”

মাসখানেক পরের কথা। শৈলজা সেই দৈব ঔষধেই মরণের ছয়ার হইতে ফিরিয়া আসিয়াছে। সরলার স্বামী এক দিন সেই বে-নামী চিঠিখানা সরলার হাতে দিল। তাহা পাঠ করিয়া সরলা অনেকক্ষণ গম্ভীর হইয়া কি ভাবিতে লাগিল। পরে স্বামীকে চিঠিখানা ফিরাইয়া দিয়া জিজ্ঞাসা করিল—“এ চিঠি বিশ্বাস করেছ ?”

নরেশ বলিল—“না, যদি তা করতুম, তবে তুমি আমি আজ এমন জ্যান্ত থাকতুম না ! তোমার আড়ালে তোমার কত বড় শত্রু আছে, তাই শুধু জানিয়ে দিওঁই দেখালুম। হাঁ, একটা খবর এসে পর্য্যন্ত তোমায় দিই নি—”

“কি ?”

“আমি মদ ছেড়ে দিইচি।”

সরলা মুচু হাশ্বে বলিল—“কদিনের জন্তে—শুনি ?”

“না ঠাট্টা নয় ! জন্মের মতন !”

আনন্দে সরলার চোখ উজ্জ্বল হইয়া উঠিল। সরলা জিজ্ঞাসা করিল—“তা এখন আমার সম্বন্ধে কি স্থিতি করলে ? এবার সঙ্গে নিয়ে যাচ্ছ তৌ ?”

“নিয়ে যেতেও লোভ হচ্ছে, আবার এমন মহৎ কাজ থেকে তোমায় ছিনিয়ে নিতেও ক্ষোভ হচ্ছে !”

“দোহাই তোমার ! আর আমায় মহৎ কাজের লোভ দেখিও না... বিশেষতঃ সত্যত্বের ওপর অপবাদের ছাপ নিয়ে আমি বড় কাজে মহায়স্যী হতে চাইনে !”

নরেশ সরলার মুখ চুম্বন করিয়া বলিল—“তোমার ইচ্ছা আমার ইচ্ছা !”

## প্রচ্ছদপট

কার্টিকের “ভারতবর্ষের” প্রচ্ছদপটে যে মহায়স্যর জীবণ চিত্র মুদ্রিত হইল, তিনি সুবিখ্যাত ব্রহ্মবাক্য উপাধায়। এই স্বনামধন্য মহাপুরুষের বিস্তৃত পরিচয় অনাবশ্যক। ব্রহ্মবাক্য ব্রহ্মবাক্য সংস্কৃতিক। তাঁহার পুস্তকসমূহের নাম ভিবানীচরণ বন্দ্যোপাধ্যায় প্রথম যৌবনে তিনি প্রসিদ্ধ সমাজ-সংস্কারক মহায়স্য কেশবচন্দ্র সেনের শিষ্য। তাঁহার পুস্তক সিদ্ধান্তে ব্রহ্মবাক্য প্রচারোদ্দেশ্যে গমন করেন। তথায় তিনি ব্রহ্মসাম্প্রদায়ীদের সহিত মিলিয়া গৃহধর্মের প্রতি অন্তরঙ্গী হন, এবং খুলতাত কলীচরণ বন্দ্যোপাধ্যায় কর্তৃক গৃহধর্মে দীক্ষিত হন। তৎপরে তিনি সন্ন্যাসোপধানে প্রবেশ পুস্তক ভিবানীচরণ বন্দ্যোপাধ্যায় নাম পরিভাগ করিয়া ব্রহ্মবাক্য উপাধায় নাম গ্রহণ করেন। তৎপরে তিনি বিজ্ঞানতে গিয়া অল্পকালে বেদান্তের ব্যাখ্যামূলক কয়েকটি বক্তৃতা করেন। পরে অদেশে প্রত্যাহিত হইয়া প্রায়শ্চিত্ত করিয়া পুনরায় হিন্দুধর্ম গ্রহণ করেন। অতঃপর তিনি ‘সন্ন্যাসী’ নাম প্রসিদ্ধ দৈনিক সাক্ষা পত্রিকার প্রতিষ্ঠা করেন। ১৯০৭ বর্ষকের শেষভাগে ‘সন্ন্যাসী’ বিরুদ্ধে দে রাডক্রোফের মামলা হয়, সেই মামলার রায় প্রকাশিত হইবার পূর্বেই ২৭শে অক্টোবর প্রবল অস্বস্থি রোগে অস্ত্রোপচারের ফলে কায়েল হানপাতালে তাঁহার মৃত্যু হয়। রাডক্রোফিক সংবাদপত্র পরিচালনে ইনি অনগ্রন্যাদারণ তেজস্বিতার পরিচয় দিয়াছিলেন। প্রত্যচা ও পাশ্চাত্য দর্শনশাস্ত্রে ইঁহার অগাধ পারিণতি ছিল। স্বামীর এই প্রকৃত দেশ-নেতার ও তিকৃতি ‘ভারতবর্ষের’ প্রচ্ছদপটে প্রকাশিত করিয়া তাঁহার প্রতি আমাদের শ্রদ্ধা নিবেদন করিলাম।

## সাহিত্য-সংবাদ


### নব প্রকাশিত পুস্তকাবলী

- শ্রীচাক্রন্দ্র ভট্টাচার্য্য এম এ প্রণীত “বাণীলীর খাত” মূল্য ১০ আট আনা  
শ্রীমতী মাতানাদেবী প্রণীত “মালিকা” পরালোপ, মূল্য ১০  
শ্রী কুপক্ৰনাথ দত্ত এম এ পি এ ই চ ডি প্রণীত “আমার আনন্দোৎসব” মূল্য ১০  
শ্রী বসন্ত কুমার বন্দ্যোপাধ্যায় প্রণীত “ব্রহ্মগোবিন্দসংহত” জীবনী, মূল্য ১০  
শ্রী নিলিনীকান্ত গুপ্ত প্রণীত “শিক্ষা ও দীক্ষা” মূল্য ২০  
শ্রীমতী সুনন্দা প্রভু সোম প্রণীত “দুটি-প্রাণ” উপন্যাস, মূল্য ১০  
শ্রী কৃষ্ণচন্দ্র বন্দ্যোপাধ্যায় কাব্যলঙ্কার প্রণীত “স্বপ্নমণি” কাব্য, মূল্য—১০  
শ্রী প্রমথ চৌধুরী প্রণীত “বিমানীর বর” গল্পপুস্তক, মূল্য—১০  
শ্রী প্রমথ চৌধুরী প্রণীত “রায়ের কথা” মূল্য—১০  
শ্রী অরেশচন্দ্র মজুমদার প্রণীত “মহারাজা দীনারাম” নাটক, মূল্য—১০  
শ্রী নরেন্দ্রনাথ বসন্ত প্রণীত “সকলকার” কাব্য মূল্য—১০  
শ্রী অমিয়কান্ত দত্ত প্রণীত “অদ্বৈতচাণ্ডী” মূল্য—১০  
শ্রী চাক্রন্দ্র চৌধুরী প্রণীত “শাহজাদা” মূল্য—১০  
শ্রী কিশোরচন্দ্র ভট্টাচার্য্য সাহিত্যভূষণ প্রণীত “শ্রীচৈত্র” মূল্য—১০  
শ্রী কৃষ্ণচন্দ্রনাথ বসন্ত প্রণীত “স্বপ্নমণি” মূল্য—১০  
শ্রী শৈলেন্দ্রনাথ বসন্ত প্রণীত “নরনারী” মূল্য—১০

Publisher—Sudhanshusekhar Chatterjea.  
of Messers. Gurudas Chatterjea & Sons,  
201, Cornwallis Street, CALCUTTA.



Printer—Narendranath Kunar,  
The Bharatvarsha Printing Works,  
203-1-1, Cornwallis Street, CALCUTTA



শিল্পী— শ্রী যত্ন প্রবন্ধনাথ ঘাস,  
মহাশয়ের অঙ্কন-১৯২৩ প্রকাশিত।



# ভারতবর্ষ



অগ্রহায়ণ, ১৩৩৩

প্রথম খণ্ড

চতুর্দশ বর্ষ

ষষ্ঠ সংখ্যা

## আতঙ্ক-নিগ্রহ

শ্রীঅক্ষয়কুমার মৈত্রেয় সি-আই-ই

ধর্মনাশের আশঙ্কা সম্যক্ অমূলক না হইলেও, সাধারণ জন-সমাজে অসাধারণ আতঙ্ক সঞ্চার করে। তাহাতে কত অনর্থ উৎপন্ন হইতে পারে, সিপাহী-যুদ্ধ তাহার পরিচয় প্রদান করিয়াছিল। সেদিন এখন অনেক দূরে সরিয়া গিয়াছে; তথাপি সে আতঙ্ক-প্রবণতা তিরোহিত হয় নাই। কিছু দিন হইতে ভারতবর্ষের নানা স্থানে হিন্দু-মুসলমানের মধ্যে যে কলহ ধীরে ধীরে প্রবল হইয়া উঠিতেছে, তাহা ধর্মের আবরণে আচ্ছাদিত করিয়া, অশিক্ষিত এবং অর্ধ-শিক্ষিত জন-সমাজের মনে আতঙ্ক-প্রবণতা জাগাইয়া তুলিয়া, রাজা প্রজাকে তুল্য ভাবে চিন্তাকুল করিয়া তুলিয়াছে। রোগ আত্ম-প্রকাশ করিয়াছে। তাহার মূল তর্ক-সঙ্কুল হইলেও চিকিৎসার প্রয়োজন অস্বীকার করিতে না পারিয়া, রাজ-শক্তি মুষ্টিযোগ-প্রয়োগে অগ্রসর হইয়াছে। অনেক গুটিকা-বটিকা চর্ম-পেটিকা ছাড়িয়া অনেকের চর্ম ভেদ এবং

কাহারও কাহারও মর্মভেদ করিয়াও, আতঙ্ক-নিগ্রহে সম্যক্ সফলকাম হইতে পারিতেছে না।

কোন সময়ে কোন ঘটনা-মূর্ত্তে হিন্দু এবং মুসলমান ভারতবর্ষে বাস করিতে আরম্ভ করিয়াছে, তাহা জানিবার জ্ঞান এখন আর কাহারও কৌতূহল উপস্থিত হয় না; কারণ, কি হিন্দু কি মুসলমান, কেহই এখন আর দেশ-সম্পর্ক-শূন্য, সন্তঃ-সমাগত আগন্তুক বলিয়া কথিত হইতে পারে না। জন-গণনার তারতম্যে কাহারও সংখ্যাই নগণ্য নহে; অগণ্য। বাংলা দেশের কোন কোন স্থানে হিন্দুর সংখ্যাই বরং নিতান্ত নগণ্য; তথাপি হিন্দু-মুসলমান বহুদিন হইতে নিকটতম প্রতিবেশীরূপে নানা আত্মীয়তা-মূর্ত্তে আবদ্ধ হইয়া, একত্র অবস্থান করিতেছে। এখন আর একজনকে ছাড়িয়া অন্য জনের পক্ষে স্বতন্ত্রভাবে জীবন-যাত্রা নির্বাহের সম্ভাবনা কল্পনা করা যায় না। উভয়ের মধ্যে সম্ভাব কেবল প্রার্থনীর

নয়,—পরন্তু তাহাই কেবল স্বাভাবিক। এবং স্বাভাবিক নিয়মেই সে সত্তাব ক্রমে ক্রমে দৃঢ়তর হইয়া উঠিয়াছিল। অকস্মাৎ তাহার অভাব উপস্থিত হইয়াছে। মুসলমানকে হিন্দু করিয়া লইয়া মুসলমান-কুল নির্মূল করিবার কল্পনা সংগঠন নহে, সংগঠন; হিন্দু সমাজের কোন ব্যক্তিই সেরূপ হস্তাক্ষিপ্ত প্রয়াস স্বীকার করিতে অগ্রসর হয় নাই। হিন্দুকে মুসলমান করিয়া লইয়া হিন্দু-কুল নির্মূল করিবার কল্পনাও সেইরূপ। তাহা কেবল বাচালতা নহে, বাতুলতা। সুতরাং এই শ্রেণীর চেষ্টা আন্তরিক বা আড়ম্বর-পূর্ণ হইলেও কোন পক্ষেই ইহা সফল হইতে পারে না। যাহা হয় না, বা হইতে পারে না, তাহা যখন মানব-মনে প্রভাব বিস্তার করিয়া কর্মের পথ নির্দেশ করিতে প্রবৃত্ত হয়, তখনই অনর্থ উৎপন্ন হয়। ঐ যার—ঐ গেল—ধর্মনাশ—সর্বনাশ—এইরূপ কোলাহল মুখর হইয়া উঠে।

রাজ-শক্তি দণ্ড-নীতির সংকীর্ণ গণ্ডীর মধ্যে সীমা-নিবন্ধ থাকিয়া দণ্ডনীতিকে দণ্ডদান করিয়া লোক-রক্ষা করিতে পারে। কিন্তু প্রজা-শক্তি তাহার সহিত অসহযোগ করিলে সে অসহ-যোগ রাজশক্তির অসাধু চেষ্টার ভার সাধু চেষ্টাও বিফল করিয়া দেয়। উভয় শক্তি এক উদ্দেশ্যে স্ব স্ব কর্তব্য-পালনে অগ্রসর না হইলে, একবল মুষ্টিযোগে এই শ্রেণীর ছুরারোগ্য রোগের মূল নির্মূল হইতে পারে না। আতঙ্ক-নিগ্রহ বটিকা যতই প্রত্যক্ষ ফলপ্রদ হউক না কেন, তাহা স্থানবিশেষে কিয়ৎকালের জন্য সফল হইবামাত্র তাহার প্রশংসা-পত্রে কেবল সাহিত্যই ভারাক্রান্ত হয়, জন-সমাজ স্বস্তি লাভ করিতে পারে না।

হিন্দু-মুসলমান উভয় সমাজেই আতঙ্কের লক্ষণ আত্ম-প্রকাশ করিয়াছে। মুসলমানের আতঙ্ক অপেক্ষা কোন কোন স্থানের হিন্দুর আতঙ্ক অধিক প্রাধান্য-যোগ্য। হিন্দু-সমাজ চাতুর্যের গণ্ডী-নিবন্ধ প্রাচীন সমাজ; তাহার মধ্যে সকল দেশের সকল ধর্মের সকল নর-নারীকে টানিয়া আনা সম্ভব হইতে পারে না; হইলেও, যাহাদিগকে টানিয়া আনা হইবে তাহাদের কাহাকেও বিজাতি-পদ-বাচ্য প্রথম তিন শ্রেণীতে স্থান দিবার উপায় নাই; এবং পঞ্চম শ্রেণী না থাকায়, চতুর্থ অর্থাৎ শূদ্র-শ্রেণীতে স্থান দিতে হইবে। এই শ্রেণীর কেহ কেহ সং এবং অবশিষ্ট অসং নামক দুই ভাগে বিভক্ত; কাহারও জল চল, কাহারও অচল। সকলের জল

চালাইয়া লইবার শাস্ত্র নাই; চালাইয়া লইতে পারিলেও সকলের সামাজিক মর্যাদা সমান করিয়া দিবার উপায় নাই। মুসলমান স্ব-সমাজে একরূপ কঠিন নিয়মের অধীন নয়। শিক্ষা, সদাচার এবং ঐশ্বর্য্য নিত্য নিয়ম শ্রেণীর মুসলমানকেও উচ্চ শ্রেণীর পদ-মর্যাদা প্রদান করিতে পারে। তাহা কল্প-গত দৈব-ঘটনার উপর নির্ভর করে না; পৌরুষ-গত আত্ম-শক্তির উপর নির্ভর করে। একরূপ স্তুবিধা পরিত্যাগ করিয়া হিন্দু-সমাজের অল্পগ্রহ ভিক্ষা করিয়া কোনরূপে আবার হিন্দু হইতে পারিলেও, নিম্ন শ্রেণীর হিন্দু হইতে হইবে, তৎকাল মুসলমান সহসা ধর্ম-ত্যাগে সন্মত হইতে পারে না। হিন্দুর পক্ষেও মুসলমান হইবার প্রলোভন বড় অধিক বলিয়া বোধ হয় না। এখন আর হিন্দুর পক্ষে মুসলমান হইয়া কোনরূপ সামাজিক বা সাংসারিক মর্যাদা লাভের বা স্বার্থ-সিদ্ধির সম্ভাবনা দেখিতে পাওয়া যায় না; সুতরাং হিন্দুর পক্ষেও মুসলমান হইবার জন্ত স্বাভাবিক লালসা উপস্থিত হইতে পারে না। এখন হিন্দুকে মুসলমান করিতে হইলে বা মুসলমানকে হিন্দু করিতে হইলে অধিকাংশ স্থলেই ছলে-বলে-কৌশলে তৎকার্য্য সুসম্পন্ন করিতে হইবে। অল্প সংখ্যক ব্যক্তির পক্ষে ইহা সম্ভব হইলেও, সকলের পক্ষে একরূপ প্রক্রিয়া নিত্য অসম্ভব। তথাপি, হিন্দু-সমাজে শাস্ত্র সশব্দে অজ্ঞতা ক্রমে বহুমূল হওয়ায়, মুসলমানের পক্ষে বলপূর্বক হিন্দুকে মুসলমান করিবার সম্ভাবনা স্বাভাবিক করিয়া তুলিয়াছে। যে উপায়ে হউক, হিন্দুকে একবার বাহু-বেশ-ভূবার পরিবর্তন সাধন করাইয়া মুসলমানের ধর্ম-মন্ত্র পড়াইয়া দিতে পারিলে, অথবা বলপূর্বক তাহার মুখে হিন্দুর অখণ্ড স্তুতি দিতে পারিলে, হিন্দু একদম মুসলমান হইয়া যায়, স্ব-সমাজে দাঁড়াইবার স্থান হারাইয়া মুসলমান সমাজেরই আশ্রয় গ্রহণ করিতে বাধ্য হয়। এই কারণে হিন্দুকে বলপূর্বক মুসলমান করিবার চেষ্টা কোনও কোনও মুসলমানকে উৎসাহিত করিয়া থাকে। ইহা যে হিন্দু শাস্ত্রের মর্ম্মানুমোদিত নহে, মুসলমান তাহা জানে না, হিন্দু-জনসাধারণও তাহা তুলিয়া গিয়াছে।

স্বয়ং ইচ্ছা-পূর্বক স্বধর্ম ত্যাগ করিয়া পরধর্ম গ্রহণ না করিলে, হিন্দুর ধর্ম-নাশ সংঘটিত হইতে পারে না,—ইহা হিন্দু ধর্মের একটি মূল সূত্র এবং ইহা তাহার একটি ঐশ্বর্য্য-বিজ্ঞাপক প্রধান নীতি। পাতিত্যা-জনক যে সকল কার্যের জন্ত হিন্দুর পক্ষে প্রারম্ভিকের ব্যবস্থা আছে, তাহার অধিকাংশই

এক শ্রেণীর ;—তাহা পরকৃত নহে স্বকৃত। যাহা পরকৃত তাহা অত্যাচার ; তাহার সাধারণ নাম “বলাৎকার”। তদ্বারা নির্ঘাতিত ব্যক্তি—স্ত্রী বা পুরুষ—সমবেদনার পাত্র-পাত্রী ; কিন্তু এই মূল মূল বিষয় হইয়া, আধুনিক হিন্দু-সমাজ নির্ঘাতিতের প্রতি সমবেদনার পরিবর্তে যাহা বর্ষণ করে, তাহা অবিমিশ্র অত্যাচার,—শাস্ত্রাচার নহে, শাস্ত্রাচার ;—অজ্ঞতা-প্রসূত অমার্জনীর অনাচার। এই সকল স্থলে, হিন্দু-সমাজের দ্বার রোধ না করিয়া, উন্মুক্ত-দ্বারে প্রসারিত ক্রোড়ে নির্ঘাতিতগণকে স্থান দান করিবামাত্র হিন্দুকে বলপূর্বক মুসলমান করিবার জন্ত মুসলমানের আগ্রহ মন্দীভূত হইয়া কালক্রমে বিলুপ্ত হইয়া যাইবে। এই পথে হিন্দু-সমাজের ‘সংগঠন’ কার্য পরিচালিত করিলে, তাহা ‘সং-গঠন’ হইবে না।

হিন্দু-সমাজের অনেক প্রচলিত বিধি-ব্যবস্থায় হিন্দু-রমণীর পক্ষে স্বধর্ম-ত্যাগের প্রলোভন উপস্থিত হইতে পারে। তাহাকে কেহ বলপূর্বক নির্ঘাতিত করিলে স্ব-সমাজে তাহার আর দাঁড়াইবার স্থান থাকে না। হিন্দুর শাস্ত্র তাহার পক্ষে এ সকল স্থলে কোনরূপ কঠোর ব্যবস্থা আদৌ বিধিবদ্ধ করে নাই। এতৎসংক্রান্ত দেশাচার বা লোকাচার আবহমানকাল-প্রচলিত দেশাচার বা লোকাচার বলিয়া মর্যাদা লাভ করিতে পারে না। তাহা অজ্ঞতা-প্রসূত আধুনিক অনাচার। হিন্দুসমাজে নারীর মর্যাদা যে ভাবে দৃঢ়-প্রতিষ্ঠিত হইয়া রহিয়াছে, তাহাতে হিন্দু রমণীর পক্ষে পরকৃত “বলাৎকারে” স্বধর্মচ্যুত হইবার সম্ভাবনা নাই ; কেবল স্বকৃত পাপই ধর্মনাশের ও সমাজচ্যুতির একমাত্র কারণ। যেখানে তাহা সংঘটিত হয়, সেখানে “বর্জন” এবং যেখানে তাহার সম্পর্ক নাই সেখানে “গ্রহণ” কেবল প্রার্থনীয় নহে, তাহাই শাস্ত্রানুমোদিত প্রকৃত ব্যবস্থা।

বল পূর্বক হিন্দুর জাতি-ধর্ম নষ্ট করা কাহারও পক্ষে সম্ভব হইতে পারে না। হিন্দুধর্মে সমাজ রক্ষার যে সকল বিধি-ব্যবস্থা নিবদ্ধ আছে তাহা যুক্তি-যুক্ত উদার মতের উপর প্রতিষ্ঠিত। তাহাতে পাপের তারতম্য অনুসারে প্রায়শ্চিত্তের ব্যবস্থা আছে, কেবল বিশেষ বিশেষ স্থলেই বর্জনের বা ত্যাগের ব্যবস্থা আছে। কিন্তু কোন স্থলেই বহিস্করণের ব্যবস্থা নাই। যে সকল স্থলে বর্জনের বা

ত্যাগের ব্যবস্থা আছে, সে সকল স্থলে ‘বর্জন’ বা ‘ত্যাগ’ শব্দ পারিভাষিক অর্থে ব্যবহৃত হইয়াছে ; তাহা ধর্মনাশ বা জাতি-নাশ সূচিত করে না ; অপরাধীর স্ব-সমাজে অচল হইবার কথাই সূচিত করিয়া থাকে। যেখানে অল্পে বলপূর্বক হিন্দুর জাতিনাশের বা ধর্মনাশের চেষ্টা করে, সেখানে নির্ঘাতিতের অপরাধ হয় না, এবং তাহার বহিস্করণের কারণ উপস্থিত হইতে পারে না। ইহাই যে হিন্দু সমাজ-ব্যবস্থার একটি উল্লেখযোগ্য মূল মূল, তাহা বুঝাইবার জন্ত নিবন্ধকারগণ নানা স্থানে নানা ভাবে মন্তব্য প্রকাশ করিয়া গিয়াছেন। প্রায়শ্চিত্তে সকল পাপেরই শুদ্ধি সাধিত হয় ; ইহা আর একটি মূল মূল। কোন কোন অবস্থায় মহাপাতকে পরিত্যাগের ব্যবস্থা আছে ; ইহাও আর একটি মূল মূল। এই দুইটি মূল মূল পরস্পর বিরোধী বলিয়া প্রতিভাত হইলেও, ইহাদের মধ্যে সামঞ্জস্য সংস্থাপন কামনার নিবন্ধকারগণ লিখিয়া গিয়াছেন— মহাপাতকে যে পরিত্যাগের ব্যবস্থা দেখিতে পাওয়া যায় তাহা প্রায়শ্চিত্তের অক্ষমতা সূচিত করে না ; তাহা কেবল অপরাধীর ব্যবহার্যতার নিষেধ মাত্রই সূচিত করিয়া থাকে। যথা,—

“মহাপাতকেষু পরিত্যাগ এব।

ইদম্ভ কৃতে প্রায়শ্চিত্তে ব্যবহার্যতা নিষেধ পরং ॥”

সুতরাং যে স্থলে পরিত্যাগের ব্যবস্থা আছে সেখানেও বহিস্করণের ব্যবস্থা নাই, ধর্মহানির ব্যবস্থা নাই,—আছে কেবল সামাজিক ব্যবহার্যতার নিষেধ। কিন্তু ইহাও কেবল নিজকৃত পাপের সম্বন্ধে প্রযোজ্য ; অন্তকৃত “বলাৎকারে” এই ব্যবস্থা প্রযোজ্য হইতে পারে না।

পাপের নাম “প্রায়ঃ” ; তাহার বিশোধনের নাম “চিত্তং” ; এইরূপে “প্রায়শ্চিত্ত” শব্দের ব্যুৎপত্তি নির্দেশে শাস্ত্রকারগণ পাপের বিস্তৃতি ক্রিয়াকে “প্রায়শ্চিত্ত” নামে অভিহিত করিয়া গিয়াছেন। যথা,—

“প্রায়ঃ পাপং সমুদ্ভিষ্টং চিত্তং তস্ত বিশোধনঃ।”

পাপ কি, তাহা স্পষ্টাকরে উল্লিখিত রহিয়াছে। তাহার বিশোধক প্রায়শ্চিত্ত কোন্ কোন্ স্থলে প্রযোজ্য তাহাও স্পষ্টাকরে উল্লিখিত রহিয়াছে। মহর্ষি অদিয়ার মতে অনিচ্ছাকৃত পাপ প্রায়শ্চিত্তে শুদ্ধিলাভ করে। ইচ্ছা-পূর্বক পাপাচরণ করিলে তাহার প্রায়শ্চিত্ত নাই, এই মত

কঠোরতম শাস্ত্র-শাসন বিজ্ঞাপিত করিতেছে। কিন্তু ইহা সর্ববাদিসম্মত বলিয়া কথিত হইতে পারে না। মনুর মতে বিহিত কৰ্ম না করিলে, নিষিদ্ধ কৰ্ম করিলে, এবং ইন্দ্রিয়ার্থে ঋণিত-পদ হইলে, মনুষ্য প্রায়শ্চিত্তের অধীন হয়। যথা,—

“অকুর্কন্ব বিহিতং কৰ্ম নিষিদ্ধস্ত সমাচরণ্ ।

প্রসজং শ্চেন্দ্রিয়ার্থেষু প্রায়শ্চিত্তীয়তে নরঃ ॥”

এখানে ইচ্ছাপূৰ্কক বা অনিচ্ছাপূৰ্কক একরূপ কোনও বিভাগ কল্পিত হয় নাই; সুতরাং ইচ্ছাপূৰ্কক হউক, অনিচ্ছাপূৰ্কক হউক, বচনোক্ত পাপ-কৰ্ম করিলে, প্রায়শ্চিত্ত তাহার শুদ্ধি-সাধন করিতে পারে। যেখানে অনিচ্ছাকৃত পাপ সেখানে দণ্ডের পরিমাণ লঘু। এইমাত্র পার্থক্য। সুতরাং ইচ্ছা ও অনিচ্ছা বিচার করিয়া অনিচ্ছাকৃত পাপের প্রায়শ্চিত্তে লঘু দণ্ডের ব্যবস্থা করিয়া, শাস্ত্র তদ্বিধ পাপাচারীর সহিত স্পষ্টাক্ষরে সহানুভূতি প্রকাশ করিয়াছেন। স্বকৃত কৰ্ম ভিন্ন অন্তকৃত কৰ্মে, স্থলবিশেষে, প্রায়শ্চিত্তের প্রয়োজন ঘটিলেও, তাহা সমধিক সহানুভূতি-সূচক।

হিন্দু সমাজে নারীর মর্যাদা সুরক্ষিত করিবার জন্ত যার-পর-নাই সহানুভূতি-মূলক বিধি-ব্যবস্থা নিবদ্ধ আছে। ইচ্ছাপূৰ্কক হউক বা প্রমাদ রশতঃ হউক, অনিচ্ছাপূৰ্কক হউক বা বলপ্রয়োগে হউক, অথবা নিতান্ত স্বভাবদোষে হউক, স্ত্রীলোকের পক্ষে কোন স্থলেই ত্যাগের বা বর্জনের ব্যবস্থা নাই। সকলেরই কৃত-পাপের নিষ্কৃতির উপায় আছে। স্ত্রীজাতির উপায় আরও বিশেষভাবে বিহিত হইয়াছে। স্ত্রীজাতি স্বভাবতঃ অতুলনীয় পবিত্রতার আধার; তাহা কখনও নষ্ট হইতে পারে না। তাহাদের প্রতিমাদের আৰ্ত্তব সকল দুষ্কৃতি দূর করিয়া থাকে। যথা,—

“স্ত্রীঃ পবিত্রমতুলং নৈতা দুষ্কৃতি কহিচিৎ ।

মাসি মাসি রজস্তাৰাং দুষ্কৃতান্তপকৰ্ষতি ॥”

কেহ বলপূৰ্কক কোন রমণীকে উপভোগ করিলে, কোন রমণী চৌরহস্তগতা হইলে, কেহ স্বয়ং বিপথ-গামিনী হইলে, অথবা অস্তকর্ষক বিজ্ঞাস্তা হইলে, অত্যন্ত দূষিতা হইলেও পরিত্যাগের যোগ্য হয় না। যথা,—

“বলাৎকারোপভুক্তা বা চৌরহস্তগতাপি বা ।

স্বয়ং বিপ্রতিপন্ন বা অথবা বিপ্রমাদিতা ॥

অত্যন্ত দূষিতাপি স্ত্রী ন পরিত্যাগমর্হতি ।

সর্কেবাং নিষ্কৃতিঃ প্রোক্তা নারীণাঞ্চ বিশেষতঃ ॥”

“শুদ্ধি-চিন্তা-মণি”-যুত এই বচনে ব্যভিচার-পরায়ণা স্ত্রীর পক্ষেও পরিত্যাগের ব্যবস্থা প্রদত্ত হয় নাই। যাজ্ঞবল্ক্য সাধারণতঃ ইহা স্বীকার করিয়াও কয়েকটি স্থলে ত্যাগের ব্যবস্থা দিয়াছিলেন। তাহার মতেও ব্যভিচারে ত্যাগের ব্যবস্থা নাই; কারণ ব্যভিচারের পর ঋতু হইলেই শুদ্ধি সম্পাদিত হইয়া যায়। তিনি কেবল, গর্ভ হটলে, গর্ভপাত করিলে, ভর্তৃবধ করিলে এবং মহাপাতকে লিপ্ত হইলে, স্ত্রীলোকের পক্ষে ত্যাগের ব্যবস্থা করিয়া দিয়াছেন। যথা,—

“ব্যভিচারাদৃতৌ শুদ্ধির্গর্ভে ত্যাগো বিধীয়তে ।

গর্ভ ভর্তৃবধে তাসাং তথা মহতি পাতকে ॥”

যমের বচনে দেখিতে পাওয়া যায়,—স্ত্রীলোকের পক্ষে পাতকের সংখ্যা এত অধিক নহে। তাহা কেবল তিনটি পাতকে সীমাবদ্ধ : (১) ভর্তৃবধ, (২) ব্রহ্মহত্যা, (৩) আশ্ব-গর্ভপাত। এই তিনটি ভিন্ন অন্য পাতক উল্লিখিত হয় নাই।—প্রসঙ্গ-ক্রমে উল্লিখিত হইয়াছে যে,—অগ্নি নানা দ্রব্য দহন করে, কদাপি দ্রব্যদোষে অপবিত্র হয় না; মূত্র-পুরীষ-সংযোগে জল অপবিত্র হয় না; বেদোক্ত কৰ্ম সম্পাদনের জন্ত হিংসাদি ব্যাপারে লিপ্ত হইয়া দ্বিজ অপবিত্র হয় না। স্ত্রীও সেইরূপ জ্বরের সংসর্গে অপবিত্র হয় না। যথা,—

স্ত্রী ন দুষ্কৃতি জ্বরেণ নাগ্নিদহন-কৰ্মণা ।

নাপো মূত্র-পুরীষাভ্যাং ন দ্বিজো বেদকৰ্মণা ॥”

‘জীর্ঘ্যতি স্ত্রীয়াঃ সতীত্বমনেন’ এইরূপ ব্যুৎপত্তিক্রমে স্ত্রী-সতীত্ব বিনাশকারী ব্যক্তি “জার” নামে কথিত। উক্ত বচনে জানিতে পারা যায় পরপুরুষ-ধর্ষিতা রমণী জ্বরের কার্যের জন্ত অপরাধিনী হয় না, সুতরাং মুসলমান-ধর্ষিতা হিন্দু রমণীকে হিন্দুসমাজে স্থান দিতে অস্বীকার করিয়া আধুনিক হিন্দুজন-সাধারণই নির্যাতিতার প্রতি অবিচার এবং নির্যাতনের প্রশ্রয় প্রদান করিতেছে।

আর একটি বচনে ইহা অপেক্ষাও অধিক দূর অগ্রসর হইয়া, যম বলিয়া গিয়াছেন—নারী যদি স্বচ্ছন্দচারিণীও হয়, তথাপি পরিত্যক্তা নহে; তাহার বধ-দণ্ড বা অঙ্গ-কর্ষণও হইতে পারে না। যথা,—



“অচ্ছন্নগাপি বা নারী তন্তুস্ত্যাগো বিধিরতে ।

ন চৈব ত্রিবিধং কুৰ্য্যান্চৈবাদ-বিকর্তনং ॥”

মহর্ষি বশিষ্ঠ ইচ্ছাপূর্বক পাপাচরণ-শালিনী স্ত্রীর পক্ষে চতুর্বিধ অপরাধে পরিত্যাগের ব্যবস্থা দিয়া গিয়াছেন। যে স্ত্রী শিষ্যাগা, যে গুরুগা, যে পতিস্নী এবং যে নিন্দিত-সংসর্গ নিরতা সে পরিত্যাগ যোগ্য। যথা,—

“চতস্রস্ত পরিত্যক্তাঃ শিষ্যাগা, গুরুগা চ যা ।

পতিস্নী চ বিশেষেণ জুড়ি তোত্যগতা চ যা ॥”

এই সকল বিধি-ব্যবস্থায় দেখিতে পাওয়া যায়,—অনিচ্ছাকৃত পর-প্রযুক্ত নির্ঘাতনে নারী আদৌ অপরাধিনী হয় না; এবং সেরূপ স্থলে তাহাকে পরিত্যাগ করিবারও শাস্ত্র-সঙ্গত কারণ উপস্থিত হয় না। যথাযোগ্য বিশোধন-ক্রিয়া তাহার শুদ্ধি সম্পাদন করে। হিন্দু-ধর্ম্মানুসারে সমাজ-শৃঙ্খলা-রক্ষার এই সকল উদার ব্যবস্থা বিস্তৃত হইয়া আধুনিক হিন্দু জন-সাধারণ নির্ঘাতিতা ভগিনী-দিগের প্রতি সহানুভূতিপরাগণ না হইয়া, তাহাদিগকে পরিত্যাগ করিতে গিয়া, তাহাদিগকে হিন্দু-সমাজ হইতে বহিস্কৃত করিয়া দিয়া, তাহাদিগের প্রতি অমার্জনীয় অপরাধ করিয়া আসিতেছে; এবং তজ্জন্মই এক শ্রেণীর মুসলমান মনে করিতেছে,—বলপূর্বক হিন্দু রমণীকে উপভোগ করিতে পারিলেই তাহাকে বাধ্য হইয়া মুসলমান সমাজের আশ্রয় গ্রহণ করিতে হইবে। হিন্দু জন-সাধারণের এই অজ্ঞতা দূর হইলে, দুর্ভাগ্যের একরূপ কার্য্যে অগ্রসর হইবার উত্তেজনা মন্দীভূত হইয়া যাইবে।

নির্ঘাতিতের পক্ষে দুঃখ ভোগ অনিবার্য্য। অনেক সময়ে রাজদ্বারে প্রতিকার লাভ অসুবিধা-জনক অথবা একেবারে অসম্ভব। কিন্তু তাহার পক্ষে স্বসমাজের সহানুভূতি-লাভে অসুবিধা বা বাধা ঘটিলে তাহার দুঃখের অবধি থাকে না। নির্ঘাতন হিন্দু নর-নারীর ধর্ম্মনাশ সাধন করিতে পারে না। হিন্দু-ধর্ম্ম এই অক্ষয়-কবচে হিন্দু-সমাজকে সুরক্ষিত করিয়া রাখিয়াছে; অতথা, বহু-বিপ্রব-বিপর্য্যস্ত হিন্দু-সমাজের অস্তিত্ব মাত্র বর্ত্তমান থাকিত না। যাহার প্রভাবে হিন্দু-সমাজ অচল-অটল হিমাচলের স্তায় আত্ম-মর্য্যাদার চির-প্রতিষ্ঠিত, তাহাকে উপেক্ষা করিয়া নির্ঘাতিতের বহিস্করণে আধুনিক হিন্দু সমাজ আত্ম-দ্রোহে লিপ্ত হইয়া পড়িয়াছে। সর্বাঙ্গে ইহার সংশোধন আবশ্যিক।

সে সকল স্থানে মুসলমানের তুলনায় হিন্দুর সংখ্যা অত্যন্ত অধিক, তথায় নির্ঘাতনের আশঙ্কা অপেক্ষাকৃত অল্প। কিন্তু যেখানে মুসলমানের তুলনায় হিন্দুর সংখ্যা নিতান্ত নগণ্য, তথায় তথাবিধ দুর্দশাপন্ন নগণ্য হিন্দুগণের আতঙ্ক নিতান্ত স্বাভাবিক। অনেক স্থানের অনেক সত্য ঘটনা সেই আতঙ্ককে উত্তরোত্তর প্রবল করিয়া তুলিয়াছে। ভঙ্গপ্রবণ মৃৎভাণ্ড সামান্য আঘাতে খণ্ড-বিখণ্ড হইয়া ব্যবহারের অযোগ্য হইয়া পড়ে, কিন্তু হিন্দু-সমাজের অবস্থা প্রকৃত প্রস্তাবে সেরূপ ভঙ্গপ্রবণ নহে; কেবল আধুনিক ভ্রান্ত বিশ্বাস তাহাকে ভঙ্গপ্রবণ বলিয়া নিন্দাই করিয়া তুলিয়াছে। ইহা শাস্ত্র নহে, লোকাচার,—সে লোকাচারও শাস্ত্রানুসারে লোকাচার নহে, আধুনিক চিন্তা-দুর্ভলতা-প্রসূত অপরিণামদর্শী লোক-ব্যবহার।

কোনও রূপ নির্ঘাতনই যে হিন্দু নরনারীর পাতিত্য সাধন করিতে পারে না, তাহা সহজেই প্রতিভাত হয়। কারণ স্বয়ং-কৃত কর্ম্ম ভিন্ন কোনও রূপ পরকৃত কর্ম্ম তাহার পক্ষে পাতিত্য-সাধক হইতে পারে না। স্বয়ং-কৃত কর্ম্ম, ইচ্ছাকৃত কর্ম্ম এবং অনিচ্ছাকৃত কর্ম্ম, এই দুইটি প্রধান ভাগে বিভক্ত। উভয়ের জন্মই প্রায়শ্চিত্তে শুদ্ধি-সাধনের ব্যবস্থা আছে। কারণ উভয় স্থলেই অপরাধীর কর্তৃত্বের সম্পর্ক বিদ্যমান। যেখানে তাহা নাই, সেই পরকৃত কর্ম্ম যতই উৎপীড়নজনক হউক না কেন, তাহা উৎপীড়িতের পক্ষে পাতিত্য-জনক হইতে পারে না। ইহা সম্যক্ প্রণিধান না করিয়া আধুনিক হিন্দু জন-সাধারণ শাস্ত্রানভিজ্ঞতা বশতঃ নির্ঘাতিতা রমণীকে এবং নির্ঘাতিত পুরুষকে সমাজ বহিস্কৃত করিয়া দিয়া নির্ঘাতনকারিগণের হুকুম-সাধনে প্রশ্রয় প্রদান করিতেছে।

কেন এমন হইল তাহা ঐতিহাসিক কথা। তাহার সহিত হিন্দুর স্বাধীনতা-লোপের সম্পর্ক আছে। স্বাধীনতার দিনে কামতঃ এবং অকামতঃ কৃতকর্ম্মের শ্রেণী ভাগ ছিল। পরাধীনতার যুগে তাহা জ্ঞানতঃ এবং অজ্ঞানতঃ বলিয়া কথিত হইতে আরম্ভ করে। ইচ্ছা না থাকিলেও বিধর্ম্মী প্রবল পুরুষের অপ্রতিবিধেয় পীড়ন ভয়ে লোকে যখন স্বধর্ম্ম ত্যাগ করিতে বাধ্য হইত, তখন তাহা অনিচ্ছাকৃত হইলেও অজ্ঞানকৃত হইত না। এই শ্রেণীর কার্য্যকেও প্রায়শ্চিত্তে বিশোধিত করিয়া লইবার ব্যবস্থা প্রচলিত হইয়াছিল।

ইচ্ছাকৃত অপেক্ষা অনিচ্ছাকৃত পাপ এইরূপে জ্ঞানকৃত হইলেও লক্ষ্য দণ্ডে নিষ্কৃতি লাভ করে। ইচ্ছাকৃত, তথা জ্ঞানকৃত, পাপের দণ্ড অপেক্ষাকৃত গুরু হইলেও তাহা বিশোধনের অতীত হইয়া যায় না। কেহ যদি এই ভাবে স্বধর্ম ত্যাগ করিতে প্রবৃত্ত হয়, তাহার মতিভ্রম দূর করিবার জন্য চেষ্টা করা যাইতে পারে। বলপূর্বক বাধা প্রদান করা যায় না। স্বধর্ম ত্যাগ করিয়া চলিয়া গেলেও আবার ফিরিয়া আসিতে চাহিলে হিন্দুধর্মের সহানুভূতিপূর্ণ উদারতার ক্রোড়ে আশ্রয় লাভ করিতে পারে। শুদ্ধি-ক্রিয়া তাহা সাধিত করিতে অগ্রসর হইলে কোনও অহিন্দু তাহাতে প্রতিবাদ করিতে পারে না। মুসলমানের পক্ষে হিন্দুর শুদ্ধি-ক্রিয়ার বাধা প্রদানের বা আপত্তি প্রকাশের ত্রাস-সঙ্গত অধিকার দেখিতে পাওয়া যায় না। মুসলমান ধৃষ্ট-ধর্ম গ্রহণ করিয়া আবার তাহা পরিত্যাগ করিয়া মুসলমান হইয়া মুসলমান সমাজে প্রবেশ ও আশ্রয় লাভ করিতে চাহিলে ধৃষ্টান তাহাতে বাধা প্রদান বা আপত্তি প্রকাশ করিতে

পারে না। হিন্দু একবার পরধর্ম গ্রহণ করিয়া আবার হিন্দু হইয়া হিন্দু-সমাজে প্রবেশ ও আশ্রয় লাভ করিতে চাহিলে, পরধর্মিগণও তাহাতে বাধা প্রদান বা আপত্তি প্রকাশ করিতে পারে না। এ সকল বিষয়ে যে সমাজে পুনঃ প্রবেশের ইচ্ছা সেই সমাজের লোকমতের এবং শাস্ত্র ব্যবহার একমাত্র প্রাধান্য।


অবস্থানুসারে ব্যবস্থা সমাজ-শৃঙ্খলা রক্ষা করিয়া থাকে। শাস্ত্র তাহারই পক্ষ সমর্থন করে। এ বিষয়ে হিন্দু-শাস্ত্র ত্যাগ পরায়ণতা অপেক্ষা গ্রহণ-পরায়ণতার পক্ষপাতী। এই শাস্ত্র-মর্ম বিশেষভাবে আলোচনা করিবার এক কার্যক্ষেত্রে অনুসরণ করিবার সময় এবং প্রয়োজন উপস্থিত হইয়াছে। যাহার রোগ তাহাকেই চিকিৎসা করিতে হইবে। কেবল রাজপুরুষদিগের মুখের দিকে অথবা মুসলমান নেতৃপুরুষদিগের সুবিবেচনার উপর দৃষ্টি নিবদ্ধ রাখিয়া নিশ্চেষ্ট হইয়া বসিয়া থাকিলে চলিবে না।

## নিশুতি রাতের একতারা

শ্রীহরিধন মিত্র

নিশুতি রাতে,            নীরবতার  
 যখন জগৎ ঘুমিয়ে পড়ে,  
 তৃপ্তি ছায়া            খেলতে থাকে  
 আকাশ বাতাস ধরার পরে ;  
 একটা যেন অফুট সুর,  
 কোথায় উঠে—অনেক দূর ;  
 তার-ই যেন            একটু ধানি  
 আমার বুকে আঘাত করে !

কি সে সুর            কে সে বাজায়,  
 হাত কি তার নয়কো পাকা ;  
 অসাড় অবশ            নিধর সে সুর—  
 সেও যেন রে ঘুমে মাখা !  
 সে সুরটা কি—নীরবতা,  
 নীরবতাই তার কি কথা ;  
 বেজে ওর-ই            একতারাতে  
 সে কি আমার প্রাণে ঝরে ?



## পথের শেষে

শ্রীপ্রভাবতী দেবী সরস্বতী

( ৫ )

অত বড় দীর্ঘ পত্রখানা লিখিয়া সত্য যে উত্তরখানা পাইল তাহাতে ছিল মাত্র গোটাকতক সংবাদ—অত্যন্ত সহজ এবং সরল,—কল্পনা তাহার মধ্যে মূর্ত হইয়া উঠিতে পারে নাই, ভাবের স্বাক্ষর তাহার মধ্যে নাই। তবু সেই পত্রখানা বুকের উপর রাখিয়া সত্য স্তব্ধ হইয়া বসিয়া রহিল।

সামনের বাড়ীর জামালাটা খোলা। গৃহমধ্যে একটা তরুণী একখানা চেয়ারে বসিয়া টেবলের উপর ঝুঁকিয়া পড়িয়া লেখাপড়া করিতেছিল। সত্য ভাবিতেছিল, কবে সে তাহার স্ত্রীকে এইরূপ ভাবে লেখাপড়া করিবার সুযোগ দিতে পারিবে,—সে দিন আর কতদূরে? সে হাত ছ'খানি কি শুধু গৃহকর্ম করিবার জন্তই সৃষ্টি হইয়াছে? সে যদি লেখাপড়া বেশী রকম শিখিত, তাহার অনিন্দ্যমুন্দর রূপের সহিত সেই লেখাপড়া মিশিয়া তাহাকে আরও রমণীয়, আরও কমনীয় করিয়া তুলিত। হায়, ভগবান তাহাকে পলাশের মত বাহ্যিক রূপই দিয়াছেন, আর কিছুই দেন নাই।

সন্ধ্যাবেলায় সামনের বাড়ীটার প্রত্যেক দিনকার মতই অর্গান বাজিয়া উঠিল,—একটা বড় কোমল—বড় মিষ্ট নারী-কণ্ঠ সেই সুরের সহিত মিশিয়া গেল। সত্যর মনে আজ নূতন চিন্তা জাগিয়া উঠিল—কোন দিন কি দেবী এইরূপে তাহার সম্মুখে বসিয়া গান গাহিতে পারিবে—

তুমি সন্ধ্যার মেঘ শাস্ত সুর

আমার নিভৃত সাধনা।

হায় রে, ইহার সম্ভবপরতা মনে করিতে বড় ছঃখেই হাসি পায়! দেবী আবার লেখাপড়া শিখিবে, সে আবার অর্গান বাজাইয়া গান গাহিবে! সে জানে শুধু সংসারের কাজ করিতে, নিঃশব্দে সেবা করিয়া যাইতে। দিনের বেলায় স্বামীকে কখনও সে মুখ দেখাইতে পারে নাই—এত ভয়, এত লজ্জা তাহার,—সে না কি সত্যর মনের মত হইবে?

কিন্তু এই যে তাহার কল্পনা। বিহ্বলী স্নানরী নগিনীর প্রতি সে গভীর ভাবে আকৃষ্ট হইয়া পড়িয়াছিল; কারণ, সে ঠিক তাহার কল্পনার দেবীই ছিল। সত্য তো রূপ চায় নাই। সে জানিত রূপ ক্ষণস্থায়ী, কিন্তু গুণ চিরকালস্থায়ী। তাহার দেবীর গুণ—সে ভাল রূপে জানে, কাজকর্ম করিতে জানে। এ আদর্শ পাচিকার, আদর্শ দাসীর,—আদর্শ স্ত্রী নেই ইহার মধ্যে।

একটা দীর্ঘনিঃশ্বাস সত্যর সমস্ত বুকটা কাঁপাইয়া দিয়া গেল। হায় রে, এ জগতে যে যেমনটা চায়, সে তেমনটা পায় না কেন? সত্য যা চায় 'নাই, তাহাই পাইয়াছে—যাহা চাহিয়াছিল, তাহা পায় নাই।

ঝাঁ করিয়া একটা কথা মনে পড়িয়া গেল,—দেবী তাহার পড়ার জন্ত তাহার গায়ের সব গহনা দিয়াছে। এই কথাটা

মনে হইতেই মনটা যেন একটু মুসড়িয়া পড়িল,—হঠাৎ কোন বিরুদ্ধ বৃত্তি সে আনিতে পারিল না।

একটা কথা আছে—মন যখন কোনও ক্রটি খুঁজিয়া বেড়ায়, কোনও ছল চাহিয়া ফেরে, তখন তাহা পাইতে বেশী দেরী হয় না। সত্যও অবিলম্বে আবিষ্কার করিয়া ফেলিল এ দেবীর কর্তব্য কাজই বটে। যে স্ত্রী এমন কাজ করে না সেই আশ্চর্য্যের কথা বটে; যে করে তাহার মধ্যে আশ্চর্য্য কিছুই নাই। হঠাৎ এই সত্যটাকে আবিষ্কার করিয়া ফেলিয়া সত্য যেন হাঁফ ছাড়িয়া বাঁচিল।

“বলি—কি হে সত্য, ডেকে ডেকে যে আজ সাড়াই পাওয়া যাচ্ছে না, ব্যাপারখানা কি হয়েছে আজ,—কোথা হতে এমন সুন্দর এনভেলাপখানি এলো?”

চমকিয়া উঠিয়া সত্য দেখিল—দরজার উপর দাঁড়াইয়া রহিয়াছে প্রকাশ। সে নিবিষ্ট চিত্তে একটা বিঁড়ি ধরাইয়া সজোরে টান দিতেছে,—তাহারি ফাঁকে তাহার অধরে বিক্রপের হাসি ভাসিয়া উঠিয়াছে।

সত্য তাড়াতাড়ি পত্রখানি পকেটে ফেলিয়া বলিল, “ব্যাপার কিছুই না, একটা ভাবনায় পড়েছিলুম।”

প্রকাশ বলিল, “ভাবনাটা কি জিজ্ঞাসা করতে পারি বোধ হয়?”

সত্য একটু হাসিয়া বলিল, “তোমার কাছে কি আমার কোনও কথা গোপন আছে বন্ধু, আমার সব কথাই তো তুমি জানো।”

প্রকাশ তাহার সম্মুখে বসিয়া পড়িল, বলিল, “কেমন ঠাণ্ডা পড়েছে দেখেছ? রাত্রে বেশ শীত বোধ হয়, না?”

একটা কথা চলিতে চলিতে আর একটা কথা আসিয়া পড়ায় সত্য একটু আশ্চর্য্য হইয়া গেল। খানিকটা হাঁ করিয়া প্রকাশের পানে তাকাইয়া থাকিয়া উত্তর দিল, “হ্যাঁ, তা বোধ হয় বটে।”

প্রকাশ বলিল, “এ দেশে এই সামান্ত শীতের জালায় আমরা অস্থির হয়ে পড়ি,—আর বিলেতে কি শীত সেটা একবার ভেবে দেখ। আমি শীতকে ভারি ভয় করি, তাই ভাবি, সে দেশে মানুষগুলো থাকে কি করে? তাও না হয় হ'তে পারে,—তারা সেখানে জন্মেছে কাজেই সেখানকার শীত তাদের সহ্য হয়ে গেছে। কিন্তু যারা আমাদের দেশ হতে পড়বার উপলক্ষে বিলেতে যান, তারা টিকে থাকে

কি করে? আমি হলে কখনই বাইনে, কখনও যাবও না।”

সত্য একটু হাসিয়া বলিল, “কেউ তোমার যাওয়ার জন্তে খোসামোদও করবে না—এ দেখে নিয়ো।”

প্রকাশ সগর্বে বলিল, “আমি গেলে তবে তো বলবে। সেই শীতের দেশে জমাট বেঁধে থাকতে আমি কখনই যাব না, লাখ টাকা দিলেও না। এখানকার এই শীতে—তাই আমি কোথায় যাব ভেবে ঠিক পাইনে—উঃ—”

কোথায় বিলেত আর কোথায় কলিকাতা! আর পূজার ঠিক পরেই শীতও যে কত পড়িয়াছে, তাহা সহজেই অকুম্ভের, সুতরাং সত্য চুপ করিয়া গেল। এই মিথ্যা একটা কথা লইয়া অনর্থক তর্ক করিতে তাহার প্রবৃত্তি হইতেছিল না। মনটা যদি স্বাভাবিক অবস্থায় থাকিত, সে অল্প দিনের মত তর্ক করিতে অগ্রসর হইয়া পড়িত। আজ তাহার মনটা ভারি খারাপ ছিল,—চুপচাপ কাটাইতে পারিলে সে আর কথা চায় না।

প্রকাশ তাহার সাড়া না পাইয়া খানিক চুপ করিয়া রহিল। ততক্ষণে আর একটা বিঁড়ি সে নিঃশেষ করিয়া ফেলিয়া, হাত ছ'খানা ক্রমাগত মুছিয়া বলিল, “কই দাও দেখি পত্রখানা—একটু পড়ে দেখা যুক। এতক্ষণ ধূমপানে বাতিবাস্ত ছিলুম,—সময়টা এমন পত্রখানা হাতে নেওয়ার উপযুক্ত ছিল না, যেহেতু আমার বন্ধুপত্নী হলেও বন্ধুর প্রিয়া—কাজেই বন্ধু তার প্রিয়ার পত্র নোংরা হাতে কখনই দিত না। সেই জন্তে—ওই সময়টা কাটানোর জন্তে অগত্যা শীত গ্রীষ্মের অবতারণা করতে হয়েছিল। এবার দাও দেখি,—নিশ্চিন্ত হয়ে একটু পড়া যাক।”

সত্য যেন আকাশ হইতে পড়িল, বলিল, “চিঠি কি রকম?”

প্রকাশ তাহাকে একটা মিঠা গোছের ধাক্কা দিয়া বলিল, “আর নেকামোর দরকার নেই। আজ কলেজে যাওয়ার সময় সেই পত্রখানা যে তোমার হস্তগত হয়েছে সে প্রমাণ আমি বেশ দিতে পারি। তার পর আমার চোখ ছটোকে তো অবিখ্যাসী বলা চলবে না; কারণ এ বেচারী তোমার হাতেই পত্রখানা দেখেছে, আবার চটপট করে লুকোতেও দেখেছে। পত্রখানা লুকিয়ে রেখে দিয়েই বা কি ফল হবে? এমন নয় যে তোমার প্রিয়ার পত্র তুমি

আমার কখনও দেখাওনি, বা আমার পত্র আমি তোমার কখনও দেখাইনি। অতএব—কি রকম কথাটা ছেড়ে দিয়ে সোজাশুজি সেখানা আমার হাতে দিয়ে ফেল, আমি একবার দেখে নিই। এ আমি ঠিক জানি, আমার পত্রে যাও বা ছুটো চারটে বেকাস কথা থাকে, তোমার পত্রে তাও নেই। একেবারে খোলা পত্র যারে বলে, তোমার পত্র ভাই-ই। এ রকম পত্রকে—‘প্রিয়তার চিঠি’ নামে অভিহিত করা যায় না; কারণ, না আছে উচ্ছ্বাস, না আছে ভাবের ঝঙ্কার,—কিছু নেই। আছে শুধু সেই মামুলী ধারার ‘তুমি কেমন আছ’, ‘আমি ভাল আছি’—এই কথা ছুটো। ওতে কেবলমাত্র তার স্মৃতিটা তোমার মনে জাগিয়ে তুলে অতীতকে ভেবে তুমি উচ্ছ্বাসিত হয়ে উঠতে পার,—পত্র পেরেছ বলে নয়।”

একটা চাপা নিঃশ্বাস ফেলিয়া সত্য বলিল, “তোমার কথা যথার্থ। পত্রের মধ্যে এমন কিছুই নূতন গোছের থাকে না, যাতে প্রাণটাকে মাতিয়ে তুলতে পারে। প্রাণ মেতে উঠে অতীতের স্মৃতিতেই বটে। এই নাও পত্র, পড়ে দেখ।”

প্রকাশ পত্রখানা হাতে লইয়া, আড়ে আড়ে তাহার মুখখানার পানে তাকাইয়া বলিল, “মুখখানা একেবারেই বিবর্ণ হয়ে উঠল। মনে এতদূর চঃখ করো না ভাই—তোমার মত অদৃষ্ট অনেকেরই আছে, তোমার শুধু একার নয়। এই পত্র? এই ছুটো নিতান্ত আবশ্যকীয় চিরস্তন কথা দেখাতে তোমার এত আপত্তি ছিল? হুঃ, আমি হলে এমন পত্র দেয়ালের গায়ে আঠা দিয়ে বসিয়ে রাখতুম,—আর যারা পত্র দেখার জন্তে বিরক্ত করে মারে, তারা ঘরে ঢুকতেই আগে তাদের চোখে পড়ে যেত।”

সত্য বিব্রত হইয়া শুধু বলিল, “তা তুমি পারো।”

প্রকাশ পত্রখানা ফিরাইয়া দিয়া বলিল, “নাও, বাস্তব করে রাখো গিয়ে। বাইরে ফেল না—শেষে আবার কেউ চুরি করবে। আমার আবার যে রকম স্বভাব ভাই,—এই বোর্ডিংটার তো প্রবাদই আছে—আমি না কি বিবাহিত ছেলেদের বাস্তব হতে পত্র চুরি করে পড়ি। যতদিন তোমার বিয়ে হয় নি, ততদিন তোমার দিকে মোটেই চোখ পড়ে নি। তোমার বিয়ে হয়ে পর্যন্ত—কে জানে কেন, তোমার বাস্তবটা আমার বড়ই আকর্ষণ করে। যাক,

এই সামান্য পত্রখানা পেয়ে এতটা ভাবনা তোমার কিসের বল তো?”

সত্য একটা চাপা নিঃশ্বাস ফেলিয়া বলিল, “সামান্য বলেই তো ভাবছি। আমি—শুধু আমি কেন, আজকালকার কোন ছেলেই এমন সেকেলে ধরণের পত্র পছন্দ করে না। এখনকার দিনে সবাই চায় একটু নূতন গোছের। সেকালের সেই বড়োদের মত একঘেয়ে জীবন-যাপন করতে কেউ চায় কি?”

প্রকাশ বামচকুটা একেবারে মুদ্রিত করিয়া ফেলিয়া, দক্ষিণ চকুটা সঙ্কুচিত করিয়া বন্ধুর পানে চাহিল—“অর্থাৎ তুমি চাও না সে তোমায় এমন করে পত্র লেখে? তুমি চাও জীবনটাকে একটা নূতন পথে বেয়ে নিয়ে যেতে, অর্থাৎ জীবনটাকে একটা নভেল তৈরি করতে,—তার নায়ক হবে তুমি, আর নায়িকা হবে তোমার স্ত্রী। নভেলের নায়িকার মত সে চাঁদের আলো খাবে, ফুলের গন্ধ ভ্রাণ নেবে, আর বসন্ত বাতাসে তার লঘু মনটা ভেসে বেড়াবে। তোমার বিরহে তার বুকটা যে ব্যথায় ভরে উঠবে, সেই ব্যথাকে সে কথায় পরিবর্তিত করে নিত্য তোমার কাছে পত্রে জানাবে, কেমন?”

সত্য হাসিল, বলিল, “না, অতদূর নয়।”

উত্তেজিত প্রকাশ বলিল, “অতদূর নয় কি, তবে কতটা উঠাতে চাও বল? দেখছি, আজকালকার নভেলগুলো পড়ে তোমার মাথা বিগড়ে গেছে। তুমি আর নিজের স্ত্রীকে গৃহলক্ষ্মী রূপে পেতে চাও না, চাও বিলাস-সঙ্গিনী রূপে—বাঃ, বেশ। দাও দেশলাইটা, আর একটা সিগারেট খাওয়া যাক।”

সিগারেট ধরাইয়া টানিতে টানিতে সে বলিল, “কিন্তু ওটা কিছুই নয়, বুঝলে? আমার মতে—পাখীর গান, ফুলের সুবাস, মৃৎ বাতাসের কম্পনে দারুণ বিরহ—গুলো না জানালেই ভাল হয়। ও সব কবিত্ব চলতে পারে; কবিতায়—ও সব ভাব ঢালতে পারা যায় নভেলে। বাস্তব জীবনে বড় একটা খাটে না, বিশেষ আমাদের মত সামান্য অবস্থাপন্ন লোকেদের ঘরে। যাদের ঘরে দাসী চাকর আছে, যাদের রান্নাঘরে ঢুকতে হয় না, ছেলেপুলে মাহুষ করতে হয় না,—ও সব তাদেরই মানায় ভাই। দেখ, সত্যি কথা বলছি বলে রাগ কর না। স্বামীর

পড়ার খরচ চালাবার জন্তে যারা গারের গহনা খুলে দেয়, বুড়ো স্বপ্নের সেবার যে এতটুকু সময় পায় না, তার এ সব নিয়ে আত্মহারা হতে গেলে চলে না। এরা এ সব করবে কখন? সারাটা দিন ভুতের মত খেটে যাচ্ছে, রাতে সকলকে খাইয়ে শুইয়ে তখন তার একটু অবকাশ, সে তখন একটু হাঁপ ছেড়ে বাঁচবে—না এই সব ভাবে? বিয়ে যখন করেছিলে—একটু ভেবে-চিন্তে করলে হতো। বড়লোকের ঘরে করলে হতো ভাল,—ঠিক তোমার কল্পনার উপযুক্ত পত্র পেতে—এ আমি ঠিক বলে দিচ্ছি।”

উচিতমত কথা পাইয়া সত্য চূপ করিয়া গেল। একটু পরে বলিল, “অতটা বাড়াবাড়ি না হলেও সামান্য রকম শিখানো ত যায়। সত্যি—ভারি কষ্ট বোধ হয় যখন আমার একটা কথা সে বুঝতে পারে না, শুধু মুখের পানে চেয়ে হাসে। দেখ তো সামনের বাড়ীর ওই মেয়েটার পানে তাকিয়ে, যে ওকে বিয়ে করবে যথার্থই সে কি সৌভাগ্যবান নয়?”

উদ্ধতভাবে প্রকাশ বলিল, “খামো, ও দিকে তাকিয়ে না বলছি, জানালাটা বন্ধ করে রেখো। তা হলে নিজের স্ত্রীর ক্রটিটা চোখে পড়বে না। যখন নলিনীর বাপ তোমার সঙ্গে মেয়ের বিয়ে দেবার কথা বলেছিলেন, তখন তাকে বিয়ে করলেই পারতে! কেন বাপের কথা শুনে জেনেগুনে এই অশিক্ষিতা গ্রাম্য মেয়েটিকে বিয়ে করলে? আজকালকার শিক্ষার দোষ এই—বাহিরটা দেখে মুগ্ধ হয়ে যাও, ভেতরটা দেখতে চাও না। মনে কর—তোমার স্ত্রীর কাছে যা পেরেছ—এদের কাছে তা পেতে?”

সত্য একটু উষ্ণ হইয়া উঠিল, “সেই লজ্জানত্র ভাব? আমি তা চাইনে প্রকাশ। চিরটা কাল নূতন বউয়ের মত যে ঘোমটা টেনে পালানো, এটা সাজে তোমার বর্ণিত অশিক্ষিতা এই গ্রাম্য মেয়েদের। শিক্ষিতা মেয়েদের মধ্যে অনাবশ্যক এই অতিরিক্ত লজ্জার আড়ম্বর নেই। আমি ঠিক তেমনিটা চাই—নলিনী যেমন ছিল। এক-একবার ভাবি—আমি অনেকখানি ত্যাগ করে দেবীকে পেয়েছি। যদি সে আমার এই ত্যাগের মূল্য একটীবার বুঝে—অন্ততঃ একটুখানির জন্তেও আমার কল্পনামুঘারী চলবার চেষ্টা করত। আমি তাকে এইটা বুঝাতে চাই—সে

আমার ত্যাগ অন্তর দিয়ে অনুভব করে চেতনা পাক, সম্পূর্ণ নারী না হতে পারুক, চেষ্টা করলে অর্ধেকও হতে পারে তো, অর্থাৎ সব সময়ে আমি তাকে আমার সঙ্গিনীরূপে না পেলেও অধিকাংশ সময় পাব তো?”

প্রাণপণে সিগারেটটার একটা টান দিয়া অবশিষ্টাংশ দূরে ছুঁড়িয়া ফেলিয়া ঘৃণাপূর্ণ কণ্ঠে প্রকাশ বলিল, “তাই বটে, অর্থাৎ তুমি তাকে তার নিভৃত স্থানটা হতে ঠেলে নিয়ে আসবে! তাকে সর্বতোভাবে তোমার আদর্শ—অর্থাৎ একটা বিলাসিনী নারী রূপে গড়ে তুলতে চাও, এই তো? আমার কথা আমি বলি শোনো,—তোমার স্ত্রী যেখানে আছে, তাকে সেইখানে থাকতে দাও। তুমি যাকে উন্নতি বলতে চাও—আমি তোমার মুখের ওপর স্পষ্ট বলছি, সে উন্নতি নয়, অবনতি। তুমি বাহ্য দৃশ্যে যাকে দেখে মুগ্ধ হয়েছ, ভাল বলেছ,—আমি ভেতর পর্যন্ত দেখে তাকে ঘৃণা করছি, তাকে মন্দ বলছি। তুমি ইচ্ছা করলে তোমার স্ত্রীকে এখনই তোমার মতে চলতে বাধ্য করতে পার; কারণ, সে হিন্দুর ঘরের অশিক্ষিতা মেয়ে, স্বামীকে একমাত্র দেবতা বলে জানে। তাই স্বামীর আদেশে যে কোন কাজ করতে পারে—যে কোনও পথে চলতে পারে। কিন্তু মনে করো সত্য—তোমার বাপ আছেন, যঁার কথা রাখতে তুমি নলিনীকে কাছে পেয়েও পাওনি। কতকাল তিনি বাঁচবেন তার ঠিক নেই। এই শেষ সময়টার তাঁকে অনুস্থ করা তোমার কোন মতেই উচিত হবে না।”

সত্য একটা নিঃশ্বাস ফেলিয়া বলিল, “তুমিও মনে করো প্রকাশ—আমি কতখানি তাঁর জন্তে ত্যাগ করেছি। নিজের জন্তে এতটুকু না রেখে সবটাই তাঁকে ধরে দিয়েছি। আরও ছাড়তে গেলে আমার যে একেবারেই নিঃশ্ব হতে হয়, ভবিষ্যতের জন্তে কিছুমাত্র থাকে না। তুমি ভেব না আমি কিছু ভাবি নি। সব দিক দেখে ভেবে ঠিক করেছি—যা করবার, তা আমার এই সময়েই করতে হবে, এর পর আর সময় পাব না।”

শাস্তকণ্ঠে প্রকাশ বলিল, “কি করবে তুমি?”

সত্য বলিল, “আমি বিলেত যাব।”

অকস্মাৎ চমকিয়া উঠিয়া প্রকাশ বলিল, “এই মরেছে রে, এরও আর আশা নেই দেখছি।”

সত্য হাসিরা বলিল, “আশা নেই—যাকে বলে হোপলেস, সাংঘাতিক ব্যারাম তবে ?”

প্রকাশ স্থির দৃষ্টি তাহার মুখের উপর রাখিয়া বলিল, “এ কুবুদ্ধি তোমার কে দিলে সত্য ?”

সত্য বলিল, “কুবুদ্ধি কিসে ?”

প্রকাশ শাস্তকণ্ঠে বলিল, “তুমি আমার গ্রামবাসী, তোমাদের কোন্ কথা জানতে আমার বাকি আছে বল ? একজন বিলেত গিয়ে খাঁটি সাহেব হয়ে ফিরে এসেছে,—বুড়ো বাপের সে ছেলে থেকেও নেই। একটীমাত্র ছেলে এখন তুমি, তাঁর ছুটি চোখের ক্ষীণ দৃষ্টি এখন তোমার ওপর স্তম্ভ। মনে ভেবে দেখ, তোমাকেও যদি তাঁকে এই রকমে হারাতে হয়, তার বেশী ছুঃখ তাঁর আর আছে কি না। আমার মত যদি নিতে চাও সত্য, তবে বিলেতে যেনো না। সেখানে গিয়ে কিছু চতুর্ভুজ হয়ে ফিরবে না,—গায়ের রংটা পর্য্যন্ত বদলাবে না। দেশের ছেলে দেশে থাকো, অন্ততঃপক্ষে বাপ যত দিন আছেন। তারপর—যদি ইচ্ছা হয়, তোমার দাদা যেমন স্ত্রীসহ বিলেত গিয়ে সভ্য হয়ে এসেছেন, তুমিও তেমনি তোমার স্ত্রীকে নিয়ে যেনো, তাকেও সভ্য করে এনো।”

সত্য একটু খামিয়া বলিল, “তোমার আগেকার কথা-গুলো যথার্থ—আমিও তা অস্বীকার করছি নে প্রকাশ। তবে আমারও কয়েকটা কথা আছে,—একে একে বলছি, শোনো। প্রথম—আমার জ্ঞান-পিপাসা অত্যন্ত বেশী। এখানে এই শিক্ষায় আমার দারুণ পিপাসা কিছুতেই নিবৃত্ত হচ্ছে না। আমি তাই বেশী করে শিক্ষার জন্তে বিলেত যেতে চাই। যদি কোন রকমে যেতে পারি—মনে করো না, আমার বুকে ব্যথা বাজবে না, কেন না, জগতে যারা আমার প্রিয়তম, আমি সেই স্নেহময় বাপ, বোন, স্ত্রী,—এই সোণার বাংলা ছেড়ে যাব। ভাবতে বসে বড় ব্যথা বাজে—জগতে যারা আমার—তাদের ছেড়ে আমার থাকতে হবে কোথায়—কত দূরে! সেখানে আমি যদি শেষ শয্যাতে শুই,—কোনও আত্মীয়ের মুখ পর্য্যন্ত দেখতে পাব না,—কারও ব্যগ্র ব্যাকুল চোখ ছুটি সর্বদা আমার মুখের ওপর পড়ে থাকবে না। তবু আমি যেতে চাই। তার কারণ, এই সময় আমার বুকে যে অদম্য পিপাসা জেগেছে, এর পর আর তা থাকবে না। কে বলতে

পারে—এর পরে দেশ ছেড়ে ছুঁপা যেতে গেলে আমার বুকে ব্যথা বাজবে না? তুমি বলছ আমার বাপ কিছু চিরকাল থাকবেন না—তখন আমি সহজেই যেতে পারব। কিন্তু ধরে রাখ—দশ পনের বছর। তখন ঘর ছেলে-মেয়েতে ভরে যাবে, এক পা নড়বার ক্ষমতা থাকবে না, তাদেরই অন্ন-বস্ত্র সংস্থানের চেষ্টায় দিন আমার কাটবে। কোথায় যাবে তখন জ্ঞানের জন্তে স্বদূর ইয়োরোপে যাওয়ার এই চেষ্টা? আমার ইচ্ছা ক্রমে স্বপ্নেই মিশিয়ে যাবে মাত্র। তখন অতীতের পানে চেয়ে আমার দীর্ঘ নিঃশ্বাস ফেলে বলতে হবে—“পেয়েছিলুম, কিন্তু হারিয়ে ফেলেছি।”

প্রকাশ স্থিরদৃষ্টিতে তাহার পানে চাহিয়া ছিল। একটা নিঃশ্বাস ফেলিয়া বলিল, “আমি তোমায় বাধা দেব না। জানি মানুষের আকাঙ্ক্ষা অপরিমিত। এর শেষ যে হয় না, তার প্রমাণ তুমিও দিও। তোমায় বাধা দিতে গেলে তোমার বাসনা আরও বেড়েই উঠবে মাত্র। এর পর তুমি ভাববে, আমি হিংসার তাড়নায় তোমায় বাধা দিতে গিয়েছিলুম। তুমি বিলেত যাবে, ফিরে এসে তোমার স্ত্রীকে তোমার বউদির মত করে তুলবে, এই তোমার ইচ্ছা। কিন্তু এ যে সহজে পারবে, তা আমার বোধ হয় না। উচ্চাকাঙ্ক্ষার মোহে ভুলে তুমি তোমার আজন্মের সংস্কার উড়িয়ে দিতে পারবে;—মেয়েরা যে সহজে পারবে, তা আমার বোধ হয় না। তোমার স্ত্রী যে সহজেই পারবে, এ বিষয়ে আমার সন্দেহ আছে। কিন্তু তা নিয়ে আমি আর কথা বলব না। কেন না, আমি তার বাহ্যিক চেহারাটাই দেখেছি মাত্র,—মেয়েদের অন্তরের পরিচয় আমি পাই নি। তুমি কয়েক বছর পরে ফিরে আসবে, তোমার বাপ যদি তখন বেঁচে থাকেন—তোমায় গ্রহণ করবেন তো ?”

সত্য উত্তর দিল, “সেটা যখনকার কথা তখন হবে। এখন ও-সব কথা ভাবলে আমার উৎসাহ নষ্ট হয়ে যাবে।”

প্রকাশ বলিল, “যথার্থ বীরের যোগ্য কাজ। বাড়ীতে থবর দেবে তো ?”

সত্য বলিল, “আমি ভেবেছি তোমায় দিয়ে থবর দেব।”

অত্যন্ত চট্টিয়া উঠিয়া প্রকাশ বলিল, “আমার ঘাড়ে কেন ? তোমার দেশবাসী বলে আমি যেন চোর হয়েছি ;

তাই এই মর্মান্তিক কথাটা আমিই বয়ে নিয়ে যাব তাঁদের কাছে ? আমি এ খবর তাঁদের গিয়ে দিতে পারবই না। তোমার খুসী হর, তুমি যে কোন রকমে তাঁদের জানাতে পার।”

খানিকক্ষণ চুপ করিয়া থাকিয়া সে বলিল, “তার পর, বিলেত যাওয়ার খরচ, সেখানকার থাকা খাওয়া পোষাকের সব খরচ তুমি পাচ্ছ কোথা হতে ? তোমার দাদা যেন বড় ঘরের একটা মাত্র মেয়েকে বিয়ে করে খণ্ডরের টাকার বিলেত বেড়িয়ে এলেন,—তোমার তো সে উপায় নেই।”

সত্য একটু হাসিল,—উঠিয়া একখানা পত্র আনিয়া সে প্রকাশের সম্মুখে ধরিল।

প্রকাশ পত্রখানার উপর চোখ বুলাইয়া একটা নিঃশ্বাস ফেলিয়া বলিল, “বেশ, সুখী হয়েছি, এমন সুযোগ থাকতে হারাবে কেন ? তোমার দাদা বে তোমার যথার্থ শিক্ষিত করার ভার নিচ্ছেন, এতে তাঁর অসীম আত্ম-মেহের পরিচয় পাওয়া যাচ্ছে। এর এতটুকু যদি হতভাগ্য বুড়ো বাপট পেরতেন,—বাক, উঠি তবে, আর বসব না।”

গম্ভীর মুখে উঠিয়া সে বাহির হইয়া গেল। (ক্রমশঃ)

## শিল্পের শিক্ষানবীশি

শ্রীসুরেন্দ্রনাথ ঘোষ এম-আই-ই-ই

সুদীর্ঘ শত সহস্র বৎসরের কর্ম-কোলাহল-ক্রান্ত জাতির পক্ষে একটা সুপ্তির অবসাদ স্বভাবতঃই আসে ; আবার দীর্ঘ শতাব্দীর অবসাদের পর সেই জাতিরই সুপ্তির ঘোর ভেঙ্গে যায়,—এমন উদাহরণও স্বাভাবিক। জগতের নজর এখন ক্রমশই ভারতের ওপর পড়ছে। সবাই সোৎসুক-লোচনে দেখছে যে কৃষি-প্রধান ভারত এখন শিল্প-পথে শঠনঃ অগ্রসর হবার জন্ত অপরিসীম চেষ্টায় ব্যাপ্ত।

যে ভারত এক দিন ঢাকাই মসলিন, কাশ্মীরের শাল-দোশালা, কাশীর পিত্তল দ্রব্য-সামগ্রী খাইবার বা সমুদ্র-পথে প্রেরণ করে’ দিগ্বিদিকে বিশ্বের পুলক-দৃষ্টি আকর্ষণ করেছিল এবং আজও করে ; যে ভারতের কুতুব-সম্মিকট-বর্তী অশোক-স্তম্ভ যুগযুগান্ত ধরে শীত, আতপ, বর্ষা অগ্রাহ করে অক্ষত শরীরে আজও বর্তমান ; যে ভারতের অজাস্তা ও এলোরা-গুহা-গর্তস্থ অপূর্ব মূর্তি, মন্দিরাদি হিন্দুযুগের শিল্পকলা, স্থাপত্যের অপরূপ নিদর্শন সৃষ্টি করেছে ; যে ভারতের তাজের আকর্ষণ জগতের সর্বত্র সুপরিষ্ফুট, সে ভারতের পক্ষে দীর্ঘ শত সহস্র শতাব্দীর সুপ্তির ঘোর কাটিয়ে, আবার নূতন আলোকে উদ্ভাসিত হয়ে জগতে সবায়েরই সঙ্গে সমান ভাবে এগিয়ে চলবার আকাঙ্ক্ষা যে আজ আসতে শুরু করেছে, তা একটুও বিচিত্র নয়।

ভারতের কৃষি, খনি-সম্পদ ও জনবল যে এক দিন

ভারতকে অল্প সকলের সমকক্ষ করবেই, তা অত্রান্ত সত্য কিন্তু এ উদ্দেশ্যে আমাদের যে কন্মি-সম্মব আবশ্যিক তাতে কি ভাবে তৈরি হতে হবে, তারি একটু আলোচনা করা আমাদের এ প্রবন্ধের উদ্দেশ্য।

পূর্বে সকল দেশেই প্রথা ছিল যে, সাধারণ ভাবে কাজে প্রবেশ করে মজুর, মিস্ত্রী, সদার মিস্ত্রী ইত্যাদি অবস্থ অতিক্রম করে ক্রমে লোক ওস্তাদ-কারিগর রূপে পরিগণিত হোত। কিন্তু এখনকার এই শিল্পকলা-কারিগরি বৈজ্ঞানিক যুগে নূতন উপায় উদ্ভাবিত হয়েছে, যাতে কে কাজের নানা সুব্যবস্থা, অল্পখরচে অধিক কাজ আদা করা, কন্মী-সম্মের উপর আধিপত্য প্রতিষ্ঠা করা ইত্যাদি বিষয়ের সহজ-সাধ্য খুঁটিনাটি জ্ঞানগুলি অল্পায়ুসেই আয় করতে পারা যায়। এঞ্জিনিয়ারিং স্কুলগুলি তাহার প্রথা সোপান। তথায় আমাদের ছাত্রগণ যে ভাবে শিক্ষাগ্রহণ করে আসে, তা ব্যবহারিক ক্ষেত্রে সর্বোৎসুক নয়।

আমি নিজে বহুকাল ধরে কলকারখানার কাযের সঙ্গে ঘনিষ্ঠ ভাবে আবদ্ধ থাকায়, এই শ্রেণীর ছাত্রগণের সহি বিশেষ ভাবে পরিচিত। একরূপ অসংখ্য যুবকের সংস্পর্শে অবিরত আমাকে আসতে হয়। তাদের খুঁটিনাটি, ছোটখাট ভালমন্দ নানা অভিমত আমি সদা সর্বদা পর্য্যবেক্ষণ করি থাকি। বরাবরই আমি লক্ষ্য করে আসছি যে, এঞ্জিনিয়ারিং



স্কুল থেকে বেরিয়ে এসে তারা মনে করে যে, যে কোন বড় একটা প্রতিষ্ঠানের ভার তারা গ্রহণ করতে পারে। শিক্ষানবীশ অবস্থাতেও এ ভাব তাদের কাটে না; নানারূপ অসন্তোষের ভার তারা সর্বদা প্রকাশ করে; যথা—তাদের যথেষ্ট পারিশ্রমিক দেওয়া হয় না, কেউ তাদের গুণাবলি যথার্থ ভাবে উপলব্ধি করে না, গুরুভার দায়িত্ব তাদের ওপর দেওয়া হয় না, নানা অবিচার তাদের প্রতি করা হয়; ইত্যাদি। ক্রমশঃ তাদের বিরক্তি এত বেশী হয় যে, শেষে তারা সেখানকার কাষে ইস্তফা দিয়ে অন্তত্ব কাষের সন্ধান করে বা ছুটিয়ে নেয়। বলা বাহুল্য সেখানেও তারা পূর্বোক্ত ভাবেরই অভিনয় কোরে পুনরায় তৃতীয় স্থানে কাষের যোগাড় করে।

এই ভাবে কিছু দিনের মধ্যে তারা ক্রমশঃ বুঝতে অভ্যস্ত হয় যে, তাদের নিজেদের সম্বন্ধে যে ধারণা এত দিন ধরে তাদের মনে বদ্ধমূল হয়েছিল, তা ঠিক নয়। বাল্য ও ছাত্র-জীবনে অনেক আকাশ-কুসুম তারা রচনা করে; কারণ, ব্যবহারিক জ্ঞানের ধার সে সময় তারা অতি অল্পই ধারে। তার পর কার্যক্ষেত্রে এসে এই ভাবে কয়েক স্থান ঘুরে বা উপস্থাপিত কয়েকটা ধাক্কা সামলে, তার পর সাধারণতঃ তারা ধাতস্থ হয়। অবশ্য সকলেই যে এরূপ তা নয়। অনেককে আবার দেখেছি যে যেমনটি হওয়া দরকার তারা ঠিক তেমনটিই হয়। এতে কাষের সুবিধা এত বেশী হয় যে, আমি তাদের মুক্তকণ্ঠে প্রশংসা করে থাকি। তবে এ কথা ঠিক যে, পৃথিবীতে ও ব্যবহারিক শিক্ষা একত্রীভূত না হলে শিক্ষা সম্পূর্ণ হয় না। জীবনের অনেক ক্ষেত্রেই এটা সুস্পষ্ট প্রতীয়মান হয়।

বিলাতের ও ভারতের এঞ্জিনিয়ারিং স্কুলে ও কলকারখানায় এবং বর্তমানে টাটার বিখ্যাত সুবৃহৎ লোহার কারখানায় প্রতি-নিয়তই এ-সব ব্যাপারের সংস্পর্শে আমাকে আসতে হয়েছে ও হচ্ছে। একজ্ঞ আমি এ সম্বন্ধে ছুচার কথার অবতারণা করতে সাহসী হয়েছি।

স্কুলে কলেজে অথবা তৎসংশ্লিষ্ট কারখানা বা লেবোরেটরিতে ছাত্রেরা যে ভাবে শিক্ষা প্রাপ্ত হয়, তার চেয়ে কারখানায় একজন সাধারণ কারিগর অনেক বিষয়েই অনেকাংশে ব্যুৎপন্ন ও কর্মঠ হয়, এরূপ দেখতে পাওয়া যায়। আমি বিশেষভাবে পর্যবেক্ষণ করে আসছি যে, কার্যক্ষেত্রে

এসে ছেলেদের ঠিক যেমন হওয়া উচিত—স্কুলে তাদের ঠিক তেমনি ভাবে তৈরি করতে কিছুতেই পারা যায় না। কারখানায় আর একটা বিষয় আছে, যাকে “সংস্পর্শ” বলা যেতে পারে। ইংরাজিতে সাধারণতঃ তাকে atmosphere বলে।

আমার মতে আমাদের দেশের যুবকদের এঞ্জিনিয়ারিং স্কুলের শিক্ষা শেষ করার পর কিছু দিন—অন্ততঃ ছুচার বৎসর, কোন বড় কারখানায় এই সংস্পর্শে শিক্ষানবীশি করা উচিত। এতে শুধু যে তারা নানাশ্রেণীর কারিগরের সংস্পর্শে আসবে তা নয়, সেই সঙ্গে ব্যবসায়-বাণিজ্যের সহায়তা-কল্পে উন্নত প্রণালীতে দ্রব্যাদি উৎপন্ন করবার উপায় আয়ত্ত করবে। এই শিক্ষানবীশি অবস্থায় তাদের এরূপ দ্রব্যাদি প্রস্তুত করা আবশ্যিক যা অন্যায়সে বিক্রীত হতে পারে; এবং বিক্রয় প্রতিযোগিতায় উত্তীর্ণ হতে পারে। কলকজার বা কারখানার নক্সা এরূপ ভাবে প্রস্তুত করতে হবে, যাতে তা কার্যকারী বা সম্পূর্ণ ব্যবহারিক হয়; কলকজা বা কারখানার বিভিন্ন অংশ যথাযথ স্থানে সংস্থাপিত করবার বিশেষ কৌশল; দ্রব্যাদির সরবরাহ সম্বন্ধীয় চুক্তি-পত্রের বিচার (drafting contracts) এবং লোকজন খাটাবার বিজ্ঞান-সম্মত প্রণালী, বিশেষভাবে তাদের এসব স্থান থেকেই আয়ত্ত করে নিতে হবে। কারণ এই সকল বিষয়ে শিক্ষানবীশির জন্মই তারা তথায় উপস্থিত হয়েছে। তার পর পূর্ণ দায়িত্বের শিক্ষাও তারা এ স্থানে গ্রহণ করবে। তাদের সেখানে মনে রাখতে হবে যে তারা আর তখন কলেজের বা লেবোরেটরির ছাত্র নয়, যে, কোনরূপ গলদ হলে ব্যক্তিগত ভাবে তাদের ওপর দায়িত্বের তত বেশী আরোপ হবে না। তাদের মনে রাখতে হবে যে, কর্মক্ষেত্রে এই তাদের গোড়া-পত্তন। এই গোড়া-পত্তনের ওপরেই তাদের ভবিষ্যৎ সম্পূর্ণ ভাবে নির্ভর করছে।

আমাদের দেশের টেকনিক্যাল স্কুলগুলি আমার মতে, যেরূপ দরকার, ঠিক সেরূপ শিক্ষা দেয় না, বা সেরূপ শিক্ষা দেবার ব্যবস্থা সে সব স্কুলে নেই। সেখানে যে শিক্ষা দেওয়া হয়, তাতে ছাত্রেরা বড় জোর কারিগর (mechanic) বা electrician হতে পারে; এবং কিছু কিছু নক্সাও শিক্ষা করে থাকে। বাস্তবিক পক্ষে এঞ্জিনিয়ার হবার কোন সুযোগই তারা তথায় পায় না। আমার মতে তাদের সে

শিক্ষা পাওয়া তো উচিতই ; আর সেই সঙ্গে দেখা উচিত—  
যাতে তারা কেবলমাত্র সহকারীর কাজগুলিরই অধিকারী  
না হয়ে ভবিষ্যতে দায়িত্বপূর্ণ স্বাধীন কাজগুলিরও অধিকারী  
হয়।

বর্তমান প্রণালীর এঞ্জিনিয়ারিং শিক্ষা,—সময় নষ্ট,  
পণ্ডিত্য, ও অর্থের অনাবশ্যক অপব্যবহার ভিন্ন আর বিশেষ  
কিছুই নয়। শুধু তা নয়। তাকে 'ভয়াবহ'ও বলা  
যেতে পারে। কারণ, এর দ্বারা শুধু যে আমাদেরি ফাঁকি  
দেওয়া অর্থাৎ মনকে চোখ ঠারা হয় তাই নয়,—সেই  
সঙ্গে আমরা আমাদের সমাজ ও দেশকে ফাঁকি দিচ্ছি।  
তাই আমি এরূপ শিক্ষা-প্রণালীকে অপরাধ বলেই মনে  
করি ; ও দেশের নেতা ও শিক্ষা-মন্ত্রীগণের দৃষ্টি এদিকে  
আকর্ষণ করি।

এ বিষয়ের শিক্ষা-প্রণালীতে তিনটি বিষয়ের ওপর লক্ষ্য  
রাখতে হবে—

১ম—প্রাথমিক ও সাধারণ শিক্ষা।

২য়—কারিগরী শিক্ষা।

৩য়—ব্যবহারিক শিক্ষা।

অজ্ঞাত স্বাধীন ব্যবসায় গ্রহণ করতে হলে যেমন মোটা-  
মুটি সাধারণ শিক্ষা পেতে হয়, এঞ্জিনিয়ারিং শিক্ষাতেও সেরূপ  
পাওয়া উচিত। আমাদের দেশের আই-এসসি পাশ করা  
ছাত্রেরা এ বিষয়ে উপযোগী। অবশ্য যারা কেবলমাত্র কারি-  
গর হতে চায়, তাদের জন্তু আমি এ কথা বলছি না,—তারা  
মোটা-মুটি কিছু শিখেই এ সব কাযের শিক্ষানবীশি  
করতে পারে। আমি যা বলছি, তা' যারা এঞ্জিনিয়ার হতে  
চায় তাদের জন্তু। আমি এ স্থলে এঞ্জিনিয়ার শব্দ ব্যবসায়  
ও বাণিজ্য উভয় ক্ষেত্রের এঞ্জিনিয়ার অর্থে প্রয়োগ করেছি।  
অনেকের ধারণা—এঞ্জিন হতেই এঞ্জিনিয়ার শব্দের উৎপত্তি ও  
এই কারণে উভয়ের মধ্যে ঘনিষ্ঠ সম্বন্ধ। কিন্তু বাস্তবিক পক্ষে  
কি তাই? সম্পূর্ণ বিজ্ঞান-সম্মত প্রণালীতে ব্যবসায়-বাণিজ্যের  
উপযোগী কারিগরী বিজ্ঞান স্ননিপুণ কর্মকুশল ব্যক্তিগণকেই  
এঞ্জিনিয়ার বলে অভিহিত করা যায়।

এঞ্জিনিয়ারিং শিক্ষার জন্তু আমাদের দেশের স্কুলসমূহের  
ব্যবস্থা ( ১ ) চারি বৎসর-ব্যাপী শিক্ষা,—এক সপ্তাহ স্কুল ও  
এক সপ্তাহ বাহিরের কায অথবা প্রাতে স্কুল ও সকালে ও  
বৈকালে বাহিরে কায ; ( ২ ) চারি বৎসরের মধ্যে একটানা

ছয়মাস করে পূর্বোক্ত ভাবের শিক্ষা। কিন্তু এ শিক্ষার,  
যে ছয়মাস বাহিরের কায শিক্ষা করতে হয়, তার মধ্যে  
রীতিমত শিক্ষানবীশিও করতে হয়। এই শেবোক্ত পদ্ধতি  
বারাণসীর হিন্দু বিশ্ববিদ্যালয়ে কিছু দিন থেকে প্রচলিত  
হয়েছে। কিন্তু এ দেশের অধিকাংশ স্কুলে প্রথমোক্ত প্রথাই  
অনুসৃত হয়। তা হলে দেখা যাচ্ছে যে, এঞ্জিনিয়ারিং শিক্ষার  
দুটি জিনিষের মুখ্য প্রয়োজন ; ১ম—আবশ্যক বৈজ্ঞানিক  
প্রণালীর শিক্ষা, ও ২য়—ব্যবহারিক অভিজ্ঞতা। এ দুটির  
প্রতি যথাবশ্যক মনোনিবেশ না করলে, তার অবশ্যস্বাবী  
ফল শিক্ষার অসম্পূর্ণতা ও ভবিষ্যতে বড় এঞ্জিনিয়ার হওয়ার  
পথ রুদ্ধ হওয়া।

আমাদের দেশের যে সকল যুবক বিলাতে বা আমেরিকার  
এঞ্জিনিয়ারিং শিক্ষার জন্তু যেতে চান, আমি তাঁদের উপরিউক্ত  
বিষয়গুলির ওপর দৃষ্টি রাখিতে বলি ; কারণ, অনেক ক্ষেত্রেই  
আমি দেখেছি যে, তাঁদের মধ্যে ডিগ্রী নেবার আগ্রহ যাদৃশ  
বলবান, ব্যবহারিক শিক্ষা লাভের আগ্রহ তাদৃশ নয়।  
আমাদের দেশের অনেক ছাত্র ওদেশে পরীক্ষায় উচ্চ স্থান  
অধিকার করে ডিগ্রী নিয়ে আসেন ; কিন্তু কর্মক্ষেত্রে তাঁদের  
ব্যবহারিক অভিজ্ঞতার পরিচয় অনেক সময়েই পাওয়া যায়  
না। অনেকে আবার এই সব বিষয় শুনে ব্যবহারিক অভি-  
জ্ঞতার জন্তু course গ্রহণ করেন বটে, কিন্তু তা হয় ফিরে  
আসবার আগে ২।৪ মাসের জন্তু, না হয় তো কলেজের  
অবকাশ কাল মাত্রের জন্তু। বলা বাহুল্য, ইহার কোনটিতেই  
সম্প্রতি ফল পাওয়া যেতে পারে না। পক্ষান্তরে যে সব  
ছাত্র শিক্ষা সমাপ্ত করে অভিজ্ঞতা অর্জনের জন্তু সে দেশে  
অন্ততঃ তিন বৎসরের course গ্রহণ করেন, তাঁরা দেশে  
ফিরে এসে প্রায়শঃই তাঁদের দক্ষতা স্মরণ ভাবে দেখিয়ে  
দেন। তাঁদের মধ্যে অনেকে হয় ত পরীক্ষায় উত্তম স্থান  
অধিকার করেন নি, কিন্তু এই অভিজ্ঞতা অর্জনের জন্তু  
তাঁরা প্রায়ই যশস্বী এঞ্জিনিয়ার বলে পরিগণিত হন। এই  
সব কারণে আমি বিলাত-আমেরিকা গমনোচ্ছত ছাত্রগণকে  
উপদেশ দিই যে, তাঁরা যেন অন্ততঃ পাঁচ বৎসর অর্থাৎ তিন  
বৎসর বিদ্যালয়ে শিক্ষা ও অপর দুই বৎসর কোন কারখানার  
হাতে-কলমে কায শিখবার জন্তু প্রস্তুত হ'য়ে যান।

আমাদের দেশের গবর্নমেন্টের যদি তাদের বৃত্তি-প্রদান-  
কালের মেয়াদ বাড়াতে না পারেন, তবে এ দেশের

টেকনিক্যাল স্কুলসমূহ থেকে উপযুক্ত ছাত্রদের কেবলমাত্র অভিজ্ঞতা অর্জনের জন্তই বিলাত পাঠান গবর্ণমেন্টের উচিত। এরূপ ব্যবস্থা হ'লে আমরা এ দেশের বড় বড় কারখানাসমূহে উপযুক্ত দেশীয় এঞ্জিনিয়ার পেতে পারি।

ভারতে বর্তমান প্রণালীর এঞ্জিনিয়ারিং শিক্ষায়, বিজ্ঞানের জ্ঞান যত্নপাতি প্রস্তুতের কারখানা পরিচালন-ক্ষমতা লাভার্থ আবশ্যিক জ্ঞান অর্জন, এ দেশের স্কুলসমূহে সম্ভব নয়। কি করে এ-সব দ্রব্য সঠিক বৈজ্ঞানিক উপায়ে, চুল-চেরা সময় ধরে, দামের পরিমাণ করে, এবং চারিদিকে অল্প সকল প্রকার আবশ্যিক নীতির অনুসরণ করে তৈরি হতে পারে, তা কেবল তৎ তৎ দ্রব্যাদির কারখানায়ই শিক্ষা করা যেতে পারে। এ বিষয়টার প্রতি আমাদের পূর্ণ লক্ষ্য রাখা উচিত, এবং ছাত্রগণকে তাদের বিজ্ঞানজ্ঞানের শিক্ষা সমাপ্তির পর বড় বড় কারখানায় যথারীতি বৈজ্ঞানিক প্রণালী হাতে-কলমে শিক্ষা দানের ব্যবস্থা করে পাকা এঞ্জিনিয়ার হবার সুযোগ দেওয়া উচিত।

কিন্তু কাঁচা খুব সহজ নয়। তাই এ সম্বন্ধে গবর্ণমেন্টের সহায়তা একান্ত আবশ্যিক। গবর্ণমেন্টের ও অন্যান্য বড় বড় প্রতিষ্ঠানগুলির উচিত যে, তাঁরা বিভিন্ন দ্রব্যাদির কারখানা, রেল-কারখানা, পাওয়ার-স্টেশন প্রভৃতির মালিকদিগের সঙ্গে এরূপ বন্দোবস্ত করেন, যাতে তাঁদের ছাত্রেরা ঐ সব কারখানায় কাঁচা শিখতে পারে ও পরীক্ষার পর যোগ্যতা অনুসারে certificate পায়, এবং সেই সঙ্গে শিক্ষানবীশ অবস্থায় তাদের খাওয়া-পরা চলে এরূপ বৃত্তিও পায়।

ছেলেরা কিরূপ শিক্ষা লাভ করে তা দেখবার জন্ত কারখানার ম্যানেজার ও যে সব স্কুল থেকে ছেলেরা এসেছে সেই স্কুলের শিক্ষক অথবা উপযুক্ত অল্প কোন শিক্ষককে ক্ষমতা দেওয়া আবশ্যিক।

এরূপ ব্যবস্থায় ছেলেরা বুঝতে পারবে যে, পরে যখন তাদের প্রকৃত পক্ষে প্রতিযোগিতাক্ষেত্রে অবতীর্ণ হতে হবে,

তখন তাদের কি ভাবে চলতে হবে। তারা আরও বুঝবে যে, সে সব কারখানায় মুখস্থ করা বিজ্ঞান কোনই ফল হবে না। সেখানে শুধু কৃতিত্বের দরকার! এইখান থেকেই অনেকে বুঝে নিতে পারবে যে, বাস্তবিকপক্ষে কি দরকার; এবং অনেকে হয় ত এইখান থেকেই ইন্তফাও দিবে। তাতে সুবিধা তাদের নিজেদের এবং তাদের ভাবী মনিব যারা হবেন তাঁদের উভয়েরই। কারণ, সে মনিবদের বিরক্ত করবে না, আর মনিবদেরও তাকে নিয়ে বিব্রত হতে হবে না।

আমাদের দেশে 'এঞ্জিনিয়ার' অর্থে লোকে সাধারণতঃ বিশেষ একটা কিছু বুঝতে পারে না,—মোটামুটি ঠিক করে নেয় যে রাস্তায় মাটি ফেলা অথবা ড্রেন বা বাড়ী মেরামত বা নির্মাণ করবার কর্মচারী। মেক্যানিকেল এঞ্জিনিয়ার অর্থে তারা সাধারণতঃ ষ্টিম এঞ্জিন ও বয়লার মেরামত করা ও পরিচালন কার্যের উপযুক্ত লোক মনে করে। আর ইলেকট্রিকেল এঞ্জিনিয়ার অর্থে পাখা ও আলো মেরামতের উপযুক্ত লোক বুঝে নেয়। অনেক কাল আগে অল্প দেশের লোকও এইরূপই মনে করত এবং এঞ্জিনিয়ার অর্থে পাণ্ডিত্যহীন কোন এক বিশেষ কারিগরি কাষের উপযুক্ত লোক আন্দাজ করে নিত। কিন্তু এখন আর সে দিন নেই। এখন অন্যান্য বড় বড় পেশাদার ব্যবসায়ীর মত এঞ্জিনিয়াররাও লোকের শ্রদ্ধাদৃষ্টি আকর্ষণ করে। এখনকার যুগে প্রতি কাষেই এঞ্জিনিয়ারের সাহায্য আবশ্যিক। জগতের প্রত্যেক বৃহৎ কাষেই এঞ্জিনিয়ারদের সুনিপুণ হাতের ছাপ লেগে রয়েছে।

এঞ্জিনিয়ারের সাহায্য ছাড়া এখন আর কোন জাতি বড় হতে পারে না! কাজেই প্রত্যেক এঞ্জিনিয়ারের এরূপ হওয়া উচিত যে, সে তার এঞ্জিনিয়ার নামের সার্থকতা সম্পাদন করতে পারে। এজন্য তার শিক্ষার পূর্ণতা থাকা তার প্রধান লক্ষ্য হওয়া উচিত। আর সেদিকে লক্ষ্য রাখতে হলে, পুঁথিগত শিক্ষা ও ব্যবহারিক শিক্ষার সমন্বয় ঘটতেই হবে।

## উপন্যাস-কলেজ

শ্রীপ্রভাতকুমার মুখোপাধ্যায় বি-এ, বার-এট্-ল

“সুন্দরী যত হোক আর না হোক, ভাল রকম লেখাপড়া জানা মেয়ে ভিন্ন, আর কাউকে বিয়ে করবো না”,—ইহাই ছিল অবিনাশের আটকেশোর প্রতিজ্ঞা। একটি মাত্র ছেলে—পিতা অবিনাশের এ আকাঙ্ক্ষা পূরণও করিয়াছিলেন। সে ম্যাট্রিকে, আই-এ-তে বৃত্তি পাইয়াছিল, ডবল অনার্স লইয়া বি-এ পাশ করিয়া এম-এ পড়িতেছে, দেশে কিছু বিষয় সম্পত্তিও আছে—এমন সুপাত্র—বিবাহের বাজারে তাহার দর আট হাজার পর্য্যন্ত উঠিয়াছিল; কিন্তু সদয়-হৃদয় পিতৃদেহ, নগদ ছয় হাজার টাকা লোকসান স্বীকার করিয়া, মাত্র দুই হাজারে সন্তুষ্ট হইয়া, ভবানীপুর নিবাসী, বেনরকারী কলেজের গরীব অধ্যাপক হরকুমার গাঙ্গুলীর কস্তাকে পুত্রবধুরূপে গৃহে আনিলেন।

বিশেষ করিয়া সুন্দরী মেয়ে কামনা না করিলেও, প্রজাপতি অবিনাশকে সুন্দরী মেয়েই দিলেন। কনের নাম সুসমা, বয়স ১৬½ বৎসর, এ বৎসর সে ম্যাট্রিক পরীক্ষা দিয়াছে—রেজল্ট এখনও বাহির হয় নাই।

বিবাহ হইল এই আষাঢ়। জ্যৈষ্ঠ মাসেই হইতে পারিত, কিন্তু জ্যৈষ্ঠ ছেলের বিবাহ জ্যৈষ্ঠ মাসে হইতে নাই। অবিনাশের পিতা রাধাবল্লভ চট্টোপাধ্যায় মহাশয় খুলনা জেলার অধিবাসী। পুত্রবিবাহ জন্ত সপরিবারে কলিকাতার আসিয়া এক মাসের জন্ত শ্রামবাজারে বাড়ী ভাড়া করিয়াছিলেন।

ফুলশয্যার রাত্রেই, কনেকে বিশেষভাবে জেরা করিয়া অবিনাশ জানিতে পারিল যে, সে কবিতা লেখে এবং কবিতার পরিপূর্ণ দুইখানি খাতা ভবানীপুরে তাহার বাসনামধ্যে আবদ্ধ আছে। শুনিয়া আনন্দে অবিনাশ যেন পাগল হইয়া উঠিল। বলিল, “আসবার সময় খাতা দু’খানি আনলে না কেন স্বামী ?—আমি দেখতাম !”

নববধু বলিল, “সে খাতা আমি কি কাউকে দেখাই ?”

অবিনাশ বলিল, “কিন্তু আমি কি ‘কাউ’ ?”

কনে বলিল, “তুমি ‘কাউ’ হবে কেন, তুমি ‘বুল’ !”

বধুর এই রহস্যপটুতায় একটা দীনবন্ধু বা ডি-এল রায়ের প্রতিভার সন্ধান পাইয়া অবিনাশ একেবারে মুগ্ধ হইয়া গেল। মনে মনে বলিল, “সাথে কি আর আমি শিক্ষিতা মেয়ে বিয়ে করবো প্রতিজ্ঞা করেছিলাম ?”—কোনও কবিতা যদি মুখস্থ থাকে, তবে তাহাই শুনিবার জন্ত অবিনাশ বড়ই ব্যস্ত হইয়া পড়িল। কিন্তু কোনও কবিতাই সুসমার মুখস্থ নাই। বরের আগ্রহ ও আক্কেপ দর্শনে অবশেষে সে আশ্বাস দিল—“আট দিন পরে, আমার সঙ্গে তুমি ত যোড়ে যাবে আমাদের বাড়ী, তখন দেখাব।”

অবিনাশ বলিল, “আট দিন ধৈর্য্য ধরে থাকাই বা যার কেমন করে ?”

২

আটদিন আট রাত্রি অতিবাহিত হইল। উভয়ের আত্মীয়তা, অন্তরঙ্গতা, অভিন্নহৃদয়তা এই আট দিনে এতই বিশাল ও গভীর হইয়াছে যে, অবিনাশের স্থির বিশ্বাস—বোধোদয় কথামালা পড়া কোনও মেয়ের সহিত বিবাহ হইলে, আট বৎসরেও তাহা হইত কি না সন্দেহ।

আট দিন পরে অবিনাশ “যোড়ে” স্বপ্নরবাড়ী গেল। স্ত্রীর লিখিত কবিতা পাঠে তাহার অষ্টাহব্যাপী আকুল আকাঙ্ক্ষা পরিতৃপ্ত হইল। কবিতাগুলি পড়িয়া সে এতই প্রশংসা করিতে লাগিল যে বেচারী সুসমা সত্য সত্যই লজ্জিত ও সঙ্কুচিত হইয়া পড়িল। বলিল, “কি বল তুমি তার ঠিক নেই! ভারি ত কবিতা—তারই এত সুখ্যাতি!” অবিনাশ, রবিবাবু কোট করিয়া বলিল, “গুপ্তসম অন্ধ তুমি অন্ধ বালিকা—জান না নিজে মোহন কি যে তোমার মালিকা!”—অবিনাশ মনে মনে প্রতিজ্ঞা করিল—যত শীঘ্র সম্ভব, কবিতাগুলি পুস্তকাকারে সে ছাপাইয়া ফেলিবে। কলেজ খুলিলেই মেসে বসিয়া স্বহস্তে খাতা নকল করিয়া পাণ্ডুলিপি প্রেসে দিবে।

নিজালয়ে অষ্টাহ, শশুরালয়ে অষ্টাহ—এই ষোড়শ দিন কোথা দিয়া যে কাটিয়া গেল অবিনাশ তাহা ভাল বুঝিতেই পারিল না। অবশেষে বিদায়-রজনী উপস্থিত হইল। গভীর নিশীথে, ঘন ঘন দীর্ঘশ্বাস, পরস্পরের বক্ষে অবিরল অশ্রুজল সেচন ইত্যাদি ইত্যাদি একরকম শেষ হইলে, অবিনাশ বলিল, “তুমি রোজ একখানি ক’রে চিঠি আমার লিখবে। নইলে আমার জীবন দুর্ভাগ্য হয়ে উঠবে—পড়াশুনো চুলোয় যাবে—আমি ফেল হব।”

সুসমা বলিল, “তা লিখবো বৈ কি! তুমিও আমার রোজ একখানি চিঠি লিখবে ত?”

অবিনাশ বলিল, “নিশ্চয়, নিশ্চয়!”

“আর, ফি শনিবারে আসবে ত? বাবা ত তোমার বলেই রেখেছেন,—মাও যাবার সময় তোমায় বলবেন। শনিবার বিকালে আসবে, রবিবার থেকে, সোমবার সকালে উঠে চা-টা খেয়ে মেসে ফিরে যাবে। কেমন, কথা রইল ত?”

“নিশ্চয় নিশ্চয়!—কিন্তু, অতদিন অতদিন বাদে এক একটীবার দেখা—সহ্য করা শক্ত যে সুসু! মাঝে অন্ততঃ একটি দিন—ধর বুধবার—তোমার মুখখানি আর একবার আমার দেখতে পাওয়া চাই।”

সুসমা ফুলস্বরে বলিল, “কিন্তু তা কি করে হবে?”

অবিনাশ বলিল, “আমি তার একটা উপায় স্থির করেছি। তুমি, প্রতি বুধবারে, বেলা ঠিক ৮টার সময়, তোমাদের ছাদে উঠে, উত্তর-পশ্চিম কোণটার দাঁড়াবে। আমিও ঠিক সেই সময় হরিশ মুখুয্যের রোড দিয়ে যাব। যদিও এ বাড়ী গলির ভিতর, কিন্তু হরিশ মুখুয্যের রোড থেকে ছাদের প্রায় আধখানা বেশ দেখা যায় তা জান ত?”

সুসমা বলিল, “হ্যাঁ, তা জানি। হরিশ মুখুয্যের রোড দিয়ে যখন বর-টর যার আমরা ছাদে উঠে দেখি কি না।”— বলিয়া সুসমা ফিক্ করিয়া একটু হাসিল।

হাসির কারণ জানিবার ভক্ত অবিনাশ ব্যস্ত হইয়া উঠিল। সুসমা বলিল, “একটা কথা মনে হল তাই হাসলাম।”

“কি কথা—বল—বল।”

“মনে হল, এতদিন ছাদে উঠে পরের বর দেখে মরেছি,

এখন নিজের বরটিকে দেখে বাঁচবো। কেবল রোশনাই, বাজনা-বাঁজি থাকবে না এই যা তফাৎ।”

অবিনাশ, প্রিয়তমার এই রসিকতার, স্বয়ং কালিদাসের কবিত্ব-মাধুর্য উপলব্ধি করিল। আনন্দ বেগ সঞ্চার করিতে না পারিয়া, তাহাকে হৃদয়ে বাঁধিয়া, চুষনের কাঁকে কাঁকে বলিতে লাগিল, “কি সুন্দর তোমার ভাব; কি সুন্দর তোমার প্রকাশ-ভঙ্গি! কিন্তু, কেন রোশনাই থাকবে না? চোখে যাদের প্রেমের মাণিক জগছে, তাদের কি রোশনাইয়ের অভাব? হৃদয়ে যাদের স্বর্গের বীণা বাজছে তাদের অশ্রু বাজনার দরকার কি?”

অবিনাশ শশুরালয় হইতে শ্রামবাজারে পিতামাতার নিকট ফিরিবার দিন-দুই পরেই, তাঁহাদের দেশে ফিরিবার সময় উপস্থিত হইল। অবিনাশ কিন্তু বাড়ী যাইবার কোনও উদ্যোগ করিল না। পিতাকে বলিল, “আজ মোটে তিন হপ্তা ত আছে কলেজ খুলতে। আবার যাওয়া, আবার আসা, মিথ্যে কতকগুলো টাকা খরচ বৈ ত নয়! তার চেয়ে বরঞ্চ মেসেই গিয়ে থাকি।”

পুত্রের অস্তরের গোপন অভিপ্রায় জানিয়া, পিতা মনে মনে একটু হাসিলেন। বলিলেন, “আচ্ছা, সেই ভাল। পড়াশুনো বেশ মন দিয়ে কোর।”

“আজ্ঞে হ্যাঁ—সে আমার বলতে হবে না। এখন বেশ ত প্রায় খালি, পড়াশুনোর বেশ সুবিধে হবে। অনেকটা সেই কারণেও, এখন বাড়ী যেতে চাচ্ছি নে।”—বলিয়া অবিনাশ সরিয়া পড়িল। ভাবিল, বুড়াদের ঠকানো কি সহজ!

৩

পাঁচটি বৎসর কাটিয়া গিয়াছে।

এ পাঁচ বৎসরে অনেক ঘটনা ঘটিয়া গিয়াছে। সুসমা প্রথম বিভাগে ম্যাট্রিক পাশ হইয়াছে—ইহা ত বিবাহের অল্পদিন পরেরই ঘটনা। অবিনাশ উচ্চ সম্মানের সহিত এম-এ পাস হইয়া, আশুবাবুর কুপায় বিশ্ববিদ্যালয়ের পোর্ট গ্রাজুয়েট বিভাগে অধ্যাপক নিযুক্ত হইয়াছে। এই সময় তাহার একটি কন্যাও জন্মগ্রহণ করে—কন্যাটি এখন তিন বৎসরের। ভবানীপুরে, শশুরালয়ের অনতিদূরে, একটি সুন্দর বাড়ী ভাড়া লইয়া অবিনাশ সস্ত্রীক বাস করিতেছে।

একদিন সাক্ষ্য ভ্রমণের পর কিরিয়া, নিজ কক্ষে বলিয়া

অবিনাশ ডাকিল, “ও বউ, শোন।”—অবিনাশ তার স্ত্রীকে এইরূপই সম্বোধন করিয়া থাকে; স্ত্রীকে কেহ কেহ হালে, কিন্তু অবিনাশ তাহা গ্রাহ্য করে না।

“বউ, একটা কথা শুনে যাও।”—

বউ তখন বির সাহায্যে রান্নাঘরে বসিয়া রুটি বেলিতেছিল—স্বামীর আহ্বানে উঠিয়া তাড়াতাড়ি হাত ধুইয়া ঘরে আসিল। দেখিল, স্বামী একখানি খবরের কাগজ নিবিষ্টমনে পাঠ করিতেছেন।

স্ত্রীর পদশব্দে অবিনাশ মুখ তুলিয়া বলিল, “ব্যস্ত ছিলে?”

“রুটি বেলছিলাম।”

“দেবী কত বউ?”

“কেন, ক্ষিদে পেয়েছে? আর আধঘণ্টার মধ্যেই সব তৈরি হয়ে যাবে।”

“না, ক্ষিদে পায় নি। একটা বিশেষ কথা ছিল,—তা, সব সেয়েই তুমি এস।”

“কেন, কি হয়েছে, বল না।”

“সে, একটু সময় লাগবে। তুমি কাঁচ সেয়ে এস, তার পর ধীরে স্নেহে কথাবার্তা হবে।”

স্বামীর গাঙ্গীর্য্য দেখিয়া স্নেহমা ভীত হইয়া বলিল, “হ্যাঁগা, কোনও মন্দ খবর নাকি?”

অবিনাশ ব্যস্তভাবে বলিল “না না কোনও মন্দ খবর নয়—ভাল খবরই। যাও, তুমি কাঁচ সেয়ে এস।”

“আচ্ছা”—বলিয়া স্নেহমা চলিয়া গেল।

অবিনাশ আবার সংবাদপত্রখানি উঠাইয়া লইয়া, নিম্নোক্ত বিজ্ঞাপনটি পাঠ করিতে লাগিল:—

আনন্দ সংবাদ!

আনন্দ সংবাদ !!

সাহিত্য-সেবাক্ষণ্ডীর অপূর্ব সুরোগ

উপন্যাস-কলেজ

বর্তমান সময়ে বঙ্গদেশে কথা-সাহিত্যের কিরূপ সমাদর তাহা অনেকেই বোধ হয় লক্ষ্য করিয়া থাকিবেন। এ যুগটা বিশেষ করিয়া গল্প ও উপন্যাসেরই যুগ বলিতে হইবে। ভাল গল্প, ভাল উপন্যাসের জন্ম প্রকাশকেরা, মাসিক সম্পাদকগণ হাহাকার করিয়া বেড়াইতেছেন, অথচ তাঁহারা প্রতিদিন,

নবীন লেখক লেখিকাগণের রচিত শত শত গল্প ও উপন্যাস, অল্পবয়স্ক বোধে প্রত্যাখ্যান করিতেছেন। ইহার একমাত্র কারণ, লেখক লেখিকাগণ কোনওরূপ ট্রেনিং (তালিম) না পাইয়াই লেখনী ধারণ করিয়া থাকেন। রীতিমত গল্পপদেশ ভিন্ন, কোনও কার্য্যেই দক্ষতা লাভ করা যায় না। দেশের এই মহা অভাব দূর করিবার জন্ত কয়েকজন বিখ্যাত ও লক্ষপ্রতিষ্ঠ কথা-সাহিত্যিক মিলিয়া এই “উপন্যাস-কলেজ” সংস্থাপন করিয়াছেন। রীতিমত উপদেশ দিয়া, সাপ্তাহিক এক্সারসাইজ সংশোধন করিয়া শিক্ষার্থীগণকে কথাসাহিত্য-রচনার কৌশল শিক্ষা দেওয়া হইবে। কলেজে দুইটি বিভাগ আছে—ছাত্র বিভাগ ও ছাত্রী বিভাগ। সোম, বুধ ও শুক্রবারে ছাত্র বিভাগে এবং মঙ্গল, বৃহস্পতি ও শনিবারে ছাত্রী বিভাগে লেকচারাদি হইবার বন্দোবস্ত হইয়াছে। ভর্তি হইবার ফী ১০ এবং মাসিক বেতন ৬ টাকা মাত্র। এখনও উভয় বিভাগে কয়েকটা করিয়া সীট খালি আছে—যাঁহাদের প্রয়োজন, সত্বর আবেদন করুন। অস্তান্ত বিষয় জানিতে হইলে, এক আনার ষ্ট্যাম্প সহ আবেদন করুন। ঠিকানা—২২৫ নং সেন্ট্র্যাল আভেনিউ, কলিকাতা।

বিজ্ঞাপনটির উপরিভাগে একটি স্নেহৎ পাঁচতলা বাড়ীর ছবি ছাপা আছে।

বিজ্ঞাপনটি বার দুই পড়িয়া, অবিনাশ কাগজখানি রাখিয়া চিন্তায় নিমগ্ন হইল। স্ত্রীর অসাধারণ কবিত্বশক্তি দর্শনে, তাহার মনে বড় আশা হইয়াছিল যে, সাহিত্যক্ষেত্রে শ্রীমতী স্নেহমা দেবীর আবির্ভাব মাত্র দেশময় একটা হৈ চৈ পড়িয়া যাইবে—তাহার বৈঠকখানায় পুস্তক-প্রকাশক ও মাসিক সম্পাদকগণের ভিড় লাগিয়া যাইবে, দেশসুদ্ধ লোক সম্মুখে বলিবে, হাঁ, এতদিন পরে খাঁটি কাব্যরসের আনন্দ পাওয়া গেল বটে! কিন্তু অবিনাশের সে মনের আশা মনেই লয় পাইয়া গিয়াছে। বিবাহের পর কয়েক মাস মধ্যে, স্ত্রীর অনেকগুলি কবিতা একত্র করিয়া, অবিনাশ “পুষ্পহার” নামক একখানি বহি ছাপাইয়া বাজারে বাহির করিয়াছিল। কিন্তু পুষ্পহারের আদর হয় নাই—আগাগোড়া সব কথা ভাবিলে, এই সিদ্ধান্তই অমিবার্য্য হয় যে, সমালোচকগণ ও পাঠক সাধারণ জোট বাধিয়া ধর্ম্মঘট করিয়া, তার স্ত্রীর

বইখানি বরকট করিয়াছে। বই বাহির হইবার পর বছর খানেক ধরিয়া, সুখমার অন্ততঃ একশতটি নূতন কবিতা, অবিনাশ ভিন্ন ভিন্ন মাসিকে পাঠাইয়াছিল—তার মধ্যে ৯৫টি কেবল আসিয়াছিল, পাঁচটি মাত্র ছাপা হইয়াছিল, তাও মফঃস্বলের পত্রিকায়। এই কারণে, অবিনাশ বড়ই ভগ্নোত্তম হইয়া পড়িয়াছে। সে স্থির বুঝিয়াছে, কাব্যের যুগ এখন আর নাই;—এ যুগে, স্বয়ং কালিদাস একখানি নূতন মহাকাব্যের পাণ্ডুলিপি হাতে করিয়া ফলিকাতার আসিলে, কোন প্রকাশকই নিজব্যয়ে তাহা ছাপিতে সম্মত হইবেন না—অথচ তাঁহারাই, রামা শ্রামা নিধের অতি গুঁচা উপন্যাসও গোত্রাসে গিলিতেছেন!—বিজ্ঞাপনে যাহা লিখিত হইয়াছে—বঙ্গ গল্প উপন্যাসের যুগই আসিয়াছে বটে। সুখমার মত প্রতিভাশালিনী লেখিকা যদি উপন্যাস রচনার মন দেয়, তবে তাহার প্রতিষ্ঠা ও সাফল্য অবশ্যস্বাবী। কিন্তু, বিজ্ঞাপনে ঐ যে কথা লিখিয়াছে, গুরুপদেশ ভিন্ন কেহ কোনও কার্যে দক্ষতা লাভ করিতে পারে না। ঐ কলেজেই বউকে ভর্তি করিয়া দেওয়া অবিনাশের ইচ্ছা—এখন বউ রাজি হইলে হয়।

৪

বউ রাজি হইল, কিন্তু অনেক তর্কবিতর্ক, মান অভিমানের পর।

সুখমা বলিয়াছিল “আমি না হয় একটু ইংরেজিই শিখেছি, কিন্তু তা বলে’ মেম ত আর হই নি! জুতো মোজা পরে ট্রামে চড়ে আমি কলেজ যেতে পারি কখনও?”

“কেন, জুতো মোজা পরে ট্রামে চড়ে তুমি বায়স্কোপ দেখতে যেতে না বউ? এখনই না হয় খুকী হয়ে অবধি—”

“সে ত তোমার সঙ্গে যেতাম।”

“তা বেশ ত! একলা যেতে যদি তোমার ভয় হয়, আমি সঙ্গে করে তোমার রেখে আসবো নিজে আসবো গো।”

“ছজনকার ট্রামভাড়া লাগবে ত? তার উপর, কলেজের ছ’ টাকা মাইনে আছে, কাপড় চোপড়ের খরচ, ধোবার খরচও বাড়বে—চালাবো কেমন করে?”

“মাইনের টাকার না কুলোয়, আমি না হয় একটা প্রাইভেট টিউশনি যোগাড় করে’ নেবো এখন, তার জন্তে ভাবনা কি? না হয় দিন কতক একটু টানাটানি করেই

কাটানো যাবে। তার পর, যখন তোমার এক একখানি উপন্যাস বেরবে, তখন টাকা যে হুতহুত করে আসতে আরম্ভ হবে বউ।”

“তা কি কিছু বলা যায়? এতদিন কবিতা লিখেছি—গল্প উপন্যাস লিখতে কখনও ত চেষ্টা করিনি, চেষ্টা করলেই যে সফল হবে এমন কি কথা আছে?”

“আসল কথা কি জান? প্রতিভাই হল আসল কথা। সে প্রতিভা তোমার যথেষ্ট রয়েছে—সেটা তুমি কাব্যেই খাটাও আর উপন্যাসেই খাটাও—তোমার হাত থেকে উঁচু দরের জিনিষ বেরতে বাধ্য যে!”

“প্রতিভা ট্রিভা আমার কিছু নেই! ও সব আমি পারবো না,—এ নিজে আমার পীড়াপীড়ি কোর না গো তোমার ছুটি পায়ের পড়ি।”—বলিয়া সুখমা মুখ ভার করিয়া বসিয়া রহিল।

অবিনাশ অন্তদিকে চাহিয়া বসিয়া রহিল। খানিক পরে, বড় রকম একটা দীর্ঘনিঃশ্বাস ফেলিল। সুখমা আড় চোখে স্বামীর পানে চাহিল; একটু অমুতাপের স্বরে বলিল, “অমনি রাগ হল পুরুষের!”

স্ত্রীর দিকে না চাহিয়া অবিনাশ বলিল, “রাগ নয় বউ, দুঃখ।”

স্বামীর হাত ধরিয়া সুখমা বলিল, “কেন, কিসের দুঃখ তোমার? সবাইকের স্ত্রী কি আর অমুরূপা নিরূপমা হয়?”

অবিনাশ বলিল, “না না, আমার দুঃখের কারণ তা নয়। আমার দুঃখের কারণ, মোহভঙ্গ।”

“কেন, কি মোহ তোমার ভঙ্গ হল শুনি?”

অবিনাশ আর একটা দীর্ঘ নিঃশ্বাস ফেলিয়া বলিল, “দেখ, এতদিন আমার ধারণা ছিল যে, আমাদের দুজনের প্রেম, আদর্শ দাম্পত্য-প্রেম। এখন দেখছি আমার সে ধারণাটা একটা মোহ—একটা ভুল ছাড়া আর কিছু নয়।”

সুখমা ক্ষুণ্ণস্বরে বলিল, “কেন, ভুল কিসে?”

অবিনাশ বলিল, “যথার্থ দাম্পত্য-প্রেম কাকে বলে? প্রাণেশ্বর—প্রাণেশ্বরী বলে দু’জনে দুজন্যের গারে চলে পড়াই কি দাম্পত্য-প্রেম? বহুদিন বাবু কি বলেছেন মনে নেই? সমহৃদয়তা, একাভিসন্ধিতা—সেইটাই হল আসল দাম্পত্য-প্রেম। নইলে, আমি বলবো যাব দক্ষিণে, তুমি

বলবে যাব উত্তরে—এ রকম হলে স্বাম্পত্য-প্রেম হয় না।”

স্বামীর বেদনা জড়িত কণ্ঠস্বর শুনিয়া সুষমার চক্ষু হলহল করিয়া আসিল। সঙ্গেহে তাহার হাতটি ধরিয়া বলিল, “তুমি ছঃখ কোরো না—আমি তোমার অবাধ্য হব না—তুমি যা বলবে আমি তাই করবো।”

তখন আবার ছইজনে ‘ভাব’ হইয়া গেল। বিজ্ঞাপনটি আবার পঠিত হইল। কত কথার আলোচনা হইল। সুষমা সেই বিজ্ঞাপনের উপরিভাগে মুদ্রিত পঞ্চতল অট্টালিকা দেখিয়া বলিল, “উঃ, বাড়ীটা ত মস্ত!” অবিভক্ত বলিল, “তা হবে না? এত বড় একটা ব্যাপার—কত ছাত্র ছাত্রী ভর্তি হবে তার কি হিসেব আছে?”

৫

ভর্তি হইবার পূর্বে, উভয়ে একদিন গিয়া কলেজটি দেখিয়া আসিবার পরামর্শ ছিল; সেই পরামর্শ আজ কার্যে পরিণত হইবে। আজ বিকালের ষণ্টায় অবিভক্তের ক্লাস ছিল না; বেলা ছইটার সময় সে বাড়ী আসিয়াছে। চারিটা বাজিলেই, স্ত্রীকে প্রস্তুত হইবার জন্ত সে তাগাদা দিতে লাগিল।

সুষমা জুতা মোজা পরিয়া, সাজিয়া গুজিয়া, বেলা সাড়ে চারিটার সময় স্বামীর সহিত বাহির হইল। ছইজনে ট্রামেই গেল। কলুটোলা স্ট্রীটের মোড়ে নামিয়া, পাঁচ মিনিট মধ্যেই নূতন রাস্তার উপস্থান-কলেজ গৃহের সম্মুখে উপস্থিত হইল। দেখিল, বাড়ীটা বিজ্ঞাপনের ছবির অনুরূপ প্রকাণ্ড পঞ্চতল অট্টালিকাই বটে; কিন্তু সমস্তটাই উপস্থান-কলেজ নহে। নীচের তলার কুঠুরিগুলিতে সাইকেল মেরামতের দোকান, পাণবিড়ির দোকান, ময়রার দোকান প্রভৃতি। দোতারাটা মাত্র কলেজ। ত্রিতল, চতুস্তল ও পঞ্চতলে মাড়োয়ারীগণ বাস করে।

যাহা হউক, উভয় দ্বিতলে উঠিল। প্রথমেই একটা কক্ষের বাহিরে আঁটা তক্তায় “অফিস” অঙ্কিত দেখিয়া, পর্দা ঠেলিয়া তাহারা ভিতরে প্রবেশ করিল। গৌরুদাড়ি কামানো, ঝাঁকড়া চুল, চোখে সোণার চশমা আঁটা এক যুবক রেজিষ্টারি বহি খাতাপত্র লইয়া বসিয়া ছিলেন, তিনি আগন্তুকদের পানে চাহিয়া, চেয়ার দেখাইয়া বসিতে ইঙ্গিত করিলেন। ইহাদের আগমনের উদ্দেশ্য শুনিয়া,

একখণ্ড নিয়মাবলী এবং একখানি ভর্তি হইবার করম অবিভক্তের হাতে দিলেন। অবিভক্ত ও সুষমা একত্র তাহা পাঠ করিতে লাগিল।

পাঠ শেষে অবিভক্ত জিজ্ঞাসা করিল, “ছাত্রী বিভাগে কতগুলি মেয়ে ভর্তি হয়েছে মশাই?”

বাবুটি বলিলেন, “জন কুড়ি এ পর্য্যন্ত ভর্তি হয়েছে। আরও অ্যাপ্লিকেশন আসছে। ত্রিশ পূর্ণ হলে আর আমরা নেবো না; মেয়েদের ক্লাস-ঘরে আর বেণী ধরবে না। এত ছাত্রী ভর্তি হতে চাইবে তা আগে আমরা ভাবিনি।”

“মেয়েদের ক্লাসে কে কে পড়াবেন?”

কেরাণীবাবু একখানি কাগজ টানিয়া লইয়া তাহার উপর চক্ষু রাখিয়া বলিলেন, “ছোট গল্প সঙ্ক্ষে লেখচার দেবেন সরোজ রায় আর শৈলেন চাট্টোয়। উপস্থান সঙ্ক্ষে রজনী বাবু আর লীলাবতী সেন। ভাষা, বর্ণনা শেখাবেন নূপেন সোম আর চঞ্চলা দেবী।”

সকলেই জানেন—সুষমা অবিভক্তও জানিত—বর্তমান বঙ্গীয় সবুজ সাহিত্যে এই লেখক লেখিকাগণের স্থান কত উচ্চ। অবিভক্ত বলিল, “এঁরা ত আজকালকার খুব নামজাদা সাহিত্যিক!”

কেরাণী বাবু বলিলেন, “নিশ্চয়।”

“ঐ যে সরোজ বাবুর নাম করলেন, ‘নবরশ্মি’ মাসিক পত্রের সম্পাদক সরোজ বাবু কি?”

“তিনিই।”

“তা হলে ষ্টাক্ ত খুব ষ্টুং হয়েছে!”

“আজ্ঞে হাঁ। নইলে আর ভর্তি হবার জন্তে এত ভীড়!”

“আচ্ছা—নমস্কার মশাই—এখন তাহলে আমরা উঠি।”

—বলিয়া অবিভক্ত দাঁড়াইল। কেরাণী বাবু বলিলেন, “যদি ভর্তি হওয়াই স্থির হয়, তবে বেণী দেবী করবেন না,— কারণ স্থান বড়ই কম,—আর যে রকম অ্যাপ্লিকেশন আসছে—”

“যে আঞ্জে—দেবী করবো না—খুব সম্ভব, কালই এসে টাকা জমা দিয়ে যাব।”—বলিয়া অবিভক্ত স্ত্রীকে লইয়া প্রস্থান করিল।

৬

পরদিনই অবিভক্ত গিয়া সুষমার ভর্তি হওয়ার ফী প্রভৃতি জমা দিল। সপ্তাহ পরে লেখচার আরম্ভ হইল। অবিভক্ত



বেলা ২টার সময় জীকে তাহার কলেজে দিয়া, নিজকর্ণে বিশ্ববিদ্যালয়ে গেল। বেলা ৪টার সন্ধ্যার ছুটি হইবে—অবিনাশের কার্যও তৎপূর্বেই শেষ হইবে। উপস্থাপন-কলেজে গিয়া জীকে লইয়া সে ট্রামে বাড়ী ফিরিবে।

ছুটির পর রাস্তার বাহির হইয়া সন্ধ্যা স্বামীকে বলিল, “ওগো দেখ, বলেছিল যে ৫০ জন পর্য্যন্ত ছাত্রী নেওয়া হবে—তা নয়, আমি নিয়ে মোটে সতেরোটি মেয়ে ত দেখলাম। আর সবাই কোথায় গেল?”

অবিনাশ বলিল, “আজ ত মোটে প্রথম দিন কিনা। যারা ভর্তি হয়েছে সবাই আজ আসে নি। ক্রমে সব আসবে বোধ হয়।”

ট্রামে উঠিয়া, ছইজনে বেশী কথাবার্তা হইল না। বাড়ী আসিয়া, বস্তাদি পরিবর্তনের পর, চা থাইতে বসিয়া অবিনাশ জিজ্ঞাসা করিল, “আজ কি কি হল বউ?”

“আমরা সবাই ক্লাসে বসলাম। তার পর ঘণ্টা বাজলো—বর্ণনা শিক্ষার প্রোফেসার নূপেন সোম এলেন। বোর্ডের গায়ে একখানা মস্ত ছবি টাঙ্গিয়ে দিলেন। বড় বড় চুল, বড় বড় দাড়ি এক মিসেস; চোখ ছটো যেন ঠিকরে বেরুচ্ছে; বয়স ত্রিশের বেশী নয়—প্রোফেসার বল্লেন,—‘এই লোকটার চেহারা তোমরা সবাই এক মনে বেশ করে খানিকক্ষণ দেখ—তার পর, খাতায় এর চেহারার বর্ণনা লেখ—আর, উপস্থিত এর মনের ভাব কি হওয়া সম্ভব—তাও অনুমান করে’ লেখ।’ এই বলে’ তিনি পকেট থেকে এক তাড়া প্রফ বের করে, দেখতে বসে গেলেন। আমরা ছবিখানা দেখে, বর্ণনা লিখতে লাগলাম।”

“তার পর?”

“ঘণ্টা শেষ হলে, তিনি খাতাগুলো সব নিলেন। দ্বিতীয় ঘণ্টায়, এক এক খানা খাতা নিয়ে তিনি পড়তে লাগলেন আর ভুল ক্রটিগুলি সব বোঝাতে লাগলেন।”

“তুমি কি লিখেছিলে?”

“আমি চেহারাটা বর্ণনা করবার পর, লিখেছিলাম, প্রথম ঘোবনে একটি মেয়ের সঙ্গে এর ভালবাসা হয়েছিল; কিন্তু মেয়ের বাপের ঘোর আপত্তি থাকায় বিয়ে হতে পারে নি—তখন ছ’জনে পরস্পরের নিকট এই প্রতিজ্ঞা করে বিদায় নিয়েছিল যে, তারা আজীবন কৌমাৰ্য্য ব্রত পালন ক’রে, পরলোকে মিলনের আশায় থাকবে। মেয়েটি পিতৃগৃহেই

রইল, যুবকটি মনের খেদে বনবাসী হল। দশ বৎসর পরে যুবকের ইচ্ছা হল,—দূর থেকে একবার তার প্রিয়তমাকে চোখের দেখা দেখে আসবে। বন ছেড়ে লোকালয়ে এসে দেখলে, তার প্রিয়তমা দিবিয়া বিয়ে ধাওয়া করে স্নেহে সংসার ধর্ম পালন করছে। তাই দেখে, যুবকের মনে ভয়ানক দুঃখ ও রাগ হয়েছে।”

অবিনাশ বলিল, “এনক আর্ডেন। অস্ত্র ছাত্রীরা সব কি লিখেছিল?”

সন্ধ্যা বলিল, “সে সব অদ্ভুত। কেউ লিখেছিল এ খুন কিংবা ডাকাতি করতে যাচ্ছে—কেউ লিখেছিল গাঁজা খেয়ে এ পাগল হয়ে গেছে—এই রকম সব।”

“প্রোফেসার কি বল্লেন?”

“তিনি আমারটাই খুব ভাল হয়েছে বল্লেন। বল্লেন, যে সকল লোকের সঙ্গে তুমি সংস্রবে আস,—তোমার স্বামী, আত্মীয় স্বজন, দাস দাসী—সকলের মুখ দেখে তার মনের ভাবটা বিশ্লেষণ করতে সর্বদা চেষ্টা করবে। মনস্তত্ত্বই হল আসল জিনিষ—সেইটে যিনি যত নিপুণভাবে বিশ্লেষণ করতে পারবেন,—উপস্থাপন রচনায় তিনি তত বেশী সিদ্ধিলাভ করবেন।—বল্লেন, তোমার ভিতর প্রতিভার ফুলিঙ্গ রয়েছে, এক মনে সাধনা কর।—আমাকে খুব উৎসাহ দিলেন।”

এই সংবাদ শ্রবণে অবিনাশের, যুবকটি আত্মহারা দশহাত হইল। বলিল, “তোমার ভিতর প্রতিভার ফুলিঙ্গ যে আছে এটা ত অনেক দিন আগেই এ অধম আবিষ্কার করেছিল!”

সপ্তাহে তিনদিন সন্ধ্যার ক্লাস হইয়া থাকে। অবিনাশ তাহাকে নিয়মিত ভাবে কলেজে পৌছাইয়া দেয় এবং সঙ্গে করিয়া বাড়ী লইয়া আসে। লেকচার, এক্সারসাইজ প্রভৃতি কিরূপ হইতেছে তাহা নিত্যই সে খবর লয়।

একদিন সন্ধ্যা বলিল, “ওগো, কালকে আমার ডবল ক্লাস—বেলা একটা থেকে পাঁচটা পর্য্যন্ত কলেজ। ছোট গল্পের প্রোফেসার সরোজ রায়, আমাদের একটি গল্পের চূষক দেবেন—ক্লাসে বসে,—সেই গল্পটি চা’র ঘণ্টায় আমাদের সবাইকে লিখতে হবে। যে গল্প সব চেয়ে ভাল হবে, সেটি সরোজ বাবু তাঁর ‘নবরশ্মি’ কাগজে ছেপে দেবেন বলেছেন।”

“আচ্ছা বেশ, কাল আমি তোমার সমস্ত মত কলেজে পৌছে দেবো এখন।”

পরদিন অবিনাশ তাহাই করিল। তার নিজ ক্লাস সেদিন ৩টা হইতে ৪টা। সুতরাং দুই ঘণ্টা কাল তাহাকে গোলদীঘির ধারে বসিয়া কাটাইতে হইল। বৃকছারায় বেঞ্চির উপর বসিয়া বায়ুভরে গোলদীঘির ঈষত্তরঙ্গিত বন্ধের পানে চাহিয়া, তাহার নিজ বন্ধু আশার ফিল্মোলে তরঙ্গান্বিত হইয়া উঠিল। সে ভাবিতে লাগিল—এমন একদিন কি আসিবে না, যেদিন উপভাস-সম্রাজ্ঞী সুষমা দেবীর নবপ্রকাশিত উপভাসের প্লাকার্ডে কলিকাতার দেওয়াল ছাইয়া যাইবে! এমন একদিন কি আসিবে না, যেদিন পথে, ট্রামে, ট্রেনে, সভাসমিতিতে, তাহাকে দেখাইয়া লোকে ফুস্ফুস্ করিয়া বলাবলি করিবে—“ও লোকটা কে জান হে? ওই হচ্ছে সুষমা দেবীর স্বামী!”—আশা কাণে কাণে কহিল—“আসিবে, সেদিন আসিবে।”

৭

এক্সারসাইজ স্বরূপ লিখিত সুষমার গল্পটিই সর্বোৎকৃষ্ট হইয়াছে বিবেচনায় প্রোফেসার সরোজ রায় সেটি “নবরশ্মি” পত্রিকায় প্রকাশ করিয়াছেন। যেদিন উহা প্রকাশিত হয়, অবিনাশ স্বয়ং “নবরশ্মি” কার্যালয়ে গিয়া ঐ সংখ্যা ২৫ খানি কিনিয়া আনিয়া, ২০ খানা ডাকযোগে আত্মীয় বন্ধুবর্গের নিকট প্রেরণ করিয়াছিল। বউয়ের গল্পটির শিরোনামার উত্তর পার্শ্বে মোটা লাল পেন্সিলের চিহ্ন করিয়া দিয়াছিল। কোনও বন্ধু বান্ধব সাক্ষাৎ করিতে আসিলে, দুই চারি কথার পর অবিনাশ বলিতে লাগিল—“হ্যাঁ, ভাল কথা, ‘নবরশ্মি’ কাগজে বউয়ের একটা গল্প বেরিয়েছে পড়েছ কি?”—এবং বন্ধুকে, সেইখানে বসাইয়া, গল্পটি আগাগোড়া না পড়াইয়া ছাড়িত না। একখানি ‘নবরশ্মি’ সর্বদাই তাহার পকেটে থাকিত, এবং প্রায় প্রতিদিনই সে নিজে গল্পটি দুই একবার পড়িত।

একদিন অবিনাশ স্ত্রীকে জিজ্ঞাসা করিল, “আজ কাল তোমাদের কি বিষয়ে লোকচার হচ্ছে বউ?”

সুষমা বলিল, “প্রেম-তত্ত্ব। প্রেমের উৎপত্তি, প্রেমের স্বরূপ, আর প্রেমের প্রকার ভেদ হয়ে গেছে—কথা-সাহিত্যে প্রেমের প্রভাব এখন হচ্ছে। কিন্তু সরোজ বাবু যা বলছেন, তা কিন্তু আমার মনে লাগছে না।”

“সরোজ বাবু কি বলছেন?”

“তিনি বলছেন, দাম্পত্য প্রেমের চেয়ে, নিষিদ্ধ প্রেমেরই

রস বেশী—আবেগ বেশী—উদ্ভাসনা বেশী, তাই নিষিদ্ধ প্রেমের চিত্র থাকলেই গল্প উপভাস সব চেয়ে বেশী স্বদয়গ্রাহী হয়। এই কথা শুনে, ৭৮টি মেরে চটেমটে ত কলেজ ছেড়েই দিয়েছে।”

“আজকাল তোমাদের কলেজে ছাত্রী সংখ্যা কত?”

“আমি নিশ্চয় উনিশটি।”

“কেন? প্রথম দিনেই ছিল সতেরটি। পঞ্চাশজন পর্যন্ত নেওয়া হবে—সে পঞ্চাশ ত কোন্ কালে পুরে যাবার কথা। এত কমে গেল কি করে বউ?”

সুষমা বলিল, “পঞ্চাশ কোনও দিনই হয়নি। ৩১৩২ জন হয়েছিল। তার পর আবার অনেকে ছেড়ে দিলে।”

“কেন? ছেড়ে দিলে কেন?”

“হ’জনকার, ছেলে হবে ব’লে তারা চলে গেছে। প্রেমতত্ত্বের ব্যাখ্যা শুনে ৭৮ জন পালালো। আরও ৩১৪ জন তাদের স্বামীদের মত থাকলেও, খণ্ডর খাণ্ডীর মত নেই তাঁরা শুনে রাগ করেছেন, সেই ওজুহাতে কলেজ ছেড়ে দিয়েছিল। দেখ, আমারও কিন্তু আর ভাল লাগছে না—পাছে তুমি রাগ কর, সেই জন্তে এতদিন আমি তোমায় বলিনি। বিশেষ ঐ সরোজ রায়—যখন থেকে ‘নবরশ্মি’তে আমার গল্পটা বেরিয়েছে—তখন থেকে, আমার সঙ্গে যেন কী রকম ব্যবহার করে।”

“কি রকম ব্যবহার করে?”

“পুরুষ শিক্ষক আর ছাত্রীর মধ্যে যে শোভন ব্যবধান-টুকু থাকার দরকার, তা সে আর রেখে চলছে না।”

অবিনাশ হাসিয়া বলিল, “ওটা তোমার ভুল, সুষমা। সবুজ সাহিত্যের তিনি একজন অত বড় লেখক—অত বড় কাগজের সম্পাদক—হঠাৎ, তাঁর প্রতি কোনও মন্দ উদ্দেশ্য আরোপ করা তোমার উচিত নয়। তুমিই হলে ক্লাসের সব চেয়ে ভাল ছাত্রী—সবার চেয়ে তোমার উপরেই বেশী ভরসা রাখেন—তাই বোধ হয় একটু আত্মীয়তার ভাব এসে পড়েছে। ওটা কিছু নয়।”

কিছুদিন পরে সুষমার খুসীর অর হইল। অরটা ক্রমেই বৃদ্ধি পাইতে লাগিল। এই কারণে এক সপ্তাহ সুষমা কলেজ যাইতে পারিল না।

সপ্তাহ পরে, খুসী আরোগ্যলাভ করিলে, অবিনাশ স্ত্রীকে আবার ষথারীতি কলেজে পৌছাইয়া দিয়া আসিল।

বধানময়ে জীকে আনিতে গিয়া অবিনাশ শুনি, আজ কলেজ বন্ধ—রাসপূর্ণিমার ছুটি। জীর খোঁজ করিতে ছারবান বলিল, মাইজী বাড়ী চলিয়া গিয়াছেন। প্রবল জরে তিনি কাঁপিতেছিলেন, চক্ষু হইল লাল-সুক্ষ্ম হইয়াছিল, ছারবান ট্যান্ডি ডাকিয়া তাঁহাকে উঠাইয়া দিয়াছে।

অবিনাশ ইহা হৃশ্চিক্তাগ্রস্ত মনে, ট্রামে বাসায় ফিরিল। বাসায় আসিয়া ভূত্যের নিকট শুনি,—মাইজী কলেজ হইতে ট্যান্ডিতে ফিরিয়া আর উপরে উঠেন নাই, ঝিকে ডাকিয়া গঙ্গানানের বন্দাদি আনিতে আদেশ দিয়া কালীঘাট যাত্রার জন্ত তাহাকে ঠিকা গাড়ী আনিতে বলিলেন। গাড়ী আসিবা মাত্র, খুকীকে ও ঝিকে লইয়া তিনি কালীঘাট যাত্রা করিয়াছেন।

শুনিয়া অবিনাশ অত্যন্ত বিস্মিত হইল। জিজ্ঞাসা করিল, “তাঁর শরীর কেমন দেখলি?” ভূত্য বলিল, “কেন, শরীর ত ভালই ছিল বাবু! তিনি বলেছেন গঙ্গানান ক’রে, কালীঘাটে পূজা দিয়ে তার পর ফিরবেন। বলেন, বাবু এলে বোলো তিনি যেন না ভাবেন।”

ব্যাপারটা অবিনাশের নিকট হৃর্ভেত্ত প্রহেলিকার স্তায় মনে হইল। প্রবল জর ও রক্তচক্ষু লইয়া কলেজ হইতে যে মানুষ চলিয়া আসিল—বাড়ী আসিয়াই—তার জর ভাল হইয়া গেল, সে গঙ্গানানে বাহির হইল! হঠাৎ কালীঘাটে পূজা দিবারই বা অর্থ কি? যাহা হউক, অবিনাশ ধৈর্য্য সহকারে জীর প্রত্যাগমন প্রতীক্ষায় বসিয়া রহিল।

৮

সন্ধ্যার সময় সুধমা ফিরিল। সন্ধ্যাতা, পরিধানে গরদ, সীমস্তে মোটা করিয়া সিন্দুর লিপ্ত—অবিনাশ জীর এই পবিত্র মূর্তি দেখিয়া বিস্ময়-বিহ্বল নেত্রে তাহার পানে চাহিয়া রহিল। সুধমা আসিয়াই গড় হইয়া স্বামীকে প্রণাম করিল।

অবিনাশ বলিল, “সুধমা, ব্যাপার কি? জর হয়েছে বলে তুমি কলেজ থেকে ট্যান্ডি করে চলে এসেছিলে?”

“হ্যাঁ।”

“হঠাৎ জর হল কেমন ক’রে—আর তাই হঠাৎছিল যদি, ত গঙ্গানান করতে গিয়েছিলে কেন বউ?”

“জর হয় নি।”

“কিন্তু দারোগান যে বলে!”

“সে তাই মনে করেছিল বটে! জর আমার হয় নি।”

“তবে? হঠাৎ এই অবেলার দান—আর, তাড়াতাড়ি কালীঘাটে পূজা দিতে যাওয়া—আমি ত কিছুই বুঝতে পারছি নে বউ!”

সুধমা বলিল, “পরে বলবো।”

“কখন বলবে?”

“রাত্রে। এখন এই সব ঝি চাকর ঘুরে বেড়াচ্ছে—একটু নিরিবিলা না হলে তোমার সব কথা বলতে পারবো না।”

অবিনাশ বলিল, “তুমি যে আমার বড়ই হৃশ্চিক্তায় কেলে সুধমা। কোনও অমঙ্গল, কোনও অশুভ ঘটেছে কি?”

“হ্যাঁ—না।”

“ঘটে গেছে, ঘটে গেলি? কি বলছ তুমি? বিস্তারিত না পার সংক্ষেপে বল।”

সুধমা বলিল, “সংক্ষেপেই বলছি—আমি আর ও কলেজে পড়বো না। সব কথা শুনে, তুমিও আমার আর সেখানে যেতে বলবে না। এখনও আমার মনটা বড়ই উদ্ভ্রান্ত রয়েছে—আর কোনও কথা এখন তুমি আমার জিজ্ঞাসা কোর না গো তোমার ছুটি পায়ে পড়ি।”—বলিয়া, প্রায় সাশ্রু নয়নে সুধমা সেখান হইতে প্রস্থান করিল। রাত্রিতে গিয়া স্বামীর চাব্বের উত্তোগ করিতে বসিল।

রাত্রে সুধমা স্বামীর কাছে লকল কথাই বলিল—“তোমার ত আমি আগেই বলেছিলাম, সরোজ রায় লোকটা কী রকম ভাবে আমার পানে চায়—দেখে আমার ভারি রাগ হয়। তুমি আমাকে বলেছিলে, ও সব কিছু নয়, ও সব আমার মনের ভ্রম। খুকীর অসুখের জন্তে সাত দিন কলেজ যাইনি ত! আজ তুমি আমার সিঁড়ির কাছে গিয়ে ছেড়ে দিয়ে এলে। আমি উপরে উঠে গিয়ে দেখলাম, ক্লাস সব শূন্য। দারোগান বলে, আজ রাসপূর্ণিমার ছুটি আপনি কি জানতেন না?—আমি বললাম, না, আমি ত এক হপ্তা কলেজে আসিনি। বলে’ আমি বারান্দায় গেলাম, তোমার যদি রাস্তায় দেখতে পাই ত তোমার ডাকবো বলে। রেলিংএর উপর ঝুঁকে দেখলাম তুমি প্রায় কলুটোলা স্ট্রিটের কাছে গিয়ে পৌঁছেছ—ডাকলে তুমি শুনেতে পাবে না। কলেজেই অপেক্ষা করবো—না একটা ট্যান্ডি আনিবে বাড়ী ফিরবো, দাঁড়িয়ে দাঁড়িয়ে ভাবছি—এমন সময় দেখি, সরোজ রায় ক্লাস ঘরের দরজায় দাঁড়িয়ে আমার ডাকছে—“সুধমা,

ভনে যাও ।”—“আজ ছুটি—আমি জানতাম না স্তার”—  
বলে আমি সিঁড়ির দিকে অগ্রসর হলাম। সরোজ রায়  
এসে জিজ্ঞাসা করলে, “এ ক’দিন আসনি কেন ?” বললাম,  
“আসতে পারিনি স্তার—আমার খুকীর অসুখ হয়েছিল।”  
“কি অসুখ হয়েছিলে ?”—বলতে বলতে সরোজ আমার খুব  
কাছে এসে দাঁড়াল। খুকীর যা অসুখ হয়েছিল, আমি  
সংক্ষেপে বললাম। শুল্কক্রাস ঘরে আমার গা ছমছম করছিল,  
কোনও রকমে কথাটা সেরে পালাতে পারলে বাঁচি।  
সরোজ বলে—“এখন খুকী ভাল হয়েছে ত ? যাক্। কিন্তু  
তুমি যে কামাই করলে, ছুটি নিয়েছিলে ?”—বললাম, “আজ্ঞে  
না, ছুটি নিতে হয় তা আমি জানতাম না স্তার।” সরোজ  
বলে, “কামাই করার জন্তে তোমার জরিমানা হবে তা  
জান ?”—বললাম, “তা যদি হয় ত দেবো স্তার।” সরোজ  
বলে, “দেবে ? দেবে ?”—তার কথার স্বরে আর তার ভঙ্গি  
মেখে আমার গা কেঁপে উঠলো। চলে আসবার জন্তে আমি  
ফিরে দাঁড়াতেই—সরোজ পিছন থেকে হঠাৎ আমার গলা  
জড়িয়ে—“এই তোমার জরিমানা” বলে—না গো—আর  
আমি বলতে পারবো না।”—বলিয়া সুখমা স্বামীর বুকে মুখ  
লুকাইয়া, হু হু করিয়া কাঁদিতে লাগিল।

রাগে অবিনাশের সর্কশরীর দাঁউ দাঁউ করিয়া জলিয়া  
উঠিল। স্ত্রীর মাথায় গায়ে হাত বুলাইয়া, তাহাকে আদর  
করিয়া, সান্ত্বনা দিয়া বলিল, “কেঁদনা—যা হবার তা হয়ে  
গেছে। সে দুর্ভাগ্যকে তার উপযুক্ত শাস্তি আমি দেবো।  
তার পর, তুমি কি করলে তাই আমার বল।”

সুখমা ক্রমে স্বামীর বক্ষ হইতে মুখ তুলিয়া বলিল, “আমি  
তৎক্ষণাৎ ফিরে, ঠাস্ করে তার গালে এক চড় কষিয়ে  
দিলাম।—চড় মেরে, আমার নিজেরই হাত ঝনঝন করতে  
লাগলো। আমি তাড়াগাড়ি নীচে নেমে গিয়ে দারোয়ানকে  
বললাম, “দারোয়ান আমার শীগুগির একখানা ট্যান্ডি ডেকে  
দাও আমি বাড়ী যাব।”—আমি তখন ঠক ঠক করে  
কাঁপছি। দরোয়ান বলে, “বোধার ছয়া মাইজী ?”—আমি  
বললাম “হ্যাঁ বাবা, বহুৎ বোধার ছয়া। দাঁড়াতে পারছি নে।”

সে নিজের টুল ছেড়ে উঠে বলে, “আঁখতি বহুৎ লাল ছয়া।  
আপ হাঁয়া বৈঠিরে মাইজী, হাম অন্ডি ট্যান্ডি বোলায়  
দেতে হাঁয়।” ট্যান্ডিতে বসে বসেই স্থির করেছিলাম, এ  
অপবিত্র দেহ নিয়ে বাড়ী ঢুকে স্বামীর মন্দির কলুষিত  
করবো না—গঙ্গান্নান করে, সতী শিরোমণি কালীমাকে প্রণাম  
ক’রে, তাঁর প্রসাদী সিন্দূর মাথায় পরে’, পবিত্র হর্ষে তবে বাড়ী  
ঢুকবো।”—বলিয়া সুখমা নীরব হইল। স্বামীর উরতে মাথা  
দিয়া, বিছানার উপর দেহ এলাইয়া দিল। অবিনাশও  
নীরবে স্ত্রীর মাথায়, কপালে, বুকে হাত বুলাইতে লাগিল।

স্বামীর এই নীরব সান্ত্বনার কিয়ৎক্ষণ পরে সুখমা  
অনেকটা শান্ত হইল। ক্রমে সে উঠিয়া বসিল।

“আমি প্রতিজ্ঞা করলাম সুখমা, এর উপযুক্ত প্রতিফল  
সেই পাষাণকে আমি দেবো, এবং কালই। তুমি শান্ত হও—  
যা হয়েছে তা ভুলে যেতে চেষ্টা কর।”—বলিয়া অবিনাশ  
স্ত্রীকে চুম্বন করিতে উদ্বৃত্ত হইল।

সুখমা বাধা দিয়া বলিল—“এখন না—গঙ্গান্নান ক’রে  
গঙ্গা মৃত্তিকা দিয়ে এই ঠোঁট দুটো বেশ করে আমি মেজে  
ফেলেছি। তার পর, মা কালীর মন্দিরের চৌকাঠের  
উপরও ঠোঁট দুটো বুলিয়েছি। কিন্তু এখনও আমার মনের  
মানি যায় নি—তোমার পারের ধুলো দাও, আমি তাই  
ঠোঁটে মেখে এ ছটোকে পবিত্র ক’রে নিই।”—বলিয়া সুখমা  
স্বামীর পদযুগল ধারণ করিয়া, নিজ মস্তকে ঠেকাইয়া  
তাহাতে চুম্বন করিতে লাগিল।

পরদিন “নবরশ্মি” আপিসে প্রবেশ করিয়া ক্রোধোন্মত্ত  
অবিনাশ সরোজকে সড়াং সড়াং করিয়া কয়েক ঘা বেত  
মারিয়াছিল, সে কথা লইয়া সাহিত্যিক মহলে কিরূপ হৈচৈ  
পড়িয়া গিয়াছিল তাহা বোধ হয় অনেকেরই স্মরণ থাকিতে  
পারে। কিন্তু আসল কারণ কেহই জানিতে পারে নাই।  
‘নবরশ্মি’র তরফ হইতে ইহাই প্রচার করা হইয়াছিল যে,  
অবিনাশ বাবুর প্রেরিত কোনও প্রবন্ধ অমনোনীত করার  
জন্তই নিরীহ সম্পাদক মহাশয় ওরূপ ভাবে তাঁহার হস্তে  
লাঞ্ছিত হইয়াছিলেন।

## গ্রামরত্ন ফুলিয়া

শ্রীস্বজননাথ মিত্র মুস্তোফী

দৌয়া জেলার রাণাঘাট মহকুমার অন্তর্গত ফুলিয়া গ্রামে যাইবার কয়েকটি রাস্তা আছে ; যথা—(১) রাণাঘাট ষ্টেশনে নামিয়া চূর্ণি-নদীর অপর পারে ঘোড়ার গাড়ী করিয়া যাত্রা করিলে শান্তিপুর যাইবার পাকা রাস্তার ধারে ফুলিয়া গ্রাম পাওয়া যায়। উহা রাণাঘাট হইতে সার্ক তিন ক্রোশ হইবে। (২) রাণাঘাটে নৌকা ভাড়া করিয়া চূর্ণি দিয়া গঙ্গায় পড়িতে হয়, তৎপরে শান্তিপুরের দিকে যাইতে বরুড়া গ্রাম পাওয়া যায়। বরুড়ার ঘাট হইতে

পথটি সর্কাপেক্ষা সুবিধাজনক। ছইবার এই শেষোক্ত পথ দিয়া এবং আর একবার বিখ্যাত উলা গ্রাম হইতে পদব্রজে ফুলিয়া দেখিতে গিয়াছিলাম।

উলা হইতে ফুলিয়ার দূরত্ব পদব্রজে ৩৩।০ ক্রোশ মাত্র। একবার মে মাসে আমরা চারিজন বন্ধু প্রয়োজনীয় দ্রব্যাদি একখানি গরুর গাড়ীতে বোঝাই দিয়া এক দিন প্রত্যুষে পদব্রজে ফুলিয়ার উদ্দেশে যাত্রা করিলাম। দ্রব্যাদি লইয়া গরুর গাড়ী হাঁটা-পথ ধরিয়া চলিল। আমরা উলার পশ্চিম প্রান্তে আসিয়া পথ ছাড়িয়া মাঠের মধ্য দিয়া অগ্রসর হইলাম। আমাদের সঙ্গে শিকারের জন্ত ছইটি দোনলা বন্দুক ও কার্তুজ চলিল। মাঠের আলির ঝোপ ও জঙ্গলের মধ্যে সজার, খরগোস ও পক্ষী অন্বেষণ করিতে করিতে বেলা প্রায় ৯টার সময় মাঠ ছাড়িয়া বৈচির উচ্চভূমিতে উঠিলাম। উলা হইতে বৈচির এই পূর্ব প্রান্তের দূরত্ব ছই ক্রোশের অধিক হইবে। এই স্থানে দাঁড়াইয়া চাহিয়া দেখিলাম—সম্মুখে, দক্ষিণে ও বামে মাঠ ও বিলের খাতের নিম্নভূমি বিস্তৃত রহিয়াছে। এই নিম্নভূমির পূর্ব প্রান্তে বিস্তৃত উচ্চ ভূমিখণ্ডের উপর বনজঙ্গলাবৃত প্রাচীন ও অভিশপ্ত উলা গ্রামের কঙ্কাল মাত্র দণ্ডায়মান আছে। এতদূর হইতে উলাকে ধূম্রবর্ণ ও ভগ্নাবহ



ফুলিয়া—(১) হরিদাসের পাটের সাধনকূপ (২) কৃষ্টিবাস  
পণ্ডিতের সমাধি (৩) ঠাকুর ঘর

ফুলিয়া অনুমান একমাইল দূরে অবস্থিত। (৩) হোর মিলার কোম্পানীর (কলিকাতা সীম গ্ৰাভিগেশন কোম্পানীর) সীমার প্রাতঃকালে কলিকাতা হাটখোলা ঘাট হইতে ছাড়িয়া সন্ধ্যার পূর্বে বরুড়ার ঘাটে উপস্থিত হয়, তথা হইতে ফুলিয়ায় যাইতে হয়। কিন্তু এই তৃতীয় পথ সুবিধাজনক নহে, কারণ রাত্রে ফুলিয়ায় থাকিবার সুবিধা নাই। (৪) রাণাঘাট—শান্তিপুর রেল লাইনের বৈচি নামক ষ্টেশনে নামিলে তথা হইতে ফুলিয়া প্রায় দেড় মাইল। এই শেষোক্ত

দেখাইতেছে। বৈচি ও উলার মধ্যবর্তী যে মাঠ ও বিল অতিক্রম করিয়া আসিয়াছি, তৎপ্রতি দৃষ্টিপাত করিলেই স্পষ্ট বৃষ্টিতে পারা যায় যে, পূর্বকালে এই বিশাল নিম্নভূমি গঙ্গার খাত ছিল। এককালে গঙ্গা উলা, খিসমা ও ফুলিয়ার পাদদেশ ধৌত করিয়া প্রবাহিত হইত।

বৈচি গ্রামটি মুসলমান-প্রধান। গ্রামের মধ্যে ব্রাহ্মণ ও কামার প্রভৃতি জাতীয় কয়েকজন অবস্থাপন্ন হিন্দুর কোঠা বাড়ী আছে। একটি বড় পুকুর আছে ; উহার জল সুপের।

বৈচিত্র্য হইতে কিঞ্চিৎ দুঃখ সংগ্রহ করিয়া লইয়া ফুলিয়া অভিমুখে চলিলাম। আকাশে সামান্ত মেঘের সঞ্চারণ হওয়ার সূচ্য-কিরণের প্রখরতা ছিল না; সে কারণ পথ চলিতে বিশেষ কষ্ট হইল না। বৈচিত্র্য দক্ষিণ-পশ্চিম ভাগে আসিয়া সরকারি কাঁচা রাস্তা ছাড়িয়া আর একটি বৃহৎ মাঠের মধ্য দিয়া চলিলাম। ক্রমে রাণাঘাট শাস্তিপুর রেল লাইন পার হইলাম। তৎপরে রাণাঘাট হইতে শাস্তিপুরে পদব্রজে যাইবার পাকা রাস্তা পার হইয়া ৭৮ মিনিটকাল চলিয়া জন-মানবহীন কুস্তিবাস পণ্ডিতের ভিটার উপস্থিত হইলাম। তখন বেলা প্রায় ১০টা। চতুর্দিকে সিকি মাইলের মধ্যে কোথাও জনপ্রাণীর বাস আছে বলিয়া মনে হইল না। চারিদিকের বন-জঙ্গল ও বাশবাগানের মধ্যে কুস্তিবাস পণ্ডিতের ভিটা অবস্থিত। মেঘ সরিয়া যাওয়ার রৌদ্রের প্রখরতা বৃদ্ধি পাইয়াছে এবং চতুর্দিকে দারুণ নিস্তব্ধতা বিরাজ করিতেছে। কদাচিৎ বনমধ্য হইতে ক্লান্ত পাখীর ডাক বাতাসে ভাসিয়া আসিতেছে।

যে ভূমিখণ্ড বিরিয়া কুস্তিবাসের স্মৃতি স্থাপিত হইয়াছে, উহার মাপ উত্তর-দক্ষিণে ৪১০' ফিট × পূর্ব-পশ্চিমে ১২০' ফিট। চতুর্দিকের বন-জঙ্গলের মধ্যে এই ভূমিখণ্ড পরিষ্কার পরিচ্ছন্ন অবস্থায় আছে। এই ভূমিখণ্ডের মধ্যে উত্তর দিকে একটি ইষ্টক-নির্মিত একতলা ক্ষুদ্র স্কুল-গৃহ আছে। উহার উত্তর ও দক্ষিণ দিকে ছাদযুক্ত বারান্দা আছে; বারান্দা দুইটির বাহিরের দিকে তিনটি করিয়া ফোকর বা খিলান আছে। এই গৃহটির মাপ—দীর্ঘ ৪৮' ফিট × প্রস্থ ৩০' ফিট × উচ্চ ১৩'। ১৪' ফিট। ইহা একটি মাইনর স্কুলের বাটা। ফুলিয়ার নিকটে বয়ড়া, শিমুলিয়া, নবলা, মালিতোতা প্রভৃতি যে সকল গ্রাম আছে, ঐ সকল গ্রামের বালকগণ এই স্কুলে বিজ্ঞা শিক্ষা করিত। ঐ সকল গ্রামের অধিবাসীদিগের মধ্যে কতিপয় ব্যক্তি বিভিন্ন স্থানে বড় চাকুরী ও ব্যবসায় দ্বারা যথেষ্ট অর্থোপার্জন করেন। কিন্তু এমনই ইহাদিগের দেশের প্রতি টান, এবং এতদঞ্চলে যাহারা বার মাস বাস করিয়া থাকেন তাঁহাদিগের এমনই বিজ্ঞানমুরাগ যে, সাহায্যের ও সহানুভূতির অভাবে এই অত্যাবশ্যক স্কুলটি প্রায় বৎসরাধিককাল পূর্বে বন্ধ হইয়া গিয়াছে; এবং

তৎস্থলে ৩০।৩২টি ছাত্র ও দুইজন শিক্ষক লইয়া একতলায় প্রাইমারি স্কুল স্থাপিত হইয়াছে। জনৈক ব্যক্তি নিকট শুলিাম, রাণাঘাটের সবডিভিসনাল অফিসের মহাশয়ের নিকট স্কুলের তহবিলে এখনও যৎসামান্ত অর্থ মজুদ থাকা সম্ভব। স্কুল গৃহের দক্ষিণ দিকের লম্বা প্রান্তে প্রস্তরের স্মৃতি ফলকে লেখা আছে :—

" Krittibas memorial School

1916

কুস্তিবাস স্মৃতি-বিজ্ঞান

১৩২২ "

স্কুলটির গঠন ইংরাজী H অক্ষরের আকারে। ইহার মধ্যস্থলে একটি হলঘর ও উহার দুই প্রান্তে আর দুইটি



ফুলিয়া—বাশবনের মধ্যে বনাকীর্ণ কুস্তিবাসের ভিটা

ঘর আছে। বারান্দার দেয়ালে বালকগণ পেন্সিল দ্বারা নানাকথা লিখিয়া রাখিয়াছে, কেহ লিখিয়াছে "সেকেন মাষ্টার বড় মারে", কেহ লিখিয়াছে অমুক "বাবুকে না তাড়াইলে স্কুলের মঙ্গল নাই" ইত্যাদি।

স্কুল-গৃহের দক্ষিণ দিকে ১৪০' ফিট দূরে একটি ১৩' ফিট × ১১২' ফিট স্থান ৩' ফিট উচ্চ কারুকার্য বিমণ্ডিত রেলিং দ্বারা ঘেরা আছে। ইহার উত্তর দিকে দ্বার আছে। এই ঘেরা স্থানের মধ্যে মাটির উপরে কটা বর্ণের বেলে পাথরের একটি বেদী আছে। উহার প্রত্যেক দিকের মাপ ৮' ফিট ও উহা ১' ফিট উচ্চ। এই বেদীর উপরে একটি প্রস্তরের বেদী আছে। উহার প্রত্যেক দিকের মাপ ৬' ফিট ও উহা ৭" ইঞ্চি উচ্চ। ইহার উপরে অপেক্ষাকৃত

ছাট আরও দুইটি বেদী আছে। তদুপরি একটি চতুষ্কোণ খেত প্রস্তুত রাখিয়াছে। উহার প্রত্যেক দিকের মাপ প্রায় ১১ ফিট ও উহা ৪ ফিট স্থূল। ইহার উত্তর দিকের গায়ে লিখা আছে :—

“মহাকবি কৃত্তিবাসের  
আবির্ভাব ১৪৪০ খৃঃ অব্দ, মাঘ মাস  
শ্রীপঞ্চমী, রবিবার।

হেথা বিজ্ঞোক্তম—

আদি কবি বাঙ্গালার, ভাষা রামায়ণকার,  
কৃত্তিবাস লভিলা জনম,  
স্মরণিত স্মকবিত্তে, ফুলিয়ার পুণ্যতীর্থে—  
হে পথিক, সল্পমে প্রণম।”



ফুলিয়া—খেতপ্রস্তুত নির্মিত কৃত্তিবাস স্মৃতিস্তম্ভ

যে প্রস্তুত-খেতের উপর এই কবিতা খোদিত আছে, তাহার উপর আরও তিন স্তর খেত প্রস্তুত আছে, ও তাহার উপরে একটি চতুষ্কোণ স্তম্ভ আছে। এই স্তম্ভের উর্দ্ধদেশে একটি খেত-প্রস্তুত-নির্মিত “ওঁ” অক্ষর : আছে। এই স্তম্ভের পাদদেশ প্রত্যেক দিকে ২ ফিট ও উহা ৫ ১/২ ফিট উচ্চ। মৃত্তিকা হইতে স্মৃতি-স্তম্ভের শিখরদেশের “ওঁ” শব্দ পর্য্যন্ত উচ্চতা প্রায় ১৪ ১/২—১৪ ১/২ ফিট হইবে। স্মৃতি-স্তম্ভটি দেখিতে কতকটা কলিকাতার অক্ষকূপ হত্যার স্মৃতি-স্তম্ভের মত।

স্মৃতি-স্তম্ভের প্রায় ১৬ ফিট দূরে দক্ষিণ পূর্ব কোণার দিকে একটি ক্ষুদ্র বনাকীর্ণ স্থান একটিমাত্র তারের

বেষ্টনী দ্বারা সীমাবদ্ধ করা আছে। ঐ স্থানটির মাপ ১১' x ১০'। এই স্থানে কৃত্তিবাসের দোলমঞ্চের শেষ চিহ্ন একটি ক্ষুদ্র স্তূপ সমতল ভূমি হইতে মাত্র ২ ফিট উচ্চ হইয়া আছে। স্তূপের উপরিভাগে ২।৪ টি সেকালের ইষ্টক পড়িয়া আছে। সাধারণ অশিক্ষিত লোকে বলিয়া থাকে যে কৃত্তিবাসের দোলমঞ্চের চিপির উপরে উঠিলে অমঙ্গল ঘটিয়া থাকে।

উক্ত ভিটার ২৬ ফিট দূরে পশ্চিম দিকে একটি পাকা ইন্দারা বা কূপ আছে। কূপটির মধ্যে নানা প্রকার আবর্জনা ও তালগাছের পাতা প্রভৃতি পড়িয়া উহার জল অব্যবহার্য্য হইয়া গিয়াছে। কূপের পাড়ের উপরে চতুর্দিকে অনুল্ল প্রাচীর গাঁথিয়া দেওয়া হইয়াছে। কূপের বাস প্রায় ৭।০।৮ ফিট। কূপের ভিতর দিকে প্রাচীর গায়ে খেত প্রস্তুত ফলকে খোদিত আছে :—

“কৃত্তিবাস কূপ

১৩২০”

কৃত্তিবাসের স্মৃতি-স্তম্ভের আবরণ উন্মোচনের দিবস কৃত্তিবাসের ভিটার জমিতে বহু লোকসমাগম হইয়াছিল। তন্মধ্যে ৮ আশুতোষ মুখোপাধ্যায় ও নাটোরের মহারাজা ৮ জগদিস্ত্রনাথ প্রভৃতি ছিলেন। ঐ সময় কৃত্তিবাসের ভিটার জমির পশ্চিম দিক দিয়া যে কাঁচা রাস্তা নির্মিত হইয়াছিল, উহা আজিও “কৃত্তিবাস রোড” নামে পরিচিত। যে ভূমিখণ্ডের উপর কৃত্তিবাসের স্মৃতিচিহ্ন প্রতিষ্ঠিত হইয়াছে, তথায় পূর্বে বাঁশবাগান ছিল।

কৃত্তিবাসের ভিটার প্রায় ৪৯০ ফিট দূরে, পূর্ব দিকে, বাঁশ ও বন-জঙ্গল-বেষ্টিত একটি ছোট বাগান আছে। উহাতে আমের গাছই বেশা। দক্ষিণ দিক দিয়া এই বাগানে প্রবেশ করিলে দেখা যায়—সম্মুখে একটি একতলা ঘর আছে, উহার দক্ষিণ দিকে বারান্দা।—এই গৃহটির প্রত্যেক দিকের মাপ ২০ ফিট। ইহা ভূমি হইতে ১৪ ফিট উচ্চ। গৃহ-মধ্যে একটি কাষ্ঠ-নির্মিত বড় জলচৌকির উপর দারুণ ৮ কৃষ্ণ, বলরাম, রাধিকা ও সুভদ্রা মূর্তি রাখিয়াছে। ৮ কৃষ্ণ ও বলরাম মূর্তির প্রায় ৪ ফিট, সুভদ্রা ৩ ফিট ও রাধিকা

প্রায় ২৥ ফিট উচ্চ। কবি নবীনচন্দ্র সেনের মতে, এই গৃহ প্রথমে ভিখারী বৈষ্ণবগণ নির্মাণ করিয়া উহাতে কুম্ভারধা মূর্তি প্রতিষ্ঠিত করিয়াছিল। ইহা যবন হরিদাসের পাট বলিয়া খ্যাত। বৈষ্ণব চূড়ামণি হরিদাস গৌড়াধিপতি হুসেন শার রাজত্বকালে বাইশ বাজারে বেত্রাঘাত সহ করিয়া অচেতন অবস্থায় হরিদাস করিতে করিতে এই স্থানে গঙ্গা-তীরে আসিয়া লাগিয়াছিলেন ও এই স্থানে আশ্রম প্রতিষ্ঠিত করিয়াছিলেন।

উক্ত একতলা কোঠার সন্নিকটে পূর্বদিকে একটি ইষ্টক-নির্মিত সিমেন্ট দ্বারা বাঁধান ১৫' ফিট x ৮' ফিট চতুষ্কোণ উচ্চ স্থান বা বেদী আছে। এই শান-বাঁধান বেদীর দক্ষিণ পাশে একটি ক্ষুদ্র পাতকুয়া আছে। উহা ৬' ফিট গভীর ও উহার ব্যাস মাত্র ২' ফিট। এই কুপের দক্ষিণ দিকে সিমেন্টের উপর খোদাই করা আছে—“ব্রহ্ম হরিদাস ঠাকুরের পাট।” শুনা যায় যে, এই কুপের মধ্যে বসিয়া হরিদাস কঠোর তপস্যা ও প্রত্যহ লক্ষ হরিদাস করিতেন। এখানে প্রতি বৎসর একবার মেলা হয়।

হরিদাসের পাটের এই কুপের প্রায় ১১ ফিট পশ্চিম দিকে ও পূর্বোক্ত একতলা কোঠার দক্ষিণ-পূর্ব দিকে ৭' ফিট দূরে একটি ক্ষুদ্র সমাধির স্থান ইষ্টক দ্বারা বাঁধান আছে। ইহাকে একটি ক্ষুদ্র বেদী বলা যাইতে পারে। ইহার মাপ ৪'-২" x ৩'-৮" ইঞ্চি। ইহা ভূমি হইতে প্রায় ৩' ফিট উচ্চ। ইহার পশ্চিম দিকে সিমেন্টের জমাটের উপর খোদাই করা আছে :—“কুন্তিবাস পণ্ডিতের সমাধি ১৩১২”।

হরিদাস ঠাকুর বা যবন হরিদাস বা ব্রহ্ম হরিদাস সম্বন্ধে “চৈতন্য ভাগবতে” লিখিত আছে—

“বুঢ়নে হইলা অবতীর্ণ হরিদাস।

সে ভাগ্যে সে সব দেশে কীর্তন প্রকাশ ॥”

“তিনি বর্তমান যশোহর জেলার অন্তর্গত বনগ্রামের নিকটস্থ বুঢ়ন গ্রামে অল্পমান ৩০০ শকের শেষাংশে মুসলমান বংশে জন্মগ্রহণ করেন। তিনি বুঢ়নের নিকটস্থ বেনাপোলের অরণ্যে প্রত্যহ ৩ লক্ষ হরিদাস জপ করিতেন ও হরিসাধনার নিবিষ্ট থাকিতেন। রামচন্দ্র খাঁ নামক জনৈক জমিদার তাঁহাকে যোগভ্রষ্ট করিবার জন্য তাঁহার নিকটে বেত্রে প্রেরণ করেন। ফলে উক্ত বেত্রে উদাসিনী হইয়া গৃহত্যাগ করিল। তিনি হুগলীর সন্নিকটস্থ চাঁদপুর

গ্রামে বলরাম আচার্যের গৃহে কিছুদিন ছিলেন। তৎকালে ব্রাহ্মণগণ তাঁহার মুখনিঃসৃত হরিদাস স্তোত্রাধিপানে বিমোহিত হইতেন। ইহার পরে তিনি ফুলিয়ার রামায়ণকার কুন্তিবাস পণ্ডিতের ভিটার সন্নিকটে গঙ্গাতীরে বাস করেন এবং সেই সময় শাস্ত্রপুরের অদ্বৈতাচার্যের সহিত তাঁহার পরিচয় ও প্রীতির বন্ধন হয়। তখনও নদীয়ার চৈতন্যদেবের লীলা আরম্ভ হয় নাই। অদ্বৈত ও হরিদাস প্রায় সমবয়স্ক ছিলেন।

“হরিদাসের হরিদাস লওয়ার কথা শুনিয়া মুসলমান কাজি কহিলেন—

যবন হইয়া করে হিন্দুর আচার।

ভালমতে তারে আনি করহ বিচার ॥



ফুলিয়া কুন্তিবাস স্মৃতিস্তম্ভের দক্ষিণ-পূর্ব দিকে বনাকীর্ণ

ক্ষুদ্র দোলমঞ্চের (১) চিহ্নিত স্থান

তৎপরে কাজি শাসনকর্তাকে হরিদাসের কথা জানাইলেন। শাসনকর্তা হরিদাসকে সর্বজন-সমক্ষে বাইশ বাজারে বেত্রাঘাতের হুকুম দিলেন। হরিদাস কহিলেন—

থণ্ড থণ্ড হয় দেহ যদি যায় প্রাণ।

তবু আমি বদনে না ছাড়ি হরিদাস ॥


ক্রমে হরিদাসকে ২২টি বাজারে সর্বজন-সমক্ষে নিশ্চমভাবে বেত্রাঘাত করিয়া বেড়ান হইল। অবশেষে হরিদাস সমাধিস্থ হইলে তাঁহাকে মৃত বিবেচনার গঙ্গার জলে নিক্ষেপ করা হইল। তিনি ভাসিতে ভাসিতে ফুলিয়ার



আশ্রমের নিকটে উঠিলেন। ফুলিয়ার পাটে যে কূপটি আছে, উহার মধ্যে বসিয়া হরিদাস প্রত্যহ লক্ষ হরিণাম জপ করিতেন বলিয়া শুনা যায়।

“চৈতন্য দেব অবতীর্ণ হইলে হরিদাস তাঁহার একজন প্রধান পার্শ্বচর হইয়াছিলেন। কথিত আছে যে চৈতন্যদেব যখন পুরী বা নীলাচলে ছিলেন, সে সময় হরিদাস তথায় তাঁহার আশ্রমের অদূরে বাস করিতেন এবং তথায় তিনি দেহ-ত্যাগ করেন এবং সমুদ্রতীরে সমাহিত হন।”

পুরাকালে হরিদাসের এই পাটের দক্ষিণ দিক দিয়া ও পূর্ববর্তিত কুন্তিবাসের দোলমঞ্চের পশ্চিম ও দক্ষিণ দিক দিয়া গঙ্গা প্রবাহিত ছিল। গঙ্গা এক্ষণে প্রায় ১ মাইল



ফুলিয়া কুন্তিবাস স্মৃতি-বিভাগলয়

দূরে বয়ড়ার পাদদেশ ধৌত করিয়া প্রবাহিত হইতেছে। ফুলিয়ার পার্শ্বদেশ দিয়া যে গঙ্গা এককালে প্রবাহিত ছিল, তাহার পরিত্যক্ত খাতের চিহ্ন আজিও বর্তমান আছে। কুন্তিবাসের ভিটার সন্নিকটে নানাস্থানে বনমধ্যে ফুলিয়ার প্রাচীন অধিবাসীদিগের গৃহের অশুদ্ধ স্তূপ সকল ইতস্ততঃ বিক্ষিপ্ত রহিয়াছে। এই স্থানে অসংখ্য বিছুটির গাছ, মশক ও কাঠ পিপড়ার উপদ্রব আছে। অনিলাম, হরিদাসের উক্ত পাটের উত্তর দিকে বাশ বনের মধ্যে কুন্তিবাসের ভিটা অবস্থিত। এক্ষণে এ সকল জনৈক শাক্ত ভট্টাচার্যের কর্তৃত্বলগত।

ফুলিয়া এককালে সমৃদ্ধিশালী ব্রাহ্মণপ্রধান গ্রাম ছিল। দক্ষিণ রাঢ়ী ব্রাহ্মণদিগের মধ্যে ফুলিয়ার মুখটীরা সর্বশ্রেষ্ঠ।

ফুলিয়া আবার রামায়ণকার বিখ্যাত কুন্তিবাস ওঝার বাসস্থান ও ভক্তচূড়ামণি হরিদাসের সাধনার স্থান। এই সকল কারণে ফুলিয়া হিন্দু বাঙ্গালীর নিকটে অতি পবিত্র স্থান।

কুন্তিবাসের কাল নির্ণয় সম্বন্ধে মতবৈধ আছে। কেহ বলেন তিনি ১৩৩৫ খৃষ্টাব্দে ও কেহ বলেন ১৩৯০ খৃষ্টাব্দে বর্তমান ছিলেন। শ্রীযুক্ত দীনেশচন্দ্র সেনের মতে তিনি ১৪৪০ খৃষ্টাব্দের নিকটবর্তী কোন সময় বর্তমান ছিলেন। অপর দিকে “বিশ্বকোষে” লিখিত আছে যে তিনি ১৪০৮ হইতে ১৪২০ খৃষ্টাব্দের মধ্যে বর্তমান ছিলেন। কুন্তিবাসের রামায়ণের পত্নানুবাদ ছাড়া তৎকর্তৃক রচিত অত্র কয়েকখানি গ্রন্থের নাম জানিতে পারা যায়, যথা—“শিবরামের যুদ্ধ”, “কৃষ্ণাঙ্গদ রাজার একাদশী”, “যোগাত্মার বন্দনা” প্রভৃতি।

কুন্তিবাসের পিতার নাম বনমালী ও মাতার নাম মালিনী। তাঁহার ভ্রাতাদিগের নাম শাস্তি, মাধব, মৃত্যুঞ্জয়, বলভদ্র, শ্রীকণ্ঠ ও চতুর্ভূজ। এতদ্ব্যতীত তাঁহার চারিটি ভগ্নী ছিলেন, ইহা ঞ্জবানন্দ মিশ্র প্রণীত ‘মহাবংশের’ কারিকা হইতে জানা যায়। কুন্তিবাস ভরদ্বাজ গোত্রসম্বৃত। কিন্তু কুন্তিবাস স্বীয় গ্রন্থে আত্মপরিচয় দিবার কালে লিখিয়াছেন যে, তাঁহার ছয় সহোদর ছিলেন ও তাঁহাদের একটি ভগ্নী ছিল, যথা :—

“কুলেশীলে ঠাকুরালে ব্রহ্মচর্য্য গুণে।  
মুখটী বংশের যশ জগতে বাখানে ॥”

\* \* \* \*

“পূর্বেতে আছিল বেদামুজ মহারাজা  
তার পাত্র আছিল নরসিংহ ওঝা।  
দেশ যে সমস্ত ব্রাহ্মণের অধিকার  
বঙ্গভাগে ভুঞ্জি তিহ স্মৃথের সংসার।  
বঙ্গদেশে প্রমাদ হইল সকলে অস্থির  
বঙ্গদেশ ছাড়ি ওঝা আইল গঙ্গাতীর

\* \* \* \*

মালি জাতি ছিল পূর্বে মালধ ও ধান  
ফুলিয়া বলিয়া কৈল তাহার ঘোষণা  
গ্রামরত্ন ফুলিয়া জগতে বাখানি  
দক্ষিণে পশ্চিমে বহে গঙ্গা-তরঙ্গিনী ।

\* \* \*

সুশীল ভগবান তথি বনমালি  
প্রথম বিভা কৈল ওঝা কুলেতে গাঙ্গুলী ।  
কুলশীলে ঠাকুরালে গোসাঞী প্রসাদে  
মুরারী ওঝার পুত্র বাড়য়ে সম্পদে ॥  
মাতার পতিব্রতা যশ জগতে বাখানি  
ছয় সহোদর হইল এক যে ভগিনী ॥”

আর এক স্থানে কুন্তিবাস স্বীয় পরিচয় দিতে যাইয়া  
লিখিয়াছেন :—

“আদিত্যবারে শ্রীপঞ্চমী পূর্ণ মাঘ মাস  
তিথি মধ্যে জন্ম লইলেন কুন্তিবাস ।

\* \* \*

এগার নিবড়ে যখন বারতে প্রবেশ  
হেনকালে পড়িতে গেলাম উত্তর দেশ ॥  
বৃহস্পতিবারে উষা পোহালে শুক্রবার  
পাঠের নিমিত্ত গেলাম বড় গঙ্গা পার  
তথা করিলাম আমি বিজ্ঞার উজ্জার  
যথা তথা যাই আমি বিজ্ঞার বিচার ॥  
সরস্বতী অধিষ্ঠান আমার শরীরে  
নানা ছন্দে নানা ভাষা আপনা হৈতে স্মরে ॥  
বিজ্ঞা সাক্ষ করিতে প্রথমে হৈল মন  
গুরুক দক্ষিণা দিয়া ঘরকে গমন ॥”

বিজ্ঞা সাক্ষ কবিয়া কুন্তিবাস চন্দ্রদ্বীপের “রাজা  
গোড়েশ্বরের” নিকট পাঁচটি শ্লোক প্রেরণ করিলে রাজা  
তৎপাঠে মুগ্ধ হইয়া তাঁহাকে রাজসভায় আসিতে অনুমতি  
দিলেন । রাজ-সকাশে উপস্থিত হইয়া তিনি আর ৭টি  
শ্লোক পাঠ করিলেন—

ইহাতে “সন্তুষ্ট হইয়া রাজা দিলেন সন্তোক  
রামায়ণ রচিতে করিলা অনুরোধ  
প্রসাদ পাইয়া বাহির হইলাম সঙ্ঘে  
অপূর্ব জানে ধায় লোক আমা দেখিবারে ॥

চন্দনে ভূষিত আমি লোক আনন্দিত  
সবে বলে ধন্য ধন্য ফুলিয়া পণ্ডিত  
মুনি মধ্যে বাখানি বাণ্যীকি মহামুনি  
পণ্ডিতের মধ্যে কুন্তিবাস গুণী ॥”

অতঃপর কুন্তিবাস চন্দ্রদ্বীপরাজ কর্তৃক আদিষ্ট হইয়া  
রামায়ণের পঞ্চানুবাদ করিলেন । কুন্তিবাসের যে কোন  
সস্তানাদি ছিল তাহা বংশ-তালিকায় দেখিতে পাওয়া যায়  
না । শুনা যায় যে তিনি নিঃসন্তান অবস্থায় বৃদ্ধ বয়সে  
পরলোক গমন করেন ।

কাশ্মীর-কুলতিলক দমুজমর্দন দেব রাজা গণেশের পুত্র  
হিন্দু কুলঙ্গার স্বধর্মত্যাগী ও অত্যাচারী যত্ন বা জালালুদ্দীন  
মহম্মদের রাজত্বকালে বঙ্গের তদানীন্তন রাজধানী গোড়ের  
নিকটবর্তী পাণ্ডুরা নগরী জয় করিয়া লইয়া স্বীয় নামে  
মুদ্রাকন করেন । উহা ১৩৩৯ শকাব্দ = ১৪১৭ খৃষ্টাব্দ =  
৮১৯-২০ হিজিরার কথা । দমুজমর্দনদেবের পরে তৎপুত্র  
বীরবর মহেন্দ্র দেব পাণ্ডুরা বা ফিরোজাবাদের অধিপতি  
হন । মহেন্দ্রের রাজ্যাভিষেকের ২১১ বৎসর পরে পাণ্ডুরা  
তাঁহার হস্তচ্যুত হয় । মহেন্দ্রের মৃত্যুর পরে তদীয় কনিষ্ঠ  
ভ্রাতা রমাবল্লভ সিংহাসনারোহণ করেন । সে সময় চন্দ্রদ্বীপ  
রাজবংশের অধিকার চন্দ্রদ্বীপে সীমাবদ্ধ ছিল । “বঙ্গের  
জাতীয় ইতিহাস—রাজশক্তিকাণ্ডে” মহাশক্তি মহাবীর দমুজ-  
মর্দনকে মহেন্দ্রের পুত্র বলিয়া বর্ণনা করা হইয়াছে ।  
বৃহভট্টের “দেববংশ” হইতে গৃহীত উক্ত বর্ণনা কেহ কেহ  
ঐতিহাসিক সত্য বলিয়া স্বীকার করেন না । উক্ত “দেব-  
বংশ” লিখিত আছে যে দমুজমর্দন গোড় রাজ্য পরিত্যাগ  
করিয়া গুরুব আদেশে চন্দ্রদ্বীপে আসিয়া রাজধানী স্থাপন  
করেন । ইদিলপুরের কারিকায় প্রকাশ আছে যে, দমুজ-  
মর্দন দেব চন্দ্রদ্বীপের রাজবংশের প্রতিষ্ঠাতা । ঐতিহাসিক-  
গণের মতে দমুজমর্দন ও মহেন্দ্রের রাজত্বকালে গোড়  
রাজ্যের রাজধানী পাণ্ডুরা ও উত্তরবঙ্গ তাঁহাদের করতলগত  
ছিল । হয় ত সেজন্য তাঁহারা গোড়েশ্বর বলিয়া অভিহিত  
হইয়াছিলেন । সম্ভবতঃ কুন্তিবাস দমুজ-মর্দন হইতে  
রমাবল্লভের রাজত্বকালে কোন সময় চন্দ্রদ্বীপ-রাজ্যের  
সভাপণ্ডিত ছিলেন ।


কুন্তিবাসের পূর্বপুরুষদিগের আদি বাসভূমি কাঞ্চকুঞ্জের  
উড়ুঘর গ্রামে ছিল । তৎপরে মহারাজ আদিশূরের সময়

এতৎশীর্ষগণ ব্রহ্মপুরী গ্রামে অবস্থান করেন। কৃষ্ণিবাস হইতে গণনা করিলে তাঁহার উর্দ্ধতন নবম পুরুষ উৎসাহকে মহারাজা বল্লান সেন কোলীন্ড প্রদান করেন। উৎসাহের পুত্রস্বয় অমিত ও মহাদেব লক্ষ্মণ সেনের সমসাময়িক ও কুলীন ছিলেন। তৎপরে লক্ষ্মণ সেনের প্রপৌত্র 'বেদামুজ মহারাজ' দীনোজ মাধবের সভায় আয়িত মুখটার প্রপৌত্র নৃসিংহ ওয়া জনৈক সভাপণ্ডিত ছিলেন। ইনি ফুলিয়া গ্রামে আসিয়া বাস করেন। ইহার বংশ ফুলের মুখটা বলিয়া বিদিত। তৎকালে গঙ্গা ফুলিয়ার শাদদেশ ধোত করিত। ১৭৭৫ খৃষ্টাব্দে যে ফুলিয়ার

করেন। দেবীবর ঘটক কর্তৃক মেল-বন্ধনের পরে রাঢ়ী ব্রাহ্মণদিগের মুখটি, বন্দ্যোপাধ্যায় প্রভৃতি পদবী পরিবর্তিত হইয়া মুখোপাধ্যায়, বন্দ্যোপাধ্যায় প্রভৃতি পদবী ব্যবহৃত হইতেছে।

কৃষ্ণিবাসের অন্ততম জ্যেষ্ঠতাত মদনের বংশে মদন! হইতে অধস্তন দশম পুরুষের নাম ভারতচন্দ্র। ইনিই "অন্নদামঙ্গল" ও "বিদ্যাসুন্দর" প্রভৃতি গ্রন্থ প্রণেতা রায় গুণাকর কবি ভারতচন্দ্র।

ফুলিয়া-পূর্বে-কুলীন ব্রাহ্মণদিগের জন্ম বিখ্যাত ও সমৃদ্ধিশালী ছিল। ফুলিয়া-মেলের বহু ব্রাহ্মণ বিখ্যাত উলাগ্রামে



মানচিত্র

নৌচে গঙ্গা ছিল তাহা রেনেলের মানচিত্রে দেখা যায়।

দেবীবর ঘটক কর্তৃক মেল-বন্ধন-কালে এই বংশ রাঢ়ী শ্রেণীর কুলীন ব্রাহ্মণদিগের মধ্যে শ্রেষ্ঠ স্থান অধিকার করে। কৃষ্ণিবাসের অন্ততম জ্যেষ্ঠতাত অনির্কদের প্রপৌত্র-স্বয়ের নাম সুবেণ পণ্ডিত ও গঙ্গানন্দ। এই গঙ্গানন্দকে লইয়াই প্রথম ফুলিয়ার মেল-বন্ধন হয়। আবার পূর্বেক উৎসাহের অন্ততম পুত্র মহাদেবের শাখায় মহাদেব হইতে অধস্তন অষ্টম পুরুষ যোগেশ্বর ও কামদেব খড়দহ মেলের প্রথম। এই বংশেই কুলীন বিষ্ণু ঠাকুরাদি জন্মগ্রহণ

বাস করিয়াছিলেন। আজিও উলার মুখুর্ষোপাড়া, দেওয়ান মুখুর্ষোপাড়া অতীতের সাক্ষ্য দিতেছে। আজি প্রাচীন ফুলিয়ার প্রান্তভাগে শান্তিপুরে যাইবার পাকা রাস্তার ধারে "নূতন ফুলিয়া" গ্রামে কয়েক ঘর মুসলমানের বাস আছে মাত্র। বনাকীর্ণ প্রাচীন ফুলিয়ার ধ্বংসের মধ্যে হরিদাসের পাটের পূর্বদিকে দুই ঘর মাত্র সদগোপ ও তিন ঘর ভট্টাচার্য্য উপাধিধারী মুখোপাধ্যায় ব্রাহ্মণের বাস আছে, অল্প কোন লোক নাই।

যে মহামারী ১৮৫৬ খৃষ্টাব্দের বর্ষাকালে বিখ্যাত উলাগ্রামে দেখা দিয়া উহাকে সামান্ত কয়েক বৎসরের

মধ্যে ধ্বংস করিয়াছিল, ডাক্তার এলিয়টের ১৮৬৩ খৃষ্টাব্দের রিপোর্ট হইতে জানা যায় যে, ঐ মহামারী উলা হইতে বিস্তৃত হইয়া ক্রমে ১৮৫৯।৬০ খৃষ্টাব্দে ফুলিয়া ও উহার নিকটবর্তী নবলা ও মালিপোতা প্রভৃতি গ্রামে দেখা দিয়া ঐ সকল গ্রামকে নিমেষ মধ্যে ধ্বংস করে। Lieut. Col. G. A. Searle তাঁহার “Project of a Navigable Canal from the Ganges at Sahibgunge to Calcutta” ১৮৭১ নামক গ্রন্থে মহামারী দ্বারা ফুলিয়া ও উহার চতুর্পার্শ্বস্থ গ্রামগুলির ধ্বংসের ও লোকস্বয়ের বিষয় লিপিবদ্ধ করিয়া গিয়াছেন।

সেবার ফুলিয়ায় পানীয় জলের অভাব, এবং বেলা দুই প্রহর অতীত হইতে চলিল দেখিয়া আমরা তাড়া-তাড়ি দ্রব্যাদি গাড়ীতে উঠাইয়া পদব্রজে বয়ড়ার গঙ্গাতীর অভিমুখে চলিলাম। দুই প্রহর অতীত হইলে বয়ড়ার ঘাটের বিশাল অশ্বখ বৃক্ষের ছায়ায় শয্যা বিস্তৃত করিয়া সেই স্থানে চড়ুইভাতি করা হইল। অপরাহ্নে পুনরায় পদব্রজে উলা অভিমুখে চলিলাম। ক্রোশাধিক পথ বাকী থাকিতে সন্ধ্যার অন্ধকার ঘনাইয়া আসিল। গভীর অন্ধকারে মাঠের ঢেলা ভাঙ্গিয়া যখন উলার পশ্চিম প্রান্তে বীরনগর রেল ষ্টেশনে শ্রান্ত দেহ ও স্থলিত পদে উপস্থিত হইলাম তখন রাত্রি ৮টা।

## ব্যথার পূজা

শ্রীস্বধীরচন্দ্র বন্দ্যোপাধ্যায়

১১

তখন সন্ধ্যা আসন্ন। নদীর জল পাথরের গা বহিয়া ছরস্তু শিশুর মতন কলরব করে আছড়ে পড়ছে। ধীর ছিল একটা পাথরের উপর চুপ করে বসে। তাহার হাতে পিসীমার চিঠি! পিসীমা লিখেছেন—“টাকা পেলুম। সোণার যাহু আমার বেঁচে থাক, রাজা হও,—তোমায় ঘরবাসী দেখে যেন আমি মরি। পূজার সময় এখানে একবার এস, কত দিন তোমার চাঁদমুখখানি দেখি নি। নিশ্চয় আসবে বাপ, আমার। এখানে একটি ছোট টুকটুকে মেয়ে দেখে রেখেছি, আমা-দেরই স্বঘর। তাকে আমার বুকে তোমার তুলে দিতে হবে!” ধীর হাসিল। বিবাহ? কই, তাহার এই ২৩ বৎসর বয়সের মধ্যে এ কল্পনা ত তাহার মাথায় কোন দিনই আসে নি। তাহার মনের ভিতরকার মানুষটি যে মাথার সব চুল পাকাইয়া কর্ণক্লাস্ত লোল-কম্পিত দেহখানি লইয়া পরম নিশ্চিন্তে বসিয়া আছে। তাহার মাথায় এখন এত বড় বোঝা চাপাইলে সে বহিতে পারিবে কেন? আর তাহার এই ছন্নছাড়া জীবনের সঙ্গে কেহই স্থখ হুঃখ মিশাইয়া চলিতে পারে না। যে আশায় তাহারা নিজের সমস্ত সন্তাটি

মিশাইয়া দিবে, এতখানি ত্যাগ স্বীকার করিবে, বিনিময়ে কি লাভ করিল সে বিচার কি কোনদিন করিতে বসিবে না? নিশ্চয় করিবে। তখন?—না...জানিয়া গুনিয়া সে এমন করিয়া ঠকাইয়া কাহারও জীবন ব্যর্থ করিবে না। সে একটা ধূমকেতুর মতন আসিয়াছে...আবার কবে কোন্ প্রলয়ান্বকারে ডুবিয়া যাইবে। সম্মুখে তাহার এই যে নিরানন্দ ধূসর অনন্ত অফুরন্ত পথ, ইহা তাহাকে একাই অতিক্রম করিতে হইবে। তাহার এই জরাজীর্ণ মনের ভগ্ন কুঁড়ে ঘরে সে আর কাহাকেও ডাকিয়া আনিবে না। না—কখনও না। কোন্ সাহসে আনিবে? যাহার পতন প্রতিমূহুর্তে একটা দমকা বাতাসের অপেক্ষা করছে, তাহারই আশ্রয়ে? না—না—না! এননি এলোমেলো চিন্তাগুলো যখন তাহার মনের মধ্যে ঘুরিয়া বেড়াইতেছিল, তখন বাতাসে ভেসে বেড়ানো নদীর মূহু কলধ্বনির সঙ্গে বহুদিনের একটা করুণ আর্ন্ত স্বর তাহাকে ঘিরিয়া ধরিল—“এত নিষ্ঠুর তুমি কি করে হলে ধীরদা”। সে সবলে ঠেলিয়া দিতে চাহিল; কিন্তু সে শব্দ যেন আরও কাছে তাহার বুকের মাঝে আসিয়া

ভারতবর্ষ





চাপিরা বলিল। না—না, সে ত ভাষা নয়, কথা নয়,—সে যে শরীরি হয়ে আজ তাহারই সম্মুখে—এ যে কল্যাণী...মান মুখে পা ছুটো চাপিরা ধরিয়া বলিতেছে—“ওগো, তুমি কোথায়—আমি কোন্ স্মুদ্রে!”

“ওগো!”—

ধীর চমকিয়া চাহিয়া দেখিল, রাধি তাহার পাশে দাঁড়াইয়া একান্ত দৃষ্টিতে তার পানে চাহিয়া আছে। তার মুখখানার পড়ন্ত রৌদ্রের লাল আভাটুকু পড়িয়া গাল ছুটা লাল করিয়া দিয়াছে। চোখ ছুটো কিসের উজ্জলতায় জ্বলিতেছে। অধরের কোণে হাসির শেষ রেখাটুকু তখনও লাগিয়া রহিয়াছে। রাধি বলিল “কি এত ভাবছিলে বল ত? আমি আধঘণ্টা ধরে তোমার পাশে এসে দাঁড়িয়েছি—তোমার হাঁস নেই; বিয়ের ভাবনা ভাবছিলে বুঝি?”

ধীর কোন জবাব দিল না। রাধি হাত হইতে চিঠিখানা ছেঁ। মারিয়া লইয়া দূরে সরিয়া গিয়া রুদ্ধ নিঃশ্বাসে পড়িতে লাগিল। পড়া শেষ হইলে চিঠিখানা ধীরের দিকে ছুঁড়িয়া দিয়া কহিল, “তাই না কি? সেই ভাল, একটা বিয়ে কর, তাহলে রাতদিন এমন মনমরা হয়ে থাকতে হবে না! কিন্তু ছোট মেয়ে বিয়ে করো না যেন!”

ধীর কহিল “কেন?”

“কেন?...জান না?...যাও...আমি জানি না।” রাধি ধীরের পাশে পাথরের উপর বসিয়া পড়িল। ধীরের ইচ্ছা হইল উঠিয়া যায়; কিন্তু সেটা অশোভন হইবে ভাবিয়া চুপ করিয়া বসিয়া রহিল। কিন্তু বিরক্তির চিহ্নটা তার চোখে মুখে এমন স্পষ্ট হইয়া ফুটিয়া উঠিল, যে, তাহা রাধির দৃষ্টি এড়াইল না। রাধি এক গাল হাসিয়া কহিল, “আচ্ছা এই চিঠিখানাতে কি তোমার কাঁসির ছকুম এসেছে, যে, অমন মুখ গৌজ করে বসে আছ!”

ধীর হাসিয়া কহিল, “তার চেয়েও বেশী।”

রাধি মুখভঙ্গী করিয়া কহিল, “বিয়ের আগে অমন সকলেই বলে গো। তার পর বিয়ে হলে একেবারে বউএর চরণের চুটকী হয়ে থাকে।”

“সত্যি না কি? তবে আমাদের বাঁকড়োর মুখজ্যে-মশাই...”

রাধি বাধা দিয়া মুখ লাল করিয়া কহিল, “আঃ, দেখো, মাকে বলে দেব, আমার রাগাচ্ছ!”

এমনি গল্পে যখন ছুজনেই মন্ত, তখন শরতের বাধি খেরালী মেঘ আকাশে তাহার কাল চুলগুলি মেলিয়া দিতেছিল! সেই চুলের গোছা বহিয়া যখন ফোঁটার ফোঁটার জল পৃথিবীর বুকে পড়িতে লাগিল, তখন নিকটেই বরগার-খালসীর পরিত্যক্ত চালা দেখিয়া রাধি ধীরের হাত ধরিয়া ছুটিয়া চলিল সেই ভয় চালাঘরের মধ্যে। ঘরে একটা ভাঙা খাটিয়া পড়িয়া ছিল, এবং কোণে ২১টা হাঁড়ি ও একটা মাটির কলসী। রাধির কাপড়ের কতকাংশ ভিজিয়া গিয়াছিল। সে চালাঘরে ঢুকিয়া কাপড়ের জল নিংড়াইয়া ধীরকে কহিল, “তোমার জন্তেই ত ভিজি মলুম!”

“আমার জন্তে কি রকম?”

“বাঃ গো, মশাইকে ডাকতে এসেই না আমার এই দশা! বাবা তোমায় ডাকলেন, জগুরা নেই,—দেখলুম, তুমি বড় পাথরটার ওপর বসে আছ, তাই ত এলুম!”

“যেমন এসেছ, তার ফলভোগ কর। বিষ্টি এখন আর ছাড়ছে না!” ধীর খাটিয়াখানা টানিয়া তাহাতে বসিয়া পড়িল। রাধিও তাহার পাশে বসিয়া হাসিয়া কহিল, “একা ত নই, তুমি আছ ভয় কি?”

“আমি চলুম।”

“বাঃ গো”—এমন সময় সশব্দে বিদ্যুৎ চমকাইতেই রাধি “মাঃ গো” বলিয়া সত্রাসে ধীরকে ছুই বাছ দিয়া জড়াইয়া ধরিল। রাধির সমুন্নত বক্ষের একাংশ ধীরের অনঙ্গস্পর্শ করিতেই তাহার দেহ-মনে একটা শিহরণ আনিয়া দিল। সে কি একটা কথা বলিতে গিয়া পারিল না। শুধু অশ্রুট শব্দে রাধি ধীরকে আরও নিবিড় ভাবে বেঁটন করিয়া মাথাটা তাহার কাঁধের উপর রাখিল। রাধির দ্রুত গরম নিঃশ্বাস ধীরের গালে লাগিতেই তাহার দেহের প্রত্যেক রক্ত-বিন্দুটি এমন উন্নত ভাবে মাতলামী শুরু করিয়া দিল, যে, তাহাদের তাণ্ডব-নৃত্যের প্রতি পদক্ষেপে ধীরের হৃদয়ে হাতুড়ির আঘাত পড়িতে লাগিল। কি একটা উন্মাদ বাসনা মনের কোণে উকি মারিতেই, ছুই হাতে সজোরে নিজেকে রাধির বাছ-বেঁটন হইতে মুক্ত করিয়া বাহিরে বৃষ্টিতে আসিয়া দাঁড়াইল! ভয়কণ্ঠে কহিল, “বৃষ্টি ছাড়বে না, বাড়ী এস!”

রাধি কোন কথা না বলিয়া ধীরে ধীরে তাহার অঙ্গসংগ করিল। তাহার সমস্ত মুখখানা বর্ষাকালের মতন অন্ধকার,

চক্ষের কোণে উদ্বেল অশ্রু। বয়লার-খালানী তাহার চলা অতিমুখে আসিতেছিল, রাধিকে ধীরে পশ্চাতে দেখিয়া হাসিয়া কহিল, “বহুত বরখা বাবু!” ধীরে কোন কথা না বলিয়া চলিল; কিন্তু ব্যাপারটার কদম্ব্যতা তাহার সমস্ত চিত্তকে তিত্ত করিয়া তুলিল।

বাটাতে ঢুকিতেই জগন্তারিণী ব্যস্ত ভাবে ধীরকে কহিলেন, “ওমা, এমনি করে ভিজে আসতে হয় বাছা? তার পর এই বিদেশে একটা অনুখ-বিশুখ করুক। হাঁ করে দাঁড়িয়ে রইলি কেন রাধি, ধীরকে একটা কাপড় এনে দে,—বাছা আমার হাপুসে ভিজে গেছে।”

কুককর্থে রাধি কহিল, “আর আমি বুঝি খুব শুকনো কাপড়ে আছি—চোখ দিয়ে দেখছ?”

“মেরের কথাই ছিঁরি দেখ! সখ করে তুই ভিজতে গেলি—আমার দোষ? বলুন না যে পীড়েকে পাঠিয়ে যে ধীরকে ডেকে আনুক!”

লজ্জার রাগে রাধির চক্ষে জল আসিল। কুক কর্থে রাধি কহিল “বলো আমার আর কোন কথা, দেখব তখন।” বলিয়া রাধি ক্ষুণ্ণ তার ঘরে গিয়া দরজাটা সশব্দে বন্ধ করিয়া দিল।

ধীর ভিজা কাপড় ছাড়িয়া গা মাথা মুছিয়া যখন ঘোষাল মহাশয়ের ঘরে গেল, তখন তিনি বিছানায় শুইয়া ছিলেন। অত্যধিক পান দোষ ও শারীরিক অত্যাচার হেতু আজ তিনি কয়মাস হইতে পক্ষাঘাত রোগে ভুগিতেছেন। ডাক্তার বলিয়াছে, বৃদ্ধ বয়সে এ রোগ সারিবার আর উপায় নাই। ধীর ঘরে ঢুকিতেই দীলুবাবু মুখখানা বিকৃত করিয়া জড়িতকর্থে কহিলেন, “ধীর বসো।” ধীর পাশে চেয়ারে বসিলে তিনি বলিলেন, “এ হস্তায় পেমেন্ট কত লাগল?”

“আজ্ঞে ১৮৫০ টাকা।”

“বেশ; তাহলে কালকেই বিলগুলো সব তৈরী করে পাঠিয়ে দাও।”

“বে আজ্ঞে।”

“এ মাসে কত থাকবে দেখেছ?”

“আজ্ঞে ১৫০০ টাকা আন্দাজ লাভ থাকবে।

“বেশ। দেখ বাবা, তোমার অংশে আমার কাছে হাজার পনের টাকা জমেছে। তুমি ইচ্ছে করলে সে টাকা

নিতে পার। কিন্তু আমি বলি কি—আরও কিছু জমিরে একটা ছোট খাটো অস্ত্রের খাদ করতে পারলে মন্দ হয় না। অস্ত্রের কাজে খুব লাভ। গিরিডির সাগরমল মাড়োরারী আমাকে একটা জমির কথা বলেছিল,—আমাকে এক রকম এমনি দিতে চায়! দরকার হলে আমি না হয় আরো কিছু টাকা তোমার হিসেবে আগাম দিতে পারি। কেমন, রাজী আছ?”

ধীর গভীর বিশ্ময়ে দীলুবাবুর মুখের পানে চাহিয়া কহিল, “আমার অংশ—এত টাকা—এ আপনি কি বলছেন?”

“আমি অকর্মণ্য হয়ে ত আজ ৬৭ মাসের ওপর পড়ে আছি—কাজকর্ম কিছুই দেখতে পারি নি; তুমি স্রষ্ট্রলে কাজ চালিয়ে এসেছ।—এই বছর খানেকের ওপর খাটছ।—আমার সময়ে যা লাভ হচ্ছিল, তার চেয়ে অনেক বেশী লাভ হচ্ছে। তার ওপর, তুমি আসতেই না আমি খরিদ-বিক্রি কাজ আরম্ভ করি? সে কাজও ত তুমি একাই চালাচ্ছ। তোমার সততা, তোমার হাড়ভাঙ্গা খাটুনী, তোমার কার্যকুশলতা—এ সবের কি কোন দাম নেই বাবা! তুমি না থাকলে ত আমার কাজ বন্ধ হয়ে যেত; কারণ, বিশ্বাসী, কর্মঠ লোক কোথায়? তাই আমি তোমাকে ৬ আনা অংশ মনে মনে দিয়েছিলুম ও তোমার লাভের টাকা আমার কাছে মজুত করে রেখেছি।”

ধীর বাধা দিয়া কহিল “না—না—এ আপনি কি—আমার কোন অংশ নেই, আর আমিও মাসে মাসে আমার খরচের মতন টাকা নিয়েছি।”

দীলুবাবু হাসিয়া কহিলেন, “সে ত তোমার হাত-খরচের টাকা নিয়েছ,—২৫ টাকা করে পিসীকে পাঠিয়েছ। তোমার লাভের টাকা মজুত আছে।”

জগন্তারিণী আসিয়া সহাস্তে কহিলেন, “কি হয়েছে?”

দীলুবাবু হাসিয়া কহিলেন “ধীর বলে ওর কোন অংশ নেই।”

জগন্তারিণী কহিলেন, “আঃ হাবা ছেলে, এ যে তোমার নেয়া পাওনা বাবা। তুমি এই হাড়ভাঙ্গা মেহনত করছ। মুখের রক্তওঠা করি,—তোমার ফাঁকি দিলে ভগবান কি ভাল করবেন? একেই ত ঠাঁর—” জগন্তারিণী আর বলিতে পারিলেন না—আঁচলে চোখ মুছিলেন।

দীলু বাবু কহিলেন, “গিন্নী, আর আমার ভাবনা নেই! আমি মরে গেলেও এই তোমার ধীর রইল—দেখবে। তোমার পেটের ছেলেও এর মতন দেখত না!”



জগদ্ধারিণী কহিলেন, “সে তুমি বলবে কি, সে কি আর আমি জানি না। ও আমার পেটের ছেলের চেয়েও বেশী। ওর গুণ এক মুখে আমি বলতে পারি না। কত পুণ্য যে বাবাকে পেয়েছি—”

রাধি দরজার পাশে দাঁড়াইয়া ছিল, তাহার দৃষ্টি ধীরে ধীরে পানে নিবদ্ধ। ধীরে এতক্ষণ অস্ত্র দিকে চাহিয়া ছিল। রাধিকে দেখিয়া সে উঠিয়া পড়িল এবং নিঃশব্দে ঘর হইতে বাহির হইয়া গেল।

রাত্রে আহালাদির পর ধীরে যখন নিজের ছোট ঘরখানিতে আসিল, তখন বৃষ্টি ধামিয়া গিয়াছে। আকাশে একরাশ নক্ষত্রের মাঝে সপ্তমীর চাঁদ ভাল করিয়া আপনার মজলীস্ জমাইয়া বসিয়াছে। ধীরে বাহিরের পরিপূর্ণ জ্যোৎস্নার দিকে চাহিয়া রহিল। আকাশের কোথাও কোন মলিনতা নাই, একটা শাস্ত সর্বব্যাপী স্বকৃত্য বিরাজ করিতেছে। প্রকৃতির সঙ্গে তাহারও চিত্ত শাস্ত। সে মনে মনে দীর্ঘবাবুর কথা যতই তোলাপাড়া করিতে লাগিল, তাহার মাথাটা আপনা হইতেই এই বৃদ্ধ পক্ষু লোকটির পায়ে কাছে নত হইতে চাহিল। এই লোকটির দয়া আজ তাহাকে এমন যত্নগায় আনিয়া দাঁড় করাইয়াছে, যেখান হইতে সংসারের কোন বস্তুই তাহার অগোচর থাকিবে না। কিন্তু ইহার সার্থকতা কোথায়? জীবনের সব চেয়ে বড় ক্ষতিটাকে ত এই সব মিথ্যা দিয়া পূরণ করা যাইবে না। ধীরে দুই চোখ জলে ভরিয়া উঠিল। তাহার এই শুষ্ক কঠোর জীবনের নীচে নিজের যে আরও একটা স্নেহসিক্ত জীবন আজও বাঁচিয়া থাকিতে পারে, এ ধারণা ধীরে ছিল না। উৎসবের মাঝে গোপন শোকের মতই একটা ব্যথা তাহার বুকের এক পাশে আড়ষ্ট ভাবে চাপিয়া বসিয়া রহিল! কল্যাণীর প্রতি তাহার ভালবাসার গভীরতা যে কতখানি, তাহা সে নিজে কোন দিন জানিত না। যেদিন কল্যাণী তাহাকে সুমুখে বসিয়া খাওয়াইল ও অশ্রুজলের ভিতর দিয়া প্রাণের গোপন কথাটি জানাইল, সেইদিন শুধু একটা সাধ কেবলই রহিয়া রহিয়া তাহার বুকে সারাদিন নাচিয়া গাহিয়া বেড়াইয়াছিল। কিন্তু সে যেন জোর করিয়াই সেদিন তাহার মনটাকে দাবিয়া রাখিয়াছিল। কল্যাণীর সেই এক ফোঁটা চোখের জল, একটী মাত্র কথা যে তাহার কাজ কর্ণে, শোয়া বসায়, চিন্তার মধ্যে

সজীব থাকিয়া তাহার জীবনের ধারাটা এমন করিয়া বদলাইয়া দিবে, ইহা সে করনা করে নাই। তাহার গুণ বিচ্ছেদ, সকলের অবজ্ঞা, ঘৃণা, তাহাকে চোখের জল ফেলাইয়া গ্রামছাড়া করাইলেও, একজনের এই চোখের জলের জন্তই তাহার মনটা আজও সেই গ্রামের একটা ভাঙ্গা ইট-বার-করা একতলা বাড়ীতে ঘুরিয়া আসিয়া হানি ও অশ্রুর নাগরদোলার মাঝে পাক খাইতে থাকে! ছোট খাটো স্মৃতিশুলা মনের মাঝে জিড় করিয়া এমনি কলরব করিতে থাকে, ধীরে কোন মতেই তাহাদের বিদায় করিতে পারে না। তারা যেন তাহার নিঃসঙ্গ জীবনের প্রিয়সঙ্গী, একান্ত দরদী,—তাহাকে ছাড়িয়া কোথাও যাইবে না। ধীরে ভাবিল অর্থ, ঐশ্বর্য, কাহার জন্ত? তাহার নিজের ইহার কোন দিনই প্রয়োজন হইবে না! নিজের ভাবনা সে কোন দিনই ভাবে নাই! আর সকল ভাবনারই একটা ধরণ আছে। যাহার জগতে আশা আছে, সে এক রকম ভাবে একটা গতি লক্ষ্য করিয়া ছুটে। আর যাহার জীবন গভীর নৈরাশ্রে ভরিয়া গিয়াছে, তাহার সুখ নাই, দুঃখ নাই, উৎকর্ষা নাই— উদ্বেগহীন জীবনটা শ্রোতের মুখে তৃণের মতন ভাসিয়া যায়— কোথায় যায় জানে না, কেন যায় জানে না, কোন কারণ খুঁজিয়া পায় না।

ধীরে চিন্তাসূত্র ছিন্ন হইল একজন লোককে আসিতে দেখিয়া। ধীরে আশ্চর্য হইল—এত রাত্রে কে আসে? লোকটা জানালার কাছে আসিয়া কহিল, “এইটে কি দীর্ঘবাবুর বাসা?”

“হ্যাঁ—আপনি কোথেকে আসছেন?”

“আমি বাঁকড়া থেকে আসছি,—আমি দীর্ঘবাবুর জামাই।”

ধীরে হেরিকেনের আলোটা বাড়াইয়া দিয়া দরজাটা খুলিয়া দিল। লোকটা ভিতরে আসিলে ধীরে দেখিল, তাহার বয়স ৩০,৩২ হইবে। রোগা ছিপছিপে চেহারা, তামাটে রং, মুখে একশুধ দাড়ী। লোকটা কহিল “আপনাকে ত চিনতে—”

ধীরে বাধা দিয়া কহিল, “আমি দীর্ঘবাবুর কাজকর্ম দেখি। আমার নাম ধীরেন!”

“ওঃ বেশ। আমার নাম রামপদ মুখুজ্যে।”

ধীরে কহিল, “আপনার নাম শুনেছি। আপনি বসুন, এঁদের খবর দিই!”

রামপদ স্বাধীন কহিল, “না—না, দরকার নেই,—  
সকলে ঘুমছে—আবার এত রাতে ডাকাডাকি!”

ধীর কহিল, “বিলক্ষণ! তাতে কি হয়েছে!”

রামপদ কহিল, “কোন দরকার নাই। আবার হেলোমা  
ত নাই; কারণ, আমার মার কাল হয়েছে কি না—  
আর এই খাটরাখানার ওপরে শুয়েই এই বাকী রাতটুকু  
কাটাতে পারব।” বলিয়া তাহার হাতের সাদা ক্যাষিসের  
ব্যাগটা খাটীর ওপর রাখিল। “তারপর আপনি এখানে  
কতদিন আছেন?”

ধীর কহিল, “প্রায় বছরখানেক হবে। দীর্ঘবাবুর  
ভাঙ্গে মণি আমার বন্ধু। মণিকে বোধ হয় আপনি  
চেনেন?”

রামপদ হাসিয়া কহিল, “আপনি মণির বন্ধু? আরে  
তাই বলুন! মণিকে বিলক্ষণ চিনি। বেশ ভাল ছোকরা।  
বেশ, মণির যখন আপনি বন্ধু, তখন আপনার সঙ্গেও আমার  
ঠাট্টার সম্পর্ক,—কি বলেন, হ্যাঁ?”

ধীর একটু হাসিল। রামপদ ধীরকে কহিল, “এক গ্লাস  
জল দিতে পারেন?”

ধীর কহিল, “দিচ্ছি। কিন্তু শুধু জল খাবেন? বাড়ীর  
ভেতর থেকে একটু মিষ্টি—”

রামপদ বাধা দিয়া কহিল, “মিষ্টি আনবেন? তা হলেই  
যেটুকু হয়েছে সব মাটি হয়ে যাবে।”

ধীর বিষয়ে রামপদের মুখের দিকে চাহিতেই, রামপদ  
হাসিয়া কহিল, “বুঝতে পারলে না? তবে বুঝাই এতদিন  
করবার খাদে এসেছ! সবে কালেক্স ছেড়ে এসেছ বুঝি?  
কি কর এখানে—মাইনিং পড়?”

ধীর কহিল, “হ্যাঁ, লেকচারও এটেও করি। কিন্তু  
আপনি কি বলেন আমি তা বুঝতে পারলুম না!”

রামপদ হাসিয়া কহিল, “বুঝতে খুবই পেরেছ ভাই,  
কেবল চলনা করছ! তোমরা হচ্ছে কলকাতার বাবু—  
তবে আমিও নেহাৎ গাঁও নই, বুঝলে? আমার কাছে  
দিশী পাবে না, বিশ্বাস না হয় বার করি দেখ।” এই বলিয়া  
রামপদ তাহার ব্যাগ হইতে একটা কাঁচের গ্লাস ও মদের  
বোতল বাহির করিল।

ধীর বিস্মিত কণ্ঠে কহিল, “আপনার অশৌচ—”

রামপদ বাধা দিয়া কহিল, “সেই জন্তে প্রথম ক’দিন

ঠাট্টার বসন্তে কাঁচা চালিয়েছিলুম; কিন্তু ভাই সুবিধে হল না।  
আমাদের দলের চক্রবর্তী ঠাকুর—সে মদা জুলান বামুন,—সে  
বলে ‘শরীর রক্ষার্থে যদি খাও কোন বোম নাই।’ কি জান  
ভাই, ১৪-১৫ বছরের অভ্যেস,—আর আমি বাঁচলে ত তবে  
আমার মার শ্রদ্ধ করব। কিন্তু আমিই যদি পটল তুলি,  
তাহলে মা আমার এক গণ্ডি জল পর্যন্ত পাবে না! এই  
শীতকালে শুধু আলোচাল আর কাঁচকলা-সেদ্ধ খেলে  
আমাকেও তাহলে মার কাছে পৌছতে হবে।”

ধীর আর কোন কথা কহিল না। তাহার সমস্ত মনটা  
ঘুণায় ভরিয়া গেল! সে এক গ্লাস জল লইয়া টেবিলের  
উপর রাখিল। রামপদ কাঁচের গেলাসে খানিকটা মদ  
চালিয়া তাহাতে জল মিশাইয়া গেলাসটা ধীরের দিকে ধরিয়া  
হাসিয়া কহিল, “নাও ভাই, দেখ কি রকম জিনিষ।”

ধীর কহিল, “আপনি খান, আমি খাই না!”

“আরে আমি তা খাবই,—গাড়ীতে চড়েই চালাচ্ছি।  
অর্ধেকটা সাবাড় করেছি, দেখছ না? কিন্তু তোমার সঙ্গে  
ভাই আমার আলাপ হল, তুমি হলে কুটুম্ব লোক—”

“মাফ করবেন, সত্যিই আমি খাই না! আপনি খেয়ে  
শুয়ে পড়ুন, অনেক রাত হল, গাড়ীতে এসেছেন, কষ্ট  
হয়েছে।”

রামপদ কহিল, “কষ্ট তা খুবই হয়েছে, এতটা পথ হেঁটে!  
সেই কষ্টের জন্তেই ত এই গুণ্ডি খাওয়া! না হলে আমিও  
মাতাল নই। হ্যাঁ, সত্যিই তুমি খাও না?...একটু,  
এক চুমুক—”

“আজ্ঞে না, মাফ করবেন, আমার সাত পুরুষে কেউও  
জিনিষ ছোঁয়নি।”

বাধা দিয়া রামপদ কহিল, “আরে রামঃ, নেহাৎ  
টিকিদাস ভট্টাচার্য্যের দল দেখছি! All right, তাহলে  
আমি একাই—কি বল হ্যাঁ?—” এক নিশ্বাসে সমস্তটা  
গলাধঃকরণ করিয়া খালি গেলাসটা টেবিলের উপর রাখিয়া  
দিয়া রামপদ আবার কহিল, “ধূম পান আসে? না নশু চলে?”

ধীর হাসিয়া কহিল, “সিগারেট খাবেন? আছে!”  
বলিয়া টেবিলের উপরের টিন হইতে একটা সিগারেট লইয়া  
রামপদকে দিল।

“তবু ভাল যে একেবারে নিরিমিষ্টি নও! হ্যাঁ, এরা  
আমার খুবই নিন্দে করে, নয়?”

“আজ্ঞে না, তবে—”

“দেখ ভাই, মাইরী বলছি, আমার কোন দোষ নেই! মা বেটি বোকে ছচকে দেখতে পারত না! না হলে আমার কি জ্ঞান নেই, যে, বিয়ে করেছি, ধর্ম সাক্ষী আছে, সত্যিই তুমিই বল না? আমি কি আর সত্যিই মানুষ নই? না আমার বৌ নিয়ে সাধ আহ্লাদ করতে ইচ্ছে হয় না? মা কত চেষ্টা করেছে আবার আমার বিয়ে দিতে, কিন্তু শর্মা সৈদিকে খুব শক্ত; বিয়ে আর আমি করি নি ভাই।”

“সে ত ভালই করেছেন!”

“একবার? পাঁচশবার ভাল করেছি! বাইরে মেয়ে-মানুষ থাকলেও, বিয়ে আর আমি করি নি ভাই! আর সেটা দোষের হয় নি—তুমিই বল না! বেটাছেলে, পুরুষ-বাচ্ছা, তাতে আর দোষ কি বাবা! আমার কাছে ভাই লুকোছাপা নেই! হয় না হয় আমার পরিবারকে জিজ্ঞাসা করে!”

ধীরে কোন কথা বলিল না। আজ রাধির সকল দুর্বলতা সে ক্ষমা করিল ও তাহার প্রাণটা করুণায় ভরিয়া উঠিল! এই পশুটার পাশে রাধিকে কল্পনা করিতেই তাহার সমস্ত মনটা অনুশোচনায় ভরিয়া গেল!

রামপদ আরও খানিকটা মদ গিলিয়া ক্রন্দন-জড়িত কণ্ঠে কহিল, “এইবার ঘরের লক্ষ্মী ঘরে নিয়ে যাব ভাই! ভাব দেখি, এই ক’বছর ধরে কম কষ্টটা সে পেয়েছে? সতীলক্ষ্মীর চোখের জল পড়েছে, এ পাপ আমি রাখব কোথায়? আসবার সময় আমার পা ছুটো জড়িয়ে ধরে কেঁদে বসে, ‘ওগো, তোমার পায়ে পড়ি, আমায় তাড়িয়ে দিও না’ সে কথা কি আমি কখনও ভুলতে পেরেছি? কিন্তু মা বেটি যে বেজায় এক-শুঁয়ে ছিল, কিছুতেই ওই একবোখা বউ নিয়ে ঘর করতে চাইলে না। আমি আর কি ক’ব বল? মার কথা ত অবজ্ঞা করতে পারি না। গুরুজন! আহা, স্বর্গে গেছেন, কি বলব তোমায় দেখাতে পারব না—কিন্তু অমন মা কান্নার হয় না! আহা, মাগো—” বলিয়া রামপদ কাঁদিয়া ফেলিল।

ধীরে ভয়ানক হাসি আসিল; কিন্তু সে প্রাণপণে তাহা চাপিয়া কহিল, “যাক্, এখন কেঁদে আর কি করবেন বলুন। অনেক রাত হয়েছে—ওই বিছানায় শুয়ে পড়ুন! আমারও সারাদিন খাটুনী হয়েছে” বলিয়া কোন উত্তরের অপেক্ষা না

করিয়া আলোটা নিবাইয়া শুইয়া পড়িল। খানিক দূরে রামপদ কহিল, “কি ভাই, ঘুমলে? ধীরে বাসিলে বুঝি হাঙ্গি হাঙ্গি চাপিল ও কোন জবাব না দিয়া চাদরটা টানিয়া মাথা পর্যন্ত চাপা দিল! বার কতক এমনি ডাকাডাকি করিয়া যখন ধীরে কোন সাড়া পাইল না, তখন রামপদ চুপ করিয়া পড়িয়া থাকিল।

( ১২ )

দেবেজের নবজাত পুত্রের অন্নপ্রাশন উপলক্ষে খুব ঘট। গ্রামের ইতর-ভদ্র সকলেই নিমন্ত্রিত হইয়াছে। আশীর্বা-কুটুম্ব বাড়ী পরিপূর্ণ। কলিকাতা হইতে হালুইকর বামুন আসিয়া নানাবিধ মিষ্টান্ন প্রভৃতি তৈয়ারী করিতেছে। গ্রামের শিরোমণি ঠাকুরদা মাথায় গামছা বাঁধিয়া খবরদারী করিতেছেন।

অন্দরে দালানের বারান্দায় বসিয়া জটলা করিয়া মেয়েরা তখন তরকারী কুটিতেছিল ও পান সাজিতেছিল। সত্যবালা মুখ চোখ লাল করিয়া আসিয়া একজন বর্ষীয়সী বিধবাকে সম্বোধন করিয়া কহিল, “শুনেছ মাসীমা, এদিকের ব্যাপার? সাথে কি আমি বলি আমার ভাল কারুর নয় না...বিষ নেই অথচ কুলোপানা চকোর আছে। না এলি, না এলি, আমার ছেলের ভাত তোদের জন্তে কিছু আটকে থাকবে না। দেমাক কত! মর, তোদের ধাই না পরি, যে এত কথা!...আসুক সে অন্দরে...শুধু শুধু আমার ভাইকে পাঠিয়ে এতটা অপমান করানো কেন শুনি?”

“স্বরী এল না বুঝি তাহলে বৌমা? তুমি আর কি বলবে মা, ও আমি আগেই জানি। ভাবলেম তখনি বলি, তা আবার দেবু কি মনে করবে ভেবে চুপ করে গেলুম। কাজ কি মা সব কথায় থেকে।...কি বলে শুনি?”

“লাখ কথা মা—হাজার-গুণা কথা শুনিয়া দিয়েছে। অপরাধের মধ্যে আমার ভাই কেন নেমন্তন্ন করতে গেছে... এই নেমন্তন্ন মানী লোকেরা নিলেন না। কেন তাঁর ভাই গিয়ে তাঁকে চতুর্দোলা করে নিয়ে এল না! আর ঠাকুর জামায়েরই বা কি আকল! জানিস ত বাপু আমার কেউ আপনার বলতে নেই...একজন হয়েছেন বিবাগী, আর একজন ত খোঁদল ছেড়ে নড়তে চান না...যেন যক্ষির ধন আগলাচ্ছেন...খাকবার ভেতর ওই ত একা মানুষ—তাকে

নিরে মরছেন সবাই...হিংসে...হিংসে...ওসব কোন কথা নয় মাসীমা...হিংসেতেই সব জলে মরছে।”

একজন মধ্যবয়সী বিধবা একটি মোটা কাল স্ত্রীলোককে সম্বোধন করিয়া কহিল “কেমন বিপুল মা, বলি নি আমি ? দেখলি ত ! সেবারেই সুরী যখন পিসীমার কাশী যাবার সময় দেখা করতে এল, যেন মুখ ভার-ভার, তখনই জানি। মরব কবে কেবল তাই জানি নি। তুমি আমাদের ভালবাস বলে বৌ, হিংসে কি কম ? আমার কত ঠাট্টা করা হল। সো ননদ, কত কি বলে ! সত্যি জাঠতুতো ননদ ত বটে, ভারেরা জাতি হলেও পর ত নয়। এদের ত দশ রাজের ওষুধ নিতে হয়। কর্তারা না হয় ভেরই হয়েছিলেন, এক রক্ত ত বটে। তাই ত ভুলো বলে ‘আজ যদি সব এক সঙ্গেই থাকতুম দিদি, তাহলেও সেই ওবাড়ীর মেজদার কথাই মানতে হত। হাজার হোক বড় ভাই, পরিচয় দিতে দেশের কাছে মুখ উজ্জল হয়। আর মেজ বউদি হতেই আমাদের বাড়-বাড়ন্ত,—ওবাড়ী-এবাড়ী সঙ্কলের উন্নতি !’

এমন সময় একটি ২৬/২৭ বছরের শ্রামবর্ণ বধু আসিয়া প্রণাম করিতেই, সত্যবালা তাহার চিবুক স্পর্শ করিয়া হাসিয়া কহিল, “হাঁলা ছোট বৌ, এই এখন তোর আসা হল ? ও ঠাকুরঝি, এই নাও, ছেলের কাকীকে পাতা করে দাও, উনি নেমস্তন্ন রাখতে এসেছেন !”

বধুটি হাসিয়া কহিল, “তোমার দেওরকে যে আফিসের ভাত রেঁধে দিয়ে আসতে হল। আমার দোষ বুঝি !”

“কেন, ঠাকুর-পো একটা দিন ছুটি নিতে পারলে না ?”

“আফিসে গিয়ে চলে আসবেন বলেছেন।”

“ভুলোর যে আফিসে মেলের কাজ পড়েছে কি না, তাই ; আমার যে কাল বলে, মেজ বৌদিকে বলে দিদি, আমি আফিসে গিয়েই চলে আসব !”

সত্যবালা দালানের অপর প্রান্তে গিয়া একবার এদিক ওদিক চাহিয়া কহিল, “কি করছ তুমি রাখালের পিসী ওখানে বসে বসে ? কুমড়ো-শুলো কোট না বাছা !”

রাজলক্ষ্মী একখানি পটুবস্ত্র পরিয়া নারায়ণ পূজা ও নান্দিমুখ শ্রাঙ্কের সমস্ত গোছাইয়া দিতেছিল। প্রয়োজন বশতঃ সত্যবালার নিকটে আসিতেই সে মুখভঙ্গী করিয়া কহিল, “কি—আবার এখানে কি মনে করে...ওখানে সব কেলে এলে ত, কোন জিনিষ নষ্ট হয় তাহলেই

তোমাদের ভাল...গেলে আর তোমার কি ? দেখছ, ঠাকুরঝি এদের আক্কেলখানা ?”

“সত্যিই ত বউ, তোমার আক্কেলখানা কি বল ত ? কার ওপর অত সব জিনিষ রেখে এলে...”

রাজলক্ষ্মী গম্ভীরভাবে বলিল, “পুরুত ঠাকুর আছেন, আর পূজোর জিনিষ কে নেবে ঠাকুরঝি ? আমি একটু মধু চাইতে এসেছি !”

সত্যবালা হাসিবার ভঙ্গীতে কহিল, “শুনলে মাসীমা, ওঁর কথার ছিরা ! একটু মধু নেবেন তাও আবার আমার কাছে চাইতে এসেছেন...যেন সব কাজে আমার অমুমতি চাই। তা দাঁড়িয়ে রইলে কেন...নাওগে যাও !”

রাজলক্ষ্মী যাইতেছিল, সত্যবালা কহিল, “ওই বড় আলমারীর তাকে...আচ্ছা চল, আমিই যাচ্ছি ! তুমি আবার এক জায়গার জিনিষ সাত জায়গার রাখবে...আবার আমাকে খুঁজে মরতে হবে...”

মাসীমা নিম্নস্বরে কহিলেন, “তুমিই যাও না মা, নিজের ঘর সংসার কি আর পরের হাতে ছেড়ে দিলে চলে ?...কিছু লোকসান হলে তোমারই যাবে !”

দেখিতে দেখিতে পণ্ডিত-বাড়ী লোক-সমাগমে পূর্ণ হইয়া উঠিল। বাহিরে ঢোল কাঁশি বাঁশির শব্দ,—অন্দর স্ত্রীলোকের কলরবে মুখর ! যথাবিধি কার্যের পর রাজেন্দ্রনাথ নবজাত শিশুকে কোলে করিয়া বাত্মকরণ সহ গ্রামের প্রতিষ্ঠিত দেবতা “শ্রাম স্ত্রন্দরের” মন্দির ঘুরিয়া আসিলেন। তার পর নাম রাখার পালা আরম্ভ হইল। বৃদ্ধ পুরাতন ধানসামা নবীন হইতে আরম্ভ করিয়া দেবেন্দ্রের নবাগতা শ্রালিকারা পর্য্যন্ত সকলেই আপনাপন পছন্দ মত এক একটা নাম বলিল।

দেবেন্দ্র এতক্ষণ বহির্কাটাতে বসিয়া ছিল, নিকটে মাধব বসিয়া হুঁকা টানিতেছিলেন। দেবেন্দ্র কহিল, “ধীরকর ঠিকানা জানলে আমি তাকে আসতে লিখতুম খুড়ো ; আর সে ইচ্ছা আমার খুবই ছিল ; কিন্তু কি করব—তার ঠিকানা আমার এত দিন জানা ছিল না। সে যে আপনার চিঠিতেই খোকার ভাতের খবর পেয়ে ৫০ টাকা আশীর্বাদী পাঠিয়েছে তা আজ বুঝি।”

মাধব চক্রবর্তী হুঁকাটা দেয়ালে রাখিয়া কহিলেন, “হাঁ, ধীর মাঝে মাঝে আমার কাছে চিঠিপত্র দেয় বটে।

গাঁয়ের সকলের জন্ত তার একটা টান আছে। হাজার হোক, দেশের মার্না যাবে কোথায় বল !”

কিছুক্ষণ স্তব্ধ থাকিয়া দেবেন্দ্র কহিল, “যাক্, সে যে আজ রোজগার করে মানুষ হয়েছে চক্রবর্তী খুড়ো, এইটাই হচ্ছে আমার মহা আনন্দের কথা। সত্যিই বিষয় কিছু আর আমি সঙ্গে নিয়ে যাব না। তবে কি জানেন, প্রত্যেকেরই একটা স্বতন্ত্র আর থাকা দরকার! যে রকম দিন কাল পড়েছে, তাতে শেষটার একটা বিবাদ বিসম্বাদের সৃষ্টি হলে—”

বাধা দিয়া মাধব বলিলেন, “কিন্তু যাই বল না মেজকর্তা, ধীরে ঝগড়া করবার ছেলে নয়! তার মন...”

বাধা দিয়া দেবেন্দ্র কহিল “আহা হা, আপনি বুঝছেন না খুড়ো, সে কথা আমি বলছি না। আমি বলছি কি, আগে ত তার কোন মতিস্থিতিই ছিল না। সে তো কোন দিন কিছু রোজগার করবে এ ধারণা আমার ছিল না। নিজের খেয়ালেই চলত! তাহলে দেখুন...একা সব ঝঞ্জাটই যদি আমার মাথায় সকলেই চাপায়...”

“তা ত বটেই বাবা! তবে কি না দেখ, তাকে যদি কোন দিন ভাল ভাবে বুঝতে চেষ্টা করতে, তাহলে বেশ বুঝতে পারতে তার স্বভাবটি হচ্ছে সরল উদার কিন্তু তেওঁস্বী। তাকে চোখ রাঙ্গিয়ে কেউ যে কোন দিন বশে আনতে পারবে...সে ধারণা আমার নেই! দেখ বাবাজী, হাতের পাঁচটা আঙ্গুল ত সমান হয় না।”

“দেখুন, লোকে হয় ত আমার মন্দ বলতে পারে; কিন্তু আমি বাস্তবিক তার ভালর জন্তই বলতুম। আপনাদের আশীর্বাদে আমার জীবন একরকম ভাবে নাম বজায় রেখে কাটিয়ে যেতে পারব; সে জন্তে কোন স্বার্থের বশে যে তাকে বলতুম তা নয়। কিন্তু বংশের সকলেই যাতে মানুষের মতন হতে পারে সেটা দেখা উচিত নয় কি? লোকে হয় ত বলবে ভাইকে ফাঁকী দিলে, পথে বসালে...”

“রামচন্দ্র! রামচন্দ্র! যেতে দাও ও সব কথা...হ্যাঁ, তার পর এধারের খাওয়ানোর বন্দোবস্ত সব কি রকম কি হচ্ছে?...কে দেখছে?...”

দেবেন্দ্র কহিল, “আমার শালা চিনিবাস বামুনদের কাছে আছে!”

মাধব হাসিয়া কহিলেন, “তাহলে তরকারীগুলো আর মিষ্টি না হয়ে যায় না!”

এমন সময় চিনিবাস ব্যস্তভাবে আসিয়া দেবেন্দ্রকে কহিল “খুব লোক যা হোক!”

দেবেন্দ্র হাসিয়া কহিল, “কেন হে, কি হল?”

“হবে আবার কি...টাকা দিতে হবে!”

“কেন? কাল রাত্রে ত তুমি ফর্দ মাফিক সব টাকা বুঝে নিলে হে?”

চিনিবাস মাধবের দিকে ফিরিয়া কহিল, “দেখুন ত মশায়; এত বড় একটা কর্মে আমার কি ছাই মাথার ঠিক আছে?”

“যাক্ গে; কত দিতে হবে এখন?”

“এই ধর না ওখানা নৌকোভাড়া দশ টাকা করে ৫০, টাকা; আর ১২জন মাঝির খোরাকী ছাানা করে ছটাকা...”

বাধা দিয়া মাধব বলিয়া উঠিলেন, “ছাানা হিসেবে ছটাকা হয় না বাবাজী, সাড়ে চার টাকা হয়।”

চিনিবাস হাসিয়া কহিল, “তাই তাই, আর এ ব্যয়সে কি নামতা মনে থাকে খুড়ো! হ্যাঁ, তাহলে এই হল গিয়ে তোমার...কত?...”

“তুমি কি বলছ চিনু, আমি ত কিছুই বুঝতে পারছি না...নৌকোভাড়া, খোরাকী—কি এ সব?” দেবেন্দ্র বিস্মিত দৃষ্টিতে চিনিবাসের মুখের পানে চাহিল।

“বেশ যা হোক! সতু বলেনি তোমায় যে আমাদের গাঁয়ে আমাদেরই জ্ঞাতি ১০।২০ ঘরে বলা হয়েছে? বেশীর মধ্যে এসেছে আমার জন ১০।১৫ বন্ধুবান্ধব! তোমার নাম-ডাকটা ওদিকে ত বড় কমতি নেই, কাজেই বলতে হয়েছে তাদের!”

“যাক্গে; এখন কি করতে হবে তার?”

“টাকাকড়ি দাও; এদের পাওনা গুণ্ডা চুকিয়ে দিই! বাড়ীতে এত লোকজন—দেখ দিকি, কি বলবে তারা এর পরে?”

“দাওগে মিটিয়ে মেজকর্তা, ও আর ভেবে কি করবে... যখন দিতেই হবে তখন আর মিছে...”

“বলুন ত চক্রবর্তী মশায়!”

মাধব চিনিবাসের পিঠ চাপড়াইয়া কহিলেন, “বেশ

বাবাজী, এই ত চাই। “খড়দা গাঁয়ে এত বড় একটা কন্দু হছে, যদি তোমাদের গাঁয়ের লোক না দেখতে পেলে তাহলে দেবুর এত খরচই যে বৃথা!”

চিনিবাস একটু জোরের সহিত কহিল, “নিশ্চয়, বিশেষ আমি যখন এ কাজে মাথা দিয়েছি! আর আমাদের নামটাও ত নেহাৎ ফেলনা নয়!”

মাধব কহিলেন, “তা আর বলতে! কেউ না জানুক আমরা ত জানি!”

চিনিবাস দেবেন্দ্রকে কহিল “কই হে মেজকর্তা, টাকা দাও?”

দেবেন্দ্র অশ্রুমনস্কভাবে কহিল, “ওই ত তোমায় বল্লুম, তোমার বোনের কাছে টাকা আছে, যা নিতে হয় নাওগে!”

“দেখেছেন চক্রবর্তী মশায়! আবার তাঁর কাছে চাইলে তিনি বলবেন তাঁর কাছে নাওগে। তাহলে আমি এমনই ছুটোছুটোই করি, আর এ-ধারে যাক সব মাটি হয়ে না, এদের কাজে মাথা দেওয়া ঝকমারী হয়েছে।”

মাধব কহিলেন, “আরে চট কেন বাবাজী, ও কি টাকা টেকে করে বেড়াচ্ছে? চল না বউ মার কাছ থেকেই নেবে,—আমিও তোমার সঙ্গে যাচ্ছি। অমনি দেখে আসি, ওদিকের সব কি বন্দোবস্ত হল!”

চিনিবাস আপন মনে কি বকিতে বকিতে চলিল। মাধব তাহার অনুসরণ করিলেন। দেবেন্দ্র দালান হইতে নামিয়া অল্প আগন্তুকদের অভ্যর্থনা করিতে চলিলেন।

মাধব ভিতরে যাইতেই শিরোমণি ঠাকুর তাড়াতাড়ি বাহিরে আসিতেছিলেন, মাধব কহিলেন, “কি দাদা ভারী ব্যস্ত যে.....”

“হ্যাঁ দেখ না, নীলু এখনও সব দই দিয়ে গেল না, লোকজন সব...যাই দেখি...” বলিয়া হন হন করিয়া বাহির হইয়া গেলেন। মাধব শিরোমণির পানে চাহিয়া একটু হাসিয়া ভিমানের দিকে গেলেন। শিরোমণি পুকুর ধার দিয়া যাইতে যাইতে একজন মধ্যবয়সী শ্রামাজী বিধবাকে কলসী-কক্ষে জল লইয়া আসিতে দেখিয়া তাহার গমন-গতি মন্থর করিলেন। রমণী দূর হইতে তাঁহাকে দেখিয়া মাথার কাপড়টা একটু টানিয়া দিল। উভয়ে কাছাকাছি আসিলে, শিরোমণি একবার এদিক ওদিক তাকাইয়া দেখিলেন; পরে ঈষৎ হাসিয়া কুঞ্চিত বক্রদৃষ্টিতে বিধবার পানে চাহিয়া কহিলেন, “বলি ও ক্ষ্যান্ত...এলি কবে...আছিস কেমন!” রমণী তাহার মুখখানা কলসীর দিকে ফিরাইয়া কহিল, “আজ ৩ দিন হল এসেছি! ভাল আছেন ত আপনারা ঠাকুর্দা?”

“ও: ভারী যে দরদ দেখাচ্ছিস লো? তিন দিন হল এসেছিস...একবার আছি না মরেছি সে খবরটাও নিতে পারিস নি!”

“বালাই, মরবে কেন? সত্যি সময় পাইনি ঠাকুর্দা!—”

“তা যাবি কেন?...বলি চলি যে...শোন্ না...যাস তাহলে একবার ওদিকে...কেমন?”

রমণী হাসিয়া কহিল, “দেখি যদি পারি ত পরশু নাগাদ.....”

শিরোমণি কহিলেন “যাস্ কিন্তু...বামুনের কাছে সত্যি করলি...তোমার ঠানদি মারা গিয়ে অবধি তুই ত আর মোটেই যাস নি...যাস তাহলে...আমার মাথা খাস্! নিরাশ করিস নি।”

রমণী হাসিয়া চলিয়া গেল। শিরোমণি ঘাড় ফিরাইয়া একবার তাহার দিকে চাহিয়া হাসিতে হাসিতে চলিয়া গেলেন।

(ক্রমশঃ)

## ঋষির মেয়ে

মহামহোপাধ্যায় শ্রীহরপ্রসাদ শাস্ত্রী সি-আই-ই

‘বেণের মেয়ে’র কিছুদিন পরেই এলেন ‘ঋষির মেয়ে’। এ দুয়ের মধ্যে কিছু সম্পর্ক আছে কি না জানি না, তবে এই জানি যে দুজনেই এ দেশের পুরাণকথা লইয়া আসরে নামিরাছেন। বেণের মেয়ে বাঙ্গালার কথা লইয়া, ঋষির মেয়ে কুরুক্ষেত্রের কথা লইয়া। বেণের মেয়ে ন’শ বছরের কথা লইয়া, আর ঋষির মেয়ে তিন-নাম সাতাশ’শ বছরের কথা লইয়া। বেণের মেয়ের সমাজের জের আজও চলিতেছে,—সেই সচিব্রিয়া আছে, সেই বেণেরা আছে, সেই ব্রাহ্মণেরা আছে, সেই মুসলমানেরা আছে; তবে তখন তাঁহারা হিন্দুস্থানে মাত্র উঁকি মারিতেছিলেন, এখন বেশটা প্রায় হাইয়া কেলিয়াছেন। ঋষির মেয়ের যখন জন্ম, সে অনেককাল; তখন জৈন হয় নাই, বৌদ্ধ হয় নাই, মুসলমান হয় নাই, খ্রীষ্টান হয় নাই; তখন যিজেরা আশ্বিন রাখিতে জাতিতেন, আর কেহ জানিত না। যিজের সংখ্যা বড় কম ছিল, কিন্তু অগ্নি তাঁহাদের সহায় ছিলেন বলিয়া কেহ তাঁহাদিগকে আঁটির উঠিতে পারিত না। তখন আমাদের এ সমাজ গড়িয়া উঠে নাই, কিন্তু ইহার বীজ পোতা হইয়াছিল। তখন ছোট ছোট রাজ্য ছিল, ছোট ছোট রাজা ছিলেন। রাজাদের ক্ষমতা অনেক ছিল, কিন্তু ব্রাহ্মণই কর্তা ছিলেন। আইন তাঁহাদের হাতে, আইনের ব্যাখ্যা তাঁহাদের হাতে, বিচার তাঁহাদের হাতে, শিক্ষা তাঁহাদের হাতে। লড়াইএ রাজা সর্বময়কর্তা, কিন্তু বেশে তিনি ব্রাহ্মণের হাতধরা।

ঠিক এই সময়ে আপত্ত্ব নামে একজন ঋষি সরস্বতীর তীরে একটা রাজ্যে খুব প্রতিষ্ঠা লাভ করিয়াছিলেন। ঋক, যজু, সাম তিন বেদে তাঁহার সমান দখল। ইতিহাসে তিনি অধিতীর। তাঁহার অগ্নিশালা ছিল। তাঁহার অনেক ছাত্র ছিল। কিন্তু সম্ভানের মধ্যে একটা মেয়ে, তাহার নাম সুদত্তা। মেয়েটা লিখতে-পড়তে, সংসারের কাজ করতে, বিশেষ বাগযজ্ঞের অনুষ্ঠানে সিদ্ধহস্ত। মেয়ের বয়স হইলে ঋষি ও ঋষিপত্নী মনে করিয়াছিলেন, চারুদত্ত নামক একটা ছাত্রের সঙ্গে তাহার বিবাহ দিবেন। চারুদত্তের বুদ্ধি খুব তীক্ষ্ণ, কথা পড়িলেই বুঝিতে পারিত। বা পড়িত কখন ভুলিত না, সুতরাং উপনয়নের পর গুরুগৃহে উপস্থিত হইয়া গুরুর সমস্ত বিদ্যা আয়ত্ত করিতে তাহার বিশেষ বেগ পাইতে হয় নাই। তাহার ব্রহ্মচর্যা শেষ হইয়াছে; সে পাঠ-সমাপ্তির স্নান করিয়া স্নাতক হইয়াছে। “এক ডুবে ব্রহ্মচারী হইতে গৃহস্থ হইয়াছে।” সুতরাং বিবাহের আর বড় বিশেষ গোল নাই।

ইহার কিছুদিন পূর্বে হইতেই রাজ্যে একটা বিষম গোল উঠিয়াছে।

উগ্রশ্রবা নামে একজন লোক আসিয়াছেন। তিনি বলেন অথর্ষ বেদও বেদ, আর উহার প্রামাণ্য অস্ত্র বেদেরই মত। আপত্ত্ব বলেন উহা তেলুকী মাত্র, উহাতে পাপের বৃদ্ধি হয়। রাজা ইঁহার খুব সম্মান করিয়াছেন, ছ এক সময় আপত্ত্বের সঙ্গে বিচারে তাঁহাকে জয়মালা দিরাছেন। যেদিন বিচার হয়, চারুদত্ত সেদিন রাজসভায় ছিলেন। তিনি গুরুর পরাজয় দেখিয়াছেন। তাঁহার ইচ্ছা হইয়াছে উগ্রশ্রবার কাছে গিয়া অথর্ষবেদের ব্যাপারটা ভাল করিয়া বুঝিয়া লন। তাই স্নানের দিনের ২৪ দিন পূর্বে একবার সেখানে গিয়েছিলেন। স্নানের দিন আপত্ত্ব সে কথা শুনিতে পাইলেন। পরম তেলে বেগুন ফেলিয়া দিলে বেরুপ হয়, ঋষির অবস্থা সেইরূপ হইয়াছে। চারুদত্ত স্নান করিয়া আসিয়াছেন, তাহাকে আজ ভাল করিয়া খাওয়াইতে হইবে। গুরুপত্নী ও গুরুকন্যা সমস্ত সকাল পরিশ্রম করিয়া উত্তম আহার প্রস্তুত করিয়াছেন। চারুদত্ত খাইতে বসিয়াছে এমন সময় গুরু আসিয়া গর্জন করিয়া বলিলেন, চারুদত্ত, শুনিলাম তুমি উগ্রশ্রবার কাছে গিয়াছিলে! চারুদত্ত অস্বীকার করিল না। এই সম্বন্ধে একটু তর্কাতর্কি হওয়ার গুরু বলিয়া উঠিলেন “যাও, দূর হও, আমার গৃহ থেকে”। বেচারার আজ সমাবর্তনের দিনে গণ্ড্ব করা হইল না। সেও উঠিয়া স্নান করিয়া চলিয়া গেল; গুরুপত্নী অনেক বলিলেন, কিছুই হইল না। যুথের ভাত ফেলিয়া এই অভ্যাসের দিনে বেচারী ১২ বছরের শ্বেহ-মমতা কাটাইয়া চলিয়া গেল। গেল কোথা? উগ্রশ্রবার বাড়ী গিয়া তাঁহার শিষ্য হইল। শিখিবে কি? বার্তা ও দণ্ডনীতি।

ব্যাপারটার চারুদত্তের যতই দোষ থাকুক, তাহার জন্মের মধ্যে সকলের চেয়ে মঙ্গলের যেদিন, সেইদিন বেচারী ভাত কোলে করিয়া বসিয়াছিল; তাহাকে উঠাইয়া দেওয়া, দূর হও বলা, গুরুর পক্ষে ভাল হয় নাই। কিন্তু শিষ্য গুরুকে ডিঙ্গাইয়া যাইতেছে এ কথা গুরুর যখন মনে হয়, তখন তাঁহার হিতাহিত জ্ঞান থাকে না। দেড়শ বছর পূর্বে এই অঞ্চলে মাণিক্য তর্কভূষণ নামে এক ব্রাহ্মণ পণ্ডিত প্রায় একশ পড়ুয়া গড়াইতেন। তাঁহার মেজোছেলে শ্রীনাথ ইঁহাদের মধ্যে একজন। ছাত্রটা খুব তীক্ষ্ণবুদ্ধি, সমস্ত স্তায়শাস্ত্রটা আয়ত্ত করিয়া লইতে তাঁহার বেশী দিন লাগিল না। ২৫ বছর বয়সে তিনি পাঠ সমাপন করিলেন। বরিশালের রামমাণিক্য নামে আর এক ছাত্র তাঁহার সহাধ্যায়ী ছিল, তিনিও পাঠ সমাপন করিলেন। তাহার পর দুজনের সখ হইল যে মুরশিদাবাদে গিয়া সেখানকার স্তায়শাস্ত্র পড়ার ধারা ও কাঁকির কারদা

শিখিরা আসিবেন। গেলেম, সব শিখিরা আসিলেন। কিন্তু বাড়ী আসিরা  
 দেখিলেন, বাবা ভয়ানক চট্টাচ্ছেন, ছেলের মুখদর্শন করিলেন না।  
 ছেলে টোলে পড়াইতে লাগিলেন। তিনি বাড়ী বসিরা থাকিতেন,  
 কোথাও নিমন্ত্রণ হইলে, বাবা যাইতেন না, ছেলে যাইতেন। এমন  
 সময় মহারাজাধিরাজ কুমার প্রতাপচাঁদ বাহাদুরের মাতা তুলসীদেবী  
 করিলেন। বাবা গেলেম না। ছেলে গেল, ষোল বিচারে সভাপুত্র  
 স্বাক্ষর করিরা দিরা ছেলে দুইটা রূপায় ঘড়া বিদায় লইরা বাড়ী আসিতে  
 পথে ডুবুরনহের নিকট ডাকাতে তাঁহাকে মারিরা ফেলিরা তাঁহার সর্ব্ব  
 লুটিরা লইল। তাহার পর বাবা আবার টোলে বসিতে লাগিলেন।  
 কিন্তু পারিবেন কেন? পুত্রশোক ত! ছয় মাসের মধ্যে ভবলীলা সাক্ষ  
 করিলেন। ছাত্র ডিঙ্গাইরা যাইতেছে, একবার ধারণা হইলে গুরু  
 যে কি আপশোব হয়—যাহার হইরাছে—সেই জানে। তাহার উপর  
 আবার যদি দুটো কথা শুনিরা শিখিরা, সে হতভাগ্য লোক, চালাকী  
 করিরা, বদমায়েসী করিরা, গুরুর লাভসংকারের ব্যাঘাত করে, তাহাকে  
 না কালীর কাছে বলিদান দিলেও রাগ যায় না, ইচ্ছা করে, জবাই করিরা  
 তাহার ইহকাল পরকাল নষ্ট করিরা দিই। এইরূপে গুরুর শিক্সা লইরাই  
 একদিন বাজবন্দ্য গুরুর বিত্তা উপরিরা দিরাছিলেন, তাই তৈত্তিরীয়  
 সংহিতা হইরাছে। বাজবন্দ্যও সূর্যের নিকট শিষ্য হইরা গুরু  
 বজুর্বেষের সৃষ্টি করিরা গিরাছেন। নরেশবাবু ঋষির যে এই চরিত্র  
 বর্ণনা করিরাছেন, ইহাতে তাঁহার যথেষ্ট গুণগণা প্রকাশ হইরাছে। এই  
 যে বর্শপাতার আঙনের মত অলিরা উঠা ও পরক্ষণেই নিবিরা যাওয়া  
 এটা ঋষিদের স্বভাবিক। তাহাতে ত ঋষিদের স্বভাবেরই বর্ণনা হইল।  
 কিন্তু ঋষির মেয়ের স্বভাবটা কি রকম এখন সেইটাই দেখিতে হইবে।

আপত্ত্বের মেয়ে সুদত্তা সর বিবয়েই পাকা। সে অগ্নি উপাসনা  
 করে, মা-বাপের সব কাজেই সহায়, তাঁহারি উপদেশ ও দৃষ্টান্তে সে  
 মানুষ এবং তাই সে জীবনে ফুটাইবার চেষ্টা করিরাছে করিতেছে ও  
 করিবে। সেও চারুদত্তকে মনপ্রাণ সমর্পণ করিরা দিরাছে। তাহার  
 মা যেমন আপত্ত্বের ছায়ার স্তায় অনুগামিনী, সেও চারুদত্তের  
 তাই হইবে, ইহাই তাহার শিক্সা। সে যখন দেখিল বাবা নিষ্ঠুরভাবে  
 চারুদত্তকে তাড়াইরা দিলেন এবং অস্ত্রের হাতে সুদত্তাকে দিবার ইচ্ছা  
 প্রকাশ করিলেন, তখন সে চূপ করিরা রহিল এবং কি একটা মনে মনে  
 স্থির করিরা লইল। তাহার পর যখন চারুদত্ত আসিরা গান ধরিল,  
 সুদত্তা বৃষ্টিল চারুদত্তই এ গান রচনা করিরা দিরাছেন। তখন সে  
 নিশীথ রাত্রে চারুদত্তকে আপত্ত্বের অগ্নিশালার ডাকিরা পাঠাইল।  
 চারুদত্ত এখন অধর্কবেদীর শিষ্য। সে আসিরাই “নিদিলি” দিল। কুকুর,  
 ছাগল, বিড়াল পর্যন্ত নিজায় অভিভূত হইল। সুদত্তা মন্ত্রপুত্র অগ্নি  
 আলিরাই রাখিরাছিল, অগ্নির বিপরীত দিকে দাঁড়াইরা স্বামীর দক্ষিণ  
 হস্তের উপর আপনার বামহস্ত রাখিল এবং বিবাহের মন্ত্র পাঠ করিল।  
 বিবাহ হইরা গেল। কিন্তু “নিদিলি” দেওয়ার বোধ হয় কিছু দোষ  
 হইরাছিল। তাই হস্তের উপর হাত থাকিতেই আপত্ত্ব উঠিরা  
 অগ্নিশালার আগুন জ্বলিতেছে দেখিরা সেখানে আসিলেন এবং পূর্বাণ

অনুলক্ষণ না করিরা চারুদত্তকে চোর স্থির করিরা চীৎকার করিরা  
 উঠিলেন। শিবোরা আসিল। চারুদত্তকে চোর বলিরা ধরাইরা দিল।  
 পরদিন রাজসভায় বিচার হইল। চারুদত্ত স্বীকার করিল, যে সুদত্তার  
 হার চুরি করিবার জন্ত সে গুরুর অগ্নিশালার গিরাছিল। আপত্ত্বেরও  
 মালিন্য তাই। সুদত্তা মন্ত্রী আসল খবর জানিবার জন্ত একটু চেষ্টা  
 করিলেও কবুল জবাব করায় আর বিচার চলেনা বলিরা চারুদত্ত চোর  
 বলিরা মাযান্ত হইল। চোরের দণ্ড প্রাণদণ্ড। ব্রাহ্মণের প্রাণদণ্ড নাই,  
 তাই তার কপালে কুকুরের খাবা আঁকিরা দিরা রাজ্য হইতে তাড়াইয়া  
 দেওয়া হইল। রক্ষীরা তাহাকে লইরা দণ্ডশালার গেল, শুণ্ডিকে সুদত্ত  
 ইন্দ্রায়ুধকে সঙ্গে করিরা যুরিতেছে, কোথায় চারুদত্তের দেখা পাওয়া  
 যায়। সত্যর যখন গেল, সেখানে নাই। দণ্ডশালার নাই। রাজ্যের  
 বাহিরে বনে বনে ঘুরিরা দেখা গেল চারুদত্ত, মাথার ঘারে সরস্বতীর স্রোতে  
 ঝাঁপ দিবার চেষ্টা করিতেছে। সুদত্তা পিছনের দিক হইতে তাহাকে  
 জড়াইয়া ধরিল। তুমি আমার আশ্রয় দিরাছ, অগ্নি সাক্ষী করিরা বিবাহ  
 করিরাছ, আমার ছাড়িরা কোথায় যাইবে? যেখানে যাইবে আমার লইরা  
 চল। তাহারা এই সব কথাবার্তা কহিতেছে, এমন সময়ে ইন্দ্রায়ুধ বলিল,  
 তোমার বাপ মা ও রাজার লোক তোমার পুঁজিরা বেড়াইতেছে।  
 তোমরা এখনই পালাও। কোথায় যাই? দেখা গেল একটা দড়ির পোল  
 রহিরাছে। চারুদত্ত বলিল, এই পোলে আমি পার হইতে পারি কিন্তু  
 সুদত্তার কি হইবে? সে বলিল আমিও পারিব। তাহারা পার হইল।  
 ইন্দ্রায়ুধ দড়ির পুল কাটিরা দিল। আর তাহাদের উদ্দেশ্য পাইবার  
 কোনও উপায় রহিল না।

অগ্নিশালার আসিরা বিবাহের মন্ত্র উচ্চারণ করার আগে চারুদত্ত  
 বুঝাইবার চেষ্টা করিতে লাগিল যে, গুরুর তাঁহার উপর যে রাগ হইরাছে  
 তাহা বেশী দিন থাকিবে না। ছয় মাসের মধ্যে তিনি উগ্রশব্দ জারি করি সব  
 ভাঙ্গিরা দিবেন। প্রমাণ করিরা দিবেন, উহারি ভেদী বাজী, করে মাত্র। তুমি  
 এই ছয় মাস মাত্র অপেক্ষা কর। অমনি অভিমানে পরগর হইরা সুদত্তা  
 কহিল, আমি আপত্ত্বের কস্তা, তোমার আমার হাত বাড়াইরা দিলাম,  
 তুমি সে হাত প্রত্যাখ্যান করিলে, আর আমি তোমায় চাহি না। তুমি  
 যাও,—দূর হও। ছয় মাস পরে কাহার ভাগ্যে কি আছে, কে বলিতে  
 পারে? চারুদত্তকে মাথা পাতিরা তাহার কথা শুনিতে হইল, তাহাতেই  
 চারুদত্তের এত কষ্ট এত লাজনা এই চোর অপবাদ এবং এই শাস্তি।  
 তাহার একমাত্র সান্ত্বনা—বাল্যলীলা সুদত্তাকে বনিতা পাইল আর সুদত্তাও  
 সর্ব্বান্তঃকরণে তাহার কষ্টময় জীবনের সাথী হইল। যেটা যখন ভাল  
 বলিরা মনে হয় ঋষিরা তাহা তৎক্ষণাৎ করিরা বসেন, তাহার কলাকলের  
 কথা বড় একটা ভাবেন না। তাঁহাদের মেয়েরাও তাই।

সরস্বতী পার হইরা নিবিড় বনে রাত্রে অন্ধকারে ছুজনে ত গয়েই  
 কাট; এমন সময় আর এক বিপদ। সেই রাত্রে চণ্ডালেরা সেই বনে  
 শিকার করিতে আসিরাছিল। তাহারা ব্রাহ্মণ পাইরাছে, মহা আহ্লাদ।  
 চারুদত্তকে মারিরা কেলিবে ও সুদত্তার ধর্ম নষ্ট করিবে। সুদত্তা চীৎকার  
 করিরা উঠিল। সে রাত্রে সে অন্ধকার কে তাহাকে রক্ষা করিবে?



সেই দেশের রাজার এক শালা আছেন, কত্রিরের মধ্যেও কত্রির। কিন্তু রাজার শালা ঘোর বিলাসী—মত্ত প্রচুর পরিমাণে পান করা হয়। অনেক স্ত্রীলোকের সর্বনাশ করিয়া তাহাদিগকে নর্তকী করা হইয়াছে। সহরে আমোদের ব্যাঘাত হয় বলিয়া এই বনের ধারে বাড়ী করিয়া সেইখানে বাসা ইচ্ছা তাহাই করেন। এদিন তাঁহার আমোদ খুব জমিয়াছে; উত্তম শীখুপানে মত্ত হইয়া নর্তকীরা গান করিতেছে। তিনি এক ব্রাহ্মণ-কর্তাকে বাহির করিয়া আনিয়া তাহাকে তাঁহার প্রিয়তমা করিয়াছিলেন, সে খুব প্রেমের গান গাহিতেছে। কর্তীও ভোর। দুই হইতে সুদত্তার আর্তনাদ তাঁহার কর্ণে পেল। তাঁহার কত্রির রক্ত গরম হইয়া উঠিল। তিনিও চীৎকার করিয়া উঠিয়া অশ্রুশ্রব লইয়া বেগে বনের মধ্যে ঢুকিয়া পড়িলেন। আর্তনাদ লক্ষ্য করিয়া বাইয়া দেখিলেন, একটা সর্দারহুন্দরী ব্রাহ্মণকর্তা চণ্ডালপতির অঙ্গত, আর ব্রাহ্মণ নিকটে দাঁড়াইয়া এই ভাষণ ব্যাপার দেখিতেছে, আর দেবতাদের নাম স্মরণ করিতেছে। শালাবাবু হঠাৎ উপস্থিত হওয়ার ও তাঁহার তর্জনে গর্জনে ভীত হইয়া চণ্ডাল সুদত্তাকে ছাড়িয়া দিল। শালাবাবু তাহার যথেষ্ট লাঞ্ছনা করিলেন এবং ব্রাহ্মণ ও ব্রাহ্মণীকে লইয়া গিয়া মহা আদরে আপনার বাড়ীতে রাখিলেন, আর একজনকে সখা আর একজনকে সখী করিলেন। অল্প দিনের মধ্যে চারদন্তের বিজ্ঞা বৃদ্ধি নিষ্ঠা ও তপ তাঁহাকে দেশমন্ত করিয়া তুলিল। শালাবাবু তাঁহার সহায়, রাজদরবারে তাঁহার খুব প্রতিপত্তি হইল। চারদন্ত কিন্তু তাঁহার কপালের কুকুরের খাবাটা চন্দন দিয়া চাকিয়া রাখেন। ক্রমে রাজা চারদন্তকে নানা রকমে পরীক্ষা করিতে লাগিলেন। চণ্ডাল তাঁহার অর্থ-শাস্ত্রে যত প্রকার পরীক্ষার ব্যবস্থা করিয়াছেন, সব ব্যবস্থা মতই পরীক্ষাতে চারদন্ত উত্তীর্ণ হইলেন। তখন তাঁহাকে অমাত্য পদ দেওয়া সাব্যস্ত হইল। পরীক্ষাও ঘোরতর রকম। যাহাকে পরীক্ষা হইতেছে সে জানেও না যে তাহার পরীক্ষা হইতেছে; সুতরাং সে আপনার স্বভাব ও শিক্ষামত কাজ করিয়া বাইতেছে। শালাবাবু একদিন বলিলেন এ রাজাটা বড় অধার্মিক, এটাকে নিপাত করিয়া আমি রাজা হইব, তুমি আমার সহায় হও। চারদন্ত বলিলেন, গোপনে বড়যন্ত্র করিয়া হইতে পারিবে না। কত্রিরের মত সন্মুখে সন্মুখে যদি প্রবৃত্ত হও তখন দেখা বাইতে পারিবে। একদিন রাজবাড়ীর এক দাসী আসিয়া বলিল মহারাজী চারদন্তের প্রণয়-কাঙ্ক্ষণী। চারদন্ত ত তাহাকে তাড়াইয়াই দিল এবং রাজাকে ইঙ্গিতে জানাইয়া দিল তিনি বড় অভাগ্য। রাজা ত রেগেই লাল। দাসীর সাক্ষ্য লওয়া হইল। সে বলিল আমি এ কথার বিন্দুও জানি না। বিসর্গও জানি না। রাজীর তলপ হইল। রাজীও রাজাকে ডাকিয়া পাঠাইলেন। এ পরীক্ষারও চারদন্ত উত্তীর্ণ হইল। সুতরাং চারদন্ত অমাত্য হইবেন।

শালাবাবু চারদন্ত ও সুদত্তার সঙ্গে ঠিক সখাসখীর মত ব্যবহার করিতে লাগিলেন। কিন্তু স্বভাব যায় মলে আর ইচ্ছা যায় খুলে। একদিন নির্জনে পাইয়া শালাবাবু সুদত্তাকে বলিয়া বসিলেন, তিনি সুদত্তার প্রণয়প্রার্থী। সুদত্তা বলিল, সে কি সখা? আমি যে তোমার

দেখতার মত দেখি, তুমি যে পরনারীর মানধর্ম রক্ষা করিবার জন্য জন্মিয়াছ, তোমার কি এই সকল কথা মনে করা উচিত। হি হি তুমি এমন সব কথা মনেও করিও না। তুমি এসব ছুইবুঝি ত্যাপ কর, দেখিবে তুমি কত বড় হইয়াছ। তুমি কত্রির, তোমার জন্য আর্তনাদের জন্ত, তা কি তুমি জুলিয়া পেলো? শালাবাবু বিলাসী হইলেও কত্রির, সরলমতি। তিনি ভাবিলেন আমি অনেক নারীর ধর্মনষ্ট করিয়াছি, অনেকে আমার অনেক তিরস্কারও করিয়াছে, কিন্তু এমন করিয়া আমার প্রাণে নূতন আবেগ ত কেহ আনিয়া দেয় নাই। সে বলিল, দেখি, আমার অপরাধ ক্ষমা করিও, আমি এখন হইতে ভাল হইব।

তাঁহার এইরূপ গোপনে কথাবার্তা কহিতেছেন এমন সময়ে শালাবাবুর স্ত্রী সেইখান দিয়া যায়। স্বামী যার সম্পট, সে ত চিরদিনই স্বর্গীয় দক্ষ হয়। সুদত্তা বাড়ী আসা অবধি সে সন্দেহ করিতেছিল তাহার স্বামীর আবার একটা উপপত্নী বৃদ্ধি জুটিল। আজ তাদের দুজনকে গোপনে কথাবার্তা কহিতে দেখিয়া সে একেবারেই অনুমান করিয়া বসিল বতদুর মন্দ হইতে হয় এবং সে কথা প্রচার করিয়াও দিল। শালাবাবুর বেঙ্গল সুখ্যাতি, সকলে বিশ্বাসও করিল। গুনিল না কেবল চারদন্ত। তাঁহার অমাত্য হইবার দিন স্থির হইয়াছে। সে এই খবর লইয়া বাড়ী আসিল এবং সুদত্তাকে বলিল। সুদত্তা গুনিয়া ধূনীও হইল। চারদন্ত কিন্তু দেখিল সুদত্তা অশ্রমস্বয়ং। এমন সময়ে শালাবাবুর স্ত্রী আসিয়া খবর দিল, যে তোমার স্ত্রী তাহার স্বামীর “আরিণী”। চারদন্ত বিশ্বাস করিলেন না। সুদত্তা বলিল, এই মেয়েটির কথা তুমি গুন না। শালাবাবু জেদ করিয়া বলিতে লাগিল তোমার এই অগ্নিশালায় আমার স্বামী আর উনি কি ফুসফুস করিতেছিলেন। চারদন্ত বলিলেন, কেমন সুদত্তা তিনি এখানে এসেছিলেন? সুদত্তা বলিল হ্যাঁ। কি কথা হইয়াছিল? “বলিবে না”। তাহার পর চারদন্ত শালাবাবুকে জিজ্ঞাসা করিলেন, তোমার স্বামী এখন কোথায়। সে বলিল সে তাঁহার প্রণয়িনীর সঙ্গে মস্তপান করিতেছে। সুদত্তা বলিল মিথ্যা কথা, সে আমার প্রতিশ্রুতি দিয়া—বলিয়াই চূপ করিল। চারদন্ত বলিল, সুদত্তা, আমাদের সখী তোমার উপর দোষ দিতেছেন, তুমি বলিতেছ ইহার স্বামী তোমার সঙ্গে দেখা করিয়াছিলেন, তাঁহার প্রণয়িনীর সখ্যে তোমার প্রতিশ্রুতি দিয়াছেন—আমার মনে সন্দেহ হইতেছে। সখীর কথার অবিবাস করিতে পারিতেছি না। সুদত্তা বলিলেন “তবে আমার শান্তি দাও।” “বিনা প্রমাণে কি শান্তি দিব, তোমার দিব্য প্রমাণ দিতে হবে।”

সুদত্তা। প্রমাণ দিতে হবে। আমি অগ্নির দিব্য দিব। কিন্তু এখন তুমি সত্যের যাও, মন্ত্রী ও অস্ত্র সদস্তদের সঙ্গে করে এখানে নিরে এস। সকলে আসিল। সুদত্তা জবার মালা পরিয়া রাণী কাপড় পরিয়া অগ্নিতে ঝাঁপ দিতে প্রস্তুত। রাজপুরুষেরা বলিলেন, সীতা অগ্নিপ্রবেশ করিয়াছিলেন তাঁহার মহাপুরুষ, তাঁহার দেবতা, তাঁহার বা পারেন সামান্ত মানুষে তা পারেনা। বলিয়া তিনি সুদত্তার হাতে গুঁড়ি অবধি পাতা বাধিয়া দিয়া তাহাকে কতকগুলি বস্তু যব দিলেন। সাঁইপাত দিলেন দুর্বা ও কুল সাজাইয়া; তাহার উপর তত্ত লৌহপিণ্ড দিলেন এবং

স্বপ্নতাকে ভিনবার অগ্নি প্রদক্ষিণ করিয়া লৌহপিণ্ড আঙনে কেলিয়া দিলেন। পরীক্ষা করিয়া দেখা গেল, স্বপ্নতার হাতের কোথাও পুড়ে নাই, কোসকা হয় নাই। স্বপ্নতার জয়জয়কার হইল। চারুদত্ত, সকলে চলিয়া গেলে আফ্লাদে আটখানা হইয়া তাঁহাকে আলিঙ্গন করিতে গেলেন। স্বপ্নতা বলিল, আমি আপত্ত্বের মেয়ে, আমার প্রতি বধন তোমার বিশ্বাস নাই, আমার তুমি ছুঁইওনা। বলিয়া সেখান হইতে প্রস্থান করিলেন। কোথা গেলেন কে জানে? চারুদত্ত ও অগ্নিবর্ণ অনেক খুঁজিলেন পাইলেন না।

স্বপ্নতা পরীক্ষার উত্তীর্ণ হওয়ার বেশী রোগ হইল শালাবাবুর স্ত্রীর। সে তাহার ভাইএদের সঙ্গে অর্থাৎ শালা শালাদের সঙ্গে পরামর্শ করিয়া ও মন্ত্রীকে সহায় করিয়া এক নালিশ রাজসভার উপস্থিত করিল যে অগ্নিবর্ণ (রাজার শালা) ও চারুদত্ত চক্রান্ত করিয়া রাজাকে ভাড়াইয়া রাজা হইবার চেষ্টায় আছে। আর চারুদত্ত চোর, কোথাও চুরি করিয়া সাজা পাইয়া এ রাজ্যে আসিয়া পদস্থ হইয়াছে। তাহার কপালে কুকুরের খাবা আছে। সে চন্দন দিয়া সব ঢাকিয়া রাখে। সভার বিচার হইল, অগ্নিবর্ণ নির্দোষ প্রমাণ হইল, চারুদত্ত নির্দোষ প্রমাণ হইল। কিন্তু চারুদত্ত যে চোর, কপালের চন্দন মুছিতেই সে কথা প্রকাশ হইয়া পড়িল। চারুদত্তও স্বীকার করিলেন, এ কথা সম্পূর্ণ মিথ্যা নয়। তখন প্রত্নিবাক্ বলিলেন তুমি চোরের দণ্ড পাইয়াছিলে এ সত্বেও তুমি যে চোর নহ, তাহার কিছু প্রমাণ আছে? চারুদত্ত নীরব।

এমন সময়ে আদালতের ভিড় ঠেলিয়া স্বপ্নতা ও আপত্ত্ব সেখানে উপস্থিত হইলেন। স্বপ্নতা বলিলেন, সে প্রমাণ আমি দিব। কিন্তু আসাবীর স্ত্রী বলিয়া তাঁহার প্রমাণ অগ্রাহ হইল। তখন আপত্ত্ব মাথা খাড়া করিয়া সভামঞ্চের নিকটে আসিয়া বলিলেন, সে প্রমাণ আমি দিব। আমিই মিথ্যা মোকদ্দমা উপস্থিত করিয়া উহার শাস্তি দেওয়াইয়া-ছিলাম। আজ এই ধর্মসভায় সে পাপ স্বীকার করিয়া তাহার প্রায়শ্চিত্ত করছি। জিজ্ঞাসা হইল, আপনি কে? উত্তর হইল, আমি বাৎস্তগোত্রীর আপত্ত্ব। সকলে আশ্চর্য হইয়া গেল, রাজা উঠিয়া আপত্ত্বের নিকটে আসিলেন, পাণ্ডঅর্থাৎ দিয়া তাঁহার পূজা করিলেন। আপত্ত্ব মাথা নীচু করিয়া বসিয়া রহিলেন। আদালতের হুকুম হইল, আসামী খালাস। স্বপ্নতা রাজার জয়জয়কার দিয়া চারুদত্তের পার ভাড়াইয়া ক্ষমাপ্রার্থনা করিলেন। চারুদত্ত বলিলেন, স্বপ্নতা তুমি যে করিয়া আসিয়াছ, তাহাতেই আমি ধস্ত হইয়াছি। আদালতে

এই সকল ব্যাপার ঘটতেছে, এমন সময় অগ্নিবর্ণ দাসীবেশ করাইয়া আপনার স্ত্রীকে ও তাহার ভাইদের সেখানে উপস্থিত করিলেন এবং বলিলেন ধর্ম-কার্য এখনও শেষ হয় নাই, আমার অভিযোগের বিচার চাই। আমার নালিশ যে ঐ মন্ত্রী, আমার এই স্ত্রী ও আমার এই ছুঁই শালা বড়বয় করিয়া চারুদত্তের প্রাণহানির চেষ্টা করিয়াছিল, ইহাদের উপযুক্ত শাস্তি হউক।

স্বপ্নতা চিত্রলেখার নিকট আসিয়া অগ্নিবর্ণকে সঁসোধন করিয়া বলিলেন, "তবে দেখেছ সখা, কেন চিত্রলেখা এই সব কাজ করেছে? সে তোমার বড় ভালবাসে। তুমি সে ভালবাসার অবমান করেছে বলে অধিকারের দর্পে তুমি তাহার লাহিত প্রেমের এই ক্ষুদ্র বিয়োহের শাস্তি দিতে চাচ্ছ—কিন্তু তোমার অপরাধের কে শাস্তি দিবে অগ্নিবর্ণ!" তিনি চিত্রলেখাকে বলিলেন আমি হতে তোমার এ যৌর অনিষ্ট হয়েছে, আমি আজীবন দাসী হয়ে তার প্রায়শ্চিত্ত করিব, আমার ক্ষমা কর। চিত্রলেখা বলিল দেবী—দেবী তুমি—মানবী নও, আমার সকল অপরাধ ক্ষমা কর, বলিয়া তাহার পদতলে লুটাইয়া পড়িল। স্বপ্নতা তাহাকে উঠাইয়া আলিঙ্গন করিল। অগ্নিবর্ণ বলিলেন, দেবি এ অপরাধীকে তুমি ক্ষমা কর, চিত্রলেখা তুমি খালাস। তুমি স্বপ্নতার আশ্রমে কিছুদিন বাস কর, আমি নিশ্চিত হয়ে স্বদূর দক্ষিণাপথে যাব, সেখানে রাজা অর্জন করবো, আর্ধ্য অধিকার স্থাপন করবো। আপত্ত্ব তখন বলিলেন, "অগ্নিবর্ণ, মাধু, অগ্রসর হও, জয়বুস্ত হও, আমি তোমার সহবাত্রী।" মনে মনে ভাবিলেন আর্ধ্যাবর্তের লোক জানিল আমি মিথ্যাবাদী। দক্ষিণে সে কথা কেহ জানে না—সেখানে আমি আর্ধ্য ধর্ম প্রচার করিব।

"চারুদত্ত (স্বপ্নতার কাছে অগ্রসর হইয়া)—স্বপ্নতা। তুমি পিতাকে পারে ধরে নিবৃত্ত কর।"

স্বপ্নতা। পিতা, না বাধা দেব না। আমি নারী? কিন্তু ঋষির মেয়ে।"

আপত্ত্বের স্ত্রীগুলি দক্ষিণদেশে চলে। এইমাত্র এই নাটকের ইতিহাস। বাকীটা নরেশবাবুর কল্পনা। সে কল্পনা সংবত, শৃংখলাবদ্ধ, শাস্ত্রসম্মত, বুদ্ধিসম্মত। নরেশবাবুর পড়াশুনা যে অনেক তাহা বলিতে হইবে না। তাঁহার সৃষ্টিশক্তিও যে অপূর্ব তাহাও অনেকে জানেন। কিন্তু প্রাচীন ভারত সম্বন্ধে এরূপ সৃষ্টি এই নূতন। এমন অনেক সৃষ্টি তাঁহার নিকট পাইব প্রত্যাশা করি।

## দ্বন্দ্ব

শ্রীসরোজকুমারী বন্দ্যোপাধ্যায়

৩৩

পরদিন অপরাহ্নে লীলা একা ড্রয়িংরুমে বসিয়া কুমারের আগমন প্রতীক্ষা করিতেছিল। মিসেস রায় সেদিন বীণাকে লইয়া তাঁহার এক বন্ধুগৃহে চায়ের নিমন্ত্রণ রাখিতে গিয়াছিলেন। লীলার অনেক চেষ্টা যত্ন ও শাসনের ভয়ে বীণা শেষ পর্য্যন্ত বাড়ী ছাড়িয়া যাইতে রাজী হইয়াছিল।

ফটকের বাহিরে মোটরের হর্ণ বাজিয়া উঠিল। পরক্ষণেই কুমার গুণেশ্বরভূষণ ঘরে প্রবেশ করিয়া সহাস্তে লীলাকে নমস্কার করিয়া বলিলেন—আজ যে আপনি এখানে একা বসে আছেন মিস রায়? এঁরা সব কোথায়?

লীলা প্রতিনমস্কার করিয়া সংক্ষেপে বলিল—মা দিদিকে নিয়ে মিসেস পালিতের বাড়ী চায়ের নিমন্ত্রণে গেছেন। আমি আজ একাই বাড়ীতে আছি।

বীণা বাহিরে গিয়াছে শুনিয়া কুমারের মুখ স্নান হইয়া গেল। তিনি একটু শুষ্ক হাসি হাসিয়া বলিলেন—তাদের আসতে বেশি দেরি হবে না বোধ হয়? চায়ের নিমন্ত্রণ তো? সে আর এমন কি দেরী হবে? আমি ততক্ষণ এখানে অপেক্ষা করতে পারি কি?

লীলা কি বলিয়া কথাটা আরম্ভ করিবে, তাহাই এক মনে ভাবিতেছিল। কুমারের কথার সে কোন উত্তর দিল না।

কুমার তাহার উত্তরের অপেক্ষা না করিয়া আবার বলিলেন—আপনি আজ বেড়াতে যাবেন না? কিরণ বাবু কোথায়? আসেন নি এখনো?

লীলা এবার বলিল—আজ আমি তাঁকে আসতে বারণ করে দিয়েছি। আমার আপনাকে বলবার গোটা কতক কথা আছে, তাই বেড়াতে না গিয়ে আপনার জন্ত এতক্ষণ অপেক্ষা করছিলুম।

কুমার অত্যন্ত বিস্মিত হইয়া লীলার মুখের দিকে

চাহিলেন—বলিলেন—আমার সঙ্গে কথা আছে? কি কথা, আজ্ঞা করুন।

লীলা ক্ষণকাল নীরবে রহিল। কুমার কিছুক্ষণ অপেক্ষা করিয়া অত্যন্ত মৃদু ও কোমল ভাবে আবার বলিলেন—এমন কি কথা মিস রায়, যা' বলতে আপনি এত সঙ্কোচ বোধ করছেন?

লীলা একবার মুখ তুলিয়া বলিল—আপনি ঠিক কথাই ধরেছেন কুমার! কথাটা বলতে আমার নিজের ভদ্রতার বাধা; কারণ, আমরা সকলেই আপনাকে বিশ্বস্ত বন্ধুরূপেই গ্রহণ করেছিলুম কুমার! আমার রূঢ়তা মাপ কর্কেন, কিন্তু আমরা আর আপনার সঙ্গে বন্ধুত্ব রাখতে অক্ষম—আমাদের ইচ্ছা—আমাদের সঙ্গে আপনার বন্ধুত্বের অবসান হোক!

কুমারের প্রফুল্ল হাস্যময় মুখ শুকাইয়া গেল। তিনি কিছুক্ষণ হতবুদ্ধির মত লীলার মুখের দিকে চাহিয়া থাকিয়া বিহ্বল ভাবে বলিলেন—আমি কি স্বপ্ন দেখছি না কি? আপনি কি বলছেন মিস রায়? আবার বলুন ত!

লীলা অচঞ্চলস্বরে বলিল—হৃর্ভাগ্য ক্রমে এটা স্বপ্ন নয়! আমি সত্যই বলছি—আপনার সঙ্গে আমাদের আর বন্ধুত্ব থাকতে পারে না।

কুমারের মুখ ক্রোধে ও অপমানে আরক্তিম হইয়া উঠিল। তিনি ক্ষণকাল নীরব থাকিয়া বলিয়া উঠিলেন—গৃহাগত অতিথিকে আপনি যথেষ্ট সম্বর্ধনা করতে জানেন—দেখছি! কিন্তু কেন আমার এ ভাবে অপমানিত করা হলো, তা ত কিছুই শুনলুম না? সে কথা জানবার অধিকার আমার নিশ্চয়ই আছে! আমি কি পথের কুকুর—যে, এক কথার তাড়িয়ে দিলেই তখন চলে যাব?

লীলা তাহার অবজ্ঞাপূর্ণ দৃষ্টি কুমারের মুখের দিকে স্থির রাখিয়া বলিল—কেন যে এ কথা আপনাকে আমি বলতে

বাধ্য হলাম, তার যথেষ্ট কারণ আছে। আপনি সে সব কথা শুনে চান? আপনার বিরুদ্ধে কতকগুলি গুরুতর কথা আমি জানতে পেরেছি। যদি আপনি আমাদের পরিবারে সাধারণ বন্ধু হিসাবে মিশতেন, তা হলে হয় ত এ সব কথা আপনাকে বলবার কোন দরকার হতো না। কিন্তু আমি দেখেছি—আপনি বীণার সঙ্গে অতিরিক্ত ঘনিষ্ঠ ভাবে মিশেছেন। আপনার সম্বন্ধে নানা কথা শুন্যর পর তার সঙ্গে আর আপনার কোন ঘনিষ্ঠতা থাকতে পারে না। কাজেই কথাটা বলতে হলো।

এবার কুমারের যথেষ্ট ভাবান্তর ঘটল। তিনি অপেক্ষাকৃত মৃদুভাবে বলিলেন—আমি আপনার কথাটা ঠিক বুঝলুম না মিস রায়! বীণার সঙ্গে আমি একটু বেশি ভাবে মিশি বটে, কিন্তু তার মধ্যে গোপনতা কিছুই নেই। মিসেস রায় সমস্তই জানেন, তাঁর এতে কোন আপত্তি নেই। কোন দিন তিনি আমায় বাধা দেন নি। আপনারা সকলেই আমায় জানেন; আমার পরিচয় আপনাদের কাছে লুকোন নেই কিছু। তবু আপনি কার মুখে কি একটা উড়ো ভাষার কথা শুনে আমায় এ ভাবে অপমান করলেন, এটা বড় হৃৎখের বিষয়।

লীলা বাধা দিয়া বলিল—আমি বাজে কথা শুনে হঠাৎ আপনার মত সম্মানিত ব্যক্তির সম্বন্ধে এ রকম ব্যবহার করলুম, এই কথা যদি আপনি বুঝে থাকেন, তা হলে কিন্তু আমার প্রতি অবিচার করা হয়। বীণার সঙ্গে আপনার যে কোন সম্বন্ধ হতে পারে না, এর জীবন্ত প্রমাণ আপনার গৃহে এখনো বর্তমান রয়েছে। আমার কথা আপনি নিশ্চয়ই বুঝেছেন? আমি ডেপুটি বাবুর বাড়ীর কথাই বলছিলুম! এর পর আপনার আর কিছু বলবার আছে কি?

কুমার অত্যন্ত চমকান্বিত লীলার মুখের দিকে চাহিলেন। তাহার সহিত দৃষ্টি মিলিতেই তাঁহার দৃষ্টি নত হইয়া গেল।

তাঁহাকে নীরব দেখিয়া লীলা বলিল—এই সব বিষয় নিয়ে আমরা সমাজে আপনার দুর্নাম করতে চাই না—আপনাকে তাই বন্ধুভাবে সাবধান করে দেওয়াটাই সমীচীন বলে মনে হলো। আপনি আমার কথামত চললেই আর কোন গোল হবে না। তা হলে এ প্রসঙ্গের এখানেই শেষ হয়ে গেল।

কুমার অত্যন্ত হতাশভাবে বলিয়া উঠিলেন, না! না!

সে হবে না মিস রায়। আমি এত সহজে বীণার আশা ছাড়তে পারবো না! আপনি যে কথা বলেন, সে সম্বন্ধে আমার যা বক্তব্য আছে, সে আমি তাকেই বোলবো! এ কথা আপনার সঙ্গে চলতে পারে না! আপনি একটু ভেবে দেখুন, ভুল ভ্রান্তি মানুষের জীবনে আছেই, তার জন্ত—

লীলা চৌকি ছাড়িয়া উঠিয়া দাঁড়াইল। দরজার নিকট যাইয়া ডাকিল—বেহারা—কুমার সাহেবকা গাড়ী ঠিক করনে বোলো—

তাহার পর অত্যন্ত গম্ভীর মুখে দৃঢ়স্বরে বলিল—কিন্তু এ রকম ভুল ভ্রান্তি যার জীবনে নিত্য-নৈমিত্তিক ব্যাপার, তার সঙ্গে, আর যাই হোক, কোন ভদ্র মহিলার সম্বন্ধ হতে পারে না। আমি আপনার সঙ্গে কোন রূঢ় ব্যবহার করতে চাই না। যদি আপনি আমার কথা শুনে চলেন, তা হলে সমাজে কোন দিন কোন কথা প্রকাশ পাবে না, আমি কখনো এ সব কথা কারুর কাছে প্রকাশ করবো না। কিন্তু এর পরও যদি আপনি বীণার সঙ্গে দেখা করবার বা তাকে চিঠি লেখবার কোন চেষ্টা করেন, তা হলে জানবেন—কোন দিন আর আমি আপনাকে ক্ষমা করবো না। যা আপনার সম্বন্ধে কোন কথা জানেন না বলেই আপনি এখানে এত ঘনিষ্ঠতা করতে পেরেছিলেন। আমি সুস্থ থাকলে কখনো এতটা সম্ভবপর হতো না।

বেহারা আসিয়া জানাইল কুমার সাহেবের গাড়ী প্রস্তুত। কুমার অগত্যা আসন ছাড়িয়া উঠিয়া দাঁড়াইলেন। বলিলেন, আপনি আজ সামান্য অপরাধে আমার সঙ্গে এমন অত্যাচার ব্যবহার করলেন; এটা কিন্তু পরিণামে ভাল হবে না, বলে রাখছি। আমি আবার বলছি মিস রায়—আর একবার কথাটা ভাল করে ভেবে দেখুন—আমার যা বলবার আছে, আমি বীণাকে—

লীলা বাধা দিয়া তাক্ষিণ্যভরে বলিল—এইমাত্র আমি আপনাকে বলুম না—সে চেষ্টা করলে আপনি বিষম অপমানিত হবেন! আপনি এখনো বীণার নাম মুখে আনছেন কোন্ সাহসে? লজ্জা হচ্ছে না আপনার? যান—আপনার গাড়ি তৈরি—নমস্কার।

লীলার উজ্জ্বল দৃষ্টির সম্মুখে মাথা হেঁট করিয়া বেজাহত কুকুরের মত কুমার বেহারার সহিত কক্ষ ত্যাগ করিলেন।

পরদিন প্রভাতে কিরণের বসিবার ঘরে টেবিলের ধারে

অরুণ একা বসিয়া ছিল। মেঘমুক্ত নিৰ্মল নীল আকাশ—  
প্রথম অরুণোদয়ের তরুণ সোনার আলো দিকে দিকে  
ছড়াইয়া পড়িয়াছে। বাগানে ঘন আশ্র-পল্লবের মধ্যে  
'লুকাইয়া থাকিয়া একটা কোকিল থাকিয়া থাকিয়া ডাকিয়া  
উঠিতেছিল।

কিরণ চাশ্বাইয়া তাহার কাজে বাহির হইয়া গিয়াছে।  
সে বলিয়া গিয়াছে—আজ বীণা অরুণের সঙ্গে দেখা করিতে  
আসিবে। অরুণ একা বসিয়া তাই অধীর আগ্রহে পথের  
দিকে উৎকর্ষ হইয়া প্রতীক্ষা করিতেছিল। সম্মুখে টেবিলের  
উপর তাহার পুস্তকের পাণ্ডুলিপি বিশৃঙ্খল ভাবে ছড়াইয়া  
পড়িয়া ছিল, সে দিকে আজ আর সে মনঃ সংযোগ করিতে  
পারিতেছিল না।

আজ দীর্ঘ দুই মাসের অধিক কাল সে তাহার বীণার  
দেখা পায় নাই,—তাহার একটি কথা শুনিতে পায় নাই।  
মন তাহার অনুরূপ তৃষিত চাতকের মত লীলার আশায় উন্মুখ  
হইয়া থাকিত। কিরণ তাহার নিজের কাজ-কর্ম ভুলিয়া  
অধিকাংশ সময় তাহারই নিকট কাটাইত,—তাহাকে পুস্তক  
পড়িয়া শোনাইত,—তাহার রচনা সংশোধনের সময় সাহায্য  
করিত। গল্প করিয়া, তাহার সঙ্গে সঙ্গে থাকিয়া তাহার চিত্ত-  
বিনোদনের চেষ্টা করিত। কিন্তু অরুণ কিছুতেই মনে শান্তি  
পাইত না। তাহার গল্পের মধ্যে কেবল লীলার প্রসঙ্গ।  
লীলার কথা সর্বরূপ নানা ভাবে নানা রূপে বলিয়া ও শুনিয়া  
কিছুতে সে তৃপ্তি পাইত না। কিরণের অনুপস্থিতির সময়  
সহর হইতে কিরণের যে সব বন্ধু-বান্ধব তাহার সঙ্গে দেখা  
করিতে আসিত, সে তাহাদের সহিতও অনেক সময় কেবল  
জল্প সাহেবের মেয়েদের বিষয় আলোচনা করিয়া কাটাইত।  
লীলার স্মৃতি, লীলার ভালবাসা তাহার সমস্ত হৃদয় পূর্ণ করিয়া  
রাখিয়াছিল,—তাহার অন্তরে আর কোন চিন্তার স্থান  
ছিল না।

রাস্তার উপর পরিচিত অশ্ব-পদ-শব্দ শুনিয়া অরুণ তাহার  
চিন্তা ত্যাগ করিয়া উদ্বিগ্ন ভাবে কাণ পাতিয়া রহিল। তাহার  
অনুরূপ পরেই তাহার কক্ষের ভিতর তাহার চিরপরিচিত  
কোমল মৃৎ পায়ের শব্দ নিকটে আসিয়া ধামিয়া  
গেল।

হর্ষে পুলকে অরুণ চৌকি ছাড়িয়া লাফাইয়া উঠিল।  
আন্দাজে লীলার দিকে হাত বাড়াইয়া দিয়া সে ডাকিল—

বীণা, এত দিন পরে সত্যই তুমি এসেছ? এসো—  
আমার কাছে এসো! এলে যদি, দূরে দাঁড়িয়ে  
থেকে না!

তাঁহার প্রসারিত হস্ত উভয় হস্তে চাপিয়া ধরিয়া লীলা  
বলিল, হ্যাঁ অরুণ! এসেছি আমি! এত দিন আমাদের  
উপর দিয়ে যে বিপদের ঝড় বয়ে যাচ্ছিল, সে সব শুনেছ  
ত? একটু ছাড়া পেতেই তোমার কাছে ছুটে এসেছি  
আমি! খুব বেশি দেৱী হয়েছে কি?

অরুণ তাহাকে নিকটে টানিয়া আনিতে চেষ্টা করিয়া  
বলিল—তোমার এ কথায় আমি কি উত্তর দেব বীণা?  
যে আমার কাছ থেকে এক মুহূর্ত অন্তর হলে আমার এক  
যুগ বলে মনে হয়, তাকে দীর্ঘ দু'মাস হারিয়েও আমার  
দিন কাটাতে হয়েছে, এর পর আর কি বোলবো বলা?  
কিন্তু বীণা! তুমি আজ এত অন্তরে দাঁড়িয়ে আছ কেন,  
আমার কাছে আসছো না কেন?

লীলা বলিল, আজ আমার তোমাকে বলবার অনেক  
কথা আছে অরুণ! আগে আমি সে সব বিষয় তোমার  
কাছে বলতে চাই। তার পরেও যদি তুমি আমার কাছে  
ডাক, তখন তোমার নিকটে যাব—

অরুণের মুখ স্নান হইয়া গেল। সে বলিল, দাঁড়াও বীণা,  
আগে আমি একটা কথা তোমায় জিজ্ঞাসা করে নি। বীণা,  
সত্য বলা, এই অন্ধের পরিচর্যা করে করে তুমি কি শ্রান্ত  
হয়ে পড়েছ? যদি তাই তোমার বক্তব্য হয়—

লীলা বাধা দিয়া বলিল, সে সব কিছুই নয় অরুণ! তুমি  
ত জান, আমি স্বেচ্ছায় তোমার সঙ্গ বরণ করে নিয়েছি।  
সে জন্ত কোন দিন আমার মনে কিছু হয় নি। আজ আমি যা  
তোমায় বলতে এসেছি, সে সম্পূর্ণ আলাদা কথা। আমি  
এত দিন ধরে তোমায় বঞ্চনা কর এসেছি অরুণ! তুমি  
আমায় যা বলে জান, বাস্তবিক আমি তা নয়,—সেই কথা  
স্বীকার করবার দিন আজ এসেছে।

অরুণের মুখের কালিমা কাটিয়া গেল। সে উৎফুল্ল মুখে  
বলিয়া উঠিল, সে জন্ত তোমার ভাববার কোন দরকার নেই  
লীলা! আমি সে কথা ত অনেক দিন থেকেই জানি। তুমি  
কিছু বল নি, তাই আমিও সে সম্বন্ধে কোন কথা তুলি নি।  
তোলবার দরকারই বা কি ছিল? আমার সর্বস্ব বলে যাকে  
আমি জানি,—তাকে আমি একেবারে আমার নিজস্ব করে

পেরেছি,—তাতেই আমার মন ভরে গেছে ! সেই ত আমার পক্ষে যথেষ্ট লীলা !

লীলা এক মুহূর্ত ঘোর বিন্মরে শুরু হইয়া চাহিয়া রহিল ! অক্ষয় তাহার এতদিনকার ছলনার কথা সবই জানে ? লজ্জার ও শিকারে প্রথমে তাহার মাটির সঙ্গে মিশিয়া যাইতে ইচ্ছা হইতেছিল । কিন্তু তাহার পরই কিরণের কথা ভাবিয়া তাহার নয়ন ফাটিয়া অশ্রু বরিতে লাগিল ! আর তাহার কোন আশাই রহিল না ।

অক্ষয় লীলার লজ্জা ও শুরু ভাব অনুভব করিয়া তাহাকে টানিয়া আনিয়া নিজের পাশে বসাইল । তাহার মাথার মুখে হাত বুলাইয়া শান্ত করিবার চেষ্টা করিতে গিয়া সে নবিন্মরে বলিয়া উঠিল—এ কি লীলা ? কি হয়েছে ? কাঁদছে কেন ?

লীলা বিস্তর আশ্রাসে নিজেকে সংযত করিবার চেষ্টা করিতেছিল । সে ক্রমালে চোখ মুছিয়া বলিল—আমি ভেবেছিলুম, তুমি সব কথা জানতে পারলে আমার দূর করে তাড়িয়ে দেবে !

তোমায় তাড়িয়ে দেব ? এত দিন আমার দেখে—আমায় ভাল করে বুঝে শেষে তুমি এই কথা ভাবতে পারলে লীলা ! তোমায় তাড়িয়ে দিয়ে আমি কি নিয়ে বেঁচে থাকব বলো ? অক্ষয় অত্যন্ত বিস্মিত ও বিক্লুব হইয়া এই কথা বলিল ।

লীলা বলিল—আমি যে বড় দোষ করেছিলুম অক্ষয় ! তোমায় এত দিন ধরে বঞ্চনা করে ধাঁধায় ফেলে রাখা কি কম অজ্ঞান ?

অক্ষয় উত্তেজিত ভাবে বলিল—হ্যাঁ অজ্ঞান ! কিন্তু তুমি কার জন্ত এ অজ্ঞান করেছিলে লীলা ? আমি কে তোমার ? আত্মীয়তা বা বন্ধুত্ব দূরে থাক, কখনো যাকে চোখেও দেখ নি, তার চরিত্র দেখে দয়াপরবশ হয়ে তাকে বাঁচাবার জন্ত, তাকে আনন্দ দেবার জন্ত তুমি অযাচিত ভাবে ছুটে এসেছিলে ! আমি ত মরতেই বসেছিলুম, সংসারের সকল আশা, আনন্দ, সকল সুখ থেকে বঞ্চিত হয়ে জীবনে আমার বিতৃষ্ণা ধরে গিয়েছিল । হয় ত আর কিছুদিন ওই ভাবে থাকতে হ'লে আত্মহত্যা করে সকল জাগার অবসান করতে হতো ! আমাকে আবার নব জীবন, নূতন আশা আকাঙ্ক্ষার সঙ্গে ভুক্তিত করে, গভীর আঁধারের মধ্যে এ আলোর পথে

কে নিয়ে এলো ? আমার এ জীবনের বা কিছু আবার ফিরে পেরেছি, তুমি ত সে সবার মূল লীলা ! তুমি লীলাই হও, আর বীণাই হও, তাতে আমার কি ব্যর্থ আসে ? তুমি যে আমার—এই আনন্দেই ব্যর্থ জীবন আমার ধন হয়ে গেছে !

অক্ষয়ের কথা শুনিতে শুনিতে লীলা একমনে ভাবিতেছিল, যাই হোক, এই যে তাহার জীবনের গতি এক দিকে নির্দিষ্ট হইয়া গেল, এ ভালোই হইল ! যে ভাগ্যলিপি সে নিজের হাতে গড়িয়া তুলিয়াছে, তাহারই হস্তে নিজেকে সমর্পণ করিয়া সে আর সব চিন্তা ভুলিয়া অনশ্রুচিত্তে অক্ষয়ের বিশ্বস্ত পত্নী হইয়াই এবারকার জীবন কাটাইয়া দিবে,—আর দোটার মধ্যে পড়িয়া উষ্মেগ ও অশান্তির তাড়নার তাহাকে পীড়িত হইতে হইবে না ।

অক্ষয়ের কথা শেষ হইলে সে বলিল, আজ আমার বুকের উপর থেকে মস্ত একটা ভার নেমে গেল । এত দিন কথাটা তোমার কাছে বলতে না পেরে আমি যে কি অশান্তি ভোগ করেছি, সে আর তোমায় কি বোলবো ! যা হোক, এখন, কি করে এ ব্যাপার যে ঘটলো সেটা শোন । যেদিন প্রথম বীণার কাছে তোমার সেই চিঠিটা এলো,—ঘণ্টা-দুই মা আর বীণা অনেক দুঃখ, বিলাপ, কান্নাকাটি করে শেষে সিদ্ধান্ত করলেন যে, তোমার সঙ্গে বিবাহ ভেঙ্গে দেওয়াই ভালো । বীণা তখন তোমায় একটা চিঠি লিখে ফেললে । আমি কিন্তু সে কথা মোটে ভাবতেই পারলুম না । এখন—যখন তোমার জীবনে বেশি ভালবাসা, বেশি সেবা-যত্নের দরকার—তখন তোমার বাগদত্তা পত্নী যে তোমায় এক কথায় এমন করে ঝেড়ে ফেলে দেবে, এ আমার মোটেই ভাল লাগলো না । মাকে, বীণাকে অনেক বোঝালুম, কোন ফল হলো না—মনটা খারাপ হয়ে গেল । তখন কিরণ এক দিন বলে—তুমি তার বাড়ীতেই আছ । আমি কিরণকে বলে এক দিন তোমার সঙ্গে দেখা করবো স্থির করলুম । আমার ইচ্ছা ছিল, তোমার সঙ্গে বন্ধুত্ব হ'লে, আমি মাঝে মাঝে এখানে এসে তোমার নিঃসঙ্গ অবসর কথার-বার্তার, গল্পে কতকটা আনন্দে কাটিয়ে দিয়ে যাব । কিন্তু কার্যকালে সবই উল্টো হয়ে গেল । আমার একটা কথা শুনেই বৃষ্টি আমাকে বীণা বলে ভুল করে বসলে ! তাতেই সব গোলমাল হয়ে গেল ।

অক্ষয় লীলার হাত ধরিয়া হাসিয়া বলিল, সেই

ভুলটা ভাগ্যে করেছিলুম, তারি ফলে ত তোমায় পেয়েছি।  
না হলে আমার কি আর দাঁড়াবার স্থান থাকতো ?

লীলা বলিতে লাগিল, আমার বীণা বলে জেনে তোমার  
মুখে যে আনন্দের জ্যোতি দেখলুম, তাতে আমার কেমন  
দুর্ভাগ্যতা আসতে লাগলো। কতবার মনে ভাবলুম, কাজটা  
অগ্রাহ্য হচ্ছে—আমার পরিচয় দিয়ে তোমার ভুল ভেঙে দি।  
কিন্তু কিছুতে তা পারলুম না। তখন মনে হলো, কিছুদিন  
যাক—আমার মাঝে মাঝে আসা যাওয়ার ফলে যখন তোমার  
সঙ্গে আমার বন্ধুত্ব জন্মে যাবে, তোমার মনটাও আরো শান্ত  
হয়ে আসবে, সেই সময় এক দিন সব কথা শুঁছিয়ে তোমায়  
বোলবো। কিন্তু কিছুদিনের মধ্যেই আমার অসুখ হয়ে  
পড়লো। সেই জন্তু যা ভেবে রেখেছিলুম, তার কিছুই  
হলো না।

লীলা তাহার বুকের ভিতর হইতে একখানি পত্র বাহির  
করিয়া অরুণের হাতে দিয়া বলিল, এই চিঠিখানা বীণা লিখে  
আমার হাতে দিয়েছিল, তোমাকে এখানে পাঠিয়ে দেবার  
জন্তু। আমি ভেবেছিলুম, সময়মত এখানা তোমাকে নিজেই  
দেব। তবে ঘটনা-চক্রের ফলে এত দিন এটা দেবার আর  
সময় হইল না। এই চিঠিখানি আমার দুষ্কৃতির প্রমাণ  
স্বরূপ আমার কাছে থেকে আমার জীবনটা অশান্তিময় করে  
তুলেছিল।

অরুণ চিঠিখানি লইয়া একটু নাড়িয়া চাড়িয়া লীলার হাতে  
দিয়া বলিল—এ চিঠিখানার আর দরকারই বা কি আছে ?  
যা হোক—তুমি একবার পড়ে আমায় শোনাও।

লীলা বীণার পত্রখানা পড়িতে লাগিল। অরুণ নীরবে  
শুনিয়া তাহার হাত হইতে পত্রটা লইয়া ছিঁড়িয়া ফেলিয়া  
দিয়া বলিল—বীণার পক্ষে যা উচিত, সে তাই করেছে ; কিন্তু  
আমি এজন্তু তার কাছে চিরদিন কৃতজ্ঞ থাকবো লীলা !  
সেই আমার আজকার সকল সৌভাগ্যের মূল। সে যদি  
এক কথায় আমার এমন করে দূরে ঠেলে না দিতো, তা হলে  
আমি হয় ত তোমাকে জানতেও পারতুম না। অজ্ঞ কেউ  
এসে তোমায় নিয়ে যেত।

লীলা এ কথা চাপা দিয়া বলিল, কিন্তু অরুণ ! তুমি  
কি করে আমার িনেছিলে ? আমার এটা এত আশ্চর্য  
লাগছে ! আমি কোন দিন ঘুণাক্ষরেও জানতে পারি নি, বা  
আমার সন্দেহ হয় নি যে তুমি আমার জান। কিরণকে

আমি বলতে বিশেষ করে বারণ করে দিয়েছিলুম, সে কখনো  
বলে নি—এটা নিশ্চয়। তবে তুমি কি করে জানলে ?

অরুণ হাসিয়া বলিল, সেটা জানা কি এতই কঠিন—  
লীলা ? ভুল-ভ্রান্তি মানুষ এক দিনই করে—চিরদিন সে ভুলের  
জের টানলে চলবে কেন ? বিশেষ, বীণার সঙ্গে তোমায় যে  
প্রভেদ—সে তুমি কত দিন লুকিয়ে চলতে পারো ? তোমায়  
কথাবার্তা শুনে, তোমার চাল-চলন দেখে ছ'এক দিনের মধ্যেই  
আমার সন্দেহ হয়েছিল। বীণাকে কি আমি জানতুম না ?  
তার হাবভাব, তার কথা গল্প, তার সমস্ত অঙ্গার প্রকৃতির  
সঙ্গে আমি যে বেশ ভাল করেই পরিচিত ছিলাম। তাই  
সন্দেহ হতেই আমি গল্পছলে কিরণের সঙ্গে কেবল তোমায়  
বিষয় আলোচনা করতে আরম্ভ করলুম। কিরণ যখন বাড়ী  
না থাকতো, তখন তার বন্ধু-বান্ধব যারা এসে আমার কাছে  
বসতো, প্রসঙ্গ ক্রমে তাদের কাছেও আমি তোমারি কথা  
পাড়তুম, তোমার বিষয় জানতে চাইতুম। তার পর তুমি  
যখন আমার কাছে আসতে, তখন তাদের বর্ণিত চিত্রের  
সঙ্গে তোমার প্রত্যেক কথা, হাসি, গান, গল্প মিলিয়ে মিলিয়ে  
দেখতুম। এর পরেও কি আমার পক্ষে তোমায় চেনা শক্ত  
কথা ? তবে তুমি এ নশ্বকে কিছু বল না কেন, সেইটাই  
মাঝে মাঝে অদ্ভুত বলে মনে হতো। আমার নিজের দিক  
থেকে এ বিষয়ে কোন প্রশ্ন ছিল না, আমি ত তোমাকে  
পেয়েই সুখী। তবে তোমার দিক থেকে যে কিসে কি হলো  
—সেইটাই সময় সময় ভাবতুম। আজ তোমার কথা শুনে  
সব স্পষ্ট হয়ে গেল।

তাহার পর অরুণ বলিল, এখন এ সব কথা ছেড়ে দাও  
লীলা ! আমাদের মধ্যে যা কিছু এত দিন অস্পষ্ট ছিল, সে  
সবই আজ স্পষ্ট হয়ে গেছে, আর ও সব কথার কিছু দরকার  
নেই। এখন আমি আর কত দিন এ ভাবে পড়ে থাকবো  
বলো ? তোমাকে ছেড়ে একা একা আমার দিন যে আর  
কিছুতেই কাটতে চায় না। এই দীর্ঘ ছ' মাস আমি যে  
শরীরে মনে কি অশান্তি, কি উদ্বেগ নিয়ে কাটিয়েছি, সে  
তুমি বুঝতে পারবে না। আর আমি পারছি না। আমার  
কবে তোমার কাছে নিয়ে যাবে লীলা ?

লীলা স্নেহে বলিল, আর ত বেশি দেবী হবে না  
অরুণ ! এত দিন আমাদের নিজেদের মধ্যে এই গোলযোগ  
ছিল, এটা না মিটে গেলে ত বাড়ীতে কোন কথা বলতে

পারি না? তাই এত দেবী হয়ে গেল। আজ আমার সব কথা বলা হয়ে গেছে, আজই বাড়ী গিয়ে এ কথা মাকে বাবাকে বলবো। তার পরে আর কতই বা দেবী হবে?

অরুণ উদাসভাবে বলিল, কিন্তু এই কথাটা শুনলেই কেন জানি না, মনটা আমার বিষন্ন হয়ে যায়। কেবল মনে হয় তাঁরা, বিশেষ করে তোমার মা কি এতে সন্তুষ্ট হবেন? তিনি হয় ত আপত্তি করতে পারেন। তা হলে আমার দশা কি হবে?

লীলা হাসিয়া বলিল, তুমি এই সামান্ত কথা ভেবে মন খারাপ করো কেন? আমি ত তোমায় কত দিন বলেছি

যে আমি শুধু আমার নিজের মতেই চলি। এটা সম্পূর্ণ আমার নিজের জীবনের ব্যাপার। আমি যদি তোমায় নিয়ে সুখী হই, তাতে তাঁদের আপত্তি করবার কি আছে? আব করলেই বা আমি সে কথা শুনবো কেন? তবে মা প্রথমে একটু গোল করবেন, এটা ঠিক। কিন্তু শেষ পর্যন্ত আমার কথাই থাকবে—সে জন্ত তুমি ভেবো না, নিশ্চিত থাক।

অরুণ তৃপ্তচিত্তে বলিল, তবে তাই করো লীলা। যত শীঘ্র পার, আমায় এখান হতে তোমার নিজের কাছে নিয়ে যাবার ব্যবস্থা করো। আমি অধীর হয়ে উঠেছি।

(ক্রমশঃ)

## তক্ষশিলা

শ্রীনরেশচন্দ্র সেনগুপ্ত বি-এ

চতুর্থ অধ্যায় (১)

বিবিধ নগর (২)

তক্ষশিলার পৌরব এবং বিষাদময় ঐতিহাসিক বিবরণ প্রদত্ত হইল। এইবার আমরা বিভিন্ন কীর্তিরাজির বর্ণনায় প্রবৃত্ত হইতেছি। এতদ্বন্দ্বেষ্টে আমরা সর্ব প্রথম আবিষ্কৃত নগরত্রয়ের বিবরণ প্রদান করিব।

বীরনগর।

যে ভূখণ্ডের মধ্যে প্রোথিত থাকিয়া উল্লিখিত প্রাচীন নগর এবং সৌধাবলীর ধ্বংসাবশেষ আজ তক্ষশিলার বিগত সমৃদ্ধির সাক্ষ্য প্রদান করিতেছে, তাহারই দক্ষিণ প্রান্তে, স্থানীয় রেলওয়ে স্টেশনের সন্নিকটে ও

উত্তর-পূর্বে, একটি উচ্চ ভূমির উপর তক্ষশিলার প্রাচীনতম নগরীর ভগ্নাবশেষ অবস্থিত। এই ভূখণ্ডের দক্ষিণ-পূর্ব দিকস্থ বর্তমান গ্রামখানির নাম ভির বা বীরদরঘাট; কাজেই আমরা এই নগরকে বীরনগর নামে অভিহিত করিলাম। Sir John Marshall ইহার নামকরণ করিয়াছেন “ভির মাউণ্ড” (Bhir Mound)। (৩) উত্তর-দক্ষিণে এই উচ্চ ভূমির দৈর্ঘ্য প্রায় ১২০০ ফিট, এবং পূর্ব-পশ্চিমে সর্বাপেক্ষা অধিক পরিসর স্থানে ইহার প্রশস্ততা কিঞ্চিদধিক ৭০০ ফিট। নগরের পশ্চিম এবং দক্ষিণ দিককার সীমা রেখা পরিষ্কার রূপে বুঝা যায়; কিন্তু উত্তর এবং পূর্ব সীমানার কতক কতক অংশ বক্রগতি তত্ত্বানালার সঙ্গে মিশিয়া যাওয়ার, ঐ সব স্থানের প্রাচীরের স্থিতি নিশ্চিতরূপে নির্দেশ করা যায় না।

বিভিন্ন স্তর।

বীরনগরের গৃহসমূহের চারিটি স্তর আবিষ্কৃত হইয়াছে। বিভিন্ন স্তরের গৃহাবলী বিভিন্ন যুগে নির্মিত হইয়াছিল। এক স্তর কালের প্রভাবে ধ্বংস প্রাপ্ত হইয়াছে, সেই ধ্বংস-স্তূপের উপর আবার নূতন

(১) কৃতজ্ঞতার সহিত স্বীকার করিতেছি, এই অধ্যায় এবং ইহার পরবর্তী অধ্যায়গুলি Sir John Marshall কৃত “A Guide to Taxila” ও তদীয় বিভিন্ন Annual Reports অবলম্বনে লিখিত।—লেখক।

(২) স্মরণাতীত কাল হইতে কুষান রাজত্ব পর্যন্ত তক্ষশিলার রাজধানী পর পর এই উপত্যকা-মধ্যস্থ তিনটি সম্পূর্ণ পৃথক স্থানে অবস্থিত ছিল। যখন যেখানে যে নগর নির্মিত হইয়াছে, তখন সেখানে তাহার নাম হইয়াছে তক্ষশিলা নগর। নতুবা এই তিনটি স্থানের মধ্যে কোন যোগা-যোগ নাই;—ইহার পরস্পর ১ মাইল, ১১ মাইল ব্যবধানে অবস্থিত। স্ত প ও বিহারগুলির অধিকাংশই এই নগরত্রয়ের বহির্ভাগে, উপত্যকার অন্তিম স্থানে বিরাজিত। সংক্ষেপে, সমগ্র উপত্যকাটিই তক্ষশিলা নামে পরিচিত।—লেখক।

(৩) বীরনগরের উত্তর প্রান্তে বর্তমান অস্থায়ী মিউজিয়ম এবং তৎ সংলগ্ন অফিস অবস্থিত। স্থায়ী মিউজিয়মের গৃহ ইহার কিছু দক্ষিণে নির্মিত হইতেছে।—লেখক।




গৃহসমূহ গঠিত হইয়াছে,—এইরূপে পর পর চারি-প্রস্থ গৃহ নির্মিত হইয়াছিল। ভূপৃষ্ঠ হইতে সর্বোচ্চ স্তরের তলদেশ ১ হইতে ২ ফিট, তন্ব স্তরের তলদেশ ৩ হইতে ৪ ফিট, তৃতীয় স্তরের তলদেশ ৬ হইতে ৭ ফিট, এবং সর্ব নিম্ন স্তরের তলদেশ ১২ হইতে ১৫ ফিট নিম্নে অবস্থিত। ইহাদের মাঝে মাঝে আরও দুই একটি স্তরের চিহ্ন পরিলক্ষিত হয়, কিন্তু স্তরগুলি ঠিক নির্দিষ্ট করা যায় না।

#### নির্মাণ-প্রণালী।

এই নগরের সমস্ত গৃহ এবং প্রাচীর কাদার গাঁথনি যোগে আকৃতি-হীন অসমান ছোট বড় পাথর ( rubble masonry ) ও কঞ্জুর নামক

নির্মাণ করা যায়। অধিকাংশ গৃহ-প্রকোষ্ঠই এক ধরণ-বিশিষ্ট, ক্ষুদ্রাকার এবং পরস্পর সংলগ্ন। সর্ব নিম্ন স্তরে পোড়া মাটির নির্মিত কতকগুলি মুক্ত-বন্ধ পয়ঃপ্রণালী বাহির হইয়াছে। প্রথম কিম্বা দ্বিতীয় স্তর হইতে খনিত অনেকগুলি পাকা কূপ বা গর্ভ আবিষ্কৃত হইয়াছে। কূপগুলির দৈর্ঘ্য ১৩.১৪ ফিট, এবং ব্যাস ২ হইতে ৩ ফিট। ইহাদের সঙ্কীর্ণ গঠন দেখিয়া অনুমান হয়, এগুলির অধিকাংশই জলাশয় ছিল না,—ময়লা ও আবর্জনার আধাররূপে ব্যবহৃত হইত। কতকগুলি কূপের মধ্যে অনেক উপুড়-করা বিভিন্ন আকারের মাটির হাঁড়ি পাওয়া গিয়াছে। নগরের দক্ষিণ-পশ্চিম দিকস্থ একটি বড় গৃহের মধ্যে ৪১৫ ফিট উচ্চ তিনটি



বীরনগরের ধ্বংসাবশেষ

ছিদ্রবহুল নরম পাথর দ্বারা নির্মিত। প্রথম এবং দ্বিতীয় স্তরের গৃহগুলির অতি সামান্য ধ্বংসাবশেষ ইতস্ততঃ বিক্ষিপ্তাবস্থায় আবিষ্কৃত হইয়াছে। তৃতীয় স্তরের গৃহগুলির তলদেশ দ্রবং গোলাকৃতি পাথর অথবা সুবিষ্ণু কঞ্জুর দ্বারা প্রস্তুত। অষ্টম স্তরের গৃহসমূহের মধ্যে কতকগুলির প্রাচীর-গাত্রে—অর্থাৎ নিম্নস্থ ভিত্তি-প্রাচীর এবং উপরিস্থ মূল গৃহের-সংযোগ স্থলে—কাটান ( offsets ) দেখা যায় ; আর কতকগুলির মেঝের মধ্যে বৃহৎ বৃহৎ পাথরের জালা আংশিক ভাবে প্রোথিত, অবস্থায় পাওয়া গিয়াছে। এই কাটান এবং জালা দৃষ্টেই এই সমস্ত গৃহের মেঝে-ভাগ

চতুষ্কোণ স্তম্ভ আবিষ্কৃত হইয়াছে। স্তম্ভগুলি পরস্পর সমদূরে অবস্থিত। প্রত্যেকটির অগ্রভাগে এক একখানি বৃহৎ পাথর স্থাপিত আছে। এই স্তম্ভগুলির নির্মাণোদ্দেশ্য অজ্ঞাপি স্থিরীকৃত হয় নাই। কেহ কেহ অনুমান করেন, এগুলির উপর তৎকালীন অগ্নি-উপাসকগণ হোম সম্পাদন করিত। নগর-মধ্যস্থ রাস্তা এবং গলিগুলি অত্যন্ত সঙ্কীর্ণ, বক্রগতি এবং শৃঙ্খলাহীন।

মোটের উপর, গৃহ, প্রাচীর এবং রাস্তাসমূহ দেখিয়া মনে হয়, এই নগর কোন নির্দিষ্ট পরিকল্পনা অনুসারে নির্মিত হয় নাই ; বিশেষতঃ

গৃহগুলি বিভিন্ন যুগে নির্মিত বলিয়াই, নগর-বিজ্ঞাসে কোন স্থনির্দিষ্ট  
প্রণালী বা শৃঙ্খলা দৃষ্ট হয় না। (৪)

#### আবিষ্কৃত দ্রব্যসামগ্রী।

প্রাচীন দ্রব্য-সামগ্রীর মধ্যে বীরনগরে বহু সংখ্যক মাটির বাসন,  
খেলনা, ও ক্ষুদ্র ক্ষুদ্র মূর্তি, প্রাচীন মুদ্রা, মূল্যবান প্রস্তর-নির্মিত মালা  
এবং কতিপয় স্বর্ণালঙ্কার পাওয়া গিয়াছে। এই সমস্ত দ্রব্যের মধ্যে  
সর্বাপেক্ষা উল্লেখযোগ্য একটি ভাঙা নগরের উত্তরাংশে ( বর্তমান অফিস  
বাধার অবস্থিত ) আবিষ্কৃত হইয়াছে। ইহার ভিতর ১৬০টি নিরস  
রূপার যন্ত্রাঙ্কিত ( punch-marked ) মুদ্রা, সিরীসার ২য় এন্টিওকাসের  
নামাঙ্কিত একটি অত্যাৎকৃষ্ট স্বর্ণমুদ্রা, কতকগুলি স্বর্ণ এবং রৌপ্যের  
অলঙ্কার এবং বহু সংখ্যক মুদ্রা, বেগুনী ও লাল রংয়ের পাথর, প্রবাল  
এবং অসংখ্য মূল্যবান পাথর পাওয়া গিয়াছে। আর একটি মৃৎ-হাঁড়িতে

#### ইতিহাস।

স্থানীয় কিম্বদন্তী অনুসারে এবং নগরের নির্মাণ-প্রণালী ও  
আবিষ্কৃত দ্রব্যাদি দৃষ্টে জানা গিয়াছে, তক্ষশিলার যাবতীয় নগর ও  
সৌধাবলীর মধ্যে বীরনগরই প্রাণীনতম। Sir John Marshall  
অনুমান করেন, খ্রীঃ পূঃ ২৬ অঙ্কে মহাবীর আলেকজান্ডার পুরুর রাজ্য আক্রমণের পূর্বে  
এই নগর অস্তিত্বে আছিল। আর ইহা নিঃসংশয় রূপেই প্রমাণিত হইয়াছে যে,  
এই নগর অস্তিত্বে আছিল যখন আলেকজান্ডার পুরুর রাজ্য আক্রমণের পূর্বে  
এই স্থানে রাজা অস্তির প্রাসাদে কয়েক সপ্তাহ অবস্থান করিয়াছিলেন।  
তৎপরে মৌর্য অধিকারের সময়ও তক্ষশিলা নগরী এই স্থানেই বর্তমান  
ছিল। বলা বাহুল্য, প্রথম স্তরের গৃহগুলি সমস্তই মৌর্য যুগের। এই  
স্তরে প্রাপ্ত উপরিউক্ত এন্টিওকাসের মুদ্রা এবং স্থানীয় যন্ত্রাঙ্কিত মুদ্রাগুলি



#### শিরকাপ—উত্তর প্রাচীরের বহির্ভাগের কতকাংশ

আলেকজান্ডারের ২টি ও ফিলিপের ১টি রৌপ্য মুদ্রা এবং অসংখ্য প্রায়  
১২০০ শত যন্ত্রাঙ্কিত রৌপ্য মুদ্রা সহ কয়েকটি স্বর্ণ ও রৌপ্যের অলঙ্কার  
আবিষ্কৃত হইয়াছে। এই সমস্ত দ্রব্য গৃহগুলির প্রথম স্তর হইতে বাহির  
হইয়াছে। (৫)

(৪) এই ভূখণ্ডের অধিকাংশই এ পর্যন্ত খনিত হয় নাই। ঐ সমস্ত  
স্থানে এখনও কৃষকগণ হাল চাষ করিতেছে। আর পূর্বে যে বীর দরবাই  
প্রাচীরের উল্লেখ করা হইয়াছে, উহাও অনেক স্থান ব্যাপ্ত করিয়া  
রহিয়াছে।—লেখক।

(৫) আমরা এখানে শুধু সামান্য কয়েকটি দ্রব্যের উল্লেখ করিয়াই  
কান্ত হইলাম। পরবর্তী একটি পৃথক অধ্যায়ে আলোক-চিত্র সহ  
তক্ষশিলার বিভিন্ন স্থানের আবিষ্কৃত দ্রব্যসমূহের আলোচনা করিব।

—লেখক।

খঃ পূঃ ৩য় শতাব্দীর শেষার্ধ্বে বলিয়া অনুমিত হয়। এখানে দুই  
চারিটি মুদ্রা ব্যতীত গ্রীক প্রভাব-স্বক কোন দ্রব্য পাওয়া যায় নাই।  
মোটের উপর, অধিকাংশ দ্রব্যই মৌর্য ও তৎপূর্ব-পূর্ব যুগের বলিয়া  
বোধ হয়। মৌর্য রাজত্বের পর খঃ পূঃ দ্বিতীয় শতাব্দীর প্রথম ভাগে  
( অঃ ১৭৫ খঃ পূঃ অব্দে ) ব্যাক্ট্রিয় গ্রীকগণ রাজধানী বর্তমান শিরকাপ  
নামক ভূখণ্ডে স্থানান্তরিত করেন।

#### শিরকাপ।

দ্বিতীয় নগর শিরকাপ বীরনগরের উত্তর-পূর্ব দিকে তাম্রানাগর  
পূর্ব পারে অবস্থিত, এবং বীরনগরের মতই উত্তর-দক্ষিণে বিস্তৃত।  
মিউজিয়াম হইতে এই স্থানের দূরত্ব এক মাইল।

নগর-প্রাচীর।

শিরকাপের চতুর্দিকবর্তী প্রায় সমগ্র প্রাচীরটিই পরিষ্কররূপে দেখা যায় ; উহা দৈর্ঘ্যে কিকিনুন ৩১- মাইল এবং পরিসরে ১৫ হইতে ২০ ফিট। উত্তর এবং পূর্ব দিকের প্রাচীর সরলগতি ; কিন্তু দক্ষিণ ও পশ্চিম দিকের সীমা-রেখা উচ্চ-নীচ ভূমির উপর দিয়া আঁকিয়া-কাঁকিয়া চলিয়া গিয়াছে। সমগ্র প্রাচীরটিই অসমান আকৃতিহীন ছোট বড় পাথরে ( rubble masonry ) কাদার গাথনি যোগে প্রস্তুত। মাঝে মাঝে চতুর্কোণ বুরুজ ( bastions ) দ্বারা প্রাচীরটিকে সুদৃঢ় করা হইয়াছে। পরবর্তী কালে কোন কোন স্থানে আবার এই বুরুজগুলিকেও চালু টিকা ( battresses ) দ্বারা মজবুত করা হইয়াছে। উত্তর দিকে নগরের অন্ততম প্রধান প্রবেশ-দ্বার ; এতদ্ব্যতীত পূর্ব ও পশ্চিম দিকেও প্রবেশদ্বারের চিহ্ন দেখিতে পাওয়া যায়। উত্তর প্রবেশ দ্বারের সন্নিকটে, পশ্চিম দিকে, প্রাচীরের অভ্যন্তর-ভাগে কতকগুলি সুগঠিত প্রকোষ্ঠের ধ্বংসাবশেষ অবস্থিত। সম্ভবতঃ এগুলির মধ্যে দ্বারবানগণ বাস করিত। অপর দিকে একটি উচ্চ বেদীর ভগ্নাবশেষ ; বোধ হয় ইহার সাহায্যে রক্ষণ প্রাচীরের উপর উঠিত। প্রবেশ তোরণের মধ্যে পূর্ব দিকে একটি কূপ আছে ; সম্ভবতঃ নগরে প্রবেশ করিবার সময় পথিকগণ এখানে ধামিয়া জলপান করিত।

শিরকাপের দক্ষিণ দিকবর্তী প্রায় অর্ধেক অংশ হথিঠাল শৈলশ্রেণীর পশ্চিম প্রান্তস্থ কঠিন প্রস্তরময় বৃক্ষলতা-বিরল তিন-চারিটি পাহাড়ের উপর মাইয়া পড়িয়াছে। উত্তর অংশ একটি সমতল নিম্নভূমির উপর প্রসারিত। এই সমতল অংশের উপর দিয়া উত্তর প্রবেশ-দ্বারের মুখ হইতে একটি সুশস্ত রাজপথ সোজা দক্ষিণ দিকে চলিয়া গিয়াছে।

রাজপথ।

আমরা এই রাজপথ ধরিয়া ক্রমশঃ দক্ষিণাভিমুখে অগ্রসর হইতেছি ; আর সম্মুখে ও পশ্চাতে, দক্ষিণে ও বামে অগণিত ধ্বংসের স্তূপ তাহাদের দীন-হীন, জীর্ণ মূর্তি লইয়া আমাদের দুই চক্ষুর সম্মুখে আছাড়িয়া পড়িতেছে। যুগ-যুগান্তরের সঞ্চিত কত সভ্যতা, কত সাধনার বিস্মৃত কাহিনী যেন অক্ষুট ক্রন্দন করে আক এই উন্মুক্ত আকাশের তলে, এই জনহীন প্রান্তর-বক্ষে, এই ধ্বংস-সমাধি নিচয়ের মধ্য হইতে বাহির হইয়া রুমরের প্রতি তন্বীতে আঘাত করিতেছে। আর সে আঘাতে প্রাণ এক অব্যক্ত বেদনার সুরে বাজিয়া উঠিতেছে। এই মুক যাতনা বক্ষে চাপিয়া লইয়া কম্পিত পদে, সজল নেজে আমরা ধ্বংস-সমাধি ক্ষেত্রের মধ্য দিয়া অগ্রসর হইতেছি।

ইতিহাস।

পূর্বেই বলিয়াছি, শিরকাপ নগর খৃঃ পূর্ব ২য় শতাব্দীর প্রথম ভাগে ব্যাকট্রির গ্রীকগণ কর্তৃক নির্মিত হইয়াছিল। বস্তুতঃ এই নগর গ্রীক-অধিকারের সময় হইতে আরম্ভ করিয়া সিথীয় পার্থিয় এবং কুবান-বংশের দ্বিতীয় সম্রাট বিম কদফিসের রাজত্ব পর্য্যন্ত সুদীর্ঘস্থায়ী হইয়াছিল। তিন শত বৎসরকাল বিজয়মান ছিল ( খৃঃ পূঃ ১৭৫—খৃঃ ১০৫ অব্দ )।



শিরকাপ নগরের ধ্বংসাবশেষ


বীরনগরের স্থায় শিরকাপের গৃহাবলীরও কতকগুলি স্তর বাহির হইয়াছে। তন্মধ্যে সর্বোচ্চ স্তরের গৃহগুলি প্রধানতঃ নবীন কুবানদের সমরকার। তন্মিন্ন স্তরের ভগ্নাবশেষ পার্শ্বীয়-সিখীয় যুগের, এবং সর্ব নিম্ন স্তর দুইটি ব্যাকট্রিয় আমলের। ইহার নীচেই—১৪ হইতে ১৭ ফিট নিম্নে—সাধারণ মৃত্তিকা।

### গৃহসমূহের নির্মাণ-প্রণালী।

রাজপথের উভয় পার্শ্বে বাসগৃহ পরিপূর্ণ সারি সারি মহলা ; রাজপথ হইতে সরু সরু পার্শ্ব পথ বাহির হইয়া মহলাগুলিকে পরস্পর পৃথক করিয়াছে। উভয় পার্শ্বে এ পর্য্যন্ত ৩০, ৩৫টি মহলা আবিষ্কৃত হইয়াছে। মহলা মধ্যস্থ সমস্ত বাটীরই নির্মাণ-প্রণালী চতুঃশালা ধরণের, অর্থাৎ মধ্যস্থলে চতুঃকোণ উন্মুক্ত প্রাঙ্গণ, আর তাহার চারিপার্শ্বে প্রকোষ্ঠ সমূহ। বাসস্থানের প্রয়োজন অনুসারে এইরূপ চতুঃশালা কোনখানে দুইটি, কোনখানে তিনটি, কোনখানে চারটি বা ততোহিক। রাজপথের উপরকার ছোট ছোট গৃহগুলিতে দোকান-পাগর ছিল। গৃহগুলি দুই

গৃহগুলি অতি উচ্চ ভিত্তির উপর নির্মিত হইয়াছিল ; আর অধুনা যে প্রকোষ্ঠগুলি বাহির হইয়াছে, সেগুলি হয় মূল গৃহের ভিত্তি, নয় তলগৃহ বা তরখানা ( underground cellars ) ছিল। যদি এগুলি ভিত্তি হয়, তবে ইহাদের অভ্যন্তর মাটি ও পাথরে পরিপূর্ণ ছিল ; আর তরখানা হইলে উপরিস্থ গৃহ হইতে সিঁড়ি অথবা মইয়ের সাহায্যে তন্মধ্যে প্রবেশ করা হইত। এই অন্তর্ভৌম কক্ষ অথবা তরখানা সম্বন্ধে এপলোনিয়াসের জীবনী-লেখক ফিলোষ্ট্র্যাটাস লিখিয়াছেন, গৃহগুলি একরূপ ভাবে নির্মিত যে, বাহির হইতে দেখিলে দেগুলি একতল বিশিষ্ট বলিয়া মনে হয়, কিন্তু ভিতরে প্রবেশ করিলে তলপ্রকোষ্ঠ সমূহ দৃষ্টিগোচর হয়।

দ্বিতীয়তঃ, যদিও বাটীগুলির দুইটির বেশী তল ছিল না, তথাপি তন্মধ্যস্থিত স্থানের পরিমাণ সেই যুগের একটি পরিবারের পক্ষে অত্যধিক বলিয়া মনে হয়। অবশ্য এমনও হইতে পারে যে, এগুলির মধ্যে একাধিক পরিবার একত্র বাস করিত। পরন্তু Sir John Marshall অনুমান করেন, নগরের এই সব অংশে বিশ্ববিদ্যালয়ের



শিরকাপ—আংশিক নক্সা

ধরণের গাঁথনিতে প্রস্তুত,—প্রথম, অসমান আকৃতিহীন পাথরের ; দ্বিতীয়, ঈষৎ সমান ও আকৃতিবিশিষ্ট বড় বড় পাথরের ( diaper masonry )। শেবোক্ত ধরণের গাঁথনি কুবান অধিকারের প্রথম যুগে প্রচলিত হয়। দেওয়ালগুলির ভিতর এবং বাহির—উভয় পিঠেই চূণ ও কাদার আস্তর। কোন কোন জায়গায় আস্তরের উপর এখনও রংয়ের চিহ্ন দেখিতে পাওয়া যায়। দরজা, ছাদ প্রভৃতির সাজ-সরঞ্জামের জন্ত, এবং কোন কোন ক্ষেত্রে দেওয়ালের উপর কারুকার্যের জন্ত কাষ্ঠ ব্যবহৃত হইত। কোন গৃহের মধ্যে টালি পাওয়া যায় নাই ; এইজন্ত অনুমান হয়, ছাদগুলি সমতল এবং কর্দমান্বৃত ছিল।

শিরকাপের বাটীগুলির প্রধানতঃ তিনটি বৈশিষ্ট্য পরিলক্ষিত হয়। প্রথমতঃ, যদিও কোন কোন বাটীর অন্তর-প্রকোষ্ঠগুলির একটি হইতে আর একটিতে যাইবার দরজা আছে, কিন্তু আঙ্গিনা কিম্বা রাস্তা হইতে ভিতরে প্রবেশ করিবার কোনও দ্বার নাই। ইহার কারণ এই যে,

গৃহাদি অবস্থিত ছিল ; এই সমুদায় গৃহে অধ্যাপক এবং ছাত্রগণ বাস করিতেন।

তৃতীয়তঃ, কতিপয় বাটীর মধ্যে একটি করিয়া স্তূপ বা মন্দির দেখা যায়। প্রত্যেকটি নৌধ রাজপথ পর্য্যন্ত বিস্তৃত এক একটি আঙ্গিনার উপর দণ্ডায়মান।

### গৃহসমূহে প্রাপ্ত দ্রব্যাদি।

উপরিউক্ত গৃহসমূহ হইতে সাধারণতঃ যে অসংখ্য এবং বিবিধ প্রাচীন দ্রব্যসামগ্ৰী আবিষ্কৃত হইয়াছে, তন্মধ্যে নিম্নলিখিতগুলি উল্লেখযোগ্য—

বিভিন্ন আকার ও আয়তনের বহু সংখ্যক মুদ্রয় পাত্র,—যথা—মল্লিকা, পানপাত্র, ধূসুচি, ৩/৪ ফিট উচ্চ বহু বহু জাল, প্রভৃতি ; ছোট ছোট পোড়া মাটির ( terracotta ) মূর্ত্তি এবং খেলনা ; পাথরের গামলা, পানপাত্র, কারুকার্য-খচিত রেকাব, খালা ; লোহার পাত্র

এবং বাসন ; লোহার কেদারা, ত্রিপদী, ঘোড়ার লাগাম, চাবি, কাপ্তে, কোদালি, তরবারি, ছোরা, ঢাল, তীরের অগ্রভাগ ; ব্রোঞ্জ এবং তাম্র-নির্মিত বাটি, মল্লিকা, কোঁটা, স্বর্ণাঙ্ক দ্রব্যের শিশি, আলঙ্কারিক পিন্, ঘণ্টা, অঙ্গুরী, বহু সহস্র মুদ্রা, বহু সংখ্যক স্বর্ণ এবং রৌপ্যের অলঙ্কার ইত্যাদি, ইত্যাদি।

‘ক’ মহল্লার স্তূপ।

নগরের মধ্যে প্রবেশ করিয়া কিঞ্চিৎ অগ্রসর হইলেই বাম দিকে, অর্থাৎ রাজপথের পূর্ব ধারে দ্বিতীয় মহল্লার মধ্যে একটি বৃহৎ প্রাক্ষণের কেন্দ্রস্থলে একটি চতুষ্কোণ স্তূপের ধ্বংসাবশেষ দৃষ্ট হয়। প্রাক্ষণের চারিদিকে কতগুলি আবাসগৃহের চিহ্ন আছে। সম্ভবতঃ এই আঙ্গিনাটি সর্বসাধারণের উপাসনার জন্ত ব্যবহৃত হইত। স্তূপের ভিতর হইতে

চতুষ্কোণ অঙ্গনের উপর দণ্ডায়মান। মন্দিরের প্রবেশ-পথের দক্ষিণ ও বাম দিকে দুইটি মঞ্চ। তদুপরি ছোট ছোট দুইটি স্তূপ ছিল। পশ্চিম দিকের প্রাচীর সংলগ্ন সন্ন্যাসীদের সারি সারি বাস-কক্ষ। সিথীয়-পাথির যুগের পুরাতন ধ্বংসাবশেষের উপর নির্মিত বলিয়া এই মন্দিরের আঙ্গিনাটি এক সমুচ্চ ভূখণ্ডের উপর প্রসারিত। প্রাক্ষণে উঠিবার জন্ত সম্মুখস্থ রাজপথ হইতে দুই প্রস্থ পার্শ্ব-সিঁড়ি নির্মিত হইয়াছে। প্রবেশ-পথের দুই পার্শ্বস্থিত পূর্বোক্ত স্তূপ দুইটির ধ্বংসাবশেষের মধ্যে বহু সংখ্যক চূণ-বালি ও পোড়া মাটির নির্মিত (Stucco and terracotta) মস্তক ও নানাবিধ আলঙ্কারিক দ্রব্য আবিষ্কৃত হইয়াছে। প্রাক্ষণোপরিস্থ ধ্বংসাবলীর মধ্যে বহুসংখ্যক তাম্রমুদ্রা পাওয়া গিয়াছে। এই সমস্ত মুদ্রা প্রধানতঃ কজল কদাফিস এবং হারমিয়াসের নামাঙ্কিত। এতৎসঙ্গে



শিরকাপ—দ্বিমস্তক ঈগলবিশিষ্ট স্তূপ

অস্থি ভস্ম পূর্বেই অপহৃত হইয়াছে। ভস্ম-প্রকোষ্ঠের (relic-chamber) মধ্যে অস্ত্রাঙ্ক জিনিষের সঙ্গে একটি অত্যুৎকৃষ্ট ক্ষটিক-নির্মিত কোঁটার করেকটি টুকরা পাওয়া গিয়াছে। টুকরাগুলি দেখিয়া প্রতীয়মান হয়, আস্ত কোঁটাটি বেরূপ বড় ছিল, তাহাতে তাহা কখনই ভস্ম প্রকোষ্ঠের মধ্যে যাইতে পারে নাই। এই জন্ত অনুমিত হয়, কোঁটাটি ভাঙ্গিয়া যাইবার পর, খণ্ডগুলি সহ তন্ন্যাসিত ভস্ম অস্ত্র কোন প্রাচীনতর সৌধ হইতে আনিয়া এখানে প্রোথিত করা হইয়াছিল।


ঘ’ মহল্লার চৈত্য।

উক্ত স্তূপের দুইটি মহল্লা পরে, রাজপথের পূর্ব দিকে এক বিশাল গোলাকৃতি অংশবিশিষ্ট বৌদ্ধ মন্দির বা চৈত্যের (Apsidal Temple) ধ্বংসাবশেষ অবস্থিত। মন্দিরটি পশ্চিমদ্বারী, এবং একটি সুপ্রশস্ত

আরও অধিক পুরাতন কতিপয় মুদ্রা পাওয়া গিয়াছে। এই সমস্ত হইতে অনুমান করা যায়, খৃষ্টীয় প্রথম শতাব্দীর শেষভাগেই সৌধটি ধ্বংসমুখে পতিত হইয়াছিল।

যে প্রাক্ষণের মধ্যস্থলে এই বিশাল মন্দিরটি অবস্থিত, তাহা যেমন রাজপথ হইতে উচ্চতর ভূমির উপর বিস্তৃত, তদ্রূপ মন্দিরটি আবার প্রাক্ষণ বক্ষ হইতে উচ্চতর বেদীর উপর দণ্ডায়মান। মন্দিরটি তিনটি অংশে বিভক্ত,—সম্মুখে প্রশস্ত চতুষ্কোণ মণ্ডপ (nave); তদগ্রে দ্বার-কক্ষ (porch), এবং পশ্চাতে বৃত্তাকার মণ্ডপ (apse); আর চতুর্দিকে প্রদক্ষিণ-পথ। দ্বার-কক্ষের ভিতর দিয়া প্রদক্ষিণ-পথে প্রবেশ করা হইত। বৃত্তাকার মণ্ডলের ভিত্তির ব্যাস প্রায় ৩০ ফিট। এই মণ্ডলের উপর একটি মন্দির, এবং মন্দিরের অভ্যন্তরে একটি স্তূপ ছিল

বলিয়া সহজেই অনুমান করা যাইতে পারে। উক্ত মণ্ডলের ভিত্তি-দেওয়ালের মূল প্রায় ২০-২২ ফিট মৃত্তিকা নিম্নে প্রোথিত। প্রথম দৃষ্টিতে ইহাকে একটি কূপ বলিয়া ভ্রম হয়, কিন্তু বাস্তবিক তাহা নহে। এই অত্যধিক গভীরতার কারণ দ্বিবিধ : প্রথম, ইহার উপরিস্থ মন্দিরটি অত্যন্ত উচ্চ এবং ভারী ছিল ; দ্বিতীয়, দেওয়ালটি পুরাতন ধ্বংসাবলী ভেদ করিয়া নিম্নস্থ সাধারণ মৃত্তিকা হইতে গাথিয়া উঠাইতে হইয়াছিল। মণ্ডলাভ্যন্তরে দেওয়াল-গাত্রে প্রাচীন মেঝের সন্নিকটে চারিদিক ঘিরিয়া প্রায় অর্ধহস্ত চওড়া একটি সরল ফুকান দেখা যায়। এই স্থানে কাষ্ঠ-খণ্ডসমূহ সংবদ্ধ ছিল বলিয়া অনুমান হয়। বর্তমানে এই ফুকান পাথর দ্বারা ভরিয়া ফেলা হইয়াছে। ভগ্নাবশেষের মধ্যে বহু জীর্ণ কাষ্ঠ,



শিরকাপ—প্রাসাদের নক্সা

লোহার পেরেক, পাতরা প্রভৃতি পাওয়া গিয়াছে। এই সব হইতে বুঝা যায়, ছাদের সাজ-সরঞ্জাম কাষ্ঠ-নির্মিত ছিল। ভূমির উপর কোন টালির টুকরা পাওয়া যায় নাই। কাজেই অনুমান হয়, ছাদটি সম্ভবতঃ সমতল এবং কর্দমাবৃত ছিল।

এই মন্দিরটি বিশেষ ভাবে লক্ষ্য করিবার বিষয়। কারণ সমগ্র ভারতবর্ষে এই রীতির মন্দির অতি অল্পই আছে। এইরূপ আরও একটি মন্দিরের ধ্বংসাবশেষ তক্ষশিলাতেই পাওয়া গিয়াছে। উত্তর ভারতের মধ্যে এ পর্যন্ত এইপানেই সর্বপ্রথম এই প্রকার দুইটি মন্দির আবিষ্কৃত হইয়াছে।

### ঙ' মহল্লার প্রাপ্ত দ্রব্যাদি।

উক্ত মন্দিরের পরবর্তী মহল্লায় অতি মূল্যবান দুই প্রহু জিনিষ পাওয়া গিয়াছে। দ্রব্যগুলি খৃঃ পূঃ ১ম শতাব্দীতে প্রোথিত হইয়াছিল বলিয়া অনুমানিত হয়। নিম্নে বিশেষ উল্লেখযোগ্য জিনিষগুলির নাম প্রদত্ত হইল :—

(১) ব্রোঞ্জ ধাতু নির্মিত বালদেবতা হার্পোক্রেটসের মূর্তি, রৌপ্যনির্মিত ডাইওনিসাসের আবক্ষ মূর্তি, একটি রূপার চামচ, দুই জোড়া সোনার বালা, পাঁচটি সোনার মাকড়ি, তিনটি সোনার কর্ণদোলক, তিনটি স্বর্ণাজুরী, একটি সোনার দড়া হার, ছয়টি জসম, সাতটি সোনার মালা, একটি সোনার বাদামী লকেট, একজোড়া ডায়মণ্ডকাটা পাথর-বসান সোনার ফুল, একজোড়া মুদারাকৃতি সোনার দোলক, ৬০টি গোল এবং বিভিন্ন আয়তনের কাঁপা সোনার মালা।

(২) এক্সোডাইটের একটি ডানাবুদ্ধ মূর্তি, কামদেবের মূর্তিবুদ্ধ একটি সোনার 'পরিচক্র' বা পদক, অঙ্গুরীতে বসাইবার দশটি পাথর, বিন্দু এবং কমা আকারের তিনটি পাথর, সোনার চিকের ৭৪টি খণ্ড, পার্শ্বীয় রাজা সাসান, সাপাডেন্স এবং শতবস্ত্রের এবং কুবান রাজা ২য় কদফিসের (?) নূতন ধরণের ২১টি রৌপ্য-মুদ্রা।

### ঙ' মহল্লার স্তূপ।

এই মহল্লার বিপরীত দিকে, রাজপথের পশ্চিম পাথের মহল্লাটির মধ্যে একটি স্তূপের ধ্বংসাবশেষ অবস্থিত। স্তূপটি মহল্লার দক্ষিণ-পূর্ব কোণে, রাজপথের উপর দণ্ডায়মান ছিল। ইহাতে প্রবেশ করিবার জন্য পূর্ব দিকে রাজপথ হইতে সপ্ত ধাপ-বিশিষ্ট দুই প্রহু পার্শ্ব-সিঁড়ি নির্মিত হইয়াছে। সমচতুষ্কোণ কঙ্কর পাথরে সোপানগুলি মণ্ডিত। স্তূপটির বেদী, কেবল হইতে প্রসারিত করে একটি পুরু দেওয়ালের সমবारे গঠিত হইয়াছিল। কেবলহলে ৭৮ ফিট নাটর নীচে একটি সমচতুষ্কোণ ভগ্ন ভঙ্গপ্রকোষ্ঠ পাওয়া গিয়াছে।

### চ' মহল্লার দ্বিমস্তক ঈগলবিশিষ্ট স্তূপ।

রাজপথের পূর্ব দিকে পরবর্তী মহল্লার আর একটি সুন্দর স্তূপ অবস্থিত। Sir John Marshall এটিকে জৈন স্তূপ বলিয়া নির্দেশ করিয়াছেন। স্তূপের বেদীর সম্মুখ অর্থাৎ পশ্চিম ভাগে, সিঁড়ির দুই পাশে ৪টি করিয়া মোট ৮টি গাত্রস্তম্ভ (pilasters)। স্তম্ভগুলি করিছীয় আদর্শে নির্মিত। ইহাদের দুইটির কাণ্ড (Shaft) গোল ; অবশিষ্ট চতুষ্কোণ। এই গাত্রস্তম্ভগুলির মস্তকে অবলম্বনী (brackets), এবং মাঝে একটি করিয়া কুলুঙ্গী (niches)। কুলুঙ্গী গুলি তিন ধরণে প্রস্তুত। সিঁড়ির নিকটবর্তী দুইটির খিলান ত্রিভুজাকৃতি (pedimental arch)—গ্রীক আদর্শে রচিত ; মধ্যস্থলের কুলুঙ্গী দুইটির খিলান বঙ্গদেশীয় দোচালা ঘরের স্তায় বক্রাকৃতি (ogee arch) ;


এবং প্রাস্তর দুইটির আকার প্রাচীন ভারতের তোরণের স্থায়। মধ্য এবং প্রাস্তর কুলঙ্গীর প্রত্যেকটির উপর একটি করিয়া পক্ষীমূর্তি—সম্ভবতঃ ঙ্গল—স্থাপিত। ইহাদের মধ্যে একটি দ্বিমুখক বিশিষ্ট। Sir John Marshall অনুমান করেন, খিলানের উপর পাখী স্থাপন—এই অভিনব স্থাপত্যরীতি সিংহগণ সর্ব প্রথম তক্ষশিলায় প্রবর্তন করেন। কালক্রমে ইহা তক্ষশিলা হইতে বিজয়নগর এবং সিংহলে প্রচলিত হয়।

স্তূপের গাত্রভাগ কঙ্কর প্রস্তরবৃত্ত। গাত্র এবং তদুপরিস্থ ভাস্কর্য-বিজ্ঞাস (mouldings) এবং অস্তান্ত কারুকাৰ্য সমস্তই সূক্ষ্ম বালি-চূণের (Stucco) একটি পাতলা আবরণে আচ্ছত ছিল। তার পর ইহার উপর লাল, হলুদে প্রভৃতি রংয়ের বহুবিধ লেপন দেওয়া হয়। স্তূপের জয়টাক (drum) এবং ‘অণ্ড’ বা গম্বুজ (dome) উভয়ই সম্ভবতঃ চূণ-বালির কারুকাৰ্যে খচিত এবং বিবিধ বর্ণে রঞ্জিত ছিল।

আবিষ্কৃত হইয়াছে। উক্ত প্রকোষ্ঠের ১ম এজেন্সের রাজত্বকালে নির্মিত। এই নিমিত্ত অনুমিত হয়, খৃষ্টীয় প্রথম শতাব্দীর প্রথমভাগে লিপিখানি বর্তমান জীর্ণ এবং ভগ্নাবস্থায় এইখানে লাগানো হইয়াছিল। এই লিপিখানি হইতে তক্ষশিলায় এককালে পারসীক প্রভাব সূচিত হইতেছে। দুর্ভাগ্যবশতঃ লিপিখানির সঠিক পাঠোদ্ধার হয় নাই।

ছ’ মহল্লার স্তূপ।

ইহার পরবর্তী মহল্লার আর একটি ক্ষুদ্র স্তূপ অবস্থিত। Sir John Marshall এটিকেও জৈন স্তূপ বলিয়া নির্দেশ করিয়াছেন। স্তূপের বেদীটি চতুষ্কোণ; বেদীর প্রত্যেক পার্শ্বে পাঁচটি করিয়া গাত্রস্তম্ভ, পাদ-নিম্নে সরল ভাস্কর্য-বিজ্ঞাস, এবং উপরিভাগে সাধারণ “মালা এবং কাটিম” (“bead and reel”) ধরণযুক্ত কর্ণিশ। এই স্তূপেরও ‘জয়টাক’,



শিরস্থ—খনিত প্রাচীরংশ

সোপানের ধার এবং বেদীর উপর চারিদিক দিয়া বৌদ্ধ-যুগ-স্থলভ আবেষ্টনী (railing) দ্বারা শোভিত একটি অনুচ্চ প্রাচীর ছিল। Sir John Marshallএর মতে এই স্তূপের সমস্ত শিল্প-বিজ্ঞাস, গাত্রস্তম্ভ, দস্তাকৃতি কর্ণিশ (dentil cornice), ত্রিভুজ খিলানবিশিষ্ট কুলঙ্গী, সমস্তই গ্রীক আদর্শে সম্পাদিত; কেবল তোরণ, বক্র-খিলানযুক্ত কুলঙ্গী এবং গাত্র স্তম্ভোপরিস্থ অবলম্বনীগুলি ভারতীয় বৈশিষ্ট্যের পরিচায়ক।

স্তূপের মধ্যস্থলে ভগ্ন-প্রকোষ্ঠ পাওয়া গিয়াছে। তদ্ব্যয় হইতে ভগ্নাদি-পূর্বেই অপহৃত হইয়াছে।

আশ্মিন লিপি।

এই মহল্লার দুইটি প্রকোষ্ঠের মধ্যবর্তী প্রাচীরের ভিতর একটি খেত প্রস্তরের উপর আশ্মিন অক্ষরে ও ভাষায় ক্ষোদিত একখানি লিপি

‘অণ্ড’ এবং ছত্র ভূমিসাৎ হইয়া গিয়াছে। তবে প্রাস্তর ভগ্নাবশেষের মধ্যে ইহাদের কতক কতক অংশ, আর সিংহ-শীর্ষ দুইটি গোল স্তম্ভের অংশ বিশেষ, এবং বেদীর প্রাস্তোপরিস্থ বেদিকার (balustrade) অনেক-গুলি খণ্ড পাওয়া গিয়াছে। সম্ভবতঃ স্তম্ভ দুইটি বেদীর কোণায় দণ্ডায়মান ছিল। ইহার মধ্যে একটি পাথরের কোঁটা ও একটি ক্ষুদ্র স্বর্ণ-কোঁটা পাওয়া গিয়াছে। পাথরের কোঁটার ভিতর সিংহীয় রাজা ১ম এজেন্সের ৮টি তাম্র মুদ্রা, আর সোনার কোঁটাটির মধ্যে কয়েক টুকরা অস্থি, কয়েক খণ্ড স্বর্ণ-পত্র এবং কয়েকটি মালা পাওয়া গিয়াছে। ১ম এজেন্স খৃঃ পূঃ ৫৮ অব্দের সম সময়ে সিংহাসনে আরোহণ করিয়াছিলেন; সুতরাং এই স্তূপটি সম্ভবতঃ খৃঃ পূঃ ১ম শতাব্দীর শেষভাগে নির্মিত হইয়াছিল।

উপরিউক্ত স্তূপের পরে, রাজপথের পূর্ব দিকে আরও কতিপয়

মহলা। তৎপরে আর একটি বৃহৎ মহলা। ইহার গৃহগুলির সুদৃঢ় এবং সুশৃঙ্খল নির্মাণ প্রণালী দেখিয়া Sir John Marshall এটিকেও রাজপ্রাসাদ বলিয়া নির্দেশ করিয়াছেন।

#### রাজপ্রাসাদ।

প্রাসাদের পশ্চিম দিক দিয়া সুপ্রশস্ত রাজপথ চলিয়া গিয়াছে ; এবং সম্ভবতঃ দক্ষিণ দিক দিয়া পশ্চিম প্রবেশদ্বারের রাস্তাটি প্রসারিত ছিল। দুইটি রাজপথের মিলন স্থলে অবস্থিত বলিয়া প্রাসাদটি নগরীর মধ্যে অতি চমৎকার স্থান অধিকার করিয়াছিল। ইহার পশ্চিম পাশের দৈর্ঘ্য কিঞ্চিদধিক ৩৫০ ফিট, এবং পূর্ব-পশ্চিমের পরিমাপ প্রায় ২৫০ ফিট। প্রাসাদের প্রাচীনতম অংশ বিশেষ অসমান আকৃতিহীন পাথরে নির্মিত। সুতরাং এই সব অংশ সম্ভবতঃ সিখীয়-পাথিয় যুগে গঠিত হইয়াছিল। পরবর্তী কালে ইহার মধ্যে, বিশেষতঃ উত্তর দিকবর্তী অন্দর মহলে বহু সংস্কার ও অনেক নূতন নির্মাণকাৰ্য্য হয়। কোন কোন দ্বারের তলদেশ (threshold) চূণাপাথরে নির্মিত। অনেক প্রাচীরগাত্রে ফুকর (chase) দেখিয়া মনে হয়, তাহাতে কারুকাৰ্য্যবিশিষ্ট কাঠ-ফলকসমূহ (wooden panelling) সংবদ্ধ ছিল। অস্ত্রাশ্রয় প্রকোষ্ঠের প্রাচীর চূণ অথবা কর্দমে আবৃত, এবং তদুপরি রংয়ের লেপন ছিল।


এ পর্যন্ত প্রাসাদের মধ্যে পাঁচটি মহল আবিষ্কৃত হইয়াছে। প্রত্যেকটি মহলের মধ্যভাগে একটি করিয়া অঙ্গন; অঙ্গনের চতুর্দিকে সারি সারি প্রকোষ্ঠ। প্রাসাদের দক্ষিণ-পশ্চিম কোণে এইরূপ একটি মহল। ইহার মধ্যভাগে সুপ্রশস্ত প্রাঙ্গণ, প্রাঙ্গণের চারি দিকে বাসগৃহ। ইহার মধ্যে একটি স্থান কক্ষ, তন্মধ্যে ছোট একটি চৌবাচ্চা। প্রাঙ্গণটি অনির্দিষ্ট আকৃতির পাথরে আবৃত। ইহার দক্ষিণ দিকে চৌকস (ashlar) কঞ্জুর পাথরে নির্মিত একটি সমুচ্চ মঞ্চ (dais)।

সম্ভবতঃ এই চৌকস দীওয়ান-ই-খাশ্ব ছিল। এই চৌকের দক্ষিণ দিকে আর একটি অপেক্ষাকৃত ক্ষুদ্র চৌখণ্ডী; ইহার চারিদিকে কক্ষসমূহ। সম্ভবতঃ এখানে রক্ষী এবং সহচরগণ বাস করিত। এই মহলের উত্তর দিকে অনেকগুলি কক্ষবিশিষ্ট আর একটি মহল। সুদৃঢ় প্রাকার দ্বারা দুইটি মহলকে পরস্পর পৃথক করা হইয়াছে। শেষোক্ত মহলটি বোধ হয় অস্তঃপুর ছিল। ইহার উত্তর দিকে পরবর্তী কালে আরও কতকগুলি



গৃহ নির্মাণ করিয়া অন্দরমহলটিকে বর্দ্ধিত করা হইয়াছিল। এ গেল প্রাসাদের পশ্চিম দিকের মহল। পূর্ব দিকেও আর দুইটি মহল আবিষ্কৃত হইয়াছে। তন্মধ্যে দক্ষিণ দিকের মহলটির মধ্যভাগে একটি সুপ্রশস্ত প্রাঙ্গণ। প্রাঙ্গণের পশ্চিম দিকে কয়েকটি কক্ষ, এবং উত্তর দিকে একটি সমুচ্চ মঞ্চ।—সম্ভবতঃ এই চৌকসি দেওয়ান-ই-খাশ্ব ছিল। ইহার পার্শ্ববর্তী কক্ষগুলিতে দপ্তরের কাৰ্য্য নির্বাহিত



1. THRESHOLD.



2. SMALL DAIER.



#### বিভিন্ন ধরনের গাঁথনি

হইত। এই মহলের উত্তর দিকে অপেক্ষাকৃত ক্ষুদ্র-পরিসর আর কতকগুলি কক্ষ। সম্ভবতঃ এগুলি অতিথি-অভ্যাগতের সম্বর্ধনা-গৃহ রূপে ব্যবহৃত হইত।

যদিও প্রাসাদটি শিরকাপের সাধাৰণ গৃহস্থদের বাড়ী অপেক্ষা বৃহদায়তন এবং সুগঠিত, তথাপি ইহার পরিকল্পনায় কোন আড়ম্বর কিম্বা সাজসজ্জার পরিপাট্য নাই। এপলোনিয়াসের জীবনী-লেখক



কিলোমিটার বিশেষভাবে এই বৈশিষ্ট্যের কথা উল্লেখ করিয়াছেন। তিনি প্রাসাদের বর্ণনা-প্রসঙ্গে লিখিয়াছেন, তাঁহারা এখানে কোন বিশাল অট্টালিকা দর্শন করেন নাই; বাসগৃহ, দ্বারমণ্ডপ প্রভৃতি সমস্তই অতি সাদাসিদা ধরণে প্রস্তুত।

যাহা হোক, প্রাসাদটি এইরূপ আতিশয্যহীন সরল ধরণের হইলেও, ইহার ধ্বংসাবশিষ্ট পরিকল্পনাটি অত্যন্ত চমৎকার। এইরূপ পরিকল্পনায় নির্মিত দ্বিতীয় একটি ইমারত ভারতবর্ষে এ পর্যন্ত আবিষ্কৃত হয় নাই। আরও আশ্চর্যের বিষয় এই যে, ইহার পরিকল্পনার সহিত মেসোপটেমিয়ার এসিরীয় প্রাসাদসমূহের ঘনিষ্ঠ সাদৃশ্য পরিলক্ষিত হয়।

এই প্রাসাদে আবিষ্কৃত প্রাচীন দ্রব্য-সামগ্রীর মধ্যে বহুসংখ্যক

উপর একটি বৃহৎ স্তূপ ও সজ্জারাম অবস্থিত। এই স্তূপটি “কুগাল স্তূপ” নামে পরিচিত। পাহাড়টির গা বাহিয়া স্তূপের পূর্ব দিক ঘোঁসিয়া নগরের পূর্ব সীমার প্রাচীর-রেখা চলিয়া গিয়াছে। আমরা পরবর্তী অধ্যায়ে এই স্তূপের বর্ণনা প্রদান করিব। উক্ত পাহাড় এবং তাহার দক্ষিণ দিকস্থ পাহাড়ের মধ্যবর্তী উপত্যকা-ভূমিতে অনেক গৃহ আবিষ্কৃত হইয়াছে। বলা বাহুল্য, এই সব স্থান নগরের উপকণ্ঠ বিশেষ ছিল। শেষোক্ত পাহাড়ের দক্ষিণে নগর-সীমার মধ্যবর্তী সর্বোচ্চ পাহাড়টি অবস্থিত। এই দুইটির উপরেও একটি করিয়া ক্ষুদ্র স্তূপ এবং সজ্জারাম আবিষ্কৃত হইয়াছে। “কুগাল স্তূপ” পাহাড়ের ঠিক পশ্চিম দিকে কিছু দূরে আর একটি পৃথক সমতল-অগ্র ক্ষুদ্র পাহাড়। Sir John Marshall এই পাহাড়টির অবস্থান এবং



ধর্মরাজিকা স্তূপ—সাধারণ দৃশ্য

মৃৎমূর্তি ও পাত্র, ব্রোঞ্জ, তাম্র এবং লৌহনির্মিত বহুবিধ ক্ষুদ্র ক্ষুদ্র দ্রব্য, মালা, মুক্তা এবং মুদ্রাসমূহ বিশেষ উল্লেখযোগ্য। শেষোক্ত দ্রব্যের মধ্যে একটি পাত্রের ভিতর ১ম এজেস, ২য় এজেস, অধবর্ষ, পণ্ডোফারলেনস, হারমিয়াস এবং কজুল কদফিসের ৬১টি তাম্র মুদ্রা পাওয়া গিয়াছে। আর এক প্রস্থ বিশেষ উল্লেখযোগ্য জিনিষ, অর্থাৎ কতিপয় মৃৎয় মুদ্রার ছাঁচ—প্রাসাদের নিকটবর্তী একটি প্রকোষ্ঠের মধ্যে আবিষ্কৃত হইয়াছে। অনেকগুলি ছাঁচের ছাপ বেশ পরিষ্কার। তদৃষ্টে সেগুলি ২য় এজেসের বলিয়া সিদ্ধান্ত হইয়াছে।

পাহাড়-পরিবৃত অংশ।

প্রাসাদের দক্ষিণ দিকে কিছু দূরে আমাদের পূর্বোল্লিখিত তিনটি পাহাড় পর পর অবস্থিত। ইহার মধ্যে আমাদের সম্মুখবর্তী পাহাড়টির

আকৃতি দর্শনে অনুমান করেন, ইহার উপর নগরীর প্রধান অংশ (Acropolis) অবস্থিত ছিল। পরন্তু তিনি বলেন, পাহাড়-পরিবৃত এই অংশ দৃঢ় প্রাকারে সুরক্ষিত করিয়া তৎকালে শত্রুর অবরোধের সময় আশ্রয়-দুর্গ-রূপে ব্যবহৃত হইত। দুর্গাভ্যন্তরে প্রবেশ করিবার জন্য উক্ত প্রাচীর মধ্যে দ্বার ছিল।

শিরকাপ নগরের বর্ণনা শেষ হইল। এখন আমরা তৃতীয় নগর শিরস্থে গমন করিব।

শিরস্থ।

শিরস্থ শিরকাপের ১১ মাইল উত্তর পারে অবস্থিত। মিউজিয়াস হইতে এই স্থানের দূরত্ব ৩ মাইল।


## ইতিহাস।

এই নগর খৃষ্টীয় ২য় শতাব্দীর প্রথম ভাগে, কুশান বংশের দ্বিতীয় সম্রাট মহারাজ কণিকের রাজত্বকালে নির্মিত হইয়াছিল, এবং খৃষ্টীয় ৫ম শতাব্দীর মধ্য ভাগে হন আক্রমণের পূর্বে পর্যন্ত বিদ্যমান ছিল।

## নগর-প্রাচীর।

নগরটির পরিকল্পনা অনেকটা সমান্তরাল ক্ষেত্র (parallelogram) বিশেষ। চতুর্দিকে বৃহৎ প্রাচীর, দৈর্ঘ্যে প্রায় ৩ মাইল, পরিসরে ১৮ ফিট বা ততোধিক। দক্ষিণ ও পূর্বে দিকের প্রাচীর দুইটি

যুক্ত হৃবিশিষ্ট বড় বড় (large diaper type) চূণা পাথরে মণ্ডিত। প্রাচীরটি নির্মাণের পরবর্তীকালে ইহার ভিতর এবং বাহির, উভয় পিঠেই পাদদেশে (base) একটি গোলাকার ভিটি (roll plinth) দ্বারা ইহাকে সুদৃঢ় করা হইয়াছিল। বহির্গাঙ্গে প্রায় ৯০ ফিট অন্তর অন্তর অর্ধ গোলাকার শৃঙ্গগর্ভ বুরজ সকল (bastions) সংলগ্ন। ইহাদের অভ্যন্তরে প্রবেশ করিবার নিমিত্ত প্রাচীর দেহের মধ্য দিয়া এক একটি সরু পথ প্রসারিত। বুরজ এবং প্রাচীর, উভয়েরই মধ্যে প্রায় ৫ ফিট উচ্চ ক্ষুদ্র ক্ষুদ্র ছিদ্রগুলি নগর-রক্ষণ কতৃক অস্ত্রশস্ত্র চালনাকালে ব্যবহৃত হইত।



## ধর্মরাজিকা স্তূপের নক্সা

অপেক্ষাকৃত অল্প অবস্থার পাওয়া গিয়াছে; কিন্তু উত্তর এবং পশ্চিম দিকের প্রাচীর সম্পূর্ণ ধ্বংস প্রাপ্ত হইয়া অধুনা কৃষকদের শস্তক্ষেত্রের নীচে প্রায় অদৃশ্য হইয়া গিয়াছে। এই দুই দিকের সীমা-রেখা অতি কষ্টে নির্দেশ করা যায়। প্রথমোক্ত প্রাচীরের মৃত্তিকার অচ্ছাদিত হইয়া এখন দুইটি সমুচ্চ শিরার স্থায় প্রতীয়মান হইতেছে। ইহাদের দক্ষিণ-পূর্বে কোণের কিয়ৎ স্থান পবিত্র হইয়াছে। তাহাতে দেখা যায়, প্রাচীরের অভ্যন্তর ভাগ অসমান আকৃতিহীন ছোট পাথরে নির্মিত, গাত্রভাগ ঐশং সমান ও আকৃতি-

এই বুরজগুলির তলদেশে হারমিরাস, এবং ২য় কক্ষের কতকগুলি তাম্রমূদ্রা, ইন্দিরসু-নির্মিত একটি দর্পণের হাতল, ও বাদশাহ আবু বরের ৫৯টি তাম্রমূদ্রা পাওয়া গিয়াছে।

শিখরখের অতি সামান্য অংশ ধ্বংস হইয়াছে। এই স্থানের উপর পিণ্ডগাপুরা, টোপকিয়ান এবং মীরপুর নামক তিনটি গ্রাম বসিয়া গিয়াছে। অবশিষ্ট বৃহৎ অংশ কৃষকদের শস্তক্ষেত্র,—ইহার উপর দিয়া বহুসংখ্যক কৃত্রিম জলপ্রণালী প্রবাহিত। এই নিমিত্ত প্রাচীর ধ্বংসাবশেষ সমস্তই মৃত্তিকার গভীর নিম্নে প্রোথিত হইয়া

লোকচক্ষুর অন্তরাল হইয়াছে। বিশাল প্রান্তরের মাঝে মাঝে কয়েকটি সমুচ্চ মাটির টিবি। ইহাদের অভ্যন্তরে অবশ্যই অনেক মৌখাবলীর ধ্বংসাবশেষ লুকায়িত আছে। কিন্তু এগুলির উপর এখন সমাধিক্ষেত্র, জিয়ারৎ এবং গ্রাম অবস্থিত। কেবল টোপকিয়া গ্রামের পূর্ববর্তী কতক অংশ খনিত হইয়াছে। আমরা তাহারই সংক্ষিপ্ত বর্ণনা প্রদান করিতেছি।

#### আবিষ্কৃত গৃহসমূহের নির্মাণ-প্রণালী।

উক্ত স্থানে কতকগুলি গৃহ-পরিপূর্ণ দুইটি চৌকের কতক অংশ আবিষ্কৃত হইয়াছে,—বৃহৎটি পশ্চিম দিকে, এবং ক্ষুদ্রটি পূর্ব দিকে অবস্থিত। এই দুই চৌকের চারিদিকে কতকগুলি প্রকোষ্ঠের প্রাঙ্গণ, আর উত্তরের মধ্যে চলাচলের একটি পথ। যতদূর বুঝা যায় তাহাতে মনে হয়, এই উন্নতের বিস্তার এবং পরিকল্পনা শিরকাপের গৃহসমূহেরই মত,—অর্থাৎ মধ্যস্থলে উন্মুক্ত প্রাঙ্গণ, আর চতুর্দিকে সারি সারি প্রকোষ্ঠ (চতুঃশালা)। আবিষ্কৃত গৃহাদির আয়তন এবং গঠনরীতি দৃষ্টে Sir John Marshall মনে করেন, তিনি শিরকাপ নগরের যে গৃহ-সমষ্টিকে রাজপ্রাসাদ বলিয়া নির্দেশ করিয়াছেন, আলোচ্য গৃহ-গুলির সমগ্র অংশ বাহির হইলে তাহাও তদ্রূপ জটিল এবং সুবিস্তৃত একটি বাটী বলিয়া প্রতীয়মান হইবে। গৃহগুলির দেওয়ালে প্রবেশ-দ্বারের কোন চিহ্ন দেখা যায় না। এই জন্ত অনুমান হয়, শিরকাপের সাধারণ বাটীগুলির স্থায় এপানকারও নিম্নতর প্রকোষ্ঠসমূহে সম্মুখবর্তী প্রাঙ্গণ বা রাস্তা হইতে প্রবেশ করা হইত না। উপরতল হইতে সিঁড়ি বাহিয়া নিম্নতলে অবতরণ করা হইত। পুঙ্খানুপুঙ্খ প্রাঙ্গণের উত্তর দিকে একটি চওড়া দেওয়াল দেখা যায়। সম্ভবতঃ ইহা একটি স্তম্ভযুক্ত সমুচ্চ বারান্দার ভিত্তি ছিল। গৃহগুলির প্রাচীরের উপরিভাগ অর্ধ-চৌকস (Semi-ashlar) পাথরে নিশ্চিত; প্রাচীর নিম্ন অংশে অসমান আকৃতিহীন পাথরের গাঁথনি।

#### প্রাপ্ত দ্রব্যাদি।

কতিপয় প্রকোষ্ঠের মধ্যে শস্ত, তৈল কিম্বা জল রাখিবার উপযোগী বড় বড় মাটির জালা,—২য় কদফিস, কণিক এবং বাসুদেবের বহুবিধ মুদ্রা এবং অস্ত্রাস্ত্র বহুবিধ ক্ষুদ্র ক্ষুদ্র দ্রব্য-সামগ্ৰী আবিষ্কৃত হইয়াছে।

আমরা দেখিয়াছি, তক্ষশিলা নগরী স্মরণাতীত কাল হইতে মৌখা-অধিকারের শেষ (অনুমান খৃঃ পূঃ দ্বিসহস্রাব্দ হইতে খৃঃ পূঃ দ্বিতীয় শতাব্দীর প্রথম ভাগ) পর্যন্ত বীরনগর নামক স্থানে, তৎপর ব্যাক্ট্রিয় গ্রীক অধিকার হইতে আরম্ভ করিয়া সিগীয়-পার্থীয় এবং কুযান বংশের দ্বিতীয় সম্রাট বিম কদফিসের রাজত্ব (খৃঃ পূঃ দ্বিতীয় শতাব্দীর প্রথম ভাগ হইতে খৃঃ প্রথম শতাব্দীর শেষ) পর্যন্ত শিরকাপে, এবং সর্বশেষ মহারাজ কণিকের রাজত্বকাল হইতে তখন আক্রমণের পূর্বে (খৃঃ দ্বিতীয় শতাব্দীর প্রথম ভাগ হইতে খৃঃ পঞ্চম শতাব্দীর মধ্যভাগ) পর্যন্ত শিরস্থখে অবস্থিত ছিল। এই সুদীর্ঘ সার্ব্ব দ্বিসহস্র বৎসরকাল বিভিন্ন জাতির অধীনে তক্ষশিলায় স্থাপত্য-বিজ্ঞানের কিরূপ উন্মেষ হইয়াছিল, আমরা এক্ষণে তাহারই আলোচনা করিয়া বর্তমান অধ্যায় শেষ করিব।

বীরনগর, শিরকাপ এবং শিরস্থখের তুলনামূলক আলোচনা।

আমরা পূর্বেই বলিয়াছি, তক্ষশিলায় প্রাচীনতম সহর বীরনগর কোন নির্দিষ্ট পরিকল্পনা অনুসারে নিশ্চিত হয় নাই; নগর-প্রাচীরের সীমা রেখা ইতস্ততঃ বক্রগতি। পক্ষান্তরে শিরকাপের উত্তর এবং পূর্ব দিকের প্রাচীর দুইটি বেশ সরল; অবশ্য দক্ষিণ এবং পশ্চিম দিকের প্রাচীর একরূপ নয়। শিরস্থখ নগরের পরিকল্পনা একটি সমান্তরাল-ক্ষেত্র বিশেষ। শিরকাপের প্রাচীরের বহির্ভাগ কিছু দূর অন্তর অন্তর চতুর্কোণ বুরুজ দ্বারা দৃঢ়ীকৃত। এই বুরুজগুলি বোধ হয় দ্বিতলবিশিষ্ট—উপরতল ফাঁপা এবং রন্ধযুক্ত, আর নিম্নতল নীরেট বা পূর্ণগর্ভ ছিল। শিরস্থখের প্রাচীরের বুরুজগুলি অর্ধ-গোলাকার, সম্পূর্ণ ফাঁপা এবং রন্ধযুক্ত;—আর সমগ্র প্রাচীরটিও সচ্ছিদ্র ছিল। বীরনগরের রাস্তা এবং গলিগুলি শৃঙ্খলাহীন, বক্রগতি এবং সঙ্কীর্ণ; শিরকাপের সুপ্রশস্ত সরল রাজপথটি ছাড়া অস্ত্রান্ত্র রাস্তা এবং গলিগুলিও অপেক্ষাকৃত শৃঙ্খল এবং সুপরিসর। শিরকাপের এই শৃঙ্খলা এবং একটি নির্দিষ্ট আদর্শ অনুসারে নগর-বিস্তার—Sir John Marshallএর মতে খৃঃ প্রথম শতাব্দীর সিগীয়-পার্থীয়গণের বৈশিষ্ট্যস্বাপেক্ষ। শিরস্থখের যে অল্প স্থান খনিত হইয়াছে, তাহাতে রাস্তাদি কিছু বাহির হয় নাই। তথাপি এই নগরের পথগুলি যে আরও উন্নত ধরণে পঙ্কিত ছিল, তাহা অনুমান করিলে বোধ হয় অসম্ভব হইবে না। প্রথম নগরের গৃহগুলি যদিও একই ধরণে নিশ্চিত, তথাপি সেগুলির অবস্থানে কোন শৃঙ্খলা নাই। এই নগরের গৃহসমূহে কোন প্রবেশ-দ্বার পরিলক্ষিত না হওয়ায় মনে হয়, উপর হইতে ইহাদের অভ্যন্তরে প্রবেশ করা হইত। কিন্তু দ্বিতীয় নগর শিরকাপের গৃহগুলি একরূপ নয়। এখানে এক একটি পৃথক মহলার মধ্যে সারি সারি গৃহ অবস্থিত; পশ্চিম বাটীর নির্মাণে চতুঃশালা রীতি অনুসৃত হইয়াছে। গৃহগুলি দ্বিতল বিশিষ্ট ছিল। সাধারণ বাটীগুলির প্রধান বৈশিষ্ট্য এই যে, কোন কোন গৃহের নিম্ন প্রকোষ্ঠের একটি হইতে আর একটিতে বাইবার দরজা আছে বটে, কিন্তু কোন গৃহেই বাহির হইতে ভিতরে প্রবেশ করিবার দ্বার-পথ নাই। ইহাতে মনে হয়,—সিঁড়ির সাহায্যে উপরতল হইতে নিম্নতলে অবতরণ করা হইত। কিন্তু রাজপ্রাসাদের ব্যাস্ত্রা একরূপ নয়। তথায় প্রকোষ্ঠ হইতে প্রকোষ্ঠান্তরে বাইবার গেজন দ্বার আছে, তেমনি সম্মুখবর্তী প্রাঙ্গণ অথবা পথ হইতে নিম্ন-প্রকোষ্ঠে প্রবেশ করিবারও দরজা আছে। দরজা এবং ছাদের সাজ-সরঞ্জাম গঠনে, এবং প্রাচীরের উপর কারুকার্য করিবার জন্ত কাষ্ঠ ব্যবহৃত হইত। ছাদগুলি সমতল এবং কর্দমাবৃত ছিল। প্রাসাদটি সাদাসিধা অনাড়ম্বর হইলেও ইহার গঠন অপেক্ষাকৃত উন্নত ধরণের। প্রকোষ্ঠের প্রাচীরগুলি খুব চওড়া এবং মজবুত। ইহার নির্মাণ-পরিকল্পনার সহিত মেসোপটেমিয়ার এসিরীয় প্রাসাদের আশ্চর্য-রূপ সাদৃশ্য বিশেষ লক্ষ্য করিবার বিষয়। শিরস্থখের বাটীগুলিও দ্বিতল, এবং চতুঃশালা আদর্শে পরিকল্পিত। শিরকাপের সাধারণ বাটীগুলির স্থায় এগুলিরও নিম্ন-প্রকোষ্ঠে উপরতল হইতে সিঁড়ির সাহায্যে প্রবেশ করা হইত।

বিভিন্ন ধরণের গাঁথনি।

এখন গাঁথনির কথা। বীরনগরের প্রাচীর এবং গৃহ, সমস্তই অসমান আকৃতিহীন চুণা-পাথরে কাদাযোগে নির্মিত। এই পাথরের সঙ্গে কঞ্জুর নামক এক প্রকার স্থানীয় চিত্রবহুল নরম পাথর মিশ্রিত আছে। শিরকাপেরও বহিঃপ্রাচীর অসমান আকৃতিহীন পাথরে, এবং গৃহগুলির কতক উক্ত প্রকার পাথরে, কতক ঈষৎ সমান ও আকৃতিযুক্ত ছোট পাথরে গঠিত। তবে প্রথমোক্ত নগরের গাঁথনি অপেক্ষাকৃত শৃঙ্খলাহীন হইলেও অত্যন্ত সুদৃঢ়। শিরকাপের প্রাচীরের কোন কোন স্থান চৌকস কঞ্জুর পাথরে মণ্ডিত। অনেক গৃহের প্রাচীর কর্দম এবং চুণে আচ্ছত; আস্তরের উপর কোন কোন জায়গায় এখনও রংয়ের চিহ্ন দেখিতে পাওয়া যায়। শিরস্থলের প্রাচীরের অভ্যন্তর ভাগ অসমান আকৃতিহীন পাথরেই নির্মিত; কিন্তু বহির্ভাগ ঈষৎ সমান ও আকৃতিযুক্ত বড় বড় পাথরে মণ্ডিত। গৃহের প্রাচীরগুলির উপরিভাগ অর্ধ চৌকস পাথরে নির্মিত, নিম্ন অংশে অসমান পাথরের গাঁথনি।

এইরূপে আমরা মোট চারি নমুনার গাঁথনি পাইতেছি: প্রথম, অসমান আকৃতিহীন (rubble); দ্বিতীয়, ঈষৎ সমান ও আকৃতিযুক্ত ছোট ধরণ (Small diaper); তৃতীয়, ঐ বড় ধরণ (large diaper); এবং চতুর্থ, অর্ধ চৌকস ধরণ (semi-ashler)। এতদ্ব্যতীত প্রথমোক্ত ধরণ সাধারণতঃ খৃঃ পূঃ ৪র্থ অথবা ৫ম শতাব্দীর বৈশিষ্ট্য-স্বাক্ষরক।—পারসীক, মৌর্য এবং ব্যাক্ট্রিয় গ্রীক যুগ হইতে সিথীয়-পার্সিয় আমল পর্যন্ত শুধু এই নমুনাই প্রচলিত ছিল। তবে খৃষ্টীয় প্রথম শতাব্দীর আরম্ভে শেষোক্ত নৃপতিগণের রাজত্বকালে ইহা অনেকটা উন্নতি হয়। দ্বিতীয়োক্ত গাঁথনি খৃষ্টীয় প্রথম শতাব্দীর শেষভাগে কজুল কদফিস এবং বিম কদফিসের রাজত্বকালে প্রচলিত হয়। তৃতীয় ধরণ খৃষ্টীয় দ্বিতীয় শতাব্দীতে মহারাজ কণিঙ্কের রাজত্বকালে, আর চতুর্থ ধরণ খৃষ্টীয় তৃতীয়, চতুর্থ এবং পঞ্চম শতাব্দীতে প্রচলন লাভ করে। তবে শিরকাপে মোটামুটি এই চারি ধরণের গাঁথনিরই সমাবেশ দেখিতে পাওয়া যায়। (ক্রমশঃ)

## কবির আত্মস্মৃতি

অধ্যাপক শ্রীকৃষ্ণবিহারী গুপ্ত এম-এ

মহাকবি কালিদাস রঘুবংশের গোড়াতেই এই বলিয়া গোরচন্দ্রিকা করিয়াছেন যে, 'তিনি অল্প-বুদ্ধি হইয়াও যে কবিত্বঃপ্রার্থী হইয়াছেন, তাহাতে তিনি উপহাসাস্পদ হইবেন। তিনি যেন বামন হইয়া প্রাণ্ডলভা ফলে হাত বাড়াইয়াছেন।' এইরূপ আরও অনেক কথা বলিয়া নিজের ক্ষুদ্রতা ও অক্ষমতা প্রকাশ করিয়াছেন। সুতরাং দেখা যাইতেছে যে, তিনি বিনয়ের অবতার ছিলেন। কিন্তু শ্রেষ্ঠ কবিদের মধ্যে এইরূপ বিনয় প্রকাশ খুব সাধারণ ব্যাপার বলিয়া মনে হয় না। বরং, বড় বড় কবিরা অনেক স্থলে বেশ একটু আত্মস্মৃতির পরিচয় দিয়াছেন। 'আত্মস্মৃতি' শব্দটা যদি সকলের ঠিক মনোমত না হয়, তাহা হইলে ইহাকে প্রতিভার আত্মবিশ্বাস বলা যাইতে পারে। আজ ইহারই কয়েকটি উদাহরণ দিবার জন্ত এই ক্ষুদ্র নিবন্ধের অবতারণা।

কালিদাস উক্ত রূপ বিনয় প্রকাশ করিয়া থাকিলেও, কবি ভবভূতি নিজের নাটকগুলি সম্বন্ধে যে উচ্চ ধারণা পোষণ করিতেন, তাহা তিনি ব্যক্ত না করিয়া থাকিতে পারেন নাই। তাঁহার নাটক-বিশেষ জনসমাজে সম্যক আদৃত

হয় নাই দেখিয়া, তিনি 'মালতী মাধবে' লিখিয়া গিয়াছেন যে, 'যাঁহারা আমাকে অনাদর করেন, তাঁহাদের এই মনোভাবের কি কারণ আছে জানি না, কিন্তু "কালোহয়ং নিরবধিবিপুলা চ পৃথ্বী"; সুতরাং কোন না কোন সময়ে এই পৃথিবীতে এমন লোক নিশ্চয়ই জন্মিবেন, যাঁহারা আমার সমানধর্মী হইবেন এবং আমাকে বুঝিতে পারিবেন।' এখানে কবি স্পষ্টই বলিতেছেন যে, জীবদ্দশায় তিনি যথেষ্ট খ্যাতিলাভ করিতে না পারিলেও, তাঁহার নাটকগুলি মাঠে মারা যাইবে না,—তাহা অনন্ত কাল ধরিয়া এই বিপুল জগতে স্বীয় শ্রেষ্ঠতা প্রমাণ করিবার জন্ত জীবিত থাকিবে।

ঠিক এইরূপ কথা ইংরাজ কবি ওয়ার্ডস্‌ওয়ার্থের মুখে আমরা শুনিতে পাই। তাঁহার কাব্যও প্রথমে বড় অনাদৃত হইয়াছিল। তাহাতে তাঁহার কোন কোন বন্ধু অত্যন্ত ব্যথিত হইয়া তাঁহার নিকট দুঃখ প্রকাশ করিয়াছিলেন। তিনি তাঁহাদের বলিয়াছিলেন, 'তোমরা আমার জন্ত যত দুঃখিত ও বিচলিত হইয়াছ, আমি নিজে সেরূপ হই নাই। কারণ আমি জানি, এই আধুনিক পাঠক ও সমালোচক সম্প্রদায় আমার কাব্য বুঝিতে সম্পূর্ণ অক্ষম; তাহারা তুচ্ছ পাণ্ডিত্য

বিষয় লইয়া এত মত্ত যে, আমার কাব্য ভাল করিয়া  
মনোযোগ দিয়া পড়িবার অবসর পর্য্যন্ত তাহাদের নাই।  
আর সে যোগ্যতা, সে হৃদয়ও তাহাদের নাই। সুতরাং,  
'Trouble not yourself upon their present  
reception ; of what moment is that compared  
with what I trust is their destiny ? এখনকার  
লোকেরা যে আমার কবিতা সাদরে গ্রহণ করিল না, সেজন্য  
দুঃখ করিবে না। আমি বিশ্বাস করি যে, আমার কাব্যের  
একটা উজ্জ্বল ভবিষ্যৎ রহিয়াছে। তাহার তুলনায় এই  
অনাদরের মূল্য কি ?'

( লেডী বোমণ্টকে লিখিত পত্র হইতে )

টেনিসন প্রথম-যৌবনে রচিত একটি কবিতায় মূর্খ  
সমালোচকদিগকে তীব্র ভাষায় যাহা বলিয়াছেন, তাহা তাঁহার  
নিজের কথা বলিয়াই ধরিয়া লওয়া যাইতে পারে। তাহার  
আরম্ভটা এইরূপ—

Vex not thou the poet's mind  
With thy shallow wit :  
Vex not thou the poet's mind,  
For thou canst not fathom it.

( কবিকে বিরক্ত করিও না। কারণ তোমার বুদ্ধি অতি  
ক্ষুদ্র ; কবির মনের গভীরতা তুমি মাপিতে পারিবে না )।  
নির্বোধ সমালোচকদের প্রতি এই অসহিষ্ণুতা কবিদের  
পক্ষে সম্পূর্ণ স্বাভাবিক ও মার্জনীয়। রবীন্দ্রনাথের  
'নিন্দুকের প্রতি নিবেদন' নামক কবিতাটি এই প্রসঙ্গে  
মনে পড়ে। দ্বিজেন্দ্রলালও কোন কোন নাটকের ভূমিকায়  
সমালোচকদের কশাঘাত করিয়াছেন।

আমাদের দেশে প্রাচীন কাল হইতে কবিদের স্ব স্ব  
কাব্যে আত্ম-পরিচয় দিবার যে রীতি চলিয়া আসিয়াছে, তাহা  
অনেক স্থলে আত্মশ্লাঘা ও আত্মস্মৃতির পরিণত হইয়াছে  
দেখিতে পাই। জয়দেব হইতে আরম্ভ করা যাক। তিনি  
কৃত্তিবাস প্রভৃতি খাঁটি বাংলা কবিদের মত একটা দীর্ঘ  
আত্ম-পরিচয় দেন নাই বটে, কিন্তু তাঁহার গীতগোবিন্দের  
প্রথমেই আত্ম প্রশংসা যথেষ্ট পরিমাণেই আছে। 'মধুর  
কোমলকান্ত পদাবলাং শৃণু তদা জয়দেব সরস্বতীম্' শুধু  
এই কথা বলিয়াই তিনি কান্ত হন নাই। পরবর্তী শ্লোকে  
অগ্ৰান্ত কবিদের সঙ্গে নিজের তুলনা করিয়া বলিতেছেন—

'উমাপতি ধর নামক কবি কেবল বাক্যবিত্তাসে পটু, শরণ  
নামক কবি দুর্কোষ কাব্যরচনায় নিপুণ, শৃঙ্গাররস প্রধান  
কবিতায় আচার্য্য গোবর্দ্ধন-তুল্য কেহই নাই, ধোয়ী কবি  
শ্রুতিধর মাত্র, কিন্তু সন্দর্ভশুদ্ধিঃ গিরাং জানীতে জয়দেব  
এব।' ইহাকে ঘোর আত্মস্মৃতি ব্যতীত আর কি বলিব ?

বিদ্যাপতিও এই আত্মস্মৃতি এড়াইতে পারেন নাই।  
তাঁহার 'কীত্তিলতা' নামক গ্রন্থের প্রথম পল্লবে এইরূপ  
আত্মপ্রশংসা আছে—

বালচন্দ বিজ্জাবই ভাসা  
দুহু নহি লগ্গই দুজ্জন হাসা।  
ও পরমেসর হরসির সোহই  
ঈ নিচয় নাঅর মন মোহই।

বালচন্দ্র এবং বিদ্যাপতির ভাষা এই দুয়ে দুজ্জনের হাসি  
লাগে না। উহা ( বালচন্দ্র ) পরমেশ্বর হরের শিরে শোভা  
পায়, ইহা ( বিদ্যাপতির ভাষা ) নিশ্চয় নাগরের মন মোহিত  
করে। এতদ্ব্যতীত বিদ্যাপতির অনেক পদাবলীতে  
আত্মপ্রশংসাসূচক ভণিতা দেখিতে পাওয়া যায়। যথা,  
মধুর মধুর রসগান। মধুর বিদ্যাপতি ভাণ ॥

রামায়ণ-প্রণেতা কৃত্তিবাস তাঁহার সুদীর্ঘ আত্ম-পরিচয়ের  
মধ্যে বলিতেছেন—

সরস্বতী অধিষ্ঠান আমার শরীরে।  
নানা ছন্দে নানা ভাষা আপনা হৈতে স্মুরে ॥  
\* \* \* \* \*  
পঞ্চদেব অধিষ্ঠান আমার শরীরে।  
সরস্বতী প্রসাদে শ্লোক মুখ হৈতে স্মুরে ॥  
\* \* \* \* \*  
যত যত মহাপণ্ডিত আছয়ে সংসারে।  
আমার কবিতা কেহ নিন্দিতে না পারে।  
\* \* \* \* \*  
মুনি মধ্যে বাখানি বান্মাকি মহামুনি।  
পণ্ডিতের মধ্যে কৃত্তিবাস গুণী ॥

কেহ কেহ বলিতে পারেন যে 'সরস্বতী অধিষ্ঠান আমার  
শরীরে' এই কথায় হয় ত ঠিক অঙ্কার বা দান্তিকতা প্রকাশ  
পাইতেছে না। এই যে 'সরস্বতী প্রসাদে শ্লোক মুখ হৈতে  
স্মুরে' ইহাকে কবির প্রেরণা ( inspiration ) বলা যাইতে  
পারে। প্রত্যেক শ্রেষ্ঠ কবিই এক রহস্যময়ী দৈবী শক্তির

দ্বারা অনুপ্রাণিত। তিনিই বাগ্‌দেবী সরস্বতী বা রবীন্দ্রনাথের ভাষায় কবির জীবন-দেবতা। রবীন্দ্রনাথ নিজের সম্বন্ধে এই কথা বলিতে গিয়া একবার লাজ্জিত হইয়াছিলেন। কেহ কেহ মনে করিয়াছিলেন যে, তিনি অমার্জ্জনীয় দস্ত প্রকাশ করিয়াছিলেন। কিন্তু তাহা দস্ত নহে, তাহা অতি সত্য কথা। তবে কৃষ্টিবাসের 'যত যত মহাপণ্ডিত আছে সে সংসারে' ইত্যাদি উক্তি কেহ যদি আত্মস্তরিতার গন্ধ পান, তাহা হইলে তাঁহাকে দোষ দেওয়া যায় না।

রবীন্দ্রনাথের মধ্যে এইরূপ দুষণীয় আত্মল্লাঘা আছে বলিয়া আমরা মনে করি না; কিন্তু প্রতিভার যে আত্ম-বিশ্বাস তাহা তাঁহাতে পূর্ণমাত্রায় আছে, এবং নানা রূপে তাহা তাঁহার কাব্যে আপনি ব্যক্ত হইয়া পড়িয়াছে। নিজেরই প্রতিভার আলোকময়ী মূর্তি দেখিয়া প্রাণের প্রেরণায় আত্মহারা কিশোর কবি যে নির্বাক স্বপ্নভঙ্গ লিখিয়াছিলেন, তাহা তিনি তাঁহার 'জীবনস্মৃতি'তে বলিয়াছেন। তিনি যখন লিখিয়াছিলেন

আমি—ঢালিব করুণাধারা,  
আমি—ভাঙ্গিব পাষণ কাঁরা,  
আমি—জগৎ প্লাবিতা বেড়াব গাহিয়া—  
আকুল, পাগল পারা—!

\* \* \* \*

যত প্রাণ আছে ঢালিতে পারি,  
যত কাল আছে বহিতে পারি,  
যত দেশ আছে ডুবাতে পারি,  
তবে আর কিবা চাই,  
পরানের সাধ তাই!

তখন ইহা তিনি প্রাণ দিয়াই অনুভব করিয়াছিলেন। সুতরাং ইহা কবির নিজের কথা বলিয়া ধরিয়া লইতে বোধ হয় বাধা নাই। আর তাঁহার প্রথম যৌবনের এই 'দস্ত' আজ সত্যে পরিণত হইয়াছে দেখিয়া আমরা ধন্ত। ইহারই কিছুকাল পরে রচিত 'বাল্মীকি-প্রতিভা' নামক গীতিনাটো কবি সরস্বতীর মুখ দিয়া যে কথা বলাইয়াছেন, তাহাতে তাঁহার নিজেরই কবি-জীবনের আকাঙ্ক্ষা ব্যক্ত হইয়াছে বলিয়া মনে করি। শেষ কয় ছত্র উদ্ধৃত করিলাম—

মোর পদ্মাসন তলে রহিবে আসন তোরা,  
নিত্য নব নব গীতে সতত রহিবি ভোর!

বসি তোর পদতলে কবি বালকেরা যত,  
শুনি তোর কর্ণস্বর শিথিবে সঙ্গীত কত।  
এই সে আমার বীণা দিহু তোরে উপহার,  
যে গান গাহিতে সাধ, ধ্বনিবে ইহার তার।

বাল্মীকির ভূমিকায় তরুণ রবীন্দ্রনাথকে অভিনয় করিতে দেখিয়া ৬শুরুদাস বন্দ্যোপাধ্যায়েরও মনে যে উল্করূপ ভাবের উদয় হইয়াছিল, তাহা তখন তিনি একটি গীতে প্রকাশ করিয়াছিলেন। সেই গীতের দুই ছত্র এই—

উঠেছে নবীন রবি, নব জগতের ছবি,  
নব 'বাল্মীকি প্রতিভা' দেখাইতে পুনর্বার।

সুতরাং আমাদের অনুমান বোধ হয় অসঙ্গত হয় নাই।

রূপকের আড়ালে রবীন্দ্রনাথের দস্ত ঢাকা পড়িয়া গিয়াছে। কিন্তু মাইকেল যখন তাঁহার কল্পনা দেবীকে আহ্বান করিয়া বলিয়াছিলেন—

রচিব মধুচক্র, গৌড়জন যাহে

আনন্দে করিবে পান সুখা নিরবধি

তখন যে তাঁহার আত্মস্তরিতা আরও স্পষ্টরূপে প্রকাশ পাইয়াছিল, তাহা স্বাকার করিতেই হইবে। শুনিতে পাই, বালক কিশোরী গোস্বামীকে প্রতি দিন এক ঘণ্টা করিয়া ইংরাজি পড়াইবার জন্য মাইকেলকে যখন অনুরোধ করা হইয়াছিল তখন তিনি পাঁচ শত টাকা বেতন চাহিয়াছিলেন। তাঁহাকে যখন বলা হইল যে, তিনি অত্যধিক বেতন চাহিতেছেন, তখন তৎক্ষণে তিনি বলিলেন, But Michael is an extraordinary man। তিনি যে অসাধারণ ব্যক্তি ছিলেন সে কথা প্রকাশ করিতে তাঁহার কোন কুণ্ঠা ছিল না।

কিন্তু আরও বেশী অকুণ্ঠিত ভাবে আত্ম-প্রশংসা করিয়া গিয়াছেন আমাদের দেশের আর একজন বড় কবি—নবীনচন্দ্র সেন। তাঁহার বিশেষত্ব এই যে, তিনি তাঁহার সমগ্র কাব্যগ্রন্থাবলীর মধ্যে নিজের সম্বন্ধে এমন কিছু বলেন নাই, যাহা আত্মস্তরিতাসূচক বলিয়া মনে হইতে পারে;—বলিয়াছেন, তাঁহার স্ব-লিখিত জীবন-বৃত্তান্তে। তাঁহার স্মরণে 'আমার জীবন' অহমিকায় পূর্ণ, এবং স্থানে স্থানে এই অহমিকা এত বেশী মাত্রায় প্রকাশ পাইয়াছে যে, পাঠকের পক্ষে তাহা পীড়াদায়ক হইয়া উঠে।

আর বেশী উদাহরণের প্রয়োজন নাই। কবি যখন স্বীয় অসামান্য প্রতিভা সম্বন্ধে সচেতন, নব নব বাণী যখন তাঁহার বাণীর তাতে ঝঙ্কত হইতে থাকে, তখন তিনি যে অশেষ শক্তিসম্পন্ন, এ কথা ভুলিয়া থাকা তাঁহার পক্ষে অসম্ভব হইয়া পড়ে। ইহাই কোন কোন ক্ষেত্রে আত্ম-শ্লাঘায় প্রকাশ হইয়া পড়ে; কিন্তু প্রকৃত পক্ষে তাহা আপনার প্রতি অটুট বিশ্বাসেরই ফল। জগৎ চিরকাল ইহা মার্জনা করিয়া আসিয়াছে। এই আত্মবিশ্বাসের বলেই

বৈজ্ঞানিক বা দার্শনিক সহস্র প্রতিকূলতা সত্ত্বেও আপনার বাণী প্রচার করিবার সাহস হারান না। ‘প্রবাসী’তে প্রকাশিত জগদীশচন্দ্রের পত্রাবলী ইহার সাক্ষ্য প্রদান করিবে। কাব্য-জগতে এই সত্যলোক বা প্রেরণার অনুভূতি কবিকে ইহাই বলিতে প্রবুদ্ধ করে—‘আমারে কর গো তোমার বাণী, লহ গো তুলে’। কবি যে সত্য-শিব-সুন্দরের উপাসক ও প্রচারক, সে কথা তিনি প্রচার না করিয়া থাকেন কিরূপে ?

## পুরাতনী

শ্রীহরির শেঠ

বালি হইতে ত্রিবেণী

( ৪ )

ইহার পর চন্দননগর। এ স্থানের বিশিষ্টতা কুটয়াছিল এখানকার শিল্প ও বাণিজ্যে,—কিন্তু ফরাসীদের সহিতই ইহার পরিচয়। ইংরাজি ১৪২৫ অব্দে কবি বিপ্রদাস রচিত মনসা মঞ্জলে ও কবিকঙ্কন চণ্ডা প্রভৃতিতে বা প্রায় সহস্র বৎসর পূর্বে রচিত পাণ্ডব-দিগ্বিজয় প্রকাশ নামক সংস্কৃত ভৌগোলিক গ্রন্থে, ইহার অন্তর্গত কোন কোন স্থানের উল্লেখ দৃষ্টে ইহার প্রাচীনতা যথেষ্ট পরিচয় পাওয়া যাইলেও, কতিপয় পল্লী একত্র করিয়া চন্দননগর নামের উৎপত্তি হইয়াছিল সম্ভবতঃ ফরাসীদের উপনিবেশ স্থাপনের পর।

গঙ্গা-বক্ষ হইতে ধনুরাকৃতি পূর্জিট-ললাটে চন্দ্রকলার ছায় সহরের আকৃতি থাকায় চন্দ্র হইতে চন্দ্রনগর এবং তাহা চন্দননগর, অথবা চন্দন-কাঠের বাবসা বা প্রচুরতা হইতে চন্দননগর নামের উৎপত্তি হয়। ( ১ ) শেষোক্ত কারণ হওয়াও বিচিত্র নহে; কারণ সপ্তদশ শতাব্দীর শেষে এখানে চন্দন-কাঠের কাজ ছিল, সে প্রমাণ পাওয়া যায়। ( ২ )

চন্দননগর নামের প্রথম উল্লেখ দৃষ্ট হয়, ১৬৯৬ খৃষ্টাব্দের ২১ শে নভেম্বরে এখানকার কর্তৃপক্ষ সাটিন্, দেলান্দ ( Andre Boureau Deslande ) এবং পেলে ( Pelle ) স্বাক্ষরিত তদানীন্তন প্যারিস ডিরেক্টরকে লিখিত এক পত্রে। ( ৩ )

ফরাসী কোম্পানির প্রথম অধিনায়ক মসিয়ে দেলান্দ মোগল বাদসার নিকট হইতে ৪০০০০ মুদ্রা বিনিময়ে ইং ১৬৮৮ খৃষ্টাব্দে চন্দননগরে কুঠী স্থাপন ও তথাকার মালিকত্ব লাভের অনুমতি প্রাপ্তির অনেক কাল পূর্বে দুপ্রেসি ( Du Plessis ) নামক এক ব্যক্তি ১৬৭৩-৭৪ খৃষ্টাব্দে সহরের উত্তর প্রান্তে বোড় কিষণপুর নামক পল্লীতে প্রথম এক খণ্ড প্রায় ২০ আরপী ( a-pents ) (৪) পরিমিত জমি ৪০১ টাকা মূল্যে সংগ্রহ করিয়াছিলেন। ( ৫ )

( ৩ ) La Compagnie des Indes Orientales.


( ৪ ) ফ্রান্সের পূর্বেকার জমির এক প্রকার মাপ। এক আরপী প্রায় তিন বিঘার সমান।

( ৫ ) La Mission du Bengale Occidental, Vol. 1.

( ১ ) প্রজাবন্ধু, ২৭ কার্তিক, ১২৮৯ সাল ও Hooghly Past & Present.

( ২ ) La Compagnie des Indes Orientales.

দেলান্দ এখানে কুঠি স্থাপনের পর এই নূতন উপনিবেশে কোম্পানির কার্য-পরিচালনা অগ্রসর হইতে থাকে। এই সময় কোম্পানি বলিতে ডিরেক্টর ১ জন, ৫ জন সভ্য লইয়া এক কাউন্সিল, বাবদাদার ও দোকানদার ১৫, নতের ২ জন, পাদরি ২ জন, ডাক্তার ২ জন ও সূত্রধর ১ জন মাত্র ছিল।



রেনেলের প্রস্তুত হুগলী নদীর নক্সা

এবং পদাতিক ১০০ জন—তন্মধ্যে ২০ জন ভারতীয়—ও ৩টি কামান ছিল। (৬) চন্দননগরের স্বপ্রসিদ্ধ আরল্যা হুর্গ (Fort de Orleans) ১৬৯৩:৯৭ খৃষ্টাব্দে নির্মিত হয়।

ইহা সহরের মধ্যস্থলেই ছিল এবং হুগলীর ওলন্দাজ দুর্গ ও কলিকাতার পুরাতন ফোর্ট উইলিয়াম দুর্গ অপেক্ষায় অধিকতর মজবুত ও জমকাল ছিল। (৭) কিন্তু উহার প্রসিদ্ধি ইহাতে নহে। আজি যে পরাক্রান্ত বৃগীশ জাতি জগতের মধ্যে অদ্বিতীয় নরপতি, ১৭৫৭ খৃষ্টাব্দের ২৩ মে মার্চ এই দুর্গপাদমূলই তাঁহাদের ভাগ্য পরীক্ষিত হইয়া ছিল। ফরাসী গভর্নর ছুপ্পে নীতি ধরিয়া এই চন্দননগরে বসিয়া এক দিন ভারতে সাম্রাজ্য-স্থাপনের কল্পনা করিয়াছিলেন, সেই নীতি গ্রহণ করিয়াই আজ তাঁহারা ভারতের অধীশ্বর হইয়া পৃথিবীর সর্ব প্রধান নরপতি। ভাগ্যচক্রের গতি ভিন্নরূপ হইলে আজ ভারতেতিহাস অল্প আকার ধারণ করিত।

ফরাসীদের প্রথম অভ্যুদয়ের পর ফ্রান্সের মূল কোম্পানির অমনোযোগিতা ও এখানকার অর্থাভাবে কোম্পানির অবস্থা ধারাপ হইতে থাকে। তৎপরে কিঞ্চিদধিক প্রায় দিক শতাব্দী গত হইলে ইংরাজি ১৭৩১ অব্দে ছুপ্পের ডাইরেক্টর-রূপে এখানে আগমনের সূত্রিত শিল্পে, বাণিজ্যে, সম্পদে, সম্বন্ধে দশ বৎসরের মধ্যে যেন যাত্রাকরের ঐক্সজালিক দণ্ড-স্পর্শে এ স্থান নবীন শ্রী ধারণ করিয়া ভাগীরথী-তীরবর্তী অপর সকল পাশ্চাত্য জাতি সকলের ঈর্ষার কারণ হইয়া উঠে। এই সময় এখানকার সহিত সুরট, জেডো, বসোরা, তিব্বত, পারস্ত এমন কি সুদূর চীন পর্যন্ত বাণিজ্য সম্বন্ধ স্থাপিত হইয়াছিল। এক কথায় তখন সমস্ত বাঙ্গালার উপর এখানকার বাণিজ্য-প্রভাব বিস্তৃত হইয়াছিল। তখন এই উন্নতিশীল উপনিবেশটিকে বেশ সুরক্ষিত দেখিয়া এবং এখানে ব্যবসায়ি কার্যের সুবিধা বিবেচনায় অত্রান্ত স্থান হইতে বহু লোক এখানে আসিয়া বসবাস করিতে আরম্ভ করিল। তখন কলিকাতার শোভা-সম্পদ-বাণিজ্য সর্ব বিষয়েই এ স্থানের তুলনায় হীন ছিল। এই সময় এখানে সুন্দর রাজ-বর্ষা বেষ্টিত নানাবিধ ছই সহস্র ইষ্টক-নির্মিত অট্টালিকা ছিল, ও এখানকার অধিবাসীর সংখ্যা এক লক্ষ ছিল। (৮)

ছুপ্পের সময় এবং তাঁহার অব্যবহিত পর পর্যন্ত এ স্থানের

(৭) Hugly Past and Present ও Calcutta Past and Present.

(৮) History of the French in India.

(৬) La Mission du Bengale Occidental Vol. I.



উন্নতি হইয়াছিল। তৎপরে পূর্ক্সাক্ত ১৭৫৭ খৃষ্টাব্দে ইংরাজ-দের সহিত যুদ্ধের পর ইহা বৃত্তীশদের হস্তগত হয় এবং সেই সঙ্গে ফরাসী জাতির ভারতে প্রতিষ্ঠালাভের আশা আকঙ্ক্ষা সমস্তই চিরতরে বিলুপ্ত হয়। ক্লাইবের আদেশে দুর্গের তলদেশ পর্য্যন্ত তুলিয়া ফেলা হয় এবং সহরের প্রায় সমস্ত ঝটালিকা ধ্বংস করিয়া সহরের পূর্ক্সী লুপ্ত করা হয়। ইংরাজি ১৭৬৩ খৃষ্টাব্দে পর্য্যন্ত ইহা ইংরাজদের অধিকারে থাকে। তৎপরে ইংলণ্ডের ইতিহাসের সুপ্রসিদ্ধ সাতবর্ষব্যাপী যুদ্ধ শেষ হওয়ার সঙ্গে সঙ্গে ইহা প্রতাপিত হয়। এইরূপ আবণ্ড কয়েকবার ইংরাজ হস্তে, পুনঃ ফরাসীদিগের হস্তে যাওয়ার পর ১৮১৭ খৃষ্টাব্দে ইহা শেষবার ফরাসীদের হস্তে আনিয়াছে এবং সেই পর্য্যন্ত ইহা ফরাসীদের হাতেই আছে। ভাগীরথী-তীরে যে সকল পাশ্চাত্য জাতি উপনিবেশ স্থাপন করিয়াছিলেন, ইংরাজ-দের কথা ছাড়া দিলে এ ক্ষেত্রে কেবলমাত্র ফরাসীরা ভিন্ন তাঁহাদের আর সকলেই গিয়াছেন।

পূর্ক্সকালে এখানে অর্ফেন, বঙ্গ, নীল, রেশম, চাউল, দড়ি, চিনি প্রভৃতির কাজ খুব বেশি ছিল। এখানকার সুন্দর বঙ্গ তখন ইয়োরোপে পর্য্যন্ত বস্তানি হইত। চন্দননগরের

গৌরবময় যুগ যে সকল শ্রীমঙ্গল লোকের উদ্ভব হইয়াছিল, তন্মধ্যে ইন্দ্রনারায়ণ চৌধুরী প্রধান। এই ইতিহাস-প্রসিদ্ধ ব্যক্তি তৎকালে সম্ভ্রম ও সম্পদে এ প্রদেশের মধ্যে একজন শ্রেষ্ঠ লোক ছিলেন বলা যাইতে পারে। ৩১শ শতাব্দীর শেষ ভাগে তিনি ও তাঁহার জ্যেষ্ঠ ভ্রাতা রাজারাম ঘোষারের কোন স্থান হইতে তাঁহার বিধবা মাতার সহিত এখানে মাতুলালয়ে আগমন করেন। তিনি নিজ চেষ্টায় ফরাসী কোম্পানির অধীন সামান্ত চাকরীতে প্রবেশ করিয়া শেষে

প্রধান সহায় রূপে কোম্পানির বিশেষ প্রিয় হইয়াছিলেন; এবং কোম্পানির মাল খরিদ বিক্রয় দ্বারা প্রকৃত সৌভাগ্যের অধিকারী হইয়াছিলেন। রাজ-সম্মানেও তিনি সম্মানিত হইয়াছিলেন এবং দুইটি সুবর্ণ পদক পাইয়াছিলেন। কথিত আছে, ১৭৫৬ খৃষ্টাব্দে তাঁহার মৃত্যুর পর বৎসর চন্দননগর অবরোধের পর ইংরাজ সেনা কেবল তাঁহার আবাস লুণ্ঠন করিয়াই প্রায় ৬৫ লক্ষ টাকার অলঙ্কার ও নগদ টাকা লইয়া যায়। (৯) এই সময় ক্লাইবের গোলায় তাঁহার বিশাল বাসভবন চূর্ণ হইয়া যায়। ইহার পর হইতে চৌধুরী-বংশ একবারে হতশ্রী হইয়া যায়। এখন তাঁহাদের সবই গিয়াছে; আছে কেবল তাঁহার প্রতিষ্ঠিত “চৌধুরী ঘাট” “নন্দহুলালের মন্দির” প্রভৃতির ভগ্নাবশেষ মাত্র।



পুরাতন চন্দননগর


উক্ত চৌধুরী মহাশয়ের অভ্যুদয়ের বহু পূর্ক্স হইতে খলিসানীর বহু ও গোলন্দাপাড়ার হালদার মহাশয়েরাই এখানকার মধ্যে ধনী জমিদার বলিয়া পবিচিত ছিলেন। বহু মহাশয়দিগের পূর্ক্সপুরুষ করুণাময় বহু ষোড়শ শতাব্দীর মধ্য ভাগে তাত্রলিপ্ত হইতে আসিয়া প্রথমে বেলকুলি, পরে বেলকুলির নবাবের প্রীতি-উৎপাদনে সমর্থ হইয়া তাঁহার

(৯) ইন্দ্রনারায়ণ চৌধুরী—বপ্রর্তক, কাল্কিন সন ১৩১৮ সাল।

প্রদত্ত জমিতে খলিসানী গ্রামে বাস স্থাপন করেন। এই বংশ প্রাচীনতায় ও ধর্মকর্মের জন্ম এখানে বিশেষ খ্যাত। দেবমন্দির প্রতিষ্ঠা, পুষ্করিণী প্রতিষ্ঠা, পথ ঘাট প্রস্তুত প্রভৃতি কার্যের জন্ম ইহাদের পূর্বপুরুষগণ সাধারণের যথেষ্ট শ্রদ্ধা অর্জন করিয়া গিয়াছেন। এক্ষণে বসু-বংশ অনেকটা হীনপ্রভ হইয়া যাইলেও যথার্থীতি দোল দুর্গোৎসব ও পূর্বপুরুষদের প্রতিষ্ঠিত শ্রীশ্রী বিশালাক্ষী, নন্দনন্দন, বিষ্ণু গোপাল প্রভৃতি দেব দেবীর পূজা হইয়া থাকে। হালদার মহাশয়দের আদি পরিচয় কিছুই জানিতে পারা যায় না।

সরকার, নবকৃষ্ণ দে, দুর্গাচরণ রক্ষিত, শত্ৰুচন্দ্র শেঠ, অধৈতচরণ মণ্ডল প্রভৃতি ব্যক্তিদের নাম শুনা যায়।

পূর্বকালে কবিওয়ালা, পাঁচালীওয়ালা, কথক, যাত্রা ওয়ালা এখানে যত ছিল এত আর কোথাও ছিল না। সুপ্রসিদ্ধ রাম নৃসিংহ, আর্টুনি ফিরিন্দী, গোরক্ষনাথ, নিত্যানন্দ বৈরাগী, নীলমণি পাটুনী, বলরাম কপালী প্রভৃতি কবিওয়ালা ; চিত্তে মালা, নবীন গুঁই প্রভৃতি পাঁচালীওয়ালা ; রঘুনাথ শিরোমণি, উরুব চুড়ামণি, তমাল অধিকারী প্রভৃতি কথক এবং মদন মাষ্টার, বৌ মাষ্টার, মহেশ চক্রবর্তী, ব্রজ



একটি পুরাতন নীলকুঠি—বৃটিশ চন্দননগর

এখানকার গ্রাম্য দেবতা শ্রীশ্রী বোড়াইচণ্ডী ও শ্রীশ্রী ভুবনেশ্বরী অতি প্রাচীন ও জাগ্রত। এখানকার অগ্ৰাণ্ড প্রাচীন বক্ষিষ্ণু বংশের মধ্যে বারাণসের শ্রীমানী ও দে, বাজবাজারের সরকার, নেডোর মনের চট্টোপাধ্যায় ও বোষ, পাগপাড়ার পাল, বোড়োব পালিত, পাল, বসু ও কুণ্ডু প্রভৃতি এবং দেওয়ান রামেশ্বর মুখোপাধ্যায়, দেবী সরকার, গোপালচন্দ্র মুখোপাধ্যায়, মোল্লা হাজি, কাশীনাথ কুণ্ডু, রামকানাই

অধিকারী প্রভৃতি যাত্রাওয়ালাগণ এই স্থানেই বাস করিতেন। এই সহরে এতাবৎ যতগুলি শিল্পী, চিত্রকর, গায়ক, লেখক ও গ্রন্থকারের উদ্ভব হইয়াছে, অগ্ৰত তাহা কুত্রাপি দেখা যায় না। বাজলা অক্ষরে মুদ্রিত প্রথম পুস্তকত্রয়ের অগ্ৰতম “কৃপার শাস্ত্রের অর্থবেদ” নামক গ্রন্থ চন্দননগরের পাদরি গের্যা ( J. F. M. Guerin M. A. S. ) দ্বারা শ্রীরামপুর হইতে মুদ্রিত হইয়া এই স্থান হইতে প্রকাশিত হইয়াছিল।

কবি ভারতচন্দ্র রায়, রাজা কৃষ্ণচন্দ্র রায়, ম্যাডাম্ গ্রাণ্ড, বর্মার রাজকুমার মাইন্‌গুন্, ম্যাডাম্ ওয়াটস্ জাল প্রতাপচাঁদ, জন্ ব্রষ্টো ( John Bristow ), মহারাজ নন্দকুমার, বৈকুণ্ঠ মুন্সি, বিজ্ঞানাগর, মাইকেল মধুসূদন দত্ত, ছাংকানাথ, দেবেন্দ্রনাথ ও দর্পনারায়ণ ঠাকুর প্রভৃতি বহু প্রসিদ্ধ ব্যক্তি এখানে বাস করিয়াছেন। বিশপ কুরি ( Daniel Corrie ) হিবার ( Reginald Heber ) গ্রাঁপ্রে ( L. De Grandpre ) ষ্ট্রাবোরিনাস্ ( Stravornus ) হামিল্টন ( Hamilton ) প্রভৃতি প্রসিদ্ধ পর্যটকগণও এ স্থানে আসিয়াছিলেন।

দিনের। ফরাসী প্রজাতন্ত্রের প্রতিষ্ঠার দিনটি স্মরণীয় করিয়া রাখিবার উদ্দেশ্যেই ফ্যান্সার উৎসব হইয়া থাকে।

মানচিত্রে চুঁচুড়া চন্দননগরের ঠিক পরে দৃষ্ট হইলেও, বৃটীশ চন্দননগর নামে আর একটি স্থান দেখা যায়। এই স্থানের প্রাচীন স্বতন্ত্র ইতিহাস কিছু পাওয়া যায় না। ইহা ফরাসী চন্দননগরের অন্তর্ভুক্ত ছিল। ঠিক কোন সময় কি প্রকারে ইহা হস্তান্তরিত হয়, তাহা জানা যায় না। কেবল ১৮৫৩ সালে চন্দননগরের সীমা নির্ধারণার্থে ফরাসী ও ইংরাজ গভর্নমেন্টের মধ্যে এক একরারনামার দ্বারাই পাকা রকমে ইহা ফরাসী চন্দননগর হইতে বিচ্ছিন্ন হইয়া স্বতন্ত্র হইয়াছে।



ষণ্ডেশ্বর তলার ঘাট—চুঁচুড়া


পুরাতন চন্দননগরের গৌরবময় স্মৃতিচিহ্ন এখন আর অল্পই আছে। যাহা আছে তন্মধ্যে কোম্পানির সময়ের গোরস্থান, সুবৃহৎ জলাশয় 'লালদীঘি', ১৭২০ খৃষ্টাব্দে নির্মিত কনভেন্ট সংলগ্ন গির্জা, শ্রীশ্রীনন্দহলাল মন্দির, শ্রীশ্রীদশভূজা দেবীর মন্দির, তাৎপথানা বাগানের ডাচ নির্মিত ভজনাগারের ধ্বংসাবশেষ প্রভৃতি উল্লেখযোগ্য। এখানকার ফরাসী জাতীয় উৎসব ফ্যান্সা ( Fete National ) যাদুঘোষের রথ ও বারোঘারির সুপ্রসিদ্ধ শ্রীশ্রীজগদ্ধাত্রী পূজাও বহু

( ১০ ) ১৮৪২ খৃষ্টাব্দের দশম আইন অনুসারে ইহা পরে জগলী চুঁচুড়া মিউনিসিপ্যালিটির অন্তর্ভুক্ত হয়। এখানকার প্রসিদ্ধ লোকের মধ্যে আত্মারাম সবকারের নাম উল্লেখযোগ্য। সুপ্রসিদ্ধ কিস্কর সেন এই স্থানে আসিয়া বাস করিয়াছিলেন। এখানকার ঘোষ বংশও প্রাচীন এবং খ্যাতিপন্ন।

( ১০ ) Aitchison's Treaties, Engagements and Sanads.

ওলন্দাজদের অধিকারে আসার পর হইতেই চুঁচুড়ার প্রসিদ্ধি। ইহার পূর্বের কোন ইতিহাস পাওয়া যায় না। সুপ্রসিদ্ধ গাণ্ঠেভাস নামক দুর্গ কলিকাতার ফোর্ট উইলিয়ম ও চন্দননগরের ফোর্ট দে আর্ল্যা দুর্গের সমসাময়িক এবং শোভাসিংহের বিদ্রোহের পর নির্মিত হইয়াছিল বহিয়া বহু ইতিহাসে উল্লেখ পাওয়া যাইলেও, উহার দক্ষিণ ফটকে ১৬৯২ এবং উত্তর ফটকে ১৬৯৭ লেখা ছিল। ষ্টাভোরিনাস্ ১৭৬৯-৭০ খৃষ্টাব্দে স্বয়ংক্রমে যে দুর্গ দেখিয়া গিয়াছিলেন, তিনি

ওলন্দাজ সৈন্তের যে যুদ্ধ ঘটয়াছিল তাহাই উল্লেখযোগ্য। ফরাসীদের দ্বারা ওলন্দাজরাও এই যুদ্ধে পরাজিত হইয়া তাঁহাদের সকল উচ্চাকাঙ্ক্ষা হারাইয়াছিলেন। নচেৎ দেশ ইংরাজ শাসনে আসিবার পূর্ব পর্যন্ত ধনৈশ্বৰ্য্যে তাঁহারা ইয়োরোপীয় জাতিদের মধ্যে প্রধান ছিলেন। তাঁহারা প্রথমাবধিই এখানে ব্যবসায় উন্নতি লাভ করিয়া ১৭৭০ হইতে ৮০ পর্যন্ত উহার চরমোৎকর্ষ লাভ করিয়াছিলেন। তখন ইয়োরোপে রপ্তানি ব্যবসায় এখানকার যত না লাভ



ওলন্দাজের সময় চুঁচুড়া

লিখিয়া গিয়াছেন ১৬৫৬ খৃষ্টাব্দে উহা নির্মিত হইয়াছিল। ইহা হইতে অনুমিত হয় একট স্বতন্ত্র দুর্গ পূর্ব ছিল।

এখানে প্রথম একজন গভর্নর ও সাতজন কাউন্সিলের সভ্য হইয়া কোম্পানি গঠিত হয়। তন্মধ্যে পাঁচজনের মাত্র ভোট দিবার অধিকার ছিল। তৎকালে গভর্নর ভিন্ন অন্য কাহারও পাকি চড়িয়া বেড়াইবার অধিকার ছিল না। গভর্নরের বিলাসিতা প্রসিদ্ধ ছিল।

এখানকার রাজনৈতিক ইতিহাসের কথা বলিতে হইলে, কর্নেল ফোর্ডের অধিনায়কত্বে বৃটিশ সৈন্তের সহিত


ছিল, জাভার সহিত অহিফেনের ব্যবসায় তদপেক্ষা অনেক পরিমাণে লাভ ছিল। পাটনা হইতে তাহারা বৎসরে যে ৮০০ বাক্স অহিফেন পাইত, তাহা ব্যাটেভিয়ায় পাঠাইয়া বৎসরে প্রায় চারি লক্ষ টাকা লাভ করিত। এই স্থান বরাবরই ব্যাটেভিয়ার অধীন ছিল এবং তথা হইতে এখানকার কর্মচারী নিযুক্ত হইয়া আসিত।

অষ্টাদশ শতাব্দীর শেষে ওলন্দাজ কোম্পানির অবস্থার পরিবর্তন হইতে থাকে এবং ক্রমে এই উপনিবেশ রক্ষা করা ভার হইয়া উঠে। অবশেষে ইংরাজি ১৭৯৫ খৃষ্টাব্দের ২৮শে

জুগাই বৃটীশদের স্মাত্রা দ্বীপের পরিবর্তে ওগন্দাজেরা মাগকা ও চুঁচুড়া তাঁহাদিগকে দান করেন। ইংরাজ হস্তে আসার পর দুর্গ ও গভর্ণমেন্ট-ভবন বিনষ্ট করিয়া ফেলা হয় এবং তৎস্থানে বর্তমান ব্যারাক নির্মিত হয়। ১৮১৭ খৃষ্টাব্দে লেপ্টেণ্ট ক্রম্বলিন্ (Lieutenant J. A. C. Crommelin) দ্বারা


তৎকালে কাঁচর শার্শীর প্রচলন ছিল না। চুঁচুড়ায় সে সময়ে প্রধান অট্টালিকাসমূহে উহার পরিবর্তে বেত বুনিয়া সে কার্য সাধন করা হইত।

চুঁচুড়ার প্রাচীন ও প্রসিদ্ধ সাধারণ অট্টালিকা হিসাবে ১৬৯৫ খৃষ্টাব্দে আরমানীয়দের দ্বারা নির্মিত খৃষ্টান উপাসনা-মন্দিরটি উল্লেখযোগ্য। গঙ্গার ধারের গির্জাটি অষ্টাদশ শতাব্দীর মধ্যভাগে মিঃ সিয়ারম্যান্ (Mr. Sichterman) ও ভারনেট্ (Mr. Vernet) প্রদত্ত অর্থে নির্মিত হইয়াছিল। গোরস্থানটিও পুরাতন। হুগলী কলেজ হুগলী জেলার একটি গৌরব। ইহা প্রাতঃস্মরণীয় দানশীল মহাত্মা হাজি মহম্মদ মহসানের অল্পতম কীর্তি। ইনি ১৭৩২ খৃষ্টাব্দে হুগলীতে জন্মগ্রহণ করেন। তিনি এই বিদ্যালয় ও একটি এমামবাড়া প্রতিষ্ঠার জন্য বাৎসরিক অর্ধলক্ষেরও অধিক টাকা আয়ের সম্পত্তি দান করিয়া যান।



পুরাতন গির্জা ও হুগলী কলেজ চুঁচুড়া

আরম্ভ হইয়া ১৮০৯ খৃষ্টাব্দে ক্যাপ্টেন বেল্ (C ptain W. Bell) দ্বারা ইহার নির্মাণ শেষ হয়। উহার মধ্যে এক সমস্ত লোকের থাকিবার উপযুক্ত স্থান রাখা হয়। ১৮৭১ সাল পর্যন্ত এখানে সৈন্য থাকিত। এতদূর দীর্ঘ অট্টালিকা বাঙ্গলার মধ্যে অল্পই আছে।



হুগলী কলেজ ( ১৮৫৪ সাল )

কেহ কেহ বলিয়া থাকেন, অষ্টাদশ শতাব্দীর শেষ ভাগে চুঁচুড়ার গভর্ণর কর্তৃক টানাপাখার প্রচলন হয়। (১১)


এই কলেজ প্রতিষ্ঠার পূর্বে যুবকদিগের উচ্চশিক্ষা লাভার্থ এক্ষণ বিদ্যালয় খুব কমই ছিল। তখন ইহা মহম্মদ আহে যে, পূর্বকালে কোর্ট উই লয়মের একট নিচু ঘরে একজন কেরানী গরম ও মণার ব্যাতব্যস্ত হইয়া টানাপাখা আবিষ্কার করেন।

(১১) কয়েকজন গ্রন্থকার এই মত প্রকাশ করিলেও Col. Yule ও Mr. Burnell এর Anglo Indian Terms এর Glossaryতে দেখা যায়, অষ্টম শতাব্দীতে আরবে ইহার ব্যবহার ছিল। কিন্তু প্রবাদ

মহসীনের কলেজ নামেই ব্যাত ছিল। পূর্বের কাগজপত্রে এই নামই দৃষ্ট হইয়া থাকে। বিরূপে তৎপরিবর্তে হুগলী কলেজ নাম হইয়াছে তাহা জানা যায় না। বন্ধিম বাবু এই কলেজ হইতেই প্রথম বি-এ পরীক্ষায় উত্তীর্ণ হন। তিনিই কলিকাতা বিশ্ববিদ্যালয়ের প্রথম বি-এ। (১২) হুগলী কলেজের বাড়ীটিরও পূর্ব-ইতিহাস উল্লেখযোগ্য। ইহা মসিয়ে পেরন্ (Mons. Perron) নামক একজন ফরাসী সেনাপতির দ্বারা ১৮১০ খৃষ্টাব্দে নিৰ্মিত হইয়াছিল। ইনি ১৭৭৪ খৃষ্টাব্দে সামান্ত সৈন্যরূপে এ দেশে আইসেন। পরে মহারাষ্ট্রীয়দের কার্যে নিযুক্ত হইয়া বহু ধনসঞ্চয় করিয়া ছিলেন। ১৮০৩ হইতে ১৮০৫ পর্যন্ত তিনি চন্দননগরে

ক্রয় করিয়া ১৮৩৬ খৃষ্টাব্দের ১লা আগষ্ট কলেজ খোলা হয়। টমাস ওয়াইজ্ (Dr. Thomas A. Wise) নামক স্থানীয় সিভিল সার্জন ইহার প্রথম অধ্যক্ষ নিযুক্ত হন। ১৮৩০ খৃষ্টাব্দে মিঃ অলিভার কর্তৃক যে বিখ্যাত জরিপ কাণ্ড (Trigonometrical Survey) আরম্ভ হয়, তাহার প্রথম কাণ্ডের জন্ত এই অট্টালিকার সুউচ্চ ও সুপ্রশস্ত ছাদ নিৰ্মাণিত হইয়াছিল।

এমামবাড়ার কথা যাহা উক্ত হইয়াছে, উহা হুগলীতে প্রতিষ্ঠিত হয়। চুঁচুড়ায় যে এমামবাড়া হাসপাতাল নামে একটি দাতব্য চিকিৎসালয় আছে, উহার ব্যয় এমামবাড়া তহবিল হইতে নিৰ্বাহ হইয়া থাকে। উহাও উল্লিখিত



মহম্মদ মহসীন কলেজের একখানি বিল—১৮৪৭

বাস করিয়াছিলেন। এই বাড়ী নিৰ্মাণের পরই তিনি ইয়োরোপে যাত্রা করেন। তখন উহা প্রাণকৃষ্ণ হালদার নামক এক বিলাসি ধনাঢ্যের হস্তগত হইয়া, তাঁহার বৈঠকখানা বা নাচবাড়ী রূপে ব্যবহৃত হয়। ইহার দক্ষিণ-পশ্চিম কোণে এক্ষণে যে সুবৃহৎ মুসলমান বোর্ডিং আছে, উহা উক্ত হালদার মহাশয়ের পূজার বাড়ী ছিল। তৎপরে ইহা স্থানীয় ধনী জগমোহন শীলের হস্তগত হয় এবং তাঁহার নিকট হইতে ২০০০০ টাকা মূল্যে ইহা কলেজের জন্ত

ডাক্তার ওয়াইজ্ কর্তৃক ১৮৩৬ খৃষ্টাব্দে প্রতিষ্ঠিত হয়। এবং ইং ১৮৩২ সালে বর্তমান বাড়ীতে উঠিয়া আইসে।

এখানকার গ্রাম্য দেবতা শ্রীশ্রী/স্বপ্নেশ্বর জাউ নামক মহাদেব অতি প্রসিদ্ধ। ইহার প্রতিষ্ঠা কাল বা প্রতিষ্ঠাতার নাম জানা যায় না। অষ্টাদশ শতাব্দীর কোন কোন কবির রচনায় এই দেবমন্দির সম্বন্ধে উল্লেখ দেখা যায়।

এখানে যে সব প্রসিদ্ধ বৈদেশিক লোক বাস করিয়াছেন, তন্মধ্যে বাঙ্গলার প্রথম প্রেটেষ্ঠ্যান্ট মিশনারি সুপ্রসিদ্ধ কিরনাণ্ডার (Kiernander) এবং চার্লস ওয়েস্টন (Charles Weston) নামক, অক্ষকূপ-হত্যার সহিত সংশ্লিষ্ট








সুপ্রসিদ্ধ হলওয়েল সাহেবের বন্ধু একজন ধনাঢ্য ব্যক্তির নাম উল্লেখযোগ্য। এই শেখোক্ত ব্যক্তি প্রতি মাসের প্রথম দিনে নিজ হস্তে ষোল শত মুদ্রা দীন-ছঃখীদিগকে দান করিতেন।

স্বনামধন্ত মহাত্মা ভূদেব যুথোপাধ্যায়, সুপ্রসিদ্ধ সাহিত্যরথী অক্ষয়চন্দ্র সরকার মহাশয় ও বঙ্কিম-যুগের সুরসিক সাহিত্যিক দীননাথ ধর মহাশয়ের আবাসস্থান এই-খানেই। এখানকার অধিবাসীদের মধ্যে শীল, মণ্ডল, লাহা, দত্ত প্রভৃতি সুবর্ণবর্ণিক ও ষণ্ডেশ্বরতলার সোমবংশ প্রসিদ্ধ। কলিকাতার বিখ্যাত লাহা মহাশয়েরা চুঁচুড়ার লাহা-বংশ-সম্বৃত। শুনিয়াছি, কলিকাতায় মাধবদত্তের বাজারের সহিত সংশ্লিষ্ট যে মাধব বাবু ছিলেন, তিনিও এখানকার দত্ত-



হাজি মহম্মদ মহসীন

বংশ-সম্বৃত। সোমেরা বাগাটি হইতে প্রথমে চন্দননগর, তৎপরে চুঁচুড়ায় আসিয়া বাস করেন। ইহাদের পূর্বপুরুষ রামচরণ সোম ওলন্দাজ কোম্পানির দেওয়ান ছিলেন এবং তাঁহার কার্যে সম্বৃষ্ট হইয়া কোম্পানি তাঁহাকে 'বাবু' উপাধি দিয়া-ছিলেন। এই বংশের দয়ালচন্দ্র সোম চিকিৎসা-বিজ্ঞান ও শিবচন্দ্র সোম শিক্ষকতা কার্যে প্রসিদ্ধ হইয়াছিলেন। (১৩)

(১৩) নিম্নলিখিত গ্রন্থাদি হইতে চুঁচুড়ার বিবরণ লিখিত হইল—  
(ক) Hooghly Past and Present (খ) Notes on The Right Bank of Bhagirathi = Calcutta Review Vol-Vi.

চুঁচুড়ার পরই হুগলী। ভাগীরথী-তীরে যে করটি নগরীতে ইয়োরোপীয় জাতিগণ উপনিবেশ স্থাপন করিয়া-ছিলেন, তন্মধ্যে হুগলীর সহিত তাঁহাদের সম্বন্ধ অপর সকল নগরের অপেক্ষা প্রাচীন। পোটুগীজেরাই এখানে প্রথম আসিয়াছিলেন, এবং সেই সময় হইতেই ইহার পরিচয়। তৎপূর্বে এই স্থানের কথা কোথাও পাওয়া যায় না। সম্ভবতঃ সেই সময় ইহা একটি নগণ্য স্থান ছিল।

পুরাতন গ্রন্থাদিতে হুগলী গোলিন্, ওগোলি, ওগলি, গলি, হুবলে, হিউগলি, হাগলে প্রভৃতি বহু ভিন্ন ভিন্ন নামে আখ্যাত হইয়াছে। এই অংশে ভাগীরথীর তীরে জলের ধারে অনেক হোগলা গাছ জন্মিত। তাহা হইতে হুগলী নামের উৎপত্তি হইয়াছে। হুগলীর মধ্যে ব্যাণ্ডেল, বাবুগঞ্জ, পিপুলবাতি প্রভৃতি কতিপয় পল্লা আছে। পোটুগীজদের এখানে আসার সময় সম্বন্ধে মতভেদ দৃষ্ট হয়। সম্ভবতঃ ১৫৩৭ খৃষ্টাব্দে সাম্প্রায়ো (Samprayo) বা স্যাম্প্রায়ো নামক এক ব্যক্তি একখণ্ড জমি খারদ করিয়া নবাবের অনুমতি লইয়া একটি কুঠি ও দুর্গ নিৰ্মাণ করিয়াছিলেন। (১৪) ওম্যালি (I. S S. Omalley) সাহেব বলেন, ১৫৭০ সালে তাঁহারা এখানে আসিয়াছিলেন। (১৫)

খৃষ্টান-নিৰ্ম্মিত বাজারের সৰ্ব্বাপেক্ষা প্রাচীন অর্থাৎ প্রথম নিৰ্ম্মিত সৌধ—ব্যাণ্ডেলের গির্জা ১৫৯৩ খৃষ্টাব্দে তাঁহাদের দ্বারা প্রতিষ্ঠিত হয়। গোড়ের রাজার প্রীতি উৎপাদন করিয়া তাঁহারা এই ব্যাণ্ডেল নামক স্থানটি প্রাপ্ত হইয়াছিলেন। ফরান্দীরাও চন্দননগরে পাকা রাস্তা অবস্থিতি করিবার পূর্বে এই স্থানে কিছুদিনের জন্ত ছিলেন। পরে এখানে আশ্রম-সংলগ্ন আর একটি গির্জা আগষ্টিনিয়ানরা নিৰ্ম্মাণ করিয়াছিলেন। এখানে একটি জেসুটদের কলেজ ও কনভেন্ট ছিল। স্থানটি পূর্বে অতি স্বাস্থ্যকর ছিল এবং পোটুগীজদের সময় হইতে এখানকার পানির অতি বিখ্যাত। ব্যাণ্ডেল নামটি বন্দরের অপভ্রংশ।

হুগলী পোটুগীজদের হস্তে অতি সত্তর উন্নতির উচ্চ শিখরে উঠিয়াছিল; কিন্তু এই উন্নতিই তাঁহাদের অনিষ্টের

(গ) Hooghly District Gazetteers (ঘ) Carey's Good old Days (ঙ) a Brief History of the Hooghly District (চ) Rural Life in Bengal.

(১৪) Hughly Past and Present.

(১৫) Hooghly District Gazetteer.

অন্ততম কারণ হয়। পোর্টুগীজদের এখানে ব্যবসায়ের প্রাবল্য হেতু, পুরাতন সাতর্গা বন্দরের যথেষ্ট ক্ষতির জন্ম, ছোট ছোট বালক বালিকাদের খরিদ করিয়া বা গোপনে ধরিয়া লইয়া ভারতের অন্তর্ভুক্তদাসরূপে বিক্রয়ের জন্ম ও পোর্টুগীজ জলদস্যুদের অত্যাচার জন্ম, মোগল সরকার বিশেষ ক্রুদ্ধ হন; এবং ১৬৩২ খৃষ্টাব্দে সাজাহানের আদেশে কাশিম খাঁ হুগলী আক্রমণ করেন। ( ১৬ ) পোর্টুগীজরা সার্ক তিন মাস কাল প্রবল বিক্রমে মোগল বৈয়াক্তির গতিরোধ করিয়াছিল। এই সময় চৌঃট্রিখানিরও অধিক বৃহদায়তনের তরী ও হুইশত খানি সুলুপ গঙ্গাবক্ষে নোঙ্গর করা ছিল। ইহার মধ্যেও তিনখানি মাত্র পলায়ন করিতে সমর্থ হইয়াছিল, অপর সমস্তগুলির জিনিষপত্র বাজেয়াপ্ত করা হইয়াছিল। গির্জার অভ্যন্তরে যে সব চিত্র ও প্রতিমূর্তি প্রভৃতি সঞ্চিত ছিল, তাহা সমস্ত নষ্ট করা হইয়াছিল। এই যুদ্ধে এক সহস্র পোর্টুগীজ হত এবং চারি সহস্র বন্দী হয়। এই বন্দীদের মধ্যে হইতে সমস্ত যাজক এবং পাঁচশত স্ত্রী বালক বালিকাকে আগরার রাজ-দরবারে পাঠাইয়া দেওয়া হইয়াছিল। এই সময় হুর্গ ও ব্যাঙেলের গির্জা ধ্বংস করিয়া তাহার সমস্ত নথিপত্র নষ্ট করা হয়। পরে পূর্বোক্ত যাজকদের মধ্যে ডিক্রুজ ( Father De Cruz ) নামক এক ব্যক্তি বাদশাহের অমুগ্রহ লাভে সমর্থ হইয়া গির্জা পুনর্নির্মাণ করিবার অমুমতি ও তৎসহিত ৭৭৭ বিঘা নিষ্কর জমি প্রাপ্ত হন। পরে ১৬৬০ খৃষ্টাব্দে মিঃ সোটো ( Gomez de Soto )র দ্বারা উহা পুনর্নির্মিত হয়।

মুসলমানরা হুগলাতে পোর্টুগীজদের পরাজিত করার পর পঞ্চদশ শত বৎসরের বাণিজ্য-সম্পদে সম্পদ-শালী সাতর্গা পরিত্যাগ করিয়া হুগলাতেই বাঙ্গলার রাজকীয় বন্দর প্রতিষ্ঠা করেন। উহা ক্রমে পশ্চিম বাঙ্গলার শ্রেষ্ঠ বন্দর ও মোগল কর্মচারীদের আবাসস্থান হইল। সরকারি দপ্তরখানা সকল তথা হইতে এই স্থানে উঠিয়া আসিল। ক্রমে

( ১৬ ) Hugly Past and Present.

সাতর্গা একটি সামান্ত পল্লীগ্রামে পরিণত হইল এবং তৎপরে হুগলীর পুনরুন্নতি হইতে লাগিল। এই সময় ওলন্দাজ, ফরাসি এবং ইংরাজগণ—যতদিন পর্য্যন্ত নিজ নিজ স্থান লাভ হইয়াছিল, ততদিন—এই স্থানেই ব্যবসা করিয়াছিলেন। ওলন্দাজ ও ইংরাজ বণিকগণ উভয়েই ঘোলঘাট নামক স্থান তাঁহাদের কুঠি বা কারখানা নির্মাণ করিয়াছিলেন। তৎপরে পাশ্চাত্য বণিকগণের এই স্থান ত্যাগের সহিত ইহা পুনরায় দ্রুত অবনতির পথে নামিতে লাগিল। এই সময় মোগল শাসন



অক্ষয়চন্দ্র সরকার

কর্তা হুগলাতে বাস করিতেন। তাঁহার বাসস্থানের সন্নিকটে একটি বাজার ছিল। ১৬৮৬ খৃষ্টাব্দের ২৮শে অক্টোবর এই বাজারে ইংরাজ সৈন্যের সহিত নবাবের পেয়াদাদের বিবাদ উপস্থিত হওয়ায়, ইংরাজ কর্তৃপক্ষ চারনকের ( Job Charnock ) সহিত শাসনকর্তার সংঘর্ষ উপস্থিত হয়। তাহার ফলে তিনি হুগলী ত্যাগ করিতে বাধ্য হন। এই সময়েই ( ১৬৯০এর আগষ্ট মাসে ) চারনক স্থতাপুটিতে

কুঠি স্থাপন করিয়া কলিকাতা নগরার ভিত্তি প্রতিষ্ঠা করেন।

ইংরাজ বণিকদের হুগলী ত্যাগের পর প্রায় অর্ধ শতাব্দীর মধ্যে উল্লেখযোগ্য ইতিহাস বিশেষ কিছু পাওয়া যায় না। তৎপরে ইং ১৭৫৭ অব্দর ১০ই জানুয়ারি ক্লাইব

তৎকালে হুগলীর মধ্যে নবাবের এই বাড়ী ও হস্তীশালা ভিন্ন বিশেষ দ্রষ্টব্য আর কিছু ছিল না। খাজেহান খাঁ হুগলীর শেষ ফৌজদার ছিলেন। তাঁহার জীবদ্দশায় তিনি বরাবর এই ভবনে বাস করিবার অধিকার পাইয়াছিলেন। ১৮২১ খৃষ্টাব্দে তাঁহার মৃত্যুর পর ইহা ধূলিসাৎ করিয়া

মোগল দুর্গের চিহ্ন পর্য্যন্ত লুপ্ত করা হয়। ঐ বাটার ভগ্নস্তুপ শেষে দুই সহস্র টাকায় বিক্রীত হইয়াছিল।

পূর্বোক্ত ব্যাঙেল গির্জা ভিন্ন হুগলীর ইমামবাড়া, ও অপেক্ষাকৃত আধুনিক হইলেও জুবিলি ব্রীজ এখানকার দ্রষ্টব্য। হাজি মহম্মদ মহম্মীন তাঁহার মৃত্যুকালীন দানপত্রের দ্বারা যে অগাধ সম্পত্তি দিয়া যান, তাহার অংশ হইতেই এই মহা কীর্ত্তি ইমামবাড়া নিৰ্ম্মিত হইয়াছে। ইহা ১৮৪১ খৃষ্টাব্দে আরম্ভ হইয়া ১৮৬১তে মোট প্রায় পোনে তিন লক্ষ টাকা ব্যয়ে সমাধা হয়। গঙ্গার ধারে পোস্তা নিৰ্ম্মাণে প্রায় ৬০০০০ টাকা এবং বিলাত হইতে ঘড়ি আনা হইতে ১১৭২১ টাকা ব্যয় হইয়াছিল। কথিত আছে, যেখানে উহা নিৰ্ম্মিত হইয়াছে, তথায় একটা পুরাতন ইমামবাড়া ছিল। উহা ১৬৯৪ অথবা অন্তর মতে ১৭১৭তে নিৰ্ম্মিত হইয়াছিল। ব্রীজ নিৰ্ম্মাণ কার্যে মোট ৯০০০০০ টাকা ব্যয় হইয়াছিল। উহা লম্বে ১২০০ ফিট্‌।



ভূদেব মুখোপাধ্যায়

এই স্থান আক্রমণ করেন এবং ১৬ই তারিখে দুর্গ ধ্বংস করেন। এই সময় হইতেই হুগলীর উন্নতির পথ চির-অবরুদ্ধ হয়। বাঙ্গলার সর্বত্র খ্যাতনামা নবাব খাজেহান খাঁ উক্ত দুর্গ মধ্যে এক বৃহৎ অট্টালিকায় বাস করিতেন। ষ্ঠাভোরিনাস্ ১৭৭০ খৃষ্টাব্দে ইহা দেখিয়া লিখিয়া গিয়াছেন,

একটি ইমামবাড়া ছিল। উহা চুঁচুড়ার হাজি কারবালা নামক একজন পারস্য দেশীয় ধনী বণিকের অংশুকুল্যে নিৰ্ম্মিত হইয়াছিল। তিনি ১৮০১ খৃষ্টাব্দে একখানি উইল দ্বারা হুগলীর পশ্চিমাংশে কাশীমপুর ও বাশবেড়িয়া লাখেরাজ সম্পত্তি উহার জন্ত দান করিয়া



বুড়ার গোরাবরিক

যান। প্রথমোক্ত কাশীমপুর নাম মল্লিক কাশীমের নাম হইতে হইয়াছে। ইহার সম্বন্ধে এইরূপ কিংবদন্তী আছে— দিল্লীর এক মুসলমান সম্রাট বাঙ্গলা দেশকে ‘দোজাক’ অর্থাৎ নারকী প্রদেশ মনে করিতেন। যখন কোন আমির ওমরাহ বা বিশেষ পদস্থ ব্যক্তি কোন গুরুতর অপরাধ করিতেন, তখন তাঁহার শিরশ্ছেদের ব্যবস্থা না হইলে তাঁহাকে বাঙ্গলা দেশে নির্কাসিত করা হইত। মল্লিক কাশীম একজন সেই শ্রেণীর লোক ছিলেন। ১৬৮১ নাগাইদ ১৬৯২ পর্য্যন্ত তিনি হুগলীর শাসনকর্তা ছিলেন। তাঁহার নামে আজিও হাট চলিতেছে। (১৭)

হুগলীতে বাঙ্গলার মধ্যে সর্বপ্রথম ছাপাখানা স্থাপিত হইয়া উহার নাম স্মরণীয় করিয়া রাখিয়াছে। উইল্কিন্স (Charles Wilkins) পঞ্চানন কৰ্ম্মকার ও তাঁহার সহকারী মনোহর দাসের সহায়তায় বাঙ্গলা ছাপার অঙ্গর খোদাই করিয়া ১৭৭৮ খৃষ্টাব্দে হাঁলতেড সাহেবের বাঙ্গলা ব্যাকরণ মুদ্রিত করেন। আমেরিকা হইতে ১৮৩০ সালে বরফ এদেশে প্রথম আইসে। তৎপূর্বে হুগলীতে বরফ প্রস্তুত হইত। যেখানে উহা হইত তাহাকে এখনও বরফ তোলা মাঠ বলে। বর্ধমানের জাল প্রতাপচাঁদ ঘটিত বিখ্যাত মোকদ্দমা এইখানে হইয়াছিল। মহারাজ নন্দকুমারের সহিতও এই স্থানের ইতিহাস বিজড়িত।

হুগলী ব্রাহ্ম স্কুল নামক উচ্চ ইংরাজি বিদ্যালয়টি হুগলীর জজ ম্যাজিষ্ট্রেট মিঃ স্মিথের চেষ্টায় বর্ধমানের রাজা, দ্বারকানাথ ঠাকুর প্রভৃতির নিকট হইতে সংগৃহীত চাঁদার দ্বারা প্রতিষ্ঠিত হয়। ১৮৩৪ খৃষ্টাব্দে উহার বাড়ী নির্মিত হয় এবং ১৮৩৭ সালের ৪ঠা ডিসেম্বর বিদ্যালয় খোলা হয়। চাঁদা দ্বারা সৃষ্ট হওয়ায় প্রথম প্রথম লোকে উহাকে চাঁদা স্কুল বলিত। উহার প্রথম প্রধান শিক্ষকের নাম ঈশানচন্দ্র বন্দ্যোপাধ্যায়।


হুগলীর সেন, মল্লিক, চৌধুরী, মিত্র প্রভৃতি কতিপয় সমৃদ্ধ বংশের নাম উল্লেখযোগ্য। মল্লিক-বংশ খুব বড় এবং প্রাচীন। এই বংশের ব্রহ্মমোহন মল্লিক, চৌধুরী বংশের ডাক্তার বদনচন্দ্র ও মিত্র-বংশের ঈশানচন্দ্র বিশেষ খ্যাতিসম্পন্ন হইয়াছিলেন। ইঁহারা অনেকটা আধুনিক

(১৭) The Banks of the Bhagirathi—

সেন-বংশের গৌরী সেন একজন বঙ্গ-বিশ্রুত ব্যক্তি। প্রায় দুই শত বৎসর পূর্বে তিনি হুগলীর মধ্যে বাণি নামক স্থানে বাস করিতেন। এ স্থানের বিখ্যাত মুসলমান অধিবাসাদেব

ছিলেন। এখানে ব্যবসার মধ্যে সোরা, লবণ, রেশম, বস্ত্র, অফিফেন, চিনি প্রভৃতিই প্রধান ছিল।

প্রসিদ্ধ বৈদেশিক যণ, ইংলান্ড পূর্বকালে এখানে সময়



ভূদেববার বাটা—চুঁচুড়া

মধ্যে গা জেহান গা, কাশিম মল্লিক আলি খাঁ বা মল্লিক কাশিম ভিন্ন মির্জা সালে উদ্দিন, মহম্মদ খাঁ, খোজা ওয়াহেদ, হাজি কারবেলা মহম্মদ, আশামুল্লা মিয়া, হাজি মহম্মদ

সময় বাস করিয়াছেন। তাঁহাদের মধ্যে তৎকালীন পাশ্চাত্য সুন্দরীগণের প্রধান মাদাম গ্র্যাণ্ড, ( ওয়ারেন্ হেষ্টিংসের দ্বিতীয়া পত্নী ) সুপ্রসিদ্ধ এলিগ্যান্ট্ মেরিয়ন্ ( Elegant



টিফেণ্ডারের প্রস্তুত প্রাচীন হুগলীর নক্সা

মহসীন প্রভৃতির নাম উল্লেখযোগ্য। ইংলান্ড প্রায় সকলেই ব্যবসা দ্বারা প্রচুর ধনসম্পদ লাভ করিয়া প্রসিদ্ধ হইয়া-

Marian ) মিঃ রস্ ( Mr. Ross ) প্রভৃতির কথা জানা যায়। প্রথম ইংরাজ পর্যটক ফিচ্ ( Ralph Fitch )

পারকাশ্ ( Purchas ) হ্যামিল্টন্ ( Hamilton ) প্রভৃতি পরিব্রাজকগণ এই স্থান দর্শন করিয়াছিলেন । (১৮)

জানা যায় না। হুগলীর সুপ্রসিদ্ধ জজ ম্যাজিস্ট্রেট মিঃ স্মিথের ( D. C. Smyth ) এখানে একটি বাগানবাড়ী



ইমামবাড়া—হুগলী

হুগলী ও ব্যাণ্ডেলের পর কেওটা নামক একটি বৈশিষ্ট্যশূন্য সামান্ত পল্লী আছে। ইহার পূর্বকথা কিছু

ছিল। তিনি ঐ বাটীতে এবং এখানকার সারাক্ষণ হাউস্ নামক ঐতিহাসিক বাটীটিতে বহু বৎসর বাস করিয়াছিলেন। ১৮২৯ খৃষ্টাব্দে এই অট্টালিকাটি নির্মিত হয়। তৎকালে বিচারপতি গণের স্থানে স্থানে গিয়া তথায় অবস্থিতিপূর্বক বিচার-কার্য্য সমাধা করিবার প্রথা ছিল। সেই উদ্দেশ্যে স্থানে স্থানে নির্দিষ্ট বাড়ী থাকিত। ইহাও একটি সেইরূপ বাড়ী। ১৮৫৬ খৃষ্টাব্দে গভর্ণমেন্ট কর্তৃক ১৬০০০ টাকায় উহা ক্রীত হয়।

এই স্থানের উত্তরে সাগঞ্জ। সাগঞ্জ একটি ক্ষুদ্র গ্রাম হইলেও, ইহার পূর্ব-ইতিহাস ও প্রসিদ্ধির কথা জ্ঞাত ব্য। ইংরাজের আগমনের পূর্বে মোগল-শাসনকালে এই স্থানে একটি বিখ্যাত গ ছিল। আরঙ্গজেবের রাজত্বকালে তাঁহার পৌত্র আজিম উশান

সা যখন বাঙ্গালার শাসনকর্তা ছিলেন, তখন এই স্থানটি তাঁহার দৃষ্টি আকর্ষণ করে; এবং তাঁহার অভিপ্রায় অনুসারে তাঁহার নাম সংযুক্ত হইয়া উহা সা আজিমগঞ্জ নামে পরিচিত হয়। পরে সংক্ষিপ্ত হইয়া সাগঞ্জ নাম হইয়াছে।

এই স্থানের উন্নতির সঙ্গ সঙ্গে যোগা অত্র হইতে এখানে আসিয়া বাস স্থাপন করিয়াছিলেন, তন্মধ্যে কাঁচড়া-পাড়ার নিকটবর্তী কেউটিয়া নামক গ্রাম হইতে আগত সুপ্রসিদ্ধ নন্দী-বংশই সর্বাপেক্ষা উন্নতি ও সম্ভ্রম লাভ করিয়া-

(১৮) (ক) Hooghly Past and Present.

(খ) District Gazetteers—Hooghly.

(গ) Good Old Days of Honourable John Company.


(ঘ) Notes on the Right Banks of Bhagirathi.

(ঙ) A Brief History of the Hughly District প্রভৃতি হইতে হুগলীর কথা সংগৃহীত হইল।

ছিলেন। তৎকালে এই বংশের যিনি সর্কাপেক্ষা খ্যাতিলাভ করিয়াছিলেন, তাঁহার নাম বীরেশ্বর নন্দী। লোকে সচরাচর তাঁহাকে বীরু নন্দী বলিত। আনুমানিক ১৭৬০ খৃষ্টাব্দে তিনি কেউটিয়াতে জন্মগ্রহণ করেন। কথিত আছে, নন্দীদের আদি বাসস্থান রামেশ্বরপুরের নিকট নন্দীগ্রাম। বাঙ্গালার মধ্যে সর্কাপেক্ষা বৃহৎ একান্নবর্তী পরিবার—বঙ্গমান জেলার জাবগ্রামের নন্দী-পরিবার এই কেউটিয়া নন্দীদের একটি শাখা।

মির্জা রসনআলি নামক সুপ্রসিদ্ধ জমিদারের তিনি দেওয়ান ছিলেন। এই মুসলমান জমিদারের অবস্থান্তর ঘটিলে, তিনি তাঁহার কতকগুলি মূল্যবান জমিদারী ক্রয় করিয়া বিশেষ লাভবান হন। এমন কি, তাঁহার চাঁছনিবাগ নামক প্রকাণ্ড গড় ও আবাসবাটী পর্য্যন্ত পরে তাঁহার পুত্রদের হস্তগত হয়, এবং উহা পরে নন্দীদের বৈঠকখানা বাটীতে পরিণত হয়।

বীরেশ্বর ধনোপার্জনে বেক্রম সাফল্য লাভ করিয়াছিলেন, ধর্ম কন্ঠেও তেমনই তাঁহার প্রবৃত্তি ছিল। শিবমন্দির,



তাঁহার ইমামবাড়ার ভিতরের দৃশ্য

পরবর্তীকালে নন্দীদের পার্শ্বেই সাগঞ্জের পরিচয়। কথিত আছে, বীরেশ্বরের সহিত তাঁহার পিতা তিলকরামের ব্যবসা বিষয়ে মতানৈক্য হওয়ায়, পিতার কোন অর্থ গ্রহণ না করিয়া বীরেশ্বর সাগঞ্জে আইসেন, এবং নিজ চেষ্টায় কিছু অর্থোপার্জন করিয়া প্রথমে রাম রাম ঘোষ নামক এক ব্যক্তির সহিত একত্রে একখানি সামান্য দোকান ত্বেন। পরে তিনি স্বতন্ত্রভাবে মুর্শিদাবাদ, সিরাজগঞ্জ, জিয়াগঞ্জ, রায়গঞ্জ, আটয়ারি পচাগড়, বাদিগঞ্জ প্রভৃতি বহু স্থানে ব্যবসা, এবং বান্দাপাড়া, গরুটী, রায়নপুর প্রভৃতি স্থানে লবণের কারখানা স্থাপন দ্বারা বিস্তর অর্থোপার্জন করিয়াছিলেন। এতদ্ভিন্ন

চতুষ্পাঠী, দাতব্য চিকিৎসালয়, রথ প্রতিষ্ঠা, পুষ্করিণী প্রতিষ্ঠাদি বহু সংকার্যের দ্বারা তিনি যশোলাভ করিয়াছিলেন। বীরেশ্বরের পরলোক গমনের পর তাঁহার পুত্র মধুসূদন ও অভয়াচরণ নন্দী যথেষ্ট আড়ম্বরের সহিত তাঁহাদের বংশ-মর্যাদা রক্ষা করিয়া চলিয়াছিলেন; এবং তদ্বারা গভর্ণ-মেণ্টের নিকট বিশেষ সম্মানিত ছিলেন। কিন্তু কালের গতিকে সাগঞ্জের নন্দীবংশের এক্ষণে আর সে পূর্ব-গৌরব নাই। (১২)

(১২) (ক) সাগঞ্জের তিলি জাতির বি'রণ—তিলি-বান্ধব, ৫ম বর্ষ।

(খ) Hooghly Past and Present.

সাগরের পর বাশবেড়িয়ার মধ্যে মিরকাল ও খামারপাড়া নামক দুইটি ছোট গ্রাম আছে। মিরকাল সাগরের একটি পল্লী বিশেষ। খামারপাড়ার মধ্যে কুণ্ড-বংশ ও তাঁহাদের পূর্বের ক্রিয়াকলাপ প্রভৃতির কথা ভিন্ন উল্লেখ করিবার মত কিছুই নাই। এই কুণ্ড-বংশের স্থাপনিতার নাম অথবা পূর্ব-ইতিহাস জানা যায় না। রামকমল কুণ্ডের দ্বিতীয় পুত্র ভুবনচাঁদ কুণ্ড মহাশয়ই বিশেষ প্রসিদ্ধ হইয়াছিলেন। ১২৩০ সালে ভুবনবাবু জন্মগ্রহণ করেন। ব্যবসা দ্বারাই



পুরাতন বাণ্ডেল—ভগলী

এই বংশের উন্নতি হয়। রামকমল ভগলীতে বাবুগঞ্জ নামক স্থানে গুড়ের কাজ করিতেন। ভুবনবাবু বিবাহের পর ঋণের সাহায্যে এই স্থানে প্রথম লবণের কাজ আরম্ভ করিয়া, পরে মুন্সের, পাটনা, সেকপুর, খাগড়িয়া, দ্বারভাঙ্গা, পূর্ণিয়া প্রভৃতি স্থানে মোকামি কার্য দ্বারা বহু ধন সঞ্চয়ে সমর্থ হন। তিনি ধর্মভীরু ছিলেন এবং দান-ধ্যান ও পূজা-পার্কণ প্রভৃতি সংকার্যে বহু ব্যয় করিতেন। (২০)

খামারপাড়ায় দীর্ঘকাল হইতে পিত্তল কাঁচার কাজ বিস্তৃত ভাবে হইয়া আসিতেছে।

বংশবাটী হইতে বাশবেড়িয়া নামের উৎপত্তি হইয়াছে। এখানকার রাজা মহাশয়দের পরিচয়েই এ স্থানের পরিচয়

বলিলে অত্যাঙ্কি হয় না। ইঁহাদের আদিপুরুষ দেবানন্দ দত্ত কনোজ হইতে মুরশিদাবাদের মায়াপুরে আসিয়া বস করেন। এই বংশের দ্বারিকানাথ তথা হইতে কাটোয়া সন্নিকটে পাটুলিতে আগমন করেন। তাঁহার পুত্র মহম্মদ মোগল বাদশাহ আকবরের অমুগ্রহে বাঙ্গালা ১৮০ সালে জমিদার বলিয়া ঘোষিত হন। তাঁহার পুত্র উদয় রায় মানসিংহের কৃপায় সম্পত্তি অনেক বৃদ্ধি করিতে সমর্থ হন এবং আকবরের নিকট হইতে বংশানুক্রমে 'রায়' উপাধি

প্রাপ্ত হন। তাঁহারই জ্যেষ্ঠ পৌত্র রাঘব সন্ন্যাসী শাহজাহানের নিকট হইতে সাতগাঁর অস্তভুক্ত একুশখানি পরগণার জমিদারী প্রাপ্ত হন এবং ১৬৪৯ খৃষ্টাব্দে 'চৌধুরী' এবং পরবৎসর মজুমদার উপাধি-ভূষিত হন। এই জমিদারীর সুবন্দোবস্ত করিবার জন্ত তিনিই সাতগাঁর সন্নিকটে ভাগীখৌ-তীরে বাশবন পরিষ্কার করাইয়া সুবৃহৎ অট্টালিকা নিৰ্ম্মাণ করিয়া

বাস স্থাপন করেন এবং গ্রামের নাম দেন বংশবাটী।

পুরাতন স্থাপত্য-শিল্পের নিদর্শন স্বরূপ এখানে যে বিষ্ণু-মন্দিরটি আছে, উহা ১৬৭৯—৮০ খৃষ্টাব্দে তাঁহার দ্বারা প্রতিষ্ঠিত হইয়াছিল। রাঘবের দুই পুত্র রামেশ্বর ও বাসুদেব তাঁহাদের বিষয়-সম্পত্তি বিভাগ করিয়া লন; এবং তাঁহাদের নিয়মানুসারে জ্যেষ্ঠ রামেশ্বর দশ আনা এবং কনিষ্ঠ বাসুদেব ছয় আনা সম্পত্তির অধিকারী হন। এই সময়ে সন্ন্যাসী আরঙ্গজেব কর্তৃক ১৬৭৩ খৃষ্টাব্দে তাঁহারা বংশানুক্রমে রাজা মহাশয় উপাধিতে ভূষিত হন। রামেশ্বর বাশবেড়িয়াতেই স্থায়ী ভাবে বাস করিতে আরম্ভ করেন; এবং বাসুদেবের পুত্র মনোহর সেওড়াফুলিতে যাইয়া তথায় বাস করিতে লাগিলেন। উঁহাদের বাশবেড়ের বাটী গড়বেষ্টিত বলিয়া ইঁহাদিগকে অনেকে গড়বাটীর রাজাও বলিয়া থাকেন।




এই বংশের রাজা নৃসিংহদেব একজন প্রসিদ্ধ লোক ছিলেন। তিনি ইংরাজি ১৭৮৮-৮৯ সালে একটি কালী-মন্দির প্রতিষ্ঠা করেন। তিনি ওয়ারেন হেস্টিংসের জন্ত বাঙ্গলার একখানি মানচিত্র প্রস্তুত করাইয়াছিলেন। তিনি বঙ্গভাষায় তন্ত্র ও কাশীখণ্ড তর্জমা বিষয়ে সহায়তা করিয়াছিলেন; এবং বাঁশবেড়িয়ার গোরব ত্রয়োদশ-চুড় হংসেশ্বরী

মন্দিরের পত্তন তিনিই করিয়াছিলেন। উহা শেষ করার সৌভাগ্য তাঁহার ঘটিয়া উঠে নাই; তিনি ১৮০২ খৃষ্টাব্দে হঠাৎ ত্যাগ করেন। কথিত আছে, তাঁহার দুই স্ত্রীর মধ্যে একজন সহমৃত্যু হন। তাঁহার অপর স্ত্রী রানী শঙ্করী উক্ত মন্দিরের নির্মাণ কার্য শেষ করিয়া উহা ও চতুর্দশেশ্বর দেবমূর্তির প্রতিষ্ঠা করেন। উক্ত কার্যে এবং ভূগা-পুরুষ ব্রতাদিতে তিনি বহু অর্থ ব্যয় করিয়াছিলেন। রাধামহাশয়ের পরে রাস্তাঘাট নির্মাণ প্রভৃতি কেশব দ্বারা তাঁহাদের বংশমর্যাদা রক্ষা করিয়াছিলেন। কালক্রমে এক্ষণে তাঁহাদের সে পূর্বস্মীর বহু পরিমাণে লাঘব হইয়া গিয়াছে। (২১)

বাঁশবেড়ে গ্রামে অনেকগুলি অবস্থাপন্ন পরিবারের বাস ছিল। তাঁহাদের মধ্যে এক্ষণে অনেকে হতশ্রী হইয়া পড়িয়াছেন। এখানকার কুণ্ডু মহাশয়েরাও বহুদিনের সম্ভ্রান্ত ও ধনী জমিদার। ইহাদের পূর্ববাস কোথায় ছিল, জানা যায় না। শুনা যায়, সাতগাঁ যখন ব্যবসা-বাণিজ্যে খুব বর্দ্ধিষ্ণু ছিল, সেই সময়ে ইহাদের পূর্বপুরুষ জগন্নাথ কুণ্ডু ব্যবসা উপলক্ষে কয়েক ঘর স্বজাতিতে লইয়া এই গ্রামে আসিয়া বাস করেন। তিনি চুঁচুড়ার ওলন্দাজ বণিকদের নিকট দ্রব্যাদি বিক্রয় দ্বারা যথেষ্ট অর্থ উপার্জন করিয়াছিলেন। ইহার পৌত্র বলরাম কুণ্ডুর সময়ে কয়েকখানি

তালুক খরিদ করা হয়। পরে ব্যবসায় বিশেষ ক্ষতিতে ও অশান্ত আকস্মিক বিপদে ইহারা কতকটা হতশ্রী হইয়া পড়েন। এই বলরামবাবুর জ্যেষ্ঠ পুত্রবধু লক্ষ্মী দাসী স্বামীর সহিত সহমৃত্যু হইয়াছিলেন। কথিত আছে, এ অঞ্চলে ইহাই শেষ সহমরণ। (২২)

বলরামবাবুর জ্যেষ্ঠ পুত্র বিয়োগের পর তাঁহার তৃতীয়



হংসেশ্বরী মন্দির—বাঁশবাটা

পুত্র হরিশ্চন্দ্র বিশেষ মনোযোগ সহকারে জমিদারীর কার্য দেখিয়া উন্নতি করিতে লাগিলেন। কিন্তু তাহাতেও পরিতৃপ্ত না হইয়া নূতন ব্যবসা কার্যে ব্রতী হইলেন এবং কতিপয় নীলকুঠী স্থাপন ও জোড়াসাঁকোর সিংহ মহাশয়ের বাঁশ-

(২১) (ক) The Bansberia Raj.  
(খ) Bengal District Gazetteers—Hooghly.

(২২) বাঁশবেড়ের রাজা মহাশয়ের বাটাতে যে সহমরণ হইয়াছিল, কেহ কেহ বলেন তাহাই এই অঞ্চলের শেষ সহমরণ।

বেড়িয়ার নীলকুঠী ইজারা লইয়া যথেষ্ট ধনোপার্জনে সমর্থ হইয়াছিলেন। এই কার্যে সাগঞ্জের নন্দী মহাশয়দের তিনি যথেষ্ট সাহায্য পাইয়াছিলেন। এই কুতুরা পূর্বাপর বরাবরই সংস্কৃত এবং ধার্মিক বংশ বলিয়া খ্যাত। (২৩)

বাঁশবেড়েতে পূর্বকালে সংস্কৃত শিক্ষার যথেষ্ট চর্চা ছিল। ১৮১৮ খৃষ্টাব্দে এখানে সংস্কৃত শিক্ষার জন্ত ১২।১৪টি টোল ছিল। (২৪) ইট ও পিত্তল কাঁসার কাজের জন্ত এই স্থান বহু দিন হইতে প্রসিদ্ধ। বাঙ্গালী যাজক লইয়া খৃষ্টান উপাসনা-মন্দির এই স্থানেই প্রথম স্থাপিত হইয়াছিল। সেই

ইহা গঙ্গা, যমুনা ও সরস্বতীর সঙ্গমস্থানে অবস্থিত বলিয়া ইহার নাম ত্রিবেণী হইয়াছে। ইহাকে মুক্তবেণী বলে এবং এই কারণে ইহা হিন্দুদের নিকটে অতি পবিত্র স্থান।

দ্বাদশ শতাব্দীতে লিখিত 'পবন-দূতম্' নামক সংস্কৃত কাব্যে এই স্থানের উল্লেখ পাওয়া যায়। ইহারও বহু পূর্ব হইতে ত্রিবেণী হিন্দুতীর্থ বলিয়া খ্যাত। বিভিন্ন গ্রন্থকারগণ ইহাকেও ত্রিপানি, ত্রিভেনী, তারবানি প্রভৃতি বিভিন্ন নামে বর্ণনা করিয়া গিয়াছেন। সমুদ্রগামী জাহাজ সকল যাতায়াতকালে এই স্থানে নোঙ্গর করিত, ইহা



### ত্রিবেণী ঘাট

যাজকের নাম তারাচাঁদ। দীনবন্ধু মিত্র রচিত 'নীলদর্পণ' নাটকের নীলকুঠির স্থান এই বাঁশবেড়িয়া। এখানে পূর্বে নীলের কাজ অনেক ছিল। অতি পূর্বকালে এই স্থানে ধর্মার্থ অনেকে গঙ্গার জীবন বিসর্জন দিত বলিয়া জানা যায়। (২৫)

বংশবাটী অতিক্রম করিয়া ত্রিবেণী। ইহাকে বংশ-বাটীর উত্তর সীমাও বলা যাইতে পারে। অধুনা ত্রিবেণী একটি সামান্য পল্লী হইলেও বহু প্রাচীন ও প্রসিদ্ধ স্থান।

বিপ্রদাস ও তাঁহার পরবর্তী গ্রন্থকারদের গ্রন্থে পাওয়া যায়। প্লিনি (Pliny) ও টলেমি (Ptolemy) এই স্থানের কথা উল্লেখ করিয়াছেন। ১৬৮২ খৃষ্টাব্দে উইলিয়ম হেজ্জ (William Hedges) এবং ১৭৭০তে ট্রাভোরিনাস্ এই স্থান পরিদর্শন করিয়াছিলেন।

মুসলমান রাজত্বের প্রারম্ভে ইহা একটি বিশিষ্ট ব্যবসা স্থান ছিল। এক সময় এখানে সংস্কৃত শিক্ষার কেন্দ্র ছিল, তখন এখানে ত্রিশটিরও অধিক সংস্কৃত বিদ্যালয় বা টোল ছিল। সুপ্রসিদ্ধ জগন্নাথ তর্কপঞ্চানন এই স্থানেই জন্মগ্রহণ করিয়া ছিলেন। লর্ড কর্ণওয়ালিসের সময় হিন্দু আইন প্রকাশের বিশেষ ভার তিনি লইয়াছিলেন। ১০৯ বৎসর বয়সে তাঁহার

(২৩) বাঁশবেড়িয়ার কুতুরা বাবুদের ইতিবৃত্ত—তিলি-বাকব, ৪র্থ বর্ষ।

(২৪) Adam's Report on Vernacular Education.

(২৫) Calcutta Review—Vol. Vi—1845

মৃত্যু হয়। বহুকাল হইতে এখানে মকর-সংক্রান্তি বা উত্তরায়ণ, বিষ্ণু-সংক্রান্তি, বারুনি, দশহরা, কার্তিক পূজা প্রভৃতির সময়ে ও অক্টোবর যোগাদি উপলক্ষে বহু লোক-সমাগম হয় ও একটি করিয়া মেলা বসিয়া থাকে। ত্রিবেণী এখনও তীর্থ বলিয়া বিবেচিত হইলেও, পুরাতন দর্শনীয় বিশেষ কিছুই নাই। ত্রিবেণীর ঘাট ও তাহার অনতিদূরে সপ্ত

দৃষ্ট হইয়া থাকে। জাফর খাঁ পাণ্ডুরা-বিজয়ী সাহা সূক্ষ্মর খুল্লতাত। এখানকার হিন্দু যাত্রিগণ এই সমাধি শ্রদ্ধার সহিত দর্শন করিয়া থাকেন। কথিত আছে, জাফর খাঁর তৃতীয় পুত্র বারখান গাজি হুগলীর হিন্দু রাজাকে জয় করিয়া তাঁহার কন্যাকে বিবাহ করিয়াছিলেন। তাঁহারও সমাধি এই স্থানে থাকায় ইহা হিন্দুদেরও শ্রদ্ধা আকর্ষণ করিয়া থাকে।



জাফরখাঁ গাজার মসজিদ—ত্রিবেণী

শিব-মন্দির—ইহাই এখানকার প্রাচীন নিদর্শনের অবশিষ্ট আছে। এই ঘাটটি উড়িষ্যার শেষ স্বাধীন রাজা মুকুন্দ দেও দ্বারা নিৰ্ম্মিত হইয়াছিল। খৃষ্টীয় ষোড়শ শতাব্দীর মধ্যভাগে ত্রিবেণী উড়িষ্যার মুকুন্দ হরিশচন্দ্র নামক হিন্দু রাজার হস্তগত হয় বলিয়া জানা যায়।

এখানকার অন্ত্যস্ত্র দ্রষ্টব্যের মধ্যে পাঁচটি ডোম-বিশিষ্ট জাফর খাঁ গাজির সমাধি ও মসজিদ অগ্রতম। মসজিদটি ১২৯৮ খৃঃ অব্দে নিৰ্ম্মিত হইয়াছিল বলিয়া কথিত আছে। হিন্দু মন্দির ধ্বংস করিয়া উহার উপাদান হইতে মসজিদ নিৰ্ম্মিত হইয়াছিল বলিয়া জানা যায়। বস্তুতঃ এখনও তাহার প্রমাণ

শুনা যায়, জাফর খাঁ মুসলমান হইলেও গঙ্গা দেবীর পূজা করিতেন। ( ২৬ )

( ২৩ ) (ক) Bengal District Gazetteers—Hooghly.  
(খ) The Banks of Bhagirathi—Calcutta Review—1846.

(গ) Satgaon and Tribeni—Bengal Past and Present, Vol. III

লেখকের অনুসন্ধিৎসার অভাব বা অজ্ঞতাবশতঃ “পুরাতনী”তে কোন কোন বিষয়ে ভুল থাকিয়া যাউতেছে। যাহাদের জানা আছে, তাঁহারা অনুগ্রহ পূর্বক এই ভুলগুলি আমার জানাইলে বাধিত হইব। চাত্রার সুবিখ্যাত কাশীধর পণ্ডিতের কথা লিখিতে আমার ভুল হওয়ায় আমি দুঃখিত। চাত্রার গৌরান্দ-মন্দির, দীতলা-মন্দির, দাওয়ানের ঘাটেরও উল্লেখ করা আমার উচিত ছিল।

—লেখক।



## সাংখ্যে বন্ধনবাদ \*

[ অধ্যাপক ৩ অভয়কুমার মজুমদার এম-এ লিখিত ইংরাজি চহিতে ]

অধ্যাপক শ্রীযতান্দ্রকুমার মজুমদার এম-এ

[ পিএইচ-ডি ( লণ্ডন ) কর্তৃক অনূদিত ]

প্রকৃতি ও প্রকৃতি-বিকৃতির ভোগ হইতে পুরুষের যে আধ্যাত্মিক, আধিভৌতিক ও আধিদৈবিক দুঃখের অনুভূতি হয়, তাহাকেই বন্ধন বলে। এই ভোগের কারণ কি ? সৃষ্টি বা সর্গের জন্ত পুরুষ-প্রকৃতির সংযোগই ইহার কারণ। কিন্তু, পুরুষ-প্রকৃতির সংযোগ নিত্য, স্নতরাং অবিচ্ছেদ্য। তাহা হইলে কি পুরুষ নিত্যবদ্ধ ? ‘বন্ধন’ শব্দের দুইটা অর্থ আছে—একটা ব্যাপক ও অপরটা সঙ্কীর্ণ। প্রথমোক্ত অর্থে ‘বন্ধন’ শব্দে পুরুষ-প্রকৃতির এক নিত্য ও সাধারণ সংযোগ বুঝায় ; এমন কি, প্রলয়-কালেও যখন সকল বস্তু প্রকৃতিতে লীন হইয়া যায়, তখনও এই সংযোগ অবিচ্ছিন্ন থাকে। বন্ধনের এই অর্থানুসারে বলা যাইতে পারে যে, পুরুষ নিত্যবদ্ধ ; কারণ, পুরুষ প্রকৃতি হইতে পৃথক্ ভাবে অবস্থান করেন না, কিন্তু প্রকৃতিকে নিত্য ব্যাপ্ত

করিয়াই অবস্থান করেন। বন্ধনের দ্বিতীয় অর্থে ইহা এক বিশিষ্ট ( Specific ) বন্ধনকেই বুঝায়। বিশেষ ভোগার্থে পুরুষ যে সকল বিশিষ্ট উপাধি রচনার জন্ত প্রকৃতির সহিত বিশিষ্টযোগে যুক্ত হন, তাহা হইতে যে ত্রিবিধ দুঃখ উৎপন্ন হয়, তাহারই অনুভূতি এই বিশিষ্ট বন্ধন। এই অর্থেই সাংখ্যে ‘বন্ধন’ শব্দটা ব্যবহৃত হইয়াছে। এই বিশিষ্ট বন্ধনের বাস্তব ও পূর্ববর্তী কারণ অবিবেক, যাহার ফলে জীব নিজ স্বরূপ ভূগিয়া গিয়া তাহার ভোগের বস্তুগুলি, অর্থাৎ মহদাদি পঞ্চ মহাভূতের সহিত নিজেকে একীভূত করিয়া ফেলে। এইরূপে পুরুষ যখন সম্পূর্ণ রূপে ভোগ্য বস্তুগুলির দ্বারা বেষ্টিত হইয়া পড়ে, তখন অজ্ঞানতাবশে সে ভাবিতে থাকে যে, ইচ্ছা, অভাব প্রভৃতি যে সকল ভাব প্রকৃত দেহের পরিবর্তনশীল অবস্থা হইতে উদ্ভূত হয়, তাহা

\* মূল ইংরাজিটা আমেরিকার ‘The philosophical Review’র ১৯২৬ সালের মে সংখ্যাতে প্রকাশিত হইয়াছে।

তাহারই। অথবা এক কথায় বলিতে গেলে বলিতে হয় যে, সমস্ত অস্তঃকরণ বা চিত্ত তাহার নিজেই অংশ। আরও অধিক অগ্রসর হইলে পুরুষ নিজেকে তাহার পরিবার, সন্তানাদি সকল পাথিব পদার্থের সহিত জড়িত করিয়া ফেলে এবং তখন সে বলিতে থাকে, ‘আমি সুখ অনুভব করিতেছি, আমি দুঃখ অনুভব করিতেছি’ ইত্যাদি। এইরূপে সে নিজ স্বরূপকে ভুলিয়া গিয়া প্রকৃতিতে মগ্ন হইয়া যায়। সাংখ্য বলেন যে, এই সম্পূর্ণ আত্ম-বিশ্বাসই জীবের সকল দুঃখ কষ্টের আদি কারণ। সুতরাং আমরা দেখিতে পাই যে, বন্ধনের প্রকৃত কারণ পুরুষ-প্রকৃতির সংযোগ নহে, কিন্তু এই অবিবেকই। অতএব এই কাণ্ডটা মানসিক (psychological),—তাত্ত্বিক (metaphysical) নহে। অর্থাৎ এই অবিবেকিতা জীবের মানসিক বিকারেরই ফল, তদ্ব্যতীত বা স্বরূপতঃ ইহার কোন অস্তিত্ব নাই। মানসিক বিকারের ফল হওয়ায় এই মোহকে মানসিক উন্নতি বিধায়ক সাধনার দ্বারা দূরীভূত করা যাইতে পারে। সাংখ্যও স্বীকার করেন যে, মনের এইরূপ উন্নতি নানাবিধ ধর্ম ও নৈতিক সাধনার দ্বারা সাধিত হইতে পারে। এবং সঙ্ঘর্ষব্যাপী এইরূপ সাধনার পর মোহ কাটিয়া যায় ও সঙ্গে সঙ্গে বন্ধন দূর হয়। অর্থাৎ ত্রিবিধ দুঃখ হইতে সম্পূর্ণ মুক্তিতে সম্ভবপর হয়। আশ্চর্যের বিষয় এই যে এই বিষয়ে প্রকৃতি দুইটা কাণ্ড সাধন করে। এক পক্ষে, প্রকৃতি বহু রূপ প্রকাশ দ্বারা পুরুষের ভোগার্থ নানারূপ বস্তুর যোগান দিয়া তাহার বন্ধন রচনা করে; এবং অপর পক্ষে, প্রকৃতি পুরুষের পূর্ণ সন্তোষ উৎপাদন করিয়া ভোগ পরিসমাপ্ত দ্বারা তাহার বন্ধন মোচন করে। (সাংখ্য কারিকার ৫৬, ৫৮ ও ৫৯ শ্লোক দ্রষ্টব্য)। এইরূপ মোহ ও তাহার ফলের এক বিস্তৃত বর্ণনা মহাভারতের শান্তিপর্কের ৩০২ অঃ, ৪১—৪৯ শ্লোকে ও ৩০৩ অধ্যায়ে প্রদত্ত হইয়াছে।

এক্ষণে প্রশ্ন হইতে পারে—এই মোহ ও তাহার ফলরূপ যে বন্ধন তাহা প্রকৃত পক্ষে কাহার? প্রথম দৃষ্টিতে মনে হয় যে, সাংখ্য যোগ বলিতেছেন যে, ইহা পুরুষের হইতে পারে না; কারণ পুরুষ নিত্যবুদ্ধ ও নিত্যমুক্ত। (সাংখ্য কারিকার ১৯ শ্লোক ও সাংখ্য প্রবচন সূত্রের ৩ অঃ, ৭১ ও ৭২ সূঃ, ৫ অঃ ১৩ সূঃ ও ৬ অঃ, ১০ম সূঃ দেখ)। তাহা হইলে ইহারা প্রকৃতিরই হইবে যদি তাহাই হয়, তাহা হইলে পুরুষ

কিরূপে মোহগ্রস্ত ও বদ্ধ হন? প্রথমতঃ দেখিলে মনে হয় যে সাংখ্য বলিতেছেন যে, সান্নিধ্য হেতুই প্রকৃতির এই মোহ ও বন্ধন পুরুষে প্রতিবিম্বিত হয়, যেরূপ সান্নিধ্য হেতু জ্বা-পুষ্পের লোহিত বর্ণ স্ফটিকের পাত্রে প্রতিবিম্বিত হয় (সাং, প্র, সূত্রের ৬ অঃ, ২৭ ও ২৮ সূত্র দেখ)। যদিও এই উপমাটা সাংখ্যের অন্ত্য উপমার স্মরণ ঠিক নহে, তথাপি ইহার ভিতর একটা সত্য নিহিত রহিয়াছে। প্রথমতঃ দেখিলে মনে হয় যে, এই উপমাটির দ্বারা এই কথার উপরই জোর দেওয়া হইতেছে যে, প্রকৃতি যে এই প্রতিবিম্ব পুরুষের উপর নিষ্কপ করিতেছে, পুরুষ যেন তাহার দ্বারা স্বভাবতঃ অনভিভূত থাকেন, যেরূপ জ্বাপুষ্পের লোহিত বর্ণ প্রতিবিম্বিত হওয়ায় স্ফটিকের পাত্রকে লোহিত বর্ণ দেখায়, কিন্তু প্রকৃত পক্ষে স্ফটিকের পাত্রটা তাহার দ্বারা অভিভূত হয় না, অর্থাৎ যাহা তাহাই থাকে। কিন্তু বস্তুতঃ এই উপমাটা বিপরীত সত্যটির উপরই জোর দিতেছে। স্ফটিকের পাত্রটির প্রতিবিম্ব গ্রহণের শক্তি আছে, অন্তথা ইহার উপর কোন রূপেই প্রতিবিম্ব পড়িতে পারিত না। সুতরাং প্রকৃত পক্ষে যে প্রতিবিম্বের দ্বারা পুরুষের উপর মোহ ও বন্ধন নিষ্কপ হয়, তাহার প্রতি পুরুষ উদাসীন থাকেন না; কিন্তু তিনি প্রকৃতি-নিষ্কপ এই প্রতিবিম্বের দ্বারা অভিভূত হন; এবং এই প্রতিবিম্বটা যতক্ষণ থাকে ততক্ষণ পুরুষও তদবস্থ থাকেন। ফলতঃ পুরুষের এই মোহ ও বন্ধন বাস্তব। এই বাক্যটা কি—পুরুষ যে নিত্যবুদ্ধ ও নিত্যমুক্ত এই বাক্যটির সহিত অসমঞ্জস নহে? এই প্রশ্নটির যথার্থ উত্তর দিতে হইলে আমরা নিজেই তাহা করিয়া বিবেচনা করিয়া দেখিতে হইবে যে সাংখ্যমতে অবিজ্ঞা বা অবিবেক জিনিষটা কি?

অবিজ্ঞা বা অবিবেক বিজ্ঞা বা বিবেকেরই বিপরীত, ইহা পুরুষ-প্রকৃতির একত্র জ্ঞান। পুরুষ যখন নিজেকে প্রকৃতি ও তদগুণের সহিত এক মনে করেন তখনই বলা যাইতে পারে যে তাঁহাতে অবিবেক বা অবিজ্ঞা উদ্ভূত হইয়াছে। অন্য ভাবে বলিতে গেলে বলা যায় যে, বিজ্ঞা বা বিবেক প্রকৃতি-পুরুষ সম্বন্ধে ভিন্নভেদের জ্ঞান (discriminative knowledge), এবং অবিজ্ঞা বা অবিবেক প্রকৃতি-পুরুষের অভিন্নভেদের বা

একত্বের জ্ঞান। যোগসূত্রেও অবিজ্ঞা বা অবিবেকের এই একই অর্থ প্রদত্ত হইয়াছে। “অনিত্যাহুচি হুঃখানাহুস্মা নিত্যাহুচিসুখানাথ্যাতিরবিজ্ঞা”, অর্থাৎ “অনিত্যকে নিত্য বলিয়া অহুচিকে হুচি বলিয়া, হুঃখকে সুখ বলিয়া এবং অনাস্মাকে আস্মা বলিয়া ভাবিবার নামই অবিজ্ঞা।” ব্যাসদেব এই সূত্রের এইরূপ ব্যাখ্যা করিতেছেন—“যথা নামিত্রো মিত্রোভাবো ন মিত্রমাত্রং কিন্তু তদ্বিক্রদ্ধঃ সপত্ন, তথাহুগোপ্পদঃ ন গোপ্পদাভাবো ন গোপ্পদমাত্রং, কিন্তু দেশ এব তাভ্যামত্ৰং বস্তুস্বরং, এবমবিজ্ঞা ন প্রমাণং ন প্রমাণাভাবঃ কিন্তু বিজ্ঞা-বিপরীতং জ্ঞানাস্তরমবিদ্যেতি”, অর্থাৎ “যে রূপ অমিত্র অর্থে মিত্রের অভাব বা মিত্রমাত্র বুঝায় না, কিন্তু শত্রুকেই বুঝায়; এবং অগোপ্পদ অর্থে গোপ্পদের অভাব বা গোপ্পদমাত্রকে বুঝায় না, কিন্তু অত্র বিদ্যুত দেশকেই বুঝায়; সেইরূপ অবিজ্ঞা অর্থে প্রমাণ বা প্রমাণাভাবকে বুঝায় না, কিন্তু বিজ্ঞার বিপরীত একপ্রকার জ্ঞানকেই বুঝায়।” সুতরাং ব্যাসদেবের মতে অবিজ্ঞা বিজ্ঞাভাব নহে, কিন্তু বিজ্ঞার বিপরীত একপ্রকার বিশেষ জ্ঞান ( positive knowledge ); অথবা, অত্র ভাবে বলিতে গেলে বলা যায় যে, অবিজ্ঞা অভিন্ন-জ্ঞানের জ্ঞান ( non-discriminative knowledge ), অর্থাৎ প্রকৃতি পুরুষের একত্বের জ্ঞান। অতএব অবিজ্ঞা বিজ্ঞার ঞ্জাই বাস্তব,—উভয়ই বিশেষ জ্ঞান, কিন্তু এই জ্ঞান ভিন্ন ভিন্ন বস্তু সম্বন্ধে, এইমাত্র প্রভেদ। বিজ্ঞা হইতেছে পুরুষ প্রকৃতির ভিন্নত্বের জ্ঞান এবং অবিজ্ঞা হইতেছে পুরুষ প্রকৃতির একত্বের জ্ঞান। কিন্তু পুরুষ নিত্য, শুদ্ধ, আনন্দময়, আত্মস্বরূপ ( spiritual ), এবং প্রকৃতির বিকাশগুলি অনিত্য, অশুদ্ধ, দুঃখময় ও অনাস্ম স্বরূপ; সুতরাং অবিজ্ঞা হইতেছে নিত্য, শুদ্ধ ইত্যাদির ও অনিত্য, অশুদ্ধ ইত্যাদির অভিন্নত্বের জ্ঞান; এবং এই কথাই উপরিউক্ত ১ম সূত্রে বলা হইয়াছে। যদিও সকল জ্ঞানই, সত্যই হউক বা মিথ্যাই হউক, জ্ঞান, তথাপি তাহাদের মূল্য সমান নহে; কতকগুলিকে রক্ষা করা আবশ্যিক, আবার কতকগুলিকে বর্জন করা আবশ্যিক। বিজ্ঞাই প্রকৃত জ্ঞান, কারণ ইহা পুরুষ প্রকৃতির ভিন্নত্বের জ্ঞান, যাহা সত্য; কিন্তু অবিজ্ঞা

মিথ্যা বা ভ্রান্ত জ্ঞান, কারণ ইহা পুরুষ প্রকৃতির অভিন্নত্বের জ্ঞান, যাহা মিথ্যা বা ভ্রান্ত। ইহাও জ্ঞানই মনে হয় সাংখ্য বলিতেছেন যে, অবিজ্ঞাকে পরিহৃত করা কর্তব্য ও বিজ্ঞাকে লাভ করা উচিত, যদি আমরা মুক্তিলাভের ইচ্ছা করি। এক্ষণে প্রশ্ন হইতে পারে—আমরা কেন বলি যে পুরুষ-প্রকৃতির অভিন্নত্বের জ্ঞানটা ভ্রান্ত? অবশ্য এ বিষয়ে কোনও সন্দেহ নাই যে পুরুষ ও প্রকৃতি ভিন্ন; কিন্তু তাহারা সম্বন্ধও বটে; অর্থাৎ পুরুষ ও প্রকৃতি উভয়েই সর্বব্যাপী,—তাহারা পরস্পর পরস্পরকে ব্যাপ্ত করিয়া রহিয়াছে। পুরুষ ও প্রকৃতির সংযোগ নিত্য ও অবিচ্ছিন্ন, ইত্যাদি। সুতরাং পুরুষ ও প্রকৃতি ভিন্নও বটে; আবার অভিন্নও বটে, অর্থাৎ তাহারা একেবারে ভিন্নও নহে, আবার একেবারে অভিন্নও নহে, কিন্তু পরস্পর পরস্পরকে অপেক্ষা করে। এক্ষণে সাংখ্য যে কারণে প্রকৃতি-পুরুষের একত্বের জ্ঞানটা ভ্রান্ত বলিতেছেন, তাহা স্পষ্টীকৃত হইতেছে—পুরুষ ও প্রকৃতি সম্পূর্ণ এক বস্তু নহে; এবং যদি আমরা পুরুষ ও প্রকৃতিকে এক বস্তু বলিয়াই মনে করি, যে রূপ সাধারণ লোকে করে, তাহা হইলে আমাদের সেই জ্ঞানটা ভ্রান্ত হইয়া পড়িবে; এবং যতক্ষণ অবধি আমাদের সেই জ্ঞানটা থাকিবে, ততক্ষণ আমরা অবিজ্ঞাজনিত মোহের দশাতেই থাকিব। সুতরাং, প্রকৃতি-পুরুষের একত্বের জ্ঞানের জ্ঞান অবিজ্ঞা মিথ্যা বা মোহাত্মক নহে; কিন্তু সকল জীবই যতক্ষণ না তাহাদের বিজ্ঞালাভ হেতু মুক্তি লাভ হয়, ততক্ষণ এই একত্বকে সম্পূর্ণ ( absolute ) বলিয়া ধরে বলিয়াই অবিজ্ঞা মিথ্যা বা মোহাত্মক।

পূর্বে যাহা বলা হইল, তাহা হইতে ইহাই স্পষ্টীকৃত হইতেছে যে, ঈশ্বরের জীবরূপ ধারণ, যাহা প্রকৃতির সহিত বিশিষ্টরূপ সংযোগ দ্বারা সাধিত হয়, এবং যাহার ফলে মহাদি পঞ্চমহাত্ম ও তাহাদের সংমিশ্রণে অস্ত্রাত্ম বস্তু উৎপন্ন হয়, তাহাই অবিজ্ঞার প্রকৃত কারণ। কিন্তু পুরুষের এই বহুধা প্রকাশ-ক্রিয়া নিত্য; সুতরাং ইহার ফল-রূপ অবিজ্ঞাও নিত্য। এখন এই প্রশ্ন হইতে পারে—অবিজ্ঞা যদি নিত্য হয়, তাহা হইলে কিরূপে ইহার ধ্বংস সাধিত হইতে পারে? সাংখ্য বলেন যে, বিজ্ঞা বা বিবেকজ্ঞান দ্বারাই ইহার ধ্বংস সাধিত হইতে পারে ( সাং, প্রঃ, ৩ঃ ৩ অঃ, ২৩ সূঃ, ও সাংখ্য কারিকার ৪৪ শ্লোঃ দেখ )। কি

অবিদ্ধা দ্বারা অবিদ্ধার এই বিনাশ এক নির্দিষ্ট সময়ে সংঘটিত হয়। তাহা হইলে, যাহা এক নির্দিষ্ট সময়ে ঘটে সেই ধ্বংস কিরূপে অবিদ্ধাকে অভিভূত করিতে পারে? কারণ ইহা নিত্য ও কালাতীত বা সৰ্বকালব্যাপী। অর্থাৎ অবিদ্ধা নিত্য হওয়ায় তাহার ধ্বংস হইতে পারে না। তাহা হইলে ইহার সহিত, সাংখ্যের “বিদ্ধা অবিদ্ধাকে নাশ করিতে পারে, যেরূপ আলোক অন্ধকারকে নাশ করিতে পারে” (সাং প্রঃ সূঃ—১ম অ, ৫)—এই উক্তিটির সামঞ্জস্য বিধান কিরূপে করা যাইতে পারে? তাহা এই প্রকারে সম্ভব হইতে পারে—প্রকৃতি ও পুরুষের একত্ব-রূপ ভ্রান্ত ধারণার ফলে উৎপন্ন অবিদ্ধার নাশ কেবল ঐ ভ্রান্ত ধারণার প্রকৃত স্বরূপ-বোধের দ্বারাই হইতে পারে; এবং সেই স্বরূপ-বোধটী এই যে, প্রকৃতি ও পুরুষের অভেদ সম্পূর্ণ নহে; অর্থাৎ ইহার দ্বারা পুরুষ ও প্রকৃতির ভিন্নত্বও বুঝায়। সুতরাং, বাস্তবিক পক্ষে অবিদ্ধা একেবারে ধ্বংসপ্রাপ্ত হয় না, কেবলমাত্র রূপান্তরিত হয়; অথবা ইহা পূর্ব রূপ হইতে সম্পূর্ণ ভিন্ন রূপ ধারণ করে। পুরুষ ও প্রকৃতির একত্বের জ্ঞান সম্পূর্ণ রূপে ধ্বংসপ্রাপ্ত হয় না বা হইতে পারে না, যেহেতু উহা অংশতঃ সত্য। সুতরাং সাংখ্য যখন বলেন যে, বিদ্ধা অবিদ্ধাকে নাশ করিতে পারে, তখন এই কথাই বুঝিতে হইবে যে, প্রকৃতি ও পুরুষের ভিন্নত্বের জ্ঞান প্রকৃতি ও পুরুষের অভিন্নত্বের ভ্রান্ত জ্ঞানকে রূপান্তরিত করে, একেবারে নাশ করে না। এবং অবিদ্ধার এই রূপান্তর প্রাপ্ত তাহার নিত্য স্বভাবের বিরোধী নহে, কারণ সাংখ্যের কার্য-কারণ-সম্বন্ধের নিয়মামুসারে কিছুই শূন্য হইতে জাত হয় না বা শূন্যতা প্রাপ্ত হয় না, কিন্তু সকল বস্তুই রূপান্তর প্রাপ্ত হয়, এবং এই ধারাও নিত্য। সেইরূপ অবিদ্ধাও নিজ স্বভাবের একেবারে পরিবর্তন না করিয়া রূপান্তর প্রাপ্ত হয়, এবং মুক্তিদশায় যখন অবিদ্ধার রূপ একেবারে পরিবর্তিত হইয়া যায়, তখন ইহাকে সম্পূর্ণ নূতন বস্তু বলিয়াই বোধ হয়। অবিদ্ধার এই পূর্ণ পরিবর্তন বা রূপান্তরকেই সাংখ্য ইহার নাশ বলেন; কারণ ইহার প্রভাবে পুরুষ আর মোহগ্রস্ত হয় না।

আমরা প্রথমে যে প্রশ্নটি উত্থাপিত করিয়াছিলাম এবং যাহার উত্তর প্রদত্ত হয় নাই, তাহার উত্তর এখন দেওয়া যাইতে পারে। সেই প্রশ্নটি এই—অবিদ্ধা ও বন্ধনের সত্তা

কিরূপে পুরুষের নিত্যবুদ্ধ ও নিত্যমুক্ত স্বভাবের সহিত সমঞ্জস হইতে পারে? উপরে যে দুইটি বিপরীত বাক্য বলা হইয়াছে, তাহার দ্বারা এই বুঝায় যে, আমরা পুরুষের স্বভাবকে দুই ভাবে দেখিতে পারি। জীবমাত্রেরই একপক্ষে পুরুষেরই পূর্ব প্রকাশ। ঈশ্বর বা পুরুষ প্রত্যেক জীবে পূর্ণরূপে বর্তমান থাকায়, তাহাকে নিত্যবুদ্ধ ও নিত্যমুক্ত বলা যাইতে পারে। কিন্তু অপর পক্ষে ঈশ্বর বা পুরুষ জীবের সীমাবদ্ধ ও দেহ তত্ত্ব উপাদিগণের মধ্য দিয়া নিজস্বরূপকে প্রকাশ ও অনুভব করিতেছেন বলিয়া তাহাকে মোহগ্রস্ত ও বদ্ধ বলিয়াই প্রতীত হয়। অতএব জীবের প্রকৃত স্বরূপ বুঝিতে গেলে এই দুইটি ভাব বুঝা আবশ্যিক; এবং জীবের এই মোহ ও বন্ধন বাস্তব, কারণ কেবল ইহার দ্বারাই ঈশ্বর জীবের মধ্যে নিজস্ব রূপকে ক্রমে ক্রমে উপলব্ধি করেন ও পূর্ণ রূপ প্রাপ্ত হইয়া মুক্ত হন। কিন্তু ঈশ্বর কেন এইরূপ সীমা সৃষ্টি করিলেন তাহার উত্তর দেওয়া যায় না, কারণ তাহা অর্থহীন। অবিদ্ধাদি যে কোনও বাক্য প্রয়োগ করা যাউক না কেন, তথাপি এই সমস্তার মৌমাংসা করা ব্যর্থ প্রয়াসমাত্র। যে সকল কাঠিন্য় উখিত হয়, তাহার লাঘব হইবে না, যদি আমরা বলি যে, অবিদ্ধা প্রকৃত পক্ষে প্রকৃতিরই, এবং সান্নিধ্য-হেতু তাহা পুরুষে নিষ্কিপ্ত হয়। কারণ, পুরুষ যদি অবিদ্ধা হইতে সম্পূর্ণ স্বাধীন হইতেন, তাহা হইলে তিনি কোনও প্রকারেই অবিদ্ধার দ্বারা অভিভূত বলিয়া প্রতীত হইতে পারিতেন না। জবা ও স্ফটিকের যে উপমাটি প্রদত্ত হইয়াছে, তাহার দ্বারা ইহা আদৌ প্রমাণিত হয় না যে, সান্নিধ্য-হেতু প্রকৃতি পুরুষের উপর যে অবিদ্ধা নিষ্কেপ করে, তাহার দ্বারা পুরুষ সম্পূর্ণ রূপে অভিভূত থাকেন। অধিকন্তু, ‘সান্নিধ্য’ এই শব্দটির দ্বারা পুরুষ ও প্রকৃতির সম্বন্ধ প্রকটিত হইতে পারে না; কারণ পুরুষ ও প্রকৃতি নিত্যমুক্ত ও পরস্পরব্যাপী। ইহার দ্বারা কাঠিন্য়টি বরং আরও অধিক বদ্ধিত হয়; কারণ ইহার দ্বারা ইহাই প্রমাণিত হয় যে, পুরুষের অবিদ্ধাভিভূত রূপে প্রতিভাত হইবার ক্ষমতা আছে, যেরূপ জবার সন্নিকটস্থ স্ফটিকের লোহিত বর্ণে প্রতিভাত হইবার ক্ষমতা আছে। অধিকন্তু, প্রকৃতি ও পুরুষ পরস্পরকে ব্যাপ্ত করিয়া রহিয়াছে; সুতরাং যাহা কিছু প্রকৃতির তাহা পুরুষের দ্বারাও ব্যাপ্ত হইবে; অর্থাৎ তাহাও পুরুষের স্বভাবাস্তর্গত হইবে। সুতরাং আমরা

দেখিতে পাইতেছি যে, পুরুষ সর্বব্যাপী হওয়ায়, প্রকৃতিতে এমন কিছুই নাই, যাহা একেবারে পুরুষের স্বভাবের বহির্ভূত। পুনশ্চ, অবিদ্যা একপ্রকার বিশিষ্ট জ্ঞান হওয়ায়, উহা প্রকৃতির হইতে পারে না, কারণ প্রকৃতি জড়স্বভাবা বা পূর্ণ চৈতন্যশালিনী ( subconscious ) নহে। ফলতঃ, অবিদ্যাকে যে প্রকারেই হউক পুরুষের হইতে হইবে। এই

সকল কারণেই আমরা বলিয়াছি যে, এই প্রশ্নটির উত্তর একান্ত অসম্ভব—ইহা একেবারে সৃষ্টি-রহস্য বিষয়ক। এক্ষণে আমরা এই সিদ্ধান্তে উপনীত হই যে, ঈশ্বর জীবে বিদ্যমান থাকায়, জীবের মানসিক ও দৈহিক সকল বিধানই তাঁহার স্বভাবাস্তর্গত এবং কেবল এইগুলির দ্বারাই তিনি আত্মানুভূতি ও আত্মসাক্ষাৎকার লাভ করেন।

## দিকশূল

শ্রীউপেন্দ্রনাথ গঙ্গোপাধ্যায়

[ ১৯ ]

পরদিন সকালে নরেশ স্কুমারীকে বলিল, “মায়া-মমতার শিকড়গুলি যত গভীর হয়ে বসবে, যাবার দিন উপড়ে ফেলতে তত বেশী কষ্ট হবে। অতএব আর বিলম্ব না করে আজই চল।”

সরমা সজোরে মাথা নাড়িয়া বলিল, “সে কিছুতেই হবে না জামাইবাবু! যাবার দিন দেবী হলে কষ্ট যত বেশীই হ’ক না কেন, সে কষ্ট তা বলে এত শীঘ্র ভোগ করা হবে না!”

রমাপদ বলিল, “তা ছাড়া, যাবার দিনে যদি কষ্টই না হল তাহলে সে যাওয়াই বৃথা! যাবার সময়ে যত বেশী কষ্ট হয় ততই ভাল!”

নরেশ বলিল, “গভীর রসতন্দের দিক দিয়ে যখন কথাটা বললে, তখন বলি, যত শীঘ্র যাবে তত বেশী সে কষ্ট হবে। আজ যদি সে কষ্ট বেশী না হয় কাল আরো কম হবে, এ নিশ্চয় জেনো। অতএব সে হিসাবে বিলম্ব না করে আজই যাওয়া উচিত।”

শীঘ্র যাওয়ার পক্ষে স্কুমারীরই এখন সকলের চেয়ে অধিক আপত্তি ছিল। সে বলিল, “হিসেবটা যেমন করেই করছ, সুবিধাটা মোটের উপর তোমারই দিকে থাকছে!”

রমাপদ হাসিয়া বলিল, “কতকটা কথামালার সেই বাধের মত!”

এ ক্ষেত্রে কিন্তু কথামালার কাহিনার মত ফল না

ফলিয়া অন্তরূপ ফলিল। সে দিন ত যাওয়া হইলই না, তাহার পরও ক্রমে ক্রমে রমাপদ এবং সরমার নির্দিকে দুই তিন দিন যাওয়া পিছাইয়া গেল। বাহিরের শক্তি যত দিন কাজ করিতেছিল, তত দিন স্কুমারী নিজ শক্তি প্রয়োগ করে নাই। কিন্তু সে শক্তি যখন ক্রমশঃ দুর্বল হইয়া আসিল, তখন সে নিজ শক্তি-বলে আরও চার পাঁচ দিন যাওয়া স্থগিত করিল এবং তাহারি মধ্যে কোনো এক দিনে রেল টিকিটগুলির ভাগলপুর হইতে হাওড়া পর্যন্ত অব্যবহৃত অংশ নষ্ট হইয়া গেল। কিন্তু অবশেষে যেদিন যাওয়া অনিবার্য বলিয়া মনে হইল, সেদিন সকাল হইতে সকলের সহিত সর্বপ্রকার যোগ ছিন্ন করিয়া স্কুমারী ঘণ্টাকে লইয়া দূরে দূরে বেড়াইতে লাগিল; এবং বেলা যতই বাড়িতে লাগিল, তাহার নেত্র দুটি কোনো ক্রিয়া-বিশেষের ফলে উত্তরোত্তর লাল হইয়া উঠিল।

দূর হইতে এই রক্ত-চিহ্ন দেখিয়া নরেশ বিপদ গণিল। পরের ছেলের প্রতি স্কুমারীর এই নিরতিশয় মমতায় একবার তাহার মনে বিরক্তির উদয় হইল; কিন্তু পরক্ষণেই যখন মনে পড়িল যে অধিকারবিহীন নিরুপায় আকর্ষণের পিছনে কত বড় একটা আগ্রহ এবং আক্ষেপ লুকাইয়া আছে,—যখন তাহার বুদ্ধিতে বাকি রহিল না যে পরের ছেলের প্রতি স্কুমারীর এই অধীর অস্বাভাবিক আকর্ষণের কারণই এই যে ঘণ্টা তাহার নিজের ছেলে নয়,



পরের চেলে,—তখন নিবিড় কঙ্কণায় নরেশের হৃদয় ভরিয়া গেল!

কোনো সুযোগে সুকুমারীর সম্মুখবর্তী হইয়া সে বলিল, “সুকু! একটা কাজ করবে?”

অত্ৰদিকে চাহিয়া সুকুমারী বলিল, “কি কাজ?”

“এদের তিনজনকে কিছুদিনের জন্ত কলকাতায় ধরে নিয়ে যাবে? চেঞ্জের শরীরটাও সেবে যেতে পারে।”

বাপ্পদক্কে সুকুমারী বলিল, “পার ত’ চল না।”

“রমাপদকে বলব?”

“বল।”

রমাপদ শুনিয়া বলিল, “বেশ ত! আমার কিছুমাত্র আপত্তি নেই। আপনি এদের দুজনকে নিয়ে যান। আমার কিছু যাওয়া হবে না নরেশের। সে বিষয় বাধা আছে।”

“কি বাধা?”

একটু ইতস্ততঃ করিয়া রমাপদ বলিল, “এই মাস থেকে আমি একটি ছেলে-পড়ানো পেয়েছি।”

নরেশ সজোরে বলিল, “এই বাধা? এ কোন বাধা নয়! তুমি অত্র লোক ঠিক করে দাও।”

ক্ষণকাল চুপ করিয়া থাকিয়া রমাপদ বলিল, “না, তা হয় না। তাঁরা আমাকেই চান। আর আমিও তাঁদের কাছ থেকে কিছু টাকা আগাম নিয়েছি।”

এক মুহূর্ত রমাপদের দিকে নিবিষ্টভাবে চাহিয়া থাকিয়া নরেশ বলিল, “কত টাকা? সঙ্কোচ কোরো না। রমাপদ, আমি তোমার বড় ভাই।”

রমাপদের মুখ লাল হইয়া উঠিল; সে বলিল, “টাকার কথা নয় নরেশদা,—টাকা এমন কিছু বেশী নয়, সে আমি ফিরিয়ে দিতেও পারি। এই পড়ানোর ব্যবহার মধ্যে অত্র লোক জড়িত আছেন, আমি তাঁর কাছে অপ্রস্তুত হব। তা ছাড়া ছেলেটি আমার কাছে পড়বার প্রতীক্ষায় এ কয়েকদিন অত্র কারো কাছে পড়ছে না। আমার কোনো অপ্রবিধা হবে না, বিত্তীয় সব কাজ করবে, আমি কুকারে খাবার তৈরী করে নেব। আপনি স্বচ্ছন্দে এদের দুজনকে নিয়ে যান।”

কথাটা যখন সরমা এবং রমাপদের মধ্যে উঠিল, সরমা বলিল, “সে কিছুতেই হবে না! আমরা কলকাতায়

আরামে কাল কাটাতে, আর তুমি এখানে বসে হাত পুড়িয়ে থাকবে, এতে আমি একেবারেই রাজী নই।”

রমাপদ হাসিয়া বলিল, “হাত ত আমার মোটে দুটা, সে আর কদিন পুড়িয়ে থাক? তার চেয়ে অত্র কিছু পুড়িয়ে খেলেই হবে। কিন্তু আমার পক্ষে যাওয়া যে অসম্ভব তা মানো কি না?”

সরমা বাগ্রভাবে কহিল, “আমি ত’ তা একবারও বলছি নে। আমি বলছি আমরাও যাব না।”

রমাপদ বলিল, “এ কিন্তু তোমার অত্রায় কথা সরো! দেখছ ত’ ঔদের কত আগ্রহ! তা ছাড়া খোকায় একটু চেঞ্জ হলে উপকার যদি হয় সেটাও একটা ভাববার কথা। পরস্য ধরচ করে লোকে যে ব্যবস্থা করে তোমার সেটা এমনিই হচ্ছে। আমার জন্তে যে ভাবনার কথা কিছু নেই শোন ত বুঝতে পারছ?”

সরমা মাথা নাড়িয়া বলিল, “মোটাই বুঝতে পারছি নে। তুমি হাজার বার বললেও আমার ভাবনা একটু কমবে না। তা ছাড়া খোকায় জন্ত কলকাতায় যাবার কোনো দরকার নেই। আমরা গরীব মানুষ। তুমি কিছু ভেবো না, এই ভাগলপুত্রের জল-হাওয়ার গুণে খোকা সেবে উঠবে। দোহাই তোমার, আর এ বিষয়ে আমাকে পীড়াপীড়ি করে ঔদের কাছে অপ্রস্তুত করো না! আমি তোমাকে ফেলে কোথাও যাব না এ নিশ্চিত জেনো।”

কথাটা রমাপদের সহিত এইখানেই শেষ হইল, এবং তাহার কিছু পরেই সুকুমারী এবং নরেশের সহিতও শেষ হইয়া গেল।

সরমা হুঃখিত স্বরে বলিল, “আমার এক একবার মনে হচ্ছে দিদি, খোকাকে তোমার সঙ্গে পাঠিয়ে দিই। ও যে রকম তোমার বাধ্য হয়েছে, ওর কোনো কষ্ট হবে না।”

সুকুমারী বলিল, “পাগল হয়েছিস! তুই রাজী হলেও আমি তাতে রাজী নই। লোকে কথায় বলে মায়ের বাছা রায়ে বাঁচে। এখানে তোর চেখে চোখে থেকে আমার কাছে বেশ রয়েছে, কিন্তু সেখানে গিয়ে যখন মার মুখ না দেখে কাঁদতে আরম্ভ করবে, তখন মাসীর মুখ কোনো কাজ লাগবে না। তোরা তিনজনে যদি যেতিল তা হলে কোনো গোল ছিল না; কিন্তু কর্তাটিকে ত’ টানতে পারলি নে।”

নরেশ বলিল, “এ ত’ আর তোমার কর্তাটি নয় যে আত্মসমর্পণ করে ত্রেসে আছে, টান্লেই হল! এ সব কর্তারা ক্রিয়া-কর্মের নোঙর ফেলে নিজেদের বেঁধে রেখেছে, সহজে নড়ে না। কিন্তু আমার মনে কি সন্দেহ হচ্ছে জান? সরমা যে টানতে পারে নি তা নয়; টানে নি। ষ্ট্রিম্‌ল্‌ টান্লে গাধাবোট চলে না এ আমি বিশ্বাস করিনে!”

নরেশের কথা শুনিয়া সরমার মুখ লাল হইয়া উঠিল; শুধু পরিহাসের জন্ত নয়, পরিহাস বাণীর মধ্যে সত্য অনেকখানি বর্তমান ছিল বলিয়া। সে রমাপদকে সত্যই টানে নাই, এবং টানিলে ফল যে কি হইত সে বিষয়ে তাহার মিজরও সন্দেহ ছিল না।

সুকুমারী বলিল “ষ্ট্রিম্‌ল্‌রা যে অচ্যায় ভাবে কখনো টানে না! যখন টানে সব দিক ভেবে চিন্তে তবে টানে।”

“শুধু গাধাবোটের দিকটা বাদ দিয়ে।” বলিয়া নরেশ উচ্চস্ববে হাসিয়া উঠিল।

বিদায়কালে ঘোড়ার গাড়ীতে উঠিয়া সুকুমারী সকলের সমক্ষে কাঁদিয়া ফেলিল। লজ্জিত হইয়া তাড়াতাড়ি চোখ

মুছিয়া ফেলিয়া হাসিমুখে কহিল, “ভাগলপুরে এসে ভাল করি নি সরো! এখন দেখছি না এলই ভাল ছিল!”

সরমার চক্ষে অশ্রু ঝরিতেছিল; কহিল, “আমারো তাই মনে হচ্ছে দিদি! আর একবার থোকাকে নেবে?”

“আচ্ছা, দে।” বলিয়া সুকুমারী দুই হাত বাড়াইয়া সরমার ক্রোড় হইতে ঘিণ্টুকে লইয়া বক্ষের মধ্যে চাপিয়া ধরিল। তাহার পর নিবিড় আগ্রহে একবার তাহার মুখ দেখিয়া লইয়া মুখচুষন করিয়া সাবধানে সরমাকে ফিরাইয়া দিল।

পথের অনুজ্জন আলোকে সুকুমারীর অশ্রু-বিগলিত মুখে অঙ্কিত যে পদার্থ দেখিয়া সরমার মনে হইল সুগভীর স্নেহ—রমাপদ দেখিল তাহা প্রসঙ্গ কুধা! একটা অনির্দিষ্ট অস্বস্তিতে তাহার হৃৎকক হইয়া উঠিল।

নরেশ বলিল, “ঘিণ্টুকে ষ্টেশনে না হয় নিয়ে চল না রমাপদ—আবার গাড়ীতেই কিরিয়ে এনা।”

সুকুমারী ব্যস্ত হইয়া বলিল, “না, না, কাজ নেই। ঠাণ্ডা লাগবে। ছেলেকে খুব সাবধানে রাখিন সরো— ভারী শরীর খারাপ!” (ক্রমশঃ)

## মোটরে কাশ্মীর-যাত্রা

শ্রীদৌরান্দ্রমোহন মুখোপাধ্যায় বি-এল

শ্রীনগর

২

কলকাতায় এই কারু-কর্মের নিগড়, বাধা-ধরা অবসর, গাড়ী-বোড়া লোকজনের ভিড়, আর ধোঁয়ায় ভরা আকাশ—এ-সব ছেড়ে নিববচ্ছিন্ন অবসর, প্রকৃতির শোভা-সৌন্দর্যের এই বিরাট সান্নিধ্য আর বাধাবাধির শিকল ছিন্ন!—ঘোরার উৎসাহ এমন প্রসঙ্গ হয়ে উঠিল যে দু-তিন দিনে তার ফলভোগও করতে হলো। ভ-ভায়া আর আমি দু’জনে ইনফ্রুয়েঞ্জার পড়লাম। ‘টলিন্’ সুন্দর্য হয়ে অশেষ যত্নগা জাগিয়ে তুললে! সঙ্গে ছিলেন য-ভায়া,—ডাক্তার; কাজেই দৌড় কাঁপ করতে হলো না। ওখানকার ললিতাবাবু প্রভৃতি

এসে বললেন, চেনার-নালা থেকে বোট সরিয়ে ঝিলামে চলুন। চেনার-নালায় স্থায়ী ভাল রাখা সম্ভব হবে না—বড় ষেঞ্জি আর নোংরা।

সত্য বলতে কি, এই অস্বাস্থ্যকর আবহাওয়াটুকু খুবই উপলব্ধি করছিলুম,—কিন্তু নামের মোহ এক প্রকাণ্ড ব্যাপার! ঐ যে চেনার-বাগ আর চেনার-নালা নাম দুটা...শ্রুতিমূল থেকে হৃদয়মূল পর্যন্ত এক বিমুগ্ধ আবেশে ভরিয়ে তুলেছিল। মনে হতো, কোন্ আরব-রজনীর কাহিনীর মাঝখানে ঢুকে পড়েছি! ‘ঝিলাম’—এ নাম তো

ছেলেবেলায় জিওগ্রাফি পড়ার সময় থেকে মুগ্ধ হয়ে গেছে—ও-নামে আর নূতনত্ব কি!

চেনার-নালায় বোট আছে বিস্তর,—যেঁধাযেঁধিঠামাঠাসি, আর বেশী ভাগই ভর্তি। তাতে বাঙালী আছেন, পঞ্জাবী আছেন, সাহেব আছেন, আরো কত জাত। জল এদিকটায় ভারী নোংরা, ক রণ বাথরুমের জল প্রভৃতিও ঐ জলেই তো পড়ছে! পানের ও ব্যবহারের জন্তু কলের জলের কড়া ব্যবস্থা করা সত্ত্বেও বোটের ভৃত্য শিকারায় চড়ে দুটো কলসা নিয়ে যাত্রা করে, চোখে দেখি, ভাবি, এত যখন উত্তোষ, তখন কলেব জলই আনে! একদিন হঠাৎ এক

এ কথাটা বিশেষ করে বলুম এই জন্তু যে, কাশ্মীরে অনেকেই যান—কাশ্মীরী ভৃত্যও নিয়োগ করেন; এবং ভৃত্যকে ছকুম করা হলে সে-ছকুম সে কেন তামিল করবে না, তা আমাদের বাঙালী-মনিবদের ধারণাতেও আসে না। কাশ্মীরী-ভৃত্য,—বলতে মনে ব্যথা লাগে, কিন্তু সত্যের মর্যাদাও রক্ষা করা চাই, কাজেই বলতে হচ্ছে—এরা ভয়ানক মিথ্যাবাদী, আর ভয়ানক কাপুরুষ! এদের প্রতি নরম হয়েছেন কি এরা মাথায় চড়ে বসেছে! গরমের বেজায় ভক্ত! ষাঁরা কাশ্মীরে গিয়ে কাশ্মীরী ভৃত্য নিয়োগ করবেন, তাঁরা কড়া নজর রাখবেন এদের

।



ঝিলাম-রক্ষ

সময় কি খেয়াল হলো, ভৃত্য জল আনতেই তাকে ধমক বলা হলো, কলের জল না এনে এই চেনার-নালায় জল সে আনে কোন সাহসে! প্রথমে সে বললে, না শেঠ-সাব্, কলের জলই এনেছি। কিন্তু দ্বিতীয়বার ধমক দিতেই স্বীকার করলে যে, না, কলের জল নয় বটে! খুব ধমক-ধামাক দিয়ে তাকে ছাড়িয়ে দেবার সঙ্কল্প জানালে সে 'গোড় ধরে কসুর' স্বীকার করলে এবং 'মাপ' চাইলে। বোটের মালিক বোটেরই থাকে; সব ব্যাপারের তদ্বির-তদারক করা তার কাজ। সে বললে,—আর এমন হবে না!

উপর—এবা ভারী নোংরা আর ভারী মিথ্যাবাদী। ষাঁরা কাশ্মীরে বসবাস করছেন, তাঁদের ভৃত্যেরা ভালো, দেখেছি। সেটা নিশ্চয় শিক্ষা আর সহবাসের গুণে! না হলে 'ফকরে' চাকর—তাদের মনে সর্বক্ষণ চাবুকের ভয় জাগিয়ে রাখা দরকার।

যাক, ললিতবাবুর কথামত বোট সরানো হলো। ঝিলামে থাকতে চাইলুম—মাবির দল কি পাজী কম। ঘুরে এসে বললে, ঝিলামের ধারে ভালো জায়গা মিললো না; তবে ঝিলামের মুখের কাছাকাছি নাসিং-হোমের সামনে এই

ভাবার কথাও! ও কণ্ঠের সুরে বনের পশু বশ হয়, ম'মুখ  
কি ছার! ওস্তাদজীর 'কারণ-সলিলে'র প্রতি একটু বেশী  
মায়া! 'পুণী'-তরকারী না মিনুক, হু' বোতল 'বীয়ার' তাঁর  
[রোজ চাই! হু' বোতল মাত্র! আর বীয়ার! হুইস্কি বা অপার  
কোন জাত নয়।

হু' চারদিন সকলের সঙ্গে মেলামেশা করছি, হঠাৎ একদিন



চেনার নালি

শুনলুম, মহারাজ প্রতাপসিং সঙ্কটাপন্ন রোগে শয্যাগত।  
শ্রীনগরের প্রাসাদেই তিনি আছেন। জন্মতে যাবার ইচ্ছা,  
কিন্তু তাঁর অবস্থা এমন নয় যে তাঁকে স্থানান্তরিত করা  
যায়! মহারাজকে কখনো চোখে দেখিনি, তাঁর প্রজ্ঞাও  
নই—তবু শুনে বুকটা বেদনায় ভরে উঠলো। ছেলেবেলায়

রূপকথার কাশ্মীরের নাম শুনেছি, তারপর স্কুলের ভূগোলে  
ইতিহাসে কাশ্মীরে হিন্দু রাজ্যের কথা পড়ে বিমুগ্ধ হইয়া  
গর্কে বালক চিত্ত ক্ষীণ হয়ে উঠেছে—সেই কাশ্মীরে আ  
এসছি! সেই কাশ্মীরের হিন্দু মহারাজা—দাদা কুত্রি  
মহারাজ নয়, তালা মহারাজ! সমস্ত আকাশ যেন কি এক  
অজানা বিপদের অশঙ্কায় মূর্ছিত হইতে 'নম্পন্দ নেত্রে চো  
আছে, মনে হলো! বেড়ানোর সুখ সেদিন  
জমলো না!

তার দু'দিন বাদে সন্ধ্যার পর শুনলুম,  
মহারাজার মৃত্যু হয়েছে! পরদিন দুপুরবেলা  
তাঁর অন্তে ষ্টি-ক্রিয়া। কাছাকাছি আরো ক'টি  
খণ্ড রাজ্যের রাজামহারাজারা এ দু'দিনে শ্রীনগরে  
এসেছিলেন। সকাল থেকে সমস্ত শ্রীনগর সহর  
শোকে স্তব্ধ—লোকজনের মুখে মর্দিন কাতর  
ভাব। বোটের তুচ্ছ মাঝিটা অবধি যেন কেমন  
শোকে আতুবে! আমাদের কাছে বায়োস্কোপের  
ফিল্ম ক্যামেরা ছিল। ভালুম, শোক-যাত্রার  
ছবি তুলবো। একটি বাঙালী ভদ্রলোক বোটে  
এসেছিলেন সন্ধ্যায়; তিনি বললেন, রাজা হরিসিং  
ফটো নিতে নিষেধ করেছেন—ফটো নেওয়া  
হিন্দু sentimentএর প্রতিকূল যে!

শেষ কি মামলায় পড়াবা! নিরস্ত হলুম।  
তাড়াতাড়ি স্নানাগার সেরে ক্যামেরা হাতে  
ফ-ভায়া আর আমি ছেলেদের নিয়ে বেঁিয়ে  
পড়লুম। শ্রীনগরের হাসপাতালের ওধারে  
রামবাগ। সেইখানেই দাহ হবে। আমরা  
হাসপাতালের কাছে গিয়ে দাঁড়ালুম। কি ভিড়!  
লোকের পর লোক ছুটেছে—সমস্ত সহর যেন  
ভেসে পড়েছে! ক্রমে শোভাযাত্রা কাছে এলো।  
গড়ের বাজা, ঘোড়সওয়ার, রাজকর্মচারী  
দল, রাজা হরিসিং, রাজহাজ, শয্যা শবদেহ।

শবের পিছে-পিছে কর্মচারীরা হু' হাতে টাকা ছড়াত  
ছড়তে চলেছেন। শুনলুম, বহু সহস্র রোপায়াদ্রা (টাকা)  
এ শোভাযাত্রায় ছড়ানো হয়েছিল। রাজকর্মচারীদের  
মধ্যে শোক-বেশে সাহেববাও ছিলেন। কাশ্মীরী এবং পঞ্জাবী  
হিন্দুরা মুগ্ধিত মস্তকে, তাঁদের শ্মশ্রু-শুষ্ক মুগ্ধিত। অনেক

বাঙালীকে দেখলুম, মুণ্ডিত-শির; পায়ে জুতা নাই! সিঁড়ির মধ্যে ছ' তিনখানা ছবি তোলা হলো। তারপরে শোভাযাত্রা দৃষ্টির অন্তরালে গেলে আমরা গোটে ফিবলুম।

বৈকালে শুনলুম, রাজাদেশ বার হয়েছে—অশৌচ-কাল আরো দিনের মধ্যে কাশ্মীরে মাছ-মাংস ডিম ও মদ বিক্রয় বা খাওয়া নিষেধ। গান-বাজনাও নিষেধ। বাজার বন্ধ থাকবে; শুধু নিত্যকার আহারের জন্ত শাকসব্জী ফলমূল মাত্র বিক্রয় হবে। ডাক্তারখানা ছাড়া সব দোকান-পশার বন্ধ! মাছ মাংস বা মদ বেচলে বা খেলে জরিমানা দিতে হবে। এ আদেশ সহিব-অনাগেব সকলকার পক্ষে সমান ভাবে প্রযুক্ত্য! তার উপর দরবারী রাজ-কর্মচারীদের প্রতি রাজাদেশ হলো,—রাত্রি আটটায় সকলে বিছানা নিয়ে রাজ-প্রাসাদের দরবার-হলে সমবেত হবেন,—স্বর্গীয় মহারাজের জন্ত শোকপ্রকাশ করে তাঁর সেইখানেই নিদ্রা দেবেন এবং ভোর পাঁচটায় উঠে গীতা-পাঠ ও পরলোকগত রাজস্বর্গের জন্ত প্রার্থনা ও শোক-প্রকাশের পর সকালে সকলে গৃহ ফিরবেন। শুধু শরীর খারাপ বলে প্রাণ ঋষিদের বাবু এ ব্যাপার থেকে মুক্তি পেলেন। বাকী সকলকে,—যা কি ইংরাজ, কি হিন্দু-মুসলমান—এ আদেশ পালন করতে হয়েছিল।

তার পর শুনলুম, এক প্রসিদ্ধ ইংরাজ কাশ্মীরে ছ'বোতল মদ বেচেছিলেন বলে তাঁদের এক হাজার টাকা জরিমানা হয়েছে। গোয়েন্দা-পুলিশ নদীতে নৌকায় চড়ে ছদ্মবেশে ঘুরে বেড়াতো—হাউস-বোটে কেউ মাছ মাংস বা ডিম খাচ্ছে কি না, বা কোথাও গান-বাজনা চলছে কি না—দেখার জন্ত। শ্রীনগরে এক মস্ত হোটেল আছে; কলিকাতার গ্রেট ইষ্টার্নের মত প্রতিপত্তিশালী। যুরোপীয়ের মধ্যে যারা জলে বাসের খুব পক্ষপাতী নন, তাঁরা এখানেই থাকেন। দেশী লোকের বাস সম্বন্ধে সেখানে কোনো বাধা-নিষেধ নাই—তবে সেখানকার ব্যবস্থা পুরোপুরি যুরোপীয়-ষ্টাইলের। এই হোটেলেও একদিন অশৌচ-রীতি আদেশ-মোতাবেক পালিত হয়েছিল।

এখানকার শ্রীপ্রতাপ কলেজে ক'জন বাঙালী প্রোফেসর আছেন—কলেজটি পঞ্জাব বিশ্ববিদ্যালয়ের অন্তর্ভুক্ত।

কাশ্মীরে স্বতন্ত্র বিশ্ববিদ্যালয় নেই। শ্রীপ্রতাপ কলেজের ইংরাজী অধ্যাপক শ্রীযুক্ত যোগেন্দ্রনাথ দাস মহাশয়ের বাড়ী কলিকাতায়, ভবানীপুর; আমার প্রতিবেশী তিনি। তাছাড়া তাঁর প্রথম কর্ম-জীবনে ভবানীপুরের সবার্নন স্কুলে তিনি সহকারী-হেডমাষ্টার ছিলেন, সে সময় আমি তাঁর ছাত্র ছিলাম। তাঁর বাসার ঠিকানা জেনে একদিন সন্ধ্যায় সেখানে গিয়ে হাজির হলুম। সে মহল্লার নাম, বর্বর শা। দাস মহাশয় মহা খুশী হলেন। তাঁর উদ্যোগে ওখানকার বাঙালী ছাত্রদের নিয়ে পুস্তক-বিতরণ-উপলক্ষে আবৃত্তি আর নাট্যাভিনয় প্রভৃতির বন্দোবস্ত হচ্ছিল।



কাশ্মীর মহারাজের শব-যাত্রা (১)

ছেলেদের ডাকিয়ে আবৃত্তি করিয়ে তিনি শোনালেন; নাট্যাভিনয়ের রিহার্সাল দেখার জন্ত নিমন্ত্রণ করলেন। কিন্তু অচিরে দরবার থেকে নোতীশ বেরুলো, শোকের জন্ত প্রাইজ-বিতরণ বন্ধ। সঙ্গে সঙ্গে নাট্যাভিনয়, উৎসব প্রভৃতিও এক বৎসরের জন্ত মুলতুবি রইলো।

এ সব ব্যাপারে ভড়ক গেলুম। কাশ্মীরে এসে এখানকার উৎসব-আনন্দ চোখে দেখা ঘটলো না! তখন ঘুরে এখার-ওখার দেখার দিকেই মনসংযোগ করলুম।

প্রকৃতির অবাধ-অজস্র সৌন্দর্য্য-বৈচিত্র্য, তার পর ফুল-ফল আর নারীর রূপ—এই হলো কাশ্মীরের বিশেষত্ব।

কথাটার মধ্যে এতটুকু অত্যাঙ্ক নাই! নারীই লক্ষ্মী— কাশ্মীর-রমণীর দিকে চাইলে এ কথাই মর্শ্ব নিমেষে হৃদয়ঙ্গম হয়! দেশে বসে তাঁদের চরিত্রের সম্বন্ধে কত ইতর কুৎসাই শুনেছিলুম। এখানে এসে শুনলুম, কথাটা খাঁটি নয়। কবে কোন্ কালে হয়তো কোন্ বদমায়েস বিদেশীর দল এসে কোনো বিশেষ পল্লীতে প্রলোভনের জাল পেতে একটা উচ্ছৃঙ্খলতার সৃষ্টি করে গেছিলো, তার জন্ত একটা জাতিকে এমন হীন কলঙ্কে কলঙ্কিত করা মহাপাপ! কোনো জাতির পুরুষ এত নীচ, এমন হেয় হতে পারে না যে অসঙ্কোচে নিজের গৃহের মেয়েদের



কাশ্মীর-মহারাজের শব-যাত্রা (২)

অপরের ভোগের পায়ে অসঙ্কোচে ডালি দিতে পারে! তা সে জাতি ঘোরতর দারিদ্র্যের অভাবে যতই পিষ্ট আর দলিত হোক! এমন অপবাদও মানুষ দিতে পারে—ছি! কাশ্মীরী নারীকে যতদূর দেখেছি, পুরুষের সর্ক-কর্মে সজিনী আর সহায়ই দেখেছি! নিজে স্বামীর ক্ষেত দেখা, গৃহকর্ম করা, নৌকা বহা প্রভৃতি, তাছাড়া ধান কোটা ছাঁটাই, বেসাতি করা! কাশ্মীরী নারীকে অলস তো আমি কোনোদিনই দেখিনি। তাঁরা খুব পরিশ্রমী। পুরুষ অলস আছে বিস্তর—কিন্তু নারী? একটা-না-একটা কাজ নিয়েই ব্যস্ত আছেন। লজ্জার একটু অভাব! হয়তো

অতি-শীতের দেশ বলে নিম্নস্তরের মধ্যে লজ্জার মাত্রাটা একটু কম হয়েছে। তাছাড়া লজ্জার মাত্রা আচারের উপর রীতির উপর নির্ভর করে—লজ্জার মাপকাঠি তো সকল দেশে সকল কালে সমানও নয়।

তবে হিন্দু-মুসলমান ভেদে কাশ্মীরীর রূপের তারতম্য লক্ষ্য করলুম। হিন্দুর নাম এখানে পণ্ডিত-পণ্ডিতানা! পণ্ডিতদের গায়ের রং একেবারে ছুধে-আলতাই, সস্ত্র ফোটা তাজা তরুণ গোলাপের আভা সে রঙে! আর মুসলমানের বর্ণে একটু সাদার ভাব,—গোলাপী আমেঙটুকুর অভাব। চেহারা থেকে হিন্দু-মুসলমানের পার্থক্য বেশ বোঝা

যায়। বহুকাল থেকে বা পুরুষানুক্রমে যারা মুসলমান নন, তাঁদের রং পণ্ডিতদের সমতুল্য। তাছাড়া মজুর-মাঝমেথর বা মিস্ত্রী অর্থাৎ খাটিয়ে লোক যারা, তারা বেশীর ভাগ মুসলমান। বাহিরে সর্কক্ষণ কাজ করতে হয় বলে হয়তো বর্ণে কালিমা পড়েছে!

এঁদের পোষাকেও পার্থক্য আছে। হিন্দু-মুসলমান 'ছ'-জাতেরই পুরুষের পোষাক খুব সাদাসিধে। নারী ও পুরুষ দুজনেই আংরাখা গায়ে দেন। হিন্দু-মুসলমান পুরুষের মাথায় সাদা পাগড়ী, হিন্দু সে-পাগড়ীর ঝুল গোঁজেন ডান দিকে, মুসলমান গোঁজেন বাঁ দিকে। হিন্দু কোর্তা আংরাখায় হাতের ঝুল রাখেন দীর্ঘ, আর মুসলমান ঝুল রাখেন খাটো। পণ্ডিতানীরা পায়জামা পরেন না, শুধু ঘাগরাতেই লজ্জা নিবারণ করেন। ঘাগরায় সাদা কোমর-বন্ধ বাঁধেন, মাথায় সাদা শিরস্ত্রাণ ব্যবহার করেন; একেবারে সাদা, তাতে কোনো কারিগরি নাই এবং এই শিরস্ত্রাণ ভেলের মত মুখাবরণেরও কাজ করে। স্বামীর নাম-উচ্চারণে তাঁদের নিষেধ আছে। পণ্ডিতানী চামড়ার জুতা পায়ে দেন না—ঘাসের জুতা ব্যবহার করেন। মুসলমান নারী ঘাগরায় কোমর-বন্ধ ব্যবহার করেন না—মাথায় রঙীন শিরস্ত্রাণ ব্যবহার করেন, কিন্তু সাদা কখনো না; চামড়ার জুতা পায়ে দেন। হিন্দু সধবারা কাণে যে গহনা পরেন, বিধবা বা কুমারীর সে-গহনা পরার রীতি-রেওয়াজ নাই। পণ্ডিতানীরা বিবাহের পূর্ষ পর্যন্ত মাথায় বেণী ছ-খাক, তিন-খাক, চার-খাক, পাঁচ-খাক করে পিঠে ছলিয়ে দেন; বেণী

রচনা করা হয় পশমী বা বেশমী সুতার। বিবাহের পরে এট বেনীর বিভিন্ন থাক সংযুক্ত করা হয়। কেউ খোঁপা বাঁধে, কারো বেনী 'দোহন'ই থেকে যায়, তবে থাকগুলি সংযুক্ত করা চাই! থাকে থাকে দোলানো থাকে না। আর একটি জিনিষ এঁদের পোষাকের অঙ্গ—সেট্টি থাক। চাই। সে জিনিষটি হলো 'কাংরী'।

'কাংরী' হলো ছোট-বড় মাটির ভাঁড়, বেতের সাজির মধ্যে সংবন্ধিত। শীতের সময় কিম্বা একটু ঠাণ্ডা পড়লে কাশ্মীরী নব-নারী চলায়-ফেরায় ওঠে বসায় এই কাংরীটি অগ্নিপূর্ণ করে সঙ্গে রাখেন। অর্থাৎ ঐ মাটির ভাঁড়টিতে গুলের বা কয়লাব অঙ্কন থাকে। আমাদের ধুমুটির মত করে' সে আগুন জ্বলিয়ে রাখা হয় এবং প্রশস্ত আঙু-বাখার মধ্যে ঐ 'কাংরী' এঁরা ঝুলিয়ে রাখেন। বুক-পেটে আগুনের 'ভাব'

লাগার দরুণ এবং হাত ছুখানি বুকের কাছে তড়ৎসড়ৎ রাখার দরুণ হাত শীতে কালিয়ে যায় না! একই ম'বে মাঝে বিপদও ঘটে খু—গায়ের কাপড়ে তা গুল লেগে যায়। কাশ্মীরী আংরাখা, সে তো সামান্ত ব্যাপার নয়, এক-খান কাপড় থাকে তাতে; হাত বা অঙ্গ দগ্ধ হয়ে যায়। এ ঘটনা প্রায়ই ঘটে। তবু 'কাংরী' কাশ্মীরী নব-নারীর অপরিহার্য। এ সম্বন্ধে এক বিদেশী পর্যটক পরিহাসচ্ছলে বলে গেছেন, —"What Laili was on M-jou's bosom, so is the 'Kangri' to a Kashmiri. কাশ্মীরীদের আর একটি অদ্ভুত রীতির কথা শুনলুম, কাশ্মীরী হিন্দুরাও 'পক্ষীর মাংস' পেতে হলে তা হালান' কর খান।

অসচে বারে কাশ্মীরের বাগ-বাগিচা, ইমারত প্রভৃতির সম্বন্ধে কিছু বলে কাশ্মীর-কথার শেষ করবো। (ক্রমঃ)

## জয়-পরাজয়

### শ্রীমুরলীধর গঙ্গোপাধ্যায় বি-এ

( ১ )

বৈশাখ ম'স—ভীষণ গরম পড়িয়াছিল। কালোশায়ীর আকাশে একটু মেঘের ছায়া পর্যন্ত ছিল না। গ্রামের শেষ সীমানায় অনন্ত মিশ্রের বাড়ী। বাড়ীর সম্মুখে একটা সুন্দর ফুলবাগান। ফুলবাগানের উত্তর দিক দিয়া শীর্ণকারা পার্কত্যা নদী ধীর, মধুর গতিতে বহিয়া যাইতেছিল। পশ্চিম গগনচুম্বী পাহাড়, অসংখ্য বনিক বৃক্ষ বুকে করিয়া, কত সুগন্ধ-সুগন্ধের ধারণা সগর্বে মাথা তুলিয়া আছে, কে বলিবে? দিনের শেষে অন্তগামী হৃদয়ের শেষ আভাটুকু আসিয়া নদীর জল সোপার কিরণ ছড়াইয়া দিয়াছিল। নদীর পূর্ব সীমানায় একটা পাথরের বঁধ ঘাটের উপর, একটা জীর্ণ শিব-মন্দিরের মধ্য হইতে আরতির ঘণ্টার শব্দ থাকিয়া থাকিয়া দু'গত পথিকের কাণে একটা অতীত গরিমার ব্যথার স্মৃতি ঢালিয়া দিতেছিল। পাহাড়ের উপর, মন্দিরের পার্শ্বে একটা প্রকাণ্ড দেবদারু লহর চলিয়াছিল। তাহারই শেষ

প্রান্তে, কত ভগ্ন ইষ্টক এবং প্রস্তর-ঘেরা কোন্ এক হিন্দুজ্যেষ্ঠের ধ্বংসাবশেষ, তখনও বাধিতের ক্রন্দনের মত, নিরাশ প্রেমিকের অতীত স্মৃতির মত, দেবতার অভিসম্পাতের মত, কালের বন্ধে তপ্ত দীর্ঘনিঃশ্বাস ছড়াইয়া দিতেছিল।

( ২ )

রুক্মা অনন্ত মিশ্রের একমাত্র কন্যা। গ্রীষ্ম চলিয়া গেল, বর্ষা আসিল। শীর্ণকারা নদী চকুল ছাপিয়া উঠিল। রুক্মার প্রাণে যেন কাহার বিরহ-স্মৃতি জাগিয়া উঠিল। প্রাণ, মন কাহার ভাবে যেন বিভোর হইয়া রহিল। বসন্তের নবমুকুলিতা লতা, বর্ষার আকাশের পাহাড়েরা পাখীর দিকে চাহিয়া, আপন মনে বঁধুব কাহিনী বলিয়া যাইত। ভাস্করের ভরা নদীর কলতানে, সে তা'র প্রেমময় বঁধুর স্বপ্ন গুণিতে পাইত। নীল পাহাড়ের উপর টানের জ্যোৎস্না লুটাইয়া পড়িত, আর রুক্মার মনে হইত বুঝি

তার বধু ঐ চাঁদের কোলে, জ্যোৎস্নার তরঙ্গে হাসিয়া, ভাসিয়া বেড়াইতেছে। নদীতে জ্যোৎস্নার আসিয়াছিল, আকাশে চাঁদ হাসিতেছিল, পাহাড়ের উপর জ্যোৎস্নার রক্তধারা গলিয়া পড়িতেছিল; বিশ্ব-পৃথিবী প্রেমের সঙ্গীতে বিভোর হইয়া ছিল। রুক্মা আপন মনে, তাহার কক্ষ সঙ্গীতে নির্জ্বল পাহাড় মুখরিত করিয়া তুলিয়াছিল। তাহার ভরা যৌবনের পূর্ণ নদীতে, প্রেমিক বধুর আবাহনের সঙ্গীতে কত যে কক্ষণা মাখান ছিল, তাহা সেই জানিত। অনন্ত মিশ্র মেয়েকে প্রাণ দিয়া ভালবাসিত। কিন্তু কোথায় তার ব্যথা, তাহা বুঝিবার শক্তি বৃদ্ধর ছিল না। সে বুঝিত বিগ্রহের পূজা, আর খনির ইজারার টাকা। কিন্তু তার মেয়ের বুকের সোনার খনিতে যে মহা বিপ্লব, তাহা সে বুঝিতে চাহিত না; কারণ রুক্মা ভিন্ন তা'র অণু অবলম্বন ছিল না।

( ৩ )

ভবনগরের রাজ-প্রাসাদের একটা সুসজ্জিত প্রকোষ্ঠে বসিয়া শীতল আর শাস্তা তাহাদের কত সুখ-দুঃখের চিত্র পরিকল্পনা করিয়া যাঁইতেছিল। যৌবন-জ্যোৎস্নারে, প্রেমের তরীতে, আশার পাল খাটাইয়া দিয়া মনের আনন্দে তাহারা ছুটিয়াছিল। শাস্তা ছিল রাজার মেয়ে, আর শীতল ছিল মন্ত্রীর ছেলে। শীতল পাঠক বড়ই সুপুরুষ, তার মত বীরও সে অঞ্চলে কেহই ছিল না। পূর্বে যে তাহারা কোথায় থাকিত, কেহ জানে না। শীতলের হাসির মধ্যে একটা প্রচ্ছন্ন বিষাদ লুক্কায়িত ছিল। কোন নিকট আত্মীয়ই তাহার মনের খবর রাখিত না। কি যে তাহার বিরহ, কি যে তাহার বেদনা, তাহা শুধু সে-ই জানিত।

ভবনগরের প্রধান সেনাপতির পদ খালি হইয়াছিল। শীতলের ডাক পড়িল। শীতল শাস্তার কাছে অহুমতি চাহিল। শাস্তা রাজার মেয়ে, —সে অমনি উল্লাসে বলিয়া উঠিল—“বীর তুমি, এই তো তোমার উপযুক্ত কার্য; কত্রিয়ার ধর্মই হচ্ছে বৃদ্ধে প্রাণ ত্যাগ করা।”

শীতল—তুমি কি নিষ্ঠুর, শাস্তা!

শাস্তা—উচিত কথা বললেই তুমি রেগে যাও; বল, আমি আর কি করব?

( ৪ )

সীমান্তে যুদ্ধ বাধিয়াছিল। ভয়ানক যুদ্ধ। প্রান্তবাসীরা বিষাক্ত তরবারি, বিষাক্ত বর্ম, বিষাক্ত তীর লইয়া যুদ্ধ করিত। প্রধান সেনাপতি ছাড়া আর কেহই সেখানে যাইতে সাহসী হইল না।

নির্জ্বল সীমান্ত প্রদেশ, কেবলই নীল পাহাড়ের গহর চলিয়াছে। মাঝে মাঝে পাহাড়ীয়া নদী ভরা-বুকে ঢুকুল ছাপিয়া উঠিয়াছে। আর এক দিন পরেই যুদ্ধ। শীতল আপন মনে নদীর ধারে ঘুরিয়া বেড়াইতেছিল। তার বক্ষস্থলে একটা গুলিভরা পিস্তল সর্বদাই লুক্কায়িত থাকিত। শীতলের পিতা পুনঃ পুনঃ তাহাকে পাহাড়ীয়াদের বিশ্বাস করিতে নিষেধ করিয়া দিয়াছেন। বৃদ্ধ মন্ত্রী আরও বলিয়া দিয়াছেন—“ওদের বিষাক্ত তীর অপেক্ষা, ওদের মেয়েদের বিষাক্ত হাসি ভয়ানক! সাবধান শীতল।”

শীতল আপন মনে সীমান্তের গতিবিধি পর্যবেক্ষণ করিতেছিল,—অকস্মাৎ একটা তীর তাহার কাণের নিকট দিয়া বাঁ করিয়া চলিয়া গেল। শীতল নিজের তুণে হাত দিল। তার চক্ষু দুইটা জলিয়া উঠিল। হৃদয়ে ক্ষত্রিয় তেজের বহু দাউ দাউ করিয়া জলিয়া উঠিল। সমস্ত পাহাড়ে আশ্রয় জলিয়া উঠিল। শীতল স্তম্ভিত হইয়া চাহিয়া দেখিল, তাহার সম্মুখে এক বিরাট বাহিনী।

( ৫ )

শীতল যত বড় যোদ্ধাই হউক, বিরাট বাহিনীর সম্মুখে সে কতক্ষণ একা দাঁড়াইতে পারে? অকস্মাৎ শত্রু-শিবির হইতে কে একজন ঘোড়া ছুটাইয়া বাহির হইয়া গেল। শীতলের সমস্ত তীর নিঃশেষ হইয়া গেল। নৈশ অন্ধকার পাহাড়ের বুকে জমাট বাধিয়াছে। তাহার শেখ সম্বল পিস্তলের দুইটা আওয়াজ হইল। শীতল একবার পিছন দিকে ফিরিয়া দেখিল,—ভবনগরের পতাকা হস্তে কে একজন অস্বারোহী ছুটিয়াছে, পশ্চাতে অসংখ্য সৈন্য। হঠাৎ সে ঘোড়া ছুটাইয়া কোথায় অদৃশ্য হইয়া গেল, কেহই জানিল না। সীমান্তবাসীরা পরাজিত হইয়া পলাইয়া গেল। সহকারী সেনাপতি নারায়ণ বদ্ধভাবে শীতলকে একটু মূহ ভৎসনা করিল।

রণক্রান্তি দূর করিয়া শীতল, নারায়ণকে জিজ্ঞাসা



করিল—আচ্ছা, তোমরা কি করে এখানে এমন সময় এসে পড়লে ?

নারায়ণ—কি জানি ভাই, শিবিরে অপ্রস্তুত হয়ে ব'সে আছি, কোথা থেকে এক নারীমূর্ত্তি একটা বিদ্যাতের ছটার মত ঘোড়া ছুটিয়ে এসে আমার চমক ভেঙ্গে দিলে। সে কেবল প্রস্তুত হ'বার ইঙ্গিত ক'রে, পতাকাটা তুলে নিয়ে ঘোড়া ছুটিয়ে দিলে। আর আমি যন্ত্র-চালিত পুস্তকের গায় আনার বিরাট বাহিনী নিয়ে তার সঙ্গে চ'লে এলাম।

শীতল—তাই ত ভাবছি—কি ক'রে কি হল ? আচ্ছা, তুমি কি তাকে কখনও দেখেছ ?

নারায়ণ—না ভাই ; সীমাস্ত্রে ত আমার এই প্রথম অভিযান। তাও তুমি ধ'রে নিয়ে এলে ব'লে। আর একটা আশ্চর্য্য,—সে আমাদের ইঙ্গিত করলে এমনভাবে—যেন এ তার নিজের শিবির। তার পর তার রূপ। যাক্ ভাই—এ যুদ্ধ-ক্ষেত্র।

শীতল—মনে থাকে যেন বৃদ্ধ মন্ত্রীর আদেশ।

নারায়ণ—হঁ, সেটা মনে থাকলেই কাজ হয়েছিল আর কি ? যদি না পাহাড়ীয়া মেয়েকে বিশ্বাস কর্তাম, তাহলেই আজকের যুদ্ধ ফতে হত, আর প্রধান সেনাপতির মাথাটা নদীর জলে ভেসে যেত।

শীতল কি বলিতে যাইতেছিল—অকস্মাৎ কোথা হইতে যেন মধুব সঙ্গীত ভাসিয়া আসিল। আকাশের মাঝখানে তখন মেঘঢাকা আধখানা চাঁদ, ঘোমটাপর্য্য পল্লীবধুর গায় মলজ্জ হাসি হাসিতেছিল। তখন নারায়ণ বলিল—চল ভাই, এ স্থানটা ভাল নয়, এইবার শিবিরে ফেরা যাক্।

শীতল—তুমি ক্ষেপলে নাকি ? তুমি সৈন্যদের নিয়ে পাহাড়ের নীচে একটু অপেক্ষা কর,—আমি ব্যাপারটা দেখে আসি।

( ৬ )

রুক্মা গাহিতেছিল। তাহার আশালতা মুকুলিত হইবার সময় হইয়াছে। তাহার বিরহের রাজ্য কাটিয়া গিয়া, মিলনের পূর্ণচন্দ্র উদয় হইবার সময় হইয়াছে। শীতল তন্ময় হইয়া গুণিতেছিল। সঙ্গীত শেষ হইলে শীতল ডাকিল—রুক্মা ! কি সুন্দর সে কণ্ঠ ! এ যে রুক্মার প্রাণের দেবতার

স্বর ; এ যে তার বহুকালের আরাধনার বংশীধ্বনি ; এ যে তার জীবন-মরণের একমাত্র সাধা।

কৈ—কোথায় তুমি ? নিষ্ঠুর, এতকাল পরে কি অভাগিনীকে মনে পড়েছে ?—রুক্মা ছুটিয়া আসিল শীতলের বুকে। শীতল ছিল তার বালোর সাধা, শৈশবের সহচর, যৌবনের প্রিয়তম। রুক্মা ছিল তার বাগ্দত্তা। তখন তাহারা কত সুখ-হঃখের কথা কহিল। কত মিলনের চুম্বনে বিরহের বিচ্ছেদ দূব করিয়া ফেলিল। যদি সেখানে কোন অস্তরঙ্গ সূহৃদ থাকিত, তবে সে দেখিতে পাইত—শীতলের মুখের বিষাদ কালিমাটুকু ধুইয়া মুছিয়া গিয়াছে। কি যেন এক অমৃতের স্পর্শে তাহার সমস্ত মন-প্রাণ পূর্ণ হইয়া গিয়াছে।

( ৭ )

বহুকাল অপেক্ষা করিয়া নারায়ণের বিরক্তি ধরিয়া গিয়াছিল। সে দুইজন অহুচরকে বৃক্ষান্তরালে অপেক্ষা করিতে বলিয়া শীতলের সন্ধানে ছুটিল। তখন আকাশে পূর্ণচন্দ্র উঠিয়াছে। তটিনী, কল্ কল্, ছল্ ছল্ রবে উজান বহিয়া চলিয়াছে। আর শ্যামল পাহাড়ের বুকে পূর্ণিমার জ্যোৎস্না, প্রেমের মন্দাকিনী-ধারার মত হাসিয়া ভাসিয়া যাইতেছিল। নারায়ণ দেখিল, শীতলের পার্শ্বে রুক্মা বসিয়া আছে। নারায়ণ ছিল অতি সোজা লোক। সে চীৎকার করিয়া সেকলে বয়শ্চেরী গায় বলিয়া উঠিল—কি হে ভায়া ! বৃদ্ধ মন্ত্রীর আদেশ, পিতৃ-আজ্ঞা—সব ভুলে গেলে ?

শীতল—কেন ভাই ? যুদ্ধ জয় ক'রে জয়লক্ষ্মীকে নিয়ে যাচ্ছি।

নারায়ণ আর একটু কাছে সরিয়া আসিয়া বলিল—ভাই ! এ সেই দেবী, যিনি আমাদের যুদ্ধ জয় কোরেছেন। যিনি তোমার প্রাণ রক্ষা করেছেন।

শীতল বলিল—ভাই, এই আমার জীবন-মরণের সঙ্গিনী।

নারায়ণ—ভাই, রাজকুমারীর দশা কি হবে ? তিনি যে তোমার আশা-পথ পানে চেয়ে আছেন।

শীতল—ঠাঁকে বলো ভাই, আমি তাঁর আদেশ পালনের জগুই প্রস্তুত ছিলাম। শত্রুর সঙ্গে একাকী যুদ্ধ ক'রে প্রাণ দিতেই প্রস্তুত ছিলাম। কিন্তু আমার জয়লক্ষ্মী আমাকে মৃত্যুর মুখ থেকে ফিরিয়ে এনেছেন। তোমরা

তোমাদের রাক্ষে ফিরে যাও, আমি ভাই এই পাহাড়ীদের সঙ্গেই জীবনের শেষ দিন পর্যন্ত কাটিয়ে দোব।

নারায়ণ - ভাই, এ তোমার রাজকুমারীর উপর অজ্ঞান অভিমান।

শীতল—না ভাই, এ সূধু অভিমান নয়, এ আমার

মহুশ্বাসের জাগ্রত চেতনা। আমি দণ্ডিত, ভাই রাজকুমারী আগাকে ঘৃণা করেন। কিন্তু দেখ ভাই, এই পাহাড়ীরা পাখী, আমাকে বুকে তুলে নিয়েছে। ভাই আমি প্রেমের শৃঙ্খলে বাধা পড়েছি। তোমাদের সীমান্ত জর ক'রে দিলাম, কেবল আমিই পরাজিত।

## বিবিধ প্রসঙ্গ

### ক. উ-গণ্ড ( Adrenal gland )

শ্রীশশধর রায় এম-এ, বি-এল্

আমাদের কটদেশে দুইটি মূত্র-গণ্ড ( Kidney ) আছে। এই দুইটি গণ্ড তলপেটের দুইদিকে অবস্থিত ; একটা বামে, একটা দক্ষিণে। ইহারা দেহের রক্ত হইতে মূত্র পৃথক করে। প্রত্যেক মূত্র-গণ্ডের উপরে এক একটা যুক্ত-গণ্ড আছে। সুতরাং ঐ যুক্ত-গণ্ডদ্বয়ও কটদেশের সম্মুখভাগে তলপেটের ঐ দুই দিকে অবস্থিত। ঐ যুক্ত-গণ্ড দুইটি প্রত্যেকে দুই অংশে বিভক্ত, এক অংশকে কেন্দ্র বলিব ; অপর অংশকে বাহ্যংশ বলিব। এই দুই অংশ সম্পূর্ণ পৃথক নহে ; উহারা কোষ-তন্তুর দ্বারা পরস্পরের সহিত সংযুক্ত। এই নিমিত্তই উহাদ্বয়কে যুক্ত-গণ্ড বলা যায়। উহারা মূত্র-গণ্ডের উপরে অস্বাভাবিক স্থান বাসিয়া আছে। ইংরাজিতে এই দুইটি যুক্ত-গণ্ডের নাম Adrenal gland। আমি ইহাদ্বয়কে কটি-গণ্ড বলিব।

মেরু-দণ্ড-যুক্ত জীবনগণ্ডে স-মেরু জীব বলা যায়। প্রত্যেক স-মেরু জীবের তলপেটেই দুইটি কটি-গণ্ড আছে ; একটা বামে, একটা দক্ষিণে। স-মেরু জীব মধ্যে সপাপেক্ষা অনুল্লভ জীব মৎস্য। এই জীবের দেহে কটিগণ্ডের কেন্দ্র এবং বাহ্যংশ সম্পূর্ণ পৃথক ; অর্থাৎ পরস্পরের সহিত সংযুক্ত নহে। সরীসৃপগণের দেহে কটি-গণ্ডের এই দুই অংশ পরস্পরের নিকটবর্তী হইয়াছে ; কিন্তু সংযুক্ত হইয়া নাই। পক্ষিগণের দেহে ঐ অংশদ্বয় কোষ-তন্তুর দ্বারা পরস্পরের সহিত সংযুক্ত হইয়াছে। কটি-গণ্ডের বর্ণ ঈষৎ পীত।

বাগ্যাবস্থায় এবং কৈশোরে দেহের তুলনায় কটি-গণ্ডের আয়তন বড় বড় থাকে, যৌবনে তাহার তুলনায় কটি-গণ্ডের আয়তন অপেক্ষাকৃত কিছু ছোট হয়। কিন্তু সকল বয়সেই এই গণ্ড প্রচুর পরিমাণে রক্ত দ্বারা সিক্ত হয়।

কটি-গণ্ডের বাহ্যংশ, এবং স্ত্রী-দেহের ডিম্বাশয় ও পুং-দেহের শুক্র, এক পদার্থ হইতেই উৎপন্ন। কলনের (ক্রম-দেহের প্রথম অবস্থায়

নাম কলল) তির তির দান হইতে মানবদেহের তির তির অংশ গঠিত হয়। উহার যে অংশ হইতে কটিগণ্ডের বাহ্যংশ উৎপন্ন হইয়াছে, সেই অংশ হইতেই ডিম্বাধার এবং শুক্র জাত হইয়াছে। এই নিমিত্তই ঐ বাহ্যংশের আয়তন কামজাবের আধিক্যের ও অভ্রতার উপর নির্ভর করে। লিঙ্গভেদেও উহার আয়তনের পার্থক্য হইয়া থাকে। সাহস এবং ভীকতা ঐ বাহ্যংশের আয়তনের উপর নির্ভর করে। মহিষ প্রায়শঃ সাহসী হয় ; ধরগোষ প্রায়শঃ ভীক হয়। মহিষের কটিগণ্ডের বাহ্যংশ অপেক্ষাকৃত অধিক প্রশস্ত ; ধরগোষের ঐ বাহ্যংশ অপেক্ষাকৃত ক্ষুদ্র। মানব সর্বাধিক সাহসী। এ কারণে মানবদেহে ঐ গণ্ডের বাহ্যংশ সকল প্রাণীর অপেক্ষাই বৃহত্তর।

স-মেরু জীবদেহে যদি কটিগণ্ডের বাহ্যংশে অক্ষুদ্র (tumor) হয় এবং উহা বড় হইয়া যায়, তাহা হইলে ঐ জীবগণের লিঙ্গ-বিপর্কার ঘটয়া থাকে। ক্রম-অস্থায় বাহ্যংশের ঐ পীড়া হইলে, স্ত্রীগণের স্বভাব ও আচরণ পুং-জাতীয়ের দ্বারা এবং পুংগণের স্বভাব ও আচরণ স্ত্রী-জাতীয়ের দ্বারা হইতে দেখা যায়। কিন্তু স-মেরু জীবগণ ভূমিষ্ঠ হইবার পর অনতি-দীর্ঘকাল মধ্যেই যদি কটিগণ্ডের বাহ্যংশের ঐ পীড়া হয়, তাহা হইলে কতিপয় দৈহিক ক্রিয়া অতি বেগে নিষ্পন্ন হইয়া থাকে। দুই-তিন অথবা চারি বৎসর বয়স্ক বালিকার রোগোদর্শন হয়, স্তন-দান হয়। ঐ বালিকার দৈর্ঘ্য এবং ওজন বৃদ্ধি পায় ; মনও প্রাপ্ত-বয়স্কের দ্বারা পরিপকতা লাভ করে। পক্ষান্তরে, পাঁচ ছয় বৎসর বয়স্ক বালক ছোটখাট একটা যুবক সাজিয়া উঠে। স-সুইপুটে হয় ; কিন্তু তাহার দৈর্ঘ্য অপেক্ষাকৃত কম হইয়া থাকে। সে বিকিৎ মোটাসোটা ও দৃঢ় হয় ; তাহার গুণ্ড জাত হয়, পেশী বলিষ্ঠ হয়। তাহার বুদ্ধিবৃত্তিও পরিপক হইয়া থাকে।

কিন্তু যৌবন-প্রাপ্তির পর কটিগণ্ডের বাহ্যংশে tumor হইলে,

দেহের বিভিন্ন দানের লোম অত্যন্ত অধিক হইয়া উঠে। ক্র. গুণ, শক্তি অধিক হয়, শর গভীর হয় এবং দেহ বিভিন্ন পরিভ্রমের উপযুক্ত হইয়া উঠে।

কটিগণ্ডের বাহ্যঃশের tumor হওয়ার উহার রসক্ষরণের ইতর-বিশেষ হইয়া ঐ সকল আশ্চর্যজনক ফল উৎপন্ন হয়। ক্রম অবস্থার, ভূমিষ্ঠ হইবার পর অথবা বৌবন-প্রাপ্তির পর—এই সকল ভিন্ন ভিন্ন সময়ে tumor হইবার ফলও বিভিন্ন হইয়া থাকে।

এই গণ্ডের বাহ্যঃশের সহিত মস্তিষ্ক বৃদ্ধিরও যোগ আছে। সাধারণতঃ প্রাপ্ত-বয়স্কগণের দেহে কটিগণ্ডের কেন্দ্রের সহিত বাহ্যঃশের আরতনের একটা মোটামুটি অনুপাত থাকে। বাহ্যঃশের আরতন কেন্দ্রের আরতন অপেক্ষা কত গুণ, তাহা স্বভাবতঃ মোটামুটি একটা ঠিক থাকে। সেই অনুপাতের তুলনায় দু'মাস আড়াই মাস বয়স্ক ক্রঃণর এই গণ্ডের বাহ্যঃশ কেন্দ্র অপেক্ষা অনেক বড়। এই অবস্থা মানুষের মধ্যেই দেখা যায়; এবং মানুষের মস্তিষ্কই সকল জীবের মস্তিষ্ক অপেক্ষা বড়। যদি কোন কারণে ক্রঃণদেহে কটিগণ্ডের কেন্দ্রের তুলনায় বাহ্যঃশ অপেক্ষাকৃত বড় না হয়, তাহা হইলে মস্তিষ্কও বৃদ্ধি প্রাপ্ত হয় না। সুতরাং জাতক ভূমিষ্ঠ হইবার পর ক্রমে দেখা যায় যে, সে নিকোঁধ হইয়া উঠিতেছে।

{ কেন্দ্র অপেক্ষা বাহ্যঃশে দ পঃকর ( Phosphorus ) ভাগ অধিক। মস্তিষ্কের সর্কোচ স্তরে তাহা যে অনুপাতে থাকে, বাহ্যঃশেও তক্রপ।

ইতর জীবের মস্তিষ্ক অপেক্ষা মানব মস্তিষ্ক যেমন বৃহত্তর তেমনিই অধিকতর দাপক-বিশিষ্ট। এই কারণেই মানব মস্তিষ্কের প্রাধিক এবং মানব সকল জীব অপেক্ষা অধিক বুদ্ধিমান।

পূর্বে | বসিয়াছি যে কটিগণ্ডের বাহ্যঃশের আরতন কামতাবের আধিক্য অথবা অল্পতার উপর নির্ভর করে। এই কথাই একপেও বলা যায় যে কামতাবের নূনাধিক্যই ঐ বাহ্যঃশের আরতনের উপর নির্ভর করে। প্রকৃতপক্ষে পরস্পরের সম্বন্ধ ঘনিষ্ঠ।

তাহা হইলে দেখা যাইতেছে যে, কটিগণ্ডের বাহ্যঃশের আরতন এবং বুদ্ধিবৃত্তি ও কামতাব পরস্পরের সহিত সংযুক্ত। কামকের বুদ্ধি ও পিঃড়ার বল চিরপ্রসিদ্ধ।

বাহ্যঃশ নষ্ট হইলে অথবা উহার ক্রিয়ার হানি হইলে পাক্তস্বর্ণ কৃষ্ণবর্ণ হয়। ( ইহাকে কি পাণ্ডুরোগ বলে ? ) কিন্তু কেন্দ্রের এইরূপ হইলে চর্ণ কৃষ্ণবর্ণ হয় না।

জীবদেহ হইলে কটিগণ্ড বাহির করিয়া লইলে ঐ জীব অবিলম্বে মৃত্যুমুখে পতিত হয়।

কটিগণ্ডের কেন্দ্রভাগের রস দেহমধ্যে প্রবেশ করাইয়া দিলে রক্তের বেগ ও চাপ বৃদ্ধি হয়, হৃৎপিণ্ড দ্রুতবেগে চলে এবং পেশীকমি সবল হয়। এই রস হইতে রাসায়নিকগণ অ্যাড্রালিন ( Adrenalin ) নামক পদার্থ বাতির করিয়াছেন। কটিগণ্ডের রসের পরিবর্তে গুণু এই গণ্ডার ( অ্যাড্রালিন ) দেহ মধ্যে প্রবেশ করাইয়া দিলেও রক্তের চাপ ও বেগ বৃদ্ধি হয়। নেপা হইলে, পরিভ্রম করিলে, হর্ষ, বিবাদ, ক্রোধ, ভয়

এবং ক্রোধ এই সকল ভাব মনে অতিরিক্ত মাত্রায় উপস্থিত হইলে, কটিগণ্ড হইতে অতিরিক্ত রসশ্রাব হইয়া রক্ত-মধ্যে প্রবেশ করে। তাহাতেই ঐ সকল ভাবের সময় হৃৎপিণ্ড দ্রুতবেগে চলে, মস্তিষ্কে অধিক রক্ত সঞ্চিত হয়, এবং পেশী সকল সবল হয়। অতিরিক্ত হর্ষ, বিবাদ, ভয় অথবা ক্রোধ হইলে, হৃৎপিণ্ড এত দ্রুতবেগে চলিতে পারে এবং মস্তিষ্কে এত রক্ত সঞ্চিত (?) হইতে পারে যে, মানুষের হঠাৎ মারা যাওয়ারও অসম্ভব নহে। এই সকল ভাব মনে অনেকবার উৎপন্ন হইলে, কটিগণ্ড হইতে পুনঃ পুনঃ রসের শ্রাব হইয়া রক্ত-মধ্যে প্রবেশ করে। সুতরাং বহুবার অতিরিক্ত মাত্রায় রসশ্রাব হইতে হইতে ঐ গণ্ড দুর্বল ও ক্রমে ক্রিয়াহীন হইয়া উঠে। মানুষ পূর্বেইলিপিত ভাবে হঠাৎ মারা না গেলে, এইভাবে কটিগণ্ড দুর্বল ও আর রসশ্রাব হওয়ার ফলে, মানুষ ক্রমে অবসন্ন ও নিরুত্তম হইতে পারে; জীবনীশক্তি ক্রমে হ্রাস হইতে পারে; অবশেষে এভাবেও মৃত্যু আসিয়া উপস্থিত হয়। পূর্বেই বলিয়াছি, সকল সঃমের জীবেরই কটি গণ্ড আছে নিম্নতম সঃমের জীব হইতে মানুষ পর্যন্ত যে যে আশ্চর্য্য বিবর্তন হইয়াছে তাহাতে জীবন-সংগ্রামের প্রভাব ছিল। সম্পূর্ণ থাকুক বা আংশিক থাকুক, ছিল। জীবন-সংগ্রামে জয়ী হইতে জীবগণকে অনেক সময়ে আক্রমণ করিতে হইয়াছে, অনেক সময়ে পলায়নও করিতে হইয়াছে। এই উভয় স্থলেই কটিগণ্ড হইতে প্রচুর রসক্ষরণ হওয়ার আবশ্যক হইয়াছে। কারণ, আক্রমণ অথবা পলায়ন করিতে হৃৎপিণ্ড সবেগে চলা আবশ্যক হইয়াছে, পেশী সকল সবল হওয়া আবশ্যক হইয়াছে, ব্যত হইতে রক্ত-মধ্যে অধিক মাত্রায় শর্করা-ক্ষরণ হওয়া আবশ্যক হইয়াছে, মস্তিষ্কে অধিক রক্ত যাওয়া আবশ্যক হইয়াছে এবং শ্বাস দ্রুতবেগে চলা আবশ্যক হইয়াছে। এ সকলই অধিক মাত্রায় কটিগণ্ডের রসক্ষরণের ফল। সুতরাং কটিগণ্ডের কেন্দ্র হইতে রসক্ষরণ হওয়া জীব বিবর্তনের অত্যাশ্চর্য্যক হইয়াছে, এ কথা নিঃসংশয়ে বলা যায়। এই গণ্ডের কেন্দ্র হইতে যত অধিক রসক্ষরণ হইয়া রক্ত-সহযোগে হৃৎপিণ্ড, মস্তিষ্ক, পেশী ও ভূত ভাবশ্রুত অঙ্গ-প্রত্যঙ্গকে উত্তেজিত অথবা কর্ণঠ করিয়াছে, ততই জীবন-সংগ্রামের সাধায়া হইয়াছে। ইহাতে এক পক্ষ আক্রমণ করিয়াছে, অপরপক্ষ পলায়ন করিয়াছে অথবা হত হইয়াছে। যুগ-যুগান্তর হইতে এ গণ্ডের উদ্বৃণ ক্রিয়া চলিয়া আসায় উহা বংশগত হইয়াছে। এখানে বিড়াল ও ইঁদুরের কথা স্মরণ করুন। ইঁদুর বিড়ালকে দেখিলেই পলায়ন করে; বিড়ালও ইঁদুরকে দেখিলেই আক্রমণ করে। ইহাকে আমরা উভয়েরই সহজ জ্ঞান (১) বলি। কিন্তু উদ্বৃণ সহজ জ্ঞানের মূলে কটিগণ্ডের রসশ্রাব হেতুরূপে বিদ্যমান রহিয়াছে। আক্রমণ অথবা পলায়নের পূর্বে কটিগণ্ড হইতে রসশ্রাব হইয়া উহা মস্তিষ্কে পেশী-মধ্যে, হৃৎপিণ্ডে ইত্যাদি অঙ্গপ্রত্যঙ্গে রক্ত সংযোগে আসিয়া উপস্থিত হওয়া আবশ্যক হইয়াছিল। আক্রমণের অথবা পলায়নের ভাব মনে উভয় হওয়া মাত্র ঐ সকল অঙ্গপ্রত্যঙ্গে কটিগণ্ডের কেন্দ্রের রস আসিয়া উপস্থিত

(১) Instinct.

হইরাছিল। তাহাতেই আক্রমণ অথবা পলায়ন সম্ভবপর হইরাছিল। ভাব বৃত্তিকে উদয় হয়। পরে বধ্যবোধ্য ন্যায়কে উত্তেজিত করিয়া সেই উত্তেজনায় কল শেপীত পৌছাইয়া দেয়। তৎপরে আক্রমণ অথবা পলায়নের ভাব কার্যে পরিণত হয়।

সুতরাং দেখা যাইতেছে যে, বিড়াল অথবা ইঁদুরের আক্রমণ অথবা পলায়ন যদিও এক্ষণে সহজ জ্ঞানের মত হইয়া উঠিয়াছে, তথাপি এ সহজ-জ্ঞান, ভাবজনিত ন্যায়শেপীর কর্ণ; সুতরাং মূলতঃ কটিগণ্ডের কেন্দ্রসের কল বলিয়া বিবেচিত হইতে পারে। এই গণ্ডের রসই বংশপরম্পরায় স্বকর্মে সাধন করিতে করিতে বর্তমান সময়ের সহজ-জ্ঞানের জন্ম দিয়াছে। কটিগণ্ডের রস শক্তিকে কর্ণে প্রয়োগ করে। এই কথাই এক্ষণে ভাবেও বলা যায় যে, অধিক কর্ণ করিতে গেলে, অধিক শক্তি-ব্যয়ের কারণ হইলে, কটিগণ্ডের রসও অধিক করিত হওয়া আবশ্যিক হয়। বর্তমান যুগে জীবন-সংগ্রামের বেরূপ প্রাবল্য দেখা যাইতেছে, তাহাতে দেহের সমস্ত শক্তি প্রয়োগ করিয়া নানাবিধ কর্ণসাধন করিতে না পারিলে আত্মরক্ষা করা অসম্ভব হইয়া উঠিতেছে। সুতরাং বর্তমান সময়ে আর সকলেরই বিশেষতঃ বাণিজ্য-তৎপর ও সংগ্রাম-প্রিয় ব্যক্তি-গণের কটিগণ্ড সর্বদা অতিরিক্ত রসকর হেতু ক্রমেই অধিক দুর্বল এবং ক্রিয়াহীন হইয়া পড়িতেছে। ইহার ফলে, আর কিছু না হইলেও, কেবল এই কারণ বশতঃই, ঐ ভাবের ব্যক্তিগণ অথবা ঐ ভাবের জাতি সকল অনতিবিলম্বেই এতদূর অবনত হইয়া পড়িবে যে, ইহার পরিণামে ধ্বংসমুখে পতিত হইবে, তাহাতে সন্দেহ নাই। ইয়োরোপ আমেরিকার সামাজিক অবসাদ, (২) উন্নততা, রক্তের বেগবৃদ্ধি, (৩) বৃকের স্বকৃৎকাপি অথবা হৃদরোগ এবং শিরোযূর্ণন এত অধিক দেখা যাইতেছে যে, তৎ তৎ দেশবাসী জাতিগণ সময় থাকিতে সাবধান না হইলে, তাহাদিগের অধঃপতন আনবার্য। শাস্তিতে জ্ঞান-চর্চা, দেশরক্ষা, কৃষি-বাণিজ্য এবং সেবা—এ সকলকেই শুধু বাণিজ্যের উপর প্রতিষ্ঠিত করি: গেলে, ইয়োরোপ আমেরিকার জ্ঞান অধঃপতন সকলেরই হইবে। দৈহিক অবনতি, নৈতিক অবনতি, ধর্মহীনতা এ সকলই এ পথের চিরসঙ্গী। অতিরিক্ত মাত্রায় কটিগণ্ডের রসকরণ এ সকলের মূলে বিস্তারিত আছে।

বলিয়াছি, কটিগণ্ডের সহিত স্ত্রীগণের ডিম্বাধারের এবং পুংগণের অণ্ডের বিশেষ সংগ্রহ আছে। ডিম্বাধার কাটিয়া ফেলিলে স্ত্রীগণের গৌণ (৪) পুংলক্ষণ সকল প্রকাশ পায়, স্বভাবও কিয়ৎ পরিমাণে পুংবৎ হয়।

পুংগণের অণ্ড কাটিয়া ফেলিলে তাহাদিগের দেহে অনেকগুলি গৌণ স্ত্রীলক্ষণ উৎপন্ন হয়। এ কার্য ডিম্বাধার ও অণ্ডের আত্যন্তরিক রসকরণের মুখ্য কল। সুতরাং কটিগণ্ডের রসকরণের গৌণ কল। জীবের প্রথমাবস্থায় লিঙ্গভেদ ছিল না। কাল-সহযোগে বিবর্তনের ফলে জীবগণ মধ্যে লিঙ্গভেদ উপস্থিত হইয়াছে। আমরা দেখাইয়াছি,

বিবর্তনের সহিত কটিগণ্ডের রসকরণের নিকট সম্বন্ধ। সুতরাং বুঝা যাইতেছে যে বিবর্তন এবং লিঙ্গভেদ, এতদ্বয়ের সহিতই কটিগণ্ডের ঘনিষ্ঠ সম্বন্ধ। এই গণ্ডের ব্যাধাংশের সহিত লিঙ্গভেদের এবং কেন্দ্রের সহিত বিবর্তনের যোগ অরণ্যতীত কাল হইতে চলিয়া আসিতেছে।

কিন্তু একটি গণ্ডের রস দ্বারা দেহের ও মনের ক্রিয়া হয় না। বিবিধ গণ্ডের রস রক্ত-সংযোগে বিবিধ অঙ্গপ্রত্যঙ্গে নীত হইয়া পরস্পরের ক্রিয়াকে নিয়মিত করে; এবং তাহারই মিশ্রিত ফলে কর্ণ উৎপন্ন হয়। সে সকল কথা আগামী বারে বিবৃত করিব।

## ভারতবর্ষে কৃষির উন্নতি

### হইল না কেন ?

ঐনিবারণচন্দ্র চৌধুরী, এম্-আর-এ-এস্

এক দিন এক বন্ধু হঠাৎ আমাকে প্রশ্ন করেন, “ওহে ভায়া, কৃষিকাষ্যে তো অনেক দিন কাঠ-খড় পোড়াইয়াছ,—আমার একটা প্রশ্নের উত্তর কর তে? আমরা শাস্ত্রে দেখিতে পাই যে, ভারতের মুনিঋষিগণ স্বহস্তে যজ্ঞভূমি হল-কর্ষণ দ্বারা সমতল করিয়া লইতেন। এমন কি রাজারাও সময়ে সময়ে হলকাষ্য করিতেন। প্রাচীন কালে লাক্সলের পূজা হইত। ঐকৃষ্ণের অগ্রজ বলভদ্র দেব তো হল ছাড়িয়া কখনও কোন স্থানে গমনাগমন করিতেন না। তথাপি এদেশে কৃষি-যজ্ঞাদি কিম্বা কৃষিকর্ষের কোন উন্নতি হইল না কেন?” উদাহরণ স্বরূপ তিনি বাললেন যে, প্রাচীন শাস্ত্রে লাক্সলের যে অংশের যে মাপ, এখনও সেই মাপেরই লাক্সল প্রস্তুত হয়। চাষ-বাসের কিম্বা শস্তের বিশেষ কিছু পরিবর্তন হইয়াছে, তাহাও চপলকি করা যায় না। বলা বাহুল্য, প্রশ্ন শুানমা ধতমত খাইয়া গেলাম। অল্প দেশে যখন কৃষি প্রবর্তিত হয় নাই, যখন তথায় মনুষ্যগণ যুগরাজ্যবী হইয়া পৃথিবীর নানা স্থানে পরিভ্রমণ করিয়া প্রাণধারণ করিত, তখন ভারতের এক শ্রেণীর লোক হলয়ন্ত্র আবিষ্কার করিয়া কৃষিকর্ষে নিয়োজিত হইয়াছিলেন এবং আপনাদিগকে আর্ঘ্য নামে অভিহিত করিয়াছিলেন। কৃষিবৃত্ত অবলম্বন দ্বারা তাঁহারা এক এক স্থানে বৃহৎ বৃহৎ জনপদ স্থাপন করিতে সমর্থ হইয়াছিলেন। কৃষি-অনভিজ্ঞ যুগরাজ্যবী বিক্ষিপ্ত অজ্ঞাত জাতি আর্ঘ্যের সহিত যুক্ত পরাভূত হইয়া অনুর্ধ্বের পাহাড় পর্বতে আশ্রয় গ্রহণ করিতে বাধ্য হইয়াছিল। আর্ঘ্য সভ্যতার শ্রেষ্ঠত্বের মূল কারণ এই হল বা কৃষি। “বাণিজ্য বসতে লক্ষী, তদর্ধঃ কৃষিকর্ষণ” এই উক্তি হিন্দুদিগের পরবর্তী সংস্কারের পরিচয় দিতেছে। অজ্ঞতা নিবন্ধন যখন হিন্দুদিগের কৃষির উন্নতির আশা বিলুপ্ত হইল, তখন তাঁহারা বাণিজ্যের উপর লক্ষীর উচ্চ আসন স্থাপন করিয়া কৃষি-উন্নতির চিন্তা দূর করিয়া দিলেন। কৃষিকর্ষ মাল-পত্র লইয়াই বাণিজ্য। কৃষিতে অবহেলা করিয়া পরবর্তী হিন্দুগণ বাণিজ্যেরও

(২) Nervous Prostration or Nervous break-down.

(৩) Blood Pressure.

(৪) Secondary sexual character.

স্থিতি করিয়া উন্নতিতে পারেন নাই। অল্প ও অসংবদ্ধ কৃষকের হাতে কৃষি  
শ্রুত হওয়ার বর্তমান কালে কৃষি লাভজনক হইতেছে না; কিন্তু  
আমেরিকা প্রভৃতি উন্নত দেশে কৃষি বাণিজ্য অপেক্ষা কম লাভজনক  
নহে।

জিজ্ঞাস্য এই যে, আর্ধ্যভূমে আর্ধ্যজাতির নিকট কৃষি পূজ্য হইলেও,  
বর্তমান কালে ভারতে কৃষির অবস্থা অনুরূপ কেন? পক্ষান্তরে ইয়োরোপ  
ও মার্কিন দেশে, এমন কি চীন ও জাপান দেশেও কৃষির যথেষ্ট উন্নতি  
দেখিতে পাঠ। ইয়োরোপে কৃষিক্ষেত্রের কতই না উন্নতি হইয়াছে বা  
হইতেছে। তথাকার লাঙ্গলের সহিত তুলনায় আমাদের লাঙ্গল খেলনা  
বিশেষ। আমাদের লাঙ্গলে ৮ বা ১০ বারে যে জমীর পাইট না হয়  
তাহাদের লাঙ্গলে একেবারেই তাহা হয়। তাহাদের লাঙ্গল ১  
ফুট পর্যন্ত মাটি খনন করে; আর আমাদের লাঙ্গল দ্বারা ৪ ইঞ্চি  
খনন ৩ রাই স্কট্রিন। তাহাদের ১ খানা লাঙ্গল ১ দিনে, আমাদের  
১ খানা লাঙ্গলের ৫০ হইতে ১০০ গুণ জমী চাষ দিয়া থাকে।  
আমাদের বিদে ইয়োরোপের বিদের সহিত তুলনার অযোগ্য। তাহাদের  
কত রকমের শস্ত কাটার, মাড়াইর ও ছাঁটার যন্ত্র আছে, তাহা আমাদের  
দেশের লোক ইয়ত্নাই করিতে পারিবেন না। ঐ দেশে গাভী ও  
বলদের কত উন্নতি হইয়াছে তাহা বলিলে আমাদের দেশের চাষীর  
আশ্চর্য্যান্বিত হইবে। এক একটা গাভী দৈনিক ২০ সের হইতে  
১ মণ দুগ্ধ প্রদান করে। যে গাভী হইতে অর্ধমণের কম দুগ্ধ পাওয়া  
যায়, সেই গাভী পালনের অযোগ্য বলিয়া বিদায় করা হয়।  
পূর্বকালে তাহাদের দেশের গাভীও এতদেখ্য গাভীর স্থায় ৩.৪ সের  
করিয়া দুগ্ধ প্রদান করিত। কিন্তু গত ২০০ বৎসরের মধ্যে গাভী  
নির্বাচন ও উপযুক্ত ঘাস ও অশ্রান্ত স্বাস্থ্যকর অহারের ব্যবস্থা করিয়া  
তথায় গোজাতির এইরূপ উন্নতি সাধিত হইয়াছে। আমরা এখনও  
প্রাচীন কালের স্থায় গোমাতার পূজা করিয়া থাকি কিন্তু গোমাতা যে  
অনাহারে গুচ্ছ হইয়া ও অযত্নে মড়ক লাগিয়া ধ্বংস হইতেছে, তাহা  
দেখিয়াও দেখি না। গোচারণ আর দেখিতে পাওয়া যায় না। ইহার  
ফল, দুগ্ধাভাবে শিশুগণ দিনদিন ক্ষীণজীবী হইয়া পড়িতেছে।

সার সম্বন্ধেও আমাদের জ্ঞান প্রাচীন কালের স্থায় অনগ্রসর। প্রাচীন  
কাল হইতে গোবর সারই চলিত হইয়া আসিয়াছে। খৈল সারও ভারত-  
বর্ষের সর্বত্র পরিচিত নহে। হাড় চূণ সোড়া প্রভৃতির সার অল্প দিন  
হইল গবর্ণমেন্ট কর্তৃক প্রচলিত করিবার চেষ্টা হইতেছে। আমরা  
উহা ব্যবহার করি না বলিয়া হাজার হাজার মণ এই সার বিদেশে রপ্তানী  
হইয়া যাইতেছে ও ভারতবর্ষের উর্বরতা নষ্ট হইতেছে। জমীর উর্বরতা  
রক্ষা কিম্বা বৃদ্ধি করা আমাদের সাধ্যাধীন এ কথা আমাদের চাষীদের  
চিন্তার অতীত।

ভারতবর্ষে যে কেবল ৩ বিঘ ছয়বস্থা ষটিয়াছে, আর অশ্রান্ত শিল্পের  
উন্নতি হইয়াছে, তাহা নহে। কৃষি, শিল্প ও বাণিজ্য সব এক অবস্থায়  
শায়িত। উন্নতিশীল জাতির সব দিকেই উন্নতি। আর্ধ্য-সভ্যতা যখন  
উচ্চতম সোপানে আরুঢ় ছিল, তখন ভারতবর্ষের কৃষি, শিল্প ও বাণিজ্য

উন্নতিশীল ছিল। যখন ভারতবর্ষে আর্ধ্যগণ তাহাদের প্রভুত্ব সম্পূর্ণরূপে  
স্থাপন করিলেন, যখন তাহাদের আর প্রতিদ্বন্দ্বী কেহ রহিল না এবং  
যখন তাহাদের ধন ও ঐশ্বর্যের কোন অভাব রহিল না, তখন তাহারা  
অর্থকরী কৃষি, শিল্প, বাণিজ্য প্রভৃতি পেশা সমাজস্থ ভালমানুষদের  
হস্তে ছাড়িয়া দিয়া বিজ্ঞগণ ধর্মচিন্তা ও শাস্ত্র প্রণয়নে, এবং বলিষ্ঠ ও  
যুদ্ধ-নিপুণ ব্যক্তিগণ রাজকাৰ্য্য পরিচালনে নিযুক্ত হইলেন। ক্রমশঃ  
ধর্মকাৰ্য্য, রাজকাৰ্য্য, কৃষি-শিল্পকাৰ্য্য সব ব্যক্তিগত হইয়া দাঁড়াইল  
এবং তদনুযায়ী বিভিন্ন জাতির উৎপত্তি হইল। কৃষি শিল্প-পরিচালক  
ভালমানুষের দল বৈশ্বগণ পাঠাদি শিক্ষা গ্রহণ হইতে বিমুক্ত হইয়া  
অজ্ঞতা-তিমিরে অদৃষ্ট হইয়া পড়িলেন। এইরূপে আর্ধ্যদের অধিকাংশ  
লোক কৃষিজীবী হইয়া স্বাধীন চিন্তা বিসর্জন দিলেন। সাধারণ শিক্ষা  
ও স্বাধীন চিন্তার অভাবে তাহাদের বংশধরগণ কর্তৃক কৃষিশিল্পের আর  
উন্নতি ঘটিল না, পিতৃপুরুষদের অনুকরণই তাহাদের কৃষি-শিল্প শিক্ষার  
চূড়ান্ত হইয়া রহিল। কৃষি-শিল্প ও ব্যবসা জাতিগত হওয়ারই আমাদের  
বিবেচনার ভারতবর্ষে কৃষি শিল্প বাণিজ্যের বর্তমান কালোপযোগী উন্নতি  
সম্ভবপর হইতে পারে নাই। আর একটা কথা মনে রাখিতে হইবে  
যে, ইয়োরোপের উন্নতি যৌথ-কারবার দ্বারা কল-কারখানা স্থাপন  
এবং উহাতে কৃষি-শিল্পের জন্ত যন্ত্রাদি প্রস্তুত করণ। এই যন্ত্রাদির  
সাহায্যে কৃষি-শিল্প মূলভে নির্বাহিত হইতেছে। এই যৌথ-কারবার  
গঠন ও চালাইবার জন্ত প্রচুর অর্থ ও বুদ্ধির দরকার। ভারতের বাহারা  
মস্তক স্বরূপ সেই উচ্চ শ্রেণীর ব্যক্তিগণ এ সম্বন্ধে উদাসীন। সমাজের  
অল্প ও অপদস্থ লোক দ্বারা কৃষি-শিল্পের অধিক উন্নতি আর কি হওয়া  
সম্ভব?

### শিশুদের যক্ষ্ম-রোগ

অধ্যাপক মেজর ভি, বি, গ্রিগ আর্নিটেজ, এম্-ডি,

এম্-আর-সি-পি, ( লণ্ডন )—আই-এম্-এস্

( শ্রীকদ্রেজ্জকুমার পাল বি-এস্-সি-অনুদিত )

শিশুদের যক্ষ্ম-রোগের স্বরূপ-নির্ধারণ, চিকিৎসা, ও পরিণতি সম্বন্ধে কিছু  
লিখিবার জন্ত অনেকবার অনুরোধ হইয়াছি; তাই আজ এই রোগ  
সম্বন্ধে দু চারি কথা বলিব।

গত সাত বৎসরের মধ্যে এই রোগে কঠিনভাবে আক্রান্ত ৩০টি রোগী  
আমার হাতে আসিয়াছে এবং প্রত্যেক ও পরোকভাবে আমি ইহার  
ফলাফল পর্যবেক্ষণ করিবার যথেষ্ট সুযোগ লাভ করিয়াছি। এই ৩০টি  
রোগীর মধ্যে ২টি ইউরোপীয়ান অথবা এংলো-ইণ্ডিয়ান, ৩টি হিন্দু এবং  
৩টি মুসলমান। প্রায় সকল রোগীর বয়সই পাঁচ মাস হইতে সাড়ে তিন  
বৎসরের মধ্যে ছিল। মাতৃগুণপারী স্তনেরোটি শিশুর মধ্যে ১২টি বৎস

জননীৰ একাধিক গৰ্ভেঃ সন্তান। বাকী সব ফুলেই যদিও শিশুৱা অতি অল্প সময়ৰে জন্মই গুৰুপায়ী হিল, তবু তাহাদেৱ উপযুক্ত খাদ্যৰ মধ্যে জুল ক্ৰটিৰ অন্ত হিল না। অনেক সময়ই দেখা যায়, কুক মেজাজেৰ শিশুকে সাময়িকভাবে শান্ত কৰিবাবৰ জন্ত জননী ত্যক্ত বিৱৰ্ত্ত হইয়া তাহাদেৱ হাতে মিষ্টি, জিলিপি, বসগোলা প্রভৃতি তুলিয়া দেন। আমাৰ ৩০টি বোপীয়েই, এৰুপকাৰ খাদ্য অথবা নানা পেটেট ফুড, নিৰ্মিত খাদ্য হিল।

সুতৰাং শিশুৰ পৰিপাক-শক্তি যে ইহাৰ বিক্ৰমচৰণ কৰিবে তাহাতে আৰ আশংকা কি? পৰিপাক-শক্তি অতবে যকৃতৰ উপৰ যথেষ্ট বেশী কাজেৰ তাৰ পড়ার প্ৰথমে যকৃত মধ্যস্থ কোষগুলি (Hepatic Cells) প্ৰত্যেকটি বড় হয় এং তাহাতে বক্ত জমাট (Congestion) হওয়ার দৰুণ সময় যকৃতটাই খুব বড় হয়। পৰে ঐ কোষগুলিৰ চাৰিদিকে স্তৰ মত এক প্ৰকাৰ বৃহত্ব (Fibrosis) জন্মে এং তাহাতেই সময় যকৃতট সঙ্কুচিত হইয়া পড়ে।

আমাৰ মতে নিম্নলিখিত কাৰণেই এই ৰোগেৰ উৎপত্তি হয়।

(১) শিশুৰ জন্মেৰ পূৰ্বে প্ৰসূতি যদি নিজেৰ খাদ্য সম্বন্ধে যথেষ্ট সতৰ্ক না হন, তাহা হইলে জন্ম হইতেই শিশুৰ এই ৰোগেৰ প্ৰতি একটা সহজাত আকৰ্ষণ থাকে। এটা অনেকই স্বীকাৰ কৰেন যে শৰীৰেৰ হুগ-বৃদ্ধিৰ সঙ্গে 'এণ্ডক্ৰিনে'ৰ যে সম্বন্ধ, 'এণ্ডক্ৰিনে'ৰ সঙ্গে 'ভিটামিনে'ৰ সেই সম্বন্ধ। ইহা হইতে অতি সহজেই অনুমান কৰা হইতে পাৰে যে জননীৰ খাদ্যে 'ভিটামিনে'ৰ অল্পতা হেতু মাৰ চুখেও 'ভিটামিন' কম থাকে এং শিশুৰ এন্ডক্ৰিনে গুলি (Endocrine system) বাল্য ২—৫ মাসেৰ ভিতৰ কাৰ্য্যকম হয়, তাহাৰ উপৰও এই খাদ্যেৰ অনিষ্টকৰ প্ৰভাব পৰিসংকিত হয়।

(২) দুৰ্ভবতী জননী প্ৰায়ই বক্তগুণ্ডতা, কোষ্ঠবদ্ধতা ও দাঁত হইতে পূৰ্ব-পড়া ৰোগে ভুগিয়া থাকেন। ইহাতে অনেক সময়েই তাহাৰ শৰীৰে বিৰ চুকে, আৰাৰ সময় সময় এই বিধেৰ ক্ৰিয়াৰ ফলেই উপৰিউক্ত অস্থগুণ্ড হইয়। ইহাৰ ফলে, শিশু জননীৰ স্তন হইতে যে দুধ খায় তাহাতে প্ৰায়শঃই এন্ডক্ৰিনে গুলিৰ উত্তেজক রস (Hormone) চুণ, লোহা, কক্ৰাস, আইডিন ইত্যাদি অতি অল্প থাকে এং এই অল্পতা-নিবন্ধনই শিশুৰ উদ্যমত ও যকৃতৰে দোষ খটে।

(৩) যে সকল শিশু সৰ্বদা পেটেট ফুড খায়, অথবা জনক জননীৰ নিকট হইতে যাহা তাহা খাইতে পায় প্ৰায়শঃ ইহাদেৱই এই অস্থ হইয়। এই সকল শিশুৰ অনেকেই পৰিমাণে বেশী খায় এং তাহাতে যকৃত, পেনক্ৰিয়াস (Pancreas) ও অন্তমধ্যস্থ এন্ডক্ৰিনে গুলিৰ উপৰ এত কাজেৰ চাপ পড়ে যে শৰীৰে বিৰ না জন্মিয়া পায় না; এই কাৰণেই যকৃত সঙ্কুচিত হইয়া পড়ে। অনেক সময় দেখা যায় শিশুৰ তিহা অতি অপাৰ্কার এং বাহিৰি দেখিয়া মনে হয় যে, তাহাৰ যকৃতৰ শৰ্কৰা জাতীয় খাদ্য (carbohydrate) হইতে শৰীৰ সংগঠনেৰ কৰ্মতা নষ্ট হইয়া গিয়াছে। এৰুপ ফলেও শিশুকে 'কঙ্কলিতাৰ অয়েল', সৰ, ঘি, সন্দেশ, চকোলেট,

প্ৰভৃতি খাইতে দেওৱা হয়; কিন্তু শিশু কিছুই পাইতে চায় না। এই বিধেৰ প্ৰক্ৰিয়াৰ দৰুণ যকৃতৰ মধ্যে এক প্ৰকাৰ প্ৰদাহ (inflammation) হইতে থাকে; তাহাৰই ফলে যকৃত বড় হইয়া উঠে; এং যদি যথামতবে উপযুক্ত চিকিৎসা না হয়, তাহা হইলে শিশুৰ অবস্থা ক্ৰমশঃ খাৰাপ হইতে থাকে।

(৪) প্ৰায়ই দেখা যায়, জাৰতবৰ্বে, বৎসৰেৰ মধ্যে অনেক কাল পৰু ছাগল প্ৰভৃতি শুধু শুক ঘাস খাইত পায়, এং মাঠ ঘাস শুকাইয়া যাওৱাতে চমিয়া খাইবাৰ সুবিধা হয় না। এইজন্ত গো ও ছাগ দুহুে দুৰুপায়ী শিশুৰ আবস্তকমত লবণ (salts) ও 'এণ্ডক্ৰিনে' থাকে না। এটিও এই ৰোগেৰ উৎপত্তিৰ অন্ততম কাৰণ।

২০শ লক্ষ্যণ :—প্ৰথমেই এটুকু বিশেষভাবে বলিয়া ৰাখি যে এই ৰোগ প্ৰায়শঃই অতি ধীৰে ধীৰে ৰোগীকে আক্ৰমণ কৰে এং অধিকাংশ ফুলেই ৰোগেৰ প্ৰকোপ খুব বেশী হয় না। মৌভাগ্যক্ৰমে জননী ও চিকিৎসকেৰ এটা বৃহত আৱস্তা কৰিয়াছেন যে যখন শিশু কিছুই খাইতে চায় না ও তাহাৰ মেজাজ কুক হইয়া উঠে—প্ৰকৃতিই তাহাৰ আহার বক্ত কৰিয়া, তাহাৰ উপযুক্ত বিপ্ৰাম লাভেৰ অবসৰ দিয়া—আৰোগ্য কৰিবাব চেষ্টা কৰে।

অনেক সময় ইউৰোপীয়ান শিশুকে দেখিবাবৰ জন্ত আহুত হইয়া দেখিয়াছি,—এই সময় লক্ষণযুক্ত ৰোগে এক সপ্তাহ কি দশাহ অৰ্দ্ধাশনে ৰাখিয়া অল্প পৰিমাণে নিৰ্মিতভাবে পথ্য ও প্ৰত্যাহ কোষ্ঠ পৰিষ্কাৰেৰ ব্যবস্থা চাড়া আৰ কিছুই আবস্তক হয় না। এই উপায়ে বেদনাবৃত্ত বৃহৎ বাৎসৰ্য হইয়া পড়ে এং প্ৰকৃতিৰ ৰোগ আৰোগ্যেৰ নিৰ্ভৰ কৰ্মতা যথেষ্ট সাহায্যলাভ কৰিয়া থাকে। একটা কথা আছে "ভাল কিছু পাইতে হইলে, খাৰাপ কিছুও নিতে হয়।" এই সকল ফলে এই পুণ্ডন প্ৰবাদেৰ অনুভূতি হইয়া চলা উচিত। এটুকুও স্মরণ রাখা উচিত যে, কোন শিশু কি কোন প্ৰাণীই এক সপ্তাহ অৰ্দ্ধাশনে থাকিলে এমন বিশেষ কিছু বক্ত হইয়া পড়ে না।

ৰোগেৰ প্ৰথম অবস্থাতে অল্প অল্প কৰি হয়, অৰ চ'ড়ে না, সঙ্গে সঙ্গে কোষ্ঠ বক্ত থাকে ও কাল দুৰ্গন্ধযুক্ত বাহু নয়। শিশুৰ দুগা থাকেনা, এং কুক মেজাজে খাদ্য ফেলিয়া দেয়। ৰোগী বিছানাৰ শুইয়া চটকটু কৰিতে থাকে এং প্ৰায়ই উপড় হইয়া পেটেৰ উপৰ শুইয়া থাকে। প্ৰশ্বাব পৰিমাণে অল্প ও বোলাটে বক্তেৰ হয়, এং তাহাতে 'ইণ্ডিকান' ও 'এসিটোন' থাকে। জননী প্ৰায়ই লক্ষ্য কৰেন যে শিশু ওজন কমিয়া বাইতেছে, তাহাৰ গ্ৰোণীগুলি ফুলিয়া পড়িতেছে এং মুখ কাৰাশে ও বক্তশূন্য হইয়া বাইতেছে।

অন্যান্য চিহ্ন :—যকৃত প্ৰথমেই বেশ বড় হয় ও বক্তপত্ৰ হইতে তিন ইঞ্চি অথবা ততোধিক নীচে নামিয়া পড়ে। যখনই তাহাৰ উপৰ হাত দেওৱা যায় শিশু কাঁদিয়া উঠে। চকুৰ বেতাংশ বোলাটে বক্ত হইয়া যায় ও পৰে পাণ্ডুবৰ্ণ ধারণ কৰে। শৰীৰেৰ বক্ত গুৰু ও কুৰ্কিত হইয় পড়ে এং অনেক ফুলেই পা ফুলিয়া যায়। ৰোগেৰ চৰম অবস্থাৰ বক্ত ছোট হইয়া পড়ে ও উদৰী ৰোগী দেখা যায়।

একটি সাত মাসের রোগীর রক্ত পরীক্ষা করা হইয়াছিল।

\* \* \* \*

তাহাতে কোন বীজাণু পাওয়া যায় নাই। মল পরীক্ষার শুধু পিত্ত (Bile salts) এবং তৎবর্ণ সামগ্রী (Bile Pigment), যথেষ্ট পরিমাণে চর্বি এবং অপরিপক খাদ্যাবশেষ ছাড়া কোন স্থলেই অস্বাভাবিক বীজাণু কি তাহাদের অণুকোষ (ova) প্রভৃতি কিছুই পাওয়া যায় নাই।

রোগ নির্ণয় :—এই রোগ নির্ণয় করা অতি সহজ। প্রত্যেক রোগীকে পরীক্ষা করার সময়, ইহা কালান্ধর, পরমী কি ম্যালেরিয়া ষটিত বকৃৎ রোগ কি না, বিবেচনা করিয়া দেখা উচিত। অনেক স্থলেই আমাকে রোগীর পরামর্শদাতা রূপে ডাকার পূর্বে, রোগীকে কুইনাইন অথবা ইহা হইতে প্রস্তুত ঔষধাবলী, কিংবা গ্রে পাউডার (Grey Powder) খাইতে দেওয়া হইয়াছিল। চিকিৎসক ও জননী প্রায়ই শিশুকে গ্রে পাউডার দিতে একটুও ভাবেন না—কিন্তু ইহাতে অনেক স্থলেই রোগীর অনিষ্ট হয়।

আমার মতে, এই রোগ, শুধু সান্নিপাতিক জ্বরের জীবাণু জাতীয় জীবাণু দ্বারা কোন রোগ বিশেষ বলিয়াই ভুল হইতে পারে। কিন্তু শৈবোক্ত রোগে জ্বর সর্বদাই বেশী থাকে এবং রোগের প্রকোপ প্রথমাবধিই খুব বেশী হয়। কিন্তু শিশুদের সঙ্কুচিত বকৃৎ রোগ প্রায়ই অতি ধীরে ধীরে আক্রমণ করে এবং অনেক মাস ব্যাপিয়া রোগীকে ক্ষীণ হইতে ক্ষীণতর করিতে থাকে।

রোগ নির্ণয়ে একটি বিষয়ে সতর্ক হওয়া খুবই আবশ্যিক। যদিও এই রোগ 'রিকেট' রোগের মতই খাঙ্গ হইতে শরীর বৃদ্ধির ক্ষমতার অভাব হইতেই উদ্ভূত হয়, তবুও ইহাকে 'রিকেট' বলিয়া অবহেলা করা উচিত নয়। অনেক সময়েই খাজী ও চিকিৎসকেরা, রোগীর জিহ্বা অপরিষ্কার থাকা সত্ত্বেও রোগীর জন্ত 'কড্, লিভার অয়েল', 'অটিলিন', 'ভিরল' প্রভৃতি 'ভিটামিন এ' সম্পন্ন খাদ্যের ব্যবস্থা করেন। ফলে, রোগী ভয়ানক বমি করিতে থাকে এবং কয় সপ্তাহ এমন কি কয়দিনের ভিতরই রোগে একেবারে অবসন্ন ও নিস্তেজ হইয়া পড়ে।]

চিকিৎসা :—যদি রোগের কারণ সম্বন্ধে কোন সন্দেহ না থাকে, এবং রোগের প্রথম অবস্থাতেই, উদরী ও রক্তশূন্যতা লক্ষণ প্রকাশের পূর্বে, উপযুক্ত চিকিৎসা হয়, তাহা হইলে শতকরা ৭০টি স্থলেই রোগ আরোগ্য হইয়া থাকে।

রোগ নিবারণের উপায় :—গর্ভাবস্থার জননীকে খাঙ্গ সম্বন্ধে খুবই সতর্ক থাকিতে হইবে। প্রত্যেক গর্ভবতী জননীর জন্ত নিম্নলিখিত খাঙ্গগুলির ব্যবস্থা করা বিধেয়। অবশ্য রক্তশূন্যতা ও শরীরে চূর্ণ জাতীয় পদার্থের অল্পতার জন্ত আবশ্যিক মত 'কড্, লিভার অয়েল', ও 'পেরিস ফুড' (Parish's food) এর সঙ্গে দেওয়া যাইতে পারে।

শাস্তি :—(১)

(ক) ওট মিল পরিজ (Oat meal porridge), দুধ, আটার রুটি, টোট, বিন্দুট ইত্যাদি।

(খ) শাকসজী—যে কোনরূপ দেওয়া যাইতে পারে, শুধু ভাজা নয়।

(গ) ফলমূল—টাটকা অথবা সিদ্ধ; যে কোন ফলমূল দেওয়া চলে।

(ঘ) মাংস—একেবারেই দেওয়া উচিত নয়। মাংসের ষোলও অপকারী।

(ঙ) পক্ষীর মাংস—রাজহাঁস, পাতিহাঁস, অথবা অস্ত্রাঙ্গ—শিকার করা পক্ষীর মাংস বর্জনীয়।

(চ) মাছ—ইলিশ বোয়াল প্রভৃতি ব্যতীত অস্ত্রাঙ্গ মৎস্য দেওয়া চলে।

(ছ) ডিম—দেওয়া যাইতে পারে।

(জ) স্থপ—সব রকমের স্থপই দেওয়া চলে, কিন্তু ঐ স্থপ ঘন, পরিষ্কার ও চর্বিশূন্য হওয়া উচিত।

(ঝ) মিষ্টি—'জাম' 'জেলি', মধু প্রভৃতি (বিণ্ডু ছাড়া) মধু খুবই উপকারী। দুধের পুডিং, মোহনভোগ, পিষ্টক ইত্যাদি বর্জনীয়।

(ঞ) বেশী মশলাবৃত্ত তরীতরকারী নিষিদ্ধ।

(ট) পানীয়—জল, 'সোডা ওয়াটার' বাড়ীতে প্রস্তুত 'লেমনেড্,' 'ওরেঞ্জেড্,' লঘু চা, কফি ও আবশ্যিকমত দুধ দেওয়া যাইতে পারে। মদ সর্বথা বর্জনীয়।

ইচ্ছা হইলে মাখন দেওয়া যাইতে পারে, কিন্তু বেশী দেওয়া উচিত নয়। সর, চর্বি, মাংস ও বেশী ভাজা মাছ, একেবারে বর্জন করা উচিত।

প্রত্যাহ দুইবার ফলমূল ও শাকসজী খাওয়া আবশ্যিক। মাংস দুই দিন অন্তর একবারের বেশী কখনই দেওয়া উচিত নয়।

'St. Ivel' এর মত স্নিগ্ধ পানীয় (cheese) দেওয়া যাইতে পারে।

(২) যতদিন শিশু স্তন্যপায়ী থাকে, ততদিন জননীকে খাঙ্গ সম্বন্ধে উপরিক্ত নিয়মগুলি যথাযথ পালন করিতে হইবে। ইহাতে স্তন দুধে চূর্ণ, লোহা, কঙ্করাস্, আইডিন্, লবণ এবং অস্ত্রাঙ্গ গ্রন্থিরস পরিবর্ধক সামগ্রী (Hormone) বর্ধিত হইবে। জননী একাধিক সন্তানের প্রসূতি ও রক্তশূন্য হইলে, তাঁহার জন্ত 'কড্, লিভার অয়েল', 'অটিলিন' ও 'পেরিস' খাঙ্গ ব্যবস্থা করা উচিত।

(৩) যখন শিশু স্তন্য পান ত্যাগ করিয়া গো কি ছাগ-দুধ খাইতে আরম্ভ করে, তখন পক্ষ ও ছাগলের খাঙ্গ সম্বন্ধে বিশেষ লক্ষ্য রাখা উচিত। কাঁচা ঘাসই এই সকল জন্তর উপযুক্ত খাঙ্গ। ছাগলের এতাদৃশ খাঙ্গের ব্যবস্থা করা অতি সহজ, এবং ছাগলকে পরিকৃতভাবে অনায়াসে দোহন করা যায়। এই জন্তই আমি সকলকে গৃহে ছাগল রাখিতে অনুরোধ করি।

(৪) পেটেট খাঙ্গ, সন্দেশ, চকোলেট, রসগোল্লা, দ্রুত প্রভৃতি গুরুপান্য খাঙ্গ একেবারে বর্জন করা উচিত। এটুকু স্মরণ রাখা উচিত যে শর্করাজাতীয় খাঙ্গের মধ্যে, মধু ও পাকা ইন্ধুর রস সহজে পরিপাক হয়, কিন্তু সন্দেশ প্রভৃতি হজম করা শক্ত। এই জন্তই এগুলি দেওয়া উচিত নয়।

(৫) ভারতবর্ষের সর্ষ কামলা, আনারস, আম, আঙুর, ডালিম প্রভৃতি ফল প্রচুর পরিমাণে পাওয়া যায়। প্রত্যেক শিশুকেই এই সকল ফলের রস, অথবা নানকলে দুই কি তিন আউন্স করিয়া দেওয়া উচিত।

(৬) প্রান্ত ও অপরাহ্নে সূর্যের তাপে 'আলট্রা ভায়োলেট' রশ্মি (ultra violet ray) প্রচুর পরিমাণে থাকে। এইরূপ, ভারতীয় কি ইউরোপীয় প্রত্যেক শিশুকে প্রাতে ৬টা—৯টা ও অপরাহ্নে ৩টা—৬টা পর্যন্ত রৌদ্রে ছাড়িয়া দেওয়া উচিত। যদি সম্ভব হয়, তাহা হইলে পারদ বাষ্পযুক্ত কোয়ার্টজ দীপ (Mercury Vapour Quartz Lamp) হইতে শিশুর উপর ১০—২০ বার 'আলট্রা-ভায়োলেট' রশ্মি নিক্ষেপ করা উচিত।

(৭) এটুকু মনে রাখা উচিত—মুরগীর ঝোল (Chicken Broth) খাওয়ার কাজ করে না; শুধু দেহে পিউরিন (Purin) নামক দ্রব্যের উদ্ভবের সহায়তা করে—। শাকসজীর ঝোলে, পোনর মিনিটের বেশী সিদ্ধ না হইলে, যথেষ্ট পরিমাণে 'ভিটামিন সি', 'ফস্ফরাস', 'সোডিয়াম', 'পোটাশিয়াম', লোহা, 'মেগনেশিয়াম', 'আইডিন' প্রভৃতি থাকে। কিন্তু ভারতবর্ষে, বিশেষতঃ বাংলাদেশে, ইউরোপের তুলনায় মাটিতে যথেষ্ট পরিমাণে সার না থাকায়, শাকসজীতে উপরিউক্ত ধাতুর লবণ (metallic Salts) এবং আইডিন অল্প থাকে।

কোষ্ঠ-রোগ = ক্রিমিক্রমণ :—জামা কাপড় খুলিয়া শিশুকে প্রত্যহ রৌদ্রে শোয়াইয়া রাখা উচিত। যদি শিশু ঠাট্টা বেড়াইতে পারে, তাহা হইলে, তাহাকে নগ্নদেহে, পূর্বেসংক্রামিত প্রত্যহ প্রাতে ও অপরাহ্নে রৌদ্রে ছুটাছুটি করিতে দেওয়া উচিত। রোগীর খাদ্যে বাগাতে চর্কি না থাকে সেদিকে সতর্ক দৃষ্টি রাখিতে হইবে। অত্যধিক পরিশ্রান্ত, রক্তপূর্ণ (congested) যকৃতের কার্য লাঘব করিবার জন্য চর্কিহীন খাদ্য একান্ত আবশ্যিক।

প্রথম দিন :—শুধু বাগির জল, অথবা চাল সিদ্ধ জল, আবশ্যিক মত এক পাইন্ট জলে ১ গ্রেণ চিনি মিশাইয়া পিষ্ট করিয়া দিলেই চলিবে।

দ্বিতীয় দিন :—মাখন তোলা দুধ ( বাহাতে চর্কি থাকে না ) দেওয়া যায়।

একটা ছোট 'এনামেল ডুসে'র পাত্রে কিয়ৎপরিমাণে সস্তা দুধ ঢালিয়া, একটা ছিপ দিয়া নলের মুখ বন্ধ করিয়া, ঐ দুধ আধ ঘণ্টা অল্প উত্তাপে ফুটাইতে হইবে। তারপর ঐ দুধ ঢালিয়া, 'বরফের উপর অথবা কোন ঠাণ্ডা বায়গায় ২—৩ ঘণ্টা রাখিয়া দিলে দুধের সমস্ত চর্কি উপরে ভাসিয়া উঠিবে। তখন নলের মুখ খুলিয়া নীচের তিনভাগের দুইভাগ দুধ একটি পরিষ্কার পাত্রে ঢালিয়া লইতে হইবে। এই নীচের দুধে মাখন মোটেই থাকে না। এই উপায়ে অতি সহজে দুধ হইতে মাখন উঠাইয়া লওয়া চলে।

প্রথমে এই 'মাখন-তোলা দুধ একভাগে তিনভাগ জল মিশাইয়া দিতে হইবে। পরে আস্তে আস্তে দুধের পরিমাণ বাড়ানো উচিত।

কি পরিমাণে দুধ দিতে হইবে, এই সম্বন্ধে এটুকু মনে রাখা উচিত

যে, জীবন ধারণের জন্য একটি শিশুর পক্ষে শরীরের প্রত্যেক পাউন্ড (প্রায় আধসের) ওজনের জন্য দৈনিক দেড় আউন্সের বেশী আবশ্যিক হয় না। একটি দৃষ্টান্ত দিতেছি। এই বয়স্ক রোগের সমস্ত লক্ষণ ও উপলক্ষ্য বৃদ্ধ ৯ মাস বয়স্ক একটি শিশুকে আমার কাছে আনা হইয়াছিল। শিশুটি ওজনে ১২ পাউন্ড, হুতরাং তাহার পক্ষে ১৮ আউন্স দুধ আবশ্যিক। নিম্নলিখিত উপায়ে আমি তাহার খাওয়ার ব্যবস্থা করিয়াছিলাম।

মাখন তোলা দুধ দুই আউন্স ও ছয় আউন্স জল মিলে তিনবার করিয়া দিতে হইবে।

৩য় দিন—মাখন তোলা দুধ ২½ আউন্স ও জল ৫½ আউন্স।

৪র্থ দিন— " ৩ " " ৫ " ।

৫ম দিন— " ৩½ " " ৫½ " ।

৬ষ্ঠ দিন— " ৪ " " ৬ " ।

৭ম দিন— " ৫½ " " ৭½ " ৩½ ঘণ্টা অন্তর।

৮ম দিন— " ৫ " " ৬ " " " ।

৯ম দিন— " ৫½ " " ৭½ " " " ।

১০ম দিন— " ৬ " " ৮ " ৪ ঘণ্টা অন্তর।

১১শ দিন— " ৬½ " " ৮½ " " " ।

১২শ দিন— " ৭ " " ৯ " " " ।

১৩শ দিন— " ৭½ " " ৯½ " " " ।

১৪শ দিন— খাঁটি দুধ ৪½—৫ ঘণ্টা অন্তর।

(১) প্রথম দুই সপ্তাহ পর্যন্ত খাওয়ার মাঝে মাঝে ২-৪ আউন্স পরিমিত ফলের রস দেওয়া উচিত।

(২) শিশুর দাঁত ও মুখ সর্ষদা পরিষ্কার রাখিতে হইবে।

(৩) দুইবার খাওয়ার মাঝামাঝি সময়ে রোগী বতটুকু চায়, জল খাইতে দেওয়া উচিত, কিন্তু সোড়া ওয়াটার কি সরবৎ খাইতে দেওয়া কখনই উচিত নয়।

(৪) চতুর্থ দিনে, প্রত্যেকবার এক চামচ মেলিনসফুড মিশান উচিত। সপ্তম দিনে দেড় চামচ ও দশম দিন দুই চামচ করিয়া মিশাইতে হইবে।

(৫) রোজ রোগীর কোষ্ঠ পরিষ্কার করা উচিত। সম্ভবপর হইলে 'মিক্স অব্ ম্যাগনেশিয়া' অথবা 'প্যারাক্সিন' এক চামচ করিয়া দিয়া বাগাতে দিনে দুইবার কোষ্ঠ পরিষ্কার হয় তাহাই করা উচিত।

(৬) পিত্তবর্ধক কিছু দিবার আবশ্যিক হইলে, 'এটফান', জার্মেনীয় কার্লস্বাড পাউডার, সোডা সেলিসিলাস (Atophan, German Carlebad powder, Sodi Salicylas) প্রত্যেকটি তিন গ্রেণ নিহার পূর্বে অথবা দিনে দুইবার করিয়া দিলে সুফল পাওয়া যায়। ইহার সঙ্গে হাইড্র জঁ কাম ক্রিটা (Hydrag cum creta) দেড় গ্রেণ করিয়া দেওয়া যাইতে পারে।

এক পাইন্ট জলে ১ গ্রেণ পটাস্ পারমেঙ্গানাস্ (Potas Permanganas) গুলিয়া তাহা দিনে দুইবার আস্তে আস্তে গুলপথে ডুস্ দিলে উপকার হয়।



১৪—২১ দিন শিশুকে শুধু খাটি মাখন তোগা দুধ এবং মেলিস ফুড, তিন চামচ করিয়া দিতে হইবে। উপরিউক্ত নিয়মে মেলিস ও এলেনবারী ফুডও দেওয়া যাইতে পারে।

২১শ দিন—মাখন তোগা দুধ ৭ আউন্স দুধ এক আউন্স ৪½-৫ ঘণ্টা অন্তর

২২শ	—	৬½	..	..	১½	..	..
২৩শ	—	৬	..	..	২	..	..
২৪শ	—	৫½	..	..	২½	..	..
২৫শ	—	৫	..	..	৩	..	..
২৬শ	—	৪½	..	..	৩½	..	..
২৭শ	—	৪	..	..	৪	..	..
২৮শ	—	৩½	..	..	৪½	..	..
২৯শ	—	৩	..	..	৫	..	..
৩০শ	—	২½	..	..	৫½	..	..
৩১শ	—	২	..	..	৬	..	..
৩২শ	—	১½	..	..	৬½	..	..
৩৩শ	—	১	..	..	৭	..	..
৩৪শ	—	½	..	..	৭½	..	..
৩৫শ	—	শুধু খাটি দুধ।					

দুই সপ্তাহ পরে আগের মতই খাদ্য দিতে হইবে তবে, দিনে দুই একবার দুধের পরিবর্তে মাছের অথবা শাক সজীর যোগ দেওয়া উচিত। আমি, চতুর্দশ দিবস পরে, শরীর গঠনের সুপ্ত শক্তিকে জাগ্রত করিবার জন্ত প্রত্যহ দুইবার করিয়া 'থাইরয়েড এক্সট্রাক্ট' (Ext. Thyroid sic) ½ গ্রেণ দেওয়ার পক্ষপাতী। ম্যাক্কেইনসনের ভাবায় ইহাকে 'জল সিকন দ্বারা, অগ্নির উত্তাপ বৃদ্ধি' বলা যাইতে পারে।

এইরূপে চিকিৎসার পর শিশুর শারীরিক স্বাস্থ্য অনেকটা ভাল

হয়, ও যকৃতের দোষ অনেক পরিমাণে কমিয়া যায়। সময় সময় অনুপযুক্ত খাদ্যের জন্ত নানা অশুভ লক্ষণ প্রকাশ পায়। রোগ আরোগ্য হওয়ার সঙ্গে সঙ্গে এ বিষয়ে বিশেষ লক্ষ্য রাখিয়া রোগীর খাদ্যের পরিমাণ আন্তে আন্তে বৃদ্ধি করা যাইতে পারে।

যখন জিহ্বা ও চক্ষু পরিষ্কার হইয়া যায়, তখন প্রত্যহ একটি ডিমের আভ্যন্তরীণ কুহুমের এক-চতুর্থাংশ হইতে আরম্ভ করিয়া সমস্ত কুহুমটি পর্য্যন্ত দেওয়া চলে। পরে কডলিভার অয়েল ৫—১৫ ফোঁটা, দিনে তিনবার অথবা 'অষ্টিলিন' প্রথম সপ্তাহে—এক ফোঁটা করিয়া দিনে দুইবার, দ্বিতীয় সপ্তাহে—দু ফোঁটা করিয়া ও তৃতীয় সপ্তাহে—তিন ফোঁটা করিয়া মধু অথবা দুধের সঙ্গে দেওয়া যাইতে পারে।

ভাত, মাখন, অথবা ঘী অনেকদিন পর্য্যন্ত দেওয়া উচিত নয়। ইউরোপীয় রোগীদিগকে মাংস অথবা বেশী মশলাযুক্ত খাদ্য দেওয়া অবিধেয়। মাছের ডিম, সিদ্ধ মাছ, অথবা অল্পসিদ্ধ মুরগীর মাংস ধীরে ধীরে ব্যবস্থা করিলে সফল পাওয়া যায়।

রোগের গতি নিরূপণ :- যদি রোগের প্রথম অবস্থাতেই ডাক্তার ডাকা হয় এবং পিতামাতা সুবিবেচনার সহিত উপরিউক্ত উপদেশ মানিয়া চলেন, তাহা হইলে ৬—১০ সপ্তাহের মধ্যে অসুখ ভাল হয়। কিন্তু যদি পিতামাতা কি শিশুর পরিচারিকা, শিশুর রক্ষ মেজাজ শাস্ত করিবার জন্ত অথবা তাহার আকার পূরণের জন্ত উপরিউক্ত নিয়ম পালন করিতে শৈথল্য প্রকাশ করেন—তাহা হইলে পুনরায় অসুখ হওয়া অনিবাধ্য।

রোগের সঙ্গে সঙ্গে ব্রুকাইটিস্, ব্রুকা নিউমোনিয়া অথবা স্কেল্ফ্রা প্রভৃতি দেখা দিলে, রোগ প্রায়ই সাংঘাতিক হইয়া দাঁড়ায়। রোগের শেষ অবস্থায় প্রায়ই পাণুরোগ ও উদরী দেখা দেয়। এ সকল লক্ষণ প্রকাশের পর রোগ আরোগ্য হইতে আমি কখনও দেখি নাই।

## অথই জলের সাঁতার-খেলা

শ্রীহেমেন্দ্রকুমার রায়

ক

মানুষ যদি ভবিষ্যৎ দেখতে পেত, তাহলে 'রোমান্সের' সঙ্গে পৃথিবীর পরিচয় ঘটত কি না সন্দেহ! অন্ততঃ এটা বেশ জোর করে বলা যায় যে, ভবিষ্যৎ-দৃষ্টি থাকলে, "মহিলা-মঙ্গল" মাসিকপত্রের সম্পাদিকা শ্রীমতী সুনীতি তার বালাসখা মোহিনীকে নিশ্চয়ই নিজের বাড়িতে কিছুদিনের জন্যে নিয়ন্ত্রণ করে আনত না।

বৈধ কার্যের অভাবে মানুষ যা করে, সুনীতির স্বামী অবলাকান্ত ঠিক সেই কার্যই করত—অর্থাৎ কাব্যচর্চা। একমাত্র সুনীতি ছাড়া আর কোন সম্পাদক যদিও তার কবিতা ছাপাতে ভরসা করত না, তবু সেজন্তে অবলার মনে কবিতা লেখবার উৎসাহের অভাব ঘটে নি কোনদিন। কারণ হাতে প্রচুর অবকাশ, এবং পিতা পরলোকগত হ'লেও

কোম্পানীর কাগজগুলি তিনি ইহলোকেই ফেলে রেখে গিয়েছেন।

ইতিমধ্যে মোহিনীর আবির্ভাব। বেধুন কলেজে স্ননীতি ও মোহিনী অনেক দিন একসঙ্গে কাটিয়েছে—তাদের ছুজনের বন্ধু ছিল খুব প্রগাঢ়। তার পর কলেজ থেকে বেরিয়ে মোহিনী গেল বিদেশে এবং সেই থেকে ছই বছরে আর দেখা হয় নি।

মোহিনী নামেও মোহিনী, রূপেও মোহিনী! অন্ততঃ অবলাকান্ত যে তাকে দেখে অত্যন্ত মোহিত হয়ে গেল, এর মধ্যে কিছুমাত্র অত্যাঙ্ক নেই। পাটনার কোন্ বালিকা-বিভাগরে সে শিক্ষয়িত্রীর কাজ করে এবং যে কারণেই হোক, স্বামী নামক বিখ্যাত দেবতাটির অমুগ্রহ থেকে এখনো পর্যন্ত সে বঞ্চিত হয়ে আছে। অথচ তার বয়স “সুমিষ্ট সতেরো”র সীমানা পার হয়েছে অনেক দিন আগেই।

মোহিনীর কথা-বার্তা ও হাবভাবের মধ্যে বেশ একটি লীলা আছে—তাকে দেখলেই ভালোবাসতে সাধ যায়। নারীর নমনে সত্যই যে বিদ্যৎ থাকে, মোহিনীর চোখ দেখে অবলা আজ সেটা প্রথম অনুভব করলে। তার মনের ভিতর থেকে যেন একটা অমুতাপের স্বর শোনা যেতে লাগল—হায় মোহিনী, আমার বিবাহের আগে কেন তুমি আমাকে দেখা দিলে না!

প্র

কিছুদিন যায়। স্ননীতি “মহিলা-মঙ্গলে”র কাজ নিয়ে এত ব্যস্ত হয়ে আছে যে, বাড়ীর ভিতরেই কি এক নাটকের সরস অভিনয় চলছে ঘুণাকরেও তার আভাস পর্যন্ত জানতে পারলে না।

মোহিনীর উদ্দেশে অবলা লুকিয়ে লুকিয়ে গোটাকরেক কবিতা লিখে ফেলেছিল। কবিতাগুলি সে “মহিলা-মঙ্গলে” প্রকাশ করে নি বটে, কিন্তু মোহিনীর চোখে যাতে পড়ে এ ব্যবস্থা করতে তার ভুল হ’ল না। তার পর যখন সে দেখলে কবিতাগুলি পাঠ ক’রেও মোহিনী কিছুমাত্র বিরক্ত হ’ল না, তখন তারও সাহস আরো বেড়ে উঠল এবং নানা বিচিত্র উপায়ে নিজের মনকে সে মোহিনীর কাছে প্রকাশ করতে লাগল।

প্রিয়তমা স্বামী স্ননীতির স্বামী তার অমুরক্ত, এ সত্যটা মোহিনী যেন একান্ত সহজ ভাবেই গ্রহণ করলে। নিজের

স্বামীর কথা কুলেও সে জাবল না, বরং চোখের মৌন ইঙ্গিত, ঠোঁটের রক্তিম হাসে ও তুলসতার লীলারিত ভঙ্গীতে অবলার নিরর্থক মনকে দিনে দিনে অধিকতর প্রলুব্ধ ক’রে তুলতে লাগল।

পা

স্ননীতির রূপের অভাব ছিল না এবং এজন্তে অবলাকান্ত বরাবরই মনে মনে নিজের স্বীকে সন্দেহ করত।

“মহিলা-মঙ্গলে”র কাজ নিয়ে স্ননীতিকে প্রায়ই একলা বাইরে যেতে হ’ত এবং এজন্তে প্রকাশে বাধা না দিলেও অবলা এটা মোটেই পছন্দ করত না। “মহিলা-মঙ্গলে”র কাজে অবলা যদি তার স্বীকে সাহায্য করত, তাহলে স্ননীতিকে হয়তো এমন একলা বাইরে যেতে হ’ত না, কিন্তু তাতেও সে ছিল সম্পূর্ণ নারাজ। কারণ তার আলস্ত।

অবলা লক্ষ্য করলে, ইদানীং তার স্বীর বাইরে বেকনোটা যেন অম্মায়-রকম বেড়ে উঠেছে! অধিকন্তু একবার বাইরে গেলে স্ননীতি আর যেন বাড়ীতে ফিরতেই চায় না! এর কারণ কি? এতক্ষণ সে কি করে, কোথায় থাকে? স্বীকে প্রশ্ন ক’রেও সম্ভোষজনক জবাবের অভাব হ’তে লাগল।.....স্ননীতি আগে তো জবাব দিতে গেলে এমন ইতস্তত করত না! লক্ষণ বড় সুবিধের নয়। বাড়ীর বাইরে নিশ্চয়ই রহস্তময় কিছু একটা ব্যাপার ঘটছে!

অবলার স্বভাব-সন্ধিগ্ন মন অত্যন্ত অশান্ত হয়ে উঠল। কিন্তু স্বীকে সন্দেহ করবার সময়ে এটা একবারও ভেবে দেখলে না যে, সে নিজে স্বীর কাছে কত-বড় অবিশ্বাসী! এমনি সংসারের নিয়ম—ছনীতির দাসই ছনীতির বিকছে দাঁড়িয়ে কোলাহল করে সব চেয়ে বেশী।

স্ননীতির অমুপস্থিতিতে তারই যে সুবিধা, মোহিনীকে সে যে আরো বেশা ক’রে নিজের কাছে পার, এতেও অবলার মন আশ্বস্ত হ’ল না। একদিন সে স্পষ্ট ভাষাতেই মোহিনীর কাছে নিজের মনের সন্দেহ প্রকাশ ক’রে বললে।

মোহিনী কিন্তু ঘাড় নেড়ে জবাব দিলে, “না অবলাবাবু, এমন কথা মুখেও আনবেন না! আমার বন্ধুর চরিত্রে সন্দেহ? এ আমি কিছুতেই সহ্য করব না!”

অবলা বললে, “বেশ, তাই যদি হয়, তবে এতক্ষণ ধ’রে স্ননীতি রোজ কোথায় থাকে?”

—“মহিলা-মঙ্গলে”র কাজে।”

—“আগেও তো ‘মহিলা-মজল’ ছিল, কিন্তু আগে তো সুনীতি এতক্ষণ ধরে রোজ বাইরে থাকত না।”

অত্যন্ত হঃখিত স্বরে মোহিনী বললে, “হ্যাঁ, এ কথাটা ভাববার কথা বটে। তা আপনি সুনীতিকে জিজ্ঞাসা করেন না কেন?”

—“জিজ্ঞাসা করি বৈকি! সে কিন্তু জবাব দিতে পারে না।”

মোহিনীকে মানতে হ’ল, ব্যাপারটা সন্দেহজনক বটে।

অবলা বললে, “সুনীতির গতিবিধির উপরে লক্ষ্য রাখতে পারে, যদি এমন কোন লোক পাই, তাহলে— তাহলে—”

—“তাহলে কি লাভ হবে অবলাবাবু?”

—“যদি বুঝি তার চরিত্র ধারাপ, তাহলে তাকে ত্যাগ করি!”

মোহিনী সচকিত কণ্ঠে বললে, “সে কি!”

—“হ্যাঁ। তারপর আবার নতুন করে সংসার পাতি।”

—“বলেন কি?”

—“যাকে ভালোবাসি, তাকে বিবাহ করি।”

ঠোট টিপে অন্ন একটু হেসে মোহিনী বললে, “কাকে আপনি ভালবাসেন অবলাবাবু?”

মোহিনীর একখানি হাত নিজের হাতের ভিতরে নিয়ে, চুলু-চুলু চোখে কোমল স্বরে অবলা বললে, “তা কি তুমি জানো না মোহিনী?” ব’লেই সে তার নরম তুলতুলে হাতখানির উপরে আলত চাপ দিলে।

মোহিনী এই ‘তুমি’ সম্বোধনে একটুও বিরক্ত হ’ল না, বরং মধুর নেত্রে একবার অবলার দিকে তাকালে। তার পর মুখ নামিয়ে কিছুক্ষণ চুপ করে থেকে বললে, “অবলাবাবু, আমি বলছি আমার বন্ধু নির্দোষ। তার গতি-বিধির উপরে আপনি অনায়াসেই লক্ষ্য রাখতে পারেন।”

—“কিন্তু তেমন লোক পাই কোথায়?”

—“আমি চেষ্টা করলে আপনাকে লোক দিতে পারি।”

—“সে কি, তুমি লোক পাবে কোথায়?”

—“আমার এক আত্মীয় কলকাতার গোয়েন্দা-পুলিসে কাজ করেন। এ বিষয়ে তিনি বোধ হয় আমাদের সাহায্য করতে পারেন। আমি আজকেই তাঁর সঙ্গে দেখা করব।”

—“মোহিনী, মোহিনী, তোমার এ উপকার আমি জীবনেও ভুলব না”—ব’লেই অবলাকান্ত আবেগে উচ্ছ্বসিত হয়ে তার মুখের এত কাছে মুখ এগিয়ে আনলে যে, মোহিনী তাড়াতাড়ি পিছিয়ে ব’লে ব’লে উঠল—“চুপ, চুপ, সুনীতি আসচে!”

অবলা অম্মনি এক মুহূর্তে সোজা হয়ে ব’লে বললে, “হ্যাঁ, যা বলছিলুম। নিরামিষ আহার আমার মতে যুক্তি-সঙ্গত নয়।”

মোহিনী বললে, “আপনার মতে আমি সার্ব দিতে পারলুম না। আমিও আমি ঘৃণা করি।”

স্ব

পরের দিন সকালে মোহিনী চুপি চুপি এসে অবলাকে জানালে যে, তার গোয়েন্দা-আত্মীয় সমস্ত বন্দোবস্ত ঠিক করে ফেলেছেন।

অবলা আগ্রহ-ভরে বললে, “তার মানে?”

—“এবার থেকে সুনীতি বাড়ীর বাইরে গেলেই তার উপরে পুলিশের একজন লোক পাহারা দেবে।”

শুনে অবলা খুব খুসী হ’য়ে উঠল।

মোহিনী বললে, “কিন্তু গাড়ীভাড়া প্রভৃতির ক্ষেত্রে সে লোকটিকে শ’ দেড়েক টাকা দিতে হবে। আপাততঃ আমিই তাকে দেড় শো টাকা দিয়ে এসেছি।”

অবলা কৃতজ্ঞ কণ্ঠে বললে, “মোহিনী, তোমাকে আমি কি ব’লে ধন্যবাদ দেব, তা জানি না! ও দেড়-শো টাকা এখনি আমি দিয়ে দিচ্ছি!”

হুপ্তা-খানেক পরে মোহিনী একদিন বললে, “অবলাবাবু, আজ আমি গোয়েন্দা-পুলিসের কাছে খবর নিতে গিয়েছিলুম।”

উদ্বীণ কৌতূহলে অবলা ব’লে উঠল, “তার পর— তার পর?”

গলার আওরাজে হঃখের আমেজ এনে মোহিনী বললে, “আপনার কথাই ঠিক।”

—“অ্যাঁ!”

—“হ্যাঁ অবলাবাবু। প্রিয়সখী সুনীতির যে এমন অধঃ-পতন হবে, আমি কখনো তা কল্পনাও করতে পারি নি।”

দাঁত দিয়ে ঠোট কামড়ে অবলা অধীর স্বরে বললে, “তুমি কি শুনেসে, আগে তাই বল।”

—“সুনীতিকে প্রায়ই একটি ভদ্রলোকের সঙ্গে যেখানে-সেখানে দেখা যায়। দেখলেই বোঝা যায়, লোকটির সঙ্গে তার খুব মাথামাথি আছে।”

অবলা ছই হাতে ঘুণী পাকিয়ে জুঁক স্বরে বললে, “কে এই রাফেল?”

—“শীঘ্রই তা জানা যাবে। আপাততঃ তার চেহারার বর্ণনাটা পাওয়া গেছে” এই বলে একখানা কাগজ বার করে মোহিনী পড়তে লাগল—“রং কালো। বেঁটে ও মোটা। জুঁড়ি আছে। মাথায় যাত্রাওয়ালার মতন ঝাঁকড়া চুল। ঝাঁটার মতন গৌক। গালে আর চিবুকে প্রায়ই ক্ষুর পড়ে না বলে খোঁচা খোঁচা দাড়ী গজিয়েচে। চেহারা দেখলে মনে হয়, তেল-জল-সাবানের সে কোনই ধার ধারে না। জামা কাপড় কখনো ময়লা, কখনো আধ-ময়লা।”

অত্যন্ত বিস্মিত কণ্ঠে অবলা বলে উঠল, “আঁা, বল কি? এমন একটা ছোট লোকের সঙ্গে সুনীতি—না, না, তাও কি সম্ভব?”

মোহিনী বললে, “কিছুই অসম্ভব নয়। মেয়েদের মনের কথা আপনি কতটুকু জানেন? বিলাতী খবরের কাগজে পড়েছি, আমেরিকার অনেক বড় খবরের স্ত্রী মেয়েও স্বামীদের প্রেমে পড়তে সজ্জিত হন না।”

অবলা একটা নিঃশ্বাস ফেলে বললে, “যাক, ও-কথার আর কাজ নেই, আমার মন দমে যাচ্ছে।”

প্রগাঢ় দৃষ্টিতে অবলার দিকে তাকিয়ে, গুঁঠাধরে সরস হাসি মাথিয়ে মোহিনী বললে, “কেন অবলাবাবু, আমি লাম্বনে রয়েছি তবু আপনার মন দমে যাচ্ছে?”

অবলা বিভোর হয়ে মোহিনীর ডাগর চোখের দিকে চেয়ে বিহ্বল স্বরে বললে, “মোহিনী, তুমি আছ তাই আমি এখনো বেঁচে আছি” বলেই সে ছই হাত বাড়িয়ে মোহিনীকে আলিঙ্গন করতে গেল।

মোহিনী তাড়াতাড়ি পিছনে হটে গিয়ে ভ্রত স্বরে বললে, “না না, ও সব এখন থাক।”

—“কেন মোহিনী?”

—“আপনি এখনও সুনীতিকে ত্যাগ করেন নি। আগে আমাদের বিবাহ হোক” বলেই ভ্রত-চরণে প্রস্থান করলে।

৩

হঠাৎ কি একটা কাজে সপ্তাহখানেকের জন্তে মোহিনীর স্থানান্তরে যাবার দরকার হ'ল। যাবার সময়ে সে গোপনে অবলাকে বলে গেল, “দেখবেন অবলাবাবু, এর-মধ্যে আপনি যেন সুনীতির কাছে সব কথা ফাঁস করে ফেলবেন না। এখনো তার বিকল্পে বিশেষ কিছুই জানা যায় নি, আমাদের আরো প্রমাণের দরকার। এর ভেতরেই আমি বোধ হয় আরো অনেক খবর পাব, ফিরে এসে সব আপনাকে জানাব।”

... ..

এক হপ্তা পরে মোহিনী ফিরে এল। তার চোখ-মুখ দেখেই অবলা বুঝলে, সে তাকে কিছু বলতে চায়।

যখন ঘরের ভিতরে আর তৃতীয় ব্যক্তি নেই, মোহিনী তখন বললে, “অবলাবাবু, গোয়েন্দার কাছ থেকে আমি খবর পেয়েছি, সেই যাত্রাওয়ালার মতন লোকটার সঙ্গে সুনীতিকে সেদিন থিয়েটারে দেখা গিয়েছিল।”

—“কোন থিয়েটারে?”

—“‘প্যারাডাইসে’।”

—“ওহো, বোঝা গেছে। যাত্রা নয়, নিশ্চয়ই সে উল্লুকটা থিয়েটারের লোক।”

—“কিসে জানলেন আপনি?”

—“আমিও সে দিন সুনীতিকে নিয়ে ‘প্যারাডাইস থিয়েটার’ দেখতে গিয়েছিলুম। সুনীতি তো প্রথমে আমার সঙ্গে যেতেই রাজি হন নি। তার পর গেল বটে, কিন্তু সারাক্ষণ আমার পাশে কেমন যেন জড়সড় হ'য়ে বসে ছিল, আর একটা ঝাঁকড়া-চুলো বদমাইস বরাবর অসভ্যের মতন তার পানে তাকিয়ে ছিল। আমার সন্দেহ হওয়াতে খোঁজ নিয়ে জানলুম, সে ঐ থিয়েটারেই অভিনয় করে।”

—“আপনি যা বলছেন, তা অসম্ভব নয়।”

—“রোমো, সে ষ্টুপিডকে আমি উচিতমত শিক্ষা দিচ্ছি—আঁা, এত-বড় আশ্চর্য!...আচ্ছা মোহিনী, তার সঙ্গে সুনীতিকে থিয়েটারে দেখা গিয়েছিল কবে, তা শুনেচ কি?”

—“তিনেচি বৈকি—পশু।”

—“পশু? তা কেমন ক'রে হবে? পশু তো সুনীতি আমার সঙ্গে থিয়েটার দেখতে গিয়েছিল।”

—“তাই নাকি?”

—“হ্যাঁ L তোমার গোয়েন্দা নিশ্চয়ই তুল দেখেচে।”

—“না, সে বড় সাবধানী লোক।”

—‘উহ, পত্ৰ এ ঘটনা কিছুতেই বটতে পারে না।’

“তাহলে—ও, বোকা গেছে! কিন্তু এমন মজার কথা কি সত্য হতে পারে” বলতে বলতে মুখে আঁচল দিয়ে মোহিনী আচম্বিতে কোতুক হাশ্বে উচ্ছ্বসিত হয়ে উঠল।

অবলা বিরক্ত কণ্ঠে জিজ্ঞাসা করলে, “আমার মান নিয়ে যেখানে টানাটানি চলচে, সেখানে তুমি আবার কি মজা পেলে মোহিনী?”

কোন রকমে হাসির দমক দমন ক’রে মোহিনী বললে, “আমার সন্দেহ হচ্ছে, আমাদের গোয়েন্দা গোড়া থেকে আপনাকেই সুনীতির অজানা সঙ্গী বলে ভ্রম করেছে!... হ্যাঁ, হ্যাঁ, নিশ্চয়ই তাই।”

অবলা ভুরু কুঁচকে বললে, “তার মানে?”

সেই কাগজখানা বার ক’রে মোহিনী বললে, “এই দেখুন না! রং কালো, বেঁটে, মোটা ভুঁড়ি আছে। মাথায় ঝাঁকড়া চুল, ঝাঁটার মতন গোঁফ। সব আপনার চেহারার সঙ্গে মিলে যাচ্ছে। আপনিও অনেক দিন অন্তর দাড়ী কামান, আর স্নানটাও বিশেষ পছন্দ করেন না। ও অবলাবাব, এ যে হুবহু আপনার বর্ণনা—ওমা, কি হবে!”—মোহিনী ফের হাসি শুরু করলে!

রাগে অবলার মুখ রাঙা হয়ে উঠল। দাঁড়িয়ে উঠে কাঁপতে কাঁপতে সে বললে, “এ-রকম ঠাট্টা আমি পছন্দ করি না মোহিনী! তুমি কি বলতে চাও আমাকে দেখতে যাত্রাওয়ালার মতন?”

পিছন থেকে শোনা গেল,—“প্রিয়তম, সে কথা সহজে অস্বীকার করাও যায় না।”

চমকে ফিরে অবলা দেখলে, তার অজ্ঞাতসারে সুনীতি কখন ঘরের ভিতরে এসে দাঁড়িয়েছে! কোণে প্রায় অবরুদ্ধ স্বরে সে বললে, “তাহলে তুমি—তুমিও এই বড়ঘরের ভিতরে আছ?”—হঠাৎ সুনীতির পরোনের রঙিন, জমকালো শাড়ীর উপরে তার চোখ পড়তেই সে আবার বলে উঠল, “ও কাপড় তুমি কোথায় পেলে, কে দিলে?”

সুনীতি মুচকে গেসে বললে, “তুমি।”

—“আমি? কবে?”

—“গোয়েন্দার হাত-খরচের জন্তে যে দেড়শো টাকা তুমি দিয়েছিলে, তাইতেই এই শাড়ীখানা কিনেছি।”

মাথা হেঁট ক’রে অবলা খানিকক্ষণ দাঁড়িয়ে রইল। তার পর ধীরে ধীরে বললে, “আমার চেহারার বর্ণনাটা কার কীর্তি, শুনি?”

সুনীতি বললে, “দোহাই তোমার, ও বর্ণনা আমার রচনা নয়। তুমি বরং মোহিনীকে জিজ্ঞাসা কর।”

কিন্তু তাকে কিছু জিজ্ঞাসা করবার আগেই মোহিনী এক দৌড়ে সে ঘর থেকে পালিয়ে গেল!

... ..

কবি অবলাকান্ত এখন প্রতি মাসে একবার ক’রে চুল ছাঁটে, প্রতি দিন দাড়ী গোঁফের উপরে স্বহস্তে স্কুর চালনা করে, এবং সকালে-বিকালে সুগন্ধ সাবান মেখে স্নান করতে ভোলে না।

এবং সুনীতিকে ত্যাগ করবার কথা স্বপ্নেও তার মনে আর উদয় হয় না।

## বংশীধারী

শ্রীশচচন্দ্র চট্টোপাধ্যায়

বধু নিশীথিনী রঙ্গে ভ্রমিয়া

চকিতে চাহিলা পথপানে,

নিটোল তনুর গন্ধ ছড়ায়

কহিল শেফালি অভিমানে—

“সখি কেন এত ঘরা?”

তন্দ্রাজড়িত অলস নয়নে

হেঁচিমু সহসা মোর দ্বারে

সলজ্জ এক কিশোরী মুরতি

ডাকিছে আমারে আঁখি-ঠারে

“এস না গো যাই যোরা!”

সারা শরীরী কাটায়ে সমীর  
 নগ্ন শেফালি বধুর ঘরে  
 নিজা-কাতর রয়েছে পড়িয়া  
 পৃথীর শ্রাম আঁচল' পরে ;  
 জাগিবে উবার সনে ।  
 তারাবালাদের সক্রমণ দিঠি  
 ধরার গোপন বন্ধ যেষা  
 চলিয়া পড়েছে গভীর সোহাগে  
 মুছাতে তাহার তপ্ত ব্যথা  
 ছটা মধু আলাপনে ।  
 ধীরে ধীরে মোরা চলিছু দুজনে  
 স্তর কুটার পিছনে রাধি,  
 কাহার পরশ বেড়িল মোদের  
 স্নিগ্ধ তরল আঁধার মাধি'—  
 দেখিতে নারিছু হার !  
 ক্ষণে ক্ষণে দেহ উঠিল কাঁপিয়া  
 অজানা পুলক হিল্লোলে  
 কি জানি কেমনে যাই চলি' যেষা  
 তটিনীর কালো বুক দোলে—  
 অবশ রিহবল পার !

রূপগী আমার তরুণী সহসা  
 মধুর হাসিতে পাগল করি'  
 কোথার পালান পলকে আঁধির  
 বারি-চুম্বিত কুল ধরি'—  
 জল ছল্ ছল্ কাঁদে ।  
 কাতর প্রাণের বারতা আমার  
 চুপি চুপি আসি নয়ন-পাতে  
 সমুখে বংশীরাদকে নিরখি  
 ধামিল কুঠানত্র মাথে—  
 পড়িছু এ কোন্ কাঁদে ?  
 বিস্তার বাদক প্রবাহিনী বৃকে  
 আকাশের পরিতৃপ্ত হাসি  
 দেখিতেছিল সে পূর্ণ নয়নে  
 নামারে অলস দীর্ঘ বাশী,—  
 যেন গো স্বপন-ঘোর ।  
 সহসা বাশীর করুণ রঞ্জে,  
 মোর কিশোরীর আঁচলখানি  
 ঘরিতে লুকাল, শুনিছু উবার  
 সমীরণে মৃহ সোহাগ-বাণী—  
 "জাগো, ওগো সখা মোর !"

## বিক্রমাদিত্য ভট্টাচার্য্য

### শ্রীহেমন্ত চট্টোপাধ্যায়

গিতার অর্থ ছিল—সেই কারণে আমার এক মাসতুতো ভাইএর অবসর ছিল প্রচুর। অথচ অবসরকে সে দেশহিতব্রতে লাগাইয়াছিল। বাল্যকাল হইতেই তাহার এই ধারণা অন্তরে বদ্ধমূল হয় যে, দেশের লোকেরা যদি তাহাদের আলস্য-মহাঘুম ত্যাগ করিয়া না জাগে, তবে তাহাদের স্বরাজ্য পাইবার কোন আশাই নাই।

আমার মাসতুতো ভাইএর নাম ছিল বিক্রমাদিত্য। স্কুলে যখন পড়িত তখন হইতে সে খুব বক্তৃতা করিতে পারিত। স্কুলের ডিবেটিং ক্লাবের সে একজন মহা বক্তা ছিল। মনে পড়ে এক দিন একটাম হাস্যমস্তাপূর্ণ তর্ক ওঠে ; বিষয় ছিল "ডিম আগে না প্যাচা আগে—" অর্থাৎ প্যাচার

অন্ন প্যাচার ডিমএর পূর্বে কি না। সামান্ত করেকটি কথার বিক্রমাদিত্য এই মহাসমস্তার সমাধান করিয়া দিয়া ডবল বেঞ্চির উপর দাঁড়াইয়া, আমার আস্তিন অর্ধেক গুটাইয়া সেইদিন বিক্রমাদিত্য, পূর্বদিকে মুখ এবং উত্তর দিকে পশ্চাৎ ও দক্ষিণ-উপর কোণে হাত করিয়া, তারন্বরে বলিয়াছিল "হে আমার বন্ধুগণ এবং মৌলভীজি-সতাপতি মহাশয়—"প্যাচা আগে না প্যাচার ডিম আগে—" এই যে মহাসমস্তা আজ আমাদের সামনে উপস্থিত হইয়াছে, ইহার সমাধান একুনি এক কথার আমি করিয়া দিব—আপনারা কেবল মন দিয়া শ্রবণ করিবেন। বাজে তর্ক করিবেন না। আমি ধর্ম-শপথ করিয়া বলিতেছি যে, আমার অন্তরে

ভারতবর্ষ



শিল্পী— শ্রীযুক্ত পূর্ণচন্দ্র চক্রবর্তী

সচকিত্তা

[ Bharatvarsha Halftone & Printing Works.





দৃঢ় বিশ্বাস প্যাচার ডিমই আগে। আপনারা বলিবেন “প্রমাণ ?”—প্রমাণ আছে—বিনা প্রমাণে আমি কোন কথা বলি না। প্যাচার ডিম আগে, তাহার কারণ প্যাচা প্যাচার ডিমের পরে আসিয়াছিল। আশা করি আর কোনও প্রমাণের দরকার হইবে না। আপনারা বুদ্ধিমান ব্যক্তি—বোকা নহেন। কাণ্ডেই আপনারা স্পষ্টই বুঝিতে পারিতেছেন যে প্যাচাই পরে।” এমন অকাট্য যুক্তির পরে আর কেহ কোন কথা তুলিতে পারে নাই। সেইদিন হইতেই আমরা বুঝিয়াছিলাম যে বিক্রমাদিত্য কালে একজন মহামানব হইবে।

বিলাত হইতে অর্থ ও সমাজনীতি এবং পাইপ স্মেবন শিক্ষা শেষ করিয়া আসিয়া বিক্রমাদিত্য দেশ-উদ্ধারে মতিয়া উঠিল। কলেজ স্কোরের কাছে এক হলে তাহার বক্তৃতা প্রস্তুত হইত। আমাকে প্রায় সব বক্তৃতা শুনিতে হইত—অর্থ, গুণিবর ভান করিয়া বসিয়া থাকিতে হইত। প্রথম বক্তৃতা হইত বসিতান যাহাতে ভাষার দোখে পাড়। বিপদে আপদে ভাষার কাছে এতটুকু ঘুরিয়ে হাত পাততে হইত। হাত—মুখের সাহায্যে পাততে হইত, অর্থাৎ ভাষার বক্তৃতার প্রাণস্বা করিতে হইত।

একদিন বিকালে বাহিরে যাইতেছি, এমন সময় পিয়ন আসিয়া একটা খাম হাতে দিয়া গেল। খাম খুলিয়া দেখি :—

ওভারটুন হল

১২ই মে : বেল তিনটা

প্রাসিক দেশোদ্ধারী ক্লা

বিক্রমাদিত্য ভট্টের

“কাফি বালাবধবাদের দুঃখ-ভীণন”

বিষয়ে বক্তৃতা।

[ এক জন প্রবেশ করবে ]

ভাষা আমাকে দয়া করিয়া টিকট পাঠাইয়াছে। ১২ই মে বেলা তিনটা। ঠিক সেই দিন ৪টার সময় থিয়েটার আছে! আকস্মিক নাট্যমন্দিরে। ‘নাট্যকলা’ কাগজে ছয় মন্তব্য ধরিয়া প্রশংসা গাহিয়া অধিকারীর দয়া উদ্রেক করিয়া একখানি complimentary পাইয়াছি। হ্যা ছাড়া যাইতে পারে না। এদিকে বক্তৃতা না যাইলেও বিপদ—ভাষা রাগ করিবেন—তাহাতে আরো বিপদ—পকেট হালকা ঠেকিবে। উপায় ? উপায় নাই।

১২৮

অনেক চিন্তা করলাম—উপায় পাইলাম না। অবশেষে complimentaryর মায়া ত্যাগ করিয়া ভাষার লেকচারে যাওয়াই ঠিক করিলাম। কাপড়চোপড় পরিয়া যখন বাহির হইব—তখন হঠাৎ যেন মাথা খুলিয়া গেল! সাবাস! বাহুববঃ! কেয়াবঃ! কিস্তিমাৎ!

লেকচারে যাইলাম না। থিয়েটারে যাইলাম। থিয়েটার সেদিন চমৎকার জমিয়ছিল। এমন জমিয়াছিল যে সামনের চাএর দোকানের ছোকরাগুণাও যেন থিয়েটারের আবেশ মোহে ছন্ন হইয়াছিল। মাঝখানে একবার এক কাপ চা খাইতে গেলাম—দোকানে ঢুকিতেই ৩৩ বছরের খেড়ে চা-ওয়ালী আতালি-চক্রে বলিয়া উঠিল “আসুন আসুন—হৃদ-বেগে বসুন—মন-পেশালা ভরিয়া দিব কি চা ?—” আমি অবাক হইয়া কেবল ঘাড় নাড়িলাম। তারপর সে চা আনিয়া যাত্রার সখীর গলার স্বরে এবং হাতের চক্রে বলিল “ধরুন ধরুন মন পেশালা—ভরা আছে প্রাণে ভিজান গরম গরম চা।” কোন রকমে হাসি চাপিয়া চা পান শেষ করিয়া চা-ওয়ালীকে জিজ্ঞাসা করলাম, কত দাম তার চায়ের। উত্তর যা পাইলাম, তাতে ভয় পাইয়া গেলাম। চা-ওয়ালীর তখন সখার ভাব কাটিয়া গিয়াছে—“এই দামের” ভাব তখন তার মাথায়। সে বলিল “অঁ ই ই ই—কি বুঝবে তুমি এঁ-হে-হে-হে প্রহণের জালা—প্রণক পিষিয়া তোমার পাত্রে আহামার সমস্ত রহস্য নিষ্কাড়িয়া দিলাম—তুমি বহল—কতোহ দাম—দাম নাইহি নাইহি—অঁ হাঁ হাঁ হাঁ ই ই ই—! চায়ের দাম ? চাহর পায়সা।” চার আনি দিলাম। আবেশের চোটে চেঞ্জ দিতে সে ভুলিয়া গেল।

থিয়েটার এবং তার চারিপাশের সব লোকজন পুতুপক্ষী সব যেন থিয়েটারের নেশায় মগ্নগন! সবাই ভাবিতেছে যেন তাহারা এক মহা-নাট্যশালায় দাঁড়াইয়া অভিনয় করিতেছে। পানওয়ালী হইতে আরম্ভ করিয়া সহিস কোচওয়ান সকলেই সোজা ভাষায় কেহ যেন কথা বলিতে পারে না। সবাই অভিনয় ভাবে কথা কয়! কোচওয়ান ভাবিতেছে সে আলমগীর—দিল্লীর মসনদে বসিয়া আছে। সহিস ভাবিতেছে, সে মংকরত খাঁ! পানওয়ালী ভাবিতেছে, সে দিল্লীর তোষাখানার মালিক! যে যা—সে যেন আর তা নাই! এমন দৃশ্য আর দেখি নাই। চমৎকার।

পরের দিন সকালে ঘুম হইতে উঠিয়াই ভাষাকে এক পত্র লিখিলাম।

ভ্রাতঃ গতকলা তোমার বক্তৃতা শুনিতে গিয়াছিলাম, একটু বিশ্রাম হইয়াছিল বলিয়া পিছনের বেঞ্চে বসিয়াছিলাম। তোমার দিকে চাহিয়া ক্রমাল নাড়িলাম প্রায় সাতবার, তুমি দেখিতে পাও নাই।

তোমার বক্তৃতা চমৎকার হইয়াছিল। কাফ্রি বালবিধবাদের অংশ। যে এত ভয়ানক, তা কোন দিন ভাবিতেও পারি নাই। কাফ্রি পুরুষরা কি মানুষ নয়? তাহাদের প্রাণে কি সামান্য দয়া-মায়াও নাই! সত্যি বলিতেছি, কাল তোমার বক্তৃতা শুনিয়া আমার চোখ দিয়া জল পড়িবার উপক্রম হয়। অনেক কষ্টে তাহা বন্ধ করি। কিন্তু আমার পাশে একজন আমেরিকান মহিলা বসিয়া ছিলেন—তোমার বক্তৃতা শুনিয়া তাঁহার চক্ষু দিয়া দবদর ধারে জল পড়িতেছিল। একবার মনে হইল, তাঁহার চোখের জল ক্রমাল দিয়া মুছাইয়া দি—কিন্তু তাঁহার পাশে যে লোকটা বসিয়াছিল, সেও আশ্চর্যনিয়ম্। সে অত্যন্ত বদরাগী দেখিতে এবং ষণ্ডামার্ক। এখন আমার মনে হইতেছে যে আমরা কাফ্রি বালবিধবাদের প্রতি অবাহলা করিয়াছি। আমাদের কংগ্রেসও ইহাদের জন্ত কিছু করে নাই। আগামী কংগ্রেস যাহাতে কিছু হয়, তাহার জন্ত নেতাদের তোমার কিছু বলা উচিত। ইহা পরের কথা, এখন অবিলম্বে এই বিষয়ে তোমার আরো অন্তত ২০টি লেকচার দেওয়া প্রয়োজন বলিয়া আমার এবং অন্যান্য অনেকের দৃঢ় বিশ্বাস। কাল তোমার লেকচারের সময় আমার পাশে এক ঘাট বছরের বুড়া বসিয়া ছিলেন। তিনি হঠাৎ ভয়ানক কাঁদিয়া উঠিলেন। ব্যাপার কি, খোঁজ করিয়া জানিলাম যে, বিদ্যাসাগর মহাশয় যদি বাঙ্গালী না হইয়া কাফ্রি হইতেন, তবে তিনি সেই দেশের প্রচুর উপকার করিতে পারিতেন।

ভ্রাতঃ, কি আর বলিব আমি। চমৎকার—অতি চমৎকার তোমার বক্তৃতা। একবার যে শোনে বার বার তাহাকে শুনিতেই হইবে—না শুনিয়া তাহার অন্তর তৃপ্তলাভ করিবে

না। বেশ ভাই! কাল তুমি বেশ বলিয়াছ। তোমার যুক্তি অকাটা—তোমার ভাষা প্রাণ-কাদান!

আমার এই প্রশংসাবাক্যে লজ্জা বোধ করিও না। আমি আমার অন্তরের কথাগুলি তোমাকে বলিলাম। আর একটি কথা বলি—স্বপ্নে বাড়াঘো, বিপিন পাল প্রভৃতি এঁরা সকলে বক্তা, কিন্তু তোমার কাছে এঁরা সকল শিশু—বোবা! হাঁদা। তুমি যে আমার মাসতুতো ভাই—এ গৌরবে আমার বুক যেন ৪৮ ইঞ্চি হইয়া গিয়াছে।—বেশ চমৎকার কাল তোমার বক্তৃতা হইয়াছিল।

কাল বক্তৃতার পর আমি হলের গেটে দাঁড়াইয়াছিলাম—কিন্তু ভিড়ের জন্ত তোমার সঙ্গে দেখা করিতে পারি নাই—আশা করি ক্ষমা করিবে। আবার কবে তোমার বক্তৃতা হইবে দয়া করিয়া সময়মত জানাইও। ইতি—

তোমারই ভ্রাতা অবল।

পত্রখানা একেবারে ডাকঘরে দিয়া আসিলাম। দেবী হইলে সকালের ডাকে যাইত না। তার পর এক পিয়লা চা খাইয়া ঘরে আসিলাম। লেটার বাক্সে দেখিলাম আমার নামে একখানা খাম রহিয়াছে। তাড়াহাড়ি খুলিয়া পড়িলাম—

ভ্রাতঃ অবল—

তোমাকে কাল নিশ্চয়ই খুব কষ্ট দিয়াছি অনর্থক! তোমাকে কার্ড পাঠানোর পরে আমার হঠাৎ জ্বর আসে। সন্ধিবে, বেশ হয়। তার পর গলার স্বব বন্ধ হইয়া গেল। আমি কাল বক্তৃতা করিতে যাইতে পারি নাই বলিয়া লজ্জিত—তার চেয়ে বেশী লজ্জিত তোমাকে অনাবশ্যক অতীব ইঁটাইয়া কষ্ট দিয়াছি বলিয়া। আশা করি আমার ক্ষমা করিবে এবং অল্প বৈকালে অতি অবশ্যই আমাদের এখানে চা খাইয়া যাইবে। আজ একটু ভাল আছি। ইতি  
তোমারই বিক্রমাদিত্য।

\* \* \* \*

আমি চা খাইতে যাই নাই। ইহার পর আর গল্প নাই। বিক্রমাদিত্য মরিলে তাহার শ্রদ্ধা খাইতে যাইব— তাহার পূর্বে আর কিছু খাওয়া হইবে না।

## কয়েকটি কারবারী তথ্য

### শ্রীহরিপদ মহলানবীশ

চাকরির মোহে অন্ধ আমরা কৃষি, শিল্প, বাণিজ্য প্রভৃতি অর্থাগমের স্রুগম পন্থাগুলি দেখিতে পাই না। উমেদারি করিতে করিতে আমরা গেল্ল'য় যাইতে বসিয়াছি। স্বভাতির এই ঘোর অধঃপতনে বাথিত-চিত্ত বিশ্ববরেণ্য আচার্য্যাদেব হইতে পল্ল'মান্ত স্নাত্তাচার্য্য মহাশয় পর্য্যন্ত বঙ্গীয় যুবকদের আন্তরিক চাকরির মোহ অপসারিত করিয়া তাহাদের হৃদয়ে স্বাধীন জীবিকার প্রতি আগ্রহ জাগাইতে প্রাণপণ চেষ্টা করিতেছেন। বাস্তবিক আমরা এতই মোহাক্ত হইয়া পড়িয়াছি যে, আমরা দেখিয়াও দেখিতে চাই না, বুঝিয়াও বুঝিতে চাই না,—এক মাত্র পরাধীন জীবিকার প্রতি বিতৃষ্ণ বলিয়াই, ব্যবসা-বাণিজ্য একান্ত-চিত্ত বলিয়াই আমাদের প্রতিবেশী কাবুলী, আফ্রিদি, জাকাখলী, ভুটিয়া, আবর, মিরি, মিস্‌মি নালা প্রভৃতি জাতিরা নিরক্ষর হইলেও এত সভা, উন্নত ও প্রতাপশালী। সবকারী Inland Trade Report দেখিলেই সমাক প্রতীতি হইবে ফল-ফলারি, চাগলোম, মৃগনাতি প্রভৃতি দ্রব্যের বিনিময়ে আমাদের ঘন-নিষিক্ত কত লক্ষ লক্ষ টাকা তাহারা প্রতি বৎসর লুটিয়া লইতেছে।

যাহা হউক, পরমেশ্বরের ইচ্ছায় বাঙ্গালী আজ ঠেকিয়া শিথিতেছে—পেটের জ্বালায় বাঙ্গালীর চক্ষু ফুটিতেছে। আজকাল অনেক শিক্ষিত যুবকই ব্যঙ্গা-বাণিজ্যে মানানিবেশ করিয়াছেন। কিন্তু কথা এই, আগ্রহ, উৎসাহ এবং অধ্যবসায় থাকিলেই যে কেবল ব্যবসায়ে কৃতকার্য্যতা লাভ হইবে, তাহা নহে। প্রত্যেক ব্যবসায়ে এমন কি সামান্য পান-বিড়ির দোকানেও যে tactএর আবশ্যক হয়, আমাদের শিক্ষিতাভিমানী যুবকদের তাহা নাই। অধিকন্তু ব্যবসায়ের যাহা প্রাণ, সেই দূবদশিতা, তথা-সংগ্রহ-দক্ষতা এবং দেশ-কাল-পাত্র সম্বন্ধে প্রথর জ্ঞান ইত্যাদিরও অভাব আমাদের যুবকদের মধ্যে যথেষ্ট। কাজেই, অহরহ দেখিতে পাই, Graduate class Fellows,

এবং M. Sc. Cousinদের সাইন্ বোর্ড দোকান খোলার দুই এক মাসের মধ্যেই উন্টিয়া যাইতেছে। এই সব অন্তর্বিধা দূবীকরণার্থ বাণিজ্যাকাঙ্ক্ষী যুবকগণের সুরিধাকাল আমরা একটা বারো খুলিয়াছি। নাম মাত্র ফি লইয়া আমরা ব্যবসা-ঘটিত যেকোন প্রশ্নের উত্তর দিই এবং যেকোন সমস্যার সমাধান করিয়া থাকি। চুঃখের বিষয়, অজ্ঞাবধি কোন ব্যবসায়ী বা ব্যবসায়েচ্ছু বঙ্গীয় যুবক আমাদের সাহায্য যাচঞা করেন নাই। ইহার কারণ বোধ হয় আমাদের যোগাতায় অবিশ্বাস। স্মৃতবাং ব্যবসায়িগণের বিশ্বাস জন্মাইবার নিমিত্ত ক্ষতি স্বীকার করিয়াও আমরা কয়েকটি বাণিজ্যিক নিগূঢ় তথ্য (trade secret) সাধারণে প্রকাশ করিলাম।

(১) বচু। বঙ্গদেশের যত্রতত্র প্রচুব বচু উৎপন্ন হইয়া থাকে। কিন্তু কি পরিতাপের বিষয়, অবোধ বাঙ্গালী আহার্য্যোপযোগী বচুই কেবল সমাদর করিয়া থাকে। বিষ বচু প্রভৃতি বচু অতীব প্রয়োজনীয় হইলেও, আমরা উহা অযত্ন অবহেলায় নষ্ট করিয়া ফেলি। আমাদের তেমন প্রথর ব্যবসায়-বুদ্ধি থাকিলে বচুব এই অপচয় নিবারণ করিয়া ইহার ব্যবসায়ে লক্ষ লক্ষ টাকা উপার্জন করিতে পারিতাম। সকলেই জানেন, বচুব বিশেষতঃ বিষ-বচুব রস লাগিলে মুখে এবং আল্‌জিবের গোড়ায় একটা চর্দমনীয় সেনসেশন্ উৎপন্ন হইয়া থাকে। এই সেনসেশন্ বাক্‌গক্তি-ক্ষুবক। এই নিমিত্তই বঙ্গের পল্লীগ্রামে প্রগাদ আছে পাড়া-কোন্দলিনীরা ঝগড়ার প্রাক্কালে বচু ভক্ষণ করিয়া লন। যাহারা জীবনে ভাতের গ্রাস মুখে পোবার সময় ছাড়া মুখব্যাদান করেন নাই, তেমন অনেক ভোটপ্রার্থী আজকাল প্ল্যাটফরমে দাঁড়াইয়া মাকাল হইতেছেন। তাহাদের কাছে বিষ বচুর প্রচুব সমাদর হইতে পারে। তার পর ইলেক্‌শনের হাঙ্গামা কাটিলে যখন স্বরাজী দল, পৃষ্ঠ-কণ্ডুরমী

দল, • আবদারী দল, আহুরে দল, জালা-ফালা দল কাউন্সিলে যাইবেন, তখন স্বঃ সরকারই লক্ষ লক্ষ টাকা বচুর অর্ডার দিবেন। কুম্ভকারগণ এখন হইতে সচেষ্টি হইলে এতৎসঙ্গে দেশীয় মুশিকারও যথেষ্ট উন্নতি সাধন করিতে পারিবেন। কারণ, আমরা বিশ্বস্ত সূত্রে অবগত হইলাম, এবার হইতে গার্মেন্ট বচু দ্বারা নিমিত্ত লক্ষ লক্ষ অক্ষয়ধনিকারও অর্ডার দিবেন। ভাই বাঙ্গালী, সময় থাকিতে সজাগ হও।

(২) বেত্র। চট্টগ্রাম অঞ্চলে প্রচুর বেত্র উৎপাদিত হয়। এতৎসঙ্গেই বেত্র ব্যবসায়ের চরম উন্নতি দেখিতে পাইতাম। সরকার এবং কলিকাতা কর্পোরেশন চাপা দিবার নিমিত্ত এবং দেশীয় লীডারগণ চাপা দেওয়া ও ধারণ করা এই উভয়বিধ কক্ষেই লক্ষ লক্ষ ধামা ব্যবহার করিয়া থাকেন। এই কথাটা স্বরণ রাখিয়া শিক্ত বাঙ্গালী বেত্রশিল্পে মনোনিবেশ করিলে জীবিকা-সমস্যার জটিলতা অনেকটা কমিয়া যাইতে পারে। বেত্রের ধামা অতি উৎকৃষ্ট। সরকারী রাসায়নিক পরীক্ষকের মতে উৎপাদিত ধামাও বেত্র ধামা অপেক্ষা অপকৃষ্ট। আমরা শুধু নাম, ইচ্ছাশক্তির সময়টা থাকিতে থাকিতেই বড়বাজারের বিখ্যাত মদ্যসারী শ্রীযুক্ত টকারমল বহারমল পিঞ্জরাপোলিয়া চট্টগ্রামে গিয়া ধামার কারখানা খুলিতেছেন। হায় হায়, বাঙ্গালীর কবে চক্ষু ফুটিবে ?

(৩) টার্পিন তৈল। এই ব্যবসায়টি আমাদের দেশে তেমন প্রসার লাভ করে নাই। শুনিয়াছি, হিমালয়জাত ফার নামক দেবদারু জাতীয় বৃক্ষের হয় পত্র, না হয় ডাল, না হয় অস্থি, নতুবা বোধ হয় মূল হইতে টার্পিন প্রস্তুত হইতে পারে। সকলেই জানেন, এই পদার্থটি বেদনা-নিবারক। মুষ্টি, চপেট, যষ্টি, পাড়কা, কাঠপাড়কা, ইত্যাদি সজাত বস্তু আঘাতে ইহা মস্তৌষধিবেৎ কার্য্য করিয়া থাকে।

ভারতবর্ষের অন্তর্গত রেলসংস্থার অন্তর্গত তৃতীয় শ্রেণীর যাত্রা মহলে বারমাস, বিশেষতঃ দুর্গাপূজা, বড়দিন প্রভৃতি পার্কণর সময় টার্পিনের যথেষ্ট কাটুতি হইতে পারে। কোন কোম্পানী, সিগ্কেট বা বড় মহাজন এই ব্যবসায় দিকে ঝোক দিলে, আমরা সর্বাস্তঃকরণে তাঁহাদের সহায়তা করিব। অনেক অবুঝ ভারতবাসী তৃতীয় শ্রেণীর ভাড়া কমান হটক বণিয়া চাঁৎকার করিতেছেন। টার্পিন ব্যবসায়েচ্ছুক সন্ধান পাইলে এই গণ্ডি বাণিজ্যের পৃষ্টিকল্পে আমরা বিশ্ব তৃতীয় শ্রেণীর ভাড়া বৃদ্ধি নিমিত্ত বেলডমে বোর্ডের নিকট আবেদন করিব মনস্থ করিয়াছি। ভারতীয় টার্পিন-ব্যবসায়ের শ্রীবৃদ্ধির সঙ্গে সঙ্গে ক্যামবক প্রভৃতি অদৃশ্য হইবে।

(৪) সোডাওয়াটার। এই জিনিষটা আপামর সাধারণের পরিচিত। এতৎকাল কেবল পানীয় হিসাবেই এ জিনিষটার প্রচলন ছিল। কিন্তু শুধু-ভবিষ্যতে ইহার প্রয়োজন এবং তৎসঙ্গে চাহিদা বৃদ্ধির দৃষ্টিতে ইহার মনে হয়। দৃষ্টান্ত স্বরূপ একটা কথা বলিতেছি। আজকাল আসমুদ্র হিমালয় ভারতবর্ষে হিন্দুস্তানের পুরু-জ্বীনের চেষ্টা হইতেছে। আমরা কিন্তু বিশ্বাস করিতে পারি না—গুড়া মশ্রুময় উৎসাহী সংগঠকদের কথামত অত সহজে জাতিনির্কণেষে সকলকে নিজ নিজ হুকাদান করিবেন, এবং জাতিনির্কণেষে সকলের হুকায় তাত্ৰকুট পান করিবেন। এমন অস্বাভাবিক হুকায় জলের পরিবর্তে সোডাওয়াটার ভরিয়া তামাক খাওয়ার প্রথা সত্ত্বেই প্রচলিত হইবে। কেহ কেহ সোডাওয়াটারের পরিবর্তে দুগ্ধের কথা ভাবিয়া থাকেন। কিন্তু দুগ্ধ দুর্নয়; সোডাওয়াটার সস্তা ত বটেই অধিকতর অজীর্ণ-নাশক। সুতরাং জটিলিত দুগ্ধ অপেক্ষাও সোডাওয়াটারের চাম্প এক্ষেত্রে বিত্ত। বাঙ্গালী এই দিকে নজর না দিলে বায়বন্ টম্‌দন্ প্রভৃতির সুযোগ ছাড়িবে না তাহা নিশ্চয়।

(৫) রবার। এই জিনিষটা আজ পর্যন্ত জুতার শুকতল, মটর ও সাইকেলের টায়ার প্রভৃতি হিসাবে ব্যঙ্গ জগতে বিরাট স্থান অধিকার করিয়া আসিতেছে। কিন্তু কি পরিতাপের বিষয়, শ্রমবিমুখ বাঙ্গালী আমরা ভাবিতে চাই না, পেন্সিল, কালি এবং টাইপ-রাইটারের রিবনের কাগজ দাগ যখন রবার ঘর্ষণে উঠিয়া গিয়া কাগজ বেমালাম শাদা

\* I shall scratch your back, if you scratch mine—

এই ধরণের একটা কথা ইংরাজীতে আছে, তাহা বোধ হয় পাঠক জানেন।

হইয়া যায়, তখন একটু উন্নত-ধরণের রবার আবিষ্কার করিতে পারিলে, এই গ্রন্থপ্রধান দেশের কৃষকায় বাঙ্গালীর কাছে উহা কত সমাদর লাভ করিতে পারে। অনেক কল্পাদ্যাগ্ৰন্থ বাঙ্গালী ও অসংখ্য শ্বেতাঙ্গ-লাঙ্কিত হাটকোটধারী কালো সাহেব দিন-রাত আমাদিগকে জিজ্ঞাসা করিতেছেন যে, গাত্রহরকর কৃষ্ণতাপহারী রবার পাওয়া যায় কি না। প্রতি বৎসর হাজার হাজার বাঙ্গালী যুগক ইউনিভার্সিটি হইতে বিজ্ঞান-বিদ হইয়া বাহিব হইয়াও হা অল্প ছো অল্প করিয়া মরিতেছেন। আমরা এদিকে তাঁহাদের দৃষ্টি আকর্ষণ করিতেছি।

(৬) মুখোস। মুখোস জিনিষটা আমাদের দেশে অতীব প্রাচীন। দময়ন্তীর স্বপ্নসংসভায় বোধ হয় সর্ব প্রথম ইহার ব্যবহার হইয়া থাকিবে। আমাদের মন্দিরে মন্দিরে দেবদেবীর মুখশ্রী দেখিলে, এবং প্রাচীন চিত্রাদিতে দেবদেবীর প্রাকৃতিক লক্ষ্য করিলে স্পষ্টই প্রত্যয়মান হয়, সে যুগে তাঁহারা মুখোস পরিয়া তবে তরুকে দর্শন দিতেন। মুখোস জিনিষটা প্রাচীন হইলেও উহার ব্যবসাটা আশ-মুরূপ উন্নতি লাভ করিতে পারে নাই। বাহারা এই ব্যাসায়ে লিপ্ত, তাহাদের অজ্ঞতাই বোধ হয় ইহার কারণ। কলিকাতার জেলেপাড়ার সংগ্রহ বা ঢাকার জন্মাষ্টমীর মিছিলে কয়টা মুখোসেরই বা আবশ্যিক হইয়া থাকে? চেষ্টা করিলে কলিকাতায় এবং বঙ্গদেশের প্রত্যেক মফস্বল সহরে লক্ষ লক্ষ মুখোসের কাটতি হইতে পারে। ইলেক্ট্রনের সময়টাই কিছু এবং বেতের ব্যবসার মত মুখোসের ব্যবসারও মরশুম। আমাদের হাতে অনেক গ্রাহক আছে। ব্যাসায়োগ্য নমুনা পাঠাইলে, উৎযুক্ত কমিশনে আমরা তাঁহাদিগের মাল চালাইতে পারি।

(৭) শাদা কালি। নাম শুনিয়াই অনেকে দয়ার্জ হইয়া আমাদের জন্য বহরমপুরের টিকেট কিনিতে ষ্টেশনে ছুটিবেন। কিন্তু একটু বৈধ্য ধারণ করিলেই পাঠক দেখিবেন, আমরা ততটা কৃপা-পাত্র নই। এক সময়ে লোকের ধারণা ছিল—লেখা হয় শুধু লিখিতব্য বিষয় পাঠকের বোধগম্য করার নিমিত্ত। কিন্তু জ্ঞানবৃদ্ধির সঙ্গে সঙ্গে বঙ্গদেশের এক শ্রেণীর সাহিত্যিকদের এই ভ্রান্ত ধারণা দূরীভূত হইয়াছে। তাঁহারা বৃত্তিতে পারিয়াছেন, লেখার উদ্দেশ্য পাঠককে কিছুই বৃত্তিতে না দিয়া ধর্মায় ফেলিয়া দেওয়া। আশা করা যায়, অনতিদূর-ভবিষ্যতে সর্ব শ্রেণীর লেখকরাই এই মত অবলম্বন করিতে বাধ্য হইবেন। কিন্তু অনুবিধা এই যে, শাদা কাগজে কাল, লাল, নীল, বেগুনে ইত্যাদি যে কোন রংএর কাগজেই যাহা কিছু লেখা হয়, নির্কোষ পাঠকগণ তাহারই কিছু না কিছু মর্ম গ্রহণ করে এবং দস্ত বিকাশ করিয়া ফেলে। এই অশ্রুতি বিদূষণের নিমিত্ত শীঘ্রই আমাদের দেশে শাদা কালির বহুল প্রচার হইবে বলিয়া আশা করা যায়। আমরা শুনিলাম Stephen প্রভৃতি বিলাতী কালি-ব্যাসায়ীরা ইতিমধ্যেই গবেষণা আরম্ভ করিয়া দিয়াছে। পি, এম, বাগচি, জে, বি দত্ত, ইউ, সি, চক্রবর্তী কি করিতেছেন?

এই সকল অতীব প্রয়োজনীয় দুপ্রাপ্য গোপনীয় সংবাদ মাসিকপত্রের মারফত সর্বসাধারণের গোচর করিলে আমাদের সমূহ ক্ষতি। ইতিমধ্যেই ব্যুরোর তিন মাসের বাড়ীভাড়া বাকি পড়িয়াছে। সুতরাং ভবিষ্যতের দিকে দৃষ্টি রাখিয়া আজ এইখানেই দাঁড়ি টানিতে হইল।

পাষণ্ড-প্রেসিডেন্ট ( Vice-President )

ব্যবসায়্যে ব্যবহারিক সংবাদ ব্যুরো।

## নিখিল-প্রবাহ

শ্রীহেমন্ত চট্টোপাধ্যায়

যুদ্ধ বিধাত্ত গ্যাস ব্যবহার—

গত মহাযুদ্ধের সময় প্রথম বিধাত্ত গ্যাস ব্যবহার করা হয়। জার্মান সৈন্যই ইহার উদ্ভাব করে এবং তাহারাই ইহা প্রথম ব্যবহার করে। শত্রুধর্ম কারিবার যত রকম

অস্ত্র বাহির হইয়াছে—বিধাত্ত গ্যাস তাহাদের মধ্যে ভাষণতম। এই অস্ত্রের ঠাণ্ডে কোনো চালাকি বা পান্টা অস্ত্র খাটে না। বিধাত্ত গ্যাস ব্যবহারের ভয়াবহ ফলাফল দেখিয়া ১৯২২ খৃঃ অপের Washington Limitation



বিধাত্ত ধূমের কৃত্রিম প্রদর্শনী

of Armaments conference এ যুদ্ধে বিধাত্ত গ্যাস ব্যবহার সকল জাতি কর্তৃক নিষিদ্ধ হয়। কাগজে কলমে ইহা নিষিদ্ধ হইয়াছে বটে, কিন্তু বর্তমানে পৃথিবীর প্রত্যেক শক্তি বিধাত্ত গ্যাস লইয়া নানা রকম পরীক্ষা করিতেছে। একে পরীক্ষার ফল অণ্ডে জানিতে পারিতেছে না, এ সকল কার্যই অতি গোপনে হয়। সকল শক্তিই ভাগ রকম জানে যে ভবিষ্যতে যে-কোন যুদ্ধ হইবে—তাহাতে বিধাত্ত গ্যাসের ব্যবহার প্রচুর পরিমাণে হইবে এবং যে জাতি ভাষণতম

বিধাত্ত গ্যাস দ্বারা শত্রুক আক্রমণ করিতে পারিবে— তাহারই নিশ্চিত জয়। সকল জাতিই বিধাত্ত গ্যাস ব্যবহারের বিপক্ষে মৃত দিতেছে; অথচ তাহারাই বিধাত্ত গ্যাস প্রকৃষ্ট ভাবে ব্যবহার করিবার নানা উপায় অন্বেষণ করিতেছে। কোনো জাতিই কোনো জাতিকে বিশ্বাস করিতে পারিতেছে না।

ভবিষ্যতের যুদ্ধে গ্যাস ছাড়া অন্য অস্ত্র প্রয়োগ বোধ হয় প্রায় বন্ধ হইয়া যাইবে। হাতাহাতি যুদ্ধ ত প্রায় বন্ধ হইয়া

গিয়াছে। ভবিষ্যতে নৈশদলকে যতদূর সম্ভব ছড়াইয়া রাখা হইবে। তাহাতে গ্যাসের মধ্যে পড়িয়া একেবারে দলক দল মারা যাইবার সম্ভাবনা অনেক পরিমাণে কম হইবে। রাত্রিদিন যুদ্ধ চলবে। কারণ গ্যাস দ্বারা আক্রমণ, রাত্রিকালে সহজ হয়। উভয় দলকে সকল সময় সতর্ক হইয়া থাকিতে হইবে—এমন কি হয় ত ২৪ ঘণ্টাই গ্যাস-মুখোস খাটিয়া বসিয়া থাকিতে হইবে; কারণ কোন সময় যে বিপক্ষ দল বিধাক্ত গ্যাস ছাড়িবে তাহার কোনো স্থিরতা নাই।

শারীরিক শক্তির বিশেষ কোনো দরকার হইবে না। মস্তিষ্কে লড়াইই ভবিষ্যতে প্রধান লড়াই হইবে।

১৯১৮ সালের পর হইতে যুদ্ধে ব্যবহৃত সকল প্রকার অস্ত্রেরই অনেক উন্নতি হইয়াছে। এখন চেষ্টা হইতেছে যে শত্রুপক্ষের লোককে বেশী হত্যা না করিয়া কেমন করিয়া তাহাদের অকেজো করিয়া দেওয়া যায়। হত্যা করিয়া কোনো লাভ নাই, কিন্তু লোককে অকেজো করিয়া লাভ আছে, তাহাতে শত্রু পক্ষের ভার বাড়ান হইবে এবং



### বিধাক্ত ধূমের ব্যবহার

তাহার চলাফেরারও নানা প্রকার অসুবিধা হইবে। মরাকে ফেলিয়া পলায়ন করা সহজ; কিন্তু একটা জীবিত লোককে ত্যাগ করিয়া পালান তর সহজ নহে।

গ্যাস হইতে আশ্রয়লা করিবারও নানা প্রকার চেষ্টা হইতেছে। বহু প্রকার গ্যাস মুখোস এবং গ্যাস-গাত্রাবরণ আবিষ্কৃত হইয়াছে। এই সকল মুখোস যে কেবল মানুষের জন্য হইয়াছে, তাহা নয়, ঘোড়া কুকুর ইত্যাদির জন্যও হইয়াছে। নানা রকম বিধাক্ত গ্যাসের ছোঁয়া লাগিলে

ঘোড়ার ক্ষুব্ধ আঘাত পায়, নানা প্রকার ঘা হয়, সেইজন্য তাহার ক্ষুরের জন্তুও গ্যাস আবরণ বাহির হইয়াছে।

গ্যাস কামান, গ্যাস-বোমা ইত্যাদি দ্বারা ভবিষ্যতের যুদ্ধ ক্ষেত্র দেখিতে কেমন হইবে, তাগাব কয়েকটি ছবি দেওয়া হইল। ইহা দেখিয়া ভবিষ্যতের যুদ্ধ ক্ষেত্রের বিষয় খানিকটা ধারণা করা যাইবে। গ্যাস-মুখোসেরও কয়েকটি ছবি দেওয়া গেল।



বিষাক্ত গ্যাস প্রতিরোধক বর্ম

## মেডেল পাওয়া গাভী—

মিঃ ডাবলিউ আর্ কেনান, নিউইয়র্ক, এই গাভীর মালিক। গাভী-প্রদর্শনীতে ইহা ৪টি সোনার এবং ১টি রুপার পদক পাইয়াছে। গাভীটি প্রথম দুধ দিবার দিন হইতে ধরিয়া মোট ৯২,৮০০০ পাউণ্ড দুধ এবং ৪,৫৮৫ পাউণ্ড মাখন দিয়াছে। গাভীকুলে এমন গাভী আর কোথায় কলিহা কখনো মিলে নাহি।





লণ্ডনে ফায়ার-ব্রিগেড—

কলিকাতা সহরে আমরা ফায়ার-ব্রিগেড দেখিয়াছি। কোথাও আগুন লাগার খবর পাইলেই এই সকল দমকল হাওয়ার মত বেগে সেইখানে উপস্থিত হইয়া আগুন




ফায়ার-ব্রিগেডের হেড কোয়ার্টারে লণ্ডনস্থিত দমকলের শাখা আপিসগুলির মানচিত্র

নিবাহিতর কাজে লাগিয়া যায়। আজকাল পৃথিবীর প্রায় সকল বড় বড় সহরেই একটি করিয়া ফায়ার-ব্রিগেড আছে। লণ্ডন সহরের যে ফায়ার-ব্রিগেড—গহা জগতের মধ্যে




ফায়ার-সিগন্যালের কাচের ঢাকনা-ভাঙ্গিবার সম্বন্ধে সর্বত্র ষ্ট্রফায়ার-ব্রিগেড বলিয়া প্রসিদ্ধি লাভ করিয়াছে। লণ্ডন সহরে ঘুরিলে চারিদিকে লাল লোহার থাঙ্গাব গায়ে "Pull Alarm and wait for Engine." এই লেখাটিতে সকলের চোখ পড়ে। এই থাঙ্গাটি ফাঁপা—তাহার গায়ে কাচের ঢাকনির ভিতর একটি ছাণ্ডেল আছে। কাচাকাছি কোথাও আগুন লাগিতে দেখিলে যে-কোনো লোক এই কাচের ঢাকনি ভাঙ্গিয়া ছাণ্ডেল ঘুরাইয়া দায়। ছাণ্ডেলের সঙ্গে ফায়ার-ব্রিগেড আপিসের টেলিফোনে



অগ্নিকাণ্ডের খবর শোনা

যোগ আছে। হ্যাণ্ডেল ঘুরাইবামাত্র ফায়ার-ব্রিগেড আপিসে  
ঘণ্টা বাজিয়া উঠে। ঘণ্টা বাজিবামাত্র ফায়ার-ব্রিগেড এঞ্জিন

লোক এবং ৫০ ফিট উঠিতে পারে এমন একটি মহি লইয়া  
বাহির হইয়া যায়। ইহার কয়েক সেকেন্ড পরেই আর  
একখানি গাড়ী, মোটর-পাম্প এবং ৫ জন  
লোক লইয়া বাহির হইয়া যায়। ইহার  
সামান্য একটু পরেই নিকটতম অগ্নি আড্ডা  
হইতে আর একখানি মোটর গাড়ী পাম্প  
লইয়া বাহির হইয়া যায়। ফায়ার-সিগন্যাল  
পড়িবার ১ মিনিটের ভিতর তিনখানি  
মোটর—ছইটি পাম্প, এবং একখানি ৫০  
ফিট উচ্চ মহি এবং ১৪ জন লোক লইয়া  
ঘটনাস্থলের দিকে চলিয়া যায়। আগুন  
যদি খুব ঘন বাস্তর বা বড় কারখানা  
ইত্যাদির নিকট অথবা ভিতরে লাগে,  
তাহা হইলে আরো অনেক পাম্প এবং  
লোক যায়।




৮০ ফিট উচ্চ মহিতে উঠিয়া হোজ হইতে জলের পিচকারী

ফায়ার-ব্রিগেডের কয়েকটি শাখা  
আপিস আছে। এক একটি শাখা আপিস  
সহরের বিশেষ অংশের ভার লইয়া থাকে।  
প্রথম ফায়ার-সিগন্যাল এই শাখা আপিসে  
যায়। শাখা আপিস ফায়ার এঞ্জিন ইত্যাদি  
পাঠাইবার সঙ্গে সঙ্গেই হেড বা সেন্ট্রাল  
ফায়ার-ব্রিগেড আপিসে টেলিফোনে  
খবর দায়। দরকার মত সেন্ট্রাল ফায়ার

বাহির হইয়া পড়ে। সহরের কোন্  
অংশে আগুন লাগিয়াছে, তাহাও  
ঘণ্টার নম্বর দেখিয়া বুঝা যায়।

কি রকম করিয়া ফায়ার-  
সিগন্যালের কাচের ঢাকনা ভাঙিতে  
হয়, তাহা ছবি দেখিলে বুঝিতে  
পারিবেন। হাতের কনুই দ্বারা কাচ  
ভাঙিয়া তার পর হ্যাণ্ডেল ঘুরান  
ভাগ, তাহাতে হাত কাটিবার ভয়  
থাকে না। ফায়ার-ব্রিগেড আপিসে  
ঘণ্টা বাজিবামাত্র একটি মোটর ৪জন




আপিস শাখা আপিসকে নানা প্রকারে সাহায্য করিয়া থাকে।

ফায়ার-ব্রিগেডে যে সমস্ত লোক নিযুক্ত হয়, তাহাদের পাকাপাকি নিযুক্ত করিবার পূর্বে রীতিমত শিক্ষানবীশ করিতে হয়। শিক্ষানবীশ করিবার পূর্বে তাহাদের ডাক্তারী মতে পরীক্ষা করা হয়। খুব লম্বা চওড়া এবং ষণ্ডা হইলেই যে সে ভাল অগ্নি-যোদ্ধা হইবে, এমন কোন মানে নাই। অতি সাধারণ চেহারার লোকও অতি দক্ষ অগ্নি-যোদ্ধা হয় দেখা গিয়াছে। ভার তুলিবার ক্ষমতাও পরীক্ষা করা হয়। শিক্ষানবীশকে ২৪৩ পাউন্ড ভারী কোন জিনিষ ৪০ সেকেন্ডে প্রায় ২৫ ফিট তুলিতে হয়। এই

দরকার, সেই সকল শিক্ষা ফায়ার-ব্রিগেডের লোকদের যেমন দেওয়া হয়, এমন বোধ হয় আর কাহাদেরও দিতে হয় না। কারণ, একজন লোকের সামান্য ভুলে হয় ত কোটা কোটা টাকা এবং সহস্র লোকের জীবন নষ্ট হইতে পারে। পাকা অগ্নি-যোদ্ধা হইবার পূর্বে প্রত্যেক ফায়ারম্যানকে দুই বৎসর ধরিয়া কঠিন শ্রম করিয়া শিক্ষানবীশ করিতে হয়।

মাঝে মাঝে হঠাৎ ঘণ্টা বাজাইয়া লোকদের তৎপরতা পরীক্ষা হয়। ফায়ার-ব্রিগেডের লোকদের প্রায় সকল সময়ে আড্ডাতে থাকিতে হয়। অবশ্য বিশেষ বিশেষ সময়ে বিশেষ বিশেষ দল বিশ্রাম এবং দরকার মত ছুটি পায়। ইহাদের চিত্ত-বিনোদনের নানা প্রকার বন্দোবস্ত আছে; কিন্তু খুব কম সময়ই ইহারা বিনা বাধায় আমোদ-আহ্লাদ করতে পায়।



দোলার সাহায্যে বিপন্ন উদ্ধারের অভ্যাস

প্রকার নানা পরীক্ষায় উদ্বীর্ণ হইলে পর শিক্ষানবীশকে ফায়ার-ব্রিগেড বিদ্যালয়ে লওয়া হয়। বিদ্যালয়ে আগুনের সহিত যুদ্ধ করিবার জন্ত সকল রকম শিক্ষা লাভ করিতে হয়। তীরবেগে মইএ চড়া, ধূম্র ছিন্ন স্থানে কেমন করিয়া যাইতে হয়, কেমন করিয়া গ্যাস-মুখোস পরিতে হয়, আহত ব্যক্তিকে কেমন করিয়া প্রথম সাহায্য দান করিতে হয়, মোইর চালান, পাম্প ব্যবহার করা ইত্যাদি সহস্র প্রকার ব্যাপার খুব দক্ষ ভাবে শিখিতে হয়।

পন্টনের লোকদের যেমন কুচ-কাওয়াজ করিতে হয়, ফায়ার-ব্রিগেডের লোকদেরও ঠিক সেই সকল করিতে হয়। সংজ্ঞ-বদ্ধ হইয়া কাজ করিতে হইলে যে সকল শিক্ষার

#### অভিনব খাটিয়া—

একপ্রকার নতুন ধরণের খাটিয়া আবিষ্কৃত হইয়াছে। এই খাটিয়ার দরকার মত আরামে শোওয়া যাইতে পারে—এবং দিনের বেলায় বা বিদেশ-যাত্রার সময় আবার যোড় খুলিয়া মুড়িয়া একটি ছোট বাতিলের মত করিয়া লওয়া যাইতে পারে।

এই ধরণের মোড়া চেয়ারও বাহির




অভিনব চেয়ার। বসা যার, আবার দরকার হইলে মুড়িয়া বহিয়া লইয়া যাওয়া যার



অভিনব খাটিয়া। যোড় খুলিয়া মুড়িয়া লওয়া যায় ও হইয়াছে। বনভোজন বা অল্প কাজে যাহাদের বাহিরে বাহিরে কাটাইতে হয়, তাহাদের পক্ষে এই প্রকার চেয়ার এবং খাটিয়া খুব সুবিধাজনক।

### চন্দ্রালোকের ফটোগ্রাফ—


আমরা নানা কাগজে চন্দ্রালোকের এবং চাঁদের নানা



চন্দ্রালোকে নারিকেল-কুঞ্জ

প্রকার ছবি দেখি—ইহার মধ্যে অধিকাংশই আসল চাঁদ বা চন্দ্রালোকের ছবি নয়। তৈরী করা চাঁদের ছবিই বেশীর ভাগ। সূর্যোদয় অথবা সূর্যাস্তের সময়ের 'স্ন্যাপ্শট' তুলিয়া চাঁদের ছবি তুলিয়া চালানো হইয়া থাকে অনেক ক্ষেত্রেই।

এ খানে চুইখানি আসল চাঁদ এবং চন্দ্রালোক শোভিত দৃশ্যের ছবি দেওয়া হইল। ছবি চুইখানি পূর্ণিমার সময় রাত্রি ১০টার সময় তোলা হয়। চাঁদের দিকে 'ফোকাস' ঠিক করিয়া ক্যামেরার মুখ পাঁচ মিনিট তুলিয়া রাখা হয়। তার পর ক্যামেরা বন্ধ করিয়া



চন্দ্রালোকের ফটোগ্রাফ


ফেলা হয়। প্লেট ডেভেলপ করিবার সময় দেখা যায় যে আরো কিছু সময় ক্যামেরার মুখ খোলা রাখিলে ছবি আবার সুন্দর হইত। তবে পাঁচ মিনিটে যে ছবি উঠিয়াছে—তাহা অস্পষ্ট বা ধায়াপ হয় নাই।

আমাদের দেশেও আজকাল ঘরে ঘরে ক্যামেরার ছড়াছড়ি। যাহাদের ছবি তুলিবার খুব সখ, তাঁহারা এই প্রকারে তাঁদের ছবি তুলিবার চেষ্টা করিয়া দেখিতে পারেন।

খুব ভাল রোগী হইতে পারে। ব্যাণ্ডেজ ইত্যাদি যখন বাঁধা হয়, বাঁদর তখন একেবারে অত্যন্ত ভালমামুষের মত চুপ করিয়া শুইয়া থাকে। দুই তিন জন লোক যে তাহাকে লইয়া এমন ভাবে নাড়াচাড়া করিতেছে, ইহাতে সে অত্যন্ত আনন্দ ও আরাম অনুভব করে।

### হাতীর দাঁতের ঘায়ের চিকিৎসা—

আমেরিকার এক চিড়িয়াখানায় একটা হাতীর মুখে ঘা হয়। এই হাতী বাগান-রক্ষক এবং দর্শক সকলেরই অত্যন্ত প্রিয় ছিল। হাতীটিও তাহার রক্ষকের প্রাত অত্যন্ত অনুরক্ত ছিল। ছবিতে দেখুন, ডাক্তার আসিয়াছে এবং হাতীর রক্ষক হাতকে হাঁ করাইয়াছে। ডাক্তার তাহার মাড়িতে অস্ত্রোপচার করিতেছেন। শেষে এমন হয় যে, ডাক্তার তাঁহার যত্নপাতি লইয়া আসিবামাত্র হাতী স্থির হইয়া দাঁড়াইয়া হাঁ করিয়া থাকিত।



হাতীর দস্ত-চিকিৎসা

আর একটা ছবিতে দেখুন, একজন ডাক্তার একটি বাঁদরের ভাজা পায়ের চিকিৎসা করিতেছেন। বাঁদরের

### বায়ু সাহায্যে মোটর সাফ করা—

জল দিয়া মাজিয়া ঘসিয়া মোটর সাফ করা অত্যন্ত শ্রমসাধ্য কার্য। বিশেষতঃ গাড়ীর নীচের কাদা ঝাড়ন ভিজাইয়া পরিষ্কার করার মত জঘন্য কার্য আর নাই। তম লাঘব করিবার একপ্রকার নতুন উপায় বাহির হইয়াছে। একটি মোটা ক্যানভাস হোজ দিয়া বায়ুমিশ্রিত জলের ছিটা খুব জোরের সঙ্গে বাহির হইয়া আসে। পাম্পের সাহায্যে এই জোর পাওয়া যায়। বায়ুমিশ্রিত জলের ছিটার গাড়ীর ধূলা এবং জমাট কাদা সমস্তই পরিষ্কার হইয়া যায়—অথচ যে পরিষ্কার করে,



বাঁদরের ব্যাণ্ডেজ-বাঁধা



বায়ুমিশ্রিত জলের হোজের দ্বারা মোটর সাক

তাহার বিশেষ কোনো কষ্ট হয় না। এই প্রকারে গাড়ী পরিষ্কার করার খরচও বিশেষ বেশী নয়। ছবি দেখিলে ব্যাপারটির খানিকটা আন্দাজ পাওয়া যাইবে।

হাতের ছাতাকে ডান হাতের মোড়কে পরিণত করিয়া পকেটে করিয়া লওয়া যায়। সকল সময় ঘাড়ে করিয়া ছাতা বহিবার দরকার হয় না।

অভিনব ছাতা—

ভদ্রলোকটির বাঁ হাতে একটি ছাতা রহিয়াছে। ডান হাতে এক মোড়ক রহিয়াছে। দরকার না থাকিলে বাঁ

নতুন ডুবুরি-পোষাক—

লণ্ডনের এক প্রদর্শনীতে মিঃ জে, এন্স, পেরেস্-নির্মিত একটি অভিনব ডুবুরি-পোষাক দেখান হয়। এই পোষাক



পকেট-ছাতা




নতুন ডুবুরি-পোষাক

যে ইম্পাতের তৈয়ারি, তাহাতে কখনও মরিচা ধরবে না।  
ডুবুরি ইচ্ছামত তাহার হাত পা ঝড় নাড়িতে পারিবে।  
এই পোষাকে ডুবুরি ৬৫০ ফিট জলের নীচে নামিতে  
পারিবে। এত নীচে এখনও কেহ নামিতে পারে নাই।

সোলার বাড়ী—

বিলাতে আজকাল অনেক স্থানে সোলার বাড়ী নির্মিত  
হইতেছে। সোলাকে ইম্পাতের ফ্রেমের মধ্যে আটকান হয়।  
তার পর তাহার দুই দিকে পাম্পের সাহায্যে গলিত কনক্রিট



একাই একশো! একানে ব্যাণ্ড বাজান্দার

ইম্পাতের ফ্রেমের কর্কসজ্জিত বাড়ীতে কংক্রীট নিক্ষেপ  
ছড়াইয়া দেওয়া হয়। গলিত কনক্রিট জমিয়া গেলে  
বাড়াধানিকে কনক্রিটের বাড়ী বলিয়া মনে হয়।  
ভিতরের সোলা বাড়ীর ভিতরের ঠাণ্ডা এবং গরম উভয়ের  
সমতা রক্ষা করে—কিছুই অত্যধিক হয়  
না। এই প্রকার বাড়ী শ্রীতসেঁতেও  
হয় না। ছবিতে দেখুন, কেমন করিয়া  
ইম্পাতের ফ্রেম এবং সোলার উপর গলিত  
কনক্রিট ঢালা হইতেছে।


অদ্ভুত বাণ্ডকর—

ছবিতে এক অদ্ভুত বাণ্ডকর দেখুন।  
এক সঙ্গে এই ব্যক্তি ছয় রকম বাণ্ড  
বাজাইতে পারে। এক একটি অঙ্গে এক  
একটি বাণ্ড আছে। মাথা নাড়িলে ষণ্টা  
বাজে, পা ফেলিলে ঢাক বাজে, মুখ দিয়া  
নানা রকম বাঁশি বাজে, হাত দিয়া আর

একটি বাণ্ড বাজে। এই লোকটি সিসিলি বাসী। এই ব্যক্তি  
পথে পথে এই প্রকার বাণ্ড বাজাইয়া পয়সা উপার্জন করে।

রুমাল-কাটা কল—

ছবিতে যে রুমাল-কাটা কল দেখিতেছেন, ঐ কলটি



রুমালের কল

ঘণ্টাতে ২০০ ডজন রুমাল কাটিতে এবং শুছাইয়া রাখিতে পারে। কাপড়ের রোল শেষ হইয়া গেলে বা রোলের কাপড় মাঝখানে ছেঁড়া বা খারাপ হইলে কল আপনিই থামিয়া যায়। ৬ ইঞ্চি হইতে ২০ বর্গ ইঞ্চি যে কোনো মাপের রুমাল এই কলে কাটা যায়। এই কল বসাইতে ১৬ বর্গ ফিট স্থানের দরকার হয় এবং একজন ছোকরা বসিয়া ইহা চালাইতে পারে। এই কলের আবিষ্কারের নাম M. x Schleifer, ইনি আমেরিকার Newark সহরের লোক।

শস্ত্র কাটা এবং ছাঁটা কল—

Delmar Van Horn নামক এক কৃষক তাঁহার

করিতে পারে। পুখান ধানের যে সকল কল আছে, তাহা অপেক্ষা এই কল একই সময়ে তিনগুণ বেশী কাজ করিতে পারে।


উভচর যান—

ফিলিপ ম্যাকোভিচ নামক এক ব্যক্তি একখানি তিনচাকাওয়াল মোটর গাড়ী তৈয়ার করিয়াছেন। এই গাড়ীখানি স্থলে এবং জলে, উভয় স্থানেই চলিতে পারে। স্থলে ইহার বেগ ঘণ্টায় ৩০ মাইল, এবং জলে ১২ মাইল। জলে চলিবার সময় পিছনের চাকা দুটির স্থানে একটি হাল এবং 'প্রপেলার' বাহির হইয়া আসে।



শস্ত্র কাটা ও ছাঁটা কল

নিজেব চাষের কাজে লাগাই-  
বার জন্য একটি শস্ত্র-কাটা এবং  
ছাঁটা কল নির্মাণ করিয়াছেন।  
এই কল একই সময়ে শস্ত্র  
কাটাই এবং ছাঁটাই দুই  
কার্য করে। এই কল  
মোটরের সাহায্যে চল এবং  
এক দিনে (১০ ঘণ্টা) পঁচ  
হইতে সাত একর জমির  
যদি শস্ত্র কাটাই-ছাঁটাই



উভয়ে মোটর যোট



## শাস্তি

শ্রীশচীন্দ্রলাল রায় এম-এ

( ১ ) .

বলরামপুরের জগন্নাথ গুড়্যা গ্রাম্য সমাজের মাথা বলিয়া লোকে তাহাকে ভক্তিপ্রদ্ধা যতটুকু করুক না কেন, কিন্তু অত্যন্ত ভয় করিয়া চলিত—কারণ, তাহার তীক্ষ্ণ দৃষ্টিতে কাহারও কোনও অনাচারই ধরা না পড়িলে তাহার শাস্তির মাত্রাও নিতান্ত অল্প হইত না। কে কোথায় কোন্ নিষিদ্ধ বৃক্ষের শাখা ছেদন করিল, কে কাহার ছেলের সহিত কন্টার বিবাহ দিবে ঠিক করিয়া চুক্তিভঙ্গ করিল, কে গ্রাম্য শীতলাদেবীর পূজার ফণ্ডে টাকা কম দিল—ইহার সমস্ত সংবাদ সে রাখিত, এবং সুযোগ ও সুবিধা ঘটিলেই ইহার যথোচিত শাস্তি বিধান করিত। ইহার ফলে গ্রাম্য বায়োয়ারী ফণ্ডের টাকা যেমন বাড়িয়া যাইত—তেমনি তাহার লাভের অনুপাতও সমভাবেই বৃদ্ধি প্রাপ্ত হইত; কারণ, জগন্নাথ গুড়্যাই ছিল এই অর্থের একমাত্র ট্রেজারার।

সেদিন প্রাতঃকালে গুড়্যার পো গোয়ালে ঘুরিয়া ঘুরিয়া দেখিতেছিল; এবং যে গাভী ও বলদ যেরূপ কার্যক্রম, সেই অনুপাতে তাহাকে খাওয়া দেওয়া হইয়াছে কি না, তাহার তদারক করিয়া ফিরিতেছিল। সহসা একটি অতিশীর্ণ বৃদ্ধ গাভীর খাওয়ার পরিমাণ দেখিয়া সে একেবারে ক্ষিপ্ত হইয়া উঠিল। এই গাভীটি কিছু দিন হইল একেবারে অকর্মণ্য হইয়া পড়িয়াছে—অথচ এ পর্যন্ত জীবিত রহিয়াছে, তাহার মরিবার কোন লক্ষণ এখনও দেখা যায় না। ইহাকে লইয়া সে যে কি করিবে, কিছুই ভাবিয়া চিন্তিয়া ঠিক করিতে পারে নাই। নরঘাটের গোহাটার অনেক ব্যাপারী গরু বিক্রয় করিয়া থাকে; এবং এই গরুগুলি বিশেষ কোনও সংকারণের জন্য কলিকাতার ব্যাপারী-সম্প্রদায় ক্রয় করিয়া লইয়া যায়—এ সংবাদ এই সংবংশসম্মত হিন্দুকুল-ধুরন্ধরটি জানিত। এই জন্য সে অনেকটা আশান্বিত হইয়া এক মুসলমান ব্যাপারীকে ধরিয়া বসিল।

গরু দেখিয়া ব্যাপারীটি হাসিয়া কহিল—“এ গরু তোমারই থাক কর্তা—এমন জীব বেচতে আমাদেরও সময় লাগবে। আর কিছু না করুক, অন্ততঃ সাত আটটা বছরও তো তোমার কাজে লেগেছে—এই কর্তা মাসও কি আর ওকে বসিয়ে খাওয়াতে পারবে না? চার-পাঁচ মাসের বেশী তোমাকে কষ্ট করতে হবে না কর্তা—তার পর সাতালা বাড়ীর ছিদাম মুচিকে ডেকো—সে যা হোক করে চামড়ার দাম বলে দুটো টাকা দেবেই।”

কর্তা চটিয়া উঠিল, দাঁত মুখ খিঁচাইয়া কহিল—“এ্যা—আমি হিঁহু হয়ে করবো গরুর চামড়া বিক্রি?”

ব্যাপারী রুষ্ট না হইয়া সহাস্য মুখেই কহিল—“কর্তা কি ভেবেছো—আমি টাকা দিয়ে গরু কিনে কলকাতার পিঁজরাপোলে পাঠাবো?”

গুড়্যার পোর মুখে সহস্তর জুটিল না বটে, কিন্তু এই উচিত-বক্তা মুসলমানের প্রতি মতিনি যে বাক্যবাণ বর্ষণ করিলেন—তাহা অনেক ছোটলোকের মুখ দিয়াও বাহির হইত না।

সেই হইতে সে গরু বিক্রয়ের আশা ত্যাগ করিল; এবং ব্যবস্থা করিল—মাঠের ঘাস ভিন্ন সে অন্য কোনও খাদ্য পাইবে না। কাজ করিতে না পারুক, অন্ততঃ নিজের খাদ্যও মাটি খুঁটিয়া সংগ্রহ করুক। কিন্তু তাহার এ আদেশ এই গরুগুলির পরিচর্যাকারক রক্ষা করিতে পারিত না; এবং দয়া করিয়া অন্তের সহিত দুই এক আঁটি বিচালীও তাহাকে দিয়া যাইত।

জগন্নাথ গুড়্যা ক্ষিপ্ত হইয়া হুকুম দিয়া হাঁকিল—“জনর্দন!”

জনর্দন গোয়ালঘর পরিষ্কার করিতেছিল; মনিবের হাঁক শুনিয়া গোবরমাথা হাত লইয়া সম্মুখে আসিয়া উপস্থিত হইল।

গুড়ার পো কহিল—“ব্যাটা আমারই থাকে—আর আমারই বুকে বসে দাড়ি গুপড়াবে।”

জনর্দন ব্যাপার কি বুঝিতে না পারিয়া ফ্যাল ফ্যাল করিয়া চাহিয়া রহিল।

—“আমি তোকে কি বলেছিলাম রে হারামজাদা ?”

জনর্দন কিছুই স্মরণ করিতে না পারিয়া কহিল—  
“আজ্ঞে ?”

—“এটাকে খড় দিতে বারণ করেছিলাম যে—আমার কথা রাখা হয় নি কেন শূয়ার ?”

জনর্দন আমতা আমতা করিয়া কহিল—“আজ্ঞে, অল্প গরুকে খড় দিতে গেলে ও হাঁ করে চেয়ে থাকে তাই।”

—“ওঃ, ভারী দরদ যে ! অত দয়া হলে নিজের বাড়ী নিরে পুবেগে যা ! পরের পরসার নবাবী অমন সব ব্যাটাই কর্তে পারে। নে ব্যাটা, ওর মুখ থেকে আঁটিটা কেড়ে।... সবটাই খেয়ে ফেলে যে ! তোর মাইনে থেকে যদি আমি খড়ের দাম না কাটি—তাহলে কি বলেছি।” এই বলিয়া সত্য সত্যই এই ধর্মপ্রাণ হিন্দুটি সেই ক্ষুধার্ত নিরজীব পশুর মুখ হইতে খড়ের আঁটিটা কাড়িয়া লইল।

পশুটি নীরবে কাতর ভাবে চাহিয়া রহিল—একবার ‘হাঙ্গারবে’ ডাকিয়া প্রতিবাদ করিবে, এমন শক্তিতুকুও বোধ করি তাহার দেহে ছিল না।

জনর্দনের চোখ দুইটি সজল হইয়া উঠিল—জগন্নাথ কহিল—“নে, ছোট্ট দড়ি দিয়ে পুকুর-পাড়ে বেঁধে রাখগে যা। বড় বড় ঘাস—ওতেই ওর পেট ভরবে। আর বুড়ো গরুর কি শুকনো খড় সহ হয়। শেষে পেটের অসুখ হয়ে পড়ুক আর কি। এখন তবু ঘুঁটেটা, ঘঁসিটা হচ্ছে—তখন সে দফাও ঠাণ্ডা। নে, নে, সঙের মত দাঁড়িয়ে থাকিস নে—আরও অনেক কাজ আছে।” এই বলিয়া এই পরম ভাগবত গুড়ার পো রুগ্ন গাভীর পথের ব্যবস্থা করিয়া দিয়া সাংসারিক অজ্ঞান কার্য পর্যবেক্ষণ করিতে স্থানান্তরে চলিয়া গেল।

( ২ )

গ্রামের মধ্যে জগন্নাথ গুড়ার প্রতিপত্তির প্রধান কারণ—তাহার জমি-জায়গা অনেক এবং সে মহাজনী কারবার করে। তাহার জমি ভাগে চাষ করিয়া অনেক গরীবের বৎসরের খোরাকী সংগ্রহ হয় ; এবং অতাবে পড়িলে তাহার

নিকট হইতে টাকা ধার লইয়া তাহার প্রাণ ধারণ করে। গ্রামের মধ্যে সে যাহা বলিবে, অস্ত্রে তাহার প্রতিবাদ করিতেও সাহস করে না ; কারণ, একটা না একটা দারে প্রত্যেকেই তাহার নিকট বাঁধা রহিয়াছে। অস্ত্রের হইয়া মোকর্দমা করিতে, মিথ্যা সাক্ষ্য দিতে, সং বলিয়া কুপরামর্শ দিতে তাহার একটুও বাধিত না—কারণ, ইহারই দ্বারা তাহার অবস্থার যেমন উন্নতি হইয়াছে—অল্প কোনও ভাবে সেরূপ হয় নাই। মোকর্দমার যৌকে পড়িলে যেমন লোকে কড়া সূদে টাকা ধার করে, অথবা অল্প মূল্যে জমি-জায়গা বিক্রয় করিয়া ফেলে—এমনটা বোধ হয় স্ত্রী-পুত্র অনাহারে থাকিলেও লোকে সচরাচর করে না। স্মতরাং একটা কিছু গোলমাল হইতে না হইতেই, সে সদরে যাইয়া এক নম্বর জুড়িয়া দিতে পরামর্শ দেয় ; এবং টাকার জোগান সেই দিয়া থাকে। ইহার ফলে মোকর্দমার হারিয়া অথবা জিতিয়াও লোকে সর্বস্বাস্ত হয় ; এবং তাহারই হাতে জমিজমা, এমন কি ভিটা পর্য্যন্ত সঁপিয়া দিয়া নিশ্চিত হয়।

অর্থের জোরে সে একেবারে সমাজের উচ্চ শিখরে আসন পাইয়াছিল ; এবং শত সহস্র ব্যভিচারও তাহাকে নীচে নামাইয়া আনিতে সমর্থ হইত না। বৃদ্ধ বয়সে নিমাই মণ্ডলের বিধবা ভগিনীর সহিত তাহার গুপ্ত সম্বন্ধ প্রকাশ পাইলেও লোকে কিছু বলিতে পারিত না—এমন কি, কোনও গৃহস্থের বাড়ীতে নিমাই মণ্ডলের ভগিনীর নিমন্ত্রণ না হইলে, জগন্নাথের চক্রান্তে সে-ই একঘরে হইয়া থাকিত। অথচ সেবার কোন এক দুর্ভুক্ত রাস্তার মাঝে কিছু ঘোষের বিধবা পুত্রবধুর কাপড় ধরিয়া টানিয়াছে—এই অপবাদ দিয়া তাহাকে সমাজচ্যুত করা হইয়াছে। ইহার প্রতিবাদ করে এমন সাহসও গ্রামের মধ্যে কাহারও নাই। সেদিন জগন্নাথের যুবক পুত্রের বিরুদ্ধে ধোপা-বৌ অভিযোগ করে যে, সে তাহার সধবা যুবতী কস্তার উপর কুৎসিত অত্যাচার করিবার চেষ্টা করিতেছে। কিন্তু গ্রাম্য পঞ্চায়েৎ তাহার অভিযোগে কর্ণপাত করে নাই। বাধা হইয়া ধোপা-বৌ কস্তার সহিত ভিন্ন গ্রামে জামাতার আশ্রয় লইয়াছে। মোট কথা, জগন্নাথ গুড়্য সমাজের মাথা হইয়া সমস্ত গ্রামটি অত্যাচারে প্রেপীড়িত করিয়া তুলিতেছিল—কিন্তু তাহার বিরুদ্ধে একটি কথা উচ্চারণ করে, এমন বুকের পাটা সে গ্রামের মধ্যে কাহারও ছিল না।

সেদিন জগন্নাথ গুড়্যা প্রত্যবে হাঁকা হাতে লইয়া কড়া তাম্বুকুটের তীব্র ধূম আরামে পান করিতেছিল—এমন সময় বৃদ্ধ পদ্মলোচন মাইতি কোথা হইতে ছুটিয়া আসিয়া তাহার পা জড়াইয়া ধরিয়া হাউ হাউ করিয়া কাঁদিয়া উঠিল। প্রত্যবেই এমনি একটা আরামদায়ক ব্যাপার দেখিয়া গুড়্যার পো ছুট হইয়া উঠিল, কহিল—“হয়েছে কি মাইতির পো—অমন করছো কেন?” মাইতির পো তাহার অশ্রুধর কণ্ঠ ও বিরলদন্ত পাটির ভিতর দিয়া যে কাহিনী বিবৃত করিল, তাহা সংক্ষেপে এই—হরিধনের কনিষ্ঠা কন্তার সহিত তাহার বিবাহ একরূপ পাকাপাকি রকমে ঠিক হইয়াছিল—এমন কি, এই বিবাহ উপলক্ষে তিনকুড়ি টাকা পণের মধ্যে দুকুড়ি পাঁচ টাকা হরিধনকে অগ্রিম দেওয়া হইয়াছে। বিবাহের তারিখও আগামী কল্যা ঠিক আছে। কিন্তু সে সঠিক জানিতে পারিয়াছে—হরিধন ভিতরে ভিতরে তাহার কন্তার বিবাহ শিবপ্রসাদ জানার কনিষ্ঠ পুত্রের সহিত ঠিক করিয়াছে; এবং সে বিবাহের লগ্ন আজই রাত্রে।

জগন্নাথ হেলিয়া ছলিয়া বসিয়া মাথা ঝাঁকাইতে ঝাঁকাইতে কহিল—“হরিধনের এমন সাহস কি হবে পদ্মলোচন?” পদ্মলোচন জগন্নাথের পেয়ারের লোক—অনেক কুকার্যে তাহার সহায়। সে যখন গর্ভাবস্থায় লাথি মারিয়া তাহার তৃতীয় পক্ষের স্ত্রীর ভবলীলা সাজ করিয়া দেয়—সে সময় জগন্নাথই তাহাকে পুলিশের কবল হইতে বাঁচাইয়াছিল। সুতরাং তাহার চতুর্থ পক্ষকে গৃহে আনিতে যে সেই জগন্নাথ নিশ্চিত সাহায্য করিবে, ইহা সে বিশেষ ভাবেই জানিত; এবং এই জন্তই সে তাহার নিকট ধন্য দিয়াছিল। সে কাঁদো কাঁদো সুরে কহিল—“তাই তো দেখছি কর্তা। এখন তোমার দয়ায় যদি উদ্ধার পাই। মেয়ে তো দেবেই না—আবার টাকা গুলোও যদি—”

জগন্নাথ বাধা দিয়া কহিল—“হরিধনের ক বিষে জমি মাইতির পো?”

—“আজ্ঞে, ঐ ভিটেটুকু ছাড়া আর কিছু নেই। সেবার নবীন মাইতির সাথে গরুচুরির মামলা করতে যেয়ে আপনার কাছেই বাধা রেখেছিল যে!”

জগন্নাথ কহিল—“কিছু নাই, অথচ বুকের পাটা তো খুব দেখছি!”

“শিং ভাল দামড়া আর কি—ওদেরই তো বুকের পাটা বেশী কর্তা।”

কর্তা একটু ভাবিয়া কহিলেন—“আচ্ছা দেখাচ্ছি।” তখনই হরিধনের ডাক পড়িল। হরিধন আসিলে জগন্নাথ ধমক দিয়া কহিল—“তোদের কি ধর্মভয় নেই রে হরিধন! একজনকে কথা দিয়ে আবার অন্তের সাথে মেয়ের বিয়ে ঠিক করেছিল যে বড়?”

হরিধন কহিল—“সুবিধে পেলে কে ছেড়ে দেয় কর্তা। ভাল ছেলে পেয়ে কি করে ছেড়ে দি' বল।”

—“তবে টাকা নিয়েছিল কেন রে?”

—“টাকা নিয়েছি বলেই কি মেয়ে বেচা হয়েছে? টাকা ফিরিয়ে না দিলে তখন অবিশ্রি বলতে পার—”

হরিধনের কথার ভঙ্গী দেখিয়া জগন্নাথের আপাদ-মস্তক অলিয়া উঠিল। সে ধমক দিয়া কহিল—“টাকা নিয়েছিল, তখনই তো মেয়ে বেচা হয়েছে। সে এখন ধর্মতঃ পদ্মলোচনের স্ত্রী। এখন অন্তের সাথে বিয়ে দিলেই ধর্মচ্যুত হতে হবে।”

হরিধন কহিল—“আমরা গরীব লোক, ওসব ধর্মব্যাধ্যা আমরা বুঝি না। ভাল জামাই পেয়েছি যখন—ওই বুড়োর সাথে আর মেয়ের বিয়ে দিচ্ছি না। আমার সোজা কথা!”

গুড়্যার পো চীৎকার করিয়া কহিল—“ওঃ, বড় বাড় বেড়েছে দেখছি যে। তোর কতটা আশ্পর্কি আমিও দেখে নিচ্ছি।”

তৎক্ষণাৎ গ্রাম্য পঞ্চায়তের বৈঠক বসিল। সকলে সম্মুখে রায় দিল—যেমন করে হোক পদ্মলোচনের সহিত আজই রাত্রে হরিধনের কন্তার বিবাহ দিতেই হইবে। নইলে এ গ্রামের মুখ রক্ষা হইবে না। ছোটলোক হরিধনের এ রকম অনাচার নীরবে সহ্য করিয়া থাকিলে গ্রাম্য সমাজে আরও অনেক ব্যভিচার প্রবেশ করিবে।

তৎক্ষণাৎ শিবপ্রসাদ জানাকে ডাকা হইল এবং তাহাকে জানানো হইল—হরিধনের কন্তাকে গৃহে আনিতে তাহারও নিষ্কৃতি নাই। সে যখন অন্তের বাক্দত্তা, তখন তাহার পুত্রের ঐ কন্তার সহিত বিবাহ দিলে ব্যভিচারিণীকে গৃহে আনার ফলে তাহাকে সমাজের নিকট ধখেট লাহনা ভোগ করিতে হইবে। এমন কি, গ্রামের মোড়লদের কথা অমান্য করিলে সেই পাপের ফলে ঐ বালিকার সতীত্বকে অক্ষুণ্ণ রাখা হইবে না—ইহাও তাহাকে আত্মায়ে বুঝাইয়া দেওয়া হইল। শিবপ্রসাদ ধর্মভীক নিরীহ লোক—গ্রামের

বিক্রমে দাঁড়াইতে সে সাহস করিল না—হরিধনকে জবাব দিয়া বসিল।

সেই রাতেই জগন্নাথ গুড়্যা বরকর্তা হইয়া জোর করিয়া হরিধনের কন্ঠার সহিত বৃদ্ধ পদ্মলোচনের উদ্বাহক্রিয়া সম্পন্ন করিল। পদ্মলোচন আনন্দে গদগদ হইয়া গুড়্যার পোর পদধূলি লইয়া জিহ্বায় ও মস্তকে স্পর্শ করিল। পরদিন শোনা গেল হরিধনের স্ত্রী কন্ঠার ভাবী হুঃখ কল্পনা করিয়া উদ্বন্ধনে প্রাণত্যাগ করিয়াছে।

( ৩ )

সেদিন গুড়্যার পো মধ্যাহ্নে তাহার দেহখানি উত্তমরূপে তৈলসিক্ত করিতেছে—এমন সময় ও-পাড়ার শিবুমণ্ডল হাঁপাইতে হাঁপাইতে আসিয়া সংবাদ দিল—“গুড়্যারপো, সর্কনাশ!”

জগন্নাথ কহিল—“সর্কনাশটা আবার কি হল হে?”

শিবু কহিল—“মণ্ডল-পাড়ার অশথ গাছ কেটে ছয়লাপ করেছে একেবারে!”

অতি বিস্ময়ে চোখ কপালে তুলিয়া জগন্নাথ কহিল—“কার এমন আস্পর্কী শিবু, যে অশথ গাছে হাত দেয়।”

—“আস্পর্কী আজকাল অনেকেরই হয়েছে গুড়্যার পো—অনেকেরই হয়েছে। গ্রামে কি আর শাসন আছে, যে, আচারধর্ম পালন করবে। যা ইচ্ছে সবাই তাই করছে। নইলে ঐ নফরা তাঁতির এত বাড়ি!”

—“তা হলে নফরারই এই কাণ্ড?”

—“তা নয় তো আবার এত সাহস হবে কার? ওদের কি আর ‘ধর্মকর্ম’ বলে জ্ঞান আছে। সব খুইয়েছে যে!”

জগন্নাথ গুড়্যা হাত পা ঝাঁকাইয়া কহিল—“সে খোয়ালেই তো আর আমরা এসব দেখেও চুপ করে থাকতে পারি নে। আমাদের তো একটা বিধান করতেই হবে।”

—“সেই জন্তই তো তোমার কাছে ছুটে আসছি গুড়্যার পো। এ সমাজ যে টিকে আছে—শুধু তোমারই দ্বারা।”

আত্মপ্রশংসায় ক্ষীত হইয়া জগন্নাথ কহিল—“আজ বিকেলেই পাঁচটা মাথা এক হয়ে এর বিহিত করছি। ষাটেরে, দিন দিন এ হ’লো কি! হিন্দুধর্ম তো যায় যায় দেখছি। অশথ গাছের ডাল কাটা—এ যে গোহত্যা ব্রাহ্মণ-হত্যারও বাড়ি! নরকে যাবে, নরকে যাবে!”

শিবুমণ্ডল বুক ফুলাইয়া কহিল—“এর উচিত শাস্তি দেওয়া চাই গুড়্যারপো। ঐ নফরা তাঁতি—চার মাসের মধ্যে পনেরোটা দিন থাকে উপোস করে থাকতে হয়—তার বুকের পাটা দেখলে তো। আমি গেলাম ভাল ভাবে জিজ্ঞাসা করতে—নফরার ছেলেরা কি না তেড়ে মারতে এলো। ষণ্ডামার্ক কোথাকার! না খেয়েও যে কি করে অমন ঝাঁড়ের মত চেহারা হয় জানি নে বাপু!”

জগন্নাথ মাথা ফুলাইয়া কহিল—“দাঁড়াও না, মজাটা দেখাচ্ছি।”

বৈকালে গ্রামের বৈঠক বসিলে নফরের ডাক হইল। বৃদ্ধ নফর যষ্টি-হস্তে কাঁপিতে কাঁপিতে আসিয়া উপস্থিত হইল। পশ্চাতে তাহার যুবক পুত্র—নিধি।

জগন্নাথ গুড়্যা কহিল—“অশথ গাছে হাত দেওয়া হয়েছে কেন নফর?”

নফর কোনও উত্তর দিল না—লজ্জায় অধোবদন হইয়া রহিল। হিন্দু হইয়া অশথ গাছের ডালে সে বড় হুঃখেই হাত দিয়াছিল। সে নিতান্ত গরীব—মাত্র একটি বিঘা জমি তাহার সম্বল। জমির ধারেই এই অশথ গাছটি। তাহার ঘন-পল্লব-বিশিষ্ট কয়েকটি ডাল জমির দিকে প্রসারিত হইয়া স্থানটিকে এমনি ছায়াবহুল করিয়া রাখিয়াছিল যে, তাহার আওতার কয়েক বছর শস্ত একেবারেই হয় নাই। কিন্তু এতখানি সহ্য করিয়াও অশথ গাছে সে হাত দেয় নাই। নিতান্ত হুঃখে পড়িয়া পুত্রের প্ররোচনায় সে এবার সম্মতি দিয়াছে। আশা এই যে, ডাল কয়েকখানি কাটিয়া ফেলিলে ছয়টা বেনী ধান মাঠে ফলিতে পারে।—কিন্তু ইহাতে যে এত কাণ্ড ঘটবে, গ্রাম্য পঞ্চায়েৎ তাহার বিচার করিয়া দণ্ড দিতে বসিবে—ইহা তাহার ধারণায় আসে নাই।

জগন্নাথ গুড়্যা হস্তার দিয়া কহিল—“বলি, মাথা নীচু করে থাকলেই চলবে? তোমার চেহারা দেখার জন্ত তো আর ডাকা হয়নি।”

পিতার অবস্থা দেখিয়া নিধি আগাইয়া আসিয়া কহিল—“যা তোমাদের জিজ্ঞাসা করার আমাকে কর, বাবা কিছু জানে না।” সভাশুদ্ধ লোক মুখ খিঁচাইয়া অশ্রাব্য কটুক্তি করিয়া উঠিল। জগন্নাথ গুড়্যা রসান দিয়া কহিল—“স্ববুদ্ধি তাঁতির পো’র কুবুদ্ধি ঘনালো। বলি, এমন কাজটা করলে কেন হে বাপু?”

নিধি কহিল—“কেত নষ্ট হচ্ছিল—তাই।”

শুভ্যারপো মুখ ভ্যাজচাইয়া কহিল—“কেত নষ্ট হচ্ছিল—তাই! কিন্তু এতে যে ধর্ম নষ্ট হলো তার খবর রাখো?”

বৈকুণ্ঠ মাইতি ফোড়ণ দিয়া কহিল—“তাঁতির বুদ্ধি আর কত হবে!”

চারিদিকের টিটকারি শুনিয়া নিধির মগজ গরম হইয়া উঠিয়াছিল—সে বৈকুণ্ঠ মাইতির দিকে চোখ পাকাইয়া কহিল—“খবরদার! ফের জাত তুলবে তো মাথা গুঁড়ো করে ফেলবো।” সভাশুদ্ধ লোক হতভম্ব হইয়া মুখ-চাওয়া-চাওয়ি করিতে লাগিল।—নিধি ‘মরিয়া’ হইয়া বলিতে লাগিল—“ওঃ, সব লাটসাহেব রে! বিচার করতে বসেছেন! বেশ করেছি—গাছের ডাল কেটেছি। তোদের যা ইচ্ছে তাই কর। এই আমরা যাচ্ছি।”

সভাশুদ্ধ লোকের মুখে আর কথা নাই। নফর এতক্ষণে মাথা তুলিল। সে পুত্রের গায়ে সম্মেহে হাত বুলাইয়া কহিল—“ছিঃ, ও-সব কথা বলতে নাই।” তার পর করযোড়ে সভাস্থ সকলের নিকট বলিতে লাগিল—“ও ছেলেমানুষ, বুদ্ধিহীন—ওর কথায় কাণ দেবেন না। সত্যিই আমি অপরাধ করেছি—কিন্তু বড় দুঃখেই করেছি। এর উচিত শাস্তি আপনারা যা দেবেন—আমি মাথা পেতে নেবো।”

সভা-শুদ্ধ লোক আবার চঞ্চল হইয়া উঠিল। বৈকুণ্ঠ মাইতি কহিল—“ও-ছোঁড়া যে আমার মাথা গুঁড়ো করতে চায়?”

নফর করযোড়ে কহিল—“ওর কথায় রাগ করো না মাইতির পো। তোমরা মহৎ লোক।” তার পর সভাস্থ সকলের দিকে চাহিয়া বিনীত ভাবে কহিল—“তাহলে আমার উপর কি হুকুম হয়?”

জগন্নাথ শুভ্যা তখন আরও পাঁচটি মাথার সহিত পরামর্শ করিতেছিল। এইবার মুখ তুলিয়া কহিল—“হ্যাঁ! তোমার অপরাধ গোহত্যা, ব্রহ্মহত্যার চেয়ে কম নয়। তবু আমরা জ্ঞাধ্য বিচার করে মাত্র পঁচিশটা টাকা জরিমানা করলাম। বারোয়ারী ফণ্ডে এই টাকাটা তোমাকে দিতে হবে।”

নফর সম্মত হইয়া কহিল—“অত টাকা আমি কোথায় পাব কর্তা। আমার যে ছুবেলার অন্ন জোটে না!”

জগন্নাথ শুভ্যা কহিল—“সে আমরা জানি নে বাপু! গ্রামের শাসন মানার ইচ্ছা থাকে—টাকা দাও, নইলে পথ দেখ। ব্যস্, আমাদের পথও আমরা খুঁজে দেখছি।”

নিধি আবার গরম হইয়া কহিল—“আচ্ছা তাই দেখ। চল বারা এখান থেকে।”

নফর পুত্রকে ধামাইয়া কহিল—“তোমাদের বিচারই মাথায় করে নিলাম। এখন যাই—টাকার জোগাড় দেখি।” বৃদ্ধ সপুত্র বাহির হইয়া আসিল।

নিধি কহিল—“এত টাকা কোথায় পাবে বাবা? কেন ভূমি কথা দিয়ে এলে?”

শীর্ণ বক্ষে বলিষ্ঠ পুত্রকে চাপিয়া ধরিয়া বৃদ্ধ কহিল,—“আমার আবার টাকার ভাবনা! তুই যে আমার লাথ টাকার নিধি রে!”

( ৪ )

পরদিন প্রত্যুষে নফর জগন্নাথ শুভ্যার নিকট আসিয়া কহিল—“টাকার তো কিছুতে জোগাড় করতে পারলাম না কর্তা।”

শুভ্যার পো গম্ভীরভাবে কহিল—“কাল স্বীকার করে না গেলেই তো ভাল কর্তে বাপু।”

নফর একটুখানি হাসিয়া কহিল—“স্বীকার যখন করেছি, তখন একটা উপায় কর্তেই হবে। আচ্ছা, নিধিকে এক মাস তোমার বাড়ীতে বিনা মাইনেতে ‘মজুর’ রাখলে কি এ টাকাটা উত্তল হয় না?”

প্রস্তাব শুনিয়া জগন্নাথ শুভ্যা মনে মনে পুলকিত হইয়া উঠিল। কারণ, আবাদের সময় একেবারে আসন্ন—সুতরাং এ সময় বিনা পরসায় নিধির মত কর্মঠ ‘মজুর’ রাখিতে পারিলে অনেক সুবিধা হইবে।

সে মুকুন্ডবানার চালে কহিল—“তা’ হতে পারে। কিন্তু এক মাসে টাকাটা কি করে উত্তল হবে হে? দেড়টি মাস চাই।”

নফর কহিল—“এই একটা মাসই আমাদের কি করে কাটবে তাই ভাবছি—তার উপর আর মেয়াদ বাড়িও না কর্তা। আর জানই তো—যে, নিধির মত কাজের ছেলে এ গ্রামে আর বেশী নাই।”

জগন্নাথ মাথা হুলাইয়া মৃদু হাসিয়া কহিল—“সবাই

নিজের ছেলেকে ভাল দেখে হে। তা যাক, এক মাসই থাকবে। আজ থেকেই কিন্তু পাঠিয়ে দিও বাপু!”

সেই দিন হইতেই নিধি জগন্নাথ গুড়্যার কাছে লাগিয়া গেল। গুড়্যার পো তাহাকে ক্রমাগত হুকুম করিয়া গ্রাম্য বায়োরারী কলের টাকাটা উত্তল করিতে লাগিল। কিন্তু মকরের সংসার চলা একেবারেই ছরুহ হইল। যে এক বিধা জমি ছিল, তাহাও পতিত পড়িয়া রহিল। দিন মজুরি করিয়া নিধি যাহা পাইত—তাহাতেই তাহাদের সংসারের খরচটা কোনও রকমে চলিত। এখন প্রায়ই উপবাস দেওরা ভিন্ন আর গতাস্তর রহিল না। নিধির এক একবার ইচ্ছা করিত যে, পিতার আদেশ অমান্য করিয়া চলিয়া আসে—জগন্নাথ গুড়্যা যাহা পারে তাহাই করুক। কিন্তু তাহার মনের ইচ্ছা সে মনেই দমন করিয়া রাখিত। বাড়ীতে ফিরিয়া সব চেয়ে কষ্ট হইত তাহার ছোট ভগ্নীর মুখের দিকে চাহিয়া। এই বোনটি কিছুদিন হইল স্বামী হারাইয়া বাপের বাড়ীতে আশ্রয় লইয়াছে। কিন্তু এই দুঃখের মধ্যেও তাহার মুখে দুটি বেলা অন্ন তুলিয়া দিবে—এমন সঙ্গতিও তাহার বাপ দাদার নাই। এই ভগ্নীকে নিধি আন্তরিক স্নেহ করিত। তাহার শুষ্ক চোখ-মুখ, অনাহারে মলিন চেহারার দিকে চাহিয়া নিধির দুই চোখ জলে পূরিয়া আসিত। এই কয়টা দিন কোনওরূপে কাটিয়া গেলে সে অল্প জায়গায় খাটিয়াও যে বাপ-বোনের মুখে দুটি অন্ন দিতে পারে!

সেদিন গুড়্যার পোর সহসা খেয়াল হইল—নিধিকে দিয়া সেই অকর্মণ্য গরুটাকে বিক্রয় করিয়া দিলে তো আপদ চুকিয়া যায়। সে নিধির কাছে প্রস্তাবটা করিয়া ফেলিল।

নিধি বলিল—“ও গরু কে নেবে কর্তা?”

গুড়্যার পো কহিল—“নরঘাটার হাটে কলকাতার ব্যাপারীরা মরা গরু ফেলে না—ও তো তবু ধুকধুক করছে। তুই নিয়ে যা—যা হোক করেও দশটা টাকা হবেই।”

নিধি আমতা আমতা করিয়া কহিল—“গরু কিনে নিয়ে না কি কলকাতার ওরা—”

গুড়্যার পো অসহিষ্ণু হইয়া কহিল—“টাকা দিলে কিনে তারা যা ইচ্ছে তাই করুক না—আমাদের তাতে কি? আমরা তো আর চোখে দেখতে যাচ্ছি নে। তুই কাল অন্ধকার থাকতে থাকতে বেরিয়ে পড়বি। গাঁয়ের শালারা

যদি দেখতে পার, অমনি উঠকাবি বেবে। তাদের কি—পরের পরলা লুট হয়ে যাক না!”

নিধি আর কোনও আপত্তি করিল না, কিন্তু কহিল—

“তোমাকেও সঙ্গে যেতে হবে কর্তা।”

গুড়্যার পো কহিল—“হ্যা, হ্যা, তা যাব বৈকি। কিন্তু তুই গরু নিয়ে আগে বেরিয়ে যাবি। আমি পরে যাব।”

পরদিন অনেক দর-কষাকষি করিয়া চারটি টাকায় গরুটি বিক্রয় হইয়া গেল। জগন্নাথ ‘যথা লাভ’ মনে করিয়া টাকা কয়টি ভাল করিয়া ট্যাকে গুঁজিয়া ফেলিল।

তখন সন্ধ্যা হইয়া গিয়াছে। ফিরিবার পথে জগন্নাথ নিধির সহিত দিলখোলসা ভাবে আলাপ করিতে করিতে চলিল। অনেক দিন পরে সে এই অকর্মণ্য গরুটিকে নিজের স্বন্ধ হইতে নামাইতে পারিয়াছে দেখিয়া তাহার মনটাও বেশ উল্লসিত হইয়া উঠিয়াছিল। কিন্তু নিধির মন মোটেই প্রসন্ন ছিল না। আজ সারাদিন তাহার আহার হয় নাই—উপরন্তু এই গরু বিক্রয় ব্যাপারটিতেও তাহার মনটা বিশেষ ভাল ছিল না। কিন্তু সেদিকে নিতান্ত স্বার্থপর জগন্নাথের জ্রুৎপও ছিল না।

কথায় কথায় নিধির বাড়ীর কথা উঠিল এবং সেট প্রসঙ্গে তাহার বিধবা ভগ্নীর কথাও হইল। তাহাকে সে ছ’বেলা ছ’ মুঠা ভাতও দিতে পারিতেছে না—নিতান্ত দুঃখিত চিত্তে নিধি এ কথাও বলিয়া ফেলিল।

জগন্নাথ গুড়্যার তখন নিতান্ত খোস মেজাজ। সে সহসা তাহার নাতনীর বয়সী নিধির বোনের সন্ধকে একটা কুৎসিত ইঙ্গিত করিয়া বসিল। নিধি যদি তাহার বোনকে তাহারই আশ্রয়ে পাঠায়—তাহা হইলে তো তাহার অন্নের অভাব হয় না। আর গ্রামের মধ্যে এ ব্যাপার তো চলিতই রহিয়াছে। দীনদুঃখীর মেয়ের বিধবা হইয়া ঐ ভাবে পড়িয়া থাকিলে চলিবে কেন?

দপ করিয়া নিধির মাথায় আগুন জলিয়া উঠিল। এতদিনকার ধুমায়িত বহি এইবার আর বাধা মানিল না। এই নিবিড় সন্ধ্যার নির্জন পথের মাঝে নিধি গুড়্যার পোর গলা টিপিয়া ধরিল। তাহার এমন শক্তি অবশিষ্ট রহিল না যে সে চীৎকার করিয়া উঠে।

স্বুধিত শার্দূলের মত ভয়ঙ্কর হইয়া নিধি, তাহাকে ভূপাতিত করিয়া ফেলিয়া বলিল—“তোার বদমারেসির শাস্তি

আমি নিছি। গ্রামের লোকের উপর বিনা দোষে শাস্তি দেওয়া আমি বের করছি। তোকে গ্রামে মারবো না— কিন্তু এমন শাস্তি দেব যে চিরদিন মনে থাকবে।”

গলা টিপিয়া ধরিতেই জগন্নাথের জিত্ত বাহির হইয়া পড়িয়াছিল। নিধির হাতে একখানি ‘কাস্তে’ ছিল। কথা ছিল কিরিবার পথে কিছু কাঁচা ঘাস সংগ্রহ করিয়া

লইয়া যাইবে। সেই অঙ্গ দিয়া নিধি তাহার জিহবার আধখানি কাটিয়া লইল। তার পর জগন্নাথ গুড়াকে ছাড়িয়া দিয়া কহিল—“এই তোমার পাপের শাস্তি। এইবার গ্রামে ফিরে যা! গরীব দুঃখীকে পা দিয়ে মাড়াতে এইবার তোমার সরম লাগবে।” এই বলিয়া নিধি ভগ্ন পথ ধরিয়া দ্রুতবেগে চলিয়া গেল।

## উৎকল-অভিযান ও খুর্দা-বিদ্রোহ

শ্রীহরিচরণ বসু

(১) উৎকল-অভিযান

উৎকল বা উড়িষ্যা প্রদেশ ভারতবর্ষের পূর্ব-উপকূলে অবস্থিত। ইহা প্রাচীন কলিঙ্গ রাজ্যের অন্তর্ভুক্ত ছিল। অনেকে বলেন যে, প্রাচীন উড় বা ওড়্র দেশই বর্তমান উড়িষ্যা; কিন্তু তাঁহাদের এই উক্তি সমীচীন নহে। পূর্বঘাট পর্যন্ত এবং বঙ্গোপসাগরের মধ্যবর্তী ভূখণ্ড, যাহার উত্তর সীমা কপিশা নদী এবং দক্ষিণ সীমা ভিজিগাপত্তন, তাহাই প্রাচীন কলিঙ্গ রাজ্য বলিয়া সিদ্ধান্ত হইয়াছে। (১) এবং ইহাই বর্তমান উড়িষ্যা। এই কপিশা নদীই এখনকার সুবর্ণরেখা নদী। কেহ কেহ মেদিনীপুর জেলার কংশাবতী বা কাঁশাই নদীকে প্রাচীন কপিশা নদী বিবেচনা করেন।

কটক এই উড়িষ্যা প্রদেশের রাজধানী। যে কলিকাতা আজ শোভা-সৌন্দর্য্যে ও ঐশ্বর্য্যে ব্রিটিশ সাম্রাজ্যের দ্বিতীয় নগরী বলিয়া জগতে বিঘোষিত হইয়াছে, তাহার সৃষ্টির বহু শত বৎসর পূর্ব হইতে কটকের নাম ইতিহাসে সুপরিচিত। (২৪১—২৫৩ খৃঃ অঃ) নৃপেন্দ্রকেশরী উড়িষ্যার রাজা ছিলেন। তিনিই এই কটক সহর নির্মাণ করেন। কটক সহরের প্রায় ১২ মাইল পশ্চিমে মহানদী দুই শাখায় বিভক্ত হইয়াছে; এক শাখার নাম মহানদী এবং অপর শাখার নাম কাটজুড়ী। কাটজুড়ী কটকের দক্ষিণ পার্শ্ব দিয়া এবং মহানদী উত্তর পার্শ্ব দিয়া প্রবাহিত হইয়া পূর্ব দিকে আরও

কিছু দূর গিয়া পুনরায় মিলিত হইয়াছে। এই দুই নদীর মধ্যস্থলে কটক সহর নির্মিত হইয়াছে। বর্ষাকালে এই দুই নদীর ভয়ঙ্কর জল-প্রাবন হইতে নগর রক্ষার্থ কটকের চারিদিকে উচ্চ বাঁধ আছে। নৃপেন্দ্রকেশরীর পুত্র মকরকেশরী (২৫৩—২৬১ খৃঃ অঃ) এই বাঁধ প্রস্তুত করেন। ইহা অতি স্থূল ভাবে নির্মিত ও অধিকাংশ স্থলে প্রস্তর দ্বারা গাঁথা। কাটজুড়ীর ধারের বাঁধ প্রায় ২৬ ফিট উচ্চ।

ষষ্ঠ শতাব্দী হইতে ষোড়শ শতাব্দী পর্যন্ত উড়িষ্যা প্রদেশ হিন্দু রাজাদের অধীন ছিল। ৫৮৪ খৃঃ অঃ কেশরী-বংশীয় রাজা যযাতিকেশরী রক্তবাহু বংশীয় যবন রাজাদিগকে পরাস্ত করিয়া উড়িষ্যা স্বাধীন করেন। ইনি ভুবনেশ্বরের মন্দিরও নির্মাণ করিতে আরম্ভ করেন। ইহার পরে রাজা অলাবুকেশরী (৬২৩—৬৭৭ খৃঃ অঃ) উক্ত মন্দির সম্পূর্ণ করেন। রাজা অনঙ্গ ভীমদেব (১১৭৫—১২০২ খৃঃ অঃ) পুরীতে জগন্নাথ দেবের বর্তমান মন্দির নির্মাণ করিয়াছেন।

১৫৬৮ খৃঃ অঃ আফগান সেনাপতি সোলেমান কার্ণানী উড়িষ্যা আক্রমণ করেন এবং জাজপুরে হিন্দুরাজ মুকুন্দদেবকে যুদ্ধে পরাস্ত ও নিহত করিয়া উড়িষ্যার রাজা হন। ছয় বৎসর রাজত্ব করার পর ১৫৭৪ খৃঃ অঃ মোগল সেনাপতি মমিন খাঁ ও রাজা টোডরমল্ল উড়িষ্যায় আগমন করেন এবং জলেশ্বরের নিকট মোগলমারীতে ‘আফগান-রাজ’ দাউদ খাঁকে পরাজিত করিয়া উড়িষ্যা মোগল-সাম্রাজ্যভুক্ত করিয়া

(1) Vide Journal of the Asiatic Society of Bengal, (1897-98)

১৫৮০ খৃঃ অঃ সেনাপতি রাজা জয়সিংহ এবং রাজা চৌডরমল উড়িষ্যা প্রদেশের জমিদারীগম্ভের বন্দোবস্তের জন্ত উড়িষ্যার আগমন করেন। তাঁহারা মৃত রাজা মুকুন্দ-দেবের পুত্র রামচন্দ্র দেবকে খুর্দার রাজা করেন। এবং খুর্দা প্রদেশের সহিত লিখি, রহং, সেরাই ও চৌবিশ কুড—এই চারি পরগণার জমিদারী প্রদান করেন। এই রামচন্দ্র দেবই বর্তমান খুর্দা রাজবংশের আদিপুরুষ। ইনি ১৫৮০ খৃঃ অঃ হইতে ১৬০৭ খৃঃ অঃ পর্যন্ত রাজত্ব করিয়াছিলেন। (২) খুর্দার রাজগণ নিরীক্সবাদের মোগল বাদশাহ প্রদত্ত উক্ত জমিদারী ১৭৬১ খৃঃ অঃ পর্যন্ত ভোগ করিয়া আসিতে-ছিলেন। তাঁহাদের পূর্ব গৌরবাসিত উপাধি “শ্রী উৎকলেশ্বর গজপতি মহারাজ” পরিত্যাগ করিয়া এক্ষণে তাঁহারা “উড়িষ্যা মহারাজ” বলিয়া অভিহিত হইয়া থাকেন।

উড়িষ্যা মোগলদিগের অধীন হইলেও পাঠানগণ মধ্যে মধ্যে উড়িষ্যার আসিয়া মোগল শাসনকর্তাদিগকে দুরীভূত করিয়া আপনারা রাজা হইতেন। ১৬১৮ খৃঃ অঃ মোগলগণ পাঠানদিগকে সম্পূর্ণরূপে পরাস্ত করিয়া উড়িষ্যা পুনর্বার দখল করেন। এই বৎসর হইতে ১৭৫১ খৃঃ অঃ পর্যন্ত উড়িষ্যা মোগল-সাম্রাজ্যের অন্তর্ভুক্ত থাকে। পাঠানগণ আর কোনরূপ অত্যাচার করেন নাই। প্রায় দুই শত বৎসর পাঠান ও মোগলগণ উড়িষ্যার রাজত্ব করিয়াছিলেন। ইহাদের রাজত্বকালে অর্থাৎ সপ্তদশ শতাব্দীর মধ্যভাগে ওলন্দাজ, দিনেমার, ফরাসী ও ইংরাজ বণিকগণ উড়িষ্যার আসিয়া কুঠী নির্মাণ করেন। ইহা হইতে অসুখমান হয়, উড়িষ্যা প্রদেশ ঐ সময় বাণিজ্যের জন্ত বিশেষ সমৃদ্ধি লাভ করিয়াছিল। ১৬৩৪ খৃঃ অঃ ইংরাজ বণিকগণ সুবর্ণরেখা নদীর মুখে পিপলী নামক স্থানে প্রথম কুঠী নির্মাণ করেন; এবং পরে ১৬৪২ খৃঃ অঃ বাগেশ্বরেও ঐরূপ কুঠী নির্মাণ করিয়াছিলেন। (৩)

১৭৫১ খৃঃ অঃ মোগল রাজপ্রতিনিধি আলিবর্দী খাঁ মারহাট্টাদের পুনঃ পুনঃ আক্রমণ হইতে দেশ রক্ষা করিতে অসমর্থ হইয়া উহাদের সহিত সন্ধি করেন; এবং উড়িষ্যা প্রদেশ মারহাট্টাদিগকে অর্পণ করেন। সুবর্ণরেখা নদী

উড়িষ্যার উত্তর-সীমা নির্দিষ্ট হয়। মারহাট্টাগণ এইরূপে উড়িষ্যার অধিকার প্রাপ্ত হইলে, ১৭৬১ খৃঃ অঃ মারহাট্টা সুবেদার শিউভট সাহিব্রা মোগল প্রদত্ত লিখি, রহং প্রভৃতি চারিটা পরগণা খুর্দা হইতে বিযুক্ত করিয়া নিজেদের দখলে রাখেন, কিন্তু খুর্দা তালুক ১৮০৪ খৃঃ অঃ পর্যন্ত রাজাদের দখলে থাকে। (৪) এই সময় বীরকৃষ্ণ দেব খুর্দার রাজা ছিলেন। মারহাট্টাগণ অষ্টদশতাব্দী উড়িষ্যার রাজত্ব করিয়াছিলেন। পরে ১৮০৩ খৃঃ অঃ উহা ইংরাজ অধিকার-ভুক্ত হয় এবং আজ পর্যন্ত উহা ইংরাজ অধিকারেই আছে।

বিখ্যাত ইংরাজ সেনাপতি Sir Arthur Wellesley—যিনি পরে ডিউক অব ওয়েলিংটন উপাধিতে ভূষিত হইয়া ইয়োরোপের প্রসিদ্ধ ওয়ারটারলুর রণক্ষেত্রে ফ্রান্স-সম্রাট অধিতীয় বীর নেপোলিয়ন বোনাপার্টিকে যুদ্ধে পরাস্ত করিয়া জগতে যশস্বী হইয়াছেন—১৮০৩ খৃঃ অঃ ভারতবর্ষে বিপুল বাহিনী পরিচালনা করিয়া আসাই ও ওয়ারগামের যুদ্ধক্ষেত্রে সিক্কিম ও ভোঁসলা রাজকে পরাস্ত করিয়া মারহাট্টা-শক্তি বিধ্বস্ত করিয়া দেন। এই যুদ্ধের ফলে সমুদ্রতীরস্থ উড়িষ্যা প্রদেশ মারহাট্টাদের অধিকার হইতে বিচ্যুত হইয়া ইংরাজ-সাম্রাজ্যভুক্ত হয়। কিন্তু আসাই প্রভৃতির যুদ্ধের সহিত তুলনার উৎকল-অভিযান অতি সামান্ত ঘটনা মনে করিয়া ঐতিহাসিকগণ ইহার বিবরণ প্রদান করেন নাই, কেবল ইহার উল্লেখ করিয়াই ইতিহাসের মর্যাদা রক্ষা করিয়া গিয়াছেন। এই অভিযান সামান্ত হইলেও ইহার মূল্য কিন্তু অনেক অধিক। ১৭৫৭ খৃঃ অঃ পলাশীর যুদ্ধে জয়লাভ করিয়া লর্ড ক্লাইব বঙ্গ ও বিহার অধিকার করেন এবং ইংরাজের প্রভাব ভারতবাসীকে জানাইয়া দেন। সেইরূপ ১৮০৩ খৃঃ অঃ উৎকল অভিযানে জয়লাভ করিয়া লর্ড ওয়েলেসলী উড়িষ্যা প্রদেশ অধিকার করেন এবং ব্রিটিশ প্রভাব আরও বাড়াইয়া দেন। এই অভিযানের ফলে ১৬ লক্ষ টাকা আয়ের ২৪ হাজার বর্গ মাইল বিস্তৃত প্রদেশ তিন লক্ষ অধিবাসী সহ ইংরাজ অধিকারে আইসে; এবং এই অভিযান হেতু উড়িষ্যার বহু বাজালী জমীদারের সৃষ্টি হয়। এই অভিযানের সংক্ষিপ্ত বিবরণ প্রদান করাই

(২) Vide Toynbee's Account of Orrisa.

(৩) Hunter's Orissa.

(৪) Toynbee's Account of Orissa.



এই প্রবন্ধের উদ্দেশ্য। ইহা পাঠকবর্গের অশ্রীতিকর হইবে না মনে করি।

মারহাট্টাগণ উড়িষ্যার রাজ্য প্রাপ্ত হইয়াও বঙ্গদেশে অত্যাচার করিতে ক্ষান্ত থাকিত না। তাহাদের অধারোহাগণ মধ্যে মধ্যে বাঙ্গালাদেশে আসিয়া গ্রাম লুণ্ঠন ও অধিবাসীদিগকে ধৃত করিয়া লইয়া যাইত। ইহাই বঙ্গদেশে "বগার হাঙ্গামা" বলিয়া প্রসিদ্ধ। তদানীন্তন রাজ-প্রতিনিধি লর্ড ওয়েলেস্লী দেখিলেন যে, মারহাট্টা শক্তি নষ্ট না করিতে পারিলে, এবং উৎকল হইতে মারহাট্টাদিগকে দূরীভূত করিয়া না দিলে বঙ্গ ও বিহারে শান্তি স্থাপন দুর্ঘট। এইজন্য তিনি তাঁহার ভ্রাতা আর্থারকে বিপুল বাহিনী ও প্রভূত ক্ষমতা প্রদান করিয়া দাক্ষিণাত্যে প্রেরণ করেন, এবং উৎকল-অভিযান জন্য নিম্নলিখিত সৈন্যদল গঠন করিয়া মাদ্রাজ প্রেসিডেন্সীর অন্তর্গত গঞ্জাম সহরে একত্র হইতে আদেশ প্রদান করেন।

- (১) 1st. Madras Fusiliers
- (২) H. M. S. 22 Regiment
- (৩) 20th Bengal Native Infantry
- (৪) 9th or 19th Regiments & Madras Native Infantry
- (৫) A small force of Artillery

কর্ণেল হারকেট এই দলের অধিনায়ক এবং জন মেগবিল সি, এস, কমিশনার নিযুক্ত হইয়া অভিযানের সঙ্গ যাইতে আদিষ্ট হইয়াছিলেন। (৫)

অভিযানের পূর্বে সমর-সভা হইতে স্থির হয় যে, কটক অধিকার করিয়া উপরিউক্ত সৈন্য দলের কতক অংশ তথায় অবস্থিত করিবে, এবং অবশিষ্ট সৈন্য বারমূল গিরিবর্ষ ভেদ করিয়া বেরারে সেনাপতি ওয়েলেস্লীর সহিত মিলিত হইবে। বঙ্গদেশ হইতেও এই অভিযানের সাহায্য জন্য ৬২১৬ জন সৈন্য প্রেরিত হইবে। ইহাদের মধ্যে ৮৫৪ জন জলেশ্বর অধিকার করিবে, এবং ৫২৮ জন বালেশ্বর অধিকার করিয়া তথায় অবস্থিত করিবে, এবং অপর ১৩০০ জন মেদিনীপুরে শিবির স্থাপন করিয়া ভোঁস্গা রাজার অশ্বারোহী-দলের গতিরোধ করিবে,

ও ইংরাজ সৈন্যদের সম্মুখভাগ রক্ষা করিবে; এবং আবশ্যক হইলে ইহারা জলেশ্বর ও বালেশ্বরের সৈন্যদলেরও সাহায্য করিতে পারিবে। অবশিষ্ট সৈন্য মাদ্রাজ হইতে আগত সৈন্যের সহিত মিলিত হইয়া একযোগে কার্য্য করিবে। (৬)

এই সমস্ত বন্দোবস্ত করিয়া সেনাপতি ওয়েলেস্লী বেরারে মারহাট্টাদের বিরুদ্ধে গমন করেন। কর্ণেল হারকেট ১৮০৩ খৃঃ অঃ ৮ সেপ্টেম্বর গঞ্জাম হইতে সসৈন্য কটকাভিমুখে যাত্রা করেন। তাঁহার সঙ্গে রশদবাহী ৩০০ শকট এবং আহতদিগকে বহন করিবার জন্য ৪০০ ডুলি ছিল। সৌভাগ্যবশতঃ এই ডুলির কোনই আবশ্যকতা হয় নাই। সেনাপতি স্থানীয় জমিদারদিগকে রশদ সংগ্রহ জন্য আদেশ প্রদান করিলে তাহারা উহা সংগ্রহ না করিয়া পরদিন প্রাতে ১৪৫০০০ টাকা প্রদান করিয়াছিল। সেনাপতি প্রথম দিন গঞ্জাম ও উড়িষ্যার সীমান্তবর্তী প্রয়াগ নামক গ্রামে উপস্থিত হইয়া রাত্রি-গণ করেন। পরদিন তাঁহার সৈনিকদল চিল্কা হ্রদ ও সমুদ্র-মধ্যবর্তী উপকূল দিয়া গমন করিতে থাকে। ১৫ই তারিখে তাহারা মাণিকপত্তনে উপস্থিত হয়। (৭) মারহাট্টাগণ ইহাদের উপস্থিতির পূর্বেই ঐ স্থান পরিত্যাগ করিয়া চলিয়া গিয়াছিল।

(৬) Vide Hunter's Orissa, vol. II.

(৭) মাণিকপত্তন নামের উৎপত্তি সম্বন্ধে একটা কিম্বদন্তী এদেশে প্রচলিত আছে। রাজা পুরুষোত্তম দেব কোন সময়ে কাঞ্চী নগরের রাজ্যকে জয় করিবার জন্য যাত্রা করেন। এই মহাস্থায় ভক্তির বশবর্তী হইয়া সন্ধ্যায় শ্রীজগন্নাথদেব ও শ্রীবলভদ্রদেব উৎকল রাজ্যের পক্ষে যথাক্রমে গুরু ও কৃষ্ণ বর্ণের তুরঙ্গোপরি আরোহণ করিয়া যাত্রা করেন এবং প্রচ্ছন্নভাবে সৈনিকবেশে যুদ্ধস্থলে উপস্থিত হন। রাজা এই ঘটনার বিষয়ে কিছুই জানিতেন না। কর্ণাটদেশ জয় করিয়া প্রত্যাবর্তনকালে জগন্নাথ ও বলরাম মাণিক্য নামী এক গোয়ালিনীর নিকট হইতে জগন্নাথ দেবের হস্তস্থিত অঙ্গুরীয়ক বন্ধক দিয়া দধি ক্রয় করেন এবং গোয়ালিনীকে বলেন যে পশ্চাতে যে রাজা আসিতেছেন তাঁহার নিকট হইতে অঙ্গুরী ফেরৎ দিয়া দধির মূল্য লইবে। উত্তরে প্রস্থান করিলে রাজা তথায় আসিয়া গোয়ালিনীর নিকট সমস্ত অবগত হইলেন। তখন তিনি ভক্তিতে আশ্রয় হইলেন এবং গোয়ালিনীকে ধন্য মনে করিতে লাগিলেন। সেই দিন হইতে ঐ গোয়ালিনীর নামানুসারে উক্ত গ্রামের নাম মাণিক্যপত্তন হইয়াছে এবং এই নাম এখনও প্রচলিত আছে।

(৫) Mill's History of British India, vol. iv.

১৬ ও ১৭ তারিখে ইংরাজ সৈন্য চিলুকা হ্রদের মুখে, সমুদ্রের সহিত সংযোগস্থল পার হইয়া নৃসিংহপত্তনে শিবির স্থাপন করিয়া অবস্থিতি করিতে লাগিল। মারহাট্টাদের অত্যাচারে স্থানীয় জমিদারগণ ও অধিবাসীবর্গ এতই উৎপীড়িত হইয়াছিল যে, ইংরাজদের আগমনে তাহারা অত্যন্ত আনন্দিত হইয়াছিল এবং কেহই উর্দাদের কোনরূপ প্রতিকূল আচরণ করে নাই, বরং সাহায্যই করিয়াছিল। এই সময় মালুদের জমিদার ক্ষতে মহম্মদ ইংরেজদের অনেক সাহায্য করিয়াছিলেন। এই উপকারের জন্য কমিশনার সাহেব বিনা করে ঐ জায়গীর তাঁহাকে ও তাঁহার উত্তরাধিকারীগণকে ভোগ করিবার সনন্দ প্রদান করেন। ১৮০৫ সালের ১২ আইনের ৩৪ ধারা মত কোম্পানি উহা মঞ্জুর করেন।

১৮ সেপ্টেম্বর সৈনিকদল নৃসিংহপত্তন পরিত্যাগ করিয়া পুরী প্রবেশ করেন। এখানেও মারহাট্টা গণ কোনরূপ প্রতিকূলতাচরণ করে নাই। এই সময় ব্রহ্মণ ও মন্দিরের পুরোহিতগণ আসিয়া সেনাপতির শরণাপন্ন হন, এবং মন্দিরের কর্তৃত্ব ইংরাজদিগকে প্রদান করিয়া উহার রক্ষার জন্য অমুরোধ করেন। সেনাপতি দুই দিন এখানে বিশ্রাম করিয়াছিলেন। ইহার পরে জগন্নাথ দেবের মন্দির ও বিগ্রহের ধনসম্পত্তি রক্ষার জন্য একদল হিন্দু সিপাহী পুরীতে রাখিয়া ২০ সেপ্টেম্বর তিনি কটক অভিমুখে অগ্রসর হন। এই সময় ইংরাজ সৈন্যদিগকে নানাবিধ ক্লেশ ভোগ করিতে হইয়াছিল। পুরী হইতে কটকে যাওয়ার যে সমস্ত গ্রাম্য রাস্তা ছিল, তাহা জল ও কর্দম পূর্ণ থাকায় কামান ও আহাৰ্য্য দ্রব্যের গাড়ীর গমনে বিলম্ব ও অন্ত্রবিধা হইতে লাগিল। ইহার উপর মারহাট্টা অশ্বারোহীগণ মধ্যে মধ্যে ইংরাজদিগকে আক্রমণ করিয়া ব্যতিব্যস্ত ও ক্ষতিগ্রস্ত করিতে লাগিল। এই জন্য সেনাপতিকে অতি সতর্কতার সহিত অগ্রসর হইতে হইয়াছিল। তিনি ১৪ দিনে অর্থাৎ ৪ অক্টোবরে পুরী হইতে ২০ মাইল দূরস্থ মুকুন্দপুর গ্রামে উপস্থিত হইতে সমর্থ হইয়াছিলেন। এইখানে মারহাট্টাদের সহিত তাঁহার এক যুদ্ধ হয়। সংখ্যায় মারহাট্টাগণ অধিক থাকিলেও তাহারা অবশেষে যুদ্ধে পরাকৃত হইয়া খুঁড়ার জঙ্গলে পলায়ন করে। ইহার পরে মারহাট্টাগণ আর কোনরূপ বাধা প্রদান করে নাই। এখান হইতে রাস্তাও

সুগম হওয়ার সেনাপতি মুকুন্দপুরের যুদ্ধের কয়েক দিন পরেই কাটজুড়ীর দক্ষিণ তীরে উপস্থিত হইয়াছিলেন।

এইস্থানে ইংরাজ-সেনাপতিকে অন্য এক অন্ত্রবিধার পড়িতে হইয়াছিল। কাটজুড়ী পার হওয়ার জন্য কোন নৌকা ছিল না। যে ব্যক্তি এই ঘাট পারাপারের জন্য মারহাট্টাদের নিকট হইতে জায়গীর ভোগ করিতেছিল, সে ব্যক্তি ইংরাজ সৈন্য আসিতেছে সংবাদ পাইয়া নৌকা সহ কোথায় যে লুক্কায়িত হইয়াছিল, বহু অমুসন্ধানেও তাহা জানিতে পারা যায় নাই। ইংরাজ সৈন্য অগত্যা নদী পার হইতে অসমর্থ হইয়া কাটজুড়ীর দক্ষিণ তীরে আত্র বাগানে আসিয়া তাহা স্থাপিত করিয়া রহিল। অবশেষে উক্ত জায়গীরদারের একজন মাঝীর সন্ধান পাইয়া তাহাকে আনা হইল। সেই ব্যক্তি নৌকার বন্দোবস্ত করিয়া সৈন্যদিগকে পার করিয়া দিয়াছিল। এই কার্যের জন্য মারহাট্টা প্রদত্ত জায়গীর উক্ত মাঝীকে অস্থায়ী ভাবে প্রদান করা হয় এবং পূর্বতন জায়গীরদারের মৃত্যু হইলে উক্ত মাঝী স্থায়ী রূপে উক্ত জায়গীর প্রাপ্ত হইয়াছিল।

সৈন্যদল নিরাপদে নদী পার হইয়া ১৮০৩ খৃঃ অঃ ১০ অক্টোবর কটক সহরে প্রবেশ করিয়া উহা অধিকার করিয়া লইল, এবং কাটজুড়ীর উত্তর তীরে রামবাগে (৮) শিবির স্থাপন করিয়া অবস্থিতি করিতে লাগিল। সেনাপতি সহরে প্রবেশ করিয়া দেখেন যে, সমস্ত গৃহই উন্মুক্ত-দ্বার এবং অধিবাসীশূন্য। নগরবাসীগণ এই সময় ইংরাজ-ভয়ে ভীত হইয়া কটকের ১০ মাইল উত্তরে মহানদী তীরস্থ টাঙ্গা নামক স্থানে পলায়ন করিয়াছিল, এবং কমিশনারদের অভয়বাণী ঘোষণা না হওয়া পর্যন্ত তাহারা প্রত্যাগমন করে নাই। যদি তাহারা সহরে উপস্থিত থাকিয়া ইংরাজ-সেনাদের পশ্চাৎভাগ আক্রমণ করিত অথবা প্রবেশকালে গৃহের ছাদ হইতে ইংরাজদের উপর গোলা বর্ষণ করিত, তাহা হইলে ইংরাজদের অবস্থা অতীব সঙ্কটাপন্ন হইত সন্দেহ নাই। যাহা হউক ইংরাজ-সেনাপতি প্রকৃত সতর্কতা অবলম্বন

(৮) এই বাগান ও উদ্যান-বাটী ১৫৭৮ খৃঃ অঃ জাহাঙ্গীর বাদশাহের সময় নির্মিত হয়। মারহাট্টা অধিকারকালে তাঁহাদের স্থানীয় শাসনকর্তাগণ এই বাগানে বাস করিতেন। ইহাকে অনেকে লালবাগও বলিয়া থাকে।

পূর্বক অগ্রসর হইতে লাগিলেন এবং কামান আনিয়া পৌছিলে দুর্গ অবরোধ করিয়া ফেলিলেন।

এই দুর্গ বারাণসী (Barabaty) দুর্গ নামে খ্যাত। ইহা ত্রয়োদশ শতাব্দীতে উড়িষ্যার গজপতি-বংশের শেষ রাজা অনঙ্গভৌম দেব কর্তৃক নিৰ্মিত হইয়াছিল। কেহ কেহ বলেন ইহা কেশরী রাজবংশ কর্তৃক নিৰ্মিত। যিনিই নিৰ্মাণ করুন, ইহার গঠন-সৌন্দর্য্য দর্শন করিয়া ইহাকে হিন্দু-স্থাপত্যের সুন্দর নিদর্শন বলিতে পারা যায়। ইহার Square sloping Towers or Bastions উক্ত অমুমানই সমর্থন করে। মারহাট্টা বা মুসলমান শাসনকর্তৃগণ কেবল মাত্র ইহার উত্তর-পশ্চিম কোণে একটা প্রাচীর নিৰ্মাণ এবং পূর্ব দিকে একটা বৃহৎ খিলান-সম্বিত তোরণ প্রস্তুত করিয়াছিলেন। পারশ্ব ভাষায় লিখিত যে শিলালিপি এখানে আছে, তৎপাঠে জানা যায় যে, ১৭৫০ খৃঃ অঃ উহা নিৰ্মিত হইয়াছিল। দুর্গে দুই সারি প্রস্তর-নিৰ্মিত প্রাচীর আছে। উহার মধ্যস্থ প্রাঙ্গণ ২১৫০ x ১৮০০ ফিট। ইহার মধ্য হইতে একটা বৃহৎ চতুষ্কোণাকৃতি স্তম্ভ উর্দ্ধে উখিত হইয়াছে এবং তাহার উপর একটা সুন্দর ধ্বজপিঠ নিৰ্মিত আছে। নদীর তীরে প্রস্তর-নিৰ্মিত উচ্চ প্রাকার থাকা হেতু মহা-নদীর অপর তীর হইতে ইহার সুদৃঢ় প্রাকার অতি সুন্দর পরিদৃশ্যমান হয়। বিখ্যাত ভ্রমণকারী M. Motto যখন ১৭৬৭ খৃঃ অঃ এই প্রদেশ ভ্রমণে আনিয়াছিলেন, তখন তিনি এই দুর্গ দর্শন করিয়া অত্যন্ত মুগ্ধ হইয়াছিলেন এবং উহাকে Castleএর অরূপ বলিয়া বর্ণনা করিয়া গিয়াছেন। (i) অধুনা গবর্ণমেন্টের পূর্ত-বিভাগের স্মরণে ইহার আর সে শ্রী নাই। ইহার প্রাচীরের প্রস্তর-খণ্ড সকল হাসপাতাল, সমুদ্রতীরস্থ আলোকস্তম্ভ এবং অন্যান্য সরকারী বাটী নিৰ্মাণের জন্ত গ্রহণ করা হইয়াছে। ইহা এখন ভগ্ন মূর্তিকাস্থপে পণিত হইয়া আছে। কেবল মাত্র পূর্বদিকের খিলান সম্বিত তোরণস্থার এবং একটা সুন্দর প্রাচীন মসজিদ বর্তমান থাকিয়া অতীত যুগের স্থাপত্যের পরিচয় প্রদান করিতেছে। এই মসজিদ "ফতে খাঁ রহমান" নামে উক্ত হয়।

১৪ অক্টোবর প্রাতে দুর্গ হইতে ৫০০ গজ দূরে কামান সংস্থাপন করিয়া ইংরাজ-সৈন্য দুর্গোপরি গোলাবর্ষণ আরম্ভ করে। মারহাট্টাগণও নিস্তরু ছিল না। এই দুর্গ প্রস্তর-নিৰ্মিত ও ইহার চতুর্দিকে একটা পরিখা ছিল। উহার বিস্তার ৩৫ হইতে ১৩৫ ফিট। দুর্গে প্রবেশের জন্ত একটা সামান্ত অপ্রশস্ত সেতু উহার উপর নিৰ্মিত ছিল। বেলা অমুমান ১১টার সময় দুর্গের কামান নিস্তরু হইলে, ইংরাজ ও দেশীয় সৈন্যগণ ক্রতপদে দুর্গাভিমুখে অগ্রসর হইয়া সেতুপার হইতে আরম্ভ করিলে পুনরায় দুর্গ হইতে প্রচুর গোলাবর্ষণ আরম্ভ হইল। ইহাতে ইংরাজ সৈন্য ভীত বা পশ্চাৎপদ না হইয়া অসীম সাহসে দুর্গ-প্রাচীরের সমীপস্থ হইল; এবং অর্ধঘণ্টা কাল গোলা-বর্ষণের পর প্রাচীরের কিয়ৎ অংশ ভগ্ন করিয়া ফেলিল। উক্ত ভগ্ন স্থান দিয়া একজন মনুষ্য অতি কষ্টে প্রবেশ করিতে পারে। সর্বপ্রথমে ইংরাজ সৈন্য ও তাহাদের পশ্চাতে দেশীয় সৈন্যগণ একে একে দুর্গ-মধ্যে প্রবেশ করিয়া ক্রত ধাবমান হইয়া মারহাট্টাদিগকে আক্রমণ করিল। মারহাট্টাগণ অল্পক্ষণ ইংরাজদের সহিত যুদ্ধ করিয়া বহু ক্ষতিগ্রস্ত হইল। এই অবস্থায় তাহারা হত ও আহতদিগকে পরিত্যাগ করিয়া দুর্গ ত্যাগ করিয়া পলায়ন করিতে আরম্ভ করিল। বৃটিশ বৈজয়ন্তী তখন সগর্বে দুর্গোপরি উড্ডায়মান হইয়া ইংরাজ গজের বিজয় ঘোষণা করিয়া দিল।

এদিকে কটক অধিকারের পূর্বেই বালেশ্বরও ইংরাজ কর্তৃক অধিকৃত হইল। ইংরাজ-সেনা আহাৰ্যাদি সমস্ত লইয়া নৌকাযোগে বালেশ্বর সহরের ৪ মাইল দূরে আনিয়া উপস্থিত হইল, এবং তথায় অবতরণ করিয়া ক্রমে দুর্গাভি-মুখে অগ্রসর হইতে লাগিল। ২১ সেপ্টেম্বর এই সেনাদল নানাবিধ বাধা বিঘ্ন অতিক্রম করিয়া বালেশ্বরে উপস্থিত হইল, এবং দুর্গ-প্রাচীর ও সেই সঙ্গে ফৌজদার কর্তৃক অধিকৃত ভগ্ন ইংরাজ কুঠী অর্চিরেই হস্তগত করিয়া লইল। জলেশ্বরে যে সমস্ত সৈন্য ছিল, তাহারা ২৩ সেপ্টেম্বর তথা হইতে যাত্রা করিয়া ৪ অক্টোবর নিৰ্বিব্র বালেশ্বরে উপস্থিত হইল। ১০ অক্টোবর ৮১৬ জন সৈন্য গবর্ণর জেনারেলের আদেশ মত সেনাপতি হারকোর্টের সহায়তার জন্ত কটকে গমন করিয়াছিল।

এইরূপে উড়িষ্যার তিনটা দেশই অধিকার করিয়া পূর্ব

(\*) Stirling's Account of the Fort as noted in Toynbee's Account of Orisa.

বন্দোবস্ত অনুসারে মেজর ফরবেস ( Major Forbes ) কিয়দংশ সৈন্য লইয়া বারমল গিরিসঙ্কট অভিমুখে অগ্রসর হইলেন ; এবং কর্নেল হারকোর্ট ( Colonel Harcourt ) অপর কতক সৈন্য লইয়া পাটামুণ্ডী হইয়া কুজংএর বিরুদ্ধে যাত্রা করেন। এই রাজা খুর্দা এবং কণিকার রাজার সহিত গোপনে ইংরাজদের বিরুদ্ধে ষড়যন্ত্রে লিপ্ত হইয়াছিলেন। ইংরাজ-সেনার আগমন সংবাদে ইনি পলায়ন করেন। ইহার চোষ্ঠ ভ্রাতা পারাডিপে কারাক্ক ছিলেন ; ইংরাজ সেনাপতি তাঁহাকে কারামুক্ত করিয়া সিংহাসনে স্থাপিত করেন এবং পলায়িত রাজাকে ধৃত করিবার জন্ত প্রচুব পুষ্কার ঘোষণা করিয়া দেন। অল্প দিন পরে ইনি ধৃত হইলে ইহাকে কটকে কারাক্ক করিয়া রাখা হয়। ইহার দুর্গ ভূমিসাৎ এবং যে সমস্ত কামান তথায় পাওয়া গিয়াছিল তাহা কটকে প্রেরিত হয়। এই কামানের মধ্যে E. I Company নামাঙ্কিত দুইটা পিস্তলের কামান ছিল।

কটকে প্রত্যাভর্তন করিবার পূর্বে সেনাপতি হারকোর্ট কণিকা এবং হরিণপুরের রাজাদের বিরুদ্ধে যাত্রা করেন এবং তাঁহাদিগকে যুদ্ধে পরাস্ত করিয়া তাহাদের দুর্গগুলি ভূমিসাৎ করিয়া দেন, এবং যে সমস্ত কামান তথায় পাওয়া গিয়াছিল সেগুলিকে কটকে পাঠাইয়া দেন।

যখন পূর্ব-উপকূলে এই সমস্ত ঘটনা হইতেছিল তখন মেজর ফরবেস পার্কট্য ও অরণ্যসঙ্কুল রাস্তা দিয়া বারমল গিরিসঙ্কটে উপনীত হন। এখানে মারহাট্টীগণ তাঁহাদের বাধা প্রদান করে এবং অবশেষে ২রা নবেম্বর তাহারা যুদ্ধে পরাভূত হইয়া পাহাড়ের উপর দিয়া পলায়ন করে। সোনপুর ও বোদের রাজা এই সময় আসিয়া ইংরাজদের বশতা স্বীকার করেন।

এই সময় কর্নেল হারকোর্ট পূর্ব দিক হইতে আসিয়া মেজর ফরবেসের সহিত মিলিত হন। অতঃপর ইহার জেনারেল ওয়েলেস্লির সহিত বেরারে মিলিত হইবেন স্থির করিয়া উভয়ে যখন বারমল গিরিসঙ্কট ভেদ করিয়া অগ্রসর হইতেছিলেন, তখন জানিতে পারেন যে, নিকিয়া ও নাগপুরের রাজা যুদ্ধে পরাস্ত হইয়া সন্ধির প্রস্তাব করিয়াছেন। তখন তাঁহারা আর অগ্রসর না হইয়া কটকে প্রত্যাভর্তন করেন। এই সন্ধির সর্ব অনুসারে উড়িষ্যা প্রদেশ ইংরাজ-রাজ প্রাপ্ত হন। এই সন্ধি

১৮০৩ খৃঃ অঃ ১৭ ডিসেম্বর দেবগ্রামে উভয় পক্ষ কর্তৃক স্বাক্ষরিত হইয়াছিল। এই দিনে ২৩২০৭ বর্গ মাইল বিস্তৃত উড়িষ্যা প্রদেশ, ৩ লক্ষ অধিবাসী ও ১৫৮৯৭৩২ টাকা রাজস্ব চিরতরে ইংরাজ-অধিকারভুক্ত হইল।

অতঃপর সেনাপতি কটকে আসিয়াই সেনাদল বিদায় করিয়া তাহাদিগকে স্ব স্ব দেশে যাইতে অনুমতি দিয়া ছিলেন। এইরূপে যুদ্ধ শেষ হইয়া গেলে সেনাপতি হারকোর্ট মেলভিল সাহেবের সহিত একযোগে জমিদারীসমূহের রাজস্ব আদায়ের কার্যে মনোনিবেশ করিলেন। এবং এই জন্ত হাণ্টার সাহেবকে পুরী ও মেজর ফ্লেচারকে খুর্দা পাঠাইয়া দিলেন।

উড়িষ্যায় অনেক ক্ষুদ্র ও বৃহৎ জমিদার ছিলেন। ইংরাজ নামমাত্র রাজস্ব প্রদান করিয়া মারহাট্টীদের অধীনে স্বাধীন ভাবে রাজস্ব করিতেন। এই সমস্ত জমিদারীর রাজস্ব মারহাট্টীদের সময় অনুমান ১৪ লক্ষ টাকা ছিল। ইংরাজ কমিশনারগণ এই রাজস্ব বৃদ্ধি করিয়া ১৬ লক্ষ টাকা করিয়াছিলেন। জমিদারগণ ইহা প্রদান করিতে অসমর্থ হওয়ায় অনেক টাকা রাজস্ব অনাদায় পড়িয়া যায়। গবর্নমেন্ট তখন অল্প উপায় না দেখিয়া দেশে সূর্যাস্তের আইন ( Sun Set Law ) প্রচলন করেন এবং রাজস্ব অনাদায় জন্ত জমিদারী সমস্ত প্রকাশ্য নীলামে বিক্রয় করিতে আদেশ দেন।

কটক উড়িষ্যাদের সহর হইলেও এখানে ঐ সময় বাঙ্গালী ভাবেরই প্রাধান্য ছিল। চৈতন্যদেব ধর্ম-প্রচারার্থ যখন ১৫১০ খৃঃ অঃ উড়িষ্যায় আসিয়াছিলেন, তখন এখানে বাঙ্গালীদের বসতি হয় নাই। পরে ইংরাজ-অধিকারের প্রাক্কালে এখানে বাঙ্গালীরা আগমন করেন। ইহাদের মধ্যে অনেকে চাকুরী গ্রহণ করিয়া এবং কেহ কেহ ব্যবসায় উপলক্ষে এখানে বাস করিতেছিলেন। যাহারা গবর্নমেন্ট অধীনে চাকুরী করিতেন, তাঁহাদিগকে "আমলা" বলিত। ইহাদের মধ্যে কৃষ্ণ স্ত্রী সিংহ ওরফে লালা বাবু প্রধান ছিলেন। ইনি কালেক্টর সাহেবের দেওয়ান ছিলেন; ১৮০৫ খৃঃ অঃ চাকুরী পরিত্যাগ করিয়া ইনি কটকে বাস করিতেছিলেন।

রাজস্ব অনাদায়-হেতু জমিদারী সমস্ত নীলামে বিক্রয় হইতে আরম্ভ হইলে বাঙ্গালীরা উহা খরিদ করিতে আরম্ভ

করেন। ১৮০৬-০৭ খৃঃ অঃ নীলামে ৩৫০ টা জমিদারী উড়িষ্যা জমিদারদিগের অধিকার হইতে বাঙ্গালীদের হস্তগত হয়। উহাদের রাজস্ব ৫,৭২,৩৪৪ ছিল। নীলামে উহা ৬,০৭,০৩৩ টাকায় বিক্রয় হয়। ১৮৮-১৯ খৃঃ অঃ ১১২৯ টা জমিদারী নীলাম হয়, উহার রাজস্ব ২৬৫২৮৪ ছিল। এগুলি সমস্তই বাঙ্গালীগণ এবং আমলাবর্গ খরিদ করিয়া লওয়ার উড়িষ্যা জমিদারগণ সর্বস্বাস্ত হইয়া পড়েন। এইরূপে

অল্প মূল্যে জমিদারী খরিদ করিয়া এই সমস্ত বাঙ্গালী উড়িষ্যার জমিদার বলিয়া গণ্য হইয়া উঠিলেন। (১০) ইহাদের উত্তরাধিকারীগণ নির্ঝিবাদে এই সমস্ত জমিদারী ভোগ করিতেছেন। এই হেতু উড়িষ্যার বাঙ্গালী জমিদারের সংখ্যা এত অধিক।

(১০) Toynbee's Account of Orissa.

## ভাই-ফোঁটা

(চিত্র)

শ্রীরাধারাণী দত্ত

অ মা—মাগো,—তুমি কোথায় ? ভাঁড়ার ঘরে না কি ?...

পেগ্লাম ক'রবো—পা ছুঁতে পারি ?

“.....”

নন্দ বাবু ! দিদিমাকে পেগ্লাম করো । চিন্তা, জোনাকি, দিদিমাকে পেগ্লাম কর রে !

“.....”

হাঁ মা, উপস্থিত সবাই ভালোই আছেন। তোমার জামাই বিক্রাচলে হাওয়া বদলে আসার পর থেকে ডিস্‌পেপ্‌সিষাটা একটু কমেছে।

“.....”

শান্তুড়ীর শরীর ভালো নয়, সেই জন্তেই তো আসতে পারি নে মা ! বুড়ো মানুষ, বাতে পঙ্গু হয়ে পড়েছেন, তাঁকে ফেলে কি ক'রে আসি ?

হাঁ মা, দাদা কোথায় ? নন্দ, ছুটে দেখে আয় তো—মামাবাবু বৈঠকখানায় আছেন কি না ?

“.....”

আঁ—দাদা বেরিয়ে গেছে ? আঁচ্ছা কি রকম ছেলে বাপু ? কাল আমি এত করে বলে দিলুম—“দাদা, কাল সকালে বাড়ী থেকে, কোথাও বেরিও না, আমি তোমাকে ফোঁটা দিতে যাব,” তা' দাদার বুঝি একটা দিনও একটু ত্বরু সইল না ? আঁচ্ছা আশ্চর্য আজ বাড়ী ! ‘কুঁহুণী’ নাম তো দিয়েচেই, আজকে দেখাবো মজা !

“.....”

তবুও মা, ছেলেটির তুমি বিয়ে দেবে না ! এত বয়স হ'ল, সংসারের গোছগাছের দিকে একটুও দাদার মন হ'ল না। দিন রাত্রি কাব্য কবিতা মাসিকপত্র আর সাহিত্যিক বন্ধুদল নিয়েই—ঐ যে বাবু আসছেন !...

আঁচ্ছা দাদা ! তোমার আঁক্কেল কী রকম বলো তো ? আজকের দিনেও কি তুমি একটু বাড়ী থাকতে পারলে না ?

“.....”

যঃও, আমি তোমার কথা শুনতে চাই না। একটা মাত্র ছোট বোন—তার জন্তে তুমি একটা দিনও বাড়ীতে অপেক্ষা করে থাকতে পারলে না ! বন্ধুগা তোমার এতই বেশী আপনার ! আমি তোমার কোনও কৈফিয়ৎ শুনবো না।

“.....”

“হ্যাঁ—‘রমা’ নাম না রেখে ‘রণচণ্ডী’ নাম রাখলেই ঠিক হ'ত বৈকি ! সত্যি কথা বললেই ‘রণচণ্ডী’ নাম হয়।

এখন দাঁড়াও দেখি, আজকের দিনে নমস্কার ক'রতে হয়। সতেরো মাসের বড় বয়স,—সেটা আজকে না-মেনে উপায় নেই।

“.....”

নমস্কার করলুম, ঐ আশীর্বাদ ? “অসংখ্য জোনাকীর আলোকে গৃহ আলো হোক !” নিজে বিয়ে করো নি, বেশী

মেয়ে হওয়া যে কত বড় অভিসম্পাদ তা' তুমি বুঝবে কি ক'রে ? বাঙালীর ঘরে ঠাট্টাচ্লেও ও কথা বলতে নেই।

“.....”

বুড়ো বয়স অবধি আইবুড়ো রেখে মা'ই তোমার মাথা খাচ্ছেন। মনে ভাবো এখনও মায়ের সেই কচি থোকাটিই আছে। সব ভার মায়ের উপর চাপিয়ে দিবি নিশ্চিত আছে। একটি শক্ত বোয়ের হাতে পড়তে, তা'হলে দিনরাত্রি এত কাব্য-সূক্ষ্ম মঙ্গল থাকা বেরিয়ে যেত !:

“.....—”

স্বাখো দাদা, আমাকে রাগিও না বলছি।

নাও, চের হয়েছে। ওপরে চলো দেখি। বেলা হয়ে গেছে চের। এই জোনাকি ! মামাবাবুর কাঁধ থেকে নাম। বুড়ো-ধাড়ি মেয়ে—কাঁধে চড়তে লজ্জা করে না বুঝি ? মামাবাবুকে পেগাম করেছিস—বুড়ো মেয়ে, সবই কি শিখিয়ে দিতে হবে ?

“.....”

না দাদা ! আমি আজই যাবো ভাই ! খাঁশুড়ী বুড়োমানুষ, একলা আছেন। আমি না গেলে তার কষ্ট হবে। তুমি ও-বেলায় কিন্তু আমাদের ওখানে নিশ্চয় খেতে যেও, নইলে আমার খাঁশুড়ী ভারী দুঃখ করবেন। তিনি একেই আজকাল দুঃখ করেন—“সরোজ আর মোটে আমার কাছে আসে না, আগে কত আসতো !”

“.....”

হ্যাঁ ভাই, তিনি সত্যিই তোমায় বড় ভালবাসেন। সকলের কাছেই তোমার স্মৃতি করে বলেন—“আমার বোমার ভাইটির মত সুন্দর স্বভাবের ছেলে দেখা যায় না !” তিনি কিন্তু ভাই তোমার বিয়ের জন্যে ভারী ব্যস্ত। বলেন—“আমার যদি আইবুড়ো মেয়ে থাকতো, সরোজকে জামাই করে সাধ মেটাতুম।”

“.....”

তোমার দাদা, সবতেই ঠাট্টা আর চালাকী !!

“.....”

না—দাদা, তুমি আমার ছেলে-পিলের সামনে আমাকে ‘মেনি’ বলে ডেকে না বলি। কেন ? রমা বলতে কি হয় ?

“.....”

না, দেশজ লোক সবাই ‘রমা’ বলচে, আর তুমিই শুধু পার্কে না !

“.....”

অ-মা—মা—স্বাখো না,—দাদা আমার ছেলেদের সামনে আমার নামের ছেলেবেলাকার ছড়া'টা বলছে !

“.....”

না বাবু, আমি ও'সব দেখতে পারি না। রোসো না, তোমার বিয়ে হোক, আমিও তোমার বোয়ের কাছে তোমার নামের সেই—

“হাঁছ বাবু যাছ কিন্তু হুছ খেতে কুছ”—ছড়াটা বলে দেবো অখন। ছেলেবেলায় এই ছড়াটার কেমন ক্ষেপ্তে, মনে আছে ?

“.....”

হ্যাঁ—বৌ আসবে কি না দেখে নেবো ! সবাই-ই অমন বলে গো ! শেষকালে আবার সেই বোয়েরই পাইজোরের পাকে এমন জড়িয়ে যায় যে, জোট ছাড়িয়ে খোলা শক্ত হয়ে ওঠে !

“.....”

আচ্ছা—আচ্ছা—আমার পাইজোরের পাকে কে জড়িয়েছে, তার খবরে তোমার কাজ নেই। জাগাতন কোরো না বলি দাদা !

“.....”

মুখের হ'বো না তো কি ? তুমি দিনরাত্রি আমার সঙ্গে লাগো কেন ? আমি ছেলেবেলায় কবে কি-করেচি না-করেচি—কসে রাগতুম কাঁদতুম,—সব কথা টুক টুক করে ভগ্নীপতির কাছে লাগিয়ে এসো কেন ? সেই নিয়ে আমাকে দিনরাত্রি ক্ষেপিয়ে তোলে !

এখন দাঁড়িয়ে দাঁড়িয়ে শুধু আমার সঙ্গে লাগবে, না, ভাই-ফোঁটা নেবে—বলো ? বেলা দশটা অবধি উপোস করে খালি রমা-পোড়ারমুখাকে রাগালেই পেট ভ'রবে কি ?

“.....”

স্বাখো না মা,—দাদাই তো আজকের দিনে ঝগড়া ক'রচে খালি-খালি।

মা, চিনু নষ্ট ওরা গেল কোথায় ? ওরা ছাদে উঠেছে বুঝি ? চিনু—ও চিনু, নেমে আর শীগগির। মামা বাবুর এই আসন-টাসনগুলো ওপরে নিয়ে চ'।

“.....”

না না ভাই, তোমার ক’রতে হবে না। ওরাই নিয়ে চলুক।

“.....”

না মা, ঠাই আমিই কোরবো। আজ যে আমাকেই সব ক’রতে হয়। দাদার জলখাবার আমি সব নিজের হাতে ঘরে তৈরী করে এনেছি। ও-বেলাকার রান্নাও আমি নিজে ক’রবো দাদার জন্তে।

চিন্তা, তুই মা তোর মামা বাবু আসনখানি আর গেলাস রেকাবি, বাটীগুলো ওপরে নিয়ে চল তো! আমি চন্দনের রেকাবি মশলায় খালা এই গুলো গুলিয়ে নিয়ে যাচ্ছি। দেখিস্!! সাবধানে দিড়িতে উঠিস্! শাদা পাথরের গেলাস আর আসনখানা না হয় রেখে যা। রেকাবী আর বাটীগুলো আগে নিয়ে যা, তার পরে আসন গ্যাস নিয়ে যাবি।

“.....”

এবার জয়পুর থেকে এই শাদা পাথরের বাসন-সেট দাদাকে ভাই-ফাঁটায় দেব বলে এনেছি মা! আর এই ধুতি-চাদর আমার নিজের হাতে-কাটা সূতোয় তৈরী!

“.....”

ধুতিটা বড্ড মোটা হয়েছে, না দাদা? মুগা’র পাঞ্জাবীটা গায়ে দিয়ে আখো তো—ঠিক হয় কি না? আমি তোমার সেই ছেঁড়া খন্দরের পাঞ্জাবীটার মাপে এটা কেটেছি।...দেখি? ...না—ঠিকই হয়েছে। বুগুটা বোধ হয় একটু বড় হয়েছে, না? ও’ বোধ হয় ধোপ পড়লে গুটয়ে সমান হয়ে যাবে!

“.....”

না দাদা! ও’ আসন কেনা নয়। ও’ তোমার চিন্তুর বোনা। মাঝখানে ‘বন্দেমাতরম্’টা আমি লিখে দিয়েছি। চারপাশের ফুল লতা চিন্তাই করেছে। ছেলেমানুষ, এই প্রথম বুনেছে কি না, তত পরিষ্কার হয় নি!

“.....”

না দাদা, ও’ মোটে বিলিতী সূতো নয়। পি, সি, রায়ের রংয়ের সূতো। খঁটা দেশী। আমি কি জানি না বিলিতী হলে তোমার ব্যবহারে লাগবে না!

দাদা, ওপরে চলো ভাই! চের বেলা হয়ে গেছে, তোমার ভেট্টা পেয়েছে নিশ্চয়।

“.....”

তোমার এখনও চান্ করা হয় নি? যাও যাও—নেশ্ব এসো ঈগ্গির! পুরুষ মানুষ এত বেলা অবধি জল না খেয়ে রয়েছে—কত কষ্ট হচ্ছে। তুমি চট করে এসো, আমি ওপরে চলুম।

মা—পিদিম্-পিলসুজ্ কি ভাঁড়ার ঘরে আছে?

“.....”

না—তোমায় আসতে হবে না, আমিই যাচ্ছি।

“.....”

না, এই যে আমি নেমে এসেছি! আমি পিদিম্ সাজিয়ে নিচ্ছি। একটু গাওয়া ঘি চাই যে মা, পিদিমে দেব। আর, একটু তুলা—সলতে পাকাতে হবে। এই যে—শাঁখ এইখানেই আছে—পেয়েচি।

“.....”

হ্যাঁ মা, সত্যি! দাদা ঘরখানার যা’ অবস্থা করে রেখেছে, দেখলে যেন কান্না পায়! টেবিলটা যেমনি নোংরা, বইয়ের আলমারীগুলো তেমনি ধূলা-পড়া হাঁটুকানো! জিনিষপত্র এলোমেলো ছড়ানো। ঘরখানা কী কাণ্ড করে রেখেছে তার ঠিক নেই। আমি আসতে রবিবার আসবো—এসে এই ঘর পরিষ্কার করে যাবো। আর কাপড়ের আলমারী বইয়ের আলমারীগুলো ঝেড়েঝুড়ে রোদ্দুরে দিয়ে গুলিয়ে রেখে যাবো। তোমার ছোলেটি কিন্তু বিশ্ব কুড়ে মা! তুমি ওর বিষে দিলে না, ঐর পরে তুমি অবর্তমানে ওর কী অবস্থা হবে ভাবো দেখি? নিজের জামা কাপড় পর্যন্ত আজ অবধি ও’ নিজে ঠিক করে রাখতে শিখলে না!

“.....”

হ্যাঁ—তোমার ঐ এক-কথা! “কি করবো? শোনে না!” তুমি কি চিরকালই সংসারে খাটবে না কি? বুড়ো হয়েছে—তোমার ছুটি নেবার সময় হয় নি কি? তোমারও কি একটু সেবা-যত্ন’র লোক চাই না? বুড়ো বয়সে বৌয়ের সেবা-যত্নও তো মানুষ আশা করে!

“.....”

হ্যাঁ—আমি মাকে কুপরামর্শ দিচ্ছি তো! মা কি চিরকালই এমনি তোমার সেবা করবেন না কি?

কবি মশাই! তোমার সাহিত্যিক বন্ধু-টুকুরাও তো কৈ দেখে শুনে একটা বিষে-খাওয়া দিয়ে দেয় না! কাকুর আইবুড়ো বোন টোন নেই কি?

"....."

উহুহু,—ছেড়ে দাও—ছেড়ে দাও—বড় লাগে দাদা—  
আর বলব না। বাবা গো—এমনি চুলের মুঠি ধরেছো—  
মাথাটা টন টন ক'রছে! ভালো কথা বললুম, আমি "রানুসী  
পোড়ারমুখী" বৈ কি!!

"....."

বেশ হয়েছে। মা ঐ ও'দালান থেকে বক্চেন তোমার,  
শোনো। কেমন মজা? আর আমার চুলের মুঠি ধরবে?  
হি হি হি—

"....."

না না দাদা, তোমার পারে পড়ি লক্ষ্মীটি! আর  
ক'রবো না! আমার রাম-চিমটা কেটো না। আমি তোমার  
রাম-চিমটাকে বড় ভয় করি।

আচ্ছা ছেলেরা কি ভাববে বলো দিকিন? বুড়ো মামা  
আর তাদের মায়েতেই যদি এমন খুনসুটি ঝগড়া করে,  
তা'হলে ওরাই বা লাঠ'লাঠি ক'রবো না কেন?

"....."

আচ্ছা আচ্ছা। এখন আজকে ভাইফোঁটা নিয়ে ধাবে  
ধাবে কি না বলো? এসো এদিকে।

"....."

না ওখানে নয়। এই আসনের ওপর বোসো। ও চিমু,  
দেশলাইটা নিয়ে আর তো মা, ঘিরের পিদিমটা জালিয়ে দে।  
এক ছড়া শিউলী ফুলের মালা এনেছিলুম, সেটা শুকিয়ে  
গেছে। কি আর হবে! এই শুক'না মালা ছড়াই মাথায়  
গলিয়ে নিয়ম-রকম করে নাও দাদা! কোরা ধুতি পরে  
গরম হচ্ছে বুঝি? আচ্ছা ফোঁটা নেওয়া হলে উঠে

ছেড়ে ফেলো অখন। এই চিমু, শাঁখটা বাজা এইবার—

ভায়ের কপালে দিলুম ফোঁটা

যমের ঘোরে পড়লো কাঁটা—

যমরাজ যেমন অমর—

( আমার ) ভাই তেমনি হোন্ অমর !"

রোসো রোসো—খাওয়ার জন্তে অত ব্যস্ত কেন? আরও

ছ'বার মস্তোর বলে ফোঁটা দিতে হয় যে—

"....."

আঃ হা, দাদা, তুমি ভারী পেটুক কিন্তু। আমাকে  
মস্তোরটা আর ছ'বার বলে ফোঁটা দিতে দাও!

"ভাইয়ের কপালে দিলুম ফোঁটা"—

"....."

এই হয়েছে হয়েছে! আর একটিবার আছে—লক্ষ্মীটি  
দাঁড়াও।

"ভাইয়ের কপালে দিলুম ফোঁটা"—

লক্ষ্মীটি ভাই, আর একটু ধামো—রোসো—হাত  
পাতো—এই দুধ-গণ্ডুটা নাও—

"ব্রাহ্মবানুজাতাহং ভূজ্জ্ব ভক্ৰ মিদং শুভং।

শ্রী তয়ে যমরাজশ্চ যমুনায়্য বিশেষতঃ ॥"

ওটা চুমুক দিয়ে খেয়ে নাও। হ্যাঁ হয়েছে। রোসো  
প্রণাম করি আগে।

"....."

প্রণামে কি মস্তোর বলুম বল্চো? মস্তোর কি আর  
বলবো? বলুম—জন্ম জন্মান্তবে তোমাকেই যেন দাদা পাই।  
তোমার কপালে ফোঁটা দিতে দিতে যেন মরতে পারি।—

আচ্ছা, তুমি আমার কি আশীর্বাদ ক'রলে বল' তো?

## সুর-হারা

শ্রীবীণাপাণি রায়

ধাম্‌রে বীণা—ধাম্‌রে বীণা—ওরে সকল সুর-হারা!

ভাঙা সুরে গান কেন তোর গাওয়া?

কেউ শোনে না—কেউ শোনে না—মিছেই গেয়ে হও সারা;

মিথ্যা ওরে পথপানে তোর চাওয়া!

ওই যে গাছের পাতায় পাতায় মুক্তাগুলি ঝ'ঝুচে রে

( হেমন্তের এই নিশীথ রাতের শেষে;

সুরগুলি তোর বিমান ভেদি' তার পারে কি প'ড়'চে রে

তার আঁধার ভাই শিশিরের বেশে?

নয় কভু নয়—নয় কভু নয়—মিথ্যা মরীচিকা যে;

বেদরদী—দরদ কোথায় পাবে?

এই জীবনে এমনি কোরে জলবে হোমের শিখা রে

ভাঙা সুরে গান গেয়ে দিন যাবে?

বাজিসু না রে—বাজিসু না রে,—স্বক যেন শবের প্রায়

গীত-হীনা তুই থাক' রে প'ড়ে ভুঁয়ে,

আসতে হবে—তুলতে হবে—রাখতে হবে চরণ-ছায়

তবেই আবার বাজ'বিসে কর ছুঁয়ে!



# বাকী-খাজনা

শ্রীনির্মল দেব

চন্দ্রবেড় মহলে খাজনা-পত্রর রীতিমত আদায় হইতেছে না। অকর্মণ্য নায়েবটাকে আর রাখা চলে না—এই সিদ্ধান্ত করিয়া জমীদারবাবু স্বয়ং সশরীরে আসিয়া হাজির হইয়াছেন।

জমীদারবাবু থাকেন কলিকাতার বেলেঘাটার। ধান-চালের কারবার, তেজারতি, জমী কেনা-বেচা এবং মোকদ্দমা সাজানো ইত্যাদি নানাবিধ উপায়ে বেশ ছ'পয়সা করিয়াছেন। সমস্ত তাঁহার একেবারেই নাই,—তবে কি না নিতান্ত দায়ে পড়িয়াই রেল, নোকা, পাকী চড়িয়া এত কষ্ট স্বীকার করিয়া সুন্দরবনের এই দুর্গম মহলে অসভ্য প্রজাদের মধ্যে তাঁহাকে ছুটিয়া আসিতে হইয়াছে,—এমন আলগা দিলে যে প্রজাগুলো পাইয়া বসিবে, খাজনা বাকীই পড়িতে থাকিবে—আদায় আর হইবে না! জমীদারবাবুর বিশ্বাস প্রজা এবং স্ত্রী দুইই একজাতীয় জীব,—সর্বদা রাশ টানিয়া না রাখিলে তাহাদের সাম্ভাণো যায় না।

সকাল-বেলায় কাছারী বসিয়াছে। শাদা ধবধবে ফরাসের উপর একটা মোটা তাকিয়ায় হেলান দিয়া স্থূল-দেহ জমীদারবাবু নিস্পৃহ ভাবে বসিয়া পার্শ্বের গড়গড়ার নলটা মুখে ঠেকাইয়া মধ্যে মধ্যে ধূম উদগারণ করিতেছেন। ফরাসের বাহিরে মেজের একখানা পটুপটির মাহুর পাতিয়া একটা কাঠের বাকুর উপরে খেরো বাঁধানো খাতা খুলিয়া নায়েব সিঙ্কেস্বর সিফদার গম্ভীর মুখে প্রভুর হুকুম-প্রতীক্ষায় উৎকর্ণ হইয়া বসিয়া আছে। সম্মুখে প্রাঙ্গণে পাইক, প্রজা ইত্যাদির দল ঘোড়-হস্তে কাঠের মূর্তির মত নিঃশব্দে দাঁড়াইয়া রহিয়াছে। সকলেই ত্রস্ত, শঙ্কিত—নিঃশ্বাসটুকুও জোরে ফেলিতে কাহারও সাহস হইতেছে না।

দাওয়ার এক প্রান্তে বসিয়া একটি স্ত্রীলোক একখানা ময়লা লাল-পাড় শাড়ীর অঞ্চলে গোটা কয়েক আকন্দ-ফুল লইয়া একখণ্ড শণের সূতার একটা বাবলা কাঁটা বাঁধিয়া মালা গাঁথিতেছিল। বয়স তাহার আন্দাজ করা কঠিন; কিন্তু চুলগুলি তাহার কৃষ্ণ বিপর্যাস্ত এবং শুষ্ক চক্ষের দৃষ্টি

যে তাহার কোন্‌পানে তাহা সে-ই জানে। চতুর্দিকের থম্‌থমে আতঙ্কের কোনো চিহ্ন তাহার চোখে-মুখে হাবে-ভাবে ছিল না। এই নিঃশব্দ নারী-মূর্তির পানে দৃষ্টি পড়িতেই জমীদারবাবু নায়েববাবুকে লক্ষ্য করিয়া প্রশ্ন করিলেন—“ও মাগীটা কে?”

নায়েববাবু মনে মনে প্রমাদ গণিয়া উত্তর করিলেন—“আজ্ঞা ও দুবী পাগলী, রোজ সকালে এসে ওইখানে ব'সে থাকে, কাছারী ভাঙ্গলে চলে যায়।”

জমীদারবাবু ক্র কুঞ্চিত করিয়া কহিলেন—“এখানে ওর কি দরকার?”

নায়েববাবু নম্র-কণ্ঠে কহিলেন—“হজুর, ওকে তাড়িয়ে দিতে গেলে ও ভারী অনর্থ বাধায়। তা'-না-হ'লে সারা-রুগ ওইখানেই চূপ ক'রে ব'সে থাকে, কিছুর করে না,—কাছারী ভাঙ্গলে আপনিই উঠে চ'লে যায়। তাই আমরা ওকে যাঁটাই না।”

জমীদারবাবু আর অনাবশ্যক সময় নষ্ট না করিয়া কহিলেন—“আচ্ছা, ডাকো, কোন্‌ শালারা খাজনা দিচ্ছে না!”

প্রথমেই ডাক পড়িল গোবিন্দ মাইতির। অনাহার-ক্লিষ্ট, শুষ্ক, শীর্ণ দেহ লইয়া এক শ্রোতৃ কাঁপিতে কাঁপিতে ঘোড়-করে সম্মুখে আসিয়া দাঁড়াইল। জমীদারবাবু একবার অবজ্ঞানূচক দৃষ্টিতে তাহার পানে চাহিয়া নায়েবকে জিজ্ঞাসা করিলেন—“কত বাকী?”

নায়েববাবু খাতা দেখিয়া কহিলেন—“আসল—এগারো টাকা, সাত আনা, তিন পাঠ, সুদ—ন'টাকা, পাঁচ আনা, খরচা—পাঁচ টাকা, ছ'আনা, মোট—পঁচিশ টাকা চোদ্দ আনা তিন পাই।”

জমীদারবাবু কহিলেন—“জিজ্ঞাসা করো—কবে দেবে।” গোবিন্দ কহিল—“ধর্ম্মাবতার, দেবার সামর্থ্য থাকলে আপনাকে কষ্ট ক'রে ব'লতে হ'তো না। একটা মাস্তুল মা-মরা মেয়ে আমার, চোখের সামনে তিম-দিমের অরে

ম'রে গেল,—পয়সার অভাবে এক ফোঁটা ঔষুধও তা'কে দিতে পারলুম না !”

জমীদারবাবু ধমক দিয়া কহিলেন—“ওসব বাজে কথা শুন্তে চাই না ! টাকা কবে দিবি বল !”

গোবিন্দ নীরবে দাঁড়াইয়া রহিল ।

জমীদারবাবু কহিলেন—“ধান সব কি ক'রেছিস্ ?”

আকাশের দিকে চাহিয়া গোবিন্দ কহিল—“হুজুর, ধম্ম সাক্ষী—আট বিঘে ভূঁই চ'ষে মোটে সাড়ে তিন মণ ধান পেয়েছিলুম, ফুলাবার মুখে মাজ্বা লেগে সব ধান নষ্ট ক'রে দিয়েছে !”

জমীদারবাবু কহিলেন—“সে ধান কি হ'লো ?”

গোবিন্দ কহিল—“হুজুর, হু'মণ কাছারীতে জমা দিয়েছি দেড় মণ আজ এই চার মাসে খেয়েছি !”

জমীদারবাবু কর্কশ-কণ্ঠে কহিলেন—“কেন খেলি ?”

গোবিন্দ কাতর-স্বরে কহিল—“দেবতা, দেড়মণ ধান থেকে এক মণ চাল হ'য়েছিল, সেই চাল চার-মাসে এক-বেলা ক'রে খেয়েছি । না খেলে প্রাণে বাঁচ'বা কি ক'রে হুজুর !”

“শালা তোমায় প্রাণে বাঁচাচ্ছি !” এই বলিয়া পাশ হইতে সোণা-বাঁধানো শঙ্কর-মাছের চাবুকটা লইয়া পাইকের দিকে ছুঁড়িয়া দিয়া জমীদারবাবু কহিলেন—“দে শালার পিঠে ঘা-কতক ! টাকা দেয় কি না দেখি !”

পাইক বড়লোক নয়, গরীব,—গোবিন্দের হাঁড়ির খবর সে জানে । তাই চাবুকটা সসন্ত্রমে উঠাইয়া লইয়া ইতস্ততঃ করিতে লাগিল ।

জমীদারবাবু হুকুম ছাড়িলেন—“শৃয়ার, হুকুম কাণে পৌছয় নি ?”

পাইক চমকিয়া উঠিয়া সপাৎ-সপাৎ করিয়া চাবুকটা

গোবিন্দের শীর্ণ দেহের উপর বসাইতে লাগিল, আর গোবিন্দ দাঁতে দাঁত চাপিয়া, চোখ-ছইটা বুজিয়া শক্ত কাঠ হইয়া দাঁড়াইয়া রহিল ।

সহসা দাওয়ার কোণে দুখী পাগলী হা হা কবিয়া উচ্চ কণ্ঠে হাসিয়া উঠিল । অকস্মাৎ তাহার এই হাস্তে চুপে সকলে শঙ্কিত হইয়া উঠিল । নায়েববাবু ধমক দিয়া উঠিলেন—“চুপ কর, হেসে ম'রছিস কেন !”

নায়েবের ধমকে দুখী পাগলী কিছুমাত্র বিচলিত হইল না । তেমনি হাসিয়া লুটাপুটি খাইতে খাইতে জমীদারবাবুর দিকে অঙ্গুলি দেখাইয়া বলিল—“নায়েববাবু, ও লোকটা পাগল !”

কাছারীশুদ্ধ লোকের দেহে কাঁটা দিয়া উঠিল—জমীদারবাবুর মুখের উপরে তাঁহাকে পাগল বলে !! আজ কাহার মাথা যে কোথায় থাকিবে, তাহা কেহই ঠিক করিতে পারিল না । নায়েব লাফাইয়া উঠিয়া চোখ রাঙাইয়া কহিলেন—“বেরো পাজী এখান থেকে ! দূর হ'য়ে য' !—এই, দে মাগীকে লাঠি নেরে বার ক'রে !” পাইক, প্রাণী, আমলা,—যে যেখানে ছিল সেই সেই করিয়া পাগলীর দিকে ছুটিল—সারা কাছারীময় একটা কুরুক্ষেত্র-কাণ্ড বাধিয়া গেল !

সহসা জমীদারবাবু দাঁড়াইয়া উঠিয়া হাত বাড়াইয়া সকলকে নিরস্ত করিয়া পাগলীর সম্মুখে আসিয়া দাঁড়াইয়া মোলায়েম-কণ্ঠে কহিলেন—“হ্যাঁবে, আমায় পাগল ব'লছিস কেন রে ?”

জমীদারবাবুর মুখের দিকে চাহিয়া, তেমনি হাসিতে-হাসিতে পাগলী কহিল—“তুমি তো পাগলই গো ! তোমার এত টাকা, তবু টাকা টাকা ক'রছো,—এত টাকা নিয়ে ক'রবে কি !”

## শোক-সংবাদ

### ৮ আদীশ্বর ঘটক

১২৭১ সনে কলিকাতার দক্ষিণে চেংলা নামক স্থানে ইনি জন্মগ্রহণ করেন। ইনি যশোহর জেলার ঝাঁপা মখিমনগর গ্রামে ৮ শিবচন্দ্র ঠাকুরের পৌত্র এবং ২৪ পরগণার খ্যাতনামা উকিল ৮ কাশীশ্বর ঘটক মহাশয়ের মধ্যম পুত্র।



### ৮ আদীশ্বর ঘটক

শৈশব কাল হইতেই ইনি অত্যন্ত বুদ্ধিমান এবং অসাধারণ দীক্ষিত-সম্পন্ন ছিলেন। চাকুরী অথবা দাসত্ব-বৃত্তি অবলম্বন না করিয়া যাহাতে স্বাধীন ভাবে জীবিকা নির্বাহ করিতে পারেন

ইহাই তাঁহার একান্ত ইচ্ছা ছিল। বাল্যকাল হইতে সঙ্গীত এবং চিত্রবিদ্যা তাঁহার প্রগাঢ় অনুরাগ ছিল। বড় বড় ওস্তাদের নিকট হইতে সঙ্গীত, এবং পাথোয়ারী, তানপুরা, হারমনিয়ম, বংশী প্রভৃতি বাণ্যন্ত্র শিক্ষা করেন এবং চিরকাল

অবসর সময়ে ধর্মবিষয়ক সঙ্গীতের চর্চায় নিজের এবং শ্রোতাদের মন আমোদিত করিতেন।

এনট্রান্স পরীক্ষায় উত্তীর্ণ হইয়া যখন কলেজে পড়িতেছেন, তখন সাংসারিক কারণে তাঁহাকে কলেজের পড়া ছাড়িয়া অর্গোপার্জনের চেষ্টা করিতে হয়। তিনি ইংরাজী ভাষায় হোমিওপ্যাথিক চিকিৎসার সমস্ত শাস্ত্র রীতিমত নিজের চেষ্টায় অধ্যয়ন করেন এবং সাত বৎসর চেংলা, বেহালা, কালাঘাট ও ভবানীপুর অঞ্চলে সুখ্যাতির সহিত হোমিওপ্যাথিক চিকিৎসা ব্যবসা করেন। সপ্তবিংশতি বৎসর বয়ঃক্রমকালে হোমিওপ্যাথিক চিকিৎসা ত্যাগ করিয়া তিনি চিত্রকার্যে মনোনিবেশ করেন। বাল্যকাল হইতে নিজের চেষ্টায়—বিনা গুরুর সাহায্যে এই বিদ্যা শিক্ষা করেন। ব্যবসা আরম্ভ করিয়া অল্পকালের মধ্যে তিনি সুযোগ্য চিত্রকর বলিয়া সর্বত্র সুখ্যাতি লাভ করেন। কলিকাতার অনেক বড় বড় লোকের তিনি প্রতিমূর্তি অঙ্কিত করিয়াছেন।

তিনি বাঙ্গালা ভাষায় 'চিত্রবিদ্যা' নামক একখানি পুস্তকও প্রণয়ন করেন। ফটোগ্রাফীও তিনি রীতিমত শিক্ষা করেন। বাঙ্গালা ভাষায় তাঁহার প্রণীত 'ফটোগ্রাফী-শিক্ষা' পাঠ

করিয়া অনেকেই ব্যবসা করিয়া জীবিকা নির্বাহ করিতেছেন। পাশ্চাত্য মেঘ-বিজ্ঞা ( Meteorology ) শিক্ষায় তিনি অনেক সময় অতিবাহিত করেন। ভারতীয় ও পাশ্চাত্য এই উভয় জ্যোতিষ শাস্ত্রের তিনি চর্চা করিতেন। মেঘবিজ্ঞা, জ্যোতিষ এবং রসায়ন সম্বন্ধে তাঁহার অনেক প্রবন্ধ 'ভারতবর্ষে' প্রকাশিত হইয়াছে। ধর্ম্মে তাঁহার প্রগাঢ় অমুরাগ ছিল। তন্ত্রশাস্ত্রোক্ত অনেক সাধনায় তিনি সফলকাম হইয়াছিলেন। শেষ বয়সে তিনি কেবল ধর্ম্মকর্ম্মের আলোচনার ব্যস্ত থাকিতেন। তিনি যোগাদি সাধনায় নিজের স্বাস্থ্য অতি উত্তম রাখিয়াছিলেন। মাসাবধি তিনি যক্ষ্মের ব্যাধিতে কষ্ট পাইতেছিলেন। তৎপরে তিনি চার পুত্র, তিন কন্যা এবং পৌত্র দ্বৌহিতাদি রাখিয়া ৬২ বৎসর বয়সে সকলকে চঃখের সাগরে ভাসাইয়া স্বর্গে গমন করিয়াছেন। তাঁহার জ্যেষ্ঠ পুত্র শ্রীমান রঘুপতি ঘটক এম-এ এক্ষণে ত্রিপুরা জেলার ইনকমট্যাক্স অফিসার। দ্বিতীয় ও তৃতীয় পুত্র ইউনিভার্সিটি কলেজের এবং কনিষ্ঠ স্কুলের ছাত্র। ইহার জ্যেষ্ঠ ভ্রাতা ৬জগদীশ্বর ঘটক একমাত্র নিজের চেষ্টায়—বাকালীর মধ্যে প্রথম ধানভানা কল, জলের উপর দ্বিচ্ছ্রেগাড়া প্রভৃতি আবিষ্কার করিয়া সকল একজিভিশনে সুখ্যাতি লাভ করেন। তাঁহার পুত্রগণ এক্ষণে বেহালার ঘটক কোম্পানি নামক কারখানায় ধানের কল, দেয়াশালাইয়ের কল প্রভৃতি প্রস্তুত করিয়া সুখ্যাতি লাভ করিতেছেন।

### পরলোকগত স্বামী বেদানন্দ

শ্রী শ্রীরামকৃষ্ণ মিশনের স্থাপিত বৃন্দাবন সেবাশ্রমের পরিচালক স্বামী বেদানন্দ আর ইহজগতে নাই; বিগত ২৭শে অক্টোবর তারিখে তিনি সাধনোচিত ধামে প্রস্থান করিয়াছেন। রামকৃষ্ণ মিশনের ত্যাগী কর্ম্মী ও বেদান্তে

পণ্ডিত বলিয়াই যে স্বামী বেদানন্দের সহিত আমাদের পরিচয় ছিল, তাহা নহে; তিনি বাকালাদেশের খ্যাতনামা ঔপনিষদিক শ্রীমান শরৎচন্দ্র চট্টোপাধ্যায় মহাশয়ের কনিষ্ঠ ভ্রাতা ছিলেন। তাঁহাকে আমরা কনিষ্ঠ ভ্রাতার মত মেহ করিতাম, তাঁহার অতুলনীয় বিনয় ও মহত্বের জন্ত তাঁহাকে আমরা শ্রদ্ধা করিতাম, তাঁহার ভাগ, নিষ্ঠা ও ধর্ম্মপ্রাণতার জন্ত আমরা তাঁহাকে ভক্তি করিতাম। রামকৃষ্ণ মিশনে তিনি স্বামী বেদানন্দ নামে পরিচিত হইলেও আমরা তাঁহাকে আমাদের গণ্ডী হইতে কোন দিন অব্যাহতি প্রদান করি নাই;—তাই আমরা তাঁহাকে আমাদের বড় আদরের প্রভাস মহারাজ নামে অভিহিত করিতাম। সন্ন্যাস গ্রহণ করিলেও তিনি তাঁহার জ্যেষ্ঠ ভ্রাতা শরৎচন্দ্রের মেহপাশ ছিন্ন করিতে পারেন নাই; যখন তখনই বাকালাদেশে আসিলে শরৎচন্দ্রের আবাসে কিছু দিন বাস করিতেন। সেই উপলক্ষেই আমরা প্রভাস মহারাজ বা স্বামী বেদানন্দের সহিত ঘনিষ্ঠভাবে মিশিবার সুযোগ পাইয়াছিলাম। প্রভাস মহারাজ যে এতবড় পণ্ডিত ছিলেন, তাহা তিনি কখনও কাহাকেও জানিতে দেন নাই; আত্মগোপন করিয়া কার্য্য করাই তাঁহার প্রকৃত ছিল। বৃন্দাবন সেবাশ্রমের উন্নতির জন্ত তিনি প্রাণপণ করিয়াছিলেন। বৎসরাধিক কাল হইতে তিনি অরে ভুগিতেছিলেন, মধ্যে দুই একবার নিউমোনিয়াও হইয়াছিল। এই জন্ত তাঁহার শরীর অতিশয় রুগ্ন হইয়াছিল। ভ্রাতা শরৎচন্দ্রের সনির্বন্ধ অনুরোধে তিনি স্বাস্থ্যলাভের জন্ত শরৎচন্দ্রের পল্লী-নিবাসে আগমন করেন এবং সেইখানেই প্রিয়তম জ্যেষ্ঠভ্রাতার কোলে মাথা রাখিয়া এই কর্ম্মী মহাপুরুষ দেহত্যাগ করিয়াছেন। মৃত্যু সময়ে তাঁহার বয়স ৩৮ বৎসর হইয়াছিল। সোদরপ্রতিম প্রভাস মহারাজের অকাল-মৃত্যুতে আমরাই শোকাভিভূত, শ্রীমান শরৎচন্দ্রকে কি সাধনা দিব ?

## সাময়িকী

এই মাসের 'ভারতবর্ষে' ষাঁহার প্রতিকৃতি প্রকাশিত হইল, তিনি ব্রাহ্মণ-শ্রেষ্ঠ, প্রাতঃস্মরণীয় সার গুরুদাস বন্দ্যোপাধ্যায় মহাশয়। ১৮৪৪ খৃষ্টাব্দের ২৬শে জ্যৈষ্ঠমাসে ইনি জন্মগ্রহণ করেন। ইনি কলিকাতা হেয়ার স্কুলে প্রাথমিক শিক্ষা শেষ করিয়া প্রেসিডেন্সি কলেজে প্রবেশ করেন এবং সেইখান হইতে ১৮৬৪ খৃষ্টাব্দে গণিত বিজ্ঞান এম-এ পরীক্ষায় উত্তীর্ণ হইয়া স্বর্ণপদক পুরস্কার প্রাপ্ত হন। পর বৎসরেই বি-এল পরীক্ষায় উত্তীর্ণ হইয়া তিনি কিছুদিনের জন্য বহরমপুর কলেজে আইনের অধ্যাপনা করেন। অতঃপর ১৮৭২ খৃষ্টাব্দে কলিকাতা হাইকোর্টে ওকালতি করিতে আরম্ভ করেন। ১৮৭৬ খৃষ্টাব্দে ইনি ডি-এল উপাধি লাভ করেন। দুই বৎসর পরে ঠাকুর-ল-লেকচারার কর্মে নিযুক্ত হইয়া ইনি "হিন্দুগণের বিবাহ ও স্ত্রীধন সম্বন্ধীয় আইন" বিষয়ে বক্তৃতা করেন। তাহার পরে ১৮৮৭ খৃষ্টাব্দে গুরুদাসবাবু বঙ্গীয় ব্যবস্থাপক সভার অন্ততম সভ্যরূপে মনোনীত হন এবং ১৮৮৮ খৃষ্টাব্দে অস্থায়ীভাবে এবং পর বৎসর স্থায়ীভাবে কলিকাতা হাইকোর্টের অন্ততম জজের পদে অধিষ্ঠিত হন এবং এই পদ হইতে ১৯০৪ খৃষ্টাব্দের জ্যৈষ্ঠমাসে অবসর গ্রহণ করেন। ঐ বৎসরেই গবর্নমেন্ট তাঁহাকে 'নাইট' উপাধি প্রদান করেন। শিক্ষা বিষয়ে সার গুরুদাসের বিশেষ অনুরাগ ছিল। ১৮৯০ খৃষ্টাব্দে ইনি কলিকাতা বিশ্ববিদ্যালয়ের ভাইস চ্যান্সেলর পদে অধিষ্ঠিত হন এবং নিয়মিত দুই বৎসর কাল কার্য্য করিয়া ১৮৯২ খৃষ্টাব্দে পুনরায় দুই বৎসরের জন্য ঐ কার্য্যে নিযুক্ত হন। ১৮৯২ খৃষ্টাব্দে সার গুরুদাস হাওড়ার ইউনিভার্সিটি কমিশনের অন্ততম সদস্য নির্বাচিত হন। ছাত্রমণ্ডলীর ইনি পরম হিতৈষী ছিলেন। বাঙ্গালা ও সংস্কৃত সাহিত্যে সার গুরুদাসের অসামান্য পাণ্ডিত্য ছিল; ঐ দেশের সমস্ত সাহিত্যিক অঙ্গুষ্ঠান প্রতিষ্ঠানের সহিত ইঁহার ঘনিষ্ঠ যোগ ছিল। আর সর্বাপেক্ষা প্রধান গুণ সার গুরুদাসের এই ছিল যে, তাঁহার জ্ঞান নির্ভাবান হিন্দু, তাঁহার জ্ঞান দশকর্ম্মাধিত ব্রাহ্মণ ইংরাজী-শিক্ষিত সমাজে বিতীর্ণ ছিল

না বলিলেই হয়। বাঙ্গালা দেশের সকল সংকার্য্যের, সদহুষ্ঠানের অগ্রণী ছিলেন ব্রাহ্মণ-কুলতিলক সার গুরুদাস বন্দ্যোপাধ্যায় মহাশয়। আজ 'ভারতবর্ষে'র প্রচ্ছদপটে এই বাঙ্গালীর শ্রেষ্ঠ মহাত্মার প্রতিকৃতি প্রকাশিত করিয়া আমরা সেই পরলোকগত মহাপুরুষের প্রতি আমাদের প্রগাঢ় শ্রদ্ধা ও ভক্তি জ্ঞাপন করিলাম।

এবারের সাময়িক প্রধান ব্যাপার হচ্ছে ভোটের খেলা, যাকে আমাদের পরম পূজনীয়, হস্তরসিক শ্রীবুদ্ধ অমৃতলাল বসু দাদামহাশয় 'স্বন্দে মাতনম্' নাম দিয়া একাধনি হস্ত-রসোৎসব গ্রহণে লিখিয়াছেন। বাস্তবিকই এমন যে মহাপূজা—হর্গোৎসব, এমন যে লক্ষ্মী পূজা, কালী পূজা, সে সব ঢাকিয়া দিয়াছে এই ভোট-মঙ্গল উৎসবে। সরকারের অপার অনুগ্রহে ঢাকের বাজনা বলিতে গেলে এক বকম বন্ধই হইয়া গিয়াছে,—এবার সেই ঢাক স্বন্ধে করিয়াছেন আমাদের দেশের শিক্ষিত ভ্রম্মহোদয়গণ এবং তাঁহাদের এ কি ছুর্ভোগ যে, যে স্থানে, পল্লীর যে প্রান্তে জন্মাবধি এতকালের মধ্যে তাঁহাদের পদধূল পড়ে নাই, সেই সকল স্থানেই এই সকল ভোট-ভিখারীর দল ঢাক স্বন্ধে লইয়া পরিভ্রমণ করিতেছেন। আরও সুন্দর দৃষ্ট এই যে, পূর্বে ষাঁহাদের গৃহঘারে দর্শনপ্রার্থী হইয়া উপস্থিত হইলে সামান্য লোকদের দ্বারবানের মধুর আপ্যায়নে পরিতৃপ্ত হইয়া প্রত্যাগমন করিতে বাধ্য হইতে হইত, এবার সেই সকল রাম শ্রামের কুটীরেও সেই মহাপুরুষগণের আবির্ভাব হইয়াছে। ভারতবর্ষের প্রত্যেক সহর গ্রাম পল্লা এই ভোট-নিম্নাদে মুখর হইয়া উঠিয়াছে। আর, এই উপলক্ষে সত্য মিথ্যা, স্বন্দ কলহের যে বান ছুটিয়াছে, তাহার কাছে দামোদরের বক্তা কোথায় লাগে! এই সব দেখিয়া সেকালের কবির দলের লড়াই, সেকালের খেউড়ের কথা মনে পড়ে। তবে তাদের সঙ্গে এই ভোট লড়াইয়ের পার্থক্য এই যে, তাঁরা একেবারে 'মোটা' ধরিতেন, আমাদের এঁরা সেটাকে সভ্য ভাবার আবরণে প্রচার করিতেছেন। কবিবর ঈশ্বর গুপ্ত সত্যই বলিয়াছেন—

“এত ভদ্র বদ্র দেশ তবু রক্ত ভরা।” প্রথম যখন রেল খোলে, তখন একজন গ্রাম্য কবি গাহিয়াছিল ‘কি কল বেনিয়েছে সাহেব কোম্পানী।’ এই ভোট-রক্ত দেখিয়া আমাদেরও বলিতে ইচ্ছা করিতেছে ‘কি কল বেনিয়েছে সাহেব কোম্পানী।’ এই ভোট-ব্যাপার এখন এমন হইয়াছে যে, লোকে আত্মীয়তা-অন্তরঙ্গতা ভুলিয়া গিয়াছে, পরস্পর পরস্পরের কুৎসা-কীর্তনে পঞ্চমুখ হইয়াছে! আর, অর্থব্যয়ের কথা যদি বলেন মহাশয়, তাহা হইলে প্রত্যেক ভোট-প্রার্থীর তহবিলের সঠিক হিসাব না দিতে পারিলেও, এ কথা জোর করিয়া বলিতে পারি যে, প্রত্যেক ভোট-ভিখারী এই উপলক্ষে যে অর্থব্যয় করিতেছেন, তাহাতে এই ম্যালেরিয়া-প্রসীড়িত অসংখ্য গ্রামে অন্ততঃ একশতটি ইনারা ধনিত হইতে পারিত। ম্যালেরিয়াগ্রস্ত নিঃস্ব দেশে এ কি প্রহসনের অভিনয় হইতেছে, তাহাই আমরা ভাবিতেছি।

এবারের এই ভোট-সংগ্রামে অতি অল্প কয়েকটি স্থানেই বিনা-যুদ্ধে প্রতিনিধি নির্বাচিত হইয়াছে; অন্যান্য স্থানে তুমুল সংগ্রাম। এই সংগ্রামের কল ছই-চারিদিন পরেই প্রকাশিত হইবে। এবার দেখিতেছি, এই ভোটের ব্যাপারে নদীয়া, মোদিনীপুর্ব, বরিশাল ও কলিকাতার অমুসলমান মহলেই বেশী যুদ্ধের আয়োজন হইয়াছে; চট্টগ্রাম, ঢাকা প্রভৃতি স্থানে এত জোরে ঢাক বাজিয়া উঠে নাই। এখন স্মৃষ্টি চারিদিকে ধ্বনি উঠিতেছে “কি হয় কি হয় রণে জয়-পরাজয়।” উত্তর কলিকাতার রাজবন্দী শ্রীমান সুলভাচন্দ্র বসু ও শ্রীযুক্ত যতীন্দ্রনাথ বসুর মধ্যে লড়াই। একজন স্মৃষ্টি ব্রহ্মদেশে অন্তরীণে আবদ্ধ, তাঁর ধইরা একদল বন্ধ-পরিষ্কর হইয়াছেন, আর এক দিকে শ্রীযুক্ত যতীন্দ্রনাথ বসু মহাশয় সশরীরে যুদ্ধক্ষেত্রে অবতীর্ণ। দুই জনই দক্ষিণ-রাষ্ট্রীয় কারসু, দুই জনই সমাজে পদসু; দুই জনের পশ্চাতেই লোকবল অর্থবল আছে। ওদিকে দক্ষিণ কলিকাতার দুই জন বড়-বড় উকীল দুই দিকে দণ্ডায়মান; কেহ কাহারও অপেক্ষা ছোট নহেন। একজন শ্রীযুক্ত বিজয়চন্দ্র বসু, আর একজন শ্রীযুক্ত চাকচন্দ্র বিশ্বাস। এ বলে আমার দেখ, ও বলে আমার দেখ। তার পর, নদীয়ার দুই বাহুস্ত্র ব্রাহ্মণের লড়াই;—এক জন শ্রীযুক্ত বসন্তকুমার লাহিড়ী মহাশয়, আর এক জন রায় বাহাদুর

শ্রীযুক্ত ইন্দুব্রজ ভাট্টা মহাশয়। বোধ হয় দুই পক্ষ সমান করিবার জন্য ভাট্টা মহাশয় এই ভোট-ব্যাপারে স্বরাজী দলে প্রবেশ পূর্বক ‘রায় বাহাদুর’র মমতা ত্যাগ করিয়াছেন। এখন যা করেন নদীর চাঁদ! মেদিনীপুরে একদিকে নাড়াজালের কুমার শ্রীযুক্ত দেবেন্দ্রলাল খাঁ, অপর দিকে শ্রীযুক্ত বীরেন্দ্রনাথ শাস্ত্রী। এখানেও তুমুল সংগ্রাম। ও-দিকে বরিশালে একপক্ষে মহাত্মা অখিনীকুমারের ভ্রাতৃপুত্র শ্রীযুক্ত সরলকুমার দত্ত, আর একদিকে কবিবর শ্রীযুক্ত দেবকুমার রায় চৌধুরী। মান সঙ্গম, বিজ্ঞা বুদ্ধি, ও অর্থবলে এই দুই জনেই সমকক্ষ; কেহই রণে ভদ্র দিবার লোক নহেন! এ ছাড়া অন্যান্য স্থানেও যুদ্ধ হইবে বটে, কিন্তু তেমন জোরের নয়। নির্বাচনে যাহা হইবার হইয়া গেলে, শেষে আছে বেঙ্গল সেক্রেটারিয়েটে আনা-গোণা, ধরণা, ভোষামোদ ইত্যাদি ইত্যাদি। সেও একটা দেখিবার মত ব্যাপার।

এই সু-সংস্কৃত মণ্টফোর্ড আইনে ভারতবর্ষে কেবল দুই জাতির অস্তিত্ব স্বীকৃত হইয়াছে—মুসলমান ও অ-মুসলমান। ‘হিন্দুস্থানে’ এখন হিন্দু নাই, আছে অ-মুসলমান। আর সেই জন্য এই ভোট ব্যাপারে মুসলমানের সহিত অ-মুসলমানের কোন সঙ্গ নাই, কোন প্রকার সংঘর্ষেরও সম্ভাবনা নাই; কারণ, মুসলমানেরা স্বজাতির ভোট-ব্যাপারে কর্তৃত্ব করিবেন, আর অ-মুসলমানেরা তাঁদের ভোটের লড়াই করিবেন। উপস্থিত ক্ষেত্রে মুসলমান ও অ-মুসলমানের মধ্যে যে প্রকার গভীর প্রীতি-সম্বন্ধ স্থাপিত হইয়াছে, তাহাতে যদি সরকার এই পার্থক্য সৃষ্টি না করিতেন, তাহা হইলে এখন যেমন মুখোমুখিতেই লড়াই শেষ হইতেছে, তাহা হইত না, হাতাহাতি লাঠালাঠি রক্ত-রাস্তা যে হইত, তাহা এখনকার অবস্থা দেখিয়া কেহই অস্বীকার করিতে পারিবেন না। এই দুই জাতিকে ভোট-উপলক্ষে পৃথক করিয়া দেওয়ার আমরা মনে করিয়াছিলাম, অন্ততঃ বাঙ্গালা দেশের মুসলমানগণ এই ভোট-ব্যাপারে একযোগে কাজ করিবেন, কারণ, তাঁহাদের মধ্যে ভ্রাতৃত্ব যথেষ্ট আছে। কিন্তু, ঐ যে ‘কি বল বেনিয়েছে সাহেব কোম্পানী’। এমন যে জোঠ-বাঁধা মুসলমান-সমাজ, তাঁহাদের মধ্যেও দলাদলি হইয়াছে, দুইটা প্রবল দল হইয়াছে।

আমরা একটিকে সার রহিমী দল, আর একটিকে স্বাধীন দল নামে অভিহিত করিব। এই দুই দলেও বেশ লড়াই আরম্ভ হইয়াছে। অনেকে বাহির হইতে মনে করিতেন যে, সার আবদর রহিম বাহাদুরই বাঙ্গালার মুসলমান দলের অবিসম্বাদিত নেতা—একমেবাব্বিতৌয়ম্। কিন্তু এই ভোট-ব্যাপারে স্পষ্ট সপ্রমাণ হইয়াছে যে, তিনি একমেবাব্বিতৌয়ম্ নহেন, তিনি চারি জনের এক জন; অর্থাৎ তাঁহার যুদ্ধক্ষেত্রে প্রতিযোগিতার আরও তিন জন মহারথী দণ্ডাধার, এবং তাঁহাদের কেহই বিনাযুদ্ধে সূচ্যগ্র ভূমিও প্রদান করিবেন না। ভোটের ব্যাপার শেষ হইলেই কিন্তু এ নাটকের যবনিকা-পতন হইবে না; তাহার পর মনোনয়ন আছে, মন্ত্রী নিয়োগ আছে, মান-অভিমান আছে, গমন ও নিষ্ক্রমণ আছে। সকলের শেষে আছে সংবাদ-পত্রের মারফত ঘরের কথা, পরের রহস্ত প্রকাশ। সেগুলি যে পরম উপভোগ্য হইবে, সে বিষয়ে সন্দেহমাত্র নাই।

আমাদের দেশের লোকের, বিশেষতঃ আমাদের দেশের ছাত্রগণের স্বাস্থ্যের কথা বাহারা ভাবেন, সে সম্বন্ধে অনুসন্ধান করেন এবং তাহার প্রতীকারের চেষ্টা করেন, আমরা তাঁহাদের নিকট কৃতজ্ঞ। বিশ্ববিদ্যালয় হইতে ছাত্রগণের স্বাস্থ্যবিষয়ে অনুসন্ধান ও প্রতীকারের ব্যবস্থার জন্ত যে প্রতিষ্ঠান গঠিত হইয়াছে, তাহা ধীরে ধীরে কার্যে অগ্রসর হইতেছে। তাঁহাদের প্রচারিত বিবরণ-পত্রে ছাত্রগণের স্বাস্থ্য সম্বন্ধে অনেক কথা জানিতে পারা যায়। রায় বাহাদুর শ্রীযুক্ত চুনীলাল বসু মহাশয় বহুদিন হইতে আমাদের দেশের লোকের স্বাস্থ্য সম্বন্ধে আলোচনা করিতেছেন; তাঁহার লিখিত পুস্তকাদি এ বিষয়ে যথেষ্ট সাহায্য করিতেছে। সম্প্রতি আমাদের শ্রদ্ধয় বন্ধু, কলিকাতা প্রেসিডেন্সি কলেজের অধ্যাপক শ্রীযুক্ত চারুচন্দ্র ভট্টাচার্য্য মহাশয় 'বাঙ্গালীর খাদ্য' নামক একখানি অতি সুন্দর পুস্তিকা প্রকাশিত করিয়াছেন। এই পুস্তকে তিনি বাঙ্গালীর খাদ্য, বিশেষতঃ ছাত্রগণের খাদ্য সম্বন্ধে অতি বিশদভাবে আলোচনা করিয়াছেন। বৈজ্ঞানিক হিসাবে যে যে কথা বলা দরকার, বিশেষতঃ 'ভাইটামিন' তত্ত্ব সম্বন্ধে বাহা এতদিনের বৈজ্ঞানিক পরীক্ষার নির্ণীত

হইয়াছে, এই সুন্দর পুস্তিকার তাহার বিশদ আলোচনা করা হইয়াছে। বাহারা এই পুস্তকখানি পড়িবেন, তাঁহারা এই উল্লিখিত বৈজ্ঞানিক আলোচনার সারবত্তা উপলব্ধি করিতে পারিবেন। আমরা নিজে এই সুন্দর পুস্তিকা হইতে কয়েকটা স্থান উদ্ধৃত করিয়া দেখাইতেছি যে, অধ্যাপক চারুচন্দ্র খাদ্য সম্বন্ধে একটা লম্বা কর্দ দাখিল করেন নাই। তিনি বাহা বলিয়াছেন তাহা ব্যঙ্গ-সাপেক্ষ নহে, শুধু একটু চেষ্টা ও অনুধাবন-সাপেক্ষ।

পুস্তিকার শেষ ভাগে, অনেক বৈজ্ঞানিক গবেষণার পর চারু বাবু বলিতেছেন—

"শেষ অবধি ব্যবস্থাটা মল দাঁড়াইল না। ভাত কমাইয়া রুটির বন্দোবস্ত কর। মাহ, মাংস, ডিম, ডাল, দুধ এদের পরিমাণ যথেষ্ট বাড়াইয়া দাও,—সর খাও, মাখন খাও, টাটকা কল খাও, রকমারি তরকারি খাও, জলখাবার খাও, সন্দেশ রসপোয়া। এক পর্ণকুটীরবাসী খালা ঘটা বিক্রয় করিয়া রোগীর জন্ত ডাক্তার আনিয়াছিল; ডাক্তার ব্যবস্থা করিলেন আলমোড়ার চেঞ্জ এবং প্রেসক্রিপশন্ করিলেন ২৭ টাকার দামের শিশির ট্যাবলেট। স্বাস্থ্যবিজ্ঞানের ব্যবস্থাটা যে অনেকটা সেইরূপ দাঁড়াইল। যে দেশের সমস্ত লোক দুই বেলা দু' মুঠা ভাত পায় না, সে দেশের লোকের জন্ত মাথা বামাইয়া এ সব ব্যবস্থা পত্র গ্রাহ্য করিয়া লাভ কি? আগে দেশের দারিদ্র্য ঘুচুক, আগে আটা চাল কিনিবার পরমা জুটুক তাহার পর শুনা বাইবে রুটি খাইব কি ভাত খাইব। কথাটা একেবারে উড়াইয়া দিবার মত নয়। কিন্তু অনেক সময় কেবল মাত্র আর্থিক অভাবে যে উপযুক্ত খাদ্যের অভাব ঘটে তাহা নয়। লাল চাল, বাঁতাভাজা আটা নিশ্চয়ই মাজা চাল এবং সাদা ময়দার অপেক্ষা সস্তা এবং সকাল বেলা টিনের দুধ ও চিনি দিয়া চা খাওয়া অপেক্ষা চারিটি ভিজা ছোলা ও একটু শুড় এবং একটু টাটকা দুধে নিশ্চয়ই বেশী খরচ পড়ে না। আগেকার সে দিন চলিয়া বাইলেও আজও পল্লীগামে শাকসবজীর দাম কম। অবশ্য দুধ, দই, মাখন, আজকাল অনেকটা দুর্লভ, তবে ঘরে গরু পূর্ববার সুবিধা থাকিলে দামটা অপেক্ষাকৃত কম হয়; বৈকালের জলখাবারে 'মিশ্রিত' দুধে প্রস্তুত করুরী গজার অপেক্ষা মুড়ি শুড় কড়াইভাজা নাড়িকলে খরচাও কম বুকখালাও কম, এবং সময়ের দু' একটা কল—কলা, লশা, পোরো, আঁর, জাম, জামরুল, পেঁপে, আনারস খুব বেশী দামী হয় না। মাহ, মাংসের পরিমাণ বাড়াইতে না পারিলেও ডাল দুধের মাজা বাড়াইয়া দিলে কাজ চলিয়া যায় এবং তজ্জন্ত খরচ একটু বাড়ে বটে! স্নাত্তে ভাতের বদলে বাঁতাভাজা আটার রুটির চলন করিলে খরচের বৃদ্ধি খুব বেশী হয় না।"

ছাত্রদিগের খাদ্য সম্বন্ধে চারু বাবু প্রত্যেক ছাত্র-নিবাসে একটা সমিতি গঠিত করিবার পরামর্শ দিয়াছেন

এবং ছাত্রদিগের খাত্ত-তালিকা দিয়াছেন। তিনি বলিয়াছেন—

“প্রথমতঃ প্রাতে প্রত্যেক ছাত্রকে একটু করিয়া ছুখ দিতে হইবে। এই কলিকাতা সহরে ছুখ সমবার সমিতি আছে; তাহাদের সহিত একটা বন্দোবস্ত করা যাইতে পারে। তাহাদের লোক ভোরে এই খাত্ত-সমিতির আপিস-গৃহে নির্দিষ্ট পরিমাণ ছুখ দিয়া গেল। আপিস-গৃহ মানে অক্ষয় ৩০।৭০ টাকার ভাড়া করা ইলেক্ট্রিক ক্যান লাম্প নং টেবিল চেরাব মণ্ডিত ঘর নয়। কোন একটা ছাত্রবাসের একটা নির্দিষ্ট ঘরে বা এ বিষয়ে উৎসাহী স্থানীয় কোন উন্নয়নকারকের বাড়িতে এই ভাণ্ডার খোলা যাইতে পারে। যদ্বারা ইহার জন্ত কোন কতক ব্যয় না হয়। এখন সমবার সমিতির নিকট হইতে ছুখ লইলে টাকার ৩ সের তো বটেই, চাই কি আরো একটু বেশী পরিমাণে ছুখ পাওয়া যাইতে পারে। এ ছুখ অবশ্য খাঁটি ছুখ—বাজারে যাচা টাকার ২৪০ সেরের বেশী সচরাচর পাওয়া যায় না। এই ছুখ একেবারে না ফুটাইয়া ৭০ ডিগ্রি অবধি উত্তপ্ত করার কোন ছুট জীবাণু ইহাতে থাকে না, পক্ষান্তরে খুব বেশী উত্তপ্ত না হওয়ার তাইটামিনগুলি পুরা মাত্রায় বজায় থাকে। এই ছুখ এবং আগের দিনের ভিজান ছোলা বা অল্প কড়াই চারটা, ছু একখানা আনার কুড়ি, একটু লবণ, কয়েকখানা করিয়া বাতাস যদি প্রতি ছাত্রকে দেওয়া যায় তো খরচ মোটেই বেশী পড়ে না তাহারা সাধারণত এখন বাতাস পাশ তাহার খরচের অপেক্ষায়। তাহার পর ২৪।১০ টার সময়কার ভাত। আজকাল প্রায় প্রতি ছাত্রবাসে একটা করিয়া মেন-কমিটি আছে। এই মেন-কমিটি সমবার সমিতির সহিত একযোগে কাজ করিবে। প্রতি ছাত্রবাসের মেন কমিটি তাহাদের মধ্যে একজন বা দুইজনকে পালা করিয়া বাজারে পাঠাইবে; তাহারা তরকারি কিনিবার সময় এটা লক্ষ্য রাখিবে যে দিনের পর দিন, সপ্তাহের পর সপ্তাহ একেবারে একরকম তরকারি না হয়। তরকারির এই বৈচিত্র্যের মধ্যে আমরা উপযুক্ত পরিমাণ লবণ জাতীয় পদার্থ এবং কতকটা তাইটামিন পাইব। আসল কথাটা এই কোন তরকারিতে কি তাইটামিন কতটা

পরিমাণে আছে আবারের ঠিক জানা যায় নাই। সুতরাং সেই যে একজন লোক বলিয়াছিল সব দেবতাকে একটা করিয়া এখন ঠিকিয়া রাখিরাহি কি জানি পরকালে কোন দেবতা কাজে আসেন; হরেক রকম খাইয়া যাও বেটা যে ভাবে কাজে আসিয়া যায়। মেন-কমিটি দেখিবেন যে শুকানি, শাকের ঘট, মোচার ঘট, লাউয়ের ঘট, এঁচড়ের ডালনা, চড়চড়ি প্রভৃতি ছু একটা করিয়া রকমারি তরকারি রোজই হয়। তাহার পর শ্রেণিদের মাত্রাটা যথেষ্ট বাড়াইতে হইবে। ডালটা নাক্স রকমে খুব বেশী পরিমাণে চালান চাই। ছু বেলা ডাল তো চাই—বেশ একটু ঘন ডাল, তাহা ছাড়া বড়ি বড়া, খোকা, পাপর ভাজা, ব্যাসম প্রভৃতির চলক বেশী পরিমাণে করিতে হইবে এবং মাঝে মাঝে খিচুড়ির আয়োজন করিতে হইবে। কলিকাতার লাল কুড়া মাথানো চাউল একরকম হস্তাণ্য; সুতরাং বাহির হইতে এই লাল চাউল আমদানি করিতে হইবে। আটা ভাঙ্গাইয়া আনিয়া এক বেলা ভাতের বদলে এই লাল আটার রুটি চালাইতে হইবে। এ কথাটা একেবারে ঠিক যে ১৩ বৎসর ধরিয়া যে বাড়িতে ছুই বেলা ভাত খাইয়া অত্যন্ত হঠাৎ তাহার জন্ত একবেলা লাল আটার রুটি, ঘন ডাল, মধ্যে মধ্যে খিচুড়ির ব্যবস্থা করিলে তাহার উদরাময় দেখা দিবে। খাত্ত তালিকার পরিবর্তন আনিতে হইবে কিন্তু খুব ধীরে ধীরে। এক বেলা রুটি না সর আচ্ছা পুরা রুটির বদলে ভাতের সঙ্গে একখানা, দুই খানা করিয়া রুটি চালাইতে আরম্ভ করা হউক, তাহার পর দেখা যাইবে যে ‘শরীরের নাম মহাশয় বা সত্তরাবে তাই সর।’ এইবার মাহ মাংসের কথা। এখানে অবশ্য দরাজ ফরমাজ করিলে চলিবে না—কারণ ইহা অর্থ-সাপেক্ষ বিশেষ এই কলিকাতা সহরে। কিন্তু অপেক্ষাকৃত স্বল্প ব্যয়ে মাহ মাংস অপেক্ষা অধিকতর সারবান খাত্ত পাওয়া যায় যাক ডিমটা ভাল করিয়া ব্যবহার করা যায়। অবশ্য রুচি বা ধর্মের দিক দিয়া কাহারো আপত্তি থাকে সে কথা পৃথক। আর চেষ্টা করিতে হইবে ভাতের সঙ্গে বা পৃথক ভাবে একটু করিয়া মাখন দিতে। আর রোজ সম্বল না হইলেও অন্তত সপ্তাহে ছু এক দিন একটু করিয়া দুই দিতে হইবে।”

## সাহিত্য-সংবাদ

### নব প্রকাশিত পুস্তকাবলী

- রসসাগর শ্রীবৃক্ষ অমৃতলাল বসু প্রণীত ঠার থিয়েটারে অভিনীত নৃত্যম ভোটরঙ্গ দ্বন্দ্ব মাতনম—১০।
- জ্যোতিঃ বাচস্পতি প্রণীত মাস কল—১।
- রায় শ্রীবৃক্ষ চুনীলাল বসু বাহাদুর প্রণীত নীলাচল—১।
- শ্রীবৃক্ষ নলিনীকান্ত মজুমদার প্রণীত দার্জিলিংএর পার্বত্যজাতি—১।
- ব্রহ্মচারী গণেশনাথ প্রকাশিত শ্রীশ্রীমন্দের কথা—২।
- ডাঃ শ্রীবৃক্ষ জুপেন্দ্রনাথ দত্ত প্রণীত অপ্রকাশিত রাজনৈতিক ইতিহাস দ্বিতীয় ভাগ—১।
- শ্রীবৃক্ষ হুশীলকুমার শীল লিখিত যৌবনের ডাক—১।
- শ্রীবৃক্ষ মদননাথ নাগ প্রণীত কমলাকী—১।
- শ্রীবৃক্ষ কুদীরাম গঙ্গোপাধ্যায় প্রণীত, মুক্তার আলো—২।

- শ্রীমৎ বিজয়কৃষ্ণ দেবশর্মা প্রণীত ষড়ভরা বা শ্রীমৎ বিজয়কৃষ্ণের উপদেশ বাণী—২।
- শ্রীবৃক্ষ দীনেন্দ্রকুমার রায় সম্পাদিত,—সাহেব বর্গী ও রূপসীর ধাঁধা—প্রত্যেকখানি—৫।
- শ্রীবৃক্ষ হরেশচন্দ্র ঘটক প্রণীত ব্রজবিপকী—১, অতঙ্গী ১।
- রায়কাঁহার শ্রীবৃক্ষ যোগেশচন্দ্র রায় প্রণীত ক্ষুদ্র ও বৃহৎ—৫।
- শ্রীবৃক্ষ ইন্দুকৃষ্ণ বাণিক প্রণীত শ্রামসুন্দর—১।
- শ্রীমতী পূর্ণশশী দেবী প্রণীত স্নেহময়ী—১।
- শ্রীবৃক্ষ নলিনীকেশোর গুহ প্রণীত বিপ্লবের গর্ভে—১।
- শ্রীবৃক্ষ রাখালদাস ভট্টাচার্য্য সংকলিত অর্ধাঙ্গী মেরে—১।
- শ্রীবৃক্ষ যতিপ্রসাদ বন্দ্যোপাধ্যায় প্রণীত সতীলক্ষ্মী—১।

Publisher—Sudhanshusekhar Chatterjée,  
of Messers. Gurudas Chatterjée & Sons,  
201, Cornwallis Street, CALCUTTA.



Printer—Narendranath Kunar,  
The Bharatvarsha Printing Works,  
203-1-1, Cornwallis Street, CALCUTTA.











